

সচিত্র মাসিক-পত্র

তৃতীয় বর্ষ

প্রথম খণ্ড

বৈশাখ—আশ্বিন ১৩৩৭



সম্পাদক--শ্রী অমল্যচরণ বিদ্যাভূষণ

-পঞ্চপুষ্প-কার্যালয়-

২৮ বি, তেলিপাড়া লেন, কলিকাতা

বর্ণানুক্রমিক বিষয়-সূচী

বিষয়	লেখক	পৃষ্ঠা
অ		
অমলা (উপন্যাস)	অধ্যাপক শ্রীমুকুন্দরঞ্জন দাস এম-এ	৫১, ১২১, ৩৭৮
অশনিপাত (গল্প)	শ্রীকণীন্দ্রনাথ পাল বি-এ	২৬
অমৃতবাজার ভ্রাতৃসমাজ	অধ্যাপক শ্রীনারায়ণচন্দ্র মজুমদার	১২৬
আনন্দ-বাজার পত্রিকার জন্মকথা—	শ্রীমৃগাকান্তি ঘোষ	৮৫৫
অন্ধরূপে আলো	অধ্যাপক শ্রীঅক্ষয়কুমার শাহ এম-এ, টি-বি	৩৪৫
অধোহ পন্থাও	অধ্যাপক শ্রীঅশোকনাথ ভট্টাচার্য্য এম-এ	৭১৫
অষ্টাদশ শতাব্দীর কয়েকজন চিত্রশিল্পী—	শ্রীশৌরীন্দ্রকুমার ঘোষ	২৩৪
আ		
আদিপুর (প্রবন্ধ)—প্রাচ্যবিদ্যামহার্ণব	শ্রীনগেন্দ্রনাথ বসু	৮০২
আধারে আলো (গল্প)	শ্রীমতী পূর্ণশশী দেবী	৩৩
আবব সুলেমানের ভ্রমণ-কথা	শ্রীশুকুন্দাস সরকার এম-এ	৩৯
আলাপ-আলোচনা	...	২২, ৩০২, ৪৬৬, ৬৩৭, ৭২২, ৯৫০
আধুনিক বাঙ্গালা কাব্যে বসন্তনাথ	শ্রীসতীন্দ্রমোহন চট্টোপাধ্যায়	১০৫
আট ও বহুবিধচন্দ্র	অধ্যাপক শ্রীমজুমদার ভট্টাচার্য্য এম-এ	২৮১
আধুনিক সাহিত্য	শ্রীসুবোধচন্দ্র বন্দ্যোপাধ্যায় বি-এ	৩২২
আধুনিক ছাত্রসমাজ ও তাহার উন্নতির উপায়	শ্রীপঞ্চানন দত্ত	৩২৭
আফগানিস্থানের কাব্য	শ্রীসতীন্দ্রমোহন চট্টোপাধ্যায়	৫২৬
আলোচনা	.. মণীন্দ্রমোহন বসু এম-এ	৩২৪, ২৪৭
ই		
ইসলামে নারীজাতি	ডাঃ মোহাম্মদ আবুল কাশেম	৬২৩
ইংরেজ আমলের ইতিহাসের এক পৃষ্ঠা	শ্রীনরেন্দ্রনাথ সেন	২১৬
উ		
উপনিষদে আশ্রম-চতুষ্টয়	শ্রীহরেন্দ্রনাথ দত্ত এম-এ, বি-এল, বেদান্তরত্ন	৬৪১, ৮২০
উর্ধ্বশী (কবিতা)	শ্রীকালিদাস রায় কবিশেখর বি-এ	১০৪
উইলবারফোর্সের প্রতি (কবিতা)	শ্রীকুমুদরঞ্জন মল্লিক বি-এ	৭৫২
উদ্ভিদের নিখাস-প্রখাস	.. অশেষচন্দ্র বসু	৫১৮
উদ্ভিদ-জীবনে নিহলের সাহচর্য্য প্রবন্ধ—	অশেষচন্দ্র বসু বি-এ	২০৪
এ		
“এপ্রিল ফুল” (গল্প)	রায় শ্রীমতীন্দ্রমোহন সিংহ বাহাডুর, বি-এ	৭৫৩
ক		
কবীরের গান ও স্বরলিপি	শ্রীহিমাংশুকুমার দত্ত	৭০৬
কাজী (কবিতা)	.. মন্মথনাথ ঘোষ এম-এ	৫০৪
কালোপত্রী (কবিতা)—	শ্রীপ্রবোধনারায়ণ বন্দ্যোপাধ্যায়	২৪৩
কয়েকটি হিন্দু-সংস্কারের বৈজ্ঞানিক ব্যাখ্যা	ডাঃ শ্রীললিতমোহন পাল	৫৪৫
কাব্য-রোগ (গল্প)	.. কুড়নচন্দ্র সাহা	৫১২
কৃষ্ণকান্তের উইলের প্রধান চরিত্রগুলি ব্যর্থ হইল কেন ?	শ্রীঅমরেন্দ্রনাথ বসু বি-এ	২৫
কবি প্রসঙ্গময়ী	অধ্যাপক শ্রীবোগেন্দ্রনাথ গুপ্ত	১৩১

কোজাগরী লক্ষ্মীপূজা—শ্রীহারাশ্রম ভট্টাচার্য্য	২৫৬
কোন্ পথে ? (গল্প) শ্রীমতী জ্যোৎস্না ঘোষ	১৩৬
খুড়োর দায়মুক্তি (চিত্র)--শ্রীকালাকুমার দত্ত এম.এস.সি, বি-এল	২২৫
গ			
✓গাঁধা ধবি ?—শ্রীবিনয়তোষ ভট্টাচার্য্য এম-এ, পি-এইচ-ডি	২১৩
গানের ফুল (কবিতা) শ্রীকরণাময় বসু	৭৫৭
গ্রাম্য-দেবতা অধ্যাপক ,, চিন্তাহরণ চক্রবর্তী	৪২৪, ৮৩০
"গোলোকের বেণু ভুলোকের মাঝে ভুলে উঠেছিল বেজে" (কবিতা) শ্রীরামেন্দু দত্ত	৫৩৫
গান শ্রীবিভূতিভূষণ দাস বিদ্যাবিনোদ, সাহিত্যরত্ন	৪৫১
গ্রাণ্টের রেখাচিত্রে সেকালের লোক শ্রীমন্নথনাথ ঘোষ এম-এ	৪
ঘ			
ঘরছাড়া (কবিতা) শ্রীহুমচন্দ্র বাগচী এম-এ	৬৮
চ			
চাঁদের কলঙ্ক (গল্প) শ্রীনরেন্দ্র দেব	৬৫১
চিত্ত ও চিত্ত (গল্প) ,, গোপেন্দ্র বসু	৬১২
ছ			
জানবার কথা	১৫৫, ২৩২, ৪৩৩, ৫৮১, ৭৮৩, ২৫২
✓জাগত ভারত (কবিতা) অধ্যাপক শ্রীপ্যারীমোহন সেনগুপ্ত	১৬১
ট			
টমাস মান শ্রীবিজনবিহারী দত্ত বি-এ	১৫৭
ড			
ডায়েরীর এক পাতা শ্রীতারকচন্দ্র রায় বি-এ	৬৬
ঢ			
ঢাকার কথা	৪৭৩
ত			
তৃষ্ণা (কবিতা) শ্রীকালিদাস রায় কনিশেখর বি-এ	৫৪৪
দ			
দমকা হাওয়া (উপন্যাস) শ্রীনরেন্দ্রনাথ চট্টোপাধ্যায়	৫২১, ৬৭৩, ৮৩৩
দমুজ রাজা ,, যোগেন্দ্রচন্দ্র ঘোষ	৫৫২
দুই ফোঁটা আঁধিঙল (কবিতা) ,, অখিল নিয়োগী	৫৬৩
✓দ্রৌপদীর পঞ্চদশী ও বহুপত্যাক বিবাহ শ্রীনীহারবল্লভ মিত্র বি-এ	২৩২
ধ			
ধ্বনি (গল্প) শ্রীসুধীরচন্দ্র বন্দ্যোপাধ্যায়	১১২
ন			
নবপরিচয়—শ্রীধগেন্দ্রনাথ মিত্র	২৫৩
না— অধ্যাপক শ্রীচাক্রচন্দ্র সিংহ	৫৩৭
নীড় (কবিতা) ,, পণন দাস	৬৮৮
নিদাঘ-প্রভাতে (কবিতা) ,, স্ববলচন্দ্র মুখোপাধ্যায়	৪৪০
নিশীথ-রাত্রে (গল্প) শ্রীমতী পূর্ণশশী দেবী	৩৩৪
নালন্দা শ্রীঅজিতকুমার ঘোষ	৩৮৬, ৫৭১
নৈহাটীতে নন্দকুমার ত্রুচন্দ্র শ্রীপূর্ণচন্দ্র দে উদ্ভটসাগর	৮৬২
প			
পচিশে বৈশাখ (কবিতা) শ্রীরত্ননাথ ঠাকুর	

পৃথিবীর ধর্ম্যান্দোলনের প্রগতি অধ্যাপক	রাসমোহন-চক্রবর্তী-পি-এচ-বি, পুরাণরত্ন	...	১২০
পুষ্পের বর্ণসমস্তা	অশেষচন্দ্র বসু বি-এ	...	১২৪
পরলোকে রাখালদাস বন্দ্যোপাধ্যায়	চাকচন্দ্র মিত্র এম-এ, বি-এল	...	১৮৪
পরেশনাথ (ভ্রমণ-কাহিনী)	চাকচন্দ্র মিত্র এম-এ, বি-এল	...	১৬৩
পুষ্পের গন্ধ	শ্রীঅশেষচন্দ্র বসু বি-এ	...	৩০৬
পাগল হরনাথ ঠাকুর কবিরাজ	ইন্দুভূষণ সেন আয়ুর্বেদশাস্ত্রী এল-এ-এম এস	...	৪০১
পরিহাসের পবিনাম (গল্প)	শ্রীমতী তমাললতা বসু	...	৮৫০
প্রমীলা (কবিতা)	শ্রীমতী মানকুমারী বসু	...	৮৪৮
প্রতীক—	ই. মহেন্দ্রনাথ দত্ত	...	৮২৭
প্রমাণ-পঞ্জী—			
বৈষ্ণব ধর্ম—	মাধবসম্প্রদায়	...	৪৫৬
প্রাচীন বঙ্গে দত্তবংশের প্রভাব	প্রাচ্যবিজ্ঞানমহাশয় শ্রীনগেন্দ্রনাথ বসু	...	৬৩৩
প্রাত্যহিক (গল্প)	শ্রীমুটবিহারী মুখোপাধ্যায় বি-এল	...	৭০৮
পাঁচগনির বন্দনাশ্রমে	শ্রীমতী উষা মিত্র	...	৭৩২
প্রাচীন পঞ্জী—			
আমার দুর্গোৎসব	বঙ্কিমচন্দ্র চট্টোপাধ্যায়	...	৭৬২
ওমরখাইয়মের প্রথম অনুবাদ		...	৭২
কাঙালিনী	শ্রীরবীন্দ্রনাথ ঠাকুর	...	৭৬৩
✓ দুর্গোৎসব	✓ কালীপ্রসন্ন সিংহ	...	৭৫৮
— কাটাশালার ইতিহাস	অর্কেন্দ্রশেখর মুস্তফী	...	২৬৬, ৪৫৩
নিছনি	শ্রীরবীন্দ্রনাথ ঠাকুর	...	৭০
ঐ	দীনেন্দ্রকুমার রায়	...	ঐ
"মাসিক পত্রিকা"	৫৬৪
প্রহ্লাদ (গল্প)	শ্রীপ্রকাশচন্দ্র গুপ্ত	...	২১১
প্রাচীন ভারতের বৃষ্টিমাপক যন্ত্র	শ্রীবিমলাচরণ দেব এ-ম এ, বি-এল	...	২৪৭
	ফ		
ফলিত বেদান্ত (কবিতা)	শ্রীনন্দ শর্মা	...	২০১
কিরে পাওয়া (গল্প)	শ্রীঅসিতকুমার সেন বি-এ	...	৪২৫
	ব		
বৈরাগ্য	শ্রীঅপর্ণাচরণ সোম	...	৪৩, ৩৬২
বৃক্কিমচন্দ্র ও বাঙ্গলার বঙ্গমঞ্চ	হেমেন্দ্রনাথ দাসগুপ্ত এম-এ, বি-এল	...	১৮৫
বিকুপুয়ের কথা	নিখিলনাথ রায় বি-এল	...	২২২
বাণীহারার দেশ (কবিতা)	কালিদাস রায়, কবিশেখর বি-এ	...	২৩৬
বিষ্ময়রণ (কবিতা)	বিরামকৃষ্ণ মুখোপাধ্যায়	...	২৫৬
বিশ্ব-জগৎ	অমিয়কুমার ঘোষ	...	২৫৭, ৬০৪, ৭৭০ ৪৪১, ২২২
বীথস-বাণিজ্য	শ্রীসত্যগোপাল মুখোপাধ্যায়	...	২২২
বাদল-বিবহ (কবিতা)	বন্দে আলি মিল্লা	...	৩৩২
বঙ্গমাহিত্যের স্থায়িত্ব	শ্রীকালিদাস রায় কবিশেখর বি-এ	...	৩৪১
বর্ষা এল (কবিতা)	বিরামকৃষ্ণ মুখোপাধ্যায়	...	৩৪৪
বার্হিরমু বিশ্বপথে (কবিতা)	সুগতা সেন	...	৩৭৭
বিকৃত দত্তা (গল্প)	মুটবিহারী মুখোপাধ্যায় বি-এল	...	৪১০
বিকুপুয়ের কথা	নিখিলনাথ রায় বি-এল	...	৪১০

বঙ্গমহিলা-বিরচিত প্রথম বাঙ্গলা নাটক --অধ্যাপক শ্রীযোগেন্দ্রনাথ গুপ্ত	৪৪২
বঙ্গচন্দ্র	৪৭৭, ৬১১, ৭২৬, ২৪৪
বৃন্দগান (কবিতা)	শ্রীকরণাময় বসু	...	৫৫১
বিজয়া-গীতি—শ্রী.দেবেন্দ্রনাথ বসু	৮২৬
বিবাহের স্তম্ভ (গল্প)	„ ফণীন্দ্রনাথ পাল বি-এ	...	৬৬৫
বন্ধু বিয়োগে (কবিতা)	„ যতীন্দ্রমোহন বাগচী বি-এ	...	৭৭৫
বৈশাখ (কবিতা)	„ গিরিজাকুমার বসু	...	১২৩
বিসর্জনে (কবিতা)—শ্রীযতীন্দ্রমোহন বাগচী বি-এ	৮০১
বঙ্গসাহিত্যের “নক্সা”—অধ্যাপক শ্রীযতীন্দ্রমোহন ঘোষ এম-এ	৮০৮
বন্দে মাতরম্ (গল্প)—শ্রীসুবোধচন্দ্র বন্দ্যোপাধ্যায় বি-এ	৮১১
ড			
ভক্ত (কবিতা)—শ্রীহিমাংশুভূষণ সেনগুপ্ত	৯৮
ভাতারমারীর মাঠ	রায় শ্রীজলধর সেন বাহাদুর	...	৩২৭
ভালবাসিতাম তোমা (কবিতা)	শ্রীমন্মথনাথ বে.ঘ.এম-এ	...	৪৪৭
ভারতের আমদানী ও বপ্তানী	„ নরেন্দ্রনাথ সিংহ	...	৫৪২
ভুল (গল্প)	„ মনোজ গুপ্ত	...	৫৫২
ভরত মল্লিক	মহামহোপাধ্যায় ডাঃ হরপ্রসাদ শাস্ত্রী এম-এ, সি-আই-ই	...	৬৫০
ভারতের পাঁচীনতম স্থাপত্য ও ভাস্কর্য্য নিদর্শন ডাঃ শ্রীগুরুদাস রায়	৬২১
ঘ			
মহাস্মা গঙ্গাধর কবিরাজ	কবিরাজ শ্রীইন্দুভূষণ সেন, আয়ুর্বেদ শাস্ত্রী	...	২২৬
ঘেঘদূত (কবিতা)	অধ্যাপক শ্রীপার্বীমোহন সেনগুপ্ত	...	৪৩০, ৬৩৪
মাসপঞ্জী	৭৪, ৩১৩, ৪৬২, ৬৩০, ৭৮২
মনীষী উমেশচন্দ্র বটব্যাল	শ্রীগিরিজাকুমার বসু	...	৪২৬
মধ্যযুগের ভারতীয় সাধক রামানন্দ অধ্যাপক শ্রীরামমোহন চক্রবর্তী	বি.এ.চ-এ	...	৭০২
মাতা-পুত্র	শিলাচার্য্য শ্রীঅর্কেন্দ্রকুমার গঙ্গোপাধ্যায়	...	৭৪২
মর্ম্মর-সীতা (গল্প)	„ নীলমণি চট্টোপাধ্যায়	...	৭৬৫
য			
যন্ত্রবিজ্ঞানের তৃতীয় ধারা অধ্যাপক ডাঃ শ্রীব্রজেন্দ্রনাথ চক্রবর্তী ডি-এস-সি	৪৮৫
র			
রক্তকমল (উপন্যাস)	রায়সাহেব শ্রীরাভেন্দ্রলাল আচার্য্য বি.এ	...	৪৩৭, ৪২৮, ৬২৮
রবার্ট সেড্‌রিক শেরিফ	„ বিজনবিহারী বসু বি-এ	...	৩৫২
রাখালদাস বন্দ্যোপাধ্যায় (কবিতা)	„ নরেন্দ্র দেব	...	৩২৪
ল			
লিপি (গল্প)	শ্রীমতী তমাললতা বসু	...	২৮২
লাহিতা (গল্প)	„ পূর্ণশশী দেবী	...	৭২৩
শ			
শরৎ-কমল (কবিতা)—শ্রীকালিদাস রায় বি-এ, কবিশেখর	৮৩২
শীতকালে লগুন—শ্রীকিশোরচন্দ্র চক্রবর্তী	৮৬২
শ্রীশ্রীরামকৃষ্ণ ও তাঁর কথ্যপ্রেরণা	শ্রীউমেশচন্দ্র চক্রবর্তী	...	৪৮
শতদর্শ পূর্বে কলেজীর ছাত্রের পঞ্চবচনা,, মন্মথনাথ ঘোষ এম-এ	২৬৪
শেষ বেশ (গল্প)	„ আশুতোষ ভট্টাচার্য্য কাব্যতীর্থ, বি-এ	...	২৭০
শ্রীশ্রীসুন্দরদেবরী আশ্রম	শ্রীযুক্ত চুর্গাপুরী দেবী ব্যাকরণতীর্থ বি-এ	...	৪২০

শ্রীচৈতন্যের ব্রহ্ম-নিরূপণ	শ্রীনগেন্দ্রনাথ হালদার	৫১৩
		স		
মাগরিকা (গল্প)	শ্রীপ্রফুল্ল সরকার	৮৭৩
সাহিত্যের স্বরূপ	শ্রীবিষ্ণুপতিচৌধুরী এম-এ	২০২
সোনাপাতিলায় বিল	বন্দে আলি মিজা	৪১
সমালোচনা	৪৭১, ২১, ৩০৬
সঙ্কলন	শ্রীঅমিয়কুমার ঘোষ	১৫৮
সাহিত্য-পঞ্জী	১৭৭, ৪৫৮, ৬২৫, ৭৮৫
সমর্পণ (কবিতা)	শ্রীনরেন্দ্র দেব	২০৩
ঐ (ঐ)	” ভবেন্দ্র দাশগুপ্ত বি-এ	৬২৬
সনাতন (গল্প)	” অমরেন্দ্রনাথ মুখোপাধ্যায় বি-এ	২০৫
সুদে আসলে (গল্প)	” হরিপদ গুহ	২২৫
স্মৃতিরেখা	স্মরণ ” দেবপ্রসাদ সর্কাধিকারী এম-এ ডি-লিট, কে-টী	২৪১, ৫০৫, ৭৪৫, ৮৮১
স্মরণ (কবিতা)	” সুকুমার সরকার	২৮০
স্নেহের ক্ষুধা (গল্প)	শ্রীনরেন্দ্রনাথ চট্টোপাধ্যায়	৩৬৬
সাধ (কবিতা)	” সুকুমার সরকার	৪০২
স্বরলিপি	” হরেন্দ্রকুমার সিংহ	৪৫১
সাক্ষী গোপাল (কবিতা)	” প্রবোধনারায়ণ বন্দ্যোপাধ্যায়	৪৮১
সাঁঝের আলো (গল্প)	কুমার শ্রীধাৰেন্দ্রনারায়ণ রায়	৬০০
সৈকালের কথা	রায় শ্রীজলধর সেন বাহাদুর	৬৬২
সাহিত্য-প্রসঙ্গ	শ্রী কালিদাস রায় বি এ, কাবশেখর	৭১২
হাফিজের গজল	শ্রীমতী পূর্ণশর্মা দেবী	৭৪৪
হেমামৃতিকা (কবিতা) —	শ্রীপ্রণবরায়	৮১২

বর্ণানুক্রমিক চিত্র-সূচী

চিত্র	পৃষ্ঠা	আচার্য্য প্রফুল্লচন্দ্র রায়	...	৬৩১
অক্সিজেন গ্যাসচালিত মোটর	২৩২	অনন্দকৃষ্ণ বসু	...	৭৮৫
অক্ষয়চন্দ্র সরকার	২৩৬	অনন্দমোহন বসু	...	৭৮৭
অভিনব গাছের ছবি	২৩০	আনসারী, ডাঃ	...	৭৯৩
অক্টোবরলোনী	২১৭	ইতালীর প্রাকৃতিক দৃশ্য	...	২৪০
অসুস্থ ছাগমস্তক	৬০৫	ঈশ্বরচন্দ্র বসুসাগর	...	৬২২
অভিনব হোটেল-গৃহ	৭৭১	উৎসবতাদায়ী বটিকার ক্ষেত্র	...	৭৭৪
অক্টোবরশেখর মুস্তফা	৭৮২	এঞ্জেল ব্যাডন	...	৮৬৭
অনিন্দাবালা নন্দী	৪৭৫	এলুমিনিয়ামের গীর্জা	...	৭৭৩
আচার্য্য কৃষ্ণমোহন বন্দ্যোপাধ্যায়	১৮০	ওয়েষ্টমিনষ্টার ব্রিজ ও পালিয়ার্মেন্ট	...	৮৬৫
আব্বাস তায়েবজী	৩১৩	কলিকাতা কর্ণওয়ালিস কোয়ার্টারে শ্রীযুক্ত সেনগুপ্ত গ্রেপ্তার	৭৬	
আবুল কালাম আজাদ	৬৩১	কাথির নেতৃত্ব	...	৭৭

কবি প্রসঙ্গময়ী	...	১৩২	হেনরি মেরেডিথ পার্কার	...	ঐ
কলিকাতা অন্ধ-বিদ্যালয়—			মেজর ডি, এল, রিচার্ডসন	...	১৪
অন্ধ-বিদ্যালয়	...	৩৪৫	হেনরি টরেন্স	...	১৫
অধ্যক্ষ অরুণকুমার শাহ	...	৩৪৬	শ্রী জন পিটার গ্রান্ট	...	১৬
জ্যামিতিক প্রতিপাত্ত-সাধনে নিযুক্ত ষাণক	...	৩৪৭	শ্রী এডওয়ার্ড রায়ান	...	১৭
কার্য্যাধ্যক্ষ রায় প্রিয়নাথ মুখোপাধ্যায় বাহাদুর	...	৩৪৭	আর্চডীকন ডিগ্যালটি	...	১৮
বিদ্যালয়-প্রতিষ্ঠাতা লাগবিহারী শাহ	...	৩৪৮	জর্জ টম্‌সন্	...	১৯
বিদ্যালয়ের ছাত্রবৃন্দ	...	৩৪৯	জেনারেল শ্রী জর্জে লরেন্স	...	২০
হাতের কাজে বালিকারা	...	৩৪৯	শ্রী চার্লস ট্রেভেলিয়ান	...	২১
সঙ্গ	..	৪৫০	চার্লস হে ক্যামেরন	..	২২
আলোকহস্তে প্রতিষ্ঠাতা	...	৩৫০	ডাক্তার জন গ্রান্ট	...	ঐ
ড্রিলরত বালকবৃন্দ	...	৩৫১	ডাক্তার জন হাচিন্স	...	২৩
খেলার মাঠে বালকেরা	..	৩৫২	ভারতীন্দ চক্রবর্তী	...	২৪
খেলা-ধুলা	...	৩৫৩	গিরিশচন্দ্র ঘোষ	...	২৩৪
ভারতবর্ষের মানচিত্র-শিক্ষা	...	৩৫৪	গড়খাইয়ের উপরে দুইটা কামান	...	৪২৩
বয়ন ও বেতের কাজ শেখা	...	৩৫৪	গিরীন্দ্রমোহিনী দাসী	...	৭৮৬
বিদ্যালয়-প্রতিষ্ঠার সময় প্রতিষ্ঠাতা			চন্দ্রে সংবাদ প্রেরণ যন্ত্র	..	২৩৩
লালবিহারী শাহ	...	৩৫৫	চন্দ্রলোকে সূর্যোদয়	...	৭৭২
লর্ড লিটন ও শ্রী লানস্লেট স্থান্ডারসনের			চুনীলাল বসু, ডা:	...	৬৩২
সহিত স্থাপত্য	...	৩৫৬	জোড় বাংলা	...	২২১
সঙ্গীতের মূর্ছনা	...	৩৫৭	জ্যোতিরিন্দ্রনাথ ঠাকুর	...	১৭২
অধ্যক্ষ অরুণকুমার শাহ	...	৩৫৮	ট্রাফেলগার স্কয়ার	...	৮৬৫
ঔতশালায় বালকেরা	...	৩৫৯	ঢাকায় ধ্বংসপ্রাপ্ত গৃহ	...	৪৭৩-৫
কে, এফ, নরীম্যান	...	৩১৫	ভারা	..	৭৪৪
কস্তুরীবাঈ গন্ধী	...	৩১৫	দেওয়ান কান্তিকেশবচন্দ্র রায়	...	২৩৬
কমলাদেবী চট্টোপাধ্যায়	...	৩১৫	দি শ্রিম্প গাল	...	২৩৯
গ্রাণ্টের রেখাচিত্র —			দেবেন্দ্রনাথ ঠাকুর	...	১৭২
কোলম্‌গ্‌রাদি গ্রান্ট	...	৪	দলমাদল কামান	...	৪২১
লর্ড মেটকাফ্	...	৫	দ্বিজেন্দ্রলাল রায়	...	৬২৫
ঐ অক্ল্যাণ্ড	...	ঐ	হুঃসাহসী লারা কিল্‌সের বাহাদুরী	...	৭৭২
বিসপ উইলসন	...	৬	নবাবিকৃত কার্পেট-পারিষ্কারক যন্ত্র	...	২৫৮
উইলিয়ম টয়েটস	...	ঐ	নব-নির্মিত বিমান-পোত	...	২৫৯
জন মার্শম্যান	...	৭	নালন্দা—		
জেম্‌স্‌ প্রিন্সেপ্	...	৮	প্রথম বিহারের প্রাচীর-দৃশ্য	...	৫৭১
জ্যোয়াকিম ষ্টকেলার	...	ঐ	" " প্রধান প্রবেশ	...	৫৭২
ডাক্তার তালেকজাওয়ার ডাফ্	...	৯	" " ভিতরের দৃশ্য	...	৫৭৩
আচার্য্য কৃষ্ণমোহন বন্দ্যোপাধ্যায়	...	ঐ	বিহারের পশ্চিমদিকের প্রধান প্রবেশ-পথ	...	৫৭৪
ডাক্তার টমাস স্মিথ	...	১০	অবলোকিতেশ্বর	...	৫৭৫
স্বর্গত বিশ্বনাথ মতিলাল	...	ঐ	বজ্রপাণি	...	৫৭৬
জেনারেল অক্টাল'নী	...	১১	বুদ্ধমূর্তি	...	৫৭৭
রবার্ট্‌ র্যাফে	...	১২	বালাদিতোর মন্দিরের দ্বারের প্রস্তরলিপি	...	ঐ
ফ্রেডরিক্‌ করবিন্	...	ঐ	স্তূপের দক্ষিণ-পূর্বকোণের দৃশ্য	...	৫৭৮
জেম্‌স্‌ সাদারল্যাণ্ড	..	১৩	স্তম্ভিগাত্রে চণ্ডের ভাস্কর্যের নিদর্শন	...	৫৭৯

সিংহাসনের ক্ষুদ্র ভগ্নাংশ ...	৫৮০	Devil's Kitchen ...	৭৪১
জপমালা ...	ঐ	প্রাচীনযুগের নৰ্ণপরিচয়ের নিদর্শন ...	৭৭১
নবনির্মিত কামান ...	৭৭২	পিস্তলের দ্বারা ছবি তোলা হইতেছে	২৩০
নূতন ফনোগ্রাফ রেকর্ড ...	২২২	পূর্ণচন্দ্র দাস ...	৩১৬
নেমীর মৃত্যু দৃশ্য ...	৮৬৭	নৈকুঠনাথ গুঁড়ি ...	২২৪
শ্রাশনাল গ্যালারী ...	৮৬৬	বিমানপোত হইতে আকাশপথে উল্লম্বন	৬০৮
পণ্ডিত মতিলাল নেহেরু ...	৪৬৪	ব্যাঙ্ক অফ ইংলেণ্ড ...	৮৬২
„ জহরলাল নেহেরু ...	৭৫	বাকিংহাম প্যালেস ...	৮৬৩
পরেশনাথ—		ব্যাঙ্কে টাকা লইবার স্থান ...	২৩৩
দূর হইতে পরেশনাথের মন্দির	১৭১	বৈজ্ঞানিক উপায়ে রক্ষিত বাগান ...	২৩১
জল-মন্দির ...	১৭২	বৃহত্তম আশ্চর্য্য দিগগ্নিনির্গম বস্ত্র ...	২৩১
জিতনাথের মন্দিরের নিকটের টোকা	১৭৩	বালগঙ্গাধর তিলক ...	৬৩১
নিম্নতম সোপান হইতে পরেশনাথের মন্দির-দৃশ্য	১৭৪	বিঠলভাই প্যাটেল ...	৩১৩
মন্দিরের অভ্যন্তরের দৃশ্য ...	১৭৫	বলভ ভাই প্যাটেল ...	৩১৩
জ্যোৎস্নালোকে পরেশনাথ মন্দির	১৭৬	ভূদেব মুখোপাধ্যায় ...	১৭২
জ্যোৎস্নালোকে মন্দিরের একাংশ	ঐ	ভূপেন্দ্রনাথ বসু ...	৭৮২
পাগল হরনাথ ঠাকুর ...	১০১	মহাশ্মা গন্ধী ...	৭৩, ১৬১
„ „ „ (কাশ্মীরে) ...	৪০২	মহাশ্মা শিশির কুমার ঘোষ ...	৮৫৭
পাগল হরনাথ ও তাঁহার সহধর্ম্মিনী	৪০৫	মনোমোহন ঘোষ ...	২৩
„ „ (বোম্বাই) ...	৪০৬	মহিষনাথানের নেত্রী শ্রীযুক্ত সতীশচন্দ্র মল্লিক	৭৭৭
„ „ (বার্ককো) ...	৫০৭	মতিলাল বিজ্ঞানের উদ্বোধন-সভা ...	১৩০
প্রাগৈতিহাসিক যুগের জন্তুর পদচিহ্ন	৬০৪	মধুবনের সাধারণ দৃশ্য ...	১৬২
প্রাচীন ব্যাবিলনের দলিল ...	৬০৭	মধুবন—চরুকি পুলিশ ফাঁড়ী ...	১৬২
প্যারাসুটের সাহায্যে অবতরণ-কালে	৬০৮	মধুবনের চিত্র—পরেশনাথ পাহাড়ের উপর হইতে	১৭০
প্যারীচরণ সরকার ...	২৩৬	মদনমোহনের মন্দির ...	২২৩
প্যারীচাঁদ মিত্র ...	৬২৬	মোটরে Speed Record স্থাপন ...	২৬১
পাঁচগাঁ'নর যক্ষ্মাশ্রমে—		মহাশ্মা গঙ্গাধর কাবরাজ ...	২২৭
পাঁচগাঁনি উপত্যকা ...	৭৩২	মদনমোহনের রাসমঞ্চ ...	৪২০
পাঠাগার ...	৭৩৩	মিঃ G. P. Keen ...	৪৪৪
বিলমোরিয়া ব্লক-অফিস ...	৭৩৪	মনীষী উমেশচন্দ্র বটব্যাল ...	৪২৬
কিমেল ওয়া'র্ড' রোগীরা ...	ঐ	মতিলাল ঘোষ ...	৭৮৭, ৮৫২
পারক, ডবাল ইত্যাদি ব্লক ...	৭৩৫	মাতা ও পুত্র ...	৭৪৫, ২৪২
অপর কয়েকটি ব্লক ...	ঐ	মহামায়া ...	৬২০
উপত্যকার হ্রদ ...	৭৩৬	মদনমোহন মালব্য ...	৩১৫
উপত্যকার হ্রদে স্নানরত নবনারী	৭৩৭	যতীন্দ্রমোহন ঠাকুর ...	১৮০
কতকগুলি ব্লক একত্রে ...	৭৩৮	যোগীন্দ্রনাথ বসু ...	৩২৬
'আল্ট্রা-ভায়লেট রে' ...	ঐ	যোগেন্দ্রচন্দ্র বসু ...	৮৫, ৭৬
মহাবালেশ্বর যাত্রী ...	৭৩৯	যতীন্দ্রমোহন সেনগুপ্ত ...	
চাইনা ব্লক ...	ঐ	রবীন্দ্রনাথ ঠাকুর ...	২
বিদায়-সংবর্ধনা ...	৭৪০	ইয়াল হর্স গার্ডস্ হোয়াইট হল ...	১৬৪
বর্ধালামা (১) ...	ঐ	রাজা রামমোহন রায় ...	২৩৫
„ (২) ...	ঐ	রজলাল বন্দোপাধ্যায় ...	১৭২
কৃষ্ণা উপত্যকা ...	ঐ	রাধালদাস ...	১৮১



তৃতীয় বর্ষ }

বৈশাখ, ১৩৩৭

{ প্রথম সংখ্যা

পাঁচশে বৈশাখ

৩

স্বাধীনতা

তোমার স্নেহ-দাবের স্রষ্টি
হাঁসিল আমার দিগ্ধ।
তোমার ভক্তি-স্রবের মন্দির
স্বপ্নে হাঁসিল বিজ।

এব শূন্যের অমল পাত্র
ভরিয়া হাঁসিলে দিবসের
উদ্যানিতদের পূর্ণদের
স্বপ্নবাসীরা বিস্তা ॥

সুভাসিনী

শ্রীমতীসুভাসিনী

পাঁচিশে বৈশাখ বাঙ্গালার তথা ভারতের এই মে মাসে অক্সফোর্ডে রবীন্দ্রনাথের স্মরণীয় দিন, বিশ্ব-বরেণ্য কবীন্দ্র রবীন্দ্রনাথের 'হিবার্ট' বক্তৃতা দিবার কথা। ইহার পূর্বে কোনও জন্ম-তারিখ। রবীন্দ্রনাথ অদ্বিতীয় কবি, তাঁহার তুলনা নাই। তিনি সাহিত্যের যে বিভাগ স্পর্শ করিয়াছেন—প্রবন্ধ, উপদেশ, ছোট গল্প, গান, কবিতা, নাট্য, উপন্যাস তাহাই অক্ষত হইয়া উঠিয়াছে। মহাশয় গান্ধী ছাড়া এত বড় ব্যক্তিত্বও ভারতে আর কাহারও নাই। শিক্ষা-দীক্ষার দিক্ দিয়া তাঁহার উপমা নাই। বাঙ্গলার কথা-সাহিত্যের ঐন্দ্র-জালিক শ্রীযুক্ত শরৎচন্দ্র



কবি 'হিবার্ট'—বক্তৃতা দিবার জন্ম আমন্ত্রিত হন নাই।

১২৬৮ সালের ২১এ বৈশাখ রবীন্দ্রনাথের জন্ম হয়। বাঙ্গলার সাহিত্যিকগণ এই উপলক্ষে কোথাও না কোথাও এই তারিখে উৎসব করেন।

আমরা শ্রীভগবানের নিকট অন্তঃরর সহিত প্রার্থনা করি, যেন আরও বহু বৎসর তিনি জীবিত থাকেন; বৈশাখের পাঁচিশ তারিখে যেন আমরা

চৌপাধ্যায় মহাশয় বলিয়াছেন—একমাত্র এমনই উৎসব করিতে পারি, বর্ষে বর্ষে যেন নূতন বেদব্যাস ছাড়া আর কাহারও সঙ্গে রবীন্দ্রনাথের করিয়া এই দিনকে স্মরণ-যোগ্য করিয়া রাখিতে তুলনা করা চলে না। এ উক্তি অত্যাক্তি পারি। কবীন্দ্রের নিজের ভাষাতেই তাঁহার উদ্দেশে বলি—

“হে নূতন,

তোমার প্রকাশ হোক কুণ্ডলিকা করি' উদঘাটন

সূর্য্যের মতন।

বসন্তের জয়ধ্বজা ধরি,'

শৃগলাগে কিশলয় মুহূর্ত্তে অরণ্য দেয় ভরি'—

সেই মতো, হে নূতন,

রিক্ততার বন্ধ ভেদি' আপনারে করো উন্মোচন।

ব্যক্ত হোক জীবনের জয়,

ব্যক্ত হোক, তোমা মাঝে অনন্তের অক্রান্ত বিস্ময়।”

আর বলি—

“উঠুক স্পন্দিত হ'য়ে শাখে শাখে পল্লবে বকলে

স্বগন্তীর তোমার বন্দনা।”

রবীন্দ্রনাথ

[অধ্যাপক শ্রীপ্যারীমোহন সেনগুপ্ত]

পূর্বগগন মগ্ন করি' জাগিল যে রবি জ্যোতির্ময়,
সাগর উতরি' প্রতীচী আকাশে স্পর্শিল যার রশ্মিচয়,
যে ভণে চণ্ডীদাসের পীরিতি, উপনিষদের মৈত্রীগান
যার সঙ্গীতে হয়েছে মূর্ত্ত, ভারত-সত্য লভেছে প্রাণ ;
যে জানাল কত নিগূঢ় ভারতা সহজ ভাষায় প্রকাশ করি',
সত্য যে খোঁজে দেশে দেশে আর কালে কালে যেথা রয়েছে পড়ি' ;
যে বলিল, প্রেম পরম কাম্য নরে নরে আর দেশে ও দেশে ;
তেয়োগিল যেই রাজার উপাধি দেশের দুঃখে দারুণ ক্লেশে ;
প্রাচীন-ভারতমূর্ত্ত যে জন আপন কাব্যে মূর্ত্ত করে ;
সাম্য মৈত্রী স্বদেশের প্রেম যার সঙ্গীতে আপনি করে ;
প্রাচীন-কাব্য-রীতি সনে যেই মিশাল সহজ কাব্য-রীতি ;
বঙ্গপ্রীতির সাথে সাথে যার আপনি আনিল বিশ্বপ্রীতি ;
দেশে যে দেখায় দেশের মূর্ত্তি, বিদেশে দেখায় বিশ্বরূপ ;
অণ্ডায়ে যেই বলে অণ্ডায়, মেনেছে কেবল বিশ্বভূপ ;
কোমল কাস্ত গীতাবলি যার চণ্ডীদাসের গীতির পারা ;
বঙ্গভূমির সূধা-নির্ঝর যার গানে পেল লক্ষ ধারা ;
শ্রাবণের ধারা-সম যার গীত বঙ্গভূমিতে প্লাবন আনে ;
শারদ জ্যোৎস্না সম যার গান তপ্ত হৃদয়ে শৈত্য দানে ;
ব্যথাতুরা নারী যার সঙ্গীতে আপনার ব্যথা মূর্ত্ত ছাখে ;
শিশুগণ যার কাব্যে আপন খেলা আর হাসি ফুটায়ে রাখে ;
বিরহ-মিলন দুঃখ-যাতনা কাব্যে বাহার পেয়েছে রূপ ;
বর্ষা-শরৎ রাত্রি-দিবা ও ফাগুনের হাসি—রসের কূপ ;
সকলে যেথায় করিয়াছে ভিড়, ভিজ্রা মাটী যেথা গন্ধ ছাড়ে ;
ঝরা ফুল আর পথহারা নদী জানায় বেদনা দুঃখভারে ;
ক্ষোভে স্নেহে প্রেম হেরি যেথা মোরা মানবের বহু লক্ষ ছবি ;
ভূগ ও আকাশ অন্ধকারের লীলা ও বেদনা বুঝে যে কবি ;
সেই মে মহান্ সেই সে বিরহি সেই প্রতিভায় নমস্কার ;
বঙ্গপ্রদীপ হইয়া হরিল জগৎজোড়া যে অন্ধকার ।
প্রণাম প্রণাম, হে রবি মহান্, পূর্ব-গগন-উজলকারী,
রশ্মি বাহার পূরব হইতে হ'ল পশ্চিম আধার হারী ।

গ্রাণ্টের রেখাচিত্রে সেকালের লোক

[শ্রীমন্নথনাথ ঘোষ, এম্-এ,এফ-এস্-এস্, এফ-আর্-ই-এস্ ।]



কোল্‌স ওয়ার্ডি গ্রাণ্ট

কলিকাতার পশু-ক্ৰেণ-নিবারণী সভার প্রতিষ্ঠাতা কোল্‌স ওয়ার্ডি গ্রাণ্টের নাম অনেকের নিকট সুপরিচিত, কিন্তু তিনি যে একজন অত্যাশ্চর্য চিত্রকর ছিলেন, এ বুগের অনেকেই তাহা অবগত নহেন। তিনি স্বকীয় চেষ্টায় চিত্রবিদ্যা অয়ত্ত করিয়াছিলেন এবং খৃষ্টীয় ঊনবিংশ শতাব্দীর দ্বিতীয় পাদে কলিকাতায় তৎকালীন ইঙ্গবঙ্গীয় সাময়িক পত্র সমূহে সমসাময়িক সুপ্রসিদ্ধ যুরোপীয় ও ভারতীয় ব্যক্তিবৃন্দের যে অসংখ্য রেখাচিত্র প্রকাশিত করিয়াছিলেন তাহা তাঁহার অসামান্য চিত্রাঙ্কনী প্রতিভার প্রকৃষ্ট পরিচয় দিয়াছিল। এই চিত্রগুলিতে দুই চারিটি রেখার টানে তিনি চিত্রের

বিষয়ীভূত মহাশয়গণের ভাব-ভঙ্গী এতাদৃশ নিপুণভাবে প্রদর্শিত করিয়াছিলেন যে কোনও তিতাশালা চিত্রকর তৈলচিত্রেও সেরূপ জীবন্ত প্রতীক্ৰম আঙ্কিত করিতে পারেনা কনা সন্দেহ। তাঁহার চিত্রগুলি আর এক হিসাবে 'তাস্ত মূল্যগান্'। সেকালে কটে গ্রাফ বা গফটোন ছাবর ছড়াছড়ি ছিল না, এবং তৎকালীন প্রসিদ্ধ ব্যক্তিবৃন্দের প্রাতকৃত দোখয়া কোতুহল পরিতাপ্তর উপায় অনেক স্থলেই নাই বলিলেও চলে। গ্রাণ্টের চিত্রগুলি সেই কোতুহল পরিতাপ্তর সহায়তা করে। আমরা 'পঞ্চপুষ্প'র পাঠকগণকে গ্রাণ্টের অঙ্কিত কতকগুলি চিত্রের প্রতিলিপি উপহার দিতেছি। নবীন পাঠকগণের জ্ঞান চিত্রাঙ্কিত ব্যক্তগণের সংক্ষিপ্ত পরিচয়ও নিয়ে প্রদত্ত হইল।

১। স্মরণ চার্লস্ গিওর্জিাস (পরে লর্ড) মেটকাফ্ (১৭৮৫-১৮৪৬)—ইনি দ্বৈষ্ট ইণ্ডিয়া কোম্পানীর অধীনে নানা দায়িত্বপূর্ণ কার্য সম্পাদন করিয়া ১৮৩৫ খৃষ্টাব্দের মার্চ মাসে অস্থায়ী

To Baboo
Rany Chand Mittera
with my kind regards
from his ever friend
James
1870.

কোল্‌স ওয়ার্ডি গ্রাণ্টের হস্তাকর

ভাবে ভারতবর্ষের গভর্ণর জেনারেল হন। ইহার সময়েই যুদ্ধায়ত্তের স্বাধীনতা প্রদান করা হয় এবং কলিকাতাবাসী ইহার স্মৃতি-চিহ্ন স্বরূপ 'মেটকাফ্ হল' নামক স্মৃতিসৌধ ও একটি প্রস্তরময়ী প্রতিমূর্তি প্রতিষ্ঠিত করিয়া তাঁহার প্রতি শ্রদ্ধা ও কৃতজ্ঞতা প্রকাশ করে।



THE HONBLE SIR CHARLES T. METCALFE BART. G.C.B.

লর্ড মেটকাফ

২। **লর্ড ইডেন, আল' অব অক্ল্যাণ্ড** (১৭৮৫-১৮৪৯)।—ইনি ১৮৩৬ হইতে ১৮৪২ খৃষ্টাব্দ পর্য্যন্ত ভারতবর্ষের গবর্নর জেনারেল ছিলেন। লর্ড বেটিক ও স্মর চার্লস মেটকাফ দেশের মঙ্গলের জন্ত যে সকল সংস্কার প্রবর্তিত করেন, লর্ড অক্ল্যাণ্ড তাহার সাফল্যের জন্ত বিশেষ চেষ্টা করেন। বেটিকের সময়ে ইংরাজী ভাষার সাহায্যে এদেশে উচ্চশিক্ষা বিস্তারের যে সংকল্প হয়, অক্ল্যাণ্ডের গুণে সে সংকল্প সিদ্ধিলাভ করে। প্রথম ইংলণ্ডে বিদ্যার্থী ডাক্তার ভোলানাথ বসু, নাট্যসাহিত্যের অন্ততম অগ্রণী হরচন্দ্রধোষ প্রভৃতি অনেক বাঙ্গালী ছাত্র অক্ল্যাণ্ডের নিকট হইতে বিদ্যাশিক্ষায় উৎসাহিত ও পুরস্কার প্রাপ্ত হইয়াছিলেন। দেশীগণকে উচ্চ রাজকন্ঠে নিয়োগ করিবার নীতি বেটিক প্রবর্তিত করিলেও অক্ল্যাণ্ডের সময়েই রসময় দত্ত সর্বপ্রথম ছোট আদালতের বিচারপতি পদে নিযুক্ত হন। কলিকাতা মিউনিসিপালিটির ভিত্তি স্থাপন অক্ল্যাণ্ডের সময়েই হইয়াছে বলিতে পারা যায়।



The Hon'ble Sir Charles T. Metcalfe Bart. G.C.B.
Metcalfe

৩। **মহাশয়নীর ডেনিয়েল উইলসন** (১৭৭১-১৮২১)।—



The Right Rev. Daniel Wilson, D.D., Lord Bishop of Calcutta

Daniel Wilson

বিশপ উইলসন

ইহারই চেষ্টায় কলিকাতার সেন্টপলের গির্জা প্রতিষ্ঠিত হয়। এই গির্জার প্রতিষ্ঠাকালে এই ধর্মপ্রাণ মহাত্মা স্বেপার্জিত দুই লক্ষ টাকা দান করেন। ১৮৫৮ খৃষ্টাব্দে জানুয়ারী মাসে ইনি কলিকাতাতেই দেহত্যাগ করেন এবং স্ব-প্রতিষ্ঠিত ধর্মসম্মিলিত ই তাঁহার দেহ সমাহিত হয়।

৪। মাননীয় উইলিয়াম ইয়েট্‌স্ (১৭২২-৪৫)।
—ইনি ১৮:৫ খৃষ্টাব্দে ধর্মপ্রচারক রূপে এদেশে আসেন এবং হিরামপুরে প্রচারকার্য আরম্ভ করেন। কিন্তু দুইবৎসর পরে কলিকাতা মিশনারী ইউনিয়নে যোগ দেন। ইনি বহুভাষাবিদ ছিলেন এবং যুরোপীয় ভাষা ব্যতীত সংস্কৃত বাঙ্গালা, হিন্দী, হিন্দুস্থানী ও আরব্য ভাষায় প্রগাঢ় ব্যুৎপত্তি লাভ করিয়াছিলেন। ইংরাজী, সংস্কৃত, আরব্য পারস্ত, হিন্দুস্থানী বা উর্দু এবং বাঙ্গালা ভাষায় ইনি ব্যাকরণ, ও সাহিত্য সম্বন্ধীয় অনেক গ্রন্থ লিখিয়া গিয়াছেন।





জন মার্শম্যান

৫। জন্ম ক্লার্ক মার্শম্যান (১৭২৪-১৮৭৭)। ইনি শ্রীরামপুরের বিখ্যাত পাদ্রী কেরী ও ওয়ার্ডের সহকর্মী রেডারেও ডাক্তার জশুয়া মার্শম্যানের পুত্র এবং পিতার ঋায় প্রাচ্যভাষায় সুপণ্ডিত ছিলেন। ইনিই এদেশে সর্বপ্রথম কাগজের কলের প্রতিষ্ঠা করেন এবং বাঙ্গালার প্রথম মাসিকপত্র 'দিগদর্শন' ইহারই দ্বারা ১৮১৮ খৃষ্টাব্দে এপ্রিল মাসে প্রবর্তিত হয়। প্রসিদ্ধ বাঙ্গালী সাপ্তাহিক 'সমাচার দর্পণ' ও ইংরাজী সাপ্তাহিক 'ফ্রেণ্ড অব ইণ্ডিয়া' ইনিই প্রতিষ্ঠিত করেন। সংবাদ প্রভাকর-সম্পাদক কবির দ্বন্দ্বরচন্দ্র গুপ্তের সঙ্গে ইহার বড় বনিবনাও ছিল না এবং 'বাবাজান বুড়াশিবের স্তোত্র' গুপ্তকবি ইহার উপর খুব একহাত লইয়াছেন। কিন্তু ভারতবর্ষের ইতিহাস বাঙ্গালার ইতিহাস, কেরী মার্শম্যান এবং ওয়ার্ডের জীবনী ও তৎ সাময়িক বৃত্তান্ত প্রভৃতি গ্রন্থ লিখিয়া, এদেশে

ইংরাজী শিক্ষা, রেলওয়ে, টেলিগ্রাফ প্রভৃতি বিস্তারে সহায়তা করিয়া এবং তাঁহার প্রসিদ্ধ সাময়িক পত্রগুলির দ্বারা দেশের নানাবিধ উপকার সাধন করিয়া তিনি আমাদের কৃতজ্ঞতাভাজন হইয়াছেন। তিনি বহুবৎসর গবর্নমেন্টের বাঙ্গালা অনুবাদকের কার্য্যও করিয়াছিলেন।

৬। জেমস প্রিন্সেপ (১৭২৯-১৮৪০)।—ইনি কলিকাতা মিটে অ্যাসে মাষ্টারের পদে বহুদিন অধিষ্ঠিত ছিলেন কিন্তু তিনি আমাদের চিরস্মরণীয় হইয়াছেন নানা শাস্ত্রে পারদর্শিতার জন্য। বিজ্ঞানে, ভাষাতত্ত্বে ও সাহিত্যে ইহার সমান অধিকার ছিল এবং অশোকের অনেক শিলালিপির পাঠ উদ্ধার করিয়া এবং ব্যাক্ট্রিয় মুদ্রা হইতে নূতন ঐতিহাসিক তথ্য সংগৃহীত করিয়া ইনি সমসাময়িক পণ্ডিতসমাজে বিশেষ প্রশংসা লাভ করিয়াছিলেন। ১৮৩২ খৃঃ হইতে ১৮৩৮ খৃঃ অবধি ইনি এশিয়াটিক সোসাইটির সম্পাদক ছিলেন এবং উহার মুখপত্রে বহু তথ্যপূর্ণ প্রবন্ধ



Brinck

জেমস ব্রিন্সেপ

প্রকাশিত করিয়াছিলেন। অত্যধিক মানসিক পরিশ্রমের
জন্য অল্প বয়সেই এই সদাশয় মহাত্মার মৃত্যু ঘটে। কলি-
কাতাবাসী ইহার স্মৃতিরক্ষার্থ ৪০০০০ টাকা সংগ্রহ
করিয়া তাঁহার নামে ভাগীরথী তীরে একটি ঘাট নির্মিত
করেন।

৭। জোয়াকিম হেওয়ার্ড টকেলার (১৮০০-৮৫)।

—ইনি একজন সুলেখক ছিলেন এবং অনেক উৎসাহী
সাময়িক পত্র সম্পাদন ও ইংরাজী গ্রন্থ প্রণয়ন করিয়া ইনি
সমসাময়িক সমাজে বশস্বী হন। এক্ষণে “ইংলিশম্যান”
নামক সুপ্রসিদ্ধ ইংরাজী সংবাদ-পত্রের প্রবর্তক ও প্রথম
সম্পাদক রূপেই তিনি অরণীয় হইয়া আছেন।

৮। রেভারেণ্ড আলেকজান্ডার ডাক (১৮০৬-৭৮)

এ দেশে শিক্ষা-বিস্তারের জন্য এই স্বটল্যাণ্ড দেশীয় ধর্ম-
প্রচারক বাহা করিয়াছেন তাহা বাঙ্গালী চিরকাল কৃত-
জ্ঞতার সহিত অরণ করিবে। ১৮৩০ খৃষ্টাব্দে ১৩ই জুলাই
ইনি কলিকাতায় এসেম্বলি ইনস্টিটিউশন নামে যে বিদ্যালয়



W. H. W. W.

জোয়াকিম টকেলার



The Rev. Alexander Duff D.D.

ডাক্তার আলেকজান্ডার ডাফ


প্রতিষ্ঠিত করেন এক্ষণে তাহাই স্কটিশচার্চেস কলেজে পরিণতি লাভ করিয়াছে। ১৮২৪ খৃষ্টাব্দে শিক্ষা বিষয়ে যে প্রসিদ্ধ ডেসপ্যাচ আসে, যাহার ফলে এ দেশে বিশ্ববিদ্যালয়গুলির জন্ম হয়—তাহার রচনায় আলেকজান্ডার ডাফের হাত ছিল।

২। আচার্য কৃষ্ণমোহন বন্দ্যোপাধ্যায় (১৮১৩-৮৫)—ইনি ডিরোজিওর অন্ততম শিষ্য এবং সহপাঠী রামগোপাল ঘোষ, প্যারীচাঁদ মিত্র, দক্ষিণারঞ্জন বন্দ্যোপাধ্যায় প্রভৃতির সহিত একালে মবা-বন্ধের অন্ততম নেতা ছিলেন। ডাক্তার ডাফের প্ররোচনায় ইনি খৃষ্টধর্ম গ্রহণ করিলেও ইহার স্বদেশপ্রেম অতি গভীর ছিল। ইনি বহু ভাষাভিৎ ছিলেন এবং যখন বাঙ্গালা ভাষায় পাঠ্য পুস্তক অধিক ছিল না, 'বিদ্যাকল্পদ্রুম' নামক গ্রন্থ প্রকাশ করিয়া সাহিত্য, ইতিহাস, দর্শন, জ্যামিতি প্রভৃতি বিবিধ শাস্ত্রের আলোচনার সুবিধা করিয়া দেন। ইহার অসাধারণ পাণ্ডিত্যের জন্য কলিকাতা বিশ্ববিদ্যালয় ইঁহাকে 'ডক্টর অব ল' উপাধি প্রদান করিয়া সম্মানিত করেন। ইণ্ডিয়ান এসোসিয়েশন নামক রাজনীতিক সভার সভাপতিরূপে ইনি দেশবাসীর জন্য রাজনীতিক অধিকার লাভার্থ বখেটে চেঁটা করিয়াছিলেন



The Rev. K. M. Banerjee

আচার্য কৃষ্ণমোহন বন্দ্যোপাধ্যায়



The Revt
W. Smith

ডাক্তার টমাস স্মিথ

এবং গবর্নমেন্ট তাঁহাকে শিক্ষিত দেশবাসীর নেতা বলিয়া
 মান্ত করিতেন। তাঁহার পাণ্ডিত্য ও দেশ-সেবার জন্য
 গবর্নমেন্ট তাঁহাকে সি-আই-ই উপাধিতে ভূষিত করিয়া-
 ছিলেন।

১০। রেভারেন্ড ডাক্তার টমাস স্মিথ (১৮১৭-১৯০৬)।

—ইনি স্বতন্ত্র্যাত্মক দেশীয় ধর্মপ্রচারক ছিলেন এবং এদেশে
 খ্রিস্টান মিশনের প্রবর্তন করেন। ইনি “কলিকাতা
 রিভিউ” নামক সুপ্রসিদ্ধ ত্রৈমাসিক কিছুকাল সম্পাদন
 করিয়াছিলেন। গণিত শাস্ত্রে ইহার বিশেষ অধিকার ছিল।

১১। বিখ্যাত মতিলাল (১৭৭২-১৮৪৪)।—রামচন্দ্রলাল
 সরকার, মতিলাল শীল, রামকমল সেন প্রভৃতির স্থায় ইনি

অধ্যবসায় ও সাধুতার গুণে সামান্ত অবস্থা হইতে অসাধারণ
 প্রতিগতিশালী হইয়া উঠিয়াছিলেন। দই ইন্ডিয়া
 কোম্পানীর লবণের গোলায় ৮ টাকা মাসিক বেতনে
 তাঁহার কর্ম-জীবন আরম্ভ হয়, কিন্তু অধ্যবসায়, বুদ্ধি
 ও প্রতিভাবলে তিনি নিমকের দেওয়ান হন এবং মৃত্যু-
 কালে কলিকাতার প্রাসাদোপম আবাসভবন এবং বহু
 লক্ষ মুদ্রার বিষয় রাখিয়া যান। বহুবার নামক
 প্রসিদ্ধ বাজারটি তাঁহারই প্রতিষ্ঠিত। বিখ্যাতের মৃত্যুর
 পর বাজারটি তাঁহার এক পুত্রবধূর কর্তৃত্বাধীনে আসে
 এবং সেই সময় হইতে বাজারটি বহুবার নামে প্রসিদ্ধি
 লাভ করে। বিখ্যাত বাঙ্গালী ব্যারিষ্টার এবং কংগ্রেসের
 প্রতিষ্ঠাতা উমেশচন্দ্র বন্দ্যোপাধ্যায় এই পরিবারেই এক
 কন্তা হেমাজিনীকে বিবাহ করেন। নদীয়া ও ভাওয়ালের
 রাজপরিবারও বিবাহ-সূত্রে এই পরিবারের সহিত
 সম্বন্ধ।



The Revt
W. Smith

মতিলাল
M. Lal



GENERAL.

জেনারেল অষ্টালনী

১২। মেজর জেনারেল স্যর ডেভিড অষ্টালনী (১৭৫৮—১৮২৫)।—ইনি এক জন বিখ্যাত সেনাপতি ছিলেন। কলিকাতাবাসী ইহারই স্মৃতিরক্ষার্থ য়দানে একটি মন্মেন্ট প্রতিষ্ঠিত করিয়াছেন।

১৩। রবার্ট হ্যালডেন ব্যাট্টে (১৭৮১—১৮৬০)। ১৮০০ খৃষ্টাব্দে ইনি দ্বৈত ইণ্ডিয়া কোম্পানীর চাকুরী লইয়া কলিকাতায় আসেন এবং নব-প্রতিষ্ঠিত কোর্ট উইলিয়ম কলেজে শিক্ষাপ্রাপ্ত করেন। কলেজের নিয়ম লঙ্ঘন করিবার জন্য তিনি এক বৎসরের জন্য কলেজ হইতে বিতাড়িত হন। পরে যথারীতি শিক্ষাপ্রাপ্ত করিয়া এবং নানা দায়িত্বপূর্ণ কার্য করিয়া তিনি সদর নিয়ামত আদালতের প্রধান বিচারপতি হন। ইনি এক জন সুকবি

ছিলেন এবং ইহার বহু জেম্ প্রিন্সিপকে উৎসৃষ্ট 'Exile, a tale of the Sea' নামক গ্রন্থে যথার্থ কবিত্ব আছে।

১৪। ফ্রেডরিক করবিন (১৭৯২—?)। ইনি দ্বৈত ইণ্ডিয়া কোম্পানীর অধীনে চিকিৎসা বিভাগে কার্য করিতেন এবং বহুকাল কোর্ট উইলিয়মের অগ্রতম প্রধান চিকিৎসক ছিলেন। সাহিত্য ও বিজ্ঞানে ইহার যথেষ্ট অধিকার ছিল এবং কয়েকখানি সাময়িক পত্র সম্পাদনে ইহার যথেষ্ট কৃতিত্বের পরিচয় পাওয়া গিয়াছিল।

১৫। জেম্ সাদল্যাণ্ড (১৭৯৪—১৮৫৭)। ইনি নৌবিভাগে কার্য করিতেন, কিন্তু সাহিত্য-সেবার জন্যই স্মরণীয়। বেঙ্গল হরকরা এবং অন্যান্য অনেক গ্রন্থ



W. H. Sturges

রবার্ট হালডেন রাফে



W. H. Sturges



*Yours very truly
J. Sutherland*

জেমস্‌ সাদল্‌ য়াও

সংবাদ-পত্র সম্পাদনে তিনি অসাধারণ প্রতিভার পরিচয় দিয়াছিলেন। ১৮৩৬ খৃঃ তিনি হরকরার সম্পাদন-ভার ত্যাগ করিয়া হুগলী কলেজের অধ্যক্ষের পদ গ্রহণ করেন। অধ্যক্ষরূপে তিনি যে কার্য্য করিয়াছিলেন তাহার পরিচয় মৎপ্রণীত “রক্তমালা” নামক গ্রন্থে লিপিবদ্ধ আছে।

১৬। হেনরি মেরেডিথ পার্কার (১৭২৫-১০৬৮)। ইনি দ্বৈত ইতিহাস কোম্পানীর অধীনে নানা কার্য্য করিয়া পরে বোর্ড অব রেভিনিউ এর সভ্য হন। দ্বারকানাথ ঠাকুর ইহার অধীনে বেওয়ানের কার্য্য করিতেন। গল্প, পুস্তক ও বাঙ্গা রচনার, হৃদয়গ্রাহিনী বক্তৃতা প্রদানের, নাটকালি নয়ে, সর্ব্বদিকেই ইনি অতুল্যপ্রতিভাবান ছিলেন। ইঙ্গ-বঙ্গীয় সাময়িক সাহিত্যে ইনি চিরদিন অতি উচ্চ আসন অধিকার করিয়া থাকিবেন।



*Yours faithfully
W. Parker*



J. Richardson

মেজর ডি-এল-রিচার্ডসন

১৭। মেজর ডেভিড লেটার রিচার্ডসন (১৮০০-৬৫)।
ইহার পরিচয় দেওয়া নিম্নে প্রয়োজন। হিন্দু কলেজের
অধ্যক্ষরূপে ইনি যে কীরূপ সাফল্যলাভ করিয়াছিলেন তাহা
তাঁহার ছাত্রদের নাম গ্রহণ করিলেই বোধগম্য হইবে।
কিশোরীচাঁদ মিত্র, ভোলানাথ চন্দ্র, গোবিন্দচন্দ্র দত্ত,
শশীচন্দ্র দত্ত, মাইকেল মধুসূদন দত্ত, রাজনারায়ণ বসু,
শঙ্কুচন্দ্র মুখোপাধ্যায়, কৃষ্ণদাস পাল, ভূদেব মুখোপাধ্যায়
মহারাজা শ্রী যতীন্দ্রমোহন ঠাকুর প্রভৃতি সুপ্রসিদ্ধ
লেখক ও দেশনাট্যকণ সকলেই রিচার্ডসনের শিষ্য।
রিচার্ডসন প্রণীত গদ্য ও পদ্য গ্রন্থনিচয় এবং তাঁহার
সম্পাদিত সাময়িক পত্রাদি ইংলণ্ডের প্রথম প্রণীত বনৌষি-
করণ রচিত গ্রন্থাদি অসংখ্য কোমল অংশে বিকৃত

১৮। হেনরি হোয়াইটলক্ টরেন্স (১৮০৬-৫২)।
ইনি ১৮২৮ খৃঃ কলিকাতায় আসেন এবং ১৮২৯ খৃঃ কোর্ট
উইলিয়ম কলেজে হিন্দীতে পারদর্শিতার জন্য স্মরণ পদক
প্রাপ্ত হন। অতঃপর বহু দায়িত্বপূর্ণ রাজকার্য সম্পাদন
করিয়া মুর্শিদাবাদে গবর্নর জেনারেলের এজেন্ট নিযুক্ত হন।
ইনি বহুকাল এসিয়াটিক সোসাইটির সেক্রেটারী ও পরে
সহকারী সভাপতি ছিলেন। ইনি বহু সাময়িক পত্র
সম্পাদন করিয়াছিলেন এবং গল্প-পত্র রচনা দ্বারা সাময়িক
ইঙ্গ-বঙ্গসাহিত্য সমৃদ্ধ করিয়াছেন। ইহার মৃত্যুর পর
ইহার প্রবন্ধাবলী বহু জেমস্ হিউম সংক্ষিপ্ত জীবন চরিত্রের
সহিত ছই ধরে প্রকাশিত করিয়াছিলেন।

১৯। সার জন পিটার গ্রাউট (১৭৭৪-১৮৪৮)। ইনি
বাল্যসার লেফটেন্যান্ট গবর্নর বোলকর-প্রণীত

প্রজ্ঞানিকের অকৃত্রিম বন্ধু স্যর জন পিটার গ্রান্টের পিতা। ইনি বোম্বাই এর প্রধান বিচারপতি ছিলেন এবং এরূপ স্বাধীন-চেতা ও স্থায়পরায়ণ ছিলেন যে বোম্বাই এর গবর্নর স্যর জন ম্যালকম্ রাজনীতিক কোন কারণে তাঁহার এক আদেশ অমান্য করায় তিনি বিচারালয় বন্ধ করিয়া দেন এবং ইংলণ্ডাধিপতির নিকট গবর্নরের বিরুদ্ধে অভিযোগ করেন। তাঁহার মতে ইংলণ্ডরাজের নিযুক্ত বিচারপতির নিকট দৃষ্ট ইণ্ডিয়া কোম্পানীর অধীনস্থ গবর্নরের অবস্থা সাধারণ বাদী-প্রতিবাদীর সমতুল্য। রাজনীতিক কারণে যদিও বোর্ড অব কন্ট্রোলের সভাপতি লর্ড এলেন-

বরা ম্যালকমকে সাহায্য করিতে বাধ্য হইয়াছিলেন কিন্তু তিনি বোম্বাইএ নূতন দুই জন বিচারপতি নিযুক্ত করিবার সময় বলেন, যে দুইটি পালিত হস্তীর মধ্যে স্যর জন পিটার গ্রান্ট একটি মত্ত মাতঙ্গের স্থায় হইবেন বলিয়া তাঁহার ভয় হয়। অবশ্য স্যর জন ইহার পর পদত্যাগ করেন এবং কলিকাতায় আসিয়া ব্যারিষ্টারীতে প্রবৃত্ত হন। এখানে তিনি ক্রমে সুপ্রীম কোর্টের বিচারপতি ও পরে প্রধান বিচারপতি হইয়াছিলেন। গনবিজ্ঞান ও ব্যবহারশাস্ত্রে ইনি দুই একখানি গ্রন্থও লিখিয়া ছিলেন।



H. P. Grant

হেনরি টরেন্স



THE HONOURABLE SIR J. GRANT.

স্বর জন পিটার গ্রান্ট

২০। স্বর এডওয়ার্ড রায়ান (১৭৯৩-১৮৭৫)।
১৮১৭ খৃষ্টাব্দে ইনি কলিকাতায় সুপ্রীম কোর্টের
বিচারপতি হইয়া আসেন এবং ১৮৩৩ খৃষ্টাব্দে
প্রথম বিচারপতির পদে উন্নীত হন। ১৮৪৩ খৃষ্টাব্দ
পর্যন্ত তিনি এই পদ অধিকার করিয়াছিলেন। ইনি
এদেশে শিক্ষা বিস্তারের জন্য প্রচুর চেষ্টা করিয়াছিলেন
এবং প্রায়ই হিন্দু কলেজের ছাত্রগণকে পরীক্ষা করিতেন।
ঊর্ধ্বার অবসর গ্রহণ কালে হিন্দু কলেজের ছাত্রগণ কবি
ভরদ্বাজের পিতা গোবিন্দচন্দ্র দত্তের নেতৃত্বে সম্মিলিত
হইয়া তাঁহাকে একটি প্রশংসালিপি ও রোপ্য পুষ্পপত্র
উপহার দেন। কৃষিবিজ্ঞান সমাজ ঊর্ধ্বার সভাপতিত্বে
বধেই উন্নতিলাভ করার ঊর্ধ্বার স্বতন্ত্রকার্য একটা প্রস্তরময়ী
বৃষ্টি প্রতিষ্ঠিত করে। কলিকাতার জনসাধারণও এক
সভা করিয়া তাঁহাকে বিদায় অভিনন্দন পত্র প্রেরান করে ও
স্বদেশে প্রতিষ্ঠিত হাণ্ডিত করে। ইংলণ্ডে গিয়াও রায়ান
স্বদেশে প্রতিষ্ঠিত হাণ্ডিত করে। ইংলণ্ডে গিয়াও রায়ান

ডাক্তার স্বর্ষাকুমার গুডিত চক্রবর্তী সর্বপ্রথমে এদেশে
চিকিৎসাবিজ্ঞানে ইউরোপীয়দের মত নির্দিষ্ট একটি উচ্চপদ
প্রাপ্ত হন।

২১। মহামানীয় টমাস ডিয়ালটি (১৭২৫-১৮৬১)
ইনি বহুদিন কলিকাতার আর্চডিকন ও পরে রাজ্যের
বিশপ ছিলেন। ইংল্যান্ডে চেষ্টার কর্তৃক গোল্ডসমিথ কলেজের
(‘কুকবন্দ্যার’) পিয়ার্স নির্দিষ্ট হয় এবং সর্ব প্রথম দেশীয়
ধর্মবাক্য কুকমোহন বন্দ্যোপাধ্যায় এই ধর্মবাক্যের
পুরোহিত নিযুক্ত হন। ইনিই বাঙ্গালার মহাকবি মাইকেল
মধুসূদন দত্তকে গ্রীষ্মকর্মে দীক্ষিত করেন।

২২। জর্জ টমাসন (১৮০৪-৭৮)। ইহার জন্ম বাগ্মী
পূর্বে এদেশে আসেন নাই। আমেরিকার ক্রীতদাস
প্রথা রহিত করিয়া ইনি অসাধারণ ব্যাভি লাভ করেন।
তাহার পর যখন ইনি ভারতবর্ষের রাজনীতিক উন্নতির
চেষ্টা করিতেছিলেন, তখন প্রিন্স হারকানাথ ঊর্ধ্ব
ইংলণ্ডে। হারকানাথ ভারতবর্ষে আগিবার সময়




The Hon. Sir ...

শ্রী এডওয়ার্ড রায়ান

টমসনকে লইয়া আসেন। তারাচাঁদ চক্রবর্তী, কৃষ্ণমোহন বন্দ্যোপাধ্যায়, রামগোপাল ঘোষ, দক্ষিণারঞ্জন মুখোপাধ্যায়, প্যারীচাঁদ মিত্র, কিশোরীচাঁদ মিত্র প্রভৃতি “সাধারণ জনোপার্জিকা সভা”র সভ্য তাঁহাকে কয়েকটি বক্তৃতা দিতে অস্বীকার করেন। টমসনের বক্তৃতার কালে এদেশের প্রথম রাজনীতিক সভা ব্রিটিশ ইতিহাসে লোসাইটি প্রতিষ্ঠিত হয় এবং রাজনীতিক আন্দোলনের

সূত্রপাত হয়। এই সভা পরে ল্যাণ্ডহোল্ডার এসোসিয়েশনের সহিত মিলিত হইয়া ব্রিটিশ ইতিহাসে এসোসিয়েশন নাম ধারণ করে। টমসনকে ‘রাজনীতিক আন্দোলনের পিতা’ বলা বাইতে পারে। মংপ্রীত রাজা ‘দক্ষিণারঞ্জন মুখোপাধ্যায়’ নামক পুস্তকে এবং অতীত গ্রন্থে ইহা বলা লিপিবদ্ধ হইয়াছে।





আচ'তীকেন ডিয়ালটি

২৪। জেনারেল স্তর জর্জ লেট প্যাট্রিক লরেন্স। ইউরোপীয় রমণী ও শিশুদের নিরাপদে কাবুল (১৮০৪-০৪)। ইনি 'পঞ্জাবের রক্ষাকর্তা' স্তর হেনরি হুটগোয়া ৭ লরেন্স এবং ভারতবর্ষের গবর্নর জেনারেল তিনি বহুদিন রাজপুতানার গবর্নর জেনারেলের লর্ড লরেন্সের সহোদর। ইনি স্তর উইলিয়ম ম্যাক্স এজেন্ট ছিলেন এবং সিপাহী যুদ্ধের সময় ইহারই টেনের সহকারীরূপে কাবুলে গিয়াছিলেন এবং কিছুকাল গুণে রাজপুতানার কোনও গোলযোগ বাধে আফগানদের বন্দী ছিলেন। ম্যাক্সটেনের মৃত্যুর পর মাই।

২৫। স্তর চার্লস ট্রেভেলিয়ান (১৮০৭—৮৩)। পদে উন্নীত হন। এই সময়ে একটা ঘটনার তাঁহার
ইহার স্তর নাথু ও কর্ণেল সিভিলিয়ান এ দেশে অর্থাৎ
আসিয়াছেন। ইহার নামাবিধ সম্বন্ধে ভারতবর্ষের ব্যবস্থা-
সচিব লর্ড মেকলে মোহিত হন এবং মেকলে-পরিষ্কারের
সহিত ঋণিষ্ঠতার কলে চার্লসের সহিত মেকলের ভগিনী
হানার বিবাহ হয়। স্তর চার্লস পরে মাদ্রাজের গবর্নরের
সচিব করিয়া প্রথম কণা হয়। ইং দেশে উৎকালীন



লর্ড টমসন



সেমারেল স্তর জর্জ সারেল

অবস্থায় আরও প্রবর্তিত করা আবশ্যিক বিবেচনা করিলেন। শত্ৰুচর সুখোপাধ্যায়, গিরীশচন্দ্র ঘোষ প্রভৃতি কয়েকজন দেশীয় ব্যক্তি উহার প্রতিবাদ করেন। স্তর চার্লসও নিজের পক্ষের কথা বিশ্বত হইয়া একান্তে রাজস্ব-সচিবের অবলম্বিত নীতির তীব্র প্রতিবাদ করেন। সেক্রেটারী অব ট্রেস স্তর চার্লসের বিশেষ বন্ধু হইলেও উইলসনকে সহায়তা করিতে বাধ্য হন এবং স্তর চার্লসকে

ইংলণ্ডে প্রত্যাবৃত্ত হইতে আদেশ দেন। কয়েক বৎসর পরে সেক্রেটারী অব ট্রেস স্তর চার্লসকেই রাজস্ব-সচিবের পদ গ্রহণ করিতে অস্বীকার করেন। যদিও এ পদ রাজস্ব-সচিবের পদ অপেক্ষা নিম্নতর তথাপি স্তর চার্লস ভারতবর্ষের মঙ্গলের জন্ত ঐ পদ গ্রহণ করেন এবং আরও উঠাইয়া দিয়া, ব্যয় সঙ্কোচ করিয়া এবং অস্বাভাবিক সংস্কার-সাধন করিয়া ভারতবাসীর ধনবাহিতাজন হন।




G.B. TREVELYAN SCULPT.

শ্রী চার্লস ট্রেভেলিয়ান



চার্লস হে ক্যামেরন

২৩। চার্লস হে ক্যামেরন (১৭২৫-১৮৮০)। ইনি ব্যারিষ্টার ছিলেন। ১৮৩৫ খৃষ্টাব্দে ইনি 'ল কমিশনের' সভ্য হইয়া এদেশে আসেন এবং লর্ড মেকলের সহযোগে বিবিধ আইন প্রণয়ন করেন। ১৮৪৩ খৃঃ হইতে ১৮৪৮ খৃঃ পর্যন্ত ইনি ভারতবর্ষের ব্যবস্থাসচিব ছিলেন। কিন্তু শিক্ষা-পরিষদের সভাপতি রূপে তিনি দেশে ইংরাজী শিক্ষাবিত্তারে যে কার্য করিয়াছিলেন তাহা নাই তিনি




ডাক্তার অন গ্রান্ট

চিরস্মরণীয় থাকিবেন। অসলর গ্রহণ করিয়া ইনি সিংহল দ্বীপে বাস করেন এবং সেইখানেই তাঁহার মৃত্যু হয়।

২৭। ডাক্তার অন গ্রান্ট ইনি কোম্পানীর চিকিৎসা বিভাগে অল্প চিকিৎসকরূপে এগিছি লাভ করিয়াছিলেন। কিন্তু সুখপাঠ্য সঙ্কর্ভাদি রচনাধারা ইক-বর্ধীয়া সাহিত্য সমৃদ্ধ করিয়া তদপেক্ষা ব্যাভিলাভ করিয়াছিলেন।






ডাক্তার অন হাচিন

২৮। ডাক্তার অন হাচিন ইনিও গ্রাণ্টের তার কোম্পানীর চিকিৎসা বিভাগে কার্য করিতেন এবং "সন্ন্যাসী" নামক কাব্যগ্রন্থ এবং অন্যান্য কবিতা প্রকাশ করিয়া সুকবি বলিয়া খ্যাতি-অর্জন করিয়া ছিলেন।

২৯। তারাতাদ চক্রবর্তী (১৮০৪-৭) ইনি হিন্দু কলেজের প্রথম যুগের এক জন প্রসিদ্ধ ছাত্র। ইংরাজী

বাকালী, সংস্কৃত ও পারস্য ভাষার ইহার যথেষ্ট অধিকার ছিল। কলেজ পরিত্যাগ করিয়া ইনি প্রথমে জেমস সিং বাকিং হামের 'কলিকাতা জর্নালে'র জন্য 'সমাচার চিত্রিকা' ও 'সংবাদ কোষদী'র প্রস্তাবাদির সার সংগ্রহ করিতেন। অতঃপর তিনি রায়কমল সেন ও শিবচন্দ্র ঠাকুরের তত্বাধানে হোরেন্স হেন্যান উইলসনকে পুণাঙ্গাদির ইংরাজী






তারাচাঁদ চক্রবর্তী

অনুবাদে সফলতা করেন। ডেভিড হেরারের অন্তর্গত তিনি কিছুকাল গটলডাকার এক স্কুলের শিক্ষক নিযুক্ত হন এবং এই সময়ে তাঁহার প্রসিদ্ধ বাঙ্গলা-ইংরাজী অভিধান প্রকাশ করেন। অতঃপর কিছুকাল তিনি ক্রমাগত ইউরোপীয় স্মারিটারের কল, মুদ্রক, নবর দেওয়ানী আদালতের প্রোগ্রামি রেজিষ্টারের পদে নিযুক্ত থাকেন। এই সময়ে তিনি মঙ্গলসংহিতার এক সংস্করণ প্রকাশ করিতে আরম্ভ করেন, তাহাতে সংস্কৃত মূল, ইংরাজী ও বাঙ্গলা অনুবাদ ও সঙ্গীত ছিল। এই গ্রন্থ দেখিয়া তাঁহার বন্ধু (তখন ইংলণ্ড-প্রবাসী) রাজা রামমোহন রায় তাঁহাকে উৎসাহ-পূর্ণ পত্র লিখেন কিন্তু সাধারণের নিকট তাহা সাহায্য না পাওয়ার অর্থাভাবে গ্রন্থখানি সম্পূর্ণ করিতে পারেন

নাই। রামমোহন রায় প্রভৃতি, হিন্দুকলেজের প্রসিদ্ধ ছাত্রগণ 'বধন সাধারণ জামোপার্জিকা সভা' প্রতিষ্ঠিত করেন তখন তারাচাঁদকেই তাঁহার সভাপতি করেন এবং বধন কর্তৃক টকসন এদেশে রাজনীতিক আন্দোলনের বীজ বপন করেন, তখন 'চক্রবর্তীর দল'ই তাহাতে উৎসাহবারি সেচন করেন। তিনি কিছু কাল ব্যবসায় বাণিজ্যও করিয়াছিলেন কিন্তু তাহাতে তাহা সুবিধা হয় নাই। শেষদীর্ঘনে তিনি বর্ধমান-রাজের প্রধান সচিব ছিলেন। তিনি কিছু কাল "কুইল" নামক একখানি ইংরাজী পত্র সম্পাদন করিয়াছিলেন; এবং সুশিক্ষিত বলিয়া সমসাময়িক সমাজে প্রসিদ্ধ লাভ করিয়াছিলেন।



‘কৃষ্ণকান্তের উইল’র প্রধান চরিত্রগুলি ব্যর্থ হইল কেন ?

[শ্রীঅমরেন্দ্রনাথ কল বি-এ]

‘কৃষ্ণকান্তের উইল’ পড়িলে আমরা দেখিতে পাট যে ইহার ঘটনাবলী ও প্রধান চরিত্রগুলি প্রধানতঃ নিরতিত যারা নিরতিত। যেন শত চোটেও তাহারা নিরতিত হাত হইতে রক্ষা পাইতে পারে না। বইখানি পড়িতে পড়িতে যেন হয় যেন সমস্তটাই অদৃষ্টের পরিহাস। গোবিন্দলাল, অমর ও রোহিণী এই তিনটি ‘সংসার-পতক’ যেন অদৃষ্ট-চক্রে ঘুরিয়া ঘুরিয়া অদৃষ্টের বহিতে পুড়িয়া মরিল।

এখন গোবিন্দলালকে দেখা যাক। গোবিন্দলাল শিক্ষিত, ধার্মিক, রূপবান্ সুবক। অগতে বাহাতে বাহাতে সাধারণতঃ সুখ পাওয়া যায় সে সকলই তাঁহার ছিল,— তাঁহার “রাজার স্তায় ঐশ্বর্য, রাজার অধিক সম্পদ, অকলঙ্ক চরিত্র, অত্যাশ্চর্য ধর্ম,” আর ছিল তাঁহার অমর, যে অমর “অগতে অতুল, চিন্তার সুখ, সুখে অতৃপ্তি, দুঃখে অমৃত।” তবে তাঁহার এ সাফল্য বাগান শুকাইল কেন ও কাহার দোষে ? গোবিন্দলালের ছরবখা রোহিণীকে লইয়া। এখন দেখা যাক এই রোহিণীর সংস্রবে গোবিন্দলাল আসিলেন কি করিয়া। রোহিণীর সহিত এই উপজাসে তাঁর প্রথম সাক্ষাৎ বাকুণীর ঘাটে। গোবিন্দলাল নিজের বাগানে বেড়াইতেছিলেন। সে সময়টা বড়ই সুন্দর; কোকিল ডাকিতেছে, উপরে নীল আকাশ, চারিদিকে সুন্দর বন-ফুলে শোভিত উদ্যান, আর নীচে বাকুণীর স্বচ্ছ জলে সেই আকাশ ও উদ্যানের সুন্দরালয় ছায়া; ক্রমে চন্দ্র উদিত হইল। সেই স্থানে, সেই কালে উদাসমনা বাসবিধবা রোহিণী যদি রূপবান্ সুন্দর গোবিন্দলালের প্রতি আকৃষ্ট হয় তবে সে দোষ আর বাহারই হউক গোবিন্দলালের যে নয় সে বিষয়ে নিস্তর করিয়া থাকা বাইতে পারে। গোবিন্দলালের হাতে বাঁধিও রাই, সুখে হাসিও রাই, গলায় বনফুলের মালাও রাই। কল্যাণের শোভা, কোকিলের ডাক বা রোহিণীর মনের উদাসিত্য ও সকলের কিছুই গোবিন্দলালের হৃৎ মনে। তার পর, ‘অপর ন-সংসার-পতক’ রোহিণীকে দেখিয়া গোবিন্দ-

লাল যদি তাহার প্রতি সহানুভূতি দেখান, তাহা হইলে গোবিন্দলালের কি দোষ দেওয়া যায়। কিন্তু পরবর্তী ঘটনাবলী দেখিলে মনে হয় যেন এই সহানুভূতি প্রকাশই গোবিন্দলালের কাল হইল।

রোহিণী চৌর্যাপরাধে অপরাধিনী, কিন্তু সহানু গোবিন্দলাল তাহা বিশ্বাস করিতে পারিতেছেন না। রোহিণীকে চুরি করিতে বচকে দেখিয়াও যখন কৃষ্ণকান্ত বলিতেছেন, “তুমি চুরি করিতে আসিয়াছ এ কথা সহসা বিশ্বাস হয় না, কিন্তু চোরের অবহাতেই তোমাকে দেখিতেছি।” যেখানে রোহিণীকে দোষী সাব্যস্ত করিতে বহুদূরী কৃষ্ণকান্ত সন্নিহান, সেখানে সরল-হৃদয় গোবিন্দলাল যে তাহাকে নির্দোষ সাব্যস্ত করিবে তাহা আর বিচিত্র কি ? বিশেষ, যখন ইতঃপূর্বেই এক দিন রোহিণীকে কাঁদিতে দেখিয়া তাহার প্রতি গোবিন্দলালের সহানুভূতি অগ্নিয়াছে। নির্দোষিতা-সবন্ধে গোবিন্দলালের বিশ্বাসের হয় তো আরও একটা কারণ থাকিতে পারে (এবং তাহা ঠাকা খুবই স্বাভাবিক), গোবিন্দলাল হয় তো মনে মনে ভাবিলেন, ‘এত সুন্দর যার চেহারা তার ভিতর কখনও এরূপ দোষ থাকিতে পারে’—বর আকৃতিস্তর শুধা বসন্ত।

তার পর গোবিন্দলাল রোহিণীর উদ্ধারের জন্যই তাহার ভিতরকার আসল কথাটা কি তাহা জানিতে চাহিলেন। ইহাতে যে রোহিণী তাঁহার কাছে প্রেম-জ্ঞাপন করিয়া বসিবে তাহা তিনি কেমন করিয়া জানিবেন। অমরের উপস্থিতিতে রোহিণী প্রেম-জ্ঞাপন করিতে পারিত না; কিন্তু অমর সেখানে নাই। বিপর্যয় রোহিণীর গোপনীয় কথা শুনিতে চাহিলে বা গোবিন্দলালের কাছে রোহিণী যখন সে কথা বলিবে, তখন বাতাইয়া শুনিতে পারে রোহিণী আরও বিপর্যয় হইয়া পড়ে, এই ভাবিয়া অমরও সেখানে হইতে চলিয়া গেল। রোহিণী তখন কল্যাণ কথায় সকল কথাই প্রকাশ করিয়া গেল।

এ প্রেম-নিবেদনেও গোবিন্দলাল কোনরূপ বিচলিত হইলেন না; রোহিণীর প্রতি তাঁহার দয়া হইল।

অমর সকল কথা গোবিন্দলালের মুখে শুনিয়া রোহিণীকে জলে ডুবিয়া মরিতে উপদেশ দিয়া পাঠাইল; রোহিণী তাহাই করিয়া বসিল। গোবিন্দলাল রোহিণীকে জল হইতে উদ্ধার করিয়া আপন উদ্ভান-গৃহে লইয়া গেলেন। অলমগ্না যতপ্রায় রোহিণীকে অন্তরে লইয়া বাইতে ভরসা হইল না, তাহাতে অমর রাগ করিতে পারে। যে রোহিণীর সংস্রব ত্যাগ করিতে গোবিন্দলাল সচেষ্ট হইয়াছিলেন ঘটনা-চক্রে সেই রোহিণীরই অতি ঘনিষ্ঠ সংস্পর্শে তাঁহাকে আসিতে হইল। “জীবনে হউক, মরণে হউক, রোহিণী শেষ গোবিন্দলালের গৃহে প্রবেশ করিলেন। অমর তির আর কোন স্ত্রীলোক কখনও সে উদ্ভান-গৃহে প্রবেশ করে নাই। বাত্যাবধাবিধৌত চম্পকের মত সেই যুত নারীদেহ পালকে লক্ষমান হইয়া প্রজ্বলিত দীপালোকে শোভা পাইতে লাগিল। বিশাল দীর্ঘ বিলম্বিত ঘোর কৃক কেশ-রাশি জলে ঝু—তাহা দিয়া জল ঝরিতেছে, মেঘ বেন জল বৃষ্টি করিতেছে। নয়ন মুদ্রিত; কিন্তু মুদ্রিত পদ্মের উপরে ক্রবুগল জলে ভিজিয়া আরও অধিক কৃক শোভায় শোভিত হইয়াছে। আর সেই লম্বাটে— স্থির, বিস্তারিত, লক্ষা-ভয়-বিহীন, কোন অব্যক্ত ভাব-বিশিষ্ট—গও এখনও উজ্জল—অথর এখনও মধুময়, বাহুলী পুষ্পের লক্ষাঙ্কল। গোবিন্দলালের চক্ষে জল পড়িল। এই হৃদয়র আঘাতের তিনি নিজেই যে মূল—একথা মনে করিয়া তাঁহার বুক কাটিতে লাগিল।” রোহিণীর প্রতি গোবিন্দলালের যে সকল কারণে আকৃষ্ট হওয়া সম্ভব সকলগুলিই এখানে বর্তমান। ইহার উপর আবার অসংবৃত্তা অসহায় যুতকন্না রোহিণীর দেহের স্পর্শ এবং সর্কোপরি রোহিণীর গোবিন্দলালের প্রতি প্রবল অহুরাগ; সকলগুলি মিলিয়া গোবিন্দলালের দয়া ও সহায়ত্বটিকে আসক্তিতে পরিণত করিল। হৃদয়ী অসহায়, বালবিধবা তৎপ্রতি প্রবলরূপে আকৃষ্টা, তাহারই প্রেমে হতাশ হইয়া জল-নিমগ্না অসংবৃত্তা যুতীকে সেই বেশ ও কালে সর্শন; তাহার উপরে তাহার নৈহিক সংস্পর্শ—অথরে ফুৎকার—পরে তাঁহারই যত্ন ও চেষ্টার পুনর্জীবন-মাত, এবং পরিশেষে রোহিণীর

উক্তি “রাত্রি দিন দারুণ ভবা, হৃদয় পুড়িতেছে—সমুখেই শীতল জল, কিন্তু সে জল স্পর্শ করিতে পারিব না। আশাও নাই;” এ সকল মিলিয়া গোবিন্দলালকে বিচলিত করিল। কিন্তু গোবিন্দলাল যে মুহূর্তে রোহিণীর মুখে ফুৎকার দিলেন ঠিক সেই মুহূর্তে অমরের কপাল ভাঙ্গিল; “সেই সময়ে অমর একটা লাঠি লইয়া একটা বিড়াল মারিতে বাইতেছিল। বিড়াল মারিতে লাঠি বিড়ালকে না লাগিয়া, অমরেরই কপালে লাগিল।” আমরাও বুঝিলাম যে কোমল ও অদৃশ্য ও অজাত শক্তিই এ সকল ঘটনার পরিচালক।

অমর যখন গোবিন্দলালকে বিলম্বের কারণ জিজ্ঞাসা করিল, গোবিন্দলাল হয় তো মনে করিলেন যে, অমর সকল কথা না বুঝিয়া তাঁহাকে সন্দেহ করিবে ও নিজেও সন্দেহ-জনিত কষ্ট ভোগ করিবে; তার চেয়ে কিছু দিন পরে যখন তিনি স্বীয় ক্রিয় সম্যক্ জয় করিতে সমর্থ হইবেন, যখন তাঁহাকে সন্দেহ করিবার কোনও কারণ থাকিবে না, তখন অমরকে সকল কথা বলিবেন; এইরূপ মনে করিয়া সে-দিনকার কথা অমরকে বলিলেন না।

অতঃপর গোবিন্দলাল রোহিণীর চিন্তা দূর করিবার জন্য দূরদেশে বিবর-কর্মে মন দিতে চাহিলেন। এই সময়ে অমর তাঁহার কাছে থাকিলে হয় তো গোবিন্দলালের চিন্তা রোহিণীর রূপ ছাড়িয়া অমরের গুণে আকৃষ্ট হইত। কিন্তু ইহাতে গোবিন্দলালের মাতা অন্তরায় হইলেন; তিনি অমরকে বিদেহ বাইতে দিলেন না। “গোবিন্দলালের জীবন-তরঙ্গী তাঁহার ভবিষ্যৎ চূর্তাগোর অহুকুল পবনে সংসার-তরঙ্গ বিভিন্ন করিয়া চলিল।” গোবিন্দলাল সেই দূরদেশে নিঃসঙ্গ অবস্থায় এক সন্দেশে ছই খানি অকৃত চিঠি পাইলেন। এক খানিতে অমর বলিয়াছে, তিনি রোহিণীতে আসক্ত, আর এক খানিতে ব্রহ্মানন্দ লিখিয়াছেন অমর রটাইয়াছে যে গোবিন্দলাল রোহিণীকে সাত হাজার টাকার গহনা দিয়াছে। গোবিন্দলাল কিছুই না বুঝিতে পারিয়া ঘেমে করিতে মনহ করিলেন। অমর সে কথা জানিতে পারিয়া কৌশল করিয়া পিতৃালয়ে চলিয়া গেল। গোবিন্দলাল সে ছুট খানি চিঠির মর্ম কিছুই বুঝিলেন না, আসল কথা তাঁহার অজাত রহিল। কিন্তু অমর এইরূপ মিথ্যা কৌশল করিয়া চলিয়া যাওয়াতে গোবিন্দলালের

বিশেষ অভিমান হইল—তিনি কি করিয়াছেন, না করিয়াছেন, অমর সে কথা তাঁহাকে না জিজ্ঞাসা করিয়াই মিথ্যা সন্দেহে পিত্রালয়ে চলিয়া গেল, এই মনে করিয়া গোবিন্দলাল অভিমান করিলেন, দেশে আসিয়া অমরের অভাব অনুভব করিয়া গোবিন্দলালের অভিমান হইল। গোবিন্দলাল জাবিলেন, “এত অবিধাস ! না বুঝিয়া, না জিজ্ঞাসা করিয়া, আমাকে ত্যাগ করিয়া গেল ! আমি আর সে অমরের মুখ দেখিব না। বাহার অমর নাই, সে কি প্রাণ-ধারণ করিতে পারে না ?” এ কথা সেই বলিতে পারে এবং বলে বাহার পক্ষে সত্যই অমর না থাকিলে প্রাণ-ধারণ করা কঠিন। গোবিন্দলালের পক্ষে অমরকে ছুঁলিয়া যাওয়া নিতান্তই কঠিন। অমরের মৃত্যুর ঘোষণা বৎসর পরেও সন্ন্যাসিবেশী গোবিন্দলাল ভগবৎ-পাদ-পদ্মে মন স্থাপন করিয়াও ভগবৎ-সম্বন্ধে শচীকান্তকে বলিতেছেন, “এখন তিনিই আমার সম্পত্তি—তিনিই আমার অমরাধিক অমর।” এখন জিদ করিয়া অমরকে ছুঁতে হইবে, কাজেই হৃদয়ের অভ্যন্তরে রোহিণীর রূপের প্রতি তাঁহার যে আকর্ষণ ছিল তাহাকে সম্মুখে লইয়া আসিলেন ; রোহিণীর রূপের মোহে সাধ করিয়া ডুব দিলেন। এই সময়ে ঘটনাচক্রে রোহিণীর সঙ্গে এক দিন তাঁহার নিভৃতে সাক্ষাৎ হইল। তখন গোবিন্দলালও ‘বে-পরোয়া’, রোহিণীও তাই—উভয়েরই ধারণা, কলক বাহা রটিবার তাহা রটিয়াছে, বখাৰ্ণ পাগাচরণে ততোধিক কি হইবে। কৃষ্ণকান্ত এ সম্বন্ধে গোবিন্দলালকে কিছু অল্পযোগ করিবেন মনে করিয়াছিলেন, কিন্তু গোবিন্দলালের ছুৰ্ত্ত-গায়কমে তাহা ঘটিল না, কৃষ্ণকান্ত হঠাৎ পরলোক গমন করিলেন।

কৃষ্ণকান্ত মৃত্যুকালে গোবিন্দলালের অংশ অমরকে দিয়া নূতন উইল করিয়া গেলেন। গোবিন্দলালের সহিত অমরের কোনও মনান্তর না হইয়া যদি তদু তদুই গোবিন্দলালের চরিত্র-দোষ ঘটত, তবে উইলের এই পরিবর্তনে ফল দর্শিত। কিন্তু ইহাতে হিতে বিপরীত হইল ; অমরের উপর গোবিন্দলালের অভিমান বিগণ বর্ধিত হইল, অমরের প্রতি তাঁহার চিত্ত অধিকতর বিমুগ্ধ হইয়া গেল। গোবিন্দলাল অমরকে ত্যাগ করিয়া কৃতপতি অবপূৰ্ত্তে বুদ্ধি অধঃপতনেরই পথে ছুটিয়া চলিলেন। কিছু-

দিন পরে বেখিলাম, গোবিন্দলাল প্রসাদপুরে রোহিণীকে লইয়া ঘর করিতেছে। রোহিণীর প্রতি গোবিন্দলালের কোনও দিনই বখাৰ্ণ প্রেম ছিল না, সংসর্গেও প্রেম অমর নাই ; তাহার কারণ গোবিন্দলাল এখন ছুড়তকারী এবং তাহার পাপের সহায় রোহিণী। এই সময়ে এক দিন হঠাৎ নিশাকরের প্রসাদপুরে আগমনে বিষম অমঙ্গল সৃষ্টি হইল—“অকস্মাৎ রোহিণীর তবলা বেহুয়া বলিল। ওস্তাদজির তম্বুরার তার ছিঁড়িল, তাঁর গলায় বিষম লাগিল—গীত বন্ধ হইল, গোবিন্দলালের হাতের নবেল পড়িয়া গেল।” নিশাকরের মুখে অমরের নাম শুনিয়া গোবিন্দলালের পুরাতন মৃতি আগিগা উঠিল, তাঁহার কান্না আসিল, “অমরের কাছে কিরিয়া বাইবার উপায় নাই।” গোবিন্দলাল “রোহিণীর রূপে আকৃষ্ট হইয়াছিলেন—বৌবনের রূপ-ভূষণ শাস্ত করিতে পারেন নাই। অমরকে ত্যাগ করিয়া রোহিণীকে গ্রহণ করিলেন। রোহিণীকে গ্রহণ করিয়াই জানিয়াছিলেন যে, এ রোহিণী, অমর নহে—এ রূপভূষণ, এ মেহ নহে—এ ভোগ, এ সুখ নহে—এ সন্দার-বর্ষণ—পীড়িত বাসুকি-নিঃখাস-নির্গত হলাহল, এ ধমস্তরি-ভাণ্ড-নিঃসৃত সুখা নহে। বুঝিতে পারিলেন যে, এ হৃদয়-সাগর মন্থনের পর মন্থন করিয়া যে হলাহল ছুঁয়াছি, তাহা অপরিহার্য, অবশ্য পান করিতে হইবে—নীলকণ্ঠের জ্ঞান গোবিন্দলাল সে বিষ পান করিলেন। নীলকণ্ঠের কণ্ঠস্থ বিষের মত সে বিষ তাঁহার কণ্ঠে লাগিয়া রহিল। সে বিষ জীর্ণ হইবার নহে—সে বিষ উদ্গীরণ করিবার নহে। কিন্তু তখন সেই আবাদিতপূৰ্ব্ব বিত্ত অমর-প্রণয়-সুখা—দিন-রাত্রি মৃতি পথে আগিতে লাগিল। যখন প্রসাদপুরে গোবিন্দলাল রোহিণীর সঙ্গীত-স্রোতে ভাসমান, তখনই অমর তাঁহার চিত্তে প্রবল প্রতাপবৃত্ত অধীশ্বরী—অমর অন্তরে, রোহিণী বাহিরে। তখন অমর অপ্রাপ্যনীয়া, রোহিণী অত্যাচা,—ওবু অমর অন্তরে। রোহিণী বাহিরে। যদি তখন গোবিন্দলাল, রোহিণীর ব্যবস্থা করিয়া মেহময়ী অমরের কাছে বুদ্ধকরে আসিয়া দাঁড়াইয়া বলিত, “আমার কমা কর—আমার আবার হৃদয়ে স্থান দাও ;” যদি বলিত, “আমার এমন গুণ নাই বাহাতে আমার তুমি কমা করিতে পার, কিন্তু তোমার তো অনেক গুণ আছে, তুমি নিঃসৃত আমার কমা—আসিল

বুঝি তাহা হইলে, ভ্রমর তাহাকে ক্ষমা করিত। কেন না রমণী মূর্তিমতী ক্ষমা, দয়াময়ী, স্নেহময়ী ; স্বী আলোক ; পুরুষ ছায়া। আলোক ছায়া ত্যাগ করিতে পারিত ? গোবিন্দলাল তাহা পারিল না। কতকটা অভিমানের বশে আর কতকটা লজ্জার জন্ত। দুঃকৃতকারীর লজ্জাই দণ্ড। কতকটা ভয়েও বটে—পাপ সহজে পুণ্যের সম্মুখীন হইতে পারে না। ভ্রমরের কাছে আর মুখ দেখাইবার পথ নাই। গোবিন্দলাল আর অগ্রসর হইতে পারিল না। তাহার পর গোবিন্দলাল হত্যাকারী। তখন গোবিন্দলালের আশা-ভরসা ফুরাইল। গোবিন্দলাল যেন রোহিণীকে ত্যাগ করিতে পারিলেই বাঁচিয়া যান ; কিন্তু রোহিণীকে কুলভ্রষ্টা করিয়া এখন তাহাকে অসহায় অবস্থায় ত্যাগ করা সাধারণ লম্পটের পক্ষে সহজ হইতে পারে, সহৃদয় গোবিন্দলালের পক্ষে তাহা অসম্ভব।

গোবিন্দলালেরও মনের যখন এই অবস্থা সেই সময়ে রোহিণীকে নির্জনে নিশীথে নিশাকরের সঙ্গে দেখিলেন। তাই রোহিণী অত শীঘ্র মরিল। কোথায় ছিল নিশাকর ; সে আসিয়াছিল কি উদ্দেশ্যে, আর হইল কি ! ফলে গোবিন্দলাল স্বী-হত্যার পাপে লিপ্ত হইলেন। আত্ম-মানিতে মন যখন পূর্ণ, তখন জেল হইতে মুক্ত হইয়া ভ্রমরের পিতা মাধবীনাথের সহিত সহিত দেখা করা তাহার পক্ষে দুঃসাধ্য হইল। তিনি কলিকাতায় চলিয়া গেলেন। অল্পাভাবে যখন ভ্রমরের কাছে সাহায্য প্রার্থনা করিলেন, তখন ভ্রমরের সে কি কঠোর উত্তর ! কাজেই গৃহে আসা গোবিন্দলালের পক্ষে অসম্ভব হইল। মাধবীনাথের পত্রে সংবাদ পাইয়া শেষে ভ্রমরের মৃত্যু-সময়ে একবার জনের মত ভ্রমরকে দেখিতে ও তাহাকে দেখা দিতে আসিলেন। সাত বৎসর পরে দুই জনের কণিকের সাক্ষাৎ হইল। ভ্রমর মরিল, গোবিন্দলাল আজীবন মৃত্যু-যন্ত্রণা ভোগ করিতে বাঁচিয়া রহিল। গোবিন্দলালের এ যন্ত্রণা কেন ও কাহার দোষে ? এই উপন্যাসের সমস্তটাই গোবিন্দলালের পরাজয়ের কাহিনী, কিন্তু সে পরাজয়ও সে স্ব-ইচ্ছায় মানিয়া লয় নাই। এক অদৃশ প্রতিকূল শক্তির একটার পর একটা জীবন টেউ আসিয়া তাহাকে ভাসাইয়া লইয়া যাইতে করিতেছে এবং সে শক্তির বিরুদ্ধে সেও যথা-শক্তি

সংগ্রাম করিতে চেষ্টা করিয়াছে। অবশেষে পরাস্ত হইয়া ভাসিয়া গিয়াছে।

এবার ভ্রমরকে দেখা যাউক। ভ্রমরের সহিত প্রথম পরিচয় রোহিণীর চুরির পরদিন প্রভাতে। ভ্রমর কুশাঙ্গী বালিকা। ভ্রমরের বর্ণ কিছু কালো, প্রকৃতি কিছু হালকা রকমের—সে নিজে হাসিতে যত পটু শাসনে তত পটু ছিল না। ভ্রমর স্বামীর প্রেমে বিভোর, স্বামীর উপর তাহার অগাধ বিশ্বাস—তাহার আপনার অস্তিত্বে যতদূর বিশ্বাস গোবিন্দলালের একটা সামান্য ধারণায় (রোহিণীর নির্দোষিতায়) তাহার ততদূর বিশ্বাস। ভ্রমর পরদুঃখকাতর, রোহিণী চুরির দায়ে ধরা পড়িয়া তাহার কাছে প্রেরিত হইলে, সে “রোহিণীকে লইয়া চূপ করিয়া বসিয়া আছে। ভাল কথা বলিবার ইচ্ছা, কিন্তু পাছে এ দায় সব্বন্ধে ভাল কথা বলিলেও রোহিণীর কাণ্ড আসে, এ জন্ত তাহাও বলিতে পারিতেছে না।” আশ্চর্য গোবিন্দলালের শিষ্য ভ্রমর, গোবিন্দলালের উপযুক্ত পত্নী, গোবিন্দলালের কাছে সে ভ্রমর “অগতে অতুল, চিন্তায় সুখ, সুখে অতৃপ্তি, দুঃখে অমৃত।” কিন্তু সেই ভ্রমর অল্পদিন পরেই ধূলায় লুটাইয়া দেবতাদিগকে স্বীয় দুর্দশার কারণ জিজ্ঞাসা করিতেছে, বলিতেছে, “আমার সতর বৎসর মাত্র বয়স, আমি এই বয়সে স্বামীর ভালবাসা বিনা আর কিছু ভালবাসি নাই—আমার ইহলোকে আর কিছু কামনা নাই—আর কিছু কামনা করিতে শিখি নাই—আমি আজ এই সতর বৎসর বয়সে তাহাতে নিরাশ হইলাম কেন ?” এখন দেখা যাউক তাহার জীবন ব্যর্থ হইল কেন ও কাহার দোষে ?

ভ্রমরের সর্বনাশের কারণ রোহিণী। যখন রোহিণী চৌর্য্যাপরাধে অপরাধিনী হইয়া ভ্রমরের কাছে প্রেরিত হইল, সরলা সহৃদয় ভ্রমর যে কি করিবে, কি করিলে রোহিণীর দুঃখের ও অপমানের লাঘব হইবে, তাহা ভাবিয়া পাইল না ; “ভাল কথা বলিবার ইচ্ছা, কিন্তু পাছে এ দায় সব্বন্ধে ভাল কথা বলিলেও রোহিণীর কাণ্ড আসে, এজন্ত তাহাও বলিতে পারিতেছে না।” কাজেই, যখন গোবিন্দলাল সেখানে আসিয়া পৌছিল, সে সব কর্তব্য গোবিন্দলালের উপর স্তম্ভ করিয়া নিজে একেবারে সে মহল হইতে পলাইল—পলাইবার কারণ, পাছে গোবিন্দলাল মনে

করেন যে, ভ্রমর তাঁহাকে একাকী রোহিণীর কাছে রাখিয়া যাইতে উরসা করে না, পাছে সেখানে উপস্থিত থাকিলে রোহিণী আরও বিপর্যস্ত হইয়া পড়ে, পাছে সেখানে রোহিণীর বিচারকর্তা, জ্ঞাপকর্তারূপে দাঁড়াইলে কোনরূপ অহকার প্রকাশ পায়। ইহার মধ্যে ভ্রমরের কোনও দোষ দেখি না; সে কেমন করিয়া জানিবে চৌর্য্যপরাধে অপরাধিনী বিপন্ন রোহিণী গোবিন্দলালের কাছে প্রেম-জ্ঞাপন করিবে—চোর তাহার বিচারকের কাছে প্রেম-নিবেদন করিয়া বসিবে? কিন্তু তাহার এই অল্পপন্থিতিই পরে তাহার সর্বনাশের মূল হইয়া দাঁড়াইল। স্বাধী ভ্রমর গোবিন্দলালের মুখে নিলক্ষ্মী রোহিণীর প্রেম-নিবেদনের কথা শুনিয়া ক্রোধ-পরবশ হইয়া তাহাকে ঝাঙ্কণীর বলে ডুবিয়া মরিতে উপদেশ দিল; কিন্তু সেটা শুধু তাহাকে ধিক্কার দিবার অন্ত; সে জানিত যে সত্যই কিছু রোহিণী ডুবিয়া মরিবে না, যে গোবিন্দলালের প্রেমে মজিয়াছে সে সাধ্যমত বাঁচিবার চেষ্টা করিবে। কিন্তু ভ্রমরের দুর্ভাগ্যক্রমে রোহিণী সত্যই ডুবিয়া অথচ মরিল না; বরং মৃতপ্রায় অবস্থায় গোবিন্দলালকে অধিকতর আকৃষ্ট করিল। সেইদিন রাত্রে গোবিন্দলালের গৃহে ফিরিতে বিলম্ব দেখিয়া ও তাঁহার মুখে দুশ্চিন্তার ভাব পরিস্ফুট দেখিয়া ভ্রমর গোবিন্দলালের বিলম্বের কারণ জিজ্ঞাসা করিল। গোবিন্দলাল কিছুই বলিলেন না। কিন্তু ভ্রমরের হৃদয়ে যেন ভবিষ্যৎ দুর্ভাগ্যের ছায়াপাত হইল। “কেমন একটা বড় ভারী চুঃখ ভোম্ভার মনের ভিতর অহকার করিয়া উঠিতে লাগিল। যেমন বসন্তের আকাশ—বড় সূক্ষ্ম, বড় নীল, বড় উজ্জ্বল—কোথাও কিছু নাই—অকস্মাৎ একখানা মেঘ উঠিয়া চারিদিক আধার করিয়া কেলে—ভোম্ভার বোধ হইল যেন, তার বুকের ভিতর তেমনি একখানা মেঘ উঠিয়া সহসা চারিদিক আধার করিয়া ফেলিল।

গোবিন্দলাল যখন বিষয়-কর্মে মন দিয়া রোহিণীকে তুলিবার অন্ত বিদেশে যাইতে প্রস্তুত, ভ্রমর তাঁহার লক্ষ্যে যাইতে চাহিল, কিন্তু তাহার শাস্ত্রী তাহাকে যাইতে দিলেন না। এ সময় ছুই জনে একত্র থাকিলে পরবর্তী মনান্তর ঘটিল না, “বাচনিক বিবাদে আসল কথা প্রকাশ পাইত। ভ্রমরের এত ভ্রম ঘটিল

না। এত রাগ হইত না। রাগে এই সর্বনাশ হইত না।” পরস্পর অদর্শনে বিষম ফল ফলিল।

গোবিন্দলাল চলিয়া যাইবার পর, ভ্রমরের কিছুই ভাল লাগে না। সে তীব্র অভিমানে নিজের দেহের উপর অত্যাচার করিতে লাগিল। এ সকল দেখিয়া দৈবাৎ কীরি চাকুরাণী তাহার কাছে বলিয়া ফেলিল, “ভাল বউ ঠাকুরাণি, কার অন্ত তুমি অমন কর?...তিনি হয়ত... রোহিণী ঠাকুরাণির ধ্যান করিতেছেন।” যদি ইহার ফলে বাচনিক বিবাদে সমস্ত মিটিয়া যাইত তাহা হইলে হয় তো পরবর্তী ঘটনাসমূহ ভিন্নরূপ ধারণ করিত; কিন্তু তাহা না হইয়া কীরোদার ভাগ্যে কিল চড় বিস্তর পড়িল। এতটা বাড়াবাড়িতে সেও পাঁচি চাঁড়ালনীকে সাক্ষী মানিল এবং নিজে গ্রামময় রাষ্ট্র করিয়া বেড়াইল যে, গোবিন্দলাল রোহিণীতে আসক্ত। ফলে, ভ্রমরের মনে রোহিণীর প্রেম জ্ঞাপন বৃদ্ধান্ত হইতে আরম্ভ করিয়া গোবিন্দলালের গৃহে ফিরিতে বিলম্ব, দুশ্চিন্তায়ুক্ত মুখ ও বিলম্বের কারণ গোপন এ সমস্ত আত্মপূর্কিক ঘটনা একত্র হইয়া সন্দেহের সঞ্চার করিল। সেই সন্দেহ-অনলে আনেকই ইচ্ছন জোগাইতে লাগিল। শেষে রোহিণী স্বয়ং আসিয়া প্রমাণ-স্বরূপ কতকগুলি বস্তুরূপ দেখাইয়া ভ্রমরের সন্দেহ সূদৃঢ় করিয়া দিল। গোবিন্দলাল ও কাছে নাই যে তাহার সন্দেহ ভঞ্জন করিবেন। তাহার গোবিন্দলালের উপর অভিমান হইল। সে গোবিন্দলালকে কঠিন ভাষায় পত্র লিখিল। এই পর্য্যন্ত করিয়াও যদি ভ্রমর ক্ষান্ত হইত তাহা হইলেও গোবিন্দলালের প্রত্যাগমনেই সমস্ত মিটিয়া যাইত। কিন্তু তাহা না হইয়া দুই গ্রহের ফেরে, দুর্ভাগ্য অভিমান ভরে ভ্রমর ভূতগ্রস্তের স্তায় মিথ্যা বোশল করিয়া পিত্রালয়ে চলিয়া গেল। ভ্রমরকে কেহ খবরদারি ফিরিয়া লইয়া গেল না, কৃষ্ণকান্ত প্রভৃতিও ভ্রমরের মাতার সংবাদ পর্য্যন্ত লইলেন না।

ভ্রমরের অল্পপন্থিতিতে গোবিন্দলাল ও রোহিণী পাপাচরণে প্রবৃত্ত হইল। কৃষ্ণকান্ত এ সকল জ্ঞাত হইয়া গোবিন্দলালকে কিছু অল্পভোগ করিতে ইচ্ছা করিলেন; কিন্তু ভ্রমরের কপাল-দোষে তিনিও হঠাৎ পরলোক গমন করিলেন। মৃত্যুকালে উইল পরিবর্তন করিয়া গোবিন্দলালের প্রাপ্য অংশ ভ্রমরকে দিয়া কৃষ্ণকান্ত ভ্রমরের

বিপরীত' ঘটাইলেন। গোবিন্দলাল ও গোবিন্দলালের মাতা ভ্রমরের প্রতি বিরূপ হইলেন। "পুত্র থাকিতে পুত্র-বধুর বিষয় হইল, ইহা তাঁহার (গোবিন্দলালের) মাতার" অসহ্য হইল। তিনি একবারও অসুভব করিতে পারিলেন না যে, ভ্রমর-গোবিন্দলাল অভিন্ন জানিয়া এবং গোবিন্দলালের চরিত্র-দোষ সম্ভাবনা দেখিয়া, কৃষ্ণকান্ত রায় গোবিন্দলালের সংশোধন জন্য ভ্রমরকে বিষয় দিয়া গিয়াছিলেন। বঙ্কিমচন্দ্রের সহিত আমরাও বলি—“আমার এমন বিশ্বাস আছে যে, গোবিন্দলালের মাতা যদি পাকা গৃহিণী হইতেন, তবে ফুৎকার মাত্রে এ কাল মেঘ উড়িয়া যাইত। তিনি বুদ্ধিতে পারিয়াছিলেন যে, বধুর সঙ্গে তাঁহার পুত্রের আন্তরিক বিচ্ছেদ হইয়াছে। স্ত্রীলোক ইহা সহজেই বুদ্ধিতে পারে।” ফলে গোবিন্দলালের মাতার দিক হইতেও ভ্রমর ও গোবিন্দলালের মধ্যে আন্তরিক বিচ্ছেদ দূরীকরণের কোনও চেষ্টা হইল না বরং তিনি কাশীযাত্রা করিয়া সে বিচ্ছেদ আরও বাড়াইয়া দিতে সহায়তা করিলেন।

গোবিন্দলাল মাতাকে লইয়া কাশী যাইবার সময় যখন ভ্রমরকে “আসিব না” বলিয়া চলিয়া যাইতেছেন তখন ভ্রমরের কান্নাকাটিতে, তাহার পুনঃ পুনঃ গৃহে থাকিতে অসুরোধে এবং অবশেষে তাঁহাকে যে আবার আসিতে হইবে, ভ্রমরের অন্য কাঁদিতে হইবে এইরূপ ভবিষ্যদ্বাণীতে তাঁহার মন কতক নরম হইয়া ভ্রমরের দিকে ঝুঁকিল, “মনে পড়িল যে, যাহা ত্যাগ করিলেন, তাহা আর পৃথিবীতে পাইবেন না”……“সেই সময়ে যদি গোবিন্দলাল ছুই পা ফিরিয়া গিয়া ভ্রমরের কক্ষদ্বার ঠেলিয়া একবার বলিতেন—‘ভ্রমর আমি আবার আসিয়াছি,’ তবে সকল মিটিত। গোবিন্দলালের অনেকবার সে ইচ্ছা হইয়াছিল। ইচ্ছা হইলেও তিনি তাহা করিলেন না। ইচ্ছা হইলেও একটু লজ্জা করিল। ভাবিলেন, এত তাড়াতাড়ি কি? যখন মনে করিব, তখন ফিরিব। ভ্রমরের কাছে গোবিন্দলাল অপরাধী। আবার ভ্রমরের সঙ্গে সাক্ষাৎ করিতে সাহস হইল না। যাহা হয়, একটা স্থির করিবার বুদ্ধি হইল না।” অবশেষে ছয় বৎসর পরে মৃত্যু-শয্যায় যখন ভ্রমর নিঃশ্ব তিথারী গোবিন্দলালের পত্র পাইল তখন, কতক রোগ-কতক গোবিন্দলালের প্রতি দুর্ভয় অভিমানের

পুনরাবৃত্তি এবং কতক “গোবিন্দলাল যে হত্যাকারী ভ্রমর তাহা ভুলিতে পারিতেছে না” বলিয়া গোবিন্দলালকে কঠোর পত্র লিখিয়া বসিল। গোবিন্দলাল পত্রের কথা ধরিয়াই স্থির করিয়া বসিলেন যে ভ্রমর বুদ্ধি তাঁহার সান্নিধ্য বা সংস্রব স্বার্থই চাহে না। ভ্রমরের স্বার্থ মনের অবস্থা কি হইতে পারে তাহা গোবিন্দলাল একবারও ভাবিয়া দেখিলেন না। ফলে ভ্রমরের মৃত্যুর সময়ের পূর্বে গোবিন্দলালের সহিত ভ্রমরের দেখা হইল না।

তৃতীয় সংসার-পতক রোহিণী। রোহিণী বালবিধবা। আমাদের সহিত যখন প্রথম পরিচয় তখন, “রোহিণীর যৌবন পরিপূর্ণ—কপ উছলিয়া পড়িতেছিল, শরতের চন্দ্র ষোলকলায় পরিপূর্ণ।……সে কালপেড়ে ধূতি পরিড, হাতে চুড়ি পরিড, পানও বুদ্ধি খাইত।” রোহিণী শিল্পকার্যেও বেশ পটু। রোহিণী কৃতজ্ঞতার খাতিরে হরলালের মঙ্গলের জন্য মরিতে পর্যন্ত প্রস্তুত, কিন্তু সে কোন মতেই চূড়ি করিতে প্রস্তুত নয়—কৃষ্ণকান্তের সমস্ত বিষয়ের বিনিময়েও নয়। রোহিণী রসিকা।

এখন দেখা যাউক রোহিণীর অধঃপতন ও পরিশেষে মৃত্যু ঘটিল কেন ও কাহার দোষে? বাল-বিধবা রোহিণীর আর কেহ ছিল না বলিয়া সে ব্রহ্মানন্দের বাটীতে থাকিত। দরিদ্রের সংসারে সকল কৰ্ম তাহাকে সহজে করিতে হইত—তাহাতেই সে ব্যাপৃত থাকিত; অন্য কিছু চিন্তা করিবার তাহার বড় অবসর মিলিত না। এই সময়ে হরলাল এক দিন নিজ কৌশল-সিদ্ধির জন্য ক্রীড়াঙ্গলে তাহাকে বিবাহের প্রলোভন দেখাইল। হরলাল বোধ হয় কোন দিন স্বার্থ বিধবা-বিবাহ করিতে ইচ্ছা করে নাই। সে প্রথমে বিধবা-বিবাহের কথা কৃষ্ণকান্তকে লিখিয়াছিল, তাঁহাকে ভয় দেখাইয়া উঠিলের নিজ অংশ বাড়াইয়া লইবার জন্য। এখন সে রোহিণীর কাছে এমন ভাব দেখাইল যেন সে সত্যই বিধবা-বিবাহ করিতে ইচ্ছুক—এবং রোহিণীকে বিবাহ করিবে। “যে শঠতার চেয়ে আর শঠতা নাই, যে মিথ্যার চেয়ে আর মিথ্যা নাই, যা ইতর-বর্কের মুখেও আনিতে পারে না” হরলাল তাহা করিল। হরলালের কৌশলে রোহিণীর হৃদয়ের কৃষ্ণ আগিয়া উঠিল—রোহিণী প্রলুব্ধ হইয়া প্রকৃত উইল চূড়ি করিয়া আল উইল রাখিয়া আসিল। সে আল উইলে

গোবিন্দলালের অংশে কিছুই নাই। পরে যখন রোহিণী হরলালকে তাহার প্রতিশ্রুতির কথা স্মরণ করাইতে গেল, তখন হরলাল তাহাকে প্রত্যাখ্যান করিল; বিবয়ের সোভেও সে চোরকে বিবাহ করিতে রাজি নহে। হরলাল কৌশল করিল, কিন্তু তাহার ফলে রোহিণীর হৃদয়ে অতৃপ্ত তৃকা আগিয়া উঠিল এবং একবার ভাগিন্যা উঠিয়া শাস্ত হইবার কোনও উপায় না দেখিয়া অধিকতর বুদ্ধি পাইল। হরলালের এই ক্রীড়া, রোহিণীর মৃত্যুর কারণ হইল। রোহিণীর হৃদয়ে যে ভ্রমাজ্জাদিত বহি ছিল, হরলালের কুককারে সে ভ্রম উড়িয়া গিয়া বহি আরও প্রবল হইয়া উঠিল। রোহিণীর তখন "অলয়তি তদুদ্যমর্দাহঃ কবোন্তি ন ভ্রমসাং।"

রোহিণীর মনের যখন এইরূপ অবস্থা তখন একদিন কাস্তের সন্ধ্যার প্রাকৃতিক সৌন্দর্যের মধ্যে বালুণীর ঘাটে কোকিলের ডাক শুনিয়া রোহিণী উন্নয়ন হইয়া পড়িল। সে "বোধ হয়, ভাবিতেছিল যে কি অপরাধে এ বালবৈধব্য আমার অদৃষ্টে ঘটিল। আমি অস্ত্রের অপেক্ষা এমন কি গুরুতর অপরাধ করিয়াছি যে, আমি এ পৃথিবীর কোন সুখভোগ করিতে পাইলাম না? কোন দোষে আমাকে এ রূপ-বৌবন থাকিতে কেবল শুষ্ক কাঠের মত ইহজীবন কাটাতে হইল? যাহারা এ জীবনে সকল সুখে সুখী—মনে কর ঐ গোবিন্দলালবাবুর স্ত্রী—তাহারা আমার অপেক্ষা কোন গুণে গুণবতী—কোন পুণ্যকলে তাহাদের কপালে এ সুখ—আমার কপালে শূন্য? দূর হোক—পরের সুখ দেখিয়া আমি কাতর নই, কিন্তু আমার সকল পথ বন্ধ কেন? আমার এ অসুখের জীবন রাখিয়া কি করি?" রোহিণী যখন উদাস মনে এই সমস্ত বিষয় ভাবিয়া আকুলভাবে কাঁদিতোছে, যখন গোবিন্দলালবাবুর চিন্তা একটা বুদ্ধির সামান্য উদাহরণের সংশ্রবে তাহার মনে আনিয়াছে, তখন গোবিন্দলাল তাহার হৃদয়ে সহনশীলতা প্রকাশ করিলেন। ইহাতে রোহিণীর চিত্ত দিনে দিনে গোবিন্দলালের প্রতি আকৃষ্ট হইবে না কেন?

রোহিণী উইল বদলাইয়া গোবিন্দলালের প্রতি যে অস্বাভাবিক করিয়াছিল এখন তাহার প্রতিকার করিতে হতসম্মত হইল। খেদে জাল উইলের পরিবর্তে আসল উইল রাখিতে গিয়া রোহিণী চৌর্যাপরাধে ধরা পড়িল। এই

বিপ্লাবস্বায়ও গোবিন্দলালের অবাচিত করণা, অবিখ্যাস-যোগ্য কথাতেও বিশ্বাস করিবার সম্ভাবনা, তাহার প্রতি রোহিণীর আকর্ষণকে উত্তরোত্তর বর্ধিত করিতে লাগিল। একান্তে গোবিন্দলালের সহিত কথায় কথায় রোহিণী হৃদয় উদ্ঘাটিত করিয়া ফেলিল এবং গোবিন্দলাল যে তাহার মনের কথা বুদ্ধিতে পারিয়াছেন তাহা জানিয়া বড় সুখী হইল; তাহার আবার বাঁচিতে সাধ হইল। প্রথমে সম্মত হইলেও কুককাস্তের হাত হইতে নিষ্কৃতি পাইয়া রোহিণী গ্রাম ছাড়িয়া যাইতে সম্মত হইল না। পূর্বে তাহার যে বিপন্ন অবস্থা ছিল চৌর্যাপরাধ হইতে নিষ্কৃতি পাইয়া তাহা আর রহিল না। এখন সে স্বাধীনভাবে নিজের অবস্থার কথা ভাবিয়া দেখিল যে, গ্রাম ছাড়িয়া যাওয়া তাহার পক্ষে অসম্ভব সুতরাং তাহার গ্রাম ছাড়িয়া যাওয়া হইল না।

ভ্রমর সমস্ত বৃত্তান্ত শুনিয়া তাহাকে জলে ডুবিয়া মরিতে উপদেশ দিল। ইহাতে রোহিণীর জীবনে দ্বিভাঙ্গ জন্মিল। তাহার প্রথম কারণ প্রেমে হতাশা, দ্বিতীয় কারণ ভ্রমর সমস্ত জানিতে পারিয়াছে এবং গোবিন্দলালের সহিত মিলনের প্রধান অন্তরায় ভ্রমরই আবার বিচারকের আসনে বসিয়া তাহাকে মরিতে উপদেশ দিতেছে। রোহিণীর মনোভাব তাহার কথায় প্রকাশ পাইল যখন সে পুনর্জীবিত হইয়া গোবিন্দলালকে বলিতেছে, "রাত্রি-দিন দারুণ তৃষা, হৃদয় পুড়িতেছে—সম্মুখেই নীতল জল, কিন্তু ইহজন্মে সে জল স্পর্শ করিতে পারিব না। আশাও নাই।" এ স্থপিত অভিশপ্ত জীবনধারণ করা রোহিণীর পক্ষে অসম্ভব হইয়া উঠিল; কাজেই সে আত্মহত্যা করিতে মনস্থ করিল। আত্মহত্যা করিতেও গেল।

রোহিণীর এই আত্মহত্যা ব্যাপারের ফল হইল দুইটা। প্রথম গোবিন্দলাল তাহার প্রতি অধিকতর আকৃষ্ট হইলেন; দ্বিতীয়, সেই পতীর রাজ্যে রোহিণীকে গোবিন্দলালের উদ্ভান-গৃহ হইতে বাহির হইতে দেখিয়া তাহার নামে মিথ্যা কলঙ্ক রাষ্ট্র হইল। দ্বিতীয়টা না ঘটিলে, প্রথমটা হয় তো কালে অস্তিত্ব হইত। কিন্তু আপাততঃ দ্বিতীয়টা লইয়া বড় গোল বাধিল। "এখন, ভ্রমরেরও যে জালা রোহিণীরও সেই জালা।.....রোহিণী শুনিয়া প্রাণে রাষ্ট্র যে, গোবিন্দলাল তাহার গোলাব—

হাজার টাকার অলঙ্কার দিয়াছে। কথা যে কোথা হইতে রটিল, তাহা রোহিণী শুনে নাই—কে রটাইল, তাহার কোন তদন্ত করে নাই”;—তদন্ত করিবার মত মনের অবস্থাও তাহার ছিল না। সে বেচারী একে নিজের অন্তর্জালায় জলিতেছে তাহাতে আবার যাহার অভাবে তাহার সকল দুঃখ তাহাকে লইয়াই তাহার নামে মিথ্যা রটনা।

ইহার পরেও ভ্রমর বা বিনোদলালের স্ত্রী, অথবা বিনোদলালের ভগিনী কেহই গোবিন্দলালের মাতা বা বিনোদলালের মাতার গোচরে এ-সকল ব্যাপার আনিবেন না। তাহা করিলে বোধ হয় রোহিণীর রান্ন-গৃহে আসা বন্ধ হইত। গোবিন্দলালের সহিত রোহিণীর সাক্ষাৎ হওয়া কঠিন হইত।—গোবিন্দলাল হরস্তাল নহে যে রোহিণীর বাড়ী গিয়া তাহার সহিত সাক্ষাৎ করিবে। গোবিন্দলাল দেশে ফিরিয়া আসিয়া যখন ভ্রমরকে না দেখিয়া ভ্রমরেরই উপর সমস্ত গোলযোগের দোষারোপ করিয়া সাধ করিয়া রোহিণীর চিন্তায় ডুব দিলেন, সেই সময় এক দিন ঘটনাচক্রে তাহার সহিত রোহিণীর সাক্ষাৎ হইল। তখন দুই জনেরই মনের সমান অবস্থা—‘হু’জনেরই’ পরস্পরকে পাইবার জন্য ব্যাকুল, ‘হু’জনেরই’ নাম একত্র হইয়া কলক রটিয়াছে, ‘হু’জনেরই’ এক চিন্তা, ‘পাপ না করিয়াও যদি এই কলক, পাপ করিলেই বা ইহার বেশী কি হইবে? কলক সমানই থাকিবে, লাভের মধ্যে উভয়ে উভয়কে পাইব।’ “সে রাজে রোহিণী গৃহে বাইবার পূর্বে বুঝিয়া গেল যে, গোবিন্দলাল রোহিণীর রূপে মূগ্ধ।” রোহিণীর অনেক দিনের ব্যাকুলতা শান্ত হইবার উপায় হইল এবং পরে ইহাতে তাহার সহায় হইলেন তাহার খুড়া ব্রহ্মানন্দ—তিনি টাকার লোভে, জাতপুত্রীর সতীত্ব-বিক্রম অহুমোদন করিলেন, রোহিণীকে কৌশলে বিদেশে গোবিন্দলালের কাছে পাঠাইলেন।

রোহিণী যে, গোবিন্দলালকে বধার্থেই ভালবাসিত না এমন নহে। কিন্তু সে কোন দিনই গোবিন্দলালের মন পায় নাই। সে গোবিন্দলালের রূপ-ভূষা-শান্তির উপায়, ভ্রমরের প্রতি অভিমানে ভ্রমরকে তুলিবার যত্নমাত্র, গোবিন্দলালের উপভোগের বস্ত্র মাত্র হইয়াছিল। গোবিন্দলাল “রোহিণীর রূপে আকৃষ্ট হইয়াছিলেন—

যৌবনের অতুল রূপ-ভূষা শান্ত করিতে পারেন নাই। ভ্রমরকে ত্যাগ করিয়া রোহিণীকে গ্রহণ করিলেন।..... যখন প্রসাদপুরে গোবিন্দলাল রোহিণীর সঙ্গীত-স্রোতে ভাসমান, তখনই ভ্রমর তাহার চিন্তে প্রবল প্রতাপাঘিতা অধীশ্বরী—‘ভ্রমর অন্তরে, রোহিণী বাহিরে’। তখন ভ্রমর অপ্রাপনীয়, রোহিণী অত্যাঙ্গা—তবু ভ্রমর অন্তরে, রোহিণী বাহিরে; তাই রোহিণী অত শীঘ্র মরিল।” তাই গোবিন্দলাল কোন দিন তাহাকে বধার্থে ভালবাসেন নাই। গোবিন্দলালের এ মনোভাষের অন্য আর বেই দারী হটক, রোহিণী নয়। রোহিণী যে অত শীঘ্র মরিল তাহার কারণ যে, তখন তাহার নিশাকরের সহিত নিভৃত্তে রহস্তালাপ নয়, তাহা স্পষ্টই বুঝা বাইতছে। এই রহস্তালাপেও আমরা রোহিণীর খুব বেশী দোষ দেখি না। গোবিন্দলাল যখন প্রসাদপুরের প্রমোদ-গৃহে রোহিণীর সঙ্গীত-স্রোতে ভাসমান, সেই সময় সেই গৃহের দ্বারে নিশাকরের আগমনে বিষম অমঙ্গল সৃষ্টি হইল, “অকস্মাৎ রোহিণীর তথলা বেসুরা বলিল। ষষ্ঠাদমীর তদুরার তার ছিঁড়িল, তার গলায় বিষম লাগিল, গীত বন্ধ হইল, গোবিন্দলালের হাতের নবেল পড়িয়া গেল”—যেন কোন অদৃষ্ট শক্তি জানাইয়া দিল যে, শৃঙ্খলার দিন গিয়া এবার বিশৃঙ্খলার দিন আসিবে, এ প্রমোদের সুখনীড় শীঘ্রই ভগ্ন হইবে।

নিশাকর যখন গোবিন্দলালের নিকট স্বীয় আগমন সংবাদ পাঠাইয়া প্রমোদ-গৃহ সংলগ্ন উচ্চানে বেড়াইতে ছিলেন সেই সময় রোহিণী তাহাকে দেখিল, দেখিয়া তাহার রূপের তারিক করিল ও সঙ্গে সঙ্গে তাহার সহিত ছুটো কথা কহিতে ইচ্ছা করিল। রোহিণী যদি কুলবধ হইত, তাহার পক্ষে একরূপ ইচ্ছা করায় পাপ ছিল, একরূপ ইচ্ছা বোধ হয় তাহার মনেও হইত না। কিন্তু রোহিণী এক্ষণে কুলটা, সে কথা তাহারও অজ্ঞাত ছিল না। মনের একরূপ অবস্থার পরপুরুষের সহিত রহস্তালাপে এমন কিছু দোষ নাই। গোবিন্দলালের প্রতি সে বিশ্বাসহীনী হয় নাট। রূপস্বীকর্তা হইয়া সে যদি রূপবান্ পুরুষকে দেখিয়া তাহাকে আকৃষ্ট করিয়া একটু রত দেখিতে ইচ্ছা করে—বিশেষ যখন সে বহুদিন যাবৎ গোবিন্দলাল তির অত কি পুরুষ কি স্ত্রীলোক এমন কোন লোক দেখে নাই, তাহার সহিত ছুটো কথা কহিতে পারে—তাহাতে

অস্বাভাবিকতাও কিছুই নাই, অন্তরও কিছু নাই। কিন্তু গোবিন্দলালের কাছে তখন "রোহিণী অভ্যাজ্য" গোবিন্দলাল যেন কোন রূপে রোহিণীর হাত হইতে পরিজ্ঞান পাইলে বাচেন। তাই গোবিন্দলাল সবিশেষ বিচার

না করিয়াই ডাবিলেন, 'যে রোহিণীর জন্ত আমি সব ছেড়েছি সেই রোহিণী আমার প্রতি বিশ্বাসহীন হইল'। এই ডাবিয়াই তিনি রোহিণীকে হত্যা করিলেন।

আধারে আলো

(গল্প)

[শ্রীমতী পূর্ণশশী দেবী]

শীতের সন্ধ্যা। তার আবার অবিরাম বৃষ্টি। সময়টা যেন নেহাৎ বিষন্ন, অলস ও ক্লান্তিকর ঠেকছিল।

বন্ধুবান্ধব নিয়ে জটলা পাকানো, কোন কালেই ব্যস্ত্যাস নেই, কলেজ আর বাড়ী, বাড়ী আর কলেজ, এই ক'রেই দিন কাটে, তবু সন্ধ্যার সময়টা একবার খোলা মাঠে বা নদীর ধারে একটুখানি বেড়িয়ে না এলে কেমন যেন হাঁপ ধরে যায়, তবে—এমন দিনও গিয়েছে এক সময়—যখন এই সাত্বা ভ্রমণের অবসরটুকুও অনাবশ্যক মনে হ'ত, কিন্তু এখন থাক্ গে।

বিষম শীত ও বৃষ্টির দাপটে কঁক-ছার, বন্ধ-বাতায়ন। ঘরে বসে আমি একা, আজ প্রাণটা ঠিক হাঁপিয়ে না উঠলেও কেমন যেন উদাস ও নিরুৎসাহ হয়ে পড়েছিল।

কাল শনিবার, কলেজে মিটিংয়ে শোনারা বস্ত্র একটা গবেষণাপূর্ণ প্রবন্ধ রচনার মাল-মসলা মনে এবং দোয়াত-কলম-কাগজ হাতের কাছে নিয়ে বসেছিলুম। নূতন কেনা ইংরাজী নভেল ক'খানা সামনে টেবিলের ওপর গড়ানুড়ি বাচ্ছিল, কিন্তু কিছুতেই মন লাগছিল না।

আমার অবসাদগ্রস্ত ক্লান্ত চিত্ত, আজ যেন সেই মেঘ-মেহুর সন্ধ্যাকাশের মত বাপ্পা হয়ে উঠেছিল।

বাড়ীখানাও কি তেমনি নিস্তর। সময় চূপ চাপ, মনে হচ্ছিল না—সেখানে আর দ্বিতীয় প্রাণীর অস্তিত্ব আছে।

ইন্ডি চেয়ারে এলিয়ে প'ড়ে, বন্ধ জানালার শাশী দিয়ে আমি দেখছিলুম, দুর্ঘোণ-বিধুরা প্রকৃতির অশ্রমসম

করণ রূপ,—নীরবে শুনছিলুম, উতলা বাতাস ও বর্ষণের মাতামাতির সন্ সন্ রূপ ঝাপ শব্দ। মনে পড়ছিল কত দিনের কত কথা!

অতীত দিনের কোন্ দূরদূরান্তরের হারিয়ে যাওয়া সুখ-হুঃখের স্মৃতিগুলি আজ আমার শুক্ক অন্তরের নিরালা কোণটিতে ধীরে ধীরে এসে ভিড় করছিল। কেন?—জানি না,—

বাহিরের দুর্ঘোণের সঙ্গে মাহুষের অন্তরের কোন ঘনিষ্ঠ যোগাযোগ আছে না কি?

শৈশব, কৈশোর ও যৌবনের কত কথা, কত চিন্তাই মনের ভিতর সেই আকাশ-ছাওয়া বাতলের মত চারিদিক থেকে ঘোর করে ঘনিয়ে আসছিল।

মা'য়ের মমতা-স্নিগ্ধ শাস্ত সুখদৃষ্টি, কালধর্মে বা বিশ্বাসিতর তুলনামে গিয়ে ছায়ার মত অস্পষ্ট হ'য় এসেছিল, আজিকার এই নিস্তৃত মুহূর্তে তা অস্পষ্ট হয়ে উঠল, মনে পড়ল, পিতার কঠোর শাসন হতে আত্মরক্ষার জন্ত যখন মায়ের কাছে ব্যাকুল হয়ে ছুটে যেতুম,—তখন কি আগ্রহে, কি গভীর স্নেহেই তিনি অপরাধী সন্তানকে তাঁর স্নেহতপ্ত কোমল বুকের খানিতে টেনে নিতেন!—আঃ! মা গো! কামাময়ী, মমতাময়ী মা আমার!—এ পাপ-পৃথিবীতে তোমার তুলনা কোথায়!—

তারপর সেই মায়ের জীবনান্তকারী পীড়া ও লাহনা, তিনি কতদিন শয্যাশায়িনী ছিলেন, তা ঠিক মনে নাই; তবে তাঁর, সেই আরোগ্য-আশাহীন দীর্ঘকালব্যাপী

আমার কক্ষ-প্রকৃতি পিতাকে যে কতখানি অসহিষ্ণু ও খিটখিটে করে তুলেছিল, সেটা বেশ গভীরভাবেই মনে পড়ে,—মনে পড়ে মায়ের মৃত্যুর দিনকয়েক মাত্র পূর্বে তিনি একদিন ত্যক্ত-বিরক্ত হয়ে মায়ের সাক্ষাতে স্পষ্টই বলে ফেলেছিলেন—

“নাঃ,—এমন ক’রে আর তো পারা যায় না বাপু!—নিতি রোগ নিয়ে একেবারে প্রাণান্ত পরিচ্ছেদ!—এ যে না মরে না তরে—”

মা তখন বাকশক্তি-রহিত, কিন্তু অমূভব-শক্তি তখনো ছিল বোধ হয়। তাই চোখের জলের বড় বড় ফোঁটা, তার’ চোখ ছাপিয়ে টস্ টস্ করে বালিসের ওপর গড়িয়ে পড়েছিল।—উঃ!—সে মধ্যাস্তিক দৃশ্য মনে করলে এখনো ঘেন বৃকের মাঝখানটা মোচড় দিয়ে ওঠে!—

যাক,—মা’র সে ভোগেরও একদিন শেষ হয়ে গেল, আপদের শাস্তি হ’ল! আমার ভাগ্যবতী এয়োরানী জননীর শেষকৃত্যের সঙ্গে সঙ্গে স্বামীর সমস্ত কর্তব্য শেষ করে ফেলে পিতা তা’র অগোছান শুল্ক সংসার ভর্তি করে নিলেন অবিলম্বে।—

মনে পড়ে, নবাগতা গৃহলক্ষ্মীর সঙ্গে পরিচিত করতে পিতা যখন আমার হাত ধরে, অস্বাভাবিক মিষ্ট বচনে বলেছিলেন—“ইনি তোমার নতুন মা রবি!—এ’কে তুমি তোমার মায়ের মতই মনে করো, তা হ’লে—ওকি ছিঃ!—অমন করে কি!—”

আমি তখন জোর করে তা’র হাত ছাড়িয়ে সেই যে উদ্যোগ হয়েছিলুম, সারাদিন কেউ খোঁজ করতে পারে নি, গভীর রাত্রে সন্ধান ক’রে আমাকে যখন ঘরে আনা হ’ল, তখন সারা দিনের অনাহারে দারুণ মনঃকষ্টে আমি প্রায় অচেতন।

আমার বয়স তখন কতই?—দশ কি এগারো বছরের বেশী নয়। বিমাতার ভাগ্য ভাল যে আমার আর তাই-যোন কেউ ছিল না, কিন্তু সতীন-কাঁটা একটাই বখেটে!—তবে একথা স্বীকার না করলে অসম্ভব হবে, যে বিমাতা-ঠাকুরানী প্রথম পদার্পণেই সপত্নী-কণ্টক উচ্ছেদের চেষ্টা করেন নি, বরং বালকের বিরোধ-বিমুখ চিত্তকে—বাধ্য ও বশীভূত করতে বখেটে বসে ও আগ্রহ দেখিয়েছিলেন, তা’তে অকৃতকার্য হয়ে তিনি পিতা ও প্রতিবাসিনি-

দের সাক্ষাতে আন্তরিক দুঃখ প্রকাশ করে বলেছিলেন, “মাগো মা! এমন একরোখা ছেলে তো জন্মে দেখি নি! ছেলে মাহুয, খাবি দাবি, হেসে খেলে বেড়াবি,—তা নয়, অষ্টপ্রহর পেঁচার মত মুখ গোমড়া করে আছেন!—পোড়ামুখে তুলেও কি একবার হাসি আসে না ছাই?—কেন রে বাপু!—মা কি আর কারুর মরে না?”

তার সে অমূভব—একটুও মিথ্যা নয়—বাস্তবিক মা গিয়ে পর্যন্ত আমি হাসতে বোধ হয় তুলেই পিঠেছিলুম,—সেই তুলে যাওয়া হাসি, হারিয়ে যাওয়া আনন্দ, আমি কিরে পেলুম আবার বৌবনে, জীবন যুদ্ধে জয়ী হ’য়ে সংসারে প্রতিষ্ঠা এবং শিক্ষিতা স্ত্রীলা অনীতাকে জীবন-সঙ্গিনী রূপে লাভ করি।

মাধুর্যময়ী অনীতার মধুর সঙ্গ আমার জীবন ইতি-হাসের কালো খাতাখানার সোণার রংয়ের তুলি বুলিয়ে বড় উজ্জল বড় সুন্দর করে তুলেছিল,—কিন্তু—এই নখর সংসারে কিছুই স্থায়ী হয় না বৃষ্টি!—তাই আমার দুঃখের জীবনে দুর্লভ মুহূর্তে পাওয়া—সেই মধুর আনন্দ কণগুলি অতি সংক্ষেপ হয়ে গেল একটা অনাহত স্ত্রী অতিথির আগমনে—কথাটা যেন স্নবে সেই হাসবে, আমাকে মাথা-পাগলা মনে করে নিও না, এ তুল নয়—খাঁটি সত্য, আমি ঠিক জানি, অনীতাকে আমার অন্তর থেকে অন্তর করে দিয়েছে সেই-ই, নইলে সংসার তো আগেও ছিল, এমনি অলস বাদল বেলা—আগেও তো কতবার গিয়েছে, যখন অল্প আমার কাছ-ছাড়া হবার ভয়ে নিতান্ত প্রয়োজনেও ঘরের বাইরে যেতে দেয় নি, এমন কি তার, একান্ত আগ্রহে অসুস্থতার অকূহাতে আমাকে কলেজ কামাই করতে হয়েছে কতবার, আর এখন?—আঃ! কি আশ্চর্য! কি ঘোরতর পরিবর্তন! এ পরিবর্তন বৃষ্টি শুধু নারী-জীবনেই সম্ভব!

আমার মনের এই বন্দ অনীতার কাছে কিছুতেই চেপে রাখতে পারিছিলুম না, একদিন উচ্ছ্বসিত আবেগে স্পষ্টই বলে ফেললুম নারী সন্তানের জননী হ’লে তাতে আর পত্নীত্ব থাকে না, তখন সে স্বামীকে যেটুকু ভালবাসে শুধু স্বার্থের খাতিরে, তার সন্তানের পিতা বলে—ইত্যাদি...

তবে অনীতা খানিক তরু হয়ে আমার মুখের দিকে চেয়ে রইল’, তারপর কহু মধুর হাসি হেসে বললে...

বেশ।—তোমার এ কিলসকি উত্তট হ'লেও নূতনতর বটে—কিন্তু আমি বলি খবরদার।—কলেজের লেকচারে যেন এ কিলসকি কোনদিন তুলেও প্রকাশ করে না, তা'হলে সকলে তোমাকে পাগল ঠাওরাবে,—বুঝলে ?”

কিন্তু সত্যিই কি এ পাগলামী ?—তা যদি হয় তবে—আমার অট-পাকানো চিন্তা-স্বপ্নের গ্রহি ছিন্ন করে দিয়ে, শুক গৃহে অপর প্রাণীর অস্তিত্ব জানিয়ে, রাত্রাঘরের দিক থেকে ছুটে এস, কান্নার থালা পড়ে যাওয়ার ভীত বন্ধু শব্দ।

তারপর ক্রমশঃ চন-ন-ন-নন্ করে শব্দটা আন্তে আন্তে মিলিয়ে গেল, ধরিজী হতে চিরন্তরে মিলিয়ে-বাওয়া মরণা-হত প্রাণের শেষ আর্কনাদের মত।

চকিত হয়ে, জানালা হতে দৃষ্টি ফিরিয়ে দরজার দিকে চাইলুম—ভেজানো ছয়র খুলে এল অনীতা, তার কোলে গুম্ব কাপড়ে জড়ানো সেই আমার স্বপ্নের জীবনের প্রতিশাপ।

ঘর তখন অন্ধকার হয়ে এসেছে, আলোর সুইচটা খুলে দিয়ে ধীরে ধীরে আমার খানিক তফাতে রাখা চেয়ারখানায় বসে পড়ে অনীতা যেন আপন মনেই বললে—

“না!—এ বৃষ্টি আজ আর খাম্বে না দেখছি,—ভেমনি শীতও কি জাঁকিয়ে পড়েছে!—একে পশ্চিমে হাড় ভাঙ্গা শীত, তার আবার ছুর্ঘ্যোগ—”

“ঘরখানা ভারি ঠাণ্ডা বোধ হচ্ছে, না?—চিমনীতে আগুন দিতে বল' ?”

“না, দরকার নাই।”

“তবে থাক্” বলেই সে তাড়াতাড়ি হেঁট হয়ে খোকায় গায়ের শালখানা ভাল করে জড়িয়ে দিয়ে—পায়ের খসে-পড়া মোজাটা পরিয়ে দিতে লাগল,—তার ননীর পুতুলের ঠাণ্ডা লাগবার ভয়ে,—এ বাড়াবাড়ি নয় কি ?

আমি তখন অগ্রসর বক্র দৃষ্টিতে পুঁটলী পাকানো মাংসপিণ্ডটার দিকে চেয়েছিলুম,—ও যেন ঠাসা ময়দার একটা তাল।—ওতে যেন চেতনার স্পন্দন বা অস্বস্তি কিছুই নেই।—অনীতা ওর মধ্যে এমন কি পেয়েছে—বার অস্তে—অগতঃসংসার তুলে—”

“ওমা মা!—এরি মধ্যে ঘুম এসে গেল আমার বাবলু ছোনার ?” স্নেহ-গাঢ় কণ্ঠে আধ আধ স্বরে কথাটা বলে,—সেই অড়পিণ্ডের নিত্মা-নিখর মুখখানা গভীর মমতার চূষন করে অনীতা—আন্তে আন্তে তাকে চাপড়াতে লাগল'। যেন এই আদর করা—আর ঘুম পাড়ানো ছাড়া তা'র জীবনে আর কোনো কাজ,—কোনো কর্তব্যই নেই। হায়! নারী!—তোমার নারীত্বের কি এই পরিণতি !

আমার মর্ষস্থল মথিত ক'রে একটা রুদ্ধ গভীর নিঃশ্বাস বেরিয়ে গেল।

নিশ্চয় কক্ষে, সেই দীর্ঘশ্বাসের শব্দ শুনতে পেয়েই বোধ হয় অনীতা এতক্ষণ পরে তার বাবলু সোণার দিক থেকে দৃষ্টি তুলে আমার পানে পরিপূর্ণ ভাবে চাইল, কিন্তু যে দৃষ্টি একদিন আমার অন্তরে আনন্দের সাড়া, পুলকের উচ্ছ্বাস আগিয়ে মনের সকল ব্যথা গ্লানি এক নিমিষে মুছে দিত, এ তো সে দৃষ্টি নয় !

আমার অন্বাভাবিক গাভীর্ষ্য ও নিরীকার ভাব দেখে সে মনে মনে কি একটা আন্দাজ ক'রে কোমল স্নিগ্ধ কণ্ঠে জিজ্ঞাসা করল,—“কালকের অস্ত্রে সে প্রবন্ধটা লিখছিলে বুঝি ? লেখা হয়ে গেল ?”

“না, আরম্ভই করিনি এখনো—”

“ওমা ! তবে এতক্ষণ কাগজ-পত্র নিয়ে চুপচাপ বসে কি করছ' ? মনে আসছে না বুঝি ?—যা ছুর্ঘ্যোগ !—”

ছুর্ঘ্যোগ কোথায় ? বাহিরে না অন্তরে ? ইচ্ছে হল একবার মুখ ফুটে বলি, কিন্তু প্রবৃত্তি হ'ল না। যে ব্যথার মর্ষ বোঝে না, তাকে ব্যথা জানিয়ে লাভ কি ?

আমাকে নীরব দেখে অনীতা আবার বললে, “এখন তুমি লিখবে নাকি।”

“দেখি”—

“তা হ'লে আমি যাই, খোকনকে শুইয়ে দিই গিয়ে, ঘুমিয়ে একেবারে স্তাতা হয়ে গেছে।”

ঘুমন্ত খোকনকে সাদরে সস্তর্পণে বুকে তুলে নিয়ে অনীতা উঠে পড়ল'। আমি অসহিষ্ণু হয়ে বললুম, “আমি এবেলা কিছু খাব না, বুঝলে !”

“কেন ?”

চোখ খুলে একেবারে রাত কাবার ক'রে,—কি আশ্চর্য!—আজ কি ঘুমে ধরেছিল আমার!

হস্ত-দস্ত হ'য়ে উঠে বাতিটা নিবিয়ে দিতেই ভোরের স্বচ্ছ স্নিগ্ধ আলো ধরমধর ছড়িয়ে পড়ল'।—রাতের দুর্ঘ্যোগ নিঃশেষে কেটে গেছে,—নির্ধ্বল প্রভাত!—সুন্দর প্রভাত! চোরের মত চুপি চুপি শয়ন-কক্ষে এসে দেখি, অপরূপ দৃশ্য!—

খাটের পাশে বেতের মোড়ায় বসে অনীতা, ঘুমের ঘোরে মাথাটা তার বিছানার ঢলে পড়েছে, একখানি হাত স্থপশিষ্ঠর অঙ্গে স্তম্ভ, অপর হাতখানি প্লথ হয়ে কোলের ওপর নেতিয়ে পড়েছে।

বেশ বুঝতে পারলুম, সে অনেক রাত পর্যন্ত জেগে বসেছিল আমারই প্রতীক্ষায়—ত আমাকে ডাকতে যায় নি, কেন? অভিমানে?—

কিন্তু অভিমান ক'রে এই দীর্ঘ শীতের রাত ঠায় বসে কাটাবার কি দরকার ছিল!—না, এ শুধু অভিমান নয়, আরো,—আরো কিছু! আমার প্রাণ ধার তরে হাহাকার করছে—এ তাই!—

আমি নিঃশব্দে দাঁড়িয়ে অনিমেষ মুখ নরনে দেখতে লাগলুম, সেই স্থপ্তি-নিথর অদৃষ্টপূর্ব মধুর ছবিখানি!—

সেই সংঘমের, ত্যাগের মহিমায় সমুজ্বল স্নেহময়ী জননী এবং মহীয়সী প্রেমসীরূপ,—একাধারে দুইই!

এ যেন গঙ্গা-বনুনার বিচিত্র পবিত্র সন্মিলন!—এ রূপ এতদিন দেখতে পাই নি, আমি কি অন্ধ!

ধীরে ধীরে পাশে এসে দাঁড়াতেই অনীতা চমকে জেগে উঠল'। আমার দিকে চেয়ে, সে কুণ্ঠিত চকিত হ'য়ে বললে—“ওমা!—সকাল হ'য়ে গেছে?—কি ঘুম আমার!—তুমি যে আজ এত ভোরেই উঠেছ?”

আমি অনীতার হাত হৃদয়ানি ধরে আদরমাথা পাচ কণ্ঠে বললুম,—“এই ঠাণ্ডায় তুমি সারারাত বসে কাটিয়েছ অহু?—কেন?—”

সলজ্জ মধুর হাঁকি হেসে অহু উত্তর দিল,—

“কি করব', মনে করেছিলুম, তুমি এলে শোবো,—কিন্তু—”

“আমাকে তুমি ডাকোনি কেন?”

“ডাকতে গেছলুম,—কিন্তু ভয়না হ'ল না। যদি বিরক্ত হও,—একে তো আজকাল তুমি এমনই আমার ওপর—”

“না অহু! না,—এমন তুল আর কখনো হবে না আমার!”

উচ্ছ্বসিত গভীর আবেগে, নিবিড় অমুরাগে অহুকে আমার বুকের ভেতর টেনে নিলুম।

মনের সংশয়-কুয়ালা কেটে গেল এক নিমেষে। তখন নিমেষে নির্ধ্বল পূর্বাকাশে বল্মলিয়ে ফুটে উঠছিল—কোতির্ধর স্বর্ণশতল,—হাজার হাজার সোণার পাপড়ী মেলে।—



আরব সুলেমানের ভ্রমণ-কথা ৮-৫১ খৃষ্টাব্দে লিখিত

(মূল আরব পুঁথির ফরাসী অনুবাদ হইতে)

[শ্রীগুরুদাস সরকার এম-এ]

রাস-অল-কমলমা অন্তরীণ ছাড়িয়ে আহাঙ্গলো
লা'র উপসাগরে এসে পড়ে। লার প্রদেশের আজ-
কালকার নাম হচ্ছে গুজরাট। এই সাগরটা এতই গভীর
যে কেউ তার পরিমাপ করতে পারে না; আর এত
বিস্তীর্ণ যে এর সীমা নির্দেশ করাও কঠিন। অনেক
আহাঙ্গী লোকে বলে যে এত উপসাগর আর খাড়ি এর
চারিদিকে ছড়িয়ে রয়েছে যে তার ঠিক বখাবথ বর্ণনা করা
সম্ভব নয়। কখন কখন এ সমুদ্র পার হয়ে আস্তে
চুড়িন মাস লাগে—আবার যদি সুবাতাস মেলে, আর
আহাঙ্গের পাল আর দড়িদড়া ঠিক থাকে তা'হলে মাস
দুইয়ের মধ্যেও পার হওয়া যায়। হাবসীদের দেশ
থেকে আরম্ভ করে এ অঞ্চল পর্যন্ত যে সকল সমুদ্রে পাড়ি
দিতে হয় তার মধ্যে এইটিই হচ্ছে সব চেয়ে ঝোড়ো
(বটিকা-সকুল)। আফ্রিকার পূর্বধারে লাগা যে আংসমুদ্র
সেটাও এর মধ্যে পড়ে গেছে। এই লার সমুদ্রে “অম্বর”
জিনিসটা বড় বেশী পাওয়া যায় না। যদিও আং সমুদ্রের
ধারে আর আরব দেশের সির উপকণ্ঠে এ সামগ্রী
যথেষ্ট মেলে। এই সির দেশের লোকগুলোকে মাহারা
বলে। তারা হচ্ছে খুদা-বিন্ মালিক বিন্ হিমারের
বংশধর। অবিভ্রি অস্ত আরবদের সঙ্গে যে এরা মিশ
খায়নি তা' নয়। এদের মাথায় খুব ঘন চুল হয়, আর তা'
তাদের কাঁধে এসে পড়ে। এরা বড় গরীব আর এদের
কটেরও অস্ত নেই। সে বা হোক এদের দেশের উটগুলো
বড়ই ভাল অস্ত্র আয়নার উটের চেয়ে এ উটের কদর
খুব বেশী। এরা সেগুলো রাত্রে চড়ে বেড়ায়। সমুদ্রের
ধারে এসে উটগুলো যদি দেখে যে চেউয়ে ভেসে এসে
কোথাও অম্বর লেগে রয়েছে অমনি তারা হাঁটু গেড়ে
বসে পড়ে আর আরোহী তখনই নেবে তা' কুড়িয়ে নেয়।
সবচেয়ে বা ভাল অম্বর তা' পাওয়া যায় কিন্তু দ্বীপের ভিতর
আর আং সমুদ্রের ধারে। সেগুলো হয় বেশ গোল গোল

আর উটপাখীর ভিমের মত বড়—কখন বা তার চেয়ে
একটু ছোটও হয়। রং হচ্ছে তার একটু নীলাভ।
আওয়াল বলে' এক রকম মাছ আছে সেগুলো এই সব
অম্বরের টুকরো গিলে ফেলে; আর যখন সমুদ্রে খুব চেউ
হয়, তখন সব উগরে দেয়। সে টুকরো এক একটা এত
বড় হয় যেন ঠিক পাহাড়ের টুকরো। যে সব মাছ অম্বর
গিলে ফেলে তাদের ভিতরে সেই টুকরোগুলো যাদের
আটকে যায় তারা মড়ার মত হয়ে ভেসে উঠে। আং দেশের
ও অস্ত্র দেশের লোকগুলো তারাও এইরকম অযোগ্যের
প্রতীকার থাকে, আর তাদের শালুতির মত নৌকার চেপে
দড়ি বাধা বলম ছুঁড়ে মারে। তারপর সেই বিশাল মাছের
পেটটা চিরে ফেলে আর ভিতর থেকে অম্বর বের করে
নেয়। নাজীভুড়ির ভিতর থেকে যে সব টুকরোগুলো
বের করে, সেগুলো বড়ই দুর্গন্ধময়। ইরাক আর পারস্য
দেশের যা'রা খুস্বু তৈরী করে তারা এগুলোকে বলে
নাড। কিন্তু পিঠের কাছে যা' পাওয়া যায় তা' সে
মাছের দেহে যতদিনই থাক না কেন খাবাপ হয় না, ভালই
থাকে। এই লার সাগরের ধারেই হচ্ছে সাম্মুর সহর,
সুবারা, তানা, সিন্দান, কানবায়া আরও নানান স্থান।
এগুলো সব পশ্চিম-ভারত আর সিন্ধুদেশের অন্তর্গত।
(সুবারা প্রাচীন সূর্যরক বন্দর; তানা বা থানা বোম্বাই
সহরের নিকটে অবস্থিত। কানবায়া ক্যাথে নামেই
বর্তমানে সুপরিচিত ও এই নামে একটা উপসাগর আছে।)
লার সাগরের পর হচ্ছে হারকন্দ সমুদ্র (বন্দোপসাগর);
যে সাত সমুদ্র পার হয়ে চীনে যেতে হয় হারকন্দ হচ্ছে
তার তেরদা সমুদ্র। এই সমুদ্র আর লার (গুজরাট)
দেশের মধ্যে অনেকগুলি দ্বীপ আছে। এগুলির আধুনিক
নাম লাক্ষা দ্বীপ ও মালদ্বীপ। কেউ কেউ বলে যে
গুণতিতে এগুলো উনিশ শো'র কম হ'বে না। এই
পুঞ্জই হচ্ছে দুই সমুদ্রের সীমানা। আর এগুলি

করেন একটা জ্বীলোক। কখন কখন এই সব দ্বীপের ধারে বড় বড় অশ্বরের টুকরো এসে পড়ে। সেগুলো দেখতে অনেকটা গাছগাছালীর মত। এসব অশ্বর সমুদ্রের মধ্যে গাছের মতই জন্মায়। আর যখন সমুদ্রে খুব ঝড় হয় তখন তারা থেকে উপরে ভেসে উঠে। এগুলো দেখতে কি রকম জান? যাকে 'ব্যাণ্ডের ছাতা' বা 'পস্থাল কৌড়ের' বলে সেই গুলোর মত। এই জ্বী-শাসিত দেশে নারিকেলের চাষই বেশী। দ্বীপগুলো একটা থেকে আর একটা মাত্র তিন চার পারমাং তফাৎ। প্রত্যেক দ্বীপেই লোকের বাস, আর প্রত্যেক দ্বীপেই নারিকেলের চাষ। এদের যা' কিছু ধনদৌলত তা' সবই কড়িতে। এদের রাণী তাঁর রাজকোষে যথেষ্ট পরিমাণ কড়ি সঞ্চয় করে রাখেন। লোকে বলে এদের মত পরিভ্রমী জাত আর নেই। এমনি এরা বাহাদুর যে সেলাই না করেও এক একটা গোটা জামা যায় হাতা-গলা সমেত বুনে ফেলতে পারে। এরা জাহাজ তৈরী করে। আর এদের মধ্যে যারা স্থপতি ও কারুশিল্পী তারাও খুব সুন্দর। কড়িগুলো সমুদ্রের উপর ভেসে বেড়ায় আর কোন কিছু দেখতে পেলেই তারা তাদের টেনে নিয়ে তাতে আটকে থাকে। কড়ি সংগ্রহ করবার জন্য এরা নারিকেলের ডাল ডালিয়ে দেয়, আর কড়ি তাতে আপনি এসে আটকে যায়। দ্বীপ-

বাসিরা কড়ি না বলে, বলে কবদাজ্। এই দ্বীপমালার শেষ দ্বীপের নাম সীরন্ দীব্ (সিংহল)। সেটা একেবারে হারকন্দ সমুদ্রের মধ্যে। অপর সকল দ্বীপের চেয়ে এইটাই বড়ো আর প্রধান। এই দ্বীপপুঞ্জকে লোকে বলে দীবাজাৎ। সীরন্ দ্বীপে মুক্তা সংগ্রহ করার জন্যে সমুদ্র থেকে শুক্তি তোলা হয়। এ দ্বীপটির চারিদিকে সমুদ্রে ঘেরা। দ্বীপের ভিতর রাহম বলে একটা পাহাড় আছে। আদমকে (প্রথম মানবকে) ফার দউস থেকে তাড়িয়ে এই দ্বীপেই ছুড়ে ফেলে দেওয়া হয়েছিল। এই পাহাড়ের চূড়ার উপর একটা পাথরের চিহ্ন আঁকা আছে। লোকে বলে আদম সমুদ্রের ভিতরের এক শা' ফেলেছিলেন আর এক শা' ফেলেছিলেন এই পাহাড়ের উপর—তাই একটা বই আর পাথরের চিহ্ন নাই। শুনতে পাওয়া যায় যে এই পাথরের দাগটা লম্বায় ৭০ হাতের কম নহে। এই পাহাড়ের চারিদিকে অনেক মণিরস্ব পাওয়া যায়—চুনি, নীলমণি, সোণপাথ সবই মেলে। সীরন্ দ্বীপে দু জন রাজা—একজন বড়, একজন ছোট। এখানে কি কি পাওয়া যায় তা' বলছি। এ্যানোজ, সোণা, মণিমুক্তা আর বড় বড় শাঁক। এ শাঁকগুলো ডেরীর মতো ফুঁ দিয়ে বাজায়। লোকে মূল্যবান জিনিসের মত এ গুলোকে যত্ন করে তুলে রাখে।



সোনা পাতিলার বিল

[বন্দে আলী মিয়া]

রহিমপুরের পাশ দিয়ে সোজা গেছে যে বাঙর চলে',
ওরি নাম নাকি 'সোনা পাতিলা' সে গ্রামবাসী সবে বলে,
কে জানে কাহারো দীঘি কাটাইয়া কবে সে কিসের লাগি'
সোনা আর মেটে পাতিল লইয়া করি' ভায় ভাগাভাগি,
দুইপারে এর পুঁতিয়া দিয়াছে হিজল গাছের নীচে
সে দিনের কথা কাহিনী সে আজ—সত্য হয়েছে মিছে ।
ছুটি গাছ—আজো দুইপারে থাকি' শাখা নাড়ি' কথা কয়,
বাদলের দেয়া ঝঞ্জা দাপট রোদের মোহাগ সয় ;
এই জল আজ কখনো বা কমে কখনো উরিয়া ওঠে,
লোকে বলে হোথা 'দেউদে' যে আছে শুকাবেনা তাই মোটে.
সাত কোলা টাকা 'দেউদে' হয়েছে—পূজার মাদার গাছ
—এরি পাহারায় আছে নাকি হোথা মস্ত গজার মাছ ;
সিঁড়রের ফোঁটা মাথায় তাহার জ্বলিচে সোনার মত,
যায়নিক নাকি ধুইয়া মুছিয়া—বছর গিয়েছে কত ।
রাখাল ছেলেরা দুপুর বেলায় মোষের পিঠেতে চড়ি'
লাফাইয়া পড়ি' নিলের বুকতে ঝাঁপায় প্রহর ভরি' ।
কেহ বা ছিটায় গায়ে দেয় জল কেহ বা সাঁতার কাটে
'টগে' 'টগে' খেলি ডুব ভেঙে ভেঙে চলে' যায় ভিন্ ঘাটে ।
নিত্য দুপুরে এই ক'রে ক'রে সন্ধ্যাবেলায় উঠি'
পাট-খড়ি ছেলে তামাক খাইয়া ল'য়ে যায় তারা ছুটি ।

পোষের শেষ দিনটীতে যেন বিলের মহোৎসব,
গাঁয়ের লোকেরা বুকে নেমে এর করে মহা কলরব ;
টানা দূর হতে বাহুতেরা আসে মাছ ধরিবার লাগি'
কারো কাঁধে 'পলো'—কারো হাতে জাল—কেহ আনে সুধু তাগি ।

সারি বেঁধে বেঁধে বিলম্ব তার পলো চাপা দিয়া চলে,
 মাছ পড়ে যার টেনে তোলে সে-ই—কেহ বা সাথীরে বলে,
 দুজনের কেহ হাত দেয় পূরে—কেহ বা শক্ত করি'
 নিকটেই তার দাঁড়াইয়া থাকে হাতের পলোটি ধরি' ।
 জলে হাত দিয়ে হাতড়ে দেখায় অন্ধকারের কোঠে,
 কখনো বা মাছ—কখনো বা ব্যাঙ—কখনো বা সাপ ওঠে ।
 ঠালা জাল লয়ে কূলে কূলে যারা ক্ষুদে মাছ স্নধু ধরে,
 দুই পা চলিয়া তুলে' ঝাড়ে জাল যদি কিছু এসে পড়ে ।
 ছোট ছেলেপুলে—পলো কিবা জাল কিছুই বে আনে নাই,
 লোকের খচায় মরেচে যে পুঁটা কুড়িয়ে লইচে তাই ।
 সোনা পাতিলার ঘোলা জলটুকু যেন এই দিনটায়
 তলের কাদায় মাখামাখি করি' কাজল হইয়া যায় ।
 গাঙচিলগুলা মাথার ওপরে উড়ে' উড়ে' স্নধু চলে
 রূপ করে' ধরে' দাঁড়কাণা মাছ—পাখা ঝাপ্টায় জলে ।
 তাড়া খেয়ে যত মাছগুলা সব জুলার দাউনে এসে,
 চুল-বুল করে সারাদিন ধরি'—খলুসে বেড়ায় ভেসে ।
 মাছ-মারা শেষে পলো কাঁধে তুলি' বাহতেরা যায় ঘর,
 সারি দিয়ে চলে আলু বেয়ে বেয়ে পলো থাকে কাঁধ' পর ।
 হালি গাঁথা মাছ কারো পিঠে কোলে কারো ছোট কারো বড়ো,
 কেউ ফেরে স্নধু খালি হাত নিয়ে—কিছুই হয় নি জড়ে ।

চড়ুই ভাতির ধূম পড়ে' যায় শেষ পৌষালি দিনে,
 আমোদ হয় না মারা-মাছ আর মটরের শাক বিনে ।
 মাঠের মাঝেতে আখা করা হয় তিনখানা ইট দিয়া,
 কেহ আনে মুন—কেহ আনে জল—কেহ আসে খড়ি নিয়া,
 সোনা পাতিলার দরা-মাছ আর চুরি ১রা শাক, পাতা ;
 চাল-ডাল কিছু চেয়ে চিন্তিয়ে শুরু হয় সব রাঁধা,
 চাবার ছেলেরা রেঁধে বেড়ে খায়—মেয়েরাও কেহ আসে,
 হাঁড়িগুলা আর এঁটো কলাপাতা ফেলে যায় পথ-পাশে ।

বৈরাগ্য

২

[শ্রীঅপর্ণাচরণ সোম]

নিজের লাভ ছাড়া যে-লোক এ জগতে আর কিছু দেখে না, যে-লোক কর্মবিধি না বুঝিয়া কেবল ফলের প্রত্যাশায় কাৰ্য্য করে, সে নিঃস্বার্থভাবে ফলাকাঙ্ক্ষারহিত হইয়া কেবল কর্তব্যের খাতিরে কাৰ্য্য করা অসম্ভব মনে করিবে; কিন্তু “যৎ কর্ম কুরুতে তৎ অভিসম্পদ্যতে”—যে কর্ম করা যায়, তাহার ফল ফলিবেই,—তা’ তাহা শীঘ্র হউক বা বিলম্বে হউক বা আমরা তাহা দেখিতে পাই বা না পাই, এবং “ক্রিয়তে যাদৃশং কর্ম তাদৃশং প্রতিপত্ততে”—যে রূপ কর্ম করা যায়, তাহার ফলও সেইরূপ হয়, ইহাই যখন প্রাকৃতিক বিধি, মানুষের ইচ্ছায় বা অনিচ্ছায় কিছুতেই যখন ইহার ব্যতিক্রম হয় না, তখন কর্মের ফল প্রত্যাশা করা নিরর্থক। বিশেষতঃ “অযুক্তকামকারেণ ফলে সন্তো নিবধাতে”—ফল-কামনা পূর্বক কর্ম করিলে মানব যখন ফলে আবদ্ধ হইয়া জন্ম-মৃত্যু-চক্রে পরিভ্রমণ করিতে থাকে, তখন ফল-কামনা করিয়া কাৰ্য্যামুষ্ঠান করা মূঢ়তা মাত্র। “লোকে আশ্রয়ই জন্ত যমেন আশ্রয়ক্ বোপণ করে, কিন্তু ছায়া ও মূকলের সঙ্গক্ তাহারা বিনা চেষ্টাতেই পাইয়া থাকে, সেইরূপ কর্তব্যের অমুরোধেই কর্ম অমুষ্ঠান করিবে, কিন্তু অমুষ্ঠানের ফল-কামনা না করিলেও উহা স্বতঃই প্রাপ্ত হইবে, ফলে ইচ্ছা না থাকিলেও কর্মের স্বভাবগুণেই সেই ফল উপায় হইয়া থাকে।” সুতরাং পরের উপকারের জন্তই পরোপকার করা কর্তব্য, —উপকৃতের নিকট হইতে প্রত্যাশা করা পাইবার আশায় নয়; দানের জন্তই দান করা কর্তব্য—দানের ফলে আমার স্বর্গাদি লাভ হইবে, এইরূপ আশায় নয়। কিন্তু নিজের জন্ত ফল-কামনা না থাকিলেও উপকার বা দান করিয়া উপকৃতের বা দানগ্রহীতার কি কল-হইল, তাহা দেখিবার কামনা হইতে পারে। সেই জন্ত কাৰ্য্য—কর্মের অমুরোধেই অর্থাৎ যে সকল কর্ম কাৰ্য্য বা কর্তব্য বলিয়া বিহিত, তাহা কেবল পরহিতার্থ কর্তব্য-বুদ্ধিতে করিবে। মোট

কথা, অধ্যাত্মবিচারীকে সকল প্রকার ফল-কামনা-শূন্য (১) হইয়া কর্তব্য-বুদ্ধিতে কর্ম করিতে হইবে, ইহাই কর্ম-যোগের প্রথম সোপান (২)। পাঁচ সহস্র বৎসর পূর্বে ভগবান্ শ্রীকৃষ্ণ জগদ্বাসীকে পুনঃ পুনঃ এই উপদেশ করিয়া গিয়াছেন।

তস্মাদসক্তঃ সততং কাৰ্য্যং কর্ম সমাচর ।

অসক্তোহ্যচরন্ কর্ম পরমাপ্নোতি পুরুষঃ ॥

গীতা, ৩।১২

“অতএব অসক্ত অর্থাৎ ফল-কামনা-শূন্য হইয়া সতত কাৰ্য্য-কর্ম সম্পাদন করিবে অর্থাৎ কর্তব্য-বুদ্ধিতে কর্ম করিলে পরম পদ প্রাপ্ত হয়।”

সক্তাঃ কর্মণ্যবিদ্ধাংসো যথা কুর্কন্তি ভারত ।

কুৰ্য্যাচ্ছিদ্ধাংস্তথাসক্তশ্চিকীর্ষুলোকসংগ্রহম্ ॥—গীতা, ৩.২৫

(১) আহার-বিহার, অর্ধোপার্জনাদি স্বার্থ কর্মও কর্তব্য-বুদ্ধিতে অমুষ্ঠিত হইলে কর্মযোগের অন্তর্ভুক্ত হইতে পারে। “পকীকৃত্তো ভূতেভ্যোঃ হূনেভ্যোঃ পূর্বকর্মণা”—“পূর্বজন্মের স্বকৃত কর্মকলে আমি এই পকভূতাত্মক হুলদেহ পাইয়াছি, এবং “শরীরমাত্তং খলু ধর্মসাধনম্”—এই শরীর ধর্ম-সাধনের অর্থাৎ বিশ্ব-হিতসাধনের সহায়, সুতরাং ইহাকে রক্ষা করা আমার অবশ্য কর্তব্য—এই কর্তব্য-বুদ্ধিতে আহার-বিহারাদি করিলে এবং নিজের কর্মবশতঃ স্ত্রীপুত্রাদি লাভ করিয়াছি, শিক্ষা ও পালনের জন্ত তাহারা ভগবৎ কর্তৃক আমার নিকট প্রেরিত হইয়াছে, সুতরাং তাহাদের পালন ও শিক্ষাদান করা আমার কর্তব্য—এই কর্তব্য-বুদ্ধিতে অর্ধোপার্জনাদি করিলে স্বার্থকর্ম পরার্থ কর্মরূপে পরিগণিত হইয়া থাকে। এইভাবে অমুষ্ঠিত কর্ম বন্ধনের হেতু হয় না।

(২) ফলকামনাশূন্য হইয়া কর্ম করিতে হইবে—ইহার অর্থ এমন নয় যে, কর্মের কোন উদ্দেশ্য বা লক্ষ্য থাকিবে না। “প্রয়োজনমহুদ্ভিত্ত ন মনোহপি প্রযত্নতে”—উদ্দেশ্য ভিন্ন মূঢ় ব্যক্তিও কর্মে প্রযত্ন হয় না। উদ্দেশ্যহীন কর্মই হইতে পারে না। তবে ফল-কামনাশূন্য কর্মের উদ্দেশ্য ব্যক্তিগত আশা-আকাঙ্ক্ষার নহে, তাহার উদ্দেশ্য হইতেছে—ঈশ্বরের অতিপ্রায় সাধন, অপরের হিত-সাধন। কর্তব্য-বুদ্ধিতে কর্ম আচরণ, তা তাহার ফল বাহাই হউক না কেন।

“হে ভারত, অজ্ঞ ব্যক্তি যেমন কর্মে আশ্রিত হইয়া কর্ম করে, বিজ্ঞ ব্যক্তির সেইরূপ কর্মে আশ্রিত হইয়া লোক-সংগ্রহের অর্থাৎ বিশ্বের হিতসাধন জ্ঞান কর্ম করা কর্তব্য।” কারণ তিনি বিশ্বনাথের প্রেম বশতঃ বিশ্বকে ভালবাসেন, সে-জ্ঞান তিনি বিশ্বের হিত সাধন জ্ঞান কার্য করিতে আত্ম-নিয়োগ না করিয়া পারেন না।

ভালবাসা মানব-হৃদয়ের সর্বোৎকৃষ্ট বৃত্তি। এই ভালবাসাই যখন উর্দ্ধ জগতে কার্য করে, তখন তাহা প্রেম নামে অভিহিত হয়। সেই জ্ঞান অধ্যাত্ম-বিজ্ঞানীকে তাহার হৃদয়ের ভালবাসা বৃত্তিকে বিকসিত করিয়া সমগ্র বিশ্বের মধ্যে সম্প্রসারিত করিতে হইবে—কেবল নিজের মাতা পিতা, স্ত্রীপুত্রাদি পরিবারবর্গের মধ্যেই আবদ্ধ রাখিলে চলিবে না। কিন্তু ভালবাসা বৈরাগ্য-সাধনের অন্তরায় ও বন্ধের হেতু—এই ভ্রান্ত ধারণার বশবর্তী হইয়া অনেকে হৃদয়কে স্নেহ-ভালবাসা-শূন্য করিতে চায়। কিন্তু জলে কুমি আছে বলিয়া জলপান ত্যাগ করা, বায়ুতে ব্যাধি-বীজাণু আছে বলিয়া শ্বাস-প্রশ্বাস রোধ করা, কর্ম বন্ধের কারণ বলিয়া কর্ম ত্যাগ করা আর ভালবাসা বৈরাগ্য-সাধনের অন্তরায় ও বন্ধের হেতু বলিয়া হৃদয়কে শুষ্ক করা সমান কথা। জল ও বায়ু যদি কুমি ও বীজাণু-দুঃস্থ হইয়া থাকে, তাহা হইলে সেই দোষের স্থালন করিতে হইবে, নতুবা আশঙ্কায় নিশ্চেষ্ট হইয়া জল ও বায়ুর অভাবে আত্মহত্যা করা বিজ্ঞের কার্য্য নহে। কর্ম যদি বন্ধের কারণ হয়, তাহা হইলে কর্ম সুকৌশলে অর্থাৎ নিকামভাবে সম্পন্ন করিতে হইবে, নতুবা বন্ধনের ভয়ে কর্ম পরিত্যাগ করিয়া নিজকে জড় পদার্থে পরিণত করা সমীচীন নহে। সেইরূপ ভালবাসা যদি বৈরাগ্যের অন্তরায় হয়, তাহা হইলে ভালবাসাটিরও পবিত্রতা সাধন করিতে হইবে, নিঃস্বার্থভাবে ভালবাসিতে হইবে, নতুবা হৃদয়কে শুষ্ক করিয়া বৈরাগ্য অর্জন করা, এক গুণ অর্জনের জ্ঞান জ্ঞান গুণটিকে বিনষ্ট করা সাধনা নহে। দাদু-শিষ্য রজব বলিয়াছেন :—

দয়া লাগি নরপণ বটৈ ঘাতক ধরম ন কোয়।

ভাই কুঁ হতি ভাই কুঁ পোপে সমঝে বহু দুখ হোয়।

• বড় মরি বড় বিলাটেব জৈসে বাঘ বিড়ালী।

ভাব মরি ভাবকুঁ সাধে সাধন কী বলিহারী।

“দয়া ভিনিসটা খুব ভাল, কিন্তু তাহা পোষণ করিতে যাইয়া যদি কেহ পৌরুষকে নষ্ট করে, তাহা তো দয়া হইল না, তাহা হত্যা করা হইল। এ যেন ভাইকে মারিয়া ভাইকে পোষণ করা। ইহা বুঝিলে আমরা দুঃখ অহুভব করিতাম। বাঘিনী, বিড়ালী তাহাদের দুই একটা বাচ্চাকে শক্তিশালী করিবার জ্ঞান জ্ঞান বাচ্চাগুলিকে মারিয়া তাহা-দিগকে খাওয়ায়; তেমনি মানুষের কতকগুলি হৃদয়-ভাবকে হত্যা করিয়া অন্য কোন বিশেষ হৃদয়-ভাবকে বিকসিত করার যে সাধনা, সেই সাধনাকে বলিহারী যাই।” যদিও ভগবান্ শ্রীকৃষ্ণ বলিয়াছেন:

“যঃ সর্বজ্ঞানভিন্নেহ...তস্ত প্রজ্ঞা প্রতিষ্ঠিতা”
(গীতা ২।৫৮)—

যে সর্বতোভাবে স্নেহ-শূন্য, সে স্থিতপ্রজ্ঞ, কিন্তু ইহার এমন অর্থ নয় যে, হৃদয়কে স্নেহ-ভালবাসাশূন্য করিতে হইবে। “আমার” এই অভিমানে দেহ ও স্ত্রী পুত্রাদিতে যে মমতা, যে আকর্ষণ, তাহাই এ স্থলে উদ্দিষ্ট হইয়াছে। নতুবা ভালবাসার জ্ঞান যে ভালবাসা, তাহা কখনও দূষণীয় নহে। উপনিষদের ঋষি বলিয়াছেন :

“ন বা অরে পত্নাঃ কামায় পতিঃ প্রিয়ো ভবতি
আত্মনস্ত কামায় পতিঃ প্রিয়ো ভবতি” (বৃঃ আঃ,
২।৪.৫)—

পতির কামনায় পতি প্রিয় হয় না, আত্মারই কামনায় পতি প্রিয় হয়। আমরা যখন কাহাকেও ভালবাসি, তখন আমাদের অন্তরাত্মা তাহার অন্তরাত্মাকেই ভালবাসে। এক জনের প্রতি অন্য এক জনের আত্মার যে ভালবাসা, তাহা স্বর্গীয় ও সনাতন; আমরা ইচ্ছা করিলেও ইহার পরিবর্তন করিতে পারি না। এই ভালবাসা বৈরাগ্যের অন্তরায় বা বন্ধের কারণ নয়। কিন্তু সেই ভালবাসা যখন প্রিয়জনের আত্মার জ্ঞান না হইয়া তাহার দেহের জ্ঞান হয়, যখন তাহা স্বার্থপূর্ণ কামনা-মিশ্রিত হয়, তখনই তাহা বৈরাগ্যের অন্তরায় ও বন্ধের হেতু হয়।

অতএব আমাদেরকে সকলকেই ভালবাসিতে হইবে এবং নিঃস্বার্থভাবে—ভালবাসিতে হইবে। আমাদের অন্তর্নিহিত প্রেম ভাবটিকে সুব্যক্ত করিয়া সমগ্র বিশ্ব মধ্যে সম্প্রসারিত করিতে হইবে। কারণ ব্রহ্ম সচ্চিদানন্দ। ব্রহ্ম যে কেবল সংস্করণ, কেবল চিত্তস্বরূপ, তাহা নহে, য

তিনি আনন্দরূপও বটেন। সং, চিৎ ও আনন্দ একই অর্থও পরার্থ। প্রেম এই আনন্দের নামান্তর বা ভাবান্তর; জীব সেই সচ্চিদানন্দ ব্রহ্মের অংশ। সে নিজেও অক্ষুট সচ্চিদানন্দ। সাধনার চরম যে ব্রহ্মপ্রাপ্তি, তাহাতে স্নিগ্ধ হইতে হইলে, কেবল সদ্ভাবের বা কেবল চিদভাবের বিকাশ করিলে হইবে না,—আনন্দ-ভাব বা প্রেমেরও বিকাশ করিতে হইবে। কেবল তাহার ধ্যান-ধারণা করিলে হইবে না, কেবল ঈশ্বরের কৰ্ম্মানুষ্ঠান করিলে হইবে না, তাঁহাকে উপভোগ করিতে হইবে। অস্তরের অস্তরে ব্রহ্মরূপে, অনন্ত বহিঃপ্রকৃতিতে পরমাশ্রুতরূপে এবং অনন্তলীলা বা ইতিহাসের মধ্যে তাঁহাকে ভগবদ্রূপে উপভোগ করিতে হইবে। তিনি প্রেমরূপ, তাঁহার প্রেমের কণা লাভ করিয়া জগৎ আনন্দে অধীর। তাঁহার প্রেম উপভোগ করিতে হইবে। সেই প্রেমের স্বাদ লইতে হইবে, সেই প্রেমে মত্ত হইয়া তাহা জগৎকে বিলাইতে হইবে, তিনি বিশ্বের সহিত অমুহ্যত; সুতরাং বিশ্বের সহিত মিশিয়া বিশ্বের কার্য করিতে হইবে। ইহাই ধর্ম, ইহাই সাধনা।

যোগ-বিভূতি

যোগ-বিভূতি সর্বসমেত আঠার প্রকার। এই আঠার প্রকার বিভূতির মধ্যে আটটা শ্রীভগবানের আশ্রিত, আর দশটা গুণের কার্য।

অগ্নিমা, লঘিমা চৈব মহিমা প্রাপ্তিরেব চ।

প্রাকাম্যঞ্চ তথেশিত্বং বশিত্বঞ্চ তথাপরং।

যত্র কামাবসায়িত্বং গুণানেতানথৈশ্বরান্।

যোগবল্লভ, ২ অধ্যায়।

“যোগিদেহস্ত শিলাদাবপি প্রবেশপ্রযোজকোহগুত্ব-লক্ষণগুণোহগ্নিমা।” যোগী তাঁহার দেহকে শিলা প্রভৃতির মধ্যে প্রবেষ্ট করাইবার জন্ত অগুর মত ক্ষুদ্র কারতে পারেন। এই শক্তির নাম অগ্নিমা।

“সর্বব্যাপনলক্ষণো মহিমা।” যোগী তাঁহার দেহকে এত বড় করিয়া প্রসারিত করিতে পারেন যে, তিনি সর্বব্যাপী হইতে পারেন। এই শক্তির নাম মহিমা।

“যেন সূর্য্যমরীচীরবলম্ব্য দেহস্ত সূর্যালোকপ্রাপ্তির্ভবতি স লঘুবলক্ষণগুণো লঘিমা।” সূর্য্যকিরণ ধরিয়া

সূর্যালোকে ঘাইবার জন্ত স্বীয় দেহকে লঘু করিবার যে শক্তি, তাহার নাম লঘিমা।

“প্রাপ্তিরিচ্ছিত্যৈঃ।” সকল প্রাণীর সকল ইচ্ছিরের সহিত সেই সেই ইচ্ছিরের দেবতারূপ হইয়া সম্বন্ধ স্থাপনের যে ক্ষমতা তাহার নাম প্রাপ্তি। এই শক্তি পাইলে যোগী ইচ্ছিরের অভীষ্ট বিষয় ইচ্ছানুসারে পাইয়া থাকেন।

“প্রাকাম্যং শ্রুতদৃষ্টেষু।” শাস্ত্রে পরলোক আদি সম্বন্ধে যে সকল শুনিতে পাওয়া যায়, সেই সকলে ও দৃষ্ট অর্থাৎ দর্শনযোগ্য ভূবিবরাদি সমূহের ভিতর অবস্থিত ভোগ দর্শনের যে ক্ষমতা তাহার নাম প্রাকাম্য। এই সিদ্ধি লাভ করিলে যোগীর ইচ্ছার কোথায়ও ব্যাঘাত হয় না।

“শক্তিপ্রেরণমীশিতা।” মায়া ও তাহার অংশভূত শক্তিসমূহকে প্রেরণ করিবার যে ক্ষমতা, তাহার নাম ঈশিতা। এই সিদ্ধি লাভ করিলে সাধক জীব সকলের মধ্যে নিজ শক্তি সঞ্চারিত করিতে পারেন।

“গুণেশ্বসদো বশিতা।” গুণে অর্থাৎ বিষয়ভোগে যে অনাসক্তি তাহার নাম বশিতা।

“স্বংকামস্তবশ্রুতি।” যে যে স্থখ কামনা করা ঘাইবে তাহার চরম আসিয়া উপস্থিত হইবে, এই শক্তির নাম কামাবসায়িতা।

অগ্নিমা, মহিমা, লঘিমা, প্রাপ্তি, প্রাকাম্য, ঈশিতা, বশিতা, ও কামাবসায়িতা, এই অষ্ট সিদ্ধি শ্রীভগবানের স্বাভাবিকী।

অনূর্ম্মিত্ব অর্থাৎ কুংপিপাসাদি ছয় প্রকার তরল-বিশীনতা, দূরদর্শন, দূরশ্রবণ, মনোজব অর্থাৎ মনের বেগে দেহের গতি, কামরূপ অর্থাৎ যে রূপ ধারণের ইচ্ছা হইবে, সেইরূপ ধারণের শক্তি, পরকায়প্রবেশ, স্বেচ্ছা মৃত্যু, দেবতা ও অপ্সরোগণের সহিত ক্রীড়াকরণ, বধা-সঙ্কল্প-সংসিদ্ধি, অপ্রতিহত আজ্ঞা ও অপ্রতিহত গতি, এই দশটা সিদ্ধি গুণের কার্য।

কৃত্ত সিদ্ধি পাঁচ প্রকার :—ত্রিকালজ্ঞতা, শীত-উষ্ণ প্রভৃতি দ্বারা অভিজুত না হইবার শক্তি, পরের চিত্ত বুঝিবার শক্তি, সূর্য্যগ্নি প্রভৃতির শুভন করিবার শক্তি ও তৎকর্ত্ত্বক অপরাধেয়তা।

এই সকল বিভূতি ধারণা দ্বারাই লাভ করা যায়। কোন ধারণায় কি সিদ্ধি লাভ করা যায়, তাহা শ্রীমদ্ভাগবত

(১) অধ্যায়) ও পাতঞ্জল-দর্শনের বিহুতিপাদে বর্ণিত আছে। কিন্তু সে সকল উপযুক্ত সঙ্গতর অধীনে থাকিয়া শিক্ষালাভ করিতে হয়, নতুবা শিক্ষার্থী বিষম বিপদগ্রস্ত হয়। যেমন, কেহ সূক্ষ্ম জগৎ দর্শন করিবার শক্তিলাভ করিয়াছে। ক্রম-বিকাশের প্রাকৃতিক বিধি অনুসারে অনেকেই স্বভাবতঃ এই শক্তি লাভ করিয়া থাকে। এই রূপ এক ব্যক্তি যদি গুরুর অধীনে না থাকিয়া সূক্ষ্ম জগতের তথ্য সকল শিক্ষা করিতে অগ্রসর হয়, তাহা হইলে সে আত্মপ্রবঞ্চিত ও বিপদগ্রস্ত হয়। কারণ সে সূক্ষ্ম জগৎ সম্বন্ধে কিছুই এখনও জানে না। এই সূক্ষ্ম জগতে ক্ষুদ্র শিশু যেমন, সূক্ষ্ম জগতে সে-ও তেমন। মাতা নিকটে না থাকিলে ক্ষুদ্র শিশু যেমন গৃহ-মধ্যস্থ জলস্ত প্রদীপ দেখিয়া তাহা ধরিবার জন্য ধাবমান হয় ও তাহাতে হাত দিয়া বিপদগ্রস্ত হয়, সূক্ষ্ম জগৎ সম্বন্ধে অনভিজ্ঞ শিক্ষার্থীর অবস্থাও সেইরূপ হয়। সেই জীবিত মানবের সূক্ষ্মদেহ ও “মৃত” মানবের সূক্ষ্মদেহের পার্থক্য বা তাহার নিজের দ্বারা ও তাহার বন্ধু দ্বারা গঠিত তাহার চিন্তা-মূর্তির পার্থক্য জানে না। এই সকল বিষয়ে ও অন্যান্য বিষয়ে শিক্ষকবিহীন ও অনভিজ্ঞ শিক্ষার্থীর আত্ম-প্রবঞ্চনা ভিন্ন অন্য কিছু লাভ হয় না। কিন্তু এই সূক্ষ্ম জগতে মাতা বা অন্য কোন বয়ঃপ্রাপ্ত ব্যক্তি নিকটে থাকিয়া ক্ষুদ্র শিশুকে যেমন তাহার নানাপ্রকার ভ্রান্তি হইতে রক্ষা করে ও নানাপ্রকার শিক্ষা দেয়, সূক্ষ্ম জগতেও সঙ্গতর বা তাঁহার নিম্নে তাঁহার কোন অভিজ্ঞ শিষ্য অনভিজ্ঞ শিক্ষার্থীর নিকটে থাকিয়া তাহার নানাপ্রকার ভ্রান্তি সংশোধন করেন ও হাতে কলমে নানাপ্রকার বিষয় সূক্ষ্মভাবে শিক্ষা দেন।

আসল কথা হইতেছে যে, সূক্ষ্ম জগৎ সম্বন্ধীয় জ্ঞান অসুশীলনের, বিশেষতঃ প্রাথমিক অবস্থায় নানাপ্রকার ইন্দ্রিয়-বিভ্রম হইবার সর্বদা খুবই সম্ভাবনা আছে। এই সূক্ষ্ম জগৎ, যাহার সহিত আমরা খুবই পরিচিত, এখানেই কি ইন্দ্রিয়-বিভ্রম হয় না? অজীর্ণতা বা পিত্ত-বিহুতি-জনিত রোগে চক্ষুরিন্দ্রিয়ের নানাপ্রকার দৃষ্টি-বিভ্রম হইয়া থাকে, ইহা সকলেই জানেন। কামলরোগী সমস্ত বস্তুই হরিদ্রাবর্ণ দেখিয়া থাকে। কিন্তু সমস্ত বস্তুই কি হরিদ্রা-বর্ণ? আমরা প্রাতঃকালে সূর্যকে উদিত ও সন্ধ্যাকালে

অস্তমিত হইতে দেখি। কিন্তু সূর্যের কি কখনও উদয় বা অস্ত আছে? আমরা জানি

নৈবাস্তমনমর্কস্ত নোদয়ঃ সর্বদা সতঃ।

উদয়াস্তমনাধ্যং হি দর্শনাদর্শনং রবেঃ।

“সূর্য, যাহা আকাশে সর্বদা বিরাজ করিতেছে, তাহার উদয় বা অস্ত নাই, আমরা যাহাকে সূর্যের উদয় বা অস্ত বলি, তাহা আমাদের সূর্যের দর্শন বা অদর্শনবশতঃই হইয়া থাকে।” এই সকল উদাহরণ হইতে আমরা বুঝিতে পারি যে, আমাদের পরিচিত এই সূক্ষ্ম জগতেও আমাদের ইন্দ্রিয় বিভ্রম ঘটয়া থাকে। যাহারা অ-যুক্তিবাদী, তাঁহারা বলেন যে, যাহা তাঁহারা দেখিতে পান না, তাহাতে তাঁহারা বিশ্বাস করেন না, কিন্তু যদি তাঁহারা দেখিতে পান, তাহা হইলে তাঁহারা বিশ্বাস করেন। কেহ কেহ আরও অগ্রসর হইয়া বলেন যে, যদি তাঁহারা কোন বস্তু স্পর্শ করিতে পারেন, তর্কেই তাঁহারা তাহা বিশ্বাস করেন। একটা সামান্য উদাহরণ হইতে তাঁহাদের এই অপসিদ্ধান্ত প্রমাণিত হইবে। একটা পাত্রে গরম জল, আর একটা পাত্রে বরফের মত ঠাণ্ডা জল ও তৃতীয় একটা পাত্রে নাতি-শীতোষ্ণ জল রাখিয়া, যদি একটা হাত গরম জলে ও অন্য হাত ঠাণ্ডা জলে কয়েক মিনিট ডুবাইয়া রাখা হয় এবং তারপর ঐ হাত দুইটা তুলিয়া ঐ নাতিশীতোষ্ণ জলে ডুবান হয়, তাহা হইলে যে হাতটা পূর্বে গরম জলে ডুবান হইয়াছিল, সেই হাতে এই নাতিশীতোষ্ণ জল খুব ঠাণ্ডা বোধ হইবে, আর যে হাত পূর্বে ঠাণ্ডা জলে ডুবান হইয়াছিল, সেই হাতে এই জল খুব গরম বোধ হইবে। একই জল অবস্থাবিশেষে “ঠাণ্ডা” বা “গরম” বোধ হইবে, যদিও “উষ্ণতামান” বস্তু বন্দিবে, তাপ একই রহিয়াছে।

সুতরাং এই সকল উদাহরণ হইতে বুঝিতে পারা যাইবে যে, আমাদের সূক্ষ্ম ইন্দ্রিয়গুলি অনেক সময় প্রকৃত তথ্য নিরূপণে বিভ্রান্ত হয়, তাহাদের অসুভূতি সব সময় অত্রান্ত হয় না। জ্ঞান, যুক্তি-তর্ক ও অসুশীলন দ্বারা ইন্দ্রিয়গণের ভ্রান্তি সংশোধিত হয়। এই সূক্ষ্ম জগতে সূক্ষ্ম ইন্দ্রিয় সম্বন্ধে যে কথা, সূক্ষ্ম জগতে সূক্ষ্ম ইন্দ্রিয় সম্বন্ধেও সেই কথা।

যিনি বিহুতি লাভ করিতে ইচ্ছুক, তাঁহাকে প্রথমে ইহাদের বিকাশের জন্য অগ্রে নিজেকে প্রস্তুত করিতে

হইবে। কিন্তু বিভূতি লাভ হইলেও সকল বিষয়ে অত্রান্ত জ্ঞান লাভ করিতে অনেক সময় ও শক্তির আবশ্যক হইবে। ইতোমধ্যে আমাদের যে শক্তিটুকু আছে, তাহা সদ-গুরু কার্যে, বিশ্ব-মানবের সেবায় সম্পূর্ণরূপে নিয়োগ করা কর্তব্য ও যত দিন না সদ-গুরু বিভূতি লাভের উপযুক্ত দেখেন তত দিন আমাদের তাহা লাভের কোন আকাঙ্ক্ষা না করিয়া ধৈর্যের সহিত অপেক্ষা করা কর্তব্য। মহর্ষি দ্রুশা বলিয়াছিলেন; “প্রথমে তোমরা ধর্মের ও ঈশ্বরের রাজ্য অন্বেষণ কর, তাহা হইলে সকল বস্তুই তোমাদিগকে প্রদত্ত হইবে।”

বিভূতি সকল পাইবার জন্য কেন যে কামনা করা উচিত নয়, সদ-গুরু এ স্থলে তাহার আরও একটা কারণ বলিতেছেন। সূক্ষ্ম জগতে অনেক বিভিন্ন শ্রেণীর দেব-ঘোনি বাস করে।

বিষ্ণাধরোহ্মরো যক্ষরক্ষোগঙ্করকিরবাঃ।

পিশাচো গুহকঃ সিদ্ধো ভূতোহসী দেবঘোনমঃ।

—অমরসিংহ।

অনেক দেবঘোনি বড় ধূর্ত: কন্দীবাজ ও আমোদ-প্রিয় অথচ ক্ষুদ্র প্রাণী। তাহারা যাহা বলে, যাহা আদেশ করে, তাহা যদি তাহারা কোন একজন মানুষের দ্বারা করাইতে পারে, তাহা হইলে তাহারা খুব আমোদ পায়। তাহারা রামকৃষ্ণ পরমহংসদেব, বিজয়কৃষ্ণ গোস্বামী, চিত্তরঞ্জন দাস, নেপোলিয়ান বোনাপার্ট, জুলিয়াস সিজার প্রভৃতি যে সকল মহৎ ব্যক্তির নাম জানে, নিজেদিগকে সেই সকল মহৎ ব্যক্তি বলিয়া পরিচয় দেয় ও তাহারা যাহা ইচ্ছিত করে সেই অঙ্গুসারে তাহা যদি এক জন মানুষ—যে তাহাদের অপেক্ষা ক্রম-বিকাশে অধিক উন্নত—কার্য করে, তাহা হইলে তাহারা বড়ই আমোদ উপভোগ করে। আবার অনেক সময় অনেক “মৃত” ব্যক্তি ভুবলোকে থাকিয়া পৃথিবীতে তাহাদের আত্মীয়-গণের সহিত আদান প্রদানের জন্য ও পরামর্শাদি দিবার ব্যবস্থা করে। সূক্ষ্ম জগতে অনতিজ্ঞ সাধক ঐ সকল দেবঘোনি বা “মৃত” ব্যক্তির বাণীকে তাহার শ্রীগুরুদেবের বাণী মনে করিয়া ভ্রান্ত ও বিপথগামী হইয়া পড়ে।

আবার অনেক অনতিজ্ঞ সাধক এই সকল বিভূতির দুই একটা লাভ করিয়াই মনে করে যে, “যোগ-সিদ্ধ

হইয়াছে, সে “সবজ্ঞানী” হইয়াছে, তাহার আর ভুল হইতে পারে না। তাহার অহংকার হয়। এই অহংকারবশে কার্য করিয়া সে-ও বিপথগামী হইয়া পড়ে।

এই সকল অনর্থ হইতে রক্ষা করিবার জন্য উপযুক্ত সময়ের পূর্বে এই সকল বিভূতি জোর করিয়া অধিগত করিবার জন্য যে শক্তি ও সময় লাগে, সেই শক্তি ও সময়ের অপচয় না করিয়া তাহা জন-সেবায় ব্যয়িত করাই কর্তব্য। সকল প্রকার স্বার্থ-কামনা হইতে মুক্ত হইয়া আমাদের “সর্বভূত-হিতে রত” হইতে হইবে, ইহা আমাদের প্রাধান্য করিবার বিষয়। সদ-গুরু যদি দেখেন যে, আমরা ইতঃপূর্বে যে শক্তিলভ করিয়াছি, তাহা সমস্তই লোকের হিতের জন্য প্রয়োগ করিতেছি, তাহা হইলে তিনি আমাদের আরও শক্তি দিবেন, কারণ তাহাও আমরা নিঃস্বার্থভাবে ব্যবহার করিব। যদি আমরা তাহা করি, তাহা হইলেই তিনি আমাদের মধ্যে আবিভূত হইবেন। যদি কেহ অকপটভাবে বলিতে পারেন যে, তিনি তাহার সমস্ত শক্তি জন-সেবায় বিনিয়োগ করিতেছেন, তাহা হইলে তিনি নিশ্চতরূপেই জানিবেন যে, তিনি আবার নূতন শক্তি সদ-গুরুর নিকট হইতে পাইবেন। কিন্তু এক্ষণ বলিতে পারেন, এমন লোক খুবই বিরল। প্রত্যেকের এই অবস্থা লাভ করিবার জন্য তাহার সমস্ত শক্তি জন-সেবায় নিয়োগ করা কর্তব্য।

সুতরাং ধ্যান-কালে নিজের নিকট শ্রীগুরুদেবকে আত্ম-প্রকাশিত হইবার জন্য আবেদন না করিয়া, প্রত্যেকে স্ব স্ব গ্রামে বা সহরে মানবের কল্যাণের জন্য কি সং কার্য করিতে পারেন, তাহা স্থির করিয়া তাহা কার্যে পরিণত করাই কর্তব্য। তাহা হইলেই সদ-গুরু তাহাকে সাহায্য করিবেন, অঙ্গুপ্রাণিত করিবেন ও তাহার প্রতি শক্তি সঞ্চারিত করিবেন।

যখন মানুষ ক্রম-বিকাশ-মার্গের উচ্চতর সোপানে আরোহণ করিতে থাকে, তখন বিভূতিগুলি স্বতই তাহার নিকট আগমন করে। মহর্ষি পতঞ্জলি বলিয়াছেন—

মূলধরুপসুস্মার্বার্ববসুসংযমাত্ত জয়ঃ।

ততোহপিমাতি প্রাহুর্ভাবঃ কারসম্পত্তকর্মানতিষাত্ত।

অর্থাৎ ভূতগণের স্মরণ, স্বরূপ, স্মরণ, অধর ও অর্ধবস এই কয়েটির উপর সংযম করিলে ভূত অয় হয়; ইহা হইতেই অগ্নিমা ইত্যাদি সিদ্ধির আবির্ভাব হয়, কাঙ্ক্ষা লাভ হয় ও সমুদায় শারীরিক ধর্মের অনভিঘাত হয়। এই বিভূতিলাভ সম্বন্ধে যোগ-শাস্ত্রে অনভিজ্ঞ একালের এক জন ইংরাজ কবি বলিয়াছেন; "Self-reverence, self-knowledge, self-control—these three alone lead life to sovereign power, yet not for power (power of herself would come uncalled for)" অর্থাৎ আত্ম-সম্মান, আত্ম-জ্ঞান ও আত্ম-সংযম,—এই তিনটি দ্বারা মহীয়সী শক্তি লাভ করা যায়, কিন্তু এই শক্তি-লাভের অস্ত্র সাধনা নয়, প্রকৃতির শক্তি আপনা হইতেই আসিবে। সুতরাং এই সকল শক্তি প্রাপ্তির অস্ত্র ব্যাকুল হওয়া কর্তব্য নয়।

লোকে প্রায়ই বলে: "এই সকল অলৌকিক শক্তি লাভ

করিলে মানুষ অনেক হিতকর কাজ করিতে পারে. আমি জন-হিতকর কাজ করিতে ইচ্ছুক, সে-অস্ত্র এই সকল শক্তি আমি পাইতে চাই।" ইহা কিছু দোষের কথা নয় বটে; কিন্তু সেই সকল শক্তি পাইবার সম্বন্ধে সদ-গুরু এখানে যাহা বলিয়াছেন, তাহা স্মরণ করা কর্তব্য—যতদিন না সেই সকল শক্তি স্বভাবতঃ আইসে, যতদিন না ইহাদিগকে নিরাপদে লাভ করিবার প্রণালী সদ-গুরু বলিয়া দেন, ততদিন ধৈর্য্য অবলম্বন করিয়া অপেক্ষা করা কর্তব্য। সাধক যখন প্রস্তুত হইবে, তখন সদ-গুরুর সে সকল লাভ করিবার প্রণালী নিশ্চিত বলিয়া দিবেন। সদ-গুরুর সকল শিষ্টই ইহার জলন্ত সাক্ষ্য প্রদর্শন করিয়াছেন। সেই সকল শক্তি লাভ করিবার একমাত্র শ্রেষ্ঠ উপায় হইতেছে—পরহিতার্থে নিঃস্বের সমস্ত শক্তি প্রয়োগ। যিনি আত্মোন্নতির চিন্তা না করিয়া তাহা করিতেছেন, তিনি নূতন শক্তি পাইতেছেন।

শ্রীরামকৃষ্ণ ও তাঁর কর্মপ্রেরণা

[শ্রীউমেশচন্দ্র চক্রবর্তী]

মহাপুরুষদের জীবন 'আত্মনো মোক্ষার্থং অপদ্বিতায় চ,'—এই ঋষিবাক্য শ্রীশ্রীঠাকুর রামকৃষ্ণদেবের জীবনে যে অক্ষরে অক্ষরে সত্য হইয়া গিয়াছে, তার অত্যাঙ্গুল প্রমাণ তাঁহার শিষ্ট-শিষ্টাগণ-পরিচালিত বিশ্বহিতকর বিভিন্ন কর্ম প্রতিষ্ঠান। এ বিষয়ে কিছু লিখিয়া প্রফুল্ল করিবার আবশ্যকতা মোটেই নাই, তবে কি করিয়া এই কর্ম-মহীকহের বীজ শিষ্ট-শিষ্টাদের হৃদয়কেন্দ্রে অঙ্কুরিত করিয়া গিয়াছিলেন সে বিষয়েই সামান্ত আলোচনা করা হইবে।

শ্রীমৎস্বামী বিবেকানন্দ তৎকৃত "গুরুমহারাজ-স্তবে" বর্ণনা করিয়াছেন,—"লোকাভীতোহপ্যহন অহৌ লোক-কল্যাণ মার্গম্'.....'কর্মকলেবরমন্তুতচেটম্'—যিনি লোকাভীত হইয়াও লোকহিতব্রতের পথ ত্যাগ করেন নাই,.....যাঁর সেই অদ্ভুত কর্মপ্রচেষ্টাতে পরিপূর্ণ।—

এই দুইটি উক্তি দ্বারা শ্রীশ্রীঠাকুরের অত্যদ্ভুত কর্ম-প্রচেষ্টার বিশ্লেষণ করা হইয়াছে। এখানে সহজেই একটা প্রশ্ন উঠে যে, যিনি জীবনের অধিকাংশই ভাবসম্বাদিতে বিভোর থাকিতেন তাঁহা দ্বারা কর্মপ্রচেষ্টা কিরূপে সম্ভব হয়? এই প্রশ্নের উত্তর এইটুকু ভাবিলেই পাওয়া যায় যে—মহাপুরুষেরা নিজ হাতে সব কাজ করেন না, তাঁহারা আত্মশক্তি দ্বারা শিষ্ট-শিষ্টাদের তিতর এমন প্রেরণা সকারিত করেন যে, উৎপ্রভাবে তাঁহারা অনন্ত-শক্তিশালী হইয়া তাঁহাদেরই মন্ত্ররূপে বিরাট ও সুমহৎ কর্ম অনারামে সাধন করিয়া থাকেন। একথা সর্বজন-বিদিত যে, শ্রীমৎস্বামী বিবেকানন্দ শ্রীশ্রীঠাকুরের অতীব প্রিয়শিষ্ট ছিলেন। তিনি যখন নির্বিকল্প সমাধির অস্ত্র ব্যাকুল হইয়া ঠাকুরের অঙ্গপ্রহে তাহা লাভ

করিয়াছিলেন, তখন ঠাকুর বলিয়াছিলেন—“যা, চাবি-কাঠিটি আমার হাতে রইল,—এখন জগতে ঢের কাজ কর্তে হবে। কাজ হয়ে গেলে ফের চাবি খুলে দিব।” ঐ দিন স্বামিনী ভাব-সমাধির অনির্কচনীয় আনন্দ-রসান্বিত লাভ করিয়া নিজেকে ধন্ত মনে করিয়াছিলেন, তাঁহার মেহ মন মুহূর্হু স্পন্দিত হইতেছিল, কর্ম-সাধনের জন্ত ঠাকুরের ইচ্ছিতটি তত গভীরভাবে ভাবিবার অবসর সে দিন তিনি পান নাই। স্বামিনী বাড়ী আসিলেন, সাংসারিক কাজকর্মে মহা উদাসীন, পারিবারিক অভাব মোচনের জন্ত উপায়ের চেষ্টা করিয়াও বিশেষ কোন ফল হইতেছিল না, মাঝে মাঝে দক্ষিণেশ্বরে বাইতেন এবং ঠাকুরের কাছে রাত্রি যাপনও করিতেন। ঐ সময়ে শ্রীশ্রীঠাকুরের ভক্ত ও শিষ্য-শিষ্যাগণের সংখ্যা ক্রমেই বাড়িতেছিল। ঠাকুরের উচ্চাবস্থার ভাবসমাধি-লীলা তখন বিশেষভাবে চলিতেছিল। এই সমস্তের ভিতরেও ঠাকুর তাঁর ‘জগদ্ধিতায়’ কর্মের ভার অর্পণ করিবার জন্ত উপযুক্ত পাত্রের সন্ধানে ব্যস্ত ছিলেন। তিনি পুরুষ ও নারী উভয়ের উন্নতির জন্তই ব্যাকুল! তাই এক শুভদিনে পবিত্র দক্ষিণেশ্বরের কোনও নির্ভৃত স্থানে নিজের মনোনীত দুই জনকে কাছে ডাকিলেন। একজন তাঁর শিষ্যা শ্রীগৌরী মা, অপর ব্যক্তি তাঁর শিষ্য নরেন্দ্রনাথ। ঠাকুর উভয়কেই অতীব ব্যাকুলভাবে বলিতে লাগিলেন,—“জগতের জন্ত তোমাদের কাজ করিতে হইবে, ঈশ্বর-আরাধন এবং পরার্থে কর্ম-সাধন এ দুই করিতে হইবে—” এই বলিয়া দুই জনের হাতে দুইটি ফুল প্রাণভরা আশীর্বাদের সহিত সমর্পণ করিলেন এবং আবার বলিলেন—“গৌরী মেয়েদের কাজ করিবে আর নরেন্দ্র ছেলেদের!” উভয়েই সপ্রস্তুচিত্তে এবং অবনত-মস্তকে এই গুরু-আজ্ঞা গ্রহণ করিলেন। এক অপার্থিব আনন্দের লহর উপস্থিত সকলকেই কিছু কালের জন্ত মৌন করিয়া রাখিল। পরে গৌরী-মা ঠাকুরকে জিজ্ঞাসা করিলেন—“আমায় কি কর্তে হবে বলে দাও?”

ঠাকুর বলিলেন—“তোমার মেয়েদের শিক্ষার ভার নিতে হবে।”

গৌরীমা—“বেশ আমার কয়েকটি মেয়ে দাও, আমি তাদের নিয়ে হিমাচলে চলে যাই।”

ঠাকুর বলিলেন, “সে কি গো! তাহ’লে আর হ’ল কি? এখানে এই লোক-সমাজের ভিতর থেকেই কাজ কর্তে হবে, তবে ত হাজার-হাজার, লাখ-লাখ মেয়েদের ভেতর আদর্শ শিক্ষা প্রসারিত হয়ে দেশের মহা কল্যাণ হবে! গুটিকতক মেয়েকে মুক্তি দিবে কি লাভ হবে?” গৌরীমা—“তবে তোমার ইচ্ছাই হউক পূরণ!”—বলিয়া আশীর্বাদ ভিক্ষা করিলেন। শ্রীশ্রীঠাকুর উভয়কে প্রাণ ভরিয়া আশীর্বাদ করিলেন।

ঠাকুরের এই কর্ম-প্রেরণার অদ্ভুত রহস্য এ দুজন ছাড়া অপর কেহ বড় জানিতেন না। ইহারাও বিশেষ ক’রে অপরকে জানিতে দেন নাই; কাজেই এ বিষয়ে মুখ্য সাক্ষী একমাত্র উহারাই দুজন, আর সাক্ষী উহাদের অমুষ্টিত কর্ম-প্রতিষ্ঠান। গৌরীমা বর্তমান রহিয়াছেন। অন্তঃসন্ধিৎসু ব্যক্তির ঠাহাকে জিজ্ঞাসা করিলেই এ বিষয়ে আনুগ বৃত্তান্ত সহজেই জানিতে পারিবেন। শ্রীগৌরীমা আরও এক দিন কর্ম-প্রেরণাপূর্ণ অহেতুকী আশীর্বাদ লাভ করিয়াছিলেন, সেদিনকার ঘটনার সাক্ষী ছিলেন স্বয়ং শ্রীমা সারদামণি দেবী। দক্ষিণেশ্বরে শ্রীমা যে নহবৎ গৃহে থাকিতেন, সেই গৃহের অদূরে বকুলতলায় একদিন ভোর বেলায় গৌরীমা যুহুৎ করে কীর্তন গায়িতে গায়িতে ফুল কুড়াইতেছিলেন, আর শ্রীমা ঘরে থাকিয়া ঘুলুঘুলির ভিতর দিয়া ফুল কুড়ানো দেখিতেছিলেন, এবং আনন্দে কীর্তন শুনিতেছিলেন। এমন সময় ঝাউতলা হইতে গাড়া হাতে করিয়া শ্রীশ্রীঠাকুর গৌরীমার কাছে আসিয়া দাঁড়াইলেন এবং সহাস্ত্রে গাড়াস্থিত জল মাটিতে ঢালিতে ঢালিতে বলিতে লাগিলেন—“মা! আমি জল ঢালছি তুই কাদা চটকা, তা হলেই সব হয়ে যাবে।” এই কথা কয়টি বলিয়া ঠাকুর খুব খানিকটা হাসিলেন ও পরে হাত মুখ ধুইতে চলিয়া গেলেন। গৌরীমা ঠাকুরের কথার রহস্য সম্পূর্ণ হৃদয়ঙ্গম করিলেন, কর্মগ্রহণের জন্ত আশঙ্কার যে ক্ষীণ রেখা তাঁহার হৃদয়ে মাঝে মাঝে ভাসিতেছিল, ঠাকুর স্বয়ংই তাহা আজ অপসৃত করিয়া দিলেন। শ্রদ্ধার ও উৎসাহে তাঁহার প্রাণটা ভরিয়া উঠিল। মা ঠাকুরাণীও ঠাকুরের এই খেলা দেখিয়া মুগ্ধ হইলেন এবং গৌরীমা নিকটে গেলে প্রাণ খুলিয়া ভূরি ভূরি আশীর্বাদ করিলেন।

শ্রীশ্রীঠাকুরের কর্ম-প্রেরণামূলক আশীর্বাদ লাভের পরেও বহুবৎসর অতিবাহিত হইল, তখনও কর্ম্মাছুষ্ঠানের কোনই চেষ্টা হয় নাই। ক্রমে ঠাকুর দেহ রাখিলেন। অনেকেই আশ্বহারা হইয়া পড়িলেন। ত্যাগী শিষ্যদের ভিতর অনেকে গৃহে ফিরিয়া যাইতেই মনস্থ করিলেন; স্বামিজীকেও অনেকে ঘরে ফিরিবার জন্য অহুরোধ জানাইলেন; কিন্তু তাঁর প্রাণ মহৎ উদ্দেশ্যে পরিপূর্ণ ছিল, ঠাকুরের অসীম স্নেহাশীর্বাদ তাঁহাকে সংসারের সকল বাধা বিয়ের প্রতি তুচ্ছাতুচ্ছ বোধ জন্মাইয়া দিতেছিল, তিনি প্রাণে অনন্ত শক্তি, অনন্ত উৎসাহ অহুভব করিতেন; তিনি অহুরোধকারী ভগ্নোৎসাহ গুরুভাইদিগকে বলিয়া ছিলেন—‘তাই, তোমরা যদি সবাই ঘরে ফিরে যাও, এ বিশ্বও যদি উটে যায়,—তথাপি আমি যে পথ নিয়েছি সে পথ ছাড়বো না।’ স্বামিজী সর্বদা গুরুর মহাপ্রেরণায় অহুপ্রেরিত হইয়া লক্ষ্য স্থির রাখিয়া চলিয়াছিলেন, তাই তিনি সিদ্ধকাম হইয়া গুরুর আদেশ ও আশীর্বাদকে সাফল্যমণ্ডিত করিয়া ধন্য হইয়াছিলেন। তিনি স্বেচছাগের অপেক্ষায় পৃথিবীময় ঘুরিতেছিলেন। যেই ঠাকুর স্বেচছাগ উপস্থিত করিলেন, অমনই ইতস্ততঃ বিক্ষিপ্ত গুরুভাইদের ডাকিয়া আনিয়া সংঘবদ্ধ করিলেন, মঠস্থাপন করিলেন, নানাবিধ জনহিতকর কর্ম্মাছুষ্ঠানে নিজেদের বিলাইয়া দিলেন। শ্রীশ্রীঠাকুরের কথা সত্যে পরিণত করিয়া ধন্য হইলেন।

অপরদিকে ঠাকুরের প্রিয় শিষ্যা গৌরীমা ঠাকুরের দেহ-রক্ষার কিছু কাল পূর্ব হইতেই বৃন্দাবনের নিকটস্থ রাওল নামক স্থানের পার্কৃত্য গুহার তপস্যায় নিরতা ছিলেন, সেখান হঠতেই ঠাকুরের মহাপ্রয়াণ সংবাদ

জানিতে পারিয়া এত ধৈর্য্যাহারা হইয়া পড়িয়াছিলেন যে ভৃগুপাতে জীবন বিসর্জন দিতে মনস্থ করিয়াছিলেন। কিন্তু তাহা পারেন নাই—হুইটী বিশেষ কারণে। একটা হুইতেছে—সেই অবস্থায় অলৌকিক ভাবে ঠাকুর উপস্থিত হইয়া বাধা প্রদান করিয়াছিলেন এবং অপরটা হুইতেছে নারী-জাতির হিতার্থে কর্ম্মাছুষ্ঠানের জন্য ঠাকুরের পূর্বে-কার আদেশ। পরে সেখান হুইতে বাঙ্গালার আসিয়া প্রথম বারাকপুরে এক আশ্রম ও মেয়েদের শিক্ষালয় প্রতিষ্ঠা করেন। উহাই ক্রমশঃ পরিবর্তিত ও পরিবর্দ্ধিত হইয়া বর্তমান “শ্রীশ্রীসারদেশ্বরী আশ্রম ও অবৈতনিক হিন্দুবালিকা-বিদ্যালয়”-রূপে পরিণত হইয়াছে। মাতৃ-জাতির সেবায় এই প্রতিষ্ঠানের দান কি পরিমাণে মহৎ ও মূল্যবান, তাহা আজকাল বোধহয় কাহারও অবিদিত নাই। কিন্তু প্রতিষ্ঠাত্রী তাঁর নিজের কৃতিত্ব কিছুতেই স্বীকার করেন না, তিনি সর্বদাই মুক্তকণ্ঠে বলিয়া থাকেন,—“ঠাকুরের আশীর্বাদ ও আদেশ সত্যে পরিণত হইয়াছে তাঁর কাজ তিনিই সম্ব করিয়াছেন, ইহাতে মাহুঘের কোনই হাত নাই। যশ ও প্রশংসা সব তাঁরই প্রাপ্য, আমি তাঁর পায়ের নীচে তুচ্ছ দাসী মাত্র, কাদা চটকাইয়াই আমি থালাস।”

শ্রীশ্রীঠাকুর রামকৃষ্ণের সাধনা ও কর্ম্ম-প্রেরণার বীজ জগতে নর-নারী মাত্রেই হিতের জন্য সত্য সত্যই মহামহীক্কে পরিণত হইয়াছে। উত্তরোত্তর আরও ফলফুল-সম্বিত হইয়া নিশ্চিতই অসীম ও অক্ষয় হইয়া বিশ্বরাজ্যে বিরাড়িত থাকিবে, আর জয় ‘রামকৃষ্ণ’ নামের উচ্ছ্বানি গগন-পবন মুখরিত করিয়া অনন্ত কাল বিঘোষিত হুইতে থাকিবে।





অমলা

(উপন্যাস)

[অধ্যাপক শ্রীসুকুমাররঞ্জন দাশ এম-এ]

এক

ছোট বড়

ঢাকা, বিক্রমপুর, নন্দীবাগগ্রাম। গ্রামটা ছোট কিন্তু পরিপাটি।

“সুশীল, জমীদার বাড়ী থেকে তোকে ডেকেছে রে, ছেলেদের নৌকা করে নদীর চরে নিয়ে যেতে হবে।”

সুশীলের পিতা পশ্চাৎ হইতে এই কথা বলিলেন। সুশীল গ্রামের এক কলের মালিকের ছেলে। সুশীলের পিতা জাতিতে বৈষ্ণব হইলেও শিক্ষার অভাবে এই ব্যবসায়ই গ্রহণ করিয়াছিলেন। তাহার একটা ছোট ভেলের কল।

সুশীল চিন্তিত মনে পাশচারি করিতেছিল। তাহার বয়স পনের-ষোল, রং রোদ্দ ও বৃষ্টিতে মেটে মেটে; সে গ্রামের বিদ্যালয়ে ম্যাট্রিক ক্লাসে পড়ে, লেখা পড়ায় খুব ভাল এবং তার মাথায় বিস্তর কল্পনা। সে ভাবিতেছিল বড় হইয়া একটা মস্ত কারখানা খুলিবে, শহর হইতে অনেক যন্ত্রপাতি লইয়া আসিবে, কেমন উচ্চাঙ্গের অথচ চমৎকার কারখানা তৈয়ারী করিবে, সারা হাত বাকল ও গছক মাথাইয়া যখন সে বাহির হইয়া আসিবে, তখন তার দলের সকলে শুবে তার নিকট হইতে সরিয়া যাইবে; উঃ কি মজাই হইবে। সুশীল বনের ধার দিয়া পুকুর পাড় দিয়া ঘুরিয়া ঘুরিয়া আসিতেছিল। সে তার চিরপরিচিত পাখীর বাসাগুলির দিকে তাকাইতেছিল, তাহাদের বিভিন্ন স্বরের কলধ্বনি শুনিতে শুনিতে শিশু দিতে দিতে অপূর্ব ভঙ্গীতে তাহাদের উত্তর দিতেছিল। পথের পাশের খেজুর গাছগুলি সুশীলের নিত্য সঙ্গী, গ্রীষ্মে সে তাহাদের রসপান করিয়াছে, বর্ষার তাহাদের চারি ধার হইতে সবুজ কাটা

পরিষ্কার করিয়াছে। খালের ধারে কতকগুলি পাথরখণ্ড কুড়াইয়া সে জড় করিয়াছে, কয়েকটির মধ্যে যন্ত্র দিয়া সে অক্ষর কুটাইয়াছে, কতকগুলিকে স্তরে স্তরে সাজাইয়া একটা মন্দিরের মত গড়িয়া তুলিয়াছে। ঘুরিয়া ঘুরিয়া এই সব দেখিতে দেখিতে সে তাহার পিতার কারখানার নিকট আসিয়া উপস্থিত হইল।

কারখানায় পূর্ণবেগে কাজ চলিতেছিল। ঘট ঘট ঘটাং। কারখানাটি ঠিক খালের ধারে। কারখানার ফেনিল জলধারা নালা দিয়া নামিয়া আসিয়া খালের উপর পড়িয়া চিক্ চিক্ করিতেছিল! মাঝে মাঝে উহার মধ্য হইতে ছোট ছোট মাছ লাফাইয়া লাফাইয়া উপরে উঠিতেছিল।

ঐ যে চিক্ চিক্ করিতেছে, নিশ্চয়ই উহার নিম্নে গভীর তলদেশে আলোর রাজ্যে শত শত দীপ জলিতেছে! সুশীল ভাবিতেছিল সে বড় হইয়া এক মস্ত ডুবুরি হইবে, তারপর একখানি নৌকা লইয়া টুপ করিয়া নদীর জলে ডুব দিবে, নীচে—আরও নীচে—আরও নীচে ক্রমে অতল পাতাল-প্রদেশে গিয়া পৌঁছিবে—চারিদিকে অদ্ভুত দেশ, অফুরন্ত মণিমুক্তাখচিত অট্টালিকা, একটা প্রাসাদের কক্ষবাতায়ন হইতে এক অপূর্ণ সুন্দরী রাজকন্যা তাহাকে হাতছানি দিয়া ডাকিতেছে—ভিতরে এস, ভিতরে এস!

সুশীলের পিতা পশ্চাৎ হইতে ডাকিল—“সুশীল, জমীদার বাড়ী থেকে তোকে ডেকেছে রে, ছেলেদের নৌকা করে, নদীর চরে নিয়ে যেতে হবে।”

সুশীল চমকাইয়া উঠিল। দৌড়াইয়া গিয়া তাপড়-চোপড় পরিয়া জমীদার বাড়ীর অভিমুখে যাত্রা করিল।

জমীদার বাড়ীটি ঠিক পদ্মার উপরে। সাদা ধবধবে পাথরে নির্মিত। পদ্মার উপর হইতে সারি সারি সিঁড়ি উঠিয়া একেবারে বাড়ীর দরজায় লাগিয়াছে। সন্ধ্যাবেলা

চুকিতেই নাটমন্দির ও পূজামণ্ডপ, পরে একটা প্রকাণ্ড সিংহদ্বার, প্রশস্ত এক প্রাঙ্গণ পার হইয়া দালানে যাইবার পথ।

বৎসরের সকল সময়ে কোনও না কোন পূজা লাগিয়াই আছে, সুতরাং নাটমন্দির লোকজনে প্রায়ই পূর্ণ থাকে। কাজেই নাট-মন্দির ও পূজা-মণ্ডপ লইয়া একটা পৃথক বাড়ী বলিলেই চলে, আসল জমীদার বাড়ীর আরম্ভ ঐ সিংহদ্বার হইতে। এক পার্শ্বে একটা ঘাট বাধান পুষ্করিণী, অপর পার্শ্বে একটা প্রশস্ত ফুলবাগান, দালান সবই পাকা গাঁথনির।

সুশীল গিয়া জমীদার বাড়ীর নাট-মন্দিরে উপস্থিত হইতেই দেখিতে পাইল, সকলেই প্রস্তুত হইয়া তাহার জন্ত অপেক্ষা করিতেছে। সে তাহাদের সকলকেই চিনিত—অমলা জমীদার মহাশয়ের পৌত্রী, তার ছোট ভাই সন্তোষ এবং পাশের গ্রামের জমীদার-পুত্র বিপিন। অমলার পিতা নাই, সুতরাং সে পিতামহের বড় আদরের। আজ সে বাঘনা ধরিয়াছে নৌকা করিয়া নিকটবর্তী পদ্মার চরে বেড়াইতে যাইবেই—তাই সুশীলের ডাক পড়িয়াছে নৌকা চালাইয়া লইতে।

বিপিন ও সন্তোষ গিয়া নৌকার চড়িল, কিন্তু নয় বৎসরের বালিকা অমলা বালিকাসুলভ ভয়ে উঠিতে ইতস্ততঃ করিতেছিল। ইহা দেখিয়া সুশীল তাহাকে জিজ্ঞাসা করিল—“তোমার উঠিয়ে দেব, অমলা।”

“না, না, তোমার অত প্রয়োজন নেই,” এই বলিয়া আঠার বছর বয়স্ক বিপিন অমলাকে ধরিয়া তুলিয়া নৌকায় উঠাইল। সুশীল একবার বিপিনের দিকে আর একবার অমলার প্রীতিভরা মুখের মুহূর্তস্বরূপে তাকাইল, তার পরই চক্ষু সরাইয়া লইয়া দাঁড় টানিতে লাগিল।

নৌকা আসিয়া চরে ঠেকিল। বিপিন নামিয়া পড়িয়াই সন্তোষ ও অমলার হাত ধরিয়া বলিল,—“এস সন্তোষ, এস অমলা; আর দেখ সুশীল, তুমি নৌকা পাহারা দাও।” সুশীল অসন্তুষ্ট মনে বিপিনের দিকে তাকাইল। কিন্তু অমলা নামিয়া বলিল—“সুশীলদা, তুমি নৌকা পাহারা দাও, আমরা চরে বেড়িয়ে আসি।” তখন সুশীল মুখখানি গভীর করিয়া চূপ করিয়া বসিয়া রহিল।

বিপিন সন্তোষ ও অমলার হাত ধরিয়া চরের উপর চলিতে লাগিল, ছুড়ি পাথর ও ঝিঝুক সংগ্রহ করিবার জন্ত কয়েকটা চুবড়ী লইয়া গেল। সুশীল পশ্চাতে পড়িয়া থাকিয়া ভাবিতে লাগিল, আহা, সে যদি উহাদের সহিত যাইতে পারিত? নৌকা পাহারার এমন কি দরকার ছিল? টানিয়া চরে উঠাইয়া রাখিলেই ত হইত, কে চুরি করিতে আসিত! ভারী? ইস্ কিইবা ভারী! নিশ্চয়ই সে টানিয়া চরে তুলিতে পারিত। এই বলিয়া সুশীল নিজের শক্তি দেখাইবার জন্ত এক টান দিয়া নৌকাখানি চরের উপর কিছু দূর উঠাইয়া দিল।

ঐ ত বিপিন, সন্তোষ ও অমলার কলহাস্ত শোনা যাইতেছে। ঐ যে ক্রমেই ক্রীণ হইতে ক্রীণতর হইতেছে। আচ্ছা, দেখা গেল, একবার তোমরা নাই বা নিলে! কিন্তু তারা তাহাকে লইলে ভালই করিত। সে অনেক পাথর ও ঝিঝুকের সন্ধান জানে, অনেক গুপ্ত গহ্বরের কথা জানে, নানা বর্ণের সুন্দর সুন্দর পাথরের সন্ধান সে তাহাদিগকে বলিয়া দিতে পারিত! সুশীল নৌকার আর স্থির থাকিতে পারিল না। লাফাইয়া চরে নামিল, দ্রুতবেগে পাথর কুড়াইতে কুড়াইতে অনেকদূর অগ্রসর হইয়া গেল।

“যাও, যাও, শিগগির নৌকায় ফিরে যাও, এখন কেউ এসে নৌকা নিয়ে পালাবে।”

দূর হইতে বিপিন সুশীলকে দেখিতে পাঠিয়া চীৎকার করিয়া এই কথা বলিল। সুশীল উত্তর করিল—“কোথায় কোথায় সুন্দর সুন্দর নানা রঙের পাথর ও ঝিঝুক পাওয়া যায়, তাই দেখাতে এসেছি। আমি সব জানি কি না।” বিপিন কোনও উত্তর দিল না, অমলা বলিল—“না সুশীলদা, নৌকা পাহারা দাও গিয়ে।”

গভীর পদক্ষেপে সুশীল নৌকায় ফিরিয়া আসিয়া বসিল। সুশীল ভাবিতে লাগিল, সে বড় হইয়া পদ্মার পারের এক প্রকাণ্ড চর কিনিবে, কাহাকেও বাহির হইতে সেখানে আসিতে দিবে না, পাড়ের চারিদিকে বন্দুক কামান সাজাইয়া রাখিবে, অনেক দাস-দাসী নিয়া সে সুখে বাস করিবে, প্রকাণ্ড এক প্রাসাদ নির্মাণ করাইবে—জমীদার বাড়ীর চতুর্গুণ, চারিদিকে চারিটা সিংহ-দরজা এবং অনেক বড় চকমিলন দালাল। হঠাৎ একদিন প্রাসাদের

চাকর আনিয়া বলিবে—“কর্তাবাবু, চরে একটা নৌকা লাগিয়াছে, লাগিয়াই হুটা হইয়া গিয়াছে, নৌকার আরো-হীরা পারে উঠিবার জন্য কাতরন্বরে অহুমতি চাহিতেছে, না হইলে অল্পক্ষণের মধ্যে নৌকাডুবি হইয়া তাহারা মারা পড়িবে। সে কঠোরন্বরে উত্তর দিবে—“মরুক তারা, আমার কি ?”

“কিন্তু কর্তাবাবু, আমরা তাদের এখনও রক্ষা করিতে পারি, কাতরকণ্ঠে তাহারা সাহায্য ভিক্ষা করিতেছে, আর তাহাদের মধ্যে একটি রমণী আপনার নাম করিয়া কাঁদিতেছে !”

রমণী ? য্যা, তাদের বাঁচাও, বাঁচাও,—সে আর স্থির থাকিতে পারিবে না, পাগলের মত নদীর ধারে ছুটিয়া যাইবে। অনেকদিন পরে জমীদার বাড়ীর ছেলের সঙ্গ তাহার মিলন হইবে, অমলা নতজানু হইয়া প্রাণ-রক্ষার জন্য তাহাকে ধন্যবাদ দিতে আসিবে। সে সরিয়া গিয়া গম্ভীরভাবে বলিবে—ধন্যবাদ পাওয়ার মত সে তো কিছু করে নাই, তাহার জমীদারিতে উপস্থিত যন্ত্রণার বিপন্নদিগের সাহায্য করিয়া সে কর্তব্য করিয়াছে মাত্র। সে তখন চাকরদিগকে চারিটা সিংহদার খুলিয়া দিতে বলিবে, তাহার ঐশ্বর্য্য, তাহার বাগান পুকুরিণী দেখাইয়া অমলাদের চমকাইয়া দিবে, তারপর যখন সোনার খালে কত নূতন নূতন খাবার তাহাদের খাইতে দিয়া কত অলঙ্কার-পরিহিত সুন্দরী দাসীর দ্বারা পরিবেষণ করাইবে, তখন অমলা অবাক হইয়া তাহার পানে চাহিয়া রহিবে। সে গম্ভীরভাবে বলিবে সেন-জমীদারদের মত দাশ-বংশের পূর্ব-পুরুষদেরও অনেক ঐশ্বর্য্য ছিল, সে তাহাই বাড়াই-য়াছে মাত্র। তারপর যখন তাহাদের বাইবার সময় উপস্থিত হইবে, তখন বাগানের ভিতরে কত নূতন রকমের পাখীর গান শুনিয়া অমলা স্তম্ভিত হইয়া যাইবে, অমলা তাহাকে ছাড়িয়া কোন খানেই যাইতে চাহিবে না। কারণ, অমলা ত তাহাকেই ভালবাসে, বিপিন—ও কে! অমলা তাহার হাত ধরিয়া কত মিনতি করিবে, তাহার দাসী হইয়া সেখানে থাকিবার অহুমতি চাহিবে। সে ধীরে ধীরে তাহাকে কাছে টানিয়া আনিয়া বলিবে—“ছিঃ অমলা, দাসী কেন? তুমি আমার-

উকমতিকে হুশীল নৌকা হইতে উঠিয়া চরে ঘুরিয়া

বেড়াইতে লাগিল। সে আঁচল ভরিয়া নানা বর্ণের ঝিনুক ও পাথর কুড়াইতে কুড়াইতে অগ্রসর হইল। অমলারা এখনও ফিরিতেছে না কেন? তবে কি তাহারা পথ হারাইয়াছে! হয় তো, অমলা কোনও গর্তের মধ্যে পিছলাইয়া পড়িয়া গিয়াছে, কেহই তাহাকে তুলিতে পারিতেছে না, অমলা বুঝি ভয়ে কাঁদিতেছে। সে কাছে থাকিলে নিশ্চয়ই এক টানে তুলিয়া দিত। এখন—

বিপিন দূর হইতে হুশীলকে আসিতে দেখিয়াই রাগে চীৎকার করিয়া উঠিল—“হুশীল, আবার নৌকা ছেড়ে চলে এসেছ! নৌকা যদি হারায় তবে তুমি দায়ী হবে।”

“চরের উত্তরে একটা গাছে কেমন সুন্দর কালজাম পেকে আছে, তাই তোমাদের দেখাতে এসছি।”

অমলা তাড়াতাড়ি ভিজ্ঞাসা করিল—“কোথায়, হুশীলদা ?”

বিপিন মূক্বিস্থানা স্বরে বলিল—“না, ওসবে এখন প্রয়োজন নেই।” হুশীল আবার বলিল—“পশ্চিমের একটা বাদামগাছে প্রচুর বাদাম ফলে আছে।”

বিপিন মুখ ভেংচাইয়া চেঁচাইয়া উঠিল—“সোণা তো’ আর ফলে নি।” অমলা হাসিয়া বলিল—“সোণা ফস্লে বেশ হত, না হুশীলদা ?”

হুশীল লজ্জায় ও অভিমানে চূপ করিয়া রহিল। তাহার কোলের আঁচল পাথর ও ঝিনুকের ভারে চুইয়া পড়িয়াছিল। বিপিনের লক্ষ্যে পড়িতেই সে ভিজ্ঞাসা করিল—“তোমার আঁচলে কি হুশীল !”

“পাথর ও ঝিনুক।”

অমলা আনন্দে লাফাইয়া উঠিল—“এত রঙের পাথর আর ঝিনুক কোথায় পেলে হুশীলদা! আমাদের চেয়ে যে অনেক বেশী কুড়িয়েছ।”

“আমি যে জানি কোথায় ভাল ভাল এ-সব পাওয়া যায়। এস অমলা, তোমার ও-গুলির সঙ্গে এগুলি মিশিয়ে দিই।”

হুশীল কোঁচড় হইতে ঢালিতে উচ্চত হইলে, বিপিন জোরে ধমকাইয়া উঠিয়া বলিল, “তোমার নোংরা কাপড়ের কোল থেকে ওগুলি অমলার চুবড়িতে দিতে হবে না, তোমার কাপড়ে কি সব ময়লা কে জানে।”

রাগে ও ক্ষোভে স্ত্রীলের মুখ পাংশু হইয়া গেল। বিপিনের মত বহুমূল্য কাপড় পরিধান না করিলেও স্ত্রীলের কাপড় বেশ পরিষ্কার পরিচ্ছন্ন ছিল। সে ধীরে ধীরে আঁচল হইতে সেগুলিকে নামাইয়া জলে টুপ্-টুপ্ করিয়া এক একটি ফেলিয়া দিতে লাগিল।

অমলা জিজ্ঞাসা করিল—“কি কচ্ছ, স্ত্রীলদা!”

“আমার এগুলির দরকার নেই, কি হবে এত ভার বয়ে নিয়ে গিয়ে।”

উভয়ে উভয়ের পানে করুণ দৃষ্টি নিক্ষেপ করিল। তার পর স্ত্রীল কোল ওজাড় করিয়া সব পাথর ও ঝিহুক পদ্যার গর্ভে নিক্ষেপ করিল।

নৌকা বাড়ীর দিকে ফিরিয়া চলিল। জমীদার বাটার ঘাটে আসিয়া নৌকা লাগিলে একে একে সকলে নামিয়া গেল। বাড়ী ঘাইবার সময়ে স্ত্রীল অমলাকে চুপি চুপি বলিল—“কাল যাবে অমলা, চরে বাদামগাছের তলায় আমার খেলা ঘর দেখতে যাবে!”

“কিন্তু আমার যে ভয় করবে স্ত্রীলদা, তুমি যে বল সে ঘরটা বড় অন্ধকার।”

“আমি সঙ্গে থাকলেও ভয় করবে অমলা!” “না” বলিয়া অমলা ছুটিয়া চলিয়া গেল।

নূতন চরে বাদামগাছের তলায় স্ত্রীল অনেক যত্নে একটা ছোট ঘর নির্মাণ করিয়াছে। পাথর জড় করিয়া উহার প্রাচীর রচনা করিয়াছে, উপরে পাতার ও টিনের ছাউনি। অনেক দিন স্থিগ্রহরে সে একাকী চরে গিয়া সারা দিন ধরিয়া ঘরটা নির্মাণ করিয়াছে। কিন্তু আলোক প্রবেশের ব্যবস্থা না থাকায় ঘরটা অন্ধকার হইয়াছিল, সহসা প্রবেশ করিতে বেশ ভয়ই করিত।

স্ত্রীল ঘাটে বসিয়া তাহার ঘরটার কথা ভাবিতেছিল। সে যেন এক প্রবল শক্তিশালী দস্যদের সর্দার, অকুরন্ত ঐর্ষ্যের ভাগ্য তার। সে ঘটা বাধাইবে, আর হীরা-মুক্তাজড়িত ভৃত্য আগো লইয়া উপস্থিত হইবে। ভৃত্য রাজকন্যা অমলার আগমনবার্তা দিয়া যাইবে, অমনি তাহাকে সে আদেশ করিবে—শীঘ্র লইয়া আইস। অমলা আসিলে সে তাহাকে সোণার পালকে বসিতে দিয়া দুই ধারে দুইটা দানীকে ব্যান করিতে হুকুম দিবে, চাকরেরা

সোণার খালে কত মিষ্ট ফল লইয়া আসিবে, অমনি চারিদিকে পাখীরা গায়িয়া উঠিবে।

“স্ত্রীলদা, আমি এসেছি।”

“কে! অমলা।”

“যাবে ত, চল স্ত্রীলদা।” তাহার দৃষ্ণে নৌকা বাহিয়া চরে পৌছিল, তারপর বাদামগাছের তলায় আসিয়া অমলা বলিল—“স্ত্রীলদা, ভয় করছে যে।”

“কেন, আমি ত সঙ্গে আছি।” স্ত্রীল আলো জালিয়া অমলাকে নিয়া প্রবেশ করিল। অমলাকে একটা বড় প্রান্তর-খণ্ডের উপর বসাইয়া স্ত্রীল বলিল—“ওর উপর একটা রাকস বসেছিল, জান।”

“না, তুমি আমার ভয় দেখাচ্ছ। আচ্ছা, সত্যি না কি! তুমি দেখেছ না কি! তোমার ভয় করুল না?”

“না।”

“রাকসটার কি এক চোখ ছিল!”

“না, দুচোখই ছিল, তবে এক চোখ নাকি কোন একটা যুদ্ধে নষ্ট হয়ে গেছিল, এ-কথা সে নিজেই আমাকে বলেছে।”

“আর কি বলেছে! না না বলবার দরকার নেই, আমার ভয় করবে।”

“সে আমাকে তার চেলা হতে বলে।”

“না না, তুমি যেও না। যাবে?”

“না, আমি একেবারে যাব না—এ কথাও বলি নি।”

“তুমি কি পাগল হয়েছ স্ত্রীলদা, তুমি যেতে পাবে না।”

“কিন্তু আমার এখানে আর ভাল লাগছে না।” অমলা নীরব।

“বিপিনের সঙ্গে আলাপ হবার পর থেকে, অমলা, তুমি আমার সঙ্গে খেলা করা কমিয়ে দিয়েছে।”

অমলা তথাপি নিরস্তর।

“কিন্তু আমার গায়ে কি তার চেয়ে কম জোর। আমি কি তোমার নৌকা থেকে উঠাতে কি নৌকার চড়াতে পারবুত না! আমি তোমার এক ঘটা তুলে ধরতে পারি অমলা, দেখবে।” এই বলিয়া স্ত্রীল অমলাকে মাথার উপর তুলিয়া ধরিল, অমলা ভয়ে স্ত্রীলের পলা জড়াইয়া ধরিল।

“ছেড়ে দাও স্মৃশীলদা, পড়ে যাব যে।” স্মৃশীল
অমলাকে নামাইয়া দিল।

“কিন্তু, বিপিনদার গায়ের ত খুব জোর আছে
স্মৃশীলদা।”

“ইস্, ছাই জোর!”

“সত্যি স্মৃশীলদা, বিপিনদার গায়ের খুব জোর।”

স্মৃশীল কিছুক্ষণ নিরুত্তর রহিল, তার পর বলিল—

“তা হলে রাক্ষসের চেলা আমাকে হতেই হবে।”

“না, না, স্মৃশীলদা, তুমি কি পাগল হয়েছে।”

“কিন্তু আমাকে যে চেলা হতেই হবে, অমলা।”

“যদি রাক্ষসটা আর না আসে!”

“সে আমাকে নিতে আসবেই।”

“এখানে!”

“হ্যা, এইখানে।”

অমলা আসন হইতে উঠিয়া পড়িল এবং ভয়চকিত
নয়নে চারিদিকে চাহিতে লাগিল।

“চল স্মৃশীলদা, এখন আমরা বাড়ী যাই।”

“এত ভাড়াভাড়ি কেন, অমলা? রাক্ষস ত’ রাতছপুর
ছাড়া আসে না।”

কিন্তু স্মৃশীলের নিজেরই একটু একটু ভয় করিতেছিল।
অমলা বসিতে যাইতেছিল, কিন্তু স্মৃশীলের আর ভিতরে
থাকিতে ভাল লাগিতেছিল না, মাঝে মাঝে গায়ে কাঁটা
দিয়া উঠিতেছিল।

“চল, অমলা, বাড়ী যাই, যাবার পূর্বে তোমার নাম
খোদাই করা একখানি পাথর তোমাকে দেখিয়ে আনি,
চল।”

তাহারা বাহির হইয়া আসিল। একটা পাথরের
নিকট আসিয়া অমলা উত্তমরূপে তাহার নাম খোদাই-
করা পাথরখানি দেখিতে লাগিল। দেখিতে দেখিতে
তাহার মন গর্কে ভরিয়া উঠিল। স্মৃশীলের মনও আত্ম-
হটল।

“দেখ অমলা, আমি যখন চলে যাব, তখন এই
পাথরের দিকে তাকালে আমার কথা ছুই একবার মনে
হবে না তোমার?”

“নিশ্চয়ই, কিন্তু স্মৃশীলদা তুমি কি আর ফিরে
আসবে না?”

“কি ক’রে বলি, সম্ভবও নয়।”

অনেকক্ষণ উভয়েই নীরব রহিল। তারপর নৌকায়
উঠিয়া ঘাটের কাছে আসিতেই অমলা বলিল—“এখন
যাই স্মৃশীলদা।”

“কেন অমলা, আর কিছুক্ষণ আমার সঙ্গে থাকলে
কি দোষ?”

অমলা যে আসিতে-না আসিতেই স্মৃশীলকে বিদায়
দিতে চাহিতেছে এই চিন্তায় স্মৃশীলের মনে বড় আঘাত
লাগিল। সে অভিমানবিক্ষুব্ধ হয়ে বলিয়া উঠিল—“কিন্তু
জেনো অমলা, আমার চেয়ে ভাল ব্যবহার তোমার সঙ্গে
কেউ করবে না। এ কথা তোমায় বলে গেলাম।”

“কেন স্মৃশীলদা, বিপিনদাও আমার সঙ্গে ভাল
ব্যবহার করে।”

“তবে তার সঙ্গেই খেলা ক’রো।”

কিছুক্ষণ উভয়েই নিরুত্তর। তারপর অমলা বলিল—
“রাগ করলে, স্মৃশীলদা?”

“না, ভাবছি রাক্ষসটার সঙ্গে গেলে কত মজা হবে!
কত পুরস্কার আমার ভাগ্যে জুটবে!”

“কি পুরস্কার, শুনিই না।”

“প্রথমতঃ, একটা প্রকাণ্ড রাজ্যের অর্ধেক।”

“আর!”

“আর একটা সুন্দরী রাজকন্যা।”

অমলা কিছুক্ষণ নীরব রহিল, তারপর উত্তেজিত কণ্ঠে
বলিয়া উঠিল—“ইস্, সব মিছে কথা!”

“না, রে না, সব সত্যি।” অমলা নিরুত্তর। আপন
মনে যেন বলিল—“রাজকন্যাটা দেখিতে কি খুব সুন্দর?”

“ওঃ, তার মত সুন্দরী পৃথিবীতে আর কেউ নেই!”
অমলার মনটা দগিয়া গেল।

“স্মৃশীলদা, তুমি কি সত্যি তাকে বিয়ে করবে?”

“এই রকমই ত কথা আছে।” এই সময়ে অমলার
ছলছল চোখের দিকে স্মৃশীলের দৃষ্টি পড়ায় সে একটু
সাম্বনার সুরে অমলাকে বলিল—“তবে মাঝে মাঝে
তোমায় আমি দেখতে আসব’, অমলা।”

“কিন্তু তোমার সেই রাজকন্যাকে সঙ্গে এনো না,
স্মৃশীলদা। তার সঙ্গে কিন্তু আমার বন্ধে না, বলে
দিচ্ছি!”

“না অমলা, আমি একাই তোমার সঙ্গে দেখা করতে আসব।”

“স্বামীদা, নিশ্চয় আসবে? প্রতিজ্ঞা করছ’?”

“হ্যাঁ প্রতিজ্ঞা করছি। কিন্তু তাতে তোমার কি এসে যাবে নন্দনা? ভূমি তো আমার চাও না!”

“ইস, তাই না? ও কথা বলো না স্বামীদা।” তারপর একটু আভিমানের স্বরে বলিল—“জেনো স্বামীদা, তোমার রক্তেরা তোমায় আমার অর্ধেকও ভালবাসবে না।” অমলার গুরুগম্ভীর মুখ দেখিয়া স্বামীলের হাসি পাইল। কিন্তু তাহার কিশোর অন্তঃকরণে গর্ভ ও আনন্দের একটা উৎস বাহিয়া গেল। লজ্জায় ও তৃপ্তিতে তাহার মাথাটা মত হইয়া আসিল, চক্ষুদ্বয় সুসংস্কৃত হইল। সে তাহার দিকে তাকাইতে পারিতেছিল না, ভূমি হইতে একটা ধুটি ছুড়াইয়া লইয়া সে নিজের হস্তে সজোরে দুই একবার আঘাত করিল। তারপর একটু শিশু দিয়া একটু কাসিয়া সে অমলার দিকে তাকাইয়া বলিল—“এখন আরি-বাড়ী হইবে অমলা।” অমলা ধীরে ধীরে স্বামীদার হাত ধরিয়া বলিল—“আবার আসবে স্বামীদা?” একীবার দাঁত খিঁচি নাড়িয়া সম্মতি জানাইয়া স্বামীল প্রস্থান করিল।

দুই

পদ্মা-সলিলে

তিন বৎসর হইল স্বামীল গ্রামের বিদ্যালয় ম্যাট্রিক পরীক্ষার উত্তীর্ণ হইয়া ঢাকা শহরে পড়িতে গিয়াছে। সেখানে এক আত্মীয়ের বাটী থাকিয়া অধ্যয়ন করিতেছে। পড়াশুনায় তাহার যথেষ্ট মন, মেধাও তার বেশ তীক্ষ্ণ, সুক্ৰমাৎ শিক্ষা-ব্যাপারে সে বিশেষ উন্নতি করিতে লাগিল। সে এখন যুবক, বলিষ্ঠদেহ, অধরে নব-সম্মত গম্ভীর। ছুটিতে এই তিন বৎসর স্বামীলের বাড়ী আসা হয় নাই, বাতায়ানের ধরচের অন্তর্গত তাহার পিতা তাহাকে বাড়ী আসেন নাই। কিন্তু গত দুটির সময়ে স্বামীল অধিকতর মনোযোগের সহিত পড়াশুনা করিয়াছে। সে আই-এ পরীক্ষা পাস করিয়া বি-এ ক্লাসে পড়িতেছে।

তিন বৎসর পরে একদিন ঈমারে চড়িয়া স্বামীল বাড়ীর দিকে যাত্রা করিল। তারপর ঈমার ছাড়িয়া একখানি

ছোট নৌকা করিয়া সে গ্রামের ঘাটে উপস্থিত হইল আজ জমীদার বাটীতে বড় আনন্দ। সন্তোষও শহরে পড়িতে গিয়াছিল, সেও আজ ছুটিতে বাড়ী ফিরিতেছে। স্বামীল ও সন্তোষ একই ঈমারে আসিয়াছে, কিন্তু সন্তোষ প্রথম শ্রেণীতে আর স্বামীল তৃতীয় শ্রেণীতে ঈমারে আসায় পরস্পরের সহিত সাক্ষাৎ হয় নাই। জমীদারবাড়ীর ঘাটে সন্তোষের নৌকা লাগিলে জমীদার মহাশয় ও অমলা তাহাকে লইতে আসিল। এই তিন বৎসরে অমলার অঙ্গসৌষ্ঠব অনেক বাড়িয়া গিয়াছে, বালিকা কৈশোরে পদার্পণ করিয়াছে। স্বামীল জমীদার মহাশয়কে প্রণাম করিয়া অমলাকে কুশল জিজ্ঞাসা করিল। অমলা একবার তাকাইয়া নমস্কার না করিয়াই সন্তোষকে জিজ্ঞাসা করিল—“দেখ সন্তোষ, কে যেন আমাকে কি বলছে!”

“ওকে চেন না দিদি? ওয়ে স্বামীদা।” অমলা স্বামীলের দিকে তাকাইল, কিন্তু স্বামীল লজ্জায় এবার মুখ তুলিতে পারিল না। জমীদার মহাশয়ের সহিত অমলা ও সন্তোষ গৃহমধ্যে প্রবেশ করিল। স্বামীলও বাড়ী চলিয়া গেল। সে এক নূতন অশ্রুভূতি লইয়া গৃহে প্রবেশ করিল। তাহাদের পুরাতন গৃহখানি যেন তাহার নূতন বলিয়া মনে হইল, তাহার স্বহস্তরোপিত পেয়ারা গাছটা যত্নের অভাবে শুকাইয়া গিয়াছে, তাহার পোষা ভোতা-পাখিটা মরিয়া গিয়াছে, তাহার ময়নাটা উড়িয়া গিয়াছে। গৃহে সবই যেন ওলট-পালট। স্বামীলের মা-বাবা সাদরে তাহাকে ঘরের মধ্যে লইয়া বসাইল। স্বামীলের মনে হইল তাহার মা যেন কত বড় হইয়া গিয়াছে, বাপের হস্তে পুন শিথিল হইয়া আসিয়াছে।

সন্ধ্যার সময়ে স্বামীল চারিদিকে ঘুরিয়ে বেড়াইয়া দেখিতে লাগিল, তাহার পিতার কারখানা, তাহার মাছ ধরিবার স্থান, তাহার পাণীর খাঁচা, পাখীদের কলরব-পূর্ণ পুরাতন বৃক্ষতল। তারপর নৌকাখানি লইয়া সে তাহার চরের ঘরটা দেখিতে গেল। তাহার ঘরটা তেমনি খাড়া রহিয়াছে, কিন্তু মাথো-মাথো কাঁটাবনে ভরিয়া গিয়াছে। আর একদিন দিনের বেলায় আসিয়া কাঁটা পরিষ্কার করিবে ভাবিয়া সে বাড়ীর দিকে নৌকা ফিরাইল। ঘাটে নৌকা বাধিয়া সে জমীদারবাড়ীর বাগানের দ্বার দিয়া আসিতেছিল। পশ্চাতে তাহার পিতার কণ্ঠের গুনিতে



পাইল—“কি রে সুশীল, চিনতে পারচিস্ এ সব আয়গা?”

“অনেকটা পরিবর্তন দেখছি, বাবা, কতকগুলি গাছ যেন কাটা হয়েছে বলে মনে হচ্ছে।”

“অর্থের অভাব রে সুশীল, জমীদার মহাশয়ের অর্থের বড় টানাটানি পড়েছে, তাই অনেকগুলি ভাল ভাল গাছ বিক্রী করে ফেলেছেন।”

এইরূপে দিন কাটিতে লাগিল। সুন্দর সুখস্বাভি-ভরা দিনগুলি! নির্জনতার সাথী, শৈশব ও কৈশোরের আনন্দ-স্বাভিটুকু! সেই আকাশ, সেই বাতাস, সেই বনের ধার, সেই নদীর পার!

সেদিন আমগাছে আম পাড়িতে গিয়া ঠোঁঠে বোলতার কামড় পাইয়া সুশীল বাড়ীতে আসিয়া চূপ করিয়া বসিয়া রহিল। কি যেন কার্খোপলক্ষ্যে তাহার পিতা তাহাকে জমীদার বাটার দিকে যাইতে আদেশ করিয়াছিলেন। সুশীল তার ফোলা ঠোঁট ঢাকিয়া পথে চলিতেছিল, পথে কাহাকেও দেখিতে পাইলেই দুই হাত দিয়া মুখ আড়াল করিয়া পাশ কাটাইয়া যাইতেছিল। জমীদারবাড়ীর বাগানে কাহাকে যেন দেখা গেল, সুশীল একটা নমস্কার করিয়াই হন্ হন্ করিয়া হাঁটিয়া চলিল। জমীদারবাড়ীর নিকট দিয়া গেলেই পূর্বের মত এখনও তাহার হৃদয় স্পন্দিত হইতে থাকিত। ঐ বড় বাড়ীটার উপর তাহার একটা সমীহভাব, উহার সিংহধার, উহার প্রকাণ্ড বাতায়নের প্রতি একটা বিশ্বদৃষ্টি, এবং ঐ বাড়ীর মালিকের গম্ভীর মূর্তির প্রতি একটা আতঙ্ক সুশীলের মজ্জাগত হইয়া গিয়াছিল।

হঠাৎ পথে সন্তোষ ও অমলার সহিত সুশীলের সাক্ষাৎ হইল। সুশীলের মনে একটা অস্বস্তির ভাব খেলিয়া গেল। অমলা হয় তো মনে করিবে যে তাহাকে দেখিতেই বুঝি ও পথে আসিয়াছে। হিঃ, তার উপর তাহার ঠোঁঠটি যে একেবারে ফুলিয়া গিয়াছে। সুশীল ধীরে ধীরে অগ্রসর হইতে লাগিল। কোন্ দিকে যাইবে তাহা তাহার খেয়াল ছিল না। দুঃ হইতে সন্তোষ ও অমলাকে দেখিয়া সে আশ্চর্যজনক করিল। তাহার উভয়ে নীরবে প্রতিনমস্কার করিয়া ধীরে ধীরে পাশ কাটাইয়া চলিল। অমলা একবার চক্ষু তুলিয়া সুশীলের দিকে দৃষ্টি

নিষ্কেপ করিল। সুশীলের মনে হইল যেন সে তাহাকে কিছু পরিবর্তন লক্ষ করিল।

সুশীল নদীর ধার দিয়া ঘুরিয়া ঘুরিয়া যাইতেছিল। কি যেন কি একটা চাকল্য তাহাকে আবিষ্ট করিয়া ফেলিয়াছিল। তাহার পা ফেগাট ভঙ্গী কিছু খামখেয়ালি হইয়া উঠিয়াছিল। অমলা ত বেশ বড় হইয়া উঠিয়াছে! কৈশোর ও যৌবনের সন্ধিক্ষণে যেন তাহার সৌন্দর্য উজ্জ্বলিত হইয়া পড়িতেছে! তাহার ঘনকৃষ্ণ ক্র-বৃগল শরতের নির্মল আকাশে দুইখণ্ড মেঘের মত শোভা পাইতেছে। তাহার চক্ষুহুটী যেন সেই আকাশের গায়ে দুইটা তারার মত চিক্চিক্ করিতেছে।

সুশীল ফিরিল। সে বনের মধ্যস্থিত পথ ধরিল। আর ত কেহ বলিতে পারিবে না যে সে অমলা ও সন্তোষের অনুসরণ করিতেছে। সে বনের ধারে আসিয়া একটা প্রস্তরখণ্ডের উপর উপবেশন করিল। চারিদিকের পাখীর দল তখন নানান্বরের গান পরিয়াছে। সম্মুখ হইতে বনফুলের মেঠো গন্ধ আসিয়া তাহার নাসিকা ভরিয়া দিল। দূরে একটা ‘বউকণা কণ’ পাখী তাহার অপরূপ হৃদয় সুশীলের মন বিচলিত করিয়া দিতেছিল।

সুশীল উঠিয়া পড়িল। আবার চলিতে লাগিল, কোন্ পথে সে জানে না। কতদূর চলিয়া হঠাৎ সম্মুখে সে অমলাকে আসিতে দেখিল। একটা অসহায় অস্বস্তিতে তাহার মন ভরিয়া গেল কেন সে অনেকদূর চলিয়া যায় নাই? হয়ত, অমলা ভাবিবে, সে এতক্ষণ তাহার অনুসরণ করিয়াছে। হিঃ! না, সে কখনও বলিয়াই পাশ কাটাইয়া অনেকদূরে চলিয়া যাইবে। কিন্তু অমলা তখন এত নিকটে আসিয়া পড়িয়াছে যে সুশীলের তাহাকে লক্ষ করা ছাড়া আর উপায় ছিল না। অমলা হাসিয়া জিজ্ঞাসা করিল, “সুশীলদা কেমন আছ?” অমলার ঠোঁটটী নড়িয়া উঠিল, মনে হইল যেন সে আরও কিছু বলিবে। কিন্তু সে আপনাকে সামলাইয়া লইল।

সুশীল বলিল, “এ বড় অদ্ভুত অমলা, আমি জান্তাম না যে তুমি এখানে আছ।”

“কি করে জানবে সুশীলদা! আমি খেয়ালের বেশে এই বনের ধার দিবে ঘুরে বেড়াইলাম। তুমি আর কতদিন এখানে থাকবে, সুশীলদা?”

“কেন? গ্রীষ্মের ছুটি শেষ হওয়া পর্যন্ত।”

স্বশীল অতিকষ্টে অমলার সহিত কথা কহিতেছিল। অমলার এত অধিক পরিবর্তন হইয়াছে যে তাহার সহিত কথা বলা স্বশীলের পক্ষে কঠিন হইয়া পড়িতেছিল। অমলা বলিল, “সস্তোষের কাছে শুনলাম, তুমি না কি খুব ভাল ছেলে স্বশীলদা, প্রতি বৎসর ক্লাসে প্রথম হ’য়ে বৃত্তি পাও। তা ছাড়া না কি খুব ভাল কবিতা লিখতে পার, সত্যি?”

স্বশীল সফোচের সহিত উত্তর দিল, “হ্যাঁ, তা কবিতা ত সকলেই লিখতে পারে!”

স্বশীল ভাবিল অমলা বুঝি আর অধিকক্ষণ এখানে থাকিবে না, কই সে ত আর কিছু কথা কহিতেছে না। স্বশীল আপনা হইতে অমলাকে বলিল, “দেখেছ অমলা, আজ সকালে বোলতাটা কি ভীষণ ঠোঁটে কামড়িয়েছে! উঃ কি জ্বালা, দেখেছ কি বিত্ৰী দেখাচ্ছে

“স্বশীলদা, তুমি এতদিন বাড়ী ছেড়ে ছিলে কি না তাই বোলতার তোমার তুলে গেছে।” এই বলিয়া অমলা কিক্ করিয়া হাসিয়া ফেলিল। স্বশীল রাগে ফুলিতে লাগিল। অমলাটা কি মেয়ে! তাহাকে এমন ভাবে বোলতার কামড়াইয়া ফুলাইয়া দিয়াছে, আর অমলা সহ্যভূতি ত করিলই না, আবার হাসিল। আচ্ছা, দেখা যাইবে। কিন্তু এমন দিন ছিল যখন স্বশীল কাঁধে করিয়া অমলাকে কত জায়গায় লইয়া গিয়াছে অমলা কি সব তুলিয়া গিয়াছে?

“অমলা, বোলতাগুলো পর্যন্ত আমার চিনতে পারল না! তারাও ত আমার বন্ধু ছিল।” অমলা ইহার অন্তর্নিহিত প্লেস্ট্রু ধরিতে পারিল না। সে নিকন্তর রহিল। স্বশীল বলিতে লাগিল—“কিন্তু আমিও ত অনেক কিছু চিনতে পারি না। ঐ বাগানের অনেক গাছ আর দেখতে পারি না বলে ওটাও যেন নতুন নতুন ঠেকছে।”

অমলার মুখের ভাবের একটু পরিবর্তন হইল।

কথাটা ঘুরাইয়া লইবার জন্য অমলা কহিল, “স্বশীলদা, এখানে তুমি কবিতা লিখতে পার না? পার? তবে এক দিন আমার সঙ্গে একটা কবিতা লিখবে?” এই কথা বলিয়া ফেলায় অমলার কেমন লজ্জা করিতে লাগিল।

তখনই আপনাকে সামলাইয়া লইয়া বলিল; “দেখেছ স্বশীলদা, কি যে মাথামুণ্ড আমি বলি!”

স্বশীলের অভিমানও হইল, রাগও হইল। অমলা কি বন্ধুতাছলে তাহার অপমান করিতে চাহে। স্বশীল মনে মনে স্থির করিল, সে অমলাকে শুনাইয়া দিবে যে এ তিনবৎসর সে কেবল কবিতা লিখিয়াই কাটায়ে নাই। যথেষ্ট পড়াশুনাও করিয়াছে। কিন্তু আজ থাক।

“আচ্ছা অমলা, আবার পরে দেখা হবে, আজ যাই।” এই বলিয়া উত্তরের প্রতীক্ষা না করিয়াই সে দ্রুত পদ-বিক্ষেপে বাড়ীর দিকে রওয়ানা হইল।

স্বশীল পথে যাইতে যাইতে ভাবিতে লাগিল, অমলা যদি জানিত তাহার প্রত্যেক কবিতাটা তাহারই উদ্দেশ্যে রচিত—তাহার “জ্যোৎস্নাঙ্গী,” তাহার “স্বপনবালা,” সবই যে অমলার উদ্দেশ্যে। কিন্তু অমলার ত তাহা জানিবার উপায় নাই

সেদিন রবিবার, সস্তোষ আসিয়া চরে যাইবার জন্য স্বশীলকে ডাকিয়া লইয়া গেল। শুধু অমলা ও সস্তোষ, আর কেহ ছিল না। স্বতরাং কোন গুণগোলই ছিল না। স্বশীলও খুব আনন্দের সহিত নৌকা বাহিয়া চলিল নিকট দিয়া অমলাকে ডাকিয়া নৌকা ধীর মন্থর গতিতে চলিয়াছিল। নৌকার ভিতর হইতে স্বন্দর সঙ্গীতধ্বনি তরঙ্গের তালে তালে ভাসিয়া আসিতেছিল। স্বশীলের মনপ্রাণ একটা কবিত্বের স্বাক্ষরে ভরিয়া উঠিতেছিল। হঠাৎ, একি? ঐ কিসের পতন-শব্দ! ঐ কিসের আর্ন্ত-নাদ? ঐ নৌকা হঠাৎ কাহারো যেন ক্রন্দন করিয়া উঠিল না? ঐ যে সঙ্গীতধ্বনিও খামিয়া গেল! স্বশীলের নৌকা তখন চরের পারে আসিয়া ঠেকিয়াছিল। স্বশীল নৌকা হইতে মুখ বাড়াইয়া শুনিল, অপর নৌকাখানি হইতে রমণীকণ্ঠের কাতর আর্ন্তনাদ হইল “কৈরে, আমার মেয়ে গেল কোথা?” স্বশীল আর কিছু দেখিবার বা শুনিবার প্রতীক্ষা করিল না, নৌকা হইতে কাঁপাইয়া পড়িয়া ডুব দিল। সকলে দেখিল, স্বশীল কোন্স্থানে লাকাইয়া পড়িল, তার পর কিছুক্ষণ তাহাকে দেখা গেল না। বড় নৌকাখানি হইতে তখনও কাহার রোল ভাসিয়া ভাসিয়া আসিতেছিল।

স্বশীলকে জলের উপর একবার ভাসিয়া উঠিতে দেখা

গেল। অমনি সকলে সম্মুখে চীৎকার করিয়া উঠিল—
“ঐ যে, ঐখানে।” স্মশীল আবার ডুব দিল।

আবার কিয়ৎক্ষণ কাটিল। সেই উৎকর্ষা, সেই কান্নার
রোল, সেই চারিধারে উদ্বেগের লক্ষণ। বড় নৌকা
হইতে একজন কাপড়-চোপড় ছাড়িয়া জলে ঝাঁপ দিয়া
পড়িল, যে স্থানে বালিকাটা পড়িয়াছিল, সেই স্থান সে
তন্ন তন্ন করিয়া খুঁজিতে লাগিল। সকলে ভাবিল বুঝি
এইবার বালিকার উদ্ধার হইবে।

উৎকর্ষা ও উদ্বেগের মধ্যে হঠাৎ দূর জলের উপরে
স্মশীলের মাথাটা দেখা গেল, সূর্যের কিরণে চিক্ চিক্
করিয়া ভাসিতেছে। মনে হইল যেন সে কি একটা ভারি
দ্রব্য টানিয়া আনিতেছে, অতিকষ্টে সম্ভরণ দিতেছে ;
একটা হাত দিয়া সে সঁতার কাটিতেছে, আর একটা হাত
তার জলের মধ্যে। এক মুহূর্তপরে স্মশীলের সমস্ত দেহটা
ভাসিমা উঠিল, তাহার দস্তে একটা কাপড়ের পুটুলী। ঐ
যে, ঐ বালিকা! চারিদিক হইতে আনন্দ ও বিস্ময়ের
ধ্বনি উখিত হইল।

স্মশীল ধীরে ধীরে অগ্রসর হইয়া এক হস্তে বড়
নৌকাখানির দাঁড় শক্ত করিয়া ধরিল এবং অপর হস্তে
বালিকাটিকে নৌকার উঠাইতে সাহায্য করিল। এত
সময় এতগুলি কার্য সম্পন্ন হইল যে সকলে বিস্মিত নেত্রে
স্মশীলের দিকে তাকাইয়া রহিল।

বালিকার পিতা আবেগকম্পিত কণ্ঠে স্মশীলের হস্তধারণ
করিয়া বলিল,—“বাবা, আজ তুমি যে আমার কি উপকার
করিলে তাহা বলিয়া শেষ করিতে পারিব না। কিছুক্ষণ
নৌকাখা থাকিয়া বিশ্রাম কর।”

স্মশীল অধিকক্ষণ সেখানে রহিল না। আসিবার
সময়ে বালিকার মাতা তাহার দীর্ঘজীবন কামনা করিয়া
আশীর্বাদ করিল। স্মশীল চরে আসিবার পূর্বে দেখিয়া
আসিল বালিকাটা প্রায় সংজ্ঞালাভ করিয়াছে। বালিকাটা
স্মন্দরী ও স্মৃত্তী বটে, মুখে, চোখে তার একটা মধুর লাষণ্য।

স্মশীল চর হইতে দেখিল বড় নৌকাখানি আবার
পূর্বের স্তায় সজীত লহরীতে ভাসিতে ভাসিতে তরঙ্গের
তালে তালে নাচিতে নাচিতে অগ্রসর হইল।

“স্মশীলদা, এটবার আমাদের আর খানিকটা নৌকা
চড়িয়ে বেড়িয়ে নিয়ে এস, তারপর বাড়ী ফেরা যাবে,

কেমন?” এই বলিয়া সন্তোষ স্মশীলকে টানিয়া লইয়া
আসিল। কথাটা শুনিয়াই অমলা ধমকাইয়া বলিয়া
উঠিল,—“কি যে বলিস্ সন্তোষ, দেখছিস্ না স্মশীলদার
কাপড় চোপড় এখনও ভিজে ভবজবে। এখনি বাড়ী চল
স্মশীলদা।”

জমীদারবাড়ীর ঘাটে সন্তোষ ও অমলাকে নামাইয়া
দিয়া স্মশীল গৃহাভিমুখে যাত্রা করিল। সে কিন্তু বাটা
কিরিল না, বনের ধার দিয়া অগ্রসর হইয়া সূর্যের উত্তাপ
লাগে এমন একটা স্থান বাছিয়া লইয়া একধণ্ড প্রস্তরের
উপরে উপবেশন করিল। তখনও তাহার কাপড় জায়া
হইতে টস্ টস্ করিয়া জল করিয়া পড়িতেছিল। নৌকার
সেই মধুর সঙ্গীতধ্বনি তখনও তাহার কাণে বাজিতেছিল।
আজ তাহার মন এক নূতন ছন্দে ভরপুর। স্মশীল
আনন্দাতিশয্যে অধিকক্ষণ বসিয়া থাকিতে পারিল না,
উঠিয়া পায়চারি করিতে লাগিল। তাহার মন আজ
বিপুল আনন্দে পূর্ণ। “ভগবান্, আজ আমার যেন
আনন্দে নাচতে ইচ্ছা করছে।” এই বলিয়া স্মশীল
যুক্তকরে ভগবানের উদ্দেশে প্রণাম করিল। আজ তার
কি আনন্দ! অমলা তীর হইতে তাহার অপূর্ণ বীরত্ব
দেখিয়াছে, চারিদিকের প্রশংসাধ্বনি শুনিয়া নিশ্চয়ই
সে প্রশংসমান দৃষ্টিতে তাহার দিকে তাকাইয়াছে, তারপর
তার সেই কারুণ্য মাথা কথা—“স্মশীলদা, কাপড় চোপড়
ছেড়ে ফেল গিয়ে।” স্মশীল আনন্দে বুঝি কাঁদিয়া
ফেলিল।

স্মশীল আবার বসিল, বসিয়াই আনন্দের আতিশয্যে
সে এক বিরাট হাস্য করিয়া বনভূমি প্রতিধ্বনিত করিয়া
তুলিল। অমলা নিশ্চয়ই তাহার কার্য দেখিয়াছে এবং
দেখিয়া নিশ্চয়ই সে গর্ষ অহুভব করিয়াছে। “অমলা
অমলা! তুমি জান কি দিন দিন কেমন ধীর ধীরে আমার
সস্তা তোমার মধ্যে মিশিয়ে যাচ্ছে।” আহা, স্মশীল
যদি অমলার ভৃত্য হইত, যদি তাহার দাস হইত, তাহার
অঞ্চল দিয়া অমলার সারা পথের ধূলি সে ঝাড়িয়া দিত,
এবং সে আর কি করিত! সেই অমলার চলাপথের
প্রতি ধূলিকণা গায়ে মাখিয়া লুটাইয়া লুটাইয়া সারাপথ
চুষনে ভরিয়া দিত। “অমলা, অমলা!” স্মশীল চীৎকার
করিয়া উঠিল। স্মশীল কি পাগল হইয়া গেল?

সে চারিদিকে চাহিয়া দেখিল। কেহ ত নিকটে নাই। যাক্ বাঁচা গেল, কেহই তার পাগলামি শুনে নাই। সে ধীরে ধীরে প্রস্তরের উপরে সংলগ্ন শেওলা ছাড়াইতে লাগিল এবং গাছের একটা ছোট ডাল ধরিয়া আবেগভরে চূষন করিতে লাগিল। অমলা কিন্তু তাহার দিকে তাকাইয়া কিছু বলে নাই ত! না, অমলার সেরূপ ধরণ নয়। সে তো তাহার দিকে অপলক-দৃষ্টিতে চাহিয়াছিল, আর সে চাহনিতে কি মাধুর্য! গণ্ডে তাহার রক্ত-রাগ ফুটিয়া উঠিয়াছিল, না

ক্রমে রোজ পড়িয়া গেল, সূশীলের বড় শীত করিতে লাগিল। সে দৌড়াইয়া গিয়া বাড়ীতে প্রবেশ করিল।

সেদিন বিপিন জমীদার বাটীতে বেড়াইতে আসিয়াছে। জমীদারের ছেলে, খামখেয়ালী; আসিয়াই সে দুপুরবেলায় সূশীলের বাবার কল-ঘরে প্রবেশ করিয়া কলটা চালাইয়া দিয়াছে। কল চলার শব্দ শুনিয়াই সূশীলের পিতা কলঘরে আসিয়া দেখে কলটা জ্বম হইয়া গিয়াছে, সারাদিন পরিশ্রম করিয়া পিতাপুত্রে কলটা মেরামত করিয়াছে।

পথে অমলার সহিত বিপিনকে আসিতে দেখিয়াই সূশীল চীৎকার করিয়া বলিল—“বিপিনবাবু, আমরা গরীব লোক আমাদের উপর এ অত্যাচার কেন? আমরা ত আপনার কোনও অনিষ্ট করতে যাই নি। কাল আপনি খালি কলটাকে এমন ভাবে চালিয়ে দিলেন যে আর একটু হলেই ভেঙে চূরমার হয়ে যেত। কাল সারা দিন পরিশ্রম করে বাবা কলটা মেরামত করেছেন।”

বিপিন রুদ্ধকণ্ঠে উত্তর দিল—“আমি কেমন করে জানব যে কলটা খালি ছিল।”

রাগে সূশীলের আপাদমস্তক জলিয়া গেল। এক চড়ে সে বিপিনের মাথাটা ঘুরাইয়া দিতে পারিত, কিন্তু অমলা কি ভাবিবে।

বিপিনের অন্তরালে গিয়া অমলা সূশীলের হাত টানিয়া ধরিয়া বলিল—“সূশীলদা, বিপিনদার কাজের জন্ত আমি কথা চাইছি।”

“কিন্তু বিপিনবাবুর নিজে কথা চাইলে ভাল হ'ত না কি, অমলা?”

“ভাল হ'ত বটে, কিন্তু সে কি প্রকৃতির ছেলে তা ত' তুমি জান, সূশীলদা।”

কিছুক্ষণ থাকিয়া অমলা আবার বলিল—“তোমায় অনেকদিন দেখি নি, না সূশীলদা।”

সূশীল আশ্চর্য্যাবিত হইয়া অমলার মুখপানে চাহিল। অমলা কি বলিতেছে, সে কি সেই রবিবারের ব্যাপার সব ভুলিয়া গিয়াছে! সূশীল উত্তর করিল—“কেন, গত রবিবারই ত দেখা হয়েছিল, মনে নেই?”

“হা, মনে পড়েছে, ঐ যে একটা বালিকাকে উদ্ধার করতে তুমি সাহায্য করেছিল। তুমিই কি তাকে প্রথম দেখতে পেয়েছিলে?”

“আমি শুধু প্রথম দেখি নি, অমলা, আমিই তাকে প্রথম টেনে তুলেছিলাম।”

অমলা মনে মনে কি যেন বলিল, অস্পষ্টভাবে তাহার ঠোঁট দুটি নড়িল মাত্র। তারপর সূশীলের দিকে তাকাইয়া বলিল—“যাক্ ও সব কথা, আমি তা হ'লে যাই এখন সূশীলদা।” এই বলিয়াই অমলা বিপিনের সঙ্গে মিলিত হইয়া বাড়ীর দিকে ফিরিল।

অমলার ব্যবহারে সূশীলের বাস্তবিকই রাগ হইল। সে চঞ্চল পদবিক্ষেপে নদীর পাড় দিয়া বনের ধারে ঘুরিয়া বেড়াইতে লাগিল। সে কতক্ষণ ঘুরিয়াছিল, তাহার মনে নাই। ফিরিতেই সে দেখিল একটা গাছের আড়ালে দাড়াইয়া অমলা একা একোরে কাঁদিতেছে। অমলার কি হইল? সে কি পথে পড়িয়া গিয়া বাধা পাইয়াছে? সূশীল অমলার নিকট গিয়া সাহসনার স্বরে সিজাসা করিল—“কি হয়েছে অমলা?”

অমলা এক পদ অগ্রসর হইল, তাহার দুই হাত দিয়া সূশীলের একখানি হাত ধরিয়া তাহার মুখের দিকে এক-দৃষ্টিতে তাকাইয়া রহিল। তাহার চক্ষু দিয়া বিন্দু বিন্দু করিয়া অশ্রু গড়াইয়া পড়িতে লাগিল। তারপর সে যেন আপনাকে সামলাইয়া লইয়া একটু দূরে সরিয়া গিয়া বলিল—“কই, কিছু ত হয় নি, সূশীলদা। এই পথ দিয়ে একা যাচ্ছিলাম, পায়ে কাঁটা ফুটে গিয়ে বাধা পেয়েছি।” অমলা কিন্তু এটা মিথ্যা বানাইয়া বলিল। কিছুক্ষণ চূপ করিয়া থাকিয়া অমলা বলিল—“সূশীলদা, আমার মুখের পানে তখন তুমি অমনভাবে চেয়েছিলে কেন? না, না,

তোমার ঐ দৃষ্টি আমি সহিতে পারি না। তুমি কিছু বলবে, সুশীলদা ?”

সুশীল ভাবা ভাবা করে উত্তর দিল—“আমি কি বলব’ নিজেই যে বুঝি না অমলা !”

“কি বলিষ্ঠ দেহ তোমার, কি সুন্দর গড়ন তোমার সুশীলদা !” এই কথাটি কথা বলিতেই অমলার যেন লজ্জা হইল, সে আর কিছু বলিতে পারিল না। সুশীল অমলার হাত দুটা নিজের হাতে ধরিতে যাইতেছিল। অমলা একটু সরিয়া গিয়া আপনাকে সামলাইয়া বলিল—“আমার কিছু হয় নি, সুশীলদা। মাথাটা বড় গরম লাগছিল কি না, তাই একটু বাতাসে বেড়াতে এসেছিলাম। আমি যাই এখন সুশীলদা !”—বলিয়া অমলা আর অপেক্ষা না করিয়াই গৃহের দিকে যাত্রা করিল।

তিন

কবি

সুশীল আবার শহরে চলিয়া গিয়াছে। প্রায় তিন বৎসর কাটিয়া গেল, সুশীল বি-এ অনার্স পাস করিয়া সাহিত্যে এম্-এ পড়িতেছে। কবিতা ও গান লেখায়ও সে বেশ প্রসিদ্ধিলাভ করিয়াছে। “পরীরাজ্যের রানী” নামে একটি ক্ষুদ্র কবিতাপুস্তক সে লিখিয়াছে, সকল কাগজেই উহার প্রশংসা বাহির হইয়াছে। তারপর বহুকাল হইল “প্রেমের পসরা” নামে আর একখানি কাব্য সে প্রকাশিত করিয়াছে, সাহিত্যিক মহলে ইহাতে তাহার নাম বিশেষ সুপরিচিত হইয়া উঠিয়াছে।

ঢাকা ও কলিকাতার মাসিকপত্রিকাদিতে এই কবিতাটির বিশেষ প্রশংসা হইল। তারপর যখন সুশীলের “প্রেমের পসরা” গ্রন্থে বাহির হইল—

প্রেম একটা সুখস্বপ্নের মত রজনীর অঙ্কুরে প্রান্ত ইন্দুর মূর্তি কর-লেখার মধ্যে কুসুমের সুরতি নিঃখাসে কোন্ অজ্ঞাত পুলক আগাইয়া তুলে, সে প্রেম-স্নিগ্ধ আলোকের মত নব বিকসিত প্রাণের তীরে স্বপ্নের তরী আনিয়া উপস্থিত করে, সে প্রেম ভূত্বকের জীবন জড়াইয়া যেন মরণ নিঃখাস ফেলিয়া যায়। সে প্রেম নির্ভর অদৃষ্টের মত কখনও কাঁদে, কখনও হাসে, তবু জীবন-মরণ যেমন অদৃষ্টের পারে লুটাইয়া থাকে, পরাণও তেমনি সেই প্রেমের

রাজীবচরণে লুটাইতে থাকে। তারপর সেই প্রেম এক সূর্যালোকবিতাসিত সুন্দর প্রভাতে প্রস্ফুটিত কুসুম-সৌরভ বহিয়া প্রেমিকের প্রাণে একটা চঞ্চল পুলক, একটা রজনী স্বপ্নের সৃষ্টি করিতে থাকে। এই ভাবটা লইয়া সুশীল “প্রেমপসরা” কাব্যে একটা কবিতা লিখিয়াছিল।

এই কাব্যগ্রন্থখানি প্রকাশিত হইলে সুশীল সাহিত্যিক-সমাজে বিশেষ প্রসিদ্ধি-লাভ করিল।

ভাদ্রমাস। বর্ষার বিদায় ও শরতের আগমন সূচিত হইয়াছে। ঢাকায় যে পথটা শহর হইতে নদীর ঘাটে গিয়া পড়িয়াছে, সেই পথটাই ছিল সুশীলের বেড়াইবার প্রধান স্থান। পথের দুধারের প্রশস্ত বৃক্ষশ্রেণী পথটাকে বেশ স্নিগ্ধ করিয়া রাখিয়াছিল। আকাশে কালো মেঘের স্তর সারি দিয়া আসিয়াছে, এখন বৃষ্টি বৃষ্টি আসিবে। সুশীল হনু হনু করিয়া ঘাট হইতে ওয়ারীর পথ ধরিয়া চলিয়াছিল, এখনও অনেকটা পথ বাকী। তাহাকে টীকাটুলিতে এক আত্মীয়ের বাসায় যাইতে হইবে।

ও কে ? অমলা বলিয়া না বোধ হইতেছে ? ঐ যে র্যান্‌কিন স্ট্রীটের পাশের গলি দিয়া বাহির হইতেছে ? সুশীলের জুল হয় নাই, নিশ্চয়ই সে অমলা। সুশীলের হৃদয় দ্রুত স্পন্দিত হইতে লাগিল। সে শুনিয়াছিল বটে অমলা ও সস্তোষ ঢাকা শহরে তাহাদের মামার বাড়ীতে বেড়াইতে আসিয়াছে। কিন্তু অমলার মামারা এত বড়লোক যে সুশীলের সেখানে গিয়া সস্তোষ কি অমলার সহিত সাক্ষাৎ করিতে সাহস হয় নাই। এমন কি পথে সস্তোষের সহিতও তাহার দেখা হয় নাই। সুশীল আপনাকে সামলাইয়া লইয়া অমলার নিকটবর্তী হইল। অমলা কি তাহাকে চিনিতে পারিল না ? চিন্তাঘূর্ণিত অমলা মনে দ্রুত পথ চলিতেছে বলিয়া মনে হইল। অমলা পথে একা কেন ? যদিও ঢাকায় ওয়ারী প্রভৃতি অঞ্চলে স্ত্রীলোকদিগের পথে অবাধ যাওয়া-আসা এবং বড় ঘরের মেয়েরাও হাঁটিয়া পথ চলিতেই ভালবাসেন, তথাপি সুশীল বুঝিতে পারিল না বড়লোকের কন্যা অমলা কেন একাকিনী পথে চলিতেছে। যাহা হউক সে নিকটে গিয়া ডাকিল, “অমলা, ভাল আছ তো ?”

“আছি” বলিয়াই অমলা পাশ কাটাইয়া চলিল। সুশীলের পা কাঁপিয়া উঠিল, সে প্রতিজ্ঞা করিল, আর

সে পথে মুখ তুলিয়া চাহিয়া দেখিবে না, মাটির দিকে চোখ রাখিয়া পথ চলিবে। হঠাৎ ঝম্‌ঝম্‌ করিয়া বৃষ্টি আসিল। সুশীল হস্তস্থিত ছাতাটি মাথায় দিয়া দ্রুতগতিতে চলিয়াছিল। তেমাথায় ফিরিবার মুখে সুশীল উপরের দিকে তাকাইয়া দেখিল অমলা বৃষ্টি হইতে রক্ষা পাইবার জন্য ওয়ারীর বালিকা-বিছালনের বারান্দায় আশ্রয় গ্রহণ করিয়াছে। বিছালনটী: একতলা, কিন্তু সম্মুখের বারান্দাটী বেশ প্রশস্ত, বৃষ্টির ছাঁট গায়ে লাগিবার কোনও সম্ভাবনা নাই। অমলা চারিদিক দেখিয়া ধীরে ধীরে হাত নাড়িয়া সুশীলকে ডাকিল। সুশীল বারান্দায় যাইতেই অমলা একটু চঞ্চল হইয়া পড়িল। মুহূর্ত্ত মধ্যে আপনাকে সামলাইয়া লইয়া অমলা বলিল, “সুশীলদা, তোমাকে দেখে এত আহ্লাদ হচ্ছে!” তারপর সে নিজের মনেই যেন বলিতে লাগিল— “এই সামনে আমার এক সইয়ের বাড়ীতে বেড়াতে গিয়েছিলাম, সম্ভাব সঙ্গে ছিল। বৃষ্টি আসছে দেখে তাকে বাড়ী থেকে একটা ছাতা আনতে পাঠালাম, কিন্তু তার আসবার নামটী নেই। এদিকে আকাশ কালো করে এলো দেখে আমি তাড়াতাড়ি বাড়ীতে চলে যাব ভেবে পথে বেরিয়ে পড়লাম। আমাদের বাড়ী ত আর বেশী দূর নয়। ঐ যে বড় রাস্তাটা দেখা যাচ্ছে, ওর দুটো তিনটে বাড়ীর পরেই সেনাদের বড়বাড়ী, ঐটাই আমার মামার বাড়ী।

সুশীলের হৃদয়টা দ্রুত স্পন্দিত হইতেছিল; না, বুকটা ঘন ঘন কাঁপিয়া উঠিতেছিল। সে যেন কি বলিতে চাহিতেছিল, কিন্তু পারিল না। একবার ঠোঁটতুটী তার নড়িয়া উঠিল, কিন্তু কোনও কথা বাহির হইল না। চারিদিক হইতে কি যেন একটা সৌরভ আসিয়া তাহার মন মুগ্ধ করিতে লাগিল। অমলার পরিচ্ছদ হইতে কি, না তাহার উজ্জল অঙ্গ হইতে?—সুশীল বুঝিতে পারিল না। অমলার মুখের দিকে তাকাইতেও পারিতে ছিল না। কেবল অমলার সুগোল হাত দুখানি তাহার চক্ষে পড়িতেছিল। হঠাৎ অমলার হাতে একজোড়া সুন্দর হীরার বালার ওপর সুশীলের দৃষ্টি পড়িল। পূর্বে ত কখন সুশীল অমলার হাতে এ বালাজোড়া দেখে নাই।

অমলা বলিল—“প্রায় এক সপ্তাহ আমি ঢাকায় এসেছি, কিন্তু তোমায় ত কোথায়ও দেখি নি সুশীলদা। তুমি এখন একজন মস্ত মানুষ হয়ে উঠেছ!” সুশীলের একবার ওষ্ঠ নড়িল, কিন্তু সে কিছু বলিতে পারিল না। বোধ হয় তাহার বলিবার ইচ্ছা ছিল—“তোমার কাছে যেতে আমার সাহস হয় না, অমলা!”

তারপর কিছু সামলাইয়া লইয়া সুশীল বলিল— “আমি জানতাম তুমি ঢাকায় এসেছ। কতদিন এখানে থাকবে, অমলা?”

“বোধ হয় আর বেশী দিন নয়, পূজার পূর্বেই দেশে যাব।”

“দয়া করে যে আমার থেকে কথা বলেছ, তার জন্য বিশেষ ধন্যবাদ, অমলা।”

অমলা নিরুত্তর। তাহার মুখখানি একটু রক্তিম হইয়া উঠিল। তারপর ঈষৎ হাসিয়া অমলা বলিল—“বৃষ্টি প্রায় ধরে এসেছে, সুশীলদা। আমার মামার বাড়ীতে আমার এগিয়ে দেবে? তোমার সঙ্গে ছাতি রয়েছে কি না তাই বলছি। ঐ যে, বেশী দূরও আর নয়।”

“চল, অমলা।”

উভয়ে রাস্তায় নামিয়া পড়িল। তখন ঘন মেঘে অন্ধকার করিয়াছিল বলিয়া লোকের চলাচল এক রকম ছিল না বলিলেই হয়। একটা ছাতার মধ্যে দুই জনকে ধাইতে হইতেছিল বলিয়া অমলা মাঝে মাঝে সুশীলের গায়ের উপর আসিয়া পড়িতেছিল। অমলা অস্বস্তি-ভাজিত কণ্ঠে বলিল—“সুশীলদা, ক্ষমা করো। কি করব’, দামী বেনারসী সাড়ীটা বৃষ্টি থেকে বাঁচাতে গিয়ে তোমার গায়ে পড়ে যাচ্ছি।”

সুশীলের প্রাণের তারে এ নব ভাবের গুঞ্জন ঝঙ্কার উঠিতে লাগিল। এই অনস্বস্ত স্পর্শে মাঝে মাঝে তাহার মুখ-চোখ রাঙ্গা হইয়া উঠিতেছিল। সে মনটা অশ্রুদিকে ফিরাইবার জন্য বলিল—“অমলা, তোমার গায়ে নতুন গরনা যে, বিয়ের জন্য কি ঢাকায় এসেছ?”

“আর তোমার সুশীলদা? শুনলাম তোমার বিয়ে নাকি একেবারে ঠিকঠাক! কে যেন আমার একথা বলেছিল, এখন আমার তার নাম মনে পড়ছে না। তুমি এখন মস্ত কবি, কাগজে-কাগজে তোমার

নাম, কত লোকে তোমার কথা বলে।” এই বলিয়া অমলা-সুশীলের পানে চাহিয়া একটু মুচকে হাসিল।

“হ্যাঁ, কয়েকটা কবিতা লিখেছিলাম। তা তুমিত দেখ নি অমলা।”

“না সুশীলদা, একটা গোটা বই, আমি শুনেছি।”

“হ্যাঁ, একটা ছোট বই বটে।”

অমলার মামার বাড়ীর নিকটবর্তী হইতেই হঠাৎ সুশীল অমলার একখানি হাত ধরিয়াই বলিয়া উঠিল—
“তা হলে অমলা তোমার বিয়ের সব ঠিকঠাক? আমি তোমার ছেলেবেলার খেলার সাথী আমাকেও কিছু জানতে দিলে না?”

অমলা ধীরে ধীরে হাতখানি টানিয়া লইল, তারপরে সুশীলের দিকে তাকাইয়া নিয়কণ্ঠে বলিল—“আমার বিয়ের কথা সবকিছু ত এখন আলোচনা করার প্রয়োজন নেই, সুশীলদা।”

অমলার কথা বোধ হয় সুশীলের কাণে প্রবেশ করিল না। সে বলিতে লাগিল—“আমি জানতাম অমলা যে বিপিনের সঙ্গেই তোমার বিয়ে ঠিক হবে। আমি বুঝি এত অদ্ভুত স্বপ্ন দেখা আমার পক্ষে অসম্ভব হয়েছিল। আমি তোমার পিতার একজন সামান্য প্রজার সম্ভান। আমার পক্ষে—উঃ একেবারে অসম্ভব! আমি এখনও বুঝি না কেমন করে তোমার সঙ্গে এমনভাবে কথা বলতে আমি সাহস পাই? কিন্তু, কিন্তু, অমলা...। যাক, একবছর দূরে থাকার আমার উপকার হয়েছে। আমি আর এখন শিশু নই, আমি বুঝতে পেরেছি তোমার আমার মধ্যে দূরত্ব কতটা। আজ তাই সাহস করে তোমার সব কথা বলে যেতে চাই। রাগ করছ অমলা?”

অমলা ছোট করিয়া উত্তর দিল—“না।”

সুশীল উত্তেজিত কণ্ঠে বলিতে লাগিল, “তবে আমি সব কথা বলতে পারি অমলা? তোমার এই দয়ার অস্ত্র শত ধনুর্বাদ! তুমি যদি জানতে অমলা তোমার কথা ভাবতে আমি কত সুখ পাই। সত্যি বলছি তোমার কথা ছাড়া আর কোনও চিন্তা আমার মনে স্থান পায় না। যারই সঙ্গে কথা কই কিংবা যারই কথা শুনি সব সময়ে কেবল মনে জানে অমলা সব চেয়ে রূপসী! জানি, জানি,

অমলা, আমি তোমার কাছ থেকে কত দূরে সরে যাচ্ছি, কিন্তু তবু এই কথা মনে ভেবে আনন্দ পাই যে তুমি আমার খেলার সাথী ছিলে, তুমি এখনও মাঝে মাঝে আমার কথা চিন্তা কর, আমায় দয়া করে স্মরণ কর। হয়ত আমার কথা তোমার মনে পড়ে না, কিন্তু তথাপি সন্ধ্যার পরে যখন একলা ঘরে বসে থাকি তখন যে এই কথা ভেবেই আনন্দ পাই যে, তুমি মাঝে মাঝে আমার স্মরণ কর। তুমি বুঝতে পারবে না, অমলা, সে করনায় কি সুখ! স্বর্গস্থ তার কাছে কোন্ ছার! আমি তোমার উদ্দেশে কবিতা লিখেছি, যা কিছু পয়সা সংগ্রহ করতে পারতাম তাই দিয়ে ফুল কিনে এনে তোমার ছেলেবেলার কটোখানি মনের মতন করে সালিয়ে অপলকনেত্রে তার পানে চেয়ে রয়েছি। আমার সমস্ত কবিতা তোমারই বন্দনাগান, অমলা! কিন্তু তুমি বোধ হয় তার একটাও পড়নি অমলা! তা যদি পড়তে তা হলে জানতে পারতে আমি তোমার কাছে কত ধনী! তোমারই স্মৃতিতে আমি ভরপুর হয়ে থাকি, তোমারই চিন্তায় আমি সুখ পাই। আমি আর একখানি বড় কাব্য আরম্ভ করেছি, অমলা, তাও তোমারই অর্ঘ্যরচনা! দিনের প্রতিক্ষণে আমি এমন কিছু দেখি কিংবা এমন কিছু শুনি যাতে তোমার কথাই স্মরণ করিয়ে দেয়। জান, অমলা, আমার শস্যার নিকটে দেওয়ালের গায়ে তোমার নাম অতি সংগোপনে লিখে রেখেছি, আমি শুয়ে শুয়ে তা দেখতে পাই। আর কেউ তা দেখতে পার না, এমন গুপ্তভাবে আমি তা লিখেছি। ঐ তিন অক্ষরে নামটা দেখতে দেখতে আনন্দে আমার প্রাণ মশগুল হয়ে উঠে, তোমার উদ্দেশে উৎসের ধারার মত কবিতার ফোয়ারা আপনি বেরিয়ে আসে! যদি দেখতে সে সব অন্তরের অকুণ্ঠ উপহার!”

“তবে দেখবে সুশীলদা সে অর্ঘ্য আমার কাছে পৌঁচেছে কি না? এই দেখ। কোন্ মাসিকপত্রে যেন এ কবিতাটা বেরিয়েছিল! প্রথমে এটা দাদামণির চোখে পড়ে, তিনিই আমার দেখতে দেন। লজ্জায় আমি তখন ভাল করে পড়তে পারছিলাম না। কিন্তু রাজিতে একলা ষারকড় করে বার বার পড়েও আমার সাধ মিটছিল না। তারপর সে পাতাটা ছিড়ে নিয়ে—এই আমার বুকের মধ্যে রেখে

দিয়েছি। ৩ঃ, কত আনন্দই না সে রাতে আমার হয়েছিল!”

এই বলিয়া অমলা ব্লাউসের ভিতর হইতে অনেক ভাঁজে মোড়া একখণ্ড ছাপা কাগজ বাহির করিয়া তাহার ভাঁজ খুলিয়া স্বশীলের নয়নসম্মুখে ধরিল। স্বশীল দেখিল সত্যই তাহার একটা ছোট কবিতা, তাহার মানস-সুন্দরীর উদ্দেশ্যে লিখিত। তাহার হৃদয়ের সরল ও আবেগময় উচ্ছ্বাস, তাহার তরঙ্গ হৃদয়ের দুই কূল ছাপাইয়া ছুটিয়া বাহির হইয়াছে। স্বশীলের মনটা আনন্দে ভরিয়া গেল, ঐষে তাহার বন্দনা-গানটী তাহার আরাধ্যদেবীর নিকটইত পৌঁছিয়াছে; ঐষে সযত্নরক্ষিত কাগজখানি, উহার প্রতি ভাঁজে অমলার দেহের সৌরভ মাখান রহিয়াছে! স্বশীল প্রীতিপূর্ণ স্বরে অমলাকে কহিল—“হাঁ, অমলা, কয়েক বৎসর পূর্বে আমি এ কবিতাটী লিখেছিলাম বটে! সে একদিন রাতে আমি এক দেবীমূর্তির ধ্যানে বসেছিলাম, জানালার চারিধারে তখন জ্যোৎস্নাতরঙ্গ নেচে নেচে খেলা করছিল, আর সন্মুখের ঝাউগাছগুলি যুহু মধুর ধ্বনি করতে করতে বেন কাকে ডাকছিল—“আয়, আয়, আয়।” অমলা, তোমায় শত ধন্যবাদ, তুমি যে আমার কবিতাটী এত যত্ন রেখেছ!”

আবেগে স্বশীলের গলার স্বর নামিয়া আসিল—“আজ, তোমার সঙ্গে পাশে পাশে চলেছি, অমলা, তোমার স্পর্শ অনুভব করছি, আর পুলকে আমার মন-প্রাণ ভরে উঠছে। অনেক দিন যখন একাকী বসে বসে তোমার চিন্তার বিভোর থাকি তখন কল্পনা করেছি বেন তোমার কাছে আছি; সে কল্পনায় আমার সর্কশরীর কেঁপে উঠে, কিন্তু আজ ত তা হচ্ছে না। এবার যখন বাড়ী ছিলাম, তখন তোমায় বড় সুন্দরী দেখে এসেছি, কিন্তু আজ তোমায় তার চেয়েও শতগুণে সুন্দরী, অপূর্ক সুন্দরী বলে মনে হচ্ছে। কি সুন্দর চোখ, কি টানা টানা ক্র, কি মিষ্টি হাসি,—না, তোমার সব সুন্দর, অমলা?”

অমলা ঈর্ষ হাসিয়া অর্ধনিমীলিত নেত্রে স্বশীলের দিকে তাকাইল। তারপর আনন্দের প্রাবল্যে বোধ হয় নিজের অজ্ঞাতসারেই স্বশীলের একখানি হাত ধরিয়া অমলা বলিয়া উঠিল—“তোমার এ প্রশংসার জন্য ধন্যবাদ স্বশীলদা।”

“ধন্যবাদ, অমলা, ধন্যবাদ?” স্বশীল চীৎকার করিয়া বলিয়া উঠিল—“সে ডাকা ডাকা কণ্ঠস্বরে বলিতে লাগিল—“ধন্যবাদ শুধু অমলা? আঃ, তুমি যদি আমার ভালবাসতে! একবার না হয় বল যে বাস্লে, নাইবা বাস্লে তবু মিথ্যে করে বল যে ভালবাস! আমি সত্যি বলছি আমি অনেক বড় কাজ করব, অনেক খ্যাতি লাভ করব! তুমি জাননা অমলা আমি কত বড় কাজ করতে পারি! আমি মাঝে মাঝে এ বিষয়ে চিন্তা করি এবং আমার মনে হয় আমার দ্বারা অনেক বড় কাজ হতে পারে। অনেক সময়ে এই চিন্তা আমার পাগল করে তোলে এবং আমি সেই কল্পনার ভারে উক্ষমস্তিকে ঘরের ভিতরে পাগলচাষি করে বেড়াই! আমার পাশের ঘরে আমার আত্মীয়ের এক ছেলে শয়ন করে, আমার প্রলাপে তার ঘুম ভেঙ্গে যায়, সে রাগে আমার ঘরে তেড়ে আসে। তার কাছে ক্ষমা চেয়ে তাকে ঠাণ্ডা করি! কিন্তু তাতেও আমি শান্ত হতে পারি না, কারণ তোমার চিন্তায় আমাকে এত ভরপুর করে দেয় যে সত্যি মনে হয়, অমলা, তুমি আমার কাছে রয়েছ! আমি জানালার ধারে গিয়ে গান করতে থাকি, তখন বাইরের জ্যোৎস্নার ঝাউগাছগুলি নাচতে থাকে, আর হাত নেড়ে নেড়ে বেন তোমারই কথা বলতে থাকে। তখন মনে পড়ে তুমি নিজা যাচ্ছ। “অমলা, শান্তিতে থাক” এই কথা বলে আমি শুতে যাই। রাত্রির পর রাত্রি এই রকম উন্নতের মত ভেগে থাকি। কিন্তু স্বপ্নেও ত ভাবি নি অমলা তুমি এত সুন্দরী! এখন থেকে এইরূপই আমার ধ্যান হবে, তুমি চলে যাবার পর অমলা, ঐরূপই আমি ধ্যান করব।.....”

অমলা স্বশীলের কথার স্রোত অস্তদিকে ফিরাইবার জন্য বলিল—“স্বশীলদা, এবার পূজার বাড়ী যাবে না? পূজার পূর্বেই তাজ মাসেই ত তোমার এম্-এ পরীক্ষা শেষ হয়ে যাবে?”

“হাঁ, তবুও বোধ হয় যাওয়া হবে না। না, না, যাব। তুমি বলছ? যাব, নিশ্চয়ই যাব। তুমি যেখানে যেতে বলবে সেইখানেই যাব, অমলা। তোমার বাড়ীর বাগানে তুমি কি পূর্কের মত বেড়িয়ে বেড়াও, অমলা! সন্ধ্যার সময়ে আগের মতন? তা হলে মাঝে মাঝে আমি তোমায় দেখতে পাব; আর কিছু চাই না, শুধু দেখা, অমলা।

একবার মুখ ফুটে বল, অমলা, তুমি আমার এ স্থখ থেকে বঞ্চিত করবে না। জ্ঞান, এক রকম গাছ আছে যার জীবনে একবার ফুল ফোটে, আমারও তেমনি ফুল ফোটাবার সময় এসেছে। যদি এখন সে ফুল ফুটল' তো ভাল, নইলে আজীবন শুষ্ক পুষ্পহীন তরুর দশা। হাঁ আমি বাড়ী যাব, কিছু টাকা জোগাড় করে নিশ্চয়ই যাব। আমি যে বই খানা লিখছি, সেইটে বিক্রী করে—যে দরে পাই তাইতে বিক্রী করেই—যাব! তুমি বাড়ী যেতে বলছ' অমলা?"

অমলা ছোট করিয়া বলিল—“হাঁ।”

“অমলা, স্থখে থাক। কমা করো তোমায় অনেক কথা বলেছি। আমি অনেক কল্পনা করি, অনেক আশা করি, তাই এই প্রলাপ বকি। এ অসম্ভবকে সম্ভব বলে ভাবতেও যে স্থখ আছে, অমলা। যদি জানতে অমলা আজ আমার কি স্থখের দিন!.....”

অমলা স্তনিল তাঁহার মামার বাড়ীর ফটক হইতে কাহার ঘেন বাহির হইবার পদশব্দ! অমলা বলিল—
“এখন যাই তবে স্থশীলদা?”

“যাবে, অমলা? তবে যাবার আগে একবার বলে যাও তুমি আমার ভালবাস! একবার তোমার সে মধুর কথা শুনে প্রাণ জুড়াই! আমি তোমায় সব চেয়ে ভাল বাসি, অমলা, এবং ভালবেসেই তৃপ্তি পাই! তুমি কি কিছু বলবে না, অমলা?”

অমলা নিরুত্তর। স্থশীল অন্বিরচিত্তে বলিল—“কিছু বলবে না অমলা?”

অমলা কেবল ঘাড় নাড়িয়া বলিল—“এখন থাক, স্থশীলদা।”

অল্পকণ পরে অমলা বলিল—“সকলে বলে স্থশমা সেনের সঙ্গে না কি তোমার বিয়ে ঠিক হয়ে গেছে— ঐ স্থশমা যাকে তুমি জল থেকে উদ্ধার করেছিলে, সত্যি?”

“পাগল! কে বলে? সে ত একেবারে ছেলে মানুষ। হাঁ, তাদের বাড়ীতে আমি দু-চারবার গিয়েছি বটে। তা, তার বাবা আমার ডেকে নিয়ে গিয়েছিলেন, অস্বীকার করতে পারি নি। তাদের খুব প্রকাণ্ড বাড়ী, ঠিক তোমাদের মত অমলা।”

“সে ত ছেলে মানুষ নয়, স্থশীলদা! আমি স্থশমাকে দেখেছি, তার সঙ্গে আলাপ করেছি। তার বয়স প্রায় আমার মতই পনের-ষোল হবে। কি সুন্দর মেয়েটি!”

“আমি তাকে বিয়ে করছি না, অমলা। সত্যি বলছি।”

“সত্যি স্থশীলদা?”

“হাঁ সত্যি, কিন্তু একথা তুমি এখন তুলছ' কেন? তুমি কি আমার অন্ত কথা দিয়ে তুলিতে চাও?”

“না, স্থশীলদা” বলিয়াই অমলা ফটকের ভিতরে অগ্রসর হইল। কিছুদূর অগ্রসর হইয়াই আবার ছুটিয়া বাহির হইল এবং স্থশীলের একখানি হাত ধরিয়া অতি মধুরস্বরে বলিল—“তোমায় আমি ভালবাসি, স্থশীলদা, খুব ভাল বাসি; সারাজীবনে শুধু তোমাকেই ভালবেসেছি” বলিয়াই অমলা ছুটিয়া ভিতরে প্রবেশ করিল।



ডায়েরীর এক পাতা

[শ্রীতারকচন্দ্র রায় বি-এ]

বেলা ২টার সময় বোলপুরে পৌঁছলাম। ৪টার সময় শান্তি-নিকেতনে কবির সহিত সাক্ষাৎ করিতে গেলাম। শরীর দেখিয়া কবিকে বেশ সুস্থ বলিয়া মনে হইল। সেবার ঢাকায় গিয়া তিনি যে বক্তৃতা করিয়াছিলেন, তাহা পড়িয়া মনে আতঙ্কের সঞ্চার হইয়াছিল। বহুদিন পরে আজ তাঁহাকে দেখিয়া মনে হইল, তিনি আরও বহুদিন ভারতবর্ষ ও জগতের কল্যাণের জন্ত পরিশ্রম করিতে পারিবেন। ভগবান তাঁহাকে নিরাময় করুন।

কবির সহিত অনেক বিষয়ে আলাপ করিবার ইচ্ছা ছিল। জিজ্ঞাসা করিলাম, "Personal God" এ (ঈশ্বরের ব্যক্তিত্বে) আপনার বিশ্বাস আছে কি? আপনার কবিতার মধ্যে যাহা পাইয়াছি, তাহাতে আমার সংশয় যায় নি।"

কবি কহিলেন, "নিশ্চয় বিশ্বাস করি।"

আমি কহিলাম, "একটা বাস্তব (Concrete) দৃষ্টান্ত দ্বারা আমার সন্দেহটি আমি প্রকাশ করিব। তরু যখন আবেগ-ভরে ভগবানকে ডাকে, তখন কি সে আবেগ ভগবানকে চঞ্চল করিয়া তোলে, অথবা সে আবেগধারা তিনি অবিচলিতভাবে গ্রহণ করেন? সে আবেগ তাঁহার মধ্যে কোনও তরঙ্গ তুলিতে সমর্থ হয় কি? পুত্র যখন হাত তুলিয়া অসীমের দিকে ছুটিয়া আসে, তখন তাহার চিত্তের আবেগে জননীও চঞ্চল হইয়া উঠেন এবং তিনিও বাহ প্রসারিত করিয়া পুত্রের দিকে অগ্রসর হন। ভক্তের জন্ত ভগবানের এই রূপ ব্যাকুলতায় আপনি বিশ্বাস করেন কি?"

কবি কহিলেন, "না। ঈশ্বরের চঞ্চলতার আমি বিশ্বাস করি না। তাঁর তো চঞ্চল হ'বার কোনও কারণ নাই। জননীর মত তিনি সর্বদাই আমাদের কোলে করে রেখেছেন। আমরা যে তাঁর জন্ত চঞ্চল হয়ে উঠি, সে তাঁকে আমরা পাই না বলে। তিনি যে সর্বজন নিবিড় আলিঙ্গনে আমাদের বন্ধ রেখেছেন, তাঁর তো চঞ্চল

হ'বার কোন কারণই নাই। তাঁকে পাবার আমাদের যা কিছু বাধা তা' আমাদের দিক হ'তে। তাঁর দিক হ'তে কোনও বাধাই নাই। আমরা তাঁর দিকের সমস্ত জানালা বন্ধ করে আছি, তাই তাঁকে দেখতে পাই না, যখনই জানালা খুলে দি' তখনই তিনি দৃষ্টিগোচর হ'ন। তাঁকে পেতে হ'লে আমাদের নিজেদেরই চেষ্টা কর্তে হবে। কেবল নিজের চেষ্টাতেই তাঁকে পাওয়া যায়, মন্ত্র পড়লে কিছুই সুবিধা হয় না।"

আলোচনায় বাধা পড়িল। কবির নিকট একখানা Visiting Card ভিজিটিং কার্ড আনিয়া উপস্থিত হইল, আমি বিদায় লইয়া চলিয়া আসিলাম।

আমার প্রশ্নের সম্পূর্ণ উত্তর পাইবার পূর্বেই আলোচনা বন্ধ হইল। কবির মতে আমার চিত্তের জানালা আমাকেই খুলিতেই হইবে; খুলিলেই তাঁহাকে পাওয়া যাইবে। কবির ভাব প্রকাশ করিতে উপমান্তর ব্যবহৃত হইতে পারে। নলের (Pump 'পাম্প'র) ভিতর যে বাতাস আছে, তাহাকে বাহির করিয়া দিলে, আপনা হইতেই তাহার মধ্যে জল ঢুকিবে। জলকে পাইতে হইলে, জলের উপাসনার প্রয়োজন নাই, বাতাসকে ঠেলিয়া বাহির করিলেই চলিবে। বাতাস ঝিল্লীকে (Valve কে) চাপিয়া আছে বাতাস বাহির হইয়া গেলে জলের চাপে ঝিল্লী-দ্বার খুলিয়া যাইবে এবং জল পাম্পের মধ্যে ঢুকিবে। কিন্তু আমার প্রশ্ন, জল যখন পাম্পের মধ্যে ঢুকিবে, তখন পাম্পকে পাইয়া কি সে আনন্দে চঞ্চল হইয়া উঠিবে? পাম্পকে পাইবার জন্ত তাহার আকাঙ্ক্ষা ছিল কি? পাম্পের মধ্যে বাতাস ছিল বলিয়া সে ঢুকিতে পারে নাই সত্য, কিন্তু বাতাস বাহির হইয়া যায় এই আকাঙ্ক্ষা তাহার ছিল কি?

ঈশ্বর আমাকে কোলে করিয়া আছেন সত্য। বাতাসও আমাকে সর্বদা ঘিরিয়া আছে। কিন্তু ঘিরিয়া থাকিলেও আমার জন্ত বাতাসের কোনও চিন্তা নাই; ঈশ্বর যে

আমাকে কোলে করিয়া আছেন, সে কি বাতাসেরই মত ?

ঈশ্বরের 'ব্যক্তিত্ব' বলিতে আমি বুঝি, ঈশ্বর—যিনি একটা ব্যক্তিবিশেষ Person অর্থাৎ যিনি মানবীয় ভাব-যুক্ত। মানবে Intellect (বোধশক্তি) Emotion (অনুভূতি) ও Will (ইচ্ছাশক্তি) আছে। যে ঈশ্বরে এই তিনটাই নাই, তাহাকে Personal god বলা যায় কি ?

ঈশ্বরকে শুধু চিৎস্বরূপ বলিলেই তাঁহাতে ব্যক্তিত্ব আরোপ করা হয় না। বেদান্তের ঈশ্বর চিৎস্বরূপ, কিন্তু তিনি Personal God নহেন। তাঁহাকে আনন্দস্বরূপ বলিলেও, 'ব্যক্তিত্বের' সমস্ত গুণ তাহাতে আরোপিত হইল বলিয়া মনে হয় না। ইচ্ছাশক্তি না থাকিলে ব্যক্তিত্ব বা Personality পূর্ণ হয় না, ইচ্ছা তাঁহাতে আছে কি ? যদি তিনি ইচ্ছাময় will হন—তাহা হইলেও জাগ্রত Conscious intelligent will প্রকৃত ইচ্ছাশক্তি—অচেতন ইচ্ছাশক্তি Unconscious will নন—এবং সবে সবে যুক্তি তিনি প্রেমস্বরূপ হন, তবে ভক্তের ব্যাকুলতা তাঁহাকে বিচলিত করিবে না কেন ?

দার্শনিক বলিবেন তিনি অসীম (Absolute), তিনি অনন্ত (Infinite), তিনি পূর্ণ (Perfect) তাঁহাতে বিকার সম্ভবপর নয়। তিনি স্বাভাবিক, নির্বিকার—তাহাই তাঁহার স্বরূপ। বিকার তাঁহাতে অসম্ভব।

এই Absolute ও Infinite শব্দ দুইটিই যত অনর্থের মূল। Absolute ও Infiniteএর ধারণা আমাদের নাই। তবুও অপরিহার্য কারণ (Necessity of reason) বলিয়া আমরা উহা স্বীকার করিয়া লই। সীমাবদ্ধের (finite এর) সঙ্গে সঙ্গে না কি অনন্তের (infinite এর) একটা ধারণা আমাদের হইয়া থাকে ; আপেক্ষিকের (relative এর) সঙ্গে সঙ্গে নিরপেক্ষের (absoluteএর) ধারণা জন্মে। কিন্তু এই যে সিদ্ধান্ত-মূলক অপরিহার্য ভাব (Theoretical necessity) বার্গসোঁর মতে ইহা ব্যবহারিক প্রয়োজনীয়তা (Practical necessity) হইতেই উৎপন্ন। যে বোধশক্তি (Intellect) আমাদের কাছে এই absoluteএর সম্পূর্ণ ধারণা আনিয়া দেয় তাহার প্রামাণ্য কতটা ? বার্গসোঁ বলেন, বোধশক্তির সমস্ত শক্তি আমাদের জীবনের

প্রয়োজন-সাধনে ব্যাপৃত। বোধশক্তি (Intellect) আমাদের কাছে সত্যে পৌঁছিয়া দিতে পারে না। সত্য আবিষ্কারের জন্য তাহা উদ্ভূতই হয় নাই। (Practical) ব্যাপার ব্যবহারিক হইতে তাহাকে বিযুক্ত করিতে না পারিলে তাহার দ্বারা সত্যে পৌঁছিবার আশা ছুরাশামাত্র। বোধশক্তি বিজ্ঞানের প্রতিষ্ঠা করিয়াছে ; বিজ্ঞানের উদ্দেশ্যেও ব্যবহারিক, মানুষের কাছে লাগা। বিজ্ঞান জড়জগতে যে নিয়মের প্রতিষ্ঠা করিয়াছে, তাহার প্রামাণ্য কতটা ? প্রাণ ও চিৎসক্তি তো সে নিয়মে বাধা পড়ে না। বিশ্বের প্রাণ বলিয়াই আমরা ঈশ্বরকে জানি। আমাদের ক্ষুদ্র প্রাণ যে বৈজ্ঞানিক নিয়মের দ্বারা নিয়ন্ত্রিত নহে, বিশ্বের প্রাণরূপী ঈশ্বর কি তাহা দ্বারা নিয়ন্ত্রিত ? প্রত্যেক প্রাণীজীবন সে নিয়ম অতিক্রম করিতে চায়, পারুক আর না পারুক, তাহার উপর প্রভু করিতে চায়। মানুষের ইচ্ছাশক্তি প্রতি মুহূর্তে সেই নিয়মের উপর আপনার প্রভু প্রতিষ্ঠিত করিতেছে। চিন্তার স্বাধীনতার (Free willএ) দ্বারা বিশ্বাস করেন, তাঁহাদিগকে স্বীকার করিতে হইবে Free-will এর প্রত্যেক কার্য এক একটা অপ্রাকৃত বস্তু (miracle) জড়ের নিয়ম, বিজ্ঞানের নিয়ম সেখানে খাটে না। মানুষের ইচ্ছা স্বয়ংপ্রভু। মানুষের will ইচ্ছাশক্তি প্রেমের আকর্ষণে চঞ্চল হইয়া ওঠে, প্রেমের পাত্রকে পাঠবার জন্য ব্যাকুল হয়, ইহা তো আমরা প্রত্যক্ষ করিতেছি ; ইহাকে অস্বীকার করিবার উপায় নাই। ইহা দেখিয়া আমরা বিস্মিতও হই না কিন্তু বিশ্বপ্রাণ কি প্রেমময় হইয়াও প্রেমের বৈশিষ্ট্য হইতে বঞ্চিত ? তিনি যদি প্রেমের আবেগে আমার দিকে অগ্রসর হইয়া আসেন, তাহা হইলে কি সেই অগ্রসর হওয়াকে একটা অপ্রাকৃত ব্যাপার বলিয়া অস্বীকার করিতে হইবে ?

কবির নিজে গারিয়াছেন "যদি এ আমার হৃদয় ছয়ার বন্ধ রহে গো কত, হার ভেঙ্গে তুমি এস মোর প্রাণে ফিরিয়া বেওনা প্রভু।" আমার চিন্তের ছয়ার কি আমাকেই ধুলিতে হইবে ! তিনি কি সে বন্ধ ছয়ার নিজে ভাঙিয়া কখনও আসিবেন না ! ভাবিলে কি তাহার অসীমত্ব সঙ্কচিত হয় ? সেটা কি নিতান্তই অসম্ভব ব্যাপার ! তবে কেন বৃথা উপাসনা ! কার উপাসনা ! তাহাকে ভাবিলে তিনি শোনে না, অথবা শুনিয়াও

শোনে না, যাহার জ্ঞান আমার ঐকান্তিক ব্যাকুলতা,
 তাঁহার উপর বিন্দুমাত্রও রেখাপাত করিতে পারে না,
 তাঁহাকে প্রেমময় বলা প্রেম শব্দের অপব্যবহার মাত্র।
 তাঁহাকে ব্যক্তি বলা, Person শব্দের অপব্যবহার।
 জড়বাদীরাও জড় জগতের একত্ব স্বীকার করেন ; বিজ্ঞান
 ও আগতিক সমস্ত শক্তিকে একই বলিতে অভিহিত।
 কিন্তু যে শক্তিতে প্রাণ নাই, যে শক্তিকে শুধু সচেতন
 (Conscious) বলিয়া স্বীকার করিলেই তাঁহাকে ঈশ্বর

বলা হইল না। সেই চিৎশক্তি (Consciousness) যদি
 জড়ের মতই নিয়ন্ত্রাভূত হয়, যদি তাহার স্বাধীনতা না
 থাকে, যদি তাহা ইচ্ছাশক্তি-বর্জিত হয়, তবে সে শক্তি
 আর যাহাই হউক, সে শক্তিধর প্রেমময় ভগবান নহেন।
 তাহার উপাসনা করা মূর্খতা, তাহার ধ্যান করিলে
 মানুষের মনে একটা বিরাতের ধারণা হইতে পারে, কিন্তু
 সে ধারণা বৈজ্ঞানিক জগতের চিন্তাতেও হয়। বৃথাই
 তাহার জ্ঞান ব্যাকুলতা।

ঘরছাড়া

[শ্রীহেমচন্দ্র বাগচী, এম-এ]

ওগো ঘরছাড়া !

দু'ধারে তিলের ফুল যে পথে ঘটায় ভুল,
 সেই পথে পাই তোর সাড়া।

গর্বিত পদ-ভরে দুর্ব্বা লুটায় পড়ে
 ফড়িঙেরা বাঁধে যেথা বাসা,

রাতের শিশিরদল ধানশীষে টলমল
 সেথায় আমার ভালবাসা

ভিড় করে বার বার ; তাই আজ হ'ব বা'র
 তোমার পায়ের ধূলা হেরি'।

দু'ধারে তিলের ফুল ঘটায় মনের ভুল
 সাঁঝের আঁধার আসে ঘেরি'।

দূসর মেঘের সনে স্তূপের কাশের বনে
 তুমি কেন হ'য়ে যাও হারা ?

তোমার চাদর দেখি ; তোমাতে হেরি না এ কি !
 পথভোলা হয়ে ঘরছাড়া !

ভেবেছিছু তোমারেই শুধাইব কেন এই
 কেন ওই রুখু কালো চুল ।
 একটি পলকে হায়, দেখি' যাহা দেখা যায়,
 মন মোর কাঁদিয়া আকুল ।
 ঘরে কি গো সুখ নাই এমন আকার তাই—
 খালি পায়ে হাঁটো দূর পথ !
 আঁকা-বাঁকা বহুদূর যেথায় স্বপন-পুর
 সেথায় উধাও মনোরথ ।
 ধূলায় ধূলায় ধাও কুলায় ভুলিয়া যাও ;
 কোথা' শেষ—ঠিকানা কি নাই ?
 মনের পাখাটি মেলে কেন ঘর ছেড়ে এলে ?
 ভোলা মন, তোমারে শুধাই !

ওগো ধরছাড়া !

আমার পরাণে তাই, কোথা' কোনো সুখ নাই
 বুঝি না কেন বা দিশাহারা !
 তোমারে লাগিল মনে, জানি না গো অকারণে,
 কেন বা সে কেঁদে কেঁদে কয়.—
 ঘরে শুধু অভিনয় সরল হিয়ার নয়
 নীড়বাঁধা ছনিয়েয় রয় !
 একটি মুখের ডোল তবু তোলে কলরোল.
 ঘরে তবু থাকা হ'ল দায় ।
 দুইটি চোখের নীচে পরাণ কাঁদিয়ে মিছে
 কালো কেশে মূরছে বৃথায় !
 আমার এ' বিধাতার মুছিয়ে কি এইবার
 আমারে করিয়ে পথহারা ?
 মটর-ভিলের ফুল যে পথে ঘটায় ভুল,
 সেই পথে ডাকো ধরছাড়া !

প্রাচীন-পঞ্জী

নিছনি

(১)

তৃতীয় সংখ্যক সাধনার কোন পাঠক “নিছনি” শব্দের অর্থ জিজ্ঞাসা করিয়াছেন ; তাহার উত্তরে অগদানন্দ বাবু “নিছনি” শব্দের অর্থ “অনিচ্ছা” লিখিয়াছেন। কিন্তু প্রাচীন বঙ্গসাহিত্যে অনিচ্ছা অর্থ নিছনির ব্যবহার কোথাও দেখা যায় নাই। গোবিন্দদাসে আছে “গৌরাসের নিছনি লইয়া মরি”—স্পষ্টই অনুমান করা যায়, “বালাই লইয়া মরি” বলিতে যে ভাব বুঝায় “নিছনি লইয়া মরি” বলিতেও তাহাই বুঝাইতেছে। কিন্তু সর্বত্র নিছনি শব্দের এরূপ অর্থ পাওয়া যায় না। বঙ্গসাহিত্যের কোন পদে আছে—

পর্যাপ কেমন করে, মরম কহিনু তোরে,

জীবন নিছনি তুয়া পাশ।—

এখানে নিছনি বলিতে কতকটা উপহারের ভাব বুঝায়।

বঙ্গসাহিত্যের অন্তর্ভুক্ত আছে—

তোমার পিরীতে হাম হইনু বিকিনী,

মূলে বিকালোঙ আর কি দিব নিছনি।

এখানে নিছনি বলিতে কি বুঝাইতেছে ঠিক করিয়া বলা শক্ত।

এরূপ স্থলে নিছনি শব্দের সংস্কৃত মূলটী বাহির করিতে পারিলে অর্থ নির্ণয়ের সাহায্য হইতে পারে।

গোবিন্দ দাসের এক স্থলে আছে—

দৌহে দৌহে তনু নিরছাই।

এ স্থলে “নিছিয়া” এবং “নিরছাই” এক খাত্তমূলক বলিয়া সহজেই বোধ হয়।

অন্তর্ভুক্ত আছে—

“বর হাম জীবন তোহে নিরমছব

তবহঁ না সোঁপব অন্ন।”

ইহার অর্থ, বরং আমার জীবন তোমার নিকট পরিত্যাগ করিব তথাপি অন্ন সমর্পণ করিব না।

আর এক স্থলে দেখা যায়—

“কুণ্ডল পিচ্ছে চরণ নিরমছব

অব কিয়ে সাধনি মান।”

অর্থাৎ তোমার চরণে মাথা লুটাইয়া কামের কুণ্ডল ও চূড়ার ময়ূর-পুচ্ছ দিয়া তোমার পা মুছাইয়া দিয়াছে তথাপি তোমার মান গেল না।

এই নিম্নলিখিত শব্দই যে নিছনি শব্দের মূল রূপ তাহাতে আর সন্দেহ নাই।

বিষগজাতি সাষ্টাঙ্গ প্রণাম—এই পঞ্চ দ্বারা আরাধনা, আকৃতি।”
উহার আর এক অর্থ “শান্তিকর্ম বিশেষ।”

অতএব যেখানে “নিছনি লইয়া মরি” বলা হয়, সেখানে বুঝায় তোমার সমস্ত অমঙ্গল লইয়া মরি—এখানে “শান্তিকর্ম” অর্থের প্রয়োগ।

“দৌহে দৌহে তনু নিরছাই”—এস্থলে নিরছাই অর্থ মোছা।

নিরমল কুলশীল বিদিত জুবন,

নিছনি করিনু তোমার ছুঁইয়া চরণ।

এখানে নিছনি অর্থ স্পষ্টই আরাধনার অর্ঘ্যোপহার বুঝাইতেছে।

“পর্যাপ নিছিয়া দিই পিরীতে তোমার”—অর্থাৎ তোমার প্রেমে প্রাণকে উপহাররূপে অর্পণ করি।

তোমার পিরীতে হাম হইনু বিকিনী

মূলে বিকালোঙ, আর কি দিব নিছনি।

ইহার অর্থ বোধ করি নিম্নলিখিত মত হইবে—তোমার প্রেমে যখন আমি সমূলে বিক্রীত হইয়াছি তখন বিশেষ করিয়া আরাধনাযোগ্য উপহার আর কি দিব ?

বর্তমান প্রচলিত ভাষায় এই “নিছনি” শব্দের ব্যবহার আছে কি না জানিতে উৎসুক আছি ; যদি কোন পাঠক অনুগ্রহ করিয়া জানান ত বাধিত হই। চণ্ডিদাসের পদাবলীতে নিছনি শব্দ কোথাও দেখি নাই।

শ্রীরবীন্দ্রনাথ ঠাকুর (সাধনা, ১ম বর্ষ চৈত্র ১২৯৮)

(২)

এই সংখ্যক সাধনার ভক্তিতাজন শ্রীযুক্ত রবীন্দ্রনাথ ঠাকুর মহাশয় নিছনির যে অর্থগুলি দিয়াছেন প্রাচীন বৈকব-গ্রন্থে তাহার দুই একটির ব্যবহার অতি বিরল ; “শান্তি কর্ম বিশেষ” ও ‘মোছা’ এই দুই অর্থে ‘নিছনি’র প্রয়োগ অপেক্ষাকৃত অনেক বেশী, কিন্তু ‘পর্যাপ নিছিয়া দিই চরণে তোমার’, ‘যৌবন নিছনি দি’ ‘নিছনি’র এই প্রকার প্রয়োগ অত্যন্ত সাধারণ, সুতরাং আমার বোধ হয় মোটামুটি ‘উপহার’ অর্থেই প্রাচীন বৈকব কবিগণ ‘নিছনি’ শব্দ ব্যবহার করিতেন।

কিন্তু প্রাচীন বৈকব গ্রন্থে ‘নিছনি’ শব্দের এমন প্রয়োগও দেখিতে পাওয়া যায় যেখানে তাহার ‘নীরাঙ্গনা, আকৃতি, সেবা, মোছা ও শান্তি কর্ম বিশেষ’ ছাড়াও অন্য প্রকার অর্থ হইতে পারে। নিম্নে দুই একটি উদাহরণ দিতেছি—

“মনেতে করিয়ে সাধ যদি হয় পরিবাদ যৌবন সফল করি মানি
জ্ঞানদাসেতে কর এমত বাহার হয় ত্রিভুবনে তাহার নিছনি।”

এখানে নিছনি কি গৌরবার্ণবে ব্যবহৃত হইয়াছে ? (১)

১ এস্থলে “নিছনি” অর্থে পূজা। আমার প্রবন্ধে উল্লেখ করিয়াছি “নিম্নলিখিত” শব্দের একটি অর্থ আরাধনা। শ্রীরবীন্দ্রনাথ ঠাকুর।

অতীতকালে নিম্নলিখিত শব্দের অর্থ দেখা যায়—“নীরাঙ্গনা, আকৃতি, সেবা, মোছা।” নীরাঙ্গনা অর্থ “আরাটিক দীপমালা সজলপদ্ম দ্ব্যন্তর

গোবিন্দদাসের একস্থানে আছে

“সই এবে বলি কিরূপ দেখিহু
দেখিয়া মোহনরূপ আগনে নিহিহু।”

তাহার পরই

‘বাচিয়া যৌবন দিব শ্রাম রূপের নিহিনি।’

এই শেবোক্ত নিহিনি অর্থে ‘উপহার’ ধরা যাইতে পারে, কিন্তু ‘আগনে নিহিহু’র ‘আপনাকে তুলিলাম’ এরূপ অর্থ কি অধিক সংগত নহে? (২)

অন্যত্র

‘পদপঙ্কজপরি মণিময় নুপুর রুণবুধু ধ্বনন ভাব
মদন মুকুর জহু নখমণি দরপণ নিহিনি গোবিন্দদাস।’

এখানে ‘নিহিনি’ ‘ভণিতা’ স্বরূপে ব্যবহৃত হইয়াছে কি? (৩)

আর একস্থানে দেখিলাম,

‘শশোদা আকুল হইয়া ব্যাকুলি রাইএরে করল কোলে
ও মোর বাহনি জান মু নিহিনি ভোজন করহ বলে।’

এখানে ‘নিহিনি’ ধারা বোধ হয় আশীর্বাদ বুঝাইতেছে। (৪)

যনগ্রামদাস রচিত পদের একস্থানে আছে

নরনে গলরে ধারা দেখি মুখখানি
কার ঘরের শিশু তোমার যাইতে নিহিনি। (৫)

আর একটি পদে

‘সবার অগ্রজ তুমি, তোরে কি শিখাব আমি বাপ মোর যাইবে
নিহিনি।’ (৬)

এবং

‘নিহিনি যাইয়ে পুত্র উঠহ এখন কহরে মাধব উঠি বসিল তখন।’ (৭)

এই শেবোক্ত তিনস্থানে নিহিনি কি অর্থে যে ব্যবহৃত হইয়াছে তা বুঝিতেই পারিলাম না। সম্ভবতঃ তিনটি এরোপেরই এক অর্থ।

২ নিহন অর্থে যখন মোহা হয় তখন “আগনে নিহিহু” অর্থে আপনাকে তুলিলাম অর্থাৎ আপনাকে তুলিলাম অর্থ অসঙ্গত হয় না।

শ্রীঃ—

৩ আমার মতে এহলে নিহিনি অর্থে পূজার উপহার। অর্থাৎ গোবিন্দদাস চরণ-পঙ্কজে আপনাকে অর্ঘ্যস্বরূপে সমর্পণ করিতেছেন।

শ্রী :

৪ “জান মু নিহিনি” অর্থাৎ আমি তোমার নিহিনি যাই। অর্থাৎ তোমার অনাতি অমঙ্গল আমি মুছিয়া লই, যেসকল ভাবে “বালাই লইয়া মরি” ব্যবহার হয় “নিহিনি যাই” বলিতেও সেইরূপ ভাব প্রকাশ হইতেছে। শ্রীঃ—

৫ আমার বিবেচনার এখানেও ‘নিহিনি’ অর্থে বালাই বুঝাইতেছে। শ্রীঃ—

৬ এখানেও তাহাই। শ্রীঃ—

৭ ‘নিহিনি যাইয়ে’ অর্থাৎ সমস্ত অমঙ্গল দূর হইয়া। শ্রীঃ—

ভক্তিভাজন উত্তরদাতা উপসংহারে বলিয়াছেন “চণ্ডিদাসের পদাবলীতে নিহিনি শব্দ কোথাও দেখি নাই” আমাদের বাড়ীতে প্রাচীন বৈকব কবিদিগের রচিত একখানি পদাবলী আছে। মাকাতার জন্মের দুই পাঁচ বৎসর আগে কি পরে সে এডিশনের পুঁথি বাহির হইয়াছিল তা জানিবার কোন উপায় নাই, তবে আকার প্রকার দেখিয়া বোধ হয় বেশী পরে নয়; চণ্ডিদাসের ভণিতা দেখিয়া তাহা হইতে চারিটি পদাংশ নিয়ে তুলিয়া দিলাম

‘অমিয়া নিহিনি বাজিছে সঘনে মধুর মুরলী গীত
অবিচল কুল রঙ্গী সকল গুনিয়া হরল চিত।’

এ ‘নিহিনি’ অর্থ কি ‘জিনিয়া’? (৮)

২। ‘নন্দের নন্দন গোকুল কানাই সবাই আপনা বোলে
মোপুনি ইছিয়া নিছিয়া লইহু অনাদি জনম কলে।’

এখানে ‘নিছিয়া’র ‘ক্রয় করা’ অর্থই অধিক সম্ভব। (৯)

৩। ‘তথা কনক বরণ কিরে দরপণ নিহিনি দ্বিগে মে তার
কপালে ললিত চান্দ যে শোভিত সিন্দুর অরুণ আর।’

৪। ‘তনু ধন জন যৌবন নিহিহু কালার পিরিতে।’

এই কয়টি পদ ভিন্ন অন্য কোথাও চণ্ডিদাস ‘নিহিনি’ শব্দ এরোপ করিয়াছেন কি না জানি না, এবং উক্ত পদ কয়টি চণ্ডিদাসের কি না ‘ভণিতা’ ছাড়া অন্য উপায়ে তাহা আবিষ্কার করিবার যো নাই, ভণিতা দেখিয়া বিচার করিতে হইলে এ কয়টি চণ্ডিদাসেরই ইহা স্বীকার করিতে হইবে; তবে বটতলার প্রভুরা অনেক সময়ই ‘উদোর পিণ্ডি বুধোর ঘাড়ে’ চাপাইয়া থাকেন, বর্তমান পদ কয়টি সম্বন্ধেও তাহাই হইয়াছে কি না প্রাচীন বৈকব-পদাবলীতে বিশেষ অভিজ্ঞ ভক্তিভাজন উত্তরদাতা বোধ হয় তাহা বলিতে পারিবেন। *

শ্রীদীনেন্দ্রকুমার রায় (সাধনা, ১ম বর্ষ বৈশাখ ১২২৯)

৮ ‘অমিয়া নিহিনি’ অর্থ ১২ অমৃত মুছিয়া লইয়া। শ্রীঃ—

৯ নিছিয়া লইহু—আরাধনা করিয়া লইহু অর্থাৎ বরণ করিয়া লইহু অর্থ হইতে পারে। শ্রীঃ—

১০ উক্ত অংশগুলি চণ্ডিদাসের পদের অন্তর্গত সম্বন্ধ নাই।

‘নিহিনি’ শব্দ যদি নির্মূলন শব্দেরই অপভ্রাণ হয় তবে নির্মূলন শব্দের যতগুলি অর্থ আছে নিহিনি শব্দের তদতিরিক্ত অর্থ হওয়ার সম্ভাবনা বিরল। দীনেন্দ্রকুমার বাবু নিহিনি শব্দের যতগুলি এরোপ উদ্ধৃত করিয়াছেন তাহার সকলগুলিতেই কোন না কোন অর্থ নির্মূলন শব্দ খাটে।

দীনেন্দ্রবাবু ভ্রম স্বীকার করিয়া এই আলোচনার বোগ দিয়াছেন সে জন্ত আমি বিশেষ আনন্দ লাভ করিয়াছি। আমাদের প্রাচীন কাব্যে যে সকল দুর্কোষ শব্দ এরোপ আছে সাধারণের মধ্যে আলোচিত হইয়া এইরূপে তাহার সীমাংসা হইতে পারিলে বড়ই মনের বিবর হইবে।

শ্রীরবীন্দ্রনাথ ঠাকুর

ওমর-ই-খাইয়ামের প্রথম অনুবাদ

পাখানে আছাড়ি ভাঁড় করি চুরমার ।
 সর্বোধ আমোদে মন মাজিল আমার ।
 কহিল খর্পরচর কণ কণ করে ।
 "মম সম গতি তব হবে অতঃপরে ॥"
 ধরে ভয়ে কভু আমি নহি ভরাতুর ।
 হেথা কর্তৃতোগ চেয়ে সে তো হুমধুর ।
 মম প্রাণ অযাচিত ধনের সমান ।
 শুধিবার দিনে হুখে দিব পুনর্দান ॥
 ঠকরের কিবা লাভ মম আগমনে ।
 বাড়িবে না তাঁর মান যাব যেই কণে
 কোন নর না কহিল এ তব আমারে ॥
 আসা-বাওয়া কি কারণ এতব সংসারে ।
 স্ব'রব হইলে নাহি আসিতাম আমি ।
 গমন স্বাধীন হলে না হতেম পামী ।
 এ আমার দরাদামে সব চরে শ্রেয়ঃ ।
 নাহি আসা নাহি বাওয়া অভূত অজের ॥
 হেথা আসি নাই আমি বেচ্ছার স্বাধীন ।
 বাসনার বশ নহে যাব যেই দিন ।
 হে হুমরি । বখা সাজে মধু পরিবেশ ।
 ভব-চিন্তাচর তাহে ডুবাইব এস ॥
 তোমার আমার প্রাণ নাশিবার তরে ।
 মুরিছে আকাশ ঐ মাপার উপরে ।
 এ তৃণ শরনে প্রিয়ে রহ কিছু দিন ।
 আশ'দের রজে পুন উঠিবেক তৃণ ॥
 ঘোবন পুতক পাঠি সাজ হলে হার ।
 হুমদ বসন্ত নব বিগত জরার ।
 উড়ে গেল শুকপাখি হুখের ঘোবন ।
 না জানি আইল কবে বাইল কখন ॥
 তুমি হে যোচন-কর্তা হার পূলে দাও ।
 তুমি শুক, মালসের উড়িতে লিখাও ।
 কোন নর কক মম নহে প্রিয়তর ।
 তারা তো অনিত্য, তুমি নিত্য নিরন্তর ॥
 পাঠশালে ধর্মশালে মন্দিরে কি মঠে ।
 নিরন্তর ভয় কিবা স্বর্গ-স্বপ্ন বটে ।
 কিছু কিছু-স্বপ্ন কেহ না জানে না শুনে ।
 চিত্তকেন্দ্রে হেন চিন্তা বীজ নাহি বোনে ॥

হার । পীড়া নাহি দিও ককু কার মনে ।
 ক্রোধানলে দগ্ন করিও না কোন মনে ॥
 অনন্ত আনন্দে যদি অভিলাষ থাকে ।
 আপনি সহিবে, নাহি সহাবে কাহাকে ॥

এই তো কুম-কাল হুখের আকর ।
 প্রান্তর-প্রবহা-নদীতটে প্রান্তি হর ।
 এই এক বন্ধু হুয়া পয়িমী মলনা ।
 কেহ না শুনিবে শুণ্ড/শুকর চলনা ॥

ফটিক আধারে হিত-মাণিকা * হুমর ।
 সরল মনের এই সজ্জ মহোদর ।
 তুমি তো জানিছ ভাল জীবন-পবন ।
 বেগে ধার, হার । আন পাত্র হুশোভন ॥

সাদরে অধরে ধরি লাভ শুনে খাই ।
 কত দিন রবে প্রাণ-তাহারে হুখাই ।
 মদুধরে কহে পিতৃ-স্বাং জীবন ।
 প্রাণগতে পুনঃ অজ্ঞ নাহি আগমন ॥

মধুর মারুত বহে সেবতী-সুদরে ।
 মধুর কটাক জলে কুমুম নিলয়ে ।
 মৃত গত দিবসের কি মধুর আছে ।
 কিছুই মধুর নহে আজিকার কাছে ॥


পূর্বে এই পাত্র মম সম প্রেমী ছিল ।
 তোমা'সমা প্রমদা প্রমোদে বিরামিল ।
 যে দেখিছ কঠে তার হাতল হুমর ।
 ও নহে হাতল তার প্রেমসীর কর ॥

মম সুড়া মাখা গাখা তব প্রেম-জাল ।
 উক হুয়া বসে মম ওঠ তাই লাল ।
 মতীহত অমুতাপে তুমি হলে লাল ।
 ঐখ্যাকৃত বর্ষ তির করিলেক কাল ॥

বিস্তার কাপাৎ রচিতাম বহুকালে ।
 অবশেষে পড়িলাম হুখে অধি শালে ।
 অদৃষ্টের কাটা-কাটা কাপাতের ভোর ।
 আশার নীলামে শূন্য ডাক হলে ঘোর ॥

—রহস্য-সন্দর্ভ, সংখ্য ১২২১ (১২৭১ বঙ্গাব্দ)

• হরিদ্বর্ণ হুয়া ।



অহিংস-অসহযোগ-আন্দোলনের প্রবর্তক

মাসপঞ্জী

[শ্রীসত্যগোপাল মুখোপাধ্যায়]

১লা বৈশাখ—শ্রীযুক্ত জে, এম সেনগুপ্তের ৬ মাস কারাদণ্ড—এলাহাবাদে কংগ্রেসের সভাপতি শ্রীযুক্ত জহরলাল নেহরু ধৃত ও ৬ মাসের কারাদণ্ডে দণ্ডিত।

২ রা বৈশাখ—শ্রীযুক্ত সেনগুপ্ত ও পণ্ডিত জহরলালেব গ্রেপ্তারের জন্ত কলিকাতায় সম্পূর্ণ হরতাল।—ভবানীপুরে দাঙ্গা।

৩ রা বৈশাখ—শ্রীযুক্ত সুভাষ বসু, শ্রীযুক্ত কিরণ শঙ্কর রায় প্রভৃতির দণ্ডাজ্ঞা হ্রাস—১ বৎসরের স্থলে ৯ মাসের কারাদণ্ডের আদেশ।

৪ ঠা বৈশাখ—কলিকাতায় হাক্কামা সম্পর্কে মহান্দা গান্ধীর অভিমত,—মহান্দার সন্ধে ব্রিটিশ মন্ত্রি-সভার সিদ্ধান্ত।

৫ই বৈশাখ—চট্টগ্রামের হাক্কামা—বিপ্লবী বৃন্দকদল কর্তৃক রেলওয়ে স্টেশন ও রিচার্ড পুলিশ আক্রান্ত—তন্মধ্যে পুলিশ ও সত্যাগ্রহীদিগের সংঘর্ষ।

৬ই বৈশাখ—চট্টগ্রামে দাঙ্গা সম্পর্কে গভর্ণমেন্টের সতর্কতা, নানা স্থানে খানাতলাস—বিপ্লবীদল নিকৃদ্বিষ্ট—নীলার লবণ প্রস্তুত অপরাধে মহিলাদিগের লাঞ্ছনা।

৭ই বৈশাখ—বঙ্গীয়-প্রাদেশিক-সম্মেলনের সভাপতি শ্রীযুক্ত বিপিনবিহারী গাঙ্গুলী রাজসাহীতে ধৃত—করাচীতে ডেপুটি কলেक्टर নিহত। লাহোরে চাঞ্চল্য।

৮ই বৈশাখ—পণ্ডিত মতিলাল নেহরুর কন্যা শ্রীমতী কৃষ্ণা নেহরুর নেত্রীদে এলাহাবাদে লবণ তৈয়ারী—আলাহাবাদে শ্রীযুক্ত কস্তুরীবাঈ গান্ধীর মণ্ডপান নিবারণ চেষ্টা—রেঙ্গুনে অগ্নিকাণ্ড।

৯ই বৈশাখ—আর্লাপুর সেন্ট্রাল জেলে শ্রীযুক্ত সেনগুপ্ত-প্রমুখ বন্দীগণ প্রস্তুত—মহিষবাধানে সত্যাগ্রহী-দিগের লাঞ্ছনা।

১০ই বৈশাখ—চট্টগ্রামে বিদ্রোহীদের সহিত সেনাদলের সংঘর্ষ—সবরমতী জেলে বন্দীদিগের প্রারোপবেশন—বাক্সায়ে টি, প্রকাশম্ গ্রেপ্তার—কলিকাতায় পণ্ডিত মনন মোহন মালব্যের আগমন।

১১ই বৈশাখ—বড়বাড়ার কংগ্রেস-নারক শ্রীযুক্ত

বসন্তলাল মুরারীকার গ্রেপ্তার—সাম্প্রদায়িক সমতা সন্ধে মহান্দার অভিমত।

১২ই বৈশাখ—ভারতীয় ব্যবস্থা-পরিষদের সভাপতি শ্রীযুক্ত বল্লভভাই প্যাটেলের পদত্যাগ—পেশোয়ারে চাঞ্চল্য।

১৩ই বৈশাখ—বঙ্গীয় আইন-অমাল্য পরিষদের সভাপতি শ্রীযুক্ত অমরেন্দ্রনাথ চট্টোপাধ্যায় ধৃত—শ্রীযুক্ত প্যাটেলের প্রতি বড়লাটের প্রত্যুত্তর—মহান্দা গান্ধী সন্ধে বড়লাটের নিকট মহম্মদ আলির ভাষা।

১৪ই বৈশাখ—আইন অমাল্য আন্দোলনের জন্ত বড়লাটের প্রেস আইন কারী। সিরাজগঞ্জ ও পাবনার মধ্যে কন্দর নামক জাহাজ ডুবি ও বছলোকের প্রাণনাশ।

১৫ই বৈশাখ—কলিকাতায় গাড়োয়ান হাক্কামা সম্পর্কে নেতৃবৃন্দের প্রত্যেকে ১ বৎসরের কারাদণ্ডে দণ্ডিত। দিল্লীতে শ্রীযুক্ত প্যাটেলের সংবর্ধনা।

১৬ই বৈশাখ—শ্রীযুক্ত সেনগুপ্ত পঞ্চমবার কলিকাতায় মেয়র নির্বাচিত—দিল্লীতে সমস্ত সংবাদপত্র বন্ধ। বিলি-মোরা হইতে অর্ডিন্যান্স সন্ধে মহান্দার অভিমত।

১৭ই বৈশাখ—পেশোয়ারে পররাষ্ট্র সচিব মিঃ হাওয়েল—পেশোয়ার ও অমৃতসরের টিকিট বন্ধ—দিল্লীতে মহান্দা গান্ধীর পুত্র শ্রীযুক্ত দেবদাস গান্ধীর প্রতি ১ বৎসরের কারাদণ্ডের আদেশ।

১৮ই বৈশাখ—কলিকাতায় শান্তিপূর্ণ হরতাল—সংবাদপত্র সেবীদিগের সভা।

১৯ই বৈশাখ—কলিকাতায় সমস্ত দেশী সংবাদপত্র বন্ধ—সমস্ত সহরে হস্তলিখিত কাগজে সংবাদ প্রকাশ।

২০ই বৈশাখ—শ্রীযুক্ত প্যাটেলের কলিকাতায় আগমন।

২১ই বৈশাখ—মহিলাগণ কর্তৃক কলিকাতায় রাস্তায় শোভাযাত্রা ও পিকেটিং।

২২ই বৈশাখ—মহান্দা গান্ধীর গ্রেপ্তারের সংবাদ ভারতময় রাষ্ট্র এবং হরতাল আরম্ভ।

২৩ই বৈশাখ—মহান্দার গ্রেপ্তারের প্রতিবাদে ভারতব্যাপী হরতাল পালন।


কংগ্রেসের সভাপতি



পণ্ডিত শ্রীযুক্ত জহরলাল নেহেরু




শ্রীযুক্ত বতীন্দ্রমোহন সেনগুপ্ত



শ্রীযুক্তসুভাষচন্দ্র বসু



কলিকাতা কর্ণওয়ালিস হোমারে শ্রীযুক্ত সেনগুপ্ত গ্রেপ্তার



মহিষাধাপানের নেত্রী—

শ্রীযুক্ত সতীশচন্দ্র দাসগুপ্ত



কাথির নেত্রবন্দ

'শনার' (police commiss-

নেতৃত্বে 'জাষ্টিস্ অফ্

নামক গভর্নমেন্ট মনো-

ব্যবস্থা করিত।

স্মৃতি-লেখা

[শ্রী দেবপ্রসাদ সর্বাধিকারী এম্-এ, ডি-লিট]

পূর্বাভাষ

স্মৃতি-কথা লিখিয়াছে অনেকে, লেখেও অনেকে এবং লিখিবেও অনেকে। রাজনারায়ণ বসুর "সেকাল ও একাল" ও জটাধারীর "রোজনামচা" পড়িয়া বালা ও কৈশোরের স্মৃতি-কথা লিপিবদ্ধ করিবার করুনা আমারও মনে কখনও কখনও উদয় হইত। সময় ও সুযোগ এতদিন ঘটে নাই, সহৃদয় বান্ধবগণের সাগ্রহ অস্বরোধ সত্ত্বেও তাহা ঘটয়া উঠে নাই। "ইউরোপে তিন মাস" ও "প্রবাস-পত্র" বাহাদের রুচিকর হইয়াছিল তাঁহাদের মধ্যে কেহ কেহ এই বান্ধব-শ্রেণীর অন্তর্গত। সহৃদয়তার এ আহ্বান আবার পৌঁছিতেছে। প্রত্যা-ধান করা অসম্ভব ও অপ্রয়োজন। এরূপ স্মৃতি-কথার মূল্য, কল বা উপযোগিতা আছে কি না তাহার বিচার আমার নিশ্চয়োজন। হয়তো কাহারও ভাল লাগিতে পারে, হয়তো কাহারও কিছু উপকার হইলেও হইতে পারে। আর কিছু না হউক আত্ম-প্রসাদের অভাব হইবে না।

বাল্যের ও শৈশবের কথা পরবর্তী সময়ের কথার অপেক্ষা সুস্পষ্ট ও বহুলভাবে স্মৃতিপটে চিরদিন অঙ্কিত থাকে, কিন্তু কোথায় সে কথার আরম্ভ তাহা স্থির করা কঠিন।

কলিকাতা বহুবাজার লোহাপটী, ৫৩ নং ওয়েলিংটন স্ট্রীটের বাটী, রাখানগরের পল্লীভবন ও ভূরশিষ্ট পর-গণার বায়ুনপাড়া গ্রামের মাতুলালয়ের কথা এই স্মৃতি-সম্পর্কে ভিন্ন ভিন্ন রূপে বিশদভাবে মনে পড়ে না, কিন্তু এই তিন স্থানের মধ্যে স্মৃতির প্রথম রেখার সূত্রপাত ও উদয় কোথা তাহা স্থির নির্ণয় দুঃসাধ্য। তিন স্থানেরই স্মৃতি নিবিড় ও অটলভাবে পরস্পরের সহিত জড়াইয়া আছে। তিন স্থানেরই বধাসম্ভব চিত্র লিখিতে পারিলে সে স্মৃতি-সংরক্ষণ অপেক্ষাকৃত সম্ভব।

ওয়েলিংটন স্ট্রীটের বাটীর সহিত বহু মহাশয়ার স্মৃতি

বিষড়িত। ছোঁঠাত্ত শ্রীযুক্ত প্রসন্ন
রায়বাহাদুর সূর্য্যকুমার, পিতৃবাগণ শ্রীযুক্ত আনন্দকুমার, শ্রীযুক্ত অমৃতকুমার, শ্রীযুক্ত অনন্তকুমার, শ্রীযুক্ত উপেন্দ্র-কুমার, শ্রীযুক্ত নরেন্দ্রকুমার, শ্রীযুক্ত সুরেন্দ্রকুমার প্রভৃতি সে স্থানে বাস করিতেন। গৃহ নিত্যন্ত ক্ষুদ্রায়তন হইলেও আত্মীয়, আত্মীয়ের আত্মীয়, কুটুম্ব, কুটুম্বের কুটুম্ব, পল্লীবাসিগণ এক তাঁহাদের আত্মীয়গণে গৃহ সর্বদা মুখরিত থাকিত। দেওয়াল হইতে দেওয়াল পর্যন্ত তক্তপোষ পাতা এবং তাহার উপর সকলেই সম-ভাবে সমান অধিকারে সারি সারি শুইয়া থাকিতেন। গৃহস্থালী ব্যবস্থায় যাহা আয়োজন থাকিত তাহাই সকলে সমাংশে আহাৰ করিতেন। বাবুদের ছেলে, বাবুদের ও বাহিরের "লোকের" আহাৰে ও শয়নে কোনরূপ পার্থক্য ছিল না। সর্বদা অনেক মনীষী ও মহাশয়ার সমাগম হইত, একথা স্থানে স্থানে উল্লেখ করিয়াছি। আসিতেন (ও কেহ কেহ কখনও থাকিতেন)—শ্রীযুক্ত ঈশ্বরচন্দ্র বিদ্যাসাগর, রামগোপাল ঘোষ, প্যারীচরণ সরকার, শ্রীমাচরণ দে, রেভারেন্ড কৃষ্ণমোহন বন্দ্যো-পাধ্যায়, রামতনু লাহিড়ী, বঙ্কিমচন্দ্র চট্টোপাধ্যায়, দীনন্দু মিত্র, উমেশচন্দ্র বন্দ্যোপাধ্যায়, দ্বারকানাথ মিত্র, গঙ্গাপ্রসাদ শ্যাম, শ্রীনাথ দাস, ঈশানচন্দ্র বন্দ্যো-পাধ্যায়, রামকমল চাধা, কৃষ্ণকমল অট্টচার্যা, রজ-লাল বন্দ্যোপাধ্যায়, মচন্দ্র বন্দ্যোপাধ্যায়, মাইকেল মধুসূদন দত্ত, মাল চক্রবর্তী, তারকনাথ পালিত, মনোমোহন চৌধুরী, গগেন্দ্রচন্দ্র ঘোষ, চন্দ্রনাথ ঘোষ, নৃসিংহচন্দ্র হালদার, নীলমণি মুখোপাধ্যায়, শংকরমোহন গুপ্ত, উমেশচন্দ্র বটবাসি, ভূষণ চৌধুরী, শ্রীকান্ত বসু, উপেন্দ্রনাথ দাস, শিবনাথ শাস্ত্রী, সোমেন্দ্রনাথ ঠাকুর, অক্ষয়কুমার দেবেন্দ্রনাথ দত্ত, সোমেন্দ্রনাথ ঠাকুর, অক্ষয়কুমার বড়াল, কৃষ্ণপাল, ঈশ্বরচন্দ্র মিত্র, কালিকাদাস দত্ত, গোপালচন্দ্র সরকার, নীলমণি কোঙার, রাজেন্দ্রলাল মিত্র, উমেশচন্দ্র দত্ত, রবেন্দ্রচন্দ্র দত্ত, সুরেন্দ্রনাথ

১৯০৭

...য়, রাধিকা-
...কৃষ্ণ মুখোপাধ্যায়,
...দে, মহেন্দ্রলাল সরকার,
...নরায়ণ বসু, রাজেন্দ্রনাথ দত্ত,
...দক্ষিণারঞ্জন মুখোপাধ্যায়, ভরত-
...চন্দ্র শিরোমণি, তাম্রনাথ তর্কবাচস্পতি, গিরীশচন্দ্র
...বিহারদাস, স্বরকানাথ বিষ্ণুভূষণ, মহেশচন্দ্র স্তায়রত্ন,
...অন্নদাপ্রসাদ বন্দ্যোপাধ্যায় প্রভৃতি। এমন কথা বলি না
...যে ইঁহারা একই সময়ে আসা 'যাওয়া' করিতেন;
...কখনও ইনি, কখনও উনি, কখনও এদল, কখনও ওদল
...আসিতেন। অবসর-ক্রমে তাঁহাদের কাহারও কাহারও
...সম্বন্ধে অল্প বিস্তর আলোচনা করিবার ইচ্ছা রহিল।
...এরূপ মহাজনগণের সঙ্গ সৌজন্য লাভ অধিকাংশ
...বালক, কিশোর, তরুণ ও যুবকের ঘটে না। এ প্রভূত
...সৌভাগ্যের অধিকারী হইয়া আমি কতদূর ধন্য ও উপকৃত
...হইয়াছি তাহা বলিয়া বা লিখিয়া ব্যক্ত করা দুঃসাধ্য।
...অপর উচ্চ শিক্ষার ও ধকারী না হইলেও আমার পক্ষে
...ইহা বিশিষ্ট উন্নতশিক্ষার কার্য্য করিয়া ছিল। পিতৃদেব
...সর্বদা চিকিৎসা-কার্য্যে ব্যাপৃত থাকিতেন। অনেক
...সময় এই সকল মহাপুরুষের অভ্যর্থনার ভার ইচ্ছা করিয়া
...আমি সুকুমার স্বন্ধে বহিতাম। ইঁহাদের অনেকের জন্ম
...ঠাকুরমার অর্থাৎ মাতৃহীন পিতা পিতৃব্যগণের মাসী-
...ঠাকুরাণীর নিকট হইতে, অনেক খাল পরম লুচি ও
...'ডুমো' অল্পভাজা বহিয়া আনিয়া দিয়াছি। আমিও
...অংশ হইতে বঞ্চিত হইতাম না। উপস্থিত করায়
...শিবনাথ শাস্ত্রী (ভট্টাচার্য্য)র পিতৃহাকে বাটার বাহির
...করিয়া দেন। ছাত্রবৎসল জ্যেষ্ঠ ঠাহাকে স্ব-গৃহে
...স্থান দেন। পরে রাস্তার ওপাশে বাসাও করিয়া
...দেন, সেখানে আহারাদির ব্যবস্থা হয়। আমাদের
...বাড়ী হইতে তাহার আহার বাইত। তবে তাহার
...এম, এ, পড়াশুনা-সংক্রান্ত পণ্ডিতদের "দেশের
...লোক" ও হোমের জন্ম বাটার দ্বারা শীলের
...বাড়ীতে ও পড়াশুনা হইয়াছিল। ইঁহাদের পাশাপাশি
...ও সামনাসামনি তিনটা বাড়ী লইয়া রাধিকারীদের
...গৃহস্থালী ও আতিথ্য চলিত। খুলতাত রাজকুমার বাবু
...ক্যানিং কলেজে প্রফেসরি করিতেন।

রাস্তার দু'ধারে ও পিছনের গলির ভিতর বড় বড়
...খোলা নর্দমা ছিল। বাটার দরজা হইতে রাস্তায়
...পড়িতে ইটের সঁকোর উপর দিয়া বাতায়ত করিতে
...হইত। তার পর যখন সহরে ড্রেন ও জলের কল
...বসিল তখন সে সঁকো ভাঙ্গিয়া নর্দমা বুজাইয়া ফুটপাথ
...হইল। জলের পাইপ বসান ও রাস্তার মাঝখানে
...জমির নীচে পাকা ড্রেন গাঁথা অন্তিমনা হইয়া রাস্তার
...উপর বারাতা হইতে দেখিতাম এবং সেই পর্বতপ্রমাণ
...রাস্তা ধোঁড়ার মাটির স্তূপ হিমাচল ও বিক্র্যাচলের স্থান
...অধিকার করিত। ওয়েলিংটন কোয়ার তখন গোলদীঘি
...নামে খ্যাত ছিল। পুষ্করিণীতে তখন মিঠা পানি পাওয়া
...যাইত। রাস্তা ও পুষ্করিণীর পাড় সমান উঁচু ছিল, মধ্যে
...রেলিং—ফুটপাথের জন্ম তখনও হয় নাই।

লালদীঘির জল ও গঙ্গাজলের মত গোলদীঘির মিঠা-
...পানিরও পানার্থ ব্যবহার চলিত। সকল বাটাতে এক
...বা একাধিক কূপ ছিল। নীচের তলায় মাটির বড় বড়
...জালা অর্ধেক পুঁতিয়া 'নির্ম্মালা' দিয়া গঙ্গাজল রক্ষিত
...হইত। উড়িয়া ভারি প্রত্যহ গঙ্গার ও লালদীঘির জল
...আনিয়া দিত। বাটা পায়খানার ময়লা অনেক সময়
...মেথররা গোপনে পিছনের নর্দমায় ঢালিয়া দিত। সেই
...উপলক্ষে সময় সময় পুলিশ হাজামাও হইত। "কানা
...সার্জনের" (ইউনান) নাম এই সময় প্রথম শুনি।
...তার পর পুলিশের দুইটা বড় নাম কাণে আসে 'ল্যাম-
...বার্ট' ও 'হগ' সাহেব। কলুটোলার হীরানাশ শীলের
...ধর্ম্মতলার বাজার ভাঙ্গিয়া হগ সাহেবের নামে বাজার
...বসে। সে ব্যাপার লইয়া সহরে তুমুল আন্দোলন ও
...দাঙ্গা হাজামা অনেক দিন ধরিয়া হইয়াছিল। রাস্তায়
...মাতালদের দৌরাণ্ড্য যথেষ্ট ছিল। খোলা নর্দমায় বা
...তাহার ধারে তাহাদের প্রতিষ্ঠিত বিশ্রাম-স্থান ছিল।
...পাহারাওয়ালাদের কাঁধে বোলায় চড়িয়া খানায় যাওয়া
...ও জরিমানা দেওয়া তাহাদের নিত্যকর্ম্ম ছিল। উত্তর-
...কালে "টেমপারেন্স কেডারেশন"এর সভাপতিত্বের
...সম্মানের বীজ এই সময়েই এবং এই সকল দৃষ্ট দেখিয়াই
...বপন হইয়াছিল। লালবাজারের রাস্তার দু'ধারে
...'সেলান হোম' (Sailors Home) ছিল, বিস্তর মদের
...দোকান ছিল; সেখানের দৃষ্ট আরও ভয়াবহ। সকালে

তত গোলযোগ থাকিত না বলিয়া সময়ে সময়ে মা ও সেকাকীর সঙ্গে পাকী চড়িয়া গঙ্গাস্নানে যাইতাম। মেয়েদের গঙ্গাস্নানের এক অদ্ভুত নিয়ম ছিল। ঘাটে পৌছিয়া আমি পাকী হইতে নামিয়া পড়িতাম, তাঁহারা নামিতেন না। পাকী তাঁহাদিগকে লইয়া গঙ্গায় নামিত আর তাহাতেই তাঁহাদের গঙ্গাস্নান সম্পন্ন হইত। তখনকার পাকী এখনকার মত যন্ত্রণার যন্ত্র-স্বরূপ ছিল না। পাকী তখন মধ্যমিত্ত ভদ্রলোকের অন্ততম যান ছিল। জ্যাঠামহাশয়ের সহিত পাকী করিয়াই কলেজে যাইতাম। উড়ে বেহারারা পাকী বহিত। তাহাদের আদর আমার প্রতি যথেষ্ট ছিল। সময় সময় 'তাহাদের খড়াতে' আমার যত্ন করিয়া লইয়া যাইত ও সুন্দর 'গুড়ের মালপো' খাওয়াইত। প্রকাণ্ড 'আঙট পাতা'র এক রাশি ভাত ঢালিয়া এক মালা দুধ ও এক বটি জল সংযোগে তাহারা দুধে ভাতে থাকিত। আর তাহা খাইয়াই 'দর্শন' ও তাহার দলের শক্তি ও স্বাস্থ্য দেখে কে! 'দর্শন' ও তাহার 'দল' 'দোলার' সময় 'কাপ' খেলিতে আসিত—আর খেলিত 'চিতাবাড়ী'। লড়া মক্কা লাঠি লইয়াই খেলা হইত। খেলায় কৌশল অभाव ছিল না, কিন্তু তদপেক্ষা অধিক আওয়াজ, গুণ-গোল ও গোলযোগ। বীররসের অভিনয় হইত। সে খেলা ইদানীং আর দেখিয়াছি বলিয়া মনে হয় না।

'পাকী' ছাড়া গাড়িতেও কখনও কখনও চড়িতাম। কখনও বা ত্রানি সাহেবের পেরারি ডাকারি 'হাক' (Half) গাড়ী কিংবা ভাড়াটিয়া 'দশকুরে' গাড়ী চড়িয়া গড়ের মাঠে হাওয়া খাইতে যাইতাম। লাট-সাহেবের বাড়ীর ফটকের উপর ও নয়দানের ধারে বিলাতী বাংলো (Bungalow) নামে খ্যাত বাড়ী— "ফট টম্বনের" 'দাওয়াইখানার' ছাদের আলিসার উপর বসিয়া থাকিত—বড় বড় 'শকুনি', 'গুদিনী' ও 'হাড়-গিলা'—তাহারাই সহরের ময়লা পরিষ্কার করিত। উপকারী এই পরিষ্কারের প্রতি কৃতজ্ঞতার নিদর্শন-স্বরূপ তাহাদের প্রতিষ্ঠিত 'মিউনিসিপ্যালিটি কোর্ট অফ আর্মস' (municipality coat of Arms) এর স্থান অধিকার করিয়াছে। মিউনিসিপ্যালিটি (municipality) ও 'করপোরেশন' (corporation) বহু পরে

সৃষ্ট হয়। তখন 'পুলিশ কমিশনার' (police commissioner) হগ্ (Hogg) সাহেবের নেতৃত্বে 'জাস্টিস অফ পিস' (Justice of Peace) নামক গভর্নমেন্ট মনোনীত কর্তৃবন্দ সহরের স্বাস্থ্যরক্ষার ব্যবস্থা করিত। গঙ্গায় মড়া ভাসিত, বিষ্ঠা ভাসিত রাস্তা ও খোলা নদীমা কদর্যা আবর্জনার পরিপূর্ণ থাকিত। দুখের মধ্যে ছিল, বড় রাস্তার একধারে পাকী 'নহর'। ভিত্তিরা মসকে করিয়া সেই 'নহর' হইতে জল লইয়া রাস্তায় জল দিত।

রাস্তায় জল দেওয়া গাড়ীসমূহ পরে প্রবর্তিত হয়। তাহারও বহুদিন পরে ক্যাশিশের বল দিয়া রাস্তায় জল দেওয়া হয়। তেলের আলোই প্রথমে সহরের একমাত্র অবলম্বন ছিল। তার পর গ্যাস-আলোকের প্রাদুর্ভাব। মই ঘাড়ে করিয়া দৌড়িতে দৌড়িতে 'করাশ' 'লঠন' পরিষ্কার করিত, আলো জালিত ও নিবাইত। সেখানে 'ইলেকট্রিক' (Electric) আলো প্রবর্তিত হয় না সেখানে এখনও তাহাই করে।

'পাকী' 'ঘরের গাড়ী' ও 'দশকুরে' ভাড়াটিয়া গাড়ীর উল্লেখ না করিলে চিত্র অসম্পূর্ণ রহিবে। বড় রাস্তার প্রধান প্রধান মোড়ে, শীর্ষকায় অখিনীকুমার-যুগল-বাহিত এই সকল 'যান' 'বাহন' আরোহীর আমার অপেক্ষা করিত। এ গুলি সেয়ারের (Share) গাড়ীর কাজ করিত। 'কোচম্যান' (Coachman) পা দানে পা বসিতে বসিতে, হাইকোর্ট, আলুওদাম, বান হাউস, কালাবাট, ভবানীপুর বলিয়া তারত্বরে চীৎকার করিত ও যাত্রি-সংখ্যা পূর্ণ হইলেই গন্তব্য পথে যাত্রা করিত। গাড়ীর পা দানের মাঝামাঝি সুরু তখন দিয়া তাহাতেও যাত্রী উঠাইত। ছাদের উপর উঠে, 'কোচবক্স' (Coach box) নিজের পাশে বসাইত—সহিলে পাদানেও বসাইত। যত উঠাইবে তত 'সেয়ার' (share) কম বলিয়া আরোহিগণ বড় খাপসি করিত না।

এখনকার মত তখনও সাদা 'কোট' প্যান্টালুন' (Coat pantaloon) ও লাল পাগড়ী পরিষ্কার-সাহায্যে রাস্তা সহরের শাস্তিরক্ষা করিত। তবে পায়ে

পাট লাগান, বুকে চামড়া বাঁধা ছাড়া লইয়া, পোষাক-পরিচ্ছদের এখনকার মত সৌষ্ঠব ছিল না। তবে ছাতা ছিল—বর্ষার সময় গোলপাতার প্রকাণ্ড ছাতা লইয়া পাহারাওয়ালারা রাত্তার শোভা-বর্জন করিত। সন্ধ্যার পর হাতে থাকিত ছোট আঁধারে লঠন—তাহাকে “গবাক” বলিতে হয় বলুন—কারণ ইংরাজি নাম “বুলস্ আই” (Bulls eye) কোমরে ‘চামড়ার পেটা হইতে মুণ্ডিত ‘কুল’—এখন রেগুলেশন্ (regulation) লাগি তাহার স্থান অধিকার করিয়াছে। আঁধারের অন্তর্দ্বারের সহিত বর্তমান ও ভাবী ‘নিমটাদেরা’ ‘সার্জন সাহেবের’ (Sergeant) শুভ আগমনে আর ‘হেল হোলি লাইট,’ (Hail Holy Light) বলিয়া অভ্যর্থনা করিতে পারিবে না! ‘জমাদার’ লইয়া ‘সার্জন সাহেব’ (sergeant) এখন আর রোঁদে বাহির হয় না। কি নিয়মে সহরে শান্তি রক্ষা হয় তাহা সাধারণের বোধগম্য নহে।

বৌবাজার গোলদীঘির কথাটা বিশেষভাবে মনে পড়ে, তাহার কারণ তীর্থ-ভ্রমণ-প্রণেতা পূজাপাদ পিতামহ শ্রীযুক্ত যত্নাথ সর্কাধিকারী, গঙ্গাস্নান ও তর্পণ উপলক্ষে যখন কলিকাতার বাসায় আসিয়া থাকিতেন, তখন নিত্য গোলদীঘির ধারে তিনি বেড়াইতে যাইতেন, সময় সময় আমার হাত ধরিয়া যাইতেন। এখন তাঁহার একমাত্র যে আলোক-চিত্র পাওয়া যায় এই সময়েই সেই চিত্র গৃহীত হইয়াছিল। আমারও একখানি আলোক-চিত্র সে সময় গৃহীত হয়। বহুদিন হইল সেখানি নষ্ট হইয়াছে। নষ্ট হইবার পূর্বে উহা দেখিয়া মনে হইত আমার বয়স তখন চার, পাঁচ বৎসরের অধিক হইবে না। তদানন্তন প্রসিদ্ধ আলোক-চিত্রকার ‘বেকার’ (Beaker) সাহেবের ষ্টুডিও (Studio) তে এই চিত্র গৃহীত হয়। সে ষ্টুডিও (studio) উঠিয়া গিয়াছে; নেগেটিভ (negative) আর পাওয়া যায় না। সময়-নির্ধারণের জন্য এত কথা বলিলাম।

পিতামহ প্রতি বৎসর ‘তর্পণ’ ও ‘মহালয়া’ শ্রাদ্ধ করিতে নৌকাযোগে কলিকাতায় আসিতেন। তিনি পৌছিয়াই ছই তিন খানা নৌকায় মোটা, মাঝারি,

সক হতা দেশে পাঠাইতেন। পূজার কাপড় অল্পই খরিদ করিতেন—সুতাই অধিক। দেশে যাইয়া এই সুতা পরিবারস্থ লোকের মধ্যে, আত্মীয়, স্বজন ও পল্লী-প্রতিবেগশিগণের মধ্যে, বণ্টন করিয়া দিতেন ও ‘বানি’ ধরিয়া দিতেন। এই সুতা ও ‘বানি’ দিয়া সকলে ‘পোরম্ খুড়া’, ‘ভূতোদাদা’ প্রভৃতি পল্লী-তত্ত্ববায়গণের নিকট স্ফরমায়েশ মত কাপড় তৈয়ারী করাইয়া লইতেন। মা, খুড়ি, পিসির নিকট ছ’এক পয়সা আদায় করিয়া তাহা তত্ত্ববায় খুড়া ও দাদামহাশয়গণকে জল ধাইতে দিয়া কাপড়ের তাগাদা করা হইত। প্রত্যহ অন্ধকার তাঁতবারের ভিতর বসিয়া কাপড়ের নিত্য প্রসার দেখিয়া বড় আনন্দ বোধ হইত। নীল ‘কোর’ মাখান ধুতি তৈয়ার হইলে আনন্দের অবধি থাকিত না।

অনুচ্চ-সুরে কৃষ্ণলীলা গায়িতে গায়িতে তাঁত-খালে হাত ও পা চালাইয়া, পা রাখিয়া অভিনিবিষ্ট-ভাবে যুগপৎ সমস্ত গানের সুরে তালে তালে পায়ের টীপে, কাঁপে কাঁপে ‘সানার’ নাম-ওঠার কাঁকে ছই হস্তে পর্যায়ক্রমে ‘মাকু’ চালা, বুনানি বসাইতে ‘দক্তি’ ঠেলা, ছেঁড়া ‘খেই’ গ্রহি দেওয়া, এক এক ‘দাগ’ বোনার পরে তলা উপরে ‘লুটী’ দিয়া মাজা ও পরে তাহা গুটান, কাটা, ও পাট পিট করিয়া হাতে দেওয়া—এই সকলটুকু মিলাইয়া যে দক্ষতা, তদয়তা ও আনন্দের স্পর্শ দেখিতাম তাহা ঐ পল্লী-শিল্পালয়েরই নিজস্ব।

আমাদের গ্রামের চতুঃপার্শ্বে তখন সাত শত বর তাঁতি ছিল। তাঁতিদের অবস্থা বেশ সমৃদ্ধ ছিল। ‘কলমের’, ধুতি ও উড়ানী প্রসিদ্ধ ছিল। উড়ানীর প্রসিদ্ধি কিছু বেশী, এখন তাহা অন্তর্হিত। কিছু দিন পূর্বে ‘দেশে’ যাইয়া ‘দেশের চাদরের’ সন্ধান করিয়া-ছিলাম। বাগানের সর্কাধিকারী (বড়) তাঁতরা হাওড়ার হাটের ছ’জোড়া চাদর আনিয়া দিল। ইহা স্বদেশী যুগের পূর্বের কথা।

পূজার অন্ত্যস্ত বহু আগ্ৰবাদের মধ্যে ‘ঠনঠনের’ চৌদ্দ আনা দামের ‘পাম্প’ (Pump) আর লাল-বাঙারের বেড় টাকা দামের বার্ণিশ (varnish) বেড়-

তলা জুতা আর 'চাঁদনি'র ছিটের জামা। তাঁর পর 'টেরিটা' বাজারে নাকছেদি ও 'কশাইটোলার' আচিন চিনেমানের (chinaman) প্রাহুর্ভাব। বাবুদের বা বাবুদের ছেলেদের স্বতন্ত্র পূজার আস্বাবের আয়োজন ছিল না। পিতৃদেবের একজন ধনী রোগী একবার মা'ঠাকুরগের জন্ম বহুমূল্য বারাণসী সাটা উপহার দিয়াছিল, সে সাটা পিতৃদেব পূজার কাপড়ের সহিত পল্লী-ভবনে প্রেরণ করেন নাই।

এইরূপে পিতামহ রাধানগর চলিয়া যাইবার পর আর দুই তিন নৌকা বোঝাই হইয়া আমরা অনেকে রাধানগর যাই। স্মৃতির এইটী দ্বিতীয় রেখা। রাধানগর যাইবার জন্ম বড়বাজার মিরবহর ঘাটে তখন নৌকায় উঠিতে হইত। আমরা চলিলাম 'পানসিতে' তাহার অপর নাম 'গ্রীন বোট' (Green Boat) বা 'কুঠির পানসি'। সবুজ রং বলিয়া 'গ্রীনবোট' (Green Boat) বলিত এবং কলিকাতার উত্তরে গঙ্গার দু'ধারের 'কুঠিয়াল'রা এই 'পানসিতে' যাতায়াত করিত বলিয়া ইহার অপর নাম 'কুঠির পানসি'। একটু বড় আকারের নৌকাকে "ভাউলিয়া" বলিত। এই সকল নৌকা লইয়াই তখনকার প্রসিদ্ধ 'বাচ' খেলা হইত। 'মহেশ বন্দ্যোপাধ্যায়ের' 'রথ' উপলক্ষে, 'দ্বাদশ গোপালে' এই সকল নৌকায় মহা সমারোহ হইত।

এই পানসির সঙ্গে চলিত দু'খানা মাঝারি আড়ার 'ভড়'। তাহাতে রান্না খাওয়া হইত, কতক আরোহীও থাকিত, প্রধানতঃ হইল তাহাতে মাল বোঝাই। দুই তিন দিন ধরিয়া নৌকা বাহিয়া যাইতে হইবে বলিয়া আহার ও পানীয়ের প্রচুর আয়োজন সঙ্গে ছিল। কলিকাতায় কিয়দূর দক্ষিণে যাইয়াই গঙ্গার জন লোনা।

কলিকাতার লোক সহজে "লালদীঘির" মিঠা পানির মহিমা ভুলিতে পারিত না; তাই গঙ্গাবক্ষে নৌকা করিয়া যাইতেও 'মিঠা পানি' সংগ্রহ করিয়া লইত। যে পারিত সে আরও সংগ্রহ করিত মার্কিন কোম্পানির আমদানি 'বরফ'। এখন যেখানে কলিকাতার ছোট 'আদালত' তাহারই কাছাকাছি 'বরফ গুদাম' বা

'আইশ হাউস, (Ice House) ছিল। 'আমেরিকা' (America) হইতে বড় বড় চামড়া আসল উত্তর মেরু হইতে আমদানি জাহাজের খোলে পাষণ ভাঙ্গিবার জন্ম Ballast আসিত। দুই আনা হইতে চারি আনা সের দরে বিক্রী হইত। বাবুরা 'অফিস' (office) 'আদালত' হইতে কিরিবার সময় কখনে জড়াইয়া নিত্য-ব্যবহার্য 'বরফ' সংগ্রহ করিতেন। সমস্ত দিন রাতে তাহা গলিয়া যাইত না। বরফের কথা এত স্পষ্ট ভাবে মনে থাকিবার একটা বিশিষ্ট কারণ আছে। কি কারণে জানি না মেছুয়াবাজার স্ট্রীটে জ্যাঠামহাশয়ের সতীর্থ ও প্রিয় বন্ধু, শ্রীযুক্ত রামগোপাল ঘোষ মহাশয়ের বাটীতে আমরা এই সময় ছিলাম। সেইখানে আমার পঞ্চম পিতৃব্য অক্ষয়কুমার বাবুর 'ওলাওঠা' রোগে মৃত্যু হয়। যেমন 'গুটের' গুড়া মাধান হইত তেমনই অহর্নিশ 'বরফ' খাইতে দেওয়া হইত। কথিত আছে যে তাঁহার মৃত্যুর অব্যবহিত পূর্বে প্রেসিডেন্সি কলেজের (Presidency College.) মিকট অক্ষয় বাবুর ছায়া-মূর্তির সহিত আমার কোনও নিকট আত্মীয়ের সাক্ষাৎ হয়। আত্মীয়া তাঁহার পীড়ার কথা জানিতেন না। রামগোপালবাবুর বাটী পৌছিয়া শুনিলেন ও শুনিয়া স্তম্ভিত হইলেন যে সেই মাত্র অক্ষয়বাবুর মৃত্যু হইয়াছে। এই সময়—প্রতি শনি ও রবিবার জ্যাঠামহাশয় রামকৃষ্ণপুরে তাঁহার প্রিয় শিষ্য রামকমল ও কৃষ্ণকমল ভট্টাচার্য্যের বাটীতে বাস করিতেন। আমিও সঙ্গে থাকিতাম। সেখানেও করাত গুঁড়া দিয়া কখন বাধা বরফের পুঁটুলি যাইত। নৌকা-যাত্রার সময়ও তাহা গেল।


হাওড়ার পোল তাহার বহু পরে হয়। লোহার পাটা দিয়া বিলানের ছাতের প্রবর্তন মাত্র সেই সময় হইয়াছে। দুই খানা নৌকায় বোঝাই ছিল সেই লোহার পাটা। কুলদেবতা শ্রীশ্রীরাধাকান্ত ও শীতলা-নন্দের মন্দিরের সন্মুখে এক সারি বৈঠকখানা ঘর এই প্রণালীতে নির্মিত হয়।

স্বোধ হয় দুই তিন দিন ধরিয়া নৌকায় যাইতে হইয়াছিল। 'বার গাঙ্গ' হইয়া উলুবেড়ের 'লকের' ভিতর দিয়া 'রূপনারায়ণ' নদীতে 'হোজা

পাড়ার খাল' ধরিয়া, 'শোশা পাড়ার জলা' আড়াআড়ি পার হইয়া নৌকা 'কানায় ঘাই' ঘুরিয়া বরাবর রাখা-নগরে ঘাটে ঘাইয়া লাগে। মাঠ জলে পরিপূর্ণ; যদিকে যতদূর দৃষ্টি চলে কেবল দিগন্তবিস্তারি জলরাশি। দিগন্তের সীমানায়—যেখানে আকাশ জলের মেশামিশি ছায়াবাজী মত গাছের সবুজ মাথায় সূর্যপ্রভার কচ্চিৎ ও ক্ষণিক খেলা। জলরাশির মাঝে মাঝে বড় বড় গাছ মাথা ডুনিয়া নাবিককে সাবধান করিয়া দিতেছিল। যুগপৎ ভয় ও আনন্দের মধ্যে সেই বয়সেই সমুদ্র-যাত্রার আকাঙ্ক্ষা প্রবল হইয়া উঠিয়াছিল। বহু বৎসর পরে সে আকাঙ্ক্ষা ফলপ্রসূ হইল। তখন বঙ্গের উপকূলে অপূর্ব "বনরাজি নৌকা" বেলাভূমি বহু পশ্চাতে ফেলিয়া ঘাইবার সময় শৈশব-স্মৃতির মধুরিমাপূর্ণ শোশাপাড়ার জলার গভীর সুন্দর সলিল-ঐশ্বর্য মনে পড়িয়াছিল। পরবর্তী জীবনে ভ্রমণের অভাব ঘটে নাই। 'ইউ-রোপ', 'আশিয়া' ও 'আফ্রিকা' মহাদেশে লক্ষ লক্ষ কোশ জল-পথ ও স্থল-পথ ভ্রমণ হইয়াছে এবং তাহারও আংশিক স্মৃতি লিপিবদ্ধ হইয়াছে। এই রাখামগর যাত্রা জ্ঞান-সঞ্চারের পর ভ্রমণ ক্ষেত্রে হাতে খড়ি বলিয়া সে কথা এত মধুর ভাবে মনে পড়িতেছে।

এক খানি বড় নৌকায় শয়ন ও পাকের ব্যবস্থা ছিল। জ্যাঠামহাশয় নিজ হাতে 'ডুমা' আলুভাজা ভাজিয়া দিতেন, তাহা অমৃততুল্য বোধ হইত। রাত্রে দাঁড় টানার ক্যাচোৎ ক্যাচোৎ শব্দে পুলকিত হইতাম—কত স্বপ্ন দেখিতাম তাহার ইয়ত্তা নাই। মাঝিদের মুখে "দরিয়ার পাঁচ পীর বদর বদর" সে নিদ্ৰা ভাঙ্গিয়া দিত। হিন্দু ও মুসলমান উভয় শ্রেণীর নাবিক সেই যাত্রাকালে এই উৎসাহপূর্ণ মাদল্য জয়-ধ্বনি করিত। হিন্দু 'সত্য পীরের', 'মানিক পীরের' গান দিত—'সত্য

নারায়ণ' ও "ওলাবিবির 'সিরি' দিত। মহরমের সময় মুসলমানের সঙ্গে কাঁদিত—ইদের সময় কোলাকুলি করিত—কোন পাষাণ হিন্দু মুসলমানের এই প্রাতির সন্ধক বিচ্ছিন্ন করিয়াছে! পূর্বদিন 'চেড়ে বাদিতে' প্রেমচাঁদ মাঝির বাটীতে পাক-শাকের আয়োজন হইল। জ্যাঠামহাশয় সিদ্ধ-হস্ত পাচক। তাহার পাক-কার্যের সহায়তায় জল গড়াইয়া ও হুনের 'কেটো' আগাইয়া দিয়া ধন্য হইয়াছিলাম। উত্তরকালে বহুস্থানে "চড়াই ভাতি" আয়োজনে রন্ধন-নৈপুণ্য প্রকাশ করিতে অসমর্থ হইলেও "রবিনসন ক্রুসোর" (Robinson Crusoe) দ্বীপের মত 'চেড়ে বাদির' সেই উচ্চ দ্বীপের আয়োজনের অভিনয় অসম্পূর্ণ থাকিত না। বড় আনন্দে, উৎসাহে ও প্রতীক্ষায় এ কয়দিন কাটিয়াছিল। রাত্রিশেষে ঘাটে পৌঁছবার কয়েক ঘণ্টা পূর্বে বিষম অনর্থ উপস্থিত হইল। দাঁড় টানার শব্দে মোহমুগ্ধ হইয়া অকাতরে নিদ্ৰা ঘাইতেছিলাম, এমন সময় ডোবা-গাছের ডালে লাগিয়া লোহার পাটী বোঝাই একখানা নৌকার তলা কাঁসিয়া গেল। মহা কোলাহলে ঘুম ভাঙ্গিয়া গেল। জ্যাঠামহাশয় স্থিরবুদ্ধি নিপুণ নৌবাহিনীর অধ্যক্ষের ন্যায় জ্যোৎস্নালোককে মগ্ন-প্রায় নৌকা হইতে লোকজন ও মালপত্র অপর নৌকায় উঠাইয়া লইবার ব্যবস্থা করিতেছিলেন; কেবল ভারি লোহার পাটী নৌকাতেই রহিল, ও সে নৌকা গাছের সহিত কাছি করিয়া ও নোঙর করিয়া রাখা হইল, কারণ জল মরিয়া গেলে সে পাটী আদায় হইবে। জ্যাঠামহাশয় সংস্কৃত কলেজের স্থিরবুদ্ধি অধ্যক্ষ—এই বিপদের সময় যে স্থির বুদ্ধির পরিচয় দিলেন তাহার স্মৃতি কখনও মুছিবেন না। উত্তরকালে নানা—বিপদের সময় এই স্মৃতি যথেষ্ট সাহায্য করিয়াছে।



রক্ত-কমল

(উপন্যাস)

[রায় সাহেব শ্রীরাজেন্দ্রলাল আচার্য, বি.এ]

পরদিন সকালে লীলা যখন শয্যা ছাড়িল, তখন দেখিল, বাহিরের আকাশটাও ঝাপসা—টপ্ টপ্ করিয়া বৃষ্টি পড়িতেছে এবং তাহার ভিতরের আকাশটাও তেমনি ঝাপসা। ঘেঁষে ঢাকা। চিন্তা-মেঘগুলি কেবলই উড়িয়া উড়িয়া আসিতেছে, আবার উড়িয়াই যাইতেছে। লীলা তাড়াতাড়ি তাহার গাড়ীতে উঠিয়া বাহির হইয়া পড়িল।

কাশ্মীরে যাইয়া সে যে কিছুদিন বীণার সঙ্গে থাকিবে—কি স্ত্রে, কেমন করিয়া হঠাৎ তাহার এই খেয়ালটা হইয়াছিল, লীলা তাহা মনে করিতেই পারিল না। স্বামীর সঙ্গে কাল আহারে বসিয়া হঠাৎ সে বলিয়া ফেলিয়াছিল—কাশ্মীরে যাইবে। ইহার বেশী তো আর কিছু নয়।

ডাক্তার মিত্র তাহার সঙ্গে যেমন হৃদয়হীনের মত ব্যবহার করিয়াছিল লীলা কাশ্মীরে যাইবার ইচ্ছাটা কি তাহারই প্রতিশোধ? তাহা তো নয়। ডাক্তার মিত্র যখন আনন্দে শিকার করিয়া বেড়াইবে, লীলাও না হয় তখন কাশ্মীরের উন্মুক্ত একটু ফুলের মহোৎসবই দেখিল। ইহাতে হানি কি? হাঁ, তবে এ কথাটা ঠিক সে এবার কিরিয়া আসিয়া ডাক্তার তাহাকে আর কলিকাতায় দেখিতে পাইবে না। কয়েক দিন অদর্শনের পর লীলাকে পাইলে ডাক্তার যে খুশি আনন্দিত হইত, তাহাতে আর ভুল কি। এবার ডাক্তারের সে আনন্দ আর হইবে না। লীলা তাহার গাড়ীর মধ্যে সোজা হইয়া উঠিয়া বসিল। তাবিল, বেশ হইয়াছে। যেমন সে—তেমনি এবার আশা-ভঙ্গের ব্যাধাটা বুরুক!

আজ গাড়ীতে বসিয়া এই ভাবটা লীলার মনে আসিল ঘটে, কিন্তু কাল যখন সে হঠাৎ বলিয়া ফেলিল—“কাশ্মীরে যাইবে,” তখন এ-সব কথা তাহার মনেই হয় নাই। ডাক্তারকে একটু ব্যাধা দিয়া, সে মজা দেখিবে, কিংবা ডাক্তারের উপর প্রতিশোধই লইবে—এ কথা তাবিয়া সে কাশ্মীরে যাইবার কথা বলে নাই। তখন ডাক্তারের

উপর লীলার আর তেমন একটা টান ছিল না, যাহা থাকিলে এক জন-আর একজনের উপর অভিমান করিতে পারে; বরং লীলা তখন ডাক্তারের উপর ক্ষমতা শূন্যই হইয়াছিল। ডাক্তার তখন হইয়াছিল যেন বহু দিনের পুরাতন এবং বিশ্বতপ্রায় সুখ স্বপ্নের শেষ ভাগটা অতিশয় অস্পষ্ট একটা স্মৃতি মাত্র। যে ডাক্তার এতদিন লীলার আকাঙ্ক্ষা দৃষ্টি হৃদয়ের একমাত্র শীতল প্রলেপ ছিল, এক রাত্রির অন্তরেই সেই শীতল প্রলেপ গলিয়া পড়িল! লীলার জীবনটাকে যে ব্যাপিয়া ছিল, এক রাত্রির পরই সে হইয়া গেল লীলার চোখে এক জন অজানা পাতু—ভাগের সরাইথানায় কবে যে এক দিন তাহার সঙ্গে দেখা হইয়াছিল সে কথা আর মনে পড়ে না! যদি আবার ডাক্তারের সঙ্গে পুনর্নিগুন হয়? লীলার মন অমনি তয়ানক বিদ্রোহী হইয়া বলিল—কখনো নয়, কিছুতেই নয়। পৃথিবীটাই ওলোট-পালট হইয়া সে মিলনের সম্ভাবনাকেই দূর করিয়া দিবে! কলিকাতা ছাড়িয়া দূরে বহুদূরে কাশ্মীরে যাইবার নামেই আনন্দের একটা অস্পষ্ট স্মৃতি দেখা দিতেছে কেন, লীলার বিদ্রোহী মন তখন এ কথাটার কোন কৈকিয়ৎ দিল না।

গাড়ী আসিয়া বাসিগঞ্জের গেজেট মিসেস্ কাদম্বিনী ঘোষের বাড়ীতে উপস্থিত হইল। কাদম্বিনী যখন শুনিলেন, লীলা কাশ্মীরে যাইতে চায়, এবং তাঁহাকেই সঙ্গে লইতে চায়, তখন তিনি তীক্ষ্ণ-দৃষ্টিতে লীলার মুখের দিকে চাহিলেন।

লীলা যখন তাঁহাকে বেড়িয়া ধরিল, তখন তিনিও কাশ্মীরে যাইতে সম্মত হইলেন। বলিলেন, “কবি শশধর-বাবু কাল কাশ্মীরে যাবেন বলেছেন।”

লীলা বলিল, “আমিও তাই শুনেছি। তাঁর মত লোক সঙ্গে থাকলে দেশ-ভ্রমণের আনন্দটা অপরিণীম হ’বে।”

কাদম্বিনী একটা দীর্ঘশ্বাস ফেলিয়া বলিলেন, “আমি

বরাবর দেখে আসছি, ছনিয়ার নিয়মই এই, যে যে জিনিসটার কিছুই বোঝে না—সে বড় গলায় সেইটেরই বেশী নিন্দা করে! মাতুষের বাহিরটা তো তারপরিচয় নয়—পরিচয় হলো ভিতরের পদার্থে। লোকে বলে কবি শশধর উন্মাদ! তারা জানে না যে কবি প্রেমের পাগল। কবি যদি আমাদের সঙ্গী হ'ন, তা হ'লে দেখে নিও পথে কত আনন্দ পাবে।”

পরদিন কাশ্মীরে যাইবার জন্য লীলা ও কাদম্বিনী যাইয়া যখন পাঞ্জাবমেল উঠিয়া বসিল, গাড়ী ছাড়িবার প্রথম ঘণ্টাটাও পড়িয়া গেল। তখনো কবিকে না দেখিয়া লীলা বলিল, “এখনো যখন দেখছিলাম; শশধরবাবু বোধ হয় আর এলেন না।”

কাদম্বিনী কোন কথা কহিলেন না। তাঁহার ব্যথিত-দৃষ্টি তখন প্ল্যাটফর্মের শেষের দিকে আবদ্ধ ছিল।

গাড়ীর শেষ ঘণ্টা বাজিল। বলিল—“আর তবে এলেন না।”

কাদম্বিনী গাড়ীর জানালা দিয়া মুখ বাহির করিয়া বলিয়া উঠিলেন—“ওই যে—ওই যে—”

লীলা দেখিল, লালবর্ণের কার্পেটের একটা ভারি ব্যাগ টানিতে টানিতে শশধরবাবু ছুটিয়া আসিতেছেন। গলার কক্ষটারটা খুলিয়া গিয়া এক একবার পায়ে ঝড়াইতে চাহিতেছে।

কোনওগতিকে গাড়ীতে উঠিয়া কবি তাঁহার ব্যাগটা ধপাস করিয়া ফেলিলেন এবং কপালের ধাম মুছিতে মুছিতে বলিলেন—“আঃ বাঁচা গেল।”

ট্রেন ছাড়িল।

শশধরবাবু বলিলেন—“আমার বক্তৃতা দেবি হ'য়ে গেল। কমা করবেন। আমার কি এক জলা! পতিতাদের ঘরে ঘরে যেয়ে উপাসনা করে' আসতেই ট্রেনের সময় হয়ে গেল। কোন রকমে গোটাকতক জিনিস বেঁধে নিয়েই ছুটেছি। যা' বা ছু'চার মিনিট সময় ছিল, লাগেজের ব্যবস্থা করতেই কেটে গেল। ভাবলাম, ট্রেনটা বুঝি আর পাই নে। না পেলে, বর্তমানে মেমের থাকবার জন্য আপনাদের কাছে তার দিতাম।”

কাদম্বিনী মুছ হাসিয়া বলিলেন—“আমরা কিছুতেই নামৃতাম না।”

কবি উচ্চহাস্তে কামরাটা ধ্বনিত করিয়া কহিলেন—“তা বেশ, বেশ ছনিয়াটাই তো এই রকমের। মহা ব্যোমের ভিতর দিয়ে আগুন জালিয়ে ছুটে' চলেছে গ্রহ-উপ গ্রহ-জ্যোতিকমণ্ডল। চলেইছে। কেউ ধরা দেয় না। আমিও না হয় তেমনি আপনাদের পেছন-পেছন ছুটে যেতাম সেই কাশ্মীর পর্যন্ত।”

কাদম্বিনী ও লীলার তরল-হাস্ত উচ্ছ্বসিত হইয়া উঠিল। কাদম্বিনী কহিল—“আজ যে আপনার উপাসনার দিন, কাল তো সে কথা বল্লেন না? আপনার সে লোহার শিকলটা গেল কোথায়? ফেলে এসেছেন বুঝি?”

শশধরবাবু বলিলেন—“চিত্রকরবাবু বুঝি শিকলের কথাটা বলেছেন? তার কথা ধরবেন না। শুনছি তিনি না কি বলেছেন—আমার সেই শিকলটা হ'লো পতিতাদের ঘরের ছয়াদের ভাঙ্গা একটা লোহার কড়া মাত্র! ছয়োর ঠেলতে গিয়ে আমিই কড়াটা ভেঙেছি। আমিই ভেঙেছি বটে, কিন্তু কেন যে ভেঙেছি তাতো কেউ বোঝে না! সেই ভাঙ্গা কড়াটা দিয়েই আমি এই শিকল গড়ে' হাতে বেঁধেছি।”

শশধরবাবু ক্ষিপ্রহস্তে তাঁহার পাঞ্জাবী জামাব আন্টিনটা সরাইয়া কব্বিতে বাঁধা শিকল দেখাইলেন। বলিলেন, “আমার এ শিকল 'মর্মব্যথার প্রত'ক মাত্র। যাদের আমরা সমাজের শিকলে অন্তায় করে' বেঁধে রেখেছি, অথচ বাঁধনের ব্যথাটা বুঝি না—এ শিকল হাতে বেঁধে আমি প্রতিমুহূর্তে বন্ধনের ব্যথাটাই অনুভব করছি, আর ছুটে' বেড়াচ্ছি, কেমন করে' এই শিকলটাকে ভাঙতে পারি। ব্যথা ছাড়া তো মুক্তি নাই। আমি তাই তাকেই যেচে নিয়েছি—যাদের আমরা বেঁধে রেখেছি তাদের মুক্ত করবো বলে।”

লীলা ভাবিতে লাগিল, কতদিনে নারী তার পাষের শিকল ভেঙে মুক্ত হবে!

পাঞ্জাব মেল ছ হ করিয়া চলিতে লাগিল।

কবি শশধরের একখানা কাঁচা কাঠের ছড়ি ছিল। ছোট ছুরি দিয়া তিনি ছড়ির মাথায় একটা মূর্তি গড়িতে, ছিলেন। ছড়িটা কাটিতে কাটিতে তিনি বলিলেন,—“এই যে দেখছেন বিবাদময়ী নারীর প্রতিমা আমার এই ছড়িতে এ হলো বিশ্ব মানবের বেদনা। এই নারীর অন্তর কেটে

তা' গৈরিকের মত নিত্য-বেরিয়ে আসছে। সংসারে যে দিকে চাইবেন, সেই দিকেই দেখবেন এই মূর্তি। সমাজতন্ত্র, রাজতন্ত্র, শাসন, আচার যা' কিছু দেখছেন—সবই কেবল নির্মম হ'য়ে ব্যথাই দিচ্ছে। সে কথা বলবার অধিকার পর্যন্ত আপনাদের নাই! বলেছেন কি, রাজার রোষ বজ্রের মত মাথায় এসে পড়বে—সমাজের রোষ আঙনের শিখার মত আপনাকে পোড়াবে!”

শশধরবাবু ছড়িগাছটা তুলিয়া ধরিয়া সেই অসম্পূর্ণ নারী মূর্তিকে সন্মোদন করিয়া বলিতে লাগিলেন—

“আর এই তো এখানে তুমি—বিশ্বমানবের প্রতিমূর্তি কাঁদতে কাঁদতে শুক শীর্ণ দীর্ণ হয়েছ—লজ্জায়, অপমানে, দীনতায় যে আজ তোমার চৈতন্যকে লুপ্ত করে' দিয়েছে, সে তোমারই সমাজের অন্ধ আচর। সে তোমাকে শুধু আচার দিয়েই বেঁধে রাখতে চায়—তোমার পাখা ছুটি কেটে নিয়েছে সে। বলছে—উড়ো না—উড়তে পাবে না মুক্ত লীলাকাশ তোমার জন্ত নয়। তুমি থাকো এই খানে, শিকলে বাঁধা!”

কবির কথায় লীলার মনে বড় দাগ বেশী পোড়লো। সে বলিল—“আমার মনে হয়, আগেও যেমন—এখনো তেমনি—মানুষ এই রকমই স্বার্থপর, এই রকমই প্রচণ্ড সে, এই রকমই আত্ম সূখপরায়ণ। স্নেহ মমতা কোনো দিনই তার নাই। হতভাগ্য যারা—নিয়ম আর সমাজ, এই দুটো দৈত্যের পায়ের তলায় পড়ে' তারা চিরদিনই পিষে' মরে যাচ্ছে। দাঁড়ায় না তারা উঠে—যাব ভেঙ্গে চুরমার করে' দিয়ে। তারপর গড়ে' নেবা নূতন একটা সমাজ। সে সাহস যাদের নাই, তাদের চোখের জল সে মুছিয়ে শেষ করতে পারে, আপনাদের কাছে আমার কিছু বলবার নাই—কিন্তু নারী সমাজের কাছে এই নিবেদনটাই আমার করতে ইচ্ছা হয়।”

“পুরুষদের বাদ দিচ্ছ কেন লীলা?”

কাদম্বিনী তীব্র দৃষ্টিতে লীলার দিকে চাহিল।

লীলা বলিল—“আঙনকে যদি বলি, তুমি আর পোড়াতে পাবে না—আঙন কি তা মানে? সে পোড়াবেই। আচার, নিয়ম, সমাজ—এ সব তো পুরুষদেরই সুবিধার জন্ত তৈরি গড়েছে। আমরা যদি দল বেঁধে তার বিদ্রোহী হই, তবে না সংসার হ'বে।”

কথায়-কথায় রাত্রি গভীর হইতেছিল দেখিয়া গাড়ীর আলোটা স্বাভাবিক কমান্বিয়া দিয়া যে বার শয্যা-গ্রহণ করিল।

লীলা শুইয়া শুইয়া ভাবিতে লাগিল, কান্দারেতো যাইতেছি, কিন্তু কেন?

সমস্ত রাত্রি ভাবিয়াও লীলা এই 'কেন'র উত্তরটা খুঁজিয়া পাইল না।

তাহার মন বলিতে লাগিল, আমরা চাই নিবিড় ভালবাসা—আর কিছু নয়। কিন্তু যারা আমাদের ভালবাসে, তারা হয় শুধুই কাঁদায়—না হয় হাড় জালায়।

লীলার চক্ষু একবার নিদ্রিতা কাদম্বিনীর মুখের উপর পড়িল। সে আপন মনে বলিতে লাগিল—এই ত এক নারী, প্রথমে বড় বিশ্বাস ছিল, তাঁর, স্বামী তাকে যত ভালবাসে—অমন আর কেই কাউকে বাসে না। কিন্তু আমি তো জানি সব। মিসেস ঘোষকে পরে কতদিন শুধু কেঁদে কেঁদেই কাটাইতে হয়েছে। এক পাশে প্রহৃত্ত্বের রাশি রাশি নীরাম নিদর্শন নিয়ে চিন্তায় মগ্ন মিষ্টার ঘোষ—আর আর এক পাশে এই ক্ষুধিতা নারী! দিনের পর দিন মাথার উপর দিয়ে নীরবে চলে গেল, কেউ কাউকে কথাতীও জিজ্ঞাসা করল না। কোন বন্ধু এসে যে মিসেস ঘোষের সঙ্গে কথা করে তাঁকে ছ'দণ্ডের জন্ত শান্তি দিবেন তারও কি উপায় ছিল? ঘোষসাহেব ইর্ষায় জ্বলে উঠতেন—তাঁর শোণিতের চেয়ে প্রিয় ইট পাথর আর ধাতুর টুকরোগুলো তখন ধুলায় মলিন হতো! মিসেস ঘোষ বলিল—“আমায় ধোল আনাঃপেয়েও ঘোষসাহেব তখন ভাবতেন, বুঝি সবটুকু পাওয়া হয় নি—আমি বুঝি একটু খানি আলাদা করে' সরিয়ে রেখেছি। এইতো নারী জীবন, আর এই তা পুরুষের সমাজ।”

লীলার মাথাটা এতই গরম হইয়া উঠিল যে, সে গাড়ীর জানালা খুলিয়া মাথা বাহির করিয়া দিল। জ্যোৎস্নার স্নাত শীতল বাতাস ছুঁ'করিয়া মাথায় আসিয়া লাগিতে লাগিল।

তখন পূর্বের আকাশে উষা হাসিতেছে।

বাড়ীর সর্বোচ্চ বারান্দার রেলিংএ ঠেস দিয়া দাঁড়াইয়া তন্ময় হইয়া প্রকৃতির বিচিত্র শোভা দেখিতেছিল, বীণা ধীরে ধীরে আসিয়া তাহার পার্শ্বে দাঁড়াইল এবং এক বাহু লীলার কর্ণে রাখিয়া অঙ্গুলি তুলিয়া কহিল—“কি ভাই, ওই যে আমাদের কাশ্মীরের আকাশ—ও কেমন দেখাচ্ছে?”

লীলা বলিল—“চমৎকার!”

বীণা বলিল—“দেখ দেখ—আমার দেখ। পৃথিবীতে এমনটা আর কোথাও পাবে না। প্রকৃতি এত সুন্দরী—এত রমনীয়া—বর্ষে বর্ষে এমন লীলাময়ী, আবার এমন গম্ভীর—কোথাও ভাই এমন পাবে না, এই কাশ্মীরে যেমন। যে ভগবান কাশ্মীরের এই ভূবার-শৃঙ্গমালা গড়ে ছিলেন, তিনি পরম শিল্পী—তা নৈলে, মণি-মুক্তা নিয়ে কি কেউ এমন খেলা খেলতে পারে? সকল চিত্রকরের গুরু না হ'লে কি রংএ এমন মদিরা কেউ চালতে পারে? সকল কবির প্রাণ এক সঙ্গে না হ'লে, গাছে, পাথরে—আকাশে, জলে এত কাব্য কি কেউ ফোটাতে পারে?”

লীলা কোনো কথা কহিল না। সেই ভূবার-কিরীট গুলির দিকে চাহিয়া রহিল। সূর্যের কিরণে সেগুলি কেমন ধক্ ধক্ করিয়া জ্বলিতেছিল, তাহাই সে দেখিতে লাগিল। বরফের আলিঙ্গন ছাড়িয়া শীতল মুক্ত পবন তখন ডলু হ্রদের বুকের উপর দিয়া ধীরে ধীরে আসিয়া আসিতেছিল। তপন-স্পর্শে ঈষৎক হইয়া উহা লীলার চূর্ণকুমলরাশি লইয়া খেলা করিতে লাগিল। লীলা তন্ময় হইয়া বলিল—“চমৎকার—চমৎকার!”

বীণা বলিল—“আমার ভাই এক এক সময় মনে হয় যে পৃথিবীর জন্ম কালে বিধাতা বুকি চিরসুন্দরের প্রতিষ্ঠার জন্তই এই শোভার মন্দিরটা রচনা করেছিলেন। দেখছ না—এ যেন চিত্রের মধ্যে সর্বশ্রেষ্ঠ লেখা, এ যেন ভাস্কর্যের মধ্যে সর্বশ্রেষ্ঠ রচনা। কোনো দিকে—কোনো-কিছুতে এতটুকু খুঁত পাবে না। ততই দেখি, ততই মনে হয়—কি যেন আরও আছে এর মধ্যে—যার নাম জানি নে, অভিব্যক্তি জানিমে—তাহার বাক্য প্রকাশ ক'রে বলতে পারিনে—কিন্তু বুকি যে আছে, নিশ্চয়ই তা আছে। এটা এমন দেশ যে সর্বদাই মনে হ'বে—বুকি একটা স্বপ্ন তোমার ঘিরে রেখেছে—একটা যেন কি মাধুরী কি

বিবাদ, কি গাঙ্গীর্ষ্য, কি বিরাট উদারতা—একটা যেন পরশহীন ফুলের মালা তোমায় জড়িয়ে রেখেছে। ছুঁতে চাও, ধরতে চাও—পাবে না, কিন্তু অন্তরে তা' বুঝতে পারবে। চেয়ে দেখ, দেখবে, ওই যে নক্ষা পর্বত—নীল আকাশটা কুঁড়ে' মাথা তুলেছে—কি যেন একটা কাতরতা ওর সর্ব অঙ্গ থেকে বারে' পড়ছে—কি যেন সে চায়, তা পায়নি, যেন তারই আশায় অমন করে' অনন্তের পথে নির্নিমেবে চেয়ে আছে। আর ওই যে দেখছ বিতস্তা—বাড়ীটার নীচেই—ঝির্-ঝির্ তির্ তির করে' বয়ে যেতে যেতে জীনগরের বুকটা চিরে' নীচে নেমেছে—ওর গানেও শুনবে কি এক বেদনার সুর—যা তোমায় একটা বিবাদ-মাথা পুলকে শিউরে তুলবে।”

সূর্য তখন ক্রমেই পশ্চিমে ঢলিয়া পড়িতেছিল। দেখিতে দেখিতে আকাশের সকল মেঘে আশ্বন লাগিল। বাতাস বেশ একটু শীতল হইয়া উঠিল। কাদম্বিনী গলায় একটা শালের কক্ষটার জড়াইয়া হুই একবার হাঁচিতে হাঁচিতে সেই বারান্দায় আসিয়া দাঁড়াইলেন।

বীণা বলিল—“ভাই লীলা, এ তোমার বাঙ্গালা দেশ পাও নি যে ঠাণ্ডাকে ভয় করবে না। কাশ্মীরের ঠাণ্ডা বড় দুঃস্বপ্ন। গরম কাপড়-চোপড় পরবে চল। ওই দেখছ না, কাশ্মীরী মেয়েগুলো ওদের গরম চিলে ফেরনের নীচে আশ্বন ভরা কাংড়ি নিয়ে বেড়াচ্ছে।

লীলা তখন দেখিতেছিল, এক জন হাশ্বযুধী তরুণী বাজারের কাজ সারিয়া কবরীতে পীত গোলাপ গু জিয়ার গায়িতে গায়িতে নীচের সরু পথটা দিয়া বিস্তার সেতুর দিকে বাইতেছে। তাহাদের গানের সুরে কি যেন একটা ছিল যাহা সেই সমাগত গোধুলির রক্তিমার সহিত মিশিয়া লীলার অন্তরকেও রাঙ্গাইয়া দিল। লীলা বলিল—“চল বীণা যাই, তোমার মোগলাই চা বুকি এতক্ষণ ঠাণ্ডা হচ্ছে।”

বীণা একটু হাসিয়া বলিল—“হাঁ চল। আজ কলকাতা থেকে চিঠি পেলাম। ভাল, তুমি অরুণদাদাকে কি চেন? বাঙ্গালার সেই বিখ্যাত ভাস্কর? তাঁরই চিঠি শাক পেয়েছি। ছ'চার দিনের মধ্যেই তিনিও কাশ্মীরে আসছেন তুমি থাকতে থাকতে তিনি এলে কত আনন্দ হ'বে। মলিত-কলার সৌন্দর্য্য বুঝতে তাঁর মত এমনটা আ/

দেখি নি। তিনি যখন আসছেন, তোমার কাশ্মীর ভ্রমণ সার্থক হবে। কাশ্মীরের রূপ যে কি মধুর, তা' তিনি যেমন বুঝিয়ে দিতে পারবেন—অমন আর কেউ নয়। আমি তোমার কাশ্মীরের পাহাড়ের মধ্যে টেমে এমেছি। এখানকার মাধুরী পাছে মনের মধ্যে একে নিয়ে যেতে না পারে, এই বড় ভাবনা ছিল। যাক অরুণদা যখন আসছেন, সে ভাবনা আর রইল না। এখানে যা' কিছু দেখবার আছে, তিনি তোমায় এমন করেই দেখিয়ে আনতে পারবেন যে কাশ্মীরী গাইডের তা' সাধ্য নাই। সাধারণ গাইড শুধু মূর্তির কাঠামোটা দেখে—মূর্তির রূপ তো দেখতে পায় না।”

লীলা বলিল—“এই ভাস্করকে তুমি জানলে কেমন করে?”

“আমি আর জানি নে? ছবার তিনবার তিনি কাশ্মীরে এসেছেন। আমাদের সঙ্গে তাঁর যে একটু সম্পর্কও আছে। তিনি আমাদের জ্ঞাত-ভাই।”

কাদম্বিনী আবার একবার হাঁচিলেন, বলিলেন—“চল বীণা ভিতরে যাই, বাইরে বড় ঠাণ্ডা। অনেকদিন পর এলাম কি না, এ ঠাণ্ডাটা সহ্যে নিতে সময় লাগবে।”

তিন জন বারান্দা ছাড়িয়া ভ্রুইংক্রমে যাইরা বসিল। চিম্নীর নীচে রান্না হইয়া কয়লা অলিতে লাগিল। বীণার ভ্রুইংক্রমের ভিতরটাও ছিল রক্তাক্ত। শেত-প্রস্তরের ছোট বড় নানা মূর্তি দিয়া বীণা সেই বরটা সাজাইয়াছিল। শঙ্করাচার্যের টিকা হইতে বীণা একটা বৃহৎ শঙ্খ সংগ্রহ করিয়াছিল। উহার গায়ে একটা সংকৃত শ্লোক লেখা ছিল। ছোট একখানি সুন্দর টেবিলের উপর বীণা পরম যত্নে সেই শঙ্খটা রাখিয়াছিল। বীণা বলিত, সেই শঙ্খটার নিনাদ কত পুরাতন অতীতের সঙ্গে নবীনকে বাধিয়া দিয়া, কত দিনের কত স্মৃতিকে জাগ্রক সচেতন করিয়া রাখিয়াছে। শঙ্খের ধ্বনি স্বর্গ হইতে শিশুর আগমন বার্তা আনার—বৌবনে শঙ্খই তাহার কণ্ঠে জয়মাল্য দেয়—শঙ্খই আবার তাহাকে প্রেমলক্ষীর তরু-সামক করিয়া তোলে। শেষে মঙ্গলময় মৃত্যুর আধ্বান শঙ্খের মুখেই নিনাদিত হইয়া থাকে। অরুণকুমার যেনার কাশ্মীরে আসিয়া কিছু বেশী দিন ছিলেন, সেবার এই ভাবগুলি মূর্তি বিশ্লেষণ করিয়া বীণাকে উপহার দিয়াছিলেন।

চা-পানের পর বীণা যখন সেই মূর্তিগুলির অর্থ প্রকাশ করিয়া দিল, লীলা তখন বিম্বিত নয়নে চাহিতে চাহিতে বলিয়া উঠিল—“সুন্দর—অতি সুন্দর এই মূর্তিগুলি। মানুষ কি এমন করিয়াই মানুষের মন দেখিতে পারে?”

“শিল্পী যিনি, তিনিই শুধু পারেন। তুমি আমি কি পারি? অরুণদাইতো আমার এই বাড়ীটার নাম রেখে গেছেন শঙ্খ-কুটার। আশুন আগে অরুণদা, তারপর তাঁর মুখেই শুনবে এই সব মূর্তিগুলির ভাব ও ব্যাখ্যা।”

পরদিন কাশ্মীরের রাজ-প্রাসাদ দেখিয়া কিরিবার কাদম্বিনী শেষ করিলেন—লীলা, দেখ-দেখ কবির কাণ্ডটা দেখ—দর্জিটার পাশে বসেই চুরুট টানছেন, আর মধ্যে মধ্যে সুর করে কবিতা আওড়াচ্ছেন!

লীলা চাহিয়া দেখিল, একটা দর্জি দুই পারে সেলাইয়ের কলটা চালাইতে হাসিতেছে এবং শশধর বাবুর মুখে কবিতা শুনিতেছে।

লীলা কহিল—“এই যে, শশধরবাবু! আপনার খোঁজে মর্শশালায় গিয়ে আমরা ফিরে এলাম। আপনি বলে ছিলেন, রাজবাড়ী দেখতে নিয়ে যাবেন—আপনার সুরসায় থাকলে—”

বাধা দিয়া শশধরবাবু বলিলেন—“বলেছিলাম ত বানো - ইচ্ছাও ছিল। কিন্তু হয়ে উঠলো না। আপনার সুন্দরী, তাই আছেন কল্পনার রথে—আর আমি মাথায় কাঁচা-পাকা চুলগুলো নিয়ে ছুটে বেড়াচ্ছি জীবনের সুখ দুঃখের পিছনে পিছনে। সাহেব আজ তবে আসি, কাল আবার দেখা হ'বে” বলিয়া দর্জিকে একটা প্রীতি নমস্কার জানাইয়া কবি শশধর লীলাদের সঙ্গে লইলেন।

বাইতে বাইতে লীলা জিজ্ঞাসা করিল—“দর্জির কাছে কি কোন কাজ ছিল? আমরা বুঝি সে পথে বাধা হয়ে দাঁড়ালেম?”

“না না না!—যোটেই না। আমিও বসেছিলাম ‘শঙ্খ কুটারে’ যেতে যেতে দেখি দর্জিটা বড় যত্ন করে একটা জামা সেলাই করছে। দেখেই মনে হলো লোকটা ধুবই সরল। তাই একবার ওর কাছে গেলাম। ওরও তো মাথার চুলে পাক ধরেছে। হ'লেনে সুখ-দুঃখের কথা আরম্ভ হলো। বলে এক পেরালা নামকি চা দেবো কি?” তখন নিমন্ত্রণটা কি কেউ ঠেলতে পারে? আমি

বলেম, দাও। হুঁখানা ফুলটা আর একখানা বাধর খানি সমেত গরম গরম এক পেয়ালী নামকি এনে হাজির।”

“আপনি এ দেশের সেই ফুলটা খেতে পারেন?”

“সময়ে সময়ে পারতে হয় বৈ কি? কাঁধে কাঁধ না মিলতে পারলে কি লুখ-লুখের কথা চলে? দর্জিটার কাছে এ দেশের পতিতাদের খবর শুনছিলাম। আহা তাদের বড় ছুখ! আসুন এই বাগানটায় একটু বস।”

সকলে বাগানে গিয়া একখানি শিলাসনে বসিলেন। তখন করীপ্রিয়া ভবানীর উদ্দেশে একটা শোভাযাত্রা সমারোহের সহিত যাইতেছিল। শুভ্রবর্ণ, শুভ্রবসনা নারীরা স্তব পাঠ করিতে করিতে সঙ্গে সঙ্গে যাইতেছিল। কাশ্মীরী ব্রাহ্মণদের পোষাকের জাঁক-জমক দেখিয়া কবি কহিলেন—

“এই যে এত আড়ম্বর দেখছেন, এ সব আর থাকবে না। সেকালের সেই জীর্ণ চীর—সেই গাছের বাকল আর গৈরিকের দিন আবার ফিরে আসছে। ভারতের তীর্থে-তীর্থে যেয়ে শুধু এই দেখলাম যে দস্ত, সম্পদ, আর ঐশ্বর্যের গয়িমা, অবিনয় এবং ভক্তির অভাব। দেবতার পূজারী সেখানে এই মূর্তিতেই বিরাজ করছে। কিন্তু এমন দিন ছিল, যখন শুধু মরিতের ডাকেই বেদীর উপর মূর্তির আবির্ভাব হতো। পৃথিবীর চেহারা তখন ফিরে যেতো। এই জন্তই একদিন রাজসন্ন্যাসী ভিক্ষুর দল গড়েছিলেন। তারা বিনিয়ে দিত শুধু প্রেম। কি হিমালয়ের মূলে, কি ভাগীরথীর তীরে—তাই এক দিন প্রেমেরই বস্তা নেমেছিল। যাক্গে সে কথা। আমি বুঝি দীনের রোদন। সে যেখানে ক্ষুধায় কাঁদছে, লাঞ্ছনায় মরছে, রোগে জীর্ণ হচ্ছে—সেইখানেই তো সত্যিকার ভগবান থাকেন। আমি চাই বিশ্বের ঘরে ঘরে সেই কথাই বলতে। সমাজ যাদের চির-অভাগিনী করে রেখেছে—তাদেরই কুটারের ঘারে গিয়ে আমি চাই বলতে—আয়, তোরা আয়—তোদেরই জন্ত আমি দয়া এনেছি, কমা এনেছি, ভালবাসা এনেছি। কিন্তু করি যদি তাই, স্বার্থ-পর সমাজ নিজের কালিটা ঢেকে রেখে, তার উত্তম দণ্ড নিয়ে অমনি মারতে আসবে। কি ধনী, কি নির্ধীন—কি শক্তিমান, কি দুর্বল—সকলেই তখন ব্যক্তের হাশিতে

আকাশটা ভরিয়ে তুলবে—ভয়, পাছে তাদেরই কলঙ্কের কথাটা প্রকাশ হ'য়ে পড়ে। এই যে দেখছেন, যাচ্ছেন ব্রাহ্মণের দল—এঁরাই তখন দল বেঁধে একঘরে করবার জন্ত ঠাকুরেরই প্রাঙ্গণে জটলা করে দাঁড়াবেন। যে কর এক দিন ছিল অভয়দানের জন্ত—সেই করে তুলে দেবেন শুধু অভিসম্পাত। বলবেন তাঁরা—এই দেখ একটা আস্ত পাগল। কিন্তু জানবেন—এই বিশ্বকে যারা বারবার বাঁচিয়ে গেছেন, তাঁরা সেই পাগলেরই দল। বুদ্ধিমানরা শুধু হতাহি করে—বাঁচায় না!”

উত্তেজনার সঙ্গে কথা বলিতে বলিতে কবি একেবারে হাঁপাইয়া উঠিলেন এবং তাঁহার মোটা বস্কাটা ধরাইয়া ঘন ঘন টানিতে লাগিলেন। উত্তেজনা যখন কমিল তখন ধীর কণ্ঠে কহিলেন—

“আমার কোন গুণ নেই বটে মিসেস ঘোষ। কিন্তু ছুইয়ে আর ছুইয়ে যে চার হয়, এটা আমি খুবই বুঝি। যদি একটু ধোঁজ নেন, তা হ'লে দেখতে পাবেন পৃথিবীতে যখনই যে বড় কাজ হয়েছে, পাগল ছিল তার গোড়ায়। এই যে এতবড় একটা দেশ ভারতবর্ষ দেখছেন, এ যদি কোন দিন এগিয়ে চলে তবে তার পিছনেও দেখবেন সেই এক দল পাগলেরই ছুটা-ছুটি।”

কাদম্বিনী ঘোষ বলিলেন—“আমি অত-শত জানি না শশধর শবু। তবে এই পর্যন্ত বলতে পারি, সংসারের যারা নড়েদের খুব জানী বলে প্রচার করে বেড়াচ্ছেন, আমি তাঁদের ছ'চক্ষে দেখতে পারি নে।”

কিছুক্ষণ পর বাগান হইতে উঠিয়া লীলা, মিসেস ঘোষ এবং কবি শশধর যখন শব্দ কুটারে আসিলেন, তখন বীণা তাহারই একটা নূতন কবিতা সোনালী কালীতে পুরুকাগজে নকল করিতেছিল। লীলাকে দেখিয়াই বীণা কহিল—

“এ'র সঙ্গে তোমাদের পরিচয় করিয়ে দি। এ'র নাম কুমার অজয় সিংহ। আমার একজন পরম বন্ধু।”

কুমার অজয় সিংহ তখন লীলা ও মিসেস ঘোষকে নমস্কার করিয়া কহিলেন—“আপনারা যে ক শ্রীয়ে এসেন, এটা খুবই সৌভাগ্য। বাঙ্গলাদেশের সঙ্গে আমার একটা ঘনিষ্ঠতা হবার সুযোগ হলো। আমাদের এই পাহাড়ে ঘেরা কাশ্মীরকে কেমন লাগছে?”

লীলা কহিল—“চমৎকার। এ দেশ কবি এবং

শিল্পীদেরই যোগ্য দেশ। তাই এই বীণার তারে কবার
অন্য ধামতে চার না।”

লীলা সঙ্গেহে বীণার স্বরের উপর হাত রাখিয়া
দাঁড়াইল। “এটা ক কবিতা ভাই, পড় না শুনি।”

বীণা কহিল—“তুম্বে? এ কবিতাটা কি তোমার
ভালো লাগেছে?” বীণা পড়িতে লাগিল—”

জনহীন সুনিবিড় কাছারের মাঝে
উৎস যথা করে’ পড়ে কুম্বের গারে,
ধারা তার ধায় ধীরে—কভু বা লুকায়—
গান তার আসে শুধু আকাশের গারে;—
সেই খানে আসিত সে বাঁশী লয়ে করে।
সেইানে বসি শিলাসনে, বাজাইত
আপনার মনে, কত কথা কত গানে—
নাহি জানে কাহার উদ্দেশে।

চমকিয়া

এক দিন উঠিল সহসা অপরূপ
নারীকণ্ঠ শুনি, নেহারিয়া মোহিনীর
মধুর-মুগ্ধি—নেহারিয়া সেই তার
স্বপ্নমাখা আঁধি। বনদেবী বলি তারে
করিল সস্তাষ যুগা কত না পুনকে।
অন্তরের অন্তরালে ছিল যে প্রতিমা,
মুগ্ধি লয়ে আত্ম তাহা দিল দরশন।
মব জলধর বৃকে বিজলীর বত
হাসিয়া লুকালো বালা কাননের মাঝে।
তার পর কত দিন হইল অতীত—
কত স্নান সন্ধ্যালোকে করি আলোকিত
বিতস্তার শান্তি-হরা শীতল সে ধারা।
বাঁশী শুধু কেঁদে কেঁদে ডাকিল তাহারে—
তারই গানে তারে খুঁজি ফিরিল কামনে।

তারপর সেই এক পূর্ণিমা নিশীথে
হৃদয়ে হৃদয়ে যবে হইল মিলন—
নিবে গেল আকাশের জ্যোৎস্নার হাসি,
ধেমে গেল বাঁশীর বত গান ছিল।

সুই:অনে হেরিল বিনয়ে—কিছু নাই,
কেই নাই আর; কিবা রবি, কিবা শশী
কিবা তারা-হার—কি প্রান্তর, কি কাছার
কিবা জল-স্থল—সহসা সকলি গেছে—
মুছিয়া তখন; সর্বস্থান সর্ব কাল;
সকল পৃথিবী—পরিপূর্ণ জামহার
আবেশে বিহ্বল-মুগ্ধ তাহাদেরি প্রেমে।

* * *

দেবতায় ডাকি দৌছে কহিল কাতরে—
মৃত্যু দাও—মৃত্যু দাও এই ভিক্ষা মাগি,
বিচ্ছেদ দিও না দেব, তিলেকের তরে।

কবি শশধর আনন্দে উৎকুল হইয়া বলিলেন—“বা
চমৎকার আখ্যান। মনে হচ্ছে যেন কাশ্মীরের আকাশটাই
আজ এই প্রণয়ী-মুগ্ধলের সুখে হাঁসছে।”

লীলা বলিল—“তারা তবে মরতে চাচ্ছে কেন?”

বীণা কহিল—“তাদের যা কিছু কাম্য ছিল, সবই তো
পেয়েছে তারা। পাওয়ার পরই তো আবার সেই হারানো
—সেই বিচ্ছেদ! তবে আর কিসের আশায় বেঁচে থাকবে
তারা?”

“তুমি তবে বলতে চাও, ধার আশা আছে, সেই শুধু
বাঁচতে চায়?”

“তা নয় তো কি? ভবিষ্যতেই সেই সোনালী মেঘের
আড়ালে আমাদের অন্ত যে কোন্ মহাবতী লুকিয়ে আছে,
সেইটের আশাতেই তো আমরা বেঁচে থাকতে চাই। যে
তা’ পেয়েছে, সে আর বাঁচবে কেন? এই ভবিষ্যৎ—এই
আমাদের অনাগতইত ভাই, কল্পনার পরী-রাজ্যের রাজা।
ওই দেখ সেই দীপ্ত সন্ধ্যাটের রাজবেশ ফুলে ফুলে ঢাকা—
সারি সারি তারার মালা তার কণ্ঠে বিলিকি দিচ্ছে; আর
ওই দেখ, চোখের জলের কত গলা যমুনা, বিতস্তা কিশন-
গলা সে চোখের প্রান্ত বয়ে বয়ে বয়ে শেষে নীরবে
গড়িয়ে চলেছে। হে আমার অনাগতের সন্ধ্যাট—তোমার
অর হোক।”

ক্রমশঃ

গ্রন্থ-সমালোচনা

সঙ্গীত ও সানুবাদ মহাত্ম্য

সম্প্রতি পণ্ডিতপ্রবর, বিবিধ কাব্যনাটক গ্রন্থের টীকাকার ও অনুবাদক, লক্ষপ্রতিষ্ঠা শ্রীযুক্ত হরিন্দাস সিদ্ধান্তবাণীশ মহাশয়ের সম্পাদিত নীলকণ্ঠাচার্যকৃত টীকা, রচিত বিস্তৃত ভারত কোমুদী নামে নূতন টীকা ও বঙ্গানুবাদের সহিত মহাত্ম্যের আদিপর্বে প্রথম খণ্ড (১২৮পৃষ্ঠা) প্রকাশিত হইয়াছে। প্রথমে পরিষ্কার ইংলিশ টাইপে মূল, তৎপরে পাইকা অক্ষরে বঙ্গানুবাদ এবং সর্ব নিম্নে পাঠাঙ্কনাদি প্রকাশিত হইয়াছে। মূল্য গ্রাহকদিগের পক্ষে ১ সাধারণের পক্ষে ১০। প্রতিমাসে এইরূপ এক এক খণ্ড প্রকাশিত হইবে।

গ্রন্থ আলোচনার পূর্বে মহাত্ম্যের প্রচারের জন্য বঙ্গদেশে যে সকল চেষ্টা হইয়াছে তাহার একটা সংক্ষিপ্ত বিবরণ প্রদান করা অপ্রাসঙ্গিক হইবে না। ইহাতে তুলনার সিদ্ধান্তবাণীশ মহাশয়ের গ্রন্থের উৎকর্ষা-পক ববিচারের সুবিধা হইবে।

কিকিরিয়ান শতবর্ষ পূর্বে বঙ্গদেশে মহাত্ম্যের মূল প্রথমে সেননাথরী অক্ষরে মুদ্রিত হয়। Committee of Public Instructionএর প্রযুক্ত এই কার্যের সূত্রপাত হয় এবং ৮০১ পৃষ্ঠার ১৮০০ খৃষ্টাব্দে এই গ্রন্থের প্রথম খণ্ড প্রকাশিত হয়। সংস্কৃত কলেজের বিশাল পুস্তকাগারের হস্তলিখিত পুস্তকগুলির পাঠ দিলাইয়া এই গ্রন্থ সম্পাদিত হয়। দ্বিতীয় খণ্ড (৮০৮ পৃষ্ঠা), তৃতীয় খণ্ড (৪০১ পৃষ্ঠা) এবং চতুর্থ খণ্ড (১০০৭পৃষ্ঠা) যথাক্রমে ১৮০৬, ১৮০৭ ও ১৮০৯ খৃষ্টাব্দে এসিরাটিক সোসাইটির প্রকল্পে প্রকাশিত হয়। এই বিরাট গ্রন্থের সম্পাদন কার্য বিলাই শিক্কাবদি, লক্ষগোপাল পণ্ডিত, জগদগোপাল তর্কালঙ্কার, রামধোবিন্দ পণ্ডিত, ও রামহরি জ্যোতিষকানন সম্পন্ন করিয়াছিলেন। বহুদিন বাবৎ মহাত্ম্যের এই সংস্করণই প্রামাণিক রূপে বিবেচিত হইত। St. Petersburg অভিধানে এই সংস্করণই উদ্ধৃত হইয়াছে। ৮০ টাকা মূল্য নির্ধারিত হওয়ার এই গ্রন্থ সাধারণের পক্ষে দুর্লভ ছিল।

কালক্রমে ভারতের অন্যান্য রত্ন সাধারণের হস্ত করিবার রত্ন ১৭৮৪—১৮০৩ পক্ষে বর্তমান রাজবাটী হইতে মহারাজ মহাত্ম্যটীক বাহাদুরের ব্যয়ে ও প্রযুক্ত বঙ্গাক্ষরে এই গ্রন্থের মূল পুনঃ প্রকাশিত হয় এবং পণ্ডিত সম্প্রদায়ের মধ্যে ইহা বিনামূল্যে বিতরণ করা হয়। ইহার পরে শ্রীরামপুর হইতে হরিন্দ্র দেব চৌধুরী মহাশয়ের ব্যয়ে এবং সত্যব্রত সামগ্রী মহাশয়ের সম্পাদকতার বঙ্গাক্ষরে নীলকণ্ঠের টীকাসহ মহাত্ম্য ১৭৯০ পক্ষ হইতে প্রকাশিত হইতে থাকে। পণ্ডিতপ্রবর কালীধর বেদান্তবাণীশ মহাশয়ের সম্পাদকতা

ও কেদারনাথ রায় কর্তৃক নাগরী অক্ষরে মূল মহাত্ম্য মুদ্রিত হইয়াছিল। তাহার পর ১৮৯৯ খৃষ্টাব্দে নীলকণ্ঠের টীকাসহ মহাত্ম্যের বঙ্গবাসী কার্যালয় হইতে প্রকাশিত হয়।

কেবল মূল এবং টীকা প্রকাশের দ্বারা পণ্ডিত সমাজের উপকার হইতে পারে, কিন্তু তাহা দ্বারা সাধারণের পক্ষে মহাত্ম্যের পড়িবার ও বুঝিবার বিশেষ সুবিধা হয় না। সেইরূপ মহাত্ম্যের তৎ সাধারণের বোধগম্য করিবার জন্য বাঙ্গলা ভাষায় মহাত্ম্যের অনুবাদ আরম্ভ হয়। এই প্রচেষ্টা বর্তমান যুগেরই একটা বৈশিষ্ট্য। সঞ্জয়, কালীধর প্রভৃতি প্রাচীন কবিদিগের রচিত মহাত্ম্যের পঞ্চানুবাদ প্রকৃত অনুবাদ নামের উপযুক্ত নহে। মূলের আক্ষরিক অনুবাদ তাঁহাদের উদ্দেশ্য ছিল না। মূল উপাখ্যানগুলি সাধারণের রচিকর ভাষায় (অনেক স্থলে নূতন উপাখ্যানের সহযোগে) সাধারণকে বুঝাইয়া দেওয়ারই উদ্দেশ্যে করা হইল বলিয়া বুঝিতে পারা যায়। কিন্তু “দুধের আবাদ ঘোলে মিটে না।” সেই সকল পাঁচালী সাধারণের বতই উপযোগী ও উপভোগ্য হইক না কেন, সংস্কৃতানভিজ্ঞ শিকিত সম্প্রদায় তাহাতে তৃপ্ত হইতে পারেন নাই। তাই মহাত্ম্যের আক্ষরিক অনুবাদের এই নবীন চেষ্টা। এই চেষ্টার অগ্রণী ছিলেন বাঙ্গলা গদ্যসাহিত্যের অস্তিত্ব প্রমাণ, বিবিধ নবীনজনহিতকর বিষয়ের উদ্ভাবক স্বর্গীয় ঈশ্বরচন্দ্র বিদ্যাসাগর মহাশয়। তিনি স্বয়ং মহাত্ম্যের অনুবাদ কার্যে প্রবৃত্ত হন। কিন্তু প্রসিদ্ধ ভূমাবিকারী কালীপ্রসন্ন সিংহ মহাশয় এই কার্যে হস্তক্ষেপ করায়, তিনি বতই কার্য করা অপ্রয়োজনীয় মনে করিয়া সিংহ মহাশয়ের কার্যে সহায়তা করিতে আরম্ভ করেন। বহু পণ্ডিতের সহায়তায় সিংহ মহাশয় আর আট বৎসরে এই কার্য সম্পন্ন করেন। তাহার অনুবাদের আদিপর্ক ১৭৮১ পক্ষে এবং শান্তিপর্ক ১৭৮৭ পক্ষে প্রকাশিত হয়। তাহার গ্রন্থ খণ্ডনঃ প্রকাশিত হইত এবং ইহা পূরণ সংগ্রহ গ্রন্থের অন্তর্ভুক্ত ছিল। শান্তিপর্ক পূরণ সংগ্রহের ১৪৭ ও ১৪৮ খণ্ডরূপে প্রকাশিত হয়। তিনি হরিন্দ্রের অনুবাদ প্রচার করেন নাই। এই অত্যধ পরিপূরণের জন্য কখন বিদ্যায়ত্ন মহাশয় গোপনকুড়িয়া হইতে গোপালচন্দ্র রায় কর্তৃক প্রকাশিত সাহিত্য-সংগ্রহে হরিন্দ্রের অনুবাদ করেন। তাহার অনূদিত পূর্ব গ্রন্থ সন ১২৭৩ সালে প্রকাশিত হয়। বর্তমান রাজবাটী হইতেও পণ্ডিতবর্ষের সহায়তায় একটা অনুবাদ প্রকাশিত হয়। সিংহ মহাশয় এবং বর্তমানাধিপতির প্রকাশিত গ্রন্থ প্রকল্প-পণ্ডিত সমাজে বিতরণ করা হয়।

কিন্তু প্রথমে ইহা সাধারণের অলভ্য ছিল। সেই জন্য সন ১২৭৩ সালে জগদগোপাল তর্কালঙ্কার মহাশয় কৃত বঙ্গানুবাদসহ মহাত্ম্যের আদিপর্ক ও নীলকণ্ঠের টীকা গোবিন্দচন্দ্র ঘোষ কর্তৃক প্রকাশিত হয়। কথা হইল প্রতিমাসে মূল করিয়া প্রকাশিত হইবে। কতদূর এই

* কলিকাতা ৪১নং নুরি সেন সিদ্ধান্ত বিদ্যালয় হইতে শ্রীযুক্ত হরিন্দাস সিদ্ধান্তবাণীশ কর্তৃক প্রকাশিত।

কার্য অগ্রসর হইয়াছিল—তাহা জানা যায় না, বতরু প্রকাশিত হইয়াছিল, তাহাতে মূল ও অনুবাদ একত্র বেওয়া হয় নাই। অনুবাদ বতরু মুদ্রিত হইয়াছিল।

প্রতাপচন্দ্র রায় মহাশয়ও মহাভারতের এক অনুবাদ প্রকাশ করেন। অনুবাদ প্রকাশিত হইবার পর তিনি মূল প্রকাশ করিতে আরম্ভ করেন। দেববংশীর চরিত্র দেব চৌধুরী মহাশয়ের প্রার্থনায় ও বাঘে কালীবর বেনারসবাগীশ মহাশয় রচিত মহাভারতের বঙ্গানুবাদ প্রচারিত হয়। ১৭৮৩, ১৭৯৩, ১৮০০ এবং ১৮০৩শকে যথাক্রমে সভা, বন, বিরাট, উদ্যোগ ও ভীষ্মপর্ব প্রকাশিত হয়।

গঙ্গা অপেক্ষা পদ্মের আদরই ভারতবাসীর নিকট অপেক্ষাকৃত বেশী। সেইজন্য কেহ কেহ বর্তমান যুগে মহাভারতের আক্ষরিক পদ্মানুবাদ কার্যেও হস্তক্ষেপ করিয়াছিলেন। ইহাদের মধ্যে কবি রাজকৃষ্ণ রায়ের অনুবাদ সম্পূর্ণ হইয়াছিল বলিয়া জানা যায়। শ্রীকৃষ্ণ গিরিধর বিষ্ণুরাম মহাশয় সহ পর্বে ক্রমে পর্বাঙ্ক প্রকাশ করিয়া শারীরিক অস্বাস্থ্য নিবন্ধন সে কার্য ত্যাগ করিয়াছিলেন। স্বর্গীয় প্রফুল্লচন্দ্র মুখোপাধ্যায় মহাশয় মহাভারতকে নাট্যকাব্যে পরিণত করিতে ইচ্ছা করিয়াছিলেন। আদিপর্বে কিছু অংশের অধিক আর তিনি রচনা করিয়া বাইতে পারেন নাই।

বর্তমানে উপরি বর্ণিত আর সকল গ্রন্থই একরূপ দুঃখাগ্রা হইয়া উঠিয়াছে। দুই একপাণি ব্যতীত অপরগুলি বাজারে পাওয়া যায় না। তাহার উপর, তাহার ক্রম পরিবর্তনের কালে বঙ্গানুবাদগুলি বর্তমান পাঠকবৃন্দ নিকট যে কথকিং দুর্ভেদ্য হইয়া পড়িয়াছে তাহাতে সংশয় নাই। মলের সঙ্গে একস্থানেই বঙ্গানুবাদ না থাকায়, সাধারণ পাঠকের পক্ষে অত্যন্ত সূবিধা হয়। কেবল মাত্র বঙ্গানুবাদের বা নালকঠের পাণ্ডিত্যপূর্ণ সংক্ষিপ্ত টীকার সাহায্যে সিজান, সংস্কৃত অবিবেক পাঠকের মূল সম্যক প্রকারে জ্ঞানসম করা একরূপ অসাধ্য।

সিদ্ধান্তবাগীশ মহাশয়ের গ্রন্থ সম্পূর্ণ হইলে এই সকল অভাব দূরীভূত হইবে বলিয়া মনে হয়। তাহার ভারত-কৌমুদী টীকা অবশ্য পাণ্ডিত্য

প্রদর্শনের ব্যতীত অন্য কোন প্রকারে প্রকাশিত নহে। প্রতি শ্লোকের প্রতি শব্দের অর্থ অতি সরলভাবে ইহাতে বুঝান হইয়াছে। সাধারণ পাঠকের পক্ষে যে ইহাতে পরম উপকার হইবে তাহাতে সন্দেহ নাই। তাহার রচিত বিবিধ কাব্য ও নাটকের সরল টীকা ছাত্রসমাজে বেরূপ অপ্রতিভত প্রতিষ্ঠা অর্জন করিয়াছে, তাহার এই ভারত-কৌমুদী টীকাও সেইরূপ সমাদর লাভ করিবে বলিয়া আশা করা যায়। অথচ পণ্ডিত-সমাজেরও বিশেষ চিন্তা ও আলোচনা করিবার বিষয় এই টীকা মধ্যে উপনিবেদ্য হইয়াছে। বঙ্গীয় পণ্ডিতবর্গের রচিত মহাভারতের টীকার সংখ্যা অধিক নহে। আর সেই স্বল্পসংখ্যক টীকার অধিকাংশই অতি সংক্ষিপ্ত, সিদ্ধান্ত-বাগীশ মহাশয়ের টীকা সমাপ্ত হইলে, তাহা বাঙ্গালীর তথা ভারত-বাসীর বিশেষ মূল্যবান সম্পদ হইবে। তাহার রচিত বঙ্গানুবাদ অতি সরল এবং বর্তমান সময়োপযোগী হইয়াছে। প্রতি পৃষ্ঠায় মূলের নিম্নেই টীকা ও বঙ্গানুবাদ মুদ্রিত হওয়ার পাঠকবর্গের আলোচনার যে বিশেষ সুবিধা হইবে তাহা বলা নিঃসন্দেহ। বঙ্গাকরে মুদ্রিত হওয়ার ইহার প্রচার অনেক কম হইবে। কিন্তু বাঙ্গালী পাঠকবৃন্দের ইহাতে বিশেষ সুবিধা হইবে সন্দেহ নাই। চাপা, কঙ্গল সকলই বেশ ভাল। ইহা অপেক্ষা মূল্যের সংকরণ পূর্বেই বাহির হইয়াছে বলিয়া মনে হয় না।

তবে নিঃসহায়, নিঃস্ব ব্রাহ্মণপণ্ডিতের পক্ষে এরূপ বিরাট কার্য হুস্পন্ন করা বিশেষ কষ্টসাধ্য সন্দেহ নাই। সেই জন্তে ভগবানের নিকট প্রার্থনা করি সিদ্ধান্তবাগীশ মহাশয় যেন সুস্থশরীরে নির্বিঘ্নে এই কার্য হুস্পন্ন করিয়া দেশের ও দেশের ধন্যবানের পাত্র হইতে পারেন।


অনন্তসহায় একজন ব্রাহ্মণপণ্ডিতই অন্য শত কার্যের মধ্যে বিশাল ও পাণ্ডিত্যপূর্ণ বাচস্পত্যভিধান প্রণয়ন করিয়া অমর হইয়াছেন। নিঃস্ব সিদ্ধান্তবাগীশ মহাশয়ই এযাবৎ যোগদানি অনতিদূর পুস্তক প্রকাশ করিয়া নিজের অগাঢ় পাণ্ডিত্যের পরিচয় দিয়াছেন। সুতরাং, দৈব প্রতিকূল না হইলে তাহার মত কর্মী, অধ্যবসায়ী ও উৎসাহী লোকের পক্ষে এই মহৎ কার্য হুস্পন্ন করা অসম্ভব হইবে না।

শ্রীচিন্তাহরণ চক্রবর্তী কাব্যতীর্থ

আলাপ-আলোচনা

নববর্ষের প্রথম দিনে আমরা আমাদের পরম স্নেহময় স্নেহী সুনীলগোপাল বসুকে হারাইয়া শোকমস্তগ্ন। তিনি ছিলেন আমাদের বাগানের অগ্রদূত বন্ধু, যৌবনের সখা, প্রেতের পরমর্শদাতা—খানার সহকর্মী, সাহিত্য-সাধনার সহকর্মী। জীবনে বহুশোক পাইয়াছেন। প্রথম পক্ষের দুইটি পুর ও পদ্মাকে হারাইয়া তিনি 'শেল', 'ব্যথা' 'শোকে শান্তি' কাব্য রচনা করিয়াছেন। অতির-

হৃদয় বন্ধুর প্রমথনাথ বটব্যালের মৃত্যুতে তিনি তাহার জন্ম ঐচ্ছিক কবিতায় নিবেদন করিয়াছেন—সে 'অশ্রু' পাঠে তাহার বন্ধুপ্রীতির গভীরতা যে কতদূর ছিল তাহা বেশ বুঝিতে পারা যায়। প্রমথনাথ ছিলেন তাহার সহকর্মী—কালকাতা পরামিটের জনৈক কর্মচারী। তাহার মর্শনে জ্ঞান ছিল অপরিমিত। প্রমথনাথ পাশ্চাত্য ও আচার্যদর্শনের আর প্রত্যেক দার্শনিকের অহং-জ্ঞানের স্বরূপ



স্বর্গগত সুলীলগোপাল বসু

বিবৃতি করিয়া সুললিত চতুর্দশপদী কবিতায় 'আমি' নামে একখানি ক্ষুদ্র কাব্য প্রকাশ করিয়াছিলেন। এত শোক পাইয়াও তিনি শোকে কোন দিন মুহমান হইয়া পড়েন নাই—বাস্তবিকই তিনি শোকে শান্তি পাইয়াছিলেন—ঈশ্বরবানের রূপায় সত্যই তিনি উপলব্ধি করিয়াছিলেন—'তারি মায়া, তারি ছায়া ভাঙিতেছি মহাপুণ্ডে ব্যাপি চরাচর।' সর্বত্রই তিনি ব্রহ্মের সত্তার অকল্পিত করিতেন।

তাই পুত্রশোকাতুর হৃদয়ে 'আবাহানে গারিয়াছিলেন—

'এস বৎস একবার পরামাশ্রা রূপ ধরি

দাও শান্তি শোকে

নিখাও অশোকময়, স্বার্থহীন ভালবাসা

ধর্মের আলোকে।

ভেদি দুগ জড়ের অসার বিরাট্ দেহ।

আন স্থির জ্যোতি ;

হোক লক্ষ্য ভগবান্ নাহি চাই পরকাল

জড়দেহ হিতি।

নাহি চাই মণমুক্তা নাহি চাই ভোগাসক্তি

ধাক্ পদতলে ;

নাহি চাই বিজাবুদ্ধি জ্ঞানোদীপ্ত দান্তিকতা
ধাক্ রসাতলে।

বহমত উপদেশ ত্রাস্তিময়ী বহুভাষা

শুনিয়াছি কাণে

ভূষা লয়ে ছুটিয়াছি পাই নাই বারিবিন্দু

দাবদফ প্রাণে।

স্থিরচিত্তে ভরিয়াছি স্থিরনেত্রে হেরিয়াছি

মূর্ত্তি মহান্,

আমার সে পুত্র নয় পুত্ররূপী নারায়ণ

আমি কি অজ্ঞান !"

পরিণত বয়সে কয়েকজন আৰ্য্য রমণীর জীবনের কাহিনী তিনি কাব্যে রচনা করিয়াগিয়াছেন। 'আৰ্য্য নারী'র ভাব ও আদর্শ যেমন অনবদ্য সুন্দর, ভাষাও তেমনই মনোরম। তাঁহাদের প্রত্যেকের চরিত্রের বৈশিষ্ট্য তিনি সরলভাবে বুঝাইয়া দিয়াছেন।

তাঁহার বহু গীতি-কবিতা পুরাতন 'বানী' ও 'সঙ্গ' পত্রিকার পাঠকদিগের চিত্ত-বিনোদন করিয়াছিল। সে গুলি এখনও কাব্যকারে প্রকাশিত হয় নাই। তাঁহার স্তায় সরল উদারপ্রাণ বিশ্বপ্রেমিক বড় কমই দেখিতে পাওয়া যায়।

কবীন্দ্র রবীন্দ্রনাথের সত্তর বৎসর বয়সে তাঁর জন্মদিন ২৫শে বৈশাখে প্যারিসে অবস্থিত ভারতবাসীর উৎসব করিয়াছিলেন। রবীন্দ্রনাথ হিবার্ট বক্তৃতা স্তানের সভাপতির অতিথি হইয়া তখন অক্সফোর্ডে ছিলেন। ম্যাক্‌গেটারও তাঁকে বক্তৃতা দিবার জন্ত আমন্ত্রণ করিয়াছে। আমরা ভগবানের কাছে তাঁহার স্বাস্থ্য ও দীর্ঘজীবন কামনা করি।

সংবাদ-পত্র-সেবক সঙ্গ সমস্ত দৈনিক পত্র-পত্রিকা বন্ধ করিবার স্বপ্নকে প্রত্যাব গ্রহণ করিয়াছেন বলিয়া সঙ্গ-সেবীদের কার্য্যের বিরুদ্ধ সমালোচনা কোন কোন স্থানে হইয়াছে। আমরাও মনে করি যে তাঁহারা একেবারে সমগ্রভাবে সকল দৈনিকের মুদ্রণ বন্ধ করাইয়া ঠিক কাজ করেন নাই। মহাত্মা গান্ধী বলিয়াছিলেন, যাদের কাছে আমাদের টাকা দাবী করা হইবে, কেবল সেই সকল

কাগজই প্রচার বন্ধ করিবে। মহলা গান্ধীজীর মন্তব্যের উপরেও সম্পাদকেরা চাল চলিলেন কেন ?

দেশের এমন অবস্থায় দৈনিক সংবাদ-পত্রের বিশেষ প্রয়োজনীয়তা আছে। অবশ্য সংবাদপত্র না পড়িলে আমরা যে মারা যাইব এমন কথা নয়—এতদিন যে পড়ি নাই, তবুও টিকিয়া আছি। তবে ইংরাজ-চালিত কাগজ থাকিবে, কেবল তাহাদের কথাই আমরা শুনিব, আমাদের ভরফ হইতে আমাদের কথা শুনাইবার কোন বাহনই থাকিবে না, এমন অবস্থা কখনই সমীচীন নহে।

দেশের এমন অবস্থায় কাহাকে মানিব ? গান্ধীজীকে না অথকোন কর্তাকে। একজনকে কর্তৃত্ব না দিলে বহু কর্তার দ্বারা কার্যের ব্যাঘাত হইবারই সম্ভাবনা। মহাত্মা বলিয়াছিলেন, তিনি যত দিন জেলের বাহিরে থাকিবেন, তাঁহারই পরামর্শ মতেই সব কাজ হইবে। তাহা যদি না হয়, জিজ্ঞাসা করি তাঁহার মতের ব্যতিক্রমে কাজ করাইবেন বাঁহারা, তাঁহারা কর্তৃত্বের ভার কোথা হইতে বা কাহার নিকট হইতে পাইলেন ?

অবশ্য বাঁহারা অল্প কাগজের প্রতি সহানুভূতি দেখাইবার জন্ত ইচ্ছা করিয়া তাঁহাদের কাগজ বন্ধ করিবেন তাঁহাদের সম্বন্ধে আমাদের কিছু বলিবার নাই। আমরা কেবল বাঁহাদের কাছে আমাদের টাকা দাবী করা হয় নাই এমন সব কাগজকে খামকা বন্ধ করিতে বলার বিরুদ্ধে জনমতকে শিক্ষিত ও গঠিত করিবার পক্ষে সংবাদ-পত্রের অত্যন্ত প্রয়োজন-সে প্রয়োজন দেশের বর্তমান সময়ে যার-পর-নাই উগ্র।

কোন শহর হইতে সম্পূর্ণভাবে স্ত্রীলোকদের দ্বারা লিখিত ও পরিচালিত মাসিক পত্রিকা বাহির করিবার প্রস্তাব হইয়াছে, সে প্রস্তাব কার্যেও পরিণত হইবে জানিলাম। ইহাতে আমাদের কিছু বলিবার নাই। কিন্তু বাঁহারা এই পত্রিকা চালানাইবেন তাঁহারা তাঁহাদের উদ্দেশ্য সম্বন্ধে বলিতে গিয়া এমন মন্তব্য করিয়াছেন যে তাহারা

সরল অর্থ হইতেই পুরুষদের কাগজে মেয়েদের স্পষ্টভাবে তাঁহাদের মত ব্যক্ত করিতে পারেন না।

কেন ? পুরুষদের কাগজ কি মেয়েদের স্বাধীন উক্তি ছাপাইতে কখনও আপত্তি করিয়াছেন ? না পত্র পরিচালকদের আসল কথা হইতেছে এই যে পুরুষদের সম্বন্ধে কঠিন মন্তব্য-সূচক লেখা, পুরুষদের কাগজে দিতে তাঁহাদের চক্ষু লজ্জা হয়। যদি কেবল যুক্তিহীন গালি না হয়, তবে তাহাতেও চক্ষু-লজ্জার কোন কারণ নাই ?

বাঙ্গালার নারী জাগিয়াছে। যদিও এই জাগরণ মুষ্টিমেয় নারীর মধ্যে হইয়াছে, তবুও হইয়াছে যে তাহাতে আর কোন সন্দেহ নাই। পুরুষদের কিন্তু একেবারে বাদ দিয়া বা তাহাদের কেবলমাত্র রুঢ়কথা বলিয়া নারীদের সাধনা সকল ও জাগরণ জয়যুক্ত হইবে না। কোনও শিক্ষিত পুরুষই নারীর স্বার্থ উন্নতি ও প্রগতির বিরুদ্ধাচরণ করিতে পারেন না।

তবে পুরুষকে ও নারীকে পরস্পরের সাহায্যে অগ্রসর হইতে হইবে। ইহাদের কেহ কাহাকেও পরিত্যাগ করিয়া আপন কল্যাণ-সাধন করিতে পারিবেন না। শিক্ষা-কার্যকুশলতা, দেশহিতৈষিতা, সকল দিক দিয়াই নারী প্রতিষ্ঠানভের উদ্যম করিতেছেন সে উদ্যম আংশিক ভাবে সার্থকও হইয়াছে। ইহাতে দেশের পুরুষরা আশাবিত ও আনন্দিত হইয়াছেন—কুঃ হন নাই। নারী জাগুন, সুখেরই কথা ; কিন্তু পুরুষকে ঘুম পাড়াইয়া রাখিয়া নারী জাগিবেন, এমন অদ্ভুত করণা তাঁহারা যেন না করেন। তবে তাঁহাদের জাগরণ দেখিবে কে ?

পুরুষদের সঙ্গে নারীদের মতভেদ হইলেও প্রীতি-ভেদ যেন না হয়। শুধু কাঠিন্যও যেমন পীড়াদায়ক শুধু কোমলতাও সেইরূপ মোহজনক। পীড়ার উপশম এবং মোহের দূরীকরণকল্পে কোমলে-কঠোরে মিলিত হউক, নারী ও পুরুষ একযোগে, পাশাপাশি দাঁড়াইয়া দেশের

ভাবৎ মঙ্গল প্রচেষ্টায় অবহিত হউন। পুরুষের পুরুষ-
সুচিবে, নারী বলবতী হইবেন।

ভূপালের শ্রদ্ধেয়া বেগম সাহেবা, ভূতপূর্ব
কর্তী ঠাকুরাণী সে, দিম পরিণত বয়সে পরলোক গমন
করিয়াছেন। এত বড় বৃহৎ ভূপাল রাজ্যের কর্ণধার
রূপে সুশ্রীর্ষ্মে এত দিন চালাইয়া তিনি যেমন কার্য-
কুশলতা ও সুশাসনের পরিচয় দিয়াছেন, তেমনই
জাতিধর্ম নিরীক্শেবে প্রজাদিগের কল্যাণ-কামনায় সর্বদা
অবহিত থাকিয়া মহাপ্রণতারও পরিচয় দিয়াছেন প্রাচীন
নবাব ঘরের ঘরণী হইয়া দেশ-কাল-পাত্রের উপযোগী
নানাবিধ সদনুষ্ঠান সম্পন্ন করিয়া দেশবাসীর অশেষ
কৃতজ্ঞতাভাজন হইয়াছিলেন। দেশের মধ্যে শিক্ষা-
বিস্তার না হইলে দেশ যে উন্নত হইতে পারে না এই
ধারণার বশবর্তী হইয়া তিনি ভূপাল রাজ্যে শিক্ষার
বিস্তারে মনঃপ্রাণ নিয়োজিত করিয়াছিলেন। সুপ্রাচীন
পর্দাপ্রথা তুলিয়া দিয়া ও নারীদিগের ভিতর শিক্ষার
বিস্তার করিয়া নারী-জাগরণের তিনি সহায়তা করিয়া-
ছিলেন। স্বয়ং সমুদ্রযাত্রা করিয়াও তিনি একটা নূতন পথ
দেখাইয়া গিয়াছেন। হিন্দু-মুসলমানের সম্ভাব রক্ষার জন্য
তিনি সর্বদাই চেষ্টা করিতেন। সাম্প্রদায়িক ক্ষুদ্র গণ্ডীর
ভিতর তিনি কোন দিন আবদ্ধ থাকিতেন না।
আশা করি বর্তমান নবাববাহাদুর মাতৃপদ অমুসরণ
করিয়া মাতার প্রতিষ্ঠিত অনুষ্ঠানগুলি রক্ষাকল্পে
মনোবোগী হইবেন।

চাকুরীগত প্রাণ বাঙ্গালীকে চাকুরী ছাড়িয়া অন্তান্ত
দিকে নিয়োজিত করিতে পরামর্শ দিবার প্রথা অনেক দিন
হইতে চলিয়া আসিয়াছে। ইহার সমর্থনে আমরা বলি
যে, বিমান-চালনা-শিক্ষার এদেশে ব্যবস্থা হওয়ায়, বাঙ্গালীর
চাকুরী ব্যতীত আর একটা জীবিকার উপায় হইল।
সম্প্রতি শ্রীযুক্ত মনোমোহন সিং নামক পাঞ্জাবী যুবক ইংলণ্ড
ও ভারতের মধ্যে একক বিমান চালনা করিয়া আগা ধীর
প্রতিশ্রুত পাঁচশত পাউণ্ডের পুরস্কার পাইয়াছেন।

কয়েক মাস পূর্বে শ্রীযুক্ত রামনাথ চৌলা ও এ্যাস্পি
এঞ্জিনিয়ারও ইংলণ্ড ও ভারতের মধ্যে বিমান-চালনা
করিয়া বশবর্তী হইয়াছেন। হু একজন বাঙ্গালী পাইলটের
পদ-মর্যাদা পাইয়াছেন শুনিয়াছি, আমরা আশা করি
কোনও বাঙ্গালী শ্রীযুক্ত মনোমোহন সিং, শ্রীযুক্ত রামনাথ
চৌলা ও শ্রীযুক্ত এলুনিয়ানের মত বিমান-চালনায় সমাদর
ও সুখ্যাতি লাভ করিয়া, তাঁহাদের মত সমুদয় ভারতবাসীর
মুখ উজ্জ্বল করিবেন এবং আমরা আশা করি যে
অনেক শিক্ষিত বাঙ্গালী এই সুতন শিক্ষা গ্রহণ
করিবেন। কয়েকজন ভারত মহিলাও বিমান-বিদ্যা
আরম্ভ করিতেছেন শুনিলাম।

কিন্তু বলিতে পারি না আমাদের এ আশা কতদূর
কলবতী হইবে। মোটর-চালকের কার্য যখন এ দেশে প্রথম
প্রচলিত হয়, তখন এ দেশের বহু সম্ভ্রান্ত মধ্যবিত্ত ঘরের
ছেলেরা যোগ দিয়াছিল, কিন্তু সে শ্রেণীর ছেলেদের আর
যোগ দিতে বড় একটা দেখা যায় না। তখন মোটর গাড়ীর
সংখ্যাও ছিল খুব কম, এখন সংখ্যা খুবই বাড়িয়াছে।
অথচ বেতন ইহাতে বড় কম নয়। পাঞ্জাবী মোটর চালকে
বাঙ্গালী দেশ ছাইয়া গিয়াছে। বাঙ্গালীরা চেষ্টা করিয়া
অর্ধাগমের এ পথটা ধরেন না কেন বুলিতে পারা যায় না,
অথচ আরোহীরা একবাক্যে বলিবেন যে, যে কয়েক জন
বাঙ্গালী মোটর-চালক দেখিতে পাওয়া যায় তাহাদের
কর্ম-কুশলতা পাঞ্জাবী মোটর চালকদের অপেক্ষা কোন
অংশে নিকৃষ্ট নয়। বাঙ্গালী এ দিকে ও বিমান-চালনায়
যোগ দিয়া অর্ধাগমের পথটা একটু সুগম করুন না
কেন?

গত চৈত্র সংখ্যায় 'উত্তর-ভারত' প্রবন্ধের ১৩৭২ পৃষ্ঠার
একাদশ পংক্তিতে ('অধুনা স্বর্গত') চাকুরাবুর পূর্বে
সম্ভবতঃ ছাপা হইয়াছে। শ্রীযুক্ত চাকুরাবু সুস্থ
শরীরে জীবিত আছেন। এই ক্রটির জন্য আমরা আন্তরিক
দুঃখিত। এই চাকুরাবু ও হাওড়ার প্রসিদ্ধ ব্যবহারজীবী
চাকুরসিংহকে এক বিবেচনা করিয়াই এই ভুল
হইয়াছে।

অশনিপাত

(গল্প)

শ্রীকণীন্দ্রনাথ পাল বি-এ

আমার যখন বৎসর পাঁচেক বয়স, সেই সময় আমি মাতা পিতা দুই হারাইয়া দূর সম্পর্কের মাতুল রামরতন সরকারের গৃহে আশ্রয় লাভ করি। সে আশ্রয় কুড়ি বৎসর পূর্বের কথা। তখন মাতুলের অবস্থা তেমন সচ্ছল ছিল না। এখন তাঁহার অবস্থা একেবারে কিবিয়া গিয়াছে। তিনি এক প্রকাণ্ড তেল-কলের মালিক, ইউরোপের বাজারেই তাঁহার তেলের চাহিদা এবং কাটতি। এখন কলিকাতার মধ্যে তিনি একজন গণ্যমান্য ব্যক্তি বলিয়াই পরিগণিত।

যখন নিজের অবস্থাটা বুঝিবার মত বয়স আমার হইয়াছিল, তখন আমি বুঝিতেই পারি নাই যে আমি পিতৃমাতৃহীন অনাথ, পরের গৃহে প্রতিপালিত হইতেছি। মাতুলের তিন পুত্র, দুইজন আমার অপেক্ষা বয়সে বড় এবং একজন ছোট, তাহাদেরই একজন হইয়া আমি মানুষ হইয়া উঠিয়াছিলাম। বাহিরের লোকে মনে করিত আমরা চারি সহোদর। এখন আমরা চারিজনই বিবাহিত, চারিজনের বিবাহেই ঠিক একই রকম ধুমধাম হইয়াছিল, এবং চারি বধূকে মাতুল একই রকমের মূল্যবান বস্তাদি এবং অলঙ্কার অশীর্বাদস্বরূপ দান করিয়াছিলেন। মাতুল এবং মাতুলানীর ব্যবহারে কোথাও এতটুকু ইতর বিশেষ ছিল না।

স্নেহপরায়ণ মাতুলের আর একটা ব্যবস্থা ছিল যাহা সত্যই অভিনব এবং সুন্দর। তাঁহার দুই কন্যা, যখন তাঁহার অবস্থা তেমন সচ্ছল ছিল না সেই সময় তিনি কন্যাদের পাত্রস্থ করেন। কাজেই সামান্য গৃহস্থ ধরে তাহাদের বিবাহ হইয়াছিল। তাঁহার অবস্থা পরিবর্তনের সঙ্গে সঙ্গে তিনি ব্যবস্থা করিয়া দিয়াছিলেন, তাহাদের দুই সংসারের যাহা কিছু ধরচ পত্র তিনি সমস্তই বহন করিবেন, সেই ব্যবস্থা অমুযায়ী প্রতিদিন প্রাতঃকালে মাছ তরকারী কিনিয়া দুই গৃহে পাঠান হইত। মাতুল বড়লোক হইলেও

প্রতিদিন পালা করিয়া আমাদের চারি ভ্রাতারই উপর বাজার করিবার ভার ছিল।

এমনই একটানা সুখের মধ্যে আমাদের দিন কাটিতে ছিল, অকস্মাৎ একদিন মাতুলের পরপারে যাইবার ডাক পড়িল। মৃত্যুর কিছুক্ষণ পূর্বে তিনি আমাদের সকলকে নিকটে ডাকিয়া বসাইলেন। প্রথমেই তিনি পুত্রদের সম্বোধন করিয়া কহিলেন, “আমি যাচ্ছি, এইবার তোমাদের মার একার উপর সমস্ত ভার পড়ল। আমি বর্তমানে তোমরা যে ভাবে তাঁর সমস্ত আদেশ মান্য করে চলেছ, আমি চলে গেলে ঠিক সেই ভাবে তাঁর সমস্ত আদেশ অমান্য করে চলবে। কোন কারণে তাঁর অবাধ্য হবে না, তাঁর ইচ্ছার বিরুদ্ধে কোন কাজ করবে না। অসিকে এতদিন যে ভাবে দেখে এসেছ ঠিক সেই ভাবে দেখবে—তোমরা যে মাঝাত পিসতুতো ভাই একখাটা কোমদিন ভাববে না। আমার সমস্ত বিষয়সম্পত্তির উপর তোমাদের যেমন অধিকার তাঁরও তেমনই অধিকার,— এই কথা সর্বদা মনে রেখে চলবে,—কাজ কোন কুপরামর্শে কান দেবে না। ব্যবসার সমস্ত ভার তারিণীর উপর ছেড়ে দিয়ে আমি যে ভাবে নিশ্চিত হয়ে কাজ করছিলাম, তোমরাও ঠিক সেইভাবে কাজ করবে। এতদিন তাঁর হুকুমে যে ভাবে চলছিলে ঠিক সেই ভাবে চলবে। যে ধারায় আমি সংসার চালাচ্ছিলাম, তার যাতে এতটুকু অদলবদল না হয় সেই দিকে লক্ষ্য রাখবে।”

তিনজনই চোখের জলের মধ্য দিয়া আনাইল, পিতার অন্তিম আদেশ তাহারা কোনদিন অর্থাৎ অর্থাৎ না, তাহা অক্ষরে অক্ষরে তাহারা পালন করিবে।

মৃত্যুপথযাত্রী মাতুলের মুখ ভূষিতে ভরিয়া গেল। অল্পক্ষণ পরে তিনি আমাকে আরও নিকটে আসিতে ইচ্ছিত করিলেন, আমি তাঁহার আদেশ পালন করিতে তিনি কহিলেন, “অসি আমি যাচ্ছি, তোমার মামীমা ত

বইলেন।” আমার দুই চোখ দিয়া করতর করিয়া বল
গড়াইয়া পড়িল।

২

মাস দুই-পরের কথা। সে দিন আমি ভৃত্যকে সঙ্গে
করিয়া বধারীতি বাজার করিতে যাইতেছিলাম, মামীমা
ডাকিয়া বলিলেন, “হ্যারে অসি, আজ কদিন দেখছি তুইই
বাজার যাচ্ছিল; কেমন রে?”

উত্তর দিতে গিয়া হঠাৎ খামিয়া গেলাম। তারপর
ঘুরাইয়া বলিলাম, “একজন গেলেই হ’ল মামীমা।”

মামীমা গম্ভীর হইয়া বলিলেন, “সে আমিও জানি,
কিন্তু এ ব্যবস্থা কে করলে এবং কি জন্তে হ’ল সেইটাই
আমি জানতে চেয়েছি।”

আমি চূপ করিয়া রহিলাম। বড়দাদার-সহিত পরামর্শ
করিয়া মেজদাদাই যে এইরূপ ব্যবস্থা করিয়া দিয়াছে, সে
কথা মুখ দিয়া যে কিছুতেই বাহির হইতে চাহে না।

মামীমা আমায় আর কোন প্রশ্ন করিলেন না, বুঝিলাম
আসল ব্যাপারটা তিনি অনুমান করিয়া লইয়াছেন,
আমি চলিয়া যাইতে উত্ত হইলে তিনি বলিলেন, “দাঁড়া”,
তারপর ভৃত্যকে ডাকিয়া কহিলেন, “বড়দাদাবাবুকে ডেকে
আনত রে।”

বড়দাদা সম্মুখে আসিয়া দাঁড়াইতেই মামীমা কহিলেন,
“শুরু, অসি রোজ বাজার যাবে এ ব্যবস্থা কে করলে?”

বড়দাদা একটু কিঞ্চ হইয়া কহিল, “কেউ ত করে নি
মা, অসি নিজেই এ ব্যবস্থা করেছে।”

মামীমা ভীকৃষ্টিতে একবার বড়দাদার মুখের দিকে
চাহিলেন, তারপর কহিলেন, “বেই করক, এ ব্যবস্থা চলবে
না, আচ্ছ তুমি বাজার করে এস।”

বড়দাদা কহিল, “আমার বাজার করার সময় হবে না
ত মা। বাক্য নেই আমার সব দেখা শুনা করতে হয় যে।”

মামীমা অল্পক্ষণ নিঃশব্দে কি যেন ভাবিয়া লইলেন,
পরে কহিলেন, “হ্যাঁ সে ভারটা তোমার ওপর দেওয়াই
উচিত ছিল, বাক্ তুমি তার ব্যবস্থা করেছে তালই হয়েছে।
ধীরুকে ডেকে দাও, সেই তা হলে বাজার করে আনুক।”

আমি কহিলাম, “মামীমা কাল মেজদাদাকে না হয়
পাঠাবেন, আজ বেলা হয়ে যাচ্ছে আমি ঘুরে আসি।”

মামীমা আর কিছু বলিলেন না, আমি ভৃত্যকে লইয়া
বাটার বাহির হইয়া গেলাম।

বাজার করিয়া ফিরিয়া আসিবার পর মেজদাদা আমাকে
ডাকিয়া পাঠাইল, বৈঠকখানায় প্রবেশ করিয়া দেখিলাম,
সেখানে বড়দাদা ও সুরেশ বসিয়া আছে।

আমাকে দেখিবামাত্র মেজদাদা সহসা অভ্যস্ত গম্ভীর
হইয়া কহিল, “দেখ অসি বড়দা যে ব্যবস্থা করে দিয়েছে
তার ব্যবস্থামতই সবাইকে চলতে হবে, ওসব লাগানি-
ভাদানি চলবে না।”

মেজদাদার মুখে এরূপ কথা কোন দিন শুনি নাই,
এরূপ কথা যে কখনও শুনিব তাহাও করনা করিতে পারি
নাই। তাই বিস্ফারিত নয়নে তাহার মুখের দিকে চাহিয়া
রহিলাম।

মেজদাদা কহিল, “বাজার করতে যদি তুমি অসুবিধে
বোধ কর, বড়দাদাকে সে কথা বললেই পারতে, মার
কাছে লাগাতে গেছ কেন?”

আমি আর চূপ করিয়া থাকিতে পারিলাম না,
কহিলাম, “আমি মামীমার কাছে কিছু বলি নি মেজদাদা।”

বড়দাদা কহিল, “তা হ’লে মা জানলে কি করে?”

আমার সত্যই রাগ হইল, কহিলাম, “মামীমাই ত
বাজারের টাকা দেন, তিনি কিছু দেখতে পান না
তোমরা মনে কর?”

বড়দাদা ক্রুদ্ধিত করিয়া কহিল, “তা মনে করি না,—
কিন্তু তুমি যে তার কাছে লাগাও নি, তা হ’তে ঐ কথাটা
প্রমাণ হয় না অসি। বাক্ তোমার সঙ্গে মিছে কথা কাটা-
কাটি করতে চাই না। আমি যা ব্যবস্থা করে দিয়েছি তাই
হবে, তোমার যদি অসুবিধা হয় বল, চাকরদের ওপর
বাজার করবার ভার দিয়ে দিব।”

চূপ করিয়া থাকা ছাড়া আর কোন উপায় আমি
দেখিলাম না। বুঝিলাম ইহাদের অন্তরের এই ব্রাত্ত
ধারণা দূর করা কিছুতেই সম্ভবপর নহে। কিন্তু বুকের
জিতর আমি তারি ব্যথা পাইলাম। বড়দাদা মেজদাদার
একি অভাবনীয় পরিবর্তন! কে জানে ইহার শেষ
কোথায়?

পরদিন আমি ভৃত্যকে সঙ্গে লইয়া বাজার করিতে বাহির
হইলাম, মামীমার নিকট হইতেই টাকা চাহিয়া লইয়া

গেলাম, আর তিনি কোন কথা জিজ্ঞাসা করিলেন না। আমি মনে মনে স্বস্তি অনুভব করিলাম, সঙ্গে সঙ্গে কেমন যেন ব্যথাও পাইলাম। দীর্ঘ দিন পরে আজ প্রথম মনে হইল, আমি যেন পর হইতে চলিয়াছি। ইহা কি সম্ভব ?

এমনই ভাবে সপ্তাহ খানিক কাটিল। আমি প্রতি দিনই বাজার করিতে যাই। তাহা লইয়া আর কোন কথা উঠে না। মামীমা কেমন যেন গভীর হইয়া থাকেন। তাঁহার কণ্ঠস্বরের মধ্যে কেমন যেন বেদনার আঁভাষ পাই। কিন্তু কোথায় তাঁহার ব্যথা ভাবিয়া কিছুই স্থির করিতে পারি না।

সেদিন অপরাহ্নে মেজবৌদিদি সাজিয়া গুজিয়া মামীমার সন্মুখে আসিয়া দাঁড়াইতেই আমি তাঁহার দিকে চাহিয়া আশ্চর্য হইয়া গেলাম। তাহার এরূপ সাজসজ্জা ত ইতিপূর্বে কোন দিন দেখি নাই। বাঁকা সিঁধি দ্বিতীয়ার চন্দ্রের মত ক্ষীণ সিন্দুর রেখা বক্ষে ধারণা করিয়া একেবারে রং ঘেষিয়া মাথার উপর বিরাজ করিতেছে, অবগুষ্ঠন সন্মুখ ছাড়িয়া মাথার পিছনে গিয়া উকি দিতেছে, পায়ে উচু গোড়ালির জুতা। এ বাড়ীর বধুদিগের পায়ে জুতা পরা রোমাজ ছিল না। সাধারণ গৃহস্থবধুদিগের মত এই ধনী গৃহস্থ বধুদিগের মাথায় অবগুষ্ঠন টানিয়া চলিতে হইত, সোজা সিঁথির উপর মোটা করিয়া সিন্দুর পরিতে হইত। তাই মেজবৌদিদির বেশভূষার এই করুণাভীত পরিবর্তনে মতাই আমি বিস্ময়ে স্তব্ব হইয়া গিয়াছিলাম। মামীমাও বিস্ফারিত দৃষ্টিতে তাহার দেহের পানে চাহিয়াছিলেন।

মেজবৌদিদি বলিল, “নদাদা নিতে এসেছে। আমি যাচ্ছি মা।”

মামীমা হাঁ না কিছুই বলিলেন না। এ বাড়ীর বধুদিগের পিতৃগৃহে বা অল্প কোথায় বাইতে হইলে পূর্বে মামীমার অনুমতি লইতে হইত। পূর্বে অনুমতি না লইয়া কাহারও কোথায় যাইবার উপায় ছিল না, আর আজ কি না মেজ-বৌদিদি সাজিয়া গুজিয়া ‘বাচ্চি মা’ বলিয়া তাহার সন্মুখে আসিয়া দাঁড়াইয়াছে। তাঁহার মুখ দিয়া কথা বাহির হইবে কেমন করিয়া ?

মেজবৌদিদি প্রণাম করিতে গেলে, তিনি শুধু ‘বাচ্চি’ বলিয়া একটু সরিয়া বসিলেন, মেজবৌদিদি কপালে হুই

হাত ঠেকাইয়া জুতার মচমচ শব্দ করিতে করিতে বন্ধ হইতে দিচ্ছিলেন হইয়া গেল।

মামীমা কিছুক্ষণ স্তব্ব হইয়া বসিয়া রহিলেন। তারপর আমার মলিন মুখের পানে চাহিয়া মুহূর্ত হাসিয়া কহিলেন, “বৌমারা নিশ্চয় এতদিন হাঁপিয়ে উঠেছিল, এইবার যেন হাঁপ ছেড়ে বেচেছে। স্বাধীন হওয়াই ত দরকার, কি বলিস্ রে অসি ?”

আমি আর কি বলিব, চূপ করিয়া রহিলাম।

মামীমা কহিলেন, “সব চাপা ছিল রে, এখন- বেরুচ্ছে। তবে বড় তাড়াতাড়ি হয়ে যাচ্ছে।”

দেখিলাম বাড়ীর অল্প ছুই বোঁও মেজবৌদিদির পথ ধরিল। যখন ইচ্ছা তাহারা বাপের বাড়ী এবং বায়স্কোপ থিয়েটারে যাইতে আরম্ভ করিল। মামীমার অনুমতি লওয়ার কোন প্রয়োজনই বোধ করিল না। মাতুলের মৃত্যুর পর যে এখনও তিন শ্বাস পূর্ণ হয় নাই! আমার বন্ধ বিদীর্ণ করিয়া দীর্ঘনিঃশ্বাস বাহির হইয়া আসিল। মনে পড়িল নিজের অবস্থার কথা। আমি ত ইহাদের আশ্রিত মাত্র। যে-কোন মুহূর্তে এ গৃহ হইতে আমি স্ত্রীপুত্র লইয়া বিতাড়িত হইতে পারি। সেদিনও এ গৃহের যিনি সর্বময়ী কর্তা ছিলেন, আজ তাঁহাকেই যখন সকলে তুচ্ছ ভাচ্ছিল্য করিতে আরম্ভ করিয়াছে, তখন আমার ত কথাই নাই। তাই ত হঠাৎ যদি তাড়িত হই তাহা হইলে কোথায় গিয়া দাঁড়াইব, কি খাইব ? আমার স্ত্রীও দেখিলাম শব্দিত হইয়া উঠিয়াছে। হুইজনে পরামর্শ করিতে লাগিলাম, কিন্তু কি যে করিব কিছুই ভাবিয়া স্থির করিতে পারিলাম না।

এমনইভাবে দিন চলিতে লাগিল। তিন তাই এবং তিন বোয়ের স্বভাবেরও দ্রুত পরিবর্তন হইতে লাগিল। আমার এবং আমার পত্নীর উপর তাহারা বেশ প্রভু চালাইতে আরম্ভ করিল। নিরুপায়ের মত আমরা তাহাদের এই হঠাৎ প্রভুত্বের দাপট নীরবে সহ্য করিতে লাগিলাম। বিস্কন্ধ মনকে এই বলিয়া প্রবোধ দিতে লাগিলাম, মামীমার উপরই যখন প্রভুত্ব চালাইতেছে তখন আমরা ত কোন ছার। কিন্তু একটা বিষয়ে আমি অত্যন্ত বিস্ময় বোধ করিলাম, মামীমা যেন আর কিছু দেখিয়াও দেখেন না। তাঁহার কণ্ঠস্বরের মধ্যে আর সে

বেদনার আভাষ পাই না। পুত্র এবং পুত্রবধূদের কোন কার্যেরই তিনি এতটুকু প্রতিবাদও করেন না এবং মুখ তুলি করিয়াও থাকেন না।

৩

প্রতি ইংরেজি মাসের ১লা তারিখেই তারিণীমামা মাসিক সংসার-খরচের সমস্ত টাকা মামীমার হাতে দিয়া যাইতেন। এইবার মাসের শেষ তারিখে বড়দাদা তারিণীমামাকে কহিল, “দেখুন খুড়োমহাশয়, সংসার-খরচটা বড় বেশী হয়ে যাচ্ছে, কমান দরকার।”

তারিণীমামা বিষয় প্রকাশ করিয়া কহিলেন, “বেশী ত কিছু হচ্ছে না। বরাবর যা হয়ে আসছে, তাই ত হচ্ছে। কমান ত কিছু যায় না।”

বড়দাদা কহিল, “এখন বাঁধা মেই, অত খরচ করা ত চলে না। এখন দিন কাল যে রকম পড়েছে আমাদের না বুঝে সুঝে চললে ত হবে না। তিনি যে রকম রকম ভাবে খরচ-পত্র করে গেছেন আমরা ত তা পারি না।”

তারিণীমামা ক্ষণকাল চুপ করিয়া রহিলেন; তারপর কহিলেন, “কিন্তু উপায় ত কিছু নেই, তাঁর শেষ আদেশ ত তোমাদের মেনে চলতে হবে।”

বড়দাদা কহিল, “তা চলতে হবে বৈ কি, কিন্তু দরকার বোধ করলে খরচ বাড়ান কমানর ব্যবস্থা ত আমাদেরই করতে হবে। আমরা তিম ভাইয়ে পরামর্শ করে দেখলুম, মাগে অন্ততঃ ন' আড়াই টাকা কমান যায়।”

তারিণীমামা কহিলেন, “আচ্ছা কি খরচ কমাতে চাও শুনি?”

বড়দাদা যেম একটু ইতস্ততঃ করিল, তারপর কহিল, “এই ধরুন, দুই আমাইবাবুর বাড়ী—”

তাহাকে কথা শেষ করিতে না দিয়া তারিণীমামা কহিলেন, “হি শিরু ওকি বলছ তুমি! ওকথা যে মনে আনতেও নেই।”

বড়দাদা কহিল, “মা না আমি ও কথা বলি নি, ও এমনই কথার কথা বলছিলাম। ওখরচটা আপাততঃ নাই কমালুম।”

মেজদাদা কহিল, “কমাতে না চান কমাবেন না, কিন্তু বাড়াবার বেলা কোন আপত্তি আপনার শুমব না।”

তারিণীমামা কহিলেন, “দরকার হ'লে বাড়াতে হবে বৈ কি। তবে হঠাৎ খরচ কিসে বেড়ে যাবে তা ত বুঝতে পারছি না?”

মেজদাদা কহিল, “একখানা মোটরে আমাদের হচ্ছে না, আর দু'খানা মোটর এমানে কিনতে হবে।”

তারিণীমামা আশ্চর্য হইয়া কহিলেন, “তুমি কি বলছ! কতী থাকতে একখানা মোটরে সব কাজ চলে এল, আর—”

সুরেশ অসহিষ্ণু হইয়া বলিয়া উঠিল, “আপনি সব কথাতেই বাধা দেন কেন বলুন দেখি? এ আপনার অন্তায়।”

দেখিলাম তারিণীমামার মুখের উপর ক্রোধের রেখা ফুটিয়া উঠিল। বোধ করি তখনই নিজের অবস্থাটা উপলব্ধি করিয়া যুদ্ধভের মধ্যে সে ভাব সামলাইয়া লইয়া তিনি কহিলেন, “বাধা দেওয়া দরকার মনে করি বলেই দিয়ে থাকি।”

বড়দাদা অতিমাত্রায় গম্ভীর হইয়া কহিল, “মিছে, কথা বাড়িয়ে কোন লাভ নেই খুড়োমহাশয়। আমরা স্থির করেছি, আর দু'খানা মোটর কিনব। তার ওপর আর কোন কথা নেই। মোটর রাখার ত একটা খরচ আছে,—সংসার-খরচ কমিয়ে সেটা আমাদের চালিয়ে নিতে হবে। সে আমরা ঠিক করে নেব, তার অন্তে আপনার মাথা ঘামাবার কোন দরকার নেই। আমরা একটা হিসাবের খসড়া করে দেব, সেইভাবে আপনি চলবেন।”

তারিণীমামা স্তব্ধ হইয়া গেলেন। সত্যই ত, প্রভুর এইরূপ সুস্পষ্ট আদেশের উপর ভৃত্যের ত আর কোন কথা বলা চলে না।

পরদিন ব্যয়ের একটা তালিকা প্রস্তুত করিয়া বড়দাদা আমাকে দিয়া তারিণীমামার কাছে পাঠাইয়া দিল।

কাগজখানির উপর চোখ বুলাইয়া তিনি মুহূ হাসিয়া কহিলেন, “ওহে অসি, এ মাস থেকে তোমার মাসহারা কমে গেছে দেখছি। একশ টাকা থেকে একেবারে পঞ্চাশ টাকা।”

কথাটা শুনিয়া কোণে হুখে অপমানে আমার মুখ চোখ লাল হইয়া উঠিল, মাথার ভিতর হইতে

যেন আঙন বাহির হইতে লাগিল।

তারিণী মামা তেমনই হাসিমুখে কহিলেন, “তুমি ও এদের পিসতুতো ভাই,—তাও দূর সম্পর্কের; তোমার মাসহারা কমবে তাতে ছুঃখ পেলে হবে কেন। বাবুদের মামের পেটের বোনদের বাড়ী যে মাছ তরকারী পাঠান হত সেটা বাজে খরচ হিসেবে বাদ দেওয়া হয়েছে।”

তারিণীমামা ঠিক কথাই বলিয়াছেন, আমি কে! তাহাদের অতি দূর সম্পর্কের এক পিসির ছেলে, তাহাদের আশ্রিত, পঞ্চাশ টাকা মাসহারাই আমার পুঙ্কে যথেষ্ট। তাহারা সমস্ত সম্পত্তির মালিক। আমি ও তাহাদের অনুগ্রহীত বেতনভোগী ভৃত্য মাত্র। ছুঃখ করিবার কোন অধিকার আমার নাই। কিন্তু নিজের ভগিনীদের প্রতি একি অবিচার। এ কি মর্মান্তিক ব্যবহার! এই সংবাদ পাইয়া স্নেহময়ী মামীমা যে কত বড় আঘাত পাইবেন, তাহা ভাবিয়া আমি অন্তরের মধ্যে অত্যন্ত ব্যথা পাইলাম! হায় কি করিব? ইহার ও প্রতি-কারের কোন উপায় নাই।

তারিণীমামা আবার কহিলেন, “আর কি হুকুম হয়েছে জান এমাস থেকে খরচের টাকা বড় বোমার হাতে পৌঁছে দিতে হবে।”

আমি চমকিয়া উঠিয়া কহিলাম, “ম্যা সে কি মামাবাবু!”

তারিণীমামা হাসিয়া কহিলেন, “এতে অমন করে চমকে ওঠবার ও কিছু নেই। এই সংসারের নিয়ম। বৌঠাকরুণ এখন বুড়ো হয়েছেন, পূজা অর্চনা ধর্ম-কর্ম নিয়ে থাকবেন, সংসার নিয়ে জড়িয়ে থাকবার কোন দরকার তাঁর নেই। তাঁর কুতী ছেলেরা ও ভাল ব্যবস্থা করেছেন।”

ব্যথিতকণ্ঠে আমি কহিলাম, কিন্তু মামাবাবুর অন্তিম আদেশ অমান্য করা কি উচিত হল?”

তারিণীমামা কহিলেন, “তারা অমান্য করাটাই উচিত বলে মনে করেছে, এটা তারা জানে ও যিনি আদেশ দিয়ে গেছেন তিনি ও আর কিরে এসে দেখতে বাসছেন না সে আদেশ পালন হলো কি না।” একটু ধামিয়া দৃঢ়কণ্ঠে তিনি আবার কহিলেন, “দেখ অস, তারা তাঁর আদেশ অমান্য করতে পারে, কিন্তু আমি পারি না। আমি যতদিন

আছি তাঁর আদেশ অক্ষরে অক্ষরে পালন করে যাব, অন্য কারো আদেশ মানব না। সংসার খরচ থেকে একটা আধলাও কমাব না; তোমার মাসহারাও ঐ একটা টাকাই থাকবে। এ কথা তুমি আমার হয়ে তাঁদের জানাতে পার। এই নাও এমাসের খরচের টাকা তুমি বৌঠাকরুণকে দিয়ে এস।” এই বলিয়া তিনি ক্যানবাল খুলিয়া এক তাড়ানোট বাহির করিয়া আমার হাতে দিলেন।

নোটগুলি আমি হাত পাতিয়া লইলাম বটে, কিন্তু মনটা আমার অপ্রসন্ন হইয়া উঠিল। তারিণীমামা কাজটা কি ঠিক করিলেন? তাহারা তিন ভাই এখন সম্পত্তির মালিক, মুখে খুড়োমহাশয় বলুক আর যাই বলুক, সমস্ত ও ঐ ভৃত্যের। তাহারা যে ভাবে চলিতেছে, তাহাতে মুখের উপর রূঢ় কথা বলিয়া-তারিণীমামাকে অপমানিত লাঞ্চিত করিতেও হয় ও তাহারা পশ্চাৎপদ হইবে না। কি করা যায়?

তারিণীমামা কহিলেন, “কিহে অসি চূপ করে দাঁড়িয়ে রইলে যে, টাকাটা বৌঠাকরুণকে দিয়ে এস।”

আমি কিন্তু হইয়া কহিলাম, “দাদারা হয় ও আপনার ওপর চটে যাবেন।”

তারিণীমামা হাসিয়া কহিলেন, “চটে গেলে আর কি করব বল। আমার যা কর্তব্য তা আমি করব। তুমি তার জন্তে ভেব না অসি।”

আমি ধীরে ধীরে নোটের তাড়াটি লইয়া চলিয়া গেলাম এবং মামীমার হাতে পৌঁছাইয়া দিলাম।

দাদাদের অবশ্য আমি কিছু বলিলাম না, কিন্তু কথাটা শুধনই জানাজানি হইয়া গেল। বড়দাদা আমাকে ডাকিয়া কহিলেন, “তুমি কি জন্তে খুড়োমহাশয়ের কাছ থেকে টাকা এনে যাকে দিয়েছ? এরকম কাজ আর করা যাবে না। আর এও বলে দিচ্ছি আমাদের কোন কথার মধ্যে তুমি থাকবে না। যে যার অবস্থা বুঝে চলা দরকার এ কথাটা বেন মনে থাকে।”

এই রূঢ় কথার অন্তরের মধ্যে যে দারুণ ব্যথা পাইলাম, অক্ষর আকারে তাহা বলিয়া পড়িবার উপক্রম করিতেই আমি তাড়াতাড়ি বড়দাদার সম্মুখ হইতে চলিয়া

গেলাম। উঃ এই অন্নদিনের মধ্যেই আমি একেবারে পর হইয়া পড়িলাম।

আমি মনে করিয়াছিলাম এই ব্যাপার লইয়া আজই একটা ছুটুল কাণ্ড বাধিবে। কিন্তু কিছুই হইল না। তারিণীমামাকে কেহ কিছু বলিল না। যে ভাবে সব কাজ চলিতেছিল, সেই ভাবে চলিতে লাগিল, ব্যাপার কি কিছুই বুঝিতে পারিলাম না। ভাবিলাম হয় ত দাদার নিষেধের ভুল বুঝিতে পারিয়া সামলাইয়া গিয়াছেন। বড়ের পূর্বে বায়ু মণ্ডল যেমন শুক হইয়া থাকে, এ বেষ্টিক তাহাই তাহা আমি ভাবিতে পারি নাই। বাক্ বেষ্টিক নিরুপদ্রবে নিব্বন্ধাটে পাঁচ দিন কাটিল।

৪

সে দিন রবিবারের অপরাহ্ন। আমি মামীমার সহিত বলিয়া গল্প করিতেছি, এমন সময় বড়দাদা মেজদাদা আর অনিশ সুরেশ আসিয়া উপস্থিত হইল। আমাকে দেখিয়া তিনজনের ক্রই যেন একসঙ্গে কুঞ্চিত হইয়া উঠিল।

আমার মুখের দিকে তেমনই ক্রকুঞ্চিত দৃষ্টিতে চাহিয়া বড়দাদা বলিল “অসি, তুমি বাইরে গিয়ে বস।”

কথাগুলো স্তম্ভীক শায়কের মত আমার বকে আসিয়া বাধিল। আমি অন্তরের মধ্যে ছট্‌ফট্‌ করিতে করিতে তাড়াতাড়ি উঠিয়া দাঁড়াইলাম।

আমার অপমানাহত বিবর্ণ মুখের পানে চাহিয়া মামীমা কাহলেন, “তুই বস্ অসি।” তার পর বড়দাদার দিকে চাহিয়া কাহলেন, “শিরু, অসির কথা উনি কি বলে গেছেন তা এর মধ্যে ভুলে গেলে? এ কথা ভুলল চলবে না যে, তোমরা চার ভাই। তুমি কি অসিকে ভাই বলে স্বীকার করতে চাও না?”

বড়দাদা ধমতমত খাইয়া কাহিল, “তা কেন চাইব না মা, তোমার সঙ্গে আমাদের তিন জনের বিশেষ কথা আছে, আর কেউ সে সময় উপস্থিত থাকে গেটা আমরা চাই না।”

মামীমা দৃঢ়স্বরে কাহলেন, “আমার সঙ্গে তোমাদের এমন কোন কথা থাকতে পারে না, বা অসি শুনেতে পারে না। তোমাদের বা বলবার অসির সামনেই বল।”

বড়দাদা ক্ষণকাল চুপ করিয়া রহিল, তারপর কাহিল, “বেশ তাই হ'ক মা। তোমার যখন তাই ইচ্ছে, তখন তা মানতে আমরা বাধ্য। মা, বাবা বলে গেছেন, তোমার কথামত চলতে, তাই তোমাকে না জিজ্ঞেসা করে ত কিছু করতে পারি না, অবশ্য আমার স্বত্তরমহাশয় বলছিলেন, ব্যবসা সম্বন্ধে মেয়েছেলের সঙ্গে পরামর্শ করবার কোন দরকার নেই, তাঁরা এর কি বোঝে, কিন্তু—”

তাহাকে কথা শেষ করিতে না দিয়া মামীমা কাহিলেন, “আর ওটুকু কিন্তু দরকার নেই। তোমার স্বত্তরমহাশয়ের সংপরামর্শ নিয়েই চল।”

বড়দাদা হাসিয়া কাহিলেন, “মা, অমনই তুমি রেগে গেলে। আমি কি তা পারি। তাঁর পরামর্শ শু আমি নিই নি।”

মামীমাও এবার হাসিয়া কাহিলেন, “তা বেশ করেছ, কিন্তু আমার সঙ্গেই বা কিসের পরামর্শ? উনি ত সব ব্যবস্থাই করে গেছেন, আপাততঃ তোমাদের করবার ত কিছু নেই। ব্যবসার সম্বন্ধে কিছু জানাবার যদি তোমাদের থাকে, তারিণীঠাকুরপোকে গিয়ে বলগে তিনিই তার ব্যবস্থা করে দেবেন।”

বড়দাদা কাহিলেন, “তাঁর কথাই ত তোমাকে বলতে এসেছি মা। তিনি বুড়ো হয়ে গেছেন তাঁকে দিয়ে আর আমাদের কাজ চলবে না।”

মামীমা তেমনই হাসিয়া কাহিলেন, “তারিণীঠাকুরপো বড়বৌমার কাছে ধরচের টাকাটা না পাঠিয়ে আমার কাছে পাঠিয়েছেন এই জন্যই তিনি বুড়ো অকর্মণ্য হয়ে পড়েছেন, কি বল শিরু?”

বড়দাদা আমার মুখের দিকে একবার কটমট্‌ করিয়া চাহিল। কিন্তু কিছুই বলিল না।

মেজদাদা কাহিল, “তোমার কাছে টাকাটা পাঠিয়েছেন বলে তাঁর অপরাধ হয় নি মা, তবে বড়দাকে জিজ্ঞেস করা তাঁর উচিত ছিল, এভাবে বড়দার আদেশ অমান্য করা তাঁর পক্ষে ধৃষ্টতা হয়েছে কি না তুমিই বল মা মা?”

মামীমা কাহিলেন, “হাঁ, যদি তোমাদের সঙ্গে তাঁর প্রভুভৃত্য সম্বন্ধ থাকত, তা হ'লে খুবই ধৃষ্টতা হত বৈ কি, কিন্তু তোমাদের সঙ্গে তাঁর সে সম্বন্ধ নয় ধীরু।”

মেজদাদা কহিল, “নয়, একথা তোমার ত আমরা মানতে পারি না মা। তবে আমার তাঁকে সে চোখে দেখে নি এই পর্য্যন্ত। তা ছাড়া সাহেব পাড়ায় আমাদের আপিস করতে হবে। সাহেবদের সঙ্গে চলতে পারে এখনই একজন ম্যানেজার আমরা রাখব।”

মামীমা হাসিয়া কহিলেন, “সাহেবদের সঙ্গেই ত এত দিন তিনি কারবার চালিয়ে এলেন—যাক্ বিষয়ের যিনি মালিক, তিনি কি আদেশ করে গেছেন, তা তুমিও এর মধ্যে ভুলে গেলে ধীরু?”

মেজদাদা কহিল, “তা আমরা ভুলি নি মা। কিন্তু অত্যাচারের প্রতিকার করব না, কিংবা কারবারের উন্নতির চেষ্টা করব না এমন আদেশ তিনি করে বান্ধি।”

একবার বড়দাদার একবার সুরেশ মুখের দিকে দৃষ্টিপাত করিয়া মামীমা কহিলেন, “ধীরু সুরো তাহলে তোমরা তিন জনই কি তাঁর শেষ আদেশ অমান্য করবার জন্য প্রস্তুত হয়েই এসেছ?”

তিন ভাই পরস্পর মুখ চাওয়া চাওয়ি করিতে লাগিল, হঠাৎ কোন উত্তর দিতে পারিল না। কিছুক্ষণ নিঃশব্দে অতিবাহিত হইবার পর তিন জনে ধীরে ধীরে কক্ষ হইতে নিজস্ব হইয়া গেল। মামীমাও কোন কথা বলিলেন না শুধু হইয়া বসিয়া রহিলেন।

৫

পরদিন প্রাতঃকালে বড়দাদার স্বস্তরমহাশয় অবনী-বাবু আসিয়া উপস্থিত হইলেন। মামীমার সহিত তাঁহার কি কথা হইল তাহা আমি শুনিতে পাইলাম না। মাত্র শেষের কয়টি কথা কানে গেল, “বেশ বেয়ান ঠাকরুণ তাই হবে, কাল সকালেই আর একবার আসিব।”

যথা সময়ে তিনি আসিলেন। মামীমা তাঁহাকে যথারীতি সমাদরে অভ্যর্থনা করিয়া বসাইলেন। অল্পক্ষণ পরে মামীমা আশায় ডাকিয়া পাঠাইলেন। সেখানে উপস্থিত হইয়া দেখিলাম, বড়দাদা, মেজদাদা ও সুরেশ বসিয়া আছে, সকলেরই মুখ গম্ভীর।

অবনীবাবু কহিলেন, “অসিতের সঙ্গে কাজটা তা হলে আগে সেরে নিব বেয়ান ঠাকরুণ।”

মামীমা কহিলেন, “আপনি ভুলে যাচ্ছেন কেন বেয়াই-মশায় বে আমার চারটি ছেলে।”

অবনীবাবু হাসিয়া কহিলেন, “হাঁ, বেয়াই মশায় অসিতকে সেই ভাবে মারুব করেছেন সত্যি, কিন্তু—”

মামীমা কহিলেন, “এর তেতর আর কোন কিন্তু নেই বেয়াইমশায়, বিষয় সম্পত্তির উপর শিকড়ের তিনভায়ের বে অধিকার, অসিরও ঠিক সেই অধিকার—তিনি যখন সময় সবাইকে কাছে বসিয়ে সেই কথাই বলে গিয়েছেন, —তাঁর কথার কোনদিন নড়চড় হয় নি, ভবিষ্যতেও হবে না। আপনি যখন আমার ছেলেদের মুরাকি হয়ে এসেছেন তখন তাদের এই কথাটা বুঝিয়ে দিন। হাঁ আর একটা কথা, আমার আরও দুইটা সন্তান আছে জানেন, আমার দুই মেয়ে?”

অবনীবাবু গম্ভীর হইয়া কহিলেন, “আপনি এ সব কি বলছেন বেয়ান-ঠাকরুণ, আমি ত কিছু বুঝতে পারছি না। অসিত আর আপনার দুই মেয়ের সঙ্গে বিষয়সম্পত্তিরই বা কি সম্পর্ক?”

মামীমা হাসিয়া কহিলেন, “আপনি জানেন না কিন্তু “শিকড় জানে, সে কি আপনাকে কিছু বলে নি?”

অবনীবাবু কহিলেন, “কবাজী কি বলবেন, এর তেতর বলবার ত কিছু নেই বেয়ান ঠাকরুণ। বেশ ত, আপনি যদি চাম মেয়েদের না হয় কিছু দেওয়া যাবে। আর অসিত যেমন ধেরে পরে আছে তেমনই থাকবে, কাজকম করবে।”

মামীমা মহলা অত্যন্ত গম্ভীর হইয়া কহিলেন, “বিষয় আমার স্বামীর, আপনার নয় বেয়াইমশায়। কাজেই ব্যবস্থা করবার অধিকার সম্পূর্ণ তাঁর আর কারু নয়। আমার মেয়েরা বা অসি আপনার অহুগ্রহের উপর নির্ভর করে থাকবে না।”

অপমানে অবনীবাবুর মুখ আরক্ত হইয়া উঠিল। বড় বৌদিদি এতক্ষণ দরজার বাহিরে দাঁড়াইয়া কথাবার্তা শুনিতেছিল, এইবার ভিতরে আসিয়া তাঁকর্ত্তে কহিল, “তুমি চলে এস বাবা, অধিকার কার—”

তাঁহার মুখের কথা মুখে রহিয়া গেল, মামীমা হঠাৎ দপ করিয়া আসিয়া উঠিলেন, কম্পিতকণ্ঠে বলিলেন, “চুপ কর ছোটলোকের মেয়ে, এতদিন কি বলি নি

বলে একেবারে মাথায় উঠেছিল। তার বাড়ী দাঁড়িয়ে এত বড় কথা বলিস জানিস না ছোটলোকের মেয়ে।” মামীমা ধমধম করিয়া কাঁপিতেছিলেন তাঁহার চোখ দিয়া টপ-টপ করিয়া জল গড়াইয়া পড়িতেছিল। এত রাগিতে তাঁহাকে কোন দিম দেখি নাই!

এমন সময় তারিণীমামা কতকগুলি কাগজপত্র হাতে লইয়া কক্ষমধ্যে প্রবেশ করিলেন।

বড়দাদা ক্রুদ্ধকণ্ঠে বলিয়া উঠিল, “আপনাকে এখানে কে ডেকেছে, যান্ এখান থেকে।”

মামীমা তাড়াতাড়ি চোখের জল মুছিয়া আদেশের স্বরে কহিলেন, “আমি ওকে ডেকে পাঠিয়েছি।”

বড়দাদা কম্পিতকণ্ঠে কহিল, “আমাদের-সবাইকে এমনইভাবে অপমান করবার মতলব আগে থেকেই ঠিক করে রেখেছ মা। একজন ভদ্রলোকের মেয়েকে তার বাপের সামনে ছোটলোকের মেয়ে বলে গাল দিতেও তোমার মুখে বাদল না! কি বলব, তুমি আমার মা। যাক্, আমার স্বপ্নের মহাশয়কে তুমি বেভাবে অপমান করলে মা, তারপর তোমার সঙ্গে এক বাড়ীতে আমার বাস করা অসম্ভব,—ধীরু সুরেশ কথা আমি বলতে পারি না।”

মেজদাদা ও সুরেশ এক সঙ্গে বলিয়া উঠিল, “তুমি যা ব্যবস্থা করবে বড়দা আমরা তাই মাথা পেতে নেব।”

বড়দাদা কহিল, “এখানে তোমার আর থাকা চলে না মা, কালই তোমায় আমরা কাশী পাঠাবার ব্যবস্থা করে দেব।”

অবনীবাবু রাগে ও অপমানে ফুলিতেছিলেন, কহিলেন, “সে ব্যবস্থা না করলে, আমার মেয়েকে আর একটা দিনের জন্যও এ বাড়ীতে রাখতে পারব না। আমার মুখের ওপর কি না আমার মেয়েকে ছোটলোকের মেয়ে বলে গাল দেয়।”

এই ক্ষণে অশান্তি ব্যাপারে আমি কেমন যেন হতবুদ্ধি হইয়া গিয়াছিলাম। মামীমার মুখের দিকে একবার চাহিয়া দেখিলাম। সে উদ্বেজিত ও বিচলিত ভাব আর তাঁহার মুখের উপর নাই।

তারিণীমামাও বোধ করি এ ধরনের কথাবার্তা শুনিবার জন্য প্রস্তুত ছিলেন না। তাই এতক্ষণ শুক হইয়া দাঁড়াইয়া ছিলেন। এখন কি বলিবার উদ্যোগ করিতেই

বড়দাদা বলিয়া উঠিল, “আপনি তবু দাঁড়িয়ে আছেন। মার সামনেই আপনাকে স্পষ্ট করে জানিয়ে দিচ্ছি আপনার দ্বারা আমাদের কাজ চলবে না। আপনি কাগজপত্র বুঝিয়ে দিলে এক মাসের মাইনে দিয়ে আজই চলে যাবেন। যামি কাগজপত্র ঠিক করুন গে।” তারপর আমার দিকে কিরিয়া কহিল, “অসি তোমারও এখানে থাকা উচিত ছিল না!”

আমি অসহায়ভাবে একবার মামীমার দিকে চাহিলাম। বেশ বুঝিলাম, আমিও আজই এ গৃহ হইতে বিতাড়িত হইব। হুঁয়্যাই বাহুনিয়। এগৃহে বাস করা অপেক্ষা গাছ-তলায় বাস করাও সুখের।

তারিণীমামা বেশ ধীর শাস্তভাবে কহিলেন, “দেখ শিরু তুমি ত সব ব্যবস্থাই করে কেনলে, কিন্তু এ ব্যবস্থা করবার কোন অধিকার তোমার নেই শুধু এই কথাটিই তুমি জান না। এই রেজেষ্ট্রী-করা দানপত্রখানি পড়ে দেখলেই বুঝতে পারবে। ধীর বিষয় সম্পত্তি তিনি তোমাদের কিছুই দিয়ে যান নি, সমস্ত তোমার মা জননীকে লিখেপড়ে দিয়ে গেছেন। আর কর্তারই সঙ্গে পরামর্শ করে তোমার জননী এই সমস্ত বিষয়-সম্পত্তি তোমাদের ছ’জমকে সমান ভাগে ভাগ করে দিয়েছেন—সে দলিলও রেজেষ্ট্রী হয়েছে—আর তাঁদের দুজনের দয়ালু কাব্বারের মালিকানি স্বত্ত্বও আমার কিছু জন্মেছে, তুমি ইচ্ছে করলে আমার তাড়াতে পার না! ছ’খানি দলিলই সঙ্গে করে এনেছি, পড়ে দেখ। কর্তার অন্তিম আদেশ যদি মেনে চলতে তা হ’লে এ দলিল বার করবার কোন প্রয়োজনই হত না।”

আমার দেহের মধ্য দিয়া যেন একটা বিদ্যুৎ শিহরণ খেলিয়া গেল। আমার চোখের দৃষ্টি যেন আপনা-আপনি তিন ভাই, অবনীবাবু এবং বড়বৌদিদির মুখের উপর নিপতিত হইল। দেখিলাম—সকলেরই মুখ বিবর্ণ শুক হইয়া গিয়াছে। সম্মুখে সহসা বহু পতন হইলে মানুষের যে অবস্থা হয় তাহাদেরও ঠিক সেই অবস্থাই হইয়াছিল।

আমার ছুই চোখ দিয়া বরবর করিয়া জল করিয়া পড়িতে লাগিল। স্নেহপ্রবণ মাতুল ও মাতুলানী যে এত বড়, তাহা আমি কল্পনাও করিতে পারি নাই। তাঁহারা মানুষ-নহেন, দেবতা!

উর্বশা

[শ্রীকালিদাস রায় কবিশেখর, বি এ]


হে চিরতরুণী শ্যামা বিশ্বমনোমোহিনী, সুন্দরি
অয়ি উর্বা-অয়ি গুর্বা কবি তোমা বলেছে উর্বশী ।

ব্যোমলোকসভাতলে ঘূর্ণনৃত্যে চপলা অঙ্গরী,
বনশ্রী-কুম্ভলা গিরি পয়োধরা ইন্দ্রের প্রেয়সী ।

মিত্র-বরণে কবে যজ্ঞস্থলে মোহিলে চকিতে,
দৌহার আসন্ন লভি কবে তুমি হইলে উর্বরা,
আদি মহামানবের জন্ম হ'ল তোমার কুক্ষিতে,
অগস্ত্য বশিষ্ঠরূপে সেই হ'তে হ'লে বসুন্ধরা ।

অনার্যের উপদ্রবে কবে তুমি কাঁদিলে কাতরে,
উদ্ধারিল আর্য্যণীর, বীরভোগ্যা তুমি সেই হ'তে ।
কত বীর বীরধর্ম্য পাসরিল তব মোহ-ঘোরে,
কত তপস্বীর তপ ভেসে গেল তব মায়াশ্রোতে ।

কত কেশী হ'ল হত, এল গেল কত পুরুষবা,
শাস্ততশ্রী তুমি আছ, চিরশ্যামা চিরমনোহরা ।



আধুনিক বাঙ্গলা কাব্যে যতীন্দ্রনাথ

[শ্রীযতীন্দ্রমোহন চট্টোপাধ্যায় বি-এস-সি]

কবি যতীন্দ্রনাথ সাহিত্যিকের দরবারে উচ্চ আসন লাভ করিলেও, বাঙলার পাঠকসমাজের কাছে বিশেষ পরিচিত নহেন। তাহার কারণ, প্রথমতঃ তিনি লেখেন কম ও সে লেখা প্রকাশ করিবার বিশেষ ব্যাকুলতাও তাঁহার নাই বলিয়াই মনে হয়, অপ্রকাশ বোধহয় তাঁহার আরও কম। দ্বিতীয়তঃ, তাঁহার কবিতার সুর গোড়া হইতে না বুঝিতে পারিলে অসাবধান পাঠকের কাছে সব বেতাল বলিয়া মনে হয়; তৃতীয়তঃ, লোকের চাহিদা অনুসারে তিনি প্রেম বা আদিরসের কাব্য জোগান না।

এখানে আরও একটি কথা বলিবার আছে। আমাদের মনে হয়, যতীন্দ্রনাথ হয়তো মহাকবির আশীর্বাদ সংগ্রহ করিবার জন্য তাঁহার নিকট যান নাই—কারণ তাঁহার পরিচয় আমরা এখনও কোনও বিজ্ঞাপনস্তম্ভে পাই নাই। এটিকে যঁাহারা অবাস্তুর কথা মনে করিবেন, তাঁহারা ভুল করিবেন সন্দেহ নাই। কারণ, এদেশে আশীর্বাদী পুষ্প লাভ করিয়া প্রসাদী না হইলে কোনও জিনিসের গৌরব ও সম্মান লাভ একেবারে অসম্ভব না হইলেও সুদূর-পর্যন্ত।

রবীন্দ্রনাথের পর যঁাহারা কাব্যসাহিত্য রচনা করিতে চেষ্টা করিয়াছেন, তাঁহাদের প্রায় সকলেই রবীন্দ্রনাথ-প্রদর্শিত ও বিচরিত পথ অনুসরণ করিয়াছেন; তাঁহাদের চিন্তা-শক্তি বা বৈশিষ্ট্যের অতি ক্ষীণ আলোকরেখা রবীন্দ্রনাথের চির উজ্জ্বল আলোকের আবের্ষে হারাইয়া গিয়াছে। কিন্তু প্রকৃতপক্ষে এই দলের বিশিষ্টতাও যে বিশেষ কিছু ছিল এটা সন্দেহ করিয়া বলা চলে না। তাঁহাদের মধ্যে প্রায় সকলেই অল্পাধিক সেই মহাকবির অনুকরণের ব্যপদে শই কালির আঁচড় কাটিয়াছেন; সেমোহ কাটাইয়া উঠিতে পারেন নাই।

কবি যতীন্দ্রনাথ এই প্রভাব হইতে প্রায় মুক্ত হইয়াছেন। এই প্রভাবের চিহ্ন তাঁহার পূর্বতন রচনা 'মরীচিকা'য় দেখা গেলেও পরবর্তী কালের রচনা 'নরুশিখা'য়

বড় দেখা যায় না, অর্থাৎ মূলতঃ তাঁহার রচনার ভঙ্গি বা সুরের সঙ্গে রবীন্দ্রনাথের কোনও মিল নাই। তাঁহার ধারণা, চিন্তা ও দৃষ্টি নূতন প্রকাশ-ভঙ্গি নিজস্ব ও স্বতন্ত্র—তিনি গতাঙ্গতিক পথে চলেন নাই। এই বিশিষ্টতা এই স্বতন্ত্র্যই তাঁহার কাব্যের অন্ততম শ্রেষ্ঠ সম্পদ। তাঁহার কবিতার মনোযোগী পাঠকের কাছে এ সকলই ধরা পড়িবে। আমরা অত্যন্ত মোটাগুটিভাবে এ তারতম্য সাধারণের সম্মুখে ধরিতে প্রয়াস পাইব।

(ক) স্বতন্ত্রতা

১। ভাষা :—রবীন্দ্রনাথের ভাষা মন্থণ কারুকার্যময়—রূপ ও রসে টলমল। মনে হয়, দক্ষ শিল্পী তাঁহার শক্তিনৈপুণ্যে ভাষার অঙ্গরাগ করাইয়াছেন—তাঁহার দৈন্ত কোথাও নাই। কিন্তু যতীন্দ্রনাথের ভাষা 'কাটখোড়া' ধরণের। আমরা যে ভাষায় কাঁদি, এ সেই ভাষা; যে ভাষায় অদৃষ্টের পরিহাসকে সম্বন্ধে গ্রহণ করিয়া তাহাকে ব্যঙ্গ করিতে পারি, এ সেই ভাষা। কথার কারচুপি বা প্যাঁচালো যুক্তি ইহাতে নাই—

সেদিন বন্ধু পড়েছিল পথে ছুটাইলে তুমি ঘোড়া
লোহা বাধা তার পদাঘাতে মোর ঠ্যাংটি হইল ঘোঁড়া
দেখি চলিবার কালে—

গতি বিজ্ঞানে লেখা নাই তবু ঘোঁড়া ঠ্যাং পড়ে খালে!
ঘুমের আড়ালে এলে তুমি ধীরে কহিলে হরিয়া জ্ঞান
প্রাণের ছঃখ না থাক বন্ধু! যাবে ছঃখের প্রাণ!
বন্ধু প্রণাম হই—

শীতের বাতাসে জমে যায় দেহ—ছেঁড়া কাঁথাখানা কই?
সোজা এবং অত্যন্ত সাধারণ কথা, কিন্তু প্রাণে বিধে। এ সকল আমাদের দৈনন্দিন কথাবার্তার মতই মনে হয় যেন অত্যন্ত পরিচিত ও অতি আপন। বিশেষতঃ রবীন্দ্রনাথের অমন সুঠাম ও স্বকৃত ভাষার বৈভব হইতে আসিয়া সহসা এই বিচিত্র খসখসে ভাষাটি বড়ই উপাদেয়

ও হৃদয়গাহী মনে হয়। তাই একান্ত ভয়ে ভয়েও মাঝে মাঝে ভাবি, এ যেন কলে ছাঁটা চালের দপ্তর হইতে একেবারে ঢেঁকি ভানার দপ্তরে হাজির হইয়াছি।

২। শব্দচয়ন :—যতীন্দ্রনাথের শব্দচয়নে স্বাতন্ত্র্য আছে, অথবা তাঁহার নিজস্ব চিন্তাধারার কল্যাণে শব্দসম্পদও অন্তরূপ ধারণ করিয়াছে। অনেক সাধারণ শব্দ কাব্য-সভায় একেবারে অপাংক্ত্যেয় হইয়াছিল সে শব্দগুলিকে তিনি 'জলচল' করিয়া এমন স্থান দিয়াছেন যে উহার প্রত্যেকটির দ্বারা তাঁহার কাব্যসম্পদ বৃদ্ধি পাইয়াছে। তিনি এদিকে কাব্যজগতের শক্তি বাড়াইয়া দিয়াছেন। কাব্যের জন্ত বিশেষ শব্দ ও ভাষার ব্যবহারই আমাদের সংস্কারগত হইয়া দাঁড়াইয়াছিল, যতীন্দ্রনাথ সে গতানু-গতিকতার ধার ধারেন নাই, তাই তিনি লিখিতে পারিয়াছেন :—

নিতা প্রবল নব কোলাহল, ঘুমানোই হ'ল দায়—

সব চেয়ে বাধা চারিধারে দাদা, গরীবের ক্ষুধা পায় !

আজি তার সেই অসাড় বাতে যে নূতন কামড় ধরে

গত সঙ্কার মরা রবি গাহে ঘুম ভাঙানিয়া স্বরে।

অস্ত অর্থটী—

যাহার পাঁঠা সে যেদিকে কাটুক, তাতে অপরের কি ?

প্রতি কবিতায় তাঁহার এই শব্দচয়ন লক্ষ্য করিলে মনে হয়, তিনি প্রাণের কথাকে ছন্দে বাধিয়াছেন।

৩। ছন্দ ও মিল :—রবীন্দ্রনাথ ছন্দের রাজা—তাঁহার কাব্যে, মিল অসম্ভব। কিন্তু যতীন্দ্রনাথের কাব্যে মিল সকল সময় নিয়ম-কানুন মানিয়া চলে না। তাঁহার কথার ধার ও ব্যগ্রতা এত বেশী যে, সে মিলের দিকে প্রধানতঃ কাহারও দৃষ্টি পড়ে না—আর যখন পড়ে, তখন মনে হয় এই মিলটুকুর দৈন্ত তাঁহার প্রতিভাকে ক্ষুণ্ণ তো করে নাই বরং ইহার একটা কথারও ব্যতিক্রম ঘটিলে যেন সমস্ত জিনিসটাই নষ্ট হইয়া যাইবে। যথা :—

(ক) চেরাপুঞ্জির থেকে

একখানি মেঘ ধার দিতে পার গোবী সাহারার বুকে ?

(খ) ক্ষুধা দিয়ে দেওয়া-অন্ন

গরু মেরে ছুতা দান অপেক্ষা নহে কভু বেশি পুণ্য।

(গ) নিজে এসে এসে ছন্নবেশে যে ঠুকে ঠুকে দাও জোর
ছ'দিন না যেতে ঢিল হয়ে যায় হেন বিছার দৌড় !

মিলের কথা ছাড়িয়া দিলেও দেখি, তিনি একটি মাত্র ছন্দেই কবিতা লিখিয়াছেন—সে ছন্দের গতি অতি সাবলীল

যে কোন পাঠকের কাছে ইহার স্পষ্ট রূপটি ধরা পড়িবে সন্দেহ নাই। তথাপি এই ছন্দের দিক দিয়া আমরা যতীন্দ্র-নাথকে কৃতী বলিতে পারি না—তিনি কাব্যের রূপে মোহিত হন নাই—রসে তাহার প্রাণ মজিয়াছে।

৪। বিষয়-নির্বাচন—বিষয়-নির্বাচনে যতীন্দ্রনাথের অশেষ বৈচিত্র্য। রবীন্দ্র-পর কাব্যে প্রায় সকলেই প্রেমের গাথা, নয় ব্রজলীলা, একান্ত পক্ষে বাঙ্গালী পরিবারের দুঃখ, দারিদ্র্য, সুখ ও আনন্দের কথা গায়িয়া চলিয়াছেন। কিন্তু যতীন্দ্রনাথ এসব ছাড়াইয়া একেবারে অন্য দিক দিয়া গিয়াছেন। তাঁহার বিষয়-নির্বাচন প্রধানতঃ দুই রূপ—

(ক) একটা অত্যন্ত বাস্তব জিনিস দিয়া কবিতা আরম্ভ করিয়া তিনি তাহার মধ্য হইতে একটা সার্বজনীন চিন্তা-ধারার স্রোত বাহির করিয়া আনেন। কাজেই এখানে তাঁহার কবিতাও যেমন স্বচ্ছ, বিষয়-নির্বাচনও তেমনই সাধারণ। সামান্য কর্ণকারকে আশ্রয় করিয়া তিনি 'লোহা'র যে ব্যথাকে প্রাণবন্ত করিয়াছেন, অথবা সামান্য খেজুর গাছ হইতে যে অসামান্য রস সংগ্রহ ও পরিবেষণ করিয়াছেন কিংবা ঘূমের ঝোঁকে জীবনের যে সত্যরূপের সন্ধান দিয়াছেন তাহা সত্যই অপূর্ব। সামান্য দৈনন্দিন জিনিস মাত্র অস্তদৃষ্টির প্রভাবে কেমন করিয়া সার্বজনীনতার ধাপে পৌঁছায় এবং নূতন চিন্তাধারার প্রসার করে তাহার পরিচয় এই কবির সকল কবিতায় বিশেষরূপে পাওয়া যাইবে।

(খ) দ্বিতীয়তঃ তিনি সুপরিচিত কোন জিনিসকে নব নব রূপে চিত্রিত করিতেছেন। তাহার অপেক্ষাকৃত অধুনাতন কবিতায় ইহার প্রকৃষ্ট উদাহরণ পাওয়া যাইবে। তাঁহার 'ভীষ্ম' 'বিভীষণ' প্রভৃতি কবিতা যাঁহারা পাঠ করিয়াছেন তাহাদিগকে আর ইহার তাৎপর্য বলিতে হইবে না। ভীষ্ম কবিতাই ধরা যাউক। তিনি দেবরাজকে নবরূপে চিত্রিত করিয়াছেন। বংশের শত কলঙ্ক-কালিমায় ভীষ্ম মর্মান্বিত—সে চিন্তাতেই এত বড় বোঝা একেবারে পঙ্

আজ শরশয্যায় শয়ন করিয়া সেই সকল কথাই তাঁহার মনে হইতেছে। একে একে দুর্বলতা আসিয়া হৃদয় জুড়িয়া বসিতেছে—দৃঢ়চিত্ত দেবত্রয়েরও ক্ষণতরে মনে হইতেছে—

বীৰ্য্য সত্য মনুষ্যত্ব সবই যদি হ'ল ফাঁকি

মর্ত্যে কেবল অমরতা নিয়ে কতকাল বেঁচে থাকি ?

বৃথা যৌবনে কুলকল্যাণে তাজিন্দু রাজ্য দারা —

মিথ্যার তরে সত্য যে করে সে হয় সত্য হারা !

পাপকে পহা যে ছেড়ে ছায় সে লভেনা ত্যাগের পুণ্য
দেবলীলা ফোটে মানুষ যখন মনুষ্যত্ব শূন্য !

আমরা এদিকে তাঁহার স্বাতন্ত্র্যের পরিচয় দিলাম; ক্রমে তাৎস্বাতন্ত্র্যের কথাও বলিব। এই প্রভাবহীনতাই তাঁহার বৈশিষ্ট্যের অন্যতম-প্রকৃষ্ট চিহ্ন। প্রথমতঃ যে শক্তি এত শীঘ্র এত বড় একজন যুগ-প্রবর্তকের মোহ প্রায় কাটাইয়া উঠিয়াছে, তাহা কোনও ক্রমেই ক্ষীণ নহে; দ্বিতীয়তঃ তাহার রচনায় কাব্যসম্পদও যথেষ্ট।

(খ) কাব্যসম্পদ

(১) সূক্ষ্ম সত্যদৃষ্টি ও অনুভূতি :—যতীন্দ্রনাথের কবিতা পড়িতে বসিলেই প্রথমতঃ সর্ববিষয়ে তাঁহার সূক্ষ্ম ও সত্য অনুভূতির পরিচয় পাওয়া যায়। জীবনের যে দিকটা আমরা চক্ষু যুড়িয়া ভুলিয়া যাইতে চাই—সর্ববিষয়ে সকল দিক্ দিয়া তিনি আমাদের স্পষ্ট করিয়া দেখাইয়াছেন। তাই অসহায় মানবের শোয়া-বসা সব সমান দেখাইতে তিনি বলেন :—

“মিছে দিন যায় বয়ে—

উপরে ও নীচে ঘূমের তুলসী ; থাকি শালগ্রাম হ'য়ে।”

অবশ্য বাঁহারা শালগ্রামই দেখেন নাই—পূজার পরে শালগ্রামটা উপরে ও নীচে চন্দন-মাখানো তুলসী দিয়া কেমন করিয়া ভুলিয়া রাখা হয় তাহা জানেন না,—তাঁহার মানবের এই সূক্ষ্মপূর্ব ও মৃত্যুপর ঘূমের সঙ্গে তুলসীর আর মানবের সঙ্গিত শালগ্রামের এ উপমা বুদ্ধিতে পারিবে না—এবং সেটুকু না বুঝিলে কবিকে মোটেই বুঝা যাইবে না।

দৃষ্টির কথা ছাড়িয়া অনুভূতির কথায় আসিলেও কবির কৃতিত্ব উপলব্ধি করা যায়। এই বিশ্বকারা অপার—আর তার গরাদে একটি কালো অণুটা সাদা—একটি রাত্রি অণুটা দিন—তাঁহার মধ্যে মানব বন্দী—এ অনুভূতি সহজলভ্য নহে। এই অনুভূতির দৌলতেই তিনি বলেন :—

“বন্ধু আমারে খাটো পিঞ্জরে বন্দী করিয়া রাখে।

এত বড় খাঁচা যুক্তির খাচা বিক্রপ করোনাকো !

সীমা নাই যার অসীম ছয়ার না বন্ধ, নহে খোলা—

গমছে গাছে দাঁড় হাজার হাজার দাঁড়ে দাঁড়ে

দেওয়া ছোলা !

—এ ব্যঙ্গ কিসে সহি—

কয়েদে যখন ব্যবস্থা কর কয়েদীর মত রহি !

(২) উপমা ; মাত্র দুই একটি কবিতা পড়িলেই কবির বিচিত্র ও বিভিন্ন উপমার দিকে পাঠকের চোখ পড়িতে বাধ্য হয়। এই সকল উপমা একদিকে যেমন নূতন অঙ্গদিকে আবার বাস্তবতার সঙ্গে তাহাদের পুঙ্খানুপুঙ্খরূপে মিল। আমরা এই দ্বিতীয় ব্যাপারটির কথা আলোচনার অন্তস্থলে বলিব; এখানে মাত্র দুই একটি নমুনা দিলেই পাঠক বুদ্ধিতে পারিবে এ গুলি সাধারণ ‘মুখ-কমন’ হইতে কত বিভিন্ন। ইহাতে কষ্ট-কল্পনা নাই, কিন্তু বিচিত্রতা আছে। তিনি বলেন :—

“বজ্র লুকায়ে রাজা মেঘ হাঙ্গে পশ্চিমে আনমনা—

রাজা সন্ধ্যার বারান্দা ধরে রঞ্জাণ বারান্দা !”

সাহস্য মেঘের সৌন্দর্য্যে মোহিত হইয়াও কবি ভোলেন নাই যে, তাহার বৃকে বজ্র লুকানো থাকে, তাই রাজা সন্ধ্যার বারান্দায় তাহাকে রঞ্জাণ বারান্দা বলিয়া অভিহিত করিয়াছেন। অণুদিকে জীবনের প্রকৃত স্বরূপ দেখাইতে যে উপমা তিনি আহরণ করিয়াছেন, তাহাতে কবি-কল্পনার প্রসার দেখা যায়।

“তড়িৎ যেমন মেঘে সঞ্চিত বেদনার শিহরণ —

আলোক যেমন অন্ধ ব্যোমের হাহাকার কম্পন—

মিলন যেমন বিরহের ভয়ে মুখে মুখ, বৃকে বৃক—

জীবন তেমনি মরণের ভয়ে হৃদয়ের ধুক্ ধুক্ !”

(৩) প্রকাশভঙ্গি :—কবির প্রকাশভঙ্গি অনবদ্য, সুন্দর।

যে দৃষ্টি দিয়া তিনি জীবনকে দেখিয়াছেন—জীবনের যে স্বরূপ তাঁহার কবিপ্রাণকে আলোড়িত করিয়াছে, সে দৃষ্টি, সে আলোড়ন কখনও তিনি ভোলেন নাই। জড় ও অজড় সকলকেই তিনি সেই দৃষ্টিতে দেখিয়াছেন। ‘মৃত্যুঞ্জয়ের’ কথা কাব্যে অনেকেই লিখিয়াছেন, কিন্তু যতীন্দ্রনাথ মাত্র প্রকাশভঙ্গির দৌলতে তাঁহার দুঃখ কেমন করিয়া ফুটাইয়া

ভুলিয়াছেন তাহা পাঠ্যমায়েই উপলব্ধি করিতে পারিবেন। এখানে তিনি নূতন কোনও জিনিসের আশ্রয় করেন নাই; বাহা আছে এবং যাহা আছে বলিয়া সকলেই জানে, সেই চির-পরিচিত মাল মসলা নিয়াই তিনি যে কাব্য-সৌধ গড়িয়াছেন, তাহা অতুলনীয়।

“নবনীলিন্দী সুন্দর তনু কামেরও কামনা ঠাই—
কত অভিমানে লেপিলে কে জানে অজানা চিতার ছাই !
কত মরণের স্মরণ গাঁথিয়া পরেছ হাড়ের মালা—
কটির কাপড় গিয়াছে খুলিয়া, না জানি সে কত আলা !
স্বরের জনম যার কণ্ঠে সে বেণু বীণা তেয়াগিয়া
সাধারণ হুখে কাটায় কি কাল শঙা ডুগ ডুগি নিয়া ?
কি আলা ভুলিতে জানের আকর পরেছ ভাঙে নেশা—
অল্পপূর্ণা-পতি কম হুখে ভক্ষা করেনি পেশা !

—কহ কহ দিগ্বাস—

পূজার অর্ঘ্যে চাপা পড়া যত বেদনার ইতিহাস !
সুখের দেবতা মরে যুগে যুগে তুমি চির হুঃখময়—
সুখে বাঁচে মরে হুঃখ অমর তুমিই মৃত্যুঞ্জয় !”

রক্তসঙ্ঘাতের বিচিত্র বর্ণনায় কবি বলেন :—

“দিনান্তে যবে ব্যর্থ সে রাব অস্ত শিখর’ পরে,
হেঁড়া মেঘে পাত্তি মৃত্যু-শয়ন রক্ত বমন করে !”

আবার শরৎ-কালের বর্ণনায় অতি সাধারণ তথ্যের ভিতর দিয়া নূতন রূপে একটা পুরাতন স্মৃতি মনে পড়ে :—

“বর্ষা মলিন যত মেঘবাসে—
কাচিয়া শুকাই শরৎ আকাশে
কিরণে ডুবায় দিতেছে ছোবায়
মেঘগিরি নিকর !”

(৪) ভাবসম্পদ ও প্রাঞ্জলতা :—বতীন্দ্রনাথের ভাব সার্বজনীন, ভাষা প্রাঞ্জল। তিনি বাহা দেখিয়াছেন, মর্মে মর্মে উপলব্ধি করিয়াছেন তাহাই কাব্যে প্রকাশ করিয়াছেন, কাজেই তাঁহার কাব্যে আন্তরিকতা স্ফুটয়া উঠিয়াছে। কোথাও আবছায়া নাই—কখনও বুঝিবার জন্য অভিধানের দরকার হয় না—সর্বথা স্বচ্ছ ও মর্ম-স্পর্শী। সত্যকার অনুভূতি না হইলে ভাষা প্রাঞ্জল ও রচনা কোনও প্রকারেই সফল হইতে পারে না। কবির বহির্দৃষ্টি ও অন্তর্দৃষ্টির সামঞ্জস্যের জন্য অনারসা কোথাও নাই। বতীন্দ্রনাথ দেখিয়াছেন অগণ্ডে হুঃখের

ভাগ বেশি—প্রত্যেকটা লোক যেন এক একটি সজীব হুঃখমূর্তি—তাহাদের জীবনের ভিত্তি অদৃষ্টের উপহাসে—পেষণ তাহাদের নিত্য প্রাপ্য। কাজেই সিদ্ধ দেখিয়া কবির মন্থনের কথাই মনে পড়ে। মন্থনে যে সুখা উঠিয়াছিল সেটা কবি সত্য যুগের স্বপ্ন বলিয়া মনে করেন—তিনি জানেন, এখনও মানবের প্রাণে প্রাণে মন্থন চলে—যানি টানিয়া টানিয়া নিত্য তাহারা প্রাণ বলি দেয়—মর্মে মর্মে এই চিরন্তন পেষণের কষ্ট উপলব্ধি করে। এই সার্বজনীন ভাব কবির প্রাণে সাড়া দেয়—এই ক্লিষ্ট মানবের হুঃখকে স্মরণ ও অনুভব করিয়া তিনি বলেন :—

“চলে মন্থন চলে মন্থন চলারে ব্রহ্মকোষ—
তাতা থৈ থৈ তাতা থৈ থৈ ভৈরব নির্দোষ !
ভরিয়া আকাশ মহা গণ্ডুবে উজ্জ্বল নীলবিষ—
হাঁকে ধূর্জটী কে কোথায় চির হুঃখ নিশা বক্ষিস ?—
আয় আয় যত চির-বক্ষিত এক সাথে করি পান
অমৃত সিদ্ধ মন্থনোখ হুঃখাগোর দান !”

পড়িতে পড়িতে সঙ্গে সঙ্গে যেন মন্থনের কষ্ট মনে পড়ে ; হুঃখদারিত্বাক্রিষ্ট এই অসহায় মানব আর্তস্বরে ক্রন্দন করিতে করিতে উর্দ্ধদিকে চাহিয়া আছে—কবি মাঠেঃ বাণী নিয়া আসিয়াছেন—তিনি বলেন, আয় আয় সবাই এক সঙ্গে হুঃখ পান করি। ‘কে কোথায় চির হুঃখ নিশা বক্ষিস।’—সুন্দর ! এখানে ‘বক্ষিস’ এই শব্দটির প্রয়োগে সমস্ত পদটির অর্থ স্পষ্টতম হইয়া উঠিয়াছে—এ প্রয়োগ অতিশয় সুষ্ঠু। অন্ত দিকে সুখের মূর্তিকে তিনি যে ভাবে দেখিয়াছেন তাহা এই—

“অক্ষ সাগরে শোভে সহস্র নয়ন কমল দল—
তারি পরে ওই রেখেছ তোমার রক্ত-চরণতল :
তব প্রসন্ন আঁখির আলোক আমার পিছন ভরি’—
যে ছায়া পড়েছে তাহাতে নিগায় কত শোক-বিভাবরী !
প্রসাদ গুণে ও ভাবমাধুর্যে জিনিসটা অপূর্ব হইয়াছে।

(৫) কল্পনার প্রসার :—বতীন্দ্রনাথের কাব্যে কষ্টকল্পনা প্রায় কোথাও নাই তাহা পূর্বে বলিয়াছি—অপর দিকে তাঁহার কল্পনার প্রসারও সমধিক। সাধারণতঃ কবি দৈনন্দিন কোনও বাস্তব ঘটনাকে আশ্রয় করিয়া তাহাকে সার্বজনীন করিয়া ভুলিয়াছেন এবং সেইখানেই সত্য-কার স্রষ্টার পরিচয় দিয়াছেন। তাহার কবিতার

অনেক স্থলেই অন্তর্নিহিত একটা অর্থ আছে, সেটিকে সম্যক ধরিতে না পারিলে, কবিতাগুলি কেবল কথার সমষ্টি বলিয়া মনে হইতে পারে। কাব্য জিনিসটা অল্প-ভূতির—তাহাকে কঁাকি দিয়া জ্ঞানিবার বা বুঝিবার সুবিধা হয় না, দরদী ব্যতীত কাহারও তেমন বোধগম্য হইতে পারে না—হৃদয়বান ব্যতীত কাহারও চোখে কাব্যের প্রকৃত রূপটি ধরা পড়ে না। যতীন্দ্রনাথের কল্পনা এত সার্কজনীন যে, যে কেহ একটু নিবিষ্টমনে পড়িলেই সেটুকু ধরিতে পারিবেন। তাঁহার দৃষ্টির মূল সূত্রটা জানা থাকিলেই সকল জিনিস স্পষ্ট হইয়া উঠিবে। ‘লোহার ব্যথা’কে যদি কেহ কেবল লোহা ও কৰ্ম্মকারের আবেদন নিবেদন মনে করেন—মানব-জীবনের দুঃখ দারিদ্র্যের প্রতি যদি দৃষ্টি না পড়ে, তবে যতীন্দ্রনাথের কবিতা বুঝিবার চেষ্টা তাঁহার ব্যথা। যতীন্দ্রনাথের মূল সূত্র প্রহার—প্রহারে বেদনা-বোধ—সে দৃষ্টিতে বিধাতৃদেবকে কৰ্ম্ম-কারের পদে বসাইয়া নিজে লোহা হইয়া ভাবুন তো—

“দেখগো হেথায় হাপর হাঁফায় হাতুড়ী মাগিছে ছুটি—
ক্লান্ত নিখিল করগো শিখিল তোমার বজ্রমুঠি!”

অসহায় মানবের প্রাণে প্রাণে যেন বাজিতে থাকে—

“ক্লান্ত নিখিল করগো শিখিল তোমার বজ্রমুঠি!”

“খেজুর গাছে”র রসস্ফুরণকে কবি রক্তস্ফুরণ বলিয়া মনে করেন—

“কাটারির কাট বহি দেহময় দীর্ঘ শীতের রাতি

খাড়া ঠাড়াইয়া হাজারে হাজারে কাঁদে

খেজুরের পাঁতি!”

এই দুঃখদৈন্তে দীর্ঘ শীত-রাত্রে মানবের এই অসহায় ক্রন্দনের করুণ কণ্ঠে তাঁহার মানস-কর্ণে পৌঁছিতে না তিনি কবির সহিত বলিতে পারিবেন না—

“এ ধরণী ভরি খেজুর গাছের

আবাদ করিছে কেবা—

নয়নের জলে আল দেওয়া চিনি

কোথা কে করিছে সেবা”

তিনি বুঝিবেন না, কি দাহনের বহুণায়—কোন অসহায়ের বেদনার কবি জড়ের বৃকে প্রাণ সঞ্চার করিয়া তাহার বেদনাকে সার্কজনীনতার ধাপে পৌঁছাইয়া

দিয়াছেন—কিন্তু তিনি কণামাত্রও বুঝিবেন, তিনি যুক্ত হইবেন। যে পছা ধরিয়া তাঁহার কল্পনা চলে, সেটা বাঙ্গলা সাহিত্যে অত্যন্ত নূতন—তিনি সত্যই “নব পছা” আবিষ্কার করিয়াছেন।

(গ) দুঃখবাদ

যতীন্দ্রনাথের শ্রেষ্ঠতা ও বিশিষ্টতার অন্যতম নিদর্শন তাঁহার দুঃখবাদ। কিন্তু তিনি দুঃখবাদ প্রচার করিতে আসেন নাই—তিনি প্রচারক নহেন; তিনি শ্রষ্টা।

এই দুঃখবাদ বুঝিতে হইলে উহার মূল সূত্র ও ক্রম-পরিণতি সূক্ষ্মভাবে লক্ষ্য করিতে হইবে। আমরা পাঠকের সম্মুখে সেটুকু ধরিয়া দিতে চেষ্টা করিব।

(১) বিদ্রোহ :—যতীন্দ্রনাথের দুঃখবাদের মূল সূত্র বিদ্রোহ। এ বিদ্রোহ, দেশ, কাল ও পাত্রের অতীত—সর্বজনে, সর্ব সময়ে ও সর্বদেশে প্রসারিত। যুগ যুগ ধরিয়া মানুষ এই যে অদৃষ্টের সহিত নিতান্ত উপায়হীনের মত নিতা নব চুক্তি করিয়া বাঁচিয়া আছে—এই যে কৃত্রিমতা ও অসারল্যের মাঝখানে আপনাকে ডুবাইয়া রাখিয়াছে, এই যে দুঃখ পাইয়াও ভয়ে ভয়ে উর্দ্ধাদিকে পিতৃমাতৃ সন্ধান করিতেছে—যতীন্দ্রনাথ এ সকলের বিরোধী; তিনিই বাঙ্গলা ভাষার একমাত্র সত্য বিদ্রোহী কবি। তিনি উর্দ্ধেশ্বরের চি-হি হিও নহেন—তরুণীর বেণী নহেন—তিনি বিদ্রোহী। তিনি দুঃখকে বরণ করিয়া নেন সত্য, কিন্তু সে কেবল উপায় নাই বলিয়া ‘দান’ বলিয়া গ্রহণ করেন না—দুর্ভাগ্য বলিয়া গ্রহণ করেন। তাই বলেন—

“তবু সগর্বে ভুলিবি কিরাতে প্রতি হাতুরীর ষায়!”

আবার বলি;—তিনিই আদর্শ এবং একমাত্র বিদ্রোহী কবি। তিনি বলেন,—

“বহু এ কার পাপ?—

এত দোষ ক্রটি এত অনায়ে এত যে দুঃখ তাপ?”

* * *

“যা কিছু গড়েছে—যা কিছু করেছ দশদিকে হুশো দোষ
তাই তব প্রাণে দাগে বিফলের অসীম অসন্তোষ।

আরো ভালো গড়া সম্ভব কিনা নহে আজ সে বিচার—
না যদি পারিবে গড়িতে বহু কিবা ছিল অধিকার?”

* * *

আবার—

চিত্র বিদ্রোহী মানব-আত্মা

আজিও তোমার মানেনি বশ—

জনে জনে তারা বিশ্বামিত্র হরিতে বিশ্বকর্মাষণ !”

এই গতানুগতিক জীবনে তাহার আসক্তি নাই—এই বাধা পথে চলা তাঁহার সহ্য না—এই অসহায়ত্বে তাঁহার প্রাণ ব্যাকুল হইয়া উঠে—

“সহ্য না এ বেঁচে থাকা—

বাপ পিতাম্বর মামুলী ধরণে প্রতিদিন মরে রাখা !”

—কিন্তু তথাপি বাঁচিতে হইবে—নিত্য এই দুর্ভাগ্যের দহন সহিতে হইবে—গরুর গাড়ীর গরুকে গাড়ী টানিতেই হইবে, কিন্তু তাই বলিয়া কি এই অধীনতার পেঘণে উর্ক দিকে চাহিয়া ‘পিতৃ-মাতৃ’ সম্বোধন করিতে হইবে? —হুঃখদাতার গুণগান করিতে হইবে শুধু ভয়ে?—তা নয় বিদ্রোহী কবি বলেন,—

“আমি রখে গেলু বিনাশের আশে হুঃখদের দলে—

দেখিব বন্ধু মড়ার উপরে কত ঝাঁড়ার ঝা চলে !”

এমন নির্ভীক বিদ্রোহ-বাণী মানবের প্রাণকে শক্তিমানু করিয়া তোলে—প্রকৃত মনুষ্যত্বের সন্ধান আনিয়া দেয়।

জীবনের এই দাসত্ব—এই অদীম কারা-কঙ্কের বহু গা ‘আগো আঁধারের গরাদে বসানে’ এই অনন্ত কারা-গারের অনুভূতি—এ অসহ—কি চাই?—

নচেৎ মুক্তি দাও—

চারি দিকে এই অসীমের কারা একবার খুলে নাও !

জীবনে, মরণে কর্মে ও জ্ঞানে থাকিব না পরাধীন

আমার আদেশ না পাইয়া যেন

কাটে না আমার দিন !”

অপূর্ব! এমন কথা বাঙালার আধুনিক কোনও কবির কাব্যে নাই—যতীন্দ্রনাথ অপ্রতিদ্বন্দ্বী।

বন্ধু! এই যে নিরুপায় হইয়া কেহ তোমাকে পিতা কেহ বা মাতা বলে, এ চাহি না—এ অসহনীয়। ধনী ও দরিদ্রের বন্ধুত্ব হয় না প্রভু ও দাসের মিলন অস্বাভাবিক, তাই—

“নাহি যবে প্রয়োজন—

আমার মাথায় আকাশের মেঘ করিবেনা গরজন।

বুঝি প্রয়োজন বহিবে পবন প্রয়োজনে ঝরে বৃষ্টি

আপনারে ঘিরে প্রতি মুহূর্তে করিব নূতন সৃষ্টি !

যদি তাঁকে লাগে ভালবেসে তোমা ডাকিব বন্ধু বলে—

সমানে সমানে ছলনাবিহীন দিন যাবে কুতূহলে।”

(২) বিদ্রোহের পরিণতি ও হুঃখবাদের মূল:—যতীন্দ্রনাথের এই বিদ্রোহের ক্রমপরিণতি লক্ষ্য করিলে তাঁহার অপূর্ব হুঃখবাদের সন্ধান মিলে। আমরা ক্রমশঃ তাহা দেখাইতে চেষ্টা করিব।

কবি মুক্তি চাহেন—মুক্তির স্বরূপ তিনি বলিয়াছেন—
কিন্তু সে মুক্তি চাহিতেও তাঁহার হাসি আসে—

“চাহিতে মুক্তি হাসি আসে হায় পাকাইতে কাঁচা হাত
কোন অধিকারে আমারে সৃষ্টি করিলে জগন্নাথ ?”

কোন অধিকারে বন্ধু যে তাহাকে সৃষ্টি করিয়াছেন—কোন কারণে যে একের পর একটা করিয়া হুঃখদান করিতেছে—তাঁহার উত্তর কি? কিন্তু কবির প্রাণবতী কল্পনা এখানে আসিয়া থামে নাই। তিনি ইহার অত্যন্ত সরল ব্যাখ্যা দিয়াছেন। কবি বলেন, বন্ধু নিজেই হুঃখী তাঁহার হুঃখ অকুরন্ত—হুঃখই তাঁহার একমাত্র সম্পত্তি, কাজেই দান করিতে সে আর কি করিবে?—

“যাহা আছে যার তাহা ছাড়া আর কি পারে সে পরে দিতে
অপার হুঃখ তাই তোমা হতে ঝরে পড়ে চারিভিতে।

ওগো অক্ষয় বট

যত বেড়ে যাও ততই ছড়াও শত হুঃখের জট !”

এই যে মানবের প্রাণে প্রাণে বেদনা চোখে চোখে অশ্রু, এ কার বেদনা? এ কার অশ্রু? মানবের এই যে মৃত্যু এ কার মরণ? মানবের এই চোখের জল সেই সেই বন্ধুবরের,—সেই কাদে— তারই এ বেদনা—

“চোখে চোখে ঝরে কার যে অশ্রু বুকেও বুঝিনে কেউ
বুকে বুকে ভাজে কোন সে অতল বুকের হুঃখের ঢেউ !
কঠে কঠে কে কঠহীন কাঁদিয়া কাঁদিয়া উঠে।
মরণে মরণে তিল তিল করি কোন মহাপ্রাণ টুটে !”

এত যে হুঃখী এত যার বেদনা তাহাকে কি দয়া না করিয়া থাকিতে পারা যায়?—তাই তিনি বন্ধুর সহিত মাত্র “আধা সন্ধি” করিয়াছেন—

কিছু আনন্দ কিছু সুখ আর বাকি আশিভরা জল
তোমার আমার যেমন চলেছে তারো তাই অবিকল !
অশ্রু পরশি অগত্যা তাই করিলাম—“অ্যাথা সন্ধি”
হে চিরহুঃখী ব্যথার বাধনে ব্যথিতে করিলে বন্দী !”

সন্ধি হইল বটে—কিন্তু হুঃখের উপায় কি ? সে রোগের
যে নিদান তিনি বাহির করিয়াছেন—সেটা “সুমিয়ো-
প্যাথী”

“চারিদিকে দেখে চারিদিকে ঠেকে ঠিক বুঝিয়াছি তাই—
নাকে শাঁক বেঁধে ঘুম দেওয়া ছাড়া অন্য উপায় নাই !”

যতীন্দ্রনাথ বিজ্ঞোহের অগ্নি প্রজ্জ্বলিত করিয়াছেন,
কাজেই তিনি হুঃখবাদী—তিনি গতানুগতিক নহেন, কাজেই
তিনি হুঃখবাদী—তিনি হুঃখকে দান বলিয়া গ্রহণ করেন
নাই, বিক্রম বলিয়া গ্রহণ করিয়াছেন, কাজেই তিনি হুঃখ-
বাদী—পরিশেষে বলি তিনি সত্যদ্রষ্টা, কাজেই হুঃখবাদী !

(ষ) ব্যঙ্গ

যতীন্দ্রনাথের কাব্যে যে ব্যঙ্গ আছে তাহা অত্যন্ত
ধারালো। এই সহজ ও নিপুণ ব্যঙ্গ কবির বিশিষ্টতার
অন্ততম নিদর্শন। তাহার ব্যঙ্গ জগতের যাবতীয়
কৃত্রিমতাকে লইয়া; প্রধানতঃ তিনি তিনটা দিকে এই
ক্ষুরধার ব্যঙ্গশেল নিক্ষেপ করিয়াছেন :-

(১) সৃষ্টির এই অসামঞ্জস্যকে তিনি বিক্রমের চক্ষে
দেখেন।

(২) স্রষ্টার হানুত্বকে লইয়া তাঁহার ব্যঙ্গ চলে।

(৩) মানবের চির অধীনতায় এই নিশ্চিন্ততা
দেখিয়া তাঁহার বিক্রমোক্তি প্রচারিত হয়।

স্রষ্টাকে তিনি চামড়ার কারখানার অধিকারী বলিয়া
যে ব্যঙ্গ করিয়াছেন তাহা অপূর্ব। কয়েকটি পংক্তি উদ্ধৃত
করিবার প্রলোভন ত্যাগ করিতে পারিলাম না।—

“এতদিন হেথা ঘুরি কিরি কই ছিলনাতো মোর জানা—
গোপনে বহু খুলেছ হেথায় চামড়ার কারখানা !

ব্যথার গুমটে এ ধরনী সদা পচিয়া উঠিতে চায়—
পবন, তপন কন্ত রসায়ন লেপন করিছ তায় !

প্রেমের প্রলেপে ঘসিয়া ঘসিয়া চক্চকে করে রাখা—
থেকে থেকে সেই আদিম গন্ধ তবুও পড়েনা ঢাকা !
গোপনে আড়ালে কাটাইছ দিন এ হীন ব্যবসা ধরে—
প্রাণের বন্ধু ! তুমি যে না হলে করিতাম একধরে !”

এইরূপ ব্যঙ্গ কবির কবিতার সর্বত্র ওতপ্রোতভাবে
জড়িত আছে—যে কোন মনোযোগী পাঠকের কাছে
তাহার স্বরূপ ধরা পড়িবে। ব্যঙ্গের এমন সাবলীলতা ও
ধুরধার তাহার রচনাকে নিতান্ত রসাল ও হৃদয়গ্রাহী
করিয়া তুলিয়াছে।

(৩) অসন্দিগ্ধতা

সর্বশেষে যতীন্দ্রনাথের অন্ত একটা মহৎ এবং প্রধান
গুণের কথা বলিয়া আমরা আলোচনার সমাপ্তি করিব।
যতীন্দ্রনাথে এ বৈশিষ্ট্যটা তাঁহার অসন্দিগ্ধতা (Precision)।
তাঁহার কাব্যে এমন ব্যাপার নাই যাহা বাস্তবের সঙ্গে
মিলেনা—বর্ষার মধ্যে তিনি শেকালিকা ঝড়াইয়া ফেলেন
না—শীতেও মলয় আনেন না। তিনি বহিজর্গতে যাহা
দেখেন তাহা ভাল করিয়াই দেখেন এবং এত ভাল করিয়া
দেখেন যে, অস্বজর্গতের কথা বলিতে গিয়া সে গুলি ভাল
পাকাইয়া ফেলিয়া একটা হানুত্বের ব্যাপার গড়িয়া তোলেন
না। বাস্তবতার এত নিকট সম্পর্ক তাঁহার কাব্যে আছে
বলিয়াই তাহা প্রাণে এমন গভীরভাবে আঘাত করে।
তাঁহার কাব্যে বহিজর্গতের সঙ্গে অস্বজর্গতের সঙ্ঘর্ষ টানিয়া
আনে। এই অসন্দিগ্ধতা জিনিসটা প্রায় শতকরা নব্বুই
জন কবির কবিতায় পাওয়া যায় না। এই নিজস্বতা তাঁহার
কাব্যকে প্রথম শক্তি দান করিয়াছে।

যিনি বাস্তব জগতের সহিত বিশেষ পরিচিত নহেন,
তিনি যতীন্দ্রনাথের কবিতা ভাল করিয়া বুঝিতে পারিবেন
না। যেমন, যিনি গরুর গাড়ীতে না চড়িয়াছেন, তিনি
‘কাণ্ডারী’ কবিতাটির সম্পূর্ণ রসগ্রহণে অসমর্থ হইবেন।

প্রথমেই বলিয়াছি, তাঁহার কবিতার প্রায় দুইটা
করিয়া অর্ধ আছে; একটু নিবিষ্ট চিন্তে পড়িলেই সেটা
ধরা পড়ে এবং সেটুকু ধরা পড়িবার পূর্বে প্রকৃত ও সম্যক
রসবোধ হওয়া সম্ভবপর নয়। এই গতানুগতিক জীবনযাত্রা
সঙ্গে গরুর গাড়ীর চলার সামঞ্জস্য করিয়া পড়ুন :-

“হাতের গোড়ায় যে কচা মিলিবে পথের পাশের বনে—
তারি ষায় ষায় যাবে ঠায় ঠায় পরম ভুট মনে !
কভু ওলা কভু দাবা হবে গাড়ী কখনো চলিবে-বৈকে—
চিহ্নিত পথে অবিচ্ছিন্ন চলার বেদনা একে ।
নূতন ভাঙ্গনে সনাতন পথ কোথাও বা গেছে বাকি—
মাঝে মাঝে নিক্ এমন গভীর বৃকে ঠেকে যাবে মাটি !
তথাপি বন্ধ হত শ হয়োনা গরুর গাড়ীর গরু —
জাওর কাটিয়া পার হ'তে পারে মনীচিকাহীন মরু !

বাস্তবের সঙ্গে কাব্যের কেমন নিখুঁত সম্বন্ধ ও মিল । এই
বাস্তবকে কঁাকি না দিয়া—শুধু কঁাকি নয়, যথাযথ ভাবে
এবং পরিপূর্ণ ভাবে তাহাকে রক্ষা করিয়া কাব্যকে বজায়
রাখা যে কত কষ্টসাধ্য তাহা পাঠকমাত্রেরই বুঝিতে
পারিবেন । বাস্তবের সঙ্গে সম্বন্ধ না থাকতে, বহির্জগতের
জ্ঞানের অভাবে আমাদের দেশে কেবল ‘হাওয়ার কবিতা’
রচিত হয়—বতীন্দ্রনাথ একটা নূতন দিক দেখাইয়াছেন ।
খণ্ড খণ্ড করিয়া তাহার এই precisionএর নমুনা
দেখাইবার বস্তু নয়—এক কথায় বলিতে গেলে যেখানে
তিনি বাস্তবকে সাধারণ ভাবে বা উপমার সাহায্যে চিত্রিত
করিতে চাহিয়াছেন সর্বত্রই তাহার এ বৈচিত্র্য ছুটিয়া
উঠিয়াছে ।

আমাদের মনে হয়, বহির্জগতের সঙ্গে কবির নিত্য
নৈমিত্তিক মিলনের ব্যপদেশেই কাব্যে এমন precision
আসিয়া পড়িয়াছে । কবি চতুর্ভুজ বা ত্রিভুজ আকাশের
নীচে কবিতা লিখেন না, ধার-করা বুলির বৈতবে বাজার
মাৎ করিবার চেষ্টা করেন না ; তিনি নিজে যাহা দেখেন,
সত্য বলিয়া উপলব্ধি করেন, যুক্ত আকাশি বাতাসের নিকট
হইতে যাহা সংগ্রহ করেন, গরুর গাড়ীতে চড়িয়া যে
অনুভূতি জাগে—সবই সরল সরল, ও স্পষ্ট করিয়া লিখিতে
পারেন—কাজেই তাহার কাব্যে কোথাও অসারল্য বা
কৃত্রিমতা নাই—কোনও কষ্ট কল্পনা নাই—বাস্তবের সঙ্গে
অমিল নাই ।

এই আলোচনায় বতীন্দ্রনাথের কাব্যরূপ দেখাইতে
গিয়া হয়তো তাহার উপর অবিচারই করিলাম । তবে
যদি কেহ আমাদের আলোচনায় একটুকুও উৎসুক হইয়া
তাহার কাব্যগ্রন্থ পড়িয়া দেখেন, তবে সেখানে যে একটা
নূতন সুর পাইয়া নানা ভাষে তন্ময় হইয়া পড়িবেন একথা
জোর করিয়া বলিতে পারি এবং এইটুকুই আমাদের
কথা ।*

‘রবিবাসরের’ ১০ম অধিবেশনে পঠিত ।

ধ্বনি

(গল্প)

[শ্রীশ্রীধীরচন্দ্র বন্দ্যোপাধ্যায়]

পূব্ আকাশে ইন্দ্রধনু উঠিয়াছে ।
এই কিছুক্ষণ আগে এক পশলা বৃষ্টি হইয়া গেছে ।
ধরণী ; সিক্তগন্ধোচ্ছ্বাস বিরহী ও ছঃস্বীদের প্রাণে
একটা ব্যথা ও ব্যবধানের লাড়া জাগাইয়া ডুলিয়াছে ।
বর্ষাকাল ; ভাসমান পল্লী ।
খাল, ডোবা, পুকুর সমস্ত জলে ভাসিয়া গেছে ।
স্কুলের স্রুখে খেলার মাঠের উপরেও জল উঠিয়াছে ।

রাস্তা ঘাটও বড় একটা জাগিয়া নাই । এক বাড়ী
হইতে অপর বাড়ী যাইতে হইলে নৌকা ও ডিজি ছাড়া
যাওয়া দুঃসাধ্য ।

গ্রাম ছোট ; কিন্তু ভদ্রলোকের বাস অনেক ।
পূর্বে গ্রামের অবস্থা না কি ইহার চেয়েও ভাল
ছিল ।

গায়ের জমিদার বাবুরা গ্রাম ছাড়িয়া ঐ বিজলী বিল-

টার ও-পারেই বেশ ছোট-খাটো একটা শহর গড়িয়া তুলিয়াছেন।

বিলের এ পারে বায়ুন-পাড়া। গায়ের নামই বায়ুন-পাড়া। অদূরে সংলগ্ন বাগ্গী বস্তি।

তাহারই মাঝখানে চারিদিকে জল-বেষ্টিত সুন্দর তক্তকে, তক্তকে যে বাড়ীখানি, তাহার ভিতর হাসি কান্নার সুর মিশিয়া দুইটি প্রাণীর অন্তরে অন্তরে যে কত অরুণ্ড কাহিনী মূর্ত হইয়া উঠিয়াছে—সেই কথাই আজ বলিব।

বৃষ্টির পর, সন্ধ্যার কিছু আগে ওপাড়ার বাগ্গীদের ছেলে ভানু কলার 'ভেউরায়' চড়িয়া একটি বাঁশের 'লগি' দিয়া ঠেলিতে ঠেলিতে আসিয়া পৌছিল সেই বাড়ীর বাটে।

আশে-পাশে চার পাঁচখানি গ্রামে ওস্তাদজিকে না চিনিত এমন লোক খুব কমই ছিল। কেহ বলিত—কানা ওস্তাদ; কারণ, চোখে দেখিতে পায় না—অন্ধ। কেহ বলিত—বংশী ওস্তাদ; নাম বংশীলাল, তাই। কিন্তু টিকিতে টিকিতে গিয়া শেষে কেবল সংক্ষেপে দাঁড়াইয়াছিল—ওস্তাদজি। গান বাজ্‌নায় অমন একজন ওস্তাদ লোক খুব কম মেলে; অন্ততঃ ঐ তল্লাটে ছিল না। মানুষ হিসাবেও না কি অমন একজন জানী-গুণী মানুষ প্রায়ই দেখা যায় না। লোকে বলে এইরূপ। ওস্তাদজীর এখন জীবন-মরণের সাধী হইয়াছে তাহার প্রিয়তম সেতারখানি, আর পৃথিবীর ভিতর তাহার সব চেয়ে ভালবাসার বস্তু—একটি কালো মেয়ে। সে মেয়েও তার নিজের নয়। —সে অনেক কথা। পরে বলিব।

বারান্দায় মাহুর বিছাইয়া ওস্তাদজি সেতার কোলে লইয়া গল্প শুনিতেন।

ভানু ছোঁড়াটি আসিয়া মাথা নোয়াইয়া বলিল—সেবা দিলাম ঠাকুরদা।

গলার আওলাজ শুনিয়া ওস্তাদজি বলিলেন—করে, ভানু? তিন দিন যে বড় এলি না? কোথাও গিয়াছিলি ক'দিন? —

শহরে গিয়েছিলুম ঠাকুর।

ভানু দিনরাত অষ্টপ্রহর একরূপ প্রায় ওস্তাদজির বাড়ীতেই পড়িয়া থাকে। ওস্তাদজির ছিলিমে ছিলিমে তামাক

চড়াইয়া দেয় আর বসিয়া বসিয়া গান শোনে।

ওস্তাদজিও ছেলোটিকে বড় ভাল বাসেন।

ভানু বলিয়া উঠিল—দা' ঠাকুর খবর আছে; সেই জন্তই আর বৃষ্টির পর ছুটে এলাম তোমার কাছে। বড় জমিদার বাড়ীতে আজকে ভারী মজ্জা লিস বসবে। তোমায় খবর দিতে আশায় কার বার করে বলে দিয়েছে। শিগ্গির করে যেও কিন্তু। নোকো নিয়ে আসি—কি বল?

—দাঁড়ানা রে; তোর সবটাতেই যে—দে ছুট।

ওস্তাদজির এই বকম ডাক প্রায় প্রত্যহই আসে।

না হইলে তাহার দিন চলাই হয়তো তার হইয়া উঠিত।

ওস্তাদজি ডাকিলেন—যমুনা!

যমুনা তখন এককোণে তুলসীমঞ্চে বাতি দিতেছিল। গলবস্ত্রে তুলসীমূলে প্রণাম করিয়া উঠিয়া দাঁড়াইয়া বলিল—কি বাবা, ডাকছে?

—আজকেও মা আসতে বোধ করি একটু রাত্তির হবে। ভাত চাপা দিগ্নে রাখিস। ভানু আমায় পৌঁছে দিগ্নে ফিরে এসে তোর কাছে থাকবে।

ভানু এরি মধ্যে গিয়া নৌকা লইয়া আসিয়াছে। ওস্তাদজি এক হাতে ও কাঁধে সেতার রাখিয়া আর এক হাতে অন্ধের যষ্টি ধরিয়া—চালক ভানু—গিয়া উঠিলেন সেই ছোট ডিক্টিটার উপর।

বংশীলাল সেতার বাজাইতে ওস্তাদ। ভানু নৌকা চালাইতে ওস্তাদ। দুই ওস্তাদে পাল্লা দিতে দিতে চলিল বিজলী বিলের উপর দিয়া ঐ পাড়ের দিকে।

কথাটা বৃদ্ধের বুকে বড় মিদারুণ বরজিল।

জমিদার বাড়ী যাইবার কথা ছিল; যায় নাই। বাড়ুই-হাটার ভানুজীদের বাড়ী হইতে ডাক আসিয়াছিল; ফিরাইয়া দিয়াছে। সাধের সেতার, তাকে পর্যন্ত আজ একবার সারাদিনের ভিতর আদর করিয়া কোলে তুলিয়া লয় নাই। সেই যে শয্যা লইয়াছে বংশীলাল আর শয্যা ছাড়িয়া কিছুতেই উঠিতে চায় না।

কথাটা বৃদ্ধের সত্যিই নির্ধাত লাগিয়াছে। মাথার কাছে বসিয়া যমুনা কত সাধা সাধনাই না করিতেছে, কিন্তু বৃদ্ধের সেই এক কথা—

না মা, এর উত্তর না গেলে আমি আজ কিছুতেই উঠছি না। অঙ্ক আমি কিছু চিরদিন ছিলাম না।

চোখ আমার এক কালে ছিল। সুন্দর জগৎ আমিও একবার চোখ মেলে দেখবার অবসর পেয়েছিলাম। বেঁচে থাকবার সখ কার না হয়! কিন্তু আর নয়—নিজেরুছেলে; তাকে যখন বিশ্বাস করতে পারলেম না, তখন ছুনিয়ার আর কাকে বিশ্বাস করতে পারি? বলত'!

—ছ'টো বা হোক পেটে কিছু দিয়ে তার পর সারা-বেলাটাও পড়ে রয়েছে, যত খুশী বোলো। এখন একবার ওঠোত'—বলিমা যমুনা বৃদ্ধকে উঠাইতে চেষ্টা করিল।

কিন্তু বংশী সে কথা কাণেও তুলিল না। বলিয়া যায়—
‘তুইত' সব জানিস, সব পাপ গিয়ে আমার ষাড়ে বর্তাবে। তোর মামা যখন কিছু টাকা আর তোকে দিয়ে আমার ষাড়ে সমস্ত বিশ্বাসের বোঝা চাপিয়ে নেংটা পরে বেড়িয়ে গেল, তখন কি আমি জানতুম যে বিশ্বাসের মর্যাদা আমি তার রাখতে পারবো না। যে ছেলে আমার কথা ছাড়া এক পা নড়তে চাইত না, তাকে কি না শেষে তোরি টাকা দিয়ে পাঠিয়ে দিলুম বিলেত থেকে বড় পাস হয়ে মাহুঘ হয়ে আসতে; যার সঙ্গে দিনরাত খেলা করতিস্, ভাবকরতিস্—মনে করে দেখ্ দিকি:সেই সব দিনের কথা। আর সেই ছেলে এখন বিলেত-ফিলেত না গিয়ে ধান্ধাবাজি ক'রে আমার কাছ থেকে টাকা বার ক'রে নিয়ে কল্কা-কাতায় গিয়ে বড়মাহুঘ সেজে বসল।’ আবার কি না বলে পাঠয়—কালো মেয়ে বিয়ে করব না! উঃ কি নিদারুণ কথা বলত' মা! আমি যে তোরই টাকা দিয়ে তাকে বড় মাহুঘ সার্জিয়ে দিলাম—সে কথাও কি তার একবার মনে পড়ল না?

যমুনা বলিয়া উঠিল—আঃ! তুমি চূপ কর না বাবা! কিছু খেয়ে নিয়ে না হয় যত ইচ্ছে বোলো।

কিন্তু বৃদ্ধ তবু উঠে না। আরো উচ্ছলিত হইয়া বলিয়া যায়।

যমুনা শেষে আর কোন মতেই না পারিয়া সেতারটি আনিয়া বৃদ্ধের বুকের কাছে তুলিমা ধরিয়া বলে—নাও বাজাওত', একটা গান গাইব!

এই যন্ত্রটির কাছে ওস্তাদজির সমস্ত যন্ত্র বিকল হইয়া যায়। অবশেষে না উঠিয়া পারে না।

বংশীলাল আত্মলে মেজাই পরাইয়া তারে ঝাঝার দেয়।
যমুনা গান ধরে—

ভুলি কেমনে আজো যে মনে
বেদনা মনে রহিল আঁকা—

আগে মন করলে চুরি
মর্মে শেষে হান্লে চুরি
এত শঠতা এত যে ব্যথা
তবু যেন তা মধুতে মাখা

অশ্রান্ত একটা ব্যথার ঝঙ্কার দিবানিশি আজকাল ঐ বাড়ীটার উপর লাগিয়াই আছে। সে সুখনীড় ভাঙ্গিয়া গেছে। আছে শুধু ছুইটি প্রাণীর অন্তঃসলিলা রোদনের ধ্বনি।

যমুনা কালো। তাই তার বড় দোষ। নইলে কালো মেয়ের অমন কালো চোখ হাজারেও মেলে না। বংশীর মত নাক। ছিপ-ছাপ স্মৃঠাম গড়ন। মেঘবরণ চুল। কিছুই ত তার অভাব ছিল না, কিন্তু সব চেয়ে অভিশাপ—তার গায়ের বর্ষ কালো; খুবই কালো।

তা হউক কালো। ওস্তাদজির সেই বড় আপশোষ কালো বলিয়া কি সে মাহুঘ নয়?

মাতৃপিতৃহীনা এই মেয়েটিকে বংশীলাল তাহার সমস্ত অস্তর উজাড় করিয়া ভালবাসিয়া ফেলিয়াছিল।

সে আজ বড় বেশী দিনের কথা নয়। বংশীলালের কোন দুরাত্মীয় যমুনার মাতুল হাজার পাঁচেক টাকা আর এই মেয়েটিকে; বংশীলালকেই উপযুক্ত নির্ভরশীল পাত্র মনে করিয়া তাহার উপর এই মেয়েটির ভালমন্দের সমস্ত ভার চাপাইয়া তিনি গৃহত্যাগ করিয়া চলিয়া যান। তাহার পর হইতে বংশীলাল যমুনা ও তাহার একমাত্র পুত্র গোরাচাঁদ দুইজনকে এক সঙ্গে করিয়া মাহুঘ করিয়া তোলেন। তখন হইতেই বংশীলাল এইরূপ একটা গোপন আশা ও ভরসা পোষণ করিয়া চলে এবং সেই সর্ব্বোপর্যন্ত পরে ছেলেকে স্বীকৃত করাইয়া মাহুঘ করিতে পাঠায়—সেই কোন দূর দেশে। কিন্তু ছেলে যখন নিতান্ত অমাহুঘের মতই তাহার সঙ্গে মিথ্যাচার করিতে

একটুমাত্র কুঠা বা সঙ্কোচ বোধ করিল না; তখন বৃদ্ধের আপশোষ করা ছাড়া আর গতি ছিল কি ?

কিন্তু ধালি আপশোষ করিলেও ত আর গতি মেলে না। তাই বংশীলাল আজকাল বড় একটা বাড়ীর বাহির হয় না। মাথায় হাত দিয়া বসিয়া বসিয়া ভাবে।

ভানু গান শুনিতে আসে, কিন্তু ওস্তাদজির কাছে আজকাল বড় একটা আমোল পায় না। তাই সে সময়টা ভানু আজকাল ওস্তাদজির ঘরের পিছনে বসিয়া বসিয়া মাছ ধরে। আজও সে চার পাঁচটি বাঁশের কঞ্চি তার সঙ্গে খানিকটা করিয়া রেলসুতা, আর তারি সঙ্গে একটা করিয়া বর্শি গাঁথিয়া মাছ ধরিতে বসিয়া গেছে। পায়ের কাছে একটা নারকেলের ভাঙ্গা খোলের ভিতর অল্প কিছু মাটি মাখানো কেঁচো আর একটা কচুর পাতার উপর কয়েকটা টাংরা মাছ, তাহারই ধৈর্যের নিদর্শন স্বরূপ পড়িয়া আছে। অধিকতর আগ্রহে ভানু তখনো নিপুণতা সহকারে টোপগুলির দিকে দৃষ্টি স্থির নিবদ্ধ করিয়া চাহিয়া আছে। হঠাৎ ওস্তাদজির ডাকে সাড়া পাইয়া ভানু সেগুলি গুটাইয়া একদিকে সরাইয়া রাখিয়া উপরে উঠিয়া আসিয়া বলিল—ডাকছেন দা'ঠাকুর ?

ওস্তাদজি বলিলেন—হাঁ বাবা পারবি একটা কাজ করতে ভারী উপকার হয়। আমাদের নিয়ে যেতে পারবি কলকাতা সহরে ? আমি যে অন্ধ বাবা ! অপর কারো সঙ্গে ছাড়া আমি যাই কি করে ! পারবি ? বলত' আজকেই বেরোই।

কলকাতা সহর !

ভানুও শুনিয়াই আঙ্লাদে আটখানা। যার এত নাম-ডাক সেই কলকাতা সহর—দেখা হয়ে যাবে। তাহার না বলিবারত' কিছুই নাই। এক কথাতেই ভানু রাজি হইয়া গেল।

তা হলে বাড়ী থেকে কাপড় জামা নিয়ে আসি, কি বল ?

অদূরে দাঁড়াইয়া যমুনা সব শুনিতেছিল। চুপ করিয়া থাকিতে আর সে পারিল না। চোখ তখন তাহার ভিজিয়া উঠিয়াছে।

বলিল—তোমার কি বাবা শেষে মাথা ধারাপ হয়ে গেল না কি ? নিজের চেহারা ত আর নিজে দেখতে পাও

না, কিন্তু আমরা দেখতে পাই। কি ছিল আর ভাবতে ভাবতে কি হয়ে গেলে বল দেখি ! না কোথাও যেতে পারবে না। কলকাতায় যাওয়া টাওয়া হবে না।

বংশীলাল বলিল—কিন্তু মা একটা ব্যবস্থা ত করতে হবে। না হলে যে আর গাঁয়ে টেকা দায় হয়ে উঠবে !

যমুনার মুখ ফুটিল, বলিল—আমায় তাড়াতে যদি তোমার এতই সাধ জেগে থাকে, তা হলে স্পষ্ট করে বল না কেন ? তার তো উপায় ভগবান্ কম বাৎলে দেন নি। গায়ের রং কালো তা তুমি বেশ জানো—এ নিয়ে ছিনিমিনি খেলে আমার জীবনটা আরো দুর্ভাগ করে তুলে লাভ কি ? আর তোমারি বা সেই ভাবনা ভেবে ভেবে দেহ মাটি করে কি লাভ ? তার চেয়ে এইত, আমরা বেশ আছি—বাপ বেটিতে।

—কিন্তু মা তা যে হয় না সমাজে থাকলে—গাঁয়ে থাকলে দশজনের কথা শুনে হলে বৈ কি ?

যমুনাও উত্তর দিতে ছাড়িল না। বলিল—কিন্তু আমাদের দেশে এদৃষ্টান্তও ত বিরল নয়। বাঙ্গলার মেয়ের আজীবন কুমারী হয়ে থাকা সে অত্যাচারও আমাদের দেশে কম ঘটে নি। এখানেও না হয় সেই ব্যবস্থাই হবে।

বৃদ্ধ সজোরে মাথা ঝাঁকিয়া বলিলেন—না না সে হয় না, তোর জীবনটা আমি নষ্ট করে দিতে কোন মতেই পারি না। তুই কালো, কিন্তু আমি ত নিজে হাতে তাকে গড়ে তুলেছি ; আমি জানি এই কালো মেয়েটার ভেতর যা আছে তা বহু বসরার গুলবাগেতেও মেলে না। আমি যাব। কাপড়-চোপড় গুছিয়ে নে।

—তা হলে যাবেই, কিন্তু বাবা তুমি বুঝলে না বতখানি চুপ ছিল, ঐ ভাল ছিল এর পরে হয়তো জীবন আরো অবসন্ন হয়ে উঠবে। এখনো ভেবে দেখ—কালো মেয়ে—সেটা তুমি ভুলেই যাচ্ছ।

কিন্তু বৃদ্ধ সে সব কথা মানিতেই চায় না। তাহার বিশ্বাস হয়ত এত বড় একটা দুনিয়ায় অন্ততঃ একটা মানুষ খুঁজে বার করা যাবেই যাবে, সকলেই ত আর তার ছেলে নয়।

কিন্তু সরল বৃদ্ধের ভুল যে এখানেই।

কলিকাতা সহর ত আর এতটুকু নয় বায়ুন পাড়াও নয় এই বিশাল জনারণের মধ্যে একটি অন্ধ সঙ্গে একটি যুবতী নারী আর তাদেরি কর্ণধার কিন্না একটি অন্ধ পাড়াগাঁয়ের বাঙ্গীদের ছেলে, ভান্নু—

কি করিবে, কোথায় যাইবে, সব চেয়ে বেশী ভাবনা হইল যমুনার।

যমুনা বলিল—কিন্তু এখন কোথায় গিয়ে দাঁড়াবে ; দেশ ত' ছেড়ে এলে !

বৃদ্ধ 'কিন্তু'কে বড় একটা গ্রাহ্যই না করিয়া নিশ্চিন্ত ও নির্ভরচিত্তে বলিলেন—অত ভাবচিস কেন মা ? যিনি আমাদের দেশ ছাড়িয়ে এখানে টেনে এনেছেন তিনিই যে উপায় বাৎলে দেবেন সে বিশ্বাসটুকু খুব জোর করে চেপে রাখবি। জীবনের একটা সহজ সরল সত্য পথ আবিষ্কার করে নিবি, আর সেটি কল্পনার গভীর ভেতর আবদ্ধ ক'রে ধরে না রেখে বাস্তব জীবনের সঙ্গে মিলিয়ে নিয়ে চলতে থাকবি, কিন্তু সে পথটা সত্য হওয়া চাই, আর তার ভেতর আন্তরিকতা ও একনিষ্ঠা থাকলে শত সহস্র আপদ-বিপদকে তুচ্ছ ক'রে গিয়ে তোর সীমানায় পৌঁছতে পারবিই পারবি—এ আমার দৃঢ় বিশ্বাস !

সে কথা তোমার মুখে বাড়ীতে হাজারবারেরও বেশী শুনেছি, কিন্তু সে আধ্যাত্মিক ব্যাখ্যা ত' আর রাস্তা-ঘাটে চলতে পারে না। রাগ কোরো না বাবা—ও থেকে ত' আর কোন উপায় এখন বেরিয়ে আসচে না। আমার কিন্তু ভারী ভাবনা হচ্ছে—

বৃদ্ধ তথাপি নিরস্ত হইলেন না। বলিলেন—অত দুর্বলতা কেন মা ? নিজের ভেতর যে ভগবান্ নিয়ত বাস করছেন তাঁকে অত অবিশ্বাস করিসনে। যা খেয়ে খেয়ে এই পঙ্গু জীবনটা অনেক কিছু আবিষ্কার করে কেলেছে। ব্যর্থতায় গিয়ে পড়লেও, তখন মনে মনে এই কথাটাই ঠিক জেনে নিবি যে ঠিক পথে চলে আসতে পারিসনি। তখন নিজের ভুলের অণু হুঃখ করতে পারিস, কিন্তু সেই ভগবানের গলা টিপে মারতে পারিস না। আর সে শক্তিই তোদের আছে কোথায় ? এ খালি খালি গলা কাটিয়ে যুক্তি দিয়ে বোঝাবার জিনিস নয় রে যমুনা ; এ মা হৃদয় দিয়ে বোঝবার !.....

বৃদ্ধের যেন চোখ নাই ; কিছু দেখিতে পায় না, মুখ

দিয়া যা খুশী বলিয়া গেলেই হইল, কিন্তু যমুনার ত' চোখ আছে—এই আত্মব-সহরের গাড়ী চলা-চলি, লোক ঠেলা-ঠেলি, ঘোবনের উপর কটাক কিছুই সে বরদাস্ত করিতে পারিতেছিল না। নিতান্ত নিরুপায়ের মতই বলিল—কিন্তু বাবা, কি হবে ?

বৃদ্ধের অসীম ধৈর্য !—এ 'কিন্তু'র মীমাংসা মা হয়েই আছে। দাঁড়া না ; তুই যমুনা ভারী ব্যস্ত হচ্ছিস। বলিয়া বৃদ্ধ একান্ত নির্ভয়ে ভান্নুর গতি অনুসরণ করিতে লাগিলেন।

এ যেন ভগবানের বলিয়া দেওয়া কথা ! নইলে সত্যি করিয়াই এমন অভাবনীয় কাণ্ড ঘটবে কিরূপে ?

বংশীলাল হঠাৎ মাক রাস্তায় খামিয়া পড়িয়া অক্ষুচ-কণ্ঠে বলিয়া উঠিলেন—গান্.....

ঠায় দাঁড়াইয়া খানিকটা শুনিয়া ওস্তাদজি ভান্নুকে বলিলেন—চল এই বাড়ীতে, নয় ছুটো মন্দ কথা ক'য়ে তাড়িয়ে দেবে ; তা দিক, চেষ্টা করতে দোষ কি ?

ভান্নু বলিল—কিন্তু দাঠাকুর দরজায় যে সেপাই রয়েছে !

বংশীলাল কহিলেন—চল না, দেখেই আর না ! যমুনাও পিছনে পিছনে চলিল।

ভান্নু ভুল করে নাই। সেপাই তাহার গরম মেজাজে ফোস করিয়া উঠিল—এও, ঢোকো মৎ, ভাগো—

যাই বাবা রাগ করিস নে। চেষ্টা দেখাছিলাম। খাটিতে গিয়ে পোছান অত সহজ নয় রে বাবা ; ভুল-চুক ত' হবেই ! চল ভান্নু, লক্ষী আবার চলতে থাক...

বলিয়াই ওস্তাদজি যেমন পিছন ফিরিয়াছেন, উপরে যে ঘরে মজলিস চলিতেছিল সেই ঘর হইতে একটি বাবুর কর্ণধর শোনা গেল—মশাই ভেতরে আসুন !

সেপাই সসন্ত্রমে রাস্তা ছাড়িয়া দিল।

বংশীলাল জোড়হস্ত কপালে ঠেকাইয়া সেতারটি জোরে বুকে চাপিয়া ধরিল।

যমুনা মনে মনে বলিল—ভাগিয়াস সেতারটি সঙ্গে ছিল ! বৃদ্ধ হয়ত' ভাবিলেন—ওটি উপলক্ষ্য মাত্র !

বাবুটি আর কেহ নন ; বিজলি-বিলের ওপারের ছোট ভরকের অমিদার নন্দকিশোর বাবু। বংশী ওস্তাদজিকে তিনি বিশেষরূপেই চেনেন। ঘরের ভিতর হইতে

তিনি প্রথম দৃষ্টিতেই তাঁহাকে বেশ চিনতে পারিয়া ছিলেন।

ওস্তাদজির মুখে হঠাৎ তাহাদের সহরে আগমনের কারণ জিজ্ঞাস্য করিয়া সমস্ত শুনিয়া তিনি আশ্বাস দিলেন, সমস্ত ব্যাপারেই তিনি তাহার যথাসাধ্য সাহায্য করিবেন।

যমুনা অন্তরমহলে স্থান পাইল। ওস্তাদজির ত' কথাই নাই; যতদিন খুশী তাহার ইচ্ছামত সেখানে থাকিয়া যাইতে পারিবেন।

তামু দিন পাঁচ-সাত থাকিয়া ঘুরিয়া ফিরিয়া সহর দেখিয়া মহানন্দে দেশে ফিরিল।

এ দিকে দিনও যায়! কিন্তু ঠিক আর কিছুই হইয়া উঠে না। ওস্তাদজির চিন্তা বাড়ে বৈ কমে না।

তারপর প্রায় মাসখানেক ত' খুবই কাটিয়া যাইবার পর হঠাৎ একদিন নন্দকিশোরবাবু ওস্তাদজিকে ডাকিয়া বলিলেন—একটি ভাল পাত্রের সন্ধান পাওয়া গেছে; আমি প্রায় সবই ঠিক করে ফেলেছি। ছেলেটি বড় কারবার করে। ঐ এক বাপের এক ছেলে। নগদ টাকাও না কি বেশ আছে। আমাদের দিক্ থেকেও কিছু দিতে-থুতে হবে, তা আমিই দেব ওস্তাদজি; আপনার ভাবতে হবে না.....

ওস্তাদজি যেন মাটির সঙ্গে মিশিয়া গেল। বলিল—হুজুর এতখানি ত' আমি আশা করিনি, আমায় কিনে রাখলেন হুজুর। আমার যে আনন্দে বুক ফুলে উঠছে—কথা দিয়ে বোঝাতে পারছিনে ..

নন্দকিশোরবাবু মাঝখানে বুদ্ধকে ধামাইয়া বলিলেন আঃ! অত বিনয় প্রকাশ করছেন কেন! আপনারা গাঁয়ের লোক, তাতে আপনার মত লোকের যদি কিছু করতে পারি, সেত আমারি আনন্দের কথা.....

বিবাহ হইয়া গেল।

কিন্তু বিবাহের সঙ্গে সঙ্গেই যমুনার যেন সর বদলাইয়া গেল। এত হুঃখের প্রাচুর্যের মধ্যেও তাহার মুখে হাসি ফুটিত, একটা আশ্চর্য্য সে অনুভব করিত। মধুর ভবিষ্যৎ সে যেন কোনমতেই রদিন করিয়া তাহার চোখের সম্মুখে উড়িতে পারিল না। ওস্তাদজিকে ছাড়িয়া যাইতে হইবে ভাবিয়া তাহার অন্তর হাহাকার করিয়া উঠিল, আর তার

চেয়ে আর একটা নিষ্ঠুর শঙ্কা তাহার প্রাণে জাগিয়া তাহাকে উন্নয়ন করিয়া তোলে, সেটি হইল তাহার বিধাতার দেওতা—কালোরূপ!

যমুনা বংশীবালের গলাটা জড়াইয়া কাঁদিয়া ফেলিল—তোমার গলার কাঁটা আজ থেকে নেমে গেল বাবা, আর ছুঃখ কোরো না!”

অভিমান করিস নে মা! আর এ বুড়োকে ক'দিনই বা মনে থাকবে! সব ভুলে যাবি। নারী হয়ে জন্মেছিল এই মিলনই তার স্বার্থকতা।

বলিতে বলিতে বুদ্ধের গলা ভিজিয়া আসিল, ছুই চক্ষু দিয়া টস্, টস্, করিয়া জল গড়াইয়া পড়িতে লাগিল। সজোরে যমুনাকে বন্ধে চাপিয়া ধরিল।

বুদ্ধের ভিতর থাকিয়াই যমুনা বলিতে লাগিল—ভূমি বুঝলে না, কি ভুল করলে! স্বাধীন জীবন ত' বেশ ছিল। ভূমি সেতার বাজিয়ে বেশ উপার্জন করতে পারতে, আর আমিও মেয়েদের গান শিখিয়ে ছ'পয়সা বেশ আনতে পারতাম—বাপ বেটিতে বেশ থাকতাম!

ছুঃখ করিস নে মা! জীবনে যত বিপাকেই পড়িস না কেন, সত্য—এই মহাবাগী ভুলিসনে যেন। আমার এই শেষ কথাটি মনে রাখিস!

যমুনা চলিল বরের সঙ্গে স্বস্তর বাড়ীতে। ভয়ে বরের দিকে সে এপর্য্যন্ত একবার ভাল করিয়া চাহিয়াও দেখে নাই।

কিন্তু চাহিয়া যখন দেখিল, তখন সে এ কথা ভাবিয়া ঠিক করিয়া উঠিতে পারিল না, যে ছুনিয়াটার সব আলো এক সঙ্গে দপ্ করিয়া নিবিয়া গেল কি করিয়া!

কল্পনাতেও যা সে ভাবিতে পারে নাই, তাই যে তাহার মত এই নেহাৎ অকিঞ্চিৎকর অতি তুচ্ছ ছুঃখময় জীবনটার উপর একটা বিভীষিকার সৃষ্টি করিয়া তুলিবে, এ কথা যে সে একবার স্বপ্নেও ভাবে নাই।

ওস্তাদজির অভয়বাণী যমুনা কোন মতেই মনে প্রাণে গ্রহণ করিতে পারিল না।

ভাল করিয়া সে আর একবার সন্দেহ-বাকুল দৃষ্টিতে চাহিয়া দেখিল—ভুলও সে করে নাই!—সেই যুগাব্যঞ্জক মুখখানি তাহার দিকেও অমনি বিস্ময়ে তাকাইয়া আছে।

যুধখানি বড়ই চেনা অস্ত্রতঃ এককালে খুবই ছিল।

এখনো মা চেনার কোন মানে নাই। সেও কালো ; সুন্দর কোন মতেই নয়। ঐ ওস্তাদজিরই ছেলে যমুনার টাকাতেই বড়লোক ! গোরাচাঁদ !

তবু চেনে না। প্রকৃতিগত বৈশিষ্ট্য তাহার ভিতর হয়ত বা কিছু আছে !

গোরাচাঁদ পরিষ্কার শুদ্ধ মাতৃভাষায় নিঃশঙ্কোচেই বলিল—তোমায় তখনি আমি চিনেছিলাম, চম্কেও উঠেছিলাম, কিন্তু ঐ জায়গাটায় একটা হাঙ্গামো বাধানো নিরাপদ নয় বুঝে চুপ করে গেলাম। আর যা হবার হয়ে গেছে। ও নিয়ে আর ঘাঁটাঘাটি করে কোন লাভ নেই। তুমি ওস্তাদজিকে নিয়ে দেশে গিয়ে বাস করগে। বরং মাসে মাসে আমি তোমাদের কিছু কিছু করে পাঠাবো।

যমুনার মনে হইল এ বাড়ীতে সে আর এক যুহুর্ন্তও থাকিবে না, কিন্তু হঠাৎ তাহার একটি কথা মনে পড়িয়া যাওয়ায় সে গোঁরাচাঁদের পায়ের কাছে বসিয়া বলিল—তোমার বাড়ীতে ত দাসী চাকরও থাকে, আমি না হয় সেই সামিল হয়েই থাকবো, কিন্তু বাবার স্মরণে যদি এই ভাবে ফিরে চলে যাই তা হলে এ ব্যথা তিনি কিছুতেই সহ করতে পারবেন না। এইটুকু দয়া তোমায় করতেই হবে, তিনি যে তোমারও বাপ।

কিন্তু দয়ারও একটা সীমা আছে। তাই গোঁরাচাঁদ বলিল—ও সব জ্বরদস্তির কথা চলতে পারে না, আর ওরকম কোন ব্যবস্থা এখানে কোন মতেই হতে পারে না। তুমি এখানে থাকলে আমার অনেক কিছু বাধা আছে, সে সব তুমি বুঝবে না। আর তোমাকে আমি ইচ্ছে করে নি। বড়লোকের বাড়ীতে কিছু পাব ধোব সেই আশাতেই সেখানে বিয়ো করেছিলাম—তা যে সেখানে গিয়েও তোমরা কণ্টক হয়ে জুড়ে আসবে এ আমি কি করে জানবো ! দেশে গিয়েই থাকগে। তোমাদের কোন অসুবিধে হবে না আমি টাকা পাঠাবো।

এহেন উক্তির পর যমুনার কিছু বলা চলিলেও তাহার বলিবার শক্তি রহিল না। কেবল তাহার মুখ দিয়া বাহির হইল—উঃ ! মাগুষ এত নিষ্ঠুর হয় !

কিন্তু সে কথাই বা কে শোনে !

যমুনা আর যুহুর্ন্ত বিলম্ব না করিয়া ঠিক যেমন ভাবে আসিয়াছিল ঐ ভাবেই বাড়ীর একটি ঝিকে সঙ্গে লইয়া গোরাচাঁদের বাড়ী হইতে নামিয়া গেল।

নীচের খালি ঘরটাতে পরম নিশ্চিন্তে বসিয়া ওস্তাদজি তখন সংবে মাত্র শুধু গলায় একটা গান ধরিয়াছেন—

সুখ পেয়ে লোক গর্ব করে
আমি করি দুঃখের বড়াই
আমি কি দুঃখেরে ডরাই

গাড়ী হইতে নামিতেই যমুনা শুনিতে পাইল ওস্তাদজি রামপ্রসাদী ধরিয়াছেন।

তাহার পা আর সরে না। বৃদ্ধের এ সুখ স্বপ্ন ভাদিতে তাহার মন যেন কিছুতেই অগ্রসর হইতে চায় না। কিন্তু রাস্তার মাঝখানে দাঁড়াইয়া অস্ত্র ভাবিবার সময়ও নাই। একবার ভাবিল ফিরি। আবার কি ভাবিয়া সে ঘরের দিকে আগাইয়া চলিল। অতি দীর পাদক্ষেপে ঘরে ঢুকিয়া যমুনা ওস্তাদজির পায়ের কাছে যাইয়া বলিল দুই কোটা চোখের জল, একটি ঠাণ্ডা হাতের স্পর্শ বৃদ্ধ যেন তাহার পায়ের উপর বেশ অনুভব করিল। গান বন্ধ করিয়া বলিলেন—কে ?

বাবা চল দেশে ফিরে যাই !

যমুনার গলা শুনিয়া বৃদ্ধ নূতন এক বিপদের সম্ভাবনার শিহরিয়া উঠিলেন। বলিলেন—তুই চলে এলি যে ?

যমুনা চুপ করিয়া পড়িয়া থাকে। কোন মতেই কিছু বলিতে পারে না। কেবল ঐ দুটি কথা—চল দেশে !

কিন্তু বৃদ্ধ না শুনিয়া ছাড়িল না।

উঃ !—সঙ্গে সঙ্গে একটা অতি বড় দীর্ঘশ্বাস ছাড়িয়া বৃদ্ধ যমুনার কোলে এলাইয়া পড়িল

আধ ঘণ্টা ঠিক এই একই অবস্থায় কাটিয়া গেছে ! হঠাৎ বৃদ্ধ বলিয়া উঠিল—তাই চল মা, দেশেই চল ; কিন্তু আমার বড়ই বিশ্বাস ছিল।

নীল আকাশের গায়ে মাঝে মাঝে লক্ষ্মান সুপারি গাছ আর ভাসনান বিলের উপর ঘন আমলায় বৃহদাকার গাছ গুলির কঁক দিয়া যে দুই একটি টেমের চাল আবছায়ার

বত দেখা যাইতেছে—ঐ বায়ুন পাড়া ; এঁখনও বহুদূর !

সুপ্তগঙ্গা নদীটি এখন আর সুপ্তা নয়, তাহার উপর দিয়া জোর স্রোত বহিয়া চলিয়াছে। ধারে কাছে আর মাটি দেখা যায় না। কেবল জল, আর জল। একদিকের সীমারেখা যাইয়া মিশিয়াছে ঐ অস্পষ্ট গ্রামের কোল ঘেঁষিয়া, আর অন্য দিকগুলি দূর চক্রবালের শেষ সীমায় কোথায় গিয়া মিশিয়াছে কিছু ঠাহর করিবার যো নাই। উপরে উন্মুক্ত নীল আকাশ। মেঘের আড়ম্বর মাত্র নাই। রাত্রি প্রহর খানেক। জ্যোৎস্নাস্নাত পৃথিবী যেন কার স্পর্শে এক অপূর্ব স্ত্রী ধারণ করিয়াছে।

ষ্টেশন হইতে দুরাগত দুই একটি যাত্রীর নৌকা চলিয়াছে যার যার ঘরের দিকে।

একটি ছোট এক মাঝা ডিঙ্গির উপর বংশীলাল ওস্তাদ আর যমুনা গৃহে ফিরিতেছিল।

ওস্তাদজির অদ্ভুত মনের বল। পুরানো কথা বড় একটা বলে না। কেবল দু'একটা কথা মাঝে মাঝে ভুলের সঙ্গে বলিয়া ফেলে—যমুনা আমি কেবল ভাবি তোর কালো রূপটাই সকলের সুখে বড় হয়ে ধরা পড়ল। কিন্তু এই কালোর ভেতরেও যে কি আলো ছিল তা যে কোন দরদীর চোখেও ধরা পড়ল না ; আমি সব চেয়ে বিস্মিত হচ্ছি এই ভেবে। আর কেবল ভাবি জগৎটা এত ঘোরালো কেন ?

যমুনা সে কথা চাপা দিয়া আবার বলে—হ্যাঁ, সেই গানটা ধরো !

ওস্তাদজি আবার তারে বন্ধার দেয়,—সঙ্গে সঙ্গে নিজেই গান ধরে—

নমো নমো যন্ত্রপতি নমো নমো অশাস্ত !

“তব্লে তব ত্রস্ত ধরা, সৃষ্টি পথভ্রাস্ত”

* * *

ওস্তাদজি গান ধামাইয়া বলে—আমি বাজাই, তুই একটা ধর—সেই, সেই গানটা।

যমুনা গান ধরে—

সীমার মাঝে অসীম তুমি

বাজাও আপন সুর

তোমার মাঝে আমার প্রকাশ

তাই এত মধুর”

যমুনার সুললিত নারীকণ্ঠ উন্মুক্ত প্রান্তরের উপর স্বচ্ছন্দগতিতে নৃত্য করিয়া তালে তালে বেড়ায়।

অকস্মাৎ স্তব্ধ ধরণীর একান্ত সঙ্গোপনে সাধনার ব্যাধাত ঘটাইয়া সমুদ্রগর্জনের মত একটি আলোড়িত ভীষণ শব্দ ঐ দূর হইতে ভাসিয়া আসিতেছিল।

আশ পাশের নৌকার আরোহীরা একসঙ্গে চীৎকার করিয়া উঠিল—বান আসছে, বান আসছে। সঙ্গে সঙ্গে যার যার নৌকা হইতে লাফাইয়া পড়িয়া সাতরাইয়া পার ধরিতে চেষ্টা করিল।

এই ছোট ডিঙ্গিটার মাঝি, তারো প্রাণের মায়া আছে, সেও পালাইল যদি বা প্রাণে বাঁচিতে পারে।

এই আসন্ন বিপদকে নিতান্ত তুচ্ছ করিয়া পড়িয়া রহিল দুইটি প্রাণী যাদের এ হেন বিপদকে বন্ধু ছাড়া ভাবিবার আর কিছুই নাই।

ওস্তাদজি একান্ত নির্ভয়ে শান্তির নিঃশ্বাস ফেলিয়া বলিলেন—যমুনা ! আমাদের ভয়ও নেই ভাবনাও নেই, ভয় করিসনে ! আজকের সৃষ্টির এই আশ্চালন শুধু আমাদের জন্মই। সবকে বাদ দিয়ে, কেবল আমাদের আদর করে তুলে নিয়ে যাবে। এই বন্ধুর আমন্ত্রণ উপেক্ষা করতে নেই। এও আনন্দ, আমাদের জীবন প্রলয়ের ভেতর আনন্দ কুড়িয়ে নেবার। জন্মে ! আমার প্রাণে বড়ই উল্লাস জেগে গেছে, হ্যাঁ মা ঐ গানটা—

যমুনার আর্ন্ত কণ্ঠে আবার ধ্বনিয়া উঠিল—

সীমার মাঝে অসীম তুমি

বাজাও আপন সুর।

তোমার মা...আ...আ...

একটি প্রবল ঘূর্ণীপাকে ডিঙ্গি কাৎ করিয়া কেলিল ! সেই বন্যাস্রোতে বিক্ষিপ্ত হইয়া ঘূর্ণীপাকে ঘুরিতে ঘুরিতে কোথায় ভাসিয়া চলিল সে বন্ধ, কোথায় গেল সে যমুনা, আর কোথায় গেল তাহাদের সে সাধের সেতার !

কোথায় গিয়া তারারা ঠেকিল, নির্ধূর নিয়তির নিশ্চয় হস্তে যে কৰ্মকোলাহলময় সংসারের ঘূর্ণীচক্র হইতে তাহাদের টানিয়া লইয়া গিয়া কোথায় যেন কোন আবর্তের মধ্যে ফেলিয়া দিল—তাহারা মরিল কি বাঁচিল—কে বলিবে !

পৃথিবীর ধর্মোন্মোলের প্রগতি

[অধ্যাপক শ্রীরাসমোহন চক্রবর্তী পি-এচ-বি, পুরাণরত্ন]

“আলো প্রাচ্য হইতে আসে” (ex orientelux)— পৃথিবীর বিভিন্ন জাতির ধর্ম ইতিহাস পাঠ করিলে আমরা এ-উক্তিটির যথার্থ্য সম্যক উপলব্ধি করিতে পারি। পৃথিবীর প্রধান প্রধান ধর্ম মতগুলির প্রত্যেকটি প্রাচ্যদেশে উদ্ভূত হইয়াছে। চৈনিক, আৰ্য্য ও সিমাইট (semites)-মনুষ্য জাতির এই তিনটি প্রধান শাখা কর্তৃক সূদূর অতীতে যে দশটি ধর্ম প্রতিষ্ঠাপিত হইয়াছিল, তাহাই শত শত শতাব্দী যাবৎ পৃথিবীর বিভিন্ন স্থানে অনুসৃত হইয়া আসিয়াছে, আজিও তাহাদেরই অনুবর্তন চলিতেছে। সেমিটিক জাতি মিশরীয়, আসীরীয়, যীহুদী, খৃষ্টীয় ও ইসলাম—এই ৫টি ধর্মের জন্মদাতা। আৰ্য্যজাতি হইতে হিন্দু, জরথুষ্ট্রী, জৈন ও বৌদ্ধ—এই চারিটি ধর্মের উৎপত্তি হইয়াছে। আর চৈনিক জাতি কনফুচীয় ধর্মের জন্মদাতা। মিশরীয় ও আসীরীয় ধর্ম বহু পূর্বে লুপ্ত হইয়া গিয়াছে, কিন্তু অপর ৮টি ধর্ম জাতীয় বা সার্বভৌম ধর্মরূপে (national or world religions) অদ্যাবধি প্রচলিত আছে। প্রায় ৬৬০ খৃঃ পূঃ পারস্যের প্রাচীন অধিবাসী ইরাণীয় দিগের মধ্যে জরথুষ্ট্রের আবির্ভাব ঘটে। প্রায় সমসময়ে চীনদেশে কংফুৎস ও লাওৎসের আবির্ভাব হয়। কংফুৎস উচ্চনীতি-মূলক ধর্ম ও লাওৎসে সত্যিকার আধ্যাত্মিকতার উচ্চ আদর্শ প্রচার করেন। প্রায় সমসময়ে ভারতবর্ষে আর একটি বিরাট আধ্যাত্মিক তরঙ্গ উদ্ভিত হয়, যাহার শিখর-দেশে আমরা দেখিতে পাই ভগবান্ বুদ্ধদেবকে। তিনি “চতুরার্য্য-সত্য” আৰ্য্যোষ্টাঙ্গিক মার্গের প্রচার দ্বারা মানব-জাতিকে জন্ম, জরা ও মৃত্যুর কবল হইতে মুক্তি রূপ নির্মাণ প্রাপ্তির পথ প্রদর্শন করেন। তাহার প্রায় ৬০০ বৎসর পরে প্যালেষ্টাইনে প্রভু ঈশ্বর আবির্ভূত হইয়া ঈশ্বরপ্রেম ও মানবভ্রাতৃত্বের উচ্চ আদর্শ প্রচার করেন। কিন্তু প্যালেষ্টাইনে যে আলো জ্বলিল, তাহা দ্বারা গভীর তমসাচ্ছন্ন আরবের ঘনান্ধকার নিরাকৃত হইল না। তাই প্রভু ঈশ্বর আবির্ভাবের ৬০০ বৎসর পরে আরববাসীদের

মধ্যে হজরত মহম্মদের আবির্ভাবের প্রয়োজন হইল। তিনি এক ও অদ্বিতীয় পরমেশ্বরের প্রচার দ্বারা তাহাদিগকে সত্য ধার্মিকতার পথ প্রদর্শন করিলেন।

সেমিটিক ধর্ম

সেমিটিক জাতি হইতে উৎপন্ন ৫টি ধর্মের মধ্যে প্রথম দুইটি অর্থাৎ মিশরীয় ও আসীরীয় ধর্ম বহুকাল পূর্বে লুপ্ত হইয়া গেলেও আজিও এই ধর্মমত-সম্বন্ধে জানিতে হইলে উপকরণের অসম্ভাব হয় না।

যে সকল প্রাচীন ধর্মমত বিশেষ পরিবর্তন বাতিরেকে অদ্যাবধি প্রচলিত আছে, যীহুদী ধর্ম (Judaism) তাহাদের অন্যতম। Old Testament ইহাদের শাস্ত্র-গ্রন্থ; গ্রিক ভাষায় লিখিত। ৭০ খৃষ্টাব্দে রোমক সম্রাট টিটাস্ (Titus) জেরুজালেম্ অবরোধ করেন। যীহুদীদের পরাজয়ের সঙ্গে সঙ্গে প্যালেষ্টাইন্ হইতে যীহুদী ধর্ম বিতাড়িত হয়। সে সময় হইতে আজ পর্যন্ত তাহারা পৃথিবীর নানা স্থানে বিক্ষিপ্ত ভাবে অবস্থান করিয়া নিজেদের ধর্ম মত অনুসরণ করিয়া চলিতেছে। বর্তমানে পৃথিবীতে যীহুদী ধর্মাবলম্বীদের সংখ্যা ৪০ লক্ষ। গৃহ-হারা যীহুদীদের আবার স্বগৃহে প্রত্যাবর্তন করিয়া নিরুৎসাহে স্বকীয় ধর্মমত অনুসরণের সম্ভাবনা দেখা যাইতেছে।

যীহুদী ধর্ম জাতীয় ধর্মরূপে (National Religion) গণ্যবদ্ধ হইয়া থাকিলেও; তাহারই দুইটি শাখা খৃষ্টধর্ম ও ইসলাম্ সার্বভৌম ধর্মরূপে পরিণতি লাভ করিয়াছে। খৃষ্টধর্ম ইউরোপ, আমেরিকা ও অষ্ট্রেলিয়ার সর্বত্র বিস্তৃত হইয়া পড়িয়াছে। আর ইসলাম্ পশ্চিম ও মধ্য এশিয়ার অধিকাংশ স্থানে এবং মরক্কো পর্যন্ত উত্তর আফ্রিকাতে বিস্তার লাভ করিয়াছে।

খৃষ্টীয় ১ম শতকে যীশুখ্রীষ্ট কর্তৃক প্যালেষ্টাইনে খৃষ্টধর্ম প্রচারিত হয়। খৃষ্টানদের ধর্মপুস্তক New Testament

গ্রীকভাষায় লিখিত। বর্তমানে খৃষ্টানদের সংখ্যা প্রায় ৫৩ কোটি ৫০ লক্ষ।

ইসলাম পৃথিবীর সর্বাধিক ধর্মসমূহের মধ্যে সর্বাপেক্ষা আধুনিক। ৭ম খৃষ্টাব্দে আরব দেশে মুহাম্মদ কর্তৃক এই ধর্মমত প্রচারিত হয়। ইহার পবিত্র গ্রন্থ “কোরান” আরবী ভাষায় লিখিত। ইহার অনুবর্তীদের সংখ্যা বর্তমানে ১৭ কোটি ৫০ লক্ষ।

আর্য্য-ধর্ম

আর্য্যজাতি চারটি ধর্মের জন্মদাতা :—জরথুষ্ট্রীয়, হিন্দু, জৈন ও বৌদ্ধধর্ম। জরথুষ্ট্রীয় ধর্ম পারস্যে এবং অপর তিনটি ভারতবর্ষে উদ্ভূত হইয়াছিল।

জরথুষ্ট্র-কর্তৃক প্রচারিত ধর্মের সহিত বৈদিক আর্য্য-ধর্মের নানা বিষয়ে সাদৃশ্য আছে। “আবেস্তা” পারসিক-দিগের ধর্মগ্রন্থ; জৈন্দ্ ভাষায় লিখিত। প্রায় হাজার বৎসর পূর্বে বিজ্ঞতা মুসামান কর্তৃক এই ধর্ম পারস্য হইতে নিরাকৃত হয়। পারসিকদিগের মধ্যে অনেকেই ইসলাম ধর্মে দীক্ষিত হইয়া, মুষ্টিমের বিশ্বাসী পারসিক ভারতে আশ্রয় গ্রহণ করিয়া নিজেদের ধর্ম-বিশ্বাস অক্ষুণ্ণ রাখিতে সমর্থ হয়। বর্তমানে পারস্যে প্রায় ১০,০০০ হাজার জরথুষ্ট্রীয় মতাবলম্বী পারসিক আছে। আর ভারতবর্ষে উক্ত ধর্মাবলম্বীদের সংখ্যা প্রায় ১ লক্ষ। ইহারা ভারতবর্ষের একটি উন্নতিশীল সম্প্রদায় এবং পার্শ্বনামে খ্যাত। এই জরথুষ্ট্রীয় ধর্মমত এক কালে বিশাল পারসিক সাম্রাজ্যের একমাত্র ধর্মরূপে পরিণত হইয়াছিল। এই জরথুষ্ট্রীয় ধর্ম হইতেই মিথ্রীয় * (Mithraism) ধর্মের উদ্ভব হয়। খৃষ্টপূর্ব প্রথম শতকে রোম নগরে মিথ্রীয় ধর্ম প্রথম প্রচারিত হয়, খৃষ্টীয় প্রথম শতক সমাপ্ত হইতে না হইতে, ইহা সৈন্যদল, ক্রীতদাস ও ব্যবসায়ীদের দ্বারা সমগ্র রোমক সাম্রাজ্যে ছড়াইয়া পড়ে। তৃতীয় শতাব্দীর শেষভাগে এই ধর্ম সার্বভৌমিক ধর্মরূপে পরিণত হইবার সম্ভাবনা হয়। চতুর্থ শতাব্দীর প্রারম্ভেও কয়েক জন রোমক সম্রাট মিথ্রোপাসক ছিলেন; কনষ্টেন্টাইন (Constantine) কর্তৃক খৃষ্ট ধর্ম গ্রহণ এবং উক্ত

ধর্মকে রাজকীয় ধর্মরূপে গ্রহণ করিবার পর হইতে (৩২৬) মিথ্রীয় ধর্মের অবনতি হইতে আরম্ভ হয় এবং চতুর্থ শতাব্দীর শেষভাগে রোম হইতে এই ধর্ম একেবারে লুপ্ত হইয়া যায়।

অপর তিনটি আর্য্য ধর্ম ভারতবর্ষে উদ্ভূত হইয়াছিল। ইহাদের মধ্যে হিন্দুধর্মই সর্বাপেক্ষা প্রাচীনতম। প্রায় ৩ হাজার বৎসর যাবৎ এই ধর্ম চলিয়া আসিতেছে। বর্তমানে হিন্দু ধর্মাবলম্বীদের সংখ্যা প্রায় ২৪ কোটি।

জৈন-ধর্ম হিন্দুধর্মের শাখা-বিশেষ। ইহাও প্রায় আড়াই হাজার বৎসর যাবৎ চলিয়া আসিতেছে। এই সম্প্রদায়ের অনুবর্তীদের সংখ্যা বর্তমানে প্রায় ১৫ লক্ষ।

বৌদ্ধধর্মও বিরাট হিন্দু ধর্মেরই শাখাস্বরূপ। বহু শতাব্দী হইল, ইহা ভারতবর্ষ হইতে প্রায় লুপ্ত হইয়া গিয়াছে। কিন্তু এই ধর্ম ভারতের উত্তর পূর্ব ও দক্ষিণ দিকে বিস্তার লাভ করিয়া তিব্বত, মঙ্গোলিয়া, চীন, কোরিয়া, জাপান, ব্রহ্ম-দেশ, শ্রাম, ইন্দোচীন এবং সিংহলে স্বীয় আধিপত্য সুপ্রতিষ্ঠিত করিয়াছে। বৌদ্ধ-ধর্মকে পূর্ব-এশিয়ার সার্বজনীন ধর্মরূপে গ্রহণ করা বাইতে পারে। বর্তমানে বৌদ্ধ মতাবলম্বীদের সংখ্যা প্রায় ১২ কোটি। *

প্রাচীন কালে আর্য্য-ধর্মের আরও কয়েকটি শাখা বিদ্যমান ছিল, যেমন গ্রীক, রোমক, কেল্টিক, টিট্টোনিক, স্যুভনিক; কিন্তু এ গুলি খৃষ্টীয় অব্দের প্রারম্ভে খৃষ্টধর্ম দ্বারা পর্যাদস্ত হইয়া যায়। ইহাদের মধ্যে কেবল গ্রীক ও রোমক ধর্ম সম্বন্ধে তাহাদের নিজস্ব সাহিত্য হইতে বিবরণ পাওয়া যায়; অপর তিনটি ধর্ম সম্বন্ধে জানিতে গেলে রোমক বা খৃষ্টীয় সাহিত্যের আশ্রয়-গ্রহণ ব্যতিরেকে গত্যস্তর নাই। কিন্তু ভিন্ন ধর্মাবলম্বীদের দ্বারা লিখিত বিবরণ নিরপেক্ষ ও সম্পূর্ণ সত্য হওয়া সম্ভব নহে। গ্রীক ধর্ম পাশ্চাত্য সভ্যতাকে বিশেষভাবে প্রভাবিত করিয়াছে।

টেনিক ধর্ম

টেনিকজাতি কর্তৃক উদ্ভাবিত কনফুচীয় ধর্ম ২৫০০

* বৈদিক “মিত্র”—সূর্য্যদেবতার উপাসনার অনুরূপে এইধর্মমত প্রচারিত হয়।

* কনফুচীয় ও তাও মতাবলম্বীদের বারংবার খাটি বৌদ্ধ সংখ্যা।

বৎসর যাবৎ চীনদেশের প্রধান ধর্মরূপে প্রচলিত হইয়া আছে। উহার অনুবর্তীর সংখ্যা প্রায় ৩০ কোটি।

কংফুৎস (Confucius ৫৫১—৪৭৯ খৃষ্ট-পূর্বাব্দ) চীনের “লু”-প্রদেশে এক অভিজাত বংশে জন্মগ্রহণ করেন। আর্থিক অস্বচ্ছলতা হেতু তিনি নানা স্থানে পরিভ্রমণ করেন ও পরিশেষে শিক্ষাকার্যে আত্মনিয়োগ করেন। তিনি রাজকার্যেও নিযুক্ত হইয়াছিলেন এবং রাষ্ট্রক্ষেত্রে নানাবিধ সংস্কার আনয়ন করিয়া বিচক্ষণতার পরিচয় দেন। তাঁহার ধর্মনীতিও সদাচারের উপর প্রতিষ্ঠিত; তিনি আমাদের দেশের ধর্ম-শাস্ত্রকার অর্থাৎ সামাজিক ব্যবস্থা-প্রণেতাদের সহিত তুলনীয়। তাঁহার শিক্ষা চীনদেশে বিশেষ প্রভাব বিস্তার করে। দেশীয় কোম শাসনকর্তা তাঁহার মতবাদ-প্রচারে পৃষ্ঠপোষকতা না করায় তিনি অত্যন্ত ভগ্নহৃদয়ে দেহত্যাগ করেন।

কংফুৎস ছিলেন বিশেষভাবে উত্তর চীনের ধর্মগুরু। আর লাওৎস (Lao Tse) ছিলেন বিশেষভাবে দক্ষিণ চীনের ধর্মগুরু। লাওৎস চো বংশীয় (Chow dynasty) নৃপতিদের রাজকীয় গ্রন্থাগারের অধ্যক্ষ ছিলেন। ইহার ধর্ম, ইহার সিদ্ধান্ত ও সাধনায় ভারতীয় ঋষিদের বেদান্ত-বাদ, প্রধানতঃ উপনিষদের আনন্দ-ব্রহ্ম-বাদের ছায়া অনেক ধানি পাওয়া যায়। লাওৎসর মতবাদ পরবর্তী কালে আধুনিক তাও ধর্মের (Taoism) প্রবর্তক Cheu Tuan কর্তৃক প্রাচীন তাও মতবাদের সহিত একনৃত্রে প্রথিত হয়।

অত্মপি প্রচলিত পৃথিবীর প্রধান প্রধান ধর্মগুলি লক্ষ্যে কয়েকটি লক্ষ্য করিবার বিষয় রহিয়াছে;—

(১) এশিয়া খৃষ্টধর্মের জন্মস্থান হইলেও, ইহা এ মহাদেশ হইতে লুপ্ত হইয়া অপর তিন মহাদেশে যাইয়া আপন প্রভাব বিস্তার করিয়াছে। একটি সেমিটিক ধর্ম পশ্চিমদেশীয় আর্য্যজাতির ধর্ম হইয়া দাঁড়াইয়াছে।

(২) পঞ্চাস্তরে আবার এইটিও লক্ষ্য করিবার বিষয় আর্য্য বৌদ্ধধর্ম স্বীয় জন্মভূমিতে প্রায়ঃ সহস্র বৎসর যাত্রা স্থায়ী হইয়া তৎপর লোপ প্রাপ্ত হয় এবং পূর্বদিকে প্রচারিত হইয়া ক্রমে ক্রমে তত্তৎ দেশের প্রাচীন ধর্মমতকেও উচ্ছেদ করিয়া স্বকীয় প্রাধান্য প্রতিষ্ঠিত করে। এরূপে

একটি আর্য্যধর্ম প্রধানতঃ লোহিত আনর্য্য জাতির ধর্মরূপে পরিণত হয়।

(৩) আরবদেশের সেমিটিক ধর্ম স্বীয় জন্মভূমিতে আপন প্রভাব অক্ষুণ্ণ রাখিয়াছে। ইহা মনুষ্য-জাতির অপেক্ষাকৃত অল্পমত শাখা তুরানীয় জাতির (Turaniens) প্রাচীন সামান্য ধর্মের (Shamanism) উচ্ছেদ সাধন করিয়া তাহাদের মধ্যে আপন প্রভাব বিস্তার করিয়াছে। এই তুরানীয় জাতির আদিম বাসস্থান ছিল মধ্য-এশিয়ার আলতাই পার্বত্য প্রদেশ। ইহারা ক্রমে ক্রমে চীন সীমান্ত হইতে ভূমধ্য সাগরের পূর্বসীমা পর্যন্ত এবং এশিয়া ও ইউরোপের উত্তর অংশে ছড়াইয়া পড়ে। তুরানী জাতির পাঁচ শাখার মধ্যে মোঙ্গল (Mongoles) ও তুর্কীরা (Turks) প্রধান। এই তুর্কীরাই ছিল ইসলামের উৎসাহশীল গৌড়া ভক্ত ও সর্বপ্রধান প্রচারক। তাহা-দিগকে যথার্থই ‘ইসলামের তরবারি’ আখ্যা দেওয়া হইয়াছে। এই প্রকারে ইসলাম প্রধানতঃ তুর্কী জাতির ও তুর্কী-সাম্রাজ্যের ধর্ম হইয়া দাঁড়াইয়াছে।

হিন্দু ও কংফুৎসীয় ধর্ম প্রধানতঃ জাতীয় ধর্মরূপে রহিয়া গিয়াছে। ইহারা কদাচিৎ জন্মভূমির সীমারেখা অতিক্রম করিয়া বাহিরে ছড়াইয়া পড়িয়াছে। কনফুচীয়া ধর্মে বিশেষ কোন পরিবর্তন হয় নাই, কিন্তু হিন্দুধর্ম নানাবিধ পরিবর্তনের মধ্য দিয়া চলিয়া আসিয়াছে।

কেন যে এই দুইটি ধর্ম জন্মভূমির চতুঃসীমা অতিক্রম করিয়া বাহিরে ছড়াইয়া পড়ে নাই, তাহার কারণ নির্দেশ করা খুব কঠিন নহে। হিন্দু ও চৈনিক—ইহারা উভয়েই বহিজর্গতের প্রভাব ও আক্রমণ হইতে নিজেদের দেশ ও সভ্যতাকে মুক্ত রাখিতে সচেষ্ট ছিল। চীনের প্রসিদ্ধ দেয়াল এই উদ্দেশ্যেই নির্মিত হয়। কংফুৎসের মৃত্যুর প্রায় হাজার বৎসর পরেও হিউএন্-ৎসাংকে অশেষ লাঞ্ছনা স্বীকার করিয়া ভারতে আসিতে হইয়াছিল। কতবার যে তাঁহার প্রহরীর হস্তে নিপতিত হইবার উপক্রম হইয়াছিল এবং কি রকম কৌশল করিয়া যে তাঁহাকে আত্মরক্ষা করিতে হইয়াছিল, তাহা তদীয় আত্মজীবনীতে সবিস্তার বর্ণিত আছে।


ইহা পৃথিবীর ইতিহাসের একটা বিষয়কর ঘটনা-সমাবেশ যে, পৃথিবীর ঈজন ও ধান ধর্মপ্রবর্তক প্রায় একই

সময়ে আবির্ভূত হইয়াছিলেন এবং তাঁহাদের মধ্যে ৩জনই স্বাধীনভাবে একে অপরের অজ্ঞাতসারে প্রায় একই তত্ত্ব প্রচার করিয়া গিয়াছেন। খৃষ্ট পূর্ব ষষ্ঠ শতাব্দীতে চীন দেশে কংফুৎস ও লাওৎস, ভারতবর্ষে গৌতম বুদ্ধ ও পারশ্বে জরথুষ্ট্র আবির্ভূত হন। গৌতমবুদ্ধ প্রচারিত ধর্মমতের সহিত কংফুৎস ও লাওৎসের ধর্মমতের অনেকটা সাদৃশ্য আছে। চীনদেশে একটি কিংবদন্তী আছে যে, একই ভাঙের মণ্ড আত্মদান করিয়া তিন জনে তিন মত

দিয়াছিলেন। জরথুষ্ট্রীয় ধর্মমত যীহুদী ধর্মের উপর প্রভাব বিস্তার করিয়াছে এবং যীহুদী ধর্ম দ্বারা প্রভাবিত হইয়াছে—এ কথা পণ্ডিতেরা স্বীকার করিয়া থাকেন। জরথুষ্ট্রীয় মতের উপর বৌদ্ধ প্রভাব কতটুকু, তাহা এখনও সঠিকরূপে নিরূপিত হয় নাই। Prof. Darmester বলেন, জরথুষ্ট্রীয় মতের উপর যীহুদী ও বৌদ্ধ এই উভয় ধর্মমতের প্রভাব বিদ্যমান। যীহুদী ধর্মমতের উপর যে বৌদ্ধ প্রভাব রহিয়াছে, এ বিষয়ে প্রমাণের অসম্ভাব নাই।

বৈশাখ

[শ্রীগিবিজাকুমার বসু]



সকলেই বলে বেশ হোলো
প্রাচীরের আয়ু শেষ হোলো
বিষাদের আজি লেশ ভোলো
হৃদয়ের নব দেশ খোলো
নূতনেরে 'স্বাগত' বলিয়া
উচ্ছসিয়া উচ্ছলিয়া
আশাভরা বুক
বিরাজো ভুলোকে ।

পুরাতনে বোলোনা ভুলিতে
সোহাগের রঙিন তুলীতে
দুঃখ সুখ দুই থেকে থেকে
সে যে গেছে এঁকে
শোক তার লভুক বিস্মৃতি,
তার স্নেহ তার মধু-প্রীতি
অস্তরের অমৃত আধারে
রবে নির্বিচারে ।

বর্তমান যদি কোনোদিন
অতীতের চেয়ে দয়ালীন
আরো তীব্র আরো সুকঠিন
ভিত্তিক্তর'-বেদনা-বিলীন
অদৃষ্টের পরিহাসে হয়
দিকে দিকে ধরাময়
জাগিবে ক্রন্দন,
কোথা পুরাতন ?

ব্যথা যার হোলো চিরসাথী
যাতনার পোহালো না রাতি
পুরাতনে নূতনে তাহার
ভেদ কোথা আর ?
বহু কষ্ট ধরেছে যে মাথে
বন্ধনার আঘাতে আঘাতে
ভালবাসা-হারা হিয়া যার
সে যে নির্বিচারে ।

তবু লহ আগমনী মোর
 গরমের প্রেম-পুষ্প-ডোর ;
 পিপাসিত পরাগ-চকোর
 নবীনের স্তম্ভ পানে ভোর
 দেখি যদি হোগো কোনো ক্ষণে,
 বুঝিব যে এ জীবনে
 তবু এক পল
 হইল সফল ।

পুষ্পের বর্ণ-সমস্যা

[শ্রীঅশোকচন্দ্র কুম্ভ বি-এ]

কুম্ভের মধ্যে যে বর্ণবৈচিত্র্য দেখিতে পাওয়া যায় ইহার তাৎপর্য কি? আমাদের নয়নরঞ্জন ও মনোবিনোদনের নিমিত্তই কি পুষ্পের এই শোভা সম্ভার ও বিচিত্র বর্ণ-সম্পদের সৃষ্টি হইয়াছে? কবি যাহাই বলুন উদ্ভিদ-তত্ত্বজ্ঞের মতে ইহার কারণ ভিন্ন। পরাগ সন্মিলনের সহায়ক কাঁট পতঙ্গকে প্রলুব্ধ করিয়া আমন্ত্রিত করিবার ব্যপদেশেই প্রেম-পরাগদীপ্ত কিশোরীদের মত প্রাণের এই বর্ণচ্ছটা ও বিচিত্র বর্ণসমাদেশ।

কাঁট-পতঙ্গেরা শুধু যে বর্ণে আকৃষ্ট হয় এমন নাহ; গন্ধ ও মধু উহাদিগকে প্রলুব্ধ করিয়া থাকে। তবে দুই হইতে আকৃষ্ট করিতে বর্ণ ও গন্ধই প্রধান। অবশ্য বর্ণ ও গন্ধের মধ্যে কোনটীর আকর্ষণ অধিক তাহা এখনও সম্পূর্ণরূপে হিরীকৃত হয় নাই। এ বিষয় প্রবন্ধান্তরে আলোচনা করা যাইবে। এখানে পুষ্পের বর্ণ-প্রসঙ্গে কিঞ্চৎ আলোচনা করা যাউক।

পুষ্পের এই বর্ণ কোথা হইতে আইসে। ভূমির অভ্যন্তর-ভাগ হইতে গাছেরা মৃত্তিকা-রসের সহিত যে সব ধাতব পদার্থ স্বাভাবিকরূপে গ্রহণ করে তাহার মধ্যেই রঞ্জন পদার্থের কণিকা সকল বিস্তারিত থাকে। এ সকল কণিকা সূর্যালোক-সম্পর্কে রাসায়নিক প্রক্রিয়ায় মনোমদ বর্ণে মুকুল-পুষ্প প্রভৃতিতে প্রতিফলিত হইয়া থাকে। পুষ্পের

মধ্যে এই সকল উজ্জ্বল বর্ণের স্বিকাশ যে কি উপায়ে ঘটয়া থাকে তাহা এখনও সম্যক্রূপে অবগত হওয়া যায় নাই।

সকল বর্ণের মধ্যে শ্বেত বর্ণের পুষ্পই সচরাচর অধিক লক্ষিত হইয়া থাকে। শ্বেতা পর পীত, তৎপর রক্ত, নীল, বেগুনী, হরিৎ, কমলা, পিঙ্গল ও কৃষ্ণ। কৃষ্ণবর্ণের কুম্ভ একরূপ বিরল বলিলেও অত্যাধিক হয় না। গড়ে সহস্র বর্ণের মধ্যে প্রায় ২৮৪টির কুম্ভ শ্বেত, ২২৬টির হরিৎ, ২২০টির লোহিত, ১৪১টির নীল, ৭০টির বেগুনী, ৩৬টির হরিৎ, ১২টির কমলা, ৪টির পিঙ্গল এবং মাত্র ২টির কুম্ভ কৃষ্ণ হইতে দেখা যায়।

এই সকল কুম্ভের মধ্যে শ্বেতেরই সৌরভ অধিক। শ্বেত কুম্ভগুলির অধিকাংশই রজনীতে বিকসিত হইয়া থাকে। অধিক মনোজ্ঞ ও রঞ্জিত পুষ্প সকল প্রায়ই গন্ধহীন হয়। শ্বেত কুম্ভের মধ্যে যে গুলি নিশায় প্রস্ফুটিত হয় সেগুলি প্রভাতালোকের সংস্পর্শে সৌরভহীন হইয়া পড়ে এবং সূর্যালোকের স্পর্শেই পরিমল-ভাঙার বন্ধ করিয়া মুদিত হইয়া পড়ে। প্রভাতে ঐ সকল কুম্ভকে দেখিলে মলিন বলিয়া বোধ হয়, কিন্তু রজনীর আগমনের সঙ্গে সঙ্গেই উহার পুনরায় বিকসিত হইয়া সৌরভ দ্বারা ষট্‌পদকে আমন্ত্রণ করিয়া থাকে।

কুম্ভের পরাগাহী ও ধোন-মিলনের সহায়ক

পতঙ্গাদির মধ্যেও বর্ণ বিষয়ে পক্ষপাতিত্ব লক্ষিত হইয়া থাকে। মধুমক্ষিকা, প্রজাপতি, অণ্ডাণ্ড মক্ষিকা ও মধু প্রভৃতি পতঙ্গাদি ভিন্ন ভিন্ন বর্ণ পছন্দ করে। গাঢ় নীল ও নীলাভ বেগুনী বর্ণই মৌমাছি ও ভ্রমরের মনোমদ্য। নীলাভ হইতে গাঢ় বেগুনীর মধ্যে সকল বর্ণের পুষ্পই ইহারা পছন্দ করে। রক্ত কুমুমের উপর অলিকে-কদাচ উপবেশন করিতে দেখা যায়। একই উদ্ভানে রক্ত ও নীল কুমুমরাজি প্রস্ফুটিত হইলে অলিকে রক্তকুমুম পরিহার করিয়া নীল ও বেগুনী বর্ণের পুষ্পই বিহার করিতে দেখা যায়। ইহারা কেন যে রক্তকুল পরিত্যাগ করে তাহা ঠিক বলা যায় না। অনেক অনুমান করেন যে রক্তবর্ণে মধুমক্ষিকার বর্ণাক্রম প্রযুক্ত ইহারা লোহিত বর্ণের কুমুম দেখিতে পায় না। মৌমাছির চক্ষে রক্তবর্ণের অনুভূতিগাহী স্নায়ু অভাব প্রযুক্ত এইরূপ ঘটয়া থাকে কি না তাহা নির্ণয় করা কঠিন।

বেগুনী ও নীলের পরেই মধুমক্ষিকারা হরিদ্রাবর্ণের ফুল পছন্দ করে। সবুজ ফুলে ইহাদের একরূপ উদাসীণ প্রকাশ পায়।

প্রজাপতির রক্তবর্ণের পুষ্পই পছন্দ করে। কোনও পুষ্পোদ্ভানে ক্ষণকাল লক্ষ্য করিলে দেখা যায় যে, ভ্রমর প্রজাপতি ও মৌমাছির মধ্যে—প্রজাপতি কেবল রক্তবর্ণের পুষ্প এবং ভ্রমর ও মৌমাছির প্রগাঢ় অধ্যবসায় সহকারে নীল ও বেগুনী পুষ্প সকলের পরিমল সংগ্রহ করিতেছে। প্রজাপতি—প্রায়ই বেগুনী ফুল স্পর্শ করে না। এই রক্তবর্ণের পক্ষপাতিত্ব প্রজাপতি বাতীত আমেরিকার ফ্লোরিডা হামিংবার্ডদিগের মধ্যেও দেখা যায়। এই জন্তই বোধ হয় হামিংবার্ডদিগের বাসভূমিতে অর্থাৎ ক্যারোলিনা, টেক্সাস, মেক্সিকো পশ্চিম স্বীপপুঞ্জ, ব্রিজিল, পেরু ও চিলি প্রভৃতি দেশে অণ্ডাণ্ড কুমুম অপেক্ষা রক্ত পুষ্পই অধিক দেখিতে পাওয়া যায়। মধ্য আমেরিকার বিজন অরণ্য মধ্যেও অল্প লোহিতকুমুম বিকাসিত হইতে দেখা যায়।

মধু প্রভৃতি নিশাচর পতঙ্গেরা শ্বেত পুষ্পের অনুরাগী। রাত্রে শ্বেত ও পীত ভিন্ন অণ্ডাণ্ড বর্ণ দৃষ্টিগোচর হয় না বলিয়াই বোধ হয় রজনীতে শ্বেত কুমুমের এত বিকাশ হইয়া থাকে। মধুর লোভনীয় শ্বেত কুমুমগুলি আবার প্রায়ই

সুরভিত হইয়া থাকে। এই সকল শ্বেতপুষ্প শুভ্রদল ও সৌরভ দ্বারা বহুদূর হইতেও মধু-জাতীয় পতঙ্গকে আকৃষ্ট করিয়া আনে। এই সকল শ্বেত কুমুম যে শুধু মধুর প্রিয় এমন নহে, কুমুমচারী প্রায় সকল প্রকার কীট-পতঙ্গই শ্বেত পুষ্পে অনুরাগ প্রদর্শন করিয়া থাকে।

পিপীলিকা প্রভৃতি পরাগভোজী কীটসকলকে হরিদ্রাবর্ণের কুমুমেই অধিক বিহার করিতে দেখা যায়। পরাগের বর্ণ পীত হওয়ার ইহারা পীতবর্ণের পুষ্পে দলে দলে বিচরণ করিয়া থাকে।

অণ্ডাণ্ড মক্ষিকারা অপ্রীতিকর গন্ধবিশিষ্ট এবং পিঙ্গল পীতাভ বা মেদমাংসের বর্ণবিশিষ্ট পুষ্পের অন্বেষণ করিয়া থাকে। উচ্ছিষ্ট, গলিত মাংস ও পুরীষের গন্ধবিশিষ্ট ও উক্ত স্থণিত বস্তু সকলের বর্ণবিশিষ্ট পুষ্পাদিতে মক্ষিকাদিগকে সাধারণতঃ গমনাগমন করিতে দেখা যায়।

বোলভাকেরা (বোলভা) কিন্তু “কটা রঙ্গের” ফুলেই প্রীতি প্রদর্শন করে। ‘কটা’ বা লালচে রঙ্গের ফুল দেখিলেই বোলভারা বিশেষ আগ্রহের সহিত উড়িয়া যায়। এবং বেগুনীর আভাযুক্ত পুষ্প ইহারা পছন্দ করে।

আবার প্রাণীর বাসভেদে পুষ্পেরও আকার এবং গঠনে তারতম্য হইয়া থাকে। মধ্য আমেরিকায় হামিংবার্ড ও প্রজাপতির আধিক্যবশতঃই যে রক্তকুমুমের বাহুল্য হইয়াছে, এ কথা পূর্বেই বলিয়াছি। সুইটজারল্যান্ডের উপত্যকা ও নিম্নভূমি-ভাগে অধিক মধুমক্ষিকা দেখা যায় বলিয়া ঐ স্থানের কুমুম সকল বর্ণ ও আকারে মধুমক্ষিকার অভিমত হইয়া ফুটিয়া থাকে। এই সকল নিম্ন প্রদেশে labiate familyর কুমুম অধিক দৃষ্ট হইয়া থাকে। আবার সুইস অধিকায় প্রজাপতির প্রভাব বলিয়া ঐ সকল স্থানের কুমুম সকলের বর্ণ ও গঠন প্রজাপতির রুচিকর হইয়া থাকে।

ঋতুভেদে কুমুমশ্রেণীর মধ্যে বিশেষ বিশেষ বর্ণের প্রভাব পরিলক্ষিত হইয়া থাকে। বসন্তক সাগরের সন্নিহিত প্রদেশের কুমুমরাজ্যে ভিন্ন ভিন্ন ঋতুতে ভিন্ন ভিন্ন বর্ণের বিকাশ হইতে দেখা যায়। এই সকল স্থানে এপ্রেল ও মে মাসে শ্বেতকুমুমের, মে মাস ও অক্টোবর হইতে হরিদ্রা পুষ্পের এবং সেপ্টেম্বর মাসে রক্তফুলের প্রভাব পরিলক্ষিত হয়।

পরাগ-মিলনের পর পুষ্পের বর্ণের তারতম্য ঘটিতে দেখা যায়। অলি কর্তৃক পরিমল লুপ্তিত ও সর্ভকেশরে পুংরেণু চালিত হইবার পরেই অনেক পুষ্পের বর্ণ ম্লান হইয়া পড়ে ও প্রফুল্লতা বিনষ্ট হইয়া যায়। অনেক স্থলে কুমুমদিগের যৌন-সম্মিলনের পর রক্তবর্ণের পুষ্পকে ক্রমে ক্রমে নীলাভ হইয়া যাইতে দেখা গিয়াছে। এই বর্ণমালিন্যের যে আর এক বিশেষ উদ্দেশ্য আছে তাহাও বেশ বুঝিতে পারা যায়। মধুমক্ষিকারা এই সকল নিশ্চিত পুষ্প দেখিলেই তাহা নিঃসন্দেহে পরিত্যাগ করিয়া ভিন্ন কুমুমের অন্বেষণ করিয়া থাকে।

কীট-পতঙ্গদিগের স্বচ্ছন্দ দর্শনের সুবিধার জন্য পুষ্পের অংশবিশেষের বর্ণের উজ্জ্বল্য বা মালিন্য ঘটিয়া থাকে।

উজ্জীর্ণমান অবস্থায় পতঙ্গের পুষ্পের যে সকল অংশ দেখিতে পায় সেই সকল অংশের বর্ণই খুব রঙ্গীন ও উজ্জ্বল হইয়া থাকে; এবং যে সকল অংশ উহার দেখিতে পায় না তাহাদের বর্ণেরও চাকচিক্য-ধাকার আবশ্যক হয় না। এই জন্যই বহুপুষ্পের বহির্ভাগের বর্ণ নিশ্চিত হইয়া থাকে। পুষ্পের পাপড়ীর বর্ণ উজ্জ্বল না হইলে পাপড়ীর নিম্নের পাতাগুলি বা পুষ্পের কেশরগুলির বর্ণ খুব রঙ্গীন হইয়া থাকে।

এই সকল কারণেই বোধ হয় যে বিচিত্র বসন-ভূষণ সুশোভিত সুন্দরী ললনাগণের মত কুমুমের এত শোভা সম্পদের মুখ্য উদ্দেশ্য অলিকে প্রলুব্ধ করা এবং গৌণ উদ্দেশ্য কাননের শোভা-বিস্তার ও মানবের মনোরঞ্জন করা মাত্র।

অমৃতবাজার ভ্রাতৃ-সমাজ

অধ্যাপক শ্রীনারায়ণচন্দ্র মজুমদার এম-এস সি ।

আজ আসমুদ্র-হিমাচল ভারতে যে নবজীবনের সঞ্চার অনুভূত হইতেছে তাহার মূলমন্ত্র পল্লীসংস্কার এবং পল্লীমঙ্গল আজ সর্বত্রই এই একই সুর বাজিতেছে, ভারত তুমি আত্মস্থ হও, পল্লীর দিকে কিরিয়া চাও! পল্লীই ভারতের প্রাণ এবং পল্লী-স্বরাজ্যই ভারতের প্রকৃত স্বরাজ্যের প্রতিষ্ঠা হইবে। এই মহাসত্য মহাত্মা শিশিরকুমার ঘোষ ও তাঁহার সহোদরবর্গ যে কত বিশদরূপে হৃদয়ঙ্গম করিয়াছিলেন তাহা হয় তো অনেকেই অবগত নহেন! শিশিরকুমার সাধারণের নিকট রাজনৈতিক নেতা এবং সংবাদ-পত্র-সেবী রূপেই বিদিত! কিন্তু পল্লীকে যে তিনি কি ভালই বাসিতেন এবং তাহার অবনতিতে প্রাণে যে কি ভীত বেদনা অনুভব করিতেন তাহার পরিচয় তদানীন্তন অমৃতবাজার পত্রিকার অতুলনীয় ভাবসম্পদময় প্রবন্ধ-নিচয়ে কতকটা পাওয়া যায়! তাঁহার কৈশোরের স্বপ্ন, যৌবনের কর্মক্ষেত্র এবং বার্কক্যের বারাণসী তাঁহার জন্ম-পল্লীর সংস্কারের জন্য সেই মহাপুরুষও তাঁহার ভ্রাতৃবর্গের প্রচেষ্টা আজ আমরা পাঠকগণের গোচর করিব।

কলনাদিনী কপোতাক্ষীর কুলে মাগুরা নামক একটি ক্ষুদ্র গ্রামই শিশিরকুমারের জন্মস্থান। এই ক্ষুদ্র পল্লী ৭৫ বৎসর পূর্বে বাদশার অন্ত্যন্ত শত সহস্র পল্লীর ন্যায় অবনত ও অজ্ঞান-তমসচ্ছন্ন ছিল এবং পল্লীবাসীরা অদৃষ্ট-নির্ভর হইয়া রোগ-ব্যাদি-যন্ত্রণা ভোগ করিত। এই ক্ষুদ্র পল্লী ও পল্লীবাসীর উন্নতিকল্পে শিশিরকুমার ও তাঁহার অগ্রজঘন ভ্রাতৃ-সমাজ নাম দিয়া একটি ক্ষুদ্র সমিতি স্থাপন করেন। তখন শিশিরকুমার উদ্ভিন্ন-যৌবন, ১৬ বছর বয়স মাত্র। আর তাঁহার ত্র্যেষ্ঠাগ্রজ বসন্তকুমার ২০ বৎসরের ও হেমন্তকুমার ১৮ বৎসরের যুবক। মতিলাল তখন ১০ বৎসরের কিশোর বালক মাত্র। কয়েক বৎসর পরে তিনিও ভ্রাতৃদিগের সহিত এই ভ্রাতৃ-সমাজের কার্যে যোগদান করেন।

তাঁহাদিগের প্রচেষ্টার প্রথম ফল গ্রামে একটি বাজার স্থাপন। তাঁহাদিগের মাতৃদেবী অমৃতময়ীর নামানুসারে তাহার নাম-করণ হইল অমৃতবাজার। পরে তৎকালে গ্রাম ও তাঁহাদের স্থিতি-বিজড়িত হইয়া অমৃতবাজার নামে

খ্যাতিলাভ করিল এবং তাঁহাদের পরিচালিত পত্রিকা প্রথমে এখান হইতে বাহির হইত বলিয়া তাহার নাম “অমৃতবাজার পত্রিকা” হইল।

এতদ্বিন্ন ক্রমে এখানে একটি উচ্চ শ্রেণীর ইংরাজী বিদ্যালয়, শিল্প ও কৃষি বিদ্যালয়, নৈশ বিদ্যালয়, নারী-শিক্ষা মন্দির, দাতব্য ঔষধালয়, সেবাসমিতি ও ডাকঘর প্রভৃতি সংস্থাপিত হয়।

যে সময়ের কথা বলিতেছি তখন উচ্চ শ্রেণীর ইংরাজী বিদ্যালয়ের সংখ্যা ভারতের সর্বত্রই অতি অল্প ছিল। যাহা ছিল তাহাও বড় বড় সহরে,—নগর পল্লীতে বোধ হয় এরূপ বিদ্যালয় আদৌ ছিল না। ভ্রাতৃ-সমাজ হইতে ঘোষ ভ্রাতা-দিগের যত্ন ও আগ্রহে অসাধ্য সাধিত হইয়াছিল। অমৃত-বাজারে স্বধু বিদ্যালয় স্থাপিতই হইয়াছিল না, তাহার যশ এরূপ সুদূর-প্রসারী হইয়াছিল যে আসাম প্রভৃতি স্থান হইতেও ছাত্রেরা উক্ত বিদ্যালয়ে শিক্ষা লাভ করিত। এই সকল ছাত্রদিগকে ধরের ছেলের মত আহারাদি দিয়া বিনা বেতনে লেখাপড়া শেখান হইত। এতদ্বিন্ন ঘোষ বাবুদের আত্মীয় স্বজন অনেকে এখানে আসিয়া ইহাদের বাড়ীতে থাকিয়া বিদ্যাভ্যাস করিতেন।

শিল্প ও কৃষি-বিদ্যালয়ের ছাত্রদিগকে ও পল্লীর সূত্রধর ও কর্মকারদিগকে সুকুমার কলার নানাবিধ স্বল্প কার্য্য শিখাইবার জন্ত সুনিপুণ সূত্রধর ও কর্মকার স্থানান্তর হইতে উপযুক্ত পারিশ্রমিকে অমৃতবাজারে আনীত হইত। কৃষির উন্নতিকল্পে নানা প্রকার ধানের বীজ ভিন্ন ভিন্ন স্থান হইতে সংগ্রহ করিয়া স্থানীয় কৃষকদিগের দ্বারা বপন করাইয়া পরীক্ষাকার্য্য চালান হইত। এতদ্বিন্ন আক, গোলআলু প্রভৃতির চাষ এখানে প্রচলন করিবার চেষ্টা করা হইয়াছিল। মহাত্মা শিশিরকুমার চাষের কার্য্যে এরূপ অভিজ্ঞতা অর্জন করিয়াছিলেন যে অনেক কৃষক এই বিষয়ে তাঁহার নিকট পরামর্শ গ্রহণ করিত।

হিন্দু ও মুসলমান কৃষকদিগের ছেলেরা চামের কার্য্যে নিযুক্ত থাকায় দিনের বেলা বিদ্যালয়ে আসিতে পারিত না। তাহাদিগকে লেখা পড়া শিখাইবার জন্ত নৈশ-বিদ্যালয় প্রতিষ্ঠিত হয়।

যখনকার কথা বলা হইতেছে তখন নারী-শিক্ষার কথা

দূরে থাক ছেলেরদের লেখা-পড়া শিখাইবার সুবন্দোবস্ত অনেক স্থানেই ছিল না। বিশেষতঃ মেয়েদের লেখা-পড়া শিখিতে নাই, শিখিলে লক্ষী ছাড়িয়া বাইবেন, ইহাই ছিল তখনকার ধারণা। কাজেই যখন “ভ্রাতৃ-সমাজ” হইতে মেয়েদের জন্ত বিদ্যালয় স্থাপন করিবার প্রস্তাব উত্থাপিত হইল তখন গ্রামে একটা হৈ চৈ পড়িয়া গেল। এমন কি মহাত্মা শিশিরকুমারের পিতামহ ও খুল্লতাতেরা পর্য্যন্ত এই কার্য্যে বিশেষভাবে বাধা দিবার চেষ্টা করিলেন। সৌভাগ্যক্রমে শিশিরকুমারের পিতা হরিনারায়ণ উদার-প্রকৃতির লোক ছিলেন। ছেলেরা যখন তাঁহার নিকট এই প্রস্তাব উত্থাপন-প্রসঙ্গে কি উদ্দেশ্য প্রণোদিত হইয়া তাঁহারা এই অনুষ্ঠান করিতে যাইতেছেন তাহা সম্বোধজনকভাবে বুঝাইয়া দিলেন, তখন দূরদর্শী পিতা আনন্দ সহকারে ইহাতে সম্মতি প্রদান করিলেন। তার পর মায়ের আদেশের প্রতীক্ষা। শিশির-জননী অমৃতময়ীর তায় সন্তান-বৎসলা নারী অতি বিরল। তিনি যে কেবল ইহাতে মতই দিলেন তাহা নহে, তিনি নিজেই লেখা-পড়া শিখিবার ইচ্ছা প্রকাশ করিলেন। কাজেই ঘোষ-ভ্রাতারা প্রথমে আপ-নাদের বাটীস্থ বালিকা ও মহিলাদিগকে লইয়া নারী-শিক্ষা-মন্দিরের প্রতিষ্ঠা করিলেন। শিক্ষার্থিনীদের শিক্ষালাভে যত্ন ও উৎসাহ দেখিয়া অনেকে স্তম্ভিত হইলেন। কলসী-কক্ষে জল আনিতে চলিয়াছেন, কি ঘাটে বসিয়া বাসন মাজিতেছেন, কি অণ্ড কোন গৃহ-কর্মে নিযুক্ত আছেন, তখনও সুযোগ অনুসারে লেখা পড়ার চর্চা। উৎকৃষ্টের আকর্ষণ হৃষ্টের সংক্রমণ হইতে কম শক্তিধর নহে। ঘোষ-পরিবারের নারীদিগের শিক্ষা-লিপ্সার তীব্রতা ক্রমে পল্লীর অন্যান্য পরিবারের নারীদিগের মনে শিক্ষালাভের বাসনা সঞ্চার করিল। এই রূপে একটা ছুইটি করিয়া ঘোষ-ভ্রাতৃগণ-প্রতিষ্ঠিত নারী-শিক্ষা-মন্দিরে শিক্ষার্থিনীতে পূর্ণ হইয়া উঠিল।

এই সময়ে যশোহরের ম্যাজিষ্ট্রেট ছিলেন মিঃ মনরো এবং জয়েন্ট-ম্যাজিষ্ট্রেট ছিলেন মিঃ ওকেনালী (যিনি পরে হাইকোর্টের জজ হন)। ইহাদের সহিত শিশিরবাবুদের বেশ সম্ভাব ছিল। তাঁহাদের সাহায্যে গ্রামে একটি দাতব্য ঔষধালয় সংস্থাপিত হয়। এই ঔষধালয় হইতে রোগীদিগকে ঔষধ বিতরণ করা হইত, আর ভ্রাতৃ-সমাজের

সত্যবন্ধ বাড়ী বাড়ী গিয়া রোগীদিগকে শুক্রবা ও পথের ব্যবস্থা করিয়া দিতেন।

এই সময় ভ্রাতৃ সমাজ হইতে গ্রামে একটি ছাপাখানার সন্ধান আনা হয়। এই প্রেস হইতে প্রথমে “অমৃতপ্রবাহিনী” নামী একখানি শিল্প ও কৃষি বিষয়ী পত্রিকা বাহির হয়। বসন্তকুমার ছিলেন ইহার সম্পাদক। কিছু দিন পরে বসন্তকুমারের মৃত্যু হওয়ায় ঐ কাগজ বন্ধ হইয়া যায়। তাহার কয়েক বৎসর পরে ‘অমৃতবাজার’ পত্রিকা বাহির হয়। পল্লীর এই প্রথম কাগজ,—ইহার পূর্বে ভারতের পল্লী প্রান্ত হতে তার করুণ-কাহিনী-প্রচার আর কোন পত্রিকার কঠে শোনা যায় নাই। কাগজের গ্রাহক-সংখ্যা ভগবানের অশীর্ষাদে উত্তবোত্তর বৃদ্ধি পাইতে লাগিল। কিছু দিন পূর্বে অমৃতবাজারে ডাকঘর প্রতিষ্ঠিত হয়। পত্রিকার প্রত্য ডাকঘরের আয় ক্রমে বৃদ্ধি পাইতে থাকে এবং পরিশেষে এই ক্ষুদ্র পল্লীর ডাক ঘর সব-অক্ষিমে পরিণত হয়।

এই সমস্ত ৭৫ বৎসরের কথা। তখন দেশে রাজনৈতিক জীবনের সঞ্চার হয় নাই, জনহিতকর প্রতিষ্ঠান সেবাসভ্য প্রভৃতির অনুষ্ঠান হয় নাই, সংবাদপত্রের ও তেমন প্রচলন হয় নাই। এইরূপ অবস্থায় এই প্রকার অনুষ্ঠানের করণা ও তাহাকে কার্যে পরিণত করিয়া সাফল্যমণ্ডিত করিতে হইলে কি প্রকার মানসিক শক্তি ও নৈতিক দৃঢ়তা এবং জদম্য উৎসাহ ও একনিষ্ঠ আদর্শের প্রয়োজন তাহা সহজেই অনুমেয়। সেই মহাপুরুষদের প্রচেষ্টায় অমৃতবাজার যথার্থ ই এককালে অমৃত পূর্ণ হইয়া আদর্শ পল্লীতে পরিণত হইয়াছিল; সুজলা, সুফলা, শশুশ্রামলা, সুস্থ ও সবল সম্ভানে বহু বলধারিণী হইয়া কবির কল্পনাকে বাস্তবে পরিণত করিয়াছিল।

কিন্তু কি কক্ষণেই ১৮৭১ সালে ম্যালেরিয়া রাক্ষসী মহামারীরূপে আবির্ভূত হইয়া বশোহরের পল্লী জনশূন্য করিল। রোগাক্রান্ত হইয়া পরিত্রাণের উপায়ান্তর না দেখিয়া সেই সময় হেমন্তকুমার, শিশিরকুমার ও মতিলাল চিকিৎসার্থ সপরিবারে সঙ্গলনয়নে জন্ম-পল্লীর নিকট বিদায় লইয়া কলিকাতা গমন করেন। ইচ্ছা ছিল, রোগমুক্ত হইয়া আবার গ্রামে কিরিয়া আসিবেন; কিন্তু নানা কারণে তাহা আর ঘটয়া উঠে নাই। ছাপাখানা কলি-

কাতায় স্থানান্তরিত হইল, অমৃতবাজার কলিকাতা হইতে বাহির হইতে লাগিল।

ঐহারা এই সমস্ত কার্যের প্রাণ ছিলেন তাঁহাদের অভাবে ও কালের করাল প্রবাহে ভ্রাতৃ-সমাজ প্রতিষ্ঠিত প্রতিষ্ঠানগুলি লয় প্রাপ্ত হইল। এদিকে নদী-শীর্ণতোয়া হইয়া শৈবাল ও কচুরী পানায় পূর্ণ হইল, গ্রামে ম্যালেরিয়া স্থায়ী আবাস স্থাপন করিল; গ্রাম ছরবস্থা ও অবনতির চরম সোপানে উপনীত হইল।

আজ আবার বহু বৎসর পরে নব-জাগরণের দিনে সেই পরিত্যক্ত, লাহিত, অবনত গ্রামের প্রতি লোকের দৃষ্টি পড়িয়াছে। সেই মহাপুরুষগণ এক্ষণে স্বর্গগত। তাঁহাদের পদাঙ্ক অনুসরণ করিয়া, তাঁহাদের আদর্শে অনু-প্রাণিত হইয়া আজ আবার শিশিরকুমারের কনিষ্ঠ ভ্রাতা শ্রীযুক্ত গোলাপলাল ঘোষ এবং তাঁহার ভ্রাতৃপুত্র শ্রীযুক্ত যুগলকান্তি ঘোষ মহাশয়ের সেই ভ্রাতৃ-সমাজকে পুন-জীবিত করিয়া গ্রামের সেই পূর্বগৌরব ও হতশ্রী পুনরানয়নে বন্ধপরিকর হইয়াছেন। সেই মহাপুরুষগণের স্মৃতি তাঁহাদের মনে শক্তি দান করুক এবং তাঁহাদের আশীর্ষাদ তাঁহাদের চেষ্টাকে জয়যুক্ত করুক।

আমরা এক্ষণে সেই পুনরুজ্জীবিত ভ্রাতৃ-সমাজের কার্য-প্রণালীর কিঞ্চিৎ বিবরণ দিয়া এই প্রবন্ধের উপসংহার করিব। শ্রীযুক্ত যুগলকান্তি ঘোষ মহাশয়ের নেতৃত্বে অমৃত বাজার ভ্রাতৃ সমাজের নিম্ন প্রকার কার্য্যপদ্ধতি নির্দ্ধারিত হয় :—

(ক) গ্রামে বিদ্যালয় স্থাপন ও সংরক্ষণ দ্বারা শিক্ষার উন্নতি, কৃষিশিল্প শিক্ষার ব্যবস্থা এবং বালিকা ও নৈশ বিদ্যালয় স্থাপন।

(খ) চিকিৎসালয় স্থাপন ও রক্ষণ, জঙ্গল কাটা, পুষ্করিণী পরিষ্কার করা, মাসিক লঠন প্রভৃতি দ্বারা স্বাস্থ্য-বিষয়ক বক্তৃতা দেওয়া, সংক্রামক রোগের প্রাদুর্ভাবে লোককে স্বাস্থ্যরক্ষা সম্বন্ধে উপদেশ দেওয়া এবং রোগে শুক্রবা করা।

(গ) গ্রামে মামলা, মোকদ্দমা, বিবাদ-বিসংবাদ ও দলাদলি যথাসম্ভব আপোষে সালিশী দ্বারা নিষ্পত্তি করা।

(ঘ) গ্রামে বারোয়ারী পূজা-পার্বণ প্রভৃতি কার্য্য

সম্পন্ন করা ও গ্রামের নৈতিক উন্নতির ও বিপুল আমোদ-প্রমোদের উদ্দেশ্যে কথকতা; যাত্রা ও সঙ্গীতের ব্যবস্থা করা।

(৬) অন্ন-সমস্যা-সমাধান জন্ত কো-অপারেটিভ ব্যাঙ্ক ও ধানের কল স্থাপন, চালানি ব্যবসায়, তরিতরকারী ইত্যাদি উৎপাদন-বিষয়ে সাহায্য করা।

(৭) গ্রামের জনহিতকর কার্য সমূহকে কেন্দ্রীভূত করা।

এই সমাজের কার্য অতি অল্প দিনেই আশাতীত উন্নতি লাভ করিয়াছে; কিঞ্চিদধিক এক বৎসর হইল মহাত্মা শিশিরকুমারের নামে শিশিরকুমার দাতব্য চিকিৎসালয় প্রতিষ্ঠিত হইয়াছে। সরকারী সাহায্য বাতিবেকেও এই চিকিৎসালয় সুন্দরভাবে পরিচালিত হইয়া অমৃতবাজার ও তৎসংলগ্ন গ্রামসমূহের বহু দরিদ্র ও দুঃস্থ ব্যক্তির রোগ নিরাময় করিতেছে। আচার্য্য প্রফুল্লচন্দ্র, শ্রম হরিশঙ্কর পাল, ডাক্তার উপেন্দ্রনাথ ব্রহ্মচারী, বেঙ্গল ইমিউনিটির পরিচালকবর্গ ও অন্যান্য পরোপকারী ভদ্রমহোদয় ইহার কার্যে প্রীত হইয়া ঔষধ প্রভৃতি দান করিয়া নানা প্রকারে সাহায্য করেন। রোগী-চিকিৎসা ব্যতীত রোগ নিবারণও ইহার একটি প্রধান উদ্দেশ্য। এজন্য ডাক্তার বেন্টলী-প্রদত্ত চার্জের সাহায্যে গ্রামে গ্রামে স্বাস্থ্যবার্তা প্রচার করা হইয়া থাকে। আশা আছে অর্থানুপূর্ণ হইলে চিকিৎসালয়ের সহিত একটি হাসপাতালও স্থাপন করা হইবে।


শিক্ষা-বিস্তারের জন্ত একটি অবৈতনিক মধ্য ইংরাজী বালকদিগের জন্ত বিদ্যালয় ও আর একটি অবৈতনিক প্রাথমিক বালিকা বিদ্যালয় স্থাপিত হইয়াছে। বালক-বিদ্যালয়টি স্বর্গগত মতিলালের ও বালিকা বিদ্যালয়টি স্বর্গগত হেমন্তকুমারের পুণ্যস্মৃতিপূত করা হইয়াছে। গ্রামে বেতন দিয়া ছেলে পড়াইবার শক্তি সাধারণের নাই। সেইজন্য সাধারণ বিদ্যালয়ে দরিদ্রগণের কোনই উপকার হয় না। এই বিদ্যালয় দুটির শিক্ষা-প্রণালী ও আদর্শ সাধারণ বিদ্যালয়ের শিক্ষা-প্রণালী ও আদর্শ হইতে সম্পূর্ণ পৃথক। মানসিক উৎকর্ষের সঙ্গে শারীরিক উৎকর্ষ এবং স্বাবলম্বন শিক্ষা দেওয়ার দিকে বিশেষ দৃষ্টি রাখা হইয়া থাকে। ছাত্রগণের হৃদয়ে পরিশ্রমের প্রতি সম্মান-বোধের জন্ত নিজে হস্তে সমস্ত কার্য করিতে

উৎসাহ দেওয়া হয়। এই বিদ্যালয়ে সুরিধা ও সুযোগমত একটি কৃষি ও আর একটি ব্যবহারিক শিক্ষা-বিভাগ খুলিবার অভিপ্রায় আছে। এই অন্ন-সমস্যার দিনে এখন আর শুধু আক্ষরিক শিক্ষায় চলিবে না; অর্থকরী বিদ্যার প্রয়োজন অত্যন্ত অধিক। ব্যবহারিক ও কৃষি-শিক্ষা দ্বারা এই অভাব অন্ততঃ অংশতঃ পূর্ণ হইবে আশা করা যায়। যে সমস্ত বালক অথবা প্রাপ্তবয়স্ক লোক দিনের বেলা পাঠশালে অধ্যয়ন করিবার অবকাশ পায় না তাহাদের জন্ত নৈশ বিদ্যালয় অবিলম্বে খুলিবার প্রস্তাবও ব্রাতৃ-সমাজে চলিতেছে।

সাধারণতঃ দেখা গিয়াছে চর্চা অভাবে পাঠ-ত্যাগের অল্প কয়েক বৎসর মধ্যেই পল্লী-গ্রামের অল্প-শিক্ষিত লোক পুনর্দেহীত বিদ্যা সম্পূর্ণরূপে বিস্মৃত হইয়া অশিক্ষিত দল-ভুক্ত হইয়া পড়ে। তন্নিবারণোদ্দেশ্যে অবৈতনিক হেমন্ত-কুমার পাঠাগার ও গ্রন্থাগার প্রতিষ্ঠিত হইয়াছে। অন্তঃ-পুরবাসিনী মহিলাদের মধ্যেও সাহায্যে জ্ঞান-চর্চা হয় তহুদ্দেশ্যে তাহাদের বাটীতে গিয়া জ্ঞান ও তথ্যপূর্ণ পুস্তক দেওয়া হইয়া থাকে।

দেশের পরম শত্রু সর্বনাশী ম্যালেরিয়ার বিরুদ্ধে ব্রাতৃ-সমাজ যুদ্ধঘোষণা করিয়া র্যাগ্টি ম্যালেরিয়া সোসাইটি (Anti-malaria Society) প্রতিষ্ঠা করিয়াছেন। গ্রামের উৎসাহী যুবকগণকে দলবদ্ধ করিয়া জঙ্গল কাটান এবং গর্ত প্রভৃতি ভরাট করানই ইহার প্রধান উদ্দেশ্য। বিপুল পানীর জলের জন্ত সম্প্রতি হেমন্তকুমার নলপূর্ণ খনন করা হইয়াছে এবং একটি মরা পুকুর ভরাট করা ও অপর একটি সংস্কার করার বন্দোবস্ত হইয়াছে। ইহার কর্ম-তৎপরতার ফলে ম্যালেরিয়া সম্পূর্ণ বিদূরিত না হইলেও প্রকোপ অনেকটা কমিয়াছে। ইহার উদ্যোগে আরও একটি নলপূর্ণ খনিত হইয়াছে।

সম্প্রতি শিশিরকুমার দাতব্য চিকিৎসালয়ের প্রথম বার্ষিকী ও মতিলাল বিদ্যালয়ের উদ্বোধনকালে অমৃতবাজারে একটি মহতী জনসভার আবিবেশন হয়। বঙ্গের শিক্ষা-সচিব খাজা নজিমুদ্দিন সাহেব সভাপতির আসন গ্রহণ করিয়াছিলেন। অধ্যাপক অমূল্যচরণ বিদ্যাভূষণ, ডাক্তার বেন্টলী, যশোহরের জেলা ম্যাজিস্ট্রেট, প্রভৃতি বহু গণ্য-মান্য ব্যক্তি সভায় উপস্থিত হইয়া গ্রামবাসিগণের উৎসাহ



মতিলাল বিদ্যালয়ের উদ্বোধন সভা

বর্ধন করেন। পণ্ডিত অমূল্যচরণ মঙ্গলাচরণ পাঠ করিয়া সভার উদ্বোধন করেন। ডাক্তার বেন্টলী স্বাস্থ্যের কতক সাধারণ নিয়ম বিবৃত করিয়া দেখান যে তাহার প্রতিপালন দ্বারা কলেরা, বসন্ত, বেরী-বেরী, ম্যালেরিয়া প্রভৃতি সংক্রামক রোগের হাত হইতে অব্যাহতি পাওয়া যাইতে পারে। তিনি পল্লীগামের নিরাড়ম্বর সরল খাওয়া, যুগ ও ছোলার অঙ্কুর, গুড়, ফেন-মিশ্রিত ভাত প্রভৃতির প্রশংসা করিয়া বলেন যে, তথা-কথিত সভ্যতার নামে আমরা এই সমস্ত কল্যাণকর খাওয়া ত্যাগ দ্বারা স্বাস্থ্যনাশ করিতেছি। শিক্ষা-সচিব মহাশয়ও শিক্ষা ও স্বাস্থ্যনীতি দেশে বহুল প্রচার জন্ত সকলকে অসুরোধ করেন। সভার শেষে ম্যাজিক লণ্ঠন দ্বারা স্বাস্থ্যতত্ত্ব বঝান হইয়াছিল। এই সভার ফলে জনসাধারণের মনে বিশেষ উৎসাহের

সঞ্চার হয় এবং ভ্রাতৃ-সমাজের অমুষ্টিত প্রতিষ্ঠানগুলির প্রতি জনসাধারণের দৃষ্টি বিশেষভাবে আকর্ষণ হয়।

পল্লীতে কর্মক্ষেত্র বহু বিস্তৃত ও বহু আয়াসসাধ্য। সহরের কার্য বা কার্যপ্রণালীর তাহার সঙ্গে তুলনা হইতে পারে না। অজ্ঞতা ও কুসংস্কার পল্লীর উন্নতির প্রধান অন্তরায়। পল্লীসেবকের সর্বদাই মনে রাখিতে হইবে পল্লীর সেবায় নিজেকে নিয়োজিত করিয়া সে ধন্য হইতেছে। ভ্রাতৃ-সমাজ দ্বারা স্থাপন করিয়াছিলেন, তাঁহাদের মনের ভাব তাহাই ছিল। এখন আবার দ্বারা তাহাকে পুনরুজ্জীবিত করিয়াছেন তাঁহারা সেই আদর্শই বজায় রাখিয়াছেন। দেশের উন্নতির পথ ইহা ছাড়া আর নাই—নাশ্রয়ঃ পন্থা বিঘ্নেতে অয়নায়।

কবি প্রসন্নময়ী

[অধ্যাপক শ্রীযোগেন্দ্রনাথ গুপ্ত]

পাবনা জেলার হরিপুর গ্রামের চৌধুরী জমিদার-বংশ উত্তর বঙ্গে প্রসিদ্ধ। এই গ্রাম পূর্বে রাজসাহী জেলার অন্তর্ভুক্ত ছিল, এখন পাবনা জেলার অন্তর্ভুক্ত হইয়াছে। এই গ্রামে বহু জমিদারের বাস; তাঁহাদের মধ্যে বড় তরফ ও ছোট তরফ প্রধান। বড় তরফের ছোট কর্তা স্বর্গগত দুর্গাদাস চৌধুরী পিতার মৃত্যুর পর জমিদারীর বেশীর ভাগ হস্তান্তরে গেলে গভর্নমেন্টের অধীনে ডেপুটি ম্যাজিস্ট্রেটের পদ গ্রহণ করেন। প্রসন্নময়ী তাঁহার প্রথম কন্যা। দুর্গাদাস চৌধুরীর পুত্রেরা এক্ষণে সমগ্র বঙ্গদেশে প্রসিদ্ধি লাভ করিয়াছেন। ইঁহারা সাত ভাই। ইঁহাদের জ্যেষ্ঠ ভ্রাতা স্বর্গত সুর আশুতোষ চৌধুরী হাইকোর্টের বিচারপতির পদ অলঙ্কৃত করিয়াছিলেন। প্রসন্নময়ী সুর আশুতোষের জ্যেষ্ঠা ভগিনী ও প্রায় পাঁচ ছয় বৎসরের বড়। তাঁহার জন্ম ১৮৫৬।৫৭ সালে ১৪ই আশ্বিন। ইঁহার মাতামহবংশ বানকাশীনাথপুরের রায়েরা বাঙ্গালার দ্বাদশ ভূম্যধিকারি-

গণের অন্ততম। বংশ-মর্যাদায় এখনও বানকাশীনাথপুরের রায়েরা বারেন্দ্র সমাজে প্রধান।

প্রসন্নময়ীর শৈশব অতি মধুর ছিল। নাটোরের মহারাণী কৃষ্ণমণি-ইঁহার পিতামহীর সহোদরা ছিলেন। তিনি প্রসন্নময়ীকে অত্যন্ত স্নেহ করিতেন।

যদিও সে সময় বর্তমান কালের মত অস্ত্র-পুর-শিক্ষার প্রচলন ছিল না এবং অধিকাংশ স্থলেই মেয়েরা লেখাপড়া শিক্ষা প্রয়োজন মনে করিতেন না, তথাপি হরিপুরের চৌধুরীবংশের মেয়েরা সকলেই কিছু না কিছু লেখাপড়া শিখিতেন। প্রসন্নময়ীর পিতৃ-স্বসারা রীতিমত পণ্ডিত মহাশয়ের নিকট বিদ্যাভ্যাস করিয়াছিলেন। প্রসন্নময়ীর পিতা নিজেরই প্রসন্নময়ীকে পড়াইতেন; তিনি ও সুর আশুতোষ একসঙ্গে পাঠাভ্যাস করিতেন।

বংশের নিয়মানুসারে তাঁহার দশবৎসর বয়সে পাবনা ও নাইগাছা গ্রাম-নিবাসী কুলীন-শ্রেষ্ঠ কৃষ্ণকুমার বাগচী

মহাশয়ের সহিত বিবাহ হয়। কিন্তু তিনি খণ্ডরালয়ে খুব কম দিনই কাটাইয়াছিলেন। বিবাহের মাত্র দুই বৎসর পরেই তাঁহার স্বামী উন্মাদ-রোগগ্রস্ত হন। তদবধি তিনি চিরদিনই পিতৃালয়ে বাস করিতেন। এইরূপে অতি অল্প বয়স হইতেই তাঁহার জীবন বিষাদের হইয়াছিল এবং বলিতে গেলে চিরদিনই তিনি কোন না কোনরূপ দুঃখ পাইয়া আসিয়াছেন।



কবি প্রসন্নময়ী

তাঁহার পিতা কণ্ডার এই মর্শ্বক্লেণ কিছু মাত্রায় দূর করিবার জন্ত তাঁহাকে গৃহে উপযুক্ত শিক্ষা দিতে মনস্থ করেন প্রসন্নময়ীকে ইংরাজী ও গীতিবাণী শিখাইবার জন্ত মেমশিক্ষয়িত্রী নিযুক্ত করেন এবং নিজে তাঁহার বাঙ্গালা ও সংস্কৃত শিক্ষার ভার গ্রহণ করেন। ইংরাজী ও গীতিবাণী

শিক্ষা যদিও বেশী দূর অগ্রসর হয় নাই, তথাপি প্রসন্নময়ী নিজের চেষ্টায় উত্তর কালে বেশ সুন্দর ইংরাজী শিখিয়াছেন।

জীবনের দুর্দৈববশতঃ লেখাপড়া ভিন্ন তাঁহার সংসারে অন্য কাজ বিশেষ ছিল না—সুতরাং তিনি শৈশব হইতেই সাহিত্য-চর্চায় আত্মনিয়োগ করেন। বারো বৎসর বয়সে তাঁহার কবিতাপুস্তক “আধ-আধ ভাষিনী” প্রকাশিত হয়।

সে সব কবিতা হইতেই পরজীবনে তাঁহার কাব্যশক্তি যেরূপ বিকাশ পাইয়াছে তাহার আভাষ পাওয়া যায়।

তিনি যে যুগে লিখিতে আরম্ভ করেন তাহা বাঙ্গালার আধুনিক সাহিত্যের প্রারম্ভ কাল। তিনি সেই সময়কার অনেক মাসিক পত্রে রচনা, গল্প ও কবিতা লিখিয়াছিলেন। এখন তিনি “ভারতবর্ষ”, “মানসী ও মর্শ্ববাণী” ও “মাতৃ মন্দির” প্রভৃতি মাসিকে প্রায়ই লিখিয়া থাকেন। কিছু দিন পূর্বে তাঁহার রচিত স্মরণ আশুতোষ চৌধুরীর জীবনী “মাতৃমন্দির” মাসিক পত্রিকায় বাহির হইয়াছে। উক্ত রচনা হইতে সেকালের নানা কথা, যাহা বর্তমান যুগের তরুণের দল অজ্ঞাত তাহা জানিতে পারা যায়। ইংরাজীতে উহার অনুবাদ হইতেছে।

ইঁহার লিখিত কবিতা এবং গল্প-রচনার মধ্যে বিশেষত্ব আছে। বাঙ্গালা সাহিত্যের ভাণ্ডারে তিনি গল্প রচনার দ্বারা যে পুষ্পের সাজ উপহার দিয়াছেন তাহা অপূর্ব। সত্যই তাঁহার গল্প লিখিবার ভঙ্গী বাঙ্গালা সাহিত্যের একটি বিশেষ ধারা সৃষ্টি করিতেছে।

পূজ্য সাহিত্যিক রাজনারায়ণ বসু ইঁহার

গ্রন্থাবলীর একজন অতি ভক্ত পাঠক ছিলেন। তিনি প্রসন্নময়ীকে ‘মা’ বলিয়া ডাকিতেন।

প্রসন্নময়ীর একমাত্র কণ্ঠা শ্রীমতী প্রিয়ম্বদা দেবীর নাম বঙ্গসাহিত্যে এবং সকলের নিকটই পরিচিত। প্রসন্নময়ী ইঁহাকে জীবনে স্মৃতি করিয়া নিজের বিষাদময় জীবনে

একটু আলোক আনিবার চেষ্টা করেন। কিন্তু বিধাতা তাহাতেও বাদ সাধেন। শ্রীমতী প্রিয়ম্বদা দেবী তাঁহার স্বামী ও একমাত্র পুত্রকে হারান। এইরূপে মা ও মেয়ে উভয়েই দুঃখ ও বিষাদে জর্জরিত হইয়া পড়েন। প্রসন্নময়ীর রচিত গ্রন্থাবলী যথা—“বনলতা”, “নীহারিকা” ১ম ও ২য় ভাগ ও “অশোকা”, “আর্য্যাবর্ত্ত” প্রভৃতি। ইহার মধ্যে ‘পূর্বকথা’ ও ‘তারাচরিত’ এই দুইখানি গ্রন্থ তাঁহার ও তাঁহার আত্মীয়স্বজনের ঘটনা লইয়া রচিত। শোষণে গ্রন্থদ্বয় হইতে তাঁহার জীবন কীরূপ দুঃখ ও বিষাদের তাহার পরিচয় পাওয়া যায়।

কিছু দিন পূর্বে তিনি স্মরণ আশুতোষ চৌধুরী ও কর্ণেল মন্থনাথ চৌধুরী এই দুই ভ্রাতাকে হারাইয়াছেন। এই শোকে তাঁহার হৃদয় একেবারে ভাঙ্গিয়া পড়িয়াছে।

প্রসন্নময়ী নিম্নলিখিত গ্রন্থাবলী রচনা করিয়াছেন।

কবিতা—আধ আধ ভাষিণী, বনলতা ও নীহারিকা
(১ম ও ২য় ভাগ)

গদ্য—অশোকা (উপন্যাস সিপাহী-বিদ্রোহের ঘটনা অবলম্বনে)

আর্য্যাবর্ত্ত—উত্তরভারত ভ্রমণ কাহিনী।

পূর্বকথা—সামাজিক ও পারিবারিক চিত্র।

তারাচরিত—জীবনী।

আমরা এখন তাঁহার কাব্য-সম্বন্ধে আলোচনা করিব। তাঁহার প্রথম পুস্তক ‘আধ আধ ভাষিণী।’ ১৮৭০ খ্রীষ্টাব্দে বাঙ্গালা ১২৭৬ সালে G. P. Roy & Co. Printers-কর্তৃক মুদ্রিত ও প্রকাশিত। সে হিসাবে এ বইখানির বয়স দাঁড়াইতেছে ষাট বৎসর। প্রসন্নময়ীর বয়স তখন ছিল মাত্র বারো বৎসর। এই ক্ষুদ্র বইখানি ডিমাই ১২ পৃষ্ঠা মাত্র। মলাটে লিখিত ছিল “অমৃতং বালভাষিতং”। ‘আধ আধ ভাষিণী’ লেখিকা তাঁহার পরমারাধ্য পিতা শ্রীযুক্ত বাবু দুর্গাদাস চৌধুরী মহাশয়ের শ্রীচরণে সাদরে অর্পণ করিয়াছেন। ইহাতে সতেরটি ছোট ছোট কবিতা আছে। ষাট বৎসর পূর্বে হিন্দু পরিবারের একটা দ্বাদশ বর্ষীয়া বালিকার রচনা কেমন ছিল তাহা দেখাইবার জন্ত আমরা এখানে একটা কবিতা উদ্ধৃত করিলাম :—

বসন্ত-বর্ণন

নীতবৃত্ত করে শেষ বসন্ত আইল।

হার কি মন্দর সাজে ধরনী সাজিল।

প্রকৃতি প্রকৃত বেশ ধরিল এখন।
হেরিয়ে প্রফুল্ল হলো ভাবকের মন।
কোকিল আইল দেখ বসন্তের সাথে।
ভুলোক পুলক হলো হৃৎকের আশাতে।
মলয় সমীর এবে বহে মন্দ মন্দ।
প্রকাশিছে ঋতুরাজাগমনে আনন্দ।
তুলসী মুগ্ধ হইয়া আত্মের মুকুল।
নানাজাতি ফুল ফুটে সৌরভে আকুল।
কতরূপ ফল ফলে এ সময়ে হার।
ফলের ভয়েতে তরু বিনত্র দেখায় ॥
শিশির পড়িয়ে রাজ্যে থাকে দুর্বাদলে।
যেন ছেঁড়া মৃত্তা হার তাহাদের গলে ॥
কতই অপূর্ণ শোভা এ সময়ে হয়।
বসন্তের শোভা দেখি নয়ন জুড়ায় ॥
ওহে প্রভু দয়াময় জগতের সার।
তোমার সৃষ্টির ভাব বুঝে উঠা ভার ॥

সেকালের প্রচলিত পয়ার ছন্দের অনুকৃতিই এই কবিতায় দেখিতে পাইতেছি। ‘প্রার্থনা’ কবিতায় সেকালের সামাজিক চিত্রের একটু আভাষ আমরা পাই।

একেত অবলা নারী তাহে পরাধীন।
কেমনে তোমারে পাবে এ সম্বল হীন।
স্বপ্নের শান্তিগণ সবে প্রতিকুল।
সতত থাকিহে নাথ ভয়েতে ব্যাকুল ॥

* * *
অতিশয় ভয়ানক দেশের আচার
কতদিনে ত্রাণ ধর্ম হবে হে প্রচার ॥
যত সব ভক্তলোক একত্রিত হয়ে।
আমোদ আহ্লাদ করে পুস্তলিকালয়ে ॥
বিদরিয়া যায় হৃদি দেখে দেশাচার।
হবে নাকি এই দেশে ত্রাণধর্মচার ॥”

প্রসন্নময়ীর দ্বিতীয় কবিতাগ্রন্থ ‘বনলতা’ ১২৮৭ সালে শ্রীযুক্ত যোগেশচন্দ্র বন্দ্যোপাধ্যায় কর্তৃক কলিকাতা ক্যানিং লাইব্রেরী হইতে প্রকাশিত হয়। শ্রীযুক্ত ঈশ্বরচন্দ্র বসু কোংর বহুভাষ্যসংগ্রহ ২৪৯ সংখ্যক ভবনে ষ্ট্যানহোপ যন্ত্রে মুদ্রিত। এই বইখানা পঞ্চাশ বৎসর পূর্বে প্রকাশিত হইয়াছিল। এখানিও লেখিকা আনন্দপূর্ণ হৃদয়ে তদীয় পিতৃদেবের শ্রীচরণ কমলে উৎসর্গ করিয়াছেন। পঁচিশটি

খণ্ড কবিতা লইয়া এই গ্রন্থের কলেবর পূর্ণ। ইহার মধ্যে তিনটি কবিতা ইংরাজী কবিতার অনুবাদ।

‘বনলতা’—লেখিকার তরুণ বয়সের রচনা। বনলতা প্রকাশিত হইবার পর লেখিকা সাহিত্য-সমাজে প্রতিষ্ঠালাভ করেন। সেকালের শ্রেষ্ঠ সাহিত্য সমালোচক সুপণ্ডিত রাজনারায়ণ বসু, প্রভৃতি প্রসিদ্ধ ব্যক্তিরও যেমন ইহার প্রশংসা করেন, ‘আর্য্য-দর্শন’ Indian Nation, “Brahmo Public Opinion, Calcutta ‘Review’ ‘Indian Mirror’ প্রভৃতি পত্রিকা ও এই গ্রন্থের উৎসাহ-ব্যঞ্জক সমালোচনা প্রকাশিত হয়।

‘Calcutta Review’র সমালোচক বলিয়াছিলেন—The Banalata is from the pen of a Hindu (Brahmin) lady who dedicates the work to her father. It consists of several short poems on a variety of subjects, which bear the impress of a mind emancipated from the thralldom of Jati, Juti—Mallika, Malati of bygone ages, and awakening to an appreciative perception of the beautiful the grand and the sublime, not simply in terrestrial objects, but, likewise in the phenomenal aspects of Nature, in all her immensity. The following lines will partially illustrate our views, if they will not remind the reader of I an the in the Magic car of Shelly.

রবি-শশী তারা কল্পনা নয়ন
শারদ-কৌমদী কল্পনা বরণ
কল্পনার কণ্ঠ বোণার নিকণ
কল্পনার খেলা সুখের স্বপন।

‘জন্মভূমি’ কবিতা পড়িতে প্রায় শত বর্ষ পূর্বের সমাজ-চিত্রের কথা মনে পড়ে। নারীজাতির কল্যাণের দিকে না চাহিয়া, সমাজের দিকে চাহিয়া কোলিন্যা ও দেশাচারকে বড় করিয়া দেখিয়া কেমন করিয়া শত শত কুসুম কোমলা নারীর জীবনের সর্বনাশ করা হইত, এখানে তাহার একটু আভাস পাই।

পরিণয়-হার পরিয়া গলায়,
দিবানিশি কাঁদে তাহারি আলায়,
সোণার প্রতিমা শোভা নাহি পায়;
মুকুতার হার বানর-গলায়।
জনক-জননী, মেহের আশায়,
হৃদিতায় দুঃখ, না চিন্তিল হার।

মেহ বিসর্জিল দেশাচার পায়,
স্বর্গের কুসুম সংগিল চাবায়।

‘বনলতা’র অনেক কবিতার মধ্য দিয়াই একটা ছঃখের সুর ফুটিয়া উঠিয়াছে। ‘কেন জানিলাম’—কবিতায় কবি স্বপ্নের ছবি হারাইয়া ছঃখ করিয়া বলিতেছেন :—

আর কি দেখিব সেই সুখের স্বপন ?
জীবনে কি সে চিত্রের পাব দর্শন ?
আজীবন কাঁদিবারে,
জাগিলাম মরিবারে,
মুহুর্তে মুহুর্তে মৃত্যু! নিরাশ-অনল
জলিবে, পিপাসা মম বাড়িবে কেবল।

জগতে শিশুর হাসির তুলনা মিলে না। হাসি কবিতাটি বড় সুন্দর। শিশুর চল চল অরুণসমসুন্দর বদনের হাসি দেখিয়া কবি-চিত্ত বিমুক্ত-শিশু বধন—টলে টলে টলে টলে, আদরে গলিয়া,

হাসির তরঙ্গ তুলি,
চল তুমি ছুঁছি ছুঁলি,
বিমুক্ত হইয়া আমি থাকিরে চাহিয়া,
হাসির তরঙ্গে প্রাণ যায় রে ভাসিয়া।

তাই কবি আশীর্বাদ করিতেছেন—

এমন সুন্দর তুমি মেহের কুসুম,
পবিত্র জীবন ল'য়ে,
চিরকাল সুখে রয়ে,
ধাকরে সংসারে শিশু উজ্জলি জীবন,
জগতের শোক-তাপ পেওনা কখন!

হায়রে এই আশীর্বাদ যদি সত্য হইত! ‘বনলতার’ কবিতাগুলি সে কালে যে প্রতিষ্ঠা লাভ করিয়াছিল তাহা সহজেই উপলব্ধি হয়। সরল, সহজ ভাষা, সুন্দর শব্দসম্পদ, সুরুচিসঙ্গত অভিব্যক্তি সে যুগের নূতন আদর্শ বলিয়া গৃহীত হইয়াছিল। কোন কোন কবিতায় দেশপ্ৰীতি স্বতঃ উচ্ছ্বসিত হইয়া উঠিয়াছে। আমরা ‘বীরনারী লক্ষ্মীবাদ’ শীর্ষক কবিতা হইতে কিয়দংশ উদ্ধৃত করিয়া আমাদের কথার সমর্থন করিতেছি।

রণবেশে মস্ত সতী নাচিছে সমরে, রে
নাচিছে সমরে,
বিমুক্ত কুন্তলভার,
মুখে শব্দ মার মার,
তীক্ষ্ণ তরবার ওই শোভিতেছে করে, রে
শোভিতেছে করে।

অতুলিত রূপারশি,
শরতের পৌর্ণমাসী,

রবি ছবি পরকাশি করিতেছে রণ রে

করিতেছে রণ । ইত্যাদি ।

প্রসন্নময়ীর তৃতীয় গ্রন্থ 'নীহারিকা' ১২৯০ সালে কলিকাতা ১৪ নং কলেজ স্কোয়ার এস কে লাহিড়ী কোং দ্বারা প্রকাশিত। এই হিসাবে এ বইখানার বয়স ছচল্লিশ বৎসর। নীহারিকার দ্বিতীয় ভাগ প্রকাশিত হয় ১৮১৮ শকে। আদি ব্রাহ্মসমাজ যজ্ঞে শ্রীকালিদাস চক্রবর্তী দ্বারা মুদ্রিত ও প্রকাশিত। এই হিসাবে 'নীহারিকা' দ্বিতীয় ভাগের বয়স বত্রিশ বৎসর।

নীহারিকা প্রথম ও দ্বিতীয় ভাগের কবিতাগুলির মধ্যেই কবির হৃদয়ের বেদনা প্রকাশিত। একটা বিষাদ-রাগিণীর করুণ সুর প্রবাহিত। মানুষের জীবন লইয়াই মানুষের কাব্য ও কবিতা একথা প্রসন্নময়ীর প্রত্যেকটি কবিতার ভিতরই প্রকাশ পাইতেছে। কবি কখন এই পৃথিবীর সুখ-দুঃখের, ক্ষণিক হাসির, ক্ষণিক আনন্দের মধ্যে আত্ম-হার হইতেছেন, তখন দেখিতে পান—

আকাশে নক্ষত্র আছে,

বারি কোলে উর্ধ্ব নাচে,

কুণ্ডল সুরভিময়, শশধরে হাসি,

এদীপ্ত অরুণে সদা জীব কর-রাশি ।

দামিনী বারিদ-কোলে,

তরুকে লতা দোলে,

ছায়া শীতলতাপূর্ণ, সমীরে জীবন ।

তেমনি এ ভালবাসা আশ্রয় মিলন !

কিন্তু এ মিলন ত চিরস্থায়ী হয় না ! কেন না—

সকলি স্বার্থের দান, স্বার্থের ধরণী

নিজ হৃদে মুগ্ধ নর দিবস রজনী ।

তাই সাধপূর্ণ হয় না। নীহারিকা প্রথম ভাগে মোট একুশটি কবিতা আছে। নীহারিকায় তাঁহার কবিত্বশক্তি পূর্ণবিকসিত। কল্পনা, ভাব ও ভাষা পে যুগের তুলনায় প্রশংসনীয়। "স্নেহোপহার", "সেই চন্দ্রলোকে" "গাওরে আবার" "আর্যনারী," "জাহ্নবী সৈকতে" "জীবন-কাহিনী" আমাদের ভাল লাগিয়াছে। নীহারিকা দ্বিতীয় ভাগের কবিতার মধ্যে জীবনের নিগূঢ় রহস্য ব্যাঙ্গবাক্যে যাহাকে বলে 'Criticism of life' তাহা বেশ দেখিতে

পাই। মোট আটত্রিশটি কবিতা গুচ্ছ লইয়া নীহারিকা রচিত হইয়াছে।

কবির স্বদেশ-প্রীতি অনেক কবিতার মধ্যেই বর্তমান। কখনও যমুনার কলপ্রবাহের মধ্যে কবি দেখিতে পাইতেছেন—

দীপ্তিমান সৌভাগ্যের সেদিন অতীত

খুঁজিলে যমুনা প্রাণে,

মিলিবে না বর্তমানে,

ভারতের ইতিহাস আর্ষের গরিমা,

বিপ্লব স্মৃতির ছবি জাহ্নবী যমুনা ।

আঁধার সৈকত-ভূমি, ভগন শ্মশান,

দীপমালা নির্ক্ষাপিত,

হাহাকারে পরিণত

স্বিচ্ছ সমীরণ, হৃদু আকুল ক্রন্দনে

প্রতিধ্বনি তীরে তীরে জাগে রাত্রি দিনে ।

কবি প্রসন্নময়ী নানা বিষয়ে ষণ্ড কবিতা রচনা করিয়াছেন। বিধাতা তাঁহার জীবনের প্রারম্ভকাল হইতে সুদীর্ঘ জীবনে শোকের যে দারুণ ব্যথা দ্বারা আঘাত করিয়াছেন, তাহা প্রত্যেক কথার মধ্য দিয়া প্রকাশ পাইতেছে।

বর্তমান সময়েও তিনি সমানভাবে গণ্ড ও পণ্ড রচনা দ্বারা বাঙ্গলা ভাষাকে অলঙ্কৃত করিয়াছেন। আমরা তাঁহার লিখিত 'সন্ধ্যাতারা' কবিতা হইতে কিয়দংশ উদ্ধৃত করিয়াই আমাদের বক্তব্য শেষ করিলাম।

উঠেছিলে সন্ধ্যার আকাশে,

প্রভাত না হতে রাত্রি

নির্ক্ষাণ করিয়া ভাতি

চলে গেলে পুন পরবাসে

তব পানে নেত্র তুলে

অজানা নদীর কূলে

ভেবেছিলাম হয়ে যাব পার,

ঘাটে নাই তরীধানি

পথ কতু নাহি জানি

কেমনে যাইব পর পার ।

* * *

সেই এক সন্ধ্যাতারা মম,

সাঁঝের আকাশতলে

নিভা যাহা নিভে যবে

“আহা মেয়ের কথা দেখ না। অত বড় হলে তবু ছেলেমি তোমার গেল না দিদিমণি।”

অঞ্জলির দিকে চাহিয়া উজ্জ্বল বলিল, “আমি তা হ’লে বাই এবার ?”

ব্যস্তভাবে অঞ্জলি বলিল, “এখনি ? না না বসুন একটু। সারি একে চা দে।”

“মাণ করবেন এখন আমার চায়ের দিছু দরকার নাই। তা হ’লে আমি এখন আসি।”

“কবে আসবেন ? আবার আসবেন তো ?”

ক্ষণেক স্তব্ধভাবে থাকিয়া উজ্জ্বল বলিল, “আচ্ছা আসবার জন্য চেষ্টা করবো। নমস্কার।” সে অগ্রসর হইল অঞ্জলিও তাহার সহিত দ্বার-প্রান্তে আসিল। পথে আসিয়া উজ্জ্বল বলিল, “চলুন তা হ’লে। আপনি ভিতরে গিয়ে শুয়ে থাকুন একটু।”

“যাচ্ছি। আপনি আসবেন তো ?”

“আচ্ছা আসব,।” সে দ্রুত পাদক্ষেপে অগ্রসর হইল। অঞ্জলি নীরবে সেই দিকে চাহিয়া দাঁড়াইয়া রহিল। সে-দিন প্রভাত হইতেই নভোমণ্ডল নিবিড় মেঘাচ্ছন্ন হইয়াছিল ; ঘন মেঘস্তর ভেদ করিয়া রবিকর তখন স্নান হাসির মত বারেক ধরাবন্ধে আসিয়া পড়িয়াছিল।

জ্ঞান-উন্মেষের সঙ্গে অঞ্জলি জননীর নিকট হইতে, দাসদাসীর নিকট প্রতিপালিত। আর কোন আত্মীয়-স্বজনকে সে চক্ষে দেখে নাই। সংসারে মা ভিন্ন তাহার আপনার বলিতে কেহ ছিল না কিন্তু সে মাতার সান্নিধ্য হইতেও বহুদূরে অবস্থিত। জননী তাঁহার জননীর সহিত কাশীতে থাকেন। অঞ্জলি শুনিয়াছিল বিধবা হইয়া পর্যাঙ্ক সংসারে বৈরাগ্যহেতু জননী কাশীবাস করিতেছেন। কন্ডার শিক্ষার ক্রটি হইবে বলিয়া তাহাকে দাসীর তত্ত্বাবধানে কলিকাতায় রাখা হইয়াছে। দাস-দাসীর নিকট পালিত হইলেও কোন অভাব, কোন ক্লেশ অঞ্জলির ছিল না। সারদা মাতার মতই তাহাকে যত্ন করিত। সতীর্থা ছাড়া অঞ্জলির কাহারও সহিত পরিচয় ছিল না। সারদা তাহাকে কাহারও সহিত মিশিতে দিতে চাহিত না। সারদার স্বামী নবীন তাহাদের তত্ত্বাবধান কুরিবার জন্য এই গৃহেই থাকিত। প্রথমতঃ আপন অধ্যয়ন ও শিল্প-শিক্ষা লইয়া অঞ্জলির দিন সুখেই কাটিয়া বাইতে

ছিল। কিন্তু বয়সের সঙ্গে সঙ্গে এই একান্ত সঙ্গ-হীনতা ক্রমশঃই তাহাকে পীড়িত করিতেছিল। একটু স্নেহ-মমতার জন্য তাহার অন্তর তৃষিত হইয়া উঠিল।

জননী মালতী বৎসরান্তে কয়েক দিনের জন্য কলিকাতায় আসিয়া তনয়াকে দেখিয়া বাইত। তাহার স্নেহ-বঞ্চিত উদ্ভূত-চিত্ত মাতার পার্শ্বে থাকিয়া পরিতৃপ্ত হইয়া উঠিত। মা চলিয়া গেলে আবার সেই গভীর অকৃষ্টি নিঃসঙ্গ-জীবনের নিবিড় জালায় অঞ্জলি অধীর হইয়া উঠিতেছিল। মাতাকে এখানে আসিয়া বাস করিতে অনেক বার সে অনুনয় করিয়াছে। মালতী আসিতে সন্মত হয় না। অঞ্জলি বিদ্যালয়ের অবকাশে তাহার নিকট যাইবার জন্য অনুমতি প্রার্থনা করিলেও মালতী নিবেদন করিয়া পাঠাইত। ক্ষুদ্রা অঞ্জলি অধ্যয়ন-মধ্যে চিত্ত নিমগ্ন রাখিয়া আপনাকে শান্ত রাখিতে চাহিলেও তাহার অবাধ্য অন্তর সময় সময় বড় ব্যাকুল হইয়া উঠিত। ইদানীং সে সতীর্থাদের গৃহে যাইয়া কিছুক্ষণ কাটাইয়া আসিতে আরম্ভ করিয়াছিল। সারদা প্রথম প্রথম নিবেদন করিয়া ব্যর্থ হওয়ায় আর বড় কিছু বলিত না। মালতী সর্বদাই পত্র দিয়া কন্ডার সংবাদ লইত। সেই পত্রের আদান-প্রদানের মধ্য দিয়াই অঞ্জলি কতকটা তৃপ্তি অনুভব করিত।

দুই

সমস্ত দিন যাইব না বলিয়া স্থির করিয়া রাখিলেও সন্ধ্যার অনতিপূর্বে সহসা উজ্জ্বলের মনে হইল অঞ্জলি সুস্থ হইয়াছে কি না সে সংবাদটা একবার লইয়া আসা কর্তব্য। ক্ষণেক ইতস্ততঃ করিয়া সে পথে বাহির হইয়া পড়িল। সন্ধ্যা তখন ধরা-বন্ধে নামিয়া আসে নাই। পথপ্রান্তে আলোক-শিখা জলিয়া উঠিলেও তাহা তখনও তেমন দীপ্তভাবে জ্বলিতেছিল না। মলিন মেঘের ছায়া সমস্তদিনই গগন আচ্ছন্ন করিয়া রাখিয়াছে। শীকর-সম্পৃক্ত অনিল থাকিয়া থাকিয়া প্রবলভাবে বহিয়া চলিয়াছিল। বর্ষণ তখনও আরম্ভ হয় নাই। অঞ্জলির গৃহ-দ্বারে আসিয়া আত্মান করিতেই একজন বৃদ্ধ ভৃত্য দ্বার উন্মোচন করিয়া দিল। উজ্জ্বল কিছু বলিবার পূর্বেই তাহার দিকে চাহিয়া সে বলিল, “আপনিই বুঝি সকালে দিদিমণিকে পথ থেকে তুলে এনেছিলেন ? দিদিমণি সারাদিনই আজ আপনার কথা

বলেছেন। দিদিমণির বড় অর হয়েছে বাবু।”

“অর হয়েছে।”

বৃদ্ধ চিন্তিত ভাবে বলিল, “হাঁ বাবু অর হয়েছে, অর হ’তে কৈ বড় একটা তো দেখি নি, এই সত্তর বছর বয়স পর্যন্ত আমিই তো তাকে হাতে করে মানুষ কচ্ছি, অর তো বড় হয় না কখন। সকালে পড়ে গিয়ে বড় লেগেছে বলছিলেন, সারা গায়ে ব্যথা, মাথায় যন্ত্রণা।”

আশ্বাসের স্বরে উজ্জল বলিল, “ঐ পড়ে যাওয়ার দরুণই অরটা হয়েছে, ভয় নাই।” অঞ্জলিকে দেখিয়া যাওয়া উচিত কি না সে ভাবিয়া স্থির করিতে পারিতেছিল না। অসুস্থ যখন তখন একবার দেখিতে যাওয়া কর্তব্য। কিন্তু স্বজন-বিহীন। একাকিনী তরুণীর কক্ষে প্রবেশ করাটাও কি সম্ভব হইবে? সে নীরবে দাঁড়াইয়া রহিল।

ভৃত্য বলিল, “দিদিমণিকে দেখে যাবেন না বাবু? তিনি কেবল আপনার কথাই বলছেন, আসুন না একবার।”

“যাব? আচ্ছা চল তা হ’লে।” সে আর প্রতিবাদ করিতে পারিল না। নীরবে বৃদ্ধের অনুগমন করিল।

ঘরের দিকে চাহিয়াই অঞ্জলি শুইয়াছিল। ভৃত্যের সহিত উজ্জলকে দেখিয়াই তাহার অরোক্তপু আননে আনন্দের স্নিগ্ধ রেখা ফুটিয়া উঠিল। ত্রস্তে উঠিয়া বসিবার চেষ্টা করিয়া সে বলিল, “আসুন উজল বাবু। আমি জানতুম আপনি একবার অন্ততঃ আমি কেমন আছি জানতেও আসবেন। মবীন, চেয়ারটা সরিয়ে উজল-বাবুকে বসতে দে।”

ব্যস্তভাবে উজ্জল বলিল, “আপনি উঠবেন না, উঠবেন না, শুয়ে পড়ুন। আমি বসছি, আমার অভ্যর্থনার জন্য আপনাকে ব্যস্ত হতে হবে না।”

অঞ্জলি শুইয়া পড়িল। চেয়ারটা টানিয়া লইয়া বসিতে বসিতে উজ্জল বলিল, “সকালে খুব শুভ সময়ে বাড়ি থেকে বার হয়েছিলেন যা হোক, শেষে তার জের অরে এসে দাঁড়াল।”

অঞ্জলি মুহূ হাসিয়া বলিল, “এ রকম হবে কি করে জানুব’ বলুন, তবে অরটা পড়ে যাওয়ার জন্য নাও হতে পারে।”

উজ্জল প্রশ্ন করিল, “ডাক্তার ডাকা হয়েছিল?”

“না, সবে আজ অর হয়েছে, এর মধ্যে ডাক্তার ডেকে কি হবে?”

নানা প্রশ্নের অবতারণার ভিতর দিয়া উজ্জলের ভিতর যে প্রথম পরিচয় হইয়াছিল ক্রমশঃ তাহা গাঢ় হইয়া আসিল, সঙ্গহীনা অঞ্জলি উজ্জলকে পাইয়া আপন মনেই বকিয়া চলিয়াছিল। কথার মধ্যে সন্ধ্যা কখন নিশায় পরিণত হইয়া গিয়াছে তাহা কাহারও লক্ষ্যে পড়ে নাই।

সারদা কক্ষে প্রবেশ করিয়া বলিল, “এখন কিছু খাবে দিদিমণি?”

উজ্জল সচকিতে বলিল, “তাই তো অনেক রাত্রি হয়ে গেছে, আসি তবে?”

“এখনি যাবেন আর একটু বসুন না।”

কুণ্ঠিতভাবে উজ্জল বলিল, “আপনি অসুস্থ, বেশী কথা বলা উচিত নয়। আজ যাই, কাল আসব’। আপনি এবার ঘুমোতে চেষ্টা করুন।”

“কাল আপনি আসবেন তো? ঠিক আসবেন?”

“আসব’ আপনি কেমন আছেন জানতে আসব’। উজ্জল কক্ষ ত্যাগ করিল। পরদিন সকালেই সে আসিয়া উপস্থিত হইল। প্রবল অরে অঞ্জলি তখন প্রায় লুপ্তসংজ্ঞ। তাহাকে দেখিয়াই সারদা বলিল, “কি করব’ বলুন দেখি বাবু, দিদিমণির এ রকম অসুখ তো কখনও হ’তে দেখি নি, আমাদের বড় ভয় কচ্ছে।”

অঞ্জলির নাড়ীর গতি পরীক্ষা করিয়া উজ্জল প্রশ্ন করিল, “ডাক্তার আনা হয়েছিল?”

“ডাক্তার তো এই একটু আগে দেখে গেছেন, বলেন মাথায় বরফ দাও অর কমে যাবে।”

“আচ্ছা তা হলে ভয়ের কিছু নাই। বরফ আর আইস-ব্যাগ আনতে দাও, ওষুধটাও অম্নি নিয়ে আসা হ’ক!”

“হাঁ, সে সব আনতে গেছে এই এল বলে।”

উজ্জল অঞ্জলির শয্যার একান্ত সন্নিকটেই একটা চেয়ার টানিয়া বসিল। দারুণ অরে অঞ্জলির স্ত্রী সুগৌর আননে রক্তাভা ফুটিয়া প্রস্তুতিত শতদলের মতই দেখাইতেছিল। দীর্ঘায়ত অক্ষিপন্নব, গোলাপের পাপড়ির মত সূক্ষ্ম ওষ্ঠ দুইটা মধ্যে মধ্যে কাঁপিয়া উঠিতেছিল। আপনার অজ্ঞাতে উজ্জলের বিমূৰ্ত্ত দৃষ্টি কিছুক্ষণ সেই

মায়ের একটি সন্তান কি না দিদিমণি তাই হয়তো মা তোমার বিয়ে দিয়ে পরের ঘরে পাঠাতে চান না।”

“আহা কি কথাই বলে, আমাকে যদি মা তত ভালবাসতেন তা হ'লে চিরদিন ধরে এমন করে দূরে রেখে দিতে পারতেন না। মার কি এই কাশীবাস করবার বয়স মা কি? বিধবা কি কেউ হয় না—আমার অনেক বন্ধু আছে তাদেরও ত অনেকের বাবা নেই; কিন্তু মা তো তাদের কাছেই থাকেন, আমাদের কত ভালবাসেন। আমার মা আমায় একটুও ভালবাসেন না।”

অঞ্জলির সুনীল নরন-প্রান্তে অশ্রু বিন্দু ফুটিয়া উঠিল।

ব্যস্তভাবে সারদা বলিল, “কি ছেলে মানুষের মত কর দিদিমণি। মা কখনও সন্তানকে না ভালবেসে পারে, তোমার মা তোমাকে খুব ভালবাসেন। এত দিন তোমার পড়ার সুবিধা হবে বলেই তোমাকে এখানে রেখেছেন।”

“সে তো ভালই, কিন্তু মা কেন এখানে থাকেন না, যাদের বয়স বেশী তারাই কাশীবাস কবে, মা কেন—”

“আহা তুমি বুঝছ' না দিদি, বিধবা হয়ে মা বড়ই মনস্তাপে—”

বিরক্তভাবে অঞ্জলি কহিল, “হাঁ হাঁ আমি সব বুঝছি তুমি এখন যা।” সারদা পলাইতে পারিয়া বাঁচিয়া গেল।

একটা দীর্ঘশ্বাস ত্যাগ করিয়া অঞ্জলি পুনরায় বাহিরের দিকে চাহিয়া ভাবিতে লাগিল।

সত্য বড় কষ্টকর জীবন কি তাহার নহে? জীবনে পিতার স্নেহ সে অনুভব করিল না, মা থাকিয়াও যেন নাই। কেন এখনই তাঁহার কাশীবাস করিবার কি প্রয়োজন? কন্ডার তার দাস-দাসীর উপর দিয়া কোন্ মাতা এমনভাবে নিশ্চিন্ত হইয়া থাকেন? স্বামীকে হারাইয়া সংসারে তাঁহার ওদাস্ত আসা খুবই স্বাভাবিক কিন্তু কন্ডার প্রতিও কি একটা কর্তব্য তাঁহার নাই?

অভিमानে অঞ্জলির চিত্ত ভরিয়া উঠিল। বেশ তো এত দিন যখন তাহাকে দূরে রাখা হইয়াছে তখন আর এখন কাছে লইয়া যাইবার প্রয়োজন কি? তাহার আকাঙ্ক্ষিতের হস্তে তাহাকে সমর্পণ করুন, সে আর তাঁহার নিকটে যাইতে চাহিবে না। জননীর কর্তব্য কি শুধু কন্ডার সুখ-স্বাস্থ্যের ব্যবস্থা করিয়া দিয়াই শেষ হয়? একটু

স্নেহ-সমতা যে সে চাইতে পারে এ কথা কি কখনও তাঁহার মনে হয় না? এত দিন যখন এই ভাবেই সে অভিযুক্ত করিয়া আসিয়াছে, তখন এখন আর তাহাকে নিকটে রাখিবার কি প্রয়োজন? সেও আর তাহা চাহে না।

তাহার অভিপ্লীতের সহিত মিলনই আজ তাহার একান্ত কামা—একান্ত প্রার্থনীয়।

নিঃশব্দে কক্ষে প্রবেশ করিয়া কিছুক্ষণ চিন্তামগ্না অঞ্জলির দিকে চাহিয়া থাকিয়া স্নিগ্ধকণ্ঠে উজ্জ্বল ডাকিল,

অঞ্জলি সচকিতে চাহিল। হর্ষের দীপ্তি লাগিয়া তাহার চিন্তাক্লিষ্ট মুখে হাসির রেখা ফুটিয়া উঠিল। ক্ষুণ্ণস্বরে প্রশ্ন করিল, “কখন এলে তুমি? আমি তো জানতে পারি নি।”

তাহারই পার্শ্বে শোকার একধারে বসিয়া পড়িয়া রহস্ত-ভরা কণ্ঠে উজ্জ্বল বলিল, “বে গাঢ় চিন্তায় তুমি মগ্ন ছিলে তাতে আমি কখন এলুম তা টের পাওয়া দূরে থাক, তোমায় কেউ চুরি করে নিয়ে গেলেও যে তোমার চেতনা ফিরে আসতো তাতে মনে হয় না। এত কি ভাবছিলে অঞ্জলি? আমাকে নয় নিশ্চয়ই! বল তো কে সে ভাগ্যবান?”

সরল সপ্রেম দৃষ্টি তাহার মুখের উপর স্থাপন করিয়া অঞ্জলি বলিল, “কাকেই যে আমি ভাবছি, তুমি অনুমান কলে কি করে?”

“সে কথা পরে জানাব অনুমানটা সত্যি কি না বল?”

“কতকটা কিন্তু—ও কথা থাক, আমার মা আসছেন যে, কালই আসবেন।”

“তাই না কি, ভালই হ'ল, আমি তো এই চাই-ছিলুম, এই বার তোমায় তা হ'লে আমার করে নিতে পারি অঞ্জলি।”

উজ্জ্বলের আশাদীপ্ত পুলক-উদ্বেল কণ্ঠস্বর অঞ্জলির বক্ষেও হর্ষস্পন্দন জাগাইয়া তুলিল। হাসিমুখে সে বলিল, “কিন্তু মা যদি তোমাকে আমায় না দেন তা হ'লে? এইতো লিখেছেন আমায় এখন থেকে তাঁর কাছে গিয়ে থাকতে হ'বে।”

উজ্জ্বলের দীপ্ত মুখশ্রী ঈষৎ ম্লান হইয়া আসিল। পর-কণ্ঠেই সহাস্ত মুখে সে বলিল, “হাঁ, নিয়ে গেলেই হ'ল আর কি,—আমি যেতে দিলে তো? এক বার তাঁকে

আসতেই দাও না তারপর দেখো আমি কেমন করে তাঁর কাছ থেকে তোমায় আদায় করে নিই ? তুমি কি আমায় এত অকেন্দ্র মনে কর ; সত্যি অঞ্জলি আমি আর অপেক্ষা করতে পারছি না। কবে যে তোমায় পাব ?

অঞ্জলি কিছু বলিল না।

সেও যে উজ্জ্বলকে একান্ত আপনভাবে পাইতে অধীর হইয়া উঠিয়াছে। ভবিষ্যতের সুখময় চিত্র অনেক মোহন আশা লইয়া তাহার চোখের উপর ভাসিয়া উঠিল। পশ্চিম গগনপ্রান্তে তখন দিবসের চিতা অগ্নিয়া উঠিতেছিল। অন্ত-রবিব বিদায়-কিরণ লেখা স্নমধুর হাসির মত ধরণীর বুকে ছড়াইয়া পড়িয়াছিল।

পাঁচ

সেদিন উষার আলো ভাল করিয়া আকাশের গায়ে না ফুটিতেই অঞ্জলি শয্যার উপর উঠিয়া বসিল। আজ তাহার মা আসিবে,—দীর্ঘ এক বৎসর পর আবার সে জননীকে দেখিবে। আনন্দের পুলক-শিহরণ তাহার সর্ব দেহ-গানে খেলিয়া বেড়াইতে লাগিল। দ্রুতপদে সে সারদার কক্ষদ্বারে আসিয়া ডাকিল, “সারি উঠিস নি এখনও ? উঠে পড়, নবীনকে ডাক সে মাকে আনতে ষ্টেশনে যাবে না ? কত বেলা হয়ে গেল যে।”

সারদা বাহিরে আসিয়া হাসিয়া বলিল, “এখনও ভাল করে ফর্সা হয় নি দিদিমণি, এত ব্যস্ত কি ?”

অসন্তোষভরা কণ্ঠে অঞ্জলি বলিল, “ডেরাডুন এক্সপ্রেস খুব সকালেই আসে, তুই নবীনকে পাঠিয়ে দে।”

নবীন চলিয়া গেলে, অঞ্জলি বাতায়ন সম্মুখে দাঁড়াইল। এই একটা বৎসর কি আগ্রহে, কি বেদনাতেই সে এই দিনটির প্রতীক্ষা করিয়াছে। মা আসিবেন। তাহার দেহের প্রতি অণু পর্য্যন্ত যেন মাতার দর্শন-সালসার জন্ম উৎসুক হইয়া উঠিয়াছিল। অধীর চিন্তে বার বার সে প্রাচীর-বিলম্বিত—ঘটিকার দিকে চাহিতেছিল। আশাদীপ্ত হৃদয়ের মত পূর্ব গগন উজ্জ্বল করিয়া তরুণ ; অরুণ তখন পৃথিবীর দিকে চাহিয়া হাসিয়া উঠিয়াছিল।

একখানা ট্যান্ডি আসিয়া দ্বারে দাঁড়াইতেই চঞ্চলপদে অঞ্জলি ছুটিয়া বাহিরে আসিল। মালতী তখন ট্যান্ডি

হইতে সবে অবতরণ করিতেছিল। হর্ষ-বিজড়িত চক্ষে মাতার পদধূলি লইতে অগ্রসর হইয়াই অবস্রাৎ তড়িত-হত মূর্তির মত অঞ্জলি শুরু নিশ্চল হইয়া দাঁড়াইল। তাহার লঘু চরণের গতি বাঁধা পাইল। একটা বাক্যও তাহার ওষ্ঠের বাহিরে আসিল না।

মালতী কন্ঠার পার্শ্বে আসিয়া দাঁড়াইল। বহুমূল্য স্মরণ সুনীল রেশমী সাড়ী তাহার অঙ্গে বেষ্টন করিয়া রহিয়াছে। পদযুগল বিনামা-মণ্ডিত। কণ্ঠ ও প্রকোষ্ঠে অলকারে শোভমান।

অঞ্জলি আপন নেত্রকে বিশ্বাস করিতে পারিতেছিল না! উভয় হস্তে নয়ন-মার্জনা করিয়া সে জননীর দিকে চাহিল! এই কি তাহার মাতা ? অঞ্জলির সমস্ত জীবনের সত্তা যেন শুধু নয়নেই আশ্রয় লইয়াছিল!

বৈধবোর শুভ্রবাসের পরিবর্তে এ বেশে মালতীকে ঠিক পূর্বের মত দেখাইতেছিল না। অঞ্জলি আর একবার নয়ন মুছিয়া সংশয়াকুল দৃষ্টিতে এই নারীই তাহার জননী কি না বুঝিতে চেষ্টা করিল।

কন্ঠার মনোভাব হয় তো মালতী ঠিকই অনুমান করিয়াছিল। তথাপি বাহিরে কোনরূপ চাঞ্চল্য প্রকাশ না করিয়া স্নেহমধুর কণ্ঠে সে প্রশ্ন করিল, “ভাল ছিলে তো অঞ্জলি ?”

না আর সন্দেহ মাত্র নাই, এ কণ্ঠস্বর তাহার জননীরই! এই সুবেশ-সজ্জিতা নারী পূর্বেরকার বিধবা বেশধারিণী তাহার জননী! কিন্তু এ কি! এ কি! অঞ্জলি কিছুই বুঝিতে পারিল না। অচিন্তনীয় ঘটনার সংঘাতে তাহার চিন্তাশক্তি বিলুপ্ত হইয়া আসিতেছিল।

কন্ঠার হাত ধরিয়া মালতী বলিল, “পথের ধারে এ ভাবে দাঁড়িয়ে থাকে না, ভিতরে এস।”

ঘনচালিতের মতই অঞ্জলি মাতার অনুসরণ করিল। আলোকোজ্জ্বল জগতের সমস্ত দীপ্তি তাহার নয়ন-সম্মুখে হইতে যেন নিবিয়া সমস্ত মসীময় করিয়াদিয়াছিল। অন্তঃপুরে প্রবেশ করিয়া অবশ্যভাবে অঞ্জলি একখানা চেয়ারের উপর বসিয়া পড়িল। নবীন ও সারদা অত্যন্ত নির্ঝিকার ভাবেই মালতীর আনৌত দ্রব্যাদি গৃহে আনিয়া শৃঙ্খলাবদ্ধ করিয়া রাখিয়াদিত্তেছিল। কোনরূপ চাঞ্চল্য কাহারও মধ্যে নাই! অঞ্জলি একবার তাহাদের দিকে চাহিল;

আর একবার জননীর প্রতি দৃষ্টিকোণ করিল। কথা বলবার শক্তি তখনও তাহার ফিরিয়া আসে মাই।

সারদাকে ডাকিয়া মালতী কহিল, “আমার স্নানের ব্যবস্থা করে দে। এখন আমার এক জায়গায় যেতে হবে।” মুহূর্তমানা তনয়ার দিকে একবার চাহিয়া মালতী সে স্থান ত্যাগ করিল। সারদাও তাহার সঙ্গে চলিল।

শুধু জড়মূর্তির মত অঞ্জলি সেখানেই বসিয়া রহিল। কিছু যেন সে বুঝিয়া উঠিতে পারিতেছিল না। আজন্ম মাতার বিধবা বেশই সে দেখিয়া আসিয়াছে। সে তো জানে জননী বিধবা হইয়া তীর্থে বাস করিতেছেন, তবে মাতার এ বেশ পরিবর্তনের কি কারণ? লোক-সমাজে অধিক না মেশার দরুণ চিরদিন একাকী অবস্থান-হেতু সাংসারিক অভিজ্ঞতা অঞ্জলির বড় ছিল না। মাতার এ সুবেশ-ধারণের প্রকৃত কারণ অনেক ভাবিয়াও সে নির্ণয় করিতে পারিল না। সম্ভব-অসম্ভব নানারূপ চিন্তা এক-সঙ্গে তাহার মস্তিষ্কে প্রবেশ করিয়া তাহাকে বিভ্রান্ত করিয়া তুলিতেছিল। সারদা নবীনীর দিকে চাহিয়া দেখিল তাহাদের এই বেশ পরিবর্তনে একটুও ভাবান্তর হইয়াছে কি না; কিন্তু তাহা দেখিতে না পাইয়া ভাবিল তাহারা কি তবে তাহার মাতার বেশ-পরিবর্তনের কারণ পূর্ব হইতে জানে? যুক্তিসঙ্গত কোন কারণ নির্দেশ করিতে না পারিয়া শূন্য নয়নে অঞ্জলি আকাশের পানে একদৃষ্টে চাহিয়া রহিল। বেলা বাড়িয়া উঠিতেছিল প্রভাতসূর্য্যের স্নিগ্ধ জ্যোতিঃ ক্রমশঃ তীব্র হইয়া উঠিতেছিল। কন্দ্যবাস্ত জগন্দের কলরোল অঞ্জলির কর্ণে প্রবেশ করিয়া মাঝে মাঝে তাহার চমক ভাঙ্গিয়া দিতেছিল।

সারদাকে কি একটা উপদেশ দিতে দিতে মালতী নীচে নামিয়া আসিতেছিল। ব্যথিত-ক্লিষ্ট-দৃষ্টি তুলিয়া অঞ্জলি সে দিকে চাহিল। সুলোহিত স্তম্ভ বারাগসী বস্ত্র হইতে মালতীর সুগৌরবর্ণতা বেশ ফুটিয়া বাহির হইতেছে, মালতী সুন্দরী। মহার্ঘ্য রত্নালঙ্কার-সমাবেশে তাহাকে অধিকতর শ্রীমণ্ডিত করিয়াছিল। অঞ্জলি যেন জননীকে আজ প্রথম ভাল করিয়া দেখিল। যাতনা দিগ্ধ দীর্ঘ হৃদয়ে সে আজ প্রথম দেখিল তার মাতার অপূর্ব সুন্দর মুখে কুল-নারী-সুলভ সুপবিত্র ভাবের একান্ত স্ফূর্ত্য। নারীর মীলতা সরম-অড়িত ভাবের

পরিবর্তে মালসার তীব্র নহি তাহার বিশাল নেত্র হইতে যেন বিচ্ছুরিত হইয়া পড়িতেছিল। বঙ্গ-বিধবার পবিত্র বেশের অন্তরালে তাহার এ বেশ ত এতদিন দৃষ্টগোচর হয় নাই। আজ এ কি সে দেখিতেছে! শুকভাবে সে জননীর অভিনব মূর্তি কিছুক্ষণ লক্ষ্য করিল। মালতী নিঃশব্দে সন্মুখের দিকে অগ্রসর হইতেছিল। বিপুল বলে আপনাকে সংযত করিয়া অঞ্জলি এবার উঠিয়া দাঁড়াইল। মুহূর্তমধ্যে স্থিরনিচ্ছান্তে উপনীত হইল যে, এ বেশ-পরিবর্তনের কারণ সে জিজ্ঞাসা করিবে—এর কারণ অনুমান করিতে গিয়া সে ধলে পলে আর দক্ষ হইবে না—দৃঢ়চিত্তে অঞ্জলি ডাকিল, “মা!”

মালতী তখন কিছু দূরে গিয়াছিল। কণ্ঠের আহ্বানে ফিরিয়া তাহার নিকটে আসিয়া বলিল, “কি বলছো অঞ্জু?”

অঞ্জলির ওষ্ঠ কাঁপিয়া উঠিল, ক্ষণেক নীরব থাকিয়া জড়িতকণ্ঠে সে কহিল, “এর কারণ কি তুমি আমায় বল।” প্রত্যেক বাক্যের সঙ্গেই একটা অজানা আশঙ্কা তাহার সর্ব দেহ স্পন্দিত করিয়া তুলিতেছিল। প্রহৃস্তরে সে কি শুনিবে কে জানে।

একটু কুণ্ঠিত ভাবে মালতী কহিল, “কি বলব মা।”

“কি বলবে আমি জানি না, তুমি বল। আজ এ বেশে কেন দেখা দিলে?”

ক্ষণেক নীরব থাকিয়া মালতী বলিল, “যুঝতে পারছি তুমি কি বলতে চাও। কিন্তু মা হয়ে সে কথা আমি আর তোমায় কি বলবো মা, ঐ সারদা সব জানে ঐ তোমার কথার উত্তর দেবে” বলিয়া ধীরে ধীরে কক্ষের বাহির হইয়া গেল।

তীর্থ আলাময় দৃষ্টিতে অঞ্জলি সে-দিকে কিছুক্ষণ চাহিয়া রহিল। এতক্ষণে সকল কথা যেন তাহার উপলব্ধি হল। মালতীর কথাগুলো তীক্ষ্ণ শায়কের মত শ্রবণে বিধিয়াছিল। এতক্ষণ যাহা রহস্তের মত প্রতীত হইতেছিল জননীর থাকো যেন তাহা কতকটা স্পষ্ট হইয়া উঠিল। একটা কৃষ্ণ যব-নিকা তাহার দৃষ্টির সন্মুখ হইতে ধীরে ধীরে অপসারিত হইয়া গেল। জননীর এই দূরে দূরে অবস্থান, তাহার এই একান্ত নিঃসঙ্গ জীবন-বাণন সকলের মর্ম্মই সে স্পষ্টই বুঝিতে পারিল। একটা অপ্রিয় অতি ঘৃণ্য সত্য তাহার

সমস্ত উদ্ভল হইয়া উঠিয়া সর্বদেহে ঘন আলাইয়া
বসিয়াছিল। খলিত-চরণে সে কিছুদূর অগ্রসর হইয়া
বোধ করিল তাহার সমস্ত শরীর ঘন অনশ হইয়া
পড়িয়াছে। সে দিকে লক্ষ্য না রাখিয়া প্রাণপণবলে
অসাড় দেহটা সে কোন গতিকে লইয়া চলিল। কারণটা
জানিবার জন্ত অতিমাত্র ব্যগ্র হইয়া কোন রকমে
রক্ষণ গৃহের দ্বারে গিয়া অঞ্জলি ডাকিল, “সারি।”

ভিতর হইতে সারদা বাহিরে আসিল। অঞ্জলি
একবার তাহার মুখের দিকে চাহিয়া নতনেত্রে বলিল,
“তুই কি জানিস্ বল আমাকে ?”

কুণ্ঠিতভাবে সারদা বলিল, “নাই শুধু দিদিমণি সে
সব কথা।”

বিকৃতকণ্ঠে অঞ্জলি কহিল, “না সমস্ত কথাই আমি
জানতে চাই, বল তুই।”

সারদা তথাপি নীরবে নতমুখে দাঁড়াইয়া রহিল।

তীব্রস্বরে অঞ্জলি বলিল, “বল সমস্ত।”

“কি বলবো দিদিমণি মায়ের কথা তুমি মেয়ে—”

বাধা দিয়া রুটকণ্ঠে অঞ্জলি বলিল, “তবু আমি সব
জানতে চাই, বল তুই।”

কণেক স্তব্ধ থাকিয়া সারদা বলিল, “কি সার তুমি
শুনবে? তুমি থাকে তোমার পিতা বলে জান তাঁর সঙ্গে
তোমার মায়ের বিয়ে কোন দিন হয় নি। তোমার মা—
সারদার মুখ হইতে আর বাক্য নিঃসরণ হইল না।

বাত্যান্ধোলিত তরুশাখার মত অঞ্জলির দেহ কাঁপিয়া
উঠিতেছিল। প্রাণান্ত চেষ্টায় আপনাকে সংযত করিয়া
স্থিরকণ্ঠে সে বলিল, “তোমার কথা শেষ কর।”

জড়িতকণ্ঠে সারদা বলিল, “তোমার মা, হাঁ তোমার
মা কাশীর এক জন বিখ্যাত—আর কি বলব দিদিমণি।”

“না আর বলতে হবে না, আমার মা পতিভা; আমি
পতিভার কন্যা। এই, এই তো তুই বল্চিস্?”

জ্ঞানভ্রমুখে সারদা বলিল, “হাঁ দিদিমণি, তোমার মা,
তোমার মায়ের মা সকলেই তাই।”

অঞ্জলি অবশ দেহে ধীরে ধীরে ভূমির উপর
বসিয়া পড়িল। বিশ্বের সমস্ত আলোক, সমস্ত সঙ্গা ঘন
তাহার চোখের সম্মুখ হইতে মুছিয়া গেল, শুধু একটা গভীর
বিকারে তাহার দেহ-মন ভরিয়া উঠিল।

তাহার মুখের ভাব লক্ষ্য করিয়া ব্যাকুলভাবে সারদা
বলিল, “দিদিমণি, দিদিমণি অমন কচ্ছ কেন? ওমা কেন
মরতে আমি ও-কথা বলতে গেলুম। দিদিমণি!”

হুই হস্তে আপন বক্ষ চাপিয়া ধরিয়া অঞ্জলি বলিল, “তুমি
নাই আমার কিছু হয় নি। যে স্থান থেকে আমার উদ্ভব
বলি তাতে এত শীগ্গির আমার আর কিছু হবার সম্ভাবনা
নেই। তারপর বাকিটা বলে দে, আমি এখানে আছি
কেন?”

“মার ইচ্ছা ছিল তুমি একটু লেখাপড়া শেখ। তারপর
সম্ভান, তার সামনে—একটু সংকোচ তো আছে। তাই তুমি
যখন ছ বছরের তখন হতেই আমাদের কাছে তোমায়
দিয়ে দেন, আমরা স্বামী-স্ত্রী কাশীতে তাঁর কাছে চাকরী
কর্তুম। এতদিন তুমি কষ্ট পাবে, লোকেও ঘৃণা করবে,
তোমার পড়ার ক্ষতি হবে, সেই জন্তে এ কথা গোপন
রেখেছিলুম, আর তাই তোমায় বড় কারো সঙ্গে মিশতে
দিই নি।”

“এর চেয়েও একটা কাজ যদি কর্তিস্ সারি তা হ'লে সব
চাইতে ভাল হ'ত, একটু বিষ খাইয়ে যদি আমায় শেষ করে
দিতিস্ তা হ'লে ভগবানও বোধ হয় তাদের উপর খুসী
হতেন।”

টলিতে টলিতে কোনরূপে আপন কক্ষে প্রবেশ করিয়া
অঞ্জলি শয্যার উপর লুটাইয়া পড়িল। এই স্বপ্না হীন
পরিচয়ের কথা তাহার সর্বদেহে বিবাক্ত শলাকার মত
বিধিত্তেছিল। সমস্ত জগৎ তাহার নিকট লুপ্ত হইয়া গিয়া
শুধু একটা কথাই তাহার কাণে ধ্বনিত হইতেছিল,—সে
পতিভার কন্যা, সে পতিভার কন্যা! সকলের অস্পৃশ্যা।
কোন দোষে দোষী না হইলেও জগতের নিকট শুধু অশ্রের
অপরাধে সে হয়, ঘৃণা, স্পর্শের অতীত। ও কি কষ্ট!
এই হীন অশ্রের পরিচয়, এই দূরপনের কলক-কালিমার টিকা
লগাটে ধরিয়া কিরূপে সে বিশ্বের সম্মুখে বাহির হইবে?
এই স্বপ্না জীবন কি করিয়া সে অতিবাহিত করিবে।
অদৃষ্ট-দেবতার এ কি কঠোর পরিহাস! ভগবানের
এ কি গুরুদণ্ড! সে তো কোন অপরাধ করে নাই।
তবে কেন অমন হীন স্থানে বিশ্বদেবতা তাহার স্থান
নির্দেশ করিলেন? এ দুর্ভাগ্য স্বপ্না জীবন কেমন করিয়া সে
বহিবে? গভীর বেদনায় বিন্দু বিন্দু অশ্রু তাহার পু

বহিরা পড়িতে লাগিল। ক্রমে আকুলভাবে সে কাঁদিতে লাগিল।

সে ভাবিল তাহার সতীর্থা, প্রতিবেশিনীরূপ সকলেই যখন শুনিবে যে সে পতিতার ছুঁত, তখন তাহার। যুগায় তাহার দিকে মুখ কিরাইবে না। তাহার সহিত বাক্যালাপ করিবে না।

এই মর্মান্তিক বঙ্গায় সে যখন অস্থির হইয়া পড়িয়াছিল, তখন তিমিরাঙ্কর নভোমণ্ডলে বিদ্যুৎবিকাশের মত উজ্জ্বলের কথা তাহার মনে পড়িল। সঙ্গে সঙ্গে আরও নিবিড় ব্যথা তাহার সমস্ত অন্তর আচ্ছন্ন করিয়া দিল। এ কথা সেও তো জানিবে। নিশ্চয়ই জানিবে। অঞ্জলিই জানাইবে। তাহার নিকট এ বার্তা গোপন থাকিবে না। কিন্তু তখন উজ্জলও তাহাকে যুগা করিবে। উঃ, না নাঃ! সমস্ত বিশ্ব তাহাকে যুগা করুক, ক্ষতি নাই কিন্তু উজ্জ্বলের কিছু মাত্র যুগাও যে তাহার অসহ হইবে। না না, উজ্জল তাহাকে যুগা করিবে না, করিতে পারিবে না। সে যে তাহাকে ভালবাসে। নিশ্চয় সে বুঝিবে জন্মের অপরাধ তো তাহার নয়, আর পুতিগন্ধময় পঙ্কের ভিতর পদ্মেরও তো জন্ম হয়। উজ্জল আসিলেই সকল কথা তাহাকে জানাইয়া সে অন্তরের ভার লঘু করিবে। সেও তাহার এ ব্যথার অংশ লইবে। এ যে একাকী—আরও অসহনীয়। কখন সে আসিবে। অন্য কথা ক্রমেক তাহার অন্তর হইতে বিদূরিত হইয়া উজ্জ্বলের চিন্তাই চিন্তা পূর্ণ করিল।

ধীর পদক্ষেপে মালতী কখন কক্ষে প্রবেশ করিয়াছিল অঞ্জলি তাহা জানিতে পারে নাই। কস্তার লগাটে হস্ত স্পর্শ করিয়া সন্মোহ কঠে মালতী বলিল, “এমন সময় তুমি যে অঙ্ক? অনুধ করে নি তো?”

উত্তপ্ত অঙ্গারখণ্ড হস্তে স্পর্শ হইলে মাহুয যেমন সত্রাসে সড়িয়া যায়, তেমনি ভাবে কিছু দূরে সরিয়া অঞ্জলি উঠিয়া বসিল।

তনয়ার আরম্ভ বিগুহ মুখ, যোদন-ক্ষীত নয়ন, বিশৃঙ্খল কেশবাস তাহার মনোভাবকে মালতীর নিকট সুস্পষ্ট করিয়া ধরিল। তথাপি সে তাহা লক্ষ্যের মধ্যে না আনিয়া নিঃস্বরেই বলিল, “সব কথা শুনেছ তো?”

আঁত তীব্রতরে অঞ্জলি বলিয়া উঠিল, “শুনেছি, শুনেছি—সব শুনেছি। নিজের প্রকৃত পরিচয় জানতে পেরেছি।

এ কথা জানবার আগে মরলুম না কেন? কেন তুমি আমার জন্মের সঙ্গেই গলা টিপে ধরে ফেল নি। তা হ'লে তো আজ এই সংকোচ, এই গভীর যুগা আমার বইতে হত না!”

মালতী উত্তর দিতে পারিল না। অপরোধীর মত শুধু মুখে একবার কস্তার অলস মেজের দিকে চাহিয়া সে দৃষ্টি নত করিল।

গভীর ব্যথা-ভরা সুরে অঞ্জলি আবার বলিল, “কেন আমায় বাঁচিয়ে ছিলে, যদি বাঁচিয়েছিলে তবে এ ভাবে আমার পালন কল্পে কেন? কেন জ্ঞানের সঙ্গেই নিজের পরিচয় আমায় জানতে দাও নি। তা হ'লে তো এ কষ্ট এত কঠিন ভাবে ব্যথা দিত না।”

এবার নতমুখেই মালতী বলিল, “সে তোমারই ভালর জন্তে মা, ভেবেছিলুম—”

তাহার কথা শেষ হইবার পূর্বেই বিকৃতকণ্ঠে হাসিয়া অঞ্জলি বলিয়া উঠিল, “ভাল, আমার ভাল, মা যার বারাদনা তার আধার ভাল। উঃ এ আমার কি সর্বনাশ তুমি করেছ!” উচ্ছ্বসিত অশ্রুভারে ছিন্ন লতাটির মতই অঞ্জলি শয্যার উপর লুটাইয়া পড়িল।

মালতী বিগুহ মুখে তাহার এই অবর্ণনীয় বেদনার তীব্রতা অনুভব করিতেছিল বহুকণ কাঁদিয়া তঞ্জলি একটু শান্তভাবে উঠিয়া বসিল। ধীরে ধীরে মালতী বলিল, “সকাল থেকে কিছু খাও নি শুনলুম, এই বার খাবে চল।” অঞ্জলি উত্তর দিল না। মালতী পুনরায় তাহার হস্তে হস্ত রাখিয়া ডাকিল।

চকিতে তাহার লাগিয়া হইতে দূরে সরিয়া গিয়া অঞ্জলি বলিল, “বিরক্ত করো না, যাও এখান থেকে।”

মালতী কি বলিবার উপক্রম করিতেছিল।

তীব্রকণ্ঠে অঞ্জলি বলিল, “অনর্ধক বাক্যব্যয় করে লাভ নাই। তুমি আমায় এ জগতে এনেছ। মায়ের কর্তব্য কিছু পালন না কলেও তুমি আমার গর্ভধারিণী জননী। তোমার মিনতি করছি এখান থেকে চলে যাও, কতকগুলো অপ্রিয় সত্য বলতে আমার বাধ্য করো না। আর দেবী কলে হয় তো মার সম্মান তোমায় দিতে পারব না।”

মালতীর মুখে এতদূর যে টুকু অপরাধীর ভাব দেখা

যাইতেছিল কস্তুর বাক্যে এবার তাহা অন্তর্হিত হইয়া গেল। রোষগস্তীরকর্মে সে বলিল, “দেখ, অঞ্জলি তুমি অতিরিক্ত বাড়াবাড়ি আরম্ভ করছিস। কি এমন ব্যাপারটা হয়েছে শুনি যার জন্যে তুমি এতকাণ্ড করছিস হাঁ, আমি তো পতিতাই, তাতে কি এমন মহাতারত অশুভ্য হয়ে গেছে। একটু টাকা খরচ করে লেখাপড়া শিবিরে এখন এই কল বুঝি আমায় উল্টো চোখ রাখান, কিছু বলি নি এতদিন, তাই বড় আঙ্কারা পেয়ে গেছিস দেখছি। ভাল চাস্ তো উঠে খেয়ে আসবি চল।”

অঞ্জলি স্তম্ভিত হইয়া গেল। মাতার এ মূর্ত্তিও তাহার সম্পূর্ণ অগোচর। এতদিন যতটুকুই সে তাহাকে দেখিয়াছে তাহাতে তাহাকে স্নেহীলা জননীরূপেই সে দেখিয়াছে।

অঞ্জলির মুখভাব দেখিয়া মালতী বুঝিল, তাহার বাক্য কাজ করিতেছে। পূর্বের মত পরম-কর্মে সে বলিল, “ওঠ, খানা বেড়া সব তাতে অত বাড়াবাড়ি ভাল নয়। আর তাতে ছঃখই বা কি, রাণীর মত স্নেহে দিন কাটবে। আমি তোর মা, তোর ভালর জন্তই চেষ্টা করি। লেখাপড়া তো অনেক হয়েছে এবার কানীতে নিয়ে যাব। নিজেদের ব্যবসা আরম্ভ করবি। কানীর একজন বড়লোক—”

এতক্ষণ নির্বাকভাবে অঞ্জলি মাতার কথা শুনিয়া যাইতেছিল, তাহার শেষ বাক্য কয়টা শুনিবামাত্র অলস দৃষ্টিতে তাহার দিকে চাহিয়া ভীতকর্মে সে বলিল, “খাম তুমি, আর একটাও কথা উচ্চারণ কর না।”

তাহার কণ্ঠস্বরে মালতী প্রথমটা ধতমত ধাইয়া গিয়া ছিল। পরক্ষণেই উচ্চকর্মে ভৎসনার স্বরে বলিল, “কেন আমর ? মনে করছিস তুমি আমায় চোখ রাগিয়ে চলবি! বড় আস্পর্দা হয়েছে না? আমি মালতী, কানীর গুণ্ডারা পর্যন্ত আমায় ভয় করে, তুমি আমায় ধমক দিতে আসিস। দু দিনে তোকে টিট করে দিতে পারি জানিস। কালই তোকে কানী নিয়ে যাচ্ছি দেখি তুমি কেমন মেয়ে। আমারই অগ্রাণ্ড হয়েছে এতদিন পর্যন্ত তোকে এখানে রাখা, চল এখন খেয়ে আসবি চল। ভেবেছিলাম দু দিন এখানে থাকব তার দরকার নাই। তোকে নিয়ে কালই যাব। ওঠ এখন” বলিয়া মালতী তাহার দিকে হস্ত প্রসারণ করিল।

অঞ্জলি পর্যায় হঠতে উঠিয়া দাঁড়াইয়া অবিকলিতকর্মে বলিল, “তুমি যাই বল আর যাই হও মনেও করো না আমায়

দিয়ে তোমার ঐ জঘন্য হীন কাজ করাতে পার্কে! কি বলবো তোমার সঙ্গে কথা বলতেও আমার ঘৃণা হচ্ছে, এত নীচ তুমি! তুমি যে আমায় গর্ভে ধরেছ এতেই আমার ছঃখ। এইটা যদি আমি অক্ষীকার করতে পারতুম। বাও নিজের কাছে যাও, আলিও না।”

বিকৃতমুখে হাত দুইটা আন্দোলন করিয়া মালতী বলিল, “ধাক্কা বয়েষ্ট নভেলী চংএ এক্ট করা হয়েছে. ধিয়ে-টারে গেলেও তুমি দেখছি নাম করতে পার্কি কিন্তু ও-সব কথায় আমি ভুলি না, আমার এই কাজই তোকে কষ্টে হবে। বেঞ্জার মেয়ে তুমি, সমাজ তো তোকে স্থান দেবে না। খাবি কি করে?”

“বেশ তো ভিক্ষে করবার পথ তো কেউ বন্ধ করে নি।”

“ওরে ভিক্ষে করে দিন কাটানোও তত সহজ নয়। তাও তোর সে পথ বন্ধ কর্কে, এই উঠতি বয়স আর ঐ রূপ। এতে ভিক্ষে করাও তোর পক্ষে নিরাপদ নয়, জেনে রাখিস। ও সব কথা ছেড়ে ভালভাবে আমার কথা মত চল, স্নেহে থাকবি চিরদিন।”

গৃহদ্বারে দাঁড়াইয়া নবীন কহিল, “উজ্জল বাবু এসেছেন দ্বিদিগি।”

মগ্ন ব্যক্তি উদ্ধারের উপায় দেখিলে যেমন মুক্তির নিঃশ্বাস কেলিয়া বাচে তেমনই আগ্রহ ও আনন্দভরে অঞ্জলি বলিয়া উঠিল, “বসন্তে বল আমি যাচ্ছি।”

সে অগ্রসর হইতে গেলে দ্বারের সম্মুখে আসিয়া গস্তীর-কর্মে মালতী বলিল, “তাকে বলে দাও নবীন এখন যেতে, দেখা হবে না।” তারপর কস্তুর দিকে ফিরিয়া বলিল, “দাঁড়া ঐ খানে!”

অঞ্জলি প্রথমটা স্তম্ভ ভাবে দাঁড়াইয়া রছিল। তাহার পর উচ্ছ্বসিত ভাবে কাঁদিয়া বলিল, “কি তুমি আমায় এমনি করে আটকাতে চাও, কখনও না, আমি এখনই যাব। নবীন তুমি তাকে বসন্তে বেলো। আমি যাব পথ ছাড়।”

দ্বারের অর্গল বন্ধ করিয়া দিয়া মালতী কহিল, “বাবুকে বল নবীন, অঞ্জলি বাড়ি নাই কাল আসেন যেন।”

নবীন চলিয়া গেল। হতাশভাবে অঞ্জলি ভূমির উপর লুটাইয়া পড়িল।

স্তম্ভভাবে কিছুক্ষণ কস্তুর দিকে চাহিয়া থাকিয়া মালতী বলিল, “তোমার উজ্জল বাবুটির কথাও আমি সারদার কাছে

শুনলুম। এর সঙ্গে বিয়ের স্থির পর্যাপ্ত করে রেখেছ, আমার সেইজন্যই তোমার এই ভেদ, আমার কথা বিব্রতীকরণ করবার সাহস। এর সঙ্গে আর দেখা হওয়া ঠিক নয়। কালই তোকে কাশী নিয়ে যাব। দেখি তুমি সোজা হোস্ কি না।”

উঠিয়া বসিয়া তীব্রকণ্ঠে অঞ্জলি বলিল,—“কিছুতেই পারবে না। আমার মরণ তো তুমি আটকাতে পারবে না, মরুক সেও স্বীকার তবু তোমার পথ অনুসরণ করুক না তোমার বৃত্তি অবলম্বন করুক না, কিছুতেই না। দেখি তুমি আমার কি কর্তে পার।”

রোষতীব্রকণ্ঠে মালতী বলিল, “এই তোকে কর্তে হবে। আর ছ এক দিনের মধ্যেই এই পথে তোকে আসতেই হবে।”

“ওরে ঘর তত সোজা নয় আমি অনেক দেখেছি, আচ্ছা তুমি কর কতদূর করতে পারিস্। বাড়ির দরজা আজ ঢাবি বন্ধ করছি, কাল একবারে ট্রেনে তুলতে পারলে হয়। আমার পথে চলবেন না। বেস্তার ঘরে সতী-নাথিকী হবেন, মরণ আর কি? বেশী লেখাপড়া শিখে গুণ বেড়েছে। দেখ ভাল ভাবে রাজি হবি কি না এখনও বল?”

“কিছুতেই না, যা ইচ্ছে তোমার কর্তে পার।”

“বেশ তাই করছি তবে। তুচ্ছ মালতী কক্ষ ত্যাগ করিল; অঞ্জলি আবার ভূমির উপর নুটাইয়া পড়িল।

সাত

গভীর রজনী। অঞ্জলি গুরুভাবে বাহিরের দিকে চাহিয়াছিল। আজি সমস্ত রূপ ধরিয়াই মালতী এক একবার আসিয়া উৎপীড়ন করিয়া গিয়াছে। কাল তাহাকে কাশী লইয়া যাইবার সমস্ত ব্যবস্থাই সে স্থির রাখিয়াছে। মুক্তির উপায় অন্বেষণ করিতে সে অধীর হইয়া উঠিয়াছিল। কিরূপে এ গৃহ হইতে বাহির হওয়া যায়? ঘরে মালতী ঢাবি দিয়া বন্ধ করিয়া গিয়াছে। আজি না বাহির হইতে পারিলে আর তো উপায় নাই। অঞ্জলি নিঃশব্দে বাহিরের ঘরের সন্নিকটে আসিল। গৃহবাসী সকলেই নিজার ক্রোড়ে সুখ-সুপ্ত। সন্ধ্যায় সে ঘর স্পর্শ করিয়া দেখিল ঘর বন্ধ।

হতাশ ভাবে সে ভূমিতলে বসিয়া পড়িল। কি উপায়ে সে মুক্তি লাভ করিতে পারে? আজিকার এই রাত্রিটুকু মাত্রই যে সময়। সে সময় প্রতি মুহূর্তে সংক্ষিপ্ত হইয়া আসিতেছে কি করা যায়? আজি না মুক্ত হইতে পারিলে আর মৃত্যু ভিন্ন গত্যন্তর নাই। জননীর বৃত্তি জীবন থাকিতে সে গ্রহণ করিবে না। মৃত্যুর ক্রোড়ে আশ্রয় লওয়া ভিন্ন অন্য উপায় তখন তাহার থাকিবে না। কিন্তু মৃত্যু? শত আশাময় এই তরণ জীবন! উজ্জল! উজ্জলকে ছাড়িয়া সে স্বর্গেও যাইতে চাহে না। এখান হইতে বাহির হইয়া উজ্জলের পার্শ্বেই সে আশ্রয় লইবে। আর তাহার দ্বিতীয় কামনা নাই। কিন্তু উজ্জল তাহাকে আশ্রয় দিবে তো? সে যদি তাহাকে ঘৃণা করে, যদি পতিতার কথা বলিয়া সংকোচে তাহার সংস্পর্শ ত্যাগ করে। না না তাও কি সম্ভব? অঞ্জলি চিন্তাটা ছোর করিয়া সে মন হইতে বিদূরিত করিল। উজ্জল তাহাকে ঘৃণা করিবে না। সমস্ত জগৎ তাহার দিক হইতে ঘৃণায় মুখ কিরাইলেও উজ্জল নিশ্চয়ই তাহাকে তুলিয়া লইবে। পত্নীরূপে না হোক দাসী-ভাবেও সে কি গৃহে স্থান দিবে না? নিশ্চয়ই দিবে। অধীর চঞ্চল ভাবে পুনরায় সে উঠিয়া ঘর সমীপে আসিয়া সবলে রুদ্ধ দ্বারে আঘাত করিল। আবদ্ধ দ্বার মুক্ত হইল না। বার কয়েক নিষ্ফল আঘাত করিয়া অঞ্জলি উঠিয়া দ্বিতলস্থ বারান্দায় আসিয়া দাঁড়াইল।

অমানিশার আবরণ তেদ করিয়া রাজপথ-প্রান্তস্থ অগণ্য দীপাবলি নিষ্ফল নগনে চাহিয়াছিল! নৈশ অধর নিবিড় মেঘমালায় সমাচ্ছন্ন। আসন্ন-বর্ষণ সূচনা করিয়া শীতল সমীরণ উত্তল ভাবে বহিয়া চলিয়াছিল। গগন বন্ধ বিদীর্ণ করিয়া তীব্র হান্ত রেখার মত উজ্জল বিদ্যুৎ-শিখা রহিয়া রহিয়া অলিয়া উঠিতেছিল। নগরীর সমস্ত সৌধই প্রায় নীরব। কখনও কখনও শুধু রাজপথ-বাহি শটকের কক্কশ শব্দ অতি বিকটভাবেই ধ্বনিয়া উঠিতেছিল। রজনী তখন অবসান প্রায়। বহুক্ষণ নীরবে চিন্তা করিয়া একটা অসম সাহসিক উপায় তাহার মনে আসিল। ইহাতে সে কতকটা উৎকল-চিত্তে আপন গৃহে প্রবেশ করিয়া খান ছই বস্ত্র লইয়া কিরিয়া আসিল। একবার তীব্র দৃষ্টিতে চারিদিক চাহিয়া দেখিল। কেহ তাহাকে লক্ষ্য করিতেছে কি না, তাহার

পর নিপুণ হস্তে সে বস্ত্র দুই খানা বারান্দার লৌহ-খামের সহিত দৃঢ়রূপে বাঁধিয়া নিয়ের দিকে বুলাইয়া দিল। তাহার বন্ধ সবলে স্পন্দিত হইতেছিল। তবে সে ব্যয়েক মীচের দিকে চাহিল। তাহার পর বস্ত্রাংশ ধরিয়া কীরে ধীরে নামিতে আরম্ভ করিল।

অঞ্জলি যখন ভূমিতে পর্যর্পণ করিল, তখন কিছু কিছু বর্ষণ আরম্ভ হইয়াছে। সূক্তির গভীর আনন্দ তাহার সমস্ত হৃদয় ভরিয়া দিল। কণকাল তরুণভাবে দাঁড়াইয়া থাকিয়া দ্রুত পদক্ষেপে সে রাজ-পথের উপর আসিয়া দাঁড়াইল। মাথার উপর মস্ত পবন তখন ভৈরব সীলায় তাণ্ডব আরম্ভ করিয়া দিয়াছে। আকাশের বন্ধ চিরিয়া শাগিত অসির ফলার মত বিজলী ছুটিয়া বেড়াইতে ছিল। দেখিতে দেখিতে প্রবল বর্ষণ আরম্ভ হইল।

অবিশ্রান্ত বর্ষণে অনাবৃত-মস্তকে অঞ্জলি যখন উজ্জলের গৃহ-দ্বারে আসিল, তখন মেবস্তুর ভেদ করিয়া প্রভাত আলো ধীরে ধীরে ধরণীর বন্ধে নামিয়া আসিতেছে। সিন্ধু দেহে কল্পিত পদে অঞ্জলি বাটার মধ্যে প্রবেশ করিয়া কন্দ-নিরত এক জন ভৃত্যকে ডাকিয়া উজ্জলকে সংবাদ দিতে বলিল। অঞ্জলি এ গৃহে সকলেরই পরিচিত। তাহার আর্জ দেহের ও শুক মুখের দিকে চাহিয়া দাসদাসী সকলেই বিশ্বর বোধ করিল।

নিজা-বিজড়িত চক্ষে অঞ্জলির আগমন সংবাদ পাইয়াই দ্রুত-চরণে উজ্জল বাহিরে আসিল। একটা কাষ্ঠাসনের উপর ক্রিষ্ট অবশ দেহ-তার ঞ্চাস্ত করিয়া অঞ্জলি ব্যগ্রভাবে উজ্জলের আগমন পথের দিকে চাহিয়া ছিল। তাহার আনুলারিত দীর্ঘকেশ বরিয়া বারি রাশি বরিয়া ভূতল সিন্ধু করিতেছে। সিন্ধু-দেহ প্রভাতের শীতল সমীর স্পর্শে থাকিয়া থাকিয়া কাঁপিয়া উঠিতেছিল। নয়নের ম্লান দৃষ্টি বেদনা-ভারাক্রান্ত।

একবার তাহার দিকে চাহিয়া বিশ্বর-ভরা কণ্ঠে উজ্জল বলিল, “একি অঞ্জলি, কি হয়েছে?”

অঞ্জলির ওষ্ঠাধর একবার কল্পিত হইল। সহসা সে কিছু বলিতে পারিল না। পুনরায় উজ্জল প্রশ্ন করিল, “একি তোমার সমস্ত কাপড়-স্বায়া যে একেবারে ভিজে গেছে, কি হয়েছে?”

উজ্জলের মুখের দিকে একবার সঙ্কল্প নয়নে চাহিয়া

কীর্ণ কল্পিত কণ্ঠে অঞ্জলি বলিল, “আমি, আমি এসেছি তোমার কাছে একটু আশ্রয় নিতে, আমার এ বিশেষ আর কোথাও স্থান নেই।”

তাহার পার্শ্বে এক খানা চেয়ার টানিয়া লইয়া উজ্জল মেহমাখা করে বলিল, “কি হয়েছে আমার বল দেখি অঞ্জলি? আমি যে কিছুই বুঝতে পারছি না। কিন্তু তার আগে তোমার এ কাপড়গুলো বদলাবার আর একটু চায়ের ব্যবস্থা করি; এত ভেজার পর চা তোমার খুরই দরকার।”

অঞ্জলির বারণ না শুনিয়াই পরিচারিকাকে ডাকিয়া চা ও শুক বস্ত্র আনিতে আদেশ দিয়া উজ্জল পুনরায় অঞ্জলির পার্শ্বে আসন গ্রহণ করিয়া বলিল, “হাঁ এইবার বল তো অঞ্জলি কথাটা কি?”

“বলেছি তো আমি তোমার কাছে আশ্রয় চাই।”

“এ আর নতুন কথা কি অঞ্জলি। আগেই স্থির হয়ে আছে। আমার এ ঘর যে তোমার আগমন-প্রতীকার অধীর হয়ে উঠেছে,—তবে আজ নতুন করে বন্দোবস্তের কথা কেন?”

বেদনা-ক্রিষ্ট হাসির রেখা অঞ্জলির শুক ওঠে ফুটিয়া উঠিল। বাধিত স্বরে সে বলিল, “কিন্তু আমি পূর্বের সে অঞ্জলি নেই। আমার প্রকৃত পরিচয় আজ জেনেছি, শুনে হয় ত তুমিও ঘৃণা করবে। নিজের উপর আজ আমারই ঘৃণা হচ্ছে। তবুও বড় আশায় আমি তোমার কাছে এসেছি।”

অত্যন্ত উৎকণ্ঠিত ভাবে উজ্জল বলিল, “কি কি বলছো তুমি,—কি তোমার পরিচয়?”

মর্মস্বয় করে অঞ্জলি বলিল, “আমি, আমি পতিতার কন্যা, আমার মা পতিতা।”

“ওঃ ওঃ অঞ্জলি অঞ্জলি।” শরাস্ত বিহীন শিশুর মত উজ্জল চেয়ারের উপর ছট্, ফট্, করিতে লাগিল।

তরুণভাবে অঞ্জলি সেই দিকে চাহিয়া রহিল।

বহু কণ এই ভাবে অতীত হইল। ভৃত্য চা ও বস্ত্রাদি রাখিয়া প্রস্থান করিল। তেমনই স্পন্দহীন দেহে উজ্জল ও অঞ্জলি নির্বাকভাবে বসিয়া রহিল। বাহিরে মেঘজাল মরাইয়া তরুণ অরুণ সরল হাসির মতই কিরণজাল তখন বিস্তার করিতেছিল। শীকর-স্নিগ্ধ সমীরণ স্পর্শে তরুণত্রে

স্থিত সলিল-কণা কুণ্ডলার মতই করিয়া পড়িতেছে। কিন্তু মুক্তিকার গন্ধের সহিত অদূরস্থ বকুলপাছের মূল হইতে বরা-ফুলের মিঠা সৌরভ টুকু পবন বহিয়া চলিয়াছিল।

সহসা চেয়ার ছাড়িয়া উঠিয়া দাঁড়াইয়া অঞ্জলির দিকে চাহিয়া নীরস কণ্ঠে উচ্চল প্রশ্ন করিল, “এ কথা আমার এতদিন জানাও নি কেন?”

তাহার শুষ্ক কণ্ঠের অঞ্জলির বক্ষে সবলে আঘাত করিল। কম্পিত কণ্ঠে সে বলিল, “আমিও জানতুম না, কাল এসেছেন, কালই জানতে পেরেছি, যা আমার কাশীতে নিয়ে ঐ বৃষ্টি অবলম্বন করাতে চায়। আমি কোন রকমে পালিয়ে এসেছি তুমি ভিন্ন আর তো আমার কোন আশ্রয় নাই।”

“তুমি তোমার মায়ের অনুসরণই কর, সেই তোমার ভাল হবে।”

ভীষণ সংশয়াকুল নয়নে অঞ্জলি উচ্চলের দিকে চাহিল। একি তাহার অন্তরের বাণী, না পরিহাস! কিন্তু তাহার এই অবস্থায় পরিহাস কি সম্ভব। ব্যাধাতুর-কণ্ঠে সে বলিল, “একি বলছো তুমি? আমার ঐ জঘন্য বৃষ্টি অবলম্বন কর্তে বলছো।”

“কিন্তু তা ভিন্ন তোমার উপায় কি, সমাজে তো তোমার স্থান নাই।”

“কিন্তু কেন কি অপরাধ আমার, আমি পতিতার কণ্ঠা সত্য কিন্তু সে অপরাধ তো আমার নয়, তবে কেন আমার স্থান সমাজে নাই?”

“তা জানি না কিন্তু সমাজের দ্বারে তোমার পক্ষে রুদ্ধ অঞ্জলি।”

“কিন্তু তোমার দ্বারও কি আমার কাছে বন্ধ; তুমি কি আমার আশ্রয় দেবে না?”

“অঞ্জলি আমি তো সমাজের বাইরের নই।”

“এই তোমার বিচার? কিন্তু আমার কি উপায় হবে?”

“নতমুখে” উচ্চল বলিল, “তোমার মা’র সঙ্গে যাও, ঐ ভাবেই দিন কাটান ভিন্ন আর কি উপায় তোমার হতে পারে।”

“কোন উপায় নাই? শুধু জনের অপরাধে আমার এই নিকলঙ্ক পবিত্র জীবন ধরে বেঁধে তোমরা নরকের দ্বারে এগিয়ে দেবে, অথচ আমি সম্পূর্ণ নিরপরাধী।” বৃষ্টি-

করে নতজানু হইয়া অঞ্জলি উচ্চলের পাদমূলে বসিয়া বলিল, “দয়া কর, দয়া কর আমার। তোমার পরীক্ষা চাই না, দাসীর মত আমার গৃহে স্থান দাও।”

একটু সরিয়া গিয়া ব্যথিতকণ্ঠে উচ্চল বলিল, “আমি নিরুপায় অঞ্জলি, সমাজের বিরুদ্ধাচরণ কর্তে পারবো না। আমার ক্ষমা কর।”

“তার কিছু দরকার নাই—এত তরল চিত্ত তোমাদের, অথচ কালপর্যন্ত তুমি আমার ভালবাস, কত ভালবাস বলেছ।”

“অঞ্জলি অঞ্জলি ভগবান জানেন তোমায় কত ভালবাসি কিন্তু তবু আমি যে তোমার স্থান দিতে পারছি না তোমার মা পতিতা এ কথা কি করে ভুলবে, সমাজই বা কি বলবে।”

“তার কিছু দরকার নাই তোমায় বিব্রত কর্তে চাই না আমি চমুস্।”

“কোথায় যাবে অঞ্জলি তোমার মার কাছেই যাবে তো?”

“না—কখনই মার কাছে যাব না। অনাহারে মরণকে বরণ করব সেও ভাল তবু মার বৃষ্টি অবলম্বন করব না।”

“কিন্তু কোথায় যাবে তুমি, একটা স্থান তো চাই?”

অঞ্জলি পুনরায় বসিয়া পড়িল, ভাবিতে লাগিল সত্যই তো কোথায় গিয়া সে দাঁড়াইবে? বান্ধবী সতীর্থারা যে তাহাকে গৃহে স্থান দিবে তাহারই বা স্থিরতা কি? যেখানে হউক আশ্রয় তো একটা চাই। তাহার পর জীবন-তার নির্বাহের জন্য একটা পছা তো অবলম্বন করিতে হইবে, কিন্তু উপস্থিত কোথায় যাওয়া যায়?

ক্ষণেক ভাবিয়া সে বলিল, “তোমার বাড়ীতে কি আমার দিন কয়েকের জন্যও স্থান দিতে পার না, মাত্র চার পাঁচ দিন, তার মধ্যে একটা ব্যবস্থা নিশ্চয় আমি করে নেব।”

কুণ্ঠিতভাবে অন্য দিকে চাহিয়া উচ্চল বলিল, “অঞ্জলি বুঝতে পারছো তো এই সব দাসী-চাকর রয়েছে, কি ভাবে তারা। নইলে ছদ্মিম তোমায় স্থান দেওয়া সে আর বেশী কথা কি? এই বোকাই কি মা।”

“যাক আর বোকবার দরকার নাই! দাসী চাকর কি ভাবে এইটাই আজ তোমার সমস্তা দাঁড়াল,

অথচ একটু আগেও এ গৃহে সর্বময়ী কর্তারূপে তুমি আমার বরণ কর্তে সম্মত ছিলে। কিন্তু যাক ও কথা একটা উপকার করবে কি?”

উজ্জল আনন্দ আননে দাঁড়াইয়াছিল। ধীরে ব্যথিত দৃষ্টি উন্মিলিত করিয়া বলিল, “কি বল?”

কর্তবিলম্বিত মূল্যবান হারটা উন্মোচন করিয়া টেবিলের উপর রাখিয়া দিয়া অঞ্জলি বলিল, “এইটার বদলে আমার কিছু টাকা দাও।”

“টাকা এখনি দিচ্ছি অঞ্জলি, কিন্তু হারটা তুমি পর, ওটা আমি নিতে পারব না।”

তা হ'লে থাক আমি অন্য কোথা হতে এটা বিক্রী করে টাকা নেব। তোমার দয়ার দান আমি নেব না” বলিয়া অঞ্জলি উঠিয়া দাঁড়াইল।

ব্যগ্রভাবে উজ্জল বলিল, “আচ্ছা তুমি হার রেখেই টাকা নাও। উজ্জল সে কক্ষ হইতে প্রস্থান করিল।

শূন্যদৃষ্টিতে অঞ্জলি সেই দিকে চাহিয়া রহিল। এই জগত এত স্বার্থপর, এত নির্মম! অবস্থার প্রভাবই এখানে এত অধিক। মানব হৃদয়ের স্নেহ-মমতা, করুণাও অবস্থার পরিবর্তনের সহিত হ্রাস-বৃদ্ধি হয়। এত ক্ষণভঙ্গুর, এত চপল তাহা।

নোট কয়খান অঞ্জলির সম্মুখে রাখিতেই উঠিয়া দাঁড়াইয়া সে বলিল, “যাচ্ছি তা হ'লে।” উজ্জলের অন্ধি-প্রান্তে অক্ষবিন্দু ফুটিয়া উঠিল।

শুষ্ক হাসির সহিত অঞ্জলি বলিল, “ও উজ্জলসের কোন প্রয়োজন নাই। যাই তা হ'লে সে কয় পদ অগ্রসর হইল।

“একটু দাঁড়াও অঞ্জলি। আমার এতটা ভুল বুঝ না।”

সকরণ নয়ন অঞ্জলি একবার উন্মোচিত করিল। উজ্জলের কাতর-কষ্ট তাহার সমস্ত অন্তর আকুল করিয়া তুলিয়াছিল। কিন্তু কেন এ অপ্রয়োজনীয় উজ্জল। কর্তিত নীপমূলে বারি-সেচনের মতই যে ইহা অর্থহীন। শুধু ব্যথিতকে আরও উৎপীড়িত করা। আপন অন্তরের আকুলতা প্রাণপণে দমন করিয়া সহজ সুরে সে বলিল, “সবই যখন শেষ হয়ে গেছে তখন বুঝা কেন এ আবার। না তোমার আমি ভুল বুঝি নি। তুমি ভালই করেছ। মতাই এ সমাজচ্যুতা পতিতার কন্ঠার কন্ঠাকে গ্রহণ করে

কেন তুমি চিরদিন কষ্ট সহ করবে এ ভালই হ'ল।” ক্রতপসে সে কক্ষ হইতে বাহির হইয়া গেল।

নিশ্চলক নয়নে সেই দিকে চাহিয়া শুষ্ক মর্মর মূর্তির মত উজ্জল দাঁড়াইয়া রহিল।

আট

জাহুবীর শীতলবন্ধে আশ্রয়-গ্রহণের তীব্র লালসাটাই অঞ্জলিকে ক্রমাগত প্রলুব্ধ করিতে থাকিলেও প্রাণপণে সে আপনাকে সংযত করিল। মৃত্যু সে তো আছেই। কিন্তু যদি কোনরূপে জীবন-ধারণের একটা ব্যবস্থা করা যায় তাহার উপায় করাই এখন কর্তব্য।

সর্বাগ্রে একটা আশ্রয়ের সন্ধান করাই অঞ্জলি প্রধান কার্য বলিয়া মনে করিল। যেখানে হউক একটা বাটা ভাড়া লইয়া প্রথমটা তো একটু নিশ্চিত হওয়া যাক, অন্য কথা পরে। উৎসুক ব্যগ্র-নয়নে পথ-প্রান্তস্থিত বাটা গুলির দিকে চাহিতে চাহিতে সে পথ চলিতে লাগিল। সম্পূর্ণ একটা বাটা না লইয়া কোন ভদ্র-গৃহস্থের বাটিতে একখানা ঘর লইয়া থাকাই সে সঙ্গত মনে করিয়া সেইরূপ ঘর ভাড়ার সন্ধানে ব্যাকুল ভাবে সে পথ হইতে পথান্তরে চলিতে লাগিল।

বহুক্ষণ ঘুরিবার পর ক্রান্ত অবসর ক্ষুধা-তৃষ্ণা-পীড়িত নিঃস্রীব দেহটাকে যখন সে একটা অনতিবৃহৎ বাটার সম্মুখে আনিয়া উপস্থাপিত করিল, তখন প্রায় দ্বিপ্রহর অতীত হইয়াছে। প্রথমে রবিকরে সমস্ত অঞ্জলি একটা উত্তম দীর্ঘখাল বন্ধ মধ্যে নিরুদ্ধ করিয়া একবার কি মনে করিয়া উপরের দিকে চাহিল। বাটার সম্মুখের দ্বিতল বারান্দা হইতে ঘর ভাড়া দেওয়া যাইবে লেখা একখানা চৌকা কাগজ দড়ি দিয়া ঝুলান রাখিয়াছে দেখিতে পাইল। সেইদিকে চাহিয়া আশাশ্রিত হৃদয়ে অঞ্জলি রুদ্ধ বাহির ঘরের কড়া নাড়িল। তাহার শ্রমক্লিষ্ট দেহ তখন প্রায় অবশ হইয়া আসিয়াছিল।

মধ্যবয়স্ক এক ব্যক্তি ঘর উন্মোচন করিয়া অবাক হইয়া অঞ্জলির দিকে চাহিয়া রহিলেন। তাহার বেদনা-কতার মুখশ্রী, বিশৃঙ্খল বেশভূষা, সর্বোপরি একাকিনী তরুণীকে দেখিয়া তাহার বিশ্বাস সীমাতিক্রম করিতেছিল।

লোকটা কিছু বলিবার পূর্বেই অঞ্জলি প্রাণ করিল,

“এই বাড়িতে ঘর ভাড়া দেওয়া কবে? বাড়ির মালিক কি আপনি?”

আরও বিন্মিত হইয়া লোকটা বলি, “হাঁ। কেন?”

“আমি তা হ'লে ভাড়া মেব। আগাম ভাড়া দিচ্ছি।” অকস্মাৎ বাধা নোট কয়খানা সে স্পর্শ করিল।

“আপনি ভাড়া নেবেন, আর কে থাকবে?”

“কেউ না একা আমিই থাকব।”

“একা আপনি?” অতীব আশ্চর্যে সে চাহিয়া রহিল।

“হাঁ একা আমিই। আর আগেই বলে রাখি আমি ভ্রমবংশজাতা নই। এক পতিতা নারী আমার মা। আমি পতিতার কন্যা।”

ভ্রমলোকটা সঙ্কোচের সহিত কিছু দূরে সরিয়া গিয়া রুচকণ্ঠে বলিল, “তোমার তো স্পর্ধা কম নয়, বেস্তার মেয়ে হয়ে এসেছ' ভ্রমলোকের বাড়িতে ঘর ভাড়া নিতে। বেরিয়ে যাও, বেরিয়ে যাও এখন।”

আরক্ত-মুখে নিঃশব্দে অঞ্জলি পথের উপর আসিয়া দাঁড়াইল। কোনরূপে কিছুদূর চলিয়া একটা জনহীন গলির মধ্যে আসিয়া সে খলিত মেহে বসিয়া পড়িল। এখন উপাধি কি? জন্মগত এ কালিমার টীকা থাকিতে সে তো কোন ভ্রমপরিবারের মধ্যে বাস করিতে পারিবে না। বেচারী ভাবিল, পথের ধলাই বুঝি তাহার যোগ্য স্থান। কি পাপে এ শাস্তি তাহার হোল? সে তো কোন অপরাধে অপরাধী নহে। নিষ্ঠুর জগৎ কোন্ দোষে এ কঠিন শাস্তির ব্যবস্থা করিল। কোন্‌তে হুঃখে তাহার নেত্র অশ্রুপূর্ণ হইয়া উঠিল। কিন্তু না এত শীঘ্র হতাশ হইয়া পড়িলে চলিবে না তো। সত্যই তো ভ্রমগৃহে ঘরে তাহার স্থান হইবে কি রূপে? স্বস্তর বাটীর চেঁচা দেখা যাক। আশ্রয় তো চাই, এ তাবে বসিয়া থাকিলে চলিবে কি করিয়া। অশ্রু মুছিয়া অবসর দেহটা কোন মতে তুলিয়া আবার সে অগ্রসর হইল।

অশ্রু

অঞ্জলির মাতৃ-গৃহ হইতে বিদায় লইবার মাস দুই অতীত হইয়া গিয়াছে। কোন ভ্রম পরিবারের মধ্যে স্থান পাওয়া হুঃহ দেখিয়া বাধ্য হইয়া একটা স্বস্তর বাটা লইয়া সে বাস করিতেছিল। বাটা ভ্রমপন্নী মধ্যেই অবস্থিত।

তথাপি একাকিনী তাহাকে বাস করিতে দেখিয়া তাহার প্রকৃত পরিচয় অনুমান করিয়া লইতে পরীবাগীর কষ্ট হইল না। উপদ্রবও তাহারা তাহার উপর যথেষ্ট আরক্ত হইল। নিত্য অকর্মণ্য যুবকগণের কুৎসিত ইচ্ছিতের অত্যাচারে অঞ্জলি অতিষ্ঠ হইয়া উঠিয়াছিল। কিন্তু উপায়ও তো নাই। যেখানে বাইবে সেখানে এ ব্যাপারের পুনরাভিনয় ঘটবে। কোন মতে চোখ-কাণ বন্ধ করিয়া সে দিন কাটাইতে লাগিল।

এই দুই মাস ধরিয়া সন্দের সময় বালিকা-বিদ্যালয়, সমস্ত হাঁসপাতালে সে চাকরীর জন্ত চেষ্টা করিয়াছে। শুধু তাহার জন্মের অপরাধে কোকসহানেই সে কার্য্য পায় নাই। কলিকাতার বাহিরেও বহুস্থানে সে আবেদন পত্র পাঠাইয়া বিফল হইয়াছে। প্রত্যহ প্রভাতে শয্যা ত্যাগ করিয়াই কার্য্যের সন্ধানে ঘুরিয়া কিরিয়া দিনান্তে প্রত্যাবর্তন করাই তাহার একরূপ নিত্য কার্য্যের মধ্যে দাঁড়াইয়াছে। সন্ধ্যার গৃহে কিরিয়া আহার কোন দিন হয়, কোন দিন হয় না। ক্রমাগত আশ্রয় হওয়ার ক্লান্ত অবসর হ্রদয় ভাঙ্গিয়া পড়িয়াছিল। অকথিত অলঙ্কার-বিক্রয়-লব্ধ অর্থও প্রায় নিঃশেষিত। অতাবের ভাড়া মায় অন্ধকারাচ্ছন্ন ভবিষ্যৎ সহস্র হুঃখের চিত্র ফুটাইয়া তাহার অন্তরে নিবিড় আতঙ্ক জাগাইয়া তুলিতেছিল। চিরদিন সুখের অঙ্কে পালিত দেহও কঠিন রূপে অবসর হইয়া পড়িল। তথাপি সকল বাধাবির তুচ্ছ করিয়াও প্রাণপণে সে একটা কিছু কার্য্যের সন্ধন করিয়া কিরিতেছিল। বাহাতে জীবনের অবশিষ্ট দিনগুলো সংপথে থাকিয়া সে অভিবাচিত করিতে পারে।

স্বস্তরভাবে শূন্য-দৃষ্টিতে চাহিয়া অঞ্জলি আবিতেছিল, কি দারুণ অভিশপ্ত জীবন তাহার। আশা-স্বরা তরুণ স্বদয়ে কত সুখের স্বপ্নই সে রচনা করিয়া রাখিয়াছিল। আকস্মিক বজ্রাঘাতের মত অদৃষ্টের কঠিন হস্তস্পর্শে তাহার সমস্ত আশা অদূরেই শুকাইয়া গেল। তাহার কুমারী স্বদয়ের অন্নান প্রেমের অর্থ্য বাহাকে সে নিবেদন করিয়াছিল, সে স্পষ্টই তাহাকে প্রোত্যাখ্যান করিয়াছে। এই নিঃসঙ্গ, লাহিতরিত্ত জীবন-তার চিরদিন বহিয়া চলিতে হইবে। স্বদয়ভরা এ বেদনার হাহাকার তাহার সমস্ত জীবন পূড়াইয়া ছার করিবে। কেহ তাহাতে সহানুভূতি প্রকাশ করিবে

না, কারণ সে পতিতার কন্যা, ঘৃণ্য, সকলের অস্পৃশ্য। জননীর পাপের প্রায়শ্চিত্ত করিয়াই এই তাপদগ্ধ হতাশ জীবন তাহাকে বহন করিতে হইবে। এই তাহার অদৃষ্ট-লিপি। যাক্ তাহাতে" চ্যুত নাই। একবার ভাবিয়াছিল উজ্জল হয়তো তাহাকে গ্রহণ করিবে! সে কিন্তু তাহা না করিয়া তাহার ক্ষীণ আশার মূলে কুঠারাঘাত করিয়াছে।

ধাক সে অতীতের বৃথা চিন্তা। কি ভাবে এখন দিন অতিবাহিত হইবে সেই যে আজ দারুণ সমস্যা।

পরিচয় গোপন করিলে কার্য্য-সংগ্রহ তাহার পক্ষে দুর্লভ ছিল না কিন্তু দারুণ ঘৃণায় সে মিথ্যার আশ্রয় লয় নাই। ইহাতে চিরদিনই এই ভাবে কাটাইতে হয় যদি তাও ভাল। একটা উত্তম দীর্ঘশ্বাস ফেলিয়া সে উঠিয়া দাঁড়াইল। কোন এক বালিকা বিদ্যালয়ে ও হাঁসপাতালে দুইটা কার্য্যের সন্ধান পাওয়া গিয়াছে। আর একবার সেই চেষ্টায় সে বাহির হইবে স্থির করিল। সমস্ত দিবসের শ্রমক্রান্ত দেহ আর চ'লতে চাহিতেছে না। তবু সে অসীম ধৈর্যের সহিত মনে মনে বলিল, এ টুকু শ্রান্তিতে অবসন্ন হইলে চলিবে না তো।

অঞ্জলি গৃহদ্বারে চাবি বন্ধ করিয়া পুনরায় পথে বাহির হইল। বিদ্যালয়-গৃহে যখন সে উপনীত হইল, তখন সেখানকার কত্রী কার্য্য-অবসানে গৃহে ফিরিতেছেন; তথাপি ক্ষণ কালের জন্ত তিনি অঞ্জলির সহিত সাক্ষাৎ করিলেন। আশা-উৎসেগ বন্ধে অঞ্জলি আবেদন পত্রখানি তাঁহার হস্তে দিল। কত্রী বাঙ্গালী, খৃষ্টধর্ম্মাবলম্বিনী। অঞ্জলিকে বসিতে বলিয়া তিনি কাগজখানিতে দৃষ্টি সংযোগ করিলেন।

কিছুদূর পড়িয়া দুইটা আবশ্যকীয় প্রশ্নের পর তিনি বলিলেন, "তোমায় কাজে নিযুক্ত কর্তে আমার আপত্তি নাই, কাল তুমি আমার সঙ্গে দেখা কর'। এখানে বোর্ডিং-এই তুমি থাকতে পাবে। আচ্ছা আজ যেতে পার।" আশাদীপ্ত পুলকভরা বন্ধে অঞ্জলি ফিরিল।

সহসা বিদ্যালয়ের কত্রী ডাকিয়া প্রশ্ন করিলেন, "একটা কথা, তুমি কি হিন্দু?" অঞ্জলির বুকের মধ্যটা বারেক কাঁপিয়া উঠিল। আরক্ত-মুখে সে উত্তর দিল, "হাঁ হিন্দু।"

"কোন জাতি? কিছু মনে কর'না আমাদের নিয়ম এগুলো ভেঙে রাখা।"

অঞ্জলি স্তম্ভভাবে স্থিরকণ্ঠে কিছুক্ষণ ভূমির দিকে চাহিয়া রহিল, তাহার পর বিনীতভাবে বলিল, "কি জাতি তাহা আমি জানি না, আমি পতিতার কন্যা।"

কত্রী চেয়ার ছাড়িয়া লুকাইয়া উঠি আরক্ত-লোচনে বলিলেন—যাও যাও তুমি, তোমায় আমি কাজ দিতে পারবো না, কোন সাহসে তুমি এসেছ তবু মেয়েদের শিক্ষার ভার নিতে। চলে যাও এখান থেকে। ভেঙে রেখ এ সব স্থানে তোমাদের আসবার কোনও অধিকার নাই।"

নীরবে তাঁহাকে অভিবাদন করিয়া অঞ্জলি পুনরায় পথে আসিয়া পড়িল।

নৈরাশ্রের তীব্র আঘাতে সমস্ত অন্তর যেন তাহার দীর্ঘ হইয়া আসিতেছিল। সে ভাবিল, আর তো সহ্য করিতে পারা যায় না। অভাগিনী জননী এ কি দূরপন্থে কালিমার টীকা আমার ললাটে বসাইয়া আমাকে জগতে আনিয়াছিলে, যাহার জন্য আমার জীবন দুর্লভ হইয়া উঠিয়াছে। কি অপরাধ আমার। আমি সংচরিত্রা, শান্তপ্রকৃতি। শিক্ষা যাহা পাইয়াছি তাহাতে জীবন-ভার নির্বাহের উপযুক্ত কার্য্য তো অনায়াসেই সংগ্রহ করিতে পারি। তবে কেন সকল স্থান হইতে ঘৃণ্য সারমেয়র মত আমাকে বিতাড়িত হইতে হইতেছে। চিন্তিত অন্তরে ঋণিত-শিথিল গতিতে গৃহাভিমুখে ফিরিয়া চলিল। কাল একবার হাঁসপাতালে গিয়া শেষ চেষ্টা করিয়া দেখিবে, তাহারপর নিশ্চেষ্ট হইয়া ঘরে থাকিয়া অনাহারে মৃত্যুকে বরণ করিয়া লইবে।

দশ

সন্ধ্যা রজনীতে পর্য্যবাসিত হইয়া নিশীথনীর তিমির-বসন তখন সমস্ত বিশ্বের উপর ছড়াইয়া পড়িয়াছিল। তৃতীয়ার চন্দ্রমা অন্তের পথে চলিয়া পড়িয়াছে।

বালীগঞ্জের একটা হাঁসপাতালে একজন রোগিনীর শিয়রে অঞ্জলি বসিয়াছিল। রোগিনী অত্যন্ত অস্থিরতা প্রকাশ করিতেছে, নিপুণ-হস্তে অঞ্জলি তাহাকে পরিচর্যা করিয়া শান্ত করিতেছিল।

মাস তিনেক হইল সে এখানে কাজ লইয়াছে। তাহার সৌভাগ্য বশতঃ এখানে তাহার পরিচয় না লইয়াই

কার্যে নিযুক্ত করা হইয়াছিল। ইতিমধ্যে গুরুস্বাক্ষরকারিণীর কার্যে সে দক্ষতা লাভ করিয়া প্রশংসা অর্জন করিয়াছে।

অঞ্জলি আশা করিয়াছিল তাহাকে ছয়ছাড়াভাবে আরু দিগে অতিবাহিত ক্রিতে হইবে না। এত দিনে তাহার লক্ষ্য-হীন জীবনতরী কুলে আসিয়াছে। জীবন কাটাইবার একটা নির্দিষ্ট পন্থা সে লাভ করিয়াছে। এই ভাবে পীড়িতের সেবায় আপনাকে নিয়োজিত করিয়া সে তাহার শূন্য হৃদয় পূর্ণ করিয়াছে।

এই সময় রোগিনী একবার অক্ষুট অর্ধনাদ করিয়া উঠিল। কিপ্রহস্তে একটা ঔষধ গ্রাসে ঢালিয়া অঞ্জলি স্নেহাঙ্গুষ্ঠে জিজ্ঞাসা করিল—“বড় কষ্ট হচ্ছে কি? মঃ পালিতকে সংবাদ দেব?”

“কর যা হয় আর সহ করতে পারছি না, বড় কষ্ট।” বিকৃতমুখে রোগিনী পার্শ্ব-পরিবর্তনের চেষ্টা করিল।

অত্যন্ত ধীরতার সহিত তাহাকে অন্ত পার্শ্বে শোয়াইয়া দিয়া অঞ্জলি বলিল, এই ওষুটুকু খেয়ে নিন, আমি ডাক্তার পালিতকে ডেকে আনছি। তাহার গাত্রস্থত আবরণ ধানটা নয়া দিয়া সে কক্ষ ত্যাগ করিল।

ডাক্তার পালিতের কক্ষে বসিয়া যে লোকটির কথা বলিতোছিল তাহার দিকে চাহিয়াই অঞ্জলি গুরু হইয়া দাঁড়াইয়া পড়িল। গৃহ-শিক্ষায়ত্রীর কার্য পাইবার জন্য একবার ইহাটাই গৃহ গয়া জন্মের অপরাধে অত্যন্ত অপমানিত হইয়াই সে বিদায় হইয়া আসিয়াছিল।

তাহাকে ত্রলোকটা চিনিলেন। মুহূ হাসিয়া অঞ্জলির দিকে চাহিয়া বলিলেন, “তুমি বুঝি শেষে এখানে কাজ নিয়েছ? ভাল। ডাক্তার পালিত আপনি কি এই শ্রেণীর স্ত্রীলোকদের এখানে এখন কাজ দিচ্ছেন? এরাই আপনার নাম?”

অত্যন্ত বিস্ময়ের সহিত ডাক্তার পালিত জিজ্ঞাসা করিলেন,—“এই শ্রেণী মানে? ও কোন্ শ্রেণীর স্ত্রীলোক?”

“ওকেই? জিজ্ঞাসা করুন না। আমার কাছে কাজ নিতে গিয়ে তো উনি সত্য পরিচয়ই দিতেছিলেন? আপনার কাছেও সত্য গোপন করবেন না নিশ্চয়।

অঞ্জলি মুখ তুলিয়া বলিল, “না সত্য আমি কোন অবস্থাতে গোপন করবো না এ আপনাকে জানবেন।”

ডাক্তার পালিতের উত্তরে অক্ষুটে সমস্ত কথা সে বলিয়া গেল।

গভীরভাবে শির-সঞ্চালন করিয়া বালীগঞ্জ নাসিং হোমের অধ্যক্ষ—ডাক্তার পালিত বলিলেন, “তোমার কাজ থেকে আমি অবসর দিচ্ছি মিস্ রায়।”

রুদ্ধকণ্ঠে অঞ্জলি বলিল, “কি আমার অপরাধ?”

“তোমার অপরাধ। দোষ তুমি কিছু কর নি অবশ্য কিন্তু ও-কথা জানবার পর তোমার এখানে স্থান দেওয়া আমার অসাধ্য। আর তোমারও এ ভাবে আত্ম-পরিচয় গোপন করা উচিত হয় নি।”

আসন্ন হইতে দাঁড়াইয়া স্মিরকণ্ঠে অঞ্জলি উত্তর করিল, “কিন্তু আমার পরিচয় ত্রে আপনি কোন দিন জিজ্ঞাসা করেন নি। আমি নিজেকে কিছু তখন বলি নি সত্য কিন্তু মিথ্যা আচরণের প্রকৃতি আমার নাই, তাই আজ এ আপনার জিজ্ঞাসার উত্তরে সত্য পরিচয়ই দিয়েছি।”

অপ্রতিভভাবে ডাক্তার পালিত বলিলেন, “তা সত্য, আমারই অজ্ঞায় হয়েছিল পরিচয় না কেনেই তোমার কার্যে নিযুক্ত করেছিলাম। তুমি কিছু মনে করোনা তোমার এ মাসের পুরো বেতনই দিয়ে দিচ্ছি, নাসিংের কাজ তুমি তো বেশই শিখেছ। আমি না রাখলেও আর কোথাও কাজ নিশ্চই পাবে।”

বাস্পগদগদ কণ্ঠে অঞ্জলি বলিল, “সে আশা একটুও নাই এই পঁচ মাস ধরে সমস্ত কলকাতা সহরের প্রতি হাঁসপাতালে ও বালিকা-বিদ্যালয়ে কাজের অন্ত চেষ্টা করেছি। শুধু জন্মের অপরাধে সকলে দূর দূর করে তাড়িয়ে দিয়েছে। অন্ত স্থানেও আবেদন করে বিফল হয়েছি। নিজের পরিচয় আমি কোথাও গোপন করি নি। তবে আপনি কিছু জানতে চান নি বলেই তখন বলি নি।”

ক্ষুব্ধভাবে ডাক্তার পালিত বলিলেন, “আমি হুঃখিত হচ্ছি মিস্ রায়, কিন্তু কি করবো বল, এক জন পতিতার কন্যাকে তো এখানে কোনক্রমেই রাখা চলে না।”

“কিন্তু আমি চল্লুম তবে, দেখি অদৃষ্টে আবার কোন্ পথে নিয়ে যায়।” বলিয়া ধীরপদে অঞ্জলি অগ্রসর হইল।

পালিত ডাকিয়া বলিলেন, “তোমার মাইনেটা।”

“ওঃ ভুলে গেছি দিন। এইটাই এখন উপস্থিত আমার সবল।” সে টাকা কয়টি তুলিয়া অঞ্জলি হস্তস্থিত কুড়

ব্যাগটীর মধ্যে রাখিয়া দিয়া বলিল, “চক্ষু তবে। আপনার চিকিৎসা আর পবিত্রতা অব্যাহত ত থাক। নমস্কার।”

“নমস্কার মিস রায়। আশা করি তুমি দুঃখিত হবে না।”

“ডাক্তার পালিত দুঃখ আমার হবে না। যে অবস্থায় এসে পড়েছি তাতে আমার পক্ষে সুখ-দুঃখ প্রায়ই সমান।”

আপন কক্ষ মধ্যে প্রবেশ করিয়া হতাশভাবে অঞ্জলি বসিয়া পড়িল, তাহার দ্রব্যাদি লইয়া এখনই এস্থান হইতে বিদায় লইতে হইবে। কিন্তু কোথায় সে যাইবে, আর তো তাহার দাঁড়াইবার স্থান কোথাও নাই। সন্ধ্যামাত্র বেতনের কয়টা টাকা, তাহাতেই, বা কয় দিন চলিবে? আর তো কোনও উপায় নাই। যেখানেই যাইবে সেখান হইতে তাহার জন্মগত অভিশাপের বার্তা এমনি ভাবেই

বিতাড়িত করিয়া দিবে। কোথায় তাহার স্থান? জীবন কাটাইবার আর কোন উপায় নাই। দুইটা পথ মাত্র তাহার সন্মুখে রহিয়াছে। হয় মৃত্যু, নয় পুনরায় জননীর আশ্রয়ে ফিরিয়া যাওয়া। সেও মৃত্যুর মতই ভয়ঙ্কর।

এ অবস্থায় সে কোন পথে চলিবে, কে তাহাকে বলিয় দিবে—কোন সমাজ-সংস্কারক তাহার পথ-নির্দেশ করিয়া দিবে? অঞ্জলি ভাবিতেছিল, তাহার ছায় সমাজ-তাড়িতা উৎপীড়িতাদের কোন পথে চলা কর্তব্য মৃত্যুকে বরণ না নরকের পথের দিকে অগ্রসর হওয়া। এ দুইটার কোন পথই গ্রহণ করা সমীচীন নয় ভাবিয়া অঞ্জলি অন্তোপায় হইয়া ভগবানের নিকট আশ্রয়-নিবেদন করিয়া আলোকের জন্ত উদ্‌গ্রীব হইয়া রহিল।

জানুয়ার কথা

জ্ঞান বিস্তারের সাহায্যের জন্ত এই বিভাগে আমরা প্রতি মাসের সহযোগী সাহিত্য হইতে শিক্ষণীয় বিষয় যথাসম্ভব আহরণ করিব।

মানসী ও মর্ষবাণী, মাঘ ১ ৩৭

হত্যাকর ও চরিত্র—শ্রীশশধর রায়। প্রবন্ধটি কৌতুককর, হত্যাকর দেখিয়া মানুষের চরিত্র বুঝিবার প্রচেষ্টা। হত্যাকর নির্দিষ্ট এক প্রকারের, অনির্দিষ্ট একাধিক প্রকারের অথবা মিশ্রিত প্রকারের হইতে পারে। মানব-চরিত্রও এই সকল প্রকারের লক্ষিত হয়। লিখনকালে পংক্তির উচ্চগতি লেখকের উচ্চাশার পরিচায়ক; পংক্তির অধোগতি উচ্চাশার অভাবের পরিচায়ক। সরল রেখার স্তায় সমান পংক্তি স্থিরচিত্ততা জ্ঞাপন করে। যে লেখার প্রত্যেক অক্ষর জোরে লিখিত এবং প্রত্যেক অক্ষরে অতিরিক্ত কালি ব্যবহৃত হয় সে লেখা বিলাস-প্রিয়তা সূচনা করে। যখন অক্ষরের শেষ রেখা উর্দ্ধগামী, দীর্ঘ এবং গোলাকার, তখন উচ্চাশা ও সন্দেহতার পরিচায়ক। এই রেখা সরল হইলে এবং দুই শব্দের মধ্যগত স্থান অধিকার করিলে

বুঝিতে হইবে, লেখকের দানশক্তি আছে। অক্ষরের শেষ রেখা যদি উর্দ্ধগামী ও ক্ষুদ্র হয় তবে লেখকের ব্যয়কুষ্ঠতা বুঝা যায়। নাম ও দস্তখতের নীচে সরল বা বক্ররেখা থাকিলে—লেখকের অহঙ্কার, আত্মপ্রশংসা বা প্রশংসা-লাভের কামনা সূচিত হয়; এবং একটি মোটা লাইন থাকিলে সৌন্দর্য প্রিয়তা ও দৃঢ়তা জ্ঞাপন করে।

ভারতবর্ষ, বৈশাখ ১৩৩৭

বিজ্ঞানে টমাস এডিসন্ এডিসন্ শ্রীমুরেজনাথ গঙ্গোপাধ্যায়। অক্লান্ত পরিশ্রম ও অধ্যবসায়ই যে প্রতিভার বিকাশ সাধন করে, বিখ্যাত বৈজ্ঞানিক এডিসনের জীবন তাহার অদ্বুত দৃষ্টান্ত স্থল। বাল্যকালে এডিসন্ টেপনে কল ও কাগজ বিক্রয় করির্কেন। এখন তাঁহার স্থান জগতের বরণ্য শ্রেষ্ঠ বৈজ্ঞানিকের পার্শ্বে। দারিদ্র্য ও অসাক্ষ্য তাঁহার প্রতিভাকে উৎসাহিত করিয়াছে, নিরুৎসাহ করে নাই। এডিসনের প্রধান আবিষ্কৃত্যগুলি এই—কনোগ্রাম, বৈদ্যুতিক ইনকান্ডিসেন্ট আলো; ভোট গণনা করিবার বৈদ্যুতিক যন্ত্র; মেগাকোন;

ছায়াচিত্র ফেলিবার কোডাক্ ক্যামেরা ; চলন্ত সার্কেলাইট; এবং কিনামেটোগ্রাফ্ যন্ত্র। ইহা ছাড়া, তিনি বিদ্যাতের দ্বারা এঞ্জিন চালাইয়াছেন, এবং এডিফোন যন্ত্রে মুখের কথা কাগজে লিপিবদ্ধ করিবার ব্যবস্থা করিয়াছেন, ইত্যাদি।

প্রবাসী, বৈশাখ ১৩৩৭

আমাদের কথা—শ্রীপ্রফুল্লময়ী দেবী লেখিকা স্বর্গগত বলেজনাথ ঠাকুরের জননী, অর্থাৎ মহর্ষি দেবেজনাথ ঠাকুরের চতুর্থ পুত্র বীরেজনাথ ঠাকুরের পত্নী। যে শাস্ত্র স্মৃতিব্যবস্থায় মহর্ষি তাঁহার বৃহৎ পরিবারটিকে আদর্শ ভারতীয় পরিবাররূপে গঠিত করিয়াছিলেন, তাহার বহু আভাস এই প্রবন্ধে পাওয়া যায়।

মহর্ষি যখন উপাসনা করিতেন, তিনি তাঁহার পাশে বসিয়া উপাসনায় যোগ দিতেন। অত বড় বৃহৎ পরিবারের সমস্ত সংসারের ভার তাঁহার উপর ছিল। তিনি প্রত্যেককে সমান আদর-যত্নে পালন করিতেন। কাহাকেও কোনও কিছু হইতে বঞ্চিত করিয়া মনে ব্যথা দিবার কখনও চেষ্টা করিতেন না। তাঁহার মনটি শিশুর মত কোমল ছিল। কোনরূপ বিলাসিতার ছায়া তাঁহাকে স্পর্শ করে নাই।

বলেজনাথের জন্মের পরেই তাঁহার পিতা বীরেজনাথের মস্তিষ্ক-বিকার ঘটে। পিতার এই অবস্থায় আট নয় বৎসর বয়সেই বলেজনাথের মনে বড় হইবার প্রবল আকাঙ্ক্ষা জন্মে। তখন হইতেই তাঁহার অধ্যয়নের স্পৃহা জাগ্রত হয়। তের বৎসর বয়সে তিনি ছোট ছোট প্রবন্ধ লিখিতে আরম্ভ করেন। পঞ্জাবের আর্ধ্য সমাজের সহিত ব্রাহ্মসমাজের মিলন ঘটাইবার জন্য তিনি যৌবনে বিশেষ চেষ্টা করেন।

বীরেজনাথের পত্নীর নাম ছিল স্নগালিনী। তিনি

যশোহর জেলার বৈশাখবর রায়ের কন্যা। তিনি খণ্ডরবাড়ীর আত্মীয় স্বজনদের লইয়া নানা রকম আমোদ-আহ্লাদ করিতে ভাল বাসিতেন। তাঁহার মনটি খুব সরল ছিল, সেইজন্য বাড়ীর সকলেই তাঁহাকে খুব ভালবাসিত।

ঢাকাপ্রকাশ, বৈশাখ ১৩৩৭

ঢাকার বঙ্গশিল্প—শ্রীবন্ধিমচন্দ্র কাব্যতীর্থ শাস্ত্রী। ঢাকার বঙ্গশিল্প এককালে সমগ্র জগতের বিশ্বদৃষ্টি আকর্ষণ করিয়াছিল। পারস্য-দূত মহম্মদ আলী বেগ পারস্যের শাহকে ৬০ হাত দীর্ঘ একখানি ঢাকাই মসলিন একটি নারিকেল-খোলায় পুরিয়া উপহার দিয়াছিলেন। ৩০ হাত দীর্ঘ ২ হাত প্রস্থ একখানা মসলিন ওজনে ৪৫ তোলা বৈশি হইত না। উহা একখানি ৪৫ শত টাকা মূল্যে বিক্রীত হইত। বিভিন্ন শ্রেণী অনুযায়ী ঢাকাই মসলিনের বিভিন্ন নাম ছিল—সঙ্গতি, সরঙ্গতি, বুনা, আবরুয়া, সরকার আলি, সবনাম, মলমল খাস, রঙ, বদন খাসা, আলবঙ্গা, তঞ্জিব, তরন্দাম, নয়নসুখ, সরকন্দ, ইত্যাদি। আবরুয়া কাপড় জলে ফেলিলে জলের সহিত মিলিয়া যাইত। সবনাম রাত্রিতে ঘাসের উপর পাতিয়া রাখিলে শিশির সম্পাতে ঘাসের সহিত মিলিয়া যাইত। রমণীগণ কাশিদা মসলিনের উপর সুন্দর বিচিত্র বুটা তুঙ্গিত। কোন কোন বৎসরে ১২ লক্ষ ৭৩, অর্থাৎ প্রায় ৪৮ কোটি ঢাকার কাশিদা ঢাকা হইতে রপ্তানি হয়। কারেলা, তোড়াদার, বুটাদার, তেরছা, জলবার, পান্নাহাজার, ছাওয়াল, ছবলী আল, মেল ইত্যাদি নামের জামদারী প্রস্তুত হইত। এক ইউরোপেই বৎসরে কোটি ঢাকার ঢাকাই মসলিন বিক্রীত হইত। কিন্তু পলাশীর যুদ্ধের পর ঢাকাই মসলিনের উপর শতকরা ১৫ টাকা শুল্ক স্থাপিত হয়। সুতরাং ক্রমে ক্রমে মসলিনের বিক্রয় কমিতে লাগিল। অবশেষে বিলাতি চিকণ সূতা আমদানির সঙ্গে সঙ্গে মসলিন বিলুপ্ত হইল।

টমাস মান

[শ্রীবিজনবিহারী বসু বি-এ]

গত বৎসর সাহিত্য-বিভাগে নোবেল সমিতি জার্মানীর সুপ্রসিদ্ধ কথাসাহিত্যিক টমাস মানকে পুরস্কৃত করিয়াছে। ইহার পূর্বে এ দেশের লোকেদের কথা দূরে থাক বিলাতের লোকেরাও তাঁহার সাহিত্যের সহিত বিশেষ-ভাবে পরিচিত ছিল না। মাত্র কয়েক মাস পূর্বে মার্টিন সেকার তাঁহার কয়েকখানি পুস্তক অনুবাদ করিয়াছেন এবং তাঁহার আমেরিকার প্রকাশক ঐগুলি Knopf প্রকাশ করিয়া জগতের সহিত তাঁহার পরিচয় করিয়া দিয়া ধন্যবাদার্থ হইয়াছেন। ইতিমধ্যেই তাঁহার প্রতিভার অমল জ্যোতিঃ সমস্ত জগতে ছড়াইয়া পড়িয়াছে। বর্তমান জার্মানীর তিনি সর্বশ্রেষ্ঠ লেখক এবং বিশ্বের শ্রেষ্ঠ কথাসাহিত্যিকের মধ্যে তাঁহার একটি বিশিষ্ট স্থান নির্দিষ্ট হইয়া গিয়াছে। অনেক লেখকের জীবন জটিলতায় আবৃত ও বিচিত্র কাহিনীপূর্ণ থাকে; কিন্তু মানের জীবন খুব সাধারণ লোকের মত, কোনরূপ অলৌকিক ঘটনা তাঁহার জীবনে ঘটে নাই। তিনি ৫৪ বৎসরকাল তাঁহার অনাড়ম্বর জীবন কাটাইয়া আসিয়াছেন।

লিউবেক শহরে ১৮৭৫ খৃষ্টাব্দের ৬ই জুন টমাস মান জন্মগ্রহণ করেন। ১৯ বৎসর বয়স্ক-কালে তিনি পিতা-মাতার সহিত মিউনিচে গমন করেন এবং তথায় একটা ইন্সটিটিউট কোম্পানিতে কর্ম গ্রহণ করেন। সাহিত্যের প্রতি প্রবল আগ্রহ থাকায় তিনি অবসর-কালে সাহিত্য-সেবায় নিযুক্ত থাকিতেন। শতকরা নিরানব্বই জন বাঙ্গালীর মত তখন তিনি ছিলেন একজন সামান্ত মসী-জীবী মাত্র। তখন কে জানিত যে এই সামান্ত বিনা-বেতনের কেরাণী একদিন জগতের শ্রেষ্ঠ পুরস্কার বিশ্বের কথাসাহিত্যিকের চরম কাম্যবস্ত লাভ করিবেন। তখন কে ভাবিয়াছিল তিনিই এক দিন জার্মানীর ভবিষ্যৎ অধিতীয় সাহিত্য-রথী হইয়া উঠিবেন।

১৮৯৪ খৃঃ Gefallen লিখিয়া তিনি রস-রসিক দিগের মিকট হইতে উৎসাহ ও সুনাম অর্জন করিয়াছিলেন

এবং ১৯০১ খৃষ্টাব্দে তাঁহার শ্রেষ্ঠ রচনা Buddenbrooks প্রকাশিত হয়। আধুনিক যুগের অগ্রাগ্র সাহিত্যিকের মত এই পুস্তকেও তিনি পুরাতনের সহিত নূতনের, প্রাচীরের সহিত তরুণের স্বন্দ ও কলহ বিবৃত করিয়া এবং অবশেষে তরুণের বিজয়-ঘোষণা করিয়াছেন।

কিন্তু এখানি লিখিয়াই যে তিনি এই পুরস্কার পাইয়াছেন তাহা নয়। একখানি পুস্তকের জন্য কেহ কখনও নোবেল পুরস্কার-যোগ্য বলিয়া বিবেচিত হন না। লেখকের রচনার ভিতর মানবজীবনের ঘটনাবলি জটিল ও বিরাট সমস্যার উত্থাপন ও সেগুলির সমাধানের জন্য লেখকের হৃদয় ও চিন্তা যদি একটা উচ্চ আদর্শের দিকে ধাবিত হয়, যদি লেখক জগতের ভাব-ধারায় নূতন কিছু দান করিতে পারেন তবেই তিনি এ পুরস্কার পাইবার অধিকারী হইতে পারেন। ১৯০৩ খৃষ্টাব্দে তিনি কয়েকটা গল্প লিখিয়া Little Mr Friede Man নাম দিয়া একখানি গল্পের বই প্রকাশ করেন। প্রত্যেক গল্পটি সহজ, সরল ও সুসংলিত ভাষায় লিখিত। ইহাতে কিছুমাত্র অসাধারণ নাই; রূপে ও রসকে এই গল্পগুলি সমৃদ্ধ। বিষয়-বস্তুর অভিনবত্বে, সমস্যার প্রাচুর্য্যে ও সেগুলি সৌষ্ঠব-সম্পন্ন। প্রত্যেক গল্পটিতে টমাসের রচনা-ভঙ্গির বৈশিষ্ট্য ও চিন্তাশীলতার পরিচয় পাওয়া যায়। Buddenbrooks প্রকাশিত হইবার পর টমাসের প্রতিভার জ্যোতিঃ দেশের সংকীর্ণ গণ্ডীর ভিতর আবদ্ধ না থাকিয়া সুদূর আমেরিকা পর্য্যন্ত বিকীর্ণ হইতে দেখা গিয়াছিল, এবং ক্রমে ক্রমে সমস্ত জগতে তাহা ব্যাপ্ত হইয়াছে ও অগভাসী তাঁহার সাহিত্য-সাধনার পরিচয় পাইয়া ধন্য হইয়াছে।

Buddenbrooksকে জার্মানীর ফরসাহথ সাগা বলা হইয়া থাকে। ইহার সহিত গল্‌সওয়ার্ডির ফরসাহথ সাগার মূলগত ঐক্য দেখিতে পাওয়া যায়।

ইহার পর টিউবারকুলোসিস স্যানিটেরিয়াম লইয়া লিখিত দুই খণ্ডে সমাপ্ত রহৎ উপন্যাস The Magic

Mountain (Der Zauberberg) প্রকাশিত হয়। আধুনিক জাতির মনোজগতে যে সব বিভিন্ন ও বিচিত্র শক্তি আসিয়া ক্রমাগত হৃদয় বাধাইয়া তুলিতেছে, পুস্তকখানিতে সেগুলির সমাবেশ আছে। দক্ষ শিল্পীর রচনার সেগুলি যে ভাবে বিকাশ লাভ করিয়াছে তাহা বাস্তবিকই উপভোগ্য ও লেখকের চিন্তাশীলতার পরিচায়ক। ইহার মধ্যে তিনি রোগজীর্ণ সমাজের ক্ষতগুলি অঙ্গুলি দিয়া দেখাইয়া দিয়াছেন। ১৯১৪ সালের বিপুল ও দীর্ঘকাল-ব্যাপী সময়ের পূর্বে কিরূপে ইউরোপের সমাজে কীট প্রবেশ করিয়া তিলে তিলে ধ্বংসের পথে সমাজকে লইয়া যাইতেছিল এবং অবশেষে মহাযুদ্ধ আসিয়া কিরূপে তাহাকে মুক্ত করিল—তাহার ইতিহাস এ পুস্তকে সুন্দর-ভাবে চিত্রিত হইয়াছে।

মানুষের মনের আবেগ ও আকাঙ্ক্ষা, আশা ও আশঙ্কার সুন্দর নিখুঁত চিত্র তাঁহার Magic Mountain এ মুক্ত হইয়া উঠিয়াছে। আমাদের অস্তরের তন্ত্রীতে সেগুলি সবেগে আঘাত করে। অধুনা তিনি মিউনিচে বসিয়া Joseph ও Pharoah এর কাহিনী লইয়া একখানি পুস্তক রচনায় নিযুক্ত আছেন। বহুগণ ও আত্মীয়-স্বজন কর্তৃক পরিত্যক্ত জ্বালাল ঘুরিতে ঘুরিতে ব্যাবিলনে আসিয়া জ্ঞান ও সত্যতার আলোকের সমাকর্ষন পাইয়া বিমুক্ত হন। ইহার পরবর্তী ঘটনাবলী লইয়া পুস্তকখানি লেখা হইতেছে। তাঁহার অধুনা প্রকাশিত Early Sorrow নামক উপন্যাসখানি বিলাতে বেশ একটু চাঞ্চল্যের সৃষ্টি করি-

য়াছে। উহাতে তিনি অলৌকিক কল্পনার আশ্রয় লইয়াছেন। কোন এক অধ্যাপকের গৃহে কতকগুলি কদাচার-পরায়ণ ছুঁচরিত্র ব্যক্তি নিমন্ত্রিত হইয়া একটি বালিকার সহিত যে স্বপ্ন প্রেম-লীলার অভিনয় করিয়া তাহার সর্বনাশ করে তাহার নিখুঁত বাস্তব চিত্র ইহাতে আছে। পুস্তকখানি আমেরিকাতে বেশ প্রশংসা লাভ করিয়াছে। অবশ্য আমাদের পুস্তকখানি পড়িবার সৌভাগ্য হয় নাই বলিয়া, এখানি সম্বন্ধে কোনরূপ মতামত প্রকাশ করিতে পারিলাম না—বলিতে পারি না এরূপ চিত্র অঙ্কিত করিয়া তিনি সমাজের ছুঁট ঘাঘে প্রলেপ দিয়াছেন কি না ?

টমাস মান সুখবাদী (Optimist) কথা-শিল্পী। জীবনকে তিনি মঙ্গলময়ের অপূর্ব রচনা বলিয়া মানিয়া লইয়াছেন। মানুষের জীবনে যে রাশি রাশি বেদনা পুঞ্জীভূত হইয়া থাকে, শত চেঁচাতেও আমরা যে সকল বেদনার আশ্বন নিবাইতে পারি না, সে সকলের পরিচয় তিনি বারবার রচনার ভিতর দিয়াছেন। সুখকে অসুখব করিতে হইলে হৃৎধকে ভুলিলে চলিবে না। তাঁহার সকল রচনার ভিতর তাঁহার জীবনের আদর্শ ফুটিয়া উঠিয়াছে। তাঁহার রচনার ভিতর যে সকল ভাবের ও আবেগের পরিচয় পাওয়া যায়, মনে হয় সেগুলি তিনি গভীরভাবে অস্তর দিয়া অসুখব করিয়াছেন।

বারাস্তরে টমাস মানের গ্রন্থাবলীর আলোচনা করিবার ইচ্ছা রহিল

সঙ্কলন

[শ্রীঅমিয়কুমার ঘোষ]

সঙ্গীতের ষ'দ্বয়

সঙ্গীত যে কেবল মানব-সমাজেরই উপর বাহুস্বয় বিস্তার করিয়াছে তাহা নহে, জাব-জগৎও ইহার জন্ত লালসিত। সঙ্গীতি আমেরিকা হইতে এক মজার ধবর আসিয়াছে। ঐ দেশের এক পণ্ডালাল অধ্যক্ষ তাঁহার পণ্ডনের বিধায়স্থানে 'রেডিও' বসাইয়া দিয়াছেন।

তাঁহাকে ডিজাসা করায় তিনি বলিয়াছেন যে, ইহাতে তিনি আশ্চর্য্য রকম ফল পাইয়াছেন। যে সকল পণ্ড অসুস্থতার অস্ত্র বিষয় থাকিত, তাহাদের প্রকৃত্ত দেখা গিয়াছে। তাহাদের কোনরূপ রোগ ছিল তাহারা কিছু দিনের মধ্যেই নীরোগ হইয়াছে। এমন কি কয়েকটা গাভী অল্প দিনের মধ্যে অতিরিক্ত রকম দুধ দিতে আরম্ভ

করিয়েছে। সঙ্গীত আরম্ভ হইলেই উহাদের মধ্যে একটা ঔৎসুক্যের ভাব লক্ষিত হয়। আনন্দের আতিশয্যে কেহ বা কাণ খাড়া করিয়া শোনে, কেহ বা ক্ষুণ্ণিতে লেজ নাড়ে, আবার কেহ বা তালে তালে পা ঠোকে। কোন বিখ্যাত বৈজ্ঞানিক এ বিষয়ে বলিয়াছেন যে, কেবল পশু নয় গাছ পাতা সম্বন্ধেও ইহা খাটে; কারণ পশুপক্ষীদের শ্রায় ইহাদেরও সুখ-দুঃখের অনুভূতি আছে। পরীক্ষা স্বরূপ এক নিস্তেজ গাছকে কিছু দিন 'রেডিও'র গান শোনাইবার পর সতেজ হইতে দেখা গিয়াছে। তাই মনে হয়, কিছুদিন পরে আমেরিকার চাষীরা হয় তো আর খাল কাটিয়া ক্ষেতে জলসেচন করিবে না;—এক একটা রেডিও-সেট বসাইয়া দিলেই চলিবে। ধন্য বিজ্ঞানের ক্ষমতা!

শ্রেষ্ঠ সব কু-চিত্র

কোন বৈদেশিক পত্রিকার সংবাদদাতা এইরূপ সংবাদ দিতেছেন যে, বর্তমান বৎসরে "Journey's End" নামক যে ছবিটা তোলা হইতেছে, উহাই পৃথিবীর মধ্যে সর্বাঙ্গা নিখুঁত সব কু-চিত্র বা Talkie হইবে। কিন্তু ইহা অতি আশ্চর্যের বিষয় যে, উহাতে কোন জী-চরিত্র নাই। দৃশ্য, ঘটনার নাটকীয় ভঙ্গী এবং বাকু-যন্ত্রের স্পষ্টতার প্রতি পরিচালক তীক্ষ্ণ দৃষ্টি রাখিয়াছেন। কারণ, এই শ্রেণীর ছবির মধ্যে ঐরূপ জগী প্রায়ই দেখা যায়। চিত্রের দিক্ দিয়া যত রকম কোণল দেখান যাইতে পারে, তাহা ইহাঙ্গ মধ্যে দেখান হইয়াছে। শেষ দৃশ্যে কুয়াশার মধ্য দিয়া যে ছবি তোলা হইয়াছে তাহার তুলনা না কি চিত্র-জগতে বিরল।

ওয়ালেসের পদোন্নতি

ইংলণ্ডের কৃষী কথাশিল্পী এডগার ওয়ালেস (Edgar Wallace) সম্প্রতি পারলিয়ামেন্টের সভ্য মনোনীত হইয়াছেন। তাঁহার এই পদোন্নতিতে তাঁহার স্বদেশীয় সাহিত্য রসিকগণের মধ্যে বহু আলোচনা চলিতেছে। কেহ কেহ পারলিয়ামেন্টে তাঁহার Labour Partyর মপক্ষে ভবিষ্যৎ বক্তৃতা শুনিবার জন্য উদগ্রীব হইয়া

রহিয়াছেন। এমন কি ঐ দেশের সংবাদপত্রে এ বিষয়ে একটি প্রবন্ধও প্রকাশিত হইয়াছে। ঐ প্রবন্ধের লেখক ওয়ালেসের সাহিত্য-প্রতিভার সহিত রাজনৈতিক-প্রতিভার সমন্বয়কে শুভসূচনা বলিয়া ভবিষ্যদ্বাণী করিয়াছেন। তিনি মানস চক্ষে দেখিয়াছেন, যেন তিনি পারলিয়ামেন্টের বক্তৃতা কালে বিশ্রাম-সময়টিতে বসিয়া Orber Book এর পশ্চাত্তাগে তাঁহার উপস্থানের চরিত্র চিত্রণ করিতেছেন—কখন বা কোন অখ্যাত বক্তার বক্তৃতা সময়ে নিবিষ্ট মনে কোন নাটকের দৃশ্যের পরিকল্পনা করিতেছেন ইত্যাদি। ওয়ালেসের পারলিয়ামেন্টের নীরস অভিজ্ঞতা যে তাঁহার ভবিষ্যৎ গল্প উপস্থানে নব নব রসধারায় প্রবাহিত হইবে না তাহাই বা কে বলিতে পারে?

ডাঃ রমণের আবিষ্কার

Nature নামক ইংরাজী পত্রিকায় Dr. A. C. Menzies নামক এক ব্যক্তি ডাঃ রমণের এক আবিষ্কার সম্বন্ধে প্রবন্ধ লিখিয়াছেন। এই প্রবন্ধ পাঠ করিয়া আমরা জানিতে পারি যে, আজ দুই বৎসর কাল ইহা আবিষ্কৃত হইয়াছে এবং ইহার আবিষ্কার পদার্থ-বিজ্ঞা ও রসায়ন-বিজ্ঞায় এক যুগান্তর আনয়ন করিয়াছে। এই আবিষ্কারের নাম "Raman Effect" এবং ইহা অনু-পরমাণুর (Atoms and molecules) রাসায়নিক মিশ্রণের সহিত জড়িত। বহু পদার্থ বিজ্ঞাবিদ পণ্ডিতের নিকট এই আবিষ্কারের কথা বিদিত এবং তাঁহারা ইহারই উপর ভিত্তি করিয়া বহুবিধ গবেষণায় অগ্রসর হইয়াছেন। ডাঃ রমণ যদি ইহা আবিষ্কার না করিতেন, তাহা হইলে বিজ্ঞান-জগতের ইতিহাসের একটা অধ্যায় অসমাপ্ত থাকিয়া যাইত। আমরা এই ভারতীয় বৈজ্ঞানিকের দীর্ঘজীবন কামনা করি।

ডিউরিয়াম

নিউইয়র্কের কলম্বিয়া বিশ্ববিদ্যালয়ের অধ্যাপক Dr. Beans এক প্রকার পদার্থ আবিষ্কার করিয়াছেন। ইহার

নাম Metal Durium. তিনি তাঁহার পরীক্ষাগারে বসিয়া নূতন এক প্রকারের ফনোগ্রাফ, রেকর্ড তৈয়ারী করিবার চেষ্টা করিতেছিলেন এবং সেই সময় অপ্রত্যাশিত-ভাবে ইহার সৃষ্টি করিয়া ফেলেন। ইহা Resinএর জায় এক প্রকার পদার্থ—বহু চেষ্টাতেও ভাবিয়া ফেলা যায় না। বোধ হয় ভবিষ্যতে Talkie-disc তৈয়ারী করিবার জন্ত ইহা ব্যবহৃত হইবে।

কুকুরের স্নানাগার

ফ্রান্সে বা পাশ্চাত্য দেশে অত্যন্ত Turkish Bath বা মানুষদিগের জন্ত স্নানাগার প্রতিষ্ঠিত আছে। কিন্তু হঠাৎ এক নূতন খবর শোনা গিয়াছে। Londonএ Beauchamp-place নামক স্থানে কুকুরদের জন্ত একটা স্নানাগার স্থাপিত হইয়াছে। ইহার পৃষ্ঠপোষক হইয়াছেন স্বয়ং যুবরাজ। বহু চিত্রকর এই অভিনব স্নানাগারের দেওয়ালে ছবি আঁকিতে নিযুক্ত হইয়াছেন। কুকুরের মালিক দিগের জন্তও যথেষ্ট সুবন্দোবস্ত করা হইতেছে।


সর্বাপেক্ষা শক্তিশালী এঞ্জিন

Glasgowর North British Locomotive Coy একটা এঞ্জিন তৈয়ারী করিয়াছেন এবং ইহাই পৃথিবীর মধ্যে সর্বাপেক্ষা শক্তিশালী এঞ্জিন। ইহার নাম হইয়াছে "Fury"। ইহার বৈশিষ্ট্য হইতেছে এই যে, অপর এঞ্জিন অপেক্ষা আরও অধিক দূর পরিভ্রমণ করিবার পরও ইহার মধ্যস্থিত বাষ্প নিঃশেষ হইয়া যায় না। ইহার মধ্যে তিনটা বয়লার আছে এবং তাহা হইতে অতিরিক্ত পরিমাণে বাষ্প নির্গত হইয়া থাকে। বহু দূরদেশে যাইবার জন্ত ইহা ব্যবহৃত হইবে। ইহার এক দিন শক্তি পরীক্ষা হইতেছিল; সেই সময় হঠাৎ মধ্যস্থিত একটা নল ফাটিয়া যায়। তাহাতে চালক ও আর এক

ব্যক্তি নিহত হইয়াছে। শীঘ্রই পুনরায় ইহার শক্তি পরীক্ষা করা হইবে।

ডাঃ ডেম্পস্টারের গবেষণা

"American Association for the Advancement of Science", চিকাগো বিশ্ববিদ্যালয়ের অধীনস্থ "Ryerson Physical Laboratory"র অধ্যক্ষ Dr. A. J. Dempsterকে তাঁহার পদার্থবিজ্ঞান নূতন গবেষণার জন্ত এক সহস্র ডলার পুরস্কার প্রদান করিয়াছেন। এই গবেষণায় ডাঃ ডেম্পস্টার 'প্রোটন'র যে কম্পন-শক্তি (wave characteristics) আছে তাহা প্রমাণ করিবার জন্ত সচেষ্ট হইয়াছেন। ঐ বিজ্ঞানাগারের অপর একজন অধ্যাপক নোবেল পুরস্কার-প্রাপ্ত Arthur H. Compton, বলিয়াছেন যে প্রোটন-বিষয়ক গবেষণা। বিংশ শতাব্দীর পদার্থবিজ্ঞানের সর্বাপেক্ষা মূল্যবান গবেষণা, কারণ সমস্ত জড়জগৎকে যে তিনটা ক্ষুদ্রাদপি ক্ষুদ্র পরমাণুতে বিভক্ত করিতে পারা যায় তাহা হইতেছে Protons, Electrons, এবং Photons. ডাঃ ডেম্পস্টারের গবেষণা হইতে আমরা আরও জানিতে পারি যে প্রত্যেক পরমাণুর মধ্যে কম্পন-শক্তি (wave characteristics) বর্তমান। কিছুদিন পূর্বে ফরাসী বৈজ্ঞানিক Broglie তাঁহার এক প্রবন্ধে এই বিষয়ের ইঙ্গিত করিয়াছিলেন—আজ জড়ের মধ্যে যে সত্য প্রচ্ছন্ন ছিল ডাঃ ডেম্পস্টার তাঁহার গবেষণায় যন্ত্রের ভিতর দিয়া তাহা জগতের সমক্ষে প্রচার করিলেন। "Bell's Telephone Laboratory"র কয়েক জন বৈজ্ঞানিক এই বিষয়ে পরীক্ষা করিয়া একই সিদ্ধান্তে উপনীত হইয়াছেন। ডাঃ ডেম্পস্টারের এই আবিষ্কারে পদার্থ-বিজ্ঞানে যে এক নব-যুগের সূত্রপাত হইবে তাহাতে সন্দেহ নাই।



তৃতীয় বর্ষ }

জ্যৈষ্ঠ, ১৩৩৭

{ দ্বিতীয় সংখ্যা



জাগ্রত ভারত

[অধ্যাপক শ্রীপ্যারীমোহন সেনগুপ্ত]

আজি গুর্জর করে গর্জন—সিংহের হুকার,—
 কাঁপে হিমালয়, কাঁপে সমুদ্র, কুমারিকা, গান্ধার ।
 কাঁপে মাদ্রাজ, কাঁপিছে সিন্ধু, পঞ্জাব, উৎকল,
 কাঁপিছে বঙ্গ, বেহার, অন্ধ্র, বোম্বাই ও কেরল ।
 মাতে ভাগীরথী, যমুনা, পদ্মা, রাবী ও ব্রহ্মনদ,
 মাতে নর্মদা, কৃষ্ণা, কাবেরী,—কে করে সে গতি রদ ?
 জাগে রাজপুত, জাগিয়াছে শিখ, মরাঠা, মুসলমান ;
 জেগেছে বাঙ্গালী, ওড়িয়া, বেহারী, অন্ধ্রী, মন্তপ্রাণ !
 জাগে মাদ্রাজী, সিন্ধী ও জাঠা—সীমাহীন আগরণ !
 স্তম্ভ ভারত-আত্মার এ কি স্তম্ভির বিদারণ ?
 গরুড় আজি কি অধীর কাতর অমৃতের পিপাসায় ?
 মথিয়া আকাশ ছুটিবে সে কি রে পুরিবারে দুরাণায় ?

কে ঘোবে পাঞ্চজন্ম আজি রে, কে কলির হ্রস্বকেশ ?
 রথ কোথা তার ? কোথা অর্জুন, যোদ্ধা শত্রুবেশ ?
 গন্ধী গন্ধী হ্রস্বকেশ দেখ, শত্রু অহিংসার,
 কোটা অর্জুন ভারত জুড়িয়া জেগেছে দুর্নিবার ।
 নাহিক শত্রু, অস্ত্র ও তুণ, ধৈর্য্য আশ্রয়ল,
 দুঃখ-সহন বীর্য্য, দুঃখবিজয়ী চিন্ততল,
 অস্ত্র-আঘাত দেহে লতে পারে, ব্যথায় নিৰ্ব্বিকার,
 প্রহার সহিয়া করে নিফল প্রহারের অনাচার ।
 হেন দুর্জয় কোটা অর্জুন অস্ত্রবিহীন যোধ
 নেমেছে আহবে, অস্ত্র কেবল নিৰ্ব্বাক্ প্রতিরোধ ।
 ধূলি-লুণ্ঠিত নত কলেবরে বহে গুরু ক্লেশভার,
 নিৰ্ব্বাক্ সহে সত্য্যগ্রহী সকল অত্যাচার ।
 দেশে দেশে আর গ্রামে গ্রামে আজ কোটা দৃঢ়চেতা নর
 মৃত্যুরে চায়, তবু নাহি চাহে ঘোর অশ্রায় কর ।
 ধায় ব্যবসায়ী, ছাত্র, উকিল, বৃদ্ধ, যুবক আজ,
 ভারত-বনিতা মুক্তি-অধীর, বলে ওই—সাজ সাজ ।
 এ কি এ প্লাবন, এ কি রে বন্যা, এ কি এ প্রেমোচ্ছ্বাস !
 এ বিলাবার তরে এ কি আজ উদ্দাম উল্লাস,
 রোধি' অশ্রায় শ্রায় বিধানিতে এ কি আশা দুর্জয় !
 আজি দুর্ব্বল করে নির্ভয়ে প্রবলীরে পরাজয় !
 দুঃখ দহনে দন্ধ পরাণ ধরে পবিত্র রূপ,
 হিংসা-ক্রোধের ছায়া নাহি সেখা, সে যে মৈত্রীর কূপ,
 মৈত্রী-ধারায় নিষ্ণাত মন দুষ্টেরে ভালবাসে,
 দুঃখ সহিয়া জিনিছে দুঃখ, নির্ভয়ে জিনে ত্রাসে ।
 এ কি বুদ্ধের অক্রোধ এল, ঋষ্টের খাঁটি প্রেম ?
 এ কি নিমাইর প্রেমের নৃত্য, জগাই-বিজয়ী ক্ষেম ?

* * *

এসেছে এসেছে মৈত্রীপ্লাবন, আশ্রায় মহাজয়,
 দূরে গেছে আজ মৃত্যুর ভয়, লোকভয়, রাজভয় ।
 দুর্জয় হ'তে পাঞ্চজন্ম তোলে: আজি নির্ঘোষ,
 সত্য্যগ্রহ-বিষাণে বিগত আজি শত আকশোষ ।

বিজিত দলিত ক্রিষ্ট দেশের বন্ধে এ কোন্ প্রাণ
 জাগিল শঙ্কাবিহীন, মূর্ত আত্মার অভিমান !
 অভিনব এই কৃষ্ণ মহান্ গীতা রচে রণ-মাঝে,
 সমর-চাতুরী নাহি এর, বলে সব কথা অরি-কাছে ।
 পদবিক্ষেপে ভারতের মাটি নড়িয়া কাঁপিয়া উঠে,
 বাক্যকণায় কত শতকের নিদ্রা আপনি টুটে ।
 কাহার বাণীর অগ্নির শিখা ভারতে আগুন জ্বালে ?
 উৎসুক চোখে জগৎ তাকায় কার পবিত্র ভালে ?
 বাক্য কাহার ধ্বনিছে ছাপিয়া কামানের গর্জন ?
 হিংসাক্রিষ্ট জগৎ মানসে করে কারে অর্চন ?
 কৌপীনধারী কোন্ সে যোগীর পদতলে ধনী ছুটে ?
 গর্ববিহীন কাহার চরণনিম্নে গব্বী লুটে ?
 কাহার বিশাল উদার চিন্তে নাহি কোন ভেদ নাই,
 দ্বিজ-চণ্ডাল, ধনী-নির্ধন মিলিয়াছে এক ঠাই ?
 হিংসা, চাতুরী, মারণ, দস্ত, অস্ত্রে জর্জরিত
 জগতের চিত খুঁজিত যে সুধা সূচির-আকাঙ্ক্ষিত,
 সেই সুধা আজ করে অবিরাম, সে সুধার নিব্বরি
 গন্ধী দাঁড়ায়, জ্বগৎ জুড়ায় পিপাসায় জর্জর ।
 পরপদতলে অপমানে দুখে আঁধারে অবজ্রায়
 পোষিল সত্যধর্ম ভারত যুগ-যুগ বেদনায় ,
 আজি সে সত্য হয়েছে মূর্ত, অতীতের তপোবন
 গুহা হ'তে আজ জাগিয়াছে যেন উদ্দাম উজ্জ্বল ।
 বিজিত ভারত, মুক্ত ভারত, লাক্ষিত, ক্রেশনত,
 বিজেতারে বলে—তোমার প্রতাপ-গর্ব করিব গত ।
 মিথ্যা দস্ত, সমর-সজ্জা, অস্ত্রের কৌশল,
 আত্মার বলে অস্ত্রে কামানে করি' দিব নিফল ।
 পেয়েছি সত্য, পেয়েছি ধর্ম, প্রেমে মোর অভিযান,
 দলনে এ দেহ হউক চূর্ণ, না লব কাহারো প্রাণ ।
 আহব এ নয়, প্রেমের যজ্ঞ, আত্মার আরাধন,
 নব দীক্ষায় হবে মানবের অভিনব জাগরণ ।

পরেশনাথ

(ভ্রমণ-কাহিনী)

[শ্রীচারুচন্দ্র মিত্র]

নির্গম্মদের পূজারীর সুযোগ ও সুবিধার অভাবে এতদিন পরেশনাথ পাহাড় দেখা হয় নাই। যখনই কোন বন্ধু-বান্ধবের মুখে পরেশনাথের সুখমার কথা শুনিয়াছি, তখনই হৃদয়ে একটা অদম্য বাসনা জন্মিয়াছে; কিন্তু সে বাসনার তৃপ্তি-বিধান করিতে পারি নাই। পাহাড় দেখার উপর আমার যে একটা অতিরিক্ত মাত্রায় আসক্তি আছে এ কথা অনেকবার বলিয়াছি। একবার দলমা-পাহাড়ের ভ্রমণ-বৃত্তান্ত লিখিতে দুই একটা কারণও বলিয়াছিলাম :—‘বাল্যকালের সমস্তল ক্ষেত্রে জন্মেছি। মাটির টিপি দেখে ছেলেবেলা থেকে পাহাড়ের কল্পনা করে অনেকটা আনন্দ পেতাম; কিন্তু পাহাড় দেখবার ইচ্ছাটা ছেলেবেলা থেকে খুবই বেশী ছিল। ১৮ বছর বয়সের সময় মুন্সের-জামালপুরের পাহাড় প্রথম দেখে ভূগোলের ধারণা কতক যাচাই করি; তারপর পাহাড় অনেক দেখেছি কিন্তু বাল্যকালের সে ইচ্ছাটা প্রোঢ়ে কিছুমাত্র কমেনি। প্রকৃতির ভীম-ভয়াল দৃশ্য দেখতে ভালবাসি যে কেন, তা ঠিক করে বলতে পারি না; বোধ হয় এটা স্রষ্টার কল্পনার বিশালত্বের পরিচয় কতকটা এখানে উপলব্ধি করতে পারি বলে ভালবাসি। আর একটা কারণ-বোধ হয় ‘আমি’র স্মৃতি ওখামে বেশ বোকা যায়।’ ১৯০৬ সাল হইতে প্রায় প্রতি বৎসরই আমি একবার না একবার ঘানশ আদি-জ্যোতির্বিদের অন্ততম লিঙ্গরাজ বৈষ্ণনাথকে দেখিতে বৈষ্ণনাথধামে গিয়া থাকি এবং পরেশনাথ-বাত্রীর সঙ্গী-সংগ্রহের চেষ্টা করি। পথের হুর্দমতা ও যানবাহনাদির অসুবিধার জন্য কখনই সঙ্গী জুটাইতে পারি নাই। পরে ১৯২৬ সালে যখন আমার পরম সুস্থ ডাক্তার ভূপেন্দ্রনাথ গুপ্তর সঙ্গলবলে পরেশনাথ দেখিয়া আসিয়া বলিলেন, ‘এর পরে আর পরেশনাথ পাহাড়ে ওঠা সম্ভবপর হবে না—পকাশের কোঠার বন্ধন বয়েস পড়বে, তখন আর নিজের পায়ে

ভর করে ওঠা চলবে না—ডুলিতে চড়ে উঠতে হ’বে।’ উত্তরে বলেছিলাম ‘জাত-বেহারার কাঁধে চড়ার দিন ছাড়া মানুষের কাঁধে বোধ হয় চড়তে হবে না; আর এমন দৃশ্য যদি আমার অদৃষ্টে ঘটে তা হ’লে তার চেয়ে শৌচনীয় দৃশ্য আমার ও আমার বন্ধু-বান্ধবদের দেখতে কষ্টকর হবে?’ কথাটির ভিতর যে একটু আত্মাভিমানের আমেজ নাই, তাহা অস্বীকার করি না—কারণ পদব্রজে চলিতে পারার অহঙ্কার আমার একটু ছিল। তাহার পর দুই বৎসর কাটিতে চলিল—দেখার সুবিধা ঘটিয়া উঠিল না। যাহা হউক ১৯২৮ সালের শীতকালে আমার পরম ক্ষেমকর আলিপুরের নবীন উকীল শ্রীমান্ সত্যনারায়ণ দাস বাবাজীখন সপরিবারে গিরিডি যাত্রা করে। শ্রীমান্ আমার অগ্রজ-প্রতিম আলিপুরের প্রসিদ্ধ উকিল, এক্ষণে স্বর্গগত রাসবিহারী দাস মহাশয়ের পুত্র। বাবাজী আমাকে বড়দিনের ছুটিতে তাহার আতিথ্য গ্রহণ করিতে অনুরোধ করে, আমি এক সপ্তে স্বীকার করি যদি তোমার পুত্রের কল্যাণে আমাকে পরেশনাথ পাহাড় দেখাতে পার, তবে যেতে পারি, তাহা না হ’লে গিরিডির উপর আমার এমন কোন মোহ বা আকর্ষণ নেই যার জন্য বহুবার দেখা স্থানে আবার যাব—অবশ্য এখানকার উল্লী-প্রপাতের দৃশ্য খুবই সুন্দর। আর কয়লার ধনির ভিতরটা একবার দেখবার ইচ্ছাও আছে।’ বাবাজী সোৎসাহে বলিল, ‘তার আর কি কাকাবাবু বেশ সে সময় আমার কয়েকজন বন্ধু যাবে বলেছে—আর আজ কাল মধুধন পর্য্যন্ত মোটর যায়। নিশ্চয়ই যাব।’ শুনিয়া পুলক-শিহরণ হইল, অনেকদিনের আশা মিটিবার ক্ষীণ-রেখা মানস-চক্রে দেখিতে পাইলাম। যুবকের উৎসাহে এ বৃদ্ধের হৃদয়ে উৎসাহের সঞ্চার হইল।

কথামত ১৯২৮ সালের ২৫শে ডিসেম্বর প্রাতঃকালে

আমি সত্যনারায়ণের গিরিডির বাসায় উপস্থিত হই, তখন বাবাজী ও তাহার কলিকাতার তিন জন বন্ধু ও স্থানীয় দুই জন বন্ধু উদ্ভী-প্রপাত দেখিতে যাইতেছেন—বাড়ীর সম্মুখে মোটরে কয়েকজন বসিয়া রহিয়াছেন। খুলা-পায়ে আমি তাহাদের সঙ্গী না হইয়া অত্রস্থ অত্র-খনির মালিক পুরুষপুঙ্কব শ্রীযুক্ত শরৎচন্দ্র ঘোষ মহাশয়ের প্রধান কর্মচারী শ্রীযুক্ত সরোজনাথ ঘোষাল মহাশয়ের সহিত পরেশনাথ-যাত্রার আলোচনা করিতে লাগিলাম। এই অমায়িক ব্রাহ্মণ যুবকের প্রাণে জৈন-তীর্থ দেখিবার বাসনা জাগাইয়া তুলিবার চেষ্টা করিতে বিশেষ কষ্ট পাইতে হয় নাই; পুঁথি-পড়া বিছার বলে যখন তাঁহাকে বলিলাম, ২৪জন জৈন-তীর্থঙ্করের মধ্যে বিশ জন তীর্থঙ্করের সাধনক্ষেত্র—অহিংস-মন্ত্রের ও জীব-প্রীতির প্রচারক দিগের অধুষিত পুত স্থান আপনি ১৫।১৬ বৎসর এখানে থাকিয়াও দেখেন নাই এটা বড় আশ্চর্যের কথা, এ স্থান দেখা হিন্দুদের অবশ্য কর্তব্য। অবশ্য পরেশনাথ ও মহাবীর শেখ দুই তীর্থঙ্কর ঐতিহাসিক ব্যক্তি। তাঁহারা আজ হইতে ২৫০০ বৎসর পূর্বে এখানে সিদ্ধিলাভ করিয়া গিয়াছেন—নির্কামের অধিকারী হইয়াছেন। ইহাদের পূর্বগামী তীর্থঙ্করদিগের কথা তো ছাড়িয়া দিন—তাঁহারা আরও কত পূর্বের লোক। এই একত্রিশ বৎসর বয়স্ক যুবকের প্রাণে স্থান-মাহাত্ম্যের সুস্পষ্ট ধারণা যে একটা জন্মাইয়া দিতে পারিয়াছিলাম তাহা তাঁহার মুখ-চোখের ভঙ্গীতে বেশ বুঝিতে পারিলাম। তিনি আমাকে হস্তমুখ-প্রক্ষালনাদি করিবার জন্য তাহার বাসায় লইয়া গেলেন ও স্বয়ং শরৎবাবুর ভগিনীপতি শ্রীযুক্ত অকুলচন্দ্র সিংহ মহাশয়ের সহিত পরামর্শ করিতে ছুটিলেন। ইনি আমার অপেক্ষা বয়সে দুই বছরের ছোট—ইহারা উত্তররাষ্ট্রীয় কায়স্থ। আজ কয়েক বৎসর পত্নী-বিয়োগ হওয়ায় ছোট কন্যাটিকে লইয়া বাড়ীতেই সর্বদা থাকেন। এই কয় জনের বাড়ীই কাছাকাছি—এক হাতার ভিতর। তাঁহার সহিত আলাপ-পরিচয় হইল, তিনিও বছরদিন এখানে বাস করিতেছেন, কিন্তু কখনও পরেশনাথ দেখিতে যান নাই। তিনিও আমাদের সঙ্গী হইতে চান—আরও তিনি বলিলেন, যে জায়গাটা শুনেছি এমন বন-জঙ্গল ও হিংস্র জন্ততে পূর্ণ যে দলে ভারী না হ'লে চলা উচিত নয়।

এখানকার কয়েকজনকে সঙ্গী করিয়া লইব। 'শুভম্ নীত্রং'—কারণ শুভ কার্যে অনেক ব্যাঘাত ঘটতে পারে তাবিয়া দিন স্থির করিয়া ফেলিলাম, পরদিন প্রাতঃকালেই যাত্রা করা যাইবে—কারণ শাস্ত্রেই আছে "মঙ্গলে উবা বুধে পা, যথা ইচ্ছা তথা যা।" অবশ্য এ শাস্ত্র খনার। বছরদিন ধরিয়া বাঙ্গালী খনার বচনে আস্থা-স্থাপন করিয়া আসিতেছে। সন্ধ্যার সময় জানিলাম যাত্রী-সংখ্যা ১০-১১ জন হইবে। তখনই কর্মবীর সরোজবাবু ২খানা ট্যাক্সি ঠিক করিয়া ফেলিলেন—যাত্রার সময় অবধারিত হইল ভোর ছটা।

যাত্রার সময় দেখিলাম আমরা ১৪ জন হইয়াছি। ২খানা ট্যাক্সিতে স্থানান্তার—কিন্তু কি করা যায় তিনজন বাসককে তো বাদ দেওয়া যায় না—তাহাদের উৎসাহ-প্রবণ জীবনে বড় পাহাড় দেখার আশার মূলে কুঠারাঘাত তো করিতে পারি না—তারণ গভীর জঙ্গল ও বৃহৎ পাহাড় দেখার যে আনন্দ, সে আনন্দ—সে প্রকৃতির সুখমা দেখিবার সৌভাগ্য হইতে তাহাদিগকে বঞ্চিত করিতে পারি না; তবু একবার চেষ্টা করিয়া দেখিলাম, তাহারা ক্ষুণ্ণ হইল। অগত্যা স্থির করিলাম ২০ মাইল তো পথ আমরা 'সুজন' হইয়াই যাইব। এই তিন জনের দুই জন হইতেছে সত্যনারায়ণের শালক শ্রীমান্ প্রফুল্ল রায় (১৯ বছর) ও শ্রীমান্ দেবেন পাইক (১৮) ও অল্প জন শরৎবাবুর আত্মীয় শ্রীযুক্ত জগদীশচন্দ্র চৌধুরীর (৩৫) কনিষ্ঠ ভ্রাতা শ্রীমান্ ভূপেশচন্দ্র (১৯)।

যুবকদিগের তো কথাই নাই, তাহারা ই ত আমাদিগের সহায়, সম্বল-পথ-প্রদর্শক। এই দলে সত্যনারায়ণ (৩১), ও তাহার খিদিরপুরের তিনজন বন্ধু সত্যচরণ সরকার (৩১) যুগলকিশোর সাহা (৩৪) এবং প্রমথনাথ মণ্ডল, (৩৪) এবং জগদীশবাবুর অল্প ভ্রাতা নরেশচন্দ্র (২৬) ও কর্মবীর সরোজবাবু। কাজেই রহিলাম বুড়ার দলে আমরা তিন জন—খিদিরপুরের হোলিয়ারির মালিক শ্রীযুক্ত অমূল্যচরণ দাস (৫৭), অকুলচন্দ্র সিংহ (৪৯) ও শর্মা (৫১) কিন্তু 'শর্মা' তো বাদ যাইতে পারেন না। কারণ এক্ষেত্রে শর্মাই যে প্রস্তাব-কর্তা। ইংরেজের আদর্শে কোন কমিটি গঠিত করিতে হইলে ইংরেজের প্রথা অনুসারে প্রস্তাব-কর্তার সেই কমিটিতে একটা স্থান থাকেই

—এই নজীরেও যে আমার একটা স্থান আছে সেটা সকলেই গ্রহণ করিলেন। অমূল্যবাবুর শরীরটা ভাল নয় বলিয়া কেহ কেহ তাহাকে থাকিতে বলিলেন, কিন্তু আমি বলিলাম, বুড়র দল আমাদের গুণা দিন যে কবে ফুরাইবে, তার কিছু স্থিরতা নাই, আমাদের শরীরে সামর্থ্যও কমিয়া আসিতেছে, সুতরাং আমাদের ভাগ্যে এ সুযোগ আর ঘটয়া উঠিবে না—অধিকন্তু একজন তো বোঝার উপর শাকের আঁটা; সকলেরই স্থান সংকুলান হইবে। সকলেই স্বস্থির নিঃশ্বাস ছাড়িয়া ভগবানের নাম করিয়া বেলা ৬টা ১৫ মিনিটের সময় যাত্রা করিলাম। বলিতে ভুলিয়া গিয়াছি, সরোজ বাবু তাঁহার চাকর সুকিয়াকেও সঙ্গে লইলেন। সে দিম পূর্ণিমা। সমস্ত দিন থাকিতে হইবে বলিয়া রসদ পূর্ব হইতে সংগৃহীত হইয়াছিল। আমার ও সরোজবাবুর 'পূর্ণিমা' বলিয়া ফলমুলাদিও লওয়া হইয়াছিল।

জৈনদিগের এই পবিত্র তীর্থ ছোটনাগপুরের হাজারি-বাগ জেলায় ২৩ ডিগ্রী ৫৮' উত্তর নিরক্ষরস্থ (latitude) ও ৮৬ ডিগ্রী ৮' পূর্ব দ্রাঘিমাংশ (longitude) পরেশনাথ পর্বতের উপর অবস্থিত। এই পর্বতের প্রাচীন নাম সম্ভবত শেখর অর্থাৎ সংযুক্ত পার্বত্য শিখর। ২৩শ তীর্থঙ্কর পার্শ্বনাথের নামানুসারে ইহার নাম হইয়াছে পরেশনাথ পাহাড়। তিনটির মধ্যবর্তী পাহাড়ের উপরই পার্শ্বনাথের মন্দির। এখানে অত্যন্ত অনেকগুলি অসমতল ছোট ছোট পর্বত চূড়া আছে। তাহাদের উপর অত্যন্ত তীর্থঙ্করদিগের ছোট ছোট মন্দির। এগুলি তাঁহাদের সাধন-ক্ষেত্র ছিল। সমগ্র পর্বতটী দেখিতে অর্ধ চন্দ্রাকারের মত সুন্দর ও ছোট ছোট পর্বত চূড়ার মধ্যে হঠাৎ বৃহত্তর চূড়াটি সমুদ্রতল হইতে ৪৪৮০ ফুট উচ্চ হইয়াছে।

এ যুগের যে বিশ জন জৈন তীর্থঙ্কর এই তীর্থে সাধনা করিয়া মোক্ষলাভ করিয়াছেন, সাধারণের জ্ঞাতার্থে তাঁহাদের সংক্ষিপ্ত পরিচয় একটু দিতেছি। বৌদ্ধদিগের জায় জৈনরাও সাধু ব্যক্তিদিগকে দৈবের জায় পূজা করিয়া থাকেন (deified saint)। সাধন বলেই মানুষ দেবত্বলাভ করেন ইহাই জৈনদিগের বিশ্বাস।

দ্বিতীয় তীর্থঙ্কর অজিতনাথ সূর্য্যবংশের রাজা জিতশত্রু ও রাণী বিজয়ার পুত্র। অযোধ্যায় জন্মগ্রহণ করিয়া

সেই খানেই দীক্ষালাভ করিয়াছিলেন। দীক্ষান্তে এই সমেত শিখরে সাধনা করিয়া নির্বাণ প্রাপ্ত হন। ইহার বর্ণ স্বর্ণাভ ও বাহন ছিল হস্তী।

৩য় তীর্থঙ্কর সম্ভবনাথের বর্ণ ছিল স্বর্ণাভ ও বাহন ছিল অশ্ব। ইনি সূর্য্যবংশীয় রাজা জিতারি ও রাণী সেনার গর্ভে শ্রাবস্তী নগরে জন্মগ্রহণ করেন।

৪র্থ তীর্থঙ্কর অভিনন্দনের বর্ণ স্বর্ণাভ ছিল ও বাহন ছিল কপিল।

৫ম তীর্থঙ্কর সুমতিনাথের বর্ণ ছিল হরিদ্রাবর্ণ, বাহন ছিল ক্রৌঞ্চ। ইনিও সূর্য্যবংশীয় রাজা সম্বর ও রাণী সিদ্ধার্থার পুত্র। অযোধ্যায় জন্মগ্রহণ করেন। দিগম্বর-মতাবলম্বদিগের মতে ইহার বাহন ছিল চক্রবাক। ইনিও রাজা মেঘ ও রাণী মঙ্গলার পুত্র। অযোধ্যায় জন্ম গ্রহণ করেন।

৬ষ্ঠ তীর্থঙ্কর পদ্মপ্রভের বর্ণ ছিল রক্তাভ ও পদ্ম ছিল ইহার প্রতীক। ইনি সূর্য্যবংশীয় রাজা শ্রীধর ও সূসীমার পুত্র। কোথায়ই জন্মগ্রহণ করেন।

৭ম তীর্থঙ্কর সুপার্বনাথ সূর্য্যবংশীয় রাজা প্রতিষ্ঠা ও রাণী পৃথিবীর পুত্র। বারাণসী ধামে জন্মগ্রহণ করেন। খেতাধরদিগের মতে ইহার বর্ণ ছিল স্বর্ণাভ এবং দিগম্বর দিগের মতে ছিল সবুজ বর্ণ। স্বস্তিক ইহার প্রতীক।

৮ম তীর্থঙ্কর ছিলেন চন্দ্রপ্রভ। ইনিও সূর্য্যবংশীয় রাজা মহাসেন ও রাণী লক্ষ্মণের পুত্র ছিলেন। চন্দ্রপুরায় ইনি জন্মগ্রহণ করেন। ইহার বর্ণ ছিল শ্বেত। চন্দ্র ছিল ইহার প্রতীক।

৯ম তীর্থঙ্কর সুবিধানাথ ইক্ষাকু বংশের রাজা সুগ্রীব ও রাণী রমার পুত্র। কাশ্মীরে ইনি জন্মগ্রহণ করেন। ইহার বর্ণ ছিল শ্বেত, বাহন ছিল মকর। ইনি পুঙ্গদন্ত নামেও অভিহিত হইয়া থাকেন।

১০ম তীর্থঙ্কর সূর্য্যবংশীয় শীতলানাথ ও রাজা দ্বিত্ব ও রাণী সুনন্দার পুত্র। ইহার বর্ণ ছিল স্বর্ণাভ ও প্রতীক ছিল শ্রীবৎস মূর্ত্তি। দিগম্বরদিগের মতে কল্পবৃক্ষ ছিল ইহার প্রতীক।

১১শ তীর্থঙ্কর শ্রেয়াংসনাথও সূর্য্যবংশীয় রাজা বিষ্ণু ও রাণী বিষ্ণার পুত্র। বারাণসীর নিকটবর্তী সিংহপুরে

জন্মগ্রহণ করেন। ইহার বর্ণ ছিল স্বর্ণাভ, বাহন ছিল গণ্ডার। দিগম্বরদিগের মতে গরুড়।

১৩শ তীর্থঙ্কর বিমলনাথ ছিলেন সূর্য্যবংশীয় রাজা কৃতবর্মা ও রাণী শ্রামার পুত্র। কম্পিলপুরে ইনি জন্মগ্রহণ করেন। ইহার বর্ণ ছিল পীতাভ; বাহন ছিল বরাহ।

১৪শ তীর্থঙ্কর অনন্তনাথ ছিলেন সূর্য্যবংশীয় রাজা সিংহসেন ও রাণী সুষমের পুত্র। ইহারও বর্ণ ছিল স্বর্ণাভ, বাহন ছিল শ্রেন পক্ষী। দিগম্বর দিগের মতে ছিল ভল্লুক।

১৫শ তীর্থঙ্কর ধর্ম্মনাথ ছিলেন সূর্য্যবংশীয় রাজা ভানু ও রাণী সুলভার পুত্র। অযোধ্যার নিকটবর্তী রত্নপুরীতে ইনি জন্মগ্রহণ করেন। ইহার বর্ণ ছিল স্বর্ণাভ, ও বহু ইহার দণ্ড ছিল।

১৬শ তীর্থঙ্কর ছিলেন শান্তিনাথ। ইনিও ছিলেন ইক্ষাকুবংশীয় রাজকুমার। রাজা বিখসেন ও রাণী অচিরার পুত্র। মিরার্টের নিকট হস্তিনাপুর, যাহার অল্প নাম গজপুর হইতেছে সেই স্থানে ইনি জন্মগ্রহণ করেন। ইহার বর্ণ ছিল পীতাভ ও বাহন ছিল মৃগ।

১৭দশ তীর্থঙ্কর ছিলেন কুশনাথ। ইনিও ইক্ষাকুবংশীয় রাজা সুর ও রাণী স্রীর পুত্র। ইনি হস্তিনাপুরে জন্মগ্রহণ করেন। ইহার বর্ণ ছিল হরিদ্রাভ ও বাহন ছিল ছাগল।

১৮দশ তীর্থঙ্কর অর্হনাথ সূর্য্যবংশীয় সুদর্শন ও রাণী দেবীর পুত্র। ইনিও হস্তিনাপুরে জন্মগ্রহণ করেন। ইহার বর্ণ ছিল স্বর্ণাভ ও প্রতীক ছিল নট্যাবর্ত; দিগম্বরদিগের মতে ইহার বাহন ছিল মীন। হিন্দুদিগের ভগবানের অবতার পরশুরাম ইহার সমসাময়িক।

১৯শ তীর্থঙ্কর ছিলেন মল্লিনাথ। ইনিও ইক্ষাকুবংশীয় রাজা কুস্ত ও রাণী প্রভাবতীর কন্যা ছিলেন। দিগম্বরীরা স্রীলোকের মোক্ষলাভ সম্ভবপর নয় বলিয়া থাকেন, একারণ তাঁহাদের মতে মল্লিনাথ পুত্র ছিলেন তিনি মথুরায় জন্মগ্রহণ করেন। ইহার বর্ণ ছিল নীলবর্ণ দণ্ড ছিল কুস্ত।

২০শ তীর্থঙ্কর ছিলেন মুনি সুরত। রাজগৃহের হরিবংশ-রাজ সুরিত্র ও পদ্মাবতীর পুত্র। ইহার বর্ণ ছিল কৃষ্ণ ও বাহন ছিল কুম্ভ।

২১শ তীর্থঙ্কর নমিনাথ। ইনিও ইক্ষাকুবংশীয় রাজা বজ্র ও রাণী বিপ্রার পুত্র। মথুরায় ইহার জন্ম হয়। বর্ণ হরিদ্রাভ ছিল ও নীলোৎপল ছিল ইহার বাহন।

২৩শ তীর্থঙ্কর পার্শ্বনাথও ইক্ষাকুবংশীয় রাজা অশ্বসেন ও বামাদেবীর গর্ভে জন্মগ্রহণ করেন। খৃষ্টপূর্ব ৮৭৭ সালে বারাণসী ধামে ইনি জন্মগ্রহণ করেন। ইহার বর্ণ ছিল নীল ও বিষধর গোখুরা সর্প ইহার ছত্রধার। শত বৎসর বয়সে ইনি নির্বাণ লাভ করেন।

তাহা হইলেই দেখা যাইতেছে ২৪জন তীর্থঙ্করের ভিতর ২০জন তীর্থঙ্কর এই স্থানে নির্বাণ বা মোক্ষলাভ করিয়াছেন। এইস্থানই তাঁহাদের সাধনার ক্ষেত্র। এইখানে বসিয়াই তাঁহার সংসারের অনিত্যতা বুঝিয়া জন্ম-মৃত্যুর বন্ধন চইতে পরিত্রাণ পাইবার জন্ত সাধনা করিয়া সিদ্ধিলাভ করিয়াছেন তাঁহাদের ভিতর ১৯জন ইক্ষাকুবংশীয় রাজকুমার ও একজন হরিবংশীয় রাজকুমার। ভোগৈশ্বর্য্য ত্যাগ করিয়া যে রাজকুমারেরা সাধারণ মানবের পক্ষে নির্বাণের পথ সুগম করিয়া দিয়া গিয়াছেন তাঁহাদের সাধনক্ষেত্র হিন্দুমাত্রেরই যে ঈর্ষব্য স্থান তাহা আর কাহাকেও কি বলিয়া দিতে হইবে? সৌন্দর্য্যপ্রিয় জৈনরা প্রকৃতির নয়নাভিরাম লীলাক্ষেত্র, গ্রাম ও সভ্যতার কেন্দ্র হইতে দূরবর্তী কল-কোলাহল-শূন্য স্থানে আসিয়া সাধনা করিয়া গিয়াছেন। জৈনদের নির্বাণের সহিত বৌদ্ধ বা বেদান্তবাদীদের নির্বাণের একটু পার্থক্য আছে। পূর্বেই বলিয়াছি ইহাদের মোক্ষ বা নির্বাণ জন্ম ও মৃত্যুর বন্ধন হইতে আত্মার সম্পূর্ণ মুক্তিলাভ। যে সাধনা করিলে সংসারে আর আসিতে হইবে না সেই সাধনা করাই মানুষের অবশ্য কর্তব্য। কেবল জ্ঞান লাভ করা ছাড়া এ নির্বাণের দ্বার কাহারও নিকট উদ্ঘাটিত হয় না। মতি, শ্রুতি, অবধি ও মনঃপরায়—এই চারি প্রকার জ্ঞানলাভ করিয়া তবে ৫ম প্রকার কেবল-জ্ঞান লাভ করিতে পারা যায়। মতি—ইন্দ্রিয়গ্রাম দ্বারা সংসারের জুহুভূতি লাভ; শ্রুতি শাস্ত্রাদি অধ্যয়ন দ্বারা এবং প্রতীক ও চিহ্নাদির ব্যাখ্যানদ্বারা জ্ঞানলাভ। ইন্দ্রিয়-গ্রামের সাহায্য ব্যতিরেকে অন্তস্থানের ঘটনা জানা অবধি দ্বারাই সম্পন্ন হয়। ৪র্থ প্রকারের জ্ঞানদ্বারা অপরের চিন্তা ও ভাবের সহিত সাক্ষাৎ পরিচয় জন্মে। মতি ও শ্রুতির

সাহায্যে সাধারণ জ্ঞানলাভ হয় সত্য, কিন্তু অতীন্দ্রিয় সত্য-দর্শনের জন্য শেবোক্ত তিন প্রকার জ্ঞানের প্রয়োজন ; সুতরাং এগুলি ইন্দ্রিয়গ্রাম সাহায্যে হইতে পারে না । অবধিতে ইন্দ্রিয়ের সাহায্য না লইয়া দেশ কাল, ঘটনা ও দূরস্থ পাত্রের সংবাদাদির সাক্ষাৎ জ্ঞানলাভ হয় সত্য, কিন্তু এ জ্ঞানও সীমাবদ্ধ । এ জ্ঞানের দ্বার দিয়া অপরের অন্তরের অনুভূতির সাক্ষাৎ পরিচয় পাওয়া যায় ; কিন্তু কেবল জ্ঞান দ্বারা ভূত, ভবিষ্যৎ ও বর্তমানের সকলই জানিতে পারা যায়—দৃশ্য ও অদৃশ্য জগতের সমস্তই চাক্ষুষ দেখিতে পাওয়া যায় ; যিনি এই জ্ঞানের অধিকারী তাহাকে 'কেবলিন' বলে । কেবলিনের দেহত্যাগ হইলে তাঁহার আত্মা আলোক-রাজ্যে বা স্বর্গের অভিযুখে উধাও হয় । বিশ্বজগতের উপরিভাগেই এই রাজ্য । এইখানেই কেবলিনের আত্মা উজ্জ্বল আলোকে চিরকাল শান্ত সমাহিত ভাবে বাস করিতে থাকে । কোন বিক্ষোভের কারণ তাঁহাকে উত্যক্ত করিতে পারে না—তাঁহার চিন্তের স্থৈর্য্য নষ্ট করিতে পারে না । ইহাই জৈনদিগের নির্কামের অবস্থা, কর্মের বন্ধন একেবারে ছিন্ন করিতে না পারিলে এ অবস্থায় উপনীত হওয়া সম্ভবপর নয় । এই মুক্তি বৌদ্ধদিগের নির্কামের ত্রায় আত্মার ধ্বংস নয় কিংবা শঙ্করপন্থী বেদান্তবাদীদের পরমাত্মার সহিত আত্মার মিলন বা আত্মার পরমাত্মায় লীন হওয়া নয় ।

বৌদ্ধদিগের কুমার সিদ্ধার্থ সংসার ত্যাগ করিয়া যে ত্যাগের নূতন পথ দেখাইয়াছিলেন তাহা আজ সংসারের এক পঞ্চমাংশ লোক ধর্ম বলিয়া গ্রহণ করিয়াছে, আর এই যুগের প্রায় ২৪ জন রাজকুমার সংসার ত্যাগ করিয়া যে অহিংসা ও জীব-প্ৰীতিধর্মের প্রচার করিয়া গিয়াছেন তাহা ভারতের গণ্ডীর মধ্যেই আবদ্ধ থাকিবার কারণ কি ? ধর্মের কঠোর-সাধন ও প্রচার-ধর্মের প্রতি অনাস্বাই ইহার একমাত্র কারণ বলিয়া অনুমিত হয় ।

তীর্থঙ্করেরা জীবমুক্ত পুরুষ—কর্মের বন্ধন ছিন্ন করিয়া ইহার আলোক-রাজ্যে প্রবেশের অধিকারী হইয়াছেন—ইহার শাস্ত শাস্তি ভোগ করিতেছেন । এই ধর্মের সন্ন্যাসীদিগকে যতি বলা যায় ও ইহাদের কোনরূপ সম্পত্তি নাই । আহারের জন্য ভিক্ষা করিবার সময় কেবলমাত্র ইহার বাসস্থান ত্যাগ করিয়া বাহির হন । তত্ত্বের সকল


সময়েই ইহার অধ্যয়ন ও সাধনার রত থাকিয়া জ্ঞান-লাভের পথে উন্নীত হইবার চেষ্টা করিয়া থাকেন । ছাগ-লোমের পাখার বাতাসে সন্মুখ হইতে জীবদিগকে সরাইয়া দিয়া ইহার পথ চলিয়া থাকেন । মুখ-বিবরে কোন জীব উড়িয়া আসিবার ভয়ে ইহার মুখের সন্মুখে ও নাসিকা-বিবরে ঐরূপ জীবের প্রবেশ ভয়ে একটুকরা বস্ত্র ব্যবহার করেন । এই সম্প্রদায়ের সৌন্দর্য্য-জ্ঞান এত অধিক যে জৈনদিগের প্রধান প্রধান তীর্থগুলি সৌন্দর্য্যানিলয় তরুরাজি সমাকীর্ণ নির্জন পর্বতের উপর অবস্থিত । সত্যতার ক্ষেত্র হল হইতে বহুদূরে এগুলি অবস্থিত ।

একুণ্ডে খেতাধর ও দিগধর শব্দের একটু আলোচনা করিব । অনেকেরই ধারণা খেতাধরেরা খেতবর্গের বস্ত্র পরিধান করিয়া থাকেন আর দিগধরেরা নগ্ন অবস্থায় থাকেন । প্রকৃত পার্থক্য এখানে নয় । শ্রদ্ধেয় শ্রীযুক্ত পুরাণচন্দ্র নীহার এম-এ, বি-এল, মহাশয় গত উনবিংশ সাহিত্য-সম্মিলনের ইতিহাস শাখায় খেতাধর ও দিগধর সম্প্রদায়ের প্রাচীনতা সম্বন্ধে যে প্রবন্ধ পাঠ করেন ও যাহা মাঘ মাসের পত্রিকায় প্রকাশিত হইয়াছে, তাহা হইতে কয়েক ছত্র উদ্ধৃত করিয়া দিলাম :—“ভগবান মহাবীরের সময় জৈনধর্ম কোন সম্প্রদায়ে বিভক্ত হয় নাই এবং তৎপরেও বহুশতাব্দী পর্যন্ত যে অবিভক্ত ছিল তাহার যথেষ্ট প্রমাণ পাওয়া যায় । খেতাধরগণের বৈরূপ আচারাদি পুস্তকাদি পুস্তকাদি প্রাচীন ধর্মগ্রন্থ আছে ও যে গুলিকে তাঁহার জৈন-সিদ্ধান্ত বা জৈনাগম বলিয়া স্বীকার করিয়া থাকেন, দিগধরগণ সেরূপ এই প্রাচীন জৈনসূত্রাদিকে মান্য করেন না ।” * * “সম্রাট অশোকের সময় জৈন সাধুগণকে 'নিগ্রহ' নামে অভিহিত করা হইত । 'নিগ্রহ' অর্থে নগ্ন সাধু নয়—ইহার গ্রন্থীরহিত অর্থাৎ রাগদ্বেষ কষায়াদি বন্ধন-রহিত সাধু । খৃষ্ট পূর্ব ১৭০ অব্দে উৎকীর্ণ ধারবেলের শিলালিপি পাঠে জানিতে পারা যায় যে জৈন সাধুগণকে নানাবিধ পটবস্ত্র ও খেতবস্ত্র দান করা হইয়াছিল, সুতরাং সে সময়ে জৈনসাধুগণ খেতবস্ত্র ও পটবস্ত্র যে পরিধান করিতেন তাহা বেশ বুঝিতে পারা যায় ।

একুণ্ডে আমরা আমাদের ভ্রমণের বিবরণ সিপি বন্ধ করিব । গটা ২৫ মিনিটের সময় আমরা মধুবনের পাছদেশে আসিয়া উপস্থিত হইলাম—ইহার পূর্বে গণ্ডে পড়িয়াছিল থাকা ত্রিভ,

শুনিয়াড়ি বাংলা, জোড়াপাহাড়, বরাবর ত্রিভুজ, যাহা পাবলিক ওয়ার্কসের কাণ্ডেন গ্রীন সাহেব-কর্তৃক ১৯২০-১৯২৩ সালে নিৰ্মিত হইয়াছে;—চরকা ত্রিভুজ। হাজারিবাগ-গয়া রাস্তা বেশ প্রশস্ত, সুন্দর রাস্তা—মোটর চলিবার পক্ষে বেশ সুবিধাজনক পথ বটে। মধুবনের নাম যাহারা এমন চির মধুময় করিয়া রাখিয়াছিল, তাহাদের সৌন্দর্য-জ্ঞানের ও রুচির তারিফ না করিয়া

মাতার সেবার জন্য অক্লান্ত পরিশ্রম ও অকাতরে অর্থ দান করিয়া গো-শালা ও পিঁজরা-পোলের ব্যবস্থা সর্বত্র করিয়া দিয়া প্রাচীন ধারাকে অক্ষুণ্ণ রাখিবার চেষ্টা করিতেছেন, গো-জাতির হৃদশান জন্যই ভারত সম্ভান যে দুর্ভল হইতেছে তাহা সকলকেই স্বীকার করিতে হইবে। ডুলি লইতে হইলে এখান হইতেই সংগ্রহ করিয়া লইতে হয়। এখানে জৈনদিগের কয়েকটি মন্দির আছে। তাইরা-



মধুবনের সাধারণ দৃশ্য




ধাকিতে পারা যায় না। যেন একখানা মনোরম সাজান বাগান—ছোট-বড় গাছ সারি দিয়া প্রহরীর কার্য করিতেছে—আর ভিতরে নানাবিধ কুসুম ও ফলের গাছ, যাহারা এমন সুন্দর নয়নাভিরাম করিয়া সাজাইয়া রাখিয়াছে তাহাদিগকে ধন্যবাদ না দিয়া থাকিতে পারা যায় না। প্রকৃতিদেবী নিজহস্তে যেন এই মধুবনকে একখানি সজীব চিত্র আঁকিয়া রাখিয়াছেন। জীবজন্তু এখানে নির্ভয়ে বিচরণ করিতেছে। ইহারই মধ্যে জৈনদিগের ধর্মশালা আছে। দিগম্বর সম্প্রদায়ের লোকেরা এখানে অবস্থান করিতে পারেন, জৈনদিগের গোশালাও এখানে আছে। গো-সেবা আজকাল ভারত হইতে উঠিয়া যাইতেছে বলিলে অত্যাঙ্গি হয় না; কিন্তু এই সম্প্রদায়ের লোকেরা গো-

পছী ও বিখপছী বা দিগম্বরী দিগের ও খেতাধরী-দিগের কয়েকটি মন্দিরও আছে। এখানে অক্টোবর হইতে মার্চ মাস পর্যন্ত বহুদূর হইতে লক্ষ লক্ষ জৈন সম্প্রদায়ের যাত্রী সমাগম হইয়া থাকে। উৎসবের কথা বলিবার সময় সে কথার আলোচনা করা যাইবে। আমরা মধুবনের কয়েকটি চিত্র সংগ্রহ করিয়া পত্রস্থ করিলাম; আমরা এগুলির চিত্র তুলিতে পারি নাই, কারণ স্থানীয় ছ একজন লোক আমাদেরকে যাইবামাত্র বলিয়া দিল, আপনারা যখন ডুলি লইতেছেন না, তখন শীঘ্র শীঘ্র উপরে উঠিয়া যান, কারণ উঠিতে অনেক সময় লাগিবে, অবশ্য আসিবার সময় অল্প সময় লাগিবে। উপরের সব দেখিয়া নীচে আসিয়া এগুলি দেখিবেন; কিন্তু উপর হইতে



চরকা পুলিশ ক্যাঁড়ি—মধুবন



উপরে, পরেশনাথ পাহাড়ের উপর হইতে মধুবনের চিত্র
নিম্নে, দিগম্বর জৈন-ধর্মশালা

নামিয়া আর আলোর সাহায্য না পাওয়ায় অগত্যা
এগুলির ফটো তুলিতে পারা যায় নাই।


আমরা পার্শ্বনাথের নাম স্মরণ করিয়া পর্বতের উপর
উঠিতে লাগিলাম। দুই জন কুলী মালপত্র বহন করিবার
জন্য মধুবন হইতেই লওয়া হইয়াছিল। একটু উঠিয়াই
আমরা একজন পথ-প্রদর্শককে লইলাম ও নিকটের এক
বৃদ্ধার নিকট হইতে দুই পয়সা করিয়া পর্বত-উঠিবার
সহায় স্বরূপ এক একগাছি লাঠি খরিদ করিলাম।
অবশ্য আমি খরিদ করি নাই, কারণ সর্বত্রই আমার হাতে
ঝালদার একগাছি বংশদণ্ড থাকেই। আমি পথ-প্রদর্শকের
সহিত কথা কহিতে কহিতে অনেক কথা জানিয়া লইলাম।
এখানে তিন স্তর (range) পাহাড় আছে। দুই স্তরে বহু
জাতির বাস করে, তাহারা জীবহিংসা করিয়া থাকে, কাঁড়
ও তীর ছুড়িয়া তাহারা ব্যাঘ্র, চিতা ও ভল্লু কাদি হিংস্রজন্তু
মারিয়া থাকে। সাহেবরা ও দেশীয় শিকারী আসিয়া
তাহাদের সাহায্য লইয়া এখানে শীকার করিয়া থাকে।
ব্যাঘ্রেরা সদা-সর্বদাই বর্ণার জল পান করিতে
আনে, তবে সন্ধ্যার পরই বেশী আনে। টাদি
হাতে না লইয়া কোন 'বুনোই' চলে না। ঢাক,
দামাধা, কাড়া পিটিয়া জঙ্গলীরা জানোয়ার দিগকে
তাড়াইয়া লইয়া আসিলে শিকারীরা গুলি চালাইয়া

থাকে। এখানে অপরিমিত পরিমাণে শীকারের জানোয়ার
পাওয়া যায়; কোন শিকারী কোন কালেই এখান হইতে
বিফল মনোরথ হইয়া ফিরে না। শুনিয়া প্রাণে যে একটু
ভয় হয় নাই তাহা নয়; তার পর প্রশ্ন করিয়া জানিলাম,
পার্শ্বনাথের এমন মহিমা যে কোন জানোয়ারই কোন
তীর্থযাত্রীকে আজ পর্যন্ত মারিয়া ফেলে নাই বা
তাহার নিকট আসিতে সাহস পায় নাই। যাক
পার্শ্বনাথের উদ্দেশে প্রণাম করিয়া চলিতে লাগিলাম।
আমিই ছিলাম অগ্রগামী। চলিতেছি আর মাঝে মাঝে
পশ্চাতের সঙ্গীদের জন্ত কিছুক্ষণ করিয়া অপেক্ষা
করিতেছি। তাহারা আসিলে আবার চলিতে লাগি-
লাম। হিংস্রজন্তুদের কথা কাহাকেও বলিলাম না।
২৥ মাইল উঠিয়া 'সীতানালা যানাকে রাস্তা ৩ মাইল'
একটা কলকে লেখা রেহিয়াছে দেখিলাম। এ পর্যন্ত
খুব সরু পথ ধরিয়া উঠিয়াছি, উত্তর পার্শ্বেই ভীষণ
অরণ্য। অসংলগ্ন প্রস্তর খণ্ডের উপর দিয়া এ
পথ চলিতে হয়। উঠিবার সময় পথ ক্রমশঃই অধিকতর
গড়ান হইতে লাগিল। আমরাও আন্তে আন্তে লাঠির
সাহায্যে উঠিতে লাগিলাম; বামদিক দিয়া উঠিবার একটা
রাস্তাও আছে। তবে সে রাস্তাটা আরও একটু অসমতল
হইয়া পড়িয়াছে। এখন পরিষ্কৃত হইতেছে হু এক হলে

হামাগুড়ি দিতে হইয়াছে। দু একটি হরিণ ও ময়ূর ছাড়া অত্র কোন জানোয়ার আমাদের চক্ষে পড়ে নাই। আমরা দক্ষিণ দিকেই উঠিতে লাগিলাম। মাঝে মাঝে পথে দাঁড়াইয়া নিম্নের মন্দির গুলিকে ছবির মত দেখিতে লাগিলাম। এখনও পরেশনাথের মন্দিরের চিহ্নমাত্র দেখিতে পাই নাই। কেবল সুবিস্তৃত শাল-সেগুণ-তমাল হরিতকী প্রভৃতি তরুলতা-সমাচ্ছন্ন বিস্তৃত অঙ্গল-তরাই চক্ষে পড়িতেছিল, আর নিম্নদিকে চাহিয়া ভাবিতেছিলাম যদি কোন গতিকে পা পিছলাইয়া পড়ে তবে জীবনের আশা কিছুতেই থাকিবে না, কিংবা যদি পাহাড়ের গহ্বরে পড়িয়া যাই তাহা হইলেও রক্ষা নাই। দুই পর্বতের মধ্যবর্তী সমতল সরু রাস্তা দিয়া বহু কষ্টে উঠিয়া প্রথম স্তর শেষ করিলাম। পথটা ৩ মাইল, সাড়ে তিন মাইল হইবে। চড়াই গুলিতে উঠিবার সময় বেশ একটু কুসফুসে জোর লাগিতেছিল। শীতকালেও গলদঘর্ম হইতে হইয়াছিল। এইখান হইতেই প্রথম পরেশনাথের মন্দির দেখিতে পাইয়া পুলকিত হইলাম। সত্যনারায়ণ একখানা ফটো লইল।

এইখানে অনেকটা জমীতে তামাকের পাতার মত পাতা দেখিয়া ঠিক করিয়াছিলাম যে এখানে তামাকের চাষ হয়। তাহার পর যখন নিম্নে নামিলাম তখন অমূল্যবাবুর নিকট গুলিলাম, তাঁহার বুক কেমন ধড় ফড় করিতে লাগিল বলিয়া তিনি আর উঠিতে সাহস করেন নাই। তার পর কিছুক্ষণ বিশ্রাম করিবার পর স্তম্ভ হইয়া আবার ২:৩ মাইল পর্যন্ত তিনি উঠিয়াছিলেন। তিনি যে চা-বাগিচা দেখিয়াছেন তাহার উল্লেখ করিলেন। তখন আমি যাহাকে দূর হইতে দেখিয়া তামাকের চাষ ঠিক করিয়াছিলাম তাহাকেই চা-বাগিচা সিদ্ধান্ত করিয়া লইলাম। তাঁহার নিকট চার পাতা দেখিলাম। ছয় মাইল লম্বায় ও তিন মাইল চওড়া জায়গায় চার চাষ হইয়া থাকে।

ফটো হইতে পরিপার্শ্বিক দৃশ্যের অবস্থাটা কতকটা বুঝা যাইবে। কি ভীষণ বন-জঙ্গলসমাকীর্ণ এ স্থান। এইখান হইতে দেখিতে পাওয়া যায় তিন থাক মন্দির উপর্যুপরি উঠিয়াছে। ২০টা উজ্জল শ্বেতবর্ণের গম্বুজ (dome) উঠিয়াছে—তাহাদের শিখর দেশে পিত্তলের চূড়া সূর্য্যকরে ঝল্ ঝল্ করিতেছে এবং শ্বেতাধর মন্দির-গুলিতে রক্ত ও হরিদ্রা-বর্ণের পতাকা উড়িতেছে। এইখান




দূর হইতে পরেশনাথের মন্দির

হইতে উচ্চ পথে উঠিতে হয় ও পবিত্র পরেশনাথ পাহাড়ের পাদদেশ পর্যন্ত যাইতে হয়। এখানে ৪২৯টা সিঁড়ি চাতাল-সমেত আছে। এগুলি দৈর্ঘ্যে ৬ হইতে ৯ হাত ও প্রস্থে অর্ধ হাত হইতে দেড় হাত পর্যন্ত। বেশ পরিষ্কার পরিচ্ছন্ন। মাঝে মাঝে খানিকটা করিয়া সমতল ভূমিও আছে। সেই স্থানে একটু সাবধানের সহিত উঠিতে হয়। এই পথে উঠিতে উঠিতে অব্যক্ত মধুর অল-কল্লোল শুনিয়া জানিতে পারিলাম পার্বত্য নদী-গর্জর আপন মনে ছুটিয়া চলিতেছে; অল্পক্ষণ পরে গর্জরের সাক্ষাৎ পাইলাম। পর্বতের উপর বেশ ছায়ানীতল তরুলতার মধ্য দিয়া গর্জর আপন মনে গায়িতে গায়িতে ছুটিয়া চলিয়াছে। আবার এই নদীর সহিত সাক্ষাৎ

হইল এবং কিছুক্ষণ পরে ১১টা বাজিতে ২০ মিনিটের সময় পাহাড়ের দ্বিতীয় স্তর পার হইলাম। গর্ক নদীর তীর হইতে উপরে বিধূনিত তুলার মত মেঘ খণ্ড দেখিয়া সেইদিকে চাহিয়া রহিলাম। বাবাজী সত্যনারায়ণ এই দৃশ্যের একটি কটো লইলেন; কিন্তু কটো খানি ভাল উঠে নাই। পথপ্রদর্শকের নিকট শুনিলাম এদৃশ্য দেখা সকলের ভাগ্যে ঘটিয়া ওঠে না; অপর দিকে আমরা মেঘের খেলা দেখিতে লাগিলাম। কোন অপরূপ শিল্পী যেন মেঘগুলির উপর তুলির সাহায্যে অপূর্ব রঙ ফলাইয়াছে—নানাবর্ণ-সম্পাতে এমন অদ্ভুত মিশ্রবর্ণের সৃষ্টি করিয়াছে যাহা দেখিবার সৌভাগ্য বড় একটা ঘটে না; সে দৃশ্যের মনো-হারিষ বর্ণনা করিবার নয়—উপভোগ করিবার। আর যে স্রষ্টা এইরূপ সৌন্দর্য্য দেখিবার সুযোগ ও অবসর আমাদিগকে দিলেন তাহার শ্রীচরণে মস্তক নত করিলাম। এই স্থানে আসিবার পূর্বে আমরা বেশ শৈত্যানুভব করিয়াছিলাম। এইখানে সীতা নদীর তর্জন-গর্জন বেশ শুনা যাইতে লাগিল। এইখানে দক্ষিণদিকে হনুমানের মূর্তি ও বামদিকে সীতাদেবীর একটি ছোট মন্দির দেখিলাম। অনেক সঙ্গী যিনি 'সাতানালা'র জল স্পর্শ করিয়াছিলেন, তাহার নিকট শুনিলাম বরফের মত নদীর জল শীতল ও পরিষ্কার কাচের ত্রায় স্বচ্ছ। এইখানে আসিয়া বজুরা

বিশ্রাম করিতে ও চা ইত্যাদি প্রস্তুত করিতে বসিলেন; কিন্তু আমরা চরিত্রন বিশ্রাম না করিয়া দেখিতে ছুটিলাম, প্রাণের ভিতর দর্শনের যেন নেশা লাগিয়াছে। পথশ্রমকে গ্রাহ্য না করিয়াই চলিতে লাগিলাম। এই স্থান হইতে দুই দিকে মন্দির ও টোকা বাহির হইয়াছে। আমরা সন্মুখের কষ্টিপাথরের দুইটা ছোট চরণ দেখিয়া, বামদিক ধরিয়া চলিলাম। এখানে প্রত্যেক শৈলশৃঙ্গের উপর পৃথক পৃথক তীর্থঙ্করদিগের মন্দির ও আসনের উপর চরণ চিহ্ন আছে। এই আসনগুলির কোনটা কষ্টিপাথরের আবার কোনটা শ্বেত পাথরের। চরণগুলির আকৃতিও একরূপ নয়—কোনটা ছোট, কোনটা সূক্ষ্ম। এই শৈলশৃঙ্গগুলি ছুরারোহ। বহু কষ্টে আমরা প্রায় সকলগুলি শৃঙ্গেই উঠিয়াছিলাম—মাত্র দুইটা শৃঙ্গে উঠি নাই; না উঠিবার কারণ দূর হইতে পথপ্রদর্শক বিবেচনা করিতে লাগিল—আমরা যে দিক ধরিয়া অগ্রসর হইতেছিলাম সে দিক দিয়া যাইবার পথ ছিল না। অনেকটা ঘুরিয়া আসিয়া আবার সেই দিকে চলিতে প্রবৃত্তি হয় নাই। দ্বিতীয়তঃ শৃঙ্গগুলি অন্যান্য শৃঙ্গের অনুরূপ বলিয়াও বটে।

বামদিকের মন্দিরগুলির ভিতর জল-মন্দিরই দেখিতে সর্বাপেক্ষা সুন্দর। জল-মন্দিরের নিকটে একটি কলকে লিখিত আছে—দিগন্তরোয়ো কো জানেকো



সুমানীয়ে হৈ। এইখানে ভগবান্ নেমিনাথ, ভগবান্ পার্শ্বনাথ ও ভগবান্ আদিনাথের সুবৃহৎ নয়নমোহকর ধ্যানী মূর্তি বিরাজ করিতেছে। প্রত্যেক তীর্থঙ্করের চক্ষুতে বহু মূল্যের পাথর বসান। মধ্যস্থলের পার্শ্বনাথের চক্ষুতে বড় বড় দুইটা উজ্জ্বল হীরক খণ্ড যেন জ্বলিতেছে। অপর দুইটির একটাতে বহু মূল্যের নীলা ও অপরটাতে চূণি জ্বলিতেছে। মূর্তি গুলি এমনই ভাবব্যঞ্জক যে দেখিবামাত্র মনে ধর্মভাবের উদয় হয়। শাস্ত্র, স্থিতধী তীর্থঙ্করেরা সংসারের সকল বন্ধন দূর করিয়া নির্বিকারভাবে কেমন ধ্যানস্তিমিত নয়নে বসিয়া আছেন! দেখিয়াই ফটো লইবার লোভ হইল। সত্যনারায়ণ ফটো লইতে উদ্যোগ করিলেই মন্দিরের গোমস্তা বলিলেন, 'মন্দিরের ফটো তুলিতে পারেন, ভগবানের ফটো লওয়া আমাদের ধর্মনিষিদ্ধ।' অবশ্য আমি একবার মাত্র তাহাকে বলিলাম কলিকাতায় শ্রদ্ধেয় শ্রীযুক্ত পুরণচাঁদ নাহার মহাশয় জৈনধর্মের উপর ইংরাজীতে যে সুন্দর পুস্তক লিখিয়াছেন (An Epitome of Jainism) তাহাতে কিরূপে তাহা হইলে পার্শ্বনাথের চিত্র দিয়াছেন।' অবশ্য তাহার মত করিতে পারিলাম না। কাজেই দেবতার মূর্তি তুলিয়া দেখাইতে পারিলাম না। যাহা হউক যে ভাস্কর বা যাহারা এই সুন্দর মূর্তি তিনটা গঠন করিয়াছেন সে ব্যক্তি বা তাহারা যে মুখু কলা ও কল্পনাকুশলী ভাস্কর ছিলেন, তাহা নয়—ভাব-রাজ্যের ও সাধন-মার্গের পথিকও ছিলেন, তাহা না হইলে প্রস্তরের ভিতর এমন প্রাণ-মাতান ভাবের বিকাশ দেখাইতে কখনই পারিতেন না। মন্দিরটা বাস্তবিকই হিন্দুস্থাপত্যেরও সুন্দর নিদর্শন। এইখানে একজন ধর্মপ্রাণ জৈনকে স্তবপাঠ করিতে শুনিয়া বিমুগ্ধ চিত্তে কিছুক্ষণ শুনিতে লাগিলাম। স্থান-মাহাত্ম্য ও ভক্তের আকৃতিপূর্ণ প্রার্থনায় আমাদের মত বিষয়ীর মনও অন্ততঃ কিছুক্ষণের জন্ত গলিয়া গেল।


বিশ্রাম স্থানে আমরা ১৫০ মিনিটের সময় উপস্থিত হইলাম। এইবার আমরা চারিজনে চা-পান ও জল-যোগাদি করিলাম। অপর সঙ্গীরা ইতিপূর্বেই বিশ্রাম ও আহারাদি সম্পন্ন করিয়াছিলেন। এখানে আমরা ১৫ মিনিট মাত্র বিশ্রাম করিয়া আবার বাম দিকের মন্দিরগুলি



দ্বিতীয়নাথের মন্দিরের নিকটের টোকা

দেখিতে চলিলাম। এবার সকলেই এক সঙ্গে যাত্রা করিলাম। এখানেও কয়েকজন তীর্থঙ্করের মন্দির দেখিলাম। ভিতরে একইরূপ চরণ-চিহ্ন—তবে আকৃতিতে বড় আর ছোট। এই গুলিকে "বসু পাছকা" বলা হয়। তবে কতক গুলি পাছকা এত ছোট যে সেগুলি যে মানুষের পাছকা বা চরণের চিহ্ন হইতে পারে তাহা সহজে বিশ্বাস করিতে পারা যায় না, আবার সুবৃহৎ পাছকাগুলির সম্বন্ধেও ঐরূপ মন্তব্যই প্রযোজ্য।

এই সকল মন্দিরে ভক্ত-যাত্রীরা কিসমিস, বাদাম, পেস্তা আখরোট, মনকা, ডালিম, বেদনা প্রভৃতি ফল ও বাতাসা লবঙ্গ, অরিন্দ্রী প্রভৃতি প্রচুর পরিমাণে দিয়া থাকেন। অনেক লেইরুগ প্রসাদী দ্রব্য আমরা সংগ্রহ করিয়া ভক্তি-



নিম্নতম সোপান হইতে পরেশনাথের মন্দির-দৃশ্য

ভরে গ্রহণ করিয়াছি। না বলিয়া পরের দ্রব্য লইলে যে চুরি করা হয়, তাহা কিছুতেই মনে করিতে পারি নাই। পূজারী বা কোন ব্যক্তি থাকিলে অবশ্য চাহিয়া লইতাম। প্রসাদের লোভ ছাড়িতে পারি নাই, ইহা সদা-জাগ্রত ভক্ত তীর্থকরেরা অবশ্যই বুঝিতে পারিয়াছেন। জিতনাথের মন্দিরের নিকট যে টোকাটা আছে তাহার যে ফটো গৃহীত হয় তাহা এখানে প্রদর্শিত হইল। দক্ষিণদিকে লেখক বসিয়াছিলেন, রৌদ্রের ঔজ্জ্বল্যবশতঃ লেখককে চিনিবার উপায় নাই। এইরূপ টোকা প্রত্যেক মন্দিরেই আছে বলিলে হয়। ছ একটা ভাজিয়া চুরিয়া গিয়াছে। তাহার পর আমরা আমাদের কাছ মন্দিরের—পরেশনাথের মন্দিরের পাদমূলে আসিয়া উপস্থিত হইলাম। এইখানে এই সময় আজমীর, দিল্লী প্রভৃতি স্থান হইতে পদব্রজে ও ডুলিতে চড়িয়া বহু

মাড়োয়ারী আসিয়াছেন দেখিলাম। আজমীর-যাত্রীরা সপরিবারে আসিয়াছেন—বালক-বালিকারা উৎসাহের সহিত চাকর-বাকরের কোলে চড়িয়া যাইতেছে—মন্দিরে উঠিয়া 'জয় পার্বনাথ কি জয়' বলিয়া তাহারা চীৎকার করিতেছে। বালক-বালিকাদের ধর্মপ্রবণতা দেখিবার জিনিস। ৮০টা সিঁড়ি পার হইয়া মন্দিরে উঠিলাম। মন্দিরের সিঁড়ি হইতে যে চিত্র তোলা হইয়াছে তাহা এখানে প্রকাশ করিলাম। জল-মন্দির, পরেশনাথ মন্দির ও অন্যান্য মন্দিরের সম্মুখে গীত-বাণের জন্ত নির্দিষ্ট স্থান আছে। সকাল বেলা ৮টার সময়, দ্বিপ্রহরে ও সন্ধ্যার সময় দামমা ও বংশী বাজিয়া থাকে। পূজার সময় সর্বক্ষণই বাজনা বাজিয়া থাকে এবং প্রত্যেক মন্দিরের সম্মুখেই দর্শনার্থীদের জন্ত চত্বর ও ধর্মশালা আছে। পরেশনাথের মন্দিরের মধ্যভাগে যে চরণ চিত্র দুইটা আছে তাহার চিত্র অভ্যন্তরে চিত্রসহ পরপৃষ্ঠায় দিলাম। ছাতে চতুষ্কোণযুক্ত খেতবর্ণের চন্দ্রাতপ ও তাহার নিয়ে একখানি ছোট সূচিকণ-কারু-কার্যযুক্ত চন্দ্রাতপ ভগবানের চরণদ্বয়ের উপর রহিয়াছে। চারিটা দণ্ডের উপর আসন খানি প্রতিষ্ঠিত। আমরা সমস্ত দেখিয়া শুনিয়া মূল মন্দিরটা প্রদক্ষিণ করিয়া ২।৫০ মিনিটের সময় পাহাড় হইতে নামিতে সুরু করিলাম। পর্বতে উঠিবার ও নামিবার সময় আমাদের প্রত্যেকেই কমলা লেবু ব্যবহার করিয়াছিলাম। ইহার পূর্ব বৎসর ডাক্তার শ্রীযুক্ত সত্যচরণ লাহা মহাশয় হাজারিবাগ হইতে পরেশনাথ দেখিতে গিয়াছিলেন, এবং তিনি অনেক অনুন্নয় বিনয় করিয়াও মন্দিরের পর্য্যন্ত ফটো লইতে পারেন নাই। ভাগ্যে তিনি পূর্ণিমা তিথিতে গিয়াছিলেন, তাই রাত্রিকালে তিনি পরেশনাথের দুই খানি চিত্র না বলিয়া তুলিয়া লইয়াছেন। আমরা তাহার সৌজন্যে প্রাপ্ত সে দুইখানি চিত্রও শেষপৃষ্ঠায় দিলাম।

বৎসরের সর্ব সময়ই ধর্মপ্রাণ জৈনরা এখানে পূজার্চনা করিতে আসেন—অনেকে আবার পদব্রজে ১৫০০।২০০০ মাইল পর্য্যন্তও আসিয়া থাকেন। এখানে মাঘ মাসে এক মাস-ব্যাপী মেলা বসিয়া থাকে। তখন সমগ্র ভারতবর্ষ হইতে লক্ষ লক্ষ যাত্রী সমাগম হয়।

এই মন্দিরগুলিতে কাছাদের প্রবেশাধিকার আছে

তাহা জানাইয়া দিবার জন্য নিম্নলিখিত নোটিশ লিখিত আছে :—

No one but Jains and Hindus of High caste can enter the large Temple and the 25 little temples of the Jaina Sitambaris, which, are situated on Paresnath Hill.

If any other person than a Jain or a Hindu of high caste enters the said temples he will be prosecuted under chapter 15 of the Indian Penal Code.

According to the contents of a letter no 719 dated Feb 7th 1865 from the Lieutenant Governor of Bengal to the Commissioer of Chotanagpur.


This tablet is put up in January 1904 A. D. to replace the former one dated the 25th March 1870 A. D.

By order of the Jain Sitambari Society
Maharaj Bahadur Sing.

January 1st 1904 General Manager

ডাক বাংলার নিকট এই ইস্তাহার লিখিত আছে। ইহার ভাবার্থ এই যে, ১৮৬৫ সালের ৭ই ফেব্রুয়ারী তারিখে বাঙ্গালার ছোটনাট বাহাদুর ছোটনাগপুরের কমিশনার সাহেবকে যে পত্র দিয়াছিলেন তাহার সর্তামুসারে জৈন মাত্রেই এবং উচ্চজাতির হিন্দুরা জৈন মন্দিরদিগের এই বৃহৎ মন্দিরে ও ছোট ছোট ২৫টি মন্দিরে প্রবেশ করিতে পারিবেন। ইহা ছাড়া যাহারা প্রবেশ করিবেন তাহারা ভারতীয় দণ্ডবিধি আইনের পঞ্চদশ অধ্যায়ের ধারাগুলির কোন একটি বা ততোধিক ধারায় অভিযুক্ত হইবে। ১৮৭০ সালে ২৫শে মার্চ এই ইস্তাহার প্রথম জারি হয়। তাহার পর প্রস্তরখানি নষ্ট হওয়ার পুনরায় ১লা মার্চ ১৯০৪ সালে ইহা তাহার স্থলে প্রতিষ্ঠিত হইল।


এখানে কোন ইংরাজকে এই মন্দিরগুলিতে প্রবেশ করিতে দেওয়া হয় না; কিন্তু পূর্বে যে দেওয়া হইত তাহা ১৮২৪ সালে প্রকাশিত লেঃ কর্নেল উইলিয়ম ক্র্যাঙ্কলিন সাহেবের বর্ণনা হইতে স্পষ্টই জানিতে পারা যায়। ও



মন্দিরের অভ্যন্তরের দৃশ্য

১৮২৭ সালের ডিসেম্বর মাসের Quarterly Magazineএ প্রকাশিত সাহেবের প্রবন্ধ হইতে বুঝিতে পারা যায় যে, মূল মন্দিরে পূর্বে পারেশনাথের একটি ধ্যানটি মূর্তি ছিল। তাহার মস্তকে সর্প কুণ্ডলীকৃত ভাবে ছিল। সন্ধ্যা ৫টার সময় আমরা মধুবনে আসিয়া উপস্থিত হই ও ৬।০টার সময় নিরাপদে বাসায় উপস্থিত হই।

হিংস্র বন্যজন্তুসমাকুল পারেশনাথ পাহাড়ে ১ম ও ২য় স্তবক হিংসার; রাজ্য বলিলে অত্যাক্তি হয় না—এখানকার বন্য পাহাড়ীরা মাংস ভুক-সর্কবিধ মাংসদ্বারাই উন্নত পূর্ণ করিয়া থাকে। আর তাহার উপরের স্তবকে মুনি-ঋষি-অধ্যুষিত তীর্থকর দিগের পাদচারণে পবত্রীকৃত তাঁহাদের সাধন-ক্ষেত্র। এখানে হিংসার নাম মাত্র নাই—



জ্যোৎস্নালোকে পরেশনাথের মন্দির

অহিংসার রাজ্য। ভারত চিরদিনই হিংসার উপরে তাহাদিগকে গ্রহণ করিতে কোন দিনই কুণ্ঠিত হয় নাই।
 অহিংসাকে স্থান দিয়াছে। এ দেশে হিংসার স্থান নাই, ইতিহাস এ বিষয়ের সাক্ষ্য দিয়া আসিতেছে। ভারত
 আছে প্রীতি ও ভালবাসার স্থান। পূর্বে যে সকল জাতি, চিরকালই পরকে আপন করিয়া লইয়া আপনার মহত্ত্ব ও
 ধর্ম ও সত্যতার স্রোত ভারতে প্রবেশ করিয়াছে, ভারত সজীবতার পরিচয় দিয়া আসিয়াছে ও আসিতেছে। :



জ্যোৎস্নালোকে মন্দিরের একাংশ

সাহিত্য-পঞ্জী

বৈশাখ

১লা—রঙ্গলাল বন্দ্যোপাধ্যায়ের মৃত্যু (১২৯৪) । কিছুদিন 'রসমাগর' পত্রিকার সম্পাদক ছিলেন ; 'রহস্য সন্দর্ভে' অনেক লেখা বাহির হইত ; Mukherjea's Magazine'এ কতিপয় ইংরেজী লেখা প্রকাশিত করেন । ইঁহার রচিত গ্রন্থসকল—পদ্মিনী, কৰ্ম্মদেবী, শূরসুন্দরী, কাঞ্চীকাষেরী । ইনি 'Willow Drops'এর বাঙলা অনুবাদ করেন—নাম 'বিরহ-বিলাপ' । প্রত্নতত্ত্বেও ইঁহার জ্ঞান ছিল ।

—'প্রভাকর' কার্যালয়ে দ্বিতীয় গুপ্ত কর্তৃক সাহিত্যিক সম্মিলনের প্রথম অনুষ্ঠান (১২৫৭)

দ্বারিকানাথ বিদ্যাভূষণ (জন্ম) ১২২৭—ইঁহার রচিত গ্রন্থ :—গ্রীস ও রোমের ইতিহাস, ভূষণসার ইত্যাদি । সোম-প্রকাশ-সম্পাদক ।

—প্রভাকর (মাসিক) প্রথম প্রকাশ (১২৬০)

—বঙ্গদর্শন (মাসিক) প্রথম প্রকাশ (১২৭৯)

২রা—প্রেমচাঁদ তর্কবাগীশের জন্ম—(১২১২) ইঁহার রচিত গ্রন্থ :—'পূর্বনৈষা' রাঘবপাওবীর, কুমাবসন্তব (৮ম সর্গ), অভিজ্ঞান শকুন্তল, চাটু পুষ্পাঞ্জলী, অনর্ঘ-রাঘব, উত্তররাম-চরিত, কাব্যাদর্শ, প্রভৃতির অনুবাদ ।

৩রা—সুরেন্দ্রনাথ মজুমদারের জন্ম (১২৮৫)—ইঁহার রচিত গ্রন্থ :—'মহিলা' প্রভৃতি কাব্য ।

৬ই—হেমচন্দ্র বন্দ্যোপাধ্যায়ের জন্ম (১২৪৫) । ইঁহার রচিত গ্রন্থ :—'চিন্তাতরঙ্গিনী, বৃত্ত-সংহারকাব্য দশমহাবিছা, ছায়াময়ী, বীরবাহু কাব্য, ও কবিতাবলী ।

—অমৃতলাল বসুর জন্ম (১২৩০)—ইঁহার রচিত গ্রন্থ :—তরুবালা, বিজয়বসন্ত, ও হরিশ্চন্দ্র প্রভৃতি ।

৯ই—দ্বারকানাথ গঙ্গোপাধ্যায়ের জন্ম (১৮৪৬)—ইঁহার রচিত গ্রন্থ :—সুরুতির কুটীর, বীর নারী, নব্বাব্বিকী, ইত্যাদি ।

১৫ই—দুর্গাদাস লাহিড়ীর জন্ম (১২৬০)—ইঁহার রচিত গ্রন্থ :—বাজালীর গান, স্বাধীনতার ইতিহাস, বজের

ইতিহাস, পৃথিবীর ইতিহাস, রাণী ভবানী । ১২৯৪ সালে 'অনুসন্ধান' প্রকাশ করেন ।

১৬ই—গোবিন্দরাম ঠাকুরের মৃত্যুতিথি ।

১৭ই—বঙ্গীয় সাহিত্য পরিষদের প্রতিষ্ঠা (১৩০১) ।

—হরচন্দ্র চৌধুরীর মৃত্যু (১৩০৫) ।

দক্ষিণারঙ্গন মুখোপাধ্যায়ের মৃত্যু ।

'লক্ষ্মী টাইমস্' পত্রের সভ্য ক্রয় করেন ।

২১শে—ত্রৈলোক্যনাথ মিত্রের জন্ম (১২৫১) ।

ঠাকুরদাস দত্তের মৃত্যু (১২৮৩) । ইনি বহু কবিদলের গান রচনা করিয়াছেন ।

২২শে—জ্যোতিরিন্দ্রনাথ ঠাকুরের জন্ম (১২৬৫) ইঁহার রচিত গ্রন্থ :—অশ্রমতী, সরোজিনী, পুরুবিক্রম—বহু ফরাসী ও সংস্কৃত গ্রন্থের বঙ্গানুবাদ করিয়াছেন । ইঁহার রচিত অনেক ব্রহ্মসঙ্গীত, প্রণয়-সঙ্গীত ও জাতীয়-সঙ্গীত প্রভৃতি আছে ।

২৪শে—কান্দাল হরিনাথের মৃত্যু (অক্ষয় তৃতীয়া, বুধবার)—ইঁহার রচিত গ্রন্থ :—বিজয়-বসন্ত, দক্ষযজ্ঞ, বিজয়া, অক্রুর-সংবাদ পরমার্থগাথা, মাতৃমহিমা, ব্রহ্মাণ্ডবেদ । ইঁহার অনেকগুলি বাউল সঙ্গীত আছে । সেগুলি ফিকির চাঁদের বাউল নামে প্রসিদ্ধ ।

যতীন্দ্রমোহন ঠাকুরের জন্ম (১৮৩১ খৃঃ) । ইঁহার রচিত গ্রন্থ :—উভয় সঙ্কট, চক্ষুদান, বিদ্যাসুন্দর প্রভৃতি ।

২৫শে—রবীন্দ্রনাথ ঠাকুরের জন্ম (১২৬৮) ইঁহার রচিত প্রধান গ্রন্থ :—বোঁঠাকুরাণীর হাট, রাজষি, চোখের বালি, নৌকাডুবি, রাজা ও রাণী কড়ি ও কোমল মানসী, বিসর্জন, গীতাঞ্জলি, তপতী, গোরা, যোগাযোগ, সোনার তরী, কল্পনা, শিশু, খেয়া প্রভৃতি

৭২শে—জাতীয় শিক্ষা-পরিষদ প্রতিষ্ঠা ।

২৯শে—কৃষ্ণমোহন বন্দ্যোপাধ্যায়ের মৃত্যু (১২৫১) ১৮৮৫ ইনি 'সুধাংশু' এবং 'Inquirer' নামক পত্রিকাধ্বয়ের প্রকাশক । সর্কার্থ সংগ্রহ, বড়দর্শন, বিদ্যাকল্পক্রম রোমের পুরাবৃত্ত, প্রভৃতির লেখক ও রঘুবংশ, কুমার-

সম্ভব, মারদ-পঞ্চরাত্র এবং ব্রহ্মসুত্রের অনুবাদক।

জগন্মোহন ভর্কলেঙ্কার সম্পাদিত—‘পরিদর্শ’ নামক দৈনিক পত্রিকা (১২৩৭) প্রকাশ, ১২৬৯ ইহা উঠিয়া যায়।

৩০শে — মহাপুরুষ মাধবদেবের জন্মতিথি।

লৈষ্ঠ।

১লা — ভূদেব মুখোপাধ্যায়ের মৃত্যু (১৩০১—

১৬।৫।১৮৯৪ খৃঃ) ইঁহার রচিত গ্রন্থ :—পারিবারিক প্রবন্ধ, প্রাকৃতিক বিজ্ঞান, ক্ষেত্রতত্ত্ব, ইংলণ্ডের ইতিহাস, পুরা-বৃত্তসার, রোমের ইতিহাস, শিক্কা বিষয়ক প্রস্তাব, ঐতিহাসিক উপন্যাস, পুষ্পাঞ্জলি, আচার প্রবন্ধ, সামাজিক প্রবন্ধ ; ইনি বহুকাল এডুকেশন গেজেটের সম্পাদক ছিলেন।

ঢাকা হইতে ‘চিত্তরঞ্জিকা’ পত্রিকার প্রকাশ (১২৬৯)।

২রা — ইন্দ্রনাথ বন্দ্যোপাধ্যায়ের জন্ম (১৭৭১ শক) ইঁহার রচিত গ্রন্থ :—ভারত উদ্ধার, কল্পতরু, ক্ষুদিরাম। ইনি ‘পঞ্চানন্দ’ নামক, মাসিকের প্রতিষ্ঠাতা, পরে এই পত্রিকাখানি ‘বঙ্গবাসী’র সঙ্গে মিলিত হয়। ইনি ‘সাধারণী’র একজন নিয়মিত লেখক ছিলেন। ‘বঙ্গবাসী’ ও ‘জন্মভূমি’তে ইঁহার রচনা মাঝে মাঝে বাহির হইত।

৩রা — দেবেন্দ্রনাথ ঠাকুরের জন্ম (১২২৪)—ইঁহার রচিত গ্রন্থ :—ব্রাহ্মধর্ম, ব্রাহ্মধর্মের বাধ্যান, ব্রাহ্মধর্মের মত ও বিশ্বাস, উপদেশাবলী, ব্রাহ্মসমাজের বক্তৃতা বক্তৃতাবলী, জ্ঞান ও ধর্মের উন্নতি, পরলোক ও মুক্তি, উপহার, আত্মজীবনী ; ইনি ঋগ্বেদের বঙ্গানুবাদ করেন এবং উপনিষদের বৃত্তি রচনা করেন।

৪ঠা—প্রমদাচরণ সেনের জন্ম (১২৬৫—১৮।৫।১৮৪৯)।

—রসিকচন্দ্র রায়ের জন্ম (১২২৭ বৈশাখী পূর্ণিমা) ইঁহার রচিত গ্রন্থ :—হরিভক্তিচন্দ্রিকা, কৃষ্ণপ্রেমাসুর, বর্তমান চন্দ্রোদয় পদাঙ্কদূত, শকুন্তলাবিহার, দশমহাবিছা সাধন, ইনি দশ বৎসর বয়সেই কবিতা রচনা আরম্ভ করেন। পরে ইনি প্রসিদ্ধ সঙ্গীত-রচয়িতা রূপে পরিগণিত হইত।

৮ই—বিহারীলাল চক্রবর্তীর জন্ম (১২৪২)—ইঁহার রচিত গ্রন্থ :—সারদা মঙ্গল, বঙ্গমঙ্গলী, প্রেম-প্রবাহিনী ;

বর্তমান যুগের বহু প্রতিভাবান কবি আদর্শের অল্প ইঁহার নিকট ঋণী।

৯ই—সাপ্তাহিক ‘সমাচার-দর্পণ’, প্রকাশ (২৩।৫।১৮১৮)।

১০ই—হেমচন্দ্র বন্দ্যোপাধ্যায়ের মৃত্যু (১৩১০)। প্রসন্ন-কুমার চট্টোপাধ্যায়ের মৃত্যু (১৩০৬)। ইঁহার রচিত গ্রন্থ ‘সঙ্গীতময়’ ১ম ও ২য় খণ্ড।

১১ই—বিহারীলাল চক্রবর্তীর মৃত্যু (১৩১০)

১৩ই—বঙ্কিমচন্দ্র চট্টোপাধ্যায়ের জন্ম (১২৪৫)—ইঁহার রচিত গ্রন্থ :—ললিতা ও মানস দুর্গেশনন্দিনী, কৃষ্ণচরিত্র, ধর্মতত্ত্ব, কপালকুণ্ডলা, মৃগালিনী, বিষবৃক্ষ, চন্দ্রশেখর, কৃষ্ণকান্তের উইল, দেবীচৌধুরাণী, সীতারাম, আনন্দমঠ, রজনী, যুগলাঙ্গুরীয়, রাধারাণী, রাজসিংহ, ইন্দিরা, কমলা-কান্তের দপ্তর, লোকরহস্য, বিবিধ প্রবন্ধ। ইনি ‘বঙ্গদর্শন’ পত্রিকার প্রতিষ্ঠাতা ও সম্পাদক ছিলেন। ইনি গীতার কিয়দংশের বিস্তৃত ব্যাখ্যা লিখিয়াছিলেন। ইংরেজী রচনায়ও ইনি সিদ্ধহস্ত ছিলেন। ‘Mukherjea's Magazine’ ইঁহার অনেক প্রবন্ধ বাহির হইয়াছিল।

—সারদারঞ্জন রায়ের জন্ম (১২৬৫)

১৩ই—অক্ষয়কুমার দত্তের মৃত্যু (১২৯৩)—ইঁহার রচিত গ্রন্থ,—চারুপাঠ, বাহু বস্তুর সহিত মানব প্রকৃতির সঙ্ঘর্ষ বিচার, পদার্থবিদ্যা, ধর্মনীতি, ভারতবর্ষীয় উপাসক সম্প্রদায়। ইনি ‘তত্ত্ব-বোধিনী’ পত্রিকার সম্পাদক ছিলেন। ‘মাদক সেবনের অপকারিতা’ সঙ্ঘর্ষে ইঁহার বহু প্রবন্ধ বাহির হয়।


১৫ই—‘দুর্জন-দমন-মহানবমী’ পত্রিকার প্রকাশ (১২৫৪)।

১৬ই—বন্দাবনদাস ঠাকুরের জন্মতিথি

কৃষ্ণবিহারী সেনের মৃত্যু (১৩০২)। ইঁহার রচিত গ্রন্থ :—

অশোক চরিত, নববিধান কি ? কবিতামালা, বুদ্ধচরিত (অসমাপ্ত)—১৮৯০, সাধনা, গল্পমালা (অসমাপ্ত)। ইনি Sunday Mirror, Indian Mirror The Liberal, The New Dispensation প্রভৃতির সম্পাদক ছিলেন।

১৯শে—কৃষ্ণচন্দ্র মঙ্গলদারের জন্ম (১২৪৪)। ইঁহার



ভূদেব মুখোপাধ্যায়



জ্যোতিরীন্দ্রনাথ ঠাকুর



রবীন্দ্রনাথ ঠাকুর



রবীন্দ্রনাথ ঠাকুর



যতীন্দ্রমোহন ঠাকুর



হেমচন্দ্র বন্দ্যোপাধ্যায়



কৃষ্ণমোহন বন্দ্যোপাধ্যায়

রচিত গ্রন্থ :—'সম্ভাবনাতক', 'রা-সের ইতিবৃত্ত, মোহ-
ভোগ, ও কৈবল্যতত্ত্ব। ইনি যথাক্রমে ঢাকা প্রকাশ,
বিজ্ঞাপনী ও দৈনিকী—এই তিনখানি পত্রিকার
সম্পাদকতা করেন। গুপ্ত-কবির সংবাদপ্রভাকরে
কৃষ্ণচন্দ্রের বহু লেখা বাহির হয়।

২১শে—ত্রৈলোক্যানাথ ভট্টাচার্যের জন্ম (১৮৬০ খৃঃ)।

ইহার রচিত গ্রন্থ :—ঐতিহাসিক প্রবন্ধমালা, সংস্কৃত
সাহিত্যের ইতিহাস, বিদ্যাপতি ও অন্যান্য কবির জীবনী,
নেপালের পুরাতত্ত্ব, রাজতরঙ্গিণী, বঙ্গ সংস্কৃতচর্চা।

২২শে—শৌরীন্দ্রমোহন ঠাকুরের মৃত্যু (১৩২১)।

২৩শে—ব্রহ্মমোহন মল্লিকের জন্ম (৬৬:১৮৩২ খৃঃ)

রামেন্দ্রসুন্দর ত্রিবেদীর মৃত্যু (১৩২৬)—ইহার
রচিত গ্রন্থ :—প্রকৃতি, জিজ্ঞাসা, কর্মকথা, চরিতকথা।

২৭শে—চণ্ডীচরণ সেনের মৃত্যু (১০৬:১৯০৬)—ইহার
রচিত গ্রন্থ :—জীবনগতি নির্ণয়, লক্ষাকাণ্ড (বিদ্রপাত্মক
কাব্য, টমকাকার কুটীর প্রভৃতি।

—দক্ষিণারঞ্জন মুখোপাধ্যায়ের জন্ম (১২৫৩)

—বর্ধমান রাজবাটীর মহাভারত অনুবাদেয় পরিসমাপ্তি
(১২৯১)—

৩০শে—রজনীকান্ত গুপ্তের মৃত্যু (১৩০৭)—ইহার
রচিত গ্রন্থ :—দিপাহীষুন্দের ইতিহাস, আর্ধ্যকীর্তি, নব-

ভারত, ভারত-প্রসঙ্গ, ভীষ্মচরিত, বীরমহিমা, প্রতিভা, বৃত্ত, শান্তিপাগল, সমালোচনমালা, জ্ঞানসোপান, বোধ-বিকাশ, রচনা। ইত্যাদি।

—যোগেন্দ্রনাথ বিদ্যাভূষণের মৃত্যু (১৩১১)—ইহার রচিত গ্রন্থ :—গ্যারিবল্ডীর জীবনবৃত্তান্ত, ওয়ালেসের জীবন বৃত্ত, জন্টুয়ার্টমিলের জীবনবৃত্ত, আয়োৎসর্গ, হৃদয়োচ্ছ্বাস, প্রাণোচ্ছ্বাস, কীর্তিমন্দির, মদনমোহন তর্কালঙ্কারের জীবন-

প্রতাপচন্দ্র মজুমদার—মৃত্যু (১৩১২) ইহার রচিত গ্রন্থ :—আশীষ, জীচরিত্র-সংগঠন ইত্যাদি।

প্রমদাচরণ সেন—জন্ম (১৩৬৬)—গ্রন্থ :—চিন্তাশতক সাথী, ইত্যাদি।

পরলোকে রাখালদাস বন্দ্যোপাধ্যায়

[শ্রীচারুচন্দ্র মিত্র]

গত ৯ই জ্যৈষ্ঠ (১৩৩৭) শুক্রবার রাত্রি দেড়টার সময় আমাদের সোদরোপম বন্ধু রাখালদাস অকালে পরলোক গমন করিয়াছেন। ছাত্রাবস্থা হইতে আমরা তাঁহাকে জানিতাম। তাঁহার শ্রায় সরল, অমায়িক, বন্ধুবৎসল লোক বাঙ্গালা দেশে বড় কম দেখিতে পাওয়া যায়। যখনই কোন বন্ধু-বান্ধবের দুর্দশার কথা বৃণাকরে তাঁহার কর্ণে পৌঁছিয়াছে, তখনই তাহার সে দুর্দশা দূর করিবার জন্ত রাখালদাস বন্ধুপরিকর হইয়াছেন। কোন ছাত্র অর্থাভাবে লেখা-পড়া শিখিতে পারিতেছে না শুনিতে পাইলে তাহার কোমল হৃদয় কাঁদিয়া উঠিত। বহু ছাত্র তাঁহার দানে উচ্চ-শিক্ষা প্রাপ্ত হইয়া কৃতী হইয়াছে। মৃত্যুকালে তাঁহার বয়স মাত্র ৪৬ বৎসর হইয়াছিল। রাখালদাসের পরিচয় বিশেষ করিয়া দিবার প্রয়োজন আছে বলিয়া মনে করি না। ইতিহাস ও প্রত্নতত্ত্বে তিনি যে লক্ষ-প্রবেশ ছিলেন একথা শুধু ভারতবাসী নহে, পাশ্চাত্য-দেশবাসী বিশেষজ্ঞেরা মুক্তকণ্ঠে স্বীকার করেন। বিজ্ঞানসম্মত উপায়ে যাহারা ইতিহাসের আলোচনা করিয়া থাকেন, রাখালদাস ছিলেন তাঁহাদের অন্ততম। এম-এ পরীক্ষা দিবার কিছু দিন পূর্বে এক দিন আমার নিকট রাখাল-ভায়া আসিয়া বলিল, “দাদা! ইতিহাসে এম-এ দেব না, সংস্কৃত দেব স্থিরে করছি।” কারণ জিজ্ঞাসা করিলে উত্তরে বলিলেন,—“দাদা, সে

অপমানের কথাটা হঠাৎ কাল রাত্রে মনে পড়ে গেল। সংস্কৃতই এম-এ দেব ঠিক করেছি।” উত্তরে আমি বলিলাম, “পাগলাম ক’র না।” কথাটা তখন মনে পড়িয়া গেল। প্রথম বাঙ্গালায় ঐতিহাসিক প্রবন্ধ রচনা করিয়া প্রক্বেয় সুরেশচন্দ্র সমাজপতি মহাশয়কে পত্রস্থ করিতে দিলে, উহা বাঙ্গালা হয় নাই বলিয়া তিনি ছাপান নাই। তখন আমি তাঁহাকে বলিয়াছিলাম, “দাও তোমার ঐ প্রবন্ধ, আমি পত্রস্থ করিব।” একটু-আধটু সংশোধন করিয়া ‘কুঙ্কটপদ গিরি’ আমরা ১৩১২ সালে বাণী পত্রিকায় প্রকাশিত করি। তাহার পর তাঁহার অসংখ্য প্রবন্ধ বাঙ্গালা ও ইংরেজী ভাষায় প্রকাশিত হইয়াছে। মুদ্রাতত্ত্ব বিষয়ে তাঁহার জ্ঞান ছিল গভীর। ‘প্রাচীন মুদ্রা’ ১ম ভাগ সে-বিষয়ে অলস্ত সাক্ষ্য দিতেছে।

বি-এ পরীক্ষায় উত্তীর্ণ হইয়া রাখালদাস কলিকাতা মিউজিয়মে সামান্য একটা কেরাণীগিরি কার্যে প্রবেশ করেন। এই সময় ডাক্তার ব্লকের সহিত তাহার বেশ পরিচয় হয় ও তাঁহারই চেষ্টায় প্রত্নতত্ত্ব বিভাগে যোগদান করেন। ছয় বৎসর কর্ম করিয়া মিউজিয়মের প্রত্নতত্ত্ব বিভাগে সহকারী সুপারিন্টেন্ডেন্ট পদে উন্নীত হন। এই সময়ে রাখালদাস এম-এ পরীক্ষা দেন। অনেক বলিয়া তাহাকে সংস্কৃত পরীক্ষা দিতে নিবারণ করি। মাত্র দুই মাস পড়িয়া তিনি পরীক্ষা দেন ও ১৯১০ সালে

২য় বিভাগে ১ম স্থান অধিকার করেন। ইহার কিছুদিন পরে তিনি বোম্বাই প্রদেশের প্রভুত্ব বিভাগের ভার প্রাপ্ত হন। ১৯১০ সালে তিনি বিশ্ববিদ্যালয়ের জুবিলী রিসার্চ পুরস্কার পান। এই সময় তিনি পুণার শানওয়ারাওয়াদা দুর্গের প্রত্নতত্ত্বসম্বন্ধে ব্যাপ্ত থাকিয়া বিষ্ণুত-যুগের ইতিহাসের উপর নূতন আলোকপাত করেন। এই স্থানে তাহার জ্যেষ্ঠ পুত্র অকালে প্রাণত্যাগ করে। তাহার পর মহেঞ্জোদারোর আবিষ্কার করিয়া তিনি ভারতবাসীর মুখ উজ্জ্বল করিয়াছেন ভারতবাসী বলিয়া অনেকে তাঁহার এই কর্মের যথোপযুক্ত প্রাণা সম্মান দিতে প্রথমে কুণ্ঠিত হইয়াছিলেন, কিন্তু স্বয়ং স্যর জন মার্শেল অকুণ্ঠিত 'চত্রে সাধারণে প্রচার করেন যে, ইহার জন্ম কুণ্ঠিত তাঁহার কিছুই নাই ইহা সম্পূর্ণই শ্রীযুক্ত রাখালদাসের প্রাণা। এই আবিষ্কার হইতে সভ্য-জগতে রাখালদাসের নাম গৃহ-পঞ্জীর মত আদৃত হইয়া আসিতেছে। রাজসাগী জেলার পাহাড়-পুরের খনন-কার্যে ও বগুড়ার মহাস্থানের খনন-কার্যে রাখালদাসের সুদক্ষ হস্তের পরিচয় পাওয়া যায়। সরকারী চাকুরী পরিত্যাগ করিতে বাধ্য হইয়া রাখালদাস ইংরেজী বসুমতীতে কিছুদিন সম্পাদকীয় বিভাগে কার্য করেন ও তৎপরে কাশী হিন্দু বিশ্ববিদ্যালয়ের মহারাজ মণীন্দ্রচন্দ্র নন্দী-চেয়ার পাইয়া ইতিহাসের অধ্যাপনা কার্যে ব্যাপ্ত ছিলেন। বহুদিন হইতে বহুমূত্র রোগে তিনি ভুগিতে-ছিলেন এবং এই রোগেই তাঁহার মৃত্যু হয়।

'বঙ্গালার ইতিহাস' প্রথম ও দ্বিতীয় ভাগে ও অন্যান্য ঐতিহাসিক প্রবন্ধে তাঁহার বিচার-বিশ্লেষণ, সত্য-নির্ধারণের প্রতি অবিচলিত নিষ্ঠা, পাণ্ডিত্য, গবেষণা ও অক্ষুস্খিনতার সম্যক পরিচয় পাওয়া যায়। তিনিই প্রথমে নূতন ভাবে সহজ সরল ভাষায় 'পাষণের কথা'র সাধারণের বোধগম্য করিয়া ইতিহাসের এক নূতন রূপ দান করিয়াছেন।

কথা-সাহিত্যেও তাঁহার দান সামান্য নহে। মহা-মহোপাধ্যায় শ্রীযুক্ত হরপ্রসাদ শাস্ত্রী মহাশয় তাঁহার "বেণের মেয়ে" উপন্যাসে যে-প্রথা অবলম্বন করিয়াছেন, ঠিক সেই প্রথা রাখালদাস 'ধর্মপাল', 'শশাঙ্ক' প্রভৃতি ঐতিহাসিক উপন্যাসে অক্ষুসরণ করিয়াছেন। সমসাময়িক আচার-ব্যবহার, রীতি-নীতি সামাজিক বিধি নিবেদের চিত্র এগুলিতে যেমন কুটিয়াছে, ইতিহাসের মর্যাদাও তেমনই



রাখালদাস বন্দ্যোপাধ্যায়

অক্ষুণ্ণ আছে। অবশ্য বন্ধিমচন্দ্রের উপন্যাস—উপন্যাস, ইতিহাস নহে—এ কথার ব্যতিক্রম দেখা যায়, কিন্তু সত্যের অনুরোধে বলিতে বাধ্য যে, এগুলিতেও অনেক অবাস্তব ও কাল্পনিক চরিত্র, ঘটনা-ও পারিপার্শ্বিক অবস্থানের সংযোজনা তিনি করিয়া গিয়াছেন। ইংরেজী উপন্যাসিক স্টুট এক্ষেত্রে তাঁহার আদর্শ ছিল।

অভিনয়ের দৃশ্য-পটাদির বৈষম্য দেখিয়া রাখালদাস মর্মান্বিত হইয়াছিলেন। তাই তিনি ঐতিহাসিক নাটকের দৃশ্য-পট, সাজ-সজ্জা প্রভৃতি স্থান, কাল, ও পাত্রের উপযোগী করিয়া 'ট্টার' ও 'নাট্য-মন্দিরে'র কয়েকখানি ঐতিহাসিক নাটকে স্বয়ং সংযোজনা করিয়া, এমন কি অনেক স্থলে সেকালের দ্রব্যাদি সংগ্রহ করিয়া নাট্য-মোদী দর্শকদিগের আনন্দ বর্ধন করিয়াছিলেন।

সমালোচনা-ক্ষেত্রেও তাঁহার কৃতিত্ব বড় কম ছিল না। কামশাস্ত্র সম্বন্ধে অবধা-মা' তা' বাহির হইতে দেখিয়া

মর্মান্বিত হইয়া তিনি কয়েকটি আলোচনামূলক প্রবন্ধ বাহির করেন। কয়েকখানি নাটকেরও সমালোচনা তিনি বিশদভাবে করিয়া গিয়াছেন ও আমরা বিশ্বস্তমূত্রে অবগত হইলাম, তিনি একখানি নাটকও লিখিয়া গিয়াছেন।

আমরা তাঁহার লিখিত কতকগুলি ইংরেজী ও বাঙ্গালা প্রবন্ধের তালিকা নিম্নে দিলাম :—

Mem. A. S. B.

1. The Palas of Bengal, Vol. 5.
2. The Palæography of the Hathigumpha and Nanaghat Inscriptions.

Books

1. Origin of the Bengali Script., Calcutta, 1919.
2. Temple of Siva at Bhumava, Calcutta, 1924
3. Bas-reliefs of Badami, Calcutta, 1928.

J. A. S. B. (N. Ser.)

1. Account of the Garpa Hill in the District of Gaya, Vol. 2.
2. Belabo Grant of Bhojavarman, Vol. 10.
3. Belkhara Inscription, vol. 7.
4. Catalogue of Inscriptions on Copper plates in the collection of A. S. B., Vol. 6.
5. Discovery of the Seven New-dated Records of the Scythian Period, Vol. 5.
6. Edilpur Grant of Kesavasena, Vol. 10.
7. Evidence of the Faridpur Grants, Vol. 7.
8. Four Forged Grants from Faridpur, Vol. 10.
9. Guru Govinda of Sylhet, Vol. 16.
10. Inscribed Guns from Assam, Vol. 7.
11. Kotwalipara Spurious Grant of Samacava Deva, Vol. 6.
12. Laksmanasena, Vol. 9.
13. Madhainagar Grant of Laksmanasena, Vol. 5.
14. Mathura Inscriptions in the Indian Museum, Vol. 5.

15. Note on the Stambhesvari, Vol. 7.
16. Clay-tablets from the Malay Peninsula, Vol. 3.
17. Saptagrama or Satgawn, Vol. 5.
18. Two Inscriptions of Kumara Gupta I, Vol. 5.
19. Unrecorded Kings of Arakan, Vol. 16.

Indian Antiquary.

1. Scythian Period of Indian History, Vol. 37.
2. Pratihara Occupation of Magadha, Vol. 47.

Non-Muhd : Coins

Coinage of the Later Guptas, Asr. 1913-14.

Punch-marked Coins from Afghanistan. (Num. Suppl.) (1910) N. S. 13.

Karshapana Coins found at Besnagar, A. S. R. 1913-14.

A New Type of Andambara Coinage, N. S. 23 (1914.)

Coins of the Jajapella Dynasty, N.S. 33, 1918.

Silver Coins of the Chandella, Madhavarman, N. S. 22, 1914.

Coins of Hill Tippera, A.S.R., 1913-14.
Unrecorded Kings of Arakan, N. S. 33, 1918.

Coinage of the Gond Kings of Central India, A. S. R., 1913 14.

Coins of Danujamarddana, A.S.R. 1913-14.

Muhd. Coins.

A Muhar of Alauddin Muhd : Shah (Shilji) restruck in Assam, G. B. & O. 5, 1919.

Gold Coins of Shamsu-d-din Muzaffar Shah of Bengal, N. S. 16, 1911.

Two New Kings of Bengal, A. S. R., 1911-12.

A New Type of Silver Coinage of

Jalaludin Muhd. Shah of Bengal, A. S. ,
1913-14.

Gold Coin of Ghyasuddin Muhd. Shah
of Bengal, J. A. S. B., 42.

Silver Coins of Mahmud Shah II Khilji
of Malwa, A.S.R. 1913-14.

Alamgirnagar, A New Mughal Mint,
N.S. 33, 1918.

Modern Review.

1919—Nov. The Last Hindu King of
Sylhet.

1918—Feb.

"The Bas-reliefs of Boro-budur."

1917.—Jan—June

"Reviews and Notices of Books."

1917—July—Dec. (p.p. 165, 547)

"Bas-reliefs at Boro-budur."

"Reviews of Books"

1921—June—Method of Research Work
in the Calcutta University.

1927—September—Dravidian Civiliza-
tion.

—Nov.—Dravidian Civilization.

—Dec.—Apsidal Temples and Chitya-
Halls.

1928—Feb.—Stupas or Chaityas.

—March—Rajput Origins in Orissa.

প্রবাসী—ধর্মপাল—১৩২১-১৩২২

„ —কুলশাঙ্গের ঐতিহাসিকতার দৃষ্টান্ত—আখিন,
১৩২০

„ —হেমকণা—বৈশাখ ১৩১৯-১৩২০

„ —গৌড়রাজমালা (সমালোচনা)—ভাদ্র,
কার্তিক ১৩১৯

„ অগ্রহায়ণ ১৩১৯

„ ফাল্গুন ১৩১৯

„ চৈত্র ১৩১৯

„ —দক্ষমর্দনদেব ও মহেন্দ্রদেব—শ্রাবণ,
১৩১৯

„ —লক্ষণসেনের সময়—শ্রাবণ, ১৩১৯

„ —শুশুনিয়ার পর্বতলিপি—ফাল্গুন, ১৩২০

„ —আওরঙ্গজেবের টাঁকশাল—শ্রাবণ, ১৩২৩

„ —ঐতিহাসিক উপস্থাপন—মাঘ, ১৩০০

„ —ভেড়াঘাট—শ্রাবণ, ১৩৩২

„ —দক্ষিণ-পশ্চিম বঙ্গের শিল্প—মাঘ, ১৩৩২

„ —কান্তকূজে এক দিন—ভাদ্র, ১৩৩৬

„ —উড়িয়ার সাম্রাজ্য, কপিলচন্দ্র দেব—

আষাঢ়, ১৩৩৬

ভারতবর্ষ (১৩২০-২১) ২য় খণ্ড, ১ম বর্ষ

ইণ্ডিয়ান মিউজিয়াম

ভারতবর্ষ ১৩২২-২৩ ২য় খণ্ড—পৃ ৪৭৬/০

শ্রীবিক্রমপুর

ভারতবর্ষ ১ম বর্ষ, ২য় খণ্ড : ১৩২০-২১

ভারতবর্ষ, ৩য় বর্ষ, ১ম খণ্ড, ১৩২২, পৃ ৪৭৪/০

প্রতীচ্য সাহিত্যে প্রাচ্য কথা

মানসী ১৩১৭-১৮ (৩য় বর্ষ)

শেষ গাহড়বাল, পৃ ৫২৭

মানসী — ১৩২০-২১ (১ম খণ্ড)

একটি নিবেদন

J. R. A. S.

(1) Nahapana and the Saka Era, 191'

(2) The Kharoshti Alphabet, 1920.

(3) Nahapana and the Saka Era, pt. I
1925.

J. B. & O.

A vol. IV (1918)

1. Some unpublished records of the
Sultans of Bengal.

B. vol. V. (1919) (June).

2. A Note on the Status of Saisunak
Emps in the Cal. Museum.

3. A Seal of King Vaskarabarma of
of Pragjyotisa found at Nalanda.

4. Inscriptions on the Patna Statues
(with plates).

বঙ্কিমচন্দ্র ও বাঙ্গলার রঙ্গমঞ্চ

[শ্রীহেমেন্দ্রনাথ দাশ গুপ্ত এম-এ, বি-এল]

কত নাট্যকারের আবির্ভাব ও বিলোপ হইয়াছে, অর্ধ শতাব্দী ধরিয়া বাঙ্গলার রঙ্গমঞ্চে কিন্তু বঙ্কিমের প্রভাব অক্ষুণ্ণই রহিয়াছে। গীতিনাট্য বা প্রহসনের কথা বলিতেছি না, বঙ্কিমের উপস্থানে 'বাঙ্গলার রঙ্গমঞ্চ'ও য অনেক পুষ্টি হইয়াছে, এ কথা 'কেহই অস্বীকার করিতে পারিবেন না। মানবের প্রকৃতি, প্রকৃতি ও অস্তরের পরস্পর বিরোধী ভাবের দ্বন্দ্ব ও ঘাত-প্রতিঘাত লইয়াই 'ট্যাকলার' সুরণ। এই সমস্তের উপকরণ, উপাদান ও

গাবলী বঙ্কিমের উপস্থানে প্রচুর পরিমাণে আছে। বাঙ্গলাই রূপান্তরিত নাটক দর্শকের এত হৃদয়গ্রাহী হয়। "নয়শো রূপেয়ার সমালোচনা" কালে বঙ্কিমচন্দ্র বাঙ্গলা নাটকে নাটকীয় উপাদান না পাইয়া ব্যথিত হন এবং নাটক লিপিতে অগুরুদ্ধ হইলেই তিনি বলিতেন, "নাটক লিপিতে পারি এমন ক্ষমতা আমার এখনও হয় নাই।"

তার অল্প পরেই গিরীশচন্দ্র আসরে অবতীর্ণ হ'ন। কিন্তু ইংল্যান্ডের পাকা নাট্যকারেরও হাতেখড়ি হয় বঙ্কিমচন্দ্রকে লইয়া। মিলিতে কি, পূর্কপার দেখিতে পাওয়া যায় রঙ্গমঞ্চে নাটকের প্রভাব হইলেই বঙ্কিম-সাহিত্যের মন্বন হইত এবং প্রতিবারে যে সুধারাশি উখিত হইত তাহাতে নাট্য-রসিকগণ তৃপ্তি পাইতেন। কপালকুণ্ডলা, মৃগালিনী, চন্দ্রশেখর, রাজসিংহ, দেবী চৌধুরানী আজও সমভাবে দর্শকের তৃপ্তি-সাধন করিতেছে।

স্বর্গীয় গিরীশচন্দ্র ষোড়শ মহাশয় যখন অভিনয় করিতে আরম্ভ করেন, তখন রামনারায়ণের কুলীনকুলসর্বস্ব, নবনাটক; যদুসুন্দনের শর্মিষ্ঠা, কৃষ্ণকুমারী, পদ্মাবতী; দীনবন্ধুর নীলদর্পণ, নবীন তপস্বিনী ও মনোমোহন বসুর সতী, হরিশ্চন্দ্র ও রামাভিষেক নাটকের সহিতই দর্শকগণ পরিচিত ছিল। ১৮৭২ খৃষ্টাব্দের ৭ই ডিসেম্বর আশনেল থিয়েটারের জন্মদিন। দুই একখানি নাটক অভিনীত হইবার পরেই গিরীশচন্দ্র বঙ্কিমচন্দ্রের কপালকুণ্ডলাকে নাটকে পরিবর্তিত করেন—১০ই মে ১৮৭৩।) ভীমদর্শন

কাপালিক প্রকৃতি-পালিতা সরলতার প্রতিমূর্ত্তি যুগ্মী, প্রেম-পিপাসিতা তেজস্বিনী পদ্মাবতী প্রকৃষ্ট নাটকীয় চরিত্র; তাই নাট্যকারে রূপান্তরিত কপালকুণ্ডলা একখানি উৎকৃষ্ট নাটক।

(মতিলাল সুর কাপালিকের ভূমিকা গ্রহণ করিতেন) এই চরিত্র বঙ্কিমের স্বজাত ও কল্পনা-প্রসূত চরিত্র নয়। তিনি স্বয়ং ইহা প্রত্যক্ষ করিয়াছিলেন। তিনি যখন কাঁথিতে ডেপুটী ম্যাজিস্ট্রেট, তখন তমসাচ্ছন্ন কোন নিশীথে নিজের বাংলায় বসিয়া আছেন, দেখিলেন দীর্ঘদেহ, দীর্ঘ-শ্রম, জটাজুটমণ্ডিত, গওদেশে নরককাল পরিশোভিত ভগবাহু এক ভীষণ মূর্ত্তি বাতায়ন-পথে উপস্থিত হইয়া 'বঙ্কিম' 'বঙ্কিম' বলিয়া কয়েকবার ডাকিল। নিঃশব্দ বঙ্কিমচন্দ্র সম্মুখে অগ্রসর হইয়া বলিলেন—

"কে তুমি, কেন আমায় ডাকছ?"

ভীমদর্শন পুরুষ উত্তর করিল,—"বঙ্কিম, বাহিরে এসো, কাজ আছে।"

নির্ভয়ে বঙ্কিম বাহিরে গেলেন ও জিজ্ঞাসা করিলেন, "আমায় কেন ডাকলে?"

গম্ভীর গর্জনে উত্তর হইল, "সুমদ্রতীরে বালিয়াড়িতে চল।"

উত্তরে বলিলেন—"না যাব না, কেন যাব? খুলে বলা, নচেৎ যাবো না।"

এই প্রকারে তিনবার সেই ভীমদর্শন বিরাট পুরুষ বঙ্কিমচন্দ্রের কাছে উপস্থিত হন। এই ঘটনা হইতেই কাপালিক-চরিত্র-সৃষ্টির সূচনা। মতিলাল সুর এই চরিত্রের যথাযথ অভিব্যক্তি করিতেন। উল্লিখিত ঘটনার কিছু দিন পরে বঙ্কিমচন্দ্র একদিন বালিয়াড়িতে গিয়াছিলেন। সেই বর্ণনাই পাঠক কপালকুণ্ডলায় দেখিতে পাইবেন।

(অতঃপর ১৮৭৩ খৃঃ ৩১ ডিসেম্বর বর্তমান মিমার্ভা রঙ্গমঞ্চে 'কাম্যকানন' লইয়া গ্রেট আশনেল থিয়েটার খোলা হয়। নাটক নাই, গীতিনাট্যও প্রবর্তিত হয়।)

নাই, কোন অভিনেত্রীকেও তখন পর্যন্ত রঙ্গমঞ্চে প্রবেশ
অধিকার দেওয়া হয় নাই। অভ্যাসের সঙ্গেই পতনের
সূত্রপাত হইলে গিরীশচন্দ্র মৃগালিনী ও বিমলা সহায়ী
কিছুদিনের জন্য নাটকের অভাব পূর্ণ করেন।

মৃগালিনীতে মনোরমা এক অদ্ভুত সৃষ্টি। কখনও
কখনও সরলা বালিকা, কখনও বুদ্ধিমতী গৃহস্থালী।
কখনও শিক্ষাদাত্রী তেজস্বিনী সহধর্মিণী, আবার কখনও
“পশুপতি তুমি কাঁদছ কেন?” বলিয়া প্রেমবিহ্বলা
বালিকার মত চঞ্চলা। হেমচন্দ্রের সহিত
কথোপকথন করিতে করিতে এই মেহশীলা ভগিনী
ভ্রাতার মনোবেদনায় সহানুভূতি করিতেছে, আবার
পরক্ষেণেই পুকুরে হাঁস দেখিগে” বলিয়া বালিকা-
সুলভ চপলতা প্রকাশ করিতেছে। এইরূপ বিরূপ
ভাব প্রদর্শনে মনোরমা চরিত্র অসাধারণ অভিনয়-
চাতুর্য্য প্রদর্শনের যোগ্য বিষয়। পশুপতি চরিত্রেও নানা-
রূপ প্রকৃতির সমাবেশ দেখা যায়। বক্তৃতার ঐক্য
গিরিজায়ার গান ও চটুলতা, দ্বিধা ও গিরিজায়ার কলহ,
হেমচন্দ্রের হৃদয়-দ্বন্দ্ব, মৃগালিনীর প্রেম ও নির্ভীকতা প্রভৃতি
উপাদানে রূপান্তরিত ‘মৃগালিনী’ নাটক আজও দর্শকের
মনে ভাব সঞ্চার করে। (স্বয়ং গিরীশচন্দ্র পশুপতির
ভূমিকা গ্রহণ করিয়া একরূপ অসাধারণ কৃতিত্ব প্রদর্শন
করিতেন যে, স্বর্গীয় অমৃতলাল বসু মহাশয় বরাবর বলিতেন,
“অন্ত কোন দেশে এক পশুপতি ভূমিকাই তাঁহাকে রাজ-
সম্মানে বিভূষিত করিত।” এ পর্যন্ত মনোরমার ভূমিকায়
যাহারা এই অদ্ভুত চরিত্রের মর্যাদা রক্ষা করিয়াছেন,
তাঁহাদের মধ্যে শ্রীমতী বিনোদিনীই সর্বোচ্চ সম্মানের
যোগ্য অধিকারিণী। প্রথমে ইহা অভিনয়ে স্বর্গীয়
শেত্রেমোহন গঙ্গোপাধ্যায় মহাশয় একরূপ অদ্ভুত নৈপুণ্য
প্রদর্শন করিতেন যে, বিজ্ঞাপনে উল্লিখিত
Look look, to your Monorama, she
jumps at the fire,।

বিষয়কের অভিনয়েও ন্যাশনেল থিয়েটারের গৌরব
আরও বাড়িয়া যায়। নগেন্দ্রনাথ ভূমিকায় গিরীশচন্দ্র
বিভিন্ন অবস্থার চিত্রগুলি প্রদর্শন করিয়া দর্শকের হৃদয়ে
রোষণাত করিতেন। কপালকুণ্ডলাও এখানে দ্বিতীয়বার
নাট্যকারে রূপান্তরিত হইয়া অভিনীত হয়।

এইরূপে বঙ্কিমচন্দ্রের উপস্থানে রঙ্গমঞ্চে অভাব
বিদূরিত হইলে ক্রমে জ্যোতি রিন্দ্রনাথ ঠাকুর
মহাশয়ের পুরুবিক্রম, সরোজিনী; হরলাল রায়ের
শত্রু-সংহার, ভারতে যবন প্রভৃতি কয়েকখানি
ঐতিহাসিক নাটক, সত্যী কি কলঙ্কিনী ও নন্দনকানন
গীতি-নাট্য; উপেন্দ্রনাথ দাস মহাশয়ের শরৎসরোজিনী
ও সুরেন্দ্র-বিনোদিনী নাটক কিছুদিন আসন্ন
কমাইয়া রাখে।) কিন্তু এগুলিরও নূতনত্ব বেশী দিন
না থাকায় গিরীশচন্দ্রের আবির্ভাবে রঙ্গমঞ্চে অভাব
ঘুচিয়া যায়।

বেঙ্গল থিয়েটারেও মাইকেলের শর্মিষ্ঠা ও
মায়াকাননের পরেই বঙ্কিমচন্দ্রের দুর্গেশনন্দিনী অভিনীত
হয় (১৮৭৩, ২০ অক্টোবর)। সুকুমারী দত্ত বিমলা, হরিন্দাস
দাস ওসমান, গ্রন্থকার বেহারীলাল চট্টোপাধ্যায় অভিরাম
স্বামী ও শরৎচন্দ্র ঘোষ মহাশয় (ছাত্তাবাবুর দৌহিত্র
ও বেঙ্গল থিয়েটারের স্থাপয়িতা) জগৎসিংহ সাজিতেন।
শরৎবাবু যেমন সুপুরুষ তেমনি উৎকৃষ্ট ঘোড়সওয়ার
ছিলেন। শরৎবাবু গায়ে হাত দিলে ছুঁই ঘোড়াও
শান্ত হইয়া বাইত। (সেনাপতি মানসিংহের যোদ্ধাপুত্র
বেশে ঘোড়ায় চড়িয়া যখন তিনি ছেঁজে আসিতেন,
তখন দর্শকগণ চমৎকৃত হইত। এই নাটকেই বেঙ্গলের
স্থায়ী প্রতিষ্ঠা হয়।

ন্যাশনেল থিয়েটারের অন্ততম প্রতিষ্ঠাতা নগেন্দ্রনাথ
বন্দ্যোপাধ্যায়ের (শ্রীমতী অম্বরূপা দেবীর মাতামহ) কনিষ্ঠ
ভ্রাতা কিরণবাবু বেঙ্গল থিয়েটারে যোগদান করিয়া
গিরীশবাবুর রূপান্তরিত মৃগালিনী নাটকের পাণ্ডুলিপি
সংগ্রহ করেন। এখানেও মৃগালিনীর অভিনয় হয়।
সুকুমারী দত্তের গান শুনিতে আকৃষ্ট হইয়া
অনেক দর্শক আসিতেন। পশুপতি সাজিতেন
কিরণবাবু।

বেঙ্গলে দুর্গেশনন্দিনীর প্রতিপত্তি দেখিয়া গিরীশচন্দ্র
উহা নাটকে রূপান্তরিত করিয়া ন্যাশনেল থিয়েটারে
করেন (১৮৭৮ খৃঃ)। গিরীশচন্দ্র এখানে কপালকুণ্ডলা,
মতিলাল বসু কতলুখী ও বিনোদিনী দাসী আয়েষার
ভূমিকা গ্রহণ করিতেন এবং দুর্গেশনন্দিনীর বিশিষ্ট
অভিনয়ে দর্শকগণ চমৎকৃত হইত। তবে অল্পকালে

শরৎবাবুর আরোহণ-দক্ষতায় মুগ্ধ হইয়া দর্শকগণ অভিনয়-কৌশলের জন্য গিরীশচন্দ্রের অধিক প্রশংসা করিত না।

ইহার পরে গিরীশচন্দ্রের লেখনী অজস্র নাটকাবলী প্রসব করে। ত্রাশনেলে আনন্দরহো, রাবণবধ, সীতার বনবাস, পাণ্ডবের অজ্ঞাতবাস প্রভৃতি বহু নাটকের অভিনয়ের পরে তিনি ষ্টার থিয়েটার স্থাপন করেন এবং আরও উচ্চাঙ্গ নাটক দক্ষয়জ্ঞ, নলদময়ন্তী, চৈতন্যলীলা, ও বিশ্বমঙ্গল প্রভৃতি নাটকের অভিনয়ে তাঁহার যশ চারিদিকে ব্যাপ্ত হইয়া পড়ে। (গিরীশচন্দ্র চলিয়া যাইবার পরে ত্রাশনেলের জীবন-প্রদীপ একেবারে নির্ক্ষাপিত হইবার পূর্বে উহা বঙ্কিমবাবুর “আনন্দমঠ” লইয়া কিছুকাল বাঁচিয়া ছিল। কেদার চৌধুরী মহাশয় তখন নাট্যকার ও শিক্ষক।) মাতৃমূর্তির আবির্ভাব, বন্দে মাতরম্ গীত, সম্মান-বিদ্রোহ, শাস্তির ক্ষিপ্ৰকারিতা, ছুঁতফের ছায়া, আনন্দমঠকে অমর করিয়াছে। (অর্কেন্দ্রশেখর মহাপুরুষ, মতি সুর সত্যানন্দ, মহেন্দ্র বসু জীবানন্দ ও বনবিহারিণী শাস্তি। ১৮৮৬ খৃষ্টাব্দে ভুবনমোহন পুনরায় ত্রাশনেল থিয়েটার লিজ্ লইলে সুকুমারী দত্ত শাস্তির ভূমিকা গ্রহণ করেন। প্রবল প্রতিদ্বন্দ্বী গিরীশচন্দ্র-পরিচালিত ষ্টার থিয়েটারের সহিত আঁটিয়া উঠিতে না পারিলেও বঙ্কিমচন্দ্রই কিছুদিন ত্রাশনেলের আয় বাড়াইয়া রাখেন।

১৮৮৭ খৃষ্টাব্দে কলিকাতার প্রসিদ্ধ ধনী গোপাললাল শীল ষ্টার রঙ্গমঞ্চ ক্রয় করিয়া এমারেন্ড থিয়েটার প্রতিষ্ঠা করেন এবং গিরীশচন্দ্র ঘোষকে অনেক টাকা বোনাস্ দিয়া ম্যানেজার নিযুক্ত করেন। পর বৎসরে ষ্টার সম্প্রদায়ও হাতীবাগানে তাহাদের নিজ নামে থিয়েটার খোলে। গিরীশচন্দ্রের “পূর্ণচন্দ্র” ও “বিষাদ” কিছুদিন চলার পরে, তিনি চলিয়া আসেন এবং এমারেন্ড থিয়েটার নাটকের দৈন্ত অসহ্য করিতে লাগিল। স্বর্গীয় অতুলকৃষ্ণ মিত্রের কয়েকখানি গীতিনাট্য কিছুদিন চলিলেও, থিয়েটার না চলিবার মতই হইয়া উঠিল। তখন মিত্রজাই “কৃষ্ণচন্দ্রের উইল” ও “বিষয়ক” নাটককে রূপান্তরিত করিয়া এমারেন্ডকে কিছুদিন জীবিত রাখেন। পূর্ণচন্দ্র ঘোষ দেবেজ দত্তের ভূমিকায় অননুकरणीয়। বৃদ্ধ কৃষ্ণচন্দ্রও বার্ডেক্যার পাণ্ডীর্বা, বিবরণ-বুদ্ধি ও অহিকেন-মাদকতা বেশ ছুটিয়া উঠিত। মহেন্দ্র বসু গোবিন্দলাল ও নগেন্দ্রনাথ;

সুকুমারী দত্ত রোহিণী ও স্বর্ধামুখীতে এবং হরিশ্চন্দ্রী (ব্রাহ্মী) ভ্রমর ও কুম্ভনন্দিনীতে বেশ কৃতিত্ব দেখাইতেন।

১৮৯৩ খৃষ্টাব্দে গিরীশচন্দ্র আবার যখন ত্রাশনেল রঙ্গমঞ্চে মিনার্ভা থিয়েটার প্রতিষ্ঠা করিয়া ম্যাক্বেথ, আনন্দমঠ ও অন্য প্রভৃতি নাটকের সহায়তায় রঙ্গজগতে সুপ্রসিদ্ধি লাভ করেন, ষ্টারের গৌরব তখন ম্লান। এই সময় চন্দ্রশেখরই তাঁহাদিগকে যশঃশিখরে আকৃষ্ট করে। ঐতিহাসিক নাটক হইলেও বাঙ্গালীর নিকট ইহার বিষয় ছরহ নয়। বালকেরাও স্কুলে ইংরেজ-মীরকাশিমের দ্বন্দ্ব-কাহিনী পাঠ করিয়া থাকে। (শ্বেতাঙ্গণের অর্ধ বাঙ্গলা অর্ধ ইংরেজীতে কথোপকথন, গঙ্গাস্রোতে মস্তুরণ, চন্দ্রশেখরের শৈবলিনী-বিরহে কাতাতা, গঙ্গাবক্ষর তরঙ্গমালায় চন্দ্রমার জোতিছটা, প্রতিফলিত গঙ্গার কুলে বাঁধা বিলাসতরণী, তালীবন-বেষ্টিত ভীমা পুষ্করিণী (আজিও বাহার আভাস কাঁটালপাড়ায় পাঠকের নয়নগোচর হয়) দলনীর মর্ম্মস্পর্শী মঙ্গীত-সহরী, শৈবলিনীর উদ্গাদ-দৃশ্য নানা রসের উৎপাদন করিয়া দর্শকের প্রাণ অভিভূত করে। তারপর অধ্যয়ন-নিরত ধীর চন্দ্রশেখর ও আত্মত্যাগী প্রতাপের চরিত্র-গৌরব। বস্তুতঃ চন্দ্রশেখর প্রথমাপিনয় রজনী হইতেই (১৮৯৪, ৮-সেপ্টেম্বর) আশ্চর্যরূপে জন্মিয়া ওঠে এবং সাধারণের প্রীতি আকর্ষণ করিতে সমর্থ হইয়া স্বহাধিকারিগণের অর্থাভাব ঘুটাইয়া দেয়।) চন্দ্রশেখর বেশে স্বর্গীয় অমৃত মিত্র মহাশয় গৃহে প্রত্যাভর্তন করিয়া শৈবলিনীর বিরহে কাতর হইয়া যখন বাঙ্গা-কৈশোর-যৌবন ও প্রৌঢ়ের প্রিয় সহচর শোণিততুল্য অমূল্য গ্রন্থরাজী অগ্নি-কুণ্ডে নিক্ষেপ করিতে করিতে বলিগেন—“নানা পুরাণ, ইতিহাস, কাব্য, অলঙ্কার, সাহিত্য, ব্যাকরণ আজ প্রজ্বলিত অগ্নিকুণ্ডে নিক্ষেপ করব। ত্রায়, বেদান্ত, সাংখ্য, পতঞ্জল, শ্রুতি, স্মৃতি, আরণ্যক, উপনিষৎ আজ বহি-দেবতাকে আহুতি প্রদান করবে। ওহো, বহুবদে-সংগৃহীত, বহুকাল হ’তে অধীত অমূল্য গ্রন্থরাশি আমার— হোক হোক, ভস্ম হোক, শৈবলিনী আমার ভস্ম করে গেছে, সংসার ভস্ম হোক”—সকলেই নিহরিয়া উঠিল।

(বেঙ্গল থিয়েটারেও ইতিপূর্বে চন্দ্রশেখর নাটকখানি অভিনীত হয়, কিন্তু জন্মে নাই। স্বর্গীয় অমৃতলাল বসু মহাশয় চন্দ্রশেখরে নানারূপ বিষয়কর দৃশ্য বিশেষতঃ

অগাধ জলে সম্ভরণ এইটা অবতারণা করিয়া ও উপযুক্ত ব্যক্তিকে ষথাযোগ্য ভূমিকা প্রদান করিয়া “চন্দ্রশেখরকে” এক চিরনূতন নাটকে পরিণত করেন।

রয়েল বেঙ্গলও বিষয়ক অভিনয় করিয়া সকলের প্রীতি-সম্পাদন করেন। ইতিপূর্বে সুকুমারী ও মহেন্দ্র বসু আসিয়া স্ব স্ব ভূমিকা গ্রহণ করেন এবং ৪।৫ মাস মধ্যে বেহারীধাবু “রজনী” নাটকে রূপান্তরিত করিয়া বিশেষ কৃতিত্বের সহিত অভিনয় করান।

রজনী নাটকে রূপান্তরিত হওয়ায় সকলেরই বিশ্বাসের সীমা রহিল না, কারণ অন্যান্য উপন্যাস হইতে রজনী সম্পূর্ণ বিভিন্ন ধরণে লিখিত। প্রথমে ইংরেজী উপন্যাস লর্ড লীটন প্রণীত Last Days of Pompeii লাষ্ট ডেজ অব পম্পী অবলম্বনে লিখিত উপন্যাসের অংশ বিশেষ বিভিন্ন নায়ক বা নায়িকা দ্বারা অভিযুক্ত।) উক্ত পুস্তকে নিদিয়া নামে যে কাণা ফুলওয়ালী আছে, রজনী সেই চরিত্র স্বরূপে সৃষ্টিত। ফরাসী ভাষায় লিখিত একখানি পুস্তকেও এইরূপ একটা চরিত্র আছে—তাহার সহিতও রজনীর ঘনিষ্ঠ সম্বন্ধ।

রজনী বন্ধিমবাবুর ছায়াময়ী কল্পনা। কিন্তু ইহা একেবারে অস্বাভাবিক মনে করাও যায় না। ঘরে ঘরে কাণা ফুলওয়ালী যদিও আমরা দেখিতে পাই না, কিন্তু “জন্মান্বয়ের প্রাণে প্রণয় সঞ্চার হইতে পারে না” এইরূপ সিদ্ধান্তে উপনীত হওয়াও উচিত নয়। রসসৃষ্টি ব্যতীত এই স্বপ্নতত্ত্বও রজনীতে পরিলক্ষিত হয়। এই গূঢ় তাৎপর্য্য হৃদয়ঙ্গম করিয়াই নাটককার লিখিয়াছিলেন—

চখে চখে ভালবাসা পদ্মপাতা জল,
ক্ষণে চায় ক্ষণে ধার নিরাশ কেবল ;
মনে মনে ভালবাসা প্রেম বলি' গণি,
প্রেমের প্রতিমা অন্ধ হুঃখিনী রজনী।

(রজনীর ভূমিকা গ্রহণ করিতেন সুপ্রসিদ্ধ অভিনেত্রী সুকুমারী দত্ত। বয়সে কিছু বড় দেখাইলেও তাঁহার ভাব-ভঙ্গী ও কথাবার্তায় দর্শক তাহা ভুলিয়া যাইত। বন্ধিম-চন্দ্র লিখিয়াছেন, “রজনী জন্মান্ব, কিন্তু তাহার চক্ষু দেখিলে অন্ধ বলিয়া বোধ হয় না। চক্ষু আয়ত, নির্মল ও কৃষ্ণতার। অতি সুন্দর চক্ষু, কিন্তু কটাক্ষ নাই”। অভিনেত্রী চক্ষুর ভাব ঠিক এই বর্ণনার অনুরূপ করিয়া রাখিয়াছিলেন।

এরূপ ভাবে চক্ষুর ভঙ্গী বিধান কতদিনের অভ্যাস বলা যায় না, কিন্তু অভ্যাসের কৃতিত্বের তুলনা ছিল না। সুকুমারীর কথায় ও গানে দর্শক মগ্নমুগ্ধ হইয়া থাকিত।)

রামসদয় ও লবঙ্গলতার কথোপকথনে বন্ধিম যেন রসবোধের পরিচয় দিয়াছেন নাটকেও অবিকল তাহাই ছিল। রামসদয় বলিতেন—“কইগো! আমার ললিত লবঙ্গলতা-পারিশীলন-কোমল-মলয়-সমীরে কোথায় গো!” আর সদাপ্রফুল্ল মূর্ত্তি তৃতীয়পক্ষের পত্নী “আজ্ঞে, ঠাকুর দাদা মহাশয়, দাসী হাজির” বলিয়া হাসিতে হাসিতে কাছে আসিতেন। (এই স্বামী-স্ত্রীর গভীর প্রণয় বাবু কুঞ্জবিহারী বসু ও নিস্তারিণী রক্ষা করিতেন। হরিদাস দাস, অমরনাথ ও মহেন্দ্র বসু মহাশয় শচীন্দ্রের ভূমিকায় আশ্চর্য্য স্বাভাবিকতা প্রদর্শন করিতেন। “ধীরে, ধীরে, ধীরে আমার এই হৃদয়মন্দিরে প্রবেশ কর”— প্রভৃতি প্রলাপবাক্যের স্বাভাবিকতা এখনও পুরাতন দর্শকেরা সাক্ষ্য দেন।

বেঙ্গল থিয়েটার অতঃপর দেবীচৌধুরাণীও বিশেষ দক্ষতার সহিত অভিনয় করিত। লেফটান্যান্ট ব্র্যানান ব্রজেশ্বরের দৃঢ়মুষ্টির আঘাতে যে কাতর হইয়া বঙ্গযুবকের সামর্থ্য ও নির্ভীকতার কতকটা পরিচয় পান, আর তাহা দেখিয়া ভয়ে বেতসের স্তায় কম্পমান বৃদ্ধ পিতা ভূমিতলে পড়িয়া যান, তাহাতে বন্ধিমচন্দ্র বাঙ্গালী চরিত্রের একটা নূতন দিক্ প্রদর্শন করিয়াছেন। এই ভাব থাকাতাই নাটকখানি জমিয়া গেল। নিশির মুখে নিয়লিখিত গানটীতে তাহার শ্রীকৃষ্ণে সর্বস্ব অর্পণের ভাবটীই প্রকটিত—

(আমি) ত্যজেছি বাসনা ত্যজেছি কামনা,
ভবের ভাবনা ভাবি নে।

আমি সঁপেছি জীবন সঁপেছি যৌবন,
সেজেছি ষোগিনী নবীনে।

আমি চলেছি হাসিয়ে অকূলে ভাসিয়ে
কূল পেতে হরি-চরণে ;

আমার যুচে গেছে ধাঁধা আছে প্রাণ বাঁধা
(সুধু) পরহিত-সাধা-কারণে।

(তবে দেবীচৌধুরাণী “সিটিতে” যে অভিনীত হয়, তাহাই সবিশেষ ভাবে উল্লেখযোগ্য। সিটি তখন বীণা

হইতে এমারেণ্ড মঞ্চে স্থানান্তরিত। স্বর্গীয় অতুলকৃষ্ণ মিত্র দেবীচৌধুরাণী নাট্যকারে পরিবর্তিত করিয়া সিটিকে প্রায় ছয় মাস সুপ্রতিষ্ঠিত রাখেন। ম্যানেজার নীল-মাধব চক্রবর্তীর ভবানীপাঠক ও শ্রীমতী তারাসুন্দরীর “দেবী” দর্শকবৃন্দকে মগ্নমুগ্ধ করিয়া রাখিত।

এমারেণ্ড রঙ্গমঞ্চে অতঃপর ১৮৯৭ খৃষ্টাব্দে পরলোক-গত অমরেন্দ্রনাথ দত্ত ক্লাসিক থিয়েটার প্রতিষ্ঠা করেন। হরিরাজ ও আলিবাবা কিছুদিন চলিবার পরে নাটকের অভাব পূর্ণ করেন বঙ্কিমচন্দ্র। দেবীচৌধুরাণীকে নূতন ভাবে রূপান্তরিত করিয়া অমরবাবু নিজেই ব্রজেশ্বর সাজেন। ইহার পরে আবার ইন্দিরাও অভিনীত হয়। কালাদীঘিতে অপহৃত ইন্দিরা, বৃদ্ধি-বলে ও সহৃদয়তায় অতুলনীয়া সুভাষিনী, রামরাম দত্ত ও তাহার কালীর বোতল, উপেন ও রমেনবাবু, হাশুময়ী হারাণী এবং দ্বিষাপরায়ণা ব্রাহ্মণপাচিকা—বঙ্কিমের প্রতি চরিত্রই অতি সরস।

(পরবৎসরেই অমরেন্দ্রনাথ কৃষ্ণকান্তের উইল নূতন ভাবে রূপান্তরিত করিয়া ‘ভ্রমর’ নাটকে ক্লাসিক মঞ্চে একেবারে সর্বজন-প্রশংসিত করিয়া ফেলিলেন। রোহিণীর হত্যাব্যাপার উপস্থাসেই নাটকের ভাবে লিখিত। গোবিন্দলাল-বেশী অমরবাবু স্বাভাবিক স্ককণ্ঠে যখন অঙ্গ ভঙ্গী করিয়া বলিতেন—

“পায়ে ছেড়ে তোমায় মাথায় রেখেছিলাম)
রাজার শ্রায় ঐশ্বর্য, রাজার অধিক সম্পদ, অকলঙ্ক চরিত্র, অত্যজ ধর্ম সব তোমার জন্য ত্যাগ করেছি।
তুমি কি রোহিণি, যে তোমার জন্য এ সকল পরিত্যাগ ক’রে বনবাসী হ’লেম।
তুমি কি রোহিণি, যে তোমার জন্ত যে ভ্রমর জগতে অতুল, চিন্তায় সুখ, সুখে অতৃপ্তি,
হৃঃখে অমৃত, যে ভ্রমর—তা পরিত্যাগ ক’লেম—”

শ্রোতৃবৃন্দের করতালধ্বনিতে প্রেক্ষাগৃহে মুহুমূহ প্রোতধ্বনিত হইত। অনেক দিন পর্যন্ত ভ্রমর অমরেন্দ্রনাথের প্রতিষ্ঠা অক্ষুণ্ণ রাখিয়াছিল। গিরীশচন্দ্র ঘোষ তখন ক্লাসিকে আসিয়াছেন। বাকুণী পুকুর ও পোষ্টাফিসের দৃশ্য দুইটি তাহারই রচিত এবং ব্রহ্মানন্দের কল্পখানি গানও তিনিই রচনা করিয়াছেন।

কিছুদিন পরে অমরেন্দ্রনাথের সহিত মনোমালিন্য

হইলে গিরীশচন্দ্র ক্লাসিক ছাড়িয়া দেন। মিনার্ভা তখন নরেন্দ্রনাথ সরকার কর্তৃক পরিচালিত হইয়া অনবরত ঘা খাইতে খাইতে গিরীশচন্দ্রের শরণাপন্ন হয়। ‘সীতারাম’কে নাটকে পরিণত করিয়া গিরীশচন্দ্র মিনার্ভাকে দর্শকের সম্মুখে উপস্থিত করেন (১৯০০)। সুবিখ্যাত অভিনেত্রী তিনকড়ি বৃক্ষের উপরে উঠিয়া চাবি ঘুরাইতে ঘুরাইতে বলিতেন, ‘মার মার।’ সন্ন্যাসিনীবেশে মধুরকণ্ঠী গায়িকা সুশীলার অপূর্ব সঙ্গীত—

“উদার অধর, শূন্য সাগর, শূন্য মিনাও প্রাণ।

শূন্য শূন্য ফোটে কত শত ভুবন,

তারকা চন্দ্রমা কত শত তপন,

শূন্য ফেটে অভিমান,

অহম্ অহম্ ইতি শূন্তে বিভাসিত

শূন্তে বিকসিত মনোবুদ্ধিচিত,

মদ-মাৎসর্য্য, ভোক্তা ভোজ্য শূন্ত সকলি এ ভাণ।

(থিয়েটারে বসিয়াও দর্শকের কানে গভীর উদাসভাব সঞ্চার করিত। ‘সীতারাম’-বেশী গিরীশচন্দ্র গভীর স্বরে যখন বলিতেন, “আমি কোন্ সীতারাম? প্রজাপালক হিন্দু ধর্ম-সংস্থাপক আশুত্যাগী পরহিতরত সীতারাম, সেইটে ঠিক না, কামুক রাজ্যভ্রষ্ট সীতারাম সেইটে ঠিক? এইখানে দর্শকের লোমহর্ষণ হইত। গানটি ও উল্লিখিত উক্তি গিরীশচন্দ্র রচিত। আরও অনেকগুলি অশ্লীলশোচনা-জনিত উক্তি সীতারামের মুখে আরোপিত হইয়াছে। বঙ্কিমের উপরে এইখানে কলম চালানো অনুপযোগী হয় নাই। বঙ্কিম-উপন্যাসে রামচাঁদ ও শ্যামচাঁদের কথোপকথনে সীতারাম ও শ্রীর মিলনের কোনও আভাস পাওয়া যায় না।) বঙ্কিমচন্দ্র লিখিয়াছেন, “জয়ন্তী ও শ্রী আর সীতারামের সঙ্গে সাক্ষাৎ করিল না। সেই রাতে তাহারা কোথায় অন্ধকারে মিশিয়া গেল, কেহ জানিল না।” অথচ ইতিপূর্বে শ্রী সীতারামের চরণের উপর পড়িয়া উঠেচরণে বলিতে লাগিল—“এই তোমার পায়ে হাত দিয়া বলিতেছি, আমি আর সন্ন্যাসিনী নই। আমার অপরাধ ক্ষমা করিবে? আমায় আবার গ্রহণ করিবে

সীতারাম, “তুমিই আমার মহিষী।”

জয়ন্তী আশীর্বাদ করিলেন, “আজ হইতে অনন্তকাল
আপনারা উভয়ে জয়যুক্ত হইবেন।”



• [গিরীশচন্দ্র পরম্পর বিরোধী অবস্থায় সামঞ্জস্য সাধন
করিয়া শেষ কালে আবার উভয়ের মিলন সংঘটন
করিয়াছেন, কিন্তু সেই মিলন মৃত্যু-মিলন, অশুশোচনা-
উত্থ চিন্তা-ব্যথিত অন্ধোন্মত্ত রাজার শেষকালে।
এই দৃশ্যের পূর্বের দৃশ্যে জয়ন্তী ও শ্রীর প্রার্থনা
ও সীতারামের সহিত কথোপকথন বন্ধিম-প্রতিভার
উৎকৃষ্ট পরিচায়ক।]

বন্ধিমচন্দ্রের উপস্থাসগুলিতে নাটকের উপাদান অধিক
মাত্রায় ছিল বলিয়া গিরীশচন্দ্র এত আদর করিতেন
যে, অতঃপর ১৮৯১ খৃষ্টাব্দেও চন্দ্রশেখর উপস্থাসখানি
নাটকে পরিণত করিয়া নিজেই চন্দ্রশেখর রূপে
কয়েক রাত্রি দর্শন দেন। পুনরায় নাটকে রূপান্তরিত
ছর্গেশনন্দিনী বরাবর দর্শকের তৃপ্তি-বিধান করিতেছে।
দানীবাবু ও তারাসুন্দরীর ওসমান ও আয়েষার অভিনয়ও
চিরনূতন।

ঐতিহাসিক উপন্যাস রাজসিংহও নাট্যাচার্য্য অমৃত-
লাল ১৮৯৬ ফেব্রুয়ারীতে নাটকে রূপান্তরিত করেন।
ষ্টারে ঐ সময় নাটকের বড়ই অভাব, বহুদিন গিরীশচন্দ্র

ছাড়িয়াছেন, রাজকৃষ্ণ রায় পরলোক গমন করিয়াছেন,
রাজসিংহই দশ মাসের অধিক ষ্টারে নাটকের অভাব
পূর্ণ করিয়াছিল।

এখনও বন্ধিমচন্দ্র চিরনূতনই রহিয়াছেন। উপযুক্ত
অভিনেতার সাহায্য পাইলে, এখনও বন্ধিমের উপস্থাস
দর্শকের মনে নাট্যমোদ প্রদান করিতে পারিতেছে।
এখনও বিষুবন্ধ, মৃগালিনী, চন্দ্রশেখর ও কপালকুণ্ডলা
অভিনীত হইলে লোক-সমাগমের অভাব হয় না। সেদিনও
অপরেশ বাবু ‘রজনী’ নাটকে পরিণত করিয়া দর্শকের
আনন্দবর্দ্ধন করিয়াছেন। উপন্যাসের তো কথাই নাই,
কমলাকান্ত, মুচিরাম গুড় পর্য্যন্ত নাটকের রূপ ধারণ
করিয়া হাসির ফোয়ারা ছুটাইয়াছে। তাই বলিতেছিলাম,
রসাবতারণায় বন্ধিমচন্দ্রের উপন্যাস যেন চিরকালই নূতন,
সুনীতি প্রচারক স্ফুটবর্দ্ধক ও জন্মনোরঞ্জক। আজিও
রঙ্গমঞ্চে বন্ধিমচন্দ্রের প্রভাব সমতাবেই বর্তমান রহিয়াছে।
এই পরিবর্তনশীল জগতে এত বৎসর ধরিয়া বিচিত্র রুচির
দর্শকের যিনি মনোরঞ্জন করিতে সমর্থ হইয়াছেন, তাঁহার
রসমাধুর্য্যের ও কৃতিত্বের শতমুখে প্রশংসা না করিয়া
থাকিতে পারা যায় না।]



অমলা

(পূর্বানুস্মৃতি)

[অধ্যাপক শ্রীসুকুমাররঞ্জন দাশ এম-এ

ভারত

প্রলাপ

ভাঙ্গের শেষ, রাত্রিকাল। প্রায় সকাল হইয়া আসিয়াছে। উষার দুই চারিটা রেখা আকাশের গায়ে দেখা দিয়াছে। পথের ধারের গাছে তখনও দু'একটা নিশাচর পাখী ডাকিয়া ডাকিয়া ঘুমের ব্যাঘাত ঘটাইতেছিল। ভোরের স্নিগ্ধ বাতাস আশ্বিনের আগমন সূচিত করিতেছিল।

একটা বাটীতে একতলার একটা ঘরের জানালা খোলার শব্দ হইল। একজন লোক যেন গান গায়িতে গায়িতে একটা জানালার ধারে আসিয়া বসিল। তাহার শিথিল বাস, গাত্রে কোনও আচ্ছাদন নাই। যেন সে সারা রাত্রি কোন সুখের ধারা পান করিয়া মাতাল হইয়া প্রলাপ বকিতেছে।

কে যেন সজোরে তাহার ঘরের দ্বার ঠেলিয়া প্রবেশ করিল। পূর্বোক্ত লোকটা চমকাইয়া কিরিয়া বলিল, “কে? অনাথবাবু? কি খবর? এত রাত্রে যে?” আগন্তুক মুখ ভেংচাইয়া উত্তর করিলেন—“এত রাত্রে যে! সুশীলবাবু, এ কি রকম ব্যবহার আপনার? অত্ন কেউ কি আপনার জন্ম সুখে নিদ্রা যেতে পারবে না?” রাগে তাঁহার কথা বন্ধ হইয়া গেল।

সুশীল মিনতির সুরে বলিল—“রাগ করবেন না, অনাথবাবু! আজ একটা সুন্দর ভাব মনে জেগেছিল। সেইটাই কবিতায় প্ৰেঁধে রাখছিলাম। ওঃ, এমন সহজে মনে ভাবটা এসেছে! দেখুন অনাথবাবু, প্রায় সবটা লেখা হ'য়ে গেছে। আজ আমার বড় সৌভাগ্য! এত অল্প সময়ের মধ্যে এমন সুন্দর কবিতাটা লিখতে পারব আশা করি নি। তাই, অনাথবাবু, জানালাটা খুলে কবিতাটির খানিকটা সুর দিয়ে গান করছিলাম।”

“একে গান বলেন, সুশীলবাবু? এমন রাস্তা-বিনির্দিষ্ট

ঘরে জীবনে আর কখনও গান শুনেছি ব'লে মনে পড়ছে না! আর এই রাত্রিবেলায়! উঃ, কি ভীষণ!”

সুশীল ইতিমধ্যে তাহার কবিতা লেখা কাগজগুলি একত্র করিয়া এক মুষ্টিতে অনাথবাবুর সম্মুখে ধরিয়া বলিল—“দেখুন, অনাথবাবু, জীবনে আমি এত ভাল কবিতা আর কখনও লিখি নি। ঠিক যেন বিদ্যাতের ক্ষুরগেরঃমত আমার মনে জেগে উঠেছে। একদিন ঐ ঝাউগাছের মাথায় বিদ্যুৎ চমকাতে দেখেছিলাম, যেন একটা আঙনের ফুলকি। ঠিক সেইরকম একটা ফুলকি আজ রাত্রে আমার মনের কোণে উঁকি মেরেছে! আমি কি করব বলুন, অনাথবাবু! আমার বিশ্বাস আপনি যখন সব কথা শুনবেন তখন আর রাগ করতে পারবেন না। ঐখানে আমি কবিতাটা লিখতে বসেছিলাম। বেশ চুপ চাপ ক'রেই লিখছিলাম, কারণ আপনার কথা আমার মনে ছিল, অনাথবাবু। আমি একটুও শব্দ করি নি। কিন্তু ক্রমে এমন এমন হ'য়ে উঠল, যে তখন স্থান, পাত্র, কাল আর কিছুই মনে রইল না, নিজেকেই ভুলে গেলুম। মনে হ'ল বুঝি এতটা আনন্দে আমার বুক ভেঙ্গে যাবে। তখন আমি উঠে পড়লাম, পায়চারি করতে লাগলাম। তারপর একটা জানালা খুলে ধীরে ধীরে গান ধরেছিলাম মাত্র। কি আনন্দে যে আমার বুকখানি ভ'রে গিয়েছিল, তা' যদি জানতেন, অনাথবাবু!”

অনাথবাবু একটু নরম হইয়া বলিলেন, “না, আজ খুব বেশী-গোলমাল শুনি নি বটে। কিন্তু আপনিই বলুন, সুশীলবাবু, এতরাত্রে জানালা খুলে চীৎকার করা আপনার অন্তায় কি না!”

“অন্তায়, নিশ্চয়ই, অনাথবাবু। কিন্তু সব কথাতো আপনাকে খুলে বললাম, বলুন আমি কি করতে পারি? আজ রাত্রির মত রাত্রি আমার জীবনে আসে নি। বুঝলেন, অনাথবাবু, কাল বিকেলে যখন পথে বেড়াছিলাম, আমার

দেবীমূর্তিকে দেখতে পেয়েছিলাম— আমার হৃদয়ানন্দ, আমার জীবনে ঋণতারা! তারপর কি হয়েছিল জানেন, তাহার সুন্দর মুখখানি আমার কাছে এনে ব'লে গেল— “তোমায় ভালবাসি।” আপনার জীবনে কি এ অনুভূতি কখন এসেছে, অনাথবাবু? আমি আনন্দে কথা বলতে পারিনি, আমার সমস্ত শরীর কাঁপতে লাগল। আমি দৌড়ে বাড়ী চ'লে এলাম, এসেই নিদ্রামগ্ন হ'য়ে পড়লাম। সন্ধ্যার কিছু পরে আমার ঘুম ভেঙ্গে গেল। আমার হৃদয় যেন কোন ভাবের তালে তালে জ্বলতে লাগল। আমি লিখতে বসলাম। কি লিখলাম, আমার মনে নেই, তবে অনেক পাতাই লিখে ফেললাম। ভাবের তরঙ্গ যেন নাচতে নাচতে এসে আমার মনে খেলা করতে লাগল। যেন স্বর্গের দ্বার আমার নিকটে উন্মুক্ত হ'য়ে গেল। যেন বসন্তের এক মধুর রজনীতে এক অপরূপা ফুলের মধু পান করিয়ে আমাকে মাতাল ক'রে দিল। তখন কি আর স্থান ও কালের কথা মনে থাকে, অনাথবাবু? উঃ, আপনি যদি আমার সে মনের ভাব বুঝতেন! আমি যেন নতুন জীবন লাভ করলাম। আমার মানস-সুন্দরী এসে আমার হাত ধ'রে ফুলের বাগানের মধ্যে নিয়ে গেল, তারপর অনেকক্ষণ আমরা সেখানে বেড়ালাম। অকস্মাৎ স্বর্গ হ'তে ইন্দ্র নেমে এলেন, আমরা অভিবাদন ক'রে তাঁর সম্মুখে দাঁড়িয়ে রইলাম তিনি অপলকনেত্রি আমার প্রেয়সীকে দেখতে লাগলেন। কারণ আমার প্রেয়সী যে অপূর্ব-সুন্দরী। তারপর ঈষৎ হেসে তিনি চ'লে গেলেন! আমরাও অনেকক্ষণ সেই উচ্চানে বিচরণ করতে লাগলাম। হঠাৎ আমার হৃদয়-রাগী আমার হাত ধ'রে বলল— “আমি তোমায় খুব ভালবাসি, সারাজীবন শুধু তোমাকেই ভালবেসেছি। এই যে আনন্দের ধারা, অন্তরের অন্তরতম প্রদেশের সুখ-নির্ঝর, তাই আমার কবিতায় আজ ধ'রে ফেলেছি। মনে হচ্ছে যেন আনন্দের এক অপরূপ মূর্তি কি মধুর হাসি হেসে আমার প্রাণের মাঝে খেলে বেড়াচ্ছে!”

অনাথবাবু হতাশ হইয়া বলিলেন, “না আপনার প্রলাপ শুনে রাত কাটান আমার পক্ষে অসম্ভব, সুশীলবাবু। আপনাকে কিন্তু আমি শেষ বারের মত সাবধান ক'রে দিয়ে গেলাম। এ রকম পাগলামি করলে আর আমার বাবার বাড়ীতে থাকা চলবে না।”

এই বলিয়া অনাথবাবু চলিয়া যাইতেছিলেন। দ্বারের কাছে আসিতেই সুশীল তাঁহাকে ধামাইয়া বলিল— “এক মিনিট দাঁড়ান, অনাথবাবু। আপনি আমার উপর রাগ করবেন না, বলুন। আমি আনন্দের আবেগে চীৎকার ক'রে গেয়ে উঠেছিল। মনে হয়েছিল পৃথিবীর মধ্যে যেন আর কেউ নেই, শুধু আমি একা আনন্দসাগরে ভেসে বেড়াচ্ছি। আমার মাঝে মাঝে এমন অবস্থা হয়, তখন আর নিজেকে সামলাতে পারি না। কিন্তু অনাথবাবু, সত্যি আমার ভাবা উচিত ছিল আপনি পাশের ঘরে নিদ্রা যাচ্ছেন।”

“শুধু আমি কেন সারা শহর ঘূমে অচেতন, সুশীলবাবু।”

“তাই বটে! আচ্ছা দাঁড়ান, অনাথবাবু। এই ফুলের তোড়াটা আমি আপনাকে উপহার দিচ্ছি, কাল অনেক কষ্টে সংগ্রহ করেছি। নেবেন না? কেন? আপনার কোনও প্রিয় লোকের ছবি সাজাবেন! ফুল দিয়ে সাজাবার মত কোনও ছবি নেই? তবে? কিন্তু এমন একখানা ছবি অন্ততঃ থাকা উচিত ছিল, অনাথবাবু। আচ্ছা, তবে কাল আমি আপনার ঘরে গিয়ে কমা চেয়ে আসব। আমারও কিছু একটা করা প্রয়োজন!”

“এখন যাই আমি, সুশীলবাবু।”

“যাবেন? আচ্ছা। আমি এই শুতে যাচ্ছি। সত্যি বলছি, অনাথবাবু। আর টু শব্দটা করব না। এবং ভবিষ্যতে বিশেষ সাবধান হ'ব, কেমন?”

অনাথবাবু দ্বারের বাহিরে গেলেন। হঠাৎ সুশীল দ্বার খুলিয়া মুখখানি বাড়াইয়া বলিল— “শুধু অনাথবাবু, আমি কালই চ'লে যাব। আর আপনাকে জ্বালাতন করব না। এই কথাই আপনাকে বলতে ভুলে গিয়েছিলাম।”

পরদিন কিন্তু সুশীলের বাড়ী যাওয়া হইল না। কয়েকটা জরুরী কাজের জন্ত তাহাকে শহরে থাকিয়া যাইতে হইল। সন্ধ্যার সময়ে তাহার অসাবধান পদযুগল তাহাকে তাহার অজ্ঞাতসারে অমলার মামার বাড়ীর দ্বারদেশে লইয়া উপস্থিত করিল। দ্বারবানের নিকট সংবাদ লইয়া সেখানি ল, অমলা মামার সহিত বাহিরে গিয়াছে। না, তাহার এমন কিছু প্রয়োজন ছিল না, অমলা আর সে এক গ্রামের প্রতিবেশী কি না, তাই দেখা করিতে আসিয়াছিল। দেশ হইতে

কোন নতুন সংবাদ আছে কি না জানিতে আসিয়াছিল।
আচ্ছা সে পরে একদিন আসিবে।

সুশীল শহরের মধ্যে গিয়া ঘুরিতে লাগিল। হয় তো
সেখানে অমলার সহিত তাহার দেখা হইতে পারে। সুশীল
ঘুরিয়া ঘুরিয়া ক্রাউন থিয়েটারের নিকট আসিয়া পৌঁছিল।
দেখিল টিকিট ঘরের কাছে অমলা তাহার মামার হাত ধরিয়া
দাঁড়াইয়া আছে। সুশীল অগ্রসর হইয়া অমলার দিকে
তাকাইল, অমলাও সুশীলকে লক্ষ্য করিল। চারি চক্ষু
মিলিত হইলে অমলা মুহূ হাসিল। সুশীল মনে করিল
অমলা এইবার চক্ষুর ইঙ্গিত করিয়া তাহাকে ডাকিবে।
কিন্তু অমলা তাহার কিছুই করিল না। লজ্জাবনতমুখে
অমলা মামার হাত ধরিয়া থিয়েটারের ভিতর চলিয়া গেল।
সুশীলও একখানি টিকিট কিনিয়া প্রবেশ করিল।

সুশীল বসিয়া বসিয়া অমলাকে লক্ষ্য করিতে লাগিল।
ক্রমে প্রথম অঙ্কের শেষে দশ মিনিট ইন্টারভ্যাল হইল।
অমলা মামার হাত ধরিয়া ধাবারের দোকানে প্রবেশ করিল।
সুশীলও ঘরের নিকটে দাঁড়াইয়া রহিল। অমলার
বাহির হইতেই সুশীলের সম্মুখে পড়িয়া গেল। সুশীল
হাসিয়া জিজ্ঞাসা করিল, “কেমন আছ, অমলা?”

“ভাল আছি সুশীলদা।” বলিয়াই অমলা তাহার
মামার দিকে তাকাইয়া বলিল “এর নাম শ্রীসুশীল চন্দ্র
দাসগুপ্ত, আমাদের একগ্রামবাসী প্রতিবেশী। এবার
এম্-এ পরীক্ষা দিয়েছেন।”

“ভাল, ভাল।” বলিয়া অমলার মামা একটু
হাসিলেন।

অমলা ঈষৎ হাসিয়া জিজ্ঞাসা করিল, “তুমি বুঝি
আমাকে বাড়ীর খবর জিজ্ঞাসা করতে এয়েছ, সুশীলদা।
একজন বাড়ী থেকে এসেছে বটে, কিন্তু আমি কোনও
খবর পাই নি। তবে নিশ্চয়ই তারা ভাল আছেন। আমার
তো তাই বোধ হয়।”

“তাই হবে, অমলা। তুমি কি শীগ্গির দেশে
বাছ?”

“হ্যাঁ, এই সময়ের নিশ্চয়ই যাব সুশীলদা। তোমার
বাবা মাকে তোমার সংবাদ দেব। এখন তোমারও ত
পরীক্ষা শেষ হয়ে গেছে, তুমিও চল না।” এই বলিয়া
অমলা মামার হাত ধরিয়া নিজের স্থানে চলিয়া গেল।

সুশীল থিয়েটার হইতে বাহিরে আসিয়া পায়চারি
করিতে লাগিল। ঘুরিয়া ঘুরিয়া সে মামার বাড়ীর নিকট
উপস্থিত হইল। হয় তো বাড়ী কিরিবার মুখে অমলার সহিত
দেখা হইতে পারে। প্রায় রাত্রি সাড়ে দশটার সময়ে
অমলা তাহার মামার সহিত গাড়ী করিয়া কিরিয়া আসিল।
সুশীল দেখিল, গাড়ী বাড়ীর মধ্যে প্রবেশ করিল, বাড়ীর
কটক বন্ধ হইয়া গেল। আরও কিছুক্ষণ বাড়ীর সম্মুখে
সুশীল পায়চারি করিয়া কিরিবার উপক্রম করিতেছে,
এমন সময়ে দেখিল ধীরে ধীরে কটকটা খুলিয়া অমলা
পা টিপিয়া টিপিয়া বাহিরে আসিল। আসিয়াই সে
চারিদিকে তাকাইয়া ঈষৎ হাসিয়া সুশীলকে ইঙ্গিত করিয়া
ডাকিল। সুশীল সম্মুখে আসিতেই অমলা বলিল—“এখনও
মনের ভিতর একরাশ চিন্তা নিয়ে ঘুরে বেড়াচ্ছ, সুশীলদা!”

“কই আর ঘুরে বেড়াচ্ছি? আর আমার চিন্তাই বা
কি? এই বাড়ী কিরছিলাম আর কি!”

“কিন্তু বাড়ী কিরবার সময়েও যে আমি তোমায়
পায়চারি করে বেড়াতে দেখেছি, সুশীলদা। তারপর ঐ
জানাল দিয়ে তোমাকে বাহিরে দেখে তোমার সঙ্গে
কয়েকটা কথা বলতে ইচ্ছা হ’ল। আবার এখনই ভিতরে
চ’লে যেতে হ’বে।”

“এত কষ্ট ক’রে এলে, তার জন্য তোমায় আশীর্বাদ
করি অমলা। আমি হতাশ হ’য়ে পড়েছিলাম, মনে হয়েছিল
তোমার সঙ্গে আজ আর দেখা হবে না! তোমার সঙ্গে
থিয়েটারে যে দেখা করেছিলাম, তাতে বোধ হয় বিরক্ত
হয়েছ! ক্ষমা কর, অমলা। তুমি সে দিন যা বলেছিলে, তার
অর্থ কি, তাই জিজ্ঞাসা করতে আজ আমি এসেছিলাম।”

“কিন্তু সে দিন আমি এত কথা বলেছি যে, তাতে
বুঝবার বাকী কিছু আছে বলিয়া আমার ত মনে হয় না,
সুশীলদা।”

“আমার যে সবটাই স্বপ্ন ব’লে মনে হচ্ছে অমলা।”

ধাক্কা, সুশীলদা, ও বিষয়ে আর আলোচনা করার
প্রয়োজন নেই। আমি অনেক কথা বলেছি, যা বলা
উচিত হয় নি, তাও বলেছি। আমি তোমার ভালবাসি।
সত্যি কথা। যেদিনও আমি মিছে কথা বলি নি, আজও
মিছে কথা বলছি না। তথাপি এত সব কারণ জুটে আমাদের
হৃদয়কে ঘুরে সরিয়ে দিচ্ছে যে, ও সব কথা আর আলো-

তনা না করাই ভাল। তোমায় আমার বড় ভাল লাগে সুশীলদা। তোমার সঙ্গে কথা কইতে ভাল লাগে, তোমার সঙ্গে বেড়াতে ভাল লাগে, এমন ভাল আর কাহারও সঙ্গে লাগে না। তবুও সুশীলদা,। কে কেম আমাদের দেখছে বলে মনে হচ্ছে। এখন যাই তবে সুশীলদা? তুমি জান না, এমন অনেক কারণ আছে যাতে আমাদের মিলন অসম্ভব। আমি রাত্রিদিন ও-কথা ভেবে দেখেছি আমার মনে হয়, সেটা একেবারে অসম্ভব!”

“কি অসম্ভব, অমলা?”

“সবটাই অসম্ভব, সুশীলদা। দোহাই তোমার, এ সম্বন্ধে আর কিছু আমায় জিজ্ঞাসা কর না।”

“আর কিছু জিজ্ঞাসা করব না, অমলা? আমার বোধ হয় সেদিন তুমি আমায় মিছে আশার কথা শুনিয়েছিলে। কেমন, না?”

অমলা মুখ ফিরাইল।

“রাগ করলে, অমলা?” সুশীলের মুখখানা পাংশুবর্ণ ধারণ করিল। “এ ছুদিনে এমন কি করেছি অমলা, যে সব মিথ্যা হয়ে গেল?”

“পায়ে পড়ি সুশীলদা, ও কথা ছেড়ে দাও। আমি ছুদিনে ভাল করে ভেবে দেখেছি মাত্র। এমন কি হয় না? তবু বলছি, তোমায় আমার ভাল লাগে, আমি তোমার প্রশংসা করি।—”

“এবং সম্মান করি! কেমন না, অমলা?”

অমলা সুশীলের দিকে একটু বক্রদৃষ্টিতে চাহিল। সুশীলের কথায় অমলার একটু রাগ হইয়াছিল। অমলা উত্তেজিত স্বরেই বলিল—“কেন তুমি কি দেখিতে পাও না সুশীলদা, যে ঠাকুরদার মত কিছুতেই হবে না! কেন তুমি এ কথা আমায় বলতে বাধ্য করালে? তুমি ত নিজেই এটা বেশ বুঝতে পার। তবে?”

উভয়েই নিরুত্তর। কিছুক্ষণ পরে সুশীল বলিল—“তা বটে অমলা, আমারই ভুল হ’য়েছিল।”

“তা ছাড়া আরও কত কারণ রয়েছে, তা তোমাকে বলা যায় না, সুশীলদা। তুমি এ রকম করে আমার অনুসরণ কর না, তোমার পায়ে ধরে বলছি। এতে আমার বড় ভয় করে।”

“আর কখনও এমন হবে না, অমলা।”

অমলা ধীরে ধীরে সুশীলের একখানি হাত নিজের হাতের মধ্যে লইয়া বলিল—“তা হলে পূজার সময় বাড়ী যাবে ত, সুশীলদা!” বলিয়াই অমলা কটকের মধ্যে চলিয়া গেল।

সুশীল সোজা পথ ধরিয়া বুড়ীগঙ্গার দিকে চলিল। পথে একটা ছোট বালক গোলাপফুলের মালা বেচিতেছিল, সুশীল একগাছি মালা কিনিয়া লইল। তারপর ঘুরিতে ঘুরিতে সে গঙ্গার ধারে আসিয়া করোনেশন পার্কের মধ্যে গিয়া একটা বেঞ্চে উপবেশন করিল। তখন বৃষ্টি পড়িতেছিল, কিন্তু সুশীলের তাহাতে ক্রম্পন নাই। তাহার হস্তস্থিত ছাতাটা শুধু সান্দ্ররূপ তাহার হাতে শোভা পাইতেছিল। কন্কম করিয়া বৃষ্টি পড়িতে লাগিল। কিন্তু সুশীলের খেয়াল নাই। অচলকনকভাবে ছাতাটা খুলিয়া মাথায় দিয়া সে তন্দ্রামগ্ন হইল। তারপর কখন নিদ্রাভিভূত হইয়া পড়িল সে জানিতে পারিল না।

হঠাৎ এক পাহারাওয়ালার শব্দে তাহার ঘুম ভাঙ্গিয়া গেল। সুশীল চমকাইয়া উঠিয়া বলিল। তাহার মাথাটা অনেকটা পরিষ্কার হইয়া গিয়াছে। সন্ধ্যার সমস্ত ঘটনা তাহার মনে পড়িল। থিয়েটার দেখা হইতে আরম্ভ করিয়া ছোট ছেলেটির নিকট হইতে গোলাপ ফুলের মালাটা কেনা পর্য্যন্ত। সুশীল মালাটা খুঁজিয়া পাইল না, বোধ হয়, দয়া করিয়া কেহ উহা সরাইয়া লইয়া গিয়াছে! সে পথে বাহির হইয়া পড়িল; দেখিল তাহার সম্মুখ দিয়া একটা ভদ্রলোক ধীরে ধীরে মন্থরগতিতে হাঁটিয়া চলিতেছে, তাহার মাথায় ছাতা নাই, সে বৃষ্টিতে বড় ভিজিতেছে। সুশীল তাহার নিকট গিয়া তাহাকে নিজের ছাতার তিতর আসিতে অনুরোধ করিতে সাহস করিল না। তাই সুশীল নিজের ছাতাটাও বন্ধ করিয়া দিল। না, সে বৃদ্ধ ভদ্রলোকটাকে একা ভিজিতে দিবে না।

সুশীল যখন বাড়ী ফিরিল, তখন রাত্রি বারটা বাজিয়া গিয়াছে। দেখিল, টেবিলের উপর একখানি নিমন্ত্রণ পত্র রহিয়াছে—সুভদ্রার পিতা তাহাকে পর দিন সন্ধ্যার সময় তাঁহার বাড়ীতে ভোজনের নিমন্ত্রণ করিয়াছেন, সেই সঙ্গে অমলা ও সন্তোষকেও নিমন্ত্রণ করা হইয়াছে, সুতরাং তাহাকে আনিতেই হইবে।

সুশীল শস্যার শুইবামাত্র ঘুলাইয়া পড়িল। কিন্তু প্রায় দুই ঘণ্টার মধ্যে সে উকমস্তিক জাগিয়া উঠিল। যদিও সমস্ত দিনের পরিশ্রমের ক্লান্তিতে তাহার শরীর ভাঙ্গিয়া পড়িতেছিল, তথাপি কিছুতেই তাহার নিদ্রা আসিল না। সুশীল টেবিলের নিকট গিয়া নিমন্ত্রণ পত্রখানির উত্তর লিখিতে বসিল। বিশেষ কারণে সে যাইতে পারিবে না, বলিয়া সে উত্তর লিখিয়া দিল। তার পর উঠিয়া নিজের চিঠিখানি ডাকে দিতে যাইতেছিল, হঠাৎ তাহার মনে হইল যে অমলাও ত নিমন্ত্রিত হইয়াছে। তবে অমলা তাহাকেও সে কথা বলিল না কেন? সে বুঝি ইচ্ছা করে না যে, সুশীল এত লোকের মধ্যে গিয়া তাহার সহিত আলাপ করে। সুতরাং তাহাকে যাইতেই হইবে। সুশীল তাহার লেখা চিঠিখানি টুকরা টুকরা করিয়া ছিঁড়িয়া ফেলিল। সে আর একখানি চিঠি লিখিয়া দিল যে সে নিমন্ত্রণে যাইবে। আবেগে ও অভিমানে তাহার হাত কাঁপিতেছিল। কেন সে যাইবে না? কেন সে আপনাকে লুকাইয়া রাখিবে? সে নিশ্চয়ই যাইবে।

অদম্য উৎসাহে সুশীল কক্ষের মধ্যে পায়চারি করিতে লাগিল। দেওয়াল হইতে ক্যালেন্ডার টানিয়া আনিয়া তার তিন-চার খানি তারিখের পাতা ছিঁড়িয়া ফেলিল। বিপুল আনন্দে সে কি করিবে কিছুই স্থির করিতে পারিল না। হঠাৎ তাহার কান ধুঁটিবার প্রয়োজন হইল। সে আর কিছু না পাইয়া টেবিলের উপরিস্থিত ঘড়ির একটা কাঁটা অসতর্কভাবে খুলিয়া লইয়া কান খোঁচাইতে লাগিল। তারপর যখন তাহার দৃষ্টি এই ব্যাপারে আকৃষ্ট হইল, তখন সে অটহাস্য করিয়া ঘরটা কাঁপাইয়া তুলিল। আর কি প্রয়োজনীয় জব্য সে নষ্ট করিতে পারে, তাহাই ভারিতে লাগিল।

দোড়াইয়া আসিয়া সুশীল শস্যায় শুইয়া পড়িল এবং সেই ভিঙ্গা কাপড়েই নিদ্রামগ্ন হইল। পরদিন তাহার যখন নিদ্রাভঙ্গ হইল, তখন অনেক বেলা হইয়া গিয়াছে। তখনও বৃষ্টি পড়িতেছিল। রাস্তাঘাট সব কর্দমাক্ত। সুশীলের বেশ একটু মাথা ধরিয়াছিল। তাহার চিন্তাগুলি সব এলোমেলো হইয়া যাইতেছিল।

ডাকশিগুন আসিয়া একখানি চিঠি দিয়া গেল। সুশীল চিঠিখানি খুলিয়া বার বার পাঠ করিয়াও কিছু বুঝিতে

পারিল না, আবার সে পাঠ করিতে লাগিল। অমলার সে লিখিয়াছে, সুশীলের বাড়ী নিমন্ত্রণের কথা সে তাহাকে কাল বলিতে ভুলিয়া গিয়াছিল; সে যেন সেখানে নিশ্চয়ই যায়। তাহাকে অমলার বিশেষ প্রয়োজন। তাহার অনেক কথা বলিবার আছে। সুশীল তাহার পূর্বের লেখা চিঠিখানি আবার ছিঁড়িয়া ফেলিল। সুশীল পিতার নিকট সে লিখিয়া দিল, যে অল্পত্রে বিশেষ প্রয়োজন থাকায় ইচ্ছা থাকিলেও সে সন্ধ্যার সময়ে নিমন্ত্রণ রক্ষা করিতে পারিল না বলিয়া সে দুঃখিত। সুশীল নিজের হাতে চিঠিখানি ডাকে দিয়া আসিল।

পাঁচ

কল্লনার রাজ্যে

পূজার ছুটির আর দুই-এক দিন বাকী। অমলারা দেশে চলিয়া গিয়াছে। শহরের পথ ঘাট অনেকটা নিস্তর, নির্জন। সুশীল তখনও শহরে। সমস্ত রাত্রি ধরিয়া তাহার শয়নকক্ষে বাতি জলিতেছিল। তাহার দৃঢ় প্রতিজ্ঞা, পুস্তকখানি শেষ না করিয়া সে উঠিবে না। কয়েক দিন ধরিয়া সে কোথায়ও যায় নাই, কাহারও সহিত সাক্ষাৎও করে নাই, বসিয়া বসিয়া কেবল লিখিতেছিল। কখনও কখনও তাহার উকমস্তিক হইতে কতকগুলি অসংলগ্ন ভাব জন্মগ্রহণ করিয়া লিপিবদ্ধ হইয়া যাইতেছিল। তাহার প্রকৃত অবস্থা কিরিয়া আসিলে, সেগুলি তাহাকে আবার কাটিয়া নষ্ট করিয়া ফেলিতে হইতেছিল। ইহাতে তাহার লেখার বড় বিলম্ব হইয়া যাইতেছিল। হয়তো রাত্রির নিস্তরতার মধ্যে একটা গরুর গাড়ীর বেঁচর বেঁচর শব্দে তাহার কল্লনার স্ত্র মাঝে মাঝে ছিন্ন ভিন্ন হইয়া যাইতেছিল।

ঐ গরুর গাড়ীটা রাস্তার এক কোণে গিয়া ঠেকিল। একটা খঞ্জ রাস্তার খুঁটি ধরিয়া পথের ধারে দাঁড়াইয়াছিল। ঐ বুঝি গরুর গাড়ীর তলায় সে চাপা পড়িয়া গেল! বুঝি তাহার মাথাটা গাড়ীর চাকায় লাগিয়া গুঁড়া হইয়া গেল! আহা বেচারী সত্যই কি মারা গেল! আবার ও কে পথের ধারে মরিয়া পড়িয়া রহিয়াছে? ঐ তার বুক-পকেট হইতে এক খানি পত্র বাহির হইয়া রহিয়াছে না! সে বুঝি তাহার কোন প্রিয়জনকে লেখা পত্রখানি ডাকে দিতে যাইতেছিল।

সাহা, বেচারী কি জানিত যে কয়েক মুহূর্তের মধ্যে তাহার মৃত্যু হইবে!

সুশীল কল্পনার দেখিতে লাগিল, কে একজন এক নির্জন কক্ষে মৃত্যুর কাদাল হইয়া ছট্‌ফট্‌ করিতেছে! তাহাকে যে মরিতেই হইবে। সন্ধ্যা হইয়া আসিয়াছে, আটটার সময় সে মরিবে! একটা দেওয়াল-ঘড়ী টিক্‌ টিক্‌ করিয়া শব্দ করিতেছিল। কৈ আটটা বজিল কৈ? ঘড়ী ত সেই টিক্‌ টিক্‌ করিতেছে! আহা বেচারী! আটটা কখন বাজিয়া গিয়াছে, কিন্তু তাহার বিকৃত মস্তিষ্কে সে শব্দ প্রবেশ করে নাই! তাহার সম্মুখে একটা ফুলদানি স্থাপিত ছিল, ফুলদানি হইতে ফুলগুলি লইয়া সে কুটি কুটি করিয়া ছিড়িয়া ফেলিল, তার পর ফুলদানিটা মাটিতে মগোরে আছাড় মারিয়া সে টুকরা টুকরা করিয়া ভাঙ্গিয়া ফেলিল। কেন? সে মরিবে আর ঐ ডিনিসগুলি অথবা অবস্থায় থাকিবে কেন? লোকটা বিকৃত মস্তিষ্কে এক মণ্ডাছের মধ্যে মরিয়া গেল।.....

সুশীলের কল্পনা-স্বপ্ন আবার ছিন্ন হইয়া গেল। সে উঠিয়া ঘরের ভিতর আবার পাক্‌চারি করিতে লাগিল। তাহার পাশের ঘরে যেন ঘুমভাদার শব্দ হইল। ঐ বুকি অমাধবাবু ঘুমভাদার রাগে তাহাকে গালাগালি দিতে আসিতেছেন। সুশীল ধীরে ধীরে টেবিলের নিকটে আসিয়া বসিল। সম্মুখের জানালাটা উন্মুক্ত ছিল, তাহা হইতে শিথল বাতাস আসিয়া তাহার মস্তিষ্কের উষ্ণতা অনেকটা দূর করিয়া দিল। সে তাহার লিখিত কাগজগুলি উল্টাইয়া উল্টাইয়া দেখিতে লাগিল। সে দেখিল যে, তাহার কল্পনা তাহার সহিত লুকাচুরি খেলিতেছে। ডাক্তার গরুর গাড়ীর বেঁচর বেঁচর শব্দ ও মৃত্যুর বীভৎসতা— ইহার সহিত তাহার লেখার কি সন্দেহ আছে? সে লিখিতেছে, নদীর ধারে একটা পুষ্পবিভূষিত উদ্যানে বসন্তের মলয়হিমোল পুষ্পসৌরভ বহিয়া বেড়াইতেছিল, সন্ধ্যার বন্ধ তরঙ্গের মাঝে চন্দের সোহাগা হাসিয়া হাসিয়া মাচিয়া মাচিয়া খেলা করিতেছিল। সেই অমাবিল যৌবনময় সৌন্দর্যের রাস্যে উদ্ভাসের এক নিঃশব্দ প্রান্তে বসিয়া একটা সুসজ্জিত সন্দরী বোড়শী বালিকা। কলাবর্ণের সুবর্ণ মুহূর্তের মধ্যে সে যেন সুন্দরতম ফুলটা উদ্ভান আয়োজনা করিয়া বসিয়া

আছে! ধীরে ধীরে একটা পুরুষ-মূর্তি সেখানে আসিয়া উপস্থিত হইল। বালিকাটা চমকাইয়া উঠিয়া পুরুষটাকে চলিয়া যাইতে বলিল। পুরুষটা বলিল—“ওধু এই কথা বলতে এসেছিলাম, তুমি যা বলেছ তাই ঠিক। আমি বুঝতে পারি নি। বাস্তবিকই উহা অসম্ভব!” বালিকা উত্তর করিল, “তবে আবার কেন এসেছ আমার কাছে?” পুরুষটা বালিকার একেবারে নিকটে আসিয়া পড়িয়া ধীরে ধীরে বলিল, “ওধু একবার তোমার দেখব বলে। এক মুহূর্ত তোমার কাছে থাকব, ওধু এক মুহূর্ত!” পুরুষটার এক মুহূর্ত কাটিয়া গেল। মৃত্যুর সে বলিল, “বিদায়, ওগো বালিকা বিদায়।” বালিকা একবার তাকাইল মাত্র। তার পর পুরুষটা চলিয়া গেল।

ছিঃ ছিঃ, এই স্বপ্নের কল্পনার সহিত মৃত্যুর কি সন্দেহ আছে? সুশীল পূর্নলিখিত কাগজগুলি নষ্ট করিয়া ফেলিল। তাহার প্রাণের ছকুল ছাপাইয়া কল্পনার-ধারা ছুটিয়া বাহির হইতে লাগিল। সুশীল আবার লিখিতে বসিল।

পুরুষটা বালিকার নিকট হইতে বিদায় লইয়া উদ্ভানের বাহিরে আসিল। তাহার স্মৃতিটা লইয়া পথে পথে ঘুরিয়া বেড়াইল। তার পর কোথায় চলিয়া গেল, কেহ জানিতে পারিল না। এক বৎসর কাটিয়া গেল, আবার বসন্ত আসিল। আবার কোকিল ডাকিল, আবার গাছে গাছে ফুল ফুটিল, সুগন্ধ বহিয়া বাতাস ছুটিল। আবার জীবনের স্পন্দন দেখা দিল। পুরুষটা রাত্রি দিন ঘুরিয়া ঘুরিয়া আবার সেই শহরে আসিয়া পথের ধারে বৃক্ষতলে উপবেশন করিল। নির্জন সন্ধ্যার পথ ঘাট নিস্তব্ধ, কেবল নিমেষ আকাশে কয়েকটা তারা অল অল করিয়া জ্বলিতেছিল। পুরুষটা যেন অনেক দূর দেশে যাইতেছিল, তাই শ্রান্তিদূর কন্নিবার অন্ত পথের ধারে বসিয়াছে। এক বৎসরে তাহার চুল অনেক পাকিয়া গিয়াছে, তাহার অলঙ্কারে বৃহৎ শস্ত্র গজাইয়া উঠিয়াছে। পক্ষ একটা বালক যাইতেছিল, তাহাকে মারবেল ক্রীড়িতে একটা পয়স দিয়া নিকটে ডাকিয়া পুরুষটা জিজ্ঞাসা করিল—“ঐ জীদার-বাটাতে এখম কে থাকে, জাম ?” বালকটা উত্তর দিল, “কেন আপনি জামেন না? জীদারবাবুর মাতৃদেহ এক জন বড়লোকের ছেলের সঙ্গে বিয়ে হয়েছে; জামা খুব

বড়লোক! সেই বাড়ীর মালিক নতুন জমীদার! তাঁর জীর কিন্তু বড় দয়া তিনি নব্বাইকে দয়া করেন।" পুরুষটি কলককে বিদায় দিয়া দিল। তার পর নিজের মনে বলিতে লাগিল, "হাঃ হাঃ, নতুন জমীদার-গৃহিণীর বড় দয়া! তবে তাহাকেও কি সে দয়া করিবে?" বলিয়া হোঃ, হোঃ, শব্দে পুরুষটি অট্টহাস্ত করিয়া উঠিল। সে ধীরে ধীরে উঠিয়া পড়িল। পরে গুণ গুণ স্বরে একটি করুণ সঙ্গীত গায়িতে গায়িতে জমীদার-বাড়ীর সম্মুখে পায়চারি করিতে লাগিল। অকস্মাৎ উদ্ভানের কটকের নিকট হইতে জমীদার-বাড়ীর নতুন গৃহিণী তাহাকে ইঙ্গিত করিয়া ডাকিল। পুরুষটি দেখিল তাহার পূর্বপরিচিতা কিশোরীই বটে। সে অগ্রসর হইল, মুহূর্ত্ত মাত্র তাহার মন পুলকে নাচিয়া উঠিল। তার পরই সে একটু স্নেহব্যঞ্জক স্বরে কিশোরীকে জিজ্ঞাসা করিল, "তুমি না কি বড় দয়ালু? তাই বুঝি দয়া ক'রে আমার পূর্বস্মৃতি মনে করিয়ে দিতে এসেছ?" কিশোরী নিরুত্তর রহিল, শুধু তাহার মুখখানি আকর্ণ রঞ্জিত আভা ধারণ করিল। পুরুষটি বলিতে লাগিল, "কিন্তু সুন্দরী আর কেন? আমি চিরকালের মত এদেশ ছেড়ে যাচ্ছি!" তথাপি কিশোরী কোনও উত্তর দিল না। কেবল তাহার ঠোঁঠটুকু দ্বন্দ্ব কাঁপিল মাত্র। কিন্তু পুরুষটির বলা ধামিল না। সে বলিল, "আমার অপরাধের জন্য আমার পূর্বের ক্রমাভিক্রম যদি বধেই না হয়ে থাকে, আমি আজ আবার ক্রমা চাচ্ছি। দয়া করে ক্রমা কর। আমি তোমায় বড় ভালবেসেছিলাম, কিন্তু তখন বুঝতে পারি নি আমি তোমার এত অযোগ্য। এখন তা বুঝতে পেরেছি এবং তার জন্য বার বার ক্রমা ভিক্ষা করছি। হয়েছে সুন্দরী?" কিয়ৎকণ ধামিয়া আবার সে বলিতে লাগিল, "তুমি ত আমার গ্রহণ কর নি, তুমি অপরের গৃহিণী! আমি মুখ; বুদ্ধিহীন, বামন হয়ে চাঁদে হাত দিতে গিয়েছিলাম!" পুরুষটি আর নিজেকে সামলাইতে পারিল না, মাটির উপর বসিয়া পড়িয়া কোঁপাইয়া কোঁপাইয়া কাঁদিতে লাগিল। তারপর সে চীৎকার করিয়া বলিল, "দয়া কর; দয়া করে সম্মুখ হ'তে চলে যাও! কেন আমার আবার ডাকলে?" কিশোরীর মুখখানি পাংশুবর্ণ ধারণ করিল, সে ধীরে ধীরে অতি ধীরে অধচ স্পষ্ট করিয়া বলিল, "আমি তোমায় ভালবাসি।"

আমায় ভুল বুঝো না, আমি শুধু তোমাকেই ভালবাসি। ওগো বিদায়, তবে বিদায়!" বলিয়াই সুন্দরী কিশোরী, নতুন জমীদার-গৃহিণী, দুই হাত দিয়া মুখ ঢাকিয়া কাঁদিতে কাঁদিতে গৃহের মধ্যে ছুটিয়া চলিয়া গেল।...

বাস! এত দিনে সুশীলের পুস্তকখানি সমাপ্ত হইল। নয় মাসের কঠিন পরিশ্রমের পর সে সমাপ্তির নিঃশ্বাস ছাড়িয়া বাঁচিল। সুশীলের প্রাণের পরতে পরতে একটা ভূপ্তির শিহরণ খেলিয়া গেল। তখন উষার আলোক ধরের উন্মুক্ত বাতায়ান-পথে ভিতরে আসিয়া পড়িতেছিল। সুশীলের মাথা বিঁ বিঁ করিতেছিল, বুক হুক হুক করিয়া কাঁপিতেছিল। কল্পনার কত স্পষ্ট দৃশ্য তখন তাহার মস্তিষ্কে জড় হইতেছিল, তাহার মনে হইল যেন তাহার মস্তিষ্কটি-কুয়ালা-ঘেরা অবসন্ন-রক্ষিত উদ্ভান, চারিদিকে ফুলের গোড়ায় গোড়ায় কাঁটাবন ছাইয়া ফেলিয়াছে।

সুশীল নিদ্রামগ্ন হইল। সে স্বপ্ন দেখিতে লাগিল যেন সে ঘুরিতে ঘুরিতে কি এক অদ্ভুত উপায়ে এক পরিত্যক্ত শহরে আসিয়া পড়িয়াছে। শহরটি একটা উপত্যকা-প্রদেশে, লোকজনের কোনও চিহ্ন নাই। দূরে একটা ভাঙ্গা বীণা বাজিতেছে, কে বাজাইতেছে তাহার কোন ঠিকানাই নাই, কারণ কাহাকেও দেখা বাইতেছে না। সুশীল নিকটে গিয়া দেখিল যেন বীণার ভাঙ্গা স্থান হইতে রক্ত বরিয়া বরিয়া পড়িতেছে, ধ্বনির সঙ্গে সঙ্গে বলকে বলকে রক্ত উধলাইয়া উঠিতেছে। ঘুরিতে ঘুরিতে সুশীল শহরের বাজারে উপস্থিত হইল; প্রতি দোকানে আহাৰ্য্য-সামগ্রী সাজান রহিয়াছে, কিন্তু জন-মানবের লক্ষণ কিছুই নাই, একেবারে পরিত্যক্ত, এমন কি তরুলতার চিহ্ন পর্য্যন্ত নাই। অধচ মাটিতে মানুষের স্তম্ভ পদচিহ্ন রহিয়াছে এবং আকাশে বাতাসে মানুষের শেষ কথাবার্তার ধ্বনি তখনও পর্য্যন্ত বাজিতেছে। এত অল্প পূর্বে শহরটি পরিত্যক্ত হইয়াছে! এক অপূর্ব অদ্ভুতভাবে তাহার মন আচ্ছন্ন হইল; মনে হইল যেন ঐ আকাশে-বাতাসে ভাসমান শব্দগুলি তাহাকে ভয় দেখাইতেছে, যেন উহার তাহার বড় নিকটে আসিতেছে, যেন তাহার গলার টুটি টিপিয়া ধরিতেছে! সুশীল উহার হাত ছাড়াইতে চাহিতেছে, কিন্তু উহার সে ছাড়ে না! তখন সুশীল দেখিল, উহার শুধু

শব্দ নহে, এক হল বৃদ্ধ নাচিয়া নাচিয়া গান করিতেছে ।
কেম তাহারা এমন ভাবে নাচিতেছে, অথচ তাহাদের মুখ
চোখে জীবনের লক্ষণ আদৌ নাই কেম ? এই বৃদ্ধের
দলের দিক হইতে একটা কটকা কনকনে শীতের হাওয়া
সুশীলকে কাঁপাইয়া দিয়া গেল । সুশীল তাহার দিকে
অগ্রসর হইল, তাহারা তাহাকে দেখিতে পাইল না,
তাহারা অন্ধ ; সুশীল তাহাদিগকে চীৎকার করিয়া ডাকিতে
লাগিল, তাহারা শুনিতে পাইল না, তাহারা বধির ; সুশীল
তাহাদের সম্মুখীন হইয়া দেখিল, তাহারা মৃত । সুশীলের
ভয়ে গায়ে কাঁটা দিতে লাগিল । সুশীল দৌড়াইয়া
পলাইতে লাগিল ; পূর্ব দিক ধরিয়া দৌড়াইতে দৌড়াইতে
একটা পাহাড়ের ধারে আসিয়া সে বিশ্রাম করিতে লাগিল ।
তখন এক গভীর কণ্ঠে স্বনি হইল, “তুমি কি পাহাড়ের
গায়ে দাঁড়াইয়া আছ ?”

সুশীল উত্তর দিল, “হাঁ, আমি পাহাড়ের ধারে
দাঁড়াইয়া আছি ।”

আবার শব্দ হইল, “ঐ পাহাড় আমার পা, বৈতোর্য
আমায় দূর দেশে বাধিয়া রাখিয়াছে, আমার আসিয়া মুক্ত
করিয়া দাও ।”

সুশীল দূর দেশে যাত্রা করিল । পথে আসিতে
আসিতে দেখিল একটা সেতুর নিচে এক জন লোক তাহার
অন্ত অপেক্ষা করিতেছে, সে সেখানে দাঁড়াইয়া ছায়া সংগ্রহ
করিতেছে । মানুষটির মুখে একটা প্রকাণ্ড যুখোস ।
মানুষটিকে দেখিয়া ভয়ে সুশীলের শরীরের রক্ত হিম হইয়া
গেল । মানুষটি সুশীলের নিকট আসিয়াই তাহার ছায়া
লইতে চাহিল । সুশীল তাহার হাত হইতে উদ্ধার পাইবার
অন্ত মানুষটির গায়ে ঝুড় দিতে লাগিল, মুখ ভেংচাইয়া
তাহাকে খুঁসি দেখাইতে লাগিল । মানুষটা কিন্তু বিনুমাত্র
মড়িল না, হুই হাত বিস্তার করিয়া তাহার দিকে
অগ্রসর হইতে লাগিল । পশ্চাৎ হইতে কে যেন
বলিল, “কেরো, কেরো, পালাও !” সুশীল পশ্চাৎ
কিরিয়া দেখিল, একটা মড়ার খুলি গড়াইয়া গড়াইয়া
চলিতেছে, যেন তাহাকে পথ দেখাইয়া বাইতেছে । খুলিটা
মানুষের মাথার খুলি, গড়াইতে গড়াইতে হালিতেছে
আবার কাঁদিতেছে । সুশীল মড়ার খুলির অনুসরণ করিতে
লাগিল । কত রাত্রি দিন ধরিয়া মড়ার খুলিটা গড়াইয়া

চলিল, সুশীলও উহার অনুসরণ করিতে লাগিল । নদীর
ধারে আসিয়া খুলিটা কোথায় গড়াইয়া মুকাইয়া পড়িল,
সুশীল আর উহাকে দেখিতে পাইল না । সুশীল নদীর
ভিতর প্রবেশ করিয়া ভুব দিল । পূর্ব দিগা সুশীল একটা
প্রকাণ্ড দরজার সম্মুখে উপস্থিত হইল, সেখানে দেখিল
একটা বৃহৎ মস্ত ঘরে পাহারা দিতেছে, মস্তটী কুহুরের
মত ভীষণ চীৎকার করিতেছে, উহার গায়ে ছুরীর মত
ধারাল বড় বড় কাঁটা ; সুশীলের দিকে কিরিয় উহা
চীৎকার করিয়া উঠিল । ভয়ে সুশীল চারিদিকে তাকাইতে
লাগিল । দেখিল, দূরে দাঁড়াইয়া অমলা । সুশীল অমলাকে
দেখিয়াই তাহার দিকে হাত বাড়াইয়া তাহাকে ডাকিতে
লাগিল । অমলা সুশীলের পানে তাকাইয়া হালিল মাত্র,
কোনও কথা কহিল না । অমলার অলকগুচ্ছ কাঁপাইয়া
এক প্রচণ্ড ঝড় বহিয়া গেল । সুশীল চীৎকার করিয়া
কাঁদিয়া উঠিল । অমনই তাহার শিলা ভাঙ্গিয়া গেল ।

সুশীল উঠিয়া জামালার ধারে দাঁড়াইল । তোর
হইয়া আসিয়াছে, চুঃস্বপ্নে তাহার স্বপ্না ভেঁ। ভেঁ। করিয়া
ঘুরিতেছে । সে আলোটা নিবাইয়া দিয়া উবার আলোকে
শেষ পৃষ্ঠাটা আবার পড়িল । তারপর সুশীল শব্যার শুইয়া
নিদ্রিত হইয়া পড়িল ।

পর দিন প্রকাশকের হাতে সুশীল পুস্তকের পাণ্ডুলিপি
দিয়া সুশীল ঢাকা শহর পরিত্যাগ করিল । কোথায় সে
গেল, কেহই জানিতে পারিল না ।

স্বপ্ন

প্রবাসে

সুশীলের পুস্তকখানি প্রকাশিত হইল—কল্পনার একটা
নূতন রাজ্য, ভাবের একটা নূতন দৃশ্যপট সাধারণের সম্মুখে
প্রতিভাত হইল । প্রথম মাসেই পুস্তকখানির বহুল প্রচার
হইল । তার পর পূজার ছুটি শেষ হইতেই, সুশীলের আর
এক খানি নূতন পুস্তক বাহির হইল । অদ্ভুত কাব্য—লোকের
মুখে মুখে প্রসংসা কিরিতে লাগিল । গ্রন্থ-বিক্রেয় সুশীলের
উপার্জনও মন্দ হইল না । দূর প্রবাসে বলিয়া সুশীল
গ্রন্থখানি রচনা করিয়াছে । কাব্যখানি মানুষের ছোট বড়
সুখ-সুখ ও আকাঙ্ক্ষা অভাব লইয়া রচিত । তাই
গ্রন্থখানি পাঠকের প্রাণের ধারে গিয়া আঘাত করিল ।

সুশীল লিখিয়াছে, “হইলি এটি প্রাণের গভীরতম প্রবেশের ইহা শুধু কথা। ছোটখাট ছুখের দিনে বধন সমস্ত জগৎ সুন্দর ও সরল খুলিয়া ধনে ইহা শুধু প্রেমের শরবিহ্ন প্রাণের ইহা সোপান রাপি.....”। সুশীল প্রবাসে কোথায় গিয়াছে তাহা কেহ জানে না, কবে ফিরিয়া আসিবে তাহারও ঠিকানা নাই।

এক দিন সন্ধ্যার সময় সুশীলের পিতা ঘরে যুদ্ধ করাঘাত শুনিল। সুশীলের মাতা বলিল, “ও কিছু নয়, বোধ হয় বাতাসে জ্বলন শব্দ কছে।” কয়েক মুহূর্ত অতীত হইল, ঘরে আবার সেই করাঘাত। এবার যেন একটু স্পষ্টতর! সুশীলের পিতা আসিয়া দেখিল, অমলা দাঁড়াইয়া রহিয়াছে। অমলা উৎসাহ হাসিয়া বলিল, “আমি দরজায় আঘাত করছিলাম, কাকা। খুড়ীমার সঙ্গে একটু সাক্ষাৎ করে যাব।” এই বলিয়া অমলা ভিতরে প্রবেশ করিল।

অমলা সুশীলের মাতার নিকটে গিয়া বলিল, “ও গ্রামের জমিদার-বাড়ীর সকলে আজ আমাদের বাড়ীতে এসেছেন। তাঁরা কাল ঐ বনে নীকার কর্তে বেরোবেন। আপনাদের বাড়ীর কাছে, পাছে আপনারা তয় পান, এই জন্য আপনাদের জানাতে এনেছি।”

সুশীলের পিতা ও মাতা অমলার দিকে বিস্মিত মনে চাহিয়া রহিল। পূর্বেও ত এরূপ ব্যাপার কখনো ঘটিয়াছে, কিন্তু তখন তো কেহ তাহাদিগকে জানিত নাই। আর জানাইবারই বা কি প্রয়োজন ছিল? এত বিস্ময়বোধে অমলার একা আসা ভাল হয় নাই। মাতা তাকে তাহার এই সংবাদের জন্য অমলাকে আশীর্বাদ করিল।

অমলা ঘরের নিকট গিয়া পিতার ফিরিয়া বলিল, “এই কথা বলতেই আমি এনেছিলাম। আপনারা বুড়া মানুষ, পাছে আপনারা তয় পান।”

সুশীলের পিতা বলিল, “বেশ, বেশ, এখন তুমি বাড়ী যাও, অমলা।”

“মাই আমি এ পথ দিয়েই বেড়াচ্ছিলাম, বেশী রাত হয় নি ত আর।” সে ঘরটা খুলিয়া বাহির হইল, আবার মুখ ফিরাইয়া বলিল, “সুশীলদার কোনও সংবাদ পেয়েছেন, কাকা?”

“না, কিছুই ত পাই নি অমলা! কোথায় যে আছে!”

“বোধ হয় সুশীলদা নীপনিরই কিরে আসবেন?”

আমি ভেবেছিলাম আপনারা কিছু সংবাদ পেয়েছেন।”

“না, পূজার পূর্ব থেকে কোনও খবর পাইনি, অমলা। সকলে বলে সে অনেক দূর-প্রবাসে গিয়াছে।”

“তাই হবে। বোধ হয় সুশীলদা ভাল আছে। তার একখানা নতুন বই বের হয়েছে, তাতে লিখেছে যে তার এখন ছোট-খাট ছুখের দিন পড়েছে। তাই জিজ্ঞাসা করছিলাম সুশীলদা ভাল আছে কি না। নিশ্চয়ই সে ভাল আছে।”

“তাই হোক, তোমার মুখে ফুলচন্দন পড়ুক, অমলা। তার জন্য আমরা বড়ই চিন্তিত হয়ে পড়েছি। সে আমাদের কাছে কিংবা কারও কাছে চিঠি লেখে না কেমন আছে কে জানে!”

“বোধ হয় সে যেখানে আছে, সেখানেই বেশী ভাল আছে, কাকা। তা না হলে কি সে এত সুন্দর বই লিখতে পারত! সুশীলদার প্রকৃতিই এই রকম। আমি শুধু জানতে চেয়েছিলাম বড়দিনের ছুটিতে সুশীলদা বাড়ী আসবে কি না? আসি তা হলে কাকা।” বলিয়া অমলা বাহির হইল। বতদূর লক্ষ্য হয় সুশীলের পিতা অমলাকে দেখিতে লাগিল। দেখিল ক্রতপদবিক্ষেপে পথ অতিক্রম করিয়া অমলা বাটীতে প্রবেশ করিল।

দুই দিন পরে সুশীলের পিতার নিকট সুশীলের এক খানি পত্র আসিয়া পৌঁছিল। সে লিখিয়াছে নীলমই বাটা আসিয়া পৌঁছিতে। একখানি কাব্য সে লিখিতেছে, সেখানি প্রায় শেষ হইয়া আসিয়াছে, একেবারে শেষ হইলেই সে বাত্মা করিবে। এ দুই মাস সে ভালই ছিল, বেশ ক্রতগতিতে তাহার বই লেখা চলিয়াছে, সমস্ত পৃথিবী যেন তাহার নিকট প্রাণময় জীবন্ত বলিয়া বোধ হইতেছে।

পত্র পাইয়াই সুশীলের পিতা জমিদার-বাটীতে উপস্থিত হইল। পথে সে অমলার নাম-লেখা একখানি ক্রমাল কুড়াইয়া পাইয়াছিল, সেখানি লইয়া বাইতেও সুশীলের পিতা ভুলিলেন না। অমলা উপরে দিওলের ঘরে ছিল, দারবানকে দিয়া তাহার নিকট সংবাদ দেওয়া হইল।

অমলা আসিয়া সুশীলের পিতাকে প্রণাম করিয়া বলিল, “কি সংবাদ কাকা?”

“অমলা, তুমি এই রুমালখানি পথে ফেলে এসেছিলে।
—নাও” বলিয়া কিছুক্ষণ ধাখিয়া আবার সে বলিল, “সুশী-
লের কাছ থেকে চিঠি এসেছে।”

অমলার মুখের উপর দিয়া একটা আনন্দের ঢেউ
খেলিয়া গেল। মুহূর্তের জন্য তাহার চক্ষুর উপর বিহ্বাৎ
বসলাইয়া গেল।

“হ্যাঁ, কাকা, রুমালখানি আমি হারিয়ে ফেলেছিলাম।”
সুশীলের পিতা আবার চুপে চুপে বলিল, “সুশীল বাড়ী
কিরে আসছে।”

“কি বলছেন, কাকা?”

“সুশীল আসছে।”

“তাই না কি? বেশ।”

“আমার মনে হ'ল অমলা, তোমাকে বলা উচিত।
তুমি সে দিন সুশীলের খবর জিজ্ঞাসা করছিলে কি না, তাই
সুশীলের মা বললে তোমাকে এ সংবাদটি দিয়ে
আমতে।”

“আপনার খুব আশ্লাদ হয়েছে। না, কাকা? কবে
আসছে?”

“পাঁচ সাত দিনের মধ্যেই।”

“বেশ, আর কিছু সংবাদ আছে?”

“না, আর কিছু সংবাদ নেই। আমরা ভাবলাম
সুশীলের খবর তুমি জানতে চেয়েছিলে, তাই তার আসার
সংবাদ তোমায় দিয়ে গেলাম।”

“আচ্ছা, কাকা।”

সুশীলের পিতা কিরিয়া চলিল। কতদূর অমলা
তাহার সঙ্গে আসিল। সুশীলের পিতা পথে যাইতে যাইতে
ভাবিতে লাগিল, না, সে আর তাহাদের ঘরের সংবাদ
পরকে দিতে যাইবে না, অতের তাহাতে কি ক্ষতি-বৃদ্ধি!
সে এ কথা ভাবিয়াছিল, কিন্তু সুশীলের মাতাই তো তাহাকে
জোর করিয়া অমলাকে সংবাদটি দিতে পাঠাইয়া দিল।
সুশীলের পিতা প্রতিজ্ঞা করিল, সুশীলের মাতাকে সে হুই
চারিটি কড়া কথা শুনাইয়া দিবে।

সাত

স্বগ্রামে

সুশীল গ্রামে কিরিয়া আসিয়াছে। আসিয়া দেখিল,

তাহার পরিচিত স্থানগুলির অনেক পরিবর্তন হইয়াছে।
বনের ধারে যে আকগাছ হুইটা সে পুঁতিয়াছিল তাহা
তাহার মাথা ছাড়াইয়া বাড়িয়া উঠিয়াছে। সুশীল তাহাদের
দিকে কিরিয় ও স্নেহভূক্ত দৃষ্টিতে চাহিয়া দেখিল। নদীর
ধার দিয়া অংলা গাছের সারি দাঁড়াইয়া গিয়াছে। অতি
কষ্টে সুশীলকে পথ করিয়া হাঁটিতে হইতেছিল। চরের
উপরে সুশীলের সেই পূর্বের আশ্রয়ের ঘরখানি কাঁটাঝরে
ভরিয়া গিয়াছে। সে সেখানে একবার বসিল, তাহার
শৈশব ও কৈশোরের কথা মনে পড়িতে লাগিল। সন্ধ্যার
পূর্বকালে হুই একটা “বউ কথা কও” পাখী ডাকিয়া-
যাইতেছিল। সুশীল কিরিয়া আসিয়া জমীদার-বাড়ীর
বাগানের ধারে একটা প্রস্তর-খণ্ডের উপর বসিল। সে
নিষ্ঠের মনে শীস্ দিয়া গান গায়িতে লাগিল। দূরে পদ-
শব্দ শুনিয়া সে কিরিয়া দেখিল। সূর্য্য তখন আকাশের
পশ্চিমপ্রান্তে ডুবিয়া গিয়াছে কিন্তু দিনের আলো
একেবারে নিবিয়া যায় নাই। ঠারিধারে একটা শাস্তির
ছায়া বিদ্যমান। সুশীল দেখিল একজন রমণী তাহার দিকে
অগ্রসর হইতেছে। অমলা না? অমলার হাতে একটা
ফুলের সাজি। সুশীল উঠিয়া পড়িল, উঠিয়া অমলাকে
কুশল জিজ্ঞাসা করিয়া চলিয়া যাইতেছিল। অমলা বলিল,
“সুশীলদা, আমি তোমাকে বিরক্ত কর্তে আসি নি। আমি
কয়েকটা ফুল নিতে এসেছি মাত্র।” সুশীল কোনও উত্তর
দিল না। অমলা বলিতে লাগিল, “ফুলের সাজি নিয়ে
এসেছি, কিন্তু ফুল যে কিছু পাচ্ছি না। আমার যে অনেক
ফুলের প্রয়োজন। আমাদের বাড়ীতে একটা নিমন্ত্রণ আছে
কি না সেইজন্য ঠাকুরমা ফুল দিয়ে টেবিল সাজাবেন।”

“ঐ ত ঐখানে বেল আর যুঁই রয়েছে, নাও না অমলা।
আর তার উপরে গোলাপ ফুটে আছে। এখন ত বেশী
ফুল ফোটবার সময় নয়।”

“সুশীলদা তোমাকে এত কেসাশে দেখাচ্ছে কেন?
অনেক দিন তুমি বাড়ী আস নি। এবার আমি তোমার
হুঁখানা বইই পড়েছি।”

এ কথায় সুশীল কোনও উত্তর দিল না। তাহার এক-
বার মনে হইল সে বলে, “বেশ করেছ অমলা, বিশেষ
ধন্যবাদ! তবে এখন যাও।” সুশীলের হুই বাপ সম্মুখে
অমলা দাঁড়াইয়াছিল। সুশীল ভাবিল, সে বুঝি তাহার

পথরোধ করিয়া দাঁড়াইয়া আছে। একটা ছাইয়ের রঙের কাপড়ের উপর একটা বাসন্তী রঙের ব্লাউজ পরায় তাহাকে খুব সুন্দর দেখাইতেছিল।

কিছুক্ষণ পরে “আমি বোধ হয় তোমার পথ রোধ ক’রে রয়েছি, অমলা” বলিয়া সে ছ’পা সরিয়া গেল। সে প্রতিজ্ঞা করিয়াছিল যে, কোনও চাকল্য দেখাইবে না। তাই সে খুব সংযমের সহিত কথা বলিতেছিল। তাহাদের উভয়ের মধ্যে এখন মন্দ ব্যবধান নাই। উভয়েই নীরব, নিষ্পন্দ। ছ’জনে ছ’জনের মুখের দিকে একবার তাকাইল। সহসা অমলার মুখ রক্তিমভাব ধারণ করিল। সে চক্ষু নত করিয়া একটু সরিয়া দাঁড়াইল। তাহার মুখ-চোখের উপর দিয়া একটা কি যেন করুণ ভাব পেলিয়া গেল। অমলার এই দুঃখন্যস্তক হাসিটা দেখিয়া সুশীলের মন নরম হইয়া গেল। সে অমলার নিকটে গিয়া বলিল, “অনেক দিন তুমি শহরে ছিলে কি না, অমলা, তাই কোথায় কোথায় কুল ফোটে তুমি ভুলে গেছ। আমার কিন্তু সব মনে আছে।”

অমলা সুশীলের দিকে তাকাইল। সুশীল দেখিল, অমলার মুখখানি পাংশুবর্ণ ধারণ করিয়াছে। অমলা আপনাকে সামলাইয়া লইয়া বলিল, “কাল সন্ধ্যার সময় আসবে, সুশীলদা, আমাদের মিমন্ত্রণে? শহর থেকেও কেউ কেউ আসছে। বোধ হয় বেশী গোলমাল হবে না। যাবে, কেমন?” অমলার মুখের ভাবের আবার পরিবর্তন হইল। সুশীল কোনও উত্তর দিল না। নিমন্ত্রণ তো তাহার কি? জমীদার বাড়ীতে তো তাহার স্থান নাই।

“অস্বীকার কোরো না, সুশীলদা। তোমায় কেউ বিরক্ত করবে না, আমি সত্য বলছি। আর তা’ছাড়া তোমায় আমি নতুন জিনিস দেখিয়ে চম্কে দেব।” উভয়ে নীরব।

কিয়ৎক্ষণ পরে সুশীল বলিল, “তুমি আমায় আর কি চম্কে দেবে, অমলা?” অমলা ক্রোড়ে নিজের অধর দংশন করিল। তাহার মুখের উপর দিয়া একটা নৈরাশ্রের ভাব খেলিয়া গেল। অমলা হতাশ্বরে বলিল, “কেন তুমি আমার সঙ্গে অমন করছ, সুশীলদা?”

“আমি ত কিছুই করি নি, অমলা। আমি এসে এই পাথরে বসেছিলাম, তা তোমায় দেখে তো আমি উঠে যেতে চেয়েছিলাম।”

“আমি সমস্ত দিন বাড়ীতে একা বসেছিলাম, কোনও কাজকর্ম ছিল না, তাই সন্ধ্যার সময় এখানে এসেছি, সুশীলদা। আমি নদীর ধার দিয়ে অন্য পথে যেতে পারতাম। তা’ হ’লে আর এখানে এসে তোমায় বিরক্ত কর্তে হ’ত না?”

“এ তো আর আমার জায়গা নয় অমলা, এ তোমাদের জায়গা।”

“সুশীলদা’, একবার আমি তোমার উপর অস্তায় করেছি। তাই আমি ভেবেছিলাম, এই অস্তায়ের প্রতীকার করব। বাস্তবিকই একটা ব্যাপারে তোমাকে চম্কে দেব। আমার আশা আছে, হয় তো তাতে তুমি আনন্দ পাবে, সুখী হবে। আর বেশী কিছু বলতে আমি পারি না! তুমি কাল যেও, সুশীলদা!”

“যদি তুমি তা’তে খুসী হও, অমলা, তবে যাব।”

“যেও, সত্যি!”

“আচ্ছা, যাব। তোমার এ দয়ালু জন্ত ধন্যবাদ, অমলা!”

সুশীল বনের ধার দিয়া ফিরিতে লাগিল। কিছুদূর গিয়া সুশীল ফিরিয়া দেখিল, অমলা তাহার পরিতাপ্ত প্রস্তর-ধণ্ডে উপবেশন করিয়া আছে, তাহার সম্মুখে কুলের সাজিটা শূন্য অবস্থায় পড়িয়া রহিয়াছে। সে বাড়ীতে ফিরিতে পারিল না, বনের ধারে এধার-ওধার পায়চারি করিতে লাগিল। কত বিরুদ্ধ চিন্তা তাহার মনকে তোলপাড় করিতে লাগিল। অমলা বলিয়াছে, তাকে চম্কে দেবে! এ কথা বলিবার সময়ে অমলার কর্ণধর কাঁপিয়া উঠিল কেন? চকল পুলকে তাহার মন ভরিয়া গেল; তাহার হৃদয় দ্রুত স্পন্দিত হইতে লাগিল। অমলা কেন আজ এমন সুন্দর সাজিয়া আসিয়াছিল? কেন তাহার সুন্দর মুখের উপর এমন একটা নৈরাশ্রের ছায়া পড়িয়াছিল?

বনের পথ দিয়া মাঠের ওপার হইতে একটা সৌরভ ভাসিয়া আসিয়া সুশীলের নাসারক্ত বাহিয়া অন্তরে প্রবেশ করিতেছিল। সুশীল একটা বৃক্ষের তলে উপবেশন করিয়া কোকিলের কুহুতান শুনিতে লাগিল। চারিদিক হইতে পাখীর মিষ্ট গান আসিয়া তাহার মনকে মাতাল করিয়া তুলিতেছিল।

এই রকমেই আর এক দিন বনের ধারে অমলা এমনই

সুন্দর সাজে সাজিয়া সুশীলের সম্মুখে উপস্থিত হইয়াছিল। তখন তাহাকে মনে হইয়াছিল, যেন একটা প্রজ্ঞাপতি ডানা মেলিয়া এক প্রস্তরখণ্ড হইতে অপর প্রস্তরখণ্ডে উড়িয়া কিরিয়া-বুরিয়া আসিয়া তাহার কাছে ধরা দিয়াছে। অমলা বলিল, সে তাহাকে বিরক্ত করিতে আসে নাই; বলিয়াই সে যুঁহু হাসিল। সে হাসিতে তাহার মুখ রাসা হইয়া উঠিয়াছিল, সে হাসির জ্যোতিতে তাহার মুখের চারিদিকে তারা ফুটিয়া উঠিয়াছিল! কোন্ আশ্চর্য্য সামগ্রী অমলা তাহার জন্ত ঠিক করিয়াছে? অমলা কি তাহার সম্মুখে তাহার পুস্তকগুলি আনিয়া দেখাইবে যে সে সেগুলি কিনিয়া বার বার পড়িয়াছে? একটু সহানুভূতি, একটু দয়া? না, এমন দয়া দেখাইয়া তাহাকে অপমান করিয়া অমলার কি লাভ হইবে!

সুশীল আবেগপূর্ণ হৃদয়ে উঠিয়া দাঁড়াইল। অমলাও কিরিয়া আসিতেছিল তাহার ফুলের সাজি একেবারে শূন্য।

“কোনও ফুল পেলেন না, অমলা? সাজি শূন্য যে।”

“না, ফুল আর নিলাম না। আমি ত ফুল নিতে আসি নি অমনি একটু বেড়াতে এসে ওখানে এসেছিলাম মাত্র।”

সুশীল অবাক হইয়া অমলার পানে চাহিল। তার পর শাস্তকণ্ঠে বলিল, “অমলা, তুমি যে আমার উপর কোনও অত্যাচার করেছ, এটা কেন ভাব বল তো? আর কোনও দয়া দেখিয়ে তার প্রতীকার করা প্রয়োজন এই বা ভাব কেন?”

অমলা বিস্মিত হইয়া জিজ্ঞাসা করিল, “সত্যি?” কিছুক্ষণ চিন্তা করিয়া আবার বলিল, “আমি স্বেবেছিলাম, সুশীলদা, তোমার ওপর আমি অত্যাচার ব্যবহার করেছি। তাই মনে করেছিলাম তুমি যাতে আমার উপর চিরকাল বিস্মিত না থাক তার একটা ব্যবস্থা করা প্রয়োজন।”

“না, আমি তোমার উপর আদৌ বিরক্ত হই নি, অমলা।”

সহসা অমলা তাহার মুখটা কিরাইয়া বলিল, “তা হ'লেই ভাল! আমারও চাই বোঝা উচিত ছিল। অবশ্য তাতে যে মনে একটা গভীর দাগ রেখে যাবে, এ কথা

আমি ভাবি নি। বেশ, তা হ'লে ও বিষয়ে আমরা আলোচনা করব না।”

“না, প্রয়োজন নেই। আমার ও-সব মনেই থাকে না।”

“আচ্ছা, তবে এখন বাই?”

“এস, অমলা।”

তাহারা উভয়ে ভিন্ন পথে চলিল। সুশীল একবার খামিয়া কিরিয়া দেখিল। অমলাকে তখনও দেখা যাইতেছিল। সুশীল অমলাকে লক্ষ্য করিয়া কোমলকণ্ঠে বলিল, “না, অমলা, তোমার উপর আমার কিছুমাত্র বিরক্তির ভাব নেই, তোমায় আমি এখনও ভালবাসি, খুব ভালবাসি!—”

“অমলা” বলিয়া সুশীল চীৎকার করিয়া উঠিল।

অমলা গুনিতে পাইল। চমকাইয়া পিছন কিরিয়া একবার দেখিল, তার পর আঁক'র চলিতে লাগিল। সুশীল মাটির উপর বসিয়া পড়িয়া ফোঁপাইয়া ফোঁপাইয়া কিছুক্ষণ কাঁদিয়া মনের গুরু ভার কিয়ৎপরিমাণে লাঘব করিয়া লইল।

সে দিন রাত্রে সুশীলের নিদ্রা হইল না। সে প্রত্যুষে উঠিয়াই বনের ধারে নদীর তীরে বেড়াইতে লাগিল। দেখিল শহর হইতে কয়েকখানি নৌকা আসিয়া জমীদার বাড়ীর ঘাটে লাগিল। অতি যত্নের সহিত আরোহীদিগকে বাড়ীর মধ্যে লইয়া যাওয়া হইল। বাড়ীর মধ্যে হাসির লহর ছুটিল, আনন্দের কোয়ারা খুলিল! বড় ধুমধাম! ও গ্রামের জমীদার পুত্র বিপিনও আসিয়াছে!

সুশীল নির্গমেষনেত্রে সকলই দেখিল, চুপ করিয়া জমীদার বাড়ীর আনন্দের কোলাহল গুনিল। তার পর সে বাড়ীর দিকে কিরিতেছিল, পথে অমলার দাসী আসিয়া তাহাকে বলিল, অমলা তাহাকে এই চিঠি দিয়াছে, এখনই উহার উত্তর চাহিয়াছে। সুশীল স্পন্দিত হৃদয়ে চিঠিখানি পড়িল। তাহা হইলে সত্যই অমলা তাহাকে নিমন্ত্রণ করিয়াছে! বড় মিষ্ট কথায় তাহাকে নিমন্ত্রণ গ্রহণ করিতে অনুরোধ করিয়াছে; লিখিয়াছে সে যেন নিশ্চয়ই যায়; পত্রবাহকের হাতে উত্তর দিয়া দেয়।

একটা অসম্ভাবিত ও অচিন্ত্য আনন্দে সুশীলের মনঃপ্রাণ

পূর্ণ হইয়া গেল। সে দাসীর হস্তে উত্তর লিখিয়া দিল দাসীকে এই সংবাদের জন্য একখানি পাঁচ টাকার
 যে, সে নিশ্চয়ই যাইবে, একটু সকাল সকাল করিয়াই নোট বকশিস্ দিয়া ফেলিল।
 যাইবে। আনন্দের আতিশয্যে সুশীল অমলার

ক্রমশঃ

সমর্পণ

[শ্রীনরেন্দ্র দেব]

যখন তোমায় পাইনি আমার ঘরে,
 আমি ছিলাম ডুব দিয়ে মোর স্বপন-সরোবরে !
 ঘুমের গাঢ় চুমোর মাঝে রাত্রি আমার ফুরিয়ে যেত, রাণী ;
 শিশির-ধোওয়া আসত প্রভাতখানি,
 হাস্ত-নত তরুণ দিবার প্রথম প্রণাম সম —

শান্ত শীতল স্নিগ্ধ অনুপম !

নিরলা মোর গৃহের দ্বারে নীরবে কর হানি'
 উষার আলো বিলিয়ে যেত রঙীন লিপিখানি ।

হিরণ-বরণ অরুণ-কিরণ-লেখা

আমার দ্বারে ছড়িয়ে আবীর—রাঙা সরম-রেখা—

নিঃসাড়ে তার চরণ ফেলে—মুখের 'পরে সু'য়ে
 পালিয়ে যেত ঘুমন্ত মোর চোখ দুটিকে ছুঁয়ে !

সকাল-বেলার চপল বাতাস নিবিয়ে প্রদীপটীরে
 অঙ্গে আমার ফুলের পরণ বুলিয়ে যেত ধীরে !

ভোরের আলায় তৈরবীতে উঠত বেজে সুর,—

আমার হৃদয়-পুর

উতল হ'ত নূতন প্রাণের পুলক লেগে নিতি—
 বিশ্বে যেন বিলিয়ে দিতে ব্যাকুল বুকের প্রীতি !
 জীবনে তার সবার তরেই উঠত জেগে মায়া !

পথের বাঁকে হঠাৎ কোনো জ্যোতির্ময়ীর ছায়া
 প'ড়ত যদি তরুণ মনের অমল-ধবল-পটে !

ছন্দ-গীতের আনন্দময় মধুর ছায়ানটে
 জাগিয়ে দিত জীবন-বীণায় রাগ-রাগিণী তার—

মর্দ্ব মাঝে মুখের মীড়ের মূর্ছনা বঙ্কার !

কিশোর কবির তুলির লিখন-পাতে—
কাব্য-কলার আলপনা আর 'রঙীন কল্পনাতে
কাটত আধেক রাত !

স্বপন রচি' আপন মনে আপনি হ'ত মাৎ :

* * * * *
এমনি ক'রেই নিরুদ্দেশে কাট ছিল তার দিন ;
যৌবনেরও জোয়ার ক্রমে হ'চ্ছে যখন ক্ষীণ,
হঠাৎ তুমি বধূর বেশে উদয় হ'লে বালা,
তুলিয়ে দিলে কণ্ঠে যে তার প্রিয়ার বরণ-মালা,
বাঁধলে মিলন-ডোরে,
মুক্ত ছিল যে পাখী তার সুখের স্বপন-ঘোরে
পড়ল সে আজ ধরা ।

ওগো স্বয়ম্বরী !

তোমার সোহাগ-শৃঙ্খলে আজ বন্দী যে তার মন,
তাই ত অমুক্ণ --

লুটিয়ে আছে তোমার পায়ে -- নিত্য অনুগত ;
নিচ্ছে মেনে নির্বিচারে ক্রীতদাসের মতো'

তোমার শাসন-দণ্ড-বিধির অখণ্ড সব ধারা !

তোমায় পেয়ে চিত্ত যে তার মত্ত আশ্র-হারা --
সব গিয়েছে ভুলে ।

লুকিয়েছে তার অসীম আকাশ তোমার কালো চুলে,
নিখিল ভুবন মিলিয়ে গেছে রাঙা চরণ-মূলে !
আজকে সে আর চায় না কিছুই—চায় না কারো মুখে,
তোমার মাঝেই তুলিয়ে আছে নিবিড় অতল সুখে !
তোমার সাথেই মিলেছে তার জীবন ইতিহাস ;
পূর্ণ প্রাণের আশ !

আজকে যে তার প্রতিষ্কণের পরিচালক তুমি,
সর্বহারার স্বদয় জুড়ে তোমার রাজ্যভূমি !

সব কিছু তার তার

তোমার হাতেই ত্যাগ ক'রে সেই মান্লে সে আজ হার ;
বিলিয়ে দিলে আপনাকে সে তোমার অধিকারে,
যুগে-যুগে জন্মে-জন্মে কালাকালের পারে !

সনাতনী

(গল্প)

[শ্রীঅমরেন্দ্রনাথ মুখোপাধ্যায় বি-এ]

প্রথম পরিচ্ছেদ

(১)

বাজারের ঝোলাটা নামাইয়া রাখিতেই রান্নাঘর হইতে বৌদিদি হেমাঙ্গিনী বলিয়া উঠিলেন,—“ঠাকুরপো, চট্ ক'রে দৈ-মিষ্টিটা এনে দাও তো ; তোমার দাদার চান হ'য়ে গেছে ।”

বর্ষাক্ত মুখখানা মুছিতে মুছিতে সুকুমার একবার বলিবার চেষ্টা করিল—“কেন, বোম্বো...?”

মুখের কথা মুখেই থাকিয়া গেল ; হেমাঙ্গিনীর তীক্ষ্ণ কণ্ঠ ঝাঞ্জিয়া উঠিল—“বোম্বো খোকাকে নিয়ে রয়েছে ! একটা কাজ বললে তার সাতশো কৈকেত্ দিতে হবে ; আমারও যেমন হয়েছে পোড়া কপাল.....”

ইহার পর আর দ্বিকল্পি না করিয়া সুকুমার বাহির হইয়া গেল ।

(২)

তাহার প্রতি বিধাতার দেওয়া অনেকগুলি আশীর্বাদের মধ্যে সব থেকে বড় ছিল—তাহার অপরিসীম সহন-শক্তি ! তাহারই আশ্রয়ে সুকুমার তাহার স্নেহ-হীন জীবনের রুক্ষ দিনগুলো অতিবাহিত করিতেছিল ।

বৌদিদি প্রত্যহ তিনবার করিয়া মুখ ঘুরাইয়া বলেন—“বুড়ো মদ, কাজ করবার ধ্যামতা নেই ; খালি ভেয়ের পয়সায় এল-এ, বি-এ পাশই দিচ্ছেন...”

বাজারের জিনিস-পত্র নামাইয়া রাখিয়া সুকুমার তাহার ছোট পড়িবার বরখানিতে গিয়া বসিল ; অভিমান বা হুঃখ,—কোনটাই মনের মধ্যে সাড়া দিল না ; মনে হইল—সংসারের ইহাই বোধ করি সনাতন-নিয়ম ।

বৌদিদির তাড়ায় যে-সব কাগজ-পত্রগুলি তাড়াতাড়ি

অগোছাল-ভাবে ছোট টেবিলটির উপর রাখিয়া সে বাজার করিতে বাহির হইয়া গিয়াছিল, কিরিয়া আসিয়া দেখিল, সেগুলি ঘরের চারিদিকে ইতঃস্বতঃ ছড়ানো, বেশীর ভাগই ছেঁড়া ; কতকগুলি রেণু পটলা-নিভার হাতে কাগজের নোঁকা-টুপী-পাখীতে নবজন্ম লাভ করিয়াছে !

বৌদিদির কথায় বিশেষ কিছু হয় না , হয়—মাসিকের জন্ত লেখা গল্পটা নষ্ট হওয়ায় ! সমস্ত হুঃখ-বেদনা অবহেলা করিবার তার একমাত্র উপায় এই রচনা—আর নিজের থেকে প্রিয় জিনিস এই নূতন সৃষ্টির অপচয়ে তাহার সারা অন্তর মুচড়াইয়া উঠিল । ইহাও নূতন নহে ; ইতঃপূর্বে এ অভিজ্ঞতা সে আরও অনেক বার লাভ করিয়াছে ! হেমাঙ্গিনীর উত্তর তাহার মুখাগ্রে—“আমি সারাদিন ছেলে-পুলে আগলেই বেড়াব না কি ? ডান-হাতের ব্যবস্থা তা হ'লে করবে কে ? কতকগুলো ছাই-পাঁশ কাগজ, সেগুলো কিই বা এমন দরকারী ...!”

প্রয়োজনীয়তা তাঁকে বোঝানো অসম্ভব । সুকুমার মৌন-মুখেই তাহার ক্ষতিটুকু সহ্য করিয়া লইল । চুপ করিয়া থাকাই তাহার এখন অভ্যাস হইয়া গেছে !

(৩)

এত ব্যাঘাত, এত প্রতিবন্ধক সত্ত্বেও কিন্তু কি জামি কেমন করিয়া সুকুমারের নাম সাহিত্য-জগতে ছড়াইয়া পড়িয়াছিল ।

তাহার কাব্য এবং কথা-সাহিত্যে না কি জাতির বিশিষ্ট রূপটি অভিনব রেখায় ফুটিয়া উঠিয়াছে ! তাহা যে কি, এবং সে রূপই বা কেমন, তাহা সুকুমার নিজেই কিছুই জামিত না ; মাসিক-সাপ্তাহিকের সনির্বন্ধ অনুরোধে সে তাহার রচনা পাঠাইয়া দিত । অন্তরের

বেদনাকে বিশ্বিত হইয়া থাকিবার জন্মই সে সাহিত্য-সাধনার নেশায় নিজেকে অক্ষুণ্ণ ডুবাইয়া রাখিত। অন্তর-জোড়া বাধার মধুচক্র ছাঁকিয়া সুকুমার তাহার গল্প কবিতায় যে রস পরিবেষণ করিত, নিজেদের অন্তরের সঙ্গে তাহার আশ্বাদ মিলাইয়া লইয়া পাঠক-পাঠিকা ব্যথিত-বিশ্ময়ে এই অপরিচিত তরুণ লেখককে একান্ত আপনায় করিয়া লইয়াছিল।”

দ্বিতীয় পরিচ্ছেদ

(১)

ছোট্ট বরখানিতে বসিয়া সুকুমার একমনে পড়িতেছিল। ‘টেস্ট’ পরীক্ষার আর দিন কয়েক মাত্র বাকী! প্রিন্সিপাল বলিয়াছেন—“তোমার ওপর আমরা অনেক-খানি আশা রাখি...!” এই কথাটাই সম্মুখে রাখিয়া সুকুমার মহত্ন বহর আগেকার রোমের অতীত গৌরব-কাহিনীর মাঝে ডুবিয়া গিয়াছিল। ক্ষমতাক্র ‘পাত্রিসিয়’ দিগের নির্মম অত্যাচার এবং দুর্বল ‘প্লিবীয়’গণের দারুণ দুঃখে সে যখন বিক্ষুব্ধ হইয়া উঠিয়াছে, সেই সময় তাহাদের বাড়ীর সম্মুখে গাড়ী দাঁড়ানোর শব্দে সুকুমারের ধ্যানের সূত্র ছিন্ন হইয়া গেল; মুখ তুলিয়া দেখিল—একজন প্রৌঢ় আর তাঁরই পিছনে একটি তরুণী বাড়ীর মধ্যে প্রবেশ করিল; হেমাঙ্গিনীর কল-কঠও শোনা গেল।

একবার দেখিয়াই সুকুমার পুস্তকের পাতায় পুনরায় চক্ষু নিবদ্ধ করিল। এ বই-খানা সকালের মধ্যেই একবার শেষ করিতে হইবে; দুর্বল প্লিবীয়-গণ কেমন করিয়া অকস্মাৎ প্রবলের বিরুদ্ধে মাথা খাড়া করিয়া দাঁড়ায়, প্রাচীন কালের এই শাস্ত ইতিহাস তাহাকে বার বার মন্ত্র-মুগ্ধ করিয়াছে। সুকুমার আবার পড়িতে আরম্ভ করিল।

কিন্তু মানুষ যাহা চায়, তাহা যদি সকল সময়েই পাইত? নিভা আসিয়া ডাক দিল—“কাকা, মা ডাক্চে; ওঠ শীগ্গির!”

মার আহ্বানে কাকাকে যে-কোন কাজ হইতে শীঘ্রই উঠিতে হয়—এ জ্ঞানটুকু বালিকা বহুদিন লাভ করিয়াছিল; না-ওঠার ফলাফল সে দেখিয়াছে কি না বহুবার!

সুকুমার প্রশ্ন করিল—“ও কারা এল রে, নিভা?”

নিভা তৎক্ষণাৎ বলিতে আরম্ভ করিল—“বা রে! তুমি জান না! আমার মাসিমা, আপনার নয় তা ব’লে; আর ছোট মতন যে, ও হচ্ছে মাসিমার আপনার বোন-ঝি! ওরা খুব বড়লোক, জান, কাকা; আমাদের চেয়েও.....।”

শেষের ধারণাটাও বোধ করি মায়ের কাছ হইতেই পাওয়া।

উপরে উঠিতেই হেমাঙ্গিনী ডাকিলেন;—“ঘরের ভেতর এসো, ঠাকুরপো,...এইটা হচ্ছে আমার দেওর, বড্ড ভাল ছেলে, আমার হাতেই মানুষ, দুটো পাশ দিয়েছে, আর একটা এই বার দেবে....।”

দু-জোড়া কোতুহলী চোখের সম্মুখে সুকুমার মাথা নীচু করিয়া দাঁড়াইয়া রহিল। হেমাঙ্গিনী ছেবরের সখ্যাতি করিতে করিতে ঝাঁচল হইতে একটা টাকা বাহির করিয়া বলিলেন,—“আট আনার জলখাবার নিয়ে এসো তো, ঠাকুরপো। রোষোটা যে থেকে থেকে কোথায় যায়, টিকি দেখবার জো থাকে না।”

বহুদিন পরে আজ প্রথম বৌদিদির হুকুমে সহসা সুকুমারের অপমান বোধ হইল। এ নূতন অনুভূতির কোন সঙ্গত হেতু সে কিন্তু খুঁজিয়া পাইল না। বোধ হয় অপরিচিতা তরুণীর সম্মুখে হীন প্রতিপন্ন হইবার জন্ম দুর্জয় অভিমান আসিয়াছিল।

হেমাঙ্গিনীর দিদি বলিলেন—“তোর দেওরটি, ভাই, বেশ! এই বার ওর একটি বে’-খা দে; আমরাও দু’দিন আমোদ-আহ্লাদ করি।”

নামটা শোনা অবধি তরুণী মনে মনে উৎসুক হইয়া উঠিতেছিল; জিজ্ঞাসা করিল—“সুকুমারবাবু কি কাগজে লেখেন-টেকেন, রাঙা-মাসিমা?”

হেমাঙ্গিনী বলিলেন—“খুব লেখেন! কত লোক রোজ ওর সঙ্গে দেখা করতে আসে; কত কাগজ অমনি পায়! কাব্য, গল্পের বই অনেক লিখেছে। ভায়ের খরচায় আছে, ভাবনা চিন্তে তো আর কিছু নেই!”...

টিপ্পনীর মধ্যে প্লেবটুকু অতি বড় অমনোযোগী শ্রোতারও কান এড়াইল না; তরুণীর মুখের প্রদীপ্ত হাসিটুকু ম্লান হইয়া আসিল

(২)

অন্যথোগের আরোজনকে পাশ কাটাইয়া সুজাতা উঠিয়া পড়িল—“বাই, সুকুমারবাবুর সঙ্গে পরিচয় করে আসি তো ; এসো তো, নিভা !”

নিভাকে সঙ্গে লইয়া সুজাতা নীচে নামিয়া গেল।

এতক্ষণে দুই ভগিনীর মধ্যে সত্যকার আলাপ শুরু হইল।

“হাঁ দিদি, তোমার ~~কি~~ বিয়ে-খা করবে না ? বাবা, কি খিষ্টানী ধরণ !”

“কে জানে ভাই ! যেমন বাপ ছিল, তেমনি মেয়ে হয়েছে ! বাপ বলত—আমার মেয়ের যে দিন ইচ্ছে হবে বিয়ে করবে ; তার জন্তে অন্য পাঁচ-জনের মাথা ঘামাবার কি দরকার ? মেয়েও তেমনি ; চোপের দিন ব'য়ে-মুখে হ'য়ে ব'সে আছে ; সংসারের কুটোটি যদি নাড়বে !”

“হাঁগা, অমন সরু একগাছা ক'রে চুড়ি হাতে কেন ? গয়না টয়না নেই বুঝি ?”

“থাকবে না কেন ! বাস্ক-পোতা গয়না কাপড়। ছুঁড়ী ওই রকম শুধু হাতে, শাদা কাপড়ে থাকবে ; কেউ কিছু বলে কার সাধ্য ! বাপ-মা কি আর কারুর মরে না ; তা ব'লে ২৪ ঘণ্টা ওই রকম খিষ্টান-নী সেজে থাকতে হবে !”

“আজকাল ওতেই হয় তো পুরুষের মন ভোলে !” হেমাঙ্গিনী মুখ টিপিয়া হাসিয়া বলিলেন—“যা বলেছি ; বেহায়ার একশেষ ! নেহাৎ কাছাবাছাগুলো নিয়ে আশ্রয়ে আছি তাই কিছু বলি নে ! হবে একদিন গৌসাইদের নিরির মতন !”

গৌসাই-পরিবারের মুখ-রোচক প্রসঙ্গ শেষ করিয়া হেমাঙ্গিনীর দিদি প্রশ্ন করিলেন—“দেওরটি কি তোরাই গলায় ?”

“আর বল কেন ! যেমন পোড়াকপাল ! কত দিন বলি—যা হয় একটা বন্দোবস্ত কর ; রোজই, আজ—নয় কাল, আজ—নয় কাল ! গা জ্বলে যায় বাপু !”

“হাঁ, দরকার কি ঝঙ্কি পোয়াবার ; খরচও তো কম নয়।”

“কম আবার ! হাতীর খোরাক চাই ; অগ্নি হয়।”

এইটুকুই বোধ করি বাঙ্গালী-সংসারের দৈনন্দিন জীবনের একমাত্র সত্যকার পরিচয়।

(২)

—“নমস্কার, সুকুমারবাবু...”

সহসা এক জন অপরিচিতা তরুনীকে ঘরে ঢুকিতে দেখিয়া সুকুমার খতমত ধাইয়া গেল। উত্তরে তাহার কোন কথা মুখে আসিল না ; প্রতিনমস্কার করিয়া উঠিয়া দাঁড়াইল।

সুজাতা মুহূ হাসিয়া কহিল—

—“আপনি আমাকে চেনেন না ; কিন্তু আপনাকে শুধু আমি কেন, অনেকেই চেনে—অনেক দিনের

তাহার কথার অন্তর্নিহিত অর্থ টুকু সুকুমার ধরিতে পারিল না ; নিঃশব্দ বিষ্ময়ে নীরব হইয়াই রহিল।

সুজাতা বলিল—“আপনিই তো প্রখ্যাতনামা তরুণ লেখক—শ্রীসুকুমার চট্টোপাধ্যায় ?”

এতক্ষণে সুকুমার বুঝিল।

“ও, হাঁ, হাঁ।” সে হাসিয়া ফেলিল।

“আমি প্রথমটা ঠিক বুঝতে পারি নি ; মাপ করবেন।”

সুজাতা হাসিয়া বলিল—

—“অত বড় অপরাধ কিছুই নয়। সে যাক, কিন্তু সম্প্রতি আপনার লেখা এত ক'মে গেল কেন বলুন তো ? ‘যুগবাণীতে’ তো পরপর দু'মাস আপনার কোন লেখাই বেরোয় নি !”

—“কাজের মধ্যে হ'য়ে ওঠে নি ; পরীক্ষার তাড়ায়ও... আপনি বসুন।”

ঘরের একমাত্র বসিবার আসন, ভাঙ্গা কেদারাখানি সুকুমার সুজাতার দিকে আগাইয়া দিল।

—“শুণ্যবাদ !” সুজাতা কেদারার পিঠটা ধরিয়া দাঁড়াইয়া বলিল—

—“আপনি কোথাও যান-টান না বুঝি ; আপনাকে তো এর পূর্বে কোথাও দেখি নি ?”

সুকুমার বলিল—

—“না, আমি বড় একটা কোথাও বাই না—”

--“বিশ্বের আলো-হাওয়া নিয়ে আপনার কারবার—
আপনাকে দেখে কিন্তু তা মোটেই মনে হয় না—”

সুজাতা হাসিয়া ফেলিল।

—“কিন্তু কি চমৎকার লেখেন আপনি! যেমন
কবিতা, তেমনি গল্প! লেখার মধ্যে মানুষের মনের
এতখানি নিবিড় পরিচয় দিতে খুব কম লেখকই পারেন।—
এঃ! আপনি দেখছি বড় লজ্জিত হ’য়ে পড়ছেন;—আচ্ছা
ধাক তবে আপনার লেখার কথা!”

একে স্বভাবতঃই লাজুক, তায় অনভ্যস্ত, সুকুমার কোন
রকমে জড়িতকণ্ঠে বলিল!—

—“আপনি বসুন।”

—“আপনাকে ব্যস্ত হ’তে হ’বে না; আমার দাঁড়িয়ে
থাকা অভ্যাস আছে খুব।”

ঘরের চারিদিকে চাহিয়া সুজাতা বলিল,—

—“আপনার ঘরটি দেখলে বাস্তবিক লোভ হয় কিন্তু;
—কত স্বপ্ন, কত কল্পনা, কত চরিত্রই না এর ভিতর সৃষ্টি
হচ্ছে, প্রতিদিন!”

এবার অনেকটা সঙ্কোচ অতিক্রম করিয়া সুকুমার
বলিল,—

—“এ ঘরের মধ্যে কি দেখলেন, আপনিই জানেন;
কিন্তু কোন অতিথিকে এ ঘরে বসাতে আমার সত্যই লজ্জা
করে!”

কথা কয়টির অন্তরালে অন্তরের নিগূঢ় বেদনা যেন
আত্ম-প্রকাশ করিতে চাহিতেছিল।

সুজাতা তৎক্ষণাৎ বলিল,—

—“কিছুমাত্র লজ্জা পেতে হবে না আপনাকে।
অতিথি যারা আসবে, এ ঘরে দাঁড়াতে তারা নিজেকে ধন্য
মনে করবে; তা যদি তারা না পারে, তা হ’লে
মানুষ হিসাবে অনেক কিছুই তাদের এখনো শিখতে
বাকী...!”

হয় তো শুধুই সাহিত্যের প্রতি সন্মান, অনুরাগ; তাহা
সে যাহাই হোক, কথাগুলি সুকুমারের হৃদয় কান ভরিয়া
এক অশ্রুতপূর্ণ রাগিনীর সৃষ্টি করিল; এপ্রাণের যে
তারগুলি এতদিন ধরিয়া লাজুক-অবহেলায় মূর্ছিত হইয়া
পড়িয়াছিল, মরমীর কোমল স্পর্শে আজ তাহারা উন্মাদ
বন্ধারে গান্ধিয়া উঠিল।

আরও হ’চার কথার পর সুজাতা বলিল,—

—“কিন্তু আজ আর আপনাকে বেশীক্ষণ বিরক্ত ক’রব
না; চলুন, নমস্কার!”

সুজাতা যেমন সহসা আসিয়াছিল, তেমনই সহসা
চলিয়া গেল। রাখিয়া গেল—যেহু সুন্দর হাসির রেশটুকু;
ঘরের সকল অঙ্গ-রঙ্গ যেন তাহারই গানে মুখরিত হইয়া
উঠিল। ঘরের মধ্যে সুকুমার বহুক্ষণ পর্যন্ত ধ্যানমুগ্ধের
মত নিশ্চল হইয়া বসিয়া রহিল। একটা নূতন সম্পদ
অনুভূতির মন্দ মধুর আনন্দ তাহাকে অভিভূত করিয়া
ফেলিয়াছিল।

তৃতীয় পরিচ্ছেদ

(১)

সকাল-সন্ধ্যায় প্রত্যহ কথাটা উঠিতই, বেশীর ভাগই
সুকুমারের দাদা শ্রীকুমারের আহ্বারের সময়।

প্রতিবারেই শ্রীকুমার কথাটা চাপা দিবার চেষ্টা
করিতেন। ছোট ভাইয়ের প্রতি স্নেহ হয় তো কিছু ছিল;
কিন্তু তাহাকে প্রকাশ করিবার উপায় ছিল না; সংসারে
তাহার অপেক্ষা বড় বস্তুর তো অভাব নাই!

সেদিনও নিয়মিত ভাবে কথাটা উত্থাপিত হইল;
শ্রীকুমার তাড়াতাড়ি বলিলেন,—

—“সে তো নিশ্চয়ই; যা-হয় একটা কিছু করতে
হবে বৈ কি; এমন ক’রে—সে তো বটেই—ধরচ
অনেক—”

হেমাঙ্গিনী বলিলেন,—

—“হয় ওকে একটা পট্টা-পট্টি বলে দাও, না-হয়
তোমাদের আপিসে যা হোক কুড়ি-পঁচিশ টাকায় বের ক’রে
ফেলো; তবুও গোটাকতক টাকা সংসারে আসবে;
সব দিক বুকে কাজ করতে হবে তো;—হ’হুটো আইবুড়ো
মেয়ে! মা সে দিন বলছিল—”

হেমাঙ্গিনী তাড়াতাড়ি কথাটা চাপিয়া গেল; উহা
নেহাৎ অন্তরালের কথা—যখন-তখন প্রকাশ করা চলে
না;—কাব্যে যাহাকে বলে—প্রেরণার মূল উৎস!

শ্রীকুমারের বুকিয়া লইতে বিলম্ব হইল না—

—“সে তো বটেই;—খুবই সঙ্গত কথা; নিশ্চয়—”

উদ্দেশ্যে, কথার সজ্জা লইয়া অনেক কথাই বলা
অভ্যাগ হইয়া গেছে—আজ দশ বছর ধরিয়া ; বাধে
না।

আহার শেষ করিয়া জলের গেলাসটা তুলিয়া লইতেই
হেমাঙ্গিনী হাঁ-হাঁ করিয়া উঠিলেন—

—“না না, এ-ক’টি ভাত আর ফেলে রাখলে চলবে
না ; খাটতে যেতে হবে, এমন করলে শরীর থাকবে কেন !
ষাড় নাড়লে চলবে না, মাথা খাও—এ ভাত ক’টি খেতেই
হবে !—”

স্নেহের অনুরোধে এই জ্বরদস্তিটুকুই বোধ করি
বাঙালী-সংসারের একমাত্র সত্য বস্তু ;—অনেকবিধ
অত্যাচারের সহিত তাহাকেও সহ্য করিয়া চলা ছাড়া
‘গতিরন্তথা’ নাই !

(২)

দিন কয়েক পরের কথা। সূজাতা সে-দিন একাই
আসিয়াছিল।

স্নিগ্ধহাস্তে মুখ-খানি রঞ্জিত করিয়া বলিল—

—“আজ কিন্তু আর কোন সঙ্কোচ মানবো না ;
কবির সমস্ত পুঁথি-পত্র আজ প’ড়ে তবে যাব !”

বাকাহীন সস্মিতমুখে সুকুমার চাহিয়া রহিল। এক
অনির্বচনীয় মাধুর্য্য তাহার সারা অন্তর আর্দ্র হইয়া
উঠিয়াছিল ! এই আন্তরিকতা ! এতখানি দরদ ! জীবনের
এতগুলো দিন সে যাহা পাইয়া আসিয়াছে, তাহার তুলনায়
ইহা যে স্বর্গের অমিয়-ধারা ! ইহাও এ জগতে ছিল না কি ?
আশ্চর্য্য তো !

সূজাতা একটু ছুঁই হাসি হাসিয়া বলিল—

—“আপনি হয় তো ভাবচেন, এটা আমার অত্যন্ত
স্পর্ধিত চাওয়া। তা হোক ; যিনি আপনার সাহিত্য-
নিকুঞ্জে প্রবেশ করবার সাত্যকারের অধিকারী হবেন,
তাঁর কাছে না হয় আমার এ জ্বরদস্তিটুকু গল্পছলেই
বলবেন ; কিছু না পারি—খানিকটা হাসির খোরাক
জোগাতে পারব তো—।”

সুকুমার সূজাতার কথার মধ্যে প্রবেশ করিতে পারিল
না ; চূপ করিয়া দাঁড়াইয়া রহিল। নিতান্ত অকারণেই
যেন তাহার কথা বলিবার ইচ্ছাটা পর্য্যন্ত লুপ্ত হইয়া

গিয়াছিল। থাকিয়া থাকিয়া তাহার অন্তরের অন্তঃস্থল
হইতে অনান্বাদিতপূর্ব্ব পুলকের একটা মৃদু গুঞ্জন
ভাসিয়া উঠিতেছিল ; শীর্ণ রিক্ত বনভূমি কান্তের মলয়
স্পর্শে যেন আবার হিম্মোলিত হইয়া উঠিয়াছে !

সূজাতা ভাবিতেছিল, পাতার পাতায় চক্ষু নিবদ্ধ করিয়া
এই কণ্টকাকীর্ণ আবেষ্টনে, ওই লোকটি অহর্নিশি ক্ষত
বিক্ষত হইয়া উঠিতেছে, অথচ কেমন করিয়া তাহা
উপেক্ষা করিয়া ও আজ এমন নিঃশব্দে সকল হৃৎ-লাহুনার
উপরে চলিয়া গেছে ?

সহসা সে বলিয়া উঠিল—

—“দেখুন, সুকুমারবাবু, জীবনের যে বাস্তব হৃৎ-ধমন
দিক্কা নিয়ে আপনার সাহিত্য, আগে আগে মনে হ’ত
আপনার নিতান্ত বাড়াবাড়ি, নিছক কল্পনা। আপনার
সঙ্গে পরিচয় হ’য়ে আমার সে ধারণা দূর হয়েছে ...।

কথাগুলার ভিতর নিজের পিতৃ-মাতৃহীন নিঃসঙ্গ
জীবনের অনেকখানি ব্যথা উপচিয়া পড়িয়া শেষের
দিকে তাহার কণ্ঠ রুদ্ধ হইয়া গেল।

সহসা সূজাতার এই সঙ্গল কথায় সুকুমার বিশ্বয়ে লুপ্ত
হইয়া গেল ; কিছু একটা বলিবার জন্য তাহার মন উন্মূখ
হইয়া উঠিল ; কিন্তু সে ভাষা খুঁজিয়া পাইল না
বাকপটু সূজাতাও বহুক্ষণ পর্য্যন্ত নীরব হইয়া রহিল।

অন্তরের ভাষা যখন আত্ম-প্রকাশের জন্য কলরোল
করিয়া ওঠে, মুখের ভাষা বুকি তখন এমনই করিয়া মুক
হইয়া যায়। সেই রেদ-কল্পনহীন প্ৰথম মুহূর্ত্তে, ক্ষণেকের
জন্য দুইটি স্নেহ-বন্ধিত পীড়িত অন্তর অব্যক্ত সমব্যথায়
পরস্পরের সান্নিধ্য অনুভব করিতে চায়।

স্বপ্নোপ্তিতের মত সহসা সূজাতা বলিয়া উঠিল ;

—“আচ্ছা, সুকুমারবাবু, চলুন। নমস্কার।”

বিহ্বল কণ্ঠে সুকুমার বলিল—

—“নমস্কার ! আবার কবে আসবেন ?”

আধুনিক আদব-কায়দার প্রচলিত প্রথা অনুসারে
কি বলা উচিত অনুচিত তাহা সে জানিত না ; কিন্তু
সূজাতা বুকিল—অন্তরের স্বতঃস্ফূর্ত্ত প্রেরণায় ওই সরল
অনভিজ্ঞ লোকটার নিকট হইতে যে প্রশ্ন আসিল তাহা
কেবল উহারই মুখ দিয়া অমন করিয়া বাহির হইতে পারে।
একবার ধামিল ; পরক্ষণেই মৃদুকণ্ঠে বলিল—

—“পারি তো আস্তে বুধবার আবার আসব।”
মিষ্টি হাসিটুকু তখন তাহার মুখে কিরিয়া আসিয়াছে।

(৩)

গাড়ি চলিয়া যাইতেই হেমাঙ্গিনী ঘরে ঢুকিয়া বলিলেন—

—“কি গল্প ঠাকুরপো ; কথা শেষ হ’ল ! আমি বলি বন্ধি, তোমরা আজ আর কেউ খামবে না। তোমার নতুন আলোপীটা কখন গেলেন ?”

—“এই মাত্র। কি চমৎকার মেয়ে, বৌদি ! এমন উ চুদরের শিক্ষিতা সচরাচর দেখা যায় না !”

—“তাই না কি ! ভাব-সাব হ’ল ?”

শ্বেত-পূর্ণ ইজিতটা একেবারেই ব্যর্থ হইয়া গেল ; সুকুমার পরমাণুহে বলিল—

—“হাঁ ! বুধবার দিন আবার আসবেন ব’লে গেছেন। সে দিন কিন্তু জলটল খাওয়ার বন্দোবস্ত করতে হবে, বৌদি, আজ কিছু হ’ল না...।”

অধীর উৎসাহে এত কথা একসঙ্গে অল্প-ভাবী সুকুমার জীবনে বোধ করি আর কোন দিন বলে নাই।

চতুর্থ পরিচ্ছেদ

(১)

শ্রীকুমার জিজ্ঞাসা করিলেন—

—“টেবু কবে থেকে আরম্ভ ?”

সুকুমার বলিল, “পরশু থেকে।”

পিছন হইতে বন্ধার শোনা গেল—

—“তা ব’লে পাঁচ মিনিটের জন্তে একটা জিনিস বাজার থেকে এনে দেওয়া যায় না ? আমি কি দোকান যাব—তোমাদের মুখ পুড়িয়ে ?”

—“আচ্ছা, আচ্ছা ; যাবে তো বলেছে ; হাঁ, ভাল কথা,—ভ্রমার দরুণ কত টাকা লাগবে ?”

—“পঁচাত্তর টাকা।”

পিছন হইতে সখেন্দ-বিশ্বয়ের একটা অক্ষুট ধ্বনি শোনা গেল। শ্রীকুমার তাহারই রেশ বজায় রাখিয়া বলিলেন—
“পঁ-চা-শী ! ! তাই তো অনেকগুলো টাকা ; কি বে করি। এই এদের গয়না গড়াতে কালই শাকরাকে আড়াই-

শো টাকা দিতে হ’ল ; আবার একুনি এত টাকা ! পাই কোথেকে ... ভেরবার হ’য়ে গেলুম !”

সুকুমারের মুখ দিয়া কোন দিনই কোন কথা বাহির হয় না , আজিও তাহার ব্যতিক্রম ঘটিল না।

(২)

বুধবার ঘুরিয়া আসিল। সুকুমারের মনে হইল—যেন যুগান্তের পর !

সারা সকালটা সে কি যেন একটা কথা বলিবার জন্ম বারবার হেমাঙ্গিনীর কাছে আসিতেছিল। কিন্তু তাহার পিছনে হেমাঙ্গিনীর ঠোঁটের কোণে সাপের জিভের মত যে হাসি খেলিয়া যাইতেছিল, তাহা দেখিতে পাইলে সুকুমার অপরাহ্ন বেলায় কখনও তাহাকে জিজ্ঞাসা করিতে পারিত না—

—“বৌদি, কই ওঁরা ত এলেন না !”

—“কারা ভাই ? ভাল মানুষের মত হেমাঙ্গিনী জিজ্ঞাসা করিলেন।

—“ওই যে ওঁরা ... সুজাতা, তাঁর মাসিমা ... আজকে তাঁদের আসবার কথা ছিল যে !”

নিতান্ত নিস্পৃহকণ্ঠে হেমাঙ্গিনী বলিলেন—

—“কি জানি ভাই ; ওরা সব হ’ল—বড় মানুষ লোক ; ওদের কথা ছেড়ে দাও ! ব’লে পাঠিয়েছে—আমার দেওর না কি ভারী অসত্য ; একটুও ভদ্রতা জানে না—এমনি সব কত কটু কথা ! তাই ওরা আর আমার বাড়ী আসবে না ...।”

হেমাঙ্গিনী একগর আড়চোখে সুকুমারের মুখের দিকে চাহিয়া ঘর হইতে বাহির হইয়া গেলেন।

সুকুমার বহুক্ষণ পর্যন্ত সেই ঘরের মধ্যে শুক হইয়া রহিল। দীন পূজারীর অনেক সাধের দীপ-রচনা অতর্কিত বায়ুবেগে নিঃশেষে নিবিয়া গেল। সুকুমারের চোখের সম্মুখে ধীরে ধীরে দিমের আলো নিবিয়া আসিতে লাগিল। একটা সূচী তীক্ষ্ণ ব্যথার তীব্র অনুভূতি তাহার অন্ধকার অন্তরের এক প্রান্ত হইতে অপর প্রান্ত পর্যন্ত সঞ্চারিত হইয়া গেল।

শ্রীকুমার ঘরে ঢুকিলেন—

—“সুকুমার; থাক থাক ব'স। তোমার সঙ্গে গোটাকয়েক দরকারী কথা আছে ...।”

—“বল, দাদা।”

—“হাঁ বলি।” কাশিয়া গলাটা পরিষ্কার করিয়া লইয়া শ্রীকুমার বলিলেন—

—“দেখতেই তো পাচ্ছ, আমি একলা মানুষ; এত বড় বৃহৎ পরিবারের খরচ আর তো একলা চালিয়ে উঠতে পাচ্ছি না। আর পারবই বা কোথেকে; জানই তো আয় আমার অতি সামান্য। তাই ঠিক করলুম— তা ছাড়া তোমার বৌদির মুখের দিকে একটু চাইতে হয়—ঠিক করলুম, তোমাকে আপিসে বের ক'রব। আমাদের ওখানে একাউন্টস্ ডিপার্টমেন্টে একটা কাজ খালি হয়েছে; হাতে পায়ে ধ'রে সাহেবকে রাজীও করিয়েছি। মনে করছি—তুমি ওই কাজে জয়েন কর। কোম্পানীর আপিস, টিকে থাকতে পারলে আখেরে ভালই হবে। আশা করি, তোমার অমত নেই। যাহোক ব-এ-টা অবধি পড়া তো হ'ল...।”

সুকুমার কিছুক্ষণ নীরব থাকিয়া বলিল—“বেশ!”

(৩)

রাতে হেমাঙ্গিনী আশাতীত মাকল্য-গৌরবে হানিমুখে স্বামীকে বলিলেন—

—“দেখলে তো; বল্লম এই সময়! দেবী করলে কি আর রাজী হ'ত! বড় মানুষের মেয়েকে দেখে মজলেন; ভাবলেন—আমার হ'ল আর কি! পোড়াকপাল!”

শ্রীকুমার জিজ্ঞাসা করিলেন—

—“তাদের কি ব'লে পাঠালে?”

—“ব'লে পাঠালুম যে, সোমন্ত মেয়ে অমন রোজ-রোজ ছট ছট ক'রে আস্বার কি দরকার? আমাদের ভালো ছেলেটির মাথা খাওয়া?...”

শ্রীকুমারকে স্বীকার করিতেই হইল যে, পত্নীর এই সুললিত চালটা ইতিহাস-প্রসিদ্ধ রাজা-বাদশার কূটতম বুদ্ধিকে প্যর্ষন্ত ম্লান করিয়া দিয়াছে!

প্রফুল্ল

[শ্রীপ্রকাশচন্দ্র গুপ্ত]

শোচনীয়তার দিক দিয়া দেখিতে গেলে রামায়ণের সীতা-বিসর্জন ব্যাপারটা ষত বড় ঘটনা লক্ষণ-বর্জন ঘটনাটাও তাহা অপেক্ষা কোন অংশে কম নহে। সেইজন্যই, যে কবি রামায়ণ হইতে ‘সীতার বনবাসের’ নাটকীয় উপাদান সংগ্রহ করিয়াছিলেন, লক্ষণবর্জনের শোকাবহ দৃশ্যের নাটকীয় উপকরণও সেই কবি রামায়ণের ভিতরেই দেখিতে পাইয়াছিলেন। বস্তুতঃ ভালবাসা বা প্রেম বস্তুটা, মাতাপিতারই হউক বা ভ্রাতাভগিনীরই হউক, বাহারই হউক না কেন, প্রকৃত কবি-জন্ম যথানেই উহার সন্ধান পাইয়াছে, সেখান হইতেই মধুসংগ্রহ করিয়া মধুচক্র রচনা করিয়াছে। কাব্য লিখিতে গেলেই কেবল যে নাটক-

নাট্যিকার প্রেম লইয়াই নাড়াচাড়া করিতে হইবে, রসশাস্ত্রে এমন কোন ধরা-বাঁধা নিয়ম-কানুন নাই।

অন্য দেশে ভাই-ভাইয়ের মিলন-বিচ্ছেদ লইয়া কোন বড় কাব্য লিখিত হইয়াছে কি না জানি না, কিন্তু ভারতবর্ষের হৃৎপদ্মসম্বৃত দুইটা মহাকাব্যেই ভাই-ভাইয়েরই মিলন-বিচ্ছেদের কাহিনী সুন্দর ভাবে বর্ণিত হইয়াছে।

রবীন্দ্রনাথ একবার লিখিয়াছেন—“এখনো যে আমরা পদে পদে ত্যাগ স্বীকার করিতেছি, বহু হৃৎখের ধনকে সকলের সঙ্গে ভাগ করিয়া ভোগ করাই শ্রেয়ঃ বলিয়া জানিতেছি, সাহেবের বেহারা সাত টাকা বেতনের তিন টাকা পেটে খাইয়া চার টাকা বাড়ী

পাঠাইতেছে, পনেরো টাকা বেতনের মুছুরী নিজে আধমরা হইয়া ছোট ভাইকে কলেজে পড়াইতেছে—সে কেবল, আমাদের প্রাচীন সমাজের জোরে।” বাস্তবিক ভারতবর্ষীয় সমাজ-ব্যবস্থানের এমন একটা অনন্ত-সাধারণ গুণ আছে, যাহা নিতান্ত স্বাভাবিক ভাবেই, পরিবারভুক্ত সর্বজননের ভিতরেই ভক্তি-প্রীতি ও মধুর রসের স্নুকুমার বৃত্তিগুলিকে নানা বিচিত্র ভাবে পরিস্ফুট হইবার সুযোগ দিয়া থাকে।

ভ্রাতৃত্ববোধের আদর্শটা যে কত বড় আদর্শ,—এক বিপরীতমুখী সভ্যতার সংঘর্ষের ফলে, তাহা আমরা ভুলিতে বসিয়াছি। আমাদের দেশের কবি, যখন তাঁহার স্বদেশবাসীকে দেশভক্ত হইতে বলেন, তখন ঐ ভাবেই বলেন—“ভ্রাতৃত্ব ভাবি মনে, হের দেশবাসিগণে,—” অথ কোন ভাবে নহে। প্রকৃত কথা হইতেছে দেশাত্মবোধ বা বিশ্বাত্মবোধকে এ দেশের লোকেরা পারিবারিক ভ্রাতৃত্ববোধেরই ক্রম-পরিণতি বলিয়া মনে করিয়া থাকে। অত্যাৎকট স্বার্থের আকর্ষণেই আমাদের সেই পারিবারিক প্রীতিবন্ধন বিচ্ছিন্ন হইয়া পড়িতেছে। কাজেই, ভ্রাতৃত্ববিচ্ছেদ ব্যাপারটা আমাদের সংসারে যে কত বড় একটা ট্রাজেডির সৃষ্টি করে, তাহা অনুভব করিবার মতও শক্তি আমরা ক্রমশঃই হারাইয়া ফেলিতেছি। দেশবন্ধু যথার্থই বলিয়াছিলেন—‘এখন ভাইয়ের সঙ্গে ভাইয়ের বৎসরে একবার সাক্ষাৎ হয় না! খুড়া, ভাইপো, ভাইঝি, Cousin হইয়াছে—পরিবারের সে স্মৃতি নাই, শাস্তি নাই, আনন্দ নাই।’

সমস্ত জাতির যখন এমন একটা সঙ্কটাপন্ন অবস্থা উপস্থিত, তখন জাতীয় কবির বিরাট-হৃদয় তাহা দেখিয়া বিচলিত না হইয়া কি থাকিতে পারে? “প্রকল্প” নাটক সেই বিচলিত ও বিক্লুব কবি-হৃদয়েরই এক অপকল্প সৃষ্টি। যত দিন বাঙ্গালীজাতির হৃদয়ে ভাইয়ের প্রতি ভাইয়ের স্বাভাবিক মমত্ববোধের কণামাত্রও অস্তিত্ব থাকিবে, তত দিন এ নাটক বাঙ্গালীর কাছে পুরাতন হইতে পারে না।

ভ্রাতৃত্ববিচ্ছেদকে অবলম্বন করিয়া বাঙ্গালী ভাষায় ছুইখানি মাত্র অনূপম নাট্যকাব্য রচিত হইয়াছে, অথচ বাঙ্গালী সমালোচক ইতিমধ্যেই বলিতে আরম্ভ করিয়াছেন যে, ঐ ছুইখানি কাব্যের কোন আবেদনেরই

না কি এখন আর প্রয়োজন নাই। ইহা সত্য হইলে, ঐ ছুইখানি নাটকের তাহাতে বিন্দুমাত্র ক্ষতিবৃদ্ধি হয় না; কিন্তু এই সকল উক্তি হইতে ব্যক্তি বিশেষে যে মনো-ভাবের পরিচয় পাওয়া যায় তাহা সত্য সত্যই ভয়াবহ! অনবরত কাম-কাহিনীর রোমন্থন করিয়া যাও, তাহাতে বাঙ্গালী সমালোচকের লেশমাত্র অরুচি বোধ হয় না, তাহার ভিতর হইতে কত নূতন সমস্তাই না প্রতিনিয়ত গজাইয়া উঠিতে থাকে, অথচ যে সমস্তা যথার্থই আমাদের জাতির পক্ষে একটা জীবন-মরণ সমস্তা, কবিচিত্ত যদি তাহাতে ব্যথিত ও উদ্বেলিত হইয়া কাব্যের আকারে অভিব্যক্ত হইয়া পড়ে, তবে বিশ্বয়ের বিষয়, আধুনিক বাঙ্গালী সমালোচকের মনকে তাহা আকৃষ্ট করিতে পারে না।

‘স্বর্ণলতা’ উপন্যাস অথবা উহার নাট্য-বিগ্রহ ‘সরলা’ নাটকে ভ্রাতৃত্ববিচ্ছেদের যে চিত্র অঙ্কিত হইয়াছে, তাহা ধুব করুণ হইলেও তাহার ভিতরে সে গভীরতা নাই, যাহা ‘প্রকল্প’ নাটকে পাওয়া যায়। আমাদের সংসারে ভাই ভাইতে যে বিরোধ ঘনাইয়া ওঠে, তাহার মূলে বধুগণই যে বিরাজ করেন, ‘সরলা’ নাটক পড়িয়া মনে এই রকমই একটা ধারণা জন্মে।—অর্থাৎ বাঙ্গালীর ঘরের বধুগণ ‘প্রমদা’ না হইয়া ‘সরলা’র মত আদর্শ বধু হইলেই যেন বাঙ্গালার গৃহ-পরিবারে আর বিবাদ-বিসংবাদের নাম-গন্ধ থাকিবে না—‘সরলা’ নাটকের ভাবগতিক যেন অনেকটা এই ধরণের বলিয়াই মনে হয়। কিন্তু মাতা যেখানে ধর্ম-পরায়ণা ও বধুদিগের প্রতি স্নেহশীলা, পিতৃতুল্য জ্যেষ্ঠভ্রাতা যেখানে ভ্রাতৃত্ববৎসল রামচন্দ্রের মতই আদর্শ ভ্রাতা বলিলেও চলে, বধুগণ যেখানে অন্নপূর্ণা ও লক্ষ্মী-স্বরূপিনী, এমন যে সোনার সংসার, সেখানে সহস্রা নরকের আগুন জলিয়া উঠে কেন?—উচ্চশিক্ষিত উকীল রমেশচন্দ্র কেন তাহার প্রতিপালক বড় ভাইকে পথের কাঙাল করিয়াও তৃপ্ত হয় নাই, ছোট ভাইকে জেলে পাঠাইয়াও ক্লান্ত থাকে নাই, এবং বংশের প্রতীপ ভাইপোকে হত্যা করিতেও কুণ্ঠিত হয় নাই?—মাতা উন্মাদ হইয়া গেল, বড় ভ্রাতার অপঘাত মৃত্যু ঘটিল, এবং স্ত্রী জীবনমূতা হইয়া রহিল—রমেশের তো চৈতন্ত হইল না? রাবণ ও বিভীষণের ভ্রাতৃত্ববিচ্ছেদের একটা

কারণ আছে—মতবৈষম্য, সুগ্রীব ও বাণীর ভ্রাতৃ-
বিরোধেরও একটা কারণ আছে—পৈতৃক রাজসিংহাসন।
কিন্তু ইহার কোনটাই তো রমেশের পক্ষে খাটে না ?

আসল কথা, কুমন্ত্রণাই, হউক, মতবৈষম্যই হউক,
আর বিষয়-সম্পত্তিই হউক—ইহার কোনটাই মানুষে-
মানুষে প্রকৃত বিচ্ছেদ ঘটাইতে পারে না। উন্নত লোভ
হইতে যে স্বার্থপরতার উদ্ভব হয়, যাহা দয়া-মায়া, স্নেহ-
মমতাকে ভাবপ্রবণতা বলিয়া উপহাস করে, যাহা নিজের
শুক কঠোর ও অপরিণত বুদ্ধিবৃত্তিকেই একমাত্র শ্রেয় মত্য
বলিয়া বিশ্বাস করে, মানুষের সেই নির্মম স্বার্থপরতার উষ্ণ
নিঃশ্বাসেই মানুষের সোনার সংসার ছারখার হইয়া যায়।
মানুষের সাজান বাগান শুকাইয়া যায়! ‘প্রফুল্ল’—সেই
নির্মম স্বার্থপরতারই এক অতি উজ্জ্বল চিত্র।—এবং এই-
জন্মই উহা সরলা অপেক্ষাও অধিকতর গভীর এবং
অধিকতর মর্মস্পর্শী। ইহা ছাড়াও ‘সরলা’ হইতে ‘প্রফুল্ল’র
আরও কয়েকটা বিষয়েও বৈসাদৃশ্য দেখিতে পাওয়া যায়।
‘সরলা’র ভ্রাতৃবিচ্ছেদের ফলে, অ-সাংসারিক বিধুভূষণ
রীতিমত কর্মঠ হইয়া উঠিল। আর “প্রফুল্ল” নাটকের
ভ্রাতৃবিচ্ছেদ, “উদ্যোগী পুরুষসিংহ” যোগেশচন্দ্রকেও
একেবারে কঠোর অদৃষ্টবাদী করিয়া ফেলিল! ‘সরলা’
নাটকের সরলা অশেষ ছুঃখযন্ত্রণার ভিতরেও স্বামীর স্নেহ
হইতে বঞ্চিত হয় নাই। উহাই ছিল তাহার জীবনের
একমাত্র সান্ত্বনা—আর প্রফুল্ল?—তাহার জন্ম ঐ দিকটার
কবাট একেবারে আজীবন রুদ্ধ হইয়া রহিল। কাজেই
বলিতে হয় “প্রফুল্ল” নাটকখানি ট্র্যাজেডির দিক দিয়া
“সরলা” অপেক্ষাও বড় ট্র্যাজেডি, আর সেইজন্মই প্রফুল্ল
নাটকের অন্তর্নিহিত সুর, নিবিড়তর ভাবে হৃদয়স্পর্শী!

সুখ-স্বচ্ছন্দের অন্তরালে, সংসারে অনেক কিছুই
গোপন থাকিয়া যায়। কিন্তু একবার কোম কারণে যদি
উহা প্রকাশ হইয়া পড়ে, তাহা হইলে মানব-মনের যে
স্বার্থ-পরতার বীভৎস কুৎসিত নগ্নমূর্তি দেখিতে পাওয়া
যায়, তাহাতে শিহরিয়া উঠিতে হয়। কুৎসিত মানুষের
অদৃষ্ট দেবতা মাঝে মাঝে স্বাচ্ছন্দ্যের ঐ শূল আবরণটুকু
উদ্ঘাটিত করিয়া দিয়া, মানুষের হৃদয় লইয়া
অতি নিষ্ঠুর রহস্য-অভিনয় করিয়া থাকেন। যোগেশ-
চন্দ্রের পারিবারিক রক্তমঞ্চে এমনই একটা দৈবছর্ষণনা

কতকগুলি একান্ত নিশ্চিত মধুর জীবনকে একেবারে
ছন্নছাড়া করিয়া দিল। বস্তুতঃ, ব্যাক্ যদি ফেল্ না
হইয়া যাইত, কে বলিতে পারে, রমেশচন্দ্রের প্রকৃত
স্বরূপ হয় তো শেষ পর্যন্ত লোকলোচনের অগোচরেই
রহিয়া যাইত। শুধু রমেশেরই বা কেন, কোন চরিত্রটাই
মনে হয়, স্ব স্বরূপে বিকসিত হইবার অবকাশ পাইত না।
এক প্রকার নিরবলম্ব বিশেষত্বহীন জীবনযাত্রার মধ্য দিয়া,
অন্য পাঁচটা বাঙ্গালী সংসারের মতই যোগেশচন্দ্রের
পারিবারিক-জীবন হয় তো অতিবাহিত হইয়া যাইত। তীর্থ-
যাত্রী যে জননী একবার বলিয়াছিলেন—“আমার আর
কিছু সাধ নেই, বাবা, যারা ধারে, তাদের যদি ঋণে মুক্তি
দিয়ে যেতে পারি, এইটি আমার ইচ্ছে, শুনেছি বাবা,
দেনা দিতেও আস্তে হয়, পাওনা নিতেও আস্তে হয়!”
—অবস্থার ফেরে পড়িয়া তিনিই পরে “ছেলেটা-পুলেটা”
হওয়ার অজুহাত দেখাইয়া রমেশের অসৎপ্রস্তাবে সম্মত
হইতে যোগেশকে পরামর্শ দিয়াছিলেন। অবস্থার ফেরে
পড়িয়াই পরম-বিষয়ী যোগেশচন্দ্রকে বলিতে হইয়াছিল—
“চেষ্টায় ব্যাক্ ফেল্ হওয়া রোধ হয় না, দরিদ্র হওয়া
রোধ হয় না, বৃদ্ধ মাকে বৃন্দাবনে পাঠান হয় না।”
চির-আবর্তনশীল অবস্থাচক্রই অকপট-হৃদয়া প্রফুল্লর মনেও
একদিন এই প্রশ্ন জাগাইয়া তুলিয়াছিল—“মা আমায় কি
ব’লে দিয়েছেন—স্বামীর কথা কি করে শুনবো—মিথ্যা-
কথা কি ক’রে শুনব—” ঐ অবস্থাচক্রই আবার অন্য
আর এক দিন তাহার মুখ দিয়া বলাইয়া লইয়াছিল—
“দিদি, এখন আমি মিছে কথা শিখেছি।” বস্তুতঃ,
অবস্থার ফেরে পড়িয়া যে কত বিচিত্র রকমের “বিষম-
সমস্তার” সম্মুখীন হইতে হয়, ‘প্রফুল্ল’ নাটক তাহারই
একটা জীবন্ত আলেখ্য।

শুধু যদি মদ্যপানের অপকারিতা দেখানই—‘প্রফুল্ল’
নাটকের উদ্দেশ্য হইত, তাহা সেজন্ম এতবড় একটা
শোকাবহ ঘটনাবলি নাটকের সৃষ্টি করিবার
প্রয়োজন ছিল না—একটা প্রহসন লিখিলেই
চলিতে পারিত। যোগেশের মদ্যপান মুখ্যতঃ এ
নাটকের কোন ‘ট্র্যাজেডি’ই সৃষ্টি করে নাই, মদ শুধু
আনুষঙ্গিক উপলক্ষ্য মাত্র। রমেশের বিশ্বাসঘাতকতা
হইতে যে ‘ট্র্যাজেডির’ উৎপত্তি হইল, ধরিতে গেলে তাহাই

ক্রমশঃ একটার পর একটা করিয়া করুণ ও হৃদয়বিদারক দৃশ্যের মধ্য দিয়া চরম পরিণতি লাভ করিল। ব্যাক্কেল হওয়া একটা 'ট্র্যাজেডি' নহে, ঐ ঘটনাটিকে একটা 'ট্র্যাজেডি' মনে করাইবার যে চেষ্টা সেইখান হইতেই সকল 'ট্র্যাজেডির' সূত্রপাত। "মা আমায় চান্ না—বিষয় চান্; পরিবার আমায় দেখেন না—বিষয় দেখেন; ভাই আমার দেখেন না—বিষয় বাগিয়ে নেন। বাঃ কি সুখের সংসার!"—যোগেশের এই মর্মান্তিক কথাগুলিই আসন্ন ভাবী অমঙ্গলের যেন ইঙ্গিত প্রদান করিতেছে। সুরেশের চোর হওয়া, সপরিবারে যোগেশের পথে দাঁড়ান, জ্ঞানদার মৃত্যু, যাদবকে হত্যা করিবার চেষ্টা, প্রফুল্লর মৃত্যু, এবং মাতাল অবস্থায় যোগেশের যে হৃদয়-ধ্বংস এ সমস্তই ঐ মূল 'ট্র্যাজেডি'রই ক্রমিক অভিব্যক্তি।—শুধু ইহাই নহে রমেশের জীবনও যে একটা বড় 'ট্র্যাজেডি' নাটকের যবনিকা-পাতের কিছু পূর্বে প্রফুল্লর মুখেই তাহা প্রকাশ পাইয়াছে—“তুমি বড় অভাগা, সংসারে কারুকে কখন আপনার কর নি!” বাস্তবিক, 'প্রফুল্ল' নাটকের মত এত বড় একটা জমাটবাধা বিয়োগান্ত নাটকের অন্তর্নিহিত রসবস্তুরকে ঝাঁহারা “মজ্ঞ নিবারণী সভার” প্রশংসনীয় উদ্দেশ্যের সঙ্গে এক করিয়া ফেলেন, তাঁহাদের রসগ্রাহীতা কেবল হাশ্বোৎসাহকই করিখা থাকে।

মানুষের সরল ও স্বাভাবিক ধর্মবুদ্ধি যদি প্রতিহত না হইয়া যায়, যদি তাহা সর্বপ্রকার কৃত্রিম ও অকৃত্রিম বাধা-বিপত্তি লঙ্ঘন করিয়া সহজভাবে বিকাশের পথে অগ্রসর হয়, তবে এই দুঃখকষ্টের সংসারেও বহু অকল্যাণ—অনেক অমঙ্গল নিবারিত হইতে পারে। প্রফুল্লর জীবন এ-কথারই একটা উজ্জ্বল উদাহরণ। ধর্মবুদ্ধি—উমাসুন্দরীরও ছিল, যোগেশেরও ছিল, জ্ঞানদারও ছিল। কিন্তু পুত্রস্নেহাতুরা জননী, ধৈর্যহারা যোগেশ এবং কিংকর্তব্যবিমূঢ়া জ্ঞানদা, স্বেচ্ছায় হউক, অনিচ্ছায় হউক, ধর্মের ঋজুপথ অনুসরণ করিয়া ইঁহারা কেহই চলেন নাই। অটল বিশ্বাস, অকপট হৃদয় এবং সর্বসংসহা ধরিত্রীর মত সহন-শীলতা থাকিলে তবেই ধর্মপথে মানুষ আজীবন অবিচলিত থাকিতে পারে। যোগেশ চরিত্রের প্রধান ত্রুটি ঐ ধৈর্যশূণ্যের অভাব। ভাই, যে যোগেশ একবার বলিয়া-ছিলেন, “যিনি অধর্মে মতি দেবেন, তিনি মাই হোন, আর

বাপই হোন, তাঁর কথা শুন্তে নেই”। হৃৎধৈর্য্য সেই যোগেশই আবার নিদারুণভাবে নিয়তির শ্রোতে গা ভাসাইয়া দিলেন। কিন্তু প্রফুল্ল-চরিত্র অধ্যয়ন করিলে দেখিতে পাইব, ধর্মসম্বন্ধে—কর্তব্যসম্বন্ধে, তাহার চরিত্রে কোথাও এতটুকু দ্বিধা নাই। স্বামীভক্তির সুযোগ লইয়া স্বামী দুর্ভুক্তির প্ররোচনা দিতেছে, প্রফুল্লর জবাব অতি স্পষ্ট এবং করুণ—“আমি তবে আজ কাঁদি, তুমি যাও।” বেচারী পতিনিন্দা শুনিতে চাহে না, অথচ পতির কথায় সংশয় যখন জাগিয়া উঠিল, তখন স্পষ্টই বলিয়া ফেলিল, “—মা আমায় কি বলে দিয়েছেন—স্বামীর কথা কি ক'রে শুন্বো—মিথ্যা কথা কি ক'রে শুন্বো!” ভক্তি-প্ৰীতি-স্নেহ-মায়া-মমতা প্রভৃতি জলাঞ্জলি দিয়া নহে, উহাদিগকে আপন জীবনের সঙ্গে ওতঃপ্রোতভাবে মিশাইয়া লইয়া; ধর্মাচরণে এই যে অনাড়ম্বর নিষ্ঠা—ইহাই রমেশের মত রাক্ষসের হাত হইতে যাদবকে বাঁচাইবার সময়ে প্রফুল্লর মুখ দিয়া বলাইয়াছিল—“আমি ধর্মকে চিরদিন আশ্রয় করেছি, ধর্মকে ভয় করেছি, আমার প্রাণের অত ভয় নেই।” বাস্তবিক, এই দিক দিয়া যদি প্রফুল্ল নাটক-খানিকে ধর্মের জয়-প্রচারকারী নাটক বলা যায়, তবে তাহা দোষের হয় না, গুণেরই হইয়া থাকে। ধর্মের জয় দেখাইতে গিয়া নাটকের স্বাভাবিকতা কোথাও ক্ষুণ্ণ হয় নাই—ধর্ম আপন মহিমায় আপনিই মহিমান্বিত হইয়া উঠিয়াছে। বলা বাহুল্য, সাংসারিক লাভ-ক্ষতির হিসাব-নিকাশ ধতাইয়া লইয়া ধর্মভাবের জয়-পরাজয় নির্ণয় করা চলে না।

'প্রফুল্ল' নাটকের স্রষ্টা যিনি, তাঁহার অঙ্কিত সংসার-চিত্রে নিরবচ্ছিন্ন বীভৎস দৃশ্য কোথাও দেখা যায় না। সংসারে রমেশের মতও ভাই আছে, যোগেশ-সুরেশের মতও ভাই আছে; কাদালীচরণ-জগমণিও আছে, পীতাম্বর, শিবনাথ ও ভজহরি আছে। কাজেই, অন্যায় ও অধর্মের শ্রোত যদি অনন্তকাল ধরিয়া কোথাও অবাধে বহিতে না পারিয়া থাকে, তবে তাহাতে বিস্মিত হইবার কিছুই নাই। নিরপরাধের উপর, সংসার ও সমাজের কেবল নির্দয় ও নিরবচ্ছিন্ন নিষেধণ দেখাইতে পারিলেই যে তাহা সংসারের সত্যকার ছবি হইয়া উঠবে, এমন কথা শুধু কেবল গায়ের জোরেই বলা চলে। নিপুণ চিত্রকরের হাতে

পড়িয়া ঐ জাতীয় দৃশ্য হয় তো আপাতমনোরম ভাবে অতি সহজে পাঠক সাধারণের মনোহরণ করিয়া লইয়া তাহার সাধারণ বিচারশক্তি লোপ করিয়া দিতে পারে, কিন্তু ধর্মের প্রতি, ভগবানের প্রতি, এবং মানুষের প্রতি মানুষের যে সরল প্রীতিবিশ্বাস সে প্রীতিবিশ্বাসের যোগ-বন্ধন তাহা সুদৃঢ়তর করিয়া দিতে পারে না। কাজেই 'প্রকল্প' নাটকে রমেশের কীর্তিকলাপের যদি একটা সীমা-রেখা বা পরিসমাপ্তি দেখা না হইয়া থাকে এবং ফলে যদি কোন একদল পাঠকের রুচিকে তাহা পীড়া দিয়াই থাকে, তবে সেজন্য দায়ী 'প্রকল্প'র নাট্যকার নহেন, সেজন্য দায়ী ঐ শ্রেণীর পাঠকের একদেশদর্শী মনোবৃত্তি

প্রতারণিত করিবার প্রবৃত্তি কেবল প্রতারণিত হইয়াই হয় না। হৃদমনীয় লোভ-রিপু হইতেই উহার উৎপত্তি। জীবনে যাহারা প্রতারণা করিয়াই জয়ী হইয়া আসিয়াছে, তাহাদের চিন্তের অনেক সুকুমার বৃত্তিই বিকসিত হইবার অবসর পায় না। রমেশ, জগমণি ও কাজালীচরণ এই জাতীয় চরিত্রেরই উজ্জ্বল দৃষ্টান্ত। স্বার্থ সাধনের জন্ত ইহারা মাতার পুত্রবাৎসল্যকে, ভ্রাতার ভ্রাতৃস্নেহকে, পত্নীর পাতিব্রতাকে, এবং মানুষের ধর্ম ও নীতি-বোধকে ইচ্ছামত আপনাদের কাজে খাটাইয়া লয়। ইহারা শুধু সোনার সংসারই ছারখার করিয়া দেয় না, সুবিধা এবং সুযোগ পাইলে, রঙ-বেরণের মুখোস পরিয়া ইহারা দেশ এবং জাতিকে যে সর্বনাশের পথে অগ্রসর করিয়া দেয়, চোখ মেলিয়া চাহিলেই তাহা সকলেই ধরিয়া ফেলিতে পারেন। মানুষের গড়া জেলখানা ইহাদের উপযুক্ত স্থান নহে, কারণ সুরেশের কথায় বলিতে গেলে আজও ইহাদের জন্ত "উপযুক্ত জেল ত'য়ের হয়নি" ইহাদের চরিত্রের নির্মমতা দেখিয়া কবির প্রতি বিরূপ হইলেই যথার্থ সহৃদয়তার পরিচয় দেওয়া হইবে না, প্রকল্পর ভাষায় যদি বলিতে পারি— তোমরা বড় অভাগা, 'সংসারে কারুকে কখন আপনার কর নি', অথবা ভজহরির মত চোখের জল ফেলিতে পারি,— "মামাবাবু, মামীমা, রমেশবাবু, দেখ আমি যদি জজ হ'তেম, তোমাদের মাপ কর্তেম, তোমরা যথার্থই অভাগা", মনে করি ইহাদের প্রতি যথার্থ সমবেদনা জ্ঞাপন করা হয়।

সংসারে বাহৃতঃ বাহাকে যেমন ভাবে দেখা যায় সেই

রূপই তাহার নিজস্ব রূপ নয়, তাহাই তাহার সম্পূর্ণ পরিচায়ক নয়। যে মাতাল-যোগেশ এক ভাঁড় মদের জন্ত 'ওহে, একটা পয়সা দেও না' বলিয়া পথে পথে ভিক্ষা করিয়া ফিরিতেছে, স্ত্রীকে লাথি মারিয়া তাহার হাত হইতে শেষ সম্বলটুকু ছিনাইয়া লইয়া যাইতেছে, শুধু বাহির হইতে দেখিলে হয় তো তাহাকে লোকে বলিবে— "দেখ, মদে লোকটার কি অধঃপতনই না হইয়া গেল!" কিন্তু ইহাই তো যোগেশ চরিত্রের সর্বস্বীন পরিচয় হইল না! সুরেশ ও শিবনাথের প্রকৃত স্বরূপটিতে 'বিগ্গাধরী'র সঙ্গে ইয়ারকি-মস্করার সময়ে দেখিতে পাওয়া যায় না! ভজহরির ভিতর-কার মানুষটি তো, রমেশের কাছ হইতে ঘুস্ লইতে রাজি হইবার সময়ে ধরা পড়ে না! কবি ইহাদের আবরণ উন্মুক্ত করিয়া না দিলে, ইহারা হয় তো সমাজের কাছে আজীবন উপেক্ষিতই রহিয়া যাইত! যোগেশ কি কেবল অনুভূতি-শূণ্য মাতাল?—সুরেশ, শিবনাথ ও ভজহরি কি কেবল বধাটের দল?—মদন-দা' কি কেবল পাগল?

শুধু বর্তমানেই মানব-জীবনের সকল সমস্যার চূড়ান্ত মীমাংসা হইয়া যায় না। পট উঠিবার পরই, ঘোষ-পরিবারের গৃহপ্রাঙ্গণের স্নিগ্ধ মধুর যে ছবিখানি আমাদের মন এবং চক্ষু জুড়াইয়া দিয়াছিল, নিয়তি তাহার উপর নিষ্করণ ভাবে তুলি বুলাইতে, পট পড়িয়া যাইবার পূর্বে মুহূর্তে, কি মর্মান্তিকী দৃশ্যই না আমাদের চোখের সামনে ধরিয়া রাখিল!—কিন্তু এইখানেই কি সব শেষ হইয়া গেল?—শেষ হইয়া গেল তো সুরেশ-ষাদব বাঁচিয়া রহিল কেন?—শেষ হইয়াই যদি গেল, তবে জ্ঞানদা-প্রকল্পর মৃত্যুকালীন করুণ মিনতিও কি নিষ্ফল হইয়া যাইবে? উমাসুন্দরী আর কত কাল পাগল হইয়া রহিবেন? যোগেশই বা আর কত কাল মদের স্রোতে গা' ভাসাইয়া রাখিবেন? প্রকল্পর মৃত্যুতে রমেশের প্রায়শ্চিত্ত কি আর হইবে না? ভজহরির আক্ষেপোক্তি কি তাহার মামা-মামীর হৃদয় স্পর্শ করিবে না? বাঙ্গালী সমাজের যোগেশ-রমেশদিগকে এই কথাগুলির জবাব দিতে অনুরোধ করিয়া, আজ আমরা 'প্রকল্প' নাটকের এই সংক্ষিপ্ত আলোচনা এইখানেই শেষ করিয়া ফেলিলাম।

ইংরেজ আমলের ইতিহাসের এক পৃষ্ঠা

[শ্রীনরেন্দ্রনাথ সেন]

গড়ের মাঠে যে মেঘস্পর্শী স্তম্ভটী দাঁড়াইয়া গোটাকলিকাতা শহরটাকে সর্বক্ষণ বিহঙ্গের দৃষ্টিতে দেখিয়া লইতেছে, ঐ অতিদীর্ঘ ইমারতটী একজন ইংরেজ সেনানায়কের স্মৃতিরক্ষার্থ নির্মিত হয়। স্বজাতিপোষক ইংরেজ কৃতজ্ঞতার ঋণস্বরূপ ঐ অত্যাচ্চ মনুমেণ্ট গড়িয়া অক্টাবলোনীর স্মৃতিকে চিরস্থায়ী করিবার চেষ্টা করিয়াছেন। ঐষ্টইণ্ডিয়া কোম্পানীর বড় দুঃসময়ে অক্টারলোনী তার মাম বাঁচাইয়াছিলেন।

অক্টারলোনী জাতিতে ইংরেজ, কিন্তু ভূমিষ্ঠ হন আমেরিকার মাসাচুসেট্‌স্ (Massachusetts) প্রদেশের বোস্টন্ (.Boston) নগরে। তাঁর পিতা বোধ হয় আমেরিকার স্বাধীনতা-যুদ্ধ (American War of Independence)-সংস্রবে কর্মসূত্রে জন্মভূমি ত্যাগ করিয়া তথায় গমন করেন। ১৭৫৮ খৃষ্টাব্দে পুত্রটী জন্মিল, নাম রাখিলেন ডেভিড। ডেভিডের শৈশবজীবন কি ভাবে কাটিয়াছিল তাহা জানা যায় না। আমেরিকার স্বাধীনতা-সমর শেষ হইয়া গেলে সেখানে আর কোন সুযোগ-সুবিধার আশা নাই দেখিয়া ১৯ বৎসর বয়সে ডেভিড Cadet বা শিক্ষানবীশ সৈনিক হইয়া ভারতবর্ষে আসেন। ঐষ্টইণ্ডিয়া কোম্পানীর অধীনে চাকুরীতে প্রবিষ্ট হইয়া ডেভিড শীঘ্রই প্রতিপত্তিশালী উঠিতে লাগিলেন।

অক্টারলোনীর পরবর্তী পরিচয় দিতে হইলে একটু অবাস্তর কথা প্রয়োজন হয়। ইং ১৮০৩ খৃষ্টাব্দে সিন্ধিয়ার পরাজয় ঘটে। লর্ড লেকের পত্রে লিখিত "The secret manner in which things have been conducted" (যে গোপন উপায়ে কার্য সাধিত হয়) এবং মার্কুইস-অব ওয়েলেসলির ঘোষণাপত্রের সাহায্যে দৌলতরাও সিন্ধিয়ার ইউরোপীয় কর্মচারিগণকে হাত করা

হয় এবং আরও অনেক ব্যাপার সাধিত হয়। (১) সিন্ধিয়ার অধিকৃত দিল্লী বিজিত হইলে ঐ নগরকে রাজনীতির অন্ততম প্রধান কেন্দ্র জানিয়া সেনাপতি লর্ড লেক তাঁহার প্রিয়শিষ্য ডেভিড অক্টারলোনীকে উহার Chief Commandant and Resident নিযুক্ত করেন। এই লর্ড লেক যে কি চরিত্রের লোক তাহার কতক আভাস মেসুর বসু মহাশয়ের ইতিহাসে পাওয়া যায়। কি কারণে জানি না, অক্টারলোনী তথায় বাসকালে ঘোরতর প্রাচ্য-ভাবাপন্ন হইয়া উঠেন। তিনি এ-দেশী পোষাকে থাকিতেন, এ-দেশী ভাষায় কথা বলিতে পারিতেন, সাম, দান, দণ্ড ও ভেদনীতির কোথায় কোনটী প্রয়োগ করিতে হইবে তাহাও শিখিয়াছিলেন।

ইং ১৮১৪ সালে লর্ড ময়রা নেপালের বিরুদ্ধে যুদ্ধ ঘোষণা করিলেন। প্রথম নেপাল-যুদ্ধে জেনারেল গিলেসপি কর্নেল মরে, জেনারেল মার্টিন ডেল প্রভৃতি জয়লাভে অসমর্থ হইলেন, বলভদ্র সিং ও অমরসিংহের বীরত্বে এবং গুর্খাসৈন্যের সাহস-বিক্রমে কোম্পানী বিশেষ সুবিধা করিয়া উঠিতে পারিলেন না। তখন ডাক পড়িল অক্টারলোনীর। প্রায় ছয়শত মাইল ব্যাপী নেপাল সীমান্তের পশ্চিমপ্রান্ত শতক্রতীর হইতে অক্টারলোনী অগ্রসর হইতে লাগিলেন। প্রত্যক্ষ ও অনুমান উভয় প্রকারেই তিনি শিখিয়াছিলেন যে, অসির সাহায্যে সুবিধা হইবে না। ইংরেজ-সীমা পার হইয়াই তিনি নেপালের করদ ও মিত্র সামন্তগণকে একে একে নানা উপায়ে 'হাত করিতে' লাগিলেন। এই সকল প্রত্যক্ষ খণ্ডরাজ্যের মধ্যে লালাগড়, তারাগড়, হিন্দর, রামগড় ও দেবখল প্রধান। হিন্দর তালুকের সামন্ত রামশরণ এই

(১) Vide "Rise of the Christian Power in India" by Major B. D. Basu.

হাউসীর তুল্য আসন ইংরেজ-আমলের ইতিহাসে প্রাপ্ত হন। মাকু'ইস হইতে, ধনশালী হইতে গভর্নর জেনারেলকে কে সাহায্য করিয়াছিল? কে ভারতবাসী সাজিয়া ভারতীয়দের জয় করিয়াছিল? কে বিব্রত, কোম্পানীর মানরক্ষা করিতে সেই বিষম বিপদের দিনে কর্ণধার হইয়াছিল?— ডেভিড অক্টারলোনীই। গভর্নর জেনারেলের সুপারিশে কোর্ট অব-ডিরেক্টারস্ অক্টারলোনীকে বার্ষিক ১০০০ পাউণ্ড পেন্সন মঞ্জুর করেন, আর স্বয়ং গভর্নর জেনারেল কিঞ্চিৎ বিষয়-সম্পত্তি খরিদের জন্ত (“for the purchase of an estate”) পুরস্কার পান নগদ ৬০০০০ পাউণ্ড। বলা বাহুল্য, এই ছয় লক্ষ টাকা গৌরী সেনের তহবিল হইতেই পাইয়াছিলেন

এই ঘটনার পর হইতে প্রায় দশবৎসর কাল পূর্বে অখ্যাত, অজ্ঞাত অক্টারলোনী কর্ণেল পদ হইতে ক্রমশঃ উন্নীত হইয়া মেজর জেনারেল স্যর ডেভিড অক্টারলোনী, বেরণেট, কে, সি, বি রূপে জমকাল খেলাৎ ও উপাধিভূষিত “কেও কেটা নয়” হইয়া রহিলেন। এই সময়ের মধ্যে অক্টারলোনী ১৮১৭ সালে পিণ্ডারী যুদ্ধে রাজপুতানা খণ্ডে যোগদান করেন। সেখানে আমীর খাঁন নামে যে পিণ্ডারী সর্দারের বিরুদ্ধে তিনি প্রেরিত হন তাহাকে অনুচরগণ সহ মূল দল হইতে বিচ্ছিন্ন করিয়া বিনা লড়াই ও রক্তপাতে তাহাকে বশীভূত করেন। কি গুপ্ত উপায়ে এই কার্য শেষ হয় তাহা স্পষ্ট বোঝা যায় না। ঐ সালের শেষের দিকে গভর্নর জেনারেল অক্টারলোনী অপেক্ষা বয়ঃকনিষ্ঠ, অপরিপক্ব ও অনভিজ্ঞ কর্ণেল টডকে রাজপুতানার পলিটিক্যাল এজেন্ট নিযুক্ত করেন। ইহাতে অক্টারলোনীর প্রতি একটু অবিচার করা হয় বলিয়া তিনি অত্যন্ত ক্ষুব্ধ হন এবং কিছুকাল পরে টডের বিরুদ্ধে উৎকোচ গ্রহণের অভিযোগ আনয়ন করেন। অতঃপর অক্টারলোনী স্বস্থানে থাকিয়াই চতুর্দিকে শ্রোণদৃষ্টিতে তাকাইতেছিলেন, কোথাও কোন নূতন সুযোগ উপস্থিত হয় কি না। ধৈর্যের ফল মধুময়। ১৮২৫ খৃষ্টাব্দে ভরতপুরে এক গোলযোগ উপস্থিত হইল। অমনই ইংরেজ কোম্পানী তায়, ধর্ম ও শান্তিরক্ষার দোহাই দিয়া বুদ্ধ রাজার হৃৎথে সমবেদনায় গলিয়া গেলেন। ভরতপুরের আভ্যন্তরীণ ব্যাপার হস্তক্ষেপই সিদ্ধান্ত হইল। এ ব্যাপারে অগ্রণী ছিলেন অক্টারলোনী নিজে।

মরাঠা যুদ্ধে পরাজিত হোলকারকে যখন তদানীন্তন ভরতপুররাজ রণজিৎসিংহ আশ্রয় দিয়াছিলেন, তখন বড়লাট ওয়েলেসলীর আদেশে সেনাপতি লেক— ভরতপুরের দুর্ভেদ্য দুর্গ অবরোধ করেন। সুবিধা করিতে না পারিয়া অবশেষে সন্ধি স্বাক্ষরিত হয়। এই পরাজয়ের হৃৎখে ইংরেজ ভুলিতে পারেন নাই। তাই বোধ হয় উপস্থিত ভরতপুরের ব্যাপারটিকে যেন-তেন-প্রকারেণ সুযোগে পরিণত করা হইল। ভরতপুরের রাজা বলদেব সিংহ বুদ্ধ ও অকর্মণ্য এবং তাঁহার বৃদ্ধবয়সের পুত্র বলবন্ত সিংহ তখন ছয় বৎসরের বালক। রাজা যখন দেখিলেন যে, সর্দার ও প্রজাগণ সকলেই তাঁহার ভ্রাতৃপুত্র দুর্জয়ন সালের অনুরক্ত, তখন বৃদ্ধ বয়সের নয়নমণি পুত্রের ভবিষ্যৎ সম্বন্ধে চিন্তাশ্রিত হইলেন। পুত্রের গদি-প্রাপ্তি সম্বন্ধে নিশ্চিত হইবার জন্ত তিনি দিল্লীর ইংরেজ রেসিডেন্টের শরণাগত হন। অবশ্য ইংরেজের লিখিত ইতিহাসে (৩) এই কথাই বলে। যাহাই হউক, অক্টারলোনীর তদ্বিরের জোরে অথবা রাজার চেষ্টায় কোম্পানির সঙ্গে বোঝাপড়া পাকা হইয়া গেল একথা ঠিক বলা যায় না। ছয় বৎসরের শিশু অক্টারলোনীর আগ্রহ ও চেষ্টায় যুবরাজ পদে অভিষিক্ত হইল। ইহার এক বৎসরের মধ্যেই বুদ্ধ রাজা চক্ষু মুদিলেন। যুবরাজের মাতুল রামরতন সিংহ নাবালকের প্রতিনিধিরূপে রাজকার্য্য চালাইতে লাগিলেন। তাঁহার শাসনের গুণে এক মাসের মধ্যেই রাজ্যের প্রধানগণ দুর্জয়ন সালকে যুবরাজের প্রতিনিধি নিযুক্ত করিলেন এবং রামরতন বিতাড়িত হইলেন। অক্টারলোনী তখন অনেক নজির ও যুক্তি দেখাইয়া দুর্জয়ন সালকে চরম পত্র দিলেন। যথানিয়মে কিছুদিন উত্তর-প্রত্যুত্তর, কথা কাটাকাটি চলিল। তারপর কোম্পানীর পক্ষে অক্টারলোনী ‘যুদ্ধং দেহি’ বলিয়া বসিলেন। ঠিক এই সময় ব্রহ্মযুদ্ধের অসম্ভব খরচের ফলে অর্থাতাব ঘটে। অক্টারলোনী উদ্যোগপূর্বক ব্যস্ত, এমন সময় তাৎকালিক গবর্নর-জেনারেল লর্ড আমহার্ট হুকুম দিলেন যে, যুদ্ধ হইবে না, আপোশের চেষ্টা করা হউক। প্রায় পঞ্চাশ বৎসর

(৩) Vide “A comprehensive History of India by Henry Beveridge.

কোম্পানীর অধীনে কাজ করিয়া যে ব্যক্তি পাকা হইয়াছে, হস্তক্ষেপ করিবার এমন সুবিধা যে ব্যক্তি কোম্পানীর হাতে তুলিয়া দিল, তারই উপর কি না এমন কড়া হুকুম জারি ! পর পর দুই আঘাত পাইয়া ভগ্নহৃদয় অক্টারলোনী কর্ণে ইস্তফা দিলেন, এবং কিছুকাল পরে বহু নারীকে অনাথা করিয়া ৬৮ বৎসর বয়সে মীরাট নগরে দেহত্যাগ করেন। উত্তরকালে একজন সৈনিক কর্মচারী কোম্পানীর কর্তৃপক্ষের রক্ষিত কাগজপত্র হইতে প্রমাণ সংগ্রহ করিয়া অক্টারলোনী সম্বন্ধে যাহা লিখিয়াছিলেন, তাহা হইতে কয়েক ছত্র উদ্ধৃত করিয়া এই জীবন-কথা শেষ করিব ;—

“Ochterlony brought himself into touch with native life in a way which though not uncommon a hundred years ago, hardly commends itself to the moral sense of more recent days. In private life he dressed and lived as a native of India, while a harem formed a part of his domestic establishment”. (4)

(৪) Contributed by Col. Wex. Hamilton to the

অক্টারলোনী কোম্পানীর আমলের কর্মচারীদের একটা সামান্য নমুনা মাত্র কি না তাহা প্রমাণ করিবার ভার বিশেষজ্ঞদের উপর। বড়ই দুঃখের বিষয় যে বাঙ্গালা দেশের বিশেষজ্ঞগণ কেবলমাত্র হিন্দুযুগ, বৌদ্ধযুগ, পাঠান ও মোগলযুগ লইয়াই গবেষণা করিতেছেন এবং পুস্তক প্রবন্ধাদি লিখিতেছেন। ইংরেজ আমলের গবেষণামূলক স্বাধীন নিরপেক্ষ ইতিহাস এ পর্য্যন্ত একখানি মাত্র ইংরেজীতে লিখিত হইয়াছে বলিয়া জানি। বাঙ্গালায় লিখিত যে দুই একখানি ঐ পর্কের ইতিহাস আছে তাহা মেজর বামনদাস বসুর “Rise of the Christian Power in India” নামক পুস্তকের আয় চিঠিপত্র, দলিল-দস্তাবেজ ও সমসাময়িক লেখকের গ্রন্থরূপ দৃষ্টিভঙ্গির উপর প্রতিষ্ঠিত নহে। ইতিহাসের মালমসলা হিসাবে যাহা প্রামাণ্য সেই মাপকাঠিতে বিচার করিলে বসু মহাশয়ের বিস্তৃত গ্রন্থ ভারতবাসীর এবং বিশেষ করিয়া বাঙ্গালীর গৌরবের বস্তু।

“United Service Journal,” 1903, July, Quoted by Major B. D. Basu in his “Rise of the Christian Power in India.”

বিষ্ণুপুরের কথা

[শ্রীনিখিলনাথ রায় বি-এল্]

পশ্চিমবঙ্গের পার্বত্য ও অরণ্যময় ভূভাগে দুইটা প্রাচীন রাজ্য অনেকদিন পর্য্যন্ত স্বাধীনতা-লক্ষ্মীর ক্রোড়ে অবস্থান করিয়াছিল। যে সময়ে পুষ্করণাধিপতি চন্দ্রবর্মা * শুকুনিয়া শৈলে আপনার নাম উৎকীর্ণ করিয়াছিলেন, সে

* আমরা ভারতবর্ষে ‘শুকুনিয়া শৈলে’ প্রবন্ধে ইঙ্গিত করিয়াছিলাম যে, সম্ভান করিলে শুকুনিয়ার নিকট পুষ্করণার অবস্থান জানা যাইতে পারে। এক্ষণে জানা গিয়াছে যে, বীকুড়া জেলার গঙ্গাজলঘাটা থানার মধ্যে ‘পোখরাণা’ (পুষ্করণা) নামে একখানি গ্রাম আছে। তাহাতে ভগ্নাবশেষেরও চিহ্ন আছে। হুতরাং শুকুনিয়া শৈলে খোদিত সিংহবর্মা ও চন্দ্রবর্মা এই পুষ্করণাধিপতি বলিয়া অনুমান হয়।

সময়ে ইহাদের অস্তিত্ব ছিল কি না বলিতে পারা যায় না। কিন্তু ইহাদের অন্ততর পঞ্চকোট রাজ্য শকাব্দের প্রথম হইতেই আপনার অস্তিত্বের বিজ্ঞাপন দিয়া আসিতেছে। দ্বিতীয় বিষ্ণুপুর অবশ্য তাহার কয়েক শত বৎসর পরে অভ্যুথিত হইয়াছিল বলিয়া প্রকাশ করিয়া থাকে। আমরা সেই বিষ্ণুপুরের কথা বলিতেছি।

বিষ্ণুপুর রাজ্য এককালে উত্তর দিকে সাঁওতাল পরগণার কতকাংশে, পূর্বে বর্ধমানের কতকাংশে, ও পশ্চিমে ছোটনাগপুরের কতকাংশে বিস্তৃত ছিল। বিষ্ণুপুরের রাজগণ প্রথমে যেখানে রাজত্ব আরম্ভ

করেন, তাহা মল্লভূমি নামে অভিহিত হইত, এবং তাহারা মল্লরাজবংশীয় বলিয়া কথিত হইয়া থাকেন। এই মল্লভূমি বর্তমানে বাঁকুড়া জেলার মধ্যে অবস্থিত। কতদিন হইতে এই মল্লভূমির উৎপত্তি তাহা স্থির করা কঠিন। মল্ল-জাতির অস্তিত্বের কথা অনেক দিন হইতে জানা যায়। * পশ্চিম বঙ্গে মল্ল বা মাল জাতির অস্তিত্ব দেখা গিয়া থাকে। কিন্তু তাহাদের নাম হইতে কি বিষ্ণুপুরের মল্লরাজগণ হইতে মল্লভূমির উৎপত্তি হইয়াছে তাহা স্থির করা যায় না। সে যাহা হউক ক্ষুদ্রায়তন মল্লভূমি হইতে মল্লরাজগণ ক্রমে আপনাদের অধিকারবিস্তার করিয়া পশ্চিম-বঙ্গে এক বিশাল রাজ্যের প্রতিষ্ঠা করিয়াছিলেন, এবং অনেকদিন পর্য্যন্ত স্বাধীন-ভাবেই শাসনদণ্ড পরিচালনায় প্রবৃত্ত হইয়াছিলেন। মল্ল-রাজগণের রাজ্যপ্রতিষ্ঠার কিছুকাল পরে বিষ্ণুপুর তাহাদের রাজধানী হইয়া উঠে। সেই বিষ্ণুপুরকে ক্রমে তাহারা অমরাবতী-ভূল্য করিয়া তুলেন। সুদৃঢ় দুর্গে, অসংখ্য দেবমন্দিরে, বিশাল বাঁধ সকলে, অগণন সৌধ-

রাজিতে বিষ্ণুপুর যে এককালে অমরাবতীর শোভাকে পরাজিত করিয়াছিল, তাহাতে সন্দেহ নাই। কিন্তু এক্ষণে সেই বিষ্ণুপুর ভগ্নস্তূপের আধার ভিন্ন আর কিছুই নহে। তাহার সেই সুদৃঢ় দুর্গের নাম মাত্র অস্তিত্ব রহিয়াছে, দেবমন্দির সমূহ ভগ্নস্তূপেই পরিণত হইতেছে, হ্রদ সদৃশ বাঁধ সকল শুষ্ক হইয়া উঠিতেছে, সৌধরাজিও ভূমিসাৎ হইয়া যাইতেছে। সেই বিশাল রাজ্যের রাজধানী বিশাল নগরী এক্ষণে জঙ্গলে পরিপূর্ণ হইয়া লোকের মনে ভীতির সঞ্চার করিয়া দিতেছে। কালের বিচিত্র লীলা ভিন্ন ইহাকে আর কি বলা যাইতে পারে ?

মল্লরাজগণের বংশপত্র * বিষ্ণুপুরে প্রচলিত মল্লাদ বা বিষ্ণুপুরাদ ও মন্দির সকলের শিলালিপির সময় আলোচনা করিলে এরূপ স্থির হয় যে, খৃষ্টীয় সপ্তম শতাব্দী হইতে মল্ল-রাজগণের রাজত্ব আরম্ভ হইয়াছিল। রঘুনাথসিংহ বা আদি মল্ল নামে জনৈক ক্ষত্রিয় বংশোদ্ভব এই রাজ্যের প্রতিষ্ঠাতা বলিয়া কথিত হইয়া থাকেন। রঘুনাথের পিতা মপল্লীক রাজপুত্রনার রণঅশ্বরের নিকট জয়নগর হইতে পুরুষোত্তম ক্ষেত্রে যাত্রাকালে পথিমধ্যে বিষ্ণুপুরের নিকট লাউগ্রামে উপস্থিত হন। তথায় মনোহর পঞ্চানন নামে এক ব্রাহ্মণের বাটীতে রঘুনাথের জন্ম হয়। রঘুনাথের পিতা তাহার জন্মের পূর্বে পুরুষোত্তমে গমন করিয়াছিলেন, তিনি ভগীরথ গুহ নামে এক কায়স্থের প্রতি রঘুনাথের মাতার তত্ত্বাবধানের ভার দিয়া যান। পুত্রের জন্মের অল্পকাল পরেই মাতা পরলোক গমন করেন। একটা বাগ্‌দী-জাতীয় রমণী রঘুনাথের ধাত্রী নিযুক্ত হইয়াছিল। রঘুনাথ বয়ঃপ্রাপ্ত হইলে পঞ্চাননের গোপালক নিযুক্ত হন। এই সময়ে তিনি উক্ত প্রদেশের মাল, বাগ্‌দী প্রভৃতি জাতির বালকগণের সহিত খেলা করিয়া বেড়াইতেন, ক্রমে মল্ল-বিদ্যায় অভ্যস্ত হওয়ায় এবং তাহাতে পারদর্শিতা লাভ করায়, রঘুনাথ

* “বল্লো মল্লশ রাজ্ঞাদ্ ব্রাত্যগ্নিচ্ছিবিরেব চ।

নটশ্চ করণশ্চৈব খসো দ্রবিড় এব চ।”

মহুসংহিতা, ১০ অধ্যায়, ১২ শ্লোক

মহুসংহিতার মতে মল্লগণ ব্রাত্যক্ষত্রিয় হইতে উৎপন্ন, মহাভারত প্রভৃতিতে মল্ল-জাতির উল্লেখ আছে।

“ততো গোপালকক্ষক সোস্তরানপি কোশলান্।

মল্লানামধিপশ্চৈব পার্শ্বিকাজয়ৎ প্রভুঃ।”

সভাপর্ক, ৩০ অধ্যায়, ৩ শ্লোক

মহাভারতের এই মল্লজাতির নিবাস-স্থানের সহিত শ্রীযুক্ত অভয়পদ মল্লিক তাহার History of Bishnupur Raj নামক পুস্তকে বাঁকুড়া জেলার মল্লভূমির যে অভিন্নতা স্থির করিয়াছেন তাহা প্রকৃত নহে। মহাভারতের কথিত মল্লজাতির নিবাস উত্তর-কোশলের নিকট। বৌদ্ধ-গ্রন্থে বোধশ মহাজনপদের মধ্যে উত্তর-কোশলের নিকটবর্তী মল্ল জনপদের কথাই বলা হইয়াছে। ইউয়েনচোয়াং কুশীনগরে মল্লদিগের কথা উল্লেখ করিয়াছেন। এই মল্লজনপদের সহিত বাঁকুড়া জিলার মল্লভূমির কোনই সম্বন্ধ নাই। প্রত্নতত্ত্ববিদগণ মল্লজাতিকে অনার্য্য বলিয়া থাকেন। কিন্তু আমাদের শাস্ত্রকারেরা তাহাদিগকে আৰ্য্যবংশ হইতে সমুদ্ভূত ও ক্রমে অনার্য্য ভাবাপন্ন বলেন। উত্তর-কোশলের নিকটবর্তী মল্লগণ কোন সময়ে পশ্চিমবঙ্গে আসিয়া বাস করিয়াছিলেন কি না এবং বিষ্ণুপুরের রাজগণের উত্তর হইতে আগমনের প্রবাদানুসারে উত্তর-কোশলের নিকটবর্তী মল্লজাতির সহিত তাহাদের পূর্বপুরুষগণের কোন-রূপ সম্বন্ধ ছিল কি না তাহা প্রত্নতত্ত্ববিদগণের অনুসন্ধানের বিষয়।


* বিষ্ণুপুরের রাজপরিবারে মল্লরাজগণের যে বংশপত্র আছে, History of Bishnupur Raj গ্রন্থে তাহা প্রদত্ত হইয়াছে। বিখ্য-কোষে মল্লরাজবংশ নামে এক প্রাচীন হস্তলিপি হইতে রাজগণের রাজত্ব কালের পরিমাণ, রাজগণের ও রাজপুত্রগণের নাম উদ্ধৃত দেখা যায়। এই উত্তর বংশপত্রে রাজগণের রাজত্বকাল ও রাজত্বকালের পরিমাণের অনেকা আছে। কোন কোন রাজার নামেরও অনেকা দেখা যায়। তাহা সম্ভবতঃ লিপিকর বা সূত্রাকর প্রমাদ হই-

নিকটবর্তী পঞ্চমগড়ের অধিপতি বাগ্‌দী রাজার নিকট হইতে 'আদিমল্ল' উপাধি লাভ করেন। তাহার পর তদানীন্তন পশ্চিমবঙ্গের অধীশ্বর পদ্মপুর বা পদমপুরের রাজা নৃসিংদেবের নিকট হইতে সম্মান লাভ করিয়া তাঁহার সামন্ত শ্রেণীভুক্ত হইয়া উঠেন। পদমপুর লাউগ্রামের নিকটেই অবস্থিত। রঘুনাথ লাউগ্রামে দঃশ্বরী দেবীর প্রতিষ্ঠা করেন। পদমপুরের সামন্ত রাজা জাতবিহারের অধিপতি প্রতাপনারায়ণ অবাধ্যতা প্রকাশ করায়, রঘুনাথ পদমপুরের রাজার আদেশে প্রতাপনারায়ণকে পরাজিত করিয়া, তাঁহার রাজ্য নিজ অধিকারভুক্ত করিয়া লন। তিনি লাউগ্রামেই আপনার রাজধানী স্থাপন করিয়াছিলেন। বিষ্ণুপুর রাজপরিবারের রক্ষিত বংশপত্রানুসারে আদিমল্ল ৬৯৪ খৃঃঅক হইতে মল্লাদের প্রচলন করেন। ভাদ্র মাসের শুক্লা দ্বাদশী শক্ৰোখান তিথি হইতে মল্লাদের আরম্ভ হয়। ঐ দিনে বিষ্ণুপুরের রাজগণ ইন্দ্রদেবের পূজা করিয়া থাকেন। আদিমল্লের রাজত্বারম্ভ হইতেই মল্লাদ প্রচলিত হয়। * তাঁহাকে লোকে বাগ্‌দী রাজা বলিত। বাগ্‌দী-গণের উপর প্রভুত্ব স্থাপন করায় তিনি উক্ত নামে অভিহিত হইয়া থাকিবেন। †

আদিমল্লের পর তাঁহার পুত্র জয়মল্ল মল্ল-বংশের রাজত্ব লাভ করেন। জয়মল্ল পদমপুর আক্রমণ করিয়া রাজার দুর্গ অধিকার করিয়া লন, পদমপুরের রাজ-পরিবার তথাকার কানাই-সায়ারের জলে আত্ম-বিসর্জন করেন।

* বিশ্বকোষে লিখিত মল্লরাজবংশে রাজগণের যে রাজত্বকালের পরিমাণ আছে, তাহা হইতে স্থির হয় ৬৯৪ খৃঃ অকের পূর্বে আদিমল্লের রাজত্ব আরম্ভ হইয়াছিল এবং ৬৯৪ খৃঃ অকে আদিমল্লের পুত্র জয়মল্লের রাজত্বমধ্যে পড়িয়া যায়। বিশ্বকোষের মল্লবংশের এবং Hunter's Statistical Account of Bankura র মতে আদিমল্ল ৩৪বৎসর রাজত্ব করিয়াছিলেন। District Gazetteer Bankura র মতে তিনি ৩০ বৎসর রাজত্ব করেন, কিন্তু বিষ্ণুপুরের রাজ-পরিবারে রক্ষিত বংশপত্রের মতে তাঁহার ১৫ বৎসর রাজত্বকাল স্থির হয়।

† হাট্টার সাহেবের গ্রন্থেই এরূপ লিখিত আছে যে রঘুনাথের মাতা তাঁহাকে বনমধ্যে প্রসব করিয়া প্রাণত্যাগ করেন, কাশমেতিয়া নামে বাগ্‌দী তাঁহাকে লইয়া গিয়া লালন-পালন করে। তাঁহার সপ্তম বৎসর বয়সের সময় কোন এক ব্রাহ্মণ তাঁহার রূপ-লাবণ্যে মোহিত হইয়া এবং তাঁহার শরীরে রাজস্বরূপ দেখিতে পাইয়া রঘুনাথকে নিজ বাটীতে লইয়া



জোড় বাংলা

পদমপুর অধিকার করিয়া জয়মল্ল পশ্চিম-বঙ্গের অধীশ্বর হইয়া উঠেন এবং বিষ্ণুপুরে রাজধানী স্থাপন করেন। জয়মল্ল বিষ্ণুপুর দুর্গের সূচনা ও দুর্গাধিষ্ঠাত্রী মৃন্ময়ী দেবীর প্রতিষ্ঠা করিয়াছিলেন বলিয়া কথিত হইয়া থাকে। রাজ-পরিবারের বংশপত্রানুসারে জয়মল্ল দশ বৎসর মাত্র রাজত্ব করিয়াছিলেন। † তাঁহার পরবর্তী রাজগণ নিকটবর্তী ক্ষুদ্র ক্ষুদ্র রাজাদের সহিত যুদ্ধ করিয়া কোন কোন সময়ে জয়-

* District Gazetteer Bankuraয় জয়মল্ল-কর্তৃকই বিষ্ণুপুরের রাজধানী স্থাপনের কথা আছে।

† বিশ্বকোষে মল্লরাজবংশে ও হাট্টার সাহেবের গ্রন্থে জয়মল্লের ৩০ বৎসর রাজত্বকালের উল্লেখ আছে। বিশ্বকোষের মল্লরাজবংশানুসারে জয়মল্লের রাজত্বকালে মল্লাদের অবর্তন ঘটে, মল্লাদকে বিষ্ণুপুরাও বলিয়া থাকে। জয়মল্ল বিষ্ণুপুরে রাজধানী স্থাপন করিয়াছিলেন বলিয়া শুনা যায়, যদি উক্ত কারণে মল্লাদকে বিষ্ণুপুরাও বলা যায়, তাহা হইলে জয়মল্লই মল্লাদের প্রচলন করিয়াছিলেন বলিয়া মনে হয়। বিষ্ণুপুরের রাজপরিবার আদিমল্ল কর্তৃক মল্লাদ অবস্থিত হইয়াছিল মনে করিয়া আদিমল্ল ও জয়মল্লের রাজত্বকাল সংক্ষেপ করিয়া লইয়াছেন কি না বলা যায় না। আবার বিষ্ণুপুর প্রদেশে প্রচলিত বলিয়া মল্লাদের অপর নাম বিষ্ণুপুরাও হইতে পারে। মল্লাদে ও বঙ্গাও ১০১ বৎসর ব্যবধান।

প্রাপ্ত হইয়াছিলেন। ১৯ সংখ্যক রাজা জগৎমল্ল বিষ্ণুপুরের অনেক উন্নতি-সাধন করিয়াছিলেন। কাহারও কাহারও মতে জগৎমল্ল বিষ্ণুপুরে রাজধানী স্থাপন করেন।* জগৎমল্লের সময় খৃষ্টীয় দশম শতাব্দীর শেষভাগে ও একাদশ শতাব্দীর প্রথমে ধর্মপূজা-প্রবর্তক শূন্য-পুরাণ-প্রণেতা রমাই পণ্ডিত বিষ্ণুপুর প্রদেশে প্রাদুর্ভূত হইয়াছিলেন বলিয়া কথিত হইয়া থাকে। ৩৩ সংখ্যক রাজা রামমল্ল বিষ্ণুপুর দুর্গের উন্নতি-সাধন ও সৈন্য-গঠনের সুব্যবস্থা করিয়াছিলেন বলিয়া শুনা যায়। ৪২ সংখ্যক রাজা শিবসিংহ মল্লের সময় হইতে বিষ্ণুপুরে বিশেষরূপে সঙ্গীতচর্চা আরম্ভ হয়; তদবধি বিষ্ণুপুর সঙ্গীতবিদ্যায় প্রসিদ্ধিলাভ করিয়া আসিতেছে।

অবশেষে ৪৮ সংখ্যক রাজা ধাড়ি মল্লের সময় হইতে আমরা বিষ্ণুপুর রাজগণের ঐতিহাসিক পরিচয় পাই। ধাড়ি মল্লের রাজত্বের শেষভাগে মোগল পাঠানের সংঘর্ষে বঙ্গভূমি সম্রাসিত হইয়া উঠিতেছিল। কতলুখাঁর অধীনে পাঠানগণ উড়িষ্যা হইতে দামোদর নদ পর্যন্ত আপনাদের অধিকার বিস্তার করে। বিষ্ণুপুর, মেদিনীপুর প্রভৃতি তাহাদের অধিকারভুক্ত হয়।* মোগল সুবেদার সাহাবাজ খাঁ পাঠানদিগকে উড়িষ্যা ছাড়িয়া দিতে বাধ্য করিলে, পাঠানেরা পশ্চিম-বঙ্গ পরিত্যাগ করে। ধাড়িমল্ল ৮৯২ মল্লাদে বা ১৫৮৬ খৃঃ অব্দ পর্যন্ত ৪৮ বৎসর রাজত্ব করিয়াছিলেন। তাঁহার রাজত্বের শেষ বৎসরে তিনি মোগলের বশ্যতা স্বীকার করিয়া সুবেদারকে রাজস্ব প্রদানে সম্মত হন।† ধাড়ি মল্লের পুত্র ৪৯ সংখ্যক রাজা

* History of Bishnupur Raj.

* Stewart's History of Pongal

† বীকুড়া গেজেটিয়ারে লিখিত আছে যে, ৪৯ সংখ্যক রাজা Dhar Hambir এর সহিত ১,০৭,০০০ টাকার প্রথমে রাজস্ব বন্দোবস্ত হয়। Dhar Hambir ৯৯৩ বঙ্গাব্দে বা ১৫৮৬ খৃঃ অব্দে বিদ্যমান ছিলেন। এই Dhar Hambir ধাড়ি মল্লই হইবেন। ধাড়ি হাঙ্গীর বীর হাঙ্গীরের পুত্র, ধাড়ি মল্লই তাঁহার পিতা। ১৫৮৬ খৃঃ অব্দে ধাড়ি মল্লেরই রাজত্বের অবসান হয়। বিষ্ণুপুরের রাজপরিবারে রক্ষিত বংশ-পত্রানুসারে তিনি কিন্তু ৪৮ সংখ্যক রাজা, ৪৯ সংখ্যক নহেন। বিশ্বকোষের মল্লরাজ বংশে তাঁহাকে 'বাড়ি মল্ল' লিখা দেখা যায়, ইহা সম্ভবতঃ লিপিকর বা মুদ্রাকর-প্রমাদ হইবে। হাঙ্গীর সাহেবের গ্রন্থে বীর হাঙ্গীরের সহিত মোগলদিগের প্রথম বন্দোবস্ত

রাজা বীর হাঙ্গীরের সময় হইতে বিষ্ণুপুরের প্রকৃত ইতিহাস জানিতে পারা যায়। তাঁহার রাজত্বকালে পাঠানেরা আবার পশ্চিমবঙ্গ অধিকার করিয়া বীর হাঙ্গীরকে তাহাদের অধীনতা স্বীকার করাইতে বাধ্য করে। এই সময়ে মানসিংহ বাঙ্গলা ও বিহারের সুবেদার হইয়া আসেন। তিনি কতলুখাঁর অধীনে পাঠানদিগকে দমন করিবার জন্ত ১৫৯১ খৃঃ অব্দে বিহার হইতে উড়িষ্যার দিকে যাত্রা করিয়া জাহানাবাদে শিবির সন্নিবেশ করেন। কতলুখাঁও ধীরে ধীরে অগ্রসর হন, তিনি বাহাদুর খাঁকে প্রথমে সসৈন্তে অগ্রসর হইতে আদেশ দিলে, রাজা মানসিংহ তাঁহার পুত্র জগৎসিংহকে বাহাদুরের বিরুদ্ধে পাঠাইয়া দেন। জগৎসিংহের যুদ্ধ-যাত্রার সংবাদ পাইয়া বাহাদুর একটা দুর্গমধ্যে আশ্রয় গ্রহণ করে, এবং কতলুখাঁর নিকট সৈন্তের সাহায্য চাহিয়া পাঠায়। সে জগৎসিংহের নিকট সন্ধির ভাণ দেখাইলে, জগৎসিংহ পাঠানদিগকে বিশ্বাস করিয়া নিশ্চিত্ত ভাবেই অবস্থিতি করিতে থাকেন। বীর হাঙ্গীর এই সময়ে পাঠানদিগের সহিত যোগদান করিয়াছিলেন, কিন্তু তিনি মনে মনে মোগলদিগেরই পক্ষপাতী ছিলেন। বীর হাঙ্গীর পাঠানদিগের অভিসন্ধি বুঝিতে পারিয়া জগৎসিংহকে সতর্ক হওয়ার জন্ত গোপনে উপদেশ দেন; কিন্তু জগৎসিংহ সে কথায় মনোযোগ প্রদান করেন নাই। যখন পাঠানেরা তাঁহার শিবির আক্রমণ করিয়া বসিল, তখন তিনি পলায়নের চেষ্টা করিতে লাগিলেন। বীর হাঙ্গীর তাঁহাকে রক্ষা করিয়া বিষ্ণুপুরে লইয়া যান।* মানসিংহ পাঠানদিগের বিরুদ্ধে অগ্রসর হওয়ার অভিপ্রায় করিলে, সহসা কতলুখাঁর মৃত্যু হয়। তখন পাঠানেরা

হইয়াছিল বলিয়া লিখিত আছে, উক্ত গ্রন্থে বীর হাঙ্গীর কিন্তু ৪৮ সংখ্যক রাজা বলিয়া উল্লিখিত হইয়াছেন। বিষ্ণুপুর রাজ-পরিবারের বংশ-পত্রানুসারে ও বিশ্বকোষের মল্ল-রাজবংশের মতে বীর হাঙ্গীর ৪৯ সংখ্যক রাজা।

* 'Jagat Singh was warned of his danger but paid no heed. At length he was attacked by the rebels, and was obliged to fly and abandon his camp; but he was saved by Hambir, the Zemindar who had given him warning and conducted to Bishnupur'

(Akbar-Nama, Elliot's History of

Vol. VI. P. 88 .


বাধ্য হইয়া যোগলাদিগের সহিত সন্ধি করে। কিছুকাল পরে আবার ১৫৯৩ খৃঃঅঙ্গে পাঠানেরা পশ্চিম-বঙ্গ অধিকার করিয়া বীর হাশীরের রাজ্য লুণ্ঠন করিতে প্রবৃত্ত হয়। * মানসিংহ আবার আসিয়া তাহাদিগকে পরাজিত করেন, এবং উড়িষ্যা অধিকার করিয়া লন। পাঠানেরা ক্রমে পূর্ব-বঙ্গে আশ্রয় গ্রহণ করে। তাহার পর পশ্চিম-বঙ্গে শান্তি স্থাপিত হয়।

পশ্চিম-বঙ্গে যোগলা পাঠানের সংঘর্ষ নিবৃত্ত হইলে, বীর হাশীর ধর্মচর্চায় মনোনিবেশ করেন। এই সময়ে বৈষ্ণবধর্ম প্রচারক সুপ্রসিদ্ধ শ্রীনিবাস আচার্য্য বন্দাবন হইতে ভক্তিগ্রন্থ সকল লইয়া বিষ্ণুপুর রাজ্যে উপস্থিত হইলে, বীর হাশীরের লোকেরা গোপনে গ্রন্থসকল লইয়া রাজার নিকট উপস্থিত হয়। শ্রীনিবাস গ্রন্থের অনুসন্ধান রাজসভায়, আগমন করিলে, রাজা তাঁহার পরিচয় পাইয়া শ্রীনিবাসের পদতলে লুটাইয়া পড়েন, এবং গ্রন্থ সকল ফিরাইয়া দেন। পরে তিনি শ্রীনিবাসের নিকট দীক্ষিত হন, তাঁহার মহিষী রাণী সুলক্ষণা ও জ্যেষ্ঠ পুত্র ধাড়ি হাশীরও শ্রীনিবাসের নিকট দীক্ষালাভ করেন। বৈষ্ণব-ধর্মের মধুর রসে ডুবিয়া বীর হাশীর পদ-রচনাও প্রবৃত্ত

এই ঘটনা আকবরের রাজত্বের ৫৫ তম বৎসর ঘটয়াছিল বলিয়া আকবর-নামায় লিখিত আছে। তাহা হইলে ১৫৯১ খৃঃ অঙ্গ হইতেছে। Stewart's History of Bengal এ উক্ত ঘটনা এইরূপ লিখিত আছে,—The Young Raja (Jagat Singh) was deceived by their artifices; and as soon as the additional force arrived, the Afghans made an attack upon him by night, surprised his camp, took him prisoner, * * * who was carried prisoner to Bishnupur."

ষ্টুয়ার্ট সাহেব পাঠান-হস্তেই জগৎসিংহের বন্দী হওয়ার কথা এবং তাহারাই তাঁহাকে বিষ্ণুপুরে লইয়া গিয়াছিল বলিয়া লিখিয়াছেন। কিন্তু বীর হাশীর যে জগৎসিংহকে পাঠানদিগের হস্ত হইতে উদ্ধার করিয়া বিষ্ণুপুরে লইয়া গিয়াছিলেন, আকবরনামায় তাহাই লিখিত আছে। অবশ্য বীর হাশীর সে সময়ে পাঠানদিগের পক্ষেই ছিলেন। ইহাতে ষ্টুয়ার্টের লিখিত বিষয়ে সহিত আকবরনামার অটৈক্য ঘটে না। ষ্টুয়ার্টের বিবরণ অবলম্বন করিয়াই বঙ্কিমচন্দ্র দুর্গেশনন্দিনী রচনা করিয়াছিলেন। বীর হাশীর-কর্তৃক জগৎসিংহের উদ্ধারের কথা সে সময় তিনি অবগত থাকিলে, দুর্গেশনন্দিনী সম্ভবতঃ অন্য আকার ধারণ করিত।

* Akbar Nama, Elliot's History of India. Vol. VI. P, 89.



মদনমোহনের মন্দির

হন। তাঁহার দুইটা প্রসিদ্ধ পদ বৈষ্ণব গ্রন্থে দেখিতে পাওয়া যায়। তদ্বিন্ন জীব গোস্বামীর নিকট হইতে তিনি যে চৈতন্যদাস নাম পাইয়াছিলেন, সেই চৈতন্যদাস নামে আরও অনেক পদ রচনা করিয়াছিলেন। † ১৫৯৩খৃঃ অঙ্গের পর শ্রীনিবাসের সহিত, তাঁহার সম্বন্ধ-স্থাপিত হইয়াছিল বলিয়া মনে হয়। ‡ বীর হাশীর বিষ্ণুপুরে কালাচাঁদ বিগ্রহের প্রতিষ্ঠা করেন, শ্রীনিবাসাচার্য্য কালাচাঁদের অভিষেক ক্রিয়া সম্পন্ন করিয়াছিলেন বলিয়া বৈষ্ণব গ্রন্থ হইতে জানা যায়। বীর হাশীরের দ্বিতীয় পুত্র রঘুনাথ সিংহ কালাচাঁদের মন্দির নির্মাণ করাইয়াছেন। এইরূপ কথিত হইয়া থাকে যে, বিষ্ণুপুরের সুপ্রসিদ্ধ দেবতা মদনমোহন বীর হাশীর কর্তৃক আনীত হইয়াছিল। এ কথা

† “শ্রীচৈতন্যদাস নামে যে গীত বর্ণিত।

বিস্তারের ভার তাহা নাহি জানাইল।”

ভক্তিরত্নাকর।

শ্রীযুক্ত দীনেশচন্দ্র সেন ‘বঙ্গভাষা ও সাহিত্যে’ চৈতন্যদাসের ১৫টা পদের কথা উল্লেখ করিয়াছেন।

‡ হইতে জানা যায় যে, বীর হাশীর হইতে যখন গৌড়দেশে আসেন, তখন ভক্তি-গ্রন্থ সকলের সঙ্গে যে কৃষ্ণদাস কবিরাজের রচিত চৈতন্য-চরিত্র আনিয়াছিলেন, বৈষ্ণব-গ্রন্থপাঠে তাহা বুঝিতে পারা যায়।

তাহার বর্ণনায় পঠিত দিতেছে।* রঘুনাথ সিংহ

বিষ্ণুপুরের কোন কোন বাধ উচিত করিয়াছিলেন-
বলিয়া কথিত হইয়া থাকে ১৬২ মল্লাদ বা
১৬৫ ৫ খৃঃ অব্দ পর্য্যন্ত রঘুনাথ সিংহ রাজত্ব করিয়াছিলেন।
রঘুনাথের সম্বন্ধে এইরূপ প্রমাণ প্রচলিত আছে যে, তিনি
রাজস্ব-প্রদানে শৈথিল্য করায় সাত্‌ খুদার সুবেদারী সময়ে
বন্দীভাবে রাজমহলে নীত হইয়াছিলেন। পরে সুবেদারের
একটি ছষ্ট অশ্বকে সংযত করিয়া মুক্তিলাভ করেন, ও সিংহ
উপাধি প্রাপ্ত হন। এ কথা কতদূর সত্য বলা যায় না।
মুর্শিদকুলী খাঁর পূর্বে জমীদারেরা যে রাজস্বের অল্প বন্দী
হইতেন ইহার বিশিষ্ট প্রমাণ পাওয়া যায় না। বিশেষতঃ
বিষ্ণুপুরের রাজারা মুর্শিদকুলী খাঁর সময়েও নিজেরা
দরবারে উপস্থিত হইতেন না। তখন সাত্‌ খুদার সময়ে
বাজনার নূতন রাজস্ব বন্দোবস্ত হইয়াছিল এবং রঘুনাথ
সিংহ হইতেই বিষ্ণুপুরের রাজস্ব 'সিংহ' উপাধি গ্রহণ
করিয়া আসিতেছেন।

* "ঐরাধিকাকৃষ্ণমুদেশকেহক বেদাকবুতে নবরত্নমতম্।

ঐবীরহাখীরনরেশমুদদৌ নৃপঃ ঐরঘুনাথসিংহঃ।"

(শ্রামরায়)

"ঐরাধিকাকৃষ্ণমুদে সুধাংশুরসাকনে সৌধগৃহংশকেহকে।

ঐবীরহাখীরনরেশমুদদৌ নৃপঃ ঐরঘুনাথ সিংহঃ।"

(কৃষ্ণরায়)

"ঐরাধিকাকৃষ্ণমুদেশকে দ্বিরসাক্ষযুক্তে নবরত্নমেতৎ।

ঐবীরহাখীরনরেশমুদদৌ নৃপঃ ঐরঘুনাথসিংহঃ।"

(কালাচাঁদ)

History of Bishnupura Raj গ্রন্থে শ্রামরায় ও কৃষ্ণরায়ের মন্দির-
লিপি 'ঐরাধিকা'র স্থানে ঐরাধা এবং শ্রামরায়ের মন্দির লিপি
'শকেহক'র স্থানে যে 'শশাক' লেখা আছে, তাহা ঠিক নহে।

বিশ্বকোষে রঘুনাথ সিংহ-কর্তৃক ১৬২ মল্লাদে যে পিরিধরলালের
মন্দির-নির্মাণের কথা আছে তাহা তাহার রাজত্বকাল মধ্যে পড়ে না।

সুদে-আসলে

(গল্প)

[শ্রীহরিপদ গুহ]

এক

নিকুঞ্জ ও নিরাপদ ঘর্ষাক্ত কলেবরে মেসের সিঁড়ি
ভাঙিতে ভাঙিতে ডাকিল—“ফটিক-দা, ও ফটিক-
দা!”

ফটিকচাঁদ তখন উপরের ঘরে দ্বিপ্রহরের সুখ-নিদ্রায়
গগ্ন; ডাকাডাকিতে বিরক্তভাবে উত্তর দিল—“কি
রে?”

নিকুঞ্জ কহিল—“খুব যা হোক; সারা হরি ঘোষের
ষ্ট্রীটটা ধুজেও তো কই বের কর্তে পারলুম না। ছি, ছি,

ঠিকানাটা অন্ততঃ টুকে রাখা উচিত ছিল তোমার।
ওঃ, এতদিনের ক্লাস ফ্রেণ্ডটা এল, কেবল তোমার দোষেই
দেখা করতে পারলুম না!”

ফটিক কোন কথাই বলিল না। নিকুঞ্জ জিজ্ঞাসা
করিতে লাগিল—“স্যাচ্ছা, সে আর এখানে আসবে কি
না কিছু বলেছে? কালো দোহারী চেহারা, গালে
একটা তিল আছে তো? ঠিক, ঠিক, সুদাসই বটে;—
কিন্তু—।”

ফটিকচাঁদের শয্যাকন্ঠক উপস্থিত হইল। সে

তাড়াতাড়ি বাহিরে আসিতে আসিতে বলিল—“এরই মধ্যে গিয়েছিলি না কি, কুঞ্জ? হাঃ হাঃ হাঃ!”

তাহার হাসির ভঙ্গী দেখিয়া নিকুঞ্জ জলিয়া উঠিল; বলিল—“খাম, আর হাসতে হবে না; যে বুদ্ধির পরিচয় দিয়েছ

ফটিক হাসিতে-কাশিতে মিশাইয়া বহুকষ্টে যাহা জানাইল, তাহার মর্ম্ম এই,—কেহ তাহার সহিত দেখা করিতে আসে নাই,—শুধু একটু রহস্য করিবার জন্তই সে ঐরূপ করিয়াছে। নিকুঞ্জ ক্রোধে রক্তবর্ণ হইয়া উঠিলেও মুখে কিন্তু কোন কথা বলিল না; নিরাপদকে লইয়া সে ধীরে ধীরে আপনার রুমে চলিয়া গেল। নিরাপদ বলিল—“কীর্তি দেখ; এই রোদ্রে অযথা মানুষকে কষ্ট দিলে।”

নিকুঞ্জ বোমার মত কাটিয়া উঠিয়া বলিল—“তা ব’লে তুই মনে করিস্ নি যে, ওকে অমনই-অমনই ছেড়ে দেব। হাঁ আমিও নিকুঞ্জ ভট্চার্য্যি, অসিত ভট্টাচার্য্যির ছেলে! যাই, এখন একটু বরফ নিয়ে আসি।” বলিয়া সে বাহির হইয়া গেল।

ফিরিবার মুখে লেটার-বক্সটায় তাহার কোন চিঠি-পত্র আছে কি না দেখিতে গিয়া ফটিকের নামের একখানি বাহারি পামের উপর নজর পড়িতেই তাহার মুখে তড়িৎ খেলিয়া গেল। সে সেখানিকে পকেটে পুরিয়া নিজের ঘরে আসিয়া সশব্দে দ্বার রুদ্ধ করিয়া দিল। নিরাপদ অবাক হইয়া কহিল—“কি রে, কি হ’ল আবার?”

“একটা প্ল্যান পাওয়া গেছে।” বলিয়া অতি সন্তুর্পণে খামটা খুলিয়া ফেলিল। তারপর এক নিঃশ্বাসে পত্রখানি পড়িয়া ফেলিয়া ক্ষিপ্রহস্তে কলমটায় কালি ডুবাইয়া এক-খানা কাগজে একটা আঁচড় টানিয়া বলিল—“উহ, হ’ল না।” তারপর দোয়াতে একটু জল দিয়া বাঁ হাতে গোটাকতক কথা লিখিয়া সে নিরাপদকে বলিল—“দেখ দেখি, কেমন হ’ল? শেষটা এক হাতের লেখা বোঝাচ্ছে তো?”

বিস্মিতভাবে নিরাপদ কহিল—“তা ত বোঝাচ্ছে; কিন্তু, কেন ব’ল দেখি?”

“বলছি। এখন ‘টপ’ ক’রে দেখ ত মার্টিন কোম্পানীর গাড়ী ক’টায়? থাক্; আমিই দেখছি। এই

যে সাতটা পঁচিশ মিনিটে যাবার গাড়ী, আর আসবার ছ’টায় শেষ। বাস, কেমনা ফতে!” সে আরও কি লিখিয়া চিঠিখানা মুড়িয়া ফেলিল; তারপর অতি সাবধানে লেটার-বক্সে ফেলিয়া দিয়া আসিয়া বলিল—“যাক্, এইবার মজাটা টের পান।”

নিরাপদ অত্যন্ত আগ্রহের সহিত জিজ্ঞাসা করিল—“কি কর্’লি ভেঙেই ব’ল না, ভাই?”

তাহার কাণে-কাণে নিকুঞ্জ কয়েকটা কথা বলিতেই সে হোহো করিয়া হাসিয়া উঠিল।

দুই

ছাত্রদের নিত্য-কর্ম্ম প্রত্যহ দুই বেলা লেটার-বক্স দেখা, তা চিঠি থাকুক, আর নাই থাকুক;—সেটা মেসের সনাতন রীতি। তাই পত্রখানি বিকালেই ফটিকের হস্তগত হইল। পত্রীর নিমন্ত্রণ পায়ে ঠেলিবার ক্ষমতা শতকরা নিরানব্বই জন যুবকের নাই; কাজেই সেও পারিল না। সে তখন তাড়াতাড়ি কামাইতে বসিয়া গেল; তারপর ভাল করিয়া সাবান মাখিয়া স্নান সমাপনাশ্বে নব-কার্ত্তিকের বেশে বেলা প্রায় সাড়ে পাঁচটার সময় মেস হইতে বাহির হইয়া পড়িল। বলা বাহুল্য, যাইবার সময় চাকরকে রক্ষন করিতে নিষেধ করিয়া গেল।

কল্পনা তাহাকে নাচাইতে নাচাইতে কোন স্বপ্নলোকে লইয়া গিয়া উপস্থিত করিল। ট্রামের কাঠ বেঞ্চের কথা ভুলিয়া সে অনুভব করিল,—প্রিয়ার কোমল ভূজবল্লরীর মধ্যে সে শায়িত; কত সোহাগে-আদরে-অনুরাগে চলিয়া পড়িয়া প্রেমসী তাহাকে কহিতেছে—“এসেছ?”

সে কি বলিতে যাইতেছিল, কিন্তু বলা হইল না;—ট্রামের ঝাঁকুনিতে মাথা ঠোকা গিয়া তাহার চিন্তাসূত্র ছিন্ন হইয়া গেল। তখন সে একটু সজাগ হইয়াই রহিল। ষ্টেশনে পৌঁছিয়া জীবনবল্লভপুরের একখানা টিকিট কিনিয়া অপেক্ষাকৃত নির্জন স্থানে বসিয়া মহা আগ্রহে সে ট্রেনের অপেক্ষা করিতে লাগিল। দূর ছাই, এ লাইনটার দশাই এই; না আছে কোন সময়ের ঠিক, না আছে কিছু;—আরঃষড়িটাও বলে আশায় দেখ।

যাক্, গাড়ী আসিলে সেও একটা কামরায় গিয়া

উষ্ণতা বসিল। আবার চিন্তা তাহাকে পাইয়া বসিল ;— এখনও ছয় মাস হয় নাই তাহার বিবাহ হইয়াছে এবং মাত্র সে ছইবার স্বপ্নরালে পদার্পণ করিয়াছে।—তষী ভাষ্যার সুখ-স্বস্তি তাহার হৃদয়টাকে চঞ্চল করিয়া তুলিল। শালীদের অন্ন-মধুর পরিহাসের সহিত আরও কাহার সুন্দর মুখের সুমিষ্ট কথা তাহাকে উন্মনা করিয়া দিল। সে পত্রখানি পকেট হইতে বাহির করিয়া তাহার শব্দ অংশটা আপন মনে বার বার পাঠ করিতে লাগিল।

তিন

সে যখন জীবনবল্লভপুরে পৌছিল, তখন বেশ রাত্রি হইয়াছে। একে কৃষ্ণপঙ্কের অন্ধকার, তাহার উপর আকাশে মেঘ জমিয়াছে ; কোলের মাগুষ দেখা দায়। ষ্টেশনে হেলের আলো মিটমিট করিয়া জ্বলিতেছিল ; তবে তাহা অন্ধকার দূর করিবার জন্ত নয়, বৃদ্ধিরই উদ্দেশে।

কোথায় লোক ? যাত্রীর মধ্যে সেই একা, আর লোকের মধ্যে ষ্টেশন মাষ্টার ;—টিকিট কালেক্টর, বুকিং-ক্লার্ক একাধারে নানাগুণবিশিষ্ট পুরুষপুঞ্জব। সে রিষ্ট-ওয়াচটায় চক্ষু ফিরাইয়া দেখিল,—রাত প্রায় দশটা। আর একবার বিফল আশায় সে চারিদিকে দৃষ্টিপাত করিল ;—কিন্তু কাহাকেও দেখিতে পাইল না ;—বরং মাষ্টারবাবু তখন ছুয়ারে তাল দিতেছিলেন।

সে তাঁহাকে জিজ্ঞাসা করিল—“মশাই ভুব—”

অর্ধ-সমাপ্ত কথাটাতেই রেলের হজুর জবাব দিলেন, “হাঁ, হাঁ, ও দিকে রশিভোর গেলেই পাবে।”

সে আর কি জিজ্ঞাসা করিতে গেল, কিন্তু বড় প্রভু তাহার উত্তর দেওয়া কর্তব্য বিবেচনা করিলেন না ; দ্রুতপদে আপনার বাসার দিকে চলিয়া গেলেন।

কন্ননার অযুত কুমুম-স্তবকে বজ্রাঘাত হইল ! অগত্যা ভীত-অস্থিরে ধীরে ধীরে সে গ্রামের পথে অগ্রসর হইয়া চলিল। ওঃ কি অর্ধাচীন সে ! একবার স্ত্রীকে পাইলে হয়, তাহাকে দেখিয়া লইবে ; আর সকলকেই উচিত মত শিক্ষা দিয়া তবে ছাড়িবে ! সেদিন যদি আর

ঐগ্ন-খাকিত, তবে সে নিশ্চয়ই ফিরিয়া বাইত ;—এত বড় অপমান কখনই মাথা পাতিয়া লইত না !

পথে এক বিপদ আসিয়া উপস্থিত হইল ; অকস্মাৎ সে একজন লোকের ঘাড়ের উপর পড়িয়া গেল। লোকটা তাহাকে এমন জোরে ধাক্কা মারিল যে, সে খানায় পড়িতে পড়িতে কোন রকমে বাঁচিয়া গেল। ওঃ, মণি-মালা ! পাষণী !

দূরে একটা আলো দেখা বাইতেছিল ; সে সেখানে উপস্থিত হইয়া জিজ্ঞাসা করিল—“হাঁ মশায়, ভুবন চাটুয্যের বাড়ী কোথা বলতে পারেন ?”

গৃহ হইতে উত্তর আসিল—“জানি না, এগিয়ে জিজ্ঞেস কর। ওরে বেটা হরে, দে না দরজাটা বন্ধ করে

পরমুহুর্তে মশকে কবাট রুদ্ধ হইয়া গেল।

আরও খানিকটা অগ্রসর হইয়া কটক দেখিল,— কতকগুলো লোক একটা চাতালে বসিয়া গল্প করিতেছে ; সে তাহাদের নিকট গিয়া জিজ্ঞাসা করিল।

একজন সন্ধিগ্ধকণ্ঠে জিজ্ঞাসা করিল—“কোথা হতে আস্টিছ, কর্তী ?”

“কোলকেতা।”

“কোলকেতা হ’তি কখন আসেন ?”

“এই আস্ছি ; বলতে পার ভুবন চাটুয্যে বাবুর বাড়ী কোথায় ?”

প্রশ্নকারী তখন উপেক্ষার সহিত বলিল—“ওই যে, ওই আলো জ্বলছে, যানু ওইখানে গিয়ে শুধোন। ভুবন-বাবু ওইখানেই থাকেন।”

তাহার মনে আশার সঞ্চার হইল ; সে দ্রুতপদে সেই দিকে অগ্রসর হইয়া চলিল।

শব্দ-তরঙ্গ ভাসিয়া আসিল—“শালা স্বদেশী ডাকাত নয় তো রে ; একবার দেখুলি হতো না ? ষাক, সজাগ থাকুলিই চলবে।

একটা বাটার দরজার নিকট গিয়া রাত্রের নিস্তরতা ভঙ্গ করিয়া সে সজোরে কড়া নাড়িতে লাগিল।

দ্বিতলের আলোকের সম্মুখে কে ওই দাঁড়াইয়া ? সৌন্দর্য্যের আকর মণিমালা না ? বা, বা, কি সুন্দরই না তাহাকে দেখিতে হইয়াছে ! সে স্নিগ্ধ অথচ নিয়কণ্ঠে

ডাকিল—“কবাটটা খোল না মনি, আমি এসেছি!”

তাহার পশ্চাতে আর একটি মূর্তি আসিয়া দেখা দিল। সে জিজ্ঞাসা করিল—“কে?”

ফটিক ধীরকণ্ঠে উত্তর দিল,—“আমি জামাই।”

জল না কি খানিকটা আসিয়া তাহার মাথায় ঝপাৎ করিয়া পড়িল। এঃ কি দুর্গন্ধ! নিজেকে সামলাইয়া লইতে না লইতে সে শুনিল; উপর হইতে কে হাঁকিতেছে—“তেওয়ারী পাক্‌ড়ো; শালা মাতোয়াল হায়।”

একে ত সর্বদা ভিজিয়া কাপড়-চোপড় নষ্ট হইয়া গিয়াছিল, তাহার উপর কথাটা শুনিয়া অন্তরটাও হিম হইয়া গেল। সে তখন ‘যঃ পলায়তি স জীবতি’-নীতির অনুসরণ করিবার উপক্রম করিল। কিন্তু হায়, সপ্তরথী-বেষ্টিত অভিমত্ন্যর ত্রায় চাহিয়া দেখিল,—বৃথা চেষ্টা।

তেওয়ারী ছুটিয়া আসিয়া তাহার হাতটা চাপিয়া ধরিল। বলা বাহুল্য, সঙ্গে-সঙ্গে বিরাশী সিকা ওজনের একটা চড় বেচারীর পিঠের উপর আসিয়া পড়িল। পূর্ব-পুরুষের পুণ্যবলে তাহাকে আরও ষা কতক সহ্য করিতে হইল না; হাত তুলিয়াই ছাতু ভায়াকে নিক্ষেপ আক্রোশে তাহা নামাইয়া লইতে হইল। বাবু বাহিরে আসিয়া বলিলেন—“এগিয়ে এস তো চাঁদ, মুখখানা একবার দেখি?”

ফটিকের মনে হইতেছিল,—হে পৃথিবী হু ফাঁক হও, আমি তোমার মধ্যে আশ্রয় লই। স্রোপদীর বস্ত্রহরণের লজ্জা অপেক্ষা তাহার লজ্জা যে অনেক বেশী! কিন্তু উপায় কি? একটা হ্যাঁচকা টানেই তাহার নড়াটা ছিঁড়িয়া বাইবার উপক্রম হইল। হায় রে, বিপদে মা ধরিত্রীও তাহাকে পরিত্যাগ করিলেন।

আগন্তুক বাবুটা আলোর সাহায্যে ভাল করিয়া ফটিকের মুখখানা দেখিয়া লইয়া মনে করিলেন—না, লোকটা দেখছি অন্নাদনই টানতে শিখেছে। জিজ্ঞাসা করিলেন—“তোমার নাম কি?”

ফটিক মহঃ-সমস্তায় পড়িল;—তখন সত্য বলিবে, কি মিথ্যা বলিবে? মুক্তি পাইবার আশায় ও মার

খাইবার ভয়ে সে ধীরে ধীরে বলিল,—“আজ্ঞে, ফটিক-চাঁদ বন্দোপাধ্যায়।”

ভিতর হইতে কে দরজার শিকল নাড়িল। ভদ্রলোকটা বাটার মধ্যে চলিয়া গেলেন। একটু পরেই ফিরিয়া আসিয়া বলিলেন—“তা তুমি যাও, তেওয়ারী; আমিই তার ব্যবস্থা করছি।”

বলির পাঠ্যকে স্নান সমাপনান্তে যখন হাঁড়িকাঠের নিকট আনা হয়, তখন তাহার কণ্ঠনিঃসৃত যেমন মন্দভেদী ‘ব্যা ব্যা’ চীৎকার শোনা যায় ফটিকে রও অন্তরের ভিতর হইতে তেমনই ‘ব্যা-ব্যা’ শব্দ উথিত হইতেছিল। ভদ্রলোক তাহাকে টানিয়া লইয়া বাটার ভিতর প্রবেশ করিলেন।

সেখানে একটা চাপা হাসির স্রোত বহিয়া গেল। ফটিক আর মাথা তুলিতে পারিল না। ভদ্রলোকটা বলিলেন—“পাজীটার কি ব্যবস্থা করা যায় বল তো নিভা?”

একটা তরী দ্বারের আড়াল হইতে বলিলেন—

“বামুঠাকুর আজ আসে নি, এখনই তেওয়ারীকে দোকানে পাঠাচ্ছিলাম, যা হোক কিছু খাবার আনতে। তা ভালই হয়েছে; ভগবান্ লোক ছুটিয়ে দিয়েছেন। রান্নার কাজটা ওকে দিয়েই চালিয়ে নাও না।”

সর্বনাশ! বলে কি! রান্না! জীবনে যে সে কখন রান্নাধরেই প্রবেশ করে নাই! কাতরকণ্ঠে বলিল—“আজ্ঞে, রান্না তো করতে জানি না।”

এবার কর্তার বদলে গিন্নীই উত্তর দিলেন—“না বললে শুন্‌ছে কে? হাঁ, তবে যদি রান্না ভাল হয়, তা’ হ’লে বেকসুর খালাস পেতে পার; নইলে—”

আর না বলিলেও ফটিক বুঝিল,—তেওয়ারীর প্রচণ্ড চপেটাঘাত! কিন্তু হায়, উপায় কি? মুখ মুছিবার ছলে সে চোখের জল মুছিয়া লইল। তাহাকে নীরব দেখিয়া যুবতী বলিলেন,—“তা আমরা একটু-আধটু দেখিয়ে দেব এখন। এখন চট্ ক’রে ও সব ছেড়ে ফেল, হেলী হ’লে যাচ্ছে; আর আঁস্তাকুড়-কাস্তাকুড় ঘেঁটে এসেছ তো?” বলিয়া তিনি একখানা পাছাপাড় কাপড় তাহার দিকে আগাইয়া দিলেন।

আজ্ঞা কি দুর্দেব! ফটিকের স্পন্দন রহিত হইয়া

গেল। কর্তা কহিলেন—“তা হ’লে আমি বাইরের ঘরে চল্লাম। যদি ত্যাগদাম করে, খবর দিও ; তেওয়ারী এসে টিট ক’রে দেবে।

কাপড় ছাড়িয়া রান্নাঘরে প্রবেশ করিয়া ফটক অবাক হইয়া দাঁড়াইয়া রহিল। তথী দরজার পাশ হইতে বলিলেন—“ও মা, লোকটা যেন স্কা! যাও না, মণি, ধনি করতে তো খুব মজবুত, এখন হাঁড়িটা ধরো।”

ফটকের কেমন-কেমন ঠেকিতেছিল। এ কি রকম বাড়ী রে, বাবা ! মেয়েরাও যে মিলিটারী ! কথাগুলোও যেন ধারাল ছুরি ! কিন্তু সে-সব চিন্তার তখন সময় নয়। সে নতমুখে ভাতের হাঁড়িটা উনানে চাপাইয়া দিল।

যুবতী একটু-একটু করিয়া ঘরের মধ্যে প্রবেশ করিয়া বলিলেন—“দাঁড়িয়ে রইলে কেন, ব’স না, ঠাকুর। ঘোড়ার মত কতক্ষণ দাঁড়াবে ? আহা, নতুন মানুষ, ভালরকম কাজ তো জান না !”

ফটক কোন কথা বলিল না ; যেমন নীরবে দাঁড়াইয়াছিল, তেমনই রহিল। তথী পুনরায় বলিলেন—“দেখ দেখি, এই দুপুর রাত্তিরে উল্লোকের ছেলের কি কষ্ট ! মদ না হয় খেতে শিখেইছে ; তা ব’লে এতটা ভাল নয়। কিন্তু কি করি ব’ল ? যদি না এ কাজ দিতুম, তা হ’লে হয় ত বাবু তোমাকে আস্তাবল পরিষ্কার করতে পাঠাতেন। সেবার তোমারই মত একটা মাতাল এসছিল ; বলতে লজ্জা করে, তাকে তিনটা মাস গোয়ালের কাজ করিয়ে তবে ছেড়েছিলেন।”

অত করুণাতেও যদি সে কৃতজ্ঞতা প্রকাশ না করে, তবে আর কখন করিবে ? তরুণীর প্রতি শ্রদ্ধায় তাহার হৃদয়টা ভরিয়া উঠিল। কি ভাগ্য তাহার যে, সে সেই সুন্দরীর কৃপা লাভ করিয়াছে ! তা না হইলে, ওঃ অশ্বের মল-মূত্র ইত্যাদি ষাঁটিয়া, রাম ! রাম ! সে যুবতীকে ধন্যবাদ দিয়া বলিল—“আপনার অদীম দয়া !”

“দয়া আর কি ঠাকুর, এ তো গেরস্থের কাজ। দোষীকে যদি কেবল সাজাই দেওয়া হয়, তা হ’লে মানুষের মহত্বটা থাকে কোথায় ?”

ফটক উত্তর করিতে পারিল না, নীরবেই রহিল ; কথা তুলিয়া কথা বলিবার সামর্থ্যও বৃষ্টি তাহার ছিল না।

ভয়ে তো সে কেমন একপ্রকার হইয়া গিয়াছিলই, তাহার উপর তেওয়ারীর কথাটা মাঝে-মাঝে মনে পড়ায় তাহাকে আরও চঞ্চল করিয়া তুলিতেছিল।

কিয়ৎক্ষণ পরে যুবতী ঈষৎ হাসিয়া বলিলেন—“আমার কিন্তু তোমায় বড় পছন্দ হয়েছে, ঠাকুর। ও কি ! ও রকম ক’রে কেন গড়ায় না ; হাতে লাগবে যে। তার চেয়ে বরং আমিই গড়িয়ে দি। এখন তো আর কেউ আসবে না,—জানতেও পারবে না।”

ফটক ভয়ে-ভয়ে কহিল—“আজ্ঞে, না থাক ; আমিই গড়াচ্ছি।”

∴ কিন্তু তথী সে কথাই কাণ দিলেন না ; তাহাকে যুহু ঠেলা দিয়া সরাইয়া বলিলেন—“ব’স ; আহা, পুরুষ মানুষ পারবে কেন ? তবে মনে রেখো,—প্রেমের খেলা খেলতে গেলে রান্নাটা তার প্রধান গুণ। নায়িকার মুছাঁ রোগ-টোগও ত থাকতে পারে ; উপোসটা অবিশ্রি সইবে না। সেই সময় বুঝেছ কি না, খাইয়ে-দাইয়ে দিতে হ’তে পারে।” বলিয়া তিনি হোহো করিয়া হাসিয়া উঠিলেন।

ফটক মরমে মরিয়া অশ্রু দিকে চাহিয়া রহিল। যুবতী পুনরায় বলিলেন—“তা সত্যি ঠাকুর-মশায়, তুমি বেশ সুন্দর ;—বলতে কি—”

কথাটা আকুল-আগ্রহে শুনিবার জন্য ফটক মুখ ফিরাইতেছিল, কিন্তু পরক্ষণেই তাহার মনে হইল,—কে জানে, রমণী হয় তো চলনাময়ী ; চল করিয়া আবার তাহাকে বিপদে ফেলিতে পারে। তাহা হইলেই অদৃষ্টে আবার তেওয়ারীর প্রহার ; বাপ্ সে আর ফিরিল না, ভয়ে কাঠ হইয়া রহিল।

তথীই সমস্ত রান্না শেষ করিলেন ; তবে মাঝে-মাঝে টিটকারী করিতেও ছাড়িলেন না। কর্তাবাবু রান্না খাইয়া রাধুনীকে তারিফ দিলেন ; গিন্নীও ‘সার্টিফাই’ করিলেন,—মন্দ রাধে না। তিনি তখন ফটককে অশ্রান্ত কার্য হইতে অব্যাহতি দিবার জন্য কর্তাকে অনুরোধ করিলেন। “তবে পা টেপাটা ত আর বিশেষ কাজ নয় ; খেয়ে-দেয়ে তা না হয় করবে খন।”

কর্তা বলিলেন, “না, না, ও সব হ’বে না ; তোমার

যেমন স্বভাব, মাতালের ওপর আবার দয়া।
ভাবছিলুম—”

“না গো, না, ব্রাহ্মণের ছেলেকে আর আস্তাবলে
পঠায় না ; গেরস্তুর অকল্যাণ হবে যে। আমার মিনতি
ওকে ছেড়ে দাও।”

নিতান্ত অনিচ্ছার সহিত কণ্ঠী বলিলেন—“আচ্ছা
অমন ক’রে যখন বলছ, তখন আর কি করি বল ? তবে
তুমি যেন আমায় কাঁদিও না।”

শ্রীবা হেলাইয়া যুবতী বলিলেন—“মাও, তুমি বড়
ইয়ে ; ও মাতাল যে !”

* * * *

তরী বলিলেন—“এস, খাও সে।”

ফটিক অবাক হইয়া গেল ; মাথা নত করিয়া বলিল,
“আজ্ঞে খিদে নেই।”

“সেও কি একটা কথা। খাবে এস ; নইলে যাই
বলতে। সেই যে বলে, কিসের ঢেঁকি, কিসে ওঠে !”

আর আপত্তি করিবার সাহস বেচারীর রহিল না ;
তবে সে আশ্চর্য হইয়া গেল, খাওয়াইবার রকম দেখিয়া,
—বাটার জামাই বুঝি তত আদর পায় না ! ব্যাপারটা
হেঁয়ালী বলিয়াই তাহার মনে হইল। তবে রমণী-হৃদয়
বোঝা যায় না, তাই যা !”

আহার শেষ করিয়া সে অসুস্থতির অপেক্ষায় আসিয়া
দাঁড়াইল। যুবতী তাহাকে একটা ঘরে লইয়া গিয়া
বলিলেন—“এই খানে থাক। একজন বেতো রোগীর
পা টেপান অভ্যাস, সময় মত টিপতে হবে।”

হায় রে, ভাগ্য ! ধনবান্ গৃহস্থের সম্মান সে ;
তাহার পা টিপবার জন্ত কত লোক ব্যাকুল, আর সে
কি না আজ হয় চাকরের স্তায়...! খাটের পায়াটায়
মাথা রাখিয়া সে আপন মনে কত কি চিন্তা করিতে
লাগিল। অবসাদে, তাহার চক্ষুস্থল জড়াইয়া আসিতেছিল।
হঠাৎ চমকিয়া উঠিয়া গুনিল, তরী বলিতেছে—“কি
গো, ঘুমোও যে ? যাও, ওই বিছানায় রোগী আছে,
পা টেপো গে ; আমি ততক্ষণ একটা কাজ সেরে আসি।
কিন্তু ফিরে এসে যদি দেখি চূপ ক’রে আছ, তা হ’লে ভাল
হবে না বলছি।”

ফটিক একটা মর্শভেদী নিঃশ্বাস ত্যাগ করিয়া ধীরে

ধীরে পালঙ্কের দিকে অগ্রসর হইল। পরক্ষণে হোহো
হাসির শব্দে শিহরিয়া উঠিয়া সে গুনিল—“ছি, ছি, তুমি
কি হ’লে বল ত ?”

এ্যা ! এ স্বর যে,—না, না, ভ্রম ! সে পুনরায়
অগ্রসর হইতে গেল, তখন একটা বোড়শী উঠিয়া বসিয়া
তাহার অঙ্গের আচ্ছাদন খুলিয়া ফেলিল। ফটিক অবাক-
বিস্ময়ে চাহিয়া দেখিল,—সত্যই মণিমলা।

মণিমলা তখন তাহার পায়ের উপর মাথা রাখিয়া
প্রণাম করিল।

সে ডাকিল—“মণি !”

মণিমলা উত্তর দিল,—“কি ?”

“এ কি হ’ল ?”

“কিছুই তো বুঝতে পারছি না ! তবে তোমায় যে
লিখেছি, দু-চার দিন আমাদের এক জাগগা যাবার কথা
আছে, তা সে এখানেই। কিন্তু কাল তোমায় চিঠি
দেবার পরেই হঠাৎ মামাবাবু গিয়ে আমাদের জোর ক’রে
তাঁর বাড়ীতে নিয়ে এসেছেন। আমার মামাত ভায়ের
বিয়ে কি না ; তাঁদের দেখবার-শোনবার লোকের একান্ত
অভাব। আমার চিঠি পেয়েছিলে ?”

“হাঁ, এই যে সঙ্গেই রয়েছে।”

“প্রিয়তম,

বহু দিন তোমার কোন সংবাদ না পাইয়া বড়ই ভাবিত
আছি ; পত্রপাঠ মাত্র উত্তর দিবে। আমাদের দু-চার দিন
এক জাগগায় যাইবার কথা আছে ; যদি যাওয়া হয়,
পরে জানাইব। মা, বাবা সকলেই ভাল আছেন।
তোমার কুশল-সংবাদ দানে সুখী করিবে। ইতি,

চরণাশ্রিতা

মণি

পুঃ—ভাল কথা, বাবা জীবনবল্লভপুরে বদলী
হইয়াছেন। তুমি একবার এখানে আসিতে পারিলে বড়
ভাল হয় ; না, না, নিশ্চয়ই এস। আগামী কল্য রাত্রে
ট্রেনে লোক থাকিবে।

মণি”

মণিমালা বিস্মিত হইয়া কহিল—“বা রে, এ সব কে লিখলে ? দেখি; ও মা এ তো আমার হাতের লেখা নয় ! তা ছাড়া আমরা যে এখানে এসেছি, লোকটাই বা জানলে কেমন ক’রে ?”

ফটিক আশ্চর্য হইয়া র অক্ষরগুলি ভাল করিয়া মিলাইতে মিলাইতে বলিয়া উঠিল—“তাই তো এ যে বড় সমস্তা দেখ্ছি ! কে এ লিখলে !”

“আমি কেমন ক’রে জানব ? হঠাৎ জামাইবাবু দিদির বড় অসুখ করেছে ব’লে এইমাত্র আমরা মামার বাড়ী থেকে টেনে নিয়ে এলেন। তাঁর সঙ্গে ত তোমার আনাশোনা নেই ; আমার বিয়ের সময় জামাই-বাবুর বড় ব্যায়রাম, তাই দিদিরা কেউই যেতে পারেন নি। এখন এখানকার ঘটনাটা বল ত ?”

এতক্ষণে আগাগোড়া ব্যাপারটা জল হইয়া গেল। আনুপূর্বিক সমস্ত ঘটনা ব্যক্ত করিয়া ফটিক বলিল—“কিন্তু তেওয়ারীর মারটা এখনও—”

মণিমালা স্বামীর পিঠে হাত ঘুলাইতে-বুলাইতে বলিল, “আহা ! বড় লেগেছে, না ?”

তাহার অক্ষম্ভলে ফটিকের সমস্ত ব্যথা ধুইয়া-মুছিয়া গেল। তখন বাহির হইতে শব্দ আসিল—“কি ঠাকুর, টিপ্ছ তো ? বেতো রোগী, সাবধান !”

* * * *

ফটিকের কিন্তু আর সেখানে থাকিবার মত ধৈর্য্য রহিল না। মুখরা নিভাননার চোখা-চোখা বাক্য-বাণের ভয়ে এবং সকলের বিজ্ঞপের আশঙ্কায় সে পরদিন ভোর ৫টার ট্রেনেই কলিকাতা রওনা হইয়া পড়িল। মেসে যখন আসিয়া উপস্থিত হইল, তখন বেলা প্রায় সাড়ে আটটা। যাক, সেখানে যে কেহ তাহার দুর্দশার কথা জানিতে পারে নাই, তাহাই পরম রক্ষা। ভগবান্ কিন্তু তাহাতেও বাদ সাধিলেন। মধ্যাহ্নে আহ্বারের সময় কথাগুলো হঠাৎ

প্রকাশ হইয়া পড়িল। ফটিক কাহাকে দেখিয়া শিহরিয়া উঠিল,—“কেও, তেওয়ারী না ? সেই ত বটে ! সে কোন কথা বলিবার পূর্বেই তেওয়ারী কহিল,—“আজ্ঞে, মাপ করবেন বাবু, কাল যে মারধোর করেছিলুম, বড় কসুর হ’য়ে গেছে !”

ফটিক বাধা দিয়া বলিল, “কি পাগলের মত বক্ছ ? নেশা—টেশা—”


“আজ্ঞে নেশা ত কিছুই করি না হুজুর। কাল বাবু বললেন, তাই চড়টা-চাপড়টা,—আর রান্নাবান্নার জন্তেও তিনি দুঃখ করছিলেন। বাবু এই এলেন ব’লে।”

মেসের সকলেই সরল তেওয়ারীর নিকট একটু একটু করিয়া সমস্ত ব্যাপারটা শুনিয়া লইয়া হোহো করিয়া হাসিতে হাসিতে খাওয়া-দাওয়া ভুলিয়া গেল। সব-চেয়ে বেশী হাসিল,—নিকুঞ্জ ও নিরাপদ।

ফটিক রাগিয়া কহিল—“এমন ছাতুখোর দেখি নি, বেটা এখানেও পেছু নিয়েছে !”

তাহার ভায়রাভাই সেই সময় ঘটনাস্থলে উপস্থিত হইয়া বলিলেন—“যাই হোক, পালান চলবে না কিন্তু ; বড় না হ’লে মাপ চাইতুম—দেখ ভাই তোমার দিদির কাছ থেকে, না হোক মণির কাছ থেকে সবই শুনেছি—এক বেটা মাতালের আলায় জ’লে ঐ রকম করতে হয়েছে—আজ এখানে নেমন্তন্ন ধেয়ে, তোমাকে নিয়ে না গেলে গিন্নীর কাছে আর রক্ষে নেই। এখন দোহাই ভাই সব দিক বজায় রেখে চল।

ফটিক তখন ভাবিতেছিল, নাছোড়-বান্দা আসল পেয়েও সন্তুষ্ট নয়—আবার সুদের আশায় এতদূর ধাওয়া করেছেন ! যাহা হউক কাষ্ট হাসি হাসিয়া ফটিক বলিল—“সে কথা আবার আপনাকে বলতে হবে ? আপনাকে দেখ্‌বামাত্র, এ গরীবদের মেসে আপনাকে কি ভাবে অভ্যর্থনা করা যেতে পারে তাই মনে মনে ঠিক করছিলাম।”



দ্রৌপদীর পঞ্চস্বামী ও বহুপত্ন্যত্মক-বিবাহ

[শ্রীমহাভারতমিত্র বি-এ]

সমগ্র মহাভারতের মধ্যে সর্বাপেক্ষা বিস্ময়কর ঘটনা হইতেছে, একা দ্রৌপদীর পঞ্চপাণ্ডবের সহিত বিবাহ। সতীত্বধর্মের প্রতি হিন্দুজাতির প্রগাঢ় অহুরাগ জগদ্বিখ্যাত। এই জাতির একপতিগতপ্রাণা রমণীগণ স্বামীর মৃত্যুর পর সহাস্রমুখে স্বামীর চিত্তাগ্নিতে প্রাণবিসর্জন দিতেন। সেই হিন্দুজাতির রমণীরঙ্গ দ্রৌপদী এককালে পাঁচটি ব্যক্তিকে বিবাহ করিলেন, ইহা যেমন বিস্ময়কর তেমনই অবিদ্বান্স বলিয়া মনে হয়। আরও বিস্ময়ের ব্যাপার এই যে, চন্দ্রবংশের ঞায় লোকখ্যাত পবিত্র বংশে, যুধিষ্ঠির প্রভৃতি পুণ্যশ্লোক ব্যক্তিগণের দ্বারা এই অত্যন্ত নীতি-বিগর্হিত কার্য সাধিত হইয়াছিল এবং মহাভারতের ঞায় পবিত্র গ্রন্থে তাহা স্থান পাইয়াছে। আপাত-দৃষ্টিতে ব্যাপারটিকে এতই কুৎসিত বলিয়া মনে হয় যে, শুনিবামাত্র নীতিপরায়ণ ব্যক্তিগণ শিহরিয়া কর্ণে অঙ্গুলি দিবেন এবং সভ্যসমাজ ঘৃণায় নাসা কুঞ্চিত করিবে। এক স্বামীর বহুস্ত্রীগ্রহণের কথা সকলেই জানেন, কিন্তু এক স্ত্রীর বহুস্বামী, এরূপ অসম্ভব ব্যাপার সত্যজগতে সুদূর্লভ।

কেহ কেহ এই ব্যাপারের সত্যতা সন্দেহে সন্দ্বিহান। তাঁহারা বলেন, দ্রৌপদীর পঞ্চপাণ্ডবের সহিত বিবাহ হইয়াছিল ইহা কবির কল্পনা মাত্র, প্রকৃত ঘটনা নহে। তিনি প্রকৃত পক্ষে সত্ৰাট যুধিষ্ঠিরের মহিষী ছিলেন, অপর চারি পাণ্ডবের সহিত তাঁহার বিবাহের কথা সত্য নহে।

সাহিত্য-সত্ৰাট বঙ্কিমচন্দ্র এই দলভুক্ত। তিনি বলেন, দ্রৌপদী প্রকৃতপক্ষে সত্ৰাট যুধিষ্ঠিরের পটমহিষী ছিলেন, অপর চারি পাণ্ডবের সহিত তাঁহার বিবাহ কবির মনগড়া কথা মাত্র। মহাভারতকার কেন এইরূপ অসম্ভব কল্পনা করিলেন তাহার কৈফিয়ৎ দিতে গিয়া তিনি বলিয়াছেন, “দ্রৌপদী স্ত্রীজাতির অনাসক্ত ধর্মের মূর্তি স্বরূপিণী; তৎস্বরূপে তাঁহাকে স্থাপন করাই কবির উদ্দেশ্য” (দ্রৌপদী দ্বিতীয় প্রস্তাব—বিবিধ প্রবন্ধ)।

মহাভারতের যে ঐতিহাসিক ভিত্তি আছে একথা

বোধ হয় কেহই অস্বীকার করিবেন না। সুতরাং মহাভারতের মেরুদণ্ডস্বরূপিণী দ্রৌপদীর বিবাহ-ব্যাপারটিকে নিতান্ত কবির কল্পনা বলিয়া উড়াইয়া দিলে চলিবে না। যুক্তি এবং প্রমাণের দ্বারা ইহার সত্যাসত্য নিরূপণ করিতে হইবে।

প্রশ্ন হইতে পারে, যদি দ্রৌপদীকে অনাসক্ত ধর্মের মূর্তি স্বরূপিণী করিবার ইচ্ছাই কবির ছিল এবং দ্রৌপদী যদি পঞ্চ পাণ্ডবের পত্নী না হইয়া একা যুধিষ্ঠিরেরই পত্নী ছিলেন, তবে যুধিষ্ঠির তাঁহাকে লাভ করিলেন কি উপায়ে? মহাভারতের কোথাও এমন উল্লেখ নাই যে, যুধিষ্ঠির একা তাঁহাকে বিবাহ করিয়াছিলেন; বরং এরূপ উল্লিখিত আছে যে, বীর্যশুদ্ধা দ্রৌপদীকে অর্জুন স্বীয় বীর্যবলে লাভ করিলে মাতার ভ্রমাত্মক আদেশে এবং মহর্ষি ব্যাসের যুক্তিতে পাঁচ ভাই মিলিয়া দ্রৌপদীকে বিবাহ করিলেন।

স্বয়ম্বর সভায় লক্ষ্যভেদ করিয়া বীর্যপরীক্ষা দিতে যুধিষ্ঠির অগ্রসর হন নাই। তবে তিনি কনিষ্ঠের বীর্যলব্ধ রমণীকে আত্মসাৎ করিলেন কোন্ যুক্তিবলে? তিনি কি দ্রৌপদীকে অর্জুনের দান স্বরূপ লাভ করিয়াছিলেন? ইহা কি তাঁহার ঞায় আদর্শ জ্যেষ্ঠ ভ্রাতার পক্ষে সম্ভব এবং তদানীন্তন ভারত-সত্ৰাটের পক্ষে সম্মানজনক? আর যদি লক্ষ্যভেদ করিলেন অর্জুন, এবং দ্রৌপদীকে বিবাহ করিলেন যুধিষ্ঠির, তবে ক্রপদের প্রতিজ্ঞার মূল্য রহিল কি? লক্ষ্যভেদ ব্যাপারটি একটা তুচ্ছ প্রহসনে পরিণত হইল না কি?

উপরি উক্ত মতের আর একজন সমর্থক হইতেছেন Mr. Dahlmann. তিনি বলেন যে, পাঁচজন স্বামীর সহিত দ্রৌপদীর বিবাহ কল্পনিক। তৎকালে একান্তভূক্ত পরিবারই সমাজের আদর্শ ছিল। যাহাতে পাণ্ডবদের মধ্যে ভ্রাতৃবিচ্ছেদ না ঘটে (“ভেদভয়াৎ”) সেইজন্য পঞ্চভ্রাতার একপত্নী। তিনি আরও বলেন যে একান্তভূক্ত পরিবারে সমস্ত দ্রব্যই (এমনি কি স্ত্রীপর্ধ্যন্ত?) যে

অবিভাজ্য তাহাই দেখাইবার জন্ত দ্রৌপদীর বহুপত্ন্যাক্ষক বিবাহ পরিকল্পিত হইয়াছে।

ঠাহার মতটি যে কতদূর হাস্যকর এবং অজ্ঞতার পরিচায়ক তাহা বোধ হয় আর বলিয়া দিতে হইবে না। তুচ্ছ ভ্রাতৃবিচ্ছেদ বন্ধ করিবার জন্ত যে একজন স্ত্রীলোক এককালে একাধিক স্বামীকে বিবাহ করিবে, এরূপ উদাহরণ হিন্দুসমাজে তো দূরের কথা সমগ্র সভ্য-জগতে কোথাও বোধ হয় খুঁজিয়া পাওয়া যায় না। সতীধর্মের প্রতি হিন্দু রমণীগণের ঐকান্তিক অনুরাগের কথা যিনি বিন্দুমাত্রও অবগত আছেন তিনিই এই যুক্তির অসারতা উপলব্ধি করিতে পারিবেন। একস্ত্রীর অঞ্চলে একাধিক ভ্রাতাকে বাঁধিয়া ভ্রাতৃবিচ্ছেদ নিবারণ Dahlmann সাহেবের নিজের দেশে চলিলেও চলিতে পারে কিন্তু এদেশে যে উহা একেবারেই অচল তাহা বলাই বাহুল্য।

ঠাহার দ্বিতীয় মতের অসারতা ঠাহারই একজন স্বদেশবাসীর উক্তির দ্বারা প্রতিপন্ন করিব। Mr. Winternitz ঠাহার Polyandry in the Mahabharat শীর্ষক প্রবন্ধে একস্থানে লিখিয়াছেন, “একান্নবর্তী পরিবারের সাধারণ সম্পত্তি যে অবিভাজ্য, উহাই উদাহরণের দ্বারা প্রদর্শনের নিমিত্ত দ্রৌপদীর বহু পত্ন্যাক্ষক বিবাহ পরিকল্পিত হইয়াছে Mr Dahlmann এর এই অনুমানটা আরও কল্পনামূলক। (মহাভারতের) উল্লিখিত অংশ পাঠ করিলেই নিশ্চিতরূপে বুঝিতে পারা যায় যে গল্পটা একব্যক্তির দ্বারা লিখিত নহে। বিশেষতঃ যে অধ্যায়ে পঞ্চ-ইন্দ্রের উপাখ্যান রহিয়াছে ঐ অধ্যায়টি এক অপরিপক্ক ব্যক্তির দ্বারা সংগৃহীত নানা উপাখ্যানের বিক্ষিপ্ত অংশ-সমষ্টি মাত্র। অপরিহার্যরূপে এই সিদ্ধান্তে উপনীত হইতে হয় যে, মৌলিক মহাভারতে দ্রৌপদীর বহুপত্ন্যাক্ষক বিবাহ প্রকৃত ঘটনারূপে বিবৃত করা হইয়াছিল। পরন্তু কোন কারণ দর্শাইয়া ইহার অন্তরূপ ব্যাখ্যা করিবার জন্ত কোনও চেষ্টা করা হয় নাই।” [..... but even more fanciful is Mr. Dahlmann's next hypothesis that the polyandric marriage of Droupadi was only invented in order to illustrate symbolically the indivisibility of the common property belonging to the joint-family. Any body

who only reads the passage in question must see that the story cannot be the work of one hand and more specially the chapter in which the Panchendropakhyan (পঞ্চেন্দ্রোপাখ্যান) occurs, is nothing but a collection of fragments of stories patched together by a very unskilled hand. Even the shortest epitome will show how numerous the inconsistencies are which occur in the stories relating to Draupadi's marriage.....The conclusion is inevitable that the original Mahabharat related the 'polyandric' marriage as a fact without any attempt to explain it away. (Journal of the Royal Asiatic Society 1897. pp 754)]

আমাদেরও মনে হয়, দ্রৌপদী পঞ্চপাত্ন্যবের পত্নী ছিলেন, ইহাই প্রকৃত ঘটনা, তিনি একা যুধিষ্ঠিরের মহিষী ছিলেন একথা সত্য নহে। কারণ তাহা হইলে মহাভারত-কার কখনই এত বড় একটা কুৎসিত এবং দুর্নীতিমূলক বিষয়কে কল্পনাও স্থান দিতেন না বা লিখিতে সাহস করিতেন না, অথবা তিনি করিলেও পরবর্তী লেখকগণ কখনই ইহাকে নিষ্কৃতি দিতেন না।

মহাভারতে দ্রৌপদীর বহুপত্ন্যাক্ষক বিবাহের কৈফিয়ৎ স্বরূপ যতগুলি গল্পের অবতারণা করা হইয়াছে তন্মধ্যে তিনটি প্রধান। (১) কুন্তীর ভ্রমাত্মক আদেশ, (২) পঞ্চ-ইন্দ্রের উপাখ্যান এবং (৩) যে ঋষিকন্যা মহাদেবের নিকট পুনঃ পুনঃ পতি-প্রার্থনা করিয়াছিলেন ঠাহার উপাখ্যান। শেষোক্ত দুইটি উপাখ্যান, স্মৃতরাং সহজেই অবিশ্বাস্য, কিন্তু প্রথমটিকে একেবারে উড়াইয়া দেওয়া চলে না।

ঘটনাটা যতদূর সম্ভব মনে হয় এইরূপঃ—দ্রৌপদীকে লইয়া পঞ্চভ্রাতা কুন্তকার-গৃহে প্রত্যাবর্তন করিলে ভীম উচ্চৈঃস্বরে গৃহাত্যন্তরস্থা মাতাকে বলিলেন যে, আজ ঠাহারা এক বিচিত্র ভিক্ষা আনিয়াছেন। কুন্তীদেবী দ্রৌপদীকে না দেখিয়াই বলিলেন, “তোমরা পাঁচ ভ্রাতায় ভাগ করিয়া লও।” পরে কুন্তি নিদ্রের ভ্রম বুঝিতে পারিলেন বটে কিন্তু সমস্তায় পড়িলেন পাঁচ ভাই। কি করিয়া মাতৃবাক্য পালিত হয়? সত্যসক যুধিষ্ঠির যাহাতে মাতার বাক্য অসত্যে পরিণত না হয় অথচ কোনরূপ ধর্ম বিগর্হিত কার্য্য করিতে না হয় সেজন্য অর্জুনের সম্মতিক্রমে

পঞ্চভ্রাতায় মিলিয়া দ্রৌপদীকে বিবাহ করিবার প্রস্তাব করিলেন। কিন্তু আপত্তি করিলেন ক্রপদরাজ। তিনি বলিলেন, এরূপ বিবাহ অশাস্ত্রীয় স্মৃতরাং অধর্মজনক। ধর্মরাজ যুধিষ্ঠির তাঁহাকে পুনঃ পুনঃ বলিলেন যে, ইহা অধর্ম নহে। কিন্তু ক্রপদ সন্তুষ্ট হইতে পারিলেন না। এই সময়ে মহর্ষি ব্যাস আসিয়া উপস্থিত হইলেন। তিনি যুধিষ্ঠিরের বাক্য সমর্থন করিলেন এবং ক্রপদকেও বুঝাইলেন যে ইহা অধর্ম নহে।

অনুভৎ মোক্ষসে ভজে ধর্ম চৈবঃ সনাতনঃ।

নতু বক্ষ্যামি সর্বেষাং পাঞ্চাল শৃণু মে স্বয়ম্ ॥

যথায়ং বিহিতো ধর্মো যথাচারঃ সনাতনঃ।

যথা চ প্রাহ কৌন্তেয় শুখা ধর্মো ন সংশয়ঃ ॥

দ্রৌপদীর এককালে বহুস্বামি-গ্রহণ তৎকালে একেবারে আকস্মিক এবং নূতন ঘটনা নহে। কারণ, এরূপ প্রমাণ করা যাইতে পারে যে, মহাভারতে যে সময়ের কথা লিখিত আছে তাহার পূর্বেও কোন কোন প্রদেশে এবং কোন কোন বংশে বহু পত্ন্যাঙ্ক বিবাহ প্রচলিত ছিল। স্মৃতরাং সেই নৈজিরের বলেই পাণ্ডবগণ মাতার বাক্যের মতত্ব রক্ষা করিতে পারিয়াছিলেন। John Muir তাঁহার “On the question whether polyandry existed in the Northern Hindusthan” শীর্ষক প্রবন্ধে এই কথাই সমর্থন করিয়াছেন। তিনি বলেন, “দেখা যাইতেছে যে কুন্তী প্রথমে ভ্রমবশতঃ দ্রৌপদীর সহিত পঞ্চভ্রাতার মিলনের অনুমতি দিয়াছিলেন এবং যদিও ব্যাপারটিকে ব্যাধ্য এবং সমর্থন করিবার জন্য নানা অস্বাভাবিক গল্পের অবতারণা করা হইয়াছে তথাপি স্বরণাতীত কাল হইতে প্রচলিত প্রথারূপে ইহার বৈধতা যুধিষ্ঠির ও ব্যাস উভয়েই দৃঢ়তার সহিত সমর্থন করিয়াছেন। [It appears that Kunti is represented as having at first sanctioned the union of five brothers with Droupadi only by a mistake and although supernatural occurrences are introduced to explain and justify the transaction, its lawfulness as a recognised usage practised from time immemorial, is also affirmed both by Yudhishthira and Vyas. (Indian Antiquary 1877 pp 262)]

মহাভারতে বর্ণিত যুগের পূর্বেও যে বহুপত্ন্যাঙ্ক বিবাহ প্রচলিত ছিল তাহাই প্রমাণ করিতে গিয়া M. Winternitz লিখিয়াছেন, “বর্তমানকালের ণ্ময় প্রাচীন কালেও যে ভারতবর্ষে বহুপত্ন্যাঙ্ক বিবাহ একেবারে বিধিসঙ্গত সামাজিক অনুষ্ঠানরূপে প্রচলিত না থাকিলেও কোন কোন প্রদেশে এবং কোন কোন বংশে প্রচলিত ছিল তাহার আরও ঐতিহাসিক প্রমাণ পাওয়া যায়। আপস্তম্বের ধর্মসূত্রের দ্বিতীয় অধ্যায়ের ২৭,৩ সংখ্যক শ্লোকের (“কুলায় হি স্ত্রী প্রদীয়ত ইতি উপদিশন্তি”) অর্থে বহুপত্ন্যাঙ্ক বিবাহ অগচ ভ্রাতা-ভগিনীর বিবাহ না বুঝাইলেও বৃহস্পতির ২৭ অধ্যায়ের ২০ সংখ্যক শ্লোকে ইহার সন্দেহ দূর করে। ঐ শ্লোকে লিখিত আছে যে, একটি বিবাহযোগ্য কুমারীকে একটি পরিবারে সম্প্রদান করিবার প্রথা অন্তান্ত দেশে দৃষ্ট হইলেও উহা নিষিদ্ধ।” [And we have other historical evidence proving that polyandry existed, as it exists now, in India not indeed as a general legal institution but as a local or tribal custom. Apastamba (Dharmasutra, ii,27.3) may or may not refer to polyandry or “phratbiogamy but there can be no doubt about Brihaspati xxvii, 20 (Sacred Books of the East. vol xxxiii, pp 389) where the delivery of a marriagable damsel to a family is mentioned as a forbidden practice found in other countries. [Journal of the Royal Asiatic Society. 1897, pp 754.)]

Th. Goldstucker মনে করেন, প্রাচীন কালেও যে বহুপত্ন্যাঙ্ক বিবাহ প্রচলিত ছিল দ্রৌপদীর পঞ্চ-পাণ্ডবের সাহিত বিবাহ তাহারই ঐতিহাসিক প্রমাণ।

এখন দেখিতে হইবে, প্রাচীনকালে বহু পত্ন্যাঙ্ক বিবাহ কেবল মাত্র অনার্য জাতির মধ্যেই সীমাবদ্ধ ছিল কি না। তাহা যদি থাকিত তাহা হইলে দ্রৌপদীর এইরূপ বিবাহ কখনই সম্ভব হইত না এবং যুধিষ্ঠিরও ইহাকে ধর্ম বলিতেন না অথবা ব্যাসদেবও ইহাকে সমর্থন করিতেন না। বরং ক্রপদের আপত্তি ঋগ্নাথ ব্যাসদেব ইহাকে প্রচলিত রীতি বলিয়াছেন।

বহু পত্ন্যাঙ্ক বিবাহ যে পৌরাণিক যুগেও প্রচলিত

ছিল তাহারও প্রমাণ আছে। জটিল গৌতমীর সাত জন ঋষির সহিত বিবাহ হইয়াছিল বলিয়া মহাভারতে উল্লেখ আছে। (আদি পর্ব, ১২৬ অধ্যায়, ১৪ শ্লোক দ্রষ্টব্য)। ভাগবৎ পুরাণের ৬ষ্ঠ স্কন্ধের ৪র্থ অধ্যায়ে ১৫ শ্লোকে উল্লিখিত আছে যে “বান্ধী” (বক্ষোৎপন্ন) নামী এক জন ঋষি কন্যার দশ জন ভ্রাতার সহিত বিবাহ হইয়াছিল।

বস্তুতঃ বহুপত্ন্যঙ্ক বিবাহ অনার্যদের মধ্যে বহুলভাবে প্রচলিত থাকিলেও আর্য-সমাজে উহা একেবারে অচল ছিল না। অবশ্য এ কথা স্বীকার করিতে হইবে যে ব্রাহ্মণ-গণ এবং সমাজের শীর্ষস্থানীয় ব্যক্তিবর্গ এমন কি জনসাধারণ পর্যন্ত এই প্রথার বিরুদ্ধবাদী ছিলেন। কিন্তু তাই বলিয়া ষাঁহার দায়ে পড়িয়া অথবা কোন কারণবশতঃ এরূপ বিবাহ করিতে বাধ্য হইতেন তাঁহারা সমাজে একেবারে অপাক্তেয় হইতেন না। সেইজন্যই বোধ হয় পাণ্ডবদের এইরূপ বিবাহে এক দ্রুপদরাজ ব্যতীত আর কেহ আপত্তি উত্থাপন করেন নাই। কুরুপিতামহ ভীষ্ম, মহামতি দ্রোণাচার্য্য প্রভৃতি ব্যক্তিবর্গও কোনরূপ প্রতিবাদ করেন নাই।

Prof. Jolly লিখিয়াছেন যে কুমায়ুন প্রদেশে group-marrige অর্থাৎ পাণ্ডবদেরই মত কয়েক ভ্রাতায় মিলিয়া একপত্নীকে বিবাহ করিবার রীতি ব্রাহ্মণ, রাজপুত এবং শূদ্রদের মধ্যে প্রচলিত আছে। এই প্রসঙ্গে তিনি বলেন যে প্রাচীন কালে বহুপত্ন্যঙ্ক বিবাহ কেবল মাত্র অনার্য জাতির মধ্যেই সীমাবদ্ধ ছিল একথা বলা যায় না। (Jolly, Retcher und Sitte. i. c. pp 48.)

পণ্ডিত ভগবান্ লাল ইন্ড্রজিৎ Jolly সাহেবের উক্তির প্রতিধ্বনি করিয়াছেন। তিনি বলেন, “In Kumaun between the Tons and Jamuna about Kalsi, the Rajputs, Brahmans and Sudras all practice polyandry, the brothers of a family all marrying one wife, like the Pandavas. The children are all attributed to the eldest brother. (Indian Antiquary 1879 pp. 88.)

পঞ্জাবের জাঠদের মধ্যেও বহুপত্ন্যঙ্ক বিবাহ প্রচলিত আছে। এ সম্বন্ধে C. S. Kirkpatrick লিখিয়াছেন যে, “কোন জাঠ সঙ্গতিপন্ন হইলে নিজের

প্রত্যেক পুত্রকে এক একটা কুমারীর সহিত বিবাহ দেয়, কিন্তু যদি কাহারও প্রত্যেক পুত্রের বিবাহের বায়ুভার বহনের সামর্থ্য না থাকে তবে সে কেবল মাত্র স্যেষ্ঠ পুত্রের বিবাহ দেয় এবং ঐ বধু তাহার দেবরগণকেও উপ-পতি (co-husband)-রূপে গ্রহণ করে। ইহাতে সমাজে কোনরূপ আপত্তি উঠে না।” (Indian Antiquary 1878 pp. 86.)

পূজনীয় অধ্যাপক শ্রীযুক্ত অমূল্যচরণ বিদ্যাভূষণ মহাশয় বলিয়াছেন যে, তিনি ভ্রমণ-ব্যপদেশে গঙ্গোত্রীতে উপস্থিত হইলে একটি বহুপত্ন্যঙ্ক-বিবাহ-পরায়ণ পরিবার দেখিতে পাইয়াছিলেন। তাহারা হিন্দু। গৃহস্বামিনী পরমাসুন্দরী এবং নিষ্ঠাবতী রমণী। বিদ্যাভূষণ মহাশয় এবং তাঁহার সঙ্গিগণ ঐ পরিবারে আতিথ্য গ্রহণ করিলে ঐ রমণী প্রাচীন হিন্দু-আচার অনুসারে পাণ্ড-অর্ঘ্য দিয়া অতিথি সৎকার করিয়াছিল। ঐ মহিলাটির সাত জন স্বামী ছিল। গঙ্গোত্রী-অঞ্চলে বহুপত্ন্যঙ্ক বিবাহ এখনও প্রচলিত আছে।

পৃথিবীর কোন কোন দেশে এবং ভারতের কোন কোন প্রদেশে আজ পর্যন্ত বহুপত্ন্যঙ্ক বিবাহ প্রচলিত আছে।

হিমালয়ের অধিবাসী কুলুদের মধ্যে প্রচলিত আছে যে কয়েক ভ্রাতায় মিলিয়া একটি স্ত্রীকে বিবাহ করিলে ঐ রমণী প্রথম মাসে সর্ব স্যেষ্ঠের, দ্বিতীয় মাসে দ্বিতীয় ভ্রাতার এইরূপে এক এক মাসে এক এক ভ্রাতার পত্নীরূপে গণ্য হয়।

হোয়েটনট, ডামারা, মিরি, ডোফলা, বুতিয়া, সিসী আবর (Sisee Abor,) খাসিয়া, সাঁওতাল প্রভৃতি জাতির মধ্যে এবং সিউয়ালিক পর্বতে, সিরমুরে, খাদাখে, বাওয়ার এবং জোনসারের পার্শ্ব প্রদেশে, কুনোয়ারে, কোটেপেড়ে, তিব্বতে, আরবে, সাইবেরিয়ার পূর্বাংশে এবং আরও অনেক স্থানে বহুপত্ন্যঙ্ক বিবাহ প্রচলিত আছে। (E. Wesermerck, History of Human Marriage. pp. 452—3.)

সিংহলেও এই প্রথা প্রচলিত ছিল বটে, কিন্তু ইউরোপীয়দিগের প্রযত্নে এবং ১৮৬০ খ্রীষ্টাব্দে এক রাজকীয় নিবেদনার বলে এই প্রথা কিয়ৎ পরিমাণে দমন হইলেও

একেবারে বিলুপ্ত হয় নাই। প্রাচীন র্টনদের সঙ্কে Julius Caesar লিখিয়াছেন যে, ইহাদের মধ্যে একই জ্ঞীলোকের দশ বার জন স্বামী। ভ্রাতায়-ভ্রাতায় এমন কি পিতাপুত্রে একই জ্ঞীলোককে পত্নীরূপে গ্রহণ করে।

পত্নীর স্বামিগণ ভ্রাতৃসঙ্ক-যুক্ত হইলে ঐরূপ বিবাহকে “ত্বিত্বীয় বহুপত্ন্যাক বিবাহ” কহে। ইহার কারণ ঐ প্রথা তিব্বতেই অধিক প্রচলিত। চীন হইতে কাশ্মীর ও আফ্গানিস্থানের অধীনস্থ প্রদেশ সমূহে এই প্রথা প্রচলিত আছে। পৃথিবীতে যে সকল জাতির মধ্যে বহু-পত্ন্যাক বিবাহ প্রচলিত আছে তন্মধ্যে নায়র, খাসিয়া, এবং সাপ্‌রোজীয় কোসাক্ জাতি ছাড়া আর সকলের মধ্যেই তিব্বতীয় প্রথা প্রচলিত।

তিব্বতীয় প্রথায় সর্বাগ্রজ ভ্রাতা পত্নী-নির্বাচন করিয়া বিবাহ করে এবং তৎকর্তৃক বিবাহিতা পত্নীই অপরাপর ভ্রাতার পত্নী বলিয়া পরিগণিত হয়। জ্যেষ্ঠের মৃত্যু হইলে তাঁহার পত্নী, সম্পত্তি এবং প্রভুত্ব পরবর্তী ভ্রাতা প্রাপ্ত হয়। যে সকল সন্তান জন্মে তাহারা মাতার পতিদিগের মধ্যে সর্বজ্যেষ্ঠকে পিতৃসম্বোধন করে এবং তাঁহার ভ্রাতাদিগকে খুল্লতাত বলে, কোথাও বা সকলকেই পিতা বলে।

মালাবারের নায়রদিগের মধ্যে প্রচলিত প্রথায় নায়র যুবক-যুবতী বিবাহের চারি পাঁচ দিন পরে পরস্পর হইতে চিরকালের জন্য বিচ্ছিন্ন হয় এবং ঐ যুবতী পরে বিবাহিত

পতি ভিন্ন অপর যে কোন পুরুষকে বরণ করিতে পারে। সাধারণতঃ নায়ররমণীদের স্বামিসংখ্যা চারিটি হইতে বারটি পর্যন্ত দেখা যায়। এই সকল পতিগণের কোনরূপ জ্ঞাতি সঙ্ক থাকে না।

মহীশূরের কুর্গজাতির মধ্যে প্রচলিত প্রথায় জ্যেষ্ঠ-ভ্রাতার বিবাহিতা পত্নী যেমন তাহার ভ্রাতাদেরও পত্নীত্ব প্রাপ্ত হয় তেমনি জ্যেষ্ঠা ভগিনীর স্বামিগণ তাহার কনিষ্ঠা ভগিনীদেরও পতিত্ব প্রাপ্ত হয়। নীলগিরির তোড়াজাতিও এই প্রথা অনুসরণ করে।

হাসিনিয়ে আরবদের মধ্যে প্রচলিত প্রথায় কণা কোন্ কোন্ দিন বরের পত্নী থাকিবে তাহা বিবাহের সময় নির্দিষ্ট হয়। ছুটির দিনে সে ইচ্ছামত অণ্ড যে কোন পুরুষকে আত্মসমর্পণ করিতে পারে। গুয়ানা-জাতির বিবাহ প্রথাও অনেকটা এইরূপ।

দক্ষিণ ভারতে রেদি জাতির-মধ্যে প্রচলিত বহু-পত্ন্যাক বিবাহে প্রাপ্ত যৌবনা কুমারীর একটি অল্প বয়স্ক বালকের সহিত বিবাহ হয়। বালকস্বামীর যৌবনপ্রাপ্তি পর্যন্ত অপেক্ষা না করিয়া সেই স্ত্রী স্বামীর মাতুল বংশীয় কোন যুবার সহবাসে গর্ভধারণ এবং সন্তান প্রসব করিতে থাকে। সন্তানগুলি বালকস্বামীর সন্তান বলিয়া গণ্য হয়।

কোইম্বাড়ুর অঞ্চলে ভেলেঙ্গা জাতির মধ্যেও এইরূপ বিবাহ প্রথা প্রচলিত আছে।



বাগীহারার দেশ

[শ্রীকালিদাস রায়, কবিশেখর বি-এ]

স্তব্ধ নীরবতার দেশে, এস তাপস,
এস ভাবুক, শিল্পী, ধ্যানী, রসিক, কবি,
হেথায় মহাশান্তি-ছায়ার গহন-তলে,
এস তোমার অন্তঃসলিল সঙ্গলভি ।
বাগ্মী হেথায় থামাও তোমার বাচালতা,
মুখর হেথায় থামাও তোমার কল-কথা,
হেথায় হের আঁখে আঁখে রসালাপন
কণ্ঠ, তালু, দন্ত হেথায় নীরব সবি,
বধির সমীর শব্দ হেথা সয়না মোটে,
বয়না ধ্বনি, বয় কেবলি ফুল-স্বরভি ।

মেঘের মুখে তড়িৎ আছে, মন্ত্র নাহি,
নিঃশব্দে নদী-নদে লহর তুলে,
গায়না অলি শুধুই মধু সেবন-রত
পাখী শুধুই নাচে রঙীন পালক খুলে' ।
গানের পাখা গুটিয়ে পড়ে হেথায় এসে
নরেশ হেথায় প্রবেশ করেন দীনের বেশে
ওষ্ঠে রাখি তর্জনী তার হেথায় দ্বারী
দাঁড়িয়ে রয় সদাই কনক-বেত্র তুলে' ।
দেয় ফিরিয়ে বস্তু পাথার বজ্র-ঝড়ে,
যায় ফিরে' সব, এ দিক পানে আসলে তুলে,

বনের বাণী আগে হেথায় ফলে-ফুলে,
মনের বাণী হাশ্বে এবং অশ্রুধারায়,
তৃণের বাণী হেথায় নীহার-মালায় ছলে
গগন-বাণী আগে কেবল তারায় তারায় ।

নদীর বাণী জাগে শীতল করুণাতে,
 নিশার বাণী জাগে উষার অরুণাতে,
 তুষার বাণী জাগে গিরির অধর-কূলে
 ভাষার ধ্বনি মধুর আশার স্বপ্নে হারায় ।
 সনাতনী ব্রাহ্মী বাণী নিশিদিনই
 মানস-লোকের মনের চোখের দৃষ্টি বাড়ায়

বাণ্য হেথায় লঘু চরণ-নৃত্যে জাগে
 সঙ্গীতপুর ইঙ্গিতে আর ভঙ্গিমাতে,
 জয়ধ্বনি রক্তকেতুর আন্দোলনে
 ছন্দে জাগে ইন্দ্রধনুর রঙ্গিমাতে ।
 শব্দ হেথায় নেইক বলে' গন্ধ পরশ
 দ্বিগুণ ই'য়ে ব্যঞ্জনাতে জাগায় হরষ,
 কাব্য জাগে গহন বুকে গগন গায়ে
 স্বর্ণময়ী বর্ণময়ী বর্ণনাতে ।
 জীবন হেথায় শব্দ-সমান শব্দাহরা
 অতল গভীর শান্তি-সাগর হিন্দোলাতে ।

ঝঙ্কনাতে গঞ্জনাতে উচ্চরোলে
 হট্টগোলে কর্ণ যাদের ঝালা-পালা,
 হেথায় নীরব শান্তি মায়ের স্নেহের কোলে
 এস তারা জুড়াও কাতর জীবন-জ্বালা ।
 শব্দ হেথায় নেইক বলে', সহায়-হারা
 তর্ক-বিবাদ, রোষ-অসুয়া এ-দেশ ছাড়া ।
 এস সাধক এইত তপের ধ্যানের গুহা
 এ আশ্রমে ভক্ত ঘুরাও অপের মালা,
 হেথায় কবি'হের তোমার কল্পস্বপন,
 শিল্পী রসিক এই তো তোমার চিত্রশালা ।

জানবার কথা

[জ্ঞান-বিস্তারের সাহায্যের জন্ত এই বিভাগে আমরা প্রতি মাসের সহযোগী-সাহিত্য হইতে শিক্ষণীয় বিষয় যথাসম্ভব আহরণ করিব।]

মাসিক মোহম্মদী, জ্যৈষ্ঠ ১৩৩৭

লবঙ্গলতার দেশ— আমরা পান হইতে পোলাও পর্যন্ত লবঙ্গ ব্যবহার করি বটে, কিন্তু ইহা কোথা হইতে আসে তাহা অনেকেই জানি না। আফ্রিকার পূর্ব উপকূলে জাজিবার প্রদেশ লবঙ্গের জন্মস্থান। এই প্রদেশ ব্রিটিশ “প্রোটেক্টোরেট টেটস্”এর অন্তর্ভুক্ত। ইহা আসলে একটা প্রবাল-দ্বীপ। বাণিজ্য-জগতে ইহা বিশিষ্ট স্থান অধিকার করিয়া আছে। লবঙ্গের ব্যবসায়ই ইহার মূর্ব প্রধান বাণিজ্য। ১৯১৯—২০ সালে জাজিবার হইতে দুই কোটি নব্বুই লক্ষ পাউণ্ডের লবঙ্গ জগতের নানা দেশে রপ্তানী করা হয়। তাহার মূল্য পাঁচ লক্ষ ছিয়াশী হাজার পাউণ্ড, অর্থাৎ প্রায় ৮৭ লক্ষ টাকা। লবঙ্গ গাছ দেখিতে খুব বড় নয়। আমাদের দেশে গাবগাছ যেমন খুব নোপওয়াল হয়, লবঙ্গগাছ দূর হইতে সেইরূপ দেখায়, তবে তাহা গাবগাছের অপেক্ষা অনেকটা ছোট। লবঙ্গ প্রথমে গাছ হইতে পাড়িয়া পরিষ্কার করিয়া লওয়া হয়। তাহার পর তাহা রৌদ্রে শুকাইয়া চালান দেওয়া হয়।

কৃষক, চৈত্র ১৩৩৬

বৃক্ষের জন্ম-রহস্য—গাছের যেকোন বংশ বৃদ্ধি হয় তাহা অতিশয় বিস্ময়কর। কোন কোন গাছের শিকড়, ডাঁটা বা পাতা হইতেই নূতন গাছ জন্মে। যেমন পেঁয়াজ ও রসুনের কোষা, আলু, আদা, হলুদ ও কচু পুঁতিলেই তাহা হইতে নূতন গাছ জন্মে। গোলাপের ডাল, আক এবং লাল-আলুর ডাঁটা পুঁতিলেই গাছ হয়। পাথরকুচি বা হিমসাগরের পাতা হইতেই নূতন গাছ জন্মে। ফার্স জাতীয় গাছের পাতার উপরে বা পাতার ডাঁটায় গোড়ায় এক রকম ছোট-ছোট বীজের মত দানা হয়। এই দানা হইতেই নূতন গাছ জন্মে। লাউ, কুমড়া, শশা, মটর,

অড়হর, সরিষা প্রভৃতি অনেক গাছের বীজ হয়। এই সকল গাছের গর্ভকেশরের গোড়ায় বীজ-কোষ থাকে এবং বীজকোষের ভিতর বীজাণু হয়। এই বীজাণুগুলি বড় হইয়া বীজ হয় এবং বীজকোষটা বড় হইয়া ফল হয়। সরিষা জাতীয় ফুলের পাপড়িগুলির ভিতর পুংকেশর বা পঁরাগ এবং তাহাদের মাঝখানে গর্ভকেশর থাকে। এই গর্ভকেশরের নীচের অংশটা বীজ-কোষ। ইহার ভিতর ছোট ছোট বীজাণু থাকে। বীজকোষটা বড় হইয়া শুঁটি হয় এবং বীজাণুগুলি সরিষা হয়। মটরের বীজ-কোষটা বড় হইলে শুঁটি হয় এবং বীজাণুগুলি মটর হয়। এই সকল ফুলের পরাগ-কেশরের মাথায় পরাগের খলি থাকে। এই খলিতে পরাগ বা রেণু হয়। এই পরাগ গর্ভ-কেশরের মাথায় না পড়িলে বীজাণু বাড়ে না এবং তাহা হইতে বীজ হয় না এবং বীজ না হইলে বীজ-কোষটাও বাড়ে না ও ফল হয় না। বীজ ও ফলের জন্ত গর্ভকেশরের ভিতরের বীজাণুর সহিত পরাগের মিলন আবশ্যিক এই মিলনের দ্বারাই গাছের বংশ-রক্ষা হয়।

মাধবী, চৈত্র ১৩৩৪

আমাদের শিক্ষা—আচার্য্য শ্রীপ্রফুল্লচন্দ্র রায়। জ্ঞান অর্জন করিবার জন্ত বিদেশে যাইবার এখন আর আবশ্য-কতা নাই। অধ্যবসায় থাকিলে দেশে থাকিয়াই সমস্ত শিক্ষা করা যায়। বিশ্ববিদ্যালয়ের ডিগ্রী, ডিগ্রীধারীর অজ্ঞানতা ঢাকিয়া রাখিবার আবরণ মাত্র। বিশ্ববিদ্যালয়ে এম-এ পরীক্ষায় যে প্রথম স্থান অধিকার করিয়াছে তাহাকে যদি জিজ্ঞাসা করি—ব’ল তো আমেরিকার স্বাধীনতা-যুদ্ধ কেন হয়েছিল, ও কে কে তাতে নেতৃত্ব করেছিলেন? এম-এ পাশ করা উত্তর দিবে—আজ্ঞে, ওটা তো আমি যে বছর পাশ করি সে বছর পাঠ্য ছিল না!

আমাদের দেশে বহু প্রতিভাশালী লোক ছিলেন ও আছেন, যাহাদের বিশ্ববিদ্যালয়ের ছাপ নাই। যেমন কেশবচন্দ্র সেন, প্রতাপচন্দ্র মজুমদার, রবীন্দ্রনাথ ঠাকুর, গিরীশচন্দ্র ঘোষ, শরৎচন্দ্র চট্টোপাধ্যায়।

তখনকার দিনে বিলাত হইতে ভারতবর্ষে আসিতে দীর্ঘ সময় লাগিত। এই সময়েই জাহাজে বসিয়া মেকলে সাহেব হাজার হাজার পুস্তক পড়িয়া ফেলিতেন। গিবন অক্সফোর্ড হইতে ফিরিয়া আসিয়া লাইব্রেরীতে বসিয়া জ্ঞান অর্জন করিয়াছিলেন।

জানী জনসনের বিশ্ববিদ্যালয়ে শিক্ষা লাভ করিবার সঙ্গতি ছিল না। মহাপণ্ডিত কালাইল লাইব্রেরীতে বসিয়া কয়েকটা ভাষায় অধিকার লাভ করিয়াছিলেন। আমাদের দেশের ব্রজেননাথ শীল, রমণ, হীরালাল হালদার, সুরেন্দ্রনাথ দাশ গুপ্ত, যদুনাথ সরকার, অক্ষয়কুমার মৈত্রেয়, রমেশচন্দ্র মজুমদার, সুরেন্দ্রনাথ সেন প্রভৃতি এই দেশে বাসিয়াই জানী হইয়াছেন। মেঘনাথ সাহা ও জ্ঞানচন্দ্র ঘোষ ইচ্ছা করিয়াই লণ্ডনের ডক্টরেট উপাধি লন নাই।

আমরা যে বিদেশী ডিক্রীর জন্ত ব্যস্ত হই, সেটাও আমাদের দাস-মনোভাবের ফল। তবে আমাদের শিক্ষা-লাভের একটা প্রধান বাধা এই যে, আমাদের আগে ইংরেজী ভাষা শিখিয়া পরে তাহার মারফত অন্য সব শিক্ষা করিতে হয়। ইহা পরিশ্রমের অপব্যয়। কোন ইংরেজকে যদি বলা যায়, “তোমাকে আগে জার্মান শিখে তার পর সেই ভাষার মারফত অপর যা কিছু শিখতে হবে,” তবে ঐ কথাতে সে পাগলের প্রলাপ ভাবিবে। অথচ এই বিষয় অস্বাভাবিক শিক্ষা-প্রণালী আমাদের দেশে প্রচলিত।

উপাসনা, বৈশাখ ১৩৩৭

কবির হাফেজ—কাজী নওয়াজ খোদা। কবির প্রকৃত নাম মোহাম্মদ। কিন্তু তিনি নিজেকে হাফেজ নামেই প্রচারিত করিয়াছেন। তাঁহার পূর্ব পুরুষগণ ঈরানের ‘সরকান’ নামক একটা ক্ষুদ্র পল্লীর অধিবাসী ছিলেন। এই বংশ শিক্ষা, সভ্যতা ও আভিজাত্য-মর্যাদায় সুপরিচিত ছিল। কবির পিতার নাম কামালুদ্দীন। তিনি বিখ্যাত পণ্ডিত ছিলেন। কবি ৭১৫ হিজরী সনে সিরাজ নগরে জন্মগ্রহণ করেন। শৈশবে তিনি সমগ্র কোরান শরীফ কণ্ঠস্থ করিয়া হাফেজ-কোরান নামে পরিচিত হন। কবিতার শেবে ‘হাফেজ’ নাম ব্যবহার করার ইহা

একটা কারণ হইতে পারে। তিনি বিখ্যাত পণ্ডিত মোলানা শমসুদ্দীন মোহাম্মদের প্রসিদ্ধ শিক্ষালয়ে শিক্ষালাভ আরম্ভ করেন। কবি সকল শাস্ত্রেই সুপণ্ডিত হইয়াছিলেন। জ্ঞানলাভের সঙ্গে সঙ্গে তিনি আধ্যাত্মিক তত্ত্বাধেবী হইয়া পড়েন। সাধকদের সাহচর্য্য করিতে ও তাঁহাদের উপদেশ লাভ করিতে কবি খুব ভালবাসিতেন। ৭৪৫ হিঃ সনে তিনি পারস্যরাজের প্রধান মন্ত্রী হাজী কেওয়া-মদীনের স্থাপিত জগদ্বিখ্যাত শিক্ষাগারে প্রধান শিক্ষকের পদে বহাল হইয়াছিলেন। এই সব বিষয় কৰ্ম্ম তাঁহার স্বাভাবিক কবিত্ব বিনষ্ট করিতে পারে নাই। ফারসী ভাষায় গজল গান রচনায় তিনি অদ্বিতীয়। তাঁহার গজলের বৈশিষ্ট্য এই যে, পণ্ডিত, ছাত্র, দৈবপ্রেমিক আবার পণ্ডিত, হেয় ব্যক্তিও তাহাতে সমান তৃপ্তিলাভ করিয়াছে। তাঁহার কবিতা মনোযোগ দিয়া পাঠ করিলে বুঝিতে পারা যায় যে, তিনি অতি ধার্মিক ব্যক্তি ছিলেন। হাফেজের জন্মের পূর্বেই মহাকবি সাদীর মৃত্যু ঘটে। সাদীর অসাধারণ সাহিত্যিক প্রভাবের মধ্যে হাফেজ যে তাঁহার বৈশিষ্ট্য পরিস্ফুট করিতে পারিয়াছিলেন, ইহা হাফেজের কৃতিত্বের পরিচায়ক। সাহিত্য-চর্চার পর কবি অধিকাংশ সময় সাধন-ভজনে নিরত থাকিতেন। রাজদরবার ও আমীর ওমারাদের মজলিসে তাঁহার যথেষ্ট সমাদর ছিল। তিনি অত্যাচারিত ও দরিদ্র ব্যক্তিগণের দুঃখ নিবারণে প্রাণপণ চেষ্টা করিতেন। সময় সময় বিপন্নের উদ্ধার চেষ্টায় তাঁহাকে সর্বস্বান্ত হইতে হইয়াছে। কবি সংসারী হইলেও সংসারে বীতম্পৃহ ছিলেন। তাঁহার কবিতায় এত গভীর তত্ত্ব বর্তমান যে, অনেকে তাঁহার কবিতা দৈববাণী-স্বরূপ মনে করে। সম্রাট হুমায়ূন ও জহাঙ্গীর দৌওয়ান-এ-হাফেজ হইতে কাল’ (শুভাশুভ নির্ধারণ) গ্রহণ না করিয়া কোন বিশেষ কাজে হাত দিতেন না। এইজন্য হাফেজের আর একটা নাম ‘লেসানুন গায়েব’ বা দৈব রসনা। দৌওয়ান-এ-হাফেজ ৩৯০০ গজলীয়াতে পূর্ণ। এই ‘গজলীয়াতে’র জন্মই ফারসী সাহিত্যে হাফেজ অমর হইয়া আছেন। দৌওয়ান-এ হাফেজ’ বলিতে এই গজলীয়াতই বুঝায়। ৭৯১ হিঃ সনে কবির মৃত্যু হয়।

প্রবাসী, জৈষ্ঠ্য ১৩৩৭

সেকালের কলিকাতায় লটারি খেলা—ক্রীড়ার

শেষে। কলিকাতার উন্নতির ইতিহাস আলোচনা করিতে হইলে সে কালে কলিকাতায় যে লটারি খেলা হইত তাহার উল্লেখ করা আবশ্যিক। তখনকার দিনে সমাজের সকল স্তরের লোক, এমন কি পাদ্রীরাও, এই খেলায় যোগ দিতেন। লটারির টাকা হইতে রাস্তাঘাট ও সাধারণের ব্যবহারের জন্ত বহু অট্টালিকা নির্মাণ হইত। কলিকাতার তখনকার ইংরেজ অধিবাসিগণ এই খেলার প্রবর্তক ছিলেন। কলিকাতায় সর্বপ্রথমে লটারি খেলা আরম্ভ হয় ১৭৮৪ খৃষ্টাব্দে। তখনও ইউরোপীয় মালপত্র বিক্রয়ের জন্ত কলিকাতায় দোকান বা আফিসের সৃষ্টি হয় নাই। ১৭৮৭ খৃঃ কাপ্তেন ডাম্প নামে এক ভদ্রলোক তাঁহার আমদানী মালপত্র বিক্রয়ের জন্ত যে লটারি করেন, তাহার প্রথম পুরস্কারের মূল্য ছিল ৩৫০০ টাকা। ১৭৮৯ খৃঃ এডওয়ার্ড টিরেটা নামে এক কলিকাতাবাসী ইতালীয় ভদ্রলোকের বাজার একটা লটারির প্রথম পুরস্কার ছিল। এই বাজারই টেরিটি বাজার নামে পরিচিত। ১৭৮৯ খৃঃ এক্সচেঞ্জ বাটী নির্মাণার্থ এক লটারি হয়। ১৮০৫ খৃঃ কলিকাতা টাউন হল নির্মাণের জন্ত যে প্রসিদ্ধ লটারি হয় তাহাতে ১৪০০ টিকিটের মধ্যে এক হাজার পুরস্কার ছিল। এই লটারি

টার বৎসর ধরিয়া চলে। ইহাতে মোট সাত লক্ষ পঞ্চাশ হাজার টাকা তোলা হইয়াছিল তাহার মধ্যে ৬,৬০,০০০ টাকা পুরস্কার দেওয়া হয় এবং অবশিষ্ট ৭৫,০০০ টাকা টাউন হল নির্মাণে ব্যয়িত হয়। ১৮০৩ খৃঃ লর্ড ওয়েলসলির শাসনকালে টাউন ইম্প্রুভমেন্ট কমিটি গঠিত হয়। এই কমিটি লটারির ব্যবস্থা করিতেন। কলিকাতার বিভিন্ন বিষয়ের উন্নতিকল্পে সরকারের অনুমোদনে ১৮০৯ খৃঃ যে লটারি হয় তাহার মোট পুরস্কার দেওয়া হইয়াছিল তিন লক্ষ টাকা এবং উক্ত অর্থে রাস্তা মেরামত, সাধারণ উদ্যান ও ভ্রমণের স্থানসমূহ, সাধারণ সৌধাবলী প্রভৃতি নির্মিত হয়। ইলিয়ট রোড, কলেজ স্ট্রীট, ওয়েলিংটন স্ট্রীট, আমহার্ট স্ট্রীট, মৃজাপুর স্ট্রীট, কলেজ স্কোয়ার, মৃজাপুর ট্যাক রোড প্রভৃতি নির্মাণ বধা উন্নতি এবং স্মৃতিবাগানের উন্নতি ও পুষ্করিণী-খনন-কার্য্যও লটারি তহবিল হইতে সাধিত হয়। এই সরকারী লটারি ব্যতীত তখনকার বহু বে-সরকারী লটারিরও সংবাদ পাওয়া যায়। বিখ্যাত দ্বারকানাথ ঠাকুর, প্রসন্ন কুমার ঠাকুর প্রভৃতি এই সব লটারির অনেক টিকিট কিনিতেন।

স্মৃতিরেখা

[স্মর শ্রীদেবপ্রসাদ সর্বাধিকারী এম-এ, ডি-লিট, কে-টি:]

এক

কয়েক মাস ধরিয়া পল্লী-ভবনের আনন্দ উপভোগ করিয়া রাসের পর, রাধানগর হইতে দশ ক্রোশ দূরে বেহারার কাঁধে মাঠ ভাঙ্গিয়া মাতুলালয় বামুনপাড়ায় গমন করি। এ সময় রাধানগরের উল্লেখযোগ্য কয়েকটা ঘটনা মনে পড়ে। উড়িষ্যায় তখন দারুণ দুর্ভিক্ষ। জগন্নাথ যাইবার পথ আমাদের পল্লীর অনতিদূরে। ঐ পথ মহকুমা আরামবাগের (পূর্বতন জাহানাবাদ) উপর দিয়া

গিয়াছে। প্রসিদ্ধি এই যে, মহারাজা মানসিংহ 'কতলুখা' প্রভৃতি পাঠান সর্দারদিগের বিরুদ্ধে অভিযানকালে এই পথে দুই বার গিয়াছিলেন ও এই দুই বারের একবার প্রচণ্ড বর্ষাগম দেখিয়া কিছুদিন এই জাহানাবাদের সন্নিকটে শিবির স্থাপন করিয়া বাধ্য হইয়া অবস্থিতি করিয়াছিলেন। 'কালাপাহাড়ের' উড়িষ্যা-অভিযানও এই পথেই বোধ হয় হইয়াছিল। রাধানগরের এক মাইল উত্তর-পশ্চিমে "বড়া খাল" পারে "কালাপাহাড় জাদাল"

ও তাহার 'ব্যাস-বাহন-বিচরণ' প্রবাদ এ-যুক্তির পোষক না হইলেও চিন্তার উদ্রেক করে। 'নাংড়ীক্ষেত্র পীরের' ঘোড়া ও 'কালাপাহাড়ের' বাঘে না কি এখনও গভীর রাত্রে সন্মিলন হয়। ইহা এই যুক্ত প্রাস্তরের কবেকার কোন্ ককিরের ধারণা কে জানে, আর সে ধারণার ধারা এতদিন বহিয়া আসিতেছে।

বঙ্কিমবাবুও জাহানাবাদে (বর্তমান আরামবাগ) মহকুমার অন্তর্গত গড় মান্দারণ সান্নিধ্যে মানসিংহ ও জগৎসিংহের তাঁবু ফেলাইয়াছিলেন।

শত শত দুর্ভিক্ষক্লিষ্ট নরনারী আশ্রয় ও সাহায্যের জন্য আমাদের বাটী আসিয়া পৌঁছিত। জ্যাঠামহাশয় ও বাবা পূর্ব হইতে সংবাদ জ্ঞাত হইয়াছিলেন বলিয়া তাহাদের সেবার অনুরূপ আয়োজন করিয়া রাখিতে পারিয়াছিলেন। বাটীর ছেলেমেয়েরা ভোর হইতে ছুপুর রাত্রি পর্যন্ত তাহাদের সেবার জন্য ব্যস্ত থাকিত; অনেক দিন তাহাদের নিজেদের আহার জুটিত না। এই অক্লান্ত আর্ন্তসেবার স্মৃতি জীবনে অনেক কাষের সাহায্য করিয়াছে। ১৮৭৭ সালে সুদূর মাদ্রাজে দারুণ দুর্ভিক্ষের সংবাদ পাইয়া এই স্মৃতি জাগিয়া উঠে। হেয়ার স্কুলের কয়েকজন সহৃদয় সমপাঠীর সাহায্যে ছাত্র-মহল হইতে মাদ্রাজ দুর্ভিক্ষ সম্বন্ধে সাহায্যের প্রথম চেষ্টা হই ও সে চেষ্টা ক্রমশঃ প্রসার লাভ করে। আমি ছিলাম সে সভার অকৃতী সম্পাদক আর সভাপতি ছিলাম—উত্তেজনা ও উৎসাহে পরিপূর্ণ শ্রীযুক্ত শিবনাথ শাস্ত্রী। মাদ্রাজবাসীদের সহিত আমার আত্মীয়তা ও সখ্যের এই প্রথম ভিত্তি। উত্তরকালে বঙ্কিম-চন্দ্রের "আনন্দমঠে" বর্ণিত দুর্ভিক্ষের যে মর্মস্পর্শী বিবরণ পড়িয়াছিলাম, তাহার সজীব পূর্বাভাষ এই সময়ে প্রকট হইয়াছিল।

বিপদ কখনও একা আসে না। এই সময় দারুণ আশ্বিনে ঝড় পল্লী-প্রদেশ বিধ্বস্ত করে। সে রাত্রির বিপদের কথা কখনও ভুলিব না। বাটীতে পাঁচ ছয়টি মহল ছিল। কতকগুলি একতল, কতকগুলি দ্বিতল, কতকগুলি ত্রিতল। ভিন্ন ভিন্ন মহল ও ঘরের সহিত পর-জীবনের সাহিত্যিক ধারণা, স্মৃতি ও সম্পর্ক জটিলভাবে আবদ্ধ—সে কথা পরে বলিব। আপাততঃ ঝড়ের রাত্রির কথাই বলি।

দ্বিতল ত্রিতল ও সকল মহল হইতে সকলকে একতলার ঘর ও দালানে একত্র করা হইল। মূলধারে বৃষ্টি সত্ত্বেও পাড়ারও অনেকে আসিয়া সেই স্থানে যোগ দান করিলেন। অতি সুন্দর ও নৈসর্গিক ভাবেই বিপদভঙ্গনের চরণে রূপা-ভিক্ষায় সমস্ত রজনী অতিবাহিত হইল। গৃহ-ভিত্তি-গাত্রে তদানীন্তন পটাদিষ্টেয় প্রথাক্সসারে অঙ্কিত শিবদুর্গার চিত্র ছিল। যুক্ত করে আর্ন্তগণ সেই চিত্র লক্ষ্য করিয়া রূপা-ভিক্ষায় নিযুক্ত। চিত্রমূর্তি যেন সজীব হইয়া অভয় বাণী ঘোষণায় আশ্বস্ত করিলেন। অরুণোদয়ের সহিত প্রকৃতি প্রকৃতিস্থ হইলেন। রজনীর তাণ্ডব নৃত্য অবসামে সর্কমঙ্গলার মঙ্গল মূর্তি প্রকটিত হইল। গ্রামের অধিকাংশ কাঁচা ঘরই ভূমিসাৎ হইয়াছে। আর্ন্তসেবায় বন্ধপরিবার পরিবারস্থ সকলেই বিগত রজনীর বিপদ-কাহিনী ভুলিয়া দারুণ কর্তব্যের আহ্বানে দুর্দিনের সহিত সংগ্রামে প্রবৃত্ত হইলেন। বহু বৎসর পরে পূর্ববঙ্গের ভীষণ জলস্রোত ও ঘূর্ণীবায়ুর (Tornado) প্রবল প্রকোপ স্বচক্ষে প্রত্যক্ষ করিয়াছি। যতদূর ব্যাপিয়া ঘূর্ণীবায়ু চলিয়াছিল সে স্থানের ঘরবাড়ী, গাছপালা সব যেন ঠিক একেবারে ঘুরে নিশ্চিন্ত করিয়া লইয়া গিয়াছে, দেখিয়াছি। তীব্র করকাধারা তীরের মত আসিয়া গায়ে লাগিয়াছে, অভিভূত করিয়াছে, তাহাও দেখিয়াছি। কিন্তু "রাধানগরের আশ্বিনে ঝড়ের" কাহিনীর সহিত পূর্ববঙ্গের কাহিনী তুলনীয় নহে।

এই সময়ই হাতে-খড়ি হইল। রাধাকান্তের মন্দিরের বাহিরের দালানের মন্ডন মেঝের উপর হাতে-খড়ি হইল। জ্যেষ্ঠাইমা হইলেন প্রথম শিক্ষয়িত্রী। বংশে বিদ্বম্বী মহিলার নিতান্ত অসম্ভাব ছিল না; শিক্ষয়িত্রীরও অভাব হইল না। ইহাদের মধ্যে কেহ কেহ উত্তরকালে স্থায়ী সাহিত্যেও স্থান পাইয়াছেন।

জ্যাঠাইমার "ভারা-চরিত", সেজ-কাকীমার "মনোরমা" ও "মাতার উপদেশ", ইন্দুদিদির "দুঃখমালা", প্রভৃতি রাধানগরের পাল্লী-বন প্রভাবেই এত পূর্বে রচিত হইয়াছিল। হাতে-খড়ির পর বিছা পাকা না হইলেও দ্রুত গতিতে অগ্রসর হইল। 'তাল পাত', 'কলা পাত' পর্যায় আপাততঃ উহা রহিল। শীঘ্রই কাগজে লেখার পালা পড়িল। দাদা-মহাশয়ের বহু যত্নে রক্ষিত

সাদা তুলট কাগজ তাঁহার দপ্তরে তাঁহারই হস্তে লিখিত থাকিত। যে তুলট কাগজে তাঁহার প্রসিদ্ধ 'তীর্থ ভ্রমণ' লিখিত হইয়াছিল, সে কাগজ তাহারই অবশিষ্টাংশের অংশ। তাহারই মধ্যে একখানি কাগজ নিজ হস্তে ভাঁজ করিয়া নিজ হাতে 'খাগড়া'র কলম কাটিয়া লিখিতে দিলেন। তাঁহার কহতমত মাতুলালয়ে মাতাঠাকুরানীকে পত্র লেখা হইল। "দেবাক্ষরের" এই প্রথম সৃষ্টি। বাহবা ও তারিফের অভাব হইল না। সেই অবধি কিন্তু লেখার ছাঁদটা এমনই হইয়া পড়িল যে, পায়ে ব্যথা হইলে আর লিখিবার 'জো' থাকিত না। অর্থাৎ স্বয়ং যাইয়া পড়িয়া না দিতে পারিলে পত্রের পাঠোদ্ধার পাঠকের পক্ষে দুর্লভ হইত ও এখনও হয়। ইহার কিছুদিন পরে জ্যাঠা মহাশয়ের জ্যেষ্ঠা কন্যা শ্রীমতী ইন্দুমতী—'ইন্দুদিদির' বিবাহ মহাসমারোহে সম্পন্ন হয়। দশঘরার বিশ্বাস বংশীয় শ্রীযুক্ত লালবিহারী "বর"। বিশ্বাস-বংশ ধনী ও দোদীপ্ত-প্রতাপ জমিদার। হাতী, ঘোড়া, উট, পাক্কী, তাজাম-চোপদার, লাঠিয়াল, বরকন্দাজ লইয়া নদীর পরপারে 'কৃষ্ণনগরের' বাসা হইতে 'বরের' শোভাযাত্রা এক অপূর্ণ ব্যাপার হইয়াছিল : নদীর ধার হইতে বাটী পর্যন্ত বাঁধা 'রোশনাই'— অর্থাৎ কলাগাছ ও বাঁশ পুঁতিয়া তাহাতে মশাল রং-মশাল, ও আঁধারে লণ্ঠন ঝোলাইয়া বাঁধিয়া ও গাঁথিয়া অপূর্ণ আলোকশ্রেণীর সৃষ্টি হইল। মাঝে মাঝে 'সরা আলো' অর্থাৎ বড় 'সরায়' সরিষার তেলের মধ্যে সরিষার পুঁটুলি বাঁধিয়া বাঁশের 'তেপতিঙ্গের' মাথায় রাখিয়া আলিয়া দেওয়া হইয়াছিল। এই সকল সচল ও অচল আলোকশ্রেণীর সহিত দেশের 'মালাকর'গণের খাস্ গেলাস' ও 'ফুল-ছড়ি'র কারিগরি শিল্পও প্রচুর ছিল। 'অ্যাসিট্যালিন্-গ্যাস' এখন সুদূর নিভৃত পল্লীতেও সে শিল্পের স্থান অধিকার করিয়াছে। মালাকরের সম্বল হইয়াছে 'চাঁদ-মালা'। উন্নতি যথেষ্ট নহে কি? সে দিনের রংমশালের ধোঁয়ার গন্ধ এখনও নাকে লাগিয়া আছে।

আমাদের স্মরণ্য পরিবারের মধ্যে একপট সৌহার্দ্য ও আন্তরিকতা ছিল সে দৃশ্য কখনও জীবনে ভুলিব না। মারামারি 'পিটাপিটি'ও যেমন চলিত, গলাগলি ভাবও সেইরূপ। নদীর তীরে হেলিয়া-পড়া খেজুর গাছ হইতে নদী-বক্ষে ঝাঁপ দেওয়া, 'একটে ও জোড়া' ডোকাই বাচ-

খেলা, স্কুলের ময়দানে 'কুস্তিকাঠ' অর্থাৎ আজকাল যাহাকে প্যারাল্যান্ড বার (Parallel Bar) বলে তাহার সাহায্যে ব্যায়াম শিক্ষা, উচ্চ আশ্রয় শাখা হইতে ঝোলান দড়ীর দোলায় দোল খাওয়া, এ সকল নিত্য কার্যের মধ্যে ছিল। 'ডাঙা গুলি' ও 'হাড়-ডুডু'ও বিশেষ অভ্যাস হইয়াছিল। উত্তরকালে 'প্রেসিডেন্সি কলেজ' (Presidency College) ক্রীড়া-ক্ষেত্রেও ক্রিকেটের যুগে এই খেলা প্রবর্তন করিবার সুযোগ পাইয়াছিলাম এবং আরও বহু পরে তাহা বিজ্ঞান-সম্মত সভ্য-ক্রীড়ার অন্তর্গত করিবার অবকাশ পাইয়াছিলাম। তাহার ফলে এখন 'হাড়-ডুডু' খেলার 'চ্যালেঞ্জ শিল্ড ও কাপ' (Challenge Shield & Cup) প্রবর্তিত হইয়াছে এবং তৎসংক্রান্ত বিজ্ঞানসম্মত পুস্তকও প্রকাশ হইয়াছে। ওজস্বী ভাষায় সে পুস্তকের ভূমিকা লিখিবার সুযোগ ও সম্মান পাইয়া প্রাচীন বয়সে ধন্য হইয়াছি। ছেলেদের সভাসমিতিতে যেখানে পারি তাহার মাহাত্ম্য গান করি, কিন্তু আধুনিক যুগের 'টেনিস' (Tennis), 'ফুটবল' (Football) ও 'হকী'র (Hockey) ছড়াছড়িতে সে খেলা কেমন খাপ খাইতেছে না। এখনও অল্প-স্বল্প কর্ম-শক্তি যাহা ভগবান রাখিয়াছেন, তাহা পল্লী-ক্রীড়া-ক্ষেত্রে এই সব 'ডান্‌পিটেমীর' গুণে।

সকাল সন্ধ্যায় সময়-ক্ষেপের নানা উপায় ছিল। তাহার মধ্যে 'চাটুঘ্যে মহাশয়ের' সহিত শিকারে যাওয়া অন্যতম। ইহাকে শিকার না বলিয়া শিকারের অভিনয় বলাই অধিক সঙ্গত। কারণ 'ধরে-বাহিরের' ফলকর বাগানে বানরের বিষম উৎপাত, আর সেই উৎপাত নিবারণ উদ্দেশ্যেই বানর তাড়াইবার মূল সঙ্কল্পে এই শিকার-যাত্রা। ইনি শ্রীযুক্ত যদুনাথ চট্টোপাধ্যায়, (চাটুঘ্যে মহাশয়), পিতা ও পিতৃব্যগণের আজীবন অকৃত্রিম সুহৃদ— আমাদের পরিবারবর্গের ঐকান্তিক মঙ্গলাকাজী। ইনি ও কলিকাতা ছোট আদালতের জজ ৬কিশোরী-মোহন চট্টোপাধ্যায়, রাধানগর মুখোপাধ্যায়-বংশের দুই কন্যাকে বিবাহ করেন। তদুপলক্ষে তাঁহাদের রাধানগরে বাস। তিনি শিকারে সিদ্ধহস্ত। এই শিকার-যাত্রা প্রসঙ্গে দেশের লোক মুক্তকণ্ঠে বলিত যে, "চাটুঘ্যে মহাশয়ের দোনালা বন্দুক রাধানগর কৃষ্ণনগর বানরশূন্য করিয়াছে"। কথাটা ঠিক হইতেছে না। লোকে বলিত

“চাটুর্ঘ্যে মহাশয়ের বন্দুক” ও “প্রসন্ন বাবুর” স্কুল রাধানগর কৃষ্ণনগরকে বানরশূণ্ড করিয়াছিল। একবার একটা কোড়ুকজনক অথচ বিপজ্জনক ঘটনা ঘটিয়াছিল। চাটুর্ঘ্যে মহাশয়ের হাতে বন্দুক নাই, এমন সময় একদল বানর যোগ বুঝিয়া তাঁহাকে ধেরাও করে; “কৈলাস হাড়ি”-কাকার লাঠির সাহায্যে তিনি সেবার পরিত্রাণ পান। কৈলাস কাকা (হাড়ি) ছিল বাড়ীর পাইক। “বন্ধিম-বাবুর” “রামচরণ” বোধ হয় লাঠিতে কৈলাসকাকার মস্ত-শিথ্য। কৈলাসকাকা লাঠি চালাইতে আরম্ভ করিলে তেল-মাখান ছোট ছোট টিল ছুঁড়িয়াও তাহার গায়ে তেলের দাগ লাগাইতে পারা যাইত না। কৈলাসকাকা বলিতেন, ইচ্ছা করিলে লাঠির সাহায্যে তিনি ছাতার কাজ করিতে পারেন অর্থাৎ লাঠি চালাইলে বড় বড় ফোঁটা বৃষ্টি গায়ে পড়িতে পারে না। তাঁহার এ কীর্তি কিন্তু কখনও দেখি নাই। কৈলাসকাকার ছায় অসংখ্য লাঠিয়াল তখন দেশে ছিল। ‘পোল’, ‘চক্রপুর’ প্রভৃতি নিকটস্থ পল্লীতে ‘পাঠান’, ‘রাজপুত’, ‘হাড়ী’, ‘ডোম’, ‘বাগ্দি’ ‘হুলে’ কত সিদ্ধ-হস্ত লাঠিয়ালই যে ছিল তাহা বলা যায় না। তাহা ‘বর্কমেনে’ জ্বর (Burdwan fever) ও ম্যালেরিয়া (Malaria) জ্বরের বহু পূর্বে এবং ‘ঠাগি’ কমিশনার (Thagi Commissioner) ‘ওয়াকোফ’ (Wakof) সাহেবের প্রবল প্রতাপ তখনও দেশে পৌঁছায় নাই। কথিত আছে যে, ‘ওয়াকোফ’ সাহেবের অনুচরবর্গ লম্বা চুল ও লম্বা লাঠি দেখিলেই তাহা দ্বিধা করিয়া দিত। কয়েক বৎসর পূর্বে ‘রাধানগর সাহিত্য-সম্মিলন’ উপলক্ষে অভ্যর্থনা সভায় সভাপতিরূপে আগন্তুকগণকে দেশের লাঠি খেলা দেখাইব মনে করিয়া লাঠিয়ালের মত লাঠিয়াল অতি অল্পই পাইয়াছিলাম।

পল্লী-ক্রীড়ার বিস্তৃত আলোচনায়, বর্তমান বক্তব্য প্রসঙ্গ হইতে বহুদূরে আসিয়া পড়িতেছি।

প্রসন্নবাবু অর্থাৎ জ্যাঠামহাশয়ের স্কুলের কথা পূর্বে বলিয়াছি। স্কুলটির নাম ছিল—“ধানাকুল কৃষ্ণনগর একলো সংস্কৃত স্কুল”। ‘দারকেশ্বর’ ওরফে ‘কানা’-নদীর ধারে স্কুলের অতি সুন্দর বাটী ছিল। হাল ফ্যানানের হল, কামরা; বারান্দা, শার্শি ও খড়খড়ি প্রভৃতি ছিল। স্কুল ও লাইব্রেরীর আসবাব অতি পরিপাটি ছিল। সে

প্রদেশে তেমন সুন্দর বাটী ও আসবাব তখনও ছিল না এখনও নাই। জিমুনাশিম (Gymnasium) ছিল, আখড়া ছিল, পরিপাটি বাগান ছিল—নদীর ধারে হইলেও ছেলেদের স্নানের ও সঁতার দিবার স্বতন্ত্র পুকুরিণী ছিল, হেড-মাষ্টার ও অন্যান্য বিদেশী শিক্ষকগণের জন্ত পৃথক পাকা বাসা বাটী ছিল। জ্যাঠামহাশয়ের আয়ের চারি ভাগের তিন ভাগ এই স্কুলে ব্যয় হইত। গরীব ছেলেরা মাহিনা দিত না—বই কাপড় জল খাবার পাইত। তদানীন্তন ইন্স্পেক্টার উড্ডো সাহেব প্রভৃতি শতমুখে স্কুলের সুখ্যাতি করিতেন। উড্ডো সাহেবকে আমি দেখিয়াছিলাম, চেয়ারকেদারায় বসিয়া তাঁহার তেমন আরাম হইত না। টেবিলের কোণের উপর ছুঁদিকে পা’বুলাইয়া, পা ছুলাইতে ছুলাইতে তিনি কাজ করিতে ও কথা কহিতে ভালবাসিতেন।

তাঁহার সম্বন্ধে একটা জনশ্রুতি শুনিয়াছিলাম, তাহার সত্যতা বিষয়ে সাক্ষ্য দিতে কিন্তু প্রস্তুত নহি। ডাবের প্রশংসা শুনিয়া তিনি নাকি ডাব খাইতে চাহিয়াছিলেন এবং ডাব কাটিয়া আনিয়া দিলে ‘ছোবড়া’য় কামড় দিয়া বলিয়াছিলেন, “এ ফলের এত প্রশংসা কিসের?” স্কুলে পাস হইয়া ছেলেরা জ্যাঠামহাশয়ের তত্ত্বাবধানে, অনেক সময় তাঁহার খরচে কলিকাতায় আসিয়া কলেজের পড়াশুনা করিতেন। স্কুলের কৃতী ছাত্রেরা জ্যাঠামহাশয়ের চেষ্টায় ও সাহায্যে সংস্কৃত কলেজের পড়া শেষ করিয়া বড় বড় চাকরি পাইতেন। বাঙ্গলা, বেহার, নাগপুর, জঙ্গলপুর, বর্ধা ও উত্তর পশ্চিমাঞ্চলের অনেক এরূপ লোকের সহিত উত্তর-কালে আমার সাক্ষাৎ হইয়াছে। বাছাই বাছাই হেড-মাষ্টাররা স্কুলের কাজ করিতেন। কবি হেমচন্দ্র বন্দ্যোপাধ্যায়, কৃষ্ণকমল ভট্টাচার্য্য, প্রথম বাঙ্গালা ভূগোল-লেখক তারিণী-চরণ চট্টোপাধ্যায় (পরে সংস্কৃত কলেজ-স্কুলের হেড-মাষ্টার হন), নীলাধর মুখোপাধ্যায়, শিবচন্দ্র গুঁই (পরে সংস্কৃত কলেজের অধ্যক্ষ), শ্রীমাচরণ গাঙ্গুলী (পরে সংস্কৃত কলেজের অধ্যাপক), দীননাথ মুখোপাধ্যায় (পরে জয়পুর কলেজের অধ্যক্ষ) একলো ইণ্ডিয়ান কবি ঠার জন্ম সাহেব প্রভৃতি শিক্ষা বিভাগের প্রধান পুরুষগণ স্কুলের হেড-মাষ্টার ছিলেন। তখন রাধানগরের প্রাকৃতিক দৃশ্য ও স্বাস্থ্য অতি উত্তম ছিল। পিতা ও পিতৃব্যগণের আত্মীয় বন্ধুগণ সর্বদা বায়ু-পরিবর্তন জন্ত রাধানগরে যাইতেন এবং

বিদ্যালয়ের অধ্যাপনা কার্যের সহায়তা করিতেন। এই আবহাওয়ার মধ্যে রাধানগর প্রদেশের শিক্ষার্থীগণ মানুষ হইবার অবকাশ পাইয়াছিলেন। তাই লোকে বলিত যে যদুনাথ চট্টোপাধ্যায়ের বন্ধু ও প্রসন্নবাবুর স্কুল দেশটাকে বানরশূণ্য করিয়াছিল।

যখন আমার প্রথম জ্যাঠাইমার কাল হয় এবং দারাস্তর গ্রহণের জন্ত সকলে জ্যাঠামহাশয়কে অনুরোধ করেন, তিনি স্কুল-বাড়ী দেখাইয়া বলিয়াছিলেন ঐ আমার সর্বস্ব এবং ঐ খানেই আমার সব সম্মান-সমৃতি। কাল-শ্রোতে স্কুল বাড়ী 'দ্বারকেশের' প্রবল বণ্ডায় নদীগত হয়, এখন চিহ্নমাত্রও নাই, আর বহুঘণ্টা সংগৃহীত লাইব্রেরীর পুস্তক 'অবলাস্তে চেয়ে নেওয়া' পাঠকগণের অনুগ্রহে কৃষ্ণ-নগর বাজারে মুদীর দোকানে ঠোঙ্গার কার্য করিয়াছে। রাধানগর পল্লী-সমিতির চেষ্টায় "প্রসন্নকুমার লাইব্রেরী" নামে এক লাইব্রেরী সম্প্রতি স্থাপিত হইয়াছে। সেখানে স্কুল লাইব্রেরী পুস্তকের অবশিষ্ট ভগ্নাংশ সংগৃহীত ও সংরক্ষিত হইয়াছে।

লাইব্রেরীতে তখনকার সচরাচর প্রয়োজনীয় সকল পুস্তকই ছিল—এনসাইক্লোপেডিয়া ব্রিটেনিকা (Encyclopaedia Britannica) হইতে স্কুল-পাঠ্য গ্রন্থ পর্যন্ত কিছুই অসম্ভাব ছিল না। পণ্ডিত-প্রধান স্থানের প্রয়োজনীয় সংস্কৃত ছাপা পুস্তক ও পুঁথিও সংগৃহীত হইয়াছিল। স্কুলটি সংস্কৃত কলেজ-স্কুলের আদর্শে পরিচালিত হইত। নিম্ন শ্রেণী হইতে দ্বিতীয় শ্রেণী পর্যন্ত ব্যাকরণ, সাহিত্য, অলঙ্কার প্রভৃতি অধ্যাপনা হইত। সঙ্গে সঙ্গে এন্ট্রান্স (Entrance) পরীক্ষার জন্ত প্রয়োজনীয় সকল পুস্তকই অধ্যয়ন করান হইত। সংস্কৃত কলেজ-স্কুলের ক্লাশ পরীক্ষার প্রশ্ন-পত্র 'রাধানগর স্কুলে' ব্যবহার হইত। ফলে রাধানগর হইতে যাহারা পাশ করিত তাহারা একেবারে সংস্কৃত কলেজের 'ফার্স্ট-ইয়ার' (First year) 'স্মৃতি, শ্রায় ও অলঙ্কারের ঘরে' প্রবেশ করিতে পারিত। সংস্কৃত কলেজের তিন তিন শ্রেণীকে ক্লাশ বলা হইত, নীচের বলা হইত। শ্রীযুক্ত উমেশচন্দ্র বটব্যালের মত প্রতিভাশালী ছাত্র সংস্কৃত কলেজের সকল ছাত্রকেই পরাস্ত করিতে পারিত। জ্যাঠামহাশয়ের স্কুলের অনতিদূরে নদীর ধারে আর একটি সাধারণ হিতকর প্রতিষ্ঠান স্থাপিত

ছিল। ছোট ঠাকুর-দা কেদার বাবু, ডিম্পেন্সারি করিয়া নিজে ডাক্তারি ব্যবসা করিতেন ও পিতৃদেবের নির্দেশমত তাহার বায়ে আর্ন্ত-সেবা করিতেন। ছোট ঠাকুর-দা, পিতৃদেব, সুরেশপ্রসাদ ও নিপিলচন্দ্রকে লইয়া বংশে চারি পর্যায় ডাক্তার হইয়াছে। কেদারবাবুর ডিম্পেন্সারি ঘাইবার পথে নদীর পাড় বড় উচ্চ ছিল। প্রশস্ত ঢালু রাস্তা পাড়ের মাঝপান দিয়া নদীর জলে পৌঁছাইত, তাহাতে সাধারণের স্নান-পানের সুবিধা হইত। "জড় ভরত" উপাখ্যানের হরিণী উচ্চ নদী-পাড় উল্লঙ্ঘনের চেষ্টায় যেখানে "পপাত চ মমার চ", আমার কল্পনা সেই ঘটনার সহিত এই স্থানের নির্দেশ করিত, এখনও করে। আর এই পাড়ের অপর কোন এক অংশ হইতে 'কপালকুণ্ডলা' ও 'নবকুমার' নদী-গর্ভ-গত হন, কল্পনা এই বিষয়ে অকাট্য প্রমাণ দেয়।

অপরের কি হয় জানি না; বাল্য-পরিচিত বহু স্থানের সহিত আমার সাহিত্যিক স্মৃতি এইরূপ নিবিড় ভাবে জড়িত! এখানের বাটীর পশ্চাতের একতলার ছাদের আলিসার ধারে 'ওসমান' 'বিমলার' উজ্জীর্ণমান ওড়না ধরিয়া-ফেলিয়া কৌশলে বীরেন্দ্রসিংহের দুর্গের চাবি আদায় করেন। ঠিক তাহারই নীচে দরজা আকারের একটি জানালা ছিল। সেই পথে 'বিমলা' 'জগৎসিংহকে' লইয়া দুর্গে প্রবেশ করেন—পশ্চাৎ পশ্চাৎ 'ওসমান'ও অনুসরণ করেন।

অনতিদূরে 'হিংচাগেড়ে' পুষ্করিণীর পাড়ে চন্দ্রমোহন ঘোষ প্রভৃতির বাটীর নিকট প্রকাণ্ড দেবদারু গাছ ছিল। তাহারই উপর হইতে 'জগৎসিংহ' 'বিমলার' আনীত বীরীষ্টমীর শাণিত বর্ষা নিক্ষেপ করিয়া পাঠানের উষ্ণ ও মস্তিষ্ক বিদ্ধ করেন। বাটীর যে সকল প্রকোষ্ঠে 'খড়গ খড়গ'র ব্যাপার চলিয়াছিল তাহা একটি একটি করিয়া সমস্ত সনাক্ত করিতে পারি, কেবল পারি না কোন্ কক্ষে বসিয়া 'তিলোত্তমা' হিজিবিজি লিখিতে লিখিতে 'কুমার জগৎসিংহ' লিখিয়া ফেলিয়াছিল। যে উঠান বীরেন্দ্রসিংহের বধ্যভূমিতে পরিণত হইয়াছিল, সেই উঠানেই চন্দ্রশেখর তাহার অমূল্য পুঁথি-রাশি পোড়াইয়া পরিব্রজ্যা গ্রহণ করেন—সুন্দরীকে আমি খিড়কী দিয়া ঢুকিতে দেখিয়াছি। বাড়ীর পিছনে আর এক

পুকুর ছিল, এখন নিতান্ত পুরাতন হইলেও তাহা চিরকাল “নূতন পুকুর” নামে খ্যাত। সে দিককার একটা ঘরের জানালার গরাদেতে, লতাবন্ধনে ‘অহং ব্রাহ্মণ-বেশী’ “কপালকুণ্ডলার” জন্ম পত্র বাঁধিয়া রাখিয়া যাত্র—পুকুর-পাড়ের নিবিড় আশ্রবনের মাঝে ‘লরেন্স ফস্টার’কে (Lawrence Foster) লুকাইয়া আসিতে দেখিয়াছি, আর ধীর পাদবিক্ষেপে নামিতেছে “শৈবলিনী”। আবার সেই ঘাটের উপরই বসিয়া দেখিয়াছি সগুস্মতা, মুক্তকেশী ‘মনোরমা’, পশ্চাতে ‘হেমচন্দ্র’। কিন্তু এ ‘বাণীতটে’ দেখি নাই ‘কুন্দনন্দিনী’। ‘বিষয়ক্ষেত্র’ পালাটা স্থানান্তরে—মাতুলালয়ে। মাতুলালয় যাইতে বিলম্ব আছে, তথাপি কথাটা এখানে সারিয়া রাখি। সেখানেও ‘চার পাঁচ মহল জোড়া বিস্তীর্ণ গৃহ—‘নগেন্দ্রনাথ দত্ত’ বাটীর ‘বঙ্গলিস নকল’। ঘরে ঘরে যেখানে যাহাকে রাখিতে হয় রাখিয়াছি। এত ঘর ঘর ছিল যে কোনও ভুল-চূকের সম্ভাবনা নাই। কিন্তু ‘দেবেন্দ্র দত্ত’ বাগানবাটীটা বায়ুনপাড়া হইতে অনেক দূরে পড়ে। দেবীপুর গ্রামে এক অতি উচ্চ অল-চরিত্র মাতুলগণের আশ্রয় বাস করিতেন। সেইখানেই ‘দেবেন্দ্রকে’ বসাইয়াছি আর ‘হীরার’ ঘরটাও ঠিক করিয়া লইয়াছি। ‘গোবিন্দলাল’ উড়ে মালির সাহায্যে ‘রোহিণীর’ জলমগ্ন হইবার পর যে বাগানে তাহার চৈতন্য সাধন করিবার চেষ্টা করিতেছেন তাহা এখনও চক্ষুর উপর ভাসিতেছে। আর সীতারামের “চিন্তা বিশ্রাম” গ্রামের অপর প্রান্তে ছিল।

এরূপ কত কথা বলিয়া পুঁথির কলেবর বৃদ্ধি করিব ?

বায়ুনপাড়া হইতে ক্রোশাধিক দূরে রামেশ্বরপুরে এক মাইনের স্কুল ছিল। সেইখানেই আমার স্কুল-জীবন আরম্ভ। কারণ, রাধানগরের স্কুলে বয়সের অল্পতার জন্ম পড়িবার অনুমতি পাই নাই। স্কুলের পিছনে একটা প্রকাণ্ড ‘মজা’ দীঘি। সেই দীঘির পাঁক ভাঙ্গিয়া প্রথর মধ্যাহ্নে ঝাঁচলা ঝাঁচলা করিয়া স্কুলের ছাত্রগণকে জল খাইতে হইত। সহৃদয় স্নেহশীল মাতামহকে বলিয়া কলসী করিয়া পানীয় জলের ব্যবস্থা নীচ হইল, তাই দীঘি ও স্কুলের কথাটা বিশেষভাবে মনে আছে। যদিও দশক্রোশের অধিক দূরে রাধানগর পল্লীভবনে ‘বীরেন্দ্রসিংহের ছুর্গ’ স্থাপিত

হইয়াছিল ; কিন্তু বায়ুনপাড়া হইতে রামেশ্বরপুর আসিবার পথে মাঠের মাঝেই, ‘শৈবলিনীর মন্দির’।

দীঘির স্কুলের পূর্বদিকে ছিল প্রকাণ্ড তপোবন,—বটগাছের বুরি, অশ্বখ গাছের ডাল ও তপোবনের অগ্ন্যাণ্ড অনেক সরঞ্জাম। তাহারই একটা গাছের পিছনে উঁকি মারিতেছেন—‘মহারাজ দুয়ন্ত’, অনতিদূরে শুনিতেছি “ইদো, ইদো পিয় সহিও”, ‘সেই মজাদীঘির পাড়ে আবার দেখিতে পাই ‘মহাশেতা’ ; দীঘি তখন হইয়াছে ‘অচ্ছোদ সরোবর’! মাতুলালয়ের একটা উঁচু তেতলার ‘চিলের ছাতের’ ঘরে ‘আইভ্যান হো’র (Ivanhoe) বন্দিহের সাহচর্য্য করিয়াছি ও জানালার নীচে ছুর্গপ্রাকারের পারে যে দারুণ যুদ্ধ চলিতেছিল তাহার স্মৃতিপুণ বর্ণনা করিয়াছি। এ সকল পড়িয়া লোকের সহসা মনে হইতে পারে “অপূর্ব মদের লীলা, কত উঠে মনে, আকাশেতে কাদা ওড়ে, ঘর পোড়ে বানে”। সংক্ষেপে এই বিকৃত-মস্তিষ্কের পরিচয় দিয়া জিজ্ঞাসা করিতে চাই যে, উত্তরকালে পূর্ব-লিখিত গ্রন্থ বা সেইরূপ অপর গ্রন্থ পড়িয়া কাহারও বাল্য-স্মৃতির পরিচিত স্থানের সহিত এইরূপ ‘জগা-খিচুড়ির’ মিশ্রণ আর কখনও হইয়াছে কি না ?

এখন একবার রাধানগরে ফেরা থাক। সদর দেউড়ীর দুই পাশে মণ্ডপে সকাল, সন্ধ্যা কৃষ্ণনগরের ব্রাহ্মণ পাণ্ডিতগণ ও পল্লীবাসী অগ্ন্যাণ্ড ভদ্রলোকে মণ্ডপ পরিপূর্ণ থাকিত। শাস্ত্রীয় বিচার, গৃহস্থালীর সুখ-দুঃখের আলোচনা এবং অগ্ন্যাণ্ড অনেক বিচার সে মণ্ডপে পিতামহের সম্মুখে হইত।

সমস্ত দিন ও প্রায় অর্ধেক রাত্রি, রাধাকান্তের মন্দির ও এই মণ্ডপ লোকে লোকারণ্য থাকিত। উঠানের কোণে ছিল বেলতলার ঘর, তাহার পাশে অগ্ন্যাণ্ড ঘর। বেলতলার ঘরের খোলা ছাদ। প্রকাণ্ড বেলগাছ সে ঘর থেকে উঠিয়া গৃহের সে অংশকে ছায়া দান করিত। তেমন বেল এ প্রদেশে কখনও ছিল না, এখনও নাই। ছেলেদের জমায়েৎ সেই ঘরের আশে-পাশে, বারান্দায়, দালানে হইত। লেখাপড়া সেইখানে হইত। সে বেলগাছ আশ্রয় করিয়া পল্লী-চৌর সময়ে সময়ে বাড়ীর ভিতরের ছাদের উপর দিয়া ঘটা, বাটা চুরি করিত। তথাপি বেলডালে হাত দিবার কাহারও অধিকার ছিল না।

এই সকল চর্চা হইতে হইতে অপূর্ব শরৎকাল

উপস্থিত। বানের জল, মাঠের জল সরিয়া গেল। শরৎ-শোভার সমৃদ্ধির মধ্যে সর্বাধিকারীদের বাড়ীর রাস, সকল পর্ক গৃহস্থ জনোচিত সমারোহের সহিত সম্পন্ন হইত। কিন্তু এই 'শরৎ রাস' উপলক্ষে বিশিষ্টতর সমারোহ হইত, কারণ তাহা যত্নাথের নিজস্ব উৎসব। আমাদের দেশের সাধারণ রাস অগ্রহায়ণ মাসেই হয়, শ্রীবন্দাবনের রাস হয় শরৎ কালে। সেখান হইতে দেখিয়া ও শিখিয়া আসিয়া পিতামহ রাধানগরে রাধাকান্তেরও শরৎ রাস আরম্ভ করেন।

বাটীতে 'শরৎ-রাস' হয় তো হয়, এই জানি। কোথা হইতে কিরূপে আসিল জানিতাম না। গত বৎসর 'শারদীয়' পূজার পর 'কোজাগরী পূর্ণিমায়' শ্রীবন্দাবনে 'শরৎ-রাসের' মহা আয়োজন দেখিয়া আনন্দে পুলকিত হইয়াছিলাম। শুভ্র-জ্যোৎস্না-স্নাত বন্দাবনের রজে শুভ্র বসন পরিহিত সহস্র নরনারী আনন্দের রোল তুলেন। ঘরে ঘরে মন্দিরে মন্দিরে শরৎ রাসের আয়োজন। ঠাকুর তখন "চন্দ্রিকা-ধোত রম্য" মন্দিরের ভিতরেও তিষ্ঠিতে পারেন না। স্বভাবের শোভা দেখিবার ও বাড়াইবার জ্ঞে যেন মন্দিরের বাহিরে 'বার' দিয়া বসেন। যাহাদের প্রাঙ্গণে স্থান নাই, তাহাদের ছাদে আয়োজন হয়। বন্দাবনের কোজাগরী পূর্ণিমা রাত্রে সে অপূর্ব শোভা কখনও ভুলিব না। সঙ্গে ছিলেন 'সর্বতীর্থ-সহচরী' সহধর্মিণী। পুরোহিত-মুখে রাধানগরের বাটীর শরৎ রাসের কথা তিনি শুনিয়াছিলেন, চক্ষে দেখার মৌত্যাগ্য না ঘটিলেও সে রাসহ্যতি তাহার হৃদয়-পটে অঙ্কিত ছিল। তিনি আমায় স্মরণ করাইয়া দিলেন—বাল্যের কথা মনে পড়িল। যত্নাথের মণ্ডপের সম্মুখে 'বুমকোলতা' ঘেরা এক সুন্দর বাঁথারির তোরণ ছিল। তাহারই তলের সিঁড়ি দিয়া রাধাকান্তের মন্দিরে উঠিতে হয়। মন্দিরের বাহিরের রোয়াকের উপর 'রাধাকান্ত' ও শীতলানন্দ আসিয়া বার দিয়া বসিতেন—পরিবার ও পত্নী আনন্দে বিভোর হইত। 'কৃষ্ণসখীর' যে শোভা তখন দেখিয়াছিলাম, সে শোভা স্মরণ করিয়া কৃষ্ণনগর ঘূর্ণীর প্রসিদ্ধ কারিগর বক্রেশ্বরের হাতের ক্ষুদ্র কৃষ্ণসখী মূর্তি সংগ্রহ করিয়াছি। স্মরী লেন, প্রসাদপুরে গোবিন্দজীর ক্ষুদ্র মন্দির সে সখির শোভায় আলোকিত; কলাবিৎ ও ভক্ত উভয়েই সে

শোভায় মুগ্ধ হইয়া আমায় ধন্ত করেন।

রাধানগরে ব্রাহ্মণ-ভোজনের ব্যবস্থা তখন ছিল। লুচি চিনি ও রসকরা সন্দেশ। ডাল, তরকারি, ভাজা, চাটনি তখন ব্রাহ্মণ ভোজনের অঙ্গ ছিল না। তারপর ক্রমে আলুনা তরকারির আবির্ভাব, এখন তাহাও অন্তর্ভুক্ত হইয়াছে। রাস-মন্দিরে, দালানে, মণ্ডপে, আশে-পাশে কত রকমের ফুল, ফল, বানর, কুমীর, হাজর বুলিয়া কত আনন্দ ও ভীতি উৎপাদন করিত তাহার ইয়ত্তা ছিল না। উৎসবান্তে তাহা সংগ্রহ করিবার চেষ্টারও ক্রটি ছিল না। রং-বেরংএর কত ঝাড়, কত গোল লঠন, কত বেল লঠন, দেওয়ালগিরি, কত দেওয়াল চাপা 'আঁধারে' ও 'আইল বরণ, চারিদিকে বুলিত, তাহার সংখ্যা কে ইয়ত্তা করিবে? এইরূপ সমারোহ হইত সরস্বতী পূজার সময়। পূজা হইত বেলতলার ঘরের পাশে। প্রচলিত পারিবারিক প্রসিদ্ধি অনুসারে সর্বাধিকারীদের বাটী একা সরস্বতীর পূজা হইত না। বিবাদ-ভঞ্জন চেষ্টায় লক্ষী-স্বরস্বতী একাঙ্গনে অধিষ্ঠিত হইতেন, স্বভাব দোষেই হউক কি কারিকরের দুষ্টামিতেই হউক দুই ঠাকুর দুই দিকে মুখ ফিরাইয়া থাকিতেন, এটা কখনও সংশোধন হয় নাই।

সে মণ্ডপে সর্বদা আসিতেন—বিশেষতঃ সন্ধ্যাকালে, সঙ্গীতজ্ঞ শ্রীযুক্ত রামচন্দ্র গোস্বামী, হুসধর চোঙদার এবং শ্রীরাম শ্রোত্রশতকম-প্রণেতা পরম পণ্ডিত কালিদাস তর্ক-সিদ্ধান্ত, কেনারাম বিজ্ঞাবাগীশ, পাঠকও কথক গোপাল চূড়ামণি এবং অন্যান্য পণ্ডিতগণ। সর্বদা শাস্ত্র-চর্চা, ধর্ম-চর্চা, ও সামাজিক চর্চা হইত। ঠাকুরের ভোগ, কুটুম্ব-বাড়ীর তরু ও কৃষ্ণনগর বাজারের 'মোঙা' ও 'কারকাঙা' এই সকল ব্রাহ্মণসজ্জন-সেবায় লাগিত। আমরাও সেইখানেই প্রসাদ পাইতাম। এই সকল সস্তার বাড়ীর ভিতর পৌছিবার বড় অবকাশ পাইত না।

পিতামহ যেমন প্রিয়দর্শন তেমনই রাসভারী লোক ছিলেন। বহু পরে 'রঘুবংশ' পড়িবার সময়—অধ্বন্যশা-ভিগম্যশ্চ, যাদোরত্নৈরিবার্ণকঃ—এ কথার জীবন্ত আদর্শ বলিয়া পিতামহকে মনে পড়িত। তাম্বুল ও তামাকু তাহার বিশেষ প্রিয় পদার্থ ছিল। প্রকাণ্ড 'বাটার' সাজা পান তাহার সেবার্থ মণ্ডপে সঞ্চিত থাকিত। তিনি প্রাতে ও মধ্যাহ্ন আহারের পর দুইবার নদীতে স্নান করিতেন—

নিজের হাতে নদী হইতে কাপড় কাচিয়া আনিতেন, বলাসের লেশমাত্র তাঁহাকে স্পর্শ করিতে পারিত না। 'বিদ্যাসাগরী চাদর' তাঁহার পরিধান ছিল। তালতলার চটী ও 'কটকী চটী' পায়ে দিতেন। গলায় তুলসীর মালা, নাকে তিলক। পিতামহের চাদরের অনুকরণে 'বিদ্যাসাগরী চাদর' সৃষ্টি হইয়াছিল। গ্রামের অনতিদূরে 'বীরসিদ্ধা' গ্রামে 'বিদ্যাসাগর' মহাশয়ের জন্ম হয়। জ্যাঠা-মহাশয়ের সহিত তাঁহার আশৈশব সৌহার্দ্য। গ্রামের পাশেই 'বড়া' পারে তাঁহার মাতুলালয় 'পাতুল'—মাতামহ শ্রীযুক্ত মধুসূদন বাচস্পতি। অনেক সময় তিনি পাতুলে আসিয়া থাকিতেন। সেই সময় সেই স্ত্রেই বোধ হয় জ্যাঠামহাশয়ের সহিত তাঁহার এই প্রণয়ের সূত্রপাত। প্রায় শেষ পর্য্যন্ত সে অকপট সৌহার্দ্য দেখিয়াছি। সর্বদা আমাদের রাখানগর ও কলিকাতার বাটীতে আসা-যাওয়া ছিল। শুনিয়াছি, বহুবাজার পুরাতন বাসায় সকলে একত্র থাকিতেন।

'বিদ্যাসাগর' মহাশয় রাখিতেন ও বাবা এবং জ্যাঠা-মহাশয় যোগাড় দিতেন। তাঁহাদের পাচক ও ভূতা রাখিবার সকল সময়ে সজ্জতি ছিল না। বৌবাজারের পুরাতন বাসাতেই এক পারিপার্শ্বিক ভাবের মধ্যে 'বিদ্যাসাগর' মহাশয়ের 'বেতাল পঞ্চবিংশতি' ও যদুনাথের তীর্থভ্রমণের শেষ অংশ রচিত হইয়াছিল।

আসল কথা হইতে আবার অনেক দূরে আসিয়া পড়িয়াছি। কিন্তু 'বিদ্যাসাগরী চাদর' যে বিদ্যাসাগরের না এবং তাহার বনিয়াদ যে যদুনাথের চাদর, একথা না বলিয়া থাকিতে পারি না। এই পোষাকেই বেকার (Becker) সাহেবের 'ষ্টুডিও' (Studio) তে পিতামহের 'ফটোগ্রাফ' লওয়া হয় এবং সেই চিত্রের প্রতিলিপি যদুনাথের তীর্থভ্রমণ পুস্তকে স্থান পাইয়াছে; অতএব দলিলের প্রমাণ অকাট্য। যদুনাথ পরম ভক্ত বৈষ্ণব ছিলেন, কিন্তু তাঁহার গৌড়ামীর লেশ ছিল না। তাঁহার 'সঙ্গীত-সহরীতে' 'শ্রাম-শ্রমার' প্রতি অবিরোধী ভাব ও অচলা ভক্তির নিদর্শন পরিদৃষ্ট হয়। রামচাঁদ গোস্বামী ও হলধর চৌধুরার প্রভৃতি প্রতাহ সন্ধ্যাকালে এই সঙ্গীত-সহরীর সুধা-ধারায় সকলকে মাতাইতেন। অনেক রাত্রি পর্য্যন্ত গোপাল চূড়ামণির ভাগবত পাঠ হইত। পিতামহ অনেক দিন

শ্রীমন্দিরের চৌকাঠে মাথা রাখিয়া রজনী শেষ করিতেন—ঘুমাইতেন। শুনিয়াছি, পিতা-পিতৃব্যের বাল্যকালে বাটীতে সখের যাত্রার দল, নিজ জন লইয়া গঠিত হইয়াছিল। বাবা 'কৃষ্ণ' সাজিতেন, জ্যাঠামহাশয় 'বলরাম' সাজিতেন। আর দূতীর ভূমিকা গ্রহণ করিতেন তাঁহাদের খুল্লতাত বৈকুণ্ঠনাথ। 'উষাহরণ' নামে একখানি গীতিনাট্য বৈকুণ্ঠনাথ রচনা করেন এবং বাটীতে তাহা মহাসমারোহে অভিনীত হইত। পারিবারিক ঘটনাসমূহ হিসাব করিয়া দেখিলে মনে হয়, এ অভিনয় ১৮৩৯ সালের পূর্বে হইয়াছে। অতএব বৈকুণ্ঠনাথের 'উষাহরণ'কে বাঙ্গলার প্রথম গীতিনাট্য বলিলে বোধ হয় বিশেষ ভ্রম হইবে না। 'উষাহরণের' দুই একটা গান চাটুয্যো মহাশয় জানিতেন এবং তাহা সংগ্রহ করিয়া শ্রীযুক্ত নগেন্দ্রনাথ বসু প্রাচ্যবিদ্যামহার্ণব মহাশয় "তীর্থভ্রমণ" গ্রন্থের ভূমিকায় সন্নিবিষ্ট করেন। যদিও পিতামহের সঙ্গীতানুরাগ যথেষ্ট ছিল, তথাপি নিয়ম ও শৃঙ্খলা উল্লঙ্ঘন করিয়া সঙ্গীত চর্চা তাঁহার অভিপ্রেত ছিল না।

বাটীতে কয়েকজন যুবক ও কিশোরবয়স্ক তাঁহার বিনামূল্যে দূর পল্লীতে সখের যাত্রা শুনিতে গিয়াছিল বলিয়া তিনি তাহাদিগকে বিশেষ শাসন করেন। সে শাসনের চিত্র আমার চক্ষের সমক্ষে জ্বলিতেছে এবং জীবনে অনেক সাহায্য করিয়াছে।

এইরূপ নৈতিক শাসন সদরে-অন্দরে সমান ছিল। আমাদের এক বড় ঠাকু'মা ছিলেন, পিতামহের সম্পর্কে ভগিনী—নাম 'ব্রহ্মময়ী' তাঁহার কনিষ্ঠা ভগিনী ছিলেন 'দ্রবময়ী'। উগ্রচণ্ডা 'ব্রহ্মময়ী'র শাসন শুধু মা, খুড়ি, পিসীরা নন, ঠাকুমা পর্য্যন্ত মাথা পাতিয়া লইতেন। অবশ্য ঠাকু'মা পিতামহের দ্বিতীয় পক্ষের অতএব বয়ঃকনিষ্ঠা। অস্তঃপুর শাসন ও সকলের আহারাদির ব্যবস্থা 'ব্রহ্মময়ী'র হাতে ছিল। তাঁহার বিরুদ্ধে কথা কওয়া দূরে থাক, চিন্তা করিবারও কাহারও সাহস হইত না। 'ব্রহ্মময়ী'র বিপরীত গুণোপেত ন 'দ্রবময়ী'—তাঁহার করুণা-দ্রব, 'ব্রহ্মময়ী'র নির্ঘাতন-জালা প্রতিবেদক ঔষধ প্রয়োগ করিত। ব্রহ্মময়ীর নিজ ভ্রাতৃপুত্র হরিদাস ঘোষ আমার ক্রীড়া-সহচর ছিল। অতএব ব্রহ্মময়ীর ক্রুপা আমি

অকাতরে অর্জন করিতাম; সময় সময় তাহার অংশ, মা, খুড়ীদের বণ্টন করিতাম। অতএব তাঁহাদেরও যথেষ্ট রূপা প্রাপ্ত হইতাম। 'ব্রহ্মময়ী'র কর্তৃত্বাধীনে আহাৰাদির ব্যবস্থা করিতেন 'জয় কাকার' মা, কারণ ব্রহ্মময়ী সৰ্বদা 'মালা জপে' থাকিতেন, আহাৰ্য্য দ্রব্য স্পর্শ বা পরিবেষণ করিতেন না। 'জয় কাকার' মা ঠাকুর-মার সহোদরা ভগিনী। আমাদের বাটীতে থাকিয়া 'জয় কাকা' লেখাপড়া করেন। পরে তিনি 'ক্যাম্বেল মেডিক্যাল স্কুল' (Campbell Medical School) হইতে ভাল করিয়া পাস করিয়া চাকরি করেন। এইরূপ অনেক কুটুম্বিনী ও কুটুম্ব রাধানগর বাটীতে ও কলিকাতার বাসায় থাকিতেন। বাটীর সব ছেলেদের মানুষ হইবার ইচ্ছা ও অবকাশ না থাকিলেও অসংখ্য কুটুম্ব সম্ভানেরা এই দুই বাড়ী আশ্রয় করিয়া মানুষ হইয়াছে।

বাটীর ছেলে হটক আর কুটুম্বের ছেলে হটক আহাৰাদির ব্যবস্থা অকাট্যরূপে এক ছিল, কখনও কোন ইতরবিশেষ ছিল না। অতএব প্রত্যক্ষভাবে না হটক পরোক্ষভাবে 'জয় কাকার' মার রূপাত্মক না হইলে এটা ওটা উপরি সংগ্রহ—একখানার জায়গায় দুইখানা মাছ আদায় সম্ভব হইত না। এখন দেশে কিছু পাওয়া যায় না। তখন কিন্তু দুধ, দৈ, মাছ, তরকারির কোনও অভাব হইত না। তথাপি জয় কাকার মার অতিরিক্ত রূপার প্রয়োজন হইত। অতএব 'জয়কাকার'ও উপাসনা করিতে হইত। এই সম্ভাব রহিয়া যায় এবং উত্তরকালে যখন 'জয় কাকা' ক্যাম্বেল মেডিক্যাল স্কুলে (Campbell Medical School) পড়িবার জন্য কলিকাতায় আসেন তখন এ সম্ভাব বৃদ্ধি পায়। কথাটা বিস্তৃতভাবে বলিলাম; একটু কারণ আছে। সব জিনিস ধারাবাহিক ভাবে যথাসময়ে সম্ভব হইবে না বলিয়া এইখানে বলিয়া রাখিলাম। বৌ-বাজারের বাসার নীচে একটা ঘরে খুল্ল-পিতামহ বৈকুণ্ঠনাথের পুত্র নরেন্দ্রনাথ, সুরেন্দ্রনাথ ও 'জয় কাকার' আবাসস্থান ছিল। নরেন্দ্রনাথ পড়িবার মেডিকেল কলেজে (Medical College), সুরেন্দ্রনাথ পড়িতেন ইঞ্জিনিয়ারিং কলেজে (Engineering College) এবং জয় কাকা পড়িতেন ক্যাম্বেল মেডিক্যাল স্কুলে (Campbell Medical School)। অবসর সময়ে ডাক্তার

কাকাদের ডাক্তারি পুস্তক হইতে নকল ও অনুবাদ করিতাম; আর সুরেন কাকার ইঞ্জিনিয়ারিং পুস্তক হইতেও নকল ও অনুবাদ করিতাম। ডাক্তার হইবার প্রবৃত্তি বলবতী হইয়া উঠে। একদিন শব-ব্যবচ্ছেদ গৃহ দেখিতে গিয়া দ্বিতীয় দিন যাইবার শক্তি ও প্রবৃত্তি অস্তিত হইল; অতএব ডাক্তার হওয়া হইল না। সুরেশপ্রসাদ পরে জোর করিয়া সে স্থান অধিকার করে।

সুরেন কাকার নিকট ড্রায়ং বা ইঞ্জিনিয়ারিং সম্বন্ধে যে সামান্য প্রাথমিক সাহায্য পাইয়াছিলাম তাহার ফলে উত্তর কালে বৈয়য়িক ও ব্যবহারিক ব্যাপারে প্রভূত উপকৃত হইয়াছিলাম। আমার ভাইস্ চ্যান্সেলারী (Vice-Chancellor) সময়ে কলিকাতা বিশ্ববিদ্যালয়ে, বিদ্যাসাগর কলেজ, সিটী কলেজ, সেন্টস্ জেভিয়ার কলেজ (St. Xavier College), বঙ্গবাসী কলেজের যে প্রকাণ্ড হোটেল গভর্ণমেণ্টের ব্যয়ে নির্মিত হয় তাহার সম্পূর্ণ তত্ত্বাবধান পুঙ্খানুপুঙ্খরূপে নঙ্গ হস্তে করিয়াছিলাম। তাহার ফলে উদ্বৃত্ত অর্থ হইতে বেলগাছিয়া হাঁসপাতাল কম্পাউণ্ডে (Hospital Compound) স্টুডেন্টস্ ইনফারমারি (Students' Infirmary) নামে ছাত্রদিগের এক স্বতন্ত্র হাঁসপাতাল নির্মিত হয়। ষাট বৎসর পরেও রাধানগর ও বামুনপাড়ার গ্রাম্য পথ সুস্পষ্ট ভাবে আঁকিয়া দিতে পারি। এই ষাট বৎসরের মধ্যে দুই তিন বারের অধিক, পুণ্য-স্মৃতি-মণ্ডিত এই সকল স্থান-গরিমা উপভোগ করিবার সৌভাগ্য ঘটে নাই, তথাপি এই সকল স্মৃতি-রেখা মানসপটে সুদৃঢ় ভাবে অঙ্কিত হইয়া গিয়াছে।

আবার কথায় কথায় বহুদূর আসিয়া পড়িলাম। এই সকল পল্লীপথে আনন্দবিভোর হইয়া, প্রকৃতির অবাধ সৌন্দর্য্যরাশির মধ্যে স্বাভাবিক ভাবে অতি সুন্দর সরল ও স্বচ্ছন্দ গতিতে সময় অতিবাহিত হইত। নদীতীরের অক্ষুণ্ণ শোভা কখনও ভুলিতে পারিব না। 'রাধা-সায়র', 'ভিষ্টেল পুকুর' প্রভৃতি প্রকাণ্ড সরোবরের ধারে প্রকৃতির বিপুল ঐশ্বর্য্য—সে সব শোভা এখন অস্তিত।

হুগলী ও বর্ধমান জেলা সরোবর-প্রধান দেশ। হুগলী জেলার সর্কাপেক্ষা বৃহৎ মহকুমা জাহানাবাদের (বর্ধমান আরামবাগ) সৌভাগ্য সেই সম্পর্কে সর্কাধিক। আরামবাগের সর্কাপ্রধান ধানা ধানাকুলের গৌরীর দুইটি

স্বয়ং 'সায়র'—এক 'রাধাসায়র', অপর 'কৃষ্ণসায়র'। একটা রাধানগরের ও অপরটা অপর পারে কৃষ্ণনগরের। একটা সর্বাধিকারীদিগের ও অল্পটা চৌধুরী মহাশয়দিগের পুণ্য কীর্তি। বানের দেশের সে কীর্তি, বহুব্যয়সাধা; রীতিমত সংস্কার অভাবে এখন অকীর্তনীয়ই হইয়া পড়িয়াছে। কিন্তু যত অকীর্তনীয়ই হউক, এত বড় জনকর অতি অল্প স্থানেই দেখিয়াছি।

নিজের ত্রিভিবিজি লেখাপড়া যত কিছু হটক না হটক আশে-পাশের কথা শুনিয়া অনেক শিথিতাম। হাড়ী, বাগ্দি, ছেলেরা পর্যাস্ত সাধুভাষা ব্যবহার করিত। তাহারা বলিত 'না বাবু, অত আর ফনি ভাষায় করতে হ'বে না'; অর্থাৎ রুখা বাগাড়ম্বর করিয়া তর্কজাল বিস্তার করিতে হইবে না। বহু বৎসর পরে 'ফনি ভাষায়' আলোচনার সময় একথা মনে পড়িয়াছিল। লক্ষপ্রতিষ্ঠ অবসরপ্রাপ্ত ডেপুটি মাজিস্ট্রেট স্কুমার হালদার মহাশয় কিছুদিন পূর্বে অমৃতবাজার পত্রিকায় লিখিয়াছিলেন যে, তিনি অনেক মহকুমায় কর্ম করিয়া স্থির করিয়াছেন যে, খানাকুল খানার মধ্যে ছোট বড় লোকের মুখে যে রূপ ভাষা তিনি শুনিয়াছেন তাহা কোথাও শোনে নাই। বিদ্যাবাগীশ মহাশয়ের বিদ্যাবত্তা সন্দেহে, বয়স্ক ছাত্রেরা সমাস করিয়া নামের অর্থ করিত—“বিদ্যাকে বাধ মনে করিয়া 'ইস' বলিয়া প্রস্থান করিয়াছিলেন”। সেইজন্য ইহার উপাধি বিদ্যাবাগীশ। বিদ্যাবাগীশ মহাশয়ের সমাস সন্দেহে নিজের সংস্কারও নিতান্ত অল্প কোতুলজনক ছিল না; মুখে + চুল = মুচুলী; মুচুল বিঘতে যত্ব সঃ মুচুলমান” এই একটা তাঁহার সমাস কোতুল ছিল। আর বলিতেন, বল দিকিন্ “কঃ বলবন্তঃ • বাধতে শীতঃ নিজেই উত্তর করিতেন “কঃ বলবন্তঃ ন বাধতে শীতঃ” — ইত্যাদি।

এইরূপ 'খানাকুল-সংস্কৃত স্কুলের' (Anglo-Sanskrit School) ও কৃষ্ণনগর টোলার ছাত্র ও পণ্ডিতগণের রহস্য-কোতুলের ভাষার মধ্য দিয়া সংস্কৃত শিক্ষার প্রবৃতি জাগিয়া উঠে। এই সময়ে সংস্কৃত কলেজের অধ্যক্ষ জ্যেষ্ঠ-তাতে উৎসাহে কলিকাতায় ফিরিয়া ৯ বৎসরে (নয় বৎসরে) মুদ্রবোধের ধরে ভর্তি হইয়াছিল।


মাঝের অনেক কথা রহিয়া গেল, পরে বলিব।

যে খানাকুল কৃষ্ণনগরে শতাধিক টোল ও পণ্ডিত ছিল, তাহার আলাওয়ার মধ্যে যে অতি শৈশব অবস্থাতেই সংস্কৃত শিক্ষার প্রবৃতি জাগিয়া উঠবে, ইহার আর আশ্চর্য্য কি? কালিদাস তর্কসিকান্ত মহাশয় “শ্রীরামশোভাশতকম” হইতে শ্লোক, পূজ্যপাদ গ্রন্থকার স্বয়ং, যখনাথের মণ্ডপে আর্তি করিতেন। আর সে আর্তি শুনিয়া জ্যাঠামহাশয়, সে বইখানি নিজ বায়ে ছাপাইয়া দেন। সেই সময়েই ছাপা হয় পিতামহের “সঙ্গীত-সহরী”। তাহার সঙ্গে ছিল ছোটকাকা রাজকুমার-বাবুর কয়েকটা সঙ্গীত। “সঙ্গীত-সহরী” ভূমিকা হইতেই পৌরুষ কথাটা প্রথম শিখি ও তাহার অর্থ করিয়া গাই। সে পৌরুষ-ধারা এখনও নিত্য প্রবাহিত। অতি যত্নে সংগৃহীত ও রক্ষিত “সঙ্গীত-সহরী” ও ‘শ্রীরামশোভা-শতকম’ এই দু'খানি কোনও রমজ সাহিত্যিক না বলিয়া চাহিয়া লইয়াছে।

সদরেও যেমন এই সকল আলোচনা হইত, অন্দরেও তাই। অপরাহ্নে শ্রীমতী দ্ববময়ী 'রামায়ণ', 'মহাভারত' পাঠ করিতেন। মধ্যাহ্নে জ্যাঠামহাশয়ের গুরুগিরির বিষম তাড়না এবং তাহার পরে ও পূর্বে, পিসী : ছোট বড় কাকীদের 'কতদূর কেমন পড়াশুনা হইতেছে' তাহার পরীক্ষা। অতএব এই সময় হইতেই পরীক্ষা-সাগরে নিমজ্জিত ছিলাম। ফলে যাহা হয় তাহাই হইল। জ্যাঠামহাশয় পাটীগণিত ও ছোট কাকার ইংলণ্ডের শাসন-প্রণালী কিছু পূর্বে প্রকাশিত হইয়াছে। “বাড়ীর বই” বলিয়া বয়স্কেরা সর্বিদা তাহার আলোচনা করিতেন; আমিও গুঁড়গাড়া পাইতে বঞ্চিত ছিলাম না। “আছিল দেউল এক বিচিত্র গঠন, ক্রোধে জলে ফেলে দিল পবন নন্দন” এ সব মুখস্থ হইয়া গেল। শুনিয়াছিলাম, জ্যাঠামহাশয়ের দ্বিতীয় পক্ষের বাসর-ঘরের সময় কোনও বিদুষা ঞ্জালিকা তাঁহাকে এই প্রশ্ন করিয়াছিলেন এবং স্বয়ং গ্রন্থকারেরই প্রতি এই প্রশ্ন প্রয়োগ হইয়াছে জানিতে পারিয়া উর্দ্ধ্বাসে পলায়ন করিয়াছিলেন। প্রসন্ন-বাবুর পাটীগণিত না পড়িয়া তখন বাঙ্গালী দেশে কেহ মানুষ হইয়াছে এমন কথা শুনি নাই, এবং তাহার পরে সেই অপূর্ব পরিভাষা-সমৃদ্ধ পাটীগণিতের জ্ঞান ও নকল প্রচার অনেক হইয়াছে।

বুদ্ধ-কমল

(উপস্থাপন)



[রায় সাহেব শ্রীরাধেন্দ্রনাথ আচার্য বি-এ]

(১০)

কয়েক দিন পর একদিন নৈশভোজের জন্ত প্রস্তুত হইয়া সকলে বীণার ডুইংরুমে আসিয়া বসিয়া ছিলেন। উত্তম্বু বুখারি ঘরটিকে বেশ গরম করিয়া রাখিয়াছিল।

কুমার অজয়সিংহের ক্ষিপ্ত অঙ্গুলীগুলি পিয়ানোর বুকে ষা দিয়া মধ্যে মধ্যে সুরের তাল্লা তরঙ্গ তুলিতে লাগিল। বীণা সহসা একটু ব্যস্ত হইয়া কহিল—“আটটা তো বেজে গেল। কৈ এখনো ত দেখাছিনে।”

কবি শশধর বলিলেন—“কারো কি আসবার কথা আছে না কি?”

বিলম্বের জন্ত লজ্জিত হইয়া বীণা বলিল—“হঁ। আমি অরুণদার অপেক্ষা করছি। ফোহালা থেকে তিনি খবর পাঠিয়েছেন, আজ এখানে এসেই খাবেন। কাল থেকে হাউস-বোটে যাবেন। তাই বোধ হয় কোনো কারণে বিলম্ব হচ্ছে, নৈলে আসবার সময় তো গেল।”

কবি শশধর নিজের চেয়ার হইতে উঠিয়া মিসেস ঘোষের কাছে গিয়া বসিতে বসিতে বলিলেন—“আচ্ছা, মিসেস ঘোষ, একটা কথা জিজ্ঞাসা করি। এই ধরুন না—আমারই বাড়ী হোক, কি আপনারই বাড়ী হোক—হুয়ার-টার দিকে চাইলেই—সেই মুক্তদ্বার দিয়ে লোকে কি ভাব মনে নিয়ে যে প্রবেশ করছে, সেই কথা ভেবে কি একটু শঙ্কা জাগে না; আমাদের ঘরের হুয়ার যে অনন্তমুখী হ'য়ে খোলা রয়েছে, এ কথাটা কি একবার মনে হয় না? পরিচিত একখানা মুখ নিয়ে, যে মানুষ আমাদের মুক্ত হুয়ার দিয়ে ভিতরে প্রবেশ করছে, তার আসল নামটা যে কি, তা' কে জানে বলুন।”

মিসেস ঘোষ বলিলেন যে, তাঁর মনে আদৌ কোনো শঙ্কা জাগে না। আসেন যঁরা সকলকেই তো তাঁর জানা আছে—তাঁর আর ভয় কি?

একটু উত্তেজিত কণ্ঠে কবি বলিলেন—“তা নয়—তা নয়। সকলেরই একটা লৌকিক নাম আছে বৈ কি। কিন্তু সেই নামের পিছনে তাদের আসল নামটা, খাঁটি পরিচয়টা প্রচ্ছন্ন হ'য়ে লুকিয়ে আছে। সে পরিচয়টা তো আপনার জানা নাই—কিন্তু সেইটেই তো তাদের সত্যিকার নাম।”

প্রত্যুত্তরে মিসেস ঘোষ বলিলেন—“বিপদ যখন আসে, তখন সে তাকে একেবারে ঘরের ভিতরেই প্রবেশ করতে হ'বে, এরও তো কোনো মানে নাই।”

“কি বললেন? নাই? হুঁত্যা ও হুঃখ যে কত বড় শঠ, কত বড় বুদ্ধি-কৌশলময় তা' কি জানেন না? প্রকাণ্ড একটা হুয়ার ত দূরের কথা—ছোটো একটা ঘুলুঘুলি দিয়েও সে অনায়াসে প্রবেশ করে। দেওয়ালের গা ফেটে, সেই সরু ছিদ্রপথেও তার গতি অব্যাহত।”

মিসেস ঘোষ বলিলেন—“হুঁত্যাগোর হাত থেকে মানুষের নিষ্কৃতি নাই। অমন শত্রু কি আর আছে?”

“হুঃখকে আপনি আমাদের শত্রু বলছেন? অমন বন্ধু কি আর আছে? আমাদের সকল কর্মের অমন কর্তা কি আর একটা খুঁজে পাবেন? জীবনের উদ্দেশ্য যে কি, শুধু হুঃখই তা' বুঝিয়ে দিচ্ছে। যখনই ব্যথায় বুক ফাটে, কি যে চাই—সে কথাটা কেবল তখনই বুঝতে পারি। কাকে বিশ্বাস করব—কার আশ্রয় নেবো—হুঃখের দিনেই তা' স্পষ্ট হ'য়ে ওঠে। নিজের কর্তব্যটা যে কি হুঃখই তা' চোখে আঙ্গুল দিয়ে দেখিয়ে দেয়। যেমনটা হওয়া উচিত হুঃখ পেলে তবেই আমরা তাই হই। যে পরমানন্দকে মুখ আপনার কাছ থেকে তাড়িয়ে দেয়—তাকেই আবার ফিরিয়ে আনে হুঃখ। আনন্দটা জানবেন বড়ই লাভুক। উৎসবের ভিতর দিয়ে সে আপনাকে প্রকাশ করতে চায় না।”

কুমার অজয়সিংহ বলিলেন—“মিসেস বীণাই বলুন, কি

তাঁর বন্ধুটাই বলুন—এ দের গুণের শেষ নাই। হুঃখকে অবলম্বন করে এঁরা আর নূতন কি গুণ পাবেন? অত্থ-খানে যা' হ'ক্—আমাদের এই সোনার কাশ্মীরে বাথার সাধনা করে নিজেকে গুণময় করে তোলাকে লোকে নৃশংসতার একশেষ বলে মনে করে।

কিছুক্ষণ এই ভাবে কথাবার্তার পর অজয়সিংহ আবার পিয়ানোতে সুর দিলেন। এবার তাঁহার কোমল মধুর-কণ্ঠে সেই সুরের তরঙ্গে শঙ্খ-কুটার প্লাবিত করিয়া দিল। সে সুর এক একবার ময়ূরপুচ্ছের মত প্রসারিত হইয়া সকলকে মোহিত করিতে লাগিল।

এমন সময় মিসেস কাদম্বিনী ঘোব বলিয়া উঠিলেন—
“এই যে, অরুণকুমার এসেছেন।”

একখানি হাসির প্রতিমার মত বীণা বলিল—“এত দেরি দেখে আমরা অস্থির হ'য়ে উঠেছিলাম। পথে কোনো বিঘ্ন হয় নি তো?”

বিশ্বের জন্ত মার্জনা শিক্ষা করিয়া অরুণকুমার সকলকে অভিনন্দন করিয়া বসিলেন। বলিলেন—“হাউস-বোটে গিয়ে কোনো মতে কাপড় হেড়ে আসতেই দেৱী হ'য়ে গেল। অনেক দিন পর আবার কাশ্মীরে পা দিতেই মনে হচ্ছিল যে, চোখের সামনে আনন্দের ফুল ফুটে উঠল।”

লীলার দিকে চাহিয়া কহিলেন—“কলকাতা ছাড়ার আগে আপনাদের বাড়ীতে একদিন গিয়েছিলাম। গুনলাম বীণার সঙ্গে কাশ্মীরের বসন্তটা উপভোগ করার জন্ত আপনি আগেই বেরিয়ে পড়েছেন। ভাবলাম, কাশ্মীরেই তবে আপনার দেখা দিলবে। আপনি এখানে আসায়, কাশ্মীরকে যে একটা নূতন চোখে দেখতে পাব, সেই জন্তই আনন্দ হ'চ্ছে।”

বীণা কহিল—“আমিও লীলাকে সে কথা বলেছি, অরুণদা, তোমার মত শিল্পীর চোখ দিয়ে কাশ্মীর দেখলে তবেই সে দেখা সার্থক হয়। তুমি কি এবার বরাবর শ্রীনগরেই এনে, না অঞ্চারসরের পদ্মবন আর মানসবনের সেই অপূর্ণ লহা-লালা দেখে তার পর আস'হ?”

অরুণ বলিল—“শ্রীনগরের এখন যা' শোভা, কোথায় লাগে তার কাছে মানসবন আর অঞ্চারসর। আমি বরাবর এইখানেই এসেছি। পথে কোথাও দেরি করি নি।

তোমার ঘর-টরগুলো যে ঠিক তেমনই আছে—আর ছবিগুলো? কৈ রং দেওয়া হয় নি তো? আমি সেবারে যেমন রেখে গেছি, তেমনই আছে যে।”

“তোমার হাতের জিনিসের উপর তুলি ধরবে কে বল? আবার যখন এসেছ, তখন সে কাজ তোমাকেই করতে হ'বে।”

ছোট একটা টেবিলের উপর বড় একটা শঙ্খ দেখিয়া অরুণ বলিল—“ওটা কোথায় পেলো?”

বীণা কহিল—“ওই যে শঙ্খটা দেখছেন, ওটা পিছনে মস্ত একটা ইতিহাস আছে। শঙ্করাচার্যের টিকা থেকে ওটা এনেছি।”

“আমি কিন্তু ওই শঙ্খটার গায়ে তেমন কিছু একটা সৌন্দর্য্য দেখতে পাচ্ছি নে।”

বীণা হাসিয়া বলিল—“তুমি হ'লে কবি—তুমি হ'লে ভাস্কর। রূপই তোমার পূজার সামগ্রী। শঙ্খটার রূপ নাই বটে, কিন্তু ওর ইতিহাসটা একটা গৌরবের কথা।”

“কি রকম?”

“শঙ্খটার বয়স যে কত তা কে জানে? গুনতে পাই, দু'হাজার বছর আগে কোন হিন্দু রাজা শঙ্করাচার্যের টিকায় মন্দির রচনা করেছিলেন। তিনি ছিলেন বৌদ্ধ। দু'হাজার বছর আগে ওই শঙ্খটা ধ্বনিত হইয়া সেই মন্দিরটা কেঁপে উঠেছিল—সে কথা মনে করলে আজ আনন্দ হয় না কি? তার পর কত দিন গেছে—কত রাজা, কত রাজ্য, কত ধর্ম-মত—এল, গেল। এই কাশ্মীরের বুকে আপন আপন দাগ রেখে যেতে কতই না চেষ্টা করলে তারা। মনে হচ্ছে, এই পুরানো কথাগুলো তোমার ভাল লাগছে না। তা আমি মানব না—তোমায় শোনাবই!”

অরুণ হাসিয়া বলিল—“কে বলে পুরান' কথা আমার ভাল লাগে না? আমরা যে তুলির মুখে রং দিয়ে নূতন গড়ি—সে নূতনও তো পুরাতনেরই একটা ভিন্ন মূর্তি।”

লীলা কহিল—“সবই তাই। নূতন পুরাতন মিলেই তো সকল রচনার হার গাঁথা।”

অরুণ প্রশংসমান দৃষ্টিতে লীলার দিকে চাহিয়া বলিল—
“আপনিও দেখছি একজন শিল্পী।”

বীণার দিকে চাহিয়া অরুণ বলিল—“হাঁ, টিক্কার কথাটা কি বলছিলেন ?”

বীণা বলিতে লাগিল—“শঙ্করাচার্য্যের টিক্কা যা, ভারতবর্ষে এমন আর একটা পাবো। আগে কাশ্মীর ছিল হিন্দুদের। তার পর হ'ল মুসলমানদের। এই টিক্কায় তখন হয়তো আল্লা হো আক্ববর ধ্বনি জাগ্রত হয়েছিল। তার অনেক দিন পর মহারাজ রণজিৎসিংহ কাশ্মীর উদ্ধার করেন। হিন্দুর মন্দির আবার ধূপের ধূমে পবিত্র হ'য়ে উঠল। মুসলমানেরা যে শিবলিঙ্গ উৎপাটিত করেছিলেন, রণজিৎ আবার নূতন করে তারই প্রতিষ্ঠা করলেন। ওই যে দেখছ শঙ্খ—একবার ভেবে দেখ দেখি সে-দিন ওরই মুখেই কি বিপুল একটা নিনাদই না বেরিয়েছিল, হিন্দুর জয় ঘোষণা করতে। আজ যা তকত-ই-মুসলমান, সেই দিন তার নাম ছিল শঙ্করমঠ।”

কিছুক্ষণ পর আহার করিয়া কুমার অজয়সিংহ যখন ভারতের প্রাচীন চিত্র-শিল্পের কথা তুলিলেন। তখন একে একে সকলেই সেই আলোচনায় যোগ দিলেন। অজয়সিংহ বলিলেন—

“সে ছিল একদিন, ভারতের শিল্পী যে, দিন রং আর তুলিতেই তার চরম দিনের পরম মুক্তিটাকে ফুটিয়ে তুলতে চাইত। তারা চাইত না হাক্কা রং-এর ছ'দিনের ফাঁকা বাহার! তারা তাই ভক্তের মত শিল্প-দেবীর পূজা করত। তিনিও প্রতিভার বর দিয়েছিলেন, ছ'টা কর পূর্ণ ক'রে।”

অরুণকুমারও ভারত-শিল্পের প্রশংসা করিতে লাগিলেন, কিন্তু ভিন্ন রকমে। সে কহিল—“সেই সেকালের চিত্রলেখা থেকে আরম্ভ করে, অষ্টাদশ শতাব্দীর কাঙ্গরা কলমের “শিবের নৃত্য” পর্য্যন্ত—শিল্পীর অভাব নাই, চিত্রের অভাব নাই। তাঁরা যে কত সরল, কত অনাড়ম্বর ছিলেন—তাঁদের হাতের ছবি দেখলে তা' বোঝা যায়। পুথির বিচার সঙ্গে নিজেদের সম্বন্ধটা নিবিড় না ক'রে তাঁরা শুধু বাহিরের প্রকৃতির দিকে চাইতেন। আর তন্ময় হ'য়ে নিজেদের অন্তরকে দেখতেন। যমুনাতীরে সেই বংশীবাদন, বৃন্দাবনে সেই মানভঞ্জন, কৈলাসশিখর আর অমনই আর গোটাকতক দেশ-প্রসিদ্ধ পুরাতন কথাই ছিল তাঁদের শিল্পের সত্তার। বিশ্বের জটিলতাকে নিয়ে তাঁরা কলমের মুখে নাড়া-চাড়া করতেন না।”

লীলার দিকে চাহিয়া অরুণ বলিল—“আপনি যে বলেন নূতনের সঙ্গে পুরাতন এক সূতায় গাঁথা, একথাটা খুবই ঠিক। ভারতের শিল্পীরা সেই পুরাতন আখ্যান-ক'টাকেই নিত্য নূতন ভাবে, নূতন চোখে দেখতে জানতেন। যে শিল্পী যেখানে থাকতেন, সেইখানেই তাঁর সাধনার আরম্ভ হ'ত, সেইখানেই হ'ত তার শেষ। বিশ্ব-শিল্পের পরিচয় নেবার জন্য তাঁরা দেশের পর দেশে ছুটে বেড়াতেন না।”

কুমার অজয় বলিলেন—“আপনি ঠিক বলেছেন, অরুণ-বাবু। আমার মনে হয়, নিজের শিল্প-শালায় বসে তাঁরা নিজেরাই নূতন রং, নবীন ভাবের আরাধনা করতেন। শিষ্য তার গুরুর কাছ থেকেই সেই সাধন-মন্ত্রটা পে'ত বটে—কিন্তু সমস্ত বিশ্বে তার গুঞ্জনটা বেজে উঠত না।”

অরুণ বলিল—“কি সুখেই দিনই সে ছিল! আজ আমরা সকল কাজেই মৌখিকতার সন্ধানে ছুটে বেড়াচ্ছি। জীবনের উৎসাহটা ক্ষয় হ'য়ে যাচ্ছে তাতেই। অথচ যে আদর্শটা হাতে পেয়েছি, সেটাকে সার্থক করা ঘটছে না। সেকালে শিষ্য তার গুরুর পথটাকেই মেনে নিত তার চরম লক্ষ্য ব'লে—শিষ্যের সাধনাই ছিল এই যে, সারা জীবন তপস্যা ক'রে সে শুধু গুরুর মতই হ'বে। তাই মনে হয়, যশের সন্ধানে সে যতটা না ফিরত, তার বেশী ফিরত জীবিকার সন্ধানে।”

কবি বলিলেন—“ঠিকই করত তারা, জীবিকার জন্য কাজ করাই তো মানুষের প্রণাম কর্তব্য।”

অরুণকুমার কহিল—“কালের অবরোধ ভেঙ্গে তাদের নাম যুগে যুগে প্রচারিত হোক, এ-কথা সে-কালের শিল্পীরা আদৌ ভাবত না, অতীতের সঙ্গে তাদের বেশী পরিচয় ছিল না ব'লে তারা অনাগতের জগৎও বড় বেশী ব্যস্ত হ'ত না। তাদের স্বপ্ন ছিল, শুধু বর্তমানটাকেই ঘিরে, তারা ছিল একান্ত অনাড়ম্বর, তাই নিজেদের মনকে যোগে-খানা সংগ্রহ ত করতে পারত। সত্যটা তাই সহজেই তাদের মনে ফুলের মত ফুটে উঠত। আমরা এখন বিচার-বুদ্ধি দিয়ে তাকে ধরতে চাই ব'লে, সে হাতের ফাঁকে ফাঁকেই বেরিয়ে যায়।”

লীলা বলিল—“চিত্র সম্বন্ধে আমি বড় বেশী কিছু জানি নে। যখন বাবার সঙ্গে বিলাতে ছিলাম তখন

অনেক ছবি দেখেছি। সে সবই পঞ্চদশ শতকের। ছবি দেখে মনে হ'ত, শিল্পীরা শুধু মূর্তটাকে নিয়েই ব্যস্ত। দেহকেই খুব ভালো ক'রে ফুটিয়ে রেখেছেন, মনের দিকে তেমন চোখ নেই—তাদের দেবদুর্গী দেখুন, দেবকুমারীদের মূর্তি দেখুন। আমি তাই বলতে চাই যে, সে শিল্পের প্রাণ প্রতিষ্ঠা হয়েছিল ভোগে। ওপারের ঋষিদের ছবি দেখলেও আমার এই কথাই মনে হয় যে, শিল্পীরা তাঁদের একেছেন শুধু দেহের রূপ দিয়ে। সে সব মূর্তি যেন প্রকাশ করছে খৃষ্টানী সুরা-দেবীর মস্ত-ব্যথা। কিন্তু ভারতের মহাদেব দেখুন, বুদ্ধ দেখুন, বোধিসত্ত্ব দেখুন—আর দেখুন অজস্তা, অমরাবতী, সাঁচী।”

অরুণকুমার আনন্দে মত্ত হইয়া লীলার মুখে শিল্প-সমালোচনা শুনিতেছিল। দাঁপ্ত হইয়া কহিল—“ঠিক বলেছেন আপনি! ইটালীর কোন কোন শিল্পচূড়ামণিও এই রকমই বলেছেন, শিল্পে ধর্মভাব না দেখতে পেয়ে তাঁরা বলেছিলেন, ‘ও সব আর গির্জায় রেখে কাজ নাই।’ আপনার শিল্পানুরাগ অসাধারণ। বসন্তের উষার ফুলে সাজানো কাশ্মীরী বাগানে যদি যান দেখবেন, প্রকৃতির সেই শিল্পশালার পৃথিবীর শিল্পের আদর্শ যেন জড় হ'য়ে আছে।”

লীলা বলিল—“আমি তো আর শিল্পী নই। আমার এই চোখ নিয়ে রূপের মাধুর্য দেখতে পাব কেন?”

বীণা একটু হাসিয়া বলিল—“এবার আর সে ভয় নেই, লীলা, আমি তো তোমায় আগেই বলেছি কাশ্মীরের রূপের তীর্থে অরুণদাই পাণ্ডা। ওঁর চোখে দেখলে তবে কাশ্মীর দেখা সার্থক হ'বে।”

অরুণ একটু সপ্রতিভভাবে বলিল—“বেশ তাই যদি হয়, কালই আমি তোমাদের অচ্ছয়লে নিয়ে যাব।”

রাত্রিতে নিজের হাউসবোটে ঘুমাইতে ঘুমাইতে অরুণ স্বপ্নে দেখিল লীলা যেন সম্রাট সাজাহানের অচ্ছয়ল উদ্যানের প্রথম, দ্বিতীয়, তৃতীয় তলে যুগ্মীর মত বেড়াইতেছে। অচ্ছয়ল উৎস আনন্দে গাতিয়া আপনাকে শত ধারে ঢালিয়া দিতেছে। ক্ষুদ্র ক্ষুদ্র ধারার সহিত বৃহৎ ধারা মিশিয়া নদীর স্রোতের মত ছুটিয়া যাইতেছে—সেই অতি নিয়ে বিগস্তায়। অরুণ অরুণের নবীন রাগ তখন যেমন জলে নাচিতেছে, তেমনি লীলার কণ্ঠে, ঐবায়, কেশে

কপোলে চূর্ণ রশ্মির মত ছড়াইয়া পড়িতেছে। একটা চেনার গাছের ছায়া যেন লীলার চক্ষু হইটাকে জালের মত ঢাকিয়া রাখিয়াছে। অরুণের ঘুম ভাঙ্গিয়া গেল। স্বপ্নটা যেন সত্যের মতই তাহার চোখের সম্মুখে ভাসিতে লাগিল। অরুণের বার বার মনে হইতে লাগিল—কাশ্মীরের সেই নৈসর্গিক শোভার অগ্রভাগে লীলার মত সুন্দরী নারীরত্নকে ফুটাইয়া তুলিবার জন্তই বুঝি উহার জন্ম।

(১১)

কয়েক দিন চলিয়া গেল।

সে দিন অচ্ছয়ল হইতে ফিরিয়া আসিয়া যখন শঙ্কুকূটীরে চা পান করিতেছিল তখন কবি শশধরের কথার প্রতিবাদ করিয়া বীণা বলিল,—

“শশধর-বাবু আমায় বলতেই হচ্ছে, এটা আপনার বড় অপিসার। আপনি যুড়ী মিছরির একই দাম করতে চান। যে বাঁশী স্তবে মন মজায়, তারও ছিদ্র ক'টা দেখুন, একটা থেকে আর একটা সমান দূরে নয়। চাকর আর মনিব বড়লোক আর গরীব—এদের চিরকালের সধক্কটা ভেঙ্গে দিয়ে, আপনি চান সবই এক ক'রে ফেলতে, এটা বর্বরতা বলে মনে হয় না কি? নিজ নিজ মর্যাদায় পৃথিবীর মানুষ কোঠায় কোঠায় বিভক্ত হ'য়ে আছে। যারা সেই কোঠাগুলো ভেঙ্গে সবই সমান করতে চান, আমি বলব তারা বড় মানুষেরও যেমন শত্রু—গরীবেরও তেমনি শত্রু।”

কবি শশধর চা'র পেয়ালায় এক চামচ চিনি মিশাইতে মিশাইতে গম্ভীর কণ্ঠে বলিলেন—“তাই বটে! বিশ্ব-মানবেরই শত্রু তারা! যে দিন বুদ্ধদেব প্রেম বিলিয়ে-ছিলেন, শ্রীচৈতন্য যেদিন সকলকেই কোল দিতে হাত বাড়িয়েছিলেন সে-দিনও তো এ দেশে মানুষ ছিল, যারা বলত—ওঁরা মানবের শত্রু।”

বীণার সঙ্গে যখন কবির এইরূপ কথা হইতেছিল তখন অরুণকুমার লীলার আড়ম্বর পরিচ্ছদ, তাহার দেহের অনিন্দ্যসুন্দর গঠন-সৌষ্ঠব, তাহার মাধুর্যাময় অনায়াস চলন-ভঙ্গীর নানা প্রশংসা করিতেছিল। সে বলিল, “লীলার সেই নীলাভ শাড়ীখানা এমনই মানাইয়াছে যে, তেমন বড় বেশী চোখে পড়ে না।”

চার মঞ্জলিস তখন বেশভূষার আলোচনায় মুগ্ধ হইয়া উঠিল। এতদিন লীলার ধারণা ছিল যে, পুরুষে নারীর বসন-ভূষণের শুধু একটা সাধারণ সৌন্দর্য্যই বোধ করিতে পারে—কিন্তু সে, হার হইতে বলয়কে শাড়ী হইতে শাড়ীর ফুলটাকে পৃথক করিয়া দেখিতে সে জানে না। ইহা সে জানিত যে, নারীর বিচার-বুদ্ধি সর্বদাই ঈর্ষা এবং ঘেঘের কলঙ্কে মগ্ন থাকে বলিয়া এক নারী আর এক নারীর দেহ-সজ্জায় ক্রটাই দেখিতে পায়। আজ অরুণের মুখে নিজের নিজস্ব সৌন্দর্য্য-বোধের পুরুষোচিত প্রশংসা শুনিয়া লীলা অত্যন্ত আনন্দিত হইল এবং পুলকিত হইয়া সে প্রশংসা শুনিতে লাগিল। অরুণের কথার মধ্যে যে একটা পরিচিত পুরাতন সুরটাই বাজিতেছে, সে-কথা লীলার মনে হইল না; ইহাও তাহার মনে হইল না যে, অরুণের পক্ষে এতটা প্রশংসাবাদ শোভন নয়।

লীলা বলিল—“আপনি দেখছি শুধু ভাস্কর নন—দেহ-সজ্জার ভালো-মন্দও বেশ বুঝতে পারেন।”

অরুণ কহিল—“আগি ভাস্কর। নারী নিত্যই তার নূতন নূতন বেশ-ভূষণ সম্বন্ধে প্রশংসন নিয়ে আমাদের সামনে আসছে। শিল্পীর কাছে যে সে মূর্তি নূতন নূতন আদর্শ এনে দিচ্ছে, সেটা তো আমি ভুলতে পারি না। জীবনের অতি অল্প কয়েকটা দিনই নারী তার বেশের প্রশংসনে রত থাকে—তার বেশ-ভূষণ লাভণ্যের দিকে সে চায়। অল্প হোক, কিন্তু তার সে প্রশংসা তো বৃথা যায় না। তারই মত আমাদেরও উচিত, ভবিষ্যতের চিন্তাটা ছেড়ে দিয়ে, জীবনের বর্তমানটাকেই সুন্দর করে তোলা। অনাগত ভবিষ্যতের রূপভঙ্গাকে মিটাবার জন্ত আজই ছাব একে লাভ কি? তারই জন্ত কাব্য রচনার—তারই জন্ত কাঠ-পাথরের মূর্তি গড়ে ফেল তো কিছু দেখি না।”

কবি কহিলেন—“আমার নিজের কথা বলতে পারি, এই লৌকিক ভবিষ্যৎটাকে আমি মোটেই গ্রাহ্য করি না, তাইত আমার সবচেয়ে ভালো কবিতাগুলো আমি ঘুড়ীর কাগজে লিখে হাওয়ার উড়িয়ে দি। বুঝতেই পারছেন, কাগজগুলো সহজেই নষ্ট হয় বটে, কিন্তু আমার কবিতা বেঁচে থাকে মানুষের অন্তরে।”

বীণা বলিল—“অরুণদা, ভবিষ্যৎটাকে আমি বাদ দিতে চাইনে, জীবনকে পূর্ণতা দিতে হলে, তাকে উদার করে

ভুলতে হলে—অ ভবিষ্যৎ চাই, ভবিষ্যৎ চাই। হুতু যাদের কেড়ে নিয়েছে, কাব্য আর শিল্পই তাদের স্মৃতিমন্দির। যারা পরে আসছে—সে মন্দির যে তাদের জন্ত। কাজেই যা আছে, যা ছিল, আর যা হবে—এই তিনের সমন্বয়ে আমাদের যা-কিছু। কি আশ্চর্য্য, অরুণদা! শিল্পের ভিত্তি দিয়ে অমর হতে তোমার সাধ হয় না?”

অরুণ কহিল—“ভবিষ্যৎ তার অন্ধকার নিয়েই থাকুক, আমি চাই শুধু বর্তমান নিয়েই বাঁচতে।”

কথায় কথায় রাত্রি বেশী হইতেছিল দেখিয়া অরুণ-কুমার এবং কবি বিদায় হইলেন।

রাত্রির মত লীলা যখন তাহার শয়নকক্ষে প্রবেশ করিল, তখন সে-দিনের অচ্ছন্ন ভ্রমণের স্মৃতিটা তাহার মনে জাগিতোছিল। শঙ্খকুটারের সর্বোৎকৃষ্ট ঘরটা ছিল লীলার শয়নকক্ষ। নানা চারু চিত্রে তাহা সুশোভিত ছিল, তাহার দুয়ার ও জানালাগুলির পর্দায় পর্দায় রেশমে তোলা দ্রাক্ষালতা ও পোকা পোকা আঙ্গুর বৃহৎ বাদাম গাছকে জড়াইয়া জড়াইয়া শোভা পাইতেছিল। বাদামের সোনালী ফলগুলি তখন আলোকে ঝক্ ঝক্ করিতেছিল। সে পর্দাগুলির দিকে চাহিলেই মনে হয়—কে যেন পরীর বন রচনা করিয়াছে। মাথাটা বালিসে রাখিয়া তাহার সুগঠিত নগ্ন বাহুখানি লীলা কপালের উপর স্থাপন করিল এবং ঘরের স্নিগ্ধ স্নিগ্ধ আলোকে জাগিয়াই স্বপ্ন দেখিতে লাগিল। মানস নয়নে লীলা দেখিল, তাহার এই নূতন জীবনের ছবি—সে যেন কেমন একটা এলো-মেলো! বীণা ও তাহার শঙ্খের হার—দেওয়ালের গায়ে ধম্মভাবে পরিপূর্ণ কতকগুলি ছবি—কোথাও বা কাশ্মীরের কোনো একটা নৈসর্গিক শোভা, কোথাও কাশ্মীরী সুন্দরী ও কাশ্মীরী পুরুষ, কোথাও বা হিন্দু অস্বারোহী—চাহিয়া চাহিয়া লীলা একে একে সবই দেখিল। তাহার মনে হইতে লাগিল, সকলেই যেন একা একা—যেন উদাসীন তাহার। সকলের মুখে-চোখে যেন ব্যথার একটা ছাপ দেওয়া। একথাও লীলার মনে হইতে লাগিল, সেই উদাসীনতা ও বিধাদের ভাবই যেন তাহাদিগকে প্রাণবন্ত করিয়া তুলিয়াছে। তাহার পরই মনে পড়িল, বীণার শঙ্খ-কুটার, সে-দিনের সেই সুন্দর সন্ধ্যার কুমার অজয়সিংহ, কবি শশধর, কাদম্বিনী ঘোষ এবং নানা বিষয়ের কথোপকথন।

গত মহাযুদ্ধের ব্যয়ের হিসাব

গত মহাযুদ্ধে কত অর্থব্যয় হইয়াছে League of Nations তাহার এক হিসাব দিয়াছেন। ইহার বিবরণ British Magazine তাহার "Life of Faith" ও "The Dawn" নামক দুইটা প্রবন্ধে লিপিবদ্ধ করিয়াছেন। তাহা পাঠ করিয়া আমরা জানিতে পারি যে, গত মহাযুদ্ধে ৩০. জীবন ক্ষয় ও ৮০,০০০,০০০,০০০ পাউণ্ড বায়ের পর শেষ হইয়াছে। এই অর্থের মধ্যে গ্রেটব্রিটেন, আমেরিকা, কানাডা, ফ্রান্স, জার্মানি, বেলজিয়ম ও রাশিয়ায় যত পরিবার আছে তাহাদের প্রত্যেকের জন্য ৮০০ পাউণ্ড খরচ করিয়া এক একখানি সুন্দর বাসোপযোগী ঘর তৈয়ারী করিয়া দেওয়া যাইত। ঘর তৈয়ারীর পর যে অতিরিক্ত অর্থ পড়িয়া থাকিত তাহাতে ঐ সকল দেশের প্রতি শহর পিছু ১,০০০,০০০ পাউণ্ড খরচ করিয়া পাঠাগারে স্থাপন করা হইত। ইহার পরও হাসপাতাল তৈয়ারী করিবার জন্য ১,০০০,০০০ পাউণ্ড এবং বিশ্ববিদ্যালয় তৈয়ারী করিবার জন্য ২,০০০,০০০ পাউণ্ড অবশিষ্ট থাকিত। যুদ্ধ যে কতদূর অশান্তিকর তাহা এই তালিকাটা পাঠ করিয়া বেশ বুঝা যায়।

কার্পেট-পরিষ্কারক বৈদ্যুতিক যন্ত্র

পাশ্চাত্য দেশে অধিকাংশ গৃহেই দেয়ালে Wall-paper অথবা কার্পেট লাগান থাকে। কার্পেট কিছুদিন দেয়ালে থাকিবার পর ক্রমশঃ ধূলায় মলিন হইয়া যায়; তখন সেগুলিকে খুলিয়া কোন গোলা জারগায় লইয়া গিয়া ঝাড়িয়া পরিষ্কার করিতে হয়। কিন্তু সে কাজ অস্বাস্থ্যকর এবং বায়ুসাপেক্ষ। ইহার প্রতিবিধান-স্বরূপ লণ্ডনের Aeg Electric Co. Ltd. 'Vampire' Vacuum Cleaner নামক এক প্রকার কার্পেট-পরিষ্কারক যন্ত্র উদ্ভাবন করিয়াছেন। ইহাতে সামান্য পরিশ্রমে অথচ অতি সুন্দরভাবে যত ইচ্ছা কার্পেট পরিষ্কার করা যাইতে পারে। ইহার যে ছবি দেওয়া হইল তাহাতে দেখা যাইবে, একজন মহিলা কেমন স্বচ্ছন্দে তাহার দেয়ালের কার্পেটগুলি 'Vampire' cleaner দিয়া পরিষ্কার করিতেছেন। ইহার দ্বারা পরিষ্কার করিলে খুব



নবাবিষ্কৃত কার্পেট-পরিষ্কারক যন্ত্রের দ্বারা দেওয়ালের কার্পেট পরিষ্কার করা হইতেছে।

অল্পদিনের মধ্যেই কার্পেট ছিঁড়িয়া যায় না। এমন কি এই যন্ত্রের মধ্যে একরূপ ব্যবস্থা আছে যে, কার্পেট যদি খুব দামী হয় এবং অতিরিক্ত সতর্কতা না হইলে যদি তাহা ছিঁড়িয়া যাইবার সম্ভাবনা থাকে, তাহা হইলে সেটরূপ সতর্কতার সহিত কার্পেটের অঙ্গ-সজ্জাকে অটুট রাখিয়া পরিষ্কার করা যাইতে পারে। এই যন্ত্রটা চালানোর জন্য যে বৈদ্যুতিক শক্তির খরচ হয় তাহা খুবই সামান্য।

ফোনোগ্রাফ ও রেডিও

ফোনোগ্রাফ ও রেডিও কিছুদিন পূর্বে বিভিন্ন যন্ত্র বলিয়া আমাদের জানা ছিল। কিন্তু সে জ্ঞান এখন বদলাইতে হইবে। শিকাগোর Electrical Research Laboratory এক নূতন যন্ত্র তৈয়ারী করিয়াছেন; তাহাতে

বেতারের গানও শুনা যাইবে এবং গ্রামোফোন রেকর্ড লাগাইয়াও গান শুনা যাইবে। সাধারণ রেডিও-সেটের যেরূপ হর্ণ থাকে ইহাতেও সেইরূপ একটা হর্ণ আছে। তাহার মধ্য দিয়াই সঙ্গীত শ্রুত হইয়া থাকে। এই যন্ত্র বৈদ্যুতিক শক্তিতে চলে। কিছুদিনের মধ্যেই যে ইহার আদর বাড়িবে তাহাতে সন্দেহ নাই।


সুগন্ধময় কবর

Sphinxএর নিকট প্রাচীনতম High Priest, ইতিহাস-প্রসিদ্ধ Ra-Ouerএর যে কবর আবিষ্কৃত হইয়াছে তাহার সম্বন্ধে এক মজার খবর শুনা গিয়াছে। ঐ কবরটী দেখিতে গিয়াছিলেন, তাহারা বলিয়াছেন যে, ঐ স্থানটির আবেষ্টনীর মধ্যে পদার্পণ করিবামাত্র কেমন একটা ফুলের সুগন্ধ পাওয়া যায়; মনে হয় বুঝি একরাশ টাটকা ফুল কে যেন এই কিছুক্ষণ মাত্র রাখিয়া গিয়াছে। সমাধিক্ষেত্রে অনেকগুলি Alabasterএর (শ্বেত প্রস্তরের খায় এক প্রকার দ্রব্য) ফুলদানী আছে এবং তাহা হইতে চারিদিকে সুগন্ধ ছড়াইয়া পড়িতেছে। বিশেষজ্ঞরা বলিতেছেন যে, ঐ সমস্ত ফুলদানী তৈয়ারী করিবার সময় রাসায়নিক উপায়ে তাহাতে ইহাতে চিরকাল সুগন্ধ থাকিতে পারে তাহার ব্যবস্থা হইয়াছে।

ইহারই নিকটস্থ একটা স্থান খুঁড়িয়া Ra-Ouerএর বাসভবন আবিষ্কৃত হইয়াছে। তাহাতে একটা প্রস্তর-খণ্ডের উপর লেখা আছে যে, Ra-Ouer খৃষ্ট-পূর্ব ২,৭০০ শতাব্দীতে জীবিত ছিলেন। এই বাসভবনের মধ্যে আবিষ্কৃত অপরাপর দ্রব্যের মধ্যে যে স্বর্ণময় ফুলদানীটা পাওয়া গিয়াছে, তাহা ঐতিহাসিকদিগের নিকট বহু মূল্যবান বলিয়া বিবেচিত হইয়াছে। একটা সুন্দর নেক্লেসও পাওয়া গিয়াছে, তাহাতে চার হাজার মূল্যবান পাথর গাঁথা আছে। শুনা যায় এই নেক্লেসটী Ra-Ouerএর মাতার ছিল এবং তাহার মৃত্যুর পর Ra-Ouer উহা তাঁহার স্ত্রীকে উপহার দেন।

নব-নির্মিত বিমান-পোত

বিলাতের এক Aeroplane Cy. নূতন এক



নব-নির্মিত বিমান-পোত—ইহার নূতনদে নানারূপ অসুবিধা ভোগ করিতে হয় না—বিপদের আশঙ্কাও নাই বলিলেই হয়।

প্রকারের বিমান-পোত আবিষ্কার করিয়াছেন; ইহার নাম 'Gipsy Moth Aeroplane.' পূর্বে যে সকল বিমান-পোত তৈয়ারী হইত তাহাতে একটা না একটা ক্রটি থাকিয়া যাইত। কোনটির বা অতিরিক্ত ভার বহিবার শক্তি থাকিত না, কোনটির থাকিবার জন্ত প্রকাণ্ড গ্যারেজ তৈয়ারী করিতে হইত, আবার কোনটা বা সমুদ্রের উপর দিয়া যাইতে যাইতে কল বন্ধ হইয়া ডুবিয়া যাইত। কিন্তু এই নব-নির্মিত বিমানপোতটীকে এই সকল অসুবিধা আর ভোগ করিতে হয় না। ইহার সহিত যে ছবি দেওয়া হইল তাহাতে দেখা যাইবে যে 'Gipsy Moth' কেমন সুন্দর ভাবে তাহার প্রকাণ্ড পাখা দুইটা মুড়িয়া ফেলিয়াছে এবং এইরূপ অবস্থায় তাহাকে দশ ফিট প্রস্থ যে কোন সাধারণ গ্যারেজে নির্ঝিল্পে পুরিয়া ফেলা যাইতে পারে। আরোহী ও চালক ব্যতীত ইহাতে আরও অতিরিক্ত মালপত্র লইবার স্থান আছে। ইহার সহিত আর একটা অংশ জুড়িয়া লইলে ইহাকে Sea-plane রূপেও ব্যবহার করা যাইতে পারে।


অভিনব মানচিত্র

Indian Air Survey & Transport Co. বিমানপোত হইতে ছবি তুলিয়া কলিকাতার এক প্রকাণ্ড মানচিত্র তৈয়ারী করিয়াছেন। প্রতি ইঞ্চি আট মাইলের সমান করিয়া উহা তৈয়ারী হইয়াছে। পূর্বে ভারতবর্ষের

কোন শহরের এইরূপ ধরণের মানচিত্র ছিল না। এই মানচিত্রটি উত্তরে নিলুয়া হইতে আরম্ভ হইয়া দক্ষিণে Tallygange Golf Clubএ আসিয়া শেষ হইয়াছে। সমস্ত শহরের বিভিন্ন অংশের ছবি তোলা দুই ঘণ্টার মধ্যে শেষ করা হয়। ফোটোগ্রাফারকে জিজ্ঞাসা করায় তিনি বলিয়াছেন যে সমস্ত শহরের বিভিন্ন স্থানের ছবি তুলিবার জন্য তাঁহাকে ক্যামেরায় দুইশত বিভিন্ন exposures দিতে হইয়াছিল; পরে উহাদের একত্র গ্রথিত করিয়া ফেলা হয়। ছায়াকে বাদ দিয়া ছবি তোলা হয় বলিয়া দুই দিনই বেলা বারটার সময় ছবি তুলিতে হইয়াছিল। এই মানচিত্রটি তৈয়ারী হওয়ার বিমানপোত চালকদের যথেষ্ট সুবিধা হইয়াছে।

বিলাতে পুলিশের সুব্যবস্থা

নিম্নে যে ছবি দেওয়া হইল তাহাতে বিলাতের কোন



রাস্তার যানাদির গতিবিধি সঙ্কেতে নির্দেশ করিবার নূতন উপায়। ইহাতে পুলিশ ও বান-চালক উভয়েরই বেশ সুবিধা হইয়াছে।

একটি শহরের পুলিশ কিরূপ সহজে যানাদির গতি নির্দেশ করিতেছে তাহা বুঝা যাইবে। উপরে চারিধারে যে চারিটি আলো আছে তাহাতে বিভিন্ন রঙের আলো জালিয়া যানাদির গতি সঙ্কেত করে প্রত্যেকটি বিভিন্ন রঙের বিভিন্ন অর্থ আছে যথা :—

লাল—থাম

হলুদে—সাবধান

সবুজ—যাও

প্রত্যেকটি আলো ত্রিশ সেকেন্ড পর্যন্ত এক রকম রঙে জ্বলিতে পারে, পরে রঙ বদলাইয়া যায়। এই সময়টির মধ্যে পথের নির্দিষ্ট দিক হইতে যান বাহনাদি চলিয়া যাইতে পারে। পৃথিবীর সমস্ত Automobile Association মিলিয়া প্রত্যেক দেশের প্রধান প্রধান শহরে এইরূপ আলো বসাইবার চেষ্টা করিতেছেন। আশা করা যায়, দুই চারি বৎসরের মধ্যে কলিকাতায়ও এরূপ আলো বসান হইবে।

মোটর-চালিত জাহাজ

পূর্বে বাষ্প-চালিত এঞ্জিনের জাহাজ, ষ্টীমার প্রভৃতি চলিত। কিছুদিন হইল এ নিয়মের ব্যতিক্রম ঘটিয়াছে। বহু কারণে পূর্বের ব্যবস্থা ততটা কার্যকরী হইতেছিল না; সেই জন্য নূতন তৈয়ারী জাহাজে বাষ্প-চালিত এঞ্জিনের পরিবর্তে মোটর বসাইয়া দেওয়া হইতেছে। নব-নির্গিত মোটর-চালিত জাহাজ-গুলির মধ্যে White Star Linerএর Britannic জাহাজখানিই সর্বাপেক্ষা বৃহৎ। এই জাহাজখানিতে সাড়ে পনের শত যাত্রীর স্থান সঙ্কলান হইতে পারে। জাহাজখানি দৈর্ঘ্যে ৬৮০ ফুট, প্রস্থে ৮২ ফুট এবং গভীরতায় ৪৩ ফুট ৯ ইঞ্চি, এরূপ মাপিয়া দেখা গিয়াছে। ইহা ২৭,৮৪০ টন ওজনের ভার বহিতে পারিবে। বিশেষজ্ঞদের মতে এই জাহাজখানি 'Belgenland' প্রভৃতি জাহাজের মত একখানি শক্তিশালী জাহাজ হইবে, তাহাতে কোন সন্দেহ নাই। জাহাজের মধ্যে আসবাবপত্র প্রভৃতি যাহা আছে তাহা ছোট-খাট একটি শহরের সমস্ত অধিবাসীদের কুলাইয়া যাইতে পারে।

এই জাহাজের পরিচালক ইহাকে New York হইতে Liverpoolএর পথে চালাইবেন এরূপ ঠিক হইয়াছে।

খাদ্যের ভেদাভেদ


খাদ্যের ভেদাভেদের উপর আমাদের স্বাস্থ্য অনেকখানি নির্ভর করে। কেহ কেহ খাদ্য বিশেষ খাইয়া হজম করিতে পারে না, অথচ অপরে সেই খাদ্যই রাশি রাশি খাইয়া হজম করিতেছে। ইহাতে বুঝা যায় যে, মানুষের পরস্পরের পরিপাক-শক্তির তারতম্য আছে। কিছুদিন হইল Damran নামক এক ডাক্তার ইহার প্রতিকার-স্বরূপ এক প্রকারের টীকা আবিষ্কার করিয়াছেন। যাহার যে খাদ্য হজম করিবার ক্ষমতা নাই তাহা দেখিয়া তাহাকে এই প্রতিনিরোধক টীকা দিয়া দিলে অল্পদিনের মধ্যেই তাহার সেই খাদ্য হজম করিবার শক্তি ফিরিয়া আসে। ইহাতে বহু অজীর্ণ রোগীর যে যথেষ্ট উপকার হইয়াছে, তাহা নিঃসন্দেহে বলা খাইতে পারে।

ডরথি ব্রিটনের নূতন রেকর্ড

কয়েক বৎসর হইল পশ্চিমের দেশগুলিতে মোটর Speed-Record স্থাপন করিবার ধুম পড়িয়া গিয়াছে। প্রতি সপ্তাহেই একজন না একজন এক একখানি গাড়ী লইয়া চাকার কেরামতি দেখাইতেছেন। সম্প্রতি Michigan শহরে Miss Dorothy Britton নামে জনৈক নারী এক নূতন Speed Record স্থাপনা করিয়াছেন। Miss Dorothy Britton তাঁহার যে গাড়ীখানি লইয়া প্রতিযোগিতায় নামিয়াছিলেন তাহা বড় অদ্ভুত প্রকৃতির। ইহা কতকটা ছোট ছেলেদের পায়ে চালান মোটর-মডেলের স্থায়। এই গাড়ীখানির নাম 'Mystery'। Miss Brittonএর এই গাড়ীখানি ঐ দেশীয় দর্শকদের মধ্যে যথেষ্ট উৎসুক্যের সৃষ্টি করিয়াছে। আমরা এই মজার গাড়ীখানির একটা ছবি দিলাম।

চলন্ত ট্রেনে টেলিফোন

পূর্বে চলন্ত ট্রেন হইতে কোন দূর দেশে কাহাকে কিছু সংবাদ পাঠাইতে হইলে মহা



মোটরে Speed Record স্থাপন করিবার জন্য Miss Dorothy Brittonএর প্রচেষ্টা। এই নূতন ধরণের গাড়ীখানি একটা দেখিবার জিনিস।

অসুবিধায় পড়িতে হইত। বিজ্ঞানের বলে আর আমাদের এ অসুবিধায় পড়িতে হইবে না। Canadian National Railways তাঁহাদের প্রত্যেক ট্রেনের মধ্যে টেলিফোন বসাইয়া দিয়াছেন। গত এপ্রিল মাসে একটা চলন্ত ট্রেন হইতে লণ্ডনের এক অফিসে সংবাদ পাঠান হয় এবং পরে জানা যায় যে ঐ সংবাদ যথাযথ ভাবে সেখানে পৌঁছিয়াছিল। এই যন্ত্রের এখনও যথেষ্ট ক্রটি আছে। সেই কারণে ইহার বহুল প্রচার হইতেছে না। আশা করা যায় কিছু দিনের মধ্যে ইহাকে একটা নিখুঁত যন্ত্র হিসাবে গড়িয়া তোলা হইবে।

ম্যালেরিয়ার প্রতিকার কি সম্ভবপর নয় ?

গত এপ্রিল মাসের Scientific American পত্রে Dr. Theo Krysto M. D. নামক বিখ্যাত চিকিৎসক ম্যালেরিয়া দূর করিবার জন্য যে সুচিন্তিত প্রবন্ধ লিখিয়াছেন তাহার সারি সংকলন আশা করিয়া দিলাম। তিনি যথায় বলিয়াছেন তাহা কল্পনা-প্রসূত নয়—সমস্ত জীবনব্যাপী অভিজ্ঞতার ফলে তিনি তাহা বলিতে সমর্থ হইয়াছেন। Medical

Geographyতে দেখা যায় যে ৪০ ডিগ্রী উত্তর এবং ৩০ ডিগ্রী দক্ষিণ এই ভূখণ্ডের মধ্যেই ম্যালেরিয়ার আধিক্য বেশী। কেবল অস্ট্রেলিয়া, ইউনাইটেড স্টেটসের পশ্চিমাংশ, আরব ও মিশর এই কয়েকটি প্রদেশে ম্যালেরিয়ার প্রাদুর্ভাব হয় না। অপরাপর স্থানে এই রোগ দৃষ্ট হইলেও, আফ্রিকার অধিকাংশ স্থান, মধ্য ও দক্ষিণ আমেরিকা, ইন্দো-চীন, ও ভারতবর্ষের সমতল ভূমিতে যে পরিমাণে হয় সেসকল কোথাও হয় না। আফ্রিকার বহুস্থানে ম্যালেরিয়া হইলে ৪৮ ঘণ্টার মধ্যে যদি কোনরূপ ঔষধ ব্যবহার করা না হয়, তাহা হইলে রোগীর মৃত্যু অনিবার্য।

হাজার হাজার লোক প্রতি বৎসর এই ছুরারোগ্য রোগে প্রাণ হারাইতেছে। ইহার কি কোন প্রতিকার নাই? Dr. Theo Krysto বলিতেছেন যে সে প্রতিকার অতি সহজেই করা যাইতে পারে। ম্যালেরিয়া যে কি তাহা তিনি ভালরকম জানেন, কারণ বহু বৎসর ধরিয়া তাঁহাকেও ঐ রোগে ভুগিতে হইয়াছিল।

সাধারণতঃ এই রোগের জন্ম মশা হইতে। তেল, emulsion প্রভৃতির দ্বারা ইহাদের বংশ সম্পূর্ণ নাশ করা অসম্ভব। সেই কারণে তিনি Beans ও Alfalfa নাম করিয়াছেন, (Dr. Krysto শুধু পাশ্চাত্য ভাগতেরই কথা বলিতেছেন, কারণ Beans কিংবা Alfalfa আমাদের দেশে উৎপন্ন হয় না, তবে আমাদের দেশে উহার পরিবর্তে তুলসীগাছের দ্বারা ম্যালেরিয়া তাড়ান যায়) বাহাতে মশকের নিষ্করণ দংশন হইতে নিষ্কৃতি পাওয়া যায়। Alfalfa বন্ধিষ্ণু হইলেই সে স্থানে আর ম্যালেরিয়া থাকিতে পারে না। লেখক নিজেই দেখিয়াছেন যে, যেখানে এনোকিলিসের খুব প্রাদুর্ভাব সেখানে Alfalfa কিংবা Beans রোপণ করিলেই ম্যালেরিয়া সমূলে বিনষ্ট হয়। এইরূপ আরও এক প্রকারের উদ্ভিদ পদার্থ আছে, তাহার চাষ করিলে মশক-বংশ ধ্বংস হয়। এই কারণে যে দেশে ম্যালেরিয়ার প্রাদুর্ভাব বেশী সে দেশে হুঁটীওয়াল উদ্ভিদ—Leguminous Plant বসানর যথেষ্ট প্রয়োজন। তৈল, emulsion কিংবা ম্যালেরিয়ার বীজাণু ধ্বংসকারী মৎস্য প্রভৃতির দ্বারা ম্যালেরিয়া নষ্ট করিতে বহু অর্থ

ব্যয় হয় অথচ অল্প খরচে অল্প সময়ের মধ্যে এরূপ সমূলে ম্যালেরিয়া ধ্বংস করা প্রত্যেকেরই আয়াসসাধ্য।

ম্যালেরিয়াকে আমরা একেবারে ছুরারোগ্য বলিয়া ধরিয়া লই কিন্তু ইহার হাত হইতে রক্ষা পাইবার উপায় যে আমাদের প্রত্যেকের হাতেই রহিয়াছে তাহা আমরা ভাবি না।

পোয়েট লরিয়েটের মৃত্যু

গত ২১শে এপ্রিল Oxfordএর নিকট ইংলণ্ডের রাজ-কবি—(Poet-Laureate) Dr. Robert Bridges এর মৃত্যু হইয়াছে। ১৯১৩ খৃঃ তিনি ঐ পদে মনোনীত হন। তাঁহার লেখার মধ্যে 'Growth of Life', 'Prometheus the Forgiver', 'Eros and Psyche' প্রভৃতির নাম উল্লেখযোগ্য। তিনি সাধারণের নিকট হইতে বিশেষ সম্মান পান নাই, কারণ তাঁহার সমস্ত কবিতাই প্রায় দুর্কোধ্য। মৃত্যুর কিছু দিন পূর্বে তিনি 'Testament of Beauty' নামক একখানি পুস্তক লিখিয়া গিয়াছেন। Dr. Bridgesএর মৃত্যুতে জন-মেশকিল্পকে ইংলণ্ডের রাজসচিব নিযুক্ত করিয়াছিলেন। মেশদিব্বের সহজ স্বচ্ছন্দ এবং সাবলীল কবিত্ব-শক্তিজ্ঞানের সকলের মনস্তৃষ্টি করিবে।

প্রতীচ্যের আধুনিক চিত্র-শিল্প

বর্তমান সময়ে প্রতীচ্য-জগতে বিখ্যাত শিল্পীরা কে কি করিতেছেন তাহার একটি বিবরণ সকলন করিয়া দিলাম :—

লণ্ডন—হাল উল্ফ (Hal Woolf) গত হেমন্তের পূর্বে পর্য্যন্ত Refern Galleryর শিল্প-প্রদর্শনীতে কেবল উল্ফেরই ছবি দেখাইয়া আসিয়াছেন। উল্ফ নবীন হইলেও তাঁহার বৈশিষ্ট্য শিল্প-জগতে যথেষ্ট আদর পাইয়াছে। তাঁহার অধিকাংশ Landscapes পারী ও কোর্সিকার দৃশ্য লইয়া অঙ্কিত। তাঁহার বিখ্যাত ছবিগুলির মধ্যে 'Rue de Bau bourg' 'Les Halles', 'Cafe', 'Rue de Bucci' ও 'Onions'এর নাম উল্লেখযোগ্য।

Godfrey Phillips Galleries কিছু দিন পূর্বে এক চিত্র-প্রদর্শনী খোলেন। এই প্রদর্শনীতে ছোট বড় বহু শিল্পী তাঁহাদের ছবি পাঠাইয়াছিলেন। ইংলণ্ডের

শিল্পী Geoffery Nelson যে পিরেনিন্স পর্বতের দৃশ্য-পট-খানি আঁকিয়াছেন তাহা না কি যথেষ্ট সুখ্যাতি অর্জন করিয়াছিল। এই প্রদর্শনীতে অপরাপর চিত্র-শিল্পীদের মধ্যে Miss Nina Hamnolt, Edgar Gilmont, Dietz Edyardএর নাম শ্রেষ্ঠ বলিয়া উল্লেখ করা যাইতে পারে।

টোয়িন্ নামক এক কৃষক কিছু দিন হইল কয়েকখানি চমৎকার ছবি আঁকিয়াছে। সে Pissarroর ছাত্র বলিয়া পরিচয় দেয়। তাহার ছবিগুলি খুব পুরাতন ধরণের হইলেও সে যাহা প্রকাশ করিতে চাহিয়াছে তাহা তাহার ছবির প্রত্যেক অঙ্গে সুন্দর ভাবে ফুটিয়া উঠিয়াছে।

পারী—বিখ্যাত শিল্পী ও পটুয়া Emile Bourdelle আজ মৃত। তাঁহার মৃত্যুতে ফরাসী-শিল্প-জগতের যে যথেষ্ট ক্ষতি হইল তাহাতে সন্দেহ নাই। তিনি Carriereর বিদ্যালয়ে প্রথমে এই বিদ্যা শিক্ষা করেন। ফ্রান্সের বহু স্থানে তাঁহার তৈয়ারী মূর্তি আছে। গত বৎসর ব্রাসেল্‌স্‌এ তাঁহার তৈয়ারী মূর্তিগুলির এক প্রদর্শনী খোলা হয়।

Vergesarrat একজন ফ্রান্সের উদীয়মান শিল্পী। তিনি গত মহাযুদ্ধের কয়েক বৎসর পূর্বে হইতে ছবি আঁকিতে আরম্ভ করিয়াছেন। তিনি Charles Heymanএর দলের। তিনি Poussin, Durer প্রভৃতির দক্ষ পদ্ধতিকে অনুসরণ করেন। পূর্বে তাঁহার খ্যাতি সতটা বিস্তৃত হয় নাই; কিন্তু গত বৎসর লণ্ডনের এক


প্রদর্শনীতে তাঁহার ছবি পুরস্কার পাওয়ার পর এখন তিনি কলের নিকট পরিচিত।

বার্লিন—বর্তমান সময়ের স্থপতি-বিদ্যায় সর্বাপেক্ষা জটিলতম সমস্যা হইয়াছে গির্জা-তৈয়ারী-সমস্যা। Kunstendienst Dresden এই বিষয়ে একটা প্রদর্শনী খোলেন। বিশেষজ্ঞরা বর্তমান সময়ের ভাবোপযোগী করিয়া নূতন ধরণে গির্জা তৈয়ারী করিতে চেষ্টা করিতেছেন। পরীক্ষা স্বরূপ পুরাতন ধরণে আর গির্জা তৈয়ারী না করিয়া নূতন ধরণে কয়েকটা গির্জা তৈয়ারী করা হইয়াছে।

বিখ্যাত শিল্পী Curt Hermann ৭৫ বৎসর বয়সে মারা গিয়াছেন। তাঁহার ছবিগুলি তাঁর বিরাট প্রতিভার পরিচায়ক। জীবনের যে সত্য তিনি তাঁর ছবিগুলির মধ্যে প্রচার করিয়া গিয়াছেন তাহা চিরকাল অক্ষয় অমর হইয়া থাকিবে।

Felix Meseck, Weimarএর একটা কলেজের অধ্যাপক। তিনি আজ কয়েক বৎসর হইল যথেষ্ট শিল্প-কুশলতা লাভ করিয়াছেন। তাঁহার ছবিগুলি Ferdinand Moller Galleryতে প্রদর্শিত হইয়াছে।

স্পেন—Don Ignacio Pinazo Camarlnecএর পুত্র Don Jose Pinaoz Martinez কিছু দিন হইল ছবি আঁকিয়া যথেষ্ট সুনাম অর্জন করিয়াছেন। তাঁহার ছবিগুলি বিশেষজ্ঞদের নিকট যতটা আদর পাইয়াছে তাহা হইতে বেশী আদর পাইয়াছে সাধারণের নিকট হইতে। স্পেনের কয়েকটা museumsএ তাঁহার ছবি আছে।



শতবর্ষ পূর্বে কলেজীয় ছাত্রের পত্ররচনা

[শ্রীমন্নথনাথ ঘোষ, এম্ এ—]

অনেকের এইরূপ ভ্রান্ত সংস্কার আছে যে প্রাচীন হিন্দু কলেজের ছাত্রগণ ইংরেজী ভাষা ও সাহিত্যেরই অনুশীলন করিতেন, বাঙ্গালা ভাষা ও সাহিত্যের অনুশীলন করা দূরে থাক, মাতৃভাষাকে তাঁহারা অবজ্ঞার দৃষ্টিতে দেখিতেন। কিন্তু যখন আমরা স্মরণ করি যে কবি কাশী-প্রসাদ ঘোষ, ষাঁহার বাঙ্গালা গীতাবলী একদিন বাঙ্গালীর গৃহে গৃহে গীত হইত, আচার্য্য কৃষ্ণমোহন বন্দ্যোপাধ্যায়, ষাঁহার 'বিদ্যাকল্পদ্রুম' ইংরেজীতে অনভিজ্ঞ বাঙ্গালীকে প্রতীচ্য জ্ঞানের সাম্রাজ্যে অনারাস প্রবেশের অধিকার দিয়াছিল, রাধানাথ শিকদার ও প্যারীচাঁদ মিত্র, ষাঁহারা 'মাসিক-পত্রিকায়' সহজ ও সরল গণ্ডের প্রবর্তন করিয়াছিলেন, দেবেন্দ্রনাথ ঠাকুর ও রাজনারায়ণ বসু, ষাঁহারা বঙ্গভাষায় ধর্মবিজ্ঞান-বিষয়ক সন্দর্ভ রচনায় অপূর্ব কৃতিত্ব দেখাইয়াছিলেন, মধুসূদন দত্ত, যিনি বঙ্গভাষায় সর্বপ্রথম অমিত্রাক্ষর

ছন্দের প্রবর্তন করিয়াছিলেন, ভূদেব মুখোপাধ্যায়, ষাঁহার সুচিন্তিত প্রস্তাবসমূহ বাঙ্গালা সাহিত্যে অতুলনীয়— ইঁহারা সকলেই হিন্দুকলেজের ছাত্র, এবং ইঁহাদের অব্যবহিত পরবর্তী যুগের নাট্যকার দীনবন্ধু মিত্র, কবিবর হেমচন্দ্র বন্দ্যোপাধ্যায়, উচ্চ গণিত-বিষয়ক গ্রন্থাদির প্রণেতা প্রসন্নকুমার সর্বাধিকারী প্রভৃতিও হিন্দু কলেজের ছাত্র, তখন পূর্বোক্ত সংস্কার যে কতদূর অমূলক তাহা সহজেই হৃদয়ঙ্গম হয়। সে-কালে উৎকৃষ্ট পাঠ্য গ্রন্থাদির অভাব সত্ত্বেও ইঁহারা কিরূপে মাতৃভাষায় এতাদৃশ অধিকার লাভ করিয়াছিলেন তাহা আশ্চর্য্যের বিষয়। আমরা আজ 'পঞ্চপুষ্পের' পাঠকগণকে সেকালের একজন বাঙ্গালী ছাত্রের পত্ররচনা উপহার দিতেছি। এই রচনাটি ঠিক একশত বৎসর পূর্বে বিখ্যাত ইংরাজী লেখক ও অধ্যাপক কাপ্তেন ডেভিড লেটটার রিচার্ডসন-সম্পাদিত "Bengal Annual A Literary Keepsake for 1830" নামক বার্ষিক পত্রে প্রকাশিত হইয়াছিল। উক্ত পত্রে বিখ্যাত ইয়ুরেশীয় শিক্ষক ও কবি হেনরি লুই ভিভিয়ান ডিরোজিয়ো, 'বোর্ড অব রেভিনিউ'এর সদস্য হেনরি মেরেডিথ পার্কার, প্রাচ্য বিদ্যায় সুপণ্ডিত হেরস হেম্যান উইলসন, সদর আদালতের বিচারপতি রবার্ট হ্যাল্ডেন ব্যাট্টে কাপ্তেন ম্যাকনটেন, কর্ণেল ইয়ং, ডেভিড ড্রামণ্ড, মিস্ এমা রবার্টস, কাশীপ্রসাদ ঘোষ এবং সম্পাদক প্রভৃতির রচিত প্রথম শ্রেণীর ইংরেজী গণ্ড ও পণ্ড রচনার সঙ্গে হিন্দুকলেজের ছাত্রের রচিত এই বাঙ্গালা পণ্ডটি কেন মুদ্রিত হইয়াছিল বলিতে পারি না, তবে এইরূপ অনুমান বোধ হয় অসঙ্গত নহে যে, এই বাঙ্গালা পণ্ড রচনাটি তৎকালে অনেকের নিকট প্রশংসা লাভ করিয়াছিল।

রচনাটি উপহার দিবার পূর্বে রচয়িতা সৰ্ব্বদে কিছু বলা আবশ্যিক। কিন্তু সেই স্বনামধন্য পুরুষের বিষয় অধিক কিছু বলিবার প্রয়োজন নাই। কলিকাতার ছোট



হরচন্দ্র ঘোষ

আদালতের প্রবেশদ্বারের সন্নিকটে যে মহাস্থান প্রস্তরময়ী প্রতিমূর্তি প্রতিষ্ঠিত আছে সেই হরচন্দ্র ঘোষের পরিচয় দিবার জন্য 'সুরধুনী কাব্যের' কবি দীনবন্ধুর নিম্নোক্ত দুইটি পংক্তিই কি যথেষ্ট নহে ?—

“নিরপেক্ষ হরচন্দ্র জানা নানা মতে,
সুবিজ্ঞ বিচারপতি ছোট আদালতে।”

১৮০৮ খৃষ্টাব্দে ওরা মে ঘোড়াসাঁকোয় হরচন্দ্র ঘোষ জন্মগ্রহণ করেন। ইঁহার পিতা দেওয়ান অভয়চরণ ঘোষ একজন প্রতিষ্ঠাপন্ন ব্যক্তি ছিলেন। ইনি ডেভিড হেয়ারের স্কুলে ও হিন্দুকলেজে উচ্চ শিক্ষা লাভ করিয়া লর্ড উইলিয়ম বেটিকের দৃষ্টি আকর্ষণ করেন এবং তৎকর্তৃক মুন্সেফের পদে নিযুক্ত হন। ১৮৫২ খৃষ্টাব্দে ইনি কলিকাতার অন্ততম পুলিশ ম্যাজিস্ট্রেট নিযুক্ত হন এবং ১৮৫৪ খৃষ্টাব্দে ছোট আদালতের অন্ততম বিচারপতির পদে বৃত্ত হন। তিনি কর্তব্যপরায়ণ, বিচক্ষণ ও নিরপেক্ষ বিচারপতি ছিলেন। ১৮৬৮ খৃষ্টাব্দে ওরা ডিসেম্বর তাঁহার মৃত্যু হইলে টাউন হলে তাঁহার স্মৃতি চিহ্ন স্থাপনের জন্য এক মহতী শোকসভা আহুত হয়। হাইকোর্টের অন্ততম বিচারপতি নর্মাণ সাহেব এই সভায় সভাপতির আসন গ্রহণ করিয়াছিলেন।

হরচন্দ্র কোনও বাঙ্গালা গ্রন্থ রাখিয়া যান নাই। হুগলী-নিবাসী ডেপুটি ম্যাজিস্ট্রেট হরচন্দ্র ঘোষ বাঙ্গালা নাটকের অন্ততম জন্মদাতা এবং তাঁহার অনেকগুলি বাঙ্গালা গ্রন্থ আছে। নাম এক বলিয়া এই রচনাটির লেখক ও নাট্যকার হরচন্দ্র একই ব্যক্তি বলিয়া যেন কেহ ভ্রমে পড়িত না হন। নাট্যকার হরচন্দ্র হুগলী কলেজের ছাত্র ছিলেন, এই রচনাটি হিন্দুকলেজের ছাত্র হরচন্দ্রের—ইহা সুস্পষ্টভাবে 'বেঙ্গল অ্যানুয়ালে' লেখা আছে।

বিচারপতি হরচন্দ্র স্বয়ং বাঙ্গালা গ্রন্থাদি রচনা না করিলেও তিনি যে বাঙ্গালা সাহিত্যের অনুরাগী ও উন্নতিকামী ছিলেন সে-বিষয়ে সন্দেহ নাই। তাঁহার জ্যেষ্ঠ পুত্র 'বদাধিপ-পরাজয়'-রচয়িতা প্রতাপচন্দ্র ঘোষ বাঙ্গালা সাহিত্যের ইতিহাসে একটা বিশিষ্ট স্থান অধিকার করিয়াছিলেন। মহাভারত-অনুবাদক মহাত্মা কালীপ্রসন্ন সিংহ মহোদয়—ঐহার নাম বঙ্গসাহিত্যের ইতিহাসে চিরদিন

স্বর্ণাকরে লিখিত থাকিবে—তিনিও ইঁহারই তত্ত্বাবধানে 'মানুষ' হইয়াছিলেন। অল্প বয়সে পিতৃ-বিয়োগ হইয়াছিল বলিয়া হরচন্দ্রই যে কালীপ্রসন্নের অভিভাবক হইয়া ছিলেন এবং তাঁহার রুচি গঠনে সহায়তা করিয়াছিলেন তাহা সিংহ মহোদয়ের জীবনী পাঠকগণের অবিদিত নাই।

বার হাত কাঁকুড়ের তের হাত বীজ হইতে পারে, ইহা প্রমাণ করা আমাদের উদ্দেশ্য নহে; সুতরাং এইখানেই ভূমিকা সমাপ্ত করিয়া হরচন্দ্রের রচনাটি আমরা উদ্ধৃত করিতেছি।—

Anacreon, Ode xxxv

Literally translated,

By Hara Chandra Ghose.

পুষ্পের শয্যাতে এক দিবস মদন।
শ্রমযুক্ত হইয়া তাহে করিল শয়ন ॥
দুর্ভাগ্য বালক তাহা চক্ষে না হেরিল।
পুষ্প-পত্রে মধুমক্ষি নিদ্রিত আছিল ॥
মক্ষিকা জাগিয়া হইল ক্রোধান্বিত মন।
জাগিয়া শিশুকে তখন করিল দংশন ॥
উর্দ্ধ্বরে শিশু তখন করিয়া ক্রন্দন।
মাতার নিকট শীঘ্র করিল গমন ॥
আঘাত পাইয়াছি আমি গুন গো জননী।
বেদনাতে প্রাণ যায় মরিব এখনি ॥
ক্রুদ্ধ জন্তু আসি মোরে দংশন করিল।
বুঝি কোন সর্প হবে ক্ষুদ্র পক্ষ ছিল ॥
মক্ষিকা তাহার নাম স্বরণ এই হয়।
পূর্বেতে রাখাল-মুখে শুনেছি নিশ্চয় ॥
সে আসি কহিল এই মাতার সদনে।
শ্রবণ করিল মাতা সহস্র বদনে ॥
শুনিয়া কহিল মাতা বালক আমার।
মক্ষিকা স্পর্শেতে এত দুঃখ হে তোমার ॥
কি দশা হইবে তার হায়রে মদন।
যাহার হৃদয়ে ভূমি করিবে দংশন ॥

Hindoo College, Nov. 1829.

প্রাচীন-পঞ্জী

নাট্যশালার ইতিহাস

(পূর্বানুস্মৃতি)

এই যে দল হবার সূত্রপাত হল, এই আপনাদের সুপরিচিত স্তাশন্যাল থিয়েটারের অঙ্গুর। এই গোবিন্দবাবুকে অবলম্বন করে আমরা নগেন্দ্রবাবু, ধর্মদাসবাবু, রাধামাধববাবু, আর আমি এই চার-জনে স্তাশন্যাল থিয়েটারের গোড়া পত্তন করলেম। দুঃখের বিষয় তখন গিরীশবাবুকে আমরা আমাদের মধ্যে পেলেম না। তারপর যেদিন যেমন করে নাম করণ হয়, তাও বলছি।

যেদিন আমরা গোবিন্দনাথকে পেলেম, সেই দিনই যে আমাদের দল—স্তাশন্যাল থিয়েটারের দল, বসে গেল তা নয়। তখন আমাদের নগেন্দ্রবাবুর বাড়ীতেই বৈঠক হত। গোবিন্দবাবুও সেইখানে আসতেন। অতি অল্পদিনের মধ্যে গোবিন্দবাবু নিজের অনার্মিকতার আমাদের মধ্যে এমন মিশে গেলেন যে, আমরা তাঁকে গোবিন্দনাথ থেকে একবারে “গোবে বাঙাল” করে নিলেম। আনন্দ-প্রকৃতির গোবিন্দবাবুও “গোবে বাঙাল” নামটা বড় আদর করতেন। তিনি নিজেই আপনাকে Gobey Bengal (গোইবা অক বাঙাল) বলে অভিহিত করতেন। “গোবে বাঙাল” বলে পরিচয় দিতে তাঁর এত আনন্দ বোধ হত যে, তিনি এক সময়ে ৮মতিলাল সুরকে অনুরোধ করেছিলেন যে, যদি তিনি কোন দিন থিয়েটারের সংগ্রহে তাঁর নামটা ছাপান, তবে যেন “গোবিন্দনাথের” পরিবর্তে “গোবে অক বেঙ্গল” ছাপান। আজ সে অনুরোধ রক্ষার জন্ত মতিবাবু বেঁচে নাই, যদি আজকের এই সভার বিবরণ কোথাও ছাপা হয়, তবে আমাদেরাই সে কাজটা হয়ে থাক। গোবিন্দবাবু আজও বেঁচে আছেন, দেশে আছেন।

বাগবাজার মুখুয্যে পাড়ার হরলাল মিত্রের লেনে গোবে বাঙালের স্বস্তরবাড়ী ছিল। এবার তাঁকে অবলম্বন করে তাঁরই স্বস্তরবাড়ীতে থিয়েটারের দল বসান হল। সধবার একাদশীর দলের এক গিরীশবাবু ব্যতীত আর সকলেই এসে জুটলেন। বাজার দল হতে আমরা মতিলাল সুরকে পেরেছিলেম, তিনিও এলেন। মহেন্দ্রলাল বহুর সঙ্গে আলাপ পরিচয়ে দিন দিন ঘনিষ্ঠতা বেড়ে গিয়েছিল; এই সময়ে তিনিও যোগ দিলেন। হিন্দুলখাঁও এলেন। নূতন অনেকগুলি লোক যোগ দিলেন; তার মধ্যে শ্রীযত্ননাথ ভট্টাচার্য্য, শ্রীকেশবমোহন গঙ্গোপাধ্যায়, শ্রীসুরেশচন্দ্র মিত্র, ৮কার্ত্তিকচন্দ্র পাল প্রভৃতি বিশেষ উৎসাহে কার্য্যে অগ্রসর হলেন। ধর্মদাসবাবুও এই সময়ে আমাদের মধ্যে সকল প্রকার কার্য্য যাতে যথাসময়ে সুস্থলে নির্বাহ হয়, তার জন্ত এত বড় চেষ্টা করতে লাগলেন যে, তিনিই আমাদের মধ্যে অধ্যক্ষ হয়ে পড়লেন। ১৮৭১ খৃষ্টাব্দের প্রথমে ১২৭৭ সালের মাঝে

আবার আমাদের থিয়েটারের দল বসে গেল। আমরাই যাঁড়ে শিকার তার পড়ল। গিরীশবাবু নাই, কাজেই সবাই আমার চেপে ধরলে। লীলাবতীর রিহার্সাল আরম্ভ হল। গোবিন্দবাবু যে খরচা দিড়েন তাতে আখুড়ার খরচটা মাত্র চলত। টেক্স, পোবাক বা অভিনয়ের খরচা তার কাছ থেকে পাবার আশা ছিল না। রিহার্সাল বত সম্পূর্ণ হয়ে আস্তে লাগল, ততই অভিনয়ের জন্ত উৎসাহ বাড়তে লাগল। আমি উপায়ান্তর না দেখে প্রস্তাব করলেম—এরকমে একটা লোকের অর্ধ নষ্ট করা যুক্তিসঙ্গত নয়, বরং কোথাও একটা টেক্স ভাড়া করে এনে, টিকিট বেচে অভিনয় করার চেষ্টা করা যাক, তা হলে কিছু অর্ধসংগ্রহ হতে পারে। তার পর কোথাও একটা হারী টেক্স বাঁধবার চেষ্টা করা যাবে। আমরা পরামর্শ যুক্তিবৃত্ত বলে সকলে গ্রহণ করলেন। রিহার্সালে আরও তাজা পড়ে গেল। তখনও গিরীশবাবু আমাদের মধ্যে জেই। (Hear Hear) ধর্মদাসবাবু, হেন্দ্রবাবু, হিন্দুল খাঁ প্রভৃতি ললিতের অংশ শিকার করতেন। শেষে টিকিট বেচেই অভিনয় করবার জন্ত কৃতসংকল্প হয়ে একদিন ড্রেস রিহার্সাল দেবার (Experimental play) প্রস্তাব করা গেল। নগেন্দ্রবাবুর বাড়ীতেই ১৮৭১ সালের ১২৭৭ সালের শেষে একস্পেরিমেন্টাল প্লে হলে গেল। এই অভিনয়ে ধর্মদাসবাবু ললিতের অংশ অভিনয় করলেন। এই অভিনয়ের সুখ্যাতি পাড়ার রাষ্ট্র হয়ে পড়ল, গিরীশবাবু তখন এসে যোগ দিলেন, আমরাও মহা আনন্দে তাঁকে ললিতের অংশ গ্রহণ করতে অনুরোধ করলেম। তিনিও সম্মত হলেন। শেষে তাঁকে আমাদের অভিপ্রায় জানালেম। তিনি পেশাদার হয়ে টিকিট বেচে থিয়েটার করতে কিছুতেই সম্মত হলেন না। তিনি প্রস্তাব করলেন মাইকেলের কথামত সকলে ৫ হাজার টাকা চাঁদা তোলাবার চেষ্টা দেখ। আমরাও তখন কাজ বন্ধ সহজ ভেবে তাঁরই কথায় সম্মত হলেম।

তার পর চাঁদার খাতা প্রস্তুত হল। রাধামাধববাবুর বাড়ী ১০৭ নং স্তামবাজার স্ট্রীটে আমাদের থিয়েটারের কার্যালয় স্থির হল। ধর্মদাসবাবু ম্যানেজার, নগেন্দ্রবাবু সেক্রেটারী হলেন। চাঁদার ৮ খানি খাতার A হতে H পর্যন্ত নম্বর দেওয়া হল। প্রত্যেক খাতার প্রথম পৃষ্ঠার ইংরাজীতে এক একখানি আবেদন-পত্র আঁটিয়া দেওয়া হল, তার মধ্যে উদ্দেশী লেখা হল “Subscription to be raised for the benefit of a public stage and the dramatic writing”—খাতার ধর্মদাসবাবু, নগেন্দ্রবাবু আর যোগেন্দ্রবাবু Projector বলে নাম সহি করেছিলেন। শেষে ঐরূপ নাম দিয়ে একটা সাধারণ বিজ্ঞাপনও ছাপান হয়। ধর্মদাসবাবুর বাড়ীতে বসে এই সকল কার্য্য হয়। এক একখানি খাতা এক এক জনের নিকট

টাকা আদায়ের জন্য দেওয়া হয়। A সংখ্যক খাতার রাধামাধববাবু, ধর্মদাসবাবু, নগেন্দ্রবাবু আর আমি প্রত্যেকে ২০০ টাকা করে টাকা সহি করি। এই খাতা নিয়ে মতিলাল হর, গোপালচন্দ্র দাস আর আমি সহরের বড় মানুষদের নিকট টাকা সাধতে যাই। প্রথমেই নাট্যমোদী বলিরা মহারাজ বতীন্দ্রমোহনের বাড়ী যাই। তখনও তিনি মহারাজ নন। আমার আশীর্বাদ বলে, আমি ভিতরে যাই নি। মতিবাবু আর গোপালবাবু যান। মহারাজের ভবিষ্যতি মবীনবাবু প্রত্যাবর্তি শুনে বললেন, “বাপু, তোমাদের বোধ হয় আমাদের পরসার অভাব হয়েছে, সাধারণের জন্য থিয়েটার হল আর না হল বড় ব্যয়েই গেল, আর বোধ হয় তার কোন প্রয়োজনও নেই। মহারাজার বাড়ীতে এইরূপ নিরুৎসাহ হওয়ার আমরা আর কোন বড় মানুষের দারুণ হলেন না। পাড়া-প্রতিবাসী গৃহস্থদের নিকট ২০, ৫০ করে ৩০০ পর্যন্ত সহি হয়। এই তিনশ টাকার মধ্যেও আবার ২৫০ টাকা মাত্র আদায় হয়েছিল। তাই নিরেই কার্য আরম্ভ করা গেল, ষ্টেজ তৈরীর জন্য কিছু কিছু জিনিষ পত্র ধর্মদাসবাবুকে আনতে দেওয়া গেল; দৃশ্যপটের উপযুক্ত কাঠ, কাপড়, রং কেনা হল। গোবর্দ্ধন পোটে একখানি রাজপথের দৃশ্যপট এঁকে দিলে আর পরসার নাই, পোটোকে বিদায় দিয়ে ধর্মদাসবাবু নিজেই তুলি ধরলেন। এই সময়ে আবার গোবিন্দনাথবাবুও দেশে গেলেন। আখড়ার খরচ চালান দায় হল। তখন মতিবাবু, মহেন্দ্রবাবু, নগেন্দ্রবাবু, আমি,—আমরাই মধ্যে মধ্যে ১০।২০ টাকা দিয়ে দলটি বজায় রাখলেন। এত কষ্টে পড়ে আমি আবার একদিন ষ্টেজ ভাড়া করে টিকিট বেচে টাকা তোলবার প্রস্তাব করলেন। শেষে তিনি বিরক্ত হয়ে আবার আমাদের সঙ্গে ত্যাগ করলেন।

ধর্মদাসবাবুর বাগবাজারের বাড়ীর সম্মুখে একটা মাঠ পড়ে আছে, তখন সেখানে একটা পুকুরিণী ছিল। এই পুকুরের পাড়ে একঘর কামারের বসতি ছিল। সে উঠে গেলে তার ভিটে পড়েছিল। আমরা সেইখানে নাট্যমঞ্চ বেঁধে টিকিট বেচে অভিনয় করুব বলে স্থির করলেন। হানটা বাগবাজার ট্রীটের উপর। এই পরামর্শই স্থির হল। তখন ম্যাটর্কর্পের কার্টের ভাবনা জুটলো, ইতিপূর্বে শ্রাম-পুকুরের গোপাল মুখোপাধ্যায়ের বাড়ীতে ব্রজবাবুর প্রস্তুত ম্যাটর্কর্পের কথা বলেছি, সেকাঠ-কাঠরা তখন মজুত ছিল। ব্রজবাবু তখনও পীড়িত। আমি একদিন গিয়ে মেগলি প্রার্থনা করলেন। ব্রজবাবু মদ্যকৃত্তে আনন্দ মনে সমস্ত দান করলেন। তখন অর্ধের অবস্থা এমনি বাজল যে, শ্রামপুকুর হতে কাঠগুলো বাগবাজারে মুটে ভাড়া দিয়ে আনবার সম্ভাবনা নেই। শেষে গভীর রাত্রে আপনাই হাত-হাতি করে সেই সকল কাঠ এনে কেল গেল। (hear hear) টিক এই সময়ে একটা ইংরাজ নাটিক ভিক্টর কর্তে আসে, তার নাম ম্যাকলীন।—তার থাকবার হান, খাবার উপায় ছিল না। ধর্মদাস-বাবু তাকে আহ্বান দিতে স্বীকার করেন। তার পর বৎসামাত্র খরচ করে আমরা জমীটাকে বিয়ে নিয়েছিলেম বটে, কিন্তু লোকাতাবে

টুকুরো কাঠ চুরী বেতে লাগল দেখে, ঐ সাহেবটাকে তার রক্ষক রাখা গেল। সে ধর্মদাসবাবুর বাড়ী গেল আর সেই মাঠে পড়ে থাকত। তাকে বিয়ে আমরা কুলীমজুরের কাজও করিয়ে নিতেন। লোকটা আহ্বানে থাকার জন্য অনেকগুলো রং প্রস্তুত করতে জানত। আমরা তাকে বিয়ে অল্প খরচে অনেকগুলো রং প্রস্তুত করিয়ে নিয়েছিলেম। ধর্মদাসবাবু আঁকতেন, কেজমোহন বোগাড় দিতেন আর সাহেব রং বেটে রং কলিয়ে দিত। কিছুদিন থাকতে থাকতে সাহেব শ্রীবৃদ্ধ কৃষ্ণ-কিশোর নিরোগীর কোচম্যান হয়ে গেল। লোকটার বস্ত্রাদি নেই দেখে কৃষ্ণকিশোরবাব একহুট ইংরাজী পোষাক কিনে দিলেন, পোষাক পেয়ে, একদিকে চলে গেল আর এল না।

আমাদের দৃশ্যপট আঁকা আর ম্যাটর্কর্প তৈরীরী বখন অর্ধেক প্রস্তুত হয়ে এসেছে, তখন শুধলেন আমাদের একজন বাল্যবন্ধু আশুন দিয়ে পুড়িয়ে উহা নষ্ট করবার চেষ্টার আছেন। তিনি আমাদের মধ্যেই ছিলেন, তবে মনের মিল হ'তনা বলে মাঝে মাঝে আসতেন আবার ছেড়ে দিতেন। আমরা তাঁর এই অভিসন্ধি জানতে পেরে তৎক্ষণাৎ ধর্মদাসবাবুর পরামর্শ মত একদিনে সমস্ত খুলে শ্রামবাজারে বৃন্দাবন পালের বাড়ীতে নিয়ে গেলেন। বৃন্দাবন-বাবুর পোস্তপুত্র রাজেন্দ্রনাথ পাল আমাদের একজন বাল্যবন্ধু। তাঁর আশ্রয়ে ও তাঁর সাহায্যে তাঁরই বাড়ীর উঠানে নাট্যমঞ্চ বাঁধা হতে লাগল। কার্তিকচন্দ্র পাল, ধর্মদাসবাবু এই সময় একপ্রকার ২৪ ঘণ্টা পরিভ্রম করে কাজ করতে লাগলেন। আশ্রয় পেয়ে আমরা টিকিট বেচবার পরামর্শ ত্যাগ করলেন। নগেন্দ্রবাবুর বাড়ীতে আবার রিহাসেল চলতে লাগল। গিরীশবাবু টিকিট নাই শুনে আবার এসে বোগ দিলেন। এইরূপে প্রায় অনেক দিন রিহাসেলের পর (১৮৭১) ১২৭৮ সালের বর্ষাকালে রাজেন্দ্রনাথ পালের বাড়ীতে আমাদের নিজের ষ্টেজে গীলাবতীর প্রথম অভিনয় হল। এই অভিনয়ে মতিবাবু, মহেন্দ্রবাবু আর হিজুল প্রথম অভিনয় করেন। রাজেন্দ্র নিরোগীর কনসার্ট বাজে। এই সময় কোন কোন দিন রায় বৈকুণ্ঠনাথ বহু বাহাদুর আমাদের দলে ঢোল বাজাতেন। এই সময় হিন্দু-মেলায় নবগোপাল মিত্র আমাদের দলে বোগ দিচ্ছেলেন, তিনি অভিনয় করতেন! না বটে, কিন্তু দেখা শুনার অনেক সাহায্য করতেন। একদিন নগেন্দ্রবাবুর বাড়ী নগেন্দ্র, রাধামাধব, মতিলাল হর, ধর্মদাস, বোগেন্দ্র মিত্র আর আমি বসে আছি। কথা উঠল থিয়েটারের কি নাম দেওয়া হবে? নানা জনে নানা নাম প্রস্তাব করলে। নবগোপালবাবুর জ্ঞানাত্মক নামটার উপর ভারী ঝোক ছিল, তিনি যা কিছু করতেন তার নামে জ্ঞানাত্মক শব্দ বোগ করে দিতেন। এই জন্য আমরা তাঁর নামই জ্ঞানাত্মক নবগোপাল করে নিয়েছিলাম। নবগোপালবাবু আমাদের থিয়েটারের নাম The Calcutta National Theatre রাখবার প্রস্তাব করেন, শেষে মতিবাবুর প্রস্তাব মত Calcutta টুকু বাদ দিয়ে কেবল The National Theatre রাখা হয়। প্রথম দিন ঐ নামেই অভিনয় হয়।

রাজেন্দ্রনাথ পালের বাড়ীতে পর পর তিনটি শনিবারে তিনটি অভিনয় হয়। ঐ অভিনয়ে গিরীশবাবু মলিতের, নগেনবাবু হেম-চন্দ্রের, যোগেন্দ্রনাথ মিত্র দলের চাঁদের, শিবচন্দ্র চট্টোপাধ্যায় শ্রীনাথের, মহেন্দ্র গাঙ্গুলী ভোলানাথের, মতিবাবু মেজ খুড়োর, হিজুলখাঁ রঘুরা উড়ের, হরেশচন্দ্র মিত্র লীলাবতীর, বেলবাবু সারদাহন্দারীর, আর রাধামাধববাবু কীরোদবানীর, ক্ষেত্রবাবু রাজলক্ষীর অংশ, আর আমি হরিবিলাসের অংশ আর একটা বিয়ের অংশ অভিনয় করি। এই বিয়ের ভাষা গ্রহকার বা রেখেছেন অভিনয়ের সময়ে তা বদলে আমি মেদিনীপুর অঞ্চলের ভাষায় অভিনয় করি। হিজুলখাঁ ২১১বার রঘুরা সাজেন, শেষে গণিলাল দাস ঐ অংশ অভিনয় করে এতটা গুণগণ্য দেখিয়েছিলেন যে শেষে তাঁর ভাষা “বিশাড়ী” হয়ে গিয়েছিল, তারপর ঐ স্থানেই বনুকগুরালা মথুরামোহন বিশ্বাসের বাড়ীতে পুজার সময় এক রাত্রি লীলাবতীর অভিনয় হয়। স্তাশাস্ত্রাল থিয়েটারের অবৈতনিক ভাবে এই শেষ অভিনয়। ইহা ১৮৭৮ সালের মাঝামাঝির ঘটনা।

রাজেন্দ্রবাবু ও অশ্রান্তের সাহায্যে যে অর্ধ সংগৃহীত হইয়াছিল তা এই চারটি অভিনয়ে মঞ্চ প্রস্তুত করিতেই শেষ হয়ে গেল। শেষে আর এমন খরচাও হাতে রইল না যে আর একদিন অভিনয় হয়। তখন আমি আবার টিকিট বেচে অভিনয় করবার প্রস্তাব ডুসলেন। এবার ষ্টেজ ছিল, বেনী ভাববার বিষয় ছিল না। সকলেই সম্মত হলেন, গিরীশবাবু কিন্তু শুনেই বৌকে বসলেন, তিনি বললেন,—পেণাদার যদি হতে হয়, তবে এ রকমে হওয়া হবে না। একেবারে যদি ছাত্তুবাবুর মাঠে প্যাভিলিয়ন করতে পার, আমি রাজী আছি। আমরা তাঁর সেই অন্তর প্রস্তাব শুনে চমকে গেলেম, তাঁকে বোঝাবার চেষ্টা করলেম,—পীড়াপীড়ি করিতেই তিনি দল ছেড়ে দিলেন।

আমাদের তখন বড়ই অর্ধকষ্ট। এমন সামর্থ্য নাই যে তখন টিকিট বেচে অভিনয় করবার জন্য বতটা টাকার আয়োজন, তা আমরা আমাদের নিজেদের মধ্য হতে ডুলতে পারি। রাজেন্দ্রবাবুর উঠানে ষ্টেজ ছিল, কিন্তু বর্ষার তা ধরাপ হয়ে যেতে লাগল। সে উঠান এত বড় নয় যে তাতে টিকিট বেচে নর্থকের স্থান কুলান হতে পারে। কাজেই টিকিট বেচে থিয়েটার করতে হলে অন্যত্র ষ্টেজ নিরে যেতে হয়। সে খরচ কুলাবার অবস্থা নাই, কাজেই গোলমালে দিন কাটিতে লাগল। রাজেন্দ্রবাবুর বাড়ীর উঠানে স্ট্যাট্‌কর্ন পচতে লাগল। ক্রমে দলও ভেঙে গেল। নগেন্দ্র, ধর্মদাস, মতি আর আমি আমরা চারজনে প্রায় কাছাকাছি বাড়ীতে থাকতেন, কাজেই আমাদের দেখা শুনা, শৃঙ্গালের স্তার বুধা বুদ্ধি বন্ধ হত না। শেষে আমরা পরামর্শ করে আবার এক নূতন প্রকার কার্য করতে অগ্রসর হলেন। আপনাদের স্মরণ আছে, আমরা যখন পাড়া-প্রতিবাসীর নিকট টাকা আবার করতে যাই সেই সময়ে আমাদের

সঙ্গে এ পাড়া ও পাড়ার কতকগুলি ভদ্র লোকের সঙ্গে বনিষ্ঠতা হয়। লীলাবতীর অভিনয়ে তাঁরা আমাদের দেখা শুনা, তথির করা প্রভৃতি কার্যে বিস্তর সাহায্য করতেন। আমরা এবার তাঁদের মধ্যে কয়েকজনকে আমাদের পরামর্শদাতা ও পরিচালক মত স্থির করলেম। তাঁদের মধ্যে রাজেন্দ্রনাথ পাল (বুন্দাবন পালের পোত পুত্র), আর এক রাজেন্দ্রনাথ পাল ওরফে বুধ পাল, শ্রীঅনুভূত-লাল পাল, শ্রীবিহারীলাল চট্টোপাধ্যায়, ইন্সপেক্টার শ্রীব্রজনাথ চট্টোপাধ্যায়, শ্রীনন্দমোপাল নিরোগী (একদে এটর্নী), কটক ওরফে হরকুমার গঙ্গোপাধ্যায়, আমাদের নগেন্দ্রবাবুর বড় ভাই দেবেন্দ্রনাথ বন্দ্যোপাধ্যায়, নগেন্দ্রের পিসতুতা ভাই শ্রীকালীপ্রসন্ন মুখোপাধ্যায় প্রভৃতি আমাদের বন্ধুপুত্রসৌভিক ছিলেন।

টাকা আদায়ের সময় আমরা সিনিকচন্দ্র নিরোগীর বন্ধু পুত্র ভুবনমোহন নিরোগীর নিকট কিছু সাহায্য পেরেছিলাম। এই বালক এই দুর্ভাগ্যের সময়ে আমাদের সঙ্কট কিছু বেশী মিশতে আরম্ভ করলে। ক্রমে ক্রমে আমাদের দুর্ভাগ্য কথা জানতে পেয়ে আপনা হতে আমাদের সাহায্য করতে প্রস্তুত হল। ভুবনবাবুর নিকট ভরসা পেয়ে আমরা আবার উদ্ভেলিত হয়ে উঠলাম। ধর্মদাস, নগেন্দ্র, মতি, রাধামাধব আর আমি, আমরা আবার দল বসাবার আয়োজন করতে লাগলেম।

ভুবনবাবুকে স্থানের কথা বসায় তিনি তাঁহার পিতামহ প্রতিষ্ঠিত অন্নপূর্ণার ঘাটের চাঁদনীর উপর ঝাঁরঝারী বৈঠকখানা ছেড়ে দিলেন। ১৮৭২ খ্রীষ্টাব্দের প্রথমে ১২৭৮ সালের শীতকালে আমরা এইখানে গিয়ে আশ্রয় নিলেম। গিরীশবাবু ব্যতীত লীলাবতীর দলের সকলেই এসে সঙ্গে বোগ দিলেন। এবার পুত্রসৌভিকগণের যত্নে আমাদের কার্যপ্রণালীর একটা শৃঙ্খলা স্থাপন করা গেল। দলের নগেন্দ্রবাবু সেক্রেটারী, ধর্মদাসবাবু সকল বিষয়ের ম্যানেজার, কান্তিকচন্দ্র পাল ড্রেসার হলেন, ডিরেক্টরী আর মাস্টারী আমার ঘাড়ে পড়ল। আদি ব্রাহ্মসমাজের সুবিখ্যাত গায়ক বিষ্ণুচরণ চট্টোপাধ্যায় এই সময় আমাদের গীত শিক্কক ছিলেন। গান গাইবার আবশ্যক হলে তিনিই ষ্টেজের ভিতর গান করতেন। আর সকলে অভিনেতা হলেন। এই সময়ে আমরা আমাদের সখ্যার একদশীর দলের যোগেন্দ্রনাথ মিত্র, হরেশচন্দ্র মিত্র, নন্দলাল বোব, রাধামাধব, মহেন্দ্রনাথ বন্দ্যোপাধ্যায় প্রভৃতি কয়েক জনকে হারালেম। অনেকে আর থিয়েটার করবেন না বলে, আর অনেকে অন্যান্য অধিবৃত্তি ছেড়ে দিলেন। অবশেষে সুবন্দোবস্তের সঙ্গে কার্য আরম্ভ হল। আমার প্রস্তাব মত “নীল দর্পণ” রিহাস্ত্রাল বেওয়া হতে লাগল।

কিছুদিন রিহাস্ত্রাল বেওয়ার পর একদিন স্তামবাজারের বেনী-মাধব মিত্র ও পূর্ণচন্দ্র মিত্র তাঁদের কোন আশ্রয়কে গদ্যবাজী করিয়ে অন্নপূর্ণার ঘাটে এনে রাখেন। সুবুর্ত্ত তত্বাবধানের জন্য তাঁরাও এখানে থাকতেন। এই নৃত্যে তাঁদের সঙ্গে আমাদের

ঘনিষ্ঠতা হয়। আমরা মোতালার রিহাস্যাল দিতেম আর তাঁরা মুহুর্তে নিরে দীচে থাকতেন। বেণীবাবু, পূর্ণবাবু, যিনি যখন থাকতেন, তিনি তখনই আমাদের রিহাস্যাল শুনতে বেতেন; এবং আমাদের সংস্কারমর্ষ দিতেম। তাঁদের এই নিঃস্বার্থ বহু আর মহামুহুর্তি দেখে আমরা বেণীবাবুকে আমাদের প্রেসিডেন্ট হতে অনুরোধ করলেম। বেণীবাবুও স্বীকার করে আরও বহু প্রকাশ করতে লাগলেন। এই সময় একদিন শ্রীযুক্ত অক্ষয়চন্দ্র সরকার আমাদের রিহাস্যাল দেখতে আসেন। এরা রাধামাধববাবু উপস্থিত ছিলেন, তাঁরা একা তাঁরই কতকটা আবৃত্তি শুনে চলে যান, পরে তাঁরা মাঝে মাঝে আসতেন। এই সময় কিছু দিন থাকার পর রাধামাধববাবু আমাদের জাতি করেন।

যখন আমাদের রিহাস্যাল নিরীক্সবাদের চলতে, বেণীবাবু প্রত্যহ পরিদর্শন করে কাজ বাতৈ হুশুখলে চলে যান তাঁর অন্ত বিশেষ পরিচয় কচ্ছেন, সেই সময়ে নিরীক্সবাবু এক সূতের বাজার দল করেন। এই দলে তিনি একটি সঙএর গালা বেঁধে দেন। ঐ সঙএর মধ্যে একজন প্ররানের লুপ্তবেণী ত্রিধারা ভাগীরথীর বর্ণনাক্ক একটি গান গাইত। ঐ গানটিতে আমাদের থিয়েটারের দলের প্রেসিডেন্ট হ'তে আরম্ভ করে প্রত্যেক ব্যক্তির নাম এমন সুন্দর হুকৌশলে রাখা ছিল যে তাতে রচয়িতা নিরীক্সবাবুর বিশেষ কবিত্ব শক্তি ও শব্দ রাখবার আশ্চর্য ক্ষমতা প্রকাশ পেয়েছিল। আমাদের বহু রাধামাধব বাবুই এই গানটি গাইতেন।

লুপ্তবেণী বই ত্রিধার।

তাতে পূর্ণ অর্ধ ইন্দু কিরণ, সাঁছুর মাখা মতির হার।)

নগ হ'তে ধারা ধার, সরস্বতী কীর্ণকার,

বিবিধ বিগ্রহ ঘাটের উপর শোভা পায়;

শিব শঙ্কর মৃত মহেশ্বাদি বহুপতি অবতার।

অলঙ্কারে বিকু করে গান, কিবা ধর্ম ক্ষেত্র স্থান,

অবিনাশী মুনিগণি করুছে বসে ধ্যান;

সবাই মিলে ডেকে বলে দীনবন্ধু কর পার।

কিবা বাগুমর বেলা, পালে পালে রেতের বেলা,

ভুবনমোহন চরে করে গোপনে খেলা;

মিলে বত চাণা, করে আশা, নীলের গোড়ার দিচ্ছে সার।

কলঙ্কিত শশী হরণে, অমৃত সরবে,

জান হর দীনের পৌরব যার বুকিবা ধসে;

স্থান-মাহারো হাড়ীওড়ি পরসা দে দেখে বাহার।

ত্ৰাক্ এইরূপ আনন্দ-আজ্ঞার উৎসাহের মধ্যে আমরা দৃঢ় অধ্যবসারে ও মহাবহু রিহাস্যাল দিই নিল মর্ষণ খোলবার মত করে প্রস্তুত হ'লেম। রিহাস্যালের আমাদের আর একটি বৎসর কোটে

গেল। ১৮৭২ সালের নভেম্বর মাসে (১২৭৯ সালের কার্তিক মাসে) নগেন্দ্রবাবুর বাড়ী আমাদের ড্রেস রিহাস্যাল হ'ল। অভিনয় হবার কিছুদিন পূর্বে আগনাদের স্থপরিচিত ঠার থিয়েটারের অধ্যক্ষ শ্রীঅমৃতলাল বহু আমাদের দলে যোগ দেন। তিনি পাটনার হোমিও-প্যাথিক ডাক্তারী করতেন। এই সময় তিনি কলকাতার আসেন। আমরাই আশ্রমে তিনি আমাদের দলে যোগ দেন। বহুনাথ ভট্টাচার্য আমাদের দলে সৈরিক্তুর অংশ নিরেছিলেন, তিনি দীর্ঘকাল পূর্ব বলে তাঁকে বহু সাজলে মানাত না। আমি অমৃতবাবুকে এই পাঠ দিলেম। অমৃতবাবুও অতি অল্প দিনে বেশ অভ্যাস করে নিলেন। তিনিই আমাদের সৈরিক্তুর অংশ অভিনয় করেন। এই অভিনয়ে ষাঁরা অভিনেতা ছিলেন, তাঁরাই পেবে পাবলিক থিয়েটারের প্রথম অভিনয়ে উপস্থিত ছিলেন হুতরাং তাঁদের নামগুলি পাবলিক থিয়েটারের ইতিহাসের প্রথম পৃষ্ঠার লেখা থাকা উচিত,—

গোলোক বহু	...	শ্রী অর্ধেন্দুশেখর মুস্তফী।
নবীনমাধব	...	শ্রী নগেন্দ্রনাথ বন্দ্যোপাধ্যায়।
বিন্দুমাধব	...	শ্রী কিরণচন্দ্র বন্দ্যোপাধ্যায়।
তোরাপ	...	শ্রী মতিলাল হুয়।
সাইচরণ	...	ঐ ঐ।
সাধুচরণ	...	শ্রী মহেন্দ্রলাল বহু।
উডসাহেব	...	শ্রী অর্ধেন্দুশেখর মুস্তফী।
রোগসাহেব	...	শ্রী অবিলাশচন্দ্র কর।
গোপীনাথ	...	শ্রী শিবচন্দ্র চট্টোপাধ্যায়।
ম্যাজিষ্ট্রেট	=	শ্রী মহেন্দ্রলাল বহু।
গোপ	...	শ্রী মতিলাল হুয়।
কবিরাজ	...	শ্রী শশিদাস দাস।
লাঠিয়াল	...	শ্রী পূর্ণচন্দ্র মিত্র।
রাখাল	...	শ্রী বহুনাথ ভট্টাচার্য।
নীলকরের মোস্তার	...	শ্রী মতিলাল হুয়।
নবীনমাধবের মোস্তার	...	শ্রী গোপালচন্দ্র দাস।
সাবিত্রী	...	শ্রী অর্ধেন্দুশেখর মুস্তফী।
সৈরিক্তুর	...	শ্রী অমৃতলাল বহু।
সরলতা	...	শ্রী ক্ষেত্রমোহন বন্দ্যোপাধ্যায়।
রেবতী	...	শ্রী তিনকড়ি মাস্তা।
ক্ষেত্রমণি	...	শ্রী অমৃতলাল মুখোপাধ্যায়।
পতী-মররাণী	...	শ্রী মহেন্দ্রলাল বহু।
খুড়ী	...	শ্রী অবিলাশচন্দ্র কর।
আহুরী	...	শ্রী গোপালচন্দ্র দাস।
খালসী	...	শ্রী গোলকনাথ দে।

ক্রমশঃ)

শেষ-বেশ

(গল্প)

[শ্রীআশুতোষ ভট্টাচার্য্য কাব্যতীর্থ বি-এ]

(১)

তখনও দিনের আলো ভাল করিয়া প্রকাশ পায় নাই। যত্ন ভট্টাচার্য্য 'হুর্গা-হুর্গা' বলিয়া শয্যা ত্যাগ করিয়া বাহিরে আসিতেই দেখিলেন, নিতাই চাটুযো রকে বসিয়া বিড়ি হুকিতেছে। শব্দ শুনিয়া মুখ কিরাইতেই যত্ন বলিল—“কি ভায়া, এত ভোরে যে, খবর সব ভাল তো?”

নিতাই এক দমে বলিয়া যাহা বুঝাইতে চেষ্টা করিল, তাহার মর্ম এই যে, বছর পনের পূর্বে তাহার স্ত্রী যেদিন বছর ধানেকের একটা কস্তা লইয়া রাগের ঝেঁকে বাপের বাড়ী চলিয়া গেলেন, সে-দিন হইতে আজ অবধি তিনি সেই স্ত্রীর সহিত কোন সংস্রব রাখেন নাই; এমন কি ছুই এক বার বিবাহের চেষ্টাও হইয়াছিল, শুধু প্রজাপতির নির্বন্ধ না থাকাতেই তাহা ঘটনা উঠিতে পারে নাই, সে সব কথা না জানে এমন লোক গ্রামে নাই। সে না হোক নিতাইয়ের তাতে কোন ক্ষোভ নাই, নির্বন্ধাটে একরকম দিনগুলি ভালই যাইতেছিল। যত্নের পয়সা কড়ি ছিল, তিনি 'সহরে' লোক, মেয়ে-নাতনীকে সুখে স্বচ্ছন্দেই এতদিন প্রতিপালন করছিলেন। কিন্তু মাদুঘ তো ইচ্ছা করিলেই জীবনের মেয়াদ বাড়াইয়া লইতে পারে না, গেল বছর তাঁর 'কাল' হইয়াছে। এক বছরের মধ্যে শালকেরা ভিন্ন হইয়া সেখানে এমন অবস্থা করিয়া তুলিয়াছে যে, স্ত্রী ও কস্তাকে শেবটায় প্রাণ লইয়া আবার এই কুঁড়েতেই কিরিতে হইয়াছে। এখন সে এই পেলায় মেয়ে নিয়ে দাঁড়ায়ই বা কোথায়, আর তাকে বিয়েই বা দেয় কার কাছে। তার মাথার ঠিক নাই, মেয়ে আবার পড়াশুনো করে পণ্ডিত হয়েছে—বিয়ের কথায় না কি বঁকে বসেছে। মাধবপুরের চন্দ্র চৌধুরীর 'বৌ' মরিয়াছে শুনিয়া সেখানে সে গিয়াছিল। চন্দ্র চৌধুরী নিতাইকে কস্তাদার হইতে উদ্ধার করিতে প্রস্তুতও ছিল;

কিন্তু মা ও মেয়েতে মিলিয়া এমন কাণ্ড বাধিয়েছে যে, সে কথা মুখে আনিতেও আর তার ভয়সা হয় না। এই শেষ বয়সে তার অকুটে যে কি আছে তাই ভাবিয়া সে প্রায় পাগল হইতে চলিয়াছে, এখন মাদুঘর কাছে আসিয়াছে, দাদা 'বা হোক' একটা বাসনা না করিলে তার ইহকাল এক পরকাল কোনটাই আর অবশিষ্ট থাকিবে না।

সে আরও বলিল, “আজ ক' রাত্তির ঘুম হইবে, দিনে যে একটু গড়িয়ে নেব তাও আর খাট উঠছে না।”

যত্ন ভট্টাচার্য্য নিতাইকে জিজ্ঞাসিতেন। তিলকে তাক করিয়া বর্ণনা করা তাহার স্বভাব; সুতরাং প্রত্যাবে তাহার আগমনের স্বার্থ কারণ শুনিয়া নিশ্চিন্ত হইয়া বলিলেন,—“তবু ভাল, নিতাই, মেয়ের বিয়ে; আমি ভেবেছিলুম না জানি কি।”

“না জানি কি!!” নিতাই কথকাল যত্নর মুখের প্রতি চাহিয়া থাকিয়া চীৎকার করিয়া বলিল, “তুমি জান না, যত্ন-দা, আমি কি ভাবে দিন কাটাচ্ছি। আজ চন্দ্র চৌধুরীকে আমি কি ব'লে ব'লে পাঠাই দে, তোমাকে মেয়ে দেব না।”

“আচ্ছা সে ব্যবস্থা তোমার করতে হবে না, আর তোমায় তার অস্ত্র ভাবতেও হবে না। মেয়ের বিয়ে চন্দ্র চৌধুরীর সঙ্গে না হয় অস্ত্র জারগায় হবে।”

“তুমি তো ব'লে হবে কিন্তু আমি এমন ছেলে পাই কোথা? যে রকম দিন কাল পড়েছে কান্দা পৌড়া অমনি মেলে না; বিয়ের বাজারে কানা হয় পয়সোচনু, খোঁড়া হয় কন্দর্প। চন্দ্র চৌধুরী চায় শুধু মেয়েটা।”

নিতাইয়ের উদ্বেগের কারণ এতরূপে বুঝা গেল। যত্নের পয়সা থাকিতেও বিনাব্যায়ে কস্তাদানের লোভেই নিতাই এই ষাট বছরের চৌধুরীকে আমাই করিতে প্রস্তুত। তার সেইটা হাত ছাড়া হইবার ভয়েই সে এমন মরিয়া হইয়া

উঠিয়াছে। বহু একটু হাসিয়া বলিলেন, “তোমার মতিভঙ্গ ধরেছে, নিতাই, বছর পনের তো বকের ধন আগলালে, আজ না হয় মেয়েটাকে একটু সংপাত্রেই দাও।”

নিতাই বিম্বিত দৃষ্টি বছর মুখের প্রতি কুলিয়া ধরিয়া বলিল,—“বকের ধন! তুমিও দাদা এই কথাই বলে? আমার দিন চলা ভার।”

বহু হাসিয়া বলিলেন, “তা জানি বই কি তাই—কিন্তু সে কথা নয়, একটা মেয়ে এমন করে স্নেহে বেলে দিও না—অল্প পাত্র খুঁজে দেখ।”

নিতাই বিবাহের উদ্যোগটা গোপনেই করিতেছিল। সেদিন বিয়াছিল, কথা একবার পাকা হইয়া গেলে আর কোন সন্দেহ থাকিবে না। কিন্তু কোন এক অভাবনীয় শ্রমের সাহায্যে, কথাটা প্রকাশ হইয়া পড়ায়, গত রাত্রিতে তাহাকে বিশেষ লাঞ্চিত হইতে হইয়াছে; তাই ভোর না হইতেই বছনাথের কাছে হুঃখ নিবেদন করিতে আসিয়াছে। তাবিয়াছিল, বহু তাহার কথাতেই সায় দিয়া তাহার হুঃখ নিবেদনা জানাইবেন; কিন্তু কলে হইল বিপরীত। সুতরাং সন্ধ্যায়ে বছর মুখের দিকে চাহিয়া থাকা ছাড়া আর কিছুই সে করিতে পারিল না।

বছনাথ তাহাকে আশ্বস্ত করিয়া বলিলেন—“তুমি নিশ্চিত হ’য়ে তবে যাও, তোমার মেয়ের অদৃষ্ট ভাল, তাই এই সন্ধ্যা ভেঙ্গে গেল। তোমার কি আছে না আছে সে কথা আমি জানি।”

নিতাইয়ের পক্ষে এবার কথাটা সহ করা অসম্ভব হইল। সে প্রায় কাঁদিয়া বলিল, “তা জানবে না কেন, দাদা, আমার পরমাটাই দেখতে পাও, কিন্তু অবস্থাটা তোমাদের চোখে পড়ে না। আচ্ছা আমিও দেখব—একটা পয়সা আমি খরচ করব না। এতে যদি মেয়ের বিয়ে না হয়, আমি নাচার।” নিতাই সেখান হইতে চলিয়া গেল।

বহু ভট্টাচার্য্য সকালে উঠিয়াই যে নিতাইকে দেখিবেন, একটা আশা থাকিলে বোধ করি অশুভ-দর্শনের প্রতিবিধান করিয়াই তাহার সহিত দেখা করিতেন—কারণ রূপণ বলিয়া গ্রামে নিতাইচন্দ্রের এমনি অপূর্ব খ্যাতি ছিল। কিন্তু রূপণ হইলেও মাতুষ যে এত বড় পর্য্যন্ত হইতে পারে, একথা ব্রাহ্মণের জানা ছিল না। তাই সন্ধ্যায়ে অন্তরে প্রবেশ করিতে বাইতেই পায়ের শব্দ শুনিয়া ফিরিয়া চাহিয়া

দেখিলেন, পুত্র অনন্ত প্রবেশ করিতেছে।

“এমন অসময়ে যে” বলিয়া পিতা সপ্রশ্ন দৃষ্টিতে পুত্রের মুখের দিকে চাহিলেন।

অনন্তর প্রবেশিকা পরীক্ষা শেষ হইয়াছে আজ দুই দিন। গত রাত্রিতে আসিবে মনে করিয়াই সে ট্রেনে উঠিয়াছিল, কিন্তু অনিবার্য্য কারণে মধ্যপথে আটক হওয়ায় এই অসময়ে আসিতে হইয়াছে। পিতৃচরণে প্রণত হইয়া সে বলিল,—“চলুন ভিতরে সন বলছি।” অনন্ত স্মৃটকেশটা হাতে করিয়া অন্তরের দিকে অগ্রসর হইল। বছনাথ পুত্রের মুখে তাহার পথের কাহিনী শুনিবার আশায় সোৎসুক হৃদয়ে তাহার পশ্চাৎ অনুসরণ করিলেন।

অনন্ত বহু ভট্টাচার্য্যের একমাত্র সন্তান। শুনা যায় দরিদ্রের ঘরে প্রায়ই নিখুঁত সুন্দর ছেলে হয় না। কিন্তু বহু ভট্টাচার্য্যের স্মৃতিবলেই বোধ করি অনন্ত তাহার ঘরে আসিয়াছিল। এমন লোক বোধ হয় জগতে নাই, যে, অনন্তের দিকে চাহিয়া কিছুকাল শুদ্ধ বিশ্বয়ে চোখ মেলিয়া থাকিবে না। তাই গ্রামের ও পার্শ্ববর্তী গ্রামগুলির অনেক কন্ডার পিতাই এই তাঁদের মত ছেলেটাকে জামাই করিবার আশায় উদ্বীর্ণ হইয়া বসিয়া ছিল। কিন্তু বয়স নিতান্ত অল্প বলিয়া ও লেখা পড়া শেষ না হইলে বছনাথ কাহারও কথায় কাণ দেন নাই। সুতরাং বছনাথ আজ অবধি গৃহিণীর বধূর মুখদর্শন এবং সাধ-আজ্ঞাদের পথটা প্রশস্ত করিয়া দিতে বিলম্ব করিতেছেন। তবে জন্ম-মৃত্যু বিবাহে না কি মাতুষের হাত নাই, তাই জোর করিয়া কিছু বলা চলে না।

অন্তরে প্রবেশ করিয়া পুত্রের মুখে বাহা শুনিলেন, তাহাতে ভট্টাচার্য্য মহাশয় বার কয়েক ছুর্গা নাম করা ভিন্ন আর কোন কথাই বলিতে পারিলেন না, কারণ ট্রেনের ছুর্ঘটনার বিষয় লোকমুখে শুনা এবং কদাচিৎ কোন দিন সংবাদপত্রে পাঠ করা ছাড়া তিনি বা তাহার পরিচিত কেহ কোন দিন এই ব্যাপারের মধ্যে পড়েন নাই। তবে এই ছুর্ঘটনা সন্ধ্যায় যতটুকু তাহার জানা আছে, তাহাতে তাহারই একমাত্র সন্তান যে ইহার কবলে পড়িয়া অক্ষত শরীরে ফিরিয়া আসিয়াছে,

ইহা একমাত্র ভগ্নাতার অসীম বক্রণ ; সুতরাং দুর্গা নাম ছাড়া ধর্মপ্রাণ ব্রাহ্মণ আর কোন কথাই উচ্চারণ করিতে পারেন নাই। এবং প্রাতঃকালে নিতাইয়ের সঙ্গে সাক্ষাৎ অবলম্বন নয় তাহা বুঝিতে পারিয়া তদ্বিষ্ণু অমঙ্গল দূর করিবার জন্ত সেই দিনই নারায়ণকে নির্দিষ্ট সংখ্যক তুলসী দিবার উদ্দেশ্যে প্রস্তুত হইতে দ্রুত পদে সেখান হইতে প্রস্থান করিলেন।

অনন্ত পিতার হাত হইতে নিষ্কৃতি পাইয়া মায়ের অঙ্গুলি করিতে যাইয়া দেখিল, মা তখন ঘরে নাই। তবে এই সময়ে অভ্যাসমত তিনি পূজার ফুল তুলিতে বাগানে যাইয়া থাকেন জানা থাকায় অনন্ত বাগানে উপস্থিত হইয়া একটু বিম্বিত হইল। মায়ের সঙ্গে সঙ্গে যে মেয়েটি ফুল তুলিতেছে, তাহাকে পূর্বে অনন্ত কোন দিন দেখে নাই। বয়স প্রায় তাহারই মত হইবে; কিন্তু এত বড় খেড়ে মেয়েকে এখনও এই রকম লাকাইয়া বেড়াইতে দেখিয়া, অনন্তের মন কেমন যেন অস্বস্তিতে ভরিয়া গেল। কিন্তু এই আসন্নযৌবনা কিশোরীটি তাহার মাকে এমন করিয়া পাইয়া বসিল কিরূপে তাহাই জানিবার জন্ত অনন্তের মন অত্যন্ত কোতূহলী হইয়া উঠিল। কিন্তু এই অপরিচিতা মেয়েটির স্মৃতিতে বাইতেও তার কেমন যেন লজ্জা বোধ হইতে লাগিল।

দূর হইতে মেয়েটিকে স্পষ্ট দেখা যাইতেছিল না, কিন্তু মুখের বস্তুকু দেখা গেল তাহাতে তাহাকে রূপসী বলিলে বেশী বলা হয় না। কিন্তু কোন তরুণীর রূপ দেখিয়া মুগ্ধ হইবার মত বয়স বা শিক্ষা এই পল্লীবালকের না থাকায় মেয়েটির এই ছুটাছুটি উচ্ছাস প্রভৃতি পুরুষোচিত ব্যবহার-টাই অনন্তের চোখে ধরা পড়িল। আর সেই সঙ্গে এই মেয়েটির প্রতি তাহার সমস্ত চিত্ত বিম্বিত হইয়া উঠিল। সে অগ্রসর হইয়া মায়ের কাছে যাইবে কি না ভাবিতেছে এমন সময় শুনিল,—

“দেখ দেখ জেঠাইমা কে, একটা ছোঁড়া বাগানে চুকেছে।”

অনন্তর আপাদ-মস্তক জলিয়া গেল— তাহাদের বাগানে দাঁড়াইয়া কিনা তাহারই প্রতি এমন কটুক্তি—কিন্তু জীলোক সকল অবস্থাতেই রূপার পাত্র, সুতরাং সে শাস্ত হইয়া ডাকিল—“মা”

“কে রে খোকা, আর আর” বলিতে বলিতে মাতা শ্রামাসুন্দরী অগ্রসর হইয়া আসিলেন কিন্তু; সেই মেয়েটির প্রগল্ভতা এক নিমেষে কোথায় চলিয়া গেল। সে শুধু— “ওমা, তোমার ছেলে এই? ছি, ছি” বলিয়া সেখান হইতে অদৃশ হইল।

অনন্ত অগ্রসর হইয়া মায়ের পারের ধূলা মাথার লইয়া দাঁড়াইয়া জিজ্ঞাসিল,— “এই মেয়েটা কে মা? আগে ত কখনও দেখিনি।”

শ্রামাসুন্দরী হাসিয়া বলিলেন,— “তোমার নিতাইবাকার মেয়ে গীতা। আমার বাড়ীতে থাকত, বাসবার এক এখানে এসেছে।”

অনন্ত গম্ভীর হইয়া বলিল,— “তা আনুক, কিন্তু এমন ডানপিটে কেন? মেয়ে ছেলে, একটু সত্যকথা নেই, যেন মানোয়রী গোরা।”

মা ছেলেকে কাছে টানিয়া লইয়া বলিলেন,— “না রে, বড় ভাল মেয়ে, একটু কল কিন্তু ভারী মিষ্টি ওর স্বভাব। তুই কখন এলি বাক, খবর সব ভাল তো?”

“তুমি বাড়ী চল, সব বলব।”

“তুই যা, আমি এই ফুল কটা ফুলে আসছি।”

“একটু শীগগির এস, অনেক কথা আছে।” অনন্ত অগ্রসর হইল কিছু দূর যাইয়া ফিরিয়া জিজ্ঞাসিল, “কি নাম ঐ মেয়েটার বলে?”

“গীতা।”

“চণ্ডী হ'লেই ভাল হ'ত।” বলিয়া অনন্ত চলিয়া গেল।

(২)

দিন পাঁচ ছয় পরে এক সন্ধ্যায় পুকুরের ঘাটে বসিয়া অনন্ত একাকী নূতন শেখা একখানি গানের সুরে কোন-ধানে কণ্ঠের স্বর কি ভাবে খেলাইলে শুনিতে মধুর হয়, বার বার গায়িয়া পরীক্ষা করিতেছিল। বালকের কণ্ঠের সুরের সপ্তগ্রাম যেন লীলা করিয়া বেড়াইতেছিল। এ দিন আবেগ সহকারে অনন্ত তাহার মধুর কণ্ঠের লীলা-ভঙ্গী একবার উঠাইয়া ও একবার নামাইয়া যেখানে বেটুক প্রয়োজন সুরকৌশলে সেইখানে সেইটুক নিপুণতার প্রয়োগে পুকুরঘাটের চারিধারে সুরের একটা মধুর রাজ্য সৃষ্টি করিয়া ফেলিল। নিশ্চিন্ত আরামে সে তাহার স্বর-

সাধনা করিয়া চলিয়াছে, কিন্তু এই অসময়ে তাহার গানের যে কোন শ্রোতা সেখানে সন্ধ্যার অন্ধকারে আশ্রয়গোপন করিয়া, আপন ভুলিয়া তাহার গান শুনিবার জন্য উপস্থিত থাকিবে, ইহা অনন্ত আশা করে নাই। কিন্তু সে আশা না করিলেও শ্রোতা সেখানে একজন ছিল, এবং সে রকম শ্রোতা সকল গায়কের ভাগ্যে প্রায় জুটে না। অল্প অন্তের সে দিন একজন যে জুটিয়াছিল তাহা সে জানিতে তো পুরিত না, যদি না হঠাৎ তাহার গান ধামিয়া যাইত। গান ধামিয়াই সে টের পাইল যে একজন অন্ধকারে পলাই-
তেই অনন্ত চমকিয়া উঠিয়া দাঁড়াইল; তাহার সনেহ হইল। হুটু লোক বোধ হয় বদ মতলবে আসিয়া সেখানে তাহাকে দেখিয়া পলাইতেছে। সে উঠিয়া তাহার অনুসরণ করিল, কিন্তু অন্ধকারে কিছু দেখা যায় না। ছুটিয়া গিয়া সে তাহার সহিত অন্ধকারে ধাক্কা খাইল, তাহাকেই বললে করিয়া টানিয়া ঘাটে নইয়া আসিল কিন্তু জিজ্ঞাসা এই যে, হুত ব্যক্তি না দিল বাধা না করিল কোন কাভরোক্তি। অপেক্ষাকৃত আলোতে আসিয়া নিতান্ত অপ্রস্তুতের মত সে গীতাকে ছাড়িয়া দিয়া কহিল, “কি হইল। আপনি এই অন্ধকারে একলা কোথায় যাচ্ছিলেন।”

গীতা প্রতিদিন সন্ধ্যার পূর্বেই এই ঘাটে কাপড় কাচিয়া আসিত। আজ আসিতে দেয়ী হওয়ায়, ঘাটে পৌঁছিয়াই অনন্তকে দেখিয়া কিরিবার উদ্যোগ করিতেছিল কিন্তু অন্তের গান শুনিয়া তাহার আর বাওয়া হইল না, সে তন্ময় হইয়া সেই সুর-সুখা পান করিতেছিল। গান চলিলে বোধ করি আরও কিছুকাল থাকিতে তাহার কোন সন্দোহ হইত না, কিন্তু গান ধামিয়া যাইতেই তাহার মনে হইল, তাহা ভাবে দাঁড়াইয়া গান শোনা তাহার নিতান্ত অন্তর হইয়া গেল; সুতরাং অনন্ত টের পাইবার পূর্বেই সে পলাইল; কিন্তু পলাইতে যাইয়াই তাহার এই বিপদ।

অনন্তর আলিঙ্গনে বদ্ধ হইয়া প্রথমটা সে হতবুদ্ধি হইয়া গিয়াছিল। কিন্তু তাহাকে ছাড়িয়া অনন্ত সরিয়া দাঁড়াইলে তাহার স্বাভাবিক বুদ্ধি ফিরিয়া আসিল। সে সরিয়া দাঁড়াইয়া তত্বের সঙ্গে বলিল—“বলিহারি বুদ্ধি তোমার, পথে ঘাটে এরকম থাকে তাকে জড়িয়ে ধরাই বুদ্ধি স্বভাব?” অনন্ত বেচারা প্রথমেই হতবুদ্ধি হইয়া গিয়াছিল,

কারণ কাণটা নিতান্ত ছেলেমানুষী হইলেও লোকচক্ষে কোন মতেই ভাল দেখাইবে না—তার পর আবার গীতার এই স্পষ্ট অভিযোগ সে একেবারে অপ্রস্তুতের একশেষ হইয়া বলিল,—

“আমি তো জানি না যে আপনি—ভেবেছিলাম চোর-টোর বুদ্ধি, তাই।”

গীতা—“হাঁ, এই সন্ধ্যা বেলা পুকুর ঘাটে চোর আসবে কি চুরি কর্তে শুনি? চোর আসে কি না জানি না, কিন্তু আজ জানলাম, যে যারা চোর-ডাকাতির চাইতেও ধারাপ তারা এখানে আসে।”

অনন্তর এইবার আর সন্দেহ হইল না, একেই তো গীতাকে দেখিয়া অবধি তাহার মনটা তাহার উপর বিস্ময় হইয়াছিল; তার পর সে তার বাড়ীতে বলিয়া এই সামান্ত কারণে তাহাকে যা নয় তাই বলিয়া যাইবে কেন? অত্যন্ত ক্রুদ্ধ হইয়া অনন্ত বলিল—“চোর-ডাকাতির চাইতে যারা ধারাপ তারা এই সন্ধ্যার অন্ধকারে গা ঢাকা দিয়ে পরের বাগানে ঢুকে উৎপাত কর্তে যায় নি—আর যায়ও না কোন দিন। কিন্তু জিজ্ঞাসা করি কোন ধর্ম-কার্যে এমন সময় এই বাগানে আসা হয়েছিল শুনি?”

এইবার উন্টা চাপ দেখিয়া গীতা যেন একটু কোণঠাসা হইয়া পড়িল, কিন্তু কোন কারণে সে হার মানিবার পাত্রী নয়। সে কহিল, “এটা যে আজ কাল বাবুর বাগান-বাড়ী হয়েছে তা জানা থাকলে, ধর্মবুদ্ধি না হোক পাপ-বুদ্ধি নিয়ে আসবার সাহসও কারও হ’ত না; কিন্তু এটা বাগান-বাড়ী হয়েছে কত দিন?”

“বাগান-বাড়ী না হলেও এটা যে ভূতের বাড়ী নয় সে ধপর জেনে তার পর এখানে আসাই উচিত ছিল, কিন্তু যাক, সে কথার কোন দরকার দেখি না, এরকম অসময়ে আর কোন দিন পথে বেরুবেন না—এখানে না হোক অন্ত্র বিপদ ঘটলে বিস্মিত হবার কিছু থাকবে না।”

গীতার এমন হার আর কোন দিন হয় নাই—কিন্তু এক ষোঁটা একটা ছেলে তাহাকে হারাইয়া দিবে ইহাও যে অসম্ভব, কিন্তু এখানে দাঁড়াইয়া কথা কাটাকাটা করিতেও আর তাহার ভরসা হইতেছিল না, কারণ কাহারও চক্ষে পড়িয়া গেলে তখন আর আশ্রয়-সমর্থনের কিছুই থাকিবে না। তথাপি সে কহিল, “এবার থেকে সাবধানেই পথে

বেকুব, এ গ্রামে যে আজকাল অপদেবতা এসে জুটেছে
তেনে একটু সাবধান হ'তে হবে বই কি।”

গীতা অন্ধকারেই চলিয়া যায় দেখিয়া অনন্ত বলিল,
“যে জন্তে আসা তা না করে ফিরে যেতে কিন্তু অপদেবতা
বলে নি, আপনি বোধ হয় গা ধুতে এসেছিলেন, তা
ধুয়ে নিন আমি চলে যাচ্ছি।”

কথাটা গীতার মনেই ছিল না, সে ফিরিল কিন্তু একলা
এই অন্ধকারে গা ধোয়ার সাহস আর তাহার নাই। সে
কহিল, “না তোমায় যেতে হবে না—আমি গা ধুয়ে যাচ্ছি।”
অনন্তর উপস্থিতিতে সে সমীহ করিবার মত কিছুই দেখিতে
পাইল না কারণ—বয়সে সে বালক বই আর কিছু নয়,
তা ছাড়া এই গ্রামে এই একটা ছেলেকে সে আজ দেখিল
যাকে বিশ্বাস করা চলে; সুতরাং আর বিলম্ব না করিয়া
সে গা ধুইয়া কাপড় কাচিয়া লইল, এবং আর কোন দিকে
না চাহিয়া দ্রুতপদে অন্ধকারে অদৃশ হইল।

কিন্তু কিছুক্ষণ পরে ফিরিয়া আসিয়া বলিল, “আমায়
একটু এগিয়ে দেবে, অন্ধকারে কেমন ভয় কচ্ছে।”

অনন্ত অশ্রমস্বের মত বলিল, “চলুন, কিন্তু রাস্তা দিয়ে
নয় আমাদের বাড়ীর ভেতর দিয়ে।”

অনন্ত উঠিয়া জলের ধার হইতে হাত তিনেক এক
খানা লাঠি কুড়াইয়া লইয়া উঠিয়া দাঁড়াইতেই, গীতা
সবিস্ময়ে জিজ্ঞাসা করিল “ওকি, লাঠি কেন নিচ্ছ?”

“ওখানা আমার সখের জিনিস, প্রায় সন্দেশি থাকে।”

“তুমি কি লাঠি খেল না কি?”

“খেলি না, তবে শিখে রেখেছি, আপদ-বিপদে কাজে
লাগতে পারে।

গীতা আর কোন কথা বলিল না, আগে আগে দ্রুত-
পদে চলিতে লাগিল—অনন্ত তাহার পশ্চাতে গুণ গুণ
করিয়া সুর ভাঁজিতে ভাঁজিতে চলিতে লাগিল।

বাড়ীর দরজায় আসিয়া অনন্ত বলিল, “আমার আর
যাবার দরকার নাই আপনি যান এবার।”

“তুমি এ রাত্রিতে আবার কোথায় যাবে, ভয় করবে
না?”

“আমি মেয়ে মানুষ নই—তা ছাড়া হাতে এই সখের
জিনিসটা থাকতে এ গ্রামের কোন কিছুতেই আমার
ভয় করে না।”

গীতা ফিরিয়া কি বলিতে বাইরা দেখিল, অন্ধকারের
অন্তরালে তাহার সহচর কোথায় লুকাইয়া পড়িয়াছে, দূরে
শুধু তাহার পদশব্দ ক্রমশঃ দূর হইতে দূরে সরিয়া
যাইতেছে।

সে রাত্রিতে বাড়ী ফিরিয়া গীতা দেখিল তাহাকেই
উপলক্ষ করিয়া বাড়ীতে পিতা ও মাতার মধ্যে একটা
কলহ চলিতেছে। পিতা ব্যক্তিটা তাহার কাছে আজন্ম
অপরিচিত; সুতরাং ইহাকে সে কোন দিনই ভাল
চক্ষে দেখিতে পারে নাই। তারপর চন্দ্র চৌধুরীর
ব্যাপারটাতে সে একেবারে পিতার উপর হাড়ে হাড়ে
চটিয়াছে। আজ আবার সেই আলোচনা শুনিয়া তাহার
বৈধব্য রক্ষা করা চঃসাধ্য হইয়া পড়িল। তথাপি আলো-
চনাটা কোন দিক দিয়া যান দেখিবার ইচ্ছায়, সে লুকাইয়া
শুনিতে লাগিল। মা বলিলেন, “আমার ওই একটা সখের
তোমার কাছে না হলেও কেতে পরতে কষ্ট কোন দিন
পায় নি, তুমি যে আজ তাকে একটা বুড়ো হাবড়া ধ'রে
গছিয়ে দেবে, এ আমি কিছুতেই হ'তে দেব না।”

“কি করতে চাও তুমি শুনি, গরীবের ঘরে রাজপুত্র
জামাই আসবে কোথেকে—আমি যে ভিটে-মাটি বেছে
তোমার জন্তে যুবরাজ জামাই ধ'রে আনব, সে আমার
দ্বারা হবে না। এ আমার স্পষ্ট কথা।”

“কেন হবে না সেই কথাই জিজ্ঞাসা করছি। মেয়েকে
খেতে পরতে তো দিলে না কোন দিন, আবার যার তীর
হাতে দিতে লজ্জা করে না? মায়া মমতার বানাই তো
নেই-ই।”

“কিন্তু মায়া-মমতা দেখাতে গিয়ে যে হাজার পাঁচকে
টান পড়বে—সে আমি দেব কি চুরি করে না ডাকাতি
ক'রে।”

“সে আমি জানি না—যেমন করে পার মেয়েকে ভাল
ছেলের হাতে তোমাকে দিতেই হবে, নইলে আমি
কুরুক্ষেত্র করব। বলি তোমার এই সখের ধন ধাবে
কে শুনি?”

তাহার পরমা আছে এই কথা নিতাই শুনিতেই পারিত
না। স্ত্রীর মুখে সেই অভিযোগ শুনিয়া নিতাই ফেপিয়া
গেল, ভীষণ চীৎকার করিয়া সে বলিয়া উঠিল, “সখের
ধন আগলাই, বেশ করি। আমার পরমার ওপর মজর।

আমার মেয়ে আমি বেখানে খুস বয়ে দেব—দেখি কে ঠেকাতে পারে। এক পয়সা আমি দেব না কোন ব্যাটাকে।”

তাহার এই গলাবাজী কিন্তু এক নিমেষে খাদে আসিয়া নামিল গীতাকে দেখিয়া। মেয়েটাকে সে ভালবাসিত আর বোধ করি একটু ভয়ও করিত। গীতা ধীরে ধীরে আসিয়া বলিল, “আচ্ছা মিছামিছি চেঁচিয়ে পাড়ার লোক জড়ো করে কি লাভ হবে আপনার শুনি? বাড়ী যে একেবারে হাড়ী বাগ্গীর বাড়ীর চেয়েও অধম হয়ে উঠল।”

“আমার বাড়ীতে বসে আমি চেঁচাব তাতে বলবার কার্যকর আছে। আমি কোন কথা শুনব না বলে দিচ্ছি।” বলিয়া নিতাই বোধ করি পলায়ন করিয়াই আত্মরক্ষা করিল। কিন্তু শেষের কথাটা যে তাহার উদ্দেশ্যে প্রয়োগ করা হইল, তাহা তাহার বলার ভঙ্গীতে বুঝা গেলনা।

পিতার প্রস্থানের পর গীতা, মাকে বলিল—“কেন মা তুমি রোজ রোজ ওই এক কথা নিয়ে গোলমাল কর? ওঁর যা ইচ্ছে উনি করুন; তুমি কোন কথায় খেঁকো না।”

“তুই বলিস কি গীতা আমি মা হ’য়ে এই সব অবিচার সহিব?”

“হাঁ সহিবে—তুমি যদি আর কোন দিন এ নিয়ে কথা বলবে ত আমি সত্য বলছি, আমায় আর জ্যান্ত দেখবে না।”

গীতা আঙনের ফুলকীর মত সেখান হইতে চলিয়া গেল। মাতা চোখের জল মুছিতে লাগিলেন।

প্রথম জীবনে সহরে প্রতিপালিতা ধনীর কন্যা এই পল্লীগ্রামে আসিয়া কতকটা নিজের অভিমানে আর কতকটা স্বামীর কার্পণ্যের অত্যাচারে, এই নারী একটুও সুখী হইতে পারে নাই। বক্তিতার অতৃপ্ত-জীবন যে ভাবে বিনা বৈচিত্র্য কাটিয়া যায় গীতার মা মন্দাকিনীর ও সেই ভাবেই কাটিয়াছিল। তাই একমাত্র কন্যার পরিণাম-সম্বন্ধে তাঁহার একটা আশঙ্কা ছিল। স্বামীর ব্যাপার দেখিয়া তাঁহার সেই আশঙ্কা এখন ভয়ে পরিণত অঞ্চল করিবারও তাঁহার কিছুই নাই। শুধু চোখের জলে তাই মনের গ্লানি দূর করিবার ব্যর্থ প্রয়াসই তাঁর একমাত্র সম্বল।

আর গীতা—সে এখনও অবস্থাটা তেমন ভাল করিয়া

না বুঝিলেও—ভবিষ্যৎ-সম্বন্ধে একটু ভাবনায় পড়িয়া গিয়াছে। আজ সন্ধ্যায় ঝগড়া-কলহের ভিতর দিয়া যে একটু মাধুর্য বনীভূত হইয়াছিল, বাড়ী ফিরিয়া তাহা একেবারে কোথায় উড়িয়া গেল, বেচারী মায়ের কাছ হইতে নিজের ঘরে শুইয়া পড়িল।

(৩)

নিতাই অর্থ-সম্বন্ধেই ঐ সর্বদা সশঙ্ক, শুধু তাই নয়, ধর্মের দিকটাও তাহার দৃষ্টির বাহিরে বাইত না। বয়স্কা কন্যা ঘরে রাখিয়া যে ধর্মের অঙ্গ হানি হইতেছে এবং আর বিলম্ব হইলে যে ধর্ম বলিতে তাহার আর কিছুই বাকী থাকিবে না, ইহা সে দিব্যচক্ষে দেখিতেছিল। লোকটা কিন্তু যে পরিমাণ কঞ্জুস, ঠিক সেই পরিমাণ ভীকু স্তুরাং তাহার মনের মধ্যে কণ্ঠা-দান করিয়া ধর্ম-রক্ষার যে করুনা জমিয়া উঠিতেছিল, তাহার, প্রকাশ করিয়া ছুইবার যে রকম অপদস্থ হইয়াছে, তাহাতে সেই করুনা আবার প্রকাশ করিতে আর তাহার সাহস নাই। এক দিকে ধর্ম আর এক দিকে অর্থ, এই দুই রাখিতে গিয়া নিতাইএর অবস্থা নিতান্ত করুণ হইয়া পড়িল।

এদিকে আবার চন্দ্র চৌধুরী লোক পাঠাইয়া শেষ কথা জানিতে চাহিয়াছে। নিতাইয়ের আশায় আর সে অপেক্ষা করিতে পারে না; তা ছাড়া গুজব রটিয়াছে যে নিতাই বিবাহের বায়না স্বরূপ চৌধুরীর কাছ হইতে বেশ মোটা হাতে কিছু পাইয়া যেকের ধনের পরিমাণ বৃদ্ধি করিয়া এখন না কি কিছু কিছু করিতেছে। ঘরে-বাহিরে এই ভাবে উদ্বাস্ত হইয়া নিতাই কি করিবে কিছুই ভাবিয়া না পাইয়া সে-দিন ম্লান মুখে যখনাথের গৃহে আসিয়া উপস্থিত হইল।

ছাতার মাথায় অর্ধমলিন উত্তরীয় ধানি বেশ করিয়া জড়াইয়া দেয়ালের কোণে রাখিয়া ভিজা গামছা দিয়া মুখ ও গায়ের সাম মুছিবার পর, সে যখন হাত পা ছড়াইয়া বৈঠকখানার সতরঞ্চীর উপর শুইয়া পড়িল, তখন তাহাকে দেখিলে অতি বড় পাষাণের মনেও দয়া না হইয়া পারে না।

যখনাথ সংবাদ পাইয়া বাহিরে আসিলেন এবং নিতাইকে অমন গড়াইতে দেখিয়া সোধেগে প্রশ্ন করিলেন “কি হ’ল আবার।”

“কিছু না, এমন বাকী শুধু মরণ হবার—সেইটে হ'লেই বাঁচি।”

কিন্তু বাঁচিবার জন্য যে মরার প্রয়োজন হয় এবং তাহা আবার নিতাই চাটুখোর, যহুনাথের তাহা জানা ছিল না; তা ছাড়া পথে মড়া দেখিলে যে তার পর তিন দিন ঘরের বাহির হয় না তাহার পক্ষে এত বড় বৈরাগ্য যে কত বড় অস্বাভাবিক. তাহা যহুনাথ ভাল করিয়া জানিতেন, সুতরাং ব্যাপারটা আত্মপূর্বিক জানিবার বাসনায় তিনি জিজ্ঞাসা করিলেন :—

“কিন্তু ও জিনিসটার প্রতি তো তোমার চিরদিনই বিরক্তি তবে হঠাৎ এমন মতিভ্রম কেন?”

“মতিভ্রম নয় দাদা, এখন দেখছি মরণ হ'লেই রেহাই।”

“কেন টাকা পয়সার হিসাবে কোথাও গোলযোগ বেঁধেছে না কি?”

নিতাই এই টাকার খোটার জালায় অস্থির হইয়াই এখানে আসিয়াছিল; তাই আবার সেই টাকার কথা তাহার সহিল না।

সে একেবারে মরিয়া হইয়া বলিয়া উঠিল, “আমার সব নিয়ে তুমি যাহোক একটা, ব্যবস্থা করে দাও দাদা আমি আর পারি না।” শেষের দিকে তাহার কণ্ঠস্বরে আর্জনাৎসুক্য ফুটিয়া বাহির হইল।

যহুনাথ ত্রস্তে তাহাকে আশ্বস্ত করিয়া বলিলেন, “এত উতলা হলে চলে না ভায়া, একটা বিবাহ-ব্যাপার বড় সোজা নয়। একটু মাথা ঠাণ্ডা করে সুপাত্রেব খোঁজ কর; তাতে হুচার টাকা বেশী চায় ক্ষতি নেই।”

নিতাই দেখিল টাকার কথা আর কোন দিক দিয়াই যাইবার নয়। নিতান্ত ঝোঁকের মাধ্যমে সব নেওয়ার কথাটা বলিয়া ফেলিলেও তাহার যে কিছুমাত্র দিবার কথা ভাবিতেও প্রাণ কাঁপে সে-কথা তো আর কাহারও জানা নাই। নিতাই উঠিয়া বসিল।

যহুনাথ, তাহার হস্তে হুকাটি দিয়া বলিলেন, “এখনি উঠছ কোথায়? বস তামাক খাও। হাঁ ভাল কথা, ঐ চন্দ্র চৌধুরীর কথাটা নিয়ে আর মিথ্যা গোলমাল করো না। এ গ্রামে না হয় অন্য গ্রামেও তো ছেলের অভাব নেই।”

“কিন্তু হাজার পাঁচেকের কমে তো আর কেউ কথা বলবে

না। আমি এই মেয়ের বিয়েতে কতুর হই এইটেই কি তোমরা চাও দাদা?”

যহুনাথ একটু পরুষকণ্ঠে বলিলেন, “দেখ নিতাই চার পাঁচ হাজার না হোক, হাজার দুই আড়াই তোমাকে ধরচ কস্তেই হ'বে, আর তাতে তুমি মারা পড়বে না, সে-কথা তুমি নিজেও জান। আর গোল করো না, রতন-পুরের হরিদাস গাজুলীর ছেলেরাও নেই ভাল, তাকে হাত করবার চেষ্টা করগে।”

প্রস্তাব শুনিয়া নিতাইয়ের চক্ষু কপালে উঠিয়া গেল; কোথায় সে বিনা ব্যয়ে কন্যাদায় হইতে উদ্ধার পাইবে না একেবারে হাজার দুয়েকের ধরে। একবার ক্ষীণ প্রতিবাদ করিয়া বলিল, “ও ছেলে কি আমাদের পাওরা সস্তক দাদা—মিছে।”

“হোক মিছে তোমায় সেই চেষ্টা দেখতেই হবে। তা নইলে যা তোমার খুসী করগে, আমার কাছে ও আলোচনা কস্তে আর এস না।”

নিতাই দেখিল আর সুখিধা হইবার কোন আশা নাই। বেচারী হুকাটা কোন গভিকে নসাইয়া রাখিয়া ছাতাটা লইয়া নিতান্ত ত্রিয়মাণ ভাবে সেখান হইতে প্রস্থান করিল।

সপ্তাহ পরে পাড়ার সকলে শুনিল বিনা পণে নিতাইয়ের কন্যার বিবাহ কোথায় স্থির হইয়াছে; দিনও না কি স্থির।

পাত্রপক্ষ হইতে কিন্তু মেয়ে দেখা বা অল্প কোন প্রকার বিবাহেব পূর্বসুষ্ঠানের অবশ্য পালনীয় প্রক্রিয়ার কোন চেষ্টা না দেখিয়া, এই ব্যাপারটা লইয়া প্রকাশ ও গোপন আন্দোলনে গ্রামখানি মুখর হইয়া উঠিল। কিন্তু কোথায় এবং কি উপায়ে যে নিতাই এই কলিকালে এমন ঋষিকল্প বরকষ্ঠার সন্ধান পাইল, তাহা গ্রামের নারদকল্প বুদ্ধিমান ব্যক্তিরাতও নির্ধারণ করিতে পারিলেন না। কিন্তু বিবাহ যে আসন্ন এটা বুঝিতে কাহারও বেগ পাইতে হইল না।

নিতাইয়ের সহিত ইতিমধ্যে যহুনাথের আর দেখা সাক্ষাত হয় নাই। কথাটা যহুনাথ শুনিয়াছেন কিন্তু যাচিয়া কাহাকেও কোন কথা জিজ্ঞাসা করা তাহার প্রকৃতি-বিরুদ্ধ, তাই নিতাইকে ডাকিয়া বা তাহার বাড়ী গিয়া

ও বিবাহটা জানিবার প্রবৃত্তি তাঁহার হয় নাই। কিন্তু ব্যাপারটার মধ্যে কোথায় যেন একটু গোল আছে, এই রকম একটা সন্দেহ যেন যত্নাথের মনে হইতে লাগিল। তাই হঠাৎ সে দিন বাজারে নিতাই যখন জানাইল যে, ব্যাপারটা যত্নাথের কাছে গোপন রাখিবার একমাত্র কারণ এই যে, নিতাই পাত্রপক্ষের কাছে সকল কথা প্রকৃত রাখিতেই প্রতিশ্রুত; যত্নাথের সন্দেহ আশঙ্কার পরিণত হইল এবং সেই সন্দের একটু অভিমানও দেখা দিল। তিনি শুধু বলিলেন, “বেশ কথা তোমার কণ্ঠাদায় উদ্ধার হয় এইটাই চাই জানবার বা শোনবার আমাদের দরকারই বা কি আর অধিকারই বা কোথায়?”

নিতাই বিনয়ে জানাইল, “সে প্রতিশ্রুত বলিয়াই নহিলে দাদাকে না জানাইয়া কাজ সে কোন দিন করে নাই এবং ভবিষ্যতে ও করিবে বলিয়াও ভাবিতে পারে না সুতরাং দাদা যেন মনে না করেন।” এবং এই বলিয়া সে যেন যত্নাথের কাছ হইতে পলাইয়া বাঁচিল।

যত্নাথ একটু ক্ষুধ মনেই সে দিন গৃহে ফিরিলেন।

(৪)

বিবাহের প্রতি নারীর লিপ্সা থাকে কি না সে সম্বন্ধে গবেষণার ভার মনস্তত্ত্ববিদদের উপর দিয়া, এই কথা অনুমানের বলা যাইতে পারে, যে গীতার বিবাহে অনিচ্ছা কোন দিনই ছিল না। তাহা ছাড়া মাতামহের গৃহে আদরে প্রতিপালিতা হইয়া এবং সহরের অনেক কিছু দেখিয়া বিবাহ-সম্বন্ধে তাহার ধারণাটা ছোট না হইয়া বেশ একটু জমকাল রকম বলিয়াই সে মনে মনে গড়িয়া রাখিয়াছিল। তারপর মাহুদ মাত্রেয়ই যে বয়সে মনের পটের রঙিন তুলির রেখা-পাত হইতে আরম্ভ হয়, এ মেয়েটা সে বয়সে যদি একটা মধুর চিত্র প্রাণের পটে আঁকিয়া থাকে, আর পিতা-মাতা হইতে তাহার বিপরীত চেষ্টার ফলে যদি সেই কল্পনা ভাঙিয়া চূরনার হইয়া যায়, তাহা হইলে তাহার পক্ষে দুঃখ করা মোটেই অস্বাভাবিক নয়; সুতরাং পিতাকে প্রথমে চন্দ্র চৌধুরীর মত ষাট বৎসরের বৃদ্ধকে পরম গুরু করিয়া দিতে ব্যস্ত দেখিয়া এবং পরে অনির্দিষ্ট জনৈক ব্যক্তিকে পরম গুরু করিয়া দিবার কথা শুনিয়া গীতা এক রকম হইয়া গেল।

এই ভাবে নিজের কল্পনাকে অকারণে ভাঙিয়া যাইতে দেখিয়া গীতার দুঃখ যত বড়ই হোক মুখে সে কিছুই প্রকাশ করিল না। এই গ্রামে সে নূতন আসিয়াছে, ভাল করিয়া কাহাকেও না চিনিলেও তাহার এই দুঃসময়ে সহায় হইতে পারে এমন কাহাকেও তাহার মনে পড়িল না। তবে একজনকে সে জানে যে দরকার বুঝিলে প্রাণ পণ করিয়াও...কিন্তু সে যে নিতান্ত বালক, একেবারেই ছেলে-মাহুদ, তাহাকে লইয়া?...না সে ভারী বিপ্রী। ঐ কচি ছেলেকে সে কোনদিন সম্মান সজ্জম করিতে পারিবে না। আর তা ছাড়া অনন্ত যদি রাজী নাই হয়, যে রকম এক-রোকা ছেলে সে। গীতা কত রকম ভাবিয়া দেখিল; এই ভাবে বিবাহের নামে আধমরা হওয়া ছাড়া আর তাহার কোন উপায় নাই। একবার মনে হইল, অনন্তকে বলিয়া দেখিলে কি হয়; ছেলে-মাহুদ হইলেও তাহার মধ্যে যতখানি পৌরুষ আছে সে রকম আর কয়জন মাহুদের মধ্যে থাকে? হয় তো সে চেষ্টা করিলে একটা উপায় হইতে পারে। কিন্তু যদি অনন্ত তাহাকে বিবাহ করিতে চায়? গীতা যেন কি! এ অসম্ভব! একজন বিপন্ন নারীর বিপদে সাহায্য করিতে গিয়া সে কি এমন অসম্ভব প্রতিদান চাহিয়া বসিবে? না সে তেমন নয়। তা সে করিতে পারে না।

আচ্ছা, তাই যদি হয়—তাতেই বা—গীতা লজ্জায় রাঙিয়া উঠিল—সে হয় না। তাহাকে বলিয়া অত্র ব্যবস্থা করিতে বলিলে অনন্ত একটা কিছু করিবেই। গীতা অনন্তের খোঁজ করিয়া জানিল, পাঁচ সাত দিন সে গ্রাম-ছাড়া, এবং দুই চারি দিনের মধ্যে তাহার আসিবার সম্ভাবনাও নাই। গীতার মনে হইল এ রকম ভাবে এত দিন কোথাও যাইয়া থাকা অনন্তের অমার্জনীয় অপরাধ। নিতান্ত অসহায়ের মত গীতা শুধু ছট ফট করিয়া বেড়াইতে লাগিল।

সে দিন মাকে সে বলিল, “আচ্ছা বিয়ে যদি না হয় তাহলে এমন কি মহাতারত অশুদ্ধ হইবে শুনি। এ রকম বিয়ে না করেও ত অনেক মেয়ে থাকে মা।”

মাও নিতান্ত সুখী ছিলেন না, বলিলেন, “থাকে কি না জানি নে গীতা, তবে থাকলে যে কিছু দোষ হয় না, তা বুঝি।”

“তবে আমায় তাই থাকতে দেও মা আমিও”—

গীতা কাঁদিয়া ফেলিল।

মা তাহাকে সান্ত্বনা দিয়া বলিলেন,—“আমিও যে এতে সুখী তা মনে করিসনে মা, কিন্তু হিন্দুর মেয়ের বিয়ে না হলে চলে না তাই সব বুঝেও চুপ করে থাকতে হয়। তা' ছাড়া কোথায় কি যে উনি করেছেন তা তো ঠিক জানি না—হয় তো ভাল হতেও পারে গীতা।”

“ভাল না ছাই হবে”—বলিয়া গীতা সে খান হইতে চলিয়া গেল। মাতা কণ্ঠ্য ভবিষ্যতের দিকে চিন্তা করিয়া চোখে আঁচল দিলেন।

নিতাই আসিয়া বলিল,—“আজ তারা আশীর্বাদ কর্তে আসবে মেয়েকে যাহোক কিছু গোছ-গাছ কর অমন চোখে কাপড় দিয়ে বসে থাকলে চলবে কি করে।”

“কিন্তু তোমাকে আমি বলে রাখছি, যদি দেখি এর মধ্যেও তোমার কারসাজী আছে—আমি পিঁড়ে থেকে বর তুলে দেব, আমার মেয়ের না হয় বিয়ে না হবে।”

“আচ্ছা, আচ্ছা সে তখন বা হয় কোরো, আজ যাহোক নিয়ম রক্ষা কর তো।”

নিতাই চলিয়া গেল। গীতা আসিয়া বলিল, “আমি কারুর সামনে বেরুতে পারব না মা, এই তোমার বলে রাখলাম।”

কণ্ঠ্যকে বুকে টানিয়া লইয়া মাতা বলিলেন,—“ছিঃ মা শুভ কাজে অমন করতে নেই। আজকের দিনটা একটু আমার কথা শুনে থাক।”

“শুধু আজ কেন মা, আজ থেকে তোমাদের কথা শুনবার জগেই প্রস্তুত হয়ে থাকব।”—বলিয়া গীতা উচ্ছ্বসিত অশ্রু রোধ করিবার জন্ত সেই খান হইতে ছুটিয়া চলিয়া গেল।

মায়ের এবার মেয়ের এই কাঁদা কাটা যেন একটু বেশী বাড়াবাড়ি বলিয়া মনে হইল। সংসারে আসিয়া ঠিক মনের মত সব কিছু পাওয়া, প্রায় কাহারও ভাগ্যেই ঘটয়া ওঠে না। তাহা না হইলে আজ তিনি নিজে—কথাটা মনে হইতেই একটা দার্দ্রবাস মন্দাকিনীর বুকখানাকে দোলা দিয়া গেল। আজ যদি তিনিই ঠিক যেমনটা মনে ভাবিয়াছিলেন জেমনটা পাইতেন, তাহা হইলে মেয়েরই বা দুঃখ কি ছিল? স্মৃত্যং তাহা যখন হয় নাই—হইবার

নয়, তখন মিথ্যা আশঙ্কায় এমন করিয়া কষ্ট পাওয়া কেন?

আজ তাহারা আশীর্বাদ করিতে আসিবে; অথচ এই তাহারা যে কাহার সেই কথাটাই মন্দাকিনী কোন ক্রমেই ভাবিয়া পাইতেছিলেন না, ভাবিয়া পাইলেও তাহাদের অন্য তাহাদের আপ্যায়নের জন্য তাঁকে উদ্যোগ-আয়োজন করিতেই হইবে। মন্দাকিনী সেই উদ্যোগ-আয়োজনের চেষ্টায় চলিলেন।

কাজের কাঁকে একবার নিতাইকে পাইয়া মন্দাকিনী জিজ্ঞাসা করিল, “গা মেয়েটাকে কোথায় দিচ্ছ, মৃত্যি কোন”—কথাটা তিনি শেষ করিতে পারিলেন না।

নিতাই কি একটা কড়া জবাব করিতে যাইতেছিল কিন্তু পত্নীর চোখে জল দেখিয়া কেমন যেন হইয়া গেল। এরকম ব্যাপার তাহার জীবনে এই প্রথম। চোখের জল দূরে থাক কোন দিন একটা নরম কথা নিতাই তাহার সহধর্মিণীর মুখে শোনে নাই। তা' ছাড়া বিবাহিত-জীবনের প্রায় অর্ধেক দিন সে তাহাদের বিচ্ছিন্ন ভাবেই কাটিয়াছে। দুর্বলচিত্ত নিতাই, “সে হ'বে, কিছু ভাবতে হ'বে না, ভাবতে হবে না” বলিতে বলিতে সেখান হইতে সরিয়া পড়িল।

মন্দাকিনী চোখ মুছিয়া পুসুরায় কাজে মন দিলেন। কিন্তু সন্ধ্যের ছায়া তাহার মন হইতে দূর হইল না; বরং স্বামীর ইতস্ততঃ ভাব লক্ষ্য করিয়া তাহা আরও ঘনীভূত হইল।

(৫)

রাত্রি বোধ করি তখন আর বেশী নাই। হঠাৎ পিতার কণ্ঠস্বরে অনন্তের ঘুম ভাঙিয়া গেল। সেই রাত্রিতেই মাতুলালয় হইতে গ্রামে ফিরিয়াছে, এখানে যে তাহার অল্পপস্থিতির মধ্যে কি হইয়াছে এবং কি হয় নাই সে সংবাদ অনন্ত জানে না।

ঘুম ভাঙিতেই পিতা বলিলেন, “মুখ হাত ধুয়ে নে বাবা, এখনই আমার সঙ্গে যেতে হবে।”

কোথায় যাইতে এবং কেন যাইতে হইবে জিজ্ঞাসা করিবার কথা মনে হইলেও পিতার গাঙ্গীর্ষ্যপূর্ণ মুখত্ৰী দেখিয়া অনন্ত আর সে-কথা উচ্চারণ করিতে সাহস পাইল

না। মায়ের কাছে কিছু আশিতে পারা যায় কি না দেখিতে গিয়া মনে পড়িল না তো বাড়ীতে নাই, গীতার বিবাহে তিনি সকাল হইতে সেইখানেই আছেন।

ভাবিবার অবসরও তাহার হইল না, পিতার দ্বিতীয় আহ্বান কাণে আসিতেই সে কোচার খুটখানা গায়ে জড়াইয়া তাহার অনুসরণ করিল।

পথে পিতা-পুত্রে কোন কথা হইল না। দ্রুতপদে পথটুকু অতিক্রম করিয়া অনন্ত যখন নিতাই মূখ্যের গৃহে উপস্থিত হইল এবং পিতা হাত ধরিয়া তাহাকে বরের আসনে বসাইয়া দিলেন, সে একেবারে হতবুদ্ধি হইয়া গেল। কি যে হইল এবং আর কি যে হইবে অনন্ত ভাবিয়া তাহার কিনারা করিতে পারিল না এবং তাহার ভাবনার কাঁকে কোন সময়ে যে তাহার হাতের সঙ্গে আর একখানি হাত বাধা হইয়া গিয়াছে তাহা সে বুঝিতে পারিল না।

অনন্ত বুঝিতে না পারিলেও যাহা হইবার তাহা হইয়া গেল এবং যে মেয়েটাকে দেখিয়া অবধি তাহার প্রতি একটা অহৈতুক অবজায় অনন্তের মন ভরিয়া গিয়াছিল, সেই ডানপিটে মেয়েটাই কি না তাহার জীবন-পথে সহযাত্রী হইয়া পড়িল।

এমনটা কিন্তু হইল কেন? ব্যাপারটা এই—নিতাই শিলা ব্যয়ে 'মেয়ে পার করিতে গিয়া যে সৎপাত্রটী সংগ্রহ করিয়াছিল, তাহার যে কতগুলি সে কথা জানিবার ইচ্ছা বা আবশ্যিক নিতাইয়ের হয় নাই নানা গুণের আধার বলিয়া কোন কন্ঠাকর্তাই এই "বরায় বিছবে" কন্ঠাদান করিতে ভরসা না পাওয়ায় তিনি এতদিন কুমার ছিলেন এবং নিতাইয়ের? প্রস্তাবে একমাত্র বয়স্হা কন্ঠা জানিয়াই এক কথায় সম্মত হইয়াছিলেন।

এই গুণধর পাত্রটীকে বিবাহ-রাত্রিতে কোন বিশেষ কার্যে আবদ্ধ থাকায় অনেক অনুসন্ধানের খুঁজিয়া পাওয়া যায় নাই; তবে লোকমুখে শুনা গেল যে তিনি বর্তমানে এক প্রণয়-ব্যাপারের নায়ক হওয়ায় শ্রীধর বাস করিতেছেন এবং অল্প তাহার উপস্থিতির আর কোন সম্ভাবনা নাই: ফলে অনেকগুলি বরের আশায় অপেক্ষা করিয়াও যখন তাহার গুণাগমনের কোন লক্ষণ দেখা গেল না, অথচ বিবাহের লগ্ন অতিক্রান্ত হইয়া গেল এবং এই রাত্রিতে অল্প

পাত্র সংগ্রহ না হইলে যে কি হইবে তাহা ভাবিয়া নিতাই যত্ন ভট্টাচার্যের পা জড়াইয়া কাঁদিয়া ফেলিল, তারপর যাহা হইয়াছে তাহা অনন্ত না বুঝিতে পারিলেও জানে সব।

বিবাহের পর সে রাত্রিতে এমন সময় আর রহিল না যে বাসর প্রভৃতি আনুষ্ঠানিক কিছু হইতে পারে, সুতরাং দিনে যে আর এই মুখরা মেয়েটির সঙ্গে তাহার চোখের মিলন ঘটবে না তাহা বুঝিতে পারিয়া অনন্ত যেন বাঁচিমা গেল এবং নিতান্ত শাস্ত্রীয় অনুষ্ঠান গুলি একমাত্র পিতার ভয়ে সে কোন রকমে সারিয়া হাঁপ ছাড়িয়া বাঁচিল। তবে এই সমস্ত ব্যাপারের মধ্যে একটা জিনিস সে লক্ষ্য করিয়াছে, যে যখনই যে কারণেই গীতার হাত তাহার হাতের সহিত মিলিত হইয়াছে, তখনই একটা অননুভূত আনন্দে তাহার সমস্ত অন্তর ভরিয়া গিয়াছে, কিন্তু সেই আনন্দ যে একটু বেশীক্ষণ অনুভব করা, তাহা অনন্ত পারে নাই, কেমন যেন একটা লজ্জা আসিয়া তাহাকে জোর করিয়া সেদিকে টানিয়া আনিয়া ছাড়িয়াছে।

গীতার দিকে পূর্ণ দৃষ্টিতে আজ কেন কোনদিনই সে চাহিতে পারে নাই। কারণ তাহার জানা ছিল কোন রমণীর প্রতি চাহিয়া দেখা অন্য়; তাহা ছাড়া, পূর্ণাঙ্গী এই তরুণীটির প্রতি চাহিয়া দেখিতে গেলে এমন লজ্জা করিত যে দেখা হইলেই পলাইয়া আসিত। অথচ এমনই যোগাযোগ যে লজ্জা যতই করুক তাগ প্রকাশ করিয়া ফেলিলে লোকের কাছে হাস্যস্পদ মাত্র হইতে হইবে। তথাপি সে-দিনটা সে কোনমতে পলাইয়া ফিরিল পাছে গীতার সহিত চোখো-চোখী হইয়া যায়।

নিতাই এক সময় গৃহিণীকে ডাকিয়া বলিলেন, "কেমন আর তোমার কোন ছঃখ নেই তো?"

মন্দাকিনী "না তোমাকে তো আগেই বলেছিলুম আমি বুড়ো হাবড়ার হাতে মেয়ে দিব না কিন্তু এমনটা যে হবে তা আমিও ভাবি নি।"

নিতাইয়ের টাকার টান ধরে নাই সুতরাং আনন্দ করিবার বাধাও কিছু নাই, তথাপি নিজের আচরণের লজ্জা আসিয়া বোধ করি তাহাকে অত্যধিক উচ্ছ্বাস প্রকাশে বাধা দিল, তখন সে শুধু, "যাক্ তোমার পছন্দ হ'ল" বলিয়া ব্যস্ততার সহিত প্রস্থান করিল।

ফুল-শস্যের রাত্রিতে কিন্তু অনন্ত একটু বিপন্ন হইয়া পড়িল; কারণ পাড়ার একজন বৌদিদি সম্পর্কীয়া না জানি কেমন করিয়া গীতাকে তাহার চোর বলিঘা ধরার কথাটা জানিয়া ফেলিয়াছিলেন, তাই তিনি যখন অনন্তর কি কথার জবাবে বলিলেন, “থাক ভাই আমরা সব জানি। পথে-ঘাটে জড়িয়ে ধরার মত ব্যায়ামই যখন তোমার হয়েছে, তখন আর লজ্জা কেন গো মহাশয়! তা’ ছাড়া ধর তো ধর একেবারে গীতাকেই,” অনন্তর মুখে কে যেন আধির মাখাইয়া দিল। সে শুধু বলিল, “যান আপনি ভারী ইয়ে—সে তো চোর মনে করে।”

ঘরের মধ্যে একটা হাসির ধুম পড়িয়া গেল। এমন

সময় গৃহিণী আসিয়া সকলকে বাহিরে বাইতে আদেশ দেওয়ায়, বৌদিদি অনন্তের কাণে কাণে কি একটা কথা বলিয়া উঠিয়া গেলেন এবং অনন্ত তাহাকে তাড়া করিয়া সীমানা পার করিয়া দিয়া ঘরে আসিয়া দেখিল শস্যাতলে বসিয়া গীতা। অনন্তর বুকের মধ্যে যেন কেমন করিয়া উঠিল। কোন দিকে না চাহিয়া ঘরের মধ্যে একখানি চেয়ার টানিয়া বসিয়া পড়িল।

এ সংবাদ কিন্তু পাওয়া গিয়াছে যে সে রাত্রিতে ঠিক এই ভাবেই অনন্তর কাটে নাই। গীতার নামটা চণ্ডী হওয়া উচিত কি গীতা হওয়া উচিত তাহার মীমাংসা হইয়া গিয়া এক সময়ে না কি গীতা নামটাই বাহাল হইয়া গিয়াছে।


স্মরণ

[শ্রীশুকুমার সরকার]

বিশ্বৃতির অন্ধকারে ব’সে স্মরণের আলো অকস্মাৎ
জলে ওঠে বিদ্রাভের মত চূর্ণ ক’রে বিচ্ছেদের রাত।
হৃদয়ের দৈশ্য দূরে যায় আকাশের উৎসব-লীলায়
আনন্দের মধু-উন্মাদনা অন্তরেতে স্পন্দন বিলায়!
অরুণিমা সুবর্ণ-মদিরা প্রভাতের পাত্র ভ’রে আনে;
পল্লবের গুঞ্জন-কুণ্ঠিত শাখী ডাকে ইসারা-আহ্বানে।
কুসুমিকা কৈশোরের নেশা জানায়েছে গন্ধ-লিপি দিয়ে,
বিহঙ্গীরা বিশ্বলে বিলাপে ডাকে মোরে ‘প্রিয়ে

প্রিয়ে প্রিয়ে!’

বায়ু সে যে ছলনা-ষোড়শী লুকায়েও আড়ালে দৃষ্টির,
থামায় না না-দেখা বাহুর ধারা তবু স্পর্শের বৃষ্টির।
মানময়ী তরঙ্গিণী আজি, মোর চক্ষে চেয়ে মান ভোলে
আজি তার আধ-স্থির জলে মোরি মৃদু ছায়া-ছবি দোলে।
শুকতারা সলজ্জ চাহনি কভু খোলে কভু মৃদু বোজে,
দূর থেকে ভালোবাসিয়াছে আমারেই আমারেই ও যে।
মোরে চাহে মোরে চাহে সবে মোরে চাহে সুন্দর সকলে,
স্বপ্ন-ভরা প্রেম নিয়ে তার কত শত প্রিয় কথা বলে।



আর্ট ও বন্ধিমচন্দ্র

অধ্যাপক শ্রীমঙ্গলগোপাল ভট্টাচার্য, এম-এ]

(ক)

অবৈধ আনন্ডি

শৈবলিনী-প্রতাপ এবং রোহিণী-গোবিন্দলাল ভিন্ন বন্ধিমচন্দ্র লিখিত অবৈধ প্রণয়ের চিত্র আঁকেন নাই। কৃষ্ণকান্তের উইল এবং চন্দ্রশেখরে যেমন নিষিদ্ধপ্রেম উপন্যাসের একটি প্রধান আখ্যানবস্তু, সমস্ত প্লট অনেকটা ইহারই উপর নির্ভর করিতেছে, অথ কোনও উপন্যাসে (বোধ হয় বিষয়ক ছাড়া) এরূপ নাই। সেগুলিতে নিষিদ্ধ, প্রেম যে নাই তাহা নহে তবে, ইহাকে প্রাধান্য দেওয়া হয় নাই। নানাবিধ ঘটনার মধ্যে ইহাও এক ঘটনা মাত্র; উপন্যাসের গতির উপর ইহার প্রভাব বেশী নাই।

এই চিত্রগুলির মধ্যেও কতকগুলিতে পাপ এমন উৎকট ভাবে প্রকাশ পাইয়াছে যে, পাপীর প্রতি কোন সহানুভূতি হয় না; অন্ততঃ এ কথা মনে হয় যে, যেমন কর্ম তেমনই ফল হইয়াছে। সুতরাং এ ক্ষেত্রে আর্টের অপকর্ষ হইয়াছে এ কথা ওঠে না। বস্তুতঃ এ চিত্রগুলি এতই হীন যে আর্টের আলোচনার মধ্যে ইহাদের স্থান নাই। পতিপরায়ণা সাধ্বী স্ত্রীর উপর অত্যাচার, অথবা সরলা অসহায় বালিকার উপর আক্রমণ এই শ্রেণীর চিত্র। এ-গুলিতে মানুষের পশুত্ব ব্যতীত অন্য কোন প্রবৃত্তির পরিচয় নাই। মহম্মদ তকি, বোমকেশ অমরনাথ, হীরালাল, পরাণ চৌধুরীর গোমস্তা দুর্লভচন্দ্র, এই সকল চরিত্রের কার্যকলাপের আলোচনা এক্ষেত্রে অনাবশ্যক। কেবল অমরনাথ সম্বন্ধে দুই একটি কথা বলা যাইতে পারে। সে ইতর প্রকৃতির লোক নহে—তস্তিন্ন বহু দিন হইতে লবঙ্গকে সে দেখিয়া আসিতেছিল—তাহাদের বিবাহের সম্বন্ধও হইয়াছিল। তবুও গভীর নিশীথে লবঙ্গর ঘরে যাওয়াটা অতি গর্হিত কাজ হইয়াছিল এবং তাহার শাস্তিও সে পাইয়াছিল। এ চিত্রগুলি নিতান্তই স্থূল। আর্টের নামে সৌন্দর্য্য-পিপাসু পাঠকের

পাতে এ-গুলি পরিবেষণ করা চলে না।* বন্ধিমচন্দ্রের কাছে এই সব পাপীদের দণ্ড দেওয়া অথবা তাহাদের অসহৃদেস্ত্র ব্যর্থ করাই আর্ট।

বস্তুতঃ মন যদি নির্বিবাদে পাপের দণ্ডে সায় দিয়া বলে 'বেশ হইয়াছে' তখন বলিতে হইবে ঘটনা আর্ট-বিরোধী হয় নাই। আর্টের সহিত বিরোধ তখনই হয়, যখন দণ্ডিত ব্যক্তির পরিণাম আমাদের অভিভূত করিয়া ফেলে। যখন উপন্যাসকার এমনই ঘটনা সাজাইয়া ফেলেন এবং চরিত্র-চিত্রণ এমন ভাবেই করেন যে, তাহার প্রতি আমাদের গভীর সহানুভূতি হয়। যখন মনে হয় তাহার লঘু পাপে গুরুদণ্ড হইয়াছে অথবা তাহারই মত কিংবা তাহার চেয়ে বেশী অপরাধীরা দণ্ডিত হয় নাই সেই কেবল শাস্তি পাইয়াছে। সেই জন্য এখনও সাইলক এবং ফলষ্টাফের পরিণাম অনেক রসগ্রাহী লোককে পীড়া দেয়।

কথা হইতে পারে তবে শৈবলিনীকে অপহরণ করার অপরাধে কষ্টের সাজা হয় নাই কেন? সেও ত অতি ইতর প্রকৃতির দুর্ভাগ। ইহার উত্তর এই যে, তাহার অপরাধ অনেক। শৈবলিনীকে অপহরণ করা 'বোকার উপর শাকের আর্ট মাত্র।' এবং এক্ষেত্রে তাহার ততটা দোষও নাই, কারণ তাহাকে বাধা দেওয়া দূরে থাকে শৈবলিনী বরং তাহাকে আশ্রয় দিয়াছিল। সে তাহাকে গৃহত্যাগের সহায়রূপে ব্যবহার করিয়াছিল এবং তাহাকে কাছে ধসিতে দেয় নাই; সুতরাং এক্ষেত্রে কষ্টের অপরাধ খুব গুরুতর হইয়া পড়ে নাই। বরং শৈবলিনীই তাহার দ্বারা নিজের কার্য উদ্ধার করিবার চেষ্টা করিয়াছিল। ইহা ছাড়া ভীকু কাপুরুষ লম্পট ও বিশ্বাসঘাতক হইলেও কষ্টের তকির তুলনায় অনেক ভাল। শেষ দৃশ্যে

* অবশ্য বন্ধিমচন্দ্র বীভৎস বস্তুতন্ত্রতা (disgusting realism) বাহার পোষাকী নাম naturalism বা নিসর্গপন্থা তাহাকে আর্ট বলিতেন না। তাহা হইলে হয় তো এই সব পাপীরাও নিজ কার্যসিদ্ধি করিয়া কেনিত।

সে ষথার্থ বীরের ন্যায় আচরণ করিয়াছিল এবং তকির ন্যায় পশুবৎ চীৎকার না করিয়া কায়মনোবাক্যে ভগবানকে ডাকিয়াছিল। বোধ হয় সেই জন্যই নবাব তাহাকে বধ করেন নাই। শৈবলিনী-ঘটিত ব্যাপারে তাহার অপরাধ এমন গুরুতর মনে যে তাহাকে দণ্ড না দিলে আমাদের মনে অস্বস্তি বোধ হয়। তাহার অপরাধের অন্ত নাই। নবাবের হাতে রক্ষা পাইলেও ইংরেজরা তাহাকে ক্ষমা করিবে না ইহা নিশ্চিত। কৃতকার্যের ফল সে পাইবে, তবে উপন্যাসের মধ্যে ইহা দেখাইবার প্রয়োজন নাই।

বঙ্কিম-সাহিত্যে অবৈধ আসক্তির অন্য চিত্রগুলি এমন মোটা ধরণের নহে। সে-গুলিতে একটু রসের আনন্দ পাওয়া যায়। এ চরিত্রগুলি এমন কদর্য্যভাবে নিজ কার্য উদ্ধার করিতে চেষ্টা করে নাই। ইহারা দোষী হইলেও ইহাদের কতকগুলি গুণ আছে, যাহা আমাদের আকৃষ্ট করে।

গঙ্গারাম—গঙ্গারাম এই শ্রেণীর দুর্ভাগ্য। সে অতি চতুর ও কার্যদক্ষ এবং সীতারামের রাজ্যস্থাপনে তাহার একজন প্রধান সহায় ছিল; কিন্তু কুক্ষণে ছোটরাণী ভয়বিহ্বলা হইয়া তাহাকে ডাকিয়াছিল। তাহার অতুল রূপরাশি দেখিয়া গঙ্গারাম সব ভুলিল। তাহার একমাত্র চিন্তা হইল রমাকে হস্তগত করা। যে বুদ্ধির বলে সে রাজ্যস্থাপন করিয়াছিল, সেই বুদ্ধিই এখন রমাকে লাভ করিবার জন্য প্রয়োগ করিল। বিচার-সভায়ও তাহার তীক্ষ্ণবুদ্ধি তাহাকে পরিত্যাগ করে নাই। চন্দ্রচূড়, চাঁদশাহ, পাঁড়ে, মুরলা এমন কি রমার সাক্ষ্য সত্ত্বেও সে যেরূপ সূক্ষ্মশীল আত্মরক্ষা করিতেছিল তাহাতে তাহার উপস্থিত বুদ্ধির প্রশংসা না করিয়া থাকা যায় না। তবে অন্ধ বিশ্বাস ও কুসংস্কারের উপর কথা নাই। ভৈরবীকে দেখিয়াই ভয়ে তাহার আত্মাপুরুষ শুকাইয়া গেল এবং সে নিজ দোষ স্বীকার করিয়া ফেলিল। তাহাকে ছাড়িয়া দেওয়া অবশ্য রাজধর্মের দিক দিয়া সীতারামের মারাত্মক ভুল হইয়াছিল। তবে যে জয়ন্তী একবার তাহার রাজ্য রক্ষা করিয়াছে এবং আর একবার তাহার কুলমর্য্যাদা রক্ষা করিয়াছে, সে নিজে তাহার প্রাণভিক্ষা চাহিয়াছে, তাহাকে অদেয় সীতারামের কিছুই নাই। দ্বিতীয়তঃ গঙ্গারাম জীর ভাই এবং তৃতীয়তঃ সীতারাম গঙ্গারামের বিনিময়ে

জীরকে পাইবেন এই ভরসা পাইয়াছিলেন। রাজধর্ম-প্রণেতা হইয়া জীর লোভে গঙ্গারামকে ছাড়িয়া দেওয়া সীতারামের অন্যায় হইয়াছিল। তবে এ ক্ষেত্রে জয়ন্তীরই দোষ বেশী। জীর প্রতি অত্যধিক মেহবশতঃ সে এটা মনে করে নাই যে, রাজ্য-রক্ষা করিতে হইলে বিশ্বাস-ঘাতকের দৃষ্টি দেওয়া একান্ত আবশ্যিক। গঙ্গারামের ন্যায় অসাধারণ বুদ্ধিমান লোক যে শত্রুপক্ষে যোগদান করিয়া মহা অনিষ্ট করিতে পারে এ জ্ঞানও তাহার থাকা উচিত ছিল। যাহা হউক তবুও গঙ্গারামের শাস্তি মন্দ হইল না। যে নগরের সে একজন মহামান্য প্রধান নাগরিক ছিল, সেখান হইতে রাতে চোরের মত পলাইয়া যাওয়াও কম অপমানের কথা মনে। তবে রমার লোভ তাহার অত্যন্ত বেশী; সেইজন্য সে পুনরায় শত্রুসৈন্যের সহিত মহম্মদপুর আক্রমণ করিল এবং স্বয়ং কামান লইয়া সূচীব্যূহের মুখে গিয়া সীতারামের হাতে মারা পড়িল। তাহার মত মহাপাপীঠের পূর্বেই মরা উচিত ছিল।

ভবানন্দ—পরনারীতে অবৈধভাবে আসক্ত যতগুলি চরিত্র বঙ্কিমচন্দ্রে আছে, তন্মধ্যে ভবানন্দের ন্যায় পুরুষশ্রেষ্ঠ একজনও নাই। এই একটীমাত্র চরিত্রের প্রতি তাহার সদ্গুণাবলীর জন্য মনে গভীর শ্রদ্ধা হয়। এই বলিষ্ঠকায় অতি সুন্দর যুবা পুরুষ প্রথম হইতেই আমাদের দৃষ্টি আকর্ষণ করেন। কার্যতত্ত্বপরতায়, সাহসে, বিক্রমে, রণকৌশলে দায়িত্বজ্ঞানে তাঁহার সমকক্ষ ব্যক্তি সম্ভান-সম্প্রদায়ে কেহই নাই। সত্যানন্দ নিজের অল্পপন্থিতে সেইজন্য আনন্দমঠের কাজ তাঁহারই হস্তে সমর্পণ করিয়া যান। তিনি যে অযোগ্য হস্তে কার্য-পরিচালনের গুরুভার ন্যস্ত করিতেন না তাহার প্রমাণ আমরা যথেষ্ট পাইয়াছি। কিন্তু “সম্ভানের কাজ অতি কঠিন কাজ”। সত্যানন্দ তাহা জানিতেন এবং সেই জন্য তিনি সম্ভানদের মধ্যে শ্রেণী বিভাগ করিয়াছিলেন। এবং দীক্ষিতদের জন্যও আত্মীয় সন্ন্যাসের ব্যবস্থা করেন নাই। করিলে হয় ত এতগুলি সুদক্ষ কর্মক্ষম সহায় পাইতেন না। কিন্তু তবুও বলিতে হয় সেনাপতিদের নিয়মগুলি অত্যন্ত কঠোর ছিল। তিনি সম্পূর্ণ নৈষ্ঠিক ব্রহ্মচারী, স্তত্রাং তিনি বুদ্ধিতে পারেন নাই যে, অনির্দিষ্ট কালের জন্য কায়মনোবাক্যে সর্বভ্যাগী হওয়া অসম্ভব। মহেঞ্জ এ বিষয়ে তাঁহার চেয়ে বেশী সূক্ষ্মদর্শী।

সেইজন্য সত্যানন্দ যখন তাঁহাকে বলিয়াছেন, “পুত্র-কলত্রের মুখ দেখিলেই আমরা দেবতার কাজ ভুলিয়া যাই।—তোমার কন্যার মুখ মনে পড়িলে তুমি কি তাহাকে রাখিয়া মরিতে পারিবে?” তখন উত্তর করিয়াছে “না দেখিলেই কি কন্যাকে ভুলিব?” এবং যখন পুনরায় সত্যানন্দ বলিয়াছেন, “না ভুলিতে পার এ ব্রত-গ্রহণ করিও না” তখন বলিয়াছে, “সন্তানমাত্রই কি এইরূপ পুত্র-কলত্রকে বিশ্বত হইয়া ব্রত গ্রহণ করিয়াছে? তাহা হইলে সন্তানেরা সংখ্যায় অতি অল্প।” সত্যানন্দ মনে করিতেন, “বাহারা দীক্ষিত তাহারা সর্ষভ্যাগী”—কিন্তু তাহারা সন্ন্যাসীও নহে গৃহীও নহে। পুরা সন্ন্যাসী হইলে হয় তো স্বাভাবিক মনোরঞ্জনগুলি মন হইতে সম্পূর্ণভাবে মুছিয়া ফেলিতে পারিত। কিন্তু তাহারা তাহা নহে। মানস সিদ্ধ হইলেই তাহারা নিজ নিজ গৃহে প্রত্যাগমন করিয়া দৈনন্দিন জীবন যাপন করিবে। সুতরাং স্বাভাবিক প্রবৃত্তি-গুলি তাহাদের মনে চাপা আছে। উৎকট প্রলোভনে এই বলপূর্বক নিরুদ্ধ প্রবৃত্তিগুলি আত্মপ্রকাশ করিবে এ আশঙ্কা আছে। অতএব কল্যাণীর ন্যায় অসামান্য সুন্দরীকে শুক্রবা করিতে গিয়া ভবানন্দের মন বিচলিত হইল। তিনি যে ভাবে বহুক্ষণ ধরিয়া তাহার শুক্রবা করিয়াছেন তাহাতে তাঁহার মন ঠিক থাকিলে অত্যন্ত আশ্চর্যের বিষয় হইত সন্দেহ নাই। যুতপ্রায় সুন্দরীকে এইভাবে বাঁচাইতে গিয়া গোবিন্দলালও বিষম বিপদে পড়িয়াছিলেন। কিন্তু ভবানন্দ কল্যাণীর কোনরূপ অমর্যাদা করেন নাই। বহুদিন নিজের মনেই যন্ত্রণা সহ করিয়াছেন, তারপর আর না পারিয়া কল্যাণীর নিকট নিজ মনোভাব প্রকাশ করিয়াছেন এবং কল্যাণী যখন তাঁহার মনস্বামনা সিদ্ধ করিতে অস্বীকার করিয়াছে, তখন অশ্রুপূর্ণলোচনে বিদায় গ্রহণ করিয়াছেন। মনের উপর হাত নাই সুতরাং কল্যাণীর উপর আসক্তি তিনি ঠেকাইয়া রাখিতে পারেন নাই। কিন্তু তাঁহার মন ইন্দ্রিয়-বশ হইয়াছে তিনি সন্তানদলের এক জন প্রধান নেতা হইয়া ব্রতের নিয়মভঙ্গ করিয়াছেন; সুতরাং তিনি ধীরানন্দের প্রস্তাব স্বগার সহিত প্রত্যাখ্যান করিয়া বীরের স্ত্রী মৃত্যু বরণ করিয়া লইয়াছেন। তাঁহার অসাধারণ কর্তব্যনিষ্ঠা, ইন্দ্রিয়-পরবশ হইয়া ধর্মত্যাগী হওয়ার জন্য তাঁহার তীব্র

অমুশোচনা, এইগুলি তাঁহাকে এই পক্ষ অবলম্বন করিতে প্রবৃত্ত করিয়াছিল। কঠোর সামরিক নিয়ম ভাবিবার একমাত্র দণ্ড তিনি খেঁচায় গ্রহণ করিয়াছেন। এ দণ্ড বঙ্কিমচন্দ্র দেন নাই, দিলে লঘুপাপে গুরুদণ্ড হইত সন্দেহ নাই। তিনি বরং সত্যানন্দের মুখ দিয়া আশীর্বাদ করিয়াছেন, “মৃত্যুকালে তাহার বৈকুণ্ঠপ্রাপ্তি হইবে।”

হীরা ও দেবেন্দ্র—এইখানেই হীরা ও দেবেন্দ্রের পঞ্চিল কাহিনীর আলোচনা করিতে হয়। তাহাদের চিত্রটি বীভৎস কিন্তু দুইজনেই বুদ্ধিমান এবং নিজ কার্যোদ্ধারের জন্য কৌশলজাল বিস্তার করিতে জানে। কিন্তু দুজনের লক্ষ্য এক ছিল না। সেইজন্য কেহই কৃতকার্য হয় নাই। দেবেন্দ্র কুন্দকে দেখিয়া মুগ্ধ হইয়াছিল, সুতরাং সে হীরাকে নিজ কার্যের সহায়স্বরূপ গ্রহণ করিয়াছিল; কিন্তু হীরা তাহাকে ভালবাসিয়া যত গোল বাধাইল। হীরা প্রথম হইতেই দেবেন্দ্রের প্রতি আসক্ত হইয়াছিল। ইহাতে আশ্চর্য্য কিছুই নাই। সে বিংশতি-বর্ষীয়া নারী; চিত্তসংযম কখনও করে নাই। তবে ভদ্র ঘরে বাস করিত বলিয়া কখনও পরপুরুষের সহিত আলাপ করিবার সুযোগ পায় নাই, সুতরাং স্বভাব ভালই রাখিয়া ছিল। কিন্তু সে লোক ভাল নহে। অর্থলালসা তাহার-ধুব ছিল, এবং সে একটু সৌখীন প্রকৃতির ঝি ছিল। “সে সধবার স্ত্রায় বেশ বিভ্রাস করিত এবং বেশ-বিভ্রাসে বিশেষ প্রীতি ছিল।” আমরা ইহাও জানি যে, আতর, গোলাপ চুরি করা তাহার অভ্যাস ছিল; সুতরাং লোভ সংবরণ করা সে কখনও শেখে নাই। অতএব দেবেন্দ্রের মত রূপবান পুরুষ যখন তাহার সহিত আলাপ করিল তখন যে তাহার চিত্তচঞ্চল্য উপস্থিত হইল, ইহাতে বিচিত্র কিছুই নাই। প্রথম প্রথম সে নিজেকে ঠিক রাখিয়াছিল কিন্তু পরে আর পারিল না। তাহার ভ্রমাবহ পরিণাম ও কিছুমাত্র অস্বাভাবিক নহে। তাহার মন চক্রান্ত না করিলে স্থির থাকিতে পারে না। অপরের সুখ-সমৃদ্ধি সে দুইচক্ষে দেখিতে পারে না; সেইজন্য সে কুন্দকে দিয়া সূর্যামুখীর সুখ নষ্ট করিল। আশা ছিল, সে নিজে দত্ত বাড়ীতে প্রভুত্ব করিবে এবং মনের সুখে নিজের অর্থলালসা মিটাইবে। সুখ কিন্তু তাহার অদৃষ্টে নাই। ইতিমধ্যে অর্থলালসার চেয়েও বলবান একটা প্রবৃত্তি তাহাকে

বশীভূত করিয়া ফেলিল। দেবেন্দ্রে তাহাকে না ভজিয়া কুম্ভকে ভজিতে চায়, এ ভাবনাও তাহার পক্ষে অসম্ভব হইল। মনের কোণে, সূর্য্যমুখীর সর্বনাশ করিয়াছে বলিয়া ক্ষোভ তাহার হয় তো হইত। তাহার পর, যখন সে দেখিল যে, দেবেন্দ্রে তাহার হয় নাই, সেই কেবল লাভের মধ্যে অপমানিত হইয়া বিতাড়িত হইয়াছে এবং এতকাল সময়ে রক্ষিত অকলঙ্ক চরিত্রটুকু হারাইয়া ফেলিয়াছে, তখন দীর্ঘায়, ক্রোধে, অপমানে, ব্যর্থ অনুশোচনায় তাহার মস্তিষ্কের স্থিরতা নষ্ট হইয়া গেল। সূর্য্যমুখীর পুনরাগমনে তাহার প্রভুত্বও গেল। নিরপরাধা কুম্ভের মৃত্যু ঘটাইয়া সে তাহার গাত্রদাহ মিটাইল বটে, কিন্তু সে নিজেকে সকল বিষয়ে বঞ্চিতা মনে করিয়া দীর্ঘায়ণ হইয়া অপরের অনিষ্ট করিত, এখন ভগবান সত্যসত্যই তাহাকে সকল দিক দিয়া বঞ্চিতা করিলেন। চরিত্র হারাইয়া সর্ববিষয়ে পরাভূত হইয়া, শেষকালে একজন নিরপরাধা বালিকাকে হত্যা করিয়া সে সম্পূর্ণ পাগল হইয়া গেল। তাহার ভীষণ পরিণাম তাহার কৃতকর্মের স্বাভাবিক ফল।

দেবেন্দ্রের পরিণাম সম্বন্ধে কিছু লেখা নিম্নয়োজন—
অত্যধিক অত্যাচারের ফল যাহা হয়, তাহাই তাহার হইয়াছে।

নগেন্দ্রে ও কুম্ভ—কুম্ভর প্রতি নগেন্দ্রের প্রেমের আলোচনা কি এখানে করিতে পারা যায়? বোধ হয় যায়? কারণ তাহাদের বিবাহ হইলেও সূর্য্যমুখীর জায় সুন্দরী পতিব্রতা ভার্য্যা থাকার সঙ্গেও একটি বিধবা কন্যা বিবাহ করিতে প্ররক্ত হওয়াকে বিশুদ্ধ প্রেম বলিতে পারা যায় না। সে যে “কেবল চোখের ভালবাসা এ কথা নগেন্দ্রেও পরে স্বীকার করিয়াছেন। এখানে কেবল দুইটা বিষয় আলোচনা করিলেই চলিবে নগেন্দ্রের আসক্তি এবং কুম্ভের মৃত্যু।

নগেন্দ্রের মন বিচলিত হওয়ায় সহসা একটু ফেন কেমন কেমন বোধ হয়। গোবিন্দলাল ও দেবেন্দ্রের বেলা যে কারণ ছিল এখানে তাহা নাই, কারণ সূর্য্যমুখী সুন্দরী। তবে বন্ধিমচন্দ্র কারণটি সুস্পষ্ট ভাবে দিয়াছেন। চিত্ত-সংযম পক্ষে প্রথমতঃ চিত্তসংযমে প্রবৃত্তি দ্বিতীয়তঃ চিত্ত-সংযমের শক্তি আবশ্যিক। ইহার মধ্যে শক্তি প্রকৃতি জন্ম। প্রবৃত্তি শিক্ষার জন্ম। প্রকৃতিও শিক্ষার উপর নির্ভর

করে। সুতরাং চিত্ত-সংযম পক্ষে শিক্ষাই মূল। অন্তঃকরণের পক্ষে দুঃখভোগই প্রধান শিক্ষা।” এ শিক্ষা নগেন্দ্রের কখনও হয় নাই। “কুম্ভনন্দিনীকে লুক্ক-লোচনে দেখিবার পূর্বে নগেন্দ্রে কখনও লোভে পড়েন নাই। ... সুতরাং লোভ সংবরণ করিবার জন্ম যে মানসিক অধ্যাস বা শিক্ষা আবশ্যিক তাহা তাহার হয় নাই। এই জন্মই তিনি চিত্ত-সংযমে প্রবৃত্ত হইয়াও সক্ষম হইলেন না।” প্রতাপে ও নগেন্দ্রে এইখানে প্রভেদ। প্রতাপ জীবনে অনেক দুঃখ-কষ্ট পাইয়াছিলেন।

কুম্ভের মৃত্যুর জন্ম দুঃখ হয় বটে কিন্তু যে রূপ ঘটনা-পরম্পরা দাঁড়াইয়াছিল তাহাতে কুম্ভের বিষপান আশ্চর্য্য তো নহেই বরং সম্মুখে বিষ পাইয়াও যদি সে লোভ সংবরণ করিত তাহা হইলেই বরং ঝুপারটা অস্বভাবিক হইত। সূর্য্যমুখীর গৃহত্যাগের জন্ম একে তাহার মনে নিদারুণ কষ্ট, তাহার পর কমলের ভালবাসা; স্বামীর প্রেম সবই সে হারাইল। সংসারে সকল রক্ষম দুঃখ কষ্টের সেই যে মূল ইহা সে বেশ বুঝিল। নগেন্দ্রে যখন বহুকাল পরে গৃহে প্রত্যাগমন করিয়াও তাহার সহিত সাক্ষাৎ করিলেন না, তখনই সে মৃত্যুকামনা করিয়াছিল, সুতরাং যখন হীরা তাহার নিকট হইতে উঠিয়া গেল, তখন বিবের মোড়কটা সে চুরি করিল। সে মনে মনে স্থিরই করিয়াছিল, “দিদি যদি কখনও ফিরিয়া আসেন” তবে তাহার কাছে স্বামীকে রাখিয়া সে মরিবে। তাহার সুখের পথে কাঁটা হইয়া থাকিবে না।

বিষয়কে নগেন্দ্রে নিজের প্রবৃত্তি দমন করিতে না পারার জন্ম যথেষ্ট শাস্তি পাইয়াছেন, কিন্তু ঘটনাপরম্পরায় কোন অস্বাভাবিকতার অবতারণা না করাতে বন্ধিমচন্দ্র আর্টের মর্য্যাদা অক্ষুণ্ণ রাখিয়াছেন

উপেন্দ্রে ও ইন্দিরায়—নিষিদ্ধ প্রেম করিয়া সুখে থাকার চিত্র বন্ধিমচন্দ্রে আঁকেন নাই, এ কথা পূর্বেই বলা হইয়াছে। আপাত দৃষ্টিতে একটি মাত্র উদাহরণে ইহার ব্যতিক্রম দেখা যায়। উপেন্দ্রে ও ইন্দিরায় কিছুকাল বড়ই সুখে কাটাইয়াছিল। কিন্তু প্রথমতঃ ইন্দিরায় পক্ষে ইহা মোটেই নিষিদ্ধ-প্রেম নহে—সে মনের সাধ মিটাইয়া স্বামী-সেবা করিতেছিল। দ্বিতীয়তঃ ইন্দিরায় উপন্যাসে দুঃখ-কষ্টের স্থান নাই। যাহা কিছু প্রতিকূল ঘটনার

বিবরণ বঙ্কিমচন্দ্র পূর্ব অধ্যায়গুলিতে দিয়াছেন, তাহা কেবল শেষের মিলনকে মধুরতর করিবার জন্য। ইন্দিরা মনে মনে সঙ্কল্প করিয়াছে, “যদি কখনও দিন পাই, তবে এ স্বভাব ত্যাগ করাইব”—ইহাই যথেষ্ট। উপন্যাসখানির আবহাওয়া নিছক সুখ ও আমোদের আবহাওয়া, ইহার মধ্যে তীব্র দুঃখ কিংবা অসহনীয় কষ্ট আনিয়া বঙ্কিমচন্দ্র রসাতোলে ব্যাঘাত ঘটান নাই।

আমরা একে একে বঙ্কিমচন্দ্রের সমস্ত অবৈধ প্রণয়ের চিত্রগুলি আলোচনা করিয়া দেখিতে পাইলাম যে, কোন স্থানেই তিনি কলালক্ষ্মীকে বিসর্জন দেন নাই। পরিণাম কখনই ভাল হয় নাই কিন্তু সে পরিণামও পারিপার্শ্বিক ঘটনার স্বাভাবিক ফল। দোষীকে দণ্ড দিতেই হইবে সুতরাং সম্ভাব্যতার দিকে দৃষ্টি না রাখিয়া কোন রকমে ঘটনাগুলি সাজাইয়া ফেলা—এ অপরাধ বঙ্কিমচন্দ্র কখনও করেন নাই।

(খ)

সমাজ-বিধি

বঙ্কিমচন্দ্র যে সামাজিক নিয়ম ভাঙিলেই দণ্ড দিয়া থাকেন, এ কথাও ঠিক নহে। সমাজের নিয়ম ও আর্টের নিয়ম এক নহে। সমাজ অনেক সময় বাহিরের জিনিস দেখিয়া বিচার করিতে বাধ্য হয়, কিন্তু আর্টে সে রকম কোন বাধ্য-বাধকতা নাই। সমাজ এমন অনেক দণ্ড দিয়া থাকে যাহাতে আমাদের মন সাগ দেয় না। যে লোক সমাজের কোন নিয়ম ভাঙিয়াছে, অথচ যাহার অন্তর পরিষ্কার, সমাজ তাহাকেও ছাড়িয়া কথা কহে না, কিন্তু বঙ্কিমচন্দ্রের আর্টে সে রকম দণ্ডের বিধান নাই, কারণ ইহা অন্তরের জিনিস লইয়া বিচার করে।

কুন্দ, সূর্যমুখী, রজনী, ইন্দিরা ও শৈবলিনী ইহারা সকলেই গৃহত্যাগ করিয়াছিল, সুতরাং ইহাদের কেহই সমাজে গৃহীত হইত না। কিন্তু এক শৈবলিনী ছাড়া ষষ্ঠ দোষী ইহাদের মধ্যে কেহই নহে, সুতরাং তাহারা নিরর্থক সমাজের উৎপীড়ন সহ করে নাই।

সাগরও একবার গৃহত্যাগ করিয়াছিল। তাহার বেলায় অবশ্য নিশি ঠাকুরাণী ব্রজেশ্বরের সহিত পিত্রালয়ে ফিরিবার ব্যবস্থা করিয়াছিল এবং বলিয়াছিল, “সাগর কাহাকেও না বলিয়া রাণীর সঙ্গে আসিয়াছে এখন অন্যলোকের সঙ্গে

ফিরিয়া গেলে সকলেই ভিজাসা করিবে, ‘কোথায় গিয়াছিল?’ আপনার সঙ্গে ফিরিয়া গেলে উত্তরের ভাবনা নাই।” কিন্তু এ ব্যবস্থা সাগরের প্রতি অত্যধিক স্নেহবশতঃ নিশি ও দেবী করিয়াছিল; তাহাকে কোন রকম কৈফিয়তের দায় হইতে মুক্ত করাই তাহাদের উদ্দেশ্য ছিল। নতুবা সমাজের দ্বারা উৎপীড়িত হইবার এ ক্ষেত্রে কোন সম্ভাবনা ছিল না। সাগরের পিতা মহাধনী এবং স্বামী তো সব ব্যাপার স্বচক্ষেই দেখিয়াছেন। তন্নিম্ন দেবী-চৌধুরাণী যাহার সহায় তাহাকে কোন রকমে বিপন্ন করা কোন সমাজের পক্ষেই সম্ভব ছিল না। বোধ হয় দেবীর আসল উদ্দেশ্য এই ছিল যে, কোন প্রকারে ব্রজেশ্বরকে সাগরের বাপের বাড়ী পাঠাইয়া স্বপ্ন-জামাইয়ে মনো-মালিন্যের অবসান করা।” জামাই “জন্মের মত বিদায় হইলাম” বলিয়া চলিয়া গিয়াছে, তা ছাড়া মেয়েকেও ডাকাতে লইয়া গিয়াছে—এমন সময় যদি মেয়ে জামাই পুনরায় দেখা দেয় তো বাড়ীতে আনন্দশ্রোত বহিয়া যাইবে এবং যে টাকা লইয়া এত গোল তাহাও ব্রজেশ্বর পাইয়াছেন সুতরাং মেষ কাটিতে দেবী হইবে না।

বঙ্কিমচন্দ্র সমাজকে একবারে ছাঁটিয়া ফেলেন নাই, তবে আমাদের সমাজের আসলরূপটি তিনি বিলক্ষণ জানিতেন। সেই জন্য সমাজ-শাসনকে আর্টের উপর আধিপত্য করিতে দেন নাই।

এ-সমাজে পয়সার জোরে সব হয়। নগেন্দ্র সেই জন্য শ্রীশচন্দ্রকে লিখিতেছেন, “এ গোবিন্দপুরে আমাকে সমাজচ্যুত করে কার সাধ্য? যেখানে আমিই সমাজ সেখানে আবার সমাজচ্যুতি কি?”

উপেন্দ্রও প্রথম প্রথম ইন্দিরাকে গ্রহণ করিবেন না বলিয়াছেন কিন্তু যখন ‘কুমুদিনী’র মায়াজালে এমনই জড়াইয়া পড়িয়াছেন যে তাহাকে ত্যাগ করা তাঁহার পক্ষে অসম্ভব, তখন তাহাকেই ইন্দিরা বলিয়া চালাইতে তাঁহার আপত্তি নাই। “তাতেও যদি কোন কথা ওঠে, গ্রামে কিছু সামাজিক দিলেই গোল মিটিবে। আমাদের টাকা আছে—টাকায় সবাইকে বশীভূত করা যায়।”

পুনশ্চ এ সমাজে পিয়ারী-ঠাকুরাণীর ন্যায় স্ত্রীলোক ভুল্ললোকের অন্তঃপুরে বেহায়াপণার অধিকার পায়, কারণ তাহার সর্বদা অনলকার পরিবার সামর্থ্য আছে। কিন্তু

নিরপরাধা হুঃখিনী প্রফুল্লর মা কুলটা, জাতিভ্রষ্টা বাগ্‌দিনী আখ্যা পাইয়া থাকে, কারণ তাহার পয়সা নাই।

এখানে তর্ক উঠিবে হরবল্লভ তো ধনীলোক, তিনি ত সমাজের ভয়ে প্রফুল্লকে গ্রহণ করেন নাই। গৃহিণীও প্রফুল্লকে বলিয়াছেন “লোকে পাঁচ কথা বলে—একঘরে করবে বলে, কাছেই তোমাকে ত্যাগ করতে হয়েছে।” কিন্তু এ যুক্তির যে বিশেষ কোন মূল্য নাই তাহা দেখান বেশী কঠিন কাজ নহে। গৃহিণী স্বামীর মুখ রক্ষা করিবার জন্য কতকগুলি মামুলী গৎ আওড়াইয়াছেন মাত্র। যখন তিনি দেখিলেন, “মেয়েটি লক্ষ্মী, রূপেও বটে, কথাও বটে,” তখন তিনি নিজেই বলিলেন, “তা যাই দেখি কর্তার কাছে, তিনি কি বলেন।” কর্তার কাছেও তিনি “বাগ্‌দীর্ঘ মেয়ে বা কিরূপে হলো? লোকে বলেই কি হয়?” ইত্যাদি বলিয়া সুপারিশ করিয়াছেন। সুতরাং স্পষ্টই বুঝা যাইতেছে হরবল্লভ ইচ্ছা করিলেই গ্রহণ করিতে পারিতেন। কিন্তু এরূপ উদারতা হরবল্লভের শ্রায় পামরের নিকট আশা করাই অশ্রায়। তা ছাড়া ইহাতে অর্থব্যয় আছে। হরবল্লভ এক হুঃখিনী বিধবার মেয়ের জন্ত অর্থব্যয় করিবেন, ইহা স্বপ্নেরও অগোচর ব্যাপার। সমাজ-শাসন এক ছুতা মাত্র। দশ বৎসর পরে কিন্তু এই বাগ্‌দিনীকেই হরবল্লভ গ্রহণ করিতে পথ পান নাই। এত দিন সে কোথায় তাহার কাছে ছিল এ প্রশ্নের মীমাংসার জন্তও অপেক্ষা করেন নাই। অবশ্য লোকের কাছে নূতন বিবাহের কথাটাই প্রচার রহিল। কারণ তা ছাড়া উপায়স্বর ছিল না। হরবল্লভ যে স্ব-ধাত মলিলে ডুবিয়াছেন। যে বউকে একবার বাগ্‌দিনী বলিয়া বাড়ী হইতে হাঁকাইয়া দিয়াছেন তাহাকেই আবার দশ বৎসর পরে বিনা বাক্যব্যয়ে গ্রহণ করিতে হইতেছে—এ সংবাদ লোকে শুনিলে হরবল্লভের যে আর মুখ দেখাইবার উপায় থাকে না। তবে এত বড় ধেড়ে বউ কোথা হইতে কেমন করিয়া আসিল এই ধোঁজের জন্ত সমাজও যে খুব বেশী মাথা ঘামাইয়াছিল, তাহাও আমরা শুনি নাই। সুতরাং প্রফুল্লর যাহা কিছু কষ্ট তাহা কতকটা সমাজের জন্ত হইলেও বেশীর ভাগ হরবল্লভের জন্ত এবং এ ক্ষেত্রেও সমাজের বিচার বন্ধিমচন্দ্রের বিচারের নিকট পরাস্ত হইয়াছে।

(গ)

নগ্ন-চিত্র

আর একটা অভিযোগের আলোচনা করা একান্ত আবশ্যিক হইয়া পড়িয়াছে। সেটা এই যে বন্ধিম চুচিবাগু-গ্রন্থ রুচিবাগীশ; তিনি নিতান্তই আদর্শবাদী। মানুষ মানুষই, দেবতা নহে। যেমন তাহার ভাল দিক আছে তেমনই আর একটা দিকও আছে তাহার প্রভাব অভিক্রম করা বড়ই দুর্লভ ব্যাপার। ইহার প্রভাবে মুনিগণের মনও টলিয়া যায়। প্রতিপক্ষরা বলেন, বন্ধিমচন্দ্রের প্রধান চরিত্রগুলি প্রায়ই দেবধর্মী। তাহারা যেন স্মৃৎ বর্ণে আচ্ছাদিত হইয়া সব রকম প্রলোভন হইতে আত্মরক্ষা করিতেছে। হৃদয়ের যে সব প্রবৃত্তি রক্তমাংসে গড়া মানুষের পক্ষে দমন করা হুঃসাধ্য তাহাও তাহারা অবলীলাক্রমে দমন করিয়াছে। সুতরাং মনে হয় তাহারা যেন এ পৃথিবীর মানুষ নহে। কোন অবাস্তব লোকের অবাস্তব জীবেরা যেন বন্ধিমচন্দ্রের পৃষ্ঠায় নিজেদের লীলা দেখাইতেছে।

অবশ্য একথা প্রথমেই স্বীকার করিলে ক্ষতি নাই যে বন্ধিমচন্দ্র পাপের পঙ্কিল চিত্র অসঙ্কোচে সব রকম আবরণ উন্মোচন করিয়া বর্ণনা করেন নাই। মানুষের মধ্যে যে পশু লুক্কায়িত আছে, তাহার তাণ্ডবলীলার পুঙ্খানুপুঙ্খ বর্ণনা দেওয়া তিনি পছন্দ করিতেন না। তাহার বিশ্বাস ছিল বাস্তব জীবনে এমন অনেক জিনিস ঘটিয়া থাকে, তাহার সম্পূর্ণ চিত্র আঁকিলে আর্টের ক্ষতি হয়। তাহাতে রসাস্বাদে বিঘ্ন হয়। আর্টের কোঠায় আনিতে গেলে অনেক জিনিস বাদ দিতে হয়, অনেক জিনিস কাটছাঁট করিতে হয়। এ বিশ্বাস ঠিক কি ভ্রান্ত সে তর্ক জুলিয়া কোন লাভ নাই—তিনি এরূপ কোন চিত্র আঁকেন নাই ইহাই আমরা বলিতেছি। সুতরাং ব্যাপার এইখানেই চুকিয়া গেল—যাহা তাহার পুস্তকেই নাই তাহার বিচার করা যায় কিরূপে?

তবে এ কথা বলিলে ভুল হইবে যে, যে সব চরিত্র তিনি আঁকিয়াছেন সেগুলি সাধারণ মানুষের চরিত্র হইতে বিভিন্ন। যে প্রলোভনে সকলে পড়িয়া থাকে তাহার শ্রেষ্ঠ চরিত্রেরাও তাহার প্রভাব অভিক্রম করেন নাই।

গোবিন্দলাল ও নগেন্দ্রের কথা তো পূর্বেই আলোচনা করা হইয়াছে। তাঁহাদের চরিত্রবল বড় কম ছিল না, কিন্তু তাঁহারা লোভ সংবরণ করিতে পারেন নাই। ভবানন্দের মত চরিত্র বঙ্কিমচন্দ্রে বেশী নাই কিন্তু তিনিও রূপের মোহিনী-শক্তিতে মুগ্ধ হইয়াছিলেন। অমরনাথ তো এক অতি জঘন্য কাজ করিতেই বসিয়াছিল। দেবেন্দ্রের চরিত্রে যে এককালে নিফলক ছিল, “লেখাপড়ায় তাঁহার বিশেষ যত্ন ছিল এবং প্রকৃতিও সুধীর সত্যনিষ্ঠ ছিল, ইহা আমরা ভুলিয়া যাই। তাঁহার অধঃপতনের একটা প্রধান কারণ এই যে, “বয়োগুণে তাঁহার রূপতৃষ্ণা জন্মিল কিন্তু আত্মগৃহে নিবারণ হইল না।” সেইজন্য (এং পত্নীর ব্যবহারের জন্তও বটে) তিনি “কলিকাতার পাপপঙ্কে নিমগ্ন হইয়া অতৃপ্ত বিলাস-তৃষ্ণা নিবারণে প্রবৃত্ত হইলেন।”

উপেন্দ্র কুমুদিনীকে পরত্নী জানিয়াও তাহার প্রণয়াশায় মুগ্ধ হইয়াছিলেন। সুভাষিনীর নিকট ইন্দিরা এ বিষয়ে অনুযোগ করিলে সে বলিয়াছিল, “তোমার মত বাদর গাছে নেই, গুর যে স্ত্রী নেই।” সে কুলের কুলবধু,—ইহা যে অন্তায় তাহা সে নিশ্চয় বুঝিত—কিন্তু ইহা যে অস্বাভাবিক নহে তাহাও সে জানিত। শশিশেখর ভট্টাচার্য্যের চরিত্রবল ছিল না, তাঁহার কথা ছাড়িয়া দিই। কিন্তু চন্দ্রশেখরের জায় সংঘমীরও শৈবলিনীকে দেখিয়া “ব্রতভঙ্গ হইল।” তিনি আপনি ঘটক হইয়া শৈবলিনীকে বিবাহ করিলেন। সৌন্দর্য্যের মোহে কে:না মুগ্ধ হয়?”

(৪)

পারিবারিক জীবন।

পারিবারিক জীবন সম্বন্ধেও সেই কথা। বিবাহিত জীবনে স্ত্রী বর্তমানে অত্নের প্রতি আসক্ত ব্যক্তি তাঁহার নভেলে সুধী হয় নাই। গোবিন্দলাল ও নগেন্দ্র দুই জনেই জীবনে যথেষ্ট কষ্টভোগ করিয়াছেন। নগেন্দ্র অবশ্য কুম্ভকে বিবাহ করিয়াছেন কিন্তু সে বিবাহ মোহজনিত বিবাহ, চোখের ভালবাসা মাত্র। নিজের প্রবল আসক্তি দমন করিতে না পারিয়া তিনি বিভ্রাসাগরের আশ্রয় লইয়াছেন। নিতান্ত মোহে অন্ধ না হইলে তিনি বলিতেন না, “সূর্য্য-সুধী এ বিবাহে ছঃখিত নছেন...তিনিই ইহাতে আমাকে প্রবৃত্ত করিয়াছেন—তিনিই ইহাতে উদ্যোগী।” স্ত্রী বর্ত-

মানে চিত্তসংযমে অপ্রবৃত্তি এবং তজ্জন্য শান্তির আর এক উদাহরণ দেবেন্দ্রে।

এখানেও কিন্তু তিনি বাস্তবতার সহিত যোগ হারান নাই। গৃহস্থ-জীবনের শুচিতায় তিনি আত্মবান ছিলেন। বিবাহিত-জীবনে অবৈধ-প্রণয় এবং তজ্জন্য প্রবৃত্তিনিরোধে অপ্রবৃত্তি তিনি ক্রমা করেন নাই। কিন্তু তেমনই বিবাহিত-জীবনে অস্বাভাবিক চিত্তসংযম করিতে গেলেও যে উল্টা ফল হয় ইহা বঙ্কিমচন্দ্র বুঝিতেন। গৃহস্থাশ্রম সন্ন্যাস নহে। সন্ন্যাসাশ্রমের মূল মন্ত্রই হইল কঠোর আত্মসংযম কিন্তু সংসারশ্রমের মূল মন্ত্র তাহা নহে। সব মানুষ সন্ন্যাসী হইতে পারে না এবং তাহা ভগবানের অভিপ্রায়ও নহে। পক্ষান্তরে সকলেই প্রবৃত্তিস্রোতে গা ঢালিয়া দিলে সমাজ টিকিতে পারে না। সেইজন্য গৃহস্থাশ্রম মধ্যপথের সৃষ্টি। এই আশ্রমে থাকিতে গেলে অবৈধ-প্রণয় করা অন্তায় এবং সন্ন্যাসাশ্রমের উপযুক্ত চিত্তসংযমের চেষ্টা করিতে গেলেও ফল বিপরীত হইবার সম্ভাবনা খুব বেশী।

আনন্দমঠের জায় অত বড় প্রতিষ্ঠানটা ভাঙ্গিয়া গেল তাহার অন্য কারণও ছিল—কিন্তু একটা প্রধান কারণ হইল সত্যানন্দের নিয়মের অস্বাভাবিক কঠোরতা। ইহারই জন্ত তিনি তাঁহার সর্বপ্রধান সেনাপতি ভবানন্দকে হারাইয়াছিলেন। অবশ্য ভবানন্দ বিবাহিত ছিলেন না। কিন্তু পূর্বেই বলিয়াছি দীক্ষিত সন্তানেরাও যতদিন না মানস-সিদ্ধ হয় কেবল ততদিন পর্য্যন্ত কঠোর ব্রতধারণ, করিবার প্রতিজ্ঞা করিয়াছিলেন। আজীবন সন্ন্যাসব্রত তাঁহারাও গ্রহণ করেন নাই; বিশেষতঃ ভবানন্দ যেরূপ কঠিন পরীক্ষায় পড়িয়াছিলেন, তাহাতে উত্তীর্ণ হওয়া সাধারণ সন্ন্যাসীর পক্ষেও শক্ত। তাঁহার চিত্ত অবশ হইয়াছিল মাত্র কিন্তু এই অপরাধেই সন্তানধর্মের বিধানে তাঁহাকে জীবন বিসর্জন দিতে হইল।

ভবানন্দের পরই সত্যানন্দের প্রধান সহায় জীবানন্দ। তিনিও এই কঠোর নিয়ম কায়মনোবাক্যে গ্রহণ করিতে পারেন নাই। নিমাইয়ের গৃহে শান্তির সহিত কথোপ-কথনে আমরা দেখি ভবানন্দের জায় তিনিও সন্তান-ধর্ম পরিত্যাগ করিতে প্রস্তুত। সন্তান-ধর্মের প্রতি বিরাগবশতঃ তিনি যে ইহা ত্যাগ করিতে চাহিয়াছিলেন তাহা নহে। শেষ যুদ্ধের পব যুদ্ধক্ষেত্রে তাঁহার কথা হইতে বুঝিতে পারা যায়

সন্তানধর্ম তাঁহার কতখানি অন্তরের ভিনিস ছিল। কিন্তু সন্তানধর্ম রাখিতে গেলে গৃহস্থ-জীবনের শ্রেষ্ঠ সুখ, শান্তির আয় জীকে ত্যাগ করিতে হয়। এই দুই পরস্পর বিরোধী মনোভাবের মধ্যে পড়িয়া তাঁহার আয় মহাবীরও বালকের আয় কাঁদিয়া ফেলিয়াছিলেন এবং শেষে বলিয়াছিলেন, “চল গৃহে যাই আর আমি ফিরিব না।” শান্তির আয় সহধর্মিনী পাইয়াছিলেন বলিয়াই তিনি সে যাত্রা পরীক্ষায় উত্তীর্ণ হইয়া গেলেন। তবুও তিনি ব্রত সম্পূর্ণভাবে রক্ষা করিতে পারেন নাই। পরে অবশ্য তাঁহার পূরাপুরি সন্ন্যাসী হইয়া চিরব্রহ্মচর্য্যই পালন করিয়াছিলেন—তবুও এই ব্রত-ভঙ্গের অপরাধে তাঁহাকেও শেষ যুদ্ধে আত্মোৎসর্গ করিতে হইল। আনন্দমঠ অবশ্য অন্ত কারণে ভাঙ্গিয়া গেল কিন্তু সে কারণ না থাকিলেই কি ভবানন্দ-জীবানন্দের আয় দিকপালদিগকে হারাইয়া সত্যানন্দ মঠের কাজ চালাইতে পারিতেন ?

বিবাহিত-জীবনে অস্বাভাবিক চিন্তনিরোধের কুফলের সর্বাপেক্ষা ভয়ানক উদাহরণ সীতারাম। বহুকাল পরে যখন জয়ন্তী শ্রী ও সীতারামের মিলন ঘটাইয়া দিল, তখন শ্রীর অনেক পরিবর্তন হইয়াছে। যে পতিপরায়ণা শ্রীর যুক্তির নিকট জয়ন্তীও নির্বাক হইয়া গিয়াছিল, সে শ্রী আর নাই। এখন সে বলিত, “আমি সন্ন্যাসিনী ; সর্বকর্ম ত্যাগ করিয়াছি।” সীতারাম ঠিকই বলিয়াছিলেন, “পতি-যুক্তার সন্ন্যাসে অধিকার নাই”—বিশেষতঃ যদি পতির সন্ন্যাসে মন না থাকে। পতিসেবা একটা কর্ম এবং কর্ম করিলেই তাহার সন্ন্যাস ধর্ম ভ্রংশ হইবে, এ ধারণা শ্রীর জন্মিয়াছে। পূর্বে সে একান্ত পতিগতপ্রাণা ছিল—“সে ভ্রমটা এখন গিয়াছে।” সেই জন্ম সে কতকগুলি উদ্ভট সর্গে সীতারামের নিকট থাকিতে রাজী হইল। সে রাজপুরীতে মহিষীর মত রহিল না, চিন্ত-বিশ্রামে উপ-পত্নীর আয় রহিল। অথচ সেই মত না থাকিয়া সন্ন্যাসিনীর মত থাকিল। সে সীতারামকে বলিল, “আপনি যখন নিষ্পাপ হইয়া শুদ্ধচিত্তে আমার সঙ্গে আলাপ করিতে পারিবেন, তখন আমি এই গৈরিক বস্ত্র ছাড়িব।” সে বুঝিল না, সন্ন্যাসাশ্রমে যাহা পাপ বলিয়া গণ্য হয়, সংসার-শ্রমে তাহা হয় না। যদি সন্ন্যাসিনী থাকাই তাহার উদ্দেশ্য ছিল তাহা হইলে তাহার সীতারামের নিকট আসাই

উচিত হয় নাই। “কিন্তু এই ইচ্ছাগীর মত সন্ন্যাসিনী বাসস্থানে বসিয়া বাক্যে বধুষ্টি করিতে থাকিবে, আর সীতারাম কুকুরের মত ত্বকতে বসিয়া মুখপানে চাহিয়া থাকিবে— অথচ সে সীতারামের জী।.....এ হুঃখের কি আর তুলনা হয় ? ইহাতেই সীতারামের সর্বনাশ ঘটিল।” শ্রী মনে করিত তাহার মুখের ভগবৎপ্রসঙ্গ তিনি মনোযোগ দিয়া শুনিতেন। কিন্তু জয়ন্তীর আয় সন্ন্যাসিনীও তাহার এই ভুল ধরিতে পারিয়াছিল। সে বলিয়াছিল, “তোমার মুখের কথা, তাই মনোযোগ দিতেন। তোমার মুখ পানে হাঁ করিয়া চাহিয়া থাকিতেন, তোমার রূপে ও কণ্ঠে মুগ্ধ হইয়া থাকিতেন, ভগবৎ-প্রসঙ্গ তাঁর কাণে প্রবেশ করিত না।”

শান্তি জীবানন্দকে সন্ন্যাস ধরাইতে পারিয়াছিল, তাহার কারণ জীবানন্দ পূর্বে হইতেই সন্তান-ব্রতে দীক্ষিত হইয়াছিলেন। শান্তি সহধর্মিনীর কাজই করিয়াছিল—স্বামীর তপস্যায় তাহার সহায়তা করিয়াছিল। সত্যানন্দ যখন তাহাকে বলিয়াছিলেন, “তুমি আমার ডান হাত ভাঙ্গিয়া দিতে আসিয়াছ”, তখন সে দস্তভরে উত্তর দিয়াছে, “আমি আপনার দক্ষিণ হস্তে বল বাড়াইতে আসিয়াছি... স্বামী যে ধর্ম গ্রহণ করিয়াছেন আমি তাহার ভাগিনী কেন হইব না ? তাই আসিয়াছি।” শ্রী কিন্তু স্বামীর ধর্মে ভাগিনী হইল না—তাঁহার রাজ-ধর্মে সহায়তা করিল না—বরং তাঁহাকে সন্ন্যাসী করিবার বৃথা চেষ্টা করিতে লাগিল। বঙ্কিমচন্দ্র ঠিকই বলিয়াছেন, “শ্রী হইতে সীতারামের সর্বনাশ হইল।”

শ্রী মনে করিত সর্বকর্ম পরিত্যাগ করিলেই যথার্থ সন্ন্যাস-ধর্ম পালন করা যায়। কিন্তু সম্পূর্ণ অনাসক্ত ও নিষ্কাম থাকিয়া পরের সুখের জন্ম কর্ম করাই যথার্থ সন্ন্যাস। প্রফুল্লর সে শিক্ষা হইয়াছিল। “প্রফুল্ল সংসারে আসিয়া যথার্থ সন্ন্যাসিনী হইয়াছিল। তার কোন কামনা ছিল না—কেবল কাজ খুঁজিত। কামনা অর্থে আপনার সুখ খোঁজা—কাজ অর্থে পরের সুখ খোঁজা। প্রফুল্ল নিষ্কাম অথচ কর্মপরায়ণ ; তাই প্রফুল্ল যথার্থ সন্ন্যাসিনী।” সেই জন্মই সে হরবল্লভের সংসারে কল্যাণ-ময়ী দেবীর আয় শোভা পাইয়াছিল—সে “যাহা স্পর্শ করিত তাই সোনা হইত।” শ্রীর এ শিক্ষা হয় নাই সেই

জন্ম সে ভাল করিতে গিয়া সোণার সংসার ছাড়িতে
দিল। নিজের ভুল সে বুঝিয়াছিল—কিন্তু বড় দেৱীতে।

যাহা হউক সীতারামের শোচনীয় পরিণামের বর্ণনা
দিবার এখানে আবশ্যিকতা নাই। তাহার কারণ নির্দেশ
করাই আমাদের উদ্দেশ্য। “কুকুরের মত সীতারাম
তফাতে বসিয়া মুখপানে চাহিয়া থাকিবে—অথচ সে
সীতারামের স্ত্রী”—ইহাই হইল সীতারামের সর্বনাশের
মূল কারণ। সে সীতারামের স্ত্রী, সর্বদা সীতারামের
সাহচর্য্য করিতেছে, অথচ তাহার উপর সীতারামের কোন
অধিকার নাই। এই অস্বাভাবিক ব্যবস্থাতেই সীতারামের
ঘোর অধঃপতন হইল।

অতএব আমরা দেখিলাম যে বন্ধিমচন্দ্র যেমন
পারিবারিক জীবনের পবিত্রতা রাখার আবশ্যিকতা বুঝিতেন
তেমনই তিনি ইহাও বুঝিতেন যে সাধারণ গৃহস্থেরা দেবতা

কংবা সন্ন্যাসী নহে। মানুষের স্বাভাবিক প্রবৃত্তি দ্বারা
তাঁহাদের জীবন পরিচালিত হয়।

সংসারাত্মক থাকিয়া সন্ন্যাসাত্মক মত কঠোর আত্ম-
সংযম ও প্রবৃত্তি-নিরোধ করিতে গেলে তাহার ফল শুভ
হয় না।

আমাদের বক্তব্য এইখানেই শেষ হইল। পূর্বেই
বলিয়াছি বন্ধিমচন্দ্রের বিরুদ্ধে যে সব অভিযোগ আমরা
সচরাচর শুনিতে পাই তাহার কোন তালিকা আমরা পাই
নাই। সেইজন্য পূর্বপক্ষ নিজেকেই করিয়া লইতে
হইয়াছে। যথাসাধ্য অভিযোগগুলির বিচার করিয়া
আমরা দেখাইতে চেষ্টা করিয়াছি যে, সে গুলি ভিত্তি-হীন।
বন্ধিমচন্দ্র সামাজিক শুচিতা ও নীতিধর্ম রক্ষা করিবার
পক্ষপাতী ছিলেন বটে কিন্তু তাহা করিতে গিয়া তিনি
কখনও বাস্তব-জীবনের সহিত যোগ হারান নাই।

লিপি

(গল্প)

[শ্রীমতী তমাললতা বসু]

(১)

ভাই অমলাদি,

তুমি চিরদিনই আমার সুখে সুখী, দুঃখে দুঃখী, বন্ধু
সখী। আমায় নিজের বোনের মতই ভালবাস, স্নেহ কর ?
ভাই আজ সকলে পায়ে ঠেললেও তুমি ঠেলতে পার নি।

আমি বহুদিন তোমার খবর না নিলেও তুমি ঠিক খবর
নিয়েছ। ভাই আজ আমার দুঃখের সংবাদ পেয়ে সঠিক
খবর জানুবার জন্যে আমায় চিঠি লিখেছ ?

বলছি ভাই সব একে একে. তোমার চিঠি না পেলেও
তোমায় এ চিঠি আমি দিতুমই। জগতে শুধু তোমাকেই
আমার অবস্থার কথা জানাতুম—আর জানাতুম যে

বাঙ্গালীর মেয়ে, হিন্দু ধরের বৌয়ের বুক কাটে তো মুখ
ফোটে না।

ভাই অমলাদি, আজ আর কিছু গোপন করব না, তুমি
বন্ধু হ'লেও তোমার কাছেও সব এতদিন প্রকাশ করি নি,
কর্ত্তে পারি নি, নারীর এ যন্ত্রণা যে কি ধম-ধস্তনা, তা যে
ভুক্তভোগী সেই শুধু বোঝে।

তোমরা সকলেই জান', আমার স্বামী ধনবান, রূপবান
এবং চরিত্রবানও বটে, আর আমায় তিনি ভালবাসেন।
সবই যে ভ্রম, ভ্রম। প্রথম প্রথম ভালবাসতেন বটে, এখন
বুঝি সেটা অসলে রূপের মোহ ছাড়া আর কিছু নয়।

তারপর তিনি ধনবান, রূপবান বটে কিন্তু চরিত্রবান
মোটাই তাঁকে বলা যায় না, কারণ তিনি মদ্যপ, আর যা,

তা নাই শুনলে, রাত্রে অর্ধেক দিন বাড়ী আসেন না, বাইরে কাটান, এমন কি বাড়ীতে ব'সে বন্ধু-বান্ধব নিয়ে মদ খেতেও তাঁর বাধে না।

তা ছাড়া আমাকে তিনি গ্রাহ্যের মধ্যেই আনতেন না, বলতেন তুমি আবার কথা বলতে এসেছ কি, খেতে পরতে দিচ্ছি এই ঢের, আমার কাছে দাসী বাঁদীও যা তুমিও তাই।

গাল-মন্দ, মার-ধর সেতো অন্ধের ভূষণ আমার।

এ-সব নীরবে সয়ে ও হাসিমুখে তোমাদের কাছে গোপন রেখে দিন কাটিয়েছি। কাউকে কোনদিন এর বিন্দু বিসর্গও জানতে দিই নি।

যাই হোক এমনি করেই ছেলে মেয়ের মুখ চেয়ে কোন রকমে এই বার্থ জীবন কাটিয়ে দিচ্ছিলুম। হঠাৎ একদিন রাত্রে স্বামীর ঘরে গোলমাল শুনে ঘুম থেকে জেগে উঠে ঘরে গিয়ে দেখি, ঘরে ডাকাত পড়েছে, স্বামী তাঁর যথা-সর্বস্ব তাদের হাতে তুলে দিয়ে জীবন-ভিক্ষা চাইছেন, আর পালাবার জন্তে ব্যস্ত হয়ে উঠেছেন।

আমি সবে ঘুম থেকে উঠে এসেছি, তখনও ঘুম ভাল ক'রে ছাড়েনি, সব বুঝতে না বুঝতে একজন আগন্তুক এসে আমার হাত ধরলে।

স্বামীর দিকে চাইলুম, তিনি আমার অবস্থা দেখেও দেখলেন না, নিজের প্রাণ নিয়ে বাঁচবার জন্তে ব্যস্ত হয়ে যেমনি উঠে যাচ্ছিলেন, তেমনি একজন তাঁকে ধ'রে হাতে দড়ি বেঁধে ফেলে রাখলে আর সব ডাকাতরা ততক্ষণে টাকা কড়ি ধন দৌলত জিনিস-পত্র নিয়ে সরে পড়েছে। কেবল দুজন ছিল, তাঁর পথ আগলো।

স্বামীর দ্বারা যখন কিছুই সাহায্য পাবার সম্ভাবনা দেখলুম না, তখন বুঝলুম নিজের রক্ষা নিজেকেই করতে হবে, বুকে সাহস সঞ্চয় করে বললুম, “কি চাও তোমরা বল। হাত ছেড়ে দাও।”

ঐ দু'জনের ভেতর একজন বললে “আমরা তোমাকে নিয়ে যেতে চাই, আমাদের সর্দারগণী করতে। ভাল ভাবে আমাদের সঙ্গে চলো নৈলে তোমায় মেরে ফেলবো।” এই অপমানকর কথা শুনে গা জলতে লাগল।

জীবন-মরণের মাঝখানে দাঁড়িয়ে মনে মনে একটু হাসলুম—মৃত্যু ভয় দেখাচ্ছে আমায়। যে বাঙ্গালীর মেয়ে

হাসতে হাসতে মৃত্যুকে বরণ করতে পারে তাকে দেখায় মৃত্যু-ভয়।

যাই হোক বললুম, “হাত ছাড়, আমি আপনাই যাচ্ছি।”

বলতে তারা হাত ছেড়ে দিলে।

জানই তো ভাই অমলাদি ছেলেবেলা থেকে বাবা আমায় কি রকম লেখা-পড়ার সঙ্গে সঙ্গে শক্তি-সঞ্চয়ের ও ব্যবস্থা করে দিয়েছিলেন। মনে হ'ল সে শিক্ষা কি বৃথাই হয়েছিল, আজ একবার তার পরীক্ষাটা এই দু'জন জোয়ান মদ ডাকাত ও বলির ছাগের মত ভয়ে কম্পবান কর্তীকে দেখিয়ে দিই। ভাবতে ভাবতে জানি না কি মহাশক্তির শক্তিতে শক্তিময়ী হয়ে উঠে আমি চকিতের মধ্যে খাটের তলা থেকে শানিত কাটারী একখানা তুলে নিয়ে সেই কাটারীর আঘাত সজোরে দিলুম, ঐকটার মাথায় আর দিলুম, একটার পায়ে। দু'জনেই ‘বাপরে’ ব'লে ভুঁয়ে লুটিয়ে প'ড়ে অজ্ঞান হয়ে পড়লো। আমিও তখন কাঁপতে কাঁপতে এসে স্বামীর বাঁধনু খুলে দিলুম। তিনি ভয়ে মৃতপ্রায় পড়েছিলেন তাঁকে সান্ত্বনা দিয়ে তুলে বললুম, আর ভয় নেই, দেখো তাদের কি অবস্থা করেছি; এখন সর্বস্ব যদি ফিরে পেতে চাও লোক জনকে, পাড়া-পড়শীদের সকলকে ডাক ডাকাতগুলো সব নিয়ে বেশী দূর এখনও যেতে পারে নি বোধ হয়।

তখন স্বামী উঠে চৌচামেচি ক'রে লোকজন ডাকলেন, বাড়ীতে লোক ভরে গেল। আর অনেক লোক অস্ত্রশস্ত্র নিয়ে ছুটলো ডাকাতগুলোর সন্ধানে।

তারপর বিধির আশীর্বাদে ডাকাতেরা সব ধরা পড়লো জিনিস-পত্তর, টাকাকড়ি, জমীদারীর কাগজাদি সবই পাওয়া গেল। কোম্পানী আমার অসীম সাহসের পুরস্কার দিলেন।

পাড়ার নবীনরা করলেন আমার অর্জিত সাহসের প্রশংসা। প্রবীণরা করলেন আমার মেয়ে মদানীর নিন্দা, আর স্বামী কৃতজ্ঞতা জানালেন এই বলে যে তোমার জন্তেই আবার সব ফিরে পেলুম, তোমায় না বুঝে এতদিন অনেক কষ্ট দিয়েছি। সে সব ভুলে গিয়ে আমায় ক্ষমা করো।

ভাবলুম বুঝি বা কপালের গ্রহটা কেটে গেল। তা কিন্তু সত্য কাটল না। এখন সমাজ এলেন বাদ

সাম্রাজ্যে। সমাজের মাতঙ্গররা বাদেই গায়ে মানে না কিন্তু তারা আপনি মোড়ল, এসে বললেন, আমি পর-পুরুষ স্পর্শে কলুষিতা পতিতা অর্থাৎ সমাজে আমার স্থান নেই। আর স্বামী আমায় ছাড়তে পারেন, কিন্তু সমাজকে ছাড়তে পারেন না। তাই আমি তাঁর পরিত্যক্তা—সন্তান হোতেও বঞ্চিতা, কারণ সন্তান তাঁর, আমি শুধু গর্ভে ধরেছি, মাত্র। আরও আমি ধরে থাকলে আমার বিবাহ-যোগ্য মেয়ে লতিকাকে কেউ বিয়ে করতে চাহিবে না। এও আমায় ত্যাগ করার আর একটা কারণ। দুঃখপোষ্য দেড় বছরের শিশু পুত্র, কণ্ঠা স্বামী, ধর-সংসার সব ছেড়ে আজ আমাকে রাস্তায় দাঁড়াতে হবে। কে আর এ গৃহ-তাড়িতা পতিতা, অসহায়া নারীকে স্থান দেবে, হাঁ, আমার স্নেহময়ী মা আছেন, তিনি আমাকে স্থান দেবেন জানি কিন্তু সেই পতি-পুলহীনা দুঃখিনী কাশী-বাসিনী মার আমার দুঃখের জীবনে বোঝা হয়ে শান্তি ভঙ্গ করি কেন ?

আজ আমি পথের ভিখারিণী, কাঙ্গালিনী, যদি কোন কাঙ্গ-টাঙ্গ জোগাড় করে দিতে পার তবে দুটো পেটের জোগাড় হয়। তাই আজ নারীর সাহসের ও শক্তির এই পুরস্কার। যে রাজরাণী, আজ সে পথের ভিখারিণী।

স্বামী দয়া করে কিছু অর্থ সাহায্য করতে চেয়েছেন, কিন্তু আমি তা স্বগায় প্রত্যাখান করেছি। দুচার দিনের জন্তে স্বামীর প্রাসাদের বাইরের ঘরে ঝিয়েদেয় পাশে একটু স্থান পেয়েছি। তোমার চিঠির পথ চেয়ে রইলুম। হাঁ তাই অনমাদি, তুমিও কি সব শুনে আমায় স্বগা করছো তাই। শুধু এইটুকু জানবার জন্যেই এখনও বেঁচে রইলুম।

ইতি—

তোমার দুঃখিনী বোন

কমলা

(২)

ভাই কমলা, ছোট বোনটি আমার, তোর চিঠিখানি পড়ে আমার প্রাণে আনন্দও হল, আবার দুঃখও হল। হায়রে অন্ধ মাগুধ, এমন রঙ্গও হেলান হারায়, এর মূল্য

বুঝি না। তুই যা করেছিল, যে সাহসের ও শক্তির পরিচয় দিয়েছিল, এমন কটা পুরুষেই বা করতে পারে। তোর স্বামীর কর্তব্য ছিল, প্রাণ দিয়েও তোকে রক্ষা করা, তা না করে তিনি কেঁদেই অস্থির, এই তো তাঁর পুরুষত্বের গর্ভ !

তারপর তাঁরই আজ পথের ভিখারী হবার কথা, তা না হয়ে বিধির উণ্টো বিচারে তুই তাঁর সর্ব্ব্ব বাঁচিয়ে দিয়ে নিজে হলি পথের ভিখারিণী। আর তিনি পুরুষ বলে খেচ্ছাচারী, মগ্ধ, চরিত্রহীন হয়েও সমাজে পেলেন ঠাই। আর তুই সতী-স্বামী শক্তিময়ী হয়েও হলি সমাজ-পরিত্যক্তা। ধন্য এই সমাজ, আর ধন্য এই অন্ধ বিচারকারী, মানব নামের অযোগ্য লোকগুলো।

ভাল কথা তোমার কর্তাই না সমাজ-পতি—তাঁর পকেটেই না সমাজ। সমাজে দাম তো কিছু কাঞ্চনমূল্য। না হয় একদিন বেশ ভাল করে কয়েকজনকে ভোজন করান মাত্র। তা কি তোর কর্তা এত টাকা-কড়ি যে রক্ষা করলে তার জন্তে খরচ কর্তে পারেন না।

ভাই এখন গায় ধর্ম্ম বলে কিছু নেই, অগ্নায়েরই এখন বাঙ্গলা দেশের সমাজ-পতির প্রশ্রয় দেন, এদের কাছে বিচারের জন্তে দাঁড়ানও মহাপাপ।

যাই হোক ভাই তোর অমলাদিদি থাকতে তোকে পথে দাঁড়াতে হবে না—হবে না—হবে না। তুই এখানে চলে আয়, তোকে বুকে করে রাখব, তোকে মাখায় করে পূজা করব। তোকে আনতে আমরা নিজেরাই যাচ্ছি। ভাই তোর মেয়ের বিয়ের জন্তে তোর মত সতী-স্বামী শক্তিরূপিণী মাকে ঘরে রাখতে ভয় থাকে তোর কর্তা—সেটা একটা মিথ্যে গুজব মাত্র।—প্রাণ ও মান রক্ষার যথোপযুক্ত প্রতিদান বটে! অমল, কথাটা বলি শোন—তোর ভোমরা জাতীয় কর্তাটা তোর হাত থেকে রক্ষা পেতে চান, তাই এই একটা চাল—এত বড় চালিয়েতের কাছে আর তোকে থাকতে হবে না—যতদিন না ঐ জীববিশেষটা নিজের ভুল বুঝে তোকে পত্রীর গায়া দাগী দেবে, ততদিন আর তোর ওখানে থাকতে হবে না। তোর মত মার মেয়েকে সবাই আদর করে গ্রহণ করবে।

ছেলেবেলা থেকে আমরা দুজনে বেহান হ'ব বলে

প্রতিজ্ঞা করেছিলেন, তাকি মনে আছে। তোকে স্বরণ করিয়ে দিচ্ছি। সেই কথাটা রাখবার সময় এসেছে। অতএব তোর মেয়েকে আমিই পুত্রবধু করবো, আগার ছেলে অজিত এবার এম-এতে ফাষ্ট ক্লাস ফাষ্ট হয়েছে। তুই তো জানিস্ সে রূপে-গুণে তোর সুন্দরী মেয়ে লতিকার অল্পযুক্ত হবে না। আমার একটি ছেলে, এই বিশাল জমিদারী সবই তার। অতএব লতিকার কোনই কষ্ট হবে না। তোর মেয়েটা আমায় দিবি, মেয়ের সাধ আমার মেটাব। ফিরে পাবি একটি ছেলে, সেটার ভার তোর ওপর। আর সেই ছেলের মা হয়ে তুই সুখে থাকবি। ছেলে শীগগিরই ডেপুটি হয়ে বিদেশে যাবে

বিয়ের পর। আর তুই যাবি তাদের সঙ্গে তাদের স্বর-সংসার গুছিয়ে দিতে। আমি তো ভাই সংসার ছেড়ে এক-পাও নড়তে পারবো না। তুই ভাবছিস্ সংসার ছেড়ে না তোর সয়াকে ছেড়ে। তা যা ইচ্ছে ভাবিস্ ভাই। আমরা কালই যাচ্ছি, লতিকাকে পাকা দেখে আসব অমনি। আমার আর দেবী সইছে না। আর তোর কর্তাকেও ছুটো শিফে দিয়ে আসব। ইতি—

তোর নিত্য শুভার্থিনী—
অমলাদি

ব্যবসা-বাণিজ্য

[শ্রীসত্যগোপাল মুখোপাধ্যায়]

বাণিজ্যে বসতে লক্ষ্মী:

প্রাতঃস্মরণীয় ঈশ্বরচন্দ্র বিদ্যাসাগর মহাশয় একদা রেল-পথে কটকে যাইতেছিলেন। তখন আষাঢ় মাস, অসম্ভব গরম পড়িয়াছে। বেলা দ্বিপ্রহরে ট্রেনখানি আসিয়া কটক ষ্টেশনে থামিল। বিদ্যাসাগর মহাশয় অবতরণ করিলেন। এমন সময় একটি দীনবেশী বালক আসিয়া তাঁহার কাছে একটি পয়সা চাহিল। বিদ্যাসাগর বালকের আপাদমস্তক নিরীক্ষণ করিয়া জিজ্ঞাসা করিলেন “একটি পয়সা লইয়া তুমি কি করিবে?” বালক বলিল—“মুড়ি কিনিয়া কিছু আমি খাইব আর কিছু বাড়ীতে লইয়া গিয়া মাকে দিব।” ঈশ্বরচন্দ্র আবার জিজ্ঞাসা করিলেন—“যদি চারিটি পয়সা দিই?” সে বলিল—“হুই পয়সার মুড়ি কিনিয়া আমি খাইব আর হুই পয়সার মুড়ি মাকে দিব।” তখন প্রশ্ন হইল—“আর যদি আটটি পয়সা দিই?” এবারে বালক উত্তর দিল—“চার পয়সার মুড়ি কিনিয়া মা ও আমি খাইব, আর বাকী চার পয়সার পাকা জাম কিনিয়া তাহা বেচিয়া

কিছু লাভ করিব।” বিদ্যাসাগর মহাশয় বালকের বুদ্ধি-মতায় অতিশয় সন্তুষ্ট হইয়া তাহাকে চারি আনা দিয়া গেলেন। ইহার কিছুদিন পরে বিদ্যাসাগর মহাশয় যখন কলিকাতায় ফিরিতেছিলেন, তখন ষ্টেশনে আসিয়া দেখিলেন সেই ভিক্ষুক বালক ভিক্ষার্থিত্য ত্যাগ করিয়া জাম বিক্রয় করিতেছে। বালকটি আসিয়া তাঁহার পদধূলি গ্রহণ করিল। বিদ্যাসাগর মহাশয় তাহাকে খুব উৎসাহিত করিয়া তাহার হাতে একটি টাকা দিয়া গাড়ীতে উঠিলেন। এই ঘটনার প্রায় এক বৎসর পরে পুনরায় কলিকাতায় বিদ্যাসাগর মহাশয় কটকে যান। সেবারে দেখিলেন সেই বালক একখানি দোকান খুলিয়া সুন্দররূপে ব্যবসা চালাইতেছে। বিদ্যাসাগর মহাশয় তাহার অসীম অধ্যবসায় ও তীক্ষ্ণ ব্যবসায় বুদ্ধি দেখিয়া চমৎকৃত হইলেন। এই বালক কালে একজন বড় ব্যবসায়ী ব্যক্তি হইতে পারিয়াছিলেন।

উপরোক্ত গল্পটি অনেকেই জানেন। এখানে এ



বৈকুণ্ঠনাথ গুই

বালকের স্মৃষ্ণ ব্যবসায়-বুদ্ধি ও অধ্যবসায়ের দৃষ্টান্ত দিবার জন্ত আমরা এই গল্পটির অবতারণা করিলাম।

এই অজ্ঞাতনামা উद्यোগী বালকটী ব্যতীত বঙ্গদেশের কয়েকটী খ্যাতনামা ব্যবসায়ীর উল্লেখ করা যাহাতে পারে, ষাহারা সামান্য মূলধনে সামান্য ব্যবসায় আরম্ভ করিয়া কেবলমাত্র নিজেদের উত্তম, অধ্যবসায় ও সাধুতা-গুণে জীবনে প্রভূত অর্থ উপার্জন করিয়াছেন। স্বর্গগত বটকুঞ্চ পাল, প্রহ্লাদচন্দ্র পাল, বৈকুণ্ঠনাথ গুই প্রভৃতির কথা বলিতেছি। বর্তমান প্রবন্ধে আমরা বৈকুণ্ঠবাবুর উত্তমী শীল জীবনের কিঞ্চিৎ পরিচয় দিব।

এই অধ্যবসায়শীল ব্যক্তি প্রায় অশীতিবর্ষ কাল ব্যবসায়

কার্যে লিপ্ত ছিলেন। ইনি ১২৬০ সাল জন্মগ্রহণ করেন। সম্প্রতি ইহার পরলোকগমন হইয়াছে। ১৮ বৎসর বয়সে বৈকুণ্ঠবাবু মাত্র দেড় শত টাকা মূলধন লইয়া কলিকাতায় একটা ক্ষুদ্র কারবার আরম্ভ করেন। এই সঙ্গে তাঁহাদের নিজেদের কারখানার (নিমতলা, মেদিনীপুর) তৈয়ারী জিনিস আনিয়া দেশ-বিদেশে রপ্তাণি করিতে থাকেন। তাঁহার একনিষ্ঠ পরিশ্রমে পাঁচ ছয় বৎসরের মধ্যে কারবারের যথেষ্ট উন্নতি ঘটে। ইহাতে উৎসাহিত হইয়া তিনি কলিকাতা খোদরাপটীতে একটি স্থায়ী ও বৃহৎ কারবার প্রতিষ্ঠিত করেন। তখন পর্য্যন্ত এদেশে জার্মান শীতবস্ত্রের আমদানি হয় নাই। ১৮৮১ সাল হইতে ইহার আমদানি

আরম্ভ হয় এবং বৈকুণ্ঠবাবুই ইহার একমাত্র আমদানি-কারক ছিলেন বলিলেও অস্বীকার হয় না। বৈকুণ্ঠবাবু যে নিজ কারখানার তৈয়ারী বস্ত্রাদি বিদেশে রপ্তানি করিতেন, তাহা, প্রচুর পরিমাণে বিদেশী বস্ত্রাদির আমদানির সঙ্গে সঙ্গে, কমিতে থাকে। তথাপি, এখনও পর্যন্ত ইহাদের তত্ত্বাবধানে চারি শত তাঁত আছে। বৈকুণ্ঠবাবু যে সমস্ত কাপড় তৈয়ারী করাইয়া বিদেশে রপ্তানি করিতেন, তাহা আজ লুপ্তপ্রায়। ইহাদের কতকগুলির নাম ছিল— মালদহ, দরিয়াই, সুরেশা, আজিজি, খলিলি, চিলমিখানা, চড়চড়ি, নবাবী ইত্যাদি

দক্ষতা ও অভিজ্ঞতা হিসাবে বৈকুণ্ঠবাবু বাঙ্গালী-ব্যবসায়ীগণের অগ্রতম ছিলেন। সুদূর সাউথ আফ্রিকা বাহারিণ, এডেন, বসারা কায়রো, ইজিট, বোগদাদ প্রভৃতি দেশে এবং ভারতের বোম্বাই, আহমেদাবাদ, সুরাট ইন্দোর, গোয়ালিয়ার, উজ্জয়িনী, ক্যানানোর, কালিকট, কটক, বর্ষা প্রভৃতি প্রদেশে নিজ কারখানায় প্রস্তুত বস্ত্রাদি প্রায় অর্ধ শতাব্দীর উপর তিনি রপ্তানি করেন।

চাকুরীসর্ব্ব্ব বাঙ্গালী জাতির মধ্যে এরূপ স্বাধীন-চেত: ব্যক্তির একান্ত অভাব। এইরূপ উদ্যমী পুরুষ বাঙ্গালীর মধ্যে যত জন্মগ্রহণ করিবেন, ততই বাঙ্গালী পৃথিবীতে বাঁচিয়া থাকিবার অধিকার লাভ করিতে থাকিবে।

আজকাল এদেশে জীবিকা-সমস্যা দিন দিন জটিল হইয়া উঠিতেছে। সাধারণ জনসমাজ তো দূরের কথা, যাহারা বিশ্ববিদ্যালয়ের উচ্চ উপাধিধারী তাঁহারাও অনেকস্থলে স্ব স্ব জীবিকা নির্ব্বাহের সুপায় নির্ব্বাহণ করিয়া উঠিতে পারিতেছেন না। এখন ডাক্তারী, ওকালতী প্রভৃতি স্বাধীন ব্যবসায়ে জীবিকানির্ব্বাহ করা নূতন লোকের পক্ষে হ্রস্ব হইয়া দাঁড়াইয়াছে। কেবল চাকুরী ও স্কুল মাস্টারী এখন মধ্যবিত্তদিগের জীবিকার প্রধান অবলম্বন হইয়া পড়িয়াছে। অধুনা চাকুরীর বাজার কিরূপ মন্দা হইয়াছে তাহা বোধ হয় না বলিলেও চলে। আজকাল এম এ পাশ করিয়াও অনেকে ৩০ টাকা বেতনে সওদাগরী আপিসে চাকুরী খোঁগাড় করিতে পারিতেছেন না। চাকুরী সংগ্রহ করা একে খুব কষ্টকর তাহার উপর চাহিদার তুলনায় চাকুরীর সংখ্যা অল্প। অতএব এখন আমাদের

কর্তব্য স্বাবলম্বী হইয়া যতদূর সম্ভব স্বাধীনভাবে জীবিকা অর্জনের চেষ্টা করা।

আজকাল সহরে ও পল্লীগ্রামে সর্ব্বত্রই শিক্ষিত ও অনিশ্চিত বেকারের সংখ্যা খুব বেশী। অতএব যাহারা শিক্ষিত হইয়া বেকার বসিয়া আছেন তাঁহাদের কর্তব্য সাধ্য-মত ব্যবসায়, কৃষি, গৃহশিল্প অথবা কুটীর-শিল্পের কোন একটী অবলম্বন করা। অবশ্য ব্যবসায়, কৃষি বা শিল্পের কোন টাই বিনা মূলধনে আরম্ভ করা যায় না। কিন্তু অধ্যবসায় ও স্বাবলম্বন থাকিলে সেরূপ মূলধন সংগ্রহ করা একেবারে অসম্ভব নহে। অল্প মূলধনে ছোটখাট ব্যবসায় কিরূপে আরম্ভ করা যায় সেই বিষয়ে আমরা আলোচনা করিব।

আমাদের ধারণা, ব্যবসায় অতি ক্লেশকর। কিন্তু এ কথাই কোন ভিত্তি নাই। প্রত্যেক ব্যবসায়েরই Trade Secrets আছে, যাহা প্রত্যেক ব্যবসায়ীর ভাল-রূপে জানা দরকার। যিনি যে ব্যবসায় আরম্ভ করিবেন তাঁহাকে সেই ব্যবসায়ের প্রাথমিক শিক্ষা-উত্তমরূপে আয়ত্ত করিতে হইবে। তাহার পর অল্প মূলধন লইয়া কার্য আরম্ভ করিবেন। ধৈর্য ও অধ্যবসায় অবলম্বন পূর্ব্বক সেই কার্যে কিছুদিন ব্যাপৃত থাকিতে হইবে। তবে সেই ব্যবসায় লাভ দাঁড়াইবে এবং তাহা হইতে ব্যবসায়ীর সমৃদ্ধিসাভ্য ঘটবে।

অল্প মূলধনের ব্যবসায়ের মধ্যে 'অর্ডার সাপ্লাই'এর কার্য বিশেষ লাভজনক। ইহাতে বেশী মূলধনের প্রয়োজন নাই। খুব পরিশ্রমী হওয়া দরকার। রৌদ্র, জল কিছুতেই দৃষ্টিপাত না করিয়া শহর-মফঃস্বল সর্ব্বত্র খরিদারের বাড়ী বাড়ী গিয়া অর্ডার সংগ্রহ করিতে হয়। অনেক লোকের সহিত আলাপ পরিচয় রাখাও প্রয়োজন। নিজের লাভ অপেক্ষা খরিদারের লাভের দিকে বেশী দৃষ্টিপাত করিতে হইবে। তবে এ কার্যে উন্নতি। ২১ঃ বৎসরেই এ ব্যবসায়ে শ্রীবৃদ্ধি করা যায়।

ফল ও তরি তরকারী চালান দেওয়ার কার্য ও কম লাভজনক নহে। দূরবর্তী গ্রামসমূহ হইতে আম, কাঁটাল, লেবু, প্রভৃতি ফল, এবং পটল, বেগুন কুমড়া ও শাকশসী যদি প্রত্যহ কলিকাতায় আনার ব্যবস্থা করা যায় তাহার দ্বারাও যথেষ্ট লাভের আশা আছে। অবশ্য টাটকা মাছ প্রভৃতি আনিতে পারিলে আরও বেশী লাভ হইবে। এই

কার্যে একসঙ্গে ৩৪ জন ব্যাপৃত থাকিতে হয়। একজন গ্রামে থাকিয়া চাষীদিগকে দাদন দিয়া প্রত্যহ যাহাতে টাটকা জিনিস সংগ্রহ করিতে পারেন তাহার চেষ্টা করিবেন, একজন মাল কলিকাতায় লইয়া আসিবেন এবং অপর একজন এখানকার ব্যাপারীদের জিনিস দেওয়া ও নেয়া পাওনার ব্যবস্থা করিবেন। কমপক্ষে ৩০০ টাকা হইলে এই কার্য চলিবে।

চায়ের দোকানও একটা কম লাভের বিষয় নহে। ইহাতে প্রায় শতকরা ৭৫ টাকা লাভ থাকে। দোকান এমন স্থানে খুলিতে হয় যেখানে চায়ের দোকান অল্প এবং রাস্তায় লোক চলাচল বেশী। পরিচ্ছন্নতা একান্ত প্রয়োজনীয়। সাধারণতঃ তিন পয়সায় যে চায়ের কাপ বিক্রয় হয় সেই চা তৈয়ারী করিতে দেড় পয়সারও কম খরচ পড়ে। ইহার সঙ্গে সরবৎ, চপ' প্রভৃতি থাকিলে ব্যবসায় আরও ভাল চলে। ন্যূনপক্ষে ৫০ টাকা মূলধনে এই ব্যবসায় আরম্ভ করা যায়।

কাটা কাপড়ের ব্যবসায় ৫০০ টাকা মূল ধনেতেই আরম্ভ করা যায়। এই ব্যবসায় আরম্ভ করিবার পূর্বে সকল প্রকার কাপড় ও তাহার দর জানিতে হয়। দর্জির কাজ (কাটিং ও টেলারিং) ও ভালরূপে জানা প্রয়োজন। একটা অন্ততঃ কল ক্রয় করা করা দরকার। প্রথমতঃ অল্পলাভে জিনিস ছাড়িতে হয়। তৈয়ারী (Ready made) জামা ইত্যাদি বিক্রয়ে বেশ লাভ আছে। সাধারণ সার্ট ও পাঞ্জাবীর সেলাই ৫০ ও কোর্টের সেলাই ১০ ; ইহাতে খুব লাভ। এ কার্যে অনেকগুলি নিয়মিত খরিদার সংগ্রহ করিতে হয়।

পল্লীগ্রামে ও ক্ষুদ্র শহরে সোডার কলের ব্যবসায় খুব লাভজনক। ৩০০ টাকা হইলে এই কার্য আরম্ভ করা যায়। আজ কাল দেশী অনেক কোম্পানী সোডার কল বিক্রয় করিতেছেন। এই ব্যবসায় বৎসরে ৯মাস বেশ চলে। ইহার সঙ্গে বিড়ি তৈয়ারী প্রভৃতি কার্য করিলে সমস্ত বৎসর ভাল ভাবে ব্যবসা চলে। ইহাতে সত্ত্বর উন্নতির আশা আছে।

ষ্টেশনারী ও মুদিখানার দোকান চালাইতে প্রায় এক প্রকার মূল ধনই প্রয়োজন। ন্যূনপক্ষে ১০০ টাকা হইলে একখানা ষ্টেশনারী অথবা মুদিখানার দোকান

আরম্ভ করা যায়। এই প্রকার দোকানে টাকা প্রতি দুই আনা লাভ রাখিলে চলিয়া থাকে। কিছু কিছু টাকার জিনিস খরিদার দিগকে ধারে দিতে হয়। প্রথমতঃ অল্প লাভে বিক্রয় করিলে কিছু দিন পরে খুব লাভ আশা করা যায়।

“কাজের কথা” নামক ব্যবসা-বাণিজ্য সম্পর্কীয় সুন্দর পত্রিকায়, সম্পাদক শ্রীযুক্ত তুলসীদাস বন্দ্যোপাধ্যায় মহাশয় বেকার-সমস্যা সমাধান সম্বন্ধে যে কতকগুলি পত্রা নির্দেশ করিয়াছেন, তাহাও আমরা এখানে উদ্ধৃত করিয়া দিলাম :—

বহরমপুর-শিক্ষা—শ্রীরামপুর, বহরমপুর, ঢাকা, ময়মনসিংহ, কুমিল্লা, পাবনা, রংপুর, বরিশাল, এবং খুলনাতে বয়ন-বিদ্যালয় আছে। বেতন লাগে না বরং উপযুক্ত ছাত্রকে কিছু কিছু বৃত্তি দেওয়া হয়। আবার শিক্ষা শেষ হইলে উপযুক্ত পুরস্কার বা লভ্যাংশের কিছু দেওয়া হয়।

ইছাপুরে একটি অর্ডন্যান্স টেকনিক্যাল স্কুল আছে। এখানে মাত্র ৬০ জন ছাত্রের শিক্ষার ব্যবস্থা আছে। যাহারা অন্ততঃ ইংরাজী স্কুলের ৬ষ্ঠ শ্রেণী পর্যন্ত পড়িয়াছে তাহাদের এখানে লওয়া হয়।

বহরমপুরে একটি Silk Weaving Dyeing Institute) সিল্ক উইভিং ডাইং ইনস্টিটিউট আছে ; ইহাতে ২টি বিভাগ আছে। ১৫ হইতে ১৬ বৎসরের ম্যাট্রিকুলেশন পরীক্ষোত্তীর্ণ কিংবা সিনিয়ার মাদ্রাসা হইতে উত্তীর্ণ ছাত্রদের এখানে প্রথম স্থান দেওয়া হয়। প্রথম ও দ্বিতীয় শ্রেণীতে ১০ টাকা করিয়া ১০টি বৃত্তির ব্যবস্থা আছে। কোন বেতন লওয়া হয় না।

জরিপ-শিক্ষা—যাহারা অন্যান্য ১৬ বৎসর বয়স্ক অন্ততঃ ম্যাট্রিকুলেশন পর্যন্ত পড়িয়াছে তাহারা জরিপ শিখিতে পারে। এই শিক্ষার জগু কুমিল্লা, ময়নামতি, বর্ধমান, রংপুর, পাবনা, ও রাজশাহীতে সার্ভে স্কুল আছে।

খনিজ কাজ শিক্ষা। (Mining) খানবাদের (মানভূম জেলা) একটা Mining School আছে। এই স্কুলে প্রধানতঃ মাইনিং সার্ভে (Mining Survey) শিক্ষা দেওয়া হয়। মাইনিং সার্ভে পরীক্ষায় উত্তীর্ণ হইলে

যোগ্য ছাত্রগণের মধ্যে ৮।১০ জনকে কয়লায় খনিত কাছ শিখিবার জন্ত পাঠান হইয়া থাকে। রাণীগঞ্জে এবং নীতারামপুরে দুইটি মাইনিং স্কুল আছে।

সাব-ওভারসিয়ারের কাজ শিক্ষা—
(Sub-overseership) বর্ধমান, ঢাকা, পাবনা, এবং রাজসাহীতে এই কাজ শিখিবার জন্ত স্কুল আছে।

সিভেটিং ও টাণিং বা ফিটারের কাজ—কলিকাতায় Jessop Co. Burn Co ইত্যাদির কারখানায় এই কাজ শিখিবার জন্ত লোক লওয়া হয়।

কৃষিশিক্ষা—সাধারণতঃ বাঙ্গালা দেশে কৃষি সম্বন্ধীয় উচ্চ শিক্ষার কোন ব্যবস্থা না থাকিলেও চুচুড়া ফরিদপুর প্রভৃতি স্থানে সরকারী কৃষি-কার্য্যালয় আছে।

সেখানে হাতে কলমে কৃষিশিক্ষার ব্যবস্থা আছে। সাধারণতঃ মধ্যইংরেজী বা মধ্য-বাঙ্গালা পরীক্ষায় উত্তীর্ণ ছাত্রগণ এখানে প্রবেশাধিকার পায়। যাহারা কৃষি-সম্বন্ধীয় উচ্চশিক্ষা চায় তাহাদের জন্ত নাগপুরে ও সাবরে কলেজ আছে। তাহাতে আই, এস, সি, পরীক্ষায় উত্তীর্ণ হইয়া প্রবেশ করিয়া তিন বৎসর পড়িতে হয়।

যাহারা বিশ্ববিদ্যালয়ের পরীক্ষায় উত্তীর্ণ হইয়া বেকার বসিয়া আছেন তাহারা যদি উপরোক্ত অথবা অন্তরূপ কোন একটা ব্যবসায় আত্মনিয়োগ করেন, তবে তাহাদের জীবিকা নির্বাহের জন্ত কখন ভাবিতে হইবে না। তাহারা দেশের ও দেশের শ্রীবৃদ্ধি করিতে সমর্থ হইবেন। শিল্প ও বাণিজ্যের উৎকর্ষ সাধিত হইলেই দেশ ক্রমোন্নতির পথে অগ্রসর হইবে।

মহাত্মা গঙ্গাধর কবিরাজ

[বৈষ্ণবগণ কবিরাজ শ্রী ইন্দুভূষণ সেন আয়ুর্বেদ দশাঙ্গী এল.-এ-এম্-এস্]

আজ যে মহাত্মার জীবনী সংক্ষেপে আলোচনা করিব তিনি ১৩২ বৎসর পূর্বে ১২০৫ সালের ২৪এ আষাঢ় শুক্রবার কৃষ্ণা নবমী তিথিতে যশোহর জেলার মাগুরা গ্রামে সুপ্রসিদ্ধ বৈষ্ণবংশে জন্মগ্রহণ করিয়াছিলেন। ইহার নাম মহাত্মা গঙ্গাধর কবিরাজ। ইনি বঙ্গীয় কবিরাজ মণ্ডলীর গৌরব-সম্ভব বলিলে অত্যাুক্তি হইবে না। কবিশেখর কালিদাস সত্যই বলিয়াছেন,—

“ভারতের নব ধনস্বরী

আজিকে তোমারে হৃদয়ে স্মরি।”

শুধু বাঙ্গালা দেশে নহে—সমগ্র ভারত বর্ষে এমন কি সুদূর ইংলণ্ডে পর্যন্ত ইনি পাণ্ডিত্যের জন্ত সুপরিচিত হইয়াছিলেন। বঙ্গীয় কবিরাজ সম্প্রদায় ইহাকে প্রাতঃ-স্মরণীয় বলিয়া কীর্তন করিয়া থাকেন ভারতবর্ষের বিভিন্ন প্রদেশ হইতে এমন কি নেপাল কাশ্মীর এবং দাক্ষিণাত্য প্রদেশ হইতেও অনেক ছাত্র ইহার নিকট শিক্ষালাভ

করিতে আসিত। নিয়ে ইহার জীবনের সংক্ষিপ্ত পরিচয় প্রদান করিলাম।

পিতা-মাতার নাম। ইহার পিতার নাম ভবানীপ্রসাদ রায় ও মাতার নাম অভয়া দেবী। ইনি পিতা-মাতার একমাত্র সন্তান ছিলেন।

শিক্ষা। পঞ্চম বর্ষ বয়ঃক্রমের সময় মাগুরা গ্রামের তাহাদের কুলপুরোহিত ৩গোপীকান্ত চক্রবর্তীর নিকট ইহার প্রাথমিক শিক্ষা হয়। তাহার নিকট দশমবর্ষ বয়ঃক্রম পর্যন্ত শিক্ষালাভ করার পর তিনি ৩নন্দকুমার সেনের নিকট মুক্তবোধ, ব্যাকরণের কিয়দংশ পাঠ করিয়া অবশিষ্ট অংশ ৩মানিকচন্দ্র বিদ্যাসাগরের নিকট শেষ করেন। তাহার পর যশোহর জেলার ৩রামরতন চুড়ামণির নিকট অভিধান, কাব্য, অলঙ্কার প্রভৃতি অধ্যয়ন করিয়া রাজসাহী জেলার বৈষ্ণব-বেলঘরিয়ার সুপ্রসিদ্ধ কবিরাজ ৩রামকান্ত সেনের নিকট আয়ুর্বেদ অধ্যয়ন করিতে

আরম্ভ করেন। তখন তাঁহার বয়ঃক্রম ১০ বৎসর মাত্র।

সেকালের শিক্ষা-পদ্ধতি। সেই সময় এখনকার মত মুদ্রিত পুস্তকের প্রচলন হয় নাই। হাতে লেখা পুঁথি দেখিয়া সে সময় সকল শাস্ত্রই পড়িবার পদ্ধতি ছিল। গঙ্গাধর প্রত্যহ পুঁথির দশ পৃষ্ঠা পাঠ স্বহস্তে লিখিয়া লইয়া অভ্যাস করিতেন। ৩৭রামকান্ত সেন মহাশয় গঙ্গাধরের অসামান্য প্রতিভা দেখিয়া তাঁহার চতুষ্পাঠীর ব্যাকরণ, অভিধান ও সাহিত্য শিক্ষার্থী ছাত্রদিগকে অধ্যাপনার ভার তাঁহার উপর অর্পণ করেন।

পাণ্ডিত্যের মুকুবোলের টীকা রচনা। এই সময় মুকুবোধ ব্যাকরণের একগানি টীকা তিনি প্রস্তুত করেন। ইহার পর তিনি সমগ্র আয়ুর্বেদ শাস্ত্র অধ্যয়ন সেই স্থানে সমাপ্ত করিয়া নাটোরে তাঁহার পিতৃদেবের নিকট গমন করেন। তাঁহার পিতা নাটোর মহারাজার সর্বপ্রধান কবিরাজ ছিলেন।

পাণ্ডিত্যের পরিচয়। সেই সময় নাটোর রাজসভায় একজন লক্ষপ্রতিষ্ঠ পণ্ডিত আগমন করেন। গঙ্গাধরের পিতা ঐ পণ্ডিতের নিকট তাঁহার পুত্রের লিখিত টীকার কতক অংশ পড়িয়া শ্রবণ করান। পণ্ডিত মহাশয় তাহা শ্রবণ করিয়া বলেন যে, ইহা অতি প্রাচীন টীকা, এ টীকা আপনি কোথায় পাইলেন? গঙ্গাধরের পিতা তখন বলেন যে, ইহা প্রাচীন রীতির অনুসরণ করিয়া লিখিত বটে, কিন্তু ইহা প্রাচীন ঋষিদিগের রচিত নহে, ইহা তাঁহার অষ্টাদশবর্ষীয় পুত্র যুবক গঙ্গাধরের রচিত। পণ্ডিতপ্রবর সেই কথা শুনিয়া আশ্চর্যম্বিত হইলেন এবং গঙ্গাধরকে প্রাণ খুলিয়া আশীর্বাদ করেন।

কর্মময় জীবন। এইবার গঙ্গাধরকে পঠদশার জীবন ছাড়িয়া কর্মময় জীবনে প্রবেশ করিতে হইল। তিনি প্রথমে কলিকাতাতেই চিকিৎসা ব্যবসায় আরম্ভ করেন। কিন্তু অতি অল্পদিনের মধ্যে তাঁহার স্বাস্থ্য ভঙ্গ হওয়ায় তিনি কলিকাতা পরিত্যাগ করিয়া পিতৃদেবের ইচ্ছায় মুর্শিদাবাদের সৈদাবাদে একটি খোলার বাড়ী ভাড়া লইয়া চিকিৎসা-কার্য আরম্ভ করেন। এই সময় তাঁহার বয়স ২১ বৎসর মাত্র।

মুর্শিদাবাদে প্রতিভার বিকাশ।



মহাত্মা গঙ্গাধর কবিরাজ

মুর্শিদাবাদে তখন সূচিকিৎসকের অভাব ছিল না। শাস্ত্র-কুশল বহু পণ্ডিত তখন সেখানে বাস করিতেন। অত অল্প বয়স হইলেও গঙ্গাধর কিন্তু নিজের প্রতিভায় সমগ্র পণ্ডিত এবং চিকিৎসকদিগের মধ্যে অল্পদিনের মধ্যেই প্রসিদ্ধি লাভ করেন; এমন কি সকল পণ্ডিত ও প্রাচীন চিকিৎসকের সহিত বাদানুবাদ করিয়া সকলের নিকট স্বীয় মত স্থাপনা করিতে সমর্থ হন।

সে সময় মহারানী স্বর্ণময়ীর গৃহে রায় রাজীবলোচন সর্বময় কর্তা। তাঁহার বাটীতে প্রত্যহ দুই ঘণ্টাকাল পণ্ডিতের সভা বসিত। স্থানীয় ও বিদেশীয় বহু পণ্ডিত সেই সভায় উপস্থিত হইয়া শাস্ত্রের বিচার করিতেন। গঙ্গাধরও সময় সময় সেই সভায় যোগদান করিয়া বিচার করিতেন। বিচারের ফলেও তাঁহাকে অতি শীঘ্র পণ্ডিত-সমাজ চিনিতে পারিলেন।

রাজবাটীর চিকিৎসক। রাজীববাবু গঙ্গাধরের অসাধারণ পাণ্ডিত্য দেখিয়া তাহার প্রতি বিশেষ ভাবে আকৃষ্ট হইয়া পড়েন। সেই সময় মহারানী স্বর্ণময়ীর উৎকট পীড়া হয়। রাজীবলোচন গঙ্গাধরের উপরই চিকিৎসার ভার অর্পণ করেন। গঙ্গাধর অতি তল্প দিনের

মধ্যে তাঁহাকে আরোগ্য করেন। ইহার পর হইতে রাজসংসার হইতে তাঁহার মাসিক বৃত্তি নির্ধারিত হয়।

শিষ্যবাহু। মাণ্ডার নিকটস্থ বাটোহার গ্রামের ৬গোবিন্দচন্দ্র সেনের কন্যা দিগম্বরী দেবীর সহিত গঙ্গাধরের বিবাহ হয়। কিন্তু ১২৫৭ সালে তাঁহার বয়স যখন ৪০ বৎসর, সেই সময় একটি শিশু পুত্রকে রাখিয়া তাঁহার পত্নী পরলোক গমন করেন।

পুত্র ধরণী। পত্নী-বিয়োগে তাঁহার সংসারে অতিশয় বিশৃঙ্খলা ঘটিলেও তিনি আর দার পরিগ্রহ করেন নাই। একটি পরিচারিকার উপর তাঁহার শিশুপুত্র ধরণী-ধরের প্রতিপালনের ভার অর্পণ করেন। ঐ পরিচারিকাকে “বুকোবুড়ি” বলিয়া ডাকা হইত। ধরণীধর বয়ঃপ্রাপ্ত হইলে তাঁহাকে তিনি নিজেই প্রথমাবধি শিক্ষাদান করেন। গঙ্গাধরের পত্নী-বিয়োগ হওয়ার পর দার পরিগ্রহ করিবার জন্ত অনেকে তাঁহাকে অনুরোধ করিয়াছিলেন। পুত্র ধরণীধরের দুই বিবাহ। প্রথমবার তাঁহার বিবাহ হয় বড়কালিয়া গ্রামের বক্রীদিগের বাটীতে। অল্প দিনের মধ্যে ধরণীধর বিপত্নীক হওয়ায় ঐ বড়কালিয়া গ্রামেই তাঁহার আবার বিবাহ হয়। এই পুত্রবধূটিকে তিনি লক্ষ্মীস্বরূপিণী মনে করিতেন। কারণ—এই পুত্র-বধূটিকে গৃহে আনয়নের সঙ্গে সঙ্গে তাঁহার অর্ধকষ্ট অপনোদন হয়। ১২৭২ সালের প্রারম্ভে বহরমপুরের জমীদার ৬পুলিনবিহারী সেন ও সৈদাবাদের ৬রামলাল চৌধুরী মহাশয়দ্বয়ের উৎসাহে গঙ্গাধর বাসোপযোগী একখানি ইষ্টকালয় প্রস্তুত করেন। কয়েক সহস্র টাকাও এই সময় তাঁহার সঞ্চিত হয়।

শিষ্যপ্রীতি। তিনি শিষ্যদিগকে প্রাণাপেক্ষা ভাল-বাসিতেন। তিনি ২১ বৎসর বয়স হইতে জীবনের শেষ দিন পর্যন্ত বহু ছাত্রকে অল্প দিয়া শিক্ষাদান করিয়া-ছিলেন।

অধ্যয়নস্পৃহা। গঙ্গাধরের অধ্যয়নস্পৃহা অত্যধিক ছিল। তিনি বহু রাত্রি পর্যন্ত অধ্যয়ন করিতেন। তাঁহার শিষ্য দিগের মধ্যে অল্পতম মহামহোপাধ্যায় কবিরাজ ৬দ্বারকানাথ সেন মহাশয় বলিতেন, “বহুদিন এমন গিয়াছে যে, ধাওয়া-দাওয়ার পর গুরুশিষ্যে পড়িতে বসিয়াছেন, আর কোথা দিয়া রাত্রি ভোর হইয়া গিয়াছে,

তাহা কেহই টের পান নাই। তিনি রাত্রিতে খুব অল্পই ঘুমাইতেন। কারণ রাত্রিতে উঠিয়া বহুবার তাঁহার তামাক ধাইবার অভ্যাস ছিল। তিনি অল্প বয়সে বিপত্নীক হওয়ায় শিষ্যদিগের সহিত একত্র শয়ন করিতেন। তাঁহার বাড়ীতে খুব বড় একটা বৈঠকখানা ছিল, সেইখানে আমরা সকলেই এক সঙ্গে শুইতাম। তিনি একটি আঙনের মালসা, ধানিকটা তামাক, ছাঁকা ও কলিকা রাখিয়া সেইখানে শুইতেন। আর বিছানার পার্শ্বেই একটি দোয়াত, খাগের কলম, একটি কড়ি, কিছু হরিভাল গোলা ও দিস্তা খানেক তুলোট কাগজ থাকিত। গুরুদেব সারারাত্রি বসিয়া তামাক সাজিতেন, খাইতেন আর লেখাপড়া করিতেন। যদি কোথাও কাটাকুটির দরকার হইত, তাহা হইলে সেই জায়গায় হরিভাল গোলা ঢালিয়া দিতেন, উহা শুকাইয়া যাইলে সেই জায়গায় কড়ি বসিয়া দিতেন এবং চক্চকে পালিশ হইলে তাহার উপর আবার লিখিতেন। তিনি সারারাত্রি এই কৰ্ম করিতেন। বিদ্যা-চর্চায় যদি কোথাও কোন সন্দেহ বা নূতন কথা উপস্থিত হইত, তাহা হইলে শিষ্যদিগকে তুলিয়া দিয়া গুরু-শিষ্যে শাস্ত্রালোচনায় কাটাইয়া দিতেন। তিনি শিষ্যদিগকে বলিতেন, “নিজের প্রতি বিশ্বাস হারাইয়া পরের দ্বারা যাইও না এবং স্বাবলম্বনের পথ ত্যাগ করিও না।”

শ্রেষ্ঠ চিকিৎসক গঙ্গাধর। গঙ্গাধর যে শ্রেষ্ঠ চিকিৎসক ছিলেন সে-বিষয়ে সন্দেহ নাই। তাঁহার চিকিৎসায় অনেক অলৌকিক ঘটনার পরিচয় পাওয়া যায়। কবিরাজ ত্রীযুক্ত জীবনকালী রায় বৈষ্ণবত্ব লিখিয়াছেন যে—সৈদাবাদ আগমনের অল্পদিন পরেই একদা তিনি নৌকাযোগে বালুচর নামক স্থানে গমনকালে আচ্ছাদনের বাহিরে বসিয়া ভাগীরথীর পবিত্র শোভা দর্শন করিতেছিলেন। নৌকা তীরের নিকট দিয়াই যাইতেছিল; পথিমধ্যে ঋশানে আনীত একটি গঙ্গাযাত্রী মুমূর্ষু রোগী তাঁহার নয়নপথে পতিত হয়। কৌতূহলের বশবর্তী হইয়া তিনি তীরে নামিলেন এবং মুমূর্ষুকে দেখিয়া বুঝিলেন, তখনও আসন্ন মৃত্যু-লক্ষণ দেখা দেয় নাই। ঋশানবন্ধুদের প্রায় করিয়া ইহাও জানিলেন—তাঁহারা কয়েক দিন ধরিয়া এইভাবে তথায় আছেন। তখন গঙ্গাধর নিজের চিকিৎসা-বৃত্তির পরিচয় দিলেন এবং বিশেষ রূপে পরীক্ষা করিয়া

দৃঢ়ত্বের বলিলেন, ইঁহার মৃত্যুর এখনও দেৱী আছে, চিকিৎসা করাইলে এ যাত্রা রক্ষা পাইবেন। তরুণ যুবকের এ দৃঢ়তা সহযাত্রীদিগকে বিচলিত করিল। তাঁহাদের মধ্য হইতে একজন অগ্রসর হইয়া তাঁহাকে চিকিৎসার জন্য অসুরোধ করিলেন। এই রোগী তৎপর তাঁহার সূচিকিৎসায় পুনর্জীবন লাভ করেন। ইহাতে গঙ্গাধরের চিকিৎসার খ্যাতি বিশেষভাবে ছড়াইয়া পড়ে। তৎকালে বাঙ্গালার নাজীমের পীড়া সঙ্কটাপন্ন হইয়াছিল। ডাক্তার 'কোটা' প্রভৃতি খ্যাতনামা চিকিৎসকগণ তাঁহার পীড়ার উপশম অসাধ্য বলিয়া ত্যাগ করিলে গঙ্গাধর তাঁহার চিকিৎসার ভার প্রাপ্ত হন এবং তাঁহাকে নিরাময় করিয়া বিশেষ প্রতিষ্ঠা লাভ করেন।

গঙ্গাধর কায় ও শল্য চিকিৎসা—উভয় চিকিৎসায় সমান পারদর্শী ছিলেন। এইস্থানে একটা ঘটনার উল্লেখ করিব। কবিরাজ শ্রীযুত জীবনকালী রায় মহাশয় লিখিয়াছেন যে, একবার তাঁহাদের পল্লীর জনৈক সম্ভ্রান্ত ব্রাহ্মণ-পরিবারে এক ব্যক্তির একটা স্ফোটক হইয়াছিল। অস্ত্রোপচার জন্য স্থানীয় খ্যাতনামা ডাক্তার আহূত হইলেন। তিনি সে দিবস অস্ত্র প্রয়োগের সময় হয় নাই বুঝিয়া সে দিনের কর্তব্য নির্ধারণ করিয়া দিলেন এবং পরদিবস অস্ত্রোপচার করিবেন বলিলেন। প্রসঙ্গক্রমে কোথায় কি ভাবে অস্ত্র করা হইবে, তাহাও নির্দেশ করিয়া দিলেন। অপরাহ্নে কবিরাজ মহাশয় পীড়িত প্রতিবেশীর তত্ত্ব লইতে আসিয়া ডাক্তারবাবুর অভিমত শুনিলেন এবং একটু বিরক্তির সহিত বলিলেন, ডাক্তারকে আমার নাম করিয়া বলিও—এখানে কাটিলে শিরা কেটে বিলক্ষণ রক্তস্রাব হবে, আর রক্ত শুকাতে দেৱী হবে।' তাহার পর নিজেই স্থান নির্দেশ করিয়া বলিলেন, “এইখানে যেন কাটে, অমত করে তো আমাকে খবর দিও।” পরদিন যথাসময়ে ডাক্তারবাবু উপস্থিত হইয়া সকল কথা শুনিলেন এবং দীর্ঘ সহাস্ত বদনে “কবিরাজ মহাশয়ের কাছে কি এখন আমাদের অস্ত্র প্রয়োগের উপদেশ নিতে হবে”—এরূপ মন্তব্য প্রকাশ করিলেন। কিন্তু গঙ্গাধর তখন সাক্ষাৎ “গঙ্গাধর” ডুল্য, তাই মুখে ঔদাস্ত্য প্রকাশ করিলেও অন্তরে উপেক্ষা করিতে পারিলেন না। এই সময়ে খবর পাইয়া কবিরাজ মহাশয়ও উপস্থিত হইলেন। কিন্তু ডাক্তারবাবু তৎপূর্বেই পুনর্বার পরীক্ষা

করিয়া নিজের ভ্রম বুঝিতে পারিয়াছিলেন। বহরমপুরে এক ব্যক্তির বক্ষতে অস্ত্রবিদ্রুপি হইয়া জীবন সংশয়াপন্ন হইয়াছিল। স্থানীয় সিভিল সার্জন অস্ত্রোপচার ভিন্ন কোন উপায় নাই বলিলেন, কিন্তু অস্ত্র প্রয়োগও যে নিরাপদ তাহা স্বীকার করিলেন না। বিপদের সময় তখন গঙ্গাধরকে একবার সকলেই দেখাইত। তিনিও দেখিয়া অস্ত্র-যোগ্য ব্যাধি স্বীকার করিলেন, কিন্তু তাহাতে বিপন্ন হইবার যথেষ্ট কারণ আছে বলিয়া নিজেই চিকিৎসার ভার গ্রহণ করেন এবং সামান্য পাচন প্রলেপের সাহায্যে বিদ্রুপিটী বিদী করিয়া রোগীর জীবন দান করেন।” এইরূপ তাঁহার চিকিৎসার বহু ঘটনা শুনিতে পাওয়া যায়। পুঁথি বাড়িয়া যাইতেছে সেজন্য উহার আর উল্লেখ করিলাম না। তবে এখানে একটা বিষয় বলিলেই যথেষ্ট হইবে যে, তাঁহার শিষ্য কবিরাজ মহাশয়দের খ্যাতিতে জানা যায় যে, তিনি শ্রেষ্ঠ কবিরাজ ছিলেন। তাঁহারই শিষ্য প্রথিতযশা কবিরাজ শ্রীযুত হারানচন্দ্র চক্রবর্তী মহাশয় আয়ুর্বেদ-মতে শল্য চিকিৎসা করিয়া প্রসিদ্ধি লাভ করিয়াছেন।

গ্রন্থ প্রণয়ন। গঙ্গাধর কবিরাজ মহাশয় যে-সকল গ্রন্থ রচনা করিয়াছেন তাহাতে জানা যায় যে, তিনি সর্বশাস্ত্রবিদ ছিলেন। আমরা তাঁহার রচিত পুস্তকাবলীর ষতদূর সন্ধান পাইয়াছি তাহাতে ৭৭ খানি পুস্তকের নাম পাওয়া যায়। নিম্নে তাঁহার প্রণীত পুস্তকাবলীর নাম প্রদত্ত হইল।

আয়ুর্বেদীয় গ্রন্থ ১১খানি

- (১) আয়ুর্বেদ-সংগ্রহ, (২) পরিভাষা (মুদ্রিত), (৩) ভৈষজ্য-রামায়ণ, (৪) আয়ুর্বেদের ব্যাখ্যা, (৫) নাড়ী পরীক্ষা, (৬) রাজবল্লভীয় দ্রব্যগুণের বিবৃতি, (৭) ভাস্করোদয়, (৮) মৃত্যুঞ্জয় সংহিতা (৯) আরোগ্য-স্তোত্র (১০) প্রয়োগ, চন্দ্রোদয়, (১১) জলকল্লতরু টীকা (মুদ্রিত)

তন্ত্রগ্রন্থ ২খানি

- (১) নির্ঝাণসার (২) মহানির্ঝাণতন্ত্র

জ্যোতিষগ্রন্থ ১খানি

- (১) কালবিজ্ঞান

ব্যাকরণ সম্বন্ধীয় গ্রন্থ ৮খানি

- (১) কোমার ব্যাকরণ, (২) ত্রিপাট ব্যাকরণ, (৩) যুক্তবোধের মহাবৃত্তি, (৪) পাণিনীয় বাস্তবিক,

- (৫) দোষ-সন্দর্শনা (মুদ্রিত), (৬) শব্দশক্তি-প্রভা,
(৭) ধাতুপাট, (৮) বাস্বার্থ।

স্মৃতি সম্প্রদায় গ্রন্থ ৭ খানি

- (১) প্রমাদভঙ্গনী টীকা (মুদ্রিত), (২) পরাশর
সংহিতার টীকা, (৩) স্মৃতি-সেতু, (৪) দায়ভাগ (মুদ্রিত),
(৫) বৈধ হিংসাদি নির্ণয়, (৬) ধর্ম্মানুশাসন, (৭) বিষ্ণু
পুরাণের টীকা।

নাটক, আখ্যায়িকা, মহাকাব্য ও ছন্দগ্রন্থ ১০ খানি

- (১) লোকালোক পুরুবীর মহাকাব্য, (২) শিখণ্ডী
প্রাকৃত্যব আখ্যায়িকা, (৩) তারাবতী স্বয়ম্বর মহানাটক,
(৪) শৌরীধর চরিত (মহাকাব্য), (৫) সপ্তকাব্য,
(৬) সত্যোপাখ্যান, (৭) ছর্গাবধ (মহাকাব্য),
(৮) ছন্দমারের রত্ন, (৯) আশ্বেয় অলঙ্কারের কাব্য-
প্রভাবৃত্তি, (১০) কাব্যলক্ষণের রত্ন, (১১) ছন্দোশাসন,
(১২) পিজলের টীকা, (১৩) বৈশেষিকের ভাষ্য।

ষড়্দর্শন সম্প্রদায় গ্রন্থ ১০ খানি

- (১) ষট্‌সিদ্ধান্ত, (২) বেদান্ত-সর্কস্ব, (৩) ব্রহ্মবিদ্যামৃত,
(৪) শারীরিক সূত্রবর্ত্তিক, (৫) বস্তু নির্ণয়, (৬)
পঞ্চপুস্তাঞ্জলি, (৭) তত্ত্ববিদ্যাকর (পাতঞ্জলাদি ষড়্
দর্শনের ব্যাখ্যা), (৮) সংস্কারবাদ, (৯) সাংখ্য-ভাষ্য,
(১০) পাতঞ্জল ভাষ্য, (১১) গৌতমীয় বাৎস্তায়নরত্ন,
(১২) কুহুমাজলীয় টীকা, (১৩) বেদান্তদর্শনের ভাষ্য

উপনিষদ গ্রন্থ ৮ খানি

- (১) মিশ্রোপনিষদের ব্যাখ্যা, (২) তৈত্তিরীয়োপনি-
ষদের ব্যাখ্যা, (৩) ছান্দোগ্যোপনিষদের ব্যাখ্যা,
(৪) মাণ্ডুক্যোপনিষদের ব্যাখ্যা, (৫) প্রশ্নোপনিষদের ব্যাখ্যা,
(৬) কেনোপনিষদের ব্যাখ্যা, (৭) বাজসনেয়োপ-
নিষদের ব্যাখ্যা, (৮) কৈবল্যোপনিষদের ব্যাখ্যা।

বিবিধ গ্রন্থ ১৪ খানি

- (১) ত্রিকাণ্ড শব্দশাসন, (২) জগন্নাথ-স্তব (৩) সংসার সংব-
রণ, (৪) কাভ্যায়ণ, বাস্তিক, (৫) গায়ত্রী ব্যাখ্যা, (৬) সিদ্ধান্ত
শতক স্তবরাজ, (৭) রামগীতা ব্যাখ্যা, (৮) আনন্দতরঙ্গিনী
স্তব, (৯) নবগ্রন্থ স্তোত্র, (১০) লিপিবর্ণ-বিজ্ঞানীয়, (১১)
শাস্তিকান্তিক বাক্যবোধ, (১২) ভাগবত বিচার।

মৃত্যুর কয়েকদিন পূর্বে তিনি “কাব্যপ্রভাবৃত্তি”
লেখা শেষ করেন। ইহাই তাঁহার শেষ গ্রন্থ।

গঙ্গাধর কবিরাজ মহাশয় বরাবরই সরস্বতীর উপাসক
ছিলেন। তিনি বলিতেন, “চির দারিদ্র্যকে যিনি বরণ
করিয়া লইতে প্রস্তুত নহেন, তিনি যেন চিকিৎসা-কার্যে
ব্রতী না হন।” ইহা যে তাঁহার মুখের কথা ছিল, তাহা
নহে। তিনি নিজেও এইজন্ম অর্ধোপার্জনের চেষ্টা
অপেক্ষা শাস্ত্রানুশীলনের চর্চাতেই অধিক সময় অতিবাহিত
করিতেন।

তাঁহার গ্রন্থাবলীর মধ্যে চকর-সংহিতার; জল্পকল্পতরু
টীকাই সর্বপ্রধান। অতি অল্পসংখ্যক গ্রন্থই তাঁহার
মুদ্রিত হইয়াছে। তাঁহার প্রণীত অল্প পুস্তকগুলি যদি
মুদ্রণের ব্যবস্থা করিতে পারা যায়, তাহা হইলে তাঁহার ষথার্থ
স্মৃতিরক্ষার ব্যবস্থা যেমন করা হইবে সেইরূপ বহু অমূল্য
গ্রন্থের দ্বারা দেশের প্রকৃত উপকার সাধিত হইবে। কবিভূষণ
শ্রীযুক্ত পূর্ণচন্দ্র দে উদ্ভটমাগুর-বি-এ মহাশয়ের মুখে শুনিয়া-
ছিলাম যে, গঙ্গাধর কবিরাজ মহাশয়ের রচিত সকল গ্রন্থ
বৈষ্ণব কবিরাজ শ্রীযুক্ত যোগেন্দ্রনাথ সেন বিদ্যাভূষণ এম-এ
মহাশয়ের নিকট আছে। গঙ্গাধর কবিরাজ মহাশয়ের
পুস্তকগুলি এক এক করিয়া মুদ্রণের জন্য দেশবাসী
সকলের দৃষ্টি আকর্ষণ করিতেছে।

মুদ্রাযন্ত্র স্থাপন

তাঁহার রচিত গ্রন্থগুলির প্রকাশের জন্ত তিনি বহু
অর্থব্যয় করিয়া নিজের বাটীতে একটা মুদ্রাযন্ত্র স্থাপিত
করিয়াছিলেন। ঐ মুদ্রাযন্ত্র হইতে তাঁহার কয়েকখানি
গ্রন্থ প্রকাশিত হইয়াছিল। এই মুদ্রাযন্ত্র হইতেই তাঁহার
জল্পকল্পতরু টীকা প্রকাশিত হয়। আয়ুর্কোঁদে ইহা অমূল্য
রত্ন। তাঁহার এই মুদ্রাযন্ত্রের তত্ত্বাবধায়ক ছিলেন
বিশ্বম্ভর দাস।

গঙ্গাধর পরম শৈব ছিলেন। প্রত্যহ শিবমন্ত্র জপ না
করিয়া তিনি জলগ্রহণ করিতেন না। হিন্দুর করণীয় সমস্ত
কর্ম্মই তিনি যথানিয়মে সম্পন্ন করিতেন।

অতিরিক্ত মস্তিষ্ক পরিচালনের জন্ত সময় সময় গঙ্গাধরের
বামু রুদ্ধ হইত। এইজন্ম মধ্যম নারায়ণঠৈল মর্দন এবং
বায়ুনাশক ষ্বতাদি তিনি প্রত্যহ সেবন করিতেন। তিনি

৮৬ বৎসর বয়ঃক্রম পর্য্যন্ত লেখনী চালনা করিয়াছিলেন। অতিরিক্ত মস্তিষ্ক চালনার কলে তাঁহার মূত্রকৃচ্ছ রোগ হয় এবং তাহাতেই তাঁহার মৃত্যু ঘটে। মৃত্যুর পূর্বে তাঁহারই ইচ্ছায় সৈন্যবাদের ৩৬শ্বরচন্দ্র মুখোপাধ্যায় মহাশয়ের গঙ্গাতীরস্থ আটচালায় তাঁহাকে রাখা হয়। তিনি যে কয় দিবস জীবিত ছিলেন, সে কয় দিবস রাজা মহারাজাগণকে গঙ্গাতীরে লইয়া গেলেও যত লোকের সমাগম না হয়, তাঁহাকে দেখিবার জন্ত তদপেক্ষা অনেক বেশী লোকের সমাগম হইত। এক কথায় আটচালা ঘরটী, দিবারাত্রি বহু লোকে পূর্ণ হইয়া থাকিত।

মৃত্যুর পূর্কদিন তিনি বলিলেন, “আগামী কল্য আমি কেবল মাত্র গঙ্গাজল পান করিয়া থাকিব, কারণ ৩৩দণ্ড পরেই আমার মৃত্যু হইবে।” কল হইলও তাহাই, ক্রমে ক্রমে তাঁহার বাক্য-স্মরণ-ক্ষমতা লোপ পাইল। প্রাণ-প্রয়ানের অত্যন্তকাল পূর্বে “আমার চরক” এই পর্য্যন্ত বলিয়া আর বলিতে পারিলেন না। ১২৯২ সালের ১২ জ্যৈষ্ঠ আয়ুর্বেদ গগনের সমুজ্জ্বল জ্যোতিষ্ক, আৰ্য্য চিকিৎসার

শেষ ঋষি প্রান্তঃস্বরণীয় গঙ্গাধরকে ইহসংসার হইতে চিরদিনের জন্য বিদায় গ্রহণ করিতে হইল।

পরম শৈব গঙ্গাধর তাঁহার পৌত্রের নাম রাখিয়াছিলেন ‘ত্র্যম্বক।’ কয়েক বৎসর হইল তাঁহার শেষ বংশধর পৌত্র ত্র্যম্বকও ক্ষয়-রোগে লাহোরে প্রাণত্যাগ করিয়াছেন। এক্ষণে তাঁহার বিধবা পত্নী ও দুইটী কন্যা মাত্র বর্তমান।

বড়ই দুঃখের বিষয়, গঙ্গাধরের মত সর্বশাস্ত্রে সুপণ্ডিত ও সর্বপ্রধান চিকিৎসকের পূজা বাজালা দেশ করে নাই। গঙ্গাধর যদি বাঙ্গলায় না জন্মিয়া পাশ্চাত্য ভূখণ্ডে জন্মগ্রহণ করিতেন, তাহা হইলে সেই প্রদেশের অধিবাসিগণ তাঁহার স্মৃতি-রক্ষার্থে সেই প্রদেশের রাজধানী-বক্ষে তাঁহার মর্ম্মর মূর্ত্তি প্রতিষ্ঠা করিয়া প্রতিদিন তাঁহার উদ্দেশে ভক্তি-অর্ঘ্য প্রদান না করিয়া কখনই থাকিতে পারিতেন না। কিন্তু আমরা এমনই অধম যে, এই মহাত্মার জন্ম-দিবস বা তিরোভাব দিবসের দিনটীকে পর্য্যন্ত স্বরণীয় করিয়া তাঁহার ভক্তি-অর্ঘ্য প্রদান করি না।

সমালোচনা

বঙ্গের জাতীয় ইতিহাস উত্তর রাষ্ট্রীয় কায়স্থ-কাণ্ড, ৩য় খণ্ড ৮নং বিশ্বকোষ লেন হইতে প্রকাশিত, মূল্য ২১০ টাকা, কাপড়ে বাধাই ৩ টাকা।

প্রাচ্যবিদ্যামহার্ণব শ্রীযুক্ত নগেন্দ্রনাথ বসু মহাশয় যে বিশাল বঙ্গের জাতীয় ইতিহাস লিখিতেছেন তাহার নবম খণ্ড আমাদের হস্তগত হইয়াছে। ইহা কায়স্থ-কাণ্ডের পঞ্চম খণ্ড বা উত্তররাষ্ট্রীয় কায়স্থ সমাজের ইতিহাসের ৩য় খণ্ড। এই খণ্ডে ঘোষ, মিত্র, দত্ত, দাস, শাওল্যা ও ভরদ্বাজ সিংহ বংশের বিস্তৃত ইতিহাস ও বংশলতা প্রকাশিত হইয়াছে। সমাজনীতি, রাজনীতি ও ধর্ম্মনীতির ক্ষেত্রে বাঙ্গালী যে অসাধারণ কৃতিত্ব ও প্রতিষ্ঠা দেখাইয়া গিয়াছেন, আলোচ্য গ্রন্থে তাহা অতি বিশদভাবে বিবৃত হইয়াছে। মুসলমান শাসনে বহু শতবর্ষ নিপীড়িত ও

নিগৃহীত থাকিয়াও বাঙ্গালী কিরূপে জাতীয় মর্যাদা রক্ষা করিতে সমর্থ হইয়াছিল, সেই মহাহৃদীনেও কিরূপে বাঙ্গালী স্বরাজ প্রতিষ্ঠায় সমর্থ হইয়াছিল, শাসন-বিভাগে ও স্বরাজ-বিভাগে কিরূপ অসাধারণ প্রতিষ্ঠা লাভ করিয়াছিল এই আলোচ্য ইতিহাসে তাহা বিশেষ ভাবে বর্ণিত হইয়াছে।

এই গ্রন্থের প্রারম্ভে মিত্র বংশ প্রসঙ্গে বট মিত্র কিরূপে গোড়াধীপ বঙ্গাল সেনের সহিত আত্মীয়তা-স্বত্রে মগধের আধিপত্য লাভ করিয়াছিলেন, মহম্মদী-ই-বক্তিম্মার ১১৯৯ খৃঃ অব্দে মগধ আক্রমণ করিলে বট মিত্রের পুত্র টিকাইত (Prince elect) মগধদের কিরূপে মগধ ত্যাগ করাইয়া উত্তর রাঢ়ে প্রতিষ্ঠা লাভ করিয়াছিলেন, তাহা বর্ণিত হইয়াছে।

তাঁহার বংশধরগণ উত্তর রাঢ়ে আসিয়া ক্রমশঃ ১৪

ধানি গ্রামে ছড়াইয়া পড়েন। বট মিত্রের বংশে বহু স্বনামধন্য পুরুষ জন্মগ্রহণ করিয়াছিলেন। বট মিত্রের অপর ভ্রাতা নরসিংহের বংশে সুপ্রসিদ্ধ বঙ্গাধিকারীগণ আবির্ভূত হইয়াছিলেন। ইহারা সমাজে খাজুরডিহির মিত্র বংশ বলিয়া পরিচিত। ডাহাপাড়ায় বাস করেন বলিয়া ডাহাপাড়ার বঙ্গাধিকারী বলিয়া সর্বত্র পরিচিত। নরসিংহের অধস্তনঃ বর্ষ পুরুষে ভগবান রায় ও বঙ্গবিনোদ রায় নামে দুই মহাত্মা জন্মগ্রহণ করেন। বঙ্গবিনোদ রায় হইতে অষ্টম পুরুষ রাজা ব্রজেন্দ্রনারায়ণ রায় পর্য্যন্ত এই বংশ পুরুষাশ্রমে বঙ্গাধিকারী পদে অধিষ্ঠিত ছিলেন। বঙ্গাধিকারী পদ অধুনা Divisional Commissioner পদ অপেক্ষা উচ্চ ছিল। রাজস্ব-বিভাগে ইহাদের সর্ব শ্রেষ্ঠ ক্ষমতা থাকায় বাঙ্গলার জমিদার মাত্রই ইহাদের অশুভ ছিলেন। বঙ্গাধিকারীর অনুমতি ভিন্ন কোনও জমি-জমার বন্দোবস্ত হইতে পারিত না। বাদশাহ শাহ-জাহানের সময় হইতে ইষ্ট ইণ্ডিয়া কোম্পানির প্রাক্কাল পর্য্যন্ত বঙ্গাধিকারীগণই সর্বসর্বা ছিলেন।

উপরোক্ত নরসিংহের বংশেই ময়নাড়ালের মিত্র ঠাকুরগণ আবির্ভূত হইয়াছিলেন। ময়নাড়ালের মিত্র ঠাকুরগণের বিশেষত্ব হরিনাম সংকীর্তন। কেবল কীর্তন বলিয়া নহে, কত শাস্ত্রবিদ পণ্ডিত এই বংশ অলঙ্কৃত করিয়াছেন, কত সাধু ভক্তের আকির্ভাব হইয়াছে, তাহার পরিচয় ও বংশলতা এই গ্রন্থে বিবৃত হইয়াছে।

এই গ্রন্থে কাশ্যপ-গোত্র দত্ত বংশের যে পরিচয় বিবৃত হইয়াছে তাহাই এই গ্রন্থের বিশেষত্ব ও বিশেষ প্রণিধান যোগ্য। যিনি মুসলমান দিগের কবল হইতে হিন্দু-ধর্ম ও হিন্দু-সমাজকে রক্ষা করিয়াছিলেন, যিনি সামান্য জমিদার হইতে ধীরে ধীরে মন্তকোত্তলন করিয়া সমগ্র গোড়বঙ্গে একাধিপত্য লাভ করিয়াছিলেন, ছত্রপতি শিবাঙ্গী অথবা রাজা প্রতাপাদিত্য বহু চেষ্টায় যাহা করিতে পারেন নাই, দত্ত বংশজাত রাজা গণেশ সেই অসাধ্য সাধন করিয়া গিয়াছেন। রাজা গণেশের অভ্যুদয়ের বিস্তৃত ইতিহাস ও তাঁহার পূর্ব পুরুষগণের আত্মোপাস্ত বংশলতা ইহাতে প্রদত্ত হইয়াছে। ইহা বঙ্গবাসী প্রত্যেকেরই পাঠ করা কর্তব্য।

রাজা গণেশের জাতি বংশেই কেশ দত্ত বা কৃষ্ণ দত্ত

এবং বিষ্ণু বা বিষ্ণু দত্ত জন্ম গ্রহণ করেন। রাজা দত্ত উত্তরে নেপালের তরাই হইতে দক্ষিণে রাজসাহী পাদ-বিধৌত পদ্মা এবং পূর্বে করতোয়া এই বিস্তীর্ণ ভূ-ভাগের রাজস্ব বিভাগে সর্বশ্রেষ্ঠ পদে অধিষ্ঠিত থাকিয়া অসাধারণ প্রভুত্ব বিস্তারের সহিত ধনকুবের বলিয়া পরিচিত হইয়াছিলেন। তাঁহারই বংশে প্রসিদ্ধ বৈষ্ণবাচার্য্য ঠাকুর নরোত্তমের পিতা রাজা কৃষ্ণানন্দ ও তাঁহার ভ্রাতা 'গোড়াধিরাজ মহামাত্য' পুরুষোত্তম দত্ত জন্মগ্রহণ করেন। তাঁহাদের প্রভাব ও প্রতিপত্তির কথা এবং রাজা বিষ্ণু দত্তের বংশধর দিনাজপুর রাজ-বংশের প্রামাণিক ইতিহাস এই গ্রন্থে উজ্জ্বল ভাবে বর্ণিত হইয়াছে। কেবল রাজা বিষ্ণু দত্ত ও তাঁহার বংশধরগণ বলিয়া নহে, রাজা বিষ্ণু দত্তের ভ্রাতা কেশবদত্তের বংশধর পাটুলি, বাশবেড়িয়া ও সেওড়াফুলির রাজ-বংশ কিরূপ ধ্যাতি ও প্রতিপত্তি লাভ করিয়াছিলেন তাহাও এই গ্রন্থে বিবৃত আছে। এমন কি, পদ্মার দক্ষিণ তট হইতে বঙ্গোপসাগরের তট পর্য্যন্ত এই বংশের করায়ত্ত ছিল। অপর দিকে রাজা বিষ্ণুদত্তের জাতি থাকদত্ত পার্শ্ব-শাসন কাল হইতেই তাঁহাদের সাত পুরুষ পর্য্যন্ত সমগ্র ভাগলপুর জেলা ও পূর্ণিয়া জেলার অধিকাংশ কাননগুই রূপে শাসন-বিভাগে কর্তৃত্ব করিয়া গিয়াছেন, তাহারও পরিচয় বিবৃত হইয়াছে। গ্রন্থকার তাঁহার গ্রন্থের মুখবন্ধে যথার্থ লিখিয়াছেন— দত্ত বংশের ইতিহাস হইতে আমরা বেশ বুঝিতে পারি যে গোড়-বঙ্গের অধিকাংশ স্থানই এক সময় দত্ত বংশের শাসনাধীন ছিল। রাজা গণেশের ত কথাই নাই। তিনি সমস্ত গোড় বঙ্গের একচ্ছত্র অধীশ্বর হইয়াছিলেন, তাঁহার বংশ মুসলমান ও পরে তাঁহাদের রাজ্য লোপ হইলেও মোগল রাজত্ব কালে রাজা বিষ্ণুদত্ত ও তাঁহার পরবর্তী বংশধরগণ হিমালয়ের তরাই হইতে গঙ্গা ও পদ্মার উত্তর কূল পর্য্যন্ত, এবং বিষ্ণুদত্তের ভ্রাতা দেশ দত্তের বংশধরগণ উত্তরে গঙ্গা ও পদ্মা হইতে দক্ষিণে সমুদ্রকূল পর্য্যন্ত এবং পশ্চিমে বেহার সীমা হইতে সমগ্র ভাগলপুর জেলা থাক দত্ত ও তাঁহার বংশধরগণ কানুনগোরূপে শাসনদণ্ড পরিচালিত করিতেন। রাঢ়াগত দত্ত-ংশীয় ১ম দেবদত্ত হইতে রাজা গণেশের পুত্র পর্য্যন্ত এবং সেই সঙ্গে তাঁহাদের জাতি শ্রেষ্ঠ দত্ত বংশের বর্তমান জীবিত ব্যক্তি পর্য্যন্ত

ধারাবাহিক বংশলতা দেওয়া হইয়াছে তাহা সকলেরই দেখা উচিত।

দত্ত বংশের ঞায় উত্তররাঢ়ীয় সমাজের কাশ্যপ গোত্র দাস বংশ ও শান্তিল্য গোত্র ঘোষ বংশ বিশেষ প্রতিপত্তি লাভ করিয়াছিলেন। উক্ত দাস বংশেই সুপ্রসিদ্ধ রাজা সীতারাম রায় আবির্ভূত হইয়াছিলেন। সীতারাম ও তাঁহার পূর্বপুরুষ এবং অধস্তনগণের বিস্তৃত বংশ পরিচয় এই গ্রন্থে বর্ণিত হইয়াছে।

সীতারামের জীবন-কাহিনী পাঠ করিলে, তাঁহার অসাধারণ অধ্যবসায়, স্বদেশানুরাগ; কীর্ত্তি-কলাপ এবং সমাজ-শক্তি বৃদ্ধির প্রয়াস, মুসলমান শাসনে নিগৃহীত হিন্দু সমাজের পক্ষে বাস্তবিক গৌরবোদ্দীপক এবং জাতীয়-জীবন গঠনের উজ্জ্বল দৃষ্টান্তে যুক্ত হইতে হয়। মুসলমান ঐতিহাসিকগণ তাঁহাকে যে ভাবেই চিত্রিত করুন তিনি যে বাহুবলে স্বাধীন রাজ্য গঠন করিবার জন্তই অগ্রসর হইয়াছিলেন, তাঁহার জীবন-কাহিনী হইতে তাহার স্পষ্ট পরিচয় পাওয়া যায়। সীতারামের উত্থান ও পতনের ইতিহাস পাঠ করিলে মনে হইবে মহাপ্রাণ সীতারামের সাধু সঙ্কল্প বৃদ্ধিবার ও তদনুসারে কার্য করিবার লোকাভাব ছিল; কিন্তু হিন্দু জমিদারগণের তখনও মোহ কাটে নাই। শতাধিক বর্ষ মোগল শাসনে তাঁহাদের চিত্তবৃত্তি বিকৃত হইয়াছিল। উত্থানের আশা স্বাধীনতার জ্যোতিঃ তাঁহাদের হৃদয়-মন্দিরে প্রবেশ করিবার সুবিধা পায় নাই; বলিতে কি রাজা সীতারামের সহিতই বঙ্গের হিন্দু জাতির স্বাধীন হইবার শেষ আশা বিলুপ্ত হইয়াছিল।

এই বিস্তৃত সামাজিক ইতিহাসের সম্যক পরিচয় সাময়িক সংবাদ পত্রে প্রকাশ করা অসম্ভব। আশা করি বাঙ্গালী মাঝেই এই গ্রন্থ পাঠ করিয়া আপনাদের অতীত গৌরব পাঠে হৃদয়ে শক্তি ও প্রেরণা লাভ করিবেন।

বিদ্যুৎ সেনা (উপন্যাস)—শ্রীযুক্ত প্রফুল্লকুমার সরকার প্রণীত। গুরুদাস চট্টোপাধ্যায় এণ্ড সন্স (কলিকাতা) কর্তৃক প্রকাশিত। মূল্য দুই টাকা মাত্র।

বঙ্গদেশের সাহিত্য পড়িলে মনে হইবে সেখানে সারা বৎসরই বসন্ত ঋতু চলিতেছে। দধিনা পবন, ফুলের

নিঃশব্দ ও আকাশের নীলিমা—বার মাসের সেই একই কথা। কিছুদিন পূর্বে ভারতচন্দ্রের আদিরস ও কবি-ওয়ালাদের চিতানে প্রেমের দেবতার নানা উপচারে পূজা হইয়াছে। ইংরেজীর প্রভাবে মদনোৎসবের উৎকট অভিনয় থামে নাই, বরং বাহিরে কতকটা ঢাকা চাপা পড়িয়া প্রেমের এক নূতন ধরণের লুকোচুরি খেলা শুরু হইয়াছে। ফলশ্রুত ঞায় এই লীলা ভিতরে ভিতরে প্রাচীন নিরুত্তিমূলক আদর্শের ভিত ধ্বংসিয়া ফেলিতেছে। এদিকে দেশের চারিদিকে আশুন জলিয়াছে, সমাজ ভাঙ্গিয়া পড়িয়াছে, রাষ্ট্রনৈতিক প্রাচীন দেশের সমস্তটা যেন ডুবিয়া যাইতেছে;—শিশুরা কারা-বরণ করিতেছে, ছিন্ন কঙ্কার ঞায় লোক যথাসর্ব্বথ ফেলিয়া দিয়া, মরিয়া হইয়া দাঁড়াইয়াছে; মোল্লা ও পুরোহিত এ উহার টিকী ও দাড়ি ধরিয়া টানা-হেঁচড়া করিতেছে। কারাগার ভর্তি, দেশে দুর্ভিক্ষ, বন্যা, ভূমিকম্প ও দস্যুবৃত্তি। এই চতুঃসাগরী ঘোণের মধ্যে বসিয়া কবি ও লেখকেরা “ফাওনে আশুন” “গোলাপী গণ্ড,” এবং “কিশোরীর চুলের মূহলগন্ধের মধ্যে” নিজকে বিলাইয়া দিয়া নাচিয়া কুঁদিয়া হলা করিতেছেন। দেশের অবস্থা দেখিবার চক্ষু কি তাঁরা হারাইয়াছেন? রোম বধন পুড়িয়া যায়, নীরো তখন বীণা বাজাইয়াছিলেন। এই প্রেমচর্চা এখন আমাদের কাছে তেমনই বিসদৃশ মনে হয়। কতক দিনের জন্ত এই প্রেমবীরদের লেখনীওজন খামিলে মন্দ হয় না।

কিন্তু গ্রন্থকার যদি দেশকে প্রকৃত ভাল বাসেন, তবে দেশের মর্মান্তিক দুঃখের কথা তিনি ভুলিবেন কিরূপে? প্রফুল্লবাবু সম্প্রতি যে কয়েকখানি উপন্যাস লিখিয়াছেন, তাহাদের প্রত্যেকটি সামাজিক সমস্যা লইয়া। “বিদ্যুৎ সেনা” সমাজের কতকগুলি দিক লেখক চোখে আঙুল দিয়া দেখাইয়া দিয়াছেন। যুগ যুগ সঞ্চিত সংস্কার ও পাপ এখন সমাজকে সপ্তরথীর মত আক্রমণ করিয়াছে—ইহা হইতে আমাদের উদ্ধার করিবে কে? এই পাপে জাতি-ভেদ-সমস্তা তীব্র হইয়া পড়িয়াছে, ব্রাহ্মণত্বের দর্পবিভীষিকায় দাঁড়াইয়াছে। নিয়ন্ত্রণের লোকেরা পূর্বে ভক্তি, ধর্ম, বিশ্বাস ও শ্রদ্ধায় বাহা করিয়াছে, এখন কাঁধে হাত দিয়া জোর করিয়া তাহা-

দিগকে উহা করাইবে কে ? 'ব্রাহ্মণ' এই নামটি শুনিগেই পূর্বে ব্রাহ্মণের জাতির স্বকল্প উপস্থিত হইত। এখন তাহার উত্তর দিতে শিখিয়াছে। এখন ব্রাহ্মণের সে উপস্থিতি নাই, তাগ, সংঘ ও আদর্শ চলিয়া গিয়াছে ; এখন তাহার পৈতা দেখাইয়া অত্যাচার করিলে বরদাস্ত করিবে কে ?

পল্লীজীবন, যাহা পূর্বে শান্ত-সমাহিত ছিল, তাহা এখন অস্থির ও অসহিষ্ণু হইয়া উঠিয়াছে। পল্লীর স্বাস্থ্য-সমস্তা হইতেও এখন পল্লীর সমাজ-সমস্তা গুরুতর। প্রকুলবাবু তাঁহার নূতন উপন্যাস "বিদ্যুৎ লেখায়" এই সকল প্রসঙ্গ উপস্থাপন করিয়াছেন। এই সামাজিক উপস্থানের ফল সর্বাপেক্ষা বেশী পড়িয়াছে নারীর কোমল স্বভাবের উপর। মাতৃজাতির সহিষ্ণুতা যত অসীম, তাঁহাদের উপর অত্যাচার তত ভীষণ ; তাঁহারা সমস্ত তাগ ও নীরবে সহ্য করিতেছেন। এই অত্যাচার ও নীরব-সহিষ্ণুতা কিরূপ, 'মালতী'-চরিত্রে প্রকুলবাবু তাহা দেখাইয়াছেন। যে অত্যাচারের সামান্য তাগ সহ্য করিতে না পারিয়া তাহার পিতা বিপিন মুসলমান ধর্ম গ্রহণ করিল, এই মালতী কিন্তু সে সব চূপ করিয়া সহ্য করিল।—পুরুষ হইলে তাহা পারিত না। চন্দীদাসের কথায়—তাহার অবস্থা বলা যাইতে পারে— "এতক সহিল অবলা বলে, কাটিয়া যাইত পাষণ হ'লে।" তাহারও দেহে যৌবনাগম হইয়াছিল এবং প্রেমের আকর্ষণে স্বভাবগুণে সেও ধরা দিয়াছিল ; কিন্তু ফুলশরের আঘাত ছিল তাহার পক্ষে নীরবে সহিবার। যে প্রেম চিত্তকে তীর্থে পরিণত করিয়া শত সুখমায় পরি-শোভিত করে, তাহা তাহার নিকট হইয়াছিল যেন মস্ত বড় অপরাধ। সেই নিষ্পাপ হৃদয়ের স্বভাবজন্য অনাবিল ভাব তাহার পক্ষে বড় গুরুতর সমস্তার সৃষ্টি করিয়াছিল। সে কিছু না বলিয়া শুধু কাঁদিয়া একদিন চিত্ত-ভার লঘু করিয়াছিল। এই চিত্রটি লেখক অতি আড়ালে রাখিয়া দেখাইয়াছেন। এখানে তাঁহার সংঘম প্রশংসনীয়, তরুণ লেখকদের অনুকরণীয়।

আমাদের সমাজ, পাপেতাপে জীর্ণ। এই কঙ্ক গঙ্গা কোম ভগীরথের শব্দ নিনাদে গতিশীল হইবে ? এই সমাজের উদ্ধার করিবে কে ? যিনি সে ভার লইবেন, তাঁহার চাই ধরিবার মত সহিষ্ণুতা, ধৃষ্টের ক্ষমা ও চৈতন্যের

প্রেম। এত বড় পাপ জন্মিয়াছে যে, ইহা দূর করিতে যিনি চেষ্টা করিবেন, তাঁহার কত বড় সাধনা ও পুণ্য লইয়া রণক্ষেত্রে অবতীর্ণ হইতে হইবে, "বিজয়ের" চরিত্রে প্রকুলবাবু তাহা দেখাইয়াছেন। বিজয়ের মত যুবকেরা হয় তো ভাবী বন্ধের সমাজের দায় গ্রহণ করিবার জন্য প্রস্তুত হইতেছেন। লেখক যাহাদের পূর্বাভাস দিয়াছেন, সেই অনাগত প্রেমিকগণ পরকৃত শত অপরাধের শাস্তি স্বৈচ্ছায় মাথায় লইয়া, উদার, বিশাল, ক্রমাশীল বক্ষ বিস্তার করিয়া হয় তো শীঘ্রই আবির্ভূত হইবেন। তাঁহাদের কর্ম-নিরত, পরসেবাত্রিত হস্তের গতি ধামাইতে পারে, এরূপ পীড়াদায়ক যন্ত্র এখনও উদ্ভাবিত হয় নাই,—তাহাদের বক্ষপঞ্জর নিষ্পেষিত করিতে পারে, এরূপ লৌহের হাতুড়ি এখনও গঠিত হয় নাই। এই উপন্যাসখানি সেই স্বদেশ-প্রেমিক নির্ভীক বীরগণের আগমনী গাহিয়াছে।

পুস্তকখানির মনোজ্ঞ ভাষা। দেশহিত-সঙ্কল্প ও করুণায় ভরপুর কাহিনী পাঠকের চিত্তকে আর্দ্র ও উন্নত করিবে। আমরা বড়ই দুর্বল ও হীন হইয়া পড়িতেছি ; অনূয়া ও ঘৃণার দ্বারা যতই বিচ্ছিন্ন হইয়া পড়িতেছি, ততই অপর ধর্মাবলম্বীদিগকে, হিন্দুত্বের শেষ চিহ্ন ভগত হইতে মুছিয়া ফেলিবার সুযোগ দিতেছি, গ্রন্থের এই প্রধান প্রতি-পাত্ত বিষয়টি পাঠকদের মনে স্বতঃই মুদ্রিত হইবে এবং আমরাও তাঁহাদের দৃষ্টি এই বিষয়ের প্রতি বিশেষভাবে আকর্ষণ করিতেছি।

শ্রীদীনেশচন্দ্র সেন

কবিকথা

বিগত সন ১৩২২ সালে সুপ্রসিদ্ধ সাহিত্যিক ও ঐতি-হাসিক শ্রীযুক্ত নিখিল চন্দ্র রায় বি, এল মহাশয়ের কবিকথা প্রথমখণ্ড প্রকাশিত হইয়াছিল। এই বিরাট গ্রন্থে ভারতের কবিকুল-চূড়ামণি কাশিদাসের ও মহাকবি ভবভূতির নাটক সমূহ ও ১৩২৬ সালে কবিকথার ২য় খণ্ড প্রকাশিত হয় তাহাতে মহাকবি ভাস্কর সমস্ত নাটকগুলি উপস্থাপনাকারে অনূদিত হইয়াছিল। সংস্কৃত সাহিত্যের প্রতি অধুনা অনুরাগের যথেষ্ট হ্রাস হইয়াছে, বিশ্ববিদ্যালয়ের পাঠ্য ব্যতীত সংস্কৃত কাব্য নাটকাদি অতি অল্প লোকেই পাঠ করিয়া

থাকেন। যাহারা বিদেশীর মুখে স্বদেশের মহাকবিগণের অমরলেখনীর সমালোচনা পাঠ করিয়া পরিতুষ্ট হয় তাহাদের মত হতভাগ্য আর কে আছে? ইউরোপের সমস্ত সভ্য-জগত পৃথিবীর যেখানে যে অমূল্য সাহিত্য ও রত্ন আছে তাহার মাতৃভাষায় অনুবাদ করিবার নিজেদের সাহিত্য ভাণ্ডার পূর্ণ করিয়া থাকে। আমাদের বঙ্গ ভাষারও পরিপুষ্টে এইরূপে যথেষ্ট সাধিত হইতে পারে। এক্ষেত্রে সংস্কৃত ভাষার অমূল্য নাটক সমূহের এই মনোরম আখ্যায়িকাকারে অনুবাদ আমাদের বঙ্গ-সাহিত্যের যথেষ্ট পুষ্টি সাধন করিয়াছে।

কবিকথার প্রথমখণ্ডে মহাকবি কালিদাসের

- (১) অভিজ্ঞান শকুন্তল,
- (২) বিক্রমার্ক্ষশীও
- (৩) মালবিকাগ্নিমিত্র এবং ভবভূতির
- (৪) মহাবীর চরিত,
- (৫) উত্তর রাম চরিত ও

(৬) মালতীমাধব এই ছয়খানি শ্রেষ্ঠ নাটকের আখ্যায়িকা আকারে লিখিত হইয়াছে। এই গ্রন্থ-প্রণয়নের সময় গ্রন্থকার বোম্বাইয়ের ও বঙ্গদেশের প্রকাশিত সংস্কৃত নাটক-গুলির আলোচনা করিয়াছেন, তন্মিন্ন বিদ্যাসাগর মহাশয়ের শকুন্তলা, লোহারাম শিরোরত্নের মালতীমাধব, জ্যোতিরীন্দ্রনাথ ঠাকুরের নাটকানুবাদ এবং Wilson's Theatre of the Hindus ও আলোচনা করিয়াছেন। ইহা নাটকগুলির হুবহু অনুবাদ নহে, বঙ্গ-ভাষায় সেগুলির আখ্যায়িকাকারে রূপান্তর। ইহাতে কবির কোন কথাই পরিত্যক্ত হয় নাই অথচ Lamb's Tales from Shakespeare এর জায় ধারাবাহিক উপন্যাসাকারে রচিত হইয়াছে। ইহাতে দুইখানি ত্রিবর্ণ ও চারিখানি একবর্ণ হাফটোন ছবি আছে।

যে অমূল্য নাটকাবলী বহু দিন যাবৎ বিশ্বতির সাগর-তলে নিমজ্জিত ছিল ও ত্রিবাঙ্কুরের মহারাজা ও পণ্ডিত গণপতি শাস্ত্রীর প্রচেষ্টায় যাহা লোকচক্ষুর গোচর হইয়াছে সেই মহাকবি ভাসের মনোরম নাটকাবলীর আখ্যায়িকাকারে অনুবাদ কবিকথা ২য় খণ্ডে লিখিত হইয়াছে। এই খণ্ডে

- (১) প্রতিজ্ঞা যোগেন্দ্রায়ণ (২) স্বপ্নবাসবদন্ত (৩) অবিমারক
- (৪) চারুদত্ত (৫) প্রতিমা (৬) অভিষেক (৭) বালচরিত

(৮) মধ্যম (৯) পঞ্চরাত্র (১০) দূতকাব্য (১১) দূতঘটোৎকচ (১২) কর্ণভার ও (১৩) উরুভঙ্গ-ভাসের এই ত্রয়োদশ খানি নাটক আখ্যায়িকাকারে লিখিত হইয়াছে। ইহাতে একখানি ত্রিবর্ণ ও ৫খানি ১ বর্ণ হাফটোন ছবি আছে। গ্রন্থকার ত্রিবাঙ্কুরের গভর্নমেন্টের অনুমোদন-ক্রমে এই কার্যে হস্তক্ষেপ করেন। সে সময় ভাসের নাটকাবলীর কোন টীকা আবিষ্কৃত বা লিখিত হয় নাই সুতরাং নিখিলবাবু অত্যন্ত পরিশ্রম করিয়া এই দুঃসাধ্য কার্য সম্পূর্ণ করিয়াছেন। এই নাটকগুলির কোন অংশই পরিত্যক্ত হয় নাই এবং আমরা যতদূর দেখিয়াছি অনুবাদে কোথাও একটুকুও ভুল বা ভ্রান্তি নাই। এইরূপ নির্ভুল ও নির্দেবে আখ্যায়িকাকারে অনুবাদ প্রকৃতই অত্যন্ত প্রশংসার বিষয়। ইতিমধ্যে ইহার ২১টি আখ্যায়িকা লইয়া রঙ্গমঞ্চে অভিনয় হইয়াছিল। ত্রীযুক্ত অপারেশনাল মুখোপাধ্যায় মহাশয় বাসবদত্তা নাটকাকারে লিখিত ষ্টার রঙ্গমঞ্চে অভিনয় করেন এবং গণেশ অপেরা নামক অপেরা কোম্পানি ইহার প্রতিমা নাটক-অবলম্বন কৈকেয়ী নাটকের গীতাভিনয় করিতেছেন। সুতরাং আশা করি যে দেশবাসী নিখিলবাবুর এই প্রচেষ্টার যথেষ্ট সম্মান প্রদর্শন করিবেন।

গাছপালার গল্প—ত্রীহেমেন্দ্রকুমার ভট্টাচার্য্য

এম এ—মূল্য দেড় টাকা

ত্রীহেমেন্দ্রকুমার ভট্টাচার্য্য মহাশয়-লিখিত 'গাছপালার গল্প' পড়িলাম। এইরূপ পুস্তকের অভাব না হইলেও প্রয়োজন আছে। ভট্টাচার্য্য মহাশয়ের লিখিত গল্পী সহজ, সরল ও অভিনব। পুস্তকের অধিকাংশ চিত্র তিনি নিজেই অঙ্কিত করিয়াছেন বলিয়া নির্ভুল ও বিজ্ঞানসম্মত হইয়াছে। উদ্ভিদ বিজ্ঞানের কোন আদর্শ পরিভাষা নাই বলিয়া ভট্টাচার্য্য মহাশয় তাহার পূর্ববর্তী লেখক ও বঙ্গীয় সাহিত্য-পরিষৎ-কর্তৃক প্রবর্তিত শব্দ ব্যবহার করিয়াছেন ও নিজেও পরিভাষা সৃষ্টি করিতে বাধ্য হইয়াছেন। কতকগুলি পরিভাষার নির্বাচন ভাল হয় নাই। দুই একটি দৃষ্টান্ত দিলাম—'বীজদল', 'পত্রাঙ্কুর', 'পুষ্পবেষ্টন', 'বীজাধার'। 'দাঁতভাঙ্গা ও গালভরা শব্দও দুই একটি পড়িলাম, যেমন 'গণসংযুক্ত রোম' ও পচ্যমান জৈব পদার্থজাত উদ্ভিদ।' শেষের কথাটি যেন চারু গুহ মহাশয়ের অভিধানে

দেখিয়াছিল। বান্ধলা প্রভি শব্দ থাকে সবেও দুই একটি ইংরাজী শব্দ তিনি ব্যবহার করিয়াছেন ; যেমন— 'এসিড' ও 'ওসমোসিস'। দুই এক জায়গায় লিখিত অংশের পরিভাষার সহিত ছিত্র চিত্রিত পরিভাষার অমিল লক্ষিত হইল।

গ্রন্থকার ভূমিকায় লিখিয়াছেন এবং পড়িয়া দেখিলাম, তিনি কতিপয় প্রাদেশিক শব্দ ব্যবহার করিয়াছেন। তাহার সার্থকতা কি, বুঝিলাম না। কতকগুলি উদ্ধৃত করিয়া দিলাম।

'গাছের ডালা', 'পাতার বটা', 'ফুলের বটা', 'চেপ্টা পাশাল অংশ' ও 'নিয়া আস'।

দুই এক জায়গায় ভাষা আড়ষ্ট হইয়াছে, যেমন—

'দাদার সাথে', 'ঠিক মধ্যখানে', 'নিয়া আসিয়াছ', 'নিয়া পরীক্ষা করিলে', 'স্বতা স্বতার মত', 'মাটির উপর ভাসিয়া উঠে'

পুস্তকের ছাপা, বাঁধাই, ও বিশেষ করিয়া মুখপত্রটি বড়ই সুন্দর হইয়াছে।

বইটি কাহাদের জন্য লেখা? উত্তরে লেখক বলিয়াছেন— "প্রশ্নবহুল মনটি যাদের সদাই কিছু শিখতে চায় তাদের তরে এই যে প্রয়াস—"

কতকগুলি সচিত্র প্রশ্ন মুখপত্রে দেওয়া হইয়াছে।

সে গুলি উদ্ধৃত না করিয়া থাকিতে পারিলাম না—

"এ দুটি কি তেঁতুল চারায়।

আলোর দিকে গাছ কেন যায় ॥

ডুমুর সে ফল, ফুল কোথা তার।

মূল কোথা এই স্বর্ণলতার ॥

কি লাভ গাছে কাঁটা থাকায়

যট কেন বা পাতার ডগায় ॥

সূর্যমুখীর একটা ফুলেই ফুল থাকে কেন রাশি রাশি।


শিমূল তুলার বলগুলি কেন হাওয়ায় বেড়ায় ভাসি ভাসি ॥

বং শানুক্রমিতা— শ্রীহরিনাথ চট্টোপাধ্যায়।

বাকুড়া। মূল্য দুই টাকা। ১৩৩৭।

ফরাসী গ্রন্থকার Th. Ribot প্রণীত d' la Heredite নামক গ্রন্থের বঙ্গানুবাদ। বংশগত গুণাগুণ মানুষের মধ্যে কিরূপে সংক্রামিত ও বিকসিত হয়, তাহাই গ্রন্থকার আলোচ্য বিষয়। আলোচ্য বিষয়টি বহু দিক হইতে বিদেহ ভাবে বিশেষ বিশ্লেষণমূলক পন্থায় উপস্থিত করা হইয়াছে। অধ্যায়গুলির উল্লেখ করিলেই বিষয়টির পরিচয় পাওয়া যাইবে। ইতর প্রাণীর বুদ্ধির বংশানুক্রমিতা, জ্ঞানেন্দ্রিয় ও স্পর্শ, দর্শন, শ্রবণ, স্রাবণ, আনন্দ ইত্যাদি ইন্দ্রিয়ের বংশানুক্রম এবং স্মৃতিশক্তি, কল্পনাশক্তি, বুদ্ধিবৃত্তি, ভাব, কাম, ক্রোধ ইচ্ছাশক্তি, জাতীয় চক্রি, অসুস্থ মনোবৃত্তি ইত্যাদির বংশানুক্রম; বংশানুক্রমের নিয়ম, সীমা ও ব্যতিক্রম এবং ইহার নৈতিক ফলাফল ও সামাজিক প্রভাব, ইত্যাদি বহু বিভাগে বিষয়টি বিভক্ত। অনুবাদক মহাশয় অত্যন্ত যত্নের সহিত বিষয়টি পাঠকগণকে উপহার দিয়াছেন। বান্ধলা সাহিত্যে এই জাতীয় বৈজ্ঞানিক আলোচনামূলক পুস্তকের অত্যন্ত অভাব। সেই অভাব কিয়ৎ পরিমাণে বিদূরিত করিয়া অনুবাদক বান্ধলা পাঠকগণের কৃতজ্ঞতাভাজন হইয়াছেন। অনুবাদের ভাষায় স্থানে স্থানে দোষ আছে। তাড়াতাড়ি প্রকাশ করিতে যাওয়ায় এইরূপ ত্রুটি থাকিয়া গিয়াছে বলিয়া মনে হয়।





পুষ্পের গন্ধ

[শ্রীঅশেষচন্দ্র বসু বি-এ]

যে সৌরভের নিমিত্ত পুষ্পের এত আদর এবং যে গন্ধের জন্য প্রশ্ন কবি-কল্পনায় এত গৌরব লাভ করিয়াছে, সে গন্ধের প্রকৃতি বা স্বরূপ বোধ হয় সাধারণে বিদিত নহেন। বৈশাখ মাসের “পঞ্চপুষ্প” আমি “পুষ্পের বর্ণ-সমগ্রা” বিষয়ে কিঞ্চিৎ সমাধান করিতে প্রয়াস পাইয়াছি। বর্ণের সহিত গন্ধের অঙ্গাঙ্গী সম্বন্ধ আছে বলিয়া এক্ষণে গন্ধের বিষয়ে কিঞ্চিৎ বলিব।

ঘ্রাণশক্তি সম্পূর্ণরূপে পুষ্ট না হইলে গন্ধের বিচার করা বধিরের মূর আলোচনার মত কঠিন হইয়া পড়ে। আমরা এক্ষণে নানা প্রকার দৈহিক অবনতির সহিত ঘ্রাণশক্তিও অনেক পরিমাণে হারাইয়া ফেলিয়াছি। পূর্বে আমাদের ঘ্রাণশক্তি বিশেষ প্রখর ছিল। আমাদের পূর্বপুরুষেরা যখন অসভ্য অবস্থায় ছিলেন, তখন তাঁহারা এই ঘ্রাণেন্দ্রিয়ের সাহায্যে বনের মধ্যে হারাণ পথ খুঁজিয়া বাহির করিতেন; ঘ্রাণের সাহায্যে আম মাংসের আশ্বাদ বুঝিতেন এবং গন্ধ দ্বারা দ্রব্য চিনিয়া লইতেন। তখন তাঁহাদের ঘ্রাণশক্তি ফক্সটেরিয়ার বা ব্লডহাউণ্ডের মত প্রখর ছিল। এখনও আফ্রিকার অসভ্য জাতিদের মধ্যে ঘ্রাণশক্তি প্রখর আছে। ঘ্রাণেন্দ্রিয়ের সাহায্যে তাহারা অনেক কৰ্ম সম্পাদন করে বলিয়া ইহার অপকর্ষতা ঘটিতে পারে নাই। যাহা হউক আমাদের এই দুর্বল ঘ্রাণেন্দ্রিয়ের সাহায্যে পুষ্প-সৌরভের বিষয়ে যতটুকু জানিতে পারা গিয়াছে তাহাই এখানে সংক্ষেপে আলোচনা করিব।

প্রথমে দেখা যাক পুষ্পের মধ্যে গন্ধের উদ্দেশ্য কি? পরাগ-গম্বিলনের সহায়তার নিমিত্ত নানারূপ পতঙ্গকে প্রলুব্ধ করিয়া আনাই সৌরভের মুখ্য উদ্দেশ্য। পুষ্পের মধ্যে বর্ণের উদ্দেশ্যও এইরূপ। তবে বর্ণ ও গন্ধের মধ্যে যে তারতম্য আছে তাহা পরে বলিব। কীট-পতঙ্গকে প্রলুব্ধ করিবার নিমিত্ত বর্ণ ও গন্ধ ব্যতীত পুষ্প পরিমল ও পরাগের উৎপত্তি হইয়া থাকে। এই পরিমল ও পরাগ ভোজনের ব্যপদেশে সংকরণ করিবার সময় কীট-পতঙ্গের

বর্ণ ও গন্ধের দ্বারাই আকৃষ্ট হইয়া উড়ানে আসিয়া উপস্থিত হয়।

কীট-পতঙ্গকে আকৃষ্ট করিতে বর্ণ ও গন্ধের মধ্যে কোনটির প্রভাব অধিক ইহা লইয়া উদ্ভিদতত্ত্ববিদদিগের মধ্যে নানারূপ মতবৈধ আছে। তাঁহারা যাহাই বলুন একটু অনুধাবন করিয়া দেখিলেই বোধ হয় যে কীট-পতঙ্গকে কুসুমের নিকট আমন্ত্রণ করিয়া আনিতে গন্ধের শক্তিই অধিক। ডারউইনের “Cross and Self-fertilisation of Plants” নামক পুস্তকে দেখা যায় যে, সুরভি কুসুম-স্তবককে সূক্ষ্ম মসলিন বস্ত্র দ্বারা আবৃত করিয়া রাখিলেও তাহার উপর পতঙ্গ আসিয়া উপস্থিত হয়। এ স্থলে বস্ত্রদ্বারা পুষ্পের বর্ণ ঢাকিয়া ফেলিলেও প্রশ্নওঠে অলির আগমনে কোনও বাধা জন্মায় না; সুতরাং পুষ্প-সন্ধানে বর্ণই যে অলির প্রধান সঙ্কেত তাহা নিশ্চয় করিয়া বলা যায় না।

দূর হইতে মধুমক্ষিকা প্রভৃতি গন্ধদ্বারাই আকৃষ্ট হইয়া উপস্থিত হয় এবং উড়ানের সন্নিকটে আসিলেই ফুলের বর্ণ তাহাদের পরাগ ও পরিমলের আগারে লইয়া উপস্থিত করে। পুষ্পের উপর যে লাল বা অন্য বর্ণের ছিট ছিট দাগ দেখিতে পাওয়া যায় অনেকের মতে—উহাই অলি বা প্রজাপতির গর্ভকেশরের নিম্নে মধু সন্ধানের পথ-সঙ্কেত মাত্র। বাটার বাগানের চারিধারে সঞ্চ করিয়া যে কেনা ফুলের গাছ রোপণ করা হয় সে কেনা ফুলের মধ্যে এই ছিট দাগ সুন্দররূপে দেখিতে পাওয়া যায়। পাপড়ীর উপর বর্ণের ছিট তত গভীর হয় না—কিন্তু ফুলের মধ্যের ছিটগুলি খুব গভীর হইয়া একেবারে ভিতরে নামিয়া যাইতে দেখা যায়। ফুলের যে স্থানে মধু থাকে অনেক ফুলে সে স্থানের বর্ণ খুব গভীর উজ্জ্বল বর্ণের হইয়া থাকে। এই বর্ণই সেখানে অলি প্রভৃতিকে মধু-তাণ্ডারের পথ-নির্দেশ করিয়া দেয় বলিয়া অনুমান করা যায়।

তবে কীট-পতঙ্গের বর্ণজ্ঞান যে কতটা পরিশুট সে

বিষয়েও অনেক সন্দেহ আছে। আমাদের দর্শনেঞ্জিয়ের বেরূপ বর্ণবোধ আছে কীট-পতঙ্গের সেরূপ নাই, কারণ তাহাদের চক্ষুর স্নায়ু ও রেটিনা আমাদের মত নয়; সুতরাং কীট পতঙ্গেরা যে আমাদের মত বর্ণরশ্মি অনুভব করিতে পারিবে—তাহা বোধ হয় না। কিন্তু উহাদের ভ্রাণ-শক্তি যে অতীব প্রখর তাহা নানারূপ পরীক্ষায় জানা গিয়াছে। এমন কি আমরা যে সব ফুলের গন্ধ অনুভব করিতে পারি না, পতঙ্গেরা সেই সব সৌরভ অনুভব করিয়া পুষ্পের অন্বেষণ করিয়া থাকে। অনেক সময় দেখা যায়—যে ফটকের উপর বর্ণহীন পুষ্প-স্তবক পত্রাবলীর মধ্যে লুক্কায়িত থাকিলেও এবং তাহার কোন গন্ধ আমরা অনুভব করিতে না পারিলেও মধুমক্ষিকারা বহুদূর হইতে সে সৌরভ অনুভব করিয়া পুষ্পের মধ্যে আসিয়া উপস্থিত হয়। এই অদ্ভুত ভ্রাণ শক্তির দ্বারাই বিশেষ বিশেষ কুম্মকে বিভিন্ন প্রকারের পতঙ্গ কাননে নির্বাচন করিয়া লয়। এ বিষয়ে কদাচ তাহাদের ভ্রম হইতে দেখা যায় না।

ডারউইনের উক্ত পুস্তকে মধুমক্ষিকা প্রভৃতির ভ্রাণ-শক্তি বিষয়ে আর একটি দৃষ্টান্ত প্রদর্শিত হইয়াছে। প্রসিদ্ধ উদ্ভিদতত্ত্ববিদ Nageli একবার কতকগুলি কাগজের কৃত্রিম ফুলকে পুষ্পরন্ধের বিভিন্ন শাখায় স্বাভাবিক ফুলের মত যথা স্থানে বাধিয়া রাখিয়া তাহার কতকগুলির মধ্যে উৎকৃষ্ট পুষ্পসার বা এসেন্সের ছুই এক বিন্দু করিয়া মাখাইয়া দিয়াছিলেন। কিয়ৎকালের পর দেখা গেল যে, কাগজের যে ফুল গুলিতে এসেন্স মাখান হইয়াছিল সেই ফুল গুলিতেই মধুমক্ষিকা আসিয়া উপবেশন করিয়াছে; কিন্তু যে গুলিতে এসেন্স দেওয়া হয় নাই সে গুলিতে কোন পতঙ্গ আসে নাই। ইহাতে গন্ধের আকর্ষণ শক্তির যে, বিশেষত্ব আছে তাহাতে আর কোনও সন্দেহ থাকিতে পারে না। ডারউইন আবার কতকগুলি ফুলের পাপড়ি ছিন্ন করিয়া দিয়া দেখিয়াছিলেন যে পাপড়িহীন পুষ্পেও অনিরা উড়িয়া আসিয়াছিল ফুলে রঙ্গীন পাপড়ী না থাকায় মধুমক্ষিকাদের আগমনে কোন বাধা জন্মায় নাই। ইহাতেও বর্ণ অপেক্ষা গন্ধেরই প্রাধান্য প্রমাণিত হয়।

সাধারণতঃ খুব রঙ্গীন ফুলে গন্ধ থাকে না। জবা, রঙ্গণ, ক্যানা, শিমুল, পলাশ প্রভৃতিই এ বিষয়ে উল্লেখ-যোগ্য। আবার রঙ্গীন ফুলে গন্ধ থাকিলেও তাহার উগ্রতা

থাকে না যেমন করবী, কলিকা প্রভৃতি। খেত বর্ণের কুম্মেই অধিক স্থানে গন্ধ বেশী থাকে। বেগ, যুই, গন্ধরাজ, রঙ্গনীগন্ধা প্রভৃতি ইহার দৃষ্টান্ত স্বরূপ দেখান যাইতে পারে। তবে সব সাদা ফুলে গন্ধ থাকে না। ডারউইন হিসাব করিয়া দেখাইয়াছেন যে শতকরা প্রায় ১৪.৬ রকম সাদা ফুলে বেশ গন্ধ থাকে লাল ফুলের মধ্যে শতকরা প্রায় ৮.২ টী ফুল সৌরভযুক্ত হইয়া থাকে।

পুষ্পবিদেরা পুষ্পের সৌরভ লইয়া অনেক গবেষণা করিয়াছেন। তাহারা পুষ্পের মধ্যে প্রায় পাঁচশত বিভিন্ন প্রকার সৌরভ নির্ণয় করিয়াছেন এবং এই সকল সৌরভকে পাঁচটি পর্যায়ের বিভক্ত করিয়াছেন। এই পঞ্চ-পর্যায়ের নাম indoloid, aminoid, paraffinoid, terpenoid এবং benzoloid। ইহাদের মধ্যে প্রথম পর্যায়ভুক্ত অর্থাৎ indoloid শ্রেণীর গন্ধ অতি নিকৃষ্ট। এই পর্যায়ভুক্ত পুষ্পের গন্ধ পচা মাচ-মাংস, পচা মদ, পচা তামাক প্রভৃতির মত হইয়া থাকে। এই সকল ফুলের বর্ণও নিম্প্রভ ও বিবর্ণ হয়। পল্লীগ্রামের বন-বাদাড়ের ঘ্যাটকোল ইহার উৎকৃষ্ট দৃষ্টান্ত। সর্বাপেক্ষা : benzoloid শ্রেণীর গন্ধই অতি উৎকৃষ্ট হইয়া থাকে। বেগ, যুই, গন্ধরাজ, রঙ্গনীগন্ধা, গোলাপ প্রভৃতি এই শ্রেণীভুক্ত। অধিক সংখ্যক ফুলে paraffinoid অর্থাৎ নেবুর মত গন্ধই অনুভূত হইয়া থাকে।

অনেক সময়ে আবার ফুলের গন্ধে মিশ্র সৌরভ অনুভব করা যায়। আমাদের সুপরিচিত গোলাপ ইহার উৎকৃষ্ট দৃষ্টান্ত। paraffinoid অর্থাৎ নেবুর গন্ধযুক্ত ফুলে benzoloid শ্রেণীর গন্ধ মিশ্রিত থাকিতে দেখা যায়। এই মিশ্র-গন্ধের মধ্যে মধুর মিষ্ট গন্ধও বিমিশ্রিত থাকে। নানাভাষীয় গোলাপের মধ্যেই মিশ্র-গন্ধের সমাবেশ দেখিতে পাওয়া যায়। সাধারণ গোলাপ ও কাট-গোলাপের গন্ধের মধ্যে তুলনা করিলে ইহা বুদ্ধিতে পারা যাইবে। রক্ত-গোলাপ, (গোলাপী) গোলাপ, সাদা গোলাপ ও হলুদে গোলাপের গন্ধের মধ্যে অনেক প্রকার মিশ্রণ আছে। এই মিশ্র-গন্ধের বিচার ভ্রাণেঞ্জিয়ের উৎকর্ষতার উপরেই নির্ভর করে। সময় বিশেষে একই পুষ্পের মধ্যে গন্ধের তারতম্য দেখিতে পাওয়া যায়। একই পুষ্পে প্রভাত, পূর্বাহ্ন, মধ্যাহ্ন ও


অপরাত্নের গন্ধে অনেক ইতর বিশেষ হইয়া থাকে। আবার সন্ধ্যা, নিশীথ ও রজনীর শেষ যামে পুষ্পের-সৌরভের মধ্যে বৈলক্ষণ্য লক্ষিত হয়। সৌরভ বিকীরণের মধ্যেও আবার এক রহস্য নিহিত আছে। কীট-পতঙ্গের আগমন কাল ও সন্ধ্যা সময়ের সহিত পুষ্পের সৌরভ বিকীরণের নিকট সন্ধক লক্ষিত হইয়া থাকে। যে সময় কীট-পতঙ্গেরা তাহাদের আশ্রয়স্থান করে, সেই সময়েই কুসুমের পাপড়ীর মধ্যে সুরভি ভাঙারের দ্বারা উন্মোচন করিয়া থাকে। অথবা পুষ্পের সৌরভ-বিকাশের সময়ানুযায়ীই কীট পতঙ্গেরা তাহাদের আশ্রয়স্থান পরিত্যাগ করিয়া পুষ্পের অশেষণে উড়িতে আরম্ভ করে। এ বিষয়ে Kerner and Oliver এর "Natural history of Plants" নামক গ্রন্থে একটি দৃষ্টান্ত দেখান হইয়াছে। একজন বৈজ্ঞানিক একটি পতঙ্গকে পরীক্ষার নিমিত্ত সিন্দুর মাখাইয়া এক স্থলে পৃথক করিয়া রাখিয়াছিলেন। সারা দিবস পতঙ্গটি স্থির ভাবে অবস্থান করিয়াছিল। কিন্তু সন্ধ্যা হইবামাত্রই পতঙ্গটি বার কতক শুঁড় নাড়িয়া ছয় শত হস্ত দূরস্থিত এক হনিসকুল এর ঝোপে সোজানুজি উড়িয়া গিয়া বসিয়াছিল।

সাধারণতঃ সন্ধ্যার সময়েই অধিক সংখ্যক পুষ্পের সৌরভ বাহির হইয়া থাকে। বাগানে বেল ও যুঁই ফুলের গাছ থাকিলে সন্ধ্যা হইতেই বাগানগন্ধে ভরিয়া যায়। জাপানী হাসনা-হেনার গন্ধ রাত্রে অত্যন্ত তীব্র হইয়া থাকে। কিন্তু দিনের বেলায় আদৌ গন্ধ থাকে না। দিবসে যুঁই, বেলের গন্ধও একেবারে না থাকার মত হইয়া থাকে। এমন কি ঝিঙ্গে ও শশা ফুলের মধ্যেও আমি এ রীতি লক্ষ্য করিয়াছি। সন্ধ্যার প্রাকালে ঝিঙ্গে ফুলে লেবুর গন্ধের মত একটি উগ্র ও মিষ্ট গন্ধ বাহির হইয়া থাকে এবং তাহাদের গন্ধকের মত পীতবর্ণের মধ্যেও ফস্ফরাসের মত একটা বেশ উজ্জ্বলতা আসিয়া থাকে। এই

উজ্জ্বল পীতবর্ণ ও parffinoid গন্ধে নানাপ্রকার পোকা আকৃষ্ট হইয়া থাকে।

অনেক পুষ্পের সৌরভ ৬৭টা হইতে বাহির হইতে আরম্ভ করিয়া মধ্যরাত্রি অবধি বেশ প্রধর থাকে। মধ্য-রাত্রির পরে আবার গন্ধের উগ্রতা ধীরে ধীরে হ্রাস হইয়া পড়ে। পুষ্পের উদ্দেশ্য সিদ্ধ হইলেই অর্থাৎ পুংকেশর হইতে গর্ভকেশরে পরাগ চালিত হইয়া গেলেই পুষ্পের গন্ধের আর তত প্রয়োজন হয় না। সুতরাং পরাগ-সম্মিলনের পরেই গন্ধের সহিত বর্ণের প্রভাব কমিয়া আসে। সেই কারণে বাসি ফুলে গন্ধ ও বর্ণের লালিত্য থাকে না। আবার যে সকল কুসুমে মধুমক্ষিকা ও প্রজাপতির বিহার করে সে সব ফুল দিবসে বিকসিত হইয়া থাকে এবং সারা দিবস বিশেষতঃ সকালে সৌরভ বিকীরণ করিয়া সূর্যাস্তে গন্ধহীন হইয়া পড়ে। বিলাতী সূগন্ধী লতা ক্লোভারের (ornamental clover) স্তবক হইতে দিবসে সুমিষ্ট গন্ধ বাহির হইয়া থাকে কিন্তু সন্ধ্যার সময় মধুমক্ষিকার চক্রে প্রত্যাবর্তন করিলে উহারা একেবারে গন্ধহীন হইয়া পড়ে। এ স্থলে মধুমক্ষিকার আগমন ও প্রস্থান কালের সহিত ক্লোভারের সৌরভ বিকীরণের কালের নিকট সন্ধক দেখিতে পাওয়া যায়।

পুষ্পের সৌরভ আবার অনেক সময়ে নিকট অপেক্ষা দূরে তীব্র হইয়া থাকে। লেবু ও ড্রাক্কা ফুলের মধ্যে এই বৈশিষ্ট্য লক্ষিত হইয়া থাকে। ফুলের সমস্ত বাতাপীলেবু গাছের তলায় বসিলে তত গন্ধ পাওয়া যায় না কিন্তু বিশ ত্রিশ হাত দূরে বেশ গন্ধ পাওয়া যায়। অনেকে অনুমান করেন যে বায়ু-চালিত হইয়া যাইবার কালে বায়ুস্থিত জল-কণিকা ও অল্পজ্ঞান প্রভৃতির দ্বারা গন্ধকণিকার মধ্যে পরিবর্তন সংঘটিত হইয়া থাকে এবং সেই অব্যক্ত ও জটিল রাসায়নিক পরিবর্তনের উপরেই গন্ধের উগ্রতা নির্ভর করে।



আলাপ-আলোচনা

অক্সফোর্ডে কবীন্দ্র রবীন্দ্রনাথের হিবার্ট বক্তৃতা দেওয়া শেষ হইয়াছে। হার্ডভার্ড-ইনস্টিটিউটে ঐ বক্তৃতা দিব্যর পর শরৎকালে তাঁর পুস্তক মুদ্রিত হইবে। তাঁর পাণ্ডিত্য, তাঁর কবিতাময়ী ইংরেজী রচনা, তাঁর কৰ্ণধর, তাঁর বক্তৃতার ভঙ্গীমা তাঁর আকৃতি—সমস্ত দেখিয়া অক্সফোর্ড মুগ্ধ হইয়া গিয়াছে। স্তর মাইকেল স্টাডলার বলিয়াছেন, ‘আমরা ইহা কখনও ভুলিব না।’ আমাদের কাছে কবীন্দ্রের এই সম্বন্ধনা ও অভ্যর্থনা প্রভৃতি নূতন নয়, পাশ্চাত্যের লোক তাহা ভাল করিয়া উপলব্ধি করুক।

কবীন্দ্র নূতন কলা-বিদ্যায় রত হইয়াছেন। লেখনীর পরিবর্তে এখন তুলির দিকে ঝাঁক দিয়াছেন। চিত্র বিদ্যাতেও তিনি কিরূপ প্রতিভা দেখাইয়াছেন, তাহার প্রমাণ স্বরূপ এ-কথা বলিলেই যথেষ্ট হইবে, প্যারিসের দক্ষ ও অভিজ্ঞ চিত্র-সমালোচকেরা তাঁর ছবির উচ্চ প্রশংসা করিয়াছেন। প্যারিসে ও ইংলণ্ডের বহুস্থানে তাঁর অঙ্কিত চিত্র সমূহ প্রদর্শিত হইয়াছে।

বর্তমানে দেশের অবস্থা-সম্পর্কে তিনি অনেক কথা বলিয়াছেন। তিনি বলিতে চান যে, কোন দিন কেহ যন্ত্র বা দেহের শক্তিতে কাহাকেও জয় করিতে পারিবে না। হৃদয়ের প্রেম দিয়া যতদিন না হৃদয়কে আকর্ষণ করা হইবে, ততদিন কিছুই হইবে না। অস্ত্রের ক্ষতে প্রলেপ দিতে হইলে সহানুভূতির সহিত ঔষধের ব্যবস্থা করা চাই।

দেশী জিনিস যতদূর সম্ভব সকলের ব্যবহার করা উচিত এ বিষয়ে তর্কের স্থান নাই। এই সং-কার্যে ছলনা চলিবে না। এমন অনেক লোককে আমরা জানি, বাহারা বিলাতী পণ্যের ব্যবসা করেন, কিন্তু বাহারা খন্দর পরেন না তাহাদিগকে দেখিলে তাহারা মারিতে আসেন। ইহাকে প্রবঞ্চনা বা ছলনা ছাড়া আর কি

বলিব? খন্দর-পরা কেবল ক্যান্সান হইলে যারপর নাই ছুঃখের কথা, খন্দর পরিবার আগে মন ও প্রবৃত্তিকে খন্দর-পরিধান করিবার যোগ্য করিতে পারা চাই।

১৯২৭-২৮ সালে ভারতবর্ষে কত মূল্যের বিলাতী দ্রব্য আসিয়াছিল, তাহার কিঞ্চিৎ পরিচয় নিয়ে দেওয়া গেল :—

কাপড় ও সূতা	কোটা	লক্ষ
	৭১	২০ টাক
সিগারেট ও চুরুট	২	২০ ”
ঔষধ	১	২৮ ”
ডাক্তারি ও রাসায়নিক যন্ত্রাদিঃ		৪৬ ”
কল-কল্লা	১৫	২৩ ”
ইঞ্জিন মোটর, কল	৬	১৭ ”
মোটর গাড়ী	৩	৫৩ ”

অষ্টম সংখ্যায় ‘বিজলী’ পত্রিকায় শ্রীযুক্ত অচিন্ত্য-কুমার সেনগুপ্তের ‘অমাবস্তা’ সমালোচনা-প্রসঙ্গে শ্রীযুক্ত লীলাময় রায় লিখিয়াছেন—‘চণ্ডীদাসের পর থেকে আমাদের সাহিত্যে প্রেমের কবিতা ছিল না।’ রবীন্দ্রনাথ তাঁর পরে প্রেমের কবিতা যাহা লিখিয়াছেন লেখকের মতে তাহা ‘অবাস্তুর প্রেমের কবিতা।’ সুতরাং লেখকের সিদ্ধান্ত ‘অচিন্ত্যকুমার চণ্ডীদাসের নিকটতম উত্তরাধিকারী।’ তিনি দয়া করিয়া স্বীকার করিয়াছেন যে, ‘রবীন্দ্রনাথের পরে খুচরো প্রেমের কবিতা দু’ চারিটি লেখা হয়েছে—বেশীর ভাগ পত্নী-বিরহ।’

লেখকের কোন বিষয়ে কৃতিত্বের প্রশংসা করিব ভাবিয়া পাইতেছি না। রবীন্দ্র-সাহিত্যে তাঁর অদ্ভুত জ্ঞানকে, বাঙ্গালা সাহিত্যে প্রেমের কবিতার সংবাদ রাখিবার বাহাদুরীকে, না চণ্ডীদাসের ওয়ারিশ

আবিষ্কারকে। এই রকম লেখা কি করিয়া 'বিজলীর' মত পত্রিকায় ছাপা হয়, যেখানে সম্পাদক হচ্ছেন সুকবি শ্রীযুক্ত বারীন্দ্রকুমার ঘোষ। বেচারি অচিন্তাবাবুকে এমন লজ্জায় ফেলিবার কারণ কি? অচিন্তাবাবু নিশ্চয় এই প্রবন্ধ পাঠ করিয়া লীলাময়ের কাণ্ড দেখিয়া বলিয়াছেন, "এরূপ বন্ধুর হাত থেকে ভগবান আমার রক্ষা কর।"

লাহোরে তাবৎ এসিয়ার মহিলাদের যে সম্মেলন হইবার কথা হইয়াছে তাহার দিন স্থির হইবার সংবাদ আমরা এখনও পাই নাই। সম্মেলনের কার্য নিশ্চয়ই ইংরেজী ভাষায় পরিচালিত হইবে, কারণ, আরব, চীন জাপান প্রভৃতি দেশের মহিলারাও সম্মেলনে উপস্থিত থাকিবেন। তাহা হইলে খুব শিক্ষিত নারীদের ছাড়া আর কোন মহিলাদের ঐ সম্মেলনে যোগ দেওয়া সম্ভব হইবে কি প্রকারে?

বরিশালের 'কাশীপুর নিবাসী' বাঙ্গালীর গৌরব বৃদ্ধি করিল। রায় সাহেব প্রতাপচন্দ্র যুথোপাধ্যায় নব্বই বৎসর বয়সে 'কাশীপুর নিবাসী'র পঞ্চাশ বৎসরের উৎসব করিলেন। সাংবাদিকের এমন সম্মুখজনক উদাহরণ আর কৈ? প্রথমে এই 'কাশীপুর নিবাসী' হস্ত-লিখিত হইয়া প্রচারিত হইত। একবার রায় সাহেব ইহার পরিবর্তে 'স্বদেশী' নামক কাগজ বাহির করিয়া ছিলেন। এই ব্যতিক্রমটুকু বাতীত আজ পঞ্চাশৎ বৎসর কাল 'কাশীপুর নিবাসী' পাঠকের মনোরঞ্জন করিয়াছে।

অন্য দিকেও রায় সাহেব প্রতাপচন্দ্র বৈশিষ্ট্য দেখাইয়াছেন। তিনি গবর্ণমেন্টের চাকরী করিতেন; আজ পঁয়তাল্লিশ বৎসর পেন্সন পাইতেছেন। তাহার দানশীলতার ও মহানুভবতার অনেক পরিচয় আছে। আমরা প্রার্থনা করি, বাঙ্গালার সাংবাদিকেরা রায় সাহেব প্রতাপচন্দ্রের জায় দীর্ঘজীবী হন এবং বাঙ্গালার সংবাদপত্রগুলি যেন কাশীপুর-নিবাসীর মত আয়ুলাভ করে।

এই বৎসর লইয়া তিন বৎসর অক্সফোর্ডের নিউগেট কাব্য-পুরস্কার মহিলারাই লাভ করিলেন! এ বৎসর যিনি ঐ পুরস্কার পাইয়াছেন তাহার নাম কুমারী জোসেফাইন গিল্ডিং, বিষয়ের নাম ছিল—'ডিডেলাস'।

জ্যৈষ্ঠ মাসের 'প্রবাসীতে' শ্রীমতী শ্বেহসুধা গুপ্ত 'মায়ের প্রতি'—শীর্ষক প্রবন্ধে কয়েকটি-সমীচীন কথা লিখিয়াছেন। আমরা সকলকে ঐ প্রবন্ধটি পড়িতে বলি। তিনি বলিয়াছেন,—'প্রত্যেক মা যদি মেয়েদের কতকগুলি বিষয়ে উপযুক্ত সময়ে সাবধান ক'রে দেন, আর মেয়েদের রক্ষার বিষয়ে নিজেরাও যথেষ্ট সাবধান হ'ন, তা হ'লে মেয়েদের প্রতি অত্যাচার অনেকটা কমতে পারে। আমার যতদূর মনে হয়, মেয়েদের অনভিজ্ঞতা ও অসাবধানতায় অনেক স্থলে মেয়েরা নিগৃহীত হচ্ছে।'

অন্যত্র তিনি বলিয়াছেন, "যে-সব মেয়েরা বড় হ'য়ে উঠছে তারাই বেশী নিগৃহীত হচ্ছে। তাদের সম্বন্ধে মেয়েদের নিম্নলিখিত বিষয়গুলিতে সাবধান হওয়া দরকার:—

- (১) মেয়ে যে বড় হ'য়ে উঠছে সে-বিষয়ে তাকে সচেতন ক'রে দিতে হবে।
- (২) মেয়েদের গতিবিধি সম্বন্ধে অতিশয় সতর্ক থাকতে হবে।
- (৩) পুরুষের বিশেষতঃ আত্মীয় পুরুষের সঙ্গে কি ভাবে মিশতে হবে তা মেয়েকে ব'লে দিতে হবে, আর তাদের মেশামেশির দিকে সতর্ক দৃষ্টি রাখতে হবে।
- (৪) পোষাক-পরিচ্ছদের শালীনতার দিকে দৃষ্টি রাখতে হবে।

'ম্যানকেস্টার গার্ডেন' ভারতের বর্তমান অবস্থা সম্বন্ধে ডাক্তার আনী বেসান্তের অভিমত জানিতে চাহিলে তিনি স্পষ্টই বলিয়াছেন, ভারতবর্ষকে উপনিবেশ করিয়া দিবার ব্যবস্থা এখনই করা চাই, না করিলে যে গোলযোগের সৃষ্টি হইবে তাহার আর শেষ হইবে

না। 'রাউন্ড টেবিল'-সম্মিলনে সর্ভগুলি নির্ধারিত হওয়া চাই; ভারতবর্ষ ধৈর্যের সীমা অতিক্রম করিয়া এমন অবস্থায় আসিয়া পড়িয়াছে যে, এখন উহা না পাইলে ভাল হইবে না। তাঁহার মতে ভারতবর্ষ সাম্রাজ্যের ভিতর থাকিতে ইচ্ছুক, যদি ঔপনিবেশিকের মত এখনই অধিকার পায়। প্রশ্ন-কর্তাও তাঁহাকে 'এখনই' শব্দ তিনি কি অর্থে ব্যবহার করিতেছেন জানিতে চাহিলে উত্তরে তিনি বলেন, সর্ভগুলির খসড়া এখনই করিতে হইবে এবং দিবার মতলবলটা স্পষ্ট করিয়া জানাইয়া দিতে হইবে।

শ্রদ্ধেয়া ডাঃ আনি বেসান্ত ভারতের ও ইংলণ্ডের মঙ্গলকামী। বহুকাল তিনি ভারতবর্ষে বাস করিয়া আসিতেছেন। ভারতের অবস্থা-সম্বন্ধে তাঁহার মত যে খুব বেশী দামী তাহা কি আর কাহাকেও বলিয়া দিতে হইবে? বহু জানী, মানী ভারতবাসী শুধু তাঁহাকে শ্রদ্ধার চক্ষে দেখেন না, তাঁহাকে গুরুর আসন দিয়া থাকেন। তিনিও তাঁহাদের আশা-আকাঙ্ক্ষার সহিত সম্পূর্ণভাবে পরিচিত। গত ৫ই জুন তারিখে Committee of the House of Commonsএ বহু পর্যালোচনার সদস্যদের নিকট তিনি ভারত-সম্বন্ধে একটি বক্তৃতা করেন। সেখানেও তিনি ভারতবাসীকে এখনই ঔপনিবেশিক অধিকার দিতে বলেন। তাঁর বিশ্বাস ভারতবর্ষ ও ইংলণ্ড একত্র থাকিলে ও উভয় দেশবাসীর অধিকারের সমতা থাকিলে ভবিষ্যতে সভ্যতা উজ্জ্বলতর হইবে। আর যদি ইংলণ্ড ভারতকে শীঘ্র এই অধিকার না দেয়, তাহা হইলে ভারতবর্ষকে সাম্রাজ্যের মধ্যে রাখিতে পারা যাইবে না।

পার্শীদিগের করতীরা প্রধান পুরোহিত High priest দম্বর ডক্টর দল আমেরিকা, জাপান ও চীনে প্রত্নতত্ত্ব বিষয়ক অনুসন্ধান-কার্য শেষ করিয়া দেশে ফিরিয়াছেন। কলোম্বিয়া বিশ্ববিদ্যালয় তাঁহার গুণের পুরস্কার স্বরূপ

তাঁহাকে 'ডক্টর অব লেটার্স' এই সম্মানই উপাধিতে ভূষিত করিয়াছেন।

পার্শী বিমানচালক মিষ্টার এন্স পি ইঞ্জিনিয়ার সম্প্রতি একটি বিমান-চালনায় হিজ হাইনেস আগা খাঁর ৫০০ পাউণ্ড পুরস্কার পাইয়াছেন। তাঁহাকে করাচীতে সম্বর্ধিত করা হইয়াছে। তাঁহার গুণমুগ্ধ স্বদেশবাসী তাঁহাকে একখানি ছোট রৌপ্য বিমান প্রদান করিয়াছেন। তিনিই ভারতবাসীর ভিতর প্রথম বিলাত হইতে ভারতবর্ষে একাকী বিমানপথে চলিয়া ভারতবাসীর পথ প্রদর্শক হইয়াছেন।

এই প্রতিযোগিতায় দৈব-দুর্ভিক্ষপাকে যে ভারতবাসী পুরস্কার প্রাপ্ত হইবার যোগ্য নয় বলিয়া বিবেচিত হন তাহার নাম সর্দার মনোমোহন সিং। ইনি বিলাত হইতে ৮ই এপ্রেল তারিখে বিমানে চড়েন এবং ১২ তারিখে সেন্ট রামবর্দ নামক স্থানে তাহার যন্ত্রটি বিগড়াইয়া যায়। যন্ত্রটিকে মেরামত করিয়া লইতে তিন সপ্তাহ সময় লাগে। ক্রয়ডন হইতে পার্শী বিমান-চালক মিঃ ইঞ্জিনিয়ার তাঁহার বিমানে একসঙ্গে চলিতে থাকেন, ইহাতে পার্শী চালক সিংএর অপেক্ষা চারি দিনের সময় বেশী পান। তারপর আফ্রিকায় দুই জন চালকের প্রতিযোগিতায় চলে এবং সিং প্রথম স্থান অধিকার করিয়া পার্শী চালকের দুই দিন পূর্বে ভারতে আসিয়া পৌঁছেন।

দুর্ভাগ্যের বিষয় পরীক্ষকেরা সিংকে পুরস্কার পাইবার উপযুক্ত বলিয়া বিবেচনা করেন না, কারণ পুরস্কারের সর্বের মধ্যে একটি সর্ভ ছিল যে, এই ভ্রমণ চারি মাসের মধ্যে শেষ করিতে হইবে। সিংএর সময় কয়েক দিন অধিক লাগিয়াছিল। যাহা হউক সুপ্রসিদ্ধ খেলোয়াড় পাতিয়ালাধিপতি সর্দার মনোমোহন সিংকে খিলাৎ ও ১৫০০০ পনের হাজার টাকা পুরস্কার দিয়া সম্বর্ধনা করিয়াছেন।

মাসপঞ্জী

১শা জ্যৈষ্ঠ—বোম্বাইয়ে শ্রীযুক্ত রঙ্গস্বামী আয়েকারের সভাপতিত্বে ভারতীয় সংবাদপত্র-সম্মিলনের অধিবেশন ও অর্ডিভ্যান্স সঙ্কে প্রতিবাদ।

২রা জ্যৈষ্ঠ—ময়মনসিংহে পুলিশের সহিত কংগ্রেস স্বেচ্ছা-সেবকদিগের সংঘর্ষ ও বহু স্বেচ্ছাসেবক আহত। কলিকাতায় ও অন্যান্য স্থানে অনেক সংবাদপত্র প্রকাশ আরম্ভ। বোম্বাইয়ে কংগ্রেস-বুলেটিন প্রচার বন্ধ।

শ্রীযুক্তা সরোজিনী নাইডুর নেতৃত্বে সত্যাগ্রহিণী কর্তৃক ধরাস্মার লবণ-গোলা অপিকারের প্রচেষ্টা।

৩রা জ্যৈষ্ঠ—বোম্বাইয়ের শ্রীযুক্তা কমলাদেবী চট্টোপাধ্যায় ধৃত এবং ৯১০মাস বিনাপ্রম কারাদণ্ডে দণ্ডিত। মহাত্মা গান্ধীর সহিত সাফাংলাভের জন্ত মোলানা মহম্মদ আলীর অনুমতি প্রার্থনা।


৪ঠা জ্যৈষ্ঠ—বুলসরে শ্রীযুক্তা নাইডু ও স্বেচ্ছাসেবক-দল ধৃত ও পরে মুক্ত। ধরাস্মায় স্বেচ্ছাসেবকদিগের অভিযান।



শ্রীযুক্তা নিঠলভাই প্যাটেল—ধরাস্মাকে সমগ্র ভারতের আন্দোলন-কেন্দ্র করিবার অভিযান প্রকাশ করেন।

৫ই জ্যৈষ্ঠ—ওয়াদালায় পুলিশ ও স্বেচ্ছাসেবকগণের সংঘর্ষ এবং ৪৭২ জন গ্রেপ্তার।

৬ই জ্যৈষ্ঠ—মাদ্রাজে দাঙ্গা—পুলিশ কর্তৃক সভা বন্ধের চেষ্টা, প্রকাশ্যে বোমা নিক্ষেপ। শোলাপুর হাঙ্গামার বিবরণ গবর্নমেন্ট প্রকাশিত করেন।




আব্বাস তায়েবজী—মহাত্মার পর নেতৃত্ব গ্রহণপূর্বক ধরাস্মা অভিযানে ধৃত হইয়া কারাদণ্ডে দণ্ডিত হইয়াছেন। গ্রেপ্তারকালে বৃদ্ধ তায়েবজী সহস্র বদনে আত্মদমর্পণ করেন।

৭ই জ্যৈষ্ঠ—ময়মনসিংহ হাঙ্গামায় সিটি স্কুল হইতে ৪০ জন এবং বরিশাল ও তমলুকে মদের দোকানে পিকেটীংএর জন্ত অনেকে ধৃত। কলিকাতা রোটারী ক্লাবে মিঃ রেমফ্রী কর্তৃক নূতন হাওড়া সেতু বিষয়ে বক্তৃতা।

৮ই জ্যৈষ্ঠ—ধরাস্মায় শ্রীযুক্তা সরোজিনী নাইডু গ্রেপ্তার। বোম্বাইয়ে শ্রীযুক্ত নরীমান পুনরায় ধৃত। যারবেদা জেল হইতে মহাত্মা গান্ধী কর্তৃক গোল টেবিলে যোগদানের সর্ভাবলি প্রকাশিত।

৯ই জ্যৈষ্ঠ—পুলিশ কর্তৃক উন্টাডি সত্যাগ্রহ-শিবির ভগ্ন হইয়া ওয়াদালায় অভিযানে সত্যাগ্রহিণী ধৃত। বোম্বাই গবর্নমেন্টে ধরাস্মা লবণ-গোলা আক্রমণের বিবরণ প্রকাশ করেন।



শ্রীযুক্ত বল্লভভাই প্যাটেল

১৪ই জ্যৈষ্ঠ—বোম্বাইয়ে মুসলমান ও পুলিশের সংঘর্ষ। উর্টাদি সত্যাগ্রহ-শিবির সরকার কর্তৃক বাজেয়াপ্ত। লক্ষ্যে ভীষণ দাঙ্গা। পুলিশ-চৌকীতে আগুন লাগাইবার চেষ্টা। পুলিশ কর্তৃক গুলি বর্ষণ ও ১৮ জন গ্রেপ্তার।

ঢাকায় হাঙ্গামার ফলে বহু দোকান ভস্মীভূত। বহু হিন্দু-মুসলমান আহত। লাহোরে পণ্ডিত মালব্যাজী ধৃত ও পরে মুক্ত। রেস্কুনে ভীষণ হাঙ্গামা; প্রায় ১০০০ জন আহত ও ৫২ জন নিহত।

১৫ই জ্যৈষ্ঠ—উর্টাদি-সত্যাগ্রহ-শিবির স্বেচ্ছা-সেবকদিগের দ্বারা পুনরধিকৃত। ঢাকার হাঙ্গামার ফলে শহরে ভীষণ অশান্তি। বোম্বাইয়ে মহাত্মা গান্ধীর প্রতি সম্মান প্রদর্শনার্থ পাণী ও অন্নাচ্ছ সম্প্রদায়ের বিরাট শোভাযাত্রা।

১০ই জ্যৈষ্ঠ—শ্রীযুক্তা নাইডুর ৯ মাস কারাদণ্ডের আদেশ। কাঞ্চনজঙ্ঘা-অভিযানকারীদের বিপদ। ঢাকায় হিন্দু-মুসলমানের দাঙ্গার ফলে বহু লোক আহত। বোম্বাইয়ে ৬০ জন স্বেচ্ছাসেবক গ্রেপ্তার।

১১ই জ্যৈষ্ঠ—কলিকাতা কর্পোরেশন আফিসে দেশবন্ধু চিত্তরঞ্জনের প্রতিকৃতি উন্মোচন। ঢাকায় ভীষণ হাঙ্গামা। ব্রাহ্মণবেড়িয়ার ছুর আক্কেল রহিমের প্রতি ১৪৪ ধারার নোটিশ জারী। লক্ষ্যে মিসেস মিত্র গ্রেপ্তার।


১২ই জ্যৈষ্ঠ—ঢাকার দাঙ্গার ফলে পুলিশের গুলিবর্ষণে ৬ জন নিহত। কলিকাতা টাউনহলে স্বরাজী কাউন্সিলারদিগের কার্যের প্রতিবাদকল্পে মুসলমানদিগের বিরাট সভা।

১৩ই জ্যৈষ্ঠ—পেশোয়ার দাঙ্গা সম্বন্ধে গবর্নমেন্টের তদন্ত আরম্ভ। লাহোরে প্রেস-অর্ডিন্যান্স বিষয়ে শ্রীযুক্ত প্যাটেলের বক্তৃতা। ধরান্নায় বহু স্বেচ্ছাসেবক গ্রেপ্তার।

করাচীতে ভারতীয় বণিক-সভ্যের বিলাতী দ্রব্য বর্জননের সংকল্প।



শ্রীযুক্তা সরোজিনী নাইডু—প্রবীণ আকাস তায়েবজীর গ্রেপ্তারের পর শ্রীযুক্তা নাইডু নেতৃত্বভার গ্রহণ করেন এবং ধরান্নায় আক্রমণ কালে ধৃত হইয়া ৯মাস কারাদণ্ডে দণ্ডিত হইয়াছেন। নেতৃত্ব গ্রহণকালে তিনি বলিয়াছিলেন, “আমি এখন নারী নহি—একজন সৈন্যবাহিনী।”




শ্রী মদনমোহন মালব্য—বিলাতী দ্রব্য-বর্জন-আন্দোলনে মালব্যজী বিশেষ কৃতকার্য হইয়াছেন। পুলিশের আইন অমান্ত করিয়া পেশোয়ারে গমনকালে ইনি ধৃত হন, কিন্তু পরে আবার মুক্তি পান।

শ্রীযুক্তা কমলাদেবী চট্টোপাধ্যায়—বোম্বাইয়ে নারী-আন্দোলন এবং প্রচার-কার্যে ব্যাপৃত থাকায় শ্রীযুক্তা কমলাদেবী ৯। মাস কারাদণ্ডে দণ্ডিত হইয়াছেন।



শ্রীযুক্তা কস্তুরীবাই গন্ধী—বোম্বাইয়ে পিকেটিং এবং নারী-আন্দোলন হৃৎসহভাবে চালাইয়া আসিতেছেন।

শ্রীযুক্ত কে, এক, নরীমান—মুক্তি পাইয়াই পুনরায় আইন-অমান্ত-অপরাধে ধৃত হইয়া কারাদণ্ডে দণ্ডিত হইয়াছেন।



শ্রীযুক্ত পূর্ণচন্দ্র দাস—বঙ্গীয় আইন-অমান্ত-সমিতির সম্পাদকরূপে কার্য করার পুলিশ-কর্তৃক গ্রেপ্তার হইয়াছেন।

১৬ই জ্যৈষ্ঠ—বিলাতী-বন্দ-বর্জন সম্বন্ধে পণ্ডিত মন্ডল নেহরুর অভিমত। বেসুনের অবস্থা শান্তিপূর্ণ। পেশোয়ারে তদন্ত-কমিটির রিপোর্ট প্রকাশিত। লন্ডনে মিসেস মিত্রের ৬ ম স কারাদণ্ড।

১৭ই জ্যৈষ্ঠ—ধরাস্মার পুলিশের সহিত সত্যগ্রহি-গণের সংঘর্ষ ও বহু সত্যগ্রহী আহত।

১৮ই জ্যৈষ্ঠ—ঢাকা শহরের অবস্থা শঙ্কাজনক। শহরের সর্বত্র লুটতরাজ ও দাঙ্গা। সতীন সেনের পুনরায় প্রায়োপবেশন। ঢাকায় হাট-বাজার বন্ধ। সরকারী

টেলিগ্রাম বাতীত অপর টেলিগ্রাম বন্ধ। পোষ্ট অফিসের কাজও প্রায় অচল।

১৯শ জ্যৈষ্ঠ—বঙ্গীয় আইন অমান্ত সমিতির সম্পাদক শ্রীযুক্ত পূর্ণচন্দ্র দাস গ্রেপ্তার। লাহোরে একটি বাটীতে বোমা আবিষ্কার। বড়লাট কর্তৃক নূতন অর্ডিন্যান্স জারি।


২০শ জ্যৈষ্ঠ—ধরাস্মার লবণগোলা আক্রমণকারীদের সহিত পুলিশের সংঘর্ষ ও সত্যগ্রহিগণ আহত। ওয়াদালায় ১৩২ জন খেচ্ছাসেবকের কারাদণ্ড। চট্টগ্রামে পুনরায় আর্মারি আক্রমণ। দিল্লীতে মোলানা আমেদ সৈয়দ কর্তৃক মুসলমানগণকে কংগ্রেসে সাহায্য করিবার জন্ত আহ্বান।

২১শ জ্যৈষ্ঠ—দিল্লীতে চাঁদনী চকে ভীষণ অগ্নিকাণ্ড ; প্রায় ১৫ লক্ষ টাকার ক্ষতি।

২২শ জ্যৈষ্ঠ—ছগনলাল যোশী কর্তৃক ধরাস্মার লবণ-গোলা আক্রমণ বর্ষার জন্ত বন্ধ রাখিবার আদেশ।

২৩শ জ্যৈষ্ঠ—ধরাস্মার শেষ আক্রমণ এবং বহু সত্যগ্রহী আহত। মিস্ মনিবেন প্যাটেলের আহ্বানে পুলিশের নীতির প্রতিবাদ সভা। বোম্বাইয়ে ইউরোপীয় দোকানে পিকেটীং।

২৪শ জ্যৈষ্ঠ—ভারতের গভর্নমেন্ট কর্তৃক কাটিয়া-বাদ রাজ্যে সত্যগ্রহ দমন করিবার জন্ত সাহায্য প্রার্থনা।



বঙ্গ-চিত্র

অন্নকষ্ট, জলকষ্ট, ম্যালেরিয়া, গৃহকলহ— এই চারিটিই বাঙ্গলা দেশের সনাতন দুঃখ। এই দুঃখ নিবারণের জন্ত আমরা রাজশক্তির মুখের দিকে চাহিয়াই হাহাকারে দিন কাটাইতেছি; আত্মশক্তি উদ্বোধনের চেষ্টাই করি না। অল্প শক্তি ও অল্প অর্থ ব্যয়ে যে অভাব দূর করা যায়, তাহার জন্ত পরমুখাপেক্ষী হওয়া দুর্বলতার পরিচায়ক। এই দুর্বলতা আমাদেরকে পরিহার করিতেই হইবে। অনেক সময়ে আমরা গ্রামবাসিগণ সম্মিলিত পরিশ্রমে অল্প খরচে ইঁদারা কাটাইয়া জলকষ্ট দূর করিতে পারি। কিন্তু আমরা তাহা করি না বলিয়া এই দুঃসংবাদ এখনও জানা যায়—

গীধগ্রামে জলকষ্ট

বর্ধমান জেলার কাটোরা মহকুমার অন্তর্গত গীধগ্রাম একটা দরিদ্র গ্রাম। এই স্থানে পানীয় জলের উপযুক্ত পুষ্করিণী নাই বলিলেও অভুক্তি হয় না। প্রতি বৎসরই গ্রীষ্মকালে ভয়ানক জলকষ্ট উপস্থিত হয় এবং বৎসর বৎসর এই সময় বিস্মৃতিকা রোগে আক্রান্ত হইয়া বহু লোক মৃত্যুমুখে পতিত হইয়া থাকে। এই বৎসরেও এই রোগে বহু লোক মারা যাইতেছে। এই গ্রামে টিউবওয়েল ও ইন্দারার বিশেষ প্রয়োজন হইয়া পড়িয়াছে। জলকষ্ট নিবারণ না হইলে গ্রামটী কয়েক বৎসরের মধ্যে ধ্বংসমুখে পতিত হইবে; সুতরাং আমাদের অনুরোধ যেন বর্ধমান জেলাবোর্ড এই বিষয়ে বিশেষ ভাবে দৃষ্টিপাত করিয়া এই দরিদ্র গ্রামবাসিগণকে ধ্বংসের মুখ হইতে রক্ষা করেন।

— শক্তি

অন্নকষ্ট, জলকষ্ট ব্যতীত আর একটা কষ্টে গ্রামবাসিগণ প্রসীড়িত। তাহা কদর্য্য রাস্তাঘাটের কষ্ট। এ বিষয়েও আমরা সম্পূর্ণ পরমুখাপেক্ষী। অবশ্য বড় বড় রাস্তা সরকারের সাহায্য ব্যতীত সংস্কৃত হওয়া দুষ্কর; কিন্তু এমনও দেখা যায় যে, মাত্র দুই গাড়ী মাটী ফেলিয়া দিলে গ্রামের কোন পাড়ার একটা ছোট রাস্তা সুগম হইয়া যায়, তথাপি গ্রামবাসিগণ মিলিত হইয়া এ কাজ করে না। বাহা হউক, এ সম্বন্ধে একটা শুভ সংবাদ আছে—

বাঙ্গলা দেশের রাস্তার উন্নতি।—ভারতবর্ষের রাস্তাঘাটের উন্নতির জন্ত ভারত গভর্নমেন্টের উদ্যোগে বিভিন্ন প্রদেশে বোর্ড গঠিত

হইয়াছে। বাঙ্গলা দেশের জন্ত এবৎসর ১৩ লক্ষ ২০ হাজার টাকা দেওয়া হইয়াছে। বঙ্গীয় রোড বোর্ড এবৎসর কলিকাতা যশোহর রোড, বারানত ডায়মণ্ড হারবার রোড, গ্র্যাণ্ডট্রাঙ্ক রোড, চট্টগ্রাম আরাকান ট্রাঙ্ক রোড, ঢাকা নারায়ণগঞ্জ রোড, পাবনা ঈশ্বরানী রোড, মাগুরা ঝিনাইদা চুরাডাঙ্গা রোড, বর্ধমান আরামবাগ রোড চণ্ডা করা হইবে, সেতুগুলি চণ্ডা করা হইবে এবং সম্ভব মত রাস্তার উপর পাথর দেওয়া হইবে। এক গ্র্যাণ্ড ট্রাঙ্ক রোডের কাজেই ৪ লক্ষ টাকা খরচ হইবে।

--সঞ্জীবনী

যে-সমস্ত কষ্টের উল্লেখ করিলাম, তাহা দ্বারা বঙ্গদেশ কেবল প্রসীড়িত নহে, ধ্বংসপ্রাপ্ত হইতেছে। এই ধ্বংস-লীলার সঙ্গে ভগবানের অভিশাপ মাঝে মাঝে মিলিত হইয়া বাঙ্গালীর জীবন জর্জরিত করিয়া তুলিতেছে। তাহার দৃষ্টান্ত—

নদীগর্ভে ভীষণ দুর্ঘটনা

গত ১৫ই বৈশাখ রাত্রিকালে পাবনার নিকটে ধনুনা নদীতে প্রায় তিনশত বাত্রিনহ “কণ্ডা” নামক ষ্টীমার ভীষণ ঝটিকাবর্ধে পতিত হইয়া জলমগ্ন হইয়াছে। ঐ ষ্টীমারে গোয়ালন্দের ডাক এবং মাল বোঝাই ছিল। স্থানীয় স্বেচ্ছাসেবক এবং কর্ম্মদিগের চেষ্টায় মাত্র কুড়ি জন যাত্রীর প্রাণ রক্ষা হইয়াছে। ডাকের ব্যাগসহ মেল সর্টারগণের সলিল সমাধি হইয়াছে।

—হিতবাদী

এই বিড়ম্বিত-জীবন বাঙ্গালীর সুদিন কবে আসিবে কে বলিতে পারে? বর্তমানে ভারত-ব্যাপী যে আত্মনির্ভরতা লাভের চেষ্টা চলিতেছে, সে চেষ্টার উদ্বোধন বাঙ্গালীই প্রথমে করিয়াছিল। বাঙ্গালীর মধ্যে মহৎ প্রতিভাশালী ব্যক্তির অভাব নাই। সম্প্রতি সেইরূপ দুইটা সম্ভানকে বঙ্গদেশ হারাইয়াছে।—

পরলোকে মৌলবী লিয়াকৎ হোসেন।—অকৃত্রিম দেশ-সেবক স্বদেশী যুগের সুপ্রসিদ্ধ নারক কর্ম্মী-পুরুষ মৌলবী শ্রীযুক্ত লিয়াকৎ হোসেন মহাশয় সম্প্রতি নব্বদেহ ত্যাগ করিয়া অমরলোকে চলিয়া গিয়াছেন। ইনি দেশপ্রাণ, তেজস্বী, স্বাধীনচেতা কর্ম্মীপুরুষ ছিলেন। নির্ভীক ভাবে দেশসেবা করিতে গিয়া স্বদেশী যুগে তিনি বহুবার কারাবরণ করিয়াছিলেন। দেশের জন্ত তিনি বহু অর্থ সংগ্রহ করিয়া দেশের কার্ধ্যেই ব্যয় করিয়াছেন। বঙ্গ-বিপ্লবের এবং দুঃখ

ছাত্রদের সাহায্য দান দ্বারা তিনি দেশের বহু উপকার করিয়াছেন। দেশের বহু দুঃস্থ ছাত্র ইঁহার নিকট বিশেষ ঋণী। তিনি স্বদেশী আন্দোলনের সময় অনেক বার কাঁধিতে এবং মেদিনীপুর, ঘাটাল, ও তমলুকে আসিয়া বক্তৃতা দ্বারা স্বদেশী আন্দোলনকে জীবন্ত করিয়া তুলিয়াছিলেন। স্বদেশী ঊর্ধ্বার প্রাণের বস্তু ছিল। তিনি স্বদেশী যুগের রাধীবন্ধন উৎসবকে এতাবৎ কাল বাঁচাইয়া রাখিয়াছিলেন এবং হিন্দু ও মুসলমানের ত্রিভি ও একতা স্থাপন জন্ত প্রাণপাত পরিশ্রম করিয়া গিয়াছেন। ঊর্ধ্বার স্মরণ সরল, নিরহঙ্কার, নিঃস্বার্থ, নির্ভীক পুরুষের বিরোধে আমরা প্রাণে গভীর বেদনা অনুভব করিতেছি। ঊর্ধ্বার একমাত্র কন্যা ছাড়া আর কেহই নাই। ভগবান ঊর্ধ্বার পিতৃবিরোগ-শোকে সাহসনা দান করুন।

—নীহার

পরলোকে প্রশিক্ষিত ঐতিহাসিক রাখালদাস বন্দ্যোপাধ্যায়—

আমরা অত্যন্ত গভীর দুঃখের সহিত প্রকাশ করিতেছি যে, বাঙ্গালার সুপ্রসিদ্ধ ঐতিহাসিক রাখালদাস বন্দ্যোপাধ্যায় আর ইহলোকে নাই। অতি অল্প বয়সেই রাখালবাবু ভারতীয় প্রত্নতত্ত্বের উর্ধ্বার বিশেষ প্রশিক্ষিত করিয়াছিলেন। প্রতিলিপি তত্ত্ব ও মুদ্রাতত্ত্ব সম্বন্ধে ঊর্ধ্বার অসাধারণ জ্ঞান ছিল। প্রত্নলিপিতত্ত্ব সম্বন্ধে ইনি বিখ্যাত জার্মান পণ্ডিত রুথের শিষ্য ছিলেন। ১৯০৮ খ্রীষ্টাব্দে ইণ্ডিয়ান এন্টিকোয়ারী নামক সুপ্রসিদ্ধ পত্র একাধিকবার সম্রাট কনিষ্ঠ সম্বন্ধে ইঁহার গবেষণামূলক সন্দর্ভ বাহির হইয়াছিল। তাহাতেই ঊর্ধ্বার যশোভাতি চতুর্দিকে বিকীর্ণ হইয়া পড়ে। ইহা ভিন্ন ইনি বহু সংখ্যক প্রবন্ধ অনেক মাসিক পত্রে প্রকাশ করেন। এসিয়াটিক সোসাইটির জার্নালে ইঁহার লিখিত লক্ষ্মণ বেন সম্বন্ধীয় প্রবন্ধ বিশেষ উল্লেখযোগ্য। ইঁহার লিখিত বাঙ্গালার ইতিহাস অতি সুন্দর পুস্তক। ইঁহার প্রথম খণ্ডে লক্ষ্মণ সেনের রাজত্ব-কাল পর্য্যন্ত ও দ্বিতীয় খণ্ডে আকবর কর্তৃক বাঙ্গালা-বিজয় পর্য্যন্ত বাঙ্গালার ইতিহাস অতি সুন্দর ও আধুনিক ভাবে বিবৃত হইয়াছে। তৃতীয় খণ্ডে তিনি ইঁহার তৃতীয় খণ্ড প্রকাশ করিতে পারেন নাই। ঊর্ধ্বার লিখিত 'পাষণ্ডের কথা'ও বিশেষ উল্লেখযোগ্য। ইহা ভিন্ন ইনি কয়েকখানি উপস্থাসও রচনা করিয়া গিয়াছেন। মহেন্দ্রোদ্যোতের যে পুরাবস্তু ও ৬ সহস্র বৎসরের পুরাতন নগর আবিষ্কৃত হইয়াছে, তাহা রাখাল-বাবুরই অনুসন্ধানের ফল। তিনি যে একজন বিশেষ প্রতিভাশালী ব্যক্তি ছিলেন, তাহাতে আর সন্দেহ নাই। বাঙ্গালার দুর্ভাগ্য যে, এ হেন প্রতিভাশালী ব্যক্তি অকালে ইহলোক হইতে বিদায় লইলেন।

—২৪ পরগণা বার্তাবহ

দেশের উন্নতির মূল শিক্ষা-বিস্তার। ইঁহার অভাবে দেশে যে কি কুফল ফলিতেছে, তাহা গ্রামে গ্রামে নারীদের প্রতি অসম্মানের সংবাদ হইতেই আমরা বুঝিতে

পারি। এই সংবাদে ক্ষোভে ও নৈরাশ্রে চিত্ত পরিপূর্ণ হইয়া উঠে।—

নারী-নিগ্রহ

কলিকাতা

মুরী বিবির বাড়ীর এক অংশ ভাড়া লইয়া সেক সালাবু তথায় বাস করিত। মুরী বিবির কন্যার নাম জাইতুন, বয়স ১৫ বৎসর। সালাবু জাইতুনকে অসৎ অভিপ্রায়ে হরণ করিয়া লইয়া গিয়া তাহার উপর পাশবিক অত্যাচার করিয়াছে। এই অভিযোগে শিয়ালদহ আদালতে সালাবুর বিচার হইয়াছে। বিচারক সালাবুকে দায়র সোপর্দ করিয়াছেন।

নদীয়া

নদীয়া নাকসীপাড়া ভবানীপুৰ গ্রামের খোকন নেশ নামক জনৈক মুসলমান তাহার প্রতিবেশী মনোরদ্দিন সাহা ফকিরের যুবতী স্ত্রীকে তাহার পিত্রালয়ে লইয়া যাইবার অছিলায় গত ভাদ্রমাসে গৃহ হইতে লুকাইয়া লইয়া গিয়া তাহার উপর পাশবিক অত্যাচার করিয়াছিল ও তাহাকে লুকাইয়া রাখিয়াছিল। ঘটনার চার পাঁচ দিন পরে পার্শ্ববর্তী গ্রাম শুকপুকুরিয়াতে কাজালী বিশ্বাস নামক মুসলমানের বাটীতে তাহাকে পাওয়া যায়। পুলিশ তদন্ত করিয়া খোকন সেথকে চালান দেয়। গত ৭ই চৈত্র দায়রা জজ জুরিদিগের সহিত একমত হইয়া আসামীর প্রতি ৩ বৎসর সশ্রম কারাদণ্ডের আদেশ দিয়াছেন।

গত ১৯ এ এপ্রিল মেহেরপুরের মহেন্দ্রনাথ তরফদারের (মোদক) বিধবা কন্যা অশিলা কুমারী দাসী আহারের পরে তাহার মার সহিত রাত্রে উঠানে মুখ ধুইতেছিল তখন ৪।৫ জন মুসলমান দুর্কৃত্ত তাহাকে ধরে। তাহার চীৎকারে তাহার পিতা ও জাতা আসে। ইতিমধ্যে দুর্কৃত্তগণ উক্ত বিধবাকে কিছুদূর লইয়া যায়। তাহার নিকটে যখন তাহার পিতা, জাতা ও মাতা গিয়া পৌঁছায় তখন অশিলার চীৎকারে ম্যাজিষ্ট্রেটের চাপরাশী মেন্টু ঘোষ ঐ পথ দিয়া যাইবার সময় আকৃষ্ট হয় ও তথায় যায়। তাহাতে দুর্কৃত্তগণ উক্ত বিধবাকে ছাড়িয়া দেয়। সকলেই উক্ত মুসলমানদের চিনিতে পারিয়াছে। পুলিশে এজাহার দেওয়ার একজন ধৃত হইয়াছে; অপর সকলে পলাতক।

পাবনা

সিরাজগঞ্জ মহকুমা হাকিম ম্যাজিষ্ট্রেটের এজলাসে সাহজাদপুর থানার এক গ্রামের একজন মুসলমান যুবক ১৩।১৪ বৎসর বয়স্ক কুনামে ওরফে দিত্তি বিবি নামে একটা মুসলমান বালিকার উপর পাশবিক অত্যাচার করিয়া পরে উহাকে বেঙ্গালয়ে ২০ টাকায় বিক্রী করিবার অভিযোগে অভিযুক্ত হইয়াছে। আসামী সেসনে সোপর্দ হইয়াছে।

—সঞ্জীবনী

দেশের এই অবস্থায় মৈত্রাণের যেমন সৃষ্টি করে, অপর পক্ষে তেমনি আশার সংবাদও আছে। বিলাতীপণ্য ও বস্ত্র বর্জনের যে আন্দোলন চলিতেছে, তাহা যদি স্থায়ী হয়, তাহা হইলে আমাদের বহু দুর্দশার অবসান হইবে। নিম্নলিখিত সংবাদগুলি আনন্দের সহিত পঠনীয়।—

বিলাতী বস্ত্র।—কলিকাতার মাড়োয়ারী বস্ত্রব্যবসায়ীদের প্রতিনিধিদের এক সভায় সর্ব্ববাদিসম্মতিক্রমে স্থির হইয়াছে যে, আগামী ১৯৩০ সনের ৩১শে ডিসেম্বর তারিখ পর্য্যন্ত বিদেশী বস্ত্রের জন্ত কোন অর্ডার দেওয়া হইবে না। ১৯৩০ সনের ৩১ ডিসেম্বর তারিখ উত্তীর্ণ হইলে, মাড়োয়ারী বস্ত্রব্যবসায়ীরা পুনরায় সভায় সমবেত হইয়া তখনকার অবস্থা বিষয়ে পণ্ডিত মদনমোহন মালব্যের সহিত পরামর্শ করিবেন এবং পরামর্শ অনুসারে যৎকর্তব্য অবধারণ করিবেন। কেবল কলিকাতা নহে, দিল্লীর বিদেশী বস্ত্র ব্যবসায়ীরাও ম্যাক্লেট্টারের বস্ত্র-ব্যবসায়ীদিগকে জানাইয়াছেন যে, বর্তমান রাজনীতিক অবস্থা দেখিয়া এবং ভারতে যে ভাবে বিদেশী বস্ত্র বর্জিত হইতেছে তাহা দেখিয়া, তাঁহারা সমস্ত জাহাজগুলো ও কাপড়ের কলগুলাদিগকে মাল পাঠাইতে নিষেধ করিতে বাধ্য হইয়াছেন। যদি এই নিষেধ সত্ত্বেও তাঁহারা মাল পাঠাইতে বিরত না হন, তাহা হইলে মাল পৌঁছিলে উহা লওয়া হইবে না, লইলেও উহা বিক্রয় হইবে না। বোম্বাইএর কাপড় ব্যবসায়ীরাও এই ভাবের নিষেধাজ্ঞা দিয়াছেন।

ভারতে ঔষধ প্রস্তুত।—গত ১০ বৈশাখ ৩৬ ওয়েলিংটন স্ট্রীটে শ্রী হরিশঙ্কর পালের সভাপতিত্বে ভারতীয় চিকিৎসক সমিতির প্রতিনিধিগণ, বিলাতী ঔষধ ও যন্ত্রপাতির আমদানীকারকগণ এবং রাসায়নিক ঔষধ প্রস্তুতকারকগণ মিলিত হইয়া সভায় ভারতে প্রস্তুত কোন কোন ঔষধ ও যন্ত্রপাতি নির্ভয়ে ব্যবহার করা যায় এবং বিদেশ হইতে এই সকল দ্রব্য যাহা আসে তাহা দেশে তৈয়ারী হইতে পারে কি না ইত্যাদি সম্বন্ধে তদন্ত করার জন্ত বিখ্যাত চিকিৎসকগণ দ্বারা একটি কমিটি গঠিত হইয়াছে। ভারতীয় ঔষধ ও যন্ত্রপাতি যাহাতে ভারতে বিশেষরূপে ব্যবহৃত হয় তাহা প্রচারের জন্তও এই সভায় একটি প্রস্তাব গৃহীত হইয়াছে।

—সম্মিলনী

সিগারেট বর্জন—“দীপালী”তে প্রকাশ, সিগারেট বর্জনের ফলে এক সপ্তাহে দেড় লক্ষ টাকার সিগারেট বিক্রয় কমিয়া গিয়াছে।

—নীহার

মেথরদের সুরা বর্জন। রঙ্গপুরের মেথর ও ডোমগণ প্রতিজ্ঞা করিয়াছে, তাহারা আর মদ্যপান এবং বিলাতী কাপড় ব্যবহার করিবে না।

—সঞ্জীবনী

মুন্সীগঞ্জের সত্যাগ্রহ সকল।—২৬১ দিন সত্যাগ্রহের পর

মুন্সীগঞ্জের কালীবাড়ীতে নমঃশুদ্ধগণ পবেশ করিবার অনুমতি পাইয়াছে।

—সঞ্জীবনী

বকর-ঈদ—এবার ঈদ উপলক্ষে হিন্দু ও মুসলমানদের মধ্যে সর্ব্বত্র সম্প্রীতি বিদ্যমান ছিল। কেবল আসামের ডিব্রুগড় বাসীত ভারতের কোথাও কোনরূপ গোলযোগ হইয়াছে বলিয়া জানা যায় নাই।

—সম্মিলনী

আমাদের বহু সামাজিক গলদের মধ্যে বালিকা বধুর উপর পীড়ন একটি প্রধান গলদ। নিম্নের সংবাদটী একটি মুসলমান পরিবারের। কিন্তু আমাদের হিন্দু পরিবারে যে এরূপ দৃষ্টান্ত যথেষ্টই আছে, তাহা আমরা সকলেই জানি; এবং তাহা বহুবার সংবাদপত্রে প্রকাশিত হইয়াছে। এ সম্বন্ধে বিশেষ সাবধান না হইলে আমাদের জাতীয় উন্নতি অসম্ভব।

অস্তঃপুরে নারীর দুর্ভাগ্য

ওয়ারহেডুল্লিসা নামক ত্রয়োদশবর্ষীয়া এক বালিকা তাহার স্বামী বসীর খাঁন এবং শাশুড়ী নাজিবনের সহিত বাস করিত। এই হতভাগিনী বধু নিত্য তাহার স্বামী ও শাশুড়ীর হস্তে নির্যাতিত হইত। একদিন শাশুড়ী তাহাকে উনুনের জ্বালানি কাঠ দিয়া সর্ব্বদ্বন্দ্ব আঘাত করিয়াছিল। আর একদিন লাঠির আঘাতে ওয়ারহেদ উল্লিসার একটি দাঁত ভাঙ্গিয়া দেয়। অত্যাচারের দারুণ চিহ্ন এখনও তাহার শরীরে রহিয়াছে। শেষে তাহ'র এমন অবস্থা হইল যে, ইহাদের উৎপীড়নে বালিকার জীবন-সংশয় হইয়া উঠে। গত ৮ই ফেব্রুয়ারী ওয়ারহেদের আতা সংবাদ পায় যে, তাহা'ক একটি ঘরে তালা বন্ধ করিয়া রাখা হইয়াছে। তখন পুলিশ যাইয়া তালা ভাঙ্গিয়া বালিকাটীকে উদ্ধার করে। তাহাকে হাসপাতালে লইয়া যাওয়া হয়। স্বামী ও শাশুড়ীর বিরুদ্ধে মামলা চলিতে থাকে। আলিপুরের পুলিশ ম্যাজিস্ট্রেট মিঃ ইসলামের বিচারে শাশুড়ীর চারি মাস এবং স্বামীর দুই মাস জেল হইয়াছে। বিচারক বলেন, স্বামী অপেক্ষা শাশুড়ীর অপরাধ বেশী।

—সঞ্জীবনী

সামাজিক গলদের সঙ্গে সঙ্গে আমাদের দারিদ্র্যেরও অন্ত নাই। তাহা দূর করিতে হইলে আমাদের সর্ব্ব বিষয়ে সচেতন, পরিশ্রমী ও অধ্যবসায়ী হইতে হইবে। এমন অনেক ছোট-খাট শিল্প আছে যাহা শিক্ষা করিলে আমাদের দারিদ্র্য কিয়ৎ পরিমাণে বিদূরিত হইতে পারে নিম্নের উপায়টী অনেকেই অবলম্বন করিতে পারেন।—



তৃতীয় বর্ষ }

আষাঢ়, ১৩৩৭

{ তৃতীয় সংখ্যা

পারের যাত্রী

[শ্রীযতীন্দ্রমোহন বাগচী বি-এ]

সিন্ধুতীরে পড়ে' এল বেলা,
শামুক ঝিনুক কড়ি রয় পড়ি'—সাজুহ'ল খেলা ।
ফিরিছে দিবস-শিশু ফেলি' তার বালুকার ঘর,
সৈকতের শুভ্রবক্ষে গাচতর ঘনায় ধূসর !
শম্পহীন বেলাভূমে ছেয়ে আসে সন্ধ্যার সুরভি,
অস্তমান সূর্য্যকর দূরে কোথা বাজায় পূরবী
মৃচ্ছিত বনের বৃকে ।

উর্দ্ধলোকে নীলাশ্বর ছেয়ে
বাহিরিয়া আসে তারা—কৌতূহলী ওপারের মেয়ে !
পরিপাটী নীল সাটী শ্রীঅঙ্গে ঝড়ানো সবাকার,
চোখ টিপে হাসে শুধু—বুঝিলাম রহস্য তাহার !

* * * *

এপারের যাত্রা কিছু, পেয়ে পেয়ে হারিয়ে হারিয়ে,
আজি এই অন্ধকারে চোখ মেলে রয়েছি দাঁড়িয়ে
জীবনের বাতায়নে প্রাণপণে চাহি পরপার,
বাসনার জতুগৃহে বন্ধ করি যত ছিল দ্বার ।

জীব মরে, ফুল বারে, দীপ নিবে, সলিল শুকায়,
দিন যায়—প্রেম নাই, অহঙ্কার লজ্জায় লুকায়,
—এপারের এই মন্ত্র, সে পাঠ তো করিয়াছি সারা,
আজি অনন্তের পারে চিত্ত মোর খুঁজিছে কিনারা
চাহি ঐ পরপারে—সেথা যদি মিলে সে অমৃত,
অমর করে যা লোকে, মরণে যা করে সঞ্জীবিত,
অকুণ্ঠ অমরাবতী, যেথায় অনন্ত রাত্রিদিন,
চাঁদ উঠে, তারা ফটে, হাসি যার অগ্নান নবীন।

আধুনিক সাহিত্য

[শ্রীমুরোধচন্দ্র বন্দ্যোপাধ্যায় বি-এ]

‘সাহিত্য’ কথাটা অনেকেই ব্যবহার করেন, কিন্তু ইহার অর্থটা এখনও নিশ্চিত বলিয়া মনে হয় না। এরূপ শব্দ সকল ভাষাতেই আছে। ইংরেজি “Literature” কথাটাও এইরূপ।

ইহা যখন প্রথম সৃষ্ট হয়, তখন একটা নির্দিষ্ট অর্থ হয় তো ইহার ছিল। তারপর শব্দটার বিশেষ পরিবর্তন ঘটিল না। অর্থটা কিন্তু দেশ-কাল-পাত্র অনুসারে কখন ব্যাপক, কখন বা সংকীর্ণ হইতে লাগিল। ‘আত্মা’ শব্দের অর্থ কখন হইল ‘দেহ’, কখন ‘জীব’, কখন ‘স্বভাব’, কখন বা ‘পরমাত্মা’। এখনও শব্দটার অর্থ সুনিশ্চিত বলিয়া মনে হয় না।

এই অর্থবাহুল্যের সঙ্গে সঙ্গে শব্দবাহুল্যের সৃষ্টিও অনিবার্য। ‘সিংহ’ কখন ‘হর্ষাক্ষ’, কখন ‘কেশরী’, কখন বা ‘হরি’ হইয়া দাঁড়াইল।

‘সাহিত্য’ কথাটাও নানা অর্থে ব্যবহৃত হইয়াছে। কেহ বলেন যাহা লিখিত তাহাই সাহিত্য, কেহ বলেন যাহা জাতির ভাব-ধারার নিয়ামক বা আধার তাহাই সাহিত্য। তারপর ইংরেজী ও অন্যান্য ভাষায় এই ‘সাহিত্য’র প্রতি-শব্দগুলি কত প্রকার অর্থে প্রযুক্ত হইয়াছে তাহা অনেকেই অবগত আছেন।

তারপর এই অর্থ-পরিবর্তনের সঙ্গে সঙ্গে নানা

সদৃশার্ধক শব্দও সৃষ্ট হইল। ‘সাহিত্য’র অর্থ প্রকাশ করিবার জন্য ‘কাব্য’, ‘নাটক’, ‘প্রহসন’ প্রভৃতি শব্দগুলি অভিধানের পৃষ্ঠায় ভিড় করিয়া দাঁড়াইল। তবুও ইহার অর্থ কি তাহা স্পষ্টভাবে বুঝিয়া ওঠা এখনও সম্ভব হয় নাই।

অর্থ পরিবর্তনশীল। তবে শব্দের প্রকৃতি ও প্রত্যয় হইতে যে অর্থ নির্ণীত হয় তাহা মুখ্য। এই মুখ্য অর্থ হইতে গৌণ অর্থ অনুমান করা অসম্ভব নয়। এই জন্য শব্দ বুঝিতে হইলে আমরা প্রথমেই তাহার মুখ্য অর্থের অনুসন্ধান করি। এই নিয়ম মানিয়া চলিলে সর্বত্র না হউক অনেক স্থলেই কার্যসিদ্ধি হইতে পারে। সেই জন্য ‘সাহিত্য’ শব্দের মুখ্য অর্থ আমাদের নির্ণয় করিতে হইবে।

ইংরেজীতে Literature কথাটির অর্থ লইয়া যে গোলযোগের সৃষ্টি হইয়াছে ‘সাহিত্য’ কথাটা লইয়া আমাদের দেশে সেরূপ হয় নাই। সম্ভবতঃ রবীন্দ্রনাথই প্রথমে ইহার ব্যাখ্যা আরম্ভ করেন। সংস্কৃত আলং-কারিকরা শব্দটার উল্লেখ অল্পই করিয়াছেন। বিশ্বনাথ কবিরাজই তাঁহার অলঙ্কার শাস্ত্রের নাম দিয়াছেন ‘সাহিত্য-দর্পণ’। কিন্তু ‘সাহিত্য’ শব্দটির কোন বিশেষ অর্থ নির্দেশ করেন নাই। তবে গ্রন্থে যে সব বিষয় আলোচিত হইয়াছে তাহা দেখিলে মনে হয় সাহিত্য অর্থে তিনি শুধু কাব্যই বুঝিয়াছেন।

‘সহিত’ শব্দের উত্তর ভাবার্থক ‘স’ প্রত্যয়ের যোগে ‘সাহিত্য’ শব্দ নিষ্পন্ন হইয়াছে, সেইজন্য রবীন্দ্রনাথ বলিয়াছেন সাহিত্য ব্যক্তিগত জিনিস নয়, সমষ্টিগত। তাঁহার পূর্বে বঙ্কিমচন্দ্রও বলিয়াছেন, ‘সাহিত্য দেশের অবস্থা এবং জাতীয় চরিত্রের প্রতিনিধি মাত্র।’ এখানেও শব্দটির মুখ্য অর্থ ই স্থচিত হইতেছে।

‘সাহিত্য’ শব্দটির মুখ্য অর্থ আমরা আর এক ভাবে গ্রহণ করিতে চাই। সহিতের ভাবই সাহিত্য; সেইজন্য যাহা একক নয়, অনেকের সহিত বর্তমান তাহাকেই সাহিত্য বলিতে হইবে। যাত্নাতে ব্যাকরণ, গায়, মীমাংসা, বিজ্ঞান, কলাদির মিলন ঘটয়াছে তাহাই সাহিত্য। কথিত আছে—

ন স শব্দো ন তদ্বাক্যং
ন স শ্রায়ো ন সা কলা ।
জায়তে যন্ন কাব্যাজ্জম্
অহো ভারো মহান্ কবে ।

কোন কোন পণ্ডিত এইরূপ ব্যাখ্যার অনুমোদন করিয়াছেন। ভারত বাক্যও এই ব্যাখ্যার সমর্থক।

কাব্যের মধ্যে নাটকই শ্রেষ্ঠ। এইরূপ একটা কথা প্রচলিত আছে; এই নাটকের উৎপত্তি বর্ণনা করিতে গিয়া ভারত এমন কতকগুলি বিশেষণ প্রয়োগ করিয়াছেন যাহা সাহিত্যের পক্ষেও প্রযোজ্য। ভারত বলেন, নাটক সার্ব-বর্ণিক অর্থাৎ সকল বর্ণেরই ইহাতে অধিকার আছে। ইহা সর্বশাস্ত্রার্থসম্পন্ন ও চতুর্বেদাজসম্বৃত। ভারতের সাহিত্য-সম্বন্ধে কিরূপ ধারণা তাহা আমরা উক্ত বাক্য হইতে অনেকটা অনুমান করিতে পারি।

সাহিত্য বলিতে কেহ পার্কর্তী ও পরমেশ্বরের অথবা শব্দ ও অর্থের মিলনজাত বস্তু বুঝিয়া থাকেন। শিব-পুরাণে উক্ত হইয়াছে—

শব্দজাতমশেষস্ত ধন্তে শব্দস্ত বহুভাঃ।
অর্থরূপং যদখিলং ধন্তে মুখেন্দুশেখরঃ ॥
যন্ত যন্ত পদার্থস্ত যা যা শক্তিরুদাহৃত্য ।
সা সা বিশ্বেশ্বরী দেবী স স সর্বো মহেশ্বরঃ ।
যৎপরং যৎপবিত্রঞ্চ যৎপুণ্যং যচ্চ মঙ্গলম্ ।
তৎ তদাহমহাভাগান্তয়োন্তো-বিজ্জুতম্ ।

যথাস্বীপস্ত দীপ্তস্ত শিখা দীপয়তে গৃহম্ ।

তথা তেজস্তয়োরেতদ্ব্যাপ্য দীপয়তে জগৎ ॥

এখানে শব্দ ও অর্থের মিলনের কথা উক্ত হইয়াছে। এই মিলন হইতেই দর্শন-মতে সর্ববিষয়ই উৎপন্ন হইয়াছে, সাহিত্যেও সেই মিলনেরই কথা।

সাহিত্যে যে মিলনের কথা আছে তাহা নানা-বিষয়ক, একথা রবীন্দ্রনাথ স্বীকার করিয়াছেন। এই মিলন কত প্রকারের তাহার বর্ণনাও দুঃসাধ্য; সুতরাং শব্দার্থপ্রসূত নানা বিষয়ই সাহিত্য। কিন্তু ইহা যে মুখ্যতঃ কাব্য তাহা আলংকারিকেরা স্পষ্টতঃই বলিয়াছেন।

কেহ কেহ বলিয়াছেন, যাহা হিতের সহিত বর্তমান তাহাই সহিত, এই সহিতের ভাবই সাহিত্য। ইহারা বলিতে চান সাহিত্য প্রধানতঃ মঙ্গলবিধায়ক।

বক্রোক্তিঞ্জীবিতকার কুস্তক বলেন বাচ্য ও বাচক অর্থাৎ শব্দ ও অর্থের মিলন যখন রসের পরিপোষক হইয়া সহৃদয়ের আনন্দ বিধান করে তখন তাহা সাহিত্য। সুতরাং সাহিত্য যে যুগপৎ আনন্দ ও মঙ্গল বিধান করে ইহা আনংকারিকমাত্রেরই স্বীকার করিয়াছেন।

প্রাচীন অলংকার-শাস্ত্রের মতে সাহিত্য ও কাব্য একার্থক এখন কাব্যের অর্থ কি তাহা নির্দেশ করিতে হইলে একটু গোলযোগে পড়িতে হয়। ব্রহ্মাই আদি কবি বলিয়া বেদে বর্ণিত। তাহা হইলে বেদ-পুরাণ প্রভৃতি সবই কাব্যের অন্তর্ভুক্ত হয়, এবং ‘সাহিত্য’ ও কাব্যে কোন প্রভেদই থাকে না।

কাব্য কথাটির বিচার সম্প্রতি স্থগিত রাখিয়া আমরা বলিতে চাই, ‘সাহিত্য’ শব্দটির অর্থ এখন কিছু পরিবর্তিত হইয়াছে। আলংকারিকেরা শব্দ তিন প্রকার বলিয়া বর্ণনা করিয়াছেন—বেদ, ইতিহাসাদি ও কাব্য। তাঁহাদের মতে কাব্যই সাহিত্য-পদবাচ্য। তাঁহারা বুঝিতেন বেদের রীতি নৃপতির মত, ইতিহাসাদির রীতি বহুদের মত, কাব্যের রীতি কান্তার মত; বেদের উপদেশ নৃপতির আজ্ঞার মত অনুন্নজ্য; ইতিহাসাদির উপদেশ বহুর উপদেশের মত স্কুলপ্রদ, কিন্তু কাব্যের উপদেশ কান্তার উপদেশের মত মধুর ও সরস। প্রাচীনেরা শব্দের এই তিন প্রকার ভেদ মানিয়া চলিতেন।

কালক্রমে কিন্তু শব্দের এই ত্রিধারা আর পৃথক্ রহিল না।

মানুষের চিন্তা-ক্ষেত্রের প্রসারের সঙ্গে সঙ্গে শব্দভেদও নানারূপ হইয়া উঠিল। তখন লেখকগণ জীবনের সর্বস্ব দিয়া ফঁহা রচনা করিতেন তাহা স্বগুণে স্থায়িত্ব লাভ করিত এবং মুদ্রায়ন্ত্রের অভাবে তাহা অপ্ৰচারিত থাকিত না। আধুনিক যুগে মুদ্রায়ন্ত্রের প্রভাবে ফঁহা কথা তাহা লেখ্য হইয়াছে, ফঁহা সাধনার জিনিস, তাহা সখের জিনিস পরিণত, ফঁহা সত্য, শিব ও সুন্দর তাহা অর্থোপার্জনের উপায়রূপেও গৃহীত। তারপর বিদেশীয় গ্রন্থ ও মতবাদের প্রচারের সঙ্গে সঙ্গে সেই প্রাচীন ত্রিধারা ক্রমশঃ হুর্ণিরীক্ষ্য হইয়া পড়িয়াছে। সেইজন্য আমরা আজ 'সাহিত্য' শব্দটী খুব ব্যাপক অর্থেই প্রয়োগ করিতে আরম্ভ করিয়াছি। এখন ফঁহা লেখ্য তাহাই সাহিত্য বলিয়া গৃহীত হইতেছে।

এই জন্য আজকাল নানা সাহিত্যের কথা শুনিতে পাওয়া যায় :—যথা শিশু-সাহিত্য, তরুণ-সাহিত্য, যৌবনের সাহিত্য, বিদেশী-সাহিত্য, ইত্যাদি। কেহ বলেন ইহাতে সাহিত্যের উন্নতি হইতেছে, কেহ বলেন সাহিত্যের আদর্শ ধর্ম হইতেছে।

এখন বন্ধন ছিন্ন করিবার দিন। অনেকে বলেন, সাহিত্যকে সমাজ ও নীতির বন্ধনে আড়ষ্ট করা উচিত নয়, তাহার স্বাধীন প্রসারই বাঞ্ছনীয়। শুধু সমাজ ও নীতি নয়, ইহাকে কোন প্রকার বাঁধাধরা নিয়ম, এমন কি অলংকারশাস্ত্র ও ব্যাকরণের বন্ধন হইতেও মুক্তি দেওয়া উচিত।

অপর পক্ষ বলিবেন—

স্বাধীনো রসনাঞ্চলঃ পরিচিতাঃ শব্দাঃ কিয়ন্তঃ

কচিং

ক্লেণীশ্চো ন নিয়ামকঃ পরিষদঃ শাস্তাঃ স্বতন্ত্রং জগৎ।

তদ্বয়ুৎ কবয়ো বয়ং বয়মিতি প্রস্তাবনা হুংকৃতি-

স্বচ্ছন্দং প্রতিসঙ্গং গর্জত বয়ং মৌনব্রতালম্বিনঃ ॥

কিন্তু মৌনব্রতা লম্বনও সর্বত্র সাধু পছা নয়। সব সময়ে আদর্শ মানিয়া না চলিলেও মানুষ তাহাকে একে-বারে ছাড়িয়া চলিতে অক্ষম। সেই জন্য প্রাচ্য ও প্রতীচ্য শক্তির সংঘাতে সাহিত্য-ক্ষেত্রে যে বিপ্লব ঘটয়াছে তাহার মধ্যেও পথ চিনিবার জন্য আমরা যে আদর্শ ভুলিয়াছি তাহাকে স্মরণ করিতে হইবে। শুধু অগ্রসর হইলেই

চলিবে না, মাঝে মাঝে পিছনেও চাহিতে হইবে, নচেৎ পথভ্রাস্তি অনিবার্য। যে পথেই চলি না কেন তাহা সত্য, শিব ও সুন্দরের পথ হওয়া চাই।

আমরা দেখিয়াছি আধুনিক যুগে লেখ্য বিষয় মাত্রেরই সাহিত্য হইলেও কাব্যকেই বিশেষভাবে সাহিত্য বলা হইয়াছে। এখন লেখ্য বিষয় সবই সাহিত্য একথা বলিতে গেলে পথে যে সব ফাঁওবিল বিলান হয় তাহাও সাহিত্য-পদবাচ্য হইয়া পড়ে। চলতি কথায় ফঁহাই বলি না কেন, প্রকৃত সাহিত্য কি তাহা নির্ধারণ করিতে হইলে সাহিত্যের আদর্শ কি তাহা নির্ণয় করা আবশ্যিক। তাহা হইলে কাব্য কি তাহা প্রথমে দেখিতে হইবে, কেন না সাহিত্য মুখ্যতঃ কাব্য ছাড়া অপর কিছু হইতে পারে না।

এখন কাব্য শব্দটী পরীক্ষা করিতে গেলে কবির কর্মই কাব্য এইরূপ সিদ্ধান্তে আসিতে হয়। ব্রহ্মা আদি কবি, তাঁহার কাব্য অলৌকিক। আমরা লৌকিক কাব্যের কথাই পাড়িয়াছি, বাক্য ব্যতীত আমাদের কাব্য হইতে পারে না।

এই কাব্য কিরূপ তাহা লইয়া নানা দেশে নানা কথায় সৃষ্টি হইয়াছে। প্রাচীনেরা কতকগুলি বাঁধাধরা নিয়মের দ্বারা কাব্যকে বাঁধিতে চেষ্টা করিয়াছেন, ইহাতে কবির প্রসার কমিয়া যায় এইরূপ আক্ষেপ আজকাল অনেকেই করিয়া থাকেন।

আমরা কিন্তু এই আক্ষেপের কোন যুক্তিসঙ্গত কারণ দেখিতে পাই না। যুক্তিসঙ্গত নিয়ম ও বন্ধন প্রসারের অক্ষুণ্ণ। বাস্পকে রুদ্ধ না করিলে এগ্নি চলিত না। এক সময়ে প্রাচীন মনীষীরা কাব্যের নিয়মাদি প্রণয়ন করিয়াছিলেন বলিয়াই যুগে যুগে সাহিত্যবিৎ পণ্ডিতেরা অধিকতর কাব্যালোচনার সুযোগ লাভ করিয়াছেন।

তারপর আর একটা কথাও আমাদের ভাবিতে হইবে, ফঁহার কাব্যকে রসাত্মক বাক্য বলিয়াছেন তাঁহার কখনই ইহাকে একটা কঠিন নিগড়ে বাঁধন নাই, বাঁধিলেও সেই বন্ধন কাব্যের গতিরোধ করে নাই বরং তাহার প্রসারেই সহায়তা করিয়াছে।

প্রাচীনেরা বলিয়াছেন রসাত্মক বাক্যই কাব্য। এই রস কি তাহা বুঝিতে গেলে মনে হয় কাব্যের স্বরূপ আরও সুন্দরভাবে নির্ণয় করা অসম্ভব। 'রসো বৈ সঃ'—রসই

তিনি, জীব এই রস লাভ করিয়া আনন্দময় হইয়া থাকে। প্রাচীনেরা কাব্যের জগৎ কত উন্নত আদর্শ বাছিয়া লইয়াছিলেন, তাহা আলংকারিকদের এই সব বাক্য হইতে বিশেষভাবেই বুঝিতে পারা যায়। কাব্যের বিচার করিতে বসিয়া তাঁহারা যে সিদ্ধান্তে আসিয়াছেন তাহা সংক্ষেপতঃ এই—

“কাব্যস্য শব্দার্থৌ শরীরম্, রসাদিশ্চাত্মা, গুণাঃ শৌর্য্যাপদিবং দোষাঃ কাণ্ডাদিবং রীতয়োদ বয়বসংস্থান বিশেষবৎ অলংকারাঃ কটককুণ্ডলাদিবং, ইতি।”

কাব্যের শরীরাদির কথা আপাততঃ পরিত্যাগ করিয়া আমরা ইহার আত্মার কথা বলিতে চাই। রসই কাব্যের সার, যাহাতে রস নাই তাহা কাব্য নয়। এই রস আনন্দময়, ব্রহ্মস্বরূপ; সেই জগৎ কাব্যের দ্বারা চতুর্বর্গ লাভ করা যায়, এ কথাও আলংকারিকেরা স্বীকার করিয়াছেন। তাঁহাদের মনে রস সত্ত্ব স্বরূপ, রজঃ ও তমঃ এখানে প্রাধান্য লাভ করিতে পারে না। ইহা অখণ্ড, স্বপ্রকাশ আনন্দস্বরূপ ও চিন্ময়, ইহার সহিত বিষয়ান্তরের সম্বন্ধ নাই, ইহার আনন্দ ব্রহ্মানন্দস্বরূপ।

রস কি, ইহার তাত্ত্বিক বিচার দার্শনিকের স্কন্ধে চাপাইয়া তাঁহারা রসের উদ্বোধন করিয়াছেন হয় তাহা নির্ণয় করিয়াছেন।

নির্বিষ্কার চিত্তে প্রথম বিক্রিয়ার নাম ভাব। লৌকিক জগতে যে শোক-হর্ষ দুঃখ-সুখের কারণ, কাব্য-জগতে তাহাই আনন্দযোগ্য। লৌকিক-জগতে যে ভাব ব্যক্তিগত, কাব্য-জগতে তাহা রসরূপ, সামাজিক এবং শুধু সুখেরই কারণ হইয়া পড়ে। তখন তাহার নাম বিভাব। মনে ভাবের উদ্বোধন ঘটিলে যে সব বিকার কার্যরূপে বাহিরে প্রকাশ পায়, তাহাই কাব্যের অমুভাব। কতকগুলি ভাব স্থায়ী নয়, তাহারা স্বতন্ত্র ভাবে অবস্থান করে না, কোন একটা স্থায়ী ভাবকে অবলম্বন করিয়াই অন্তরে বিকসিত হয় তাহাদের নাম সঞ্চারী। আলংকারিকেরা বলেন রসের উদ্বোধন ব্যাপারে বিভাব কারণ, অমুভাব কার্য ও সঞ্চারী সহকারী।

আমাদের নয়টি ভাব প্রধান—রতি, হাস, শোক, ক্রোধ, উৎসাহ, ভয়, জুগুপ্সা, বিস্ময় ও সাম। এই ভাবই রসরূপে পরিণত হয় বলিয়া ইহাদের নাম স্থায়ীভাব। এই ভাব-

গুলিই যথাক্রমে নয়টি রসের কারণ-স্বরূপ। এই ভাব ও রসের স্বরূপ ও পার্থক্য আধুনিক সাহিত্যে সুস্পষ্ট নয়, সেইজগৎ এমন অনেক বিষয়কে আমরা রস বলিয়া চালাইতেছি, যাহা প্রকৃত পক্ষে সাহিত্যে স্থান পাইবার উপযোগী নয়।

লেখ্য বস্তুমাত্রই সাহিত্য হইলে আর সাহিত্যের বিচার অনাবশ্যক। কিন্তু সাহিত্য বিশেষভাবে কাব্য এবং কাব্যের আত্মা রস। সেই জগৎ যাহাতে রস আছে তাহাই মুখ্যতঃ সাহিত্য। আজকাল যদিও অনেক তথ্যমূলক প্রবন্ধ সাহিত্য বলিয়া পরিচিত, তবুও আমাদের এই রসবস্তুর প্রতি লক্ষ্য রাখিতে হইবে, যেখানে রস নাই কখনই তাহা সাহিত্য হইতে পারে না।

ব্রহ্ম ও রসকে এক বলিয়া প্রাচীন সাহিত্যবিৎ পণ্ডিতেরা সাহিত্য কথাটির অর্থ নির্দিষ্ট করিয়া দিয়াছেন। তারপর তাহার বৃত্তি, ভাষ্য, টীকা টিপ্পনী হইয়াছে, কিন্তু আদিম সূত্রের পরিবর্তন হয় নাই। কাব্যের আত্মা রস এবং ‘রসো বৈ সঃ’ একথা চিরন্তন হইয়াই আছে ও থাকিবে—অন্ততঃ যত কাল আমরা ব্রহ্ম বা ঈশ্বরের অস্তিত্ব জ্ঞানতঃ বা অজ্ঞানতঃ স্বীকার করিব। আমাদের দেশের চিন্তাধারা এইরূপ ছিল।

তারপর অপর ধরনের চিন্তাধারাও আজকাল দেখিতে পাওয়া যায়। এই ধারা অনুসরণ করিতে গেলে অনেক সাহিত্য-গ্রন্থ আলোচনা করিয়া নির্ণয় করিতে হয়, তাহার মধ্যে স্থায়িত্ব কোনখানে। তখন সাহিত্যের বা কাব্যের নানাপ্রকার ব্যাধা! আরম্ভ হয়। কেহ বলেন কাব্য প্রকৃতির অনুসরণ (Imitation of nature), কেহ বলেন ইহা subjective বা আত্মগত, কাহারও মতে ইহা আত্মবিকাশ বা (expression of personality), কাহারও মতে ইহা বাহ্য বস্তুর মানসিক অভিব্যক্তি (subjective expression of external realities)। এইরূপ সংজ্ঞা-নির্দেশ অনন্ত এবং এ পথ দিয়াও অবশেষে সার সত্যে উপনীত হওয়া অসম্ভব নয়।

আমরা প্রাচীন চিন্তাধারা অবলম্বন করিয়া বহুদিনের যুগ পর্য্যন্ত আসিতে না আসিতেই বিচার-প্রসূত এই নূতন চিন্তাধারার বহুয় ভাসিতে হইল। প্রাচীন রসজ্ঞদের কথা ভুলিয়া আমরা নবীন বিচারকদের কথা মানিয়া

লইলাম। রসিক তাহা আলোচনা না করিয়া কতকগুলি আধুনিক বিদেশী পরিভাষার প্রয়োগ করিলাম; এ সব বিষয় লইয়া প্রাচীনেরা কি বলিয়াছেন তাহা জানিবার প্রবৃত্তিও রহিল না। তারপর স্বাধীন জাতি যাহাকে সংঘম বলে এবং যাহা তাহার স্বাধীনতার প্রতিকূল বলিয়া বিবেচিত হয় না, পরাধীন জাতি তাহাই বন্ধন মনে করিয়া উচ্ছৃঙ্খল হইয়া উঠিতে চায়। আমরাও সেই ভ্রম আধুনিক সাহিত্যের মোহে আপনাদের পুরাতন বিদ্যা-বুদ্ধি ভুলিয়া মস্তের মত উচ্ছৃঙ্খলভাবে চলিয়াছি। যে স্বাধীনচিত্ত জাতির অনুসরণ করিয়া আমরা চলিয়াছি তাঁহারা বিপথে চলিলে সহজেই সতর্ক হইতে পারিবেন, পথে যদি কোন খাত থাকে তাঁহারা লঙ্ঘন করিবেন, কিন্তু অন্ধ অনুসরণকারীদের সে খাতে পড়িতেই হইবে।

সাহিত্যের কোন নিগড় থাকিবে না, তাহাকে নীতি বা সমাজের গণ্ডিতে আবদ্ধ করা উচিত নয়, যত প্রকার বন্ধন আছে সব ঘুচাইয়া দাও এ সব বহুকাল বন্ধ থাকিয়া যাহারা সহসা মুক্তিলাভ করিয়াছেন, তাহাদেরই কথা চির-পীড়িত রাশিয়া সহসা মুক্তি লাভ করিয়াছে; এখন পুরাতন অত্যাচারের প্রতিহিংসা তাহার চিত্তকে কলুষিত করিয়া রাখিয়াছে। পর-পথানুবর্তী আমরা তাহাদের কথায় নাটিয়া উঠিতেছি। কিন্তু প্রতিহিংসা প্রবৃত্তি যখন মুক্তির আনন্দ-ধারায় ভাসিয়া যাইবে, তখন সে নিজের ভ্রম নূতন পন্থা বাছিয়া লইবে, আমরা কিন্তু অনুকরণকারীর মানি ভোগ করিতে থাকিব।

এখন দিন আসিয়াছে যখন আমাদের নিজের পথ বাছিয়া লওয়া কর্তব্য। নবীন রসজ্ঞেরা প্রাচীন রসজ্ঞদের সহিত সহজ সম্বন্ধ স্বীকার করুন। যাহা প্রাচীন তাহাই এককালে নবীন ছিল, আজ যাহা নবীন কাল তাহাকে প্রাচীনের গণ্ডিতে আসিতেই হইবে।

ভাব নানা প্রকার। ভাব হইতেও এক প্রকার আনন্দের উৎপত্তি হয়। এ আনন্দ ইঞ্জিয়সুখেরই নামান্তর। সুতরাং অস্বাধীন; সাহিত্যের সহিত তাহার কোন সম্বন্ধ ঘাই। পাঠকের চিত্তে কতকটা পাশব ভাবের উদ্বেক করিতে পারিলেই রসের উদ্বোধন হয় না। সাহিত্য

সমাজ বা নীতির গণ্ডিতে আবদ্ধ না হোক, তাহা যে সমাজ ও নীতির বিরোধীই হইবে এ মতও পোষণ করা চলে না।

একজন বিদেশী সমালোচক ও চিন্তাশীল পণ্ডিত কোন কুনীতিমূলক গ্রন্থের সমালোচনা-প্রসঙ্গে যাহা লিখিয়াছেন তাহা উদ্ধৃত করিবার লোভ আমরা সংবরণ করিতে পারিলাম না :—

The most dangerous effect that any fictitious character can produce, is when two or three of its popular vices are varnished over with everything that is captivating and gracious in the exterior, and ennobled by association with splendid virtues; this apology will be more sure of its effect, if the faults are not against nature, but against society. The aversion to murder and cruelty could not perhaps be so overcome, but a regard to the sanctity of marriage vows, to the sacred and sensitive delicacy of the female character, and to numberless restrictions important to the well-being of our species may easily be relaxed by this subtle and voluptuous confusion of good and evil.

এরূপ গ্রন্থ আধুনিক সাহিত্যে কত তাহা পাঠকমাত্রেই অবগত আছেন।

সাহিত্যের একদেশদর্শী হওয়া যুক্তিসঙ্গত নয়। শুধু ইহার বাঁধন ছিঁড়িতে হইবে, বা ইহাতে আপনার ব্যক্তিত্ব অপ্রতিহত রাখিতে হইবে এ সব একদেশদর্শীর কথা। সমগ্রভাবে দেখিতে গেলে সাহিত্যে রসই প্রাধান্য লাভ করে, এই রসই আমাদের চরম লক্ষ্য হোক।

অয়ত্তি তে স্কৃতিনো

রসসিদ্ধ কবীন্দ্রাঃ

নাস্তি যেষাং যশঃকারে

অরামরণজঃ ভয়ম্ ॥*

* 'রবিবাসরে'র প্রথম অধিবেশনে পঠিত।

ভাতার-মারীর মাঠ

[রায় শ্রীজলধর সেন বাহাদুর]

অনেকদিন আগের একটা কাহিনী আজ নিবেদন করব। ‘অনেকদিন আগে’ কথাটা শুনে কেহ যদি মনে করে বলেন যে, আমি প্রাগৈতিহাসিক যুগের কথা বলছি, অথবা পৌরাণিক কাহিনী বলছি, অথবা ঐতিহাসিকেরা যদি ভেবে থাকেন যে মোগল-পাঠান বা কোম্পানী বাহাদুরের ভারতের রাজতন্ত্র অধিকারের সম-সাময়িক কোন ঘটনার উল্লেখ করছি, তা হ’লে তাঁদের নিরাশ হ’তে হ’বে। আবার ‘অনেকদিন আগের’ সীমানা এই ত্রিশ-পঁয়ত্রিশ বৎসর ; এবং এ কথাও আগে থাকতে বলে রাখছি যে, আমি যে ঘটনার কথা বলব, তার যথার্থ্য প্রমাণ করবার জ্ঞান আমি তাত্ত্বশাসনও দেখাতে পারব না, ভিন্‌সেন্ট স্মিথকেও তলব করতে পারব না, বা আমার সোদরোপম স্নেহভাজন ঐতিহাসিক শ্রীমান ব্রজেননাথের অনুগ্রহে রেকর্ড আফিসের পুরাতন কাগজপত্রও নঞ্জির স্বরূপ হাজির করতে পারব না,—আমার বর্ণিত কাহিনী একেবারে শোনা কথা, আর সে কথা শুনেছিলাম আমার পালকী বাহক নিরক্ষর পোদ-পুঙ্গবদের কাছে। আর এ কথাও আমি বলে রাখছি যে, আমি সেই পল্লীবাসী অশিক্ষিত পোদদের কথা বিশ্বাস না করে থাকতে পারি নি এবং এতকাল পরে, যখন জীবনের অনেক কথা একেবারে ভুলে গিয়েছি—কত বন্ধুবান্ধবের কত স্নেহ, কত অনুগ্রহের কথা, কত বিপদ-আপদের কথা ভুলে গিয়েছি, তখনও সেই ‘ভাতার-মারীর মাঠে’র কাহিনী আমার মনে আছে—সুধু মনে আছে নয়—হৃদয়ে মুদ্রিত হয়ে আছে। সেই কাহিনীই এতদিন পরে বলতে বসেছি। অতএব আর ভূমিকা না বাড়িয়ে কথাটাই বলি।

তখন আমি একটা সামান্ত পাড়াগাঁয়ে মাষ্টারি করতাম। তাতে সুখ যথেষ্টই ছিল—যা কষ্ট ছিল অল্প-বস্ত্রের। মাইনে পেতাম একত্রিশ টাকা পনর আনা—পুরা বত্রিশ টাকার এক আনা পয়সা রসিদ-ষ্ট্যাম্পের জ্ঞান সেলামী দিতে হ’ত সৌভাগ্যের কথা এই ছিল

যে আটশ টাকা পেয়ে বত্রিশ টাকার রসিদ লিখে দিতে হ’ত না। আর একটা কথাও বলে কেলি, মাইনে কিন্তু মাসে মাসে পেতাম না—কিস্তিবন্দী করেও না। জমীদারের স্কুল, তিন চার মাস পরে কর্তাদের তহবিলের অবস্থা যখন একটু সচ্ছল হ’ত, তখনই তাঁদের অনুগ্রহ-দৃষ্টি পড়ত এই গরীব অসহায় স্কুল মাষ্টারদের উপর। এ অবস্থায় আর আর মাষ্টারেরা এই হতভাগ্য বাঙ্গালা দেশে যা করে থাকেন, আমাকেও সেই উৎসাহিত্তি অবলম্বন করতে হয়েছিল—অর্থাৎ প্রাইভেট টুইসনি করতে হ’ত। তাইতে যা পাওয়া যেত তাই দিয়ে আর গ্রামের সদাশয় মুন্সিপ্রবর হরেকৃষ্ণ মাইতীর দোকানের প্রসাদে কোন রকমে দিনালের ব্যবস্থা করা যেত। কথাটা অতিরঞ্জন বলে কেউ মনে করবেন না—বাঙ্গালা দেশের গ্রাম ও পল্লীর সাড়ে পনর আনা শিক্ষকদেরই এই অবস্থা—ত্রিশ চল্লিশ বছর আগেও এই অবস্থা ছিল, এখনও তাই আছে, আর যদি কখন স্বরাজ লাভ হয় তখনও ঐ অবস্থাই থাকবে।

থাক সে ছুঃখের কষ্টের কথা এখন। বলেছি তো, আমাকেও বাধ্য হয়ে প্রাইভেট টুইসনি করতে হ’ত। আমি দুইটা ছেলেকে পড়াতাম। তারা রবিবার বাদে প্রতিদিন প্রাতঃকালে আমার বাসায় এসে পড়ে যেত। দুইটা ছেলেই একই শ্রেণীতে পড়ত, সুতরাং একসঙ্গে দুই জনের পড়া বলে দিলেই চলত। একটা ছেলে তার এক আত্মীয়ের বাড়ীতে থাকত, অপরটা স্কুলের বোর্ডিংয়ে বাস করত। পূর্বোক্ত ছেলেটা মাষ্টার মশাইয়ের দক্ষিণা দিত দেড় মণ চাউল—ধান নয় ভাই, চাউল। তার বাপ তিন ক্রোশ দূরের একগ্রামের সম্পন্ন কৃষি গৃহস্থ ; নগদ টাকার বদলে চাউল দিতে তার গায়ে বাধত না। দ্বিতীয় ছেলেটার বাড়ী প্রায় সাত ক্রোশ দূরে, তার বাপ বড় জমীদার, সুতরাং টাকার মাছুষ। তিনি মাসে মাসে যথাসময়ে দশটা করে টাকা পাঠিয়ে দিতেন ; এ টাকা কখন বাকী পড়ত না।

মাসের প্রথমে ছেলের খরচ যখন পাঠাতেন, তখন আমার টাকাটাও পাঠাতেন এবং যে লোক টাকা দিতে আসত, তার সঙ্গে ছেলের বাপ তারকবাবু ছেলের জন্ম এবং সেই সঙ্গে মাষ্টারমশায়ের জন্ম, কখনও এক কলসী গুড়, কখনও বা একটা বড় মাছ, কখনও বা ছুসের ষি পাঠিয়ে দিতেন, এবং কোন কার্য উপলক্ষে যখন জেলায় যেতেন, তখন এই পথ দিয়ে যাবার সময় এক-আধ বেলা আমার মত গরীবের প্রবাস-গৃহে আতিথ্যও স্বীকার করতেন। তাই, তারকবাবু ও তাঁর ছেলে আমার ঘরে-বাহিরের ছাত্র লক্ষীকান্তের সঙ্গে আমার বেশ একটা আত্মীয়তা হয়েছিল।

এই আত্মীয়তার ফলস্বরূপ এক দিন তারকবাবু তাঁর ছোট ভাইকে আমার কাছে পাঠিয়ে দিলেন—উদ্দেশ্য, তাঁর বাড়ীতে একবার আমাকে পদধূলি দিতে হবে; উপলক্ষ তারকবাবুর নবজাত পুত্রের অন্নপ্রাশন। দিনও স্থির করেছিলেন ভাল—এক রবিবার। তারকবাবু অশুরোধ করে পাঠিয়েছিলেন যে, শনিবার মধ্যাহ্নে একটু সকাল সকাল স্কুল থেকে বেরিয়ে তাঁর বাড়ী অভিমুখে যাত্রা করতে হবে—ছয়-সাত ক্রোশ পথ, তিন চার ঘণ্টাতেই অতিক্রম করা যাবে। রবিবার সেখানে থাকতে হবে; সোমবার খুব ভোরে বেরিয়ে এসে যথাসময়ে স্কুলে হাজিরা দেওয়া যাবে। লক্ষীকান্ত দিনটাই আগেই বাড়ী যাবে। শনিবার প্রাতঃকালে পালকী বেহারা আমার বাসায় এসে হাজির হবে। বলা বাহুল্য, এমন মক্কেলের সাগ্রহ নিমন্ত্রণ আমি অস্বীকার করতে পারি নি—সম্মতি দিয়েছিলাম।

শনিবার এসে পড়ল। সেটা বৈশাখ মাস, রোদ একেবারে ঝাঁঝ করে, দুপুর বেলা ঘরের বার হওয়া যায় না। আমাদের স্কুল তখন প্রাতঃকালে বসে—৭টার মধ্যেই ছুটি হয়ে যায়, নইলে যে সব ছেলে দূর গ্রাম থেকে পড়তে আসে তাদের কষ্ট হয়।

আমি জানতাম নটা-দশটার মধ্যেই পালকী ও বেহারা এসে পড়বে; কি জানি আমার বাসায় আসতে যদি একটু বিলম্ব হয়, তা হলে লোকগুলো এলে তাদের খাওয়া-দাওয়ার ব্যবস্থা করবার কথা বাসায় বলে গিয়েছিলাম।

আমি স্কুল থেকে যখন বাসায় এলাম, তখন দেখি

বেহারারা পৌঁছে গেছে। আমি আসতেই তারা নমস্কার করে বলল যে, তাদের বাবু বলে দিয়েছেন, সকাল-সকালই যাত্রা করতে। 'কাল বোশেখী'র দিন, বেলা পড়তেই জল-ঝড় হ'বার সম্ভাবনা।

আমি বললাম, যে রোদ উঠবে তার মধ্যে তোমরা পালকী কাঁধে করে যাবে কেমন করে? তার বদলে এক কাজ করা যাক; সন্ধ্যার পর ঠাণ্ডা পড়লে যাওয়া যাবে।

বেহারাদের মধ্যে যে প্রধান, সে বলল, না, বাবু তা হবে না; বাবুর ছকুম কি অমান্তি করতে পারি! রোদ দেখে আমরা ডরাইনে। রাত্তার মধ্যে ঝড় তুফানেরই ভয়। আপনি স্নান-আহার করে নিন—এই এগারটা-বারোটোর মধ্যে বেরুলে আপনার আশীর্বাদে এ সাত কোশ পথ তিনটের মধ্যেই পাড়ি জমিয়ে দেব।

আমি বললাম—সে না হয় হ'বে। তোমরা যে চূপ করে বসে আছ; খাওয়া-দাওয়ার কি ব্যবস্থা হয়েছে।

তারা বলল—মা ঠাকরুণ তো রান্না করবার কথাই বলেছিলেন; আমরা ও হাঙ্গামায় নারাজ। বাবু একটা টাকা দিয়েছিলেন, তাই দিয়ে চিড়ে ফলার করব ঠিক করেছিলাম। মাঠাকরুণ সে টাকাটা কেড়ে নিয়ে তাঁর চাকরকে কি বলে বাজারে পাঠিয়েছেন, আর আমাদের চূপ করে বসে থাকবার ছকুম দিয়েছেন—আমরা বসে আছি।

এখানে 'মাঠাকরুণ' কথাটার ব্যাখ্যা করতে হচ্ছে। যাকে বেহারারা মা ঠাকরুণ বলে অভিহিত করেছিল, তিনি আমার স্বর্গগতা পূজনীয়া দিদি—আমার জ্যেষ্ঠা ভগিনী; বেহারাদের 'মা ঠাকরুণ'র আমার গৃহে আগমনের সুস্থর সম্ভাবনাও আমার মনে তখন উদিত হয় নাই। হায় রে, সে সময়!

যাক সে কথা; বললাম যে দিদি বেহারাদের আহারের জন্ম চিড়ামুড়কি সংগ্রহের জন্ম বাজারে লোক পাঠিয়েছেন।

বেহারারা এগারটার মধ্যেই খেয়ে দেয়ে প্রস্তুত হ'ল, আর আমাকে ঘন ঘন তাগিদ দিতে লাগিল; তাদের ঐ এক কথা রোদে কি করবে, ভয় কালবোশেখী! কাল-বৈশাখী ভয় আমার ছিল না—তার পূর্বে অনেক কাল-বৈশাখী আমার মাথার উপর দিয়ে চলে গিয়েছিল; ভীষণ

পন্নাবকে কালবৈশেখীর বড় নৌকো ডুবে আমাকে ভারতে পারেনি, হিমালয়ের মধ্যে কত কালবৈশেখীর ঝড়বাত আমাকে চূর্ণ করে কেনতে পারে নি—কত কালবৈশেখীর আক্রমণ সহ করে এই সমস্ত বছর পর্যন্ত বেঁচে আছি! সে কথা থাকুক।

বেহারাদের ভাড়াবায় বায়োটার সময়ই যাত্রা করতে হ'ল। আমার বিপুল দেহের কথা ভেবে বছর তারক-বাবু আটটা বেহারা পাঠিয়েছিলেন—বারবার কাঁধ বদল করতে হবে যে!

প্রথম ক্রোশ দেড়েকের মধ্যে পথের পাশে গ্রামও ছিল, মাঠও ছিল, গাছপালাও ছিল, ছায়াও ছিল। কাঁচা রাস্তা, বর্ষাকালে অনেক স্থান ডুবে যায়, যেটুকু মধ্য মধ্যে জেগে থাকে সেখানেও এক হাঁটু-ভর কাদা। আমি বেদিন যাত্রা করেছিলাম, সে দিন পথের মাঝে মাঝে কাদা ছিল, কিন্তু জলে ডুবে যায় নি।

দেড় ক্রোশ, কি তার একটু বেশী অতিক্রম করবার পর এমন একটা মাঠে গিয়ে পড়লাম যাকে মাঠ বললে 'মাঠে'র মর্যাদা বহুগুণ বাড়িয়ে দেওয়া হয়—সে মাঠ নয়—একটা প্রান্তর। এমন বিশাল প্রান্তর, আমি তো অনেক স্থান ঘুরেছি, আর কোথাও দেখেছি ব'লে মনে হয় না। পিছনের দিক ছাড়া সম্মুখে, বায়ে, ডাইনে যে দিকে চাই, সেই দিকেই যেন ধু-ধু করছে; দূরে—অতি দূরে দৃষ্টি-রেখার সীমান্তে কালো মত কি যেন লি-লি করছে; সে গ্রাম কি মরীচিকা, তাও ঠাছর করা যায় না। আমার মনে হ'ল এই প্রান্তরের পরিমাণ-কল অন্ততঃ দশ বর্গ মাইল। আর এই প্রান্তর একেবারে শূন্য। এ-দেশের জমিতে একটী মাত্র ব্রব্যের চাষ হয়—সে ধান। ধান কাটা হয়ে গেলেই শূন্য মাঠ হা, হা করতে থাকে; পর বৎসর জ্যৈষ্ঠ-আষাঢ় মাসে আবার ধানের চাষ আরম্ভ হয়। তাই তখন মাঠের শোভা অতি ভয়ানক। আমি পালকীর মধ্য থেকে সতয়ে চেয়ে দেখলাম, এত বড় প্রান্তরের মধ্যে একটা কি বড় গাছ নেই, বার তলায় একটু আশ্রয় পাওয়া যেতে পারে। একে এই জনমানবহীন প্রান্তর, তাতে বৈশাখের মধ্যাহ্নের অনলধ্বী সূর্য্যকিরণ—আমি পালকীর মধ্যে বসে মধ্যাহ্নের এই ভীষণ মূর্ত্তি দেখে একেবারে স্তম্ভিত হয়ে গেলাম—প্রকৃতির এই দৃশ্য আমার কাছে একেবারে

মৃত্যু—একেবারে অপূর্বদৃষ্ট! কিন্তু কি আশ্চর্য এই প্রথর রৌদ্রের তাপে কিছুমাত্র ক্রম্পে না করে বেহারারা তাদের সেই শব্দ মাত্র পর্যাবসিত ছকার করতে করতে একই-ভাবে চলছে—মাঝে মাঝে কেবল কাঁধ বদলাবার জন্য এক একবার থামছে। আমি এদের এই কষ্ট-সহিষ্ণুতা দেখে অবাক হয়ে গেলাম।

এইভাবে বোধ হয় মাইল দুই-তিন গিয়ে তারা পথের পাশে একটা জায়গায় পালকী নামালে। আমি রোদের জায়গায় কিছুক্ষণ আগে থেকে চোক বুঁজে ছিলাম। হঠাৎ পালকী ভূমি স্পর্শ করায় আমি দেখলাম একটা বটগাছের ছায়ায় পালকী নেমেছে। তার পরেই দেখি বেহারারা সেই বটগাছের গোড়ায় গিয়ে নতমস্তকে প্রণাম করল। আমি আর তখন পালকীর মধ্যে ব'লে থাকতে পারলাম না, পালকী থেকে নেমে একটু এগিয়ে গিয়ে দেখি বটগাছের গোড়ায় ছোট একখানি কুটীর—আর তার মধ্যে কয়েকটা জলের জলা ও কলসী। এক জন লোকও সেখানে ব'লে আছে। বুঝতে পারলাম যে, কোন সদাশয় মহাত্মা এই প্রান্তরের মধ্যে, এই একটীমাত্র বটগাছের ছায়ায় পথিকদের তৃষ্ণা দূর করবার জন্য জলছত্র খুলেছেন। বিশেষ বিবরণ জানবার জন্য সেই কুটীরের সম্মুখে যেতেই আমার বেহারাদের একজন বলল 'বাবু, জল খাবেন কি?'

আমি বললাম—জল পরে খাব; আগে শুনতে চাই, কে এই জলছত্র দিয়েছেন। বেহারা বলল—সে অনেক কথা বাবু। আপনি এই ছায়ায় বসুন, আমি বলছি।

তার কথা মত সেই বটগাছের ছায়ায় বসে সত্য সত্যই আমার শরীর যেন জুড়িয়ে গেল। যে বাতাস বইছিল তা আশু-মাখা হ'লেও আমার কাছে স্নিগ্ধ বোধ হ'ল তখন সেই বেহারা যা বলেছিল, এত দিন পরে তাহার ভাষায় ঠিক ঠিক সে কাহিনী আমি বলতে পারব' না; কিন্তু সে যে ইতিহাস বলেছিল, তার একটা বিবরণও আমি ভুলি নি। সে বলেছিল—

বাবু, এই যে মাঠ দেখছেন এর নাম আগে ছিল বিশ হাজারী মাঠ। এর মধ্যে বিশ হাজার বিঘে জমী আছে না কি। এখন এই মাঠের নাম হয়েছে ভাতারমারীর মাঠ। এ নামও শুনেছি এই পঞ্চাশ-ষাট বছর আগে

দেওয়া ; আমরা তখন জম্মাই নি। এই যে বটগাছটি দেখেছেন, এরও বয়স ঐ পঞ্চাশ-ষাট বছর।

তার পর সে যে কাহিনী বলল, তা আমি আমার ভাষাতেই বলছি। এই স্থান থেকে মাইল তিনেক দূরে একটা গ্রাম আছে ; তার নাম এলাইপুর। পঞ্চাশ-ষাট বছর আগে এই এলাইপুরে মহেশ দাস নামে এক জন মাহিষ্ণু চাষী বাস করত। এখন যেখানে বটগাছ জন্মেছে, সেই জমী ঐ মহেশ দাসেরই ছিল। সে নিজেরই ঐ জমী চাষ করত। জমীর পরিমাণও বেশী নয়—এই দুই বিষে কি আড়াই বিষে। এই জমীটুকু চাষ করবার জন্য মহেশ অল্প জন-মজুরের সাহায্য নিত না, কারণ তাদের পারিশ্রমিক দেওয়ার সামর্থ্য মহেশের ছিল না। দূরবর্তী গ্রামগুলির কাছে যে সব জমী ছিল, কৃষকেরা সে সকল জমী যখন তখনই চাষ করত, কিন্তু এই প্রকাণ্ড প্রান্তরের মাঝখানে যে সমস্ত জমি, সে গুলি চাষ করবার জন্য চাষীরা খুব ভোরে জমীর উপর আসত ; বেলা আটটা-নয়টা পর্যন্ত চাষ করত ; তার পরই বাড়ী চলে যেত, কারণ মাঠের মাঝে না আছে ছায়া, না পাওয়া যায় জল ; শিশুরের রোদ্রে কি এ হেন স্থানে চাষ করা যায় ?

একদিন মহেশের কি দুর্ভিক্ষ হ'ল। সে তার স্ত্রীকে প্রাতঃকালে বলল যে, সে তার লাঙ্গল ও দুইটা গরু নিয়ে মাঠের মাঝের জমী চাষ করতে যাবে। দুপুর বেলা সে আর ঘ'রে আসবে না। সারাদিনই মাঠে থেকে সবটা জমী চাষ করে সন্ধ্যার সময় সে ঘরে ফিরবে—রোজ রোজ এই দুকোশ পথ যাওয়া-আসা সে করতে পারবে না। তার স্ত্রী সে কথা প্রতিবাদ ক'রে বলেছিল, এই রোদের মধ্যে সারাদিন সেই মাঠের মাঝে থাকা ঠিক হবে না, সেখানে না আছে ছায়া, না পাওয়া যায় জল। তারও কষ্ট হবে, বলদ দুটাও মারা যাবে। মহেশ সে কথা কাণেও তুলল না, সে বলল,—“দেখ, তুমি এক কাজ কর’। দুপুর বেলায় আগেই আমার জন্য কিছু চিড়ে মুড়ি আর এক কলসী জল নিয়ে মাঠে যেও। আমি তাই খাব, আর বলদ দুটোকেও জল খাওয়াব।” তার স্ত্রী বলেছিল এতটা পথ এখন যাবে, ষটিখানেক জল সঙ্গে নিয়ে যাও। যদি সকাল সকাল আসতে পার তা হলেই ভাল হয়। এক প্রহর বেলায় পরও যদি তোমাকে ফিরে

আসতে না দেখি, তা হ'লে তোমার খাবার, আর এক কলসী জল নিয়ে আমি মাঠে যাব।”

মহেশ এই ব্যবস্থা ঠিক করে লাঙ্গল গরু নিয়ে মাঠে চলে গেল, তার স্ত্রী হরিমতি গৃহকার্যে মন দিল।

হরিমতি ভেবেছিল তার স্বামী এই নটা-দশটার মধ্যে ঠিক ফিরে আসবে—দুপুর রোদ্রে কার সাধ্য যে ঐ তেপান্তর মাঠের মাঝখানে থাকে। কিন্তু সে ভুল বুঝেছিল। বেলা যখন বেড়ে গেল, হরিমতি তখনও একবার ঘরে যাচ্ছে, একবার বাইরে এসে পথের দিকে চাইছে। এমন করতে করতে বেলা যখন দুপুরের কাছে গেল, তখন হরিমতি আর অপেক্ষা করতে পারলে না ; সে কিছু মুড়ি আর বাতাসা আঁচলে বেঁধে আর একটা মেটে কলসী ভ'রে জল নিয়ে সেই মাঠের দিকে যেতে লাগল। কম পথ তো যেতে হবে না ? আর এই প্রচণ্ড রোদের মধ্যে। হরিমতি জলের কলসীটা একবার কঁকে নেয়, আঁচল দিয়ে বিড়ে পাকিয়ে মাথায় দিয়ে তার উপর কলসীটা বসিয়ে জমির আঁল ধরে যেতে লাগল।

এদিকে মহেশ বেলা দশটা পর্যন্ত চাঁবের কাজেই নিযুক্ত ছিল। দশটার পরে যখন রোদ বেড়ে উঠল, তখন সে একবার মনে করল বাড়ী ফিরে যায়, আবার ঠিক করল, আর একটু কাজ করলেই সন্ধ্যা জমী চাষ করা হয়ে যায়—এই তো আর একটু পরেই হরিমতি খাবার ও জল নিয়ে আসবে, তখন না হর দুজনে এক কাজেই বাড়ী ফেরা যাবে।

ষটিখানেক যেতেই জল-ভরুয়ায় মহেশের গলা কাঠ হ'য়ে গেল। সেই বেলা সাতটা থেকে এই বৈশাখ মাসের প্রথর রোদের মধ্যে সে কাজ করেছে—তুমি আর অপরাধ কি ? সে তখন আর লাঙ্গল চালাতে পারল না—নিকটে গাছপালাও নেই যে, তার ছায়ার আশ্রয়। ‘মহেশ অধীরভাবে পথের দিকে চাইতে লাগল—তার শরীর অবসন্ন হ'য়ে পড়ল, চৌক বুজে আসতে লাগল, সেই জমহীন প্রান্তরের মধ্যে নিতান্ত অসহায় অবস্থায় সে পথের দিকে চেয়ে রইল, এমন শক্তি তার নেই যে, তিন মাইল পথ হেঁটে তখন বাড়ী যায়।

মহেশ একবার চোক বুজে শুয়ে পড়ে, আবার উঠে

পথের দিকে চায়। জল—জল—ওগো একটু জল! কিন্তু কোথায় জল—কোথায় হরিমতি।

“তার পর বাবুজি, কি আর কব। মহেশ ভেট্টার আশায় পাগল হ’য়ে গিয়েছিল, পরাণ বা’র হবার আর দেবী ছিল না। এমনি সময় সে দেখলে তার ইস্তিরী মাথার জলের কলসী নিয়ে আসছে। মহেশ আর তখন বলে থাকতে পারলে না, একেবারে পাগলের মত উঠে দৌড়ল তার ইস্তিরীর দিকে—আর সবু চলে না—ঐ জো জলের কলসী।

“তেনারে ছুটে আসতে দেখে তেনার ইস্তিরী ভাবল, তার দেবী হ’য়ে গেছে, তাই বুঝি তার স্বোয়ামী তাকে মারবার তরে ছুটে আসছে। সে তখন ভয় পেয়ে যেই বেসামাল হয়েছে, অমনি তার মাথার উপর থেকে কলসীটা পড়ে গিয়ে ভেঙ্গে গেল। এই না দেখেবাবুজি, মহেশ ঠিক এইখানডায়, যেখানে আপনি বসে আছেন, সেইখানে আশ্রয় চেঁচায় কি যেন ব’লে মাটিতে পড়ে গেল—আর তো জল পাবার উপায় নেই ভেবে তার দম আটকে গেল—এই ঠিক এইখানডায়—আর মহেশ উঠল না। তার ইস্তিরী কি হ’ল ঠাহর করতে না পেরে দৌড়ে এসে ঠেলা দিয়ে দেখে মহেশের সাড়া নেই। হরিমতি তখন চোঁচিয়ে উঠে তার স্বোয়ামীর মাথাটা কোণে নিয়ে এইখানডায় বসল।

কোনো মাসের বেলা গড়িয়ে গেল হরিমতি যেমন ব’লে ছিল, তেমনি ব’লে রইল। বিকেল বেলায় তার পাড়াপড়শীরা তাকে ধরে না দেখে খুঁজতে খুঁজতে এই জায়গায় এল। হরিমতি তখনও সেই ভাবে ব’সেই আছে। মেয়েরা এসে তার গায়ে ঠেলা দিতে তার হ’ল হ’ল সে ডুকরে কেঁদে উঠে অতি কষ্টে সব কথা বলতে বলতে হঠাৎ চুপ করে গেল, তার মাথাটা তার স্বোয়ামীর বুকের উপর বুকে পড়ল। যারা এসেছিল তারা, কি হ’ল, কি হ’ল ব’লে তার গায়ে ঠেলা দিয়ে দেখে সতীলক্ষ্মী স্বোয়ামীর সঙ্গে চলে গিয়েছে। বাবুজি, আপনি যেখানে বসে আছেন, আমার বাবার মুখে শুনেছি, ঠিক ঐখানেই তারা পরাণ দিয়েছিল। তাই তার পর হতে এই মাঠের নাম হ’য়েছে ‘ভাতার-মারীর মাঠ’। আর বাবুজি, এই যে বটগাছ দেখছেন, আমাদের

মনিব তারকবাবুর বাবা গঙ্গাধরবাবু এই বটগাছ পিঁড়িতে ক’রে দিয়ে গেছেন। তিনি এখানে একটা পুকুর দিতে চাইছিলেন; কিন্তু বটগাছ দেবতা কি না; তিনি রেভের বেলায় গঙ্গাধরবাবুকে স্বপন দিয়ে ব’লে গেলেন, তুই এখানে পুকুর কাটাশনি, জলছত্তর দে। যদিই এখানে জলছত্তর রাখবি তদিন লক্ষ্মী তোর ঘরে অচলা হবে। তারই অতুই তো বাবুজি গঙ্গাধর বাবু সগগে গেলেন তাঁর পুকুর আশাদের মনিব এই জলছত্তর চালাচ্ছেন। এলাইপুরে মহেশের বাড়ীর উপর পুকুর কাটিয়ে দিয়ে সেই জল আনিয়ে এই জলছত্তরে রোজ রোজ বারমাস পঞ্চলুতি লোকের জল খাওয়ানোব বেবস্থা কয়েছেন। মহেশ যে জল জল করেই এখানে পরাণ দিয়েছিল—তার ইস্তিরী যে এখান থেকে আর ঘরে ফিরে যায় নি বাবুজি।

এই কাহিনী সেই দুপুর রৌদ্রের গাছতলায় ব’সে শুন্তে শুন্তে আমি দেশ-কাল ভুলে গিয়েছিলাম। আমি তখন আমার বাপসা-চ’খে দেখতে পেয়েছিলাম মহেশ আর হরিমতির দেব-মূর্তি; শুন্তে পেয়েছিলাম তৃষ্ণাকাতর মহেশের মর্মভেদী আর্তনাদ; দেখতে পেয়ে ছিলাম সতীলক্ষ্মী হরিমতির অসহায় মুখ। আর এতদিন পরেও আজ আপনাদের কাছে সেই ভাতার-মারীর মাঠের করুণ কাহিনী বলবার সময় সেই দৃশ্যই আমার চোখের স্তম্ভে ভেসে উঠছে—সেই মহেশের প্রাণপণ আর্তনাদ—জল! জল! একটু জল। অনেক কাল আগে কারবালার প্রান্তরে একদিন এমনই ভাবে জল, জল, একবিন্দু জল ব’লে হৃদয়ভেদী আর্তনাদ উঠেছিল—আর এই নির্জল প্রান্তরের মধ্যে—এই ভাতার-মারীর মাঠেও একদিন সেই কাতরধ্বনি ‘জল, জল একবিন্দু জল’ মহেশের মুখ থেকে শেষ উচ্চারিত হয়েছিল। কারবালা জগতের ইতিহাসে অমর হয়ে আছে—আর এই ভাতার-মারীর মাঠে মহেশের প্রাণ-দানের কথা—সতী-সাধ্বী হরিমতির স্বামীর বুকের উপর প্রাণ-ত্যাগের কাহিনী সেই ভাতার-মারীর মাঠের মধ্যেই হায় হায় করে প্রতিধ্বনিত হচ্ছে।

আমি তখন সেই জলছত্তরের রক্ষকের সন্মুখে গিয়ে বুকপানি হ’য়ে জল খেলাম—শরীর মন পবিত্র হয়ে গেল—এ যে সতীকুণ্ডের জল। তারপর মহেশ-হরিমতির উদ্দেশে সেই বটগাছকে প্রণাম ক’রে আমি পালকীতে উঠে বসলাম সেই নিস্তর জনহীন ভাতার-মারীর মাঠের মধ্য দিয়ে আমার পালকী গন্তব্য স্থানের অভিমুখে চলতে লাগল।*

* ‘মনি-বাসরের’ বোদ্ধ অধিবেশনে পঠিত।

বাদল-বিরহ

[বন্দে আলী মিয়া]

ষোলাটে মেঘে আজ ভাঙ্গন লেগে গেছে,—

অঝোর ধারা বেয়ে ঝরিছে জল ।

তমাল-শাল বীথি ভিজিয়া হ'ল সারা

নাচিয়া হাসিতেছে যুথীর দল ।

পূবের মাঠখানি সবুজ ঘাসে ঢাকা

আগাছা শু'রে গেছে বুকের 'পর ;

বাবলা চারা গাছে কাঁপন লাগিয়াছে,

ব্যথায় ছুলে কাঁদে ও উলুখড় ।

বাতাসে দোলা লাগে আমের শাখে শাখে

ফুলেলা নিমগাছ হাসিয়া তারে ডাকে,

মাঝের ব্যবধান যুচেনা যেন আর,

তার এ বেদনার নাহি যে ভল ।

তাপসী হিয়া মোর কাঁদিছে পথ চেয়ে

আজিকে সাথীহীন নিজন ঘর ;

তোমারে হারাইয়া নিখিল বেদনা যে

নেমেছে ভীৰু মোর বুকের 'পর ;—

আমার বিরহ যে আকাশে ছেয়ে গেছে,

মেঘের মাঝে তার পেয়েছে পথ,

বাদল বায়ু সাথে স্তূদুর লোক পানে

চলিছে দিশেহারা মানস-রথ ।

আজিকে অবেলায় বাদল-ছায়া মাঝে

জলের ধারা সনে যে-সুরধ্বনি বাজে,

সে যে গো চেনা মোর স্বপনে কহে কথা

মনের দরপণে সে অগোচর ।

আজিকে পরবাসে কেবলি গণি দিন,

কবে যে দেখা হবে তোমারি সাথ ;

দীর্ঘ দিন আর কাটিতে চাহে না গো,

ভাহার পরে আসে দীর্ঘ রাত—

প্রাণের সাধীহারা একেলা শয়নেতে
 বৃকের সাথে আজ তোমারে চাই ;
 যুমের ঘোরে যেন তোমারে কাছে লভি,
 মেলিয়া অঁাখি আর নাহিক পাই ।
 যেথায় শুয়ে তুমি হাসিতে মোর সনে
 সেথায় খালি দেখি কি ব্যথা বাজে মনে !
 সহসা বিনা মেঘে ফুলের মায়া-বনে
 হয়েছে যেন প্রিয়া অশনিপাত ।
 তুমিও সেথা বৃকি আমার লাগি আজ
 করোনি প্রসাধন—বাঁধোনি চুল ,
 মেঘের পানে চাহি' সেজেছে বিরহিণী,
 সকল কাজে বৃকি হ'তেছে ভুল ?
 সকল বাধা ঠেলি দুঁছর মন আজ
 দৌহার কাছে যেতে কেবলি চায় ;
 আমার ভালবাসা পূবের বায়ু করে
 পাঠায়ে দিনু তব উপোষী হিয়া তরে,
 তাহারে বৃকে ধরি' অ-ধির চুমো দিয়ে
 হয়োনা প্রিয়তমা, বেদনাকুল ।



নিশীথ রাতে

(গল্প)

[শ্রীমতী পূর্ণশশী দেবী]

এক

“ওঃ হো। ক্যান্সী অঁধেরী রাত !”

বর্ষার অন্ধকার রাত্রি। আকাশ ঘন মেঘাচ্ছন্ন। কালো মেঘের কাঁকে কাঁকে স্নকেশিনীর কৃষ্ণকুন্তলে হীরার ফুলের মত ছ’টা একটা তারা ফুটে ঝিক্-ঝিক্ ঝিক্-ঝিক্ করিতেছিল।

মুক্ত বাতায়ন পথে দুর্ঘোণ্ডরা অন্ধকার আকাশের দিকে চাহিয়া নিস্তব্ধ নির্জন ঘরে একলাটী শুয়েছিলাম, কিছুতেই ঘুম আসিতেছিল না। আত্মীয় পরিজন-বর্জিত বনাকীর্ণ, অজানা অচেনা স্থানে আমি একা, আমার মনের অবস্থা তখন নির্কাসনদণ্ডে দণ্ডিত যন্ত্রের মত।

অদৃষ্টে নিতান্তই বনবাস ছিল, নহিলে অমন সুবিধায় চাকরীতে ইস্তফা দিয়া এই চা-বাগানে আসিতে হইবে কেন ?

বেখানে ছটা দিন ছটা যুগ বলিয়া মনে হয়, সেখানে বার মাস বাস করা—পোষাবে কি ? বিছানায় নিরুন্ন হইয়া পড়িয়া এই সব কথাই ভাবিতেছিলাম। অস্থির মনের উদ্বেগ ও হুশ্চিন্তা যেন সেই বর্ষা-নিশীথের অবিচ্ছিন্ন গাঢ় স্তব্ধতা ও অন্ধকারের মতই ঘোরাল হ’য়ে উঠ’ছিল—সেই সময় আমার চিন্তাচ্ছন্ন মনকে সহসা সচকিত করিয়া জানালার দিকে ত্রস্ত মুহূর্ত্তে কে বলিয়া উঠিল,—“ওঃ হোঃ ক্যান্সী অঁধেরী রাত !”

সঙ্গে সঙ্গে জানালায় কার ছায়া পড়িল এবং একটা সুদীর্ঘ গাঢ় নিঃশ্বাসের শব্দও শোনা গেল।

আমি বাস্তবিক চমকিয়া উঠিলাম ; এই দুর্ঘোণ্ডের আঁধার রাতে কে ওখানে ! চকিত-কণ্ঠে বলিলাম—“কে ওখানে, কোন ছায় ?”

ছায়টা সরে এল, এবার স্পষ্ট দেখিতে পেলাম, ছায়া-মূর্ত্তি নয়, কে একজন দীর্ঘকায় পুরুষ, জানালার গরায়ে মুখ রাখিয়া শিথিল-করণ-কণ্ঠে, ব্যগ্রতার সহিত কহিতে

লাগিল “অরে মোহন!—মোহন ভাই! উঠ, ভাই! জলদি! জলদি!”—

কি ব্যাকুল, কি আর্ত সেই আছান!

আমি আর স্থির থাকিতে না পারিয়া ধড়মড়িয়া উঠিয়া পড়িলাম।

ঘরের কোণে-রাখা হেরিকেনটা তুলিয়া নিয়া জানালার কাছে ছুটিয়া গেলাম।

ল্যাম্পের আলোর অস্পষ্ট স্পষ্ট হইয়া গেল। এ যে আমার সহকর্মী মুন্সী সুলতান সিং।

কিন্তু লোকটার চেহারা কি অস্বাভাবিক বিবর্ণ দেখাইতেছিল। তার আধনিম্নলিঙ্গ চক্ষু ছুটিতে কি স্বপ্নাচ্ছন্ন ভাব—দেখে বোঝা যায় না, সে মুস্ত না জাগ্রত

আলোটা তার দিকে উচু করিয়া ধরিয়া আমি শশব্যস্তে জিজ্ঞাসা করিলাম :—“একি মুন্সী! এতরাত্রে এখানে এসে কাকে—?”

উজ্জ্বল আলোর রেখা চোখের উপর পড়িতেই সুলতান সিং যেন স্বপ্নঘোর থেকে জাগিয়া উঠিল; তারপর আমার মুখের দিকে একবার তীক্ষ্ণ চকিত দৃষ্টি নিক্ষেপ করিয়া সে অপ্রতিভ ভাবে বলিল, “ওহো! বাবুলী! মাফ কর, না, ম্যায়—”

বলিতে বলিতেই হন্ হন্ করিয়া তার কোয়াটারের দিকে চলিয়া গেল, সুলতান কথার শেবটা শুনিতে পাইলাম না।

অন্ধকারে যতদূর দৃষ্টি যায় তার পানে অবাক হইয়া চাহিয়া রহিলাম। একি আশ্চর্য ব্যাপার!

ছ-তিন দিনের স্বপ্ন আলাপে এই সুলতান সিংয়ের পরিচয় যতদূর জানিতে পারিয়াছি তাহাতে মনে হয়, লোকটা বাস্তবিক ভ্রমসন্তান। কথাবার্তায় খুব অমায়িক। বয়স ছাষ্মিশ সাতাশের বেশী হইবে না।

বাকালী-সংস্পর্শহীন চা-বাগানে, সম্পূর্ণ বিদেশী কর্তৃ-চারীদের মধ্যে এই একটা লোকের সঙ্গে আলাপ করিয়াই

মনে একটু সাধনা পাইতাম,—তাকেই আমার ভাল লেগেছিল। উভয়ের বয়স ও অবস্থার সমতাই হয় তো এই ভাল মীগার কারণ।

সুজন সিং পাহাড়ী রাজপুত্র, দেশে তার আত্মীয় স্বজন কে আছে জানি না, এখানে সে একাই থাকে। আমিও একা, তাই প্রথম পরিচয়েই তার সঙ্গে আমার একটু বন্ধুতার ভাব আসিয়াছিল, কিন্তু এই ছুর্যোগের রাতে সে ঘুম থেকে হঠাৎ উঠে এসে চুপি চুপি চোরের মত আমার ঘরে উ কি মারছিল কেন? আর ‘মোহন’ ‘মোহন’ বলে অমন কাতরভাবে, ব্যাকুল আগ্রহেই বা ডাকিতেছিলই বা কাহাকে, কিছু বোঝা গেল না। ব্যাপারটা যে বড় রহস্যময় ঠেকিতেছিল।

মনে বিশ্বাস, সংশয়, কৌতূহল একসঙ্গে প্রবল হইয়া উঠিতেছিল, ইচ্ছা হইল আলো নিয়া সুজন সিংয়ের নিকট জানিয়া আসি ব্যাপার কি? কিন্তু অতরাতে ভদ্রলোকের বাড়ী চড়াও হইয়া যাওয়াটা সমীচীন নয়, বিশেষ লোকটা যখন অপ্রতিভ হইয়া ক্রমা প্রার্থনা করিয়া গেল।

তখন কি আর করি, মনের অদম্য কৌতূহল সবলে দমন করিয়া বিছানায় আশ্রয় লইলাম।

এবার বৃষ্টি আরম্ভ হইয়া গেল, প্রথমে টিপি টিপি, তারপর মুসল ধারে। অনেক ক্ষণ ঘুম আসিল না বাদল-ধারার অশ্রান্ত রূপ-রূপ-শব্দের মধ্যে যেন কেবলই কাণে বাজিতেছিল সেই বেদনা-মখিত কাতর আহ্বান-ধ্বনি “মোহন! মোহন তাই।

দুই

সকালে আকাশ বেশ পরিষ্কার, ছুর্যোগের কোন লক্ষণই ছিল না। আমাদের কারখানায় চায়ের ওজন হইতেছিল, তাই কাজের বড় ভিড়। কিন্তু সকল বাস্তবতার মধ্যে আমি সুজন সিংয়ের দিকে লক্ষ্য রাখিয়াছিলাম। আমার সঙ্গে চোখো-চোখি হইবামাত্রই সে যেন তাড়াতাড়ি কুঠায় সঙ্কোচে অপরাধীর মত দৃষ্টি অবনত করিয়া লইল। তাহার তাবাস্তর দেখিয়া আমার বিশ্বাস-কৌতূহল আরও অদমনীয় হইয়া উঠিল। এই পাহাড়ী যুবকের জীবনে নিশ্চয়ই কোন বিচিত্র রহস্য প্রচ্ছন্ন আছে এবং রহস্যের রক্ত ছয়র উদ্বাটন

আমাকেই যেমন করিয়া হউক করিতে হইবে। অধীর চিন্তে আমি সুযোগের প্রতীক্ষা করিতে লাগিলাম।

ছপুর বেলা আমাদের আহার এবং বিশ্রামের অন্ত হ’ বন্টা ছুটি, আমাদের কোয়ার্টার কারখানা হইতে বেশী দূরে নয়। সুজন সিং আগ্র আমার একই পথ। সেই অন্ত রোজই আমরা গল্প করিতে করিতে এক সঙ্গে আসিতাম, একই সঙ্গে ফিরিতাম, আজ কিন্তু সুজন সিংয়ের মুখে কথা ছিল না। আজ যেন সে বড় উন্মনা, বড়ই উদাস।

নীরবে পথ চলিতে, চলিতে মৌনতা শুধু করিয়া আমি জিজ্ঞাসা করিলাম—“মুন্সিজী! আপনার সঙ্গে আমার একটা কথা আছে, অবশ্য আপনি যদি কিছু মনে না করেন—”

সুজন সিং যেন চমকিয়া উঠিল। চকিত মন দৃষ্টিতে আমার পানে চাহিয়া সে ব্যথিতস্বরে বলিল, “ওঃ! বুঝেছি আপনি কি কথা বলতে চান, কিন্তু বাবুজী! সেতো এখন হ’তে পারে না, সন্ধ্যার পর যদি একবারটা আমার বাসায় আসতে পাবেন—”

“পারব না আবার!” বলিয়া আনন্দ-গর্ভগর্ভ-কণ্ঠে বলিলাম—“পাগ্লা ভাত খাবি না হাত ধোব কোথায়!” সন্ধ্যা পর্যন্ত তর সহিল না, তার আগেই আমি মুন্সিজীর বাসায় হাজির। সুজন সিং তখন নির্জমন ঘরে সম্ভবতঃ আমারই প্রতীক্ষায় খাটিয়ার ওপর চুপটা করিয়া বসিয়াছিল।

আমাকে হাত ধরিয়া পাখে বসাইয়া সে মুহূর্ত্ত মন হাসি হাসিয়া বলিল, “খুব আগ্রহ হচ্ছে আপনার, না? কাল রাতের ব্যাপারটা জানবার জন্যে—”

“নিশ্চয়ই আমি সারা দিনমান ছট কট করেছি মুন্সিজী! আপনি অত রাতে যে কেন অমন করে—”

“এ আমার জ্ঞানকৃত মহাপাপের প্রায়শ্চিত্ত বাবুজী! কত দিন হ’য়ে গেল তবু এ ভোগের আর বিরাম নেই, কখনও হবে কি না তাও জানি না।” লোকটার কাতরতা দেখিয়া আমার বড় কষ্ট হইল, আমি বলিলাম, “খাক যদি কষ্ট হয় বলতে, তা হ’লে কাজ নেই বলে—”

মর্ম মখিত করা তত্ত্বদীর্ঘকাল কেলিয়া সে পুনরায় বলিতে আরম্ভ করিল :—“কষ্ট তো আমার সারা জীবন

তোমার আছেই বাবুলী। এ রাবণের চিতা যে এ জীবনে নিবারণ নয়। উঃ।—”

সুজন সিং স্তব্ধ হইয়া রহিল, তার বুকের ভিতর যে তখন কি তুফান উঠিতেছিল, তাহা তাহার মুখ-চোখের ভাব দেখিয়াই বেশ বোঝা বাইতেছিল।

ধানিক পরে আর একটা দীর্ঘ নিশ্বাস কেলিয়া সে বলিতে লাগিল,—

“বছর দুই আগে আপনি এখন যে কাজ করছেন এই হেডক্লার্কের পদে বাহাল হয়ে এসেছিল মোহন সিং। সে আমার স্বভাতীয়, পাহাড়ী রাজপুত্র এবং আমারই সমবয়স্ক।

প্রবাসে দেশের লোক দেখলেই আনন্দ হয়, তারপর মোহনের সঙ্গে আমার বয়স, অবস্থা এবং স্বভাবেরও মিল ছিল, সুতরাং অল্পদিনের মধ্যেই আমরা দুজনে পরস্পর ঘনিষ্ঠ বন্ধু হয়ে পড়লাম। সে বন্ধুতা যেমন তেমন নয়, যাকে বলে এক আত্মা, এক প্রাণ।

অফিসের সময় ছাড়া আমরা সর্বক্ষণই প্রায় এক সঙ্গে কাটাড়ুম। পৃথক কোয়ার্টার নিতে হয়েছিল শুধু নিয়ম-বিকল্প বলে।

বন্ধু মোহনের সাহচর্য্যে আত্মীয়-স্বজন-হীন প্রবাসে থেকে দিনগুলি বড় আনন্দে কেটে যাচ্ছিল। এমনি করে একটা বৎসর কেটে গেল। তারপর মোহনের যেন কেমন ভাবান্তর দেখতে পেলুম। সে এখন আর প্রাণ খুলে আমার সঙ্গে গল্প করে না, হাসে না, আমার বন্ধুতা, আমার সঙ্গ যে তাকে পূর্বের মত আনন্দ দিচ্ছে না, তাও বুঝতে পারলুম, কিন্তু কেন? মোহনের এই আশ্চর্য্য পরিবর্তনের কারণ কি?

আমাদের এষ্টেট থেকে দেৱাছন সহর প্রায় দেড় ক্রোশ পথ, মোহন আগে কখনও কচিং শহরে যেত, অনিবার্য্য প্রয়োজনে তাও আমারই সঙ্গে। কিন্তু এখন অফিসের ছুটির পর, প্রায়ই বেরিয়ে পড়ত, ফিরত' সন্ধ্যার পর, কখনও রাতও হয়ে যেত'। জিজ্ঞাসা করলে বলত' একটা দরকার ছিল; কিন্তু রোজ রোজ বর্ষার অন্ধকার রাতে ও বন্যাকীর্ণ নির্জন পাহাড়ী-রাজ্য ভেঙ্গে এতদূর আনাগোনা করতে হয়, এমন কি দরকার তার? একবার উত্তরে 'বিশেষ কাজ আছে' বলে সে কখনও একটু হাসত,

কখনও অস্বাভাবিক গভীর হয়ে উঠত'।

যা হোক, দরকার ঘন ঘনই পড়তে লাগল। এখন মোহন আরও রাত করে ফেরে, এক একদিন কেই খান থেকেই খাওয়া-দাওয়া সেয়ে আসে। আমার মনে শুধু সংশয় নয়, আশঙ্কা, ও উদ্বেগ বনিরে পল। বন্ধুর নিকলক চরিত্র কুলবিত হল না কি?

একদিন অনেক পেড়াপিড়িতে আমূল কথা জানতে পারলুম, মোহন বিয়ে করছে। পাত্রী এই দেৱাছনেরই এক পদস্থ ব্যক্তির সুন্দরী কন্যা।

আমি মোহনের অন্তরঙ্গ বন্ধু, কিন্তু এ শুভ সংবাদে যত খানি খুসী হওয়া, উচিত, বাস্তবিক তা হ'তে পারলুম না, বরং অন্তরের কোথায় যেন একটা ব্যথা লাগল' মনে হ'ল। মোহন অভেদাত্মা বন্ধু হ'য়েও এ সুসংবাদ আমার কাছে গোপন রেখেছিল কেন? এত পেড়াপিড়ি ক'রে না ধরলে হয় তো এখনও সে প্রকাশ করত' না।

আমার সাভিমান অহুযোপের উত্তরে সে বিষয় গভীর-মুখে, শুককণ্ঠে, বললে, 'কথাটা তোমাকে আমি কবেই জানাডুম, কিন্তু—'

আমি উত্তরে ব্যাকুল আগ্রহে বললাম—“কিন্তু কি? বলো, আমার কাছে এ সুসংবাদ এতদিন গোপন রেখে-ছিলে কেন? আমি কি তোমার—”

সে উত্তরে বললে—“সুজন! তুমি জানো না, যাকে তুমি সুসংবাদ বলছ', সেটা তোমার পক্ষে ঠিক সুসংবাদ না, হঃসংবাদ, সেই জন্তই এতদিন চেপে রেখেছিলুম, নইলে তোমার কাছে আমার লুকোনো কি আছে?” আমি কথাটা শুনে শুধু বিস্মিতই নয় হঃখিতও হ'লুম?

বন্ধুর আনন্দ সংবাদ আমাকে পীড়া দেবে, এ ভ্রান্ত ধারণা মোহনের মনে এল কেমন ক'রে?

মনের ক্ষোভ ও অভিমান প্রকাশ না ক'রে আমি রহস্য-চ্ছলে হাসতে হাসতে বলুম, 'এ রকম অদ্ভুত ধারণা তোমার মনে এল কেমন করে বলো দেখি? তোমার মুখে আমি সুখী হব না? হিংসা করব? কেন? বিয়ে করে একবারে বড়ুর হবে? বন্ধুর পাওনা-গণ্ডাও তাকেই দিয়ে কেলেবে বুঝি, কিন্তু আমি তো ছাড়ব না, আমার পাওনা তোমাদের দুজনের কাছ থেকেই জোর করে আদায় করে নেব'।

মোহনের মুখ-চোখ লাল হ'য়ে উঠল'। একটা গভীর দর্শ নিঃশ্বাস ফেলে সে কাতরভাবে বলে—‘সুজন! তাই! তুমি যে আমার যথার্থই মুখে সুখী, তা আমি জানি, কিন্তু তুমি জানো না আমি’—কথাগুলো যেন মোহনের গলায় বেধে যাচ্ছিল, তাকে ধামতে দেখে—আমি অধীর আগ্রহে তার হাত দুখানা ধ'রে বললুম, -‘আমি যা জানি না সেটা আমার জানিয়ে দাও না, তাই! এ যে সব হেঁয়ালী মনে হচ্ছে।’

অপরাধীর মত নতমস্তকে কুণ্ঠিত স্বরে মোহন বললে—
‘আমি যাকে বিয়ে করছি, সে তোমার অচেনা নয়, তাকে তুমি খুব ভাল ক'রেই জানো, আর সে, সেও তোমাকে—’

‘অ্যা সত্যি? সে কে বলা দেখি?’

‘সুভদ্রা, তেজসিংয়ের মেয়ে।’

আমার বুকের ভেতর যেন সজোরে হাতুড়ীর ঘা পড়ল'। সারা অক্ষ তড়িৎস্পৃষ্টের মত শিউরে কেঁপে উঠল'। সুভদ্রা! সেই সুভদ্রা! আঃ! যার রূপ-বৌবন, যার ভালবাসা আমাকে একদিন যুগতৃষ্ণিকার মায়ায় মুগ্ধ ও লুকু ক'রে তুলেছিল, যার স্মৃতির প্রতিমা এখনও আমার অন্তরের অন্তস্তলে গোপনে বিরাজ করছে, যাকে পাবার আশা এই দীর্ঘ দিনের চেষ্টাতেও মন থেকে মুছে ফেলতে পারি নি, সেই সুভদ্রা, আমার দীর্ঘ দিনের আপনার ধন সুভদ্রা, সে এখন মোহনের অঙ্গলক্ষী হ'বে! শুধু তাই নয়, তাদের মিলন-উৎসবে আমন্ত্রিত হ'য়ে আমাকেও যোগদান করতে হ'বে, এবং হয় তো তাদের প্রেমলীলাও নিত্য চোখের সুমুখে নির্বিকারভাবে দেখতে হবে, উঃ! ভগ্নরান! এত বিড়ম্বনা অভাগার ভাল লিখেছিলে!

সেই মুহূর্তে আমার বন্ধ-প্রীতিমুগ্ধ চিত্ত বিরূপও কঠিন হ'য়ে গেল; সমস্ত অন্তরাঙ্গা বন্ধুর বিরুদ্ধে বিদ্রোহী হ'য়ে উঠল'। অন্তরের সুকুমার কোমল বৃত্তিগুলি সবলে দলিত, পিষ্ট ক'রে দিয়ে রাক্ষসী বৃত্তিতে জেগে উঠল' পতি-হিংসা,—আলাময়ী ভীষণ প্রতিহিংসা!

সুভদ্রার পিতা তেজসিং, তখন আমাকে প্রত্যাখান করেছিলেন, আমার বৌবনের আশার স্বপ্ন অতি নিষ্ঠুর-ভাবে ভেঙ্গে দিয়েছিলেন, আমি তার দুহিতার অযোপ্য পাত্র হ'লে, কিন্তু এখন? রূপ-গুণ-বিচার, মোহন আমার

চেয়ে শ্রেষ্ঠ হ'ল কিসে

সে আমার চেয়ে গোটা কতক টাকা বেশী বেতন পায় এইটুকুই তো ভাঙ! মোহনকে মেয়ে দিলে তার মান সম্বন্ধ খর্ব হবে না?’

তাহার আর বাক্যস্কুরণ হইল না। অন্তরের দুঃখ আলা গলিয়া অশ্রুরূপে প্রবল ধারায় পড়িতে লাগিল। আমিও নির্বাক-বিন্ময়ে তাহার দিকে সহানুভূতির দৃষ্টিতে চাহিয়া রহিলাম।

তিন

অনেকক্ষণ পরে একটা কোণের নিঃশ্বাস ফেলিয়া সুজন সিং আবার বাষ্পগদগদ কণ্ঠে বলিতে আরম্ভ করিল—

‘মানুষের মনের ছবি বোধ হয় মুখেও প্রতিকলিত হয়, তাই আমার মুখ পানে চেয়ে মোহন তখন চমকে উঠল', সেমন প্রেতাঙ্গা দেখলে লোকে চমকে ওঠে।

আমার হাত দুখানা কোলের ওপর টেনে নিয়ে মিনতি-করণ কাতরকণ্ঠে সে বলিল, ‘সুজন! আমাকে ক্ষমা ক'র, তাই! আমি তোমার কাছে অপরাধী, কিন্তু এ অপরাধ আমার ইচ্ছাকৃত নয়। আমি যদি আগে জানতুম সুভদ্রাকে তুমি—’

বাধা দিয়ে বললুম, ‘সে যা হবার হয়েছে, তার অন্তে আমার মনে কোনও আপশোধ নেই। তবে আমি না কি তোমার বন্ধু, তোমার যথার্থ শুভাকাঙ্ক্ষী, তাই বারণ করছি, তুমি সুভদ্রাকে বিয়ে ক'র না, মোহন!’

মোহন সোৎসাহে জিজ্ঞাসা করল—‘কেন?—কেন?’
মোহনের মুখ পাংশু হ'য়ে গেল, উত্তর প্রত্যাশায় নিঃশ্বাস রোধ ক'রে সে আমার দিকে চেয়ে রইল, যেন এই প্রশ্নের উপর তার জীবন-মরণ নির্ভর করছে—এমনি ভাবে।

আমি বললুম, ‘তোমার ভাল'র অন্তেই বলছি, তেজসিং লোক ভাল নয়—সে আমাকে কি রকম ধোকা দিয়েছে তুমি জান না বোধ হয়—’

‘জানি, তেজসিং লোকটা বাস্তবিক বড় দর্পিত, কিন্তু সুভদ্রা,—তার কি ঘোষ, তাই! সে যে আমাকে সত্যি সত্যিই.....’

ভালবাসে? কথাটা মুখে আনতে এত কুণ্ঠিত হচ্ছ

কেন, বন্ধু ?—কিন্তু মেয়েমানুষের ভালবাসার বিশ্বাস ক'র না, তুমি কেন ও ভালবাসার কোনও দাম নেই। একদিন আমিও মনে করতুম সুভদ্রা আমাকে যথার্থই ভালবাসে, আর এখন—এখন বেশ বুঝেছি, সেটা শুধু আমার মোহ, ভ্রান্তি, আর কিছু নয়।'

মোহন মাথা হেঁট ক'রে সঙ্কোচের সহিত বললে, 'আমি সব শুনেছি, সুভদ্রা বলে সে না কি তখন নিজের মন বুঝতে পারে নি, তারপর বাপের অমতে.....'

আমার আপাদমস্তক দাউ দাউ ক'রে অ'লে উঠল। একেবারে স্পষ্টবাক্যে অস্বীকার! উঃ! ছলনাময়ী নারী!

আমার উত্তেজিত মুখের পানে ক্রমাগতীর্ণ দীন নয়নে চেয়ে মোহন বললে, 'সুজন! রাগ ক'র না, ভাই। ভেবে দেখ, এতে আমার কি অপরাধ? যদি জানতুম আমি বিয়ে না করলে তোমার আশা আছে তা' হ'লে—'

আমার অন্তরাখ্যা রুদ্ধরোবে গর্জে উঠছিল—ওরে হতভাগা! আমার আশার ধন, অন্তরের নিধি ছিনিয়ে নিয়েছিস, তোর অপরাধ কি সামান্য, কিন্তু মনের বিরাগ মনে চেপে রেখে আমি বললুম, 'ওসব আশায় আমি জলাঞ্জলি দিয়েছি, মোহন। সুভদ্রা কেন, সংসারে কোনও মেয়েকেই আমি জীবনে ভালবাসতে পারব' না আর, সেই জন্যেই তো বিয়ে করি নি, করব'ও না কখন। ও জাতটারই ওপরে আমার অশ্রদ্ধা জন্মে গেছে। তবে তুমি যদি বিয়ে ক'রে সুখী হ'বে মনে কর, তা হ'লে—'

'ওঃ! সুখী আমি নিশ্চয়ই হ'ব সুজন! সুভদ্রাকে পেলে আমার জীবনে আর কোনও অভাব, কোনও অতৃপ্তিই থাকবে না।'

বলতে বলতে মোহনের মুখ ও চক্ষু এক অভিনব পুলক-দীপ্তিতে উদ্ভাসিত হ'য়ে উঠল। উঃ! এত এত দূর!

সমস্ত শরীরের রক্ত আমার তীব্র উত্তেজনায় যেন টগ বগ ক'রে ফুটতে লাগল। তখন কোথায় গেল বিবেক-বুদ্ধি আর কোথায় রইল বন্ধুপ্রীতি!

বাবুজী কাঁসীতে একটা কথা আছে 'অনু জমীন্ জর,' অর্থাৎ নারী, তুমি আর সোণা এই তিনটা ঙ্গিনিসের জন্যেই পৃথিবীতে যত বিরোধ, যত অনর্থপাত হ'য়ে থাকে,

আমার জীবনে সে কথা প্রত্যক্ষ ঘটে গেল। প্রাণের বন্ধু মোহন সেই দিন থেকে যেন আমার চক্ষু:শূল হ'য়ে উঠল। কিন্তু মনের বিরোধ-বিবেক আমার মৌখিক আচরণে প্রকাশ পেত না। প্রতিহিংসার কালানল বুকের মধ্যে গোপন রেখে আমি মোহনের সঙ্গে বন্ধুতার কপট অভিনয় করছিলাম, আর নে বেচারী আমার ছলনায় ভুলে আমাকে যথার্থ বন্ধু জেনে তাদের প্রেমের কাহিনী সমস্তই অকপটে আমার কাছে বলত', কিছুই গোপন করত' না। সে সব কথা শুনে আমার মনে কি হ'ত, তা সেই অন্তর্যামীই জানেন। আমার তখন ঐকান্তিক চেষ্টা ছিল তাদের বিয়ে ভেঙ্গে দেবার, কিন্তু সমস্ত চেষ্টাই ব্যর্থ ক'রে দিয়ে বিয়ের দিন ক্রমত ঘনিয়ে আসছিল, তার দুর্নিবার গতি রোধ করতে না পেরে আমি যেন ক্রমে মরিয়া হ'য়ে উঠছিলাম।

সুকৃতির সাহায্যকারী ভগবান, কিন্তু দুষ্কৃতির সাহায্যকারীও একজন আছে, সে শয়তান। সেই শয়তানই আমাকে পথ দেখিয়ে দিলে নির্দোষী বন্ধুর প্রতি প্রতিশোধ তোলবার।

সে দিন বৈকাল থেকেই দুর্ঘ্যোগের লক্ষণ দেখা যাচ্ছিল। আকাশ ঘনঘোর মেঘে আচ্ছন্ন। গাছপালা-শুলা আলম-প্রলয়ের সূচনা মেঘেই যেন নিঃখাস ফেলতে ভুলে গিয়ে, শুক হ'য়ে গিয়েছিল। মনে করলুম, মোহন এই দুর্ঘ্যোগে আজ আর বেরুবে না, কিন্তু দেখলুম সে যথাসময়েই ছাতা হাতে বেরিয়ে গেল।—এ যে প্রাণের টানে অভিসার-যাত্রা—এ যাত্রা কে রোধ করতে পারে?

বন্ধুকে দুর্ঘ্যোগ মাথায় ক'রে বেরুতে দেখেও আমি বারণ করতে পারলুম না। যাক্ গে, সে মরুক গে,—আমার তাতে কি? সে এখন আর বন্ধু নয়,—আমার প্রতিদ্বন্দ্বী,—পরম শত্রু, শত্রুর মঙ্গল কামনা কেউ করতে পারে কি?

রাত তখন বোধ করি ন'টা। বিশ্বজগৎ যেন আঁধার অন্ধকারে ডুবে গীন হ'য়ে গেছে। টিপি টিপি বৃষ্টি আরম্ভ হয়েছে। আমি আহালাদি সেরে একবার দেখতে গেলুম মোহন বাসায় কিরেছে কি না; কিন্তু সে তখনও কেরে নি। এই বাদল রাতে প্রিয়তমার সঙ্গে নিভৃত প্রেমালোকে সে হয় তো—এতক্ষণ.....উঃ! কথাটা কল্পনা করতেও যে বুক-

খানা কেটে যায়!—সুভদ্রা,—আমার কত আকাঙ্ক্ষার ধন সেই সুভদ্রা!

মোহনের বুড়া চাকরটা প্রভুর আগমন প্রতীক্ষায় বসে ঝিমোচ্ছিল, তাকে জিজ্ঞাসা করে জানলুম,—মোহনের কিরতে দেবী হওয়াই সম্ভব, কারণ তার সেখানে আজ নিমন্ত্রণ।

কিন্তু কতই দেবী হবে;—পাহাড়ী জায়গা, নিরাপদ নয়—তার ওপর এই দুর্ঘ্যোগের ষটা। অনিচ্ছাস্বপ্নেও মনে একটা উদ্বেগ ও অস্বস্তি অনুভব হ'ল। বাসায় ফিরে না গিয়ে—মোহনের শোবার ঘরে, আলোর কাছে এক-খানা বই নিয়ে বসলুম।

ঠাৎ আমার দৃষ্টি পড়ল' তার প্রসারিত শয্যার দিকে। ধপ ধপে পরিষ্কার বিছানার ঠিক মাঝখানটীতে কুণ্ডলী পাকিয়ে রয়েছে একটা সাপ! ভয়ঙ্কর বিষধর প্রকাণ্ড গোথরো! কি সর্বনাশ!—ভাগ্যে মোহন এখনও আসে নি!

আতঙ্কে শিউবে উঠে, ঘরের কোণে রাখা লম্বা বাঁশের লাঠিটা তুলে নিয়ে আমি সন্তর্পণে এগিয়ে গেলুম, সেই সাক্ষাৎ কৃতান্তের দূত বিষধরটার প্রাণ সংহার করে বন্ধুর বিপন্ন জীবন রক্ষা করতে। কিন্তু আমার অন্তরের অন্তর থেকে কে যেন চীৎকার করে উঠল'—ওরে হতভাগা! বন্ধু বলিস তুই কা'কে? যে তোর বুক তীব্র বিষের আলা ছড়িয়ে দিয়ে সারাজীবন বিষময়, দুর্ব্বহ করে তুলেছে, সে তোর মিত্র নয়—শত্রু,—পরম শত্রু। তবে শত্রু নিপাতের এই—এই বিধিদস্ত অবসর, প্রতিহিংসা চরিতার্থের এই অনুকূল মুহূর্ত্তে প্রত্যাগমন করিস কেন রে মূর্খ!

আমি ধমকে দাঁড়ালুম। হাতের মুঠা শিথিল হ'য়ে লাঠিটা পড়ে গেল। ষট্ করে একটা শব্দ হ'ল, কিন্তু সাপটার তাতে বিশ্বাসের ব্যাঘাত হ'ল না। সে তখনও অনড় নিশ্চল। সুপ্ত বিষধরের দিকে একবার বিস্ফারিত তীক্ষ্ণ দৃষ্টিতে চেয়ে ঘরের দরজাটা নিঃশব্দে ভেজিয়ে দিয়ে আমি আন্তে আন্তে নিজের বাসায় ফিরে এলুম।

আমার মন তখন তীব্র পৈশাচিক আনন্দে পরিপূর্ণ। মোহনের অন্ধকারে শোওয়া অভ্যাস,—পথপ্রমে ক্লান্ত হ'য়ে সে আজ ঘরে এসে আলো নিবিয়ে যেই শোবে, অমনই... উঃ! প্রতিহিংসা! প্রতিহিংসা! সুভদ্রাকে আমার বুক

থেকে ছিনিয়ে নেবার এই তো সমুচিত প্রতিফল! কিন্তু তার আর কত দেবী; মোহন কিরবে কতরূপে। ততরূপ সাপটা যদি পালিয়ে যায়—তবেই তো—

আমি আর স্থির হ'য়ে ঘরে থাকতে পারলুম না। বৃষ্টি-বাকল উপেক্ষা করে বেরিয়ে পড়লুম—সিক্ত অন্ধকার পথের ওপর। এই পথ দিয়েই তো মোহন আসবে; উঃ! কি ভয়ানক নিবিড় অন্ধকার! যেন জমাট বেঁধে পাথর হ'য়ে গিয়েছে। সুদূর প্রসারিত চাঁয়ের বন সবুজ ক্ষেতগুলো সেই সীমাহারা মিশ্রমিশ্রে অন্ধকারে যেন কালির নিস্তরঙ্গ সমুদ্রের মত দেখাচ্ছিল।

নিকষ-কালো আকাশের বুক চিরে তীব্রোজ্বল তড়িৎশিখা যেন সৈনিকের রক্তপিপাসু তলোয়ারের মত থেকে থেকে ঝক্ ঝক্ করে উঠছিল।—ওঃ আজ কি প্রলয়ের রাত্রি?

আমাকে বেশীক্ষণ অপেক্ষা করতে হ'ল না। অন্ধকারে পথের উপর 'টার্চলাইটে'র উজ্জ্বল দীপ্তি দেখে বুঝলুম মোহন আসছে। তাড়াতাড়ি পথ ছেড়ে স'রে দাঁড়ালুম—একটা ঝাঁকড়া জাম-গাছের আড়ালে। ছাতা মাথায় 'টার্চ' হাতে মোহন বেপরোয়াভাবে এগিয়ে আসছিল হন্ হন্ করে, রাত্রির অন্ধকার দুর্ঘ্যোগ এবং পথের ক্লান্তিতেও তার স্মৃতির এতটুকু অভাব নেই। সে যে তার তরুণী প্রিয়ার মিলন-স্বপ্নে মশগুল!—মনের পুলকোচ্ছ্বাস চেপে রাখতে না পেরে—মোহন তখন উৎফুল্ল স্বরে প্রেমের গান গাইছিল—

“দিল্ দিয়া হমনে সনম্ কো—দিল্ হুঃখানে কে লিয়ে
রখ্ দিয়া দিল্ কো নিশানা—তীর খানে কে লিয়ে।” *
ওঃ! কি আনন্দ! কি স্মৃতি! করে নে আনন্দ!—
এই শেষবার প্রেমের গান গেয়ে নে রে, অভাগা! এ সুযোগ
আর তো পারি না জীবনে! তোর জীবনের যে শেষ মুহূর্ত্ত
উপস্থিত!

আমি নিঃসাড়ে দাঁড়িয়ে তীক্ষ্ণ দৃষ্টিতে দেখতে লাগলুম,

* এ প্রাণ দিয়েছি প্রিয়কে আমার—
পর্যাপ্ত বেদনা পাবার তরে।—
ব্যথার তীরেতে বিধিতে এ হিরা—
পাতিয়া রেখেছি নিশান করে।

মোহন বাড়ীর মধ্যে ঢুকল', চাকরটা কখন মুড়ি দিয়ে
বেগিয়ে গেল। তারপর খোলা জানালা দিয়ে মোহনের
শয়ন-ঘরের যে আলো দেখা যাচ্ছিল, সেটুকু নিবে গেল।
বাস!—এইবার!—এইবার আর দেবী নেই, আঃ!

আমি আর তিষ্ঠিতে না পেরে—পালিয়ে এলুম নিজের
ঘরে, কিন্তু সেখানেই কি নিস্তার আছে ছাই; কিসের
একটা বিরাট চাঞ্চল্য—একটা আনন্দময় উন্মাদনাময়
ভীতের অল্পভূতি আমাকে তখন যেন উদ্ভাস্ত,—উন্মাদ
ক'রে তুলেছিল। আমি বিকারগ্রস্ত রোগীর মত ছটকট
করতে করতে যেন মানসচক্ষে দেখছিলাম,—আমার
প্রতিদ্বন্দ্বী—মোহন এইবার তার শ্রান্ত দেহখানা সুখশয্যায়
ঢেলে দিয়েছে, মৃত্যুদূত কালভূজদের মরণ-শীতল
আলিঙ্গনে, গরলভরা চুষনে মোহাচ্ছন্ন হ'য়ে—সে এতক্ষণে
তার আদরিণী প্রেমসীর সোহাগ-অনুরাগের মধুর স্বপ্ন
দেখছে!

বাঃ! বাঃ! কি মজা!—কি মজা!

আমার বুকের রক্ত অগ্নিস্রাবের মত উষ্ণ উচ্ছল হ'য়ে
যেন প্রলয়ের তাণ্ডব-নর্তন বাধিয়ে দিলে।

বৃষ্টি আরও জোরে—ভয়ানক জোরে নেবে তড়, তড়,
ক'রে এল। সে তো বৃষ্টি নয় কান্না! হৃৎযোগ-ব্যথিতা
নিশীথিনীর মর্ষবিদারী অস্তহীন রোদন! এ কান্না—এ
হাহাকার শব্দ আর কখনও থামবে না; কিসে কি হ'ল
জানি না।—হঠাৎ সেই অবিশ্রান্ত বারিপাত উপেক্ষা ক'রে
আমি কর্দমাক্ত পথে তীরের মত ছুটে গেলুম মোহনের ঘরে
দিকে, কিন্তু ছয়র বন্ধ। জানালার অল্প একটুখানি ফাঁক
ছিল, তারই জলেভেজা শক্ত লোহার গরাদগুলোয়
প্রাণপণ শক্তিতে ঝাঁকুনি দিয়ে আমি ডাকতে লাগলুম—

'মোহন! মোহন!—উঠে পড়, ভাই! উঠে পড়—শীগ'সির!
তোর বিছানায় যে সাপ! ভয়ঙ্কর বিষাক্ত.....'

মোহনের সাড়া পেলুম না। কেবল একটা অস্পষ্ট,
অস্ফুট কাতর গোষ্ঠানীর শব্দ উঃ! সে শব্দ যেন এখনও
আমার কাণে লেগে রয়েছে। জ্ঞানহারী মুহূমান হ'য়ে—
সেই লোহার উপর আমি সজোরে মাথা ঠুকতে লাগলুম—
কপাল কেটে ঝর ঝর করে রক্ত পড়তে লাগল, কিন্তু মোহন
উঠল' না—সাড়াও দিল না।

শুধু ব্যথা-বিধুরা অশ্রুময়ী নৈশ প্রকৃতিকে সচকিত ও
জ্বালা কণ্টকিত ক'রে, তমসচ্ছন্ন উন্নত গিরি-শিখরগুলি
প্রলয়ের আলোয় ঝলসে দিয়ে,—কোথায় কি জানি বন্ধ-
পাত হ'ল—কড়, কড়, কড়াৎ! আঃ সে বজ্রাঘ্নি তখন এই
প্রিয়-প্রাণহস্তারক বিশ্বাসঘাতকের মাথায় পড়ল না
কেন?"

সুজন সিং এবার ঝর ঝর ক'রে সত্যি সত্যিই কেঁদে
কেন্নে। অনেকক্ষণ ধ'রে বালকের মত সে কাঁদতে লাগল—
বর্ষণ-কাস্ত মেঘের মত তার চক্ষু ছুটা নিস্তর হ'ল। তারপর
কাটা দাগটায় হাত রেখে গভীর অনুশোচনায় ব্যথা-বিদ্ধ
কণ্ঠে সে বললে, তকদীরে যা লেখা থাকে, তাই ঘটে
বাবুজী! কিন্তু মন যে কিছুতেই বোঝে না। এই বর্ষায় পুরো
একটা বছর হ'য়ে গেল, --এখনও তার চিন্তা,—তার স্মৃতি—
আমাকে যেন পাগল ক'রে রেখেছে। এখনও অন্ধকারে
নিশুভি রাতে এক একদিন ঘুমের ঘোরে কি মোহের ঘোরে
জানি না, নিজের অজ্ঞাতেই উঠে যাই, সেই জানালায়—
তাকে ডাকতে।—লোকে বলে, এরকম আশ্চর্য্য বন্ধুড়
সচরাচর দেখা যায় না,—হায়!—তারা জানে না তো এ
বন্ধুড়ের কি শোচনীয়—ভয়াবহ পরিণাম।"



বঙ্গসাহিত্যের স্থায়িত্ব

[শ্রীকালিদাস রায় কবিশেখর, বি-এ]

আজকাল একটা কথা উঠেছে—রবীন্দ্রনাথের পূর্বের বা পরের বাংলা সাহিত্য টিকবে না। রবীন্দ্রনাথের সাহিত্য যে হিসাবে টিকবে হয় তা সেই হিসাবে কোনটাই টিকবে না, কিন্তু উদ্ধতকণ্ঠে কেউ যদি বলেন, একেবারে কোনটাই বেশীদিন টিকবে না—তা হ'লে দুই একটা কথা বলতে হয়। আমি জিজ্ঞাসা করি,—যদিই বা রবীন্দ্রের সাহিত্য নিঃশব্দে নাই টেকে, ক্রমোন্নতিশীল জাতির স্বাভাবিক সংরক্ষণী প্রবৃত্তি কি তাকে টিকিয়ে রাখবে না ?

এ প্রবৃত্তি আগের চেয়ে আজকাল যে চের বেশী বেড়ে গেছে, এ কথা কেউ অস্বীকার করবেন না। এ প্রবৃত্তি আমাদের একপ্রকার ছিল না বললেই হয়—এটা ইউরোপীয় শিক্ষা হ'তেই পাওয়া। এ প্রবৃত্তি ছিল না ব'লেই এদেশের ইতিহাস নাই—অনেক উৎকৃষ্ট জিনিসও ক্রমে ধ্বংস পেয়েছে। এখন জ্ঞানভাণ্ডারের তুচ্ছতম জিনিসটি পর্যন্ত রক্ষা করার যে একটা প্রবৃত্তি জেগেছে—তা ক্রমে বেড়েই চলবে ব'লে মনে হয়।

গুণী জ্ঞানী ও শিল্পীগণ শিক্ষা দীক্ষা, শিল্প ও সাহিত্যের ক্ষেত্র বা কিছু সৃষ্টি করেছেন তা উৎকৃষ্ট হোক অপকৃষ্ট হোক, সমস্তকেই নির্বিচারে রক্ষা করবার চেষ্টা ও বাসনা বর্তমান সভ্যতার একটা অঙ্গ। এ প্রবৃত্তিটা অনেকটা ঐতিহাসিক প্রেরণার নামান্তর। যা কিছু প্রাচীন ভারত প্রতি একটা শ্রদ্ধা—এই প্রবৃত্তিরই অঙ্গ। ইতিহাস রচনার উপকরণ হিসাবে—জ্ঞানপিপাসুদের কোতূহল চরিতার্থ করবার উদ্দেশ্যে সকল সৃষ্টিকেই তাই রক্ষা করা হয়। বর্তমান সভ্যতা একদিকে সর্বধ্বংসী মহাকালের সঙ্গে যেমন যুদ্ধ করছে—অন্যদিকে তেমন রসায়ন প্রায়োগে অসামান্য আয়ু বৃদ্ধি করছে।

দেশান্তবোধের চোখে দেশের তুচ্ছতম সৃষ্টিটা পর্যন্ত আমাদের জিনিস। দেশান্তবোধ যত বাড়বে—দেশের সাহিত্যিকদের রচনার আদরও তত বাড়বে। জীবিত সাহিত্যিককে কতকটা অবহেলা করলেও মৃত সাহিত্যিকের

রচনাকে দেশের লোক ক্রমে আরও শ্রদ্ধাই করবে—কতকটা উদারতার সহিতই বহু সাহিত্যিকের রচনাকে গ্রহণ করবে এবং দোষ-ত্রুটি ক্ষমা করবে। সাহিত্যকে জাতীয় জীবনের অভিব্যক্তি ব'লে স্বীকার ক'রে নিয়ে সাহিত্যের অপকৃষ্টতা বা আদর্শের হীনতার জন্য জাতীয় জীবনকেই দায়ী করবে—সাহিত্যিকের সাধনার অবমাননা করবে না।

যতদিন বিদেশীয় সাহিত্য দেশে সমাদৃত হ'বে—ততদিন দেশী সাহিত্যেরও সমাদর থাকতে বাধ্য। অপকৃষ্ট হ'লেও আমাদের যে সাহিত্য ব'লে কিছু আছে তার গৌরব করা দেশান্তবোধেরই অঙ্গ।

একজন শ্রেষ্ঠ ব্যক্তির জীবন-চরিত লিখতে গেলে তাঁর পিতা-পিতামহের, পুত্র-পৌত্রাদিরও পরিচয় দিতে হয়। কোন্ অবহাওয়াতে কাদের সংস্পর্শে তিনি প্রতিপালিত হ'য়েছেন তাও বলার প্রয়োজন হয়। দেশে যদি একজনও যত্নস্বয় অলৌকিক প্রতিভাসম্পন্ন সাহিত্যিক জন্মে থাকেন—তবে তাঁর অভ্যুদয়ের মূলে যে সকল শক্তি ক্রিয়াশীল ছিল—তাদেরও সন্ধানের প্রয়োজন। দেশের যে যে লেখক যে যে শ্রেণীর রচনার দ্বারা দেশের সাহিত্য-ধারাকে পরিপুষ্ট ক'রে মহাকবির হাতে সমর্পণ করেছেন, তাঁদের জীবনযাত্রা এবং তাঁদের রচনা চিরদিনই আলোচনার বস্তু হ'য়ে থাকবে। চরম সার্থকতার পূর্ববর্তী স্তরগুলি কখনই উপেক্ষণীয় নয়। সাহিত্যের দ্বারা ইতিহাস অমূল্যমান করবে তাদের কাছে সে সকল স্তরের মূল্য চের বেশী। জাতীয়-সাহিত্যের বিচারে অমূল্যবিশ্বব্যক্তিগণ, সকল মহাকবিগণই মূল-সৃষ্টির উপাদান, মূলস্রোত, অক্ষর—এমন কি প্রেরণা পর্যন্ত পূর্ববর্তী সাহিত্যের মধ্যেই অমূল্যমান ক'রে থাকেন। অন্যান্য মহাপুরুষের জন্মের মত কোন মহাকবির জন্মই আকস্মিক নয়। বাগ্মীকির মত কেহ ভূঁই ফোড় নহেন। মহাকবির অভ্যুদয়ের আগে বহুদিন ধরে সাহিত্য-রাষ্ট্রে যে বিরাট আয়োজন চলে তা কে অস্বীকার করবে? সাহিত্য ছাড়া অন্যান্য ক্ষেত্রেও হয় তো তাঁর অভ্যুদয়ের সমান আয়োজনই

চলে—কিন্তু অনুসন্ধিৎসু সাহিত্য-সেবীরা সর্বাগ্রে সাহিত্য-রাজ্যই অনুসন্ধান ক'রে থাকেন—এমন কি তাঁরা পূর্ববর্তী কবিগণকে মহাকবির শিকাগুরুই মনে করে থাকেন। এরূপ ক্ষেত্রে মহাকবির পূর্ববর্তী কবিরা যে শ্রেণীরই হোন মহাকবির সঙ্গে সঙ্গে তাঁদের মর্যাদা টিকে যাবেই।

তার পর মহাকবির সমসাময়িক ও অব্যবহিত পরের সাহিত্যিকদেরও যথাযোগ্য মর্যাদা স্বীকার করতে হয়। মহাকবির অনুগ্রহে তাঁরাও বেঁচে যান। জাতীয় সাহিত্যের একই শক্তি একজনে চরম সার্থকতা লাভ করে—অন্যান্য অনেকের মধ্যে তাহার আংশিক অভিব্যক্তি ঘটে। সমসাময়িক অন্যান্য সাহিত্যিকদের মধ্যে কি ভাবে তা অভিব্যক্তি হয়েছে, তাও আলোচনা করবার ও লক্ষ্য করবার বিষয়। সমসাময়িক সাহিত্যিকরা যদি আত্মস্বাতন্ত্র্য রাখতে পেরে থাকেন—মহাকবির বিশ্বগ্রাসী প্রভাবে যদি অভিভূত না হ'য়ে থাকেন—তবে তাঁদের মর্যাদা তো অল্প নহে। আর যদি তাঁদের শক্তি পরিপূরক (supplementary) হিসাবে মহাকবির শক্তির সহিত যুক্ত হ'য়ে সমগ্র জাতীয় জীবনের পূর্ণাভিব্যক্তি ঘটিয়ে থাকে তাতেও সমসাময়িক সাহিত্যিকদের কিছু কৃতিত্ব ও মর্যাদা অবশ্যই আছে। আর সমসাময়িক সাহিত্যিকদের মধ্যে যদি দেশের জাতীয় জীবনের অভিব্যক্তি ঘটে, আর মহাকবি যদি জাতীয় জীবনকে অতি-বর্তন ক'রে উঠেন—অর্থাৎ সমগ্র মহাদেশ বা মহামানবের কবি হ'য়ে উঠেন—সমস্ত জগৎই যদি তাঁকে মহাকবি ব'লে স্বীকার ক'রে নেয়,—তবে সীমাবদ্ধ জাতীয় জীবনের পক্ষ হ'তে—কেবল মাত্র দেশবাসীর পক্ষ হ'তে মহাকবি বাদশার মর্যাদা পেলে ঐ সমসাময়িক সাহিত্যিকগণ অন্ততঃ সুবাদারের মর্যাদা তো পাবেনই।

আর সমসাময়িক সাহিত্যিকগণ যদি মহাকবির প্রভাবের দ্বারা সম্পূর্ণ অনুপ্রাণিত হন, তবে তাঁহারা এবং মহাকবির পরবর্তী শিষ্যস্থানীয় সাহিত্যিকগণও যে কোন মর্যাদাই পাবেন না এমনটাও হ'তে পারে না। সাহিত্যের ইতিহাসে তাঁদের রচনারও স্থান আছে। মহাকবির দুর্জয় প্রভাব ও অলৌকিক শক্তি জাতীয় সাহিত্যে কি ভাবে ক্রিয়ামূলক হয়েছে, তা লক্ষ্য করবার জিনিস। মহাকবির জ্ঞানসম্পদ ও রসসম্পদ কি ভাবে তাঁর সহচর ও শিষ্যগণের দ্বারা দেশময় বিকীর্ণ হয়েছে তাও আলোচনার

বিষয়। একটা বিরাট শক্তি একটা বিরাট ব্যক্তিকে আশ্রয় ক'রে কিরূপে বিশেষ প্রতিবিম্ব বিচ্ছুরিত হয়েছে—তার সন্ধান নিতে গেলেই মহাকবির প্রবর্তিত যুগের সকল সাহিত্যিকের রচনাই আলোচ্য হ'য়ে পড়ে। একটা কেন্দ্রে বহু শক্তির সংশ্লেষণও যেমন গবেষণার বস্তু, একটা মহাশক্তির বহুচ্ছটার বিশ্লেষণও তেমনি গবেষণার বস্তু। সাধারণ লোক কেবল সূর্য্যাকেই দেখে—তার সঙ্গে আর কোন গ্রহ-উপগ্রহের সম্বন্ধ লক্ষ্য করে না,—কিন্তু জ্ঞান-পিপাসু সূর্য্যকে অসংখ্য গ্রহ-উপগ্রহের সঙ্গে মিলাইয়া সৌর-জগতের কেন্দ্রস্বরূপ দেখে—তার কাছে প্রত্যেক গ্রহ-উপগ্রহেরও মূল্য-মর্যাদা আছে।

এক শতাব্দীর মধ্যে মাত্র একজন মহাকবি জন্মাতে পারে—কিন্তু তাই ব'লে দেশ কখনও একজনের গৌরব ক'রেই তুষ্ট থাকে না। এক শতাব্দীর মধ্যে আর কোন কবি জন্মে নাই—একথা কোন দেশ স্বীকার করবে? যিনি মহাকবি তাঁকে মহাকবির মর্যাদা দিবে—আর যারা শুধু কবিমাত্র—সাহিত্যিকমাত্র তাদের কথাও বিস্মৃত হ'বে না। এ দেশের লোক বিষ্ণুপতি চণ্ডীদাসকে মহাকবি মনে করে,—তাই ব'লে গোবিন্দদাস জগদানন্দ জ্ঞানদাসকেও ভোলে নাই। তারউচ্চত্বকে মহাকবি বলে পূজা করলেও রামপ্রসাদকে কে ভুলেছে? তারপর কাব্য ছাড়া সাহিত্যের অন্যান্য অঙ্গও আছে—সে সকল অঙ্গে যারা কৃতিত্ব দেখিয়েছেন—তাঁদের মর্যাদা মহাকবির অভ্যুজ্জ্বল আলোকেও কখনও ম্লান হ'বে না। চৈতন্য-চরিতামৃতকার কৃষ্ণদাসকে কে ভুলতে পারে? ৫০০ বৎসর পরেই বা কে তাঁকে ভুলবে?

বিশ্বব্যাপী খ্যাতি শতাব্দীতে কচিৎ কাহারও ভাগ্যে ঘটে—দেশব্যাপী খ্যাতিও অতি অল্প সাহিত্যিকের ভাগ্যে ঘটে। দেশের অংশবিশেষে বা জাতির অংশবিশেষে অনেকের খ্যাতি থেকে যায়। যারা দেশের অংশবিশেষকে দেশ ব'লে মনে করে তারা নিজেদের অঞ্চলের কবি-খ্যাতিকে বাঁচিয়ে রাখতে চেষ্টা করে। আবার যারা নিজেদের সম্প্রদায়কেই জাতি ব'লে কল্পনা করে, তারা নিজেদের সম্প্রদায়ের কবির খ্যাতি নষ্ট হ'তে দেয় না। সংকীর্ণ প্রকৃতির হ'লেও এও এক প্রকারের দেশস্ববোধ বা জাতি-প্রেম।

এক শতাব্দী পরে রবীন্দ্রনাথ ছাড়া কারও নাম থাকবে না—একথা যারা বলে, তারা ঠিক করেছে—একশ' বছর পরে সমস্ত বাঙালী জাতি আত্মকালকার ব্রাহ্ম প্রভাব-পুষ্ট সাহিত্যিকদের মত বিদ্যাবুদ্ধি জ্ঞানে ও রসজ্ঞতায় গরীয়ান হ'য়ে উঠবে। আমরা কিন্তু তা মনে করি না—বাঙালী যতই উন্নতি করুক—একশ' বছর পরেও বাঙালীর খুব কম ধ'রেও শতকরা ৯০ জন লোক রবীন্দ্রনাথের সাহিত্যের উচ্চ আদর্শ ধরতে পারবে না—রবীন্দ্র-সাহিত্যের রস উপলব্ধি করতে পারবে না। এখনকার মত তখনও অধিকাংশ লোকই আরও নিয়গ্রামের বা অল্পচন্দ্রের সাহিত্যেই আনন্দ পাবে। চিত্তবিনোদনের জন্তু তারা সাহিত্য চাবেই।—অবশ্য সমসাময়িক সাহিত্যিকদের কাছ হ'তে কতকটা পাবে। কিন্তু সব যুগের লোকের মতই তারাও বর্তমান অপেক্ষা অতীত সাহিত্যকেই বেশী মর্যাদা দেবে। বর্তমানের প্রতি অবহেলা এবং অতীতের প্রতি শ্রদ্ধা মানুষের স্বাভাবিক ধর্ম। কাজেই তারা বর্তমান শতাব্দীও গত শতাব্দীর সাহিত্যকেই বেশী বেশী খুঁজবে। রবীন্দ্র-নাথকে যতটা পারবে বুঝবে—অধিকাংশ ক্ষেত্রে না বুঝেই রবীন্দ্রনাথের গৌরব করবে। রবীন্দ্রের সাহিত্যকে ভাল বুঝতে পারবে ব'লে খুব গৌরব না দিক,—আদর করবে। সে হিসাবে—আজকে জীবিত থাকার অপরাধে যারা কতকটা অনাদৃত তাদের আদর বাড়বে বৈ কমবে না।

তা ছাড়া, বাঙালী জাতি যদি আত্মস্বাতন্ত্র্য না হারায়—তার মূলধাতু যদি বদলে না যায়—তবে তার বৃত্তি, প্রবৃত্তি, রুচি, তার আত্মার পিপাসার বৈশিষ্ট্য,—এমন কি দুর্বলতাগুলি পর্য্যন্ত কতক কতক থেকেই যাবে। দেশ-শুদ্ধ লোকই কিছু বিদগ্ধজন হ'য়ে উঠবে না। বর্তমান যুগে বা পূর্ববর্তী যুগে যে-সকল কবি উচ্চ শ্রেণীর রসের সাধনা না ক'রে কেবল বাঙালী জাতির রুচি-প্রবৃত্তিকে অনুসরণ ক'রে নিম্নশ্রেণীর রসসৃষ্টি করেছেন, বাঙালীর জাতীয় জীবনের অভিব্যক্তিকেই ভাষায় ঝঙ্কত ও রূপায়িত করেছেন,—তাদের ক্ষুদ্র ক্ষুদ্র সুখদুঃখের কথা লিখে গেছেন—তাদের দুর্বলতার ও দীনতার জন্তু সহানুভূতি দেখিয়েছেন—তাদের আদর তখনও থাকবে। লোকে তখনও তাঁদের রচনায় অন্তরের সাড়া পাবে। রবীন্দ্র-সাহিত্যকে তারা সর্বশ্রেষ্ঠ গৌরবের বস্তু মনে করলেও বহু ক্রটি সত্ত্বেও

রবীন্দ্রের সাহিত্যকে তারা ভাল না বলে পারবে না—নিজদের আশা-আকাঙ্ক্ষা তাদের ভাষাতেই প্রকাশ করতে চাবে।

তা ছাড়া দেশের সাহিত্যকে টিকিয়ে রাখার জন্তু—আরও অনেক শক্তি আছে।

(১) বিশ্ববিদ্যালয়। ভবিষ্যতে এই বিশ্ববিদ্যালয় সম্পূর্ণ বাংলা ভাষারই বিশ্ববিদ্যালয় হ'বে। একা রবীন্দ্রনাথই তার উপজীব্য হ'বে না।

(২) পাঠ্যপুস্তক।—একা রবীন্দ্রনাথের রচনা নিয়েই পাঠ্য-পুস্তক গঠিত হ'বে না।

(৩) সংকলন পুস্তক—এ শ্রেণীর পুস্তক ক্রমেই বেড়ে যাবে।

(৪) শোভন সংস্করণ প্রকাশকগণ শোভনতর সংস্করণ ক'রে পুরাতন সাহিত্য প্রচার ক'রবে।

(৫) পাঠাগার—গ্রামে গ্রামে পাঠাগার হ'বে। পাঠাগারে কি শুধু রবীন্দ্র-সাহিত্য থাকবে ?

(৬) সাহিত্য-সভা, সাহিত্য-পরিষদ সাহিত্যসম্মিলনী, ইত্যাদি সাহিত্যিক অনুষ্ঠান দেশে ক্রমেই বাড়বে। তাদের আলোচ্য কি হ'বে ?

(৭) সংবাদপত্রাদি। তারা কি দেশের অজ্ঞাত কৃতী লোকদের সঙ্গে সাহিত্যিকগণের স্বভিকে নানা ভাবে সঞ্জীবিত রাখবে না ?

(৮) মাসিক পত্র—মাসিক পত্রের সংখ্যা আরও বাড়বে, দেশের সর্ববিধ পুরাতন সাহিত্য নিয়েই তাদের আলোচনা ক'রতে হ'বে।

(৯) কৃতী ছাত্রেরা যে অবজ্ঞাত বিশ্বতপ্রায় সাহিত্যিকের সাহিত্য আলোচনা ক'রেও ডিগ্রী নেবে এ বিষয়ে সংশয় নেই।

(১০) তারপর যুগধর্মের পরিবর্তনে লোকের রুচি-প্রবৃত্তির দৃন্দসংঘর্ষে কখন যে কোন্ সাহিত্যিককে টান পড়বে তাও বলা কঠিন।

তা ছাড়া আর একটা মস্ত জিনিস আছে। আজ যে সাহিত্য অনাদৃত—বাচ্যার্থসর্ব্ব্ব ব'লে বা মর্যাদা পাচ্ছে না, তা পুরাতন হ'লেই ব্যক্তার্থে পরিপূর্ণ হ'য়ে উঠবে। উৎসাহী পাঠকগণ তাতে নূতন নূতন অর্থ আরোপ করবে—আপন মনের মাধুরী মিশিয়ে এ সাহিত্যকে

নূতন ক'রে গড়ে নেবে। নিজেদের সাধনার্জিত বা যুগ-
ধর্মের গুণে প্রাপ্ত অনেক সম্পদেরই পূর্বাতন বা পূর্ব-
বিষ তারা এ সাহিত্যের মধ্যে দেখতে পাবে। আজ
যে মধুতে নেশা হয় না, পুরাতন হ'লে সে মধু "নাশ্বা" হ'য়ে
উঠবে, তাতে নেশাও ধরবে। ভবভূতি ব'লে গেছেনই
"কালোহর্যঃ নিরবধিঃ বিপুল চ পৃথ্বী"—সমানধর্মার
অজ্ঞান কোন যুগেই হয় না। দার্শনিকরা স্ববিরের

গোটা কতক উপদেশকেও একটি ধর্মতবে পরিণত করতে
পারেন, ভাষ্যকারগণ 'ছিংটিং ছট' 'বা ও 'তট তট
তোটরে'র ব্যাখ্যা ক'রেও একটি শাস্ত্র গড়তে পারেন।
আর নবীনচন্দ্র, গিরীশচন্দ্র, দ্বিজেন্দ্রলাল, শরৎচন্দ্রের
সাহিত্যের জন্ত হুচার জন Boswellও জুটবে না?
দেশের লোকের বৈদগ্ধ্য যত বাড়বে, প্রাচীন সাহিত্যের
গৌরব ততই বাড়বে বৈ কমবে না।

বর্ষা এল'

[শ্রীবিরামকৃষ্ণ মুখোপাধ্যায়]

বাদল আজি পাগল হ'য়ে
আসছে ব'লে,
শুকনো তরু উঠল' জেগে
কানন-কোলে ।

কানন-রাণীর গোপন ব্যথা,
ঝুমকো লতার অসাড়াতা,
মেঘের ডাকে বাদল-বায়ে
যায় যে চ'লে ।

বর্ষা আবার বিপুল বেগে
আসছে ব'লে ॥

উদাস চাষীর ফুটল' হাসি,
ভরসা হ'ল,
কে আর কঠোর রৌদ্র-শাসন
মানবে বল' ?
মেঘ-মাদলের সজল বেলা,
বনাঞ্চলের হাসির মেলা
সুপ্তি জাগায়, চিত্ত জাগায়
বাদল দোলে ।

বাদল আজি নাঙ্গল' ধরায়
অট্টরোলে ॥



অন্ধজনে আলো


[অধ্যক্ষ অরুণকুমার শাহ এম-এ-টি-বি]

(১)

সর্ব দেশের পরোপকারী লোকেরা 'অন্ধ জনে দয়া' করিয়া আসিতেছেন; কিন্তু এই দয়ার কার্য্য তাহাদিগকে অন্নদান, বস্ত্রদান ও আশ্রয়দানেই পর্য্যবসিত হইয়া থাকে। প্রকৃত-প্রস্তাবে ইহাতে তাহাদের উপকার করা হয় না। অধুনা সভ্য-জগতের 'অন্ধ জনে আলোক দিবার' ব্যবস্থাই প্রকৃত ব্যবস্থা বলিয়া সাব্যস্ত হইয়াছে। এ আলোক-দান শুধু তাহাদিগকে চক্ষুশূন্য করিতে পারিলেই হয় না—তাহাদের ভিতর কেবলমাত্র জ্ঞানের আলোক জ্বালিয়া দিতে পারিলেও হয় না। এ আলোক জ্বালিতে হইবে এমন করিয়া, যাহাতে অন্ধরা তাহাদের সময় অলস-

ভাবে কাটাইতে না পারে—সর্বদাই কার্য্যে তাহারা নিযুক্ত থাকিতে পারে। অন্ধদিগের ভিতর এই কার্য্য-প্রবণতা বৃদ্ধি করিতে না পারিলে প্রকৃতই তাহাদের কোনরূপ উপকার করিতে পারা যায় না। অন্ন-বস্ত্র ও আশ্রয়দান দ্বারা ইহাদিগকে যথার্থ পথে চালিত করিতে পারা যায় না। শিক্ষার অভাবে অন্ধরা সংযমী হইতে পারে না। তাহার উপর যদি তাহারা জানিতে পারে যে, দয়া-প্রবণ মহাত্মাদের কল্যাণে তাহাদিগকে অন্ন-বস্ত্রের ভাবনা ভাবিতে হইবে না, তাহা হইলে সংযমের বন্ধন তাহাদের আদৌ থাকিবে না। তাহারা যদি মনে করে যে, তাহাদের সকল প্রকারের অত্যাচারই ক্ষমার, তাহা হইলে

দৃক প্রতিচ্ছবি



কলিকাতা অন্ধ-বিদ্যালয়

সমাজে তাহারা মনুষ্য-না হইবে না তো কি? এই অন্ধই-কর্মের ভিত্তি দিয়া অন্ধদিগকে আলোক দিবার ব্যবস্থা সত্য-জগতের সর্বত্রই দেখিতে পাওয়া যায়। সেখানে প্রত্যেক দেশেই এমন একটা-না-একটা প্রতিষ্ঠান আছে যেখানে এই ব্যবস্থা প্রচলিত আছে। Helen Keller সত্যই বলিয়াছেন, অন্ধের অন্ধত্বই সর্বাপেক্ষা গুরুতর দোষ। নয়, আলস্যই এইরূপ বোঝা; আর এই গুরুতর-বোঝার ভার হইতে সহজেই তাহাদিগকে রক্ষা করিতে পারা যায়। (The heaviest burden on the blind is not blindness but idleness and they can be relieved of this greater burden".) আজকালকার অন্ধরা অন্ন-বস্ত্র-আশ্রয় ভিক্ষা চায় না—চায় আলোক—চায় কাজের ভিত্তি দিয়া আলস্যকে দূর করিয়া আলোক।

বড়ই ছুঃখের বিষয়, ভারতবর্ষ সর্বদিকেই উন্নতির পথে অগ্রসর হইলেও 'অন্ধদিগকে আলোকের পথে আনিতে এখনও এদেশ সত্য-জগতের অনেক পশ্চাতে পড়িয়া আছে। যদিও ভারতের অন্ধের সংখ্যা প্রচুর।

আদমশুমারী হইতে জানিতে পারা যায়, ভারত-সাম্রাজ্যে সমগ্র ৩২ কোটি মানবের ভিতর ৪,৪৩,৬৫৩ জন অন্ধ অর্থাৎ প্রত্যেক দশ লক্ষ লোকের ভিতর ১৪০৮ জন অন্ধ। ইহার উপর যদি স্বাধীন রাজ্যগুলির জন-সংখ্যা ধরা যায়, তাহা হইলে মোটামুট বলিতে পারা যায়, ৬ লক্ষ লোক অর্থাৎ প্রত্যেক ৫০০ জনের ভিতর একজন অন্ধ।


আদমশুমারীর গণনার বাধার্থ্য নির্ণয় করা সহজ নয়। এদেশের লোকদের কেমন একটা প্রবৃত্তি আছে যে, যাহাদের অন্ন-বস্ত্র দৃষ্টির দোষ আছে, তাহারাও অন্ধ



বলিয়া গণনার সময় জানাইতে কুণ্ঠিত হয়। আবার অন্ধ বন্ধিতে একেবারে দুই চক্ষুর সাহায্যে যাহারা কিছুমাত্র দেখিতে পায় না তাহাদিগকে বুঝাইয়া থাকে, যাহারা সামান্য মাত্র দৃষ্টিশক্তির অধিকারী, যাহার সাহায্যে মাত্র চলিতে পারে কিংবা আলো ও অন্ধকারের পার্থক্য বুঝিতে পারে, তাহারাও আপনাদিগকে 'অন্ধ' বলিতে স্বীকৃত নয়, শিক্ষার দিক হইতে বলিতে গেলে ইহারা সম্পূর্ণরূপেই অন্ধ, কারণ ইহাদিগের ভিতর শিক্ষার-আলোক আদৌ প্রজ্জ্বলিত হয় নাই। গ্রেট ব্রিটনে অন্ধের সংখ্যা এইরূপ দেওয়া হয়—যদি কোন বালক বা বালিকা চক্ষুর সাহায্যে বিদ্যালয়ের সাধারণ পাঠ্যপুস্তক পাঠ করিতে না পারে তাহা হইলে তাহাকে 'অন্ধ' বলা হয়। কিন্তু এদেশে সেরূপ করা হয় না। অনেক যুবক-যুবতী যাহাদের দৃষ্টি-শক্তির অল্পতা আছে, তাহাদিগকে গণনার সময় ধরা হয় না; একারণ মনে হয় গণনার সংখ্যা অপেক্ষা প্রকৃত প্রস্তাবে অন্ধের সংখ্যা অনেক বেশী। যাহা হউক যে-সংখ্যা উদ্ধৃত হইয়াছে, জগতের ভিতর এ সংখ্যা সর্ব-



জ্যামিতিক প্রতিপাদ্য-সাধনে নিযুক্ত বালক



কার্য্যাধ্যক্ষ রায় প্রিয়নাথ মুখোপাধ্যায় বাহাদুর

পেক্ষা বেশী। অন্ধত্বের দিক দিয়া ভারতের স্থান সর্ব-প্রথম। ভারত অপেক্ষা জনবহুল চীন দেশের অন্ধের সংখ্যা ৫ লক্ষ বেশী। আয়তনে ভারতবর্ষ রুশদেশ ছাড়া সমগ্র ইউরোপের সমান, কিন্তু অন্ধত্বের দিক দিয়া গণনা করিতে গেলে দেখা যায় যে, রুশদেশ-সমত সমগ্র ইউরোপের অন্ধের সংখ্যা অপেক্ষা ভারতের অন্ধের সংখ্যা ১ লক্ষেরও উপর। লোক-সংখ্যার অনুপাতে অবশ্য ভারতবর্ষের স্থান প্রথম নয়; মিশরের স্থানই প্রথম। সেখানে প্রত্যেক দশ লক্ষের ভিতর ১৪,০০০ অন্ধ। ভারতবর্ষে মিশরের এক দশমাংশ। ভারতে মাত্র ১২টি প্রতিষ্ঠান বা অন্ধদিগের 'কর্মশালা' আছে। অনুপাত হিসাবে ধরিতে গেলে প্রত্যেক ৫০,০০০ পঞ্চাশ হাজার অন্ধের জন্য একটি প্রতিষ্ঠান বা শিক্ষাগার আছে।

বঙ্গদেশে প্রতি সাত কোটি ৫৪ লক্ষ ৮০ হাজার। আর ইহার ভিতর পঞ্চাশ হাজার অন্ধ।

এরূপ অনুমান করিলে বোধ হয় অজ্ঞায় হইবে না যে, ইহাদের ভিত্তর বিদ্যালয়ে যায় এমন অন্ধের সংখ্যা বিশ হাজার হইবে।

ইহার উপর কোনরূপ মন্তব্য প্রকাশ না করিয়াই বলিতে পারা যায় যে, এই অন্ধদিগের সহিত কার্য্য করা ও ইহাদিগকে প্রকৃত আলোক দান করা কতদূর জ্ঞায় ও যুক্তি-সঙ্গত।

অন্ধত্বের প্রধান কারণ তিনটি—(১) বসন্ত, (২) নব-

জাত শিশুর চক্ষুঃপ্রদাহ (Ophthalmia neonatorum) ও (৩) চক্ষুর শ্লেষিক আবরণে দানাদার অবস্থা (trachoma or granular lids) চক্ষুপীড়ার চিকিৎসা করিতে লোকে ভয় পায়। চক্ষুর উপর অস্ত্র চালাইতে এদেশের লোক একেবারেই রাজী হয় না। সময়মত চক্ষুর চিকিৎসা না করার ফলে অথবা অনভিজ্ঞ 'গো-বন্ধি'র দ্বারা চিকিৎসিত হওয়ায় প্রায় অধিকাংশ স্থলে চক্ষু একেবারে নষ্ট হইয়া যায়।

বাল্যকালে যদি চক্ষুর প্রতি যত্ন লওয়া হয়, ভালরূপে বসন্তের টীকা দেওয়া হয়, দেশী নাড়ীকাটা 'দাই'-দিগকে শিক্ষিত করা যায় ও গরীবদের বাসস্থানের সুবন্দোবস্ত করা যায়, তাহা হইলে অন্ধত্বের পরিমাণ অনেক হ্রাস পায়। পাশ্চাত্য অনেক দেশে আইনের সাহায্যে অন্ধ বালক-বালিকাদের নৈসর্গিক কারণে যে চক্ষু-পীড়া হয় (ophthalmia) তাহার উপশমের জন্ত যদি সুব্যবস্থা না করা হয় তাহা হইলে পীড়িত বালক-বালিকার পিতা-মাতা বা অভিভাবককে দণ্ড দিবার ব্যবস্থা আছে। ভারতবর্ষে এখনও এমন অবস্থা হয় নাই যখন সুচিকিৎসার সুব্যবস্থা হইতে পারে।

এখানে গরীবদের ভিতরই অন্ধের সংখ্যা খুব বেশী। ইহাদের ভিত্তরই উপজীবিকা। মুসলমানদের ভিতর অন্ধরা সমগ্র কোরাণ মুখস্থ করিয়া 'হাফেজ' হয়। উপাসনা ও ধর্ম-সম্বন্ধীয় সভাসমিতিতে ইহারা কোরাণ পাঠ করিয়া বেশ অর্থ সংগ্রহ করিয়া ভালভাবে জীবন-যাপন করিতে পারে; কিন্তু অধিকাংশ অন্ধরাই হুঃখে ও যুগিতভাবে জীবন কাটায়।



বিদ্যালয়-প্রতিষ্ঠাতা মালবিন্দারী শাহ



বিদ্যালয়ের ছাত্রবৃন্দ

তাহারা ইহাকে অর্ধোপার্জনের একটি ব্যবসা করিয়া তুলিয়াছে। এই সকল লোক অন্ধ, খঞ্জ, আতুর প্রভৃতির সাহায্যে বেশ ছ পয়সা রোজগার করিয়া থাকে, আর তাহাদের সহিত চুক্তিমত তাহাদিগকে সামান্য ৫-কিঞ্চিৎ দিয়া থাকে; কোন কোন ক্ষেত্রে যাবজ্জীবন তাহাদিগকে ভরণ-পোষণ করিবার ব্যবস্থা থাকে। পঞ্জাব ও উত্তর-পশ্চিম প্রদেশের পিতামাতার নিকট হইতে অনেক লোক অন্ধবালকদিগকে ভাড়া করিয়া লইয়া আসিয়া কলিকাতায় রোজগার করে। সুতরাং এই শ্রেণীর অন্ধ বালক-বালিকাদের পিতামাতা শিক্ষার জন্ত ছেলেদের বিদ্যালয়ে পাঠাইতে রাজী হয় না, কারণ তাহার দ্বারা



হাতের কাজে বালিকারা

যতদিন না অন্ধদিগকে তাহাদের ও তাহাদের পোষ-বর্গের জীবন-ধারণোপযোগী অন্ন-বস্ত্রের সংকুলান করিয়া দিতে পারা যায়, ততদিন তাহাদিগের শিক্ষার ব্যবস্থা করা যাইতেই পারে না, কারণ অধিকাংশ-স্থলেই এইরূপ অন্ধদের শিক্ষার উপরই পরিবারবর্গ জীবন-ধারণ করিয়া থাকে। অনেকে শুনিয়া আশ্চর্য্য হইবেন যে, অন্ধ-দিগের সাহায্যে কত লোক কত অর্থ উপার্জন করিয়া থাকে।

তাহাদেরও বেশ ছপয়সা রোজগার হয়; কিন্তু এই সকল অন্ধদের যে কিরূপ কষ্টে জীবন কাটাইতে হয় তাহা তাহাদের এবিষয়ে কিছুমাত্র অভিজ্ঞতা আছে তাঁহারা বলিতে পারেন। যাত্রা বা থিয়েটার-পার্টির মত ইহাদিগকে বানাস্থানে ঘুরাইয়া বেড়ান হয়।

বড় লোকেরা তাহাদের অন্ধ আশ্রয়দিগের শিক্ষা দেওয়া অনাবশ্যক কার্য্য বলিয়া মনে করেন। তাঁহারা



সঙ্গ

ভাবেন ভগবান্ই যখন তাহার চক্ষুরঙ্গ লইয়াছেন, আর যখন তাহার অন্তঃকরণের জ্ঞান পরিশ্রম করিতে হইবে না, তখন কেন শিক্ষালয়ে প্রবেশ করিয়া পরিশ্রম করিয়ে? ভগবানের মারের উপর আবার কেন খাঁড়ার ঘা? দুঃখের বিষয় কিন্তু এই সকল ধনী ব্যক্তি কখনই

একজন হইতে পারে, এ ধারণা পোষণ করিতে পারে না। এই কুসংস্কারের ফলে, যে সকল শিক্ষক ছাত্র সংগ্রহ করিতে সচেষ্ট হন, তাঁহাদিগকে যৎপরোনাস্তি উপহাসাম্পদ হইতে হয়; অনেক সময়ে অজ্ঞ লোকেরা বলিয়া থাকে এই সকল বালকবালিকাদিগকে লইয়া

অন্ধদের সহিত পরামর্শ করেন না— যদি করিতেন তাহা হইলে অন্ধের কষ্ট কি ও কোথায় তাহা জানিতে পারিতেন। অন্ধের বোঝার ভারে অন্ধরা যত পীড়িত না হউক আলস্যের গুরুভারে ততোধিক পীড়িত।

অন্ধদিগের শিক্ষার জ্ঞান ভারতে যাহারা অগ্রণী, তাহাদিগকে অনেক কষ্টের ভিতর দিয়া কার্যক্ষেত্রে অগ্রসর হইতে হইয়াছে। অন্ধেরা যে লিখিতে ও পড়িতে পারে কিংবা গৃহ-শিল্পের দ্বারা বা ব্যবসা-বাণিজ্য করিয়া ধনোপার্জন করিতে পারে বা সমাজের দশজনের



আলোক হস্তে প্রতিষ্ঠাতা (১৯২৭)



ড্রিলরত বালকবৃন্দ

গিয়া কোন দেবতার স্থানে বলি দেওয়া হইবে। যাহাহউক এই সকল কুসংস্কারের হাত হইতে পরিভ্রাণ পাইয়া তবে কার্য্যক্ষেত্রে অগ্রসর হইতে হইবে। আর সময়ের পরিবর্তনও হইতেছে; এ দিকেও দেশের লোকের দৃষ্টি পড়িতেছে।

এদেশে দৃষ্টিশক্তিসম্পন্ন ছেলেদের ভিতরই যখন বাধ্যতামূলক শিক্ষার প্রচলন নাই, তখন অন্ধদের শিক্ষার কথা তো ছাড়িয়া দিতে হয়।

অধিকন্তু সাধারণ বালক-বালিকার শিক্ষার ব্যয়-ভার অপেক্ষা এ শ্রেণীর ছাত্রদের শিক্ষার খরচ কিছু বেশী। অন্ধদিগের জন্য সাধারণ শিক্ষা বা ব্যবহারিক (টেকনিকাল) শিক্ষার জন্য বড় বড় উৎকীর্ণ আকারে পুস্তক (embossed books) ছাপাইতে খরচ বেশী পড়ে। আবার শিক্ষার খরচের ভিতর অন্তর্ভুক্ত খরচও যোগ দিতে হইবে, কারণ যাহারা প্রথম প্রথম ছাত্র ভর্তি করিয়া দেয় বা যাহাদের গৃহ হইতে অন্ধ ছাত্র আনীত হয়, তাহাদের আর্থিক অবস্থা

এমন নয় যে, তাহারা ছাত্রের বিদ্যা ও অন্তর্ভুক্ত ব্যয়-ভার সংকুলন করিতে পারে। আবার এইসকল পুস্তক ইংরেজীতে মুদ্রণ করিতে যে খরচ হয়, তাহার অপেক্ষা ভারতীয় ভাষায় মুদ্রণ করিতে অনেক বেশী খরচ পড়িয়া যায়। সাধারণতঃ যত পৃষ্ঠার ভিতর ইংরেজী পুস্তক মুদ্রিত হয়, এ দেশের ভাষায় মুদ্রিত করিতে গেলে তাহার অপেক্ষা অনেক অধিক পৃষ্ঠা লাগে। কাজেই কাগজের দাম বেশী পড়ে; তাহার উপর উৎকীর্ণ অক্ষরে ছাপিতে গেলে আরও বেশী কাগজ লাগে। এ দেশের এ শ্রেণীর বিদ্যালয়-গুলিতে পুস্তকের অভাব বড়ই পরিলক্ষিত হয়। অনেক স্থানেই হাতে লেখা বই ব্যবহৃত হয়। আজকাল কোন কোন প্রতিষ্ঠানে বিলাত হইতে মুদ্রিত হইয়া পুস্তক আসিতেছে। ইহাতে খরচা অতিরিক্ত মাত্রায় পড়িয়া যায়। সুধু যে সেখানে ছাপার খরচ বেশী, তাহা নয়, পাঠাইবার খরচও খুব বেশী।

তাহার উপর প্রকৃত শিক্ষিত শিক্ষকের, যাহারা

সাধারণ শিক্ষা ও ব্যবহারিক শিক্ষা দুই-ই দিতে পারেন, অতীত এ দেশে খুব বেশী।

যতদিন না অন্ধদিগের শিক্ষা দিবার জন্ত শিক্ষকেরা বিশেষভাবে শিক্ষিত হইবেন, ততদিন অন্ধদিগের শিক্ষার পথ প্রশস্ত হইবে না।

অন্ধদিগের শিক্ষা দুই দিকে চালিত হওয়া উচিত— বিদ্যালয়ে ও গৃহে। শিক্ষিতব্য বিষয় (ক) সাধারণ সাহিত্য, (খ) ব্যবহারিক, (গ) গীতবাছ। বিদ্যালয়ে এই সকল বিষয়ের শিক্ষা প্রচলিত হওয়া উচিত।

ব্যবহারিক বিষয়ে পুরুষদিগের জন্ত নিম্নলিখিত ব্যবসায়গুলি কার্যকরী হইবে :—

ঝুড়ি, ত্রুশ ও জুতা তৈয়ারী; কাঠের তলার জুতা, বেতের চেয়ার তৈয়ারী, ছুতার মিস্ত্রির কাজ, বেনা বা কলমীর চেয়ার তৈয়ারী, আলনা ও কাটির মাদুর তৈয়ারী, গান, পিয়ানোর সুর দেওয়া (piano tuning) ও পিয়ানো সারান, শর্টছাণ্ড ও টাইপরাইটিং, বাগান তৈয়ারী,

গৃহপালিত পশুপক্ষী রক্ষণ, ছাপাখানার কাজ, টিরিয়ো মুদ্রণ, ও টেলিফোন যন্ত্র নির্মাণ।

স্ত্রীলোকদিগের জন্ত :—ঝুড়ি, ত্রুশ তৈয়ার করা; বেতের চেয়ার বোনা, হাতের ও কলের শেলাই; ধোলাই কাজ; আলনা তৈয়ারী, রোগ উপশম করিবার জন্ত পেশী মর্দন, গান, পিয়ানোর সুর দেওয়া; শর্টছাণ্ড ও টাইপরাইটিং, টেলিফোন যন্ত্র নির্মাণ, বয়ন, বাগান তৈয়ারী, গৃহপালিত পশুপক্ষী রক্ষণ, পুস্তক বাঁধান ও গৃহ-কর্ম।

এই সকল কার্যে যুবক-যুবতীরা স্কুল ও কলেজে শিক্ষা পাইতে পারে; কিন্তু ব্যবহারিক কাজ ভালভাবে শিখিতে হইলে কর্মশালার প্রয়োজন, যেখানে অল্প অঙ্করাও কার্য করিতে পারিবে। কোন আকস্মিক কারণে ব্যয়ঃপ্রাপ্ত ব্যক্তির যদি চক্ষু হারাইয়া ফেলে তাহা হইলে এইরূপ কর্মশালায় কিছুদিন কার্য করিয়া ভালভাবে জীবিকা-অর্জন করিতে সহজেই পারিবে। ইংলণ্ডে এই শ্রেণীর



খেলার মাঠে বালকেরা

শ্রমিকেরা সাধারণ শ্রমিকদের অপেক্ষা মাহিনা ও এককালীন দান (bonus) অধিক পাইয়া থাকে।

ইহা ছাড়াও এমন অনেক অন্ধ আছে যাহাদের কাড়ীতে শিক্ষা দেওয়া ছাড়া গত্যন্তর নাই। এ শ্রেণীর ভিতর সেই সকল অন্ধই স্থান পাইবে যাহারা অত্যন্ত রুগ্ন বা দুর্বল—যাহারা অন্ধদিগের বিদ্যালয়ে প্রবেশাধিকার পাইতে পারে না ও যাহারা জীবনের শেষ সীমায় চক্ষুরঙ্গ হারাইয়া ফেলিয়াছে। ইহাদের শিক্ষার জন্ত ইংলণ্ডের Home Teaching Societies



খেলা-ধুলা

শিক্ষার অনুরূপ ব্যবস্থা করিতে হইবে অর্থাৎ শিক্ষকেরা অন্ধের কাড়ীতে গিয়া গৃহ-শিক্ষক হইয়া শিক্ষা দিবে। এরূপ করাও অন্ধদিগের শিক্ষার একটা অত্যন্ত প্রয়োজনীয় বস্তু। আমেরিকা ও ইংলণ্ডে এইরূপ ব্যবস্থার প্রচলন আছে বলিয়া অন্ধদিগের শিক্ষা খুব দ্রুতভাবেই উন্নতির পথে অগ্রসর হইতেছে।

এ দেশেও এইরূপ প্রকার প্রবর্তন হওয়া উচিত; কিন্তু এ-কথা উঠিলেই আবার সেই শিক্ষকের অভাবের কথা ওঠে।

কলিকাতায় চারি পাঁচ জন শিক্ষককে গৃহ-শিক্ষকের কার্যে নিযুক্ত রাখা দরকার। আর পূর্বেই এই সকল শিক্ষককে উপযুক্তভাবে শিক্ষিত হইতে হইবে। যখন তাঁহারা শিক্ষিত হইয়া শিক্ষাদান-কার্যে ব্রতী হইবার উপযুক্ত বলিয়া বিবেচিত হইবেন, তখন তাঁহাদের বেতনের কিয়দংশ ছাত্রদের বেতন হইতে উঠিবে; কিন্তু ইহাদের বেতনের জন্ত সম্পূর্ণ দায়ী হইবেন এখানকার Home Teaching Society. এ দেশে এরূপ সমিতির গঠনও আবশ্যিক হইয়াছে।

বিলাতে অন্ধদের সাহায্যের জন্ত আর এক প্রকারের সমিতি আছে, যাহাদিগকে "After-care Society" বলা হয়। সে সমিতির কাজ হইতেছে শিক্ষিত অন্ধ ছাত্রদিগকে জীবন-যাত্রার পথে সুনির্দিষ্টভাবে চালিত করা, শিক্ষিত অন্ধ ছাত্রদিগকে কাজের সন্ধান বলিয়া দেওয়া,

ব্যবসাদি চালাইবার জন্ত অর্থ-সাহায্য করা, যত্নপাতি ও ভ্রব্যাদি পরিদ করিয়া দেওয়া। এক কথায় শিক্ষিত হইবার পর জীবিকা-নির্বাহের উপায় করিয়া দেওয়া। এই সকল সমিতি যে কেবল অর্থসাহায্য করিয়া থাকে তাহা নয়, শিক্ষিত অন্ধদিগের গুণপনার ব্যাখ্যা করিয়া ও কার্যদক্ষতার নিদর্শন দেখাইয়া তাহাদিগকে জীবনে প্রতিষ্ঠিত করা ইহাদের মুখ্য উদ্দেশ্য। সত্যই প্রচারের অভাবে অনেক কার্যক্ষম ব্যক্তিও কার্যের যোগাড় করিতে না পারিয়া অনাভাবে দিন-যাপন করিতে বাধ্য হয়।

(২)

ভারতবর্ষে অন্ধদিগকে শিক্ষা দিবার ব্যবস্থার প্রচলন মাত্র ত্রিশ বৎসর হইয়াছে। যে কয়টা বিদ্যালয়ে অন্ধদের শিক্ষা দেওয়া হয়, তাহাদের ভিতর অধিকাংশই খৃষ্টান-ধর্ম প্রচারকদিগের যত্নে ও উৎসাহে প্রতিষ্ঠিত হইয়াছে। অন্ধদিগের জন্ত আশ্রম নির্মাণ করিয়া 'মুন'-প্রথায় (Moon System) উৎকীর্ণ অক্ষরে খৃষ্টান ধর্ম-পুস্তক মুদ্রিত করিয়া শিক্ষা দিবার ব্যবস্থা হয়। ক্রমশঃ হস্তের কার্যের প্রচলন এই আশ্রমগুলিতে প্রবর্তিত হয়। এবং এক্ষণে অনেক বিদ্যালয়ে পাশ্চাত্য রীতি অনুসারে শিক্ষা দেওয়া হইতেছে।

কুমারী আব্দুলইখ-প্রতিষ্ঠিত দক্ষিণ ভারতের পালান-কোটার সি-এম-এস স্কুল সর্বাপেক্ষা বৃহৎ। মহীশূরের

ষ্টেট-চালিত বিদ্যালয়টি আমাদের নর্থাল ক্লাসের ছাত্র-
 দ্বারা পরিচালিত হইতেছে। ইনিই সেখানকার প্রধান
 শিক্ষক। ১৮৮৭ সালে রাজপুরে খৃষ্টান অন্ধদিগের জন্ম
 The North India Industrial Home for
 Christian Blind স্কুল প্রতিষ্ঠা করেন। এতদ্ভিন্ন
 এলাহাবাদে ও লাহোরে একটা করিয়া বিদ্যালয় আছে।
 আমেরিকার ধর্ম-প্রচারক কুমারী মিলার্ড বোম্বায়ে আর
 একটা অন্ধদিগের জন্ম বিদ্যালয় চালাইয়া থাকেন।
 রাঁচীতে একটা বিদ্যালয় আছে, ইহার কর্তৃত্ব-ভার
 ছোটনাগপুরের বিশপের উপর ত্তস্ত; পাটনায়ও একটা
 বিদ্যালয় আছে। ছোটনাগপুরের বিদ্যালয়ে আমাদের
 পূর্বতন ছাত্র শিক্ষকের কার্য্যে ব্রতী আছে, ও পাটনায়
 আমাদেরই দুই জন ভূতপূর্ব ছাত্র মিলিয়া বিদ্যালয়টি
 স্থাপিত করিয়াছে। এই সকল বিদ্যালয়ে স্ত্রী ও পুরুষ
 পাঠ করিয়া থাকে। এখানে সাধারণভাবে বিদ্যা-শিক্ষা
 ছাড়া কিছু কিছু কুটীর-শিল্প ও ভারতীয় সঙ্গীত শিক্ষা
 দেওয়া হয়।



ভারতবর্ষের মানচিত্র-শিক্ষা

এই সকল বিদ্যালয়ে মাত্র পাঁচশত ছাত্র শিক্ষা-লাভ
 করিয়া থাকে, তন্মধ্যে আমাদের বিদ্যালয়েই ৮৫ জন ছাত্র
 পড়িতেছে। অন্ধের সংখ্যার অল্পপাতে শিক্ষার্থীর
 তুলনা নগণ্য, স্বীকার করি। সাধারণের দৃষ্টি এদিকে
 আকৃষ্ট করিয়া বলিতে চাই দেশের ধনকুবেররা এ দিকে
 অবহিত হউন। এই সকল অন্ধরা যাহাতে পরের গলগ্রহ
 না হইয়া স্বাধীনভাবে জীবন-যাত্রা নির্বাহ করিতে পারে,
 সমাজের একজন হইয়া চলিতে পারে, এরূপ কার্য্যে

অগ্রসর হউন—শুধু ধনকুবেরদিগের দিকে চাহিলেও
 চলিবে না—সাধারণের সমবেত চেষ্টায় ইহাদিগের সাহায্যে
 বন্ধপরিষ্কার হইয়া কর্ম্মক্ষেত্রে অগ্রসর হইতে হইবে।
 সাধারণের মধ্যে মনকে শিক্ষার আলোকে আলোকিত
 করিতে না পারিলে দেশের ও দশের মঙ্গল কখনই হইতে
 পারে না।



বয়ন ও বেতের কাজ দেখা

এ সম্বন্ধে ১৯১৪ সালে ভারত সত্রাট যখন ইংলণ্ডের অন্ধদিগের জন্ম National Institute for the Blind অনুষ্ঠানের প্রতিষ্ঠাকার্য সম্পন্ন করেন, তখন বলিয়াছিলেন —“সাধারণতঃ মানুষ যা কখনও হারায় নাই তাহার মূল্য বুঝিতে পারে না (আমাদের দেশের প্রবাদেও আছে, দাঁত থাকতে দাঁতের মর্যাদা লোকে বোঝে না) এবং আমি সেই সকল চক্ষুস্থান ব্যক্তিদের, যাহারা কখনও দৃষ্টি শক্তির মূল্যের বিষয় ভাবেন না, বেশী করিয়া তাঁহাদের অন্ধদের প্রতি কর্তব্যটা বুঝাইয়া দিতে চাই—তাঁহাদের কর্তব্য হইতেছে কার্যে অন্ধদিগের প্রতি সহানুভূতি দেখান, যাহার দ্বারা অন্ধরা জীবনের আনন্দ উপভোগ করিতে ও সাধারণের আনন্দে যোগদান করিতে পারে এবং অন্ধ ও চক্ষুস্থানের পার্থক্য যতদূর সম্ভব ভুলিতে পারে।

(৩)

কলিকাতার অন্ধ-বিদ্যালয়ের পশ্চাতে ৩২ বৎসরের ইতিহাস রহিয়াছে—অন্ধদিগের শিক্ষার জন্ম এই ক্ষুদ্র প্রতিষ্ঠানটী যাহা করিতে পারিয়াছে—যে সামান্য অবস্থা হইতে বিদ্যালয়টী বর্তমান অবস্থায় উন্নীত হইয়াছে, তাহার সংক্ষিপ্ত বিবরণ নিম্নে বিবৃত করিব।

অন্ধদিগের শিক্ষার জন্ম যতদূর জানিতে পারা যায় তাহা হইতে বলিতে পারা যায়, ১৮৯৪ সাল পর্যন্ত বাঙ্গালা দেশে কোনরূপ চেষ্টাই হয় নাই। ঐ বৎসর আমার পরমারাধ্য পিতৃদেব স্বর্গগত লালবিহারী শাহ মহাশয় মিঃ এল গার্ডওয়েট বি-এ (লণ্ডন) সাহেবের সহিত পরিচিত হন। ইনি এক সময় ইন্স্পেক্টার অব স্কুলের কার্য করিয়াছিলেন। মাদ্রাজ ও মালয়লম ভাষার অনুবাদকেরও কার্য করিয়াছেন। ইনিই আমার পিতৃদেবকে ব্রেইল রীতিতে (Braille System) শিক্ষিত করেন। ১৮৯৭ সালে পিতৃদেব তাঁহার বাটীতে অন্ধদিগের আশ্রম ও বিদ্যালয় প্রথম স্থাপিত করেন। একটা অন্ধ ছাত্র লইয়াই বিদ্যালয়ের কার্য আরম্ভ করেন। তিনি ৩ বৎসরের মধ্যেই Braille System বাঙ্গালা ভাষায় অনুসরণ করিয়াছিলেন। অন্ধদিগের শিক্ষা দিবার জন্য এই রীতিতে কেবলমাত্র লিখিতে ও পড়িতে তিনি শিক্ষিত হন নাই, কিন্তু পাটীগণিত প্রভৃতি শিক্ষা দিবার জন্য লণ্ডনের ব্রিটিশ



বিদ্যালয়-প্রতিষ্ঠার সময় প্রতিষ্ঠাতা লালবিহারী শাহ

ও ফরেন ব্লাইণ্ড এসোসিয়েশন, এক্ষণে যাহার নাম হইয়াছে The National Institute for the Blind, হইতে পুস্তকাদি ও যন্ত্রপাতি আনয়ন করিয়া শিক্ষা করিতে থাকেন। এইরূপে তিনি অন্ধদিগের শিক্ষাকার্যে জ্ঞানলাভ করিতে থাকেন। ১৮৯৮ সালের মার্চ মাসে আরও তিনটা ছাত্র শিক্ষার জন্য আসে। ইহার এক বৎসরের মধ্যে শিক্ষা-কার্য কিছুদূর অগ্রসর হইলে তিনি শ্রদ্ধেয় কালীচরণ বন্দ্যোপাধ্যায় মহাশয়কে অনুষ্ঠানটীকে সাধারণের গোচরে আনয়ন করিতে অনুরোধ করেন। সুপ্রসিদ্ধ স্বদেশহিতৈষী বাগ্মী কালীচরণ বন্দ্যোপাধ্যায়ের পরিচয় বাঙ্গালীর নিকট নূতন করিয়া দিতে হইবে না। চিরজীবনই ইনি অধ্যাপনার কার্য লইয়া ব্যস্ত ছিলেন। কিছু কালের জন্য কলিকাতা বিশ্ব-বিদ্যালয়ের রেজিষ্ট্রারের পদে ইনি বৃত্ত হন। তাঁহারই সভাপতিত্বে ১৮৯৯ সালে বিদ্যালয়ের ১ম বার্ষিক অধিবেশন জেনারেল এসেমব্লি ইনষ্টিটিউশনের হলে (এক্ষণে যাহা স্কটিশ চার্চ



লর্ড লিটন ও স্যার লানস্লেট স্টান্ডারমনের সহিত স্থাপয়িতা

কলেজ হইয়াছে) হয়। এই অধিবেশনের পর হইতে বিদ্যালয়টি সাধারণের দৃষ্টি আকর্ষণ করে এবং সর্ব-প্রথম সাধারণের নিকট হইতে সাহায্য প্রাপ্ত হয় এবং স্থান হইতে স্থানান্তরে নীত হইয়া আমার পিতৃদেবের একার যত্নে বিদ্যালয়ের শ্রীবৃদ্ধি হইয়া থাকে; বস্তুতঃ ১৩ বৎসর ধরিয়া তিনি সকল কার্যই একা করিয়া আসিয়াছেন। এক সময় মিষ্টার গুরুলে সত্যই বলিয়া-ছিলেন, তিনি একাধারে বিদ্যালয়ের স্থাপয়িতা, সুপারিন্-

টেণ্ডেন্ট, কার্যাধ্যক্ষ, কমিটি, হিসাব-নিকাশ-পরিদর্শক এবং শিক্ষক। কিন্তু অধিক দিন তিনি এই সকল কার্য একাকী করিয়া উঠিতে পারেন নাই। তাঁহার সাহায্য লইবার আবশ্যক হইল। তিনি স্যার আর্চডেল আরল ও মিঃ ডবলিউ, আর, গুরুলে সাহেবের সাহায্য প্রার্থনা করেন ও ১৯১১ সালে বিদ্যালয়টি ১৮৬০ সালের ২১ আইন অনুসারে রেজিস্ট্রী করিয়া ট্রাস্টীদের হস্তে লভ করেন। ১৯২৪ সালে বাঙ্গালার লর্ড সাহেব লর্ড

লিটনের স্বাক্ষরযুক্ত একখানি আবেদন-পত্র প্রচারিত হয় ও বিদ্যালয়ের স্থায়ী বাটী নির্মাণের জন্য প্রায় লক্ষ টাকা পাওয়া যায়। ১৯২৫ সালের মার্চ মাসে লর্ড লিটন-কর্তৃক বেহালায় নূতন বিদ্যালয় প্রতিষ্ঠিত হয়; জুন মাসে বিদ্যালয় নূতন ভবনে স্থানান্তরিত হয়। ইহাই হইতেছে বিদ্যালয়ের ভিত্তি হইতে বিকাশের সামান্য ইতিহাস।

আমার পিতৃদেব ১লা জুলাই ১৯২৮ সালে মারা যান। জীবনের শেষ দিন পর্য্যন্ত তিনি বিদ্যালয়ের কার্যভার বহন করিয়াছিলেন।

এ বিদ্যালয়ের আদর্শ হইতেছে এমন ভাবে শিক্ষা দেওয়া, যাহাতে ছাত্রেরা স্বাবলম্বনবলে সমাজের কৃত্তী সদস্য হইতে পারে।

এখানে এই বিদ্যালয়ে নিম্নলিখিত পাঁচটা শ্রেণী-বিভাগ আছে—প্রাথমিক (Preparatory), মাধ্যমিক (Secondary), ব্যবহারিক (Technical), সংগীত (Music) ও নর্মাল শ্রেণী (Normal class)

নিম্নলিখিতভাবে বিভিন্ন শ্রেণীতে শিক্ষা দান করা হয়।—

প্রথম—ব্যায়াম শিক্ষা (Physical Education), ইহার ভিতর জিমনাস্টিক, ড্রিল ও খেলাধুলার প্রতিযোগিতা (athletic sports)।

অন্ধ ছাত্রদের জীবনী-শক্তি সাধারণ ছাত্রদের অপেক্ষা এক চতুর্থাংশ কম। অতএব তাহাদের শারীরিক স্বাস্থ্যের দিকে অধিকতর মনোযোগী হওয়া অবশ্য কর্তব্য। কখনও কখনও বালকদিগকে অনেক দূর পর্য্যন্ত পদব্রজে লইয়া যাওয়া হয়।

২য়—সাধারণ শিক্ষা—(ক) প্রাথমিক শ্রেণীতে কিওয়ারগার্টেন মতে পড়া, লেখা, অঙ্ক, মডেলিং, প্রকৃতি হইতে পাঠ লওয়া (Nature study) ও বস্তু বা দ্রব্য হইতে যাহা শিক্ষা করিতে পারা যায় (object lesson) তাহাই শিখান হয়।

(খ) মাধ্যমিক শ্রেণীতে—সাহিত্য, (সংস্কৃত, বাঙ্গালা, ইংরেজী) ইতিহাস, ভূগোল, গণিত, শর্ট হ্যাণ্ড ও টাইপরাইটিং। এই শ্রেণীতে ছাত্রেরা প্রাথমিক কিংবা ম্যাট্রিকুলেশন পরীক্ষা দিতে পারে।

৩য়—সংগীত—যন্ত্র ও গলার সাহায্যে সংগীত শিক্ষা দেওয়া হয়। যাহারা সংগীতকে ব্যবসারূপে গ্রহণ করিতে চায়, তাহাদের জন্য বিশেষভাবে শিক্ষার ব্যবস্থা দেওয়া হয়।

৪র্থ ব্যবহারিক শিক্ষা—এ শ্রেণীতে চেয়ার বোনা, বুড়ি প্রভৃতি তৈয়ারী করিতে শিক্ষা দেওয়া হয়।

সূত্রধরের যন্ত্রাদির ব্যবহার কি ভাবে করিতে হয়, তাহা বিশদভাবে শিক্ষা দেওয়া হয়। বালিকাদিগকে সূচীকার্য ও বয়নকার্য শিক্ষা দেওয়া হয়।

৫ম শ্রেণীতে—নর্মালে শিক্ষকদিগকে নব-প্রথাযুগে শিক্ষিত করা হইয়া থাকে।

হাতের শিক্ষার দিকে আমরা বিশেষ ভাবে মনোযোগ দিয়া থাকি, কারণ স্পর্শ দ্বারা অধিকাংশক্ষেত্রে অন্ধরা জগতের সহিত সঘনক স্থাপিত করিতে পারে ও জগতের অনুভূতি লাভ করিয়া থাকে। এমন যে স্পর্শ শক্তি, যাহার প্রকৃতভাবে বিকাশ সাধিত না হইলে অন্ধ সংসারের জ্ঞান লাভেই অসমর্থ হয়, সেই স্পর্শের বিকাশ সাধিত না হইলে অন্ধের শিক্ষাই সর্বাঙ্গীন ও সম্পূর্ণ হইতে পারে না। স্থান ও দিকের পরিচয় লাভ যাহাতে সহজে হয়, সে শিক্ষার ব্যবস্থাও আমরা করিয়া থাকি, কারণ সহজ-জ্ঞানে কোন কোন অন্ধ ছাত্র এ বিষয়ে পারদর্শিতা লাভ করিতে পারিলেও অধিকাংশ ছাত্রের এ বিষয়ে সহজ-জ্ঞান আদৌ পরিলক্ষিত হয় না।



সঙ্গীতের মূচ্ছনা

দৈনিক ও সাময়িক পত্রাদি হইতে উপযোগী অংশ বিশেষ প্রত্যাহই ছাত্রদিগকে পড়ান হয়, যাহাতে তাহারা বিশ্বের সহিত সম্বন্ধচ্যুত না হয়—বিশ্বের কোথায় কি ঘটনা ঘটিতেছে তাহার সহিত পরিচিত থাকিতে পারে ও সাময়িক ঘটনাবলী ধারাবাহিকভাবে বুঝিতে পারে।

নিম্নে আমরা আমাদের ভূতপূর্ব কয়েকজন ছাত্র এবং তাহারা এক্ষণে যে ভাবে জীবিকা অর্জন করিতেছেন তাহার তালিকা সংক্ষিপ্ত বিবরণসহ নিম্নে প্রদান করিলাম—

১। অমূল্যকান্ত বাগচী, রঙ্গপুরের জনৈক ব্যবসাদারের পুত্র, ১০ বৎসর বিদ্যালয়ে শিক্ষার পর তাহার পিতার পাটের ব্যবসায় সাহায্য করিতেছেন এবং স্বয়ং ব্রেণী-মতে হিসাবাদি রক্ষা করিতেছেন।

২। ইয়াকুব আলী লতিফ, কলিকাতায় সুন্দরভাবে ব্যবসা চালাইতেছেন।




অধ্যক্ষ অরুণকুমার শাহ

৩। কমলাকান্ত মজুমদার, তিন বৎসর পূর্বে আমাদের বিদ্যালয়ে শিক্ষা-কার্য শেষ করিয়া পাটনায় অন্ধ-বিদ্যালয় স্থাপন করেন ও শিক্ষার কার্য চালাইতেছেন। এই পরিশ্রমী যুবক পাটনা বিশ্ব-বিদ্যালয় হইতে ম্যাট্রিক পরীক্ষায় উত্তীর্ণ হইয়াছেন।

৪। ব্যোম বাহাদুর। জনৈক নেপালী-বালক, এখানে ১০ বৎসর থাকিবার পর তাহার স্বদেশ কালিমপংএ গিয়া বেতের কাজ করিয়া মাসিক ৩০ টাকা বেতন পাইতেছে। যেখানে ব্যোম বাহাদুর কাজ করিতেছে সেখানকার কার্যাদ্যক্ষের নিকট হইতে তাহার সম্বন্ধে ভাল মন্তব্য পাইয়াছি। তাহার আপনার উপর এতদূর নির্ভরতা জন্মিয়াছে যে, কোন সাহায্যকারীকে সঙ্গে না লইয়াই সে একাকী তাহার পুরাতন বন্ধু-বান্ধব ও শিক্ষকদিগের সহিত দেখা-সাক্ষাৎ করিতে সেবার কলিকাতায় আসিয়াছিল। তাহার একান্ত ইচ্ছা যে, সে এখানে থাকে; কিন্তু আমাদের তাহা অভিপ্রেত নয় বলিয়া আমরা সে কার্য হইতে তাহাকে বিরত করি। আমরা চাই, আমাদের ছাত্রেরা সুশিক্ষিত হইয়া তাহাদের নিজ নিজ সমাজের একজন কৃতী সভ্য হউক।

৫। বক্ষিমচন্দ্র রায় চৌধুরী এম-এ (রোপ্য-পদক প্রাপ্ত), বরিশাল ১৯২৮ সালে ইতিহাসে এম-এ পরীক্ষায় ১ম বিভাগের ২য় স্থান অধিকার করেন। এক্ষণে কলিকাতা বিশ্ব-বিদ্যালয়ের ইনি একজন 'রিসার্চ স্কলার'। মাসিক ৭৫ টাকা করিয়া বৃত্তি পাইতেছেন এবং ছয় মাস দফতার সহিত কার্য করিয়া আসিতেছেন। জনৈক রিডারের (পাঠকের) সাহায্যে তিনি গবেষণা-কার্য সুচারুভাবে চালাইয়া আসিতেছেন। বিশ্ব-বিদ্যালয়ের কর্তারা এক সময় ভাবিয়াছিলেন যে, ইহার দ্বারা কার্য চলিতে পারিবে না; কিন্তু তাহাদের সে ধারণা যে অমূলক তাহা প্রতিপন্ন হইয়াছে।

৬। অধ্যাপক নগেন্দ্রনাথ সেনগুপ্ত—১৯১৯ সালে ম্যাট্রিক পরীক্ষা ও ১৯২৫ সালে দর্শন শাস্ত্রে এম-এতে প্রথম শ্রেণীতে উত্তীর্ণ হন ও আজ কয় বৎসর ধরিয়া বঙ্গবাসী কলেজে অধ্যাপনার কার্য সুন্দরভাবে চালাইয়া আসিতেছেন। সম্প্রতি ইনি জনৈক শিক্ষিতা যুবতীকে বিবাহ করিয়াছেন। মহিলাটি স্বৈচ্ছায় ইঁহাকে বিবাহ করিয়া



শান্তশালায় বালকরা।

ইহার দৃষ্টিশক্তি পূরণ করিয়াছেন—ইনিই নগেন্দ্রনাথের
চক্ষুরোগ বলিলে অত্যুক্তি হয় না।

এতদ্বিন্ন অনেক জন ছাত্র সংগীত ও হাতের কাজ
করিয়া বেশ জীবিকা-নির্বাহ করিতেছে।

রবার্ট সেড্রিক শেরিফ

[শ্রীবিজনবিহারী বসু বি-এ]

Journey's End নামক নাটকখানি ও তাহার রচয়িতা রবার্ট সেড্রিক শেরিফের নাম আজ সমস্ত বিশ্ব-ময় ছড়াইয়া পড়িয়াছে। বিভিন্ন ভাষায় অনূদিত হইয়া গত বৎসর এই পুস্তকের বিক্রয়লব্ধ অর্থ হইয়াছিল। পাঁচলক্ষ টাকা এখানি বর্তমান যুগ-সাহিত্যে একটা বিশিষ্ট স্থান অধিকার করিয়া বিশ্বমানবের মনের উপর আপনার প্রভাব বিস্তার করিতে সমর্থ হইয়াছে। নাটকখানি রবার্ট সেড্রিক শেরিফকে বিশ্ববরেণ্য করিয়াছে এবং লেখক জগতের নিকট হইতে যে সমাদর ও অম্লান যশ প্রাপ্ত হইয়াছেন, তাহা উত্তরোত্তর জগতের জ্ঞানপিপাসুদের নিকট বর্দ্ধিত হইবে ও অক্ষুণ্ণ রাখিবে।

সমস্তার জটিলতা নাই, সাধারণের দুর্কোধ্য সূক্ষ্ম ভাবের অবতারণা নাই। সাধারণ মানুষের সুখ-দুঃখ, আশা-আকাঙ্ক্ষাকে অবলম্বন করিয়া আখ্যানবস্তুটা গড়িয়া উঠিয়াছে। শ্রী-চরিত্রহীন এই নাটকখানি নাট্যমোদীদের নিকট প্রহেলিকার মত। সহজ অনাড়ম্বর সরল ভাষা নাটকখানিকে বিশিষ্টতা দান করিয়াছে। এই জটিলতাশূন্য নাটকে লেখকের অক্ষমতার পরিচয় কোথাও নাই। বাহিরের আড়ম্বরের প্রাচুর্যের অভাবই নাটকখানিকে গৌরবমণ্ডিত করিয়াছে। সাধারণতঃ নাটকের ভিতর দৃশ্যাবলীর যে বিপুল সমারোহ দেখিতে পাওয়া যায় তাহাতে রসিকজনের চিত্ত ক্ষুব্ধ ও পীড়িত হয়। দর্শকের চিন্তাশক্তিকে অসাড় করিয়া তোলে। Journey's Endএর ভিতর এরূপ আড়ম্বরপূর্ণ দৃশ্যাবলী নাই ও ইহা

আলোচ্য নাটকখানির ভিতর কোন সামাজিক-



রবার্ট সেড্রিক শেরিক

চিত্তার খোরাক জোগায় বলিয়া সমস্ত যুরোপ নাট্যকারের রচনানৈপুণ্য ও নাটকের অভিনয় সফলতার কথা একবাক্যে স্বীকার করিয়াছেন এবং ইহা শিক্ষিত ও কলাসুরাগীদের মিকট অধিকতর উপভোগ্য হইয়াছে।

Journey's End নাটকখানির অনাড়ম্বর সরস ভাষায় সরল সত্যকাহিনীর প্রকাশ আমাদের মনের দ্বারে ষেরকম আঘাত করে, কোন মিথ্যা ঘটনাকে কল্পনার বলে রঙীন করিয়া চিত্রিত করিলে তেমন করিত না এবং নাটকখানিও তেমন হৃদয়গ্রাহী হইত না। মাত্র চার বৎসর পূর্বে নাটক লিখিবার কল্পনাও তাহার মনে স্থান পায় নাই। তা' ছাড়া ইহা যে একখানি যুদ্ধবিষয়ক নাটক হইয়া উঠিবে একথা তিনি স্বপ্নেও চিন্তা করেন নাই। পুস্তক-প্রকাশের অল্পদিন পূর্বে পর্য্যন্ত তাঁহার নাম খুব অল্প লোকেই জানিত।

Hampton Wick নামক স্থানে সামান্ত একটা গৃহে তাঁহার পিতামাতার সহিত শেরিক একত্র বাস করিয়া থাকেন। 'এ গৃহের স্মৃতি তাঁহার হৃদয়ের প্রতি তন্নীর সহিত

জড়িত। এই গৃহেই বত্রিশ বৎসর পূর্বে তিনি প্রথম জগতের আলো দেখিতে পান।

এই যশস্বীর দ্বারে আজ কত ভক্ত ভাবে ভাবে অর্ঘ্য



সৈনিকবেশে শেরিক

লইয়া আসিতেছে। সমস্ত জগৎ তাঁহার প্রতিভায় আজ মুগ্ধ হইয়া নির্বাক-বিন্ময়ে দাঁড়াইয়া আছে, কিন্তু যশের প্রাচুর্য, অর্থসমাগম তাঁহাকে বিন্দুমাত্র বিচলিত করিতে পারে নাই। তাঁহার জীবন-ধারার কিছু মাত্র পরিবর্তন হয় নাই। এই বিশ্বব্যাপী খ্যাতি লাভ করিবার পূর্বে যে সকল বন্ধু একত্রে আমোদ-প্রমোদ, খেলা-ধূলা করিতেন আজও তাঁহারা শেরিকের সঙ্গসুখ সম্মানভাবে উপভোগ করিয়া থাকেন। যদিও রাজপরিবারের সহিত হস্ত-মর্দন করিবার সৌভাগ্য তাঁহার ঘটিয়াছে এবং লণ্ডনের শ্রেষ্ঠ ভোজনাগারে উচ্চ রাজ-কর্মচারীদের সহিত একসঙ্গে এক টেবিলে ভোজন করিবার সুযোগ তিনি পাইয়াছেন, তথাপি রবার্ট শেরিক তাঁহার পুরাতন দরিদ্র হোটেলটিকে ভোলেন নাই। পুরাতন বন্ধুদের লইয়া আজও সেখানে একত্র অহার করিয়া থাকেন, রঙ্গমঞ্চের পুরাতন অভিনেতাদের সহিত এখনও তাঁহাকে পূর্বের মত রসিকতা করিতে দেখা যায়। এই নিরহঙ্কার, নিরভিমান লেখকের সহিত আলাপ করিবার সময় অনেকের বুক গৌরবে ভরিয়া উঠিয়াছে, সমস্তম্বে মস্তক নত হইয়া আসিয়াছে।

একটি প্রশস্ত বসিবার ঘরে একটি বৃহৎ লিখিবার টেবিল তাহার চারিদিকে গদি আঁটা চেয়ার ও কয়েকখানি পুস্তক এবং একটি আধারে কয়েকটি রৌপ্য-নির্মিত সস্তরণ-প্রতিযোগিতার পুরস্কার (Rowing Trophies)-এগুলি বেশ সুন্দরভাবে রক্ষিত। গৃহসজ্জা ও সুরুচির পরিচায়ক। এইস্থানে শেরিক তাঁহার দর্শনপ্রার্থীদের সহিত আলাপ করিয়া থাকেন। তাঁহার প্রশস্ত উন্নত ললাট বুদ্ধিদীপ্ত, তেজোব্যঞ্জক চক্ষুহীন তীক্ষ্ণতা তাঁহার গভীর চিন্তাশক্তির পরিচয় দেয়। কথা কহিবার সময় মাঝে মাঝে তিনি চঞ্চল হইয়া ওঠেন। ঠোঁট ছুটিতে সর্বদাই সরল হাসি মাখান। যে কোন বিষয়ে অসাধারণ দক্ষতা ও পারদর্শিতার সহিত অক্লান্তভাবে তাঁহাকে আলাপ করিতে শুনিলে বাস্তবিকই মুগ্ধ না হইয়া থাকিতে পারা যায় না। নাট্য-রচনার বিষয় উল্লেখ করিলে বলেন যে খেয়ালের বশে তিনি নাটক লেখেন। চার বৎসর পূর্বে তিনি কল্পনাতেও আনিতে পারেন নাই যে তাঁহাকে নাটকের অল্প লেখনী ধারণ করিতে হইবে।

চার বৎসর পূর্বে তাঁহার ভূতপূর্ব বিদ্যালয়ের কয়েক-

জন ছাত্র মিলিয়া কোন এক সদস্যদের সাহায্যকরে নাটকাল্পিতের ইচ্ছা প্রকাশ করে। প্রকাশকদের ঘরে অভিনয়যোগ্য ক্ষুদ্র একখানি নাটিকা মনোনীত করিয়া লইতে অপারগ হইলে শেরিকের এক বন্ধু তাহাদিগকে পরামর্শ দিলেন, “দেখ, তোমরা যদি থিয়েটারই কস্তে চাও তো লোকের ঘরে ঘরে না গিয়ে নিজেরাই নাটক লিখে তার অভিনয় কর।” দলের মধ্যে একা শেরিকেরই একটু-আধটু লেখার অভ্যাস ছিল; সুতরাং নাট্য-রচনার ভার তাঁহারই উপর আসিয়া পড়িল। নাট্য-রচনা যে তাঁহার পক্ষে কখনও সম্ভবপর হইতে পারে এ ধারণা তাঁহার কোন দিনই ছিল না। কিন্তু অসম্ভবকে সম্ভব করিয়া তুলিবার শক্তি ভগবান তাঁহাকে সম্যগরূপে দিয়াছেন। তিনি উপর্যুপরি কয়েকখানি নাটক রচনা করিয়া ফেলিলেন। এইরূপে ক্রমে ক্রমে সাহিত্য-সাধনার বাসনা তাঁহার ভিতর জাগ্রত হইয়া ওঠে। একখানি তিন অঙ্কের নাটক লিখিয়া স্থানীয় রঙ্গালয়ের অধ্যক্ষের নিকট যান, কিন্তু তিনি তাহা অমনোনীত করিয়া ফেরৎ পাঠান। ইহাতে ভগ্নমনোরথ হইয়া বালকেরাও একটি সৌখীন অবৈতনিক নাট্য-সম্প্রদায় গড়িয়া তোলে এবং শেরিকের নাটকের মহলা আরম্ভ করিয়া দেয়। এই মহলা দিবার সময় তিনি যথেষ্ট শিক্ষা লাভ করিয়াছেন। সাজ-সজ্জা, মঞ্চ-বৈশিষ্ট্য ও দৃশ্যপটাদি সম্বন্ধে পূর্বে তাঁহার নিজের কোন অভিজ্ঞতা না থাকায় কতকগুলি ত্রুটি-বিচ্যুতি অপরিহার্য হইয়া উঠিয়াছিল। মহলা দিবার সময় সেই সকল দোষ তিনি নিজে দেখিতে পাইলেন এবং পরে ঐ গুলি পরিহার করিয়া কলাসম্মত সুচারু শৌন্দর্য্য ও শ্রী-মণ্ডিত করিয়া নাটক বাহির করিতে লাগিলেন, সময়ে সময়ে তাঁহাকে এক একটি দৃশ্য আমূল পরিবর্তন করিতে হইয়াছে। এই অপূর্ব শিল্পী মহলা দিবার সময়ই প্রকৃত ‘হাতে খড়ি’ লাভ করিয়াছেন। যাহা হউক তাঁহার নাটকখানি সর্বশ্রেণীর দর্শককেই পরিতৃপ্ত করিয়াছিল এবং তাহার ভিতর নাটকীয় মাল-মশলার প্রচুর সমাবেশ দেখিয়া অনেকে আশা করিয়া ছিলেন যে কালে ইনি একজন খ্যাতনামা নাট্যকার হইয়া উঠিবেন। স্থানীয় কাগজগুলি তাঁহার নাটকের নির্ভীক সমালোচনা করিয়াও স্থানে স্থানে তাঁহার ভ্রম-ভ্রান্তি দেখাইয়া প্রকৃত বন্ধুর মত তাঁহাকে উৎসাহিত করিয়াছিল।

তিনি বুঝিতে পারিলেন যে সামঞ্জস্য রক্ষাপূর্বক বিশিষ্ট চরিত্র-চিত্রণে অপারগ হইলে নাটক কিছুতেই স্থায়ী হইতে পারে না। নাটক-রচনার কয়েকটি বিশিষ্ট নিয়ম আছে, সে গুলি জানা না থাকিলে অভিনেতাদের বিপুল চেষ্টা ও সাহস-সরঞ্জামের সুচারু ব্যবস্থা থাকিলেও নাটককে দীর্ঘজীবী করিয়া তুলিতে পারা যায় না। এইজন্য তিনি William Archer প্রণীত Play-Making ও তাহার সঙ্গে নিয়মিতভাবে বিখ্যাত নাট্যকারদিগের শ্রেষ্ঠ রচনা পড়িতে আরম্ভ করিয়াছিলেন, ইব্‌সেনেরই তিনি বিশেষ ভক্ত। শেরিফের সাহিত্য-জীবনে ইব্‌সেন যে উদ্দেশ্য ও আদর্শ লইয়া নাট্যরচনা করিয়াছেন, শেরিফও সেই আদর্শ ও উদ্দেশ্যে অল্পপ্রাণিত; কিন্তু উভয়ের রচনা-ভঙ্গীর মধ্যে পার্থক্য যথেষ্ট।

১৯২৭ সালে আদর্শের পূজা (Hero-worship) লইয়া শেরিফ একটা নূতন নাটক লিখিবার পরিকল্পনা করেন। কোন বিদ্যালয়ের নিম্নশ্রেণীর একটা বালক তাহাদেরই উচ্চশ্রেণীর একটা সর্বস্বগ্ৰাণিত যুবককে সর্বতোভাবে তাহার জীবনের আদর্শরূপে বরণ করিয়া লইয়াছিল। যুবকটীও ওই বালকটির প্রতি স্নেহবিষ্ট। উভয়ে বিদ্যালয়ের শিক্ষা সম্পূর্ণ করিয়া সংসারের জটিল আবর্তের মধ্যে আসিয়া পড়িলে সেই বালকটির আদর্শের পরিণতি কোথায় কি ভাবে ঘটবে—নাটকখানিতে সেই সমস্যারই সমাধান আছে। পরে যুদ্ধের কয়েকটি ঘটনার ভিত্তির উপর দু'চারিটা নূতন চরিত্র গঠিত করিয়া ইহাতে সংযোগ করিয়া দেওয়া হয়। ইহাতে যে স্মৃষ্টি নাটকের উৎকর্ষ বৃদ্ধি পাইয়াছে তাহা নয় দর্শকদিগের মনে উত্তেজনার সৃষ্টি করিতে সম্পূর্ণরূপে সক্ষম হইয়াছে। নূতন ঘটনার সমাবেশে চরিত্র এমন ভাবে উপস্থাপিত কবা হইছে যে দর্শকের মনে স্বতঃই প্রশ্ন উঠে—তারপর কি?

নাটকখানি বিচিত্র কল্পনায় উদ্ভাসিত হইয়া পাঠকের মনে আনন্দের লহর তুলিয়া দেয়। এই সর্বস্বসম্বিত নাটকখানিই পরে Journey's End নামে আত্মপ্রকাশ করিয়াছে।

যুদ্ধক্ষেত্রের অভিজ্ঞতা যাহা নাটকে বর্ণিত হইয়াছে, তাহা তাঁহার নিজের অভিজ্ঞতা কি না প্রশ্ন করায় তিনি বলিয়াছেন যে উহা সম্পূর্ণ সত্য নয়। অবশ্য আমি আমার রোজনাম্‌চায় দৈনিক কাহিনী যথাযথভাবে লিপিবদ্ধ করিয়া রাখিয়াছি সত্য এবং এই রোজনাম্‌চার কয়েকটি ভাবের ছায়া যে Journey's Endএ আসিয়া পড়িয়াছে তাহাও, খাঁটি সত্য। শেরিফ তাঁহার কোনও এক বন্ধুর নিকট স্বীকার করিয়াছেন যে Osborneএর চরিত্রটি বাস্তব জীবন হইতে গৃহীত এবং যুবক সেনানায়ক Stanhopeএর সহিত ফ্রান্সে পরিচিত শেরিফের অপর এক বন্ধুর মিল আছে।

এই নবীন প্রতিভাশালী নাট্যকারকে এক সময়ে অভিনয়ের জগৎ খিয়েটারের ম্যানেজারের নিকট ঘুরিয়া বেড়াইতে হইয়াছে। বছবার নিজ হাতে তাঁহাকে নাটকখানির টাইপ করিয়া পাঠাইতে হইয়াছে, এক বন্ধু আসিয়া বলিলেন যে, জগদ্বিখ্যাত নাট্যকার বার্নার্ড শ' নাটকখানি পড়িয়া দেখিবার একদিন বাসনা জানাইয়াছেন। সমস্ত রাত্রি জাগিয়া পাণ্ডুলিপি হইতে নকল করিয়া শেরিফ তাঁহাকে নাটকখানি পাঠান। বার্নার্ড শ' এই তরুণ সাহিত্য-শিল্পীর প্রতিভার যথেষ্ট প্রশংসা করিয়াছেন।

অবশেষে একদিন Stage Society এই নাটকখানির অভিনয় ঘোষণা করেন ও Jame Whale ইহার প্রযোজ-শিল্পের সম্পূর্ণ ভার গ্রহণ করেন। সম্প্রতি বিখ্যাত Savoy Theatreএ উপর্যুপরি কয়েক রাত্রি ইহার অভিনয় হইয়া গিয়াছে।

সম্প্রতি এই নাটকখানি উপন্যাসাকারে পরিবর্তিত হইয়াছে। লেখকের সাহায্য লইয়া Vermon Bartlett উপন্যাসখানি রচনা করিয়াছেন। অনেক বুদ্ধিমান পাঠক আছেন যাহাদিগকে নাটক তেমন আনন্দ দিতে পারে না, নাটক পাঠে তাহারা প্রীত হন না, এই শ্রেণীর লেখক-দিগের প্রীতির জগুই উপন্যাসখানি রচিত হইয়াছে।

স্নেহের ক্ষুধা

(গল্প)

[শ্রীনরেন্দ্রনাথ চট্টোপাধ্যায়]

এক

সারা দুপুর আজ যেন অগ্নিবৃষ্টি হইতেছিল—লু চলিতেছিল। তাহার আলায় ছটফট করিয়া পাঁচটার কিছু পরে মৃগাল তাহার কচি মেয়েটিকে লইয়া বাহিরের রকে আসিয়া বসিল।

বড় রাস্তার উপর ছোট্ট বাড়ীখানি, রকও তাহার খুব ছোট। কন্যা পিতাকে নানারূপ প্রশ্নবাণে অতিষ্ঠ করিয়া তুলিতে লাগিল—“বাবা! ওতা কি?”

মৃগাল বলিল—“ষোড়ার গাড়ি।”

“—ষোলাল গালি? ওতা —”

“মটর গাড়ী।”

“মতল গাড়ি—কে চলবে।”

শিশু কন্যার রাশি রাশি প্রশ্নের উত্তর দিতে দিতে মৃগাল যেন ব্যতিব্যস্ত হইয়া উঠিল।

দিব্য ফুটফুটে মেয়েটি, নখর গোল-গোল চেহারা, দেখিলেই একবার বুকে করিতে ইচ্ছা করে। পথচারিগণ একবার করিয়া সে স্থানে থমকাইয়া দাঁড়াইয়া তাহাকে দেখিয়া যাইতেছে।

হঠাৎ আকাশের কোলে পূর্ণিমার চাঁদ দেখিতে পাইয়া কন্যা জিজ্ঞাসা করিল, “বাবা! ওতা কি?”

মৃগাল বলিল—“চাঁদ।”

“চাঁদ? ঠাকুল?” বলিয়া কন্যা পিতার কোলে বসিয়া যুক্তকর ললাটে ঠেকাইয়া বলিল—“ঠাকুল। বাবাকে ভাল লাখ।”

কন্যার এই অভাবনীয় কামনা পিতার হৃদয়ে কি একটা ভাবের সৃষ্টি করিল, তাড়াতাড়ি তাহাকে বুকের মধ্যে জড়াইয়া ধরিয়া তাহার কচি মুখখানিতে স্নেহ-চুখন বসাইয়া দিয়া জিজ্ঞাসা করিল—“ঠাকুর—তোকে কে বলে, মা?”

এ কথার কোনও উত্তর না দিয়া কন্যা কেবল হাসিতে তাহার মুখখানিকে উজ্জ্বল করিয়া তুলিল।

হঠাৎ একটা স্ত্রীলোক তাহার নিকটে আসিয়া মুগ্ধ অপলক দৃষ্টিতে কন্যাকে দেখিতে দেখিতে তাহাকে আবেগভরা কণ্ঠে জিজ্ঞাসা করিল—“একবার কোলে নেবো?”

সম্পূর্ণ এই অপরিচিতার কথায় মৃগাল প্রথমটা চমকাইয়া বলিল—“নাও না, বাছা, তাতে আর আপত্তি কি? দেখ, যায় কি না?”

স্ত্রীলোকটি তাহার দুইটা হাত বাড়াইতেই মেয়েটি হাসি-মুখে তাহার কোলে ঝাঁপাইয়া পড়িল। রমণী কিছুক্ষণ তাহাকে বুকের মধ্যে চাপিয়া রাখিয়া তাহার মুখখানি একদৃষ্টে দেখিতে লাগিল। যুগ্মক্রুর নীচে ডাগর চোখ দুটি, পাতলা দুটি ঠোঁট, নরম তুলতুলে গোল হাত দু'খানি।

স্ত্রীলোকটি পুনরায় তাহাকে তাহার বুকের মধ্যে নিবিড় ভাবেই চাপিয়া ধরিল। বস্তুগুল হইতে কয়েকটা লিচু বাহির করিয়া একটা একটা করিয়া তাহাকে খাওয়াইতে লাগিল।

মৃগাল বলিল—“ও কি?”

সে কথার কোনও উত্তর না দিয়া স্ত্রীলোকটি বলিল—“একবার দেবেন? একটু বেড়িয়ে আনি।”

মৃগাল আপত্তি করিল না।

স্ত্রীলোকটি পথের এদিক-ওদিক বেড়াইতে লাগিল। কিন্তু দশ-পনের মিনিটের মধ্যে মৃগাল যখন তাহাকে দেখিতে পাইল না, তখন সে আশঙ্কান্বিত হইল। চারিদিক তন্ন তন্ন করিয়া খুঁজিতে খুঁজিতে দেখিতে পাইল চোমাখার উপরে দাঁড়াইয়া স্ত্রীলোকটি কন্যাকে অজস্র চুখনে ব্যতিব্যস্ত করিয়া তুলিতেছে। কাছে গিয়া বলিল, “এইবার আমাকে দাও।”

“আর একটু থাক না, বাবু।”

মৃগালের অন্তরে একটা অজ্ঞাত আশঙ্কা আসিয়া দেখা দিল, বলিল—“না-না, সন্ধ্যা হ’য়ে এল, বাড়ী নিয়ে যেতে হবে।”

স্ত্রীলোকটি বলিল—“তবে চলুন, আমিই দিয়ে আসছি।”

বাটার সম্মুখে আসিয়া মৃগাল বলিল,—“এইবার দাঁড়।”

একটু ইতস্ততঃ করিয়া কন্যাকে তাহার কোলে তুলিয়া দিতেই সে বাটার মধ্যে যাইবার জন্ত পা বাড়াইলে স্ত্রীলোকটি পুনরায় বলিল,—“আর একবার দিন না।...”

বিস্মিত সৃষ্টি তাহার মুখের উপর ফেলিয়া মৃগাল বলিল,—“ব্যাপার কি?”

সে কথার কোনও উত্তর না দিয়া স্ত্রীলোকটি বলিল,—“আপনার পায়ে পড়ি, আর একটীবার দয়া ক’রে দিন।”

মৃগালের অন্তরে সন্দেহের ছায়াপাত হইলেও একথার পর এমন কাতর প্রার্থনায় কন্যাকে তাহার কোলে না দিয়া থাকিতে পারিল না।

কন্যাকে কোলে লইয়া স্ত্রীলোকটি কতকটা অগ্রসর হইতেই মৃগাল জিজ্ঞাসা করিল—“কোথা নিয়ে যাচ্ছ ওকে? —দাঁড়।”

হাস্ত-ভরল কণ্ঠে স্ত্রীলোকটি বলিল—“বাড়ী নিয়ে যাব?”

মৃগাল আর থাকিতে পারিল না; তাড়াতাড়ি তাহার কোল হইতে কন্যাকে ছিনাইয়া লইয়া বলিল—“সহরের আবহাওয়ার মধ্যে বাস ক’রে তোমাদের চাল-চলন সবই আমরা বুঝি; ভদ্রতার সীমা অনেকক্ষণ লঙ্ঘন করেছে।”

অপ্রস্তুতের মত কিছুক্ষণ দাঁড়াইয়া থাকিয়া স্ত্রীলোকটি সেই স্থান ত্যাগ করিয়া গেল।

সেইখানে ছই চারি জন যাহারা জড় হইয়াছিল তাহারা বলিল—“এমন কাজ আর কখনও করবেন না, মশাই! এরা সুবিধে বুঝে মেয়ে চুরি করবে।”

কথাটা নারীটার কাণে যাইতেই মাথাটা তাহার আপনা হইতেই হেঁট হইয়া গেল।

দুই

এই সম্পূর্ণ অপরিচিত শিশুটির প্রতি কিসের একটা আকর্ষণে প্রকাশ্য রাজপথে এই নারীটি যাহা করিয়া বলিল এবং তাহার বিনিময়ে পথিকদের বা মৃগালবাবুর নিকট যে ব্যবহার পাইল সেইটির আলোচনা করিতে করিতে সে যেন মরমে মরিয়া যাইতে লাগিল। কে এই শিশু,— কেনই বা তাহার নিকট হৃদয়ের সবটুকু স্নেহ লইয়া তাহাকে এমনি ভাবে কোলে লইতে গেল? সে নিজে একজন দাসী মাত্র, এটা তাহার বোকা উচিত ছিল, স্নেহ বলিয়া কোন জিনিসই তাহার চিত্তের এতটুকু স্থানে থাকা উচিত নয়, আশা-আকাঙ্ক্ষা বলিয়া তাহার কিছু থাকা উচিত নয়।

সন্ধ্যায় রাজপথ গ্যাসের আলোয় উজ্জ্বল হইলেও চক্ষের জলে সে চারিদিক ঝাপসা দেখিতে লাগিল।

বিরাত্ জন-সমূহের মাঝে কিছুক্ষণ স্থিরভাবে দাঁড়াইয়া বহুকালের একটা স্মৃতি তাহার মনে উঁকি মারিল। তারপর মনিব-বাড়ী যাইবার জন্ত সে কখন বাটা হইতে বাহির হইয়াছে, আর এখনও পর্য্যন্ত পথে পথে সে কাটাওয়া দিল!

সে চঞ্চল হইয়া উঠিল।

যখন সে প্রভুর বাড়ী গিয়া পৌঁছিল, তখন সন্ধ্যা উত্তীর্ণ হইয়া গিয়াছে।

তাহাকে এই এতটা রাত্রে আশিতে দেখিয়া গৃহিণী রুম্বরে বলিয়া উঠিলেন,—“এ রুম্বম ভাবে কাজে এলে তোমাকে আমি রাখতে পারব’ না বাছা, তুমি অন্য জায়গায় চেষ্টা দেখ।”

নলিনী এ কথার উত্তরে কোনও কথা বলিল না। নীরবেই সে গৃহিণীর পরুষ বাক্যগুলি সহ্য করিয়া বাসনের স্তূপ লইয়া কলের নিকট গিয়া বলিল।

অন্তরের সমস্ত একাগ্রতাটুকু এই কাজের উপর দিলেও নলিনীর চিত্তের পরতে পরতে কোথা হইতে সেই শিশুর হাসিমাধা মুখখানি উঁকি মারিয়া তাহাকে উন্মনা করিয়া তুলিতে লাগিল। নলিনীর চক্ষু দিয়া ছই ছোঁটা জল গড়াইয়া পড়িল। কেন আজ সে ও পথ দিয়া আসিতেছিল? তাড়াতাড়ি কোন রূপে কাজ শেষ করিয়া সে নিজের বাড়ীখানার দিকে পা বাড়াইয়া দিল।

একবার মনে করিল, বাইবার সময় একটীবার সেই বাটার দ্বারদেশে দাঁড়াইয়া উকি মারিয়া দেখে যদিই সেই মুখখানি আর একটীবার দেখিতে পায়। তখনই আবার মনে হইল না—না, কে সে তার? সে স্থির করিল, অন্য পথ দিয়াই সে যাতায়াত করিবে।

কিন্তু পথের বুকে পা দিতেই কে যেন জোর করিয়া তাহার পা ছুইটাকে সেই দিকেই লইয়া চলিল। যখন সে সেই বাড়ীর দ্বারদেশে আসিয়া দাঁড়াইল, তখন তাহার কাণের ভিতর ভাসিয়া আসিল—স্বামী-স্ত্রীর কথা। স্ত্রী বলিতেছে—“এমন করে যার তার কোলে সীতাকে আমার ছেড়ে দিও না। নিজেদের ব্যবসা চালাবার জন্যে আজকাল অনেকে মেয়ে চুরি করে আশ্রমাদেব মেয়ে বলে চালিয়ে দেয়; কার মনে কি আছে! সেদিনকার কাগজে এই রকমের একটা খবর পড় নি?” নলিনীর মন যুগায় ভরিয়া উঠিল। ছিঃ ছিঃ, কি কুরুণে আজ সে সতীকে কোলে লইয়া বাহির হইয়াছিল!

নিজের জীবনকে ধিকার দিতে দিতে নলিনী সে স্থান ত্যাগ করিল।

তিন

বাটীতে আসিয়া নলিনী দেশলাইএর সাহায্যে প্রদীপ জালিয়া তক্তায় বিছানা মাত্রখানার উপর চিস্তাক্রিষ্ট অবশ দেহখানাকে এলাইয়া দিল।

আকর্ষণের কিছুই নাই। নলিনীর মনের ফাঁকা জায়গায় কত কথাই উকি মারিতে লাগিল।

স্বামী কোমণ্ড কারখানায় কাজ করিয়া সপ্তাহে সপ্তাহে যাহা পাইত, তাহা সবই তাহার হাতে আনিয়া দিত। সে নিজে ছুই বেলায় এক বেলা খাইয়া স্বামীকে ছুই বেলা খাওয়াইয়া যাহা কিছু সঞ্চয় করিয়াছিল তাহাতে এই জায়গাটুকু জমা লইয়া ছুই খানি খোলার ঘর বাঁধিয়া আনন্দেই দিনগুলি কাটাইয়া দিতেছিল। তারপর হঠাৎ একদিন কলের ঢালাই ঘরে গলিত লৌহের মধ্যে স্বামী যখন প্রাণত্যাগ করিল, তখন সে চারিদিক অন্ধকার দেখিতে লাগিল। কারখানার পাওনা টাকায় কয়েকমাস চলিবার পর তাহাকে দাসীবৃত্তি করিতে হইল।

আহারের স্পৃহা আজ তাহার ছিল না। শুইয়া

শুইয়া আজ কেবল সারা অপরাহ্নের কথাটাই তাহার মনের মাঝে খেলা করিতে লাগিল। হায়রে আজ নিজেরটাও যদি থাকিত, তাহা হইলে অন্যের কন্যাকে একবার বুকে লইবার প্রবল বাসনার জন্য এমন ভাবে অপমানিতই বা হইতে হইবে কেন? সে স্থির করিল ও পথে আর কিছুতেই যাইবে না, চক্ষুর নেশা নাই বা তাহার মিটিল,—নিজের যখন কিছুই সে ধরিয়া রাখিতে পারিল না, তখন অন্যের স্নেহের ছলনাকে বুকে করিতে গিয়া অপযশের কলঙ্ক নাই বা মাথা পাতিয়া সে লইবে। না—না, ও কাজ আর সে কিছুতেই করিবে না।

নিজের মনেই এইরূপ সমাধান করিয়া নিজেকে সমস্ত চিন্তার বাহিরে রাখিয়া যেন সে অনেকটা নিশ্চিন্ত হইল। কখন যে নিদ্রা আসিয়া তাহার চেতনাটুকু কাড়িয়া লইল তাহা সে নিজেই বুঝিতে পারিল না।...দেখিল সতী তাহার হাসিভরা কচি মুখখানি লইয়া ছুই হাতে তাহার গলা জড়াইয়া ডাকিল—মা।

সেই তো সেই সতী...পশমের মত বেণী-বাঁধা চুলগুলির শীর্ষদেশে একটা রূপার ঘুমুর বাঁধা।

অঝোর ঝরে কাঁদিতে কাঁদিতে নলিনী বলিল,—‘কোথা ছিলি সতী এতদিন...আয় মা আয়!’

তেমনি মধুর হাসিয়া সতী বলিল,—‘এসেছি তো অনেক দিনই মা—আমায় কোলে কর।’

‘—আয় আয় মা আয় ওরে এবার তোকে এমন ভাবে ধরে রাখব’ কেউ দেখতে পাবে না, কেবল তোতে আমাতে হাসব খেলব কথা কইব।—’

সতীর মুখে আবার সেই নির্মল হাসি, সেই আধ-আধ কথা, সেই মুক্তার মত দাঁতগুলি।

হঠাৎ তাহার নিদ্রা ভাঙিয়া গেল, ...সতী তখন কোথায় পলাইয়া গিয়াছে।

কাল্পনা-জমাট কণ্ঠে নলিনী ডাকিয়া উঠিল, ‘কোথা গেলি মা?...আয় আয়, আমার এই ফাঁকা বুকখানার মাঝে তোকে লুকিয়ে রাখব আয়।’

সতী কিন্তু আসিল না।

নলিনীর চক্ষুর কোণ দিয়া ধারা নামিয়া আসিল।

চার

কয়দিন ধরিয়া নলিনী সেই পথ দিয়া আর নিজের কণ্ঠ

হলে গেল না, একটা বার দেখিবার চোখের নেশাকে বড় কষ্টেই দমন করিল.....নাই বা গেল সে !

দৃঢ় প্রতিজ্ঞার রক্তে মনটাকে বাধিয়া সমস্ত দিনটা মনিব বাড়ীর কাছে নিজেকে ডুবাইয়া রাখিলেও রাত্রিতে নিঃসঙ্গ অবস্থায় সেই মেয়েটিরই চিন্তা কোথা হইতে তাহাকে পাইয়া বসিল ।

সাতটা দিন এই ভাবেই তাহার কাটিয়া গেল । এক দিন কি-জানি কেন তাহার সম্পূর্ণ অজ্ঞাতসারে তাহার পা ছইখানা তাহাকে সেই পথের ধারে টানিয়া লইয়া গেল !

বাড়ীপানার সম্মুখে উপস্থিত হইতেই তাহার সারা দেহ যেন চঞ্চল হইয়া উঠিল...সেই ছোট মেয়েটির মুখ খানিকে একটা বার দেখিবার জন্য ।

সেই খানেই সে থমকাইয়া দাঁড়াইল, কিন্তু বাহির রকে কাহাকেও দেখিতে না পাইয়া যেন একটু হতাশ হইয়া পড়িল, তবুও কে যেম তাহাকে দ্বার-দেশে টানিয়া লইয়া গেল, মনে পড়িল সতীর আধ-আধ কথা—এসেছি তো অনেক দিনই মা ! কোলে কর ।

তাহার দৃঢ় প্রতিজ্ঞা কোথায় ভাসিয়া গেল ।

বেলা তখন প্রায় তিনটা, মৃগাল বাবু-আপিসে ।

দ্বার ঠেলিতেই খুলিয়া গেল, নলিনী আর অপেক্ষা না করিয়াই ভিতরে প্রবেশ করিয়া দেখিল শিশু কন্যা ও তাহার মাতা অকাতরে ঘুমাইতেছে । মনে করিল মেয়েটিকে লইয়া সে চলিয়া যাইবে, কিন্তু সেদিনের সেই ঘটনার কথা মনে পড়িতেই সে চমকাইয়া উঠিল, দ্বার-প্রান্তে বসিয়া সতীর মুখের উপর নিজের ক্ষুধিত আঁখির দৃষ্টি ফেলিয়া অতৃপ্ত নয়নে চাহিয়া রহিল ।

হঠাৎ যুবতী নিদ্রা হইতে উঠিয়াই এই সম্পূর্ণ অপরিচিতাকে এমনইভাবে বসিয়া থাকিতে দেখিয়া অবাক-বিশ্বয়ে জিজ্ঞাসা করিল,—‘কে গা তুমি—কি চাও ?’

নলিনী এ প্রশ্নের উত্তর দিতে পারিল না... অপ্রতিভের মত বসিয়া রহিল ।

যুবতী পুনরায় জিজ্ঞাসা করিল,—‘কি চাও বল না ?’

কিছুক্ষণ পরে প্রকৃতিস্থ হইয়া দুঃখের হাসি হাসিয়া নলিনী বলিল,—‘খুকিকে দেখছি দিদি !’

হঠাৎ যুবতীর মনে সেদিনকার কথাটা জাগিয়া উঠিতেই

জিজ্ঞাসা করিল—‘সেদিন কি তুমিই খুকিকে নিয়ে গিয়েছিলে ?’

নলিনীর মুখ দিয়া কোনও কথা বাহির হইল না, লজ্জানত মুখে সেইখানে বসিয়া রহিল ।

যুবতী বলিল,—‘জবাব দিলে না যে ?’

নলিনী এবারও সে কথার উত্তর দিল না, তাহার কাণের মধ্যে বাজিতেছিল—আমায় কোলে কর মা,....চমক ভাঙ্গিলে বলিল,—‘খুকিকে একবার দেবে বৌ-দিদি ?’

কি জানি কেন কোন এক অজ্ঞাত কারণে যুবতী শিহরিয়া উঠিলেও নলিনীর বলিবার ভঙ্গী ও প্রাণের আকুতি তাহাকে আর “না” বলিতে দিল না, সে ঘুমন্ত কন্যাকে তুলিয়া তাহার কোলে তুলিয়া দিল ।

এতক্ষণ পরে সতীকে কোলে পাইয়া নলিনীর রিক্ত প্রাণ তৃপ্তিতে ভরিয়া গেল, তাহার মুখের উপর নিজের মুখ রাখিয়া বলিল,—‘আমি তোকে পেয়েছি মা !’

তারপর যুবতীকে বলিল,—‘একবারটা একে নিয়ে যাই, আবার আমি তোমার কোলে দিয়ে যাব ।’

যুবতী চমকাইয়া উঠিয়া, বলিল,—‘না—না—না, কোনও মতলব নিয়ে যদি এসে থাক, বেরিয়ে যাও বলছি, আর কখনও এখানে এস না ।’

ব্যাকুল ভাবে নলিনী বলিয়া উঠিল,—‘একটীবার দয়া করে দাও—একটীবার নিয়ে যাই ।’

বেশ কঠোর অথচ দৃঢ়-কণ্ঠে যুবতী বলিল,—‘কেন মিছে আলাতন করছ’ ওসব হ’বে না ।’

এতক্ষণে এই কথা কাটাকাটিতে নিদ্রিত সতীর নিদ্রা টুটিয়া গেল, নলিনীর মুখের দিকে চাহিয়া হাসিভরামুখে বলিল,—‘মা’ !

বুড়ুকু মাতৃ-হৃদয়ে স্নেহের উজান বহিয়া গেল । বলিল,—‘তোকে কোলে পেয়ে ধন্য হয়েছি সতি ! কথাটা বুঝিতে না পারিলেও সতীর মুখখানি হাসিতে ভরিয়া উঠিল ।

একটা অজ্ঞাত আশঙ্কায় যুবতী তাহার কোল হইতে কন্যাকে ছিনাইয়া লইয়া বলিল,—‘যাও আর এক দণ্ডও নয় ।’

কিয়ৎক্ষণ হতভম্বের মত থাকিয়া আশ্র-সঙ্কম-আহতা

নলিনী চ'থের জল ফেলিতে ফেলিতে নিঃশব্দেই উঠিয়া গেল।

পাঁচ

সেই দিন হইতে সেই পথ দিয়া যাতায়াত করিলেও নলিনী সে বাড়ীতে আর কোন দিন প্রবেশ করিত না, কিন্তু দ্বার প্রান্তে কিছুক্ষণ ধরিয়া দাঁড়াইয়া থাকিত, যদি হঠাৎ সেই মুহূর্তে সেই মুখখানি একবার দেখিতে পায়!

কিন্তু দেখা সে পাইত না, তবে, কত্কার কলহাস্ত কখনও কখনও বা তাহার কাণে গিয়া তাহাকে এ পৃথিবী হইতে যেন অল্প একটা আনন্দময় রাজত্বে লইয়া গিয়া ফেলিত, কখনও বা তাহার কান্না কাণের ভিতর দিয়া মরমে প্রবেশ করিয়া বুক-খানাকে তোলপাড় করিয়া তুলিত... ইচ্ছা হইত সকল অপমান ভুলিয়া 'বাটীর মধ্যে প্রবেশ করিয়া বলে, তুমি কেমন মা গা বাছা, ছেলের কান্না বুক বাজে না?

তখনই কিন্তু কোথা হইতে তাহার মনের মধ্যে জাগিমা উঠিত এ অনধিকারীর দাবী কেন? এই চিন্তাই তাহাকে বিভ্রান্ত করিয়া তুলিত,—হুঃখের পাহাড় বুক লইয়া সে সেই স্থান হইতে চলিয়া যাইত। মনে করিত কি দুঃখগ্রহই না তাহার স্বন্ধে আসিয়া চাপিয়া বসিয়াছে। সব হারাইয়াও নিজের জীবনটাকে এতদিন ধরিয়া একটানা চালাইয়া আসিতেছিল বেশ, কোথা হইতে এই মিথ্যা আকর্ষণ একেবারে টানিয়া—মিথ্যা মোহ আসিয়া তাহাকে আচ্ছন্ন করিয়া ফেলিল।

সে দিন রবিবার।

পথ চলিতে চলিতে নলিনী দেখিতে পাইল মৃগালবাবু তাহার কত্কার লইয়া বাহিরের রকে বসিয়া আছেন।

সে থমকাইয়া দাঁড়াইয়া পড়িল। সতীর মুখখানির প্রতি নির্নিমেষ লোচনে চাহিয়া রহিল—হঠাৎ তাহার অন্তরের মণিকোটর হইতে কে যেন বলিয়া উঠিল—আবার?

তাহার চক্ষু দুইটা জলে পূর্ণ হইয়া উঠিল,—তাহার চক্ষুই যে তাহাকে টানিয়া আনে, কি করিবে সে?—

সেখান হইতে চলিয়া যাইবার অল্প সে আকুল হইয়া উঠিলেও সতীর মুখের আকর্ষণে যে আর নড়িতে পারিল না,—জ্ঞান-হারার মত কিছুক্ষণ দাঁড়াইয়া থাকিয়া নলিনী

মৃগালবাবুর কাছে কাতর-কণ্ঠে জিজ্ঞাসা করিল, 'বাবু কি রাখবেন?'

মৃগাল বলিল,—'গরীব লোক আমরা, লোক রাখবার পয়সা কোথা? তা ছাড়া কাজও এমন কিছু বাড়ীতে বেশী নেই।'

'সতীর জন্মে বোধ হয় দরকার বাবু'—বলিয়া নলিনী চূপ করিয়া আবার বলিল,—'তখনই এই পথ দিয়ে যাই তখনই ওর কান্না শুনতে পাই।'

মৃগালের অন্তরের মধ্যে সেদিনকার পথিকদের কথাগুলো জাগিয়া উঠিবামাত্র বলিল,—'তাতে তোমার কি?'

বিনীতভাবেই নলিনী বলিল,—'রাখতেন যদি তাহলে সোণামণির কষ্ট হ'ত না।'

মৃগাল একবার তাহার মুখের দিকে মৃগাপূর্ণ দৃষ্টিতে চাহিল। তার পর চূপ করিয়া বসিয়া রহিল, কোনও কথা বলিল না।

মেয়েটার কাছে সরিয়া গিয়া তাহার চুলগুলির মধ্যে আঙ্গুল চালাইতে চালাইতে নলিনী বলিল, 'মাইনে না হয় নাই দেবেন বাবু, তবু খুকিমণিকে—'

অধৈর্যের মত মৃগাল বলিয়া উঠিল, 'তোমার কি মতলব বলতে পার, গরীবের মেয়েটার ওপর এত খানি দরদ কেন? যাও বলছি, সে দিন অমনি ছপ্পুর বেলা বাড়ী ঢুকে ছিলে?'

মহা অপরাধীর মত নলিনী বলিল, 'মেয়েটিকে কোলে করতে ইচ্ছে করে বাবু তাই,—উত্তেজিত মৃগাল বলিয়া উঠিল, 'তোমার এত খানি করুণার দরকার নেই।'

নলিনী শুধু উদাস-দৃষ্টিতে মেয়েটার মুখের দিকে তাকাইয়া রহিল।

ছয়

বার বার অপমানিত হইয়াও নলিনীর চ'থের সম্মুখে যখন সতীর কচি মুখের ছবি ভাসিয়া উঠিত, তখন সে যেন শুনিত পাইত সেই ছোট মেয়েটা যেন তাহাকে হাত ছানি দিয়া ডাকিতেছে, আমায় কোলে কর। কথাটা শুনিবা মাত্র অপমানের জ্বালা হিতাহিত জ্ঞান অতল তলে ডুবাইয়া দিয়া সেই বাড়ীর দিকেই ছুটিয়া যাইত। মনের মধ্যে এই কথাটাই কেবল জাগিয়া উঠিত স্নেহের কাছে

আবার অপমান কি? সতীকে একবার কোলে পাইবার জন্ত জগতের শত লাঞ্ছনা সে অমান বদনে সহ করিতে পারে।

সেদিন মনিব বাড়ীর প্রাতঃকালীন কাজ শেষ করিয়া যখন সে ফিরিয়া আসিতেছিল, তখন প্রায় বারটা, সে দেখিল মৃগালবাবুর বাটির বহিঃদ্বার উন্মুক্ত।

বাটির মধ্যে প্রবেশ করিয়া দেখিল সতী কতকগুলো পুতুল লইয়া খেলা করিতেছে, আর তাহার গর্ভধারিণী নিদ্রার কোমল কোলে সুখ-শায়িতা।

নলিনীর মুখখানা আনন্দে উজ্জ্বল হইয়া উঠিল। হাত ছানি দিয়া ডাকিল—‘আয়—মা—আয়—আমি তোকে কোলে করতে এসেছি।’

খেলা ছাড়িয়া সতী তাহার নিকট ছুটিয়া আসিল।

স্নেহ-চুষনে তাহার মুখখানিকে ভরাইয়া দিয়া কি এক অদম্য আকর্ষণের বশে তাহাকে লইয়া নিজের বাড়ীর দিকে চলিয়া গেল। খাওয়ানিতে খাওয়ানিতে নলিনী জিজ্ঞাসা করিল,—বল দেখি সতী আমি কে?

হাসিয়া সতী বলিল—‘মা!’

আনন্দের উচ্ছ্বাস নলিনীর সমস্ত শরীরে খেলিয়া গেল, সে বলিল—‘আর তো পালাবি না মা?’ মাথা নাড়িয়া সতী জানাইল—‘না’

কতক্ষণ কাটিয়া গেল। যখন তাহার জ্ঞান ফিরিয়া আসিল তখন দ্বিপ্রহর অতীত হইয়াগিয়াছে, তাড়াতাড়ি পোষাকের দোকানে গিয়া পছন্দমত একটি পোষাক কিনিয়া দিয়া, পুনরায় সতীদের বাটির দিকে পা বাড়াইল কিন্তু তাহাকে বাড়ী পর্য্যন্ত যাইতে হইল না কি, একটা পর্কে ছুইটার সময় আফিস বন্ধ হইয়া গিয়াছিল।—বাটিতে কতাকে দেখিতে না পাইয়া ভীত চকিত হইয়া তাহার অমুসন্ধানের জন্ত পথে বাহির হইয়া পড়িল।

কতাকে কোলে লইয়া নলিনীকে পথে চলিতে দেখিতে পাইয়া উন্মত্তের মত চীৎকার করিয়া উঠিল—‘পুলিশ পুলিশ—ছেলে-চোর—ছেলে-চোর।’

নলিনীর মাথায় যেন আকাশ ভাঙ্গিয়া পড়িল, সতীকে পথে নামাইয়া দিয়া সে কাঁদিতে কাঁদিতে বাবুর ছুইটা পা জড়াইয়া বলিল—‘না বাবু না চুরি আমি করিনি—আপনার বাড়ীতেই আমি দিতেই যাচ্ছিলুম।’

মৃগালের উন্মত্ত চীৎকারে সেখানে অনেক লোক জমা হইয়া গিয়াছিল, নলিনীর কথা তাহারা কেহই কাণে তুলিল না—তাহাকে পুলিশের হাতে তুলিয়া দিবার জন্তই ব্যস্ত হইয়া পড়িল, অনেক কাঁদাকাটির পর কতকগুলি লোক বলিল,—‘ওরে কাণ মল, নাকে খত দে।’

নলিনী বাধ্য হইয়া তাহাদের আদেশ পালন করিয়া কাঁদিতে কাঁদিতে চলিয়া গেল।

সাত

ছয়টা মাস কাটিয়া গেল।

এই কয় মাসের মধ্যে নলিনী আর সে পথেই চলে নাই; যদি কোনও রূপে যাইতে হয় সেই আশঙ্কায় সে সেখানে কাজ করিত যেখনকার কাজ ছাড়িয়া দিয়া স্থানান্তরে কাজ করিতে লাগিল।

এই ঘটনার পর কেমন একটা মৃগা তাহার অন্তরের মধ্যে এমনই ভাবে সজাগ হইয়া উঠিয়াছিল, যে সতীর মুখখানি একবার চ’খের সায়ে ভাসিয়া উঠিলে আপনহারা হইয়া সে ছুটিয়া যাইত, সতীর সেই মুখখানা বার বার তাহার মনের মাঝে উকি মারিলেও অসীম ধৈর্য্যে সেটাকে আমল দিত না।

অন্তের কণ্ঠার প্রতি তাহার এই অহৈতুক আকর্ষণকে দূর করিবার জন্য তাহার সমস্ত স্নেহ দিয়া বর্তমান মনিবের শিশু পুত্রটিকে একান্তভাবেই জড়াইয়া ধরিত, তবুও কি-জানি-কেন তাহার কাণে ভাসিয়া আসিত সতীর কাঁদ-কাঁদ গলার আহ্বান—আমি এসেছি মা—আমায় কোলে কর।

সে উন্মনা হইয়া পড়িত।

সেদিন হঠাৎ তাহাদের বাটির সম্মুখ দিয়া মৃগালকে ছুই শিশি ঔষধ লইয়া ব্যস্তভাবে যাইতে দেখিয়া তাহার বুকটা হঠাৎ কাঁপিয়া উঠিল। ভাবিল অমুখ কি সতীর?’ একবার মনে করিল জিজ্ঞাসা করে। কিন্তু পারিল না; বেদনার পাষণ-ভার তাহার বুকখানাকে সূক্ষ্মাইয়া দিল।

তবুও তাহার অন্তরের মধ্যে ছর্ভাবনার যে ঝড় বহিল তাহা হইতে সে নিজেকে কিছুতেই মুক্ত করিতে পারিল না।

বিপ্রহরে সে সতীদের বাটীর ধারে গিয়া দাঁড়াইল।
উন্মুক্ত জানালার মধ্য দিয়া দেখিতে পাইল—অর্ধ-চেতন
সতীকে কোলে লইয়া ছলছল নেত্রে বসিয়া আছে সতীর
মা, আর—তারই পাশে উদাস-মননে তার বাবা।”

নলিনীর চক্ষু কাটিয়া জল আসিল, মনে করিল ছুটিয়া
যায়। কিন্তু কি ভাবিয়া সে বাইতে পারিল না। বুকের
কাগজ চাপিয়া সে বাটীতে কিরিয়া গেল। সতীর অমুখ—
তাহার কি? যদি সে বাড়ীতে যায় তবে হয় তো তাহার
পুলিশের হাতে তাহাকে ধবাইয়া দিবে।

সমস্ত দিনটা তাহার এমনি ভাবেই কাটিয়া গেল। কিন্তু
আর সে নিজেকে ধরিয়া রাখিতে পারিল না—সংযমের
বঁধ ভাঙ্গিয়া গেল। দিন-শেষ হইবার সঙ্গে সঙ্গে সে
উন্মাদিনীর মত ছুটিয়া গেল সতীদের বাড়ী। মাতার
কোল হইতে সতীকে লইয়া বলিল—“আমার কোলে দাও
বৌদি! একবার সতী আমাকে ছেড়ে পালিয়েছে, এবার
আমার কোল হতে যান কি ক’রে দেখুব’—সতি সতি—মা

—সতী কথা কইছে না যে বৌদি! ভাল ডাক্তার নিয়ে
এস দাদাবাবু সতীকে আমার বাঁচিয়ে তুলতেই হবে।”

বস্ত্রাঞ্চল হইতে দশ টাকার দশ খানি নোট বাহির
করিয়া নলিনী মৃগালবাবুর হাতে দিল।

এই অসম্ভাবিত ব্যাপারে স্বামী-স্ত্রী হতবুদ্ধি হইয়া
বলিল,—“সতীর ওপর তোমার এত খানি স্নেহ?”

‘ওগো! সতী যে আমার, ঠিক এমনি সুন্দর মেয়েটা,
এই মুখের এই খানে তারও তিল ছিল—ঠিক এমনিই হাসি
ছিল তার—এমনি পশমের মত চুল—এমনি ক’রে আমিও
তার বুঁটি বেঁধে দিভুম। সে আমার সৃষ্টি দেখে গড় ক’রত—”

মৃগাল বলিয়া উঠিল—“মা আমার চন্দ্র দেখে প্রণাম
করে দিদি!”

উচ্ছ্বসিত ক্রম্ভনে বক্ষ ভাসাইতে ভাসাইতে নলিনী
বলিতে লাগিল—“ঠিক সেই, দাদাবাবু সবই ঠিক, একবার
মা আমার পালিয়েছে—আর তো ছাড়বো না ওকে, ভাল
ডাক্তার আন দেখি—মা আমার কি ক’রে এবার পালায়।”

বৈরাগ্য

(৩)

[শ্রীঅপর্ণাচরণ সোম]

ক্ষুদ্র ক্ষুদ্র কামনাসমূহ

“কতকগুলি ক্ষুদ্র ক্ষুদ্র কামনা আছে; প্রাত্যহিক জীবনে সে-গুলি
সাধারণ। তাহাদের প্রতি তোমাকে সাবহিত দৃষ্টি রাখিতে হইবে।
বুদ্ধির প্রাথম্য দেখাইবার জন্য বা চালাক বলিয়া পরিচয় দিবার জন্য
ইচ্ছা করিও না।”

এমন কতকগুলি ক্ষুদ্র ক্ষুদ্র কামনা আছে, যাহা
প্রাত্যহিক জীবনে খুব সাধারণভাবে দেখিতে পাওয়া
যায়। সদৃশুর এ স্থলে তাহার দুইটা দৃষ্টান্ত দিয়াছেন।
অধিকাংশ লোক নিজকে খুব বুদ্ধিমান বা চালাক
বলিয়া পরিচয় দিতে চায়। কিন্তু যে ব্যক্তি একবার
সাক্ষাৎভাবে সদৃশুর দর্শনলাভ করিয়াছে, সে কখনও

তাহা করে না, এমন কি, তাহার চিন্তা পর্যন্ত করে না।
যে মুহূর্তে সে সদৃশুর মহিমার আলোক দেখে, সেই
মুহূর্তেই সে উপলব্ধি করে যে, প্রথর সূর্যালোকের তুলনায়
একটা ক্ষুদ্র প্রদীপের আলোক যেরূপ তুচ্ছ, “জ্ঞানমূর্তি”
সদৃশুর আলোকের তুলনায় তাহার আলোক সেইরূপ
তুচ্ছাদপি তুচ্ছ। সেজন্য বুদ্ধিমান বা চালাক বলিয়া
পরিচয় দিবার বাসনা তাহার কখনও হয় না।

তথাপি প্রত্যেক সম্ভবপর উপায়ে আমাদের প্রত্যেক
সদৃশুর স্মারকভাবে সদৃশুর কার্যে প্রয়োগ করিতে
হইবে। আমাদের যে ক্ষুদ্র আলোক আছে, তাহা ধামার
মধ্যে ঢাকিয়া রাখিলে চলিবে না। আমাদের এই

আলোক সদৃশরূপ জ্ঞানালোকের মত বিশাল নহে,— ক্ষুদ্র। তথাপি ইহার প্রয়োজনীয়তা ও উপযোগিতা আছে। সদৃশরূপ সেই বিশাল আলোক এত প্রখর ও দীপ্তিমান যে, ইহা অনেকের চক্ষু ঝলসাইয়া দেয়; আবার অনেক লোক আছে, যাহারা কখনও চক্ষু তুলিয়া দেখে না ও ইহার অস্তিত্বও জানে না। ক্ষুদ্র ক্ষুদ্র আলোকগুলি তাহাদের নিজের ধীশক্তির নিকটবর্তী বলিয়া তাহাদের নিকট উপযোগী বলিয়া বোধ হইতে পারে। এমন অনেক লোক থাকিতে পারে, যাহারা মহৎ ব্যক্তিগণের জ্ঞান-সাহায্য পাইবার এখনও আদৌ প্রস্তুত হয় নাই; আমরা এই সকল লোককে আমাদের ক্ষুদ্র জ্ঞান দ্বারা সাহায্য করিতে পারি। সুতরাং প্রত্যেকের স্ব স্ব স্থান আছে। কলের কার্য্য সুসম্পন্ন করিবার জন্য বড় বড় চাকার সঙ্গে ছোট ছোট চাকারও যেমন উপযোগিতা আছে, সদৃশরূপ বিরাট, জগৎ-ব্যাপার কার্য্য চলমান রাখিবার জন্য আমাদেরও ক্ষুদ্র জ্ঞানেরও উপযোগিতা আছে। কিন্তু বুদ্ধির প্রার্থ্যা দেখাইবার অভিলাষে আমরা যেন কখনও বুদ্ধির প্রার্থ্যা দেখাইতে ইচ্ছা না করি; এরূপ করা মুর্থতা। সেই জন্য উপনিষদের ঋষি বলিয়াছেন :—“তস্মাৎ পাণ্ডিত্যং নির্বিঘ্ন বাল্যেন তিষ্ঠাসেৎ” অর্থাৎ পাণ্ডিত্য হইতে নির্বিঘ্ন হইয়া অবস্থান করিবে।

“কথা বলিবার আকাঙ্ক্ষা করিও না। খুব কম কথা বলা ভাল; যদি না তুমি সম্পূর্ণরূপে নিশ্চিত হও যে, তুমি যাহা বলিতে ইচ্ছা করিতেছ, তাহা সত্য, প্রিয় ও হিতকর, তাহা হইলে কিছুই না বলা আরও ভাল। কথা বলিবার পূর্বে যত্নের সহিত ভাবিয়া দেখিবে যে, যাহা তুমি বলিতে যাইতেছ, তাহাতে ঐ তিনটি গুণ আছে কি না। যদি না থাকে, তাহা হইলে সেই কথা বলিও না।”

যাহারা সব সময় অনাবশ্যকভাবে বেশী কথা বলে, তাহারা সকল স্থলে বিজ্ঞভাবে বা লাভজনকভাবে কথা বলিতে পারে না, উপরন্তু তাহারা সত্যবাদীও হইতে পারে না। লোকে যদি সর্বদা শিথিলভাবে কথা বলে, ইহা নিশ্চিত যে, তাহাদের অনেক কথাই সত্য হইবে না, যদিও সে-সব ইচ্ছা পূর্বক মিথ্যা না হইতে পারে। তাহারা অনেক সময় অ-যথার্থ কথা বলে ও পরিশেষে বলে,—“তাই তো, আমার এইরূপ কথা বলিবার অভিপ্রায় থাকে নাই, সুতরাং ইহাতে কিছু যায় আসে না।” কিন্তু যাহা অভিপ্রেত থাকে নাই, তাহা যে ফল উৎপন্ন করে, তাহা নহে,—যাহা

অনুষ্ঠিত হয়, তাহাই ফল উৎপন্ন করে। যদি আমি ভ্রম-বশতঃ একটা অন্তায় কাজ করিয়া ফেলি, তাহা হইলে আমার উদ্দেশ্য ভাল ছিল বলিয়া ঐ অন্তায় কাজের প্রকৃতি যে পরিবর্তিত হইবে ও আমাকে হুঃখ পাইতে হইবে না, তাহা নহে। ঐ অন্তায় কাজের ফলে আমাকে পার্থিব হুঃখ ভোগ করিতেই হইবে, তবে আমার উদ্দেশ্য যদি শুভ ও সুস্পষ্ট হয়, তাহা হইলে ইহার জন্য আমি ভাল নৈতিক চরিত্র পাইতে পারি। কেহ কোনও একটা কথা বলিয়া পরে আত্ম-সংশোধন করিয়া বলে,—“তাই তো, আমি ভুল বলিয়াছি দেখিতেছি, কিন্তু ইহা তো ঠিক নয়।” এস্থলে সে অ-যথার্থ বলিয়াছে, এই অ-যথার্থতাই মিথ্যা। এই মিথ্যা বলিবার তাহার উদ্দেশ্য থাকে নাই বটে, কিন্তু যাহা সত্য নয়, তাহা সে বলিয়াছে। সে জন্ম তাহাকে মিথ্যার কৰ্ম্মভোগ করিতে হইবে। তাহার মিথ্যা বলিবার অভিপ্রায় থাকে নাই, এরূপ ওজর কোন কাজের নয়। যদি কেহ ভুলবশতঃ বা ঘটনাক্রমে কাহাকেও গুলি দ্বারা নিহত করিয়া বলে,—“তাহাকে হত্যা করিবার আমার অভিপ্রায় থাকে নাই, বন্দুকটা যে গুলিভরা ছিল, তাহা আমি জানিতাম না”, তাহা হইলে কি সে হত্যার কৰ্ম্ম হইতে নিষ্কৃতি পাইবে? না, তাহাকে হত্যার কৰ্ম্ম-ভোগ করিতেই হইবে, তা’ সে হত্যা জানকৃত হউক, বা অজ্ঞানকৃত হউক। ঋষি পরামর্শ বলিয়াছেন :—

অহং তু তাবৎ পশ্যামি কৰ্ম্ম যৎ বর্ততে কৃতম্ ?

গুণযুক্তং প্রকাশং বা পাপেনানুপমং হিতম্ ॥

অর্থাৎ পাপ-পুণ্য অজ্ঞানকৃত হউক বা জ্ঞানকৃত হউক, ভোগ ব্যতীত কখনই বিনষ্ট হয় না।

বাচাল লোক বেশী কথা বলিয়া তাহার শক্তি ক্রমশঃ ক্ষয় করে, সেই শক্তিটা কোন হিতকর কার্য্যে প্রয়োগ করিলে খুবই ভাল হইত। প্রাত্যহিক জীবনে লোকে যে সকল সামান্য সামান্য যত্নগণা ভোগ করে, যেমন মাথাধরা, বিরক্তি, অবসাদ প্রভৃতি, এই সব তাহাদের আবশ্যক-বিহীন বেশী কথা বলিবার ফল—প্রতিক্রিয়া। লোকে যদি মৌনভাবে অবলম্বন করিতে শিখে, তাহা হইলে শীঘ্রই তাহাদের স্বাস্থ্যের উন্নতি হইবে। ইহার দুইটা কারণ আছে। একটা কারণ এই যে, বাচালতায় তাহাদের যে নাড়ী-শক্তি (nerve-energy) নষ্ট হয়, তাহা মৌনা-

বলধন জন্ম আর নষ্ট না হইয়া সঞ্চিত থাকিবে। আর দ্বিতীয় কারণ এই যে, তাহাদের বাচালতার কলে যে কর্ম-ক্ষণ উৎপন্ন হয়, তাহা মৌনাবলধন জন্য সর্বদা পরিশোধ করিতে হয় না। তাহা ছাড়া, বেশী কথা বলিবার অভ্যাস থাকিলে, মুখ হইতে অনেক সময় হঠাৎ এমন কথা বাহির হইয়া পড়ে, যাহা মনোমালিন্য, বিদ্বেষ ও শক্রতা উৎপন্ন করে। সেইজন্য সদগুরু বলিতেছেন যে, কথা বলিবার পূর্বে যত্নের সহিত ভাবিয়া দেখিবে যে, তুমি যাহা বলিতে যাইতেছ, তাহা সত্য, প্রিয় ও হিতকর কি না। কথা না বলাই ভাল; যদি কথা বলিতে হয়, তাহা হইলে এমন কথা বলিতে হইবে, যাহা সত্য, প্রিয় ও হিতকর। ব্যাস-দেবও বলিয়াছেন :—

অব্যাহতং ব্যাহতাস্থেয় আত্মঃ, সত্যং বদেদ্যাহতং
তদ্বিতীয়ম্।

ধর্মং বদেদ্যাহতং তত্বতীয়ং, প্রিয়ং বদেদ্যাহতং

তচ্চতুর্থম্ ॥

“প্রথমতঃ, কোন কথা বলা অপেক্ষা কথা না বলাই ভাল; দ্বিতীয়তঃ, যদিই কথা বলিতে হয়, তাহা হইলে সত্য কথাই বলা ভাল; তৃতীয়তঃ, ধর্ম অর্থাৎ হিত কথাই ভাল; চতুর্থতঃ, প্রিয় বাক্য বলাই ভাল।”

প্রাচীন ভারতে মুনিগণ মৌনভাবে অবস্থিতি করিতেন বলিয়া, তাঁহারা “মুনি” নামে অভিহিত। আধ্যাত্মিক জীবনে মৌনভাব অবলম্বন করিতে না শিখিলে কেহ উন্নতি লাভ করিতে পারে না। ভগবান্ শঙ্করাচার্য্য বলিয়াছেন : “যোগশ্চ প্রথমদ্বারং বাহিরোধঃ”—বাক্-সংযমই যোগ-সাধনের প্রথম সোপান। সে-জন্য পাইথাগোরস কাহাকেও শিষ্যরূপে গ্রহণের পূর্বে তাহাকে দুই বৎসর কাল মৌনভাবে থাকিতে আদেশ করিতেন। অবশ্য আমরা যখন বাহ্য জগতে বাস করিতেছি ও এই জগতে থাকিয়া আমাদের সকল প্রকার কার্য্য করিতে হইবে, তখন আমরা সম্পূর্ণরূপে মৌনী হইয়া থাকিতে পারি না। কিন্তু মৌনভাবের অনুসরণ করা উচিত ও তাহা আমরা করিতে পারি; যে-স্থলে কথা বলা আবশ্যিক ও যতটুকু কথা বলা আবশ্যিক, সেই স্থলেই ততটুকুই কথা বলাই আমাদের কর্তব্য, এবং সেই কথা সত্য, প্রিয় ও হিতকর কি না তাহা পূর্বে ভাবিয়া দেখিয়া তাহা বলা কর্তব্য; নতুবা নীরব থাকাই

কর্তব্য। ইহাতে কেহ ক্ষুণ্ণতা অনুভব করিবেন না। ইহা অভ্যাস করিবার জন্ম আমরা একটা কাজ করিতে পারি। যদি আমরা প্রত্যহ বা সপ্তাহের মধ্যে এক দিন বা দুই দিন প্রতিজ্ঞা করি যে, সেই দিন আমরা এমন কোন কথা বলিব না, যাহা সত্য, প্রিয় ও হিতকর নয়। সেই দিনটা বাকহীন দিন হইতে পারে, কিন্তু ইহাতে কাহারও বিশেষ কোন ক্ষতি হইবে না, উপরন্তু আমরা প্রচুর লাভবান হইব। অবশ্য ইহাতে ক্রতগামী কথাবার্ত্তীর স্রোত অব্যাহত রাখা সম্ভবপর হইবে না, কারণ সত্য, প্রিয় ও হিতকর বাক্য বলিতে হইলে, প্রত্যেকবার কথা বলিবার পূর্বে ভাবিয়া দেখিতে হইবে। সে জন্ম হঠাৎ কথা বলা হইবে না ও মনে যাহা আসিবে, তাহার সকল কথাই বলা হইবে না। কিন্তু ইহাতে কিছু যায় আসে না। এই সকল নিয়ম আধ্যাত্মিক জীবন-গঠনের ভিত্তির উপর প্রতিষ্ঠিত। যিনি ত্বরিত আধ্যাত্মিক উন্নতি চাহেন, তাঁহাকে এই সকল নিয়ম প্রতিপালন করিতেই হইবে। যাহা লাভ করিবার যোগ্যতা এখনও আমাদের হয় নাই, তাহা লাভ করিতে আমরা ইচ্ছুক বলিয়া যে নিয়মগুলি পরিবর্তিত হইবে, তাহা নহে। নিয়মগুলি অপরিবর্তনীয়, নিজেকে সেই সকল নিয়মের উপযোগী করিবার জন্ম নিজের পরিবর্তন সাধন করিতে হইবে; এমন কি যদি সেই সকল আধ্যাত্মিক জীবনের নিয়ম সাংসারিক জীবনের নিয়মের সহিত ও ইহার কার্য্য-প্রণালীর সহিত অসমঞ্জস হয় ও সেগুলিকে ইহাদের বিরোধের মধ্যে আনয়ন করে, তাহা হইলেও আধ্যাত্মিক নিয়মগুলি যে অপরিবর্তনীয় তাহা ধারণা করিতে হইবে। সম্ভবতঃ এরূপ করা কঠিন বলিয়া বোধ হয়। কিন্তু “শ্রেয়াংসি বহুবিদ্বানি।” যদি যত্নের সহিত বিবেচনা করিয়া দেখিবার পরও আধ্যাত্মিক জীবনের প্রতিপাল্য নিয়মগুলি কাহারও নিকট কঠিন বলিয়া বোধ হয়, তাহা হইলে তাহাকে ত্বরিত আধ্যাত্মিক উন্নতির আশা ছাড়িয়া দিয়া দুই এক জন্ম অপেক্ষা করিতে হইবে। সেই পথ পড়িয়া আছে। কিন্তু যাহারা সদ-গুরু উপদেশগুলি পাঠ করিতেছেন তাঁহাদের নিকট এই সকল নিয়ম কঠিন বলিয়া বোধ হওয়া উচিত নয়। কোনরূপ প্রচেষ্টা ও কষ্ট না করিয়া আরামের জীবন, আর চুরুর সাধন-পথের জীবন—

এই দুইটা পরস্পর অসমঞ্জস। এই দুইটা কখনও এক সন্দেহ থাকিতে পারে না। “যাহা রাম, তাহা কাম নেহি।” ঐ দুইএর মধ্যে যে কোন একটা আমরা অবলম্বন করিতে পারি ও অন্যটাকে পরিত্যাগ করিতে পারি। কিন্তু তাই বলিয়া কেহ আরামের পথ অবলম্বন করিলে, তাহাকে আমরা দোষ দিতে পারি না।

“এমন কি, এখন হইতেই কথা বলিবার পূর্বে সমস্ত ভাবিয়া দেখিবার অভ্যাস করা ভাল। কারণ দীক্ষা গ্রহণের পর যাহা বলা উচিত নয়, পাছে তাহা বলিয়া ফেল, সে ক্ষমতা তোমাকে প্রত্যেক কথার উপর বেশ লক্ষ্য রাখিতে হইবে।”

দীক্ষা অতি পবিত্র ও গুহ্য বিষয়। যদি কেহ দীক্ষা সম্বন্ধীয় তথ্যগুলি না বুঝিয়া থাকে, তাহা হইলে আচার্য্যাদেবের এই উক্তিটা তাহার নিকট বুজরুগী বলিয়া বোধ হইতে পারে। যদি দেহ ইত্যপূর্বে দীক্ষার প্রকৃত গুহ্য বিষয়গুলি প্রকাশ করিবার সম্বন্ধে চিন্তা করিয়া থাকে, তাহা হইলে দীক্ষার বিষয়গুলি প্রকাশ করিবার সম্বন্ধে দাগাবাজি করিবার যে কিছু আছে, ইহা সে দীক্ষাগ্রহণ করিবার কালে বাক্য উচ্চারণ করিবার পূর্বে ভুলিয়া যায়। সুতরাং দীক্ষার প্রকৃত গুহ্য বিষয়গুলি চিরকাল গুপ্তভাবেই থাকে,—সে-সব কখনও প্রকাশিত হয় নাই ও হইতে পারে না। তথাপি দীক্ষিত শিষ্য বিপদাপন্ন হয়, যদি সে তৎসম্বন্ধে অসতর্ক হয়। সে যথার্থই একটা খুব অপ্রতিকূল অবস্থার মধ্যে পতিত হয়। দীক্ষা সম্বন্ধীয় এমন কতকগুলি বিষয় আছে, যাহা প্রকাশ করিলে বিশেষ কোন ক্ষতি হইতে পারে না; কিন্তু তাহা প্রকাশ না করিবার জন্য শপথ গ্রহণ করিতে হয়। যাহা শপথ, তাহা শ—প—থ,—তাহা কখনও ভঙ্গ না করিয়া পবিত্র বস্তুরূপে রক্ষা করাই উচিত। যে ব্যক্তি তাহা না করিতে পারে, তাহার আত্মোন্নতির সকল চিন্তাই অবিলম্বে পরিত্যাগ করাই ভাল।

“খুব সাবধারণ কথাবার্তা অনাবশ্যক ও মুখতার পরিচায়ক; যখন ইহা পরিন্দা হয়, তখন ইহা অপরাধ।”

আমরা সাধারণতঃ যত কথাবার্তা বলি, তাহার অধিকাংশই প্রকৃত প্রস্তাবে অনাবশ্যক। যাহাকে আমরা আবশ্যকীয় কথাবার্তা বলি, তাহা প্রায়ই অপরকে পরিতুষ্ট করিবার উদ্দেশ্যে বা সময়টা আনন্দে কাটাইবার উদ্দেশ্যে বলা হইয়া থাকে। আমাদের যুগের ইহা একটা বড়ই

দুর্ভাগ্যজনক প্রথা যে, বাজে কথাবার্তায় অনেকটা সময়ের অপচয় হয়, কিন্তু সেই সময়টা চিন্তা দ্বারা অপরের মঙ্গলের জন্য ব্যয়িত করিলে অনেক সুফল লাভ হইত। অবশ্য এমন সময় উপস্থিত হয়, যখন আমরা অনাবশ্যক কথাও বলিতে বাধ্য হই, কারণ যদি আমরা চুপ করিয়া থাকি, তাহা হইলে লোকে আমাদের সম্বন্ধে ভ্রম ধারণা করিবে। কাজেই তাহাকে প্রমোদিত করিবার জন্য আমাদেরকে কোন না কোন কথা বলিতে হয়। কিন্তু ইহা ছাড়িয়া দিলেও, অনেক কথাবার্তা আছে, যাহা এই শ্রেণীর অন্তর্গত নয়। সে সব কথাবার্তা কোনও কিছু বলিবার জন্যই লোকে বলিয়া থাকে। কিন্তু ইহা একটা ভুল। যখন আমরা আমাদের প্রকৃত কোন বন্ধুর সহিত থাকি, তখন সর্বদা তাহার সহিত কথা বলিবার আবশ্যক হয় না। তখন চুপ করিয়া থাকিলেও, আমরা উভয়েই আনন্দ লাভ করি এবং বন্ধুও কোন ভুল ধারণা করেন না। প্রকৃত বন্ধুত্বের চিহ্ন ইহাই। কিন্তু কেহ যদি এমন অবস্থার মধ্যে পতিত হয়, সেখানে কথাবার্তা না বলিলে পাছে অপরে ক্ষুণ্ণ হয়, এই জন্য কথাবার্তার স্রোত অব্যাহত রাখিতে হয়, তাহা হইলে দুর্ভাগ্যবশতঃ অনেক কথাই বলিতে হইবে,—যাহা না বলিলে খুবই ভাল হইত’ কিন্তু যে বাচাল, সে জানী নহে—মুখ। ব্যাসদেব বলিয়াছেন “বিভাকর যেমন সূর্য্যকাস্তমণির সংযোগবশতঃ আপন অগ্নিরূপ প্রদর্শন করে, সেইরূপ গর্ভিত যুগলের অসারময় বহুভাষণ অন্তরাআর ক্ষুদ্রতমত্ব প্রকটন করিয়া থাকে।” (মহাভারত, শান্তিপর্ব্ব ২৮৭।৩০)

“অতএব কথা বলা অপেক্ষা বরং কথা শুনিবার অভ্যাস কর; সাক্ষাত্বে জিজ্ঞাসিত না হইলে সে সব কথা সম্বন্ধে মতামত প্রকাশ করিও না।”

অনেক লোকের এমনিই স্বভাব যে, অপরের কোন কথা যদি তাহার অজ্ঞায় বা অসম্পূর্ণ বলিয়া মনে করে, তাহা হইলে তাহারা সে বিষয়ে তৎক্ষণাৎ প্রতিবাদ না করিয়া ও তদ্বারা একটা বিবাদ ও মনোমালিন্যের সৃষ্টি না করিয়া তাহা শ্রবণ করিতে পারে না। কিন্তু আমাদেরকে স্মরণ রাখিতে হইবে যে, অপরের মত সংশোধিত করা বা যে ব্যক্তি অজ্ঞায় বলিতেছে, তাহার ভ্রম সংশোধিত করা আমাদের ব্যাপার নয়। আমরা যতটা পারি, অপরকে

শাস্ত ও ধীরভাবে সাহায্য করা এবং মতামত জিজ্ঞাসা করিলে, উদ্ভেজিত না হইয়া স্থিরভাবে আমাদের মতামত বলাই আমাদের ব্যাপার। আমাদের মতামত অপরে যে গ্রহণ বা সমাদর করিবে, এমন ধারণা করা আমাদের আবশ্যিক নাই। অনেক সময় লোকে তাহা গ্রহণ করে না, কিন্তু সে-জন্য তাহাদিগকে তাহা গ্রহণ করিতে জ্বরদস্তি করা অত্যাচার। কেহ নিশ্চিতভাবে বুঝিতে পারে যে, বিষয়টা এইরূপ ; আর আমরাও উত্তমরূপে জানিতে পারি যে, বিষয়টা সেরূপ নয়। কিন্তু তাহা হইলেও তাহাকে তাহার মত বলিতে দেওয়াই ভাল। সম্ভবতঃ সে যাহা জানে, তাহা তাহাকে পরিতুষ্ট করে ও আমাদের কোন ক্ষতি করে না। সে বিশ্বাস করিতে পারে যে, পৃথিবী চতুষ্কোণ বা পৃথিবীর চারিদিকে সূর্য প্রদক্ষিণ করে। ইহা তাহার ব্যাপার—আমাদের নয়। 'যদি কেহ স্কুলের শিক্ষকরূপে বালকগণের শিক্ষা দিবার জন্য নিযুক্ত হন, তাহা হইলে তিনি ধীর ও শাস্তভাবে তাহাদের এই ভ্রান্তির নিরাস করিতে পারেন, কারণ ইহা তাঁহার কর্তব্য কর্ম। কোন ব্যক্তিই কিন্তু সর্বসাধারণের শিক্ষকরূপে নিযুক্ত নহেন।

অবশ্য যদি আমরা কাহারও চরিত্রের নিন্দা শুনিতে পাই, তাহা হইলে আমাদের বলা কর্তব্য : “মাপ করুন, মশায়, অমুকের চরিত্র সম্বন্ধে আপনি ঠিক জানেন না, আপনি যা' বলছেন. তা' সত্য নয়।” এই বলিয়া যতদূর সম্ভব, তাঁহার সম্মুখে ব্যাপারটা বুঝাইয়া দেওয়াই কর্তব্য। কারণ ইহা একজন অসহায় লোককে আক্রমণের বিষয়। তাহাকে অপরাধ হইতে রক্ষা করাই কর্তব্য।

“একটি তালিকার গুণগুলির এইরূপ নির্দেশ আছে:—জ্ঞান, সাহস, ঈশ্বা ও মৌন ; এই চারিটির মধ্যে শেষেরটি সর্বাপেক্ষা কঠিন।”

নির্সর্গের সত্যগুলি সম্বন্ধে আমাদের অগ্রে জ্ঞান লাভ করিতে হইবে, সেই সত্যগুলিকে প্রয়োগ করিবার জন্য সাহস অর্জন করিতে হইবে; সাধনার পথে মহিয়সী শক্তিনিচয় প্রয়োগ করিলে আমরা প্রবল ঈশ্বাশক্তি লাভ করিব, যাহা ঐ শক্তিগুলিকে সংযত করিবে ও আমাদের দিগকেও সংযত করিবে। তারপর, যখন আমরা এই সমস্ত আরও করিতে পারিব, তখন মৌন হইবার জন্য আমরা যথেষ্ট জ্ঞান লাভ করিব।

নিজের কার্যে অভিনিবেশ

“অন্ত লোকের কার্যে অবাচিতভাবে হস্তক্ষেপ করিবার ইচ্ছা আর একটি সাধারণ কামনা ; এই কামনাটা তুমি দৃঢ়রূপে দমন করিবে। অন্ত লোকে বাহা করে বা বলে বা বিশ্বাস করে, তাহাতে তোমার কোনই প্রয়োজন নাই, এবং তাহাকে [তাহার পথে] সম্পূর্ণরূপে চলিতে দিতে শিক্ষা করাই তোমার কর্তব্য। সে যতক্ষণ না অন্ত কাহারও উপর হস্তক্ষেপ করে, ততক্ষণ তাহার স্বাধীনভাবে চিন্তা করিতে, কথা বলিতে ও কার্য করিতে পূর্ণ অধিকার আছে। তুমি বাহা সম্ভব মনে কর, তাহা করিবার জন্য তুমি নিজে যেরূপ স্বাধীনতা চাও, তাহাকেও সেই সমান স্বাধীনতা দাও ; আর যখন সে সেই স্বাধীনতার পরিচালনা করে, তখন তাহার সম্বন্ধে কথা বলিবার তোমার কোনই অধিকার নাই।”

আমাদের মনে হয় যে, যাহারা বেশ আগ্রহী ও উৎসাহী, তাহারা যাহা শিখিয়াছে, তাহার গুরুত্ব সম্বন্ধে তাহারা এত বিশ্বাসী ও সন্দেহশূন্য (এরূপ বিশ্বাসী ও সন্দেহশূন্য হওয়াই বাঞ্ছনীয়) যে, তাহারা অপরকেও ঠিক তাহাই অনুভব করাইতে চায় ও তাহারা যাহা করে, তাহা অপরকে দেখিবার জন্য তাহাদিগকে জ্বরদস্তি করে। প্রায় প্রত্যেক উৎসাহী ব্যক্তির প্রকৃতির এই একটা দোষ। কিন্তু তাহাদের উপলক্ষি করা দরকার যে, মানুষ ইতঃপূর্বে ভিতরে যাহা শিখিয়াছে, কেবল তাহাই সে সানন্দে গ্রহণ করিতে পারে,—তা' যদিও সে তাহার মূল মস্তিষ্কে অনুভব করে নাই বলিয়া এখনও তাহা তাহার নিজের নিকট স্পষ্টরূপে উচ্চারণ করিতে পারে না! যতদিন না সে এই প্রাথমিক অবস্থা লাভ করে, ততদিন বাহির হইতে কোনও সত্য তাহার নিকট উপস্থাপিত করিলে, সে তাহা গ্রহণ করিতে পারে না। কাজেই তখন তাহাকে উহা গ্রহণ করিবার জন্য জ্বরদস্তি করিলে, ভাল অপেক্ষা মন্দই হয়।

ঠিক সেই প্রকারে বাহির হইতে মানুষের কর্তব্য-জ্ঞান (Conscience) গঠিত হইতে পারে না। কর্তব্যজ্ঞান প্রত্যেক ব্যক্তির নিজের অভিজ্ঞতা ও ভূয়োদর্শনের ফল। সুতরাং যদি কোনও সত্য ও উপদেশ কাহারও সম্মুখে উপস্থাপিত করিলে, সে তাহা গ্রহণ করিতে সমর্থ হয়, তাহা হইলে বুঝিতে হইবে যে, সে ইতঃপূর্বেই তাহার সম্বন্ধে ভিতরে জ্ঞান লাভ করিয়াছিল। সেই জ্ঞান তাহার মধ্যে সুপ্ত অবস্থায় ছিল, এখন সেই বাহ্য উপদেশ

বা সত্য তাহার নিকট উপস্থাপিত হওয়ায় সেই সুপ্ত জ্ঞান প্রবুদ্ধ হইয়া তাহার স্থূল মস্তিষ্কে স্মৃতিত হইল। অধ্যাত্ম-বিজ্ঞা সম্বন্ধীয় উপদেশ সম্বন্ধে উপদেষ্টা শিক্ষার্থীর অন্তর-লব্ধ জ্ঞানকে প্রবুদ্ধ করেন মাত্র। উপদেশ পাঠ শ্রবণ করিলেও সব সময় অনেকে যে তাহা গ্রহণ করিতে পারে না, তাহার কারণ উপরি-উক্ত সত্যের মধ্যে বিঘ্নমান। একজন সৎ পুরুষ নির্দেশ করিয়াছেন যে, শিক্ষার্থী নিদ্রা-কালে তাহার স্থূলদেহ হইতে নিষ্ক্রান্ত হইলে, তাহাকে শিক্ষা দান করা হয়। আসল মানব তখন তাঁহার নিকট শিক্ষা লাভ করে এবং সেই শিক্ষা-লব্ধ জ্ঞান ভৌতিক জগতের উপদেষ্টা যখন তাহাকে পুনরায় প্রদান করেন, তখন তাঁহার বাক্যগুলি সেই জ্ঞানকে মস্তিষ্কে প্রতিকলিত করিবার জন্য শিক্ষার্থীকে সাহায্য করে। ভৌতিক জগতের উপদেষ্টা এইমাত্র করিতে পারেন।

পৌনঃপুনিক ব্যর্থতা দ্বারা আমাদের সকলকে শিক্ষা লাভ করিতে হইবে যে, কোনও ব্যক্তি যে পথ গ্রহণ করিবার জন্য এখনও প্রস্তুত হয় নাই, তাহাকে সেই পথ দিয়া সাহায্য করা যায় না। সাহায্য করিলে যখন ফল লাভ হইবে, তখনই সাহায্য করা ও সাহায্য যেখানে আদৌ সাহায্য করে না, সে-স্থলে অপেক্ষা করাই কর্তব্য। যাহারা অধ্যাত্ম-বিজ্ঞার শিক্ষক, তাঁহারা তাহাই করেন। কিন্তু অজ্ঞ লোকে তাহা না বুঝিয়া মনে করে যে, উপদেষ্টা তাহাকে উপেক্ষা করেন। কিন্তু আসল কথা এই যে, উপদেষ্টা, যিনি শিক্ষার্থী অপেক্ষা বিজ্ঞ ও উন্নত, তিনি উত্তমরূপে জানেন যে, কোথায় তিনি শিক্ষার্থীর সাহায্য করিতে পারেন, আর কোথায় তিনি পারেন না।

লোকে নিজের জন্য স্বাধীনতার দাবী করিতে সর্বদা খুবই ইচ্ছা করে, কিন্তু অন্যকে তাহার নিজের স্বাধীনতা দিতে অসাধারণভাবে নারাজ। ইহা একটা গুরুতর দোষ, কারণ স্বাধীনভাবে চিন্তা করিতে, স্বাধীনভাবে কার্য করিতে, স্বাধীনভাবে কথা বলিতে আমাদের নিজের যেমন অধিকার আছে, অন্য ব্যক্তির ঠিক সেইরূপ অধিকার আছে এবং তাহাকে তাহার স্বাধীনতা অনুসারে কার্য করিতে দেওয়াই কর্তব্য, যতক্ষণ না সে অন্য কাহারও বিরুদ্ধি উৎপাদন করে।

অন্য দিকে আর একটা দোষ কখন কখন দেখিতে

পাওয়া যায়। অন্য লোকের মত যে গ্রহণ করিতেই হইবে, এরূপ ধারণা করা ভুল। সেই মত গ্রহণ না করিবার জন্য প্রত্যেকেরই পূর্ণতম অধিকার আছে। যদি তাহার মতের সহিত আমার মতের মিল না হয়, তাহা হইলে তাহাকে আক্রমণ না করিয়া সম্পূর্ণ সংযত ও মিষ্টভাবে বলা উচিত; “না, মহাশয় আপনার মতের সহিত আমি একমত হইতে পারিতেছি না”; অথবা সে-স্থলে নীরব থাকাই শ্রেয়ঃ। যখন কেহ কোন মত প্রদান করে, তখন তাহা শুনিয়া প্রথমতঃ নিজের সহজ বুদ্ধি প্রয়োগ করা দরকার, যাহা শুনা যায়, তাহার প্রত্যেকটিতে নিজের বিচার-বুদ্ধি প্রয়োগ করা দরকার। অন্য লোককে স্বাধীনভাবে থাকিতে দিতে হইবে, কিন্তু নিজের কর্তব্য-জ্ঞানের বিরুদ্ধে তাহার দাসত্ব স্বীকার করিতে দেওয়া ঠিক নয়।

“যদি তোমার মনে হয় যে, সে অস্তায় করিতেছে, তাহা হইলে তোমার এরূপ মনে করিবার কারণ তাহাকে সৌজন্যের সহিত ও গোপনে বলিবার জন্য একটা সুযোগের ব্যবস্থা করিবে; খুব সম্ভবতঃ তুমি তাহাকে বুঝাইয়া নিরস্ত করিতে পারিবে; কিন্তু অনেক স্থল আছে, যেখানে, এমন কি এরূপ হস্তক্ষেপ করাও অসুচিত। কোন কারণেই তুমি কোন তৃতীয় ব্যক্তির নিকট যাইয়া সে বিষয় রটনা করিও না, কারণ তাহা একটা নিতান্ত গর্হিত কাজ।”

যে ব্যক্তি যথার্থতঃ অস্তায় করিতেছে বলিয়া আমরা বুঝিতে পারি, তাহাকে সেই অস্তায় হইতে নিরস্ত করিবার জন্য সাহায্য করা প্রয়োজন এবং কখন কখন সমর্থ হওয়া যাইতে পারে, কিন্তু এ স্থলে খুব সতর্কতা আবশ্যিক। কারণ এরূপ স্থলে ভাল অপেক্ষা মন্দ করিয়া ফেলা খুব সম্ভব। এরূপ স্থলে সাহায্য করিতে পারা যায়, তবে সঙ্গুরু যেমন ইঙ্গিত করিতেছেন ঠিক সেই ভাবে অর্থাৎ গোপনে ও বন্ধু-চিত্তভাবে করিতে হইবে। কিন্তু সেই ব্যক্তি যদি তাহার নিজের মতে অত্যাসক্ত বা একান্তই হয়, তাহা হইলে তাহার অভিজ্ঞতা দ্বারা শিক্ষা লাভ করিবার জন্য তাহাকে বলিতে দেওয়াই মঙ্গল, কারণ তাহাই তাহার মহান উপদেষ্টা।

যদি কেহ কোন ভ্রান্ত ধারণা পোষণ করে ও আমাদের নিকট তাহা প্রকাশ করে, তাহা হইলে তাহাকে তাহার সেই ধারণা ভ্রান্ত বা অস্তায় বলিবার দরকার নাই, যদি না আমরা নিশ্চিতরূপে জানিতে পারি যে, তাহার নিজের

বিবেচনা অপেক্ষা আমাদের বিবেচনার উপর তাহার বেশী বিখাল আছে, কিংবা আমাদের বিবেচনাকে অন্ততঃ গভীর-ভাবে চিন্তা করিতে সে ইচ্ছুক ; অনেক স্থলে সে নিজের জ্ঞান ভুল বাহির করিতে বাধ্য হয়, তাহা হইলে তাহাকে ইহা করিতে দেওয়াই শ্রেয়ঃ। ক্রমশঃ সকলই তাহার নিকট সুস্পষ্ট হইবে, অজ্ঞায় ও ভ্রান্তি দূরীভূত হইবে এবং আসল জিনিস রহিয়া যাইবে।

“যদি তুমি কোনও শিশু বা পশুর প্রতি নিষ্ঠুরতা দেখিতে পাও তাহা হইলে তাহাতে হস্তক্ষেপ করা তোমার কর্তব্য কর্ম।”

কাহারও কার্যে হস্তক্ষেপ করা কর্তব্য নয়। কিন্তু কিন্তু এমন অনেক স্থল আছে যেখানে হস্তক্ষেপ করা অপরিহার্য্যভাবে কর্তব্য। যেখানে কোনও শিশু বা জন্তুর প্রতি অত্যাচার দৃষ্ট হইবে সেখানে সেই শিশু বা জন্তুর রক্ষার জন্ত হস্তক্ষেপ করা অবশ্য কর্তব্য, কারণ শক্তি দুর্বলতার সুযোগ গ্রহণ করিয়াছে, কিন্তু ইহাকে রক্ষা করাই শক্তির সকল স্থলেই কর্তব্য, কারণ দুর্বলতা আত্মরক্ষা করিতে পারে না। সুতরাং যেখানেই কোন শিশু বা পশুর প্রতি নির্মমতন দৃষ্ট হইবে, সেই স্থলেই শক্তিমানের কর্তব্য যে অগ্রসর হইয়া ইহাকে রক্ষা করা ও ইহার অধিকার ভঙ্গ হইতে এবং অপরের স্বাধীনতা হত হইতে না দেওয়া। অতএব যেখানেই আমরা কোন অসহায় শিশু বা পশুর প্রতি নির্দয়তা দেখিতে পাইব, সেই স্থলেই আমাদের হস্তক্ষেপ করিতে হইবে ও সেই হস্তক্ষেপ যেন ফলপ্রসূ হয় তাহার জন্ত চেষ্টা করিতে হইবে।

যদি তুমি দেখিতে পাও যে, কেহ দেশের আইন লঙ্ঘন করিতেছে, তাহা হইলে কর্তৃপক্ষকে জানান তোমার কর্তব্য।”

সদৃশের এই উক্তিটী সন্দেহে অনেকে নানা প্রকার প্রতিবাদ করিয়া ইহার ব্যতিক্রম করিয়া থাকেন। কিন্তু প্রকৃত প্রস্তাবে যদি কেহ কাহারও অপরাধ গোপন করে, তাহা হইলে সে ব্যক্তিও আইন অনুসারে ঐ অপরাধীর সহকারী বলিয়া গণ্য হয়। লোকে বলে “কেহ কোন আইন ভঙ্গ করিতেছে কি না তাহা দেখিবার জন্ত আমরা কি গুপ্তচর হইব ?” নিশ্চিতই না, কেহ কোন আইন ভঙ্গ করিতেছে কি না তাহা জানিবার জন্য তিনি গোয়েন্দা নিযুক্ত হন নাই।

আইন দেশকে সুনিয়মিত করিয়া রাখে ; সকলের

মঙ্গলের জন্য শৃঙ্খলা ও শান্তি স্থাপন করে ; সে জন্য ইহার সমর্থন ও পালন করা প্রত্যেক পৌরজনের কর্তব্য কর্ম। তথাপি প্রত্যেকের সহজ-বুদ্ধি প্রয়োগ করা দরকার। লোকে অপ্রচলিত আইন (obsolete laws) পালন করিবে ইহা প্রত্যাশা করা যায় না, যদিও তাহা আইন বহিতে (Statute book) নিবন্ধ থাকে। আর সামান্য সামান্য অপরাধ কর্তৃপক্ষকে জানাইবার জন্য স্বীয় পথের বাহিরে যাইবার জন্য কাহারও আবশ্যক করে না। যদি কেহ অবৈধভাবে প্রবেশ করিয়া এক জনের জিনিস গ্রহণ করে বা সোজাপথ ধরিবার জন্য কেহ এক জনের প্রমোদ উঠানের মধ্য দিয়া গমন করে তাহা হইলে তাহা কর্তৃপক্ষের গোচরীভূত করিবার জন্য অন্য কোন তৃতীয় ব্যক্তি যে বাধ্য, তাহা মনে হয় না কিন্তু জিজ্ঞাসিত হইলে তাহাকে অবশ্য তাহাই বলিতে হইবে। অনেক দেশে শুল্ক (Customs) দিয়া জিনিস আমদানী ও রপ্তানী করিবার আইন আছে। এই আইন পালন করা প্রত্যেক দেশবাসীর উচিত, বিনা শুল্কে কোন দ্রব্য আমদানী বা রপ্তানী করা কর্তব্য নয়।

কাহারও কোন আইনই ভঙ্গ করা উচিত নহে, কারণ যখন তাহা গঠিত হইয়াছে তখন তাহা পালন করাই সকলের কর্তব্য। তবে কোন আইন যদি খারাপ হয় তাহা হইলে তাহার পরিবর্তনের জন্য বৈধ ও শাস্ত্যভাবেই চেষ্টা করা কর্তব্য।


দেখিতে পাইলে কোন্ কোন্ অপরাধ কর্তৃপক্ষের গোচরীভূত করা কর্তব্য, তাহা ভারতীয় আইন বহিতে লিখিত আছে—অবশ্য সে সকল অপরাধ গুরুতর অপরাধ। যদি কেহ কাহাকে হত্যা করিতে বা চুরী করিতে দেখে, তাহা কর্তৃপক্ষকে জানান তাহার অবশ্য কর্তব্য কর্ম। কিন্তু অনেক ক্ষুদ্র ক্ষুদ্র অপরাধ আছে যাহা কর্তৃপক্ষকে না জানাইলে দর্শক সেই অপরাধের সহকারী বলিয়া ভারতে আইনতঃ অপরাধী বলিয়া গণ্য হয় না।

কোন্ স্থলে অপরের কার্যে হস্তক্ষেপ করা কর্তব্য সদৃশের তাহার আর একটা দৃষ্টান্ত দিয়া বলিতেছেন—

“যদি তুমি কাহাকেও শিকা দান করিবার ভার প্রাপ্ত হইয়া থাক, তাহা হইলে তাহার দোষগুলি তাহাকে শাস্ত্যভাবে বলাই তোমার কর্তব্য-কর্ম।”

বাহিরিনু বিশ্বপথে

[শ্রীমলতা সেন]



আয়—

বেলা ব'য়ে যায়,

ছুটেছে তরণী মোর আজ

অবহেলি' জীবনের যত কিছু কাজ !

অতীত পিছনে ফেলি' দৃষ্টি তার অনাগত পানে

লক্ষ্যহারা চিত্ত তার অনির্দেশ চলা শুধু জানে ।

অজানার যাত্রীদের আদরে সে লবে বুকে তুলে—

চলার আগ্রহে তাই প্রাণ তার সর্ব অঙ্গে ওঠে ছলে ছলে ।

তরী'পরে জ্বলিতেছে উৎসবের বাতি,

নিবে যাবে না পোহাতে রাতি,

কে রাখিবি তায় ?

ওরে আয় ।

আয়—

শ্রোত ব'য়ে যায়,

ব'সে আছি তরী বেঁধে কূলে

কত যুগ যুগান্তর আপনারে তুলে—

প্রতীক্ষায় ছিনু যার দীর্ঘকাল আশাপথ চাহি'—

সহসা আজিকে প্রাণে জ্যোতির্শ্রয় তারি আবির্ভাব কোন্ পথ বাহি' !

বাহিরিনু বিশ্বপথে তাহারই ইঙ্গিতে আজ—শুধু তারে স্মরি—

জানিনা সমাপ্তি কোথা—কোন্ তটে ভিড়িবে এ তরী !

তোমাদের প্রেম-প্রীতি বিদায়-সজল যত অঁাখি

লইনু পাথেয় করি'—মর্ম্বতলে অঁাকি'

আজি মোর যাবার বেলায়

বিদায় বিদায় !—

অমলা

(উপন্যাস)

[শ্রীসুকুমাররঞ্জন দাশ এম-এ]

আট প্রতিবন্দী

সুশীল ধীরে ধীরে কম্পিতবক্ষে জমীদার-গৃহে প্রবেশ করিল। তথায় বহুলোকের সমাগম হইয়াছিল এবং উপর হইতে কলহাস্ত ভাঙ্গিয়া আসিতেছিল।

অমলার ঠাকুরমা, জমীদার-গৃহিণী সুশীলকে অভ্যর্থনা করিয়া ভিতরে লইয়া গেলেন। তাহাকে দেখিয়া তাহার বড় আনন্দ হইল, কারণ অতি শিশুকাল হইতে তিনি সুশীলকে দেখিয়া আসিতেছেন। সে এখন উচ্চশিক্ষিত যুবক ও মস্ত কবি। সুশীলের হাতখানি ধরিয়া তিনি তাহার মুখের দিকে কিছুক্ষণ তাকাইয়া রহিলেন। এমন সময় জমীদার মহাশয় আসিয়া সুশীলকে ডাকিয়া—আপনার সঙ্গে লইয়া গেলেন। তিনি সুশীলকে বলিলেন, “তুমি আমাদের সেই সুশীল এখন কত বড় হইয়াছ, শিক্ষায় ও জ্ঞানে প্রসিদ্ধিলাভ করিয়াছ, তোমার রচিত গ্রন্থ উচ্চ-প্রশংসিত, তোমাকে দেখিয়া বড় আনন্দ হইতেছে।” তারপর তিনি সুশীলকে লইয়া গিয়া বিপিনের পিতা ও বিপিনের অন্ত্যন্ত আত্মীয়ের সহিত আলাপ করাইয়া দিলেন। তিনি সুশীলকে বলিলেন, “আজ অমলার পাকা দেখা। বিপিনের সহিত অমলার বিবাহ স্থির হইয়া গিয়াছে। বিপিনের পিতা অমলাকে দেখিয়া আজ আশীর্বাদ করিয়া যাইবেন, সুতরাং এই আয়োজন।” জমীদার মহাশয়, বিপিনের পিতা ও আত্মীয়দের লইয়া, অন্ত্র কার্যোপলক্ষে চলিয়া গেলেন। সুশীল একাকী বসিয়া রহিল। তাহার চোখছুটি চারিদিকে কাহার যেন অন্বেষণ করিতেছিল। কিছুক্ষণ পরে অমলা সেখানে আসিয়া উপস্থিত হইল। তাহার মুখখানি শুধু— তাহার পশ্চাতে সুবমা।

বলিল, “দেখ দেখি সুশীলদা, একে চিনিতে পার ? তোমায় যে বলেছিলাম একটা নতুন জিনিস দেখিয়ে আশ্চর্য্যান্বিত করব, তাহা তো দেখলে এখন !” সুশীল নিম্পন্দ ও নীরব হইয়া রহিল। এই না কি অমলার নতুন জিনিস, যাহা দেখাইয়া সে তাহাকে আশ্চর্যান্বিত করিয়া দিতে চাহে। অমলার ত বড় দয়া !—.....

সুবমা একটু অপ্রতিভ হইয়া বলিল, “ওঁকে তো আমি খুবই চিনি। ঐ ঘাটের ওদিকে উনি আমার নদী থেকে উদ্ধার করেছিলেন।”

কিশোরী সুবমা যৌবনে পদার্পণ করিয়াছে। সুবমা সুন্দরী, পরিহিত মেহেদী রঙের শাড়ীতে তাহার অঙ্গের শোভা আরও বর্দ্ধিত হইয়াছে। সুবমার সরলতা-মাথা হাসি ও কথা-বার্তায় সুশীলকে কতক্ষণ বেশ প্রফুল্ল রাখিয়াছিল, কিন্তু অমলার নতুন জিনিস দেখাইয়া তাহাকে আশ্চর্যান্বিত করিবার কথা মনে পড়িতেই সুশীল আবার বিরক্ত ও উদ্বেজিত হইয়া উঠিল। সুবমা তাহার পরিচিত, সুতরাং তাহার আশ্চর্যান্বিত হইবার তো কিছুই ছিল না। তবে অমলার এ ছলনা কেন ?

এমন সময়ে অমলা ঘুরিয়া আসিয়া সেখানে উপস্থিত হইল। “কি সুশীলদা, সুবমার সঙ্গে গোপন কথা শেষ হ'ল ?” বলিয়া হাসিতে হাসিতে অমলা সুবমা ও সুশীলের মুখের পানে তাকাইল। সুবমা লজ্জায় আরক্তিম হইয়া সে স্থান হইতে প্রস্থান করিল।

“সুশীলদা, ও গ্রামের জমীদার-বাড়ীর সকলের সঙ্গে আলাপ হোল ?”

“না, অমলা, বিপিনবাবুর বাবার সঙ্গে এখনও ভাল ক'রে আলাপ হয় নি। তবে যাচ্ছি। আচ্ছা অমলা, এই কি তোমার নতুন জিনিস দেখান ?”

অমলা একটু লজ্জিত, একটু অপ্রতিভ হইয়া উত্তর দিল,

সুশীলের নিকট আসিয়া অমলা জোর করিয়া হাসিয়া, “কেন সুশীলদা আমি কি আমার বথাসাধ্য করতে চেষ্টা

করি নি ? আমার উপর অন্ডায় বিচার ক'র না। আমি মনে করেছিলাম এতে তুমি সুখী হবে।”

“আচ্ছা বেশ, অমলা, আমি খুব সুখী হ'য়েছি, হ'ল তো, এখন যাই বিপিনবাবুদের সঙ্গে আলাপ করি গিয়ে। অমলা, তোমার রুচির প্রশংসা করতে হয় বটে! তবে পকেটে অনেক টাকা আছে, ওতে সব শুধরে যাবে বোধ হয়।”

অমলার বেশ একটু ক্রোধের উদয় হইল। সে বিরক্ত হইল, কিন্তু প্রকাশ করিল না। সুশীল আনমনে ঘুরিয়া বেড়াইতে লাগিল। কখন পশ্চাৎ দিক হইতে সুবমা আসিয়া তাহাকে ডাকিয়াছিল, তাহা তাহার কর্ণে প্রবেশ করে নাই। তাহা দেখিয়া অমলা হাসিয়া সুবমাকে বলিল, “ওরে সুবমা, সুশীলবাবুকে মিছে ডাকা, উনি কবি মানুষ, বেড়িয়ে বেড়িয়ে কবিতা ভাবছেন। দেখলে না, আমাকেও তাড়িয়ে দিলেন” বলিয়া অমলা সুশীলের দিকে অগ্রসর হইয়াই বলিল, “কি ভাবছ সুশীলদা আমার কাছে কমা চাইবে কেমন ক'রে ? কিছু প্রয়োজন নেই। আমারই বরং এত বিলম্ব করে নিমন্ত্রণ করার জন্ত তোমার নিকট কমা চাওয়া উচিত। তোমার কথা আমাদের একরকম মনেই ছিল না, শেষ মুহুর্তে কেবল মনে পড়ল। তা আশা করি তুমি কিছু মনে কর নি।”

সুশীল অমলার দিকে তীক্ষ্ণদৃষ্টিতে তাকাইল, সুবমাও কিছু বুঝিতে না পারিয়া একবার সুশীলের মুখের পানে আর একবার অমলার মুখের দিকে তাকাইতে লাগিল। সুশীল বুঝিল অমলা তাহার পূর্বের কথার প্রতিশোধ লইয়াছে।

এমন সময়ে অমলার ঠাকুরদাদা আসিয়া সংবাদ দিলেন, “সুশীল, আহারের স্থান হয়েছে চল; অমলা, সুবমা, তোমরা ও ঘরে যাও, পাশের ঘর থেকে আমাদের খাওয়া দেখবে চল।”

পুরুষেরা সকলে আহারে বসিল। মধ্যস্থলে অমলার ঠাকুরদাদা, তাঁহার একপাশে বিপিন ও তাহার আত্মীয়-স্বজন এবং অপর পাশে সন্তোষ, ও অমলার গৃহশিক্ষক প্রবীণ মথুরবাবু। মথুরবাবু সুশীলকে তাহার শৈশব ও কৈশোরে অনেকবার দেখিয়াছে এবং এই সুন্দর বালকটির উপর তাহার বিশেষ স্নেহদৃষ্টিও ছিল। তাঁহার কবি

বলিয়া নিজের একটু গর্ব ছিল, সুতরাং এখন যুবক কবি সুশীলকে নিকটে পাইয়া তিনি বেশ আলাপ জমাইয়া লইলেন। যৌবনে তিনি অনেক কবিতা লিখিয়াছেন কিন্তু পুস্তকাকারে প্রকাশিত করেন নাই, তবে বহুযত্নে বাঁধান খাতায় নকল করিয়া রাখিয়াছেন। সুশীলকে তিনি একদিন তাঁহার বাসায় গিয়া দেখিয়া আসিতে বলিলেন। আজ যে এই শুভদিনে এই পরিবারের সকলের সহিত প্রীতিভোজে যোগ দিবার জন্ত তাহাকে নিমন্ত্রণ করা হইয়াছে, ইহার কারণ অমলা তাহার ছাত্রী বলিয়া।

মথুরবাবু বলিলেন, “সুশীল, আমি তোমার কোনও কবিতাই পড়ি নি। আমি নিজের কবিতা ভিন্ন কারও কবিতা পড়ি না। আমার মৃত্যুর পর যাতে আমার কবিতাগুলি প্রকাশিত হয়, তার ব্যবস্থা ক'রে যাব। তখন সকলে জানতে পারবে, কত বড় কবি হ'য়ে আমি সন্ন্যাস গ্রহণ করেছিলাম। আমরা প্রবীণের দল এখনকার ছেলের মত বই ছাপাবার জন্ত এত ক্ষেপে উঠি না।”

কিছুক্ষণ নিঃশব্দে ভোজন-ব্যাপার চলিতে লাগিল। তার পর জমীদার মহাশয় তাঁহার চক্ষুর উপরের চশমাটা কপালে উঠাইয়া অভ্যাগতদিগের দিকে তাকাইয়া বলিলেন, “আজ আমার বড় আনন্দের দিন, আজ আমার একমাত্র পৌত্রীর বিবাহের পাকা দেখা। আজ যদি আমার পুত্র ও পুত্রবধু বাঁচিয়া থাকিত, তাহা হইলে তাহারা আজ তাহাদের প্রিয়তমা কস্তুর বিবাহের এই পাকা-দেখা উপলক্ষে কত আনন্দ-অনুষ্ঠানের ব্যবস্থা করিত” বলিয়াই বৃদ্ধ তাঁহার চক্ষু মুছিলেন।

সুশীলের মনটা হঠাৎ বড় চঞ্চল হইয়া উঠিল। কিন্তু অল্প সময়ের মধ্যেই সে তাহার চঞ্চলতা দমন করিয়া লইয়া মথুরবাবুর সহিত কথোপকথনে যোগ দিল।

ভোজনের সঙ্গে সঙ্গে কিছুক্ষণ হাসিগল্প চলিল। সুশীল ও মথুরবাবু তাহাতে যোগদান করিলেন। তারপর মথুরবাবু সুশীলের নিকট নিজের সম্বন্ধে নানা কথা বলিতে লাগিলেন, “চারিদিকেই দেখি হাসি ও গল্প এবং যৌবনের উচ্ছ্বসিত কলরব। আর আমি জীর্ণ, অজ্ঞাত একাকী কোনও প্রকারে জীবনটাকে টানিয়া লইয়া চলিয়াছি। কিন্তু আমি নির্ভীকার, কেউ আমাকে কখনও হুঃপ্রকাশ করিতে শোনে নাই। আমি শ্রোতের

সেওলার মত ভাসিয়া ভাসিয়া চলিয়াছি। কিন্তু এতেও আমি সুখের সন্ধান খুঁজিয়া লই। এই আজ যেমন অমলার এই শুভকার্যে আমার প্রাণে আনন্দের উৎস ছুটিতেছে। আমি তাহার শিক্ষক, সে আমার কন্যার মত তাই আজ আমার প্রাণে এত আনন্দ। অমলার বিবাহ হইবে, তাহার সন্তানাদি হইবে, আমি তাহাদেরও শিক্ষকতা করিব। আমার জীবনে এই রকম কয়েকটা আনন্দের ধারা এখনও বহিতেছে।.....হাঁ, সুশীল তুমি মেয়েদের করুণা ও প্রভুত্ব-লিপ্সা সশব্দে কি বলিতেছিলে, বোধ হয়, ঠিক বলিয়াছ। বোধ হয়.....।”

সকলের ভোজন শেষ হইল, জমীদার মহাশয় সকলকে উঠিবার জন্ত আহ্বান করিলেন। সকলে উঠিয়া আচমন করিয়া বসিবার ঘরে উপস্থিত হইলেন। কেবল জমীদার মহাশয় সুশীলকে একবার ভিতরে কি যেন কার্যে ডাকিয়া লইয়া গেলেন। কার্য শেষ করিয়া বাহিরে আসিবার সময়ে সুশীল জমীদার মহাশয় ও জমীদার গৃহিণীর নিকট বিদায় গ্রহণ করিতে গিয়া বলিল, “আজ আপনাদের এই পারিবারিক অনুষ্ঠানে আপনারা যে আমার মত বাহিরের লোককে নিমন্ত্রণ করিয়াছেন, তাহার জন্ত আমি আপনাকে বিশেষ অনুগ্রহীত মনে করিয়াছি, এই নিমিত্ত আপনাদিগকে আমি আন্তরিক কৃতজ্ঞতা জানাইতেছি; এই শুভকার্যে যোগদান করিবার আমার একমাত্র অধিকার যে আমি জমীদার মহাশয়ের প্রতিবেশী-পুত্র.....।”

সুশীলের কণ্ঠস্বর চঞ্চল হইয়া আসিল, সে আরও কি যেন বলিতে যাইতেছিল। অমলা তাহার ঠাকুরদাদার পাশে আসিয়া কখন যে, দাঁড়াইয়াছিল, তাহা কেহ দেখিতে পায় নাই। সে সুশীলের সব কথাই শুনিয়াছিল, শেষ কয়েকটা কথা শুনিয়া অমলা আর স্থির থাকিতে পারিল না, সে সুশীলের দিকে কোপকটাক্ষ নিষ্ক্ষেপ করিয়া তারত্বরে বলিল, “সুশীলদা, শুধু ঐ একটাই কারণ, না?”

অমলার ঠাকুরদা বিস্ময়নেত্রে তাহার আরক্তিম মুখের দিকে তাকাইয়া বলিল, “ছিঃ অমলা কি করছিস্ তুই?”

সকলেই কিছুক্ষণ নিরন্তর রহিল। সুশীল একবার চারিদিকে চাহিল, তারপর অমলার অভিমানপূর্ণ নয়ন দুটির দিকে তাকাইল এবং দেখিল অমলার ঠাকুরদাও

সকলনেত্রে অমলার মুখের পানে চাহিয়া রহিয়াছে। সুশীলের বক্ষ ক্ষত স্পন্দিত হইতে লাগিল। ধীরে ধীরে সে বলিতে লাগিল, “না, না, অমলা তাহাকে ঠিকই স্মরণ করাইয়া দিয়াছে, প্রতিবেশী-পুত্র বলিয়া তাহার এ নিমন্ত্রণে একমাত্র দাবী নয়, বোধ হয় অমলা ও সন্তোষের আশৈশব খেলার সাথী বলিয়া আজ সে এখানে নিমন্ত্রিত। ইহার জন্য অমলার নিকট সে কৃতজ্ঞ, এক সময়ে ঐ বন-প্রান্তর তাহার একমাত্র পরিচিত রাজ্য ছিল। তখন অমলা ও সন্তোষের নিকট হইতে তাহার কাছে নৌকা চড়ান কাঁধে ওঠান প্রভৃতি কত ব্যয়না আসিত, হাসিমুখে সে ঐ সমস্ত আবদার পালন করিয়াছে; পরে যখনই সে শৈশবের ঐ সমস্ত সুখস্মৃতির সশব্দে চিন্তা করিয়াছে, তখনই তাহার মনে হইয়াছে যে তাহার জীবনে উহাদের একটা বিশিষ্ট স্থান আছে, হয় তো তাহা কেহ জানে না, কিন্তু তথাপি ইহা ক্রমসত্য যে, আমার কাব্যের মাঝে যে বর্ণনা আছে, তাহা আমার সেই শৈশবের সুখস্মৃতিতে উদ্ভাসিত; শৈশবে আমার খেলার সাথী দুইটা আমাকে যে আনন্দ দান করিয়াছে, আমার সকল কাব্যে সেই আনন্দের ধারা ওতপ্রোতভাবে খেলিতেছে, সুতরাং আমার কাব্যরচনায় তাহাদের এ প্রভাব অল্প নয়; তাই আজ এই শুভবাসরে আমার পক্ষ হইতে সেই শৈশবের অনাবিল আনন্দ-স্মৃতির জন্য তাহাদিগের নিকট আন্তরিক কৃতজ্ঞতা জ্ঞাপন করিতেছি” বলিয়া অমল প্রীতিপূর্ণ দৃষ্টিতে তাহার দিকে তাকাইল।

সন্তোষ তাহার ঠাকুরদার পাশে আসিয়া দাঁড়াইয়াছিল সে তাহার ঠাকুরদাকে লক্ষ্য করিয়া বলিল, “ঠাকুরদা, আমি তো জানুতাম না যে, সুশীলদার কাব্যরচনায় আমার এতটা হাত আছে।” তাহার ঠাকুরদা কোনও উত্তর দিলেন না।

সুশীল বাহিরে আসিয়া বাগানের মধ্যে পায়চারি করিতে লাগিল। সে দেখিল সেখানে জমীদার মহাশয়ের দুইজন কর্মচারী তাহার আর্থিক অবস্থার সশব্দে চূপি চূপি আলোচনা করিতেছে। জমীদার মহাশয়ের জমীদারির কোনও ভাল ব্যবস্থা হয় না; বনে জঙ্গলে জমী-জমা ভরিয়া উঠিতেছে, ধানের ক্ষেতে বন্যার প্লাবনে ধান হয় নাই, বাধ সব ভাঙ্গিয়া জল উপচাইয়া উঠিয়াছে, এমন কি সে বৎসর

জমীদারির খাজনা দিতেই জমীদার মহাশয়কে বেগ পাইতে হইয়াছে এবং তাহাতে কতক জমী জমা বাঁধা পড়িয়াছে। জমীদার-বাটীতে কখনই অর্ধকে অর্থ বলিয়া গ্রাহ্য করা হইত না, কিন্তু এখন অর্ধকোষ একবারেই শূন্য ; এমন কি জমীদার-গৃহিণীর মূল্যবান গহনাগুলিও কতক বাঁধা পড়িয়াছে, কতক বিক্রীত হইয়া গিয়াছে। এই কারণেই ও গ্রামের জমীদার-পুত্র বিপিনবাবুর সঙ্গে অমলার বিবাহের প্রস্তাব পাকাপাকি হইয়াছে।

সুশীল আর সেখানে দাঁড়াইল না, একেবারে বৈঠক-খানা গৃহে চলিয়া আসিল। সে দেখিল সেখানে কেহ নাই। ফুলদানিতে কতকগুলি বেল ও যুঁই ফুল গন্ধে ঘরটিকে আয়োজিত করিতেছিল, একটা গোলাপের তোড়া টেবিলের উপর পড়িয়া ছিল, সে গোলাপগুচ্ছটা হাতে লইয়া তাহার দলগুলিকে ছিঁড়িতে ছিঁড়িতে একমনে কি চিন্তা করিতে লাগিল। সে বসিয়া বসিয়া কত কথা ভাবিতে লাগিল ; সেই রুষ্টির দিনে অমলার সঙ্গে তাহার সাক্ষাতের কথা, সেই থিয়েটারের পর রজনীতে তাহাদের গোপন-মিলন, সেই যে সেদিন অমলা তাহাকে বলিয়াছিল, “আমি তোমাতেই ভালবাসি, সারাজীবন শুধু তোমাকে ভালবেসেই এসেছি।” এই সব মধুর স্মৃতিগুলি সুশীলের মনকে তোলপাড় করিতে লাগিল, সে একটা দীর্ঘনিশ্বাস পরিত্যাগ করিয়া বলিল, “অমলা, তুমি সুখী হও।”

পশ্চাৎ ফিরিতেই সুশীল দেখিল, বিপিন রোষকষায়িত লোচনে তাহার দিকে তাকাইয়া আছে এবং সুশীল ফিরিতেই বিপিন বিরক্তির সহিত তাহাকে বলিল, “সুশীল-বাবু, আপনার সঙ্গে আমার ছ’চারটা গোপন কথা আছে ?”

“কি কথা বিপিনবাবু ?”

“আপনি এ বাড়ীতে কেন আসেন বলুন তো ? অমলার সঙ্গে আপনার কথা বলবার কি অধিকার ?”

“কি অধিকার শুনতে চান, বিপিনবাবু ?”

“আপনার কথা শুনে আমার লাভ কি ক্ষতি নেই। আপনি এ বাড়ীতে আর আসতে পাবেন না বলে দিচ্ছি।”

সুশীলের হাসিও পাইল, রাগও হইল। এখনও বিপিন এ বাড়ীর প্রভু হয় নাই, এখনই এত প্রভুত্ব। তাহার

মুখ-চোখ রাজা হইয়া উঠিল। সে আপনাকে সামলাইয়া লইয়া বলিল, “আচ্ছা তাই হবে, বিপিনবাবু।”

কিন্তু সুশীলের মুখ-চোখের ক্রুদ্ধ ভাব দেখিয়া বিপিনের মেজাজ সপ্তমে চড়িয়া গিয়াছিল, সে আর কিছু না বলিয়াই বাহির হইবার মুখে সুশীলের চোখে এক মুষ্টিয়াঘাত করিয়া গেল।

“বিপিনবাবু, আপনার এ কাজের অর্থ কি ?”

“বড় ভুল হয়েছে সুশীলবাবু, আমি মনে করেছিলাম আমি আপনার কাণটা ছিঁড়ে দিয়ে যাব, তা হ’ল না।”

“বিপিনবাবু, রাগে জ্ঞানহারা হবেন না, আপনি জানেন আমি আপনাকে তুলে দলা পাকিয়ে ঐ খালে ফেলে দিতে পারি। হয় তো আপনি দেখতে পান নি।”

“দেখতে পাই নি ? খুব পেয়েছি, বেশ করেছি মেরেছি। পাজী, নচ্ছার, বদমায়েস ?” বলিয়াই বিপিন দ্রুতপদে সে কক্ষ পরিত্যাগ করিয়া গেল।

সুশীলের চক্ষু ফাটিয়া রক্ত পড়িতেছিল। দূর হইতে অমলা এই ব্যাপারটা দেখিতে পাইয়াছিল। দেখিয়াই সে ছুটিয়া আসিয়া সুশীলকে জিজ্ঞাসা করিল, “তোমায় মেরে গেল, সুশীলদা ?”

“না, না, দৈবাৎ লেগে গেছে।”

অমলা কিছু না বলিয়াই তাহার কাপড়ের কোণা হইতে কয়েক টুকরা কাপড় ছিঁড়িয়া লইয়া কুঁজার জলে ভিজাইয়া সুশীলের চক্ষুতে বাঁধিয়া দিল। তারপর তাহাকে ধরিয়া লইয়া গিয়া নিজের পরিচারিকাকে দিয়া সুশীলকে বাড়ী পাঠাইয়া দিল। বিদায়ের সময় সুশীলের হস্তে অমলার কয়েক কোঁটা চোখের জল পড়িল।

নশ্ব

কোন পথে ?

“কই গো সুশীলের মা ?” বলিয়া অমলার ঠাকুরমা পরিচারিকার সহিত সুশীলের বাটীর মধ্যে প্রবেশ করিলেন। সুশীলের মাতা সবেমাত্র আহার শেষ করিয়া প্রাঙ্গণে পা দিয়াছেন, এমন সময়ে জমীদার-গৃহিণীর আহ্বানে চমকিত হইয়া পশ্চাৎ ফিরিলেন। ফিরিয়াই জমীদার-গৃহিণীকে প্রণাম করিয়া বসিতে আসন দিয়া তিনি জিজ্ঞাসা করিলেন, “কি খবর, খুড়ীমা ?” উত্তরে

তিনি বলিলেন, “ধবর এমন কিছু নয়, সুশীল কেমন আছে দেখতে এলাম। কাল অমলার কাছে সমস্ত ব্যাপার জানতে পেরে আমার মনটা এমন ধারাপ হয়েছিল। বউমা, কি ভাল ছেলে তোমার সুশীল, যেন হীরের টুকরো। বিপিনটা তেমনি বদ-মেজাজী, খামকা কাল সুশীলকে মারলে, চোখটা আর একটু হলে কাণা ক’রে দিয়েছিল আর কি! মেয়েটাকে কেমন রাখবে কে জানে!”

সুশীল কারখানায় ছিল, সেখান হইতে তাহাকে ডাকিয়া আনা হইল। তাহার চক্ষু তখনও রক্তবর্ণ, ব্যাণ্ডেজ বাঁধা। সুশীল অমলার ঠাকুরমাকে প্রণাম করিয়া দাঁড়াইতেই তিনি বলিলেন, “সুশীল, ভাল ওযুধ কিনে চোখে দিয়ো, খরচ যা লাগে আমি দেব, বিপিনের ব্যবহারে আমরা বড় লজ্জিত হয়েছি।”

সুশীল বিনীতভাবে বলিল, “তাহার এমন কিছু লাগে নাই এবং বেশী ঔষুধ না দিয়াই শীঘ্র সারিয়া যাইবে, সুতরাং উৎকর্ষার কারণ নাই।”

অমলার ঠাকুরমা বলিলেন, “হঠাৎ বিপিনের কেন যে রাগের উদয় হ’ল, কে জানে? তার রাগ দেখে বাড়ীর সকলে ভয়ে একেবারে তটস্থ। সেই যে বনে শীকার করবার নাম ক’রে বাড়ী থেকে বেরিয়ে গিয়েছে, এখনও ফিরবার নাম নেই। আবার সংশোধকে সঙ্গে ক’রে নিয়ে গিয়েছে। অমলা ভয়ে কেমন হ’য়ে গিয়েছে, রাত্রে একটুও ঘুমাতে পারে নি।”

সুশীল বলিল, “কিছু ভাববেন না, ঠাকুরমা। আজ থেকে অমলার আবার বেশ সুনিদ্রা হবে। সুঘমারা কি চ’লে গিয়েছে?”

“হাঁ, কাল বিকালে তারা চলে গিয়েছে। যাবার সময় সুঘমার মা বারবার তোমাকে ঢাকা গিয়েই তাদের বাড়ী যেতে বলে গিয়েছে। যাবে তো?”

“আচ্ছা, যাব।”

“এখন তবে যাই, বৌমা” কথা বলিয়া অমলার ঠাকুরমা পরিচারিকার সহিত প্রস্থান করিলেন।

সুশীল বাড়ী হইতে বাহির হইয়া নদীর পাড়ে ঘুরিতে লাগিল। ঘুরিতে ঘুরিতে সে একটা হিজলগাছের তলায় একটা প্রস্তরখণ্ডের উপর আসিয়া বসিল। এমনি এক দিন শরতের দ্বিপ্রহরে সে একাকী নির্জনে নদীর পাড়ে

বেড়াইতেছিল, কত চিন্তার ধারা, আসিয়া তাহার মস্তিষ্ক আলোড়িত করিতেছিল, তখন আকাশ হইতে দেবীমূর্তির মত এক কিশোরী তাহার পার্শ্বে নামিয়া আসিয়াছিল; তারপর তাহার সহিত কত হাসি-গল্পে সে সময় কাটাইয়া দিল। কোথায় গেল তাহার চিন্তা, কোথায় গেল তাহার মনের অবসাদ? আবার তাহার নিকট হইতে বিদায় লইবার সময়ে কিশোরী তাহার হাত ছুটি ধরিয়া বলিয়াছিল। “কি সুন্দর ভূমি।”

সহসা মাথার উপরে একটা পেচক ডাকিয়া উঠিল। সুশীলের চিন্তাজাল ছিন্ন করিয়া প্রাণের মাঝে একটা বিরাত্ আতঙ্ক খেলিয়া গেল। সুশীল উঠিয়া পড়িল, উঠিয়া বনের ধার দিয়া পায়চারি করিতে লাগিল। তাহার প্রাণের মধ্যে কি যেন একটা অব্যক্ত যাতনা শেলের মত বিধিতে ছিল। তাহার মনে হইতেছিল যেন তাহার জীবনটা এক প্রকাণ্ড মরুভূমি, জল নাই, বৃক্ষলতার স্মিধ ছায়া পর্য্যন্ত নাই, কেবল মাঝে মাঝে মরীচিকার মত জাগিয়া ওঠে কয়েকটা সুখের কল্পনা। সুশীল বুঝিতে পারিতেছিল না, কোথায় যাইলে তাহার অশান্ত মন স্থির হইবে, কে জানে কোন্ পথে তাহার জীবনের গতি! সুশীলের বক্ষ ভেদ করিয়া একটা দীর্ঘ নিঃশ্বাস উঠিল। সে কিয়ৎক্ষণ নীরবে পায়চারি করিতে লাগিল।

তারপর অস্মৃট কাতরকণ্ঠে বলিয়া উঠিল, “ভগবান্-আর তো সহ হয় না! প্রাণে বল দাও, প্রভু।” সুশীল ভাবিল, হয় তো সুঘমাদের বাড়ী যাইলে তাহার মনটা কতক শান্ত হইবে। সে আজই ঢাকায় চলিয়া যাইবে স্থির করিল। সুশীল ফিরিয়া গ্রাহ গমন করিয়া মাতা ও পিতার নিকট অনেক পীড়াপীড়ি করিয়া সেই দিনই ঢাকায় যাইবার জন্ত যাত্রা করিল।

দশ

গ্রামের সংবাদ

ঢাকায় আসিয়া সুশীল শুনিল, তাহাদের এম-এ পরীক্ষার ফল বাহির হইবার উপক্রম হইয়াছে, কলেজের অধ্যক্ষের নিকট সংবাদ আসিয়াছে। পরদিন সুশীল কলেজের অধ্যক্ষের সহিত সাক্ষাৎ করিতে গিয়া জানিতে পারিল এম-এ পরীক্ষায় ইংরেজি সাহিত্যে সে প্রথম শ্রেণীতে

সর্বোচ্চ স্থান অধিকার করিয়াছে। সুশীলের মনটা কতকটা প্রকল্প হইল। সংসারের ষাট-প্রতিষাতে বিশ্বস্ত হইয়া সুশীলের মন অবসন্ন হইয়া পড়িয়াছিল। আজ এই সাকল্যের সংবাদে তাহার মনে কিছু কিছু নূতন বল ও উৎসাহের সঞ্চার হইল। ঢাকা কলেজের অধ্যক্ষ সুশীলের সাকল্যে আনন্দ প্রকাশ করিয়া জানাইলেন, “আগামী জাম্বুয়ারি মাস হইতে তিনি সুশীলকে ঢাকা কলেজে ইংরাজি সাহিত্যের অধ্যাপক করিয়া লইবেন।

সুশীল সেই দিনই পিতার নিকট পত্র লিখিয়া সকল কথা জানাইয়া দিল।

কয়েদিন পরে সুশীল তাহার পূর্ব প্রতিশ্রুতি অনুসারে সুম্মার পিতার গৃহে গিয়া উপস্থিত হইল। সেখানে আজ তাহার বিশেষ সম্বন্ধনার ব্যবস্থা হইল, সকলেই দেখা হইবা-মাত্র তাহাকে তাহার পরীক্ষায় সাকল্যের জ্ঞান অজ্ঞান প্রশংসা করিতে লাগিল। কারণ ইতি মধ্যেই ঢাকা সহরে সুশীলের পরীক্ষার ফল অনেকে জানিতে পারিয়াছিল এবং সুম্মার পিতা তাহা জানিতে পারিয়াই সুশীলের সহিত সুম্মার বিবাহের প্রস্তাব করিয়া সুশীলের পিতার নিকট পত্র লিখিয়াছিলেন। সে পত্রের উত্তর সবে মাত্র পূর্ব দিবস আসিয়াছে। সুশীলের পিতা লিখিয়াছেন, ইহা তো তাঁহার একান্ত সৌভাগ্য যে, সুম্মা তাঁহার পুত্রবধু হইবেন, কিন্তু তথাপি সুশীল বিদ্বান্ যুবক, তাহারও সম্মতি আছে কি না সুম্মার পিতা যেন তাহা জানিতে চেষ্টা করেন এবং সুশীলের সম্মতি থাকিলে বিবাহে কোনও বাধাই নাই।

সুতরাং সুশীল আসিতেই সুম্মার দিদিমা সুশীলের সহিত সুম্মার সাক্ষাতের ব্যবস্থা করিয়া দিলেন। সুম্মার সহিত সুশীলের দুই চারিটা কুশল-বার্তার আদান-প্রদান হইল মাত্র। বাহিরে আসিতেই ঠানদিদি সুশীলকে ডাকিয়া লইয়া গিয়া বলিলেন, “সুম্মার সহিত তোমার বিবাহে তোমার পিতার কোনও আপত্তি নাই, বরং বিশেষ আগ্রহই আছে। আর শুধু তোমার পছন্দ হইলেই হয় ভাই। এখন আমার সোনার চাঁদ নাতনীকে তোমার মনে ধরে কি না, সেইটা আমার জিজ্ঞাস্য ?” সুশীল মহলা বিরক্ত হইয়া উঠিল, তাহার মনে জাগিল আর একখানি সুন্দর মুখ। সুশীলের মনে ধরা ? অমলার সেই অনিন্দ্যসুন্দর লাবণ্যময়ী মূর্তি ভিন্ন আর কাহাকেও কি সুশীলের মনে

ধরিতে পারে ? সুশীলের মনটা বিছু ঢকল হইয়া উঠিল ! সে কিছুক্ষণ কোনও কথাই বলিতে পারিল না। সুম্মার দিদিমা ভাবিলেন, ইহা মামুষের স্বাভাবিক লজ্জার বহিঃ-প্রকাশ। সুশীল অল্পক্ষণ পরে আপনাকে সামলাইয়া লইয়া কি ভাবিয়া বলিল, “এ বিবাহে তাহার আপত্তি নাই, তবে এখন নয়, কয়েক মাস পরে হইলেই ভাল হয়।” বাহা-হউক সকল বিষয় ধীর চিন্তে ভাবিতে ভাবিতে বড়ী গঙ্গার ধার দিয়া ঘুরিয়া ঘুরিয়া সুশীল বাড়ী ফিরিয়া আসিল।

সেদিন একটুক অধিক রাত্রেই সুশীল বাড়ী ফিরিয়া আসিয়া দেখিল তাহার টেবিলের উপর দুইখানি পত্র পড়িয়া রহিয়াছে। একখানি সকালে ডাকে আসিয়াছে, আর একখানি সন্ধ্যার পর আসিয়াছে। প্রথম পত্রখানি সুশীলের মাতার তিনি লিখিয়াছেন।—

“কল্যাণবর সুশীল তোমার ভাল পাশ হওয়ার সংবাদ পাইয়া বিশেষ আনন্দিত হইয়াছি। ভগবানের কাছে প্রার্থনা করি তুমি দীর্ঘজীবন লাভ করিয়া সুখে কালযাপন কর। আমাদের গ্রামে বড় বিপদ হইয়া গিয়াছে। সেই যে বিপিন সন্তোষকে লইয়া শিকার করিতে গিয়াছিল, সে আজ তিনদিন হইল সন্তোষের হাতের বন্দুকে গুলির আঘাতে মৃত্যুমুখে পতিত হইয়াছে। তাহার উভয়ে এক গভীর জঙ্গলে গিয়া ভালুক শিকার করিবাব জ্ঞান গাছে উঠিয়া অপেক্ষা করিতেছিল, অনেকক্ষণ পরে কোনও পশু আসিতে না দেখিয়া অসহিষ্ণু হইয়া বিপিন বৃক্ষ হইতে নামিয়া দুই একপদ অগ্রসর হইয়াছিল। এদিকে বিপিনের গায়ের কাল জামা দূর হইতে দেখিয়া এবং বনের পাতার উপর ধস ধস শব্দ শুনিয়া সন্তোষ ভালুক আসিতেছে ভাবিয়া গুলি ছুড়িয়াছিল গুলি গিয়া একেবারে বিপিনের মস্তক ভেদ করিয়াছে। তারপর বিপিনের চীৎকায়ে আকৃষ্ট হইয়া সন্তোষ নামিয়া দেখে এই ব্যাপার। তখন কাঁদিয়া কাঁদিয়া বিপিনের ভৃত্যদের ডাকিয়া আনিয়া বিপিনকে তুলিয়া লইয়া আইসে। বিপিনের আত্মীয়-স্বজন তো সন্তোষকে এই মারে ত এই মারে। কিন্তু তখনও বিপিনের অল্প অল্প জ্ঞান থাকায় সে তাহাদিগকে সমস্ত ব্যাপার পরিষ্কার করিয়া বলিলে, তবে সন্তোষ উদ্ধার পায়। ইহার কিছুক্ষণ পরেই বিপিনের মৃত্যু হয়। কি দুর্দৈব! এই সংবাদ সন্তোষ ফিরিয়া আসিয়া দিতেই জমীদার

বাটাতে কান্নার রোল পড়িয়া গিয়াছে। অমলার ঠাকুরদাদারই সর্বপেক্ষা অধিক মনঃকষ্ট হইয়াছে, কারণ অমলার ঠাকুরমা আমাকে বলিয়াছেন যে, এই বিবাহে কাহারও তেমন মত ছিল না, কেবল জমীদার-মহাশয়ই পীড়াপীড়ি করিতেছিলেন। জমীদার মহাশয়ের আর্থিক অবস্থা না কি নিতান্ত মন্দ হইয়া পড়িয়াছে। এদিকে বিপিনের অগাধ অর্থ ও অগাধ সম্পত্তি সেই অর্থের দ্বারা কোন গতিকে নিজের ঋণ পরিশোধ করা জমীদার মহাশয়ের ইচ্ছা ছিল। এই জন্তই তাঁহার এত আগ্রহ ছিল। আমলাও না কি তবু অসম্মত ছিল, কিন্তু যখন তাহার ঠাকুরদা অমলাকে তাঁহার নাম ও বংশমর্যাদার দিকে তাকাইতে বলিলেন, যখন সন্তোষের বিষয়-সম্পত্তি রক্ষা করিবার জন্ত অমলাকে ভাবিতে বলিলেন, তখন অমলা স্বীকার না হইয়া পারে নাই। অমলা কিছু দিন সময় চাহিয়াছিল বলিয়াই এতদিন বিবাহ হয় নাই। তারপর যেদিন বিপিনেরা পাকা দেখিয়া সঙ্কল্প স্থির করিতে আইসে সেইদিন অমলা তাহার ঠাকুরমার নিকট গিয়া কাঁদিয়া পড়িয়া বলিয়াছিল সে বিপিনকে বিবাহ করিতে পারিবে না। অমলার ঠাকুরমা তাহাকে সাহসনা দিতে দিতে বলিয়াছিলেন যে, এখন সঙ্কল্প ভাঙ্গিয়া দেওয়া অসম্ভব। এই সময়ে অমলার ঠাকুরদা বাড়ীর ভিতরে আসিলে অমলা তাঁহার পায়ে পড়িয়া বলিল যে সে বিপিনকে ববাহ করিতে পারিবে না বরং অমলাকে কোথাও বিক্রী করিয়া দিয়া তাঁহার কিছু অর্থ অর্জন করুন। অমলার ঠাকুরদা কোনও কথা না বলিয়া বিষম বদনে মাটাতে বসিয়া পড়িলেন। তাঁহার সেই অবস্থা দেখিয়া অমলা বিবাহে স্বীকৃতা হইল; সুতরাং এই ব্যাপারে জমীদার মহাশয়ের বড়ই আঘাত লাগিয়াছে। তিনি কাহারও সহিত কথা বলিতেছেন না, কেবল তাঁহার নিজের ঘরে চুপ করিয়া পায়চারি করিতেছেন। সমস্ত দাসদাসীর ছুটি দিয়াছেন। তিনি যেন একদিন অনেকটা জরাজীর্ণ হইয়া পড়িয়াছেন। এই অবস্থায় তাঁহাকে দেখিলে তুমি ভয় না করিয়া থাকিতে পারিবে না। আশা করি তুমি ভাল আছ। ইতি তোমার মা।”

সুশীল দু তিনবার চিঠিখানি পড়িল। তারপর অন্তমনস্ক ভাবে টেবিলের উপর রাখিয়া ভাবিতে লাগিল।

অল্পক্ষণ পরে তন্দ্রাভঙ্গের মত চিন্তামুক্ত হইয়া অপর পত্রটি পাঠ করিতে আরম্ভ করিল। এই পত্র তাহার পিতা লিখিয়াছেন : -

“স্নেহের সুশীল সকালে তোমার মাতার পত্রে গ্রামের একটি দুঃসংবাদ শুনিয়াছি। এ পত্রে আমি তোমাকে আর একটি ভীষণতর দুঃসংবাদের কথা জানাইতেছি, কাল দ্বিপ্রহরে সন্তোষের সহিত অমলা ও অমলার ঠাকুর-মাকে জমীদার মহাশয় পার্শ্বের গ্রামে তাঁহার এক ভাইয়ের বাড়ী পাঠাইয়া দিয়াছেন। নদীর ঘাট হইতে কিরিয়া আসিয়া তিনি বাহির দিকের সমস্ত দ্বার বন্ধ করিয়া ভাণ্ডার-ঘরে প্রবেশ করেন। কিয়ৎক্ষণ পরে সেই গৃহ-দ্বার হইতে ধূম ও অগ্নি বাহির হইতে দেখিয়া পাড়াপ্রতিবেশী ও আমরা চীৎকার করিয়া লোক-সংগ্রহ করিলাম কিন্তু আগুন নিবাইয়া যখন আমরা জানালা ভাঙ্গিয়া ভিতরে প্রবেশ করিলাম তখন প্রায় সমস্ত ঘর খানি অগ্নিয়া গিয়াছে জমীদার-মহাশয়ের দেহ প্রায় ভস্মীভূত হইয়া গিয়াছে তাঁহার অন্তিম নিঃশ্বাস অনেকক্ষণ বাহির হইয়া গিয়াছে। সন্তোষ অমলা ও তাহার ঠাকুরমাকে আনিবার জন্ত লোক পাঠান হইয়াছে, বোধ হয় কালই তাহারা আসিয়া পৌঁছিবেন। এই ব্যাপারে আমরা মনের অশান্তিতে আছি। আশা করি তুমি ভাল আছ। ইতি তোমার বাবা।”

সুশীল চিঠি খানি একবার পড়িল, তাহার মনে হইল সে যেন কিছুই বুঝিতে পারে নাই। দুই তিনবার পড়িবার পর যখন সকল ব্যাপারটা তাহার প্রাণের মধ্যে প্রবেশ করিল, তখন সে মাটাতে লুটাইয়া লুটাইয়া কাঁদিতে লাগিল। সে জানিত অমলাকে জমীদার মহাশয় কত ভালবাসেন, সেই অমলাকে ও যখন তিনি ছাড়িয়া যাইতে পারিলেন, তখন নিশ্চয়ই আর্থিক অপমানের ও বংশের অমর্যাদার আশঙ্কায়ই তিনি এই কার্য্য করিয়াছেন। অমলার জন্ত সমবেদনায় সুশীলের চিত্ত উদ্বেলিত হইয়া উঠিল।

সুশীল প্রথমে কি করিবে স্থির করিতে পারিল না। তার পর তাহার মনে হইল যে এই পরমাত্মীয়-বিয়োগে অমলাকে সাহসনা দিবার জন্ত তাহার অমলার নিকট যাওয়া প্রয়োজন। সে পরদিন গ্রামে যাইবে বলিয়া সংকল্প করিয়া শব্যায় আশ্রয় গ্রহণ করিল। কিন্তু সে

রাত্রি তাহার নিদ্রা আসিল না। সমস্ত রাত্রি শব্দ্যর শুইয়া ছটফট করিতে করিতে সুশীল একপ্রকার বিনিদ্ৰ অবস্থায় সেই রাত্রি কাটাইয়া দিল।

এগারো

শহরে

সুশীল ঢাকা কলেজের অধ্যক্ষের তার পাইয়া শহরে চলিয়া আসিয়াছে। গ্রামে গিয়া অমলার ঠাকুরমার সহিত সুশীলের সাক্ষাৎ হইয়াছিল, কিন্তু অমলার সহিত তাহার কোনও কথা বলিবার সুযোগ হয় নাই। অমলার এক মামা আসিয়া তাহাদের জমীদারির সুবন্দোবস্ত করিয়া দিয়া গিয়াছেন। তিনি কতক অংশ বিক্রয়ের দ্বারা ঋণশোধ করিয়া এবং পতিত জমি সব প্রজাবিলি করিয়া জমীদারির স্থায়ী ব্যবস্থা করিয়া গিয়াছেন।

সুশীল ঢাকা কলেজের ইংরেজি সাহিত্যের অধ্যাপক নিযুক্ত হইয়াছে। সুষমার পিতা, মাতা ও সুষমা তাহাদের আন্তরিক আনন্দ জানাইয়া সুশীলকে পত্রদ্বারা অভিনন্দন করিয়াছেন।

সেদিন সুশীল সুষমাদের বাটীতে গিয়া দেখিল, একজন সাহেববেশধারী ভদ্রলোকের আগমনে সকলে মিলিয়া হাসি গল্প করিতেছেন। সেখানে সুষমার দিদিমা, মাতা ও পিতা ভদ্রলোকটির নিকটে বসিয়া রহিয়াছেন, সুষমা একটু দূরে একখানি চেয়ারে বসিয়া পশম ও কাঁটা লইয়া খলি বুনিতোছে। সুশীল প্রবেশ করিলে সুষমার পিতা আনন্দসূচক ধ্বনি করিয়া সুশীলকে টানিয়া আনিয়া নিকটে বসাইয়া ভদ্রলোকটির সহিত আলাপ করাইয়া দিলেন, “এর নাম রণজিৎ সেন, আমার বিশিষ্ট বন্ধুর পুত্র, আমার নিজের সম্ভানের মত স্নেহভাজন, কয়েকদিন হইল ব্যারিষ্টারি পরীক্ষা পাশ করে এসে কলিকাতা হাইকোর্টে প্র্যাকটিস্ আরম্ভ করেছে, ঢাকায় আমাদের সঙ্গে দেখা করতে এসেছে।” তারপর রণজিৎের দিকে তাকাইয়া বলিলেন, “এর নাম সুশীলকুমার দাশগুপ্ত, ঢাকা কলেজের ইংরেজি সাহিত্যের অধ্যাপক।” নবীন ব্যারিষ্টার সুশীলের দিকে একটু কৃপাকটাক করিলেন, সুশীল হটক না অধ্যাপক, কিন্তু যে তো আর বিলাত যায় নাই, সে কি আর মাহুষ! রণজিৎের কৃপাকটাকের বোধ হয় ইহাই অর্থ!

আজ সুশীল অধিকক্ষণ সুষমাদের বাটী টিকিতে পারিল না। সুশীলের দিকে বড় কাহারও লক্ষ্য নাই, আজ আকর্ষণের কেন্দ্র পরিবর্তিত হইয়া গিয়াছে, রণজিৎকে লইয়াই আমোদ আহ্লাদ চলিতেছে। সুশীল সে দিনের মত বিদায় লইয়া চলিয়া আসিল।

কয়েকদিন সুশীল সুষমাদের বাটী যাইতে পারে নাই। প্রথমতঃ তাহার মনটা তত ভাল ছিল না, দ্বিতীয়তঃ তাহার সময়ের অভাব। একখানি নূতন পুস্তক আরম্ভ করিয়া সুশীল সেখানি লইয়া ব্যস্ত হইয়া পড়িয়াছে। একদিন হঠাৎ সুষমার এক আত্মীয় একখানি লাল ধামে মোড়া বিবাহের নিমন্ত্রণ পত্র দিয়া গেল। সুষমার বিবাহ রণজিৎ-সেনের সহিত ওয়ারী ৮নং র্যান্‌কিন ষ্ট্রীটস্থ বাসভবনে সম্পন্ন হইবে। বিবাহ ৫ই ফাল্গুন শুক্রবার। সুশীল প্রথমে কিছু বুঝিতে না পারিয়া হাঁ করিয়া তাকাইয়া রহিল, তারপর মনকে কশাঘাত করিয়া টানিয়া আনিয়া মুহূ হাসিল, তাহার অর্থ বোধ হয় ইহাও বিলাত-ফেরতের উপর একটা সশ্রদ্ধ মোহ!

সুষমার বিবাহ হইয়া গিয়াছে। সুশীলের ইচ্ছা থাকিলেও বিশেষ প্রয়োজনে যাইয়া উঠিতে পারে নাই। একদিন হঠাৎ পথে সুষমার পিতার সহিত সুশীলের সাক্ষাৎ হইল। সুশীলকে দেখিয়াই সুষমার পিতা চীৎকার করিয়া বলিলেন, “সুশীল, সে দিন সুষমার বিয়েতে গেলে না যে? নিশ্চয়ই রাগ করেছ?” সুশীল মাথা নাড়িয়া জানাইল যে, সে রাগ করে নাই। সুষমার পিতা মা থামিয়াই বলিতে লাগিলেন, “কেন রাগ করেছ, সুশীল? আমি কি করেছি, আমার কি দোষ? আমার তো আদৌ এ বিয়েতে মত ছিল না। বাড়ীর মেয়েরাই তো জেদ ধরলে আমি কি করব? আর মেয়েটাই বা কেমন, সেও না কি এই বিয়েতে মত দিলে! আমি ভেবেছিলাম সুষমা তোমাকেই ভালবাসত’, কিন্তু আমি কি ভুলই করেছিলাম। তথাপি সত্যি বলছি সুশীল, আমার এখনও তোমাকেই বেশী ভাল লাগে। কিন্তু আমার কোনও হাত ছিল না” বলিয়া সুষমার পিতা ছল-ছল চোখে প্রায় কাঁদিয়া ফেলিবার উপক্রম করিলেন। সুশীল শাস্ত সংযত কর্তে বলিল, “আপনি কেন হুঃখ করছেন, আমি তো কারও উপর রাগ করি নি। আমি কি জানি না আপনি আমায়

কত মেহ করেম। আপনারা ভালই করেছেন, রণজিৎ-বাবুর সঙ্গে বিয়েতে সুখী সুখে থাকবে।” সুখমার পিতা বলিলেন, “জ্ঞানি মা সুশীল, আশীর্বাদ কর যেন মেয়েটা সুখী হয়—ঐ আমার একমাত্র মেয়ে। চল তোমায় বাড়ী পর্য্যন্ত এগিয়ে দিয়ে আসি।” পথে আর কোনও কথা হইল না। সুশীলকে বাড়ী পৌঁছাইয়া দিয়া সুখমার পিতা বিদায় গ্রহণ করিলেন।

স্বাভাৱ

স্থানে

সুশীলের নৌকা আসিয়া জমীদারবাটীর ঘাটে লাগিল, দূর হইতে বাটীখানি পরিত্যক্ত জনমানবশূন্য মনে হইতেছিল। নদী পথে এই কয়েক ঘণ্টার ব্যবধান সুশীলের নিকট কয়েক বৎসর বলিয়া প্রতীয়মান হইতেছিল। নৌকা ঘাটে পৌঁছিবামাত্র সুশীল দ্রুতবেগে ভীরে উঠিল। উঠি-

তেই দেখিতে পাইল, অদূরে শশ্মানঘাটে চুপ্তি অগিতেছে। সুশীলের বুকটা কাঁপিয়া উঠিল, মাথার উপর একটা পেচক ডাকিয়া গেল। কম্পিতবন্ধে শশ্মানঘাটে ছুটিয়া গিয়া সুশীল যে দৃশ্য দেখিল তাহাতে সে আর ধৈর্য্য ধারণ করিতে পারিল না। দেখিল, তাহার মাতার ক্রোড়ে অমলার ঠাকুরমা মাথা রাখিয়া শয়ন করিয়া রহিয়াছেন। সুশীলের আগমন সংবাদে ঈষৎ মাথা তুলিয়া তিনি সুশীলকে লক্ষ্য করিয়া বলিলেন, “এস দাদা, ঐ দেখ আমার সোণার প্রতিমা আঙুনে ছাই হ’য়ে গেল ; ঐ দেখ দাদা, সে এখনও তোমার প্রতীক্ষায় শেব হয়ে যায় নি, সে যে শেষ পর্য্যন্ত তোমার কথা বলতে বলতেই অস্তিম নিঃশ্বাস ফেলেছে।” সুশীলের মুখে কোনও সাস্বনার কথা আসিল না, সে অপলকনেই সেই দাঙ্মান চিতাচুপ্তি ও তল্পপরি ভস্মাবশেষ স্বর্ণ-প্রতিমার দিকে তাকাইয়া রহিল, কেবল তাহার কাণে বাজিতে লাগিল, “সে যে শেষ পর্য্যন্ত তোমার কথা বলতে বলতেই অস্তিম নিঃশ্বাস ফেলেছে।” *

* এসিদ্ধ কথা-সাহিত্যিক মুচ-ছানসনের উপস্থাসের হারাবলবনে।

নালন্দা

[শ্রীঅজিতকুমার ঘোষ]

খৃষ্ট-জন্মের বহুপূর্ব হইতে প্রায় খৃষ্টীয় দ্বাদশ শতাব্দী পর্য্যন্ত নালন্দা-মহাবিহার মগধ-রাজধানী রাজগৃহের অতি নিকটে (বর্তমান বড়গাঁ নামক ছোট গ্রামের দক্ষিণে) প্রতিষ্ঠিত ছিল। বৌদ্ধ-জগতে শিক্ষা-দীক্ষার শ্রেষ্ঠ কেন্দ্র-রূপে শত শত বর্ষ ধরিয়া ইহা ভারতে গৌরবের আসন অধিকার করিয়াছিল। যদিও তখন ভারতে ইহার প্রতিদ্বন্দ্বী শিক্ষা-কেন্দ্রের + অভাব ছিল না, তথাপি

তাহারা ইহার যশ কিংবা প্রতিপত্তির কিছুমাত্র লাভ করিতে পারে নাই। ভারতীয় ছাত্রের অভাব তো ইহার ছিলই না, পরন্তু বিদেশীয় বহু শিক্ষার্থী ছাত্র ও শ্রমণ প্রভৃতি এখানে উপস্থিত থাকিত। তাহারা যতদিন ইচ্ছা এখানে থাকিয়া ইচ্ছামত শিক্ষা অর্জন করিয়া দেশে ফিরিতেন।

শিক্ষা-কেন্দ্র বলিলে লোকে বিশ্ববিদ্যালয়ই বুঝিয়া থাকে ; সুতরাং নালন্দা-বিহারকে আমরা নালন্দা-

* এখন নালন্দার যে সমস্ত ধ্বংসাবশেষ পাওয়া গিয়াছে তাহাদের সমস্তই বড়গাঁ গ্রামের দক্ষিণে অবস্থিত। বড়গাঁ বিহার-লাইট-রেলওয়ের একটা ছোট স্টেশন এবং রাজগৃহ কিংবা নগর হইতে উহার দূরত্ব বেশী নয়।

+ বিক্রমপুরের মহাবিহার এইরূপ শিক্ষাকেন্দ্র। তাৎপলপুরের

পাণ্ডুরবাটীর ইহা প্রতিষ্ঠিত ছিল। এতদ্বির তৎকালীনা এবং গুজরাটের বলভীও (Valabhi or Balabhi) অন্যতম। Str Charles Eliot এর Hinduism and Buddhism, 2nd Vol. ১০৫ পৃষ্ঠার দেখা যায় বলভী-বিদ্যালয়ে একশত বিহার ও প্রায় হয় হাজার তিব্ব-ছাত্র থাকিত।

বিশ্ববিদ্যালয়ও বলিয়া থাকি। নালন্দা-বিশ্ববিদ্যালয়ের প্রতিষ্ঠাতা কে এবং কবে ইহা প্রতিষ্ঠিত হইয়াছিল, তাহা বলা বড়ই কঠিন। এহলে আমরা ক্রোড়িত লিপি, প্রাচীন পুঁথি এবং পুরাকালের বিদেশীয় পর্যটকদের বিবরণ প্রভৃতি হইতে যথাসম্ভব উপাদান সংগ্রহ করিয়া মোটামুটি ইহার ইতিহাস বর্ণনা করিতে চেষ্টা পাউব। নালন্দার কোন সম্পূর্ণ ইতিহাস আমরা পাই না। য়ুয়ন্-চোয়ঙ, ঙ্গে-চিঙ্-প্রমুখ তৎকালীন চৈনিক কিংবা ভিন্নদেশীয় পর্যটকবর্গের লিখিত বিবরণ হইতে তথ্য ও সি-য়ু-চি (Hsi-yu-chi) নামক পশ্চিমদেশীয় বিবরণ-গ্রন্থের যেখানে বৌদ্ধদের বিদ্যা ও আচার বিশেষভাবে বর্ণিত আছে, সেগুলি হইতে উপকরণ সংগ্রহ করিয়াছি। আবিষ্কৃত প্রজ্ঞাপারমিতা পুঁথির পুষ্পিকা, ক্রোড়িত লিপি হইতেও নালন্দার যে সকল বিবরণ পাওয়া যায় তাহাও সংগ্রহ করিয়াছি।

অনেকে বলেন গুপ্তযুগেই নালন্দার প্রাচুর্য্য হওয়া সম্ভব, কারণ খৃষ্টীয় চতুর্থ শতাব্দীতে কা হিয়ান যখন এদেশে আসেন, তখন তিনি মগধ-ভ্রমণকালে নালন্দার উল্লেখ করেন নাই; কিন্তু পরে সপ্তম শতাব্দীতে য়ুয়ন্-চোয়ঙ যখন আসেন, তখন নালন্দার উন্নতির যুগ। শ্রদ্ধেয় অধ্যাপক ত্রীযুক্ত অমূল্যচরণ বিদ্যাভূষণ মহাশয় বলেন ৪র্থ শতকে নালন্দা একটা ছোট গ্রাম মাত্র, কারণ এই সময়ে সিংহলরাজ মঘবর্ম্মা সমুদ্রগুপ্তের রাজত্বকালে (৩৩০-৩৭৫ খৃঃ অব্দ) আশ্রয়নে প্রকাণ্ড বিহার নির্মাণ করিবার অধিকার লাভ করিয়াছিলেন। উহাই নালন্দা-বিহার। বিহারের জৈন ঐতিহাসিকগণ বলেন যে, খৃষ্টজন্মের প্রায় পাঁচশত বৎসর পূর্বে রাজা ত্রীনিকের (বিম্বিসারের) রাজত্বকালে কোন জৈন সন্ন্যাসী নালন্দায় বাস করিতেন এবং তাঁহারই প্রতিষ্ঠিত বিহার পরবর্ত্তী বৌদ্ধযুগে নালন্দা-বিশ্ববিদ্যালয়ে পরিণত হইয়াছিল।

ঐতিহাসিক ভারনাথের মতে মহারাজ অশোক নালন্দার প্রতিষ্ঠাতা। বুদ্ধের প্রিয়শিষ্য শারিপুত্রের মন্দিরের প্রতি সম্মান প্রদর্শনার্থ তিনি মহার্য্য ভক্তি-উপহার দিয়া অনেক স্তূপ নির্মাণ করিয়াছিলেন এবং সেখানে অনেক স্তূপও উত্তোলন করেন। শারিপুত্র নালন্দায় জন্মগ্রহণ করেন এবং নিকটবর্ত্তী কোন গ্রামেই দেহত্যাগ করেন। স্বধর্ম্মমিষ্ঠ মহারাজ অশোক তখন বৌদ্ধধর্ম্ম-প্রচার এবং

শিক্ষা-বিস্তার-কার্য্যে ব্যাপৃত ছিলেন। এই সময়েই শারিপুত্রের জন্মস্থানে যে একটা শিক্ষা-কেন্দ্র স্থাপিত হইতে পারে এরূপ অনুমান করা অসঙ্গত নয়। মিদর্শন-স্বরূপ কাছাকাছি ছ'একটা মূর্ত্তি, স্তূপাদিও দেখিতে পাওয়া যায়।

রাজগৃহের পর্ব্বতগুহা, বিহার প্রভৃতি যখন বিশেষভাবে উপেক্ষিত হইতেছিল এবং বুদ্ধদেবের অনুবর্ত্তিগণ যখন তথাগতের সহিত পর্ব্বতবাস ছাড়িয়া আসেন এবং নালন্দায় প্রবেশ করেন, তখন হইতে নালন্দা তাহার শিক্ষা-সম্পদে উন্নত হইতে আরম্ভ করে এবং পরবর্ত্তীকালে বৌদ্ধ-জগতে শ্রেষ্ঠ কেন্দ্ররূপে পরিগণিত হয়।

নালন্দায় বাস করিবার সময় য়ুয়ন্-চোয়ঙ বলেন যে, বুদ্ধের মৃত্যুর অব্যবহিত পরেই মহারাজ শক্রাদিত্য-কর্তৃক নালন্দার প্রতিষ্ঠা হয়। য়ুয়ন্-চোয়ঙের বিবরণে এইরূপ লেখা আছে,—

“বহুপূর্বে এখানে এক ধনী ব্যক্তির এক স্ত্রীহৎ আশ্রুকুঞ্জ ছিল। পাঁচশত ধনী বণিক বহু লক্ষ মুদ্রা দ্বারা সেই আশ্রুকুঞ্জ ক্রয় করিয়া ভগবান্ বুদ্ধকে উপহার দেন। বুদ্ধ তখন এখানে ধর্ম্মপ্রচার করিতেছিলেন এবং তিন মাস কাল সেইখানেই বাস করিয়াছিলেন। উক্ত ধনী বণিগ্গণের মধ্যে অনেকে তাঁহার নিকট হইতে ‘বোধি’ অর্থাৎ জ্ঞান লাভ করিয়াছিলেন। বুদ্ধের ‘নির্বাণের’ পরে মহারাজ শক্রাদিত্য তাঁহার প্রতি যথায়থ সম্মান-প্রদর্শনার্থ নিজ অর্থবায়ে এক বিহার প্রতিষ্ঠা করেন। শক্রাদিত্যের মৃত্যুর পরে তাঁহার পুত্র বুদ্ধগুপ্ত কর্তৃক ঐ বিহারের আরও উন্নতি সাধিত হয়। পিতার নিশ্চিত বিহারের দক্ষিণদিকে তিনি আর একটা বিহার নির্মাণ করেন। বুদ্ধগুপ্তের মৃত্যুর পরে তাঁহার পুত্র মহারাজ তথাগত আর একটা বিহার নির্মাণ করেন। তাঁহার পুত্র বালাদিত্য কর্তৃক উহার উত্তর-পূর্ব্ব দিকে আর একটা বিহার নিশ্চিত হয়। অতঃপর সুদূর চীন হইতে কোন পরিত্রাজক তাঁহারই সাহায্যার্থ আসিবেন জানিতে পারিয়া তিনি সিংহাসন ত্যাগ করিয়া বৈরাগ্য অবলম্বন করেন। তাঁহার পুত্র বজ্র তখন সিংহাসন অধিকার করিয়া উত্তরদিকে আর একটা মঠ নির্মাণ করেন। ইহার পরে মধ্য-ভারতের কোন নৃপতির দ্বারা

উক্ত বিহারের পাশ্বে আর একটি বিহার প্রতিষ্ঠিত হয়। এইরূপে পরস্পর ছয় জন রাজা ইহার নির্মাণ-কার্য শেষ করেন। ইহাদের মধ্যে ষষ্ঠ অর্থাৎ শেষ নৃপতি ঐ বিহার সমূহকে ইটের প্রাচীর দ্বারা বেষ্টিত করিয়া সমস্তগুলিকে এক বিরাট বিহারে পরিণত করিয়া তুলেন। ইহাতে একটি সু-উচ্চ বৃহৎ তোরণ নির্মিত হয়। অধ্যাপনার জন্য তিনি আটটি বৃহৎ বৃহৎ প্রকোষ্ঠ নির্মাণ করেন। সারি সারি বহু স্তম্ভ ও স্তূপ নির্মিত হয় এবং উহার মণ্ডপসমূহ কারুকার্যযুক্ত প্রবালদ্বারা সজ্জিত করা হয়। বিহারের চূড়াগুলি আকাশে গিয়া ঠেকিত এবং সূর্যোদয়ের সময় উহার গবাক্ষ হইতে মেঘের জন্মস্থান দেখা যাইত। মহাবিহারের চারিদিকে খাদ কাটিয়া জল দ্বারা বেষ্টিত ছিল; উহাতে সকল সময় পদ্ম ফুটিয়া থাকিত। প্রায় সর্বত্র আমের কোপের কাঁক দিয়া লাল 'কনক' ফুটিয়া থাকিত ইত্যাদি.....”

A. M. Broadley বলেন, য়ুয়ন্-চোয়ঙ্ যে শক্রাদিত্যের নাম করিয়া থাকেন তাঁহাকে অনেক সময় তিনি শীলবাহন নামেও উল্লেখ করিয়াছেন। তবে শক্রাদিত্য কিংবা শীলবাহন যে নালন্দার প্রতিষ্ঠাতা নহেন ইহাই Broadleyর মত। তিনি বলেন নাগার্জুনই ইহার প্রতিষ্ঠাতা, তবে নাগার্জুন যে কোন সময় জীবিত ছিলেন সে কথা তিনি বলেন নাই। Broadleyর কথায় মনে হয় খৃষ্টীয় প্রথম শতাব্দীতে তিনি জীবিত ছিলেন। যাহা হউক নালন্দার জন্ম যে কবে তাহা আমরা ঠিক জানিতে পারি না, তবে সম্ভবতঃ খৃষ্টীয় প্রথম শতাব্দী কিংবা খৃষ্টপূর্ব প্রথম শতাব্দীতেই উহা হওয়া সম্ভব বলিয়া আশা করা যায়।*

নালন্দার গঠন-বিবরণ সম্বন্ধে য়ুয়ন্-চোয়ঙ্ বলেন যে উহা অগণিত মন্দির, বিহার, স্তূপ, সুরহৎ অধ্যাপনা-গৃহ, পাঠাগার প্রভৃতিতে পরিপূর্ণ ছিল। বহু বৃহৎ

পুষ্করিণীও তথায় ছিল। সেগুলি হইতে প্রচুর পরিমাণে নির্মল জল পাওয়া যাইত। ঈ-চিঙের বিবরণ হইতেও এ সম্বন্ধে যথেষ্ট তথ্য পাওয়া যায়। তাহাতে জানা যায় যে, সমগ্র নালন্দা-বিদ্যালয় একটি চতুর্ভুজ আয়ত-ক্ষেত্রের উপর প্রতিষ্ঠিত ছিল। প্রধানতঃ নালন্দার সমস্ত অংশ ইষ্টক এবং প্রস্তরে নির্মিত ছিল। প্রধান মণ্ডপটি দীর্ঘ চতুরস্র, বিদ্যালয়ের দশটি অধ্যাপনা-গৃহ—প্রত্যেকটি প্রায় ত্রিশ ফুট উচ্চ। এ ছাড়া আরও আটটি হল ছিল সেগুলিতে ৩০০টি ঘর ছিল। হলগুলিতেও অধ্যয়নাদি হইত। বিদ্যালয়ের চতুর্দিক বারাণ্ডায় ঘেরা; প্রত্যেক হস্ত্যতল মস্তৃণ অঞ্চল সুদৃঢ় বন্ধলেপে আবৃত ছিল। অলিন্দগুলি বিস্তৃত এবং ভ্রমণোপযোগী ছিল। ঘরের ছাদ সমতল—উহার চতুর্দিক প্রাচীর দ্বারা বেষ্টিত, কাজেই চলাফেরা করিবার সুবিধা হইত।

মধ্যস্থলের বিহার-প্রকোষ্ঠগুলি বহু প্রকারের অসংখ্য স্থিতিচিহ্ন, মূর্তিদ্বারা সজ্জিত থাকিত। বহুস্থানে অত্যাচ্চ স্তূপ, মিনার, মূর্তি ইত্যাদি প্রতিষ্ঠিত ছিল। য়ুয়ন্-চোয়ঙ্ এই সকল বিহার-গৃহের অবস্থানের ও মহিমার কথা বিশেষভাবে বর্ণনা করিয়াছেন—পূর্বেই তাহার অনেকটা আভাস দেওয়া হইয়াছে।

নালন্দার স্থাপত্য সম্বন্ধে য়ুয়ন্-চোয়ঙ্ এবং ঈ-চিঙের বর্ণনার বৈষম্য দৃষ্ট হয় না। ইহাদের বর্ণনা-পাঠে মনে হয়, সে সময়ে এই শ্রেণীর স্থাপত্য বিশেষ প্রসিদ্ধি লাভ করিয়াছিল এবং উহার অঙ্কন-প্রভাব চীনদেশ এবং সমগ্র বৌদ্ধজগতে প্রসার লাভ করিয়াছিল।

য়ুয়ন্-চোয়ঙ্ স্থান-নির্দেশ এবং বিহারের আয়তন প্রণালীর স্বরূপ বর্ণনা দেন তাহাতে জানা যায় যে, পূর্ব-প্রান্তে ছইশত ফুট উচ্চ একটি বিহার ছিল। ইহাতে ভগবান্ তথাগতের বাসস্থান নির্দিষ্ট ছিল। এই বিহারের আরও উত্তরে তিনশত ফুট উচ্চ আর একটি বিহারের উল্লেখ দেখিতে পাওয়া যায়। পুরগুপ্ত-তনয় নরসিংগুপ্ত বালাদিত্য উহা নির্মাণ করেন। উহাতে একটি প্রতিমূর্তি ছিল। এই মন্দিরটি সর্বাপেক্ষা উচ্চ এবং খুব সুন্দর। বিপুল স্বর্ণ ও বহু মণিমুক্তা-খচিত মন্দিরটি অপূর্ব কারুকার্য-নৈপুণ্যে সকলের দৃষ্টি আকর্ষণ করিত। উক্ত বিহারের উত্তরদিকে বুদ্ধদেবের একটি তাম্রমূর্তি ছিল, তাহা

* Boal's Life of Hsuan Chuang, গ্রন্থে (pp. 111), দেখা যায় যে নালন্দা খৃষ্টপূর্ব প্রথম শতাব্দীতে স্থাপিত হইয়াছিল। ইতিহাসে দেখা যায় যে নরসিংগুপ্ত, বালাদিত্য ৪৮৫ খৃষ্টাব্দে একটি বিহার নির্মাণ করেন। কিন্তু সম্ভবতঃ নালন্দা এই বালাদিত্যের সময়ের প্রায় সাতশত বৎসর পূর্বে নালন্দার স্থাপনা হয়, হতরাং খৃষ্টপূর্ব প্রথম শতক কিংবা তৎপূর্বেই উহার আবির্ভাব হওয়া সম্ভব।

প্রায় আশী ফুট উচ্চ। মহারাজ অশোকের বংশধর রাজা পূর্ববর্ষা ৬০০ খৃষ্টাব্দে মূর্তিটা নির্মাণ করেন। মূর্তিটা দণ্ডায়মান এবং গঠন-শিল্প-পটুতায় উহা জগতের একটা অপূর্ব ভাস্কর্য-নিদর্শন।

নালন্দা বিদ্যালয়টি অনেকগুলি স্তূপসহ ও শ্রেষ্ঠ পুঁথি-শালা ছিল। এখানে 'রসোদধি'তে পুঁথি সংরক্ষিত হইত। 'রসোদধি' হীনযান এবং মহাযানদের নয়-তলা মন্দির *। বিভিন্নস্থানে ছাত্রগণের বাসোপলক্ষে যে সমস্ত বাটা ছিল তাহাদের প্রত্যেকটাই চারিতলা উচ্চ। স্তূপসহ মণ্ডপগুলিতে নানারূপ জীব জন্তুদের মূর্তিতে অঙ্কিত থাকিত। ছাদের কড়িগুলি রামধনুর বর্ণে চিত্রিত, বরগাগুলি সুন্দর-ভাবে সজ্জিত এবং খামসকল মণিরঙ্গ-খচিত ও নানা-বর্ণে বিভূষিত এবং ক্ষোদিত মূর্তিতে পূর্ণ ছিল। দরজার কপাটগুলি স্তূপপুণ শিল্পীর কারু-কার্যের পরিচায়ক ও সৌন্দর্য-শ্রীমণ্ডিত এবং মেঝেগুলি রঙীন উজ্জ্বল বস্ত্রাসনে গঠিত। এই সমস্ত বস্ত্রাসনের চাক চিক্য দেখিবারমত জিনিস ছিল। ফাণ্ড'সন বলেন যে; রাজা অশোকের সময় ভারতে স্থাপত্য-শিল্পে কার্ঠের প্রচলন ছিল এবং তাহা নালন্দায়ও ব্যবহৃত হইত।

ঐতিহাসিকগণ বলেন যে তৎকালীন ভারতের শ্রেষ্ঠ শিল্পিগণের দ্বারা ভারতীয় উচ্চ আদর্শে নালন্দা নির্মিত ছিল—তাহাদের নিপুণতায় এখানে অতুলনীয় সৌন্দর্য্য বিরাজ করিত। নালন্দা ভারতের যে একটা শ্রেষ্ঠ দ্রষ্টব্য স্থান ছিল সে বিষয়ে কোন সন্দেহ নাই। সৌন্দর্য্য, শিল্প, স্তূপাদির উচ্চতা এবং কারুকার্যের গৌরবে ইহা যে ভারতের বিহার-স্থাপত্যের আদর্শসমূহের মধ্যে নীর্ঘস্থানে অধিষ্ঠিত ছিল তাহা অনেকেই স্বীকার করিয়া থাকেন। Beal's life of Hsuan Chuang এর ১১২ পৃষ্ঠায় লিখিত আছে—“The monasteries of India are counted by myriades, but this is the most remarkable for grandeur and height”. †

নালন্দার নাম লইয়াও অনেক সময় অনেক গোল বাধে। নালন্দা নাম কোথা হইতে যে আসিল সে সম্বন্ধে অনেকেই অনেক কথা বলিয়াছেন। জনশ্রুতি হইতে ইহার নাম নানারূপ পাওয়া যায়। তিব্বতীয় পুস্তকে নালন্দাকে 'নালেঙ্গ' নামে অভিহিত করা হইয়াছে। কেহ কেহ বলেন যে উহার নাম 'কুণ্ডলীপুর'। বুকানন্ হামিলটন্ (Buchanan Hamilton) জনৈক জৈন ঐতিহাসিকের মুখে শুনিয়াছিলেন যে উহার নাম 'পম্পাপুরী'। এরূপ মতবাদের কোনটাই যে সত্য নহে তাহা নিঃসন্দেহে বলা যাইতে পারে; কারণ প্রসিদ্ধ চৈনিক পরিব্রাজকগণের বিবরণে কিংবা লক্ষপ্রতিষ্ঠ কোন ঐতিহাসিকের নিকট ইহার কোন সম্যক্ প্রমাণ পাওয়া যায় না। কা-হিয়ানের বর্ণনায় 'নাল' নামে একটা গ্রামের উল্লেখ দেখা যায়, কিন্তু নালন্দার বৈশিষ্ট্যের সহিত ইহার সাদৃশ্যের কোন আভাস পাওয়া যায় না।

পূর্বেই বলা হইয়াছে যে, নালন্দা মঠটা একটা আত্র-কুঞ্জে অবস্থিত ছিল। য়ুয়ন্-চোয়ঙ্ বলেন, সেই কুঞ্জের মধ্যে একটা পুষ্করিণী ছিল ‡ তাহাতে না কি এক নাগ বাস করিত। উহার নাম ছিল নালন্দা। সেই নাম হইতেই আত্র-কুঞ্জটির নাম হয় 'নালন্দাদেশ', পরে এই স্থানেই নালন্দা-বিশ্ববিদ্যালয়ের প্রতিষ্ঠা হয় বলিয়াই উহার নাম নালন্দা-বিহার হইয়া যায়। কেহ কেহ বলেন, ভগবান্ তথাগত যখন বোধিসত্ত্বরূপে এখানে তপস্বা করিতেন তখন জীবের দুঃখ-কষ্টে তাঁহার হৃদয় কাঁদিত, তাই মুক্ত-হস্তে তিনি জিনিস-পত্রাদি আর্ন্তগণকে বিলাইয়া দিতেন। সেইজন্য তাহার নাম হয় 'না—অলন্ দা' অর্থাৎ 'নালন্দা'। 'না—অলন্ দা' অর্থে 'ঐহার সর্বস্ব বিলাইয়াও তৃপ্তি হয় না'; এবং 'সর্বস্ব বিলাইয়া ঐহার তৃপ্তি হয় না সেই রাজার দেশ' বলিয়া উহার নাম হইল 'নালন্দাদেশ'। য়ুয়ন্-চোয়ঙ্ তাঁহার বিবরণে নালন্দাকে 'না-লন্-তো' নামে অভিহিত করিয়াছেন। ইহাদের মধ্যে

* Archeological Report, 1915-16 এ উল্লেখ আছে যে শরতলি ১২ ফুট x ১৮ ফুট। এই বিরাট পুঁথিশালাটি কিরূপে বে নষ্ট হইল, তাহা জানা যায় না, তবে তিব্বতীয় প্রবাদ অনুসারে উহা তৈরিক ভিন্দু কর্তৃক অগ্নিবদ্ধ হইয়া বিনষ্ট হওয়া সম্ভব।

† The sangharamas of India are counted by

thousands but there are none equal to this in majesty or richness or the height of their construction — Archeological survey of India. Annual Report 1914-15, pp 57,

‡ A. M. Broadley এই পুষ্করিণীকে 'ইন্দ্রপুষ্কর' বলেন।

কোনটা ঠিক তাহা বলা বড়ই কঠিন। তবে কয়েকটা কারণে দ্বিতীয়টিকে ঠিক বলিলেও বলা বাইতে পারে; কারণ ভগবান্ তথাগত যে এখানে উপস্থিত করিতেন তাহা পূর্বেই আমরা যুয়ন-চোয়ঙের বর্ণনায় পাইয়াছি। তিনি যে ছুই হস্তে আর্দ্রদিগকে দান করিতেন, সে কথাও যুয়ন-চোয়ঙ বলিয়াছেন। ঈ-চিঙের বিবরণে এ কথা প্রতিধ্বনি শুনিতে পাওয়া যায়।

খৃষ্টজন্মের পূর্বে নালন্দার প্রতিষ্ঠা হইলেও খৃষ্টীয় দ্বিতীয় শতাব্দীতে নাগার্জুনের সময় হইতে ইহার উন্নতি হইতে থাকে এবং প্রায় ১১২৭ খৃষ্টাব্দে মুসলমানবিজয়ের সময় পর্যন্ত ইহার প্রতিপত্তি অক্ষুণ্ণ ছিল। বৌদ্ধরাজ পরিচালিত এবং বৌদ্ধ-বিদ্যালয় হইলেও এখানে সর্বশাস্ত্রের ও সর্ববিষয়ে শিক্ষা দেওয়া হইত। হিন্দুর যোগশাস্ত্র, উপনিষদ্ প্রভৃতি আরম্ভ করিয়া বৌদ্ধ ত্রিপিটক পর্যন্ত কিছুরই আলোচনা বাকী থাকিত না।

খৃষ্টীয় সপ্তম শতাব্দীতে নালন্দা প্রকৃষ্ট খ্যাতি অর্জন করে। এই সময়ই নালন্দার ইতিহাসের উজ্জ্বলতম অধ্যায়। ধানেশ্বরের অধিপতি হর্ষবর্ধন শিলাদিত্য তখন নালন্দার অধীশ্বর। বিদেশীয় পর্যটক, শিক্ষার্থী ছাত্র এই সময় অধিক পরিমাণে আসিতে থাকেন, সেই সঙ্গে প্রসিদ্ধ চৈনিক পর্যটকস্বয় যুয়ন-চোয়ঙ (৬৩৭—৪২-৩খৃঃ) এবং ঈ-চিঙ (৬৭২—৯২খৃঃ) ভারতে আগমন-কালে নালন্দায় অবস্থান করেন। তখন প্রায় দশ হাজার ছাত্র নালন্দায় বাস করিতেন, একথা যুয়ন-চোয়ঙ বলিয়া গিয়াছেন। ঈ-চিঙের বিবরণে দেখা যায় যে মাত্র তিন হাজার ছাত্র নালন্দায় বাস করিতেন, তন্মধ্যে শত করা ২০ হইতে ৩০ জন বিদেশীয় ছাত্র। ব্রহ্মপুত্রের পূর্ববর্তীতে সমতট-দেশবাসী রাজপুত্র শীলভদ্র তখন নালন্দার সঙ্ঘস্ববির অর্থাৎ মহাস্থবির (অধ্যক্ষ) ছিলেন। শীলভদ্রের জায় সর্বতোমুখী প্রতিভাবান্ ব্যক্তি নালন্দায় খুব কমই ছিলেন। যুয়ন-চোয়ঙ বলিয়াছেন, কি ধর্ম, কি বিদ্যা, কি জ্ঞান, যে কোন বিষয়েই হটুক শীলভদ্র জীবিত কিংবা মৃত সমস্ত পণ্ডিত-মণ্ডলীকে অতিক্রম করিতে সমর্থ হইয়াছিলেন। তিনি জাতিতে ব্রাহ্মণ ছিলেন। শৈশব হইতেই তাঁহার অসাধারণ অধাবসায় ও পাঠাসক্তির অনেক পরিচয় পাওয়া যায়। ত্রিশ-

বৎসর বয়ঃক্রম-কালে তিনি অশ্রান্ত ছাত্রদের জায় নালন্দায় পাঠাভ্যাস করিতে আসেন। তখন বোধিসত্ত্ব ধর্মপুত্র নালন্দার অধ্যক্ষ অর্থাৎ সর্বময় কর্তা ছিলেন। শীলভদ্র তাঁহার নিকটেই শিক্ষা গ্রহণ করেন। নিজের অসামান্য গুণগ্রাম এবং পাণ্ডিত্যের জগৎ * পরে তিনি মহাস্থবির হন। শীলভদ্রের যে কয়টা পুস্তক দেখিতে পাওয়া যায় সব গুলির ভাষা সরল, টীকা সহজ এবং পাণ্ডিত্যপূর্ণ।

ধর্মপুত্রের পূর্বে সম্ভবতঃ ভববিবেক নালন্দার সঙ্ঘারামের সর্বাধ্যক্ষ ছিলেন। প্রধান শিক্ষকগণের মধ্যে তখন দিবাকরমিত্র, জিনপ্রভ, জ্ঞানচন্দ্র, জয়সেন ও রত্নসিংহ অন্ততম। ইহাদের পূর্বে ধর্মপাল, চন্দ্রপাল, গুণমতি, স্থিরমতি, শীলবুদ্ধ, প্রভামিত্র, পদ্মসংস্থ, বীরদেব, জিনমিত্র প্রভৃতি নামধেয় মহাপণ্ডিতগণের নাম পাওয়া যায়। ইহাদের মধ্যে স্থিরমতি বহুমূল্য দুইখানি পুস্তক রচনা করেন। একখানি 'মহাযানাবতারশাস্ত্র' এবং অপরটি 'মহাযানধর্মধাত্তবিশেষতাস্ত্র'। স্থিরমতি খৃষ্টীয় চতুর্থ শতাব্দীতে জীবিত ছিলেন, কারণ 'মহাযানাবতারশাস্ত্র' ৩৬৭ খৃঃ হইতে ৪৩৯ খৃষ্টাব্দের মধ্যে চীন ভাষায় অনূদিত হইয়াছিল। তাঁহার দ্বিতীয় গ্রন্থ ৬৯১ খৃষ্টাব্দে চীন ভাষায় অনূদিত হয়। জিনমিত্র 'মূলসর্বাভিবাদ-নিকায়-বিনয়-সংগ্রহ' নামক গ্রন্থ রচনা করেন। পরিব্রাজক ঈ-চিঙ উহা চীনভাষায় ভাষান্তরিত করেন। জয়সেন বসুবুদ্ধের 'অভিধর্মকোষ'র টীকা প্রস্তুত করেন এবং তাঁহার শিষ্য বসুমিত্র 'অভিধর্মকোষ-ব্যাখ্যা'র টীকা প্রণয়ন করেন।

গুণমতির পুস্তকাবলীর সমস্তই সাঙ্খ্য-দর্শন সম্বন্ধে লিখিত এবং দর্শন-সম্বন্ধে বহু সুচিন্তিত জ্ঞান-পূর্ণ তথ্য

* একবার এক মহাপণ্ডিত ধর্মপুত্রের সহিত তর্কবুদ্ধ করিতে নালন্দায় আগমন করেন। শুনা যায় শীলভদ্র তখন তাঁহার গুরুকে না বাইতে দিয়া নিজেই তর্কবুদ্ধে প্রবৃত্ত হন। তিনি বলেন শিষ্যকে পরাস্ত না করিয়া গুরুকে তিনি পরাস্ত করিতে দিবেন না। এইরূপ শোনা যায় যে শীলভদ্র সেই দ্বিবিজয়ী পণ্ডিতকে পরাস্ত করিতে সমর্থ হন এবং সর্বসাধারণে বিশেষ খ্যাতি এবং প্রতিপত্তি লাভ করেন। মগধরাজ শীলভদ্রের পাণ্ডিত্যের পরিচয় পাইয়া তাঁহাকে একটা নগরীর অধিপতি করিয়া দেন। প্রথমে তিনি নিজের জন্ত অর্থ নিস্পন্নোজন ভাবিয়া উহা লইতে অস্বীকৃত হন কিন্তু পরে রাজার অনুরোধে তিনি তাহা লইতে বাধ্য হন এবং তাহার উপর হইতে একটা বিরাট সঙ্ঘারাম নির্মাণ করেন।

এ গুলিতে পাওয়া যায়। ইহা হইতে তাঁহার পাণ্ডিত্যের কতকটা ধারণা করিতে পারা যায়। দিনাজ নামে এক পণ্ডিতের নালন্দার অবস্থানের কথা শুনা যায়। বহু দিন নালন্দায় অবস্থান করিয়া তিনি বহু সংস্কৃত গ্রন্থ প্রণয়ন করেন, যদিও সে সমস্ত পুস্তক এখন আর পাওয়া যায় না, তথাপি তাহাদের তিব্বতীয় অনুবাদ এখনও সযত্নে রক্ষিত হইয়াছে। দিনাজের গ্রন্থগুলির মধ্যে 'প্রমাণ-সমুচ্চয়' এবং 'শ্রায়-প্রবেশ' অত্যন্তম। য়ুয়ন্-চোয়ঙ্ দিনাজকে 'সেন্-না' নামে অভিহিত করিয়াছেন।

জ্ঞানচন্দ্র এবং রত্নসিংহ উভয়ে ঈ-চিঙের নালন্দায় অবস্থান কালে তাঁহার শিক্ষক ছিলেন। ঈ-চিঙ্ নিজেই তাঁহার বিররণে একথা লিপিবদ্ধ করিয়া গিয়াছেন। য়ুয়ন্-চাও (Hsuan Chao) নামক চৈনিক পর্যটকও * তাঁহাদের নিকট শিক্ষালাভ করেন। এই সময় হর্ষ-বর্দ্ধনের বিধবা ভগিনী রাজ্যশ্রীও একজন ভিক্ষুণী-রূপে অবস্থান করিতেছিলেন। †

নানাদেশ পর্যটন করিয়া অবশেষে রাজগৃহ হইতে ‡ য়ুয়ন্-চোয়ঙ্ নালন্দায় গমন করিয়াছিলেন। মেজর ক্যামিং-হাম বলেন যে, য়ুয়ন্-চোয়ঙ্ ৬৩৭ খৃষ্টাব্দের ১লা মার্চ নালন্দার তোরণের সম্মুখে উপনীত হন। ইনি সর্ব-সমেত পাঁচ বৎসরকাল (কাহারও কাহারও মতে দুই বৎসর কাল) নালন্দায় অবস্থান করিয়া বৌদ্ধশাস্ত্র ও যোগ-শাস্ত্রাদি বিশেষভাবে অধ্যয়ন করেন। মহামতি শীলভদ্র

* ইহার সংস্কৃত নাম 'প্রকাশমতি'। ইনি প্রায় চতুর্দশবর্ষ ভারতে অতিবাহিত করেন। নালন্দায় থাকিয়া ইনি শিক্ষালাভ করেন। জিন-প্রভের শিক্ষাধীনেও বহুদিন ইনি যাপন করেন। সম্ভবতঃ ৬৬৪ খৃষ্টাব্দে ইনি স্বদেশে প্রত্যাগমন করেন।

† হর্ষচরিত্র, পৃঃ ৪৮৪

‡ According to "Memoires Sur les Contrees Occidentals, (Vol III, pp. 15-41)" Hwen 'Thasang travelled to Rajagriha from Nalanda, but the "Histoire de la Vie de Hwen Thsang (pp. 153—61)", he travelled first at the ancient town of Bimbisara via Bodh-Gaya and Kakkuhapada ; but both translations of the earliest pilgrim agree in taking him to the capital by the former route,

—Journal, Asiatic Society of Bengal, Vol. XL, pp. 231.

নিজে তাঁহাকে শিক্ষা দিতেন। নিজের গুণবস্তার ফলে তিনি শীলভদ্রের অতি প্রিয় শিষ্য হইয়া ওঠেন। একদিকে য়ুয়ন্-চোয়ঙ্ ছিলেন হর্ষবর্দ্ধনের প্রিয় বন্ধু, অপর দিকে ছিলেন শীলভদ্রের প্রিয় শিষ্য। এই উভয় সম্বন্ধের মধ্যে পড়িয়া ইহার জ্ঞানচর্চার অনেক সুবিধা হইয়াছিল। শীলভদ্র সর্বতোভাবে য়ুয়ন্-চোয়ঙ্কে বিদ্যা-শিক্ষা দিতে সচেষ্ট হইতেন। স্বয়ং পাণিনি অধ্যয়ন করিয়া য়ুয়ন্-চোয়ঙ্কে বাবতীরটীকার সহিত তিনি শিক্ষা দিতেন। শুধু শীলভদ্রই যে য়ুয়ন্-চোয়ঙ্কে শিক্ষা দিতেন, তাহা নহে। হর্ষবর্দ্ধনের গুরু প্রবীণ মিত্রসেনও তাঁহাকে শিক্ষা-দান করিয়াছিলেন।*

য়ুয়ন্-চোয়ঙ্ এত জনপ্রিয় ছিলেন যে, কথিত আছে দেশে ফিরিবার সময় অনেকে তাঁহাকে স্থায়ীভাবে নালন্দায় থাকিয়া বাইতে অনুরোধ করেন। কিন্তু শীলভদ্র নিজেই তাহার প্রতিবাদ করিয়া বলেন যে, য়ুয়ন্-চোয়ঙের দেশে ফেরা উচিত, কারণ চীনদেশে বৌদ্ধধর্ম-প্রচার তাঁহার উপরই নির্ভর করে। ইহাতে কেহ আর কোন আপত্তি করেন নাই।

য়ুয়ন্-চোয়ঙ্ দেশে ফিরিবার সময় নালন্দা হইতে বহু পুঁথি পত্রাদি লইয়া এবং অগাধ পাণ্ডিত্য অর্জন করিয়া যান। প্রতিদানে যথাসাধ্য নালন্দার বর্ণনা লিখিয়া যান। নালন্দার প্রত্যেক জিনিস, আচার, রীতি, ভাষা এবং পর্যায়ক্রমে রাজ্যবর্গের দান এবং উপহারের কথা সমস্তই নিখুঁতভাবে তাঁহার বর্ণনায় পাওয়া যায়। এতদ্ভিন্ন স্থাপত্য-শিল্পের, অগণিত বৃহৎ চৈত্যা, স্তূপ প্রভৃতির বিবরণ সুন্দর এবং সরল ভাষায় লিপিবদ্ধ করেন। তাঁহার এই অকৃত্রিম প্রতিদানের জন্ত ভারতবাসী তাঁহার নিকট ঋণী।

ঈ-চিঙের সময় রাজলমিত্র নালন্দার মহাস্থবির ছিলেন। রাজলমিত্রের বয়স তখন মাত্র ত্রিশ বৎসর। পূর্বেই বলা হইয়াছে যে, জ্ঞানচন্দ্র এবং রত্নসিংহ ঈ-চিঙের শিক্ষক ছিলেন। দিবাকরমিত্র তথাগতগর্ভ এবং সুমাত্রার

* Mitrasena, pupil of Gunaprabha and Vasubandhu, and Guru of Harsavardhana taught Hiuen Tsang, being ninety years old at that time.

—The Chronology of India by C. Mabel Duff.

শ্রীভোজের শাকা-কীর্তিও তাঁহাদের সমসাময়িক। তাঁহারাও সময়ে সময়ে ঈ-চিঙ্কে শিক্ষাদান করিতেন। ঈ-চিঙ্, নালন্দা বিদ্যালয়ীঠে ১০ বৎসর (৬৭৫-৮৫ খৃঃ) কাল অতিবাহিত করেন। নাট্য-কাব্য 'বেসসস্তর'-রচয়িতা চন্দ্রও সেই সময়ে নালন্দায় থাকিতেন। এই সময় চে-হং (Tche-hong) নামে আর একজন ভিক্ষু সমুদ্র-পথে ভারতে আসিয়া বহুদিন নালন্দায় অবস্থান করেন।

৬৪০ খৃষ্টাব্দে আর্যাবর্তী অ-লিয়ে-পো-মোনো (A-li-ye-po-mono) এবং ওই-য়ে (Hoi-ye) নামক দুইজন কোরীয় ছাত্রের আগমনের সংবাদ পাওয়া যায়। উভয়েই নালন্দায় দেহত্যাগ করেন।

তিনত হইতে সপ্তম শতকে ধনু-মি-প্রমুখ সাত জন রাজ-মন্ত্রী লিখন ও পঠন-পদ্ধতি শিখিবার জন্য নালন্দায় আগমন করেন। আচার্য্য দেববিং সিংহের নিকট তাঁহারা শিক্ষালাভ করেন।

খৃষ্টীয় অষ্টম শতাব্দীর মধ্যভাগে উ-কঙ্ (Ou-kong) নামে একজন চীন পরিব্রাজকের বিবরণ পাওয়া যায়। মধ্য-এশিয়া ভ্রমণ করিয়া তিনি ৭৫৩ খৃষ্টাব্দে গান্ধারে উপস্থিত হন। তথা হইতে ৭৫৯ খৃষ্টাব্দে তিনি কাশ্মীরে গমন করেন। পুনরায় গান্ধারে গিয়া আবার ৭৬৪ খৃষ্টাব্দে তিনি মধ্য-ভারতের পথে অগ্রসর হন এবং কপিলবস্ত্র, বারাণসী, কুশীনগর এবং শ্রাবস্তী হইয়া নালন্দায় উপস্থিত হন। সেখানে বহুদিন বিদ্যাচর্চা করিয়া ৭৮৩-৪ খৃষ্টাব্দে তিনি স্বদেশে প্রত্যাগমন করেন। নালন্দায় অবস্থানকালে তিনি 'ধর্মধাতু' নাম গ্রহণ করিয়াছিলেন। গমনকালে 'দশভূমি' এবং 'দশবনসূত্র' নামক দুইখানি পুস্তক তিনি সঙ্গে লইয়া যান। য়ুন-চোয়ঙের ঞায় তিনিও নালন্দাকে 'না-লন্-তো' বলিয়াছেন।

অষ্টম শতাব্দীর মধ্যভাগে তিব্বতরাজ নালন্দা হইতে আচার্য্য পদ্মসম্ভবকে আনয়ন করেন। তথায় তিনি বৌদ্ধধর্মের পুরোহিত নিযুক্ত হন। এইজন্য অনেক ঐতিহাসিক তাঁহাকে তিব্বতীয় বৌদ্ধপুরোহিতের প্রবর্তক (Founder of Lamaism) নামে অভিহিত করিয়া থাকেন।

খৃষ্টীয় নবম শতকে নালন্দা সম্বন্ধে কিছুই জানা যায় না। প্রকৃত বিদ্যাভূষণ মহাশয়ের মতে ইহা বিদ্যাশিক্ষার কেন্দ্র ছিল না। তিনি বলেন, এই সময় পাল রাজাদের চেষ্টায় দুইটা

বিহার নির্মিত হয়—একটা বিহার ওদন্তপুরী আর একটা বিক্রমশিলায়। পাল-বংশের ২য় রাজা ধর্মপাল কর্তৃক ৮০০ খৃষ্টাব্দে বিক্রমশিলা বিদ্যালয়ীঠ ও গ্রহভাণ্ডার এবং ওদন্তপুরী রাজ গোপাল ওদন্তপুরী বিদ্যালয়ীঠ নির্মাণ করেন। সম্ভবতঃ বিক্রমশিলা তখন শিক্ষাকেন্দ্র হইয়া উঠে। নালন্দা, ওদন্ত-পুরী ও বিক্রমশিলায় পুঁথিশালা হইতে তিব্বতীয় সাহিত্যের সৃষ্টি। ওদন্তপুরীর পুঁথিশালা বিহারের মন্দিরেই অবস্থিত এবং নালন্দার পুঁথিশালায় চেয়েও বড়। এই চমৎকার পুঁথিশালাটা ১২০২ খৃষ্টাব্দে বখতিয়ার খিলজির এক সেনাপতি পুড়াইয়া দেন।*

দশম শতাব্দীতে কি ঈ (Ke-ye) নামক আর একজন চীন-পরিব্রাজক ভারতে আগমন করেন। তাঁহার বিবরণে নালন্দা সম্বন্ধে বেশী কিছু জানা যায় না। নালন্দায় অনেক মঠ ছিল এবং তাহাদের দ্বারগুলি সমস্তই পশ্চিম দিকে অবস্থিত ছিল এতদ্ব্যতীত রাজগৃহ হইতে নালন্দা বেশী দূর ছিল না, একথাও তিনি বলিয়াছেন—অধিক আর কিছুই বলেন নাই।

খৃষ্টীয় দশম শতাব্দীর শেষভাগে ধর্মদেব নামক ভারতীয় ভ্রমণ নালন্দা হইতে চীনে গমন করেন। চীন ভাষায় তাঁহাকে ফা-হিয়ান্ (মতান্তরে ফা-খিয়ান) বলা হয়। চীনদেশে গিয়া ধর্মদেব চীনভাষা উত্তমরূপে শিখিয়া লন এবং তথায় কয়েকটি বৌদ্ধগ্রন্থ চীনভাষায় অনূদিত করেন। সম্ভবতঃ ১০০১ খৃষ্টাব্দে তিনি য়ুয়ুখে পতিত হন।

ধর্মদেবের পর ৯৮৯ খৃষ্টাব্দে আর একজন ভারতীয় ভিক্ষু চীনদেশে গমন করেন। ভারতীয় ভাষায় তাঁহার নাম পাওয়া যায় না, তবে চীন ভাষায় তাঁহাকে পো-তো-কি-তো (Pou-to-ki-to) বলা হয়। দশম শতাব্দীর শেষভাগে সে-হোয়ন্ (Ts'e-hoan) নামক একজন চীন পরিব্রাজক নালন্দায় আগমন করেন। তিনি কোন বিবরণ লিখিয়া যান নাই।

* প্রকৃত বিদ্যাভূষণ মহাশয় যে ওদন্তপুরীর নাম করিয়াছেন তাহা ওদন্তপুরীর গিরিচূর্ণ হিত পুঁথিশালা, কারণ মহম্মদ বক্তিরানের সেনাপতি যখন ওদন্তপুরী গিরিচূর্ণ আক্রমণ করেন তখন দেখা যায় যে ভিক্ষুরা তাহা রক্ষা করিতে সচেষ্ট হন। অতঃপর ভিক্ষুদের পরাস্ত করিয়া যখন তাহাদের ডাড়াইয়া দেওয়া হয় তখন দেখা গেল যে উহা একটি বিদ্যালয়। বহুসংখ্যক সেনাপতি বিদ্যালয়টি পুড়াইয়া দেন।

মগধ-জয় কালে নালন্দাও যখন বাঙ্গলার পালরাজ-গণের করতলগত হয়, তখন তাঁহাদের প্রতিপত্তিও ইহাতে খুব বাড়িয়া উঠে। খৃষ্টীয় দশম শতাব্দীতে নালন্দা সম্রাটের পালবংশীয়দের করতলগত ছিল। তখন মহারাজ দেবপাল দেব মগধের সিংহাসনে অধিষ্ঠিত ছিলেন। নগর-হার(বর্তমান নাম জলালাবাদ) নগরের অধিবাসী ইন্দ্র-গুপ্তের পুত্র বীরদেবকে তিনি নালন্দা মহাবিহারের সজ্জ-স্ববির নিযুক্ত করেন। বীরদেব বেদাদি শাস্ত্র অধ্যয়ন করিয়া কণিকবিহারে (প্রাচীন পুরুষপুর বর্তমান পেশোয়ার) গমন করিয়া বৌদ্ধ শাস্ত্র পাঠ করেন। অতঃপর যশোধর্মপুরে (ঘোষরাঁবা) আগমন করিলে দেবপাল কর্তৃক পূজিত হন। নালন্দায় অবস্থান কালে বীরদেব ইন্দ্রশীলা পর্বতে দুইটি চৈত্য নির্মাণ করাইয়াছিলেন। • বীরদেবের পরে নরোত্তম নালন্দার অধ্যক্ষের পদ প্রাপ্ত হন। একাদশ শতাব্দীর প্রথম ভাগে নরপাল দেবের রাজত্বকালে দীপঙ্কর শ্রীজ্ঞান নালন্দার সজ্জাধ্যক্ষ পদে নিযুক্ত হইয়াছিলেন।

নালন্দায় পালবংশীয় রাজাদের আধিপত্য ছিল খুব বেশী—সে কথা পূর্বেই বলা হইয়াছে। ইতিহাসেও তাহার প্রমাণের অভাব হয় না। পালবংশীয় নরপতি মহীপাল দেবের রাজত্বকালে শাক্যচার্য্য স্ববির সাধুগুপ্তের ব্যয়ে প্রকাশিত নালন্দাবাসী কল্যাণমিত্র চিন্তামণির প্রজ্ঞা-পারমিতা গ্রন্থেও তাহার প্রমাণ পাওয়া যায়। মহীপাল-দেবের রাজত্বকালে তৈলাচকনিবাসী হরদত্ত পৌত্র এবং গুরুদত্ত পুত্র বালাদিত্য নামক জনৈক ব্যক্তি নালন্দা মহা-বিহারের জীর্ণ সংস্কার করিয়াছিলেন। নালন্দায় প্রাপ্ত একখানি শিলালিপি হইতে জানা যায় যে, মহাবিহার একবার অগ্নিদাহে কতকটা পুড়িয়া গেলে জ্যাবিষ বালাদিত্য উহার পুনঃ সংস্কার করেন।

খৃষ্টীয় দ্বাদশ শতাব্দীর শেষভাগে মহম্মদ বক্তিয়ার খিল-জির আক্রমণকালে গোবিন্দপালদেব মগধে রাজত্ব করিতেন। তিনিই পালবংশীয় শেষ রাজা। তখন গোবিন্দপালের হস্তে কেবলমাত্র নালন্দা, উদুপুর, বিক্রম-শিলা প্রভৃতি কয়েকটি নগর ছিল। মহম্মদ আসিয়া যুদ্ধে গোবিন্দপালকে নিহত করেন এবং তাঁহার রাজ্য কাড়িয়া


লন। বক্তিয়ারের অমুচরবর্গ নালন্দাস্থিত বহুমূল্যবান পুস্তক পুড়াইয়া ফেলিয়া বিশাল নালন্দা মহাবিহার ধ্বংস করিয়া ফেলে (১১৯৬ খৃষ্টাব্দে)। এই সময়েই নালন্দার গৌরব-রবি অস্তমিত হয়।

নালন্দার বৈশিষ্ট্যের মধ্যে আমরা এখন তিনটি জিনিস বিশেষরূপে দেখিতে পাই—শৌর্য্য, শিল্প এবং শিক্ষাপদ্ধতি। ইহাদের মধ্যে শৌর্য্য ও শিল্পের পরিচয় আমরা যথেষ্টই পাইয়াছি। শিক্ষা-পদ্ধতির পরিচয়েরও কোন অভাব হয় নাই। তবে ছাত্রদের উপর যে সমস্ত কঠোর নিয়ম অর্পিত ছিল তাহা আরও সুন্দর।

নালন্দা-বিশ্ববিদ্যালয়ে প্রবেশকালীন ছাত্রদিগকে প্রথমে দ্বারপালের নিকট পরীক্ষা দিতে হইত। তাহাতে কৃত-কার্য্য না হইলে নালন্দায় প্রবেশের আশাও ত্যাগ করিতে হইত; সুতরাং শিক্ষার্থী ছাত্রকে সম্যকরূপে শিক্ষিত হইতে হইত। প্রবেশাধিকার প্রাপ্ত ছাত্রদের মধ্যে শতকরা বিংশতির অধিক ছাত্র পরীক্ষোত্তীর্ণ হইতে পারিত না। নালন্দার ছাত্রদিগকে পুঁথির কিরূপ যত্ন করিতে হয়, তাহা শিক্ষা করিতে হইত। সমস্ত ছাত্রবৃন্দের নৈতিক এবং শারীরিক অবস্থার দিকে দৃষ্টি রাখা হইত। প্রতি দিন, সূর্য্যোদয়ের সহিত ঘণ্টাধ্বনি হইলেই ভিক্ষু এবং ছাত্রেরা স্নানে যাইতেন। সে সময় তাঁহাদের এক এক দলে ১০০টি করিয়া ছাত্র থাকিতেন। বড় বড় জলাশয়ে তাঁহাদের নিত্যক্রিয়া সম্পাদিত হইত। পরে তাঁহারা শাস্ত্রালোচনায় প্রবৃত্ত হইতেন এবং সমস্ত দিন নানারূপ জটিল প্রশ্নের সমাধান করিতেন। সন্ধ্যার সময় ভিক্ষুগণ একগৃহ হইতে অন্য গৃহে সন্ধ্যা-গীত গায়িয়া বেড়াইতেন।

ছাত্রদের নিকট হইতে কোনরূপ বেতন লওয়া পদ্ধতি নালন্দায় ছিল না। উহার সকল ব্যয় ভার নির্বাহ করিবার জন্য রাজত্ববর্গ নানাভাবে সাহায্য করিতেন। প্রতি ছাত্রের জন্য এখনকার হষ্টেলের ঘরের মত একখানি করিয়া থাকিবার ঘর দেওয়া হইত। প্রতিদিন আহারের জন্য প্রচুর পরিমাণে জম্বীর ফল, সুপারি, কপূর এবং মগধের সুগন্ধযুক্ত তণ্ডুল দেওয়া হইত। যুয়ন্-চোয়ন্-বলিয়াছেন, তাঁহার জন্য প্রত্যেক দিন ২২০টি জম্বীর, ২০টি জামকল, ২০ খেজুর, আড়াইতোলা কপূর, কিছু মাখম, এক পোয়া তণ্ডুল এবং মাসে তিন রাশি তেল দেওয়া হইত। নালন্দার পুরোহিতগণ কখনও অশ্বোপরি আরোহণ করিতেন না। কাষ্ঠাসনে আসীন হইয়া বাহক দ্বারা নীত হইতেন।

* রাখালদাস বন্দ্যোপাধ্যায় লিখিত 'বাঙ্গালার ইতিহাস'



আলোচনা

[শ্রীমতী শ্রীমতী বসু এম-এ]

শ্রীকৃষ্ণকীর্তনের প্রাচীনত্ব

সাহিত্য-পরিষদ হইতে চণ্ডীদাসের কৃষ্ণকীর্তন প্রকাশিত হইবার পরে ইহার ভাষা ও লিপি-সম্বন্ধে বহু আলোচনা হইয়া গিয়াছে। তাহার কলে অভিজ্ঞগণ ইহাই স্থির করিয়াছেন যে, উক্ত গ্রন্থ খৃষ্টীয় চতুর্দশ শতাব্দীতে রচিত হইয়াছিল। ইহার অন্ততঃ শতাধিক বৎসর পরে চৈতন্যদেব বঙ্গদেশে রাধাকৃষ্ণের প্রেম-লীলাস্বলক বৈকব-ধর্ম প্রচার করেন। সেই সময় হইতে এদেশে বৈকব ইতিহাসের নবযুগ আরম্ভ হইয়াছিল, যাহার প্রভাব বর্তমান কালেও চলিয়া আসিতেছে। আর জয়দেব হইতে আরম্ভ করিয়া চৈতন্যদেবের আবির্ভাব কাল পর্যন্ত ইহার প্রাচীন যুগ কথিত হইয়া থাকে। এই দুই যুগের ধর্ম সম্বন্ধীয় বিশিষ্টতা দুই প্রকারের; ইহাদের চিন্তা ধারারও পার্থক্য পরিলক্ষিত হয়। অতএব ইহা নিঃসন্দেহে বলা যাইতে পারে যে চৈতন্য-পূর্ববর্তী যুগে যে গ্রন্থ রচিত হইয়াছিল, তাহাতে নিশ্চয়ই ঐ যুগের বিশিষ্টতাজ্ঞাপক ভাবের সমাবেশ রহিয়াছে। কৃষ্ণকীর্তনে তাহার কোন নিদর্শন পাওয়া যায় কি না আমরা তাহারই আলোচনার প্রবৃত্ত হইতেছি।

১। কৃষ্ণকীর্তনের রাধা সাগরের ঘরে পদ্মার উদরে জন্মগ্রহণ করিয়াছিলেন (৬ পৃ: স্র:)। এই দুইটি নামই আমাদের নিকট নূতন বলিয়া বোধ হয়। বসন্তবাবু কৃষ্ণকীর্তনের টীকার (৪২৪ পৃ: স্র:) লিখিয়াছেন—“ব্রহ্মবৈবর্তের উক্তি অনুসারে রাধা বৃষভানু বৈষ্ণব পত্নী কলাবতীর বায়ুগর্ভে উৎপন্ন হন। পদ্মপুরাণে লিখিত হইয়াছে, কীর্তিদা রাধার জননী। মতান্তরে বৃষভানু মহামারীর আরাধনা করিয়া যমুনাস্থ কমল বনে একটি মারামর ডিম্ব প্রাপ্ত হন এবং সেই ডিম্বই রাধার উদ্ভব।” রূপগোষ্ঠামী চৈতন্যদেবের জীবিতকালেই বিদগ্ধমাধব ও ললিত মাধব নামক দুইখানি নাটক রচনা করিতে আরম্ভ করিয়াছিলেন। ললিতমাধবের প্রথম অঙ্কে তিনি রাধার জন্ম-সম্বন্ধীয় এক অদ্ভুত উপাখ্যানের সৃষ্টি করিয়া গিয়াছেন। চন্দ্রভানু ও বৃষভানু দুই ভাই; তাহাদের দুই পত্নীর গর্ভে প্রথমতঃ চন্দ্রাবলী ও রাধার উদ্ভব হয়। তৎপর মাতা ঐ দুই রমণীর গর্ভ হইতে রাধা ও চন্দ্রাবলীকে আকর্ষণ করিয়া বিদ্যা-রমণীর গর্ভে স্থাপন করেন। তথায় তাহারা ভূমিষ্ঠ হন। এদিকে দৈবকীর কস্তা মাতা কংসকর্তৃক উৎকিণ্ড হইয়া তাহাকে বলিয়া

গেলেন যে পৃথিবীতে দুই তিন দিনের মধ্যে অষ্টনারী প্রকট হইবেন, তাহাদের মধ্যে প্রধানা দুই জনের পাণিগ্রহণ যিনি করিবেন, তিনিই কংসকে বিনাশ করিবেন। এই কথা শুনিয়া কংস পুতনাকে ঐ অষ্ট বালিকার অনুসন্ধানে নিযুক্ত করিলেন। পুতনা গোপনে বিদ্যা পরিত্যক্ত হইতে রাধা চন্দ্রাবলী প্রভৃতিকে হরণ করিয়া লইয়া আসে। পথে বিদ্যাপুরোহিতের সহিত তাহার সাক্ষাৎ হয়। তিনি রাক্ষস-মারণ মন্ত্র জানিতেন। তাহার ভয়ে পুতনা কস্তাগণকে—বিদর্ভদেশগামিনী নদীর জলে ফেলিয়া দেয়। ঐ দেশের রাজা ভীষ্মক কস্তাগণকে পাইয়া যজ্ঞের সহিত প্রতিপালন করেন। তৎপর জাম্বুবান তাঁহাদিগকে ভীষ্মকের রাজধানী হইতে আনিয়া বৃন্দাবনে পৌর্ণমাসীর হস্তে অর্পণ করেন। তিনি বৃষভানু প্রভৃতিকে ঐ কস্তাগণকে পালনের জন্ত প্রদান করেন, তৎপরে অভিমুখ্য, গোবর্দ্ধন মন্ত্র প্রভৃতির সহিত ইহাদের বিবাহ হয়।

রাধার জন্ম-সম্বন্ধীয় এই যে বিচিত্র উপাখ্যান ও ভিন্ন ভিন্ন মতবাদের সৃষ্টি হইয়াছে তাহার কারণ কি? এখানে লক্ষ্য করিবার বিষয় এই যে বিষ্ণুপুরাণ, ভাগবত, ও হরিবংশ প্রভৃতি বৈকবদের প্রধান ধর্মগ্রন্থ সমূহে রাধার নাম পাওয়া যায় না। যদিও পঞ্চতন্ত্র, গাথা সপ্তসতী, ও জ্ঞানামৃতসার প্রভৃতি গ্রন্থে রাধার উল্লেখ দৃষ্ট হয়, কিন্তু তাহা অতি সংক্ষিপ্ত, তাহাতে রাধার মাতাপিতার নাম-সম্বন্ধে বিশেষ কিছুই অবগত হওয়া যায় না। তারপর বৈকবধর্ম প্রবর্তক রামানুজ ও মধ্বাচার্য্য রাধার উল্লেখ করেন নাই। খৃষ্টীয় দ্বাদশ শতাব্দীতে নিম্বার্ক তাহার দশনোক্তিতে রাধার উল্লেখ করিয়াছেন মাত্র। কিন্তু রাধার নাম বিশেষ ভাবে প্রচারিত হইয়াছিল, দক্ষিণ ভারতে বল্লভাচার্য্যের দ্বারা, আর বঙ্গদেশে চৈতন্যদেবের দ্বারা। ইহা ষোড়শ শতাব্দীর কথা। তৎপূর্বে জয়দেব গীতগোবিন্দ রচনা করিয়াছিলেন, কিন্তু তিনি রাধার মাতাপিতার কোন মতান দেন নাই। কৃষ্ণকীর্তনেই আমরা প্রথমতঃ সাগর ও পদ্মার নাম পাইতেছি। তৎপর চৈতন্যদেবের প্রচারিত ধর্মে রাধা স্থায়ীভাবে বৃষভানুর দুহিতা হইয়া গিয়াছেন। এখানে স্পষ্টই দেখা যাইতেছে যে তৎপূর্বে লেখকেরা নিজ নিজ খেয়াল অনুযায়ী রাধার মাতাপিতার নামকরণ ও তাহার জন্মের উপাখ্যান রচনা করিয়াছেন। এখন চণ্ডীদাসের কথাই আলোচনা করা যাউক। পদাবলসীর চণ্ডীদাস সর্বত্রই রাধাকে বৃষভানু-নন্দিনী বলিয়া প্রচার করিয়াছেন। এই

চণ্ডীদাসই যদি কৃষ্ণকীর্তন লিখিয়া থাকেন, তাহা হইলে তিনি উক্ত গ্রন্থে রাধাকে সাগরের মেয়ে বলিবেন কেন? একই কবি রাধার বাপের নাম দুই স্থানে দুই প্রকার লিখিবেন, ইহা অবিধাত। অতএব কৃষ্ণকীর্তনের চণ্ডীদাস ও পদাবলীর চণ্ডীদাস একই ব্যক্তি নহে, তাহা সহজেই ধরা পড়ে। ইহাদের কে আগে ও কে পরে তাহা নির্ণয় করাও কষ্টকর নহে। চৈতন্যদেবের সময় হইতে রাধা হারীভাবে যুবতাসুর নন্দিনী হইয়াছেন। ইহার পরে এমন কোন দুঃসাহসিক কবি থাকিতে পারেন কি যে, রাধাকে সাগরের মেয়ে বলিয়া পরিচিত করিতে প্রয়াস পাইতে পারেন? কৃষ্ণকীর্তন গানের বহি, পরম্পরের উত্তর-প্রত্যুত্তরের ধারা লইয়া ইহা রচিত হইয়াছে। প্রচলিত বিশ্বাস-বিরুদ্ধ কোন কথা এইরূপ পালাগানে থাকিলে, লোকে সেই কবিকে কমা করিত কি, না, তাঁহার গান শুনিতে যাইত? অতএব দেখা যাইতেছে যে কৃষ্ণকীর্তন চৈতন্য-পরবর্তী কালে রচিত হয় নাই। ইহা চৈতন্য-পূর্ববর্তী কালের গ্রন্থ, যখন রাধার মাতাপিতার নামকরণ করিবার যথেষ্ট স্বাধীনতা কবিদের ছিল। চৈতন্য-পরবর্তী কালে কিন্তু তাঁহাদের সেই স্বাধীনতা লোপ পাইয়াছে, আজও কবিরা এ বিষয়ে স্বাধীন নহেন।

২। একটা আশ্চর্যের বিষয় এই যে, রাধা নিজকে তাঁহার মাতার কানীন কন্যা, বলিয়া পরিচয় দিতেছেন। “কালিনী মাত্র মোর নাম খুইল রাধা” (৯৩ পৃ:), এবং “পাছে ডাক দিল কালিনী মাত্র” (২৩২ পৃ:)। ইহাতে বুঝা যায় যে নিজের জন্ম-সম্বন্ধে রাধা নিজেই সন্দেহবতী। এইরূপ অদ্ভুত সৃষ্টি চৈতন্য-পরবর্তী-যুগে হইতে পারে না, কারণ লাঠি ও ঠেঙ্গার ভয় আছে।

কৃষ্ণকীর্তনে রাধা ও চন্দ্রাবলীতে তাঁহারা পৃথক গোপী, এবং কৃষ্ণ-প্রেমের প্রতিঘন্বী। মলিতমাধবে চন্দ্রাবলী চন্দ্রতাসুর কন্যা। বৈকব-সমাজে রূপ গোষ্ঠামীর কথার একটা মূল্য আছে। কৃষ্ণকীর্তন চৈতন্য-পরবর্তী কালে রচিত হইলে রাধা ও চন্দ্রাবলী তৎকাল প্রচলিত সিদ্ধান্ত অনুযায়ী পৃথক গোপীতে পরিণত হইত।

৩। ভাগবতে গোপীদের কথা আছে, কিন্তু তাহাদের নামকরণ হয় নাই। গীতগোবিন্দেও রাধার সখীদের ভূমিকা আছে, কিন্তু কাহার কি নাম ছিল সে সম্বন্ধে কবি কিছুই বলেন মাই। কৃষ্ণ-কীর্তনেও গোপীদের কথা আছে, অথচ নাম নাই। কিন্তু গোষ্ঠামীদের গ্রন্থে সর্বত্রই ইহাদের নাম পাওয়া যায়। ইহাতে স্পষ্টই দেখা যায় যে, ভাগবত হইতে আরম্ভ করিয়া কৃষ্ণকীর্তন পর্য্যন্ত এক যুগ, আর গোষ্ঠামীদের সময় হইতে অল্প যুগের আরম্ভ হইয়াছে। গোষ্ঠামীগণ নানা ভাবে ও নানা ভঙ্গীতে রাধা-কৃষ্ণের প্রেমলীলা বর্ণনা করিয়াছেন, কিন্তু তৎপূর্ববর্তী যুগের বর্ণনা নিতান্ত একঘেয়ে ও অপেক্ষাকৃত সংক্ষিপ্ত। ভাগবতে যে শ্রোতের উদ্ভব, চৈতন্য-পরবর্তী যুগে তাহার পরিসমাপ্তি। এই যুগে বিঘূত ভাবে কৃষ্ণলীলা বর্ণনা করিবার জন্ত সখীগণের নামকরণের প্রয়োজন হইয়াছিল, কিন্তু

প্রথম যুগে, তাহা হয় নাই। অল্প ব স্বীকার করিতে হইবে যে, কৃষ্ণকীর্তন চৈতন্য-পূর্ববর্তী যুগের লক্ষণাক্রান্ত।

৫। কৃষ্ণের আদরের নাম স্তাম। চৈতন্য-পরবর্তী যুগের বৈকব পক্ষে ইহার পুনঃ পুনঃ, প্রয়োগ দৃষ্ট হয়, অথচ কৃষ্ণকীর্তনে একবারও এই শব্দটি ব্যবহৃত হয় নাই। ইহা একটা আকস্মিক ঘটনা বলিয়া উড়াইয়া দেওয়া চলে না।

৬। তারপর প্রেম-বর্ণনা। পদাবলীতে দেখা যায় যে রাধা প্রথম হইতেই কৃষ্ণপ্রেমে ভরপুর। আলোচ্য দেখিয়া, দূতীর মুখে শুনিয়া, চাক্ষুষ দেখিয়া তিনি কৃষ্ণের জন্ত পাগলিনী হইয়াছিলেন। আর কৃষ্ণকীর্তনে রাধাকৃষ্ণ প্রেমের নমুনা দেখুন। কৃষ্ণ রাধার নিকট মহাদান প্রার্থনা করিয়াছেন, আর তাহার উত্তরে রাধা বলিতেছেন—

লাজ না বাসসি তোএঁ গোকুল কাহ্ন।

সোদর মাউলানীত সাধ মহাদান।

জীবার উপায় নাহিঁ বোল মহাদানী।

বাছিয়াঁ পাইলি সোদর মাউলানী। ইত্যাদি ৫০ পৃ:

তখন কৃষ্ণ ক্রুদ্ধ হইয়া বলিলেন—

নহসি মাউলানী রাধা-সম্বন্ধে শালী।

রঞ্জে ধামালী বোলে দেব বনমালী।

মাউলানী মাউলানী বোলসি তুণ্ডে।

মোর মহাপাতক পড় তোর মুণ্ডে। ইত্যাদি ৫১ পৃ:

তার পর কৃষ্ণ যখন বিশেষ পীড়াপীড়ি আরম্ভ করিলেন, তখন রাধা বলিতেছেন—

বোল শত গোষ্ঠালিনী আইএ বিকে হাটে।

মাগু কিলেঁ কিল'আঁ মারিবৌ তোক্ষা বাটে।

ছাওআল না দেখ মোরেঁ মাখে ষোড়া-চুলে।

মুণ্ডেঁ মুণ্ডেঁ ডুস'আঁ মারিবৌ তোক্ষা হেলে।

ইত্যাদি। ৮৫—৬ পৃ:

ইহাতে কৃষ্ণের প্রতি রাধা যে সন্ত্রম দেখাইলেন, কৃষ্ণ তাহার প্রতিশোধ নিতে ক্রটি করেন নাই। একস্থানে তিনি রাধাকে বলিতেছেন—

পামরী ছেনারী নারী

হ'আঁ বড় আছিনরী

আসহন বোলহ সকলে।

তোর ভাল রিত নহে

কে তোহোর হেন সহে

দান লৈবৌ ধরি'আঁ আকলে। ৮৬ পৃ:

কৃষ্ণ বলিতেছেন যে রাধা তাঁহার বীণা চুরি করিয়াছে, কিন্তু রাধিকা তাহা অস্বীকার করিয়াছেন তখন ক্রুদ্ধ হইয়া কৃষ্ণ বলিতেছেন—

নটকী-গোষ্ঠালী

ছিনারী পামরী

সত্য ভাব নাহিঁ তোরে।

তোএঁ নিলী বীণী

গাইল চণ্ডীদাস

দেবী বাসলীর বরে। ৩১৮ পৃ:

কৃষ্ণকীর্তনের সর্বত্র রাধাকৃষ্ণ এইরূপ কথাটা কাটা ও গালাগালি দেখিতে পাওয়া যায়। চৈতন্য পরবর্তী যুগের রাধা কৃষ্ণের প্রেমলীলার সহিত তাহার পরিচিত আছে, তাহাদের নিকট এই প্রেমের নমুনা অতি উৎকর্ষ ও অস্বাভাবিক ঠেকিবেই। চৈতন্যের পরে কোন কবি কৃষ্ণলীলা এইভাবে বর্ণনা করিবার সাহস করিতে পারেন এই ধারণা আমাদের নাই। কাব্য লিখিবার একটা উদ্দেশ্য থাকে ; লোকে পড়িয়া ইহার রস আনন্দন করিবে এবং আদর করিবে এইরূপ বাসনা সকল কবিই পোষণ করেন। চণ্ডীদাসও সেই উদ্দেশ্যেই কৃষ্ণকীর্তন লিখিয়াছিলেন তাহা ধারণা করা যাইতে পারে। এই পদগুলি আবার গান করিয়া সকলকে স্তনন হইত, কারণ বহিধানা সেই রীতিতেই লিখিত হইয়াছে। চৈতন্য-পরবর্তীকালে এই প্রেমলীলার শ্রোতা ও পাঠক মিলিতে পারে কি ? অতএব কৃষ্ণকীর্তন চৈতন্যপরবর্তী যুগে রচিত হয় নাই, ইহা স্বতঃসিদ্ধ কথা। ইহার প্রত্যেক অনুপমাগুণে চৈতন্য-পূর্ববর্তী যুগের নিদর্শন বর্তমান আছে।

৭। সকল গোপী আসিয়া যশোদার নিকট নালিশ করিলেন যে কৃষ্ণ তাঁদিগকে উৎপীড়ন করেন। সুনীয়া যশোদা কৃষ্ণকে তিরস্কার করিলেন। তখন কৃষ্ণ আশ্রয়ণ গোপন করিয়া বলিতেছেন যে, গোপীরাই তাঁহাকে নানাপ্রকারে আলাতন করিয়াছে এবং তাহারাই অপরাধী। যথা—

কেহো ধরে ঘোড়াচুলে কেহো ধরে হাথে ।

দধির পসার তুলিঅঁ। দৈতি মাথে ।

আঅর না জারিব মা বাছা রাধিবারে ।

ঘোল শত যুবতীএ আঙ্করে বল করে ।

যমুনার তীরে গোপীজন লঅঁ। রজে ।

কেলি কৈল রাধা পরপুরুষের সঙ্গে ।

বুলিতে চাহিলে । আসসী রাধার দোষে ।

আপ্নে আসী দোষে রাধা মোরে সেই রোষে । ইত্যাদি । ২৩৫পৃঃ সন্দেহ নাই ।

ইহার উপর দীর্ঘনী অনাবশ্যক। কৃষ্ণের চিত্রও চণ্ডীদাস অপূর্ণ আঁকিয়াছেন। তাহার পারে মকর খাড়ু, মাথায় ঘোড়া চুল, তিনি যমুনার কুলে টাচরী খেলেন—

পএর মগর খাড়ু মাথে ঘোড়া চুলে ।

টাচরী খেলাওঁ মোঞ' যমুনার কুলে । ইত্যাদি ৭৯ পৃঃ

আবার তিনি যুদ্ধ, করতাল, এবং অস্ত্র বাজ বাজান—

ধনে করতাল ধনে বাজাএ যুদ্ধ ।

তা দেখি রাধিকার সখিগণে রজ । ইত্যাদি ২৯৩পৃঃ

বংশীধারী নটবর বেশ শ্রামের যে মূর্তির সঙ্গে বর্তমান যুগে আমরা পরিচিত, তাহার সহিত ইহার সামঞ্জস্য নাই। দুই যুগে দুইটি চিত্রে যে বিভিন্নতা থাকে, তাহাই এখানে প্রমাণিত হইতেছে।

কৃষ্ণলীলার এইরূপ বর্ণনা থাকাতে অনেকে হয় তো কৃষ্ণকীর্তনকে অবহেলার চ'খে নিরীক্ষণ করিবেন। বস্তুতঃ তাহা ঠিক নহে। চণ্ডীদাসের সময়ে চৈতন্যদেব জন্মগ্রহণ করেন নাই, তখন কৃষ্ণলীলার উৎকর্ষও সাধিত হয় নাই। কাজেই সেই সময়ে রাধাকৃষ্ণের প্রেমলীলার যে ধারণা সাধারণে প্রচলিত ছিল, চণ্ডীদাস তাহাই বর্ণনা করিয়াছেন। এই জন্ত কৃষ্ণ-কীর্তন বাঙ্গলার সাহিত্য ও ধর্মের ইতিহাসের এক অতি প্রয়োজনীয় গ্রন্থ। বর্তমানে কৃষ্ণলীলার উন্নত আদর্শের সহিত আমরা পরিচিত আছি বলিয়া, অনেকে হয় তো কৃষ্ণকীর্তনের প্রতি চাহিয়া নাক সিঁটকাইতে পারেন কিন্তু ইহা মনে রাখা উচিত যে ঐরূপ অমার্জিত অবস্থার মধ্য দিয়া আসিয়াই কৃষ্ণলীলা চৈতন্যযুগে পূর্ণ বিকসিত হইতে পারিয়াছে। জয়দেব ও চণ্ডীদাস যে ভিত্তি স্থাপন করিয়াছিলেন, চৈতন্যদেব তার ওপরে সুদৃশ্য ও মনোহর হর্ম্মা নির্মাণ করিয়াছেন। চণ্ডীদাস সর্বদাই বর্তমান বৈষ্ণব-যুগের পূর্বসূত্রে বিরাজিত থাকিবেন, ইহাতে কোনই



আধুনিক ছাত্র-সমাজ ও তাহার উন্নতির উপায়

[শ্রীপঞ্চানন দত্ত]

মহুয়-সমাজের আশা, ভরসা ও গৌরব, দেশের ধর্ম, সমাজ, অর্থ ও রাষ্ট্রনীতির ভবিষ্যৎ শোধনকর্তা—ছাত্র-সমাজ। দেশকে ধর্মের পথে চালাইতে, সমাজ সংস্কার করিয়া সময়োপযোগী করিতে, কৃষি-বাণিজ্যের প্রসার করিতে, জাতিকে সজ্জবদ্ধ ও সুগঠিত করিয়া মুক্তির আলো দেখাইতে বা স্বাধীনতা বজায় রাখিতে সকল দেশই এই নারায়ণী-সেনার মুখাপেক্ষী হইয়া থাকে। কৃষক যেমন কল-লাভের আশায় মাটি খুঁড়িয়া বীজ বপন ও রোপণ করিয়া সময় মত জল-সেচন করে এবং অঙ্কুর নির্গত হইবার পর ফলোপযোগী করিতে আরও সচেতন হয়, জাতি ও সমাজ তেমনই ভবিষ্যৎকে আরও মধুর ও সুখভোগ্য করিবার জন্য বালকগণের মনে অতি শৈশব হইতে শিক্ষাবারি সেচন করিয়া তাহাদিগকে প্রাণবন্ত ও পত্রপুষ্পে সুশোভিত করিয়া তুলে। সন্তানগণ বৃদ্ধ পিতামাতার যেমন ভরসা স্থল, ছাত্র-সমাজও সেইরূপ দেশ-মাতৃকার একমাত্র আশা-ভরসা-স্থল। কবি সত্যই গায়িয়াছেন—

“আমরা শক্তি, আমরা বল,

আমরা ছাত্রদল।”

আমরা অন্য দেশের কথা ছাড়িয়া বাঙ্গলার আধুনিক ছাত্র-সমাজের অবস্থাই আলোচনা করিব।

শিক্ষার আদর্শ—জ্ঞানে গরিষ্ঠ, দেহে বলিষ্ঠ ও নৈতিক বলে সমুন্নত হওয়া; কিন্তু আধুনিক ছাত্রগণ আজ তাহা হইতে অনেক দূরে সরিয়া গিয়াছে। ছাত্রগণের না আছে স্বাস্থ্য, না আছে দৃঢ়-প্রতিজ্ঞা, না আছে ধর্মপ্রাণতা ও সংযম।

প্রাচীন যুগে সমাজের কল্যাণে ব্রাহ্মণ, বৈশ্য ও শূদ্রের রীতিনীতি ও জীবনযাত্রার প্রণালী বিভিন্নরূপে প্রথিত ছিল। তখন বাঙ্গালী-সমাজে শৃঙ্খলা ছিল, সমাজবাসী উদর পূরিয়া খাইতে পাইত, শান্তিতে নিদ্রা ঘাইতে পারিত; তাই বাঙ্গলার আকাশ-বাতাস সাধকপ্রবর জয়দেব, রামপ্রসাদ ও মহাপ্রভু শ্রীশ্রীগোরাঙ্গের প্রেমময় সঙ্গীতে পূর্ণ হইয়া উঠিয়াছিল;

তাই প্রতাপাদিত্য, সীতারামের বীরত্ব কাহিনী এখনও ইতিহাসের পৃষ্ঠায় দৃষ্টিগোচর হয়, এখনও চাঁদ-সদাগর, কৃষ্ণপাছীর নাম লোপ পায় নাই।

ইউরোপের অনেক সভ্য-সমাজের বালকগণ বিদ্যালয়ে ভর্তি হইবার পরই গভর্নমেন্ট ও বিশ্ববিদ্যালয়ের নিয়োজিত চিকিৎসকগণ-কর্তৃক তাহাদের মানসিক বৃত্তি ও মস্তিষ্কের ক্ষমতা সম্বন্ধে পরীক্ষিত হইয়া থাকে। ইহারা পরীক্ষা করিয়া শিক্ষার প্রণালী নির্ধারণ করেন অর্থাৎ কোন ছাত্রকে কিরূপ শিক্ষা দিলে ভবিষ্যতে তাহার বুদ্ধিবৃত্তির সম্যক স্ফূরণ হইবে তাহাই স্থির করেন। বিদ্যালয়ে ছাত্র সেইভাবে শিক্ষিত হইবার পর তাহাকে তাহার উপযুক্ত ক্ষেত্রে স্থাপন করা হয়; ইহাতে তাহার ভবিষ্যৎ-জীবনের উন্নতি অনিবার্য। কিন্তু বিজ্ঞান-সম্মত প্রণালীতে বাহারা শিক্ষিতব্য বিষয়ের প্রত্যেক বিভাগে নূতন নূতন সত্যের আবিষ্কার করিয়াছেন সেই হিন্দুরা আজ পাশ্চাত্যের কার্য দেখিয়া নির্বাক বিস্ময়ে চাহিয়া আছে! আপন সজ্জা হারাইলে বাহা হয় তাহাই হইয়াছে। বাঙালীকে অতি দীন নিঃস্বভাবে অস্তুর মুখের দিকে চাহিয়া থাকিতে হইয়াছে।

বাঙালী ছাত্র-সম্বন্ধে গভর্নমেন্ট ও বিশ্ববিদ্যালয় একরূপ উদাসীন। অভিভাবকগণও সন্তানগণের শিক্ষা সম্বন্ধে অবহিত নন। সন্তানগণের মনোবৃত্তি পরীক্ষা করিয়া প্রকৃত পন্থা অবলম্বন করাইয়া দেওয়া তো দূরের কথা, তাঁহারা শিক্ষার উচ্চ আদর্শকে পর্য্যন্ত অত্যন্ত হীন করিয়া ফেলিয়াছেন। কেরাণীর পুত্র কেরাণীর উপযুক্ত বিদ্যা অর্জন করিলেই যথেষ্ট, অর্থাৎ মনিবের সহিত ইংরেজীতে দুটা কথা বলিতে পারিলে, দুই এক কলম লিখিতে পারিলে ও অক্ষিসের কার্যের উপযুক্ত অঙ্ক কষিতে পারিলেই হইল ভাবিয়া, পুত্রকে বিদ্যালয়ে পাঠাইয়া থাকেন। অভিভাতসম্প্রদায়ের ধারণা যে পুত্রের নামের শেষে কয়েকটা ইংরেজী অক্ষরযুক্ত পুঙ্খ যোগ থাকিলেই হইল, তাহাতে ভাবী

পুত্রবধূর পিতাকে নাগপাশে দৃঢ়রূপে বন্ধন করা যাইবে।

প্রকৃত রুচি ও প্রবৃত্তি অনুযায়ী শিক্ষিত না হওয়ায় দেশের ছাত্রমণ্ডলীর যে দুর্বলতা হইয়াছে, তাহার দৃষ্টান্ত স্বরূপ বলা যায় যে, উকীল ও ডাক্তাররা বংশধরগণকে নিজ নিজ ব্যবসায়ের উত্তরাধিকারী করিবার জন্য অর্থ-ব্যয়ে কুষ্ঠিত হন না। ছাত্ররাও মুখস্থ বিজ্ঞান জোরে অভিভাবকের অর্থের বিনিময়ে তকুমা আনিয়া উপস্থিত করে, কিন্তু কার্যে দক্ষতা দেখাইতে পারে না। জমীদার, পুত্রকে হাকিম করিবার আশায় প্রজার রক্ত-শোষণ করা অর্থে পুত্রের বিদ্যালয়বিশেষে ব্যয়-ভার বহন করিতে লাগিলেন। সে টাকা ধরচ ব্যর্থ হইল না, অল্প দিনেই পুত্র গভীর মেজাজে এজলাস আলো করিয়া বসিলেন; কিন্তু কিছুদিন যাইতে না যাইতেই বাহিরের দৃষ্ট লোকগুলা আপনাপনি কাণা-ঘুসা করিয়া বদনাম করিতে লাগিল ও বিচারে যে হাকিমের মাথা নাই ইহা সিদ্ধান্ত করিয়া ফেলিল। দেখা যায়, কোন ব্যক্তি হয় তো ওকালতীতে পশার করিতে না পারিয়া সাহিত্য-চর্চায় মন দিলেন ও অল্প দিনেই সুলেখক বলিয়া পরিচিত হইয়া পড়িলেন, কিন্তু পাকা হাতের লেখা দেশবাসী আরও কিছুদিন পাইতে না পাইতে লম্বাটপটে বিধাতার লেখা মুছিয়া গেল কিংবা একজন কেরাণী চাকুরী করিতে করিতে আপনাপনি ডাক্তারী পুস্তক পড়িয়া বেশ সূচিকিৎসা করিতে লাগিলেন। অকস্মে এমনও দেখা যায় যে, একজন সবল ও দীর্ঘাকৃতি ব্যক্তি টাইপিষ্টের কাজ করিতেছেন কিন্তু টাইপ করা অপেক্ষা মেসিনের যন্ত্রপাতির বিষয়ে তাঁহার অভিজ্ঞতা অধিক। তাহার প্রকৃতি দেখিয়া মনে হয়, যন্ত্রবিদ্যা শিক্ষা দিলে সে উন্নতি করিতে পারিত, অত্যাধিক শক্ত আঙুলের চাপে কল ভাঙিতেছে অথচ নিজের আর্থিক অবস্থারও উন্নতি হয় না। এইরূপে বাঙ্গালী ছাত্রগণ ভিন্ন ভিন্ন বিভাগে বিভিন্ন বুদ্ধিবৃত্তি লইয়া শিক্ষালাভ করিয়া পরবর্তী জীবনে কেহই উন্নতি করিতে পারে না। সাংসারিক-জীবনে সকলেরই সমান অবস্থা দেখিলে মনে হয়, যদিও ইহারা একই টাকশাল হইতে একই ছাপ লইয়া বাহির হইতেছে Coming from a

mint; তথাপি হইতেছে ইহারা কেহ ডাক্তার, কেহ উকীল, কেহ কেরাণী ইত্যাদি।

তাহার পর শিক্ষণীয় বিষয়গুলিতে ছাত্রগণ সম্যক ব্যাপ্তি লাভ করিতে পারে না, কারণ এত অধিক পাঠ্যপুস্তকের পাব্যপ্রমাণ বোঝা চাপাইয়া দেওয়া হয় যে, দুর্বল বাঙালী সন্তানের বুদ্ধির মাপকাঠিতে তাহা মাপ করা অসম্ভব হইয়া উঠে। পরীক্ষায় অকৃত-কার্য হইবার ভয়ে রাতদিন পরিশ্রম করিয়া শরীর নষ্ট করিয়া শুধু তোতাপাখীর মত পড়া মুখস্থ করা ও বিশ্ববিদ্যালয়ের বাজারে তাহাই উল্লীর্ণ করিয়া অধিক মূল্যে না হয় যেমন-তেমন করিয়া বিক্রীত হইয়া যায়। ইহা কি কম দুঃখের বিষয় যে আট-নয় বৎসরের বালকগণকে বিদ্যালয়ের নিয়ম শ্রেণীতে বিজ্ঞান (Hygiene) শিক্ষা (?) দেওয়া হয়। তাহারা ইহার কিছুই বুঝে না, অনর্থক মুখস্থ করিয়া মেধা নষ্ট করে। এইরূপেও বুদ্ধিবৃত্তির তীক্ষ্ণতা নষ্ট হইয়া যাইতেছে। গভর্নমেন্ট ও বিশ্ববিদ্যালয়-কর্তৃক অনুমোদিত সাহিত্য পুস্তকগুলিতে না আছে জাতীয় ভাব, না আছে ধর্মভাব। এ শ্রেণীর পুস্তক পাঠে চরিত্র গঠন কি করিয়া হইতে পারে ?

ভাগ্যগুণে বাহারা প্রকৃতি ও রুচি অনুযায়ী আপনাদের পথে চলিতে পারিয়া ছাত্র-সমাজের মুখ উজ্জ্বল করিয়াছেন তাঁহারা জগতে বরণীয় হইলেও, সেইরূপ ছাত্রের সংখ্যা অনুপাতে অতীব অল্প।

অতঃপর যুবকগণের শিক্ষার প্রণালী পরিবর্তন করিয়া জাতি হিসাবে শিক্ষার আদর্শকে উচ্চ করিতে হইবে। যাহাতে সাহিত্যে জাতীয় ভাব ও ধর্মভাব বর্তমান থাকে এইরূপ পুস্তক নির্বাচন করা বিশেষ আবশ্যিক, কারণ যে সাহিত্যে সে ভাবের অভাব, তাহা সাহিত্য বলিয়াই গণ্য হওয়া উচিত নয়। অভিভাবক-গণ দাসমনোবৃত্তি ত্যাগ করিয়া সরকারপক্ষ ও বিশ্ব-বিদ্যালয়ের সহিত সহযোগিতা করিয়া পাঠ্যপুস্তক নির্বাচন করুন। শিক্ষা-সম্বন্ধে দেশবাসীর যাহাতে সম্পূর্ণ অধিকার থাকে সেইরূপ দাবীই উপস্থিত করিতে হইবে। এই পথ যদি অনুসৃত না হয় তবে আপনা-দিগকে স্বাবলম্বী হইয়া পথ নির্ধারণ করিতে হইবে।

এরূপ করা সময়সাপেক্ষ হইলেও পশ্চাৎপদ হইলে চলিবে না। দাসত্ব, বিলাসিতা ও বৈদেশিক মোহ ত্যাগ করিয়া নিজেদের পায়ে ভর করিয়া দাঁড়াইতে হইবে, নচেৎ ছাত্র-সমাজের তথা দেশের ভবিষ্যৎ আরওগ ভীত অন্ধকারে আবৃত হইয়া যাইবে।

উনবিংশ শতাব্দীর শেষভাগে বাঙলার ছাত্র-সমাজের স্থান যে রূপ নিয়ে ছিল আজ তাহা অপেক্ষা অনেক পরিবর্তন হইয়াছে। তখন পাশ্চাত্যের মোহজালে তাহারা এতটা আকৃষ্ট হইয়া পড়িয়াছিল যে আশে-পাশে ও সম্মুখে চাহিয়া দেখিবার তাহাদের অবসর ছিল না। আজ ছাত্রেরা অধিকটা আপনাদের অবস্থা বুঝিবার জন্ত অবহিত হইয়াছে; কিন্তু এক কলসী গঙ্গাজলে সামান্য একটু কুপ-জল পড়িলে যেমন নষ্ট হইয়া যায়, তেমনই ছাত্রগণের উদ্বম ও চেষ্টা একমাত্র মানসিক দুর্বলতায় নষ্ট হইয়া যাইতেছে।

প্রায়ই দেখা যায়, আজকাল যুবকগণের উদ্বমে গ্রামে গ্রামে, সহরের অলিতে-গলিতে লাইব্রেরী, ক্লাব, দরিদ্র-ভাণ্ডার, সেবা-সমিতি প্রভৃতি অনেকরূপ প্রতিষ্ঠানই স্থাপিত হইতেছে; আবার দেখিতে দেখিতে তাহার নামও লোপ হইয়া যাইতেছে। দেশের মঙ্গল কামনায় এইরূপ অনুষ্ঠান করিতে গিয়া যুবকগণ আপনা-আপনি কলহ-বিবাদে মত্ত হইয়া প্রতিষ্ঠান তো নষ্ট করিতেছে, সঙ্গে সঙ্গে আপনাদের মধ্যেও মনোমালিন্যের সৃষ্টি করিতেছে, ইহার কারণ মানসিক দুর্বলতা ছাড়া অণু কিছু নয়।

শরীরের সহিত মনের অতি নিকট সম্বন্ধ; তাই ছাত্রগণের মানসিক অবনতির আলোচনার পূর্বেই শারীরিক বিষয় আসিয়া পড়িতেছে। ইহা নিশ্চিত যে শারীরিক দুর্বলতা না থাকিলে মানসিক অবনতি হইতেই পারে না, কারণ শরীর সুস্থ ও সবল হইলে মন দৃঢ় হয় ইহা বৈজ্ঞানিক সত্য; সুতরাং যাহারা মানসিক দুর্বল তাহারা নিশ্চিতই শারীরিক হীনবল সম্পন্ন। এই দুর্বলতার কারণ অনুসন্ধান করিলে দেখা যায় যে, ব্রহ্মচর্য্যহীনতাই একমাত্র কারণ। অতএব মন দৃঢ় করিতে হইলে শরীর-গঠন আবশ্যিক এবং

ব্রহ্মচর্য্য পালনেই শরীরের দৃঢ়তা আসে। জগতে জয়ী হইতে হইলে দৃঢ় শরীর ও মনের প্রয়োজন। শুধু অর্থোপার্জননের জন্ত যে শরীর গঠন আবশ্যিক তাহা নহে, ভগবৎ আরাধনা—যাহা মনুষ্য মাত্রেরই কাম্য, সেজন্যও শরীর ও মনের দৃঢ়তা প্রয়োজন।

প্রাচ্যের সনাতন প্রথা ব্রহ্মচর্য্য পালন ও শরীর-গঠন, বাঙালীর প্রবৃত্তি ও লালসার তীব্র অগ্নিতে কোন্ দিন পুড়াইয়া ভস্ম করিয়া ফেলিয়াছে; তাই বাঙালী সম্ভান আজ ভগ্ন-স্থান্য, ক্লীণদৃষ্টিসম্পন্ন ও হীনচেতা বন্ধ, শক্ত পেশীসম্পন্ন ছাত্র অধুনা দৃষ্টিগোচর হয় না বলিলেও অত্যাক্তি হয় না। বাঙালীর ছাত্র স্থান্য যে কিরূপ হীন, বিগত ১৯১৬ খৃষ্টাব্দের বিশ্ববিদ্যালয় কমিশনের রিপোর্টই তাহার প্রমাণ। বাঙালীর জাতীয় ক্রীড়া 'হাডুডুডু', (কপাটী,) লাঠি খেলা এখন দেশের নিম্ন শ্রেণীর ব্যক্তিদের মধ্যেই আবদ্ধ। ছাত্রগণ সাগর পারের আমদানী ব্যবহুল ক্রীড়া 'ফুটবল', 'হকি' প্রভৃতি লইয়া মত্ত। কিন্তু তাহাও মাত্র কয়েক জনের মধ্যে আবদ্ধ; কারণ দর্শকের তুলনায় ক্রীড়কের সংখ্যা কিছু নয় বলিলেও অত্যাক্তি হয় না। বালকগণ তো 'লুডো', 'ক্যারম্' প্রভৃতি বৈদেশিক অলস ক্রীড়ায় মতিয়া আছে।

ছাত্রগণের খাড়াখাণ্ডের বিচার নাই। চা-পান, ধূমপান যেন তাহাদের দোষের মধ্যেই নয়। থিয়েটার,- বায়স্কোপে যাওয়া অভ্যাসের মধ্যে দাঁড়াইয়াছে। পোষাক-পরিচ্ছদের পারিপাট্য, হাব-ভাব সাগর পারের আমদানী। সংযমতার নাম ছাত্রেরা একরূপ বিশ্বতই হইয়াছে।

এই ছাত্র-সমাজকে উন্নতির পথে অগ্রসর হইতে হইলে প্রথমেই দেহকে কর্মঠ করা বিশেষ আবশ্যিক, নচেৎ উন্নতির সোপানে উন্নীত হওয়া দুস্বপ্ন। ব্রহ্মচর্য্য ও ব্যায়ামই তাহার একমাত্র পন্থা।

আজ যে ছাত্রগণের ধৃতি, একাগ্রতা ও স্বাধীন-চিন্তার অভাব দেখা যায় তাহার মূলেও এই সত্য নিহিত। প্রাচীন কালে মুনিঋষিগণ যোগ-সাধনায় চক্ষু মুদ্রিয়া বসিয়া ষষ্ঠীর পর ষষ্ঠী, দিমের পর দিন

একাগ্রভাবে কাটাওয়া দিচ্ছেন। দীর্ঘ সময়ের আরাধনা শেষেও তাঁহাদের মুখমণ্ডলে শান্তি চিহ্ন দেখা যাইত না বরং পবিত্র আঁতা কুটিয়া উঠিত। বালক ওয়ার্ডসওয়ার্থ ফুল হইতে কিরিবার পথে পাহাড়ের নীচে প্রস্তুতি “ডেজী” পুষ্প দেখিয়া মুগ্ধভাবে বসিয়া পড়িতেন, উপরে পাহাড়, নীচে মৃদল পবনে আন্দোলিত হইয়া পুষ্প মাতামাতি করিতেছে, আকুল ভ্রমর গুণ গুণ করিয়া প্রাণের কথা জানাইয়া পার্শ্বে ঘুরিয়া মরিতেছে— দেখিতে দেখিতে তিনি তন্ময় হইয়া যাইতেন। কখন বেলা পড়িয়া সন্ধ্যার আঁধার পাহাড় হইতে নীচে নামিয়া পড়িত খেয়াল থাকিত না। জ্যেৎস্নার শুভ্র আলো আসিয়া ফুল স্পর্শ করিলেই বালক আপনা হইতে ধীরে ধীরে বাড়ী চলিয়া যাইতেন। একরূপ একাগ্রতা, একরূপ স্বাধীন চিন্তা আধুনিক বাঙালী ছাত্রগণের মধ্যে বিরল। তাহারা এক ঘণ্টা চুপ করিয়া একাগ্রভাবে বসিয়া থাকিতে পারে না। ইহার কারণ, একাগ্রতার অভাব অর্থাৎ লঘু চিন্ততা ও ব্রহ্মচর্যহীনতা।

ব্রহ্মচর্য শিক্ষা করিতে ও শরীর গঠন করিতে হইলে ছাত্রগণকে আহারের দিকে বিশেষরূপে অবহিত হইতে হইবে, কারণ ব্রহ্মচর্য ও ব্যায়াম করিলেই শরীর গঠিত হয় না। সজে সজে পুষ্টিকর আহার্যের প্রয়োজন। ঢেঁকি-ছাঁটা চালের ভাত, বনুকা ছন্ধ, গব্যঘৃত, ডাল, আটা প্রভৃতি খাওয়াই বিধেয়, কারণ ঐ সমস্ত আহার্যে এবং ছন্ধে ও ঘৃতে প্রচুর পরিমাণে ‘ভাইটামিন্’ ও ‘প্রোটিন্’ থাকায় দেহের পুষ্টিকরণে বিশেষ সাহায্য করে। সময়ের টাটকা শাক-সজি ও ফলে যথেষ্ট পরিমাণ ভাইটামিন্ থাকায় শরীরের পক্ষে বিশেষ উপকারী; পোষাক-পরিচ্ছদের প্রতি বিশেষ লক্ষ্য রাখা উচিত, কেন না পোষাকের ভারতম্য অনুসারে মনের গতিও পরিবর্তিত হয়। বিলাসিতা মনে মদ ও লালসা বৃদ্ধি করে; সুতরাং সাধারণ পরিধেয়

ব্যবহারই কর্তব্য। সদৃচর্চা ও সদৃগ্রহে বিশেষ মনোযোগী হইতে হইবে, অসং লক্ষ একবারেই পরিত্যজ্য। নিজা ছাড়া মনকে সকল সময়ই সংকার্যে ও সদৃচর্চায় নিযুক্ত রাখাই উচিত, কারণ অলসভাবে চুপ করিয়া বসিয়া থাকিলে মনে কুচিন্তা আসিবার বিশেষ আশঙ্কা।

বাঙালী অভিভাবকগণ যুবক সন্তানগণকে এ সমস্ত বিষয়ে শিক্ষা দিতে একেবারেই উদাসীন; ইহাতে যুবকদিগের যে যথেষ্টই অপকার হয়, তাহা কি আর বিশেষ করিয়া বলিয়া দিতে হইবে।

সজে সজে নিয়মিতরূপে দৈনন্দিন প্রার্থনার ব্যবস্থা করা আবশ্যিক। যে হিন্দু ধর্মগতপ্রাণ ছিল, ধর্মই তাহাদের মেরুদণ্ড তাহারা আজ সে কথা বিস্মৃত। দিনান্তে একটীবারও তাহাদের মনে হয় না—ঈহার অসীম করুণায় তাহাদের মানব-জন্ম গ্রহণ তাঁহাকে একবার ডাকি। ছুঃখের বিষয়, ঈশ্বর আরাধনা, যাহা হিন্দুর আহার-নিদ্রার মতই কার্য্য ছিল, যে কথা হিন্দু-মাত্রেই জানিত, সেই কথা আজ সাগরপারের কবির মুখ হইতে এপারে ধ্বনিত হইতেছে—“If knowing God we lift not hands in prayer, What are men better than beasts and goats !”

ছাত্র-সমাজকে উন্নত করিতে হইলে সর্বপ্রথমে পিতা-মাতাকে অবহিত হইতে হইবে। তাঁহারা যদি হীন আদর্শ সন্তানগণের সম্মুখে ধরেন, হীন স্বার্থ ও ভোগের পথছড়া হন, তাহা হইলে জাতি-গঠন করিবার কোন উপায়ই নাই। শিশুগণের পালন ও প্রাথমিক শিক্ষার ভার যে জনক-জননী উপর সম্পূর্ণরূপে নির্ভর করে তাহা সর্বদেশের মনীষিরা একবাক্যে স্বীকার করিয়া থাকেন। তাঁহারা সন্তানগণকে সুস্থ ও সবল করিতে এবং উচ্চ আদর্শে চালাইতে বন্ধপরিকর হইলে আর ছুঃখের কারণ থাকিবে না।



পাগল হরনাথ ঠাকুর

[কবিরাজ শ্রীইন্দুভূষণ সেন আয়ুর্বেদ-শাস্ত্রী এল-এ-এম-এস]

পাগল হরনাথ ঠাকুরের নাম এখন বাংলাদেশের সর্বত্রই পরিচিত। শুধু বাংলাদেশ নহে, বোম্বাই, মাদ্রাজ, আসাম, বিহার ও উড়িষ্যা প্রভৃতি স্থানেও ইঁহার অনুরক্ত ভক্ত-মণ্ডলীর অভাব নাই। নাম ও প্রেমধর্মের উজ্জ্বল পতাকা


হস্তে লইয়া যে পাগল হরনাথ বহু স্থানের অধিবাসীদিগকে মাতাইয়া তুলিয়াছিলেন, আজ তাঁহারই পবিত্র জীবনকথা নিয়ে প্রদান করিলাম।

১২৭২ সালের ১৮ই আষাঢ় বাঁকুড়া জেলার সোণামুখী

গ্রামে ইঁহার জন্ম। ইঁহার পিতার নাম জয়রাম বন্দ্যোপাধ্যায় ও মাতার নাম ভগবতী দেবী।

জয়রাম বন্দ্যোপাধ্যায় মহাশয় পরম ধার্মিক ছিলেন। তিনি কলিকাতায় গালার কারবার করিতেন। সেই কারবারে তাঁহার প্রভূত অর্থ উপার্জন হইত, তিনি সেই অর্থ হইতে সোণামুখীতে একটি শিবমন্দির প্রতিষ্ঠা করিয়াছিলেন।

হরনাথকে লইয়া জয়রামের চারিটি পুত্র। তন্মধ্যে সারদা-প্রসাদ ও কন্দর্পনারায়ণ নামক দুইপুত্র হরনাথের জন্মের কিছুকাল পূর্বেই মৃত্যুমুখে পতিত হইয়াছিলেন, তৃতীয় পুত্র শিবনাথ মাত্র বর্তমান। হরনাথের জন্মের পর তাঁহার পিতা হরনাথের একখানি কোষ্ঠী প্রস্তুত করান। ঐ কোষ্ঠীর ফলে জানা যায়, এই বালকের রাজযোগ ও সন্ন্যাসীযোগ; ভক্তিযোগ প্রবল, কর্মবহুল; নানাবিভূতিলভ ও বহুলসেবক-যুক্ত, উদারমতাবলম্বী, বৈকল্য-উপাসক। বালকভাব। মিথুন



পাগল হরনাথ ঠাকুর



পাগল হরনাথ ঠাকুর (কাশ্মীরে গৃহীত)

ও কন্ঠারাশি বা লগ্নের জাত ব্যক্তি ইঁহা দ্বারা সর্বাঙ্গপেক্ষা আকৃষ্ট হইবে। ইনি নূতন সম্প্রদায়ের প্রবর্তক নহেন, কিন্তু পুরাতন ভাবে নবজীবন প্রদান করিবেন। কোষ্ঠীর ফল জানিয়া জয়রাম বন্দ্যোপাধ্যায় অপার আনন্দ লাভ করেন; কিন্তু বেশী দিন তাঁহাকে এ আনন্দ ভোগ করিতে হইল না, হরনাথের যখন দুই বৎসর বয়স, সেই সময় ১২৭৫ সালের পৌষমাসে তিনি স্বর্গারোহণ করেন।

পঞ্চম বর্ষে হরনাথের হাতেখড়ি হয়। প্রথমতঃ গ্রাম্য পাঠশালায়, তাহার পর সোণামুখীর স্কুল হইতে ১৮৮০ সালে মাইনর পরীক্ষায় উত্তীর্ণ হইয়া বিষ্ণুপুরের নিকট কুচিয়াকোলের রাধাবল্লভ ইনষ্টিটিউশন হইতে

১৮৮৫ সালে প্রবেশিকা পরীক্ষায় উত্তীর্ণ হন। তৎপরে বর্তমান রাজকলেজ হইতে ১৮৮৭ সালে First Arts (এল-এ) পরীক্ষায় উত্তীর্ণ হইয়া মেট্রপলিটন (Metropolitan) কলেজে বি-এ পড়িতে আরম্ভ করেন। এই সময় তাঁহার আর সাংসারিক কোন বন্ধনই ভাল লাগিতেছিল না।

এখানে একটা কথা বলা দরকার, হরনাথের বয়স যখন ১৪ বৎসর, সেই সময় সোণামুখী গ্রামের নিমতলা পল্লীর কন্দপসুন্দরর কন্যা শ্রীমতী কুম্ভকুমারী দেবীর সহিত তাঁহার বিবাহ হইয়াছিল।

এই সময় তাঁহার সকল জিনিষেই বৈরাগ্য উপস্থিত হয়। যেখানে হরিকথা হয়, নাম সঙ্কীর্ণন হয়, হরিনামের উচ্চরোলে যে স্থান মাতিয়া উঠে, হরনাথ সেই স্থানে গমন করিয়া আত্মবিহ্বল হইয়া যান। কোন মৃতদেহ সংকার করিতে লইয়া যাইতে দেখিলে, তিনি আপন মনে বলিতেন, “যাঁকে আমরা জন্ম-মৃত্যু বলি, সে কেবলমাত্র দেহ-পরিবর্তন, একটা

একটা দেহ জীর্ণ হইলেই আবার একটা নূতন দেহ ধারণ করে; কাপড় ছাড়িয়া অত্র কাপড় পরে বলিয়াই মনে হয়। মৃত্যুর সময় ঠিক করা কার সাধ্য? উপরের পোষাকটা খুব ভাল মনে হ'লেও ভিতরে ভিতরে জীর্ণ হয়, তখন লোকে মনে করে হঠাৎ মারা গেল, কিন্তু তা' নয়। একটা একটা Sceneএ আমরা Play করিতে বাহির হই; জন্ম মৃত্যু এইরূপই মনে হয়।” তা'র পরক্ষণেই আবার আপনা-আপনি বলিতেন—“এ সকল কথা ভাবিবার বা জিজ্ঞাসা করিবার কোনও কারণ দেখি না। যা'র থিয়েটার, সে এ সকল ঠিক করিয়াই রাখিয়াছে। এক পোষাক গেলে আবার কি পোষাক পরিতে হ'বে Actorকে তা ভাবতে হয় না। উপযুক্ত পোষাক—যাঁর এ রঙ্গমঞ্চ, তিনিই ঠিক

করিয়া রাখিয়াছেন।”

হরনাথের আর পড়াশুনায় মন বসিল না। আধ্যাত্মিক চিন্তাতেই তিনি অবসন্ন হইয়া পড়িলেন। ১৮৮৯ সালে যে বৎসর তিনি প্রথম বি-এ পরীক্ষা দেন, সেই বৎসর তাঁহার প্রথম পুত্র অনুকূলচন্দ্রের জন্ম হয়। এই শুভ সংবাদ যখন তাঁহার নিকট পৌঁছিল, তখন তিনি একেবারে যেন উদাসীন। প্রথমবার বি-এ পরীক্ষায় অকৃতকার্য হইলে তাঁহাকে পুনরায় পড়িবার জন্ত তাঁহার মাতাঠাকুরাণী অনুরোধ করেন। তাঁহার অনুরোধে ১৮৮৯, ৯০ ও ৯২ অব্দে তিনি তিন তিনবার বি-এ, পরীক্ষা দিয়াও যখন কৃতকার্য হইলেন না, তখন তাঁহার জননী আর তাঁহাকে কিছু বলিলেন না। হরনাথ তখন দেশে আসিয়া বসিয়া থাকেন। শিবনাথের কিন্তু ইহা আদৌ ভাল লাগে না। শিবনাথ একদিন হরনাথকে যথেষ্ট তিরস্কার করেন। ফলে হরনাথ বাঁকুড়া জেলার বিষ্ণুপুরের নিকট অযোধ্যা নামক স্থানের একটা উচ্চ ইংরেজী বিদ্যালয়ের অঙ্কশাস্ত্রের শিক্ষকের কার্যভার গ্রহণ করেন। ছয় মাস উক্ত বিদ্যালয়ে শিক্ষকতা করার পর :২০৩ খৃঃ অব্দে ভূস্বর্গ কাশ্মীর স্টেটের ধর্মার্থ অফিসের অধ্যক্ষের পদ পাইয়া তিনি কাশ্মীরে গমন করেন। এই কাশ্মীর হইতেই তাঁহার বিকাশের সূচনা হয়। কাশ্মীরে থাকিতে তাঁহাকে মধ্যে মধ্যে রাওলপিণ্ডিতে আসিতে হইত। রাওলপিণ্ডিতে একটা কালীবাড়ী ছিল, তাঁহার সেবক ছিলেন কালীপ্রসন্ন ভট্টাচার্য্য। ইনি ঠাকুরের বিশেষ অনুরাগী হন। ইহার পর হাতরাসের হেডবুকিংকার্ক অটলবিহারী নন্দী মহাশয় পাগল হরনাথের বহু অলৌকিক ঘটনা সন্দর্শন করিয়া তাঁহার একান্ত অনুরক্ত হইয়া পড়িলেন। অটলবিহারী নন্দী মহাশয় সেই সকল ঘটনা মহাত্মা শিশিরকুমার ঘোষ-সম্পাদিত “হিন্দু স্পিরিচুয়াল ম্যাগাজিনে” ধারাবাহিক বাহির করেন। স্বর্গীয় শিশিরকুমার ঘোষ মহাশয়ও বহু ঘটনার প্রত্যক্ষদর্শী ছিলেন। চুঁচুড়ার নন্দলাল পাল মহাশয় উক্ত পত্রিকায় সেই সংবাদ পাঠ করিয়া পাগল হরনাথ ঠাকুরকে কাশ্মীর হইতে কয়েক দিনের জন্ত চুঁচুড়ায় লইয়া আসেন। কলিকাতা টালানিবাসী শ্রীযুত ভাগবতচন্দ্র মিত্র ও আলিপুরের উকীল শ্রীযুত নারায়ণচন্দ্র ঘোষ সেই সময় চুঁচুড়া গিয়া তাঁহাকে কলিকাতায় লইয়া আসেন ও

অনেকের মধ্যে তাঁহার অলৌকিক ঘটনাবলী প্রকাশ করেন।

বাঙ্গালা দেশের মধ্যে এমনই করিয়া পাগল হরনাথকে সকলে চিনিতে আরম্ভ করিলেন। পাগল হরনাথের বহু অলৌকিক ঘটনার কথা আমার পরমারাধ্য পিতৃদেব কবিরাজ শ্রীযুত সত্যচরণ সেন-প্রণীত “হরনাথ চরিতামৃত,” নামক পুস্তকে বাহির হইয়াছে। পুঁথি বাড়িয়া যাইবে বলিয়া কোন অলৌকিক ঘটনার বিষয় এখানে প্রদান করিলাম না।

পাগল হরনাথ ঠাকুর ভক্তবৃন্দকে যে সকল পত্র লিখিতেন, সেই সকল পত্রের ভাষা যেমন প্রাজ্ঞল, সেইরূপ সকল পত্রই ধর্মমূলক উপদেশে পূর্ণ। তিনি ভক্তবৃন্দকে যে সকল পত্র লিখিতেন, সেই সকল পত্র “শ্রীহরনাথ ঠাকুরের পাগলামী অর্থাৎ শ্রীমদ্ হরনাথ ঠাকুরের উপদেশপূর্ণ পত্রাবলী” এই নামে অটলবিহারী নন্দী মহাশয় ৪২০ চৈতন্যাব্দে (১৯০৫ খৃঃ) শ্রীবন্দাবন ধাম হইতে প্রথম প্রকাশিত করেন; প্রথম পুস্তকে মাত্র ৩৪ খানি পত্র থাকে। ইহা বিনামূল্যে বিতরিত হইত। তাহার পর নন্দী মহাশয় উহার ২য় খণ্ড বাহির করেন এবং ২য় খণ্ডে নামটী পরিবর্তিত করিয়া “পাগল হরনাথ” এই সংক্ষিপ্ত নাম দেন। ৪২২ চৈতন্যাব্দে (১৯০৭ সালে) ২য় খণ্ড বাহির হইয়াছিল। এক্ষণে এই পত্রাবলীর ১ম ও ২য় খণ্ড ৫ম সং, ৩য়খণ্ড ২য় সং এবং ৪র্থ খণ্ডের বহু সংস্করণ হইয়াছে। এই সকল পত্রাবলী ইংরেজী ও অগ্ৰাণ্ড ভাষায় অনূদিত হইয়াছে। পত্রাবলীর সার সঙ্কলন করিয়া “উপদেশামৃত” নামক অপূর্ণ পুস্তক বাহির হইয়াছে। সংসারে থাকিয়া কর্ম জীবনেই ধর্ম সঞ্চয়ের ব্যবস্থা কর—ইহাই ছিল পাগল হরনাথের একমাত্র উপদেশ। তাঁহার উপদেশের সার মর্ম “ভেদ বুদ্ধি ত্যাগ করিয়া সকলকেই আপন কনিত্তে চেষ্টা কর এবং কৃষ্ণপ্রেমে মত্ত হও। শুচি অশুচি মনে করিবার কোন কারণ নাই, যদি থাকে, তবে কৃষ্ণ নামের স্পর্শে তাহাও শুচিতম হইয়া যাইবে।” পাগল হরনাথের প্রত্যেক পত্র বহু অমূল্য উপদেশে পূর্ণ একথা পূর্বেই বলিয়াছি। সেই সকল পত্রের কিঞ্চিৎ এখানে উল্লেখ করিব। তিনি বহু ভক্তকেই লিখিয়াছেন এবং আমাকেও

লিখিয়াছেন—“ঈশ্বরকে খেলিবার জন্ত সহযোগিনী মনে করিয়া ইহ-পরকালের সকল শক্তি হারান কোন রকমে উচিত নহে। ঈশ্বরকে ইহ-পরকালের প্রধান সঙ্গিনী মনে করিতে হয়, সামান্য পার্থিব খেলার সঙ্গিনী ঈশ্বর নন। তাঁকে চিরসঙ্গিনী মনে করিয়া তাহারমত ব্যবহার করা উচিত। তাঁকে তাঁর উপযুক্ত মাগ্ন দিয়া সকল অবস্থায় সহযোগিনী করা কর্তব্য। তাঁদের গুণগুলি লইয়া নিজের গুণ তাঁহা-দিগকে দিতে হয়; এই রকম আদান-প্রদানে ঐশ্বরিকতা বাড়িয়া ক্রমে হৃৎটিতে একটি হইতে হয়। তাহাতেই আনন্দ, তাহাতেই মজা। যদি ভাল বাসিয়াছ, যাহাতে হৃৎদিনে সে ভালবাসা ভুলিতে না হয়, তাহার চেষ্টা করা উচিত। নিকট কামের বশবর্তী হইয়া চির-সুখ বিসর্জন দেওয়া উচিত নয়। তাঁদের উপযুক্ত মাগ্ন করিবে। তাঁরাই গৃহলক্ষ্মী ও মূলশক্তি বলিয়া মনে করিবে। জগতের স্রীমাত্রেয়ই উপযুক্ত মাগ্ন করিবে। কুকুর বিড়ালের ঈশ্বরকেও সেই মহাশক্তি মনে করিয়া মাগ্ন করিবে। তাঁহাদের মর্যাদার অতিক্রম করিবে না। তাঁরাই বল দিবার ও হরিবার একমাত্র মালিক।

ঈশ্বর আদরের ও ভালবাসার ধন। অনেক কর্মে শক্তি নাই বলিয়া তাঁর সাহায্যে শক্তি হইয়া এ জগতে কার্য্য করিতে পারি বলিয়াই তাঁর নাম শক্তি। তিনি ধর্মকর্মে সহায়তা করেন বলিয়াই তাঁর নাম সহধর্মিণী, আমাদের মস্তাকে গর্ভে ধারণ করেন বলিয়া তাঁর নাম জায়া। বিলাসের জব্য নন। ঈশ্বরই জগজীবন; তাঁরাই প্রেম ভক্তির আধার। আবার অসহ্যব্যহার করিলে তাঁরই ষোর কালরূপিনী পিষাচী ও রাক্ষসী হইয়া সকলকে গ্রাস করেন। বেষ্ঠাগণ সেই কালান্তক মূর্তির সামান্য ছবি মাত্র।



স্বর্গীয় অটলবিহারী নন্দী

হিন্দু রমণীকে বিবিধা সাজাইয়াগরীবের মা বাপ সাজাই-বার চেষ্টা করিও। তা' না হ'লে সুখ নাই, লাভের মধ্যে বিস্তর কলঙ্ক ও বিপদ আছে। আদর্শ যুগল হইয়া আদর্শ যুগলকে ভঙ্গনা করিবে।”

পাগল হরনাথ লিখিয়াছেন—“মাকে রক্তমাংসের শরীরধারী কৃষ্ণ মনে করা সকলের কর্তব্য। যে মা এই শরীর ধারণ, প্রসব, পালন ও পুষ্টি করিয়াছেন, তাঁকেই সাক্ষাৎ ঈশ্বর মনে করিবে না তো আর ঈশ্বরের ঈশ্বর কিসে? তিনি জগৎ ধারণ, প্রসব, পালন ও পুষ্টি করিতেছেন, মাও তেমনি এই শরীরের সঞ্চালক; তবে মা আমাদের পক্ষে

কেন ঈশ্বর হইবেন না ? আর একটা কথা—আমি যে দেব মূর্তিটা পূজা করি, সেইটিকে মাত্ৰ করিয়া অন্তের পূজিত দেব মূর্তিটিকে যদি ঘৃণা বা অবমাননা করি, তাহা হইলে পাপ হয় কি না বল দেখি ? সেই রকম কেবল নিজের মাকে দেবী মনে করিয়া অন্তের মাকে যদি অবমাননা করি, তাহা হইলে মহৎ পাপের সঞ্চার করা হয় ; তাই বলি নিজের মা'র মত সকলের মাকেই দেখিবে। কুকুর বিড়াল মনে করিয়া তাহাদের মা দিকেও ঘৃণা করিও না।”



পাগল হরনাথ ও তাঁহার সহধর্মিণী শ্রীশ্রীমতী কুমুমকুমারী দেবী

যে মা হৃদয়ের রক্ত দিয়া তোমাকে পালন করিতেছেন, তোমার কর্তব্য সেই মাকে হৃদয়ের প্রেমভক্তি দিয়া সেবা করা। মা অপেক্ষা পরম দেবতা আর নাই। ইন্দ্র চন্দ্র প্রভৃতি তেত্রিশ কোটি দেবতাই মায়ের শরীরে বর্তমান মনে করিও। পিতামাতাকে সাক্ষাৎ ঈশ্বর জ্ঞানে পূজা করিতে হয়, তবে সেই দয়াময় হরির দয়া পাওয়া যায়।” আবার কোন ভক্তকে লিখিয়াছেন—“পিতামাতার শ্রীচরণতল অপেক্ষা মহাতীর্থ আর নাই। অতএব মাতৃচরণ আশ্রয় ক'রে থাক ; সমস্ত তীর্থই ঘরে বসে দর্শন করিতে পারিবে। একবার “পিতা ধর্ম পিতা স্বর্গঃ” ইত্যাদি কথা কয়টি মনে ক'রে দেখিলেই একথা বুঝিতে পারিবে। তাঁদের চরণোদক নিত্য পান করিয়া সর্বতীর্থ স্নানের ফল ঘরে বসে লইতে ভুলিও না ; ঐ চরণ-ধৌত জলই ভবরোগ নিবারণ করিয়া কৃষ্ণভক্তির উদয় করিবে—এ'টি মনে প্রাণে এক করিয়া জানিও, ইহাতে যেন কোন রকম সন্দেহ না আসে।”

আবার কোন ভক্তকে লিখিয়াছেন—“নাম অপেক্ষা মহামন্ত্র ও মহা ঔষধ আর দ্বিতীয় নাই। নামে আর কৃষ্ণতে কোন প্রভেদ নাই। কৃষ্ণ অপেক্ষা কৃষ্ণ নাম পাপীর পক্ষে বেশী আদরের ধন, কেন না পাপীর নিকট কৃষ্ণ যান না, কিন্তু পাপী কৃষ্ণ নামটি ইচ্ছা করিলেই লইতে পারে এবং কৃষ্ণ নাম লইলেই কৃষ্ণও পাইতে পারে ; তাই বলি আমাদের কৃষ্ণ অপেক্ষা কৃষ্ণ নামটি বেশী আদরের ধন ম

করিতে হইবে। কৃষ্ণকে বঃ ভুলিলে ক্ষতি নাই, কিন্তু যেন কৃষ্ণ নামটি ভুলিও না। নাম করিতে করিতে প্রেম, আর প্রেমের ফলস্বরূপ কৃষ্ণকে পাইবে।” আমি যখন প্রথম চিকিৎসা ক্ষেত্রে ব্রতী হই তখন পাগল হরনাথ আমাকে লেখেন যে, “ভাই, রোগীর রোগ নিবারণের ইচ্ছা সর্বদা প্রাণে জাগাইয়া রাখিবে। অর্থের দিকেই কেবল দৃষ্টি করিও না, তা'তে কবিরাজ না হ'য়ে নৃশংস কষায়ের মত হৃদয় হয়ে পড়ে। জীবন রক্ষার জন্ত অর্থ লইবে, তবে অর্থ নিয়ে সর্বদা রোগীর বিষয় চিন্তা করিবে। সকল কর্মে প্রথমে প্রভুর নাম স্মরণ করিবে। প্রভু বর্তা, মানুষ নিমিত্ত মাত্র মনে ক'রে সকল কাজ করিবে।” তাঁহার সকল পত্রই এইরূপ অসংখ্য উপদেশে পূর্ণ।

পাগল হরনাথ যখন কাশ্মীরে সেই সময় তিনি সেখান হইতে তাঁহার সহধর্মিণী শ্রীশ্রীমতী কুমুমকুমারী দেবীকে যে সকল পত্র লিখিতেন তাহাতেও কৃষ্ণকথাই অধিক থাকিত। তাঁহার সেই সকল পত্র “পত্রাবলী”তে প্রকাশিত হইয়াছে। তিনি তাঁহার সহধর্মিণীকে কিরূপভাবে পত্র লিখিতেন তাহার একটু নমুনা দেখুন—

প্রাণ প্রিয়তমে—

“অনেক দিন তোমাদের পত্র পাই না, কিন্তু নিত্য নিত্য খবর পাই। নানাভাবে নূতন নূতন সাজে



পাগল হরনাথ ঠাকুর (বোম্বাইয়ে গৃহীত)

সাজিয়া কেমন তোমরা নিত্য নূতন খেলা কর দেখিয়া কত আনন্দিত হই—তা' আমিই জানি আর সেই জানে। চক্ষের দেখা অপেক্ষা এ দেখা যে কত গুণে ভাল, তা' এক মুখে বলা যায় না। চক্ষে দেখা নিষ্কাম। এই দেখা দেখিবার জন্মই তো কৃষ্ণের মথুরায় গমন, এই সুখ পাইবার জন্মই তো কৃষ্ণের গৌরঙ্গ রূপ ধারণ। নিকটে থাকিলে যাহাকে কাম বলিয়া থাকি, দূরে সেই বিষয়ই অজ্ঞাত হইয়া প্রেম নাম ধারণ করে। তাই তো মথুরায় কৃষ্ণ গমন করিলে শ্রীমতীর চক্ষে জল, তাইতো আমার গৌরঙ্গের নেত্রবারির বিরাম নাই।—কা'র কথা বলিব, বলি

হইতে পারি।”

আর এক পত্রে তিনি তাঁহার সহধর্মিণীকে লিখিয়াছেন—

“তোমার কথা বুঝিলাম, কি করিব হাত নাই। বাহার কেহ নাই কৃষ্ণ তাহারই, এ কথা বেদে পুরাণে বলিয়াছেন সেই সাহস, অস্ত্র কেহ নাই, ভরসাও নাই। দেখে ভাই, জী, পুত্র, স্বামী, মা, বাপ, এ সব সম্বন্ধ দু'দিনের জন্ম। বাহার সঙ্গে, যে কৃষ্ণের সঙ্গে জীবের নিত্য ও চির সম্বন্ধ তিনি আমাদের নিকট হইতে কত দূরে আছেন। কিন্তু ভাই, কি আশ্চর্য্য, তোমার জন্য আমি যত কাতর হইতেছি

তো বড়র কথাই বলি, বড়তে হাত দেওয়াই উচিত। দেখ তোমাদের কৃষ্ণ মথুরাতে আর বন্দাবনে, তফাৎ অতি সামান্য তবে কেন নিকটে রাখিতে পারিতেন না। এই আমাদের শ্রীগৌরঙ্গ নিত্যানন্দ। কই কেহই তো সঙ্গে রাখেন নাই কেন জান কি, কেবল কাঁদিবার জন্ম। কেবল সেই অপরূপ রূপাংশি নির্জ্বনে একমনে ধ্যান করিয়া আত্মারা হইবার জন্ম, দ্বারকাতে কি মথুরাতে কৃষ্ণের প্রেমসীর তো অভাব থাকে নাই, তবে কেন কাঁদিতেন, এইটাই ভাবিবে। ভাবিতে ভাবিতেই জীব শিব হয়, ভাবিতে ভাবিতেই তোমাদের কালা গৌরঙ্গ হ'ল, ভাবিতে ভাবিতেই শিব গোপীশ্বর হইলেন, ভাবিতে ভাবিতে ছয় মঞ্জরী ছয় গোপেশ্বর হইলেন। তাই বলি, প্রাণের পুতলি আমার, আমরা পরস্পরকে ভাবিতে ভাবিতে একদিন তুমি আমি, আর আমি তুমি হইলেও

সেই প্রাণের প্রাণ কৃষ্ণের জন্ম হয় তো তাহার শতাংশের এক অংশও অস্থির হই না। কিন্তু ভাই, তিনি আমাদের সামান্য দুঃখ দেখিলেই হয় তো একেবারে আকুল হইয়া পড়িতেছেন। আমরা এমনি মুখ ও অপবিত্র যে আমরা তাঁহার জন্য না ভাবিয়া খেলাঘরের সাজান পুতুলের জন্য সর্বদাই অস্থির ও চঞ্চল। জানি না কবে এ ভবের ঘোর ও নেশা ছুটিবে; কবে বুঝিব এ ভোজবাজীর খেলা, কবে প্রাণ বলিবে সব মিথ্যা, কৃষ্ণ সত্য। কবে জানিব সব পর, কৃষ্ণ আপন। যেন শীঘ্রই আমার সে দিন আসে।”

তাঁহার সকল পত্রই এরূপ ভাবে কৃষ্ণকথায় পূর্ণ থাকিত।

ঠাকুর হরনাথ সংসার-রহস্য বুঝাইতে গিয়া বলিয়াছেন—“এই পৃথিবীর কটা দিন পথিকের পান্থশালায় রাত্রি বাসের মত কোন রকমে কাটাইয়া পুনরায় গমনের জন্য সবল হওয়াই বুদ্ধিমানের কার্য। কিন্তু যাহারা সামান্য সামান্য কারণে বিবাদ-বিসম্বাদ করিয়া রাত্রিটুকু কাটায় তাহারা উভয়পক্ষেই ঠকে মাত্র; না বিশ্রাম করিতে পারে, না ক্লান্তি দূর করে, না দ্বিতীয়বার গমনের জন্য সবল হইতে পারে।”

জন্মমৃত্যু সম্বন্ধে ঠাকুর বলিতেন—“জন্ম-মৃত্যু দুইটী একই জিনিস, আমরা না জেনে কেবল মৃত্যুর আতঙ্কে দিনে সাতবার করে মরে যাই। কিন্তু একটু ভেবে দেখলে জন্মেও যেমন আনন্দ করা উচিত, মরণেও তাই করা উচিত। জন্ম-মৃত্যু একই জিনিস, কোন পার্থক্য নাই, আমরা কেবল-মাত্র সংস্কার দোষে ভয় পাই। মৃত্যুর জন্মই জন্ম হইয়া থাকে। জীব চলিতে চলিতে শান্ত হইলে কোন না কোন শরীর ধারণ করে একবার বিশ্রাম করে লয় মাত্র। অতএব আমরা যাহাকে জীবন বলি সত্য সম্বন্ধে তাহাই প্রকৃত জীবন নয়, মৃত্যুর পরই আমাদের নব জীবন আসে, তখন আমরা নিজের পায়ে চলিতে থাকি। জেল হইতে খালাস পাওয়ার মত আমাদের এক এক শরীর ত্যাগ হয়। জেল খাটিবার সময় সব কয়েদীদের সঙ্গে আলাপ হয়, তখন একজন খালাস হ'লে অল্প কয়েদীগণ যেমন দুঃখ করে, কিছুদিন পরে আবার ভুলিয়া যায়, আবার নূতন সঙ্গী মিলে, তেমনই আমরা যে যার, তা'র জন্ম দুঃখ করি, আবার ভুলে যাই।”



বার্দ্ধক্যে পাগল হরনাথ ঠাকুর

পাপপুণ্য সম্বন্ধে ঠাকুর বলিতেন—যাহারা পাপকে পাপ জানিয়া করে তাহারা কৃষ্ণের নিকট ক্ষমা পায়, কিন্তু যাহারা প্রভুর নাম লইয়া, ধর্মের ভাণ করিয়া পাপ করে তাহাদের উদ্ধার কোথায়? গত কর্ম ভুলিয়া যাও, তার জন্ম দুঃখ করিও না। পাপীগণ যে দিন কৃষ্ণনামে দীক্ষিত হয়, সেই দিন হইতে তাহাদের পূর্ব পাপ ধ্বংস হইয়া নবজীবন হয়। পাপ পুণ্য ততক্ষণই জীবকে ভয় দেখাইতে পারে যতক্ষণ তাহারা এই অমোঘ অস্ত্র-নামের আশ্রয় না লয়। নামের মত নিরাপদ ও সুদৃঢ় আশ্রয়স্থল, বিতাপজড়িত জীবের নিকট আর দ্বিতীয় নাই। যুগ লুকাইবার কাজে হাত দিও না। যে কাজটা করা হ'লে, পরে চিন্তা করিলে মন

“বিকৃত দত্তা”

(গল্প)

[শ্রীশ্রুটিবিহারী মজুমদার বি-এল]

(১)

ভূমিকা

জায়গাটার নাম ভুলে গেছি, সে আজ অনেকদিনের কথা, মাত্র এইটুকু মনে আছে যে সেটা এক অজ পাড়ার। এমন মাঝে মাঝে যাই তাই সেবারেও গেছলুম। যে ধরতে শু’তে জায়গা পেলুম, সেটা এক রিহাস্যাল ঘর। মাটির ঘর হ’লেও বেশ তরতরে, মেঝেতে ধরছোড়া চ্যাটাই, এককোণে একটা পুরোণো কাঠাম’ বোধ হয় কোন প্রতিমারই হ’বে, মাটির নামগন্ধ নেই, শুধু বাধারিতে খড় জড়ান’, তাও মুগুর জায়গাটা খালি—আর এককোণে দুটো তিনটে তেলচক্চকে হুঁকা—দেখলেই বোঝা যায় দিন ছবেলা এদের মাথায় আগুন জ্বলে। ঘরে ঢুকেই চোখে পড়ে একটা উইএর ছবি ফ্রেমে বাঁধান। অবশ্য এককালে বোধ হয় উই ছিল না,—সরস্বতীই ছিল, কেন না বীণার কাণ্ডলা নজর করলে এখনও দেখতে পাওয়া যায়। সামনের দাওয়ায় বোধ হয় এককালে পাঠশালা বসত, একটা ভাঙ্গা কাঠের বোর্ড এক বোঝা ধূলা বুক নিয়ে বারান্দার একদিকে পড়ে রয়েছে।

সন্ধ্যা হয় হয়, মশার জ্বালায় সবেমাত্র কোঁচাটা খুলে বেশ ক’রে গায়ে জড়াচ্ছি, দেখি লঠন হাতে গাঁয়ের ছেলে বুড়ো সব একে একে এসে জমতে লাগল’। আসছে বছর “দুর্দান্ত সিংহ” প্লে হবে তাই “রিহাস্যালটা’এ বছর থেকেই দিতে হ’বে? পক্ষুই তাদের মধ্যে বিদ্বান্ অর্থাৎ ম্যাট্রিক ফেল, বয়স আশ্রাজ ২০।২১। পাশের বুড়ার হাত থেকে হুঁকাটা তুলে নিয়ে আমার দিকে ফিরে ব’লে—হাঁ দাদা, বি এ, এম্-এ তো পাস করেছ! শরৎ বাঁড়ুর্যোর ‘দত্তা’ বলে কি একখানা ভাল বই আছে না কি শুনেছি—সেটা কেমন! জানাটানা আছে কিছু? না আদার ব্যাপারী”— ব’লে নিজের রসিকতায় নিজেই খানিকটা হেসে নিল? উত্তরে বল্লম—জানি।

পক্ষু—আরে জান তো? কেমন, প্লে জমে বলতে পার?

বল্লম—হ্যাঁ, বেশ হয়, খামা বই তবে সেটা তো নাটক নয়, উপন্যাস, নইলে.....

পক্ষু হুঁকাটা পাশের ছোকরাটির হাতে দিয়ে ঠোঁঠ উল্টে ব’লে—আরে লাও কথা, ও উপন্যাস নাটক একই—যদি প্লে জমান যায়, ওতে কিছু এসে যাবে না। এই তো সেবার বর্ধমানের মেয়ে দিয়ে এলুম, আর তেমন হয় তো উমাপদ ডাক্তারকে দিয়ে নাটক বানিয়ে নে’ব। বলি আছে তোমার কাছে এক খানা? দিতে পার? ” বল্লম—কাছে নেই, তবে...

পক্ষু বলে—তবে কি?

মনে মনে অহঙ্কার ছিল স্বভিষ্টিক্টিটা আমার খুব বেশী, তা’ছাড়া বাবাও বলতেন—“বেটা বড় হ’লে নয় জগন্নাথ তর্কপঞ্চানন আর নয় ‘মেকলে’ দাঁড়াবে।” ভাবলুম আজ যদি শরৎবাবুর সব গ্রন্থাবলী কোনও রকমে জলে ডুবে কিংবা আগুনে পুড়ে নষ্ট হয়ে যায় তাহ’লে কি পঞ্চাশ বছর পরের লোকের কাছে তাঁর অতবড় দানটা অজান্তেই থেকে যাবে না কি? উহঃ, এ হ’তেই পারে না—ভাবতে গেলেই গায়ে যেন কাঁটা দিয়ে ওঠে, বিশেষতঃ আমাদের মত শক্তিশালী লোক বেঁচে...

বল্লম—“দেখ পক্ষুদা, বইটা কাছে নেই, তবে কালকের মধ্যেই লিখে দিতে পারি।”

পক্ষু—“দাও না মাইরি, বড় সুবিধে হয়, এ বছর তাহ’লে একেবারে জমিয়ে দিই।”

গোবরের বোধ হয় একটু জানা ছিল, তার পরদিন যখন প’ড়ে শোনালুম গোবর’ লাঙ্কিয়ে উঠে বলে—“ইস, একদম ঠিক যাকে বলে ছবছ মাইরি, সেই জগদীশ, সেই পুণ্য গাঙ্গুলীর বাজনা, সেই নেড়া বটগাছ ইস।”

তারপর অনেক কাল কেটে গেছে, অহঙ্কারও গিয়েছে,

সেই জায়গায় এসেছে দারুণ লজ্জা আর আত্মগ্লানি, তবুও আজ সেই বিকৃত “দস্তা”ই বলব যদি গুরুপাপের একটুও প্রায়শ্চিত্ত করতে পারি।

দস্তা

(২য় সংস্করণ কিঞ্চিৎ পরিবর্তিত, বর্ধিত)

এক

সেটা প্রাইজ ডিষ্ট্রিবিউশনের দিন, হুগলী ব্রাঞ্চ স্কুলের হেডমাষ্টার মশাই খুব বাস্তবাবে তিনটা ছেলেকে কাছে দাঁড় করিয়ে রেখে, নিজে মঞ্চের ওপর উঠে সমবেত ভদ্র-মণ্ডলীকে বলেন—“হে তন্ত্র মহোদয়গণ, আজ আমাদের আনন্দের দিন, গর্বের দিন, আমাদের স্কুলে আজ তিনটা রত্ন খুঁজে পেয়েছি, প্রথমটা” বলে ১৫ বছরের ছেলে জগদীশের মাথায় হাত বুলোতে বুলোতে বলেন—“জগদীশ—সাকিম দিঘড়া। আমাদের মুখ উজ্জ্বল ক’রে”...হঠাৎ থেমে গিয়ে বলেন—“পকেটে কি বাবা?” হেডমাষ্টার মহাশয়ের স্নেহমাখা হাত কখন মাথা থেকে বুকের পকেটে নেমে গেল, নিজেই টের পান নি, হঠাৎ খড়মড় ক’রে আওয়াজ হ’তেই খেয়াল হ’ল। জগদীশ ঘাড় হেঁট ক’রে বলে—“আজ্ঞে ঠোঙা, সটেড্ পেস্তা আছে”। হেডমাষ্টার মশাই বিচক্ষণ লোক, অনেক শাস্ত্রই ঘাটা আছে, কি একটু ভেবে নিয়ে মুখটা চুণ করে কোনও মতে ছুচার কথা বলে তাকে ছেড়ে দিয়ে পরেরটাকে কাছে টেনে এনে বলেন—“এটা রাসবিহারী—সাকিম রাধাপুর, বেশ সাবধানী ও অতীব মেধাবী, আজ একটা রচনা পড়বে।” রাসবিহারীর দিকে ফিরে বলেন—“কি বিষয়ে লিখেছ বাবা?”—

“আজ্ঞে অর্ধনীতি”।

এবার মাষ্টার মহাশয়ের মুখে কে মেন এক ছোপ কালি লেপে দিলে, নিজের মনেই বলে কে বলেন—“এত অল্প বয়সেই অর্ধনীতি,” একটা ছোট নিঃশ্বাস কেলে বলেন—“আচ্ছা পড়।”

এলি ক’রে আর একজনেরও পরিচয় হ’রে গেল—তৃতীয়টির নাম বনমালী—গ্রাম কৃষ্ণপুর, এটাও অতি ধীশক্তিসম্পন্ন ও চিন্তাশীল।

সেইদিন হেডমাষ্টার মশাই ভাবনার বোঝা বুক নিয়ে

বাড়ী ফিরলেন, কিন্তু তিন বন্ধু বইএর বোঝা বুক নিয়ে মাঠের মাঝখানে যে নেড়া বটগাছটার তলা দিয়ে তিনটে রাস্তা তিনদিকে চলে গেছে—সেইখানে এসে দাঁড়াল, তখন সন্ধ্যা হ’য়ে এসেছে। জগদীশ কাঁপে হ’য়েছে, বই বেশী, তার হাতটাই বেশী অবশ হয়েছিল, বলে—“এইখানে বইগুলো রেখে একটু জিরিয়ে নেওয়া যাক কি বল ভাই।” জগদীশ নেড়া বটগাছের সিমেন্ট করা বেদীর ওপর বইগুলো রেখে কপালের ঘাম মুছে নিয়ে বলে—“বনমালী একটু পুস্তি দে তো”। এক সেকেণ্ড বাদে লাফিয়ে উঠে বলে—“আচ্ছা ভাই এক কাজ করলে হয় না, আমাদের তো এবার একদম ছাড়াছাড়ি হ’য়ে গেল—কে কোথা বাবে তার কিছুই ঠিক নেই। এই নেড়া বটগাছটা সাক্ষী ক’রে ভবিষ্যৎ জীবনের জন্যে কিছু প্রতিজ্ঞা করলে হয় না” ১৫।১৬ বছরের ছেলে, হরেক রকমের রঙিন ছবি মাথার মধ্যে ভিড় ক’রে ঠেলাঠেলি করছে। হুজনেই জগদীশের মুখের দিকে চেয়ে বলে—“ইয়া বেশ হয়, কি প্রতিজ্ঞা করা যায় বল?”

জগদীশ বলে—“আমরা তিনজনেই কবি হ’ব আর যে যেখানেই থাকুক, প্রত্যেকের বই প্রত্যেককে প্রেজেন্ট করব।” রাসবিহারী বলে—“না বাবা, কবিটবি নয়, তার চেয়ে বিজ্ঞানের উন্নতি ক’রে তিনজনেই পয়সা করব।” বনমালী বলে—“না, না, তিনজনেই অবিবাহিত থেকে পয়সা রোজগার করব, আর সেই পয়সায় দেশের কাজ করব।”

অনেক তর্কাতর্কির পর শেষে বনমালীর প্রস্তাবই বাহাল রইল। তিনজনেই নেড়া বটগাছের বেদী ছুঁয়ে কথামত প্রতিজ্ঞা করলে। কিন্তু যিনি সবই দেখেন তিনিই শুধু অন্ধকারে দেখতে পেলেন, তর্কের মাথায় প্রত্যেকের হাত বেদী থেকে প্রায় আধ ইঞ্চি উঁচুতেই ছিল, বেদী স্পর্শ করে নি।

দুই

বেদীতে সত্যিই হাত ঠেকলে কি হ’ত বলা যায় না, কিন্তু হাত না ঠেকে যা হ’য়েছিল সেই কথাই বলি। অনেক কাল কেটে গেছে। রাসবিহারী এখন ব্রাহ্ম, বয়স প্রায় ৫৫, বয়সটাই বুড়িয়ে গেছে, কিন্তু শরীর এখনও

শক্ত, কেবল সামনে দিকটা একটু ঝুঁকে পড়েছে। দেশের বাড়ীতেই থাকে, যা অল্প টাকা আছে তাই গাঁয়ের চাষা-ভূষোদের বেশী সুদে ধার দেয়, বুকে হাঁটু দিয়ে সুদ আদায় করে, আদায় না হ'লে ভিটেছাড়া করে, কাকুতি মিনতি কিছুই শোনে না, সুদ ক'বে ক'বে বা চোখটা প্রায় অন্ধ হ'য়ে গেছে। কিন্তু বাইরেটা বেশ তকতকে, পাকা ধবধবে দাড়ি চোখে সোণার চশমা। ছেলেবেলাকার রচনা "অর্ধনীতি" তা'র কাছে আজ আর ছোট্টটা নয়, সে বীজ এখন তা'র সমস্ত মনের মধ্যে প্রকাণ্ড মোটা মোটা শিকড় গেড়ে ফেলেছে।

তখনও আটটা বাজে নি, মাত্র ছ'একজন চাষী মাথায় বজরা নিয়ে হাটের দিকে যেতে আরম্ভ ক'রেছে। বৈঠক-খানা ঘরে সামনে কাঠের বাস্তুর ওপর খাতা ফেলে রাসবিহারী একমনে কিসের হিসেব কষছে—বোধ হয় সুদেরই, হঠাৎ ঘরের মধ্যে কে যেন একরাশ টাটকা ফুল রেখে গেল। "এত গন্ধ আসে কোথা থেকে" দেখবার জন্তে চোখ তুলতেই দেখলে গুণধর বংশধর বিলাসবিহারী দিব্যি সেজে গুঞ্জে ছড়ি দোলাতে দোলাতে বেরিয়ে যাচ্ছে। রাসবিহারীর গায়ে যেন এ্যাসিড পড়ল। ক্র কুঁচকে রুক্মতীরে ঝিঁচিয়ে উঠে বলল—"এত ভোরে কোথায় যাচ্ছিল? বেটা যেন নবাবপুত্র, এত ক'রেও তোকে পালুম না, অমন উড়নচণ্ডে হচ্ছিল কেন বল দিকিন, অত বাবুগিরি করলে একটা পয়সাও রাখতে পারবি না, তা ব'লে দিলুম। লক্ষী-ছাড়া কোথাকার! এত ক'রে কচ্ছি কার জন্তে? তোর জন্তে না আমার জন্তে, তুইই মরবি, আমার আর কি।" বিলাস রাসবিহারীর একমাত্র পুত্র। ব্রাহ্ম বলে বিলাসের একটা মস্ত বড় অহঙ্কার আছে, যা "সত্যম্" তা বলব', তা সে বাপই হ'ক্ আর স্বয়ং ব্রাহ্মই হোক। একটু ঘুরে ছড়ির ওপর ভর দিয়ে দাঁড়িয়ে স্পষ্ট ক'রে উচ্চারণ ক'রে বলে—"যাচ্ছি কলকাতায়। বিজয়ার কাছে কিছু দরকার আছে।" রাসবিহারীর বাল্যসঙ্গী বনমালী একমাত্র মেয়ে বিজয়াকে নিয়ে কলকাতায় থাকে। তার প্রকাণ্ড জমী-দারিটা রাসবিহারীই দেখে। এখন আর শুধু দেখেই সন্তুষ্ট থাকতে পারছে না, অনেকদিন ধরেই লোভ আছে। সুরটা একটু নরম ক'রে "হাঁ দাঁড়া, একটু বিশেষ দরকার আছে"—বলেই উঠে গিয়ে ডান দিককার সেলুক থেকে

কতকগুলো লাল খেরোবাঁধান মোটা খাতা নামিয়ে ছেলেকে —"এদিকে একবার আয় তো, এই খানটা একবার পড়ে দেখ" বলে এক খানা খাতার বিশেষ একটা আয়গায় বা হাতের তর্জনী টিপে রইল। বিলাস ঘাড় নীচু ক'রে পড়লে—'একষটি হাজার আটশ' পঁচাত্তর।' বাপের মুখের দিকে চেয়ে বলে—"হ্যাঁ, তা কি হয়েছে?" ঠোঁটের কোণে হাসি চেপে রাসবিহারী বলে—"আহান্নক কোথা-কার, কি তা বুঝতে পাচ্ছিস না?" ছেলের মাথায় ঢুকল না দেখে রাসবিহারী ব্যাপারটা নিজেই ধুলে বলে দিলে— "আসল কথাটা হচ্ছে, বনমালীর এই আয়টা বড় কম নয়, প্রায় লাখ ধানেক। তা' তুই এক কাজ কর্তে পারিস? বনমালীর যা অসুখ, বাছাধনকে সেরে আর উঠতে হ'চ্ছে না, আজ যায় কাল যায় হ'য়ে আছে। তুই সেখানে দিন দুয়েক থেকে বিজয়াকে কোনও রকমে ভজন-ভাজন দিয়ে এখানে একবার এনে ফেলতে পারিস, তারপর সব ব্যবস্থা আমি ক'রে নিতে পারি।" গলাটা আরও একপর্দা নামিয়ে ব'লে—"তোর একটা হিসেব হয়, ব্যাপারখানা একবার তলিয়ে বোঝ—বনমালীর এই জমীদারি, কল-কাতার অভাব চলতি কারবার মায় আমার যা কিছু সব তোর"। বিলাসের দিক থেকে কোনও সাড়া না পেয়ে রাসবিহারী একটু চড়া গলায় ব'লে—"ধা, ধা, তোর দ্বারা কোনও কাজই হ'বে না, তা অনেক আগেই জানি, আর তা ছাড়া—তুই যা।" বিলাস এবার চটে উঠল, বলল— "দেখ বাবা, রাতদিন কেবল গানমন্দ ক'রনা তা ব'লে দিচ্ছি, ঝাঁ ক'রে কোন্ দিন রাগ সামলাতে পারব না, তখন বলবে, ধামকা অপমান করলে। কি করতে হ'বে তাই ধুলে বল।"

রাসবিহারী কাজ আদায়ের ফন্দী বেশই জানে, তাই শুনবামাত্র বললে "আহা-হা, চটিস্ কেন বাবা? শোন, সেখানে থাক্ বনমালীর শেষ হওয়া পর্যন্ত। তারপর বনমালীর সংকার হ'য়ে গেলে তুই শুধু বিজয়াকে বলবি—মন ধারাপ ক'রে কি হ'বে, সংসারে থাকতে গেলে অমন হ'য়েই থাকে। তিনি মানুষ ছিলেন না, দেবতা ছিলেন। ব্রহ্ম দয়া ক'রে কোলে টেনে নিয়েছেন ইত্যাদি ইত্যাদি। সে ক্ষেত্রে-কর্মে যেমন বলা দরকার আর কিছু বুঝিস না, তারপর কাজের কথা পাড়বি,

“চলুন, দেশে আপনার জমীদারিটা ঘুরে আসবেন, মনটা হালকা হ’য়ে যাবে, তাতেও যদি অরজি হয় তো জগদীশের দিবড়ার বাড়ীটা বনমালীর কাছে বাধা আছে জানিস্ তো বলবি ‘ওটার বিষয় কি ঠিক করেছেন?’ বলবি পাপকে প্রণয় দেওয়া ঠিক না। ওটা ক্রোক ক’রে অন্ততঃ ধর্মের জন্ত ওটাকে ব্রাহ্ম মন্দির ক’রে ফেলা যাক্। দেশে একটা নামও হ’বে। তারপর এখানে এনে ফেলুন না। তোর বিয়ের ভার আমার ওপর রইল, আর বিয়ে নামেই সব। বনমালীর ছেলে বলতেও ওই মেয়ে বলতেও ঐ।”

বিজয়াগতপ্রাণ বিলাস বাপের মুখে ‘বিজয়া’ নামটা অতবার শুনে আর সামলাতে পারলে না, ঠিক ঐ ধানেই ওর দুর্বলতা, মনের মধ্যে ভাবের ঢেউ খেলে গেল, ঢেউএ ঢেউএ ধাক্কা খেল, ব’লে ফেললে—‘প্রপাটি’ সম্বন্ধে যা হয় ভূমি ক’র বাধা, ওসবের আমি ধার ধারি না, চাই শুধু বিজয়া—স্রেফ বিজয়া। রাসবিহারী চটে উঠে বলেন—‘বেটা আহাম্মুক মরেছে রে, আরে বিজয়া, বিজয়া, বিজয়া—শুধু বিজয়ার দাম কি? একেবারে ভাব উখলে উঠল, যা বলছি কর হতভাগা।’ বিলাস হঠাৎ কি একটু ভেবে নিয়ে ব’লে—“আচ্ছা ভূমি ঠিকই বলেছ, দেখি কতদূর কি কত্তে পারি” ব’লে বেরিয়ে চ’লে গেল।

তিন

আজ দশটা বস্কর লোহার কারবার ক’রে বনমালী একদিকে যেমন লক্ষ্মীকে মুঠোর ভেতর এনে ফেলেছিলেন, অন্যদিকে তেমনি একটু একটু ক’রে নিজেই কখন চিত্র-শুপ্তের মুঠোর মধ্যে এগিয়ে গেলেন তা’ খেয়ালই ছিল না, খেয়াল যখন হ’ল তখন আর করবার কিছু নেই। এ্যাপো-প্লেস্কি না কি সাংঘাতিক অসুখ। খাটের ওপর শুয়ে আছেন, মাঝে মাঝে মাথা চালছেন। একমাত্র মেয়ে বিজয়া শিয়রে ব’সে। বাঁ হাত আধুনিক রসে ভর্তি ‘ব্যালজ্যাকে’র কি একখানা বই, আর ডান হাতে বালিশ ঘষছে, অবশ্য এরকম চলছে প্রায় বিশ মিনিট ধরে, কেন না বইটা এইমাত্র জমেছে, নইলে আগে হাতটা বাপের মাথার ওপরেই ছিল। এইমাত্র বনমালীর একটু

জ্ঞান হ’য়েছে বিজয়ার হাতটা ধরবার জন্তে নিজের হাত দিয়ে খুঁজে বেড়াচ্ছে, বালিশের এদিক্ ওদিক্ হাতড়ে বিজয়ার হাতে হাত ঠেকতে বিজয়া বই থেকে চোখ না উঠিয়েই জিজ্ঞাসা কলে, “কিছু বলছ বাবা”! বনমালী চোখ বুজেই ব’লে—“হাঁ মা, আমি বোধ হয় আর বেশীকণ নয়। একটু জল দে দিকিন। উঃ, ব্রহ্ম-কৃপা হি কেবলম্। দেখ মা ব্রাহ্ম বটে, কিন্তু এই শেষ সময়ে কা’কে মনে পড়ছে জানিস্? মা জগদমাকে। এমন কি তাঁর অসুরটাকে পর্যন্ত যেন চোখের ওপর দেখতে পাচ্ছি। ব্রহ্মাকেও না আর পরম ব্রহ্মকেও না। উঃ! একটু জল, ষড় যাতনা মাগো!”—একটু চুপ ক’রে থেকে ফের বলে, কে যেন কতদূর থেকে কথা কইছে এগ্নি গলার স্বর—“জগদীশের দিবড়ার বাড়ীটা তা’র ছেলে নরেনকে ফিরিয়ে দিস্। বাপের পাপে ছেলেকে—” সব কথা আর বেরুল না। “উঃ” বলেই একবার চোখ দুটা উর্টে নিয়ে স্থির হ’য়ে গেল। বিজয়া হুমড়ি খেয়ে বাপের কাণের কাছে মুখ নিয়ে গিয়ে টেঁচিয়ে উঠল—“নরেনকে আমি চিনি না বাবা, তোমার কথা আমি রাখতে পারি না, বাড়ী ফিরিয়েও দেব না। আদার! টাকা দেয় ফেরত পাবে, এগ্নি একখানা ইঁট পর্যন্ত দিচ্ছি না।” ধীর উদ্দেশ্যে বলা, তাঁর কাণে পৌঁছল কি না দেখবার জন্তে বিজয়া বাপের গা অন্ন নাড়া দিয়ে ডাক দিলে—“বাবা”! কিন্তু সাড়া দেবে কে? যে সাড়া দেবে সে এতক্ষণে কতদূর চলে গেছে, কে জানে হয় তো একমেবাদ্বিতীয়মের অংশ হয়ে গেছে। বিজয়া মুখে রুমাল দিয়ে ফুঁপিয়ে কেঁদে উঠতে যাবে, শরীর সবে মাত্র কেঁপে ছলে উঠেছে ঠিক এগ্নি সময় বেধারা এসে চুপি চুপি খবর দিলে—“মাজি, বিলাস বাবু।”

চার

বনমালী মারা যাবার পর দিন বার কেটে গেছে। বাপের কথামত বিলাসের ‘ভজনভাজন’ কোনও কাজ দিলে কি না কে জানে, যে জন্তেই হ’ক জমীদারিটা নিজের চোখে দেখা হ’বে বলেই হ’ক কিংবা পাড়াগাঁ, ফাঁকা জায়গা, বিলাস-বাবুর সঙ্গে কোর্টশিপটা জমবে ভাল ভেবেই হ’ক, শরতের গোড়াতেই এক দিন বিজয়া দেশের প্রকাণ্ড বাড়ীটায় এসে হাজির হ’ল। আসার পর ৫৬ দিন কেটে

গেছে, বিজয়ার শোকদন্ধ প্রাণটা অনেকটা চাঙ্গা হ'য়েছে। সেদিন সকালে ডানদিকের বড় বৈঠকখানায় ব'সে বিলাস আর বিজয়া চা খেতে খেতে দিব্যি গল্প জমিয়েছে, সামনে টেবিলের ওপর বড় একটা ফুলের তোড়া একটু আগে মালী রেখে গেছে, টাটকা ফুলের গন্ধে ঘরটা ভরপুর, ছুজনেরই দিল আজ খুস, বিলাস ফুঁতির মাথায় নিজের চেয়ার খানাকে একটু একটু ক'রে বিজয়ার ঠিক পাশটাতে এনে কেলেছে, আর এক সেকেণ্ড দৌী হ'লে বিজয়ার গণ্ডে আনন্দের এফটা মাঝারি রকমের ছাপ এঁকে দিত, কিন্তু ঠিক সেই সময় বেহারা এসে খবর দিলে— “একঠো বাবু”।

এরকম রসভঙ্গ একদম সত্বের বাইরে। বিলাস রুক্মবরে খিঁচিয়ে উঠল—“বাও, উল্লু কাঁহাকা, আভি ফুরসুৎ নেহি।” কিন্তু বিজয়া এরকম ব্যাপারকে যা' তা' ব'লে উড়িয়ে দিতে পারলে না, ভাবলে কি আশ্চর্য্য, ঘোবনের সাদা খাতায় মাত্র হোট্ট একটা আঁচড় তাতেও বাধা! নিশ্চয়ই পরম ব্রহ্মের কিছু গুঁট উদ্দেশ্য আছে, বেহারাকে ডেকে ব'লে—“আচ্ছা বোলাও।”

যে ঘরে ঢুকল সে নরেন, জগদীশের ছেলে। আজ বছর কতক হ'ল, জগদীশ একমাত্র বংশধর নরেনকে রেখে পৃথিবীর একটু জায়গা খালি ক'রে চলে গেছে, তবে যে ভাবে অল্প সকলে মা বসুন্ধরার কাছে শেষ বিদায় নেয় ঠিক সে ভাবে নেওয়া হয় নি। তবে ‘মেটরিয়াল মেডিকাল’ লেখা আলুকহলের অ্যাকসনের সঙ্গে সামঞ্জস্য রেখেই বিদায় নিয়েছেন। তাতে আছে “It makes the melancholy hilarious,” জগদীশের মন ধারাপ ছিল, কারণ, প্রথমতঃ, প্রিয়তমা পত্নী ছেড়ে গিয়েছে, দ্বিতীয়তঃ দেবার দ্বায়ে দেশের বাড়ীখানি বনমালীর কাছে বাধা, ‘মনমরা’র হাত এড়াবার জন্যে এতদূর “হিলেরিয়স” হ'য়েছিলেন যে একদিন ছাদের উপর থেকে লাফ না মেরে থাকতে পারেন নি। তবে গুছোন' লোক ছিলেন। নরেন বাবাজীকে চারটা বছর বিলেতে ডাক্তারি পড়িয়েছেন, অবশ্য বনমালীরই সাহায্যে।

সে বা'ক, নরেনের 'দিব্য গৌরবর্ণ' তেঙা গড়ন, চোখ হুঁতী বেশ ভাগা-ভাগা কেমন একটা উদাস ভাব-মাখান, দেখলেই ভালবাসতে ইচ্ছে হয়। খুব পাকা লোক,

বিলেতের সকল রকম নারীজয়ের পাকা কন্দীবাজিতে বেশ ছরস্তু, বাইরে থেকে তা বোঝবার ঘোটা নেই। ঘরে ঢুকেই বিজয়াকে দেখে চমকে উঠল। সৌন্দর্য্যের এরকম চটক এর আগে কখনও চোখে পড়ে নি—না, বিলেতেও না। বিলাসের চেয়ার বিজয়ার অত কাছে দেখে এক নিমেষে বুকে নিলে ব্যাপার খানা কি। নিশ্চয়ই ভালবাসার সেই চিরকালে একধেয়ে বুলি চলছে, যা আদমের আমল থেকে চলে আসছে। যাই হ'ক প্রথম দৃষ্টিতে নিজের বেশ একটু আকৃষ্ট হ'য়েছে বুঝতে পেরে ধাঁ ক'রে ঠিক ক'রে নিলে একে জয় করা চাই; তবে জয় করবার কোন্ পন্থা অবলম্বন করবে, তাবলে—কোনও গুণ্ডার হাত থেকে উদ্ধার ক'রে বীরত্ব দেখান উর্হ, অসম্ভব; সে সুবিধে হবে না। তবে? আট্টাইর লক্ষণ দেখিয়ে ‘ইম্প্রেস’ করা বড় পুরোণো, তা ছাড়া সময় কম। একটা নূতন কিছু—স্মাভেজ্ লভ্? Indifference দেখিয়ে—ঠিকই, আজকালকার মেয়ে, তায় ব্রাহ্ম, কাজ হতেও পারে। স্রেফ বুঝিয়ে দেওয়া—যত সুন্দরীই হউক না কেন, আমার কাছে নারী তুচ্ছ ও অগ্রাহ্য। মতলব ঠিক করবার সঙ্গে সঙ্গেই, কেউ কিছু বলবার আগেই নিজেরই খুব আওরাজ ক'রে স্নেহের উপর রগড়াতে রগড়াতে একখানা চেয়ার টেনে নিয়ে গলার আওয়াজ একটু কড়া ক'রেই বলে, “ওঃ! আপনি বুঝি জমীদার, তাই জমীদার হ'ন আর যেই হ'ন একটা কথা জিজ্ঞাসা করি, আমার মামা পূর্ণ গাঙ্গুলীর পূজোটা বন্ধ ক'রেছেন কেন? নিজের ব্রাহ্ম ধর্ম্মটাই বড় আর সব ধর্ম্ম চুলোয় যাক্ কেমন? বাঃ! আপনি না শিক্ষিত? শিক্ষায় বুঝি এই রকম উদারতা এনেছে? না, না, ওসব সঙ্কীর্ণ মতলব ছাড়ুন। জবাব দিচ্ছেন না যে? উঃ, কি মুস্থিলেই পড়া গেল। স্বীলোকের ষাড়ে জমীদারি পড়লে যা হয় আর কি? কি ঠিক করলেন একটু চটপট জবাব দিন। আমার আবার অন্য কাজ আছে—” বলে যেন স্নগার অল্প দিকে মুখ ঘুরিয়ে নিল।

পূর্ণ গাঙ্গুলী নরেনের মামা, জমীদার-বাড়ীর গায়েই তাঁর বাড়ী, প্রতি বৎসর দুর্গোৎসব হয়। এ বছর হবার কথা কিন্তু হঠাৎ বিজয়ার ছকুম হইয়াছে—ওসব চলবে না। নরেন আজ কদিন ধরেই বিজয়ার সঙ্গে দেখা করবার উপলক্ষ্য ঝুঁজছিল, হঠাৎ এই সুযোগ পেয়ে এসেছে।

বিজয়া বাপের আছরে মেয়ে, বায়োকোপ দেখে আর বই মুখস্থ করেই বড় হ'য়েছে, তার ওপর জমীদার, কড়া কথা চুলোয় থাক, চোঁচিয়ে কথা কখনও শোনে নি, বরং আত্মীয়, বন্ধু-বান্ধব, সমাজ, দাসদাসী মায় বিলাস পর্য্যন্ত যে কেউ যা বলেছে সবই খোসামুদির মুলি, এরকম উদ্ধত ব্যবহার কারুর কাছেই পায় নি—তাই এ-দিকে যেমন অভিমানে চোখে জল এসে পড়েছিল, অন্যদিকে তেমনই তা'র নিজের চিরকালে অহঙ্কার, সৌন্দর্য্য আর শিক্ষা—তারই ওপর এরকম অবহেলা দেখে সত্যিই মুগ্ধ হ'য়ে গেল। আরও মুগ্ধ করলে, বক্তার সুন্দর মুখ, চোখ আর গড়ন। চট ক'রে কিছু জবাব খুঁজে পেলে না, যে জবাব দিলে সে বিলাস। গলার আওয়াজ-টাকে সপ্তম পর্দায় চড়িয়ে চোখ রাঙিয়ে বললে—“কি? এত বড় আস্পর্দা? কার সঙ্গে কথা কইছ জান'?” কাণের কাছে ঢাক ঢোল বাজাবে আবার তাই নিয়ে বাড়ী ব'য়ে ঝগড়া কর্তে এসেছ? এখুনি বেরিয়ে যাও বলছি, নইলে, দারোয়ান.....” কথাটা আর শেষ করতে হ'ল না। বিজয়া দাঁড়িয়ে উঠে ব'লে—“খবরদার, বিলাসবাবু, হোল্ড, ইয়োর টাং-চুপ করুন,” পরে নরেনের দিকে ফিরে মিঠে সুরে বললে—“আপনি কি বা কে তা জানতে চাই না, তবে আমার বারণ আমি উঠিয়ে নিলুম, আপনি আপনার মামাকে যত খুসী ঢাক-ঢোল বাজিয়ে পূজা কর্তে বলবেন, আর যদি কিছু না মনে করেন, তা বলবেন—বাজনার সব ধরচ আমি দেব—শুধু এ বছরের জন্তে নয়, প্রতি বছরের জন্তে। বুঝেছেন, আপনার মামাকে বলবেন ভুলবেন না।” একটু থেমে বললে—“সে যাক, এসেছেন যখন, বসুন, চা আনতে বলে দি।”

নরেন দেখলে “indifference”এ অনেকটা কাজ হ'য়েছে। ‘চা খাইনা’ ‘ধন্যবাদ’ বা ‘আচ্ছা উঠি’ বা ‘কিছু মনে ক'রবেন না’ ইত্যাদির কোনটাই না ব'লে কোটের পকেটে হাত ছুঁটা ঢুকিয়ে দিয়ে মুখে কি একটা বিলিতি গানের সুরে শিষ দিতে দিতে বেরিয়ে গেল।

বিলাস চেয়ারের হাতল ধ'রে ব'সে পড়েছে। যতদূর দেখা গেল নরেনকে দেখে নিয়ে বিজয়া একটা নিঃশ্বাস ফেলে। বিলাসের কাছে এসে জিজ্ঞাসা করলে, “লোকটা কে বিলাসবাবু? চেনেন?” হাতলের ওপর মাথা

রেখেই বিলাস বলল—“দিঘড়ার জগদীশবাবুর ছেলে ন-রে-ন।” বিলাসকে আর কিছু বলবার অবসর না দিয়েই বিজয়া ২০টা সিঁড়ি এক এক লাফে উঠে ওপরে চলে গেল, ওঠবার সময় শুধু ব'লে গেল, “আপনি যাবেন না বিলাসবাবু, আপনার চা পাঠিয়ে দিছি।”

পাঁচ

জীবনে যা'রা কখনও বাধা পায় নি তা'দের এই রকমই হয়। তাই বিজয়া যখন মনে মনে ঠিক করলে নরেনবাবুকে চাই, তখন চাইই—তা সে যেমন ক'রেই হ'ক। কিন্তু বিলাস-সম্বন্ধে কি করা যায় ভেবে একটু সমস্যায় পড়ল।

এই ঘটনার পর আর ৫৬ দিন কেটে গেছে। নরেন এদিক একদম মাড়ায় নি, বিজয়ার মন আদৌ ভাল নয়, বিলাসকে পর্য্যন্ত কাছে ঘেষতে দেয় না। রাসবিহারী জমীদারের দলিলগুলা হস্তগত করবার জন্তে রোজই এসে একবার ক'রে বিজয়ার বন্ধ দরজায় লাঠি ঠুকে গেছে তবুও বিজয়া দেখা করে নি। তেতলার ছোট ঘরটীতে ব'সে কেবল বই পড়ে আর ছটফট করে। প্রথমে এমারসন আর টলষ্টয় খুললে, মন বসল না, লুট হামসনের ‘হাস্কার’ খানা শেষ ক'রে ভাবতে ব'সল—নরেনবাবুকে কি ক'রে পাওয়া যেতে পারে। হঠাৎ মনে মনে কি ঠিক ক'রে নীচে এসে বিলাসকে ডেকে পাঠালে। বিলাস এসে হাজির হ'ল। বিজয়া বললে—“দেখুন জগদীশবাবুর বাড়ীখানা আজই দখল করা হ'ক, আর নরেন না কে ওকে আজই বাড়ী থেকে বিদেয় ক'রে দেওয়া হ'ক, পারবেন তো?” বিলাস কদিনের পর আজ মনটায় ভারি আরাম পেল, ভাবলে—তাহ'লে এখনও ‘কেস হোপলেন্স’ নয়। একটু আবেগভরে বলে ফেললে—“বহুৎখুশ, আজই ব্যবস্থা ক'ছি”। মনে মনে বললে—শুধু বাড়ী কেন, একদম গাঁ ছাড়া ক'ছি। বিলাস চলে যেতেই বিজয়া আবার তেতলার ঘরটীতে গিয়ে ঢুকল—ভাবতে লাগল—নরেনবাবুকে এবার আমার কাছে আসতেই হ'বে, আর আমার কাছে যদি নাই বা আসে, ঐ সামনের মাঠ দিয়ে যেতেই হ'বে, যে যেখানেই থাক, মাঠ ছাড়া আর গতি নেই, গাঁয়ের ঐ একটা মাত্র পথ, তা ঠেপনেই যাক, বা অন্য কোন গাঁয়েই যাক। যাক, উপস্থিত এইখান

খেবেই একটু নজর রাখলেই চলবে—ভেবে মাঠের দিকে গরাদে ধরে দাঁড়িয়ে রইল। হঠাৎ দূরে মাঠের ওপর একটা লম্বা লোক দেখেই ৪৫টা সিঁড়ি একসঙ্গে লাকাত্তে লাকাত্তে নীচে নেমে এসে হাঁক দিলে—“পরেশ! পরেশ!” পরেশ বাচ্চা চাকর, কাছেই কোথাও খেলছিল, মনিবের ডাক শুনে’ এসে দাঁড়াইতেই বিজয়া হাঁপাতে হাঁপাতে বললে—“যা, যা, চট্ ক’রে যা, মাঠের ওপর ঐ যে লম্বা মতন লোকটা—ডেকে আন’ ডেকে আন, তোকে একটা জিনিস দেব, বোমা লাটাই দেব চটপট্ যা।” পরেশ ভেঁ দৌড় দিলে। বিজয়া চৈচিয়ে বলে দিলে—“যদি কেউ জিজ্ঞাসা করে কে ডাকছে, বলিস—আমি নই বাড়ীর...”। পরেশ ততক্ষণে অনেকদূর চলে গেছে সব কথা কাণে পৌঁছুল না। বারান্দাতেই বিজয়া মাঠের দিকে চেয়ে অধীরভাবে প্রতীক্ষা করতে লাগল। মিনিট ১৫ বাদে পরেশের সঙ্গে যে এল সে নরেন নয় একজন লম্বা চওড়া মিশ কাল’ মুসলমান, একটু রামছাগলের মত দাড়িও আছে। দেখেই বিজয়ার অন্তরা আঁ শিউরে উঠল— বিকৃতস্বরে চৈচিয়ে উঠল “কানাই সিং।” কানাই সিং চাপাটি বানাচ্ছিল, মায়িজীর করুণ ডাক শুনেই ছুটে এল। বিজয়া ভীতিবিহ্বলস্বরে আদেশ দিল—“ইস্কো ভাগায় দেও।” আগস্কটী প্রথমে একটু আশ্চর্য্যই হ’য়েছিল পরে সে ভাবটা কাটতেই রুখে দাঁড়িয়ে বললে—“কৈও।” কানাই সিং সামনে একটু এগিয়ে যেতেই চৈচিয়ে উঠল— “আরে যাও সান্তুখোর, আউর পচাশ আদমিকো বোলাও” সঙ্গে সঙ্গে ঘাড়ে এক রদ্দা দিতেই কানাই সিং হুমড়ি খেয়ে পড়ে গেল। বিজয়া ভয়ে থরথর ক’রে কাঁপছে। ঠিক সেই সময় আওয়াজ হ’ল “নমস্কা-র”। বিজয়া পেছন ফিরেই দেখলে নরেনবাবু। ছুটে এসে নরেনের হাতছুটো বগলদাবা ক’রে বললে—“নরেনবাবু! মানসম্মম বাঁচান”। নরেন indifferenceএর জের টানবার জন্তেই বিজয়াকে জোর ক’রে ছাড়িয়ে হাতখানেক মেপে নিয়ে তফাতে দাঁড় করিয়ে দিলে বলে—“ঐখানে দাঁড়ান।” তারপর নিমিষের মধ্যেই ‘নাইটে’র মত লাকিয়ে পড়ে বিজয়াকে আড়াল করে আগস্কটীর ঘাড় ধরে হাতে কি একটা লম্বা চকচকে জিনিস ওঁড়ে দিতেই লোকটা সটান উবুড় হ’য়ে প’ড়ে নরেন আর বিজয়ার

পায়ে ধরে “কসুর হো গিয়া” “কসুব হো গিয়া” বলতে বলতে বেরিয়ে গেল।

এই অল্প লক্ষ প্রদানেই নরেন বেশ একটু ধেম উঠেছিল, ঘরের মধ্যে এসেই বললে—“বড্ড গরম, পরে নিজেই উঠে গিয়ে বন্ধ জানালার একটা কড়া ধরে টান দিলে। অনেক কলে পুরোণ বাড়ী, পাল্লাটা সর্বসমেত উঠে এল, সেটাকে মেঝেতে আন্তে আন্তে নামিয়ে রেখে টেবিলের একপাশ চেপে ব’সে পড়ল।

“উঃ! এই রোগা হাড়ে কি দারুণ ক্ষমতা, যে পাল্লা দরওয়ানে লাঠি ঠেঙিয়ে খুলতে পারে নি সেই পাল্লা অনায়াসে খুলে ফেলল, অত বড় জোয়ান পাট্টা লোকটাকে এক সেকেণ্ডে কাবু ক’রে দিলে”—ভাবতে ভাবতে বিজয়ার হুটী চোখ ছলছলিয়ে উঠল’ জলে ডবডবে চোখ হুটী পাছে নরেনের নজরে পড়ে সেই ভয়ে অগ্র দিকে মুখ ফিরিয়ে বললে—“আপনার জন্তেই আজ আমি ইজ্জত বাঁচাতে পারলুম ও প্রাণটা ফিরে পেলুম। এ প্রাণটা এখন আপনারই, তবে একটা কথা আপনাকে জানিয়ে দিই আমি আপনাকে ভালবা—” ব’লে জিত্ কেটে বলল, “দেখুন দিখি আর একটু হ’লে” বিজয়া ধেম গেল। নরেন মুখে একটা অদ্ভুত আওয়াজ ক’রে বিজয়ার চিবুকটা ধরে অল্প একটু নাড়া দিয়ে ঠোট উণ্টে বলল, “এ নিয়ে কি করব’? সে য’াক্, এখন কিছু খেতে দিতে পারেন? না ওসব পাট নেই।” বিজয়া লাকিয়ে উঠে বলল—“নিশ্চয়ই আছে। কি আশ্চর্য্য, আমারই আগে খেয়াল হওয়া উচিত ছিল। আপনি একটু বসুন, আমি আসছি” বলেই বেরিয়ে গেল। মিনিট খানেক বাদে ফিরে এসে ব’লে, “আসুন আপনার জায়গা হ’য়েছে, আর দেরী নয় অনেক বেলা হ’য়েছে। আপনার হলে তবে আমি বসতে পারব।” সামনের হলঘরটায় খাবার ঠাই হ’য়েছে। নরেন আসনে বসতেই বিজয়া সামনে বসে পড়ল’। খাওয়া প্রায় শেষ হয়ে এসেছে, নরেন হুধের বাটীটায় চুমুক দিচ্ছে, বিজয়া হঠাৎ “মাফ করুন, আসছি” ব’লে দৌড়ে চলে গেল। একটু বাদে ফিরে এল আবার নিজের জায়গাটিতে ব’সে পড়ল। এবার তার হাতে বাটখারার মাপের একটা ছোট্ট ‘টয়ক্যান’, নরেনের মুখের কাছে টিপছে আর বোঁ বোঁ করেঃধুরছে। নরেন ভয় পেয়ে গেল। কাঁ ক’রে মুখটা

সরিয়ে নিয়ে জিজ্ঞাসা করলে—“ব্যাপার কি ? ওটা কি ?
খামান না, কি আশ্চর্য্য নাকটা কেটে যাবে যে।” বিজয়া
ধামিয়ে ফেললে। নরেন আশ্চর্য্য হ’য়ে বললে, “মৎলব মন্দ নয়
তো ? এ-রকম অতিথি-সংকার শিখলেন কোথা থেকে ?
যা’কে বলে “খেতে দিয়ে কুকুর লেলিয়ে দেওয়া’।”
বিজয়া ফিক্ ক’রে হেসে বললে,—“আপনারা সব
জিনিস বুঝবেন না, আপনারা পুরুষ মানুষ। যা’ক,
সরিয়ে নিয়েছি এবার খান তো।” নরেন জিদ ধরলে, “ওটা
ঘোরালেন কেন ?” বিজয়া মুখে কাপড় চাপা দিয়ে হেসে
বললে—“ও কিছু না, বাবা বলতেন পুরুষ মানুষের
খাওয়ার কাছে শুধু হাতে বসতে নেই, অন্ততঃ একটা পাখা
নেবে। কিন্তু পাখা তো মাথার ওপর ঘুরছেই। হাওয়ার
তো দরকার নেই তাই ‘টয়ফ্যানটা’ এনেছিলুম।—না
শুনে আর ছাড়লেন না।” নরেন মুচকে হেসে বললে—
“ওঃ, তাই ভাল।”

খাওয়া শেষ হ’তেই বিজয়া নরেনকে চুপি চুপি বললে,—
“দেখুন, না বললেও চলে না, অথচ বলতেও হ’বে, কেননা
এখানে আমার আপনার বলত কেউ নেই—এক আপনি
ছাড়া—তাই আপনাকেই বলছি। এ সমস্ত জমীদারি
চাকর-বাকর, মায় টেবিল চেয়ার, আসবাবপত্র সবই
আমার—বাবা ব’লে গেছেনও বটে, তাছাড়া আমি নিজেই
আপনাকে দিতে চাই, অবশ্য এমনি নয়, যেমন ভাবে স্ত্রীর
সম্পত্তি স্বামীর হয় সেই ভাবে।”

মাছ ডাঙ্গা, আর Indifferenceএর দরকার নেই,
কে জানে বাবা, মেয়ে মানুষের মন বঁকে দাঁড়াতে
কতকরণ। নরেন সোহাগভরে বললে—“বেশ, আমিও
রাজি। তবে স্ত্রী হ’তে হ’লে, বিবাহ চাই তো ? কিন্তু
সেইটাই তো মুশ্কিল। যা তোমার বিলাস আর রাসবিহারী
বাঁটা আগলে আছে।”

বিজয়া তাড়াতাড়ি বললে,—“এক কাজ করলে হয় না,
দয়ালবাবু ব’লে এক ভদ্রলোক আছেন, বাবার বিশেষ
বন্ধু ছিলেন, তাঁর এখানে আজ রাত্তিরেই বাবস্থা করতে
পার না ? তা হ’লে বেশ হয়। তবে খুব সাবধানে, আর
নমো নমঃ ক’রে সারতে হ’বে। কাক-চীলটা পর্য্যন্ত টের
না পায়।”

নরেন উত্তরে বললে—“বেশ, তুমি তা হ’লে ঠিক হ’য়ে

থেকো’, আমি রাত বারটা নাগাদ তোমার বাগানের ঐ
কোণে হান্সাহানার ঝোপের মধ্যে এসে শিশ দেব, তুমি
জেগে থেকো।” তারপর কাণে কাণে বললে—“কি শিশ দেব
তোমায় বলে যাই কে জানে অল্প কেউ যদি আমাদের
কথা সব শুনে থাকে” ব’লে আরও গলার স্বর নীচু ক’রে
ব’লে ‘মাত্র তিনটা কথা, Tra-la-la ব্যস।’ তারপর
সহজ গলায় বললে,—মাইক্রোস্কোপটা এনেছিলুম—বেচে
বর্ণা যাবার টাকার জোগাড় কর্তে, ওটা এখানেই থাক কি
বল’! এখন আমাদেরই তো সব। তা হ’লে ঐ কথাই
রইল ব’লে নরেন চ’লে গেল।

নরেন দয়ালবাবুকে অনেক টাকার লোভ দেখিয়ে
রাজি করিয়েছে। রাতারাতি একরকম সব জোগাড়ও
হ’য়ে গেল। গাঁয়ের কাণা ভটচারী মস্তর আওড়াতে রাজি
হ’য়েছে কিছু পাবার আশায়। রাত ২১০ টায় লগ্ন।

বিয়ের মস্তর প্রায় শেষ হ’য়েছে, হঠাৎ বাইরে অনেক
লোকের গলার আওয়াজ পাওয়া গেল। তার মধ্যে
রাসবিহারী আর বিলাসবিহারীর আওয়াজই বেশী।
যারা ঢুকল তাদের মধ্যে দু’জন পুলিশের লোকও আছে।
একজনের হাতে একখানা কি কাগজ। রাসবিহারী ঘরে
চুকেই চৈচিয়ে উঠল—“বিজয়া, বিজয়া, বিজয়া।”

পুলিশের লোকটা রাসবিহারীর হাত ধ’রে দাঁড় করিয়ে
দিয়ে বললে—“মিছে ‘হারাস’ করেন, এ তো দস্তরমত বিয়ে
হ’চ্ছে, ‘আব্‌ডাকসন’ কই, বুড়ার ভিন্নরতি হয়েছে রে”
ব’লে হাসতে হাসতে অপর লোকটিকে নিয়ে বেরিয়ে গেল।
মস্তর শেষ হ’তেই বিজয়া উঠে এসে বললে, “চমকে গেছেন,
না কাকাবাবু। উঃ একদম এ্যাবডাকসন। সে যা’ক, যখন
এসেই পড়েছেন, আজ এইখানেই খাওয়া-দাওয়া ক’রে
যাবেন, বরযাত্রী তো আর বলা হয় নি, বিলাসবাবু
আপনিও না খেয়ে যাবেন না।”

রাসবিহারী রাগের মাথায় প্রায় অর্ধেক চুল ছিঁড়ে
ফেলেছে, কাঁপতে কাঁপতে উঠে দাঁড়িয়ে বললে,—“যত সব
জোচ্ছোর, তখনই বলেছিলুম ও বেটা বিলেত-ফেরত ঘুঘু।
তারপর বিলাসের বাড়ি ধরে টানতে টানতে নিয়ে বেরিয়ে
গেল। বিজয়ার কাণে এল, রাসবিহারী বিলাসকে ধমকচ্ছে
“ব্রাহ্ম হ’লে কি হয় তুই বেটা আসল চাষার ছেলে
চাষা।”—নরেন আর বিজয়া একসঙ্গে হোঃ হোঃ
করে হেসে উঠল।

বিষ্ণুপুরের কথা

[শ্রীনিখিলনাথ রায় বি-এল]

(পূর্বাভূতি)

রঘুনাথসিংহের পুত্র বীরসিংহ অতি উগ্র প্রকৃতির রাজা বলিয়া কথিত হইয়া থাকেন। তিনি স্ববংশীয়গণের এমন কি পুত্রভ্রাতার প্রতিও অত্যাচার করিয়াছিলেন—এরূপ শুনা যায়। বীরসিংহ কিন্তু আপনার সামন্ত রাজাদিগকে বশে রাখিয়াছিলেন। এরূপ শুনা যায় যে, বীরসিংহই বিষ্ণুপুরের বর্তমান দুর্গ নির্মাণ করিয়াছিলেন, কিন্তু বীর সিংহের বহুপূর্বে বিষ্ণুপুর দুর্গ নির্মিত হইয়াছিল বলিয়া স্থির হয়। এইরূপ শুনা গিয়া থাকে যে, বীরসিংহই বিষ্ণুপুরের সাতটা বাঁধই খনিত করিয়াছিলেন। একথাও সত্য বলিয়া মনে হয় না, তবে তাঁহার সময়ে কোনও কোনও বাঁধ নিখাত হইয়াছিল। রাজা হইবার পূর্বে বীরসিংহ প্রথমে ১২৮ মল্লাদে বা ১৬২২ খৃঃ অর্কে মল্লেশ্বর শিবের মন্দির নির্মাণ করেন। * তাহার পর ১৬৪ মল্লাদে বা ১৬৫৮ খৃঃ অর্কে রাজা বীরসিংহ কর্তৃক লালজীর মন্দির নির্মিত হইয়াছিল। † ১৭১ মল্লাদে বা ১৬৬৫ খৃঃ অর্কে তাঁহার মহিষী রাণী চূড়ামণি মুরালীমোহন ও মদন গোপালের মন্দির নির্মাণ করাইয়া দেন। ‡

* “বহুকরনবগণিতে মল্লশকে শ্রীবীরসিংহেন।
অতিসলিতং দেবকুলং নিহিতং শিবপাদপদ্মে ॥”

(মল্লেশ্বর)

মল্লেশ্বর মন্দিরে যে বীরসিংহের নাম আছে, কেহ কেহ তাঁহাকে বীর হাঙ্গীর বলিয়া প্রমাণের চেষ্টা করিয়াছেন। কিন্তু বীর হাঙ্গীরকে কোন স্থানে বীরসিংহ বলিয়া উল্লেখ দেখা যায় না। রঘুনাথসিংহের নির্মিত তিনটি মন্দিরে তিনি আপনাকে ‘শ্রীবীরহাঙ্গীরনরেশমহু’ বলিয়াই পরিচয় দিয়াছেন। মল্লেশ্বরের মন্দির খাড়ি হাঙ্গীরের রাজত্বকালে নির্মিত হয়, সে সময়ে রঘুনাথসিংহ রাজা না থাকায় বীরসিংহ আপনার কোন পরিচয় দেন নাই। পিতার পরিচয় না দিয়া পিতামহ বীর হাঙ্গীরের পরিচয়-প্রদান তিনি সম্ভবতঃ সঙ্গত মনে করেন নাই।

+ “শ্রীরাধিকাকৃষ্ণমুদে শকেহ্মিরসাক্ষবুতে নবরত্নমেতৎ।

মল্লাধিপঃ শ্রীরঘুনাথমহুদৌ নৃপঃ শ্রীযুতবীরসিংহঃ ॥” (লালজী)

‡ শ্রীদুর্জয়সিংহভূপজননী মল্লাবনীবল্লভ

শ্রীলশ্রীযুতবীরসিংহমহিষী শ্রীলশ্রীচূড়ামণিঃ।

বীরসিংহের পুত্র দুর্জয়সিংহ ১৮৮ মল্লাদে বা ১৬৮২ খৃঃ অর্কে সিংহাসনে আরোহণ করিয়া ১০০৭ মল্লাদ বা ১৭০১ খৃঃ অর্কে পর্যাস্ত রাজত্ব করেন। দুর্জয়সিংহ বিষ্ণুপুরের সুপ্রসিদ্ধ দেবতা মদনমোহনকে কোন স্থানের এক ব্রাহ্মণের বাটী হইতে লইয়া আসেন, এবং ১০০০ মল্লাদে বা ১৬৯৪ খৃঃ অর্কে তাঁহার বিচিত্র মন্দির নির্মাণ করাইয়া দেন। * বিষ্ণুপুর রাজগণের মধ্যে দুর্জয় সিংহের

মল্লাদে শশিসপ্তরক্ষুবিমিতে শ্রীরাধিকাকৃষ্ণয়োঃ।

শ্রীতৈ্য সৌধগৃহং স্তবেদয়দ্বিদং পূর্ণেন্দুতোহপূজ্ঞানম্ ॥”

(মুরলীমোহন)

“রাধাকৃষ্ণপদপ্রাস্তৈ্য সোমসপ্তাঙ্কপে শকে

বঘুনাথমহীনাথনয়স্তোত্রতা শ্রিয়াঃ।

বীরসিংহনরেশশ্রীচূড়ামণিসংজ্ঞয়া

মহিষ্ঠাতিপ্রমোদেন নবরত্নং সমর্পিতম্ ॥

(মদনগোপাল)

এই মন্দির-লিপির পাঠ লইয়া বিখ্যকোষে ও History of Bishnupur Raj গ্রন্থে অনেক গোলযোগ আছে। বিখ্যকোষে বৎসরের ‘সোম’ এর স্থলে ‘বষ্ঠ’ আছে, চতুর্থ চরণের প্রথমার্কে একেবারে অস্তরূপ পাঠ আছে। কিন্তু শ্রীচূড়ামণি সংজ্ঞার স্থানে বিখ্যকোষে ‘শীরবোমান সংজ্ঞা’ ও History of Bishnupur Raj এ ‘শীরবমানসংজ্ঞা’ আছে। ইহার কোনই অর্থ হয় না, বা ইহা হইতে রাণার নামও পাওয়া যায় না। Dr. Bloch ‘চূড়ামণি’র স্থলে ‘শিরোমণি’ বলেন, কিন্তু মুরলীমোহনের মন্দির চূড়ামণিই আছে লিখিয়াছেন। যখন মুরলীমোহনের মন্দির ‘চূড়ামণি’ রহিয়াছে, তখন মদনগোপালের মন্দিরে তাহা ‘শিরোমণি’ হইতে পারে না, ‘চূড়ামণি’ই হইবে। চূড়ামণি সম্ভবতঃ প্রধান মহিষীর উপাধি। বিখ্যকোষে রাজা বীরসিংহ কর্তৃক ১৮৬ মল্লাদে নির্মিত রাধাকৃষ্ণের একটি শৈলমন্দিরের কথা আছে।

“কালবশ্বকমল্লাদে শ্রীরাধাকৃষ্ণয়োর্মুদা।

দদৌ সৌধগৃহং শৈলং বীরসিংহো মহীপতিঃ ॥”

* “শ্রীরাধাত্রয়রাজনন্দনপদাস্তোম্বেষু তৎপ্রীত্যে

মল্লাদে কণি রাজনীর্ধগণিতে মাসে শুচৌ নির্মলে।

সৌধং স্তম্বরত্নমন্দিরমিদং সার্কং স্বচেতোহলিনা।

শ্রীমদুর্জয়সিংহভূমিপতিনা দত্তং বিশুদ্ধাননা ॥”

(মদনমোহন)

নাম প্রথমে খালসা বা রাজস্ব সেরেস্টার দৃষ্ট হইয়া থাকে।* চেতোবর্দার জমীদার সভাসিংহ ও উড়িষ্কার পাঠান-



লালজীর মন্দির

সর্দার রহিম খাঁর বিদ্রোহের সময় দুর্জনসিংহ সরকার-পক্ষকে বিশেষ রূপে সাহায্য করিয়াছিলেন বলিয়া কথিত

আমরা পূর্বে বলিয়াছি যে বীর হাখীর-কর্তৃক মদনমোহন আনীত হইয়াছিলেন বলিয়া যে প্রবাদ প্রচলিত আছে, তাহা প্রকৃত নহে। কারণ, বৈষ্ণব গ্রন্থে মদনমোহনের কোনই উল্লেখ নাই। যিনি বিষ্ণু-পুরের এইরূপ সুপ্রসিদ্ধ দেবতা, বীর হাখীর তাঁহাকে বিষ্ণুপুরে প্রতিষ্ঠিত করিলে, বৈষ্ণবগ্রন্থকারগণ কি তাহার উল্লেখ করিতেন না? আর বীর হাখীরের মৃত্যুর কাল পরে রাজা দুর্জনসিংহই বা তাঁহার মন্দির নির্মাণ করিবেন কেন? এতদিন মদনমোহন কি কুটীরেই অবস্থিত করিতেছিলেন? অথবা তাঁহার মন্দির নির্মিত হইলে, সেই প্রাচীন মন্দিরের চিহ্ন বা তাহার স্থান পর্য্যন্তও খুঁজিয়া পাওয়া যায় না কেন? মদনমোহনবন্দনা কবিতা হইতে কোনরাজা মদন মোহনকে আনিয়াছিলেন, তাহা জানা যায় না। তাঁহার পাথরের রথ নির্মাণের কবিতায় যে রঘুনাথসিংহের নাম আছে তিনি দুর্জনসিংহের পুত্রই হইবেন, এবং এই সকল কবিতা পরবর্তী কালে রচিত হইয়াছে বলিয়া মনে হয়।

*Raja Disjen Singh however is the first that occurs on existing records of the khalsa as Zemindar of Bishnupur in Bengal and of Buggury with Raipur in Orissa. His name appears enrolled in jummakhurch accaount of the latter subah as early as fassuloe Year 1112 or 1707 of the Christian era. (Fifth Report)

১৭০৭ খৃষ্টাব্দে দুর্জনসিংহ বর্তমান ছিলেন না। সম্ভবতঃ তাঁহার পুত্র রঘুনাথসিংহের নাম পত্তন না হওয়ার উহারই নাম চলিয়া আসিতেছিল।

হইয়া থাকে। * দুর্জনসিংহের পর তাঁহার পুত্র দ্বিতীয় রঘুনাথসিংহ ১০০৮ মল্লাক বা ১৭০২ খৃঃ অব্দ হইতে রাজস্ব আরম্ভ করেন, তিনি দশ বৎসর রাজস্ব করিয়াছিলেন। তাঁহার রাজস্বসময়ে ১৭০৭-৮ খৃঃ অব্দে মুর্শিদকুলীখাঁ নূতন ভাবে বাংলার রাজস্ব বন্দোবস্ত আরম্ভ করিয়া জমীদারদিগকে কারাগারে নিক্ষেপ করিতে প্রবৃত্ত হন, জমীদারদিগের পরিবর্তে আমীনগণকে রাজস্ব আদায়ে নিযুক্ত করা হয়। কেবল বঙ্গদেশের দুইজন মাত্র জমীদার এ ব্যাপার হইতে নিষ্কৃতি লাভ করিয়াছিলেন। তাঁহাদের মধ্যে একজন বীরভূমের ও আর একজন বিষ্ণুপুরের জমীদার। বিষ্ণুপুর প্রদেশ অন্তর্ভুক্ত হওয়ার এবং তথা হইতে রাজস্বসংগ্রহে ব্যায়াধিকার সম্ভাবনা থাকায়, বিষ্ণুপুরের রাজা অব্যাহতি লাভ করেন।† বীরভূম ও বিষ্ণুপুরের জমীদার মুর্শিদাবাদ-দরবারে উপস্থিত হইতে অনিচ্ছা প্রকাশ করায়, তাঁহারা দরবারস্থ নিজ নিজ উকীল দ্বারা রাজস্বপ্রদানে অসুমতি পাইয়া-ছিলেন।‡ প্রথমে বিষ্ণুপুর রাজগণের সহিত যে রাজস্ব বন্দোবস্ত হইয়াছিল, ক্রমে ক্রমে তাহা সামান্যমাত্র পেকসে পরিণত হয় বলিয়া জানা যায়। রঘুনাথসিংহ লালবাই নামে কোন মুসলমান রমণীর প্রণয়ে পতিত হইয়াছিলেন বলিয়া শুনা যায়। তিনি তাহার জন্ত বিচিত্র প্রাসাদ নির্মাণ করাইয়া দিয়াছিলেন বলিয়া শুনা গিয়া থাকে। এমন কি বিষ্ণুপুরের সুপ্রসিদ্ধ লালবাধ নিখাত হইয়া লালবাই

* Bankura District Gazetteer ও History of Bishnupur Raj এ লিখিত আছে যে, দুর্জনসিংহের পুত্র রঘুনাথ সিংহের রাজস্বকালে সভাসিংহের বিদ্রোহ ঘটিল। এবং রঘুনাথসিংহ সরকার-পক্ষকে সাহায্য করিয়াছিলেন। ১৩২৫ খৃঃ অব্দ হইতে ১৩২৮ খৃঃ অব্দ পর্য্যন্ত এই বিদ্রোহ বিদ্যমান ছিল। সে সময়ে দুর্জন সিংহেরই রাজস্বকাল, রঘুনাথ সিংহের নহে। তবে রঘুনাথ সিংহ পিতার পক্ষ হইয়া বিদ্রোহ-দমনে সাহায্য করিতে পারেন।

† রিয়ার্স সালাতীন ও Steward's History of Bengal.


‡ "These two Zemindars therefore, having refused the summons to attend at the court of Moorshudabda, were permitted to remain on their estates, on condition of regularly remitting their assessment, through an agent stationed at Moorshudabad."

(Stewart's History of Bengal)

এর নামানুসারে তাহার নামকরণ হইয়াছিল বলিয়া প্রবাদও প্রচলিত আছে। কিন্তু লালবাধ তাহার পূর্ব হইতেই বিদ্যমান ছিল বলিয়া মনে হয়। তবে লালবাইওর নামে তাহার নামকরণ হইতে পারে। লালবাই এর প্রণয়ে পতিত হইয়া রঘুনাথসিংহ নিজ ধর্মকর্ম পরিত্যাগ করিতে উদ্বৃত্ত হওয়ায়, এমন কি সকল লোককেই তাঁহার অঙ্গুগামী করিতে চেষ্টা করায়, সকলে মিলিয়া তাঁহার হত্যাকাণ্ড সম্পাদন করে। তাঁহার প্রণয়িণীও তাঁহার পথানুসরণ করিতে বাধ্য হয়। রাজার মহিষী এবং তাঁহার পুত্র গোপালসিংহও এই হত্যাকাণ্ডে লিপ্ত ছিলেন বলিয়া কথিত হইয়া থাকে।

দ্বিতীয় রঘুনাথসিংহের পর তাঁহার পুত্র গোপালসিংহ ১০১৮ মস্বাদে বা ১৭১২ খৃঃ অব্দে বিষ্ণুপুরের সিংহাসনে উপবিষ্ট হন। গোপাল সিংহের রাজত্ব কাল ঐতিহাসিক ঘটনায় পরিপূর্ণ। মুর্শিদকুলী জাফর খাঁ বাঙ্গলার দেওয়ান হইয়া মে নূতন রাজস্ব বন্দোবস্ত আরম্ভ করিয়াছিলেন, এবং নবাব হওয়ার পর যাহা পূর্ণতা লাভ করে, অবশেষে নবাব সুজাউদ্দীন মহম্মদ খাঁর সময় যাহা কার্যে পরিণত হয়, বিষ্ণুপুরসম্বন্ধে সেই বন্দোবস্ত গোপাল সিংহেরই সহিত হইয়াছিল। বিষ্ণুপুর ও সেরপুর দুই পরগণায় তাঁহার ১,২৯,৮০৩ টাকা রাজস্ব ধার্য্য হয়। * আবার গোপালসিংহের রাজত্বকালে সেই সুপ্রসিদ্ধ বর্গীর হাঙ্গামাও ঘটয়াছিল। বিষ্ণুপুরে তাহারা

বিশেষরূপে বাধা প্রাপ্ত হইয়াছিল বলিয়া কথিত হইয়া থাকে। বেরারের মহারাজীয় প্রধান রঘুসী হোসলার সেনাপতি ভাস্করপণ্ডিত পঞ্চপালের ঞায় সৈন্ত লইয়া বঙ্গদেশে উপস্থিত হইলে, বাঙ্গলার তদানীন্তন নবাব আলিবর্দী খাঁ তাঁহাকে বাধা প্রধানে উদ্বৃত্ত হন। মহারাজীয়গণ বঙ্গসৈন্ত আক্রমণ করিয়া নবাবকে রাজধানী মুর্শিদাবাদে আশ্রয় লইতে বাধ্য করে এবং তাহারা কাটোয়া পর্য্যন্ত অধিকার করিয়া লয়। নবাব পরিশেষে মহারাজীয়দিগকে



মদনমোহনের রাসমঞ্চ

কাটোয়ায় পরাজিত করিলে, তাহারা ১৭৪২ খৃঃ অব্দে পঞ্চ কোটের পার্শ্বত্যা পথ দিয়া চলিয়া বাইবার অভিপ্রায় করে। কিন্তু সে পথে যাইতে অশক্ত হওয়ায়, বিষ্ণুপুরের বনপথে চন্দ্রকোনা দিয়া মেদিনীপুরে উপস্থিত হয়। * শিবরাও নামক মহারাজীয় সেনাপতি হুগলী হইতে বিষ্ণুপুরের দিকে প্রস্থান করেন। + এই সময়ে মহারাজীয়েরা বিষ্ণুপুর-লুণ্ঠনের চেষ্টা করিয়াছিল। তাহারা নগরমধ্যে প্রবেশ করিলে, রাজার সৈন্তেরা তাহাদিগকে বাধা প্রদান করিয়া

* "Bishnupoor comprised in the chuckleh of Burdwan, and surrounded by the districts of the great Zemindary of this name of Midnapoor in Orissa and Pacheat, is affirmed to have been the inheritance of a Rajepoot family for 1021 years under a regular succession of 55 Rajahs, and only subject to a small peshoush or tribute to the sovereign of Bengal, untill the year 1715, soon after the commencement of Jaffer Khan's administration, when the country was more completely reduced, though yet imperftetly explored and conferred again in Zemindary tenure on Gopal Sing, the heir of line, assessed under the head of—perghs...1, 29, 803. (Fifth Report)

১৭১৫ খৃঃ অব্দে ১০২১ মস্বাদ হয়, এবং বিষ্ণুপুরে রাজ-পরিবারে নব্বিশ জনের ও বিষ্ণুকোষের মল্লরাজ বংশে গোপাল সিংহ ৫৫ সংখ্যক রাজা। হুগলীর সাহেবের প্রবেশে তিনি কিন্তু ৫৫ সংখ্যক।

* "So far from being able to hear of the enemy, Bha-sukur unable to open his way to his own frontiers, through such a difficult country, and at a loss how to manage with such an enemy at his heels found himself obliged to have the management of the march to Mir-habib; and that able General found means to bring him back to the woods of Bishenpur from whence he proceeded through the plain of Chendroona, and at last emerged about Midnapur-".

(Seir Mutaqherin)

+ "ভাস্কর পণ্ডিতের পরাজয়সংবাদ পরিশ্রুত হইয়া শিবরাও হুগলীর দুর্গ পরিত্যাগ করিয়া বিষ্ণুপুরাভিমুখে প্রস্থান করিলেন।"

(রাসপ্রাণ্ডেশ্বরের রিহাভুস সালাতীন)

কিছুই করিতে পারে নাই। অবশেষে রাজসৈন্য দুর্গমধ্যে আশ্রয় লইয়া কামান ছাড়িতে আরম্ভ করে। মহারাষ্ট্রীয়েরা দুর্গের ভিতর প্রবেশ করিতে না পারিয়া প্রতিনিবৃত্ত হয়। এইরূপ প্রবাদ আছে যে, রাজা গোপালসিংহ মহারাষ্ট্রীয়দিগকে দমন করা আপনার পক্ষে অসম্ভব মনে করিয়া সকলকে তাহাদের সুপ্রসিদ্ধ দেবতা মদনমোহনের আশ্রয় লইতে বলেন এবং হরিনামসংকীৰ্ত্তন করিতে উপদেশ দেন। রাজা ও নগরবাসীর প্রার্থনায় মদনমোহন দলমর্দন (দলমাদল) কামান আশ্রয় করিয়া না কি মহারাষ্ট্রীয়দিগকে বিতাড়িত করিয়াছিলেন। ইহার পরও যে মহারাষ্ট্রীয়েরা বিষ্ণুপুরে মধ্য মধ্য আসিয়া উপস্থিত হইত, তাহারও অনেক প্রমাণ পাওয়া যায়। গোপালসিংহের রাজত্বকালে বর্ধমানের রাজা কীর্ত্তিচন্দ্র বিষ্ণুপুর রাজ্য আক্রমণ করিয়া কতকাংশ অধিকার করিয়া লইয়াছিলেন। এই সমস্ত কারণে বিষ্ণুপুর রাজ্যের আয় কমিয়া যাওয়ায়,



দলমাদল কামান

গোপালসিংহকে সরকার হইতে কতক রাজস্বের কমী দেওয়া হইয়াছিল।*। গোপালসিংহ একজন পরম বৈষ্ণব ছিলেন, বীর হাঙ্গীরের পর বিষ্ণুপুর রাজ্যের মধ্যে

* "Gopal Sing, his (Disjea Sings) second son, from 1135 to 1150 (fussullee) and subsequently stands rated in the Ausil Toomary, or net original rent-roll for the two pergunnahs of Bishenpoor and Sherpoor, comprizing the whole of his territory in Bengal in the sum of sicca Rupees 1,29,803, reduced at the last mentioned period in consideration of the Maharatta devastations to teshkheessy rovenoue of 1,11,803, and including at all times what was called pesheush or tribute of 17,806 rupees" (Fifth Report)

গোপাল সিংহেরই প্রবল ধর্ম্মাশুরাগের কথা শুনা যায়। তিনি তাঁহার প্রজাবর্গকে প্রত্যহ হরিনামের মালা জপিরাজ জ্ঞান বাধ্য করিয়াছিলেন। সকল লোকে ইচ্ছাপূর্ব্বক তাহা না করায় এই মালা-জপ 'গোপালসিংহের বেগার' বলিয়া কথিত হইত। গোপালসিংহ ধর্ম্মচর্চায় ব্যাপৃত থাকায়, জ্যেষ্ঠপুত্র কৃষ্ণসিংহকে যৌবরাজ্যে অভিষিক্ত করিয়াছিলেন, কৃষ্ণসিংহই রাজকার্য্য পরিচালনা করিতেন। ১০৩২ মল্লাকে বা ১৭২৬ খৃঃ অঙ্গে কৃষ্ণসিংহ রাধাগোবিন্দের মন্দির নির্মাণ করেন। তাঁহার মহিষী রাণী চূড়ামণি ১০৪৩ মল্লাকে বা ১৭৩৭ খৃঃ অঙ্গে রাধামাধবের মন্দির নির্মাণ করাইয়া দিয়াছিলেন।*

গোপালসিংহের পর তাঁহার পৌত্র এবং কৃষ্ণসিংহের পুত্র চৈতন্যসিংহ বিষ্ণুপুর রাজ্যের অধীশ্বর হন।†

* "মল্লাকে পঞ্চরামাশ্বরশিগণিতে কাস্তনে শুরুপক্ষে রাধাগোবিন্দপাদামলতলে বেদমদ যজ্ঞতো শুক্তিমালাং।
শ্রীশ্রীগোপালসিংহকৃতিপতিকৃতিনা যৌবরাজ্যে অভিষিক্তঃ
শ্রীল শ্রীকৃষ্ণসিংহঃ শুরচিরসমলং সৌধরত্নং দদৌ তৎ।

(রাধাগোবিন্দ)

Dr. Bloch ১০৩২ মল্লাকের স্থলে ১০৩৫ বলেন, সম্ভবতঃ তিনি 'পক্ষ' শব্দের স্থলে পঞ্চ পাঠ করিয়াছিলেন।

"মল্লাকে গুণবেদধেনুবিমিতে শ্রীরাধিকামাধব-
শ্রীতৈয় সৌধমিদং হুধাংশুবিমলং মাঘে দদৌ চিত্রিতং।
শ্রীশ্রীমল্লমহীমহেন্দ্রগুণবিদগোপালসিংহাস্বজ-
শ্রীলশ্রীযুক্তকৃষ্ণসিংহমহিষী শ্রীশ্রীলচূড়ামণিঃ।"

(রাধামাধব)

বিষকোষে ইহার অন্তরূপ পাঠ আছে। History of Bishnupur Raj গ্রন্থে 'বিমিতে'র স্থলে 'মিলিতে' আছে।

Dr. Bloch ১০৩২ মল্লাকে বা ১৭২৬ খৃঃ অঙ্গে গোপাল সিংহের নির্মিত ষোড় মন্দিরের কথা লিখিয়াছেন। বিষকোষে ১০৪০ মল্লাকে বা ১৭৩৪ খৃঃ অঙ্গে গোপালসিংহের নির্মিত চৈতন্যদেবের মন্দিরের কথা লিখিত আছে।

"মল্লাকে ব্যোমবেদাশ্বরবিধুগণিতে মাঘে পক্ষে চ শুরু
সৌধেহলকারযুতে নৃপশুভরচিত্তে শ্রীলশ্রীশৈতন্যচন্দ্রঃ।
শ্রীনিত্যানন্দসঙ্গী হুরচিহ্নমুদিতঃ শ্রীশ্রীগোপালসিংহ
কৌশীভর্ষ পিকামং পরমকরণয়া পুরয়েৎ ভাগধেয়ং।"

বিষকোষে প্রথম চরণের 'মাঘে' স্থলে 'মাসি' ও তৃতীয় চরণের 'শ্রীনিত্যানন্দসঙ্গী'র স্থলে 'রাজত্যানন্দসঙ্গী' আছে। আমরা বাহা লিখিলাম, সম্ভবতঃ তাহাই হইবে।

† History of Bishnupur Raj এ রাজপরিবারে রক্ষিত বংশগণে

তিনি ১০৫৪ মসজিদে বা ১৭৪৮ খৃঃ অন্ধে সিংহাসনে আরোহণ করিয়াছিলেন। চৈতন্যসিংহের রাজত্বকাল ঘোর অশান্তিময় হইয়া উঠিয়াছিল। বর্গীর হাজামার অব্যবহিত পরেই তিনি রাজত্বারম্ভ করেন। তাহার অল্পকাল পর হইতেই বাঙ্গলার মসনদ লইয়া যে রণ ক্রীড়ার অভিনয় চলিয়াছিল, এবং ছিয়াত্তরে মঘন্তরের বিভীষিকায় দেশমধ্যে যে হাহাকারের রোল উঠিয়াছিল, তাহাতে চৈতন্যসিংহ নিরাপদে রাজত্ব করিতে পারেন নাই। তাহার পর তাঁহার প্রতিদ্বন্দ্বী স্ববংশীয় দামোদরসিংহ তাঁহাকে রাজ্যচ্যুত করিয়া, কিছুকাল বিষ্ণুপুরের সিংহাসনে বসিয়াছিলেন। অবশেষে উভয়ের মধ্যে রাজত্ব লইয়া মামলা মোকদ্দমাও চলিয়াছিল। রাজস্বপ্রদানে অশক্ত হওয়ায়, চৈতন্যসিংহ কারাগারেও নিষ্কিন্তু হইরাছিলেন। তাঁহার সময়ে বিষ্ণুপুরের রাজস্ববৃদ্ধি চরম সীমায় উঠিয়াছিল। আমরা ক্রমে ক্রমে সংক্ষেপে সেই সকল বিষয়ের পরিচয় দিতেছি।

চৈতন্যসিংহ রাজ্যভার গ্রহণ করিলে, কিছুকাল পরে নবাব আলিবন্দী খাঁ ইহলোক হইতে বিদায় গ্রহণ করেন। আলিবন্দীর শেষ আমল পর্য্যন্ত বর্গীর হাজামার বিষয়ময় ফল সমস্ত পশ্চিম বঙ্গের অধিদাসীরাই ভোগ করিয়াছিল। তাহার পর সিরাজ-উদ্দৌলা বাঙ্গালার মসনদে বসিয়া বিশ্বাসঘাতকদিগের ষড়যন্ত্রে রাজ্যচ্যুত হইলেন ও জীবন হারাইলেন; মীরজাফর খাঁ ইংরেজদিগের সাহায্যে নবাবী লাভ করিলেন। ইংরেজেরা মীরজাফরের নিকট হইতে অনেক বিষয়ের সুবিধা করিয়া লইতে লাগিলেন। তাঁহারা জিনিসপত্রক্রয়ের গুরু হইতে অব্যাহতি পাওয়ার জন্য জমীদারদিগের নামে নবাবের পরওয়ানা বাহির করাইলেন। কিন্তু বিষ্ণুপুরের রাজা সে পরওয়ানা না মানিয়া, পূর্বের ন্যায় গুরুর জন্য তাঁহাদিগকে পীড়াপীড়ি করিতে লাগিলেন।*

গোপালসিংহের পর চৈতন্য সিংহেরই নাম আছে। উক্ত গ্রন্থে লিখিত আছে যে, গোপালসিংহের জীবিতকালে কৃষ্ণসিংহ পরলোক গমন করিয়াছিলেন। বিখ্যাত মল্লরাজবংশে কিন্তু গোপালসিংহের পর কৃষ্ণসিংহের ১৫ মাস রাজত্ব করার কথা আছে। গোপালসিংহের জীবিতকালে কৃষ্ণসিংহ যে রাজকাৰ্য্য পরিচালনা করিতেন, সে কথা আমরা পূর্বে উল্লেখ করিয়াছি।

* Long's Selections from unpublished Records, proceedings, November 3, 1757.

তাহার পর ১৭৬০ খৃঃ অন্ধে শাহাজাদা আলিগহর পরে বাদশাহ শাহআলম বাঙ্গলা আক্রমণ করিয়া বসেন। তাঁহার সেনাপতি কামগার খাঁ মুর্শিদাবাদের দিকে অগ্রসর হইলে, নবাব মীরজাফর খাঁ ইংরেজদিগের সাহায্যে তাঁহাকে বিভাড়িত করিতে চেষ্টা করেন। এই সময়ে শিবভট্ট ও বাবুজান নামে দুই জন মহারাষ্ট্রীয় সেনাপতি বিষ্ণুপুরে আসিয়া, রাজা চৈতন্যসিংহকে আপনাদের সঙ্গে লইয়া বাদশাহের পক্ষে যোগদান করিতে অগ্রসর হন। তাঁহাদের সাহায্য পাইয়া কামগার খাঁর উৎসাহ বাড়িয়া যায়।* কিন্তু নবাব ইংরেজদিগের সাহায্যে তাঁহাদিগকে পরাজিত করিয়া বিহারের দিকে বিভাড়িত করিয়া দেন। ইহাতে চৈতন্য সিংহের ভাগ্যবিপর্যায় ঘটে। দামোদর সিংহ পূর্ব হইতে বিষ্ণুপুরের রাজত্বলাভের চেষ্টা করিতেছিলেন। কথিত আছে যে, সিরাজ-উদ্দৌলার সমর একবার চেষ্টা করিয়া তিনি অকৃতকার্য্য হইয়াছিলেন। এবার কিন্তু তাঁহার বিশেষ সুযোগ উপস্থিত হইল। মীরজাফর চৈতন্যসিংহকে রাজ্যচ্যুত করিলেন, দামোদরসিংহ বিষ্ণুপুরের রাজগদীতে বসিলেন। তিনি ১৭৬১ ও ১৭৬৪ খৃঃ অন্ধে যে বিষ্ণুপুরে রাজত্ব করিতেছিলেন, তাহা জানা গিয়া থাকে।† আবার এরূপও দেখা যায় যে ১৭৬৩ খৃঃ অন্ধে নবাব মীরকাশীম চৈতন্যসিংহের সহিত বিষ্ণুপুরের রাজস্ব বন্দোবস্ত করিয়াছিলেন।‡ দামোদরসিংহ মীরজাফর

* "During all these movements, two Marhatta commanders of character, namely Shyu-bahat and Babu-dian, with the Radja of Bishenpur, came to join the Emperor, to whom they paid their respects. This junction of so much light cavalry put Camcor qhun upon exerting himself." (Muatqherin)

† Long's selections from unpublished records হইতে জানা যায় যে, ১৭৬১ খৃঃ অন্ধের প্রথমে বিষ্ণুপুরের রাজা দামোদরসিংহের কোন কোন কর্মচারী তাঁহার বাটী ও রাজ্যাদি লুণ্ঠন করার রাজা কলিকাতা কাউন্সিলে সে বিষয়ে পত্র লিখিয়াছিলেন। আবার ১৭৬৪ খৃঃ অন্ধে কোন ঘোড়ার সওয়ারের মূল্য মিটাইয়া দিবার জন্য তাঁহাকে কলিকাতা কাউন্সিল হইতে পত্র লেখা হইয়াছিল।

‡ Fifth report

ও ইংরেজদিগের পক্ষে থাকায়, মীরকাশীম সম্ভবতঃ তাঁহাকে রাজ্যচ্যুত করিয়া আবার চৈতন্য সিংহকে বিষ্ণুপুর রাজ্য প্রদানের চেষ্টা করেন।* কিন্তু তাহা কার্য্যে পরিণত হয় নাই বলিয়া মনে হয়। কারণ, আমরা পূর্বে উল্লেখ করিয়াছি যে ১৭৬৪ খৃঃ অব্দে দামোদরসিংহই বিষ্ণুপুরের রাজপদে আসীন ছিলেন। চৈতন্য সিংহ কিন্তু তাহার পর আবার ব্রিটিশ গভর্নমেন্টের সাহায্যে বিষ্ণুপুরের রাজত্ব ভার প্রাপ্ত হন। দামোদর সিংহ মোকদ্দমা করিয়া অর্ধেক রাজত্বলাভের আদেশ পাইয়াছিলেন, কিন্তু আপীলে চৈতন্যসিংহই সমস্ত সম্পত্তি প্রাপ্ত হন। দামোদরসিংহ কেবলমাত্র খোরপোষের ব্যয় পাইবার অধিকারী হইয়া ছিলেন। তাহার পর দামোদর সিংহ পুনর্বার আবেদন করায়, ১৭৯১ খৃঃ অব্দে তিনি অর্ধেক সম্পত্তিলাভের আদেশ পান। অবশেষে উভয়ের মধ্যে আপোষ মীমাংসা হইয়া চৈতন্যসিংহ অধিকাংশ সম্পত্তিই প্রাপ্ত হন।† দামোদরসিংহ জামকুড়ি নামক স্থানে গিয়া বাস করেন। মীর কাশীমের সময় হইতে চিরস্থায়ী বন্দোবস্তের পূর্ব পর্য্যন্ত চৈতন্যসিংহের সহিত ক্রমাগত বর্দ্ধিত হারে রাজস্বের বন্দোবস্ত হইয়া ১৭৭৩ খৃঃ অব্দে ৪,৫১,৭৫০ টাকা রাজস্ব ধার্য্য হয়।‡ চিরস্থায়ী বন্দোবস্তের সময় তাঁহাকে

* Long's Selections from unpublished records হইতে জানা যায় যে, ১৭৬২ খৃঃ অব্দের ১লা নবেম্বরের কাউনসিলের কার্য্যবিবরণীতে দেখা যায় যে, বর্দ্ধমান হইতে এইরূপ সংবাদ আসে যে, বীরভূমের ফৌজদার নবাব মীর কাশীমের আদেশে বিষ্ণুপুর ও পঞ্চকোটের রাজ্যকে তাঁহার অধীনে আনিবার ও তাঁহাদের রাজস্ব বন্দোবস্তের ভার বাইতেছেন।

† Bankura District Gazetteer.

‡ "Under Choiten Sing, the present occupant, grandson of Gopaul, in 1164, the assessment of this district was brought back to its former standard, by levying the abwab chout. In 1169, with the additional increase of the serf Sicca, the established rental was 1,36,045. In 1172, after restoration of the teshkeessy deduction, it rose to 1,61,044, of which M. R. Khan, only gives credit in the public bundoobust, rendered for 1,43,544, including muscoorat particulars as follows; viz, nanker to the Zamindar himself 658, neemtooky caunongoyae, 306; and paikan, 2,500 making altogether 3464 rupees, as the com-

৪ লক্ষ সিকা টাকার বন্দোবস্ত লইতে হইয়াছিল। কিন্তু পূর্বোন্নিখিত নানা কারণে বিষ্ণুপুর রাজ্যের ছরাবস্থা ঘটায় এবং দস্যুত্বের লুণ্ঠন করায়, চৈতন্যসিংহ ঐরূপ অতিরিক্ত রাজস্ব দিতে অশক্ত হইয়া পড়েন, এবং তজ্জন্তু কারাগারে নিক্ষিপ্ত হন। ১৭৮৯ খৃঃ অব্দে আসিষ্ট্যান্ট কালেক্টার মিষ্টার হেসিলরিজ তাঁহার সম্পত্তির তত্ত্বাবধানের ভার গ্রহণ করেন।*। কারামুক্ত হওয়ার পরে তাঁহার সহিত দশ-



গড় খাইয়ের উপরে দুইটা কামান

শালা বন্দোবস্ত হয়। কিন্তু সে অতিরিক্ত রাজস্ব প্রদানে তাঁহার ক্ষমতা না থাকায়, ক্রমে ক্রমে তাঁহার জমীদারি

promised mofussil charger of management to be subtracted from the annual gross collections. The following year, a further arbitrary import of 56,455 was added to the former Jumma subjected then to a muscoorat deduction of 7,498 Rs. In 1177, under the auspices of a British Supervisor, the constitutional mode of settlement by a regular hustabood, seems to have been adopted with considerable advantage in point of income, notwithstanding the ravages of the famine, and in 1178, the jumma kanmil, or highest complete valuation of the whole territory, capable of realization, appears to have been ascertained thus, progressively, and then fixed in gross at sicca Rupees 4,57750 arising from 79 hoodas or farms closed under 10 new pergunnah divisions."

(Fifth Report)

* Hunter's Annals of Rural Bengal.

বিক্রীত হইতে থাকে। চৈতন্য সিংহ দারুণ ছুরবহায় নিপ-
তিত হইয়া, তাঁহাদের কুলদেবতা মদনমোহনকে কলিকাতা
বাগবাজারের গোকুলচন্দ্র মিত্রের নিকট বন্ধক দিতে বাধ্য
হন। কিন্তু তাঁহাকে আর কিরাইয়া লইতে পারেন নাই,
মদনমোহন এক্ষণে বাগবাজারেই অবস্থিতি করিতেছেন।
মীরজাফর নবাব হইবার সময় কোম্পানীকে যে টাকা
দিবার অঙ্গীকার করিয়াছিলেন, তাহা পরিশোধ করিতে
না পারিয়া, বর্ধমান চাকলা প্রভৃতির তহশীল কোম্পানীর
হাতে ছাড়িয়া দেন। সেই সঙ্গে বিষ্ণুপুরও কোম্পানীর
হাতে আসে। তাঁহারা কালেক্টার আদি নিযুক্ত করিয়া
বিষ্ণুপুরে রাজস্ব আদায়ের ও তাহার শাসন কার্যের
ব্যবস্থা করিয়াছিলেন। কিন্তু দস্যুত্বের উপদ্রবে তাঁহা-
দিগকে অনেক দিন পর্যন্ত অসুবিধা ভোগ করিতে হইয়া-
ছিল। কাজেই চৈতন্যসিংহের কিরূপ অবস্থা ঘটয়াছিল,
তাহা সহজেই অনুমান করা যাইতে পারে। ১৮০২ খৃঃ
অক্ষ পর্যন্ত চৈতন্যসিংহ জীবিত ছিলেন। তাঁহার জীবিত
কালেই তাঁহার জ্যেষ্ঠপুত্র মদনমোহনসিংহ পরলোক গমন
করেন। চৈতন্যসিংহও পরম বৈষ্ণব ছিলেন, তিনি অনেক
ব্রাহ্মণকে ভূ-সম্পত্তি দান করিয়া গিয়াছেন। ১০৬৪ মল্লান্দে
বা ১৭৫৮ খৃঃ অঙ্কে তাঁহার নির্মিত রাধাশ্রামের মন্দির
আজিও চৈতন্যসিংহের ধর্ম্মানুষ্ঠানের পরিচয় দিতেছে।

চৈতন্য সিংহের পর তাঁহার পৌত্রঃ মাধবসিংহ বিষ্ণু-
পুরের সম্পত্তির অধিকারী হইয়াছিলেন। কিন্তু রাজস্ব-
প্রদানে অশক্ত হওয়ায়, তাঁহার অবশিষ্ট সম্পত্তি ১৮০৬ খৃঃ
অঙ্কে বিক্রীত হইয়া যায় এবং বর্ধমানের রাজা তাহা ক্রয়
করিয়া লন। এইরূপে বিষ্ণুপুরের অধিকাংশ জমীদারী
বর্ধমান জমীদারীর অন্তর্ভুক্ত হইয়া গিয়াছে। সামান্য

* শ্রীরাধাশ্রাম চন্ডাডি স্মরণসিদ্ধিতে দিব্যমতং হৃশোভং, মল্লান্দে
বেদকালান্তরবিধুগণিতে বাহুল্যে পৌর্ণমাশ্রামঃ। গেহং নানা বিচিত্রং বিমিত
মতি দৃঢ়ং পুজিতঞ্চাপি ভক্ত্যা, শ্রীচৈতন্যো নৃপেন্দ্রঃ শুভকৃতি

নিপুণঃসম্ভবচ্ছেৎ সত্যানাম্।

শকাব্দা ১৬৮০

(রাধাশ্রাম)

এই রাধাশ্রামের মন্দিরেই কেবল মল্লান্দের সহিত শকাব্দা লিখিত
আছে। বিখ্যাত ইংরেজি History of Bishnupur Raja এই
মন্দিরমণ্ডলের পাঠের কিছু কিছু ভুল আছে।

দেবোত্তরাদি সম্পত্তির উপর নির্ভর করিয়া জীবিকা নির্বাহ
করিতে অক্ষম হওয়ায়, মাধবসিংহ বিদ্রোহ ঘোষণা করেন,
এবং বাঁকুড়া কালেক্টারী আক্রমণ করিয়া বসেন। কিন্তু
বন্দী হইয়া কলিকাতায় নীত ও কারাগারে জীবন
বিসর্জন দিতে বাধ্য হন। তাঁহার পুত্র গোপালসিংহ গর্ভ-
মেণ্টের নিকট হইতে মাসিক চারিশত টাকা মাত্র বৃত্তি
পাইয়াছিলেন। গোপালসিংহের দুই পুত্র রামকৃষ্ণসিংহ
ও রামকিশোর সিংহ প্রত্যেকে দুই শত টাকা করিয়া বৃত্তি
পান। রামকৃষ্ণ সিংহ অপুত্রক প্রাণ ত্যাগ করিলে, তাঁহার
বিধবা রানী রামকৃষ্ণের ভাগিনেয় নীলমণিসিংহকে সম্পত্তি
দান করেন। নীলমণি সিংহ একমাত্র পুত্র ও পত্নীকে
রাখিয়া, পরলোকগত হন। মাতাপুত্রে গর্ভমেণ্টের
নিকট হইতে ৭৫ টাকা জাত-বৃত্তি পাইতেন। সেই
শিশুপুত্র রামচন্দ্রও স্বর্গগত হইয়াছেন। তাঁহার বিধবা
মাতা অশ্রুবিসর্জন করিতে করিতে, বিষ্ণুপুর রাজবংশের
সহিত আপনারও ভাগ্যের কথা স্মরণ করিতেছিলেন,
সম্প্রতি তাঁহারও অবসান ঘটিলে।

‘সে রামও নাই, সে অঘোষ্যাও নাই’। বিষ্ণুপুরেরও
সেই কথা। রাজবংশের অস্তিত্বই নাই, আর বিষ্ণুপুরও
এক্ষণে ধ্বংসের শেষ মুহূর্ত্ত অপেক্ষা করিতেছে। পূর্বে
বলিয়াছি তাহা ভগ্নস্থূপের আধার হইয়া উঠিয়াছে। বিষ্ণু-
পুর দুর্গ এক্ষণে কেবল তাহার প্রবেশ দ্বার পাথর দরজায় ও
স্থানে স্থানে পরিধার চিত্রে তাহার পূর্ব কথা স্মরণ করাইয়া
দিতেছে। পাথর দরজা বামা পাথরে নির্মিত। এট
দ্বিতল তোরণ-দ্বারের দুই পার্শ্বে বাণ বা গুলি নিক্ষেপের
ছিদ্র আছে। দুর্গমধ্যে একটা দালানে দুর্গাধিষ্ঠাত্রী
মুম্বয়ী দেবী বিরাজ করিতেছেন। তিনি অষ্টশক্তিসমম্বিতা
দশভূজা মূর্ত্তি। দুর্গনির্মাণের সময় ইহার মুখমণ্ডল ভূগর্ভে
পাওয়া গিয়াছিল বলিয়া কথিত হইয়া থাকে। রাজপ্রাসাদ
এক্ষণে ভগ্নস্থূপে পরিণত। দুর্গের বাহিরে কতকগুলি
কামান দেখা যায়, তাহাদের মধ্যে দলমর্দন বা দলমর্দনের
নামই উল্লেখযোগ্য। বর্গীর হান্দামার সময় এই দলমর্দন
অগ্নিময় গোলা উদ্গিরণ করিয়া বর্গীদিগকে বিতাড়িত
করিয়াছিল বলিয়া শুনা যায়। দলমর্দনের দৈর্ঘ্য প্রায় ১২।০
ফুট ও ব্যাস প্রায় ১ ফুট হইবে। দুর্গের বাহিরেই চীম
বাধসকলের কতকগুলি শুকাবহায় ও কতকগুলি অর্ধ

অবস্থায় অবস্থিত করিতেছে। অহারা লালবাঁধ, কৃষ্ণবাঁধ, গীতাত্ত বাঁধ, মসুমাবাঁধ, কালিন্দী বাঁধ, শ্রাম বাঁধ এবং পোকা বাঁধ এই সাত নামে অভিহিত হইয়া থাকে। লালবাঁধই ইহাদের মধ্যে রমণীয়, ইহার বাঁধাঘাটে একটা সাধু আশ্রম করিয়াছেন। এই সকল বাঁধের ধারে পূর্বে রাজাদের প্রমোদ-কানন ছিল। বিষ্ণুপুরের মন্দিরগুলি ভগ্নাবস্থায় পরিণত হইলেও আজিও বাঙ্গলা স্থাপত্যের উজ্জ্বল দৃষ্টান্তরূপে বিরাজ করিতেছে। বঙ্গদেশে যে একটা স্বতন্ত্র স্থাপত্য-রীতি প্রচলিত আছে, বিষ্ণুপুরের মন্দিরগুলি হইতে তাহার বিশেষ-রূপই পরিচয় পাওয়া যায়। ইহাদের কতকগুলি ইষ্টকে ও কতকগুলি বামা পাথরে নির্মিত। ইষ্টকনির্মিত মন্দিরের মধ্যে শ্রামরায় ও মদনমোহনের মন্দির প্রসিদ্ধ। আর কামা-পাথরের মন্দিরের মধ্যে লালজী, রাধাশ্রাম ও মদনগোপালের মন্দিরই প্রধান। শ্রামরায় এবং মদনগোপালের মন্দির পঞ্চরত্ন শ্রেণীর সুন্দর দৃষ্টান্তস্থল। বাঙ্গলার চালের ত্রায় নির্মিত ঘোড়-বাঙ্গলা ও বিশিষ্ট স্থাপত্যবিচার পরিচায়ক। বিষ্ণুপুরের অনেকগুলি মন্দিরের গায়ে নানা দেবদেবীর ও অস্ত্রান্ত অনেক মূর্তি দেখিতে পাওয়া যায়। দশাবতারের মূর্তির-বুদ্ধের স্থলে জগন্নাথ-মূর্তি দেখা গিয়া থাকে। * এই

সকল মন্দিরের মধ্যে মল্লেশ্বর, মদনমোহন, মুরলীমোহন এবং মদনগোপালের মন্দির নগরমধ্যে, শ্রামরায়, ঘোড়-বাঙ্গলা, লালজী ও রাধাশ্রামের মন্দির দুর্গ মধ্যে এবং ঘোড়-মন্দির, কালাচাঁদ, রাধাগোবিন্দ, রাধামাধব প্রভৃতির মন্দির লাল-বাঁধের ধারে অবস্থিত। অধিকাংশ মন্দিরই দেবতাহীন, দেবতাসকল রাধাশ্রামের মন্দিরে সমবেত হইয়াছেন। পূজার্চনার সুবিধার জন্য রাজপরিবার এইরূপই ব্যবস্থা করিয়াছেন। রাধাশ্রামের মন্দিরে অষ্টোত্তরশত 'রাধা-গোবিন্দ' নামযুক্ত একখানি বিশাল প্রস্তরখণ্ড দেখিতে পাওয়া যায়। মন্দিরগুলি প্রাচীন স্মৃতি-চিহ্ন রক্ষা আইনের অধীনে আসিয়া আপাততঃ ধ্বংসের কবল হইতে রক্ষা পাইয়াছে। বিষ্ণুপুর নগরও এক্ষণে সামান্ত্র একটা মহর মাত্র, বাঁকুড়া জেলার ইহা একটা উপরিভাগ। সে অমরাবতীতুল্য বিষ্ণুপুরের কোনই চিহ্ন নাই, অনেকস্থলে জঙ্গলপরিপূর্ণ। তবে বিষ্ণুপুর আজিও সঙ্গীতচর্চার ও সুবাসিত তামাকের জন্য বঙ্গদেশমধ্যে আপনার নাম বিস্তার করিতেছে।

জগন্নাথের কথা প্রমাণ দেখাইয়া থাকেন। কিন্তু বুদ্ধ অবতার, জগন্নাথ প্রতিমা বা মূর্তি। অবতারের ও মূর্তির অভিন্নতা আমরা বুঝিতে পারি না।

* বাঁহারা জগন্নাথকে বুদ্ধমূর্তি বলেন, তাঁহারা বিষ্ণুপুরের বুদ্ধাবতার

ফিরে পাওয়া

(গল্প)

[শ্রীঅসিতকুমার সেন বি-এল]

সব গল্প যেখানে শেষ হয় এ গল্পের আরম্ভ হচ্ছে সেই-
খানেই,—ভারা (অর্থাৎ বিভাস আর সবিতা) বেশ সুখে
ঘর-করণা করতে লাগল'।

কিন্তু সত্যি কি তাই ?

নিজের সংসারে এসে সবিতা, ঘরদোর বেশ মনের
মত সাজিয়ে ফেলল। তারপর বৌবনের অফুরন্ত
আমোদ-আহ্লাদের মধ্যে দিন কাটাতে লাগল। সুখের
সীমা নেই। কপোত-কপোতীর মত অপনাদের প্রেমে

মাতোয়ারা। বাইরের দিকে চাইবার অবকাশ তাদের
নেই। এই তো জীবন !

বাড়ীর সদরে 'ট্যাবলেট' মারা হ'ল "নীড়"। রেডিও
এল। রোজ সকালে ও সন্ধ্যার পর টেবিল হারমোনিয়মের
সঙ্গে মিলিয়ে সবিতা তার অনিন্দ্যকণ্ঠ চারিদিকে ছড়িয়ে
দিত। দুটা পাখী পোষা হ'ল,—কাকাতুয়া আর টিয়া।
আপিসের কার কাছ থেকে একটা টেরিয়ার কুকুর আনা
হ'ল—তার নাম 'টম'। আর হ'ল বাড়ীর সামনেই তাদের

হৃৎনের যত্নে হুই শ্রেণীতে বসান নামারকম ফুলের গাছ,—
মধ্যে লাল সুরকীর পথ। মোট কথা তাদের এই নীড়কে
সর্বাঙ্গসুন্দর করতে যত্নের ক্রটি করে নি। ছোট সংসার
—হৃৎনের প্রাণদিয়ে গড়া। এ সংসারের এমন মাধুর্য ঘে,
ছটায় আপিসের ঘড়িতে ছুটির ঘণ্টা পড়তে না পড়তেই
দেখা যেত বিভাস তার ডেস্ক বন্ধ করে দরজার কাছে পৌঁছে
গেছে। আর বাড়ী পৌঁছেছে সাতটা বাজতে ১০
মিনিট। এই সময়টুকু বাসে ট্রেনে এবং পদব্রজে কেটে
যেত। রোজ এই রকম; কখনও এর ব্যতিক্রম হয় নি।
সে পাড়ায় আরও ছ'চারজন ঐ আপিসে কাজ করত, তাদের
স্ত্রীরা কিন্তু বুঝতে পারতেন না কেমন করে বিভাস অত
নীচ বাড়ী ফেরে।—সবিতার বুক গর্বে ও আনন্দে ফুলে
ওঠে; গোপনে সে দেবতাকে প্রণাম জানায়।

রোজ একরকম। সদর দরজায় কড়া নাড়ার শব্দ
হতেই টম ডেকে ওঠে, আর সেই মুহূর্তেই সবিতা দরজা
খুলে দাঁড়ায়। টম লাফিয়ে ওঠে প্রভুর কোমরে, শোনা
যায় মিষ্টহাসিতে ভরা ছ'চারটা প্রশ্ন ও তেমনই হাসিমাথা
উত্তর।

সুন্দর তাদের ছোট বাগানটীতে সব রকম ভাল গাছই
আছে। সবিতা বলত,—“কেবল একটা স্থলপদ্মের গাছের
অভাব। ঠিক এই গোলাপ গাছের মাঝখানে”—।

“বাস্তবিকই কি সুন্দরই মানাত! কিন্তু কোথা থেকে
যোগাড় করা যায় বল তো।”

“বোসেদের বাড়ী আছে। ওদের কাছে চাইলেই
একটা দেবে।”

“ছিঃ সবি, সামান্য একটা গাছ তাও চাইতে হ'বে
বিশেষ করে ওদের কাছে। ওরা আমাদের হিংসেয়
মরে।”

“তা হ'লে কিনে এন।”

“হাঁ, আপিসের চৌধুরীর সঙ্গে গিয়ে নিয়ে
আসব।”

পরদিন আপিসের পর বিভাস চৌধুরীর সঙ্গে হগ-
নাহেবের বাজারের ষ্টল থেকে একটা গাছ নিয়ে এল।
সেদিন তার হাতে যে গাছ দেখা গেল অমন সুন্দর স্থল-
পদ্মের গাছ আর ও গাঁয়ে দেখা যায় নি।

সেদিন আরও একটা জিনিস দেখা গেল—একেবারে

অদৃষ্টপূর্ব,—সবিতার ম্লান মুখে ঈষৎ ক্রকুটি! গভীরমুখে
সে বলল—“এখন আটটা বাজতে পাঁচ মিনিট।”

“হাঁ। কেমন?—ওঃ দেবী? এই গাছ কিনতে যেতে
হ'ল।”

“কিন্তু তুমি যে রোজ সাতটা বাজতে দশ মিনিটে বাড়ী
আস।”

“তা বটে,—কিন্তু, কি মুন্সিল। দেখে শুনে কিনতে
হ'ল। ওসব কথা থাক। দেখ, কি সুন্দর ফুল,”—বলেই
সে তাকে আদর-সোহাগে জড়িয়ে ধরল।

সবিতার কিন্তু রাগ তখনও যায় নি; অভিমান-ক্ষুণ্ণমুখে
সে বললে,—“কেন তুমি ঠিক সময়ে এলে না। আজ
রেডিওতে ‘মানভঞ্জন’ প্লে ছিল, শুনবে বলেছিলে।
আমারও শোনা হ'ল না। তারপর ‘পাকপ্রণালী’ থেকে
দু-রকম খাবার তৈরী করলুম, সব খারাপ হয়ে গেল।”

“কিন্তু তুমিই তো গাছ আনতে বলেছিলে!”

কথায় কথা বাড়ে। তাদের ভিতর দাম্পত্য-কলহ—
এই প্রথম। যথারীতি মানভঞ্জন হ'ল এবং বিভাস প্রতিজ্ঞা
করলে আর কখনও এমন হবে না।

তার পরদিন বিভাস ষথাসময়েই, অর্থাৎ ৭টা বাজতে
দশমিনিটে বাড়ী এল। এইরকম আবার চলতে লাগল—
দিনের পর দিন।

একদিন বাড়ীতে ঢুকবে এমন সময় মহকুমার হাকিমের
সঙ্গে দেখা। তিনি তাদের বাগানের অজস্র সুখ্যাতি
করলেন—বাগানের মধ্যে ঘুরে বেড়ালেন। কাজেই বাড়ী
চুকতে বিভাসের দেবী হ'ল। কিন্তু বাগানের প্রশংসার
কথা শুনে—বিশেষ করে হাকিমের মুখে—সবিতার ম্লান
মুখে গৌরবের হাসি দেখা দিল।

এই রকম প্রায়ই হ'তে লাগল। হাকিম ঠিক ঐ সময়ে
বেড়াতে বেরুতেন আর রোজই বিভাসের সঙ্গে দেখা হ'ত।
সুতরাং বাড়ী ঢোকান সময় পরিবর্তিত হয়ে গেল এবং
সাধারণতঃ বাড়ী ঢোকান সময় হল সাতটা বেজে দশ
মিনিট।

কিন্তু তা বলে একজন বিশিষ্ট ভক্তলোকের সঙ্গে কথা
না কয়ে—বিশেষ করে তিনি যখন বিভাসের স্ত্রীর যত্নে পুষ্ট
বাগানের অজস্র প্রশংসা করেন, সেটা না শুনে চলে

আসা যায়! বিভাস তো চলে এসে কখনই অভদ্রতা করতে পারে না।

তারপর—আজ ওখানে আগুন-লাগা, কাল আকিসের সাহেবের বিদায়-ভোজ—এই রকম একটা না একটা লেগেই আছে। আর সেদিন ছেলেবেলার বন্ধু অনিলের সঙ্গে দেখা। প্রায় একযুগ পরে ছুজনের মিলন। সেদিন পৌণে দশটায় বাড়ী কিরল'। বাড়ীতে এসে খাওয়া দাওয়া হ'ল না। বিভাস অনিলের সঙ্গে 'শ্রীমুখপঙ্কজ হোটেলে' খেয়ে এসেছে। তাদের সংসারে রাত্রিতে একসঙ্গে আহারের ব্যবস্থা ছিল।—ঝড় ওঠবার আগে প্রকৃতির স্তব্ধ ভাব। সবিতা বিছানায় শুয়ে রইল'। সেদিন রাত্রিতে সে আহার করিল না। তারপর ঝড় উঠল'। কথার পর কথা—চোখের জলে নিবৃত্তি।

এই ভাবে বাড়ী আসার নির্দিষ্ট সময় বলে কিছু রইল না। সেই শাস্তির নীড়ে আজকাল অশান্তি বাসা বাঁধিল। কারও আর কোন বিষয়ে যত্ন নেই। রেডিওর 'কাণ' তোলা রইল তাকে। হারমোনিয়মের চাবীর ওপর একরাশ ধূলা জমল'। পাখী ছুটা শেখান বুলি ভুলে চ্যা চ্যা করতে শিখল'। ছুজনে নেহাৎ প্রয়োজনীয় কথা ছাড়া আর কথা বলে না। বুকের মধ্যে কিন্তু ছুজনেরই ব্যথা পুঞ্জীভূত হ'য়ে উঠতে লাগল'।

এ' রকমভাবে কতদিন কাটত বলা যায় না। কিন্তু একদিন আপিসে গিয়ে শুন্ল, খুড়োর বিয়ে।

আপিসের বিশ্বনাথ সরকারী খুড়া। অনেক দিন একলা জীবনতরী ভাসিয়ে আজ একজন কর্ণধারের প্রয়োজন বোধ করেছেন। বিভাসের মনে বিবাহের দিনের কথা মনে পড়ল'—কত আশা, কত উৎসাহ সে-দিন।

আপিসের কাজ আর কেউ মনোযোগ দিবে করল' না। বেয়ারাগুলোও পাগড়ীতে সাবান মাখাতে শুরু করল'।

আপিসের পর বাড়ী আসবে বলে বেরোতেই সবাই 'হাঁ, হাঁ' করে ধরে কেলেল, "কি হে যাচ্ছ কোথায়।"

"বাড়ী।"

"By Jehova বাড়ী কিহে। 'শ্রীমুখপঙ্কজ' একদিন না দেখলে এমন কিছু ক্ষতি হ'বে না। ধন্তি টান বাবা। আমাদের তো বাড়ী যেতে মনই সরে না। ও প্যানপ্যানের চেয়ে আপিসে—"

বুড়ো বিপিনবাবু ধরলেন, "হাঁ আপিসে গৌরাদেবের খিচুনী খেয়ে ভাল থাকি, নয় বাবা! আহা কিন্তু বুঝলে ভাই তবুও সারাদিনের পর সেই দেবী যিনি 'হস্তীরূপেণ সংস্থিতা' তার আঁচলের পাশে না বসলে মনটা কেমন করে। আদর করবার তাঁর অবকাশ নেই, চাদর এনে বলেন যাও দিকি এখন বেরিয়ে—আজ্ঞায় যাও। বলি 'প্রেয়সী মুখময়ী', অমনই বলে বসেন, 'মরণ আর কি যাও ছেলে মেয়ে এখনি কেউ দেখবে বুড়ো হচ্ছেন যত'—মুখ; নামিয়ে স্ফুড় স্ফুড় করে দাবায় গিয়ে বসি। চল ভাই চল বিভাস, আজকের অদর্শনে দেখবি ভালবাসা একেবারে জমে দই হয়ে গেছে, কাল এক এক চাম্চ তুলুবি আর খাবি আর বলে; রাখলাম গিল্লীর শ্রীমুখপঙ্কজ অভিমানের আঁচে লাল হ'য়ে বড়ই সুন্দর দেখাবে।

বিভাসকে বরষাত্রী হয়ে বনগাঁয়ে যেতে হ'ল। সে রাত্রে ফেরবার গাড়ী ছিল না। সারারাত হট্টগোলে কেটে গেল। বিভাসের মনের অগ্নিদে সবিতা কেবলই ঘোরাঘুরি করতে লাগল'।

ভোরবেলা বিভাস তাদের গাঁয়ের ষ্টেশনে পৌঁছল। বাড়ী খানিক দূর। প্রথম প্রথম সে খুব জোরে হাঁটতে লাগল'। কিন্তু বাড়ী যতই কাছে আসতে লাগল' তার গতিও তত মন্দ হ'তে লাগল'। ঐ যে পাড়া দেখা যাচ্ছে। রাস্তা ক্রমশঃ—দোকানপাট এখনও খোলে নি।

কোথায় রাত কাটালাম, কেন কাটাতে বাধ্য হলাম, সব কথা খুলে বললে কি ছাই বিশ্বাস করবে—আর কেনই বা প্রতিজ্ঞা করতে গেছলুম।

বিরক্তিতে আর সারারাত্রির মাতামাতিতে চোখ বুঁজে আসতে লাগল।

রাস্তার মোড় ঘুরতেই অদূরে তাদের বাড়ী দেখা গেল। এখন চারিদিক বেশ পরিষ্কার হয়েছে। হুচারটে গরুর গাড়ী যাওয়া-আসা করতে আরম্ভ করেছে। বাড়ীগুলার ষিড়কীতে লোকের অস্তিত্ব টের পাওয়া যাচ্ছে।

এখনও তাঁদের বাড়ীটা আন্দাজ দেড়শত হাত দূরে। বিভাসের পায়ের জোর কমে এল। মনে হ'ল তাই তো কেমন করে বাড়ী ঢুকি। লজ্জা হতে লাগল। বাড়ী গিয়ে কি বলব'! বাড়ীর বন্ধু জানালার দিকে চোখ

পড়ল'। বলবার কিছু থাকলেও অবকাশ পাব না।

তাদের বাড়ীর কিছুদূরের একটা বাড়ীর দরজা খোলার শব্দ তার কাণে এল। অমলদের বাড়ী। হাঁ অমলের এ মস্তাহে সকালে 'ডিউটি'। এই অমল বিভাসকে বড় ঠাট্টা করত' এবং তাদের একটু দীর্ঘার চোখেও দেখত'। অমল দেখবে তো সকাল বেলা বাড়ী ফিরছি। সে ভাববে আমাদের প্রেমের বন্ধনটা একটু শিথিল হয়েছে! তা কখনও হ'বে না। সে ঘুরে পড়ল যে দিক দিয়ে এসেছিল সেদিকেই আন্তে আন্তে চলতে লাগল। বেশীদূর যেতে না যেতেই সে অমলের সামনে পড়ে গেল। সে প্রশ্ন করলে—“কি হে, তুমি যে এত সকালে বেরিয়েছ?”

“হাঁ।”

“আজকের দিনটা বড় সুন্দর না! কেমন বাতাস দিচ্ছে!”

“হাঁ।”

“তোমার বাগান থেকে কেমন মিষ্টি হাওয়া আসছে। আঃ!”

“হাঁ।”

“ও কি! তোমার কি হ'ল হে সব কথাতেই এক 'হাঁ' ছাড়া আর কোন কথা তোমার মুখ থেকে বেরুচ্ছে না।”

“হাঁ। এবার অমল প্রাণভরে হেসে উঠল'। তারপর জিজ্ঞাসা করলে, “তুমি কি বাসে যাবে না ট্রেনে। ট্রেনের তো ঘেরী আছে।”

“না চল, বাসে।”

“বাসে বাসে অমল বললে, “বাস্তবিক সকালে ওঠার চেয়ে আর আরাম নেই।”

“না?” অমল অবাক হয়ে বিভাসের দিকে চেয়ে রইল। আর কোন কথা কইল না।

* * *

সুখাও পেয়েছিল। “বিভাস ভ্রমহোদয়গণের আহ্বারের স্থান—অন্নপূর্ণা হোটেলে” গিয়ে খাওয়া-দাওয়া সেরে বিভাস আপিসের পথ ধরল'। পথে অনবরতই ভাবতে লাগল—কি বলব'। কি উত্তর দেব!

আপিসে যেতেই সবাই জিজ্ঞাসা করলে, “কি হে, কি হ'ল কাল।” কাঞ্জিলা সুকুমার সুর করে বলে, “আমার

বঁধুয়া আন্ বাড়ী, যায়”—এবং “দেহিপদপন্নবসুধারম্।” সুকুমারের ভঙ্গী দেখে সবাই “হো হো” করে হেসে উঠল'।

বিভাসও মূহু হসিমা বললে, “না তেমন কিছু হয় নি।”

“হয় নি—মুহুমন্দ বাতাসও ওঠে নি চায়ের পেয়ালার মধ্যে?”

বিপিনবাবু বললেন, “আরে ভাই কত দিম আর প্রেমের রস থাকে। আমার উনি তো আজ নথ ঘুরিয়ে আমার দিকে 'পশ্চাদভাগ দেখহ' বলে উপবেশন করলেন। আমি ব্যাপার বুঝে বহুম—“প্রেমসীর যখন অভিমান হয়েছে, এবং তা হ'তেই পারে, তখন আমিই কষ্ট করে একটু কয়লা তুলি। কাল থেকে প্রেমসীর হাতের মিঠে তামাক খাওয়া হয় নি। হাত থেকে কয়লা কঙ্ক পাখে পড়তেই এই দেখ ভাই বাঁধা, আমার জ্বর হাতের প্রেমের বাঁধন—‘মরণ আর কি মুখপোড়া সারারাত কোথায় আড্ডা মেরে এলেন, এখনও নেশা কাটে নি। আমার মরণও হয় না বলেই, আর কি! জলপটি জামবক, টিন্চার আইডিন, হোমিওপ্যাথির বাক্স ইত্যাদি এনে ডাক্তারি। এও বলি ভাই, একটু-আধটু মুখঝামটা ধুয়ে তা, সেটা আদর ছাড়া আর কিছু নয়। বল্লই সব ঝোকে।”

বিভাস দেখল' তাদের দলের সবাই, তাদের স্ত্রীর কাছে সব কথা খুলে বলেছে, আর সেই কেবল একা, যে বাড়ী যায় নি বা গৃহিণীর সঙ্গে লজ্জায় দেখাও করে নি। তার খালি মনে হ'তে লাগল' তারাই কত সুখী যারা বিয়ে করে নি। যারা স্বাধীনভাবে সব কাজ করতে পারে—পই পই যাদের প্রত্যেক কাজে গিন্নীর কাছে কৈফিয়ৎ দিতে হয় না। হাঁ—পৃথিবীতে আনন্দ আছে বৈ কি—কিন্তু তার নাগালের কত বাইরে।

টিকিনের সময় খেতে খেতে মনে হ'ল-ভাই তো তারই তো দোষ! ও-দিকে সবাই মোহনবাগান ও ক্যানকাটা মাচে মৌনা দত্ত কেমন করে গোল দেবে এই নিয়ে ভর্ক করছে, কিন্তু বিভাসের আজ আর কিছুই ভাল লাগছে না। তারই তো দোষ, সত্যিই তো। সেই তো আজকাল রোজ ঘেরী করে বাড়ী যায়। কিন্তু সবিতার তো কোন কাজে ঘেরী হয় না। সকালে উঠে চা তৈরী থেকে সুতো ঝেড়ে রাখা সবই তো তার ঠিক সময়ে হয়। টেকিলে

হাতের ওপর মাথা রেখে, চোখ বুঁজে সে ভাবতে লাগল। নিজের ওপর রাগ হ'তে হ'তে হঠাৎ নিজের ওপর সহানুভূতি এল। 'হতে পারে আমি অন্ডায় করেছি, কিন্তু তাই বলে কি দ্বীীর কথা-মত উঠতে বসতে হ'বে। কেম আর কারুর তো দ্বীীকে অত কৈফিয়ৎ দিতে হয় না। তারা তো যখন খুসী বাড়ী যায়—রাত ১২টা নেই ১টা নেই। সে কেন সবিতার কথা শোনে। তার উচ্চিং ছিল—'

কি উচ্চিং ছিল ?

প্রশ্নের মীমাংসা হয় না। তিনটে-চারটে বেজে গেল, তবুও কোন কিনারা হ'ল না। অনেক রকম উত্তর পাওয়া গেল। নরম হতে হবে। দোষ স্বীকার করতে হ'বে। শক্ত হতে হ'বে। কথা শোনা উচিত। সে এবার অনবরত কথা কইবে। প্রতিজ্ঞা করবে। কেন প্রতিজ্ঞা করবে ? এ রকমের নানা মীমাংসা করার কথা মনে হ'ল, কিন্তু কোনটাই মনোমত হ'ল না।

পাঁচটার সময় মনে হ'ল আচ্ছা এ সব বিষয়ে তো বিপিনবাবুর বেশ জ্ঞান। ও'র কাছেই পরামর্শ নেওয়া যাক না। মনে হওয়ামাত্রই বিপিনবাবুর কাছে উপস্থিত—“আচ্ছা ঠাকুর্দা মনে করুন ঠান্ডির সঙ্গে আপনার মনোমালিন্য হয়েছে, অবশ্য দোষটা আপনার, এবং আপনি সেটা ভাল রকমই জানেন—এমন অবস্থায় আপনি কি করেন ?”

বিপিনবাবু একটু মুখ টিপে চোখ ঘুরিয়ে বলেন “হঁ !” তারপর বলেন “বুঝলে ভায়া, ক্ষেত্র-কর্ম্ম স্বিক্রিয়তে। তবুও একটা ‘তুক’ বলে দিই ; এসব অবস্থায় বাড়ী চুকেই কথা আরম্ভ করে দেবে। মোটেই ধাম্বে না। তুমি যদি কথা না কও তো নাতনী গুরু ক'রে দেবেন। আর মেয়েমানুষ যদি একবার কথা আরম্ভ করে তো সহজে ধামে না। তাকে একেবারে কথা কইবার অবকাশ দিও না। কি কথা ?—এই, এই ধরণা কেন, সামান্য খুঁটি নাটি নিয়ে, সেই বিয়ে করা থেকে এ-নাগাদ তার যা কিছু খুঁৎ, সে থাক বা নাই থাক—সব ছড় ছড় করে বক্তৃতা দেবে। প্ল্যাটফর্ম্ম স্পিচ্ ভায়া, বাঙালীর একমাত্র অস্ত্র। নাতনী 'দেখবে, একেবারে থ'। তার পর—”

“তার পর ?”

একটু মুচকে হেসে বিপিনবাবু তার পিঠ চাপড়ে

বলেন, “আঁ, একেবারে নাবালক—। তারপর, দেখাবে তুমিই যেন তাকে কমা করলে—অপাদদৃষ্টিতে একবার চাইবে আর সন্ধি হয়ে যাবে—একটা সোহাগভরা অধরায়ুত পানে।”

বিভাস নিজের জায়গায় কিরে এসে এ-সব কথা বেশ আলোচনা করে দেখল। তারপর ৬টা বাজলে আপিস থেকে বেরুল। ভাবল' এবার জয়ের আশা নিশ্চিত। সদর দরজা ভেজান ছিল। সে ঠেলে বেশ গটগট করেই চুকল'। সামনেই চোখে পড়ল স্থলপদ্মের গাছ। বিভাস সেদিকে চেয়ে দাঁতে দাঁত চেপে ধরল' এবং হাত মুঠো করল'।

সমস্ত পথ সে ঠাকুর্দার বাবস্থাগুলো রিহাস'্যাল দিতে দিতে এসেছে—কি বলবে কি করবে। সব তার বেশ মনে আছে। আরো এ ঘটনা তারপর ওটা, তারপর সেইটে এইরকম ! বাড়ীর দরজা ঠেলে বাইরে ঘরের পাশ দিয়ে দালানে পড়বে—তখনও তার সব মুখস্থ।

তারপর—উঠানে পড়তেই সামনে দেখে সবিতা দাঁড়িয়ে। তার সঙ্গে চোখোচোখী হ'তেই বিভাস কথার খেই হারিয়ে কেন্নে, ঢোক গিলে মাথা নীচু করে দাঁড়িয়ে রইল। কোন কথাই তার মনে আসে না—শত চেষ্টা করেও সে একটা উপদেশ মনে আনতে পারলে না। তার শরীর যেন কেমন অবশ হ'য়ে এল। নিশ্চল পাথরের মতন সে দাঁড়িয়ে রইল'। তার দৃষ্টি মাটিতে সন্নদ্ধ থাকলেও বেশ বুঝতে পারল' ঐ সবিতা তার দিকে এগিয়ে আসছে। এইবার—তিরস্কারের পালা। সেই কথার পর কথা ! তারই দোষ, হাঁ সতাই সেই দোষী !

সবিতা কাছে এগিয়ে এল। তার শাড়ীর আঁচল বিভাসের গায়ে ঠেকল'। হঠাৎ সে অনুভব করল সবিতার বাহুপাশে সে আবদ্ধ—সবিতার মুখ তার গালের ওপর, সবিতার চোখের জল তার গালে পড়ছে।

“সবিতা ! সবি ! আমি—”

“কিছুই শুনতে চাই না গো আমি। কিছু না, কিছু না। কিছু বলিতে হ'বে না, অমল ঠাকুরপোকে আমার সেই চিঠি পাঠিয়ে দিল তার উত্তর থেকে জানতে পেরে তুমি আফিসেই আছ, সব হুঁতাবনা কেটে গেছে কত দেবতাকেই না সারারাত মানত করে কাটিয়েছি—তাঁদের আশীর্ব্বাদে

তোমাকে যে অকৃত শরীরে ঠিক সময় কতকাল পরে ফিরে পেয়েছি—আজ আমার শোনবার কিছু নেই।”

“কিছুই শুনবে না, কাল কোথায় ছিলাম?”

মিষ্টি হাসি হেসে সবিতা বললে “না গো না অস্বস্তি: এখন তো নয়ই। আজ তোমার ঠিক সময়ে পেয়েছি অনেকদিন পরে—আজ পাবার সুখে আমার প্রাণ ভোর-পুর—আজ আমি বড় সুখী।”

“সুখী?”

“হাঁ। দেবতা আমায় দয়া করেছেন। দেখ, কত-

কাল পরে।”—বলে বিভাসের মুখ আন্তে আন্তে ষড়ির দিকে ফিরিয়ে দিল।

বিভাস দেখল’ ৭টা বাজতে ১০ মিনিট।

আনন্দগদগদকণ্ঠে বিভাস বলিল, “আমায় কমা চাইবার অবকাশ দেবে না।”

“ছিঃ ছিঃ ও কথা যুখে আনতে আছে—আমার যে অকল্যাণ হ’বে—তবে আজকার এই সুখের ভাগ তোমাকে একটু দিতে পারি—” বলিয়াই অনুরাগের আবীর-রাঙা চিহ্ন তাহার ওষ্ঠে মৃদুভাবে মুদ্রিত করিয়া দিল।

মেঘদূত

(পূর্বানুস্মৃতি)

[অধ্যাপক শ্রীপ্যারীমোহন সেনগুপ্ত]

উত্তর-মেঘ

(২৫)

মলিন বাস পরি’ হয়ত মম নারী আমারি নামে রচি’ ব্যথার গীত,
বীণাটী লয়ে কোলে সে গীতি গান ছলে করে সে অভিলাষ সুর-সহিত ;
নয়ন-বারিধার ভিজায় বীণা-তার, মাজিয়া পুনঃ তারে গাহিতে যায় ;
চেষ্ঠা বৃথা তার, ভুগিছে বার বার আপন হাতে তোলা মূর্ছনায় ।

(২৬)

বিরহ-দিন হ’তে প্রেমসী প্রতিদিন ঘারেতে রাখি’ দেয় একটা ফুল ;
হেরিবে হয়ত সে কুসুম গণি’ দেখে বিগত হবে কবে বিরহশূল ।
অথবা মনে ননে মিলিয়া মোর সনে, হৃদয়ে উপভোগ করে সে সুখ,
এমনি বিরহিণী কল্পনায় লভে পতির সহবাস দলিয়া দুখ ।

(২৭)

দিবসে নানাকাজে ততটা নাহি বাজে তাহার বুক মোর বিরহ ঘোর ;
নিশায় হায় হায়, বুক যে ফেটে যায়, তাহার যাতনার নাহিক ওর ।
জাগিয়া অঁাখিজলে লুটায় ধরাডলে, যুমেতে নত যবে পৌরজন ;
তখন জানালায় বসিয়া, সখা, তা’র ব্যর্থতা দিও মোর, ভূষিও মন ।

(২৮)

বিরহ-শয্যায় হেরিবে কুশকায় প্রেয়সী এক পাশে করিয়া ভর ;
যেমন প্রতি ভোরে পূর্বদিকে পড়ে' বিরাজে শশিকলা মলিনকর ।
বিহরি' মোর সনে কাটিত সুখ-মনে মুহুর্তের মতো যাহার রাত,
আজিকে রাতি তার কাটে না যেন আর, নিয়ত করে বসি' অশ্রুপাত ।

(২৯)

শীতল সুধাময় চন্দ্রকর যবে বাহিয়া বাতায়ন করে প্রবেশ,
পূর্ব সুখ আশে ছুটিয়া তারি পাশে, তাহাতে নাহি লভি' সুখের লেশ ;
ফিরিয়া আসে প্রিয়া, পঙ্কজাল দিয়া ঢাকে সে আপনার অঁাধি সজল,
ঢাকিলে রবি তুমি, যেমন ধরা 'পরে না ফুটে নাহি মুদে স্থলকমল ।

(৩০)

দীর্ঘশ্বাসে দহে অধর-কিশলয় রক্ষ স্নানে'কেশ চিকণ নয়,
নিশ্বাসে দোলা পায় পরুষ সেই কেশ ঢাকিয়া রহে যাহা গণ্ডময় ।
স্বপনে যদি পায় আমার সঙ্গম, নিদ্রা তাই মনে করে সে সাধ ;
অশ্রুস্রোত আসি' নিদ্রাপথ রোধে, তাহার সুখসাধে ঘটায় বাদ ।

(৩১)

মোদের বিরহের প্রথম দিনে বালা বেঁধেছে যেই বেণী পুষ্পহীন,
আজি তা জটপড়া, বাঁধিব আমি তারে বিগত হ'লে পরে বিরহ-দিন ।
হয়ত প্রিয়া মোর নখর-যুত করে গণ্ড হ'তে তার বারংবার
সরায় সেই বেণী বিষম স্নকঠিন, বড় যে ক্লেশকর স্পর্শ তার ।

(৩২)

অধিক ক'ব কিবা, হয়ত অবলার ভূষণহীন সেই দেহ কোমল,
অশেষ বেদনায় দীর্ঘ শ্বাসে, হায়, লুটায় বার বার শয্যাভল ।
হেরে সে দুখিনীয়ে, আকুল অঁাধি-নীয়ে-দেখায়ো তুমি তারি দুঃখে দুখ ;
আপনি গলি' যায় যাদের চিত্ততল, করুণাময় তারা কোমল-বুক ।

(৩৩)

প্রগাঢ় অনুরাগে তোমার সখী, ভাই, আমারে ভালবাসে সঁপিয়া প্রাণ,
বিরহে তাই তার এমনি ব্যবহার আমার মনে মনে এ অনুমান ।
প্রণয়-ভাগ্যের গরবে যদি, ভাই, অনেক ব'লে থাকি, বাচাল নই ;
চোখে, বুঝিবে আমি সবি সত্য কই ।

(৩৪)

চূর্ণ কেশজালে নয়নে নাহি খেলে অপাজের লীলা, সুহাস লোপ ,
কাজল নাহি তাই রুক্ষ অঁখি-যুগ', মদিরা বিনে অর বিলাস লোপ ।
মৃগীর সম তার নয়ন যবে প্রিয়া তোমার 'পরে দিবে আবেগবান,
তখন মনে হবে কমল শোভে যেন মীনের গতি হেতু কম্পমান ।

(৩৫)

যদি সে সে-সময় নিদ্রাগত রয়, বসিয়া তার পাশে, হে জলমুক,
প্রহরকাল তুমি নীরব থেক, ভাই, ক'রো না গর্জন ভাঙায়ে সুখ ।
হয়ত স্বপনে সে সুদৃঢ় বাহুপাশে আমারে বাঁধিবারে করেছে আশা ;
এ হেন কালে যদি ডাকিয়া উঠ তুমি, শিথিল হ'য়ে যাবে সে বাহুপাশ ।

(৩৬)

তোমার জলকণা-শীতল অনিলের ব্যজনে ধীরে ধীরে প্রবোধি' তায়,
মালতীকলিকার বিকাশ সাথে তুমি জাগায়ে দিও, মোর প্রিয়ায় ।
বন্ধে চপলায় চাপিয়া জানালায় বসিলে তুমি, মেলি' স্তিমিত চোখ,
মানিনী চাবে যবে ললিত রবে তবে এ কথা ব'লো তারে দূরিতে শোক ।

(৩৭)

“শুন গো অবিধবে, অনুবাহ আমি তোমার ভর্তার মিত্রবর ;
বারতা বহি' তার এসেছি বহু দূর তোমার পাশে হ'য়ে স্মৃতৎপর ।
যতেক পরবাসী হয় যে অভিলাষী খুলিতে প্রেয়সীর বন্ধ কেশ ;
আমি সে সকলেরে মস্তধ্বনি ক'রে পাঠায়ে দিই ত্বরা আপন দেশ ।”

(৩৮)

মারুতী-মুখে যথা শুনিয়া রাম-কথা জানকী উন্মুখ হেরিল তা'র,
তোমারে সেইরূপ হেরিবে প্রিয়া মোর হরষে সমাদরে আকাশ গা'য়,
স্বাগত করি' তোমা' শুনবে তব কথা গভীর মনোযোগে হ'য়ে ব্যাকুল,
মিত্র-মুখে শুনি' প্রিয়ের শুভ বাণী মিলন বলি' মানে:রমণীকুল ।

(৩৯)

আমারে তুমিবারে অথবা আপনারে করিতে সার্থক ব'লো এ ভাষ—
“তোমার সহচর কুশলে রহে জেনো!, সে রামগিরি 'পর করিছে বাস ।
দুঃখ শুধু তার বিচ্ছেদের ভার, আমার মুখে মাগে তব কুশল।”—
প্রাণীরা পদে পদে পড়ে যে পরমাদে, কুশল জানা প্রথা তাই যে চল ।



উত্তরা, জ্যৈষ্ঠ ১৩৩৭

সাহিত্যে ভাঙা-গড়া—শ্রীরাধাকমল মুখোপাধ্যায়।
বঙ্কিমচন্দ্রের সাহিত্যের তুলনায় আধুনিক সাহিত্যে
বিচিত্রতর ঘটনাবলি দেখা যাইতেছে। আধুনিক সাহিত্য
বাস্তব-চিত্রণের ও সমাজগঠনের অভিমুখে অগ্রসর
হইতেছে; পূর্বেকার ভাব ও কল্পনার রাজ্য দূরে
যাইতেছে।

স্বপ্ন, পরিত্যক্ত, 'ভবঘুরে' প্রভৃতিকে লইয়া যে
সাহিত্য গড়িয়া উঠে তাহাকে নূতন সমাজ-নিয়ম গড়িয়া
লইতে হয়। তাহাদের জীবন বে-পরোয়া জীবন।
কিন্তু তাই বলিয়া তাহাদের যে কোন নিয়ম-কানুন নাই,
তাহা নহে। অনেক সময়ে, বে-পরোয়াদের জীবন
অঁকিতে যাইয়া মানুষের সার্বজনীন নিয়মকানুন পদ-
দলিত করিয়া একটা বাধা-বন্ধনহীন পশুর জীবনকে
আদর্শ করা হইয়াছে। ইহাতে একই সঙ্গে শিল্পের
মর্যাদা হানি ও সমাজের অমিষ্ট হইতেছে।

নূতন সাহিত্য সমাজের অত্যন্ত রীতি ও নিয়ম-
কানুনকে পরিবর্তন করিতে উদ্যোগী হইতেছে, ইহা খুব
আশার কথা। প্রত্যেক দেশে সমাজবিপ্লবের ইহাই
একমাত্র প্রণালী। কিন্তু যে-সকল প্রাথমিক বিধি-
নিষেধ মানুষ তাহার সামাজিক ক্রমবিকাশের ফলে
একান্ত আবশ্যিক বলিয়া গ্রহণ করিয়াছে, তাহাই যখন
নূতন সাহিত্য লঙ্ঘন করিতে সাহস করিয়াছে, পশুর
জীবন ও মানুষের জীবনে কোন প্রভেদ মানে নাই,
তখন মনে হয় এ নূতন সাহিত্য বোধ হয় মানুষকে
অনিশ্চিতের পথে লইয়া যাইতেছে।

বাংলার মাটি—পলিপড়া মাটি, ক্ষণভঙ্গুর; এ মাটি
যেমন উর্বর তেমনই পরিবর্তনশীল। এ মাটি নদীর
দেওয়া; কত গোড়, কত 'রামপাল, কত নবদ্বীপ,
মুর্শিদাবাদ এ মাটি গড়িল ও ভাঙিল। বাঙ্গালীর দেহ
ও মন এইরূপই নমনীয়। বাঙ্গালীর দেহে বিভিন্ন জাতির
রক্তমিশ্রণ ঘটয়াছে। ইহা একই সঙ্গে গৌরব ও ভয়ের
কথা। তাই বাঙ্গালী সমাজ, রাষ্ট্র ও সাহিত্যের যত
কিছু নূতন আন্দোলনের প্রবর্তক।

বর্তমান যুগ গড়িবার যুগ। রামমোহন হইতে
রবীন্দ্রনাথ পর্যন্ত ভাঙনের প্রবর্তক। নূতন সাহিত্য
ভাঙিতে আরম্ভ করিয়াছে; আঘবিক বিক্ষোভ ও
চাঞ্চল্যের প্রশ্রয় দিয়া ইহা গড়িতেছে কম। বর্তমান
সাহিত্য যদি গড়িবার পূর্ণ দায়িত্ব গ্রহণ করে তবে
আমাদের জীবন একই সঙ্গে সার্থক ও সুন্দর হয়।

কৃষক, বৈশাখ ১৩৩৭

কার্পাসের চাষ—বাংলা দেশে চাটগাঁ পাহাড়ে ও
মৈমনসিংহের উত্তরে গারো পাহাড়ে যে কার্পাসের চাষ
হইয়া থাকে, তাহার আঁশ অত্যন্ত ছোট ও কর্কশ।
এইজন্য এই তুলা দ্বারা সূতা কাটা যায় না। মিহি
কাপড়চোপড় ও বিছানার চাদর ইত্যাদি তৈয়ারী
করিবার জন্ত যে তুলার দরকার, তাহার চাষ বাংলা
দেশে হয় না। এই তুলার আঁশ লম্বা, চিকণ ও মসৃণ।
এই জাতীয় কার্পাস পাঞ্জাব প্রভৃতি পশ্চিম অঞ্চলের
টান জমিতে ও আমেরিকার যুক্তরাষ্ট্রে জন্মে। ঢাকা

সরকারী কৃষিক্ষেত্রে কয়েক বৎসর যাবৎ পরীক্ষা করিয়া দেখা গিয়াছে যে, এই জাতীয় আমেরিকান কার্পাসের ফলন হয় না ;—তবে ইহা যে খুব লাভজনক কৃষি তাহাও বলা যায় না।

ক্ষেত কার্পাসের চাষ করিতে হইলে জমি উত্তমরূপে “পাইট” করিতে হয়। যে সকল উঁচু জমি বর্ষাকালে জলে ডুবিয়া যায় না সে-সব জমি কার্পাসের উপযুক্ত। দোয়াশ বা অল্প এ টেল মাটিতে কার্পাস ভাল জন্মে। বেলেমাটিতে ভাল হয় না। কার্পাসের ভাল জোরাল জমি আবশ্যিক। কার্পাসের চাষে বিঘা প্রতি ৫০/— ৬০/ মণ গোবর সার দেওয়া আবশ্যিক। ঢাকার ‘টেঙ্গরিয়া’ জমির মত লাল মাটিতে কার্পাসের চাষ করিবার পূর্বে ঐ জমিতে যে ফসল করা যায় তাহাতে বিঘা প্রতি ৩/ মণ চূণ ও ১/ মণ হাড়ের গুঁড়া দিলে কার্পাসের ভাল ফল পাওয়া যায়। তবে ইহাতে অপেক্ষাকৃত একটু খরচ বেশী পড়ে, এবং এই খরচটা পূর্বের ফসলেই তুলিয়া লইতে না পারিলে লোকসানের সম্ভাবনা।

ফাল্গুন-চৈত্র মাসে প্রথম বৃষ্টি হইলেই জমিতে চাষ দিবে। কার্পাসের জমিতে যত চাষ বেশী পড়ে ততই ভাল, কারণ কার্পাস গাছের শিকড় অনেক নীচু পর্য্যন্ত খাবারের খোঁজে যাইয়া থাকে।

কার্পাসের বীজগুলি খুব ছোট ছোট আঁশে ঢাকা থাকে। সেইজন্য বীজ বপনের পূর্বের দিন গোবর ও বালির মধ্যে বীজগুলিকে বেশ রগড়াইয়া লইতে হয়। লাইন করিয়া বীজ বপন করিতে পারিলে অনেক সুবিধা হয়। জমিতে দুই হাত অন্তর অন্তর লাইনের ঈষৎ দিয়া চিহ্নিত করিয়া লইয়া সেই দাগের লাইনে আধ হাত দূর দূর এক-একটি বীজ ফেলিয়া মাটি দিয়া চাপিয়া দিলেই বীজ বপন করা হইয়া গেল। বৈশাখ মাসের শেষ ভাগে বৃষ্টির পর জমিতে যো হইলে বীজ বপন করিবে। বিঘা প্রতি ১১০ সের হইতে ১৩ সের বীজ বপন করিতে হয়।

৬৭ দিনের মধ্যেই চারা মাটি ভেদ করিয়া বাহির হইতে থাকে। চারাগুলি একটু বড় হইলেই জমি নিড়াইয়া দিবে এবং ক্ষীণ ও নির্জীব চারা ফেলিয়া দিয়া,

এক বা দেড় হাত অন্তর একটা করিয়া সবল চার রাখিবে। জ্যৈষ্ঠ মাসের মধ্যেই অর্থাৎ বর্ষা আসিবার পূর্বে চারাগুলির নীচে মাটি দিতে হয়, যেন চারার গায়ে জল বসিতে না পারে; স্থান কাল ভেদে দুইবার পর্য্যন্ত মাটি দেওয়া আবশ্যিক হইতে পারে। কার্পাসের ক্ষেতে ঘন ঘন নিড়ানি দিতে হয়। বৃষ্টি হইবার পর জমি শুকাইয়া চাপ বাঁধিয়া গেলে নিড়ানি দিয়া জমি উস্কাইয়া দেওয়া উচিত।

আশ্বিন মাসের শেষ ভাগেই তুলার ফুল ধরে, এবং অগ্রহায়ণ মাসের প্রথম ভাগেই ফুটা বা কলীগুলি ফাটিতে আরম্ভ হয়। এই মাস হইতে মাঘ মাস পর্য্যন্ত কার্পাস সংগ্রহ কার্য চলিতে থাকে। ভোর বেলা গাছ হইতে শিশির ঝরিয়া পড়িলেই কার্পাস তুলিয়া ফেলা উচিত। যাহাতে কার্পাসের পাতা প্রভৃতি না মিশে সেজন্য একটু সাবধান থাকিতে হয়। অভ্যস্ত হইলে এই কাজ বেশ তাড়াতাড়ি করা যায়।

বাংলা ১৩২৬ সালে ঢাকা কৃষি পরীক্ষাক্ষেত্রে বিঘা প্রতি মণ ২১৬ সের কার্পাস পাওয়া গিয়াছিল। ১৩২৭ সালে ৩১৯ সের পর্য্যন্ত পাওয়া গিয়াছে; কিন্তু সাধারণতঃ কার্পাসের ফলন বিঘা প্রতি ১১০—২/০ মণের অধিক হয় না। গত দুই বৎসর পরীক্ষার ফলে দেখা গিয়াছে যে বুড়ি, কাছোড়িয়া, ধাড়োয়াড় এই তিন জায়গার কার্পাসের মধ্যে ধাড়োয়াড়েরই ফলন অধিক এবং ইহা হইতেই বেশ চিকণ সূতা কাটিতে পারা যায়। ঢাকা কৃষিক্ষেত্রে কার্পাসে পোকাকার উপদ্রব বিশেষ হয় নাই। এক প্রকার বিছা পোকা মাত্র পাওয়া গিয়াছিল। উহারা গাছে জড়াইয়া পাতার বাসা প্রস্তুত করে এবং অবশেষে পাতাগুলি খাইয়া গাছের জীবনী-শক্তি নষ্ট করিয়া দেয়। এগুলি বাছিয়া ফেলিয়া দিলেই উপদ্রবের শাস্তি হয়। তুলা-ক্ষেতের চারিপাশে চেন্দুস বুনিয়া দিলে পোকাগুলি কার্পাসের গাছের পাতায় বাসা করে।

কার্পাসের চাষে বিশেষ লাভ হয় না। তবে অনেকেই বাড়ীর আশে-পাশে পুকুরের পাড়ে উঁচু জায়গায় ২০।২৫টা করিয়া গাছ লাগাইতে পারেন। ক্ষেত কার্পাস এক বৎসরের বেশী জমিতে রাখা যায় না।

রাম কার্পাসে বা দেব কার্পাসে প্রথম বৎসর তুলা বিশেষ হয় না, দ্বিতীয় বৎসর হইতে ৩।৪ বৎসর পর্যন্ত বেশ কমল পাওয়া যায় ; তবে এ সম্বন্ধে আমাদের বিশেষ অভিজ্ঞতা না থাকাতে নানারূপ পরীক্ষা করিতেছি।

তুলার বীজ স্থানীয় কৃষি-বিভাগের কর্মচারীদের নিকট হইতে পাইতে পারেন।

মাধবী, জ্যৈষ্ঠ ১৩৩৭

ইউরোপে সংবাদপত্রের প্রচার—ঐ ইন্দুবিকাশ বসু। ইউরোপে সম্রাট হইতে শ্রমিক অবধি সকল শ্রেণীর লোকেই প্রাতঃকালে দৈনিক সংবাদ পাঠের জন্ত সমান ব্যগ্র। সংবাদপত্র প্রকৃত পক্ষে জার্মানীতে ১৬১৫ খৃঃ প্রথম প্রবর্তিত হয়। এই পত্রের নাম Frank Furter Journal। ইহা সাপ্তাহিক পত্র ছিল। ইহার পরে ১৬১৬ খৃঃ বেলজিয়াম হইতে Nieuwe Tijdinghen পত্র বাহির হয়। ১৬২২ খৃঃ ইংলণ্ডে The Weekly Notes প্রকাশিত হয়। ১৭০২ খৃঃ রুশদেশে The Gazette পত্র প্রচারিত হয়। ইটালীতে ১৭১৬ খৃঃ পূর্বে সংবাদপত্র ছিল না। ১৭৪৯ খৃঃ ডেনমার্কের Berlingske Tidende নামক সংবাদপত্রের জন্ম হইয়াছিল। স্পেনে ১৮২৬ খৃঃ পূর্বে কোন সংবাদপত্র ছিল না বলিলেও চলে।

সংবাদপত্রের বহুল প্রচার ও দেশ বিদেশ হইতে অল্প সময়ে ও অল্প ব্যয়ে সংবাদ সংগ্রহের কথা প্রথম জাগে জুলিয়াস রয়টারের মনে। তাহারই উদ্যমে স্থানে স্থানে এই কার্যের জন্ত লোক নিযুক্ত হয়।

সৌরভ, বৈশাখ ১৩৩৭

লোকশিক্ষার পুরাতন রীতি—ঐরসিকচন্দ্র বসু। বঙ্গদেশ, রাজার অপেক্ষা না করিয়া আপনিই আপনার সমাজে লোকশিক্ষার ব্যবস্থা করিয়া লইয়াছিল। পাঁচালী গান, কথকতা, শ্রীকৃষ্ণ সংকীর্্তন, ও ভাসান-গান সেই ব্যবস্থারই ফল। সারি, জারি নোলা, পর্ক এবং ষাটুও তাহাই। কথকেরা পুরাণ, রামায়ণ ও মহাভারতের কথা ভাষায় লোকদিগকে বুঝাইতেন। তাহাই আবার পদবন্ধ, দীর্ঘ ও ধর্ম ছন্দ

এবং পাঁচালীতে গাঁথিয়া ওঝা ও পণ্ডিতেরা সুরভালে মনোহর করিয়া তুলিতেন। ইহাই পাঁচালী গান। শ্রীচৈতন্যদেব কৃষ্ণ-সংকীর্্তন ও নাম-সংকীর্্তন প্রচার করেন। পাঁচালী গানে ছিল—সংঘম, ত্যাগ, বিনয়, সাধুতা ও কর্তব্যের শিক্ষা। সে শিক্ষা ছিল রসে ভরা, করুণায় সুকোমল ও আনন্দে উজ্জ্বল। সংকীর্্তন লোককে পরম ও চরমের সন্ধানে প্রবর্তিত করিত।

এই শিক্ষা ও দীক্ষার কর্ম, বৃত্তি হিসাবে কোন ব্যক্তি বা জাতির উপর অর্পণ করিয়া, সমাজ লোকপালন ও লোকশিক্ষা দুইই একসঙ্গে করিবার ব্যবস্থা করিয়াছিল। ব্যবস্থা উত্তম ছিল, এখনও ইহার কিছু অবশেষ আছে। কিন্তু তাহাও থাকিবে না, কারণ, বিনা বিচারেই আজ আমরা তাহা ত্যাগ করিয়া, বাহা আমাদের অবস্থা ও চরিত্রের সহিত খাপ খাইবে না, তাহাই অবিচারে গ্রহণ করিতেছি। এখন সেই সুকর্ত ভক্ত কথক ও পাঁচালী গায়ক দৈবাৎ দেখিতে পাওয়া যায়।

এ হেন সময়ে পূর্ব বঙ্গে “লক্ষ্মীর পাঁচালী” শুনা মনে পুরাতনের স্মৃতি জাগিয়া উঠে। লক্ষ্মীর পাঁচালী গায়কেরা মুসলমান ফকির। ইহাদের অধিকাংশেরই নিবাস ফরিদপুর জেলায়, ঢোল সমুদ্র ও পদ্মার চরে বা পারে। সেখান হইতে ইহারা শীতে ও বসন্তে ঘরে ঘরে “লক্ষ্মীর পাঁচালী” শুনাইয়া ভিক্ষা করিবার জন্ত বাহির হয়। “লক্ষ্মীর পাঁচালী”টি এই :—

লক্ষ্মীর পাঁচালী কিছু শোন দিয়া মন।

মন দিয়া শোন সবে লক্ষ্মীর বচন।

এক নাম ধৈরাছেন তিনি লক্ষ্মী নারায়ণী।

নর লোকে বলে তারে জগত-জননী।

লক্ষ্মী বলে কারে আমি করি মহারাজা,

অল্প বিনা কারো শরীর করি ভাঙ্গা ভাঙ্গা।

সকাল বেলা ছড়া দেয় মা সন্ধ্যাকালে বাতি,

লক্ষ্মী বলে সেই ঘরে আমার বসতি।

রাইক্যা বাইর্যা যেই নারি পুরুষের আগে ধায়।

তরা না কলসের জল তরাসে শুকায়।

মান কৈরা যেবা নারী মুখে দেয় রে পান ।
 লক্ষী বলে সেই নারী আমার সমান ।
 পায়ের উপর পাও খুইয়া যেই নারী বসে ।
 ছয় মাসের মধ্যে তার সীথার সিন্দূর ধসে ।
 আউলাইয়া মাথার কেশ ফিরে পাড়া পাড়া ।
 নিশ্চয় জানিবা মাগো সে যে লক্ষীছাড়া ।
 ধুর ধুরাইয়া হাটে নারী চোখ পাকাইয়া চায়,
 ঐ নারী অভাগিনী আগে পুরুষ খায় ।
 হিরল দাত, চিরল দাত যেবা নারীর হয়,
 আড়াই মাসের মধ্যে তার পতি যাবে ক্ষয় ।
 বিছাইয়া সোয়ামীর শয্যা পাও দিয়া ঠেলে,
 সেই নারীয়ে ছাড়ি আমি নিশা ভোরের কালে ।
 হস্তিনী নারীর কথা শোন নারায়ণ,
 উজল নয়নে চলে হস্তীর চলন ।
 শঙ্খমণি নারীর কথা শোন গুণমণি ।
 শঙ্খের সমান রূপ জলন্তু-অগিনী ।
 সেই নারীর গুয়াস যদি লাগে পতির গায় ।
 ছয় মাসের মধ্যে বান্দার হায়াত হয় ক্ষয় ।
 পদ্মমণি নারীর কথা করি নিবেদন,
 সেই নারীর শরীরে লক্ষী থাকে সর্বক্ষণ ।
 সতী নারীর পতি যেন পর্বতের চূড়া,
 অসতী নারীর পতি ভাঙ্গা নায়ের গুড়া ।

কাজের কথা, জ্যৈষ্ঠ ১৩৩৭

শিশুপালনের গোড়ার কথা—শ্রীমত্যানন্দ । শিশুদের
 যে-সব ছরুহ পীড়া জন্মে, তাহাদের প্রায় সকল
 গুলিই কোন না কোনরূপে পরিপাকের বিশৃঙ্খলা
 হইতে উৎপন্ন । প্রথমেই মনে রাখা দরকার যে,
 নবজাত শিশুর পাকস্থলী অত্যন্ত কোমল । ইহাতে দুই
 আউন্সের বেশী খাদ্য বা পানীয় ধরে না এবং ইহার
 হজম-শক্তি অতি সহজেই বিশৃঙ্খল হইয়া যায় ।

শিশু জন্মাইবার চব্বিশ ঘণ্টা পরে তাহাকে শুষ্ক
 দিতে হইবে । তাহার শরীরে তখন যে চর্কি থাকে

তাহাতেই কিছুক্ষণ চলিয়া যায় । জননী স্তন্থ থাকিলে
 তাহার স্তনস্থ অপেক্ষা শিশুর পক্ষে উৎকৃষ্ট খাদ্য আর
 নাই ।

অপরিপুষ্ট শিশুকে অতি কষ্টে দুধ পান করাইতে
 হয় । এ বিষয়ে চিকিৎসককে অনেক কৌশল অবলম্বন
 করিতে হয় এবং শিশুর জননী বা স্তন্যদায়িনীকেও
 অনেক ধৈর্য্য ধারণ করিতে হয় । অপুষ্ট শিশুগণ প্রথম
 বৎসর প্রায় জীবন ও মৃত্যুর সন্ধিস্থলে পড়িয়া থাকে ।
 এই সময়ের মধ্যে প্রায়ই ব্রঙ্কো-নিউমোনিয়া, ছপিংকাফ,
 হাম প্রভৃতি সংক্রামক রোগের কোনটা তাহাদিগকে
 সাংঘাতিকরূপে আক্রমণ করিতে পারে ।

শিশুর পাকস্থলীতে একবার গোলযোগ ঘটাইলে
 আশঙ্কার কারণ । তখন তাহার কিছুই হজম হয় না, প্রায়
 সকল খাদ্যই বমন হইয়া যায় । এক্ষেত্রে চিকিৎসকের
 কর্তব্য, পাকস্থলী ও অন্ত্র হইতে সমস্ত খাদ্য ও অন্ত্রাণ
 দূষিত পদার্থ বাহির করিয়া দিবার ব্যবস্থা করা । পরে
 যখন পাকস্থলী আবার শান্ত হয় এবং হজম-শক্তি ফিরিয়া
 আসে তখন একটু বার্গি-বা মাগুর জল পথ্য দেওয়া
 যাইতে পারে । তাহার পর ধীরে ধীরে খুব সামান্য
 দুধ দিয়া হজম করিতে অভ্যস্ত করান উচিত । স্তনস্থ
 খাওয়াইতে হইলে, দুধ গালিয়া পরীক্ষা করিয়া দেখিয়া
 তাহার পর ঝিনুক দিয়া শিশুকে খাওয়াইতে হইবে ।
 এই সময়ে শিশুকে অতি সাবধানে সকল প্রকার
 সংক্রামক রোগের হাত হইতে রক্ষা করিতে হইবে ।
 দৈহিক তাপ, ওজন প্রভৃতিও মনোযোগের সহিত লক্ষ্য
 করিতে হইবে ।

ম্যারান্‌ম্‌ নামে শিশুদের অপর একটি ব্যাধি হয় ।
 তাহার মূল কারণ, যকৃৎ, হৃৎপিণ্ড, প্লীহা বা মূত্রথলের
 পীড়া । কখন কখন পাকস্থলীর পীড়ার জন্য পাকস্থলী
 হইতে জীর্ণ খাদ্য অন্ত্রে আনিতে পারে না । এই রোগে
 কেবল খাদ্য সম্বন্ধে সুব্যবস্থা না করিয়া রোগের
 চিকিৎসাও করাইতে হইবে । কেবল ঔষধ খাওয়াইলে
 চলিবে না, অস্ত্রচিকিৎসকের সহায়তা লইতে হইবে ।

রক্তকমল

(উপন্যাস)

[রায়সাহেব শ্রীরাজেন্দ্রলাল আচার্য্য বি-এ]

(১২)

প্রভাতে প্রসাধন-কক্ষের জানালার পাশে দাঁড়াইয়া লীলা যখন মাথার চুল আঁচড়াইতেছিল, তখন শুনিতে পাইল অরুণকুমার কবি শশধরের কাছে কবিতা আবৃত্তি করিতেছে। লীলা বেশ-ভূষা করিয়া নীচে সেই বাগানে নামিয়া আসিল। লীলাকে দেখিয়াই অরুণ উল্লাসে বলিল,—“কাশ্মীরের প্রভাত আপনার চোখে কেমন লাগছে?”

“বে—শ। মনে হয় যেন স্বপ্ন-জড়ান।”

কবি শশধর তাঁহার ভ্রমণ-দণ্ডের মাথায় ছুরি দিয়া একটা ধীনা নারীমূর্তি খুঁদিতে খুঁদিতে বলিলেন—“আপনি এখন যে কবিতাটা আবৃত্তি করছিলেন, আমি কখন ওটা পড়িনি। কবি বলছেন,—মানুষও মনের মধ্যে ঐশ্বিক প্রত্যাদেশ পায়। কিন্তু কখন যে পায়, কবি তো সে-কথা বলেন নি?”

অরুণ কহিল—“কখন পায়? যখন উষার প্রথম আলোক দেখা দেয়, তখন মানুষ যখন কোনও একটা ধর্মে একান্তে বিশ্বাস স্থাপন করতে পারে তখন—আর যখন প্রেমের ফুল তার অন্তরে ফুটে ওঠে ঠিক কমলের মত, তখনই সে ঐশ্বিক প্রত্যাদেশ পায়।”

মাথা নাড়িয়া কবি বলিলেন—“উহঃ আমার মনের সঙ্গে মিলছে না। প্রভাতের স্বপ্নটাকে আমি ঐশ্বিক প্রত্যাদেশ বলতে পারি নে। জাগরণের পরই তো সে স্বপ্ন ভাঙে। রেখে যায় শুধু সত্যিকার বেদনার একটা অশ্রুতপ্ত স্মৃতি—সে স্মৃতিকে তো কিছুতেই মন থেকে দূর করা যায় না। ভূষার-কিরিটের উপর রবির কর যে একটা সোণালী প্রভাতকে স্বর্গ থেকে নামিয়ে এনেছে, তাই দেখেই বুঝি আপনার মনে প্রত্যাদেশের কথা জেগে উঠেছিল। রাত্রে স্বপ্নের ঘোরে আমি যে সব বিচিত্র চিত্র দেখতে পাই, অবাক হ’য়ে আমি সে সবকিছু কত দিন

ভেবেছি। আমার মনে হয়—যে সব জিনিসের চিত্র আমরা মন থেকে একেবারে দূর করে দিয়েছি—তারাই সময়ে সময়ে হঠাৎ মনের সামনে এসে দাঁড়ায়। এই দেখুন না—যে জিনিসের চিত্র আমাদের মনকে সারাদিন জুড়ে রাখে—আমরা কদাচিৎ তাকে স্বপ্নে দেখি।”

লীলার মনের ভিতরটা ছ্যাৎ করিয়া উঠিল। সে ভাবিতে লাগিল, রাত্ৰিতে স্বপ্নে সে যাহা দেখিয়াছে, সে সবকিছু তো এই কথাই বলা চলে!

কবির কথার উত্তরে অরুণকুমার বলিল—“দিনের বেলা যা’ কিছু আমাদের কাছে প্রত্যাখ্যান লাভ করে, আমার বিশ্বাস, তাদের হৃৎকথা নিয়েই রাত্ৰের স্বপ্ন গ’ড়ে ওঠে। আমরা যা’কে পরিত্যাগ করি, কিংবা যাকে আমরা হতাদরে ‘সরিয়ে দি’—তাদেরই প্রতিহিংসা শেষে স্বপ্নের বেশে এসে দেখা দেয়। সেই জগুই দেখতে পাই—স্বপ্ন সহসাই আসে, আগে জানতে দেয় না যে আসছে। যখন আসে, তখন দেখি তার মূর্তিটা বিবাদে মাথা। প্রত্যাখ্যানের বাধায় সে যেন মরে আছে।

লীলা কতকটা আপন মনে, কতকটা অরুণের কথার উত্তরে বলিয়া উঠিল—“আপনার কথাই ঠিক।”

সে তখন বাগানের রেলিংএর উপর ভর দিয়া সম্মুখের দিগন্তও বিস্তৃত আলোক-সমুদ্রের দিকে চাহিয়াছিল। তাহার পশ্চাতে যেখানে চির-ভূষারাত স্বপ্ন-রাজ্যে নন্দা পর্বতের শৃঙ্গ মেঘের মতই একটা ছায়া বলিয়া মনে হইতেছিল—লীলার দৃষ্টি সেইখানে প্রসারিত হইল।

অরুণ বুদ্ধিক্রান্তের মত নয়ন দিয়া লীলাকে গ্রাস করিতে ছিল। প্রভাতের সেই স্নিগ্ধ-মধুর আলোক-ধারায় স্নাত হইয়া লীলাকে তখন আরও সুন্দর দেখাইতেছিল। কাশ্মীরের প্রভাত চিরদিনই সুন্দরকে আরও সুন্দর করে এবং অন্তরের মধ্যে ভাবের তরঙ্গ ছোঁটায়। সেই প্রভাতে

যৌবনের সজীবতায় সুন্দরী লীলার রূপের দিকে চাহিয়া অরুণ মুগ্ধ হইয়া গেল। তাহার মনে হইল, যৌবনশ্রী যেন সহসা মূর্তি লইয়া তাহারই সম্মুখে আসিয়া দাঁড়াইল!

লীলা বলিল—“ওই যে কালো ঝাপসা জায়গাটা দেখা যাচ্ছে, গুনলাম ওরই নাম অচ্ছয়ল। ওইখানেই তো সত্ৰাট সাজাহানের বাগান আছে।

অরুণ চমকিয়া উঠিল। ভাস্করের শত সাধনার মানসী-প্রতিমাও আবার কথা কহে!

অরুণের হৃদয়ে বীণার বন্ধার উঠিল অরুণ ভাবিতে লাগিল—কণ্ঠে এত মধু থাকে, ইহা ত কখনও শুনি নাই।

মুখে যাহা আসিল তাহাই উচ্চারণ করিয়া অরুণ লীলার কথার উত্তর দিল এবং মনের গভীর উত্তেজনাকে গোপন করিবার ব্যর্থ প্রয়াস করিয়া নিতান্ত বলপূর্বক ওষ্ঠের প্রান্তে একটু হাসি আনিল।

লীলা এ সকলই লক্ষ্য করিতেছিল, কিন্তু এমন ভাব দেখাইল, যেন সে কিছুই বুঝিতে পারে নাই! কিন্তু সে-ও তখন আর অরুণকে বলিবার মত কোনও কথা খুঁজিয়া পাইল না। কেবল ধীরে ধীরে বলিল—“কি সুন্দর ছবি চারিদিকে। আজকার দিনটাও কি সুন্দর!”

পরদিন প্রভাতে শয্যা পড়িয়া থাকিয়াই লীলা আকাশ-পাতাল ভাবিতে লাগিল। গত দিন অরুণের সঙ্গে বেড়াইতে বাহির হইয়া লীলা একটা পুরাতন মন্দিরের গায়ে পাথরের যে মূর্তিগুলি দেখিয়াছিল, লীলার মনের সম্মুখে সেগুলি ভিড় করিয়া দাঁড়াইল। কুমারী পার্শ্বতীকে কিরিয়া কিরিয়া অঙ্গরীরা নৃত্য করিতেছে, দেব-শিশুরা হাততালি দিয়া আনন্দে গায়িতেছে। তাহাদের কণ্ঠস্বরও যেন ভাস্করের অস্ত্রের মুখে মূর্ত্ত হইয়া শুধু আনন্দই প্রকাশ করিতেছে। সেইখানে দাঁড়াইয়া অরুণকুমার দীপ্তকণ্ঠে এমন ভাবেই অজন্তা এবং সিংহলের সেই স্বতঃমূর্ত্ত পরমসুন্দর প্রাচীন প্রাচীর-শিল্পের ব্যাখ্যা করিয়াছিল—এমন ভাবেই রেখা-পাতের অনন্তসাধারণ কৌশলকে ব্যক্ত করিয়াছিল যে, তখন লীলার মনে হইয়াছিল, দেড় হাজার বৎসর পরও সে যেন সেই অসাধারণ শিল্পীকে তক্ষণ-নিরন্ত দেখিতেছে। শিল্পীর ভাব-গভীর মুখ লীলার সম্মুখে জীবন্তবৎ কুটিয়া উঠিল। লীলা যেন দেখিতে পাইল, শিল্পী তাহার নিজের

গড়া রূপের সাগরে নিজেই পরমানন্দে ডুবিয়া মরিতে উন্মুখ।

পূর্বদিনের প্রভাতটা লীলার কাছে বড়ই আলোকিক বলিয়া মনে হইতে লাগিল। তাহার অন্তর বলিয়াছিল, উহা লীলার আরাধনার সামগ্রী—অরুণ যেন সেখানে পূজারী, আর লীলা তাহার নৈবেদ্য লইয়া নিবেদন করিবার জন্ত ব্যাকুল হৃদয়ে অপেক্ষা করিতেছে! লীলা ভাবিতে লাগিল, মন্দিরের গায়ের সেই সব মূর্ত্তি-শিল্প যেন অরুণের প্রাণেই প্রাণ পাইয়াছে—অরুণেই যেন প্রকট হইয়াছে। জীবনের সহিত ললিত-কলার সম্বন্ধটা যে কি, অরুণকে অবলম্বন করিয়া এবং অরুণেই লীলা এই প্রথমবার বুঝিতে পারিল। লীলা ভাবিল, বীণা ঠিকই বলিয়াছে—কাশ্মীরের রূপ যদি দেখিতে হয় তবে অরুণের সঙ্গে এবং অরুণের চোখে—নতুবা নয়। অরুণের চোখে সুন্দর লাগে বলিয়াই—কাশ্মীরের নৈসর্গিক সুসমা এত সুন্দর—ফুলে গান, জলে রূপ, মেঘে স্বপ্ন।

লীলায় এবং অরুণে এতটা মনের মিল যে কিরূপে হইল লীলা তাহা ঠিক জানিত না। চিত্রকর বসু যেদিন কলিকাতায় অরুণের সঙ্গে লীলার পরিচয় ঘটাইতে চাহিয়াছিল, তখন অরুণের সঙ্গে পরিচিত হইবার কোনও আকাঙ্ক্ষাও লীলার ছিল না। কোনও দিনই তো লীলা তাহার মনে এমন পূর্বাভাস পায় নাই যে কোনো দিনও সে অরুণের প্রতি তিলমাত্র অনুরাগিনী হইবে। কলিকাতার শিল্প-প্রদর্শনীতে অরুণ কতকগুলি মোমের ও মাটির পুতুল গড়িয়া দিয়াছিল বটে, সেগুলি যে দেখিতে সুন্দর ছিল না তাহাও নয়; কিন্তু সে পুতুলগুলি দেখিয়া তো লীলার একথা মনে হয় নাই যে, একজন সাধারণ ভাস্কর নিজের গুণপনায় লীলাকে এমন করিয়া টানিতে পারিবে!

কলিকাতায় প্রথম দেখা হইবার পর ধীরে ধীরে লীলার মনে হইয়াছিল যে, অরুণে এমন গুণ আছে যে সে তাহার বস্তু হইবার যোগ্য। মধ্যে মধ্যে অরুণের সঙ্গে পাইলে মন্দ হয় না। লীলা সে সঙ্গে-সাভের জন্ত একটু চেষ্টাও করিয়াছিল। তাহার পর কিছুদিন গেল। অরুণ লীলাদের বাড়ীতে অনেক ভোজ ও পার্টিতে নিমন্ত্রিত হইয়া আসিতে লাগিল। ক্রমে লীলা বুঝিতে লাগিল যে, অরুণের সঙ্গে পাইলে যে মন্দ হয় না, শুধু ইহাই নহে—

অরুণের সঙ্গ তাহার মন যেন চায়, কারণ অরুণ কবি, অরুণ শিল্পী, অরুণের উন্নত হৃদয় সুন্দরকে পূজা করিয়া সার্থক হইয়াছে। লীলা চিরদিনই নিজেকে বিছবী বলিয়াই ভাবিত এবং তখন এই বলিয়াই গর্ব অনুভব করিত যে নানা বিদ্যায় পণ্ডিত অরুণকুমারও তাকে ভক্তি নিবেদন না করিয়া পারে না !

এইভাবে কিছুদিন গেল। লীলা যেন একটু ত্যক্ত হইয়া উঠিল। সে দেখিতে পাইল, অরুণ শুধু নিজের কথাই বেশী বলে, নিজেকে লইয়া সে যত বেশী ব্যস্ত লীলাকে লইয়া তত নয়। তখন এক একদিন লীলার ইচ্ছা হইত যে অরুণকে একটু আঘাত করিবে। লীলার মনে যখন এই রকম একটা অস্বস্তির ভাব চলিতেছিল এবং তাহাকে সর্বদাই মনে করাইয়া দিতেছিল যে সংসারে সে নিতান্তই একা—ডাক্তার মিত্রও আর নাই, তাহার স্বামীও বাঁচিয়া থাকিতেও বহুদিন আগেই মরিয়াছে—তখন একদিন সন্ধ্যার সময় ভিক্টোরিয়া মেমোরিয়ালের সম্মুখে লীলার সঙ্গে অরুণের দেখা হইল। অরুণ সে দিন ভারতের চিত্রশালা সম্বন্ধে কত কথাই বলিয়াছিল! মহারাণী ভিক্টোরিয়ার সেই প্রকাণ্ড মূর্তির পাশে দাঁড়াইয়া অরুণ যখন লীলাকে পারিপার্শ্বিক মূর্তিগুলির পরিকল্পনা বুঝাইতেছিল, পূর্ণিমার চন্দ্রকর তখন চারিদিকে ছড়াইয়া পড়িল। সেই সন্ধ্যায় লীলার মনে হইয়াছিল, অরুণের কণ্ঠস্বর বড় কোমল, তাহার দৃষ্টি বড় মধুর, কিন্তু সে শিল্পের সঙ্গে এমনভাবেই মজিয়াছে যে, তাহা লইয়াই নিজেকে পৃথিবী হইতে দূরে রাখিতে চায়—বন্ধুর কাছে বন্ধু যে আশা করে, অরুণের কাছে তাহা পাইবার আশা নাই। তাহার মনে সেদিন একটা সন্দেহের উদয় হইল—মন কি সত্যি অরুণের সঙ্গ চায়—না চায় না ?

লীলা এ প্রশ্নের উত্তর দিতে পারিল না।

কাশ্মীরে অরুণের সঙ্গে দেখা হওয়ার পর তাহার সঙ্গে নিসর্গ-সুন্দরের পূজা করিতে করিতে কিছুদিনের মধ্যেই লীলার একমাত্র আনন্দ হইল অরুণের সঙ্গ, একমাত্র ছুপি হইয়া উঠিল অরুণের মুখে শিল্পের ব্যাখ্যা। এক একবার এ কথাটাও যে লীলার মনে হয় নাই তাহা নহে যে, তাহার অতৃপ্ত জীবন-মরুতে অরুণকুমারই মরুচ্ছানের মত দেখা দিয়াছে—অরুণই তাহার হৃদয়ে নানা বৈচিত্র্য

আনিয়াছে, নবীনতা ঢালিয়াছে সেই হৃদয়ে অরুণই ইন্দ্রধনুর বর্ণ ফলাইয়াছে; তাহার চিন্তার অবসাদকে অরুণ কি যেন এক পরমানন্দজনক মাধুর্য্য দান করিয়াছে। এতদিন লীলা যে হর্ষের স্বাদ জানিত না—সুন্দরের পূজারী অরুণ লীলাকেও পূজারিণী করিয়া সেই স্বাদে তীব্র রুচি দিয়াছে।

লীলার তখন মনে হইতে লাগিল—চাই অরুণের সঙ্গ চাই—চাই কিন্তু কিরূপে? যুহুর্ন্তের জ্ঞান লীলা তাহার মনকে ফাঁকি দিতে চেষ্টা করিল। সে বুঝাইল যে, অরুণ তো স্বপ্ন লইয়া স্বপ্নের দেশেই বাস করে—শিল্পসাধনাই তাহার সর্বস্ব—সুকুমার শিল্পেই তাহার যত উৎসাহ। সুতরাং নারীর নারীত্বের প্রতি তাঁহার কোনও আসক্তি হইতেই পারে না। সে যে লীলার সঙ্গ চায় ইহা বুঝিতে লীলার বিলম্ব হয় নাই। কিন্তু লীলা মনকে বুঝাইল যে সেও সুন্দরের পূজারিণী বলিয়াই শিল্পের সাধন-সর্বস্ব অরুণ-কুমার তাহার প্রতি অনুরক্তি দেখাইতেছে।

হঠাৎ লীলার মন বলিল—তুমি কি সত্যিই শিল্পসাধনা চাও না ভালবাসা চাও? তোমার অন্তরের অন্তস্তলে খুঁজিয়া দেখ দেখি!

লীলা আর শুইয়া থাকিতে পারিল না। কি যেন একটা দারুণ আঘাতে তাড়াতাড়ি উঠিয়া বসিল।

লীলার দাসী তাহার পালংচাঁএর সঙ্গে সঙ্গে ডাকের চিঠি আনিয়া দিল।

লীলা দেখিল—ডাক্তার মিত্রের পত্র!

কক্ষের মধ্যে প্রসারিত প্রভাতের ভাঙ্গা আলোকও তখন লীলার আছে অন্ধকার ঠেকিতে লাগিল।

লীলা জানিত যে ডাক্তারের চিঠি আসিবেই। সে তাই মনকে অনেকটা প্রস্তুত করিয়াই রাখিয়াছিল। পত্রের মধ্যে কত অনুযোগ ছিল। লীলা কি কাশ্মীরে আসিবার সময় ডাক্তারের জ্ঞান দুইটা কথাও লিখিয়া রাখিয়া আসিতে পারিত না? শিকার হইতে ফিরিয়া আসিয়া ডাক্তার কলিকাতার জনারণ্যের মধ্যে নিজেকে বড়ই একা একা মনে করিতেছে। এখনও কি লীলার কাশ্মীর-ভ্রমণ শেষ হয় নাই? সেখানে কি দেখিবার জিনিস এতই আছে যে, এক মাসেও ফুরায় না? তবে ডাক্তারের সময়টা বর্ষার শ্রোতের মত ছুটিয়াছে, কারণ তাঁহার খুড়তুতো ভাই

লাট-কাউনসিলের সদস্য হইবার জন্য মাথা কুটিতেছেন। ডাক্তার তাঁরই জন্য ভোট কুড়াইতে ব্যস্ত। লীলার স্বামী বলিয়াছেন যে, লীলার শরীর অত্যন্ত অসুস্থ বলিয়াই তিনি জোর করিয়া তাহাকে কাশ্মীরে পাঠাইয়াছেন। লীলা আনিতেই চার না, তিনিও ছাড়েন না। ডাক্তার এবার তিনটা বাষ শিকার করিয়া লীলার জন্য তিনখানা ভাল চামড়া আনিয়াছেন। ইত্যাদি ইত্যাদি।

লীলা ডাক্তারের চিঠিখানা পড়িয়া টুকরা টুকরা করিয়া ছিঁড়িয়া ফেলিল এবং টুকরাগুলি চিমনির আগুনে ফেলিয়া দিল। ডাক্তারের পত্র যখন পুড়িতে লাগিল

লীলা তখন একদৃষ্টে সেইদিকে চাহিয়া রহিল।

চিঠির টুকরাগুলি কখন পুড়িয়া ছাই হইয়া গেল।

লীলা তখনও মোহাবিষ্ট মত বসিয়াইছিল।

বীণা আসিয়া যখন ডাকিল তখন লীলার চমক ভাঙ্গিল। সে মকে মনে বলিল—আর না, ডাক্তার আমার কে? সংসারে আমি এখন একা। সে যদি সত্যি আমাকে ভালবাসিত তাহা হইলে আমাকে কলিকাতায় না দেখিয়া এখনও কি সে সেইখানেই থাকিতে পারিত?


(ক্রমশঃ)

নিদাঘ প্রভাতে

(মরিসের অনুভাবে)

[শ্রীসুবলচন্দ্র মুখোপাধ্যায়]

অশ্রুট অধরপ্রান্তে একটা প্রার্থনা শুধু মোর তরে ক'রো উচ্চারণ,
তারকার তীর্থলোকে মোর লাগি' রেখে দিয়ো অচঞ্চল একটা ভাবনা।
নিদাঘের রাত্রি হলো শেষ! দূরে ওই বুঝি প্রভাতের অরুণ-কিরণ,
নিমের পল্লব আর মেঘের কঙ্কণমাঝে পাংশুগ্লান হ'লো অশ্রুমনা।
যে পল্লব ছিল জাগি; উর্দ্ধমুখে,—তপস্বীর ধ্যানসম ধীর প্রতীক্ষায়,
বর্ণহীন, স্থিরমূর্ত্তি!—তবু দূর নন্দনের আশুর্চ্ছিত হিরণ সুষমা।
গণিছে মুহূর্ত্ত যেন!—জাগ্রত তপন করে রশ্মিটার প্লাবন-বন্যায়,
মগ্ন করি দিবে তারে। দূরে শ্যাম তৃণ শস্য-শিহরিত মাঠের সীমায়!
দীর্ঘ আলি পথগুলি প্রতীক্ষিছে অধীর আগ্রহে! অশান্ত তুষার সমা,
ব্যাকুল সমীর-বধু স্পন্দনে শিহরি' উঠে। গোলাপের দল শিহরায়।
অদূর গোধূলি তার আলো-ছায়া-আঁকা নীল, ধূসরিত বটের শাখায়,
রেখেছিল উদয়-বাণীরে,—সে যেন পশিল চুপে প্রান্তরের ভবন-কাণায়।
নিঃসঙ্গ নির্জনে; তারি মত কামনা আমার। তুমি শুধু একটা কথায়,
সার্থক করিয়ো তারে। আনমিত শস্যশীর্ষে প্রাণ মোর আজো মূরছায়।




অভিনব আলোক-সুত্ত

টেমস্ নদীতে উলউইচ নামক স্থানের নিকট যে এক আলোক-সুত্ত আছে, শুনা যায় না কি তাহার ত্রায় বিচিত্র আলোকসুত্ত পৃথিবীর আর কোথাও নাই। এই আলোক-সুত্তটির বৈশিষ্ট্য হইতেছে এই যে, সন্ধ্যা হইলে আপনা হইতেই ইহার মধ্যে আলো জলিয়া উঠে এবং সকাল হইবার সঙ্গে সঙ্গে তাহা নিবিয়া যায়। ইহার মধ্যে কল-কজ্জার এরূপ বন্দোবস্ত আছে যে, ইহাতে আলো জালিবার জন্য কোন লোক দরকার হয় না—কেবল বৎসরে দুইবার করিয়া ইহার মধ্যে এসিটিলিন গ্যাস পুরিয়া দিতে হয়, কারণ আলো গ্যাসেই জ্বলে। দূর হইতে দেখিলে ইহাকে কোন জাহাজের মাস্তুল বলিয়া ভ্রম হয়। এই আলোকসুত্তটির এমনই গুণ যে, যদি দিবাভাগে কোন দিন হঠাৎ চারিদিক কুয়াসায় আচ্ছন্ন হইয়া যায় তাহা হইলেও তখনই ইহার মধ্যে আলো জলিয়া উঠে। ইহা জাহাজের নাবিকগণের অত্যন্ত প্রিয় বস্তু। শুনা যায়, ইহা সম্প্রতি নির্মিত নহে। গ্রেট-ব্রিটেনের যে সমস্ত পুরাতন আলোক-সুত্ত আছে ইহা তাহাদেরই মধ্যে একটি।

অদৃশ্য-চশমা

এই ছবিখানির উপরে যাহার প্রতিমূর্তি দেখা যাইতেছে উহা Prof. L. Heineএর। ইনি Kiel বিশ্ববিদ্যালয়ের একজন অধ্যাপক। ছবিতে ইহার চোখে চশমা আছে কি না তাহা কিছুতেই বোঝা যায় না—কিন্তু সত্যই ইনি চশমা পরিয়া আছেন। ইনি এই অদৃশ্য-চশমা আবিষ্কার করিয়াছেন। এই চশমার বৈশিষ্ট্য হইতেছে যে, চোখের

উপর বসাইয়া দিলে কিছুতেই বুঝা যায় না যে, চশমা পরা হইয়াছে। ইহাতে কোন বেড় নাই। ছবিতে নিয়ে এইরূপ কতকগুলি চশমার নমুনা দেওয়া হইল। চশমাগুলি



উপরে Prof. L. Heine—ভলার তাহার নবাবিষ্কৃত চশমা

বেশ আরামপ্রদ। পূর্বে যে সমস্ত অভিনেতা-অভিনেত্রীরা চশমা ব্যবহার করিতেন, তাহাদের চশমা খুলিয়া রঙ্গমঞ্চে

অবতীর্ণ হইতে হইত। কিন্তু এই অভিনব চশমার প্রচলনে আর তাহা করিতে হয় না। কিছুদিন পূর্বে বিলাতে একটা অভিনেত্রী এইরূপ অদ্ভুত চশমা পরিয়া অভিনয় করিয়াছিলেন—কিন্তু দর্শকগণের মধ্যে কেহই বুঝিতে পারে নাই যে তিনি চশমা পরিয়াছিলেন

ভবিষ্যৎ বাসগৃহ

বিজ্ঞানের উন্নতির সঙ্গে সঙ্গে মানুষ যতটা পারিতেছে আপনাকে পুরাতনের কবল হইতে মুক্ত করিবার চেষ্টা করিতেছে। শুনা যাইতেছে, বর্তমানে আমরা যে-সকল ইটপাথরের তৈয়ারী বাড়ী বাসভবন রূপে ব্যবহার করিয়া থাকি তাহা আর কিছুদিন পরে থাকিবে না—তখন নূতন কিছু উদ্ভাবন হইবে। শিকাগোর একজন বিখ্যাত মিস্ত্রী Mr. Pierre Blouke এর বিশ্বাস যে, আর পাঁচ ছয় বৎসরের মধ্যে পৃথিবীর প্রধান প্রধান সহরগুলিতে কাচের বাড়ী তৈয়ারী হইতে আরম্ভ হইবে। ইহাতে আমরা সাধারণ ইট-পাথরের গৃহে যে সকল সুবিধা পাইয়া থাকি তাহা যে পাইব না এমন নহে, দরজা জানালা প্রভৃতি সমস্তই থাকিবে। ঘরগুলি কতকটা জাহাজের কেবিনের মত হইবে। রাত্ৰিতে বাড়ীর মধ্যে বৈদ্যুতিক আলো জালিলে ভারি সুন্দর দেখাইবে। এইরূপ গৃহ না কি সন্দেহ দিয়া বিজ্ঞান সম্মত।

নিউইয়র্ক Palais de France নামক যে পৈষড়ি-তলা বাড়ীটা তৈয়ারী হইবে তাহার উপরের পাঁচ-তলা কাচের ইট দিয়া গাঁথা হইবে। মাটির ইটের সহিত যেমন চূণ সুরকী ব্যবহার করা হয়, এই ইটের সহিতও তাহাই ব্যবহার করা হইবে। এই নূতন ইটগুলি এক প্রকারের Plate Glass হইতে গঠিত।

জার্মানী হইতে আর এক অদ্ভুত সংবাদ আসিয়াছে। সেখানের মিস্ত্রীরা আমেরিকান মিস্ত্রীদের হারাইয়া দিয়াছে। তাহারা এমন এক মজার বাড়ী তৈয়ারী করিয়াছে যে, তাহাকে আসবাবপত্র সুস্থ যখন খুলী বাড়াইতে বা কমাইতে পারা যায়। জার্মানীতে আর এক প্রকারের বাড়ী নির্মাণের পরিকল্পনা সম্প্রতি বাহির হইয়াছে; সেগুলি কতকটা ভূ-গোলকের (Globe) মত। এগুলির নূতন হইতেছে এই যে, দিবাভাগে সূর্য

যে-দিকেই থাকুক না কেন, গৃহগুলির দুখ সেই দিকেই ফিরাইয়া দেওয়া যাইতে পারে।

প্রাচীন শহরে অধিরাসিগণের আধিকা

সাধারণতঃ আমরা ভাবিয়া থাকি যে লণ্ডন, নিউইয়র্ক প্রভৃতি শহরের লোকাধিকা বর্তমান সভ্যতার ফল, পূর্বে এরূপ ছিল না। কিন্তু তাহা নহে। কিছুদিন হইল প্রাচীন পুঁথিপত্র হইতে যে সকল প্রমাণ সংগৃহীত হইয়াছে তাহা হইতে জানিতে পারা যায়, খৃষ্ট জন্মাইবার পর প্রথম শতাব্দীতে রোম নগরে প্রতি একর স্থানে এক হাজার লোক বাস করিত। আর যে স্থানটিতে জুলিয়াস সিজারের Forum ছিল সেই স্থানটির দাম ছিল প্রতি একর পিছু ৪০০,০০০ পাউণ্ড করিয়া। ৩৩০ শতাব্দীতে কনষ্টানটিনোপল শহরে যথেষ্ট লোকাধিক্য হইয়াছিল, তাহার প্রমাণও পাওয়া গিয়াছে।

দ্রুতগামী ট্রেন

L. M. S, এর "Royal Scot" নামক ট্রেনখানিই বর্তমান সময়ের সর্বাপেক্ষা দ্রুতগামী ট্রেন। Euston হইতে Scotland এর দূরত্ব ৩৯৯৩ মাইল। এই ট্রেনখানি আটঘণ্টা পনের মিনিটে এই পথ অতিক্রম করিয়াছিল।


উক্ত ট্রেন খানিই কিছুদিন পূর্বে না থাকিয়া ৫ ঘণ্টা ৪৩ মিনিটে ২৯৯১ মাইল স্থান পরিভ্রমণ করিয়া পৃথিবীর মধ্যে না থেমে চলার (non-stop) রেকর্ড স্থাপন করিয়াছিল।

আমেরিকার খেয়াল

পুরাকালে রাজাদের মাঝে মাঝে বাড়ী তৈয়ারী করিয়া আকাশে পৌঁছিবার সখ হইত এবং ফল স্বরূপ ছই চারি খানি বাড়ীও যে না উঠিয়াছিল এমন নহে। সম্প্রতি আমেরিকা যে প্রকাণ্ড প্রকাণ্ড বাড়ী তৈয়ারী করিতেছে তাহা ইহারই কতকটা অভিনয়ের মত হইলেও ফলে যে কি হইবে তাহা ভাবিলে স্তম্ভিত হইতে হয়।

কিছুদিন হইল ঐ দেশীয় হোটেলওয়ালাদের মধ্যে এইরূপ বৃহৎ বৃহৎ আকাশস্পর্শী বাড়ী তৈয়ারী করিবার বেশ রেশারিনি পড়িয়া গিয়াছে। নিউইয়র্কের Waldrof

Astoria Hotel তাঁহাদের যে বাড়ীখানি তৈয়ারী করি-
বেন তাহার এক নক্সা হইয়াছে। আমরা ইহার একখানি



Waldorf Astoria Hotel এর নক্সা

ছবি দিলাম। শুনা যাইতেছে, ইহার গায় প্রকাণ্ড বাড়ী পূর্বে অল্প তৈয়ারী হয় নাই। এই সকল এক একখানি বাড়ীকে এক একটা সহর বলা যাইতে পারে; কারণ ইহার কোন তলায় হয় তো বাজার, কোন তলায় স্নানাগার, কোন তলায় বল খেলিবার মাঠ প্রভৃতি মানুষের নিত্য-নৈমিত্তিক যাহা কিছু দরকার পড়ে, তাহা সমস্তই ইহার মধ্যে পাওয়া যায়। ইহাতে সুবিধা এই যে, যখন-তখন অকারণে বাহিরে যাইতে হয় না। আমেরিকার গায় এরূপ বাড়ী ইংলণ্ড প্রভৃতি দেশে নাই, কারণ এইরূপ গৃহ নির্মাণ বহু দেশে আইন-বিরুদ্ধ।

বহুরূপী সিড্‌নি সাইম

সিড্‌নি সাইম (Sidney Sime) বিলাতের একজন প্রসিদ্ধ শকারু-করণ শিল্পী ও বহুরূপী। নানারূপ জীব-জন্তুর ডাক ডাকিবার বা এক সময়ে বহু বেশে সজ্জিত হইবার দক্ষতা ইহার অসাধারণ। কিছুদিন হইল ঐদেশে এক প্রদর্শনীতে তাঁহার খেলা দেখিয়া সকলে বিস্মিত হইয়া গিয়াছে। সাইম কতকটা ভবঘুরে গোছের অদ্ভুত প্রকৃতির



সিড্‌নি সাইমের ক্রীড়া

লোক। তিনি বর্তমানে Warpesdon এ এক গ্রাম্য কুটীরে বাস করিতেছেন। ইহার অনেক গুলি জীব-জন্তু আছে। তাহাদের সহিত খেলা করিখাই না কি ইহার দিন কাটে। ইহার একটা প্রিয় বিড়াল আছে। তাহার সহিত প্রায়ই বিড়াল ডাক ডাকিয়া ঝগড়া করেন। তিনি তাঁহার সেই বিড়ালটির সহিত কেমন খেলা করিতেছেন তাহা ছবিতে দেখা যাইবে। সাইম অত্যন্ত নির্জনতা-প্রিয়। তিনি কেবল জীব-জন্তু লইয়াই থাকেন—লোক-চক্ষুর সন্মুখে খুব কমই বাহির হন। তিনি প্রথম জীবনে কয়লার খনিতে সামান্য কুলীর কাজ করিতেন।

মডেল রেলওয়ে ক্লাব

‘মডেল রেলওয়ে ক্লাব’ কথাটা আমাদের নিকট নূতন বলিয়া মনে হইলেও লগুনে এরূপ একটা প্রতিষ্ঠান আছে। এই ক্লাবের সভ্যদের কাজ হইতেছে, অবসর সময়ে বলিয়া মডেল ট্রেন তৈয়ারী করা। বহু উকিল, ব্যারিষ্টার, ডাক্তার প্রভৃতি এই ক্লাবের সভ্য। অনেক গৃহস্থ তাঁহাদের ছুট ছেলেদের ইহার সভ্য করিয়া দিয়াছেন—তাহারা নিজহাতে রেল গাড়ী তৈয়ারী করিয়া যথেষ্ট আনন্দ উপভোগ করে। এরূপ নিজহাতে রেল, এঞ্জিন প্রভৃতি তৈয়ারী করার উপকারিতাও খুব বেশী! ইহাতে ছোট ছোট ছেলেদের পর্যাবেক্ষণ শক্তির যথেষ্ট অনুশীলন হয়—এবং নিজহাতে কোন কিছু তৈয়ারী করিবার শক্তিও অর্জিত হয়। এই মডেল তৈয়ারী করিতে করিতে দু-একটা সভ্য এক-আধ খানি নূতন ধরণের রেলগাড়ীও উদ্ভাবন করিয়া কেলিয়া-



Mr. G. P. Keen ক্লাবে কাজ করিতেছেন
ছেন। বিলাতী রেলওয়ে কোম্পানী এই ধরনের ক্লাবের
বহুল প্রচারের জন্ত যথেষ্ট সহানুভূতি দেখাইয়াছেন।
যে ছবি দেওয়া হইল তাহাতে এই ক্লাবের সভাপতি Mr.
G. P. Keen তাঁহার মডেল রেলওয়ে স্টেশনটিতে কেমন
কাজ করিতেছেন দেখা যাইবে। এই ধরনের সং
প্রতিষ্ঠানের প্রয়োজন সকল দেশেই আছে।


তুলার রাস্তা.

তুলা বা পাট প্রভৃতি পূর্বে আমাদের বস্ত্রাদি তৈয়ারী
করিবার জন্ত প্রয়োজন হইত
বলিয়া জানা ছিল; কিন্তু
চতুর বৈজ্ঞানিকের হাতে
পড়িয়া সম্প্রতি রাস্তা তৈয়ারীর
কাজে লাগিয়াছে। কিছুদিন
হইল New Orleans এর
একটি বিজ্ঞানাগারে বৈজ্ঞানিক
তুলা হইতে এক প্রকার
নরম জিনিস তৈয়ারী করিয়া-
ছেন। পূর্বে পিচ
প্রভৃতি হইতে তৈয়ারী রাস্তায়
ভারবাহী লোহার চাকাওয়লা
গাড়ী যাইলে রাস্তার অনেক
অংশ অত্যধিক চাপে ভাঙ্গিয়া
যাইত। কিন্তু এই নবাবিষ্কৃত
দ্রব্যটির উপর যদি পিচ দিয়া
রাস্তা তৈয়ারী হয় তাহা হইলে
রাস্তা খুব সহজে ভাঙ্গিয়া

যায় না, কারণ ইহাতে রাস্তা elastic হয়—
অতিরিক্ত বন্ধন ও কুঞ্জে ভাঙ্গিয়া যাইতে পারে না।
বহুদিন পরে রাস্তা যদি একান্তই ভাঙ্গিয়া যায়, তবে তাহা
পুনরায় তৈয়ারী করিবার জন্ত বিশেষ বেগ পাইতে হয়
না। ইহার উপরের পিচের আবরণ সহজেই
তুলিয়া ফেলা যাইতে পারে।

বসিবার কারসাজি

বহুলোক যখন একত্রে সমবেত হয়, তখন বসিবার বা
দাঁড়াইবার ভঙ্গীতে যে কত বিচিত্র দৃশ্যের সৃষ্টি হয় তাহা
বিরাত্ জনতার প্রতি যাঁহারা লক্ষ্য করিয়াছেন তাঁহারা ই
জানেন। নিয়ে যে চিত্তাকর্ষক ছবিখানি দেওয়া হইল তাহাতে
উপবিষ্ট বহুলোকের মাথা মিলিয়া কেমন একটা সুন্দর
ঘোড়ার ছবি হইয়া গিয়াছে। ইহা আমেরিকার একটা
ফুটবল খেলার জনতার দৃশ্য। কলেজের ছাত্ররা কেহ
কেহ কাল জামা ও টুপী পরিয়া এমন কৌশল করিয়া
বসিয়াছে যে, তাহাতে ঐ অপরূপ দৃশ্যটির সৃষ্টি হই-
য়াছে।




বসিবার কারসাজি

পীসার হেলান' স্তম্ভ

পীসার হেলান' স্তম্ভটী Leaning tower of Pisa পৃথিবীর সপ্তম আশ্চর্যের মধ্যে একটি। কিছুদিন হইল বিশেষজ্ঞরা আশঙ্কা করিয়াছিলেন, এই স্তম্ভটীর অবস্থা এইরূপ যে অচিরেই উহা ভাঙ্গিয়া পড়িবে। স্তম্ভটীকে একেবারে ভাঙ্গিয়া পুনরায় পূর্বের স্থায় তৈয়ারী করা অসম্ভব। তাই সকলে বড়ই চিন্তিত হইয়া পড়িয়াছিলেন। কিছুদিন হইল একটি মিস্ত্রী উহাকে না ভাঙ্গিয়া এমন সুন্দর করিয়া মেরামত করিয়াছে যে, ভবিষ্যতে আর পড়িয়া গিয়া স্তম্ভটী নষ্ট হইয়া যাইবে না। মিস্ত্রীটী এমনই কুশলী যে মেরামত করিবার সময় ইহার পূর্বের বুকুতি কমাইয়া দিয়াছে। মাপিয়া দেখা গিয়াছে, ইহার বর্তমান বুকুতি ৪২৬৫ মিটার। এই স্তম্ভটী মেরামত করিবার জন্ত গত বাইশ বৎসর ধরিয়া চেষ্টা চলিতেছিল। ঐতিহাসিকেরা এই সংবাদ শুনিয়া সুখী হইবেন, সন্দেহ নাই।

বিশ্ববিদ্যালয়ে ক্যামেরা ক্লাব

কয়েক বৎসর হইল পাশ্চাত্য দেশে বহুলোকের চলচিত্রের ছবি তুলিবার অত্যন্ত ঝোঁক হইয়াছে। ব্যবসাদারী ছবিতুলিবার যথেষ্ট সমিতি থাকিলেও লণ্ডনের যেখান-সেখান হইতে সখ করিয়া ছবি তুলিবার প্রতিষ্ঠানও



ক্যামেরা ক্লাবের অভিযান

অসংখ্য গড়িয়া উঠিতেছে। বিলাতের বিশ্ববিদ্যালয়ের ছাত্র-ছাত্রীরাও এই ঝোঁকের হাত হইতে রেহাই পায় নাই। অল্পদিন হইল কেম্ব্রিজ বিশ্ববিদ্যালয় একটি Camera Society স্থাপন করিয়াছেন। এই Societyর সভ্য ছাত্রছাত্রীরা ছুটির দিনে শহর হইতে দূরে কোন নির্জন

স্থানে গিয়া ফিল্ম তুলিয়া আনে। আমরা এই সমিতির একটি ছবি দিলাম। ছুটির দিনে ছবি তুলিয়া ছাত্রছাত্রীরা কেমন আনন্দ করিতেছে!

আমাদের গ্রামে গ্রামে বহু প্রাচীন কীর্তির নিদর্শন রহিয়াছে। ছাত্রগণ অবকাশকালে সে সমস্ত নিদর্শনের ছবি তুলিয়া আনিলে দেশের ইতিহাস-গঠনে সাহায্য করা হয়।

অদৃশ্য আলোক

বিজ্ঞানের উন্নতির সঙ্গে সঙ্গে দিন দিন চোর ধরিবার নানাবিধ যন্ত্র আবিষ্কৃত হইতেছে। কিছুদিন হইল James L. Mackey নামক একব্যক্তি এক প্রকারের অদৃশ্য আলোক আবিষ্কার করিয়াছেন। এই আলোক সাধারণতঃ চোর ধরিবার কাজে ব্যবহার হইবে। ইহা একটি যন্ত্র হইতে নির্গত হয়। যে ঘরে সিন্দুক মূল্যবান দ্রব্যাদি থাকে সেই ঘরে এই যন্ত্রটী বসাইয়া রাখিলে যখন চোর আসিয়া সিন্দুক ভাঙিতে আরম্ভ করিবে, তখন তাহার অলক্ষ্যে আপনা-আপনি ইহা হইতে এক আলোক রশ্মি নির্গত হইবে। কিন্তু এমনই মজা যে চোর নিজে তাহা দেখিতে পাইবে না। সে আপন মনে সিন্দুক ভাঙিতে থাকিবে। ইহারই আলো দেখিয়া বাড়ীর লোকেরা চোর ধরিয়া ফেলিবে। এই অদৃশ্য-আলোকের প্রবর্তনে বহু চোরের অন্ত উঠিবে, সন্দেহ নাই।

আকাশপথে স্পীড রেকর্ড


পাশ্চাত্য দেশে স্পীড রেকর্ডের (Speed Record) ছড়াছড়ি পড়িয়া গিয়াছে। জলে, স্থলে, আকাশে সর্বত্র স্পীড রেকর্ড স্থাপনের চেষ্টা হইতেছে। সম্প্রতি আমেরিকার যুক্ত-প্রদেশে Captain Boris Sergievsky নামক এক ব্যক্তি আকাশ পথে ষণ্টায় ১৪৩৯ মাইল করিয়া বিমানপোত চালাইয়া এক নূতন রেকর্ড স্থাপন করিয়াছেন। Cap. Sergievsky ভার লইয়া বহু উচ্চ স্থান দিয়া অতিশয় দক্ষতার সহিত বিমানপোত চালাইতে পারেন। কিছুদিন পূর্বে তিনি ৪৪০৯ পাউণ্ড ভার লইয়া ২০,০০০ ফুট উর্ধ্বে উঠিয়া এক রেকর্ড স্থাপন করেন। Sergievsky ভবিষ্যতে আরও বিপদসমূহ অভিযানে অগ্রসর হইবার চেষ্টা করিতেছেন। তাঁহার এই অসীম সাহস প্রশংসনীয়।

নূতনতম গ্রহ

Arizonায় Lowell observatory হইতে Tom-
baugh নামক এক তরুণ বৈজ্ঞানিক একটি নূতন গ্রহ
আবিষ্কার করিয়াছেন। তাঁহার হিসাবঅনুযায়ী এই গ্রহটি
সূর্য হইতে চারকোটি মাইল রে দূরবস্থিত। নবাবিষ্কৃত
গ্রহটি কতকটা নেপচুন প্রভৃতি গ্রহের স্থায়। একটি চক্ৰি
ইকি প্রকাণ্ড টেলিস্কোপের সাহায্যে গ্রহটির সন্ধান পাওয়া
গিয়াছে।

ধ্বনি-বিশেষজ্ঞ মাটিন

Mr. Hinks Martin পৃথিবীর মধ্যে শ্রেষ্ঠ ধ্বনি-
বিশেষজ্ঞ (noise expert) তাঁহার কয়েকটি বক্তৃতা আছে।
তাঁহার দ্বারা তিনি যখন যেমন ইচ্ছা নানারূপ শব্দ করিতে
পারেন; কিন্তু প্রত্যেক বিভিন্ন শব্দের জন্য তাঁহাকে
বিভিন্ন যন্ত্র ব্যবহার করিতে হয়। তাঁহার এই যন্ত্রগুলির
মধ্যে কোমটিতে বা সিংহ গর্জন, কোনটিতে বা কামানের
শীষণ শব্দ, আবার কোনটিতে বা জাহাজের ভেঁপু ধ্বনি
বাহির হয়। বরডিওতে অভিনয় কালে অথবা Talkie
Film তুলিবার সময় মিঃ মাটিনের যন্ত্রগুলি যথেষ্ট কাজে
লাগে। নিম্নের ছবিতে দেখা যাইবে মিঃ মাটিন দূরের
একখানি চলন্ত ট্রেনের শব্দ-কম্পন সৃষ্টি করিতেছেন।
কেবল যন্ত্রের উপরই ইহা নির্ভর করে না, ইহাতে হাতেরও
যথেষ্ট কারসাজি দেখাইতে হয়। মিঃ মাটিন যন্ত্রের উপর
কতক, গুলি বাকান তারের ন্যায় জিনিস বুলাইয়া
বুলাইয়া শব্দের কম্পন সৃষ্টি করিতেছেন।



Mr. Hinks Martin.

মঙ্গলগ্রহে সংবাদ প্রেরণ

জ্ঞানের নবোন্মেষের সঙ্গে সঙ্গে মানুষ কেবল পৃথিবীর
লোকের সহিত পরিচয় করিয়া কান্ড নয়—পৃথিবীর বাহিরে
অনন্ত বিশ্ব-ব্রহ্মাণ্ডের অধিবাসীর সহিত সখ্য-স্বত্রে আবদ্ধ
হইবার জন্য সে ব্যাকুল। গত কুড়ি পঁচিশ বৎসর ধরিয়া
পৃথিবী হইতে বিভিন্ন গ্রহে সংবাদ পাঠাইবার জন্য
বৈজ্ঞানিকেরা যথেষ্ট চেষ্টা করিতেছেন কিন্তু চুঃখের বিষয়
তাহা সমস্তই নিষ্ফল হইয়াছে। কিছুদিন পূর্বে কয়েক
জন চুঃসাহসী বৈজ্ঞানিক রকেটে করিয়া মঙ্গল গ্রহে
যাইবার চেষ্টা করিয়াছিলেন কিন্তু তাহা আশানুরূপ
ফলপ্রদ হয় নি। এখন বৈজ্ঞানিকেরা উভয়-সঙ্কটে পড়িয়া-
ছেন। তাঁহারা বুঝিতে পারিয়াছেন যে এ কাজ সহজ-
সাধ্য নয়—বাস্তবের দিক হইতে বিচার করিলে দেখা যায়
যে ইহার সত্যতার সম্বন্ধে যথেষ্ট প্রতিকূল যুক্তি আছে। যে
সমস্ত কথা বিশেষজ্ঞদের ভয়ানক চিন্তিত করিয়া তুলিয়াছে
তাহাদের মধ্যে এই তিনটিই প্রধান। প্রথমতঃ আকাশ-
পথে যে সংবাদ পাঠান হইবে তাহা বায়ু তরঙ্গ চাপে লীন
হইয়া যাইবে কি না? প্রেরিত সংবাদটি যে সেখানে
পৌঁছাবে তাহাই বা কিরূপে সম্ভব? সংবাদটি যদি সত্যই
সেখানে পৌঁছায় তাহা হইলে তাহার প্রত্যুত্তর কি পাওয়া
যাইবে?

এই সকল প্রশ্নের যতদিন না সন্তোষজনক মীমাংসা
হইবে ততদিন গ্রহাদিতে সংবাদ পাঠান যে বিশেষ ফলবতী
হইবে তাহা মনে হয় না। তাব আশার বিষয় এই যে
সম্প্রতি Prof John Thompson নামক এক ব্যক্তি
এ বিষয়ে প্রবন্ধ লিখিয়াছেন এবং তিনি তাহাতে মঙ্গল
গ্রহে সংবাদ প্রেরণ করিবার আর এক নূতন পন্থা নির্দেশ
করিয়াছেন। তাঁহার বিশ্বাস তিনি এক প্রকার বৈদ্যুতিক
তরঙ্গের (Hertrian waves) সাহায্যে এই কাজ
করিতে সমর্থ হইবেন। Thompson এর পূর্বে আর এক
ব্যক্তি বলিয়াছিলেন যে পৃথিবীতে যে জ্ঞানী মানুষ আছে
এই কথা অপর গ্রহে জানাইতে হইলে পৃথিবীর উপরিভাগে
আকাশের বৃক্কে এক প্রকাণ্ড right-angled triangle
তৈয়ারী করিতে হইবে এবং উহার গঠন যেন এইরূপ হয়
যে তাহা অপর গ্রহের সহজেই দৃষ্টি আকর্ষণ করিতে পারে।
right-angled triangle তৈয়ারী করিবার উদ্দেশ্য এই যে
অপর গ্রহের অধিবাসীরা যদি সত্য হয়, তাহা হইলে উহা
দেখিয়া তাহারা বুঝিতে পারিবে যে পৃথিবীতে সত্য ও
জ্ঞানী মানুষ আছে, কারণ জ্যামিতির সাধারণ নিয়মগুলি
ব্রহ্মাণ্ডের সত্য প্রাণী মাঝেই জানে।

বৈজ্ঞানিকদের এই পুনঃ পুনঃ বিকলতা ভবিষ্যতে
তাঁহাদের জয়ের পথ প্রশস্ত করিয়া দিবে না যে তাহাই বা
কে বলিবে?

শ্রীঅমিরকুমার ঘোষ

ভালবাসিতাম তোমা

(মহাকবি মাইকেল মধুসূদন দত্ত বিরচিত ইংরাজী

কবিতা* হইতে অনূদিত)

(শ্রীমন্নুথনাথ ঘোষ এম্-এ)

১

ভালবাসিতাম তোমা',—চাহি' স্নিকোজ্জল অঁাধিয়ে
যাপিয়াছি কতদিন উচ্ছ্বসিত ব্যাকুল হৃদয়ে !
তোমার ক্রকুটী ছিল মৃত্যু মোর,—হাসিতে জীবন ;
কণ্ঠস্বরে পরাজিত স্তমধুর বীণার নিকণ !

২

ভালবাসিতাম তোমা', স্বপ্নরাজ্যে লয়ে যেত আশা
কত পুষ্পাস্তৃত পথে, সেথা শুধু সুখ, ভালবাসা,
কি আনন্দ সেই দিন, ভবিষ্যৎ ভাগ্যাকাশে যবে
মোর ক্রবতারা—তোমা'—সাজাইত গরিমা-বিভবে ।

৩

অতীত সেদিন আজি—স্বর্গের আলোক-রশ্মি-প্রায়
আসিয়া অদৃশ্য হ'লে, উজলিয়া মুহূর্ত ধরায়,
দেবী তুমি নন্দনের, এসেছিলে স্বর্গ ত্যাগ করে,
অপূর্ব গরিমালোকে উদ্ভাসিতে—দুদণ্ডের তরে ।


৪

অতীত সেদিন আজি ; সত্যই কি অতীত সকল ?
সত্য কি সে প্রেমপূর্ণ বন্ধ আজি তুষার-নীতল ?
সত্য কি সে স্নিক অঁাধি—চাহিত যা' তত প্রেমভরে,
নিমৌলিত সমাধির অন্ধকারে চিরদিন তরে ?

মনে হয়, ভাবি, ইহা স্বপ্ন শুধু, কিছু নহে আর,
মনে হয়, ভুলি' স্বপ্নে ভাবি তুমি আসিবে আবার,
ভেঙ্গে যায় স্বপ্ন মোর, চূর্ণ করি কল্পনা ও আশা,
বাস্তব লইয়া আসে নির্মম নিষ্ঠুর তা'র ভাষা ।

* হিন্দু কলেজে পঠকশায় অনুমান সপ্তদশবর্ষ বয়স্ককাল কালে রচিত ।

মাইকেল মধুসূদন দত্ত



[জন্ম ১২ই মাঘ, ১২৩০—মৃত্যু ১৭ই আষাঢ়, ১২৮০। গত ৪ই আষাঢ় রবিবার মাইকেলের সপ্তপঞ্চাশত্তম শ্রাদ্ধ-বার্ষিকী হইয়া গিয়াছে। আপন জীবনের মত নিজরচিত সাহিত্যকে বৈচিত্রময় করিয়া তুলিবার মত শক্তি খুব অল্প কবিরাই দেখা যায়। এই স্বদেশ-বৎসল প্রবাসী বাঙ্গালী-কবির সম্যক পরিচয় প্রদান করিতে যাওয়াই ধৃষ্টতার বিষয়।]

বঙ্গমহিলা-বিরচিত প্রথম বাঙ্গালা নাটক

[অধ্যাপক শ্রীযোগেশ্বরনাথ গুপ্ত]

(সাহিত্য-পরিষদের পুস্তকালয়ে “উর্ধ্বশী” নামক একখানা বাঙ্গালা নাটক আছে। এই নাটকখানা একজন বঙ্গ-মহিলা-বিরচিত। এই বঙ্গমহিলা গ্রন্থমধ্যে তাঁহার নাম ও পরিচয় প্রদান করেন নাই। শুধু দ্বিজতনয়া নামে আত্ম-প্রকাশ করিয়াছেন। নাটকখানির টাইটেল পেজ এইরূপ—

উর্ধ্বশী নাটক

দ্বিজতনয়া-প্রণীত

কলিকাতা

শ্রীযুক্ত ডি রোজারিও কোম্পানীর মুদ্রায় প্রকাশিত।

সন ১২৭২—ইং ১৮৬৬

মূল্য ১ টাকা মাত্র)

লেখিকা বিজ্ঞাপন-পত্রে লিখিয়াছেন—“দণ্ডীপুরাণে দণ্ডীরাজার বৃত্তান্ত সকলেই পড়িয়াছেন। ভগবান্ চক্রী কি প্রণালীতে সৃষ্টি পালন করেন, পুরাণকর্তা এই গ্রন্থে তাহা বিশিষ্টরূপে প্রতিপন্ন করিয়াছেন। ঈশ্বরের এতাদৃশ পরিচয় নব্য-মতাবলম্বীদের মধ্যে অনেকের রুচিপীড়া জন্মায়, সন্দেহ নাই। কিন্তু যঁাহারা জগতের নিয়মসকল উন্নীলিত নয়নে দেখিয়াছেন, তাঁহারা বুঝিতে পারেন, মহর্ষি এ বিষয়ে অত্রান্ত কি না। দণ্ডীপুরাণে শ্রীকৃষ্ণের সেই বর্ণনা রক্ষা করিয়া দিয়াছেন। আমার নাটক পুরাণ অবলম্বন করিয়া লেখা হইয়াছে। ইহাতে শ্রীকৃষ্ণের বর্ণনা আছে বটে, কিন্তু সে কেবল প্রসঙ্গতঃ মাত্র। বিস্তৃত প্রস্তাবে ভগবানের বর্ণনার চেষ্টা পাওয়া কেবল মুনি ঋষিদিগেরই সম্ভবে। এই হেতু অধিক সাহস করি নাই।

দণ্ডীপুরাণের বৃত্তান্তে উর্ধ্বশী ও দণ্ডী রাজাই প্রধান। আমিও নাটকে তাঁহাদেরই প্রাধান্য রাখিয়াছি। সুতরাং আবার গ্রন্থে অপবিত্র প্রণয়ের ব্যাখ্যা আছে, কিন্তু কেবল তাহা বলিয়াই স্পন্দদর্শী পাঠকমণ্ডলী আবার তাহাকে অনাদর করিবেন না।

এই নাটকে ভূরি ভূরি দোষ আছে, তথাপি আমি ইহাকে পাঠক-সমাজে প্রেরণ করিলাম। আমি

অশিক্ষিত অবলা, এই আমার প্রথম রচনা, একথা বলিয়া পাঠকগণের অনুগ্রহ প্রার্থনা করিতে সাহসী হই না। গ্রন্থমাতেই নিজ গুণে পরিচিত হয়; গ্রন্থকারের অবস্থা বিবেচনা করিয়া হয় না। পাঠক-সমাজ অপকৃপাত বিচারপতি সদৃশ। তাঁহাদের অনুগ্রহও নাই! অতএব বৃথা অনুনয়-বিনয়ের কল কি? তথাপি প্রবোধের নিমিত্ত এই এক ভরসা যে, যদিই আমার গ্রন্থ নিতান্ত নীরস হইয়া থাকে তবে ইহা আপনিই অচিরাৎ লয় পাইবে ও আমিও পাঠকমণ্ডলীর তিরস্কার হইতে উদ্ধার পাইব।

এই গ্রন্থ প্রচার বিষয়ে অনেকে অনেক সাহায্য করিয়াছেন। আমি তাঁহাদিগের সকলেরই নিকট চিরকাল অনুগৃহীত থাকিব। মুদ্রারক্ষস প্রভৃতি প্রণেতা হরিলাল শ্যামরত্ন মহাশয় এই গ্রন্থ সংশোধনাদি দ্বারা অধিনীকে চিরবাধিত করিয়াছেন। আর রোজারিও কোম্পানীর মুদ্রায়ন্ত্রের প্রধান কর্মচারী শ্রীযুক্ত বাবু যাদবচন্দ্র দাস মহাশয় কত উপকার করিয়াছেন, তাহা প্রকাশ করিয়া বলিতে পারি না; আর যে মহাশয় এই বিজ্ঞাপন রচনায় সাহায্য করিয়াছেন তাঁহার নিকটেও অনুগৃহীত হইলাম।—দ্বিজতনয়া।”

(প্রায় সত্তর বৎসর পূর্বে এই নাটকখানি প্রকাশিত হইয়াছিল। ডিমাই আর্ট পেজি—পত্রাক ১/ + ৮৫। চারিটি অঙ্কে সমাপ্ত। দৃশ্য বিভাগ নাই। এই নাটকখানির পূর্বে কোনও বঙ্গমহিলা কর্তৃক বিরচিত কোনও নাটকের পরিচয় পাওয়া যায় না বলিয়া ইহাকেই বঙ্গমহিলা-বিরচিত প্রথম বাঙ্গালা নাটক বলিয়া পরিচয় প্রদান করিলাম। নাটকখানি গদ্যে লিখিত, মধ্যে মধ্যে পাত্র ও পাত্রীর কথোপকথনের মধ্যে পয়ার ছন্দও ব্যবহৃত হইয়াছে) নিয়ে কিয়দংশ উদ্ধৃত করিলাম। তাহা হইতেই পাঠকগণ ভাষার নমুনা বুঝিতে পারিবেন।

“দ্বিতীয় অঙ্ক

দ্বারা বতী

নারদ। আমি অমরাবতীতে শুনে এলেম মহর্ষি হর্ষাসা

উর্ধ্বশীকে অভিসম্পাত করেছেন। তা উর্ধ্বশী এক্ষণে অবন্তীরাজগৃহে অবস্থিতি করিতেছে, আর ইন্দ্রও তাহার নিমিত্ত অত্যন্ত ব্যাকুল হয়েছেন। অনেকদিন বিবাদটাও লাগান হয় নাই। আমি নারদ, এমন সুযোগে চুপ করেই বা কি করে থাকি? কলহ যাহাতে শীঘ্র লাগে এমন উদ্‌যোগ করতে হলো। খুব একটা যুদ্ধ হয় কিসে? [নয়ন নিম্নলিত করিয়া মনে মনে চিন্তা] হাঁ হয়েছে। একবার যাই দ্বারাবতী, কক্ষকে এই সংবাদ দিয়ে আসি, তিনি শুনলেই হবে। বীণাটা ভাল করে বাঁধিয়া [উচ্চ হাস্য ও বাহু তুলে নৃত্য করিতে করিতে উচ্চৈশ্বরে গান]

ভাষা সর্বত্রই এইরূপ, সহজ ও সরল, সংস্কৃত-বহুল একেবারেই নয়; সঙ্গীতগুলির ভাষাও গানেরই অমুরূপ, দৃষ্টান্তরূপ ছুই একটা উদ্ধৃত করিতেছি। উর্ধ্বশী স্বর্গচ্যুতা হইয়াছেন, সেইজন্য উর্ধ্বশীর হৃৎখে দেবরাজ ইন্দ্র গায়িতেছেন—

“বিনে সে উর্ধ্বশী রূপসী, স্বর্গে কি আর শোভা আছে।
জীবন, নয়ন, মন, সুন্দরীর সঙ্গে গেছে।
হায় সখা চিত্ররথ, আমার যে মনোরথ, তাহে বিধি বিপরীত
খেদে হৃদি বিদরিছে।”

দত্তীরাজ উর্ধ্বশীর বিয়োগ-ব্যথায় গায়িয়াছেন—

“কি কব মনের কথা, সকলি রহিল মনে।
এমন হইবে শেষে, না জানি কখন জানে ॥
কি আর জানাব আমি, জানেন অন্তরযামী,
শুনিয়া তোমার বাণী, যে করে আমার প্রাণে।
করেছিল এক আশা, ষটিল আর এক দশা,
বিষম স্বপন ধনী, দেখালে অধীন জনে।”
আরও ছুই একটা সঙ্গীত আমরা এখানে উদ্ধৃত করিলাম।

“বসন্তগীত

সুখ বসন্তকালে


সুখে সারী শুকে, থাকে মুখে মুখে,
মনের সুখে ডাকে কোকিলে ॥
কুসুম-কাননে অশোক, করবী,
গন্ধরাজ আর মল্লিকা, মাধবী,
মুঞ্জরিছে কলি গুঞ্জরিছে অলি
সুখে সরোজিনী ভাসে সলিলে।”

বসন্ত আসিয়াছে। বসন্তের মধুর রূপ-মাধুরীতে ব্যাকুল হইয়াছে তাই মদনদেবকে সঙ্ঘোষন করিয়া গায়িতেছেন,
“বলি রতিপতি শোন
নিবারণ করে দেরে মধুকরে
গুণগুণ আশুন কেন করে বরিষণ ॥
কুসুম-সৌরভে রবে নারে প্রাণ,
সবেনা শরীরে কোকিলের গান!
মলয় বাতাসে, মরিরে ছতাসে,
ছতাসন সুধাকরের কিরণ।”

উর্ধ্বশী রাজার বিরহবেদন-আশঙ্কায় বলিতেছেন :—

“তোমারি অধিনী আমি গুণমণি জান মনে।
বিনা দেখা প্রাণে সখা, বিচ্ছেদে বাঁচি কেমনে ॥
নিতান্ত তব আশ্রিতা, যেন মীন জলাশ্রিতা!
চকোরিণী হরষিতা সুধাকর দরশনে।
চাতকিনী ঘন ঘন চাহে যেন নবঘন
ভেমতি হে প্রাণধন সদাভাবি মনে মনে।”

(নাটকখানি গীতবহুল এবং গদ্য ও পয়ার ছন্দে বিরচিত।) ভাষার পরিচয় উদ্ধৃত অংশ হইতেই পাঠকগণ উপলব্ধি করিতেছেন। (আশ্চর্যের বিষয় এই যে, বঙ্গের মুদ্রিত পুস্তক, তালিকায় এই বইখানির উল্লেখ নাই। এই নাটকখানা কোথাও কখন অভিনীত হইয়াছে বলিয়া জানা যায় নাই। দ্বিজতনয়ার পরিচয় কি কোন প্রাচীন সাহিত্যানুরাগী ব্যক্তি আমাদের কাছে উদ্ধার করিয়া দিতে পারেন?)



গান

[শ্রীবিভূতিভূষণ দাস বিজ্ঞাবিনোদ, সাহিত্যরত্ন]

ছেড়ে চ'লে যাবে সেই দিনই জানি
যে-দিন পেয়েছি কাছে,
পুলকের মাঝে গভীর বেদনা
কত যে লুকায়ে আছে ।

চ'লে যাবে, হ'বে সকলি বিফল,
কাঁদিয়া মুছিব নয়নের জল,
নিভূতে হিয়ার স্মৃতিটা কেবল
ফিরিবে তাহারি পাছে ।

ধ'রে যে রাখিব কি আছে তেমন
বন্ধন সে কি মানে,
ব্যথা রয়ে যায় কোথায় গোপনে
সে কি তাহা কভু জানে ।

ব্যাকুলতা সব রয়ে যায় বুকে,
কথা যে তখন নাহি সরে মুখে,
মিনতি জানায় মৌন-নয়ন
করণা কেবল যাচে ।


স্বরলিপি

মালকোষ—একতালা

(ওড়ব, গা ধা নি কোমল, রে ও পা বর্জিত)

[সুর ও স্বরলিপি—শ্রীহরেন্দ্রকুমার সিংহ]

গা সর্গা | নি নি | ধা নি | সর্গা মা - 1 - 1 - 1 | মা মা ধা | নি নি নি | সা - ধা - ধা নি সা |
ছে ড়ে | চ লে | যা বে | সেই দিনই জানি | যে দিন পেয়েছি কা . . . ছে |



সা - ১ - ১ - ১ - ১ | সা^১ সা^১ | সা⁺ নি^৩ ধা^৩ নি^৩ | ধা^৩ মা^৩ মা^৩ | মা^৩ নি^৩ নি^৩ নি^৩ | ধা^৩ ম^৩ মা^৩ | মা⁺ গা^৩ - ১ - ১ - সা^৩ |
 পু^৩ ল^৩ কে^৩ র - মা^৩ কে^৩ | গ^৩ ভী^৩ . র^৩ | বে^৩ দ^৩ না^৩ | ক^৩ ত^৩ . যে^৩ | লু^৩ কা^৩ রে^৩ | আ^৩ . . . ছে^৩ |

মা^৩ ম^৩ মা^৩ গা^৩ | ম^৩ ধা^৩ | নি^৩ নি^৩ সা^৩ - নি^৩ নি^৩ ধা^৩ - ধা^৩ ধা^৩ সা^৩ |
 চ^৩ লে^৩ যা^৩ বে^৩ | হ^৩ বে^৩ | স^৩ ক^৩ লি^৩ . . . বি^৩ ফ^৩ ল^৩ |

সা^৩ সা^৩ গা^৩ | গা^৩ গা^৩ সা^৩ | সা^৩ নি^৩ ধা^৩ নি^৩ ধা^৩ - মা^৩ |
 কা^৩ দি^৩ য়া^৩ | মু^৩ ছি^৩ ব^৩ | ন^৩ য^৩ নে^৩ . র^৩ জ^৩ ল^৩ |

মা^৩ - ১ - ১ | ম^৩ গা^৩ - ১ | মা^৩ ধা^৩ নি^৩ | সা^৩ - ১ - ১ | সা^৩ সা^৩ নি^৩ | ধা^৩ নি^৩ ধা^৩ মা^৩ | মা^৩ গা^৩ গ^৩ সা^৩ ||
 নি^৩ ডু^৩ তে^৩ | হি^৩ য়া^৩ য়^৩ | স্মৃ^৩ তি^৩ টী^৩ | কে^৩ ব^৩ ল^৩ | ফি^৩ রি^৩ বে^৩ | তা^৩ হ^৩ । রি^৩ | পা^৩ . . . ছে^৩ ||

সা^৩ - ১ - ১ | সা^৩ গ^৩ গা^৩ - মা^৩ | মা^৩ - ১ - ১ - ১ - ১ | মা^৩ ধা^৩ ধা^৩ ধা^৩ | নি^৩ নি^৩ | নি^৩ - নি^৩ - নি^৩ - নি^৩ - ধা^৩ - মা^৩ |
 ধ^৩ রে^৩ যে^৩ রা^৩ ধি^৩ ব^৩ - কি^৩ - আ^৩ ছে^৩ তে^৩ ম^৩ ন^৩ | ব^৩ . ক^৩ ন^৩ | সে^৩ কি^৩ | মা^৩ - নে^৩ |

মা^৩ মা^৩ মা^৩ মা^৩ | মা^৩ গা^৩ | মা^৩ ধা^৩ নি^৩ | সা^৩ - ১ - ১ | সা^৩ সা^৩ সা^৩ সা^৩ | নি^৩ ধা^৩ | সা^৩ সা^৩ ধা^৩ ধা^৩ সা^৩ |
 ব্য^৩ ধা^৩ র^৩ য়ে^৩ | যা^৩ য়^৩ | কো^৩ ধা^৩ য়^৩ | গো^৩ প^৩ নে^৩ | সে^৩ কি^৩ তা^৩ হা^৩ | ক^৩ ভু^৩ | জা^৩ নে^৩ |

গা^৩ মা^৩ ম^৩ মা^৩ | ধা^৩ নি^৩ সা^৩ সা^৩ | সা^৩ - সা^৩ - . |
 ব্যা^৩ কুল^৩ তা^৩ | স^৩ ব^৩ র^৩ য়ে^৩ | যা^৩ য়^৩ বু^৩ কে^৩ |

সা^৩ - ১ - ১ | সা^৩ মা^৩ - . | মা^৩ মা^৩ মা^৩ গা^৩ গা^৩ | সা^৩ - ১ |
 ক^৩ ধা^৩ যে^৩ - | - ত^৩ ধ^৩ ন^৩ | না^৩ হি^৩ স^৩ রে^৩ . | মু^৩ খে^৩ |

সা^৩ সা^৩ সা^৩ | সা^৩ সা^৩ সা^৩ | নি^৩ ধা^৩ নি^৩ ধা^৩ - মা^৩ | মা^৩ ম^৩ নি^৩ | নি^৩ ধা^৩ মা^৩ | মা^৩ গা^৩ গা^৩ গা^৩ মা^৩ সা^৩ ||
 মি^৩ ন^৩ তি^৩ | জা^৩ না^৩ য়^৩ | মৌ^৩ . ন^৩ ন^৩ র^৩ ন^৩ | ক^৩ রু^৩ গা^৩ | কে^৩ ব^৩ ল^৩ | যা^৩ চে^৩ ||



নাট্যশালার ইতিহাস (পূর্বস্বরূপ)

* * * * * আমরা
১৮৭২ খ্রীষ্টাব্দের ৭ই ডিসেম্বর ১৩৭৯ সালের ২৩শে অগ্রহায়ণ শনি-
বারে নীলদর্পণ প্রথমে খোলা হবে স্থির করলাম। বৃন্দাবন পালের
পুত্র রাজেন্দ্রবাবু গভর্নমেন্ট প্রিন্টিংএ কাজ করতেন। প্রথম রাত্রে
প্রাকার্ড পুলিশ নোটিকেসমূহের মত করে কেবল ইংরাজিতে ট্যান-
হোপ প্রেস হতে ছাপিয়ে আনেন। তারপর ২য় রাত্রে ইংলিশ-
ম্যান আফিসের ছাপাখানা বা ইরাসম্যাস জোসের ছাপাখানা হতে
ইংরেজিতে দস্তর মত প্রাকার্ড ছাপান আরম্ভ হয়।

নগেন্দ্র ষ্টেজের ছাণ্ডবিল, প্রাকার্ড ইত্যাদি ছাপাল, বেহারা
নিরে আমরা নিজেরাই এক এক জন সহরের এক এক দিকে
প্রাকার্ড লাগিয়ে এলেম। স্বহস্তে ছাণ্ডবিল বিলালেম। সে উৎসাহ
যে কি তা ভাষায় প্রকাশ করে বলা যায় না। দর্শকের বসবার জন্ত
চেয়ার ভাড়া করে আনা হল। গৌরমোহন ধর কোম্পানী প্রথমে
বিনা পরসার গ্যাসের আলোর বন্দোবস্ত করে দিলেন, ষ্টেজের সিন
আঁকা তখনও চল্চে। অভিনয়ের দিন বেলা ৪টার সময়ও ধর্মদাস-
বাবু নিজে তুলি ধরে উইংস্ আঁকছেন, এমন সময় মহারাজ বতীন্দ্র-
মোহনের ভগিনীপতি ৮নবীনচন্দ্র মুখোপাধ্যায় একখানি শাল মুড়ি
দিয়ে এসে ২ টাকা দিয়ে একখানি সিট রিজার্ভ করে গেলেন। তখন
আমরা তিন রকম সিটের বন্দোবস্ত করেছিলাম; ২, ১, ১০ আনা
উঠানের মাঝখানে ২০ খানি চেয়ার একটা বেড়া দিয়ে ঘিরে দিয়া-
ছিলাম সেইগুলি ২ টাকার, তার নাম রিজার্ভ সিট। তার সামনে
ষ্টেজের নিকটে কতকগুলি চেয়ার, দাম ১ নাম কাষ্ট্রাস; আর
রিজার্ভসিটের পিছনে বেকির দাম ১০ আনা নাম সেকেন্ড ক্লাস।
আর দামানের দাম ১০ আনা। তার আগে থেকেই টিকিট বেচা শুরু
হয়েছিল। ৭ টার মধ্যে আমাদের সমস্ত সিট বিক্রয় হয়ে গেল।
অধিকাংশ বড়মামুষ এবং কৃতবিদ্য লোক রিজার্ভ করে গেলেন।
বধাসময়ে অভিনয় আরম্ভ হবে। দর্শকেরা সব সাজ-সজ্জায়
সজ্জীভূত হয়ে এসে বসেছেন। তখনকার সময়ে ভদ্রলোকে বাড়ী হতে
বার হতে গেলেই ঝপমোচিত পোষাক পরে বার হতেন, এখনকার

যথেষ্ট পোষাক পরে কোন মঙ্গলিনে যাওয়া তখন যুগাকর ছিল।
শালের পাগড়ী, শালের চোগা, জানিয়ার, শাল-দোশালার উচ্ছল হয়ে
দর্শকবৃন্দ সভা উচ্ছল করে বসেছেন। কন্সার্ট বেজে উঠল।
কন্সার্টে সে দিন কাশীদাস সাম্রায় হারমোনিয়ম, নিতাই গুপ্তাঙ্গী
বেহালা, গৌরদাস বাবাজী বেহালা, বোসপাড়া নিবাসী সুবিখ্যাত
বেহালা-বাদক রাজাবাবু বেহালা, আর শ্রামপুকুর নিবাসী যোগেন্দ্র-
নাথ ভট্টাচার্য্য ওরফে কাণা যোগে ঢোল বাজিয়েছিলেন। যোগেন্দ্র
আমাদের দলস্থ অভিনেতাও বটে। তাঁহাদের বাজনার ধুম দেখে
কে? বাজাতে বাজাতে এক একবার এক একটা বস্ত্রে উপেন
বাজাতে লাগলেন, আর অল্প সকলে তাঁকে অনুসরণ করে স্থর দিতে
লাগলেন। শ্রোতারা মোহিত হয়ে গেলেন, কিন্তু অভিনয়ে বড়
বিলম্ব হতে লাগল; আমরা মধো মধো বলতে লাগলেম আমরা
প্রস্তুত, আপনারা বন্ধ করুন। তখন তাঁরা মন্ত, কে সে কথা
শোনে? সহরের অধিকাংশ গুণগ্রাহী বড় মামুষ এবং সঙ্গীতজ্ঞ
লোক একস্থানে জড় হয়েছেন, বাহবা দিচ্ছেন, তাঁরা কি সে অবসরে
সে মন্ততা সহজে কাটাতে পারেন? যাই হোক শেষে অভিনয় আরম্ভ
হল। শূন্থলে শেষও হল। দর্শকে কেঁদে কেটে সারা হয়ে গেল।
সহস্রমুখে প্রশংসা বৃষ্টি হতে লাগল। আমরা আনন্দ প্রত্যেকে
যেন ডবল ফুলে উঠলেম। সে রাত্রে ৭০০ টাকা বিক্রয় হয়।

তারপর আমরা সেই প্যাভিলিয়নে গিয়ে অভিনয় আরম্ভ করে
দিলেম। একদিন অস্তর অভিনয় চলতে লাগল। আমাদের বেশ
পরসার জন্মে গেল। বিক্রয়ও বেশ হতে লাগল। এমন সময়
শুনলেম শ্রামন্যাল থিয়েটার ধর্মদাসবাবুর সহিত ঢাকায় এসেছে।
এই সময়ে ডাক্তার আর, জি, কর ও শ্রীযুক্ত রাধামাধব কর ন্যাশ-
নাল থিয়েটারে যোগ দিয়েছিলেন। এ সময়ে গিরীশবাবু শ্রামন্যালে
ছিলেন কিন্তু ঢাকায় যান নি। তাঁরা রাধিকামোহনবাবুর
বৈঠকখানায় আশ্রয় নিয়ে জীবনবাবুর চাঁদনীতে অভিনয় আরম্ভ
করেন। তাঁদের ৪৫ রাত্রি অভিনয়েও বড় সুবিধা হল না।
তাঁদের অনেকেই পীড়িত হয়ে বাড়ী ফিরলেন। অবশিষ্ট বীরা
রইলেন তাঁরা ঝপগ্রস্ত হয়ে আমাদের কাছে ষ্টেজ পোষাক ইত্যাদি
রেখে চলে এলেন। আমরাই তাঁদের ঝপ পরিশোধ করে দিলেম।
এই সময়ে তাঁদের দুই একজন অভিনেতা আমাদের সঙ্গে রয়ে
গেলেন। তারপরও আমরা ঢাকায় আর কিছুদিন অভিনয় করে

কলকাতার কিন্নরেন। কিন্নরেন বটে কিন্তু উভয় দল একত্রিত হল না।

শ্রীশঙ্কাল থিয়েটারে এসে আবার ভুবনবাবুর ঘাটের টাননীতে এসে জমলেন আর আমাদের চল্লিশ কখন আমার বাটীতে কখন বা নগেন্দ্রের বাড়ীতে রিহাস্তা হত। এসকল ১৮৭৩ সালের জুলাই মাসের ঘটনা।

একদিন আমরা সকলে বসে আছি। এমন সময় রাজা রাজেন্দ্র লাল মিত্রের এক হরকরা গাড়ী নিয়ে আমার নামে এক পত্র এনে উপস্থিত। পত্রে লেখা See me just now, রাজা নিজে লিখেছেন। আমি তৎক্ষণাৎ সেই গাড়ীতে গেলাম। সেখানে বেধি শূর্য্যকুমার ঠাকুরের নৌসিদ্ধ শ্রীকৃষ্ণ বাবু নিরঞ্জন মুখোপাধ্যায় উপস্থিত। কথাবার্তার জানলেম যে দীঘাপতিরার রাজা প্রমথনাথ রায়ের জ্যেষ্ঠপুত্রের বর্তমান রাজা প্রমথনাথ রায়ের অন্নপ্রাশন উপলক্ষে কলিকাতা থেকে থিয়েটার যাবে। রাজা প্রমথনাথ রাজা রাজেন্দ্রলালকে লিখেছেন যে, শুনিয়াছি শ্রীশঙ্কাল থিয়েটার দুইভাগে বিভক্ত হইয়াছে, তাহার মধ্যে যে পাটীতে অর্কেন্দুবাবু আছেন, সেই পাটী বাইবেন, রাজা আমার পাটী নিয়ে যেতে অসুরোধ করলেন, আমিও স্বীকৃত হলেম। কথাবার্তাও হির হয়ে গেল। আমি রাজা রাজেন্দ্রলালের নিকট হতে রাজা প্রমথনাথের পত্রখানি নিয়ে বাড়ী এলেম। পরদিন প্রাতে হিন্দু শ্রীশঙ্কাল থিয়েটার আর শ্রীশঙ্কাল থিয়েটার একত্র হবার জন্ত অসুরোধ কল্লেন। হিন্দু শ্রীশঙ্কাল স্বীকৃত হল কিন্তু শ্রীশঙ্কালের করেকজন সঙ্গ হইল না। তারপর রাজার চিঠি দেখলেম। শ্রীশঙ্কালের গিরীশ বাবু, ধর্মদাস বাবু ব্যতীত আর সকলেই সঙ্গ হইলেন। পরদিন প্রাতে বেলবাবু আর আমি গিয়ে রাজা রাজেন্দ্রলালের সঙ্গে লেখাপড়া করে বায়না নিয়ে কিলে এলেম। সকলেই যেতে প্রস্তুত হইলেন। ধর্মদাস বাবু, গিরীশ বাবু, দেবেন্দ্র বাবু, অমৃতলাল বাবু আর মহেন্দ্র বাবু তখন আপিসে চাকরী কল্লেন বলে আমাদের সঙ্গে গেলেন না। আমরা সকলে বধা সময়ে দীঘাপতিরার রওনা হলেম। সেখানে চার রাত্রি অভিনয় হয়। বায়না নিয়ে বিদেশ যাওয়া এই প্রথম। এই সময় ঘোর বর্ষা। আমরা এসে রামপুর বোয়ালিয়ার ডার্টাড কলেজীমলের গোস্বামী দেবিদাস বাবুর কুঠিতে যেখানে Peoples Association ছিল সেইখানে দিন কয়েক অভিনয় করি তার পর আমরা বহরমপুরে এসে অভিনয় আরম্ভ করি। এই সময়ে মহেন্দ্র বাবু কলিকাতা থেকে এসে যোগ দিলেন, তার চাকরী ব্যাধি তখন সেরে গিয়েছিল। এই বহরমপুরে আমাদের সঙ্গে বঙ্কিমবাবুর বিশেষ বনিষ্ঠতা হয়, তিনি আমাদের অভিনয় প্রত্যহ দেখতে আসতেন। এই সময়ে আমরা শুভ পেলেন ধর্মদাস বাবু আর নগেন্দ্র বাবুর উদ্যোগে ভুবনবাবুর সাহায্যে বীডন স্ট্রীটে গ্রেট শ্রীশঙ্কাল থিয়েটার নাম দিয়ে একটা প্যাভিলিয়নের ভিত্তি স্থাপন করেছেন। কিল্পে ভিত্তি স্থাপন হয় তার বিবরণ পরে ধর্মদাস বাবুর নিকট থেকে

শুনিয়েছিলাম তা আপনাদের বলছি। আমরা তখন রামপুর বোয়ালিয়ার তখন বেঙ্গল থিয়েটারে "উঃ মোহনের এই কি কাগ" নামে নাটক খুব গুরে চলছিল। একদিন রাত্রিতে ধর্মদাস বাবু আর ভুবন বাবু ঐ নাটক দেখতে আসেন সে দিন এত বিক্রী হয়েছিল যে ৪ টাকার টিকিট ৮ টাকা দিয়ে কিনতে গিয়েও ঊঁবা পান নি। পথে এদের সঙ্গে নগেন্দ্র বাবুও মিলিত হন। সেই বিক্রয়ের অবস্থা দেখে বেঙ্গল থিয়েটারের সামনে দাঁড়িয়ে তিনজনে একটা থিয়েটার হাউস করার পরামর্শ করেন। ভুবন বাবু তখন নাবালক, তবুও তিনিই অর্থ সাহায্য করতে প্রতিশ্রুত হন। তারপর ধর্মদাস বাবু একটা ছোট দল গড়ে নিয়ে চুঁচড়ার ব্যারাকে গিয়ে শ্রীশঙ্কাল থিয়েটার নাম দিয়ে মোহন নাটক অভিনয় করেন। সেখানে তাদের ৭৮ শত টাকা আয় হয়। এই দলে নগেন্দ্র বাবু, অমৃতলাল বহু, মহেন্দ্র বাবু, যোগেন্দ্র মিত্র প্রভৃতি পুরাতন অভিনেতার ছিলেন। তার পর ধর্মদাস বাবু দল নিয়ে বর্ধমান যান। সেখানে লক্ষ্মী বাড়ীতে ৩টা অভিনয় করেন, যথেষ্ট আয় হয়। বর্ধমানে ধর্মদাস বাবু স্টেজ পোষাক নিয়ে থাকতেন অল্প সকলে ডেলি প্যাসেঞ্জার হয়ে যাতায়াত করতেন। এই অবস্থায় নগেন্দ্র বাবুর সাহায্যে ভুবন বাবু ৫ হাজার টাকা সংগ্রহ করে গ্রেট শ্রীশঙ্কালের স্টেজ তৈয়ারীর জন্ত দেন। ধর্মদাস বাবু তখন সদলে কলিকাতার কিলে এসে গ্রেট শ্রীশঙ্কাল থিয়েটার পত্তন করেন। যেদিন ভিত্তি স্থাপন হয় সেদিন শ্রীশঙ্কাল নবগোপাল মিত্র ভিত্তি প্রস্তর স্থাপন করেন। আমরা তখন কিলে এলেম তখন দেখি, ধর্মদাস বাবুর স্টেজ আর বিলডিং অর্ধ সমাপ্ত হয়ে এসেছে তখন নভেম্বর মাস যান যান। আমরা আসতেই ভুবন বাবু আমাদের একত্র হতে অসুরোধ কল্লেন, আমি তৎক্ষণাৎ সঙ্গ হইলেম কিন্তু আর কেহ হইলেন না। তার কয়েকদিন পরেই ৭ ডিসেম্বর। ধর্মদাস আর আমি উভয়ে মিলে প্রথম সাংস্কৃতিক উৎসবের আয়োজন কল্লেন। রাজা কালীকৃষ্ণ দেব বাহাদুর সভাপতি হয়েছিলেন, নবগোপাল মিত্র, মনোমোহন বহু, আর আমি সেদিন বক্তৃতা করি। সেইদিন আমি এসে প্রকৃত প্রস্তাবে যোগ দিলেম।

তার পর নগেন্দ্র বাবুর "কাম্যকানন" রিহাস্তা দেওয়া আরম্ভ হয়। এই বই নিয়েই গ্রেট শ্রীশঙ্কাল থিয়েটার খোলা হয়। ১৮৭৩ সালের ৩১ ডিসেম্বর শনিবারে গ্রেট শ্রীশঙ্কাল থিয়েটার প্রথম খোলা হইল। প্রথম রাত্রিতে প্রথম অঙ্কের অভিনয় শেষ হতে না হতে দোস্তলার সিঁড়ির মুখে বন্ধের প্রবেশের দরজার কি জানি কেমন করে আশ্রয় লাগে। বহু কষ্টে ও বহু যত্নে আহীরাটোলার প্রসিদ্ধ জিমস্টাটিক মাস্টার অধিলচন্দ্র সে আশ্রয় নিবিয়া দেন। পরদিন ১৮৭৪।১ জানুয়ারী ক্যালীকেরার উপলক্ষে আমরা বেলভিডিয়ারে অভিনয় করতে যাই। সেখানে অনেক ইংরাজী থিয়েটার আর তামাসা গিয়েছিল, দেশীয়েদের মধ্যে আমরাই কিন্তু একা ছিলাম। এদিকে মতিবাবু, মহেন্দ্র বাবু, বেলবাবু প্রভৃতি ব্যক্তিগণ রামনাথ

বাবুকে আপনাদের মধ্যে নেতা করে স্ত্রীশিক্ষালথিরেটার নাম দিয়ে আবার স্ত্রীশিক্ষালথিরেটার বাড়ীতে অভিনয় আরম্ভ করে দিলেন। বেঙ্গল থিরেটারের স্ত্রী অভিনেত্রীর আকর্ষণ আর গ্রেট স্ত্রীশিক্ষালথিরেটারের প্রতি সাধারণের ঐতিবশে তাঁরা বড় হুবিধা করে উঠতে পারলেন না। ৩১৭ রাত্রি অভিনয়ের পর এক রাধামাধববাবু ব্যতীত আর সকলে এসে আমাদের গ্রেট স্ত্রীশিক্ষালথিরেটারে যোগ দিলেন। গ্রেট স্ত্রীশিক্ষালথিরেটারের দল পরিপূর্ণ ও প্রবল হয়ে উঠল। অদম্য প্রভাবে অভিনয় চলতে লাগল। ১৮৭৪ মার্চ মাসের শেষ গিরীশ বাবুও এসে যোগ দিলেন, তখন তাঁর আর পেশাদারী থিরেটার বলে আপত্তি ছিল না। তাঁর আগমনে আমরা আরও একটা সুন্দর অভিনেতা পেলেম।

এই সময়ে সাধারণে দিন দিন বেঙ্গল থিরেটারের পক্ষপাতী হয়ে উঠতে লাগল। বেঙ্গল থিরেটার এ সময় মোহন ছেড়ে “পুরুবিক্রমের” অভিনয় করছিলেন। দর্শকেরা স্ত্রীকর্মে সঙ্গীত শ্রবণে বড়ই আগ্রহান্বিত হয়ে পড়লেন। আমাদের প্রতিপত্তি, আমাদের প্রতি লোকের শ্রদ্ধা যদিও বিস্মৃত কমে নি তবুও প্রলোভন বেঙ্গলে বেশী হওয়ার আমরা একটু ভবিষ্যচ্চিন্তায় মন দিলেম। তখনকার সমাজে ও সংবাদপত্রে বেঙ্গল থিরেটারের অভিনয়ের সপক্ষে বিপক্ষে বিস্তর আলোচনা চলছিল। আমাদের দলের মধ্যেও দুমতের পোষক দু দল হয়ে বেঙ্গল থিরেটারের লগ্নার কল্পনা চলতে লাগল। এই সূত্রে নগেন্দ্রবাবু প্রভৃতি কয়েক জনের সঙ্গে ধর্মদাসবাবু আর আমার মতভেদ হওয়ার আমি ও ৮ মতিলাল হর উভয়ে একটি কোম্পানী নিয়ে ঢাকায় গেলেম; সেখানে স্ত্রীশিক্ষালথিরেটার নামে কিছুদিন অভিনয় করে বঙ্গলা ককনগরে এসে কিছু দিন অভিনয় করলেম, সেখান হতে রাণাঘাটে এসে ৮ গোপাললাল চৌধুরীর বাড়ীতে টিকিট বিক্রয় করে অভিনয় করি। এই সময় কলিকাতা হতে আমার নিকট সংবাদ যায় যে আমার মাঠাকরণ সূত্যাশয়ার অগত্যা আমাকে মতিবাবুর হস্তে দল রেখে কলিকাতায় আসতে হল। মতিবাবু দল নিয়ে শান্তিপুর, বীরভূম প্রভৃতি স্থানে অভিনয় করতে লাগলেন। আমি বাড়ী আনার কয়েকদিন পরে মাঠাকরণের ৮পত্রালভ হল। এই সময়ে ভুবনবাবু আর আমাকে বিদেশ যেতে দিলেন না। তিনি আমার মাতৃ-শ্রদ্ধের বিশেষ সাহায্য করার আমি তাঁর গুণে আবদ্ধ হয়ে অশোচাঙ্ক্রে গ্রেট স্ত্রীশিক্ষালথিরেটারেই যোগ দিলেম। (অর্কেন্দুবাবু এই কথা বলিযামাত্র শ্রীব্রজ অমৃতলাল বহু মহাশয় মুক্তকণ্ঠে বলিয়া উঠিলেন “thank you অর্কেন্দু,” অমনি শ্রোতৃবর্গের মধ্যেও thanks thanks শব্দ উঠিল। পশ্চাৎ হইতে একব্যক্তি বলিলেন ও সকল ব্যক্তিগত কথা ইতিহাসের মধ্যে কেন? অর্কেন্দু বাবু বলেন—থিরেটারের ইতিহাসের প্রত্যেক পরিবর্তন, আমার জীবনের প্রত্যেক ঘটনার সঙ্গে এমন বিজড়িত, যে আমি সে গুলার উল্লেখ না করে থাকতে পারি নে, বা

তা করে থিরেটারের ইতিহাস বলা যায় না, বিশেষতঃ ভুবনবাবু সে সময় আমার যে ভাবে উপকার করেছিলেন বলেছি তার প্রতি বর্ণ যখন সত্য তখন সে কথা বলতে আমার কোন লজ্জা নাই বা আমি দোষ বোধ করি নে। শ্রোতৃবর্গের মধ্যে তখন অনেকে করতালি দিয়া অর্কেন্দু বাবুর কৃতজ্ঞ হৃদয়ের স্মরণনা করিল।) তার পর অর্কেন্দুবাবু বলিতে লাগিলেন, “তারপর যখন যোগ দিলাম তখন স্ত্রীশিক্ষালথিরেটারে বেঙ্গল থিরেটারী লগ্না হয়েছে আর “সতী কি কলঙ্কিনী” নামে একখানি গীতি-নাট্যের রিহাস্ত্রাল চলছে, শেষে জুলাই মাসে গ্রেট স্ত্রীশিক্ষালথিরেটারেও বেঙ্গল থিরেটারী লগ্না হয়। বাহুমণি, রাজকুমারী, বড় হরি, কাদম্বিনী, লক্ষ্মীমণি ও ক্ষেত্রমণি এই ছয়জনকে প্রথমে লগ্না হয়। তখন নগেন্দ্রবাবু ম্যানেজার। তিনি তাঁর জ্যেষ্ঠকে দিয়ে “সতী কি কলঙ্কিনী” নামে গীতিনাট্যখানি লিখিয়েছিলেন। ১৯ সেপ্টেম্বর ১৮৭৪ “সতী কি কলঙ্কিনী” প্রথম খোলা হয়। বইখানাও ছাপান হয় এবং অভিনয়ের রাত্রিতে টিকিট ঘর হতে বেচাও হয়। ৮মদনমোহন বর্মা তখন আমাদের দলে সঙ্গীত শিক্ষক ছিলেন। কান্তপ্রসাদ নামে হুবিখ্যাত নাট্যের গুণ্ডামকে এনে নাট্য শেখান হয়। বাহুল্যা থিরেটারে অপেরার এই প্রথম অভিনয়। থিরেটারের কর্তৃপক্ষীর লিখিত পুস্তকের অভিনয় এই প্রথম।

এই সময় আমাদের প্যাভিলিয়ন্ ছিল বটে কিন্তু তখনও এখনকার মত রিহাস্ত্রাল স্টেজেতে হ'ত না, ভুবনবাবুর চাঁদনীর বৈঠকখানাতেই হ'ত। “সতী কি কলঙ্কিনী”র শিক্ষাও সেইখানেই হয়েছিল। অভিনেত্রীদিগকে সেইখানেই নিয়ে যাওয়া হইত।

২৬শে অক্টোবর মিঃ আলেক্সান্ডার সি, বি, দেশীয় অপেরার অভিনয় দেখতে এসেছিলেন।

৩রা অক্টোবর আমরা “পুরুবিক্রম” অভিনয় করি। এই দিন বেঙ্গল থিরেটার “হুর্গেশনন্দিনী” অভিনয় করে আমাদের ঠাট্টা করে একটা afterpiece অভিনয় করেন, তার নাম দেন “Opera Troubles” ১০ই অক্টোবর আমাদের “ভারতে যবন” ও বেঙ্গল থিরেটারে “কেরাণীদর্পণ” অভিনয় হয়। ৩১শে অক্টোবর পূজার পর আমরা বাহুল্যা ম্যাক্বেথ বা হরলাল রায়ের “রাজপাল” অভিনয় করি। এই দিন লকের অনুকরণে ম্যাক্বেথের ইংরাজী গান গাওয়া হইয়াছিল। সে কথা হাওবিলে লিখিয়া দেওয়া হইয়াছিল— “Macbeth! Macbeth! with an original music in imitation of Lockes” এই দিন কর্ণেল হাইড্ আমাদের দর্শক ছিলেন। ইহার পর ২১শে নভেম্বর “আনন্দ-কানন” আর “কিকিং জলযোগ” অভিনীত হয়।

এর পর আমাদের ২য় সাবৎসরিক উৎসব হয়।

এই সময় বেঙ্গল থিরেটারের দল কালনার গিরেছিলেন আর বর্ধমানের মহারাজা তাঁদের পেট্রন হবেন স্বীকার করেন। ১২ই অক্টোবর শনিবার সে জন্ত বেঙ্গল থিরেটারে খুব ধুমধাম হয়।

তার পর ১৯শে ডিসেম্বর আমরা হরলালবাবুর “শত্রুসংহার” (বেনীসংহার) অভিনয় করি। এর পর সপ্তাহে ২৬শে ডিসেম্বর বেঙ্গল থিয়েটার “মণিসালিনী” অভিনয় করে কিছু দিনের জন্য অভিনয় বন্ধ দেন।

তার পর ১৮৭৫ খৃষ্টাব্দের জানুয়ারী ২রা তারিখে বেধিয়ার মহারাজ আমাদের থিয়েটারে আসেন। সেদিন “শরৎ সরোজিনী” অভিনয় হয়—ধর্মদাসবাবুর চেষ্টায়; তিনি এই সময়ে দলে যোগ দেন।

এই সময় ৮ টার সময় অভিনয় আরম্ভ হ’ত।

এর পর সপ্তাহে আমাদের মধ্যে গোলমাল বাধে। নগেন্দ্রবাবু রয়েল থিয়েটার ভাড়া নিয়ে, গ্রেট স্ট্রাশাল অপেরা কোম্পানী বলে নাম দিয়ে অভিনয় আরম্ভ করেন। ৯ই জানুয়ারী রয়াল থিয়েটারে “সত্যী কি কলঙ্কিনী” খোলা হয়। সে দিন যোধপুরের মহারাজ বশোবন্ত রাও উপস্থিত ছিলেন। মদনমোহন বর্মার কনসার্ট ছিল। “কিকিং জলযোগ” গ্রহসন হয়। তার পরের সপ্তাহে নগেন্দ্রবাবু দল হাবড়া রেলওয়ে স্টেজে অভিনয় করেন। নগেন্দ্রবাবু ছেড়ে গেলে ধর্মদাস স্থর ম্যানেজার হন। এই সময়ে বেঙ্গল থিয়েটার “আলালের ঘরে দুলাল” অভিনয় করেন। তার পর আমরা প্রথম প্যাণ্টোমাইম অভিনয় করি। তখনও আমাদের প্যাণ্টোমাইমের অভিনয়ের কথাবার্তা ছিল না। আমরা Dumb showর মত কোন একটা বিষয় আপনাপন গড়ে স্টেজে গিয়ে অভিনয় করতাম।

আর পর বর্মার রাজদূতের সম্মুখে জানুয়ারীতে গ্রেট স্ট্রাশাল থিয়েটার হয়। ৩০শে তারিখে তুর্কিস্থানের রাজদূতের সম্মুখে

অভিনয় হয়। ৬ই ফেব্রুয়ারী তারিখে আমরা মিঃ গ্রাউট ডাক এন পির সম্মুখে নীলদর্পন প্লে করি।

তার পর নগেন্দ্রবাবু গিরে বেঙ্গল থিয়েটারের দলের সঙ্গে যোগ দেন। ১০ই ফেব্রুয়ারী তাঁহাদের উত্তর দল একত্র হ’য়ে বেঙ্গল থিয়েটারে “সত্যী কি কলঙ্কিনী” অভিনয় করেন। ঐ দিন ত্রিবাঙ্কুরের মহারাজা গ্রেট স্ট্রাশাল থিয়েটারে আসেন। “শত্রুসংহার” অভিনয় হয়।

১০ই ফেব্রুয়ারীতে নগেন্দ্রবাবু ও বেঙ্গল থিয়েটারের দল একত্রে “কপালকুণ্ডলা” অভিনয় করেন।

২০শে ফেব্রুয়ারী গ্রেট স্ট্রাশাল থিয়েটারে “নগ নলিনী” অভিনয় হয়। ঐ দিন বেঙ্গল উত্তর দলে “অপূর্ব কারাগার” খোলা হয়।

২৭শে তারিখ গ্রেট স্ট্রাশালে মহারাজ হোলকার আসেন। “শরৎ-সরোজিনী” অভিনয় হয়। এই সময়ে বেঙ্গলে “পারিজাত-হরণ” গীতিনাট্য, ওখেলোর বঙ্গানুবাদ—আর “মেঘনাদবধ” রিহাস্তাল চলছিল। ৬ই মার্চ আমাদের “হেমলতা” খোলা হয়। ঐ দিন বেঙ্গলে “মেঘনাদবধ” খোলা হয়। বেঙ্গলে উত্তরদল মিলে “মেঘনাদবধ” অভিনয় হয়।

তার পর কতক দল নিয়ে আমরা—পশ্চিমে গেলাম। মহেন্দ্রলীল বঙ্গ এখানে রইলেন। তিনি ধর্মদাস বাবুর অনুমতি নিয়ে অস্থায়ী ম্যানেজার বলে নাম দিয়ে গ্রেট স্ট্রাশাল থিয়েটার চালাতে লাগলেন। ২০শে মার্চ এঁদের দলে “সখবার একাদশী” হয়। তার পর ১০ই এপ্রেল “নশোরূপেয়া” অভিনয় হয়। তখন আমি বাড়ী এসে-ছিলাম, সাতু খুড়ো সেজেছিলাম। তার পর আবার আমি পশ্চিমে যাই।—অর্কেন্দ্রশেখর মুস্তফা

[সংগ্রাহক—ঐপূর্ণচন্দ্র দে, বি-এ, উত্তরসাগর]

প্রমাণ-পঞ্জী (Bibliography)

বৈষ্ণব ধর্ম

মাধবসম্প্রদায়

১। মণিমঞ্জরী—[মধ্বশিষ্য ত্রিবিক্রম-পুত্র] নারায়ণ পণ্ডিতাচার্য্য-বিরচিত; বোম্বাই “নির্ঘণ্টসাগর প্রেস” হইতে প্রকাশিত; টি, আর, কৃষ্ণাচার্য্য-সম্পাদিত। ইহাতে মধ্বের সময় পর্য্যন্ত ভারতের ধর্ম্ম ইতিহাস আছে।

২। মধ্ববিজয়—নারায়ণ পণ্ডিতাচার্য্য-বিরচিত। ঐ

৩। সকলাচার্য্যমত-সংগ্রহ:—Benares Sanskrit Series, ১৯০৭। এই গ্রন্থের ১৬ পৃষ্ঠা হইতে মধ্বমতের আলোচনা আছে।

৪। মধ্বসিদ্ধান্তসারঃ—পদ্মনাভসুরি-লিখিত। বোম্বাই ১৮৮৩।

৫। সর্বদর্শনসংগ্রহ—মাধবাচার্য্য (?) লিখিত—E. B. Cowell ও A. E. Gough ইহার ইংরেজী তর্জমা করিয়াছেন (লণ্ডন, ১৯০৮) এই ইংরেজী গ্রন্থের অনু-

বাদংশে (৫ম অধ্যায়, ৮৭ পৃষ্ঠা হইতে) পূর্ণপ্রজ্ঞ বা মধ্বদর্শন আলোচিত হইয়াছে।

৬। বায়ুস্মৃতিঃ ত্রিবিক্রম-লিখিত।

৭। ভক্তিরত্নাবলী—Sacred Books of the Hindus, Allahabad. (মূল ও অনুবাদ)।

৮। সর্বসিদ্ধান্ত সংগ্রহঃ—শঙ্করাচার্য্য লিখিত বলিয়া প্রচারিত।

৯। প্রস্থানভেদঃ—মধুসূদন সরস্বতী-লিখিত।

১০। প্রমেয়রত্নাবলী—বলদেব বিখাত্ত্বরণ রচিত।

১১। জীরকম্মাহাশ্রম—বোম্বাই নির্ঘণ্টসাগর প্রেস হইতে প্রকাশিত।

[১২শ সংখ্যা হইতে ২৮ সংখ্যা পর্য্যন্ত নির্ঘণ্টসাগর প্রেস হইতে প্রকাশিত]

- ১২। সর্বমূল্য—(ক) গীতা ও তাৎপর্যনির্ণয়ঃ
[সটীপনকীর্তীসিকারূতঃ]—আনন্দতীর্থ-প্রণীত।
(খ) ঋগ্ভাষ্য, তট্টীকা, ঋক্‌সূচিঃ—আনন্দতীর্থ-প্রণীত।
(গ) দশোপনিষদ্ভাষ্য—আনন্দতীর্থ-প্রণীত।
- ১৩। তাৎপর্যচক্রিকা (তত্ত্বপ্রকাশিকার ব্যাখ্যা)—
ব্যাসযতি বিরচিত।
- ১৪। শ্রীয়ামৃতপ্রকরণম্ (শ্রীনিবাসতীর্থকৃত টীকাসমেতম্)
ব্যাসযতি বিরচিত।
- ১৫। শ্রীয়ামৃততরঙ্গিনী—রামাচার্য্য রচিত।
- ১৬। যুক্তিমল্লিকা (সুরোত্তমতীর্থকৃত ভাববিলাসিনী-
সমেতা)—বাদিরাজতীর্থ-প্রণীত।
- ১৭। তত্ত্বপ্রকাশিকা—জয়তীর্থমুনি-কৃত। ইহা আনন্দ-
তীর্থের ব্রহ্মসূত্রভাষ্যের টীকা।
- ১৮। তত্ত্বপ্রকাশিকাভাবদীপঃ—রাধবেন্দ্রযতি-কৃত।
- ১৯। সত্ত্বরত্নমালা—বিট্ঠলাচার্য্য-পুত্র আনন্দতীর্থ
প্রণীত।
- ২০। মহাভারততাৎপর্যনির্ণয়ঃ।
- ২১। তত্ত্বমঞ্জরী—রাধবেন্দ্রযতি-কৃত।
- ২২। ভেদোজ্জীবনম্ [শ্রীনিবাসবিরচিতব্যাপ্যাসম্বলিতম্]
—ব্যাসতীর্থকৃত।
- ২৩। প্রমাণলক্ষণটীকা—জয়তীর্থভিক্ষু-কৃত।
- ২৪। প্রমাণলক্ষণটীকাটীপনী—রাধবেন্দ্রতীর্থ-রচিত।
- ২৫। প্রমাণপদ্ধতি [জনার্দনভট্টসহিতা]—জয়তীর্থ-
মুনীকৃত।
- ২৬। অমুখ্যাত্মানম্—আনন্দতীর্থকৃত।
- ২৭। তত্ত্বসংখ্যানটীপনম্ [সত্যধর্ম্মতীর্থরচিত টীকা-
সমেতম্]।
- ২৮। অমুভাষ্যম্—আনন্দতীর্থকৃত।
- ২৯। Rice Kanarese Literature, Cal-
cutta, 1918.
- ৩০। Life and Teachings of Madhva-
charya—Padmanavachar, Coimbatore, 1909.
- ৩১। Sri Madhwa and Madhwaism,—C.
N. Krishnaswami Aiyer. Madras.
- ৩২। Account of the Madra Gooroos, col-
lected while Major Mackenzie was at
Hurryhurr, 24th August 1800. [Asiatic
Annual Register for 1804, "Characters"
প্রবন্ধের ৩৩ পৃষ্ঠা হইতে]

৩৩। Sketch of the Religious Sects of the
Hindus—H. H. Wilson, London, 1861. Vol.I.
pp. 139. ff

৩৪। Vaisnavism, Saivism and Minor
Religious Systems (G. A. P. III-6) Strass-
burg, 1913, P 57 ff

৩৫। Bombay Gazetteer, Vol XXII 'Dhar-
war', Bombay, 1884, P 56 ff [ইহাতে মাধ্বদিগের
বর্তমান কালের ইতিহাস, ধর্ম্ম, আচার প্রভৃতির বিশেষ
আলোচনা আছে]

৩৬। A Sketch of the History of the
Madhva Acharyas. G. Venkoba Rao.
Indian Antiquary.Vol XLIII (1914). pp.
233, 262.

৩৭। Life of Madhvacharya—C. M.
Padmanabhacharya.

৩৮। Vedanta Sutras, with the Com-
mentary by Sri Madhvacharya, a complete
translation, S. Subba Rau. Madras, 1904.
[ইহাতে মাধ্বমতের প্রকৃত বিবরণ আছে]

৩৯। The Bhagavad-Gita, Translation
and Commentaries in English according
to Sri Madhvacharya's Bhashyas—S. Subba
Rau, 1906 Madras.

[ইহার ভূমিকায় সাম্প্রদায়িক মতানুসারে মাধ্বজীবন-
বৃত্তান্ত আছে]

৪০। The Brahma Sutras, Construed
literally according to the Commentary of
Sri Madhvacharya (সংস্কৃত মূল)


৪১। Madhvas, the second of the Great
Vaishnav sects. Journal of the Royal Asiatic
Society, Vol. XIV. P. 34 etc. [N.S].

৪২। হরিকথামৃতসার—কগড়ভাষায় লিখিত মাধ্ব-
দিগের আদৃত গ্রন্থ।

৪৩। হরিভক্তিরসায়ন—চিদানন্দ-রচিত কগড়ভাষায়
লিখিত গ্রন্থ।

৪৪। পুরন্দর দাস, কনক দাস, বিট্ঠল দাস, বিজয়
দাস, কৃষ্ণদাস বরাহতিস্মপ দাস ও মাধ্বদাস-কৃত কগড়-
ভাষায় লিখিত বিবিধ গ্রন্থ।

৪৫। অধ্যায়-রামায়ণ—কগড়ভাষায় লিখিত।



আষাঢ়



দেশবন্ধু চিত্তরঞ্জন দাশ

১লা—দৈনিক 'সংবাদ-প্রভাকর'র আবির্ভাব (১২৪৬)

২রা—'মালক' ও 'সাগর-সঙ্গীত'র কবি এবং নারায়ণ-


সম্পাদক দেশবন্ধু চিত্তরঞ্জন দাশের মৃত্যু (১৩৩২—১৬ই
জুন, ১৯২৫ খৃঃ)

৩রা—কালীময় ঘটক মহাশয়ের মৃত্যু (১৩০৭)—

ইনি একটা বাঙ্গলা বিদ্যালয় এবং শ্রমজীবীগণের জন্য নৈশ-
বিদ্যালয় স্থাপন করেন। ঐ অনহিতকর কার্যে তিনি
রাণাঘাটের জমিদারগণের যথেষ্ট সাহায্য পাইয়াছিলেন।
ইহার রচিত গ্রন্থ—পঞ্চময় মিত্র-স্মরণ, চরিতাষ্টক (১ম ও
২য় ভাগ), ছিন্নমস্তা (উপন্যাস), কৃষিক্ষিকা, কৃষি-প্রবেশ।

৪ঠা—উমেশচন্দ্র দত্তের মৃত্যু—(১৩১৭)—একবার
রিচার্ডগন সাহেব ইহার 'Merchant of Venice'এর
আবৃত্তি গুনিয়া পূর্ণ সংখ্যা ৫০ না দিয়া ৬০ দিয়াছিলেন।
ইনি শেষ বয়সে কৃষ্ণনগর কলেজের অধ্যক্ষের পদে
অধিষ্ঠিত ছিলেন।

৬ই—চন্দ্রনাথ বসুর মৃত্যু (১৩১৭)—ইনি জয়পুর
কলেজের অধ্যক্ষ ছিলেন। তৎপরে বেঙ্গল লাইব্রেরীর
লাইব্রেরীয়ানের পদ গ্রহণ করেন। রাজকৃষ্ণ মুখোপাধ্যায়ের
মৃত্যুর পরে ইনি গভর্নমেন্টের অনুবাদক হন। ইনি বঙ্গ-
দর্শন, প্রচার, নবজীবন, নব্যভারত, সাহিত্য ও ভারতীতে
অনেক সুচিন্তিত প্রবন্ধ লিখিতেন। ইহার রচিত গ্রন্থ—
শকুন্তলা-তত্ত্ব, ত্রিধারা, পশুপতি-সংবাদ, বর্তমান বাঙলা



চন্দ্রনাথ বসু

সাহিত্যের প্রকৃতি, সাবিত্রী-তত্ত্ব, হিন্দুত্ব, বেতালে বহু রহস্য, ফুল ও ফল এবং কতিপয় স্থলপাঠ্য পুস্তক

৭ই—পাষণ্ডপীড়ন (১২৫৩) ।

তারানাথ তর্কবাচস্পতির মৃত্যু (১৮৮৫)—থুব বড় ব্যবসায়ী হইলেও ইনি সাহিত্যসেবায় বিরত ছিলেন না। ইঁহার রচিত গ্রন্থ—‘বাচস্পত্য বৃহৎ অভিধান’, ‘শব্দস্তোম মহানিধি’, ‘বিধবাবিবাহ-খণ্ডন,’ ‘আশুবোধ ব্যাকরণ,’ ‘শব্দার্থরত্ন,’ ‘বহু-বিবাহবাদ’ প্রভৃতি। ইনি কাদম্বরী প্রভৃতি সংস্কৃত গ্রন্থেরও টীকা রচনা করেন। এতদ্ব্যতীত বহু সাময়িক পুস্তকও প্রণয়ন করেন।

১১ই—উমেশচন্দ্র দত্তের মৃত্যু (১৩১৪)—ব্রাহ্মসমাজ, সিটিকলেজ ও মুকবধির-বিদ্যালয় ইঁহার কর্মস্থান ছিল। ৪৫ বৎসর ধরিয়া ‘বামাবোধিনী’ পত্রিকা পরিচালনে তাঁহার স্ত্রী-শিক্ষার জন্ত অদম্য উৎসাহের পরিচয় পাওয়া যায়।



তারানাথ তর্কবাচস্পতি

১২ই—হরিশ্চন্দ্র যুগোপাধ্যায়ের মৃত্যু (১২৬৮—১৪ই জুন, ১৮৬১ খৃঃ) ‘হিন্দু-পেট্রিয়ট’পত্রিকা ইঁহার অসাধারণ কীর্তি। তিনি ইঁহার সম্পাদক ছিলেন। সিপাহী-বিদ্রোহের সময় এবং নীলকরের অভ্যুত্থানের সময় ইনি ইঁহার

লেখনী-শক্তিতে সাধারণকে ক্রান্ত করিতে সমর্থ হন। ইঁহার অরণ্যার্থ বৃটিশ ইণ্ডিয়ান এসোসিয়েশন গৃহের নিয়তলে ‘হরিশ-লাইব্রেরী’ নামে একটি পাঠাগার নির্মিত হইয়াছে এবং ইঁহার জীবন-বিষয়ে Lights and Shades of the East নামক একটি পুস্তক প্রকাশিত হইয়াছে।

১৩ই—বঙ্কিমচন্দ্র চট্টোপাধ্যায়ের জন্ম (১২৪৫—২৭শে জুন, ১৮৩৮ খৃঃ) বঙ্কিমচন্দ্র ১২৭৯ সালে ‘বঙ্গদর্শন’ মাসিক পত্রিকার প্রবর্তন করেন। এই পত্রিকায় সমুদয় বিষয় আলোচিত হইত। ইঁহার রচিত গ্রন্থ—কৃষ্ণচরিত, ধর্মতত্ত্ব, বিবিধ প্রবন্ধ, লোকরহস্য, কমলাকান্তের দপ্তর, দুর্গেশ-নন্দিনী, কপালকুণ্ডলা, মৃগালিনী, বিষবৃক্ষ, চন্দ্রশেখর, কৃষ্ণ-কান্তের উইল, দেবীচৌধুরাণী, সীতারাম, রজনী, আমনকমঠ, যুগলাঙ্গুরীয়, রাধারাণী, রাজসিংহ, ইন্দিরা প্রভৃতি।

বরদাচরণ মিত্রের মৃত্যু (১৩২২)—ইনি ১৮৮২ খৃঃ ইংরেজী সাহিত্যে এম্-এ পাস করেন। ইঁহার রচিত গ্রন্থ—প্যারীচাঁদ মিত্র, (টেকচাঁদ ঠাকুর) ও কিশোরীচাঁদের জীবন-কথা, ‘মেঘদূত’র অনুবাদ এবং ‘অবসর’ কাব্যগ্রন্থ।

প্রথম উত্তর-বঙ্গসাহিত্য-সম্মেলন।



বঙ্কিমচন্দ্র চট্টোপাধ্যায়

১৫ই, বঙ্গলাবার—রঙ্গলাল মুখোপাধ্যায়ের জন্ম(১২৫০)
—ইনি স্কুলের শিক্ষক ছিলেন। ইনি মুখে মুখে বেশ
কবিতা রচনা করিতে পারিতেন। চিকিৎসা-বিজ্ঞানও
ইহার জ্ঞান ছিল। ইহার প্রণীত গ্রন্থ-সমূহ—শরৎশশী,
কিষ্কিন্ধ্য-বর্ষক, চিত্ত-চৈতন্যোদয়, হরিদাস সাধু। রঙ্গলালই
'বিধকোষ' অভিধানের প্রথম অঙ্কণাতা।

১৫ই—ক্ষীরোদচন্দ্র রায়চৌধুরীর মৃত্যু (১৩২৩)।

১৭ই—মাইকেল মধুসূদন দত্তের মৃত্যু (১২৮০)—বঙ্গলা
সাহিত্যে অমিত্রাকর ছন্দের ও 'চতুর্দশ-পদী কবিতাবলীর'
(সনেট) প্রবর্তক। ইহার রচিতগ্রন্থ—মেঘনাদবধ, শর্মিষ্ঠা,
পদ্মাবতী নাটক, তিলোত্তমাসম্ভবকাব্য, ব্রজাপনাকাব্য,
কৃষ্ণকুমারী নাটক, বীরঙ্গনা-কাব্য প্রভৃতি। ইংরেজী
সাহিত্যে ইহার প্রগাঢ় জ্ঞানের বিবরণ দেওয়া নিম্নয়োজন।
এতদ্ব্যতীত খণ্ড কবিতায়ও মধুসূদন সিদ্ধহস্ত ছিলেন।

নরেন্দ্রনাথ সেনের মৃত্যু (১৩১৮)—ইনি স্বাধীনচেতা
পুরুষ ছিলেন। অল্প বয়স হইতেই ইনি 'ইণ্ডিয়ান মিরর'

পত্রিকায় লিখিতে আরম্ভ করেন। পরে উহার সম্পাদক
এবং তাহার পরে স্বাধিকারীও হন। ইনি 'গীতা-সভা'র
সভাপতি ছিলেন। ১৩১৮ খৃষ্টাব্দে তিনি সুলভ সমাচার
নামে আর একখানি সাপ্তাহিক পত্রিকা প্রকাশ করিতে
আরম্ভ করেন।

১৮ই—ক্ষীরোদচন্দ্র রায়চৌধুরীর মৃত্যু (১৩৩৪)—
ইনি জেনারেল এসেমব্লি কলেজের অধ্যাপক ছিলেন। ইনি
বহু নাটক রচনা করেন। ইহার রচিত গ্রন্থ—কুলশয্যা,
আলিবাবা, প্রমোদরঞ্জন, সাবিত্রী, সপ্তম-প্রতিমা, পলাশীর
প্রায়শ্চিত্ত, রঞ্জাবতী, পদ্মিনী, প্রতাপাদিত্য, নারায়ণী,
নন্দকুমার, চাঁদবিবি, দাদা ও দিদি ইত্যাদি।

২০এ—(রথযাত্রা) কালীপ্রসন্ন দত্তের জন্ম (১২৬৬)।

স্বামী বিবেকানন্দের মৃত্যু (১৩০৯)।

কৃষ্ণকমল গোস্বামীর জন্ম-তিথি (১২১৭)—ইহার
পরিচয় না পাইলেও ইহার গ্রন্থের পরিচয় সকলেই পাইয়া
ছেন। কৃষ্ণকমলের 'স্বপ্নবিলাস', 'রাই উন্মাদিনী', 'বিচিত্র
বিলাস', 'ভারতমিলন' ও 'সুবল-সংবাদ' এক সময়ে
বঙ্গলার আবালা-বৃদ্ধ-বনিতার আদরের জিনিস
ছিল। আজকালও বঙ্গলার নানাস্থানে ঐ সকল
গীতিকাব্য কৃষ্ণযাত্রা বা ঢপ্ নামে গীত হয়।

'এডুকেশন গেজেট'এর প্রথম প্রকাশ
(৪।৭।১৮৫৬)।

২১এ—প্রমদাচরণ সেনের মৃত্যু

২২এ—ভুবনমোহন রায় চৌধুরীর জন্ম
(১২৩০)—ইনি মাত্র ১৬ বৎসর বয়সে ওকালতী
আরম্ভ করেন। বঙ্গলার ছন্দের ইতিহাসে 'ছন্দঃ-
কুমুদ' ও 'পাণ্ডবচরিত'এর প্রণয়ন ভুবনমোহনকে
যশস্বী করিয়া রাখিয়াছে। ছন্দঃকুমুদে ১৮৩
প্রকারের সংস্কৃত ছন্দের ব্যবহার এবং কতিপয়
পারসী ছন্দেরও বঙ্গলা উদাহরণ এবং বাঙলা
নামকরণ হইয়াছে। ইহার লেখায় যথার্থ কবিদের
আবাদ পাওয়া যায়।

২৩এ—প্রাচ্যবিজ্ঞানমহার্ণব নরেন্দ্রনাথ বসুর
জন্ম—(১৮৬৬ খৃঃ)—প্রথম যৌবনে ইনি তপস্বিনী
এবং ভারত নামে হুইথানি মাসিক পত্রিকার
সম্পাদক ছিলেন। রঙ্গলাল কট্টক 'অ' অক্ষর প্বে



মাইকেল মধুসূদন দত্ত

করিবার পর ইনি সমস্ত বিশ্ব-
কোষ সঙ্কলন করেন। ইহাই
নগেন্দ্রনাথের শ্রেষ্ঠ কীর্তি।
ইহার রচিত গ্রন্থ—Archaeo-
logical Survey of
Mayurbhanj, শঙ্করাচার্য,
পার্বনাথ ইত্যাদি।

২৪শে—মহাত্মা গঙ্গাধর
কবিরাজের জন্ম (১২০৫)—
পাঠ্যাবস্থায় ইনি মুক্তবোধের টীকা
সঙ্কলন করেন। ইহার রচিত
পুস্তক প্রায় ৭৭ খানি। তাহার
মধ্যে নির্ঝাণ-সার, মহানির্ঝাণ
তন্ত্র, কালবিজ্ঞান, কোমার
ব্যাকরণ, পাণীনীয় বার্তিক,
আয়ুর্বেদ-সংগ্রহ, দায়ভাগ
ইত্যাদি।

২৫এ—জগদীশ্বর গুপ্তের
মৃত্যু (১২৯৯)—ইনি সংবাদ-
পত্রাদিতে মাঝে মাঝে প্রবন্ধ
লিখিতেন। ঐ সকল প্রবন্ধে
তাঁহার চিন্তাশক্তির আশ্বাদ
পাওয়া যায়। ইহার সংকলিত
গ্রন্থ সকল—সটীক 'চৈতন্য-
চরিতামৃত', 'লীলাসুন্দর' এবং
'চৈতন্যলীলামৃত'।

২৮এ—সংবাদ-রত্নাবলী'

(মাসিক) প্রকাশ (১৮৩২, ১১ই জুলাই)।

রামগতি ঠাকুরজের জন্ম (১২৩৮)—ইহার রচিত গ্রন্থ
—'অক্ষুপহত্যার ইতিহাস', বস্তুবিচার, রোমাবতী
আখ্যায়িকা, দময়ন্তী, বাঙ্গালা ব্যাকরণ, বাঙ্গালা ইতিহাস,
রামচরিত প্রভৃতি। ইহার রচিত 'বাঙ্গালা-ভাষা ও বাঙ্গালা-
সাহিত্য বিষয়ক প্রস্তাব' একখানি অপূর্ব গ্রন্থ।

২৯এ—নিত্যকৃষ্ণ বসুর মৃত্যু (১৩০৭)—'সাহিত্য-
সেবকের ডায়েরী'তে ইহার সমালোচনা-শক্তির বেশ প্রমাণ



প্রাচ্যবিদ্যামহার্ণব নগেন্দ্রনাথ বসু

পাওয়া যায় অল্পায়ু হইলেও বাঙ্গালা-কাব্যে ইহার দান
কম নহে।

৩০এ—ভোলানাথ চন্দ্রের মৃত্যু (১৩১৭)—Talboys
Wheeler ভূমিকা সংবলিত 'Travels of a Hindoo'তে
ভোলানাথের রচনাশক্তির প্রমাণ পাওয়া যায়। ইনি
রাজা দিগম্বর মিত্রের একখানি জীবন-চরিত
লিখিয়াছিলেন।

৩২এ—সনাতন গোস্বামীর মৃত্যু-তিথি।

মাসপঞ্জী

আষাঢ়

১লা—মহিষবাধানের লবণ-আইন ভঙ্গকারী নেতা
শ্রীমত সতীশ দাশগুপ্তের এক বৎসর কারাদণ্ড। কেওড়া-
ভঙ্গা ঘাটে দেশবন্ধুর পঞ্চম স্মৃতিবার্ষিকী উৎসব অনুষ্ঠিত।

শ্রীহট্টে জনগ্লাবন। পিকেটাংএর জন্ম বছ
স্বৈচ্ছাসেবক গ্রেপ্তার।

২রা—গোল-টেবিল বৈঠকে মহাত্মা গান্ধীর আমন্ত্রণ
বিষয়ে লাহোরে পণ্ডিত মালব্যাজীর
অভিমত প্রকাশ। ঢাকার হাজামার
জনৈক হিন্দুর গৃহ অগ্নিদগ্ধ। সরকারী
তদন্ত-কমিটির অধিবেশন। পাটনায়
যোগেন্দ্র স্কুল নামে ডাকাত দলের
সর্দার গ্রেপ্তার। জেনিভায় আন্ত-
র্জাতিক শ্রমিক-সম্মেলন।

৩রা—কলিকাতায় পিকেটাংএর
জন্ম ৩৬ জন স্বৈচ্ছাসেবক গ্রেপ্তার।
বোম্বাই গবর্নরের শোলাপুর গমন
এবং সামরিক আইন প্রত্যাহারের
সংকল্প। শিমলা হইতে গবর্নরমেণ্টের
কংগ্রেসের সহিত আপোষের সর্তাবলী
প্রকাশিত।

৪ঠা—পাঞ্জাবে একযোগে লাহোর,
অমৃতসর, রাওলপিণ্ডি, শেখপুরা,
লায়ালপুর ও গুজরানওয়ালায় এই
ছয়টা শহরে বোম্বা বিস্ফোরণ।
বোম্বাইয়ে গোলটেবিল বৈঠক সম্বন্ধে
পণ্ডিত মতিলালের বক্তৃতা। ঢাকার
অবস্থা আতঙ্কজনক। বহু লোক
হতাহত।

৫ই—কাঞ্চনজঙ্ঘা অভিযানকারী
মিঃ উড্ জনসনের ২৪,৩৪০, ফুট উর্দ্ধে
অবস্থিতি। দাসপুরে পুলিশ অফিসার
হত্যার সম্পর্কে আরামবাগের সন্নিকটস্থ
বড় দড়লে ৭ সাত জন বাদামী যুবক
ধৃত। বিচারপতি হারকানাথ মিত্রের



পুত্র আশুতোষ মুখোপাধ্যায়-

আশুতোষ মুখোপাধ্যায়ের জন্ম (১২৭১—২৯শে জুন, ১৮৬৪ খঃ)



মহাত্মা গন্ধাধর কবিরাজ

সভাপতিত্বে কলিকাতা অনাথভবন (Refuge) এর বার্ষিক সভার অধিবেশন।

৬ই—বোম্বাইয়ে পুলিশ ও স্বৈচ্ছাসেবকদিগের ৩ ঘণ্টা-ব্যাপী সংঘর্ষের ফলে ৫০০ জন আহত। কলিকাতায় ২৮জন স্বৈচ্ছাসেবক গ্রেপ্তার। কলিকাতা-বিশ্ববিদ্যালয়ের পাঁচলক্ষ টাকার অপ্রতুলতা।

৭ই—সাইমন রিপোর্টের দ্বিতীয় খণ্ড প্রকাশিত। মাদ্রাজ গবর্নমেন্ট কর্তৃক কংগ্রেস বে-আইনী বলিয়া অভি-মত বিধোষিত। জাতীয় পতাকা অবনমিত। ঢাকা হাঙ্গামার ফলে কয়েকজন হিন্দু হত।

৮ই আষাঢ়—শেখপুরায় পণ্ডিত মালব্যজীর বক্তৃতা। লণ্ডনে মিঃ, সি, এফ, এণ্ড্‌জের ভারত-সমস্যার সমাধান বিষয়ক বক্তৃতা প্রকাশিত।

বোম্বাই চেম্বার অফ কমার্শ কর্তৃক ভারতীয় শ্রমিক দাবী অক্ষুণ্ণ রাখার অঙ্গীকার।

৯ই আষাঢ়—গুজরাটে শ্রীমতী কস্তুরীবাই গন্ধীর সম্বন্ধনা। শ্রীমুন্স দেবদাস গন্ধীর সহিত জেলে সাক্ষাৎ। শ্রীমতী গন্ধীর বিদেশী বস্ত্র-বর্জন আন্দোলন। কাশি-এর নিকটে দার্জিলিং মেল হুর্ঘটনা। ১ জনের মৃত্যু ২ জন আহত।




রামগতি চ্যাটার্জী

১০ই আষাঢ়—ভারত-সমস্যা বিষয়ে ইউরোপীয়ান এসোসিয়েসনে মিঃ চাপমান মার্টিনারের বক্তৃতা। দিল্লীতে সাইমন কমিশনের রিপোর্টের প্রতিবাদকল্পে পণ্ডিত মালব্যজীর বক্তৃতা। রেজুগে জেল বিদ্রোহের ফলে ৪০ জন নিহত।



ভোলানাথ চন্দ্র



স্বরাজ-ভবন

১১ই আষাঢ়—কলিকাতায় অন্ধ প্রদেশের অধিবাসীগণ কর্তৃক অন্ধ জাতীয় দিবস পালন। ভাগলপুর বিহপুরে পুলিশকর্তৃক কংগ্রেস শিবির অবরুদ্ধ। বঙ্গদেশের নানা স্থানে ধানভাঙ্গাস।

নারায়ণগঞ্জে নূতন ষড়যন্ত্রমামলায় অপরাধী গ্রেপ্তার।
১২ই আষাঢ়—করাচীতে ভীষণ বৃষ্টিপাত ও বজ্রাঘাত। শহরে বহু ক্ষতি, গুজরাট কলেজে পিকেটীংএর ফলে ১:৩জন স্বৈচ্ছাসেবক গ্রেপ্তার। ঢাকা হাকিমার তদন্ত-



কমিটী-কর্তৃক কতিপয় হিন্দু ও মুসলমানের সাক্ষ্যগ্রহণ।
১৪৪ধারা আইন অমান্তের অভিযোগে শ্রীযুক্ত ভূপেন্দ্রনাথ
বসুর ৩মাস সশ্রম কারাদণ্ড।

১৩ই আষাঢ়—শ্রীযুক্তা উর্ষিলা দেবী-প্রমুখ চারিজন
মহিলার প্রত্যেকের ৬মাস বিনাশ্রম কারাদণ্ডের আদেশ।
শ্রীযুক্ত পদ্মরাজ ভৈন ও মদনলাল মিশ্রের ৬ মাস সশ্রম
কারাদণ্ড।

১৪ই—মহিলাদিগের গ্রেপ্তারের প্রতিবাদকল্পে
কলিকাতায় হরতাল। বাঁকুড়ায় নূতন অর্ডিন্যান্স জারী।
কলিকাতায় মাইকেল স্মৃতি উৎসব অনুষ্ঠিত।

১৫ই আষাঢ়—এলাহাবাদে নিখিল ভারত কংগ্রেসের
অস্থায়ী সভাপতি শ্রীযুক্ত মতিলাল নেহেরু গ্রেপ্তার।
লাহোরে পিকেটীংএর জন্ত স্বেচ্ছাসেবক ধৃত। দিল্লীতে
সাইমন রিপোর্টের প্রতিবাদকল্পে বিরাট মিছিল।

১৬ই আষাঢ়—পণ্ডিত মতিলাল ও সৈয়দ মামুদের
৬মাস করিয়া বিনাশ্রম কারাদণ্ড। শোলাপুরে জাতীয়
পতাকা নিষিদ্ধ। পণ্ডিত মতিলালের গ্রেপ্তারের জন্ত
কলিকাতায় হরতাল। বোম্বাই, দিল্লী, আগ্রা প্রভৃতি
স্থানে হরতাল অনুষ্ঠিত। শ্রীযুক্তা বাসন্তী দেবীর
সভানেতৃত্বে অখিল বঙ্গ ছাত্রসম্মেলনের অধিবেশন।
কলিকাতায় পণ্ডিত ক্ষীরোদপ্রসাদ বিদ্যাবিনোদের চতুর্থ
স্মৃতি বার্ষিকী।

১৭ই—সিমলায় ঢাকা হাজিমা সম্বন্ধে আলোচনা।
লণ্ডনে দিল্লী হইতে কলিকাতা পর্য্যন্ত এরোপ্লেন চালাইবার
প্রস্তাব। কলিকাতায় ভূমিকম্প। হাইকোর্ট ও অগ্ন্যগ্ন
কতকগুলি অট্টালিকার আংশিক ক্ষতি।

১৮ই—বঙ্গীয় কংগ্রেস কমিটীর সম্পাদক শ্রীযুক্ত
হরিকুমার চক্রবর্তীর দুই বৎসর সশ্রম কারাদণ্ড। শ্রীযুক্ত
শৈলেশ মিত্রের আরও দুই বৎসর সশ্রম কারাদণ্ডের
আদেশ। পেশোয়ারে রেল লাইনের নীচে বোমা
বিস্ফোরণ। আসাম অঞ্চলে ভূমিকম্পের দরুণ সমূহ
ক্ষতি। রেললাইন স্থানে স্থানে ভগ্ন ও টেলিগ্রাফ বন্ধ।
বোম্বাই প্রাদেশিক কংগ্রেসের সভানেত্রী শ্রীযুক্তা পেরিন
কাপ্তেন ধৃত।

১৯শে—সাইমন রিপোর্ট বিষয়ে মাস্ত্রাজে

শ্রীযুক্ত সত্যমূর্ত্তির অন্তিমত প্রকাশ। স্বর্গীয় দাদাভাই
নোরজীর দৌহিত্রী শ্রীমতী কাপ্তেনের ৩ মাস বিনাশ্রম
কারাদণ্ড। দিল্লীতে বোমা বিস্ফোরণ।

কলিকাতায় পিকেটীংএর ফলে বহু স্বেচ্ছাসেবক
ধৃত।

২০শে—ভারতের রাজনৈতিক অবস্থা সম্বন্ধে শ্রীমতী
বেশান্তের উক্তি। ল্যাঙ্কশায়ারের বঙ্গশিল্প সম্বন্ধে সর্দার
বল্লভভাইএর বক্তৃতা। বশোহরে ডাঃ ভূপেন দত্তের
মুক্তি। ছাপরায় কংগ্রেস নেতা শ্রীযুক্ত রাজেন্দ্রপ্রসাদ
গ্রেপ্তার।

২১শে—বোম্বাইয়ে স্বায়ত্তশাসনের দাবীকল্পে ভারতীয়
খৃষ্টানদিগের সম্মেলন। কংগ্রেস সদস্য হইবার অভিলাষে
সর্দার বল্লভভাই প্যাটেলের নিকট শ্রীমতী বেশান্তের
তার। পুণায় মিছিল বন্ধের দরুণ পুলিশের সহিত
জনতার সংঘর্ষ। ডাঃ বিধান রায়ের কলিকাতা বিশ্ব-
বিদ্যালয়ের সদস্য-পদ পরিত্যাগ।

২২শে—কলিকাতা পিকেটীংএর ফলে আইনের
আগু পরীক্ষা বন্ধ। পরীক্ষার্থীদিগের অসুপস্থিতি। বঙ্গীয়
প্রাদেশিক কংগ্রেস কমিটীর সহকারী সভাপতি শ্রীযুক্ত
ললিতমোহন দাস ও অপর ৪২ জন স্বেচ্ছাসেবক গ্রেপ্তার।

২৩শে—শ্রীযুক্ত ললিতমোহন দাসের ছয় মাস বিনাশ্রম
কারাদণ্ড। রংপুরে ভীষণ দুর্ভিক্ষ। ধুবড়ীতে ১১২
বার ভূমিকম্প। আহাম্মদাবাদে “নবজীবন” প্রেস
বাজেয়াপ্ত। পুনরায় আইন পরীক্ষা বন্ধ।

২৪—বঙ্গে কংগ্রেস-গৃহে খানাতল্লাস। পেশোয়ারে
দুর্ভুক্ত কর্তৃক সহকারী ডাক পোড়ান। কলিকাতায় বিভিন্ন
স্থানে স্কুলের ছাত্রদের ধর্মঘট।

২৫—কলিকাতার বিভিন্ন স্থানে পিকেটীং। আসামে
ভীষণ ভূমিকম্প। ল্যাঙ্কশায়ারের বহু মিল বন্ধ।
অর্ডিন্যান্সে বাঙালার বিভিন্ন জেলা হইতে বহু যুবক ধৃত।

২৬শে—এক পক্ষের জন্ত আইন পরীক্ষা বন্ধ। কলি-
কাতার দুএকটি কলেজে পিকেটীং। ডাঃ যুগ্মে ‘করেট’-
আইন অমান্তকারীদের সহিত ধৃত। শ্রীযুক্ত এম, আর,
জয়াকরের কংগ্রেসের সহিত ভারত সরকারের মিটমাটের
জন্ত বড় লাটের সহিত সাক্ষাৎ।



আলাপ-আলোচনা

কবীন্দ্র রবীন্দ্রনাথের একটি লেখা বিলাতের 'স্পেক্টেটর' পত্রে মুদ্রিত হইয়াছে। তাহাতে তিনি বলিয়াছেন, ভারতের বর্তমান অবস্থা ইংলণ্ডের লোক জানিবে না ইহাই যেন নিয়তি, কারণ যে সব গভর্নমেন্ট শান্তির বিধান করিয়া সহজেই কার্যসমাপ্ত করিতে চান, এই রকম সঙ্কটাপন্ন অবস্থাতেই, সেই সব গভর্নমেন্ট তাহাদের আপন শত্রুদের অপেক্ষা নিজের লোকদের উন্নত মনকে ভয় করে।

নব-জাগরণের এই উত্তেজনার যুগে ভারতবর্ষ আন্তরিকতাহীন শাসনের অগৌরব ও কাতরতা উপলব্ধি করিয়াছে। ইহার মধ্যে ভাবের দীপ্তি বা সহানুভূতির সজীব স্পর্শ নাই। এমন একটা দুঃস্থ রাজনৈতিক অবস্থা মনুষ্যের এই ক্রটি হইতে জন্মলাভ করিবার সুবিধা পাইয়াছে। ভারতবাসী আজ কাতর হইয়া এই অবস্থা-পরিবর্তন করিতে চায় এবং কিসে আপনারা এই বিষম ব্যাধি হইতে মুক্ত হইতে পারে তাহার উপায়ের সন্ধান করিতেছে।

হুই পক্ষের উদার সহযোগেই কেবল তাহা মিলিতে পারে। মিলিতে পারে মনের এমন সন্মিলনে যাহা মানুষের স্বভাবিক দুর্বলতার অনেক ক্রটি ক্ষমা করে এবং তাহার মহত্বের প্রতি অবিচলিত আস্থা পোষণ করে। আমাদের কার্য্য দিন দিন কঠিনতর হইয়া উঠিতেছে, কারণ বর্তমান অবস্থাকে সম্পূর্ণরূপে রাজনৈতিকদিগেরই হাতে ছাড়িয়া দেওয়া হইয়াছে। রাজনৈতিকগণ রাষ্ট্রগঠন সম্বন্ধেই সাধারণের প্রতিনিধি—তাহাদের মানবতার নহে। তাই যে ভাবতাত্ত্বিকতা ইংলণ্ডের ইতিহাসকে পৌরবাচিত

করিয়াছে আজ আমি তাহাকে উদ্দেশ করিয়াই কথা বলিতেছি। সেই ভাবতত্ত্ব বিবেচনার দেশেও তাহার গরিমা বিস্তৃত করুক।

শ্রায়ের অনুরোধে আমাকে বলিতে হইবে যে, নিরস্ত্র আর অসীম শক্তিসম্পন্ন হুই জাতির এই সংঘর্ষে ইংরেজ ব্যতীত আর যে কোন রাজশক্তির নিকট হইতেই আমাদের ভীষণতর যন্ত্রণা পাইতে হইত। বিরোধের উগ্রচেষ্ঠার মধ্যেও আমাদের দেশ যে হঠকারিতা-প্রসূত বলপ্রয়োগ-ব্যবস্থার অবিচারকে ক্রোধের চোখে দেখিতেছে না, ইহা হইতেই প্রমাণিত হয় যে, ব্রিটিশদের শ্রায় ও মনুষ্যত্বের আদর্শের উপর এখনও তাহার বিশ্বাস আছে।

ইহা হইতে আরও প্রমাণ হয় যে, কোন বৃহৎ রাজনৈতিক বিদ্রোহ-সম্বন্ধে আমাদের সাক্ষাৎ অভিজ্ঞতা নাই। বস্তুতঃ যদি ইতিহাসলব্ধ জ্ঞানকে স্বীকার করিতে হয়, তবে একথা বলিতেই হয় যে, যখন গভর্নমেন্টের সনাতন ব্যবস্থাকে আমরা ওলট-পালট করিয়া দিই, তখন শাসক-সম্প্রদায়ের বলপ্রয়োগ-সম্বন্ধে আমার দেশবাসীদের অনুরোধ-অভিযোগ করা অনুচিত। বলপ্রয়োগ যে হইবেই তাহা আমাদের ধরিয়াই লওয়া এবং তাহার সন্মুখীন হওয়া উচিত। আমরাই ভাবিয়া-চিন্তিয়া যে সব চরম বিধানকে জন্মাইতে বাধ্য করিয়াছি এবং তাহার ফল কি হইবে তাহাও ঠিক করিয়া রাখিয়াছি, সে সব বিধান-সম্পর্কে আমরা গভর্নমেন্টকে দোষ দিব না।

শ্রয় স্কিনডারস্ পেটি প্যালেটাইনে কিরিয়া গিয়াছেন—
তাঁহার বয়স হইতে চলিল আশী বৎসর। পুরাতত্ত্ববিদেরা

ঠাহার কাব্য-কলাপ ও আবিষ্কার-সমূহের সহিত সম্যক পরিচিত। পৃথিবীর সর্বশ্রেষ্ঠ 'ইজিপ্টোলজিষ্ট' বলিয়া খ্রীষুজ পেট্রি বিশেষজ্ঞদের নিকট পরিচিত। ইজিপ্টের (মিশরের) বিষয় ঠাহারাই গবেষণা করিয়াছেন ঠাহাদের মধ্যে এমন একজনও মাই বিনি খ্রীষুজ পেট্রির নিকট হইতে জ্ঞান লাভ করেন নাই এবং আধুনিক পুরাতত্ত্ববিদ্যের ভিত্তর এমন লোক খুব কমই আছেন যিনি এ বিষয়ের গোড়ার শিক্ষার জন্য ঠাহার নিকট ধনী নন। প্রাচীন ইতিহাসে খ্রীষুজ পেট্রির অগাধ পাণ্ডিত্য; তিনি একজন বহু ভাষাবিদ পণ্ডিত। ১৮৮০ খৃষ্টাব্দে তিনি প্রথম মিশরে যান, সুতরাং এ ঘটনার ইহাই জুবিলী।

ইংলণ্ডের প্রসিদ্ধ সাহিত্যিক শার্লক হোমসের সৃষ্টিকর্তা সার আর্থার কোনান ডয়েল গত ৭ই জুলাই মারা গিয়াছেন। ঠাহার মৃত্যুতে বিশ্ব-সাহিত্যের ক্ষতি হইল। তিনি পরলোকে বিশ্বাস করিতেন এবং ইদানীং পরলোক-তত্ত্ব, প্রেততত্ত্ব ও আধ্যাত্মিকতত্ত্ব লইয়া আলোচনা ও অবিশ্বাসীদের সঙ্গে অনেক বাদামুবাদ করিয়াছিলেন। গত শরৎকালে নরওয়েসুইডেনে পরলোক ও প্রেততত্ত্ব সম্বন্ধে নানা স্থানে বক্তৃতা করিয়া তিনি অসুস্থ হইয়া পড়েন। নভেম্বর মাস হইতে তিনি পীড়িত ছিলেন। ১৮৫৯ সালে ২২শে মে তিনি জন্মগ্রহণ করিয়াছিলেন। ঠাহার রচনাবলীর মধ্যে A study in Scarlet, The Captain of Polestar, The Sign of Four, The White Company, Adventures of Sherlock Holmes, The Great Boer War, History of British Campaign in France and Flanders, A Visit to Three Fronts, The Wanderings of a Spiritualist, History of Spiritualism প্রসিদ্ধি লাভ করিয়াছে। এতদ্বির তিনি 'Story of Waterloo' নামক একখানি নাটকও লিখিয়াছিলেন এবং Sir Henry Irving-কর্তৃক তাহা লাকলোর সহিত অভিনীত হইয়াছিল।

* * * * *
'ম্যানচেষ্টার গর্জেন'-পত্রের বার্ষিক হামের সংবাদদাতাকে

কবীজ্ঞ রবীন্দ্রনাথ ভারতের বর্তমান অবস্থা সম্বন্ধে তাহা বলিয়াছেন তাহা এই :—

“আমাদের যৌবনাবস্থায় আমরা ইউরোপকে শ্রদ্ধার চক্ষে দেখিতাম। ইহার সভ্যতা ও বিজ্ঞানের উন্নতি আমাদের ধরের দ্বারে ইহা আনিয়া দিয়াছে বলিয়া। ইংলণ্ডকে আমরা চিনিতাম তাহার উজ্জ্বল সাহিত্যের ভিতর দিয়া। ঐ সাহিত্য আমাদের প্রাণে প্রেরণা আনিয়া দিত। ইংরেজী লেখক ও কবিদের রচনায় মানবতা, শ্রম ও স্বাধীনতা-প্ৰীতি উজ্জ্বল ভাবে চিত্রিত।

১৬৮৮ খৃঃ অব্দের রাষ্ট্র-বিপ্লবের (Revolutionএর) যুগ হইতে এই বিরাট সাহিত্যের ধারা সমানভাবে চলিয়া আসিয়াছে। ওয়াডসওয়ার্থের চতুর্দশপদী কবিতায় মানবের শ্রম অধিকার স্বাধীনতার প্রভাব আমরা প্রাণে প্রাণে অনুভব করিতাম। শেলির যৌবনদৃষ্ট রচনা হইতে পুরোহিতদের অত্যাচার-কাহিনী ও তাহা হইতে মুক্তির উপায় আমাদের অতিভূত করিয়া দিত। অবশ্য সে সকল রচনায় পূর্ণতার ছাপ না থাকিলেও আনন্দ পাইতাম, কারণ উহাদের ভিতর যে সত্য নিহিত ছিল তাহা সকল দেশের পক্ষেই প্রযোজ্য—উহা হইতেছে এই যে, অত্যাচারীর হস্ত হইতে রক্ষা পাইতে হইলে ঐ সকল অত্যাচারকে সাহসের সহিত সম্বন্ধ করিতে হইবে।

* * * * *
এই সকল পাঠ করিয়া সে-সময় আমরা একরূপ সিদ্ধান্ত করিয়াই লইয়াছিলাম যে, আমরা স্বাধীনতাকামী হইলে প্রতীচ্যের সাহায্য আমরা পাইবই। আমাদের বিশ্বাস ছিল, ইংলণ্ড আমাদের পক্ষ লইবেই লইবে।

সময়ে আমাদের সে ধারণার মূলে কুঠারাঘাত হইল। যৌবনের স্বপ্ন ভাঙিয়া গেল। পাশ্চাত্যের সহিত ঘনিষ্ঠ সংস্রবে আসিয়া পাশ্চাত্যদের মনোভাব বুঝিলাম—স্বার্থের দিকেই তাহাদের টান অতি মাত্রায়। (We came to know at close quarters the Western mentality in its unscrupulous aspect of exploitation and it revolted us more and more) এবং আমাদের আত্মা উত্তরোত্তর বিদ্রোহী হইয়া উঠিল।

* * * * *

আমরা ভুলিতে বসিলাম ইংলণ্ডের নৈতিক প্রভাব— ইংলণ্ড যে জগতের ভিতর জ্বালের মর্যাদা অক্ষুণ্ণ রাখিবার চেষ্টা করিত ও যে উচ্চ আদর্শ স্থাপিত করিয়াছিল তাহা ক্ষুণ্ণ হইয়া গেল। এখন আমাদের ধারণা হইয়াছে, পশ্চিমের জাতির প্রভাব অক্ষুণ্ণ রাখা ও অন্ত দেশের অর্ধ যে কোন উপায়েই হউক ধরে আনা ইহাদের চরম লক্ষ্য। ভারতবাসীর মনের অবস্থা যখন এইরূপ হইয়াছে, তখন মনোভাবের পরিবর্তন ছাড়া এ ব্যাধির উপশম হইবে না। জোর-জুলুম করিয়া কিছুই হইবে না। আমি বলিতে চাই, প্রাচ্য ও প্রতীচ্যের বড় বড় মাথাওয়াল লোকদের মিলন না হইলে উপায় নির্দ্ধারিত হইবে না।—চাই ভারতের মান-মর্যাদা বজায় রাখিয়া উপায় বাহির করা। ইংলণ্ডের চাই উদারতা ও আন্তরিকতা, আর চাই ঈর্ষা-দ্বेष ত্যাগ করিয়া স্বার্থের দিকে না চাহিয়া শান্তিকামী হইয়া মিলনের চেষ্টা।”

আমাদের বোধ হয় গোল-টেবিলের প্রস্তাব হইবে— মাত্রই রবীন্দ্রনাথ উভয় দেশের ভাবের আদান প্রদান হইবার সুবিধা হইবে ভাবিয়া ইহাতে সম্পূর্ণ মত দিয়াছেন। অবশ্য এ কথা সার তেজ বাহাদুর সাক্ষর প্রাপ্ত টেলিগ্রাম হইতেই জানিতে পারা গিয়াছে।

প্রসিদ্ধ বৈজ্ঞানিক ডাঃ বি দশানন আচারিয়া এম-এ (মাস্টার) পি এচ-ডি (মিউনিচ) এক ইনষ্টিটিউট-পি (লণ্ডন) ৮৯নং মেছুয়াবাজার স্ট্রীটের ভারতবর্ষীয় ব্রাহ্ম-মন্দিরে বর্তমান যুগে বিজ্ঞানের নবাবিষ্কার সম্বন্ধে কয়েকটি বক্তৃতা দিয়াছেন। প্রথম দিনের সভাপতি ছিলেন বিশ্ব-বিক্রম বৈজ্ঞানিক স্মরণ বেঙ্কট রমণ এম-এ, ডিএস-সি, এক-আর-এস। বক্তা সম্প্রতি আমেরিকার চিকাগো বিশ্ববিদ্যালয়ের রায়েরসন পদার্থবিজ্ঞানবিষয়ক পরীক্ষাগারে Ryerson Physics Laboratoryতে, গবেষণা করিয়া দেশে ফিরিয়া আসিয়াছেন। ইনি ইংলণ্ড, জার্মানী ও আমেরিকার গবেষকদিগের সহিত ঘনিষ্ঠভাবে পরিচিত। ইহার গবেষণা ঐসকল দেশের মনীষীরা একবাক্যে উচ্চকণ্ঠে প্রশংসা করিয়াছেন। আরও কয়েকটি বক্তৃতা তিনি দিবেন। সাধারণের নিকট সহজ সরলভাবে এই সকল আবিষ্কারের

বার্তা প্রচার করিয়া তিনি দেশের মহোপকার সাধন করিতেছেন।

গত ৪ঠা জুন লণ্ডনে ইণ্ডিয়া সোসাইটির এক অধিবেশনে ডাঃ আচার্য বেঙ্কট 'ভারতীয় সঙ্গীত' ও রবীন্দ্রনাথ সম্বন্ধে এক সুন্দর বক্তৃতা করিলেন। সভাস্থলে স্বয়ং রবীন্দ্রনাথ উপস্থিত ছিলেন। স্মরণ ফ্রান্সিস ইয়ং হসব্যাণ্ড সভাপতির আসন গ্রহণ করিয়াছিলেন। বক্তা তাঁহার বক্তৃতার এক স্থলে বলিয়াছেন, এই সকল গানে কবি স্বয়ং সর্বোচ্চ আধ্যাত্মিক মূল্য আছে (highest spiritual value) বলিয়া স্বীকার করেন; কিন্তু এগুলি সংরক্ষণের দিকে তাঁহার মনোযোগ যে আদৌ আছে তাহা বলিয়া মনে হয় না। তাঁহার কবিতার মত এগুলি সংগৃহীত হয় নাই। এগুলির স্রষ্টা রবীন্দ্রনাথ বটে, তিনি বচন-সংযোগ করিয়াছেন মাত্র, কিন্তু সুর সংযোজন করিয়াছেন তাঁহার ভ্রাতৃপুত্র শ্রীযুক্ত দীনেন্দ্রনাথ ঠাকুর। রবীন্দ্রনাথ মুখে মুখে রচনা করিয়া দীনেন্দ্রনাথকে বলিয়াই ক্ষান্ত হন। দীনেন্দ্রনাথের অদ্ভুত স্মৃতিশক্তির সাহায্যে এগুলি সাধারণের নিকট প্রচারিত হয়। দীনেন্দ্রনাথের মৃত্যুর সহিত রবীন্দ্রনাথের জীবনের অর্ধেক কার্য্য অসম্পূর্ণ থাকিয়া যাইবে। বাদ্যীলার স্বর-লিপি অসম্পূর্ণ। এই স্বর-লিপির সাহায্যেও যে সামান্য গান কয়েকটা রক্ষিত হইয়াছে, দীনেন্দ্রনাথের মৃত্যুর পরে তাহা নষ্ট হইয়া যাইবার সম্ভাবনা অধিক। তিনি হইতে পাঁচ বৎসর ধরিয়া যদি কেহ দীনেন্দ্রনাথের সাহায্যে এগুলি সংরক্ষণ করেন, তাহা হইলে জগৎ এ বিষয়ে এক নূতন আলোক পাইবে। ভারতীয় সংগীতের-তথা বাদ্যলার সংগীতে-বৈশিষ্ট্য কোথায় জানিতে পারিয়া ভবিষ্যৎবংশীয়েরা ধন্য হইবে।

বঙ্গদেশের ছাত্র সমাজের অধিবেশন আগস্ট মাসে হইয়া গিয়াছে। সভাপতির আসন গ্রহণ করিয়াছিলেন শ্রদ্ধেয়া শ্রীযুক্তা বাসন্তী দেবী। কুমারী কল্যাণী দাশ প্রস্তাব করেন যে সমগ্র বাদ্যলা দেশের কলেজ ও স্কুলের ছাত্রেরা এই রাজনৈতিক হাঙ্গামার সময় পড়াশুনা বন্ধ করিয়া কংগ্রেস-নির্দিষ্ট পথে দেশের কাজে লাগিয়া যান। ষতদিন না রাজনৈতিক অবস্থা অশুভ হয় ততদিন ছাত্র

সমাজের এইরূপ অবস্থাই চলিবে এবং-কার্য-নির্বাহক সমিতি যখন মনে করিবেন অবস্থা পরিবর্তিত হইয়াছে তখন এই প্রস্তাব প্রত্যাখ্যত হইবে।

এ সম্বন্ধে যে সকল বক্তৃতা হইয়াছিল তাহার মধ্যে আমরা দুই জনের বক্তৃতা উদ্ধার করিব— একজন আমাদের দেশ-পূজ্য ছাত্রের আচার্য্য প্রফুল্লচন্দ্র, অপর ব্যক্তি ছাত্র শ্রীমান্ জসীমুদ্দিন, বাঙ্গালার একজন উদীয়মান কবি। আচার্য্যদেব বলিয়াছেন—আজীবন তিনি শিক্ষকতাই করিয়া আসিতেছেন—ছাত্রদের সহিত একযোগেই কার্য্য করিয়া আসিয়াছেন, এখনও তিনি ছাত্রদিগকে ছাড়িয়া থাকিতে পারিবেন না। দর্শকভাবে তিনি সভায় আসিয়াছেন। উপস্থাপিত প্রস্তাব সম্বন্ধে তিনি কোন কথা বলিতে চান না। তিনি ছাত্রদিগকে জিজ্ঞাসা করিতে চান, তাহারা আন্তরিকতার সহিত দেশের কাজে আত্মপ্রাণ নিয়োগ করিতে চায় কি না—যদি চায় তো স্কুল কলেজ বন্ধ করুক। আর যদি না চায়, যদি তাস খেলিয়া, থিয়েটার ও সিনেমা দেখিয়া সময় কাটাইতে চায় তবে এ প্রস্তাবে সম্মত দিতে বলি না। আমি বলিতে চাই ভাবিয়া-চিন্তিয়া প্রাণের দিকে চাহিয়া কার্য্য নিৰ্দ্ধারণ কর—আর যদি উপস্থাপিত প্রস্তাবই কার্য্যে পরিণত কর তাহা হইলে দেশের কাজ ঠিক মত কর, নচেৎ স্কুল-কলেজ ছাড়িও না।

শ্রীমান্ জসীমুদ্দিন উপস্থাপিত প্রস্তাবে আপত্তি করিয়া বলেন, এই যে ছুটির এত দিন কলেজ বন্ধ ছিল, বুকে হাত দিয়া ছাত্রেরা বলুন কে কতটা দেশের কাজ করিয়াছেন। গভীর দুঃখের সহিত বলিতে বাধ্য হইতেছি যে, ছাত্রেরা এই ছুটিতে দেশের কাজ কিছুমাত্র করেন নাই। আমার মনে হয়, স্কুল-কলেজে পাঠরত থাকিয়া, অবসর সময়ে দেশের কার্য্য করাই ছাত্রদের কর্তব্য। ঐকান্তিক ব্রত ও চেষ্টা থাকিলে অবসর সময়ে দেশের বহু কার্য্য করা যায়।

দুঃখের বিষয় বেচারী জসীমুদ্দিনের বক্তব্য শেষ করিতে দেওয়া হয় নাই। তাহার স্বাধীনতার উপর হস্তক্ষেপ করিয়া ছাত্রেরা ভাল করে নাই। তাহার বক্তব্য

শুনা সকলেরই উচিত ছিল। বাহা হউক প্রস্তাব গৃহীত হইয়া গিয়াছে। একটা কথা এখানে জিজ্ঞাস্য—বক্তাদের অধিকাংশই দেখিলাম, যাহারা সাধারণতঃ বক্তৃতা দিয়া আসিতেছেন তাঁহারা। ছাত্রদের মনোভাব লওয়া হইল কোথায়? বঙ্গদেশীয় ছাত্রসমাজের নামে এরূপ করা কি শাস্যসঙ্গত?

আর ধরিয়াই যদি লই যে, ছাত্রসমাজের এইরূপ মনোভাব, তাহা হইলে এই সম্পর্কে আর একটা কথা জিজ্ঞাস্য দেশবাসী কি ছাত্র-সমাজের দ্বারাই চালিত হইবে? কংগ্রেস তো স্কুল কলেজ বন্ধ করিতে বলে নাই? তবে স্কুল-কলেজ বন্ধ হইতেছে কেন? কংগ্রেসের আদেশ যাহারা অমান্য করিয়া কোন কিছু বলেন তাহাদের কথায় কতটা আস্থা স্থাপন করা যায়? ছাত্রদের অভিভাবকদের ও শিক্ষকদের কোন কথাও শুনিবার যোগা কি না তাহা কি কখনও বিবেচিত হইয়াছে? আমাদের মনে হয় স্কুলগারমতি বালক-বালিকাদের স্কুল বন্ধ হওয়া কোন মতেই উচিত নয়।

স্কুলে স্কুল-কলেজ বন্ধ করিবার জন্য বাঙ্গালার সর্বত্র পিকেটিং চলিতেছে। এই 'পিকেটিং'কে সর্বত্র অহিংস অসহযোগ বলা যায় কি? মহাত্মা গান্ধীর মতে কি কার্য্য চলিতেছে? যুক্তি সাহায্যে অথবা ভাবের দিক্ দিয়াই যদি বুঝাইয়া কার্য্য করা হইত তাহা হইলে বুঝিতাম অহিংসভাবে কার্য্য চলিতেছে; অমুনয়-বিষয়, অনুরোধ-উপরোধে কার্য্য চলিতেছে। কিন্তু তাহা তো সর্বত্র হইতেছে না, হাত ধরিয়া টানাটানি করিতেও দেখিয়াছি। এরূপ করা কখনও উচিত নয়। তাহার উপর জাতীয় পরিষদের অন্ততম অনুরোধ 'যাদবপুরের টেকনিক্যাল বিদ্যালয়' বন্ধ করা এই সময়ে কি যুক্তিসঙ্গত? দেশের জাতীয় ছুর্দিনে ধনাগমের পথ যাহারা প্রশস্ত করিতে বাস্তব তাহাদিগের কার্য্যে প্রতিবন্ধক হওয়া আমরা সমীচীন বলিয়া মনে করি না।

আর একটা দিক দিয়া ছাত্রদিগের মনোভাব আলোচনা করা যাউক। আন্ত আইন পরীক্ষা পিকেটিংএর দরুণ প্রথম দিন বন্ধ হইয়া গেল। পরীক্ষার্থীরা বালক নয়—শিক্ষিত উপাধিধারী যুবক, সমাজের বিশিষ্ট সভ্য। কেন তাহারা পরদিন পরীক্ষা দিবার জন্য উপস্থিত হইল? এই 'পিকেটিং' যে সফলপ্রসূ হয় নাই তাহা কি কাহাকেও বুঝাইয়া দিতে হইবে? পিকেটিং সবেও চারি দিনই ক্রমান্বয়ে তাহারা আসিয়াছে। ইহা হইতেও কি তাহাদের মনোভাব বুঝিতে পারা যায় না? তাহারা তো সকলেই পরীক্ষা দিতে যাগ্র।

'পিকেটিং'এর নূতন প্রথা সাষ্টাঙ্গে শয়ন করিয়া পড়িয়া থাকা আশুতোষের আমলেই প্রথম দেখা গিয়াছিল। তাহার পর আবার সেই প্রথা অনুসৃত হইল। এই প্রথার অনুমোদন আমরা কিছুতেই করিতে পারি না। ইহাকে আমরা অহিংস অসহযোগ কোন মতেই বলিতে পারি না। এদেশে দেবতার স্থানে কার্যনিষ্ঠির জন্য 'ধর্ষণা' দিবার ব্যবস্থা আছে, কিন্তু পিকেটাররা কোথায় যাইতেছেন? এইরূপে প্রতিবন্ধকতাচরণ করিলে যে সকল ছাত্র স্কুল কলেজে যাইতেছে বা পরীক্ষা দিতে যাইতেছে তাহাদের মনোভাব কি পরিবর্তিত হইবে?

যাঁহারা পিকেট করিতেছেন আমরা তাঁহাদিগকে চিন্তা করিয়া দেখিতে বলিতেছি, পিতা-মাতা, শিক্ষকদিগের সহিত পরামর্শ করিতে বলিতেছি। পরিশেষে আচার্য্য প্রফুল্লচন্দ্রের সহিত আমরাও বলি, যদি দেশের কাজ করিবার উৎস্র বাসনা মনে জন্মিয়া থাকে, তবে দেশের কাজে যাও, নচেৎ যাইও না। বিবেকের বাণী শোন—অপরের কথায় নাচিয়া কার্য্য করিও না।

এ সম্বন্ধে আমাদের বিশ্ববিদ্যালয়ের ভাইস-চ্যান্সেলার ডাক্তার আর্কোহাট সাহেব যে বক্তৃতা প্রচার করিয়াছেন

তাহা যেমন সময়োপযোগী, তেমনই মহানুভূতিতে পূর্ণ। তিনি বলিয়াছেন, এ সময় বাস্তবিকই দুঃসময়। কিন্তু তাহা হইলেও আমরা যাঁহারা শিক্ষকতা-কার্য্যে ব্রতী আছি ও যাঁহারা কলিকাতা বিশ্ববিদ্যালয়ের সহিত সংশ্লিষ্ট তাঁহাদের একটা কর্তব্য আছে। সেই কর্তব্যের অনুরোধে আমরা বলিতেছি ছাত্রদের একটা সম্মেলনে সম্মেলন দেওয়াই উচিত। যে-সকল ছাত্র বিশ্ববিদ্যালয়ের বাহিরে থাকিতে চাহে, আমরা তাহাদিগকে বাহিরে থাকিতেই বলি, আমরা তাহাদিগকে ভিতরে আসিবার জন্য কোনরূপ বল-প্রয়োগ করিব না, তাহাদের কোনরূপ ক্ষতিও করিব না, শুধু তাহাদের নিকট এইটুকু চাই তাহারা যেন যে সকল ছাত্র বিদ্যালয়ে ও বিশ্ববিদ্যালয়ে আসিতে চান তাহাদের প্রতি কোনরূপ অত্যাচার না করে। আমরা বিশ্ববিদ্যালয় ও তৎসংক্রান্ত স্কুল কলেজ খুলিয়া রাখিব—যে সকল ছাত্র সেখানে যাইতে ইচ্ছুক, তাহাদের স্বাধীনতায়, তাহাদের ইচ্ছায় তাহারা যেন বাধা না দেয়।

এমন যুক্তিসঙ্গত কথায় যাঁহারা যুক্তির সাহায্যে প্রতিবাদ করেন না, ভাবের প্রাবল্যে ছাত্রদিগকে চালিত করিতে চান তাঁহাদিগকে বলিবার আমাদের কিছুই নাই। আমরা শুধু দেখিতে চাই যাঁহারা একতাই স্বাধীনতার মূল্য বুঝেন, তাহারা অপরের স্বাধীনতার হস্তারক হইতে পারেন না—হইবেন না। আমরা আবার বলি, কলেজের ছাত্রেরা, আপনাদিগের ভালমন্দ বুঝিবার তাহাদের সামর্থ্য হইয়াছে, তাহারা আপনাদের পথ বাছিয়া কার্য্যক্ষেত্রে অগ্রসর হউন, কিন্তু কোমলমতি স্কুলের ছাত্রদিগের স্কুল যেন বন্ধ না হয়।

বঙ্গীয় সাহিত্য পরিষদ মন্দিরে কবি সত্যেন্দ্রনাথ দত্ত ও গল্প লেখক মণিলাল গঙ্গোপাধ্যায়ের তৈলচিত্র উন্মোচিত হওয়ার আমরা সুখী হইলাম।

সমালোচনা

সাহিত্যিক ভূতপূর্ব "মানসী" সমালোচক কবিগণের মত যে উপস্থাপন রচনাতেও একজন নিপুণ শিল্পীর হস্ত-রেখা উপস্থাপন হইতেই বেশ সুবিধে পাওয়া যায়।

এই দুইখানির ঘটনা-বৈচিত্র্যো বাস্তবিক মুক্ত হইতে হয়। তাহার উপর তাহার প্রাঞ্জল ভাষা স্থানে স্থানে বাধা-বন্ধন-হারা নিরুদ্ভিগ্ন মতই অশ্রান্ত গতিতে ছুটিয়া চলিয়াছে। এমন সহজ ও স্পষ্ট ভাবে প্রকৃতির বিচিত্র বর্ণনা তিনি করিয়াছেন যে, পাঠকের নয়ন-মস্তকে তাহার একটি মুস্পষ্ট ও জীবন্ত ছবি উদ্ভাসিত হইয়া উঠে।

বেদেদের কথা সইয়াই এই গ্রন্থের আরম্ভ ও পরিসমাপ্তি হইয়াছে বটে, তথাপি একালের জীবন-যাত্রা অণালী, সভ্যতা ও শিক্ষার কথা কহিতেও গ্রন্থকার ভুলেন নাই। দুইখানি চিত্রই যেন সত্যের মত পাশাপাশি চলিয়াছে এবং তাহাদের সংযোগস্থল নবীন উদার মতই এক অপূর্ব মহিমার ভরিয়া উঠিয়াছে।

গ্রন্থকারের সুন্দর লিখন-ভঙ্গীতে প্রত্যেক চরিত্র শতদলের মত বিকশিত হইয়া উঠিয়াছে। আজন্ম বেদের ঘরে লালিত হইয়াও মনুষ্যের দাতুগত প্রকৃতি যে বদলায় নাই, কঠোরের মধ্যেও সৌকুমার্য যে কি অতুলনীয় সৌন্দর্যে ভরিয়া উঠিয়াছে তাহার পরিচয় মনুষ্যের প্রতি কথায় পাওয়া যায়। প্রলোভনকে সংযমের বাঁধে বাঁধিয়া রাখার ক্ষমতা খুব কম মানুষেরই আছে, কিন্তু মনুষ্য তাহা পারিয়াছিল এবং পারিয়াছিল বলিয়াই তাহার চরিত্রের বিকাশ আরও উজ্জ্বল হইয়া উঠিয়াছে। দাহু বহু বিষয় শিখাইতে চাহিলেও সে লইত না। কঠোরভাবে প্রত্যাখ্যান করিত। মানুষের উপকারের জন্ত যাহা কিছু আবশ্যিক তাহার অতিরিক্ত শিখিবার ক্ষমতা কোন-কিছু প্রয়োজনীয়তা আছে তাহা সে স্বীকার করিত না। এমনই ছিল তাহার প্রকৃতি। আবার আশ্রয় একদিকে নারী-মূলভবতাবের স্নেহ-কোমল মুক্তি সে যাহা দেখাইয়াছে তাহাও চমৎকার। ভাল যে কিরূপ করিয়া বাসিতে হয়, নিজের দয়িতের জন্ত যে কিরূপ করিয়া সর্ব্বথ ত্যাগ করিতে হয় তাহা সে জানিত; উচ্ছ্বালতার ক্ষীণ আভাষ তাহার চরিত্রে পাওয়া যায় না, সংযমের শাস্ত্র ভাব তাহাতে সমাহিত হইয়া আরও গৌরবান্বিত করিয়া তুলিয়াছে দেখা যায়। দাহুর প্রতি শ্রদ্ধা, ভালবাসা তাহার জীবনের সহিত যেন অচ্ছেদ্যভাবে জড়াইয়াছিল। তাই যেদিন পরম সুখের সিংহাসনে গিয়া সে উঠিয়া বসিল সে দিনও দাহুকে সে ভুলিতে পারে নাই।

তাহার সমীরের চরিত্র একদিকে যেমন ভীষণ হিংস্র আর একদিকে মনুষ্যের প্রতি ঠিক সেই পরিমাণেই স্নেহ-কাতর। আপনার আশাপেক্ষা সে মনুষ্যকে ভালবাসিত। বৃদ্ধ সমীরের সমস্ত অভাব মনুষ্যই যেন দূর করিয়া রাখিয়াছিল। অশিক্ষিত বেদের আশ্রয়ের মহত্ত্ব ও ভালবাসা যে বহু শিক্ষিত মানুষের চেয়েও বহু গুণে উচ্চ তাহা সনীর দেখাইয়াছে।

সমীর ও মনুষ্য ছাড়া লতিকা, করুণাময়ী, প্রবোধ, উমেশ, বিপিন প্রভৃতি চরিত্রগুলি প্রাকৃত রূপ লইয়া ফুটিয়া উঠিয়াছে। বাংলা সাহিত্যের "স্বতি-রেখা" যে সত্যই একটি উপাদেশ উপস্থাপন, সে-বিষয়ে সন্দেহ নাই। পুস্তকের ছাপা ও বাঁধাই সুন্দর।

শ্রীবীরেন্দ্রকৃষ্ণ ভট্ট

"বাতায়ন" (কাব্যগ্রন্থ)—শ্রীমতী উমা দেবী প্রণীত; কবিগুরু রবীন্দ্রনাথ ঠাকুর লিখিত ভূমিকা-সহ। শ্রীশিশিরকুমার গুপ্ত কর্তৃক ৫৫ নং কেনাল ইষ্ট রোড, বেলেঘাটা, কলিকাতা হইতে প্রকাশিত; মূল্য এক টাকা।

"বাতায়নের" কবি তাহার অবসর সময়টিতে ঘরের বাতায়ন-কোণে বসিয়া বসিয়া একটি ক্ষুদ্র পৃথিবীর কতকগুলি অনাড়ম্বর জীবনের বিচিত্র-লীলার চিত্র আঁকিয়াছেন; ইহাতে প্রাত্যহিক জীবন-যাত্রার অসংখ্য খুঁটিনাটির মধ্যে হাসি ও কান্নার, দুঃখ ও বেদনার, সুখ ও করুণার সকল প্রকার সহজ অনুভূতির সুপ্রচুর অবসর আছে। এই সরল জীবন-যাত্রার বিচিত্র ছবি এক একটি অনুভূতিকে আশ্রয় করিয়া এই নারী-কবির স্নেহ-স্বলভ অন্তরের মধ্যে এক একটি মুস্পষ্ট রূপ ধারণ করিয়াছে। "বাতায়নের" ৪০টি সনেটে তাহার অন্তরের এই মুস্পষ্ট রূপগুলিকেই তিনি ভাষা ও ছন্দে প্রকাশ করিতে চেষ্টা করিয়াছেন। করুণার কোন সুদূর-বিসর্পী দৃষ্টি অথবা ভাবের কোন অপকল্প ঐশ্বর্য এই কবিতাগুলিকে বিশিষ্টতা দান করে নাই। ইহাদের প্রত্যেকটিই কবির একান্ত পরিচিত প্রত্যক্ষ-দেখা ছবি, এবং সেই ছবিকে তিনি একান্ত উৎসুকতার দৃষ্টিতে ও সহজ সহৃদয় করুণায় দেখিয়াছেন; সে-দৃষ্টি কোথাও কুরাশার অম্পষ্ট, অথবা ভাষা-বেগের বাষ্পে আচ্ছন্ন নয়, বরং বর্ণনার সহজ অকুণ্ঠ ভঙ্গিমায় এবং 'প্রকাশের সরস নৈপুণ্যে' স্বচ্ছ ও সমৃদ্ধ।

এই যে মানুষের প্রাত্যহিক জীবন-যাত্রার অসংখ্য খুঁটিনাটির তুচ্ছ ক্ষুদ্র এক একটি অতি পরিচিত অনুভূতির আশ্রয়ে নিত্য-কালের জন্ত ছন্দের বন্ধনে ধরিয়া রাখা, কবিতার এই স্বরূপী প্রথম ধরিয়াছিলেন রবীন্দ্রনাথ। তাহার 'চৈতালী'তে 'দিদি' 'পুতু' প্রভৃতি

কবিতার তাহার পরিচয় আছে। শ্রীমতী উমা দেবী তাঁহার 'বাতারনে' এই স্মরণীকে নিজস্ব করিয়া লইতে চেষ্টা করিয়াছেন এবং তাঁহার সে প্রয়াস সার্থক হইয়াছে। বাঙলা ভাষায় এই ধরণের কবিতা খুব বেশী নাই।

এই চতুর্দশ-পদী কবিতাগুলির রূপ কতকটা সনেটেরই মত ; কিন্তু সনেটের সুকঠিন রীতি সর্বত্র রক্ষিত হয় নাই ; দু'এক জায়গায় মিলের ত্রুটিও আছে, কিন্তু সমস্ত ত্রুটি ঢাকিয়া দিয়াছে এই কবিতাগুলির সুন্দর সরলতা, বর্ণনার সহজ ভঙ্গিমা ও স্বচ্ছ সজ্জয় দৃষ্টি। প্রত্যেক কবিতা চোখের সম্মুখে একটা ছবিকে ফুটাইয়া তোলে, এবং মনের মধ্যে একটা অনুভূতিকে জাগাইয়া দেয়। ইহাদের একমাত্র ঐশ্বর্য-সৃষ্টির মাধুর্য, একমাত্র অলঙ্কার প্রকাশের সরলতা ; অথচ এই ঐশ্বর্য ও অলঙ্কার লইয়াই এই কবিতাগুলি রসিকজনের সমাদরের যোগ্য হইয়াছে।

বইখানির ছাপা, কাগজ ও বীধাই সুসজ্জত স্মরণীর পরিচায়ক। পুস্তক-প্রকাশ ব্যাপারে এমন সুন্দর মার্জিত ঐশ্বর্যের পরিচয় বাঙলা দেশে খুব কমই পাওয়া যায়। মলাটের উপর বাতায়ন-বর্তিনীর ছোট ছবিখানি সুন্দর ও সার্থক।

শ্রীমতীহারপ্রদন রায়

দম্পতি—ডাক্তার শ্রীশশীকুমার সেন বি-এ, এল এম-এস। সুন্দর কাপড়ের বীধাই, মূল্য ২।০ টাকা। বিবাহিত যুবকদিগের নিতান্ত প্রয়োজনীয় একখানি পাঠ্য পুস্তক। তাহাদের জানিবার, বুঝিবার ও শিখিবার অনেক বিকল্পই এই পুস্তকে বিশদভাবে আলোচিত হইয়াছে। সাধারণের পক্ষে দুর্কোষ্য বিষয়গুলি গৃহচিকিৎসক বা ডাক্তার বন্ধুর দ্বারা বুঝাইয়া লইয়া মনোযোগপূর্বক পাঠ করিলে এবং প্রাচ্য ও পাশ্চাত্য কামশাস্ত্রাদিতে লেখক মহাশয়ের উপদেশ বাক্যগুলি স্থির চিত্তে পালন করিতে পারিলে কৃতদার ব্যক্তি মাঝেই বিশেষ উপকৃত হইবেন সে বিষয়ে আমাদের কোন সন্দেহ নাই।

সম্যক শিক্ষা ব্যতীত কোন দারিদ্র্য পূর্ণ কাছের ভার আমরা কাহাকেও দিতে পারি না। কিন্তু আশ্চর্যের বিষয় দেহ ও মনস্তত্ত্ব সম্বন্ধীয় কোন প্রকার শিক্ষার ব্যবস্থা না করিয়া আমরা অনাগ্রাসে চঞ্চলমতি যুবকদিগের উপর নূতন সংসার করিবার গুরুভার অর্পণ করিয়া নিশ্চিন্ত থাকি। সংসারের সৃষ্টি হয়, কিন্তু সৃষ্টির নয় দুঃখের। অধিকাংশ স্থলে অতি অল্পকালের মধ্যেই স্বামী স্ত্রীর প্রণয়ের বেগ কমিয়া আসে। রোগ, শোক ও অকাল মৃত্যুতে সংসার ক্রমশঃ তিস্ত ও বিষয় হইয়া উঠে। আমাদের অজ্ঞতাই যে শুভ বিবাহের এই অশুভ পরিণামের মূল কারণ বহুদূরী চিকিৎসক মহাশয় তাঁহার সমস্ত লিখিত গ্রন্থখানিতে অতি স্পষ্ট করিয়া তাহা বুঝাইয়া দিয়াছেন। উপক্রমণিকার লেখক বলিয়াছেন “শাস্ত্রজ্ঞান হীন ও উপচার প্রয়োগানভিজ্ঞ দম্পতির মধ্যে সমান তৃপ্তি অল্প প্রেমের অভাব হয়। এই প্রেমের অভাব নানাবিধ বিপদের আকর এবং এ অভাব নানাবিধ

ব্যতিক্রমের কারণ হইয়া থাকে। সুখের সময় “বোন-বিবয়ে অজ্ঞতা সংসার দ্বারা দুঃখ হইয়া থাকে। শিশুর মতো সন্তান নর এবং ইন্দ্রিত ও সংসার নষ্ট হইয়া থাকে।”

সংস্কৃত পদার্থের বাস্তবিক অর্থের উপায় পুস্তকখানির অলীলতা দোষ বহুদূরী বন্ধিত হইয়াছে। নব-বিবাহিত ও বিবাহার্থী যুবকদিগের হস্তে এইখানি পুস্তক পাঠ করিলেই পারে। বাঙলা ভাষায় পুস্তকে ডাক্তার শ্রীশশীকুমার সেনের প্রণীত সূদীর্ঘ অধ্যায়টি বাঙলায় লিখিত হইয়াছে। তাহাতে “নাতিদীর্ঘ” “মেধা” “সুস্বাদু” এইগুলি শব্দের পরিবর্তে “অধিকবর্ণবিষয়ক” “আভিমানিক” “তিথ্যক” “আধি” এইগুলি শব্দের স্থান হওয়াই উচিত ছিল।

ব্রহ্মচর্য্য সম্বন্ধে একটি স্বতন্ত্র অধ্যায় থাকিলে বইখানির মূল উদ্দেশ্য সর্বতোভাবে সাধিত হইত বলিয়া আমাদের বিশ্বাস।

শ্রীমহেশ্বরনাথ বসু

মহেশ্বর পাশা পরিচয়—শ্রীমহেশ্বরনাথ বসু। লক্ষ্যপ্রতিষ্ঠ সাহিত্যিক ‘মহেশ্বর খুলনার ইতিহাস’ লেখক শ্রীযুক্ত মতীশচন্দ্র মিত্র পুস্তকখানির ভূমিকা লিখিয়া দিয়াছেন, মহেশ্বরপাশা খুলনা জেলার একটা প্রসিদ্ধ গ্রাম। ইহা এক সময়ে সুন্দরবনের অন্তর্গত ছিল কিন্তু বর্তমানে শিক্ষিত মানবের বাসভূমি। গ্রন্থকার দানভাবে জানাইয়াছেন, তিনি ইতিহাস লিখিকার স্পর্শ রাখেন না কিন্তু তিনি যে উদ্যম ও পরিশ্রম সহকারে গ্রামের কীর্তিকাহিনী এবং বংশের আনুপূর্বক ইতিহাস সংগ্রহ করিয়াছেন তাহাতে তাঁহার ঐতিহাসিক গবেষণার বিশিষ্ট পরিচয় পাওয়া যায়। মহেশ্বরপাশায় অনেক সুসন্ধান জন্মগ্রহণ করিয়াছেন এবং নানা জনহিতকর প্রতিষ্ঠানের ভিতর দিয়া তাঁহার গ্রামের উন্নতি সাধন করিয়াছেন। রায় সাহেব শশীভূষণ পাল একজন বিশ্ববিখ্যাত চিত্রকর। তাঁহার প্রতিষ্ঠিত মহেশ্বরপাশা চিত্রশালার বড়লাট লর্ড লিটন পদার্পণ করেন। এই গ্রামে বহু কৃতবিদ্য ভদ্রমহোদয়ের বাস, গ্রামের সর্ববিধ উন্নতি-সাধন তাঁহাদের অশ্রুতম চিন্তার বিষয়। তাঁহাদের অক্লান্ত পরিশ্রম এবং প্রাথমিক উদ্যম অকরণ করিয়া বঙ্গদেশের অসংখ্য গ্রাম বাসীরা যদি নিজ নিজ পল্লীভূমির উন্নতি বিধান করিতে যত্নবান হন, তাহা হইলে দেশের প্রকৃত উন্নতি হইবে। মজুমদার এবং বহু বংশের শিক্ষিত ভদ্র মহোদয়গণ গ্রামের অসংখ্য যুবকগণের অল্পের সংস্থান করিয়াই দিয়াছেন এবং সর্বদা শিক্ষা ও সংস্কার কার্যে অগ্রণী। গ্রন্থকার মনোমুগ্ধ মহেশ্বর পাশায় অধিবাসী। তিনি প্রাণ দিয়া নিজপল্লীকে ভালবাসেন, প্রাণদিয়াও লিখিয়াছেন তাঁহার পুস্তকের ভাষা সহজ সরল চিত্তগ্রাহী তাঁহার দৃষ্টান্ত অনুসরণ করিয়া যদি সাহিত্যিকগণ বঙ্গদেশের প্রধান গ্রামগুলির পরিচয় সংকলন করেন তাহা হইলে সাহিত্য এবং সমাজের দিক দিয়া অশেষ কল্যাণ সাধিত হইবে।

ঢাকার কথা

ঢাকায় যে বিগত শোচনীয় হাঙ্গামা হইয়া গিয়াছে সে সম্পর্কে দুইট সংবাদ আমরা নিয়ে দিলাম। এই দাঙ্গার ফলে ঢাকার ধ্বংসপ্রাপ্ত কয়েকটা গৃহের চিত্রও সন্নিবেশিত হইল।


শান্তি-সমিতি


ঢাকার হিন্দু ও মুসলমান সম্প্রদায়ের প্রতিনিধি স্থানীয় ব্যক্তিবর্গ মৌলানা আবুল কালাম আজাদ মহোদয়ের নেতৃত্বে এক সভায় সন্মিলিত হইয়া সহরে শান্তি স্থাপনের বিষয় আলোচনা করিয়াছিলেন, ফলে, ১৫ জন হিন্দু ও ১৫জন মুসলমান দ্বারা এক শান্তি-সমিতি গঠিত হইয়াছে। ঢাকার নবাব বাহাদুর এই সমিতির প্রেসিডেন্ট, উকীল শ্রীযুক্ত বোগেন্দ্রনাথ সেন ভাইস-প্রেসিডেন্ট এবং শ্রীযুক্ত ধীরেন্দ্রনাথ রায় ও মৌলবী সাহাবুদ্দিন সমিতির সম্পাদক মনোনীত হইয়াছেন। যাহাতে উভয় সম্প্রদায় মনোমালিন্য দূর করিয়া পুনরায় শান্তির সহিত অনস্থান করে, তন্নিমিত্ত শান্তি-সমিতির সদস্যগণ সহরের নানাস্থানে যাইয়া সকলকে অশুভাচারে বিরোধিতা করিয়াছেন, এবং ঢোল দিয়াও সে কথা ঘোষণা করা হইয়াছে। সমিতির চেয়ার

সহরে সত্তর শান্তি সংস্থাপিত হউক, সকলেই সর্বান্তঃকরণে সে কামনা করিতেছে।

এরূপ শান্তি-সমিতি ইতিপূর্বেও কয়েকবার গঠিত হইয়াছিল; কিন্তু তখন সাময়িকভাবে গোলযোগ প্রশমিত হইলেও, উহার পুনরাবির্ভাব নিবারিত হয় নাই। কায়েই, আমাদের মনে হয়, সাময়িক উদ্বেগ নিবারণে শান্তি-সমিতির যেমন যত্ন করা আবশ্যিক, এই শান্তির যথার্থ কারণ নির্ণয় করিয়া উহার মূলোচ্ছেদে বন্ধপত্রিকর হওয়াও তেমন সমিতির প্রধান কর্তব্য হওয়া উচিত। ঢাকা-সহরে হিন্দু ও মুসলমান সম্প্রদায়কেই পরস্পরের সহায়তায় বাস করিতে হইবে; সুতরাং উভয়ের মধ্যে যাহাতে ঐতিহাসিক মনোভাবে সুরক্ষিত থাকে, তাহার উপায় উদ্ভাবনে সমিতি বিশেষভাবে মনোনিবেশ করুন। উভয় সম্প্রদায়েরই যে সকল লোক সহসা উত্তেজিত হইয়া অকাণ্ড ঘটাইয়া থাকে, তাহাদিগকে নিয়ন্ত্রিত করিয়া সংযত রাখিতে না পারিলে, স্থায়ী শান্তি সংস্থাপনের আশা অদূরপর্যন্ত হইবে। কায়েই সমিতি যদি সহরের যথার্থ কল্যাণ-সাধন করিতে ইচ্ছা করেন, তবে এ বিষয়ে প্রতিকার বিধান যত্নবান হউন।

—ঢাকা-৬ কাশ





ভারতবর্ষের এবং বঙ্গদেশের এক ভীষণ দুর্ভাগ্যের কারণ—হিন্দু ও মুসলমানের বিরোধ। এই বিরোধে আমাদের পরস্পরের উন্নতি বারংবার বাধাগ্রস্ত হইতেছে। কয়েক শত বৎসর ধরিয়া আমরা দুই সম্প্রদায়

পাশাপাশি বাস করিতেছি, অথচ আমরা পরস্পরের আচার-বিচার ও প্রথা-ব্যবহারকে এখনও সম্পূর্ণ সম্মান করিতে পারি না এবং পরস্পরের প্রতি অশ্রীতি পোষণ করি, ইহাতে আমাদের দেশহিতসাধক সম্মিলিত শক্তি







অর্জিত হইতেছে না। এই শক্তি অর্জিত না হইলে আমাদের ভবিষ্যৎ চিরদিনই অন্ধকারে থাকিবে। সম্প্রতি ঢাকায় যে ব্যাপার ঘটয়াছে, তাহা ভারতবাসী মাত্রেই লজ্জার বিষয়।

ঢাকায় সাম্প্রদায়িক বিরোধ

পূর্ববঙ্গের প্রধান নগর ঢাকা অতি প্রাচীন সহর। মুসলমান রাজত্ব-কালে এই নগরী এক সময়ে বঙ্গদেশের রাজধানী ছিল। এই

সমৃদ্ধিশালী পুরাতন সহরটি ইংরেজের আমলেও দ্বিতীয় রাজধানী এবং শিক্ষা ও বাণিজ্য-ব্যবসায়ের কেন্দ্রস্থান বলিয়া বিখ্যাত। এখানে লক্ষাধিক হিন্দু ও মুসলমান দীর্ঘ কাল পরস্পর সন্তোষের সহিত বাস করিয়া আসিতেছিলেন। বঙ্গভঙ্গ ও বঙ্গদেশী আন্দোলনের যুগ হইতে উভয় সম্প্রদায়ের মধ্যে রাষ্ট্রীয় সংগ্রামে পরস্পর মনো-মালিন্দনের উদ্ভব হয়। বিগত ১৯২৬ সনে এই নগরে যে সাম্প্রদায়িক দাঙ্গা-হাঙ্গামা হয়, তাহার বিষময় কল উভয় সম্প্রদায়কেই ভোগ করিতে হইয়াছে।





বর্তমান 'সত্যগ্রহ' আন্দোলনের সুযোগে সেই সাম্প্রদায়িক মনোবৃত্তি প্রবল দাঙ্গা-হাঙ্গামার আকারে আত্মপ্রকাশ করিয়াছে। উভয় সম্প্রদায়ের বহুসংখ্যক লোক হতাহত হইয়াছে; হাঁসপাতালে চিকিৎসার্থে নীত হইয়া অনেক হিন্দু ও মুসলমান যুত্মগ্রাসে পতিত হইয়াছে, এতদ্বির দাঙ্গাকেন্দ্রে কত লোক আততায়ীর হস্ত নিহত হইয়াছে, তাহার সংখ্যা নির্দিষ্ট হয় নাই। বহু গৃহ দীভূত ও বোকান-পাট সূত্বিত হইয়াছে। এই দুর্ঘটনার যে কত মূল্যবান জীবন বিনষ্ট ও বহুমূল্য সম্পত্তি বিধ্বস্ত হইয়াছে, তাহার বিবরণ করা মুকঠিন।—চাকবিহির


হিন্দু মুসলমানের এই সাম্প্রদায়িক বিরোধ যে-কোন কারণে ঘটিলেও, এই দুই সম্প্রদায়ের মধ্যে যথার্থ দায়িত্ব প্রীতিপায়ণ ব্যক্তির অভাব নাই। এইরূপ উভয় সম্প্রদায়ে যত অধিক মাত্রায় বাড়িতে পারে, দেশের ভবিষ্যৎ ততই উজ্জ্বল হইয়া উঠিবে। এই সংবাদটা বাস্তবিকই আনন্দদায়ক।—

শত ২৮শে মে তারিখে দিনাজপুরে মোসলেম সম্প্রদায়ের একটি বিরাট জনসভার আবিবেশন হইয়াছিল। পঞ্চ সহস্রাধিক মুসলমান এই সভায় সমবেত হইয়াছিলেন। প্রেসিডেন্ট মোসলেম নেতা মৌলানা আবদুল্লাহ বাকী সাহেব প্রেসিডেন্টের আসন গ্রহণ করিয়াছিলেন।

বর্তমান স্বরাঙ্গ-সংগ্রামে হিন্দু-সম্প্রদায়ের সহিত মোসলেম সম্প্রদায়ের আপপনে যোগদান করা কর্তব্য কি না তাহাই আলোচনা করা এই সভায় উদ্দেশ্য ছিল। বঙ্গদেশের বর্তমান সমস্যা সম্বন্ধে বক্তৃতা করিয়া মুসলমানগণকে সংগ্রামের সদস্ত্রণীভুক্ত হইতে এবং হিন্দু সম্প্রদায়ের সহিত দেয়মাতৃকার মুক্তিসংগ্রামে যোগদান করিতে উপদেশ প্রদান করেন।—চাকবিহির



শ্রীমতী অনিন্দ্যবালা নন্দী, ঢাকার গভর্ণমেন্ট স্কুলের অধ্যাপিকা হিসাবে অসহযোগের সহিত আত্মরক্ষা করিয়াছিলেন।



বর্তমানে যখন নানা দুঃখ-হুর্দশার মধ্যেও আমরা দেশের উন্নতিমূলক আন্দোলনে লিপ্ত রহিয়াছি, তখন কি কি বিষয়ে আমাদের অবনতি ঘটয়াছে এবং কি কি বিষয়ে আমাদের উন্নতি সম্ভবপর, তাহা বিশেষভাবে পর্যালোচনা ও বিবেচনা করিয়া আমাদের অগ্রসর হইতে হইবে। দেশের হুর্দশার কারণগুলি দূর করিতে হইবে। আপনাদের প্রয়োজনীয় জব্যাদির জন্ত পরের মুখের দিকে না চাহিয়া আমাদের সর্বতোভাবে আত্মনির্ভর হইতে হইবে। আমাদের পরনির্ভরতার লক্ষ্যাকর প্রমাণ :-

বাংলাদেশে কি পরিমাণ বিদেশী পণ্যক্রয় আসিয়াছে :-

সং ১৯২৮-২৯ সালে কলিকাতার বন্দরে সর্বমুদ্র মোট ৮৬, ৬৫, ৯৮, ২০০ টাকার বিদেশী পণ্যক্রয়ের আমদানী হইয়াছে। নিম্নে তাহার তালিকা দেওয়া হইল :-

ক্রয়ের নাম	মূল্য (টাকা)
জুতা	১৪৪৭১৮৩
পোষাক	২৫৪৫১৫৮
অলঙ্কার	১৬২৩৫১২
বস্ত্রাদির বেণ্টিং	৩০২৭৮৬২
পুস্তক প্রভৃতি	২৮৪৭২৬০
জুতা	২০৫১৩২০
বস্ত্র	৪০৮৭১১
ইহারকর্ত তৈয়ারীর জব্যাদি	৩৮৯১৩০২
বোতাম	৮৯৪২৩০
বাতি	৪১১৪৮
বেত	১০৩২৯৭
মাসারসিক জব্য	১০০৭৯০৮
বিমান	২১২৪৯৩
সুতা	৭০৪৪০৮

তরল	৩৩৬০৬
ককি	৭৫৬৩০
ছোবড়ার দড়ি	৪৩৭০৭
এবাল প্রস্তর	৭৭৪৯২
দড়ি	২৩০৭১৬
কর্ক (হিপি)	১৭১৭২৪
ছুরি কাঁচি প্রভৃতি	১২২৬৩৪৯
ঔষধাদি	৭১২১৩৭৫
রক্তন করিবার মসলা	২২৭০৮২২
মাটির বাসন	১৩৫৬৫৯৬
বাঁজী	৩৫৯৪৭২
মাস	৩২৬৭৬
পশাদির খাত্ত	১১৩৪১২
ফল ও শাকসব্জী	৩৬৪৭৭৬
আসবাবপত্র	২২৩৪৪৭
কাচ প্রভৃতি	১৪৩১২২৬
শস্ত্রাদি	৫১৭৩০০০১
পঁদ প্রভৃতি	৫৬৮৪৪৪
লোম	২৫১৩০
লোহার জিনিস	১৭৬৮৭২৫৪
কাঁচা চামড়া	১৪৩৪৭
বৈদ্যাতিক বস্ত্রাদি	১৪৫৩৭৩২২
গানবাজনার বস্ত্র	১০১৬৫২৬
জুয়েলারি	৪,৩৫১২
পালা	১৩০২১৬৮
তৈয়ারী চামড়া	২২৬৪০০০
মস্ত	১০৩৪৮৭৩৫
বস্ত্রাদি	৬৯০০৩১৪৬
অনির সার	৩০০৮২৮৮
বিমানসাই	২৩২৬৪৭
বিমানসাই-তৈয়ারীর জব্য	২,৭২২

মাছ	৫২৪৫৩
ধাতু এবং ধাতু প্রস্তুত (এলুমিনিয়াম)	৩৫৫৭৭০৩
তাম্র	৩৫৮২১৫৬
জার্মান নিলহার	৪৭১০৬২
লৌহ	৬২৫৩৬৩
ইন্দ্রাত	১০৩৭৭৫৫৪
ধাতু ধাতু	৪২৩৮১০২৩
সীসা	২৮১০৮০
দস্তা	১২৩২৪৩
তৈল	৪৬৬৪৮২৬৪
রং বার্মিশ	৪২৬১৫৩৫
কাগজ	১০৫৪০৩৬৬
ছাপান কাগজ	৮০৬৮০
রবার	৭০০২৮৬৫
বীজ	২৬০০০৩৩
সাবান	২৭০২৮৪৫
ধূমপানের সরঞ্জাম	১৫২৩২৭
চিনি	৬১২২৫৩২
ছাপান জিনিস	১০২৫৫৮৮১
রংকরা জিনিস	৫৮৮৩৪১৬
কাপড়	২১১১৩১৮৭
রেশম	১৬৬৭৪১২
পশম	১১৪২৪৮৭১
ভানাক	১১৫২৪১৭
খেলানা	২০৬৭২৮৩
ছাতা	২৮৮৬৪০৪
সাইকেল	৫১২১৪০২
গাড়ী	৫৬৭২১৭
কাঠ	২৪০৪৫০৪
ডাকের জিনিস	১১২৫৮০৩৩

—সঞ্জীবনী

দেশের উন্নতির সহায়ক নিম্নলিখিত কর্মগুলির সংবাদ দেশবাসী আনন্দের সহিত পাঠ করিবেন।—

প্রাথমিক শিক্ষাবিস্তারে দান।—কোন অজ্ঞাত ব্যক্তি কলিকাতা বিশ্ববিদ্যালয়ের হাতে দশহাজার টাকা দিয়া বলিয়াছেন যে, ঐ টাকা দিয়া যেন গ্রামে প্রাথমিক শিক্ষা বিস্তারের ব্যবস্থা করা হয়। এই টাকা কি উপায়ে ব্যবহার করা যায় তাহা বিবেচনার জন্য সিনেট এক কমিটি গঠন করিয়াছিলেন। কমিটি স্থির করিয়াছেন যে, অনুরূপ শ্রেণীদের উন্নতি বিধানের জন্য যে সমিতি আছে তাহার হাতে তিন হাজার টাকা দেওয়া হউক, কারণ এই সমিতি নানা স্থানে

গ্রামে গ্রামে পাঠশালা স্থাপন করিয়া শিক্ষাবিস্তারের চেষ্টা করিতেছেন। এই দানে আমরা আনন্দিত হইয়াছি।—সঞ্জীবনী

ঐতিহাসিক স্মৃতি।—“বরেন্দ্র অমুসকান সমিতির” প্রতিষ্ঠাতা প্রসিদ্ধ ঐতিহাসিক পণ্ডিত পরলোকগত অক্ষয়কুমার মৈত্রেয়ের স্মৃতিরক্ষার্থ রাজসাহীতে একটি কমিটি গঠিত হইয়াছে। উপযুক্ত স্থানে মৈত্রেয় মহাশয়ের মূর্তি ও ছবি প্রতিষ্ঠা, যোগ্য ছাত্রগণকে ইতিহাস অমুশীলনের জন্য মেডেল ও পুরস্কার প্রভৃতি প্রদানের দ্বারা স্মৃতিরক্ষার ব্যবস্থা হইবে।—সঞ্জীবনী

আর একটি আনন্দের সংবাদ এই, শক্তিশীল বাঙ্গালীর মধ্যে শক্তিরচর্চার ও সংসাহস প্রয়োগের দৃষ্টান্ত আজকাল বিরল নহে। সম্প্রতি যে পার্শী বৈমানিক বিমান-পথে বিশেষ কৃতিত্ব দেখাইয়াছেন, তাহার কর্ম অক্ষুরণ করা বাঙ্গালী যুবকদের একান্ত কর্তব্য; কেননা শক্তি ও সাহসই বাঁচবার প্রধান উপকরণ।

বঙ্গবাজার সাহস।—ঢাকার কয়েতটুলীর শ্রীযুক্ত প্রসন্নকুমার নন্দীর পুত্র ভবেন্দ্রবাবু নবীন উকিল। তিনি কয়েতটুলীতে ডনের আধার উদ্বোধন। এজন্য পুলিশ ইঁহার উপর নজর রাখিত। পুলিশ ইঁহাকে সন্দেহ বশে গ্রেপ্তার করিয়া লইয়া যায়। ইঁহার তিন দিন পরে মুসলমান গুণ্ডারা আসিয়া ভবেন্দ্রবাবুর বাড়ী আক্রমণ করে। ভবেন্দ্রবাবুর বড় ভাই ও একটি বালক তিন ছুঁড়িয়া গুণ্ডাদের হটাইয়া দেয়, ভবেন্দ্রবাবুর দুই অবিবাহিতা ভগিনী অনিন্দ্যাবালা ও অমিরবালা তিন যোগাইয়া দিয়া ইঁহাদিগকে সাহায্য করে। মেয়ে দুইটি স্থানীয় উচ্চ ইংরাজী স্কুলে স্নান জ্ঞেণাতে পড়ে। প্রায় আধ ঘণ্টা যুদ্ধ চলিবার পর অনিন্দ্যাবালার মাথায় আসিয়া তিন পড়ে, তাহার মাথা ফাটিয়া যায়, তখন মুসলমানরা আসিয়া একতলার ঘরের জিনিসপত্র লুটিয়া লইয়া যায়। আমরা এই দুইটি বালিকার সাহসে মুগ্ধ হইয়াছি।—সঞ্জীবনী

শক্তিমান বাঙ্গালী

মুর্শিদাবাদ জেলার মাদাপুর জেলে বাবু শঙ্করীপ্রসাদ সাহা দুই গুলিতে একটা ৭ফুট বাঘ শীকার করিয়াছেন। বাবু শঙ্করীপ্রসাদ বহরমপুরের খাগড়াতে বাস করেন।—সঞ্জীবনী

গতবর্ষে আমরা বঙ্গদেশে জলকষ্টের একটা মাত্র সংবাদ দিয়াছিলাম। এবারে বিশদ সংবাদ দিতেছি।

মফসলে জলাভাব।—অশ্রান্ত বৎসরের স্মরণ এবারও বাঙ্গালার পল্লীগামসমূহে জলাভাবে হাহাকার উঠিয়াছে। প্রায় সকল জেলা হইতেই আমরা মফসলের অধিবাসীদের জলকষ্ট সম্বন্ধে পত্র পাইতেছি। রাজনৈতিক আন্দোলনের কোলাহল গতই ভীষণ হউক না কেন, তাহাতে পল্লীবাসীদের জলকষ্টের কাতর ক্রন্দনধ্বনিকে ঢাকিয়া রাখিতে পারে নাই। পল্লীগামেও আইন-অমান্য আন্দোলনের চেউ উঠিয়াছে, রাজনৈতিক অধিকার লাভের জন্য সকলেই বঙ্গ-

পরিষ্কার ; কিন্তু পল্লীর জলাভাব কিসে দূর হয়, তাহার কোন উপায়ই কেহ করিতে সমর্থ হইতেছেন না কেন, ইহা বড়ই বিস্ময়কর। প্রাচীন কালে দীঘি পুষ্করিণী প্রভৃতিই পল্লীবাসীর জলাভাব মোচন করিত ; এখন সেগুলির অবস্থা শোচনীয়। অনেক দীঘি পুষ্করিণীই মজিয়া গিয়াছে। যেগুলি এখনও মজে নাই, সেগুলিরও জল অব্যবহার্য্য হইয়া পড়িয়াছে। এইসব প্রাচীন জলাশয়ের সংস্কার হইতেছে না ; অথচ তাহার স্থানে একালের উপযোগী নলকূপ প্রভৃতিও তৈয়ার হইতেছে না। কাজেই জলাভাব তীব্র হইতে তীব্রতর হইয়া দাঁড়াইতেছে। মিউনিসিপালিটি জেলাবোর্ড এবং ইউনিয়নবোর্ডসমূহ এখন পল্লীগ্রামে জল সরবরাহের ভার পাইয়াছেন। কিন্তু একমাত্র নির্বাচনের সময় ব্যতীত আর কোন সময়েই এই সব প্রতিষ্ঠানের অস্তিত্ব সম্বন্ধে কোন সাড়া-শব্দই পাওয়া যায় না। বাঙ্গালার পল্লীগ্রামসমূহে এই যে মালেরিয়ার এত প্রকোপ, ইহার মূল কারণ জলাভাব ; কলেরা রক্তমাশম প্রভৃতি ব্যাধিরও কারণ বিশুদ্ধ পানীয় জলের অভাব ছাড়া আর কিছু নহে। বার মাস ব্যাধিতে ভুগিয়া ভুগিয়া বাঙ্গালার কৃষককুল ধ্বংসের পথে অগ্রসর হইতেছে ; স্থানে স্থানে তাহার প্রায় নির্মূল হইয়া আসিল। আরে ক স্থানের কৃষকেরা মড়কের ভয়ে গ্রাম ছাড়িয়া পলাইয়াছে। বাঙ্গালায় এইরূপ পরিতাপ্ত পল্লীর সংখ্যা অল্প নহে। একমাত্র পানীয় জলের অভাবই যে ইহার কারণ, তাহাতে আর কোন সন্দেহ নাই। রাজনৈতিক অধিকার লাভের জন্ত মহবে সভা হয়, অস্পৃশ্যদের স্পৃশ্য করিয়া লইবার জন্ত কত বক্তৃতার ফোয়ারা টুটে, কিন্তু তাহাদের প্রকৃত অভাব মোচন করিয়া মরণের মুখ হইতে রক্ষা করিবার জন্য কোন ব্যবস্থা কেন হয় না, তাহা কে বলিবে ?— বঙ্গবাসী

বাঙ্গালীর মপ্যে শক্তি চর্চার অভাব যেমন বিদ্যমান, তেমনই স্বাস্থ্যরক্ষা সম্বন্ধে আমরা উদাসীন। স্বাস্থ্যের উন্নতি ঘটাইবার একটা উপায় নিম্নের সংবাদে আছে।

ধূমপান ও চা পান

আচার্য্য প্রফুল্লচন্দ্র রায় বলেন, —“কলিকাতার একশত ছাত্রের মধ্যে ৭৫ জন ছাত্র কোন না কোন প্রকার পীড়াগ্রস্ত। ধূমপান এবং চা পানই ইহার প্রধান কারণ। ধূমপানে ও চা-পানে তাহারা যে অর্থ ব্যয় করে, তাহাতে যদি পুষ্টিকর খাদ্য ক্রয় করিয়া ভক্ষণ করে, তাহা হইলে তাহাদের স্বাস্থ্যের ত্রীভুক্তি সাধন হইতে পারে এবং তাহারা বহুবিধ পীড়া হইতে আত্মরক্ষা করিতে সমর্থ হয়। তিনি প্রত্যেক ছাত্রকে মুড়ি ও গুড় আহার করিতে পরামর্শ দেন। দুধ দুগ্ধাপ্য হইলেও ছাত্রগণ প্রতিদিন এক ছটাক কিম্বা অর্ধ ছটাক মাখন আহার করিতে পারে। অর্ধছটাক মাখনের মূল্য ১/৫ পাঁচ পয়সা মাত্র। কলেরা মধ্যে কদলী সহজ-প্রাপ্য এবং ইহা অপেক্ষাকৃত স্বস্ত, এমন পুষ্টিকর খাদ্য দ্রব্য থাকিতে কেন যে

লোকে দুর্ভিক্ষের বশবর্তী হইয়া ধূমপানে ও চা-পানে দ্ব্যয় নষ্ট ও অর্থের অপচয় করে, ইহা এক রহস্যজনক ব্যাপার।

২৪ পরগণা বার্তাবহ

এ বৎসর বঙ্গদেশের বিদ্যালয়সমূহে নূতন প্রণালীতে রচিত পাঠ্যপুস্তক লিখিবার ও চালাইবার জন্য শিক্ষা-বিভাগ হইতে যে ব্যবস্থা হইয়াছে, সে সম্বন্ধে নিম্ন আলোচনাটি বিবেচনার যোগ্য।—

বাঙ্গালার পাঠ্যপুস্তক সমস্যা

প্রত্যেক বিষয়ের কয়খানা করিয়া পুস্তক গৃহীত হইবে, তাহা সম্ভবতঃ স্থিরীকৃত হইয়াছে। এ সম্বন্ধে আমাদের কিঞ্চিৎ বক্তব্য আছে। আমবা জানি, পূর্ব, পশ্চিম, উত্তর ও দক্ষিণ বঙ্গে বহু খ্যাত ও অখ্যাত ব্যক্তি এগার পুস্তক রচনা করিয়াছেন। বহু লেখক আপনার জ্ঞান ও বিদ্যাবস্তার প্রকৃষ্ট পরিচয় দিয়া তাহার রচিত গ্রন্থ সজ্জিত করিয়াছেন। এ সকল সমস্যার সমাধান কি প্রকারে হইবে? এর উপরে আরও একটা কথা রহিয়াছে, যদি প্রত্যেক শ্রেণীর ৩০ খানি পুস্তক পাঠ্যরূপে গৃহীত হয়, তবেও সমস্যা সহজ হইতেছে না ; হয়ত ঐ শ্রেণীর ৫০ বা ৬০ খানি পুস্তক বেশ মূল্যবান এবং প্রকৃতপক্ষেই যোগ্যতার দাবী করিতে পারে। তাহা হইলে ৩০ খানি পুস্তক ছাটিয়া দিলে কি জ্ঞানের মর্যাদা ক্ষুণ্ণ হইবে না? বিশেষতঃ যাহারা প্রকৃতপক্ষে জ্ঞানের রক্ত দিয়া, জ্ঞানের পরীক্ষায়, অর্থ, পুস্তকখানিকে সত্যসত্যই উপযোগী করিয়া তুলিয়াছেন তাহাকে কিরূপে দেওয়ার কি হেতু থাকিতে পারে?

এ কথাও বাজারে রাষ্ট্র যে বিলিতি বইওয়ালারা দেশী ভাড়াটীয়া লেখককে টাকা দিয়া চক্চকে স্বাক্ষরকে বই বাজারে উপস্থিত করিবে। এ সকল সমস্যার সমাধান কোথায়, আমরা ঠিক ঠাইর করিতে পারিতেছি না।

তিন বৎসর না কি এবারকার সিলেবাসের মেয়াদ। কাজেই যে সকল গ্রন্থকার শরীরের রক্ত জল করিয়া বই লিখিয়াছেন,— প্রকাশক ঘরের টাকা ফেলিয়া ছাপিয়াছেন, তাহাদের প্রতি কোন রকম নেক নজর না দিলে চলিবে কেন?

আমরা শিক্ষা বিভাগের কর্তৃপক্ষকে অনুরোধ করিতেছি— যোগ্য পুস্তক যেন অনাদৃত না হয়। সংখ্যার গণীরেখার দৃঢ়তা সর্বত্র একরূপ হওয়া বাঞ্ছনীয় নহে।

সময়ান্তরে আমরা এ সম্বন্ধে সবিশেষ আলোচনা করিবার ইচ্ছা রাখি।—টাকাপ্রকাশ

আমরা বিগত ত্রীমণ ভূমিকম্পের বিশদ সংবাদ দিলাম।



দাৰাশেকাৰ লিপি-শিক্ষা



তৃতীয় বর্ষ }

শ্রাবণ, ১৩৩৭


{ চতুর্থ সংখ্যা

সাক্ষীগোপাল

[শ্রীপ্রবোধনারায়ণ বন্দ্যোপাধ্যায়]

(শ্রীশ্রীচৈতন্যচরিতামৃত হইতে)

প্রবীণ বিপ্র নবীনে শুধান—এ দূর তীর্থ-বাসে
 পুত্র-অধিক কে তুমি, বৎস, দাঁড়ালে শয্যা-পাশে ?
 নাহি পরিচয়, তবু মনে হয় তুমি পরম আশ্রয়,
 বাক্ববহীন এ মরু বিদেশে প্রিয় হ'তে তুমি প্রিয় ।
 দেশেতে আমার ঘর-সংসার সাজান সকলই আছে,
 'মুখে দিতে জল, শুধাতে কুশল' হেথা কেহ নাহি কাছে ।
 জ্ঞানে-অজ্ঞানে বিলাপে-প্রলাপে কেটেছে দিবস সাত,
 কত দ্বিধাভরে রোগীর শিয়রে জাগিয়াছ দিন-রাত ;
 মহানিদ্রার ঘোরে বারবার মুদিয়া এসেছে অঁাধি,
 দেহ-পিঞ্জরে আধ খোলা দ্বার উড়ু উড়ু প্রাণ-পাখী ।
 এমন জীবন-মরণের রণে যুকিয়াছ তুমি একা,
 নিশার অস্ত্রে দেখা দিল তাই উষার সোনার রেখা ।
 যমের দুয়ার হইতে আমার জীবন ফিরালে হেথা,
 আমারি এ প্রাণ তোমারি ত দান—তুমি মোর নচিকেতা
 জানি জানি আমি এ দানের তব প্রতিদান কিছু নাই,
 তাই হে তোমারে মমতার ডোরে বাঁধিয়া রাখিতে চাই ।
 শুভ দিন দেখি পুরাইব সাধ, রাখিব তোমার মান,
 নিজেরে ধন্য মানিব তোমারে কণ্ঠা করিয়া দান ।



নবীন বিপ্র উঠিল শিহরি' শূনি' প্রবীণের বাণী,
 কহিল তাঁহারে সম্ভ্রম-ভরে যুক্ত করিয়া পাণি,—
 তোমার গ্রামের নিকটে আমার পৈত্রিক ভিটা বটে,
 জমী-জমা আছে, ভাত-কাপড়ের অভাব কভু না ঘটে :
 জনম আমার আচার-নিষ্ঠ সং-ব্রাহ্মণ-কুলে.
 বংশের খ্যাতি মান-মর্যাদা কখনো যাইনি ভুলে ।
 তোমারে হেথায় হেরে অসহায় পীড়ায় করেছি সেবা,
 মানুষের কাজ মানুষে করেছে, প্রতিদান চাহে কেবা ?
 তোমারে যে আজ ফিরিয়া পেয়েছি এই ত পুরস্কার,
 কৃষ্ণ-চরণে মতি থাক মোর, কিছুই চাহি না আর ।
 যদিও এ দীন সংকুল-জাত তোমারে জানাই তবু—
 তব কণ্ঠার যোগ্য পাত্র এ অধম নহে কভু ;
 কুলে শীলে মানে আমি যে তোমার সমাজের চোখে নীচু,
 কণ্ঠাদানের এ পণ রবে না, রবে অনুতাপ পিছু ।
 তোমার সমাজ দিবে তোমা লাজ, গৃহ হবে প্রতিকূল,
 আপনি তখন ভাঙিবে এ পণ বুঝিয়া আপন ভুল ।
 আজিকার এই উদ্ভেজনার হ'বে যবে অবসান,
 প্রাণ হ'তে বড় বলিয়া মানিবে বংশের অভিমান ।
 তুমি সেবার কৃতজ্ঞতার জন্ত এ গুরু ঋণ
 তব শির 'পরি চাপাইয়া দিব, নহি আমি এত হীন ।
 প্রবীণ বলেন—পুণ্য তীর্থে শপথ করিলু আমি,
 সত্য-ভঙ্গে পিতৃসঙ্গে হইব নিরয়গামী ।
 তুমি করিয়া জাতি-অভিমান রাখি' সত্যের মান
 তোমারি শ্রীকরে বহু সমাদরে কণ্ঠা করিব দান ।
 নবীন বিপ্র তবুও প্রবীণে বলে সঙ্কোচ-ভরে—
 কি হবে উপায়, যদি তুমি হয় ভুলে যাও গিয়া ঘরে,
 নাহিক সাক্ষী একাকী আমারে কে করিবে বিশ্বাস ?
 কণ্ঠা পাব না, পাব সকলের গঞ্জনা উপহাস ।
 দু'জনে তখন স্থির করি' মন চলিলেন ধীরে ধীরে,
 মন্দিরে গিয়া গোপালের কাছে দাঁড়ালেন নতশিরে ।
 নবীন বলেন—হে দেবতা, তুমি শ্রীকৃন্দাবনে থাকি'
 ত্রিকাল ধরিয়া ত্রিভুবন পানে মেলিয়া রেখেছ অঁাধি,

মুখের কথা বা মনের বারতা নহে তব অগোচর,
 তবু প্রার্থনা জানাই তোমারে, হে বৃন্দাবনেশ্বর,—
 মোর সাথী এই প্রবীণ বিপ্র হেথা করিলেন পণ—
 আমারে দিবেন কণ্ঠা তাঁহার, শুনে রাখ নারায়ণ,
 আমার সাক্ষী তুমি হ'লে, দেব, পড়ি যদি কোন দায়ে
 রেখো মোর মান, করিব প্রমাণ, এ মিনতি তব পায়ে।
 প্রবীণ বিপ্র বলেন—সত্য করিয়াছি এই পণ,
 ধর্ম আমার রাখিও ঠাকুর, শ্রীচরণে নিবেদন।
 গোপালের হাসি হ'ল মধুতর, পড়িল প্রসাদী ফুল,
 ভক্ত বুঝিল দেবতা তাঁদের প্রতি হ'ন অমুকুল।

তীর্থ সারিয়া দু'জনেই তবে গেল নিজ নিজ ঘরে,
 যত দিন যায় যুবকের হায় মন আনুচানু করে।
 কত শুভ দিন এল আর গেল, লগ্ন হইল পার,
 বৃদ্ধ বিপ্র তবুও নীরব, নাহি দেন সমাচার।
 একদিন শেষে প্রার্থীর বেশে বড় বিপ্রের বাড়ী
 নবীন বিপ্র দাঁড়ালেন এসে ধৈর্য্য ধরিতে নারি'।
 বিবাহের পণ করাতে স্মরণ তোলেন পুরাণে কথা,
 বড় বিপ্রের পুত্র, মিত্র, জায়া শোনে সে বারতা।
 সবাই সজোরে নাড়িলেন মাথা, ওঠে আপত্তি ঘোর,
 বৃদ্ধও ভয়ে থাকে জাতি ল'য়ে, ছেড়ে সত্যের ডোর।
 এল প্রতিবেশী করিতে সালিশী, কেহ রাগে, কেহ হাসে,
 কেহ বা নবীনে হইয়া সদয় দাঁড়াল তাহার পাশে।
 বাদী-বিবাদীর আজ্ঞা-জবাবে কার্য্য নাহিক হ'বে,
 সাক্ষী না পেল মোকদ্দামার বিচার না সম্ভবে।
 নবীন বিপ্র স্মরি' ভগবানে কহে নির্ভীক মনে—
 মাত্র সাক্ষী গোপাল আমার, আছেন বৃন্দাবনে।
 বড় বিপ্রও কৌতুকভরে তাহাতে দিলেন সায়,
 নবীন বিপ্র ক্ষিপ্রগতিতে সাক্ষী আনিতে যায়।
 গোপনে কণ্ঠা ডাকিছে কাতরে, এস হেথা ভগবান,
 পিতার ধর্ম করিও রক্ষা, প্রার্থীরও রেখো মান।

বৃন্দারণ্যে সন্ধ্যা-আরতি গোপালের মন্দিরে,
 মন্দিরা বাজে, বাজে মৃদঙ্গ, বংশী বাজিছে ধীরে,
 কঁাসর, ঘণ্টা, শব্দের ধ্বনি উঠিছে গগন-ভালে,
 পুজারীর করে পঞ্চ-প্রদীপ নাচিতেছে তালে তালে ।
 অযুত ভক্ত দাঁড়ায়েছে ঘিরে, মধ্যে শ্রীবিগ্রহ—
 দরশনে হ'ল শাস্ত্র সবার অন্তর-নিগ্রহ ।
 গোপালের মুখে সুধামাখা হাসি, নয়নে করুণা বারে,
 চরণ-পদ্মে মধু সঞ্চিত ভক্ত-ভৃঙ্গ তরে,
 নীল কলেবর, পীত অশ্বর, সিত-চন্দন-মাখা,
 চরণে নূপুর, অধরে মুরলী, শিখরে শিখীর পাখা,
 বক্ষিম ঠামে ধনু করিয়া শ্রীবৃন্দাবনধাম
 ভক্ত-হৃদয়ে করেন বসতি সে মূর্তি অবিরাম ।
 আরতি-অস্ত্রে শ্রীপদ-প্রান্ত্রে লুটায় প্রণাম ক'রে
 অঙ্গনরঞ্জে দিয়া গড়াগড়ি ভক্তেরা ফেরে ঘরে ।
 মন্দির-গৃহ হ'ল নির্জন, নবীন বিপ্র তবে
 গোপাল-চরণে করে নিবেদন—সাক্ষ্য যে দিতে হবে ;
 আমার সঙ্গে যেতে হবে, দেব, নহিলে ত্যজিব প্রাণ,
 প্রাণ যায় যাক, মান রাখ প্রভু, ভক্তের ভগবান ।
 হাসিয়া গোপাল বলেন—কি করি সত্য-বন্ধ আমি,
 তোমার বাক্য করিতে প্রমাণ হ'ব তব অনুগামী ।
 ভাবিও না মনে, যাব তোমা সনে, শুধু এ সৰ্ত্ত মেনো—
 চাও যদি পিছু কিছুতেই মোরে চালাতে নারিবে জেনো ।
 ভক্ত বলেন—তাই হবে দেব, তবে কিছু চাই চিনা,
 নহিলে কেমনে বুঝিব সঙ্গে তুমি আসিতেছ কি না ।
 হাসিয়া ঠাকুর বলেন—বিপ্র, কাজ নাই মিছে ভেবে,
 থাকি কি পালাই আমারি নূপুর তাহার সাক্ষ্য দেবে ।

আগে আগে চলে সরল ভক্ত, পিছু যান ভগবান,
 সারা পথ ধরি' গুমরি' গুমরি' নূপুর শোনায় গান,
 রুণু রুণুরুণু রুণুন-রুণুন মণি-মঞ্জীর বাজে,
 বেদের মন্ত্র, পুরাণ-তন্ত্র রাজে সে মন্ত্র মাঝে ।

গ্রামের নিকটে আসিয়া বিপ্র থাকিতে পারে না আর,
 চক্ষু মেলিয়া হেরিল পিছনে সাক্ষী চমৎকার ।
 হাসিয়া অমনি গোপাল তখনি পাষণ-মুরতি ধরি'
 রেমুণার মাঠে বন্ধিম ঠাটে দাঁড়ান ভঙ্গী করি' ।
 ছুটিল বিপ্র প্রবীণের গ্রামে জানাইতে সে বারতা,
 লক্ষ লোকের হ'ল সমাগম শুনি' অদ্ভুত কথা ।
 সাক্ষী হেরিয়া প্রবীণ বিপ্র বিস্মিত অন্তরে
 ভাসি' অঁধি-জলে সব কথা বলে, সত্য-পালন করে,
 নবীন বিপ্রে মহা সমাদরে কণ্ঠা করিল দান,
 চিরকালই এই সাক্ষীগোপাল রাখেন ভক্ত-মান ।

যন্ত্র-বিজ্ঞানের (Mechanics) তৃতীয় ধারা

(Quantum Mechanics)

[অধ্যাপক শ্রীব্রজেন্দ্রনাথ চক্রবর্তী ডি, এম সি]

বৈজ্ঞানিক হাইগেন্স সপ্তদশ শতাব্দীর শেষ ভাগে বলিয়াছিলেন যে, পদার্থবিজ্ঞান যথার্থরূপে বৃদ্ধিতে হইলে প্রাকৃতিক ঘটনারাজি যন্ত্র-বিজ্ঞানের ভাষায় প্রকাশ করা প্রয়োজন ; নতুবা পদার্থবিজ্ঞান চিরদিনই আমাদের অবোধ থাকিয়া যাইবে। পদার্থবিজ্ঞানের তাত্‌কালিক বহু সত্যই এ উক্তির দ্বারা সমর্থিত হইত বলিয়া বৈজ্ঞানিক-গণ উহা অতি আনন্দের সহিত গ্রহণ করিয়াছিলেন ও সর্বপ্রকারে পদার্থবিজ্ঞানের তৎসমূহ যন্ত্র-বিজ্ঞানের ভাষায় প্রকাশ করিতে যত্নশীল হন। সেই প্রচেষ্টার ফলেই অষ্টাদশ ও উনবিংশ শতাব্দীতে গণিতজ্ঞ, পদার্থ-বিজ্ঞানবিদ ও জ্যোতির্বিদদের হাতে যান্ত্রিক গতি-বিজ্ঞান সর্বিশেষ উৎকর্ষ লাভ করে ও উহার মূল্য সত্য স্বরূপ "Principle of least action" বা "অল্পতম ক্রিয়া"র নিয়ম আবিষ্কৃত হয়। গতি-বিজ্ঞানের এই নিয়মের ব্যবহারে তরঙ্গ পদার্থ মাত্রের গতি-বিজ্ঞান, নাদ বিজ্ঞান ও আলোক-বিজ্ঞানের বহু দুর্ভেদ্য তত্ত্বের যথার্থ মীমাংসা হইয়া যায়। কেবল মাত্র তাপ-গতি-বিজ্ঞানের দ্বিতীয় নিয়মটি (Second

Law of thermodynamics) বহুকাল পর্যন্ত গতি-বিজ্ঞানের ভাষায় ধরা দিতে চায় নাই। এদিকেও, অবশেষে Maxwell, Boltzmann ও Gibbsএর উদ্ভাবিত Statistical mechanicsএর সহায়তায় সকল বাধাবিঘ্ন দূর হইল।

যন্ত্র-বিজ্ঞানের সহায়তায় পদার্থ-বিজ্ঞানের সকল সমস্যার সমাধান করার এই প্রবৃত্তি, উনবিংশ শতাব্দীর শেষার্ধ্বে পর্যন্তও বিজ্ঞান-জগতে প্রবল ছিল। সেই সময়ে, যখন Maxwell, আলোক-বিজ্ঞানের প্রচলিত সমস্ত নিয়ম নূতন ভাবে গঠিত করিয়া দিয়া তাঁহার Electromagnetic theory of light প্রকাশ করিলেন, তখনই পদার্থবিজ্ঞান হইতে যান্ত্রিক গতি-বিজ্ঞানের ভাবাবেশ অপসারিত হইতে আরম্ভ হইল। বিংশ শতাব্দীর প্রারম্ভেই ১৯১০ বৎসর মধ্যেই পদার্থের অভ্যন্তরস্থ অণু-পরমাণু ইত্যাদি সম্বন্ধে এমন অভিনব তত্ত্ব-সকল আবিষ্কৃত হইল যে, তাহাদের স্বরূপ উপলব্ধি করিয়া বৈজ্ঞানিকরা দেখিলেন এ সকল সত্য বৃদ্ধিতে হইলে, চিরপরিচিত যন্ত্র-বিজ্ঞানকে, তড়িদ-

বিজ্ঞান, চুম্বক-বিজ্ঞান ও আলোকবিজ্ঞানের ভাষায় প্রকাশ করা ভিন্ন উপায় নাই। বাস্তবিকই, বিংশ শতাব্দীর বৈজ্ঞানিক জ্ঞান-ধারার উপর নির্ভর করিয়া, এ প্রবন্ধের প্রথমেই লিখিত হাইগেন্সের দাবীকে পরিবর্তিত করিয়া এই কথা নিঃসংশয়ে বলা চলে যে, যন্ত্র-বিজ্ঞানের সকল নিয়ম, আলোক, তাপ, তড়িৎ প্রভৃতি পদার্থ-বিজ্ঞানের অন্যান্য শাখার ভাষায় প্রকাশ করিতে না পারিলে বর্তমান বিজ্ঞান বুঝিবার আশা সূদূরপর্যন্ত।

যন্ত্র-বিজ্ঞানকেই (Mechanics) পদার্থবিজ্ঞানের সর্বাপেক্ষা পুরাতন শাখা বলা যাইতে পারে। যাঁহার ধীশক্তি প্রভাবে পদার্থবিজ্ঞান প্রথমে বিজ্ঞান পর্যায়ভুক্ত হয়, সেই Galileoই সর্বপ্রথমে যন্ত্র-বিজ্ঞান সম্বন্ধে বহু প্রকার গবেষণা করেন; আর যে মহাশক্তিসম্পন্ন বৈজ্ঞানিক পদার্থ বিজ্ঞানের ভিতরে গণিতশাস্ত্রের সূক্ষ্মজ্ঞান প্রবেশ করাইয়া উহাকে সর্বপ্রকারে প্রাঞ্জল করিয়া তোলেন সেই নিউটনই এই যন্ত্র-বিজ্ঞানের মূল নিয়মসমূহের উদ্ভাবন করেন। উহাই যন্ত্র-বিজ্ঞানের প্রথম ধারা। Galileo ও Newton এর হাতে এই ধারা এমন সমৃদ্ধ হইয়াছিল যে, ২০০ শত বৎসর পরেও এ সম্বন্ধে নূতন কিছু ভাবিবার থাকিতে পারে, এ কথা বৈজ্ঞানিকের মনেই উদ্ভিত হয় নাই। বিজ্ঞানের এ শাখা সম্বন্ধে শেষ কথা নিউটনই বলিয়া গিয়াছেন, এই সিদ্ধান্ত সকল বৈজ্ঞানিকই করিয়াছিলেন। কিন্তু তাই বলিয়া বৈজ্ঞানিকরা নিশ্চিন্তও ছিলেন না। জ্ঞানের সীমা বর্ধিত করাই যাঁহাদের কার্য, তাঁহারা ২০০ শত বৎসরের সিদ্ধান্তে সন্দেহ থাকিতে পারেন না, ইহাতে আশ্চর্য্য কি? ফলে, বিংশ শতাব্দীর প্রথম ভাগে ১৯০৫ হইতে ১৯০৯ খৃষ্টাব্দের মধ্যে আপেক্ষিক তত্ত্ব নামে (Theory of Relativity) যান্ত্রিক গতি-বিজ্ঞানের এক নূতন ধারার সৃষ্টি হয়। ইহাই যন্ত্র-বিজ্ঞানের দ্বিতীয় ধারা। আমাদের পুরাতন যন্ত্রবিজ্ঞান বিশেষ কালে ও স্থান বিশেষে প্রযোজ্য; কিন্তু নূতন যন্ত্র-বিজ্ঞান সর্বকালে ও সকল স্থানে প্রযোজ্য। এই হিসাবে নিউটনের যন্ত্র-বিজ্ঞানকে আইনষ্টাইনের যন্ত্র-বিজ্ঞানের এক বিশেষ পরিণতি বলা যাইতে পারে।

নূতন যন্ত্র-বিজ্ঞানের প্রয়োগে কয়েক বৎসরের মধ্যেই মানবের জ্ঞান বহু দিকে বহু প্রকারে প্রসারিত হইয়া

পড়িল। ইহার মধ্যে নিম্নলিখিত সিদ্ধান্তগুলিই প্রধান ও আশ্চর্য্যজনক—

১। কোনও পদার্থই কোনও প্রকারেই আলোক অপেক্ষা অধিকতর বেগে চলিতে পারে না; অর্থাৎ সর্ব প্রকার গতির তুলনায় আলোকের গতিই বেগবান। এই সত্যের সহায়তায় আলোকবিজ্ঞান ও যান্ত্রিক গতি-বিজ্ঞানের মধ্যে সম্বন্ধ স্থাপিত হইল।

২। পদার্থের বস্তুপরিমাণ (mass) ও তেজ (Energy) এই দুইটি শব্দ বৈজ্ঞানিকরা ব্যবহার করেন। আমরা ওজন করিয়া যাহা পাই, পদার্থের বস্তু পরিমাণ তাহার সঙ্গে আনুপাতিক। কোনও বহিঃশক্তির প্রভাবে কোন পদার্থের কি প্রকার গতি হইবে, তাহা তাহার বস্তু-পরিমাণের উপর কতকাংশে নির্ভর করে। আর তেজ বলিতে আমরা পদার্থের অন্তর্নিহিত সমবেত তেজ বুঝি। ইহা পদার্থের সাধারণ অবস্থায় দেখা বা বুঝা যায় না। তবে কোনও পদার্থ কোনও ক্রিয়ায় নিয়োজিত হইলেই তাহার তেজের প্রভাব দেখা ও বুঝা যায়। পুরাতন যন্ত্র-বিজ্ঞানের এই দুইটিকে পৃথক ভাবে দেখা হইত; কিন্তু নূতন যন্ত্র-বিজ্ঞান বুঝাইল যে, তাহা নহে, এই দুইটাই এক। কারণ পদার্থের বস্তু-পরিমাণ ও তেজ পরস্পর আনুপাতিক। প্রথমোক্তটি দ্বারা দ্বিতীয়টিকে বিভাগ করিলে যে সংখ্যা পাওয়া যায়, তাহার বর্গমূল, শূন্য স্থানে আলোকের গতির সমান।

কেবল মাত্র আপেক্ষিক যন্ত্র-বিজ্ঞানের আবিষ্কারের ফলেই যে পুরাতন যন্ত্র-বিজ্ঞান স্থানচ্যুত হইল তাহা নহে, অন্যান্য প্রকারেও পুরাতন গতি-বিজ্ঞানের নিয়মপ্রণালী পরীক্ষালব্ধ জ্ঞানের সঙ্গে সূত্রাত্মক জ্ঞানের অসামঞ্জস্য উৎপাদন করিয়াছিল। এই ভাবে বিংশ শতাব্দীর প্রারম্ভেই যন্ত্র-বিজ্ঞানের দ্বিতীয় ধারা প্রথম ধারাকে স্থানচ্যুত করিয়া দিল।

উনবিংশ শতাব্দীর শেষ ভাগেই যন্ত্র সাহায্যে পরীক্ষার ফলে ইহা জানা যায় যে, পদার্থ-সম্বন্ধে আমাদের জ্ঞান পরমাণুতে পর্য্যবসিত করিলে চলিবে না। পরমাণু অপেক্ষাও ক্ষুদ্রতর অবস্থা যন্ত্রে ধরা গেল। প্রত্যেক পদার্থের পরমাণুতেই ধন ও ঋণ-তড়িদণু আছে। উহাদের স্ব স্ব গতি ও প্রকৃতি পদার্থ-ভেদে অভিন্ন। উহাদিগকেই পদার্থের মূল ও চরম উপাদান বলা যাইতে পারে।

উহাদের মধ্যে ঋণ-তড়িদণু অতি সূক্ষ্ম। উহার বস্তু-পরিমাণও ধন-তড়িদণুর প্রায় ২০০০ অংশ। ঐ সময়ে উহাও আবিষ্কৃত হইল যে, সকল প্রকার পরিমাণ বিদ্যুৎ (Electrical charge) এক ক্ষুদ্রতম পরিমাণ বিদ্যুতের গুণিতক : সুতরাং প্রোটন বা ধন-তড়িদণুতে ও ইলেক্ট্রন বা ঋণ-তড়িদণুতে উপরিগণিত ক্ষুদ্রতম পরিমাণ বিদ্যুৎ ধন ও ঋণাত্মক ভাবে অবস্থান করিতেছে।

পরমাণু-তত্ত্ব ব্যতিরেকে আলোক-তত্ত্ব সম্বন্ধেও বিংশ শতাব্দীতে আমাদের জ্ঞানের অনেক পরিবর্তন ঘটিয়াছে। Maxwellএর আলোক-তত্ত্বের প্রয়োগে যে জ্যোতিঃরশ্মিকে আমরা ঊনবিংশ শতাব্দীতে অখণ্ড, নির্বিশেষ তেজ-ধারা বলিয়া বুঝিয়াছিলাম, বিংশ শতাব্দীতে সেই জ্যোতিঃরশ্মিকেই ক্ষুদ্র ক্ষুদ্র Photon বা জ্যোতিঃকণার ধারা বলিয়া বুঝিয়া লইলাম। কি ভাবে বৈজ্ঞানিক তাঁহার চিন্তাধারার এ অভাবনীয় পরিবর্তন সাধন করিয়াছেন সে সম্বন্ধে প্রবন্ধান্তরে আলোচনা করিয়াছি (ভারতবর্ষ বৈশাখ, ১৩৩৭)। আমাদের এই আলোক-প্রবাহ নির্বিশেষ নহে। উহা সমপরিমিত তেজবিশিষ্ট জ্যোতিঃকণার প্রবাহ মাত্র।

জ্যোতিঃরশ্মি বলিতে কেবল আমাদের দৃশ্য আলোক বুঝিলে চলবে না। Maxwellএর আলোক-তত্ত্বের সাহায্যে ইহা প্রমাণিত হইয়াছে যে, আমাদের ইন্দ্রিয়গ্রাহ্য আলোক ছাড়াও আরও বহু প্রকারের ইণ্ডার-তরঙ্গ জ্যোতিঃরশ্মি পর্য্যায়ে আসিতে পারে। তাহারা সাধারণতঃ ইন্দ্রিয়গ্রাহ্য নহে। যন্ত্র সহযোগে তাহাদের অস্তিত্বের প্রমাণ করিতে হয়। এই হিসাবে, আশুন হইতে যে তাপ-প্রবাহ কিংবা বরফ হইতে যে শৈত্য-প্রবাহ আমরা অনুভব করি, তাহাদের সকলকেই জ্যোতিঃশ্মি সংজ্ঞায় অভিহিত করা চলে; কারণ জ্যোতিঃরশ্মি ইন্দ্রিয়গ্রাহ্য হউক কিংবা ইন্দ্রিয়ের অগ্রাহ্য হউক, উহা সর্বদাই ইথারের ভিতর বৈদ্যুতিক তরঙ্গ ব্যতিরেকে আর কিছুই নহে। এই সকল তরঙ্গ সমবেগে সকল দিকে প্রধাবিত হয়। উহাদের মধ্যে পার্থক্য সূক্ষ্ম তরঙ্গের দৈর্ঘ্যে কিংবা কম্পন-পৌনঃপুন্যে (vibration frequency)। বিংশ শতাব্দীর প্রারম্ভেই আবিষ্কৃত ঋণবিশিষ্ট তেজতত্ত্বের (Quantum theory) প্রয়োগে ১৯০৫ খৃষ্টাব্দে আইনষ্টাইন আবিষ্কার করিলেন যে, আমাদের দৃশ্য আলোক ও অন্যান্য সকল প্রকার

জ্যোতিঃরশ্মিই অখণ্ড প্রবাহ ধারা নহে। ঋণ ঋণ তেজের পরিবর্তনে যে জ্যোতিঃকণার উদ্ভব হইতেছে, তাহার প্রকৃতির সঙ্গে তেজখণ্ডের তেজ-পরিমাণের এক শাস্ত সঙ্ঘর্ষ রহিয়াছে। সেই সঙ্ঘর্ষের বলে উৎপন্ন জ্যোতিঃরশ্মির কম্পন-পৌনঃপুন্য-সংখ্যাকে 6.625×10^{-27} দ্বারা গুণ করিলে জ্যোতিঃকণার তেজ-পরিমাণ পাওয়া যাইবে। উপরের এই সংখ্যাটী বর্তমান পদার্থ বিজ্ঞানে বড় প্রয়োজনীয়। ইহাকে Planck এর নিত্য সংখ্যা কহে (Planck's Constant)।

ঋণ-তড়িদণু কিংবা ধন তড়িদণুর মতই জ্যোতিঃকণাও সাধারণতঃ ইন্দ্রিয়গ্রাহ্য না হইলেও, বৈজ্ঞানিক যন্ত্র সহযোগে বহু প্রকারের পরিদর্শনে ইহার অস্তিত্ব অবিসংবাদিতরূপে প্রতিপন্ন হইয়াছে। ইহাকে আর বৈজ্ঞানিকের করুণা বলিলে চলে না। এই Photon বা জ্যোতিঃকণা ধাতব পদার্থের উপর পতিত হইয়া তাহা হইতে ঋণ-তড়িদণু বাহির করিয়া দেয়, তাহাদের গতি-জনিত তেজ উক্ত জ্যোতিঃকণার তেজের সমান, অর্থাৎ জ্যোতিঃকণার তেজই ঋণ-তড়িদণু-সমূহে প্রবিষ্ট হইয়া তাহাদের মধ্যে বাহির হইয়া যাওয়ার মত চাঞ্চল্য ও শক্তি প্রদান করে। এদিকে আবার রঞ্জন-রশ্মির উদ্ভব-কালে গমনশীল ঋণ-তড়িদণুসমূহ ধাতব পদার্থে আহত হইলে জ্যোতিঃরশ্মিরূপে তাহাদের তেজটী ছাড়িয়া দিয়া স্থির অবস্থা প্রাপ্ত হয়। এই ভাবে সর্বদাই ঋণ-তড়িদণুর তেজ রূপান্তরিত হইয়া জ্যোতিঃরশ্মি উদ্ভব হইতেছে; আবার জ্যোতিঃরশ্মির তেজপ্রভাবে পদার্থ হইতে ঋণ-তড়িদণু বাহির হইয়া পড়িতেছে। তেজের আদান-প্রদানের এই রীতি পরীক্ষিত সত্য বলিয়া সুন্দর-রূপে প্রমাণিত হইয়াছে।

পূর্বে বলা হইয়াছে—আপেক্ষিক গতি-বিজ্ঞানে প্রমাণিত হইয়াছে যে, পদার্থের বস্তুপরিমাণ ও তাহার অস্তিত্বিত তেজ এ উভয়ের মধ্যে কোনও প্রভেদ নাই। সেই হিসাবে জ্যোতিঃকণারও বস্তু পরিমাণ আছে, একথা আমরা বলিতে পারি। আমাদের দৃশ্য আলোকের জ্যোতিঃকণায় বস্তুপরিমাণ অতি ক্ষুদ্র ঋণ-তড়িদণুর বস্তু পরিমাণ অপেক্ষাও লক্ষ লক্ষ অংশ ছোট। জ্যোতিঃকণার যে বস্তুপরিমাণ আছে তাহা ঋণ-তড়িদণু ও জ্যোতিঃকণার সংঘর্ষ হইতে ১৯২৩ খৃষ্টাব্দে মার্কিন বৈজ্ঞানিক Compton নিঃসন্দেহে প্রমাণ করিয়াছেন।

Planck এর নিত্য সংখ্যাটি জ্যোতিঃরশ্মির আলোচনা করিতে গিয়াই প্রথমে পরিকল্পিত হয়। কিন্তু পরে দেখা গেল যে, পরমাণুর অভ্যন্তরে যে-সমস্ত অশাবনীয় গতির ক্রিয়া চলিতেছে তাহাতেও ঐ নিত্য সংখ্যাটির ব্যৱহারের সার্থকতা আছে। কলে যাহা প্রথমে ১২০০ খৃষ্টাব্দে আলোক-বিজ্ঞান সম্পর্কেই নিত্য সংখ্যা ছিল তাহা ১৯১০ খৃষ্টাব্দে পরমাণবিক গতি-শাস্ত্রের একটি মৌখিক নিত্য সংখ্যায় পরিণত হইল। ঠিক এই সময়ে রাদারফোর্ড (Rutherford) পরমাণুর অভ্যন্তরস্থ তড়িদণুসমূহের সন্নিবেশ প্রণালী সম্বন্ধে তাঁহার অভিনব তত্ত্বের প্রচার করেন। সৌর-জগতের সূর্যের মত সমস্ত ধন-তড়িদণু পুঞ্জীভূত অবস্থায় কেন্দ্রীভূত হইয়া আছে আর ঋণ-তড়িদণু-সমূহ গ্রহগণের মত তাহার চারিদিকে ভীষণ বেগে ঘুরিয়া বেড়াইতেছে। তড়িদ-বিজ্ঞানের নিয়মে দুই প্রকারের তড়িদণুর মধ্যে আকর্ষণ আছে, সুতরাং অল্প কোনও বিকর্ষণ-শক্তি ক্রিয়া-শীল না হইলে ঘূর্ণায়মান তড়িদণুর কক্ষ ক্রমে ক্ষুদ্র হইতে ক্ষুদ্রতর হইয়া পরিণামে উহা কেন্দ্রীভূত পুঞ্জের সহিত এক হইয়া যাইবে। সুতরাং পরমাণুর অভ্যন্তরস্থ উক্ত সন্নিবেশ-প্রণালী অব্যাহত রাখিবার জন্য বৈদ্যুতিক শক্তি ব্যতিরেকে কেন্দ্র হইতে ঋণ-তড়িদণুর উপর অল্প একটি বিকর্ষণ-শক্তি ক্রিয়া করিতেছে, এ কল্পনা গ্রহণ ছাড়া উপায়ান্তর নাই।

উদ্ভূত বাষ্পের পরমাণুর অভ্যন্তর অন্যান্য সকল পদার্থের পরমাণু অপেক্ষা সরলতম, কারণ উহার ভিতরে মাত্র একটি ঋণ-তড়িদণু কেন্দ্রীভূত ধন-তড়িদণুর চারিদিকে ঘুরিতেছে। উহার কক্ষের ব্যাস নিরূপণ করা সাধারণতঃ দুঃসাধ্য মনে হয়। সেজন্য বৈজ্ঞানিক চিন্তাধারা আরও একটু প্রসারিত করিতে হইয়াছে। তড়িদণুর কক্ষটিরও বৈশিষ্ট্য আছে, এরূপ কল্পনা করা হইয়া থাকে। বৈজ্ঞানিক ঐ কক্ষটিকেও খণ্ডে খণ্ডে বিভক্ত করেন এবং ঐ প্রত্যেক খণ্ডের সঙ্গে Planck এর নিত্য সংখ্যাটির এক অবিচ্ছেদ্য ও অপরিবর্তনীয় অনুপাত কল্পনা করেন আর সেই সম্বন্ধ হইতেই ঘূর্ণায়মান তড়িদণুর গতিবেগ ও কক্ষের ব্যাস অতি সূক্ষ্মভাবে নিরূপিত হয়। পরমাণুর অভ্যন্তরস্থ স্থান অতি ক্ষুদ্র, সুতরাং কক্ষের ব্যাসও অতি ক্ষুদ্র। আমরা সাধারণতঃ এত ক্ষুদ্র দূরত্বের কল্পনাই করিতে পারি না। কিন্তু এই সমস্ত সূক্ষ্মাতিসূক্ষ্ম

বিষয় নির্ণয়ে যে কুশলতার প্রয়োজন, বর্তমান বৈজ্ঞানিক প্রণালীতে তাহা প্রচুর ভাবেই আছে।

আলোক-বিকীর্ণণ ও আলোক-শোষণ ব্যাপার পরমাণু দ্বারা কি ভাবে নিষ্পন্ন হয় তাহা Bohr তাঁহার পরমাণু বিজ্ঞানের নূতন প্রণালীতে অতি বিশদ ভাবে বুঝাইয়াছেন। এজন্য পরমাণু মাত্রেরই কতকগুলি সাধারণ ও অসাধারণ অবস্থা কল্পনা করা হইয়াছে। বাহির হইতে তেজ শোষণ করিয়া পরমাণু সাধারণ অবস্থা হইতে এক অসাধারণ অবস্থায় যায়, আর কোনও প্রকার প্রতিক্রিয়ার প্রভাবে পরমাণু ঐ অসাধারণ অবস্থা হইতে পূর্বের সাধারণ অবস্থায় ফিরিয়া আসে। কলে, তাহাকে বাহির হইতে গৃহীত তেজ পরিত্যাগ করিতে হয়। ইহাই আমাদের জ্যোতিঃরশ্মি।

এই প্রকারে যন্ত্র-বিজ্ঞানের দ্বিতীয় ধারার কলে পদার্থ-বিজ্ঞান বহুদিক দিয়া বহুপ্রকারে উন্নত হইয়া উঠিল। আবার বৈজ্ঞানিকগণ মনে করিত চাহিলেন যে, “এইবার সকল সমস্যার সমাধান হইয়া গেল। পদার্থজগৎ আমাদের নখদর্পণে আসিয়া পড়িল।” কিন্তু সৃষ্ট জগতের রহস্য এত সহজে আয়ত্ত হইবার নহে। এমত সব সত্য আবিষ্কৃত হইল যাহাতে Bohr এর সিদ্ধান্ত আর প্রয়োগ করা চলে না। সুতরাং এ সিদ্ধান্তে কোথায় কোনক্রটি আছে তাহা বৈজ্ঞানিক ভাবিতে বসিলেন। Bohr সিদ্ধান্তের প্রয়োগে নিত্য নূতন সমস্যার সমাধানে তৎপর বৈজ্ঞানিক নিজের কৃতিত্বে এত উৎফুল্ল হইয়া উঠিয়াছিলেন যে, এই সিদ্ধান্তে উপনীত হওয়ার পূর্বের অবস্থা ভুলিয়া গিয়া-ছিলেন। কোন্ বাধা অতিক্রম করিতে গিয়া Bohr সিদ্ধান্তের পরিকল্পনা হইয়াছিল, বৈজ্ঞানিক আবার তাহাই ভাবিতে বসিলেন। কারণ, এযুক্তির ক্রটি কোথায় তাহা পূর্বাভাস হইতে আলোচনা না করিলে ধরা দুঃসাধ্য।

ঋণতড়িদণুর কক্ষের স্থানে স্থানে কোনও বৈশিষ্ট্য থাকিতে পারে, একথা আমাদের পুরাতন গতিবিজ্ঞানের জ্ঞানসম্মত নহে। পুরাতন জ্ঞান কক্ষ মাত্রকেই নির্বিশেষ বলিয়া মনে করা হয়। এ অবস্থায় যন্ত্র-বিজ্ঞানের দ্বিতীয় ধারার সাহায্যে কক্ষের বৈশিষ্ট্যের কল্পনা করিয়া অনেক সমস্যার সমাধান হইলেও বৈজ্ঞানিক এ কল্পনার কোনও বাস্তব চিত্র অঙ্কিত করিতে পারেন নাই। বিশেষতঃ আলোক-বিজ্ঞান সম্পর্কে কল্পিত এক নিত্য সংখ্যা কি ভাবে

পরমাণু-বিজ্ঞানের মৌলিক নিত্য সংখ্যায় প্রমাণিত হইতে পারে, তাহাও বৈজ্ঞানিক সন্দেহাকুল মনে ভাবিতেছিলেন। ১৯২৩ খৃষ্টাব্দে এই প্রকারের অনেক সন্দেহ ঘনীভূত হইয়া ভবিষ্যৎ উন্নতির পথে পর্কিত প্রমাণ বাধা উপস্থিত করিল। কলে যন্ত্র-বিজ্ঞানের তৃতীয় ধারার সূত্রপাত হইল। যন্ত্র বিজ্ঞানের প্রথম ধারার প্রবর্তক Galileo। সেই ধারার কার্যকারিতা আমাদের দৈনন্দিন জীবনের সাধারণ গতি বিজ্ঞানের আলোচনার উপযোগী। কিন্তু আলোকের গতি-বেগ কিংবা ঐ প্রকারের প্রচণ্ড গতি বেগের পর্যালোচনায় যন্ত্র-বিজ্ঞানের প্রথম ধারায় ব্যবহৃত নিয়মসমূহ সফল প্রদান করে না। সেইসব ক্ষেত্রে আইনষ্টাইন প্রবর্তিত যন্ত্র-বিজ্ঞানের দ্বিতীয় ধারার প্রয়োগে যথার্থ মীমাংসা পাওয়া যায়। কিন্তু পরমাণুর অভ্যন্তরস্থ সূক্ষ্ম জগতে এই দুই ধারার একটীও কার্যকারী হইতে পারে না। সেই সমস্ত সূক্ষ্ম জগতের জন্ম যন্ত্র-বিজ্ঞানের তৃতীয় ধারার প্রবর্তন। ঐ আইনষ্টাইনের গতি-বিজ্ঞান বিশেষ বিশেষ অবস্থায় জগতেও ফলপ্রসূ হয়। সেই হিসাবে বিশেষ বিশেষ অবস্থায় নূতন তৃতীয় যন্ত্রবিজ্ঞান সাধারণ গতিবেগ ও অপরিমিত গতিবেগ উভয় ক্ষেত্রেই প্রযোজ্য হইবে— অর্থাৎ যন্ত্রবিজ্ঞানের প্রথম ও দ্বিতীয় ধারাকে তৃতীয় ধারাই বিশেষ অবস্থা বিপর্যায় বলা যাইতে পারিবে।

মিউটনের খণ্ডবিশিষ্ট আলোকতত্ত্বের সহায়তায় যখন জ্ঞাত সত্য যথার্থরূপে মীমাংসিত হইতেছিল না, তখনই

আলোকের তরঙ্গ-তত্ত্ব বৈজ্ঞানিক জগতে আধিপত্য বিস্তার করিল। আবার যখন এমন সব সত্য আবিষ্কৃত হইতে লাগিল, যাহার মীমাংসা তরঙ্গ-তত্ত্ব পাওয়া যায় না, তখনই Planckএর খণ্ডবিশিষ্ট তেজঃ-তত্ত্বের (Quantum theory) সহায়তায় খণ্ডবিশিষ্ট আলোক-তত্ত্বের কল্পনা করা হইল। ইহাকে আমরা সেই পুরাতন মিউটনের তত্ত্বেরই এক বিশুদ্ধ সংস্করণ বলিতে পারি। যন্ত্রবিজ্ঞানের তৃতীয় ধারায় আবার তরঙ্গ-তত্ত্বের দিকে বৈজ্ঞানিকের মন প্রধাবিত হইয়াছে। অণু, পরমাণু, তড়িদণু সমস্তই এখন আবার বৈজ্ঞানিক ইথার-তরঙ্গ দ্বারা বৃষ্টিতে চাহিতেছেন। বস্তুর বাস্তবতাকে এখন বৈজ্ঞানিক ইথার-তরঙ্গের এক বৈশিষ্ট্য বলিয়া ধরিতে পারিতেছেন। এ ধারার এখনও তরুণ অবস্থা; কিন্তু গত ৫৬ বৎসর মধ্যেই ইহার প্রয়োগে পরমাণবিক জগৎ সম্বন্ধে আমাদের জ্ঞানের বহুল উৎকর্ষ সাধিত হইয়াছে, বহু সন্দেহের অপনোদন হইয়াছে। এখন পর্য্যন্ত বৈজ্ঞানিক এই কথা বলিতেছেন যে, তেজঃ কখনও কখনও নির্কির্ষে ধারার প্রবাহ আবার কখনও বা তেজঃখণ্ডের প্রবাহ। কারণ এখনও দুইটা ভাবই না রাখিলে সকল প্রশ্নের মীমাংসা হয় না। কি কারণ-প্রভাবে তেজঃ-প্রবাহের স্বরূপে এই অভাবনীয় পরিবর্তন সংসাধিত হইতে পারে তাহাই এখন সমস্যা। এই সমস্যার সমাধান কবে কি প্রকারে হইবে তাহা কে বলিতে পারে?

শ্রীশ্রীসারদেশ্বরী আশ্রম

[শ্রীযুক্তা দুর্গাপুরী দেবী, সাংখ্যব্যাকরণতীর্থ, বি-এ]

উনবিংশ শতাব্দীর শেষভাগে চব্বিশ পরগণার অন্তর্গত বারাকপুরে গঙ্গাতীরস্থ একটি বৃহৎ প্রাঙ্গণে এক ভেঙ্গপুঞ্জ-ময়ী কাষায়বস্ত্রপরিহিতা শ্রোতা গাহিতেছিলেন—“উচ্চ হৃদয়ে দুঃখ বলে কি সেবন সাধন ছেড়ে দিব ?”

—অমনই শত কোমলকণ্ঠ শিশু সে গান সমস্বরে গাহিয়া উঠিল।

একটি বড় বাগান ; তাহার মাঝখানে একটি দেবালয়। দুইখানি ছোট ছোট বাড়ী—একখানিতে বিধবাগণ এবং অপরখানিতে নিরাশ্রয়া সধবাগণ বাস করেন। মন্দির-মংলয় দুইখানি ধরে এক শ্রোতা তিনটি অনূঢ়া কন্যা লইয়া থাকেন। অদূরে রন্ধনশালা। প্রায় পঞ্চাশ জন বসিতে পারে এমন একটি বৃহৎ চত্বরে দ্বিপ্রহরে বালিকা-দিগকে শিক্ষা দেওয়া হয়। মণিরামপুর, ধিতাড়া, পেয়ারা বাগান প্রভৃতি স্থান হইতে অনেক ছোট ছোট বালিকা এখানে পাড়িতে আসে। বাগানখানি বেশ বড় ; তাহার তিন দিক উচ্চ-প্রাচীর-বেষ্টিত, অপরদিকে উত্তর বাহিনী গঙ্গা কলনাদে মন্দিরের পাদদেশ ধৌত করিয়া বহিয়া যাইতেছেন।

বাগানটা ফলে ফুলে পূর্ণ, পাখীর কলগানে নিত্য মুখরিত। মন্দিরে বেদীর উপর এক নারী দেবতার চিত্রপট আর তাঁরই কোলে নারায়ণ শিলা। বেদীর উপর প্রতিষ্ঠিতা দেবী শ্রীশ্রীরামকৃষ্ণের লীলাসঙ্গিনী মূর্তিমতী পবিত্রতা—দেবী সারদেশ্বরী ! আর নারী-শক্তি-প্রচারক মাতৃমন্ত্র-উপাসক ঠাকুর রামকৃষ্ণের শিষ্যা শ্রীশ্রীগৌরীমাতা এই মন্দিরের পূজারিণী। তাঁহার অধর কখনও ফোভের হাসি হাসে নাই ; ব্যর্থতা তাঁহাকে স্পর্শ করিতে না পারিয়া ব্যর্থ হইয়া ফিরিয়া আসিয়াছে ; কর্মপ্রেরণার উৎস স্বরূপিণী এই দেবী মহাদেবের রুদ্রতেজে ভরপুর।

গৌরীমা আজন্ম সন্ন্যাসিনী। সংসারের কোন বন্ধনে তিনি বাঁধা পড়েন নাই। শৈশবেই তিনি পাগলিনী হইয়া বনে-জঙ্গলে, পাহাড়ে-পর্বতে ঘুরিয়া বেড়াইতেন



শ্রীশ্রীগৌরীমাতা—আশ্রমের অধিষ্ঠাত্রী

এবং বহুকাল হিমালয়ের গহ্বরে বসিয়া কঠোর তপস্বা করেন।

দেশবিদেশ পর্যটন কালে ইনি বহুস্থানে অসহায়া নারীজাতির অধঃপতন এবং হ্রবস্থা অবলোকন করিয়া অত্যন্ত ব্যথিত হন। কিন্তু সহায়সম্বলহীন। সন্ন্যাসিনী নারায়ণের উদ্দেশে নয়নাশ্রু নিবেদন ভিন্ন অত্র কোন উপায় করিতে পারিলেন না।

বহুকাল চলিয়া গেলে একদিন শ্রীরামকৃষ্ণ তাঁহার মহাপ্রস্থানের পূর্বে গৌরীমাকে ডাকিয়া বলিলেন, “মা ! তুই কাদা চটকা, আমি জল ঢালি। যঁার কাজ তিনিই করবেন, তোর কি আর আমার কি ? দেখ—আমাদের

দেশের মেয়েদের শিক্ষার বড়ই অভাব। মায়েদের জন্য তাকে টাউনে ব'সে কাজ করতে হবে।”

গুরুর আদেশে মাথায় লইয়া শ্রীশ্রীগৌরীমা কৰ্মক্ষেত্রে অবতীর্ণা হইলেন। ১৩০১ সালে বিধবা এবং একজন কুমারীকে লইয়া কলিকাতার নিকটবর্তী বারাকপুরে সৰ্ব্বপ্রথম একটি আশ্রম প্রতিষ্ঠিত হইল। বিদ্যালয়ে বাহানটি ছাত্রী; তাঁহাদের শিক্ষয়িত্রী গৌরীমা নিজে! মেয়েরা লেখাপড়া শেখেন, স্তোত্রপাঠ, হরিনাম ও গীতা পাঠ করেন এবং নানারূপ আনন্দে সময় কাটান। বাগান হইতে ফল এবং শাকসব্জী পাওয়া যায়; মাতাজী শিক্ষার ঝুলি স্বক্কে লইয়া পাশাপাশি দুই তিনখানি গ্রাম শ্রামনগর হালিসহর, বেলঘরিয়া এবং কলিকাতায় আসিয়া চাউল এবং বস্ত্রাদি সংগ্রহ করিয়া লইয়া যান,— স্বচ্ছন্দ অনাড়ম্বর জীবন বিমল আনন্দে কাটিয়া যায়।

এই সময়ে দুইজন সমৃদ্ধ ধরের সধবা নিজ নিজ স্বামীর অনুমতি লইয়া মাতাজীর চরণে শিক্ষালাভের জন্য আশ্রয় লইলেন। তাঁহাদের মধ্যে একজন পরে পুরীতে আশ্রমের একজন শিক্ষয়িত্রীর কাছে গল্প করেন, “দিদি! সেই যে কড়াইয়ের ডাল আর তেঁতুলের অঙ্গল দিয়ে প্রসাদ খেতুম, তেমন মিষ্টি আর তেমন আনন্দের অনুভব এই স্বামি-পুত্র-সুখেও পাই না। দিদি! তুই আর ফিরিসনি,

তাই! মার কোলের কাছে আমি শুয়ে থাকতুম, ছোট ব'লে মা আমায় বেশী ভালবাসতেন।” এই কথাগুলির মধ্যে বারাকপুরের আশ্রমের পবিত্র চিত্র ফুটিয়া উঠিতেছে। এমনই করিয়া বড় সহজ এবং সরলভাবে মা নারীজাতির উন্নতির পথ দেখাইলেন।

যে, সকল ভক্তিমতী মায়েরা অল্পপূর্ণা মূর্তিতে মার শিক্ষার ঝুলি পূর্ণ করিবার জন্য অগ্রসর হইলেন, তাঁহাদের মধ্যে কলিকাতার রায় মাধবচন্দ্র রায় বাহাদুরের পত্নী, জনৈকা অর্থশালিনী ব্রাহ্মণ মহিলা, রায় উপেন্দ্রনাথ সেন বাহাদুরের পত্নী এবং হুগলী জেলার এক জমীদার-কন্যা বিশেষ ভাবে উল্লেখযোগ্য। ৩মাধববাবু নিজেও বহু সাহায্য করিয়াছেন।

বারাকপুরের কাজ বেশ চলিতে লাগিল। বহু ভক্ত এবং ভক্তিমতী রমণী আশ্রমে গমনাগমন করিতে লাগিলেন। বাড়ী-ঘর সব “কোয়ার্টার”—ভাবে পৃথক্ পৃথক্ হইল, পাঠশালাখানি সুন্দর হইল। অনশন ও কৰ্মক্রিষ্ট দেহেও মাতাজীর উৎসাহের অন্ত নাই। সিদ্ধস্থানে সাধ্বীগণের জন্য পূজামন্দির স্থাপিত হইয়া মণিরামপুরে যে বৃহৎ জলের কল আছে, তাহার জমি ক্রয়ের কথা হইল। নানারূপ অসুবিধা দূর করিবার জন্য কলিকাতায় আশ্রমের একটি শাখা স্থাপনের কথা হইল।

অতঃপর ১৩১৮ সালের ১৪ই শ্রাবণ তারিখে কলিকাতায় একটি বালিকা বিদ্যালয় এবং আশ্রম প্রতিষ্ঠিত হইল। এই আশ্রম “শ্রীশ্রীসারদেশ্বরী আশ্রম” নামে অভিহিত হইল। মেয়েদের শিক্ষা-দীক্ষা নূতন ভাবে চলিতে লাগিল।

এখানে আসিয়া গৌরীমা দুই তিনটা শিক্ষয়িত্রী পাইলেন। আশ্রমে ৩টা কুমারী, ৭টা সধবা এবং ২টা বিধবা এবং বালিকা-



বামে—শ্রীহর্গাপুরী দেবী, মধ্যে শ্রীশ্রীগৌরীমাতা, দক্ষিণে—শ্রীহুতপা দেবী



আশ্রমে কৰ্মনিরতা ছাত্রীগণ

বিদ্যালয়ে ৮০টা পর্যন্ত ছাত্রী হইল। শ্রীশ্রীগৌরীমা
নিজ হস্তে রন্ধন করিয়া সকলকে আহার করান,
ধর্মশিক্ষা দেন, সকলকেই স্নেহ করেন। এই
সময়ে মহানগরীর কয়েকজন অধিবাসীর আগ্রাণ চেষ্টায়
ও যত্নে আশ্রম দিন দিন শৃঙ্খলা ও শান্তির সঙ্গে উন্নতির
পথে অগ্রসর হইতে লাগিল। নারী-শক্তি জাগিবার পথ
বাহির হইল। মাতা সারদেশ্বরী দেবী বারবার আসিলেন,
পদধূলি দিলেন, আশীর্বাদ করিলেন—আনন্দময়ী এ
আশ্রমে আপনি বসিয়া পূজা করিয়া আশ্রম প্রতিষ্ঠা
করিলেন, দুই চারি জন কুমারী সাক্ষাৎ জগদম্বার আদেশ
মানে করিয়া শাস্তসমাহিত চিত্তে আশ্রম-জীবন বরণ করিয়া
লইলেন। এইখানেই ত্যাগের সূচনা হইল।

মেয়েদের শিক্ষা এবং উন্নতি দর্শনে অভিভাবকগণ
সন্তুষ্ট হইলেন। উন্নতি ধীরে অথচ দৃঢ় ভাবে হইতে
লাগিল। একদিন সূক্ষ্মারতির সময় আসাম গৌরীপুরের
স্বাধী সারোজবালা, ৩আওতোষ সেনের স্ত্রী (কাঁটাপুকুর),

৩ষোড়শী মিত্রের স্ত্রী (গ্রে স্ট্রীট) প্রভৃতি আসিয়া উপস্থিত
হইলেন।

আশ্রম বিদ্যালয় বহুদিন ধরিয়া চেষ্টা করিয়া আজ
২৬নং রাণী হেমন্তকুমারী স্ট্রীটে নিজ ভবনে উঠিয়া
আসিয়াছে। এই কার্যের সফলতার জন্ত আসাম গৌরী-
পুরের সম্মানার্থ রাণীমাতার নাম সর্বাগ্রে করিতে হয়।
তাহার পর নদীয়া জেলার দুই মহাপ্রাণ ভক্ত সন্তানের
নাম উল্লেখযোগ্য। বৃদ্ধা গৌরীমাতার আরও কার্য
সম্পাদনে সহদয় দেশবাসিগণ যথেষ্ট সাহায্য করিয়াছেন।


ব্রহ্মচর্যা-বিধানে হিন্দু-বালিকাদিগের চরিত্র-গঠন ও
জ্ঞানলাভে সহায়তা করাই এই আশ্রমের মুখ্য উদ্দেশ্য।
প্রাচীন ভারতে যে-সকল আচার-নিয়ম ব্রহ্মচর্যাশ্রমের
অনুকূল বলিয়া অবধারিত হইয়াছিল, তাহা অনেকই এই
আশ্রমে যথাসম্ভব প্রতিপালিত হয়। যাহাতে আশ্রম-
বাসিনী কুমারীগণ হিন্দুধর্ম এবং সমাজ অনুযায়ী স্ত্রী-শিক্ষা
লাভ করিয়া আদর্শ নারী-জীবন যাপন করিতে পারে

এবং সমগ্র হিন্দু-জাতির ক্রমোন্নতির পথে বাধাস্বরূপ না হইয়া উত্তরোত্তর সহায়তা করিতে পারে, তাহারই ব্যবস্থা করা আশ্রমের সর্বপ্রধান উদ্দেশ্য। সৎসংজাতা দুঃস্থা বালিকা এবং অসহায় মহিলাদিগকে আশ্রয়-দান এবং জীবনধারণোপযোগী কার্যকরী শিক্ষাপ্রদান করাও আশ্রম প্রতিষ্ঠার অপর একটি উদ্দেশ্য।

কুমারীগণ আশ্রমে সংযম, সদাচার, গৃহকর্ম, মেবা-শুশ্রূষা, শিল্প, ধর্মসঙ্গীত, পূজার্চনা প্রভৃতি এবং গীতা, উপনিষৎ, সাংখ্য, বেদান্ত, সাহিত্য (বাংলা, সংস্কৃত, ইংরাজি, হিন্দি), অঙ্ক, ইতিহাস ইত্যাদি শিক্ষালাভ করেন।

ব্যাকরণ ও বেদান্তের উপাধি এবং বিশ্ববিদ্যালয়ের উচ্চাঙ্গের পরীক্ষাতে উত্তীর্ণ হইয়াও ইঁহারা আশ্রমের যৌববুদ্ধি করিতেছেন। আশ্রমেই ইঁহাদের পড়ার বিশেষ বন্দোবস্ত আছে। সূতাকাটা, বস্ত্রবয়ন, সেলাই, কাটছাঁট এবং নানাপ্রকার গৃহশিল্পের চর্চাও হয়। বালিকাগণ ধুতি, সাড়ী, পোষাকের কাপড়, তোয়ালে এবং ফরমাসেসী জামা প্রস্তুত করিয়া কিছু কিছু উপার্জন করিতেছেন। নিজেদের ব্যয়ভারবহনক্ষম অবস্থাপন্ন পরিবারের মেয়েরাও এখানে আছেন।

সুশিক্ষিতা সন্ন্যাসিনী এবং ব্রহ্মচারিণীগণই "কার্যা-নির্ভাহক সমিতির" পরামর্শানুসারে আশ্রম ও বিদ্যালয়ের যাবতীয় কর্ম সুশৃঙ্খলার সহিত পরিচালনা করিয়া থাকেন। আশ্রম-মন্দিরের মধ্যে পুরুষের প্রবেশ নিষেধ। সন্তান-হিসাবে অর্থ সাহায্য করিবেন, মাতার সহিত আলোচনা করিবেন এবং আশ্রম-কর্মে পরামর্শ দিবেন। কিন্তু ভিতরে নারীর বিদ্যামন্দিরে নারী গুরু এবং নারীই সেবিকা। পুরুষের সহিত কোনরূপ সংশ্রব থাকিবে না। পুরুষ



শ্রীশ্রীসারদেশ্বরী আশ্রম-ভবন

সন্তান এবং পিতৃহানী—পূজনীয় হিসাবে মাতা এবং কন্যাগণকে বহির্বিপদ হইতে রক্ষা করিবেন। ধনী-দরিদ্র ও বয়স নির্বিশেষে প্রত্যেক আশ্রমবাসিনীকেই স্বহস্তে আশ্রমের যাবতীয় গৃহকর্ম সম্পন্ন করিতে হয়। আশ্রমে কাহারও পীড়া হইলে অভিজ্ঞ চিকিৎসক তাহার চিকিৎসা করেন এবং বয়সাগণ নিতান্ত আপন জনের মত তাহার শুশ্রূষা করিয়া থাকেন।

অশীতিপর বৃদ্ধা জননী বাঙ্গালীর হাতে এই শিশু আশ্রমের ভার দিয়া আজ কর্মক্ষেত্র হইতে অবসর চাহিতেছেন। সুজলা সুফলা বঙ্গভূমির বক্ষে মায়ের মত যে মহা মহীরুহের বীজ অঙ্কুরিত হইয়াছে বাঙ্গালার সুসন্তানগণ তাহার মূলে জল সেচন করিয়া তাহাকে বর্দ্ধিত করিবেন আশা করি। এই দেশের মাটিতে তাঁহারা জন্মিয়াছেন—মায়ের কোলেই বর্দ্ধিত—মায়েরই স্তন্যে পুষ্ট হইয়াছেন—সুতরাং তাঁহারাও মায়ের ব্যাকুল আহ্বানে সাড়া দিবেন, সন্দেহ নাই।

গ্রাম্য দেবতা

(অধ্যাপক শ্রীচিন্তাহরণ চক্রবর্তী, এম-এ)

অতি প্রাচীনকাল হইতে বঙ্গের তথা অত্র প্রদেশের জন-সাধারণের মধ্যে এমন অনেক দেব-দেবীর পূজা ও উৎসবের অস্তিত্ব দেখিতে পাওয়া যায়, যাহাদের কোনও সন্ধান হিন্দুর বিশাল শাস্ত্র ভাণ্ডারে মিলে না। অনেক ক্ষেত্রে এই সকল পূজা ও উৎসব রক্ষণশীল নারী-সম্প্রদায় অথবা অশিক্ষিত সাধারণের মধ্যে অতি সমারোহের সহিত অনুষ্ঠিত হইয়া থাকে। অনেক স্থলে শিক্ষিত-অশিক্ষিত নির্বিশেষে সর্বসাধারণের মধ্যেই ইহাদের বহুল প্রচার দেখিতে পাওয়া যায়। এমন কি, অনেক সময় শাস্ত্র-নির্দিষ্ট উৎসবাদি অপেক্ষা এই গুলিরই বেশী সমাদর দেখিতে পাওয়া যায়। ইহারাই কিছুদিন পূর্ব পর্য্যন্ত দেশের জনসাধারণের মধ্যে অনাবিল আনন্দের উচ্ছাস বহাইতে—জাতীয় উৎসবের স্থান গ্রহণ করিত। কালক্রমে নির্মল আমোদের এই সকল উৎস শুষ্ক হইয়া যাইতেছে। এখন আর এই সকল উৎসব দেশের প্রাণে সাড়া জাগায় না—এখন আর ইহারা অনেকস্থলে সেই পূর্ব আগ্রহ ও আবেগের সহিত অনুষ্ঠিত হয় না। আশঙ্কা হয়, অচিরেই এই সকল জাতীয় উৎসবের ক্ষীণ-স্মৃতি পর্য্যন্ত নব্য-সম্প্রদায়ের হৃদয় হইতে লুপ্ত হইয়া যাইবে। তাই অবিলম্বে এই সকল পূজাপার্কণের পূর্ণ বিবরণ ইহাদের জীবন্ত সাক্ষিস্বরূপ বৃদ্ধ ও বৃদ্ধা দিগের নিকট হইতে সংগৃহীত হওয়া বিশেষ বাঞ্ছনীয়।

কেবল দেশের আমোদ আহ্লাদের ইতিহাসের দিক হইতে নহে—অত্যাণ্ড নানাদিক হইতে এই সকল উৎসব ঐতিহাসিকের নিকট পরম আদরের নিমিত্ত। প্রাচীন দেব-তত্ত্ব, মূর্তিতত্ত্ব, ধর্মতত্ত্ব প্রভৃতি বিভিন্ন বিষয়ে এই সকল পূজা ও উৎসবের বিবরণ হইতে বহু অতি প্রয়োজনীয় তথ্যের সন্ধান মিলে। এই গুলির পূর্ণ বিবরণ সংগৃহীত ও আলোচিত হইলে দেশের ধর্মগত ইতিহাস প্রণয়ন সম্ভবপর হইবে।

এই সকল পূজা-পার্কণের কতকগুলি বৈশিষ্ট্য বিশেষ

লক্ষ্য করিবার বিষয়। ব্রাহ্মণ্য-শাস্ত্র-নির্দিষ্ট পূজাপদ্ধতি হইতে ইহাদের পদ্ধতির মধ্যে অনেক নূতনত্ব ও বৈচিত্র্য অনুসন্ধিৎসু ব্যক্তিমানেরই দৃষ্টি আকর্ষণ করিবে। মন্ডাদির মধ্যেও যে অনেকস্থলেই নূতনত্ব নাই এমন নহে। মোটের উপর, ঐতিহাসিকদিগের মতে অনেক স্থলে এই সকল উৎসব আর্য্যদিগের আগমনের পূর্বকালের অবস্থার স্মৃতি সংরক্ষিত করিয়া রাখিয়াছে। সুতরাং প্রাচীনতার দিক হইতে দেখিতে গেলে এগুলি অনেক স্থলে শাস্ত্রীয় উৎসবাদি অপেক্ষা প্রাচীনতর। আবার স্থানভেদে একই উৎসবের নানা রূপ বা নানা বৈশিষ্ট্য দেখিতে পাওয়া যায়। অনেকস্থলে শাস্ত্রীয় উৎসবের মধ্যে এই সকল লৌকিক ও গ্রাম্য উৎসব মিশ্রিত হইয়া গিয়াছে। অনেকস্থলে গ্রাম্য পূজাদির মধ্যেও সংস্কৃত মন্ডাদির ব্যবস্থা করিয়া উন্মাদিগকে শাস্ত্রীয় আকার প্রদান করিবার চেষ্টা করা হইয়াছে। ফলে, এই সকল উৎসবের বিস্তৃত গ্রাম্য ও লৌকিক অংশ শাস্ত্রানুসারী ও নব্য-সম্প্রদায় উভয় দলেরই অবজ্ঞার পাত্র হইয়া দিন দিন বিলোপের দিকে অগ্রসর হইতেছে। বিবাহাদি কার্য্যে 'স্ট্রী-আচার' ও অত্যাণ্ড কার্য্যে লৌকিক 'আচার' এই অবজ্ঞার ফলে দিন দিন অতি সংক্ষিপ্ত আকার ধারণ করিতেছে। শাস্ত্রীয় উৎসবদিগের ন্যায় এগুলির বিধান কোনও স্থলে লিপিবদ্ধ না থাকায় আর কিছুদিন পরে ইহাদের কোনও সন্ধান ঐতিহাসিকগণ সহস্র চেষ্টা করিয়াও পাইবেন না তাহা নিঃসংশয়ে বলা যাইতে পারে। অথচ এই গুলির মধ্যেই দেশের প্রকৃত প্রাণের পরিচয় জীবনে ক্ষুণ্ণিত স্পষ্টভাবে পরিলক্ষিত হয়।


ইতঃপূর্বে কেহ কেহ এই সকল গ্রাম্য উৎসবদিগের বিবরণ সংগ্রহ করিতে যে চেষ্টা করেন নাই এমন নহে। উৎসবের বিবরণ সংগৃহীত ও প্রকাশিত হইয়াছে সত্য; তবে শৃঙ্খলাবদ্ধ ভাবে কোনও কার্য্য এখন পর্য্যন্ত হইয়াছে বলিয়া আমার জানা নাই। অবশ্য, বঙ্গীয়-সাহিত্য পরিষৎ পত্রিকা, জর্নাল অফ্ এশিয়াটিক সোসাইটি অফ্ বেঙ্গল,

ম্যান্ ইন্ ইণ্ডিয়া প্রভৃতি পত্রিকায় এ সম্বন্ধে প্রকাশিত ও প্রকাশমান প্রবন্ধগুলি বিচ্ছিন্ন হইলেও উপাদেয় সম্বন্ধ নাই। মেয়েলি ব্রতাদি সম্বন্ধে প্রকাশিত সাধারণের উপযোগী কয়েকখানি বাঙ্গালা পুস্তকের মধ্যেও অনেক জানিবার ও শিখিবার কথা আছে। কিছুদিন পূর্বে ভব-বোধিনী পত্রিকায় পণ্ডিত প্রবর শ্রীযুক্ত গিরিশচন্দ্র বেদান্ত-তীর্থ মহাশয় বঙ্গের গ্রাম্যদেবতার বিবরণ প্রকাশ করিতে আরম্ভ করিয়াছিলেন। কিন্তু দুর্ভাগ্যক্রমে তিনি কয়েকটা দেবতার বিবরণ প্রদানের পরই সে কার্য পরিত্যাগ করিয়াছেন। 'বেতালের বৈঠকের' আলোচনার প্রসঙ্গে 'প্রবাসী' পত্রিকায় কয়েকটা উৎসব ও পূজার সংক্ষিপ্ত বিবরণ নানা স্থান হইতে সংগৃহীত হইয়াছিল। কিন্তু যথানিয়মে শৃঙ্খলার সহিত বিস্তারিত ভাবে এ বিষয়ের আলোচনা খুবই কমই হইয়াছে।

এই অবস্থায় ক্ষুদ্র শক্তি লইয়া বঙ্গের গ্রাম্য দেবতার ও গ্রাম্য উৎসবের বিবরণ সংগ্রহকার্যে প্রবৃত্ত হইয়াছি। কিন্তু পূর্বেই উল্লেখ করিয়াছি—এইরূপ উৎসবে স্থানভেদে নানা পার্থক্য দৃষ্টিগোচর হইয়া থাকে। সেই সকল পার্থক্য সেই সেই স্থানের লোকের নিকট ছাড়া অত্রের নিকট হইতে জানিবার উপায় নাই। তাই আমাদের অনুরোধ, আমরা যখন যে বিবরণ এই পত্রিকার প্রকাশিত করিব তাহার সম্বন্ধে কোনও নূতন বিষয় কাহারও জানা

থাকিলে পাঠক মহোদয়গণ তাহা অসংগ্রহ পূর্বক লিখিয়া জানাইবেন। কাহারও কোনও নূতন দেবতার কথা জানা থাকিলে তাহাও লিখিয়া জানাইলে আমরা সুখী হইব এবং কৃতজ্ঞতার সহিত তাহা প্রকাশের ব্যবস্থা করিব। দেবতার ধ্যান ও মন্ত্র সংগ্রহ করা বিশেষ প্রয়োজনীয়। অনেক সময় প্রাদেশিক ভাষার রচিত মন্ত্রের ব্যবহারও দেখিতে পাওয়া যায়। সেগুলি ভাষাতত্ত্বমোদীদিগের অপূর্ব আদরের সামগ্রী সন্দেহ নাই। সুতরাং সেগুলিও সংগ্রহ করতে হইবে। যিনি যতটুকু বিবরণ প্রদান করিবেন তাহাই সাগ্রহে কৃতজ্ঞতার সহিত আলোচিত হইবে। বিবরণের স্বল্পতার জন্য কুণ্ঠিত হইবার কোনও কারণ নাই। কারণ নানা ব্যক্তির নিকট হইতে অল্প অল্প বিবরণ সংগৃহীত হইলে তবেই বঙ্গের গ্রাম্যদেবতাও উৎসবের পূর্ণ ও বিস্তারিত বিবরণ সম্বলিত হইতে পারিবে।

আমরা আগামী সংখ্যা হইতে নিশানাথ, বনদুর্গা, জয়দুর্গা, হরিপাগল, গাভুর ডলন, মোচ্রাসিংহ, মধুভান্ডার, রণযক্ষিণী, অমসয়নারায়ণী, কৃষ্ণকুমার, পুষ্পকুমার, রূপকুমার, রূপমালী, মৃচিমুখ, মহামল্লিক, বালিভদ্র প্রভৃতি গ্রাম্য দেব-দেবীর যথাসাধ্য বিবরণ প্রদান করিতে আরম্ভ করিব। পাঠকবর্গ সম্ভাব্যমান ক্রটিবিচ্যুতি উপেক্ষা করিয়া যথাসম্ভব সাহায্য করিলে কৃতকার্য হইবার সম্ভাবনা আছে।



মনীষী উমেশচন্দ্র বটব্যাল

[শ্রীগিরিজাকুমার বসু]

পিতা—৩দুর্গাচরণ বটব্যাল। জন্ম—১৬ই তাম্র ১২৫৯
সাল, ইং ৩০এ আগষ্ট ১৮৫২। মৃত্যু—১লা শ্রাবণ ১৩০৫
সাল, ইং ১৬ই জুলাই ১৮৯৮। জন্মস্থান—খানাকুল
কুলের সন্নিকট, জেলা হুগলী।


পারদর্শিতার জন্য 'বিদ্যালঙ্কার' উপাধিও প্রাপ্ত হন।
বিশ্ব-বিদ্যালয়ের পাঠ সমাপ্তির পর উমেশচন্দ্র কিছুদিন
নড়াইল ইংরেজী বিদ্যালয়ে এবং সংস্কৃত ও প্রেসিডেন্সি
কলেজে শিক্ষকতা করিয়াছিলেন। তৎপরে ১৮৭৭

খৃষ্টাব্দে ডেপুটি ম্যাজিস্ট্রেটের চাকুরি গ্রহণ
করেন। প্রায় ১১ বৎসর পরে প্রতিযোগিতা
পরীক্ষায় সর্বোচ্চ স্থান অধিকার করিয়া
১৮৮৮ খৃষ্টাব্দে Statutory Civilian ও
পরে জেলা ম্যাজিস্ট্রেট হন। মৃত্যুর সময়
উমেশচন্দ্র বগুড়া জেলায় ম্যাজিস্ট্রেট ছিলেন।

বিশ্ববিদ্যালয় পরিত্যাগ করিবার পর
হইতেই উমেশচন্দ্র স্বদেশের সাহিত্যচর্চার রত
হইয়াছিলেন। বেদ তাঁহার
সাহিত্যচর্চা বিশেষ আলোচনীয় ছিল।

মৃত্যুকাল পর্যন্ত তিনি তাহারই চর্চা করিয়া
গিয়াছেন। "সাহিত্য" পত্রিকায় উমেশচন্দ্র
অনেক গবেষণা-মূলক বৈদিক প্রবন্ধ লিখিয়া
গিয়াছেন। সেগুলি "বেদপ্রবেশিকা" নামে
পুস্তকাকারে প্রকাশিত হইয়াছে। স্বর্গীয়
রামেন্দ্রসুন্দর ত্রিবেদী মহাশয় তাঁহার মৃত্যুর
পর তাঁহার চরিত-সমালোচনা কালে
লিখিয়াছিলেন "তাঁহার বৈদিক প্রবন্ধগুলির
সমালোচনা আমার সাধ্য নহে।"

দর্শনের মধ্যে সাংখ্য-দর্শন তাঁহার বিশেষ
প্রিয় ছিল। উক্ত দর্শন সম্বন্ধে তাঁহার চতু-



৩প্রসন্নকুমার সর্বাধিকারী-স্থাপিত খানাকুল কৃষ্ণনগর
ইংরেজী-সংস্কৃত বিদ্যালয় হইতে ১৮৬৮ খৃষ্টাব্দে এণ্ট্রান্স
পরীক্ষায় উত্তীর্ণ হইয়া, উমেশচন্দ্র বিশ্ববিদ্যালয়ের সকল
পরীক্ষাতেই উচ্চস্থান অধিকার করেন।
শিক্ষা ও কর্ম-জীবন তিনি প্রেমচাঁদ রায়চাঁদ রুস্তিও
লাভ করেন। সংস্কৃত কলেজ হইতে তিনি সংস্কৃত ভাষায়

কিঁদতি প্রবন্ধমালাঃতৎকালিক "সাধনা"পত্রিকার প্রকাশিত
হয়। পরে তাহা "সাংখ্য দর্শন" নামে পুস্তকাকারে
প্রকাশিত হইয়াছে। ইহাতে তাঁহার গভীর পাণ্ডিত্যের
পরিচয় পাওয়া যায়। বিশ্ববরেণ্য কবি রবীন্দ্রনাথ তাঁহার
সাংখ্য-দর্শন প্রবন্ধগুলি পাঠ করিয়া মুগ্ধ হইয়া ইহাকে
যে পত্র লিখিয়াছিলেন তাহা নিয়ে প্রদত্ত হইল—

“আপনার সাংখ্য-দর্শন পাঠ করিয়া উত্তরোত্তর বিপুল আনন্দ লাভ করিয়াছি। তাহা পুনশ্চ আপনাকে কৃতজ্ঞচিত্তে জানাইলাম। বঙ্গভাষায় আপনার এ রচনার আর ভুলনা নাই। বড় ইচ্ছা ছিল মালদহে উপস্থিত হইয়া আপনার পরিচয় লাভ করিব এবং মশরীরে আপনাকে সাধুবাদ দিয়া আসিব, কিন্তু ব্যস্ততা বশতঃ সে কল্পনা পরিত্যাগ করিতে হইল, কোন এক সময়ে পরিচয়ের অবসর হইবে এরূপ আশ্বাস রহিল। সাক্ষাৎ পরিচয় থাক বা না থাক আমাকে আপনার একটি ভক্ত পাঠকের মধ্যে গণ্য করিয়া লইবেন এবং ভবিষ্যতে কালক্রমে যদি আপনার বন্ধুশ্রেণীর মধ্যে স্থান পাইতে পারি তবে আপনাকে ধন্য জ্ঞান করিব। “সাহিত্যে” আপনার যে প্রবন্ধগুলি প্রকাশিত হইতেছে তাহা আমি স বিশেষ আনন্দ ও আগ্রহ সহকারে পাঠ করিয়া থাকি জানিবেন। অবশেষে সন্নিহিত নিবেদন এই যে, আপনি যে পাঠকের বিরাগ ও প্রাণ্ডির আকাঙ্ক্ষা করিয়াছেন তাহা মন হইতে দূর করিবেন। ইতি ১২শে চৈত্র ১৩০০।

ভবদীয় ভক্ত

শ্রীরবীন্দ্রনাথ ঠাকুর”

“বঙ্গীয়-সাহিত্য-পরিষদ” যখন শোভাবাজারের রাজা বিনয়কৃষ্ণ দেব বাহাদুরের বাটীতে প্রথম প্রতিষ্ঠিত হয় তখন তাহার নাম “Bengal Academy of Literature” ছিল। উমেশচন্দ্রকে উহার সভ্য হইবার জ্ঞান যখন অস্বীকার করা হয় তখন তিনি উহার বাঙ্গালা নামকরণ বিধেয় বিবেচনা করিয়া ইংরাজি নামের অনুবাদ স্বরূপ “বঙ্গীয়-সাহিত্য-পরিষদ” এই নাম প্রস্তাব করেন। “Academy” শব্দটির উপযুক্ত প্রতিশব্দ “পরিষদ” ইহা করিতে তিনি অনেক বৈদিক প্রতিশব্দের বিষয় আলোচনা করিয়াছিলেন। তাঁহার সেই প্রস্তাবানুসারেই “বঙ্গীয়-সাহিত্য-পরিষদ” নামের উদ্ভব।

মালদহে অবস্থান-কালে তিনি রাজা ধর্মপালদেবের তাম্রশাসনখানি আবিষ্কার করিয়া তাহা “সাধনা” ও “Journal of the Asiatic Society of Bengal” পত্রিকার প্রকাশিত করেন। তৎকালে উহা অপেক্ষা

পুরাতন তাম্রশাসন আর আবিষ্কৃত হয় নাই। উহাতে হিন্দুরাজত্ব কালের অনেক তথ্য প্রকাশিত হইয়াছে।

তিনি “বগুড়া জেলা,” “মহানন্দা নদী” “করোতোয়া নদী”, “লক্ষণাবতী” প্রভৃতি কয়েকটি ঐতিহাসিক প্রবন্ধ লিখিয়াছেন। “সেতু ভোদয়া” নামক একখানি বাঙ্গালা অক্ষরে সংস্কৃত ভাষায় হস্তলিখিত গ্রন্থ মালদহ জেলার অন্তর্গত দাঁড়ুয়া নগরে “বইসহাজারি” নামক পিরোস্তর বা “বরফ” সম্পত্তি সংস্থষ্ট মসজিদে পরিষ্কৃত ছিল। বটব্যাল মহোদয় তাহার অস্তিত্বের বিষয় অবগত হইয়া উহা পাঠ করেন এবং তাহার মর্ম্ম “সাহিত্যে” প্রকাশ করেন। ইহাতে লক্ষণ দেবের রাজত্বের সময়ের ঘটনার উল্লেখ আছে।

তাঁর সভ্যই বেদোজ্জ্বলা বুদ্ধি ছিল। “বসুমতী” পত্রিকা লিখিয়াছিলেন (৫ই মাঘ ১৩০৬) “সরকারী কার্যে ব্যস্ত থাকিয়াও তিনি বেদ, বেদান্ত, দর্শনশাস্ত্রের চর্চা করিতেন এবং তাঁহার সেই গভীর পরিশ্রমের ফলে বঙ্গভাষার সাহিত্য-ভাণ্ডার পূর্ণ হইয়াছিল। দর্শন শাস্ত্রের জটিল সমস্যা-গুলি আলোচনা অতি সহজ সরল ভাষায় লক্ষ-প্রতিষ্ঠ দার্শনিকপ্রবর দ্বিজেন্দ্রনাথ ঠাকুর স্বর্গীয় বটব্যাল মহাশয় সুধী হীরেন্দ্রনাথ দত্ত এবং মনীষী রামেন্দ্রসুন্দর ব্যতীত আর কেহ করিতে পারিয়াছেন বলিয়া আমাদের মনে হয় না। ২৪এ কার্তিক ১৩০৭ সালের হিতবাদী পত্রিকায় উমেশচন্দ্র সম্বন্ধে যাহা লিখিত হইয়াছিল তাহা হইতে কয়েক ছত্র উদ্ধৃত করিলাম—

“বটব্যাল মহাশয় স্বাধীন ভাবে চিন্তা করিতেন নির্ভীক হৃদয়ে মতামত প্রকাশ করিতেন, প্রশংসা বা নিন্দার মুখাপেক্ষা করিতেন না। এতদ্বারা বাঙ্গালী জাতিতে দুলভ।”

৪৬ বৎসর পূর্ণ হইবার পূর্বেই বাঙ্গালার এই কৃতী সন্তান অকালে দেহত্যাগ করেন। স্বর্গীয় রামেন্দ্রসুন্দর ত্রিবেদী মহাশয় লিখিয়াছিলেন, “তাঁহার অকাল মৃত্যু কেশব-চন্দ্রের মৃত্যু স্মরণ করাইয়া দেয়।” আজ বাঙ্গালী হয় তো উমেশচন্দ্রকে ভুলিয়াছে, কিন্তু বাঙ্গালা সাহিত্য কোন দিন তাঁহাকে ভুলিবে না।

রক্তকমল

(উপন্যাস)

[রায়সাহেব শ্রীরাজেন্দ্রলাল আচার্য্য বি-এ]

(পূর্বানুবৃত্তি)

সেদিন কুমার অজয়সিংহের চিত্রশালা দেখিতে যাইবার কথা ছিল। দুয়ারে একখানা রবার-টায়ার টাঙ্গা আসিয়া দাঁড়াইল। বীণা বলিল—“চল ভাই, বেরিয়ে পড়ি—এমনি দেরি হ'য়ে গেছে। আন্সুন মিসেস ঘোষ। এতক্ষণ হয় তো অরুণদা একলাটী সেখানে গিয়ে হাজির হয়েছে।”

তিন জনে গাড়ীতে গিয়া বসিল। বিত্তস্তার অপর পারে কুমারের বাড়ী ও চিত্রশালা। এক নম্বর পোল 'মীরশদল' অতিক্রম করিয়া মহারাজের প্রাসাদ ও স্বর্ণ মন্দিরের পাশ দিয়া কুমার অজয়সিংহের বাড়ীতে যাইতে হয়। কুমারের বাড়ীটা দেখিলেই মনে হয়, একদিন হয় তো উহা দুর্গের মতই ব্যবহার করা হইয়াছে। এখন আর সে সমৃদ্ধিও নাই, সে দিনও নাই।

অজয়সিংহ পরম সমাদরে সকলকে লইয়া চিত্রশালায় প্রবেশ করিলেন এবং প্রাচীন ও আধুনিক চিত্রগুলি একে একে দেখাইতে লাগিলেন। কয়েকখানি মূর্তি-চিত্রের দিকে লীলার দৃষ্টি আকর্ষণ করিয়া কুমার বলিলেন—“এই যে ছবিগুলো দেখছেন, আমার বাবা অনেক দামে এসব কিনেছিলেন। এগুলোই হ'লো কাঙ্গড়া-কলার নিদর্শন। আমাদের দেশে পাহাড়ী-চিত্র বসলে যে বোঝা যায়, এ সব ছবি তারই নমুনা। সে কালে আমাদের কাশ্মীরে আর জন্মুতে শিল্পীদের বাস ছিল। মোগল-শিল্প-রীতি যখন হিন্দুস্থান থেকে কেবল মুছতে আরম্ভ করেছে, কাশ্মীরী কীর্ত্তি তখন বেশ প্রবল হচ্ছিল। ছবিতে সামঞ্জস্য আর শৃঙ্খলা কেমন আছে একবার দেখুন।”

কুমার যতই কেন প্রশংসা করুন, ছবিগুলি লীলাকে তেমন একটা আনন্দ দিতে পারিল না। তাহার মনে হইতে লাগিল—ছবির মধ্যে যে বিশেষত্ব কোথায় তাহা সে বুঝিতেই পারিতেছে না। এমন সময় একজন ভৃত্য অরুণের কার্ড হাতে করিয়া প্রবেশ করিল। কুমার উৎফুল্ল নমনে

বলিলেন, “মিষ্টার সেন এসে পড়েছেন। এইবার আপনারা এ সব ছবির কদর বুঝতে পারবেন।”

অরুণ যখন সেই কক্ষে প্রবেশ করিল তখন তাহার দিকে চাহিবামাত্রই লীলার মনে হইল, সে মুখে বিষাদের ছাপ পড়িয়াছে। অরুণ মনে করিয়াছিল যে, ছবি দেখিতে আসিবার নিমন্ত্রণটা সে লীলার নিকট হইতেই পাইবে। তাহা না পাইয়া, সে যখন উহা বীণার নিকট হইতে পাইল তখনই তাহার মনটা একটু ভাঙ্গিয়া গেল। প্রথমে সে মনে করিল, একটা দিছু বাহন। করিয়া নিমন্ত্রণটা ফিরাইয়া দিবে। কিন্তু লীলার সঙ্গলাভ হইতে বঞ্চিত হইতে হয় বলিয়া অরুণকুমার ছবি দেখিবার জন্ত কুমারের বাড়ীতে আসিল না, সে আসিল লীলাকে দেখিবার জন্ত।

কিছুক্ষণ ছবিগুলি দেখিয়া অরুণ বলিল, “এ সব ছবি কোন কাজেরই নয়। কে বলে এগুলো প্রাচীন কালের? হু' একখানা হয় তো প্রাচীন হ'তে পারে—তাও দেখছি নিতান্তই তৃতীয় শ্রেণীর চিত্রকরের তুলির আঁকা। কলকাতা আর্ট গ্যালারিতে ভালো ভালো হিন্দুস্থানী আসল ছবি বিস্তর আছে। মনে হচ্ছে এ সব ছবির অনেকগুলোই তাদের নকল।”

অরুণ এ সকল কথা লীলাকেই বলিতেছিল বটে, কিন্তু কিছু কিছু কুমারের কানেও গিয়া পৌঁছিতেছিল। কুমার মনে করিয়াছিলেন, আজ বীণাকে তাহার চিত্রশালায় পাইয়া নিজেই শিল্প-সাধকের আসন লইবেন এবং শিল্পে প্রেমের অভিব্যক্তির কথা বলিতে বলিতে বীণার কাছে নিজের অন্তরেরই প্রেম নিবেদন করিবেন। হঠাৎ অরুণ কুমারকে আসিতে দেখিয়া কুমার মুখে হাসি আনিলেন বটে, কিন্তু অন্তরে রোষ জাগিয়া উঠিল। তাহার পর অরুণ যখন ছবিগুলির নিন্দা আরম্ভ করিল তখন কুমার অজয়ের মুখ রক্তাভ হইয়া উঠিল। কিছু দূরে কয়েক-

খানি ছবি ছিল। সেগুলি দেখাইবার জন্য অজয় বীণাকে সরাইয়া লইয়া গেল। অরুণ তখন অবনীন্দ্রনাথের “অভি-সারিকার” ছবির সম্মুখে দাঁড়াইয়াছিল এবং লীলাকে বলিতেছিল—“এই ছবিখানা দেখেছেন? এ-তো আসল নয়। আসল ছবি এর চেয়ে ঢের বেশী সুন্দর।”

এই ছবির উপর যাহাতে বীণার চোখ পড়ে কুমারের ছিল তাহাই উদ্দেশ্য। কিন্তু অরুণের মুখে এই কথা!

অরুণ বলিতে লাগিল—“এবার যখন কলকাতায় ফিরে যাবেন, অসিত হালদারের পেন্সিল-স্কেচ দেখাবো। তার জোড়া মেলে না! অবনীন্দ্রনাথ একখানা ছবি এঁকেছেন—সখী নায়িকাকে নায়কের মূর্তি দেখাচ্ছেন। সে চিত্রের প্রত্যেকটা রেখায় এমন একটা ভাব আছে যে মনে হয়, অক্ষরগুলো যেন উদগ্র হ’য়ে ফুটে উঠেছে। তাঁর নির্বাসিত যক্ষের পত্নীর ছবিটা দেখলে যেকোনো দেশের শিল্পীকে মুগ্ধ হ’তে হ’বে।

কুমার দূর হইতেই বলিলেন—“অভিসারিকার ছবিখানা যে আসল, তা’ আমি বলছি। তবে নকলেরও একটা দাম আছে—যদি সে আসলের কাছাকাছিও হয়। এ ছবিখানাও তাই।”

অরুণ বা লীলা একথার কোনো উত্তর দিল না। কুমার দুই একবার অরুণের মুখের দিকে চাহিয়া বীণার কাছে অন্তান্ত ছবির ব্যাখ্যা করিতে লাগিলেন।

অরুণের মনটা সেদিন আদৌ ভালো ছিল না। সে জানিত, লীলা তাহার হৃদয়ের সকল স্থান জুড়িয়া রাখিয়াছে—অরুণ চক্ষু মুদিলেও লীলাকেই দেখে, চক্ষু চাহিলেও লীলাকেই দেখে। গত সন্ধ্যায় চেনারবাগে খণ্ডিত চন্দ্রালোকে লীলাকে সে যেমন দেখিয়াছিল—আজ তাহার মনে হইতে লাগিল, লীলা তাহা অপেক্ষা শত গুণে বেশী কামনার সামগ্রী। লীলা যে শুধু সুন্দর, তাহা নয়, লীলা মনোহারিণী। লীলার রূপ মনকে এমন তীব্র ভাবে টানে যে, কাহারো সাধ্য নাই বাধা দেয়। কিন্তু লীলার মনটা যেন বড়ই দুর্জয়। কি যে সেখানে আছে, এত দিনের এত চেষ্টাতেও অরুণ তাহা বুঝিয়া উঠিতে পারিল না। কলিকাতাতেও নয়—কাশ্মীরেও নয়! তাহার উপর আজ আবার ছবি-দেখার নিয়ন্ত্রণ লীলার নিকট হইতে আসিল না।

লীলার মনও আজ ভালো ছিল না। ডাক্তারের চিঠিখানা সে সন্তস্তুই আঙুনে পোড়াইয়াছে বটে, কিন্তু হঠাৎ এক-একবার সেই পোড়া-চিঠির আঙুনমাখা খণ্ড-গুলি তাহার চোখের সম্মুখে তখনো ভিড় করিয়া দাঁড়াইতে-ছিল। অরুণ দেখিল, লীলা যেন আজ বড়ই অশ্রুমনস্ক, এতটুকু মমতাও যেন তাহার আজ নাই! অরুণ ভাবিতে লাগিল—আমি লীলার কে? যাচকের মত তাহার ঘারে আসিয়া দাঁড়াইয়াছি বই তো নয়?

লীলাও দাঁড়াইয়া আছে সম্মুখের একখানা ছবির দিকে চাহিয়া।

অরুণও দাঁড়াইয়া আছে সেইরূপেই। কিন্তু উভয়েই নির্বাক!

শেষে অরুণ ফিসফিস করিয়া কহিল—“আজ বোধ হয় আমার সঙ্গটা আপনাকে আনন্দ দিচ্ছে না? আমি তো এখানে আসতে চাইনি। এখানে আমার টানটাই বা কি? মিস বীণা—”

অরুণের মন যে কি বলিতে চায় অথচ পারে না—লীলা তৎক্ষণাৎ তাহা বুঝিল। অরুণ ভয় করিতেছে, বুঝিবা লীলাকে সে হারাইল এবং সেইজন্যই অস্থির হইয়া উঠিয়াছে, তাহার মুখে কথা সরিতেছে না—ব্যবহারে একটা আড়ষ্টতা আসিয়াছে;—এ সমস্ত বুঝিতে লীলার বেশী বিলম্ব হইল না। কিন্তু অরুণের সেই হারাই-হারাই ভাবটাই তখন লীলার কাছে বড় বেশী ভালো লাগিতে-ছিল। সে যে অরুণের মনে কামনার তীব্র আলা আনিতে পারিয়াছে, অরুণকে যে সে এতটা চঞ্চল করিতে পারিয়াছে, এই জ্বের জন্তই লীলা মনে মনে আনন্দিত হইল!

লীলার হৃৎপিণ্ড ঝড়ের দিনের খোলা দরজার পাখীটা মত ধক্ ধক্ করিতে লাগিল।

নিজের মনকে গোপন করিয়া লীলা তাহার কথায় এই ভাবই প্রকাশ করিল যে, এতটা ক্লেশ করিয়া অজয় সিংহ কলা-ভবনে আসিয়া খানকতক বাজে ছবি দেখিয়া যে অরুণকে সময় নষ্ট করিতে হইল, ইহাই দুর্ভাগ্যের কথা! লীলা বলিল—“কে জানে যে ছবিগুলো এমন—দেখে মোটেই আনন্দ হ’ল না।”

কি বলিতে কি বলিয়া পাছে সে লীলাকে চটাইয়া

দেয় এই ভয়েই অরুণ ব্যস্ত হইয়াছিল। এখন সে মনে করিল, লীলা তাহার বিরক্তির ভাবটাকে সাধারণ ভাবেই লইয়াছে এবং তাহার মনের চঞ্চলতার আসল কারণটা ধরিতে পারে নাই। কতকটা নিঃশঙ্ক হইয়া অরুণ বলিল—“সত্যই এ চিত্রশালায় আনন্দ পাবার মত কিছুই নাই।”

কুমার অজয় তখন কক্ষান্তরে বন্ধুদের আহ্বারের আয়োজন করিতেছিলেন।

অরুণের ইচ্ছা ছিল না যে, খানার টেবিলে বসে। তাহার মনটা তখন ছটফট করিতেছিল। বীণার সঙ্গে লীলা স্থানান্তরে চলিয়া গেল দেখিয়া অরুণ ধীরে ধীরে খানার ঘরে যাইয়া সবিনয়ে কুমারের নিকট হইতে বিদায় লইল এবং ড্রইংরুমের ভিতর দিয়া নীচে নামিবার সময় দেখিল, লীলা সিঁড়ির মুখে একা দাঁড়াইয়া আছে—যেন মার্কেল পাথরে গড়া স্ত্রী-মূর্তি। কিছুক্ষণ আগেই অরুণ ভাবিয়াছিল, লীলার সঙ্গে আর দেখা করিবে না। খানার টেবিলে তাহাকে না দেখিলে লীলার অন্তরে কি একটুও বাজিবে না?

লীলাকে দেখিতে পাইয়া অরুণের পণ ভাঙ্গিয়া গেল। বলিল—“কাল সকালেই তো নিশাধবাগ যাওয়া স্থির আছে? আপনি বলেছিলেন, আমায় সঙ্গে ক’রে নিয়ে যেতে হ’বে।”

লীলা সে কথার উত্তর না দিয়া বলিল—“বোধ হয় আমার সঙ্গটা আজ খুব কষ্টকর মনে হ’চ্ছে?”

অরুণের মনটা পাগলা হাওয়ার মত ছুটাছুটি করিতে লাগিল। সে বলিল—“না—না—কষ্টকর নয়। তবে আজ আপনাকে একটু বিষন্ন দেখছি। আপনার সুখ-দুঃখের কথা জিজ্ঞাসা করতে পারি তেমন ভাগা তো আমার নয়।”

লীলা তীর-বেগে অরুণের দিকে ফিরিয়া দাঁড়াইল এবং তীক্ষ্ণকণ্ঠে বলিল—“আপনার কাছে আমার মনের কবান খুলে দেবো, এতটা বোধ হয় আপনি আশা করেন না?”

লীলা বেগে সে স্থান ত্যাগ করিল।

(১৪)

সেদিন বিকালে কিছু বেশী শীত পড়িয়াছিল। লোকের বলিতেছিল, রাত্রে হয়ত খুবই ডুয়ার পড়িবে। চা-এর

পর্ব শেষ হইলে পর ড্রইংরুমের আশুনের কাছে বসিয়া মিসেস কাদম্বিনী ঘোষ শ্রীপ্রতাপ কলা-ভবনের গল্প করিতে লাগিলেন। তাহার স্বামীর সংগৃহীত নানাপ্রকার প্রাচীন শিল্প-নিদর্শন শ্রীনগরের সেই কলা-ভবনে সমস্তে সাজানো ছিল। মিসেস ঘোষের পাশে বসিয়া লীলা মুহু মুহু হাসিতেছিল। মিসেস ঘোষের গল্পটা যে এ হাসির কারণ ছিল, তাহা নয়। হাসির কারণ ছিল অন্তরঙ্গ।

ড্রইংরুমের স্নিগ্ধ আলোকে লীলা তখন মানস-চক্ষে দেখিতেছিল, নিশাধবাগের মধ্যে প্রতিবিম্বিত উচ্চ পর্বত-শৃঙ্গ আর প্রস্ফুটত কমলবনে তাহাদের তরীখানি। সেদিন বীণা, অরুণকুমার, মিসেস ঘোষ এবং লীলা ডান্ ব্রহ্ম নৌকায় চড়িয়া নিশাধবাগে গিয়াছিল। পদ্মবন হইতে একটা রক্তকমল তুলিয়া অরুণকুমার সেদিন লীলাকে দেখিতে দিল। কি স্মন্দর ছিল সেই ফুলটার বর্ণ! যেন হৃদয়ের সমস্ত রক্ত দিয়া উহা গড়া।

সেদিনের ভ্রমণ-স্মৃতির মদিরা সায়াকে লীলাকে এমন মত্ত করিয়াছিল যে, নিশাধের চক্রে চক্রে বিন্যস্ত ক্রমোচ্চ-উদ্ভান—তাহার লহর ও ফোয়ারা, কোথাও বা গম্ভীর বিরাটকায় চেনারের শ্রেণী—কোথাও আবার অগণিত ফুল-ফল—এ সবই লীলার কাছে একটা মধুমাখা স্বপ্নের মত বোধ হইতে লাগিল। এই স্বপ্নের ঘোরে, সেই ভ্রমণ-স্মৃতির মদিরায় লীলা গত দুই দিনের সকল অবসাদ ও দুঃখ ভুলিয়া গেল। ডাক্তারের চিঠির কথা আর মনেই রহিল না। সূদূর কলিকাতা হইতে আগত অভিমান-ভরা মূহু-তিরঙ্কার লীলাকে আর বিধিতে পারিল না। লীলার মনে হইতে লাগিল, বিধে আর কিছুই নাই, আছে শুধু ডালের সেই কমলবন আর নিশাধের লহর-লীলা; আর আছে—অরুণের কলহাস্ত, যাহা সেদিন লীলার হাতে রক্ত-কমল দিবার সময় অত্যন্ত মুখর হইয়াছিল। লীলার সেদিন মনে হইতেছিল, নিশাধে বসন্ত আসিয়াছে।

অদূরে বসিয়া অরুণকুমার বীণার জন্ত একটা শারদ-লক্ষ্মীর মূর্তি গড়িতেছিল।

বীণার কথার উত্তরে কুমার অজয়সিংহ বলিলেন—“আমার মনে হয়, স্বয়ংরা হওয়াই নারীদের পক্ষে

স্বাভাবিক। ভারতের রামায়ণ মহাভারতই তার প্রমাণ। সেই স্বভাব-সঙ্গত আদর্শটাকে হারিয়ে আজ ভারত-নারীর প্রাণ যে ব্যথায় মূচ্ছিত হ'চ্ছে সেদিকে কারো চোখ নাই। নারীর প্রাণ যাকে চায়, সমাজের এমন নিয়ম যে, কখনো সে তাকে পায় না। সে যাকে চায় না, তাকে নিয়ে কি কখনো তার সুখের ধরে সোনার দ্বীপ জ্বালতে পারে ?”

বীণা বলিল—“আচ্ছা ভাই, লীলা, তোমার যদি কেউ নারী-বন্ধু থাকে তাহ'লে তুমি তাকে কোন্ বর দিচ্ছ ?”

“আমি তাকে বলবো—‘তুমি সুখী হও’ বিয়ে ক'রে উষ্মেগে যেন তোমায় কখনো ভুগতে না হয়।”

“শুনলে না, কুমার বলছেন—একালে বিয়ের যা নিয়ম তাতে সুখ আর মনের শান্তি—এ দুটো একসঙ্গে পাওয়া নারীর পক্ষে আকাশ-কুমুম। উনি চান স্বয়ম্বরকে ফিরিয়ে আনতে। তোমার নারী বন্ধুর জন্য তুমি ভাই, কোন্টা চাও ? সেকালের স্বয়ম্বর—না একালের লোহার বেড়ী ?”

লীলা বলিল—“এ প্রশ্নের উত্তর হয় না, বীণা। আমার মতটা যে ঠিক কি, তা' না হয় না—ই বল্লেম।”

কবি শশধরকে আসিতে দেখিয়া বীণা বলিল—“এই যে কবি এসেছেন। বিবাহ সম্বন্ধে ঔর মতটা কি, শোনা যাক। কবির কথাগুলো যেন ঠিক ঋষিবাক্য। ঔর চোখে যা' ধরা পড়ে—আমরা তা' দেখতেই পাইনে।”

কবি একখানি চেয়ারে বসিয়া গলার কম্ফোর্টারটা ভালো করিয়া জড়াইয়া বলিতে লাগিলেন—“স্ত্রী আর পুরুষের একটা মিলন ঘটানো ব'লে বিবাহটা ধর্মের একটা অমুঠান মাত্র। ধর্মের অমুঠান ব'লেই দেখতে পাওয়া যায় যে, চারিদিকে ব্যভিচার ঘটছে। আবার আইন যে বিবাহ-বন্ধনে বাঁধে, তাকে একটা লোকাচার ভিন্ন আর কি বলবো ? সমাজে যারা বিদ্রোহ ঘটতে চায়, লোকাচারের তারাই হ'লো বড়-বড় ভক্ত। ভদ্র-সমাজে থাকতে হ'লেই মোহর-মারা একটা পাঞ্জা চাইত! কিন্তু ধর্মের চোখে সেই পাঞ্জাধানার দাম কি ? স্ত্রী-পুরুষের যৌনসম্বন্ধের সুখ যারা চায়, তাদের উচিত ধর্মভীরু হওয়া। হাকিমের সামনে খাতায় নাম লিখিয়ে দরকার হ'লেই সে শপথটাকে অনেককেই তো ভেঙ্গে ফেলতে দেখা যায়। এইজন্যই যুরোপের সামাজিক অবস্থাটা এত আলগা।”

লীলা বলিল—“কিন্তু কবি, আমাদের দেশে হিন্দুরা ত ঠাকুর সামনে রেখে মন্ত্র প'ড়ে বিয়ে করে। এ দেশে কি বিয়ের পর ব্যভিচার নাই ?”

“আছে বৈ কি। যারা সে ব্যভিচার চায়—তারা ঠাকুরকে সামনে রাখে না—বিয়ের সময় তারা সামনে রাখে মৃত ঠাকুরের কঙ্কালটা !”

লীলার কঠোর গম্ভীর হইয়া উঠিল, সে বলিল—“যাদের বোঝবার বয়স হয়েছে, আমি ভেবেই পাইনে, তারা বিয়ে করার ভুলটাকে কেমন ক'রে বরণ করে।”

কথাটা শুনিয়া কুমার অজয়সিংহ চমকিয়া উঠিলেন। তিনি বিশ্বাস করিতেন, একটা কোনো বিশেষ উদ্দেশ্য রাখিয়াই লোকে আপন আপন মত ব্যক্ত করে। শুধু একটা মতের জন্য মত-প্রকাশ—ইহা মানুষের পক্ষে সম্ভব নয়। কুমার তাই ভাবিলেন, লীলার কথার সঙ্গে নিশ্চয়ই একটা কোনো গূঢ় রহস্য জড়িত আছে। তিনি চিন্তিত হইয়া উঠিলেন। ভাবিতে লাগিলেন—লীলার মতটা সত্য বলিয়া লইলেই তো বীণার মন ভাঙিতে পারে ! তাহা হইলে কুমার এতদিন যে আশালতাটিকে বারিসেচনে ফলে-পাতায় সুশোভিত করিয়া তুলিয়াছেন, তাহা অবিলম্বে শুকাইয়া মরিয়া যাইবে। বীণা হয়ত আর বিবাহ করিতে রাজীই হইবে না।

আত্মরক্ষা করিবার জন্য কুমার বলিলেন—“বিদুষী বঙ্গমহিলার যা কিছু রূপ গুণ আছে, সে সবই আপনাতে দেখতে পাই। আপনারা স্বাধীনতার আশ্বাদ পেয়ে স্বাধীনা হ'তে চান। বিবাহের শিকলটা তাই বুঝি ছঃসহ মনে হয় ? আমিও একবার কলকাতার কিছুদিন ছিলাম। সেখানকার বিলাসী-সমাজে মিশে এটা যেন দেখতে পেয়েছি—গল্পে, ভোজে, সভায়, সলায় নারীরা স্বাধীন হ'য়ে উঠছেন। আমাদের এই পাহাড়-বেড়া কাশ্মীরে সে হাওয়াটা আসতে পারেনি। পাহাড়ী চিত্রগুলোর মত আমরাও পাহাড়ীই আছি—তেমনি পুরাতন। অতীত ধারার সঙ্গে আমরা তেমনি ক'রেই এখনো নিজেদের যোগ রেখেছি। এই পাহাড়ের দেশে বিবাহটা যেন একখানা মধুর বিচিত্র কাব্য—ভূস্বর্গ কাশ্মীরের মতই তা সুন্দর।”

অরুণকুমার যে পুতুলটা গড়িতেছিল, তাহা প্রায় শেষ

হইয়া আসিল। শ্রোতও গল্পে মানাদিকে ফিরিতে লাগিল।

বাক্যের কবি ও কাব্যের আলোচনা হইতে লাগিল। সে আলোচনায় বীণা ও কবি শশধরের উৎসাহই ছিল সকলের অপেক্ষা বেশী। বীণা তাহার স্বাভাবিক মধুর কণ্ঠে রবীন্দ্রনাথের চিত্রাঙ্গদা পড়িয়া শুনাইতেছিল। লীলার পাশেই অরুণকুমার বসিয়াছিল। সে অশ্রুচ কণ্ঠে বলিল যে, কাব্যে এমন আর একখানি চিত্র নাই। দুইদিন আগেই তো তাহার একখানা ছবি দেখিয়াছিল; উহা যদিও স্থানে স্থানে অস্পষ্ট হইয়াছে, কিন্তু যতটুকু প্রকাশ হইয়াছে, তাহাতেই শিল্পীর প্রাণ মোহিত হইয়া যায়। চিত্রাঙ্গদাও ঠিক সেই রকম। লীলা বলিল যে, সেদিনের ছবিটা এতই অস্পষ্ট যে, সেদিন উহার কোনো মর্ম্মই ধরিতে পারে নাই। এই চিত্রাঙ্গদাও তাহার মনকে তেমন করিয়া টানে না, কারণ উহার অন্তরে অন্তরে একটা তীব্র বেদনার সুর বাজে।

অরুণকুমার লক্ষ্য করিয়া আসিতেছিল যে, এতদিন কি কাব্যে কি শিল্পে, অরুণের চোখে যেটুকু ভালো লাগিয়াছে, বুঝুক না বুঝুক লীলাও তাহাই ভালো বলিয়াছে। আজ চিত্রাঙ্গদা সম্বন্ধে অন্তরূপ দেখিয়া অরুণ বিস্মিত হইল, একটু বিরক্তও হইল। আপনার অজ্ঞাতে একটু উচ্চ কণ্ঠে বলিয়া ফেলিল—কাব্য তো দূরের কথা, তাহার চেয়েও গুরুতর ব্যাপার আছে যাহার আকর্ষণ অত্যন্ত প্রবল। কিন্তু তাহার গুরুত্ব ও আকর্ষণী-শক্তিও লীলার অন্তরে স্থান পায় না।

অরুণের মস্তব্য শুনিয়া বীণাও তাহার সঙ্গেই সায় দিল। কিছুক্ষণ গল্পের পর আবার চিত্রাঙ্গদা পাঠ আরম্ভ হইল।

অরুণ লক্ষ্য করিল যে, লীলার মনে এতটুকু একটা তরঙ্গও খেলিতেছে না। সে তাহার রূপের ডালি লইয়া ফুলের মত নিরর্থক হাসিতেছে।

অরুণ মনে মনে ক্ষেপিয়া উঠিল।

অরুণ চাহে—তাহার নিজের হৃদয়ের সমস্ত ভাবগুলি লীলার অন্তরে মালার মত গাঁথিয়া দেয়, কিন্তু তাহার কথা শুনিয়া লীলা শুধু মূহ মূহ হাসে এবং মধ্য মধ্য ক্ষীণকণ্ঠে বলে—আপনার যুক্তিগুলিও খুবই প্রবল।

এই ভাবে অনেকক্ষণ কাটিয়া গেল। বীণা চিত্রাঙ্গদা পড়িতেই এত ব্যস্ত রহিল যে, লীলার দিকে তাকাইতে পারিল না। কুমার অজয় বীণার স্বর-সহরীর মধ্যে নিজের সম্বন্ধে ডুবাইয়া দিয়া তন্ময় হইয়া রহিলেন। কবি শশধর তাহার চির-হুঃখিনী পরিত্যক্তা নারী সমাজের চিন্তা করিতে করিতে কোমল কুশানের উপর তন্দ্রামগ্ন হইলেন। মাথা ধরিয়াছিল বলিয়া মিসেস ঘোষ আগেই ড্রইংরুম ছাড়িয়া শয়নকক্ষে আশ্রয় লইয়াছিলেন।

রাত্রির ভোজনের পূর্ব পর্য্যন্ত লীলা ও অরুণে মূহকণ্ঠে মানা বাদানুবাদ হইল। অরুণ ধরিতে চায়, লীলা ধরাও দেয় না, পলায়নও করে না! শেষে অত্যন্ত আবেগের সঙ্গে অধচ একেবারেই মূহকণ্ঠে অরুণ কহিল—শুধু আমার মুখের ফাঁকা কথা নয়—আমার কথার সঙ্গে যে প্রাণটা গাঁথা আছে, কথার সঙ্গে তাকেও একটীবার বুঝুন। পরের প্রাণ দিয়ে যদি আপনাকে জয় করতে হয় তবে সে জয়ে আমার সুখ কোথায়, গর্ম্মই বা কোথায়?”

লীলার সর্ব্বাঙ্গ দিয়া একাধারে পুলক ও শঙ্কার দুইটা বৈছাতিক তরঙ্গ খেলিয়া গেল।

পরদিন প্রভাতে উঠিয়াই লীলা দেখিল, ঝির-ঝির করিয়া বৃষ্টি হইতেছে। বৃষ্টির দিনে শ্রীনগরের পথের আর চিহ্ন থাকে না। আলস্য-বিজড়িত দেহে লীলা শুইয়া শুইয়া কাচের গায়ে বৃষ্টির পতন-শব্দ শুনিতে লাগিল।

লীলা স্থির করিল, আজ সে ডাক্তারের চিঠির উত্তর দিবে। ডাক্তারের চিঠি পাইবার পর অনেক দিন চলিয়া গিয়াছে, আর উত্তর না দিলে তো ভালো দেখায় না! লীলা শয্যা ত্যাগ করিয়া প্রস্তুত হইল। তাহার সেদিন তিন চারিখানা চিঠি লিখিবার ছিল।

বীণা লীলার জ্ঞ যে টেবিল সাজাইয়া রাখিয়াছিল তাহারই উপর নানা রকমের খাম ও চিঠির কাগজ ছিল। সবই মূল্যবান, সবই সুন্দর—রূপালি রং করা। হালুকা একটা কলম লইয়া লীলা আগে ডাক্তারের কাছে লিখিতে আরম্ভ করিল। কাগজের উপর রক্তাভ কালি শুকাইবা মাত্র সোনালী নীল হইয়া ফুটিতে লাগিল। লীলা লিখিল—“বন্ধু।”

লিখিয়াই লীলা ধামিল। সে একটু হাসিল। ডাক্তার

কাছে থাকিলে সে হাসি তাহার বুক শেলের মত বিধিত।

লীলার মনে হইতে লাগিল, অমন কাগজখানার উপর 'বন্ধ' সম্ভাষণটা যেন কেমন বিলী দেখাইতেছে। কিছুক্ষণ পর্যন্ত না লিখিয়া সে শুধু জানালার দিকেই চাহিয়া রহিল।

ক্রমে কাগজখানার চারি পৃষ্ঠাই পূর্ণ হইয়া উঠিল। লীলা লিখিল অনেক, কিন্তু কিছুই সে লিখিল না। যাহা লিখিলে হতভাগ্য ডাক্তার চিঠিখানাকে গলার মালা করিতে পারিত তাহার কোন-কিছুই চিঠিতে রহিল না।

পত্রগুলি লেখা শেষ হইলে পর লীলা ডাক্তারের চিঠি-খানা সাবধানে; ওভারকোর্টের পকেটে লুকাইয়া রাখিয়া আর তিনখানা চিঠি হাতে লইয়া নীচে নামিয়া আসিল। ভাবিল, ডাক্তারের চিঠি সে নিজেই কোনো একটা ডাক-বাক্সে ফেলিয়া দিবে।

নীচে আসিয়াই লীলা দেখিল, অরুণ বসিয়া আছে এবং বীণার শারদ-লক্ষ্মীর মূর্তিটা লইয়া নাড়া-চাড়া করিতেছে। অরুণ বুঝিল যে, লীলার দুই চোখে হাসি ফুটিয়াছে, কিন্তু মুখখানা বড় ভাবশূন্য—কেমন যেন এক রকমের। ডাকে দিবার জন্ত তিনখানা চিঠি একখানি টাঙ্গির রেকাবের উপর রাখিয়া লীলা বীণার পাশে বসিল।

বহু পূর্বেই বৃষ্টি ধরিয়া রোজ ফুটিয়াছিল। কিছুক্ষণ নানা কথা-বার্তার পর বীণা বলিল—“আজ বৃষ্টির পর চকচকে রোদ দেখে বাইরে বেরুতে ইচ্ছে হ'চ্ছে।”

অরুণ তাড়াতাড়ি কহিল—“আমি তো সেইজন্তই এসেছি। আজ তো তোমরা অনন্ত নাগ দেখতে যাবে বলেছিলে?”

বীণা বলিল—“তুমি না হয় লীলাকে সেখানে নিয়ে যাও, অরুণ-দা। আমার আর এ বেলা অবসর হ'চ্ছে না। আমার ঝর্ণার এক রাশি প্রফ এসে প'ড়ে আছে। ছাপা-খানার তাগিদের উপর তাগিদ। আজ খানিকটা না পাঠাইলেই নয়। অরুণদা, তুমি সেদিন বলেছিলে, ঝর্ণার একখানা প্রচ্ছদপট এঁকে দেবে। তা' মনে আছে ত?”

অরুণ হাসিয়া কহিল—“সে কথা কি শুধু মনে ক'রে রেখেই নিরস্ত হয়েছি? ছ'তিন রকম ক'রে ছবিও এঁকে

ফেলেছি। তার একখানাও পছন্দ হচ্ছে না বলে আনি নি।”

উল্লাসে বীণা বলিল—“আজ বিকালে তবে এনো। তোমার মত শিল্পীর চোখে যা নিখুঁত হ'চ্ছে না, তাই দেখেই আমরা মুগ্ধ হ'য়ে উঠব।”

লীলা দাঁড়াইয়া কহিল—“তুমি ভাই নিরিবিলি তোমার প্রফ কাটাকাটি কর। আমরা একটু বেড়িয়ে আসি, সেই অবসরে। ওই প্রফ দেখার জ্বালার জন্তই তো বই লিখি নে।” লীলা উচ্চ হাস্য করিয়া উঠিল।

হাসিতে হাসিতে বীণা বলিল—“যা বলেছ। আমার আবার কেমন হয় জান? প্রফ দেখতে বসলেই অনেক নূতন লেখা কলমের মুখে বেরিয়ে আসে। ছাপাখানার লোকেরা তাই বিরক্ত হ'য়ে ওঠে।”

অরুণ হাসিয়া বলিল—“কবির চায় রূপ। রূপের কি শেষ আছে? বেচারি কম্পোজিটারেরা তো তা বোঝে না, তাই গড়া-জিনিষ রোজ রোজই ভাঙতে হয় দেখে তারা বিরক্ত হ'য়ে ওঠে।”

বৃষ্টির পর রৌদ্র। বেশ ঝকঝকে বেশ চকচকে। ফুলে পাতার, পাহাড়ে তুষারে—জলে স্থলে যেখানে পড়িয়াছে সেইখানেই জলিতেছে। শ্রীনগর যেন আনন্দে ঝলমল করিতেছে। পথে যাইতে যাইতে লীলা দুই চক্ষে যাহা দেখিতে লাগিল তাহারই প্রশংসা করিতে লাগিল। অনন্ত-নাগ মন্দিরের কাছে আসিয়া অরুণ বলিল—“ওই যে মন্দির, ওরই নাম অনন্তনাগ। আমি যখনই কাশ্মীরে আসি অনন্তনাগ না দেখে যাইনে। এই মন্দিরের দিকে চাইলেই মনে হয়, প্রাচীন তার জীর্ণতা নিয়ে যেন স'রে যাচ্ছে আর যায়গা নিচ্ছে নূতন এসে। মন্দিরটার বাহিরের কুমুদিত ওই যে কয়েকটা নাগ-নাগিনীর মূর্তি আছে, ভাস্করের চোখে ওরা অমূল্য। ঐতিহাসিকের কাছেও ওদের অনেক দাম।

অরুণকুমার লীলার কাছে অনন্তনাগ মন্দিরের মূর্তি-শিল্পের পরিচয় দিতে লাগিল।

মন্দিরের একটা পাশ দেখিয়া আর এক পাশে যাইবার সময় লীলা দেখিল, একটা সন্ন্যাসীর ছবির নীচেই লোহার শিকলের সঙ্গে ডাক-বাক্স ঝুলিতেছে। চিঠির বাক্স দেখিয়াই ডাক্তারের চিঠির কথা লীলার মনে পড়িয়া

গেল। লীলা চিঠিখানা বাহির করিয়া বাসে ফেলিল।

অরুণ ইহা দেখিল।

অরুণের মনে হইল যেন হঠাৎ বুকের ভিতর সূচীমুখ শলাকা বিধিল! অরুণ কথা কহিতে চাহিল, হাসিতে চাহিল, কিন্তু পারিল না। প্রতি মুহূর্তেই সে চোখের সম্মুখে দেখিতে লাগিল লীলার হাতে গন্ধ মাখানো খামে একখানা চিঠি। আজ প্রভাতেই অরুণ লীলার তিনখানা চিঠি শঙ্কুটীরে দেখিয়া আসিয়াছে। ডাকে দিবার জন্ত সেগুলি একখানা রেকাবের উপর ছিল। প্রভাতে লীলা নিজেই সেগুলি সেখানে রাখিয়াছিল। তবে এই চিঠিখানা সে এতক্ষণ বুকে করিয়া লুকাইয়া রাখিয়াছিল কেন?

এই 'কেন'র একটা উত্তর অরুণকুমার মনে মনে অনুমান করিয়া লইল। তবে কি লীলার অন্তরঙ্গ বন্ধু আর কেহ

আছে? তাহা না থাকিলে, লীলা এই চিঠিখানা গোপন করিবে কেন?

অরুণকে হঠাৎ এমন নির্ঝাক ও বিষাদ-মলিন হইতে দেখিয়া লীলা মনে মনে বিস্মিত হইল।

সেদিনের মত অনন্তনাগ মন্দির-দর্শন শেষ হইয়া গেল।

অরুণ আবিষ্টের মত বলিল—“তোমার সঙ্গে আমার বিশেষ একটা কথা আছে, লীলা।”

“আমার সঙ্গে?”

“হাঁ। পাঁচ নম্বর পোল আলিকদলের পারে জুয়া মসজ্জের সামনে আমি কাল বিকালে পাঁচটায় অপেক্ষা করবো।”

লীলা এ কথার কোনো উত্তর দিল না।

অরুণও আর সেখানে দাঁড়াইল না।

(ক্রমশঃ)

কাজী

(মীর আব্দুল হক বিরচিত পারশ্ব ভাষায় লিখিত কবিতার ইংরাজী অনুবাদ * হইতে)

[শ্রীমন্নথনাথ ঘোষ এম্.এ]

জর্জিয়া হ'তে এল একজন বেড়াতে মোদের সহরে,

ইচ্ছা হ'ল তা'র হইবে সে কাজী,

স্বাদার নহে কোন মতে রাজী,

গর্দভ একটি ঘুষ দিয়া শেষে মনোবাঞ্ছা পূর্ণ করে,

সুতরাং দেখ দাদা,

না হইত কাজী যদি ইহলোকে না থাকিত কোন গাধা।

* ইংরাজী অনুবাদটা শতবর্ষ পূর্বে কাপ্তেন ডি-এল-রিচার্ডসন সম্পাদিত 'বেঙ্গল আল্‌ম্যানাক' নামক বার্ষিকীতে প্রকাশিত হইয়াছিল।

স্মৃতিরেখা

[স্মরণ শ্রীদেবপ্রসাদ সর্বাধিকারী]

(পূর্বানুস্মৃতি)

একটু ভ্রম-সংশোধন প্রয়োজন। পূর্ব সংখ্যায় বিদ্যাসাগর মহাশয় সন্ধকে লিখিয়াছি—“গ্রামের পাশেই রড়া পারে তাঁহার মাতুলশ্রম পাতুল—মাতামহ শ্রীযুক্ত মধুসূদন বাচস্পতি ইত্যাদি, ইহা ভ্রম। আমাদের স্বগ্রামবাসী সুলেখক শ্রীযুক্ত নলিনীরঞ্জন ঘোষ মহাশয় অনুসন্ধান করিয়া আমায় জানাইয়াছেন যে, ‘পাতুল’ বিদ্যাসাগর মহাশয়ের মাতৃ-মাতুলালয় ও শ্রীযুক্ত মধুসূদন বাচস্পতি তাঁহার মাতৃ-মাতুলান্নীয় এবং বিদ্যাসাগর মহাশয় তাঁহার মাতার সহিত পাতুলে আসিয়া বহু সময় থাকিতেন। এ ভ্রম সংশোধনের জন্ত আমি কৃতজ্ঞ। এরূপ ভ্রম কাহারও চক্ষে পড়িলে, জানাইলে আমি নিতান্ত বাধিত হইব।

রাধানগরের স্মরণযোগ্য আর একটা কথা বলিয়া এ পর্যায় শেষ করিব। তখন আমি সংস্কৃত কলেজের যত্ন পণ্ডিত মহাশয়ের ঘরে পড়ি। দাদামহাশয়ের কঠিন পীড়ার সংবাদ পাইয়া বাবা ও জ্যাঠামহাশয় সকলে বাটী গিয়াছেন। কলেজের অধ্যাপক ও শিক্ষক সকলেই জ্যাঠামহাশয়ের নিতান্ত সহায় বন্ধু। অধ্যক্ষের পিতা কেমন আছেন, এ কথা সকলেই নিত্য আগ্রহ সহকারে আমার নিকট জিজ্ঞাসা করিতেন। জ্যাঠামহাশয়ের পাকী করিয়া রোজ কলেজে যাই—হঠাৎ যেন একটা পদবৃদ্ধি ও গৌরববৃদ্ধি হইয়া গেল। সকলকে দাদামহাশয়ের সংবাদ প্রত্যহ দিতে হয়। একদিন হঠাৎ সংবাদ আসিল, “গোপীনাথের” সম্মুখে পবিত্র বৈষ্ণবপ্রার্থিত কদম-খণ্ডির শ্মশান-ভূমিতে সব শেষ হইয়া গিয়াছে। অধ্যক্ষের দারুণ পিতৃশোকে সমস্ত কলেজ মুহমান। শ্রাদ্ধের দিন নিকট হইয়া আসিলে আমাদের সঙ্গে চলিলেন—প্রথিতনামা পূজ্যপাদ তারানাথ তর্কবাচস্পতি, ভরতচন্দ্র শিরোমণি, মহেশচন্দ্র শ্রায়রত্ন, জগন্মোহন তর্কালঙ্কার এবং

সংস্কৃত কলেজের আরও কয়েকজন খ্যাতনামা পণ্ডিত। ইহাদের সঙ্গে লইবার বিশেষ কারণ জন্মিয়াছিল। দেশে তখন দলাদলির ভীষণ প্রকোপ। রঘুনাথপুরের তরুণ-বয়স্ক জমিদার রায়বাবুরা ঘোষণা দিয়াছিলেন, যে, লাঠিয়াল সাহায্যে এই সমারোহের শ্রাদ্ধ পণ্ড করিবেন, কৃষ্ণমণরের ব্রাহ্মণপণ্ডিত ও ব্রাহ্মণদিগকে নদীপার হইয়া আসিতে দিবেন না। অতএব এই সকল পণ্ডিতকে সঙ্গে লইয়া যাওয়াই সিদ্ধান্ত হইল এবং সকল সরঞ্জামই কলিকাতা হইতে সংগ্রহ করিয়া লইয়া গিয়া রূপার দানসাগর শ্রাদ্ধের আয়োজন হইল। আমিও সে যৌলজন্মের একজন হইবার অধিকার পাইয়া বড় গৌরব অনুভব করিয়াছিলাম।

বাটীর সম্মুখে বিস্তীর্ণ মাঠে আটচালা নয় ‘আঠার চালা’ তোলা হইয়াছিল। যে সকল অধ্যাপকদের নাম করিলাম, তাঁহারা হইলেন বেদীর ব্রতী। রায় বাবুদের সকল চেষ্ঠা ব্যর্থ হইয়া গেল। পাঁচ হাজার ব্রাহ্মণ-ভোজন ও দশ হাজার কাঙ্গালী-বিদায় হইল। কলিকাতা হইতে পিতা, পিতৃব্যগণের কত বড় বড় বন্ধু গিয়াছিলেন, তাহার সংখ্যা নাই। বর্ষা-শেষে যথেষ্ট কাঠের জোগাড় হইবে কি না ভাবিয়া দুই নৌকা পাথরে-কয়লা লইয়া যাওয়া হইয়াছিল। বড় বড় ‘ডোব’ ও ‘জোল’ কাটিয়া ভিয়ান ও রান্নার উমান প্রস্তুত হইল। কয়লার অল্পশ পাইয়া কুলোকে রটনা করিল, সর্বাধিকারী বাটীর লুচি কলে ভাজা হইবে। একজন রসজ্ঞ বিদূষক রটনা করিলেন যে, বড় বড় কড়ায় গভীর স্বত-সমুদ্রে লুচি ডুকিয়া যাওয়াতে হঠাৎ যেমন ক্রন্দনের রোল উঠিল, লুচি ফুলিয়া ভাসিয়া ওঠাতে ক্রন্দনের রোল তেমন আনন্দরোলে পরিণত হইল। নিয়মভঙ্গ দিনে দেওয়ান অম্বিকা দত্ত মহাশয়কে বাধ্য হইয়া শবের ভূমিকা গ্রহণ করিতে হইয়াছিল। তিনিও ‘পেছপাও’ হইবার লোক নহেন। ঘৃষকাঠ পুঁতিবার

আধবর্ষটা পর পর্যন্ত তিনি “রাধাসায়রের” গাঝ-জলে নিম্পন্দ দেহে ভাসিয়াছিলেন

কোনও গোলোযোগ না হইয়া বৃহৎ কার্য সমাধা হইয়া গেল। ‘তপ্তিরাম’ তুষ্ণীভাব অবলম্বন করিল—আমিও কলেজের রামায়ণের ঘরে ফিরিয়া আসিলাম।

নির্বিবাদে কার্য নির্বাহ হইবার তলে একটু রহস্য ছিল। ‘জাহানাবাদে’র (আরামবাগ) স্মরণ্য ডেপুটি ম্যাজিষ্ট্রেট ঈশ্বরচন্দ্র মিত্র মহাশয় গোলোযোগ সম্ভাবনার সংবাদ পাইয়া রঙ্গাকর(কানা নদী) তীরে তাঁবু ফেলেন। সঙ্গে ছিল বারজন অস্ত্রধারী পাহারাওয়াল, ছয় জোড়া হাতকড়ী ও একটা ক্যাম্প (camp) কয়েদ। ইহার পর আর কি গোলোযোগ সম্ভবে! ব্রাহ্মণভোজনের দক্ষিণা ছিল এক টাকা। ক্যাম্প (camp) কয়েদ লইয়া একটা কোতুকর ঘটনা ঘটয়াছিল। আমার এক পিসামহাশয় ছিলেন শ্রীযুক্ত কেদারনাথ মিত্র মহাশয়। তিনি বহুবাজার ডাক্তারখানার জিন্মায় থাকিতেন,—বিশেষ রঙ্গপ্রিয় ব্যক্তি। আর এক পিসামহাশয় ছিলেন—এক খুল্লপিতামহের জামাতা। তিনি রাধানগরের বাটীতেই থাকিতেন, আহারের সময় পীড়া বাঁকা করিয়া পাতিয়া তাঁহাকে অপমানের ইঙ্গিত করা হইয়াছে কি না তাহার প্রতি বিশেষ লক্ষ্য রাখিতেন এবং সম্মম-অসম্মমের বিষয়ে সর্বদা সতর্ক থাকিতেন

প্রসন্ন মুখোপাধ্যায়ের বাটীতে অত্যাশ্রয় আশ্রীয়েদের সহিত ইঁহাদেরও শয়নের স্থান হইয়াছিল। কেদারবাবু ছিলেন সৌধীন, শয্যা ও বসন সম্বন্ধে তাঁহার বিশেষ পারিপাট্য ছিল। সেসব তিনি সঙ্গে লইয়া গিয়াছিলেন। সে পারিপাট্য অপর পিসামহাশয় সহ করিতে পারিতেন না। একদিন কেদারবাবুর বিছানা দখল করিয়া ছোট পিসামহাশয় তাঁহাকে জ্বক করিতে স্থিরপ্রতিজ্ঞ হইলেন। কেদারবাবুও প্রতিশোধ দিতে সিদ্ধহস্ত। তিনি হাওলদারকে সংবাদ দিয়া আসিলেন, ছোট পিসামহাশয়ের মত চেহারার লোক তাঁহার রূপা বাঁধান ছঁকা চুরি করিয়াছে। সেদিন ছোট পিসামহাশয়কে আর কেদারবাবুর সুকোমল শয্যায় রাত্রি যাপন করিতে হয় নাই। ক্যাম্প (camp) গারদে মাটির উপর ষড় বিছাইয়া রজনী শেষ করিতে হইয়াছিল। জ্যাঠা মহাশয় এ সকল ‘অখজীড়ার’ বিশেষ বিদেষী ছিলেন

বলিয়া ডিস্পেন্সারির (dispensary) কাজের অছিলায়, কেদারবাবু অতি প্রত্যাষেই রাধানগর ত্যাগ করেন। তখন নিয়ম-ভঙ্গ হইয়া গিয়াছে।

এত বড় সংসার এই ভাবে চলিত। এত বড় সমারোহ কাজ হইয়া গেল অথচ চাকরবাকর লোকজন বি চাকরাণীর মূর্ত্তি ও দন্দ আমার স্মৃতির তহবিলে বড় দেখিতে পাই নাই। এখনকার মত স্ত্রী, পুরুষ, ছেলে, বড়ো এমন পক্ষ ছিলেন না। যাহার যাহা সাধা সকল কার্য নিজ হাতে করিতেন। নিতান্ত কষ্টকর হইলে কাণ্ডেই বি চাকরের ব্যবস্থা ছিল। নতুবা এই এত বড় সংসারের কাজের জন্ত হাল প্রণালীর মত ব্যবস্থা করিতে হইলে চাকর-চাকরাণীর একটা ফোজ দরকার হইত। এখনকার মত এক এক বাবুর এক এক ঘর, এক এক পড়িবার ঘর, বসিবার ঘর ইত্যাদি প্রয়োজন হইলে সমস্ত গ্রামেও পরিবার-বর্গের সঙ্কলন হওয়া দুঃসাধ্য হইত। এক এক ঘরে ‘গড়া-গড়া’—দেওয়াল হইতে দেওয়াল পর্যন্ত মানুষ শুইয়া থাকিত। নিজেদের কাপড়-চোপড়ের ভার নিজেরাই লইতেন। লম্বা দালানে সারি সারি পিঁড়া পাতিয়া সকলেরই এক সময় ভোজন হইত। এ বাবুর এখন, ও বাবুর তখন, এ বাবুর গরম গরম লুচি, ও বাবুর খড়খড়ে রুটী—এ সকল আধুনিক ব্যবস্থা ছিল না। যেমন এক সঙ্গে ‘গড়া-গড়া’ শোওয়া তেমন এক সঙ্গে খাওয়া,—‘সাদা মাঠা’ এইরূপ ব্যবস্থা ছিল। কোনও পিসি কিম্বা খুড়ি এক পাতায় ভাত মাখিয়া ছোট ছোট ছেলে-মেয়েদের খাওয়াইয়া দিতেন। অনেক সময় সন্ধ্যার পূর্বেই এ কার্য সমাধা হইত; কারণ, খাওয়ার দালানে আলোর আড়ম্বর খুব প্রচুর ছিল না।

খিড়কিতে বাসন মাজিবার স্বতন্ত্র পুষ্করিণী ছিল। খাওয়া-দাওয়ার পর মেয়েরা সেই ঘাটে বাসন ফেলিয়া আসিতেন ও পর দিন সকালে মাজিয়া আনিতেন। পানীয় জল যে যাহার তুলিয়া আনিতেন। এখনকার মত ছ’বেলা এক একজন মেয়ের পাঁচ সাত খানা কাপড়, সেমিজ—কাপড়ের ভারে বি চাকরাণী অতিষ্ঠ হইয়া উঠিত না। সে সকলও তাঁহাদের নিজের নিজের জিন্মা। রান্নাঘর, ভাড়ার ঘর, কুটনোর ঘর, বাটনার ঘর সকলই তাঁহাদের জিন্মা। কেবল মাছ কোটা, উঠানের কার্য ইত্যাদি বিষয়েই বাঙ্গি বৌ তাঁহাদের সাহায্য করিত। বাধ্য

হইয়া যদি কখনও বি-চাকরাণীর দ্বারা বাসন মাজাইতে হইত, তবে তাহা রকের উপরে উপুড় করিয়া রাখিয়া যাইতে হইত। গৃহিণীরা তাহা আবার অল্প জলে ধুইয়া ধরে তুলিতেন। ছেলেরা, বাবুরা সব স্নানের ঘাটে যে যার নিজের গামছা কাপড় কাচিয়া আনিতেন; কেবল বাবা ও জ্যাঠামহাশয়ের কাপড় দাদামহাশয়ের অজ্ঞাতসারে 'ধর্মা চাকর' কাচিয়া দিত। 'ধোপার বাটী হইতে কাপড় আসিলে তাহা আবার জলকাচা না করিয়া ধরে তোলা হইত না। কাহার সাধ্য যে নূতন প্রচলিত মাড় দেওয়া বিলাতী কাপড় লইয়া ঠাকুর-দালানে উঠে! বাটীর সক্ষম-দেহ ছেলেপুলেরা, ঘোষেদের বাড়ীর কালী, করালী অধিকা দত্তর ভ্রাতৃপুত্র বিনোদ, আচু ইত্যাদির সাহায্যে সকল কাজ সম্পন্ন হইত। এমন রিপাবলিক্ (-Republican) সার্ভিস্ কখনও দেখি নাই। খাওয়া-দাওয়া যেমন সাদাসিধা, জল খাওয়াও তাই। আজকাল ভাইটামিনের (vitamine) নানা প্রসঙ্গ শুনিতেছি। পল্লীভবনে সে তত্ত্ব তখন বহুদিন নির্ণীত হইয়া গিয়াছে। "মেটচিনকফের" (Metchincoff) বহু পূর্বে দপির মর্যাদা করিতে শিখিয়াছিলাম। গুড়-মুড়ি, নারকেল-মুড়ি, মুলো-মুড়ি, শশা-মুড়ি বহু আদরের ছিল। রাধানগর হইতে কলিকাতা ফিরিয়া আসিয়া জ্ঞানোদয়ে শিখিলাম যে, মুড়ির চাকু, ছোলার চাকু খাইতে নাই; এবং নবীন ময়রার কচুরি, সিঙ্গাড়া, জিলাপী খাইয়া অজীর্ণ রোগের দৃঢ়ভিত্তি স্থাপন না করিতে পারিলে সত্যতার প্রকৃষ্ট পরিচয় দেওয়া যায় না।

এ সকল বিষয়ে রাধানগর সম্বন্ধে যাহা লিখিলাম, তাহা মাতুলালয় বামুনপাড়া সম্বন্ধেও সর্বথা প্রযোজ্য। রাধানগরের কথা আপাততঃ এক প্রকার শেষ করিলাম। যাহা যাহা বলিলাম তাহা যে ধারাবাহিক সময়ানুক্রমিক বলিতে পারিয়াছি তাহা নয়, তবে এক স্থানের কথা এক জায়গায় বলিতে পারিলে ভাল হয় বলিয়াই বলিযাছি।

ইহার বহুকাল পরে তিন চারি বার মাত্র রাধানগর ঘাইবার সৌভাগ্য ঘটিয়াছিল। রায় বাবুদের মামলার কমিশন জবানবন্দি করাইবার সময় একবার যাই। একবার যাই আততায়ী প্রতিবেশীর হস্ত হইতে রাজা রামমোহন রায়ের স্মৃতিমন্দির সংক্রান্ত জমির উদ্ধার করিবার জন্ত ছগলীর ম্যাজিস্ট্রেট "মোবর্লি" (moberly) সাহেবকে

সঙ্গে লইয়া। তৃতীয় বার যাই আধুনিক বাঙ্গালা ভাষা ও সাহিত্যের স্মৃতিকাগারে বঙ্গীয় সাহিত্য-সম্মিলনীর পঞ্চদশ অধিবেশন উপলক্ষে। পরবার বোধ হয় শেষ বার দেশে যাওয়া হইয়াছিল ইং ১৯২৮ সালের এপ্রেল মাসে, স্বর্গীয় রাজা রামমোহন রায়ের পৌত্রবধু দেশের বড় মাতা দেয়াবতী গোলাপসুন্দরী দেবীর দাতব্য চিকিৎসালয়-ভবনের দারোদ্বাটন উৎসবে তাঁহারই আমন্ত্রিত রূপে। দেশের সহৃদয় যুবকগণের সহায়তায় কৃষ্ণনগর বালিকা-বিদ্যালয়ের পারিতোষিক বিতরণী-সভায় ও কৃষ্ণনগর রমা প্রসাদ পাব্লিক লাইব্রেরীর বার্ষিক উৎসবে অনেক আপ্যায়ন আদর ও অভিনন্দন পাইয়া ধন্য হইয়াছিলাম। এইরূপ পর পর ইদানিং যতবার গিয়াছি গোলডস্মিথের "ডেসার্টেড ভিলেজ" (Goldsmith's Deserted Village)-এর চিত্র চক্ষে জাগিয় উঠিয়াছে, প্রাণে ব্যথা দিয়াছে এবং ভবিষ্যতের আশাও নষ্ট করিয়াছে। বান ও ম্যালেরিয়ায় দেশের সর্বনাশ করিয়াছে—দেশকে দেশ উজাড় করিয়াছে—চাষ-বাস ব্যবসা-বাণিজ্য নষ্ট করিয়াছে—বিদ্যাপীঠ সকলকে নিস্প্রভ করিয়াছে। আমাদের বাটীর দ্বিতল, ত্রিতল, চৌতল ভূমিসাৎ হইয়াছে। কষ্টে-সৃষ্টে দাঁড়াইয়া আছে রাধাকান্ত জিউর মন্দির ও চকমিলান আঙ্গিনা এবং জাতি-গণের মধ্যে ষাঁহারা এখনও রাধাকান্ত দেবের পূজার সাহায্য করিতেছেন তাঁহাদের কোনও প্রকারে কায়-রেশে বাসোপযোগী দুই একটা মহাল। দেশের পরম হিতৈষী শ্রীযুক্ত বিপিনবিহারী ঘোষ মহাশয়ের বাটী এবং অন্যান্য অনেক দেশহিতৈষী ব্যক্তির বাড়ী একেবারে ধূলিসাৎ হইয়াছে, চিহ্ন পর্য্যন্ত পাওয়া যায় না। নদীর দুই ধারে সকল গ্রামেই অসংখ্য দেউল ও দেবালয় ছিল। বৈষ্ণব, শাক্ত, শিবপূজার স্থান অধিকাংশ ভগ্ন হইয়াছে, পূজা-পদ্ধতিও বন্ধ হইয়াছে। কলিকাতা হইতে যাতায়াতের কোনও সুবিধা না থাকাতে ইচ্ছা সত্ত্বেও দেশে যাওয়া হুঃসাধ্য হইয়া পড়িয়াছে। শ্রীযুক্ত ভূপেন্দ্রনাথ বসু ও শ্রীযুক্ত বিপিনবিহারী ঘোষের সহায়তায় যাতায়াতের কথঞ্চিৎ সুবিধার জন্য ও বন্ডা এবং ম্যালেরিয়ার ভীষণ প্রকোপ হইতে দেশকে রক্ষা করিবার জন্য বহু বৎসর ধরিয়া অনেক চেষ্টা করিয়াছি, চেষ্টা সফল হয় নাই।

সম্প্রতি হাওয়া ফিরিতে আরম্ভ হইয়াছে। চাষবাসের অবস্থা পূর্বাপেক্ষা ভাল।

অভিরামের শাপাভিশপ্ত কানাকে চক্ষুদান দিবার জন্ত বহুদিন পরে কথঞ্চিৎ চেষ্টা হইতেছে, কিন্তু তাহাতেও সুবিধা সম্ভব নহে। কারণ, বস্তার জল নাকি অল্প পথ অইতেছে। যে বস্তার প্রতিকারের জন্ত এত দিন চেষ্টা হইতেছে, তাহা সম্পূর্ণরূপে অল্প পথ লওয়াতে নদী একেবারে জলশূন্য হওয়া সম্ভব এবং নৌকা-পথে যাতায়াত হয়তো একেবারে বন্ধ হইবে। আমাদের এত যত্নে আরম্ভ রাজা রামমোহন রায়ের স্মৃতি-মন্দির নানা কারণে এখনও শেষ হইতেছে না। শীঘ্র রাজার মৃত্যুর শতবার্ষিক স্মৃতি-সভার আয়োজন দেশে বিদেশে হইবে। সমস্ত জগতের সকল দেশে সে মহীয়ান স্মৃতির উদ্দেশ্যে শ্রদ্ধাঞ্জলি অর্পিত হইবে। কিন্তু বড় সাধের “রাধানগর” বোধ হয় থাকিবে “যে তিমিরে সে তিমিরে”। রাধাকান্ত-চরণাবিন্দ-দর্শন নৌভাগ্য আর জীবনে ঘটিয়া উঠিবে বলিয়া আশা করিতে ভরসা হয় না।

—“যদ্ বিধে মনসি স্থিতম্”।

বামুনপাড়া

মাতুলালয় ‘বামুনপাড়া’য় শৈশবে, বাল্যে ও কৈশোরে বহুবার গিয়াছি। মাতুলালয়েই জন্ম, সেখান হইতে কবে প্রথম কলিকাতা গিয়াছিলাম, কিছুমাত্র স্মরণ নাই। যে বৎসর রাধানগরে ‘শরৎরাস’ ও সরস্বতী পূজার কথা বলিয়াছি সেই বৎসর ‘রাশকুল’ ও সরস্বতী পূজার “চাঁদমালা”র সম্ভার লইয়া ছলে বেহারার কাঁধে দশ ক্রোশ মেঠো পথ ভাঙ্গিয়া রাজার মত রাধানগর হইতে বামুনপাড়া আসিবার কথা মনে আছে। বামুনপাড়ার স্মৃতিরেখার সূত্রপাত এইখানেই। যতদূর মনে পড়ে ‘বড় নদী’ অর্থাৎ “দামোদর” পার হইতে হইয়াছিল। জল তখন খুব কম; বেহারারা হাঁটিয়াই পার হইয়াছিল। এই পথেই একটা প্রকাণ্ড দীঘির ধারে অশ্বখ-বটের ঘন অন্ধকার ছায়ায় বসিয়া জলযোগ হইয়াছিল। যখন বক্রিমচন্দ্রের কালীদীঘির কথা পরে পড়িলাম, তখন এই দীঘির কথা মনে পড়িল। পিতামহের আদর হইতে মাতামহের আদরে আসিয়া পড়িলাম। কিন্তু এত আদরের মধ্যেও মাতার শাসন ও মাতামহের

রাস-ভারীর কুপায় মাথা খাওয়া হইল না। পিতামহের নিজ হস্তে কাটিয়া দেওয়া খাগড়ার কলমে ‘কাগজে লেখার’ পাণ্ডিত্যের দাবী বামুনপাড়ায় নামঞ্জুর হইল। গুরুমহাশয়ের নিকট তালপাতা, কলাপাতা আবার লিখিতে হইল। ইহার প্রতিবাদ স্বরূপ বাবা কলিকাতা হইতে পাঠাইয়া দিলেন নূতন আবিষ্কৃত সেলেট পেন্সিল, সঙ্গে সঙ্গে গেল “বোটক্লোক” নামে আখ্যাত গলায় পিতলের শিকল বকুলশ-দেওয়া ছিটের অভিনব গাত্র-বস্ত্র।

শ্রীদাম ও সুদামের পীঠবস্ত্রের মত তাহা পীঠের উপর দিয়া গলার শিকল ও আংটা সাহায্যে আটকান থাকিত। এই অপূর্ব গাত্রবস্ত্রের চলন আমি আর বড় দেখি নাই। দেখিয়াছিলাম একবার ১৯১২ সালে ‘ক্যালো’ (Calais) হইতে ‘ডোবর’ (Dover) পার হইবার সময় ‘চ্যানেল-স্টিমারে’ (Channel steamer) নাবিকের গাত্র। তাহা দেখিয়া বামুনপাড়ার ‘বোটক্লোকের’ কথা মনে পড়িয়াছিল। তবে সে গাত্রবস্ত্র ছিটের নয় ওয়াটারপ্রুফের। আমার বামুনপাড়া পৌঁছিবার কুড়িদিন পূর্বে আমার জ্যেষ্ঠাভগ্নী জন্মগ্রহণ করিয়াছিলেন। বাবা কত কি জিনিষ পাঠাইয়াছিলেন দেখি নাই। ভৌমনাগের জোড়া রাতাবি সন্দেশ, কলসী অথবা পিণ্ডিখেজুর এবং বেদানা, কিসমিস, পেস্তা, মনাক্ক ইত্যাদি। পিতামহের ঞ্চায় মাতামহেরও বিতরণ-রোগ খুব প্রবল ছিল। উভয়ের কেহই দ্বিতীয় পক্ষের সংসার সঙ্গেও অন্তঃপুর-প্রাধান্য স্বীকার করিতেন না। রাতাবী ও খেজুরের বিতরণ ও বণ্টন বাহিরে বাহিরেই হইয়া গেল। বণ্টনাংশ খুব প্রচুর করিয়া পাইয়াছিলাম বলিয়া মনে তো পড়ে না। কানের পূজা নিবারণের জন্ত চন্দনের আতর গিয়াছে শুনিয়া, জ্ঞাতি-মাতুল মহেশ মামা একটা প্রকাণ্ড ‘গয়ার খোরা’ লইয়া একটু আতর লইতে আসিয়াছিলেন।

এই রহস্যপ্রিয় মহেশ মামার নিজ ভাগিনেয় গোপাল ঘোষ হইল আমার খেলার ও পড়ার সহচর। কলিকাতার আমদানি সেলেট-পেন্সিলের মাতব্বরিতে আমার তালপাত কলাপাতের দাসত্ব ঘুচিল। এক ক্রোশ দূরে মাঠাপার রামেশ্বরপুরে তখন এক প্রাথমিক বিদ্যালয় স্থাপন হইয়াছে। ইংরাজি ও বাঙ্গালা পড়া হয়। শিশুবোধকের কলকল্পজন ও দাতাকর্ণ ছাড়িয়া আধুনিক কচি ও প্রণালী সমস্ত পাঠ্য-

পুস্তকের দাসত্ব আরম্ভ হইল। ভাল কি মন্দ হইল বলিতে পারি নাই ও এখনও ভাল বুঝিতে পারি নাই। শিশুবোধকে ছিল না হেন বস্তু নাই। বইখানির একটা নূতন সংস্করণ করিয়া পাঠশালে, স্কুলে চালাইতে পারিলে দেশের প্রভূত মঙ্গল সম্ভাবনা। চাণক্য য়োকের অংশটা রাধানগরে সংস্কৃত পরিচয়ের পর বড় মিষ্ট লাগিয়াছিল। চার পাঁচ বৎসর বয়স হইতে আট নয় বৎসর বয়স পর্য্যন্ত কলিকাতা রাধানগর, বামুনপাড়া যাতায়াতের মধ্যে খাপ-ছাড়া রকমে ইংরাজি, বাঙ্গালা ও সংস্কৃতের সহিত অল্প-বিস্তর পরিচয় ঘটিতেছিল। সে ভিত্তি ভাল হউক মন্দ হউক, তাহারই উপর ভবিষ্যৎ শিক্ষা দীক্ষা প্রতিষ্ঠিত হইয়াছে। বামুনপাড়ায় তিনজন সংস্কৃত ব্যবসায়ীর সহিত পরিচয়-সৌভাগ্য ঘটয়া ধন্য ও উপকৃত হইয়াছিলাম এবং সেই সৌভাগ্যে রাধানগরে প্রথম অনুভূত সংস্কৃত সাহিত্যানুরাগ বৃদ্ধি পায়। গভর্নমেন্টের চেষ্টায় বহু বৎসর পরে বঙ্গদেশের সংস্কৃত চর্চার প্রসার, সংস্করণ ও ত্রীভূতিকল্পে এক কমিটি স্থাপিত হয়। সে কমিটির সভাপতিত্বের সম্মানও এই অযোগ্য হস্তে শ্রুস্ত হইয়াছিল। নানা বিঘ্ন বাধা সত্ত্বেও ফলও বোধ হয় কিছু হইয়াছে। পরিণত জীবনে এই গুরুভার বহনের সময় রাধানগর ও বামুনপাড়ায় স্থাপিত সেই ভিত্তির কথা অনেকবার মনে পড়িয়াছিল।

এই তিনজনের পরিচয় পরে দিব। বাবা যেমন সেলেট-পেন্সিল পাঠাইয়াছিলেন, তেমনই মাঠ ভাঙ্গিয়া রামেশ্বরপুর স্কুল ঘাইবার জন্য একটা ছাতাও পাঠাইয়াছিলেন। পল্লীগ্রামে ছাতার ব্যবহার ছিল না; ছিল 'টোকা' ও 'পেখে'। অতএব অচিরে স্কুলে একছত্র আধিপত্যের অসম্ভাব হইল না। চেয়াড়ি দিয়া বোনা জলপানের কোটা ছাতার শিকে টাঙ্গাইয়া লইয়া যাওয়ার কথা মনে পড়ে। ধাবার যাহাই থাক সাথী সহ মিশিয়া মিশাইয়া খাওয়া-দাওয়াতেই অত্যন্ত আনন্দ হইত। ছোট, বড়, মাঝারী ক্যারিয়ার (carrier), পট্ (pot), কোটা, টিন (Tin), অ্যালুমিনাম (Alluminium), এনামেল (Enamelled), পীতল, তামা, দস্তা, নিকেল (Nickelled), ফিল্ড (Field), প্লেট্ (Plate) কত হরবিরু প্রকারই এখন হইয়াছে। খানার কোটার পদবৃদ্ধি খোরাক বৃদ্ধি ও খাইখিলানের সাধের উচ্ছেদই সাধিয়াছে। সে

আনন্দ আজ স্মৃদুরে। অরিৎ পদবৃদ্ধির একটা সুযোগ উপস্থিত হইল! 'দাঁক' ভাঙ্গিয়া দীঘির 'টেশো' গরম জল খাওয়ার কথা স্নেহময় মাতামহের কর্ণগোচর হইতে বিলম্ব হইল না। তিনি চার পাঁচটা মাটির কলসী স্কুলে পাঠাইয়া দিলেন; একজন মালীর ব্যবস্থাও হইল। "অচ্ছাদ্ সরোবর" হইতে নিত্য পানীয় 'সংগৃহীত' হইয়া সহপাঠীগণের পিপাসা নিবারণ হইল। মাতামহের কৃপায় এক পল্লীমোদক কথঞ্চির পুণ্য তপোবনের বটচ্ছায়ায় মুড়কী, মোয়া, ভেঁটের নাড়ু প্রভৃতির দোকান লইয়া বসিল। আমারও প্রতিপত্তি বাড়িয়া গেল।

সময়ের ঘটনা ঘড়ী পিটিয়া জানানর শব্দ এই শুনিলাম; এখন পর্য্যন্ত মনে আছে। সকাল ইস্কুল! ভোরের হাওয়া মাখিয়া, বিছালয়ে আসিয়াই জানিলাম দিনের আরম্ভ; সূর্য্যোদয়! প্রভাত ছ'টা। হেম-দীপ্তির অভ্যুদয় অন্তরে বিঘোষিত হইল।

রামেশ্বরপুরের স্কুলে একজন পণ্ডিত ছিলেন। তাঁহার মৃগী-রোগ ছিল। একদিন জলখাবার ছুটির সময়, স্কুলের উঁচু দাওয়া হইতে তিনি হঠাৎ ঘুরিয়া পড়িয়া গেলেন। সে-সময়ে রামেশ্বরপুরে 'কমল কণ্ঠভরণ' নামে একজন প্রসিদ্ধ কবিরাজ বাস করিতেন। আমার "কথ তপোবনের" অদূরেই তাঁহার বাসস্থান। সেই তপোবনের পথ ধরিয়া 'পড়ি কি মরি' করিয়া ছুটিতে ছুটিতে তাঁহাকে ডাকিয়া আনিলাম। এই "রেড ক্রস" (Red cross) ভলান্টিয়ার (Volunteer) বা 'স্কাউটোচি'ত (Scout) ক্ষিপ্ৰতায় তিনি পরম সন্তোষ প্রকাশ করিলেন। তাঁহার চিকিৎসা ও আমাদের সেবায় পণ্ডিত মহাশয় শীঘ্র সুস্থ হইলেন। এই উপলক্ষে কবিরাজ মহাশয়ের নিকট আনুগত্য আমার খুব বাড়িয়া গেল। এইরূপ 'ছোটখাটো' 'খুটিনাটি' কাজের মধ্য দিয়া লোকসেবা ও সমাজসেবার প্রবৃত্তি বর্ধন সম্বন্ধে আশৈশব এই সকল মহাজনের যথেষ্ট উৎসাহ ও সাহায্য পাইয়া ধন্য হইয়াছি। মাতামহের বাটীতে কণ্ঠভরণ মহাশয়ের সর্বদা যাতায়াত ছিল। তাঁহার নাম ও চেহারাটা আমার খুব ভাল লাগিত; কিন্তু দূর হইতেই নমস্কার করিতাম। এবার এই আর্ন্ত-সেবা উপলক্ষে নিকট সম্বন্ধ স্থাপিত হইল। তাঁহার প্রতি কৃতজ্ঞতার আমাদের যথেষ্ট কারণ ছিল। পিতৃদেব তাঁহাকে বিশেষ প্রীতি

করিতেন। আলোপ্যাথিক চিকিৎসায় হার মানিবার পর চির-রুগ ও চির-বিজয়ী ভ্রাতা সুরেশপ্রসাদের তৎসাহায্যে, কথঞ্চিৎ লাভ করিবার প্রধান হেতু “কমল কণ্ঠভরণ” মহাশয়। সুরেশের জন্ম-কথা অতিঃ বিচিত্র। -পিণ্ডাকারে, মৃত-কল্প ‘আটাশে শিশু’ কোনও অপরিপক্ববুদ্ধি পল্লী-গৃহিণীর প্ররোচনায় ফেলিয়া দেওয়াই সিদ্ধান্তপ্রায় হইয়াছিল। স্থির-বুদ্ধি পল্লীধাত্রী ‘বাগ্দি মেয়ের’ জেদে সে সিদ্ধান্ত সিদ্ধ হইতে পায় নাই। তাহার যত্ন ও শুশ্রূষায় লুপ্তজ্ঞানপ্রায় পিণ্ডের জ্ঞানোদয় হয়। সে উদয় জ্ঞানে ও কর্মে ও চারিত্রে একটা উজ্জল প্রভা রাখিয় গিয়াছে। শরীরতত্ত্ব ও চিকিৎসাশাস্ত্রকে আশ্চর্য্য ও স্তম্ভিত করিয়া আধাধানা মাত্র ফুসফুসের সাহায্যে এই ক্ষীণ দেহ, মহা-প্রাণ, বিশালহৃদয় বীর জীবনে মহা কাজ করিবার যথেষ্ট অবকাশ ও সৌভাগ্য লাভ করিয়াছিল। “কণ্ঠভরণ” মহাশয় বৈদ্যপশাস্ত্রে যেরূপ সুপণ্ডিত ছিলেন তাঁহার সংস্কৃত-সুরাগও ছিল সেইরূপ। রাধানগরের উপেন্দ্র (কবিরত্ন) কবিরাজ মহাশয়ও বিশিষ্ট কবিরাজ ছিলেন। ব্যাকরণ, কাব্য ও আয়ুর্বেদে প্রগাঢ় ব্যুৎপত্তি, উন্নত রুচির মৌলিক রসিকতায় সিদ্ধমুখ।

কার্তিক মাসে এই সময় নিয়ম-সেবা উপলক্ষে, গৌসাই মালপাড়া গ্রাম নিবাসী ঋষিকল্প, প্রবীণ, পরম ভাগবত একজন গোস্বামী প্রতি বৎসর আসিতেন। মাতামহের ঠাকুর-দালানে সমস্ত কার্তিক মাস ধরিয়া প্রাতে ভাগবত পাঠ ও ব্যাখ্যা এবং অপরাহ্নে কথকতা হইত। মুগ্ধচিত্তে শত শত নর-নারী ও বালক-বালিকা, পাঠ ও কথকতা শুনিত। গোস্বামী মহাশয়ের পাঠ শুনিয়া “আবৃত্তিঃ সর্ব-শাস্ত্রানাং বোধাদপি গরীয়সী” কথার মর্ম গ্রহণ করিতে পারিয়াছিলাম। সেরূপ সুন্দর পাঠ শুনিবার সৌভাগ্য জীবনে আর ঘটে নাই। শৈশবোচিত উৎসাহ ও অনুরাগ ইহার জন্ত দায়ী কি না বলিতে পারি না, কিন্তু মনের উপর তখনকার সে ছাপ এখনও মুছে নাই। তাঁহার কথকতায় সঙ্গীতোচ্ছাস, অঙ্গভঙ্গি ও মুদ্রাদোষ ছিল না। বাখ্যামুখে গল্পছলে সরল প্রাঞ্জল ও মর্মস্পর্শী ভাষায় কেবল অনাবিল “তত্ত্ব-কথা”; নর-নারী শিশু প্রৌঢ় সকলের মনের পরতে পরতে সে “কথা” বসিয়া যাইত। এইরূপ পাঠ ও কথকতা সাহায্যে পল্লী ও নগরবাসী শত শত নর-নারীর

যথার্থ উচ্চ শিক্ষা, নৈতিক শিক্ষা ও আধ্যাত্মিক শিক্ষা বত দিন ছিল, আছে ও থাকিবে। ততদিন অক্ষর-পরিচয়ের অভাব বলিয়া তাহাদিগকে অশিক্ষিত বা ‘ইললিটারেট’ (illiterate) বলা কোনও মতেই চলিবে না।

নর-নারী অভেদে এইরূপ অকাতরে বিতরিত নৈতিক, পৌরাণিক ও আধ্যাত্মিক রহস্যের ক্ষুদ্র ভগ্নাংশ লইয়া প্রাচীন বৈষ্ণব কবি ও নবীন সবুজ কবি রহস্যের আশ্বাদনে ধন্ত হইয়াছে; কত গীতাঞ্জলি সে-শ্রোতে ভাসিয়া গিয়াছে। সরকারী আদমশুমারি রিপোর্টের (Report) ‘পারসেন্টেজ’ (Percentage) করিয়া এ উচ্চ শিক্ষার পরিমাণ হয় না ও হওয়া সম্ভব নয়। এই ‘গোস্বামী মহাশয়ের’ নাম ও ‘কমল কণ্ঠভরণ’ মহাশয়ের পুরা নাম ভুলিয়া গিয়াছি। তাহাতে কখনও কিছু আসিয়া যায় না, কারণ আমার নিকটে তাঁহার ‘নাম’ বা ‘ব্যক্তি’ নহেন, চির-অক্ষুণ্ণ ভাবব্যক্তি, আইডিয়ালিজেশন (idealisation) ও আদর্শ। সে-স্মৃতি চিরদিন অক্ষুণ্ণ থাকিবে। এই উভয়ের রূপায়-সংস্কৃত-সাহিত্যানুরাগ ও শাস্ত্র-চর্চার আশ্রয় এই সময়েই বদ্ধমূল হয়। আর একজনের অল্পগ্রহও এই সময় পাইয়াছিলাম। নদীর পরপারস্থিত ঘুঙ্গল গ্রামের ত্রীযুক্ত মহেশচন্দ্র চূড়ামণি জ্যোতিষী মহাশয় মাতামহের নিকট নিত্য যাতায়াত করিতেন। পুরাতন ত্রীগ্রামপুর পাঞ্জীর ছাপা একাদশীর গায় ছিল তাঁহার চেহারা। দীর্ঘ কেশ, দীর্ঘ নাশা, দীর্ঘতর শিখা ও সেই নাশাগ্রে দড়ি দিয়া বাঁধা পরকোনার ভগ্নাংশ তাহার শ্রীবর্ধন করিত। রং একটু খারাপ হইলে তিনি ‘গজপতি বিদ্যা-দিগ্গজ’এর ভূমিকা গ্রহণ করিলে অসুন্দর হইত না।

একটা বড় কৌতুকজনক সাহিত্যিক স্মৃতি-বিভ্রাট ঘটতেছে; বিদ্যাধিগঞ্জের কথায় সে কথা মনে পড়িল। বীরেন্দ্র সিংহের দুর্গের ঐক্যাদিক অংশ রাধানগরে, অপরাংশ বায়ুনপাড়া মাতুলালয়ে। এ বিসদৃশ কল্পনার সামঞ্জস্য কখনও করিতে পারিলাম না। মাতামহের অন্তর বাটী হইতে বিমলা অভিসারে চলিয়াছে আর বাহির-বাটীতে মাতামহের গোলবারাণ্ডায় বীরেন্দ্রসিংহ ও অভিরাম স্বামীর কথোপকথন ও পরামর্শ চলিয়াছে। অদ্ভুত ব্যাপার! গোলবারাণ্ডার কথা পরে বলিব। গোলবারাণ্ডা বড় ভাল লাগিত। গোলবারাণ্ডাও গিয়াছে, লম্বা বারাণ্ডাও গিয়াছে,

বাটীও গিয়াছে,—আছে শুধু স্মৃতি! তাহাই অবলম্বন করিয়া ও রাজা 'রাজেন্দ্রলাল মিত্রের' 'বৈষ্ণনাথধামের' "আর্কেডিয়া" বাটীর গোলবারাণ্ডার অনুকরণে, মধুপুর বাটীতে অনেক ব্যয়ে গোলবারাণ্ডা সৃষ্টির চেষ্টা করিয়াছি। পিতৃদেব শেষ পীড়ার সময় মধুপুরে ছিলেন, সেইখানেই তাঁহার কাল হয়। সেই গোলবারাণ্ডায় হাঁটিয়া ও ঠেলা গাড়ী করিয়া বেড়াইতে বড় আনন্দবোধ করিতেন।

আবার কথার গোলমাল করিয়া ফেলিলাম—কোথা হইতে কোথা আসিয়া পড়িলাম! চূড়ামণি মহাশয় ছিলেন "কলাপ ব্যাকরণ"এ পণ্ডিত। দুই চারিটা শ্লোক বুঝাইয়া দিলেন—মুগ্ধ করাইয়া দিলেন। মাতামহ পুলকিত,— 'মা' মাসিরা ততোধিক। জ্যাঠা মহাশয় ও বিদ্যাসাগর মহাশয় হাঁটিয়া এই পথে কখনও কখনও 'কলিকাতা' হইতে 'রাধানগরে' যাইতেন; রাত্রে বামুনপাড়ায় থাকিতেন। গল্প শুনিয়াছি—একবার ঘাটে নৌকানা পাওয়ায় তাঁহারা সাঁত-রাইয়া দামোদর পার হইয়াছিলেন। আর একবার পথে তাঁহাদের মধ্যাহ্ন-ভোজনের প্রয়োজন হয়। অবশ্য সুপাচক "বিদ্যাসাগর" মহাশয়ের হস্তে পথের পাক-কার্যের ভার ছিল। উপকরণের মধ্যে পথের পাশের ক্ষেতের 'মূলা-শাক' ও "বোগড়া চাউল"। তাহাই অমৃত তুল্য বোধ হওয়াতে বাটী পৌঁছিয়াই উভয়ে "মূলাশাক সড়সড়ি" ফরমায়েস করেন, কিন্তু তেমন অমৃতস্বাদ পাওয়া গেল না। রন্ধযিত্রী আত্মীয়ারা বুঝাইয়া দিলেন যে, পথের মাঝে যে ক্ষুদ্রায় মূলাশাক অমৃতস্বাদ হইয়াছিল, বাটীতে তাহার অভাবে সে স্বাদেরও ব্যতিক্রম হইতেছে। জ্যাঠা মহাশয় সর্বদা এ গল্পের উল্লেখ করিয়া আমাদেরকে উপদেশ দিতেন, যে, স্বাস্থ্য-পরিচায়ক ক্ষুধা থাকিলে মুন-ভাতও অমৃততুল্য হয়। বাবা সর্বদা বন্ধু-বান্ধবকে বলিতেন যে, ছেলেপুলেকে জ্যাঠা মহাশয়ের এই আদর্শে গড়িয়া তুলিবার চেষ্টা করিবেন, যেন 'জেলের' তাহাদের কষ্ট না হয়। তখন জেলের পথ এখনকার মত সুপরিসরও ছিল না, সুখকরও ছিল না। অতিথিবৎসল ও কুটুম্ববৎসল মাতামহ রামকৃষ্ণ সরকার মহাশয়, "বিদ্যাসাগর" ও জ্যাঠা মহাশয়কে কত আদর আপ্যায়নে তুষিতেন তাহা বলিয়া বুঝাইবার নয়; রাধানগর হইতে ফিরিবার পথে একবার কলাপ-বিহার দৌড় দেখিয়া রামেশ্বরপুর হইতে কলিকাতা সংস্কৃত কলেজ উন্নীত হইবার

ব্যবস্থা সঙ্গে সঙ্গে হইয়া গেল। আর হইয়া গেল, কলেজ প্রবেশের প্রথম সোপান স্বরূপ সোনার পুঁঠেয় বাঁধা দীর্ঘ কেশরাশির কাকপক্ষের কর্তন। আমার যুগ্মত অবস্থায় জ্যাঠা মহাশয় স্বহস্তে সে কার্য্য করেন। কারণ 'প্রসাদপুরের বাবার' মানত কেশ 'নরসুম্বরের' স্পর্শ করিবার অধিকার ছিল না। অতএব কাহারও কোনও কথা বলিবার রহিল না। ঘুম ভাঙিলে অনেক কাঁদিয়াছিলাম। সঙ্গে সঙ্গে কাঁদিয়াছিলেন পরম স্নেহাঙ্গুচিহ্ন মাতামহ। কার্তিক শেষে নিয়ম-সেবা উপলক্ষে মহোৎসবান্তে বিস্তীর্ণ প্রাঙ্গণে যখন গড়াগড়ি দিতাম, মাতামহ গায়ের ধূলা ঝাড়িয়া কোলে লইয়া নাচিতেন আর সেই পুঁঠের তালে তালে গাহিতেন,—'এই আমার গোরা এসেছে'।

সংস্কৃত বাবশায়ী না হইলেও দাদা মহাশয়ের জমাদার সূত্রাক্ষণ রামস্বরূপ উপাধ্যায় প্রাতে ও সন্ধ্যায় অনেক আধভাঙ্গা সংস্কৃত শ্লোক আওড়াইত। পঞ্চাননতলার দীঘির দক্ষিণে তাঁহার খোড়ো বাড়ীর ঠাকুর-ঘরে বিস্তর দেবদেবী সংগৃহীত হইয়াছিলেন। তাহার মধ্যে প্রধান "মহাবীর"। উপাধ্যায় স্মর করিয়া তুলসীদাসের রামায়ণ পাঠ করিতেন, আমি তদগতচিত্ত হইয়া শুনিতাম। মাতামহের কুলদেবতা "শ্রীধরজীউ" পঞ্চের কাজ-করা দ্বিতল দেউলে অধিষ্ঠান করিতেন। পূজারী গণেশ চক্রবর্তী মামা পূজায় ও স্তবে এত মাহাত্ম্য বিকিরণ করিতে পারিতেন না।

রামস্বরূপ মামার ঠাকুরঘরের দাওয়ায় ষাইয়া বসিয়া থাকিবার আর একটা কারণ ও প্রলোভন ছিল। "বামুন-পাড়া" গ্রামের অনতিদূরে "মাজুর" ও "হাট বলরামপুর" গ্রামে মাতামহের হাট ও বাজার বসিত। তোলা তুলিবার মালিক ছিলেন রামস্বরূপ উপাধ্যায়। অতএব তাঁহার উপাস্থ হনুমানজীর প্রসাদ-সন্তারের আয়োজন স্বতঃসিদ্ধ। আর তিনি তাহা অকাতরে বণ্টনও করিতেন। চক্রবর্তী মহাশয় শ্রীধরজীউর সমস্ত প্রসাদই গামছায় বাঁধিয়া নদী-পারে ঘোষাল বাটী গ্রামে লইয়া যাইতেন। উপাধ্যায় মামার ঠাকুর-ঘরের পাশে ছিল আর এক আকর্ষণের বস্তু। সেই সময় একজন বিখ্যাত "পোটো" বামুনপাড়ায় আসে। মাতামহের দশ বারো খানা পাকী তৈয়ার হইতেছিল।

একখানা বরের বড় পাকী ও আর একখানা ভাঙ্গাম ছিল। সেইগুলি রং করাই ছিল সে পোটোর প্রধান

কাজ। অবসর-সময় সে বাসায় বসিয়া নিখুঁত ভাবে আঁকিত দেবদেবীর ছবি আর তন্নয় হইয়া দেখিতাম সেই তুলিকাসঞ্চার ও অপূর্ণ সৌন্দর্য্যসৃষ্টি। কতরকমের কত দেবতার কত ছবি; কত পৌরাণিক আখ্যায়িকা যে, সে পোটে আঁকিত তাহার ইয়ত্তা নাই।

‘স্বৰ্ণমুখীর’ গৃহ-ভিত্তি-গাত্রে তাহার অনেকগুলি টাঙ্গাইয়া দিয়াছি। ‘বিষয়ক’ সম্বন্ধে এই বামুনপাড়ার বাড়ী বারম্বার মনে পড়িতেছে, তাহার একটা বিশেষ কারণ অনুভব হয়। বামুনপাড়ার অদূরে * * * গ্রামে * * * * সিংহ নামে একজন প্রতিষ্ঠাবান ও ধনী ডেপুটী ম্যাজিস্ট্রেট ছিলেন; তাঁহার দুই স্ত্রী। একজন বিষপানে প্রাণ ত্যাগ করেন; ডেপুটী ম্যাজিস্ট্রেটের কর্মে বাহাল থাকিলেও তাঁহাকে বিশেষ বেগ পাইতে হইয়াছিল। বোধ হয় এ ঘটনা সাহিত্যিক বাল্যস্মৃতিকে কল্পনাভূষিত করিতে অনেক সাহায্য করিয়াছে। এ পোটোর বাড়ী কোথা ছিল জানি নাই। পরে শুনিয়াছি যে, আমাদের রাখানগরের পাশে ‘সোনাটীকরী’ ও ‘উদয়পুর’ গ্রামে অনেক প্রসিদ্ধ পোটে বাস করিত। অবশেষ কিছু এখনও আছে, “খেলানোর” পটও আছে। কিন্তু দেশ জনশূন্য প্রায়, রুচি বিকৃত, পটুয়ারাও বৃত্তি বদল করিয়াছে। সে যুগের চিত্র-শিল্পের ইতিহাস হিসাবে এইরূপ পটের সংগ্রহ, শিক্ষা ও সাহিত্য প্রতিষ্ঠানে হওয়া গৌরবজনক। আমাদের সোনাটীকরীর এই পটুয়ারা খুব লম্বা পটে নিপুণ ও নিখুঁত ভাবে এক একটা পৌরাণিক আখ্যায়িকা মায় অবস্থান ও প্রকৃতি চিত্রে বিবৃত

করিতেন। ‘রামায়ণ’ ‘মহাভারত’ ‘ভাগবত’ প্রভৃতি হইতে এই সকল আখ্যায়িকা সংগৃহীত হইত এবং চিত্রের পর চিত্র হইতে আখ্যায়িকার মর্ম গ্রহণ হইত। মোটা গুতার ধান তৈল-রাজ জমি করিয়া ও চিত্রিত করিয়া উভয় প্রান্তে গোল কাঠের ডাঙা আঁটিয়া এই সকল পট খোলা ও শুড়ান হইত এবং খেলানও হইত। পট খেলাইতে খেলাইতে ডমরুর তালে তালে, সুর-সংযোগে চিত্রকর চিত্রমর্ম বিবৃত করিত। বহুকাল পরে যখন ‘উত্তররামচরিতে’ আলেখ্য-দর্শন-কাহিনী পাঠ করি তখন এই পট খেলানোর কথা মনে পড়িয়াছিল। সোনাটীকরীর পাশেই রাখানগর! তথাপি সেখানে এ পট খেলানা দেখার কথা মনে পড়ে না, কিন্তু বামুনপাড়ায় তাহা দেখিয়াছি। আজকাল বায়োস্কোপ ও ফিল্মস্ সাহায্যে শিক্ষার ব্যবস্থা হইতেছে। এই আলেখ্য প্রদর্শন, পূর্বে আমাদের পল্লী-সমাজে ‘বায়োস্কোপ’ (Bioscope) ও ‘ফিল্ম’সের (Films) স্থান অধিকার করিত। সাধারণ লোকশিক্ষার এই উপকরণ পল্লী-সমাজ হইতে লুপ্ত হইয়াছে।

বায়োস্কোপ দেখিয়া এখন অনেকে ‘চুরি-ডাকাতি’, ‘খুন-খারাপি’ ও চরিত্রহীনতার শিক্ষা পায়। আমাদের পাড়া-গাঁয়ের ডাঙা জড়ানো এই পটে অন্ততঃ সে ভয়টা ছিল না। বায় ছিল মুষ্টি ভিক্ষা ও দুই একটা পয়সা। পট দেখার সঙ্কট ও ঝকমারি ছিল না। কলিকাতা অঞ্চলের অনেকেই পট খেলানার এ কথা কখনও শোনেন নাই।

শ্রীচৈতন্যের ব্রহ্ম-নিরূপণ

[শ্রীনগেন্দ্রনাথ হালদার বি.এল]

(১) চতুঃশ্লোকী

বৈষ্ণবগ্রন্থে দেখিতে পাওয়া যায় শ্রীচৈতন্য, ভাগবত-পুরাণের “চতুঃশ্লোকী”র নিদর্শন অনুসারে বেদান্ত দর্শনের ব্রহ্মবাদ নিরূপণ করিয়াছিলেন। সেইজন্য চতুঃশ্লোকী জিনিগটা কি তাহা সর্বাগ্রে নিরূপণ করা প্রয়োজন।

ব্যাকরণশাস্ত্র অনুসারে যেমন পাঁচটি বট বৃক্ষের একত্র সমাহারকে বলে পঞ্চবটী, তেমনি চারিটি বিশেষ শ্লোকের একত্র সমাহারকে বলে চতুঃশ্লোকী। একত্র সমাহৃত যে চারিটি বিশেষ শ্লোক ভাগবতের চতুঃশ্লোকী নামে বিখ্যাত, সেই চারিটি শ্লোক ভাগবত-পুরাণের দ্বিতীয় স্কন্ধের ৭ম অধ্যায়ে দেখিতে পাওয়া যায়। আবার ভাগবতের ঐ চারিটি শ্লোক যেমন চতুঃশ্লোকী নামে বিখ্যাত, বেদান্ত-দর্শনের প্রথম চারিটি সূত্রও তেমনিই চতুঃসূত্রী নামে প্রসিদ্ধ এবং বেদান্তের চতুঃসূত্রীর প্রসিদ্ধি লাভ করিবার কারণ হইতেছে এই যে, ঐ চারিটি সূত্রের মধ্যেই সমগ্র বেদান্ত-দর্শনের সারভূত সংক্ষিপ্ত অর্থ নিহিত হইয়াছে। অবিকল সেই কারণেই ভাগবতের চতুঃশ্লোকীও প্রসিদ্ধ। সমগ্র ভাগবতের সারভূত মর্মবাণী ঐ চারিটি শ্লোকের মধ্যেই সুরক্ষিত হইয়াছে। তাহাই হইতেছে ভাগবতরূপ মহাবৃক্ষের আদিম বীজ-কোষ। তাহারই মধ্যেই ভাগবতের বিবিধ ও বিস্তৃত কথা ও কাহিনাসকলের চরম তত্ত্ব নিহিত হইয়াছে। এই চতুঃশ্লোকী সম্বন্ধে ভাগবতে এক বিস্তারিত পৌরাণিক বৃত্তান্ত দেখিতে পাওয়া যায়। সেই বৃত্তান্তের সংক্ষিপ্ত মর্ম নিয়ে প্রদত্ত হইল।

একদা প্রজাপতি ব্রহ্মার উপর শ্রীভগবান্ সদয় হইয়া তাঁহাকে এই চতুঃশ্লোকী দান করিয়া বলিয়াছিলেন—

এতন্নতং সমাপ্রিত্য পরমেণ সমাধিনা ।

ভবান্ কল্পবিকল্পেষু ন যুহতি কহিচিৎ ॥

—অর্থাৎ, ভগবান্ বলিয়াছিলেন, হে ব্রহ্মন! আপনাকে আমি এই চারিটি শ্লোকের দ্বারা যে মত বলিলাম, আপনি

সেই মতের পরম সমাধিযোগে সম্যক্রূপে অবস্থিত হউন। তাহা হইলে কল্পবিকল্প ও আপনি কদাচিৎ মোহপ্রাপ্ত হইবেন না।

কোন সময়ে ব্রহ্মা আবার নারদের উপর পরিতুষ্ট হইয়া, ঐ চতুঃশ্লোকী নারদকে প্রদান করিয়া বলিয়াছিলেন—
“ইদং ভাগবতং পুরাণং দশলক্ষণং”—ইহাই হইতেছে (বিস্তৃতভাবে) দশলক্ষণযুক্ত ভাগবত-পুরাণ।

তাহার পরে স্বাপনের শেষে, বেদব্যাস মহাভারতাদি গ্রন্থ সমাপ্ত করিয়া, একদা ব্রহ্মনদী সরস্বতী-তীরে, “বদরীষণ্ড-মণ্ডিত,” শ্রামাপ্রাশ নামক আশ্রমে অবস্থান করিতেছিলেন। সেই সময় তাঁহার মনে এক ক্লোভ উপস্থিত হইয়াছিল। তিনি লোকহিতার্থে যে বিপুল গ্রন্থ রচনা করিয়াছিলেন, সেই গ্রন্থের মধ্যে,—তাঁহার মনে হইতেছিল,—কোথায় কি যেন অসম্পূর্ণ থাকিয়া গিয়াছে। এমন সময়ে সেখানে নারদ আসিয়া উপস্থিত হইলেন। ব্যাসের চিন্তা-ক্লোভের কারণ অবগত হইয়া নারদ তাঁহাকে চতুঃশ্লোকী দান করিয়া চলিয়া গেলেন।

ব্যাস এই চতুঃশ্লোকীর অর্থ ধ্যান করিতে করিতে —“অপশ্যৎ পুরুষং পূর্বং মায়াঞ্চ তদুপাশ্রিতাং”—আদি পুরুষকে এবং সেই আদিপুরুষাশ্রিত মায়াকে প্রত্যক্ষ দেখিতে পাইলেন। এইরূপে ব্যাস পরম সমাধিযোগে যাহা প্রত্যক্ষ করিয়াছিলেন —“লোকশ্রাজ্ঞানতঃ বিদ্বান্ চক্রে সাহিত-সংহিতা”—অর্থাৎ লোকের জন্ম তাহাই ভাগবত-সংহিতা রূপে পরিণত করিলেন।

অতএব যে শ্রীমদ্ভাগবত গ্রন্থ হইতেছে বৈষ্ণবমর্ম ও ভক্তিরোগের ব্যাস-প্রচারিত আদিম সুসমাচার, এই চতুঃশ্লোকী হইতেছে সেই সুসমাচারের সারভূত মর্মবাণী এবং যে পরম তত্ত্বকে ব্যাস সমাধির মধ্যে প্রত্যক্ষ করিয়া গ্রন্থকারে বিস্তৃত করিয়াছিলেন,—নদীয়ার শ্রীচৈতন্য সেই পরম তত্ত্বের সাধনাকে ছলভ ভক্তিরোগের মধ্য দিয়া আপামর সাধারণকে দেখাইয়া দিয়াছিলেন—

ভববরিধিবাহিত যে ধন জগতে ফেলিল ঢালি।

কাঙাল পাইয়া, খাইয়া, নাচিয়া, বাজাইল করতালি ॥
অতএব মহাপ্রভুর ধর্ম যে শুধুই গোলমালে হরিবোল,
এ কথা কেহই মনে করিবেন না। প্রাচীন বৈষ্ণব-গ্রন্থে
ভূরি ভূরি প্রমাণ পাওয়া যায় যে, মহাপ্রভু তাঁহার অলৌকিক
ভক্তিয়োগকে এক বিচিত্র জ্ঞানযোগের উপর প্রতিষ্ঠিত
করিয়াছিলেন। সেই জ্ঞানযোগের মর্মই হইতেছে
ভক্তিয়োগের প্রাণস্বরূপ এবং আমরা দেখিতে পাই
যখনই যে-কোন সম্প্রদায়ের মধ্যে ভক্তিয়োগের এই
প্রাণ উপেক্ষিত ও উপরুদ্ধ হইয়াছে, সেইখানেই
ধর্মের কায়া পচিয়া উঠিয়া বীভৎস-রূপ ধারণ
করিয়াছে।

আবার আমরা দেখিতে পাই সরস্বতী-তীরে বদরী-
বৃক্ষমূলে ব্যাস যেমন ধ্যান-যোগে পরম তত্ত্বকে প্রত্যক্ষ
করিয়া ভাগবতধর্ম প্রচার করিয়াছিলেন, তেমনই একদা
নৈরঞ্জনাভীরে বোধিদ্রুমতলে বুদ্ধ ভগবান্‌ও চরম সত্যকে
পরম সমাপিযোগে প্রত্যক্ষ করিয়া, নির্বাণধর্ম প্রচার
করিয়াছিলেন। এ কথা অবশ্যই সত্য যে, বুদ্ধের নির্বাণ
ধর্ম ও ব্যাসের ভাগবত-ধর্ম এক নহে। কিন্তু সেজন্ম
দুঃখ করিবার কোনই কারণ নাই। কারণ, পরম সত্য,
কোন দেশকালেই আবদ্ধ ও সীমাবদ্ধ সত্য নহে,—তাহা
ভূমা স্বরূপ, বিরাট, ব্যাপক ও অনন্ত। কোন দিক্ দিয়াই
মানুষের বুদ্ধি তাহাকে সম্পূর্ণ ইয়ত্তা করিতে পারে না।
ভূমা কোন তত্ত্বের বাধনেই বাধা পড়েন না। তাই বোধ
হয় ভাগবতে আছে, মা যশোদা কৃষ্ণকে যে দড়ি দিয়াই
বাধিতে চাহিয়াছিলেন সেই দড়িই হু'আঙ্গুল ছোট
পড়িয়াছিল। ভূমার অসীম ব্যাপকতার মধ্যে ব্যাস ও বুদ্ধ
দুজনেরই অবসর আছে! তাই সকালের উদার বৈষ্ণব
দেখিতে পাইয়াছিলেন, তাহার ব্যাপক কিছুই এক দেশে ও
এক কালে বুদ্ধরূপে অবতীর্ণ হইয়াছিলেন, এবং সেই
জন্মই জয়দেব গোস্বামী অকুণ্ঠিতচিত্তে গাহিয়াছিলেন—
“কেশব ধৃতবুদ্ধশরীর, জয় জগদীশ হরে”। কিন্তু আজ
বৈষ্ণবগণের সে উদারতা নাই। নিজেদের মধ্যেই খুটীনাটী
লইয়া বিষম হানাহানি ও দলাদলি করিয়া তাঁহারা মহা-
প্রভুর উদার ধর্মকে পদে পদে কুণ্ঠিত ও লাহিত
করিতেছেন

(২) সবিশেষ ও নির্বিশেষ ব্রহ্মবাদ

বেদান্তের চতুঃসূত্রীর মধ্যে যে সূত্রটি ব্রহ্মনিরূপণ
করিতেছে সে সূত্রটি হইতেছে—“জন্মান্তর্য যত ইতি”
অর্থাৎ যাহা হইতে এই বিশ্বের জন্ম বা উৎপত্তি
হইয়াছে, যাহার দ্বারা এই বিশ্ব জীবিত রহিয়াছে এবং
যাহাতে এই বিশ্বের লয় হইবে তাহাই ব্রহ্ম।
অতঃপর প্রশ্ন উঠিয়াছে, বেদান্ত যাহাকে এইরূপে
জগৎ-কারণ ব্রহ্ম বলিয়া নিরূপণ করিয়াছেন—সেই
ব্রহ্ম স্বরূপতঃ কি বস্তু। শঙ্করাচার্য্য এই প্রশ্নের উত্তরে
বলিয়াছেন স্বরূপতঃ ও মুখ্যতঃ ব্রহ্ম হইতেছেন এক
নিরাকার ও নির্বিকার তত্ত্ব। তাহা বাক্য-মনের অগোচর,
তাহা নেতি-নেতি-স্বরূপ বা জাগতিক কোন কিছুই মতন
নহে, তাহার কোনই কার্য্য নাই, কোনই কারণ নাই, তাহা
হানোপাদন-শূণ্য; সেইজন্য তাহাকে ভাল-মন্দ কিছুই বলা
যায় না। তাহা অ-প্রাণ ও অ-মন, তাহার প্রাণ-মন নাই,
তাহার পাণিপাদ নাই, তাহা অশরীরী, তাহার রূপ রসাদি
কোনই বিশেষ গুণ নাই, এক কথায় তাহা অজ্ঞেয় ও
অজ্ঞাত এক অজাগতিক তত্ত্ব। এই মতে ব্রহ্ম সমস্ত বিশেষ
গুণ বর্জিত তত্ত্ব বলিয়া, ইহার নাম নির্বিশেষ ব্রহ্ম-বাদ।

শ্রীচৈতন্য বলেন, জগৎ-কারণ ব্রহ্ম এইরূপ এক নিরূপাধি
নির্বিশেষ তত্ত্বমাত্র নহেন। কিন্তু তিনি হইতেছেন একজন
সর্বশক্তিমান, সর্বৈশ্বর্য্যময় বিশেষ পুরুষ (personality)।
ব্রহ্ম যে এইরূপ একজন সর্বশক্তিমান সর্বৈশ্বর্য্যময় সবিশেষ
পুরুষ ইহার প্রকৃষ্ট প্রমাণ হইতেছে, ভাগবতের চতুঃশ্লোকীর
প্রথম শ্লোক। সেই শ্লোক এইঃ—

অহমেবাসমেবাগ্রে, নাশ্চৎ যৎ সদসৎ পরম্।

পশ্চাদহং সদ্দেতচ্চ, যোহবশিষ্ঠতে সোহপ্যহম্ ॥

—ইহার অর্থ হইতেছে, আমিই অগ্রে ছিলাম, এবং এই
সৃষ্টিতে স্থল স্থল অপার যাহা দেখিতেছ তাহা ছিল না।
তাহার পরে সৃষ্টিতে যাহা উৎপন্ন হইয়াছে তাহাও আমি,
এবং প্রলয়ে যাহা অবশিষ্ট থাকিবে তাহাও আমি।—ইহা
হইতে শ্রীচৈতন্য সিদ্ধান্ত করিয়াছিলেন—

‘অহমেব,’ ‘অহমেব,’ শ্লোকে তিনবার।

পূর্ণৈশ্বর্য্য বিগ্রহের স্থির নির্দ্বার ॥

অর্থাৎ শ্রীচৈতন্য বলিয়াছিলেন—বেদান্তের চতুঃসূত্রী যেমন

ব্রহ্ম-নিরূপণ করিয়া বলিয়াছেন, জগতের উৎপত্তি স্থিতি ও লয়ের কারণ হইতেছে ব্রহ্ম, সেইরূপ ভাগবতের চতুঃ-শ্লোকীও ব্রহ্মনিরূপণ প্রসঙ্গে বলিতেছেন—এই বিশ্বের উৎপত্তি, স্থিতি ও লয়ের কারণ ব্রহ্ম এবং চতুঃশ্লোকী সেই কারণকে এক অহং পদবাচ্য পুরুষ বলিয়া বলিতেছেন, কেন না যিনি একজন “অহং” তিনি অবশ্যই কোন না কোন বিগ্রহ ও উপাধিবান্ পুরুষ এবং তিনি কেবলমাত্র এক নিরাকার ও নির্বিশেষ তত্ত্ব মাত্র নহেন। শ্লোকে তিনবার “অহমেব” শব্দ প্রযুক্ত হওয়ায় ব্রহ্ম যে এক স বিশেষ তত্ত্ব তদ্বিষয়ে আর কোনই সন্দেহের অবকাশ নাই।

ষড়ৈশ্বর্য্য পূর্ণানন্দ বিগ্রহ যাহার।

হেন ভগবানে তুমি কহ নিরাকার ॥

শ্রীভগবানের বিগ্রহ বলিতে কেহ যেন তাহা মাটী-গড়া কাঠাম’ মাত্র না মনে করেন। এ বিগ্রহ বলিতে ভগবানের আনন্দময় পূর্ণৈশ্বর্য্য-সম্পন্ন, শুদ্ধ, বুদ্ধ অপাপবিদ্ধ ঐশ প্রকৃতি বুঝাইয়া থাকে। যোগদর্শনে এই ঐশ প্রকৃতিই ঈশ্বরের “প্রকৃষ্ট সত্ত্ব-উপাদান” নামে অভিহিত হইয়াছে। যোগী যাজ্ঞবল্ক্য ইহাকে ঈশ্বরের “কারণ উপাধি” নাম দিয়াছেন। “কার্যোপাধিঃ অয়ং জীবঃ কারণোপাধিস্ত ঈশ্বরঃ”—জীবের উপাধি বা চিত্ত-সত্তা ও বিগ্রহ হইতেছে, কার্য বা সৃষ্ট-উপাধি এবং ঈশ্বরের উপাধি হইতেছে অসৃষ্ট বা কারণ-উপাধি।

এইখানে কিন্তু এক বিষয় সমস্তা উপস্থিত হইয়াছে। ব্রহ্ম যদি স বিশেষ পুরুষরূপেই প্রকৃতপক্ষে বেদান্তে নির্দ্ধারিত হইয়া থাকেন, তবে তাহার সহিত উপনিষদের নির্বিশেষ শ্রুতির সামঞ্জস্য হইতে পারে কিরূপে? শঙ্করাচার্য্য যে নির্বিশেষ ব্রহ্ম-বাদ স্থাপন করিয়াছিলেন, তাহা শ্রুতির প্রমাণ অনুসারেই স্থাপন করিয়াছিলেন। ব্রহ্ম যে ‘নেতি-নেতি-স্বরূপ,’ ‘অ-বাঙ-মনসগোচর,’ ‘অ-শরীরী,’ ‘অ-মন’ প্রভৃতি ইহা শঙ্করের উক্তি নহে, শ্রুতিরই উক্তি।

প্রাচীন উক্তি বৈষ্ণব গ্রন্থে খুঁজিয়া দেখিতে পাওয়া যায়। শ্রীচৈতন্য এই জটিল প্রশ্নের তিনটী উত্তর দিয়াছিলেন। সেই তিনটী উত্তরের মর্ম্ম অনুধাবন করিয়া দেখিলে অনায়াসেই বুঝিতে পারা যায় যে, “নদীয়ার অবতার,” শুধুই ভক্তিরাজ্যের সম্রাট্ ছিলেন না, কিন্তু জ্ঞান ও যুক্তি-রাজ্যেও তাঁহার অসীম অধিকার ছিল।

শুধু তাহাই নহে। তাঁহার হেতুবাদকে বর্তমান যুগের দার্শনিক-নিকষে কষিয়া দেখিলেও বুঝিতে পারা যায়, তাহা একেবারে ঠাট্ জিনিস—তাহা শুধুই শ্লোকবাক্য বা বিতণ্ডা-মাত্র নহে।

(৩) নির্বিশেষ ব্রহ্মবাদের মীমাংসা

কবি কর্ণপুর চৈতন্যচন্দ্রোদয় নাটক লিখিয়াছেন। কর্ণপুর তখন অবশ্যই ছেলেমানুষ,—নাও জন্মিয়া থাকিতে পারেন,—যখন চৈতন্যের সহিত বাসুদেব সার্কভৌমের বেদান্ত-বিচার হইয়াছিল। কিন্তু শিবানন্দ সেনের সেই ছোট ছেলেটার, ছেলেবেলা হইতেই চৈতন্য-তত্ত্ব জানিবার জন্ম যে প্রবল আগ্রহের পরিচয় পাওয়া যায়, তাহাতে তিনি যে বড় হইয়া সার্কভৌম ঠাকুরের নিকট ঐ বিচারের সমগ্র মর্ম্ম আদায় করিয়া লইয়াছিলেন তাহাতে কোনই সন্দেহ নাই। কবি কর্ণপুর বলিতেছেন—শ্রীচৈতন্য নির্বিশেষ ব্রহ্মবাদ সম্বন্ধে প্রথম বলিয়াছিলেন—

যা যা শ্রুতি জল্পতি নির্বিশেষঃ

স। সাহভিধন্তে স বিশেষমেব।

বিচারযোগে সতি হস্ত্য তাসাম্

প্রায়ো বলীয়ঃ স বিশেষমেব ॥

ইহার অর্থ হইতেছে—যে যে শ্রুতি ব্রহ্মকে নির্বিশেষ বলিয়া জল্পনা করিতেছে, সেই সেই শ্রুতিই আবার ব্রহ্মকে স বিশেষ বলিয়া বলিতেছে। এরূপ ক্ষেত্রে, বিচারযোগে অবস্থিত হইলে শ্রুতি সকলের স বিশেষ ব্রহ্মবাদ বলবান্ হইয়া থাকে।

একই শ্রুতি যে ব্রহ্মকে স বিশেষ ও নির্বিশেষ দুই রূপে জল্পনা করিতেছেন ইহার উদাহরণ ষথা, তৈত্তিরীয় শ্রুতি—

যতো বাচো নিবর্তন্তে অপ্রাপ্য মনসা সহ।

আনন্দং ব্রহ্মণো বিদ্বান্, ন বিভেতি কুতশ্চন ॥

এই শ্রুতির প্রথম চরণ ব্রহ্মের নির্বিশেষ স্বরূপ প্রতিপাদন করিতেছে এবং তাহার অর্থ হইতেছে, যাহাকে প্রাপ্ত না হইয়া বাক্য মনের সহিত নিবৃত্ত হয় অর্থাৎ সেই ব্রহ্ম বাক্য ও মনের অগোচর। আবার এই শ্রুতিরই দ্বিতীয় চরণ বলিতেছে, “সেই ব্রহ্মের আনন্দকে যিনি জানিয়াছেন তিনি আর কিছুতেই ভয় পান না।” চৈতন্যের

যতে এই চরণ সবিশেষ ব্রহ্মপ্রতিপাদক, কারণ এই চরণ বলিতেছে ব্রহ্ম একান্ত পক্ষে অজ্ঞেয় ও অজ্ঞাত তব্ব নহেন; কিন্তু তিনি আনন্দময়, এবং তাহার আনন্দকে জীবের কদাচিৎ আনিবারও অধিকার আছে।

আরও একটা উদাহরণ যথা—

অপাণিপাদো, জবনো গ্রহীতা—

পশ্চাত্যচক্ষুঃ স শৃণোত্যকর্ণঃ ॥

—তাহার অর্থ, তিনি পাণিপাদরহিত অথচ দ্রুতগমন-শীল ও গ্রহণ করিতে সমর্থ; তাঁহার চক্ষু নাই অথচ দেখিতে পান; কর্ণ নাই অথচ শুনিতে পান। বলা বাহুল্য, যে-ব্রহ্ম পাণিপাদরহিত, চক্ষুরাদি ইঞ্জিয়হীন তিনি অবশ্যই নিরাকার ও নির্কিশেষ ব্রহ্ম। অথচ যাহা দূরে চলে, গ্রহণ করে, দর্শন ও শ্রবণ করে তাহা একান্ত পক্ষে অজ্ঞেয় ও অজ্ঞাত, বাক্য মনের অতীত তব্ব নহে, তাহা অবশ্যই বিশেষ-গুণসম্পন্ন এক বিশেষ পুরুষ।

এইরূপ আরও ভূরি ভূরি উদাহরণ দেওয়া যাইতে পারে। এ ক্ষেত্রে শ্রীচৈতন্য বলিয়াছিলেন, শ্রুতি যখন ব্রহ্মকে সবিশেষ ও নির্কিশেষ দুই রূপেই বলিতেছেন, তখন বিচারযোগে অবস্থিত হইলে শ্রুতির সবিশেষবাদই বলবান্ হয় অর্থাৎ সূক্ষ্ম বিচার ও সূক্ষ্ম ত্রায় অনুসারে ধরিতে গেলে সবিশেষ ও নির্কিশেষ ব্রহ্মবাদের মধ্যে সবিশেষ ব্রহ্মবাদই ত্রায় অনুসারে বলবান্। কেন বলবান্,—ইহার যুক্তি চৈতন্যের উক্তি হইতে খুঁজিয়া বাহির করিবার প্রয়োজন নাই,—তাহার অকাট্য যুক্তি বর্তমান যুগের দার্শনিক সম্রাট্ হেগেলের ন্যায়দর্শন (Logic) হইতে আমরা তুলিয়া দিতেছি।

সকলেই জানেন যে, ইউরোপখণ্ডেও এক প্রকার নির্কিশেষ ব্রহ্ম-বাদ দার্শনিক-সমাজে প্রচলিত আছে এবং ক্যান্ট-প্রমুখ মনোবিবর্গ অবধারণ করিয়াছিলেন যে, চরম সত্যতব্ব হইতেছে এক অজ্ঞেয় ও অজ্ঞাত এবং অনবধারিত (undetermined) তব্ব। হেগেল সেই অজ্ঞেয়বাদ সম্বন্ধে বলিতেছেন—

“An entirely undetermined Being is no Being at all: it is nothing. There is nothing perceivable in it, there is nothing thinkable in it, therefore it is as good as nothing, and neither more nor less than

nothing. If you say that the ultimate reality, which is an undetermined Being, is as good as nothing, then according to your confession, it should be all the same whether you do exist or do not exist, whether you possess a hundred dollars or do not possess a hundred dollars....But certainly your undetermined Being is not wholly undetermined. It has at least the attribute of being thought about or guessed at. And the possession of a single attribute turns the undetermined Essence into a determined Being. *

অর্থাৎ—যাহা সম্পূর্ণরূপে অজ্ঞেয়, অজ্ঞাত, তাহার অস্তিত্ব ও নাঅস্তিত্ব একই কথা। যদি বল পরমতত্ত্বের অস্তিত্ব ও নাঅস্তিত্ব একই কথা,—তবে আমার বাঁচিয়া থাকা এবং না বাঁচিয়া থাকাও একই কথা হওয়া উচিত এবং আমার এক শত মুদ্রা থাকা এবং একশত মুদ্রা না থাকা একই কথা হওয়া উচিত।.....কল কথা, তোমার অচিন্ত্য তব্ব বাস্তবিকপক্ষে সর্বথা অচিন্ত্য তব্ব নহেন। তাহা যদি হইত, তবে সেই অচিন্ত্যতব্ব তোমার চিন্তায় আসিলেন কিরূপে? সেই নির্কিশেষ ও অচিন্ত্যতত্ত্বের অন্ততঃ পক্ষ এই বিশেষ গুণটি আছে যে, তাহা চিন্তাযোগ্য বা অনুমানযোগ্য এ মতী তব্ব এবং যাহার একটা মাত্রও বিশেষ গুণ আছে তাহা আর নির্কিশেষ তব্ব রহিল না, তাহা সবিশেষ তব্ব হইয়া গেল।

শ্রীচৈতন্য যে বলিয়াছিলেন, বিচারযোগে অবস্থিত হইলে সবিশেষ ব্রহ্মবাদই বলবান্ হয়, সেই উক্তির অনুকূলে উক্ত হেগেল-বাদ হইতে আর কি বলবতী যুক্তি হইতে পারে? শ্রীচৈতন্য এই যুক্তির অনুকূলে আরও দেখাইয়াছিলেন—বেদান্ত-দর্শন যে সূত্রের দ্বারা জগৎ-কারণ ব্রহ্ম-নিরূপণ করিয়াছিলেন, সেই সূত্রের দ্বারাই সবিশেষ ব্রহ্ম সাব্যস্ত হইতেছে, এবং এক নির্কিশেষ, অজ্ঞেয় ও অজ্ঞাত ব্রহ্ম সাব্যস্ত হইতেছে না। যথা চরিতামৃতে—

ব্রহ্ম হইতে জন্মে বিশ্ব, ব্রহ্মেতে জীবের।

সেই ব্রহ্মে পুনরপি হয়ে যায় লয় ॥

অপাদান, করণ, অধিকরণ, কারক তিন ।

ভগবানের সবিশেষ এই তিন চিহ্ন ॥

এই হইল তাঁর প্রথম উত্তর । তাঁহার দ্বিতীয় উত্তর এই—যদিও বিচারযোগে সবিশেষ ব্রহ্মবাদই বলবান্ হয়, তথাপি নির্কিশেষ শ্রুতি-সকল অর্থহীন শ্রুতি নহে ; তাহাদেরও অবশ্য কোন না কোন সঙ্গত অর্থ আছে । সেই সকল সঙ্গত অর্থ হইতেছে—

নির্কিশেষ তাঁরে কহে সেই শ্রুতিগণ ।

প্রাকৃত নিবেধি করে, অপ্রাকৃত স্থাপন ॥

এই অপ্রাকৃত-বাদ হইতেছে বৈষ্ণব-দর্শনের মধ্যবিন্দু । প্রাকৃত বলিতে এই বুঝায় যাহা সৃষ্টিতে প্রকৃতি হইতে উৎপন্ন হইয়াছে । গীতাতে এই প্রকৃতি দ্বিবিধ বলিয়া উক্ত হইয়াছে, যথা জড় বা অপরা প্রকৃতি, এবং পরা বা জীবভূতা প্রকৃতি । যাহা পরা ও অপরা প্রকৃতি হইতে উৎপন্ন হয় নাই—তাহাই অপ্রাকৃত । আমাদের দেহ, মন ইন্দ্রিয় প্রভৃতি ভগবানের প্রকৃতি-শক্তি হইতে উৎপন্ন হইয়াছে বলিয়া তাহা প্রাকৃত এবং প্রাকৃত বলিয়া তাহা অমিত্য, অবিজ্ঞ, মায়াগত ও পার্থিব । কিন্তু ভগবানের বিগ্রহ, ঐশ মন, ঐশ ইন্দ্রিয় প্রভৃতি অপ্রাকৃত, কারণ তাহা সৃষ্টিতে উৎপন্ন হয় নাই, অতএব তাহা নিত্য, শুদ্ধ, বুদ্ধ অপাপবিদ্ধ । এইজন্য তাহা অজাগতিক, আমাদের বিগ্রহ মন ও ইন্দ্রিয় হইতে স্বতন্ত্র—এবং সেই অর্থে ব্রহ্ম হইতেছেন নেতি-নেতি-স্বরূপ, অ-পাণিপাদ, অ-মন ও অ-শরীরী ।

সৃষ্টির পূর্বেও যে ব্রহ্মের ঐশ মন ও ঐশ নেত্র ছিল অর্থাৎ তাঁহার “অপ্রাকৃত” মন ও নেত্র ছিল শ্রীচৈতন্য তাহার প্রমাণ দিয়া বলিয়াছেন—

ভগবান্ বহু হইতে যবে কৈল মন ।

প্রাকৃত শক্তিকে তবে কৈল বিলোকন ॥

সেকালে নাহিক ভয়ে প্রাকৃত মন নয়ন ।

অতএব অপ্রাকৃত ব্রহ্মের নেত্র মন ॥

পাঠক দয়া করিয়া এই যুক্তির শাণিত ভীক্ষণার অবধারণ করিবেন । ছানোগ্য শ্রুতিতে আছে—“তদৈক্যত, বহু শ্রুত্যাং, প্রজায়েয়েতি । তত্তেজোহনুগ্রত—অর্থাৎ “ব্রহ্ম ‘ঈক্ষণ’ করিলেন, তিনি বহু হইতে ও প্রজাত হইতে ইচ্ছা করিলেন তিনি সৃষ্টিতে প্রথমে তেজকে উৎপন্ন করিলেন ।” এখানে শ্রীচৈতন্য বলিতেছেন ; সৃষ্টির পূর্বে ভগবান্ তাঁহার প্রাকৃত শক্তিকে “ঈক্ষণ” করিয়াছিলেন, অতএব ভগবানের ঈক্ষণ করিবার ইন্দ্রিয়—নেত্র ছিল, তিনি বহু হইতে সঙ্কল্প করিয়াছিলেন, অতএব তাঁহার সঙ্কল্পাত্মক মনও ছিল । কিন্তু সেই মন ও নেত্র, আমাদের মনের ত্রায় সৃষ্ট মন ও সৃষ্ট নেত্র হইতে পারে না,—কারণ তাহা সৃষ্টির পূর্বেও বিদ্যমান ছিল—“অতএব অপ্রাকৃত ব্রহ্মের নেত্র মন ।”

এই হইল শ্রুতি-কথিত নির্কিশেষ ব্রহ্ম সম্বন্ধে শ্রীচৈতন্যের দ্বিতীয় উত্তর । তাঁহার তৃতীয় উত্তর এই—শ্রুতি যে ব্রহ্ম শব্দ প্রয়োগ করিয়াছেন তাহার ধাতুগত মূল অর্থ কি ? আমাদের দেশের মীমাংসকগণ আবহমান কাল বলিয়া আসিতেছেন, শ্রুতির অর্থ স্মৃতি অবধারণ করিয়া থাকেন । স্মৃতি ব্রহ্ম শব্দের সে অর্থ করেন তাহা হইতে সবিশেষ ব্রহ্ম অবধারিত হয়, না নির্কিশেষ ব্রহ্ম অবধারিত হয় ? বিষ্ণু-পুরাণ একটা বিশ্বস্ত স্মৃতি । সেই স্মৃতি শ্রুতির মৌলিক অর্থ নির্ধারণ করিয়া বলিতেছেন—“বৃহদ্বাং বৃহনত্বাচ্চ তদ্বৃক্ষ পরমং বিদুঃ”—সেই পরম তত্ত্ব বৃহৎ বলিয়া ও ব্যাপক বলিয়া পণ্ডিতগণ তাঁহাকে ব্রহ্ম বলিয়া জানেন এবং যে ব্রহ্ম বৃহৎ ও ব্যাপক তাহা অবশ্যই নিগুণ ও নির্কিশেষ ব্রহ্ম নহে—

বেদের পুরাণে কহে ব্রহ্ম নিরূপণ ।

সেই ব্রহ্ম বৃহদ্বস্ত ঈশ্বর-লক্ষণ ॥

উদ্ভিদের নিঃশ্বাস-প্রশ্বাস

[শ্রীঅশেষচন্দ্র বসু বি-এ]

গাছেরা যে আমাদের মতই নিঃশ্বাস লয়, এ কথা বলিলে প্রথমে একটু আশ্চর্য্য বোধ হইতে পারে। কথাটা কিন্তু মিথ্যা নয়। আমরা যেমন অক্সিজেন ব্যতীত এক মুহূর্তও বাঁচিতে পারি না, উদ্ভিদেরাও তদ্রূপ অক্সিজেন অভাবে মরিয়া যায়। আমরা যেমন নিঃশ্বাসের সহিত অক্সিজেন গ্রহণ করিয়া প্রশ্বাস-বায়ুর সহিত কার্বন-ডাইঅক্সাইড ত্যাগ করি, গাছেরাও ঠিক সেই রূপেই অক্সিজেন গ্রহণ করিয়া কার্বন-ডাইঅক্সাইড গ্যাস পরিত্যাগ করিয়া থাকে।

এখন প্রশ্ন হইতে পারে, উদ্ভিদের ফুসফুস কোথায়? জীব-জন্তুর ফুসফুস আছে বলিয়াই তাহাদের নিঃশ্বাস-প্রশ্বাস চলিয়া থাকে; কিন্তু গাছের কি ফুসফুস আছে? গাছের ফুসফুস নাই, তথাপি গাছেরা নিঃশ্বাস-প্রশ্বাস ত্যাগ করিয়া থাকে। কীট-পতঙ্গ প্রভৃতি নিম্ন শ্রেণীর জীবদিগের যে ভাবে নিঃশ্বাস-প্রশ্বাস চলিয়া থাকে, উদ্ভিদিগেরও অনেকটা সেইভাবেই শ্বাস-প্রশ্বাস ক্রিয়া সম্পন্ন হয়। কীটদের ফুসফুস নাই, কিন্তু তাহাদের দেহের উপরিভাগে অতি ক্ষুদ্র ক্ষুদ্র ছিদ্র আছে। এই ছিদ্রের মধ্য দিয়াই তাহাদের শ্বাস-প্রশ্বাস ক্রিয়া সম্পন্ন হয়। উদ্ভিদিগেরও পত্র, পুষ্প, মুকুল, বৃন্ত, শাখা, কাণ্ড, কন্দ, মূল, এমন কি কলের মধ্যেও নিঃশ্বাস-প্রশ্বাস চলিয়া থাকে। উদ্ভিদের যেখানেই সজীব কোষ আছে সেখানেই শ্বাস-প্রশ্বাস ক্রিয়া সম্পন্ন হইয়া থাকে। আচার্য্য জগদীশচন্দ্র কিছুকাল পূর্বে ইউরোপের কোনও বিজ্ঞানাগারে বক্তৃতা-কালে উদ্ভিদকে নিম্নশ্রেণীর জীবের সহিত তুলিত করিয়া ইহাদের যে অচল জীব বলিয়া উল্লেখ করিয়াছিলেন, তাহা অনেক পরিমাণে সত্য।

উদ্ভিদের নিঃশ্বাস-প্রশ্বাস-ক্রিয়া কোন্ অংশে কিরূপ ভাবে চলিয়া থাকে তাহা এইবার আলোচনা করা যাক। পোকা-মাকড়দের দেহের ছিদ্রগুলি দিয়া নিঃশ্বাস-প্রশ্বাস সমান ভাবে চলিয়া থাকে, কিন্তু উদ্ভিদের সেরূপ হয় না। উদ্ভিদের কোন অংশে কম এবং কোনও অংশে শ্বাস-

প্রশ্বাস-ক্রিয়ার আধিক্য লক্ষিত হইয়া থাকে। নবোদ্ভূত পত্রাবলী, স্তম্ভ-প্রস্ফুটিত কুম্বের পাপড়ী, নূতন শাখার অগ্রভাগ, নব মুকুলমঞ্জরী, নূতন শিকড় প্রভৃতির মধ্যেই দ্রুত শ্বাস-প্রশ্বাস ক্রিয়া সম্পন্ন হইয়া থাকে। পুরাতন কাণ্ড, শাখা, মূল প্রভৃতিতে শ্বাস-প্রশ্বাসের ক্রিয়া মন্দীভূত হইয়া থাকে। গাছের যেখানেই নূতন নূতন পত্র, শাখা, মুকুল, অঙ্কুর, মূল প্রভৃতির গঠন হয় সেখানেই দ্রুত শ্বাস-প্রশ্বাস ক্রিয়া লক্ষিত হইয়া থাকে। মৃত্তিকার অভ্যন্তরস্থ শিকড়, কন্দ প্রভৃতিতে উপরের কাণ্ড ও সবুজ শাখা অপেক্ষা যখন যখন শ্বাস-প্রশ্বাস চলিয়া থাকে।

ছোলা, মটর, কড়াই প্রভৃতি হইতে যখন প্রথম অঙ্কুরের উদগম হয় তখন শ্বাস-প্রশ্বাস ক্রিয়া অপেক্ষাকৃত ধীরে ধীরে সম্পন্ন হইতে থাকে; কিন্তু পরে অঙ্কুর যখন বড় হইয়া ছোলা বা মটরের মধ্যে সঞ্চিত সমস্ত আহারীয় পদার্থ নিঃশেষ করিয়া ফেলে তখন শিশু উদ্ভিদের শ্বাস-প্রশ্বাস ক্রিয়া বিলক্ষণ বৃদ্ধিত হইয়া থাকে। উদ্ভিদ-জীবনে আর কোন কালে ইহা অপেক্ষা শ্বাস-প্রশ্বাসের বৃদ্ধি হইতে দেখা যায় না। পরে নবীন তরু, পত্র ও শাখার পূর্ণ বিকাশ হইলে এবং শিকড়ের সাহায্যে মৃত্তিকা হইতে এবং পত্রের সাহায্যে বায়ু হইতে আহার সংগ্রহ করিতে পারিলে শ্বাস-প্রশ্বাসের সমতা আসিয়া উপস্থিত হয়। বৃক্ষ তখন ধীরে ধীরে নিঃশ্বাস গ্রহণ ও প্রশ্বাস ত্যাগ করিয়া থাকে। অবশ্য প্রাচীন তরু অপেক্ষা যে তাহার শ্বাস-প্রশ্বাস দ্রুত-বেগে চলিয়া থাকে তাহা বলা বাহুল্য।

স্ফুটনোন্মুখ কুম্ব অপেক্ষা পূর্ণ বিকসিত কুম্বের মধ্যেই দ্রুত নিঃশ্বাস-প্রশ্বাস চলিয়া থাকে। এমন কি যখন আমরা পুষ্পধারের মধ্যে গোলাপ, পদ্ম, কেনা, গাঁদা, রজনীগন্ধা, চন্দ্রমল্লিকা, ডালিয়া, প্রভৃতি ফুলকে গাছ হইতে তুলিয়া সাজাইয়া রাখি, তখনও তাহাদের মধ্যে সুন্দরভাবে নিঃশ্বাস-প্রশ্বাস চলিয়া থাকে। পরে ধীরে ধীরে সে প্রক্রিয়া বন্ধ হইয়া যায়। ফুল যতক্ষণ তাজা

থাকে ; ততক্ষণ তাহাদের মধ্যে নিঃশ্বাস চলে । শুধু ফুল নয়, টাটকা ফলের মধ্যেও শ্বাস-প্রশ্বাস ক্রিয়া সম্পন্ন হইয়া থাকে । আমেরিকা, পশ্চিম দ্বীপপুঞ্জ, অষ্ট্রেলিয়া প্রভৃতি হইতে যখন বিলাত প্রভৃতি স্থানে আপেল, কলা, কমলা-লেবু ইত্যাদি ফল জাহাজে চালান দেওয়া হয়, তখন ফলের শ্বাস-প্রশ্বাস ক্রিয়ার প্রতি লক্ষ্য রাখিয়াই তাহাদিগকে বাস্তবের মধ্যে সাজান হইয়া থাকে এবং তাহারা ফল চালান দেয় তাহারাও জানে যে, টাটকা ফল অনেকটা জীবজন্তুর মতই নিঃশ্বাস ফেলিয়া থাকে । এদেশে তাহারা ফুলের ব্যবসা করে, তাহারাও ফুলকে বাতাসের মধ্যে রাখিয়া দীর্ঘকাল বাঁচাইয়া রাখে । এই বাতাস অর্থে ফুলকে অক্সিজেন সেবন করান মাত্র । এমন কি আমরা যে বর্ষার পূর্বে আলু কিনিয়া ঘরের মেঝের উপর পালঙ্কের নীচে বিছাইয়া রাখি তাহারাও গেড়ী, সামুক, গুগলী প্রভৃতির মত নিঃশ্বাস-প্রশ্বাস ফেলিয়া থাকে । যতদিন তাহারা নিঃশ্বাস-প্রশ্বাস ফেলিতে পারে, ততদিন তাহারা বাঁচিয়া থাকে । নিঃশ্বাস-প্রশ্বাস বন্ধ হইয়া গেলেই আলু পচিয়া যায় । আলু যে এতকাল সজীব থাকিতে পারে, তাহা বর্ষার সময় আলুর গাত্র হইতে উদ্ভূত “গঁড়” দেখিয়াই বুঝিতে পারা যাইবে ।

তাজা ফুল ও টাটকা ফল যে নিঃশ্বাস ফেলে, একথা অনেকের নিকট অদ্ভুত বলিয়া বোধ হইবে । এ বিষয়ে কিন্তু একটু পরীক্ষা করিলেই আমার কথা প্রতিপন্ন হইয়া যাইবে । শুধু তাজা ফুল নয়, তাজা ফল, মূল, কন্দ—যেমন ওল, কচু, আলু, শাখ-আলু, খাম-আলু, মূলা, রাজা-আলু, গাজর, শালগ্রাম, ওলকপি, পিঁয়াজ, রসুন প্রভৃতি সমস্ত তাজা জিনিসই নিঃশ্বাস-প্রশ্বাস ফেলিয়া থাকে এবং সেজন্য আমাদের মতই তাহাদের অক্সিজেনের প্রয়োজন হয় । এই সকল ফল-মূল-কন্দকে কিছুকাল ঘরের মধ্যে ফেলিয়া রাখিলেই দেখা যাইবে যে, ইহারা ঘরের অক্সিজেন নিঃশ্বাসের সহিত গ্রহণ করিয়া নিঃশেষ করিয়া ফেলিয়াছে এবং অক্সিজেনের পরিবর্তে ঘরের মধ্যে কার্বনডাইঅক্সাইড্ গ্যাস্ পরিত্যাগ করিয়া রাখিয়াছে । অবশ্য ঘরটা একটা কাচের বড় বাস্তবের মত হইলেই পরীক্ষার সুবিধা হয় । এইরূপ কাচের বাস্তবের মধ্যে কয়েক দিন ফল-মূল রাখিয়া দিবার পর তন্মধ্যে একটা বাতি জালিয়া দিলে উহা আর

জলিবে না এবং দীপ-নির্কারণের সহিতই বাস্তবের মধ্যে অক্সিজেনের অভাব প্রতিপন্ন হইয়া যাইবে ।

ডাক্তার লরি তাঁহার “হোমিওপ্যাথিক ডোমেস্টিক মেডিসিনের” প্রারম্ভে বলিয়াছেন যে, উগ্রগন্ধী কুসুম রোগীর নিকট রাখা উচিত নয়—এবং অধিক সংখ্যক সুগন্ধী কুসুমও রোগীর শয্যায় রাখা সঙ্গত নহে । দুই একটা অল্পগন্ধবিশিষ্ট পুষ্প রোগীর নিকট রাখা যাইতে পারে । ডাক্তার লরি আবার একাদিক্রমে কুসুম রোগীর শয্যায় রাখিতে নিষেধ করিয়াছেন । তিনি বলিয়াছেন যে, রোগীর ফুল মাঝে মাঝে বদলাইয়া দিতে হইবে । দিবসে কিন্তু ফুল রাখিলেও রোগীর শয্যায় বা ঘরে রাখে ফুল রাখিতে তিনি নিষেধ করিয়াছেন । এই নিষেধের কারণ কি ? ইহার কারণ, কুসুম হইতে প্রশ্বাসের সহিত যে কার্বন-ডাইঅক্সাইড্ গ্যাস নির্গত হয় তাহা রোগীর পক্ষে মহা অনিষ্টকর ।

উদ্ভিদের যে, সকল অংশে শ্বাস প্রশ্বাস ক্রিয়ার আধিক্য হয়, সেই সকল স্থানে উত্তাপ-প্রজনন ব্যাপারও লক্ষিত হইয়া থাকে । যে পাত্রে ছোলা, মটর প্রভৃতি অঙ্কুরিত হইতে থাকে, সেই পাত্রে মধ্য তাপমাণ-যন্ত্র প্রবেশ করাইলে তাপবৃদ্ধির মাত্রা লক্ষ্য করা যাইবে । তবে গাছেরা এত শীঘ্র তাপ বিকীরণ করে যে, এই প্রকার তাপবৃদ্ধি বড় একটা বুঝা যায় না । তাপ-বিকীরণের সঙ্গে সঙ্গেই বাহিরের বায়ুতে গাছের বহির্ভাগ শীতল হইয়া পড়ে । তবে ফুলের যে, সকল অংশ পাপড়ী বা বাহিরের পাতার মধ্যে ঢাকা থাকে, সেই সকল অংশের তাপ তাপমাণ যন্ত্রের সাহায্যে অনুমান করা যাইতে পারে । কচুফুল এবং কদলী-কুসুম অর্থাৎ “মোচা” সকল সময়েই পুরু খোলা দ্বারা আবৃত থাকে ; সুতরাং কচু ও মোচার শ্বাস-প্রশ্বাস-জনিত তাপ-বৃদ্ধির পরিমাণ করা যাইতে পারে । পরীক্ষায় জানা গিয়াছে যে কচু ফুলের মধ্যে শ্বাস-প্রশ্বাস কালে প্রায় ৯ ডিগ্রি হইতে ১৮ ডিগ্রি (ফার্ন হাইট) অবধি তাপাধিক্য হইয়া থাকে ।

উদ্ভিদ যে শ্বাস প্রশ্বাসের নিমিত্ত অক্সিজেন গ্রহণ করে, তাহা আর এক পরীক্ষায় বুঝিতে পারা যাইবে । একটা ঘরে অক্সিজেন ব্যতীত হাইড্রোজেন, নাইট্রোজেন প্রভৃতি অপর গ্যাস ছাড়িয়া তাহার মধ্যে একটা উদ্ভিদ রাখিয়া দিলে কিছুক্ষণের মধ্যেই উহার পরিবর্তন ঘটিতে দেখা যায় ।

এইরূপ কক্ষ রক্ষিত উদ্ভিদের কোবহিত প্রোটোপ্লাজম-এর চলাচল শক্তি অক্সিজেনের অভাবে রহিত হইয়া যায়, উহার পত্রাদি ও পুষ্পের পাপড়ি সকল কঠিন হইয়া পড়ে এবং পরিশেষে বৃক্ষ অল্পজানের অভাবে হাঁপাইয়া মরিয়া যায়। এরূপ অবস্থায় অচিরে অক্সিজেন প্রয়োগ না করিলে উদ্ভিদকে আর পুনর্জীবিত করা যায় না।

জলাশয়াদিতে যে, সকল জলজ লতা জন্মায় তাহারা খাস-প্রশ্বাসের নিমিত্ত জল হইতে অক্সিজেন গ্রহণ করিয়া থাকে। একটা জলজ লতাকে বোতলের মধ্যে পুরিয়া কৰ্ক দ্বারা আবদ্ধ করিয়া রাখিলে বোতলে বদ্ধ মাছের মতই ২৪ ঘণ্টার মধ্যেই উহার মৃত্যু ঘটয়া থাকে। বোতলের জল হইতে ও বোতল-বদ্ধ বায়ু হইতে ষতকণ অক্সিজেন গ্রহণ করিতে পারিবে মাত্র ততকণই লতাটা বোতলে জীবিত থাকিতে পারিবে। শহরের বড় বড় পার্কে অনেক সময় ছুই একটা বৃক্ষকে অজ্ঞাত কারণে নিস্তেজ হইয়া পড়িতে দেখা যায়। বাহিরে গাছের স্থানান্তারের কোনও কারণ লক্ষ্য করা যায় না। ঐ সকল তরুর মূল খনন করিলে মাটির নীচে গ্যাসের পাইপ দেখিতে পাওয়া যাইবে। ঐ সকল পাইপ কোনও রকমে ফাটিয়া গেলেই তাহার সন্নিকটস্থ বৃক্ষের এইরূপ দশা ঘটয়া থাকে। গ্যাস মৃত্তিকার অণু-পরমাণুর অন্তবর্তী বায়ুর সহিত মিশিয়া তরুমূলে প্রবিষ্ট হয় এবং তাহাতেই বৃক্ষের স্বাস্থ্যনাশ ঘটয়া থাকে। যে সকল বৃক্ষে অবিরত কয়লার ধূম লাগে তাহাদেরও স্বাস্থ্যের অবনতি হইয়া থাকে।

রাত্রে গাছের তাওয় যে মন্দ বলিয়া শুনা যায়, তাহার কারণ রাত্রে গাছেরা আমাদের মত প্রশ্বাসের সহিত কার্বন-ডাইঅক্সাইড-পরিত্যাগ করে। কিন্তু দিবসে বিশেষতঃ প্রত্যুষে গাছের তাওয়া ভাল, কারণ আলোকের আবির্ভাবের সঙ্গেসঙ্গেই গাছেরা তাহাদের পত্ররূপ পাকশালায় সূর্য্যকিরণরূপ অগ্নির সাহায্যে তাহাদের


আহার প্রস্তুত করিয়া থাকে। এই আহার প্রস্তুত-করণে বায়ুমণ্ডলস্থিত বিষাক্ত কার্বন-ডাইঅক্সাইড-গ্যাস উহার সাগ্রহে আহরণ করিয়া লয়। কার্বন-ডাইঅক্সাইড-এর এক পরমাণুর মধ্যে এক ভাগ কার্বন ও দুই ভাগ অক্সিজেন থাকে। গাছেরা কার্বন-ডাইঅক্সাইড-এর শুধু কার্বন লইয়া অক্সিজেন পরিত্যাগ করে। সারা দিবসই এই ব্যাপার চলিয়া থাকে; সুতরাং দিবাভাগে আমরা বৃক্ষ হইতে প্রচুর পরিমাণে অক্সিজেন লাভ করিয়া থাকি। রাত্রে আলোকের অভাবে গাছের পাতার মধ্যে বা বৃক্ষের অপরাপর হরিভাংশে আহার প্রস্তুত করিতে পারে না। সে-সময়ে শুধু খাস-প্রশ্বাসেই চলিয়া থাকে। রাত্রে বৃক্ষেরা নিঃশ্বাসের সহিত অক্সিজেন শোষণ করে এবং প্রশ্বাসের সহিত কার্বন গ্যাস পরিত্যাগ করিয়া থাকে। এই কারণেই রাত্রে বৃক্ষলতায় ভ্রমণ বা শয়ন করা নিবেদ। রাত্রে ঘরের মধ্যে টবের গাছ রাখাও ভাল নয়।

সহরের রাজপথের ছুই ধারে যে বৃক্ষশ্রেণী রোপণ করা হয়, তাহার উদ্দেশ্য যে, শুধু বৃক্ষের শোভা সম্পাদন ও ক্লাস্ত পথিককে ছায়াদান তাহা নহে। জনাকীর্ণ সহরের সঞ্চিত কার্বন ডাইঅক্সাইড-গ্যাসকে শোষণ করিয়া লইবার উদ্দেশ্যও এই বৃক্ষরোপণের মূলে নিহিত আছে। গাছেরা সারা শহরের বিষাক্ত কার্বনগ্যাস সমস্ত দিনে শোষণ করিয়া লইয়া থাকে। এ বিষয়ে বন-জঙ্গলও যে আমাদের কত উপকার করে তাহা এখন বুঝা যাইবে।

মাছদের জন্ম কৃত্রিম জলাশয়াদিতে জলজ লতা (ঝাঁজি) ছাড়িয়া দেওয়া হয়। ইহার কারণ বোধ হয় অনেকেই অবগত নহেন। জলজ লতাপাতারা জলের মধ্যে কার্বন-ডাইঅক্সাইড-গ্যাস গুণিয়া লয় এবং কার্বন-ডাইঅক্সাইড-গ্যাস হইতে কার্বন গ্রহণ করিয়া অক্সিজেন ত্যাগ করে। মাছেরা এই অক্সিজেন নিঃশ্বাসের সহিত গ্রহণ করিয়া বর্দ্ধিত হয়।

দমকা-হাওয়া (উপন্যাস)

[শ্রীনরেন্দ্রনাথ চট্টোপাধ্যায়]



—এক—

নিঝুম নিশীথের মত গৃহের নিস্তরতা ভঙ্গ করিয়া জমীদার মাধববাবু রোগশীর্ণ কণ্ঠে বলিয়া উঠিলেন, 'বেণুকে বুঝি তারা পাঠালে না, মা!'

সমবেদনার সুরে বীণা বলিল, "তোমার এতখানি অসুখের কথা জানতে পেরেও সলিল কি তাকে না পাঠিয়ে থাকতে পারবে, বাবা!...সেও ত মানুষ!"

কাহারও মুখ দিয়া একটা কথাও বাহির হইল না। নীরব নিথর ঘরখানার মধ্যে অনেকের উদ্ভিগ্নদৃষ্টি জমীদারের মুখের দিকে আবদ্ধ থাকিলেও সকলেরই জিহ্বা যেন দাঁতের সঙ্গে স্কু দিয়া আঁটা।

পিতার পায়ে হাত বুলাইতে বুলাইতে বীণা বলিল, 'কি কষ্ট হচ্ছে, বাবা?'

কোটরাগত চক্ষু দুইটা কন্ঠার মুখের উপর ফেলিয়া হাসিমাখা মুখে অতি কষ্টে মাধব রায় বলিলেন,—'দুঃখ-কষ্টের বাইরে যাবার জন্তু পা বাড়িয়েছি, কষ্ট আর কি, মা! কোনও কষ্ট নেই এখন।'

কাহার মুখ দিয়া আর কোনও কথা বাহির হইল না; সম্মুখে শীর্ণ হাতখানি কন্ঠার মাথায় রাখিয়া সবটুকু আশীর্বাদই যেন উজাড় করিয়া ঢালিয়া দিতে লাগিলেন।

এতক্ষণ ধরিয়া বীণা নিজেকে কোনওরূপে শান্ত করিয়া রাখিলেও বাটার বাহিরে প্রজাদিগের কাতর চীৎকার তাহার রুদ্ধ ভাবাবেগকে আর আবদ্ধ করিয়া রাখিতে পারিল না, তাহার চক্ষের দুই কোণ দিয়া ধারা নামিয়া আসিল।

দুঃখ-কাতর কণ্ঠে মাধব জিজ্ঞাসা করিলেন, 'কেঁদে কি করবি, মা, চিরদিন তো কারুর থাকবার নয়, যে তোার বাবাকে ধ'রে রাখবি!—হাঁ, মা!'

অশ্রুসিক্ত কণ্ঠে বীণা বলিল, 'কেন, বাবা?'

মাধববাবু জিজ্ঞাসা করিলেন—'ছেলেগুলো আবার এসেছে বুঝি?'

মাথা হেলাইয়া বীণা জানাইল, 'হাঁ।'

'—একবার জানালাটা খোল, বীণা; আমায় ধ'রে জানলার কাছে নিয়ে চল, তা'দিকে' একবার দেখি। আমার এক দিকটায় তোরা দু' বোনে আর এক দিকটায় এইসব ছেলের দল।—'

বীণা বলিল, 'বাইরে এখন ঝড়-জলের মাতন চলেছে, বাবা, ঠাণ্ডা লেগে—'

অসমাপ্ত কথার মধ্য-পথেই মাধববাবু বলিলেন, 'কি বলছি, মা? প্রকৃতির এই ভয়াল নৃত্য মাথায় নিয়ে তারা যদি আমাকে দেখবার জন্তে একান্তভাবেই ছুটে আসতে পারে। তবে, সামান্য ঠাণ্ডা ঝগবার ভয়ে আমি তা'দিকে দেখা দেব না? খোল মা, শীগ্গীর খোল, তা'দিকে দেখবার জন্তে আমার প্রাণটাও কি কম ছুটফুট করছে রে?'

প্রাণের ব্যাকুলতা লইয়া তিনি উঠিবার চেষ্টা করিয়াও পারিলেন না, বীণাকে বলিলেন, 'আমাকে ধ'রে নিয়ে চল, মা। ছেলের দল তাদের বাপকে দেখবার জন্তে এতখানি উতলা হ'য়ে উঠেছে, আর আমি কি এতখানিই পাষণ রে বীণা—'

পিতাকে আর অধিক কথা বলিবার সুযোগ না দিবার জন্ত বীণা বলিল,—'জানালাটা আগে খুলে দেখি, বাবা!'' বলিয়াই সে জানালা উন্মুক্ত করিবামাত্র ঝড়ের সঙ্গে বৃষ্টি আদিয়া ঘরখানার মধ্যে লুটোপুটি খাইতে লাগিল, বিদ্যাতের বিকাশ মাধবের চোখ দুইটাকে ঝলসাইয়া দিতে লাগিল,—বীণা তাড়াতাড়ি জানালা বন্ধ করিয়া বলিল, 'কি ক'রে এসে দাঁড়াবে, বাবা?'

অসহায়ের মত মাধব বলিলেন, 'না।' তারপর আরও কিছুক্ষণ নীরবে পড়িয়া থাকিয়া বলিলেন, 'যেতেই যদি

আমাকে হয়, বীণা, তবে, আমার অবর্তমানে তোর ভাই-
দের দেখতে পারবি তো ?

অঝোর-ঝরে কাঁদিতে কাঁদিতে বীণা বলিল, 'তারা
আমার শুধু ছোট ভাই নয়, বাবা, আমি যে তাদের
রক্ষী—আর তাদের যাতে ভাল-মন হয় তা' তো আমাকেই
দেখতে হবে ?'

একটা আরামের নিঃশ্বাস ফেলিয়া মাধববাবু বলিলেন,
—'ম'রেও আমি তৃপ্তি পাব মা। ম্যানেজারবাবুকে
একবার খবর দে, এইখানেই একবার দেখা ক'রে, আর
ছেলেগুলোকে বল এখনি যেন তারা বাড়ী যায়, রুটির
জলে ভিজ্ঞে অসুখ করবে।'

পিতার আদেশ মত ম্যানেজার-বাবুকে ডাকিবার জন্ত
এবং প্রজাদিগকে সংবাদ দিবার জন্ত লোক পাঠাইয়া
বীণা বলিল,—'এইবার তোমার ওয়ু ধখাবার সময় হয়েছে,
বাবা।'

স্মিতহাস্তে মাধববাবু বলিলেন,—'হয়েছে ? দে।'

ঔষধ পান করিয়া পুনরায় তিনি বলিলেন,—'বেণুকে
যদি তারা না পাঠায়, বীণা, তবে আমাকে শেষ দেখাটা
দেখতে না পাবার ধাক্কা সে সামলে উঠতে পারবে তো ?'

তিরস্কারের সুরে বীণা বলিয়া উঠিল—'কেন তুমি এমন
সব অলক্ষণে কথা বলছ বল তো ? দেশের লোক,
তোমার আরোগ্যের জন্তে ছু'বেলা চোখের জলে করালী-
মার পা ধুইয়ে যাচ্ছে, সেটা কি নিষ্ফল হবে বলতে চাও ?'

সহাস্তমুখে মাধব বলিলেন—'না হওয়াই হয় তো
সম্ভব।' তিনি আরও কি বলিতে যাইতেছিলেন, কিন্তু
বলিবার সুযোগ তাঁহার আর ঘটিয়া উঠিল না। ম্যানেজার-
বাবু আসিয়া দেখা দিতেই সে প্রসঙ্গ বন্ধ করিয়া বীণা
ছাড়া আর সকলকে গৃহান্তরে যাইবার জন্ত তিনি অল্পরোধ
করিলেন।

ম্যানেজারবাবু জিজ্ঞাসা করিলেন—'এখন কেমন
আছেন ?'

মাধববাবু বলিলেন—'যেমনই থাকি নীলাধর, মা
আমার বলছে, আমি ভাল হ'ব।'

অন্তান্ত লোকেরা ঘর হইতে বাহিরে চলিয়া গেলে,
মাধববাবু বলিলেন—'আমি উইল করতে চাই নীলাধর,
ব্যবস্থা কর।'

বিনীত ভাবেই নীলাধর জিজ্ঞাসা করিল, 'সমান ভাবে
বেণু আর—'

বাধা দিয়া তিনি বলিলেন,—'না না, নীলাধর, প্রজাদের
গচ্ছিত ধন, অসহ্যাবহারের জন্ত দিয়ে যাব না। তাদের
টাকা তাদের সময়-অসময়ের জন্তে—তাদের সুখ-দুঃখের
জন্তে,—বীণা আমাকে একটু আগে বলছিল, আমরা তা'দের
রক্ষী, কথাটা যে কত বড় সত্যি, সেটা কোনও দিক
দিয়েই অস্বীকার করার উপায় নেই; রক্ষক হ'য়ে তাদের
গায়ের রক্ত জল করা টাকার একটাও বাজে নষ্ট হ'তে
দিতে পারি না, তুমি বীণার নামেই উইল ক'র।'

'কিন্তু বেণু ?'

'অর্থের অসহ্যাবহার হবে নীলাধর, যা বললুম তাই
কর—'

পিতার পা-ছুইটাতে হাত বুলাইতে বুলাইতে বীণা
ডাকিল—'বাবা ?' অশ্রুর বাঁধ তাহার ভাঙ্গিয়া গেল।

মাধববাবু বলিলেন,—'কি বলছিল, মা ?'

কান্না-জমাট-কণ্ঠে বীণা বলিল—'করালীমার নামে সব
উইল কর বাবা, বংশের অধিষ্ঠাত্রী দেবী, আজন্ম ব্রহ্মচারী
পুরুত কাকা তাঁর পূজারী, উইলে এ কথারও প্রকাশ
থাকুক, তাঁর ভবিষ্যৎ স্থলাভিষিক্ত যিনি হবেন তাঁকেও
ব্রহ্মচারীই হ'তে হ'বে। দুর্ভাগ্যের রক্ষার জন্যে, আশ্রিতকে
আশ্রয় দেবার জন্যে, জমীদারি বাড়াবার জন্যে জমীদারির
টাকা ব্যয়িত হ'বে। আমি শুধু ষতদিন বাঁচব, দরিদ্র
প্রজারা যেমন খায়, তেয়ি আহারের জন্যে দিন চার
আনা—'

অভিষ্ঠের মত মাধববাবু বলিয়া উঠিলেন,—'কি
বলছিল, মা ?'

দুঃখ-কাতর কণ্ঠে বীণা বলিল—'বিধবার খাবার ধরচ
কি, বাবা ?'

বিধবা হইয়া বীণা এতদিন পিতার নিকট থাকিলেও
স্নেহপ্রবণ পিতা সে দিকটা একদিনও ভাবিতে পারেন
নাই; কেবল এই কথাটাই ভাবিয়া আসিয়াছেন, বাণী
কন্যা, তিনি পিতা, আজ কন্যার এই কথাটার তাঁহার
বুকের ভিতর একবার যেন ধক্ করিয়া উঠিল।

তাঁহার বুকের আলোড়ন মুখের উপর প্রতিভাত
হইতে দেখিয়া বীণার অন্তর কে যেন মুচড়াইয়া দিল।

তাহার মনে ভয় হইল, কথাটা ভাবিবামাত্র বাবা কেন অতিষ্ঠ হইয়া উঠিলেন, আর কেনইবা সে আজ সেই কথাটাই তাহার নিকট বলিয়া ফেলিল? অল্পক্ষণ পরে সে টিপরের নিকট সরিয়া গিয়া পিতার জন্য আজুরের রস নিংড়াইতে প্রবৃত্ত হইল।

মাধব-বাবু বলিলেন—‘রোজ এক টাকার ব্যবস্থা ক’রে দাও। তবে একথা যেন উইলে স্পষ্ট ক’রে লেখা থাকে যে, প্রজাদের প্রতিনিধি আমার এই মা, তাদের অভাব-অভিযোগ সবক্কে মায়ের সিদ্ধান্তই চূড়ান্ত হবে।’

বীণা ডাকিল—‘বাবা!’

মাধববাবু বলিলেন—‘আর কোনও কথা নয় মা, যাবার সময় তাদের ভার আমি তোর উপরেই দিয়ে যেতে চাই।’

—দুই—

দশ বারখানা গ্রামের জমীদার দরিদ্রের পিতা-মাতা মাধব রায়ের বাসস্থান ভাগীরথীর তীরে মলয়পুর গ্রামে। গঙ্গার তীরে তাহার প্রকাণ্ড অট্টালিকা, বাড়ীর পাশেই বংশের অধিষ্ঠাত্রী দেবী করালীমার মন্দির। ...মস্ত বড় নাটমন্দির, দেশ দেশান্তর হইতে অসংখ্য নর-নারী তাহাদের প্রাণের অপূর্ণ কামনা লইয়া এই স্থানে সমবেত হন।

দেবী জাগ্রতা। ঐকান্তিকভাবে যে যাহা ইহার নিকট কামনা করে, তিনি নাকি সেই কামনা পূর্ণ করিয়া দেন।

মার পূজারী, আজন্ম ব্রহ্মচারী রায় বংশের কুলপুরোহিত শিবানন্দ স্বামী। তাঁহাকে দেখিলে অতি বড় পাবণেরও মাথাটা আপনা হইতে নত হইয়া আসে।

জমীদারের দুই কন্যা বীণা ও বেণু। বীণা জ্যেষ্ঠা, বেণু কনিষ্ঠা। হিন্দুদের গণ্ডীর ভিতর থাকিয়া অষ্টম বর্ষীয়া বীণার বিবাহ দিবস এক বৎসরের মধ্যেই যখন সে বিধবার বেশ পরিধান করিল, তখন কনিষ্ঠা কন্যার এত কম বয়সে বিবাহ দিবস আকাঙ্ক্ষা তাহার মোটেই রহিল না। মাতৃহারা কন্যা দুইটাকে বুকের সবটুকু স্নেহ দিয়াই বড় করিয়া ছুলিলেন। পনের উত্তীর্ণ হইবার পরে তাহার বিবাহ দেন অল্প এক জমীদারের সহিত।

পিতৃ-মাতৃহারা জামাতা সলিলকুমার যৌবনের প্রারম্ভেই তাহাদের বিশাল জমীদারি হাতে পাইয়া নাগেব,

মানেকার প্রভৃতির ক্রীড়াপুস্তলি হইয়া উঠিল। নিজে যে কে, তাহার মর্যাদা কতটুকু, তাহা সে বুঝিয়াও বুঝিত না; ছুর্ভিক্ষে, প্লাবনে, মহামারিতে প্রজারা মৃত্যুমুখে পড়ুক তাহাতে তাহার কিছুমাত্র ক্ষতি বৃদ্ধি হইত না। সে চাহিত কেবল অর্থের অপব্যবহার করিয়া যৌবনের উদ্দাম লালসার পরিভূষিত করিতে। হিন্দুর অবশ্য প্রতিপাল্য বিধি-নিষেধের মর্যাদা সে কখনও রক্ষা করিত না।

এহেন স্বামীর গৃহকে নিজের গৃহ বলিয়া বেণু যেদিন প্রথম প্রবেশ করিল, সেই দিনই ইহাদের উপর কেমন একটা বিজাতীয় স্বণায় তাহার প্রাণ ভরিয়া উঠিল এবং প্রাণপণে বাধা দিবার জন্ত চেষ্টা করিতে গিয়া প্রতিপদেই সে লাঞ্চিত হইতে লাগিল।

মরমের দুঃখ মরমের মাঝে চাপিয়া সে তাহার দিনগুলি একটা একটা করিয়া কাটাইয়া দিবার চেষ্টা করিলেও স্বামীর বাসনার অক্ষুণ্ণ না হইবার অপরাধে তাহারই কড়া ছকুমে তাহার পিত্রাঙ্গয়ে যাইবার পথ চিরদিনের জন্ত রুদ্ধ হইয়া গেল।

চক্ষের জল চক্ষে চাপিয়া রাখিয়া স্বামী দেবতার আদেশ মাথা পাতিয়া লইলেও আশৈশবের শিক্ষা বেণু কিছুতেই ত্যাগ করিতে পারিল না। স্বামীকে একান্ত ভাবেই আপনার ভাবলেও সে এই দিকটায় নিজের স্বাভাব্য বজায় রাখিয়া চলিত। স্বামীর বিশৃঙ্খল জীবনের পরিণাম ভাবিয়া পিতার প্রজাদিগের সহিত স্বামীর প্রজাদের তুলনা করিতে বসিয়া সে শিহরিয়া উঠিত। কর্মচারিগণের অত্যাচারে অর্জিত হইয়া প্রজার দল যেদিন তাহাদের রাজার নিকট দুঃখ জানাইতে আসিয়া উত্তর পাইত ‘জমীদারির আইন ও শৃঙ্খলা কোনও দিক দিয়েই নষ্ট হ’তে দিতে পারি না।’ তখন বেণুর মনটা কেমন একটা স্বণায় ভরিয়া উঠিত, হরলালকে বলিত, ‘হরকাকা, ওঁকে বলে এস প্রজার বাপমার আসনেই ভগবান আমাদের আসিগকে বসিয়েছেন অত্যাচার করবার জন্তে নয়।’

হরলাল প্রোট, বাড়ীর ভৃত্য।

তাহার পদধূলি লইয়া আনন্দাপ্লুত কণ্ঠে হরলাল বলিয়া উঠিত, ‘এইত মায়ের মত কথা মা।’ সে ছুটিয়া যাইত মার কথা শুনাইবার জন্ত।

এমনইভাবে বেণুর পাঁচ-ছয় বৎসর কাটিয়া গেল।

সেদিন যখন পিতার অসুখের সংবাদ লইয়া বীণার পত্র তাহার হাতে পড়িল, তখন সে একেবারে চারিদিক অন্ধকার দেখিতে লাগিল। স্বামী বাড়ীতে নাই অথচ তাহার প্রাণ, রুগ্ন পিতার কাছে ছুটিয়া যাইবার জন্য ছটফট করিতে লাগিল, চকুর জলে চারিদিক ঝাপসা হইয়া গেল।

হরলাল বলিল—‘বাবু বাড়ী নেই তার জন্তে কি হয়েছে মা, তোমার নাম নিয়ে আমি সোফারকে ব’লে দিই এখনই মটর নিয়ে আসবে; চল তোমার—’

বেণু ভাবিতে লাগিল, হায় রে এযে স্বামীর ঘর, স্বামীর বিনা অনুমতিতে বিবাহিত স্ত্রী হইয়া কোথাও যাইবার তাহার নিজের অধিকার তো নাই। বলিল, ‘তিনি না এলে আমি যে কিছুতেই যেতে পারব না, কাকা।’

বিস্ময়-স্কন্ধ কণ্ঠে হরলাল বলিল—‘মা।’

বেণু বলিল—‘আমার একটা উপকার করবে, কাকা?’

আবেগভরে হরলাল বলিয়া উঠিল,—‘কিন্তু হচ্চ কেন, মা? আদেশ কর।’

বিবাদ-জড়িত কণ্ঠে বেণু বলিল—‘বাবাকে একবার দেখতে যাবে?’

সোৎসাহে হরলাল বলিয়া উঠিল—‘এটা আর এমন কথা কি মা? আদেশটাকে এমন অসুরোধে নিয়ে আসছ কেন? ...কিন্তু মা—’

‘কি বলছ, কাকা?’

‘অসুখের কথা তুমি যা বললে তাতে তোমার পক্ষে বাবুর অনুমতি না নিয়ে যাওয়া কোনও দিক দিয়েই অপরাধ হবে না।’

‘না—কাকা তুমি দেখে এস তাঁকে, তাঁর কাছে খবর পাঠাবার আমি অন্য ব্যবস্থা করছি।’

‘বেশ তাই হোক, মা। কিন্তু সব সময়েই তৈরী থেক, যদি সেই রকমই দেখি আমি এসেই তোমাকে নিয়ে যাব,’

হরলাল চলিয়া গেল।

স্বল্প স্বাগুর মত বেণু ঠিক সেইখানেই বসিয়া রহিল, চকুর সম্মুখে ভাসিয়া উঠিতে লাগিল, তাহার পিতার সেই মেহ-মধুর মুক্তিখানি, তাঁহার এই জীবন-মরণের সন্ধিস্থলে কোন পথটাকে বাছিয়া লইবে? স্বামীর আদেশ, না, কর্তব্যের হাতছানি? গতদিনে স্বামী বাটার বাহির হইয়াছেন, খেলার খেলা, কবে আবার তাহাকে বাটার দিকে

টানিয়া আনিবে... আজও আসিতে পারে আবার দু চার দিন নাও আসিতে পারে। বেণু ভাবিতে লাগিল যদিই তিনি না আসেন আর হরুকাকা যদি সেই রকমই কোন একটা দুঃসংবাদ লইয়া আসে তাহা হইলে?

অস্বস্তিতে তাহার সমস্ত দেহ ভরিয়া উঠিতে লাগিল, ছুশিঁস্তায়, চাঞ্চল্যে সে ছটফট করিতে লাগিল।

সমস্ত দিনটাই এই ভাবে তাহার কাটিয়া গেল। কাতর প্রাণে অশ্রুসিক্ত নেত্রে একান্তভাবেই ভগবানের পায়ে জানাইতে লাগিল,—‘হে ঠাকুর, বাবাকে আমার নিরাময় ক’রে তোল, স্বামীকে একবারের জন্য বাড়ীতে পাঠিয়ে দাও। তাঁর অনুমতি নিয়ে একটীবারের জন্য আমি আমার বাবাকে দেখে আসি।’

তাহার এই আকুল হৃদয়ের ব্যাকুল রোদন ভগবানের বুকে গিয়া আঘাত করিয়াছিল কি না তাহা জানি না, কিন্তু সেই দিন তাহার স্বামীকে সন্ধ্যার কিছু পরেই বাটীতে টানিয়া আনিয়াছিল।

তাহাকে দেখিয়া বেণু আশ্চর্যগাশিত হইল। তাঁহার সর্কশরীরের ভিতর দিয়া আনন্দ ফুটিয়া বাহির হইতে লাগিল, আশ-নিরাশার উদ্বেল তরঙ্গ বুকের মাঝে লইয়া স্বামীকে বলিল—‘বাবার বড় অসুখ।’

পালকে শায়িত সলিলকুমার জীর মুখের দিকে চাহিয়া অর্ধজড়িত কণ্ঠে জিজ্ঞাসা করিল—‘কি অসুখ?’

টেবিলের উপর হইতে চিঠিখানা আনিয়া বেণু স্বামীর হাতে দিতেই, সেটাকে পাঠ করিয়া বোতল হইতে একটা রৌপ্য-নির্মিত গ্লাসে কতকটা সুরা ঢালিতে ঢালিতে ডাকিল—‘হক-কা?’

অপরাধিনীর মত বেণু বলিল—‘তাকে আমি পাঠিয়েছি—বাবার—’

জলীয় পদার্থটা গলায় ঢালিয়া বিকৃত মুখে সলিলকুমার বলিল—‘তুমি গেলে না কেন?’

—‘তোমার বিনা অনুমতিতে—’

তাহাকে আর বলিতে হইল না, সলিলকুমার বলিল—‘এতখানি বয়সের মধ্যে জ্ঞানটাও যদি তোমার না হ’য়ে থাকে, তবে তোমাকে বলবার আমার কিছুই নেই। আমি আর যাই হই তোমাকে পাবার জন্তে তাঁর কাছে বতটুকু কৃতজ্ঞ সেটার জন্তেও তাঁকে শেষ দেখতে যাবার পথে

বাধা আমি কিছুতেই দিতাম না। আজ আমি চ'লে এসেছি তাই, কিন্তু দুদিন যদি দেবোই হ'য়ে যেত।'

স্বামীর কথার ধারা আজ বেণুকে যে-দেশে লইয়া গিয়া ফেলিল, সে দেশটা, তাহার মনে হইল, কেবল আনন্দে ভরা, গাছ-পাতায় আনন্দ, আকাশে-বাতাসে আনন্দ, প্রত্যেক ধূলিকণায় আনন্দ। সেই আনন্দের দেশে গিয়া তাহার বাকরোধ হইয়া গেল।

পুনরায় সলিলকুমার বলিল—‘না-যাওয়ার অপরাধ—’
উচ্ছ্বসিত হৃদয়ে বেণু বলিল—‘যাবে ?—চল না যাই।’
জড়িতকণ্ঠে সলিলকুমার বলিল, ‘আমার এই অবস্থায় সেখানে যাওয়া কি—’

শুনিবার অপেক্ষা না করিয়াই বেণু বলিল,—‘তোমাকে দেখলে আনন্দই হবে তাঁদের। চল লক্ষ্মীটী, আমি চাকরকে ব'লে দিই মোটর আনবার জন্তে।’

সহাস্রমুখে সলিল বলিল—‘বেশ।’

বেণু ঘর হইতে বাহির হইবার উত্তোগ করিতেই হরলাল ডাকিল—‘মা !’

উৎকণ্ঠিতভাবেই বেণু জিজ্ঞাসা করিল—‘বাবা কেমন আছেন ?’

স্নানমুখে হরলাল বলিল,—‘বেশ ভাল নয় মা, এখুনি তোমার যাওয়া উচিত।’

বেণুর অন্তরের মধ্যে হাহাকার ফেনাইয়া উঠিতে লাগিল। বলিল,—‘কাকেও ব'লে দাও, কাকা, সোকারকে গাড়ী আনতে। উনিও সঙ্গে যাবেন।’

হরলাল একখানা পা বাহিরের দিকে বাড়াইয়া দিতেই সলিলকুমার ডাকিল,—‘হরকাকা !’

হরলাল তাহার মুখের দিকে চাহিতেই সলিলকুমার জিজ্ঞাসা করিল,—‘উইল হ'য়ে গেছে ?’

মাথা ছুলাইয়া হরলাল বলিল—‘হাঁ।’

‘—হু’ বোনকে সমান ভাগেই দিয়েছেন তো ?’

হরলাল বলিল—‘না, কাকেও দেন নি, দেবোত্তর করলেন। বড় মেয়ের দিন চলার মত রোজ এক টাকা, বাকী সব—এ কি বাবু উঠলেন যে ? গাড়ী আনতে বলি, যান।’

সাইতে সাইতে সলিলকুমার বলিল,—‘আমার একটা জরুরী কাজ আছে ভুলেই গিয়েছিলুম এতক্ষণ।’

বেণু কহিল,—‘তুমি না গেলে—’

সলিলকুমার ততক্ষণ গৃহের বাহিরে আসিয়া পৌঁছিয়াছিল, সেই স্থান হইতে বলিল,—‘তুমি যাও, উইলখানা পাণ্টাবার চেষ্টা ক'র।’

বেণু ও হরলাল স্তম্ভিতের মত সেইখানেই দাঁড়াইয়া রইল, কিছুক্ষণের মধ্যে কাহারও মুখ দিয়া কোনও কথা বাহির হইল না। একটা দীর্ঘনিঃশ্বাস ফেলিয়া হরলাল বলিল,—‘তিনি যা করেছেন, মা, সেটা ভালই করেছেন, জানী তিনি—’

বেণু বলিল,—‘আমাকে নিয়ে যাবার কি হবে, কাকা ?’

‘ব্যবস্থা করছি, মা।’

হরলাল বাহির হইয়া গেল।

নির্জন গৃহে বেণুর চক্ষু দিয়া ধারা নামিয়া আসিল।

—তিন—

জমীদার মাধব রায়ের জীবন-প্রদীপ যতই নির্ঝাপিত-প্রায় হইয়া আসিতে লাগিল, প্রজাকুলের কাতরতা ততই বাড়িয়া উঠিতে লাগিল—তিনি যে তাহাদের কেবল জমীদার ছিলেন তাহা তো নয়, পিতা, মাতা, ভ্রাতা, বন্ধু সবই যে তিনি। এহেন জমীদারের জীবনমৃত্যুর সন্ধিস্থলকে নিজেদেরই গুরু বিপদ জানিয়া সকলেই একরূপ আহাৰ-নিদ্রা ত্যাগ করিয়া করালীমার পায়ে তাঁহার আরোগ্য-কামনায় মাথা কুটিতে লাগিল। দিশে হারার মত তাহারা পুরোহিতের নিকট ছুটিয়া গিয়া তাহার পায়ে আছাড় খাইয়া বলিল,—‘সাধুবাবা, মহাপাপী আমরা, মা তো আমাদের কান্না শুনলেন না, আমাদের হয়ে আপনিই মায়ের পায়ে জানান,—’

বিষম মুখে পুরোহিত বলিলেন—‘মাধবের জন্যে চোখের জল দিয়ে সে বেটীর পা ছ'খানা কি কম ধুইয়েছি। কিন্তু সাড়া দিচ্ছে না, বাবা, সাড়া দিচ্ছে না।’ সজল চোখে পুনরায় তিনি বলিতে লাগিলেন—‘—সাড়া যখন কিছুতেই দেয় না বাপ তখন মনে হয় বুঝি বা—’

সম্বরেই সকলে চীৎকার করিয়া উঠিল—‘না-না, শুনতে চাই নি সাধুবাবা, এতগুলো ছেলের চোখের জল

সে বেটার আসন টলিয়ে দেবে, বুকের ভেতর প্রলয়ের ঝড় বইয়ে দেবে, আপনি সঙ্কর ক'রে পূজা করুন।'

ব্রহ্মচারী শিবানন্দের ঠোঁটের উপর দিয়া হাসির রেখা খেলিয়া গেল। সকলেই দেখিতে পাইল, সেই হাসির ভিতর দিয়া যেন কাগ্না বাহির হইয়া আসিতেছে। বলিলেন,—‘তোমাদের আকুল আকাঙ্ক্ষা আমার ঠেলে কেলে দেবার ক্ষমতা নেই, বাপ। কাল রাত্রেই সে ব্যবস্থা করব, প্রশস্ত দিন। দেখি যদি মায়ের দয়া হয়!’

ক্ষণকালের জন্য বিরাট জনসমূহের মধ্যে যেন নিস্তব্ধতা বিরাজ করিতে লাগিল। কিছুক্ষণ পরে সেই নিস্তব্ধতা ভঙ্গ করিয়া একজন বলিয়া উঠিল—‘দয়া তাঁর হ’তেই হ’বে নাধুবাবা! না হ’বে যদি, তবে, পৃথিবীর আকাশ-বাতাস তাঁর নাম গেয়ে বেড়াবে কেন?’

শিবানন্দ বলিলেন—‘নামের প্রকৃত মূর্ত্তি যে কোন্ পথ দ্বিগে প্রকট হয়, বাপ, তা কি আমাদের মত লোক বুঝতে পারে? তবে, মা—সকলের মা। সন্তানের মঙ্গল তাকে করতেই হবে। করেনও তাই, তাঁর ওপর বিশ্বাস রাখ, তোমার আমার চোখে যেটা মন্দ ব’লে দেখায় তাঁর চোখে সেটা অসীম মঙ্গলের। তাঁর কাজ তুমি আমি বোঝবার মত ক্ষমতা পাব কোথায়? কালী করালবদনি!’

প্রজ্ঞাদিগকে নানারূপে বুঝাইয়া শিবানন্দ তাহাদিগকে বাড়ী পাঠাইয়া আপন-ভোলা হইয়া ভাবিতে লাগিলেন—সার্থক তোমার জন্ম মাধব, মা আমার, তোমার মত সকলের অন্তরে আসন পেতে বসতে পারে নি।...মাগো, তাই কি তুমি তোমার সন্তানদের বুক হ’তে তাদের এমন একটা ভাইকে ছিনিয়ে নিছ? এতগুলো সন্তানের চোখের জলেও কি তোমার বুকের ভিতর দয়া জেগে ওঠে না, মা?—

চোখের জলে তাঁহার গণ্ডদেশ ভাসিয়া গেল।

এই সময়ে জনৈক প্রজ্ঞা আসিয়া ব্যগ্রাতুর কণ্ঠে তাঁহার পা ছুইটা জড়াইয়া ধরিয়া বলিল,—‘বাবাঠাকুর—বাবা-ঠাকুর! আমাদের ভেতর বোধ হয় কোনও পাপ ঢুকেছে, যার জন্য আমাদের এমন দয়াল মনিবকে, মা, আমাদের কাছ-ছাড়া ক’রে নিচ্ছেন,—নয়-নয়, বাবাঠাকুর? আচ্ছা বাবাঠাকুর আমার স্বপ্নপিণ্ডটা উপড়ে মার পারে দ্বিগে যদি পূজা করেন তা’ হ’লেও কি বাবা আমাদের ভাল হবেন

না? তেনাকে হারা হ’য়ে থাকে—বাবাঠাকুর, বাবাঠাকুর।’

লোকটা আর থাকিতে পারিল না। বাবকের মত উচ্চচীৎকার করিয়া উঠিল—শিবানন্দের মত অকৃতদার ব্রহ্মচারীও কাঁদিয়া ফেলিলেন।

রুদ্ধকণ্ঠে শিবানন্দ বলিলেন—‘মানত ক’রে আমি কাল পূজার ব্যবস্থা করেছি, চরণ। তাঁর বিবেচনার উপর তোমরা সব কেলে রাখ তাঁর কাজ তো কখনও অন্যায় হয় না বাপ!’

‘—সেইজন্যেই তো বলছিলুম নাধুবাবা, আমাদের হয় তো কোনও মহাপাপের জন্যেই বাবাকে আমাদের কাছ থেকে সরিয়ে দিচ্ছেন, নইলে করালীমা আমাদের সাক্ষাৎ দেবী হ’য়ে সকলের বাসনা পূর্ণ করছেন আর আমাদের—’

চোখের জলে সে চারিদিক ঝাপসা দেখিতে লাগিল।

তাহাকে আশ্বস্ত করিবার জন্য পুরোহিত বলিলেন,—‘প্রাণভ’রে মাকেই ডাক, চরণ। মঙ্গলময়ী তিনি, মঙ্গল ছাড়া অমঙ্গল তো কারো করতে পারেন না, করেনও না। অমঙ্গল ব’লে যেটাকে তোমরা বাহু দৃষ্টিতে দেখছ তাঁর ভেতরেও কতখানি মঙ্গল লুকান’ আছে সেটা তোমার-আমার মত মান্নাবদ্ধ জীব কি করে বুঝবে? প্রাণভরে তাঁর নাম গান কর, একান্তভাবেই তাঁকে নির্ভর কর—তোমার আশা, তোমার আকাঙ্ক্ষা সব, দয়াময়ী তিনি দয়াই করবেন।’

চরণ ততক্ষণ স্তব্ধভাবেই বসিয়া থাকিয়া হঠাৎ উচ্ছ্বসিত আবেগে গায়িতে লাগিল :—

শক্তিপূজা কথার কথা না ; (শ্রামা) ।

যদি কথার কথা হ’ত, চিরদিন ভারত, শক্তি পূজে

শক্তিহীন হ’ত না ।

কেবল ডাকের গয়না, ঢাকের বাজনা, শক্তিপূজা

হয় না ;

এক মনোবিষদল, ভক্তিগঙ্গাজল, শতদল দিলে

হয় সাধনা । (হৃদয়)

দিলে আতপান্ন, কি মিষ্টান্ন, মা যে তাতে ভোগেন না ;

কেবল জ্ঞানদীপ জ্বলে, একান্ত প ধূদিলে

ব্রহ্মময়ী পূর্ণ করেন কামনা । (ও ভাই)

বনের মহিষ অজ্ঞা, মায়ের বাহা, মা যে বলি লন না ;

যদি বলি দিতে আশ, বার্ষ কর নাশ, বলিদান

কর বিলাস-বাসনা । (ও ভাই)

কাজাল কয় কাতরে, জাত বিচারে, শক্তিপূজা হয় না ;

সকল “বর্ণ” এক হ’য়ে, ডাক মা বলিয়ে

নইলে মায়ের দয়া কত হবে না । (ও ভাই) ॥

গান শেষ হইলে শিবানন্দ বলিলেন—পূজার সময় কাল তুমি এস চরণ, এলি ক’রে চোখের জলের সঙ্গে প্রাণের আবেগ যদি জানাতে পার, মা আমার, তোমার প্রার্থনা শুনবেনই ।...

তাঁহার পায়ে প্রণাম করিয়া চরণ চলিয়া গেল ।

* * *

মাধব রায়ের আরোগ্য-কামনায় পুরোহিত শিবানন্দ ঠাকুর সঙ্কল্প করিয়া করালী মার পূজার ব্যবস্থা করিয়াছেন । অমাবস্তার ঘোরা তমিস্রা চারিদিকে মসীলিপ্ত করিয়া দেশটাকে যেন প্রেতপুরীতে পরিণত করিয়া দিয়াছে । বাইরে জোনাকির আলো ঠিক যেন কৃষ্ণবর্ণের শাড়ী-খানির উপর সোনার চুমকি বসাইয়া দিয়াছে, নাটমন্দিরের মধ্যে বসিয়া আছে অসংখ্য প্রজার দল,...তাহাদের অন্তর-জোড়া আকাঙ্ক্ষা করালীমার রাতুল পাছ’খানিতে জানাইবার আকুল আবেগ লইয়া, একটা কোণে বসিয়া আকুল প্রাণে চরণ ‘জাগ জাগ মা কুলকুণ্ডলিনী’ গান গায়িয়া মার ঘুম ভাঙাইবার চেষ্টা করিতেছিল, আর উত্তরে বীণা প্রকাণ্ড ধুকুচিতে ধ্বনা দিয়া, ধূপ জালিয়া অশ্রু-ধোয়া জলে বুক ভাসাইয়া পিতার আরোগ্য কামনা করিতেছিল । শিবানন্দ তাঁহার উদাত্তকণ্ঠে ভাবোন্মত্ত হইয়া পাঠ করিতেছিলেন,

করালবদনাং ঘোরাং মুক্তকেশীং চতুর্ভুজাং ।

কালিকাং দক্ষিণাং বিদ্যাং মুণ্ডমালাবিভূষিতাং ॥

বীণা হঠাৎ ঘোরের দিকে চাহিতেই দেখিতে পাইল, কাঠ হইয়া যেন কত অপরাধিণীর মত দাঁড়াইয়া রহিয়াছে বেণু ।

চাঞ্চল্য ও আনন্দে আত্মহারা হইয়া বীণা বলিয়া উঠিল, ‘বেণু বেণু, কখন এলি বোন ?’

পুরোহিতমহাশয় তখনও আত্মতোলা হইয়া পাঠ করিতেছিলেন,

সদৃশিঃ শিবোঃ বঁড়গ বমোঃখোর্ক করাসুতাং ।

অভয়ং বরকৈব দক্ষিণোর্কপানিকং ॥

অশ্রুপূর্ণ লোচনে ওঠে অজুলি দিয়া বেণু ইদ্রিতে বলিল, ‘চুপ কর দিদি, পূজার ব্যাঘাত হ’বো’

ধীরে ধীরে বীণা তাহার নিকটে আসিয়া তাহাকে বুকের মধ্যে জড়াইয়া জিজ্ঞাসা করিল,—‘কখন এলি বেণু ? বাবার কাছে যা, ছিঃ কাঁদছিস কেন ? অশ্রুধ সকলেরই হয়, ভালও হন সবাই, বাবারও হয়েছে ভালও হবেন—ভাবনা কি ?’

বলিল বটে কিন্তু বীণার চক্ষুও শুষ্ক রহিল না ।

বেণু বলিল—‘পূজা শেষ হ’য়ে যাক দিদি একসঙ্গেই যাব ।’

কাতরভাবেই বীণা বলিল,—‘বাবার কাছে কেউ নেই বেণু তুই যা, আমি লোক দিচ্ছি তোর সঙ্গে ।’

বেণু কিন্তু কোন রূপেই যাইতে চাহিল না । পিতাকে দেখিবার একান্ত বাসনা তাহার অন্তরের মধ্যে মাথা তুলিয়া উঠিলেও কিসের একটা দুর্বলতা আসিয়া তাহার যাইবার পথে বাধা দিতে লাগিল ।

বীণা বলিল, ‘বেণু যা, তোকে দেখবার জন্যে বাবা বড় কম উৎকণ্ঠিত নন, বলিল, এলোনা ?’

বেণু বলিল ‘না ।’

‘কার সঙ্গে এলি তবে ?’

‘—আমার হক্কাকার সঙ্গে ।’—

অনেক বুঝাইয়া বীণা তাহাকে পিতার নিকট পাঠাইয়া দিয়া তাহার নির্দিষ্ট স্থানে আসিয়া বসিল ।

পুরোহিত ডাকিলেন ‘বীণা—মা !’

‘কেন—কাকা ?’

‘মা যে এখনও সাড়া দিচ্ছেন না রে !’

রোরুদ্ভমানা বীণা জিজ্ঞাসা করিল ‘তবে কি বাবা আমার—’

বক্তব্যের অবশিষ্ট অংশটুকু তাহার মুখ দিয়া বাহির হইল না ।

পুরোহিত বলিলেন, ‘কিন্তু সাড়া যে তার কাছ হ’তে পেতেই হ’বে মা, পুনরায় আমি ধ্যানে বসলুম, তুইও ডাক, দুর্বলতা হয় তো আমাকে ঘিরে কেলেছে । তুই ত মায়েরই

অংশ ডাক প্রাণ ভরে, সাড়া পেতেই হ'বে, সঙ্কল্প করে
পুজোয় বসেছি।'

—ভার—

হরলালের নিকট উইলের কথা শুনিয়া সলিলকুমার
তাহার ম্যানেজারের নিকট আসিয়া কথাটা প্রকাশ
করিতেই তাহাকে উত্তেজিত করিবার জন্ত সে বলিল,
'আর ত চুপ করে থাকি চলবে না হুজুর। অহঙ্কারের
পাছতে ছুটে আপনাকে যতটুকু অপমান করে চলছিল'
সেটার চরম হ'ল এই উইল। অতবড় জমীদারির আয়ের
অর্ধেক নিজেদের আয়ে যুক্ত হ'লে হুজুরের সুনাম বাড়বার
পথ কতখানি যে প্রশস্ত হয়ে উঠত!'

সলিলকুমারের অন্তর তখন অশান্তিতে পূর্ণ ছিল,
জিজ্ঞাসা করিল, 'প্রতিকার করবার জন্তে কি উপায় করতে
বলেন?'

'আমার মনে হয় আদালতের সাহায্যে এই উইল
নাকচ করে—'

'—করবে কেন? তাঁর সজ্ঞানে করা উইল, আপনার
আমার বা আদালতের, নাকচ করবার ক্ষমতা কতটুকু
আছে?—তা' হয় না অনুপমবাবু।'

আনতমুখে অনুপম বলিল, 'তা' হ'লে কি করতে
বলেন?'

একটু উত্তেজিতভাবেই সলিলকুমার বলিল,—'আমিই
যদি বলব' তোমাকে জিজ্ঞাসা করব কেন? জমীদারির কাজ
করে মাথার চুল পাকালে—'

বাধা দিয়া শাস্তকণ্ঠে অনুপম বলিল,—'আমি শুধু
বলছিলাম হুজুরে একটা পরামর্শ করবার জন্তে। আপনার
এতটা অপমানের যোগ্য প্রতিশোধ যদি দিতে নাই পারা
গেল তবে বৃথাই আপনার এত বড় জমীদারের আসন
অলঙ্কৃত করা।'

হুই জনের মধ্যে আর কিছুক্ষণের মধ্যে একটা কথাও
হইল না।

এত বড় একটা ঘোরতর সমস্যার সমাধানের জন্ত
ম্যানেজারবাবু যেন নিজেকে সম্পূর্ণভাবে চিন্তার মধ্যে
ছাড়িয়া দিল।

একটা সিগারেট ধরাইতে ধরাইতে সলিলকুমার

বলিল,—'বেশ করে ভেবে দেখুন ম্যানেজারবাবু, আইনজের
সঙ্গে পরামর্শ করে যেটা ভাল বিবেচনা করবেন
সেইটেই করবেন।'

সোফায় আসিয়া অভিবাদন করিয়া দাঁড়াইতেই
অনুপমকে সলিলকুমার বলিল,—'আমি এখন চম্চম
অনুপমবাবু, আমার জীকে সেখানে যাবার অনুমতি দিয়ে
বলে দিয়েছি উইল পাঠাবার চেষ্টা করতে। যদি না পারে
বা করে তা' হ'লে তার জমীদারিতে ঘুষ চরাতে হ'বে।
দেবীমূর্তি গঙ্গার জলে ফেলে দিয়ে যায়গা সমভূমি করে
সেখানে সরবে বুনতে হবে। বুঝলেন? হরলাল আমাকে
বলছিল আমাকে বঞ্চিত করবার উদ্দেশ্য না কি আমার
হাতে জমীদারির আয়ের অপব্যবহার হ'বে। উদ্দেশ্য
যদি তাই হয়, তবে, শুধু, ব্যভিচারের শ্রোত তাঁর
জমীদারির মধ্যে বইয়ে দিতে হবে, সম্ভবত প্রজাদের
মধ্যে ভেদনীতি চালিয়ে তা'দি'কে বিশৃঙ্খল করে তুলতে
হবে। বুঝিয়ে দিতে হবে জমীদার সলিলকুমার একজন
মানুষ, নির্বিকার চিন্তে সে অপমান সহ করে যাবে না,
প্রতিশোধ সে নিতে জানে।'

সোফারের সঙ্গে সলিলকুমার চলিয়া গেল।

মটরে উঠিয়াও তাহার অশান্তিতরা অন্তরে এতটুকুও
শান্তি আসিল না। থাকিয়া থাকিয়া মনের মধ্যে
এই কথাটাই ধ্বনিত হইতে লাগিল অবিচারের,
অপমানের প্রতিশোধ লইতে হইবে যেমন করিয়া
হোক।

এই প্রতিশোধ লইবার উপায় উদ্ভাবনে সলিলকুমার
নিজেকে বহু চিন্তার মধ্যে ছাড়িয়া দিয়াও প্রত্যেকটীরই
যেন খেই হারাইয়া ফেলিতে লাগিল। সঙ্গে সঙ্গে অন্তর্দাহ
যেন লক্ষ গুণ হইয়া দেখা দিতে লাগিল। সোফারকে
ছকুম দিল—'চঞ্চলার বাড়ী।'

চঞ্চলা, বিংশতিবর্ষীয়া বারনারী; নৃত্য-গীত-পটায়সী
সুন্দরী। তাহার বিলোল কটাক্ষ—নৃত্যগীতের লীলয়িত
ছন্দ সলিলকুমারকে সময়ে-অসময়ে এইখানে আসিতেই
বাধ্য করে। আজও তাহাকে আসিতে দেখিয়া সে সহাস্তে
সলিলকুমারকে অভ্যর্থনা করিল।

সলিলকুমার প্রত্যাহের মত আজও বসিল বটে কিন্তু
চিন্তার দাব-দাহ তাহাকে একটুকুও আনন্দ দিতে পারিল

না ; প্রতি লোকপুত্রের ভিতর দিয়া যেন আলা বাহির হইয়া আসিতে লাগিল ।

তাহার এই চঞ্চলার দৃষ্টি এড়াইল : সলিলকুমারের গলা জড়াইয়া জিজ্ঞাসা করিল,—‘আজ তোমার কি হ’ল প্রিয়তম ?’

‘ভেমন কিছু নয় চঞ্চল, তুমি বোতল বার কর এইটারই অভাব আজ আমাকে কোনও কিছুতে মন দিতে দিচ্ছে না ।’

মাসের পর মাস চলিল, কোকিলকণ্ঠী চঞ্চলার সুরের লহর রাজপথে লোক জমা করিয়া দিল । সলিলকুমারের মনে কিন্তু এতটুকুও সুখ আসিল না, হঠাৎ সে জিজ্ঞাসা করিল, ‘মহানন্দ এসেছে কি জান চঞ্চল ?’

তাহার মুখের দিকে চাহিয়া চঞ্চলা বলিল, ‘তাকে আবার এ সময় কি দরকার ?’

শ্মিতহাস্তে সলিলকুমার বলিল,—‘আছে, এসেছে কি ?’

হাসির লহর ছড়াইয়া চঞ্চলা বলিল—‘সর্ব্বরী ঠাকুরের আঁচল ছেড়ে আর কবে থাকে সে ? সন্ন্যাসী হয়ে, মেয়ে-মানুষের পায়ে এগ্নি ভাবে পড়ে থাকা যে কি কাজ—’

গম্ভীরভাবেই সলিলকুমার বলিল—‘তান্ত্রিকদের পঞ্চমকার না হ’লে তো আর কাজ হয় না, আর ওটাও যে তারই একটা অঙ্গ, মণ্ড, মাংস, মেয়েমানুষ প্রভৃতি শক্তি আরাধনার প্রধান উপচার কি না ; যাক সে কথা, চল তো কি করছে একবার দেখে আসি ।’

গোলাপী নেশায়, আনন্দপুরীর মধ্যে চঞ্চলা তখন বাস করিতেছিল ; বলিল,—‘দীক্ষা নেবে না কি ?’

মূহহাস্তে সলিলকুমার বলিল—‘ভৈরবী তা’ হ’লে তোমাকেই হতে হবে চঞ্চল ।’

‘এমনি বেনারসী পরে কিন্তু—’

চঞ্চলার অধর-প্রান্তে আর একবার হাসির লহর খেলিয়া গেল ।

সলিলকুমার বলিল—‘একটু অপেক্ষা কর চঞ্চল, তার সঙ্গে একবার দেখা করে আসি ।’

চঞ্চলা কিন্তু একাকিনী অপেক্ষা করিতে স্বীকৃতা হইল না, সে তাহার সঙ্গেই মহানন্দের গৃহের দিকে পা বাড়াইয়া দিল ।

সলিলকুমার দ্বার ঠেলিয়া ডাকিল—‘মহানন্দ ঠাকুর ?’

ভিতর হইতে উত্তর আসিল—‘কে ।’

‘দ্বার খোল,—আমি সলিলকুমার—’

মহানন্দ দ্বার খুলিল । তাহার মুখখান অনেকটা পাঁচের মত, গৌরবর্ণ, ক্র-যুগলের মাঝে মস্ত বড় সিঁহুরের টিপ, ললাটে রক্তচন্দনের ত্রিগুণ্ডক, গলদেশে ও হাতে রক্তাক্ষের মালা, যাত্রার দলের রাজার মত ষাড় পর্য্যন্ত কেয়ারি করা চুল, পরণে গেরুয়া ।

তাহাকে দেখিয়াই সলিলকুমার মাথা নোয়াইয়া বলিল,—‘প্রণাম হই মহানন্দ ঠাকুর ।’

ডান হাতখানাকে বাড়াইয়া মহানন্দ বলিল—‘মা আপনার মঙ্গল করুন, বাসনা ?’

‘একটু পায়ের ধুলা, একটা বড় বিপদে পড়েছি ত্রাণ করতে হবে যে !’

রক্তবর্ণ চক্ষু তাহার মুখের উপর ফেলিয়া মহানন্দ বলিল—‘বিপদহারিণী মায়ের পায়ে পূজা দিন সব বিপদ এখুনি কেটে যাবে !’

একশত টাকার নোট মহানন্দের পায়ের তলায় রাখিয়া বলিল—‘উপস্থিত মার পূজার খরচ এই নিন, কিন্তু পূজার সঙ্গে সঙ্গে কার্য্য-ক্ষেত্রেও আপনাকে নেমে পড়তে হবে ।’

সাদরে তাহাকে গৃহমধ্যে বসিতে বলিয়া, ভৈরবীকে মহানন্দ বলিল—‘মার মহাপ্রসাদ বাবুকে দাও ।’

চঞ্চলা তখনও বাহিরে দাঁড়াইয়াছিল, বলিল—‘আমি এই খানেই দাঁড়িয়ে থাকি ।’

বিস্ফারিত চোখে মহানন্দ বলিল—‘তাও কি হয় ? ভেতরে এস ।’

ভিতরে আসিয়া চঞ্চলা বলিল—‘হ্যাঁ ঠাকুর তোমরা মদ খাও ?’

একহাত জিভ বাহির করিয়া মহানন্দ বলিল—‘ছিঃ ও-কথা বলতে নেই, ও হচ্ছে কারণ—মার মহাপ্রসাদ ও না হলে মার পূজাই হয় না ।’

প্রসাদ-গ্রহণের পর সলিলকুমার তাহাকে চুপি চুপি কি বলিয়া জিজ্ঞাসা করিল—‘পারবে মহানন্দ ?’

ছইপাটা দাঁত বাহির করিয়া মহানন্দ বলিল—‘এ আর কঠিন কি বাবু ? মার বেদীমূলে একটা হোম আর কাণ্ডপ মন্ত্র জপ । বাস, মহারাজাধিরাজকে সাথে টেনে আনা যায় আর সামান্য এ কাজ—’

উৎকর্ষ হইয়া সলিলকুমার বলিল—‘মার পূজার জন্তে পঁচিশ হাজার টাকা তা হ’লে পাবে মহানন্দ আর আসন যদি দখল করতে পার চাই কি মাসে পাঁচ হাজার টাকা মুনকা।’

মহানন্দ কহিল—‘মার শক্তিতে শক্তিমান মহানন্দ এ সব কাজগুলো হাসতে হাসতে করতে পারে—নিশ্চিন্ত থাকুন আপনি।’

সলিলকুমার আর একবার তাহাকে প্রণাম করিয়া উঠিয়া পড়িল।

পাঁচ

প্রজাগণের হা-হতাশ, বীণার প্রাণপণ চেষ্টা, শিবানন্দের হোম-যাগ, করালীমার চরণে প্রজাদের অশ্রুর অর্ধা কোনওটাই মাধব রায়ের রোগকে নিরুত্তির দিকে লইয়া যাইতে পারিল না বরং ক্রমশঃই বর্ধিত আকারে দেখা যাইতে লাগিল। বীণা ও বেণুর মত প্রজাদিগের প্রাণের পরতে-পরতে হাহাকারের ছাপ এমনি ভাবে বসিয়া গেল যে, আহা-রাদির জন্ত কাহারও প্রাণে এতটুকু আকাঙ্ক্ষা ছিল না। লোকে পিতৃ-হারা হইবার পূর্বে তাহার সম্বন্ধে যেমন নিরাশ অন্তরে দিশা-হারার মত হইয়া পড়ে, ঠিক তেমনভাবেই প্রাসাদের চারিদিকে দিবা-রাত্রের সব সময়ই প্রজারা কাটাইতে লাগিল, একবার শেষ দেখা দেখিতে ; তাহাদের পিতা-মাতা, ভাই-বন্ধু যেন অনন্ত পথের যাত্রী,—তাহাদের বুকখানা যেন ভাঙ্গিয়া যাইতেছে।

মাধব রায় যখন বুকিতে পারিলেন তাঁহার স্তিমিতপ্রায় জীবন-প্রদীপ আর কোন রূপেই জ্বলাইয়া রাখিতে পারা যাইবে না, তখন একদিন পুরোহিত মহাশয় ও ম্যানেজার-বাবুকে ডাকাইয়া জিজ্ঞাসা করিলেন, ‘আমার শেষ কথাটা উইলে যোগ করে দেওয়া হয়েছে তো?’

ম্যানেজার নীলাধরবাবু বলিলেন,—‘আজ্ঞে হাঁ, এই লেখা হয়েছে যে, “বেণুর অদৃষ্ট কোনও দিন যদি তাহাকে এইখানেই টেনে নিয়ে আসে, তবে তাহাকে দৈনিক দুই টাকা হিসাবে খরচ দেওয়া হইবে।’

বেণু ও বীণা তখন পিতার পায়ে ও মাথায় হাত বুলাইতেছিল, শিশি হইতে ঔষধ ঢালিয়া বেণু বলিল,—‘ওষুধটা—’

অসমাপ্ত কথার মধ্যস্থলেই মাধব বলিলেন,—‘আর

নয় মা, যে ক’টা দিন বাঁচি, মার চরণামৃত পান করতে দে।’ তারপর পুরোহিত মহাশয়কে বলিলেন, ‘বন্ধ ধরে আর আমাকে রাখবেন না বাবা, হাঁপিয়ে উঠছি, মায়ার সীমাবদ্ধ গণ্ডীর মধ্যে না রেখে, যতক্ষণ থাকি, এমন যায়গায় আমাকে রাখুন, যেন ততক্ষণ মায়ের রাজা পা হু’খানা সব সময়েই চোখে পড়ে।’

ব্রহ্মচারীর প্রাণের মধ্যে বড় উঠিল, তাহার দাপটে কিছুক্ষণের জন্ত রুদ্ধবাক হইয়া গেলেন

মাধব রায় পুনরায় বলিতে লাগিলেন,—‘এতদিন ধরে যে কাজ করে এসেছি মার চ’খে সেটা কেমন ঠেকবে—মন্দটাই যদি ঠেকে—’

উচ্ছ্বসিত আবেগে শিবানন্দ বলিয়া উঠিলেন, ‘মাধব, মাধব! বাবা, মা তোমার অন্তরে ব’সে যে আদেশ করেছেন, তুমি অবনতশিরে সেই আদেশই পালন করেছ মন্দ তো তার ভিতর এতটুকুও হতে পারে না বাপ।’

উৎকর্ষ হইয়া মাধব পুরোহিত মহাশয়ের কথা শুনিতে-ছিলেন। তাঁহার কথা শেষ হইলে বিনীতভাবেই তিনি বলিলেন,—‘আপনার পাকের একটু ধূলা দিন বাবা, আমার মনে যে সম্বন্ধে উঠেছিল এক কথায় আপনি সেটা মিটিয়ে দিলেন। মার সাম্মুখে নাট-মন্দিরে আমাকে নিয়ে চলুন, যে ক’টা দিন থাকি উন্মুক্ত জানালার ফাঁক দিয়ে জাহ্নবীমার কল-গান শুনে শুনে মায়ের অভয় চরণ দু’টা বুকের মাঝে জাগিয়ে রাখি, এখানকার খেলা শেষ হ’ল যখন—’

শিবানন্দ বলিল,—‘চঞ্চল হয়ে পড়ছ মাধব?’

সম্মিতমুখে মাধব বলিলেন—‘না-না বাবা, যেটা শাখত, যেটা ক্রব সেটার জন্তে চাঞ্চল্য আসবে কেন? সব মানুষের মত যেটার জন্তে অপেক্ষা করে বসে রয়েছি, সেটার জন্ত চঞ্চল হব কেন বাবা?’

এতক্ষণ ধরিয়া বীণা তাহার উচ্ছ্বসিত ক্রন্দনের আবেগ গোপন করিয়া রাখিলেও আর রাখিতে পারিল না, নয়ন-জলে বুক ভাসাইয়া বলিল,—‘বাবা বাবা! এ সব কি বলছ?’

শীর্ণ হাতখানি বীণার মাথায় দিয়া মাধব বলিলেন,—‘কাদছিস কেন মা, জগতের ভেতর যেটা মহা সত্য, যেটা ঘটবেই ঘটবে—যেটাকে কেউ কখন ঠেকিয়ে রাখতে

পারে নি সেটার জন্তে কারা কেন? কাঁদিস নি, বরং আনন্দ কর তোর বাবা ভাঙ্গা ঘর-বাড়ী ছেড়ে, রাজ-অট্টালিকায় বাস করতে চলেছে—জীর্ণ বস্ত্র ছেড়ে নুতন বস্ত্র পরতে চলেছে—’

কিছুক্ষণ মৌন থাকিয়া তিনি পুনরায় বলিতে লাগিলেন—‘দায়িত্বের যে গুরুভার তোর মাথার ওপর চাপিয়ে দিয়ে যাচ্ছি, সেটা ঠিক ভাবে পালন করে বাস মা; মা তোকে আশীর্বাদ করবেন।’

তারপর বেণুর দিকে মুখ ফিরাইয়া বলিলেন, ‘বেণু! যাবার সময় সলিলকুমারকে একবার দেখতে পেলো তুপ্তিটা খুব বেশী করেই পেতুম মা, কিন্তু যা’ক এলই না যখন, আমার গোটাকতক কথা তুই-ই শুনে রাখ, তোর প্রজাদের মায়ের আসন দখল করে আছিস তুই, আপদে-বিপদে, রোগে-শোকে হুঃখে-দারিদ্র্যে মায়ের কর্তব্যটা পালন করে যাস। অত্যাচারের হাত হ’তে তাদের রক্ষা করতে গিয়ে নিজের প্রাণটা যদি বলি দিতে পারিস, তবে আমার মৃত আত্মার এই তুপ্তিটাই সব চেয়ে বেশী হবে। তুই আমার কণ্ঠা, আর তোর ছেলের তুই-ই প্রকৃত মা।’

অশ্রুর বড় বড় কঁোটা বেণুর গণ্ডদেশ প্লাবিত করিয়া দিল। আবেগপ্লুত কণ্ঠে ডাকিল—‘বাবা!’

স্নেহ-সিক্ত-কণ্ঠে মাধব বলিলেন—‘কি মা?’

বেণুর মুখ দিয়া কিন্তু একটা কথাও বাহির হইল না।

তাহাকে বুকের উপর ফেলিয়া তাহার চক্ষুর জল মুছাইতে মুছাইতে মাধব বলিলেন—‘ছেলের জন্তে বাপ-মায়ের কত ঝগড়াই হয় মা। আমি যখন ছোট ছিলাম, আমার এক একটা কাজ নিয়ে বাবা আর মার মধ্যে কি ভীষণ বাদামুবাদ না হ’ত, দু’তিন দিন উপোষ দিয়েই হয় তো মা দিন কাটিয়ে দিতেন, শেষে বাবা পরাজয় স্বীকার করতেন—মাতৃশক্তির জয় জয়কার হ’ত।’

বেণু কুপাইয়া কাঁদিয়া উঠিল, বলিল, ‘তোমার কাছে শপথ করছি বাবা, ‘দেহ হ’তে প্রাণটা বেরিয়ে গেলেও তোমার প্রত্যেক আদেশটাই পালন করবার চেষ্টা কর’ব।’

রোগজীর্ণ মাধবের পাণ্ডুর মুখ খানিতে হাসি খেলিয়া গেল। বলিলেন—‘করবি বই কি মা, নিশ্চয়ই করবি, তুই যে আমার বীণার বোনু ও কি বলে জানিস্ বেণু। বলে ও প্রজাদের রক্ষা, কথাটা সেদিন হ’তে আমাকে এতটা

আনন্দ দিয়েছে মা, যে, তাদের কলে যাবার কষ্টটা তার ভিতর কোথায় তলিয়ে গেছে।’

বেদানার রস নিংড়াইয়া বীণা বলিল—‘এইটুকু বেয়ে কেল বাবা, অত কথা বলছেন কেন? ডাক্তারবাবুর নিবেদন যে!’

অল্প মধুর হাসিয়া মাধব বলিলেন—‘আর দু’একটা দিন পরে একেবারেই চুপ করব’ বীণা, তখন হাজার চেষ্টাতেও আর কথা বলাতে পারবি না,—হাঁ বেণু।’

অশ্রুনিরুদ্ধকণ্ঠে বেণু বলিল—‘কেন বাবা?’

‘আমার শেষ একটা কথা তোকে বলে যাই মা, সলিলের সহধর্মিণী তুই, অধঃপাতের নিম্নতম পথ হতে তাকে টেনে তুলতেই হবে তোকে, তার কাছে রাগ-হুঃখ-অভিমানের সহস্র কারণ থাকলেও সেগুলোকে ঝেড়ে ফেলে দিয়ে তাকে যদি মানুষ করে তুলতে পারিস্...’

মুহূর্তের জন্ত মাধব রায় মৌন হইয়া গেলেন।

বেণু বলিল—‘পারব কি বাবা?’

‘—পারবি বৈ কি মা, আমি আশীর্বাদ করছি তোকে পারতেই হবে,—’

তাঁহার পদধূলি মাথায় সইয়া বেণু নীরবেই বসিয়া রহিল।

পুরোহিত মহাশয়কে মাধব বলিলেন—‘বাবা!’

শিবানন্দঠাকুর এতক্ষণ বোধ হয় অজ্ঞ কোনও পৃথিবীতে বিচরণ করিতেছিলেন, মাধবের ডাকে পুনরায় এ পৃথিবীতে ফিরিয়া আসিয়া বলিলেন,—‘কেন মাধব?’

‘এইবার আমাকে নিয়ে চলুন, এখানকার ঝন্ট এক রকম শেষই করে ফেলেছি, যে কটা দিন থাকতে হয় সেকটা দিন—’

একটা অদূরগত আশঙ্কার ভয়াল দৃশ্য শিবানন্দের চক্ষুর সম্মুখে উপস্থিত হইয়া উঠিল। বিবাদের সুরে জিজ্ঞাসা করিলেন—‘ভয় পাচ্ছ মাধব?’

আনন্দ-গর্বে মাধবের মুখখানা যেন উজ্জাসিত হইয়া উঠিল—বলিলেন, ‘কেন বাবা এসংসার ছেড়ে যেতে হবে বলে?’

শিবানন্দ নীরবেই বসিয়া রহিলেন।

মাধব বলিলেন—‘মৃন্ময়ী মা চিন্ময়ী মূর্তিতে দিন-রাত যখন আমার জন্তে কোল পেতে বসে রয়েছেন দেখতে

পাচ্ছি, যখন দেখতে পাচ্ছি শশানের প্রজ্জ্বলিত আঙনের মধ্যে মায়ের কোলে, কচি ছেলের মত মানুষ খেলা করছে, তখন ভয় হবে কেন বাবা? বরং হিংসা হচ্ছে, ব্যাকুলতা এসে প্রাণটাকে বিহ্বল করে তুলছে—ওদের মত কখন আমি মায়ের কোলে ঝাঁপিয়ে পড়ব, সেই সুযোগের জন্যে মনের ভেতর তোলপাড় করছে, আমায় নিয়ে চলুন।’

পুলকের বচা আসিয়া শিবানন্দকে কোথায় যে ভাসাইয়া লইয়া গেল, তাহা তিনি নিজেই ভাবিয়া পাইলেন না, কিছুক্ষণ তাহাতেই হাবুডুবু খাইয়া আনন্দের আতিশয্যে বলিয়া উঠিলেন—‘মাধব—মাধব! গর্কে-আনন্দে বুকখানা আজ আমার ফুলে উঠছেও যেমন হিংসাও তার চেয়ে এতটুকু কম হচ্ছে না, সংসারের মধ্যে বাস করে সহস্র সহস্র প্রকার মায়ায় ডুবে থেকেও তুমি সন্ন্যাসী, ভোগের ষোড়শোপচার তোমার চারি দিকে ছড়ান থাকলেও সে সব ত্যাগ করে তুমি যোগী,—তুমিই মায়ের প্রকৃত সন্তান, আর আমি?—যাক্ চল বাবা তোমাকে নিয়ে যাই।’

নাট মন্দিরের প্রবেশ-পথেই তাঁহার দেখিতে পাইলেন রক্তবস্ত্র পরিহিত প্রিয়দর্শন এক যুবক সন্ন্যাসী করালীয়ার মন্দির প্রাপ্তে যেন কাহার অপেক্ষায় ব্যাকুলভাবে দাঁড়াইয়া রহিয়াছে, মাধব তাঁহার পদধূলি লইয়া জিজ্ঞাসা করিলেন,—‘কি চাই?’

হস্ত প্রসারণ করিয়া আশীর্বাদান্তে সন্ন্যাসী বলিলেন, ‘জাই মার মন্দিরে একটু আশ্রয় আর ঔরই পাদপদ্মে দু’টা জবা দিবার অধিকার,—সে অধিকার ‘হ’তে যেন কোনও দিন বঞ্চিত না হই।’

‘তথাস্ত’ বলিয়া শিবানন্দ জিজ্ঞাসা করিলেন—‘মধ্যাহ্ন অতীত কিছু খাবার—’

জিহ্বার অগ্রভাগ দাঁতে চাপিয়া সন্ন্যাসী বলিলেন—‘ছিঃ ও কথা বলতে নেই।’

‘তবে?’

‘সন্ন্যাসীর খাওয়া নিষেধ, তবে হাঁ কিছু আছতি দেবার প্রয়োজন হয়েছে বটে।’

হাসিয়া শিবানন্দ বলিলেন, ‘বেশ,’

সেইদিন হইতে সন্ন্যাসী মহানন্দ করালীয়ার মন্দিরে আশ্রয় পাইলেন; এবং জমীদারের আরোগ্য-কামনার নিজেই হোম করিতে প্রবৃত্ত হইলেন। প্রজাকুল এবং স্বয়ং শিবানন্দ পর্যন্ত আশ্চর্য্য হইয়া গেলেন, তাহার হোমের ফলে মাধব যেন ক্রমশঃই রোগমুক্ত হইয়া উঠিতেছেন। প্রজার দল এই নবাগত সন্ন্যাসীকে দেবদূত বলিয়া তাঁহার পায়ে মাথা নোয়াইল, শিবানন্দ মুগ্ধ হইয়াগেলেন, মাধব রায় তাঁহাকে প্রকৃত সন্ন্যাসী বলিয়া তাহার পায়ে সশ্রদ্ধ-চিত্তে প্রণাম করিলেন।

পিতার পাদমূলে বসিয়া বীণা সে দিন মহানন্দকে জিজ্ঞাসা করিল, ‘আচ্ছা ঠাকুর আপনার বাড়ী কোথায়?’

মুগ্ধ আঁখির দৃষ্টি বীণার মুখের উপরে ফেলিয়া মহানন্দ বলিলেন,—‘আমাদের তো বাড়ী থাকে না দিদি, থাকে একটু আশ্রম, ছিলও, কিন্তু খাজনা দিতে না পারার অপরাধে সে টুকুও জমীদার সলিলকুমারের খাস হয়ে গিয়েছে, এখন নিরাশ্রয়।’

তাহাকে আর বলিতে হইল না, উত্তেজিতভাবেই মাধব রায় বলিয়া উঠিলেন—‘সলিল? সে অধঃপাতে গেলেও নরকের পথে এতখানি নেমে পড়েছে যে সন্ন্যাসীর আশ্রম—’

উত্তেজনার আধিক্যে তাঁহার মুখ দিয়া আর একটা কথাও বাহির হইল না, চক্ষু দুইটা একরকম অস্বাভাবিক হইয়া উঠিল।

ব্যস্তভাবেই সন্ন্যাসী বলিলেন,—‘উত্তেজিত হচ্চ কেন বাবা, সবই মায়ের খেলা। তাঁর কোন্ গোপন উদ্দেশ্য সাধন করবার জন্যেই আশ্রম ছাড়া করিয়েছেন—তা’ না হ’লে—’

‘সন্ন্যাসী! জান না তুমি তার এই ব্যবহারের ভেতর দিয়ে কি যে মর্গ যাতনা আমাকে দিচ্ছে—’

হঠাৎ দশ বারটা লোক আকুল হইয়া কাঁদিতে কাঁদিতে সেইস্থানে আছাড়িয়া পড়িয়া বলিয়া উঠিল—‘দয়াল রাজ! সলিল জমীদারের অত্যাচারে দেশত্যাগী—তার অত্যাচারে স্ত্রী-বৌ নিয়ে—’

মাধব রায়ের হৃদপিণ্ডের ক্রিয়া হঠাৎ ক্রম হইয়া উঠিল, একান্তভাবেই বলিয়া উঠিলেন,—‘মা—মা! তোর সন্তানদের তার তুই নে মা! আর যে পারছি না...বীণা! বুকটা একবার চেপে ধর না মা, বজ্র ধড় কড় করছে।’

তিনি আর কোনও কথা বলিতে পারিলেন না তাঁহার চক্ষু হইতে উল্কে উঠিয়া পড়িল। বেণু ও বীণা পিতার বুকে আছাড় খাইয়া পড়িল, শিবানন্দ নিশ্চল প্রতিমূর্তির মত দাঁড়াইয়া রহিলেন, মহানন্দ রক্ত চক্ষু বাহির করিয়া প্রার্থী-দিগকে বলিতে লাগিলেন,—‘রে মৃত্যুর অগ্রদূত! আমি তোদের অভিসম্পাত দেব—অভিসম্পাত দেব।’

শিবানন্দ বলিয়া উঠিলেন,—‘কি করছ মহানন্দ, সন্ন্যাসী তুমি—’

ভেমনিভাবেই মহানন্দ বলিতে লাগিলেন,—‘ও সব আমি কিছু শুনতে চাই না আমি অভিসম্পাত দেব।’

—ছয়—

মাধব রায়ের মৃত্যুর পর নিজের কার্যকুশলতায়, মহানন্দ, শিবানন্দেব পরম স্নেহভাজন হইয়া উঠিল। জমীদারির আবাল-বৃদ্ধ-বনিতার নিকট হইতে ভক্তি ও শ্রদ্ধা আদায় করিতে করিতে তাহার দিনগুলি কাটিয়া গেলেও বীণার চক্ষুতে তাহার ব্যবহারের একটাও ভাল বলিয়া ঠেকিত না। মহানন্দের প্রত্যেক কথা আর সকলের খুব সরল বলিয়া মনে হইলেও তাহার মনে ঠিক বিপরীত বলিয়াই ধারণা হইত।

একদিন সে নীলাধরবাবুকে বলিল, ‘ম্যানেজারকাকা মহানন্দঠাকুরকে আপনার কেমন মনে হয় বলুন তো?’

জিজ্ঞাসু দৃষ্টি বীণার মুখের উপর ফেলিয়া নীলাধরবাবু বলিলেন, ‘একথা কেন জিজ্ঞাসা করছ’ মা?’

কয়েক মুহূর্ত্ত মৌন থাকিয়া বীণা বলিল, ‘লোকটার চাল-চলন, কাজ কর্ম্ম কথা বার্তা, যদিও দিনের আলোর মত পরিষ্কার, তবুও যেন আমার মনে হয় এর পিছনে একটা বিরাট অন্ধকার লুকিয়ে আছে।’

মুহূর্ত্তান্তে নীলাধরবাবু বলিলেন, ‘ভবিষ্যৎ সব সময়েই অন্ধকারের গর্ভে লুকিয়ে থাকে মা, সেটা নিয়ে এখন থেকে—’

বীণা বাধা দিয়ে বলিল, ‘প্রজাদের ভবিষ্যৎ বিপদ, যে সময়ই আমার চোখের সামনে ছবির মত ভেসে ওঠে—তখনই যেন হাঁপিয়ে পড়ি, মনে হয় এমন সোনার দেশে প্রেতের নৃত্য শুরু হল।’

তাহার এই কাতরোক্তি নীলাধরের প্রাণটাকে

একেবারে ঘুষড়াইয়া দিল, জিজ্ঞাসা করিলেন, ‘এ আশঙ্কা তোমার কোথা হতে আসছে মা? আশঙ্কার কারণ যদি যথার্থই হয়ে থাকে এখন হ’তে তার প্রতিকারের ব্যবস্থা করতে হবে বৈ কি।’

উত্তরে বীণা বলিল, ‘আমার আশঙ্কার প্রথম কারণ এই, মাঝে মাঝে তার অন্তর্দান, দ্বিতীয় কারণ দলে দলে সে যে প্রজা নিয়ে আসছে সকলেই সন্নিহিত জমীদারির।’

হাসিয়া নীলাধরবাবু বলিলেন, ‘তোমার প্রথম ভয়ের কারণ আমারও দৃষ্টি এড়ায় নি, কিন্তু পুরোহিতমহাশয় বলেন—‘এই অন্তর্দান অল্প কিছুকাল জন্ম নয়, মাঝে মাঝে সে যায় তার শ্রীগুরুর চরণ দর্শন করতে, আর তাঁর মতে যাওয়াও উচিত। দ্বিতীয়টার সম্বন্ধে আমার এইটাই মনে হয় জামাইবাবুর জমীদারিতে বাস করে নির্ঘাতিত হয়ে এখানে আশ্রয় পেয়েছে তাই আর সকলে—’

বাধা দিয়া বীণা বলিয়া উঠিল, ‘নির্ঘাতন পূর্বেও চলছিল, তখন এত লোক আসত না, অথচ এখন এত লোকই বা আসে কেন?’

‘তখন তো আর মহানন্দ ছিল না। যাই হোক সন্দেহ যখন তোমার হয়েছে মা, তখন এই নূতন প্রজাদের সম্বন্ধে অনুসন্ধান করবার জগে, তুমি প্রজাদিগের মধ্যে যে কয় জনকে তাদের প্রতিনিধি নির্বাচিত করে দিয়েছ, তাদের আমি দেখা করবার জগে খবর পাঠিয়ে দিচ্ছি এখন বরং তাঁর সম্বন্ধে স্বামীজীর ধারণা কিরূপ সেইটাই জেনে আসি চল মা, বহুদর্শী তিনি তাঁর মতামতও খুব হাক্কা হবে না। কথাটা যখন তুমি তুলেছ তখন তো সেটাকে অবহেলা করতে পারি না।’

নীলাধরবাবুর এ কথার পর বীণার আর কোনও কথা বলিবার ছিল না। সন্দেহ যতই তাহার অন্তরকে মসীলিষ্ট করিয়া তুলুক না কেন তাঁহার যুক্তিও তো নিতান্ত অসার নয়। জমীদারির মধ্যে ভবিষ্যত উদ্যম নৃত্যের কাল্পনিক দৃশ্য তাঁহার সমস্ত শরীরকে আচ্ছন্ন করিয়া তুলিলেও, যেখানে ম্যানেজারকাকার মত কর্ণধার, পুরোহিত-কাকার মত হিতৈষী এখনও বর্তমান, সেখানে সন্দেহের মূল কারণ যে, সে কতটুকুই বা অনিষ্ট করিতে পারে? কিন্তু মহানন্দের ব্যবহারের আর একটা দিক,

শতচেঁটা করিয়াও বীণা মানেজারবাবুর নিকট প্রকাশ করিতে পারিল না।

তাহাকে অনেকক্ষণ ধরিয়া নীরব থাকিতে দেখিয়া নীলাধর বাবু জিজ্ঞাসা করিলেন, 'কি এত ভাবছ মা ?'

সম্বুদ্ধিতভাবেই বীণা বলিল, 'আর একটা কথা—'

কিন্তু তাহাকে আর বলিতে হইল না বাহির হইতে শিবানন্দস্বামী ডাকিলেন—'মা !'

আনন্দাপ্লুত কণ্ঠে বীণা ডাকিল,—'আম্মন কাকা !'

তিনি ভিতরে প্রবেশ করিলে, উভয়েই নতশীর হইয়া প্রণাম করিলেন।

আশীর্বাদস্বস্তে আসন গ্রহণ করিয়া শিবানন্দস্বামী বলিলেন, আজ আবার কতক গুলা লোক এসেছে মা,— তোমার মতামত—

বীণা বলিল, 'পুরুত কাকা ?'

'কেন মা ?'

স্বামীজীর কথার মধ্য স্থলে বীণার এই আহ্বানের অর্থ বুঝিতে পারিয়া নীলাধরবাবু বলিলেন, 'এই ধরনের প্রজার আগমন মায়ের মনকে কেমন একটা সংশয়ে ভরিয়ে তুলেছে বাবা, এই সম্বন্ধেই এতক্ষণ আলোচনা হচ্ছিল। এরা কোথা হতে আসছে বাবা ?'

একবার নীলাধরবাবুর আর একবার বীণার মুখের দিকে চাহিয়া শিবানন্দ জিজ্ঞাসা করিলেন, 'সলিলকুমারের জমীদারি হতে আসছে, কিন্তু এ সংশয়ের কারণ কি নীলাধর ?'

নীলাধরবাবু বলিতে লাগিলেন, 'মা বলছিলেন, আজ পর্যন্ত যত প্রজা এসেছে বা আসছে সে সবই যদি সলিলকুমারের জমীদারি হতে আসে তবে তাঁর জমীদারি যে প্রজাশূন্য হয়ে পড়বে, এর জন্তে কি তাঁর সঙ্গে বিরোধের একটা নূতন কিছু সৃষ্টি হবে না ?'

বীণা বলিল, 'এদিকটা ছাড়াও আর একটা কথা আছে কাকা, অত্যাচারী সে পূর্বেও যেমন ছিল এখনও তেমনই আছে, তবে এখন এত প্রজা আমদানী হচ্ছে কেন ? এর ভেতর মহানন্দ ঠাকুরের কোনও—

সরলহাস্তে মুখ ধাক্কা দিয়ে প্রদীপ্ত করিয়া শিবানন্দ বলিলেন, 'মহানন্দের সম্বন্ধে এতটুকুও সন্দেহ মনে এল না মা, তাকে আমি যতদূর বুঝেছি, তাতে এটা আমি জোর ধলায় বলছি, সে সরল, উদার করালীমার ভক্ত সন্তান,

তবে প্রজার দল বর্ধিত করবার দিকটা আমি কোনও দিনই ভাবি নি। এইটাই কেবল ভেবেছি মার রাজত্বের আয় বাড়ছে।...এবার হতে ভাবতে হবে।'

এই তিন জনের মধ্যে কিছুক্ষণের জন্ত আর একটা কথাও হইল না নিস্তব্ধ ঘরের মধ্যে ঘড়িটা কেবল টিক্ টিক্ করিতেছিল আর বাহিরে বারান্দায় পিঞ্জরাবদ্ধ ময়না পাখীটা থাকিয়া থাকিয়া বলিতেছিল—'কালী তরাও— কালী তরাও।'

গৃহের নিস্তব্ধতা ভঙ্গ করিয়া শিবানন্দ বলিতে লাগিলেন,—'তার ব্যবহারের ভিতর দিয়ে মহানন্দ আমাকে এমনই মুগ্ধ করে ফেলেছে বীণা-মা যে, তার, ভাল দিকটা ছাড়া আর কোনও দিকই আমার নজরে পড়ে না। তার উদাও কণ্ঠের মাতৃস্বব, চোখের জলে মা-মা ডাক, আমাকে চেতন-হারার মত করে দিয়ে কোন্ দেশে যে নিয়ে গিয়ে ফেলে, পূজায় তার ঐকান্তিকতা আমার সমস্ত শরীরে পুলক ছড়িয়ে দেয়। মনে হয় করালীমা নিজেই বুঝি তাকে তাঁর পূজারী রূপে এখানে নিয়ে এসেছেন। আমার অবস্টমানে আমি তো তাকেই আসন দিয়ে যাব বলে মনে করেছি।'

শিবানন্দ পুনরায় মৌন হইয়া গেলেন।

নীলাধরবাবু বলিলেন,—'আপনার এ কথার পর আমাদের আর কোনও কথাই থাকতে পারে না।'

পুনরায় শিবানন্দ বলিতে লাগিলেন—'আর কোন দিকেও তাকে ছোট করে দেখবার অবকাশ আমি তো পাই নি, তোমরাও পেয়েছ কি না জানি না, যে লোক প্রজার সুখ-দুঃখকে নিজের সুখ-দুঃখ বলে মনে করে, নিজেকে তাদেরই একজন বলে তাদের মধ্যে বিলিয়ে দেয়'—

আবেগকল্পিত কণ্ঠে বীণা বলিল—'সে দিক দিয়ে যে খুবই উচু একথাও অস্বীকার করবার উপারই দেখতে পাচ্ছি না।'

শিবানন্দ বলিলেন—'তবে ?'

বীণা কহিল—'সলিলের জমীদারি হইতে সে যদি এত প্রজাই—'

শিবানন্দ বলিলেন—'এর ভেতর সলিলেরই কোনও চাল নেই তো ? সে নিজেই যদি কোনও মতলব দিয়ে প্রজার দলকে পাঠিয়ে দেয়...জমীদারির ওপর তার লোভও তো ব'ড় কম নয় !'

ঠাহারযুক্তি নীলাধরবাবু ও বীণার মনে একটা নূতন সমস্যা আনিয়া দিল।

নীলাধরবাবু বলিলেন,—‘আশ্চর্য্যও কিছু নয় বাবা।’

বাহির বারান্দায় ময়নাটা বলিয়া উঠিল—‘কালী তরাও—কালী তরাও।’

একটু চিন্তিত ভাবেই বীণা কহিল,—‘যে দিক দিয়েই হোক এ বিষয়টা চিন্তা করবার দরকার হয়েছে বাবা। আমাদের একজনের সম্বন্ধ যদি সত্য হয় তবে সেটার ব্যবস্থা আগে করা দরকার।’

বীণা আরও কি বলিতে যাইতেছিল, কিন্তু ভৃত্য আসিয়া সেই সময় ম্যানেজারবাবুকে বলিল—কাছারী-বাড়ীতে কতকগুলি লোক আপনার জন্ত অপেক্ষা করছেন, কি বিশেষ দরকার।’

নীলাধরবাবু বলিলেন—‘একটু পরে আমি যাচ্ছি দয়াল, তাঁদের অপেক্ষা করতে বল।’

বীণা বলিল—‘আচ্ছা কাকা।’

‘কেন মা?’

বীণা বলিতে লাগিল,—‘বাবার মৃত্যুর সময় বেণু তার কাছ হুঁপুড় করেছিল। যে, প্রজাদের মায়ের আসন গ্রহণ করে সমস্ত আপদ-বিপদ হ’তে তাদের রক্ষা করবে সে।

এ অবস্থায় তার বিনা অনুমতিতে প্রজাদের আশ্রয় না দিয়ে, যারা আসবে তাদের বেণুর কাছ হতে একখানা অনুরোধ পত্র—’

তাঁহাকে আর বলিতে হইল না, শিবানন্দ বলিয়া উঠিলেন—‘এই তো জমীদার-কণ্ঠা তোমার মত কথা মা, সংসারের কারচুপি বুঝি না, এ সবগুলো ভাবিও না কোনও দিন, তুমি যা বলবে মা সেইটাই ঠিক।’

বাহিরের বারান্দা হইতে ময়না পাখীটা বলিয়া উঠিল—‘ঠিক ঠিক—কালী তরাও—কালী তরাও।’

হাস্ত মধুর কণ্ঠে শিবানন্দ বলিলেন,—‘দেখলি মা পাখীটা বলছে ঠিক ঠিক, ...হবে না? জমীদারের মেয়ে মা তুই। যাক তা’হলে এই কথা বলেই আমায় তাদের ফিরিয়ে দিইগে।’

মুহূর্তের মধ্যে কি ভাবিয়া সহাস্ত মুখে বীণা বলিল,—‘যখন তাদের আপনি অভয় দিয়ে এসেছেন তখন আশ্রয় দেন, ভবিষ্যতে যদি ভাল মনে করেন তবে ঐ পথই ধরবেন।’

বীণা-মার বুদ্ধির সূখ্যাতি করিতে করিতে স্বামীজী চলিখা গেলেন।

(ক্রমশঃ)

“গোলোকের বেণু ভুলোকের মাঝে ভুলে
উঠেছিল বেজে!”

[শ্রীরামেন্দু দত্ত বি-এ]

পিঁজরার পাখী উড়িয়া গিয়াছে, শূণ্য খাঁচাটি দোলে।

পূর্ণিমা নিশা পোহায়ে গিয়াছে, ঘুম ঘোরে চাঁদ ঢোলে।

নারিকেল শাখা ভোরের বাতাসে ছলিয়া ছলিয়া কা’রে

‘বিদায়! বিদায়!’ কহি’ ইঞ্জিতে পাতার আঙুল নাড়ে।

ফুলমালা হায় ধূলাতে লুটায়, দলিত হয়েছে দল—

কুমুম-শূণ্য মালার সূতায় কাহার চোখের জল!

হায় রে কখন ঘুমায়ে পড়েছি, জেগে দেখি খালি কোল!


আকাশে নেমেছে আলোর প্লাবন, পাখীরা ভুলেছে রোল!

সে কি মোর পাশে এসেছিল কভু ?—স্বপন নহে ত ইহা ?
 সুখ-স্বপনের মত কেন তবে গেল সে মিলাইয়া !
 কভু কি তাহারে পেয়েছিণু বুকে ?—মনে ত পড়েনা ভালো,
 মোহের অঁধারে দেখিনি ত আমি সুধু আলেয়ার আলো ?
 আলেয়ার প্রায় কেন তবে হায় ক্রণতরে দিয়ে দেখা
 চির-বিরহের তমসার তীরে ফেলে রেখে গেল একা !
 সে এত মধুর, সে এত সুখের, সে এত আশীষময়,
 সত্য তাহারে পেয়েছিণু পাশে, ভাবিতেও করে ভয় ।

মানুষ-প্রতিমা নহে সে আমার, মানস-প্রতিমা সে যে
 গোলোকের বেণু ভুলোকের মাঝে ভুলে উঠেছিল বেজে ।
 তাই কি গো হায় সহিল না তাহা রজনীর অবসান—
 পূর্ণিমা রাতি পোহাইয়া গেল, কুমুদিনী ত্রিয়মাণ ।
 তাই কি তাহারে নারিণু রাখিতে হেম-পিঞ্জরে বেঁধে
 চরণ-নুপুর ফেলে রেখে প্রিয়া ফিরে গেল কেঁদে কেঁদে !
 তারি অঁখিজল করে টলমল তরুশিরে, ফুলদলে—
 তারি বিরহের অশ্রু-সায়রে তিনটি ভূষন চলে !

সে গিয়াছে চ'লে কিছু নাহি ব'লে, যুম না ভাঙায় মোর,
 সে গিয়াছে চ'লে নয়নের জলে ভিজায় মালার ডোর ।
 এখনো রয়েছে অঙ্গ-স্বরভি, সুধাকণ্ঠের সুর
 মনে হয় প্রিয়া পারেনি চলিয়া যাইতে অধিক দূর ।
 দিখলয়ের কোলে কোলে ঐ বলে যে আলোক রেখা ।
 দৃষ্টি চলে না—নহিলে এখনো মিলিত প্রিয়ার দেখা ।
 বিশ্ব-প্রকৃতি আজি এ প্রভাতে দুলিছে কিসের লাগি'
 গাহি' সারা রাত এখনো কোকিল কেন বা রয়েছে জাগি' ?
 অঁখিজল যত শুকায় গেল না কেন সে নিশার বায়
 কেন এ প্রকৃতি ডাকিতেছে কা'রে 'ফিরে আয়' 'ফিরে আয়' ?

কতনা নিদয় আমার হৃদয়, কতনা দিয়েছি ব্যথা
 বিষ-নিশ্বাসে শুকায় গিয়াছে বনের ছুলালী লতা ।
 বিদায়ের কালে তাই সে কিছুই কহেনি বিদায় বাণী
 নীরবে মুছিয়া নয়নের জল চ'লে গেল অভিমানী ।
 চ'লে গেল প্রিয়া কাঁদিয়া কাঁদিয়া মিলন-রজনী ভোরে
 বিদায়-নয়ন-সলিল-সায়রে অসহায় করি' মোরে ॥



“একদা তুমি অন্ধ ধরি’ ফিরিতে নব ভুবনে,

মরি মরি অনন্দ দেবতা!”

—রবীন্দ্রনাথ

“না”

[অধ্যাপক শ্রীচারুচন্দ্র সিংহ]

“না” কথাটা নিবেদনক, অস্বীকৃতিসূচক। ইহার মূর্ত্তি সংহারিণী ; নয় এবং ধ্বংসই ইহার কার্য, তথাপি জ্ঞানরাজ্যে ইহার প্রতিপত্তি, ইহার শক্তি অক্ষুণ্ণ। জ্ঞান-রাজ্য হইতে যদি “না” কথাটা একেবারে সরাইয়া দেওয়া হয়, তাহা হইলে এই রাজ্যের ধ্বংস অপরিহার্য। “না” কথাটার তিরোভাবের সহিত জ্ঞানের তিরোভাব অবশ্য-জ্ঞাবী। অতএব ধ্বংসকারী “না”এর উপর জ্ঞানরাজ্যের সৃষ্টি এবং স্থিতি নির্ভর করিতেছে। যাহা বিনাশের কারণ তাহাই সৃষ্টির হেতু, যাহা লয়ের কারণ তাহাই স্থিতির সহায়, ইহা বড়ই আশ্চর্যের বিষয়। সুতরাং মানিয়া লইতে হইবে যে, ধ্বংসের অন্তরালে সৃষ্টির বীজ লুকায়িত আছে। “না”এর ভিতর “হাঁ”এর অস্তিত্ব বর্তমান।

কোন ধারণাকে অবাস্তব মনে করিয়া প্রত্যাহার করা কিংবা ইহা বাস্তবের অন্তর্গত বলিয়া মনে করিবার শক্তির অভাব প্রকাশ করাই “না”এর কার্য। ইহা প্রকৃত পক্ষে বাস্তব নয় কিংবা ইহা বাস্তব বলিয়া গ্রহণ করিবার শক্তি আমার নাই, ইহা প্রকাশ করাই “না”এর স্বভাব। অস্বীকার করা, সংহার করা, প্রত্যাহার করাই যদি ‘না’এর প্রকৃতি হয়, তাহা হইলে সেই জিনিসটা কি যাহাকে “না” অস্বীকার বা সংহার বা প্রত্যাহার করিয়া থাকে, ইহাই আমাদের বিচার্য। অস্বীকার, সংহার এবং প্রত্যাহার প্রত্যেক কথাটাই কোন না কোন জিনিসের অস্তিত্ব ঘোষণা করিতেছে। যাহার অস্তিত্ব নাই তাহাকে অস্বীকার, সংহার বা প্রত্যাহার করা বাতুলতার কাজ। যখন আমি “না” বলিতেছি তখন আমি কিছু অস্বীকার করিতেছি, সুতরাং আমার অস্বীকার যাহা আমি অস্বীকার করিতেছি তাহারই নির্দেশ করিয়া দিতেছে। সুতরাং অস্বীকার নাস্তিকবাচক হইলেও ইহার অন্তরালে অস্তিত্ব লুকায়িত আছে। ‘না’ এর ভিতর ‘হাঁ’ বর্তমান। কিন্তু সেই জিনিসটা কি যাহাকে “না” না বলিয়া থাকে অর্থাৎ “না” যাহাকে অস্বীকার করে ?

পূর্বেই দেখিয়াছি যে, যাহা নাই তাহা অস্বীকার করা বাতুলতার কাজ। তবে কি আমরা মনে করিব যে, কিছু অস্বীকার করিবার পূর্বে তাহার স্থিতি স্বীকার করিয়া লইতে হইবে। যদি জ্ঞানের নির্দেশ এইরূপ হয়, তবে সে জ্ঞান উন্মাদের প্রমাণ মাত্র। ভগবান নাই বলিবার পূর্বে কি ভগবান আছেন প্রমাণ করিতে হইবে ? এখানে জল নাই বলিবার পূর্বে কি বলিতে হইবে এখানে জল আছে ? সুতরাং আমি যেটাকে “না” বলিব পূর্বেই ঠিক সেইটাই স্থিতি মানিয়া লইতে হইবে ইহা যুক্তিসঙ্গত নহে !

তবে “না” কথাটা কখন ব্যবহৃত হয় ? স্থিরীকরণ প্রচেষ্টা প্রত্যাখ্যান করা, কোন কিছু নিশ্চয়রূপে গ্রহণ করিবার চেষ্টা প্রতিহত করা “না”র উদ্দেশ্য। এই স্থিরীকরণ-প্রচেষ্টার স্বরূপ কি ? আমাদের মনের স্বাভাবিক প্রশ্ন ইহার স্বরূপ প্রকাশ করিয়া থাকে। কোন বিষয় স্থির-নির্ণয় করিবার পূর্বে আমাদের মনে প্রশ্নের উদয় হয়। যাহা জানি না তাহা জানিবার আকাঙ্ক্ষাই প্রশ্ন। অতএব প্রশ্ন স্থিরীকরণ-প্রচেষ্টা মাত্র। আমি যখন তোমাকে কোন প্রশ্ন করি তখন প্রকৃত পক্ষে আমি তোমার নিকট, তোমার মনের নিকট তোমার জ্ঞাত বিষয় আমার নিকট প্রকাশ করিবার জন্ত দাবী করি। প্রশ্ন দাবী মাত্র ! এ দাবী এক মন আর এক মনের নিকট করিয়া থাকে। আমি যখন আমাকে প্রশ্ন করি তখন আমি আমাকে অপর বলিয়া মনে করিয়া থাকি। অতএব প্রশ্ন মনের নিকট মনের দাবী। কিন্তু এই যদি প্রশ্নের যথার্থ অর্থ হয়, প্রশ্ন যদি এইরূপ স্থিরীকরণ-প্রচেষ্টা হয়, তাহা হইলে এরূপ প্রচেষ্টা, এইরূপ প্রশ্ন “না” বিচারের ভিত্তি স্বরূপ হইতে পারে না। “না”এর পূর্বেই বলা যাইতে পারে না। কারণ যদি প্রশ্নের উত্তর আমার জানা থাকে তাহা হইলে প্রশ্ন করিবার প্রয়োজন নাই, আর যদি প্রশ্নের উত্তর আমি না জানি তাহা হইলে আমি আমাকে প্রশ্ন করিতে পারি না। অতএব উত্তর জানি বা না জানি আমার নিকট আমার প্রশ্নের

কোনই অর্থ নাই, সুতরাং এরূপ অসম্পূর্ণ প্রশ্ন “না”বিচারের পূর্বগ বা ভিত্তিস্বরূপ হইতে পারে না।

প্রশ্নের ভিত্তর কিন্তু আর একটি গুপ্ত অর্থ আছে এবং সেই গুপ্ত অর্থই ‘না’ বিচারের কারণ। প্রশ্ন আমাদের ধারণা-বিশেষ। এ ধারণা করণা-প্রসূত মনে। বাস্তব এ ধারণার উদ্বোধক এবং প্রতিপোষক। যখন আমাদের মনে কোন প্রশ্নের উদয় হয়, যখন আমরা কোন ইচ্ছিতের আভাস পাই তখন সেই প্রশ্ন বা ইচ্ছিত অনুযায়ী যে ধারণা তাহা স্বার্থ-প্রণোদিত এবং প্রকৃত ব্যাপার অনুমোদিত। প্রশ্ন এবং ইচ্ছিতের অন্তরালে ‘ধারণা’ আছে, কিন্তু সেই ধারণাটি শূন্য হইতে পতিত হইয়া আমাদের মানস পটে উদ্ভিত হয় না। প্রকৃতি দেবীই ইহা আমাদের গোচরীভূত করেন। বাস্তব জগৎই ইহার সৃষ্টি করে। আমার ধারণা আমার বাস্তব জগৎ-অনুদৃষ্ট। কিন্তু বাহ্য জগতের সহিত আমার মানস জগতের ঘাত-প্রতিঘাতে বহু ধারণার সৃষ্টি হইতেছে, কিন্তু ইহাদের মধ্যে মাত্র একটাই আমার ইচ্ছিতের বিষয়ীভূত হইতেছে কেন? আমার প্রশ্ন বা ইচ্ছিতানুযায়ী কারণটির উৎপত্তি কি প্রকারে হইতেছে? যে ধারণাটির সহিত আমার স্বার্থের সংস্রব আছে সেই ধারণাটাই আমার প্রশ্ন বা ইচ্ছিতের বিষয়রূপে আবির্ভূত হয়। প্রশ্নের অন্তরালে, ইচ্ছিতের অন্তরালে একটি “না” একটি “ধারণা” গুপ্ত থাকিবেই। এই ধারণা অলীক নহে বাস্তব, এবং ইহা স্বার্থ-সম্পর্কে শূন্য নহে, ইহা স্বার্থ-প্রণোদিত। বাস্তব ব্যাপার-সম্বৃত বিষয় সমূহের মধ্যে স্বার্থ-প্রণোদিত ধারণা বিশেষকে সত্য বলিয়া প্রতিপন্ন করিবার চেষ্টাকেই স্থিরীকরণ-প্রচেষ্টা বা প্রশ্ন বলের এবং সেই স্থিরীকরণ-প্রচেষ্টা প্রস্তাবিত ধারণা সত্য হইলে গ্রহণ, মিথ্যা হইলে প্রত্যাহার করিয়া থাকি এবং “না” প্রত্যাহার-সূচক বাক্য। সুতরাং “না” বলিবার পূর্বে স্থিরীকরণ-প্রচেষ্টা প্রস্তাবিত ধারণার আশ্রয় স্বীকার করিয়া লইতেই হইবে। এই ধারণার অভাব হইলে “না”এর স্থিতি নিপ্রয়োজন। “না” বাক্য নাস্ত্যর্থসূচক, ‘হাঁ’ বাক্য অন্ত্যর্থসূচক, নাস্ত্যর্থসূচক বাক্যের পূর্বে অন্ত্যর্থসূচক বাক্যের প্রয়োজন। “না”এর পূর্বে ‘হাঁ’ বর্তমান।

প্রকৃত বাস্তবের প্রতিদ্বন্দ্বী আর একটি বাস্তবের চিন্তা করিয়া চিন্ত্য এবং প্রকৃত বাস্তবের মধ্যে অসামঞ্জস্য লক্ষিত

হইলে “না” বাক্য ব্যবহৃত হইয়া থাকে। “প্রদীপটি নির্কাপিত হয় নাই” ইহা একটি নাস্ত্যর্থসূচক বাক্য, কিন্তু ইহার অন্তরালে অন্ত্যর্থসূচক বাক্য অন্তর্নিহিত আছে - যথা “প্রদীপ নির্কাপিত হয়”। প্রদীপটি নির্কাপিত হয় নাই বলিবার পূর্বে আমাকে আর একটি প্রতিদ্বন্দ্বী ধারণার চিন্তা করিতে হয়, যথা “প্রদীপ নির্কাপিত হয়” এবং যখন এই চিন্ত্য ধারণাটির সহিত প্রত্যক্ষ ধারণাটির অসামঞ্জস্য লক্ষিত হইল তখনই আমি বলিলাম, “প্রদীপটি নির্কাপিত হয় নাই।” অতএব এখানেও দেখিতেছি ‘হাঁ’ এর চিন্তা বাতীত “না”এর চিন্তা অসম্ভব।

কিন্তু ‘হাঁ’ বাতীত যেমন “না”এর চিন্তা অসম্ভব, আবার তেমনি “না” বাতীত ‘হাঁ’ এর চিন্তা অসম্ভব। যে ধারণাটিকে আমি বাস্তব বলিয়া মনে করি তাহাকেই আমি ‘হাঁ’ বলিয়া স্বীকার করিয়া থাকি। অবাস্তব এবং বাস্তবের মধ্যে পার্থক্য নির্ণয় করিয়া অবাস্তবকে অস্বীকার করিয়া বাস্তবকে স্বীকার করাই ‘হাঁ’এর কার্য। সুতরাং অস্বীকার বাতীত স্বীকার, “না” বাতীত ‘হাঁ’ অসম্ভব। কিন্তু স্বীকারের ভিতর যে অস্বীকারোক্তি প্রচারিত হইতেছে ‘হাঁ’এর ভিতর যে “না”এর বাণী ঘোষিত হইতেছে তাহা সাধারণ। যখন আমি বলিতেছি যে, এখানে জল আছে তখন আমি মনে করিতেছি এখানে আগুন নাই, ফল নাই, ফুল নাই, ইত্যাদি! এখানে জল বাস্তব আর ফল-ফুল ইত্যাদি অবাস্তব। এবং এই অবাস্তবগুলিকে প্রত্যাহার করিয়া জলের অস্তিত্ব স্বীকার করিতেছি—সুতরাং “না” এখানে সাধারণভাবে ব্যবহৃত হইতেছে, কোন নির্দিষ্ট বিষয়ে আবদ্ধ থাকিতেছে না। কিন্তু “না”এর ভিতর যে “হাঁ” আছে তাহা নির্দিষ্ট এবং সীমাবদ্ধ, সুতরাং সাধারণ মনে। যখন আমি বলি—এখানে জল নাই, তখন আমাকে চিন্তা করিয়া লইতে হয়—“এখানে জল থাকে বা থাকিতে পারে”; সুতরাং এ চিন্তাটি পূর্ব চিন্তার অনুযায়ী। সুতরাং “না” এর অন্তর্নিহিত চিন্তা ইহারই অনুযায়ী ‘হাঁ’ এর চিন্তা মাত্র। অতএব ইহা সাধারণ মনে। যখন এখানে জল নাই বলি, তখন মনে করি না এখানে ফল আছে বা ফুল আছে বা তেল আছে, কেবলমাত্র মনে করি এখানে জল থাকে। অতএব “হাঁ”এর ভিতর “না”এর

কার্য সাধারণ এবং “না”এর ভিতর “হাঁ”এর কার্য বিশিষ্ট-প্রকারের।

“না” বাক্যটি নিষেধাত্মক, কিন্তু ইহা যদি মাত্র নিষেধাত্মক হয়, যদি নিষেধের মধ্যে অস্তিত্বের লেশমাত্র না থাকে তাহা হইলে “না” কথাটি একেবারে অর্থশূন্য শব্দমাত্রে পরিণত হইবে। “ধর্ম চতুষ্কোণ নহে”, “প্রস্তর অহিন্দু”— অর্থাৎ হিন্দু নহে। “বৃক্ষটি অমানুষ” অর্থাৎ মানুষ নহে। এখানে “না” কথাটি একেবারে নিষেধাত্মক। এখানে “না”র মধ্যে “হাঁ” এর অস্তিত্ব খুঁজিয়া পাওয়া যায় না; সুতরাং এরূপ স্থলে “না” অর্থশূন্য শব্দ মাত্র। অহিন্দু মানে মুসলমান হইতে পারে, জল হইতে পারে, শূন্য হইতে পারে, নক্ষত্র হইতে পারে; এক কথায় হিন্দু ব্যতীত যাবতীয় বস্তুই হইতে পারে। সুতরাং “প্রস্তর হিন্দু নয়,” এই বাক্য হইতে প্রস্তরসমূহের কোন ধারণারই উদয় হইতেছে না। অতএব “না” এখানে অর্থশূন্য, কোন প্রকারেই জ্ঞানের সহায়ক নহে। পূর্ণবাচক প্রতিজ্ঞা হইতে যেমন জ্ঞানের বিস্তৃতি হয় না, তেমনই মাত্র নিষেধাত্মক বাক্য হইতে জ্ঞানের বিকাশ হয় না। যখন আমি বলি “মানুষ তো মানুষ” তখন আমি একই কথার পুনরুল্লেখ করি মাত্র; কিংবা যখন বলি “মানুষের মন যন্ত্রবিশেষ নহে” তখন আমার মনে কোন জ্ঞানেরই উদয় হয় না। জ্ঞানের জন্য দুইটি জিনিসের আবশ্যক, যথা—ঐক্য এবং পার্থক্য। জ্ঞান-মাত্রেই এই দুইটি অচ্ছেদ্যভাবে সংশ্লিষ্ট। একটির অভাব হইলেই জ্ঞানের অভাব হইবে। পূর্ণবাচক প্রতিজ্ঞাতে ঐক্য আছে কিন্তু পার্থক্য নাই, আবার একেবারে নিষেধাত্মক বাক্যে পার্থক্য আছে কিন্তু ঐক্য নাই, সুতরাং দুইটির কোনটাই জ্ঞানের সহায়ক নহে। কিন্তু সাধারণতঃ এই প্রকার বাক্যে আমরা কোন না কোনরূপ অর্থ সন্নিবেশ করিয়া থাকি, ইহাদিগকে একেবারে অর্থশূন্য বলিয়া মনে করি না। কিন্তু কিঞ্চিৎ অবধান করিলেই দেখিতে পাওয়া যায় যে, পূর্ণবাচক প্রতিজ্ঞার ভিতর অর্থের আভাস আমরা তখনই পাই, যখন আমরা ঐক্যের ভিতর পার্থক্যের যোজনা করি। আবার একেবারে নিষেধাত্মক বাক্যের অর্থ তখনই আমাদের গোচরীভূত হয় যখনই আমরা পার্থক্যের ভিতর ঐক্যের স্থাপনা করি। “মানুষ—মানুষ” ইহা একই পদের পুনরুল্লেখমাত্র, সুতরাং ইহাতে জ্ঞানের সহায়ক

কিছুই নাই। কিন্তু যেই বলিলে “মানুষ মানুষ” তখনই তোমার মনে উদয় হইতেছে “ভগবান নহে”। সুতরাং মানুষে ভগবানের পূর্ণতা সম্ভব নহে, তখনই এই পূর্ণবাচক প্রতিজ্ঞার অর্থ তোমার নিকট সর্বতোভাবে প্রতীক্ষমান হইল। “ভগবান নহে” যতক্ষণ এই পার্থক্য, এই ‘না’ সন্নিবেশিত হইয়াছিল ততক্ষণ তোমার নিকট ইহার অর্থ গুপ্ত ছিল। সুতরাং ‘না’ ব্যতীত ‘হাঁ’র জ্ঞান অসম্ভব। আবার যখন বলিলে “মন যন্ত্রবিশেষ নহে” তখন তোমার কেবল পার্থক্য-জ্ঞানই বর্তমান, “মন যন্ত্র নহে” এই মাত্র তোমার জ্ঞান কিন্তু এ জ্ঞান প্রকৃত জ্ঞান নহে। কেবলমাত্র পার্থক্য হইতে জ্ঞানের উন্মেষ হয় না ঐক্যেরও প্রয়োজন। যখন বলিতেছ “মন যন্ত্র নহে” তখন তোমার মনে হইতেছে “মন যন্ত্র নহে” আর কিছু “বা” মনের এমন কিছু বৈশিষ্ট্য আছে যাহার জন্য ইহা যন্ত্রের মত কার্য্য করে না। মনের এমন কিছু বৈশিষ্ট্য আছে যাহা যন্ত্ররূপ বিষয়কে দুরীভূত করিয়া দিতেছে। মনের এই বৈশিষ্ট্যটুকু স্বীকার না করিলে “মন যন্ত্র নহে” ইহার অর্থ পরিস্ফুট হইবে না। সুতরাং এখানেও পার্থক্যের ভিতর ঐক্যের সন্ধান লইয়াই কথিত বিষয়ের অর্থ হৃদয়ঙ্গম করিতে সমর্থ হইতেছি। এখানেও ‘হাঁ’এর ভিতর দিয়া “না” কুটিয়া উঠিতেছে। ‘না’ তত্ত্ববিচার সম্যকরূপে প্রণিধান করিতে হইলে বিরোধ এবং পার্থক্যের সম্বন্ধ নির্ণয় প্রয়োজন। পার্থক্যের ভিতর বিরোধ না থাকিতে পারে কিন্তু বিরোধের ভিতর পার্থক্য অনিবার্য। দুইটি পৃথক জিনিস পৃথকভাবে পরস্পর বিরোধী না হইয়াও অবস্থান করিতে পারে, কিন্তু পার্থক্য ব্যতীত পরস্পরবিরোধী-জিনিসের অবস্থিতি কল্পনা অসম্ভব। লাল, নীল, কাল ইত্যাদি পৃথক পৃথক বর্ণ এবং ইহারা পরস্পরবিরোধী না হইয়াও পৃথকভাবে অবস্থান করিতে পারে, কিন্তু পৃথক পৃথক গুণগুলি যদি একই সময়ে একই বস্তুতে অর্পিত হয় তবে তৎক্ষণাৎ বিরোধের সৃষ্টি হইবে। যখন বলি এই দিক পূর্ব এবং ঐ দিক পশ্চিম, তখন এই দুইটি পৃথক বাক্যের মধ্যে বিরোধ নাই; কিন্তু যেই বলি এই দিকটি পূর্ব ও পশ্চিম তখনই বিরোধ বাধিয়া যায়। অতএব দেখা যাইতেছে যে, পৃথক পৃথক গুণাবলী যখনই একই বস্তুতে আরোপিত হয়, তখনই তাহারা বিরুদ্ধ-ভাবাপন্ন হয়, তখনই তাহারা পরস্পর পরস্পরকে সংহার

করিতে, প্রত্যাখ্যান করিতে, “না” বলিতে উদ্ভূত হয়। এই দিকটা পশ্চিম ঐ দিকটা পূর্ব—এখানে পার্থক্য বর্তমান, কিন্তু বিরোধ নাই; কিন্তু যেই ‘পূর্ব’ ও ‘পশ্চিম’ এই দুইটা পৃথক জিনিস একই বস্তুতে অর্পিত হইল, যেই একই দিক পূর্ব ও পশ্চিম বলিয়া অভিহিত হইল, অমনি বিরোধের সৃষ্টি হইয়া গেল—একটা আর একটিকে নাশ করিবার, “না” বলিবার জন্য প্রস্তুত হইল। এই দিকটা পূর্ব নয় পশ্চিম কিংবা এই দিকটা পশ্চিম নয় পূর্ব, এই প্রকারে পার্থক্য হইতে বিরোধ এবং বিরোধ হইতে “না”এর সৃষ্টি হইল।

“না” কথাটা বিরোধ-জ্ঞাপক। “ক—খ নহে”, “ক—খ নহে কিন্তু গ” অর্থাৎ খ ও গ দুইটা পৃথক বস্তু; একই বস্তুতে অর্পিত হইতেছে বলিয়া খ ও গ এ বিরোধ উপস্থিত হইয়াছে সুতরাং খ সত্য হইলে গ সত্য নয় কিংবা গ সত্য হইলে খ সত্য নহে। কিন্তু যখন বলিতেছ ক—খ নহে, তখন ইহাই বুঝাইতেছে যে ক-এর সহিত খ-এর বিরুদ্ধ শক্তির সাম্বন্ধ্য-হেতু ক-এর নিকট খ-এর স্থিতি সম্ভব নহে। ক-এর অন্তঃস্থিত বিরুদ্ধ শক্তি ক-এর নিকট হইতে খ-কে অপসৃত করিয়া দিতেছে! ক—খ নহে অর্থাৎ ক, ম বলিয়া খ নহে। ম এবং খ বিরোধী সুতরাং দুইটা বিরোধী দ্রব্যের একত্র স্থিতি অসম্ভব বলিয়া “না”এর আবির্ভাব। অতএব দেখা যাইতেছে যে, অর্ধপূর্ণ “না” মাত্রেরই অন্তরালে ‘হাঁ’ বর্তমান।

অতএব দেখা যাইতেছে যে ‘না’ কথাটা কেবলমাত্র নাস্ত্যর্থসূচক নহে, ইহার ভিতর অতি প্রয়োজনীয় অর্থ অন্তর্নিহিত আছে এবং ঐ অন্তর্নিহিত অর্থ অন্তরালে রাখিলে ‘না’ একেবারে অর্থশূন্য শব্দমাত্রে পরিণত হইবে। ‘না’ বক্তার স্বার্থ এবং উদ্দেশ্যজ্ঞাপক। কোন বাক্যই একেবারে নিরালম্ব বা সম্পর্কশূন্য নহে। প্রত্যেক বাক্যই তাহার পরবর্তী এবং পূর্ববর্তী বাক্যের সহিত এবং বক্তার পারি-পার্শ্বিক অবস্থার সহিত সংশ্লিষ্ট। কোন একটা বাক্যকে একেবারে এককভাবে দেখিলে তাহার প্রকৃত অর্থ বিশ্লেষণ করা অসম্ভব, কিন্তু সেই বাক্যটা অন্যান্য বাক্যের সংস্পর্শে বিশেষভাবে প্রণিধান করিলে দেখা যাইবে যে, উহা কিছু না কিছুর অস্তিত্ব সূচনা করিতেছে এবং সেই কিছুর ভিতর বক্তার স্বার্থ এবং উদ্দেশ্য প্রকাশিত হইতেছে। “অমুক লোকটা ভাল নহে” এখানে লোকটা যাহা নহে তাহাই

বলা উদ্দেশ্য নহে—কিন্তু এই “ভাল নহে” ভিতর দিয়া সে যাহা বটে তাহাই বলা উদ্দেশ্য। অর্থাৎ লোকটার ভিতর এমন কিছু আমি দেখিয়াছি, উহার ভিতর এমন কিছু আছে যাহাতে আমার স্বার্থ আকৃষ্ট করিয়াছে, যাহার জন্য উহাকে আমার ভাল বলিয়া মনে হইতেছে না। অমুক লোকটা ভাল নহে যেহেতু এই গুণটা বর্তমান এবং আমার স্বার্থ ঐ গুণটিতে আমার মনোযোগ আকর্ষণ করিয়াছে এবং আমি বুঝিতে পারিয়াছি যে, ঐ ‘গুণ’ এবং ‘ভাল’ এই দুইটা একই ব্যক্তিতে থাকিতে পারে না, কারণ উহার পরস্পরবিরোধী।

“না” যদি সর্বদাই অন্ত্যর্থসূচক হয়, তবে পৃথক ভাবে “না” কথাটা ব্যবহার করিবার কি প্রয়োজন? নাস্ত্যর্থসূচক বাক্যের আবশ্যিকতা কি? জ্ঞান রাজ্যে “না”এর প্রতিপত্তি যথেষ্ট। বহিষ্করণ এবং শূন্যীকরণ এই দুইটা ইহার প্রধান কার্য। পূর্বে দেখিয়াছি যে, পৃথক এবং বিরোধ দুইটা বিভিন্ন জিনিস, এবং “না” ব্যতীত এই দুইটি জিনিসের বিভিন্নতা প্রকাশিত হইতে পারে না। জিজ্ঞাসা করিলে—‘তুমি কি কলিকাতা যাইতেছ?’ উত্তর পাইলে—“আমি এলাহাবাদ যাইতেছি।” যদি তোমার পূর্ব হইতে “না”জানা থাকে যে, এলাহাবাদ এবং কলিকাতা পৃথক স্থান, তাহা হইলে এরূপ উত্তরে তোমার শাস্তি হইবে না। সুতরাং তোমার প্রশ্নের প্রকৃত উত্তর পাইতে হইলে উত্তরটা এমন হওয়া প্রয়োজন যাহাতে তোমাকে স্পষ্ট করিয়া বুঝাইয়া দিবে যে, স্থান দুইটা পৃথক এবং এক স্থানে থাকিলে অন্য স্থানে থাকা অসম্ভব এবং সেরূপ উত্তর কেবলমাত্র “না” সংযোগেই সম্ভব। আমি যদি কেবলমাত্র বলি “না” তাহা হইলেই তোমার প্রশ্নের যথেষ্ট উত্তর হইবে, কারণ, তুমি এইটুকুই জানিতে চাহিয়াছিলে। “কিন্তু অমুক স্থানে যাইতেছি” এটুকু বলিলেও চলে, না বলিলেও চলে।

তিনি এই গাড়ীতে যাইবেন।

তিনি ঐ গাড়ীতে যাইবেন।

এই দুইটা বাক্য এইরূপ পৃথক ভাবে থাকিলে একটা সত্য বা মিথ্যা হইলে অপরটিকে মিথ্যা বা সত্য বলিতে পারা যায় না। কিন্তু যদি বল তিনি এই গাড়ীতে বা ঐ গাড়ীতে যাবেন তাহা হইলে একটিকে হাঁ বলিলে অপরটিকে “না” বলিতে পারা যায় কিন্তু একটিকে “না” বলিলে অপর-

টিকে ‘হাঁ’ বলিতে পারা যায় না। অর্থাৎ যদি তিনি এই গাড়ীতে যান, তাহা হইলে তিনি ঐ গাড়ীতে যাইবেন না এবং তিনি যদি ঐ গাড়ীতে যান তাহা হইলে এই গাড়ীতে যাইবেন না। এখানে “না”এর কাজ বহিষ্করণ। একটা বাক্য অপর বাক্যকে বহিষ্কার করিয়া দিতেছে। “না” এখানে এই বিরোধ-সম্বন্ধ প্রচার করিতেছে, কিন্তু এই বিরোধ-সম্বন্ধের ভিতর একটু বিশেষত্ব আছে। তিনি যদি এই গাড়ীতে না যান ? তবে ? তিনি এই গাড়ীতে যাইবেন না বলিলে তিনি ঐ গাড়ীতে যাইবেন একথা বলিতে পারা যায় না, কারণ তিনি তৃতীয় গাড়ীতে বা চতুর্থ গাড়ীতে যাইতে পারেন বা তিনি একেবারেই না যাইতে পারেন। সুতরাং তিনি এই গাড়ীতে বা ঐ গাড়ীতে যাইবেন না বলিলে তাঁহার সম্বন্ধে কোন সীমাংসাই সম্ভব নয়। তুমি যখন বলিতেছ তিনি এই গাড়ীতে বা ঐ গাড়ীতে যাইবেন তখন তোমার সকলই অনিশ্চিত। তিনি নিশ্চয়ই যাইবেন, তিনি নিশ্চয়ই গাড়ীতে যাইবেন, এবং নিশ্চয়ই এই দুইটির একটাতে যাইবেন একথা তুমি বলিতেছ না। এখানে তোমার বাক্যের গণ্ডী অনিশ্চিত এবং বিস্তৃত ; সুতরাং তিনি এই বা ঐ গাড়ীতে যাইবেন না বলিলে তোমার মনে কোন ভাবেরই উদয় হয় না। কিন্তু তুমি যদি তোমার বাক্যের গণ্ডীকে সংযত, সীমাবদ্ধ এবং সুনিশ্চিত কর অর্থাৎ তুমি যদি বল তিনি হয় এই গাড়ীতে নয় ঐ গাড়ীতে যাইবেন এবং তোমার বাক্যের অর্থ যদি ইহাই হয় যে, তিনি যাইবেনই এবং গাড়ীতেই যাইবেন এবং এই দুইটা গাড়ীর একটাতে যাইবেন তাহা হইলে একটিকে ‘হাঁ’ বলিলে অপরটিকে “না” একটিকে “না” বলিলে অপরটিকে ‘হাঁ’ বলিতে পারা যাইবে। তিনি যদি এই গাড়ীতে যান, তবে ঐ গাড়ীতে যাইবেন না। যদি ঐ গাড়ীতে যান তবে এই গাড়ীতে যাইবেন না, যদি ঐ গাড়ীতে না যান তবে এই গাড়ীতে যাইবেন এবং যদি এই গাড়ীতে না যান তবে ঐ গাড়ীতে যাইবেন। পূর্ব উদাহরণে “না” কেবল বাক্য দুইটা পৃথক এবং পরস্পর বিরোধী এই মাত্র দেখাইয়াছে। দুইটি বাক্যের একত্র স্থিতি সম্ভব নয়, একটা আর একটিকে বহিষ্কার করিয়া দেয়। এখানে “না”এর কার্য্য বহিষ্করণ। আর দ্বিতীয় উদাহরণটাতে “না” দেখাইতেছে যে বাক্য দুইটা পৃথক, পরস্পর-

বিরোধী এবং একই গণ্ডীর ভিতর এই দুইটি বাক্য ব্যতীত তৃতীয় বাক্যের স্থান নাই। এখানে “না”র কার্য্য শূন্যীকরণ।

“না”এর কার্য্য যখন মাত্র বহিষ্করণ তখন “না”এর ভিতর এই কয়েকটা অর্থ বর্তমান—

- ১। বাক্য দুইটা পৃথক।
- ২। বাক্য দুইটা পরস্পরবিরোধী।
- ৩। একটা সত্য হইলে অপরটা মিথ্যা।
- ৪। দুইটাই এককালীন সত্য হইতে পারে না।
- ৫। দুইটাই এককালীন মিথ্যা হইতে পারে না।

“না”এর কার্য্য যখন বহিষ্করণ এবং শূন্যীকরণ তখন উহার ভিতর এই কয়েকটা অর্থ বর্তমান—

- ১। বাক্য দুইটা পৃথক।
- ২। বাক্য দুইটা পরস্পরবিরোধী।
- ৩। একটা সত্য হইলে অপরটা মিথ্যা।
- ৪। একটা মিথ্যা হইলে অপরটা সত্য।
- ৫। দুইটাই এককালীন সত্য হইতে পারে না।
- ৬। দুইটাই এককালীন মিথ্যা হইতে পারে না।

“না”-বাক্য সাধারণতঃ অস্পষ্ট বলিয়া অভিহিত করা হয়। “না”জ্ঞান হইতে সম্যক জ্ঞানের উৎপত্তি হইতে পারে না। “হরি পদব্রজে যাইতেছে না” এই বাক্য হইতে আমাদের কোন জ্ঞানের উদয় হইতেছে না। আমরা বুঝিতে পারিতেছি না হরি বাড়ী যাইতেছে, কি অন্য কোথাও যাইতেছে কিংবা কি উপায়ে যাইতেছে। হরি যাইতেছে কিংবা হরি বলিয়া কোন লোক আছে তাহাও এ বাক্য হইতে অনুমান করা যায় না। অতএব “না”এর উপস্থিত হেতু বাক্যটী একেবারে অর্থশূন্য হইয়া যাইতেছে। কিন্তু সচরাচর এরূপ বাক্যকে একেবারে অর্থহীন বলিয়া মনে করা হয় না। এরূপ বাক্য হইতে অন্ততঃ তিনটা বিষয় জানিতে পারা যায়—যথা (১) হরি বলিয়া কোন লোক আছে। (২) তাহার বাড়ী আছে। (৩) এবং কখনও কখনও সে গৃহাভিমুখে পদব্রজে গমন করিয়া থাকে। সত্য বটে, যদি বাক্যটীকে এককভাবে গ্রহণ করা যায়, যদি বাক্যটির পূর্বাপর সম্বন্ধ বিচার না করা যায়, যদি ইহাকে কতকগুলি কথার সমষ্টি বলিয়া ধরা হয়, তাহা হইলে এই বাক্যটির প্রকৃত অর্থ নির্ণয় করা অসম্ভব হইবে। এই বাক্য

হইতে আমরা বুঝিতে পারি না যে, হরি অধারোহণে বা অন্য কোন বানবোণে বাড়ী যাইতেছে। কিংবা গৃহাভি-
মুখে না যাইয়া অন্য কোন দিকে যাইতেছে। অতএব
দেখা যাইতেছে যে, বাক্যটি পূর্বাপর সম্বন্ধবিবর্তিত বলিয়া
অস্পষ্ট হইতেছে, এবং ইহার যথার্থ অর্থ নিরূপণ করা
অসম্ভব হইতেছে। “না”এর উপস্থিতিহেতু বাক্যটিকে
অস্পষ্ট বলা সমীচীন মনে হইতেছে না। কারণ যদি
বাক্যটির পূর্বাপর সম্বন্ধ-নির্ণয় করা হয়, তাহা হইলে ইহার
প্রকৃত অর্থ গুপ্ত থাকিতে পারে না। অতএব “না”এর
উপস্থিতি “না” বাক্যের অস্পষ্টতার কারণ নহে। পূর্বাপর
সম্বন্ধের অনুপস্থিতিই ইহার কারণ।

পূর্বাপর সম্বন্ধ-বিবর্তিত হইলেই “না” বাক্য যেমন
অস্পষ্ট হয়, হাঁ-বাক্যও তেমনই অস্পষ্ট হয়। “আমার
ঘড়িটা খারাপ হইয়াছে” এই বাক্যটি “না” বাক্য নহে,
কিন্তু তথাপি ইহার অর্থ “না”-বাক্যের ন্যায় অস্পষ্ট। এই
বাক্য হইতে আমি বুঝিতে পারিতেছি না কি খারাপ
হইয়াছে? ইহার কি চাবিটা হারাইয়া গিয়াছে? ইহার
কি একটা কাঁটা ভাঙিয়া গিয়াছে? ইহা কি সময় ঠিক
রাখিতেছে না? ইত্যাদি। অতএব দেখা যাইতেছে যে,
পূর্বাপর সম্বন্ধবিবর্তিত বাক্যমাত্রেরই নানাপ্রকার অর্থ
অনুমান করা সম্ভব, সুতরাং এবংবিধ বাক্য মাত্রেরই অস্পষ্ট।

পূর্বাপর সম্বন্ধ জ্ঞাত হইলে “না” বাক্য কিংবা “হাঁ”বাক্যের
অর্থ অনুমান করা অতি সহজ। “ও কি হরি যাইতেছে?
সে কি পদব্রজে যাইতেছে কিংবা অধারোহণে যাইতেছে?
সে কি এই দিকে আসিতেছে?” এই প্রশ্নগুলির উত্তরে
মাত্র “না” বলিলে যথেষ্ট উত্তর পাওয়া যায়। “ও কি হরি
যাইতেছে?” উত্তরে বলিলে, “না”। এখানে “না” উক্ত
প্রশ্নটির যথেষ্ট উত্তর হইল; কারণ এখানে প্রশ্নকর্তার
উদ্দেশ্যের সহিত প্রশ্নের সম্বন্ধ বর্তমান বলিয়া প্রশ্নের প্রকৃত
উত্তর দেওয়া সম্ভব হইল। প্রশ্নের প্রকৃতিই প্রশ্নকর্তার
উদ্দেশ্য জ্ঞাপন করিতেছে। বলিতে পার যে, এখানে মাত্র
“না” হইতে তো বুঝিতে পারিলাম “না” কে যাইতেছে?
সত্য, কিন্তু তুমি তোমার প্রশ্নে কে যাইতেছে তাহা তো
জানিতে চাও নাই। তুমি মাত্র জানিতে চাহিয়াছিলে
ও কি হরি যাইতেছে? অর্থাৎ হরি যাইতেছে কি না তাহাই
জানিতে চাহিয়াছিলে। সুতরাং এখানে “না” স্পষ্ট করিয়া
বলিয়া দিতেছে যে, হরি যাইতেছে না। যদি তুমি প্রশ্ন
করিতে ‘ও কে যাইতেছে’ তাহা হইলে অবশ্য অন্য উত্তর
সম্ভব হইত। অতএব দেখা যাইতেছে যে, পূর্বাপর সম্বন্ধ
যোগে ‘হাঁ’ বাক্য যেমন স্পষ্ট “না” বাক্যও তেমন
স্পষ্ট।

ভারতের আমদানি ও রপ্তানী

[শ্রীনেত্রনাথ সিংহ]

আমাদের জীবন-ধারণের জন্য যে, সকল জিনিস একান্ত
প্রয়োজনীয় তাহাই আমরা বিদেশে রপ্তানী করিয়া থাকি।
আর তাহার পরিবর্তে আমদানী করি বিলাস-ব্যসনের
চাকচিক্যময় দ্রব্যসমূহ। অর্থনৈতিক হিসাবে ইহা দেশের
পক্ষে মহা অনিষ্টকর। ইহা অধিকতর অনিষ্টকর হয় তখন
যখন দেশের অধিকাংশ লোকের ঐ সকল একান্ত প্রয়ো-
জনীয় জিনিস ক্রয় করিবার ক্ষমতা থাকে না। দেশবাসীর
পারমিত আহার্যোপযোগী খাদ্য দেশের ব্যবহারের জন্য

রাখিয়া যদি বাকী খাদ্য বিদেশে প্রেরিত হয়, তাহা হইলে
কাহারও কিছু বলিবার থাকে না। আমাদের দেশের
লোকের ক্রয় করিবার ক্ষমতা হ্রাস হইয়াছে বলিয়াই আমা-
দের দেশের বহুল খাদ্য-শস্য বিদেশে রপ্তানী হইয়া থাকে।
আবার অন্তর্দিকে দেখিতে পাই “লৌহ, তামা এবং কাংস-
নির্মিত জিনিসসমূহ এখন সাধারণ ভাবে গ্রামে ব্যবহৃত
হইয়া থাকে, এবং এ সকল দ্রব্যের মূল্য সকলেরই আয়ত্বের
ভিত্তর, গৃহোপযোগী ক্ষুদ্র ক্ষুদ্র দ্রব্য অথবা গহনা যথা কাঁচি,

আয়না, বলয় ইত্যাদি এবং সহস্র প্রকারের চাকচিক্যময় জিনিসে গ্রাম্য দোকানদারের বিপণিগুলি পরিপূর্ণ। এই সকল জিনিস বিদেশ হইতে আসিয়া থাকে।...সেলাইএর কল সর্বত্রই দেখা যায়, এবং বাইসিকলের চাহিদা ক্রমেই বৃদ্ধি পাইতেছে। (শ্রমশিল্প কমিশনের রিপোর্ট দ্রষ্টব্য)।

এইরূপ বিনিময় বেধানে প্রচলিত সেখানে প্রয়োজনীয় জিনিসসমূহের মূল্য উত্তরোত্তর বৃদ্ধি ও বিলাস-সামগ্রীর মূল্যের উত্তরোত্তর হ্রাস অবশ্যস্বাভাবী। স্বর্গীয় পৃথ্বীশচন্দ্র রায় মহাশয়ের অলস্ত ভাবায় ইহাই হইতেছে “যজ্ঞের তীক্ষ্ণ ধার, যাহা ছুই দিকেই কাটে। একান্ত প্রয়োজনীয় জিনিসের মূল্য বৃদ্ধিতে দেশের লোকের মুখের গ্রাস নষ্ট হয়। বিদেশ হইতে আগত বিলাস-সামগ্রীর মূল্য-হ্রাসে, ধন-নাশের সম্ভাবনাই সূচিত করে। যে টাকায় বিলাস-সামগ্রীর সরবরাহ হয় সেই টাকায় বহু লোকের ক্ষুণ্ণিবৃত্তি হইতে পারে।”

আমাদের ইংরেজ ব্যবসাদারেরা প্রায়ই আমাদেরকে বুঝাইয়া থাকেন যে, বিদেশী বাণিজ্যের উত্তরোত্তর বৃদ্ধিতেই এদেশের প্রকৃত ধন বৃদ্ধি সূচিত হয়, কিন্তু বিশেষ করিয়া অনুধাবন করিলে স্পষ্টই বুঝিতে পারা যায় বৈদেশিক মালের আমদানী অপেক্ষা দেশীয় মালের রপ্তানীর পরিমাণ অতিরিক্ত হওয়ায় আমাদের উৎকল হইবার কোন কারণ নাই। এ ধারণা খুবই ভুল যে, আমরা বিদেশ হইতে যে পরিমাণ মাল ক্রয় করিয়া থাকি তাহা হইতে অনেক বেশী মাল বিদেশের বাজারে বিক্রয় করি অতএব আমরা বেশী লাভ করিয়া থাকি। ১৯১৩-১৪ সালের অর্থাৎ মহাযুদ্ধের অব্যবহিত পূর্বের প্রদত্ত মূল্য অনুসারে গভর্ণমেন্টের (The Review of Trade of India) “ভারতবর্ষের ব্যবসায় বীক্ষণ” সম্পাদিত তালিকা হইতেই এদেশের ব্যবসায়ের তথাকথিত লাভ-লোকসান বুঝা যাইবে।

আমদানী	১৯১৩-১৪	১৯২৬-২৬	১৯২৭-২৮	১৯২৮-২৯
	১৮৩কোটি	১৫৩কোটি	১৮১কোটি	১৯০কোটি
রপ্তানী	২৪৪	২২৮	২৪৮	২৬০

পুনঃ রপ্তানী				
বাড়ি আমদানি হইতে	৬১	৭২	৬৭	৭০
রপ্তানীর অতিরিক্ত				

পুনঃ রপ্তানী				
বাড়ি ভারতের মোট	৪২৭	৩৮৫	৪২৯	৪৫০
বিদেশী				
বাণিজ্য				

প্রকৃত প্রস্তাবে এই প্রচুর বিদেশী-বাণিজ্যের পরিমাণ—বা বিশেষতঃ আমদানী অপেক্ষা রপ্তানীর আধিক্য—আমাদের ধন-সম্পদের আধিক্য সূচিত করে না। পক্ষান্তরে ইহাতে আমাদের অর্থনৈতিক ছুরবস্থাই সূচিত হয়, কারণ রপ্তানীর এই আধিক্য রপ্তানীযোগ্য আধিক্য নহে। অধ্যাপক ওয়াডিয়া ও অধ্যাপক যোশী সত্যই বলিয়াছেন, “আধিক্য সকল সময় একটা নিয়ম পরিমাপের আধিক্যই বুঝাইয়া থাকে। ইহা যেকোন ব্যক্তির পক্ষে জীবনের পরিমাপ দ্বারা নির্ধারিত হয়, সেইরূপ কোন দেশের পক্ষে উহার অর্থনৈতিক সচ্ছলতা এবং উন্নতির অবস্থা দ্বারা পরিমাপ হইয়া থাকে। কিন্তু মিল-পরিচালক ধনী শ্রমিককে অর্ধ অনশনে রাখিয়া তাহার মাহিয়ানা হ্রাস করিয়া যেকোন বর্গের নিমিত্ত আধিক্য দেখাইতে পারেন, সেইরূপ পরাধীন দেশে যে স্থানে শিল্পোন্নতির সমস্ত দ্বারই বন্ধ সেখানে বণিকেরা কাঁচামালের রপ্তানীযোগ্য আধিক্য দেখাইতে পারেন। কিন্তু যেকোন স্বাধীন ও অল্পবেতনভোগী শ্রমিক শেষ পর্যন্ত অর্থনৈতিক উন্নতির এবং কর্মক্ষমতার পরিপন্থী হয় এবং অংশরূপে বর্গের ফলে আধিক্য যেকোন অর্থনৈতিক বিপদের সূচনা করিয়া দেয় সেইরূপ এই নীতির ফলস্বরূপ কাঁচামালের আধিক্যও অর্থনৈতিক ধ্বংসের সূচনা যে করিয়া দিবে না, তাহা কে বলিতে পারে এবং সেই ধ্বংসের আবার্তে বণিক ও শ্রমিক উভয়েই নিপতিত হইতে পারে।”

অর্থনীতির ইহা একটা অতি সাধারণ নিয়ম যে, স্বদেশী শিল্পের উন্নতি হইলে আমদানী ও রপ্তানী উভয় প্রকার বাণিজ্যেরই হ্রাস হইয়া থাকে। বিগত মহাযুদ্ধে ও অসহযোগ-আন্দোলনের সময় আমাদের কুটীর-শিল্পের প্রভূত উন্নতি হইতেছিল। কিন্তু এই বিরাট পরিমাণ কাঁচামালগুলি যে দেশীয় শ্রমশিল্পের উন্নতির জন্য ব্যবহৃত হইতে পারে সে-বিষয়ে আমরা যেমন উদাসীন

আমাদের শাসকগণও ততোধিক উদাসীন বলিয়া কেলে। সুতরাং আমরা দেখিতে পাইতেছি যে, আমদানী 'মনে হয়। আমাদের দেশের কাঁচামালের রপ্তানী অপেক্ষা রপ্তানীর আধিক্য' আমাদের ধনত্বের পরিচয় তখনই সমর্থিত হইতে পারে যখন উহা আমাদের দেশের না দিয়া উহা আমাদের অন্ন-সংস্থানের প্রভাব ও আমাদের শ্রম-শিল্পে প্রভূত পরিমাণ ব্যয়িত হইয়া বাজার ছাইয়া শ্রমশিল্পের ধ্বংসেরই পরিচয় প্রদান করিতেছে।

তৃষা

(শ্রীকালিদাস রায় কবিশেখর, বি-এ)

তরুর তৃষা মরুর বন্ধে জাগায় রস ধারা,
 মরুর তৃষা পাষণ গলায় ভাঙে গিরির কারা।
 ফুলের বৃকে জাগায় মধু অলির তৃষা, স্কুখা,
 বঁধুর তৃষা জাগায় বধুর অধরপুটে স্খা।
 ব্যোমের নয়ন সজল করে তৃষিত বশাখ,
 তৃষার বেগে গলায় মেঘে ফটিক জলের ডাক
 ছেলের তৃষা মায়ের বৃকে স্তম্ভ আনে টানি';
 পাখীর তৃষা সরস করে ফলের হৃদয় খানি।
 রসের তৃষায় যশের তৃষায় গান র'চে যায় কবি,
 সৃজন তৃষায় রঙ্গীন-নেশায় শিল্পী অঁাকে ছবি।
 সূখের তৃষা ভরায় ধরা কন্ম্ব কোলাহলে,
 মুক্তি-তৃষা ধর্ম্মে জাগায় গুরুর পদতলে।
 ব্রহ্ম-তৃষায় জ্ঞান-যোগীরা লীলায় ভাবে মায়া,
 লীলার তৃষায় ব্রহ্ম স্বয়ং ধরেন মানব কায়া।



কয়েকটা হিন্দু-সংস্কারের বৈজ্ঞানিক ব্যাখ্যা

[ডাঃ শ্রীললিতমোহন পাল এম্-ডি, এম্-এ-আই-এচ্. (ক্যালিফোর্নিয়া)]

বিদেশীর চক্ষে ভারতবাসী অসভ্য, বর্বর, ভীক, কাপুরুষ ও কুসংস্কারাপন্ন। ভারতবাসী চিরকালই কি ঐরূপ ছিল, না কোনও অনৈসর্গিক কারণে এই অধঃপতন হইয়াছে। যে ভারত এক-দিন ধরাপৃষ্ঠে শৌর্য্যে, বীর্য্যে, জ্ঞানে ও মর্য্যাদায় জগদ্বাসীকে চমৎকৃত করিয়াছিল, যে ভারতবাসীর নিকট হইতে শিক্ষিত ও দীক্ষিত হইয়া ভারতের অধিবাসীরা আপনাদিগকে উন্নতির উচ্চতম সোপানে আরুঢ় করিতে সমর্থ হইয়াছিল, যে গ্রীক ও রোমীয়জাতি ভারতের কীর্তিকলাপ ও ঐশ্বর্য্য ইউরোপে সভ্যতার সম্যক পরিচয় দিয়া আলোক বিস্তার করিয়াছিল, কি কারণে আজ সেই ভারতবাসী জগতের চক্ষে এত হেয় ও এত অপদার্থ হইল? কি কারণে ভারতবাসী আজ “নিজ বাসভূমে পরবাসী হইয়া” নিজেদের অস্তিত্ব পর্য্যন্ত বজায় রাখিতে অক্ষম? প্রবন্ধান্তরে উক্ত হইয়াছে যে, কোন দেশ হইতে সভ্যতালোক অপসৃত হইলে সেই দেশ ঘোর তমসাচ্ছন্ন হইয়া ভূদেশবাসীকে অজ্ঞানতিমিরে আচ্ছন্ন করিয়া ফেলে, ভারতবাসীর এই অধঃপতন কি সেই নিদ্রার ফল? তাহা হইলে কি ভারতবাসীর ক্রিয়া-কলাপ ও সংস্কার যাহা বিদেশীর চক্ষে কেবলমাত্র অসভ্যজাতির কুসংস্কার ভিন্ন অন্য কিছুই নয় বলিয়া প্রতিভাত হইতেছে, তাহা কি কোনও বৈজ্ঞানিক-ভঙ্গের সহিত বিশেষরূপে সংশ্লিষ্ট নহে? তদ্বিষয়ে কিঞ্চিৎমাত্র চিন্তা করিলে আমরা বুঝিতে পারি। যে-সকল পৌরাণিক ইতিবৃত্ত লইয়া আমরা নিজেদের মধ্যে আশ্ফালন করি, যে সকল পুরাণ ও উপনিষদের বাক্যাদি ঋষি-মুখনিঃসৃত বেদবাণী বলিয়া প্রতি পদে প্রতিপালন করি ও যে-সকল মহর্ষির বাক্যবাণী ভগবদ্বাণী বলিয়া নিজেদের মধ্যে গর্ভ অন্বেষণ করি, তাহা কেবলমাত্র প্রলাপের উক্তি বা কুস্বপ্নের সঙ্গীতমাত্র নহে। এই ভারতের পূর্বতন সূক্ষ্মানুভূতির বহুকালব্যাপী গবেষণালব্ধ প্রমাণীকৃত সত্য—মানব-সমাজের হিতার্থে প্রচলিত হইয়াছিল।

যদি আমরা পাশাপাশি আধুনিক বিজ্ঞানসম্মত মানব-সমাজের হিতার্থে প্রচলিত বিধি-নিষেধের সহিত আমাদের দেশের তথাকথিত কুসংস্কারগুলির পর্যালোচনা করি, তাহা হইলে সম্যক্রূপে বুঝিতে পারি যে, আমাদের যে সকল বিধি-নিষেধ কুসংস্কারবিশিষ্ট বলিয়া বিদেশীর মুখে প্রতিনিয়ত উচ্চারিত হইতেছে, সেগুলি আধুনিক বিজ্ঞানসম্মত নিয়ম অপেক্ষা কোন অংশে হীন নহে; বরঞ্চ, অধিকাংশস্থলে উৎকৃষ্ট। অল্প বিদ্যায়, স্বল্পজ্ঞানে, বিনা অভিজ্ঞতায় যেটুকু বুঝিতে পারা যায়, তাহা সাধারণের গোচরণার্থ নিয়ে বিবৃত হইল।

প্রথমেই যখন জীব ক্রমরূপে মাতৃজরায়ু মধ্যে প্রবেশ করে তখন হইতে আমাদের দেশে প্রচলিত সংস্কার-গুলির প্রত্যেকটি বিশ্লেষণ করিয়া উহা প্রকৃতই কুসংস্কার কি সম্পূর্ণ বিজ্ঞানসম্মত সংস্কার তাহা আলোচনা করা বোধ হয় অপ্রাসঙ্গিক হইবে না? গর্ভিণীকে দ্বিতীয় বা তৃতীয় মাসে পুংসবন করান হয়; এই সংস্কার আজ কাল বড় দেখা যায় না। ইহা কেবল কতকগুলি উপদেশমাত্র; ইহাতে গর্ভস্থিত সন্তানের আকৃতি-প্রকৃতির উন্নতি-সাধন হয়। এ সম্বন্ধে একটি সুন্দর গল্প আছে। জনৈক স্ত্রী-লোকের সন্তানাদি অতি কুৎসিত হইত, সেজগৎ তিনি এক দিন একজন খ্যাতনামা চিকিৎসকের কাছে আসিয়া বলিলেন, “ডাক্তার বাবু, আমার সন্তান এত কুৎসিত হয় কেন? ডাক্তারি মতে ইহার কি কোন প্রতিবিধান করা যাইতে পারে?” চিকিৎসক বলিলেন, “আছে; আপনার ঘরে দেবচিত্র ও মহাপুরুষদিগের প্রতিমূর্তি রাখিবেন এবং রাত্রে শয়নের পূর্বে ঐ সকল দেবতা ও মহাপুরুষ-গণকে প্রণাম ও চিন্তা করিতে করিতে নিদ্রা যাইবেন, এবং গর্ভসঞ্চার হইলে ক্রোধ ও হিংসা বধাসম্ভব ত্যাগ করিতে চেষ্টা করিবেন ও সদা প্রকৃতচিত্তে থাকিবেন।” প্রকৃত পক্ষে সেইবার তাঁহার সন্তান প্রিয়দর্শী হইয়াছিল। এজন্য গর্ভসঞ্চার হইলে সদুপদেশের দ্বারা গর্ভিণীকে

প্রফুল্লচিত্ত করাইবার ব্যবস্থা আছে। ইহা কুসংস্কার নহে। পঞ্চম মাসে কতকগুলি নিয়ম পালন করা হয়; কি নিমিত্ত সেগুলি প্রতিপালন করা হয় বা সেগুলি প্রতিপালনের কোন বৈজ্ঞানিক কারণ আছে কিনা তাহা কিছুমাত্র চিন্তা না করিয়া কেবলমাত্র ঐ গুলিকে প্রচলিত প্রথা বলিয়া বা স্ত্রীলোকদের কুসংস্কার বলিয়া মনে করা কি যুক্তিসঙ্গত? একটু চিন্তা করিলে বুঝিতে পারা যায়, ইহার কোনটাই কুসংস্কার নহে। ফলতঃ প্রত্যেকটাই মাতার শরীরের ও গর্ভস্থিত সন্তানের হিতার্থে আৰ্য্য মহাপুরুষগণের দ্বারা প্রচলিত হইয়াছিল। ভারত ক্রমাগত বারবার অন্ধকারাচ্ছন্ন হওয়ায় জনসাধারণ আৰ্য্যঋষি-প্রণীত এই নিগূঢ় তত্ত্ব সকল অনুশীলনে অসমর্থ হইয়া কেবলমাত্র কুসংস্কার হিসাবে এই সকল প্রথা প্রতিপালন করিয়া আসিতেছেন। জীব নিদ্রাবস্থায় হীনবীৰ্য্য হইয়া পড়ে, সে কারণ তাহাদের অন্তর্নিহিত শক্তির বিকাশ না হইয়া কেবলমাত্র বীজরূপে অবস্থান করিতে থাকে। সে নিমিত্ত অগতের সম্মুখে বিজ্ঞানসম্মত এই প্রথা যথাযথ ভাবে উপস্থিত করিতে সমর্থ না হইয়া বিদেশীরা ইহাকে অসত্যের কুপ্রথা বলিয়া চীৎকার করিতেছেন। গর্ভসংস্কারের পঞ্চম মাসে গর্ভিণীকে যে পঞ্চামৃত দিবার ব্যবস্থা আছে, তাহা বোধ হয় বঙ্গদেশের প্রত্যেক গৃহস্থই পালন করিয়া থাকেন। আজকাল পাশ্চাত্য শিক্ষাভিমानी পণ্ডিতগণ এই প্রথাকে কুপ্রথা বা ব্রাহ্মণদিগের চাতুর্য্য বলিয়া মনে করেন। আধুনিক বিজ্ঞান-শাস্ত্র অধ্যয়ন করিলে স্পষ্টই দেখিতে পাওয়া যায় যে, পঞ্চম মাসে গর্ভস্থ সন্তানের গাত্র-চর্ম স্বচ্ছ অবস্থা হইতে অস্বচ্ছতা প্রাপ্ত হয় ও মস্তকে কেশ বাহির হইতে আরম্ভ হয়। দধি, দুগ্ধ, স্নাত, মধু ও ডাবের জল এই পাঁচটি দ্রব্যকে হিন্দু শাস্ত্রকারেরা পঞ্চামৃত আখ্যা দিয়াছেন। এই পাঁচটি পদার্থ ব্যবহার করিবার মূলে যে মহৎ উদ্দেশ্য নিহিত আছে তাহা সম্পূর্ণরূপে বিস্মৃত হইয়া সংস্কাররূপে কেবল একদিন মাত্র প্রত্যেক পদার্থের বিন্দুমাত্র করিয়া লইয়া আমাদের কর্তব্য সমাধান করি; কিন্তু বোধহয় শাস্ত্রকারেরা এইরূপ প্রথার জন্য এই পঞ্চামৃতের ব্যবস্থা করেন নাই। যদি এই অনুমান ভ্রমপূর্ণ না হয় তাহা হইলে যতদূর বুঝিতে পারা যাইতেছে, তাহাতে সম্যক্ জ্ঞাত হইতে পারা যায় যে, পঞ্চম মাসে গর্ভস্থ সন্তানের নানা প্রকার পরিবর্তন হইতে আরম্ভ হয়;

তৎসঙ্গে গর্ভিণীরও অনেক পরিবর্তন হয়, এমন কি স্তনে দুগ্ধের সঞ্চারের সূচনা হয়। এই তত্ত্ব হিন্দুশাস্ত্রকারেরা বিশেষ রূপ জ্ঞাত থাকায় গর্ভিণী ও গর্ভস্থ সন্তানের হিতার্থে পঞ্চামৃত ব্যবহারের ব্যবস্থা করিয়া গিয়াছেন।

এই পাঁচটি পদার্থ মনুষ্য-শরীরের পক্ষে যে কত উপকারী তাহা প্রত্যেক আধুনিক চিকিৎসকই বিশ্বাস করেন। কিন্তু আমরা পাশ্চাত্যের মোহে এতই মুগ্ধ হইয়া আছি যে, যতক্ষণ না কোন কথা বিদেশীয় খেতাদের মুখ হইতে নিঃসৃত হইবে ততক্ষণ প্রত্যেক জিনিসকেই, একটু চিন্তা না করিয়া কুসংস্কার বলিয়া উল্লেখ করিতে বিন্দু মাত্র দ্বিধা বোধ করি না। যদি উক্ত পাঁচটি দ্রব্য গর্ভিণীকে পঞ্চম মাস হইতে যথাসম্ভব ব্যবহার করিতে দেওয়া হয় তাহা হইলে গর্ভিণী ও গর্ভস্থ সন্তান, সুস্থ ও সবলকায় হইয়া দেশের কল্যাণ সাধন করিতে সমর্থ হইবে সে বিষয়ে বিন্দুমাত্র সংশয় থাকিতে পারে না। দুগ্ধ—সহজপাচ্য ও বলকারক, স্নাত—মেধাবর্দ্ধক, দধি—পরিপাচক, মধু—উগ্রবীৰ্য্যকারক ও উত্তেজক এবং ডাবের জল—মূত্রবর্দ্ধিকারক। এই কারণে শাস্ত্রকারেরা অমৃত-জ্ঞানে এই পঞ্চদ্রব্য যথাসম্ভব ব্যবহার করিবার বিধান দিয়াছিলেন। একদিন মাত্র ব্যবহার করি শাস্ত্রের উদ্দেশ্য ছিল না। যাহারা নিঃস্বার্থভাবে দেশের কল্যাণ কামনা করি বিধি-ব্যবস্থার প্রচলন করিয়া গিয়াছেন তাহাদিগের নামে দরিদ্র ব্রাহ্মণদিগকে সামান্য দক্ষিণা দানে পরিতুষ্ট করিবার জন্য বিধি-ব্যবস্থা করার অথবা অভিযোগ আনয়ন করা কতদূর যুক্তিসঙ্গত তাহা চিন্তাশীল ব্যক্তিবর্গের বিচার্য্য?

ষষ্ঠ বা অষ্টম মাসে সীমস্তোমসনেরও ব্যবস্থা আছে; কেবলমাত্র গর্ভিণীকে সুরঞ্জিতা করিয়া মানসিক চিন্তার পুষ্টিসাধন করাই ইহার মুখ্য উদ্দেশ্য। গর্ভিণীর মানসিক চিন্তা সং হইলে চিত্ত প্রফুল্ল হইবে, ফলে সন্তানে প্রফুল্লতা শুভলক্ষণ পরিলক্ষিত বর্তিবে। কারণ পাশ্চাত্য বিজ্ঞানমতে সপ্তম ও অষ্টম মাসে শিশুর মস্তিষ্ক বর্দ্ধিত হইতে আরম্ভ হয় সুতরাং এ সময়ে মাতাকে প্রফুল্ল রাখিলে গর্ভস্থ শিশু সন্তানও দৃষ্টচিত্ত হইবে। পূর্বজন শাস্ত্রকারগণ এই ধারণা-বশে এই সংস্কারের ব্যবস্থা করিয়াছেন বলিয়া বোধ হয়।

নবম মাসে সাধ-ভক্ষণের ব্যবস্থা আছে। তাহাও আধুনিক ইউরোপীয় চিকিৎসকগণের মতের সহিত তুলনা

করিলে ইহা যে সম্পূর্ণভাবে বিজ্ঞান-সম্মত তদ্বিষয়ে কোনই সন্দেহ নাই। সাধ অর্থে অভিশাপ বা ইচ্ছা। অষ্টম ও নবম মাসে গর্ভস্থ শিশুর দেহ সম্পূর্ণ পুষ্ট হয়, সেই সময়ে গর্ভিণীর আহারও প্রায়ই অন্ন হইয়া থাকে। শিশুর দেহ সুগঠিত হওয়ায় তাহার পূর্কপেক্ষা অধিক আহারের ও রসের প্রয়োজন হয়, সে কারণে গর্ভিণীকে নানা প্রকার সুস্বাদু ও সরস ফলমূল ও আহারীয় দ্রব্য খাওয়ান উচিত ও এই সময় ঐরূপ দ্রব্য খাইবার অভিশাপও তাহাদের জন্মে। এই অভিশাপ পূরণ করার নামই সাধ-ভক্ষণ। ইহা কেবল গর্ভিণীর দেহ সবল রাখিবার জ্ঞান নহে, গর্ভস্থ সন্তানের হিতার্থে নিতান্ত প্রয়োজনীয় বলিয়া শাস্ত্রকারেরা ইহার ব্যবস্থা করিয়া গিয়াছেন।

কোন এক বিলাতী চিকিৎসাসম্বন্ধীয় মাসিকপত্রিকা পড়িয়া এই প্রথা যে বিশেষ প্রয়োজনীয় তদ্বিষয় ধারণা হইয়াছিল। কোন একটা হাঁসপাতালে একটা ইংরেজ মহিলা প্রসবার্থে গমন করিয়াছিলেন; কিন্তু আশ্চর্যের বিষয় যে সন্তোজাত শিশু ভূমিষ্ঠ হইবার পর হইতে এরূপ ভীষণ ভাবে ক্রন্দন করিতেছিল যে, বহু যত্ন ও চেষ্টা-সত্ত্বেও এবং বিশেষরূপ পরীক্ষা করিয়া কোনও রোগের লক্ষণ না পাওয়াতে চিকিৎসক-মণ্ডলী অত্যন্ত ব্যস্ত হইয়া ছিলেন, পরিশেষে ইহাদের মধ্যে জনৈক যুবা চিকিৎসক কোঁতুহলবশে ক্রন্দনরত বালকের জননীকে জিজ্ঞাসা করিলেন যে, গর্ভাবস্থায় আপনার কোন দ্রব্য আহারের নিষিদ্ধ বিশেষ আগ্রহ হইয়াছিল কি না? মাতা ক্ষণকাল চিন্তা করিয়া বলিলেন, গর্ভাবস্থায় তাঁহার করাসী দেশীয় সুরা-পানের জ্ঞান অত্যন্ত ইচ্ছা হইয়াছিল; কিন্তু কার্যক্ষেত্রে আমার সে বাসনা পূর্ণ হয় নাই। বিজ্ঞ ঐ চিকিৎসক তৎক্ষণাৎ করাসী দেশীয় সুরা শিশুর মুখে কিঞ্চিৎ পরিমাণ দিবার জ্ঞান ধাত্রীদিগকে আদেশ করেন। ইহা স্বাস্থ্যমন্ত্রবৎ শিশুর ক্রন্দন বন্ধ করিয়াছিল দেখিয়া চিকিৎসকগণ নিজেদের বিভাবুদ্ধির অপরিণামদর্শিতা ভাবিয়া বিস্মিত হইয়াছিলেন। ইহা একটা উদাহরণ মাত্র। গর্ভস্থ সন্তানের ক্রন্দন অনেকে শুনিয়াছেন, এরূপ শুনা যায়। “অনুসন্ধান” নামক মাসিক পত্রিকায় এসম্বন্ধে একটা প্রবন্ধ বাহির হইয়াছিল। তাহা সত্য ঘটনা অবলম্বনে লিখিত, এরূপ

প্রকাশ ছিল। আমার বিশ্বাস, ইহাও উক্ত কারণে খাওয়া ও রসের অভাব হেতু হওয়া অসম্ভব নহে। যাহা হউক আর্ধ্য শাস্ত্রকারেরা এ বিষয়ে সম্যক অভিজ্ঞতা লাভ করিয়া প্রসবের পূর্বে গর্ভিণীর যাহা সাধ হয় তাহা ভক্ষণ করাইবার ব্যবস্থা করিয়াছিলেন।

জাতক সংস্কার—সাধ ভক্ষণের কিছুদিন পরেই গর্ভিণী সাধারণতঃ সন্তান প্রসব করেন। প্রসবের পরও যে-সকল সংস্কার আমাদের মধ্যে প্রচলিত আছে তাহাদের সকল গুলিই আধুনিক চিকিৎসা-বিজ্ঞান-সম্মত নিয়মাবলী অপেক্ষা অনেকাংশে শ্রেষ্ঠ ও সহজসাধ্য, সেজন্য সর্বসাধারণের প্রতিপালন করাও উচিত। বিদেশীর চোখে দর্শন ও বিদেশীর মুখে শ্রবণ করিয়া এক কথার পরম মতানুসরণ করিয়া আমরা আমাদের প্রাচীন মনীষিগণের সৃষ্ট গভীর বিজ্ঞান-সম্মত নিয়মাবলী বুঝিতে না পারিয়া এই সকল রীতি-নীতিকে অসত্য জনোচিত কুসংস্কার বলিয়া ধরিয়া লইয়া ঘৃণায় নাসিকা কুঞ্চিত করিয়া থাকি; এরূপ করা যে কতদূর নির্বুদ্ধিতার ও মূর্খতার পরিচায়ক তাহা কি আর কাহাকেও বলিয়া দিতে হইবে? কোন কোন সুবিখ্যাত চিকিৎসক ঐ সকল কুসংস্কারই যে আধুনিক শিশু-মৃত্যুর কারণ, তাহা নির্দেশ করিয়া বিদেশীর মুখ-নিঃসৃত অবোধ্য বাক্যাবলী জনসাধারণের নিকট প্রচার করিতে কিছুমাত্র কুণ্ঠিত হন না। যে ভারতসন্তান একদিন সর্ববিষয়ে জগতের মধ্যে শিক্ষক-রূপে পরিগণিত হইয়াছিলেন, সেই ভারত-মাতার কৃতবিদ্য সুসন্তানগণের বহুকালব্যাপী গভীর গবেষণাপ্রসূত অমূল্য সংস্কারগুলিকে যাহারা কুসংস্কার বলিতে কুণ্ঠিত হন না, তাঁহাদের এইরূপ বলিবার কারণগুলি কেন তাঁহারা সাধারণের গোচর করিতে পারেন না?

গর্ভিণী প্রসব হইবার পূর্বে হইতেই এদেশে স্মৃতিকাগারের বন্দোবস্ত করা হয়। শাস্ত্রকারের মতে স্মৃতিকাগৃহ, সাধারণ ব্যবহার্য্য গৃহ হইতে সম্পূর্ণভাবে পৃথক্ থাকা বিশেষ প্রয়োজনীয়; অর্থাৎ এই গৃহে দৈনিক ব্যবহার্য্য তৈজসপত্রাদি বা শয্যা-বস্ত্রাদি রাখা নিষিদ্ধ। আধুনিক বিজ্ঞানসম্মত স্মৃতিকাগৃহগুলি পর্য্যবেক্ষণ করিলে উক্ত নিয়মাপেক্ষা কোন সুনিয়ম বা ব্যবস্থা দৃষ্টিগোচর হয় না। প্রসবান্তে প্রসূতির শারীরিক অবস্থা এরূপ নিস্তেজ হইয়া পড়ে যে, গৃহের তৈজসপত্রাদি-সংশ্লিষ্ট রোগ-বীজাণু সকল,

যে কোন সময়ে গর্ভিণীকে আক্রমণ করিয়া তাহার জীবন সংশয়াপন্ন করিতে পারে। অধিকন্তু গর্ভিণীর জরায়ু-নিঃসৃত স্রাবের সহিত নানা প্রকার জীবাণু মিশ্রিত থাকায় উহা অপরের স্বাস্থ্যের ব্যাঘাত ঘটাইতে পারে। এ জন্য আমাদের প্রাচীন স্মৃতিকাগৃহ সাধারণ বাসগৃহ হইতে সম্পূর্ণ পৃথক রাখিবার ব্যবস্থা দিয়াছিলেন এবং প্রসূতি প্রসবাস্ত্রে বাহ্যতে সম্পূর্ণভাবে বিশ্রাম লাভ করিতে পারে তৎক্ষণাৎ শুভাশৌচের ব্যবস্থা করিয়াছিলেন। অশৌচার্থে আধুনিক চিকিৎসা-শাস্ত্রে ব্যবহৃত Segregation বুলায় অর্থাৎ প্রসূতিকে সম্পূর্ণভাবে সাংসারিক কর্ম হইতে বিরত রাখিয়া যতদিন না জরায়ু পূর্নাবস্থা প্রাপ্ত হয় ততদিন সম্পূর্ণ বিশ্রামের নিমিত্ত এই অশৌচের ব্যবস্থা করিয়াছিলেন। এই ব্যবস্থায় প্রত্যেক প্রসূতিকে জাতির ধর্ম, বর্ণ ও কর্ম নির্কিংশে তিন সপ্তাহকাল পালন করিবার বিধান আছে। ইহা দ্বারা প্রতিপন্ন হইতেছে যে, আধুনিক ধাত্রিবিদ্যা বিশারদ-গণের জ্ঞানও তাঁহারা বিশেষরূপ অবগত ছিলেন যে, প্রসবাস্ত্রে প্রসূতির জরায়ু সাধারণ অবস্থায় প্রত্যাবর্তন করিতে তিন সপ্তাহ কাল লাগে। সমস্ত মনুষ্য-সমাজেই এই নিয়ম বর্তমান থাকায় জাতিধর্ম-নির্কিংশে প্রত্যেকেই ইহা পালন করিয়া থাকেন। বোধ হয় এই কারণেই গাভী প্রসব হইলে তিন সপ্তাহ অন্তে দুগ্ধ-দোহনের ব্যবস্থা আছে। প্রসূতি একবিংশতি দিবস সম্পূর্ণ বিশ্রাম না করিয়া যদি শ্রম-সাধ্য কর্মে ব্যস্ত থাকেন অথবা চারিদিকে ঘুরিয়া বেড়ান তাহা হইলে জরায়ুর উভয় পাশ্বে বন্ধন-(Ligaments) গুলি স্লথ থাকায় জরায়ু স্থানচ্যুত হইবার বিশেষ সম্ভাবনা। জরায়ু স্থানচ্যুত হইলে প্রসূতিকে যে কি জীবনব্যাপী কষ্ট পাইতে হয় তাহা প্রত্যেক চিকিৎসকই জানেন। অনেক সময় জরায়ুকে যোনিমুখে বহির্গত হইতেও দেখা যায়। অতএব এই অশৌচ-বিধি কিরূপ বিজ্ঞানসম্মত তাহা বলাই বাহুল্য। কিন্তু আমাদের হিতকামী পুরোহিতগণ তাহার 'যে সকল ব্যাধ্যা জনসমাজে প্রচার করিয়া তাহাদিগের মনের তিত্তা দূর হইতে বন্ধন করিয়া দিয়াছেন, তাহা চিন্তা করিলেও লজ্জিত হইতে হয়। তাহারা স্মৃতিকা-গৃহ ও প্রসূতিকে অস্পৃশ্য ও হেয়জ্ঞানে একটা অস্বাস্থ্যকর পুত্তিগন্ধ-ময়, আলোক ও বায়ু-বিবর্জিত স্ক্রু প্রকোষ্ঠের ব্যবস্থা দিয়া নিরুদ্বেগ পাণ্ডিত্য প্রকাশ করিতে লজ্জা বোধ করেন না।

যে আর্ষা ঋষিগণ নবপ্রসূত শিশুর নিমিত্ত সূর্যালোক ও বায়ু সঞ্চারিত পরিষ্কার-পরিচ্ছন্ন গৃহের ব্যবস্থা করিয়া ভারতবাসীর স্বাস্থ্যের পথ উন্মুক্ত রাখিতে দিয়াছেন, তাঁহাদের জনকত পাণ্ডিত্যভিমানী বংশধর সেই সকল সার্বজনীন নিয়মের অপরূপ ব্যাধ্যা দ্বারা ভারতের সম্ভ্রানদিগকে ধ্বংসের পথে লইয়া যাইতে ক্রটি করিতেছেন না? অশৌচ-বিধানের অর্থ প্রসূতি অস্পৃশ্য নহে। বরঞ্চ প্রসূতিকে দেবীর তুল্য পৃথক আসনে উপবেশন করাইয়া, আপনাদের অস্পৃশ্য ভাবিলে দেশের সমূহ মঙ্গল হইবে। দেব-মন্দিরের জায় আঁতুড়ঘর সর্বদা ধৌত ও দুর্গন্ধনাশক দ্রব্য দ্বারা যথাসম্ভব পরিষ্কার রাখিয়া মধ্যে মধ্যে প্রসূতির পরিধেয় বস্ত্রের পরিবর্তন করিয়া দেওয়া উচিত এবং সেখানে বিনাম্বানে বা ধৌতবস্ত্র পরিধান না করিয়া কাহারও প্রবেশ করা উচিত নয়; এইরূপ বিধি পালনের জন্য এই অশৌচের ব্যবস্থা হইয়াছিল। কিন্তু সেই নিয়মের ভ্রমপূর্ণ ব্যাখ্যার নিমিত্ত বাদ্যালার অধিকাংশ প্রসূতিকে অপরিষ্কার ও অপরিচ্ছন্ন, দুর্গন্ধবস্ত্র ছিন্নবস্ত্রধর দ্বারা আবৃত করিয়া রাখার মহাপাপেই আজ ভারতের সম্ভ্রান এইরূপ হীনবীর্ঘ্য হইয়া জগতের চক্ষে অসত্য বলিয়া পরিগণিত হইতেছে

অতএব স্মৃতিকাগৃহের পৃথক ব্যবস্থা ও অশৌচের বিধান সম্পূর্ণ বিজ্ঞানসম্মত। স্মৃতিকাগৃহ উপযুক্ত রৌদ্র ও বায়ুচালিত স্থানে নির্মাণ করাই প্রশস্ত। সেখানে তৈজসপত্রাদি কিছুই থাকিবে না। প্রসূতিকেও সম্পূর্ণভাবে অশৌচের বিধান প্রতিপালন করিয়া, সাংসারিক কর্ম হইতে বিরত থাকিয়া একবিংশতি দিবস সম্পূর্ণ বিশ্রাম করিতে দেওয়া উচিত। যখন কেহ স্মৃতিকাগৃহে প্রবেশ করিবেন, তখনই তাহাকে যথাসম্ভব শুচিভাবে (aseptic) ধৌত বস্ত্রাদি পরিধান ও হস্তপদাদি ধৌত করিয়া প্রবেশ করিবেন ইহাই আর্ষাঋষিগণের অভিপ্রেত ছিল অতএব অশৌচের অপরূপ ব্যাধ্যা দ্বারা প্রসূতি ও নবজাত শিশুকে শমনের দ্বারে অগ্রসর করাইলে আমাদের সনাতন ধর্মের নিয়মাবলী পালন করার নামে প্রকৃত পক্ষে সেগুলিকে অবহেলা করিয়া হিন্দুধর্মকে জলাঞ্জলি দেওয়া কোন মতে উচিত নহে।

প্রসবাস্ত্রে যে সকল নিয়ম পালন করিতে হয় তাহাও

যে কতদূর বিজ্ঞান-সম্মত, তাহা নয়ন উন্মীলন করিয়া দেখিলে আশ্চর্য্যাম্বিত হইতে হয়। প্রসবের পরই যতক্ষণ না জন্ম হইতে ফুল বহির্গত হয় ততক্ষণ প্রসূতিকে কোনরূপ নড়িতে চড়িতে দেওয়া হয় না, কারণ শরীর বেশী সঞ্চালিত হইলে ফুলের কিয়দংশ ছিঁড়িয়া যাওয়া সম্ভব, তাহাতে রক্তস্রাব হইয়া প্রসূতির জীবননাশও হইতে পারে। ফুল বহির্গত হইতে বিলম্ব হইলে তাহার নিজ মস্তকের চুল মুখ-গহ্বরে প্রবেশ করাইয়া কৃত্রিম (artificial) বমনের উদ্বেক করান হয়; কারণ বমনের উদ্বেক হইলে জন্ম সঙ্কচিত হয়--তাহাতে শীঘ্রই ফুল বাহির হইয়া পড়ে। তৎপরে প্রসূতিকে শয্যার উপরে শায়িত করিয়া নবজাত শিশুর প্রতি লক্ষ্য করা বিশেষ প্রয়োজন। প্রথমে নাড়ী-চ্ছেদের ব্যবস্থা আছে। তাহা বৈদেশিক বৈজ্ঞানিক নিয়ম-পেক্ষা অনেকাংশ শ্রেষ্ঠ, সহজ ও বিনাব্যয়-সাধ্য; সুতরাং সর্বপ্রকার লোকের পক্ষে সম্ভব পর। আশ্চর্য্যের বিষয়, শাস্ত্রকারগণ আধুনিক চিকিৎসা-শাস্ত্রে প্রচলিত জীবাণু সকলের অস্তিত্ব পর্য্যন্ত বিশেষরূপে জ্ঞাত থাকিয়া বহু গবেষণার পর এই সকল নিয়ম ও প্রথা প্রচলিত করিয়া জগতের হিত সাধন করিয়া গিয়াছেন। শিশু, মাতৃগর্ভ হইতে বিচ্যুত হইবার পরেই নাড়ীকর্ষণ প্রথম কৰ্ম্ম। শাস্ত্র-কারেরা জানিতেন যে সূক্ষ্ম ও সবলকায় জীব কিংবা উদ্ভিদের উপর রোগ বীজাণু থাকিতে পারে না। আধুনিক চিকিৎসা-শাস্ত্র-বিশারদগণ বোধ হয় এ বিষয়ে মতভেদ করিবেন না। সেই কারণে বিশেষরূপ বিচার ও চিন্তা করিয়া অপরিষ্কৃত অন্ন, শস্ত্র বা অস্ত্র কিছু কোনপ্রকার তীক্ষ্ণ ধারযুক্ত যন্ত্রের সাহায্যে নাড়ীকর্ষণ করিবার ব্যবস্থা না করিয়া সস্ত্র-কর্ত্তিত, সতেজ বংশধও হইতে বংশ ছুরিকা তৈয়ারী করিয়া নাড়ীকর্ষণের ব্যবস্থা করিয়াছিলেন। কিন্তু এই হতভাগ্য দেশের হিতাহিত জ্ঞানশূন্য অশিক্ষিত ব্যাখ্যা-কার দ্বারা প্রচলিত বংশ-ছুরিকা অর্থে পচা, অপরিষ্কৃত রুগ্ন বংশ হইতে কর্ত্তিত বংশ ছুরিকা দ্বারা নাড়ী-কর্ষণের ব্যবস্থা প্রচলিত হওয়ায় দেশের যে কি সর্বনাশ হইতেছে তাহা বলা বাহুল্য। এতদেশীয় লোকের মনে এরূপ কুভাব দৃঢ়রূপে আবদ্ধ হইয়াছে যে, নবজাত শিশু অল্পশ্রু, সুতরাং কোনপ্রকার অস্ত্র ব্যবহার করা উচিত নহে, কারণ উহা কেলিয়া দিতে হইবে। আধুনিক-চিকিৎসকগণ যে

আস্কালন করিয়া Sterilised কাঁচি ও Antiseptic Lotionএর ব্যবহার অস্ত্র উচ্চ কর্ত্তে উপদেশ দিতেছেন তাহা এই ভারতভূমে একেবারে অসম্ভব। কারণ এমন অনেক পল্লীগ্রাম আছে যে, তথায় বিদেশীর শাস্ত্র ও চিকিৎসকের একবারও পদার্পণ হইয়াছে কি না সন্দেহ। এরূপ ক্ষেত্রে আমার মতে বংশ-ছুরিকাই নাড়ী-কর্ষণের শ্রেষ্ঠ উপায়।

এখন কথা হইতেছে, আমাদের এই ভারতভূমিতে এমন পল্লী বোধ হয় খুব বিরল যেখানে একটা মাত্র বংশ-ঝাড় নাই। তবে ঐ বংশ-ছুরিকা জলে সিদ্ধ করিয়া তদ্বারা নাড়ী কর্ত্তন প্রস্তুত, ইহাতে কোনপ্রকার ভয়ের কারণ থাকা সম্ভব নহে; অথচ সকল অবস্থা ও সর্বস্থানের লোক সহজে ইহা ব্যবহার করিতে পারেন। তবে সাধারণকে বুঝাইয়া দেওয়া উচিত, যেন রুগ্ন, অপরিষ্কৃত মৃত বংশ হইতে ছুরিকা প্রস্তুত করিয়া নাড়ীকর্ষণ না করেন। যদি সতেজ বংশ হইতে ছুরিকা প্রস্তুত না করিয়া ব্রাহ্ম ও কুসংস্কারের বশবর্ত্তী রুগ্ন, পচা বংশ হইতে ছুরিকা প্রস্তুত করিয়া নাড়ী-কর্ষণ করা হয়, তাহা হইলে শিশুর মৃত্যু সুনিশ্চিত। কারণ এই যে নবজাত শিশু ছুরারোগ্য (সাধারণতঃ যাহাকে 'পেঁচায় পাওয়া' বলে) রোগে আক্রান্ত হইয়া মৃত্যু-মুখে পতিত হয়, তাহা এই অপরিষ্কৃত বংশ-ছুরিকা ব্যবহারের বিষময় ফল; কারণ ঐরূপ ছুরিকায় প্রচুর পরিমাণে ধনুষ্ঠকার রোগের বীজাণু সকল বর্ত্তমান থাকায়, নাড়ী-কর্ষণের সঙ্গে সঙ্গেই নবজাত শিশুর কোমল শরীরে রোগবীজাণু প্রবিষ্ট হইয়া দ্বারা এই মারাত্মক রোগের সৃষ্টি করে; অতএব নিজেদের নিৰ্দ্ধিতার দোষ না দিয়া বিজ্ঞান-সম্মত প্রথার দোষারোপ করা নিতান্ত অর্কাটীনের কৰ্ম্ম। আর ও আশ্চর্য্যের বিষয় এই যে, আমরা রোগের প্রকৃত কারণ অনুসন্ধান না করিয়া, মুর্থ, অশিক্ষিত, চতুর লোকেদের দ্বারা প্রচারিত এই রোগকে 'পেঁচায় পাওয়া', 'ভূতে পাওয়া' প্রভৃতি অলৌকিক কারণ নির্দেশ করিয়া চিকিৎসা-ব্যবস্থা হইতে সম্পূর্ণভাবে বিরত থাকিয়া 'জল-পড়া' ও যন্ত্রাদির সাহায্য লইতে কিছুমাত্র বিধা বোধ করি না।

নাড়ীচ্ছেদের পরই নাড়ী-বন্ধন একটা বিশেষ প্রয়োজনীয় ব্যাপার। আধুনিক চিকিৎসকগণ বীজাণু বর্জিত

(Sterilized) রেশম দ্বারা নাড়ী-বন্ধনের ব্যবস্থা দেন ; কিন্তু আমাদের দেশে, যখন-তখন ওরূপ রেশম ছুঁতাপ্য জামিয়া বিজ্ঞ শাস্ত্রকারগণ সাধারণ কার্পাস সূত্রে হরিজ্ঞায় রঞ্জিত করিয়া নাড়ী-বন্ধনের ব্যবস্থা করিয়াছেন ; কারণ তাহারা বিশেষরূপে জ্ঞাত ছিলেন যে, হরিজ্ঞায় রোগ-বীজাণু নষ্ট করিবার বিশেষ ক্ষমতা আছে । এ বিষয়ে বোধ হয় আধুনিক চিকিৎসকগণ মতভেদ করিবেন না এবং বোধ হয় সাধারণে অবলোকন করিয়াছেন যে পিষ্ট হরিজ্ঞা, বহু দিবস পর্য্যন্ত খোলা অবস্থায় পতিত থাকিলেও তাহাতে কোনপ্রকার জীবাণু জন্মে না, অতএব এইরূপ সত্ত্ব ধৌত ও পিষ্ট হরিজ্ঞা রঞ্জিত সূত্রের দ্বারা নাড়ী-বন্ধন করিলে কোনরূপ রোগ-সৃষ্টির কারণ থাকিতে পারে না ; ইহাও সম্পূর্ণ বিজ্ঞান-সম্মত । আরও দেখা যায়, অনেক স্থলে নবমুকুলিত দুর্কা, ঐ সূত্রের সহিত নাড়ী-বন্ধন-কালে বাধিয়া দেওয়া হয় । আমার বোধ হয়, দুর্কাব রসে রক্ত-রোধক ক্ষমতা থাকায় এরূপ ব্যবস্থা প্রবর্তিত হইয়াছিল, কারণ ইহাতে কর্তিত নাড়ীর মুখ হইতে রক্ত পড়া বন্ধ হইয়া শীঘ্র ক্ষত স্থান শুষ্ক হইয়া যায় । ইহাকে কোন মতে কুপ্রথা বা কুসংস্কার বলা যায় না ।

নাড়ী-বন্ধন করিয়া দেওয়ার পরই শিশুকে স্নান করাইবার ব্যবস্থা বোধ হয় সকল দেশেই বর্তমান আছে । পাশ্চাত্য চিকিৎসকগণ উষ্ণ সাবান-জলে নবজাত শিশুকে স্নান করাইবার বিধান দেন । কিন্তু আমার মতে নবজাত শিশুকে সাবান জলে স্নান করান অপেক্ষা আমাদের দেশে প্রচলিত ব্যবস্থা শ্রেষ্ঠ, কারণ সত্ত্বজাত শিশুর শরীরের ত্বক অতি কোমল ও পাতলা থাকায় সাবানের রাসায়নিক পদার্থসমূহ অনেক সময়ে চর্মের প্রদাহ উপস্থিত করে, সুতরাং আমাদের দেশে বহুকাল প্রচলিত নিয়ম ও ব্যবস্থা অনেকাংশে শ্রেষ্ঠ । আমাদের শাস্ত্রকারগণের মতে, কিঞ্চিৎ হরিজ্ঞা মিশ্রিত ফুটন্ত জলকে সহনোপযোগী শীতল করিয়া স্নান করান সহজ বিজ্ঞানসম্মত এবং সামান্য ব্যয়-সাধ্য ।

তৎপরে নবজাত শিশুকে যে রৌদ্র-তাপ দিবার ব্যবস্থা আছে তাহাও বিজ্ঞানানুমোদিত, কারণ শিশুর গাত্রে ঘোমের স্তর এক প্রকার মন্থণ পদার্থ বিদ্যমান থাকে, তাহা সূর্যের উত্তাপে দ্রব হইয়া যায় ও শিশুর দেহস্থিত

প্রসবকালীন রোগ-বীজাণু সমূহ নষ্ট করিয়া কোমল ত্বকে বাহিরের শীত ও উত্তাপ সহ করিবার উপযুক্ত করিয়া তোলে । সৃষ্টিকর্তা, জীব সৃষ্টি করিবার পূর্বেই তাহার প্রাণধারণোপযোগী সমস্ত ব্যবস্থা করিয়াছেন ; আমরা নিজেদের মুখতা-নিবন্ধন তাহার অপব্যবহার করিয়া জন-সমাজের অনিষ্ট সাধন করি । জীবনধারণের নিমিত্ত কৃত্রিম উপায় অবলম্বনের প্রয়োজন হয় না । কৃত্রিমতা শরীরের সুস্থতা অপেক্ষা অসুস্থতাই বৃদ্ধি করে । আজ-কাল অনেকেই শিশু ভূমিষ্ঠ হইবার পরই শীতপ্রধান দেশের অধিবাসিগণের স্থায় পশমজাত পরিচ্ছদে শিশুকে আবৃত করিয়া রাখিয়া নিজেদের আভিজাত্যের নিদর্শন দেখাইতে গিয়া দেশের যে কি সর্বনাশ করিতেছেন তাহা ব্যক্ত করা যায় না । শীতপ্রধান দেশের আচার-ব্যবহার, রীতি-নীতি কি কখন গ্রীষ্ম-প্রধান দেশের উপযোগী হওয়া সম্ভব ? আমাদের দেশে গরম বস্ত্রে শিশুর দেহ আবৃত করিয়া রাখিলে তাহার স্বাস্থ্য যে কতদূর নষ্ট হয়, তাহা প্রত্যেক চিকিৎসাব্যবসায়ী সমাক্রমে জ্ঞাত আছেন । এইরূপে নবজাত শিশুদিগকে প্রায়ই নিউমোনিয়া (Pneumonia), ব্রংকাইটিস (Bronchitis) প্রভৃতি রোগে ভুগিতে দেখা যায় । কারণ, তাহাদের কোমল দেহ সর্বদা গরম বস্ত্রে আবৃত থাকায় শরীরের অবস্থা এরূপ হইয়া যায় যে, তাহারা গাত্রবস্ত্র উন্মোচন করিলে বাহিরের শৈত্য তাহাদিগকে সহজেই আক্রমণ করিয়া উক্ত প্রকার জীবন সংশয়কারী রোগ আনয়ন করে । আরও অষ্টপ্রহর শরীর আবৃত থাকায় দেহের ত্বক দেশোপযোগী আবহাওয়ায় অভ্যস্ত না হওয়াতে নানাপ্রকার কঠিন ব্যাধিতে চিরকাল ভুগিতে থাকে । প্রধানতঃ আমাদের দেশে দেখিতে পাওয়া যায় যে, এই সকল কারণেই 'ভদ্র'-নামধারী জন-সাধারণের শিশুগণই দরিদ্রদিগের শিশুদের অপেক্ষা দুর্বল ও চিররুগ্ন । এ দেশে প্রচলিত যে প্রবাদবাক্য আছে "শরীরের মাম মহাশয়, যা সহাবে তাই সয়" ইহা সম্পূর্ণ ভাবে সত্য । অতএব ভূমিষ্ঠ হইবার পর হইতেই শিশুকে ধীরে ধীরে সমস্ত জিনিসই সহ করান প্রয়োজন । শিশুকে তৈল মাখাইয়া রৌদ্রে রাখিবারও যে পদ্ধতি প্রচলিত আছে তাহাও যুক্তি-সঙ্গত, কারণ পূর্বেই বলিয়াছি গর্ভাবস্থায় শিশুর ত্বক এক প্রকার মন্থণ তৈলাক্ত পদার্থে আবৃত

ধাকে। ঐ পদার্থ তৈল ছাড়া অন্য কোন পদার্থে সহজে
 জ্বব হয় না। আবার সর্বপ-তৈলে স্নায়ু-উত্তেজক শক্তি
 বর্তমান থাকায় উহা শরীরের পক্ষে বিশেষ উপকারী।
 তবে অনেক ক্ষেত্রে দেখিতে পাওয়া দেয় যে, নবজাত
 শিশুকে প্রথমে সূর্য্যকিরণে স্থাপিত করায় অত্যধিক
 উত্তাপ-বশতঃ প্রদাহ ও গাত্রে ফোস্কা জন্মায়;
 তাহা কেবল নিজেদের অজ্ঞতা-বশতঃ হইয়া থাকে।
 প্রচলিত নিয়মের কোন দোষ নাই। “সর্বমত্যস্তং
 গর্হিতম্”—অত্যধিক অমৃত পানেও জীবন সংশয়াপন্ন
 হয়।

ষষ্ঠ দিবসে যে সংস্কার প্রচলিত আছে তাহা গভীর
 গবেষণার ফল বলিয়া মনে হয়। কারণ শিশু ভূমিষ্ঠ হইবার
 পর ছয় দিবস পর্য্যন্ত তাহার জীবনের কোন নিশ্চয়তা
 থাকে না। সেইজন্যই বোধ হয় শাস্ত্রকারগণ শিশু ভূমিষ্ঠ
 হইবামাত্র কোন প্রকার উৎসবাদি হইতে বিরত থাকিয়া
 ছয় দিবসান্তে শিশু ও প্রসূতির পরিচর্য্যায় নিযুক্ত থাকিতে
 আদেশ করিয়াছেন। ছয় দিবস অতীত হইলে শিশু ও
 প্রসূতির জীবন অনেক পরিমাণে আশা-প্রদ হওয়ায় সেই
 দিবস অন্তে ভগবানের নিকট উভয়ের কল্যাণ-কামনার
 এই সংস্কার প্রচলিত হইয়াছিল।

বৃন্তহীন

[শ্রীকরণাময় বসু]

ললিত যৌবন-পাত্রে যত ছিল রসপূর্ণ মধু,
 লইয়াছ, হে দেবতা মোর !
 অস্তরের ফুলবনে যাহা ছিল প্রেম, তাও বঁধু
 কুড়ায়েছ, আছে ফুল-ডোর ।
 যে বীণায় দিছি গান প্রভাতের শাস্ত বনচ্ছায়ে,
 ছিঁড়ে গেছে সেই বীণা-তার,
 তবুও যে সুর চলে সায়াহ্নের মৃদুমন্দ বায়ে,
 মনে রেখ' সে গান আমার ।

এই যে শ্যামলী ধরা, হায় হায় এই যে যমুনা
 যৌবন-প্রবাহে ভেসে চলে ;
 পরপারে প্রিয়তম আর কি গো হ'বে দেখা-শুনা
 অন্ধকার নীলাম্বর-তলে ?
 দিও এইটুকু আশা, ষত কিছু ভালো-বাসা, গান
 তব সনে হোক পরিচয় ।
 চরণে সঁপিয়া দিখু কাঁটাভরা বৃন্তহীন প্রাণ,
 যত কিছু মোর পরাজয় । *

* সরোজিনী নাইডুর একটি ইংরেজী কবিতার ভাবানুবাদ

দনুজ রাজা

[ত্রীযোগেন্দ্রচন্দ্র ঘোষ]

আমরা প্রাচীন তাম্রশাসনে, মুদ্রায়, ইতিহাসে এবং বিভিন্ন জাতির কুলজী গ্রন্থাদিতে দনৌজামাধব, নৌজা, দনুজরায়, দনুজ, দানুজ রাজা, দনুজমর্দন, দনুজমর্দন-ভূপ নামে কয়েকজন রাজার উল্লেখ পাই। নাম-সাদৃশ্যে ইহাদিগকে এক ব্যক্তি মনে হইলেও ইহারা যে এক ব্যক্তি কিংবা সমসাময়িক ছিলেন না তৎসম্বন্ধে আলোচনাই এই প্রবন্ধের উদ্দেশ্য।

১। শ্রীযুক্ত বলিনীকান্ত ভট্টশালী বিক্রমপুরের আদা-বাড়ী গ্রাম হইতে একখানি তাম্রশাসন প্রাপ্ত হইয়াছেন।

১৩৩২ সালের পৌষ মাসের
বিক্রমপুর-আদাবাড়ীতে প্রাপ্ত
তাম্রশাসনে দনুজমাধব-
শ্রীমদশরথদেব।

ভারতবর্ষ পত্রে ইহার
আংশিক পাঠ প্রকাশিত
হইয়াছে। তাহাতে দেখা যায়,

শ্রীমন্নারায়ণ-কৃপাপ্রসাদে গৌড়রাজ্য লাভ করিয়া বিক্রমপুর-বিজয়সঙ্ঘাবার হইতে অশ্বপতি, গজপতি, নরপতি রাজ জয়ধিপতি দেবায়ন কমলবিকাশভাস্কর সোমবংশপ্রদীপ-প্রতিপন্ন কল্প সত্যব্রত গাজের শরণাগত বজ্রপঙ্ক পরমেশ্বর পরমভট্টারক মহারাজাধিরাজ অরিরাজ দনুজমাধব শ্রীমদশরথদেবপাদবিজয়ী তাঁহার রাজত্বের তৃতীয় বৎসরে ২১এ কাঠিক তারিখে দিল্লী, পালী, সেউ মাসচটক মুল, লেহস্তায়ী, পুতি, মহান্তিয়াড় ও করঞ্জগাঞী-বিশিষ্ট কয়েকজন ব্রাহ্মণকে ভূমি দান করিতেছেন।

২। রাঢ়ীয় ব্রাহ্মণদিগের কুলাচার্যগণের মধ্যে এড়ু মিশ্র হরিমিশ্রই সর্বাপেক্ষা প্রাচীন। হরিমিশ্রের কারিকার ইহারা উভয়েই মহারাজ দনৌজ মাধবের সভায় উপস্থিত ছিলেন।

হরিমিশ্র লিখিয়াছেন :—

“বল্লালভনয়ো রাজা লক্ষণোহভূম্মহাশয়ঃ ।
জয়গ্রহস্তয়াদোবাৎ কলকোহভূদনস্তরম্ ॥
প্রায়শ্চিত্তং ততঃ কৃৎয়া ব্রাহ্মণেভ্যঃ প্রতিগ্রহান্ ।
তৎপুত্রঃ কেশবো রাজা গৌড়রাজ্যং বিহার চ ॥

মতিং চাপ্যকরোহন্থে যবনশ্চ ভয়াস্ততঃ ।
ন শকু বস্তি তে বিপ্রান্তত্র স্বাতুং যদা পুনঃ ।।
প্রোহুরভবৎ ধর্ম্মায়া সেনবংশাদনস্তরম্ ।
দনৌজামাধবঃ সর্বভূপৈঃ সেব্যপদাযুজঃ ।
এতৎসভায়াং বহব আগতা ব্রাহ্মণা নরাঃ ।
নানাগুণসমায়ুক্তা স্বাবিশিতি কুলোত্তবাঃ ॥
ধনৈশ্চ রাজসম্মানৈঃ পিতামহজিগীষয়া ।

সম্বন্ধঃ কৃতবস্ত্শ্চ সর্বৈ ভূধর-(ভূশূর ?) পূজবাঃ ॥
(বঙ্গের জাতীয় ইতিহাস, ব্রাহ্মণকাণ্ড, প্রথমাংশ ১৫৩ পৃঃ
পাদটীকা (২))

উক্ততাংশ হইতে দেখা যাইতেছে, বল্লালের পর তৎপুত্র লক্ষণ এবং তৎপর তৎপুত্র কেশব সেন রাজা হইয়াছিলেন। এই কেশব সেন যবকের ভয়ে গৌড় রাজ্য ত্যাগ করিয়া চলিয়া আসেন। তাঁহার সভাপ্রিত ব্রাহ্মণগণ তৎপরবর্তী রাজা দনৌজামাধবের আশ্রয় গ্রহণ করেন এবং রাজসম্মানে তাঁহার। তাঁহাদের পিতামহদিগকেও জয় করিয়াছিলেন। “সেনবংশাদনস্তরম্”এক “পিতামহজিগীষা”র অর্থ যথাক্রমে ‘সেনদিগের অনস্তরবংশ’ এবং “দনৌজামাধবের পিতামহ অর্থাৎ বল্লালসেন” করিয়াছেন। দনুজমাধবের তাম্রশাসন আবিষ্কারের পূর্বে এইরূপ অর্থ করা সম্ভবপর হইলেও এখন আর এরূপ অর্থ করা চলে না। দনুজমাধব নিজকে ‘দেবায়ন’ অর্থাৎ দেববংশীয় বলিয়া পরিচয় দিয়াছেন। তাঁহার নাম দশরথ দেব, বিরুদ্ধ দনুজমাধব। দেব-বংশীয়কে সেনবংশীয় বলা কোনমতেই সম্ভবপর নহে। দনৌজামাধব যে এক ব্যক্তি তাহার প্রমাণ কি? ইহার

প্রমাণ কুবানন্দ মিশ্রের মহাংশে
কুবানন্দ মিশ্রের
মহাংশে দনুজমাধব
বা দনৌজামাধব।
প্রমাণ কুবানন্দ মিশ্রের মহাংশে
দনৌজামাধবের পাঠান্তর ‘দনুজমাধব’
পাওয়া গিয়াছে (১) ‘ভূধরপূজবাঃ’
পাঠ যে ভুল তাহা যথেষ্টই বুঝিতে

(১) “ইদানীং দনুজমাধবস্ত সভাপ্রিতা কুলীনানি গন্তত ।”
পাদটীকা
দনৌজমাধবস্ত—পাঃ (বিদ্যকোষ-ভাঃ, মহাংশ, ৪ পৃষ্ঠা ।)

পারা যায়। ভূধর শব্দের অর্থ পর্বত, সুতরাং এই পাঠ প্রকৃত হইলে এ কোন অর্থই হয় না। খুব সম্ভব প্রকৃত পাঠ 'ভূধর-পুঙ্গবাস'। তাহা হইলে অর্থ দাঁড়ায় 'ব্রাহ্মণগণ তাঁহাদের নিজ নিজ পিতামহগণকে ধন ও সম্মান দ্বারা পরাজয় ইচ্ছা করিয়া।' তাঁহাদের পিতামহগণকে ? কুবানন্দের মহাবংশে দেখা যায় দনৌজামাধব বা দক্ষুজ মাধব রাতীয় ব্রাহ্মণদিগের তৃতীয়, চতুর্থ, পঞ্চম ও ষষ্ঠ সমীকরণ করিয়াছিলেন এবং তাহাতে দ্বাহারা মহারাজ বজাল সেনের নিকট হইতে কৌলীন্ড সম্মান প্রাপ্ত হইয়াছিলেন তাঁহাদের কতিপয় পুত্র ও পৌত্র উপস্থিত ছিলেন। তাহা হইলে অর্থ হয়—প্রথম কুলীনগণ বজাল সেনের নিকট বে ধন ও সম্মান লাভ করিয়াছিলেন তাঁহাদের পৌত্রগণ মহারাজদক্ষুজমাধব হইতে তদপেক্ষা বেশী ধন ও সম্মান লাভ করিয়াছিলেন।

এখন দেখা যাউক এই দক্ষুজমাধবের আবির্ভাব কখন হইয়াছিল। হরিমিশ্রের মতে সেন-বংশের অবসানের পর দক্ষুজমাধব রাজ্য হইয়াছিলেন। মিন্‌হাজ বলেন ১২৬০ খৃষ্টাব্দ পর্য্যন্ত লক্ষণ সেনের বংশধরগণ বঙ্গে প্রতিষ্ঠিত ছিল। তব্বকালে সোনারগাঁওর উল্লেখ পাওয়া যায় না কিংবা মুসলমান রাজত্বের প্রথম একশত বৎসরের মধ্যে সোনারগাঁওর কোন মুদ্রাও পাওয়া যায় নাই। ১৩২৩ খৃষ্টাব্দে প্রথম সোনারগাঁও ও সাতগাঁওতে মুসলমান শাসনকর্তার উল্লেখ পাওয়া যায়। ইহা দ্বারা অনুমান করা যাইতে পারে যে দক্ষুজমাধব ১২৬০ খৃষ্টাব্দের পর ও ১৩২৩ খৃষ্টাব্দের মধ্যে কোন সময়ে রাজ্য লাভ করিয়াছিলেন এবং এই উভয়স্থানই তাঁহার রাজ্যের অন্তর্গত ছিল। যদি আমাদের এই অনুমান ঠিক হয় তবেই তাঁহার গোড়েশ্বর বলিয়া পরিচয় দিবার সার্থকতা দেখা যায়।

৩। তারিখ-ই-বরনীতে লিখিত আছে যে ১২৮০ খৃষ্টাব্দে সম্রাট বলবন বিজৌহী মঘিসুদ্দিনের পশ্চাদ্ধাবন করিয়া লক্ষ্মৌতি হইতে সোনার গাঁও যান। ঐ স্থানের স্বাধীন রাজ্য মঘিসুদ্দিন দ্বারা জয়পথে পলায়ন না করিতে পারে তাহার ভার গ্রহণ করেন। বলবন ৬০ কি ৭০ ক্রোশ গিয়া হাজিনগরের জাজনগরের নিকট মঘিসুদ্দিনকে ধৃত করেন।

এই জাজনগর বা হাজিনগরের অবস্থান সম্বন্ধে ঐতিহাসিক-গণের মধ্যে মতভেদ দেখা যায়। কেহ কেহ ইহাকে ত্রিপুরার নামান্তর বলেন, কিন্তু ত্রিপুরার কখনও জাজনগর বা হাজিনগর নাম ছিল বলিয়া কোন প্রমাণ নাই। অপরূপের মতে এই জাজনগর উড়িষ্যায় অবস্থিত। বরনী বলবনের যুদ্ধ-যাত্রার বিবরণে জাজনগরকে সোনারগাঁও হইতে ৬০।৭০ ক্রোশ দূরবর্তী লিখিলেও ভোগলক শাহের রাজত্বের বিবরণে জাজনগরকে তেলিঙ্গার নিকটস্থ স্থান বলিয়া উল্লেখ করিয়াছেন। (৪৫০ পৃষ্ঠা)। বদাউনী (I. 223), ডাউসন (III, 234) ও আবুল ফজল (Blochmann, p. 472, 1. 6) এর বর্ণনা অনুসারে জাজনগর রাঢ়ের পশ্চিমে, তেলিঙ্গা ও বিহারের মধ্যে কোন স্থান বলিয়া মনে হয়। ব্রহ্মসান এই সব প্রমাণ উল্লেখ করিয়া লিখিয়াছেন -

"We are forced either to believe that there were two Jajnagars, one famous for elephants near south-western Bengal (Tabaqat Nasiri, Barani, Firuz Shahi, Ain), and another in Tipprah or south-eastern Bengal (on the testimony of a single passage of Barani); or to assume that there was in reality only one Jajnagar, bordering on south-western Bengal, and that Barani in the above single passage wrote Sunargaon by mistake for Satgaon which would remove all difficulties." (J. A. S. B, 1873, p. 239)

অর্থাৎ আমাদের কাছে বাধ্য হইয়া বিশ্বাস করিতে হয় যে, জাজনগর নামে দুইটি স্থান ছিল; অন্যথায় একটি বাদলার দক্ষিণ-পশ্চিমে (তব্বকাত-ই-নাশিরী, বরনী, কিরোজসাহী, আইন-ই-আকবরী) হাতীর জন্ত প্রসিদ্ধ ছিল এবং অপরটি বাদলার দক্ষিণ-পূর্বে বা ত্রিপুরা রাজ্যে। শেষোক্তের প্রমাণ শুধু বরণীর বলবনের যুদ্ধযাত্রার বর্ণনায় মাত্র পাওয়া যায়; অথবা প্রকৃত পক্ষে জাজনগর নামে মাত্র একটি স্থানই ছিল এবং তাহা বাদলার দক্ষিণ-পশ্চিমে অবস্থিত ছিল, বরনী ভুলক্রমে এক জায়গায় মাত্র সাতগাঁও

লিখিতে সোনারগাঁও লিখিয়া থাকিবেন। এইরূপ মনে করিলেই সকল গোল মিটিয়া যায়। আমাদেরও মনে হয় সোনারগাঁও স্থলে সাতগাঁও হইবে এবং দক্ষুজরায় বা দক্ষুজমাধবের রাজধানী তাত্রশালন অঙ্গুসারে বিক্রমপুরে হইলেও রাজ্য অন্ততঃ গুপ্তগ্রাম পর্যন্ত বিস্তৃত ছিল। যে অংশ মুসলমানগণ অধিকার করিয়াছিল তাহা ভিন্ন অবশিষ্ট অংশ তাহার অধীন ছিল। এই জন্যই তিনি সেন-রাজগণের স্তায় নিজকে গোড়েখর বলিয়া পরিচিত করিয়াছেন।

৪। আবুল ফজল সেন বংশের শেষ রাজা 'নৌজা' বলিয়া উল্লেখ করিয়াছেন। আইন-ই-আকবরাতে নৌজা। দনৌজামাধব, দক্ষুজমাধব, দক্ষুজরায় ও এই নৌজা একই ব্যক্তি, কিন্তু তিনি সেন বংশীয় ছিলেন না তাহা আমরা পূর্বেই দেখাইয়াছি। সেন বংশের সম্পর্কিত হইলেও হইতে পারেন। এই দক্ষুজমাধবও নিজকে সেন রাজগণের স্তায় 'সোমবংশ-প্রদীপ' বলিয়া পরিচয় দিয়াছেন।

৫। বঙ্গ-কায়স্থ-কুল-কারিকায় এক মহারাজ দক্ষুজমাধবের উল্লেখ পাওয়া যায়। ইনি বঙ্গ-কায়স্থ পুরবঙ্গুর কস্তা বিবাহ করিয়াছিলেন পুর বঙ্গু অহর্পতি বঙ্গুর পুত্র। এই অহর্পতি, বঙ্গু কায়স্থ প্রথম সপ্ত কুলীনের অন্যতম।^১ পুরবঙ্গুর কস্তাদান প্রসঙ্গে লিখিত আছে—

“সত্যেন কার্ণধোবায় পশ্চাৎসীমগুহায় চ।

মহাজ্ঞে দক্ষুজায় মাধবায় চ কোপতঃ ॥”

(আচার্য্যচূড়ামণি ।)

এ স্থলে 'দক্ষুজায় মাধবায়' পাঠ দেখিয়া কেহ কেহ দক্ষুজ ও মাধব দুই বিভিন্ন ব্যক্তি বলিতে চাহেন, কিন্তু তাহা ঠিক নহে। কার্ণ ধোব ও বীম গুহ এই উভয়ই পদবী সংযুক্ত, কিন্তু মাধবের কোনও পদবী নাই কেন? দক্ষুজের কোন পদবীর দ্বারা পরিচয়ের দরকার হয় নাই, কেন না তিনি মহারাজা। মাধবও কি তবে মহারাজা? তাহা হইলে 'মহাজ্ঞে' একবচনান্ত না দ্বিবচনান্ত হইত। আর পুরবঙ্গু মাধব নামক কোন ব্যক্তিকে কস্তাদান করিয়াছেন বলিয়া কোথায়ও উল্লেখ পাওয়া যায় না।

রাষ্ট্রীয় ব্রাহ্মণ ও বঙ্গ-কায়স্থগণ একই সময়ে মহারাজা বঙ্গাল সেন-কর্তৃক কৌলীন্য সন্মানে সন্মানিত হইয়া ছিলেন সুতরাং তাহাদের পুত্রগণ সমসাময়িক। আমরা পূর্বেই দেখিয়াছি রাষ্ট্রীয় ব্রাহ্মণগণের প্রথম কুলীনদিগের পুত্র ও পৌত্রগণের কেহ কেহ দক্ষুজমাধব-কর্তৃক সমীকৃত হইয়াছিলেন। এই দক্ষুজমাধবের স্বস্তর পুরবঙ্গুও বঙ্গ-কায়স্থ প্রথম কুলীন অহর্পতি বঙ্গুর পুত্র। সুতরাং এই দক্ষুজমাধব ও পুর বঙ্গু এবং উপরোক্ত দক্ষুজমাধব সমসাময়িক। সুতরাং উভয় দক্ষুজমাধবই এক ব্যক্তি তৎসম্বন্ধে আর কোন সন্দেহ থাকিতে পারে না। তাহা যদি না হয় তবে দুই মন দুই জন, 'মহারাজ দক্ষুজমাধব' একই সময়ে এক স্থানে রাজত্ব করিয়াছিলেন ধরিয়া লইতে হয়। তাহা সম্ভবপর নহে। দক্ষুজমাধব যেমন রাষ্ট্রীয় ব্রাহ্মণদিগের প্রথম কুলীনদিগের পুত্রদের ও পৌত্রদিগের কাহারও কাহারও সমীকরণ করেন, সেই প্রকার বঙ্গ-কায়স্থদিগের প্রথম কুলীনদিগের পুত্রদিগের দুই বারে সমীকরণ করিয়াছিলেন। তাহার কৃত প্রথম সমীকরণে তাহার স্বস্তর পুর বঙ্গু অন্যতম।

“শঙ্করো বনঙ্গালী চ পুরশ্চ রাম ধোবকঃ।

এতে চ সমস্তাঃ যাতাঃ সর্বে গুণসমম্বিতাঃ ॥১॥

গুহোরুদ্রশ্চ শাক্তিশ্চ কার্ণ্যপিতাধরাধাকৌ।

তথা শূলপাণিমিত্রঃ পঠেতে সমতাং গতাঃ ॥২॥

(কায়স্থ বংশাবলী, ৩১ পৃষ্ঠা)

৬। পাবনা জেলাস্থ বেলকুচির সাহা-প্রামাণিক বংশের কুলকারিকায় আমরা আর এক দক্ষুজের উল্লেখ দেখিতে পাই—

“সেনরাজোবাচ—

“দক্ষুজগুরুশাপান্তে রাষ্ট্রিকঃ কৃষিকঃ গুচিঃ।

সৌম্যক্যঃ শূলকোত্তবঃ গুহো সাহা বঙ্গু হ ॥”

(বঙ্গের জাতীয় ইতিহাস, বৈশ্বকাণ্ড, ২২৩ পৃষ্ঠা)

এই দক্ষুজ ও পূর্বেও দক্ষুজমাধব এক ব্যক্তি বলিয়াই

১। “সো বাদিনাক সপ্তানং ন চ কর্ণাত্ৰ লিখতে। বঙ্গাল-পুত্রিত সন্মানে সর্বে হুপ্রতিষ্ঠিতাঃ।”

“সোমবঙ্গু কৃত ধোব হাড় গুহ প্রিতাধর গুহ অহর্পতি বঙ্গু, অনন্ত ধোব জয়ী সিতাঃ এতে সমতাং গতাঃ।” (আচার্য্য চূড়ামণি ।)


মনে হয়। দক্ষুজমাধব কিন্তু সেন-বংশের পরে রাজা হইয়াছিলেন। দক্ষুজের পরবর্তী এই সেন রাজা কে? আমাদের মনে হয় এই সেন-রাজা বিক্রমপুরের বৈষ্ণব বলাসেন বা পোড়া রায়। তিনি চতুর্দশ শতাব্দীর শেষ ভাগে বর্তমান ছিলেন বলিয়া প্রবাদ। মুদ্রার দক্ষুজমর্দন বৈষ্ণব-বলাসেনের পরবর্তী ছিলেন।

৭। রামায়ণ-রচয়িতা কৃত্তিবাস তাঁহার আত্ম-পরিচয়ে লিখিয়াছেন—

“পূর্বেতে আছিল বেদাদ্বৈত মহারাজ।
তার পাত্র ছিল নারসিংহ ওঝা ॥
বঙ্গদেশে প্রমাদ হৈল সকল অস্থির।
বঙ্গদেশ ছাড়ি ওঝা আইল গঙ্গাতীর ॥”

(বঙ্গভাষা ও সাহিত্য)

‘বেদাদ্বৈত’ স্থলে ‘বে দক্ষুজ’ পাঠ ধরিয়া কেহ কেহ দক্ষুজমাধব ও এই দক্ষুজ মহারাজকে অভিন্ন বলিয়াছেন, কিন্তু তাহা সম্ভবপর নহে। কৃত্তিবাসের আত্ম-পরিচয়ে দক্ষুজ মহারাজা লোচনা করিলেই তাহা জানা যায়।



মহারাজা দক্ষুজমাধব ৪র্থ হইতে ৬ষ্ঠ সমীকরণ করিয়া-ছিলেন। দেখা বাইতেছে নারসিংহ ওঝার পিতামহ উধো-মুখ মহারাজ দক্ষুজমাধব কর্তৃক সমীকৃত হইয়াছিল।

তাহার পিতা শিয়োমুখ দক্ষুজমাধবের পর সমীকৃত হইয়া-ছিল, সুতরাং বুঝিতে হইবে তখন দক্ষুজমাধব বর্তমান ছিলেন না। এক্ষণে অবস্থায় শিয়োর পুত্র নরসিংহ কখনই এই দক্ষুজমাধবের মহাপাত্র হইতে পারে না। এই দক্ষুজ-মাধবের অব্যবহিত পরবর্তী কোন দক্ষুজ বা দক্ষুজ মহারাজার মহাপাত্র হওয়া সম্ভব। ‘দক্ষুজ’ দ্বারা মনে হয় এই মহারাজ ‘দক্ষুজের অপত্য’ অর্থাৎ দক্ষুজমাধবের পুত্র ছিলেন।

৮। বাবরগঞ্জের ইতিহাস-লেখক বেভারিজ সাহেব লিখিয়াছেন,—চন্দ্রদ্বীপ রাজ্যের প্রতিষ্ঠাতার নাম রামনাথ দক্ষুজমর্দন। আমাদের মনে হয় এই রামনাথ দক্ষুজমর্দন তাম্রশাসনোক্ত দশরথ দক্ষুজমাধবের পুত্র। পিতার নাম দশরথ, কিন্তু বিরুদ্ধ দক্ষুজমাধব, তদ্রূপ পুত্রের নাম রামনাথ, বিরুদ্ধ দক্ষুজমর্দন। কৃত্তিবাসের পূর্বপুরুষ নরসিংহ ওঝা ইহারই মহাপাত্র ছিলেন। আমরা পূর্বেই দেখাইয়াছি ১২৬০ খৃষ্টাব্দ পর্য্যন্ত লক্ষ্মণ সেনের বংশধরগণ রাজত্ব করেন এবং ১৩২৩ খৃষ্টাব্দের পূর্ব পর্য্যন্ত মুসলমানগণের সপ্তগ্রাম ও সোনারগাঁও অধিকার করার কোনও প্রমাণ পাওয়া যায় না। সম্ভবতঃ ১৩২৩ খৃষ্টাব্দের কিছু পূর্বে কিংবা সমকালে দক্ষুজমাধবের পুত্র দক্ষুজমর্দন মুসলমানগণ কর্তৃক বিক্রমপুর হইতে তাড়িত হইয়া চন্দ্রদ্বীপ আশ্রয় করিয়াছিলেন। এই বিপ্লবের সময় তাঁহার মহাপাত্র নরসিংহ গঙ্গাতীরে গিয়া কুলিয়া গ্রাম স্থাপন করেন।

এই দক্ষুজমর্দন বঙ্গ কায়স্থদিগের প্রথম কুলীনদিগের বিজ বাচস্পতির কারিকার দক্ষুজ পৌত্রগণের তিনবারে সমীকরণ করেন। যথা :—

“চণ্ডেশ্বরশ্চ ভাণ্ডুশ্চ ভীমশ্চ গুহকান্তয়ঃ ।
বসুশ্চাক্রিশ্চ বোবশ্চ বসুকো ভাক্রিকন্তধা ।
তপনস্তিলমিত্রশ্চ পট্টকতে সমতাং গতাঃ ॥
নারায়ণশ্চ মধুকঃ পুপির্ভাস্কর এব চ ।
দায়ুশ্চ ষোয়কৃশ্চব পট্টকতে সমতাং গতাঃ ॥
ইতি দক্ষুজসভায়াং ষট্কে ভারতী কৃতম্ ॥”

(বিজ বাচস্পতির সমীকরণ কারিকা রাজত্ব কাণ্ড, ৩৫৫ পৃষ্ঠার পাদটীকা)

চন্দ্রদ্বীপের কারুঘর ঘটকদিগের যে বংশাবলী দেখিয়াছি তাহাতে দেখা যায় ঘটকচন্দ্রই প্রথম ঘটক। তাহার পুত্র-দিগের নাম ঘটকভারতী, শিরোমণি ঘটক ও ঘটকরাজ। উপরোক্ত লোকের যে ঘটক ভারতীর নাম পাওয়া যাইতেছে তাহা সম্ভবতঃ প্রথম ঘটক, ঘটকচন্দ্রের পুত্র ঘটকভারতী। এই সব কারণে এই 'দক্ষুজসভা' পিতা দক্ষুজমাধবের সভা না হইয়া পুত্র দক্ষুজমর্দনের সভা হওয়াই বেশী সম্ভবপর।

৯। আর এক দক্ষুজমর্দনের উল্লেখ পাই ঐ নামাঙ্কিত মুদ্রা হইতে। পাণ্ডুগ্রাম, চাটিগ্রাম ইত্যাদি বাঙ্গালার

বিভিন্ন টাঁকশালে মুদ্রিত ১৩৩৯
খ্রীঃ দক্ষুজমর্দন
শক বা ১৪১৭ খ্রীঃাব্দের বছ মুদ্রা

পাওয়া গিয়াছে। এই দক্ষুজমর্দনকে অনেকেই চন্দ্রদ্বীপের দক্ষুজমর্দন মনে করিয়াছিলেন। এই ব্যক্তি চন্দ্রদ্বীপের হইলে আমরা চন্দ্রদ্বীপে মুদ্রিত মুদ্রাও দেখিতে পাইতাম, কিন্তু আজ পর্যন্ত সেসকল মুদ্রা একটীও আবিষ্কৃত হয় নাই। বাহা কেহ কেহ 'চন্দ্রদ্বীপ' বলিয়া পাঠ করিয়াছেন, তাহার প্রকৃত পাঠ 'চাটিগ্রাম' আর চন্দ্রদ্বীপের দক্ষুজমর্দন আমরা পূর্বেই দেখাইয়াছি প্রায় একশত বৎসর পূর্বেই লোক।

চন্দ্রদ্বীপের রাজা পরমানন্দ রায় ১৫৫৯ খ্রীঃাব্দের ৩০এ এপ্রিল পটুগীজদিগের সঙ্গে সন্ধিস্থলে আবদ্ধ হন। (Judice Biker's collecao de Tratados e Concretos de pazes, Vol. I, p. 144. and Calcutta Review, May to October, 1925, p. 172.)। পূর্বেই পুরবন্দু হইতে পরমানন্দ রায় অষ্টম পুরুষ।

পুরবন্দু

ভারতী

ধাক

কন্দর্প

মার্কণ্ডেয়

উষাপতি

বলভদ্র

রাজা পরমানন্দ রায়

তিন পুরুষে একশত বৎসর হিসাবে, আট পুরুষে ২৬৬ বৎসরের তফাৎ হইবে। তাহা হইলে পুরবন্দু (১৫৫৯—২৬৬) = ১২৯৩ খ্রীঃাব্দে বর্তমান ছিলেন। পুরবন্দুর জামাতা দক্ষুজমাধব বা দক্ষুজ রায় ১২৮০ খ্রীঃাব্দে বলবনকে সাহায্য করিয়াছিলেন তাহা আমরা পূর্বেই উল্লেখ করিয়াছি। দক্ষুজমাধবের পুত্র দক্ষুজমর্দন এই হিসাবে (১২৯৩ + ৩৩) = ১৩২৬ খ্রীঃাব্দে বর্তমান ছিলেন। আমরা দেখাইয়াছি ১৩২৩ খ্রীঃাব্দের কাছাকাছি সময়ে দক্ষুজমর্দন চন্দ্রদ্বীপ রাজ্য প্রতিষ্ঠা করিয়া থাকিবেন। এই দক্ষুজমর্দন ও মুদ্রার দক্ষুজমর্দন কখনই এক ব্যক্তি হইতে পারে না।

তবে এই দক্ষুজমর্দন কে? শ্রীযুক্ত নলিনীকান্ত ভট্টশালী বলেন, রাজা গণেশ ও এই দক্ষুজমর্দন একই ব্যক্তি। এই মত অনেকে গ্রহণ করিতে প্রস্তুত ন'হন। নলিনীবাবু পাঠান সুলতানদিগের মুদ্রার তারিখ পাঠের ভুল প্রদর্শন করিয়া এই মত স্থাপন করিতে চেষ্টা করিয়াছেন। আপত্তি-কারীরা নাকি নলিনীবাবুর পাঠ ঠিক বলিয়া মানিতে প্রস্তুত নহেন। কৃষ্ণদাসের 'বাল্য-লীলাসূত্র' নামক গ্রন্থে লিখিত আছে—

“শ্রীমান্ বৃসিংহস্ত মহাঅনো টৈ বশঃপ্রস্থনে

স্মৃতিতে মনোজ্ঞে।

তৎসৌরভব্যুহবিমোহিতায়া রাজা গণেশো

বহুশাস্ত্রদর্শী ॥৪৮॥

সদংশনৈলে দ্বিজরাজকল্পে বেদঙ্গসিপ্রাশ্রয়ো যঃ।

হৃষ্টস্য শাস্তা কিল সাধুপালো দাতাশুণজ্ঞো

হরিভক্তচূড় ॥৪৯॥

হৃষ্টৈশ্চামানীয় চ রাজধাতাং দিনাজপুরাখ্যে

বহুশাস্ত্রবুদ্ধে।

তস্মিন বৃসিংহে বহুনীত্যভিজ্ঞ সংক্রম্য

মন্ত্রিসম্বাপ ভদ্রং ॥৫০॥

তদ্যজ্ঞিতাভূব্যবলেন রাজা শ্রীমদ্বগণেশো

বরদস্যস্বপান্।

গৌড়সাপালান্ ববনাস্বজান্ হি জিহ্বা চ

গৌড়েশ্বরতাম্বাপ ॥৫১॥

গ্রহপক্ষাঙ্কিশশধৃতিমিতে শাকে সুবুদ্ধিমান ।

গণেশো যবমং জিহ্বা গৌড়েকচ্ছত্রধৃগভূৎ ॥৫২॥”

(শ্রীঅচ্যুতচরণ চৌধুরী তত্ত্বনিধি সম্পাদিত—

ঐবাল্যলীলাসূত্র, ১১ পৃষ্ঠা ।)

উক্ততাংশ হইতে জানা যাইতেছে যে, রাজা গণেশ হরিভক্ত ছিলেন এবং ১৩২৯ শক বা ১৪০৭ খৃষ্টাব্দে গৌড়ের একচ্ছত্র রাজ্য লাভ করেন। আপত্তিকারিগণ আরও আপত্তি করেন যে, দশুজমর্দনের মুদ্রার তারিখ ১৪১৭ খৃষ্টাব্দ অর্থাৎ গণেশের দশ বৎসর পরে এবং দশুজমর্দন হরিভক্ত ছিলেন না, তিনি চণ্ডীভক্ত ছিলেন। মুদ্রায় ‘শ্রীচণ্ডীচরণপরাক্রম’ লিখিলেই যে তিনি বৈষ্ণব হইতে পারেন না, এই আপত্তি সমীচীন বলিয়া মনে হয় না। লক্ষ্মণ সেন বৈষ্ণব ছিলেন, কিন্তু তিনি ‘সদাশিব মুদ্রাই’ ব্যবহার করিয়াছেন। রাজা গণেশ নিজে বৈষ্ণব হইলেও তাঁহার কুলদেবতা সম্ভবতঃ চণ্ডী ছিলেন; তাই তাঁহার মুদ্রায় কুলদেবতার নামই উল্লিখিত হইয়াছে। তারিখ সম্বন্ধে আমাদের মনে হয় পাঠোদ্ধার ঠিক মত হয় নাই কারণ দেখা যাইতেছে, ৫২ শ্লোকের প্রথম চরণে ১৬ মাত্রার স্থলে সত্তর মাত্রা হইয়াছে। শ্রীযুক্ত প্রভাসচন্দ্র সেন তাঁহার বগুড়ার ইতিহাসের ৩য় খণ্ডের ৮৪ পৃষ্ঠার পাদ-টীকায় এই শ্লোকগুলি উদ্ধার করিয়াছেন। তাহার সঙ্গেও উপরি উক্ত অংশের পাঠের অনেক পার্থক্য দেখা যায়। প্রকৃত পাঠ ‘গ্রহপক্ষাঙ্কিশশভূৎ মিতশাকে সুবুদ্ধিমান্ ।’ ধরিলে উভয় পাঠে তফাৎ অতি সামান্য হয় এবং মুদ্রার তারিখের সঙ্গেও মিলিয়া যায়। যাহা হউক, হস্তলিখিত পুঁথি না দেখিয়া কেবল অসুমানের উপর নির্ভর করিয়া জোর করিয়া কিছু বলা চলে না।

যদি রাজা গণেশ ও এই দশুজমর্দন এক ব্যক্তি না হন এবং মুদ্রিত বাল্যলীলা সূত্রের লিখিত তারিখ ঠিক হয়, তবে বলিতে হইবে, রাজা গণেশের দশ বৎসর পরে দশুজমর্দন ও মহেন্দ্র নামে দুইজন হিন্দু রাজা বাদশাহী রাজত্ব করিয়াছিলেন। তাঁহারা রাজত্ব যে করিয়াছিলেন সে-সম্বন্ধে সন্দেহ করিবার কোনও অবসর নাই, কিন্তু ইতিহাস কিংবা প্রবাদ ইহাদের সম্বন্ধে নির্দাক কেন? আর রাজা গণেশ ও তৎপুত্র যে রাজত্ব করিয়াছিলেন, তাহার প্রাক্য ইতিহাস দিতেছে; কিন্তু আজ পর্যন্ত ঐ

দুই হিন্দু নামের একটাও মুদ্রা পাওয়া গেল না, ইহা খুবই আশ্চর্যের বিষয়। বিরুদ্ধে অস্ত্র প্রমাণ না পাওয়া পর্যন্ত রাজা গণেশ ও দশুজমর্দনকে এক ব্যক্তি বলিয়াই মনে হয়। এই দশুজমর্দন চন্দ্রদ্বীপের দশুজমর্দন যে হইতে পারে না তাহা পূর্বেই দেখাইয়াছি। দশুজমর্দন যদিই বা হইল, কিন্তু মহেন্দ্র দেবের ব্যবস্থা কি হইবে? চন্দ্রদ্বীপে মহেন্দ্রদেব বলিয়া কোন রাজার উল্লেখ পাওয়া যায় না।

১০। জীব গোস্বামীর লঘুতোষিণীতে আর এক ‘দশুজমর্দনকিত্তিপ’ সনাতন ও রূপ গোস্বামী প্রপিতামহ পদ্মনাভকে নবহট্টে প্রতিষ্ঠিত লঘুতোষিণীতে দশুজমর্দন করেন। দেখা যাউক, এই দশুজ মর্দন কোন্ সময়ে বর্তমান ছিলেন।

“বিহায় গুণিশেখরঃ শিখরভূমিবাসস্পৃহাং

সুহৃৎ সুরতরঙ্গিণীতটনিবাসপর্যায়সুকঃ

ততো দশুজমর্দনঃ কিত্তিপঃ পূজ্যপাদক্রম

দ্ববাস নবহট্টকে সকলি পদ্মনাভঃ কৃতী ॥

মূর্ত্তিঃ শ্রীপুরুষোত্তমস্য যজ্ঞস্তত্রৈব সত্রোৎসবৈঃ

কন্তাষ্টাদশকেন সার্কিমত্তয়েতস্য পঞ্চাশত্যাঃ

তজ্ঞাতঃ পুরুষোত্তমঃ খলু জগন্নাথ চ নারায়ণো

ধীরঃ শ্রীলমুরারীকৃতমগুণঃ শ্রীমুকুন্দকৃতী ॥

জাতস্তত্র মুকুন্দতো দ্বিত্ববর শ্রীমান্ কুমারাভিধঃ

কিঞ্চিদ্রোহমবাপ্য সৎকুলজনিবদালয়সদতঃ ।

তৎপুত্রেষু মহিষ্ঠ বৈষ্ণবগণ প্রেমান্নয়ো জজিরে

যে স্বং গোত্রমুত্র চেহ পুন্শ্চক্রস্তরামার্চিতং ॥

আদিঃ শ্রীসনাতনস্তমুজঃ শ্রীরূপনাথ ততঃ

শ্রীমদ্বল্লভ নামধেয়বলিতো নির্বিক্ত যে রাজ্যতঃ ॥”

(লঘুতোষিণী)

পদ্মনাভ হইতে সনাতন পর্যন্ত চারি পুরুষ। সনাতনের জন্ম ১৪৮০-৮২ খৃষ্টাব্দ। এই হিসাবে পদ্মনাভ প্রায় ১৩৫০ খৃষ্টাব্দে বর্তমানে ছিলেন। সুতরাং ১৪১৭ খৃষ্টাব্দের দশুজমর্দন-কর্তৃক তাহার নবহট্টে প্রতিষ্ঠিত হওয়া অসম্ভব নহে।

১১। কুন্তিবাসের আত্মপরিচয়ে এক গৌড়েশ্বরের উল্লেখ পাওয়া যায়। ইহার মাজার কুন্তিবাস সপ্তকাণ্ড রামায়ণ গান রচনা করেন। মহামহোপাধ্যায় শ্রীযুক্ত

হরপ্রসাদ শাস্ত্রী বলেন, গণেশ বংশের রাজত্ব-কালে ই “কুন্তিবাস বড়গঙ্গা পার হইয়া গৌড়ে আসিয়া সুলতানের কাছে আদর ও অভ্যর্থনা প্রাপ্ত হন।” (সাহিত্য-পরিষৎ-পত্রিকা, ১ম সংখ্যা, বঙ্গাব্দ ১৩৩৬, ১৬ পৃষ্ঠা।) তিনি আরও বলেন, “রাজা গণেশ, যিনি বাদশার সুলতান হইয়াছিলেন, তিনি উত্তররাঢ়ীয় কায়স্থ।” (ঐ ২০ পৃষ্ঠা।) প্রাচ্যবিজ্ঞানসংগ্রহ ও রাজা গণেশকে উত্তর রাঢ়ীয় কায়স্থ বলিয়াছেন। (উত্তররাঢ়ীয় কায়স্থকাণ্ড, ৮০-৯৪ পৃষ্ঠা।) কুন্তিবাস এই গৌড়েব্বরের মভাস্ত্র পাত্রমিত্রগণের যে পরিচয় দিয়াছেন তাহাতে আমরা রাজপণ্ডিত মুকুন্দ ও নারায়ণের নাম পাই—

“রাজ ডাইনে আছে পাত্র জগদানন্দ ।
তাহার পাছে বসিয়াছে ব্রাহ্মণ সুন্দ ॥ ৭ ॥
বামেতে কেদার ঠা ডাইনে নারায়ণ ।
পাত্রমিত্রসহরাজা পরিহাসে মন ॥ ৪৮ ॥
গঙ্কর রায় বসে আছে গঙ্কর অবতার ।
রাজসভা পূজিত তঁহ গৌরব অপার ॥ ৪৯ ॥
তিন পাত্র দাঁড়াইয়া আছে রাজ পাশে ।
পাত্রমিত্র লয়ে রাজা করে পরিহাস ॥ ৫০ ॥
ডাইনে কেদার রায় বামেতে তরণী ।
সুন্দর শ্রীবৎস আদি ধর্মাধিকারিণী ॥ ৫১ ॥
মুকুন্দ রাজার পণ্ডিত প্রধান সুন্দর ।
জগদানন্দ রায় মহাপাত্রের কোণর ॥ ৫২ ॥”

লঘুতোষিণী হইতে যে অংশ উদ্ধার করিয়াছি তাহাতে পাই দম্বুজমর্দন পদ্মনাভকে নবহট্টে প্রতিষ্ঠিত করেন। পদ্মনাভের পঞ্চ পুত্র—পুরুবোত্তম, জগন্নাথ, নারায়ণ, মুরারি, মুকুন্দ। এই মুকুন্দই সম্ভবতঃ রাজপণ্ডিত মুকুন্দ এবং তাহার ভ্রাতা নারায়ণ একজন সভাসদ। এই রাজাকে হিন্দুরাজা বলিয়াই মনে হয়। ইনি দম্বুজমর্দন কিংবা তৎপুত্র মহেন্দ্রদেব হইতে পারেন। শাস্ত্রী মহাশয়ের মত গ্রহণ করিলে রাজা গণেশ ও তৎপুত্র যহু দম্বুজমর্দন ও মহেন্দ্রদেবের সঙ্গে বধাক্রমে অভিন্ন ব্যক্তি হইয়া দাঁড়ায়।

ঐক্যমিশ্রের মহাবংশে দেখা যায়, ৫০ম সমীকরণে তাঁহার পিতা বিকু সমীকৃত হইয়াছিলেন। তখন ঐক্যমিশ্র গ্রহণ করিয়াছেন, কারণ বিকুর পুত্রগণের মধ্যে তাঁহার নাম উল্লিখিত হইয়াছে। ৫৩ম সমীকরণে কুন্তিবাসের পিতা

বনমালী সমীকৃত হইয়াছিলেন। পুত্রগণের নামের মধ্যে কুন্তিবাসের নামোন্মেষ রহিয়াছে:—“কুন্তিবাসঃ কবির্ধীমান্ সাম্যঃ শান্তিজনপ্রিয়ঃ ॥” কুন্তিবাস তাঁহার আত্মপরিচয়ে ছয় সহোদর বলিয়াছেন। কিন্তু ঐক্যমিশ্র শ্রীকর্ক নামে আর এক ভ্রাতার উল্লেখ করিয়াছেন। সম্ভবতঃ কুন্তিবাস যখন রামায়ণ লিখিয়াছিলেন, তখন শ্রীকর্কের জন্ম হয় নাই। ঐক্যমিশ্র ১৪৮৫খৃষ্টাব্দে মহাবংশ লিখিয়াছেন; সুতরাং রামায়ণ ইহার পূর্বেই লিখিত হইয়া থাকিবে। ৫৭ম সমীকরণে দত্তধাম বা দত্তধানের সভায় উল্লেখ পাওয়া যায়। এই সমীকরণে সমীকৃত কুলীনদিগের মধ্যে পাটুলীর কাহাই চট্ট অন্ততম। ৭০ম সমীকরণে ঐক্যমিশ্র ও তাঁহার ভ্রাতাদের ক্রিয়াদি বর্ণিত হইয়াছে। ইহাতে দেখা যায়, ঐক্যমিশ্রের ভ্রাতা বৈকুণ্ঠ দত্তধানের সমসাময়িক কাহাই চট্টের সঙ্গে সঙ্ক-যুক্ত ছিলেন। ৭৪ সমীকরণে কুন্তিবাসের ভ্রাতা ও ভ্রাতুষ্পুত্রগণের উল্লেখ থাকিলেও কুন্তিবাসের কোন উল্লেখ নাই। ইহাতে মনে হয়, ঐক্যমিশ্র ও কুন্তিবাস দত্তধানের সমসাময়িক হইলেও তখন অল্পবয়স্ক এবং কুন্তিবাস অল্পবয়সেই রামায়ণ লিখিয়াছিলেন এক বেনী দিন জীবিত ছিলেন না। তাঁহার বিবাহেরও কোন উল্লেখ পাওয়া গেল না।

নগেন্দ্রবাবু বলেন, দত্তধান ও গণেশদত্ত ঠানু বা রাজা গণেশ অভিন্ন, কিন্তু ঐক্যমিশ্র ১৪৮৫খৃষ্টাব্দে মহাবংশ লিখিলেও রাজা গণেশের কোন উল্লেখ করিলেন না কেন? তবে কি যখন কুলীনগণ তাঁহার সভায় উপস্থিত হন, তখন তিনি রাজা হন নাই, শুধু দত্তধান ছিলেন? তিনি রাজা ছিলেন তাহা ঐক্যমিশ্রের মহাবংশের ‘ঐক্যমিশ্র-মত-বাধ্য’ নামক টীকায় স্পষ্ট উক্ত হইয়াছে। ৫৭ সমীকরণে টীকায় “শ্রীদত্তধান নৃপসভাসভায়ঃ” লিখিত আছে। এই টীকা ১৬৭১শকে জৈষ্ঠমাসে গোপাল শর্মা প্রণয়ন করিয়াছেন। রিয়াজ বলেন, কুতুব আলম রাজা গণেশকে ‘হাকিম’ বলিতেন। আমরা ৫৭ সমীকরণে দেখিতেছি, দত্তধান রাঢ়ী কুলীন ব্রাহ্মণগণের সামাজিক বিবাদের বিচার করিতেছেন। সুতরাং নগেন্দ্রবাবুর অনুমান সত্য হওয়া অসম্ভব নহে। যদি তাহা হয় তবে কুন্তিবাস ও সম্ভবতঃ রাজা গণেশ কর্তৃকই সম্মানিত হইয়াছিলেন।

উপসংহারে আমরা বলিতে পারি—এক হইতে ছয় দফার ‘দম্বুজ’ এক ব্যক্তি এবং তাহার নাম দম্বুজমাধব। ৭ ও ৮ দফার দম্বুজমর্দন চন্দ্রবীণের রাজা এবং দম্বুজমাধবের পুত্র। ২—১১ দফার দম্বুজমর্দন ও রাজা গণেশ এক ব্যক্তি।

ভুল
(গল্প)
[শ্রীমদভগবত গুণ]

বিজয়া যে-দিন নিজে গিয়া যতীশের নিকট হইতে তাহার কিস্কন্ধের নোটের খাতা চাহিয়া আনিয়া, সে-দিন ছাত্র এবং ছাত্রীদের মধ্যে বেশ একটা চাঞ্চল্য দেখা গিয়াছিল। ছাত্ররা ভাবিল “আচ্ছা যতীশ ত এত ভাল ছেলে নয় তবে ওর কাছ থেকে নোট নেবার কারণ কি?” ছাত্রীরা আশ্চর্য্য হইল এই ভাবিয়া যে, বিজয়া তো তাহাদের সঙ্গেই ভাল করিয়া কথাবার্তী কয় না। সে যেন কেমন একটা অস্বাভাবিক রকমের গম্ভীর প্রকৃতির মেয়ে। সব সময়েই তার নিজের আত্মমর্যাদা অক্ষুণ্ণ রেখে চলে। আজ হঠাৎ এই উদাস-প্রকৃতির মেয়টী আপনি যাচিয়া যতীশের নিকট খাতা চাওয়ার অর্থ করিয়া বসিল এটা তার সঙ্গে আলাপ করিবার একটা উপায় মাত্র। ছেলেরা যখন যতীশকে এই বিষয় লইয়া বেশী রকম পীড়াপিড়ি আরম্ভ করিল ও বিজয়পাণ বর্ষণ করিতে লাগিল তখন তাহাকে অগত্যা বাধ্য হইয়া মিথ্যার আশ্রয় লইয়া বলিতে হইল যে, সে পূর্ব হইতে বিজয়াকে চিনিত। কিন্তু প্রকৃতই সে নিজেও এ ঘটনার বড় কম আশ্চর্য্য হয় নাই। সহ-পাঠীদের নিকট হইতে আত্মরক্ষা করিবার জন্ত ও শাস্ত প্রকৃতি বিজয়ার প্রতি অস্বাভাবিক কুৎসা বাহাতে না রটে আর ছেলে মেয়েদের মুখ-চোখের ভাবে তাহাকে লক্ষ্য না কলে এই জন্তই সে ঐরূপ বলিল। কিন্তু তাহার মনে হইল নিঃসঙ্গ জীবনে বিজয়া বোধ হয় আলাপ করিবার জন্ত ব্যগ্র হইয়াছে। তাহাদের দুই জনেরই পাঠ্য বিষয় এক রকম ছিল তাই সব সময়েই কলেজে তাহাদের এক সঙ্গে থাকিতে হইত এবং কাছাকাছি আসিয়া পড়িলে কথা কহিতে হইত। ইহাতে বিজয়ার কোন সন্দোহ ছিল না কিন্তু যতীশ বড় বেশী বিব্রত হইয়া পড়িত, কারণ অনুসন্ধিৎসু সহপাঠীদের চক্ষু এড়াইয়া তো তাহারা কথাবার্তী কহিত না—তাহার সর্বদাই ভয় হইত ক্লাশের বাহিরে আসিলেই সতীর্থদের প্রমত্ততা তাহাকে অভিজ্ঞ করিয়া তুলিবে।

একদিন বিজয়া যতীশকে বলিল, “দেখুন আপনার খাতাটা আজ ফেরৎ দেবার কথা ছিল কিন্তু একেবারে ভুলে গেছি, বিকেলে যদি একবার আমাদের বাড়ী গিয়ে নিয়ে আসেন তো বড় ভাল হয়।” যতীশ যাইতে স্বীকৃত হইল কিন্তু তাহার এক বন্ধু এই কথাটা শুনিয়াছিল। সে ছেলেরদের মধ্যে আসিয়া বলিল, “ওহে, আজ যে যতীশের নিমন্ত্রণ।” সকলেই বুঝিয়াছিল ‘নিমন্ত্রণ’টা কোথায়?

আজ এই নূতন সংবাদে সতীর্থদের চিন্তা এবং জিহ্বাও অনেকটা সংযমের গম্ভী ছাড়াইয়া চলিল। তাহাদের আলোচনা যখন বেশ জমিয়া উঠিল, তখন হঠাৎ যতীশ সেইখানে আসিয়া উপস্থিত হইল। সে স্বভাবতঃই বেশ শাস্ত এবং সংযত কিন্তু আজ হঠাৎ বন্ধুদের মধ্যে তাহারই সম্বন্ধে অস্বাভাবিক আলোচনা শুনিয়া সে বেশ একটু অপ্রসন্নভাবেই বলিয়া ফেলিল, “তোমরা যে নিজেদের কি করে শিক্ষিত এবং ভদ্র-সমাজের লোক বলে পরিচয় দাও তা তো বুঝতে পারি না। যে শিক্ষায় নিজেকে অসংযত করতে শেখায় সে শিক্ষা পাওয়ার চেয়ে না পাওয়া শত গুণে ভাল।” তাহার মত শাস্ত ছেলের মুখে কড়া সুরে এতগুলো কথা শুনে অনেকেই চুপ করিয়া গেল; কিন্তু দু’একজন তাহাকে বেশ একটু শাসাইয়া দিল এই বলিয়া যে সে তাহাদের অপমান করিয়াছে এবং তাহারা ইহার শোধ তুলিবে। সেও একটু হাসিয়া চলিয়া গেল।

যতীশ যখন বিজয়ার বাড়ী গিয়া উপস্থিত হইল, তখন প্রায় সন্ধ্যা হইয়াছে। বিজয়া তাহার জন্ত প্রস্তুত হইয়াই ছিল। বাড়ীটা খুব ছোট তার উপর নিচেকার ঘরে অপর একজনরা থাকে সুতরাং যতীশকে উপরে যাইতে হইল। ঘরপানি বেশ পরিচ্ছন্ন কিন্তু দেখিলেই বুঝা যায় যে ঘরের বাহারা অধিবাসী তাহারা বেশ অর্থশালী নয়। কিছুক্ষণ কথা কহিবার পর যতীশ জিজ্ঞাসা করিল, “আচ্ছা আপনারা কে কে এখানে থাকেন?”

“শুধু আমি আর দিদি।”

“আপনার বাবা কিংবা দাদার কেউ থাকেন না?”

“এক মাত্র দাদা ছিলেন তিনি মারা যাবার পর থেকে
হুই বোনেই একসঙ্গে থাকি, বাবা থাকেন রেজুগে।”

“কি রকম? আপনারা থাকেন এখানে, আর আপ-
নাদের বাবা থাকেন রেজুগে?”

বিজয়া চুপ করিয়া রহিল দেখিয়া যতীশ আর ও বিষয়ে
কোন প্রশ্ন করিল না। ঠিক সেই সময়ে, “বিজয়া একটু
চা করে দিবি ভাই” বলিয়া বিজয়ার দিদি ঘরে ঢুকিলেন।
তিনি জানিতেন বিজয়া একাই আছে, তাই অত সহজ-
ভাবে ঘরে ঢুকিয়াছিলেন। ঘরের মধ্যে প্রবেশ
করিয়া তিনি হঠাৎ বলিয়াফেলিলেন, “এ কে? নীরেণ?
তুমি কি করে—?”

বাধা দিখা বিজয়া বলিল, “না, দিদি, উনি যতীশবাবু
আমাদের সঙ্গে পড়েন।” যতীশবাবুর দিকে চাহিয়া
বলিল,—“উনি আমার দিদি, আপনি যদি একটু কষ্ট
করে বলেন তো বড় ভাল হয়; আমি এই পাঁচ মিনিটের
মধ্যে ফিরে আসছি।”

কাহাকে কোন কথা বলিবার অবসর না দিয়াই সে
বাহির হইয়া গেল। অতি কষ্টে এই কথাগুলি বলিয়া সে
প্রায় এক রকম ছুটিতে ছুটিতেই ঘর হইতে চলিয়া গেল।
তাহার এ ভাব যতীশ লক্ষ্য করে নাই কিন্তু তাহার দিদি
ঠিক দেখিয়াছিলেন। চুপ করিয়া বলিয়া থাকা নেহাৎ
অভঙ্গতা তাই তাঁহাকে কথা কহিতে হইল; বলিলেন,
“আপনাকে আমি এর আগে কখন তো দেখি নে, কিন্তু
আর একজনকে দেখেছি ঠিক আপনারই মত, তাই হঠাৎ
আপনাকে নীরেণ বলি মনে হয়েছিল। আপনি আসবেন
তা আমি জানতাম না; কলেজ যাবার পর থেকে আজ
আর বিজয়ার সঙ্গে আমার দেখা হয় নি কি না তাই জানতে
পারি নি।”

উত্তরে যতীশ বলিল, “আচ্ছা আপনারা তো শুধু
হুইনে এখানে থাকেন; তাতে আপনাদের অনুবিধা
হয় না?”

“প্রায় হয় না, তবে আমার অসুখ করলে বিজয়াকে
বড় কষ্ট পেতে হয়। ও শুধু নিজের পড়া ছাড়া কোন
কাজে মন দিতে পারে না।”

“উনি খুব পড়েন না?”

“পড়ায় ও আগ্রহ খুব বেশী নেই, অত কোন কাজ
নেই তাই পড়তে হয়।”

বিজয়া যখন চা লইয়া কিরিয়া আসিল তখন তাহাদের
মধ্যে বেশ স্বাভাবিকভাবে কথাবার্তা চলিল। অনেকক্ষণ
কথাবার্তার পর খাতাখানি ফেরৎ দিয়া বিজয়া বলিল,
“আপনাকে বসতে সাহস হয় না, কিন্তু যদি
মাঝে মাঝে আসেন তো বেশ হয়।” আমার এই
দিদি ছাড়া কথা কইবার একজনও নাই—আর
—কলেজের বেয়েদের ভেতর যে রকম কথাবার্তা
হয় তা আমি আদৌ পছন্দ করি না, কাজেই তাদের সঙ্গেও
প্রাণ ধুলে কথা কইতে পারি নি। যতীশ স্বীকৃত হইয়া
চলিয়া গেল।

কিছুদিন যাতায়াত করিয়া যতীশ বুঝিল যে, বিজয়া এবং
তাহার দিদি পৃথিবীতে তাহাদের নিঃসঙ্গ জীবন বড়ই
হুঃখে কাটান। তাহাদের আপনার বলিবার কেহ
নাই। পিতা রেজুগের একজন বিখ্যাত ধনী
কিন্তু তিনি তাহাদের কোন খোজ খবর রাখেন না।
একটা ভাই সামান্য চাকরী করিয়া তাহাদের ধরচ
চালাইত কিন্তু বেচারার যখন অবৈলায় জীবনের
হাটে বেচা-কেনা শেষ করিয়া চলিয়া গেল তখন
বাধ্য হইয়া বিজয়ার দিদিকে অন্ন সংস্থানের চেষ্টায়
বাহির হইতে হইল। তিনি কি-এ পাশ করিয়াছিলেন
সুতরাং তাঁহাকে বেশী কষ্ট পাইতে হইল না। সুলে চাকরী
করিয়া এবং বিকালে একটা ছাত্রীকে পড়াইয়া তিনি আপ-
নাদের ধরচ চালাইতেন। বিজয়া অনেকবার লেখা পড়া
ছাড়িতে চাহিয়াছে কিন্তু তিনি তাহা করিতে দেন নাই।
তাহাদের এই সহজ এবং সরল জীবন-যাত্রা পছন্দি দেখিয়া
যতীশ মুগ্ধ হইয়াছিল। তাহাদের আন্তরিকতায় সে
অমায়ালে তাহাদের মধ্যে আত্মীয়তা মজার রাখিয়া চলিত
লাগল। তাহার অন্তর চাহিত কোন উপায়ে তাহাদের
কোন কাজে আপনাকে নিযুক্ত করিতে; কিন্তু সে সুযোগ
তাহার বড় একটা ছুটিত না। শেষে সে ঠিক করিল, তাহা-
দের মত সহজ এবং সরলভাবে জীবন কাটাইবে। তাহার
অর্ধের অভাব ছিল না সেইজন্য বিলাসিতাও তাহার ছিল

যথেষ্ট কিছু ইহাদের সাহচর্যে আসিয়া সে অন্যায়ে তাহা ত্যাগ করিতে পারিল। সে যে-দিন প্রথম খন্দর পরিয়া কলেজে আসিল সে-দিন ছেলের মধ্যে অনেকেই বিস্মিত হইল; কেহ কেহ ঠাট্টা করিতেও ছাড়িল না।

এখন যতীশ প্রায়ই বিজয়াদের বাড়ী যায়; প্রথম প্রথম যে অ-স্বাচ্ছন্দ্যটা ছিল সেটা অনেকটা কাটিয়া দিয়াছে। সে-দিন সন্ধ্যার সময় বিজয়া খুব হাসিয়া কথা কহিতেছে দেখিয়া রাতে তাহার দিদি বলিলেন, “যাক্ তুই আজ হেসেছিল দেখে আমার অনেকটা ভাবনা কেটে গেল। জীবনটাকে ঠিক এই ভাবে নেওয়াই উচিত। যা চলে গেছে তার অস্ত হুঃখ ক’রে কি হবে? জীবনের সমস্ত সুখ শান্তি দিবেও যদি তা কিরিয়ে আনা সম্ভব হ’ত তাহ’লে হুঃখ করা চলত! শুধু সারা জীবনটা ধ’রে চোখের জলের মালা গাঁধে লাভ কি?”

তিনি যখন বিজয়াকে এত কথা বলিতেছিলেন তখন সে সত্যই চোখের জলে মালা গাঁধিতেছিল।

“ও কি? তুই কাঁদছিল?”

অনেকক্ষণ পরে আপনাকে সংযত করিয়া লইয়া বিজয়া বলিল, “দিদি তুমিও যে আমায় ভুল বুঝবে এ আমি কোন দিন ভাবি নি। মানুষের মনটা কি, এত চঞ্চল যে সে এত সহজে, এত অল্পদিনে ভুলে যাবে? চোখের জলেই যাদের জীবনের সার্থকতা তা’রা যে চোখের জল কেলেতেই ঝেঁয়েছে, দিদি। তবে লোকের কাছে সেটা হাসি দিয়ে ঢেকে রাখতে হয়, তাই সে হাসি বড় করুণ, বড় মর্মান্তিক হ’য়ে উঠে। সে তো হাসি নয়, সেটা বুক-চেরা কাগা—হাসি দিয়ে ঢাকতে গিয়ে তাকে স্পষ্ট ক’রে তোলে। কিন্তু উপায় নেই; এটাই পৃথিবীর চিরন্তন নিয়ম। জীবনে যেটা সব-চেয়ে বড় হুঃখ সেটার উপরেও মানুষকে হাসতে হয়, এটাই তো মানুষের জীবনে সবচেয়ে বিড়ম্বনা। ভুল বুঝেছ, দিদি; ভুলি নি, কোন দিন ভুলব না।”

সেদিন সকাল থেকে খুব বৃষ্টি হয়েছে। অনেকে কলেজে আসে নাই। ঘণ্টা পড়ার পর যখন ছাত্রীরা অধ্যাপকের সঙ্গে ক্লাসে ঢুকিল তখন প্রতিদিনের মত যতীশ একবার চাহিয়া দেখিল। যাহাকে দেখিবার অঙ্ক সে ব্যগ্র হইয়া চাহিয়া দেখিল, সে আজ আসে নাই। যতীশ ভাবিল, না আসিবার কারণ কি? যে-বৃষ্টি।

নিশ্চয় এইজন্য আসে নাই। আজ অনেকদিন পরে সে ‘কারে’ কলেজে আসিয়াছে। তাহার মনে হইল, বিজয়াকে লইয়া আসিলে ভাল হইত। কিন্তু সে কি আসিতে রাজি হইত? বোধ হয় নয়। আর তাহারা একসঙ্গে কলেজ আসিলে অন্যান্য ছেলেরা কি বলিত? ঠিক সেই সময় অধ্যাপক ডাকিলেন, “Thirty?” (তিরিশ)।

একজন বলিল, “Yes, Sir.” (উপস্থিত)

“Who is thirty? Stand up please. Who responded? Have the moral courage to stand up.” (কে দাঁড়াও দেখি—কে তার নামে উপস্থিত বললে? সৎ-সাহস দেখিয়ে দাঁড়িয়ে পড়।)

যে ছেলেটা proxy দিয়াছিল সে দির্বিবাদে উঠিয়া দাঁড়াইয়া বলিল, “Jatish gave the proxy, Sir.” (যতীশ বলেছে, স্যার।)

অধ্যাপক বলিলেন, “Jatish! Did you respond in the name of Bijaya?” (যতীশ, তুমি কি বিজয়ার নামে সাড়া দিয়েছ?)

“No Sir, I did not. (না স্যার, আমি দিই নি।)

“Then why does your follow student accuse you?” (তা হ’লে তোমার সতীর্থ কেন তোমার নামে দোষারোপ করছে?)

“Ask him.” (তাকেই জিজ্ঞাসা করুন।)

অধ্যাপক যতীশের কথা বিশ্বাস করিলেন না। সকলের সমক্ষে তাহাকে বেশ তিরস্কার করিলেন। সেদিন বিকালে যতীশ বিজয়াকে সব কথা বলিল। শুনিয়া বিজয়ার মুখটা লজ্জায় লাল হইয়া উঠিল। কি অন্ডায়! তার অন্য আশ্রয় যতীশবাবুকে কত অপমানিত না হইতে হইয়াছে। ওঃ এরা শিক্ষিত! অত ছেলের সম্মুখে কি করিয়া এত বড় একটা মিথ্যা কথা বলিল?

পরদিন ক্লাসে ঘাইবার সময় তাহার বড় লজ্জা করিতেছিল! তাহার মনে হইল, যেন সমস্ত কলেজ শুধু লোক তাহারই দিকে চাহিয়া আছে। সেদিন অপর একজন অধ্যাপক আসিয়া হাসিতে হাসিতে বলিলেন, “দেখ, আমার মনে হয়, মেয়েরা যখন ছেলের সঙ্গে একসঙ্গে পড়ছেন তখন তাঁদের আলাপ রাখা বিশেষ দরকার;

আমরা আশা করি, হেলেরা মেয়েদের ভগিনীদের মত দেখবে আর তাঁরাও তাদের সঙ্গে ঠিক সেই রকম ভাই-এর মত ব্যবহার করবেন ; কিন্তু সব সময়ে তাঁদের মর্যাদা এবং আত্ম-সম্মান অক্ষুণ্ণ রাখা চাই।”

কথাটা যে কাহাকে লক্ষ্য করিয়া বলা হইল তাহা সকলেই বুঝিল। যতীশ জানিত, সে নির্দোষ ; তাই সে বিষম চটিল। বিজয়া এত বেশী লজ্জিত হইয়াছিল যে, তাহার ইচ্ছা হইতেছিল যে ছুটিয়া ক্লাস হইতে বাহির হইয়া যায়।

সেই দিন হইতে যতীশ প্রায় কাহারও সঙ্গে বড় একটা কথা কহিত না। একবার তাহারইচ্ছা হইয়াছিল কলেজ ছাড়িয়া দেয়, তারপর মনে হইল তাহাতে সে-ই পরাজিত হইয়া যাইবে। বিজয়া যখন কলেজ ছাড়িবার কথা দিগিকে বলিল, তিনি বলিলেন, “এই সামান্য কারণে কলেজ ছেড়ে দিলে লোকে কি বলবে ?” তাহার উপদেশ মত বেশ নিলিপ্তভাবে তাহার কলেজে সময় কাটাইতে ছিল।

একদিন College Magazineএর সম্পাদক আসিয়া যতীশকে ধরিলেন, একটা কবিতা দিবার অন্ত ; সে মাসিক পত্রে কবিতা লেখে কিন্তু এখানে দেয় না। অনেক অনুরোধ করিয়া তিনি তাহাকে রাজী করাইলেন। পাছে লেখাটা হাতছাড়া হইয়া যায় তাই তিনি বলিলেন, “আপনার ঠিকানাটা ব’লে দিন, আমি আজ গিয়ে নিয়ে আসব।”

ঠিক সেই সময় কে বলিল, “তার চেয়ে বিজয়ার ঠিকানাটা নিন, যদি ওর দেখা পান।”

যতীশ নিজেকে আর সংযত রাখিতে পারিল না। “Shut upe yo, scoundrel” (চোপরও—পাজী বদমাস) বলিয়া তাহার দিকে অগ্রসর হইল। অনেকে মিলিয়া তাহাকে ধরিয়া ফেলিল।

বিজয়া সব শুনিয়াছিল। যতীশ বিকালে যাইতেই সে বলিল, “দেখুন, যতীশবাবু, এরা বড় বাড়াবাড়ি করে তুলেছে। একটা কিছু বিহিত কর্তে হবে।” যতীশও আজ সারাদিন ধরিয়া ভাবিয়াছে। ভাবিয়া সে ঠিক করিয়াছে যে, একটীমাত্র উপায় আছে। আশা-নিরাশার বন্দ লইয়া সেই কথাটা বলিতেই সে আজ আসিয়াছে। তাই বিজয়া যখন আপনা হইতে সে কথা তুলিল, সে মহা উৎসাহে বলিয়া ফেলিল, “বিহিত ? সে তো তুমি ইচ্ছা করলেই হয়। তুমি যদি—”

বাধা দিয়া বিজয়া বলিল, “হিঃ ; যতীশবাবু আপনিও ঐ একই ভুল করেছেন। বাক ; আপনি যান,—আর এখানে আসবেন না। আমার বা বলবার আছে আপনাকে পরে জানাব।” বলিয়া বিজয়া বাহির হইয়া গেল।

যতীশ ক্ষুণ্ণমনে বাড়ী ফিরিল। চিন্তাক্লিষ্ট যতীশ পথে চলিতে চলিতে ভাবিতে লাগিল, তারই একান্ত অনুরোধে সে এখানে আসে। অপমানের বিহিত করবার কথা তোলাতেই তো আমি ইচ্ছিতে প্রস্তাবটা উপস্থাপিত করবার সাহস পেয়েছি। এ ভিন্ন আর কি বিহিত আমি করিতে পারি ? তার সম্মান বজায় রাখতে দিলে আমি নিজের সম্মান তুচ্ছজ্ঞান করেছি। মনের এ দুর্বলতা ও সংযমের এ অভাব দেখাবার সুযোগ কেন সে আমার দিল ? যত দিন তার সঙ্গে আমার ভালরূপ আলাপ-পরিচয় হয় নি, তত দিন তার বিবাদক্লিষ্ট গভীর মুখ—তাহার প্রথম আত্মসম্মান জ্ঞান দেখে তাকে দেবীর মত শ্রদ্ধা করেছি ; কিন্তু কাহার সঙ্গে আলাপের কলে কখন যে তাহাকে দেবীর আসন থেকে প্রাকৃত জগতে নামিয়ে এনেছি তা তো বুঝতে পারি নি। বুঝলাম তখন, যখন সে আমায় দেবীর মত এসে আমার ভুল দেখিয়ে দিল। ভাবিতে ভাবিতে হঠাৎ তাহার মুখ দিয়া আপনি-আপনি বাহির হইল, ‘দেখি, আমার এ ভুল-করবার সুযোগ কেন দিলে ?’

পরদিন সন্ধ্যায় যতীশ বিজয়ার একখানা চিঠি পাইল :—

যতীশবাবু,

একদিন যেচে আপনাকে আমাদের বাড়ী নিয়ে এসে-ছিলাম, আর একদিন সহজেই আপনাকে আসতে বারণ করলাম। আমার ব্যবহার আপনার নিকট খুব বিসম্বল ঠেকেছে তা জানি ; কিন্তু এ ছাড়া আমার কোন উপায় ছিল না। আপনাকে খুব ধীর এবং শান্ত ব’লে মনে হয়েছিল ; তাই আপনার কাছে অগ্রসর হয়েছিলাম। প্রথম দিন যখন আপনি আমাদের বাড়ী আসেন তখন দিদি আপনাকে আর একজন ব’লে মনে করেছিলেন। সত্যই তাঁর সঙ্গে আপনার লাড়ুপট্টা বড় বেশী ! তাঁকে আর কোন দিন কিরে পাবার উপায় নাই ; আপনাকে দেখলে তাঁর কথাটা মনের মধ্যে বড় উদ্ভল হ’লে উঠত, তাই

আগনার দ্বারা তাঁর স্বভাবটিকে সজীব ক'রে রাখতে চেয়ে-
ছিল। আপনি আমার কাছে যা চেয়েছেন তা আমি
কি ক'রে দেব? সে যে অনেক আগে একজনের হাতে
ভুলে দিয়েছি। আজ আমি নিঃস্ব—সম্পূর্ণ নিঃস্ব!

বিজয়া

ব্যক্তি যতীশ তাড়াতাড়ি একখানা চিঠির কাগজ
লইয়া লিখিল,—“যদি কোন দিন তোমার কাছে যাবার
উপযুক্ত ব'লে নিজেকে মনে করি, তবে তাড়িয়ে দেওয়া
সঙ্গেও যাব, না হলে জীবনে এই শেষ দেখা। আমার কমা

কর। যুদ্ধের ভুলেও যে তোমার দেবীর আগন থেকে
মানবীর আসনে নামিয়ে এনেছিলাম সেজন্য আমার কমা
কর।—তোমার : জীবনের পূর্ব-কথা কিছু জানতাম না
ব'লেই ঐরূপ ইঙ্গিত করেছিলাম। এতদূর অভদ্র আমাকে
মনে করবে না যে, যদি জানতাম যে, তুমি কারও বাগদাতা
তা হ'লে ওরূপ প্রস্তাব করতাম না। তোমার আদর্শের
প্রতি প্রদ্বাষিত হ'লে আবার তোমার কাছে কমা চেয়ে
চিরবিদায় নিচ্ছি। ইতি

শুণমুহু—যতীশ”

দুই ফোঁটা আঁখি-জল

[শ্রীঅখিল নিয়োগী]

লিপিকার সাথে পাঠালে যে প্রিয়া দুই ফোঁটা আঁখি-জল—
একি শুধু, সখি, ভোলাতে আমারে অভিনব তব ছল।

দুই ফোঁটা আঁখি-জল।

না গো তা সত্য নহে—

দুই ফোঁটা বারি অভিমানিনীর কত কথা কানে কহে।
এ দুই ফোঁটার ইতিহাস প্রাণে ব'য়ে আনে পরিমল।

দুই ফোঁটা আঁখি-জল।


লিপি যদি তব শুভ্র থাকিত, থাকিত না কোনো রেখা—
দুই ফোঁটা বারি শুনাইত মোরে প্রিয়ার প্রাণের লেখা—

“তোমারে সঁপেছি প্রাণ,”

—এই কথা লিখে আঁখি-জলে তব করিয়াছ অপমান।

শুধু দুই ফোঁটা জল—

তোমায় মনের সকল কথাই করে তাতে টলমল।



“মাসিক পত্রিকা”

“মাসিক পত্রিকা” বহন প্রকাশিত হইত, তখন সাধারণ বাঙ্গালী কিরণ ভাবে তাহা আদর করিয়া পাঠ করিতেন তাহা জানাইবার জন্য আমরা ১২৬১ সালের ১৫ই অগ্রহায়ণের (১৮৫৪ খৃষ্টাব্দের ২৯শে নবেম্বরের) সংবাদ প্রকাশক হইতে একটি সমালোচনা উদ্ধৃত করিলাম :—

“মাসিক পত্রিকা” নামে যে এক নূতন পত্রিকা প্রকাশিত হইয়াছে তাহা আমাদের এ পর্যন্ত কোন অভিপ্রায় লিখি নাই, তাহার সংখ্যা প্রকাশ হইয়াছে, তৎসম্পাদক তাহা সর্বসাধারণ বিশেষতঃ স্ত্রীপুত্রের পাঠোপযোগী করণার্থে অতি সহজ ভাষায় অনেক প্রয়োজনীয় বিষয় লিখিয়াছেন। সম্পাদকদিগের : অভিপ্রায় সকল উৎকৃষ্ট বলিতে হইবেক, তাহার নীতি, ইতিহাস গৃহকথাচ্ছলে দেশীয় প্রথা ইত্যাদি বিষয় রচনা করিতেছেন, বালক ও মহিলাগণ বহুপূর্বক তাহা পাঠ করেন ইহা আমাদের নিতান্ত ইচ্ছা, অতএব সকল গৃহের অধিকারিগণের পক্ষে এক এক খণ্ড মূল্য পত্রিকা গ্রহণ করা অতি আবশ্যিক হইয়াছে। এই পত্রিকা পি, এম, ডিরোজিও সাহেবের ছাপাখানায় অতি উত্তমভাবে উত্তম কাগজে ছাপা হইয়াছে, মূল্য /০ আনা, পত্র বাহার প্রয়োজন হয় তিনি উক্ত ব্যতীত অন্যত্র নিকটে অথবা তৎসম্পাদক বঙ্গালয়ে ও চিপ লাইব্রেরীতে তৎ করিলে প্রাপ্ত হইবেন। মাসিক পত্রিকার শেষ ভাগে লিখিত হইয়াছে যে আমাদের প্রকাশক বঙ্গালয়েও তৎ করিলে সাধারণে তাহা প্রাপ্ত হইবেন, কিন্তু আমরা কেবল তৃতীয় সংখ্যায় ২৫ খণ্ড প্রাপ্ত হইয়াছি, প্রথম দ্বিতীয় এবং চতুর্থ সংখ্যায় এক খণ্ডও আমরা এ পর্যন্ত পাই নাই।

“মাসিক পত্রিকা” ১২৬১ সালের ভাদ্র মাস হইতে ১২৬৪ সালের আশ্বিন মাস (১৮৫৪ আশ্বিন হইতে ১৮৫৭ জুলাই) পর্যন্ত প্রকাশিত হইয়াছিল ও কলিকাতা ৮নং লালদীঘর পূর্বাংশে রোজিও কোম্পানীর আফিসে বিক্রয় হইত। প্রতি সংখ্যায় প্রথম পৃষ্ঠার শিরোনামে নিম্নলিখিত বিজ্ঞাপন দৃষ্ট হয় :—

“এই পত্রিকা সাধারণের বিশেষতঃ স্ত্রীলোকদের জন্যে ছাপা হইতেছে, সে ভাষায় আমাদের সচরাচর কথাবার্তা হয়, তাহাতেই প্রত্যয় সকল রচনা হইবেক। কিন্তু পত্রিকের পড়িতে চান, পড়িবেন ; কিন্তু তাহাঙ্গের নিমিত্তে এই পত্রিকা লিখিত হয় নাই। প্রতিমাসে এক এক নম্বর প্রকাশ হইবেক। তাহার মূল্য এক আনা মাত্র।”

আমরা “মাসিক পত্রিকা” হইতে কয়েকটি প্রবন্ধ নিয়ে প্রকাশ করিলাম। প্রবন্ধে কোনও রূপ ভাষা বা ছন্দ পরিবর্তন করা হয় নাই ; তবে সংজ্ঞাবাদক বিশেষণগুলি (Proper noun) বড় হরণে ছিল, এক্ষণে এইরূপ প্রচলন নাই এবং পাঠে পাঠকবর্গের অসুবিধা হইবেক, এজন্য সব একই প্রকার অক্ষর দিরাছি।

কখন মন্দ কর্তব্য করিও না।

[ভাদ্র—১২৬১]

গ্রীক জাতিদিগের মধ্যে সোলন বড় বিজ্ঞ ছিলেন। তিনি এক বালককে মন্দ কর্তব্য করিতে দেখিয়া তাহার পিতাকে বলিলেন, তোমার সন্তানকে এমন কর্তব্য করিতে দেও কেন। পিতা উত্তর দেন, আমার পুত্র বড় শিশু, বুদ্ধি হয় নাই, বুদ্ধি হইলেই সে আপনাপনি এমন কর্তব্য করিবেক না। সোলন প্রত্যুত্তর করিলেন, মন্দ কর্তব্য দুই তিন বার করিতে গেলে তাহাতে মন রত হয়, যে কার্যে মন রত হয় তাহা ত্যাগ করা বড় দুঃসাধ্য, তজ্জন্মে প্রথম হইতে মন্দ কর্তব্য না করা কর্তব্য।

ভদ্রলোক পাওয়া ভার।

[আশ্বিন—১২৬১]

গ্রীক জাতিদিগের মধ্যে ডিওগিনিস বড় জানী ছিলেন, তিনি সাধারণের মতামত গ্রাহ্য করিতেন না, সর্বদা আপনার অভিপ্রায় অনুসারে চলিতেন। এক দিবস দিনমানে একটা লর্ডন জাঙ্গিরা হাতে করিয়া বাজারের বেড়াইতে ছিলেন, লোকে বিজ্ঞানা করে—

ডিওগিনিস্ ডুনি কি চাহ ? তিনি উত্তর দেন,—আমি একজন ভ্রমলোক খুঁজিতেছি।

পরোধীন হওয়া কোনমতে কর্তব্য নয়।

[কার্তিক—১২৩১]

নং ২ পত্রিকার ডিওগিনিসের পরিচয় দেওয়া গিয়াছে, এক্ষণে তাহার সংক্রান্ত আর একটি গল্প শুন। ডিওগিনিসের মেনস্ নামে একজন চাকর ছিল,—সে তাহার মনিবের বাটা হইতে একবার পলায়ন করে,—তাহাতে ডিওগিনিস্ বলেন,—যদি আশা বিনা মেনস্ ভ্রমরান করিতে পারে, আমিও মেনস্ বিনা ভ্রমরান করিতে পারিব, সন্দেহ নাই।

সকল সময়ে বৃদ্ধ লোককে সম্মান করা উচিত।

[পৌষ—১২৩১]

সরকারি খরচে আধেন্নগরে একদিবস বড় ধুমধাম করিয়া বাজা হইতেছিল। বাজা দেখিবার জন্যে ভিন্ন ভিন্ন নগরের লোক একত্রে বসিতে পার নাই, দেশের প্রধানদ্বারা একত্রে নগরের লোক সকল, স্বতন্ত্র একত্রে দিকে বসিয়াছিল। বাজা আরম্ভ হইলে পর, একজন বৃদ্ধ আধেন্নবাসি ভ্রমলোক তথায় উপস্থিত হন। তাহার বসিবার উপযুক্ত স্থান না থাকিতে তাহাকে দাঁড়াইয়া থাকিতে হয়, ইহা দেখিয়া কতকগুলি বুঝা আধেন্নবাসিরা তাহাকে ইসারা করিয়া ডাকে, বৃদ্ধপুরুষ ভিড়ের ভিতরে ঠেসাঠেসি-পূর্বক একেপ করিয়া তাহাঙ্গিণের নিকটে উপস্থিত হন। বৃদ্ধ পুরুষকে নিকটে দেখিয়া নব-বাবুরা পরিহাসক্রমে ঠেসাঠেসি করিয়া কসে, হানাতাবে বৃদ্ধ পুরুষ বসিতে পান না, তাহাকে সকলের নসুখে দাঁড়াইয়া থাকিয়া অপ্রস্তুত হইতে হয়। এই এক্ষণে বড় অজ্ঞানিত হইয়া তিনি স্পার্টাবাসিগণের নিকটে যান, তথায় বাইবা-মাত্র ঐ নগরের লোকেরা সকলেই উঠিয়া দাঁড়াইয়া বড় সম্মান-পূর্বক তাহাকে আপনাদিগের মধ্যে বসিতে বলে। স্পার্টাবাসি-গণের সদ্যবহার দেখিয়া আধেন্নবাসিরা ধস্তাধস্ত করিয়া উঠে, ইহাতে বৃদ্ধ পুরুষ কহেন,—হজনতা জানা এক কথা, হজনতা করা আর এক কথা, হজনতা কাহাকে বলে তাহা আধেন্নবাসিরা কেবল জানে, কিন্তু স্পার্টাবাসিরা হজনতাক্রমে চলিয়া থাকে।

শুশিক্ষিত বাবু।

[চৈত্র—১২৩১]

হরিদাসবাবু কলেজে পড়িয়া ইংরাজি উত্তম শিখিয়াছেন। ছন্দ-পরিমাপ, অক্ষর, পদার্থ-বিজ্ঞান, ভূগোল, কাব্য-শাস্ত্র, পুরাতত্ত্ব ও অনেক ২ গল্প ও পদ্য পুস্তক অধ্যয়ন করিয়া মনে করেন আমি বড় পণ্ডিত হইরাছি। ইংরাজি ভাষার রচনা করিয়া সর্বদা সংবাদপত্রে ও অন্যান্য কাগজে প্রকাশ করেন। বন্ধুদিগের সহিত

সাক্ষাৎ হইলে ঐ সকল রচনা দেখান ও প্রশংসা পাইলে আত্মদে পলিমা বান। কখনও কোনও সত্য বাইরা বক্তৃতা করেন এবং সর্বদাই বোধ করেন আমি সর্বপ্রকারে কৃতকাৰ্য হইরাছি। একদিবস নিজ বাটার উঠানে কামিজ গায়ে দিয়া পদ-বিহার করতঃ সিস দিতেছেন ও ভাবিতেছেন—আমার বংশ তো আনাইতে যত্ন হইরাছে এক্ষণে ভারতভূমিকে যত্ন করিব—এ দেশের কুরীতির ও কুনীতির সংখ্যা নাই। ত্রীলোকদিগের বেশ-ভূষা কদাকার—পুরুষদিগেরও পোষাক মন্দ—না আছে কামিজ, না আছে পেট লন—পিঁড়ি বসিয়া আহার করিতে হয়—পানের মধ্যে কেবল জল ও দুধ। ইত্যবসরে কৈলাসচন্দ্র ও গুণ বাবু আসিয়া উপস্থিত হইলেন। গুণবাবু অতি ধীর, বহুকর্ষী ও হৃৎপণ্ডিত—মিজাগা করিলেন, অহে বাবু তোমার ঠাকুর কোথায় ? হরিদাস। সে বাগানে গিয়াছে।

কৈলাসচন্দ্র। অহে বাবু বাপকে সে বলে না—তোমরা স্নেহে উঁতি বটে কিন্তু এখন তো অনেকই ভাল কথা ব্যবহার করিতে শিখিয়াছে—এসো তোমার সঙ্গেই বসিয়া কপকাল কথাবার্তা কথা বাউক।

হরিদাস। আমি বেঙ্গালি জানি না—অসত্য ভাষা শিখে কি হবে ?

কৈলাসচন্দ্র। ইংরাজি ভাষার সকল শাস্ত্র পড়া হইরাছে ?

হরিদাস। প্রধান প্রধান শাস্ত্র সকলি পড়িয়াছি—এক্ষণে স্বয়ং গ্রন্থ লিখিতেছি—আমার রচনা সকলেই প্রশংসা করে কিন্তু বাবা ও দাদা বৃদ্ধিতে পারে না—তারা কেবল বেঙ্গালি জানে।

কৈলাসচন্দ্র। তবে তো তুমিই বংশের ভিলক হইরাছ ইহাও তোমার ঠাকুরের গৌরবের বিষয়। বাবু! আমি নিজ প্রয়োজনে আসিয়াছিলাম, একখানি চিঠির নকল করিয়া দাও দেখি।

হরিদাস একখানা কাগজ লইয়া অনেক চেষ্টা করিয়া চিঠি নকল করিলেন কিন্তু লিপি কদাকার ও অধিক জুল হইল।

কৈলাসচন্দ্র। চিঠির নকল অস্ত্রের দ্বারা হবে এ সহজ কর্ম, একটা তরকারি জমা-ধরত শেষ করিতে পারি নাই আর ইহার মত কসাক কিছু ঠকঠকি—এইটা একবার দেখ দেখি ?

হরিদাস (জমা ধরত দেখিয়া গলদবন্দ হইল) সেজেটের এপিট ও-পিট অঙ্কে পরিপূর্ণ করিয়া পাঁচ ছয় বার পুহিলেন এক একবার কড়িকাটের দিগে চান আবার সেজেটে অক্ষপাত করেন।

কৈলাসচন্দ্র। বাবু তোমার বড় ক্লেশ হচে বটে,?—তবে থাকুক অস্ত্র কাহারও দ্বারা করাইয়া লইব।

হরিদাস। আমি মেখেমেটিক পড়িয়াছি—হৃৎকসা বড় তারি হিসাব নয়। একটুকু যত্ন করিলে অনায়াসে কঠিনা দিতে পারিব।

কৈলাসচন্দ্র। হৃৎকসা থাকুক—একখানা পুলবন্দির দরখাস্ত লিখিয়া দাও দেখি, বশোহরের কালেক্টর বেটা আমাকে বড় পেড়াপিড়ি করিতেছে।

হরিদাস বাবুর কোন কর্মেই পিচপা নাই—তৎক্ষণাৎ চারি পাঁচ ভক্তা কাগজ লইয়া দরখাস্ত লিখিতে আরম্ভ করিলেন—২১০ ঘটীর পর লেখা সমাপ্ত করিয়া পড়িয়া শুনাইলেন—কৈলাসচন্দ্র দেখিলেন দরখাস্ত আলাত পালাত কথাতেই পরিপূর্ণ হইয়াছে কেজো কথা কিছু নাই—জিজ্ঞাসা করিলেন বাবু তুমি কি এই রকম রচনা লিখিয়া থাক? ইহা ভাল হইতে পারে বটে কিন্তু আমরা ইহাতে কোন কাজ পাই না। বাবু, তোমার কোন বিষয় কর্ম আছে কি?

হরিদাস। আমি নানা শাস্ত্র পড়ে তো ছোট কর্ম করিতে পারি না এ জন্ত ঘরে বসিয়া আছি।

কৈলাসচন্দ্র। বাবু অত্র ছোট কর্ম না করিলে বড় কর্ম কিরূপে করিবে? নীচের কর্ম ভাল না জানিলে উপরের কর্ম উত্তমরূপে কি নির্বাহ হয়? সরকারেট না হইয়া মুংহুদি হইলে হাবুডুবু খাইতে হয়।

হরিদাস। এ বলে তো ছাতা বাড়ে করিয়া সরকারের মত বাজারে বাজারে বেড়াতে পারি না তবে এত পড়নুম শুননুম কেন?

কৈলাসচন্দ্র। বাবু হে! আপনার ক্ষমতার কতদূর নৌড় তাহা সর্ব্বাঙ্গে জানা কর্তব্য। যে যে ব্যক্তি তাহা জানে সেই আপনার নুনতা সেরে ঘুরে লুইতে পারে ও বিয়য় কর্মে তাহার মঙ্গল হয়, না জানিলে পোর বিপদ।

হরিদাস চক্ষু কেম কেম করত ঠোট দাঁত দিয়া কাটিতে কাটিতে বলিলেন, মহাপন্ন বাবার বাগান থেকে আসিতে রাজি হইবে।

কৈলাসচন্দ্র। আমিও উঠিলাম—বাবু বিরক্ত হইও না—আর একদিন আসিয়া কথাবার্তা করিব। আমি তোমার পিতার বন্ধু—প্রাচীন—যদি ছুই একটা শক্ত কথা বলিয়া থাকি মনে কিছু করিও না।

প্রাতঃকালে পরমেশ্বরের উপাসনা করিবার ফল।

[চৈত্র—১২৩১]

কলিকাতা অপেক্ষা বিলাত শহরে অধিক বসতি কিন্তু এমনি পরিষ্কার থাকে যে কিছু মাত্র দুর্গন্ধ নাই। প্রত্যেক বাড়িতে নল লাগান আছে; মরলা সকল ঐ নল দ্বারা বাহির হইয়া ঢাকা নর্দমা দিয়া নদীতে নির্গত হয়। যদি কোন স্থান অপরিষ্কার হয় তবে ডব্লিকটহ লোকেরা তৎক্ষণাৎ সরকারের কর্মকারিদিগের প্রতি নালিস করে—এ জন্ত শহর সর্ব্বদা ভাল থাকে।

বিলাতহ ভারি ২ লোক সকল অবকাশ পাইলে শহরের বাহিরে থাকেন। 'তথার তাঁহাদিগের বড় ২ অট্টালিকা আছে—চতুর্পার্শ্বে বাস-বাগিচা—সরোবর—ঝিল—মধ্যে ২ গুল্ল ও ২ জলের কোয়ারা। এ মত মনোহর বাসস্থান কর্মী জাতি ব্যতিরেকে হয় না ও তথার

ধাকিলে শরীরের সুস্থতা ও মনের কৃষ্টি কি পর্য্যন্ত হয় তাহা বর্ণনা করা যায় না। মধ্যবর্তী লোকেরা অনেক শহরে বাস করে ও কেহ ২ বাহিরেও থাকে—কর্ম অশুরোধে প্রতিদিন গমনাগমন করে।

পূর্বে বিলাতে লোকেরা ষ্টেজকোচ গাড়িতে গমনাগমন করিত। ঐ গাড়িতে ১০১২ জন লোক ধরিত। এক্ষণে রেলের গাড়ি হওয়াতে ঐ রকম গাড়ির চলন বড় নাই। যে ২ স্থানে রেলের গাড়ি নাই সেই ২ স্থানে ষ্টেজ কোচ গাড়ি অজ্ঞাপি আছে। কিন্তু শহরের ভিতরে কেবল অমনিবশ গাড়ি রাত্তার ২:করে।

একদিন ষ্টেজ কোচ গাড়িতে কতকগুলি লোক শহরে আসিতে-ছিল। একে প্রীত্বকাল, তাতে দুইপ্রহরের সময়—ঘোড়া বেগে চলিতে না পারাতে প্রায় সকলেই বিরক্ত হইয়া কোচমেনকে তিরসকার করিতে লাগিল ও বলিল যদি আমরা পূর্বে জানিতাম যে ঘোড়া এইরূপ চলিবে তবে অন্য উপায় করিতাম—আমাদিগের শীত না পহছিলে কর্ম সকল তত্ত্ব হইবে। কোচমেন প্রাণপণে বেগে চালাইতে চেষ্টা করিল কিন্তু রৌদ্রের জন্ত ঘোড়া সকলের গতি ক্রমে ২ বৃহ হইতে লাগিল। গাড়িতে যত লোক ছিল তাহারা সকলেই অতিশয় রাগান্বিত হইল কিন্তু একব্যক্তি পার্শ্বে বসিয়াছিল—একটাও কথা কর নাই—ইতিমধ্যে গাড়ি একটা উচ্চ স্থান দিয়া নামিবার সময় একেবারে ভাঙ্গিয়া পেল সকলকেই নিচে নামিতে হইল, সেখানে অন্য গাড়ি ছিল না সুতরাং রৌদ্রে চলিয়া যাইতে হইল। পূর্বে যে বিরক্ত জন্মিয়াছিল তাহা এক্ষণে শতগুণ হইল। কোথার নিরূপিত সময়ে শহরে পহছিলি কর্ম কার্য নির্বাহ হইবে—না হাঁটিয়া যাইয়া তথার পরদিবস উপস্থিত হওনের সম্ভাবনা হইল। সকলেই বিরক্ত ও ভ্যক্ত হইয়া যাইতেছেন, কেহ কাহার সঙ্গে কথাও কহেন না। উপরোক্ত ব্যক্তি মিষ্টভাষী, মধ্যে ২ সংসলাপ করিতেছেন ও বাহাতে সন্নিদিগের বিরক্তি দূর হয় এমন চেষ্টাও করিতেছিলেন। সকলে তাহার মনের গতিক দেখিয়া আশ্চর্য হইয়া জিজ্ঞাসা করিলেন আপনি কে? কি কার্য করেন? আপনকার এমত স্বভাব কিপ্রকারে হইল? তিনি উত্তর করিলেন আমার নাম অমুক—আমার সওদাগরি কর্ম অনেক স্থানে আছে—আমার বিরক্ত না হইবার কারণ এই যে আমি প্রতিদিন প্রাতঃকালে পরমেশ্বরের উপাসনা করি—তাহা না করিয়া অন্য কর্মে হাত দি না—প্রাতঃকালে উপাসনা করিলে সমস্ত দিন মনঃ শিষ্ট ও শান্ত থাকে—দৈব-ঘটনা ঘটিলে—চাকলা হয় না। আমার প্রাণবল—ধনবল সকলই পরমেশ্বরের হাতে—তিনি বাহা ইচ্ছা করিবেন তাহাই হইবে—সকল ঘটনাই তাঁহা করুক হয়, তাহাতে বিরক্ত হইলে কেবল তাঁহার প্রতি অশ্রদ্ধা প্রকাশ করা হয়। এমত কর্ম করা মানবগণের উচিত নহে। সকলেই তাঁহার কথা শুনিয়া চমৎকৃত হইল। তিনি শহরে আসিয়া আপন কর্ম সমুদ্র বিশেষ দেখিলেন কিন্তু তাঁহার মনের হৈর্ষ্য জন্ত ঐ সকল কর্ম অনায়াসে নির্বাহ করিলেন।

দৃঢ়মনা ও দুর্বলমনা লোক কাহাকে বলে ।

[বৈশাখ—১২৩৩]

একবার একজন শিষ্য আপন শিক্ষককে জিজ্ঞাসা করে,—
মহাশয়, আপনি পুনঃ পুনঃ বলেন,—রামচন্দ্রবাবু বড় দৃঢ়মনা,
শ্রামলালবাবু দৃঢ়মনা নন, তিনি বড় দুর্বলমনা । মহাশয়, দৃঢ়মনা
লোকে ও দুর্বলমনা লোকে প্রভেদ কি ।

শিক্ষক উত্তর দেন,—রামচন্দ্রবাবুর বিলম্বণ ভাল মন্দ বিবেচনা
আছে । লোকজনের ভাল মন্দ বিবেচনা থাকিলেই তাহাদিগের যে
দৃঢ়মন হয়, তাহা নয়, কারণ অনেকের ভাল মন্দ বিবেচনা আছে,
কিন্তু তাহারা ঐ বিবেচনাক্রমে চলিতে পারে না, এমন সব লোকে
দৃঢ়মনা হয় না, তবে কেমন লোকে দৃঢ়মনা হয়, তাহা বলি শুন,—
লোকজনের প্রথমতঃ ভাল মন্দ বিবেচনা থাকিবেক । দ্বিতীয়তঃ
তাহার কোন প্রতিবন্ধক না মানিয়া খুব বড়বান হইয়া ঐ বিবেচনা-
ক্রমে চলিবেক । অর্থাৎ যে যে ব্যক্তির 'এই দুই লক্ষণ আছে,
তাহারাই দৃঢ়মনা হয় । রামচন্দ্রবাবু একজন গরীব ব্রাহ্মণের সন্তান ।
ছেলেবেলায় তিনি খাওয়া-পরার বিস্তর ক্লেশ পাইতেন, তাহার বাপের
এমন যোজ্ঞ ছিল না, যে ছেলেকে জুতো জোড়টা কিনিয়া দেন,
রামচন্দ্রবাবু খালি পায়ে হাঁটিয়া ইস্কুলে বাইতেন । ইস্কুল ছাড়িলে
পর, তাহার একটা ত্রিশ টাকার কেয়ানিগিরির কর্ণ হয় । রামচন্দ্র-
বাবু মনে ভাবেন,—আমি ত্রিশ টাকার কেয়ানিগিরির কর্ণ করিয়া কি
করিব, আমি পনের ষোল বৎসর খাটিব, শেষে হয়তো ত্রিশ চল্লিশ
টাকার উর্ধ্ব মাহিনা হইবেক না । ত্রিশ চল্লিশ টাকার ভদ্রতা পূর্বক
সংসার তো চালাইতে পারিব না । আজ কাল খাওয়া পরার অত্যন্ত
কষ্ট পাইতেছি বটে, আর কিছুদিন কষ্ট স্বীকার করিয়া দেখি
কেন । হবি সওদাগরের সঙ্গে আমার আলাপ আছে, তিনি আমাকে
বড় ভাল বাসেন, বিনা মাইনায় আমি তাহার আফিসে কিছুদিন গিয়া
কাজ করি শিখি না কেন, হয়তো তিন চারি বৎসরের মধ্যে আমি
কিছু না কিছু করিয়া উঠিতে পারিব । এই কথা মনে স্থির করিয়া
রামচন্দ্র বাবু হবি সাহেবের আফিসে গিয়া সওদাগরি করি শিখেন ।
শেষে তিনি আপনি সওদাগর হইয়া বসেন । ছেলেবেলায়
কেয়ানিগিরি করি না করিয়া খাওয়া পরার কষ্ট স্বীকার করিয়া
সওদাগরি করি শিখা, এই একটা রামচন্দ্রের দৃঢ় মনের চিহ্ন বলিতে
হইবেক । রামচন্দ্রের আর একটা দৃঢ় মনের কথা বলি শুন,—
ইস্কুলে অনেক বড়মানুষের ছেলের সঙ্গে রামচন্দ্রবাবুর আলাপ
হয়, তাহাদিগের বাড়ীতে রামচন্দ্রবাবুর যাতায়াত ছিল । ইস্কুল
ছাড়িয়া রামচন্দ্রবাবু দেখেন,—তাহারা সকলি মদখোর ও বেস্তাবাজ
হইয়া উঠিতেছে তাহাদিগের বাড়ীতে গেলেই আমাকে জোর করে
মদ খাওয়ায় । এই সকল দেখিয়া রামচন্দ্রবাবু মনে করেন,—
এমন সব লোকের সঙ্গে আশ্রয়তা রাখা ভাল নয়, মাতালের সঙ্গে
আশ্রয়তা করিলেই মাতাল হইতে হইবেক । বড় মানুষই হউক,

কি গরীবই হউক, আমি মাতালের সঙ্গে কখন আলাপ করিব না ।
আমার দুই একজনের বাড়ীতে যাতায়াত চাই এই জন্তে দীনবন্ধুর
সঙ্গে ভাব ও আশ্রয়তা করিব । দীনবন্ধু আমার পাড়া প্রতি-
বাসী, তাহার বয়স অল্প বটে, কিন্তু তিনি বড় সুধীর ও
চরিত্রের লোক । তিনি কোন নেশা করেন না, মদ
খাওয়া ঘুরে থাকুক তিনি তামাকও খান না, তাহার লেখাপড়ার বড়
আস্তি আর সকলের প্রতি তিনি সদ্যবহার করেন, এমন লোকের
সঙ্গে আশ্রয়তা করা হৃৎসংসর্গ বলিতে হইবেক । প্রত্যহ সন্ধ্যাকালে
হয়তো আমি তাহার বাড়ীতে বাইব, কিম্বা তিনি আমার বাড়ীতে
আসিবেন । এই প্রতিজ্ঞা রামচন্দ্রবাবু করিয়া তদনুসারে চলেন ।
বড় মানুষ মদখোরের সংসর্গ ত্যাগ করিয়া একজন মধ্যবিৎ ভদ্র
লোকের সঙ্গে আশ্রয়তা করা, এই একটা রামচন্দ্রবাবুর দৃঢ় মনের
চিহ্ন বলিতে হইবেক ।

এই সকল শুনিয়া শিষ্য শিক্ষককে বলে,—মহাশয় আপনার
কথা আমি বেশ বুঝিতে পারিয়াছি । যে ব্যক্তি আপাততঃ সুখ দুঃখ
না মানিয়া শেষে বাহাতে ভাল হয়, তাহাই করে, সেই দৃঢ়মনা হয় ।

শিক্ষক উত্তর দেন,—হাঁ ।

বাবু ঐ বটে, দীনবন্ধু বাবুর একটা দৃঢ়মনের কথা বলি শুন,—
দীনবন্ধুবাবু গরীবও নন, বড় মানুষও নন, তিনি মধ্যবিৎ লোক ।
তাহার পত্নী ভালমানুষ বটে, কিন্তু বড় সাধরুচে । টাকা পাইলেই
খরচ করিয়া ফেলেন, এই জন্তে দীনবন্ধুবাবুর পত্নীর হাতে টাকা
রাখেন না, যেদিন যেমন খরচ, সেইরূপ টাকা দেন, বেশি টাকা দেন
না । স্বামির ঠাই বেশি টাকা লইবার জন্তে, পত্নী কখন কাঁদেন,
কখন পারে পড়েন, কখন বা রাগ করেন, কিন্তু দীনবন্ধুবাবু কিছুতেই
ভুলেন না । পত্নীর প্রতি সর্বদা স্নেহবাক্য কহেন, কিন্তু তাহাকে
শ্রাঘ্য খরচের বেশি টাকা দেন না । পত্নীর কারাকাটি না শুনিয়া
তাহাকে বৃথা খরচ করিবার জন্তে টাকা না দেওয়া, দীনবন্ধুর দৃঢ়
মনের চিহ্ন বলিতে হইবেক । সকলের সমান দৃঢ় মন নাই ।
কাহারো বেশি আছে । কাহারো বা কম আছে । কাহারো বা
কিছুই নাই । বাহার কিছুমাত্র দৃঢ়মন নাই, সেই, দুর্বলমনা ।
শ্রামলালবাবু বড় দুর্বলমনা । একজন আসিয়া শ্রামলালবাবুকে
বলে,—এবার জাঁকিয়া দুর্গোৎসব করুন, করিলে আপনার খুব নাম
হইবেক । শ্রামলালবাবু উত্তর দেন, আচ্ছা, আমি পাঁচ হাজার
টাকা খরচ করিয়া দুর্গোৎসব করিব । দিন কতক পরে, আর এক
জন আসিয়া শ্রামলালবাবুকে বলে,—মহাশয়, দুর্গোৎসব করা বৃথা
কড়ি খরচ করা, তাহা না করিয়া আপনি একখানা বাগান তৈয়ার
করুন । শ্রামলালবাবু উত্তর দেন,—তোমার কথা মন্দ নয়, আমি
দুর্গোৎসব করিব না, একখানা বাগান তৈয়ার করিব । শ্রামলাল
বাবু কখন কি করিবেন তাহার ঠিকানা নাই, তিনি আপনাপনি
ভাল মন্দ বিবেচনা করিতে পারেন না, যে বখন বা বলে তিনি
তখনই তাহা করিতে উদ্বৃত্ত হন । এই দুর্বল মনের প্রধান লক্ষণ ।

শিত। আগনি দৃঢ়মনা ও দুর্বলমনা লোকের বেশ লক্ষণ
দিলেন, ইহার সংক্রান্ত আর কি কিছু কথা আছে ?

শুধু আমি কেবল কাজ কর্তব্য ও সংসার চালাওন বিষয় লইয়া
হই। তিনটি দৃঢ়মনের দৃষ্টান্ত দিলাম। কিন্তু ইহা ছাড়া যে বিষয়ে
হটুক, ধর্ম বিষয়ে হটুক, কি মান অপমানের বিষয়ে হটুক, কি
আর কোন বিষয়ে হটুক, বাহা তুমি উত্তম বলে বিবেচনা করিয়া
মনে ভাল বুল, তাহা কোন প্রতিবন্ধক না মানিয়া করিলেই দৃঢ়মন
প্রকাশ পায়।

পরমেশ্বরের বেস একটি স্মৃতিচারের কথা

[আবেশ—১২৩৩]

কলিকাতার কোজাগরি-বালাখানার নিকট ও বড়বাড়ারে ও চিনে
বাড়ারে ও অন্ত অন্ত স্থানে ইহদি বলে এক জাত বাস করে।
ইহদিরা এ দেশের লোক নয়। তাহারা পালান্টাইন্ দেশ থেকে
আইসে। বঙ্গদেশের উত্তর পশ্চিম দিকে পালান্টাইন্ দেশ। সে
দেশ কলিকাতা হইতে কমবেশ দুই হাজার ক্রোশ হইবেক।
পালান্টাইন্ দেশে বাইতে হইলে, খুঁকির রাস্তা দিয়াও যাওয়া যায়,
সমুদ্র দিয়া জাহাজ করেও যাওয়া যায়। বাহার যেমন ইচ্ছা
সে সেই পথ দিয়া যায়। ইহদিরা আর ইংরাজদিগের মতন
গৌরবর্ণ ঝাঁটা সঁটা ও বলবান পুরুষ। তাহাদিগের মেয়েরাও
বড় সুন্দরী। বালাখানাদিগের মেয়ের মতন তাহারা পর্দানসিন
নয়। প্রাতে ও সন্ধ্যাকালে তাহারা গাড়ি চাড়িয়া হাওয়া খাইতে
যায়। সে সময়ে তাহাদিগকে সকলে দেখিতে পায়। ইহদি-
দিগের মেয়েরা বাহিরে বেয়র বটে, কিন্তু ইংরাজদিগের মেয়েরা
বস্ত্র পুরুষের সঙ্গে বেশামিসি করে, ইহদিদিগের মেয়েরা পুরুষের
সঙ্গে তত বেশামিসি করে না।

হিন্দুদিগের মধ্যে মনু যেমন শাস্ত্রকর্তা, ইহদিদিগের মধ্যে
মোসা তেমন শাস্ত্রকর্তা ছিলেন। ইহদিদিগের মধ্যে মোসা সংক্রান্ত
বেশ একটি গল্প প্রচার আছে, সে গল্প বলি শুন,—এক দিবস দুই
প্রহরের সময়ে স্বয়ং পরমেশ্বর মোসাকে এক পাহাড়ের উপর ডাকিয়া
অনেকক্ষণ কথাবার্তা কহেন, পরে বলেন,—মোশা, নিচে দেখ
কি হইতেছে। বেদিক পাশে পরমেশ্বর বলিলেন সে দিকে মোসা
চাহিয়া দেখেন,—পাহাড়ের নিচে থেকে বড় পরিষ্কার জল উঠিতেছে।
সেখানে একজন ঘোড়সোয়ার নামিয়া পোষাক ছাড়িয়া জল খায়।
কিছুকাল ঠাণ্ডা হইলে পর, ঘোড়সোয়ার আবার পোষাক পরিয়া
ঘোড়ার উপর চড়িয়া চলিয়া যায়। বাইবার কালে, তাহার যে
মোহরের খলিটি ছিল, সেখানে ভুলে কেলিয়া গেল। সোয়ার গেলে
পর, সে স্থানে একটি ছেলে আসিয়া মোহরের খলিটি লইয়া পলায়ন
করে। সব শেষে জলের নিকট এক বৃদ্ধ অধর্ম পুরুষ আইসে।
সে রৌদ্রে অনেক দূর থেকে আসিয়া বড় ক্লান্ত হইয়াছিল। সে
আন্তে আন্তে কাপড় চোপড় ছাড়িয়া জল খাইতেছে, এমন সময়ে

সোয়ার ঘোড়া ঘোড়ি আসিয়া বলে,—এখানে আমি মোহরের খলি
কেলিয়া গিয়াছিলাম, তুমি নিরেচিস্, একশই কিরিয়া দে, না দিলে
তোকে মেরে কেলিব। বৃদ্ধ পুরুষ উত্তর দেয়,—মহাশয় আমি
এইমাত্র এখানে আসিয়াছি, আপনার মোহরের খলি দেখি নাই,
আমি পরমেশ্বরকে সাক্ষী মানিয়া বলিতেছি, আমি আপনার
মোহরের খলি দেখি নাই। সোয়ার বৃদ্ধ মানুষের কথা শুনে না,
সে তৎক্ষণাৎ তলওয়ার বাহির করিয়া তাহাকে মারিয়া কেলিলে।
এই সকল ঘটনা দেখিয়া মোসা আশ্চর্য হইয়া পরমেশ্বরকে বলেন,—
আপনাকে আমরা হুবিচারক বলিয়া জানি, এই কি আপনার
হুবিচার। এক জন মোহারর খলি লইয়া গেল, আর এক জন
তাহার সাজা পাইল। পরমেশ্বর উত্তর দেয়,—মোসা তুমি সকল
সংসার দেখিতে পাও না, এই জন্তে আমি যখন বাহা করি, তাহার
সংক্রান্ত তোমার শুদ্ধ বিচার হয় না। সত্য বটে, ছেলেটি মোহরের
খলি লইয়া যায়, সেই জন্তে বৃদ্ধ পুরুষ মারা গড়ে ; তাহার কারণ,—
ঐ বৃদ্ধ পুরুষ টাকার লোভে ছেলেটির বাপকে খুন করিয়াছিল, সেই
খুনের দণ্ড বৃদ্ধ পুরুষ এতদিন পরে আজ ছেলের নিমিত্তে পাইল।

জলে ডুবে মরাতে যাতনা নাই

(একটি সত্য গল্প)

[আবেশ—১২৩৩]

সাধারণে মনে করে, জলে ডুবে মরা বড় ভয়ঙ্কর ব্যাপার,
তাহাতে অশেষ যাতনা বোধ হয়। এ কথা সত্য নয়, জলে ডুবে
মরিতে গেলে, প্রথম ভয়ঙ্কর বাহা হটুক, ডুবে মরাতে কিছুমাত্র যাতনা
নাই। প্রাণ অতি সহজে শরীর থেকে বাহির হয়, এ বিষয় সংক্রান্ত
একটি গল্প বলি শুন।

একজন ইংরাজ বিস্তর সাঁতার জানিত না। সে সমুদ্রের কিনারা
থেকে অনেকটা দূর সাঁতারিয়া গিয়া হাঁপাইয়া পড়ে। আর কিনারার
কিরিয়া আসিতে পারে না, অধিকাল জলে হাঁই পাই করিয়া ডুবিয়া
যায়। জলে ডুবিয়া বাইবা মাত্র, জন কতক লোক জোট করে গিয়া
তাহাকে ডাকায় তুলিয়া আনে। সে সময়ে ইংরাজ বেহৌস ছিল।
কিছুকাল পরে হৌস হইলে, সে বলে,—কেন তোমরা আমাকে জল
থেকে তুলিয়া আনিলে, এক্ষণে আত্যন্তিক শারীরিক যাতনা বোধ
হইতেছে, সে সময়ে কিছুমাত্র শারীরিক যাতনা ছিল না। আমি
পরম সুখ ভোগ করিতেছিলাম। এই সকল কথা শুনিয়া লোক
জনে বলে,—তুমি জলে ডুবে কি সুখ ভোগ করিতেছিলে, আমরা
তোমাকে বাঁচাইলাম, ইহা কি তোমার পক্ষে সম্ভব হইল। ইংরাজ
উত্তর দেয়,—প্রথমে আমি যখন জলে হাঁপাইয়া পড়ি, তখন তো
আমার বড় ভয় হয়, বৃষ্টি এবার জলে ডুবে মরিলাম। পরে ডুবিয়া
বাই, বোধ হয় যেন অভয়লক্ষণ জলে ডুবিয়া বাইতেছি, তাহার খেই
কখনও পাইব না। ইহার জন্তে, বড় ভয় হয়, কিন্তু সে ভয় বিস্তরক্ষণ
থাকে না, শীঘ্র ঘুটিয়া যায়। পরে বোধ হয় যেন আমি একখানা

অতি উৎকৃষ্ট বাগানে বেড়াইতেছি, চতুর্দিকে বড় বড় হুন্দর গাছ, সে সকল গাছ মেওয়ারা কলে ভরা, গাছের উপরে নানারকমের হুন্দর পাখি বসিয়া ডাকিতেছে, সে সকল পাখির ডাক শুনিলে, চকল মন স্থির হয়। আরো রাস্তার দুইধারে কত রকমের ফুলের চারা। সে সকল ফুলের হুন্দরের কথা কি বলিব। আরো বাগানে অনেক পুফরিণী, সে সকল পুফরিণীতে অনেক রকমের সোণার মতন বকমকে মাছ ভাসিয়া বেড়াইতেছিল। আরো কোন কোন জায়গাতে গাছ পালা কিছুই নাই, কেবল দুর্বা ঘাসের সরদান, তাহা দেখিলে চক্ষু ঠাণ্ডা হয়। বাগানটি সর্ব্বপ্রকারে বড় মনোহর স্থান বলিতে হইবেক। বাগানময় বেড়াইতে বেড়াইতে দূরে থেকে বেশ একখানি খামওয়ারা পাখরের অটালিকা বাড়ী দেখি। সে বাড়ীর নিকটে যাই, গিয়া দেখি সেখানে দেবতাদিগের মতন লোকজন বাস করিতেছে, এমন সময়ে ছেলেবেলা থেকে যে দিবস সাতার দিতে আসি, সেদিন পর্য্যন্ত যে কিছু ভাল মন্দ কাজ করিয়াছিলাম, তাহা সকলি একটি একটি করে মনে পড়ে। এই সকল কথা ভাবিতেছি, এমন সময়ে তোমরা আমাকে ঘুম থেকে উঠাইলে, কেন উঠাইলে, না উঠান ভাল ছিল। পূর্বে আমার শারীরিক বেদনা কিছু মাত্র ছিল না, এক্ষণে শারীরিক বেদনা অনেক হইতেছে। এই সকল কথা বলিয়া ইংরাজ বড় খেদ করিতে লাগিল,—আমি ডু বিয়া একেবারে মরিলাম না কেন, কেন তোমরা আমাকে বাঁচাইয়া ছুলিলে।

আমাদের বাড়ী ঘর দ্বার সরাই বই কি

[আবেদ—১২৬৩]

মুসলমানদিগের দেশে চোর ডাকাইতের বড় ভয়। এই জন্তে বড় বড় শহরে ঘাইবার রাস্তার নিকটে পনের ঘোল ফ্রোশ অন্তর কোঠা বাড়ী আছে। সে সকল বাড়ীতে রাত্রে রাহাগিররা উত্তরিয়া আহাির বিশ্রাম করে। পরে সকাল হইলে, তাহারা সকলে উঠিয়া যে দিকে বাহার ইচ্ছা, সেই দিকে চলিয়া যায়। এমন সব বাড়ীকে সরাই বলে। সরাইতে পাহারাওয়ারা থাকে, তাহারা দিবা-রাত্রি চৌকি দেয়। পূর্বে আঞ্জার ও দিল্লীর অঞ্চলে অনেক সরাই ছিল, সে সকল সরাই বাদসাদিগের বানান। এক্ষণে ইংরাজদিগের আমলে সে সকল সরাইয়ের কোন মেরামত হয় না, সুতরাং তাহারা সকলেই জঞ্জিয়া পড়িয়া যাইতেছে।

একদিবস একজন ককির বাকু শহরে পৌঁছিয়া একেবারে রাজ-বাড়ীতে গমন করেন। তথায় গিয়া দালানে আপনার সব রাখেন। পরে সেখানে আসন বিছাইয়া শুইতে যাইতেছেন, এমন সময়ে পাহারাওয়ারা আসিয়া বলে,—তুমি এখানে কি করিতেছ, উঠিয়া যাও, আপনা আপনি না গেলে, আমরা জোর করে বাহির করিয়া দিব। ককির উত্তর দেন,—আজ আমি অনেকদূর থেকে আসিয়া শ্রান্তিবৃত্ত হইয়াছি। এ বাড়ীতো সরাই। আজ রাত্রে এখানে বিশ্রাম

করিব বলিয়া শুইয়াছি। ককিরের কথা রাজা দূর থেকে শুনিয়া হস্ত বদনে তৎক্ষণাৎ তাহার নিকটে আইসেন, পরে তাহাদিগের মধ্যে যে কথাবার্তা হয়, তাহা नीচে দেওয়া যাইতেছে।

রাজা বলেন,—ককির তোমার কি কিছু বোধ শোধ নাই, এ তোমার সরাই নয়,—রাজবাড়ী তাহা কি তুমি টের পাও নাই।

ককির উত্তর দেন,—মহারাজ, আপনি যদি অনুমতি দেন, আপনাকে দুই একটি কথা জিজ্ঞাসা করি, আপনি বলুন দেখি, এ বাড়ী যখন প্রথম বানান হয়, তাহাতে কে বাস করে।

রাজা। এ বাড়ী আমার পূর্বপুরুষেরা বানাইয়া বাস করেন।

ককির। মহারাজ, সব শেষে এ বাড়ীতে কে বাস করে।

রাজা। আমার ঠাকুর বাস করেন।

ককির। মহারাজ, এক্ষণে এ বাড়ীতে কে বাস করিতেছে।

রাজা। এক্ষণে তো আমি বাস করিতেছি।

ককির। মহারাজ, আপনার পর এ বাড়ীতে কে বাস করিবেক।

রাজা। আমার ছেলে রাজকুমার এ বাড়ীতে থাকিবে।

ককির। মহারাজ, দেখুন দেখি, এ বাড়ীর বাসিন্দা কতবার বদল হইয়া গিয়াছে। যে বাড়ীর বাসিন্দা এত ঘন ঘন বদল হয়, তাহাকে তো রাজবাড়ী বলা যায় না, সে সরাই, কারণ সরাই কি,—যে বাড়ীতে ঘন ঘন নুতন লোক বাস করে, সেই সরাই।

পূর্বোক্ত গল্পের তাৎপর্য এই,—

এ পৃথিবীতে আমরা কেবল অল্প দিবসের জন্তে আসিয়াছি সুতরাং ইহাতে এমন কোন জিনিস নাই, বাহা আমরা নিজের বলিতে পারি, কেননা কিছুই আমাদের সঙ্গে যায় না।

একজন জাহাজী গোরার কথা

(আবেদ । ১২৬৪ ।)

একবার একজন ভদ্রলোক একজন জাহাজী গোরাকে ডাকিয়া জিজ্ঞাসা করেন—বল দেখি তোর বাপ কোথায় মরে।

জাহাজী গোরা উত্তর দেন। মহাশয়, তিনি আমার মতন জাহাজের কর্ম করিতেন, সমুদ্রে জাহাজ ডুবতে মরিয়া যান।

ভদ্রলোক। তোর ঠাকুরদাদা কেমন করে মরে।

জাহাজী গোরা। মহাশয়, তিনিও জাহাজের কর্ম করিতেন, তিনি জাহাজে করে সমুদ্রে গিয়াছেন, এমন সময়ে সমুদ্রে পড়ে ডু বিয়া মরিয়া যান।

জাহাজী গোরার উত্তর শুনিয়া ভদ্রলোক বলেন,—তোর দুই পুত্র সমুদ্রে ডু বিয়া মরিয়াছে, তোর কি জাহাজের কর্ম করিতে ভয় হয় না।

জাহাজী গোরা। মহাশয় ভয় করে কি করিব। আপনি যদি অনুমতি দেন, আপনাকে দুই একটি কথা জিজ্ঞাসা করি, মহাশয় আপনার ঠাকুরের কোথায় কাল হয়।

ভক্তলোক । তিনি ঘরে থাকেন, ব্যারাম হয়, বিছানায় শুইয়া মরেন ।

জাহাজি গেরা । মহাশয় আপনার পিতামহ কোথায় মরেন ?

ভক্তলোক । তিনিও বাড়ীতে থাকেন, পীড়া হয়, বিছানায় শুইয়া মরেন ।

এই সকল কথা শুনিয়া জাহাজী গেরা কহে—মহাশয়, আপনার দুই পুরুষ বিছানায় শুইয়া মরেন, আপনার কি বিছানায় শুইতে ভয় করে না ।

নূতন ঘুমপাড়ান ছড়া

বিগত ১৮৭০ সালের ১২ই মে তারিখের অমৃতবাজার পত্রিকায় প্রকাশ—প্রায় দুইবৎসর পূর্বে কলিকাতার একটা পরিবার হইতে একজন খুঁটান শিক্ষয়িত্রী একটা যুবতী রমণীকে খুঁটান করিবেন বলিয়া বাহির করেন । গত ২০শে এপ্রেল সেইরূপ আর একটা ঘটনা হইয়াছে । মিস্ মার্চার নামী একজন দেশীয় খুঁটান রমণী আমহাষ্ট্রীটের এক পরিবার হইতে তাহাদের একটা বিধবা কস্তাকে সকলের অসাক্ষাতে খুঁটান করিবার অভিপ্রায়ে হাজরা নামক এক খুঁটানের বাটীতে আনিয়া রাখিয়াছেন । বালিকাকে প্রত্যর্পণ করিবার নিমিত্ত তাহার আত্মীয়স্বজন আবদ্ধকারীকে উক্তিলের চিঠি দেন । রেভারেন্ড নেট্টার ভন প্রত্যুত্তরে বলেন যে বালিকা স্বইচ্ছায় আসিয়াছে এবং ব্যস্ত-সমস্ত হইয়া গত ৪ঠা মে তারিখে তাহাকে ব্যাপ-টাইট করেন । বালিকার অভিভাবকেরা রেঃ ভন, মিঃ হাজরা ও মিস্ মার্চারের নামে হাইকোর্টে অভিযোগ করিয়াছেন ।

জটিল কিঙ্গারের নিকট ইহার বিচার হয় । বাদীর পক্ষে কৌন্সিল ছিলেন মিঃ কেনিডি ও বাবু মনোমোহন ঘোষ এবং অপর পক্ষে ছিলেন মিঃ উড্রফ । প্রতিবাদী ভন সাহেবের পক্ষ হইতে বলা হয়, গণেশহন্দরী (বালিকার নাম) আপন ইচ্ছায় পাদরি সাহেবের গৃহে উপস্থিত হয়, তাহার বয়স ১৬ বৎসর এবং সে ধর্ম্মযাজক বাবু কেশব-চন্দ্র সেনের আত্মীয় । গণেশহন্দরী নিজে বলে তাহার বয়স ১৬বৎসর, কিন্তু বাদীর পক্ষ হইতে বলা হয় তাহার বয়স ১৪ বৎসর । বিচার-পতি বালিকার কথা বিশ্বাস করিয়া বাদীদিগের আবেদন অগ্রাহ করেন ।

এই ঘটনা লইয়া মহাত্মা শিশিরকুমার ঘোষ লিখিত একটা ব্যঙ্গ-কবিতা ১৮৭০ সালের ২৩শে মে তারিখের অমৃতবাজার পত্রিকায় প্রকাশিত হয় । উহা নিম্নে উদ্ধৃত করা হইল ।

“নূতন ঘুমপাড়ানো ছড়া

“গণেশহন্দরীকে পাদরি ভন সাহেব খুঁটান করিবার নিমিত্ত ঘর হইতে বাহির করায় কলিকাতায় মেয়েদের মধ্যে হলুহলু পড়িয়া গিয়াছে । সেইজন্য কলিকাতার মেয়েরা একটা নূতন “ঘুমপাড়ানো ছড়া” রচনা করিয়াছেন :—

নসী ঘুমাল, পাড়া জুড়ালো,
পাদরী এলো দেশে,
খুঁটান করবার আশে ;
ফুলমণি পালা ঘরে
পাদরী সাহেবের ডরে ।
পাদরী সাহেবের লম্বা দাড়ি,
খুঁটানী ভজায় বাড়ী বাড়ী ।
বোকা মেয়ে পেলে গাঁয়,
দাড়িতে বেঞ্চে নিয়ে যায় ।
আমাদের নসী ঘুমায়েছে,
পাদরী ঘরে গিয়েছে ।

নসীর ঘুম আয়,
পাদরী এল গাঁয়,
না ঘুমালে ধরে নেবে,
দাড়িতে পুরে নিয়ে যাবে ।


শ্রীমমণি রামমণি ঘরে বসে মেয়ে,
চূপ করেছে, ঘুমায়েছে, পাদরী সাহেবের ভয়ে ।
শেকাল ডাকছে বনে,
বাং ডাকছে ঘরের কোণে,
পাদরী সাহেবের আঁধারে দাড়ী,
ঘুরে বেড়াচ্ছে বাড়ী বাড়ী ।
আমাদের নসী ঘুমায়েছে,
পাদরী ঘরে গিয়েছে ।
আমাদের নসী ঘুমো রে,
পাদরী ঘরে যা রে,
গোকুলমণিকে নে যা ধরে,
রাখ্গে তারে খুঁটান করে ।
আমাদের নসী ঘুম যায়,
দেড়ে জুজুর বড় ভয়,
হতুম ডাকে গাছে,
শাঁকচূর্ণা বাঁশতলায় নাচে,
পাদরী সাহেবের বড় দাড়ী,
মেয়ে ধরে বেড়ায় বাড়ী বাড়ী,
আমাদের নসী ঘুমায়েছে,
পাদরী ঘরে গিয়েছে ।
পাদরী সাহেবের দুটো ঠ্যাং,
কালুকে পূজা ড্যাং ড্যাং ।
[শ্রীমণালকাঙ্কি ঘোষ কর্তৃক সংগৃহীত ।]

নালন্দা

(পূর্বানুস্মৃতি)

[শ্রীঅজিতকুমার ঘোষ]

পূর্বেই বলা হইয়াছে যে, অধুনা নালন্দার যে-সমস্ত ধ্বংসাবশেষ পাওয়া গিয়াছে সেগুলির সমস্তই বিহার প্রদেশের বড়গাঁ * নামক একটি ছোট গ্রামের দক্ষিণে অবস্থিত। বড়গাঁ বিহার-লাইট-রেলওয়ের একটি ছোট স্টেশন। বড়গাঁর উত্তরে বেগমপুর একটি ছোট গ্রাম। ইহার প্রায় ৩০০ ফুট দক্ষিণে একটি সুরহৎ সমচতুর্কোণ চকের খিলান ধ্বংসাবশেষ পাওয়া গিয়াছে। ইহা মুসলমান আমলের কোন এক দুর্গের ধ্বংসাবশেষ—বৌদ্ধদিগের কোন নিদর্শন




প্রথম বিহারের ধ্বংসপ্রাপ্ত চতুর্কোণ প্রাচীরের দৃশ্য

ইহাতে পাওয়া যায় না। ইহারই কিছু দক্ষিণে দুইটি উচ্চতায় ৬ হইতে ৮ ফুটের মধ্যে। ইহাতে বৌদ্ধ ও বৌদ্ধ স্তূপ পাওয়া যায়। দুইটিরই পরিধি ৫০ ফুট এবং হিন্দু উভয় সম্প্রদায়েরই বহু মূর্তি পাওয়া গিয়াছে। তন্মধ্যে

* অনেক ইহাকে 'বাড়গাঁও' ও বলিয়া থাকেন। প্রত্নতত্ত্ববিদ T. Bloch, G. R. A. S, 1919, pp, 440-43 পৃষ্ঠায় 'The Modern Name of Nalanda' শীর্ষক প্রবন্ধে বলেন যে, এক্ষণে নালন্দার স্থানে বাড়গাঁও নামক গ্রামের নাম বাড়গাঁও না হইয়া বাড়গাঁও হইবে। ইহার কারণ নির্দেশ করিতে গিয়া তিনি বলিয়াছেন যে, বটগ্রাম হইতে বাড়গাঁও-এর উৎপত্তি; কিন্তু এ নাম তিনি বাড়গাঁওএ অবস্থান-কালে গ্রামের কাহারও নিকট শুনে নাই। Blochএর এই সিদ্ধান্ত ভিত্তি হীন; হতরাং তাহার মত সমর্থন করা যায় না।

অনেকে বলেন যে, বাড়গাঁও একটি বড় রাজ্যের রাজধানী ছিল। মগধের কোন রাজা তথায় রাজত্ব করিতেন। Dr. Buchananও এই মতাবলম্বী ছিলেন। বিহারের কোন গৈর পুরোহিতের নিকট তিনি শুনে যে, রাজা শ্রীনিক এবং তাঁহার বংশধরগণ এই স্থানে বাস করিতেন। কিন্তু ধ্বংসাবশেষের অবস্থা দেখিয়া এবং ঐতিহাসিক স্থান নির্দেশের কলে বলিতে পারা যায় যে, কাহিনীর মূলে কোন সত্য নাই। এখানে রাজকীয় অব্যবহার, দুর্গ, দুর্গ-প্রাচীর কিংবা রাজপ্রাসাদের চিহ্ন থাকাই উচিত; কিন্তু তাহার কিছুই এখানে পাওয়া যায় না।



১নং বিহারের প্রধান প্রবেশ (বর্তমান সংস্কারের পূর্বে)

গরুড়ারূঢ় চতুর্ভুজবিশিষ্ট একটি বিষ্ণুমূর্তি অত্যন্তম।† ইহার নিকটেই প্রাপ্ত উচ্চ আসনে অধিষ্ঠিত দুইটি বুদ্ধমূর্তিও বেশ সুন্দর। এই স্তূপগুলির ঠিক ১৮২৫ ফুট দক্ষিণ-পশ্চিমে সুরজ-পোখর নামে একটি পুষ্করিণী আছে। ইহার দক্ষিণে অনেক সুন্দর সুন্দর ছোট ইষ্টক নিশ্চিত স্তূপাদির চিহ্ন পাওয়া যায়। পুষ্করিণীর প্রত্যেক ধারেই তিনটি করিয়া ইষ্টক-নিশ্চিত ঘাট আছে। এই ঘাটের দক্ষিণ-পূর্ব কোণে স্তূপীকৃত বহু মূর্তি রহিয়াছে। তন্মধ্যে হইতে A. M. Broadley একটি দ্বিখণ্ড বরাহ-মূর্তি সংগ্রহ করেন। সেটা উচ্চতায় ৯ ফুট এবং প্রস্থে ৪ ফুট। Broadley আর দুইটি খুব সুন্দর বিষ্ণুমূর্তি সংগ্রহ করেন। একটি সবুজ পাথরে ক্ষোদিত ৩ ফুট দণ্ডায়মান বিষ্ণুমূর্তি, অপরটি পাঁচ ফুট একটি পাথরে খোদাই করা বিষ্ণুর দশ-অবতারের দশটি চিত্র। এক একটি চিত্রের পরিমাণ ৮ ইঞ্চি। সুরজ-পোখরের প্রায় দেড় হাজার ফুট দক্ষিণ-পূর্বে একটি বিরাট ইষ্টক-নিশ্চিত মন্দিরের ধ্বংসাবশেষ দেখিতে পাওয়া

যায়। উহার পরিধি ৬০০ ফুটের কম হইবে না—উচ্চতা ইহা ৫০ ফুট। ইহারই প্রায় ৮০০ ফুট দক্ষিণে আর একটি বিহার আবিষ্কৃত হইয়াছে। সেটা পূর্বের মন্দির অপেক্ষা অনেক বড়। এখান হইতে সাতটি বুদ্ধমূর্তি এবং একটি সিংহাসন পাওয়া গিয়াছে।

যুয়ন্-চোয়ঙ্, একটি ইষ্টক-নিশ্চিত বিহারের নাম করিয়াছেন; তাহাতে 'তারা বোধিসত্ত্বের' তাত্র-বিগ্রহ থাকিত। সেটা নালন্দা-মহাবিহার হইতে অর্ধমাইল কিংবা মাইলের এক-তৃতীয়াংশের মধ্যে অবস্থিত ছিল। Cunningham ২০০০ ফুট উত্তরে একটি বিহারের আবিষ্কার করেন। তাঁহার মতে এটাই উক্ত বিহাব। ইহার উচ্চতা ২২৮ হইতে ২৪০ ফুটের মধ্যে। ইহার আয়তন অর্থাৎ চতুর্দিকের পরিধি ৭০- $\frac{১}{২}$ X ৬৩ ফুট এবং মাটা হইতে ৬ ফুট উচ্চ নিশ্চিত। যুয়ন্-চোয়ঙ্ বলিয়াছেন এই বিহারের দক্ষিণে একটি কূপ ছিল। সেটা যথাস্থানেই আবিষ্কৃত হইয়াছে।

বড়গাঁ একটি ছোট গ্রাম। ইহার বর্তমান লোক-সংখ্যা প্রায় ছয় শত হইবে। যে ধ্বংসাবশেষের কথা পূর্বে বলা হইয়াছে তাহার দক্ষিণে ইহা অবস্থিত। বিহার হইতে

† Major Cunningham এই মূর্তিটিকে কোন ব্রাহ্মণের মন্দিরের মূর্তি বলিয়া অনুমান করেন।

ইহা ছয় মাইল দক্ষিণ-পশ্চিম দিকে এবং রাজগৃহ কিংবা গিরিব্রহ্ম অথবা বর্তমান রাজগীর হইতে সাত মাইল উত্তর-পূর্বে অবস্থিত। গয়া হইতেও ইহার দূরত্ব বেশী নহে।

কা-হিয়ানের বিবরণে যে নাল নামক স্থানের উল্লেখ দেখা যায়, সেটা গিরিয়েক পর্বত কিংবা রাজগৃহ হইতে এক যোজন অথবা সাত মাইল দূরে অবস্থিত। রাজগৃহ কিংবা গিরিয়েক পর্বত হইতে নালন্দার দূরত্বও বাস্তবিকই একরূপ। সিংহের পালিগ্রন্থে ঐ কথাই প্রতিধ্বনি পাওয়া যায়। যুয়ন্-চোয়ঙ বলিয়াছেন, নালন্দা বুদ্ধ-গয়ার

নালন্দা-বিশ্ববিদ্যালয় প্রতিষ্ঠার পূর্বে এই স্থানে শারি-পুত্রের জন্ম হয়, এ কথা আমরা পূর্বেই উল্লেখ করিয়াছি; কিন্তু Cunninghamএর মতে এ কথা সত্য নহে। তিনি বলেন যে, যুয়ন্-চোয়ঙের বিবরণ অনুসারে 'কল-পিনাক' নামক স্থানে তাঁহার জন্ম। উহা নালন্দা ও ইন্দ্রশীলা পর্বতের মধ্যস্থলে অবস্থিত। বুদ্ধের অপর শিষ্য মহা-মৌগাল্যানও অত্রস্থানে জন্মগ্রহণ করেন। যুয়ন্-চোয়ঙ 'কুলিকা' নামক স্থানে তাঁহার জন্মের কথা উল্লেখ করিয়াছেন। নালন্দা হইতে উহার দূরত্ব দেড় মাইলের

অধিক নয়। এই 'কুলিকার' ধ্বংসাবশেষ বর্তমান জগদীশপুরে Cunningham কর্তৃক আবিষ্কৃত হইয়াছে।

জগদীশপুর ধ্বংসাবশেষের চকের আলির পরিধি ২০০ ফুট সম-চতুর্কোণ; উহার উপরে আবার ৭০ ফুট সমচতুর্কোণ এক উচ্চ স্থান আছে। ঐ উচ্চ স্থানের দক্ষিণ দিকের একেবারে শেষে একটা বড় নিমগাছ আছে। সেখান হইতে বহু মূর্তি পাওয়া গিয়াছে। তন্মধ্যে



১নং বিহারের ভিতরের চতুর্কোণ—পূর্বদিকের দৃশ্য

পিপ্পল-বৃক্ষ হইতে সাত যোজন অর্থাৎ ৪২ মাইল দূরে অবস্থিত। রাস্তা মাপিয়াও এ দূরত্ব সমর্থিত হয়, কিন্তু মানচিত্রের হিসাবে দূরত্ব কিছু কম—৪০ মাইল মাত্র। যুয়ন্-চোয়ঙ বলেন, রাজগৃহ হইতে নালন্দার দূরত্ব মাত্র পাঁচ মাইল। Major Cunninghamএর মাপে উত্তর দিকের প্রাচীর হইতে রাজগৃহের দূরত্ব হিসাব করিলে যুয়ন্-চোয়ঙের কথাই ঠিক বলিয়া প্রতীয়মান হয়। এইস্থান হইতে প্রাপ্ত দুই একটা প্রস্তর-লিপি হইতেও স্থানের ও সংস্থানের প্রমাণের অভাব হয় না।

একটা মূর্তি সর্কাপেক্ষা বৃহৎ এবং সুন্দর। মূর্তিটা ভগবান্ বুদ্ধদেবের। ইহার উচ্চতা ১৫ ফুট এবং প্রস্থ ২২ ফুট। মধ্যস্থলে বুদ্ধদেব বুদ্ধগয়ার বোধিরক্ষের তলে ধ্যানরত; তাঁহার চতুর্দিকে ধ্যানভঙ্গকারী মার ও তাহার অনুচরবৃন্দ এবং বহু দৈত্য-দানব, নারীবৃন্দের সমাবেশ আছে। তাহাদের চতুর্দিকে বুদ্ধের জীবনের বিভিন্ন সময়ের বিভিন্ন মূর্তি। Cunningham বলেন, স্থানীয় অধিবাসিগণ মূর্তিটাকে কুম্বিনীর * মূর্তি বলিয়া পূজা করিত। এই


* নালন্দার ধ্বংসাবশেষকে ব্রাহ্মণেরা 'কুম্বিনপুর' বলিতেন এবং

বিগ্রহের মুখে ছুঁক ও দেবতার নিকট ছাগ-বলি দিয়া এবং
এবং লাল খড়ির সাহায্যে নাসিকা ও কর্ণে তিলক-সেবা
প্রভৃতি দ্বারা ভক্তেরা ষথারীতি পূজার অনুষ্ঠান করিতেন।

নালন্দার ধ্বংসাবশেষ এখনও সম্পূর্ণরূপে আবিষ্কৃত
হয় নাই। বহুদিন পূর্বে Cunningham এবং Broad-
ley সাহেবদ্বয় ইহার চতুঃসীমার একটা মোটামুটি পরি-
মাপ লন। কিন্তু সে মাপ ফলদায়ক না হওয়ায় পরে
Archaeological Survey দ্বারা ইহার মাপ লওয়া হয়।
তাহাতে দেখা গিয়াছে, উহার মাপ ১৬০০ X ৪০০ ফুট।

যুয়ন্-চোয়ঙ-বর্ণিত নালন্দা মহাবিহারের প্রাচীর

দেখা যায় না। Broadley তাহা আবিষ্কার করিতে
পারেন নাই। কিন্তু পরে গনন-কার্য্য যখন অধিক দূর
অগ্রসর হইয়াছিল তখন প্রাচীরের সন্ধান পাওয়া গিয়াছিল
—উহাতে একটা তোরণ-দ্বারও ছিল। ধ্বংসাবশেষের
সমস্তই একরূপ প্রাচীরের মধ্যেই অবস্থিত। প্রাচীরের
বাহিরেও রত্ন বিহার ও স্তূপাদি দেখা যায়—তাহার কতক-
গুলি নিদর্শনও পূর্বে পাওয়া গিয়াছে। প্রাচীরের মধ্যে
যে সমস্ত ধ্বংসাবশেষ আছে সেগুলি নালন্দা-বিহারের।
এই ধ্বংসাবশেষের অধিকাংশই ইষ্টকনির্মিত। ইহার
মধ্যে কতকগুলি কুটাকৃতি (Conical) উচ্চ বিহারের



বিহারের পশ্চিমদিকের প্রধান প্রবেশ-পথ

উহা কৃষ্ণের স্ত্রী রুদ্ৰিণীর জন্মস্থান বলিয়া অভিহিত করিতেন। রুদ্ৰিণী
বিদর্ভ কিংবা বেরারের রাজা মহারাজ ভীমের কন্যা। Cunningham
বলেন, বেরারের স্থানে ভুল-ক্রমে বিহার হওয়াই সম্ভব। Broadley
সাহেব এ মতের সমর্থন করেন। তিনি বলেন, বড়সীর অধিকাংশ
প্রতিবাসী জগদীশপুরের ধ্বংসাবশেষকে রুদ্ৰিণীর পিতার আবাসস্থান
বলিত এবং সেইজন্য উহার নামও রাখিয়াছিল “রুদ্ৰিণ-ধান”। নালন্দা
হইতে জগদীশপুরের দূরত্ব মাত্র আধ মাইল। জগদীশপুর নালন্দার
পার্শ্বেই অবস্থিত বলা যায়, এবং মূর্তিটা এইরূপ অবস্থায় থাকার
স্থানীয় জন-সাধারণের এইরূপ ভুল হইয়া থাকিবে, ইহাতে আশ্চর্য্যের
বিষয় কিছুই নাই।

আলি অর্থাৎ ভিত্তির উপরিস্থিত চারিদিকের দেওয়াল
বিশেষে দ্রষ্টব্য। সেগুলি উত্তর দিক হইতে আরম্ভ করিয়া
দক্ষিণ দিকে বিস্তৃত। এই ধ্বংসপ্রাপ্ত বিহারগুলি যুয়ন্-
চোয়ঙ-বর্ণিত ছয়টা বিহারের সাক্ষাৎ দেয়।

পূর্বেই বলিয়াছি যে, নালন্দা-বিশ্ববিদ্যালয় বৌদ্ধ শিক্ষা-
কেন্দ্র এবং বৌদ্ধরাজ-পরিচালিত হইলেও হিন্দুর সহিত
ইহার ঘনিষ্ঠ সম্বন্ধ ছিল। চারি দিকের মূর্তি, শিলা-
লিপিতেও এ সম্বন্ধের পরিচয় বেশ সুন্দরভাবে পাওয়া
যায়। যেখানে বুদ্ধ কিংবা মায়াদেবীর মূর্তি, সেইখানেই

বিষ্ণু, শিব এবং ব্রহ্মার বিগ্রহ অবস্থিত। ইহাদের মধ্যে একটি বিষ্ণু ও দুর্গার মূর্তির মাথার উপর বুদ্ধদেবের একটি মূর্তি দেখা গিয়াছে। অবশ্য ইহাতে উভয় ধর্মসম্প্রদায়ের মতের উদারতার পরিচয়ই পাওয়া যায়। হিন্দু বা বুদ্ধদেবকে ভগবানের নাম অবতার বলিয়া স্বীকার করেন।

যুয়ন-চোয়ঙ্ তাঁহার বিচরণের প্রথমে আবেষ্টনী প্রাচীরের বাহিরে একটি বিহার অর্থাৎ মন্দিরের কথা বলিয়াছেন। তথায় ভগবান বুদ্ধদেব তিন মাস কাল থাকিয়া তাঁহার বাণী প্রচার করিয়াছিলেন। খনন-কার্যের সময় Major Cunningham সাহেব মন্দিরটির আবিষ্কার করেন। উক্ত মন্দিরটি বড়গাঁ ধ্বংসাবশেষের দক্ষিণ-পশ্চিম দিকে অবস্থিত। এখনও উহার উচ্চতা ৫৩ ফুট এবং উপরের প্রস্থ ৬৫ হইতে ৭০ ফুট পর্য্যন্ত পাওয়া যায়। ইহার কিছু দক্ষিণে একটি ছোট স্তূপ ছিল, তাহাতে একজন ভিক্ষু বাস করিতেন এবং বুদ্ধদেবের সম্মানার্থ 'পঞ্চাঙ্গ' পূজার অনুষ্ঠান করিতেন। আরও দক্ষিণে একটি অবলোকিতেশ্বরের মূর্তি পাওয়া গিয়াছে। মূর্তিটি কষ্টিপাথরের ও অতি সুশ্রী এবং তাহার মস্তকের চতুর্দিকে সপ্তকণা



নালন্দায় অবলোকিতেশ্বর

বিশিষ্ট সমর্পণ। ইহার উপরে আবরণের জন্ত নিশ্চয়ই কোন মন্দির কিংবা স্তূপ ছিল, কারণ উহার চতুর্দিকে খিলানের আলির সুস্পষ্ট চিহ্ন দেখিতে পাওয়া যায়। এই মূর্তিটির দক্ষিণে আর একটি স্তূপ ছিল—তাহাতে বুদ্ধদেবের চুল ও নখ থাকিত। ঋগ্ন ব্যক্তিগণ উহার চারিদিকে ঘুরিয়া তাহাদের স্বাস্থ্যের পুনরুদ্ধার করিত। উহার আরও দক্ষিণে ঠিক এইরূপ আর একটি স্তূপের ধ্বংসাবশেষ আছে। এখনও উহার উচ্চতা ২০ ফুট।

মহাবিহারের পশ্চিমদিকে প্রাচীরের বাহিরে এক স্তূপ ছিল। এখানে ভগবান্ বুদ্ধদেবকে ভিন্নমতাবলম্বী কোন ব্যক্তি জীবন-মৃত্যু সম্বন্ধে প্রশ্ন করিয়াছিলেন। ইহার ঠিক পূর্বদিকে একটি খুব বড় বিহারের ধ্বংসাবশেষ পাওয়া যায়। এখনও উহার উচ্চতা ৬০ ফুট উচ্চ। মাটি হইতে ৫০ ফুট উপরের ব্যাস ৭০ ফুট এবং মাটি হইতে ৩৫ ফুট উপরে ৮০ ফুট। দেওয়ালের বাহিরের দিকের অনেকটা অংশ ক্ষয়প্রাপ্ত হইয়া গিয়াছে। উহার ভিত্তির পূর্ব-আয়তন সমচতুষ্কোণ ৯০ ফুটের কম ছিল না।

এই সমুদায় ধ্বংসাবশেষের উত্তর-পূর্ব কোণে কতকগুলি ছোট স্তূপ পাওয়া যায়। সবগুলিরই উচ্চতা ১০ হইতে ৩০ ফুটের মধ্যে। এই স্তূপগুলি নানা আকারের গাঢ় নীল রঙের পাথরে প্রস্তুত—এখনও অনেকগুলি বেশ সুন্দরভাবে অবস্থিত। উহাদের মাথায় অর্ধগোলাকৃতি চূড়াগুলির ব্যাস ১ হইতে ৪ ফুটের মধ্যে। এই স্তূপসমূহে বুদ্ধদেবের জীবনের ঘটনাবলী বেশ সুন্দরভাবে ক্ষোদিত আছে। ইহাদের ভিত্তি এবং উপরের প্রস্তর সম্পূর্ণ বিভিন্ন প্রকারের এবং দুইটির মধ্যে লোহ দিয়া বেশ শক্তভাবে আটকান। অনেকদিন টেকসই করিবার জন্তই যে এই ব্যবস্থা হইয়াছিল সে বিষয়ে কোন সন্দেহ নাই। এই মন্দিরের দক্ষিণে আর একটি বিহার পাওয়া যায়। এটি বোধিসত্ত্ব অবলোকিতেশ্বরের মন্দির। কর-পদ্মধৃত তিব্বতীয় পদ্মপাণি এবং এই অবলোকিতেশ্বরের গঠনপ্রণালী একই প্রকারের।

উক্ত ধ্বংসাবলীর উত্তরে একটি খুব বড় ধ্বংসপ্রাপ্ত বিহার অবস্থিত। এটি বালাদিত্যের মন্দির। এই মন্দিরের মধ্যে একটি বুদ্ধের মূর্তি পাওয়া গিয়াছে—উহাই যুয়ন-চোয়ঙ্ বর্ণিত বালাদিত্য-মন্দিরের বুদ্ধবিগ্রহ হওয়াই সম্ভব।



মালদার বঙ্গপাণি

যুগ্ম-চৌমুড়, তাঁহার বিবরণে বালাদিত্য মন্দিরের উচ্চতা ২০০ ফুট বলিয়া উল্লেখ করিয়াছেন। বর্তমানে হিসাব করিয়া দেখিলে কিংবা বুদ্ধগয়ার মন্দিরের সহিত উহার তুলনা করিয়া দেখিলে ঐরূপই মনে হয়। বুদ্ধগয়ার মন্দিরের সহিত এই মন্দিরের তুলনা করিবারও অনেক কারণ আছে। যুগ্ম-চৌমুড়, তাঁহার বিবরণে বর্ণিত যে, গঠনকার্যে বুদ্ধগয়ার সহিত বালাদিত্য-মন্দিরের বেশ সামঞ্জস্য দেখা যায়। তিনি ইহার উচ্চতা ২০০ ফুট (কোন কোন স্থানে ৩০০ ফুট) বলিয়াছেন। এ কথা আমরা স্বীকার করিয়া লইতে

পারি, কারণ বর্তমান আবিষ্কৃত ধ্বংসাবশেষের ভাণ্ডার সহিত ইহার বেশ সমতা দেখিতে পাওয়া যায়। *

কেহ কেহ বলেন যে, ব্রহ্মদেশীয় কোন ব্যক্তি এই বিহারের সংস্কার করেন। এ কথা একেবারেই ভিত্তিহীন— কারণ এই মন্দিরের দ্বারের প্রস্তরলিপি হইতে দেখা যায় যে, মহাবিহার তৈলাকে-বংশীয় বালাদিত্য কর্তৃক সংস্কার হইয়াছিল। Captain Marshall খনন-কার্যের সময় ইহার আবিষ্কার করেন। উহাতে লেখা আছে—

শ্রীমমহীপাল দেবরাজ্যেঃসম্বত ॥ অগ্নী রাজ্যহার ততে দেয়ধম্মায়ং পবরমা[ম] হবযান যামীনঃ পরমোপাসক শ্রীমতৈলাচকীয়জ্ঞানীয় কোশাধী বিনির্গতস্য হরদত্ত নপ্ত গুরুদত্ত স্তৃত শ্রীবালাদিত্যস্য যদত্র পুত্রঃ তন্নতু সর্বগত রাশেরত্ত নুরজ্ঞানাবাস্তব ইতী ॥ অর্থাৎ

শ্রীমৎ মহীপাল দেবের + রাজত্বের সময় সংবৎ ৯১৩ (অর্থাৎ ৮৫৬ খৃষ্টাব্দে) † পরম উপাসক তৈলাচকবংশীয় জ্ঞানীশ্রেষ্ঠ হরদত্ত-পুত্র গুরুদত্তের পুত্র শ্রীবালাদিত্য কোশাধী হইতে আসিয়া ধর্মাত্মক কার্যে এই দান উৎসর্গ করেন। ইহা হইতে বেরূপ শিক্ষাই পাওয়া যাক না কেন, মনুষ্য সমাজে ইহা শ্রেষ্ঠজ্ঞানের উন্নতির কারণ হউক।

উক্ত প্রস্তর-লিপিটি মাত্র ১২ লাইনে লিখিত এবং

* বালাদিত্যের এই মন্দিরটি প্রথমে ১৮৬১ খৃষ্টাব্দে Cunningham সাহেব আবিষ্কার করেন। পরে ১৮৭১ খৃষ্টাব্দে A. M. Broadley সাহেব উহার খনন-কার্য সমাধা করেন। ১৮৭২ খৃষ্টাব্দে Cunningham সাহেব মালদার পুনরায় গমন করেন এবং পুংখানুপুংখরূপে পরীক্ষা করিবার পরে বোধিস্তম-মন্দিরের উপকরণ, গঠন-পদ্ধতি প্রভৃতির সহিত উহার তুলনা করিয়া যুগ্ম-চৌমুড়ের কথাই বর্ধা বলিয়া মানিয়া লন।

+ সারনাথের প্রস্তরলিপিতে এই রাজার রাজত্বকাল ১০২৬ খৃষ্টাব্দ অথবা ১০৪৩ সংবৎ পাওয়া যায়।

† রাজা রাজেন্দ্রজাল মিত্র মহাশয় এই প্রস্তরলিপির প্রথম অনুবাদ করেন। লিপিটিতে ইহার সময় সাংকেতিক কথার লিপিবদ্ধ আছে, অর্থাৎ অগ্নি, যাব এবং দ্বার। ইহাতে বেশ একটু রহস্যের বে সৃষ্টি হয় না, তাহা নহে। রাজেন্দ্রবাবু এই রহস্যের দ্বার উন্মোচন করেন। অগ্নির সংখ্যা ৩, যাব অর্থাৎ শক্তির সংখ্যা ১ এবং দ্বারের সংখ্যা ২। তিনটি পরের পর রাখিলে ৩১২ হয়। কিন্তু 'সক-বাসগতি'র নিয়ম অনুসারে অক্ষরগুলিকে উল্টা করিয়া বসাইলে ৯১৩ সংখ্যা পাই। সুতরাং বুদ্ধিগির প্রতিষ্ঠা-কাল ৯১৩ সংবৎ।

একটি ৪×৫ ফুট বুদ্ধমূর্তির নিয়ে ক্ষোদিত হইয়াছে।
কৃষ্ণবর্ণ কঠিন প্রস্তর-নির্মিত। প্রশস্ত বারান্দার
অস্তরালে দ্বারদেশে অবস্থান করায় এবং ধ্বংসাবস্থায়



বহুকাল ধ্বংসস্তূপের মধ্যে
থাকায় মূর্তিটি ঠিক নূতনের
মত অবস্থায় পাওয়া গিয়াছে।
ইহাতে লেখা আছে 'দেয়ধম্মায়ং'
অর্থাৎ 'ধর্মাত্মক কার্যে'
ইহার প্রতিষ্ঠা হইল।' এখানে
প্রস্তর-লিপিটির প্রতিষ্ঠা হইল,
কি সমস্ত দ্বারদেশের প্রতিষ্ঠা
হইল, তাহা ঠিক বুঝা যায়
না। মন্দিরটি পর্যবেক্ষণ
করিলেই দেখা যাইবে যে,
প্রধানতঃ উহা মাটি, চূণ ও
ইষ্টকের দ্বারা তৈয়ারী এবং
মাঝে মাঝে উহার সংস্কার
হইয়াছে। দ্বারটি যে কোন
সংস্কার-কার্যের সময় নির্মিত
হইয়াছে তাহা বেশ বুঝা
যায়। সুতরাং সংস্কারান্তে
ঐ দ্বারটির পুনঃস্থাপন হওয়াই
সম্ভব।

যুয়ন্-চোয়ঙ, অথবা ঙ্গ-চিঙ্গ
যে অধ্যয়ন-গৃহ অথবা হল-

বালাদিত্যের মন্দিরের দ্বারের প্রস্তরলিপি

ঘরের কথা বলিয়াছেন তাহার সন্ধান প্রথমে পাওয়া যায়
Broadley সাহেবের খনন-কার্য হইতে। জঙ্গল পরিষ্কার
করিয়া তিনি মাটির কিছু উপরে প্রায় ১০০ ফুট সম-
চতুষ্কোণ একটি প্রস্তর-বিশিষ্ট চকের আবিষ্কার করেন।
ইহার ঠিক মধ্যস্থলে একটি খুব বড় মন্দির ছিল—তাহার
ভিত্তিস্থানের আয়তন সমচতুষ্কোণ ৮০ ফুট। ইহাতে চার
পাঁচটি অলিন্দ ছিল। প্রত্যেক অলিন্দ হইতে অপর
অলিন্দের ব্যবধান ১৪ ফুট। এই মন্দিরটি সমস্তই ইটের
তৈয়ারী। প্রত্যেক ইটের আয়তন ১ ফুট ৩ ইঞ্চি লম্বা,
৩ ইঞ্চি পুরু এবং ১০ ইঞ্চি চওড়া। এই ইটগুলি পরস্পর

এমন ভাবে রক্ষিত যে, উহাদের ঘোড়ের স্থান খুব স্থায়।
মন্দিরটির প্রথম দুইটি তল একেবারে মাটির মধ্যে সমাহিত
থাকায় উহার আবিষ্কারে উহাকে নূতনের মতনই মনে
হয় এবং যুয়ন্-চোয়ঙের বিবরণের সহিত সামঞ্জস্য লক্ষিত
হয়। এই মন্দিরের প্রধান দরজাটি উত্তর দিকে অবস্থিত।
চকের চারিদিকে বহু হল-ঘর, অট্টালিকা ইত্যাদি ছিল,
কেবলমাত্র পূর্বদিকে ছাত্রদের থাকিবার স্থান নির্দিষ্ট
ছিল।

১৯১৬ খৃষ্টাব্দে এই মন্দিরের রোয়াক বাহির করা
হয়। পূর্বদিকে প্রবেশ পথে একটি প্রস্তর-নির্মিত
শিঁড়ি আছে। মাটির উপরে-মন্দিরের যে অংশ বাহির
হইয়া আছে উহা, প্রায় ৫ফুট উচ্চ। উহার গাত্রে নানাক্রম



নালন্দার বুদ্ধমূর্তি



অল্প গঙ্গা এবং রাজগৃহ
অকলে পাঁচটা গ্রাম দান
করা হইল। সুনামদেব
শ্রীবালপুত্রের অল্পবোধে
এই দানের ব্যবস্থা হয়।

সম্প্রতি Mr. Page
কর্তৃক যে ধনদকার্য
হইতেছে তাহা হইতে
অনেক নূতন সংবাদ
জানিতে পারা গিয়াছে
বিহারাবলী এবং
সুপশ্রেনীকে মইয়াই
তাঁহার কার্যের আরম্ভ
হইয়াছে। তবে তাঁহার
কার্য সুপশ্রেনীর সম্পূর্ণ
দক্ষিণদিকে একটা বৃহৎ

স্তূপের দক্ষিণ-পূর্বকোণের দৃশ্য
কিয়র, পক্ষী, সিংহ, মহাদেব, পার্শ্বতী, যম প্রভৃতির মূর্তি
শোভিত আছে। মূর্তিগুলি খৃষ্টীয় ষষ্ঠ কিংবা সপ্তম শতাব্দীর
কোন প্রাচীন মন্দির হইতে সংগৃহীত হওয়াই সম্ভব—
এ মত ডাঃ স্পুনার সমর্থন করেন।


সম্মুখের দিকে প্রথম হলটা বেশ সাধারণ ধরণের।
উহার আয়তন ৫০ x ২৬ ফুট। ১২টা বড় ধামের উপর
উহার ছাদ রক্ষিত। প্রথম চত্বরের চারিদিকের প্রাচীরটা
এখনও প্রায় ১০ ফুট উচ্চ। উহার সহিত প্রধান ভোরণ
ঘরটিরও পুনরাবির্ভাব হইয়াছে। উহা প্রায় ২০ ফুট
চওড়া এবং ১২ ফুট উচ্চ।

ইহাদের নিকটে গুহার ভায় আকৃতি বিশিষ্ট একটা
খিলান-করা ঘর আবিষ্কৃত করা হয়। উহার ছাদ রাজ-
গৃহের সোন-ভাঙার গুহার ছাদের মত হস্তিপৃষ্ঠের ভায়।
এগুলিতে ভিক্ষুরা যোগাভ্যাস করিতেন। এই চকের
উপরিভাগে ভিক্ষুদের বাসস্থানের জন্ত প্রকোষ্ঠ ছিল।
প্রত্যেক প্রকোষ্ঠের মধ্যে অল্প পরিসর কুলঙ্গীর
ভায় স্থানে তাঁহারা শয়ন করিতেন। এই
বিহারটির প্রবেশ-দ্বারের ভিতরে পণ্ডিত হীরানন্দ শাস্ত্রী
একটা তাম্রশাসন প্রাপ্ত হন। তাম্রশাসনটা ৮৯১
খৃষ্টাব্দের। উহাতে লিখিত আছে যে, নামদা-বিহারের
রাজ নির্মাণার্থ এবং ভিক্ষুগণের আহার ও বাসের সুবিধার

ধ্বংসাবশেষেই সংস্কৃত। এই ধ্বংসপ্রাপ্ত স্তূপটির পূর্বা-
বস্থায় উপর্যুপরি সাতবার উহার উপর স্তূপ নির্মিত
হইয়াছে। পার্শ্বে পূর্বতাকৃতি যে বিরাট স্তূপটির চিত্র
দেওয়া হইয়াছে উহাই উক্ত স্তূপের দক্ষিণ-পূর্বদিকের দৃশ্য।
ইহা সম্পূর্ণ ইটের তৈয়ারী এবং দীর্ঘকাল স্থায়ী করিবার জন্ত
ইহাকে যেরূপ ভাবে গঠন করা হইয়াছে, তাহা আশ্চর্যা-
জনক। Mr. Page বলেন, ইহার সর্বোপেক্ষ বিশেষত্ব
এই যে, ইহা মাটির উপর অসংখ্য চূণের মূর্তিতে পরি-
শোভিত। সেগুলি এমন সুন্দরভাবে রক্ষিত যে, এখনও
তাহাদের অনেকগুলি অভয় এবং ভক্তিমা-মাধুর্যে সুন্দর।
পরবর্তী চিত্রটিতে তাহার দৃষ্টান্ত বেশ পাওয়া যাইবে।
এই স্তূপটা সমচতুষ্কোণ, কিন্তু উপরে উহা গোল আকার
ধারণ করিয়াছে—সর্বোপরি একটা গোল চূড়াও ছিল।
এই স্তূপের মূর্তিগুলির অধিকাংশই বুদ্ধদেবের—সেগুলি
নিয়মিত ধ্যানাবস্থায় অধিষ্ঠিত। উহাদের আয়তন ২ ফুট
১০ ইঞ্চি x ১ ফুট এবং তাহার অপেক্ষা কিছু কম ও বেশী।
দণ্ডায়মান বোধিসত্ত্ব, অবলোকিতেশ্বর এবং একটা ভয়
তারামূর্তিও উহাতে পাওয়া গিয়াছে। মূর্তিগুলির গঠন-
পদ্ধতি এবং ভক্তিমা দেখিয়া Mr. Page অনুমান করেন
যে, খৃষ্টীয় ৭ম শতাব্দী হইতে ৮ম শতাব্দীর মধ্যে স্তূপটির
প্রতিষ্ঠা হওয়া সম্ভব।

নালন্দার ভাস্কর্য্য-নিদর্শনের সর্বাঙ্গের বৈশিষ্ট্য 'বটুক-ভৈরব'। * উহা নালন্দার মন্দিরভবনের একটি মূর্তি পূর্বোক্ত চকের কিছু উত্তর-পূর্ব দিকে একটি বৃহৎ বটগাছ আছে, উহার নিম্নে এই মূর্তিটি অবস্থিত। মূর্তিটি খুব সুন্দর। এখানকার মূর্তিগুলির প্রত্যেকটির মাথার উপর নাম দেওয়া আছে। ইহাতে আৰ্য্য শারিপুত্র এবং আৰ্য্য মৌদগল্যায়নের দুইটি মূর্তি আছে। উহারা উজ্জীর্ণমান অবস্থায় ফুলের মালা ধরিয়া আছে। প্রধান মূর্তিটির দুই পার্শ্বে আরও দুইটি মূর্তি,

মন্দিরের নিকট অবস্থিত। মূর্তিটির গঠন-নৈপুণ্য প্রশংসনীয়। ধ্বংসাবশেষের দক্ষিণ-পূর্বদিকে 'কপতিয়া' নামক স্থানে অনেকগুলি মূর্তি একসঙ্গে পাওয়া যায়। তন্মধ্যে বজ্রবারাহী এবং বাগীধরীর মূর্তি অন্যতম। সেগুলিতে নালন্দার ও ত্রীগোপালদেবের নাম পাওয়া যায়। যুয়ন-চোয়ঙ, একটি দণ্ডায়মান বোধিসত্ত্ব অবলোকিতেশ্বরের কথা বলিয়াছেন, উহার ঐশীশক্তি ছিল। কষ্টিপাথরের একটি দণ্ডায়মান পদ্মপাণি অথবা অবলোকিতেশ্বরের সুন্দর



ভিত্তিগারে চূণের ভাস্কর্য্যের নিদর্শন

আৰ্য্য বসুমিত্র এবং আৰ্য্য মিত্রসেন দণ্ডায়মান। এই 'বটুক-ভৈরবের' নিকটেই একটি ছোট মন্দিরের ধ্বংসাবশেষ আছে—উহাতে ত্রিমস্তক-বিশিষ্টা অষ্টভূজা একটি বজ্রবারাহীর মূর্তি পাওয়া যায়।

নালন্দার ধ্বংসাবশেষ হইতে একটি সিংহাসনের একটি ক্ষুদ্র অংশ দেখিয়া মনে হয় যে উহা প্রাচীন কালের ভাস্কর্য্যের মত নয়। এইখানে দেখা যায় হস্তীর পরিবর্তে Dragonএর মূর্তি করা হইয়াছে।

এতদ্ব্যতীত অসংখ্য মূর্তি কিংবা পাথরের কারুকার্য্যের সুন্দর নিদর্শন পাওয়া যায়। বড়গাঁ গ্রামের মধ্যেই একটি দীর্ঘাকৃতি বুদ্ধমূর্তি পাওয়া গিয়াছে—সেটি একটি হিন্দু

মূর্তিকে প্রত্নতত্ত্ববিদগণ সেই মূর্তিই বলিয়া অনুমান করিয়াছেন।

Broadley সাহেব তাঁহার বিবরণে ৭১টি মূর্তি এবং অন্যান্য দ্রব্যাদির পরিচয় দিয়াছেন। এতদ্বিহীন ডাঃ স্পুনার ৬০০ মূর্তিকা-নির্মিত মোহর এবং ২১১ খানি প্যানেল প্রাপ্ত হইয়াছেন। নালন্দার এইরূপ দু'একটি মোহর এবং প্যানেল দেখিয়াছি। মোহরের লেখাগুলি বেশ স্পষ্ট পড়া যায়, প্যানেলগুলিও বেশ সুন্দর। ডাঃ স্পুনারের সংগৃহীত প্যানেলগুলির প্রত্যেকখানি বিভিন্ন আকারবিশিষ্ট এবং বিচিত্র অক্ষর-নৈপুণ্যে মনোরম। আর একটি ভিনিলের পরিচয় এখানে দিব। উহা একছড়া মালা। সম্ভবতঃ অপের জন্যই উহা ব্যবহৃত হইত। বহু

* ইহার বর্তমান নাম 'তেলিয়া-ভাণ্ডার'।



প্রাচীনপুথির পুস্তিকা এবং তৎকালীন অনেক দ্রব্যও নালন্দার ধ্বংসাবশেষে বাহির হইয়াছে। নালন্দায় আর একটি দ্রব্য বিশেষ দৃষ্টব্য। ইহা একটি প্রস্তর-লিপি। ইহাতে বালাদিত্যের মন্দিরের একটি দানের কথা লিপিবদ্ধ আছে। উহাতে লেখা আছে যে, নালন্দায় সুন্দর সুন্দর সৌধশ্রেণী এবং অসংখ্য স্তূপাবলী থাকায় বহু প্রসিদ্ধ অপ্রতিদ্বন্দ্বী পণ্ডিত সেখানে

সিংহাসনের স্তূপ ভগ্নাংশ বাস করিতেন। ঠিক এই স্থানের ধ্বংসাবশেষেই দেবপালের একটি তাম্রশাসন পাওয়া যায়। তাহাতে দেখা যায় যে, স্তূপদ্বীপ (সুমাত্রা) এবং যবদ্বীপের একজন রাজা নালন্দায় একটি বিহার স্থাপন করেন।

নালন্দা আবিষ্কারের অধিকাংশ দ্রব্যই Major Cunningham এবং Broadley সাহেব সংগ্রহ করিয়া গিয়াছেন। সম্প্রতি উহার খননকার্য আরও বর্ধিত হইতেছে। এ পর্য্যন্ত যে সকল দ্রব্য পাওয়া গিয়াছে সে গুলি দেখিয়া মনে হয় খনন-কার্য আরও অগ্রসর হইলে বহু ঐতিহাসিক তথ্য



নালন্দার জপমালা

আবিষ্কৃত হইবে। ইতিমধ্যেই বহু মূর্তি এবং দ্রব্যাদি মিউজিয়াম এবং পাঠাগার প্রভৃতিতে পাঠান হইতেছে ইহাতে ইতিহাসের পৃষ্ঠায় যে নূতন আলোকপাত হইবে তাহা আশা করা যায়।



সাহিত্য-পরিষৎ পত্রিকা, ৪র্থ সংখ্যা, ১৩৩৬

শব্দ-চয়ন—শ্রীরবীন্দ্রনাথ ঠাকুর। বাংলা ভাষায় গল্প লিখতে নতুন শব্দের প্রয়োজন প্রতিদিনই ঘটে। অনেক দিন ধরে অনেক রকম লেখা লিখে এসেছি। সেই উপলক্ষ্যে অনেক শব্দ আমাকে বানাতে হ'ল। কিন্তু প্রায়ই মনের ভিতরে খটকা থেকে যায়। সুবিধা এই যে, বার বার ব্যবহারের দ্বারাই শব্দবিশেষের অর্থ আপনি পাকা হ'য়ে ওঠে, মূলে যেটা অসঙ্গত, অভ্যাসে সেটা সঙ্গতি লাভ করে। তৎসঙ্গে সাহিত্যের হট্টগোলে এমন অনেক শব্দের আমদানি হয়, যা ভাষাকে যেন চিরদিনই পীড়া দিতে থাকে। যেমন 'সহানুভূতি'। এটা sympathy শব্দের তর্জমা। 'সিম্প্যাথি'-র গোড়াকার অর্থ ছিল 'দরদ'। ওটা ভাবের আমলের কথা, বুদ্ধির আমলের নয়। কিন্তু ব্যবহারতঃ ইংরেজীতে 'সিম্প্যাথি'র মূল অর্থ আপন ধাতু-গত সীমা ছাড়িয়ে গেছে। তাই কোনো একটা প্রস্তাব সম্বন্ধেও সিম্প্যাথি-র কথা শোনা যায়। বাংলাতেও আমরা ব'লতে আরম্ভ করেছি—'এই প্রস্তাবে আমার সহানুভূতি আছে'। বলা উচিত, 'সম্মতি আছে', বা 'আমি এর সমর্থন করি'। ষাই হোক—সহানুভূতি কথাটা যে বানানো কথা এবং ওটা এখনো মানান-সই হয়নি, তা বেশ বোঝা যায়—যখন ও শব্দটাকে বিশেষণ করবার চেষ্টা করি। 'সিম্প্যাথিটিক'-এর কী তর্জমা হ'তে পারে, 'সহানুভৌতিক', বা 'সহানুভূতিশীল', বা 'সহানুভূতিমান' ? ভাষায় যেন ধাপ ধায় না—সেই জগ্গেই আজ পর্যন্ত ষাঙালী লেখক এর প্রয়োজনটাকেই এড়িয়ে গেছে।

দরদের বেলা 'দরদী' ব্যবহার করি, কিন্তু সহানুভূতির বেলায় লজ্জায় চূপ ক'রে যাই। অথচ সংস্কৃত ভাষায় এমন একটা শব্দ আছে, যেটা একেবারেই তথার্থক। সে হচ্ছে 'অনুকম্পা'। ধ্বনিবিজ্ঞানে ধ্বনি ও বাতাসের তারের মধ্যে সিম্প্যাথি-র কথা শোনা যায়—যে সুরে বিশেষ কোনো তার বাঁধা, সেই সুর শব্দিত হ'লে সেই তারটা অনুকম্পিত ও অনুধ্বনিত হয়। এই ত 'অনুকম্পন'। অগ্নের বেদনায় যখন আমার চিত্ত ব্যথিত হয়, তখন সেই ত ঠিক 'অনুকম্পা'। 'অনুকম্পায়ী' কথাটা সংস্কৃতে আছে। 'অনুকম্পাপ্রবণ' শব্দটাও মন্দ শোনায় না। 'অনুকম্পালু' বোধ করি ভালোই চলে। মুস্তিল এই যে, দখলের দলিলটাই ভাষায় স্বত্বের দলিল হ'য়ে ওঠে। কেবলমাত্র এই কারণেই 'কান, সোনা, চুন, পান' শব্দ-গুলোতে মূর্দ্ধন্য গ-য়ের অনধিকার নিরোধ করা এত দুঃসাধ্য হয়েছে। ছাপাখানার অক্ষর-যোজকেরা সংশোধন মানে না। তাদের প্রশ্ন করা যেতে পারত যে, কানের এক সোনায় যদি মূর্দ্ধন্য গ লাগল, তবে অল্প সোনায় কেন দস্ত্য ন লাগে। 'প্রবণ' শব্দের রফলা লোপ হ'বার সঙ্গে সঙ্গে তার মূর্দ্ধন্য গ, সংস্কৃত ব্যাকরণ মতে দস্ত্য ন হয়েছে। অথচ 'স্বর্ণ' শব্দ যখন রেফ বর্জন ক'রে 'সোনা' হ'ল, তখন মূর্দ্ধন্য গ-য়ের বিধান কোন্ মতে হয় ? হাল আমলের নতুন সংস্কৃত পোড়োরা 'সোনা'কে শোধন ক'রে নিয়েছেন, তাঁদের স্বকল্পিত ব্যাকরণবিধির দ্বারা—এখন দখল প্রমাণ ছাড়া স্বত্বের অন্য প্রমাণ অগ্রাহ হ'য়ে গেল। 'প্রবণ' শব্দের অপভ্রংশ শোনা শব্দ যখন বাংলা ভাষায় বানান-দেহ ধারণ করেছিল, তখন বিদ্যাসাগর প্রভৃতি

প্রাচীন পণ্ডিতেরা বিধানকর্তা ছিলেন—সেদিনকার বানানে কান সোনা প্রভৃতিরও মূর্খন্য প্রাপ্তি হয়নি।

কিছুকাল পূর্বে যখন ভারতশাসনকর্তারা 'ইন্টার্ন' শব্দ ক'রলেন, তখন খবরের কাগজে তাড়াতাড়ি একটা শব্দ সৃষ্টি হ'য়ে গেল—'অন্তরীণ'। শব্দসাদৃশ্য ছাড়া এর মধ্যে আর কোনো যুক্তি নেই। বিশেষণে ওটা কী হ'তে পারে, তাও কেউ ভাবলেন না। Externmentকে কি ব'লতে হবে 'বহিরীণ' ? অথচ 'অন্তরায়ণ, অন্তরায়িত, বহিরায়ণ, বহিরায়িত' ব্যবহার ক'রলে আপত্তির কারণ থাকে না, সকল দিকে সুবিধাও ঘটে।

নূতন সংঘটিত শব্দের মধ্যে কদর্যতার শ্রেষ্ঠ লাভ করেছে 'বাধ্যতামূলক শিক্ষা'। প্রথমতঃ শিক্ষার মূলের দিকে বাধ্যতা নয়, ওটা শিক্ষার পিঠের দিকে। বিদ্যাদান বা বিদ্যাল্যভাই হচ্ছে শিক্ষার মূলে—তার প্রণালীতেই 'কম্পালশন'। অথচ 'অবশ্য-শিক্ষা' শব্দটা বলবামাত্র বোঝা যায় জিনিসটা কি। 'দেশে অবশ্য-শিক্ষা প্রবর্তন করা উচিত'—কানেও শোনায় ভালো, মনেও প্রবেশ করে সহজে। 'কম্পালসারি এডুকেশন'-এর বাংলা যদি হয় 'বাধ্যতামূলক শিক্ষা', 'কম্পালসারি সাবজেক্ট' কি হবে 'বাধ্যতামূলক পাঠ্য বিষয়' ? তার চেয়ে 'অবশ্যপাঠ্য বিষয়', কি সম্ভব ও সহজ শোনায় না ? 'ঐচ্ছিক' (optional) শব্দটা সংস্কৃতে পেয়েছি, তারি পরিবর্তে 'আবশ্যিক' শব্দ ব্যবহার চলে কি না, পণ্ডিতদের জিজ্ঞাসা করি। ইংরেজিতে যে সব শব্দ অত্যন্ত সহজ ও নিত্য প্রচলিত, দরকারের সময় বাংলায় তার প্রতিশব্দ সহসা খুঁজে পাওয়া যায় না, তখন তাড়াতাড়ি যা হয় একটা বানিয়ে দিতে হয়। সেটা অনেক সময় বেধাপ হ'য়ে দাঁড়ায়, অনেক সময় মূল ভাবটা ব্যবহার করাই সুগিত থাকে। অথচ সংস্কৃত ভাষায় হয় ত তার অবিকল বা অনুরূপ ভাবের শব্দ হুলুভ নয়। একদিন 'রিপোর্ট' কথাটার বাংলা করবার প্রয়োজন হয়েছিল। সেটাকে বানাবার চেষ্টা করা গেল, কোনটাই মনে লাগল না। হঠাৎ মনে পড়ল কাদম্বরীতে আছে 'প্রতিবেদন'—আর ভাবনা রইল না। 'প্রতিবেদন, প্রতিবেদিত, প্রতিবেদক'—যেমন ক'রেই ব্যবহার করা, কানে বা মনে কোথাও বাধে না। জনসংখ্যার অতিবৃদ্ধি—'ওভারপপুলেশন'—বিষয়টা আজকাল খবরের কাগজের

একটা নিত্য আলোচ্য ; কোমর বেধে ওর একটা বাংলা শব্দ বানাতে গেলে হাঁপিয়ে উঠতে হয়—সংস্কৃত শব্দকোষে তৈরি পাওয়া যায়, 'অতিপ্রজন'। বিভাগয়ের ছাত্র সম্বন্ধে 'রেসিডেন্ট', 'ননু-রেসিডেন্ট' বিভাগ করা দরকার, বাংলায় নাম দেবো কি ? সংস্কৃত ভাষায় সম্ভব ক'রলে পাওয়া যায় 'আবাসিক', 'অনাবাসিক'।

বর্তমান জগৎ, জ্যৈষ্ঠ ১৩৩৭

রুশিয়ান দাড়ী ধবংস—পিটার দি গ্রেট

১৬৮২ খৃঃ হইতে ১৭২৫ খৃঃ পর্যন্ত রুশিয়ান রাজত্ব করেন। তিনি যখন সিংহাসনে আরোহণ করেন সে-সময়ে রুশিয়ার অধিকাংশ লোকই অসভ্য ছিল। নানাবিধ কুসংস্কার তাহাদের উন্নতির পথে অন্তরায় স্বরূপ ছিল। দাড়ী রাখা প্রথা তখন বিশেষ ভাবে প্রচলিত। পিটার দি গ্রেট আদেশ প্রচার করিলেন—রাজ্যের সমস্ত পুরুষকে দাড়ী কামাইয়া ফেলিতে হইবে। এই আদেশে রাজ্যময় বিষম হৈ চৈ পড়িয়া গেল। দেশের লোক সকলেই মনে করিত, দাড়ী রাখা ঈশ্বরের আদেশ। সুতরাং রাজার হুকুমে দাড়ী কামাইতে অনেকই রাজী হইল না। কিন্তু রাজার কঠোর আদেশ অবজ্ঞা করাও চলে না। তাই অনেকে দাড়ী কামাইল, অনেকে বা দেশ হইতে পলাইয়া বিদেশে আশ্রয় লইল। আবার অনেক দাড়ীধারী বিদ্রোহ ঘোষণা করিল। কিন্তু রাজার সঙ্গে কেহই পারিয়া উঠিল না। দেশে নাপিত না থাকায় রাজা ইংল্যান্ড হইতে নাপিত আনাইয়া দাড়ী কাটাইতে লাগিলেন। এইরূপে কিছু দিনের মধ্যে রুশিয়ার দাড়ীলীলা ধবংস লাভ করিল।

কায়স্থ সমাজ, জ্যৈষ্ঠ ও আষাঢ় ১৩৩৭

দেড়শত বর্ষ পূর্বে

শ্রীশরচ্চন্দ্র ঘোষ বর্মা। প্রাচীন বঙ্গদেশের পার্থক্য আকাশ-পাতা। তখনকার ধাতু-দ্রব্য ও বস্ত্রাদির বিষ "মহারাজ নন্দকুমার" নামক গ্রন্থে দেখি ১৭৭৪ খৃঃ নবেম্বর মাসে নবাব মীরজাফর ক্লাইবের সহিত দেখা করিতে আসে-

দ্রব্যাদির এক ব্যয়-তালিকা এই পুস্তকে আছে। সে-সময় ভাল চাউল এক মণের দাম ছিল ১৮০ আনা। উৎকৃষ্ট রুত একমণ ১৫০/৮ গণ্ডা। সর্ষপ তৈল একমণ ৮১০ টাকা। লবণ ১১০ মণ। প্রতি মণ ময়দা ৩১/০ ও দেশী চিনি ৭১০ প্রতি মণ। মিষ্টানের মণ ছিল ১০০ টাকা। একমণ কিস-মিস বাদাম পাওয়া যাইত ৩১০ দামে। দপির মণ ২১০ টাকা। একটা ছাপলের দাম এক টাকা। একখান কাপড়ের দাম ১০০ টাকা এবং একমণ ডাইল ২১০ মূল্যে বিক্রীত হইত।

সূতা কাটার প্রথা বহু পরিবারে প্রচলিত ছিল। সূতার বিশিষ্ট কপড় পাওয়া যাইত। সাধারণ গৃহস্থ পুরুষের কাপড় ও চাদর হইলেই চলিত, পিরানের দরকারই ছিল না। মেয়েদের শাড়ীই যথেষ্ট ছিল।

যৌথ-পরিবার বাঙ্গালার একটা বৈশিষ্ট্য। পূর্বে এইরূপ পরিবারের সংখ্যা অত্যধিক ছিল। তখন হিন্দু মুসলমানে এত রেধারেবি ছিল না এবং নিম্ন শ্রেণীর হিন্দুর সহিত উচ্চ শ্রেণীর হিন্দুর অধিকতর প্রীতি বর্তমান ছিল।

সেকালে বর্দ্ধিষ্ণু গ্রাম মাত্রই চতুষ্পাঠী ছিল; মুসলমান গ্রামে মসজিদ ছিল; গ্রামে গ্রামে পাঠশালা ছিল। ব্রাহ্মণেরাই প্রায় টোলে অধ্যয়ন-অধ্যাপনা করিতেন, শাস্ত্রচর্চায় নিরত হইতেন ও জনসাধারণকে শাস্ত্রানুমোদিত ক্রিয়াকলাপে নিযুক্ত করিতেন। অধ্যাপক পণ্ডিতরা বিনা বেতনে খোরাকী দিয়া ছাত্রদিগকে বিদ্যাশিক্ষা দিতেন। চরিত্র শিক্ষা ও ধর্ম শিক্ষা দানেরও তাঁহাদের দায়িত্ব ছিল। তাঁহারা নিলোভ ছিলেন। রাজা জমিদার ও ধনী লোকের অর্থ-সাহায্যে চতুষ্পাঠীর ব্যয় নির্বাহ হইত। বিদ্যাবিক্রয় পাপ বলিয়া গণ্য ছিল। কায়স্থাদি চাকরীজীবী জাতির মস্তবে কারী শিখিতেন। বৈদ্যগণ সংস্কৃত শিখিতেন ও আয়ুর্বেদ পড়িতেন। পাঠশালার শিক্ষকতা কায়স্থেরই একচেটিয়া ছিল। এখানকার মত সর্ব জাতির যে বানানো প্রচলন ছিল না বটে, কিন্তু নিরক্ষর হইলেও তা বেশ বোঝা শিক্ষার ফল হইতে বঞ্চিত হইত না। চেষ্টা করি। 'পুরাণ পাঠ শ্রবণ করিয়া তাহারা নীতিগর্ন 'সহানুভৌতিক' ন উপার্জনে সমর্থ হইত। শিক্ষার ব্যয়-ভাবায় ঘেম খাপ মাদুরের উপর বা ছোট ছোট চোকির বাঙালী লেখকগণ শিক্ষা দান করিতেন

সতীদাহ অবাধে প্রচলিত ছিল। একজন কুলীন ব্রাহ্মণ শতাধিক পত্নী গ্রহণ করিতেন। বরপণের কথা লোকের অজ্ঞাত ছিল। কন্যাপণ প্রচলিত ছিল। সেই জন্ত রাতী শ্রেণীর বংশজ ও শ্রোত্রীয় অনেককে পণের টাকা সংগ্রহ করিবার শক্তির অভাবে অবিবাহিত থাকিয়া বংশ লোপ করিতে হইয়াছে অথবা তাঁহারা ভরার মেয়ে বিবাহ করিয়া বংশ রক্ষা করিয়াছেন।

নারীগণ লেখাপড়া করিতেন না। লেখাপড়া করিলে নারীগণ বিধবা হয়, এই সংস্কার সাধারণের মধ্যে ছিল।

তখনকার ব্রাহ্মণভোজন বলিতে ফলাহার বুঝাইত; অর্থাৎ দই, চিঁড়া ও আনুষঙ্গিক দ্রব্যাদি। তখন কুটুম্বাদি বাড়ীতে আসিলে নারিকেল-কোরা, বাতাসা, চিনি, তক্তি, চিঁড়া, মুড়ি, মুড়কি, দুধ, দধি হইলেই তাঁহাদের যথেষ্ট জলখাবার আয়োজন হইত। সেকালের লোকের আহার-শক্তিও অত্যধিক ছিল। আহারান্তে কেহ কেহ একখানা পায়স, কেহ বা ১/৫ সের একখানা দধি ও সেরখানেক চিনি অনায়াসে ভোজন করিয়া ফেলিতেন। অনেকেই মত্ত পান করিতেন; মদ্য সহজেই পাওয়া যাইত।

তখন কবিরাজ ও হকিমগণ সর্বত্র চিকিৎসা করিতেন। তখনকার আমোদ-প্রমোদ ছিল কবির গান, কীর্তন, তরঙ্গা, বাই, খেমটা, পাঁচালী, ইত্যাদি। কথকতা, রামায়ণ গান ইত্যাদি পারিবারিক ও সামাজিক জীবন-গঠনে সহায়তা করিত।

স্থলপথে ঘোড়া, হাতী ও উঠ এবং জলপথে নানাবিধ নৌকা, যাতায়াতের বাহন ছিল।

মুর্শিদাবাদ নগরই ছিল বাঙ্গালার প্রধান নগর। তাহার পরেই ঢাকা। ঢাকার বঙ্গশিল্প তখনও বিদেশে আপন গৌরব অক্ষুণ্ণ রাখিয়াছিল।

প্রাচীন কালের এই বঙ্গদেশের প্রতি দৃষ্টিপাত করিয়া আমরাদিগকে আবার মাহুস হইতে হইবে।

—
অর্চনা, শ্রাবণ ১৩৩৭

মুসলমানের শিক্ষা ও সমাজ—
গান বাহাদুর মাসিকদীন আহমদ। আরবী কারগী উর্দু বা মাজাসা মস্তবেব 'মোহেপ'ড়ে মুসলমানদের যে কি

অনিষ্ট হচ্ছে তা ব'লে শেষ করা যায় না। এই শিক্ষাতে বুদ্ধি কোনরূপ প্রসার লাভ করতে পারে না। ইহাতে অবধা সময়, শক্তি ও অর্থের অপব্যয় হয়।

পারিপাশ্বিক অবস্থার দিকে লক্ষ্য রেখে আমাদের শিক্ষা দীক্ষা জীবন-যাপন-প্রণালী গঠন করতে হবে। মাদ্রাসা শিক্ষা এই জীবন-যুদ্ধের জন্ত আমাদেরকে কতটা উপযুক্ত ক'রে গড়তে পারে তা বিবেচনার বিষয়। ইহাতে ইতিহাস, ভূগোল, অর্থনীতি প্রভৃতি modern subject শিক্ষা দেওয়ার সুবিধা নেই, অথচ এগুলি শিক্ষা না করলে বর্তমান জগতে জীবিকা অর্জনই কঠিন হ'য়ে দাঁড়ায়।

আরবী, ফারসী শিক্ষার ব্যবস্থা Classics রূপে স্কুল কলেজ ও ইউনিভার্সিটিতে হওয়াই যথেষ্ট। মাদ্রাসা শিক্ষার আবশ্যিকতা কি? যদি ধর্মজ্ঞান বিস্তারের জন্ত এর আবশ্যিক হয়, সে উদ্দেশ্য তথাকথিত মাদ্রাসায় সাধিত হচ্ছে না। সেজন্য দরকার মাতৃভাষায় ধর্মগ্রন্থগুলির অনুবাদ, কেননা একমাত্র তাতেই সর্বসাধারণের পক্ষে ধর্ম-শিক্ষা সম্ভবপর হবে।

একথা আজ সর্ববাদিসম্মত যে, স্ত্রীশিক্ষা ব্যতীত জাতির উন্নতি অসম্ভব। অন্য পক্ষে পর্দা উঠিয়ে না দিলে তাদের উপযুক্ত শিক্ষার ও স্বাস্থ্যের উন্নতির ব্যবস্থা করা অসম্ভব এটাও প্রমাণিত হয়েছে। এই সব খেয়াল ক'রে উন্নততর মুসলিম দেশগুলি পর্দা তুলে দিয়েছে, এবং মেয়েদের উচ্চ শিক্ষার ব্যবস্থা করেছে। বাস্তবিকই মেয়েদের শিক্ষা না দিলে দেশের মঙ্গল কি ক'রে সম্ভবপর হ'বে? মেয়েরা পঙ্গু হ'য়ে থাকলে সমাজের এক অর্ধেক যে পঙ্গু হ'য়ে রইল তা নয়—বাকী অর্ধেকও অকেজো হ'য়ে পড়ে। সুন্দর স্বাস্থ্যবান সন্তান ধারণ করতে হ'লে মাকে স্বাস্থ্যবতী হ'তে হবে। কিন্তু কৈ, আমাদের স্বাস্থ্য কোথায়? অস্বাস্থ্যকর গৃহে আজীবন বদ্ধ থাকার দরুণ তাদের মনও যেমন দিন দিন সঙ্কীর্ণ হ'য়ে যাচ্ছে—তাদের স্বাস্থ্যও তেমনি ধারাপ হ'য়ে যাচ্ছে। যদি মেয়েদের আর কিছুই না হ'তে হয়, তাদের গৃহিণী ও মাতা এ দুটি ত নিশ্চয়ই হ'তে হবে। শিক্ষার অভাবে তা'রা বর্তমান জগতের প্রয়োজনানুযায়ী সুগৃহিণী হ'তে পারছেন না, সৃজননী ত নয়ই। শিক্ষা না পাওয়ার তাদের মনের প্রশস্ততা জন্মাতে পারে না; এমন কি স্বাস্থ্য প্রভৃতি সম্বন্ধে সাধারণ যে জ্ঞান সকলের

থাকা দরকার তাও তাদের হয় না। বৃহত্তর জাতীয় জীবনে যোগ দেওয়ার জন্তে তাদের উচ্চ শিক্ষা পেতে হবে।

বিশেষ কথা, আমাদের দৃষ্টিকে বিস্তৃত করার সময় এসেছে। ক্ষুদ্র সংসার-প্রাঙ্গণ ছেড়ে বৃহত্তর জাতীয় জীবন—তার সমাজ ও সভ্যতার বিষয় ভাবতে হবে। নারীর শারীরিক বীর্য, বুদ্ধি, প্রতিভা প্রভৃতি হেলার বস্ত্র নয়। তার সেই ঘুমন্ত শক্তি পুরুষের শক্তির সঙ্গে মিলিত করতে হবে; তা হ'লেই জাতির কল্যাণ হবে।

বালা-বিবাহ যে দোষণীয় এতে সন্দেহ নেই। এতে একদিকে যেমন মেয়েদের স্বাস্থ্য এবং তজ্জন্ত সন্তানের স্বাস্থ্য ধারাপ করে, অন্য পক্ষে মেয়েদের শিক্ষার ভয়ানক বাধা জন্মায়। তা হ'লে সর্দা আইন সম্বন্ধে এত আপত্তি কেন?

আইন না হ'লে সতীদাহ প্রথা এত দিনে উঠে যেত কি? মুসলমানদের ত বালাবিবাহ সম্বন্ধে আইন হওয়ায় কোন আপত্তি থাকতে পারে না, কারণ ইসলামের বিধি অনুসারেই বালাবিবাহ একরূপ হ'তে পারে না।

মুসলমানদের আর্থিক অবস্থা সব-চেয়ে হৃদয়-বিদারক। অর্থাভাব হেতু আমাদেরকে ক্রমাগত মহাজনের নিকট হ'তে ঋণ ক'রে সুদ দিতে হচ্ছে, কিন্তু হারাম ব'লে ঋণ দিয়ে সুদ নেবার বিধি আমাদের নেই। আমার কোন বন্ধুর কথা জানি, যিনি provident fund এর সুদ হারাম মনে ক'রে বছরে হাজার টাকা ক'রে গবর্নমেন্টকে ছেড়ে দিচ্ছেন। এখন মনে করুন, এই টাকাগুলি মুসলমান শিক্ষার জন্য কিম্বা এই দুর্ভিক্ষের দিনে Relief work এ ব্যয়িত হ'লে কি দেশের উপকার হ'ত না?

এরূপে কত লক্ষ লক্ষ টাকা যে মুসলমানেরা নিজেদের নির্বুদ্ধিতার জন্য হারাচ্ছে তার ইয়ত্তা নেই। অথচ এই সমাজের লোকই অন্নভাবে মরছে, বস্ত্রভাবে শীতের যন্ত্রণা ভোগ করছে, অর্থাভাবে পীড়িতের চিকিৎসা হচ্ছে না এবং সহস্র সহস্র মেধাবী ছেলে-মেয়েদের শিক্ষার সংস্থান হচ্ছে না।

হিন্দু আজ শিক্ষা-দীক্ষা সর্ব বিষয়ে মুসলমান হ'তে প্রায় পঞ্চাশ বছর এগিয়ে গেছে। তারা বিশ্ব-সভ্যতায় ইতোমধ্যেই অনেক কিছু দান করেছে।

এক কথায়, জাতীয় জীবনে সমস্ত দিকেই হিন্দুর

প্রত্যাব অক্ষুণ্ণ হইয়াছে। মুক্তি কিসে, হিন্দু-সে-কথা বুঝতে পেরেছে। মুসলমান এখনও যেন অন্ধকারে হাতুড়ে বেড়াচ্ছে। হিন্দুর কর্মধারা আজ সহস্রমুখে উৎসারিত হচ্ছে—আর মুসলমান এখনও যেন নেশাখোরের মত বিমোছে। অবশ্য সমাজ হিসাবে হিন্দুদের মধ্যে এখনও বহু কুপ্রথা আছে—সে সবের সংস্কার হওয়া একান্ত দরকার।

কিন্তু এদিকেও হিন্দুরা চূপ ক'রে ব'সে নেই। এই বাংলাতেই গত এক শত বছরের মধ্যে কত না মহাপ্রাণ এলেন, তাদের সংস্কারের জন্য। রামমোহন, বিদ্যাসাগর, বিবেকানন্দ, কেশব প্রভৃতির নাম প্রাতঃস্মরণীয়। কিন্তু বাংলার বাহিরের ছ' একজনের কথা ছেড়ে দিলে গোটা ভারতীয় মোসলেম সমাজে এমন একজন সমাজ-সংস্কারকও জন্ম নেননি, যার কথা মনে ক'রে এতটুকু গর্বও অনুভব করা যায়।

আজ মুসলমানদের একতার আদর্শ নিয়ে হিন্দুরা বিভিন্ন সম্প্রদায়ের সমন্বয়ের চেষ্টায় উঠে-প'ড়ে লেগেছে। কিন্তু মুসলমানেরা আজ নিজেদিগকে শত ভাগে বিভক্ত ক'রে ছুঁকল হ'য়ে পড়ছে। শিয়া, সুন্নি, হানাফি, হাওয়ালা প্রভৃতি দল ত আগে হ'তেই ছিল। এখন বাংলা দেশে এক হানাফী বিভাগই না কত ধণ্ডে বিভক্ত হ'য়ে বিভিন্ন মৌলানা সাহেবদের নেতৃত্বে পরস্পরকে গালাগালি ও কাফেরী ফৎওয়া দিয়ে ও বিবাহ-সাদী, ধাওয়া-দাওয়া প্রভৃতি সামাজিক কার্যকলাপে পরস্পরকে একঘরে ক'রে, কি ভয়াবহ ভাবেই না ইসলামকে বিচ্ছিন্ন, বিভক্ত ও শক্তিহীন ক'রে তুলছে। এক কথায় বলতে গেলে, বর্তমানে হিন্দুরা পরকে আপন ক'রে নিচ্ছে, আর মুসলমানরা আপনাকেও পর ক'রে দিচ্ছে।

ইতিপূর্বে মুসলমানেরা স্বাস্থ্য ও শারীরিক বীর্য হিসাবে দেশের গৌরব ছিল। কিন্তু আজকাল তারাই ছুঁকল ভীরু ব'লে কলঙ্কিত হচ্ছে।

গত কয়েক বৎসরের হিন্দু-মোসলেম বিরোধের কথা স্মরণ হয়ে মনে বড়ই চুঃখের উদ্রেক হচ্ছে। এ নিতান্তই লজ্জায় বিষয় যে, একই দেশে যাদের জন্ম—একই দেশের সুখ-চুঃখের ব্যাধায় যারা ব্যথিত—একই দেশের আলো-বাতাস যাদের প্রাণে আনন্দ গান বহন ক'রে আনে, একই দেশের মাটি যাদের শেষ শয্যা—তাদের মধ্যে কলহ, তাদের

মধ্যে বিরোধ! এর কারণ আমার এই মনে হয় যে, হিন্দু-মুসলমান এখনও পরস্পর পরস্পরের সহিত ভালরূপে পরিচিত হ'তে পারে নি—বিশেষ আজও তারা বৃহত্তর জাতীয়ভাবে অনুপ্রাণিত হয়নি, বা ভাবতে শেখেনি।

হিন্দু-মুসলমানের মিলনের জন্য পরস্পরকে পরস্পরের সভ্যতা ভাল ক'রে বুঝতে চেষ্টা করতে হবে। এজন্য পরস্পরের দর্শন, সাহিত্য, শিল্প নিবিড় ভাবে জানতে হবে। তাদের ক্রমে ক্রমে এই মনোভাব আয়ত্ত করতে হবে, যে, হিন্দু-মুসলমান এক জাতি, ভারতীয়। তাদের মনে করতে হবে যে, শুধু ধর্ম বিষয়ে তারা হিন্দু—তারা মুসলমান,—সামাজিক, রাষ্ট্রীয় ও অন্যান্য সমস্ত বিষয়ে তারা ভারতীয়।

আশা হয়, ইসলামের প্রাণ-শক্তি এখনও নিবে যায় নি। ইসলামে এমন একটা জীবনশক্তি আছে যে, তার গভীর নিরাশার সময় সে একটা মহাপুরুষের জন্ম দেয়, যিনি এই ঘন নিরাশার কালিমাকে আশার আলোকে রূপান্তরিত ক'রে তুলেন। মুস্তাফা কামাল, রেজাশাহ, ইবনে সাউদ, আমানুল্লা, নাদির খাঁ প্রভৃতি এ কথার সত্যতা প্রমাণ করছেন।

ব্যবসা ও বাণিজ্য, আষাঢ় ১৩৩৭

প্রসিদ্ধ বাঙ্গালী ব্যবসায়ী—মাহুব মাত্রে ত' বড়ই, এমন কি, শ্রেষ্ঠ পুরুষদিগের মধ্যেও নিরবচ্ছিন্ন গুণের সাগর অথবা কেবল দোবের আকর হওয়া অসম্ভব ও অস্বাভাবিক।

ইণ্ডিয়ান প্রেসের প্রতিষ্ঠাতা স্বর্গীয় চিন্তামণি ঘোষ মহাশয় সম্বন্ধে একথা বেশ খাটে। অমাহুবিিক অধ্যবসায় সহকারে পরিশ্রম ও কষ্টসাধ্য পথের মধ্য দিয়া তিল তিল করিয়া আপনাকে গঠন করিতে একটির পর একটি, কঠিন হইতে কঠিনতর প্রতিফুল অবস্থার সহিত যুদ্ধ করিয়া “ইণ্ডিয়ান প্রেসের” মত এত বড় একটা জীবন্ত কীর্তি গড়িয়া যাইতে এক ইঁহাকেই দেখিতেছি।

শিশুকাল হইতেই তিনি চিন্তাশীল ও বিচারবান ছিলেন। সকলের কথা, সকলের পরামর্শ ধীরভাবে শুনিতে, কিন্তু আপনার সিদ্ধান্ত অনুযায়ীই কার্য করিতেন। কলিকাতার নিকটবর্তী বালীগামে ১৮৫৪ অব্দের ১০ই আগষ্ট চিন্তামণিবাবুর জন্ম হইয়াছিল। পিতা

স্বর্ণীয় মাধবচন্দ্র ঘোষ মহাশয় পুত্র ও পরিবার কানীতে রাখিয়া কমিসেরিয়েটের কর্মে উত্তর-পশ্চিমের নানা স্থানে ঘুরিয়া বেড়াইতেছিলেন। শেষে অসুখ হইতে কানী যাইবার পথে রুগ্ন হইয়া এলাহাবাদে মায়িয়া পড়েন এবং এখানেই ২২ বৎসর মাত্র বয়সে দেহত্যাগ করেন। সেই স্মৃতিতে ১৮৬৫ অব্দের ডিসেম্বর মাসে চিন্তামণিবাবু পিতামহী ও বিধবা জননীর সহিত কানী হইতে এলাহাবাদে আসেন।

ভবিষ্যতে বড় হইবার এক বিশিষ্ট লক্ষণ, মায়ের প্রতি অকপট ভক্তি। এই মাতৃভক্তি চিন্তামণিবাবুর হৃদয়ে আশৈশব গভীরভাবেই ছিল। পিতার মৃত্যুর পর যখন সংসারে অভাবের পীড়ন জননীকে চিন্তিত করিয়া তুলিয়াছিল, তখন তিনি বিদ্যালয়ে লেখা-পড়ার দিকে আর মন দিতে না পারিয়া ১৩ বৎসর বয়সেই মাত্র দশটাকা বেতনে চাকুরী স্বীকার করিয়াছিলেন। প্রথম প্রথম টেবিলের উপর বড় লেজার বহিতে হিসাব লিখিবার কালে তাঁহার হাত পৌঁছিত না বলিয়া খাতা নামাইয়া টেবিলের নীচে উপুড় হইয়া শুইয়া খাতা লিখিতেন। আশ্চর্যের বিষয়, তিনি এত পরিপাটি করিয়া লিখিতেন যে, হিসাবগুলি দর্পণের মত স্পষ্ট বোধ হইত, তাহাতে একটি কাটাকুটির দাগ বা ভুল থাকিত না।

কিশোর বয়সে তাঁহার বিধবা ভগিনী ও ভাগিনেয়ের ভার তাঁহাকে লইতে হইয়াছিল। কিন্তু পাছে তাঁহাদের প্রতি তাঁহার কর্তব্যের ক্রটি হয় এবং মাতার মনে কষ্ট হয়, এই ভাবিয়া তিনি অল্প বয়সেই উপার্জনক্রম হইলেও সময়ে বিবাহ না করিয়া প্রথমে মিতাচার ও মিতব্যয় দ্বারা অর্থ সংরক্ষণের দিকে মনোনিবেশ করিয়াছিলেন। অতঃপর অবস্থার উন্নতি করিয়া এই সংযমী পুরুষ ২৮ বৎসর বয়সে বিবাহ করিয়াছিলেন। পিতা এক কপর্দকও তাঁহার অন্ত রাখিয়া যান নাই। অভাবের কঠোর শাসন তাঁহাকে যেমন সংযমী ও চরিত্রবান করিয়াছিল, বিদ্যালয়ের শিক্ষা না পাইলেও গৃহে অনন্তসাধারণ অধ্যবসায়ের সহিত অধ্যয়ন তাঁহার হৃদয়কে আলোকিত করিয়াছিল। এই সময় তিনি Smile's এর Self-help গ্রন্থখানি আত্মোপাস্ত্র মাত আট বার নিবিষ্ট চিত্তে অধ্যয়ন করিয়াছিলেন। তিনি বলিতেন, “ঐ গ্রন্থ হইতে আমি স্বাবলম্বনের পথে

অনেক ইঙ্গিত পাইয়াছি; উহা আমাকে অপূর্ণ সহায়তা করিয়াছে।”

এই সময় একবার তিনি অল্পমূল্যে কিছু পুরাতন স্ত্রীপার আলানি কাঠের অন্ত খরিদ করিয়া রাখিয়াছিলেন। ভৃত্য একদিন তাহা কাটিবার কালে তিনি লক্ষ্য করিলেন, একখানি কাঠ পুনঃ পুনঃ কুঠারাঘাত করিয়াও সে চিরিতে পারিতেছে না, কেবল ধগু ধগু চকলা বাহির হইয়া যাইতেছে। তিনি তৎক্ষণাৎ সেই কাঠখানি এবং ঐরূপ কাঠগুলি বাছিয়া আলাদা করিয়া রাখিয়া দিলেন।

ইহার পর একদিন তিনি ও তাঁহার বন্ধু বাবু উমাচরণ নন্দী কাটরার পুরাতন পোষ্ট অফিসের নিকট কথোপকথন করিতেছিলেন, এমন সময় দেখিলেন—কাশীরাম মিত্রী নামে এক ছুতার একটি শিশু-কাঠের সিন্দুক ২০ টাকায় বিক্রয় করিল। এই সামান্য ঘটনাটি তাঁহার দৃষ্টি এড়াইল না। তিনি মিত্রীর নিকট জানিয়া কাঠের দাম, মজুরী প্রভৃতি খতাইয়া দেখিলেন যে, সিন্দুকটা ১২ টাকার মধ্যে নিশ্চিত হইয়া ২০ টাকায় বিক্রীত হইল। তিনি উপার্জনের একটি নূতন পথ খুঁজিয়া পাইলেন এবং মিত্রীকে দিয়া সঞ্চিত কাঠের টুল প্রভৃতি তৈয়ার ও বিক্রয় করাইয়া বেশ লাভ পাইলেন। অতঃপর দশ টাকার শিশু-কাঠ আনাইয়া উক্ত মিত্রীকেই মাসে চৌদ্দ টাকা বেতনে নিযুক্ত করিয়া দুই বন্ধুতে বান্ধ, সিন্দুক প্রভৃতি কাঠের আসবাবের কাজ আরম্ভ করিয়া দিলেন। প্রথম দেড় মাসে তাঁহাদের ১০০ টাকা মূলধন হয়। বন্ধুদ্বয় যখন দোকানে থাকিতেন, তখন পাড়ার অনেকেই তাঁহাদিগকে ঠাট্টা-বিক্রপ করিতেন। ইহারা তাঁহাদের দৃষ্টি এড়াইবার অন্ত দোকানের এক দিকের ঝাঁপ ফেলিয়া দিয়া একটু আড়ালে বসিয়া মিত্রীর কার্য পরিদর্শন করিতেন। এই সময় কৃষ্ণকিশোর তেওয়ারী নামে তাঁহার এক বন্ধু অংশীদার হইলে তিনি “তেওয়ারী এণ্ড কোম্পানী” নাম দিয়া ১৪০০ টাকা মূলধনে কারখানা চালাইতে লাগিলেন।

এদিকে পাণিনিয়ারে কাজ করিতে করিতে অবসর-কালে প্রেসের চারিদিক ঘুরিয়া প্রত্যেক কাজ লক্ষ্য করিতেন; মেশিনের প্রত্যেক অংশ খোলা, জোড়া, পরিষ্কার করা, কোন্ কলকলার দ্বারা কি কাজ হয়, সে সকল তন্ন তন্ন করিয়া দেখিতেন।

তাঁহার আত্মীয় বাবু উমাচরণ বোম পাণ্ডনিয়ার অফিসের হেড্‌ ক্লার্ক ছিলেন। চাকরি লইয়া তাঁহার সহিত কথা হইত। বালক চিন্তামণি তাঁহাকে বলিতেন— “চাকরীতে আছে কি ? বাবার টাকা নাই তাই এখন চাকরি করতে হচ্ছে ; টাকা থাকলে আমিও ঐ রকম প্রেস করে এত লোক খাটাতে পারতাম।” এই মনের জোরেই তিনি অল্পদিন গবর্ণমেন্টের চাকুরি করিয়া ৩৫ বৎসর বয়সে এক চতুর্থাংশ (২৫%) পেন্সন লইয়া স্বাধীন ব্যবসায়ের দিকে মনোনিবেশ করিয়াছিলেন। যিনি একদিন কৈশোরে কথার ছলে বলিয়াছিলেন, টাকা থাকিলে আমিও ঐরূপ প্রেস করিয়া এত লোক খাটাইতে পারি, তিনিই পরে ‘ইণ্ডিয়ান প্রেসের’ জন্ম দিয়া সাতশত লোকের অন্নসংস্থানের পথ উন্মুক্ত করিয়া দিলেন।

ইণ্ডিয়ান প্রেস যেমন তাঁহার অক্ষয় কীর্তি, বাঙ্গালী হইয়াও তৎকর্তৃক হিন্দী সাহিত্যের বিস্তার এবং অভূতপূর্ব উন্নতি সাধন, তাঁহার আর একটি চিরস্মরণীয় কীর্তি। তিনি যে শুধু হিন্দীতে আদর্শ মাসিক পত্রিকার প্রবর্তন করিয়াছিলেন তাহাই নহে ; কিন্তু ইহা যে একাধারে সাহিত্যের প্রচার ও উৎকর্ষ বিধান, লোকশিক্ষার উপায়স্বরূপ এবং ব্যবসায় হিসাবে উপার্জনেরও এক নূতন পন্থা, তাহা কাজে কর্তব্যে দেখাইয়া দিয়া অন্তের দ্বারাও উৎকৃষ্ট মাসিক পত্র প্রবর্তন ও পরিচালনার কারণ স্বরূপ হইয়াছিলেন।

হিন্দী জগতে এই অবস্থার সৃষ্টি করিতে সরস্বতীর (হিন্দী মাসিক পত্রিকা) বিশ বৎসর লাগিয়াছিল। তাই আজ এই প্রদেশে মাধুরী, সুধা, টাদ, মনোরমা, ত্যাগভূমি

প্রভৃতি ভাল ভাল মাসিক পত্র ১৯২০ সালের পর হইতে হিন্দী জগতে দেখা দিয়াছে। তিনি হিন্দী সাহিত্যের প্রাণ এবং উৎস স্বরূপ গোস্বামী তুলসীদাসকৃত রাম-চরিত নাটক এবং অসংখ্য হিন্দীগ্রন্থের উৎকৃষ্ট সংস্করণ এবং দ্বাব নব উদ্ভূত হিন্দী গ্রন্থ প্রকাশ করিয়া এই বিভাগীয় প্রকাশ কার্যে ও মুদ্রাক্ষন-শিল্পকে উন্নত পদবীতে উঠাইয়া দিয়াছেন।

দানশীলতায়, আতিথ্যে, বহুব্যাংসল্যে, গার্হস্থ্য ধর্মপালনে তিনি যেমন আদর্শ ছিলেন, কর্মক্ষেত্রে তিনি তেমনি সকলেব সহিত সদয় ব্যবহার করিতেন। ধর্ম্যে তিনি উদার ছিলেন, ঈশ্বরে তাঁর দৃঢ় বিশ্বাস ছিল। সমাজ-সংস্কারে তিনি উন্নতিশীল দলের মতাবলম্বী ছিলেন ; দেশ-প্রেমিকও বড় কম ছিলেন না। তিনি বিদ্যার অনুরাগী ছিলেন এবং বাল্যে অর্থের জ্ঞান অসময়ে বিদ্যালয় ত্যাগ করিতে বাধ্য হইয়াছিলেন, তাহা স্মরণ করিয়া বহু শিক্ষা-প্রতিষ্ঠানে মুক্তহস্তে অর্থদান করিয়া ও বহু দরিদ্র ছাত্রকে শিক্ষার সাহায্য করিয়া গিয়াছেন। তিনি দারিদ্র্য-দৈত্যের পীড়ন কি কঠোর, কি নিষ্ঠুর তাহা বুঝিয়াছিলেন। তাই জীবন-সংগ্রামে স্বীয় বাহুবলে তাহাকে দূর করিয়া উত্তরকালে দীন, দুঃখী, আতুর, অসহায়, বিধবাদের প্রকাশ্যে ও গোপনে বহু অর্থ দান করিয়া গিয়াছেন। তিনি বহু অর্থ উপার্জন করিয়াও আপনার কুতিত্ব বা গোরবের ইঙ্গিত কখন করেন নাই এবং বিপুল সম্পত্তির অধিকারী হইলেও ধনের উষ্ণতা তাঁহাতে লক্ষিত হয় নাই।

নৌড়

[শ্রীপ্রণব রায়]

চঞ্চলিত প্রণয়-অধীর

স্বকোমল পাখী দু'টি

ঠোটে বহি কাঠি-কুটি

রচিল শিরীষ-শাখে ছোট এক নৌড় ।

নব অনুরাগ-মোহে

নৌড়ে ব'সে থাকে দৌহে

মন্দের মধ্যাহ্ন যবে মিলন-মদির !

রচিল নিরামা ছোট নৌড় ।

সহসা দেখিলু তারপরে.—

চৈত্রের মেঘল সাঁঝে

রুদ্রের ডমরু বাজে,

নৌড়খানি ভেঙ্গে গেল নৃত্যকিপ্ত ঝড়ে !

আলুষ্ঠিত ছিন্ন শাখা,

মেলি' অবসন্ন পাখা

পাখী দু'টি ভেসে গেল তিমির-সাগরে !

নৌড়খানি ভেঙ্গে গেল ঝড়ে !

আমরাও নৌড় রচি আয় ;

শ্রাস্ত জনতার ভীড়ে

বৃথা মোরা মরি ফিরে

ধূলিধূসরিত এই পথ-কিনারায় !

রক্ষ নভে রৌদ্র বলে,

শ্যামপত্রচ্ছায়াতলে

দু'জনে রচিব এক নিভৃত কুলায় ।

আমরাও নৌড় রচি আয় !

সেখায় রবে' না আর কেহ !

লগাটে গুঠন টানি'

স্মিতাননা, হে কল্যাণী,

তুমি দিও একটুকু স্থানিক স্নেহ ।

নীলাম্বরে যে-চন্দ্রিকা,

চোখে ছেলে' তা'রি শিখা

উদ্ভাসিত করিব এ-ছায়াচ্ছন্ন গেহ !

সেখায় রবে' না আর কেহ !

জানি নৌড় কীণায় ভঙ্গুর ;

মহাকাল অকস্মাৎ

করিবে চরণপাত,


মোদের সাধের নৌড় হ'রে যাবে চুর !

অন্ধকার নিরুদ্ধেশে

মোরা চ'লে যাব ভেসে,—

তবু আজ জীবনের গাহি জয়-সুর !

হোক নৌড় কীণায় ভঙ্গুর !



‘কাব্যরোগ’

(গল্প)

[শ্রীকৃষ্ণচন্দ্র সাহা]

এক

কাব্য-সরস্বতী ছন্নছাড়া মত অনেক দিন হইতেই রাধাচরণের মনের আনাচে-কানাচে ঘুরিয়া বেড়াইতে-ছিলেন,—তেমন আমল পাইতেছিলেন না। কিন্তু কৈশোরের গভী পার হইয়া রাধাচরণ যেদিন যৌবরাজ্যে আসিয়া সর্বপ্রথম দৃষ্টি উন্মীলন করিল,—সেদিন সরস্বতীর আমল পাইতে বড় বেশী বিলম্ব ঘটিল না,—রাধাচরণের মানস-সরোবরের অর্ধবিকসিত শতদলের উপরে আসিয়া বীণাপাণি একেবারে বাহনসমেত জাঁকিয়া বসিলেন—সঙ্গে সঙ্গে সেদিন রাধাচরণের চোখে গেল আকাশের রঙ বদলাইয়া,—কল্পলোকের দ্বারে অর্ধচেতনার মাঝখান হইতে শুনিতে পাইল, সে সৃষ্টির সাহানা রাগিনী!

স্কুলের শেষ পরীক্ষায় পাড়ি দিয়া রাধাচরণ পড়িতে আসিয়াছিল—শহরের এক খাতনামা কলেজে। কিন্তু কলেজের পুঁথিতে তাহার মন বসিল না। যৌবনের যে অগাধ ভাব-সম্পদ একদিন শেলী-ওয়ার্ডসওয়ার্থ হইতে রবীন্দ্রনাথের অন্তরে পর্য্যন্ত সৃষ্টির সুর জাগাইয়া তুলিয়াছিল, রাধাচরণ সেই ভাব-সম্পদের স্বপ্ন দেখিল! রাধাচরণ স্থির করিল, কলেজের বাঁধা-গতের মধ্যে পড়িয়া থাকিলে কাব্য-সরস্বতী তাহার সহিত ‘বাদ’ সাধিবেন।... সুতরাং গৃহে কিরিয়া নির্জনে সাধনা করাই তাহার একান্ত প্রয়োজন!

ইতিপূর্বে খানকয়েক মাসিক পত্রে গল্প ও কবিতা ছাপাইয়া সমালোচকের লেখনীমুখে সে কিছু মন্তব্য শুনিয়াছিল। মন্তব্য তীব্র হইলেও রাধাচরণের কিছু ক্ষোভ হয় নাই। কারণ অগতের শ্রেষ্ঠ সাহিত্যিকদের মধ্যে কে এমন আছেন, যিনি সমালোচকের নির্মম কণ্ঠ শাস্ত হইতে নিজের পূর্ববশ অক্ষত রাখিতে পারিয়াছেন? শেক্সপীয়ার হইতে রবীন্দ্রনাথ পর্য্যন্ত সকল সাহিত্যিকই তো এই কশাঘাতের মধ্য দিয়া অমর হইলেন! রাধাচরণের চোখ-

মুখ দিয়া সহসা একটা খুসীর জেগা ফুটিয়া বাহির হইল!

এর পর এক প্রত্যুষে রাধাচরণ যখন মেসের ম্যানেজার রাজেনবাবুর নিকট সমস্ত দেনা-পাওনা কড়ায়-গণ্ডায় চূকাইয়া দিয়া এক শীর্ণকায় মুটের মাথায় তাহার জরাজীর্ণ টাক তুলিয়া ধরিল—তখন সন্ধানিত্রোখিত বন্ধুদের ভিতরে জনকয়েক বেশ একটু আশ্চর্য হইয়া গেল; ভাবিল এই হতভাগ্য জীবটির এখানে হয় তো পোষাইল না।

মেসের কুঞ্জদাস ছেলেটা ছিল একেবারে এক নম্বরের বখাটে;—ঢাক্ ঢাক্ গুড়্ গুড়্ কথাটা তাহার কোষ্ঠীতে কখনও লেখে না। সে একেবারে গট্ গট্ করিয়া রাধাচরণের সম্মুখে আসিয়া বলিল, “বলি ভায়া বুঝি সস্তার খোঁজে পিঠটান দিলে?”

রাধাচরণ গাভীর্য-ভরা দৃষ্টিতে মুটের পিছনে পিছনে চলিতে শুরু করিল। কুঞ্জদাসের হৃদয়-বিদারক প্রশ্নের উত্তর দিবারও প্রয়োজন বোধ করিল না?

দুই

রাধাচরণ ঘরে ফিরিতেই পিতা নিশিকান্ত প্রশ্ন করিলেন—“কলেজ বুঝি এখন বন্ধ হ’ল, না, রাধু?”

রাধাচরণ গভীরকণ্ঠে উত্তর দিল—“বন্ধ নয়...পড়া-শুনায় মন বসল না...চ’লে এলাম।”

নিশিকান্তের মাথার শিখা নৃত্য করিয়া উঠিল—“চ’লে এলাম মানে?...বলি ইস্তফা দিয়ে না কি?”

“হাঁ, তাই”—সরাসর রাধাচরণ একেবারে নিজের ঘরে আসিয়া ঢুকিল। কাব্য-সরস্বতীর সহিত এই নিভৃত্তেই তাহার আলাপ চলিবে!

নিশিকান্ত রাগে গরগর করিতে করিতে সেখান হইতে পাশ কাটাইলেন। একেবারে গৃহিণীর নিকট আসিয়া

বলিলেন, “ছেলেটার উপায় কি করা যায় বল তো, কলেজে
পা দিতে না দিতে বিগড়ে গেল...?”

গৃহিণী মায়াদেবী শিবপুজার জন্ত রেকাবীতে ফুল
তুলিতেছিলেন, মুখ তুলিয়া বলিলেন, “আঃ মরণ, চিরকালই
কি বিদেশে পড়ে থাকবে না কি? ছুদিন বাড়ী এস...
তা’ তোমার সহ্য হচ্ছে না? বলি পড়ে রাজা হবে, না
বাদশা হবে?”

রাজা বাদশা না হউক জঙ্গ মাজিষ্ট্রেট হইবার মত
অন্ততঃ একটা আশাও নিশিকান্ত এতদিন অন্তরে-অন্তরে
পোষণ করিয়া রাখিয়াছিলেন। সারাজীবনটা তো তাঁর
যজমানী করিতে করিতেই কাটিয়া গেছে—শেষ জীবনে
ক’টা দিনের জঙ্গ একটু বিশ্রামও কি তাঁর ভাগ্যে
নাই?

নিশিকান্ত ক্ষুণ্ণ হইয়া বলিলেন, “রাজা-বাদশা চুলোয়
যাক—পড়াশুনায় ইস্তফা দিয়ে এখন সেও ছুইএর বার,
বলি এমন মতি ওর কেন হ’ল?”

মায়াদেবী একেবারে ঝাঁঝিয়া উঠিয়া বলিলেন,
“তোমার মত ‘জাকা’ মানুষ ছুনিয়ায় তো আর দ্বিতীয়
দেখিনে—বলি তিনকাল তো ‘পেরতে’ চলে,—এখন
পর্যন্ত ছেলের মনটা বুঝতে পারলে না? একটা ভাল
মেয়ে দেখে বেঁধা না দিনে ওসব ছেলে পড়াশুনা করে
কেমন করে—? বলি সারা জীবন ধরে কি শুধু পুঁধি
নিয়েই ভুলে থাকবে?”

নিশিকান্তের একটু আশা হইল। এতদিনে ট্যাঙ্কের,
পয়সা খরচ করিয়া যে আশায় তিনি বুক বাঁধিয়াছিলেন—
তাহা তবে বার্থ হয় নাই? বলিলেন, “তা বেশ, একটা
ভাল মেয়ে দেখে শীগগির শীগগির ব্যবস্থা করে ফেলি.
কি বল?”

“হ্যা, গো হ্যা।”

নিশিকান্তের উৎসাহ বাড়িয়া গেল, বলিলেন, “আমিও
তাই ভাবি গো, কথা নেই, বার্তা নেই, শুধু শুধু কলেজ
ছাড়তে যাবে কোন্‌ ছেঁখে?”

মায়াদেবী চুপ করিয়া রহিলেন।

পরযুক্তের মাথার শিখা নাচাইতে নাচাইতে নিশিকান্ত
বহির্বাটীতে আসিয়া গজিকা সেবনের ব্যবস্থা করিতে
লাগিলেন।

তিন

বিবাহের বার্তা কর্ণকণ্ঠে প্রবেশ করিতেই রাধাচরণ
প্রথমেই বেশ একটু উক হইয়া উঠিল। সাংসারিক বন্ধনের
মধ্যে এত শীঘ্র জড়িত হইয়া পড়িলে, কাব্যসরস্বতী যে
স্বপ্নেই তাহার সহিত বোঝাপড়া শুরু করিয়া দিবে—
তখন? না, বিবাহ করা তাহার চলেনা। কিন্তু কি ভাবিয়া
পর যুক্তের রাধাচরণের অন্তর্লোক সহসা একবার দোল দিয়া
উঠিল। যে কল্পিত প্রিয়াকে একান্ত কাছে পাইবার জন্য
দিনের পর রাত্রি, রাত্রির পর দিন তাহার উদগ্র আকাঙ্ক্ষা
ব্যাকুলভাবে ছুটিয়া চলিয়াছে—সে প্রিয়াকে কাছে পাইবার
পূর্বে আর একটা প্রিয়ার সহিত তাহার জীবন বিনিময়
করিয়া লইতে দোষ কি? কাব্য-সাহিত্যে কত অ-দেখা
অপরিচিতা তরুণীর কথা তো তাহাকে অনভিজ্ঞতার মধ্যে
দিয়াই প্রকাশ করিতে হয়—বিবাহ করিলে সে অনভিজ্ঞতাও
তাহার আন্তে আন্তে অপসারিত হইবে। তখন প্রেম-
রাজ্যের প্রতিটি চিত্র নিজের অভিজ্ঞতার ভিতর দিয়াই
সে সুন্দরভাবে ফুটাইয়া তুলিতে পারিবে। রাধাচরণের
কল্পনার নেত্রে সহসা একটা তরী কিশোরীর মুখছবি
পলকের জন্য ভাসিয়া উঠিল। রাধাচরণ ধীরে ধীরে
উঠিয়া বসিল। ঠিক করিল, বিবাহ সে করিবে। তার
অমত নাই, থাকিতে পারে না।

রাত্রে মায়াদেবী আসিয়া বলিলেন, “বিয়ে ত উনি ঠিক
ক’রে এলেন, রাধু।”

রাধাচরণ একটা প্রেমের গল্প শেষ করিতেছিল, মুখ
তুলিয়া বলিল, “এলেন?”

“হ্যা, সামনের অস্ত্রাণের দোসরা তারিখ পাকা দেখা
শেষ। মেয়ে সেয়ানা, শুন্ছি লেখাপড়াও জানে।”

রাধাচরণের অন্তর একটা অজ্ঞাত পুলকে নাচিয়া
উঠিল। বিছবী কিশোরীকেই তো সে আঁধ তার
যৌবনের কুঞ্জে পাইতে চায়, তার কণ্ঠের বন্ধার, অর
লাগান্নিত ভঙ্গী, তার হাঁটিয়া চলার আঁট সে তো আঁধ
সমগ্র অন্তর দিয়াই উপভোগ করিয়া লইতে চায়।

পুত্রকে নিরুত্তর দেখিয়া মায়াদেবী একটু উদ্ভিন্ন হইয়া
উঠিলেন, “ভাবিলেন, দেনা-পাওনার সব্বই রাধাচরণ
হয় তো খুঁত ধরবে!”

অবসর বুঝিয়া মায়াদেবী বলিলেন, “দেনা-পাওনা

তো তেমন ভাল নয়, রাধু। বলি তোর কি এতে অমত আছে?”

রাধাচরণ তখন কল্ললোকের দোলনায় চড়িয়া আরামের দোল খাইতেছিল; হঠাৎ মায়ের কথায় তাহার চমক জাছিল। বলিল—“অমত? অমত থাক্বে কেন, মা? মাতৃষের অবস্থার দিকে না চেয়ে আমি বুঝি চামারের মত দেনা-পাওনা নিয়ে মেয়ের বাপের সঙ্গে বোঝা-পড়া কর্তে যাব?”

“সেই তো বাবা, তেরা বুদ্ধিমান ছেলে—তোদের কি আর শিখাতে হয়?”

রাধাচরণ মাথা হেঁট করিয়া নীরব রহিল।

কলেজের শিক্ষার মনে মনে তারিফ করিতে করিতে মায়াদেবী মন্থর গতিতে পাশ কাটাইলেন।

ভান

বিবাহ হইয়া গেল—ঘোল বছরের অর্ধশিক্ষিতা মেয়ে কমলা স্বামীর ঘরে আসিয়া অবগুষ্ঠন-মুখে প্রথম পদার্পণ করিল। রাধাচরণ ঐ অবগুষ্ঠনের ফাঁক দিয়াই কমলার মুখচ্ছবি দেখিয়া লইল। দেখিল কল্লনার নেত্রে একদিন যে ছবিখনি সে দেখিয়াছিল,— আজ বাস্তব জীবনের অভিনয়ে ঠিক তেম্নিতর একখানি ছবিই সে দেখিতেছে। রাধাচরণ এ রূপ দেখিয়া মুগ্ধ হইল—ভাবিল, আশা তাহার ব্যর্থ হয় নাই।—যৌবনের কুঞ্জ কুঞ্জে প্রেমের ফুল তাহার ফুটিবে—আর সেই ফুল-সৌরভে তার সারা অন্তর ভরিয়া উঠিবে।

ফুল-শব্দ্যার স্বল্পমাত্রাবশিষ্ট রাত্রিটুকুর মধ্যে কমলার সহিত রাধাচরণের কথা তেমন হয় নাই। কমলাকে সে কেবল নামটী মাত্র জিজ্ঞাসা করিয়াছিল। নামের পরিচয় দিয়াই সে ঘুমের কোলে ঢুলিয়া পড়িয়াছিল—রাধাচরণের শত চেষ্টাতেও আর তার ঘুম ভাঙে নাই। আজ কিন্তু রাধাচরণের অন্তরে কমলার ভরঙ্গ উঠিল।

পর দিন রাত্রি হইতেই রাধাচরণ নিজের শয়ন-কক্ষে আসিয়া কমলার প্রতীক্ষা করিতে লাগিল—খাওয়া-দাওয়া শেষ করিয়া কমলা এখনই শুইতে আসিবে।

উন্মনাভাবে দরজার দিকে চাহিতেই রাধাচরণ দেখিল দরজাটা কখন খুলিয়া গিয়াছে—আর নিঃশব্দে

আসিয়া দাঁড়াইয়াছে কমলা,—কমলার সর্বাঙ্গ একখানি নীল শাড়ীতে আবৃত—মুখের উপর দিয়া বক্ষঃ পর্যন্ত টানা একটা দীর্ঘ অবগুষ্ঠন।

রাধাচরণ তড়াক্ করিয়া উঠিয়া দাঁড়াইয়া কমলার পেলব হাতখানা নিজের মুঠার মধ্যে ধরিয়া তাহাকে বিছানার উপর আনিয়া বসাইল। নিজে পাশ ঘেসিয়া বসিয়া অবগুষ্ঠনের প্রাস্তটা একেবারে সরাইয়া দিয়া বলিল, “এখনও কি তোমার লজ্জা ভাঙেনি, কমল?—ছিঃ, আজ-কালকার দিনে এ সবগুলো কি ‘মুইসেন্স’ বল দিকি নি?”

কমলার মুখখানা লজ্জায় একেবারে রাঙা হইয়া উঠিল;—সে কোন কথা বলিল না।

রাধাচরণ কমলার মুখখানার দিকে খানিকক্ষণ চাহিয়া রহিল,—তারপর আবেগ-জড়িত কণ্ঠে শুধাইল—“তুমি কবিতা লিখতে পার, কমল?”

কমলার মুখে এবার যুহু হাসি ফুটিয়া উঠিল; বলিল “কবিতা না, তবে চিঠি লিখতে পারি।”

রাধাচরণ একটুখানি কি ভাবিল—তারপর পুনরাব জিজ্ঞাসা করিল—“আচ্ছা, ইংরেজী কতদূর প’ড়েছ?”

“ইংরেজী পড়ি নি, বাংলা খানকয়েক বই যা পড়িছি।”

রাধাচরণের মনটা একটু ভারী হইয়া উঠিল—হায়, কাব্য-রসের পথ হইতে কতদূরে সরিয়া আছে এই কমল।

রাধাচরণ বা লসে মাথা গুঁজিয়া খানিকক্ষণ চুপ করিয়া রহিল তারপর হঠাৎ মাথা তুলিয়া বলিল—“কাল থেকে আমার কাছে ছ’ঘণ্টা ক’রে পড়বে, কমল, সকালে এক ঘণ্টা আর সন্ধ্যার পর এক ঘণ্টা, বুঝেছ?”

কমলা স্থিরদৃষ্টিতে স্বামীর মুখের দিকে একটীবার চাহিল। রাধাচরণ সে দৃষ্টির দিকে চাহিয়া মুগ্ধ হইতে পারিল না;—দৃষ্টির যে চপলতা যৌবনকে মুগ্ধ করে—দেহের শিরায় শহরণ জাগায় কমলার সে চপলতা কোথায়?

রাধাচরণ আর কমলার সহিত কথা কলিল না। বিছানার উপর শুইয়া নিঃশব্দে আকাশ-পাতাল ভাবিতে লাগিল।

পাঁচ

পরদিন হইতে কমলার জীবন সংসার-চক্রের অবিরাম গতির সহিত তালে-তালে চলিতে লাগিল। কমলা তোরে

উঠিয়া প্রাঙ্গণ ঝাট দেয়, বাসন মাজে। স্বান-শেবে আরণী লইয়া প্রসাধনে বসে, সিন্দুরের তীক্ষ্ণ উজ্জ্বল রেখাটা সীমস্তে স্ননিপুণভাবে টানিয়া দেয়, গরদের লাল শাড়ী-খানা পরিয়া পাশের বাগান হইতে শিবপূজার জন্ত ফুল তোলে—এ ছাড়া আরও নানানভর খুঁটিনাটি লইয়া সারাদিন দিন সে ব্যস্ত থাকে। কাজ দেখিয়া মায়াদেবী স্বামীর নিকট কমলার শতমুখে তারিফ করেন। নিশিকান্ত হালিয়া জবাব দেন—“মা আমার সাধাৎ লক্ষ্মী ; তা না হ’লে কি আর—” কথা শুনিয়া রাধাচরণের সারা অন্তর কিন্তু বিষাইয়া উঠে ; সে দেখে কমলা একটা কঠোর বাস্তব, অবিচ্ছিন্ন কর্ম-ধারারই সহিত ওর অন্তরের যোগা-যোগ ; এই কর্মধারাকে ছাড়িয়া দিলে ওর অন্তর ওঠে শুধাইয়া, তখন ওর ভেতরে নিজের সত্তা খুঁজিয়া পাওয়া ভার।

রাধাচরণ ডাকে—“কমল—”

কমলা মুখ তুলিয়া চায়, পাখরের মত স্থির হইয়া দাঁড়াইয়া বলে, “কি বলছ ?”

রাধাচরণ বিরক্ত হইয়া ওঠে,—বলে, “কি বলছ...বলি এখানে আসতে তোমার ভয় করে—না ?”

কথা শুনিয়া কমলা মুখ টিপিয়া হাসে ; মৃদু স্বরে বলে, “মা রয়েছেন ওখানে, এখন তোমার কাছে যাব বাঃ রে।”

রাধাচরণ ভুরু কঁচকে বলে, “হাঁ আসবে—আমার অসুরোধ...বলি রাখবে কি না ?”

কমলা হাসে ! রাধাচরণের আর ঠৈর্য্য ধরে না, ধারাস্তরালবর্তিনী কমলাকে কাছে পাইবার আকাঙ্ক্ষাটা পলকে তার অদম্য হইয়া ওঠে ; হঠাৎ লাফাইয়া আসিয়া কমলার বাঁ হাতখানা ধরিয়া ফেলিয়া বলে, “একবার এস না কমল, সত্যি একটা বার।”

“কি...তুমি...ছাড় না, বাঃ রে,” ধরের ভিতর আসিয়া লাজরক্ত কমলা মুক্তির জন্ত হাঁপাইতে থাকে।

রাধাচরণ মৃদু হাসিয়া কহে, “এস চেয়ারটাতে একবার ব’স কমল। আমি একটা কবিতা পড়ব ভারী সুন্দর কবিতাটা কিন্তু।”

নিরুপায় হইয়া কমলা চেয়ারের একপ্রান্তে বসিয়া পড়ে। বলে, “পড় তোমার কবিতা, কিন্তু বেশীক্ষণ থাকব না এটা জেনো।”

“কিঃ মুক্তিল, বলি আকিলে যাবে না কি ? কবিতা বুঝতে হ’লে প্রাণ চাই, ভাব, ছন্দ, সুর এর প্রত্যেকটা জিনিস বেশ ক’রে তারিয়ে তারিয়ে দেখতে হয় ; তা’ না হ’লে অমন করলে বে...”

“কিছু নয় গো, তুমি পড়” কমলার চোখে একটা নিবিড় অস্বস্তির ভাব ফুটিয়া উঠে।

রাধাচরণ ‘গীতাঞ্জলি’ খুলিয়া মোলায়েম কণ্ঠে পড়িতে শুরু করিল—

সে যে পাশে এসে ব’সেছিল

তবু আগিনি

কি ঘুম তোরে পেয়েছিল

হতভাগিনী ;

এসেছিল নীরব রাতে

বীণাখানি ছিল হাতে,

সে যে স্বপন-মাঝে বাজিয়ে গেল

গভীর রাগিনী ;

কি ঘুম তোরে পেয়েছিল

হতভাগিনী !

“কিছু বুঝতে পারলে কমল ? পারোনি না ? শোন আগে, কবিতাটা হ’চ্ছে বিশ্বকবি রবীন্দ্রনাথের, একেবারে প্রথম শ্রেণীর উৎকৃষ্ট কবিতা, কবি এখানে তাঁর জীবন-দেবতাকে কাছে পেয়েও হারিয়ে ব’সেছেন, “তাঁর আহ্বান-শুণেও তিনি, ওকি বাইরের দিকে অমন ক’রে চাইছ কেন কমল ?”

ব্রহ্মগতিতে কমলা চেয়ার হইতে উঠিয়া পড়িয়া বলিল, “মা দেখে গেলেন যে, কি ভাববেন বল দিকিনি।”

“কি ভাববেন ? তোমার মত অজ্ঞ, পাড়া গৌয়েকে নিয়ে তো আর পারা যায় না দেখছি। একটুখানি ব’সে থাকতেও কি—?”

“না গো না ; আর আমি একদণ্ড বসতে পারবনা ক’—” বলিয়াই সঙ্গে সঙ্গে কমলা একেবারে কক্ষ ছাড়িয়া চলিয়া গেল।

রাধাচরণ আর একটা কথাও বলিতে পারিল না, তার কাব্য-কাননের ফুটন্ত ফুলগুলি নিঃশেষে তখন বয়িয়া গেল।

ছন্দ

এক বৎসর পরে কমলা একটি পুত্র সন্তান প্রসব করিয়াছে।

রাধাচরণের অন্তর কিন্তু কমলার উপর একেবারে তিক্ত হইয়া উঠিয়াছে, কি ভুলই না করিয়াছে সে। অনাগতের যে ছবি কল্পনার তুলি ধরিয়া সে একদিন মোহনরূপে মনের পটে আঁকিয়া তুলিয়াছিল, আজ সেই ছবিটি তাহার চোখে বড় বিস্তী হইয়া ফুটিয়া উঠিল।

রাধাচরণ ঠিক করিল এ সংসারে থাকি তাহার চলেনা; এখানে থাকিলে অচিরেই তাহার কাব্য-সরস্বতীর আসন টলিবে। সুতরাং এ সম্বন্ধে তাহার একটু সচেতন হওয়ার প্রয়োজন।

সেদিন সকালে নিজের নিভৃত কক্ষে চেয়ারে বসিয়া রাধাচরণ কি একটা গল্পের 'প্ল্যান' আঁটিতেছিল, এমন সময় দরজার বাহিরে চাবির একটা শব্দ উঠিল। রাধাচরণ দৃষ্টি ফিরাইয়া দেখিল কমলা। কমলার দিকে চাহিয়া রাধাচরণের গল্পের 'প্ল্যান, কেমন ঘুলাইয়া গেল, তাহার সমস্ত মুখখানির উপর ফুটিয়া উঠিল একটা বিরক্তির ছায়া।

কমলা ভীতিবিহ্বলকণ্ঠে বলিল, "একটা কথা শুন্বে?"

"কি কথা শুনি?" রাধাচরণের কণ্ঠস্বর কঠোর ও গম্ভীর?"

"কাল রাত থেকে খোকর অসুখ ক'রেছে, গা দিয়ে একেবারে আগুন ছুটছে। একবার ডাক্তারের কাছে যাও না।"

রাধাচরণের বিরক্তির ভাবটা এবার স্পষ্ট হইয়া দেখা দিল। রুদ্ধকণ্ঠে বলিল, "অসুখ ক'রেছে তা' আমাকে কেন শুনি, বলি বাড়ীতে কি আর লোক নেই?"

রাধাচরণ বাহিরের দিকে মুখ ফিরাইল! কমলার মুখ দিয়া আর উত্তর যোগাইল না। স্তিমিত দৃষ্টিতে অসহায়ের মত সে শুধু স্বামীর মুখের দিকে আর একটীবার চাহিল, তার পর সে ঘেমন করিয়া আসিয়াছিল, ঠিক তেমন করিয়াই চলিয়া গেল।

বাহিরের দিকে চাহিয়াই রাধাচরণ ধসিয়া থাকে— ঠিক তেমনই ভাবে। উষার প্রথম আলোকরেখা প্রকৃতির সঙ্গে আজ নিকষের উপর হেম-রেখায় ফুটিয়া উঠিয়াছে, চারিদিকেই কেমন একটা নির্মল পারিপাট্য,

রাধাচরণের অন্তর সহসা 'রোমান্সের' সপ্তলোকে মুক্ত বিহঙ্গের মত পাখা মেলিয়া উণাঙ হইয়া চলিল। তাহার ঘোবনের অতৃপ্ত কামনা আজ সে সমস্ত অন্তর দিয়া মিটাইতে চায়! আজ সে এই নিভৃত কক্ষের মধ্যে বন্দী থাকে কেমন করিয়া? সাহচর্য্য আজ তা'র কাছে মৃত্যুর মতই ভয়ানক, সহসা অতীত দিনের একখানি মুখ তাহার চোখের উপর ভাসিয়া উঠিল, গতবৎসর কলেজের পড়ায় ইস্তাফা দিয়া সে যখন ঘরে ফিরিতেছিল, তখন চলন্ত ট্রেনে নিজের পাশে বসিয়া একটি তরুণীকে সে বসিয়া থাকিতে দেখিয়াছিল। তরুণীর চোখ দুটি ছিল কি স্বচ্ছ আর কি উজ্জ্বল। তাহার সূক্ষ্ম শাড়ীর আবরণ ভেদ করিয়া নীল ব্লাউজের একটা আভা তাহার চোখের স্রুযুখে বিচ্ছুরিত হইতেছিল। তরুণী তা'র সঙ্গে তরুণীর সহিত নিঃসঙ্কোচে কথার পর কথা কহিয়া চলিয়াছিল। তা'র লাল ঠোঁট দু'খানির পাশ দিয়া হাসির একটা হিল্লোল মুহূর্তে মুহূর্তে ফুলঝুরির মত দানা কাটিয়া পড়িতেছিল। আর তারই একটা রেশ সমস্ত আবেষ্টনীকে মায়ালোকের মতই মধুর ও মোহন করিয়া তুলিতেছিল। রাধাচরণের অন্তর সহসা একটা নিবিড় বিস্তৃতায় ভরিয়া উঠিল। কি ভাবিয়া আশ্বে আশ্বে সে কক্ষ হইতে বাহির হইয়া গেল।

সাত

বাড়ীতে চাকরীর দোহাই দিয়া রাধাচরণ আজ এক মাস কলিকাতায়। রাধাচরণের ইচ্ছা গৃহে সে আর ফিরিবে না; এখানে থাকিয়া ঘেমন-তেমন একটা চাকুরী জুটাইয়া তাহার সাহিত্য-সাধনা স্ফটল রাখিবে! ভোরে বাহির হইয়া রাধাচরণ সারা সहरটা ঘুরিয়া ঘুরিয়া বেড়ায়, সহরের বিচিত্র জীবনধারার সহিত নিজের জীবনটাকে সে পরিচিত করাইয়া লয়।

কিছুদিন এমনই করিয়া কাটিয়া গেল। কিন্তু যে কল্পিত 'রোমান্সের' সৌরভ পাইয়া তাহার সারা অন্তর আজ অধীর হইয়া উঠিয়াছে বাস্তব-জীবনে সে 'রোমান্সের' সন্ধান মিলিল কই? রাধাচরণ দেখিল, জীবনটায় তার মস্ত বড় একটা ফাঁক থাকিয়া গিয়াছে।

বিকাল হইলে রাধাচরণ প্রত্যহই পার্কের ধায়ে বেড়াইতে যায়। পার্কটা তা'র চোখে বেশ লাগে! হেঁথে সুবেশা সুন্দরী কিশোরীর দল সূচিকণ ঘাসের উপর দিয়া

হাটিয়া বেড়াইতেছে ; চোখে-মুখে তাদের খুসীর চিল্লোল-
জীবনে কেমন একটা সজীবতা ! রাধাচরণ ভাবিল, “এমনি
না হঠলে আর জীবন, সহসা কমলাকে তার মনে পড়িয়া
গেল, লজ্জার আন্তরণে সমস্ত দেহ মন ঢালিয়া দিনরাত
যরেরই কোণটুকুর মধ্যে সে আত্ম-সমাহিত রহিয়াছে।
রাধাচরণের মনে হইল কমলা বাঁচিয়া নাই।

সেদিন বাসা হইতে বাহির হইবার পূর্বে রাধাচরণ
ঠিক করিল, পার্কে আসিয়া অন্ততঃ একটা মেয়ের সহিত সে
আলাপ জমাইবে ! নহিলে এতগুলি দিন সে কিসের
আশায় উদ্‌যাপন করিল ! একটা নিবিড় পুলকে
রাধাচরণের অন্তর দোল দিয়া উঠিল।

পার্কে আসিয়া রাধাচরণ ঘুরিয়া ঘুরিয়া বেড়াইতে
লাগিল। বিলাতী ফুলের অনতিপরিসর কুঞ্জগুলির কাছে
আসিয়া চুপ করিয়া সে খানিকক্ষণ দাঁড়ায়, আবার কি
ভাবিয়া সে সেখান হইতে সরিয়া পড়ে ! এমনি করিয়া
অনেকক্ষণ ঘুরিয়া কিরিয়া আপনার অজ্ঞাতে সে এক নির্জন
স্থানে আসিয়া চুপ করিয়া দাঁড়াইল, দেখিল ঘাসের উপর
বসিয়া একটা মেয়ে কি একখানা বই পড়িতেছে, তা’র
কেশের সৌরভ সমস্ত স্থানটাকে আচ্ছন্ন করিয়া তুলিয়াছে—
মেয়েটির দৃষ্টি বইএর পাতায় নিবদ্ধ !

রাধাচরণ এক পা এক পা করিয়া মেয়েটির একেবারে
পিছনে আসিয়া দাঁড়াইল। সেখানে দাঁড়াইয়া বুকটা
তা’র ঘন ঘন ছলিতে লাগিল, আর একটা পাও সে
আগাইতে বা পিছাইতে পারিবে না !

সহসা দৃষ্টিটা তার বইএর পাতায় পড়িতেই সে একেবারে
আশ্চর্য হইয়া গেল, এ কি, এ যে তরুণদেরই একখান
মাসিক পত্র, এ মাসে প্রকাশিত তাহারই একটা গল্প মেয়েটি
আগ্রহে পড়িতেছে !

রাধাচরণ আর দাঁড়াইতে পারিল না, মেয়ে-র প্রায়
পাশ ঘেসিয়া বসিয়া পড়িল !

চকিতে দৃষ্টিটা উন্নত করিয়া মেয়েটি তার দিকে চাহিয়া
একবার জ্রকুটি করিতেই রাধাচরণ মুহূ হাঙ্গিয়া উঠিল,
বলিল, “রাগ করবেন না গল্পটা আপনি পড়ছেন দেখে
এখানে বসলাম, গল্পটা আমারই লেখা।”

মেয়েটির চোখে-মুখে একটা বিস্ময়ের চিহ্ন ফুটিয়া উঠিল ;
সে কোন কথা কহিল না !

রাধাচরণ একটু নীরব থাকিয়া বলিল, “আপনার
নামটা জানতে পারি নে।”

কি মুস্থিল, নাম জানিয়া তাহার লাভ কি, মেয়েটি
একটু বিরক্তির সহিত বলিল, “শোভনা রায়।”

শোভনা, আঃ কি মোলায়েম নাম, নামের ভেতরও
একটা আর্ট ফুটিয়া ওঠে যে, রাধাচরণের অন্তর তালে
তালে নাচিয়া উঠিল। সন্ধ্যার ম্লান রক্তরেখা শোভনার
মুখের উপর ভাসিয়া বেড়াইতেছে, দক্ষিণের এক বলক
বাতাস কেশের সৌরভটাকে লুক্কিয়া নিয়া চলিয়া গেল।
রাধাচরণের মুখের দিকে দৃষ্টি পড়িতেই শোভনার কর্ণমূল
আরক্ত হইয়া উঠিল।

রাধাচরণ আবেগশরাকণ্ঠে বলিল, “আপনি মাসিকে
লেখেন না ?”

“না, কেন বলুন তো ?” শোভনা চটপট উঠিয়া
দাঁড়াইল। রাধাচরণও সঙ্গে সঙ্গে উঠিয়া পড়িল ; ষাড়টা
একটু বাঁকাইয়া বলিল, “আর একটু ব’স না শোভনা।”

চঞ্চল পদক্ষেপে শোভনা তখন অনেকদূর চলিয়া গেছে,
রাধাচরণ খানিকক্ষণ চাহিয়া চাহিয়া শেষে সেইখানেই
বসিয়া পড়িল।

আর্ট

রাত্রিতে রাধাচরণের ঘুম হইল না, শোভনার মুখ-
খানিকে ভাবিতে ভাবিতে কাটিয়া গেল ! সকাল ও
দুপুরটাও তা’র বহু কষ্টে কাটিল, শেষে বিকাল হইতেই
সাজ্জগোজ্জ করিয়া রাধাচরণ পার্কে বেড়াইতে বাহির
হইল। পার্কে আসিয়া রাধাচরণ দেখিল—শোভনা
তেমনি ভাবে আজও সেই কুঞ্জতলে বসিয়া রহিয়াছে, কিন্তু
এ কি, আজ একটা অপরিচিত তরুণ তাহার পাশ ঘেসিয়া
বসিয়া যে, শোভনার গোলাপী গাল দুখানা হাসির চাপে
মাঝে মাঝে কুচকিয়া উঠিতেছে, তরুণটিরও মুখে হাসি।
একটা অজ্ঞাত আশঙ্কায় রাধাচরণের বুকখানা টন্ টন্
করিয়া উঠিল, হায়, শোভনা যদি আজ—রাধাচরণ আর
ভাবিতে পারিল না।

একটু পরে রাধাচরণ লক্ষ্য করিল, তাহারই দিকে
চাহিয়া ওরা দুজনে বিজ্ঞপের হাসি হাসিতেছে। তরুণটির
উপরে রাধাচরণের ক্রোধ সহসা শতমাত্রায় উর্দ্ধ্বিত হইয়া

উঠিল, তাহার আরাধ্যা অন্তর লক্ষ্মীকে হৃৎকৃত আজ এত শীঘ্রই আপনার করিয়া লইয়াছে ?

রাধাচরণ একেবারে গটগট করিয়া আসিয়া শোভনার দিকে চাহিয়া বলিল, “নমস্কার শোভনা রায়।”

“নমস্কার” ঠোঁটের কোণে একটু বক্র হাসি হাসিয়া শোভনা তাহাকে প্রত্যাভিবাদন জানাইল।

রাধাচরণ আর কোন উচ্চবাচ্য না করিয়া একেবারে শোভনার ঠিক সম্মুখে আসিয়া বলিল। শোভনা এবার তরুণীর দিকে চাহিয়া হাসিতে হাসিতে বলিল, “এরই নাম রাধাচরণ ভট্টাচার্য মেজ্‌দা, ইনি কাল পার্কে এসে আমার কাছে নিজে থেকে পরিচয় দিয়েছিলেন।”

মেজ্‌দা! রাধাচরণ আশ্চর্য হইয়া গেল; তবে তরুণ ভ্রমলোকটি শোভনার প্রণয়-প্রার্থী নয়, রাধাচরণ একটা স্বস্তির নিঃশ্বাস ফেলিল।

তরুণ ভ্রমলোকটি রাধাচরণের দিকে চাহিয়া বলিলেন, “আপনার নাম রাধাচরণবাবু, বেশ বেশ, তা’ ম’শায়কে একটা কথা জিজ্ঞেস করছি দয়া ক’রে যদি এর উত্তর দেন।”

‘কথা’, রাধাচরণের বুকটা ষড়ির পেণ্ডুলামের মত তালে তালে দোল দিতে লাগিল; চোখের সম্মুখে রঙীন আশাটা একবার কেমন ঝিলিক মারিয়া উঠিল! বলিল, “কি কথা বলুন না, কোন আপত্তি নেই।”

ভ্রমলোকটি হাসিয়া বলিলেন, “তা’ আপত্তি থাকবে কেন, সাহিত্যিক মানুষ আপনারা, আপনাদের কোন আপত্তি থাকতে পারে না যাক, বলি ম’শায়কে এ ‘কাব্য-রোগে’ কবে থেকে ধরল।”

রাধাচরণের মুখখানা সহসা একেবারে ক্যাকাশে হইয়া উঠিল সে স্পষ্ট লক্ষ্য করিল—শোভনা তারই মুখের দিকে চাহিয়া মুখ টিপিয়া টিপিয়া হাসিতেছে।

ভ্রমলোকটি সে দিকে না চাহিয়া পুনরায় বলিলেন, “পার্কে আপনারা রোম্যান্স খুজতেই আসেন...না? তাই মেয়েদের দেখলে আপনাদের ভেতরে অদ্ভুত রকমের সহানুভূতি জেগে ওঠে, কি বলুন, তাই না? শোভনা রায়ের সঙ্গে এখানে কাল আপনার কি প্রয়োজন ছিল বলুন তো।”

রাধাচরণের মুখের উপর সহসা কে যেন শপাৎ করিয়া

এক বা চাবুক কসাইয়া দিল, সে আমতা আমতা করিয়া বলিল, “প্রয়োজন, না না ভেমন কিছু ছিল না, তবে এখানে উনি একা বসেছিলেন তাই, তা’ এতে যদি উনি কোন ‘অকেন্স’ নিয়ে থাকেন, তবে—”

“না না ‘অকেন্স’ নেবার এমন কি আছে, তবে মশায়কে এইধেনে একটু সাবধান ক’রে দি, ভবিষ্যতে যদি গায়ে প’ড়ে এমনভাবে প্রেম ক’র্ত্তে আসেন, তাহ’লে ম’শায়ের কিন্তু মাথা বাঁচান’ দায় হ’বে।”

রাধাচরণ আর ভিত্তিতে পারিল না—মাতালের মত টলিতে টলিতে সে উঠিয়া দাঁড়াইল, তাহার চোখের সম্মুখে পৃথিবীর আলো হাসি এক নিমেষে ম্লান হইয়া গেছে, আজ তাহার মত একজন পরিচিত তরুণ সাহিত্যিকের এ কি হুর্গতি, রাধাচরণ পার্ক ছাড়াইয়া ফুটপাথের জনসমূহের মাঝখানে মুহূর্ত্তের মধ্যে মিশিয়া গেল।

নশ্ব

অমেক রাত্রে কমলার ঘুম ভাঙ্গিয়া যাইতেই সে অবাক হইয়া গেল—ধড়মড় করিয়া উঠিয়া পড়িয়া বলিল, “ঘ্যা, তুমি?”

“হাঁ আমিই কমল, এই দেখ না, তোমার জন্তে সাবান তেল আর ‘ক্রীম’ নিয়ে এসেছি।”

কমলা জিনিসগুলির দিকে একবার দৃকপাত করিয়া সহাস্তে বলিল, “তা আসবার আগে একখানা চিঠিও তো লিখতে হয়, বাপরে চাকরী ক’র্ত্তে গিয়ে ছুদিনে কি ঝামুঘটাই না হ’য়ে উঠেছে চিঠি লেখবারও বুঝি ফুরসৎ পাওনি না? তা’ মুখ খানা এমন শুকনো শুকনো দেখছি যে, কিছু খাওনি বুঝি না? আচ্ছা একটু ব’স, আমি এখনই—”

কমলা ক্রতপদে উঠিয়া পড়িবার উপক্রম করিতেছিল, কিন্তু রাধাচরণ তাহার গতিপথে বাধা দিয়া বলিল, “না না কিছু দরকার নেই কমল, ট্রেন থেকে নাব্বার আগে আমি জল ধেয়ে এসেছি”—বলিয়াই বিপুল-আবেগতরে কমলাকে সে বুকের ভিতর টানিয়া লইয়া তাহার আরক্ত কপোলতলে একটি প্রণয়চিহ্ন আঁকিয়া দিল। কমলা কোন কথা কহিল না—স্বামীর মুখের দিকে একদৃষ্টে চাহিয়া রহিল।

পরদিন হইতে রাধাচরণের মানস-সরোবর হইতে সত্য সত্যই কাব্য-সরস্বতীর আসন টলিল। শুনিয়াছি মাসিক-পত্রের তরুণ সম্পাদকেরা তাহার নিকট হইতে বা’র বা’র করিয়া লেখার তাগিদ দিয়াও আর কোন সংবাদ পায় নাই।

আফ্‌গানীস্থানের কাব্য *

[শ্রীসতীন্দ্রমোহন চট্টোপাধ্যায়, বি-এসসি]

আফ্‌গানদের ভাষার নাম পুস্ত। বিশেষজ্ঞদের মতে, ইহা পুরাতন পারসী ও হিন্দুস্থানীর সংমিশ্রণে উৎপন্ন। আফ্‌গানদের মধ্যে চিরদিনই পারসীর প্রচলন সমধিক—এবং এখনও প্রায় সেইরূপই। অনেক স্থলে এখনও পারসী লেখ্য ও কথ্য ভাষা, তথাপি পুস্তর প্রতি সাধারণতঃ আফ্‌গানদের দরদ ক্রমশঃ বাড়িতেছে, আর ইহাই স্বাভাবিক।

পুস্ত ভাষায় রচিত গ্রন্থের সংখ্যা অত্যন্ত অল্প এবং বাহা আছে, সাহিত্যের মাপকাঠিতে তাহার মূল্য বিশেষ কিছু নাই। কেন নাই, তাহারও কারণ অনেকগুলি। প্রথমতঃ সমস্ত জাতিটার মানসিক সমৃদ্ধি ও কৃষ্টি মোটেই নাই বলিলেও চলে। ভারতবর্ষের বৌদ্ধযুগের সমসাময়িক সভ্যতার চিহ্ন আফ্‌গানীস্থানে বিরল নহে, কিন্তু তাহার পর হইতে বহুকাল যাবৎ হিন্দুস্থানের তোরণদ্বার রক্ষা করিয়া, দেশের অধিবাসীরা মানসিক বৃদ্ধি অপেক্ষা শারীরিক শক্তির চর্চাই বিশেষ করিয়া করিয়াছে। দ্বিতীয়তঃ আফ্‌গানীস্থান পার্শ্বত্যাগে; ইহার প্রকৃতি দৈহিক শক্তি চর্চারই পরিপোষক। ফলে দেশে সভ্যতার বিকাশ হইতে পারে নাই।

তৃতীয়তঃ আফ্‌গানদের মধ্যে বাহারি গ্রন্থাদি রচনা করিয়াছেন, তাহাদের প্রায় সকলেই পারসী ভাষাই ব্যবহার করিয়াছেন—পুস্তর প্রতি তেমন দরদ দেখান নাই। বিশেষতঃ পারসীর কাব্যরত্নের মোহ জন্ম করিবার মত ক্ষমতা এই লেখকদের কাহারও ছিল না। কাজেই ইহাদের সকলের রচনাই এই বিদেশী সাহিত্যের নিকট এত শূণী যে, একটিকে অন্তর্গত ছায়া বলিলেও অত্যাঙ্গি হয় না।

পুস্ত সাহিত্যের ভাঙারে মণি, জহরৎ না থাকিতে পারে, কিন্তু তাই বলিয়া যে একেবারে স্বর্ণ রৌপ্যও নাই, একথা বলা চলে না। আমরা আজ তাহারই কিছু পরিচয় দিতে চেষ্টা করিব।

পুস্ত সাহিত্যের কথা বলিতে হইলে উহার গল্প রচনার কথা প্রায় বাদ দিলেই চলে। গল্পগ্রন্থ যে একেবারেই নাই তাহা নহে, তবে বাহা আছে তাহার মধ্যে লেখকের জ্ঞানের সঙ্কীর্ণতার জগ্গ, ইতিহাস, ভূগোল, জ্যামিতি, প্রভৃতির এমন সকল মারাত্মক রকম ভুল আছে যে, বর্তমান যুগের পাঠকের তাগতে শুধু হাস্তোদ্ভেদই হইবে। আমরা গল্প সাহিত্যকে বাদ দিয়া কাব্যকেই অনুসরণ করিব।

কাব্যরচয়িতাদিগকে দুই শ্রেণীতে বিভক্ত করা যায়; সাহিত্যিক ও অসাহিত্যিক। সাহিত্যিক কবিরা শিক্ষিত—হাক্কেজ ও সাদৌর কাব্য তাহাদের পড়া। ইহাদের সকলেই পারস্যের কবিদের পদ্য অনুসরণ করিয়া আপনাপন ‘গজল’ রচনা করেন। ইহাদের লেখা মার্জিত; শিকার ছাপ প্রতি ছত্রে ছত্রে—ইহারা সাহিত্য রচনা করেন বলিয়া দাবী করেন—ইহারা “শ-ইর”। কাব্যের বাঁধাধরা নিয়মের ব্যতিক্রম তাঁহাদের রচনায় হইতে পারে না সভ্য, কিন্তু আফ্‌গানদের প্রাণের সম্পদ এ সকল লেখায় মিলে না। তাহা পাইতে হইলে, অসাহিত্যিক স্বভাব কবিদের জগতে বিচরণ করিতে হয়।

আফ্‌গানদের মধ্যে শিকার প্রকার অত্যন্ত কম; কাজেই শিক্ষিত ব্যক্তিমাতেই প্রায় “শ-ইর”। গজল রচনা শিকার একটা অঙ্গের মধ্যেই পরিগণিত।

এককথায় পারস্যের সকল কবিই সুফী-পন্থাবলম্বী। সুফীরা অবশ্য মুসলমান, কিন্তু তাহাদের মত ও গোঁড়া মুসলমানের মত পরস্পর বিরোধী। মুসলমান ধর্মে ভগবানের সঙ্গে মানবের শুধু দাস্তত্বের কথা আছে; সখ্যভাবে তাঁহার আরাধনা মুসলমানের পক্ষে গর্হিত।

* Selections from the poetry of Afghans, Selected essays of James Darmsteter, History of Afghans প্রভৃতি গ্রন্থ অবলম্বনে।

সুফীরা নানাভাবে এই প্রেমরসকে জিয়াইয়া রাখিতে চেষ্টা করিয়াছে। কাজেই তাহাদের কবিতা mystic,

এই প্রেমবন্দনাই সুফীকাবোর মূলমন্ত্র। এই প্রেম দেহের অতীত—শরীর ধর্মের অপেক্ষা ইহাতে নাই। মানবের মধ্যে ভগবানের যে অংশ বর্তমান—সেই অংশেরই পরিপূর্ণতা লাভের জন্যই এ মিলনাকাঙ্ক্ষা; কোনও বিশিষ্ট নারী বা মরের দেহ-সৌন্দর্য্যকে আশ্রয় করিয়া ইহার পরিপূষ্টি হয় না। এই প্রেমের স্তব আছে। স্তব চারিটা নিষ্ঠা হইতে আরম্ভ করিয়া পরম নির্বাক পর্য্যন্ত। তাঁহাদের সাধনা “তর্কে তরক্” অর্থাৎ ভাগকেও ভাগ করা। এই সুফীপন্থার প্রকৃত মর্ম্ম না বুঝিতে পারিলে যেমন পারস্যের কাব্য সম্যক উপলব্ধি করা যায় না পুস্তক পক্ষেও এ কথাটা তেমনি সমান ভাবে খাটে।

‘শ ইর’দের সকলেরই প্রায় একমূর। সেই শরীরাতীত প্রেম; সেই নির্বাসিত আত্মার করুণ ক্রন্দন—সেই অপূর্ণের পূর্ণতার আকাঙ্ক্ষা—সবই একেবারে পারস্যের কবিদের ছাঁচে ঢালা। মোল্লা আবেদুর রহমান ইহাদের মধ্যে বিশেষ খ্যাতি ও জনপ্রিয়।

আমীর ওমরাহ গণের মধ্যে গজল লেখার প্রচলন অত্যন্ত বেশী ছিল; চিরদিনই ইহা জননারকদের বৈশিষ্ট্যের অঙ্গ। ইহাদের মধ্যে খুস্‌হল খাঁ ও আহমদ শা আব্দালীর নাম বিশেষ উল্লেখযোগ্য। খুস্‌হল খাঁ ও আহমদ শা আব্দালীর নাম বিশেষ উল্লেখযোগ্য। খুস্‌হল খাঁ একাদশ শতাব্দীর লোক; ইনি একদিকে যেমন পরাক্রমশালী যোদ্ধা অন্যদিকে তেমনই শক্তিমান কবি। ইনি ‘খটক্’ বংশের নেতা ছিলেন। অনেক সমালোচকের মতে, ইহার কবিত্বশক্তি যে কোনও জাতির পক্ষে গৌরবের বস্তু।

আহমদ শাহ্ আব্দালী ‘দুরানী’-বংশের নেতা; তিনি আফগানীস্থানের রাজসিংহাসনে তাঁহার বংশের প্রতিষ্ঠা করেন। পারসী ও পুস্ত উভয় ভাষাতেই তাঁহার রচনা আছে। আমরা এই পারস্য-কাবোর প্রতিচ্ছায়া ‘শ ইর’দের রচনার কথা বাদ দিয়া অসাহিত্যিক কবদের দরবারে যাইব।

অসাহিত্যিক কবিদের নাম ‘ছম’। শিক্ষার গৌরব ইহাদের কিছুমাত্র নাই, কিন্তু সঙ্গীত রচনা ও স্মরণ শক্তির

বৈভব যথেষ্ট আছে। ইহারা দেশে দেশে গান গাহিয়া ফিরে। সরল, গ্রামা, নিম্ন বংশের লোক ইহারা। অভিজাত সম্প্রদায়ের প্রশংসা বা সম্মান লাভের সৌভাগ্য ইহাদের হয় না, এমন কি কোথায়ও বা ধিকৃত ও নিন্দিত হয়। তথাপি সর্বসাধারণের মধ্যে ইহাদের আদর অত্যন্ত বেশী আর ইহাদের কেহ কেহ এই ব্যবসার দৌলতে প্রভূত অর্থ উপার্জন করিয়া থাকে।

সাধারণতঃ দেখা যায়, সত্যতার অগ্নিতে যে জাতির সংস্কার হয় নাই, তাহাদের সাহিত্যের স্থান সঙ্গীত অধিকার করিয়া বসে। লেগাপড়া অপেক্ষা গানের মোহ সাধারণের পক্ষে অনেক বেশী এবং তাহাতে রসাতুভূতিও মানুষের নিকট অত্যন্ত সহজ। আফগানদের পক্ষে এ কথা অক্ষরে অক্ষরে সত্য। সঙ্গীতের উন্মাদনা তাহাদের জীবনে অত্যন্ত প্রকট। যে কোনও ছুইজন আফগান একত্র হইলেই একটা সঙ্গীতের আরাধনা চলিতে থাকে। তাহাতে ভাল মানের প্রতি যে বিশেষ দৃষ্টি থাকে তা’ নয়, প্রেরণাই উহার মূল। সাধারণতঃ আমরা “কাবলী-ওয়ালার গান” বলিতে পরস্পর বিবোধী ছুইটা ব্যাপারের পরিকল্পনা করিয়া থাকি, কিন্তু প্রকৃতপক্ষে এট ‘কাবলী-ওয়ালাদের’ জীবনে সঙ্গীতের উন্মাদনা যতখানি, সত্যজগতে মার্জিত রুচির মধ্যে ততখানি নাই!

হয় তো হত্যাপরোধে দণ্ডিত হইবার ভয়ে কোনও আফগান লুকাইয়া লুকাইয়া ফিরিতেছে, পশ্চাতে পুলিশ তাহার খোঁজে তৎপর। কিন্তু সে খেয়াল তাহার নাই। যেই কোথায়ও একটু রসের সন্ধান পাইল, অমনি নির্বিবাদে সে আত্মহারা হইয়া হয় তো একটার পর একটা প্রেমের গজল গাহিয়া চলিল। ধরা পড়িলে, বল যে তাহাতে ফাঁসী যাইতে হইবে এ কথা তাহার মনে নাই—সে তখন পরম যোগী।

সঙ্গীতের আদব ও উন্মাদনা যেখানে এত সেখানে যে সর্বসাধারণের কাছে এই ‘ছম’দের প্রতিপত্তি অত্যন্ত বেশী হইবে তাহাতে আর সন্দেহ কি? সাধারণতঃ হজরাতে (গ্রামের টাউনহলে) এই সকল গায়কের ‘যুজরা’ হয়। তাহারা সদলবলে সেখানে ফরাসমত গান গায়িয়া থাকে। এই সকল সঙ্গীত তাহাদের নিজেদের রচিত বলিয়া তাহারা জাহির করে সত্য, কিন্তু সাধারণতঃ এগুলি ধারকরা জিনিস

—পূর্বতন কোনও গায়কের রচনা হইতে নির্ধ্বংসে গ্রহণ করা। সঙ্গীতের শেষ চরণে রচয়িতার নাম থাকে, কেবল সেইটুকুই পরিবর্তন করিয়া অনেকে নিশ্চিত হয়, কারণ এ ব্যাপার সেখানে এত সহজ যে ইহা একটা সংস্কারের মধ্যেই পরিগণিত হইয়া গিয়াছে। ইহাতে একদিকে একটা লাভ হইয়াছে, সেটি এই—

এই ধারকরা ব্যাপারের প্রাকৃতিক না থাকিলে পূর্বতন রচয়িতাদের সঙ্গীতের চিহ্নমাত্রও থাকিত না, কারণ এ সঙ্গীতের কণামাত্রও লিপিবদ্ধ নাই। অপহরণের কলে বৎসরের পর বৎসর লোকের মুখে মুখে এ সকল সঙ্গীত রহিয়াছে।*

গায়ক হইতে হইলেই প্রথমতঃ সাগরেদ হওয়া আবশ্যিক। প্রথমে ভাবী গায়ককে কোনও ওস্তাদের নিকট থাকিয়া গানের রীতিনীতি শিখা করিতে হইবে। আসরে দুই চারিবার নামিবার পর যখন 'সাগরেদ' বৃত্তিতে পারিবে যে, ওস্তাদের সাহায্য ব্যতীত সে নিজে সঙ্গীত রচনা ও আলাপে সমর্থ, তখন সে ওস্তাদের নিকট হইতে বিদায় গ্রহণ করিয়া নিজেই ওস্তাদ হইয়া বসিবে। অবশ্য পরদিনই পূর্বতন ওস্তাদের গানগুলি বেয়ালুম নিজের বলিয়া চালাইতে পারে; তাহাতে ওস্তাদ ভায়ারও যে বিশেষ আপত্তি আছে তা' নয়, কারণ বাটাইতে গেলে নিজের গলদ ও বাহির হইয়া পড়িবে।

আক্‌গানদের প্রকৃত জীবন-চিত্র এই সকল গানে সম্যক ধরা পড়ে। তাহাদের চিরন্তন আশা আকাঙ্ক্ষা আনন্দ, দুঃখ, রীতি, নীতি প্রভৃতি সমস্ত জিনিসে এগুলি পরিপূর্ণ। কাজেই সেদিক হইতে ইহার মূল্য সমধিক।

প্রেমের গানই প্রায় এ সকল সঙ্গীতের অর্ধেকের বেশী ছুড়িয়া আছে। কিন্তু চিন্তার বৈভব আক্‌গানদের অত্যন্ত সীমাবদ্ধ কাজেই এ প্রেমের ধারা অত্যন্ত নিয়ন্ত্রণের এবং অল্প বিস্তর শরীর-ধর্ম্মী। প্রিয়ার দেহের রূপশিখার কর্তনায় তাহার তেজের পরিকল্পনার স্থান হয় নাই, কাজেই কাব্যও প্রাণহীন হইয়াছে।

তারপর গতানুগতিকতা সেই একই প্রকারের রূপ বন্দনা—সেই 'পেজতানের' (নাকের নখের) চাক-চিক্যের কথা—প্রিয়ার সেই গোলাপী গালের ছোট্ট, স্তিলের সৌন্দর্য—সেই "তুতি" ও খাড়ুর (ময়না)

বিরহ বিলাপ! এমন কোনও প্রেমের গান নাই বাহাতে ইহার অভাব। এই বাণা পথে চলিতে চলিতে এই গানগুলি অত্যন্ত কৃত্রিম হইয়া পড়িয়াছে; কলে কাব্যের সাবলীলতা অন্তর্হিত হইয়াছে।

কিন্তু আক্‌গানদের প্রাণে এ সকল চিরন্তনভাবে উন্মাদনা জোগাইয়া আনিয়াছে—এখনও জোগাইয়া থাকে। এমন কোনও আক্‌গান আছে কি না সন্দেহ, যে 'মীরার' 'জাকুমি' গ'নটী জানে না! এ গানটী বিশ্ববিখ্যাত। এমন কোনও আক্‌গান নাই যে ইহার সুললিত ছন্দ, তাল ও কাব্য-যোজনায় মুগ্ধ নহে। 'জাকুমি' অনেকের মতে আক্‌গানদের জাতীয় সঙ্গীত; কিন্তু জাতীয় সঙ্গীত হইলেও এটি একটা প্রেমের গজল মাত্র।*

'নজি পুস্তান' অথবা 'আক্‌গানী সমান'ই যে কোনোও আক্‌গানের পক্ষে শ্রেষ্ঠ আইন। এই সম্বন্ধে বিশিষ্ট ধারণা প্রত্যেক আক্‌গানের আছে। কিন্তু

* আক্‌গানেরা ইহার তালে তালে নাচিয়া উঠে। আমরা ইহার তাল দিতে পারিলাম না—তবে কাব্য-রসিকের জন্য একটু ভাবাগত অনুবাদ দিতে চেষ্টা করিলাম।

১। বিরহেব আঘাতে আমি আহত হইয়া বিষম

- দেখ! দেখ!

আমার খার (ময়না) আজ আমার প্রাণ ছৌ মারিয়া নিয়া গিয়াছে।

২। আমি সর্বদা মনের সঙ্গে বুদ্ধ করিতে করিতে রক্তাক্ত—রক্তে লাল—আমি দরবেশ! বিরহই আমার জীবন—প্রেম আমার চিকিৎসক আমি নিদানের জন্য উগ্রীব—দেখ! দেখ!

৩। বুকে তার বেদনা—মুখে তার চিনি দাঁত তো নয় বেন মুক্তার দল।

কার?—কার এ সব?—আমার প্রিয়ার—আমার প্রিয়ার। বুকে আমার উত্তরোল—আমি আহত—আমি তিকুক—চাঁৎকার করি। দেখ! দেখ!

৪। প্রিয়া—প্রিয়া আমি তোমার দাস হইয়া থাকিব—আমার জন্য একটু ভাব'—একটু ভাব'—প্রিয়া।

সন্ধ্যা সকাল তোমার ঘারে আমি প্রার্থী হইয়া আছি—আমি তোমার প্রেমভিক্ষু—দেখ! দেখ!

৫। মীরা তোমার দাস—আমার সেলাম নাও। নোমার অলকতাজ আমার কাঁদ—তোমার আবাস আমার ঘর—তোমার নিশুককে বাঁচার পোর—প্রিয়া। প্রিয়া আমার।

এককথায় ইহার অর্থ বলা যায় না ; কিছু বিবৃতির প্রয়োজন ।

‘নদ্বি পুস্তানে’ অনেকগুলি নিরম কাহ্নন আছে, তাহার মধ্যে তিনটি প্রধান :—

(১) কোনও চিরন্তন শত্রুও আসিয়া যদি অফ-গানের গৃহদ্বারে আশ্রয় প্রার্থনা করে তবে তাঁহাকে প্রাণান্তেও রক্ষা করিতে হইবে ।

(২) যদি কেহ নিজের বা আত্মীয় স্বজনের অনিষ্ট করে তবে সর্ব্বথা তাহাকে দণ্ডিত করিতে চেষ্টা পাইতে হইবে ।

(৩) যে কোনও মুসাফিরকে অফ-গানের বাসস্থান ও আহাৰ দিয়া আতিথেয়তা করিবে ।

এই তিনটি নিয়ম যাহারা পালন করে না, তাহারা সমাজে অত্যন্ত নিন্দিত ও ঘৃণিত হইয়া থাকে । আমাদের আলোচ্য গ্রাম্যসঙ্গীত এই ‘অফ-গান সমানের’ গৌরব গাথায় ভরপুর । তবে এ সকল গানে কাব্য অপেক্ষা কথা অনেক বেশি কাজেই আফগানদের কাছে ইহার উন্নাদনা তীব্র হইলেও, কাব্যজগতে ইহার বিশিষ্ট স্থান নাই ।

দেশের রাজনৈতিক ব্যাপার লইয়াও অনেক সঙ্গীত রচিত হইয়াছে । অনুসন্ধান করিলে সমগ্র দেশের রাজনৈতিক ইতিহাসের মালমাসূলা এই সকল গানের মধ্যে যথেষ্ট ভাবে পাওয়া যায় । আমরা এ স্থলে আর উহার আলোচনা করিব না ।

‘জার’ ‘জমিন’ ও ‘জান’ অর্থাৎ ‘অর্থ’ ‘মাটি’ ও নারী এই তিনটি ব্যাপার লইয়াই আফ-গানদের ষত কলহ । আমাদের আলোচ্য গানে, আফ-গানীস্থানের নারীদিগের অবস্থা দুই এক কথায় বেশ ধরা পড়ে—আমরা সেটুকু দেখাইয়া আজিকার এই ক্ষুদ্র আলোচনার শেষ করিব ।

আফ-গানীস্থানের নারী এখনও প্রায় পণ্য দ্রব্যের মত গণ্য । বিশেষতঃ ইহাদের মধ্যে ‘অবরোধ প্রথা’ এত ভয়ঙ্কর যে কোনও কাকেরের পক্ষে তাহাদের রচিত কোনও সঙ্গীত এমন কি তাহাদের আচার ব্যবহার পর্যন্ত জানিবার কোনও উপায় নাই । তথাপি গানের মধ্য দিয়া ইহার কিছু কিছু ধরা পড়ে । পিতার মৃত্যুতে কন্যা, স্ত্রী, ভগিনীর বিলাপ—পুত্রের মৃত্যুতে মাতার করুণ ক্রন্দন—

সকলই তাহাদের গাথায় বিদ্যমান । মেয়েদের মধ্যেও অসাহিত্যিক কবি আছেন ; তাহাদিগকে ‘তুমান’ বলা হয়—কিন্তু তাহাদের কাব্য সাধারণতঃ ‘হারেমের’ গভীর বাহিরে আসিতে পারে না ।

শিখদের সঙ্গে আফ-গানদের বহুদিনের শত্রুতা । শিখদের নিকটে অনেক সময়েই তাহাদের পরাজয় ঘটয়াছে ; এ সম্বন্ধে গাথার অভাব নাই । আমরা এই স্থলে সেই সম্পর্কিত একটি ‘ঘুমপাড়ানী’ গানের কথা বলিয়া বিদয় গ্রহণ করিব ।

বিজিত আফ-গানদের একটি মেয়েকে একজন শিখ ধরিয়া লইয়া যায়—এবং লাহোরে আনিয়া বসবাস করিতে থাকে । ক্রমে তাহাদের একটি সন্তান হয় । ইহার পর মেয়েটির দুইটি ভাই বোনের খোঁজ করিতে করিতে লাহোরে আসিয়া উপস্থিত হয় এবং বাড়ীর খোঁজ করিয়া জানালার নীচে দাঁড়াইয়া থাকে । বোনও তাহাদিগকে দেখিতে পায় এবং দেখিতে পাইয়া তৎক্ষণাৎ সন্তানটিকে দোলনায় চাপাইয়া ঘুমপাড়ানী গানের ছলে ভাই দুইটিকে সকল খবর বার্তা জানাইয়া দেয় ।

আমরা এইখানে সে গানের একটু নমুনা দিতে চেষ্টা পাইলাম :—

“দোল্ দোল্ দোল্ জঙ্গুটাই—

দখ্যরা কি আসলে ভাই !

নীচেই কিগো থাকতে হয় ?

উপর ভলায় নাইকো ভয় !

—চুপে-চুপে আয়না তাই !

দোল্ দোল্ দোল্ জঙ্গুটাই !

কুকুর দেখে ভয় কি পাও ?

বাঁধছি আমি দেখবে তাও !

—মোহর ভরা বাক্স চাই ?

—দোল্ দোল্ দোল্ জঙ্গুটাই ।

কাকের নেশায় রইল চুর—

তার কাছে সব স্বর্গপুর !

কিইবা কাণে শুন্বে ছাই ?

দোল্ দোল্ দোল্ জঙ্গুটাই !

আফ-গানী সাহিত্যে এমন সুন্দর গানের সংখ্যা আর বেশি নাই ।*

* ‘রবিবাসরের’ পঞ্চম অধিবেশনে গঠিত ।

সাঁঝের আলো

[কুমার শ্রীধীরেন্দ্রনারায়ণ রায়]

(ক)

রাজেনদের অবস্থা এক সময়ে খুবই সচ্ছল ছিল। গ্রামের মধ্যে তারা একটা বর্ধিষ্ণু বর। কিন্তু জ্ঞাতদের সঙ্গে বিবাদ বাধায় মামলা-মোকদ্দমার খরচ যোগাতে তারা সর্বস্বান্ত হ'য়ে গেছে।

রাজেনের পিতা মরবার সময় পুত্রের হাতে তাঁর মাতৃ-হীনা অনুঢ়া কন্যা প্রিয়বালার বিবাহের ভার ও একরাশ ঋণ চাপিয়ে দিয়ে চ'লে গিয়েছিলেন।

সমস্ত বিষয়-সম্পত্তি বেচে রাজেন পিতার পরিত্যক্ত ঋণ অনেকটা পরিশোধ ক'রে এনেছিল বটে, কিন্তু ভগিনীর বিবাহে সে কোন ব্যবস্থাই করতে পারে নি।

অবস্থার মুখ চেয়ে তো আর সময় কোন দিন ব'সে থাকে না। প্রিয়বালার বয়স দেখতে দেখতে বেড়েই চলে গেল। গ্রামের লোক রাজেনকে তাড়া দিতে আরম্ভ করল—'বেন দায়টা তার থেকে ওদেরই বেশী।

রাজেন বললে— 'খুঁজছি ত ভাই, দেখছ; কিন্তু ভাল ছেলে না পেলো কি করি ব'ল? ওই একটা মায়ের পেটের বোন। বাবা-মা নেই ব'লে তো আর হাত-পা বেঁধে জলে ফেলে দিতে পারি নে।

গ্রামের লোকেরা কিছু দিনের জন্য চুপ ক'রে রইল; রাজেনও বেন হাঁফ ছেড়ে বাঁচল।

কিন্তু, এবার যা আরম্ভ হ'ল, তাতে রাজেনের পক্ষে আর ধীরে-সুস্থে সুপাত্রের সন্ধান করা চলল না। ভগিনীর বিবাহের জন্য তাকে আহার 'নন্দ্রা পরিত্যাগ ক'রে উঠে প'ড়ে লাগতে হ'ল। কারণ, পাড়ায় তখন কাণা-ঘুসো থেকে ক্রমে প্রকাশ্য আলোচনা আরম্ভ হ'য়ে গেছে যে, গৌসাইদের অরুণ ছোঁড়াটা নাকি প্রিয়বালার দিন-রাতের সঙ্গী হ'য়ে উঠেছে।

(খ)

অরুণরা রাজেনদের প্রতিবেশী। উভয় পরিবারের

মধ্যে বহুদিনের সদ্ভাব। অরুণ প্রিয়বালার আজকের সঙ্গী নয়—সে তার ছেলেবেলা থেকেই খেলার সঙ্গী।

এতদিন তাদের বনিষ্ঠ মেলা-মেশায় পাড়ার লোক কেউ কিছু আপত্তি করেনি, বরং ওদের ছুটিতে বড় বেশী ভাব এবং দিন-রাত ওরা দুজনে মিলে খেলাধুলা করে দেখে পাড়ার বৃদ্ধ ও বর্ধিয়সৌরদল তখন ঠাট্টা ক'রে ওদের 'বর-কণে' ব'লে ক্ষেপাত।

কিন্তু, আজ অরুণ ও প্রিয়বালা দুজনেই এমন একটা বয়ঃ-সন্ধিতে এসে পৌঁছেছে যে, ওদের ছেলেবেলার মেলা-মেশার সম্পর্কটাকে সকলেই সন্দেহের চোখে দেখতে আরম্ভ ক'রেছে। কাজেই অভিভাবকদেরও বাধা হ'য়ে ওদের দুজনের দেখা-সাক্ষাৎ পর্যন্ত আজকাল বন্ধ করে দিতে হয়েছে।

সবার সতর্ক দৃষ্টি ও কড়া শাসনের পাহারাকে এড়িয়ে তবু তারা মধ্যে মধ্যে পরস্পরের সঙ্গে দেখা-সাক্ষাৎ না ক'রে থাকতে পারত না। শৈশবের স্নেহ-ভালবাসা আজ যৌবনের রঙে রঙীন হ'য়ে, এক অভিনব রূপ ধরে তাদের অন্তর আলো ক'রে বসেছে। এর ছুর্ণিবার আকর্ষণ রোধ করা মানুষের সাধ্যায়ত্ত নয়। রূপ-সাবণ্যময়ী তরুণী প্রিয়বালা আজ অরুণের চোখে সপ্ত স্বর্গের কামনার ধন। নব যৌবরাজ্যে অভিষিক্ত, প্রিয়দর্শন অরুণ আজ রূপ-কথার রাজপুত্রের মতই প্রিয়বালার অন্তর বহির প্রেমের অরুণ-কিরণে সমুজ্জ্বল ক'রে দিয়েছে।

যে কথা এতদিন তারা পরস্পরের কাছে স্পষ্ট ক'রে বলতে পারে নি, বাইরের লোকের মুখে মুখে আজ তার কটু ইঙ্গিত সহসা বেন এদের সমস্ত সঙ্কোচের বাধা বিদূরিত ক'রে প্রকাশের ভাষা এনে দিল।

সেদিন তাদের নির্জনে গোপন সাক্ষাতের অমূল্য ক্ষণটুকুতে তারা পরস্পরের সঙ্গে হৃদয় বিনিময় ক'রে উভয়ে উভয়ের কাছে প্রতিজ্ঞাবদ্ধ হ'ল যে, অরুণ যেমন

ক'রে হোক প্রিয়বালাকে বিবাহ করবেই ; এবং অরুণের চরণে মাথা ঠেকিয়ে প্রিয়বালাও জানিয়ে গেল, আজ থেকে অরুণই তার স্বামী ।

কিন্তু মানুষ গড়ে আর বিধাতা ভাদ্দে, ব'লে একটা প্রবাদ প্রচলিত আছে । এদেরও জীবনে সেটা সপ্রমাণ হ'য়ে গেল ।

অরুণ যে-দিন প্রিয়বালাকে বিবাহ করবার প্রস্তাব নিয়ে রাজেনের কাছে গেল, সেদিন তাকে নিদারুণ অপমানিত ও তিরস্কৃত হ'য়ে ফিরে আসতে হ'ল ।

অরুণেরা রাজেনদের চেয়ে কেবলমাত্র বংশমর্যাদাতেই নীচু নয়, তাদের আর্থিক অবস্থা ছিল খুব অসচ্ছল । রাজেন তাই অরুণকে স্পষ্টই তার মুখের উপর ব'লে দিল যে, সে সকল বিষয়েই প্রিয়বালাকে বিবাহ করবার একান্ত অযোগ্য । যার নিজেকে ভরণ-পোষণ করবার সাধ্য নেই, সে আবার বিবাহ করতে চায় কোন্ লজ্জায় ? তা ছাড়া সেই মাসেই শেষ লগ্নে প্রিয়বালার অল্প বিবাহ হ'বার কথা প্রায় পাকা-পাকি রকম স্থির হ'য়ে গেছে । সুতরাং অপদার্থ অরুণ যেন দ্বিতীয়বার আর তার কাছে এরূপ অপমান-জনক প্রস্তাব করবার স্পর্ধা না করে ।

অরুণের মুখে প্রিয়বালা এ কথা শুনে আত্মহত্যা করবে বলল—জলে ডুবে মরতে চাইল । কিন্তু অরুণ তার দুটি হাত ধ'রে সজল চোখে, মিনতি ক'রে যখন বলল—প্রিয়, তুমি আমার ; তোমাকে কেউ আমার কাছ থেকে কেড়ে নিতে পারবে না । আমি আজই এ দেশ ছেড়ে চ'লে যাচ্ছি । যথেষ্ট অর্থ উপার্জন ক'রে ফিরে আসার অপেক্ষা ক'রে তোমাকে বেঁচে থাকতেই হবে ।

প্রিয়বালা তার বিস্মিত মুখের কৌতূহলপূর্ণ দৃষ্টি অনেকক্ষণ অরুণের দিকে নিবদ্ধ ক'রে রেখে ধীরে ধীরে বলল—কিন্তু দাদা যদি এরই মধ্যে জোর ক'রে আমার বিবাহ দেন ?

অরুণ কিছুমাত্র বিচলিত না হ'য়ে তৎক্ষণাৎ উত্তর দিল—তা দিলেই বা । সে বিবাহ ত আর সিদ্ধ হবে না । তুমি যে আমারই স্ত্রী ! পুঁথির মন্ত্র প'ড়ে আমাদের বিবাহ হয় নি বটে, কিন্তু প্রিয়, তার চেয়েও বহুগুণে শ্রেষ্ঠতর বিধান মেনে আমাদের পরিণয় সুসম্পন্ন হয়েছে । এ যে আমাদের জন্ম-জন্মান্তরের সন্ধক ।

কখনকাল চূপ ক'রে থেকে অরুণ আবার বলল—বিবাহ যদি হ'য়েই যায়, আমি ফিরে এসে তাঁর কাছ থেকে তোমাকে নেবার জন্ত দাবী করব । তিনি যদি আমার দ্রীকে আমার কাছে ফিরিয়ে দিতে না চান, আমি জোর ক'রে তাঁর কাছ থেকে কেড়ে নিয়ে যাব ।

অরুণের মুখের এই আশ্বাস-বাণীকে প্রিয়বালা কিছুতেই যেন অবিশ্বাস করতে পারল না । অরুণের কাছে এই প্রতিশ্রুতি পেয়ে সে আজ অনেকটা নিজেকে নিশ্চিত বোধ করল । তার মনের মধ্যে যে উন্মত্ত ঝড় উঠেছিল, যে ছশ্চিন্তার তুফান ছুটেছিল, তা যেন নিমেষে শান্ত হ'য়ে গেল ।

তারপর প্রিয়বালার বিবাহের লগ্ন সত্যি যে-দিন নির্দিষ্ট হ'য়ে গেছে ব'লে প্রতিবেশীরাও জানতে পেরে-ছিল, অরুণ তার পূর্ব দিনই কাউকে কিছু না ব'লে কোথায় যে নিরুদ্দেশ হ'য়েছিল, পাঁচ বৎসর ধ'রে-নানা স্থানে অনুসন্ধান ক'রেও কেউ সে কথা জানতে পারে নি ।

(গ)

অবশেষে একদিন সে অকস্মাৎ ফিরে এল । প্রচুর অর্থ উপার্জন ক'রে এনেছিল বটে, কিন্তু ফিরতে তার বিলম্ব হ'য়ে গিয়েছিল অনেক ।

পাঁচ বৎসর তো বড় অল্প সময় নয় । অরুণ এসে দেখল যে, গাঁয়ের অনেক পরিবর্তন হ'য়ে গেছে । পরিচিত ও আত্মীয় বৃদ্ধেরা আজ অনেকে জীবিত নেই । যাদের সে যুবা দেখে গিয়েছিল, তারা আজ বয়স্ক—সুখে-স্বচ্ছন্দে সংসার করছে ।

রাজেনদের ঘর-বাড়ী গাঁয়ের এক কলুদের হাতে এসেছে তখন । তাদের অনেক জিজ্ঞাসাবাদ ও জেরা ক'রে অরুণ আবিষ্কার করল যে, রাজেনের ভগিনী প্রিয়বালা বিবাহের অল্প দিন পরেই বিধবা হ'য়ে ভাইয়ের আশ্রয়েই ফিরে এসেছিল ? কিন্তু অভাগিনীর এমনই অদৃষ্ট যে, বছর ফিরতে না ফিরতেই তিন দিনের অরে হঠাৎ রাজেনবাবুর মৃত্যু হ'ল । মেয়েটা একেবারে অসহায় হ'য়ে পড়ল । গাঁয়ের দুই লোকেরা তাকে কুপথে নিয়ে যাবার চেষ্টা করতে লাগল । তারা তার দাদার বিষয়-সম্পত্তিও কাঁকি দিয়ে নেবার জন্ত উঠে-পা'ড়ে লেগেছিল ;

কিন্তু কিছুতেই তা পারে নি। সে ভারী শক্ত মেয়ে। তা ছাড়া, পাশের বাড়ীর গৌসাই গিন্নী তখনও বেঁচে ছিলেন। তিনি প্রিয়বালাকে ডানা দিবে সবার সকল বিপদ-আপদ থেকে বাঁচিয়ে ছিলেন।

গ্রামে কিন্তু বাস করা তাদের পক্ষে ক্রমেই অসম্ভব হ'য়ে উঠল। তাদের অনাথা, অসহায়া বিধবা পেয়ে পাড়ার লোকের অত্যাচার ক্রমেই তাদের উপর বেড়ে উঠতে লাগল। তখন রাজেন-বাবুর ভগিনী আর সহ্য করতে না পেরে, গৌসাই-গিন্নীর সঙ্গে পরামর্শ ক'রে জমি-জমা, ঘর-বাড়ী সব বেচে, নগদ টাকা হাতে ক'রে গৌসাই-গিন্নীর সঙ্গে গ্রাম ছেড়ে তীর্থ-ভ্রমণে বেরিয়ে পড়ল। সেই যে তারা ছুটীতে গেছে, সে হ'ল আজ প্রায় দুই বৎসরের কথা। এখনও পর্যন্ত কেউ ফেরে নি, বা তাদের কোন সংবাদও পাওয়া যায় নি।

অরুণ সমস্ত শুনে একটা দীর্ঘনিঃশ্বাস ফেলে, তার গাঁটরী তুলে নিয়ে ধূলা-পায়ে গ্রাম থেকে বিদায় হ'য়ে গেল। পাঁচ বছর আগে আর একবার সে যখন এমনই নিঃশব্দে এই গ্রাম ছেড়ে চ'লে গিয়েছিল সেদিন তার জীবনে আশা-আকাঙ্ক্ষা ও উৎসাহের অস্ত ছিল না। আশা তার এখনও মরে নি বটে, কিন্তু সে উৎসাহ ও উত্তম আর ছিল না।

প্রিয়! প্রিয়! প্রিয়! দীর্ঘ পাচ বৎসরকাল সুদূর বিদেশে তার অন্তর হাহাকার করেছে—এই মেয়েটির জন্ম! কত বিপদ, কত ঝগড়া, উত্তীর্ণ হ'য়ে সে যখন দেশে ফিরে এল তার সেই প্রাণ-প্রিয়কে বুকের ধন করতে—না হয় অন্ততঃ একবার চোখের দোলা দেখবার জন্ম—হায়! কোথায় সে? আজ কয় বছর হ'য়ে গেল সেও যে নিরুদ্দেশ! বেঁচে আছে কি? যদি থাকে, কোথায় সে? কোথায় তার দেখা পাওয়া যেতে পারে? কোথায় গেলে তাকে পাবে সে?

অরুণের মনে পড়ে গেল, কলুরা বলেছে তারা তীর্থ-ভ্রমণে বেরিয়েছিল—আর দেশে ফেরে নি। তবে কি কোন তীর্থে গেলে তার দেখা পাওয়া যেতে পারে?

এমনি ক'রে সারা পথ প্রিয়বালার কথা ভাবতে ভাবতে অরুণ রেল ষ্টেশনে এসে পৌঁছিল। একখানি ট্রেন তখন ছাড়বে-ছাড়বে করছে। অরুণ ছুটে গিয়ে:

একখানা কাশীর টিকিট কিনে একেবারে গাড়ীতে গিয়ে উঠে বসল।

ট্রেনের দোলায় ক্লান্ত শরীরে কখন সে ঘুমিয়ে পড়েছিল, জানে না। ঘুমিয়ে ঘুমিয়ে সে স্বপ্ন দেখছিল, যেন ভারতবর্ষের সমস্ত তীর্থ সে ঘুরে বেড়াচ্ছে প্রিয়বালাকে খুঁজে খুঁজে। কোথাও তার সন্ধান পাওয়া যাচ্ছে না। সব তীর্থ শেষ ক'রে সে যখন 'সাবিত্রী' পাহাড়ে এসে পৌঁছিল, অকস্মাৎ সেখানে একদিন সন্ধ্যাবেলা পাহাড়ের চূড়ার উপর সে তার প্রিয়বালাকে দেখতে পেল। অরুণ ছুটে গেল তাকে ধরতে; কিন্তু যখন সে তার কাছে গিয়ে পৌঁছেছে, প্রিয়বালা যেন হঠাৎ পাহাড়ের চূড়া থেকে একেবারে গভীর অতলে লাফিয়ে প'ড়ে গেল।

অরুণ আতঙ্কে চীৎকার ক'রে উঠল—তার ঘুম ভেঙে গেল। চোখ চেয়ে দেখে, সে রেল-গাড়ীর কামরায় প'ড়ে রয়েছে। ট্রেন তখন কি একটা ষ্টেশনে এসে থেমেছে। তার সহ-যাত্রীরা কখন যে নেমে গেছে, তা সে জানতেও পারে নি। সে তখন উঠে বসল।

সর্বনাশ! তার গাঁটরী? গাঁটরী কোথায় গেল? পাঁচ বৎসরের কষ্টোপার্জিত সমস্ত সম্পদ যে তার ছিল সেই গাঁটরীর মধ্যে।

বাইরের প্লাটফর্ম থেকে একটা কুলী তখনও হাঁকছে—মোগলসরাই! থর থর ক'রে কাঁপতে কাঁপতে সে গাড়ী থেকে নেমে পড়ল, এবং তার এই সর্বনাশের কথা গার্ডকে জানাতে ছুটল। কিন্তু পা যে আর নড়ে না! একটুখানি গিয়েই সে মূর্ছিত হ'য়ে পড়ল।

মূর্ছাভঙ্গে দেখে, অনেক লোকজন তার চারিপাশে জড়' হয়েছে। সবাই তাকে প্রশ্ন করছে—সে কে? কোথায় যাবে? কি হয়েছে তার? অরুণ তাদের সব কথা বলতে, তারা ধরাধরি ক'রে তাকে কাশীর গাড়ীতে নিয়ে গিয়ে তুলে দিল; তার পকেটে কাশীর টিকিটখানা তখনও ছিল। কিন্তু, অনেক অনুসন্ধানও তার গাঁটরীর কিনারা হল' না।

(৬)

অরুণ দেহ-মনে অবসন্ন হ'য়ে কাশীর এক দাতব্যছত্রে এসে আশ্রয় নিল। সেখানে হঠাৎ তার নজরে পড়ল,

সেই ছত্ৰেরই এক কোণে, ঠিক যেন তার সেই হারান গাঁটরীটা মাথায় দিয়ে একটি জ্বীলোক গাঢ় ঘুমে অচেতন। পা টিপে টিপে অরুণ তার কাছে গিয়ে চিন্তে পারল—হাঁ ঠিক, এই তো তার হারান' গাঁটরী! কিন্তু, এ জ্বীলোকটী কে? আর এর কাছে কেমন ক'রে তার গাঁটরী এল?

রুণকাল তীক্ষ্ণ দৃষ্টিতে জ্বীলোকটীকে দেখতে দেখতে অরুণ চীৎকার ক'রে উঠল—তুমি? তুমি কি প্রিয়বালা?

জ্বীলোকটী ধড়মড়িয়ে উঠে বসল। অরুণের দিকে রুণকাল চেয়ে দেখে তার মুখ আনন্দে উজ্জ্বল হ'য়ে উঠলো।

সে যুক্ত করে ব'লে উঠল—এসেছ! ফিরে এসেছ! এতদিনে কি তোমার মনে পড়ল এই অভাগীকে? ওগো, তা হ'লে তো আমি ভুল করি নি। ঠিক ধরেছি—এ আমারই জিনিস চোরে নিয়ে যাচ্ছিল। এই গাঁটরীর উপর 'তোমার নাম' লেখা রয়েছে দেখে আমি যেমন তাদের জিজ্ঞাসা করেছি—“এ কার জিনিস' তোমরা কোথায় পেলে?” তখন তারা এই গাঁটরী ফেলে কে

কোথায় পালিয়ে গেল। তোমার নাম লেখা গাঁটরী— আমি বুকে ক'রে তুলে নিলাম। খুলে দেখলাম— এ আমারই ধন। আমি তাই এই জমুলা সম্পদ মাথায় নিয়ে শুয়ে ছিলাম।

অরুণ নত হ'য়ে প্রিয়বালাকে পায়ের কাছ থেকে তুলে বসাল! সে বিহ্বলকণ্ঠে বলল, গাঁটরী না পেলেও কোন দুঃখ ছিল না। যার জন্ত এ সঞ্চয় তাকে যে আজ পেলাম। দেশে ফিরে এসে তোমার সমস্ত কথাই শুনেছি। দেখ প্রিয়, এখন আর আমাদের মিলনের পথে কোন বাধা নাই, ভগবান দয়া ক'রে সে বাধা সরিয়ে নিয়েছেন। এস এই বিশ্বেশ্বরের রাজ্যে আমরা পবিত্র বিবাহ-বন্ধনে আবদ্ধ হই। হিন্দুর বিধবার বিবাহ শাস্ত্রে নিষিদ্ধ ছিল না। এখন লোকাচারেও চ'লে গেছে। এস একটা ভাল দিন দেখে কুসংস্কার-বর্জিত শাস্ত্রজ্ঞ ব্রাহ্মণের দ্বারা আমরা পরিণীত হই।

প্রিয়বালা যুক্ত করে কাতর কণ্ঠে “দয়াল বিশ্বনাথ! বিশ্বনাথ!” ব'লে একবার উর্দ্ধদিকে চেয়ে চেয়ে পায়ের মাথা ঠেকিয়ে প্রণাম করল।

মেঘের মায়া

(শ্রীপ্রফুল্ল সরকার)

গগন ঘিরে আলো ছায়ায়
মেঘের মায়া!

পরশ বুলায় শুষ্ক শাখায়
তিমির ছায়া।


বাষ্প-সজল অঁাখির তলে
তড়িৎ হাসির হীরক জলে,
নিধর কালো আসছে নেমে
নিটোল কায়া।

ওগো আমার মনের বনে
কদম কেয়া,
উঠল' আজি কি হর্ষণে
কণ্টকিয়া!

বুকের বকুল বীথির 'পরে
যে উদাসীর অশ্রু বরে,
আভাস তারি দেয় গগনে
সজল দেয়া।



বিশ্ব-জগৎ



প্রাগ্‌ঐতিহাসিক যুগের পদচিহ্ন

কিছুদিন হইল Alabama প্রদেশের একটা Carbon Hill হইতে একখানি পাথর পাওয়া গিয়াছে। এই পাথরটির উপর কোন প্রাণী বিশেষের কয়েকটা পদাঙ্ক আছে। বিশেষজ্ঞরা বলিয়াছেন, ঐগুলি ২৫০,০০০,০০০ বৎসর পূর্বে জীবিত কোন জন্তুর পদচিহ্ন। এইগুলি যে জন্তুর পদাঙ্ক বলিয়া অনুমান করা হইয়াছে শুনা যায় নাকি তাহারা স্থলচর ও আকাশচর প্রাণীর সৃষ্টিরও পূর্বে পৃথিবীতে ছিল।


এই Carbon Hillটির আশে-পাশে আরও অনেক স্থানে প্রাগ্‌ঐতিহাসিক যুগের জীবজন্তুর কঙ্কাল পাওয়া গিয়াছে। ঐতিহাসিকগণ সিদ্ধান্ত করিয়াছেন যে, এই স্থানটা প্রাচীন কালের, অধুনা-বিলুপ্ত কোন নগরের ধ্বংসাবশেষ। প্রাপ্ত শিলাখণ্ডটির একখানি প্রতিলিপি দিলাম।

বেতারে সংবাদপত্র প্রেরণ

বেতার আবিষ্কার হইয়া গত কয়েক বৎসরে বিজ্ঞান-জগতের যে অশেষ উন্নতি সাধিত হইয়াছে, তাহা কাহারও অবিদিত নাই। কিছু দিন হইল পাশ্চাত্য দেশের অধিবাসীদের নিকট বেতার বিপদের বহু বলিয়া পরিগণিত হইয়াছে—সংসারের নিত্য-নৈমিত্তিক বহু কার্যই বেতারে সম্পাদিত হইতেছে।

সম্প্রতি আমেরিকার সংবাদপত্র-ব্যবসায়ীরা বেতারকে তাঁহাদের সুবিধামত কাজে লাগাইয়াছেন। কিছুদিন হইল, আমেরিকার একখানি প্রসিদ্ধ সংবাদপত্র ঠিক করিয়াছেন যে, তাঁহারা আর ডাকে বা ফেরিওয়ালার পাঠাইয়া গ্রাহকদের নিকট কাগজ প্রেরণ করিবেন না—বেতার সাহায্যে

সে কাজ চালাইবেন। প্রথম প্রচেষ্টা স্বরূপ সেদিন San Francisco হইতে আড়াই হাজার মাইল দূরে Schenectady নামক নিউইয়র্কের একটা সহরে বেতারে সংবাদপত্র পাঠান হইয়াছিল। শুনা যায় না কি ছাপাখানা হইতে কাগজ বাহির হইবার তিন ঘণ্টার মধ্যে Schenectadyর গ্রাহকেরা কাগজ পান।



প্রাগ্‌ঐতিহাসিক যুগের জন্তুর পদচিহ্ন

বেতারে পাঠান কাগজটা সাধারণ ধরের কাগজের স্থায় প্রকাণ্ড কাগজে ছাপা হয় নাই; আট ইঞ্চি লম্বা সরু সরু কালি কাগজে ছাপা হইয়াছিল। বেতারে যে-উপায়ে কটোগ্রাফ পাঠান হইত, এই সংবাদপত্র পাঠাইবার

প্রাণালীও ঠিক তাহাই। সংবাদপত্রের প্রত্যেক গ্রাহককে বেতাবে সংবাদপত্র গ্রহণ করিবার জন্য একপ্রকার স্ট্রুটকেসের আয় বাক্স দেওয়া হইয়াছে; এই বাক্সগুলির মধ্যেই প্রত্যহ প্রাতে সংবাদপত্র পাওয়া যায়। যন্ত্র হইতে যখন সংবাদপত্র বাহির হয় তখন সাধারণতঃ ভাঁজ করা থাকে না—একটি আট ইঞ্চি লম্বা গুটান কাগজের বাণ্ডিলের আয় বাহির হয়। এইরূপ বেতাবে কাগজ পাইবার জন্য ঐ সংবাদপত্রটির গ্রাহক-সংখ্যা বাড়িয়া গিয়াছে।

প্রকৃতির খেলা

এখানে একটি ছাগলের চিত্র দেখা যাইতেছে। ইহা কেহ কাগজের উপর কালী দিয়া অঙ্কিত করে নাই! প্রকৃতির খেলায় কাঠের উপর আপনা হইতেই ঐরূপ হইয়া গিয়াছে।



অদ্ভুত ছাগমস্তক

Madison এর একটি Forest Product Laboratoryতে এই কাঠখণ্ডটি পাওয়া যায়। একটি মিস্ত্রী ঐ কাঠটির উপর রেঁদা চানাইতেছিল, হঠাৎ তাহার নজর পড়ে যে, কাঠের উপর কেমন একটি ছাগলের ছবি তৈয়ারী হইয়া গিয়াছে। সে তখনই Laboratoryর একজন রাসায়নিককে ডাকিয়া পাঠায়। তিনি আসিয়া পরীক্ষা করিয়া বলেন যে, সত্যই কেহ উহা আঁকিয়া রাখিয়া যায়

নাই। কাঠের আঁশগুলি বিচিত্রভাবে একত্রে সন্নিবেশিত হইয়া ঐরূপ হইয়াছে।

সিডনি হারবার ব্রিজ

পৃথিবীর মধ্যে কোন্ সেতুটি সর্বাপেক্ষা বৃহৎ এই এই বিষয়ে অনেকের বহু ভ্রান্ত ধারণা থাকিয়া গিয়াছে। সম্প্রতি একটি বৈদেশিক পত্রে এই বিষয়ে এক ব্যক্তি প্রবন্ধ লিখিয়াছেন; ইহা হইতে জানা যায় যে, Australiaর 'Sydney Harbour Bridge' নামে যে-সেতুটি তৈয়ারী হইতেছে তাহাই পৃথিবীর মধ্যে সর্বাপেক্ষা বৃহৎ সেতু হইবে।

এই সেতুটির নির্মাণ-কার্য এখনও শেষ হয় নাই। গত ১৯২৪ খৃঃ ইহার কাজ আরম্ভ হয় এবং আশা করা যায়, কাজ শেষ হইতে আরও দুই বৎসর লাগিবে। এই সেতুটির পিল্লার মধ্যবর্তী খিলানের উচ্চতা ১,৬৫০ ফিট এবং ইহার তলায় এইরূপ পরিমাণে ফাঁকা রাখা হইয়াছে যে, ১৭০ ফিট উচ্চ যে কোন জাহাজ নির্ঝিবাদে তলা দিয়া যাইতে পারিবে। শুনা যাইতেছে, যে এঞ্জিনিয়ার এই সেতুটি তৈয়ার করিয়াছেন, তিনি ইহার সৌষ্ঠব-রক্ষার দিকে বিশেষ লক্ষ্য রাখিয়াছেন। এই সেতুটির উপর দিয়া চারিটি রেল-পথ বিভিন্ন স্থানে চলিয়া গিয়াছে। কেবল তাহাই নহে—মানুষের পায়ে হাঁটিয়া যাইবার জন্য ৬০ ফিট প্রস্থ দুইটি পথ দুই ধারে আছে।

এই সেতুটির নির্মাণ-কার্যের ভার লইয়াছেন এঞ্জিনিয়ার Dorman Long & Co.

শক্তিশালী বৈদ্যুতিক বাতি

আমাদের সাধারণ গৃহে আলিবার জন্য সামান্ত শক্তিশালী বৈদ্যুতিক বাতিতেই চলে; কিন্তু চলচ্চিত্রে ছবি তুলিবার সময় যথেষ্ট শক্তিশালী বাতির প্রয়োজন হইয়া থাকে। হুঃখের বিষয়, গত কয়েক বৎসরের মধ্যে চলচ্চিত্রশিল্পীগণ সম্ভ্রান্তজনক কোন বাতি পান নাই। এই কারণে বহু সুন্দর সুন্দর ছবি তুলিবার সময় পরিচালকদের বিশেষ অসুবিধা ভোগ করিতে হইয়াছে।

কিছুদিন হইল, এক প্রকার ৬,০০,০০-বাতি শক্তিশালী



শক্তিশালী বৈদ্যুতিক বাতি

বৈদ্যুতিক আলোকের আবিষ্কারে এই অশুবিধা দূর হইয়াছে। এই আলোক তৈয়ারী করিয়াছেন, আমেরিকার General Electric Company. এই বাতিটির ভিতরের ফাশা অংশটির ব্যাস তিন ফুট। এই বাতিটি বর্তমানে সবাক্ চিত্র তুলিবার জন্য ব্যবহৃত হইতেছে। পূর্বে সবাক্ চিত্র তুলিবার জন্য "Kleig" নামক এক-প্রকার বৈদ্যুতিক বাতির ব্যবহার ছিল। কিন্তু তাহার প্রধান দোষ ছিল এই যে, আলো আলিলে বাতির মধ্য হইতে ভয়ানক শোঁ শোঁ শব্দ হইত। এইরূপ শব্দ হইলে সবাক্ চিত্রের record তোলা বড়ই শক্ত হইত। সুধের বিষয়, এই নবনির্মিত বৈদ্যুতিক বাতিতে এই সকল অশুবিধা আর নাই।

জানালাবিহীন বাসগৃহ

বাস-গৃহে জানালা না রাখিয়া যে থাকিতে পারা যায়, এ ধারণা আমাদের ছিল না। কিন্তু সম্প্রতি Ohioর এক বিখ্যাত বিদ্বান Zay Jeffries এক প্রকার জানালাবিহীন

বাসগৃহের কথা বলিয়াছেন। তাঁহার মতে এইরূপ গৃহ তৈয়ারী করিলে স্বাস্থ্যের দিক দিয়া যে বিশেষ কিছু ক্ষতি হইবে, এমন নহে। তিনি বলিয়াছেন, 'দেহ-রক্ষার জন্য সূর্যালোকের যথেষ্ট প্রয়োজন থাকিলেও সে কাজ Ultra-violet lampsএর সাহায্যে চলিবে। কারণ, সূর্যালোকে আমাদের দেহের উপর যে কাজ করে, এই আলো হইতে বিকীর্ণ রশ্মি তাহা করিতে সমর্থ হইবে।

এইরূপ জানা গিয়াছে যে, আমেরিকার অধিবাসীরা এই শ্রেণীর বাস-গৃহ তৈয়ারী করার সপক্ষে। সেই কারণে আশা করা যায়, শীঘ্রই ঐ দেশে এইরূপ ছ'একখানি বাড়ী তৈয়ারী হইবে।

সমুদ্রগর্ভে বিবাহ

আমেরিকাটা যে একটা হুজুরের দেশ, তাহা কেহই বোধ হয় অস্বীকার করিবেন না। ঐ দেশের লোকেরা যাহা-কিছু করুন না কেন, অতি তুচ্ছ ব্যাপার হইলেও, তাহারই মধ্যে একটা নূতন স্বষ্টি করিবার চেষ্টা করেন। সামান্য বিবাহ হইবে, তাহাতেই কত লোকে কত নূতন নূতন পথ দেখাইল। বিবাহে নূতন স্বষ্টি করিবার জন্য প্রথমে এক ব্যক্তি টেলিফোনে বিবাহ করেন। তারপর আর এক ব্যক্তি গির্জায় না গিয়া রাস্তায় মোটারে চড়িয়া বেড়াইতে বেড়াইতে বিবাহ করেন। তাহার পর ইহাও যখন পুরাতন হইয়া গেল, তখন বিমানপোত হইতে প্যারা-শুটে (parachute) করিয়া নামিবার সময় একব্যক্তি বিবাহ-বন্ধনে আবদ্ধ হন।

কিন্তু বর্তমানে Los Angelesএর এক ব্যক্তি পূর্ববর্তী সমস্ত বিবাহ-প্রথাকে হারাইয়া দিয়াছেন। টেলিফোনে বা বিমানপোতে তাঁহার সখ মিটে নাই। সেই কারণে সমুদ্রের তলায় গিয়া স্ত্রীরহণী ফুড়াইয়া আনিয়াছেন। এই নব-বিবাহিতের মধ্যে বরটা ছিলেন ডুবুরী। সেই কারণে বোধ হয় তাঁহার ঐরূপ অদ্ভুত খেলা হইয়াছিল।

আকাশ-পথে দমকল

আমাদের দেশে মাটিতে এবং জলে চালানোর মত দমকল আছে; কিন্তু আমেরিকার সম্প্রতি এক প্রকারের এরোপ্লেন দমকলের প্রবর্তন হইয়াছে। এই প্রকারের

দমকল সাধারণ ছোট-খাট বাড়ীতে আশুন লাগিলে ব্যবহার করা হয় না; যদি কোন প্রকাণ্ড বাড়ীতে বা জমলে আশুন লাগে তখন ব্যবহার করা হয়। কয়েকটি ছোট ছোট Moth-planeকে এইরূপ দমকলে পরিণত করা হইয়াছে। এই দমকলগুলির প্রবর্তন করিয়াছেন Department of Commerce, Canada। এই বিমান দমকলগুলিতে দুই জন পাইলট, একটি মেশিন, ও সাত জন খালাসীর স্থান সঙ্কলান হইতে পারে

কুয়াসা বিতাড়নের নূতন উপায়

বিলাতে হঠাৎ চারিদিক কুয়াসায় আচ্ছন্ন হইয়া বাওয়া এক নিত্য-নৈমিত্তিক ব্যাপার। ইহাতে সাধারণের এবং ব্যবসা-বাণিজ্যের যথেষ্ট ক্ষতি হয়। কিছুদিন হইতে এই কারণে কুয়াসা তাড়াইবার জন্ত বৈজ্ঞানিকগণ যথেষ্ট চেষ্টা করিতেছিলেন। সম্প্রতি Massachusetts Institute of Technologyর Meteorological observatory কুয়াসা তাড়াইবার এক নূতন উপায় নির্ধারণ করিয়াছেন।

তাঁহারা বিভিন্ন যন্ত্রের দ্বারা বায়ুর গতি, কুয়াসার রাসায়নিক বিশ্লেষণ প্রভৃতি সম্পন্ন করিয়া যদি তাহা ক্ষতিকর বলিয়া বিবেচনা করেন, তাহা হইলে তাহা বৈজ্ঞানিক উপায়ে গলাইয়া দিতেছেন। এই কুয়াসা

তাড়াইবার নূতন প্রচেষ্টায় দিন দিন কত জাহাজ যে বিপদের মুখ হইতে রক্ষা পাইতেছে তাহার সংখ্যা নাই।

প্রাচীন ব্যাবিলনের দলিল


যে ছবিখানি দেওয়া হইল, তাহা প্রাচীন ব্যাবিলনের মাটির উপর খোদিত দলিলের ছবি। সম্প্রতি ইহা ব্যাবিলনের ধ্বংসাবশেষ হইতে খুঁড়িয়া বাহির করা হইয়াছে। পূর্বে কাগজ ছিল না, সেই কারণে এইরূপ শক্ত মাটির উপর আঁচড় টানিয়া লেখা হইত।

এই দলিলটি একটি জমী-বিক্রয়-সংক্রান্ত। বিশেষজ্ঞরা দলিলটি পড়িয়া বলিয়াছেন—ইহাতে লেখা আছে— “Annah-Iddanun, যাহার দ্বিতীয় নাম Dumki-Anu। সে তাহার Urnk এর Ishtar Gate নামক স্থানের বাগানবাটীটা Nurকে চিরকালের জন্ত বিক্রয় করিতেছে। যদি ভবিষ্যতে কেহ এই জমীর দাবী করে তাহা হইলে বিক্রেতাকে ইহার বারঙণ দাম ক্ষতিপূরণ স্বরূপ দিতে হইবে।”

দলিলটির পিছনে বার জন সাক্ষীর নাম স্বাক্ষর করা আছে।

বিমানপোত হইতে বাষ্প প্রদান

বিলাতে কোন দুঃসাহসিক কার্য্য করার যথেষ্ট আদর আছে। সেরূপ কাজের মধ্যে বিমানপোত হইতে বাষ্প দেওয়ার কদর সর্বাপেক্ষা বেশী। এই কাজ ভয়ানক বিপজ্জনক হইলেও আজকাল বহুলোক ইহাকে জীবন-ধারণের সংস্থান বলিয়া গ্রহণ করিয়াছেন। এই সকল পেশাদার দুঃসাহসিক বিমান-বীরদের মধ্যে Mr. Buddy Bushmeyerই যথেষ্ট নাম কিনিয়াছেন। সাধারণে ইহার



প্রাচীন ব্যাবিলনের দলিল




Buddy Bushmeyer ঝাম্পদানের অব্যবহিত পূর্বে

নাম দিয়াছে—“Greatest Dare-Devil of the Air.”

ইনি কিছুদিন পূর্বে Roosevelt নামক বিমানপোতে ৮০০০ ফুট উচ্চ স্থান হইতে মাটিতে লাফাইয়া পড়িবার সময় অবশ্য তিনি খালি হাতে নামেন নাই—প্যারাসুট লইয়া নামিয়াছিলেন। ইনি যে কেবল সমতলভূমির উপরেই সাধারণতঃ নামেন, তাহা নয়—হুএকবার Colorado mountains এর উপর, আমেরিকার একটা হ্রদে এবং মরুভূমির মধ্যে লাফাইয়া পড়েন।


সম্প্রতি ইনি একটা বিলাতী পত্রে প্রবন্ধ লিখিয়াছেন। তাহাতে কি করিয়া আকাশ হইতে ঝাঁপাইয়া পড়া যায়, তাহা বিশদ ভাবে আলোচনা করিয়াছেন। ইনি বলিয়াছেন, আকাশ হইতে ঝাঁপাইয়া পড়িবার সময় পূর্ক হইতেই প্যারাসুট খুলিয়া রাখিতে হয় না। প্রথমে খালিহাতে শূন্যে ঝাঁপ দিতে হয়; তাহার পর আস্তে আস্তে কোমর-বন্ধ বা পিঠ হইতে (যাহার যেরূপ প্যারাসুট) প্যারাসুট খুলিয়া দিতে হয়। প্যারাসুট মুক্ত করিয়া দিলে হাওয়া লাগিয়া ক্রমে ক্রমে তাহা ছাতার আকার ধারণ করে। এই প্যারাসুট খুলিবার সময়টাই সর্বাপেক্ষা বিপজ্জনক সময়। এই সময় যদি কোন রকমে হঠাৎ প্যারাসুট লড়াইয়া যায় তাহা হইলে বায়ুবেগে মাটিতে পড়িয়া গিয়া চূর্ণ-বিচূর্ণ হইয়া যাওয়া অনিবার্য। প্যারাসুট গুটাইয়া



বিমানপোত হইতে আকাশপথে উল্লম্বন

রাখাও বেশ শক্ত কাজ। মাটিতে নামিবার পর ইহাকে কতকটা স্ত্রীলোকের ষেণীর ঞায় বিনাইয়া বিনাইয়া গুটাইয়া রাখিতে হয়। ভাল করিয়া গুটাইতে না পারিলে ঝাঁপ দিবার সময় বিপদে পড়িতে হয়।

Mr. Bushmeyer কিছুদিন হইল কয়েকটা ছাত্র-ছাত্রী লইয়া এই বিদ্যা শিখাইবার জন্য স্কুল খুলিয়াছেন।




প্যারাসুটের সাহায্যে অবতরণ-কালে

ঊহাৰ মতে পুৰুষ অপেক্ষা স্ত্ৰীলোকেরাই এই কাৰ্জে সহজে পাৰদৰ্শী হয়। ইহাৰ পূৰ্বে Jack Cope নামক একব্যক্তি বিমানপোত হইতে লাকাইয়া বেষ নাম কৰিয়া ছিলেন।

প্ৰাচীন সহরের ধ্বংসাবশেষ

কিছুদিন হইল আমেরিকার Princeton বিশ্ব-বিদ্যালয়ের অধ্যাপক J. Leslie Shear প্ৰাচীন এথেন্সের পাৰথিনন (Parthenon) নামক সহরটীৰ একটা বাজাৰের ধ্বংসাবশেষ পুনৰুদ্ধাৰ কৰিয়াছেন। সমস্ত সহরটী এখনও সম্পূৰ্ণ খুঁড়িয়া বাহিৰ কৰা হয় নাই, কাৰণ তাহা কৰিতে প্ৰায় দশ বৎসৰ সময় অতিবাহিত হইবে। আমেরিকা হইতে অন্য পক্ষে চল্লিশটা বিশ্ববিদ্যালয়ের ছাত্ৰ ও ছাত্ৰীরা আসিয়া এই অভিযানে যোগদান কৰিয়াছে।

শত শত লোকের সমাবেশ হইত। শুনা যায়, বিখ্যাত Apelles-এর ছবিগুলি এই স্থানেই প্ৰদৰ্শিত হইয়াছিল। ঐতিহাসিকদের নিৰ্দেশ অনুসারে জানা যায় যে, খৃষ্ট-পূৰ্ব পঞ্চম শতাব্দীতে এই স্থানে Alexander the Great-এর সহিত Diogenes-এর সাক্ষাৎ ঘটে। প্ৰাচীন গ্ৰীসের ইতিহাসের বহুস্থানে এই বাজাৰটীৰ সম্বন্ধে অনেক কথা লিখিত আছে। অনুসন্ধান-কাৰ্য্য এখনও সম্পূৰ্ণ হয় নাই। সেই কাৰণে এথেন্সের বহুস্থান অপরিচিত থাকিয়া গিয়াছে। কিছুদিন পরে ধনন-কাৰ্য্য যখন আৰম্ভ একটু অগ্ৰসৰ হইবে তখন Plato, Socrates প্ৰভৃতি পণ্ডিতেরা যে-স্থানে বসিয়া জ্ঞান-সাধনা কৰিয়াছিলেন সেই সমস্ত স্থানের নিৰ্দেশ পাওয়া যাইবে। এই অনুসন্ধান-কাৰ্য্য চালাইবার জন্য আমেরিকান বিশ্ববিদ্যালয়ের প্ৰায় একলক্ষ ডলার ব্যয় হইবে। আমাদের দেওয়া ছবি-



এথেন্সের ধ্বংসাবশেষ

বৰ্ত্তমানে যে স্থানটী খুঁড়িয়া বাহিৰ কৰা হইয়াছে তাহা বহু ঐতিহাসিক ঘটনার সহিত জড়িত। এই স্থানে এক সময় বহু দোকান বাজাৰ প্ৰভৃতি ছিল এবং প্ৰত্যহ

ধানিতে পাৰথিননের বাজাৰটী কিৰূপ মেরামত কৰা হইতেছে দেখা যাইবে।

শ্ৰীঅমিয়কুমার ঘোষ.

প্রাচীন রুটিখানা

সম্প্রতি অক্সফোর্ড বিশ্ববিদ্যালয় হইতে মেসো-পোটামিয়াতে প্রেরিত অভিযানে (Field Museum—Oxford University Joint Expedition to Mesopotamia) জেমদেট নাসর (Jemdet Nasr)

বৎসরের জিনিস বলিয়া সাব্যস্ত করিয়াছেন। বড় বড় মাটির স্তূপ হইতে উনানগুলি প্রস্তুত করা হইত এবং দেখিলেই বোধ হয় যে তাহাদের ভিতর ফাঁপা ছিল ও আগুনের উত্তাপ বাহির হইবার জন্ত উপরে কতকগুলি ছিদ্র ছিল। সেইকিবার সময়ে রুটির হাড়ি ও



প্রাচীনযুগের রুটিখানার দৃশ্য

নামক নগরীতে রুটিখানার প্রাচীনতম নিদর্শন পাওয়া গিয়াছে। ঐ রুটিখানা কতকগুলি মাটির উনানের সমষ্টি মাত্র। Field Museum of Natural Historyর নৃতত্ত্বের সহকারী অধ্যক্ষ শ্রীযুক্ত হেনরি ফিল্ড (Henry Field) মহাশয় এগুলি ৪০০০ চার হাজার

চাটুগুলি ইহার উপরে বসান হইত। নীচে আগুন রাখিবার জন্ত ছিদ্রও ছিল। ছিদ্রগুলি এতই বড় যে, তাহাতে একজন লোক অনায়াসে হামাগুলি দিতে পারে। সে যুগের রানীকৃত ছাইও উহাদের ভিতরে পাওয়া গিয়াছে।

শ্রীজীবনকৃষ্ণ গণ



পাটচাষে দেশের ক্ষতি

পাট বাঙ্গালার কৃষকের এক প্রধান সম্পত্তি। বাঙ্গালার মাটিতে যেমন উৎকৃষ্ট পাট উৎপন্ন হয়, পৃথিবীর আর কোথাও তেমন হয় না। বাঙ্গালার কৃষককুলের আর্থিক দুর্বলতা পাটের প্রসাদেই সাময়িকভাবে দূরীভূত হইয়া আসিতেছিল। কিন্তু কৃষককুলের সেই আর্থিক স্বচ্ছলতা যে ক্ষণিক, তাহা কেহ বুঝাইয়া দিলেও তাহারা বুঝিতে চাহিত না। এবার বাঙ্গালার সর্বত্রই যথেষ্ট পাট হইয়াছে। কিন্তু বিদেশী-বর্জন আন্দোলনের ফলে বহু ব্যবসা-বাণিজ্য বন্ধ হওয়ার উপক্রম হওয়ার এবার পাটের দাম অত্যন্ত হ্রাস পাইয়াছে। ফলে, কৃষকেরা মাথায় হাত দিয়া চক্ষের জলে আজ বুক ভাসাইতেছে। ঠেকার শিক্কাই প্রধান শিক্কা। আমরা আশা করি, বাঙ্গালার কৃষকগণ পাটচাষ-সম্পর্কে ভবিষ্যতে সাবধান হইয়া কার্য করিবে।

বঙ্গের সরকারী কৃষি-বিভাগের কর্তৃপক্ষ গত ১৬ই জুলাই এবারকার পাট চাষের এক হিসাব প্রকাশ করিয়াছেন। তাহাতে দেখা যায়,—এবার পাট চাষের পরিমাণ বেশ বাড়িয়াছে। আসাম, বঙ্গদেশ এবং বিহার-উড়িষ্যা,—এই তিন প্রদেশের এবার সর্বসমেত পাটের চাষ হইয়াছে ৩৫,০৬,৭০০ পঁয়ত্রিশ লক্ষ ছয় হাজার সাত শত একর জমিতে। এক একর প্রায় তিন বিঘার সমান। অতএব মোটের উপর ১ কোটি ৫ লক্ষ ২০ হাজার ১ শত বিঘা জমিতে পাট হইয়াছে। গত বৎসর অপেক্ষা চাষ বৃদ্ধি পাইয়াছে ২ লক্ষ ৭৫ হাজার ১ শত বিঘা। বিহার-উড়িষ্যা ও আসাম বাদ দিয়া কেবল বাঙ্গালার ভিতরেই এবার ৯১ লক্ষ ৮৬ হাজার ৯ শত বিঘা জমিতে পাট চাষ হইয়াছে। গত বৎসর অপেক্ষা এবার চাষ বাড়িয়াছে মোট ১ লক্ষ ২৬ হাজার বিঘা। কৃষি-বিভাগের বিবরণে প্রকাশ,—প্রেসিডেন্সী এবং রাজসাহী বিভাগের সামান্ত অংশ ছাড়া বাঙ্গালার আর সকল অংশেই পাটের অবস্থা ভাল। গত জুন মাসের মাঝমাঝি পর্যন্ত খুবই ভাল অবস্থা গিয়াছে। পাটের চাষ এদেশে ক্রমেই বাড়িয়া যাইতেছে। চাষারা পাট বেচিয়া এককালে অনেক নগদ পয়সা হাতে পায়; সেই কাঁচা পয়সার লোভই পাট চাষ বৃদ্ধির একমাত্র কারণ। কিন্তু মোটের উপর পাটের চাষে তাহারা যে লাভবান হয় না, তাহা বলা বাহুল্য মাত্র। তথাপি কাঁচা পয়সার নেশাই তাহাদের শিক্কাই। প্রতি বৎসর আরও বেশী করিয়া পাটের চাষ করিতে প্রলুব্ধ

করিয়া থাকে। যত লোভ তত লোকসান। এবার চাষারা এই যে এত বেশী করিয়া পাট বুনিয়াছে, ইহার পরিণাম কি হইবে, কে জানে? পাটের দর ক্রমেই কমিয়া যাইতেছে। এমন কি, যুদ্ধের পূর্বে যে দর ছিল, এবার তাহা অপেক্ষাও কমিয়াছে। মফস্বলে এখন প্রতি মণ পাটের দর ৪০ চারি টাকা হইতে ৩০ পাঁচটা টাকার অধিক নহে। দর আরও কমিয়া যাইবে বলিয়াই বিশেষজ্ঞগণ অনুমান করিতেছেন। পাট হইতে যে চট, খলে প্রভৃতি তৈয়ারি হয় তাহারও বিক্রয় নাই, কাঁচা পাটও কম চালান যাইতেছে। এদেশের পাটের কলগুলিতেও কাজ নাই। গত বৎসরের দরূণ বহু লক্ষ গাঁইট পাট মজুত পড়িয়া রহিয়াছে। কলের মালিকেরা কলের কাজের সময় কমাইয়া দিয়াছে; পূর্বে সপ্তাহে ৬০ ঘণ্টা কাজ চলিত, এখন হইতে ৫৪ ঘণ্টা করিয়া কাজ হইতেছে। ইহার ফলে চাষারা পাট চাষ করে তাহারা যেমন, চাষারা পাটের কলে কাজ করে, তাহারাও তেমনই ক্ষতিগ্রস্ত হইতেছে। অতঃপর কৃষকদের সুমতি হউক—পাট চাষের পরিবর্তে ধানের চাষ বৃদ্ধি পাউক, ইহাই আমাদের কামনা।

—২৪ পরগণা বাৰ্ত্তাবহ

বালকবালিকাগণের স্বাস্থ্যরক্ষা

দেশ-বিদেশের সহিত নানাভাবে সংশ্লিষ্ট থাকার কলিকাতা নগরী একরূপ বৃহৎ আকার ধারণ করিয়াছে। বাঙ্গালা দেশের অস্বাস্থ্যকর জলবায়ু এবং বৃহৎ সহরের অভাব-অভিযোগ এখানে যথেষ্ট পরিমাণে বিদ্যমান।

কয়েকজন ভাগ্যবান ব্যক্তি ভিন্ন এই মহানগরীর স্বাস্থ্যপ্রদ অঞ্চলে বাস করিবার সামর্থ্য আর কাহারও নাই। মধ্যবিত্ত ভদ্রশ্রেণীর লোক যে সকল অঞ্চলে বাস করেন, তাহার অবস্থা অতি শোচনীয়। নোংরা, আবর্জনাপূর্ণ পথের দুই পার্শ্বে নূতন এবং গুণসম্পন্ন পুরাতন বাসগৃহগুলি একটির পাশে আর একটি ভার রক্ষা করিয়া কোনরূপে দণ্ডায়মান আছে। ফুটপাথগুলির অবস্থাও তদ্রূপ—খেঁচাবিহারী জীবজন্তু ও নানা রোগাক্রান্ত, আক্রমণহীন ভিক্ষুকের দ্বারা সেগুলি সর্বদাই অধিকৃত।

সমস্তদিন ব্যাপী ময়লা-খুলার উৎপাত, আবার সন্ধ্যা না হইতেই ধোয়ার উৎপাত। তাহা ভিন্ন আর বায়ু-মিশ্রিত গরম, বায়ুর

পক্ষে হামিকর দুর্গত ও মশা, মাছির উৎপাত পূর্ণ মাত্রায় এই সকল অঞ্চলে বর্তমান। আশ্চর্যের বিষয়, লক্ষ লক্ষ লোক এইরূপ স্থানে বাস করে।

বাঁহারা দীনদরিজ, বাঁহারা বাহ্যকর অঞ্চলে মুক্তবায়ুপূর্ণ স্থানে— যে স্থানে সহরের জনতা একটু কম। এমন স্থানে অর্থাভাবে বাস করিতে পারেন না, তাঁহাদের অবস্থা যে কি ভীষণ, তাহা একবার ভাবিয়া দেখুন। ইঁহাদের মধ্যে প্রায়ই সকলে মধ্যবিত্ত ভদ্রগৃহস্থ; ইঁহারা সাধারণতঃ কেরাণী, দোকানের কর্মচারী ও শিক্ষক। মাসিক একশত টাকা বেতনও ইঁহাদের অনেকে পান না। এই একশত টাকা ও ভিন্ন আয়ে ইঁহাদের অধিকাংশ লোককেই বৃহৎ সংসার প্রতিপালন করিতে হয়। দেশ বাহাদের মুখের দিকে মুক্তির দ্রষ্টা চাহিয়া আছে, দেশের সেই ভবিষ্যৎ আশা-ভরসামূল্য হুকুমার বালক-বালিকাগুলিও কোনরূপে জীবনধারণ করিয়া বাড়িয়া উঠিতেছে। উপযুক্ত পুষ্টিকর খাদ্য না পাইয়া, এমন-কি প্রকৃতির অনন্ত আলো-বাতাসের উপভোগ হইতে বঞ্চিত হইয়াও তাহারা শীর্ণদেহ লইয়া বড় হইয়া উঠিতেছে ও বাঁচিয়া রহিয়াছে।

ভবিষ্যতে নরনারী হিসাবে তাহাদের নিকট আমরা কি আশা করিতে পারি? ভবিষ্যৎ আশাহীন এই সকল বালকবালিকা বাহাতে জীবন দুর্ভাগ্য না মনে করিয়া আনন্দে মানুষ হইয়া উঠিতে পারে, তাহার সম্বন্ধে আমরা কতটুকু সাহায্য করি? তাহাদের ভাণ্ড-পরিবর্তনের জন্যই বা কতটুকু শক্তি আমরা নিয়োগ করি? মানুষের বাসের অযোগ্য স্থানে ইঁহারা বাস করিতেছে; কেরোসিনের তিমিত আলোকে ইঁহারা লেখাপড়া করে; আর সম্বলমাত্র আলো-বাতাসহীন একখানি ঘরেই বহুলোক পরিবেষ্টিত হইয়া ইঁহারা নিজের কোলে বিশ্বাস লাভ করে।

হুতরাং কলিকাতা মহানগরীতে যে শিশু-মৃত্যুর সংখ্যা বৃদ্ধি পাইবে, তাহা বিস্ময়কর নহে। যৌবনে আমাদের পুত্র-কন্যারা কেন এমন রক্তশূন্য, তেজশূন্য, শীর্ণ, অপ্রশস্তবক্ষ, দৃষ্টিশক্তিহীন ও আলস্যপরায়ণ এবং কেন তাহারা এত সহজে রোগগ্রস্ত হইয়া পড়ে, তাহার কারণ কি এখনও আমাদের অনুসন্ধান করিতে হইবে?

আমাদের ক্ষুদ্রশক্তির সমবেত চেষ্টায় এই সকল বালক-বালিকাকে অন্ততঃ কিছু দিনের জন্যও সহরের বাহিরে প্রকৃতির কোলে মুক্ত আলো-বাতাসের মধ্যে স্থান দিয়া জীবনের আনন্দ উপভোগ করাইতে পারা কি এতই কঠিন? লক্ষ্যীয় বাঁহারা বরপুত্র, তাঁহাদের পক্ষে এই সদমুঠানে ও সংচেষ্টায় সাহায্য করা অনাধ্য নহে। এই আশায় আশাবিত্ত হইয়া আজ আমরা দেশের ভবিষ্যৎ আশা বালক-বালিকার মুখের দিকে তাকাইয়া তাঁহাদের নিকট সঙ্করতা ও সাহায্য প্রার্থনা করিতেছি।

প্রথম বৎসরে ছুইবার—পূজা এবং গ্রীষ্মাবকাশে ৫০টি করিয়া বালক-বালিকাকে সহরের বাহিরে কোন বাহ্যকর স্থানে লইয়া

বাইতে চাই। রাঁচি, শিমুলতলা, তিনধরিয়া বা অন্যান্য বাহ্যকর স্থানে ১০ হইতে ১৬ বৎসরের স্কুলের কতকগুলি ছাত্র-ছাত্রীকে উপযুক্ত অবৈতনিক কর্মীর তত্ত্বাবধানে পাঠাইতে ইচ্ছা করি।

ইহাতে যে এই সকল বালকবালিকার উপকার হইবে, তাহা অচিরেই আমরা দেখিতে পাইব। বলা বাহুল্য, অর্থসাহায্যের বৃদ্ধি অনুপাতে বালক-বালিকার সংখ্যাও আমরা বৃদ্ধি করিতে পারিব বলিয়াই আশা করি।

দয়াপরবশ হইয়া ভগবানের নাম স্মরণ করিয়া জাতীয় কল্যাণ-কামনার মহত্বের দ্বারা প্রণোদিত হইয়া বাঁহারা এই মহদমুঠানে সাহায্য করিবেন, তাঁহারা এই বালকবালিকার পিতামাতার অপেক্ষ কৃতজ্ঞতা অর্জন করিবেনই, সর্বোপরি অসহায়কে সাহায্য করার জন্য শ্রীভগবানের করুণা ও আশীর্ব্বাদ তাঁহারা অবশ্যই লাভ করিবেন। সাহায্যাদি নিয়ম ঠিকানায় সেক্রেটারীর নিকট প্রেরিতব্য।

১০ নিউপার্ক স্ট্রীট, কলিকাতা।

নিবেদক—মদননাথ মুখোপাধ্যায়। যতীন্দ্রনাথ বসু। কুমার-কৃষ্ণ মিত্র। মিস্ এন্ সোম। শ্রীমতী স্বর্ণলতা বসু। শ্রীমতী হেমলতা মিত্র। শ্রীমুখীন্দ্রপ্রসাদ সর্বাধিকারী, সেক্রেটারী।

—হিতবাদী

কর্পোরেশনের সংকার্য

কর্পোরেশন স্কুলে ধর্মশিক্ষা।—শিক্ষা সম্বন্ধে তদন্ত করিবার জন্য কলিকাতা কর্পোরেশন একটা বিশেষ কমিটি নিয়োগ করিয়াছিলেন। এই কমিটি পরামর্শ দিয়াছেন যে, কর্পোরেশনের প্রাথমিক অবৈতনিক বিদ্যালয়সমূহে মুসলমান বালকদের জন্য ধর্মশিক্ষার ব্যবস্থা করা হউক। কমিটি ইহাও বলিয়াছেন যে, হিন্দু ও মুসলমানের জন্য পৃথক বিদ্যালয় স্থাপন করিবার প্রয়োজন নাই। উর্দু অথবা বাংলা ভাষার সাহায্যে শিক্ষা দেওয়া হইবে। গত ৮ই জুনের সভায় কর্পোরেশনে এই প্রস্তাব সম্বন্ধে আলোচনা হইয়া গিয়াছে। কংগ্রেস দলের সদস্য মিঃ বি, কে, রায়চৌধুরী বলেন, বালকদিগকে ধর্মশিক্ষা দিতে কর্পোরেশন আইনতঃ বাধ্য নহেন। মুসলমান বালকগণ নিকটবর্তী মসজিদ হইতে শিক্ষাগ্রহণ করিতে পারে। মিঃ শচীন্দ্রনাথ মুখার্জি উর্দু ভাষা প্রচলন বিষয়ে বিশেষরূপে আপত্তি করেন। তিনি বলেন, মুসলমানদের এই উর্দু ভাষার প্রতি অমুরাগ সাম্প্রদায়িক বিদ্বেষের একটা প্রধান কারণ। বাংলাদেশের স্কুলে বাংলা ভাষার সাহায্যেই শিক্ষা দিতে হইবে। বাঙ্গালীর মধ্যে ভাবাগত পার্থক্য মর্ত কাঙ্ক্ষনের দেশসীমাগত বিচ্ছেদ অপেক্ষা আরও অধিক কতিজনক। আমরা মিঃ শচীন্দ্র মুখার্জির মতব্য সম্পূর্ণরূপে সমর্থন করি। এক ভাষা না হইলে একপ্রাণতা আসে না, জাতীয়তার ভিত্তি গঠিত হয় না। বাহা হউক এই সম্বন্ধে

পুনরালোচনার তার আইমারী এডুকেশন কমিটির উপর দেওয়া হইয়াছে।—সঞ্জীবনী

কর্পোরেশনের ব্যয়ে বাড়ী

কলিকতায় বাড়ী ভাড়া এত বেশী যে এখানে মধ্যবিত্ত ও দরিদ্র এবং শ্রমিকশ্রেণীর লোকেরের বাস করা অত্যন্ত কষ্টকর হইয়া উঠিয়াছে। এই সকল লোকে বাহাতে অল্প ভাড়ার থাকিতে পারে, তজ্জন্ত কলিকাতা কর্পোরেশনের ব্যয়ে বাড়ী তৈরী করিবার কথা হয় এবং এই জন্ত একটি স্পেশাল কমিটিও নিয়োগ করা হইয়াছিল। এই কমিটি একটি স্কীম দিয়াছেন। কিন্তু বাজেটে টাকার ব্যবস্থা না থাকায় স্কীমটি কার্যে পরিণত হইতে পারে না। গত মঙ্গলবারে কর্পোরেশনের যে বিশেষ সভা হইয়াছিল, তাহাতে ঠিক হইয়াছে আগামী বৎসর এপ্রিল মাসে এই স্কীম অনুযায়ী কার্য করা হইবে এবং তজ্জন্ত টাকার ব্যবস্থাও হইবে।—জাগরণ

বিপন্ন দেশবাসীকে সাহায্য দান

রামকৃষ্ণ মিশনের সেবাকার্য্য (টাকা) - আমাদের গত কার্য্য বিবরণ হইতে জনসাধারণ অবগত হইয়াছেন যে কয়েক সপ্তাহ পূর্বে গুণ্ডাদের দ্বারা ঝাঁহাদের ঘরবাড়ী লুণ্ঠ হইয়াছিল, তাহাদের ক্লেশ কথঞ্চিৎ দূর করিবার জন্ত আমরা ঢাকা জিলার রোহিতপুর গ্রামে একটি সাহায্য-কেন্দ্র স্থাপন করিয়াছি। উক্ত কার্য্য-বিবরণে আমরা পাঠকবর্গকে ইহাও জানাইয়াছি যে, বিপন্নগণের অধিকাংশই হিন্দু এবং দুর্ভিক্ষগণ তাহাদিগের যথাসর্ব্বশ্ব লুণ্ঠিত হইয়া যাওয়ার তাহাদিগের দুর্দশার সীমা নাই। এই লোকগুলি ছাড়াও অপর কতকগুলি লোক, যাহারা সামান্ত ব্যবসা করিয়া থাকিত, ব্যবসা-বাণিজ্য একেবারে বন্ধ হওয়ার জন্ত কোনও কাজ পাইতেছে না। আমরা গত ৫ই জুলাই তারিখে ১১৩টি পরিবারে ৩৪১ জন নর-নারীকে ২৫২২ সের চাউল, এবং ১২ই জুলাই তারিখে ১৫২টি পরিবারের ৪০০ জন নর-নারীকে ৩৫/ মণ চাউল বিতরণ করিয়াছি। এতদ্ব্যতীত ঐ দুই সপ্তাহে প্রায় ১/ মণ চাউল সাময়িক সাহায্য হিসাবে দেওয়া হইয়াছে।

পূর্বেক্ত সামান্ত ব্যবসায়ীগণকে অর্থাগনের কোন উপায় করিয়া দিতে হইবে। এইজন্ত আমরা তাহাদিগকে কিছু কিছু অর্থ সাহায্য দান করা আবশ্যিক মনে করিতেছি। পরিধেয় বস্ত্র ও বাসনের অভাব অবিলম্বে দূর করা আবশ্যিক। আমরা এ জন্তও চেষ্টা করিতেছি। কলিকতায় ব্যবসায়ী মেসার্স জীবনলাল কোম্পানী দুঃস্থগণের জন্ত ২৫০ টাকা মূল্যের সামান্ত রকমের টোল খাওয়া এলুমনিয়মের বাসন দান করিয়াছেন। তজ্জন্ত আমরা তাহাদিগকে আন্তরিক ধন্যবাদ জ্ঞাপন করিতেছি।

আমাদের হাতে যে টাকা আছে, তাহা ক্রম নিঃশেষিত হইয়া আসিতেছে। এই সেবা-কার্য্য চালাইতে হইলে সস্তর উহার পরি-

পূর্তি করা আবশ্যিক। অবিলম্বে অর্থ-সাহায্যের জন্ত বিশেষভাবে আবেদন করিতেছি। সাহায্য নিম্নলিখিত যে কোন ঠিকানায় প্রেরিত হইলে সস্তরে গৃহীত ও তাহার প্রাপ্তি স্বীকার করা হইবে।

- (১) অধ্যক্ষ, রামকৃষ্ণ মিশন, বেলুড় মঠ, পোঃ, হাওড়া। (২) ম্যানেজার, অষ্টমত আশ্রম, ১৮২।এ, মুক্তারামবাবুর স্ট্রিট, কলিকতা। (৩) ম্যানেজার, উদ্বোধন, ১৩ মুখার্জি লেন, বাগবাড়ার, কলিকতা।

স্বাক্ষর—বিরজানন্দ

অস্থায়ী সম্পাদক।

—সঞ্জীবনী

সম্প্রতি ময়মনসিংহ জিলার কিশোরগঞ্জ মহকুমায় বহু হিন্দু-পরিবার মুসলমান দুর্ভিক্ষগণের হস্তে বেরূপে নির্যাতিত ও সর্ব্বশ্ব হইয়াছে তাহার জরুরিবিদ্যাক করণ-কাহিনী সকলেই জ্ঞাত আছেন। এই অমানুষিক অত্যাচারের ফলে শত শত হিন্দু আজ অন্নহীন, গৃহহীন অবস্থায় কি নিদারুণ কষ্টে কালাতিপাত করিতেছে তাহা ভাবার অবর্ণনীয়। এই সকল দুঃস্থ পরিবারের অন্নবস্ত্র সংস্থান-বিষয়ে আশু প্রতিকার-কল্পে ময়মনসিংহ হিন্দু জনসাধারণ অত্রস্থ ছোট হিন্দুর বাসায় গত ১লা শ্রাবণ এক সভায় সমবেত হইয়া শ্রীবুদ্ধ রাম শশধর ঘোষ বাহাদুরের সভাপতিত্বে এক সমিতি গঠন করিয়াছেন। অবিলম্বে যথাসম্ভব অর্থ সংগ্রহপূর্ব্বক সাহায্যের কার্য্য আরম্ভ করাই সমিতির প্রধান উদ্দেশ্য।

সমাজের এই মহাদুর্দিনে আমরা আশা করি, আমাদের বিপন্ন ও বিধ্বস্ত ভ্রাতৃগণের জন্ত যথোপযুক্ত আর্থিক সাহায্য করিয়া হিন্দু যাজ্ঞেই আমাদের প্রারক কার্য্যে সহায়তা করিবেন। বাবতীর দান নিম্নলিখিত ব্যক্তির নিকট প্রেরিতব্য।

শ্রীব্রজেননারায়ণ আচার্য্য চৌধুরী

সভাপতি, ময়মনসিংহ হিন্দু-সভা, ময়মনসিংহ।

—চারুসিঁহির

হাসপাতাল সম্বন্ধে অভিযোগ

হাসপাতাল ও ডাক্তারখানা।—কলিকতার হাসপাতাল ও ডাক্তার খানাসমূহ সম্বন্ধে সার্জন-জেনারেলের ১৯২৩-২৪ সালের রিপোর্টবাহির হইয়াছে। ইহাতে দেখা যায়, অর্থাভাবে কাজের ভেতন হ্রবিধা হয় নাই। এই সব হাসপাতালের ও ডাক্তারখানার আধিকাংশ ব্যয়ই গবরনমেন্টকে বহন করিতে হয়। বে-সরকারী দান বা সাময়িক অর্থসাহায্য হইতে ইহার আনুকূল্য হইলেও, তাহার পরিমাণ অতি সামান্ত। 'ষ্টেটস্ম্যান' কলিকতায় হাসপাতালগুলির তুলনা করিয়াছেন জাভনের হাসপাতালগুলির সহিত। তুলনা করিয়া বলিয়াছেন,—সেখানে আর এখানে অবস্থার অনেক ভেদ। এখানকার হাসপাতালসমূহে না আছে ভাল ডাক্তার, না আছে

নাস'। 'ভারতবন্ধু'র কথাটা এই যে,—এখনকার হাসপাতালসমূহে আই-এম-এস ডাক্তারের সংখ্যা বাড়াইতে হইবে। ইন্ডিয়ান মেডিকেল সার্ভিসের মোটা মাহিনার যেতাত ডাক্তারের সংখ্যা মধ্যে কিছু কমিয়া গিয়াছিল বলিয়া,—ভারত হিতৈষীদল আন্দোলনে আকাশ বাতাস কাঁপাইয়া তুলিয়াছিলেন। সার্জন-জেনারেলের এই রিপোর্টেই প্রকাশ,—আবার যেতাত আই-এম-এস কর্তারীর সংখ্যা আর পূর্বের মতই পূরণ করিয়া লওয়া হইয়াছে। এদিকে বিলাতের মেডিকেল কাউন্সিল ভারতীয় বিশ্ব-বিদ্যালয়ের ডাক্তারী উপাধির মূল্য স্বীকার না করিয়া ইন্ডিয়ান মেডিকেল সার্ভিসে ভারতীয়ের প্রবেশের পথে কাঁটা দিয়াছেন, তাহার উপর আবার 'ভারতবন্ধু'দের এমন নেক্ নঙ্গর ; ভারতবাসীর স্বায়ত্ত-শাসনের আর বাকী কি ?

হাসপাতালে অব্যবস্থা —কলিকাতার মেডিকেল কলেজ হাসপাতাল এদেশের অন্ততম প্রধান আতুরাশ্রম। কিন্তু দুঃখের বিষয়, এখানেও অব্যবহার অস্ত্র নাই। মেডিকেল কলেজে ছাত্র ভর্তি করা যেমন একটা দুঃসাধ্য ব্যাপার, ইহার হাসপাতালে রোগী ভর্তি করাও তেমনই দুঃসাধ্য, কি তাহারও অধিক। তাহার পর রোগীদের প্রতি হাসপাতাল কর্তারীদের উপেক্ষা ও অমনোযোগিতা সম্বন্ধেও নিতা অনুরোধ আছেই। যেমন স্নাউট-ডোর, তেমনই ইন-ডোর অর্থাৎ সদর অন্তর সমান। মুমূর্ষু রোগী যে শীঘ্র ভর্তি হইতে পারিবে বা অবিলম্বে চিকিৎসিত হইবে, তাহার কোন উপায়ই নাই। অনেকেই এ সম্বন্ধে অনেকবার অনুরোধ করিয়াছেন ; কিন্তু অবস্থা যেমন ছিল, তেমনই আছে। সেদিন কলিকাতার রোটারি ক্লাবের বৈঠকে মন্ত্রী কুমার ঐহুজ শিবপেথবেয়া রায় হাসপাতাল সম্বন্ধে বক্তৃতা করিয়াছিলেন। বলিয়াছিলেন,—অস্ত্রান্ত দেশের লোক হাসপাতালের অস্ত্র যে ভাবে অর্থ সাহায্য করে, এদেশের লোকেরও তেমনই করা উচিত। সেন্টজেমস গীর্জার রেটুর যেতাতেরও মিঃ টি এইচ ক্যাশমোর এই বৈঠকে উপস্থিত ছিলেন। তিনি বলেন,—কলিকাতার মেডিকেল কলেজ হাসপাতালের কর্তারীরা রোগীদের প্রতি যত উপেক্ষা ও অমনোযোগিতা প্রদর্শন করিয়া থাকে, তত আর কোথাও দেখা যায় না। তিনি এ সম্বন্ধে প্রেসিডেন্সি জেনারেল হাসপাতালের এবং ক্যাশমোর কর্নেল করুণা চট্টোপাধ্যায়ের বিশেষ প্রশংসা করিয়াছিলেন। দুষ্টান্ত স্বরূপ মিঃ ক্যাশমোর তাঁহার ব্যক্তিগত অভিজ্ঞতা-মূলক একটা ঘটনারও উল্লেখ করিতে ত্রুটি করেন নাই। একটা বালক মোটর-সাইকেল চাপা পড়িয়া প্রথম হইয়াছিল। তাহাকে মেডিকেল কলেজে ভর্তি করিয়া দেওয়ার অস্ত্র তাহার মাতা ও ভগিনী তিন ঘণ্টা চেষ্টা করিয়াও কৃতকার্য হইতে পারে নাই। মিঃ ক্যাশমোর আসিয়া দেখেন যে, তিন ঘণ্টার মধ্যে বালকের আহত স্থানে একটু ঔষধ পর্য্যন্ত দেওয়া হয় নাই, সে উপেক্ষিত হইয়া পড়িয়াই রহিয়াছে। কেহ ঔষধ দেয় নাই বা গুঞ্জবাও করে নাই ; অধিকন্তু দলে

দলে ছাত্রেরা আসিয়া প্রতে 'কই বালকটিকে খোঁচা-খুঁচি করিয়া গিয়াছিল। মিঃ ক্যাশমোর অনেক চেষ্টার পর বালককে ভর্তি করিয়া দিতে সমর্থ হইয়াছিলেন। মেডিকেল কলেজ হাসপাতাল সম্বন্ধে এরূপ অনুরোধ বস্তুতই ইহার কর্তৃপক্ষের ঘোর কলঙ্ক-জনক। কেবল টাকা দাও টাকা দাও বলিয়া কাঁদিলেই কি টাকা পাওয়া যায় ? দাতারা অভাব নাই, দানও মিলিতে পারে ; কিন্তু দানের সার্থকতার প্রমাণের প্রয়োজন নাই কি ?—বঙ্গবাসী

খন্দর ও দেশী সূতা

খন্দর ভেজাল। সব জিনিষেই যখন ভেজাল চলিয়াছে, তখন খন্দরেও তাহা চলিবে না কেন ? দেশের লোক যখন খন্দরের প্রতি আগ্রহ প্রকাশ করিতেছে, সরু মোটা মজবুত বেমজবুত বা সস্তা দুর্মূল্য না বিচার করিয়া কেবল খন্দর বলিয়া তাহাকে বরণ করিয়া লইতেছে, তখন খন্দরের ব্যবসায়ের যে ইহা সন্ধিকণ, ইহা কোন ব্যবসায়ী না বুকে ? বিদেশী ব্যবসায়ীরা এই সুযোগে ভেজাল খন্দর তৈয়ারি করিয়া ভারতের বাজারে পাঠাইবার লোভ সংবরণ করিতে পারে কি ? প্রকাশ, প্রকৃতই ভারতে ভেজাল খন্দরের আমদানী হইয়াছে। তাই আমেদাবাদের স্বদেশী সভা হইতে এই সব ভেজাল বাহিয়া বাহির করিয়া দিবার অস্ত্র উপায় অবলম্বন করিয়াছেন বলিয়া শুনা যায়। কলিকাতার সস্তা দরে এক প্রকার খন্দর বিক্রয় হইতেছে। তাহার একটা সূতা হাতে কাটা ; কিন্তু আর একটা সূতা হাতে কাটা নহে, কলে তৈয়ারি। হাতে কাটা সূতার প্রস্তুত খাঁটি খন্দরের দাম কিছু বেশী বলিয়া, ইচ্ছা থাকিলেও অনেকে তাহা সংগ্রহ করিয়া উঠিতে পারে না। তাই খন্দরকে সাধারণের উপযোগী সস্তা করিতে গিয়া তাহাতে ভেজাল মিশাইতে হইয়াছে। হাতে কাটা সূতার তৈয়ারি খাঁটি খন্দর কি আর সস্তা করা যায় না ?

—বঙ্গবাসী

তাঁতীর হাহাকার।—টাক্রাইলের ধূতি ও শাড়ী বঙ্গদেশে বিখ্যাত। বর্তমান বিলাতী বর্জন আন্দোলনে টাক্রাইলের কাপড় বিলাতী সূতার তৈয়ারী বলিয়া আর বিক্রয় হইতেছে না। এখন তথাকার তাঁতিদিগের মধ্যে হাহাকার উঠিয়াছে। তাহারা অনাহারে মারা যাইতে বসিয়াছে।

টাক্রাইলের তাঁতিগণ মহাজনের নিকট হইতে সূতা আনিয়া বস্ত্র তৈয়ারী করে এবং ঐ মহাজনকেই বস্ত্র দেয়। সে অস্ত্র সে অল্প পারিশ্রমিক পায়। এখন বিলাতী সূতার বস্ত্র চলে না। মহাজনগণও তাহাদিগকে বলিতেছে যে, বিলাতী সূতা পাইবার উপায় নাই, বিলাতী সূতা ব্যতীত দেশী সূতার সূত্র বস্ত্র হয় না এবং দেশী সূতা পাওয়া যায় না। এরূপ অবস্থার তাঁতিগণ একে ধরে জড়িত তাহার উপর তাহাদের অর্থাগমের উপায় বন্ধ হওয়ার সূত্র্যর দ্বারা উপস্থিত।

এই সময়ে যদি কেহ তাঁতিদিগকে দেশী সূত্র সূতা সরবরাহ

করিতে পারেন, তবে তাঁতির কাপড় বুনিতে পারে ও তাহাদের জীবন রক্ষা হয়। টাঙ্গাইলে অনেক ব্যক্তি ও ধনী আছেন, তাঁহারা একদিকে দেশী বস্ত্র শিল্প রক্ষা ও তাঁতিদিগের জীবন রক্ষা এই দুই উত্তর কার্য এক সঙ্গে করিতে পারেন।—সঞ্জীবনী

আজকাল চারিদিকেই চরকা ও তকলী প্রচার খুবই বৃদ্ধি পাই-তেছে। বালক বালিকা হইতে যুবক বৃদ্ধ পর্যন্ত বহু ব্যক্তিকে পথে ঘাটে গৃহে দোকানে সর্বত্রই তকলীতে মহা উৎসাহে সূতা কাটিতে দেখা যাইতেছে। চরকার স্বর্ধরক্ষণি অনেক গৃহেই শুনা যায়। কেবল আমাদের এই অঞ্চলে নহে, কলিকাতা প্রভৃতি সকল স্থানেই এরূপ সূতা কাটার প্রসার বৃদ্ধি পাইতেছে। চরকা ও তকলীতে সূতা কাটিবার আকাঙ্ক্ষা ও নিজ হাতে কাটা সূতায় যে কোনও বস্ত্র তৈয়ারী করিবার বাসনা সকলের মধ্যেই খুব প্রবল ভাবে দেখা দিয়াছে। কলিকাতার সংবাদপত্র সমূহে দেখা যায় যে, কলিকাতার অলিতে গলিতে চরকা ও তকলী ছাইয়া পড়িয়াছে। রাস্তার ধারে দোকানদার অবসর সময়ে সূতা কাটিতেছে, ট্রামের ঘাত্রী, কাগজের ফেরাওয়ালারা, মিউনিসিপাল মার্কেটের মুসলমান দোকানদারগণ সূতা কাটিতেছে, চারিদিকেই সূতাকাটা চলিয়াছে। বাড়ীতে ছোট ছোট ছেলে-মেয়েরা মহা উৎসাহে সূতা কাটিতেছে। এ সকল খুবই আনন্দের কথা। এসব দেখিয়া মনে হয় বাধা বিপত্তির জগৎ যাহারা আন্দোলনে যোগ দিতে পারেন নাই, তাঁহারা তকলী চরকা কাটার মনোনিবেশ করিয়া কিয়ৎ পরিমাণে স্ব স্ব কর্তব্য পালনে প্রবৃত্ত হইয়াছেন। ফলে দেশময় এক নূতন ব্যবসায়ের ও অর্থগণের পথ সৃষ্টি হইয়াছে। তকলী, চরকা, লাটাই, ববিন ইত্যাদি তৈয়ারী করিয়া বহু ব্যক্তি একাধারে অর্থোপার্জন ও দেশের হিতসাধন করিতেছেন।

চরকা ও তকলীর এইরূপ প্রসার বাহুল্যে তুলার চাহিদা খুবই বাড়িয়া গিয়াছে। কিন্তু এখন বিপদ হইয়াছে এই যে সর্বত্রই প্রয়োজন মত তুলা পাওয়া যাইতেছে না। প্রকাশ যে, কলিকাতায় প্রত্যহ তিন শত মণ তুলার পঁজ নিকটবর্তী মিল সমূহ হইতে আমদানী হইয়া এ সমস্ত পঁজই চরকা ও তকলীতে ব্যবহৃত হইতেছে। এ অবস্থায় দেশের সর্বত্রই ঘরে ঘরে যদি সকলে কিছু কার্পাস চাষ করিতে আরম্ভ করেন, তাহা হইলে আর কোন অভাব থাকে না।

সকলকেই মনে রাখিতে হইবে যে, ভারতবর্ষে বর্তমান ৩৫ কোটি লোকের লজ্জা নিবারণ জন্ত বৎসর ছয় শত কোটি গজ কাপড় লাগে, তন্মধ্যে গত বৎসরে আমাদের দেশে মিল ও তাঁতের বোনা কাপড়ে মোট এক শত কোটি গজ হইয়াছিল। বাকী জাপান ও লাক্ষা-শায়ার হইতে আসিয়াছিল। এ অবস্থায় এখন এ দেশের ঘরে ঘরে তুলার চাষ ও চরকা বা তকলী প্রচলনের জন্ত সকলেরই সর্বপ্রযত্নে বন্ধপরিকর না হইলে আমাদের বস্ত্র সমস্তা অতি সঙ্কটজনক হইয়া পড়াইবে। অতীত কালে যে ভারতবর্ষ একদিন নিজের তৈয়ারী

বস্ত্রের দ্বারা জগতের লজ্জা নিবারণ করিয়াছিল, সে দেশে এখন চেষ্টা করিলে নিজের বস্ত্র সংস্থান করা কোন ক্রমেই কঠিন হইবে না।—নীহার

ভারতীয় মিলে স্বদেশী সূতার ব্যবহার

ভারতের যে যে কাপড়ের কলে স্বদেশী সূতা ব্যবহৃত হয় তাহার তালিকা নিম্নে প্রদত্ত হইল:—

- (১) স্বদেশী মিল কোম্পানী, বোম্বাই।
- (২) টাটা মিল, বোম্বাই।
- (৩) সেকেন্ডি পেটিট মিল, বোম্বাই।
- (৪) জুবিলি মিল লিমিটেড, বোম্বাই।
- (৫) বঙ্গলক্ষ্মী কটন মিল, শ্রীরামপুর।
- (৬) আকোলা কটন মিল, কোং, আকোলা।
- (৭) কেশরাম কটন মিল, বেঙ্গল।
- (৮) নিউ বড়োদা মিল কোং, বড়োদা।
- (৯) জিন্নানজিন্নারারো কটন মিলস, গোয়ালিয়র।
- (১০) মতিলাল হীরাভাই স্পিনিং এণ্ড উইভিং, আমেদাবাদ।
- (১১) নন্দলাল ভাদুড়ী মিল লিমিটেড, ইন্দোর।
- (১২) সরনারায়ণ স্পিনিং এণ্ড উইভিং, পোরা।
- (১৩) সীতারাম স্পিনিং এণ্ড উইভিং, কোচিন।
- (১৪) সিটি অব আমেদাবাদ স্পিনিং এণ্ড ম্যানুঃ, আমেদাবাদ।
- (১৫) আমেদাবাদ স্পিনিং এণ্ড উইভিং, আমেদাবাদ।
- (১৬) মহারাজা মিলস কোং লিমিটেড, বড়োদা।
- (১৭) মোরারজি গোকুলদাস স্পিনিং এণ্ড উইভিং।
- (১৮) ব্রোচ কাইন কাউন্টস স্পিনিং এণ্ড উইভিং, বোম্বাই।
- (১৯) দি গর্ডেন এণ্ড ম্যানুফ্যাকচারিং।
- (২০) প্রেস স্পিনিং এণ্ড উইভিং লিঃ।
- (২১) দীনসোয়াদ পালিত মিল, বোম্বাই।
- (২২) আর, বি, বংশীলাল আমির চাঁদ স্পিনিং এণ্ড উইভিং, ওয়ার্কা, সি, পি।
- (২৩) বম্বে মিলস কোং লিঃ, বোম্বাই।
- (২৪) গুজরাট কটন মিলস কোং লিঃ, আমেদাবাদ।
- (২৫) আর, এস, রইলকটাদ মেহেতা স্পিনিং মিলস, ওয়ার্কা।
- (২৬) নিউম্যানেকচক স্পিনিং এণ্ড উইভিং কোং লিঃ, আমেদাবাদ।
- (২৭) স্পিনিং এণ্ড উইভিং মিলস, দিল্লী।
- (২৮) মোরাদাবাদ স্পিনিং এণ্ড উইভিং মিলস লিঃ, মোরাদাবাদ।
- (২৯) আমেদাবাদ জুবিলী স্পিনিং এণ্ড ম্যানুফ্যাকচারিং কোং, আমেদাবাদ।

- (৩০) রায়পুর ম্যানুফ্যাকচারিং কোং লিঃ, আমেদাবাদ ।
 (৩১) বডেল মিলস লিঃ, নারপুর সিটি ।
 (৩২) আরাদর স্পিনিং এণ্ড উইভিং কোং লিঃ ।
 (৩৩) কানপুর কটন মিলস কোং, কানপুর ।
 (৩৪) আলোক বিলস লিমিটেড, আমেদাবাদ ।
 (৩৫) আমেদাবাদ ম্যানুফ্যাকচারিং এণ্ড ক্যালিকো প্রিন্টিং কোং লিঃ, আমেদাবাদ ।
 (৩৬) ঢাকেশ্বরী কটন মিল, ঢাকা ।

—শান্তিপুর

বাঙ্গালীর কৃতিত্ব

অধ্যাপক বিনয় সরকার—সংবাদ পাণ্ডুরা গিরাছে বঙ্গীয় ধন-বিজ্ঞান পরিষদের ডিরেক্টর খ্যাতনামা অধ্যাপক বিনয়কুমার সরকার ইতালীর বিবিধ বিদ্যালয় ও শিক্ষা প্রতিষ্ঠানে ভারতের অর্থনীতি ধনবিজ্ঞান সম্বন্ধে বক্তৃতা দিরাছেন । বিশ্ববিদ্যালয়ের পণ্ডিত-সমাজে তাঁহার বখেষ্ট সমাদর হইতেছে এবং তাঁহার আগ্রহের সহিত অধ্যাপক সরকারের পাণ্ডিত্যপূর্ণ বক্তৃতা সমূহ শ্রবণ করিয়া শ্রীতিলাভ করিরাছেন । ইতালীর সংবাদ পত্রসমূহ এই ভারতীয় অধ্যাপককে আন্তরিকভাবে সম্বর্ধনা করিরাছেন ।—বরিশাল

সাবানের কারখানা

বঙ্গলক্ষী মিলের ম্যানেজিং এজেন্টগণ সম্প্রতি বঙ্গলক্ষীর সোপ ওয়ার্কস নামে এক সাবানের কারখানা খুলিরাছেন । তাঁহার্য্য করেক প্রকার নমুনা আমানিককে দেখিতে দিরাছেন । ধস ধস, হোরাইট স্নো, অঙ্কুর, স্ত্রাভাল ও বাধ সোপ নামে কয়ক প্রকার সাবান নমুনা পূর্ণ । ইহা ব্যতীত বঙ্গলক্ষী ওয়াশিং সোপ কাপড় কাচিবার জন্য উত্তম হইরাছে । আমরা এই কারখানার উন্নতি কামনা করি । আশা করি বাঙ্গালী এই কারখানার পৃষ্ঠপোষকতা করিবেন ।—সঙ্গীবনী

বিশ্ববিদ্যালয়ের নূতন কর্তী

নূতন ভাইস চ্যান্সেলার । কলিকাতা বিশ্ববিদ্যালয়ের বর্তমান ভাইস চ্যান্সেলার—ডাঃ ডবলিউ. এস, আরকুহাটের কার্যকাল শেষ হইরাছে । কর্ণেল হাসান সারওয়ারি ঐ পদে নিযুক্ত হইরাছেন ।—আগরণ

পঞ্চ-প্রথার বিষয় ফল

কাগড়ে আগুণ ধরাইয়া এক অবিবাহিতা বোড়ীর হৃদয়-বিদারক বৃদ্ধ সংবাদ পুরাণাড়া হইতে মুসীক্রে আসিরা পৌঁছিয়াছে । ওনা বার, বাসিকটি তাঁহার পিতামহের আর্ষিক ছরবছার অতিশয় বিচলিত হইরা পড়িরাছিল । তাহার পিতামহ অর্ধাভাবে ও দারুণ পথের দায়ে তাহাকে বিবাহ দিতে পারিতেছিল না । এই ক্রম সে তাহার কাগড়ে কেরোসিন তৈল ঢালিরা তাহাতে আগুন

ধরাইয়া দেয় । পরে সে যখন চীৎকার করিরা উঠে, তখন বাড়ীর সকলের দৃষ্টি সেই দিকে আকৃষ্ট হয় । কিন্তু কোনরূপ সাহায্য আসিবার পূর্বে হতভাগিনী মানবলীলা সম্বরণ করে ।

—২৪ পরগণা বার্তাবহ

বঙ্গদেশের গৃহশিল্প

বঙ্গীয় ব্যবস্থাপক সভায় শিল্প বিভাগের মন্ত্রী খাঁ বাহাদুর কারোকী বলেন, শিল্প বিভাগের কাজ বিভিন্ন ভাগে বিভক্ত, যথা—অনুসন্ধান, কুটীর-শিল্প, ক্ষুদ্র ক্ষুদ্র শিল্প শিক্ষা, গ্রামে শিল্প ত্রযা প্রদর্শন ইত্যাদি । কুটীর-শিল্প ও ক্ষুদ্র শিল্পের উন্নতির জন্য বর্তমানে গভর্ণমেন্ট উদ্যোগী হইরাছেন । সমবার নীতিতে কাজ করিবার চেষ্টা চলিতেছে । কলিকাতা সমবার দোকানকে ৫০ হাজার টাকা ধার দিবার ব্যবস্থা করা হইরাছে । ছোট কুটীর শিল্পকে সাহায্য দিবার জন্য কাউন্সিলের আগামী অধিবেশনে একটি বিল উপস্থিত করা হইবে । শিল্প বিভাগে মোট ৮ লক্ষ ৮১ হাজার টাকা খরচ হইবে, তন্মধ্যে ৫ লক্ষ ৮৪ হাজার টাকাই বাইবে শিল্প শিক্ষার জন্য । কুটীর শিল্পের যে সকল বস্ত তৈয়ার হয় তাহা বাহাতে বিক্রয় হয় গভর্ণমেন্ট তৎক্ষণে চেষ্টা করিবে ।—বরিশাল

যাহুঘর স্থানান্তরিত করায় অসম্মতি

বাঙ্গালী এক বাক্যে ইহার প্রতিবাদ করুন ।—কলিকাতার যে যাহুঘর (ইঞ্জিরান মিউজিয়াম) আছে, তাহা দিল্লীতে লইয়া বাইবার প্রস্তাব হইরাছে । বাঙ্গালী একবাক্যে ইহার তীব্র প্রতিবাদ করুন । গত ৪ঠা জুলাই সিমলাতে পাবলিক একাউন্টস কমিটির এক সভাতে মিঃ মহম্মদ ইরাকুব হোসেন প্রস্তাব করেন যে, কলিকাতাহিত ইঞ্জিরান মিউজিয়াম দিল্লীতে স্থানান্তরিত করা হউক । তিনি বলেন, যে আইনের দ্বারা মিউজিয়ামের ম্যানেজিং বোর্ডের উপর কেন্দ্রীয় গভর্ণমেন্টের শাসন নির্ধারিত হইরাছিল সেই আইন ২০ বৎসর পূর্বে রচিত হয় । এক্ষণে শীঘ্র তাহার সংশোধন করা প্রয়োজন । যাহাতে মিউজিয়ামের ম্যানেজিং বোর্ডে এসেবলীর প্রতিনিধি থাকিতে পারেন, তাহার ব্যবস্থা করিতে হইবে । মিঃ আবদুল মাতিন চৌধুরী ইহাতে আপত্তি করেন । অবশেষে মিঃ ইরাকুব হোসেনের প্রস্তাবেই অনেক সম্মতি দেন । মিউজিয়াম স্থানান্তরিত হইবার বিরুদ্ধে বহু যুক্তি আছে । ম্যানেজিং বোর্ডে এসেবলীর প্রতিনিধি থাকিবেন বলিরাই মিউজিয়ামটিকে দিল্লীতে লইয়া বাইবে হইবে, এমন কোন কথা নাই । কলিকাতা বিশ্ববিদ্যালয় ভারতের মধ্যে সর্বাপেক্ষা শ্রেষ্ঠ । ইহার নিকটেই পাটনা ও ঢাকা বিশ্ববিদ্যালয় অবস্থিত । কাশী হিন্দু বিশ্ববিদ্যালয়ও অধিক দূর নহে । এতগুলি বিশ্ববিদ্যালয়ের ছাত্রদের শিক্ষার একটা স্থান ও স্থবিধাজনক স্থান এই কলিকাতার মিউজিয়াম । ইহাতে স্থানান্তরিত করিলে ইহার প্রয়োজনীয়তা একেবারেই নষ্ট হইয়া বাইবে । আমরা বলি, বরক দিল্লীতে এরূপ আর একটি মিউজিয়াম প্রতিষ্ঠিত করা হউক ।

—সঙ্গীবনী

ম্যালেরিয়া নিবারণ

স্বন্দরবন হইতে ম্যালেরিয়া দূরীকরণ।—বঙ্গালার ১৯২৮-২৯ সনের রেভিনিউ বোর্ডের বার্ষিক বিবরণী প্রকাশিত হইয়াছে। উহাতে প্রকাশ, বাধরগঞ্জের স্বন্দরবন অঞ্চলে ম্যালেরিয়া দূর করিবার কার্য ক্রমবেগে ও বখেটে সকলতার সহিত অগ্রসর হইতেছে। প্রায় ২২ বৎসর পূর্বে ২২টি এন্ট্রিট একত্র মিলিত হইয়া বাধরগঞ্জ স্বন্দরবন অঞ্চলে উপনিবেশ স্থাপনে অগ্রসর হয়। ইহাদের চেষ্টায় অস্বাস্থ্যকর এবং ম্যালেরিয়ার প্রিয় নিকেতন স্বন্দরবন স্বাস্থ্যকর উর্বর ভূখণ্ডে পরিণত হইয়া উঠিয়াছে। প্রকাশ যে এই ম্যালেরিয়া দূরীকরণের মোসাবিদা আর এক বৎসরের মধ্যে কার্যে পরিণত হইবে।

—বঙ্গরত্ন

প্রকৃত স্বদেশী কাজ

গত এপ্রিল মাসে ভারতবর্ষের মিলে ৭ কোটি ৪০ লক্ষ পাউণ্ড মূতা ও ৪ কোটি ৯০ লক্ষ পাউণ্ড বস্ত্র প্রস্তুত হইয়াছে।

১৯২৯ সালের এপ্রিল মাসে ৩ কোটি ৭০ লক্ষ পাউণ্ড মূতা ও ৪ কোটি ৫০ লক্ষ পাউণ্ড বস্ত্র প্রস্তুত হইয়াছিল।

অর্থাৎ পূর্বে বৎসর অপেক্ষা বর্তমান বৎসরের এপ্রিল মাসে মূতা শতকরা ৯৫ এবং বস্ত্র শতকরা ৮৬ বেশী উৎপন্ন হইয়াছে।

১৯২৯ সালের সেপ্টেম্বর হইতে ১৯৩০ সালের এপ্রিল পর্যন্ত ৮ মাসে ৩০ কোটি ১০ লক্ষ পাউণ্ড মূতা ও ৪০ কোটি ৬০ লক্ষ পাউণ্ড বস্ত্র তৈয়ার হইয়াছে।

১৯২৮ সালের সেপ্টেম্বর হইতে ১৯২৯ সালের এপ্রিল পর্যন্ত ৮ মাসে ৫৫ কোটি ১০ লক্ষ পাউণ্ড মূতা ও ৩৪ কোটি ৫০ লক্ষ পাউণ্ড বস্ত্র তৈয়ার হইয়াছিল।

অর্থাৎ ১০ কোটি পাউণ্ড মূতা ও ৬ কোটি পাউণ্ড বস্ত্র বেশী তৈয়ার হইয়াছে।

অর্থাৎ পূর্বে বৎসর অপেক্ষা ৭৫ লক্ষ বেশী লোক স্বদেশী বস্ত্র ব্যবহার করিবার আনন্দ উপভোগ করিয়াছে।

গত এপ্রিল ও তাহার পূর্বে এপ্রিল মাসে স্বদেশে কত কোরা ও ধোয়া বস্ত্র উৎপন্ন হইয়াছে এবং বিদেশ হইতে কত কোরা ও ধোয়া বস্ত্রের আমদানী হইয়াছে, তাহা দেখিয়া সকলে পুলকিত হউন।

১৯৩০ সালের এপ্রিল

কোরা ও ধোয়া কাপড়

স্বদেশজাত ১৫ কোটি ৮৬ লক্ষ ৪৮ হাজার গজ, বিদেশ হইতে আমদানী ১১ কোটি ১৭ লক্ষ ৩৪ হাজার গজ।

১৯২৯ সালের এপ্রিল

কোরা ও ধোয়া কাপড়

স্বদেশজাত ১৪ কোটি ৩৫ লক্ষ ৭০ হাজার গজ, বিদেশ হইতে আমদানী ১৬ কোটি ১১ লক্ষ ৭০ হাজার গজ।

অর্থাৎ ১৯২৯ সালের এপ্রিল মাসে স্বদেশজাত কোরা ও ধোয়া কাপড় অপেক্ষা বিদেশজাত বস্ত্রের পরিমাণ প্রায় ২ কোটি গজ বেশী ছিল।

১৯৩০ সালের এপ্রিলে বিদেশজাত কোরা ও ধোয়া বস্ত্রের পরিমাণ প্রায় ৩ কোটি গজ কমিয়াছে।

ভারতবাসীর উৎসাহ ও উদ্বোধনের ফলেই এই শুভ পরিবর্তন আসিয়াছে।

১৯৩০ সালের এপ্রিল

রঙ্গিন কাপড়

স্বদেশজাত ৫ কোটি ৪৩ লক্ষ ২১ হাজার গজ।

বিদেশজাত ৪ কোটি ২০ লক্ষ ১৫ হাজার গজ।

১৯২৯ সালের এপ্রিল

রঙ্গিন কাপড়

স্বদেশজাত ৫ কোটি ৫৪ লক্ষ ১ হাজার গজ। বিদেশজাত ৫ কোটি ১৪ লক্ষ ৬৫ হাজার গজ।

১৯২৯ সালের এপ্রিল মাসে বিদেশজাত রঙ্গিন কাপড়ের পরিমাণ স্বদেশজাত রঙ্গিন কাপড় অপেক্ষা প্রায় ৪০ লক্ষ গজ কম ছিল, ১৯৩০ সালের এপ্রিলে ১ কোটি ২৩ লক্ষ কম হইয়াছে।

ইহারই নাম স্বদেশের কার্য। এই কার্য করিতে বুদ্ধি চাই, অভিজ্ঞতা অর্জন করা চাই, পরিশ্রম চাই। মুখের কাঁকা বাক্যে বা দণ্ডে স্বদেশের কার্য হয় না।

স্বদেশের কার্য কাহাকে বলে, আমাদের স্বদেশবাসীরা তাহা বুঝিয়া লউন। বিংশ শতাব্দীর আরম্ভে স্বদেশী আন্দোলনের ফল, বঙ্গলক্ষ্মী কটন মিল, বেঙ্গল নেশনেল ব্যাঙ্ক, বেঙ্গল টেকনিক্যাল প্রভৃতি। অসহযোগ বা আইন অমান্য-কারীরা কি দেখাইতে পারেন, তাহারা কোন প্রতিষ্ঠান স্থাপন করিয়াছেন? তাহারা কিছু গঠন করিতে পারেন নাই, বেঙ্গল টেকনিক্যাল স্কুলের মত মহৎ কার্য বিনাশ করিবার চেষ্টা করিতেছেন। বিদ্যাসাগর, আনন্দমোহন ও সুরেন্দ্রনাথের রক্তে যে সকল বিদ্যালয় প্রতিষ্ঠিত হইয়া বঙ্গলা দেশকে শ্রেষ্ঠ করিয়াছিল, তাহাই তাহারা ধ্বংস করিতেছেন।

ক্রম দূর হউক, বাঙ্গালী আত্মহ হইয়া স্বদেশের খাঁটি কাজ করিতে মনোনিবেশ করুন।—সঞ্জীবনী

৩রাখালদাস বন্দ্যোপাধ্যায়

[শ্রীনরেন্দ্রদেবঃ]

ভূতদর্শী ওগো বন্ধু, অসময়ে তব তিরোধান
বেজেছে সবার বুকে । ব্যথানত নিখিলের প্রাণ ।
নহতো গোড়ের শুধু একান্ত গর্বের ধন তুমি—
আসমুদ্র হিমাচল, হে ধীমান ! তব জন্মভূমি !
তোমার অভাবে আজ জননীর কণ্ঠহার হ'তে
অমূল্য মাণিক এক হারাল হে নন্দর জগতে ।

শ্রুতিধর ! জাতিস্মর ! অসামান্য হে স্মৃদ, তব
ধরণীর লুপ্তলোকে দিখিজয় নিত্য নব নব—
বারে বারে করিয়াছে কালের সীমানা অধিকার,
সংহারের দুর্গ ভেদি' হৃত-কীর্তি করেছে উদ্ধার !
তোমার তপস্যা-তেজে ভারতের বিস্মৃত অতীত
ভূগর্ভ হইতে উঠি' শুনায়েছে গৌরবের গীত !

আপনার বীর্যাবলে মহীরাজ্য করেছ লুণ্ঠন,
'প্রতনা' দিয়েছে ধরা, তুমি তার খুলেছ গুণ্ঠন !
পুরাবৃত্ত বারিধির আলোড়িয়া দুজ্জের অতল
কালের কলঙ্ক মুছি' লিপি তার করেছ উজ্জল !
নবরাজতরঙ্গিণী রচিয়াছ, হে পুরাণকার,
বিগত বৈভব যত খুঁজিয়া ফিরেছ অনিবার !

প্রাচ্যের প্রাচীন কথা একাধিক সহস্র বর্ষের
পুরাতন দুঃখ সুখ যুদ্ধ প্রীতি বেদনা হর্ষের
শুনায়েছ তুমি বন্ধু, অশ্রুত কত না ইতিহাস,
অরণ্য কান্তার মরু প্রস্তরের খুলি' ছদ্ম-বাস
তুমি দেখায়েছ সেথ—কী ছিল সম্পদ কালে কালে,
কী ঐশ্বর্য আছে ঢাকা ধ্বংস যবনিকা-অস্তরালে ।

যে নব জাতক তুমি রচিয়া গিয়াছ সভ্যতার
অক্ষয় গরুড়-স্তুত হ'য়ে রবে জানি সে তোমার ।
যুমন্ত পাতালপুরে বন্দী ছিল যে রাজনন্দিনী
তারে তুমি মুক্তি দিয়ে ভুবনেরে করিয়াছ ঋণী ।
হে মনুষী, তব ঋণ চিরদিন ঘোষিবে জগৎ,
যুগে যুগে পৌরাণিকে তোমারে নমিবে দণ্ডবৎ ।

চিত্ত ও বিত্ত

(গল্প)

[শ্রীগোপেন্দ্র বসু]

(১)

শ্রাবণ-মেঘের কাজল-কাল বুক চিরিখা বিহ্বাদ-রেখা
মাঝে মাঝে আকাশের গারে ছড়াইয়া পড়িতেছিল । বর্ষণ-
কান্ত অপরাহ্নে সিন্ধু কর্দমময় বঙ্কিম পল্লী-পথ বিল্লীরবে
মুখরিত ।

ধীর-মহুর গতিতে এক প্রৌঢ়া একটি জীর্ণ কুটারের
সম্মুখে আসিয়া মৃদুস্বরে ডাকিলেন—“ললিতা, ললিতে ।”
কুটারের ভিতর হইতে উত্তর আসিল—“যাই, মাসী !”

* * *

শান্তিপুর হইতে প্রায় ১০ মাইল দূরে গঙ্গা-তীরে কয়েক
ঘর বৈষ্ণব লইয়া একখানি ছায়া-নিবিড় ক্ষুদ্র পল্লী ।
নাম রাখালপুর । রাখালপুরে “মাসী” বলিতে উক্ত
প্রৌঢ়াকেই বুঝায় । প্রৌঢ়ার নাম গৌরধনি । কিন্তু এ নাম
রাখালপুরের খুব কম লোকই জানে । জানিবার
প্রয়োজন কাহারও হয় না, বেহেতু “মাসী” সকলেরই
মাসী । সকলেরই সুখ-দুঃখের সমান অংশীদার,
বদন সদা হাস্যময় । পাট কাটিয়া মাসীর দিন চলে ।
বাল-বিধবা আশ্রয়স্বজনহীনা ললিতা মাসীর পরম প্রিয়
পাত্রী ও প্রতিবেশিনী,—প্রায় এক চালায় বাস বলিলেই
হয় ।

একটি দীপ-হস্তে ললিতা গৃহের বাহিরে আসিয়া বলিল—
“এস, মাসী ।”

ললিতা যুবতী, বিধবা—পরিধানে ধূলি মলিন শতছিন্ন
একখানি ধান কাপড় ; রাত্রি বলিয়া উহাতে কোন মতে
লজ্জা নিবারণ হইয়াছে ; মলিন বস্ত্র ভেদ করিয়া উত্তর
ঘোবনের অনিন্দ্য রূপের আভাস লক্ষিত হইতেছে ।
যুবতী পথ দেখাইয়া প্রৌঢ়াকে গৃহের মধ্যে লইয়া গিয়া
একটি অর্ধ-ভগ্ন চোকির উপর বসাইল এবং বিশেষ
আগ্রহাঙ্কিত চিত্তে দাঁড়াইয়া রহিল ।

মৃত্তিকা-নির্মিত ক্ষুদ্র ঘর, পরিষ্কার পরিচ্ছন্ন—কোনরূপ
আড়ম্বরের চিহ্ন মাত্র নাই । এক পার্শ্বে শয়নের জন্য এক-
খানি চৌকী, অপর দিকে একটি ক্ষুদ্র মৃত্তিকা-নির্মিত মঞ্চের
উপর শ্রীগৌরধ-মূর্তি, মূর্তির পার্শ্বে কিছু নিরে ছইটী
কাষ্ঠ-নির্মিত চন্দন-লিপ্ত পাছুকা বিশেষ ভক্তি ও যত্নে
রক্ষিত ।

একটি দীর্ঘ নিঃশ্বাস ত্যাগ করিয়া মাসী বলিল—“আজ
কিছু কিছু পাওয়া গেল না, সকাই বসে; দড়ির দাম
সামনের হাতে দেবে ।”

ললিতারও পাট ও সূতা কাটিয়া দিন চলে ।
আজুল ওনিয়া ললিতা বলিল—“হাটের তো ৪ দিন

বাকি, মাসী। তাই তো কি হবে, গরুর খাবার খড় নেই মোটে, বর্ষার দিন গরুরা মাঠে যেতেও পারে না, গরুটাই বা খায় কি আর এদিককারই বা কি হয়।”

ললিতা বিশেষ চিন্তাগ্রস্ত হইয়া পড়িল।

মাসী বলিল—“কি ক’রব বল? দোকানদার হতভাগারা আজ কিছুতেই দাম দিলে না, নতুন ব্যাপারীদের কাছে হড়ি নে গেণ্ডুম, তারাও বল্লো দড়ি বিক্রী না ক’রে দাম দিতে পারবে না।” ললিতা পূর্বের শ্রায় শুরু হইয়া দাঁড়াইয়া রহিল।

মাটির দেওয়ালে টাঙ্গান শ্রীকৃষ্ণের একটি পটে আঁকা ছবির দিকে দৃষ্টি রাখিয়া চিন্তা করিতে করিতে দ্বয় গস্তীর স্বরে মাসী বলিল—“আমাদের কি বল, এক পা এগিয়ে আছি, আমাদের সবই সয়, কিন্তু তোর এই কাঁচা বয়েস, ছেলেমানুষ তুই, কি ক’রে এসব সছ ক’রবি? আজ ছ’দিন তোর পেটে কিছু পড়ে নি। সে খবর তুই কিছু না বল্লোও আমি রেখেছি। তোর গরুও দুদিন উপোসী রয়েছে তাও জানি। আমারও এমন দশা হয়েছে যে, এ সময় তোকে কিছু দোবো—”

বাধা দিয়া ললিতা বলিল—“না মাসী, তোমার কাছে রোজ রোজ আর কত ধার ক’রব—তোমার ঋণ এ জীবনে শোধ হবে না, মাসী।”

নির্জন গৃহটি সমাধি-প্রাকণের শ্রায় নিশ্চর; কেবল মধ্যে মধ্যে ঝটিকার শব্দ ও ঝিল্লীর বন্ধ-অর্গল ভেদ করিয়া গৃহমধ্যে প্রবেশ করিতেছিল। ক্ষুদ্র দীপটি অতি ক্ষীণ-ভাবে জলিতেছে—যেন সেও গৃহস্থের কঠোর দিনের কথা ভাবিতে শিখিয়াছে, তাই সে আজ ম্লান—সহানুভূতি-কাতর। অনেকক্ষণ পরে মাসী পুঞ্জীভূত শুকতা ভঙ্গ করিয়া বলিল—“দেখ ললিতা, আজও গোকুল আমায় বলছিল তোর কথা; আমি বলি তোর এই শোমন্ত বয়েস, তা ছাড়া আমাদের বোষ্টমের ধরে যখন ও নিয়ম আছে—আর গোকুলের বয়েস যখন বেশী নয়—গ্রামের মাতঙ্গর—জমিদার, তা মন্দ কি? তোকে বড় মনে ধরেছে, রাজি হ’য়ে যা, আধেরের একটা হিল্লো হ’য়ে যাবে। জানিস তো গোকুলের অবস্থা—”

ললিতা বলিল—“সে কথা এখন থাক মাসী। একগাছা বালা দিচ্ছি তুমি যদি ওটা বাধা দিয়ে কিছু আনতে পার তো দেখ, হাটের পরদিন ছাড়িয়ে নোবো; এই রাত্রে আবার তোমায় কষ্ট দিচ্ছি কিছু মনে কোরো না—কাল সকালে কিছু চাই-ই চাই।”

মাটির কুলুঙ্গির মধ্যস্থিত একটি টিনের বাস হইতে একগাছা বালা বাহির করিয়া ললিতা মাসীর হস্তে দিল। মাসী চলিয়া গেলে ললিতা শুষ্ক মুখে চৌকির উপর বসিয়া ভাবিতে লাগিল।

(২)

রাখালপুর গ্রামের মাতঙ্গর জমিদার গোকুল বৈরাগীর ধনী বলিয়া খ্যাতি আছে, গ্রামবাসীরা কেহ বলিত ছ’ বড়া টাকা আছে, কেহ বলিত, না, সাত বড়া টাকা আছে।’ গোকুলের টাকা ছ’বড়া আছে কি সাত বড়া আছে তাহা ঠিক করিয়া বলা বা জানা সম্ভব নয়; তবে আশ-পাশের গ্রামগুলির মধ্যে তাহার মত ধনী ও ধড়িবাজ লোক নাই বলিলেই হয়। পাঁচখানা পাশাপাশি গ্রামের মধ্যে গোকুল ব্যতীত কেহ কোটা-ইয়ারত তুলিতে পারে নাই। গোকুলের বয়স প্রায় ৪০।৪৫ বৎসর, চেহারা বেশ গোল-গাল, সর্বদা হস্তে জপমালা এবং চক্ষু স্তিমিত। দুর্জনে বলিত—অবশ্য অন্তরালে—যে ‘গোকুল থলির মধ্যে হাত বাধিয়া স্কদ গৌনে, আর চক্ষু বুজিয়া ফন্দী আঁটে কখন কার সর্বনাশ করবে।’ এ কথাটা কতদূর সত্য তা’ জানা নিতান্ত কষ্টকর নহে। গোকুল সম্প্রতি মৃজার হইয়াছে।

গৌরঙ্গী ললিতার পূর্ণ-যৌবনের অসামান্য রূপ গোকুলের লোলুপদৃষ্টি ও চিত্ত আকর্ষণ করিয়াছিল। লোক-মারকত বহবার বহুরূপ প্রস্তাব করিয়াছিল, কণ্ঠি-বদলেরও প্রস্তাব মাসীর দ্বারা বহবার করিয়াছিল, কিন্তু কিছুতেই কিছু হয় নাই, ললিতা এসবে একেবারেই বিরূপ। তথাপি উদ্যোগী পুরুষ গোকুল নিশ্চেষ্ট হয় নাই। আর ৫।৭ খানা গ্রাম-বিস্তৃত খ্যাতি, গোলা-ভরা ধান, বড়া বোঝাই টাকা, এ হেন গোকুল বৈরাগীর আবেদন একটি সামান্য বিধবা প্রত্যাখ্যান করিতে পারে তাহা রাখালপুর গ্রামের লোকদের নিকট অতি আশ্চর্যের ও আলোচনা বিষয়।

পরদিন প্রাতে মাসী আসিয়া বলিল—“এই নে, ললিতা, পাচ টাকা।”

বিস্মিত হইয়া ললিতা বলিল—“বল কি মাসী, ঐ এক-গাছা রূপোর বালা রেখে কে পাঁচ টাকা দিলে? আমি ভেবেছিলুম বড় ছোর বার আনা পয়সা পাব—ওর দামও যে পাঁচ টাকা নয়, মাসী?”

ঈষৎ হাস্য করিয়া মাসী বলিল, “এই দেখ বালাও কিরিয়ে এনেছি।”

ললিতা বিস্মিত-নেত্রে দেখিল, মাসীর কাপড়ের খুঁটে বালাটা বাঁধা রহিয়াছে।

চাপা সুরে মাসী বলিল, “গেছলুম গোকুলের বোন কুইদাসীর কাছে, তার কাছে মাঝে মাঝে এমনিও যাই, টাকা ধারও মাঝে মাঝে ক’রে থাকি। বলা দেখে ওরা ধ’রে ফেলে ইবালা না নিয়েই টাকা দিলে। যা, বল ওদের দয়া-ধর্ম আছে।”

প্রতিবাদ করিয়া ললিতা বলিল, “ছাই আছে, কেন তুমি এ টাকা নিতে গেলে, মাসী? আমি ও টাকা নোবো না, তুমি ফেরত দিয়ে এস।” ললিতার চক্ষু রাগে ও অভিমানে রক্তিম হইয়া উঠিল।

মাসী সম্মেহে বলিল, “নিতে দোষ কি ললিতা, ধার ব’লেই তো নেওয়া, টাকা হাতে এলে তুই নয় ফেরত দিল; এখনি ফেরত দিতে গেলে ধারাপ দেখায়, তা ছাড়া গোকুল এ ভিটের মালিক, এমন কি তোর বাড়ীর কুটা গাছটা পর্যন্ত দেখায় ওর কাছে বিকিয়ে রয়েছে। ওদের কাছে কি রাগ ভাল দেখায়? টাকা হাতে হ’লে কিরিয়ে দিতে বাধা কি?”

দারুণ অভাবের সংসার—গর্ভবতী গাভী খাওয়া অভাবে তিন দিন প্রায় অনাহারে রয়েছে, মুদীর দোকানে বিস্তর মেমা, সে আর ধারে জিনিস দেখ না, মুখে যতদূর বলিতে পারা যায় সে বলিতে ছাড়ে না, স্ত্রীলোক বলিয়া একটু সম্মম করিয়া চলে, তবে সে সম্মমের বাঁধ আর বেশী দিন থাকিবে না। গৃহের দেওয়ালে নানা স্থানে কাট ধরিয়াছে, সংস্কার না করিলে নিশ্চই পড়িয়া যাইবে। চাল ফুটো হইয়া গিয়াছে, রোজই গৃহের মধ্যে জল পড়িয়া মাটির মেঝে কর্কশে পরিণত করে। স্বামীর অন্তরের সময় ভিটা

ভ্রাসন গোকুলের কাছে বাঁধা পড়িয়াছিল, পরে তাহারই কাছে বিক্রীত হইয়াছে; সাতপুরুষের ভিটায় এখন আর কোন অধিকার নাই—উঠবন্দী প্রজা, ছকুম হইলেই উঠিয়া যাইতে হইবে, এখন ভিটায় বাস করা না-করা গোকুলের করুণার উপর নির্ভর করিতেছে। ললিতা চিন্তাঘিতা হৃদয়ে কম্পিত হস্তে মাসীর নিকট হইতে টাকা কয়টা লইল। বাইবার সময় মাসী গোকুলের আবেদনটা জানাইতে ভুলিল না।

ললিতা বলিল—‘আচ্ছা ভেবে দেখি।’ ললিতার মনটা এতদিনে নরম হইয়াছে দেখিয়া মাসী বিলম্ব খুসী হইল।

(৩)

বৎসরের এই সময়ে রাখালপুর গ্রামখানা হরিনামের স্বর্গীয় মাদকতায় কিছুদিনের অন্ত বিশেষ করিয়া মাতিয়া ওঠে। ভাদ্র মাস, শ্রীকৃষ্ণের জন্মাষ্টমী। বৈষ্ণবরাষ্ট্র্যে ভক্তি-প্লাবনের একটা জাগ্রত সাড়া দিখিদি ক বিস্তৃত করিয়া বৈষ্ণবদের প্রাণ অধীর ও আবেগময় করিয়া তুলিয়াছে। শ্রীকৃষ্ণের জন্মাষ্টমীর সময় প্রতি বৎসরই গ্রামের বারোয়ারী চণ্ডীমণ্ডপে এক সপ্তাহকাল অহোরাত্র হরিনাম সঙ্কীর্তন হয়। এবারও হইবে, অধিকন্তু এবার স্বয়ং কীর্তনদাস বাবাজী আসিবেন; সেইজন্য এবার অন্যান্য বৎসর অপেক্ষা কিছু বিশেষ আয়োজন চলিতেছে। বারোয়ারী চণ্ডীমণ্ডপে এবার স্থান সঙ্কুলান হইবে না বলিয়া গোকুল স্বীয় গৃহের সম্মুখের মাঠটা চাঁচিয়া পরিষ্কার করাইয়াছে। পরিষ্কৃত স্থানের মধ্য ভাগে চাঁদোয়া টাঙ্গান হইয়াছে; নিতাই, গৌর, শ্রীকৃষ্ণ, রাধা প্রভৃতি দেবদেবীর ও মহাপুরুষদের মূর্তিকা, মূর্তি ও আলেখ্য যথাস্থানে স্থাপন করা হইয়াছে। কাগজের লতা, পাতা, শিকল দিয়া চাঁদোয়াটা বিশেষ করিয়া সাজান হইয়াছে। বাবাজীর আগমনের অপেক্ষায় রাখালপুর গ্রামবাসী আবালাবুদ্ধবনিতা সকলেই ব্যগ্র ও আগ্রহান্বিত। বাবাজী আসিতে আরও দুইদিন দেরী আছে; সপ্তমীর দিন সন্ধ্যায় তিনি আসিবেন।

(৪)

“ললিতা, ললিতা!”

বেলা প্রায় দ্বিপ্রহর, বর্ষাকালের মেঘলা দিন। হ’একটা

মেঘ আকাশের গায়ে ছুটাছুটি করিতেছিল, তবে শীঘ্র বৃষ্টি নামিবার সম্ভাবনা কম। ললিতা চরকায় মূতা কাটিতেছিল। মাসীর ডাকে তাহা বন্ধ করিয়া ঘর হইতে বাহিরে আসিয়া দেখিল, মাসী ও গোকুল বৈরাগীর ভগিনী কৃষ্ণদাসী। ললিতা সাদরে তাহাদের গৃহের মধ্যে লইয়া গিয়া ছুখানি কাঠের পিড়ির উপর বসাইয়া স্বয়ং একটি নারিকেল পাতার আসনে বসিয়া অন্তরে অন্তরে দারুণ কুষ্ঠা ও লজ্জা বোধ করিতে লাগিল।

গরীবের বাড়ীতে ধনীরা আগমন ঘটিলে গরীবের কুষ্ঠিত হওয়াই স্বাভাবিক। ললিতার পরিহিত বস্ত্রটি একরূপ মলিন ও ছিন্ন ছিল যে, তাহা পরিয়া জ্বীলোকও জ্বালোকের কাছে যাইতে লজ্জাবোধ করে। ইহা ব্যতীত ললিতার বিশেষ কুষ্ঠিত হইবার কারণ যদি এক পশলা বৃষ্টি হয়, তাহা হইলে সচিব্র চাল ভেদ করিয়া জল ঘরের মধ্যে পড়িবে, তখন এই ধনী অতিথিকে কোথায় স্থান দিবে। ঘরে এক খিলি পানও নাই যাহা কৃষ্ণদাসীর হাতে দেওয়া যাইতে পারে।

গোকুলের ভগিনী হইলেও কৃষ্ণদাসী লোকটা একেবারে সাদাসিদে ও ভাল মানুষ। ভাল করিয়া কথা শুছাইয়া বলিতেও জানে না, তাই মাসীকেই কথাটা অর্থাৎ কৃষ্ণদাসীর আগমনের কারণটা বলিতে হইল। সেদিন সকালে ললিতার 'আচ্ছা ভেবে দেখি' কথাটার আস্থাবতী হইয়া মাসী আজ কৃষ্ণদাসীকে সঙ্গে লইয়া আসিয়াছে। কৃষ্ণদাসী রিক্ত হস্তে আসে নাই, গোকুলের পরামর্শে এক বাসল গহনা সঙ্গে লইয়া আসিয়াছে।

মাসী মুহূ গম্ভীর স্বরে বলিতে লাগিল, "দেখ ললিতা, আজ তোর ভাঙ্গা ঘরে যে এসেছে, তাকে লোকে অনেক সাধি সাধনাতেও পায় না, কিন্তু এসেছে সে আর তোকে নতুন কোরে বসুতে হবে না—আমার বাক্য রাখ তুই, আজই রাজী হ'। তোরই আখেরের একটা হিন্দে হ'য়ে যাবে।

ললিতার বদন-মণ্ডল দারুণ লজ্জায় আরক্ত হইয়া উঠিল। উদ্বীপনাময় অনেক কথা বলিতে গিয়া শুরু হইয়া গেল।

কৃষ্ণদাসী স্নেহে স্বীয় বকের মধ্যে টানিয়া লইয়া ললিতার কপোলে একটি চুখন করিয়া স্নেহের স্বরে বলিল, "আমি ভাই তোর দিদি, তোর বড় বোন, আমাদের

ভাঙ্গা সংসার জোড়া লাগিবার আশায় তোমার কাছে ছুটে এইছি। আর গোকুল আমার তোমা-অন্ত প্রাণ। বল আমাদের নিরাশা ক'রবে না, বল অরাজী নও তো।

দারুণ লজ্জায় ললিতা একেবারে ভাবিয়া পড়িল।

মাসী বলিল—“এই কচি বয়েসে এত ছুঃখ-কষ্টকে সহ ক'রে সাধ ক'রে দিবি না বিইয়ে কানায়ের মা হবি, একেবারে সর্কে-সর্কা জমিদার গিন্নী যার নাম; কবে হ'তে পারাতস, কেবল বুদ্ধির দোষে এত দেবী করলি।”

যে ললিতার উগ্র ব্যক্তিত্বের প্রভাবে পল্লীর চরিত্রহীন যুবকেরা এমন কি স্বয়ং গোকুল বৈরাগী পর্যন্ত তাহার দিকে ঠাট করিতে ভীত হইত, সেই ব্যক্তিত্ব আজ যেন কাহার মায়াস্পর্শে তরল নিস্তেজ হইয়া গেল। ললিতা যেন মাসী ও কৃষ্ণদাসীর উপর নিজেকে সমর্পণ করিল। চাবি ঘুরাইয়া কৃষ্ণদাসী গহনার বাসল গুলিয়া ফেলিল। ললিতা গরীবের কন্যা; বিবাহ হইয়াছিল অতি গরীবের সঙ্গে। এতগুলি গহনা তা' আবার সোনার, সে কখনও এক সঙ্গে দেখে নাই, দেখিবার আশাও করে নাই। অনিমেঘ নয়নে গহনাগুলি ললিতা দেখিতে লাগিল। মাসী হাস্ত করিয়া বলিল, “দেখছিস্ কি? আরও এমন কত বাসল আছে, তোর সব হবে, বুঝলি?” কৃষ্ণদাসীর দিকে মুখ ফিরাইয়া মাসী বলিল—“তা' হ'লে দিনটা আজই ঠিক কর গিয়ে গোকুলকে দিয়ে; আমার ইচ্ছে এই মাসের শেষ দিকে কাজটা ক'রে ফেলা ভাল।” গহনার বাসলটি বন্ধ করিয়া কৃষ্ণদাসী উঠিয়া দাঁড়াইয়া ললিতাকে পুনরায় স্নেহ-চুখন করিয়া বলিল, “আজ আসি ভাই, তুমি আমাদের ঘরের লক্ষ্মী, তোমাঘ সোনা দিখে মুড়ে নিয়ে যাব।” ললিতার হস্তে গহনার বাসলটি দিয়া কৃষ্ণদাসী ঘর হইতে বাহির হইয়া আসিল।

“মাসী”ও তাহার সঙ্গে বাহির হইতেছিল। ললিতার গম্ভীর আস্থানে তাহাকে ধামিতে হইল। ললিতা গহনার বাসলটি মাসীর হাতে দিয়া অস্বাভাবিক রুদ্ধ স্বরে বলিল, “এটা ওঁকে ফেরত দাও মাসী, এর পরীক্ষা হ'বার হ'বে।”

(৫)

কয়েক দিন যাবৎ পরম ভক্ত কীর্তনদাসের স্মৃধুর কীর্তনে স্মৃধুর রাখালপুর আনন্দ-সাগরে ভাসমান। যুদ্ধ,

ধর্মী ও অশ্রদ্ধ বাস্তবনিতে আকাশ-বাতাস যুধরিত। গোকুল মহা ব্যস্ততা সহকারে অতিথি, অভ্যাগত ও ভক্ত-জনের ভ্রাবধান করিতেছে এবং ললিতা আসিয়াছে কি না দেখিবার জন্য মুহূর্ত্ত চিকের প্রতি দৃষ্টি-নিষ্কোপ করিতেছে। তাহার দৃষ্টি প্রতিবারই ব্যর্থ হইয়া তাহাকে পীড়িত করিতেছিল। আজ শেষ দিন; প্রভুর কীর্তন আরম্ভ হইবার আর অধিক বিলম্ব নাই। গোকুল দেখিল, মাসী একলা আসিতেছে। ললিতা না আসিবার কি কারণ থাকিতে পারে? গোকুল সে বিষয়ে বিশেষ চিন্তাশ্রিত হইয়া পড়িল। একটু সুবিধা পাইলে গোকুল জিজ্ঞাসা করিল—“মাসী, তুমি যে একলা এলে।”

মাসী বলিল—“ললিতার বক্ত মাথা ধরেছে, সারাদিন কিছু খায় নি, তাই আসতে পারেন না।”

বাবাজীর কীর্তন আরম্ভ হইল।—

“আয় আয় দেখি সখি যশোদার অঙ্কে
উঠেছে পার্কিন টাঁদ তাজিয়া কলঙ্কে।
চন্দ্রে সবে ষোল কলা হ্রাস বৃদ্ধি তার—
কৃষ্ণচন্দ্র পরিপূর্ণ চৌষটি কলায় ॥
আয় আয় দেখি সবে.....।”

গোকুল অস্থিরচিত্তে আসরের মধ্যে বসিয়া রহিল; কীর্তনের একবিন্দুও তাহার কর্ণবিবরে প্রবেশ লাভ করিল না।

(৬)

কাল হইতে ললিতা যেন কিছুমাত্র উদাসীন হইয়া পড়িয়াছে। অসুখের অছিল দেখাইয়া আজ সারাদিন কিছু খায় নাই—সারাদিন উদাসভাবে ভাবিয়াছে, কি ভাবিয়াছে সেই জানে। মাসী ছুই তিন বার গায়ে হাত দিয়া দেখিয়াছে, খণ্ডাইবারও চেষ্টা করিয়াছে, কিন্তু ললিতা খায় নাই।

সন্ধ্যার পর মাসী চলিয়া গেলে গৃহের দ্বার বন্ধ করিয়া গৌরানন্দদেবের মূর্ত্তির সম্মুখে মাটির উপর লুটাইয়া পড়িয়া বলিতে লাগিল, “প্রভু, কি আমার করলে, প্রভু! কেন আমায় এ কুমতি দিলে? গোকুলের বোন যখন এলেন, কেন তুমি তখন আমার গলা হাতে স্বর কেড়ে নিয়েছিলে?”

কেন আমি তখন বলি নি, তুমি আমার স্বামী! আমার স্বামী যে তোমার হাতে আমার সমর্পণ ক’রে গিয়েছিল। কেন আমায় স্বর্ণ-মোহে ফেললে প্রভু,—এই কি তোমার পরীক্ষা দয়াল!”

লাল চক্ষু অজারের মত জলিতেছে, কেশপাশ আলুলায়িত, বস্ত্র বিশৃঙ্খল, ললিতা বিগ্রহের সম্মুখে মহা উদ্বেগময় চিত্তে স্বর্গগত স্বামীর পাছকা ছুইটা বক্ষে ধারণ করিয়া অসাড় হইয়া শুইয়া রহিল।

মোহ জয়ী হইয়া যেন তাহাকে ব্যক্ত করিতে লাগিল।

(৭)

শেষ রাতে গঙ্গানান সারিয়া শ্রীকৃষ্ণের অষ্টোত্তরশত নাম গায়িতে গায়িতে মাসী গৃহে কিরিবার পথে দেখিল, একটা নারী আপাদমস্তক বজ্রাবৃত করিয়া কোথায় যাইতেছে, বেচারী আত্মগোপনে বিশেষ ব্যস্ত, যেহেতু সাধারণ পথ ছাড়িয়া মাঠের পথ দিয়া যাইতেছে। মাসী জিজ্ঞাসা করিল—“কে গো বাছা, কেগা তুমি? সাড়া দাও না কেন?”

নারীটা ধীরে ধীরে মাসীর নিকটে আসিয়া অতি মৃদুস্বরে বলিল—“আমি, মাসী।”

বিস্মিতা হইয়া মাসী বলিল,—“কে ললিতা! এত রাতে কোথায় যাচ্ছিস।”

ললিতা বলিল—“প্রভুর পায়ে শ্রী বন্দাবনে।

অধিকতর বিস্মিতা হইয়া মাসী বলিল, “বন্দাবনে! সত্য!”

ললিতা মৃদুস্বরে বলিল, “সত্যিই, মাসী, বন্দাবনে যাচ্ছি। প্রভু যেন আমায় ডেকেছে। তুমিও চল মাসী, মাসী বোনঝিতে ছুইতনে বেশ ব্রজবাসী হ’ব। সংসারের চূড়ান্ত তো কোলে মাসী, শেষ ক’দিন আর পাঁক ধোঁট না, এস।”

ললিতা মাসীর হাত ধরিল।

মাসী বলিল—“বলিস্ কি একুনি?”

ললিতা বলিল, “একুণি ভোরের আগে ষীমারে উঠতে হ’বে।”

নদীর তীর হইতে ললিতার কুটীর দেখা যায়। কুটীরের

উন্মুক্ত হার দিয়া অন্ধকারের বুকের উপর এক বলক আলো আনিয়া পড়িয়াছে, তাহা দেখিয়া মাসী বলিল, “তোমার ঘর খোলা রইল, শিকল—”

বাধা দিয়া ললিতা বলিল, “আর ওদিকে চেয়ো না, মাসী। আর শেকল হৌব না, অনেক কষ্টে সংসারের শেকলটা খুলেছি—বন্দাবনে যেতে হ’লে সব খুলে একেবারে মত যেতে হয়।” মাসী অতি চিন্তিত ও ধীরভাবে ললিতার মুখের দিকে চাহিয়া রহিল।

ব্রাহ্ম মুহুর্তের নিরুৎসাহ নিস্তব্ধতাকে বিধ্বস্ত করিয়া

কীর্তনদাসের সুমধুর কীর্তনের প্রভাতী সুর বাটিকা আশ্রয় করিয়া ভাসিয়া আসিতেছিল।

“—হিয়ার পরশ লাগি হিয়া মোর কান্দে।

পরশ পিরীতি লাগি থির নাহি বাছে ॥

রূপ লাগি আঁধি বুয়ে শুণে মন তোয়।

প্রতি অজ লাগি কান্দে প্রতি অজ মোয় ॥


গভীর অন্ধকারে গা ঢাকিয়া ললিতা গ্রাম ত্যাগ করিয়া গ্রামের ঘাটের অভিমুখে চঞ্চলগতিতে চলিতে লাগিল।

মাসী অপলক নেত্রে চাহিয়া রহিল।

সমুদ্রবক্ষে

[শ্রীঅমূল্যরতন চক্রবর্তী, এম্-বি]

কোন্ এক সুদূরের সুষুপ্ত বাসনা
কালের অতল গর্ভে ছিল লুকায়িত,
সহসা কাহার ডাকে তন্দ্রা গেল টুটি’
মূর্ত হ’য়ে দেখা দিলে, চির সে বাঞ্ছিত।
বহুদিন চ’লে গেছে, আমারি অস্তরে
তোমার দর্শন-আশা আছিল গোপনে
কর্মের আবর্ত মাঝে ; কর্মরাস্ত যবে,
রে সাগর, এতদিনে পড়িল কি মনে ?
আজি এই নৃত্যরোলে নাচে মোর হিয়া
কি মহান, কি গভীর, কি ভৈরব তানে
নৌলান্দু-বারিধি-বক্ষে ! কোটা কোটা হ’য়ে
নৌলান্দুর নাচিছে কি যমুনা-পুলিনে ?
আজি তোম বক্ষ’পরে কত ক্ষুধা লয়ে
ফেনিল এ শুভ্র সুখা করিতেছি পান ;—
কেন এই আকুলতা ? মুক্ নিরবধি ?
কি রতন হারায়েছ পাগল পরাণ ?



শ্রাবণ

১লা—অক্ষয়কুমার দত্তের জন্ম (১৯২৭, শনিবার)।
ইঁহার রচিত গ্রন্থ পূর্বে দেওয়া হইয়াছে। মাদক সেবনের
ইনি বিশেষ বিরোধী ছিলেন; তৎসম্বন্ধে অনেক প্রবন্ধাদিও
লিখিয়া ছিলেন।

উমেশচন্দ্র বটব্যালের মৃত্যু (১৩০৫)—ইনি ১৮৭৪
ও ১৮৭৫ খৃষ্টাব্দে সংস্কৃতে এম্-এ, ও বি-এল পাস
করিয়া ১৮৭৭ খৃষ্টাব্দে প্রেসিডেন্ট রাইট পান। ইনি
স্বদেশের প্রাচীন ইতিহাসের উদ্ধারের জন্য বিশেষ চেষ্টা
করেন। 'সাহিত্য' পত্রে বৈদিক যুগে গো-হত্যা সম্বন্ধে
ইনি প্রবন্ধাদি লেখেন, পরে 'সাধনা' পত্রে সাংখ্যদর্শন
সম্বন্ধেও বহু প্রবন্ধ লেখেন।

—ঢাকায় পাক্ষিক সংবাদ-পত্র "বঙ্গবন্ধু"র প্রচার।

২রা—'সংবাদ-প্রভাকর' পুনরুজ্জীবিত।

উমেশচন্দ্র বন্দ্যোপাধ্যায়ের মৃত্যু (১৯০৬ খৃঃ)—ইনি
১৮৬৮ খৃষ্টাব্দে ব্যারিষ্টার হইয়া আসিয়া কলিকাতায়
ব্যবসায় প্রবৃত্ত হ'ন। এদেশীয়দের মধ্যে ইনি প্রথম
ষ্টাণ্ডিং কোর্সেল হ'ন। ১৮৮০ খৃষ্টাব্দে ইনি বিশ্ববিদ্যালয়ের
সভ্য ও ১৮৯৪ ও ১৮৯৫ খৃষ্টাব্দে ব্যবস্থাপক সভার সভ্য
হ'ন। ইনিই প্রথম ভারতীয় জাতীয় সম্মেলনের সভাপতি।

৪ঠা—দ্বিজেন্দ্রলাল রায়ের জন্ম (১২৭০)—ইঁহার
রচিত গ্রন্থ—কঙ্কি অবতার, আর্ধ্যগাথা, আষাঢ়ে, হাসির
গান, ত্র্যম্পর্শ, বিরহ, পাষাণী, তারাবাই, রাণাশ্রুতাপ,
হুর্গাদাস, সুরজাহান, সাজাহান, মেবার পতন, Lyrics
of Ind, Crops of Bengal, পুনর্জন্ম, চন্দ্রশুভ্র, পর-
পারে, আনন্দ-বিদায়, ভীষ্ম, সিংহল-বিজয়, বঙ্গনারী, মন্ত্র,
আলেখ্য ও ত্রিবেণী। ইনি যে কেবলমাত্র বঙ্গ-ভাষারই


কবি ছিলেন তাহা নহে—ইংরেজীরও ছিলেন—তাহার
উদাহরণ আমরা তাঁহার Lyrics of Ind নামক ইংরেজী
কাব্য-গ্রন্থে পাই।



দ্বিজেন্দ্রলাল রায়

—যোগীন্দ্রনাথ বসুর মৃত্যু (১৩৩৪)—ইঁহার রচিত গ্রন্থ—
মাইকেল মধুসূদন দত্তের জীবনী, অহল্যাবাই, তুকারাম
চরিত, দেববালা, পতিব্রতা, পৃথ্বীরাজ, শিবাজী প্রভৃতি।

ইহার কবিত্বশক্তিও অসাধারণ—‘ভারতের মানচিত্র’ নামক সর্বজনপ্রিয় কবিতা ইহারই বিরচিত। স্যর গুরুদাস, স্যর আশুতোষ প্রভৃতি ইহার গুণমুগ্ধ হইয়া প্রকাশ্য সভায় ইহাকে কবিত্বশক্তি উপাধিতে সমলঙ্কৃত করেন।



যোগীন্দ্রনাথ বসু

—রায় বাহাদুর শরচ্চন্দ্র দাসের জন্ম (১২৫৫)—বহু দেশ পর্যটন করিয়া ইনি বহু অভিজ্ঞতা লাভ করেন এবং ভ্রমণ-শেষে ‘তিক্ত-ভ্রমণ রত্নাকর’ নামক গ্রন্থ প্রকাশিত করেন। ১৮৯২ খৃষ্টাব্দে ইনি Buddhist Text Society স্থাপন করেন। ১৯০২ খৃষ্টাব্দে Tibetan English Dictionary সম্পূর্ণ করেন। ইতিহাস, সাহিত্য, ধর্ম-তত্ত্ব ও তিক্ত সংস্কৃত ভারতীয় প্রভৃতি ইহার পারদর্শিতা অসাধারণ।

৬ই—ত্রৈলোক্যনাথ মুখোপাধ্যায়ের জন্ম (১২৫৪)—ইহার রচিত গ্রন্থ—Visit to Europe, Art Manufactures of India প্রভৃতি। জন্মভূমি নামক পত্রিকায় ইনি বহু প্রবন্ধাদিও লিখিতেন। “বিশ্বকোষ” অভিধান ইনি ও ইহার অগ্রজ রঙ্গলাল মুখোপাধ্যায় প্রথমে আরম্ভ করেন।

৮ই—প্যারীচাঁদ মিত্রের জন্ম (১২২১)—ইনি স্বীয় গ্রন্থাদিতে টেকচাঁদ ঠাকুর এই কল্পিত নাম ব্যবহার করিতেন। ইহার রচিত গ্রন্থ—আলালের ঘরের দুলাল, রামারঞ্জিকা, মদ খাওয়া



প্যারীচাঁদ মিত্র

বড় দায় জাত থাকার কি উপায়, আধ্যাত্মিকতা, অভেদী ও ডেভিড হেয়ারের জীবন-চরিত। বিশেষতঃ ইনি প্রেততত্ত্ব ও অধ্যাত্ম-বিজ্ঞান আলোচনা করিতেন। ইনি ‘মাসিক পত্রিকা’ নামক একখানি পত্রিকার প্রবর্তন করেন।

—বেঙ্গল একাডেমী অব লিটারেচারের প্রতিষ্ঠা (১৩০০)।
—শরচ্চন্দ্র শাস্ত্রীর জন্ম (১৭৮৪ শক);—
‘শঙ্করাচার্য্য’ এবং ‘রামানুজ’ ইহার দুইটি উৎকৃষ্ট

গ্রন্থ। ইনি দাক্ষিণাত্য ভ্রমণ করিয়া দেশের অনেক কৌতুকপূর্ণ বস্তু প্রকাশ করেন।

চন্দ্রশেখর বসুব জন্ম (১২৪০)।

—লঙ্ সাহেবের কারাদণ্ড (১৮১১ খৃঃ)—ইনি বাঙ্গলা

১০ই—‘সংবাদ রত্নমালা’ প্রকাশিত (১২৩১)

—কৃষ্ণদাস পালের মৃত্যু (১৩২১)—ইনি হিন্দু পেট্রিয়ার পত্রের পরিচালনার ভার প্রাপ্ত হইয়া সুযোগাভাবে উহার পরিচালনা করেন। কোন কার্য ইনি অসম্পূর্ণ রাখিতেন।



গেভারেল জেন্স লঙ্

ভাষা উত্তমরূপে শিখিয়াছিলেন। ইহার রচিত গ্রন্থ—
বাঙ্গলার অধিবাসী, ভাষা ও সাহিত্য সম্বন্ধে লিখিত।
১৮১১ খৃষ্টাব্দে “নীলদর্পণ” নাটকের ইংরেজী অনুবাদে
সহায়তা করায় এবং উহার মুখবন্ধ লেখায় নীলকরগণ
কর্তৃক ইনি অর্ধদণ্ড ও কারাদণ্ডে দণ্ডিত হন।।

—বিহারীলাল চক্রবর্তীর জন্ম (১২৪২)।

১১ই—স্বরকানাথ গুপ্তের জন্ম (১২৩০)

—কালীপ্রসন্ন সিংহের মৃত্যু (১২৭৭)—মহাভারতের
বাঙ্গলা অনুবাদ ইহার অমর কীর্তি। অতি তরুণ বয়স
হইতেই ইনি সাহিত্য-চর্চার পথে অগ্রসর হ'ন। ইনি
বেণীসংহার, বিক্রমোর্কশী, মালতী-মাধব প্রভৃতি নাটকের
বঙ্গানুবাদ করেন। বঙ্গেশবিজয়, সাবিত্রী সত্যবান, ছতোম
পৌচার মন্না প্রভৃতি গ্রন্থ ইহারই রচিত।



রাজেন্দ্রলাল মিত্র

না।

১১ই—রাজেন্দ্রলাল মিত্রের মৃত্যু (১২৯৮)—ইনি
একজন প্রসিদ্ধ প্রত্নতত্ত্ববিদ। ইনি মোট ১২৮ খানি
পুস্তক প্রণয়ন করেন। তন্মধ্যে ১০খানি বাঙ্গলা ও ১৩
খানি সংস্কৃত। বাঙ্গলা, সংস্কৃত, ইংরেজী, পারস্য, উর্দু,
হিন্দী, গ্রীক, লাতিন, ফরাসী, জার্মান প্রভৃতি ভাষায় ইনি
বিশেষ ব্যুৎপত্তি লাভ করিয়াছিলেন। ইহার লিখিত
বিবিধার্থসংগ্রহ, প্রকৃতি ভূগোল, পত্রকৌমুদী, ব্যাকরণ
প্রবেশ, রহস্যসন্দর্ভ, মিবারের ইতিহাস, শিবাজীর জীবনী
প্রভৃতি গ্রন্থগুলি বঙ্গ-সাহিত্যের অমূল্য রত্ন। হিন্দু পেট্রিয়ার
পত্রে ইনি বহু প্রবন্ধাদি লিখিয়া এই পত্রের বহুল উন্নতি
সাধন করেন।

—বহারীলাল চক্রবর্তীর মৃত্যু (১৩০১)।

১২ই—রজনীকান্ত সেনের জন্ম (১২৭২)—বাল্যকাল হইতেই রজনীকান্তের কবি-প্রতিভা বিকাশপ্রাপ্ত হইয়া ছিল। ইহার কাব্য গ্রন্থ—বাণী, কল্যাণী, আনন্দময়ী, সস্তাব-কুমুম, অমৃত, বিশ্রাম ও অভয়া।



রজনীকান্ত সেন

—বিধবা-বিবাহ বিষয়ক আইন পাশ (১২৬৩)

১১ই—ঈশ্বরচন্দ্র বিদ্যাসাগরের মৃত্যু (১২৯৮)—

—কালীপ্রসন্ন ঘোষের মৃত্যু (১৩১৪)—ইনি 'প্রভাত চিন্তা, নিভৃত-চিন্তা প্রভৃতি অনেকগুলি গ্রন্থ প্রণয়ন করেন। ইনি 'বান্ধব' নামে একটি মাসিক পত্রও প্রকাশ করিয়াছিলেন। ইহার ন্যায় চিন্তাশীল লেখক হুলুভ।

১৬ই—রাম বাহাদুর ডাঃ চুণীলাল বসু মহাশয়ের মৃত্যু (১৩৩৭, শনিবার) ইনি বঙ্গীয়-সাহিত্য-পরিষদের বহু দিন সহঃ সভাপতির পদে অধিষ্ঠিত ছিলেন ও বহু সামাজিক ও সাহিত্য-বিষয়ক কার্যে সংশ্লিষ্ট ছিলেন।

১৭ই—কালীকৃষ্ণ মিত্র মহাশয়ের মৃত্যু (২রা আগষ্ট, ১৮৯১ খৃষ্টাব্দ)—ইনি বিধবা-বিবাহ, কৃষি-বিদ্যা, স্ত্রী-শিক্ষা মাদক নিবারণ, গার্হস্থ্য ব্যবস্থা, শিশু-চিকিৎসা প্রভৃতি বহু গ্রন্থ প্রণয়ন করেন।

২০শে—মহামহোপাধ্যায় প্রসন্নচন্দ্র বিদ্যারত্নের জন্ম (১৮৪২ খৃঃ ৫ই আগষ্ট) —মহা পণ্ডিত হইয়াও ইনি বাঙ্গলা সাহিত্য-চর্চা বিশেষরূপে করেন নাই।

—মহারাজ নন্দকুমারের ফাঁসি (১৭৭৫ খৃঃ)

২১শে—দেবেন্দ্রনাথ দাসের জন্ম (১২৬৩)—ইনি একজন অসাধারণ বাগ্মী ছিলেন। পাঁচ বৎসরে তিনি ৩১ খানি ইংরেজী পুস্তকের নোট প্রস্তুত করেন।

২২শে—উপেন্দ্রনাথ দাসের মৃত্যু (১৩০২)—ইহার রচিত নাটক—শরৎ-সরোজিনী, সুরেন্দ্র-বিনোদিনী ও দাদা ও আমি।

—কালীপ্রসাদ ঘোষের জন্ম (১৮০৯ খৃঃ)—ইনি বহু ইংরেজী ও বাঙ্গলা পদ্য ও গদ্য রচনা করেন। তন্মধ্যে On Bengali Works and Writers, Shair and

other poems, Memoir of Native Dynasties উল্লেখযোগ্য। ১৮৪৫-৪৬ খৃষ্টাব্দে The Hindu Intelligencer নামক একখানি সাপ্তাহিক পত্রিকা প্রচার করেন।

২৩শে—কিশোরীচাঁদ মিত্রের মৃত্যু (১২৮০—৬ই আগষ্ট, ১৮৭৩)—ইনি Calcutta Review পত্রের প্রথম



ঈশ্বরচন্দ্র বিহারী

বাঙ্গালী লেখক। ইনি Indian Field নামক একগানি সাপ্তাহিক পত্র প্রকাশ করিয়া তাঁহার সাহিত্য-সাধনার বিশেষ পরিচয় দেন। স্বর্গীয় দ্বারকানাথ ঠাকুরের একটি জীবনী ইনি প্রণয়ন করেন।

২৫শে—অমূল্যচরণ বসুর জন্ম (১০ই আগষ্ট, ১৮৬২)

২৬শে—কবিরাজ ষামিনীভূষণ রায়ের মৃত্যু (১৩৩২)

—অষ্টাঙ্গ আয়ুর্বেদীয় বিদ্যালয় এবং আয়ুর্বেদীয় আরোগ্য-শালা ইহার চিরস্মরণীয় কীর্তি। ইনি কলিকাতার একজন বিখ্যাত চিকিৎসক।

২৭শে—ত্রীকূপ গোস্বামীর মৃত্যু তিথি।

২৯শে—বহু ভাষাবিদ হরিনাথ দে মহাশয়ের জন্ম (১২৮৪)—অল্প বয়সেই ইনি ২০টি ভাষায় ব্যুৎপত্তি লাভ করেন—তন্মধ্যে ১৪টি ভাষায় এম-এ পাশ দেন। ইনি বহু কবিতা নানা ভাষায় অনুবাদ করেন এবং তাহাদের মধ্যে অনেকগুলি Herald পত্রিকায় প্রকাশিত করেন। অতি কম বয়সে ইহার ত্রয় ভাষাবিদ জগতে বিরল।

—রমেশচন্দ্র দত্তের জন্ম (১২৫৫)—ইহার রচিত গ্রন্থ

—মাধবীকঙ্কণ, বঙ্গ-বিজেতা, জীবনপ্রভাত, জীবনসঙ্ক্যা, সংসার, সমাজ, Ancient civilization in India,

Lays of Ancient India, Ramayana and Mahabharata in English Verse, Economic History of British India, The slave girl of Agra, The lake of palms ইত্যাদি।

৩০শে—শ্রীশ্রীরামকৃষ্ণ পরমহংস দেবের দেহত্যাগ (১২৯৩)

৩১শে—দামোদর মুখোপাধ্যায়ের মৃত্যু (১৩১৪)— ইনি একজন প্রসিদ্ধ ঔপন্যাসিক। ইহার প্রথম কথা গ্রন্থ মন্বয়ী : অত্যাচ গ্রন্থ—মা ও মেয়ে, দুই ভগিনী, বিমলা, কন্দক্লেত্র, শান্তি, সোনার কমল, যোগেশ্বরী, অন্নপূর্ণা, সপত্নী, নবাব-মন্দিরী, ললিতমোহন, অমরাবতী, নবীনা প্রভৃতি। এতদ্ভিন্ন ইনি ৯টি টীকা ভাষ্য ও সুবিস্তৃত ব্যাখ্যাসহ শ্রীমদ্ভগবদ্গীতার এক সংস্করণ প্রকাশ করেন। ইনি জ্ঞানাস্কুর, প্রবাহ, ও একখানি ইংরেজী পত্রিকার সম্পাদকতা করিয়াছিলেন।

২১এ—সংস্কৃত সাহিত্য-পরিষদের প্রতিষ্ঠা (১৩২৩, রবিবার)। ইহার প্রথমে নাম ছিল 'বঙ্গীয় ছাত্র-সমিতি।' প্রতিষ্ঠার পাঁচ মাস পরে নাম হয় "সংস্কৃত-সাহিত্য-পরিষৎ।" উদ্দেশ্য সংস্কৃত মাসিকপত্র, সংস্কৃত নাটকান্ধিনয়, সংস্কৃত



কালীপ্রসন্ন ঘোষ

প্রবন্ধ পাঠ, সংস্কৃত ভাষায় বক্তৃতা, সংস্কৃত প্রাচীন গ্রন্থের সংগ্রহ ও প্রকাশ :এবং সংস্কৃত ভাষা ও সাহিত্যের প্রতি সাধারণের অনুরাগবর্ধন।

২৩শে—অবিনাশচন্দ্র ঘোষ এম-এ বি-এল'এর জন্ম (১২৬১)। ইহার রচনা—বিবিধ (বামাবোধিনী ১৮৭১); Two editorials in the Bengali reviewing Barooah's Eng-Sanskrit Dictionary (১৮৭৭); Kalidasa—A Study (১৮৮৩, সংশোধিত ১৯১১), অধিকা দেবজায়ার চতুর্থাহক্রিয়ায় পঠিত প্রবন্ধ বামাবোধিনী (১৮৯৪); শ্রদ্ধে পঠিত প্রবন্ধ (ভবকোমুদী)। প্রীতি-গীতি (১৮৯৯); Life of Girish Chander Ghose (১৯১১) Modern Review (1912); পত্রে কুঞ্জলাল ভিষগ্ৰন্থের English Translation of Sushruta Samhita Vol. 1. নামক গ্রন্থের সমালোচনা—১৯০৭।

আরবী ও পার্সী মূলক বাঙ্গলা শব্দ সংগ্রহ (১৯১৯); বার্ককা, শৈশব, যৌবন (প্রবাসী); জীবনের সুখ দুঃখ (নব্যভারত); প্রেম (আর্য্যাবর্ত); বন্ধুত্ব, আতিথ্য, বন্ধে

পর্ভুগীজ প্রভাব ও বক্তব্যায় পর্ভুগীজ পদ্য (সাহিত্য-পরিষৎ-পত্রিকা)—১৯১০ শিশুচুরি (বাহ্য-সমাচার) অচ্যুতানন্দ বাবাজী, প্রাচীন বাঙ্গলা সাহিত্যে বাঙ্গালীর জীবনের ছায়াপাত (মাসিক ও নব্যভারত পত্রিকায় প্রকাশিত) ১৯১২ বিপিনবিহারী গুপ্ত পুরাতন প্রসঙ্গের সমালোচনা (প্রবাসী) শিশুর শোকে বৃদ্ধের মর্শোচ্ছ্বাস Life of Docowry Ghose (Hinaoo Patriot ৩রমাসুন্দরী ঘোষ (সুপ্রভাত—১৯১৩) নরদেব শিষ্যচন্দ্র দেব ও তৎসহধর্মিনীর জীবনালেখ্য (বীরেন্দ্রনাথ মিত্র কর্তৃক প্রকাশিত)—১৯১৮—আত্মজীবনী (১৯২০—২১) শাস্তির বল (অর্চনা পত্রিকায় প্রকাশের পর) ১৯২৪—২৫ গাথা সপ্তশতী (মাসিক বন্ধুমতী), সংস্কৃত ভাষার শব্দ-কাব্য, মহাভারতের প্রধান চিত্র (মাসিক বন্ধুমতী), রামের চরিত্রছোতক একটি মর্শোচ্ছ্বাস বাতায়ন, মৃত্যুর আসামী, কবি ও কাব্য, কুলত্যাগিনী—১৯২৬ Character and anticedent of Late Babu Gopal Chander Bose of Colootola—:৮১৭ 'সংস্কৃত উদ্ভট শ্লোকের পঞ্চানুবাদ—১৯২৮

মাসপঞ্জী

শ্রাবণ

১লা—কলিকাতায় দেশীয় সংবাদপত্রসেবোদিগের সভা ও নবজীবন প্রেস বাজেয়াপ্ত সম্বন্ধে আলোচনা। প্রেসি-ডেন্সি কলেজে পুলিশ ও পিকেটারদিগের সংঘর্ষ। বহু ছাত্র অক্ষুণ্ণিত। কলেজ-গৃহে প্রবেশ করিবার অক্ষমতির জন্য সুর মীলরতন সরকারের ব্যর্থ প্রয়াস। বারাণসীতে শ্রীযুক্ত প্যাটেলের সম্বন্ধনা। বড়লাট কর্তৃক সুর তেজ-বাহাদুর সঙ্গ ও মিঃ জয়াকরকে মহাত্মা গান্ধী, পণ্ডিত মতিলাল ও জহরলালের সহিত জেলে সাক্ষাৎ করিবার অক্ষমতি প্রদান।

২রা—সিমলা আইন-পরিষদে মহাত্মা গান্ধীর মুক্তি সম্বন্ধে আলোচনা। সিমলায় সুর জর্জ স্রাকচারের

ভারতের অর্থনৈতিক অবস্থা-বিষয়ে বক্তৃতা।

পেশোয়ারের দাঙ্গার তদন্ত বিষয়ে কংগ্রেস ওয়াকিং কমিটির অভিমত।

৩রা—মাদুরায় জনতার উপর পুলিশের গুলিবর্ষণ। ভারতীয় রাজনৈতিক সমস্যা বিষয়ে বিকানীর-মহারাজের মস্তব্য প্রকাশ। আটলান্টিক মহাসাগরে জাহাজ অগ্নিদগ্ধ।

৪ঠা—লণ্ডনে সুর বিনোদ মিত্রের মৃত্যু। বারাণসীতে 'কংগ্রেসের সহিত মহাত্মা গান্ধীর সম্বন্ধ' বিষয়ে শ্রীযুক্ত প্যাটেলের ওজস্বিনী বক্তৃতা। জব্বলপুরে পুলিশের গুলিবর্ষণ—১৫ জন আহত।

৫ই—মহাত্মা গান্ধীর সহিত সাক্ষাৎ করিবার উদ্দেশে

শ্রীযুক্ত সঞ্জ ও জয়াকরের বোম্বাইয়ে উপস্থিতি। লক্ষ্যে মোস্‌লেম্ কমফারেন্সে সাইমন রিপোর্টের তীব্র প্রতিবাদ। বোম্বাইয়ে পিকেটিং করার অপরাধে ৪৬ জন রমণী গ্রেপ্তার।

মৃত। বহু অটালিকা ভূমিসং। বড়বাজারে পিকেটিংএর জন্য ৪ জন মহিলা গ্রেপ্তার। শ্রীযুক্ত সুভাষ বহুর দুর্ভাগ্যের বৃদ্ধি। অন্যান্য রাজবন্দীদের অনশন ব্রত-পালন।

১০ই- কলিকাতায় শ্রীযুক্ত যতীন্দ্রনাথ বহুর সভাপতিত্বে




বাল গঙ্গাধর তিলক

৬ই—লণ্ডনের ইষ্ট ইণ্ডিয়া এসোসিয়েসনে শ্রীযুক্ত শ্রীনিবাস শাস্ত্রী কর্তৃক সাইমন রিপোর্টের প্রতিবাদকল্পে বক্তৃতা। শ্রীযুক্ত সঞ্জ ও জয়াকর মহাত্মার সহিত সাক্ষাৎ করিবার পথে পুনায় উপস্থিতি। কলিকাতায় সর্বত্র পিকেটিং ও বহু গ্রেপ্তার।

৭ই—সুয়েজে ভীষণ দাঙ্গা। ১০০০ জন লোক গ্রেপ্তার। ঢাকায় কলেজ-ছাত্রদিগের সহিত পুলিশের সংঘর্ষ। জর্নৈক কলেজের ছাত্র নিহত। শ্রীযুক্ত সঞ্জ ও জয়াকরের মহাত্মা গন্ধী ও শ্রীমতী নাইডুর সহিত যাববেদা জেলে সাক্ষাৎকার। কলিকাতায় বড়বাজারে পিকেটিংএর জন্য ২২ জন মহিলা পিকেটার গ্রেপ্তার। শ্রীযুক্ত সুভাষ বহুর আলিপুর জেলে অনশন-ব্রত।

৮ই—মহিলা পিকেটারদিগের গ্রেপ্তারের প্রতিবাদকল্পে কলিকাতায় হরতাল। ডাঃ আরকুহাটের সভাপতিত্বে স্বর্গীয় কৃষ্ণদাস পালের স্মৃতিসভার অধিবেশন। বড়বাজারে পিকেটিংএর জন্য ৭ জন মহিলা গ্রেপ্তার। রোমে ভীষণ ভূমিকম্প—১৭৭৮ জন মৃত, ৪২৬৪ জন আহত। ঢাকার অবস্থা শঙ্কাজনক।

৯ই—ইতালীর আয়েয়গিরি উদগীরণ। বহু ব্যক্তি



আবুল কালাম আজাদ

জীবনবীমার এজেন্টদিগের সম্মিলন। বিলাতী জীবনবীমা কোম্পানী বর্জনের প্রস্তাব গৃহীত। আলিপুর সেন্ট্রাল জেল অভিযুক্ত ছাত্রদিগের শোভাযাত্রা। সিঙ্গদেশে বঙ্গীয় একশত গ্রাম জলপ্লাবিত।

১১ই—ধুবড়ীতে ভীষণ ভূমিকম্প। তিন মাস কার্যে উপস্থিত হইতে না পারায় শ্রীযুক্ত সেনগুপ্তের মেয়রের কার্য কাল সমাপ্ত।

১২ই নাইমী জেলে শ্রীযুক্ত সঞ্জ ও জয়াকরের সহিত পণ্ডিত মতিলালের ৪ ঘণ্টা ব্যাপী পরামর্শ। নোয়াখালীতে ঘূর্ণী বায়ুর দরুণ বহু ক্ষতি।

১৩ই—শ্রী নীলরতন সরকারের সভাপতিত্বে কলিকাতায় স্বর্গীয় ঈশ্বরচন্দ্র বিদ্যাসাগরের স্মৃতি-বার্ষিকী সভার অধিবেশন। হাইকোর্টে শ্রীযুক্ত সতীন সেনের মাফলা। কলিকাতা রোটারী ক্লাবে কুমার শিবশেখরেশ্বর রায়ের বক্তৃতা। বঙ্গীয় হাঁসপাতাল সমূহের জন্য সাধারণের নিকট সাহায্য প্রার্থনা।


১৪ই—পুণাতে ভারতের বর্তমান সমস্যা বিষয়ে লোলাপুরের মহারাজের বক্তৃতা। কলিকাতায় স্কটিশচার্চ কলেজে পিকেটিংএর কলে পিকেটারদিগের সহিত পুলিশের সংঘর্ষ।

লণ্ডনে লর্ড সভায় লর্ড বার্ণহামের গোল-টেবিল বৈঠক সম্বন্ধে আলোচনা।

১৫ই—লাহোরে পুলিশ কর্তৃক একটি বাটিতে ১২টি বোমা আবিষ্কার। মহাত্মা গান্ধীর সহিত বারবেদা জেলে ত্রীযুক্ত জয়াকরের সাক্ষাৎ।

বোম্বাইয়ে ১৫ জন পিকেটার গ্রেপ্তার। পণ্ডিত মতিলাল ও জহরলাল নেহরুকে বারবেদা জেলে মহাত্মা গান্ধীর সহিত সাক্ষাতের উদ্দেশ্যে আনয়নের জন্য ত্রীযুক্ত জয়াকরের বড় লাটের নিকট অনুমতি প্রার্থনা। লণ্ডনে ভারত-সমস্যা বিষয়ে সত্ৰাট পঞ্চম জর্জের বক্তৃতা।

১৬ই—চট্টগ্রামে অজ্ঞাংগার লুণ্ঠনের মামলার শুনানী। তিলক স্ব ত-বাষিকী সভার অনুষ্ঠান হয়।



আচার্য্য প্রফুল্লচন্দ্র রায়

১৭ই—পণ্ডিত মদনমোহন মালব্য ও ত্রীযুক্ত বল্লভভাই প্যাটেল গ্রেপ্তার। আবুল কালাম আজাদের প্যাটেলের পদগ্রহণ। ডাক্তার চুনীলাল বসুর পরলোক প্রাপ্তি।

১৮ই—পণ্ডিত মালব্যজী ও ত্রীযুক্ত প্যাটেলের গ্রেপ্তারের প্রতিবাদ কল্পে কলিকাতায় হরতাল।

১৯এ—হায়দ্রাবাদে কংগ্রেস সেচ্ছাসেবকদিগের সহিত পুলিশের সংঘর্ষ। চট্টগ্রামের মামলার সাক্ষ্য গ্রহণ।



ডাঃ চুনীলাল বসু

২০এ—কলিকাতা কর্পোরেশনে মেয়র নির্বাচন ব্যাপার লইয়া হলুস্থল।—বড় লাট কর্তৃক পণ্ডিত মতিলাল ও জহরলালকে মহাত্মা গান্ধীর সহিত সাক্ষাতের অনুমতি প্রদান।

২২এ—বারাকপুরে স্বর্গীয় সুরেন্দ্রনাথ বন্দ্যোপাধ্যায় মহাশয়ের স্মৃতি-সভায় কুমার শিবশেখরেশ্বর রায়ের মিউনিসিপ্যাল নির্বাচন সম্বন্ধে বক্তৃতা। বোম্বাই গবর্নমেন্টের ১ কোটি টাকা রাজস্ব হ্রাসে আশঙ্কা।

২৩এ—পণ্ডিত মালব্য ও ত্রীযুক্ত প্যাটেলের তিলক শোভাযাত্রায় যোগদানের অপরাধে মালব্যজীর ১০০, জরিমানা এবং ত্রীযুক্ত প্যাটেলের ৩ মাস কারাদণ্ডের আদেশ। ব্রিটেনিয়া ও রুম্যানিয়ার বাণিজ্য-সর্ত্তে সন্ধি-পত্রে স্বাক্ষর।

২৪এ—কোন অজ্ঞাতনানা ব্যক্তি ১০০ টাকা জমা দেওয়ায় পণ্ডিত মালব্যের মুক্তি। পেশোয়ারে হাকামা।

আলোচনা

[প্রাচ্যবিজ্ঞানমহার্ণব ত্রীনগেন্দ্রনাথ বসু]

প্রাচীন বঙ্গে দত্তবংশের প্রভাব

মুসলমান আগমনের বহু পূর্বে হইতেই দত্তবংশের প্রভাব সমগ্র বঙ্গে প্রসারিত হইয়াছিল তাহার স্পষ্ট পরিচয় বাঙ্গলার নানা স্থান হইতে আবিষ্কৃত স্থপ্রাচীন তাম্রশাসন হইতে পাওয়া গিয়াছে। নিম্নে তাহার কথঞ্চিৎ পরিচয় দিতেছি।

দামোদরপুরের তাম্রশাসন

দিনাজপুর জেলার ফুলবাড়ী স্টেশন হইতে ৪ ক্রোশ দূরে দামোদর-পুর গ্রাম অবস্থিত। এই গ্রাম হইতে এখানি স্থপ্রাচীন তাম্রশাসন পাঠে জানা যায়, মহারাজাধিরাজ কুমারগুপ্তের অধীনে চিরাতদন্ত পুণ্ড্রবর্ধনভুক্তির প্রধান উপরিক ছিলেন। তাহার অধীনে কুমারামাত্য বেত্রবর্মা কোটিবর্ষবিষয় শাসন করিতেন।

তৃতীয় ও চতুর্থ তাম্রশাসন দুইখানি মহারাজাধিরাজ বৃথগুপ্তের সময়ে ১৩৩ খ্রীষ্টাব্দে প্রদত্ত হয়। এই দুইখানিতে লিখিত আছে, মহারাজাধিরাজ বৃথগুপ্তের অধীনে প্রথমে মহারাজ ব্রহ্মদত্ত ও তৎপরে মহারাজ জয়দত্ত পুণ্ড্রবর্ধনভুক্তির উপরিক ছিলেন।

পঞ্চম তাম্রশাসন ২১৪ খ্রীষ্টাব্দে মহারাজাধিরাজ ভাসুগুপ্তের সময়ে প্রদত্ত হয়। ইহাতে উপরিকের নাম অস্পষ্ট হইলেও তাহার মহারাজ উপাধি স্পষ্টভাবে আছে। উক্ত ৫ খানি তাম্রশাসনেই উপরিক ব্যতীত দত্ত উপাধিধারী আরও কয়েকজন প্রধান রাজকর্মচারীর নাম পাওয়া যায়। উপরিক ব্যতীত প্রথম ও দ্বিতীয় তাম্রশাসনে পুস্তপাল (Record-keeper) ঋষিদত্ত ও বিভুদত্ত, চতুর্থ তাম্রশাসনে প্রথমকুলিক বরদত্ত, পুস্তপাল বিকুদত্ত এবং পঞ্চম তাম্রশাসনে সাধবাহ হামুদত্ত, প্রথমকুলিক মতিদত্ত ও পুস্তপাল গোপদত্তের নাম পাওয়া যায়।

গুণাইঘরের তাম্রশাসন

ত্রিপুরার গুণাইঘর গ্রাম হইতে অজদিন হইল মহারাজ বৈশ্যগুপ্তের একখানি তাম্রশাসন আবিষ্কৃত হইয়াছে। এই তাম্রশাসন পাঠে জানা যায়, ১৮৮ খ্রীষ্টাব্দে মহারাজ ব্রহ্মদত্তের বিজ্ঞাপন অনুসারে মহারাজ বৈশ্যগুপ্ত মহাবানমতাবলম্বী শাক্য-ভিক্ষাচার্য শান্তিদেবের উদ্দেশে উক্ত তাম্রশাসন দান করিয়াছিলেন। মহারাজ বৈশ্যগুপ্ত ভগবান্ মহাদেবপাদানুধ্যাত অর্থাৎ মহাশৈব বলিয়া পরিচিত হইলেও মাতাপিতা ও নিজের পুণ্যভূক্তির আশায়

মহারাজ ব্রহ্মদত্তের দ্বারা মহাবানিক বৈবর্তিক ভিক্ষুসংঘের পূজিত ভগবান্ বুদ্ধের সর্বকালীন পূজা ভোগাদি এবং বিহারের ব্যয়াদি নির্বাহের জন্য উক্ত তাম্রশাসন দ্বারা বহু ভূমি দান করিয়া-ছিলেম। এই তাম্রশাসনখানি যিনি লিখিয়াছেন তিনি “সঙ্ঘ-বিগ্রহাধিকারীকরণকারহ নরদত্ত।”

ধাপরাহাটীর তাম্রশাসন

করিমপুর জেলার অন্তর্গত ধাপরাহাটী গ্রাম হইতে চারিখানি অতি প্রাচীন তাম্রশাসন পাওয়া গিয়াছে। তন্মধ্যে প্রথম দুইখানি মহারাজাধিরাজ ধর্মাদিত্যের রাজ্যকালে উৎকীর্ণ। “তৎপ্রসাদলকা-পদে মহারাজ হামুদত্তের” আধিপত্যকালে তন্নিবৃত্ত বারকমণ্ডলের বিষয়পতি ছিলেন জজাব।

অপর দুইখানি তাম্রশাসনের মধ্যে একখানি মহারাজাধিরাজ গোপচন্দ্রের ও অপর খানি মহারাজাধিরাজ সমাচার দেবের রাজ্যকালে উৎকীর্ণ। শেষোক্ত তাম্রশাসনে লিখিত আছে, “মহারাজাধিরাজ শ্রীসমাচারদেবে প্রভপত্যোতচরণকমলভূগলারাধনোপান্ত নব্যাবকাশি-কারাং সুবর্ণবীধ্যাধিকৃতান্তরঙ্গ উপরিকজীবদত্তত্তদনুমোদিতক—বারক-মণ্ডলে বিষয়পতি পবিত্রক” অর্থাৎ মহারাজাধিরাজ শ্রীসমাচারদেবের রাজ্যে সেই নৃপতির চরণভূগল আরাধনা করিয়া যিনি নব্যাবকাশিকা লাভ করিয়াছেন এবং যিনি সুবর্ণ-বীথির অধিকারে এবং অন্তরঙ্গ উপরিক পদে অধিষ্ঠিত ছিলেন সেই জীবদত্তের শাসনকালে তাহার অনুমোদনে নিবৃত্ত বারকমণ্ডলে বিষয়পতি হইতেছেন পবিত্রক।

বিষয়পতির পদ আধুনিক Divisional Commissioner অপেক্ষা বড় ছিল, তাহার উপর ছিলেন উপরিক। এই উপরিকের শাসনাধীনে মণ্ডল বা ভুক্তি অর্থাৎ এক একটা প্রদেশ থাকিত, সুতরাং উপরিককে প্রাদেশিক শাসনকর্তা (Governor) মণ্ডলের অধিপতি বলিয়া মাণ্ডলিক এবং ‘মহারাজ’ উপাধিতে ভূষিত থাকার সামন্ত নৃপতি বলিয়া মনে হয়। মহারাজাধিরাজের নাম মাত্র অধীনতা স্বীকার করিলেও প্রকৃত প্রস্তাবে তাহার স্বাধীন বা দত্ত-মুণ্ডের কর্তা ছিলেন। যেমন মুসলমান আমলে দত্তবংশের প্রায় সমগ্র বঙ্গে দত্তবংশের অসাধারণ প্রভাব ছিল, দেড় হাজার বর্ষ পূর্বেও সেইরূপ সমগ্র বঙ্গে দত্তবংশের উত্তোষিক প্রভাব ও শান্তির আভাস পাইতেছি।

মেঘদূত

[অধ্যাপক শ্রীপ্যারীমোহন সেনগুপ্ত]

উত্তর মেঘ

(৪০)

তোমার কৃশ তনু, তাহারো দেহ কৃশ, তাপিত তুমি, সেও তাপী সদাই ;
অঁখিতে তব জল, তাহারও অবিরল ঝরিছে অঁখিধার, বিরাম নাই ।
তোমারি সম সেও রহে যে উদ্বেগে, আসিতে অক্ষম, বিধি নিষ্ঠুর ;
উষ্ণ শ্বাসে সে যে তাপিত তব সাথে মিশিছে মনে মনে রহি' স্তদূর ।

(৪১)

সখীর সমুখে যা উচ্চে বলা যায়, বদন-পরশের করিয়া লোভ,
কহিত সে-কথা যে তোমার কানে কানে, তোমার প্রিয় সেই পূর্ণ-ক্লেভ
শ্রবণাতীত এবে, দৃষ্টি হ'তে দূরে, গভীর উদ্বেগে রচিয়া পদ
আমার মুখে কথা তোমারে পাঠায়েছে বিরহব্যথাতুর মন্তবৎ ।

(৪২)

“তোমার অঙ্গের হেরিতে লীলাদোল শ্যামলা লতিকার পাশে যে যাই ;
চন্দ্রে হেরি, প্রিয়া, তোমার মুখছবি, হরিণী-চোখে তব নয়ন পাই ;
ময়ূর-পুচ্ছেতে তোমার কেশভার, নদীর ঢেউএ তব ক্রুর বিলাস ;
তথাপি এক ঠাই কভু না হেরি, সখি, তোমার সে মূরতি, যে লীলা, হাস ।

(৪৩)

“কুপিতা তুমি যেন রয়েছ মানভরে,—শিলায় ধাতুরাগে অঁকিয়া, সই,
যেমনি আপনারে তোমার পদমূলে অঁকিতে আমি ধীরে নিরত হই,
উছলি' অঁখিধার ঝরয়ে বারবার, দৃষ্টিপথ মোর করয়ে রোধ ;
বিধাতা দোঁহার নিরমম, সমাগম চিত্রে তাও সে যে করে বিরোধ ।

(৪৪)

“স্বপনে যদি, প্রিয়া, দরশ লভি তব, আবেগে পেতে তোমা বাহুর পাশ,
বিধারি' বাহুযুগ' শূন্যে পাতি বুক ব্যাকুল উল্লাসে করিয়া আশ ;—
আমার দশা হেরি' বনানী-দেবতার অশ্রু ফোঁটা ফোঁটা মুকুতা প্রায়
কত না ঝরি' যায় তরুর কিশলয়ে আমার প্রতি প্রীতিকুপায় হায় ।

(৪৫)

“টুটিয়া দেবদারু তরুর কিশলয় মাথিয়া নির্যাস অঙ্গময়,
 সুরভি বায়ু আসে দখিণ-মুখে ছুটে পরশি’ হিমাচল তুয়ারালয় ;
 হয়ত তোমারে সে পরশে করি’ আসে, হে প্রিয়া, মনে মনে ভাবিয়া তাই
 বন্ধে বাঁধিবারে শীতল সে পবন ব্যাকুল চিতে আমি ছুটিয়া যাই ।

(৪৬)

“চটুলনয়না গো, মুহুর্তেরি মত কেমনে ছোট করি দীর্ঘ রাত ?
 কেমনে দিবসের দহন-সস্তাপ নিবারি’ হয় হৃদে শৈত্যপাত ?—
 ভাবিয়া নাহি কুল, নিয়ত বেয়াকুল, রহি যে নিরুপায় ঘুচাতে ক্লেশ ;
 জগতে দুর্লভ যাহা তা হিয়া চায়, কবে এ বিরহের হবে গো শেষ ?

(৪৭)

“শুন গো কল্যাণী, ভাবনা বহু সহি’ হৃদয় অবশেষে করি যে থির ;
 নিরাশ হ’য়ো নাকো, দহন ভুলে থাকো, চিন্ত করো তব শাস্ত ধীর ।
 কেহ না এ ধরায় নিয়ত সুখ পায়, কেহ না লভে সদা দুঃখদায় ;
 ভাগ্য অবিরত চক্রনেমি মত উপরে উঠে পুনঃ নিম্নে যায় ।

(৪৮)

“ভুজগশয্যায় ত্যজিয়া হৃষীকেশ উঠিবে যবে তবে কাটিবে শাপ ;
 রহ এ চারি মাস হৃদয়ে বহি’ আশ, নয়ন মুদে আর ভুলিয়া তাপ ।
 বিরহকালে, প্রিয়া, মোদের দুটি হিয়া করেছে অধিরাম যে সুখ-সাধ,
 পূর্ণ-শারদীয়-চন্দ্র-রজনীতে পূরাব সব সাধ, কে সাথে বাদ ?”

(৪৯)

“অবলা শুন পুনঃ” বলেছে স্বামী তব—“একদা নিশাকালে পাখে’ মোর
 বন্ধে ছিলে বাঁধা, সহসা হেনকালে কাঁদিয়া উঠি, ‘টুটি’ ঘুমের ঘোর
 বলিলে কিবা কথা. যখন শুধানু তা, কহিলে মনে মনে হেসে মৃদুল—
 ‘স্বপনে হেরি একি পরের নারী সাথে করিছ কেলি তুমি শঠ চটুল ।’

(৫০)

“অভিজ্ঞান এই লভিলে বুঝি’ লবে কুশলে আছি, নাহি অমঙ্গল ;
 অশুভ নানা কথা ক’রো না প্রত্যয়, রাখিয়ো চিত তব অচঞ্চল ।
 কে হেন কথা বলে, বিচ্ছেদের কালে প্রণয় পায় হ্রাস, প্রীতির ক্ষয় ?
 ভোগের অভাবে যে প্রিয়ের তরে প্রেম বাড়িয়া সদা প্রেমপুঞ্জ হয় ।”

(৫১)

তোমার সখী তিনি প্রথম-বিরহিণী তাঁহারে প্রবোধিতে বলি' এ বাক,
 ত্যজিয়া এস গিরি, শিবের বৃষ যেথা শৃঙ্গে খোঁড়ে সদা শিখরভাগ ।
 অভিজ্ঞান সহ, শুন হে বারিবাহ, কুশল-সমাচার প্রিয়া যা ছায়,
 বহিয়া এনো তাহা বাঁচাতে এই প্রাণ, শিথিল এ যে প্রাতঃকুন্দ প্রায় ।

(৫২)

সৌম্য জলধর, না কর উত্তর, করিবে নাকি এই সখার কাজ ?
 মৌন হেরি, তোমা' বুকেছি আমি, সখা, আহ যে ইচ্ছুক হৃদয়-মাঝ ।
 কথা না কহ তবু চাতকে বারি দাও যেমনি যাচে তারা 'ফটিক জল' ;
 সাধিয়া ঈপ্সিত করম সাধুজন তোষেন উত্তরে যাচকদল ।

(৫৩)

আমারে ভালবেসে অথবা মোর ক্লেশে দুখিত প্রাণে হ'য়ে করুণাবান,
 তোমারে নাহি সাজে তথাপি মম কাজে সাধিয়া ক'রো প্রাণে তৃপ্তি দান ।
 বরষা-সমারোহে শোভন রূপ ধরি' ঘুরিও দেশে দেশে যেথায় চাও ;
 বিজলা বধু যেন সতত রহে সাথে, বিরহ মম সম কভু না পাও ।

(৫৪)

নীরদ-বাণী শুনি' ধনেশ কুবেরের শীতল হ'ল হিয়া, নিবিল কোপ ;
 সদয় অন্তরে ক্ষমিলা যক্ষেরে, করিয়া দিল নিজ শাপের লোপ ।
 বিরহ-বিমথিত হইল সুমিলিত যক্ষ আর তার প্রিয়া কাতর ;
 অশেষ-ভোগ-সুখে ভুলিল ঘোর দুখে, পুলকশ্রোতে ভাসি' নিরন্তর ।

সমাপ্ত



আলোচনা-আলোচনা

ভারতীয় সাংবাদিক সভার (Indian Journalist's Association) ৮ম বার্ষিক অধিবেশন গত ১৮ই শ্রাবণ 'এলবার্ট হলে' অনুষ্ঠিত হইয়াছিল। ১৯২৯-৩০ সালের কার্য-বিবরণী পঠিত ও গৃহীত হইবার পর আগামী বৎসরের জন্য নিম্নলিখিত ব্যক্তিগণ কার্যাকরী সমিতির সদস্য নির্বাচিত হন :—

শ্রীযুক্ত রামানন্দ চট্টোপাধ্যায় (মডার্ন রিভিউ ও প্রবাসী)—সভাপতি

মৌলভী মুজিবুর রহমান (মুসলমান)

মিঃ জে, সি, গুপ্ত (এডভান্স)

শ্রীযুক্ত মূলচাঁদ আগারওয়াল (বিশ্বমিত্র)

—সহঃ সভাপতি।

শ্রীযুক্ত মৃগালকান্তি বসু (অমৃতবাজার পত্রিকা)

—কার্য্যাধ্যক্ষ

শ্রীযুক্ত কিশোরীমোহন বন্দ্যোপাধ্যায় (ইনডপ্টী)

—সহযোগী কার্য্যাধ্যক্ষ

শ্রীযুক্ত প্রফুল্লকুমার মিত্র (অমৃতবাজার পত্রিকা)

—সহকারী কার্য্যাধ্যক্ষ

অধ্যাপক সতীশচন্দ্র ঘোষ (ক্যালকাটা রিভিউ)

—হিসাব পরিদর্শক

কাউন্সিলের সভ্যগণ—শ্রীযুক্ত সরলা দেবী, শ্রীযুক্ত সতীশচন্দ্র মুখোপাধ্যায় (বনুমতী), শ্রীযুক্ত ভুবানকান্তি ঘোষ, (অমৃতবাজার) শ্রীযুক্ত অমল হোম (কলিকাতা মিউনিসিপ্যাল গেজেট), শ্রীযুক্ত সত্যেন্দ্রনাথ বসু (হিতবাদী), রায় বাহাদুর হরেন্দ্রনাথ দাস (নায়ক), শ্রীযুক্ত ধীরেন্দ্রনাথ সেন (এডভান্স); শ্রীযুক্ত অন্নদাচরণ মজুমদার (অমৃতবাজার) শ্রীযুক্ত মনুধমোহন বসু (সঙ্গীত-বিজ্ঞান), শ্রীযুক্ত সতীন্দ্রনাথ মুখোপাধ্যায় ও শ্রীযুক্ত অক্ষয় কুমার মন্ডী (বাত্মন্দির)।

ইহাদের অনেকেই বহুদিন ধরিয়া সংবাদপত্রের সহিত ঘনিষ্ঠভাবে সংশ্লিষ্ট। আশা করা যায় ইহাদের কার্যকুশলতায় সভার দিন দিন উন্নতি হইবে।

শ্রীমতী মীরাবেন মহাআজীর শিষ্যা। ইনি একজন ইংরেজ মহিলা। তাঁহার পূর্বনাম ছিল কুমারী প্লেড্। ইনি বিহারের নানাস্থানে খন্দর-প্রচার কার্যে ব্যাপৃত থাকিয়া যে সকল বক্তৃতা দিয়াছেন তাহার ফলে খাদি-প্রচার যে বহুল পরিমাণে হইয়াছে তাহা সকলেই একবাক্যে স্বীকার করিয়া থাকেন। সম্প্রতি ২৬এ শ্রাবণ আলবার্ট হলে তিনি যে বক্তৃতা করিয়াছেন তাহাতে এইরূপ বলিয়াছেন বলিয়া শুনা যাইতেছে—‘এ দেশবাসীর পাশ্চাত্য ফ্যাশন ও জীবনধারণের রীতিনীতি ছাড়িয়া দেওয়া উচিত, দেশের সভ্যতার (Culture) পূর্ণ বিকাশের সহায়তা করা উচিত। ভারতীয় সভ্যতালক্ষ কালচারের দ্বারা জীবন নিয়ন্ত্রিত করা উচিত। এবং এদেশবাসী যে ভাবে তাহাদের জীবন গঠিত করিতেছেন তাহা ঠিক পাশ্চাত্য সভ্যতা বা দেশীয় সভ্যতার অনুবায়ী নয়। ইহা উভয় সভ্যতার অপূর্ণ সংমিশ্রণে গঠিত এক নূতন জিনিস।

এ বিষয়ে তিনি যাহা বলিয়াছেন তাহা সম্পূর্ণভাবে জানিতে না পারিলে ইহার আলোচনা করা দুঃস্বপ্ন। ভারতের সভ্যতার স্বাধীনতা কতদূর রক্ষা করিয়া চলা উচিত সে সম্বন্ধে তিনি কি বলিয়াছেন জানিবার জন্য উদগ্রীব রহিলাম।

অধ্যক্ষ ডাঃ ডব্লিউ, এন্স আরকুহার্ট সাহেব বিশ্ববিদ্যালয়ের ভাইস্ চ্যান্সেলারের পদ অলঙ্কৃত করিয়া যে ভাবে কার্য চালাইয়াছেন তাহাতে সাধারণে ও তাঁহার সহযোগীরা

যে সন্তুষ্ট হইয়াছেন একথা নিঃসংশয়ে বলিতে পারা যায়। তাঁহার কৰ্মকল হুরাইলে সকলেই আশা করিয়াছিলেন আমার চ্যান্সলার বাহাদুর তাঁহাকে ঐ পদে পুনর্নিযুক্ত করিবেন কিন্তু দুর্ভাগ্যের বিষয় তাহা করেন নাই। তৎপরিবর্তে ২০শে শ্রাবণ তারিখে বিশ্ববিদ্যালয়ের বিশেষ কন্ভোকেশনে তাঁহাকে এন্-এন্-ডি' উপাধিতে ভূষিত করা হইয়াছে। তাঁহার পাণ্ডিত্য ও জ্ঞানের পরিচয় এদেশবাসী বহুদিন হইতে পাইয়া আসিয়াছেন। নূতন গদী যে যোগ্য ব্যক্তির উপর অর্পিত হইয়াছে তাহা সত্য, কিন্তু যে ঐকান্তিক নিষ্ঠার সহিত তিনি এই দুই বৎসর বিশ্ববিদ্যালয়ে সেবা করিয়া আসিলেন যে ভাবে আপনার অমূল্য সময় ও পরামর্শ দান করিয়া বিশ্ববিদ্যালয়ের বিপন্ন অশুচর সুন্দরভাবে কার্য চালাইলেন তাহার যোগ্য পুরস্কার শুধু উপাধিতে পর্য্যবসিত হইতে দেখিয়া আমরা মর্মান্বিত হইয়াছি।

* * *

আমরা বিশ্ববিদ্যালয়ের কর্ণধাররূপে এইরূপ জ্ঞানী চিন্তাশীলও কৰ্মঠ লোকই চাই। তাঁহার স্থানে যাহাকে পাইয়াছি তিনি আমাদেরই একজন,—লেপ্টেন্যান্ট কর্ণেল হাসান সারওয়াদী। কলিকাতা বিশ্ববিদ্যালয় হইতে এল-এম্-এস্ পরীক্ষায় উত্তীর্ণ হইয়া ইনি বিলাতে যান। সেখান হইতে কয়েকটা উপাধি লইয়া ফিরিয়া আসিয়া সরকারী চাকুরী করিতেছেন। এখানে তিনি ইষ্টার্ন বেঙ্গল রেলওয়ের প্রধান মেডিকাল অফিসার। এদেশে থাকার সময় বিজ্ঞা বা বুদ্ধির এমন কোন পরিচয় তিনি দেন নাই, যাহাতে দেশবাসী তাঁহার দিকে আগ্রহের সহিত দেখিবার অবসর পাইয়াছিল। তাঁহাকে এই পদে নিযুক্ত করিবার দেশবাসীর প্রথম ও প্রধান আপত্তি হইতেছে যে তিনি একজন সরকারী চাকুরীজীবী। বিশ্ববিদ্যালয়ের স্বাধীনতা রক্ষাকল্পে তিনি কি করিবেন বা না করিবেন তাহা ভবিষ্যতের গর্ভে রহিয়াছে সত্য, কিন্তু এমন প্রশ্নও হইয়াছে যে, যদি এই পদ কোম মুসলমানকেই দিবার ইচ্ছা লার্টসাহেবের মনে জাগিয়াছিল তাহা হইলে ডাঃ আবদুল্লা সারওয়াদী বা খোদাবক্স কি ঐ পদের অধিকতর যোগ্য ব্যক্তি ছিলেন না? এই দুইজনদের পাণ্ডিত্য ভারতবর্ষের চতুঃসীমান্ন মধ্যে আবদ্ধ নয়। তাঁহাদের জ্ঞান পরিমার পরিচয় পাশ্চাত্য দেশও

পাইয়াছে। তাঁহারা সে দেশেও প্রসিদ্ধ 'কলার' বলিয়া পরিচিত।

* * *

জ্ঞানের দিক্‌টা না হয় ছাড়িয়া দিলাম। এড্‌মিনিস্ট্রেশন কার্য পরিচালনার অভিজ্ঞতা নবনিযুক্ত তাইস-চ্যান্সেলারের কতটা আছে বা না আছে তাহার পরিচয়ও তো দেশবাসী কিছুমাত্র পায় নাই। তিনি যেমন কয়েকটা অশুষ্ঠানের সহিত সংশ্লিষ্ট উপরোক্ত দুইজন মুসলমান পণ্ডিতও কি তেমন ভাবে সংশ্লিষ্ট নন? তবে তাঁহাদের দাবী অগ্রাহ হইল কেন? অধিকন্তু তাঁহারা সরকারী চাকুরে নন।

* * *

আর যদি মুসলমানকে এই পদে প্রতিষ্ঠিত করা না হইত তাহা হইলে বে-সরকারী হিন্দু কলেজের অধ্যক্ষ এমন কয়েকজন পণ্ডিত কর্মী আছেন যাহাদের জ্ঞানের পরিচয় স্ত্রাডলার কমিশনরের সদস্যেরা যুক্তকণ্ঠে স্বীকার করিয়া গিয়াছেন। তাঁহাদের সকলেরই বয়ঃক্রম ষাট বা ততোধিক। তাঁহাদের অভিজ্ঞতারও একটা মূল্য নাই কি?

* * *

গত ৭ই শ্রাবণ তারিখে রায় বাহাদুর ডাক্তার চুনীলাল বসু মহাশয় পয়ষষ্টি বৎসর বয়সে তাঁহার রাঁচির প্রাসাদে প্রাণত্যাগ করিয়াছেন। দেশের সকল প্রকার সদশুষ্ঠানেই তিনি যোগদান করিতেন। তিনি বাঙ্গালা ভাষায় একজন প্রকৃত সেবক ছিলেন। বঙ্গীয় সাহিত্য-পরিষদের অক্সাস্তকর্মী সভ্য ছিলেন। এই অশুষ্ঠানে সহকারী সভাপতির পদ ও তিনি অলঙ্কৃত করিয়াছিলেন। বঙ্গীয় সাহিত্য-সম্মিলনের বিজ্ঞান-শাখার সভাপতি-পদেও তিনি একবার বৃত্ত হইয়াছিলেন। তাঁহার অমায়িকতার তিনি সকলকেই মুগ্ধ করিতেন। বাঙ্গালা ভাষার প্রতি তাঁহার অনন্তসাধারণ অনুরাগ ছিল। দেশবাসীকে বিজ্ঞান, রসায়ন ও স্বাস্থ্যসম্বন্ধে শিক্ষা দিবার অভিপ্রায়ে তিনি খাণ্ড সম্বন্ধে যে সকল সুচিন্তিত পুস্তক-পুস্তিকা রচনাদি করিয়া গিয়াছেন তাহা অমূল্য। আগামী সংখ্যায় তাঁহার সম্বন্ধে আলোচনা পঞ্চপুস্তকে প্রকাশিত হইবে।

গত ২৬এ শ্রাবণ আমরা আর একজন জ্ঞানগরিষ্ঠ, বয়োজ্যেষ্ঠ সাহিত্যিক পণ্ডিতকে হারাইয়াছি—তাঁহার

নাম শ্রীযুক্ত শ্রীনাথ সেন। তিনি ২৫ বৎসর বয়সে প্রাণত্যাগ করিয়াছেন। বাল্যকালে তাঁহার গবেষণা-মূলক ভাষাতত্ত্বের প্রবন্ধাদি যখন ভারতী, নব্যভারত প্রভৃতি মাসিক পত্রিকায় পাঠ করিতাম, তখন হইতেই তাঁহার প্রতি আমাদের যথেষ্ট শ্রদ্ধা জন্মিয়াছিল। ভারতের নানান ভাষায় তিনি সুপণ্ডিত ছিলেন। তাঁহার ভাষাতত্ত্ব সম্বন্ধে বাদলা ও ইংরেজী পুস্তক প্রচারের সঙ্গে সঙ্গেই তাঁহার নাম ও যশ পাশ্চাত্য দেশেও বিস্তৃতিলাভ করে। তাঁহার সরল, অমায়িক ব্যবহারে তিনি সকলের প্রিয় ছিলেন।

ত্রিবাঙ্কুরের রাজ-অভিভাবিকা মহারাণীসাহেবা দেশ হইতে সেবা-দাসী প্রথা উঠাইয়া দিয়াছেন। মন্দিরের ভিতর সেবাদাসীরা যে অনাচারের সৃষ্টি করিত তাহাতে মন্দিরের পবিত্রতা কোনরূপেই রক্ষা হইত না। এই কুপ্রথা উঠাইয়া দিয়া তিনি দেবতার নিকট যেমন আশীর্বাদ পাইয়াছেন, তেমনই আবার কাম-লোলুপ পূজারীদের রোষানলে পড়িয়াছেন। যাহা হউক মহারাণীর এই সংসাহসের দৃষ্টান্ত অন্যান্য দেশেও অনুসৃত হইলে ভারতের দেব-স্থানগুলি আবার পূর্বের মত শুচিতায় ভরিয়া উঠিবে।

বাদলার যে কোন সম্ভান যে কোন রকমেই বিশ্বের কাছে তাঁর মাতৃভূমিকে গৌরবান্বিত করেন, তিনিই আমাদের পরম শ্রদ্ধার পাত্র। কলিকাতার নিউ এম্পায়ার রঙ্গমঞ্চে সম্প্রতি দুই রাত্রি শ্রীযুক্ত উদয়শঙ্কর ভারতীয় নৃত্যকলার কমনীয় প্রকাশে দর্শকগণকে মুগ্ধ করিয়াছেন।

শ্রীযুক্ত উদয়শঙ্করের যশোহরে বাড়ী। তিনি কিন্তু ভূমিষ্ঠ হইয়াছিলেন মেবারের উদয়পুরে। তাঁর পিতা ঝালোয়ারের মহারাণার পররাষ্ট্র-সচিব ছিলেন, তাঁর নাম পণ্ডিত শ্রামশঙ্কর। তিনি আইন, নাট্যকলা, বাগ্মিত্য প্রভৃতি সকল বিষয়েই গুণী ছিলেন। তাঁরই অভিভাবকতায় উদয়শঙ্করের কৈশোর-শিক্ষা পরিচালিত হইয়াছিল।

পণ্ডিত শ্রামশঙ্করই ভারতবর্ষের নৃত্যকে সর্বপ্রথম ইংলণ্ডে প্রদর্শিত হইবার পক্ষে সহায়তা করেন। ১৯১৬ খৃষ্টাব্দে সেখানকার 'গ্রে হাউসে' তাঁর চেষ্টায় সে নৃত্য

দেখান হয়। কনভেন্ট গার্ডেনের 'রয়েল অপেরায়' ১৯২৪ খৃষ্টাব্দের মার্চ মাসে তাঁহার চেষ্টায় এই রকম নৃত্যপ্রদর্শনের শেষ অনুষ্ঠান হয়।

১৯২৪ সালের আগষ্টমাসে ওয়েস্ট্রি টেডিয়ামে যে 'গ্র্যাণ্ড ইন্ডিয়ান পেজান্ট' দেখান হয়, সেই উপলক্ষে সেখানকার সম্মিলিত ব্যাণ্ড-বাঞ্চে তাঁর স্বরচিত গৎ বাজান হইয়াছিল। আর কোন অ-বিলাতী সঙ্গীতকারের এ সৌভাগ্য হয় নাই। সেই বৎসরই ভারতীয় বাদক-দলের ভারতীয় যন্ত্রসঙ্গীত সর্বপ্রথম তিনি 'ব্রডকাষ্ট' করেন।

ঝালোয়ারের মহারাণা ১৯২২ খৃষ্টাব্দে উদয়শঙ্করকে বিলাতের 'রয়েল কলেজ অফ আর্টসে' ভর্তি করিয়া দেন। সেখানে পাঠকালে তিনি তাঁর পিতার নৃত্যপ্রদর্শন প্রচেষ্টায় বহুবিধ ভারতীয় বাগ্মন্ত্র বাজাইয়া দর্শক ও শ্রোতাদের বিস্মিত করেন। পণ্ডিত শ্রামশঙ্কর কর্তৃক ভাড়া করা নানা রঙ্গমঞ্চ ও 'কনসার্ট-হলে' এই সব বাগ্মন্ত্র তিনি বাজান।

এ বিষয়ে পোরবন্দরের মহারাজা, শেঠ মুকুন্দলাল গগল-তাই, ঝালোয়ারের মহারাণা, জামনগর ও বিকানীরের মহারাজা এবং লিখদির যুদ্ধরাজপণ্ডিত শ্রামশঙ্করকে অনেক প্রকারে সাহায্য করিয়াছিলেন। ভারতের কলা-শাস্ত্রের প্রতি ইহাদের অনুরাগ উল্লেখযোগ্য।

কিন্তু উদয়শঙ্করের কৃতিত্ব বিবিধ বাগ্মন্ত্র বাজানাতাই শেষ হয় নাই। ১৯২২ খৃষ্টাব্দে বিলাতের 'রয়েল কোর্ট থিয়েটারে' তিনি এমন একটি রহস্যময় ব্যাপার (illusion) দেখাইয়াছিলেন যে সমস্ত দর্শকরাই তাহাতে মুগ্ধ হইয়াছিলেন। আর্টস্ গ্যালারির কোন চিত্র-প্রদর্শনীতে তাঁর নিজের অঙ্কিত স্বীয় প্রতিকৃতি ও 'নক্টার্ন' নামক অন্য একখানি চিত্রের জন্ত তিনি দুইটি প্রথম পুরস্কার প্রাপ্ত হন। শেষোক্ত ছবিটি জামনগরের মহারাজ ক্রয় করেন।

১৯২৩ খৃষ্টাব্দে 'রয়েল কলেজ অফ আর্টসের' ডিপ্লো-মাও লাভ করেন। ১৯২৩ সালের গ্রীষ্মকাল পর্যন্ত তরুণ শিল্পী বুঝিয়া উঠিতে পারেন নাই কলা-লক্ষীর কোন্ গৃহে;

তিনি প্রবেশ করিবে। এমন সময় মিসেস এন্, সি, সেনের উত্তরে পৃথিবীখ্যাত নর্তকী শ্রীমতী অ্যানা প্যাভ্লোভার সহিত তাঁহার সাক্ষাৎ হয়। কন্সেন্ট গার্ডেনের রয়েল অপেরায় তাঁকে নৃত্য-প্রদর্শনে সাহায্য করিবার জন্য ও তাঁর আমেরিকা-যাত্রায় সঙ্গী হইবার জন্য প্যাভ্লোভা উদয়শঙ্করকে আহ্বান করেন।

উদয়শঙ্কর প্যাভ্লোভার আমন্ত্রণ গ্রহণ করিলেন। ঐ নর্তকীর 'রাধা-কৃষ্ণ-নৃত্য-লীলা'-নামক জগদ্বিখ্যাত নৃত্যের সমাবেশ ও পরিকল্পনা উদয়শঙ্করের দ্বারাই হইয়াছিল। তা ছাড়া তিনি অসংখ্য নর্তকীদের শিক্ষাও দিয়াছিলেন এবং শ্রীমতী প্যাভ্লোভার সহযোগী হইয়াছিলেন 'কৃষ্ণ'-রূপে। বিলাতে এবং সমগ্র আমেরিকায় এই নৃত্যলীলার জন্যই শ্রীমতী প্যাভ্লোভা সর্বোচ্চ প্রশংসা পাইয়াছিলেন।

উদয়শঙ্করও পরে গুণী শিল্পীর জয়মাল্য লাভ করিলেন। কিন্তু রয়েল কলেজ অফ আর্টসের অধ্যক্ষ শ্রীযুক্ত রটেন-টাইন হুগ্ধিত হইলেন। তিনি পণ্ডিত শ্রামশঙ্করকে বলিয়াছিলেন 'ভারতীয় চিত্রকলার একজন প্রধান ও কৃতী ছাত্রকে প্যাভ্লোভা হরণ করিলেন। উত্তর ও দক্ষিণ আমেরিকা পরিভ্রমণ করিয়া উদয়শঙ্কর দেশে ফিরিয়া আসিলেন।

ওয়েম্‌স্লিতে ভারতীয় স্ত্রী-দিবসে নৃত্য করিয়া উদয়শঙ্কর লেডি ডোরাবজি টাটা ও মিসেস্ এস, আর, দাস প্রভৃতি প্রধান ভারতীয় মহিলাদের প্রশংসা অর্জন করিলেন। ১৯২৪ খৃষ্টাব্দের শরৎকালে, আর একবার অ্যানা প্যাভ্লোভার সহিত কন্সেন্ট গার্ডেনে নৃত্য করিবার পর, স্বাধীনভাবে নিজের দল গঠন করিবার জন্য তিনি প্যাভ্লোভার দল পরিত্যাগ করিলেন।


কিন্তু পাশ্চাত্যে একজন তরুণ ভারতীয় ছাত্রের এ বিষয়ে কৃতকার্য হওয়ার বহু বাধা। অর্থ, আত্মকল্যাণ, সহায়ত্বভূতি, সকলই প্রয়োজন। বাবাই হউক, অসাধারণ কলামুরাপের কলে উদয়শঙ্কর অকশেবে এ বিষয়ে কৃতকার্য হইয়াছেন। সিম্‌কি নামী একজন ক্রাসী কন্যাকে সহ-বোদিনী করিয়া তিনি সমস্ত ইউরোপের বিখ্যাত শহর-গুলিতে প্রচুর যশ পাইয়াছেন। প্যারিস, কেমেন্ডা, বার্লিন, বুডাপেস্ট, ভিয়েনা, টিউরিন্ তিনি তাঁর প্রশংসায় মুগ্ধিত করিতে সমর্থ হইয়াছেন।

চমৎকার মানুষ এই উদয়শঙ্কর, অতি শিষ্ট, অতি ভদ্র ও অতি যুহু। তাঁর নমনীয় ও কমনীয় দেহ লীলায়িত অক্ষহারে অপূর্ণ নৃত্য-কলার বিকাশ করিয়া জগৎকে আশ্চর্য্যান্বিত করিয়াছে। বাদ্যলীর সন্তান ভারতের প্রাচীন নৃত্য-কলা ও মূর্তিকে রূপে ভঙ্গীতে নিরুপম করিয়াছে। আমরাও তাঁহাকে আন্তরিক শ্রদ্ধা জ্ঞাপন করিতেছি।

ভ্রম-সংশোধন

গত মাসের পঞ্চপুস্তকে "বাদল-বিরহী" কবিতার ৩৩৩ পৃষ্ঠার 'মেঘের পানে চেয়ে মেজেছে বিরহিনী, সকল কাজে বুঝি হ'তেছে ভুল?' এই অংশের পর ভ্রমক্রমে চারিটা ছত্র ছাড় পড়িয়াছে। সে কয়ছত্র নিয়ে প্রদত্ত হইল :—

মেঘের ধারা সনে
কি ব্যথা বাজে মনে
জানোতো প্রিয়তমা
জানোতো তায় ;





“অভিসারে”

দর্শন করিয়া সেই 'অত্যাশ্রমী' স্বধামে প্রত্যাবর্তন করিবার যোগ্য হইবেন। প্রাচীন কালে এই স্বধামকে "অস্ত" বলা হইত।

হিমায়াবদ্যং পুঙ্গরন্তমেহি—ঋগ্বেদ ১০।১৪।৮

বৃদ্ধদেবও বলিয়াছেন :—

অখং গতস্ন ন পমাণম্ অখি। এই স্বধাম কি ? ব্রহ্ম—যতোবা :ইমানি ভূতানি জায়ন্তে। তিনিই জীবের 'প্রভব, প্রলয়, স্থান'। কারণ,—ব্রহ্মসংস্থঃ অমৃতত্বম্ এতি (ছা ২।২৩)।

যে জাতি মানবের জীবন-যাত্রাকে 'আশ্রম' বলিতে পারিয়াছিলেন, তাঁহাদের আধ্যাত্মিক ধারণা কত উচ্চ ও উদার ছিল।*

মৈত্রী উপনিষদে 'আশ্রম' শব্দের উল্লেখ আছে—এবং নিয়ম নিবদ্ধ করা হইয়াছে যে, য য আশ্রম-ধর্মের অনুবর্তন পূর্বক বেদাধ্যয়ন, গার্হস্থ্য, তপস্যা ইত্যাদির অনুষ্ঠান ভিন্ন আত্মজ্ঞান-প্রাপ্তি বা কর্মসিদ্ধি হয় না।

আশ্রমেযু এবানুক্রমণং স্বধর্মস্ত বা এতদ্ ব্রতং। x x
এব স্বধর্মোহভিহিতো যো বেদেষু ন স্বধর্মাতিক্রমেণ আশ্রমী ভবতি। আশ্রমেষেব অনবহন্তপস্বী বা ইত্যাচ্যতে ইত্যেতদ্ অযুক্তং। নাতপস্বস্তাত্মজ্ঞানে অধিগমঃ কর্মসিদ্ধি বা ইতি
—চতুর্থ প্রপাঠক

আবার "আশ্রম"-উপনিষদের নাম-করণই হইয়াছে 'আশ্রম' শব্দ লইয়া। কিন্তু এই দুইখানি উপনিষদই অপেক্ষাকৃত অর্কাচীন। প্রাচীনতর উপনিষদে আশ্রমের উল্লেখ আছে কি না ? খেতাকতর অত্যাশ্রমীর উল্লেখ করিয়াছেন—

অত্যাশ্রমিত্যঃ পরমং পবিত্রং

প্রোবাচ সন্নাক্ ঋষি সংবজ্জুষ্টম্—৬।২১

'অত্যাশ্রমী' বলিলে কি বুঝিব নারায়ণ কৈবল্য-উপনিষদের দীপিকায় বলিয়াছেন অত্যাশ্রমীর অর্থ পরম-হংস অর্থাৎ সংজ্ঞাসের চরম পস্বী।

ব্রহ্মচারি-গৃহি-বানপ্রস্থ-কুটীচকবহুদক-হংসেভ্যঃ আশ্রমঃ পারমহংসশ্লকণঃ।

ব্রহ্মচর্যা, গার্হস্থ্য, বানপ্রস্থ্য ও সন্ন্যাস—যিনি এই আশ্রম-চতুষ্টয়ের পরপারে গমন করিয়া যোকের সমীপস্থ হইয়াছেন, 'অত্যাশ্রমী' শব্দ দ্বারা তাঁহাকে লক্ষ্য করিলে কেমন হয় ?

সে যাহা হউক, জীবন-উপনিষদ হইতে উদ্ধৃত বচন দ্বারা আমরা জানিয়াছি যে, সে স্থলে 'আশ্রম' শব্দের প্রয়োগ না থাকিলেও ব্রহ্মচারী, গৃহী, বন্য ও সন্ন্যাসীর স্পষ্ট উল্লেখ আছে। যুগের নিয়োদ্ধৃত বচনেও সম্ভবতঃ চতুরাশ্রমের প্রতি লক্ষ্য করা হইয়াছে।

তপস্চ শ্রদ্ধা সত্যং ব্রহ্মচর্যাং বিধিচ্—২।১।৭

'ব্রহ্মচর্যা, বিধি (গৃহস্থের নিয়মসংঘম) তপঃ ও শ্রদ্ধা (বানপ্রস্থ) এবং সত্য (সর্বসন্ন্যাস করিয়া সেই সত্যস্ত সত্যে প্রতিষ্ঠা)।'

প্রাচীনতর উপনিষদে ব্রহ্মচর্যা প্রভৃতি আশ্রম-চতুষ্টয়ের কিরূপ পরিচয় প্রাপ্ত হওয়া যায় ? অতঃপর সংক্ষেপে এই প্রশ্নের আলোচনা করিতে চাই।

পাশ্চাত্য পণ্ডিতেরা যাহাদিগকে মুখ্য বা Major উপ-নিষদ বলেন, তন্মধ্যে ছান্দোগ্য ও বৃহদারণ্যক প্রাচীনতম। ঐ ছান্দোগ্যে ব্রহ্মচারী ও ব্রহ্মচর্যের বহুবার উল্লেখ দৃষ্ট হয়। ছান্দোগ্যের ষষ্ঠ অধ্যায়ে দেখিতে পাই, পিতা পুত্র ষেতকেতুকে বলিতেছেন :—

পিতোবাচ ষেতকেতো বস ব্রহ্মচর্যাং। ন বৈ গোম্য-অশ্বংকুলীনোহননুচ্য ব্রহ্মবহুরিব ভবতি।

"ষেতকেতু ! 'ব্রহ্মচর্যা' আচরণ কর। দেখ বৎস ! আমাদের বংশে কেহ অবৈদ্যক রহিয়া ব্রহ্মবহুর মত থাকে না।"

ষেতকেতুর তখন বয়ঃক্রম দ্বাদশ বৎসর। বালক পিতার অনুমতিক্রমে গুরু-গৃহে গিয়া ১২ বৎসর ধরিয়া সমস্ত বেদ অধ্যয়ন করতঃ মহাগর্ভিত ও পাণ্ডিত্যাভিমাত্রী হইয়া প্রত্যাবর্তন করিল।

স হ দ্বাদশবর্ষ উপেত্য চতুর্বিংশতিবর্ষঃ সর্কান্ বেদান্ অর্ধীত্য মহামনা অনুচানমানী শুক এয়ায়—৬।১।২

* The whole life should be passed in a series of gradually intensifying ascetic stages, through which a man, more and more purified from all earthly attachment, should become fitted for his home 'astam' as the other world is designated as early as Rig. V. X. 14. 8. The entire history of mankind does not produce much that approaches in grandeur to this thought—Deussen's Philosophy of the Upanisads. p. 367.

ইহা হইতে মনে হয়, সাধারণতঃ ১২ বৎসরই ব্রহ্মচর্যের নির্দিষ্ট সময় ছিল। ছান্দোগ্যের অষ্টম অধ্যায়ে ইন্দ্র-বিরোচনের যে আখ্যায়িকা আছে, তাহাতে দেখা যায়, ইন্দ্র ১০১ বৎসর প্রজাপতির সকাশে 'ব্রহ্মচর্য' বাস করিয়াছিলেন।

একশতঃ হইবে বর্ষাণি যযবান্ প্রজাপতো ব্রহ্মচর্যম্
উবাস—ছা, ৮।৭।১১

কিন্তু ইহা আখ্যায়িকা মাত্র। ছান্দোগ্যের চতুর্থ অধ্যায়ে দেখা যায় বটে যে, সত্যকাম জাবালকে বহু বর্ষ গুরুকুলে বাস করিতে হইয়াছিল (স হ বর্ষগণং উবাস); —কিন্তু ইহা সাধারণ নিয়মের ব্যতিক্রম; কারণ, জাবালের গুরু গৌতম তাঁহাকে শিষ্যরূপে গ্রহণ করিবার পর তাঁহার ধৈর্য ও সহিষ্ণুতা পরীক্ষার জন্ত এইরূপ অনুমতি করিয়াছিলেন যে, এই যে চারিশত কুশ গাভীর সেবার ভার তোমার উপর অর্পণ করা গেল ইহাদের সংখ্যা ১০০০ পূর্ণ না হইলে আবর্তন করিবে না—নাসহশ্রেণ আবর্তয় ইতি। ছান্দোগ্যে অন্ততঃ দেখিতে পাই,—সত্যকামের শিষ্য উপকোসল দ্বাদশবর্ষ গুরুগৃহে ব্রহ্মচর্য-বাসের পর যখন তাহার সমাবর্তনের কাল উপস্থিত হইল তখন গুরু তাহাকে সমাবর্তনে অনুমতি না দেওয়াতে গুরুপত্নী স্বামীর উক্ত ব্যবহারের প্রতিবাদ করিয়াছিলেন এবং শিষ্যও দুঃখিত হইয়া অনশন করিয়াছিলেন। (আশা করি এই অনশন বর্তমান যুগের Hunger strike (প্রায়োপবেশন) নহে।

তং জায়া উবাচ তপ্তো ব্রহ্মচারী কুশলম্ অগ্নীন্ পরিচ-
চারীং, মা ত্বা অগ্নয়ঃ পরিপ্রব্রোচন্ প্রব্রুহি অস্মৈ ইতি।

× × স হ ব্যাধিনা অনশিতুং দধে। তম্ আচার্যা-
জায়া উবাচ ব্রহ্মচারিন্ অশান কিম্ অগ্নাসি + +
ব্যাধিভিঃ পরিপূর্ণোন্মি নাশিষ্যামি ইতি—ছান্দোগ্য ৪।১০।৩

ইহা হইতে মনে করা অসঙ্গত নহে যে, দ্বাদশ বর্ষই গুরুগৃহে ব্রহ্মচর্য-বাসের নির্দিষ্ট সময় ছিল।

ব্রহ্মচারী সাধারণতঃ গুরু-কুলে বাস করিতেন। সেই জন্ত তাঁহার নাম ছিল 'অস্তেবাসী'।

বেদমনুচ্য আচার্যাঃ অস্তেবাসিনম্ অনুশান্তি—তৈত্তি,
১।৩।২

আচার্যাকুলাং বেকমধীত্য যথাবিধানম্—ছা, ৮।১৫
শিষ্য অস্তেবাসী আর গুরু আচার্য—আচার্যাং হৈব বিদ্যা
বিদিতা সাধিতং প্রাপতি—ছা, ৪।২।৩। বিদ্যাকা মব্রহ্মচারী

সমিৎপাণি হইয়া গুরুর সমীপস্থ হইতেন এবং বিনীতভাবে প্রার্থনা করিতেন—

ব্রহ্মর্ষচ্যং ভগবতি বৎস্যামি উপেয়াং ভগবন্তম্ ইতি—

ছা, ৪।৪।৩

গুরু বলিতেন,—সমিৎ সোম্য আহর উপ ত্বা নেষে—ছা, ৪।৫
ইহাই প্রকৃত 'উপনয়ন' ছিল—গুরু কর্তৃক শিষ্যের বেদদীক্ষা।

বৃহদারণকের দ্বিতীয় অধ্যায়ে 'অনুচানমানী,' দৃষ্ট বাল্যকির যে আখ্যান আছে, তাহাতে দেখা যায় ক্ষত্রিয় রাজর্ষি অজাতশত্রু তাহার পল্লবগ্রাহিতা প্রতিপন্ন করিলে বাল্যকি তাঁহাকে বলিলেন—'উপ ত্বা যানি'।

স হোবাচাজাতশত্রুঃ প্রতিলোমং বৈ তদ্ যদ্ ব্রাহ্মণঃ
ক্ষত্রিয়মুপেয়াদ্ ব্রহ্ম মে বক্ষ্যতীতি। বোব ত্বা-জ্ঞাপয়িষ্যামি।

—বৃহ ২।১।১৫

'অজাতশত্রু বলিলেন, ব্রাহ্মণ ক্ষত্রি়ের নিকট 'উপনয়ন' গ্রহণ করিবে ইহা প্রতিলোম বাপার'। কৌষীতকী উপনিষদেও ঐ আখ্যান রক্ষিত হইয়াছে।

তত উহ বাল্যকিঃ সমিৎপাণিঃ প্রতি চক্রমে উপায়ানি
ইতি তং হোবাচ অজাতশত্রুঃ প্রতিলোম রূপমেব তৎ স্তাং
যৎ ক্ষত্রিয়ো ব্রাহ্মণম্ উপনয়েৎ—২।১৮

ঐ যুগে নিয়ম ছিল, শিষ্য বিদ্যালাত্তের জন্ত যথা বিধি গুরুকে উপসন্ন হইতেন—

শৌনকো হবৈ মহাশালোহদ্বিরসং বিধিবহুপসন্নঃ পপ্রচ্ছ।

—মুণ্ডক ১।১।৩

বিধিবৎ কি ? সমিৎপাণিহাদি শাস্ত্রীয় নিয়ম-অনতিক্রমেণ।

শ্বেতকেতুর পিতা গৌতম, জৈবলি প্রবাহনের নিকট উপস্থিত হইয়া বিদ্যা প্রার্থনা করিলে রাজর্ষি প্রবাহন বলিলেন, 'স বৈ গৌতম তীর্থেন ইচ্ছাসৈ ইতি (তীর্থেন—উপসন্ন শাস্ত্রবিহিতেন মার্গেন) 'হে গৌতম ! তীর্থ অর্থাৎ শিষ্যত্বের নিয়ম-অনুসারে বিদ্যা প্রার্থনা কর'। উত্তরে গৌতম বলিলেন,—উপৈমি অহং ভবন্তম্ ইতি (বৃহ, ৬।২।৭)। তখন প্রবাহন তাঁহাকে উপদেশ দিলেন। (সহাধ্যায়ীকে যে 'সতীর্থ' বলা হইত, উহা কি ঐরূপ 'তীর্থ'কে লক্ষ্য করিয়া ?)

শিষ্য 'উপৈমি অহং ভবন্তম্' ইতি বিধিবাক্য (Formula) উচ্চরণ করিয়া গুরুর চরণ বন্দন করিতেন।

ইহার নাম ছিল 'উপায়ন' (উপায়নম্ = পাদোপসর্গম্) ।
এস্থলে শিষ্য গৌতম ব্রাহ্মণ, গুরু প্রবাহন ঋত্রিয়—সেই
জন্ত গৌতম উপায়নের কীর্তন মাত্র করিলেন, পাদ-গ্রহণ
করিলেন না ।

স হ উপায়ন কীর্ত্য উবাস—বৃহ, ৬।২।৭

গুরু-শিষ্য সম্বন্ধে সাধারণ নিয়ম উপনিষদ্ এই ভাবে
বিধিবদ্ধ করিয়াছেন :—

তদ্বিজ্ঞানার্থং স গুরুমেবাভিগচ্ছেৎ

সমিৎপাণিঃ শ্রোত্রিয়ং ব্রহ্মনিষ্ঠম্ ।

—যুগুৎ ১।২।১২

শিষ্য যে সমিৎ হস্তে গুরুর দ্বারস্থ হইতেন, ইহার মধ্যে
সেবার ভাব উজ্জ্বল ছিল । সমিৎ এ স্থলে সেবার প্রতীক ।

স হ সমিৎপাণিশ্চিত্রং প্রতিচক্রমে

—কৌষী, ১।২

সমিৎপাণী প্রজাপতি সকাশং দ্বাত্রিংশদ্ বর্ষাণি ব্রহ্মচর্য্যম্
উবভূঃ—ছা, ৮।৭।৩

শিষ্য নানাভাবে গুরুর সেবা করিতেন—তাঁহার গোপা-
লন করিতেন (সত্যকাম জাবালের আখ্যান স্বরণ করুন),
তাঁহার অগ্নি-রক্ষা করিতেন (উপকোশলের সম্পর্কে উক্ত
হইয়াছে—দ্বাদশ বর্ষাণি অগ্নীন্ পরিচচার), তাঁহার জন্ত
ভিক্ষা করিতেন (শৌনকঃ অভিপ্রতারিণঃ পরিবিশ্রমানৌ
ব্রহ্মচারী বিভিক্ষে—ছা ৪।৩।৫) ।

কখন কখন বা সভা সমিতিতে গুরুর অনুগমন
করিতেন । বৃহদারণ্যকে দেখিতে পাই, যাজ্ঞবল্ক্যের শিষ্য
সামশ্রবাঃ জমকের অনুষ্ঠিত তর্ক-সভায় গুরুর অনুচর
রহিয়াছেন ।

যাজ্ঞবল্ক্যঃ স্বমেব ব্রহ্মচারিণমুবাচ—

'এতাঃ (গাঃ) সোম্য উদজ সামশ্রবা' ইতি

—বৃহ, ৩।১।২

এমন কি যথাবিধি বেদাধ্যয়ন ('ব্যাধ্যায়ঃ অধ্যোভব্যঃ')
—যাহা ব্রহ্মচারীর ব্রতস্বরূপ ছিল, তাহাও 'গুরোঃ কর্মাতি-
শেষেণ' গুরু-সেবার অবশিষ্ট সময়ে অনুষ্ঠেয় ছিল ।

আচার্য্যকুলাৎ বেদমধাত্য যথাবিধানং গুরোঃ কর্মাতি-
শয়েন—ছা, ৮। ১৫

ইহার ভাষ্যে ঐশ্বর্য্যাকাব্য লিখিতেছেন—গুরুশ্র-
বায়ঃ প্রাধান্তদর্শনার্থমাহ । গুরোঃ কর্ম যৎ কর্তব্যং তৎ

কৃত্বা কর্মশূন্তো যঃ অবশিষ্টঃ, কালঃ তেন কালেম বেদ-
মধীত্য ইত্যর্থঃ ।

উপনিষদের যুগে গুরু শিষ্যের সম্বন্ধ বেশ মধুর সম্বন্ধ
ছিল । আচার্য্য অন্তেবাসীকে বিত্ত দান করিতেন—বিক্রয়
করিতেন না । গুরুকুল বিত্তার বিপণি ছিল না—বিত্তার
মন্দির, বাগ-দেবীর লীলাসদন ছিল ।

গুরু কি ভাবে শিষ্যকে বিত্তা বিতরণ করিতেন, তাহার
ইঙ্গিত আমরা তৈত্তিরীয়-উপনিষদের দান-বিষয়ক নিয়োক্ত
আদেশ হইতে প্রাপ্ত হই ।

প্রহায় দেয়ম্ । অপ্রহয়াৎদেয়ম্ । শ্রিয়া দেয়ম্ । দ্বিয়া
দেয়ম্ । ভিয়া দেয়ম্ । সংবিদা দেয়ম্ ।—১।১।৩

অর্থাৎ শ্রদ্ধার সহিত, শ্রীর সহিত, দ্বীর সহিত, ভীর
সহিত, মৈত্রীর সহিত দান করিতে হয় । অপ্রহায়,
অবজায়, অনাদরে দান করিলে সে দান ব্যর্থ হয় ।
এখন যেমন বিত্তার্থীর প্রবেশ-পথ অবরোধ করিয়া বিশ্ব-
বিদ্যালয়ের সিংহদ্বার সুকঠিন অর্গলে আবদ্ধ থাকে এবং
সুবর্ণ কুঞ্চিকার বন্ধার ভিন্ন অপারূত হয় না (opens
but to golden key),—প্রাচীন যুগে সেরূপ নিয়ম
ছিল না । আচার্য্য প্রার্থনা করিতেন,—

যথাপঃ প্রবতা যান্তি যথা মাসা অর্হর্জরম্

এবং মা ব্রহ্মচারিণঃ ধাতম্ আয়াস্ত সর্বতঃ ॥

—তৈত্তি, ১।৪।৩

'যেমন জল নিম্ন ভূমিতে প্রবাহিত হয়, যেমন মাস
বৎসরে সন্মিলিত হয়, হে বিধাতঃ ! সর্বদিক্ হইতে ব্রহ্ম-
চারী সেইরূপ আমাতে সংগত হউক ।' এমন কি গুরু
অগ্নিতে আহুতি দানের সময়ে প্রার্থনা করিতেন,—

আমায়স্ত ব্রহ্মচারিণঃ স্বাহা । বিমায়স্ত ব্রহ্মচারিণঃ
স্বাহা । প্রমায়স্ত ব্রহ্মচারিণঃ স্বাহা । দমায়স্ত ব্রহ্মচারিণঃ
স্বাহা । দামায়স্ত ব্রহ্মচারিণঃ স্বাহা ।—তৈত্তি, ৪।২

এইরূপ গুরু পুত্র ও শিষ্যে যে প্রভেদ করিতেন না,
ইহা বোধ হয় বলাই বাহুল্য ।

ইদং বাব তৎ জ্যেষ্ঠায় পুত্রায় পিতা ব্রহ্ম প্রজ্ঞায়াৎ
প্রণজ্যায় বাহস্তেবাসিনে । নাগুত্মৈ কঠৈশ্চন যতপি
অম্মা ইমাং অস্তিঃ পরিগৃহীতাং ধনন্ত পূর্ণাং দত্তাৎ । এতদেব
ততো ভূম ইতি ।—ছান্দোগ্য, ৩।১।৫-৬

'এই ব্রহ্ম (বিত্তা), পিতা জ্যেষ্ঠ পুত্রকে কিংবা উপযুক্ত

শিষ্যকে বলিবেন—অন্ত কাহাকেও নহে। যদি সে এই সমাগরা বিস্তপূর্ণা বসুন্ধরা দান করে, তথাপি নহে। কারণ ইহা তদপেক্ষাও মহৎ’।

এতদুহৈব সত্যকামো ভাবালঃ অন্তেবাসিত্য উক্তে।
বাচ * * তমেভং নাপুত্রায় বাহুস্তেবাসিনে বা ক্রয়াৎ।

—বৃহ, ৬।৩।১২

‘সত্যকাম ভাবাল শিষ্যদিগকে ইহা উপদেশ দিয়া বলিলেন—পুত্র বা শিষ্য ভিন্ন অপরকে ইহা বলিবে না।’

এমন অবস্থায় যাহা হওয়া স্বাভাবিক তাহাই হইত—শিষ্যও গুরুর ভাবের প্রতিধ্বনি করিতেন। শিষ্য গুরুকে পিতৃতুল্য জ্ঞান করিতেন—তিনি ‘আচার্য্য-দেব’ হইতেন।

তে তম্ অর্চয়ন্তঃ তং হি নঃ পিতা যোহস্মাকম্ অবি-
জ্ঞান্যঃ পরং পারং তারয়তি—প্রশ্ন ৬।৮

‘সেই শিষ্যগণ তাঁহাকে (গুরুকে) অর্চনা করিয়া বলিতে লাগিল—আপনি আমাদের পিতা, যেহেতু আপনি আমাদের পিতার পরপারে লইয়া গেলেন।

গুরু যখন পিতৃস্থানীয়, তখন গুরুপত্নী মাতৃস্থানীয়া ছিলেন। আচার্য্য্যগণ শিষ্যকে পুত্রবৎ লালন পালন করিতেন—শিষ্যও তাঁহাকে জননীর প্রাপ্য ভক্তি-শ্রদ্ধার পুষ্পাঞ্জলি অর্পণ করিত। কদাচিত্ যদি কখন কোন পামর শিষ্যে ইহার ব্যতিক্রম দৃষ্ট হইত, যদি সে পশু প্রকৃতির তাড়নায় গুরুর শয্যা কলুষিত করিত, তবে সেই ‘গুরুতল্লগ’ মহাপাতকী বলিয়া সমাজের বহিষ্কৃত হইত। ছান্দোগ্য উপনিষদে এ সম্বন্ধে এই প্রাচীন শ্লোকটি উদ্ধৃত দেখা যায়

তদেষ শ্লোকঃ—

স্তেনো হিরণ্যশ্চ সুরাং পিবংশ্চ

গুরোস্তল্লগাবসন্ ব্রহ্মহা চ।

এতে পতন্তি চত্বারঃ

পঞ্চমশ্চাচরন্ তৈশ্চ ॥—ছা, ৫।১০।১২

‘সুবর্ণ-চৌর, সুরাপায়ী, গুরুতল্লগ, ও ব্রহ্মঘাতী—এই চারিজন পতিত হয় এবং পঞ্চম, যে ইহাদের সহিত আচরণ করে।’

কোন কোন ব্রহ্মচারী যাবজ্জীবন গুরুকূলে বাস করিতেন। পরবর্তীকালে এইরূপ ব্রহ্মচারীকে ‘নৈষ্ঠিক’ বলা হইত। ছান্দোগ্য উপনিষদের দ্বিতীয় অধ্যায়ে এইরূপ ব্রহ্মচারীর উল্লেখ আছে।

ত্রয়ো ধর্মস্বক্সা যজ্ঞোহধ্যয়নংদানমিতি প্রথমঃ। তপ এব
দ্বিতীয়ো। ব্রহ্মচারী আচার্যকুলবাসী তৃতীয়োহত্যস্তমাশ্রা-
নমাচার্যকূলেহবসাদয়ন্—২।২৩।১

‘ধর্মের তিনটি স্বক্স—প্রথম স্বক্স যজ্ঞ, অধ্যয়ন ও দান, দ্বিতীয় স্বক্স তপঃ এবং তৃতীয় স্বক্স—আচার্য্যকুলবাসী ব্রহ্মচারী, যিনি যাবজ্জীবন গুরুগৃহে সংযম পালন করিয়া আপনার শরীর ক্ষয় করেন।

অত্যস্তং যাবজ্জীবন্ আশ্রানং নিয়মৈরাচার্য্যকূলে অব-
সাদয়ন্ ক্ষপয়ন্ দেহম্—শঙ্কর।

কিন্তু এইরূপ যাবজ্জীবন ব্রহ্মচার্য সাধারণ নিয়মের ব্যতিক্রম ছিল। সাধারণতঃ ব্রহ্মচারী দ্বাদশ বর্ষ গুরুকূলে বাস করিয়া বিদ্যাধ্যয়নের পর গুরুর অনুমতি লইয়া ‘সমাবর্তন’ করিতেন এবং দ্বার-প্রতিগ্রহ করিয়া গৃহী হইতেন।

আচার্য্যকূলাদ্ বেদমধীত্য যথাবিধানম্

* * অভিসমাবৃত্য কুটুবে। —ছা, ৮।১৫

অভিসমাবৃত্য গুরুকূলাৎ নিবৃত্য ত্রায়তো দারানাকৃত্য
কুটুবে স্থিত্বা গার্হস্থ্যে বিহিতে কর্ম্মণি তিষ্ঠন্নিত্যর্থঃ।

—শঙ্করভাষ্য

সমাবর্তনের পূর্বে গুরু শিষ্যকে কয়েকটি অমূল্য উপদেশ দিতেন। নিম্নে আমরা সেই উপদেশগুলি উদ্ধৃত করিয়া দিলাম। এ যুগে বিশ্ববিদ্যালয়ের কর্তৃপক্ষেরা ডিগ্রি-বিতরণের সময় ছাত্রদিগের কর্ণে যদি এই উপদেশ ধ্বনিত করিতে পারেন, তবে বিদ্যার সহিত বিনয় সংযুক্ত হইয়া সেই প্রাচীন আদর্শের পুনঃপ্রতিষ্ঠা হইতে পারে।

বেদমনূচ্যাচার্য্যোহস্তেবাসিনমশুশান্তি। সত্যং বদ,
—ধর্মং চর X X স্বাধ্যায়ান্মা প্রমদঃ—আচার্য্যায় প্রিয়ং
ধনমাকৃত্য প্রজাতন্তং যাব্যবচ্ছেৎসীঃ। সত্যান্ প্রমদিতব্যম্।
ধর্ম্যান্ প্রমদিতব্যম্। কুশলান্ প্রমদিতব্যম্। ভূতৈ ন
প্রমদিতব্যম্। স্বাধ্যায়প্রবচনাভ্যাম্ ন প্রমদিতব্যম্ ॥

দেব পিতৃকার্য্যাত্যাং ন প্রমদিতব্যম্। মাতৃদেবো ভব,
পিতৃদেবো ভব। আচার্য্যদেবো ভব। অতিথিদেবো ভব।
যাত্ননবত্যানি ঃকর্ম্মাণি তানি সেবিতব্যানি, নো ইতরাপি।
যাত্নম্যাকম্ সূচরাতানি তানি ত্রয়োপাস্ত্যানি নো ইতরাপি।

—তৈত্তি ১।১১।২-৩

‘বেদ বিদ্যা সাক্ষ হইলে আচার্য্য ছাত্রকে এইরূপ উপদেশ করেন—‘সত্য বল, ধর্ম চর। স্বাধ্যায় হইতে ভ্রষ্ট

হইও না। আচার্য্যাকে (দক্ষিণাত্মরূপ) প্রিয় ধন আহরণান্তে গৃহী হইয়া প্রজ্ঞান্নত্র অচ্ছিন্ন রাখিও। সত্য হইতে, ধর্ম হইতে, কুশল হইতে, ভূতি হইতে, স্বাধ্যায়প্রবচন হইতে, দেব-পিতৃকার্য্য হইতে প্রমত্ত হইও না। মাতৃদেব হও, পিতৃদেব হও, আচার্য্যাদেব হও, অতিথিদেব হও। বাহা নির্মল কর্ম, তাহারই অনুষ্ঠান কর, বিপরীত করিও না; বাহা আমাদিগের স্মৃতিরিত, তাহারই অনুসরণ কর, বিপরীত করিও না' ইত্যাদি।

অতঃপর ব্রহ্মচারী সমাবর্তন করিয়া গৃহী হইতেন— ব্রহ্মচর্য্যং সমাপ্য গৃহী ভবেৎ (জাবাল, ৪); এবং ধর্ম-পালনের সজিনীক্ৰমে সহধর্মিনী গ্রহণ করিতেন। গৃহাশ্রমে প্রবিষ্ট হইলে পুত্রোৎপাদন তাঁহার অবশ্য কর্তব্য বলিয়া বিবেচিত হইত—প্রজাতত্ত্বং মা ব্যবচ্ছেৎসীঃ।

অভিসমাবৃত্য কুটুম্বৈ ধার্মিকান্ বিদধৎ—ছা, ৮।১৫।
ধার্মিকান্ পুত্রান্ শিষ্যান্ ধর্মযুক্তান্ বিদধৎ ধার্মিকত্বেন
তান্ নিয়ময়ৎ—শঙ্কর।

এই যে প্রজনন, ইহা একটা কাম-ক্রিয়ারূপে অনুষ্ঠেয় ছিল না—ইহাও একটা যজ্ঞানুষ্ঠান—যোষারূপ অগ্নিতে বীর্ঘ্যাহতি।

যোষাবাব গোতম! অগ্নিঃ। তন্নিন্ এতন্নিন্ অগ্নৌ
দেবা রেতো জুহ্বতি, তন্না আহতেঃ গর্ভঃ সন্তবতি—ছা,
৪।৮।১-২

সেই জন্ত তৈত্তিরীয় উপনিষদ্ বলিতেছেন—

প্রজা চ স্বাধ্যায়প্রবচনে চ, প্রজননঞ্চ স্বাধ্যায়প্রবচনে
চ, প্রজতিশ্চ স্বাধ্যায় প্রবচনে চ—১।২।১

এবং প্রথ-উপনিষৎ এই 'প্রজাপতি'-ব্রতের প্রশংসা
করিতেছেন—

জ্বে বেহ বৈ তৎ প্রজাপতিব্রতং চরন্তি তে মিথুনমুৎ-
পাদয়ন্তে—১।১৫

সাধারণ গৃহস্থের পক্ষে এই বিধিই প্রবল ছিল বটে।
কিন্তু যঁাহারা মহা-গৃহস্থ ছিলেন (উপনিষদ্ যঁাহাদিগকে
'মহাশাল' আখ্যা দিয়াছেন) পুত্রোৎপাদন তাঁহাদের
কর্তব্য বলিয়া বিবেচিত হইত না।

এতদ্ হৃদয়বৈতৎ পূর্বে বিদ্যৎসঃ প্রজাং ন কাময়ন্তে
কিং প্রজয়া করিষ্যামো যেষাং নঃ অয়মাখ্যা অয়ংলোক
ইতি—বৃহ, ৪।৪।২২

এতৎ বৈ তমায়ানং বিদিত্বা ব্রাহ্মণাঃ পুত্রৈবগায়াশ্চ
বিত্তৈবগায়াশ্চ লোটকৈবগায়াশ্চ বাখায় অথ ভিক্কা-সর্য্যং
চরন্তি—বৃহ, ৩।৫।১

এইরূপ আত্মজ, বিদ্বান্ 'ব্রাহ্মণে'র পক্ষে পিতৃ-ধন
'মকুপ' ছিল—কারণ তাঁহারা এষণা-ত্রয় মুক্ত, সংসারে
থাকিয়াও সন্ন্যাসী।

উপনিষদে এইরূপ কয়েকজন মহাশালের উল্লেখ পাওয়া
যায়।

শৌণকো হ বৈ মহাশালঃ অঙ্গিরসং বিধিবদ্ উপসন্নঃ
পপ্রচ্ছ—মুণ্ডক ১।১।২

(মহাশালঃ—মহাগৃহস্থঃ—শঙ্কর)

ছান্দোগ্য-উপনিষদের পঞ্চম অধ্যায়ের একাদশ খণ্ডে
এইরূপ পাঁচজন 'মহাশাল মহাপ্রোত্রিয়' ব্রাহ্মণের উল্লেখ
দৃষ্ট হয়।

প্রাচীনশাল ঔপমন্তব্যঃ সত্যযজ্ঞঃ পৌলুবিরিজ্জহ্যয়ো
ভাল্লবেয়ো জনঃ শার্করাক্কো বুড়িল আশ্বতরাশ্বিন্তে হৈতে
মহাশালা মহাপ্রোত্রিয়াঃ সমেজ্জ মীমাংসাঞ্চক্রুঃ কো শূ আখ্যা
কিং ব্রহ্মেতি ॥১॥

তে হ সম্পাদয়াক্কুরুদানকো বৈ ভগবন্তোহিরমারুণিঃ
সম্প্রতীমমায়ানং বৈখানরমধ্যেতি তৎ হস্তাত্যাপচ্ছামেতি
তৎ হাত্যাজগ্নুঃ ॥২॥

স হ সম্পাদয়াক্ককার প্রক্যন্তি মামিমে মহাশালা
মহাপ্রোত্রিয়াস্তেভ্যো ন সর্কমিব প্রতিপৎস্তে হস্তাহমন্তমভ্যনু-
শালানীতি ॥৩॥

“উপমন্ত্যুর পুত্র প্রাচীনশাল, পুণ্ড্রপুত্র সত্যযজ্ঞ,
ভল্লভীপুত্র ইজ্জহান্ন, সর্করাক্কপুত্র জনক ও অশ্বতরশ্ব-
পুত্র বুড়িল, এই পাঁচজন মহাপ্রোত্রিয় মহাগৃহস্থ ব্রাহ্মণ
মিলিত হইয়া বিচার করিতে লাগিলেন,—‘আমাদের আখ্যা
কি? ব্রহ্ম কি?’ তাঁহারা স্থির করিলেন যে অরুণপুত্র
উদালকই বৈখানর আখ্যার তত্ত্ব অবগত আছেন। এস,
আমরা তাঁহার নিকট গমন করি। তাঁহারা উদালকের
নিকট গমন করিলেন। উদালক ভাবিতে লাগিলেন,
এই সকল মহাপ্রোত্রিয় মহাগৃহস্থ আমাকে প্রশ্ন করিবেন—
আমি সে প্রশ্নের সমাধান করিতে পারিব না; অতএব
অস্তুর প্রশ্ন উত্থাপন করি।’

উপনিষৎ পাঠে জানা যায়, এইরূপ মহাশাল মহা-

শ্রোত্রিয়গণের মুকুটমণি ছিলেন—যাজ্ঞবল্ক্য। বৃহদারণ্যকের তৃতীয় ও চতুর্থ অধ্যায় তাঁহার কাহিনীতে মুখ্য। তিনিও গৃহস্থ ছিলেন এবং তাঁহার আবার দুই ভাৰ্য্যা ছিল।

অথ হ যাজ্ঞবল্ক্যঃ যে ভাৰ্য্যে বভূবতুঃ মৈটে চ কাত্যায়নী চ।—বৃহ, ৪।৫।১

তন্মধ্যে মৈত্রেয়ী ব্রহ্মবাদিনী ছিলেন এবং কাত্যায়নী সাধারণ রমণীর জায় সংসারসক্তা ছিলেন।

তয়োর্ই মৈত্রেয়ী ব্রহ্মবাদিনী বভূব, স্ত্রী-প্রজ্জৈব তর্হি কাত্যায়নী।

গৃহী যাজ্ঞবল্ক্য সন্ন্যাস-গ্রহণের সংকল্প করিয়া মৈত্রেয়ীকে বলিলেন :—

প্রব্রজিষ্যন্ বা অরে অস্মাৎ স্থানাদ্ অস্মি।

হস্ত তে অনয়া কাত্যায়ন্যা অস্তং করবাণি।

‘আমি প্রব্রজ্যা করিবার ইচ্ছা করিতেছি—এস তোমার সহিত সপত্নীর বিভাগ-বণ্টন করিয়া দিই।’ মৈত্রেয়ী স্বামীকে বলিলেন ‘যদি কেহ বিস্তপূর্ণা বসুন্ধরা পায়, তদ্বারা কি অমৃতত্ব লাভ হইতে পারিবে?’

উত্তরে যাজ্ঞবল্ক্য বলিলেন—

অমৃতত্বস্ত তু নাশান্তি বিস্তেন।

তখন সেই অমৃতের পুত্ৰী মৈত্রেয়ী বলিয়াছিলেন—

যেনাহং নামৃতাস্যাং কিমহং তেন কুৰ্ব্বাম্? যদেব ভগবান্ বেদ তদেব মে ক্রহি।

উত্তরে যাজ্ঞবল্ক্য মৈত্রেয়ীকে যে অমৃতময় বাণী শুনাইয়া ছিলেন, উপনিষদের পাঠকের তাহা অবিদিত নাই।

এই যাজ্ঞবল্ক্যের পার্শ্বে আমরা একজন ক্ষত্রিয় রাজর্ষির সাক্ষাৎ পাই। তিনিও মহাশাল মহাশ্রোত্রিয়। তিনি বিদেহাধিপতি জনক।

যাজ্ঞবল্ক্য ঋষির্ষট্শ ব্রহ্মপারায়ণং জর্গো।

জনকোহ বৈদেহ আসাংচক্রে। অথ চ যাজ্ঞবল্ক্য আব-
ব্রাহ্ম। তং হোবাচ যাজ্ঞবল্ক্য! কিমর্থং অচারীঃ পশূন্ ইচ্ছন্
অশ্বস্তান্ ইতি উভয়মেব সত্রাট্ ইতি হোবাচ—

বৃহ ৪।১।১

‘একদা বিদেহরাজ জনক সভাসীন আছেন, এমন সময় যাজ্ঞবল্ক্য তথায় উপনীত হইলেন। জনক বলিলেন, ‘যাজ্ঞবল্ক্য! কি অভিপ্রায়ে আগমন? পশু কামনায় অথবা স্ত্রী প্রার্থের আলোচনায়?’ যাজ্ঞবল্ক্য (তিনি

তখনও গৃহাশ্রমী) বলিলেন ‘সত্রাট্! উভয়ই’। তখন উভয়ের মধ্যে যে সকল স্ত্রীঃ অধ্যাত্তত্ব আলোচিত হইল, বৃহদারণ্যকে তাহা রক্ষিত হইয়াছে।

বৃহদারণ্যক উপনিষদের পঞ্চম অধ্যায়ে আমরা এই বৈদেহ জনকের আবার সাক্ষাৎ পাই। সেখানে তিনি উপদেশ আদান করিতেছেন না, প্রদান করিতেছেন। এখানে তিনি শিষ্য নহেন—শিক্ষক। আশ্বতরাশি বৃড়িলকে (ইহার সহিত খেতাশ্বতর উপনিষদের ঋষি অশ্বতরের কোনও সম্বন্ধ আছে না কি?) গায়ত্রীর ‘তুরীয় দর্শত পদ’, গূঢ়তম রহস্য উপদেশ করিতেছেন। সে পদের স্তুতি করিয়া ঋষি বলিতেছেন, ইহা “পরোরজঃ”—অজ্ঞানতিমিরের অতীত। ইহা জানিলে সাধক শুদ্ধ, পুত, অক্ষয়, অমর হয়

এতদেব তুরীয়ং দর্শতং পদং পরোরজঃ * * এবং যত্বপি বহিব পাপং কুরুতে সর্কমেব তৎ সংপায় শুদ্ধঃ পূতোহ-
জরোহমৃতঃ সন্তবতি।

- বৃহ, ৫।১৫।৮

এই গায়ত্রীর উচ্চতম বিবৃত করিয়া বৃহদারণ্যকের ঋষি বলিতেছেন -

এতদ্বৈব তজ্জনকো বৈদেহো বৃড়িলমাশ্বতরাশিষ্ণু উবাচ
যন্নুহো তদ্গায়ত্রীবিদক্রথা অথ কথং হস্তীভূতো বহসীতি
মুখং হস্তাঃ সত্রাট্ ন বিদাঞ্চকারেতি।—বৃহ, ৫।১৪।৮

‘বৈদেহ জনক বৃড়িল আশ্বতরাশিকে এইরূপ উপদেশ করিয়াছিলেন।’

এই বৈদেহ জনক ব্যতীত, উপনিষদে আরও কয়েকজন রাজর্ষির উল্লেখ দৃষ্ট হয়—প্রবাহন জৈবলি, অশ্বপতি কৈকেয়, গার্গাশি চিত্র, কাশীরাজ অজ্ঞাতশক্রপ্রভৃতি। ইহারা সকলেই বেদবেত্তা, গরিষ্ঠ, ব্রহ্মিষ্ঠ ছিলেন এবং অভিজ্ঞ ব্রাহ্মণ-
দিগকেও নিগূঢ় ব্রহ্মবিজ্ঞা উপদেশ করিয়াছিলেন। বলতঃ উপনিষদে এইরূপ ক্ষত্রিয়ের প্রভাব সমাধিক অস্বভূত হয়। এরূপ রাজর্ষির শাসনাধীনে যে প্রজাপুঞ্জের সুখ সমৃদ্ধি প্রোজ্জ্বল ছিল, তাহা বলাই বাহুল্য। এইরূপ একজন রাজর্ষি নিজ জনপদের পরিচয় দিয়া বলিয়াছেন—

সহ প্রাতঃ সঞ্জিহান উবাচ ন মে স্তেনো জনপদে ন
কদর্যো ন যত্বপো নানাহিতাশি নাবিধান্ ন বৈরী
বৈরিনী কুতো।—ছা, ৫।১১।৫

‘আমার’ রাজ্যে কোনও চোর নাই, কুপণ নাই, মণ্ড-
পায়ী নাই, অনগ্নি নাই, অবিদ্বান্ নাই, পরদারী নাই,
শৈয়লিনী নাই ।’

এইরূপ রাজর্ষিরা রাজর্ষি হইলেও গৃহাশ্রমী কিন্তু
‘অকায়মান’—অকামো নিকাম আশ্রুকাম (বৃহ ৪।৪।৬)
ছিলেন ।

অবশ্য সকল রাজাই রাজর্ষি ছিলেন না । উপনিষদের
যুগে ভারতবর্ষ কাশী, কোশল, বিদেহ, কেকয়, কুরুপাঞ্চাল
প্রভৃতি খণ্ড রাজ্যে বিভক্ত ছিল । এ সকল খণ্ড দেশের
রাজার। সময় সময় ছুরাকাজ্জকার বশবর্তী হইয়া রাজস্ব বা
অশ্বমেধ যজ্ঞের অনুষ্ঠান করিয়া সত্রাট্ বা সার্কভৌম হইবার
চেষ্টা করিতেন ।

রাজা রাজস্বয়েন স্বারাজ্যকামো যজ্ঞেত ।

জনকের তর্কসত্য্য ভজ্য যাজ্ঞবল্ককে প্রশ্ন করিয়া-
ছিলেন—

ক নু অশ্বমেধযাজিনো গচ্ছন্তি ।

সেইজন্য শ্রৌতসূত্রে বিধি নিবদ্ধ হইয়াছিল—

রাজা সার্কভৌমঃ অশ্বমেধেন যজ্ঞেত ।

এইরূপ রাজার অভিষেক সময়ে পুরোহিত যজ্ঞোচ্চারণ
করিতেন—রথীনাং ত্বা রথীতরং জেতারন্ অপরাঞ্জিতন্ ।
এইরূপ রাজস্বয় বাজপেয় প্রভৃতি যজ্ঞকারী রাজার ছুরাশা
ঐতরেয় ব্রাহ্মণ এইরূপ বর্ণন করিয়াছেন :—

অহং সর্কেষাং রাজ্যং শ্রৈষ্ঠ্যমতিষ্ঠাং পরমতাং গচ্ছয়ং
সাত্ৰাজ্যং ভৌজ্যং স্বারাজ্যং বৈরাজ্যং পারমেষ্ঠ্যং রাজ্যং
মাহারাজ্যং অধিপত্যমহং সমস্তপর্যায়ী স্তাম্ সার্কভৌমঃ
সার্কায়ুষ আস্তাদাপরার্ক্যং পৃথিব্যে সমুদ্রে পর্যন্তায়
একারাড়িতি ।

‘সমুদ্রমেখলা সমাগরা পৃথিবীর একরাট্ হইব, সত্রাট্
হইব, মহারাজ হইব, সকল রাজার অধিরাজ হইব, সার্কভৌম
হইব, পরমেষ্ঠী হইব, স্বারাজ্য বৈরাজ্য ভৌজ্য সাত্ৰাজ্য
অধিকার করিব ।’

বৈদেহ জনকের মত রাজাও যজ্ঞ করিতেন, কারণ
গৃহীর কৰ্ম ছিল—যজ্ঞোহধ্যয়নং দানম্—ছা, ২।২৩
কিন্তু সে যজ্ঞ ঐশ্বর্য বা প্রভুত্বের বিজ্ঞপ্তি নহে ।

জনকোহ বৈদেহো বহুদক্ষিণেন যজ্ঞেন দৈবে—বৃহ, ৩।১।১

রাজা মহারাজার কথা শুনে রাধিয়া সাধারণ গৃহস্থের

প্রতি লক্ষ্য করিলে দেখা যায়, তাঁহারাও যাগ যজ্ঞ,
‘ইষ্টাপূর্তে’র অনুষ্ঠান করিতেন ।

ইষ্টাপূর্তং মন্ত্রমানা বরিস্টম্—যুগুৎ ১।২।১০

ইষ্টং—যাগাদি শ্রৌতং কৰ্ম, পূর্তং=বাপী কুপ তড়াগাদি
স্মার্তম্—শঙ্কর ।

রাজাঃমহারাজার অশ্বমেধ রাজস্বয়, সাধারণ গৃহস্থের
সত্র, অগ্নিহোত্র প্রভৃতি । কদাচ নচিকেতার পিতা রাজ-
শ্র সের মত কেহ কখন বিশ্বজিৎ যজ্ঞ করিয়া সর্কস্ব দান
করিতেন ।

উবন্ হবৈ বাজশ্রবসঃ সর্কবেদসং দদৌ—কঠ ১।১
কারণ, তাঁহাদের ধারণা ছিল—যজ্ঞং প্রতিতিষ্ঠন্তং যজমানঃ
অনুপ্রতিষ্ঠতি (ছা, ৪।১৬।৫)—‘যজ্ঞের প্রতিষ্ঠায় যজমান প্রতি-
ষ্ঠিত হন ।’ তাঁহাদের জন্য এই বিধি বিহিত ছিল—কুর্ক-
য়েবেহকর্মাণি জীজিবিশেৎ শতং সমাঃ—ঈশ, ২ । কিন্তু সনে
সঙ্গে উপনিষদ্ যজ্ঞমনেকে সতর্ক করিতেন বে, প্লাবা হেতে
অদৃঢ়া যজ্ঞরূপাঃ—যুগুৎ ১।২।৭

‘সংসার তরণে যজ্ঞ ভঙ্গুর ভেলা মাত্র’—যাহারা যজ্ঞের
উপর নির্ভরঃ করে, তাহারা চরমে বিড়ম্বিত হয় ; কারণ,
যজ্ঞের ফলে যে লোক লাভ হয়, সেই স্বর্গাদি লোক
অক্ষয় নহে, ‘ক্ষয় লোক’ ।

নাকশ্চ পৃষ্ঠে তে স্কৃতেহনুভূত্বা

ইমং লোকং হীনতরং বা বিশন্তি ॥

যৎ কশ্মিণো ন প্রবেদয়ন্তি রাগাৎ

তেনাতুরাঃ ক্লীণলোকাশ্চবন্তে ॥—যুগুৎ, ১।২।২, ১০

যজ্ঞ ছাড়া গৃহীর কর্তব্য ছিল অধ্যয়ন ও দান—যজ্ঞো-
হধ্যয়নং দানম্ । সেই জন্য তাঁহার প্রতি ব্যবস্থা—শুচৌ
দেশে স্বাধ্যায়ম্ অধীয়ানঃ—ছা, ৮।১৫

শুধু অধ্যয়ন নহে, গৃহীকে অধ্যাপনেরও ভার লইতে
হইতে—ইহার নাম ছিল প্রবচন—স্বাধ্যায় প্রবচনাত্যাং ন
প্রমদিতব্যম্ (তৈত্তি ১।১।১২) । এইরূপে বেদবিজ্ঞা গুরু-
শিষ্য পরম্পরায় প্রবাহিত হইয়া অক্ষুণ্ণ থাকিত । গৃহীকে
ততদিন গ্রহ অধ্যয়ন করিতে হইত, যতদিন না তিনি
জ্ঞানবিজ্ঞান-তৎপর হইয়া তত্ত্বের সাক্ষাৎকার করিতেন ।

গ্রহমভ্যস্ত মেধাবী জ্ঞান-বিজ্ঞান তৎপরঃ ।

পলাশমিব ধাত্বাধীত্যজেন্দু এহান্ অশেষতঃ ॥

—ব্রহ্মবিন্দু, ১৮ ।

সে যুগে গৃহস্থের পক্ষে অতিথি-সৎকার অবশ্য কর্তব্য বলিয়া বিবেচিত হইত। গৃহাগত অতিথি (অতিথির্হরোগসৎ) * নমস্ত-জ্ঞানে পূজিত হইতেন। 'অতিথীশ্চ লভেমহি' ইহা গৃহস্থের নিত্য প্রার্থনা ছিল। এমন কি অগ্নিহোত্রও যদি অতিথিবর্জিত হইত, তবে যজ্ঞমানের সপ্তম লোক পর্য্যন্ত নষ্ট করিত।

যশ্চাগ্নিহোত্রম্ × × অতিথি বর্জিতঞ্চ।

আসন্তমানু তস্ত লোকান্ হিনস্তি ॥—মুণ্ড, ১।২।৩

কঠ-উপনিষদ্ আরও কঠোর ভাষায় বলিয়াছেন :—

আশা প্রতীকে সঙ্গতং স্মৃতাং চেষ্টাপূর্তে পুল্লপশুশ্চ সর্কান্। এতদ্ বৃঙ্ক্তে পুরুষশাল্লমেধসঃ যশ্চানশ্নন্ বসতি ব্রাহ্মণো গৃহে ॥—কঠ, ১।১৮

(সঙ্গতং = সংসংযোজনং ফলং,

স্মৃতা = প্রিমা বাক্—শব্দর)

'বাহার গৃহে ব্রাহ্মণ অতিথি অভুক্ত থাকে,—সেই নষ্ট-বুদ্ধির আশা-প্রতীকা, সঙ্গতি, প্রিয়বাদ, ইষ্টাপূর্ত, পুল্ল পশু—সমস্তই বিনাশ প্রাপ্ত হয়।' 'ব্রাহ্মণ' এ স্থলে উপলক্ষণ মাত্র, কারণ—'সর্কব্রাহ্মণ্যগতো গুরুঃ'। অতএব গৃহস্থের প্রতি উপদেশ ছিল—'অতিথিদেবো ভব'।

এই অতিথি-সেবার সহিত দান ধর্মের ঘনিষ্ঠ সম্পর্ক। সেই জন্ত বৃহদারণ্যক বলিয়াছেন,—এতৎ ত্রয়ং শিক্ষেৎ দমং দানং দয়াম্—৫।২।৩

ঐ যে আকাশে অশনি-নিনাদে 'দ দ দ' শব্দ শ্রুত হওয়া যায়, ঐ দৈবী বাণী কি বলে? বাহার দিব্যশ্রুতি আছে, সে মুক্ত কর্ণে শুনিতে পায়—দাম্যত, দত্ত, দয়ধ্বম্—'দাস্ত হও, দাতা হও, দয়া কর'।

তদেতদ্ এষা দৈবী বাগ্ অনুবদতি স্তনয়িস্তং দ দ ইতি দাম্যত দত্ত দয়ধ্বমিতি। এতৎ ত্রয়ং শিক্ষেৎ দমং দানং দয়ামিতি—বৃহ, ৫।৩।৩

ছান্দোগ্য উপনিষৎ সেই জন্ত প্রথম ধর্মস্বক্কের নির্দেশ করিতে বলিয়াছেন—

যজ্ঞঃ অধ্যয়নং দানম্ ইতি প্রথমঃ—২।২৩

মহানারায়ণ-উপনিষদ্ এই দানের মহিমা কীর্তন করিয়া তারত্বরে ঘোষণা দিয়াছেন—

* অতিথির্হরোগসৎ—কঠ, ৫।২

ব্রাহ্মণঃ অতিথিরূপেণ বা ছরোগেণু গৃহেষু সীদতীতি—শব্দর

দানেন অরাতীঃ অপানুদন্ত, দানেন দ্বিযতো মিত্রা ভবন্তি, দানে সর্কং প্রতিষ্ঠিতং। তন্মাৎ দানং পরমং বরন্তি—২২।১

'দানের দ্বারা অরাতি শমিত হয়, শত্রু মিত্র হয়। দানই সমস্তের প্রতিষ্ঠা—দানই পরায়ণ।'

'দাম্যত, দত্ত, দয়ধ্বম'—দান, দয়া, দম। গৃহস্থ ত্রিবর্গেরই যথাসম্ভব সেবা করিবেন বটে, ধর্মার্থকামাঃ সমমেব সেব্যাঃ—কিন্তু দমের সহিত, সংযমের সহিত। ছান্দোগ্য গৃহাশ্রমীকে লক্ষ্য করিয়া বলিতেছেন—

শুচৌ দেশে স্বাধ্যায়মধীয়ানঃ ধার্মিকান্ বিদধৎ আশ্বনি সর্কোল্লিঘাণি সংপ্রতিষ্ঠাপ্য অহিংসন্ সর্কভূতানি অন্ত্র তীর্থেভ্যঃ। স খলু এবং বর্তয়ন্ যাবদায়ুষম্—ছান্দোগ্য ৮।১৫

তিনিই আদর্শ গৃহী—'যিনি বিবিক্তদেশে বেদাধ্যয়ন করিয়া ধার্মিক পুত্রের জনক হইয়া 'শাস্ত্রান্তে সকল ইন্দ্রিয়ের সংযম করিয়া, শাস্ত্রবিধির অনুসারে* সর্কভূতের অদ্রোহী হইয়া যাবজ্জীবন সাপন করেন।' বস্তুতঃ উপনিষ-দের শিক্ষাই এই যে, ভোগকে যোগদ্বারা সংযত, নিয়ন্ত্রিত করিতে হইবে—তেন ত্যক্তেন ভুঞ্জীথা মা গৃধঃ কশ্বশ্বিং ধনম্—ঈশ, ১

গর্ভা, তৃকা বর্জ্জন করিয়া, ত্যাগযুক্ত হইয়া ভোগ করিতে হইবে, সংসারে 'উদাসীনবৎ আসীন' থাকিতে হইবে—তবেই গার্হস্থ্য সার্থক হইবে।

বলা বাহুল্য, গৃহাশ্রমই জীবনযাত্রার চরম নহে—একটি পর্কমাত্র। Die in harness (বলুগা কামড়িয়া মূড়া) —আমুর শেষ দিন পর্য্যন্ত কর্মব্যাসঙ্গ, উপনিষদের আদর্শ নহে। গৃহী ভূত্বা বনী ভবেৎ—গৃহীকে জীবনের অপরাহ্নে সংসার ছাড়িয়া অরণ্যে 'আরণ্যক' হইয়া বানপ্রস্থ্য অবলম্বন করিতে হইবে (বার্ককে মুনিবৃত্তীনাম্) অথবা চিন্তে বৈরাগ্য বদ্ধমূল হইলে গৃহাশ্রম ত্যাগ করিয়া প্রব্রজিত হইয়া সন্ন্যাসী হইতে হইবে।

যদ্ অহরেব বিরজ্যেত তদ্ অহরেব প্রব্রজেৎ—

বনী ভূত্বা প্রব্রজেৎ। যদিবা ইতরথা ব্রহ্মচর্য্যাদ্ এব প্রব্রজেৎ গৃহাদ্ বা বনাদ্ বা—জাবাল, ৪

প্রবন্ধ দীর্ঘ হইল—আগামী বারে আমরা বানপ্রস্থ ও সন্ন্যাস আশ্রমের আলোচনা করিবার চেষ্টা করিব।

* অন্ত্র তীর্থেভ্যঃ—তীর্থংনাম শাস্ত্রানুষ্ঠাবিবরঃ ততোহন্ত্র—শব্দর।

ভরত মল্লিক

[মহামহোপাধ্যায় ডাঃ শ্রীহরপ্রসাদ শাস্ত্রী, এম্-এ, সি-আই-ই]

ভরত মল্লিকের নাম বোধ হয় অনেকেই শুনিয়াছেন। কিন্তু তিনি যে কে কি বৃত্তান্ত তা বোধ হয় সকলে জানেন না। তিনি কত কালের লোক তাহাও লোকের জানা নাই; কিন্তু তিনি একজন প্রকাণ্ড পুরুষ ছিলেন, ব্যবসা ছিল চিকিৎসা। তাঁহার বংশাবলী এখনও চিকিৎসা করিতেছেন।

তাঁহার টিকায় তাঁহার বাড়ীর নাম দেওয়া আছে মালকি। তাঁহার বংশধরেরা চুঁচুড়ায় থাকিতেন।

তাঁহার বাড়ী কোথায়? (মল্লিক) কবিরাজ মহাশয় চুঁচুড়ায় চিকিৎসা করিতেন। তিনি

বলিতেন, তাঁহাদের বাড়ী জামগাঁর নিকট পাতিলপাড়া। তাঁহার আর এক বংশধর লোকনাথ মল্লিক কবিরাজ মহাশয় শেষ বয়সে কলিকাতায় আসিয়া চিকিৎসা করিতেন। তিনিও বলিতেন, তাঁহাদের বাড়ী জামগাঁর নিকট পাতিলপাড়া। লোকনাথ কবিরাজ মহাশয়ের ভ্রাতুষ্পুত্র জ্যোতির্শ্য মল্লিক মহাশয় কলিকাতায় চিকিৎসা করেন। পাতিলপাড়ায় এখনও তাঁহার ভিটা আছে।

লোকনাথ কবিরাজ মহাশয় বলিতেন, 'তিনি আমার মুক্ত-প্রপিতামহ ছিলেন।' তাহা হইলে খৃষ্টীয় অষ্টাদশ

শতকের প্রথমাংশে ভরত মল্লিক মহাশয়ের প্রাদুর্ভাবের কাল

বলিয়া মনে হয়। কিন্তু মুক্তবোধের টিকাকার দুর্গাদাস ভরত মল্লিকের অনেক জায়গা তুলিয়া দিয়াছেন। দুর্গাদাসের মুক্তবোধের টিকা ১৬৩৯ সালে লেখা। সুতরাং ভরত মল্লিক তাঁহারও আগেকার লোক। তিনি ইংরেজী সপ্তদশ শতকের প্রথমাংশে জীবিত ছিলেন বলিয়া বোধ হয়। ভরত মল্লিক আপনার পিতার নাম দিয়াছেন গৌরাজ মল্লিক এবং বলিয়া গিয়াছেন তাঁহার। বিনায়ক সেন-সন্তান হরিহর ধানের বংশসত্ত্ব।

কিন্তু বাংলায় একটা কথা আছে—অনাশ্রয় ন তিষ্ঠন্তি পণ্ডিতা বনিতা মতাঃ। তিনি পণ্ডিত ছিলেন; তিনি কাহা

আশ্রয়ে এ সকল গ্রন্থ লিখিয়াছেন? তিনি এক জায়গায় বলিয়াছেন, সূর্য্য-বংশীয় একজন ক্ষত্রিয় রাজার অধীনে থাকিয়া তাঁহার একখানি টিকা রচনা করিয়াছেন। এ সূর্য্যবংশের রাজা কে ঠিক জানা যায় না, বোধ হয় চকদীঘির রায়েরা। তিনি আর এক জায়গায় বলিয়া গিয়াছেন, ভূরস্টের একজন রাজার আশ্রয়ে একখানি টিকা লিখিয়াছেন। সুতরাং চকদীঘির রায়েরা এবং ভূরস্টের রাজারা তাঁহার আশ্রয় ছিলেন। এই ভূরস্ট রাজাদের বংশে অষ্টাদশ শতাব্দীর প্রথমাংশে ভরত-চন্দ্রের প্রাদুর্ভাব কাল। তখন কিন্তু ভূরস্ট মুসলমান-দিগের প্রাধান্য স্বীকার করিয়া করদ-রাজ্যে পরিণত হইয়াছে।

ভরত মল্লিক মহাশয় মুক্তবোধ ব্যবসায়ী ছিলেন। মুক্তবোধের সেকালের ষত টিকা টিপনী ছিল সকলই তাঁহার হস্ত ছিল। তিনি বুঝিয়াছিলেন, মুক্তবোধ লোকে আর পড়িয়া উঠিতে পারিবে না, তাই তিনি মুক্তবোধের দুইখানি সংক্ষিপ্তসার তৈরী করেন। উহাদের মধ্যে যেখানি বই তাহার নাম 'দ্রুতবোধ'। প্রথমে বাঙ্গালা অক্ষরে ছাপা হইয়াছিল। তিনি ইহার টিকাও করেন। রাজেন্দ্র-লাল মিত্র বলেন, সেই টিকার নাম 'দ্রুত-বোধিনী।' উহাতে তিনি সুপদ্য, কাত্ম ও সংক্ষিপ্তসার ব্যাকরণের সাহায্য লইয়াছিলেন। তিনি আর একখানি ছোট ব্যাকরণ লিখিয়াছিলেন, তাহার নাম 'প্রসিদ্ধপদবোধ'। এত ছোট ব্যাকরণ আর সংস্কৃতে নাই। এখানি গত শতাব্দীর প্রথমে বাঙ্গালা অক্ষরে ছাপা হইয়াছিল। তিনি তাঁহার উৎসাহে ব্যাকরণগুলি লিখিয়াছিলেন, তাঁহার নাম কল্যাণমল্ল, তাঁহার পিতার নাম গজমল্ল, পিতামহের নাম ত্রৈলোক্যচন্দ্র। ইনি ভরত মল্লিকের বাড়ীর নিকটে কোথাও জমীদার ছিলেন, বোধ হয় চকদীঘির।

তিনি অমরকোষের একখানি টিকা লিখিয়াছিলেন। তিনি মুক্তবোধ-ভক্ত; সেইজন্য টিকার নাম দিয়াছিলেন

কোষের টীকা 'মুক্তবোধিনী'। Eggeling (Catalogue of Sanskrit Mss.—Part II, p. 276, Column b.) বলেন, তিনি ষিরূপকোষ নামে একখানি অভিধান লিখিয়া গিয়াছিলেন। ইহাতে যে সকল সংস্কৃত শব্দের ছুরকম বানান আছে, তাহাদের একটা কোষ আছে। অনেকেই সেই রকম কোষ লিখিয়াছেন, ভারত মল্লিকও একখানি লিখিয়াছেন।

ভরত মল্লিক মুক্তবোধের মতে বহুসংখ্যক সংস্কৃত কাব্যের টীকা লিখিয়াছেন। শিশুপাল-বধ, মেঘদূত-টীকা, ভট্টিকাব্যটীকা, নলোদয়, নৈবধ-কাব্যের টীকা, টীকা, ঘটকর্পূরটীকা, কুমারসম্ভব-টীকা, কিরাতার্জুনটীকা, রঘুবংশটীকা, তিনি এই সকল গ্রন্থের টীকা লিখিয়াছেন। তাঁহার কয়েকখানি টীকার নাম মুক্তবোধিনী, অধিকাংশ টীকার নাম সুবোধ।

তিনি উপসর্গের অর্থ এবং প্রয়োগ সম্বন্ধে একখানি গ্রন্থ লেখেন, তাহার নাম উপসর্গবৃত্তি। একখানি একাক্ষর

শব্দকোষ লেখেন, তাহার নাম 'একবর্ণার্থসংগ্রহ' এবং আর একখানি গ্রন্থ লেখেন তাহার নাম 'কারকোন্মাস'। কারকোন্মাস গ্রন্থখানি গত দুই শত বৎসর ধরিয়া নৈয়ায়িকেরা বিশেষ শাক্তিকেরা বড় পছন্দ করিতেন। প্রায় সকল বাড়ীতে কারকোন্মাসের পুঁথি পাওয়া যায়। উহাতে কারকের বাদার্থ (Logical relations) দেওয়া আছে। ব্যাকরণ শেষ হইলে পণ্ডিতেরা বিশেষনঃ শাক্তিকেরা প্রায়ই বাদার্থের বই পড়িতেন বা লিখিতেন। ইহাতে ব্যাকরণ-ঘটিত দর্শন-শাস্ত্রের কথা আছে, যাহাকে এখন Philosophy of Grammar বলা হয়।

ভরত মল্লিক ছিলেন বৈষ্ণব। তাঁহার বাদার্থের পুঁথি ভট্টাচার্য মহাশয়ের আদর করিয়া পড়িতেন ও পড়াইতেন, —এ বড় কম গৌরবের কথা নয়।

ভরত মল্লিক বৈষ্ণবদিগের মধ্যে মহাকুলীন। তাঁহার বংশের কৌলীশ-মর্যাদা এখনও খুব আছে। ভরত মল্লিক বৈষ্ণবদিগের একখানি কুলগ্রন্থ লিখিয়া বান; ইহার নাম—বৈষ্ণুকুলতন্ত্র।

টাদেব কলঙ্ক

(গল্প)

[শ্রীনরেন্দ্র দেব]

এক

তটিনীর বিবাহ হ'য়েছিল নিতান্ত বালিকা বয়সে।

সেদিনের কথা তার স্পষ্ট কিছু স্মরণে আসে না বটে, তবে ঠাকুরমার মুখে গল্প শুনে শুনে একটা বহু দিনের ভুলে-যাওয়া স্মরণের মত মনে পড়ে শুধু তার আব-ছায়াটুকু!

যেন একদিন রাত্রে টোপের মাথায় দেওয়া একটা ছেলের হাতের উপর তার হাতখানি রেখে ছেলের মালা দিয়ে জড়িয়ে দেওয়া হ'য়েছিল। সেদিন তার পরণে ছিল লাল রংয়ের চেলি, কপালে ছিল ক'নে-চন্দন।

তটিনী ঠাকুরমাকে বারবার জিজ্ঞাসা করে—“তাকে তোমার বেশ স্পষ্ট মনে আছে না বাবু-মা? আচ্ছা, তুমি

তোমার নাতজামায়ের সঙ্গে ঠাট্টা-তামাসা ক'রতে?”

তটিনীর ঠাকুরমা আঁচলে চোখ মুছে ব'লতেন—“হার রে অভাগী! তোর নেহাৎই পোড়া কপাল, তাই অমন ইন্দ্র চন্দ্র তুল্য নাতজামাইও আমার—বছর ঘুরল না—চলে গেল! বর্ষার ভরা জোয়ারে গঙ্গার যখন এ-কূল ও-কূল দেখা যেতো না—তখনও সে হাসতে হাসতে দশবার সাঁতরে এ-পার ও-পার হ'ত! ডুব-স্নাতারেও সে ছিল ওস্তাদ! সেই ছেলে কি না একদিন নাইতে গিয়ে আর ফিরলো না! কেমন ক'রে বেটপকায় জেটির নীচে আটকে গিয়েছিল—দস্তি দাছ আমার! আহা!—আর ভেসে উঠতে পারে নি।”



শুনতে শুনতে তটিনীর হৃদয় চোখও কি যেন এক অজানা বেদনায় জলভরা হ'য়ে উঠতো! সে লজ্জিত হ'য়ে মুহূর্ত্ত হেসে বলতো—“তোমার দাছ বুঝি খুব দস্তি ছিলে ছিল বাবু-মা?”

ঠাকুরমা বলতেন—“শুধু কি সে দস্তিই ছিল তটিনী? পড়া-শুনাতেও কেউ তার সঙ্গে এঁটে উঠতে পারতো না! নাভ-জামাই ক'রেছিলুম আমি—একেবারে যাকে বলে রূপে-গুণে! কি করবি বল দিদি; তোর বরাতে যে সুখ নেই, বিধি বাম—তা' কি হবে!”

তটিনী অভিমান ক'রে বলতো, “ঠাকুরমা! তুমি কেবলই বলো আমার অদৃষ্ট মন্দ—তাই সে রইলো না; আমি অভাগী—তাই তাকে পেলুম না! পাবার আগেই জীবনের সে শ্রেষ্ঠ সম্পদ আমার হারিয়ে গেছে! এর মানে কি? তুমি কি বলতে চাও তোমার নাভ-জামাইটা খুব ভাগ্যবান—তাই এ পোড়ারমুখীর সঙ্গে তার পরিচয় হবার আগেই সে পালিয়ে বেঁচেছে? কতটা বুঝি আমার একারই? আর, এই যে আমার এ বুকভরা ভাগবাসা আজকে আমি অঞ্জলি ভরে' যা' তার পায়ের তলায় লুটিয়ে দেবার জন্য উন্মুখ হ'য়ে রয়েছি—এ অর্থ্য যে সে বেঁচে থেকে নিতে পেলো না—এটা বুঝি তারও বড় কম হুঁতগ্য ব'লে মনে করো?”

ঠাকুরমা বলেন—“অতঃপর বুঝি নি বাপু তোদের একেলে কথার ছাঁদ! তবে, এটুকু বেশ জোর করেই বলতে পারি যে আমার সে সোনার টাঁদ যদি আজ বেঁচে থাকতো, তা হ'লে তোর মত অমন অনেক দাসীই তার পায়ের নিজেই অঞ্জলি দিতে পেলো নিজের ভাগ্যবতী বলে মনে করতো।

“ইস! তাই না? কি? ঠাকুরমা বুঝি তার প্রেমে গড়েছিলে?—নিশ্চয়! আমার সন্দেহ হচ্ছে”—বলে তটিনী হাসতো—

“দূর পোড়ারমুখী!”—বলে ঠাকুরমা তার গালে যেমনি ঠোনা মাত্রতে যেতেন—আর তটিনী হো-হো ক'রে হেসে উঠে চঞ্চলা হরিণীর মত ধর থেকে ছুটে পালিয়ে যেত।

দুই

তটিনী তার পূজার ঘরে ব'লে পতি-দেবতার অর্চনা

করছিল। ঠাকুরমার কাছে সে শিখেছে—স্বামীই নারীর জপ-তপ, ধ্যান-জ্ঞান, ইষ্ট ও একমাত্র আরাধ্য রত্ন! তাই সে তার স্বর্গগত স্বামীর একখানি ছবি সংগ্রহ ক'রে তার ঠাকুরঘরে নারায়ণের সিংহাসনের উপর সাজিয়ে রেখেছিল। নিত্য ফুলচন্দন দিয়ে সে এই চিত্রখানিকে পূজা ক'রত! সন্ধ্যায় মালা গোঁথে এই ছবির গলায় পরিয়ে দিত। অগুরু ধুপে তার দেবতার আরাতি করতো।

চোখ বুজে ব'লে সে ধ্যান ক'রতো ঐ ছবির মূর্ত্তি যেন সজীব হ'য়ে উঠে আসে তার কাছে! কিন্তু, তার সমস্ত একাগ্রতাকে ব্যর্থ করে—সেই এক অপরিচিত সুবার চিত্র খানি প্রাণহীন প্রতিকৃতি হয়েই প্রতিদিন তার চোখের সামনে ভেসে উঠতো!

তটিনী তার ঠাকুরমার মুখে শোনা স্বামীর অনেক গুণের কথা মনে মনে আলোচনা করতো—ভাববার চেষ্টা ক'রতো—যেন ভাঙ্গের ভরা নদীর বুকে একটা বলিষ্ঠ পুরুষ আনন্দে উচ্ছ্বসিত হ'য়ে সাঁতার দিচ্ছে। তার সুস্থ সুপুষ্ট পৃষ্ঠ ও দেহের অন্যান্য অঙ্গ-প্রত্যঙ্গের উপর দিয়ে গঙ্গার গৈরিক তরঙ্গ যেন দাঁড়াতে না পেরে পিছলে পড়ছে!

ঠাকুরমার কাছে সে শুনেছিল তার স্বামী না কি ভারী দেশভক্ত ছিল। স্বদেশী আন্দোলনের যুগে সে না কি লাঠি খেলা, অসি খেলায় পাড়ার সকল ছেলের অগ্রণী হ'য়ে উঠেছিল। বিলাতী জিনিস সে প্রাণ গেলেও কিনতো না। রাখী বন্ধনের দিন সে না কি একলাই শহর মাত ক'রে রাখত। বড় স্তম্ভর স্বদেশী গান ক'রতে পারত সে। তাই প্রভাস না হ'লে তখনকার কোনও স্বদেশী সভাই জমতো না! এমন চমৎকার সে বাঁশী বাজাতো যে শুনলে বোপ হয় বনের পশুও মুগ্ধ হতো।

সংসারের কাজ কর্ম সারা হ'লে তটিনীর প্রধান কাজ ছিল, ঠাকুরমার কাছে বলে খুঁটিয়ে খুঁটিয়ে তার না-জানা স্বামীর সম্বন্ধে সব কিছু গল্প শোনা। সেই সব শুনে শুনে সে আপন কর্ণনার সাহায্যে তার সেই না-পাওয়া মাহুঘটির সম্বন্ধে একটা কিছু সুস্পষ্ট ধারণা ক'রে নেবার চেষ্টা ক'রতো। এমনি ক'রেই আজ সুদীর্ঘ সাত বৎসর ধ'রে সে তার বৈধব্য জীবনের নিঃসঙ্গ দিনগুলিকে একে একে উত্তীর্ণ হ'য়ে এসেছে—আপনার স্বরণপাতীত স্বামীকে স্বীয় বিস্মরণের পার হ'তে টেনে আনবার প্রাণপণ প্রয়াসে।

তবু তার অন্তরের হাহাকার—জীবনের শূন্যতা—নিষ্ফল যৌবনের একান্ত ব্যর্থতা—তাকে মাঝে মাঝে মর্শাস্তিক পীড়িত ক'রে তুলতো! চিত্রের চরণতলে লুটিয়ে দেওয়া তার আকুল প্রেম-নিবেদন প্রতিদিন তেমনিই নিরুত্তর থেকে যেতো! তটিনী চিত্রখানিকে টেনে নিয়ে বুকের উপর চেপে ধ'রতো!—“ওগো! কথা কও! কথা কও! লাড়া দাও!—” বলে অধীর ব্যগ্র চূষনে চিত্রখানিকে সে আচ্ছন্ন ক'রে ফে'লত!...মুক চিত্র কিন্তু নিস্পন্দ অসাড়! তার চোখের দৃষ্টিতে প্রেমের নিগূঢ় রহস্য ফোটে না। তার অধরে সোহাগ সমুদ্রে চেউ খেলে না।

কত বিনীত রজনী সে যাপন করেছে তার প্রিয়তমের উদ্দেশে পত্র রচনায়! ছ'তিনখানি মোটা মোটা খাতা একেবারে ভ'রে গেছে তরুণী তটিনীর রঙীন মনের ভাব-ধারার উসিদ্ধত তরঙ্গে! কিন্তু উত্তর কই? উত্তর কই তার সে চিত্ত-বিম্বিত চিঠি-পত্রের? কেউ তো পাঠালে না আজও তার সেই কতো নিশি জেগে লেখা লিপির একটা ছত্রেরও উত্তর!

যাকে ভালবাসার জন্ত তার সমস্ত সত্তা উন্মুখ হ'য়ে উঠেছে, যাকে আদরে সোহাগে আচ্ছন্ন ক'রে দেবার জন্ত তার হৃদয় অধীর আগ্রহে ব্যাকুল; যার সেবায়—যার পরিচর্যায়—তটিনী নিঃশেষে উৎসর্গ ক'রে দিয়ে ধন্ত হ'তে চায়—কোথায় তার সেই ধ্যানের ধন—তার মনের ছবি—জীবনের দেবতা তার?

নেই! নেই! সে কোথাও নেই! সে শুধু ছবি—শুধু পটে লেখা!

তিন

সকালে উঠে ঘর-সংসারের কাজ স্নান করা, পূজা করা, রাধা—খাওয়া—শোয়া, বসা, বাসনমাজা, আর—ঠাকুর মাকে রামায়ণ পড়ে শোনানো। এবং তারই কঁকে কঁকে কথায় কথায় সেই একটা লোকের বিষয় তাঁকে জিজ্ঞাসা করা—এই ছিল তটিনীর জীবনের নিত্য কাজ। বৈচিত্র্য-হীন—এক ঘেয়ে—নিরানন্দ দিনপাত।

বাসন্তী বৈকালে তাদের বাড়ীর সামনের পথ দিয়ে 'বেল ফুল'ওয়াল হাঁকে যেতো। বর্ষায় সে বেচতো কেয়াফুল! শরতে কমল! তটিনী তার একজন মন্ত বড় খরিদার।

একরাশ বেলকুড়ি নিয়ে সে বসতো। দখিন হাতয়ার গুঞ্জরণে গুণ্, গুণ্, ক'রে গান গেয়ে তার প্রিয়তমের মন্ত মালা গাঁথতো। সে মালা গাঁথা তার যেন আর শেষ হয় না! সাতবার ছিঁড়ে সাতবার ক'রে সে গাঁথতো। শেষে ঠাকুরমার কাছে বকুনী খেয়ে তবে তার সে মালা নিয়ে খেলা শেষ হ'তো। চুপি চুপি সে ঠাকুর ঘরে ঢুকে তার স্বামীর ছবির গলায় সেই বেলের মালা ছলিয়ে দিয়ে আসতো! রাত্রে শুতে যাবার আগে আবার লুকিয়ে ঠাকুর ঘরে ঢুকে ছবির গলা থেকে সে মালা ছড়াটা খুলে নিজের ধোঁপায় জড়িয়ে নিয়ে যেতো! ঠাকুরমার গলাটা ধরে—কাণে কাণে বল'ত, “তোমার নাত-জামাই যে পরিয়ে দিলে ঠাকুমা, কিছুতে ছাড়লে না!— তুমি আমায় বোকো মা যেন!—”

বৃদ্ধা নিঃশব্দে একটা দীর্ঘ-নিঃশ্বাস কেলে গোপনে চোখের জল মুছে নাতনীকে বুক টেনে নিয়ে বলতো,— “থাক্ থাক্, বেশ করিছিস্—ওতে কোনো দোষ নেই!”

কেতকীর পরিমল রেণু বাদল সাঁঝে তাকে বেশ পাগল ক'রে তুলত। কদম্ব কেশর যেন তার শ্রাবণ ধারার দোসর হ'য়ে দেখা দিত! শরতের শেকালী কমল কাশ তার পুষ্প-বিলাসের প্রধান উপকরণ হ'য়ে উঠতো!”

কিন্তু, ফুলও তাকে মাখনা দিতে পারতো না। কুরুল-কলি তার পক্ষে শুধু পুষ্পশরই হ'য়ে উঠত! তবু ফুলই সে ভালবাসতো জীবনে তার সব কিছুর চেয়ে বেশী!”

ফুল দিয়ে সে লিখত—প্রভাস! প্রভাস! প্রভাস! তার খাতার আঠে-পৃষ্ঠেও সে এই নামটাই লিখে রেখেছিল। তার বিয়ের পর বাম হাতের উকীতে সখীরা লিখে দিয়েছিল “প্রভাস-তটিনী।” সে রেখা এখন আরও যেন উজ্জ্বল হ'য়ে উঠেছে। সে ফার-ফোর রুমাল বুনে রেশম দিয়ে তার কোণে লিখতো “আমার—প্রভাস” সে কার্পেটের জুতো বুনে তার উপর লিখে রাখত—“চরণাশ্রিতা তটিনী।” ‘সই’য়ের ছেলের অঙ্কে সে রকম রকম কাঁথা শেলাই করতো—‘বকুল ফুলের’ খোকার অঙ্কে সে পশমের ছোট ছোট মোলা টুপি গেম্বী বুনে দিত। পাড়া-পড়শী মেয়েদের সে ধুম ক'রে পুতুলের বিয়ে দিয়ে দিত!

কিন্তু, কিছুতেই যেন সে সুখী হ'তে পারতো না। অন্তরে একদিনের তরেও পরিপূর্ণ তৃপ্তি পেতো না।

কোথায় যেন একটা কিসের অভাব সকল কাজেই তাকে অকস্মৎ গভীর নিরুৎসাহ এনে দিত। তার প্রাণের ভিতর থেকে কে যেন হাহাকার ক'রে ব'লে উঠত,—‘মিথ্যা! মিথ্যা! এ সকলই মিথ্যা! ওরে ও অভাগী! তোর এ বিড়ম্বনা কেন?’ তখন আর হাতের শিল্প-কাজ তার কিছুতে শেষ হতো না। সেলাই-বোনা, ভাঙা-গড়া,—আঁকা-লেখা—পুতুলের বিয়ে সব কিছুই তার একান্ত অনাদৃত ও অবহেলার বস্তু হ'রে অসমাপ্ত পড়ে থাকতো!”

এমনিতর একটা উদাস বেদনাময় মনের অবস্থায় তটিনী যখন তার নিঃসঙ্গ জীবন ভারে একান্ত ক্লান্ত ও অবসন্ন বোধ করছিল নিজেকে—ঠিক সেই সময় বিভূতি এলো তার জীবনের মরু-পথে—ভূষণার্তের জন্ত স্মৃতিতল পানীয় জলের মর্শ্বর-সুত্র ভঙ্গার মিয়ে!

চার

ছোট একখানি একতলা বাড়ী। কিন্তু ছ'মহল। স্কোরের উপরে তৈরী। বাইরে রাস্তার ধারে উচু রকের কোলে তিনখানি ঘর, তারপর একটা উঠান—তারপর আবার উচু ও চওড়া দালানের কোলে আর ছ'খানি ঘর। উঠানের একধারে টিনের চালায় তটিনীদের রান্নাঘর ও ঠাকুরঘর। দালানের কোলের ঘর ছুটিতে পৌত্রী ও পিতামহীর বাসা। বাইরেটা তারা ভাড়া দেয়। তা' থেকে মাসে তিরিশ টাকা ক'রে আয় আছে—তাদের। তা'ছাড়া বুড়ীর হাতে আরও কিছু ছিল। তাইতেই ছ'টা বিধবার বেশ সচ্ছল অবস্থাতেই চলতো। কিছুদিন থেকে তাদের বাইরের অংশটা খালি প'ড়েছিল। আজ একজনরা ভাড়া এসেছে।

একটা বলিষ্ঠ সুন্দর যুবা—প্রশস্ত বক্ষ, দীর্ঘ দেহ, দীপ্ত দৃষ্টি কালো চোখ—বুড়ি তাকে একলা আসতে দেখে ব'লে—“কইগো, তুমি যে ব'লে—তোমার মা আছেন, একটা বিধবা বোন আছে, একটা ছোট ভাই আছে, তাদের তো কই আনো নি বাছা?”

ছেলেটা ব'লে—“এ মাসে যে দিন ভাল নেই ঠাকুরমা, তাঁরা সব ওমাসে আসবেন। কিন্তু, আমার যে ইচ্ছা খুলেছে—আমি তো আর থাকতে পারি নি, তাই একলাই আসতে হ'ল।”

ছেলেটা তাকে ‘ঠাকুরমা’ ব'লেতে বুড়ি তারি খুশী হ'য়েছিল। ব'লে—“আহা! তা' আসতে হবে বই কি দাদা! ইচ্ছা তো আর কামাই করা চলে না?—তা তাই তোমার খাওয়া দাওয়ার কি হবে?”

ছেলেটা ব'লে—“বায়ুনের ছেলে আমি ঠাকুরমা—আর কিছু জানি আর না জানি উম্মুনে ফু, শাখে ফু আর কাণে ফু এ তিন বিড়ে শিখে রেখেছি। নিজেই রেখে থাকো; আপন হাত—জগন্নাথ! কি বলেন ঠাকুরমা?”

‘তা বটে! তা বটে!’ ব'লে বুড়ি জিজ্ঞাসা ক'রলে—“তোমার নামটা কি ব'লে ছিলে তাই সেদিন? আমি ভুলে গেছি! আমার নাতনী জানতে চাইলে যখন, আমি ব'লেতে পারলুম না।”

ছেলেটা হেসে কেলে ব'লে—“আমার নাম ‘প্রভাস’ ঠাকুরমা! সেদিন যে আপনি আমার নাম শুনে ব'ললেন—আমার নামে আপনার কে একটা নাতী না নাতনী আছে! তাইতো আমি আপনাকে ‘ঠাকুরমা’ ‘ঠাকুরমা’ বলে ডাকছি। আপনি রাগ ক'রছেন না তো?”

বুড়ির হুই চোখে ধারা নেমে এল! এরও নাম ‘প্রভাস’! অনেকক্ষণ ছেলেটার দিকে চেয়ে চেয়ে দেখে মনে মনে ব'লে—ঠিক যেমনটা সে ছিল তেমনটা না হ'লেও ধরণটা একই রকম বটে! আহা, বেঁচে থাক্ সুখে থাক্, রাজা হোক! ঠাকুর মা তাঁর দক্ষিণ হস্তে প্রভাসের চিবুক স্পর্শ করে সম্মেহে চুপন করলে।

তারপর চোখ ছুটি মুছতে মুছতে প্রভাসকে ব'লে—“ভাই, লক্ষ্মী দাদা আমার! এ বুড়ো মানুষটার একটা কথা তোমাকে রাখতেই হবে!—তোমাকে ও নামে আমি ডাকতে পারবো না।—সে ছোড়া আমার নাতি নয়, নাত জামাই ছিল। তটির সিঁথির সিঁছর মুছে নিয়ে—আমার ত্রিভুবন অঙ্ককার করে দিয়ে সে নিষ্ঠুর চলে গেছে। তার নাম আর আমি ক'রব না—আমি তোমায় ‘বিভূতিভূষণ’ বলেই ডাকবো—কেমন? তোমার আপত্তি নেই তো ভাই?”

প্রভাস ষাড় নেড়ে ব'লে—“যে নামে ইচ্ছে আপনি আমায় ডাকবেন ঠাকুরমা! আপনাকে আমি ঢালা ছুঁমু দিয়ে রাখছি!—‘গাধা’ বলে ডাকলেও আমি সাড়া দেবো। ‘বিভূতিভূষণ’ অত বড় নামেই বা দরকার কি? শুধু

‘বিভূতি’ কিংবা ‘ভূত’ ব’ললেই তো হবে!—কি বলেন ?—”

“বালাই, ষাট ! ভূত হবে কেন ভাই ! তোমরা যে আমাদের ভূষণ ! বসতে বলতে বুড়ি বহুদিন পরে আজ একটু শ্রাণখুলে হাসতে পেয়ে যেন অনেকটা আরাম বোধ করলে ।

পাঁচ

ছ’দিনেই ছেলেকীর উপর বুড়ির মায়া পড়ে গেল । তাই সেদিন গঙ্গাস্নান সেরে বাজার ক’রে বাড়ী চুকতেই—‘তটিনী’ তাকে যেই ব’ললে “ও ঠাকুরমা, তোমার ভাড়াটে নাতীর যা রান্নার স্ত্রী ! চড়িয়ে ছিলেন তো ভাতেভাত, ভাও গেছে - চুষে পুড়ে তলা ধরে !”

বুড়ী শুনেই তখনি ছুটলো বার-বাড়ীতে । প্রভাসকে ডেকে বললে—“বিভূ, ভাত না কি পুড়িয়েছো ?”

প্রভাস চমকে উঠে বললে—“সে কি ? পুড়ে গেছে না কি ঠাকুরমা ? চলো চলো দেখি ! চড়িয়ে দিয়ে এসে একটা অন্য কাজে বসেছিলুম—ভাতের কথা আর মনেই ছিল না । ভাগ্যিস তুমি বললে প্রভাস ভাড়াটাড়ি উঠে এসে দেখলে—ভাই তো ! ভাতটা তার সত্যিই পুড়ে গেছে !

বুড়ি ব’ললে, “কি খাবে আজ ? ছি ছি, এমন ভুলো ছেলে তো আমি দেখিনি ?—ভাত ধ’রে যাচ্ছে—খেয়াল নেই ?”

প্রভাস যেন কিছুই হয় নি এমনি ভাবে হাসতে হাসতে ব’ললে,—“যাক্গে, তুমিও যেমন !—কলকাতা শহরে পয়সা থাকলে কি আবার খাবার ভাবনা থাকে ঠাকুরমা ! রাতছপুরেও গরম মাছের ঝোল ভাত পাওয়া যায় !”

বুড়ি ষাড় নেড়ে ব’ললে, “না—তা আমি কিছুতেই হ’তে দেব না । রোজ রোজ হোটেলের ভাতগুলো গিলে শেষে অসুখে পড়বে । আজ আমার কাছেই ভাত খেয়ো বুঝলে ভাই ; নিমন্ত্রণ করে গেলুম । তুমি নিরামিষ খাও যখন তখন আর তোমার ভাবনা কি ?”

প্রভাস রহস্য ক’রে ব’ললে,—“আমি কিন্তু বড্ড বেশী খাই ঠাকুরমা—রান্নাসের মতো ! শেষে রাগ ক’রবে না তো ?”

“দূর পাগল ছেলে ! তুই বুঝি আমাকে কেবলই রাগ ক’রতেই দেখিস ? যে খেতে পারে তাকেই তো মানুষের খাওয়াতে ভাল লাগে—”

বাধা দিয়ে প্রভাস ব’ললে, “হাঁ, এই এত বেলায় আবার যখন তোমায় উল্লুন গোড়ায় গিয়ে বসতে হবে আর একবার রাঁধবার জন্তে তখন মনে মনে নিশ্চয় বলবে—‘ষাট হ’য়েছে—ছোড়াকে খেতে বলে । রান্নাসটাকে আর কখনো নিমন্ত্রণ করছি নি ।”

বুড়ি বললে, “আমাকে কি আর তটি রান্নাঘরের ত্রিসীমানা মাড়াতে দেয় ! অনেকদিন হ’লো সেখান থেকে আমাকে নির্বাসিত ক’রে সেই এখন নিজে তার চৌহদ্দির পুরো দখল নিয়ে বসেছে !—একবার ছেড়ে দশবার রাঁধতেও সে কাতর নয় ।”

—“তটি ? সে আবার কি জীব ঠাকুরমা ?—‘ষটি’ দেখেছি, আছেও আমার ! কবিরাজী বটা জানি এমন কি ‘চটি’ও পাওয়া যায় এই তালতলা’ গলি থেকে সেই হিমালয়ের বদ্রিনারায়ণের পথেও ! পায়ে দেবার এবং মাথা শুজে থাকবার কিন্তু ‘তটি’ তো কখনও শুনি নি ঠাকুরমা !—”

ঠাকুরমা হাসতে হাসতে বললেন, “এত রকম জানিস দাদা তুই !—‘তটি’ যে আমার নাতনী রে । আমি তাকে ‘তটি’ বলে ডাকি বটে, কিন্তু তার নাম হ’চ্ছে স্ত্রীমতী তটিনীরাণী দেবী—বুঝলি ?—”

প্রভাস যেন বিশেষ বিস্মিত হ’য়ে বললে, “ও-ও-ও ! তাই বলা ?”

ঠাকুরমা তার চোখ-মুখের রকম দেখে আর একবার হেসে উঠে বললেন, “তার কাছেই তো আমি তোমার এই ভাত পোড়ানোর খবর পেলুম !”

প্রভাস চমকে উঠে বললে, “ঠাকুরমা ! তবেই তিনি যা রাধিয়ে তা’ বোঝা গেছে ! ভাতটা ধরে যাচ্ছে দেখে কি তিনি এসে দয়া করে হাঁড়িটা নামিয়ে রেখে দিয়ে যেতে পারতেন না ? ভাল রাধুণী হলে নিশ্চয় তাই করতেন । ধর না কেন, তুমি যদি বাড়ী থাকতে ঠাকুরমা ! আমার ভাতটা ধ’রে যাচ্ছে দেখে তুমি কি এই ‘ষটি’ না কি বললে—‘চটি’র মত চূপ করে বসে থাকতে পারতে ?”

ভিতর থেকে ডাক এল—“বাবু মা !”

“যাই দিদি !”—তটিনী ডাকছে শুনে ঠাকুরমা ভিতরে

চলে গেলেন। বাবার সময় আর একবার ভাল করে বলে গেলেন, “আমার কাছেই আশ্রয় খেতে হবে বিভূ। হোটেল খুঁজতে বেরিয়ে না যেন—খবরদার!—তা হলে আমি বড় রাগ করবো কিন্তু!”

ছয়

তটিনীর জীবনে আজ এই প্রথম অতিথি সংকার। একটা অপরিচিত অনাখ্যীয় যুবককে নিজের হাতে পাঁচরকম রেখে ধাইয়ে আজ সে যা তৃপ্তি পেয়েছে. এ তার পক্ষে এক নতুন অভিজ্ঞতা। প্রভাসের সেই “আরও একটু খেতে ইচ্ছে হচ্ছে” বলে চেয়ে নিয়ে প্রত্যেক জিনিসটা পরিতোষের সঙ্গে চেটে পুটে খাওয়া! রন্ধন সম্বন্ধে তার মুখের সেই উচ্চ প্রশংসা তটিনীকে যেন এক অননুভূতপূর্ব আনন্দের আত্মদানে দিলে! রন্ধনের ভার সে অনেকদিন থেকেই নিজের হাতে নিয়েছিল বটে, কিন্তু তার মধ্যে যে এতখানি সার্থকতা থাকতে পারে সে কথা আজ যেন প্রথম সে অনুভব করতে পারলে।

ঠাকুররমাকে বললে, “বাবুমা, ওঁদের বাড়ীর মেয়ে ছেলেরা যে কদিন না আসেন ওঁকে বল যেন সে কদিন উনি আমাদের কাছেই খাওয়া দাওয়া করেন। এরকম মানুষকে ধাইয়ে তৃপ্তি পাওয়া যায়!”

ঠাকুরমা হেসে বললেন, “সে আর বলতে হবে না দিদি। যে অমৃত পরিবেষণ করেছিল, আমার ভাড়াটে নাতিটা নিজেই উপযাচক হয়ে এখন কিছুদিনের জন্য ওই অনুগ্রহটুকু আমার কাছে ভিক্ষে চেয়ে গেছে।”

তটিনী শুনে খুশী হয়ে নবোত্তম ও নবীন উৎসাহে গৃহকর্মে মনোনিবেশ করলে। প্রভাস ‘চা’ খায় শুনে সে নুতন করে চায়ের ব্যবস্থা করলে। প্রভাস পান খায় জেনে সে পান লাভবার সরঞ্জাম আনালে। প্রভাসের দু’বেলার জল ঝাঝারটন পর্যন্ত সে নিজে হাতে তৈরী করে পাঠায়। বাজার থেকে তাকে এতটুকু সামগ্রী কিনে আনিতে খেতে দেয় না। অন্তরাল হ’তে এই মেয়েটির এতখানি আন্তরিক সেরা স্বয়ং প্রভাসের ভারি ভাল লাগে।

প্রভাস প্রত্যহ বাইরে বেরুবার সময় তার মহলের চাবী ঠাকুরমার কাছেই রেখে যেতো। আজও রাখতে এসেছিল কিন্তু শুনে ঠাকুরমা বাড়ী নেই। রণকাল

ইতস্ততঃ করে সে তার রিংগে চাবীর গোছাটা তটিনী যে ঘর থেকে বলেছিল—‘ঠাকুরমা বাড়ী নেই’ সেই ঘরের মধ্যে ছুড়ে দিয়ে বলে গেলো, “আমার চাবীটা তা হলে দয়া করে আপনিই রেখে দিন; কারণ প্রতিমার অন্তরালই দেবীর মতো আপনিই যে এ গৃহের অধিকাাত্রী এ কথা আমি জানি।”

জুতোর আওয়াজে তটিনী বুঝতে পারলে প্রভাস চ’লে গেল।

প্রভাসের মুখের ওই সামান্য কটা কথা আজ যেন তটিনীর বুকের মধ্যে এক নতুন সুরের তরঙ্গ-হিলোল তুলে দিয়ে গেল! চাবীর রিংটা কুড়িয়ে নিয়ে আঁচলে বাঁধতে গিয়ে কি ভেবে সে যেন লজ্জার রাঙা হয়ে উঠলো!

প্রতিদিন খেতে বসে ঠাকুরমার সঙ্গে প্রভাসের সেই অনাবিল হাস্য-পরিহাস তটিনীর খুব ভাল লাগতো। সোজা তটিনীর সঙ্গে কোনোদিন সে একটি কথাও বলে নি। তাই আজকে সে বাইরে যাবার সময় বিশেষ করে তটিনীকেই যে কথাগুলি বলে গেল, তটিনীর কাণে সেগুলি শুধু নতুন নয়—ভারী মিষ্টি শোনালো!”

“প্রতিমার অন্তরালই দেবীর মত! কি সুন্দর করে কথা বলেন উনি!” তটিনী রোমাঞ্চিত হয়ে উঠছিল প্রভাসের আরও অনেকদিনের অনেক কথা শ্রবণ করে! ঠাকুরমার সঙ্গেই সে কথা কয় বটে, কিন্তু, সে সব কথা সে যে কা’কে শোনাবার জন্য বলে, সেটা তটিনী তার নারীমূলভ সহজ অনুভূতি থেকে অনায়াসেই বুঝতে পারতো।

ঠাকুরমা কতদিন বলেছে, “বিভূতি ছেলেরা দেখছি অবিকল আমাদের প্রভাসের মতন। সেও যেমন স্বদেশী করে বেড়াত’ এ ছোঁড়াও কি ঠিক তাই! বলে কি না ‘ঠাকুরমা তোমায় চরকা কাটতে হবে। তোমায় খন্দর পরতে হবে।’”

তটিনী শুনে হাসে কিন্তু তার পরদিন থেকেই ঠাকুরমা দেখে—তটিনী খন্দর পরে চরকা কাটছে! ঠাকুরমা বলে—“ওমা! কি হবে। কোথা যাবো! তুই যে দেখছি তুই একেবারে বিভূর চেলা হয়ে উঠলি!”

তটিনী লজ্জায় লাল হয়ে ওঠে। বলে—“বুঝে গেছে!

আমার দায় পড়েছে ! আমি মহান্নাঙ্গীর আদেশে পরেছি।
ওঁর কথায় পরতে যাবো কেন ?—”

আজ সে প্রভাসের চাবীর রিংটা অনেকক্ষণ নেড়ে-
চেড়ে দেখে, অনেক ইতস্ততঃ করে শেষটা কপালে ঠেকিয়ে
সময়ে যেই আঁচলে বেঁধে নিলে, সেই সময় ঠাকুরমা
বাড়ী ঢুকে বললে, “তটি ছেলেটা রোজ আমাদের সঙ্গে
নিরামিষ খেয়ে খেয়ে যে রোগা হয়ে গেলো। আজ এই
দোর গোড়া দিয়ে তপসে মাছ বেচতে যাচ্ছিল—ডেকে
এনেছি। ভাল করে একটু রেঁধে দিস্ তো বল কিছু
কিনি।”

তটিনী চমকে উঠে বললে, “সে কি বাবুমা,—উনি যে
মাছ-মাংস একেবারে খাননা বললেন সেদিন তোমাকে অমন
করে শোন নি ?—সেই যে গল্প করলেন, সেদিন একবার
কোথায় নিমন্ত্রণ খেতে গিয়ে ভুলে ওঁর পাতে
নিরামিষ ডাল বলে মুড়িঘণ্ট দিয়েছিল। সে খেয়ে ওঁর
বমি হয়ে গেছিলো ! না বাপু, কাজ নেই, তুমি ও ফিরিয়ে
দাও। তা’ছাড়া আমাদের নিরামিষ হেঁসেলে আর ও সব
আমি ঢোকাতে চাই না।”

অত্যন্ত ক্ষুধ হ’য়ে ঠাকুরমা অগত্যা তপসে মাছওয়ালাকে
ফিরিয়ে দিলেন।

তটিনী বললে—“বাবু মা ! একবার এসো তো,
তোমার ভাড়াটে নাতিটী আমাদের ঘর-দোর গুলার কি
হুর্দশা ক’রে রেখেছে দেখে আসি।”

ঠাকুরমা বললেন—“বিভূ কি আছে ? ঘর-দোর সব
চাবী দেওয়া দেখে এলুম যে !”

তটিনী বললে—“এই বেলাই তো সুবিধে !—চাবী
রেখে গেছে। চল দেখিগে !”

স্নাত

ঠাকুরমা আর নাতনীতে গিয়ে যা’ দেখলে, তা’তে
ওদের কান্না পেয়ে গেল ! বিছানা-মাছুর, কাপড়-জামা,
বই-খাতা, বাক্স-পেটরা সব উল্টে পাণ্টে চারিদিকে ছড়ানো
পড়ে রয়েছে। ঘরে যে কতদিন কাঁচ পড়েনি তার ঠিক
নেই ! এক হাঁটু ক’রে ধুলো জমে রয়েছে ! আলোর
চিমুনিটার কাণী মোছা হয় নি অনেক কাল। মশারীর
এক কোণের দড়ী ছিঁড়ে গেছে ;

তটিনী আর কোনও কথাবার্তা না ব’লে তৎক্ষণাৎ
কোমর বেঁধে প্রভাসের গৃহ-সংস্কারে লেগ গেল !

চক্কর নিমেষে সবকিছু ঝেড়ে মুছে শুছিয়ে ঘরদোর
গুলিকে সে ঝক্-ঝকে তক্-তকে ক’রে তুললে ! টেবিলের
উপর বই খাতাগুলি সাজিয়ে রাখতে রাখতে—তটিনী কি
দেখে যেন চমকে উঠে ব’ললে—“বাবু-মা ! তুমি একে
‘বিভূতি’ ব’লে ডাকো শুনি, কিন্তু ‘বিভূতি’ তো এর নাম
নয় ! সমস্ত বইগুলি এবং পাতা পরে যে অন্য নাম লেখা
র’য়েছে দেখছি, এর নাম ‘বিভূতি’ তোমাকে কে ব’ললে ?”

ঠাকুরমা বললেন—“হাঁ রে, তোকে বলতে ভুলে
গেছি বটে। বিভূর নাম আর আমার নাতজামায়ের নাম
এক ব’লে, আমিই ওর নতুন নাম রেখেছি ‘বিভূতিভূষণ !’

তটিনীর সর্বাঙ্গ যেন বিহ্বল ও অবশ হয়ে এল ! কি যেন
একটা অকূল ভাবনার অতল সমুদ্রে সে তলিয়ে গেল !
বইগুলো সে নাড়ছিল-চ’ড়ছিল বটে, কিন্তু বইয়ের দিকে
তার মন ছিল না। গ্যারিবন্ডী, ম্যাজিনী, বিবেকানন্দ,
তিলক, ডি ভ্যালেরা, ওয়াশিংটন, মহান্না গান্ধী প্রভৃতি
অসংখ্য স্বদেশের জন্ম উৎসর্গিত-প্রাণ বীরগণের জীবন-
চরিতের সঙ্গে প্রভাসের টেবিলের উপর ছিল—রবীন্দ্র-
নাথের ‘গীতাঞ্জলি’ ও ‘চন্দনিকা’ !

প্রভাসের মাথার বালিশের নীচে থেকে একটা বাঁশর
বাঁশী ও পাওয়া গেল বটে, কিন্তু, তটিনী অবাক হ’য়ে
ভাবছিল—এবাড়ীতে এসে পর্য্যন্ত কই একদিনও তো ওঁকে
এটা বাজাতে শুনি নি !

বাঁশীটার উপর আবার বালিশটা চাপা দিয়ে তটিনী
জিজ্ঞাসা করলে—“আচ্ছা, বাবু-মা ! তোমার নাতজামাই
কি বাঁশী বাজাতে পারতো ?”

ঠাকুরমা মহা উৎসাহিত হ’য়ে উঠে ব’ললেন—“নিশ্চয়,
খুব ভাল বাজাতো।”

তটিনী আর একবার বালিশটা তুলতেই দেখে বাঁশীর
সঙ্গেই ওপাশে একখানি ছোট পকেট ডায়েরীও রয়েছে।
তটিনী সেই ডায়েরীখানি ধেই খুলেছে—বাইরে জুতোর শব্দ
পাওয়া গেল, তটিনী তাড়াতাড়ি সেখানি যথাস্থানে রেখে
দিলে। ঠিক সেই সময় প্রভাস কিরে এসে ঘরে ঢুকে
পড়লো। তটিনী আর পালাতে পারলে না। একপাশে
ঘোমটা টেনে জড় সড় হ’য়ে দাঁড়িয়ে রইলো। প্রভাস

তার গৃহের নবীন ঐ দেখে আনন্দে উৎফুল্ল হয়ে উঠে ব'ললে—“ঠাকুরমা একি সৌভাগ্য ? আজ কার মুখ দেখে উঠেছিলুম ? কে জানে ? আমার ঘরে তোমাদের পা'য়ের খুলো প'ড়ে এ শ্মশান দেখছি একেবারে ইঞ্জসভার তুলা অপরূপ হ'য়ে উঠেছে ?”

ঠাকুরমা কৃত্রিম ভৎসনার সুরে ব'ললেন—“ঘর দোর গুলো কি ক'রে রেখেছিলি বনতো বিভূ ? ছি ছি ! যেন আঁস্তাকুড় । কি ক'রে বাস করছিলি ভাই ওর মধ্যে ?”

প্রভাস হাসতে হাসতে ব'ললে—“তোমার ভাড়াটে ভাড়াটী যে লক্ষীছাড়া ?”

ঠাকুরমা হেসে ফেলে ব'ললেন—“তা' একটা লক্ষী ঠাকুরুণ খুঁজে এনে দেবো না কি ?”

প্রভাস ব'ললে—“তুমি যেখানে রয়েছো, সেই তো লক্ষী-নিবাস ঠাকুরমা ! লক্ষী আবার খুঁজতে যাবে কোথা ?”

আট

প্রভাসের শরীরটা বড় খারাপ বোধ হচ্ছিল ব'লে সেদিন খুব সকাল সকালই সে বাড়ী ফিরেছিল ; রাতে তার খুব জ্বর এলো !

সকালে ঠাকুরমা খবর পেয়ে দেখতে এলেন । প্রভাসের অবস্থা দেখে তাঁর জ্বর হ'য়ে গেলো ! পরের ছেলে তাঁর বাড়ীতে এসে কি শেষে বেঘোরে মারা যাবে ? তিনি ডাক্তার আনালেন । তটিনীকে ব'ললেন—“এখন আর লক্ষী ক'রে লুকিয়ে থাকলে চলবে না দিদি ! আমি বুড়োমানুষ কিছু ক'রতে পারবো না । রোগীর ভার তোকেই নিতে হবে । বিভূর কাছে ঠিকানা নিয়ে ওর দেশে আমি টেলিগ্রাম করিয়ে দিয়েছি । ওর মা-বোনেরা এসে পড়লেই তোর ছুটি !”

তটিনী একবার শুধু ব'ললে—“আমি কি পারবো বাবু-মা ? রোগীর সেবা তো কখনও করি নি !”

ঠাকুরমা জোর ক'রে ব'ললেন—“খুব পারবি ভাই ! হি'ছর ঘরের বিপদার সেবাই তো প্রধান ধর্ম রে ! আহা ! ছেলেটা বড় ভালো ! ওর এখানে কেউ নেই যখন, তখন আমাদেরই দেখতে হ'বে ওকে !”

তটিনী আর বিরক্তি না ক'রে রোগীর শুক্রবার সমস্ত

ভারই নিজের হাতে তুলে নিলে ।”

ডাক্তার তার সেবার পদ্ধতি দেখে খুব প্রশংসা ক'রে গেলেন এবং ঠাকুরমাকে ব'লে গেলেন—“রোগী যদি বাঁচে তবে সে কেবল ওর সেবার গুণে ! নইলে জরটা ঘেরকম বাঁকা হ'য়ে দাঁড়িয়েছে তাতে কেবল মাত্র ডাক্তার আর ওষুধে কিছু হ'ত না !”

তিন-চার দিনের মধ্যেই প্রভাসের মা, বোন আর ছোট ভাই এসে পড়লো ।”

প্রভাসের বোন সুষমা দাদার পরিচর্যার ভার নিতে চাইলে, কিন্তু ডাক্তার ভয়ানক আপত্তি ক'রলেন । তিনি ব'ললেন—“এ অবস্থায় আর কারুর হাতে আমি রোগীর ভার দিতে ভরসা করি নি !”

অগত্যা তটিনীকেই রোগীর পার্শ্বে র'য়ে যেতে হ'ল ! এবং ডাক্তারের আদেশে তাকে সেখানে একাই থাকতে হতো । রাতে প্রভাসের ঘোরে বিকারের রোগীর মুখে কেবলই সে শুনতো তার নিজের নাম । প্রতিবারই সে চমকে উঠতো । তার কেমন যেন একটা ভয় ভয় ক'রতো, কিন্তু, তবু আর একবার শোনবার জন্তও প্রাণের মধ্যে একটা যেন ব্যাকুলতা অশ্রুত্বব করতো । রাত্রি জাগরণের তার প্রধান অবলম্বন হ'য়ে উঠেছিল প্রভাসের সেই ডায়েরী খানি । পড়তে পড়তে সে যেন একেবারে পাগল হ'য়ে যেতো ! যে লোক একটা দিনের তরেও কখনও তার মুখের দিকে ফিরে চায় নি, সে যে অন্তরে অন্তরে প্রতিদিন তাকে কত নিবিড়ভাবে ভাল বেসেছে তারই সক্রুণ ইতিহাস এই ডায়েরীখানির প্রত্যেক পাতে লিপিবদ্ধ ছিল !

তটিনীর অক্লান্ত সেবা-যত্নে প্রভাস একমাসের মধ্যেই আরোগ্য হ'য়ে উঠল ! সে যেদিন পথ্য ক'রলে তটিনী ফিরে এসে তার নিজের ঘর সংসারের মধ্যে ঢুকে পড়লো । এমনভাবে নিজেকে সে লুকিয়ে ফেললে যেমন ক'রে বিপদের সাড়া পেয়ে শায়ুক তার ধোলের মধ্যে ঢুকে পড়ে !”

ঠাকুরঘরে স্বামীর প্রতিকৃতি পূজা ক'রতে গিয়ে সে আর স্থির হ'য়ে বসতে পারে না । পতির ধ্যানে বসলে তার মানস নেত্র ভেসে ওঠে প্রভাসের মুখ ! রাতে শুয়ে শুয়ে তার মনে পড়ে প্রভাসের ডায়েরীতে লেখা কথাগুলি ।

তটিনী প্রাণপণে মনের সঙ্গে যুদ্ধ করে নিত্য কৃতবিকৃত হ'তে লাগল।

সুখমার বড় ভাল সেগেছিল এই তটিনীকে। সে দেখেছে কেমন ক'রে এই মেয়েটি দিনের পর দিন রাতের পর রাত যমের সঙ্গে যুদ্ধ ক'রে সাবিত্রী যেমন ক'রে তাঁর মৃত পতিকে ফিরিয়ে এনেছিল তেমনি করেই তার দাদাকে নিশ্চিত মরণের মুখ থেকে ফিরিয়ে এনে দিয়েছে তাদের কাছে। শুধু কৃতজ্ঞতাই নয়, একটা আশ্চর্যিক স্নেহের আকর্ষণেই সুখমা যখন-তখন ছুটে আসত তটিনীর কাছে! তাকে 'দিদি' বলে ডেকে সে মনের মধ্যে যথার্থই একটা ছাপ পতো! তার নারীমূল্য অন্তর্দৃষ্টি থেকে একথা সে বেশ বুঝতে পেরেছিল যে, তার দাদা এই মেয়েটিকে একটু বিশেষ অমুরাগের চোখেই দেখে! তটিনীর প্রতি তার আশক্তির এও ছিল একটা প্রধান কারণ

সুখমা এসে তটিনীর কাছে তার দাদার গল্প অনেক কিছুই ক'রতো তটিনী কিন্তু দেখাতো সে যেন ও সঙ্কে সম্পূর্ণ উদাস। সে ভুলেও কখনও সুখমাকে তার দাদার কথা কিছু জিজ্ঞাসা ক'রতো না। কিন্তু, অধীর আগ্রহে উদ্-গ্রীব হ'য়ে সে প্রতিদিন সুখমার আগমন প্রতীক্ষা করতো। প্রভাসের জীবনের প্রত্যেক খুঁটিনাটি কথাটি শোনবার জন্য তার সমস্ত চিন্ত যেন উন্মুখ হ'য়ে থাকতো!”

নশ্ব

একদিন সুখমা এসে ব'ললে, “দিদি, আমরা এই সংক্রান্তীর দিন যোগে গঙ্গাস্নান ক'রতে যাবো, মা যাবেন, আমি যাবো, তোমার ঠাকুরমা তো যাবেনই, তোমাকেও যেতে হ'বে ভাই!—দাদা বলছিলেন তোমাকেও নিয়ে যেতে।

তটিনী চমকে উঠে ব'ললে, “উনিও কি নাইতে যাবেন না কি?”

সুখমা বললে,—“বেশ! সাতকাণ্ড রামায়ণ শুনে সীতা কার ভার্য্যা! দাদার ভরসাতেই যাচ্ছি! দাদা যে স্বদেশী ভলাক্তিয়ার? দাদা না নিয়ে গেলে কি ওই ভিড়ের মধ্যে আমরা যেতে পারবো?”

তটিনী কণকাল কি ভেবে বললে,—“আমি যাবো না!”

সুখমা শুনে একেবারে কাঁদো কাঁদো হ'য়ে ব'ললে, “তা

হ'লে যে আমাদের কারুর যাওয়া হ'বে না ভাই! দাদা যে ব'লেছে—“তুমি যদি যাও তবেই আমাদের নিয়ে যাবে, নইলে নিয়ে যাবে না!”

শেষ পর্যন্ত তটিনীকে যেতেই হলো। সুখমা কিছুতেই ছাড়লে না!

সেদিন প্রভাস যে উল্লাসে বার বার গঙ্গার এপার-ওপার সাঁতারে বেড়ালে দেখে তটিনী অন্তরে অন্তরে শিউরে উঠছিলো! বার বার তার ঠাকুরমার মুখে শোনা একটা কথা ঘুরে ফিরে মনে পড়তে লাগলো—‘বর্ষার ভরা জোয়ারে গঙ্গার যখন এ কূল-ওকূল দেখা যেত না—তখনও সে হাসতে হাসতে দশবার সাঁতারে এ পার-ওপার হোত!”

ঠাকুরমার মুখে এই কথা শুনতে শুনতে—তার মানসদৃষ্টির সন্মুখে যে ছবিখানি ভেসে উঠতো—সেই ভাদের ভরানদীর উত্তাল বুকে একটা বলিষ্ঠ পুরুষ আনন্দে উচ্ছ্বসিত হ'য়ে সাঁতার দিচ্ছে!—তার সুস্থ ও সুপুষ্ট অঙ্গ-প্রত্যঙ্গের উপর দিয়ে গঙ্গার গৈরিক তরঙ্গ যেন দাঁড়াতে না পেরে পিছলে পড়ছে! আজ সে ছবি আর ছবি নয়! সে সবই যে একেবারে সজীব ও প্রত্যক্ষ হয়ে উঠেছে তার সহজ দৃষ্টির সন্মুখে—এই প্রকাশ দিবালোকে অসংখ্য লোকচক্ষুর গোচরে! তটিনীর কেমন যেন একটা লজ্জাবোধ হ'তে লাগলো! আশৈশবের নীতি-শিক্ষা ও পাপ-পুণ্যের সংস্কারবশে তার কেবলই মনে হ'তে লাগলো—সে বোধ হয় তার স্বর্গগত স্বামীর নিকট অপরাধিনী হ'চ্ছে! এই মানুষটি কেন এমন ক'রে তার মনের ভিতর ছায়া ফেলে তার স্বামীর ছবিখানিকে আড়াল ক'রে দাঁড়াচ্ছে!

সেদিন সংক্রান্তীর যোগে গঙ্গাস্নান ক'রে বাড়ী ফিরে আসবাব পর থেকে—তটিনী নিজেকে আরও যেন নিভৃত অন্তরালে টেনে নিয়ে গিয়ে প্রাণপণে আত্মরক্ষা করবার চেষ্টা ক'রতে লাগলো! স্বামীর ছবিখানিকে সে পূর্বের চেয়েও আরও বেশী ক'রে আঁকড়ে ধ'রতে চাইলে। পূজা অর্চনার সময় তার ক্রমেই বাড়তে লাগলো।

সুখমার সঙ্গেও সে আর এখন বেশী কথা বল'তে চায় না। তাকে এড়িয়ে চলবারই চেষ্টা করে। তার ভয় হয়, সুখমার সন্দেহেই সম্ভবতঃ তার চরিত্রের এই পরিবর্তন ও নৈতিক অবনতি ঘটছে!

প্রভাসকে সুধমা এসে গল্প করে,—“ও বাড়ীর দিদি—
কি ঠাকুর পূজা করে জানো দাদা ?—তার স্বামী—
ছবি !” প্রভাসের মুখ অকারণ অন্ধকার হ’য়ে উঠে !

সুধমা তা’ দেখতে পেয়ে বলে—“দিদির পূজা যেন
আর শেষ হ’তে চায় না!—সাতবার গিয়ে কিরে কিরে
আসি। শুনি যে, এখনও ঠাকুর ঘর থেকে বেরোয়নি !
এটা কিন্তু, আমার বড় বাড়ীবাড়ী ব’লে মনে হয় দাদা !—
এদিকে বলেশ স্বামীকে আমার মনে পড়ে না—এদিকে কিন্তু
তার ছবি-পূজার ধুম ক্রমেই বেড়ে চলেছে।—আচ্ছা, এ কি
ভণ্ডামী নয় !

প্রভাস ক্ষণকাল চুপক’রে থেকে ধীরে ধীরে বলে—
“অমন কথা আর কখনও মুখে আনিস নি—সু ! তুই
স্বামীর ভালবাসা পেয়ে ও স্বামীকে ভালবেসে সার্থক হ’তে
পেয়েছিলি বোন, তাই স্বামীর বিচ্ছেদ—আজ তোর
জীবনের বোঝা হ’য়ে না উঠে অসংখ্য সুখ-স্মৃতির নিবিড়
স্পর্শে সুবহ হয়ে এসেছে ! কিন্তু—এর যে কোনও সম্বলই
নেই রে ! তাই তো’ যে জীবন আজ এর কাছে দুর্ব্বল হ’য়ে
উঠেছে, তাকে টেনে নিয়ে যেতে প্রতিপদে ক্লান্ত হ’য়ে
পড়ছেন বলেই এমন জোর ক’রে মিথ্যাকে আঁকড়ে ধরতে
হ’চ্ছে তাঁকে বাধ্য হয়ে !”

মাস দুই তিন পরে প্রভাস একদিন তটিনীর
ঠাকুরমাকে জিজ্ঞাসা ক’রলে—“হাঁ ঠাকুরমা ! যা’ শুনিছি
তা কি সত্য ? তুমি—না কি তোমার ওই ‘তটি’ না ‘ঘটি’
নাতনীটিকে সঙ্গে নিয়ে তীর্থে-ভ্রমণে বেরুচ্ছে ? সেটি তো
একেবারে ডুমুরের ফুল হ’য়ে উঠেছেন ! একবার
চোখের দেখাও দেখতে পায়না কেউ তাঁকে ! অথচ শুনি,
রাতকে দিন ক’রে তিনি না কি আমাকে সমালয় থেকে
টেনে এনেছেন !” বুড়ি বললে—“হাঁ, ভাই ! যেতেই
হবে। তটি বড্ড জিদ ধ’রেছে ! সে আর কিছুতে এ
বাড়ীতে থাকতে পারছে না ! বলে—‘জগন্নাথ আমাকে
টেনেছে !—তীর্থে না বেরিয়ে’ পড়তে পারলে এখানে
দমবন্ধ হ’য়ে মারা যাবো !’—

প্রভাস বললে—“ঠাকুরমা ! তার চেয়ে ওঁকে বলা না
কেন যে, আমরাই এ বাড়ী ছেড়ে দিয়ে চলে যাচ্ছি। আর
আমার দিনও বোধ হয় ফুরিয়ে এসেছে, আর বড় জোর

একটা সপ্তাহ ! একটা দিন আর ওঁকে নিয়ে কোথাও
যেও না ঠাকুরমা ! দোহাই—তোমার !”

বুড়ি বললে—“কই ভাই, আমি তো তোমার সঙ্গে—
সে ইকম কোনও মেয়াদের কিছু চুক্তি ক’রে বাড়ী ভাড়া
দিই নি। তুমি যতদিন ইচ্ছে থাকতে পাবে বলেছি যখন,
তখন তোমার দিন ফুরিয়ে আসার কোনও কথাই তো
এস্থলে উঠতে পারে না ! তোমার ভরসাতেই যে ঘর বাড়ী
ছেড়ে দিয়ে আমরা তীর্থে বেরিয়ে প’ড়তে সাহস করিছি !
তটি যে ব’ললে—‘বাবু-মা, তোমার কোনো ভয় নেই।
তোমার নাতিটা রইলেন যখন, উনিই তোমার সব তদ্বির
ক’রবেন ! বাড়ী ভাড়া আদায় ক’রে ঠিক সময়ে তোমাকে
মণিঅর্ডার ক’রে পাঠাবেন !’ আমি বরং ব’ললুম—সে কি
হয় তটি’ ! পরের ছেলের উপর এতখানি জুলুম করা কি
আমাদের উচিত ? এমনিই ওরা যা’ কর’ছে আমাদের,
তের ক’রছে !—

প্রভাস শুধু গভীর ভাবে ব’লে গেলো—“পরের ছেলে
বোধ হয় তোমাদের আগেই বিদায় হবে ঠাকুরমা !”—

সেইদিন রাত্রি ছ’টোর—পরও প্রভাস বাড়ী এলোনা
দেখে প্রভাসের জননী ও ভগিনী সুধমা ব্যাকুল ও চিন্তিত
হ’য়ে উঠলো তটিনীর ঠাকুরমাকে ডেকে প্রভাসের মা
জিজ্ঞাসা ক’রলে—“কি হবে মা ? ছেলেটার জন্ম কি করি
বলোঃতো ?—স্বদেশী-মদেশী ক’রে বেড়াতে বটে বরাবর
কিন্তু আজকাল না কি শুন্ছিলুম বোমার দলে গিয়ে
ভিড়েছে ! তাই তো ভয়ে আর বাঁচি নে মা !”

বাইরে কার পায়ের শব্দ পাওয়া গেলো। প্রভাসের—
মা উৎসুক ব্যাগ্রতাপূর্ণ কণ্ঠে জিজ্ঞাসা ক’রলেন—“কেরে ?
প্রভাস এলি না কি ?”

প্রভাস চাপা গলায় বললে—“হাঁ, চুপ চুপ। এতো
রাত পর্যন্ত সবাইও বাড়ীতে কেন ? শীগ’গির এ বাড়ীতে
চলে এসে শুয়ে পড়ো। পুলিশ এসে যদি আমার কথা
জিজ্ঞাসা করে, “বোলো—সে তার ঘরে শুয়ে ঘুমুচ্ছে !”—

সুধমা ও তার মা ছুটে এসে দোর-ভাড়া বন্ধ ক’রে
শুয়ে পড়লো।

ঠাকুরমা তটিনীকে চাপা গলায় ব’ললেন—“এ আবার
কি আপদ বলতো ?—পুলিশ হাদামায় প’ড়তে হবে না

কি আমাদের ?—হাতে হাড়ি পড়বে না তো ? ছোঁড়াটা যে ডানপিটে !—ঠিক সেই ছোঁড়াটার মতই হালচাল সব ? কোথায় কি করে এসেছে কে জানে ?—”

ঠাকুরমার কথা শেষ হয় নি তখনো তটিনী তাঁর মুখে হাত চাপা দিয়ে বললে—“চুপ চুপ ! পুলিশ এসেছে বোধ হয় !”

বাইরের সদর দরজায় ঘন ঘন ঘা' পড়ছিলো তখন । “কে ! কে !” বলতে বলতে প্রভাসের মা উঠে দরজা খুলে দিতেই চার পাঁচ জন পুলিশ পাহারাওয়ানা, ইন্সপেক্টর, সার্জেন্ট, বাড়ীর মধ্যে ঢুকে পড়লো ।—প্রভাসের মাকে তারা প্রভাসের কথা জিজ্ঞাসা করলে । প্রভাসের মা বললেন—“সে ঘরে শুয়ে ঘুমোচ্ছে !”

প্রশ্ন হ'ল—“কত রাত্রে সে বাড়ী ফিরেছে ?”

প্রভাসের মা কিছু বলতে পারে না—চুপ করে থাকে... ।

প্রশ্নের সঙ্গে এবার ধমক আসে—“কত রাত্রে ?”

প্রভাসের মা নিরুপায়ের মত এবার সুষমার মুখের দিকে চাইলে ।

সুষমা বললে—“কত রাত্রে তা তো জানি নি ? আমরা তখন ঘুমিয়ে পড়েছি ।”

প্রশ্ন—“কে দরজা খুলে দিয়েছে”—

মা ও মেয়ে দু'জনেই চুপ !—পরস্পরের মুখ চাওয়া-চাওয়ি করে । ইন্সপেক্টর বললে—“এই একটু আগে বাড়ী এসেছে তো ?” সুষমার মা বলে উঠলো—“না না ! বাছা আমার অনেকক্ষণ হ'ল বাড়ী ফিরেছে !”

“তবে যে এইমাত্র বললেন আপনারা জানেন না সে কখন এসেছে, সবাই ঘুমিয়ে পড়েছিলেন ?—

সুষমা বললে—“দাদা বেশী রাত পর্যন্ত কখনও বাইরে—থাকেন না ! প্রায় নটা দশটার মধ্যেই ফেরেন । আজ আমরা খুব সকাল করে রান্না-খাওয়া সেরে শুয়ে পড়েছিলুম বলে—টের পাই নি ?”

“হুঁ ! টের পাওয়াচ্ছি !”—বলে ইন্সপেক্টর হুকুম দিলে—“বাড়ীর সব ঘর খুঁজে দেখ কোথায় আসামী শুয়ে আছে, ধ'রে নিয়ে এস তাকে ।”

প্রভাসকে ধ'রে নিয়ে আসা হ'ল । প্রশ্ন হল—“কখন কতরাত্রে তুমি আজ বাড়ী ফিরেছ ?”—

প্রভাস বললে—“রাত্রি দশটায় !”

ধমক এলো—“মিথ্যে কথা ! প্রমাণ কি তুমি রাত্রি দশটায় বাড়ী ফিরেছো ।”

এই সময় প্রভাস বিস্মিত হ'য়ে দেখলে যে তটিনী ধীরে ধীরে সেখানে এসে উপস্থিত হলো এবং গভীর ভাবে ইন্সপেক্টরকে বললে—“তার প্রমাণ দেব আমি !—কারণ, আমিই ওঁকে দরজা খুলে দিয়েছিলুম !”

পুলিশ ইন্সপেক্টর হাসতে হাসতে বললে—“বেশ কথা । কিন্তু ইনি যে আবার রাত্রি বারোটায় সময় আপনাদের সকলের অজান্তে নিঃশব্দে বেরিয়ে যান নি, তার প্রমাণ কি ? রাত্রি বারোটায় পর অমুক থানায় যে বোমা প'ড়েছে—সে যে ইনিই ফেলে এসেছেন আমরা তা জানতে পেরেছি ।”

তটিনী তৎক্ষণাৎ এ কথার প্রতিবাদ ক'রে বললে—“সে হতেই পারে না ! আপনারা নিশ্চই ভুল ক'রেছেন, কেন না, রাত্রি দশটার পর থেকে এ পর্যন্ত আমি ওঁর ঘরেই ছিলাম । উনি কোথাও বেরুননি আমি জানি ।”

প্রভাস, সুষমা তার মা, ও তটিনীর ঠাকুরমার চোখে-মুখে একটা বিপুল বিষয় ভেগে উঠল !—ইন্সপেক্টর, বললে—“বেশ, আদালতে গিয়ে একথা বলবেন ।

আপনি যে আপনার স্বামীকে রক্ষা করবার জন্ত মিছে কথা বলছেন না তার প্রমাণ—

বাধা দিয়ে তটিনী বললে—“উনি আমার—স্বামী নন ।”

এবার ইন্সপেক্টর শুদ্ধ বিস্মিত হলো । কিন্তু, প্রভাসকে পুলিশ ছাড়লে না । হাতকড়ি দিয়ে নিয়ে গেল ।

* * * * *

তটিনীর সাক্ষ্য আদালত প্রভাসকে বেকসুর খালাস দিলে । বিচারক কিছুতেই তটিনীর কথা অবিশ্বাস ক'রতে পারলেন না । তিনি তাঁর মামলার রায়ে লিখলেন যে—‘একজন হিন্দু-বিধবা কখনই মিথ্যা ক'রে—এত বড় কলঙ্কর বোঝা নিজের মাথায় তুলে নিতে পারেন না । এই সম্ভ্রান্ত মহিলা যা বলেছেন তা নিশ্চয়ই সত্য !’

প্রভাস ফিরে এসে গভীর কৃতজ্ঞতায় পরিপূর্ণ চিত্ত নিয়ে তটিনীর কাছে ছুটে গেল—তাকে শাস্ত্রমতে বিবাহ করবার সাধু প্রস্তাব নিয়ে ।

কিন্তু তটিনীকে দেখে সে বিস্মিত ও স্তম্ভিত হ'য়ে গেল ।

তটিনী তার কালো চুলের রাশি মুচিয়ে কেটে ফেলেছে! হাতের চুড়ি খুলে ফেলে শুধু হাত ক'রেছ। পেড়ে কাপড় ছেড়ে সে তার ঠাকুরমার খান কাপড় পরেছে!

শুনলে, সেই দিনই রাত্রে গাড়ীতে তাদের তীর্থ-যাত্রার সব আয়োজন ঠিক!

যাবার সময় সে শুধু প্রভাসকে প্রণাম ক'রে বলে গেল - "তোমার পায়ের ধূলা দাও। এতদিন আমি কুমারীই ছিলাম, কিন্তু আয়ত্তি চিহ্নে এ জন্মে আর আমার অধিকার নেই! কারণ দেশাচার মতে আমি বিধবাই! সমাজকে আমি আঘাত ক'রতে চাই নে বন্ধু! সকল আঘাত তাই নিজের বুকেই নিয়ে চললাম।"

সেকালের কথা

[রায় শ্রীজলধর সেন বাহাদুর]

সেকালে অর্থাৎ আমরা যখন বালক ছিলাম, সেই সময় পাঠশালায় কি ভাবে অধ্যাপনা হইত, তাহারই একটা সংক্ষিপ্ত বিবরণ এই প্রবন্ধে লিপিবদ্ধ করিতেছি।

ছয় সাত বৎসর বয়সেই বালকগণ পাঠশালায় প্রবেশ করিত। পাঠশালার শিক্ষা সমাপ্ত করিতে অনেক ছাত্রকে ষোল, সতর বৎসর বয়স পর্য্যন্তও অবস্থান করিতে হইত। এমনও দেখা গিয়াছে যে, কোন কোন পাঠশালায় বাইশ তেইশ বৎসরের যুবকও অধ্যয়ন করিত। এরা যে বিশেষ স্থলবুদ্ধি ও অমনোযোগী ছাত্র, তাহা না বলিলেও চলে। পাঠশালার দুই বালকগণ এই সকল অধিক বয়সের ছাত্রদিগকে নানা প্রকারে উত্যক্ত করিত এবং তাহাদের উল্লেখ করিয়া ঠাট্টা তামাসা করিতে ছাড়িত না।

পাঠশালার ছাত্রদের দেখিলেই চিনিতে পারা যাইত। তাহাদের পরিধানে মসিরঞ্জিত স্বদেশী মোটা জোনার ধুতি। নাকে, মুখে, গালে, হাতে পায়ে বিশেষতঃ-পায়ের দুই হাঁটুতে বছদিনের সঞ্চিত চিত্র-বিচিত্র কালির দাগ। এখনকার মত বিবিধ নামের সাবান ছিল না। তবে মাঝে মাঝে পিসিমা মাসিমাদের প্রক্ষালনে সেই মলিনতা কিছু কম হইয়া পড়িত মাত্র।

পাঠশালায় প্রত্যেক ছাত্রের বসিবার স্বতন্ত্র স্বতন্ত্র আসন থাকিত। তাহার অধিকাংশই নলের চাটাই,

পাটীর ছিন্ন গুণ্ড, বুনানো ছোট হোগলা, এবং হালার চট। প্রথম শিক্ষার্থীরা তালপত্রে লিখিত। পাঠশালা ছুটি হইলে তালপাতার গড়া আসনে মুড়িয়া ছাত্রেরা বাড়ীতে লইয়া যাইত এবং পাঠশালায় আন্নিবার সময় বগলে করিয়া লইয়া আসিত।

তালপাতা লেখা শেষ হইলে অপেক্ষাকৃত বড় ছেলেরা কলার পাত্রে লিখিত। কলার পাত্রে শেষ হইলে বয়স্ক ও শ্রেষ্ঠ ছাত্রেরা কাগজে লিখিত। ইহাদের কাগজ কলম একখানি মোটা পুরাতন কাপড়ের টুকরায় মুড়িয়া বাঁধা হইত। ইহার ডাক নাম ছিল বস্তানি বা দপ্তর। বড় ছাত্রদের এই দপ্তরে দুই একখানি মুদ্রিত পুস্তকও দৃষ্ট না হইত এমন নহে। তাহাদের নাম শিশুবোধক, গঙ্গাভক্তি-তরঙ্গিনী প্রভৃতি। অধিকাংশ ছাত্রেরা ধাগের কলমে লিখিত। লোহার কিংবা পিস্তলের নিব ও কাঠের হ্যাণ্ডেল তখন কলনার বহির্ভূত ছিল। পেনের কলম কচিৎ কাহারো কাহারো কাছে দৃষ্ট হইত। কালি থাকিত মাটির কিংবা কড়ির দোয়াতে। কড়ির দোয়াত বলা হইত চিনা মাটির দোয়াতকে। ছাত্রেরা নিজ হস্তে কালি প্রস্তুত করিত। তাহার উপকরণ ছিল নারিকেলের ছোলা, বাঁশের খোসা, ভাতের হাঁড়ির কালি, লৌহ, হরিতকী-ভাজা চাউলের জল, এই সকল। তন্মধ্যে লৌহ-ভাজা চাউলের জলের কালিই উৎকৃষ্ট হইত।

বাঁশের খোসা ও ছোলা পুড়াইয়া কালি নিয় অঁদের হইত। ভাতের হাঁড়ির কালি পেষণ করিলে তাহা মধ্যম রকমের হইত। ছাত্রেরা কালি প্রস্তুত করিবার সময় এই গাথা ঘোষণা করিত—

“কালি ঘুটি কালি ঘুটি সরস্বতীর বরে,
যার দোয়াতের ঘন কালি মোর দোয়াতে পড়ে।”

এই সময়ে দেশে ও গ্রামে উৎকৃষ্ট কাগজের প্রচলন হয় নাই। দেশীয় জোলারা এক-প্রকার মোটা কাগজ প্রস্তুত করিত। তাহার দিক্তা ছিল তিন চার পয়সা। পুরী এবং অন্ত প্রকারের সাদা কাগজ অল্পস্তর পাওয়া যাইত। এই কাগজে লিখিতে আরম্ভ করিলে ছাত্রেরা নিজেকে বিশেষ গৌরবান্বিত বোধ করিত।

এখন যেমন রবিবারে বিদ্যালয়ের পাঠ বন্ধ থাকে, তখন সে নিয়ম ছিল না। তখন চতুর্দশী, অমাবস্যা, প্রতিপদ এবং পূর্ণিমা এই চারিটি তিথিতে পাঠশালার কার্য বন্ধ থাকিত। এই ছুটির ভিতরে ছাত্রেরা লিখিবার কালি প্রস্তুত করিত, বন জঙ্গল হইতে খাগের কলম সংগ্রহ করিয়া আনিত; এবং ১০।১২ দিনের উপযোগী কলার পাতা কাটিয়া রাখিত। এই ছুটি আসিলে ছাত্রদের আনন্দের সীমা থাকিত না। পাঠশালার ছাত্রেরা গরমের দিনে দলে দলে মিলিত হইয়া পুকুরে গ্রামের অপ্রশস্ত খালে, ঘণ্টার উপরে ঘণ্টা সাতার কাটিয়া, ক্রমাগত ডুব দিয়া এক একজন আরক্ত-নয়ন হইয়া উঠিত পুনরায়-আহারান্তে বিকাল বেলা আম, জাম, গাব, বেতফল প্রভৃতি সেকালের ফলের অন্বেষণে অনেক জঙ্গল এবং বাগান পরিভ্রমণ করিত এবং গাছে চড়িয়া ফলাহারে উদরপূর্ণ করিয়া সন্ধ্যা হইলে বাড়ী ফিরিত। শীতের দিনে খেজুর রস, কখন বলিয়া, কখন না বলিয়া নানাভাবে শিয়ালীর (যারা খেজুর গাছ কাটে) অগোচরে পান করিত। “না বলিয়া পরের দ্রব্য গ্রহণ করিলে চুরি করা হয়”—তখন এই নীতিবাক্য কেহ কখনো উচ্চারণ করিয়াছে বলিয়া মনে পড়ে না। ভাদ্র মাসে নষ্টচন্দ্রের রাত্রিতে চৌর্যকার্যে কোন অপরাধ নাই, এই বাক্যের সারবত্তা উপলব্ধি করিয়া পাঠশালার ছাত্রেরা এবং গ্রামের যুবকেরা একযোগে প্রতিবেশী গৃহস্থের বাড়ী হইতে শশা, কলা, তাল এবং নারিকেল প্রভৃতি অবাধে মহোৎস-

সাহে আত্মসাৎ করিয়া উদরসাৎ করিয়াছে; তাহাতে গ্রামের ভিতরে কিন্তু কোন ফৌজদারী হয় নাই।

এখন যেমন যুবকগণের এম্-এ, বি-এ উপাধি জামাতা-নির্বাচনের অন্তিম সাটফিকেট, তখন কিন্তু ছাত্রদের ভিতরে ১৫।১৬ বৎসর বয়স্ক বালকগণের বিবাহ সর্বদাই প্রায় দেখা যাইত। পাত্র-নির্বাচনের উপায় ছিল হস্তাক্ষর এবং মৌখিক অঙ্ক।

এই স্থানে পাঠশালার শিক্ষা-প্রণালী সম্বন্ধে ছুই একটি কথা সংক্ষেপে বলিতেছি। শিশুদিগকে পাঠশালায় পাঠাইবার পূর্বে হাতে-খড়ি নামে সুন্দর একটি (বিদ্যালয়) অনুষ্ঠান সম্পন্ন করিতে হইত। শিশুদিগের হাতে খড়ি হইয়া গেলে গুরুমহাশয় তাল পাতায় একটি লৌহশলাকা দ্বারা ক হইতে ক পর্য্যন্ত বর্ণ আঁকিয়া দিতেন। কোন্ অক্ষরের কোন্ স্থান হইতে প্রথম কলম লইয়া কোথায় শেষ করিতে হইবে, গুরুরা তাহা বালকদিগকে হাতে ধরিয়া লিখিয়া শিখাইতেন। গুরুমহাশয় নিজের হস্ত-মুঠের ভিতরে শিশুর কলম-সংযুক্ত হস্ত রাখিয়া লিখিতেন। ইহাকেই হাতে ধরিয়া লেখান বলিত।

পাঠশালার অক্ষর-পরিচয়েরও একটি সুন্দর নিয়ম ছিল। তাহাতে শিশুদের কৌতূহলাক্রান্ত চিত্ত সহজেই অক্ষর-পরিচয় লাভ করিতে পারিত অর্থাৎ প্রত্যেক অক্ষরের পূর্বে এক একটি অদ্ভুত বিশেষণ সংযোগ করা হইত। বিশেষণগুলি সত্যসত্যই অক্ষর সকলের অবয়ব প্রকাশক হইত; যথা—কাকুড়ে “ক” বকা খ, বুকচেরা ঘ, মাথায় পাকড় ‘ঙ’, বেগুনিয়া ‘চ’, ছুইভাই ছ, দোমাত্রা ‘জ’, ছুইভাই ‘ঝ’, পিঠে বোচকা ‘ঞ’, নাইমাত্র ‘ণ’, হাঁটুভাগা ‘দ’, কাঁধেবাড়ী ‘ধ’, পুটলিয়া ‘ন’, পেটকাটা ‘ব’, অন্তস্থ ‘ব’, পেটকাটা ‘য’, ইত্যাদি। ক এবং ঘ যোগে ক তাহাও স্বতন্ত্রভাবে উচ্চারিত হইত।

এই ক খ শিক্ষার পরে ছাত্রেরা তাল-পাতাতেই কলা, বানান, লিখিত। কলা এবং বানান লিখন কার্য ছুটি; কলাগুলির ভিতরে ব্যঞ্জন বর্ণের যত প্রকার বর্ণসংযোগ অথবা যোজনা হইতে পারে তাহাই প্রকাশ করে মাত্র। তাহার মধ্যে এই কয়েকটির নামই বিশেষ উল্লেখযোগ্য। যথা—ক্য, ক্র, ক্র, ক্র, ক, ক্র, আঙ্ক, আঙ্ক, সিঙ্কি। এইরূপ ক হইতে হ পর্য্যন্ত প্রতি ব্যঞ্জনের সহিত ঘ, র, ন,

ল, ব, ম, ঙ, এবং রেফ্ প্রভৃতি বর্ণের যোগ করিয়া লিখিতে হইত। বর্তমান সময়ে ইহার বিস্তৃত নাম য ফলা, র ফল, ন ফলা, প্রভৃতি। আঙ্ক আঙ্ক ফলার ও, ঞ, গ, ম এই কয়েকটা অর্থাৎ বর্ণের পঞ্চম বর্ণগুলির যোগে এবং আঙ্ক ফলার যোগে ব্যঞ্জন ও বিসর্গ-সন্ধির যুক্তবর্ণগুলিই কার্যতঃ লিখিতে শিক্ষা দেওয়া হইত। আঙ্ক ফলার উচ্চারণ যথা ক, খ, গ, ঘ, ঙ, চ, ছ, জ, ঝ, ঞ, ট, ঠ, ড, ঢ, ঙ, ঞ, ণ, ম এই প্রভৃতি। আঙ্ক ফলা সকল হইতে কঠিনতম বলিয়া কথিত হইত; তাহার দৃষ্টান্ত যথা— ক, খ, গ, ঘ, ঙ, চ, ছ, জ, ঝ, ঞ, ট, ঠ, ড, ঢ, ঙ, ঞ, ণ, ম এই প্রভৃতি যুক্তবর্ণ শিক্ষার ফলা শিক্ষার এই সময়টা বালকগণের মধ্যে একটি গুরুতর কঠিন শিক্ষার কাল বলিয়া গণনীয় ছিল; আঙ্ক, আঙ্ক ফলা সহজে ২।৪ মাসের মধ্যে কোন বালক লিখিয়া শিক্ষা করিতে পারিলে তাহার বিশেষ প্রশংসা করা হইত।

ফলা শিক্ষার পরে বানান শিক্ষার অধ্যায়, অর্থাৎ প্রত্যেক ব্যঞ্জন বর্ণ, আকার, ইকার, উকার প্রভৃতি স্বরবর্ণের যোগে বা সাহায্যে কিরূপ উচ্চারিত ও লিখিত হইবে, ইহাই বানান শিক্ষার প্রধান উদ্দেশ্য। ইহা সাহিত্য ব্যাকরণের অক্ষুট প্রকাশ মাত্র। গণিত শিক্ষার জন্ম এক হইতে একশত পর্য্যন্ত রাশি লিখনকে শতকিয়া, এককড়া হইতে ৮০ কড়ায় ২০ গণ্ডা লিখনকে কড়ানুকিয়া কহিত। পাঠশালায় তালপাতার অধ্যায়ে এই লিখন পঠনকালে ক, খ প্রভৃতির বিশেষণের ঞায় এক দুই রাশি প্রভৃতি হইতে পর্য্যন্ত রাশি শিক্ষার কালেও এক-একটি বিশেষণ অথবা পদার্থের নাম শিখান হইত। তাহাতে অঙ্কের রাশি-পরিচয় সহজে হইতে পারিত। যথা ১ একে চন্দ্র, ২ দুইয়ে পক্ষ, ৩ তিনে নেত্র, ৪ চারে বেদ, ৫ পঞ্চ বাণ, ৬ ছয়ে ঋতু, ৭ সমুদ্র, ৮ অষ্টবন্ধু, ৯এ নবগ্রহ, ১০ দিক্, ১১ এগার রুদ্র, ১২ বৎসর ইত্যাদি।

তাল-পাতায় লেগা শেষ হইলে কলার পাতে লিখিবায় নিয়ম ছিল। তাহাতে লোকের নাম লিখনই প্রধান বিষয় ছিল, অর্থাৎ বানান-যোগে ভাষার ভিতরে যত নাম আছে, তাহা লিখিতে গেলে কার্যতঃ ভাষা শিক্ষা বা ক্ষুদ্র সাহিত্য শিক্ষার কার্যই এই স্তরে চলিত। তাহার পর ছাত্রেরা কড়ানুকিয়া, পণকিয়া, সেরকিয়া এবং ছটাক, মন প্রভৃতি লিখিতে শিখিত। কেবল লিখিলেই হইত না। প্রতিদিন

দুইবেলা এই সকল অঙ্কের যোগ-বিয়োগ করিতে হইত। গুণন শিক্ষার জন্ম ২০০ শত বরের নামতা শিক্ষাই একমাত্র শ্রেষ্ঠ পন্থা ছিল। এই ভাবে এক বৎসর কিংবা ছয়মাস কলার পাতায় লেগা শেষ হইলে বালকদিগকে কাগজ ধরান হইত। কাগজে পত্র-লিখনই অন্ততম শ্রেষ্ঠ বিষয় ছিল। সাধারণ কাগজে লিখিত তাহার প্রধান ছাত্রমধ্যে পরিগণিত হইত। গুরুজনের কাছে পাঠ লিখন, কনিষ্ঠের কাছে, সমবয়স্কদের কাছে নানা ভাবে পাঠ লিখন শিখিতে। তার পরে কওয়লা কর্তৃপত্র প্রভৃতি সংসার-পথের উপযোগী অনেক দলিলাদি লিখন শিক্ষা দেওয়া হইত। পাঠশালার উচ্চ-গণিত বিভাগে কালিকয়া, মাসমাহিনা, মনকবা, জমাবন্দী, রোজনামা লিখন, খতিয়ান, তেরিজ লিখন এবং শুভঙ্করী প্রভৃতি শিক্ষা দেওয়া হইত। ইহাই পাঠশালার শেষ শিক্ষা বলিয়া গণ্য হইত। বাস্তবিক পক্ষে এই শিক্ষার বলে এবং নিজ নিজ বুদ্ধিমত্তা ও প্রতিভার প্রভাবে এই পাঠশালার অনেক ছাত্র বড় বড় জমীদার-সরকারে তখন নায়েব, আদিন, এমন কি উচ্চ ম্যানেজারের পদ পর্য্যন্ত লাভ করিয়াছেন।

পাঠশালা সকাল বিকাল দুইবেলা বসিত। ছাত্রগণ পড়িয়া পড়িয়া লিখিত। উপর শ্রেণীর ছাত্রগণ নিম্নশ্রেণীর ছাত্রগণকে তাহাদের লিখিত বিষয়গুলি পড়াইয়া দিত। ইহাতে পাঠশালা সর্বদাই বালকগণের শব্দে মুগ্ধিত হইত। হইত। গ্রামের ভিতরে প্রবেশ করিলেই দূরে থাকিয়া বুঝিতে পারা যাইত, গ্রামে একটি পাঠশালা আছে।

পাঠশালার উচ্চ শ্রেণীর ছাত্রগণ গুরুমহাশয়ের সহকারী শিক্ষকের কার্য করিতেন বলিলে অত্যাক্তি হয় না। তাল-পাতা, ও কলার পাতায় সাধারণ লিখিত তাহার উচ্চতম ছাত্রের কাছে নিজ নিজ লিখিত বিষয় পড়িয়া লইত। এই পঠন-কার্যটি বড় সুন্দর স্বাভাৱে সম্পন্ন হইত। দুইটি ছাত্র দুইটি খাগের কলম হাতে করিয়া মাঝখানে পঠনীয় পাতা রাখিয়া সম্মুখে সুর করিয়া ফলা বানান এবং কড়া, কাহন প্রভৃতি সমস্ত অধ্যয়ন করিত। দুই দিক হইতে তালে তালে দুইটি কলম একত্রে একই অক্ষরের উপরে নিপতিত হইত। সংযুক্ত বর্ণগুলির উচ্চারণে যেমন খ, ঙ, ক, জ, ঙ, ঞ, ট, ঠ, ড, ঢ, ঙ, ঞ, ণ, ম এই প্রভৃতি বর্ণের উচ্চারণে কেন একটি মধুর সঙ্গীত স্বর উঠিত। পাঠশালার ছুটি হইলে দুইবার

সমস্ত ছাত্র একত্র হইয়া নামতা পড়িত। দুই তিনজন উপর উপর শ্রেণীর ছাত্র বা সন্ধার পড়ুয়া কোন এক উচ্চ স্থানে দণ্ডায়মান হইয়া সুর সহযোগে উচ্চৈঃস্বরে বলিতেন—যেমন এক একে এক, দুই একে দুই, তিন দুগুণে ৬, ৪ দুগুণে ৮ ইত্যাদি, আর ৫০ কি ততোধিক ছাত্র সারি সারি দাঁড়াইয়া এক সুরে তাহার প্রতিধ্বনি করিত! এই মধুর ধ্বনিতে গ্রাম মুখরিত হইয়া উঠিত। কেবল তাহাও নহে; ইহা দ্বারা পাঠশালার ছুটি বিজ্ঞাপিত হইত। এই নামতাকে ডাক নামতা কহিত। ইহা দ্বারা অতি সহজে ২০০ শত বরের নামতা অভ্যস্ত হইত। বর্তমান সময়ে দশ

বরের নামতা অনন্যোযোগী বালককে শিক্ষা দেওয়া কঠিন হইয়া পড়িতেছে। আজকাল অনেক ছাত্র ১২।১৪ বরের নামতার কার্য্য গুণনের সাহায্যে সম্পন্ন করিতে বাধ্য হন। দোকানের হিসাবে একমণ পাঁচসের আড়াই ছটাক অঙ্ক লিখিতে হইলে অনেক কৃতবিদ্য উপাধিধারীকে খাতার এ-পাশ ও-পাশ জুড়িয়া ভাষার সাহায্যে এ লেখা সম্পন্ন করিতে হয়। ইহাতে মুদীর দোকানে মাঝে মাঝে দোকান সরকারদের বেশ একটু আশ্রয়ের ব্যবস্থা হইয়া থাকে। এই সামান্য পরিচয় হইতে সেকালের পাঠশালার শিক্ষা-পদ্ধতি সম্বন্ধে মোটামুটি বিবরণ জানিতে পারা যাইবে।

বিবাহের স্তম্ভ

(গল্প)

[শ্রীফণীন্দ্রনাথ পাল, বি-এ]

(১)

সে দিন রবিবার। সুরেশ দিবানিছা শেষ করিয়া সবমাত্র শয্যার উপর উঠিয়া ধূমপানের আয়োজন করিতেছে, এমন সময় নিভা কঙ্গমধ্যে প্রবেশ করিল। তাঁহার মুখখানি যেন জ্বাণের আকাশের মত মেঘাচ্ছন্ন। সুরেশ বুঝিল সে অকৃতকার্য্য হইয়া কিরিয়া আসিয়াছে, তাই সে চুপ করিয়া থাকাই সমীচীন মনে করিল।

নিভা হতাশভাবে কহিল, “সইকে কি বলব, বল দিকি?”

সুরেশ কহিল, “একেবারে জবাব দিয়েছে?”

নিভা ক্রুদ্ধিত করিয়া কহিল, “তা’ হ’লে তো ছিল ভাল। হঠাৎ বড়লোক হয়েছে, সোজা জবাব কি দেয়। কিন্তু এতটা দেমাক ভাল নয় তা’ বলে রাখছি।”

সুরেশ কহিল, “কি বলেছে শুনি? তুমি দাঁড়িয়ে রইলে কেন বস।”

নিভা বিরক্তভরে কহিল, “কিছু ভাল লাগছে না। এ রকমের লোক জানলে কে এর মধ্যে যেত। কিছু নেব না, যেয়েটা পছন্দ হ’লেই হ’ল— তার পর এমন কথা

মানুষ যে বলতে পারে, তা আমি ভাবতেও পারি নি। বলে কি না গয়না, বরসজ্জা, যা ইচ্ছে হয় দেবেন না হয় না দেবেন, তবে বাড়ীর আর্দেক ভাগ লিখে পড়ে দিতে হ’বে। এমন কথা তো কোথাও শুনি নি বাপু!”

সুরেশ বলিল, “সতি, এ নতুন কথা বটে! মজুর তো পয়সার অভাব নেই, তবে পরের বাড়ীর ভাগ নেবার জন্তে এত লোভ কেন?”

নিভা কহিল, “মাথেরের ব্যবস্থা করে রাখছেন! ও ব্যবসায় পয়সা কবে আছে কবে নেই, ঠাকুরকি তা বেশ জানে—আমরা তখন জায়গা না দিলে পয়সা রোজগার করত কোথেকে তা দেখতাম। অত দেমাক ভাল নয়, এ পয়সা যেতে কতক্ষণ। তা তো হ’ল, এখন সই এলে কি বলব?”

সুরেশ বলিল, “যা বলেছে তাই বলবে, তা ছাড়া আর কি করবে।”

নিভা কহিল, “তা ঠিক, কিন্তু আমার মাথাটা এতে কি রকম হেঁট হবে তা তো বুঝতে পারছি। ঠাকুরকি আমার

নিজের মুখে বলেছিলেন, ছেলের বিয়েতে আমি একটা পয়সাও চাইব না, তাই তো বড় মুগ করে সইকে বলেছিলাম। এখন আমার মুখ থাকবে কোথায় ?”

সুরেশ ঋণকাল চিন্তা করিয়া কহিল, “তা হলে আজ আর ও কথাটা বল না, আমি একবার যামিনী আর মনুর সঙ্গে দেখা করি, কথাটা তাদের বুঝিয়ে বলি, আমার কথা ঠেলতে পারবে না।”

নিভা দীর্ঘনিঃশ্বাস ফেলিয়া কহিল, “দেখ একবার চেষ্টা করে, ঠাকুরঝির যে রকম মেজাজ দেখলাম, তাতে তো মনে হয় না তোমার কথা তিনি রাখবেন। সংসারের নিয়মই এই,—উপকারের কথা কি কেউ মনে রাখে। বরং সে কথাটা লোকে ভুলতেই চায়। ঠাকুরঝির এখন পয়সা হয়েছে, সে সব কথা কি আর মনে পড়বে। দুবেলা পেট ভরে খাওয়া জুটত না, মাথা গোঁজবারও জায়গা ছিল না। তখন এইখানে এসেই পড়তে হয়েছে।”

সুরেশ আর কোন কথা বলিল না, চুপ করিয়া রহিল।

(২)

যাহার সম্বন্ধে আলোচনা চলিতেছিল, সে সুরেশের সহোদরা মনোরমা। প্রায় ছাব্বিশ বৎসর পূর্বে যামিনীর সহিত তাহার বিবাহ হইয়াছে। তখন যামিনীর অবস্থা খুব সচ্ছলই ছিল। কলিকাতায় বাড়ী এবং চিনির দালালি করিয়া বেশ ছুপয়সা রোজগার হইত। যামিনী আই-এ পাশ করিয়া পিতার কার্যে সবে যোগদান করিয়াছিল—মনোরমার পিতাও তখন জীবিত ছিলেন। বৎসর দুই পরে তিনি পরপারে যাত্রা করিলেন। পিতা থাকিতে মনোরমা মাঝে মাঝে পিতৃগৃহে যাইত, এবং কোন বার আট দিন কোন বার বা দশ দিন সেখানে অতিবাহিত করিয়া আসিত, কিন্তু পিতার মৃত্যুর পর এক বৎসরের মধ্যে একটা দিনের জন্তও সে পিতৃগৃহে যাইতে পারিল না। সুরেশ প্রায় আসিয়া তাহাকে যাইবার জন্ত পীড়াপীড়ি করিত কিন্তু যাওয়া তাহার আর ঘটয়া উঠিত না। সুরেশ কত দুঃখ করিত, নিভাননী বলিয়া পাঠাইত, “আমরা ত আর ঠাকুরঝির মত বড়লোক নই, সে আমার বাড়ী আসবে কেন ?”

তারপর যেদিন মনোরমা প্রথম পিতৃগৃহে গেল, সেদিন

নিভা তাহাকে ঠাট্টা করিয়া বলিল, “এতদিন পরে গরীবের বাড়ী পায়ের ধূলা পড়ল ঠাকুরঝি ?”

মনোরমা যুঁহু হাসিয়া বলিল, “কি করব ভাই বৌদি খুশুরের শরীর ভাল না, তাঁর কাছে কাছে সব সময় থাকতে হয়, দুবেলা যা খান, তা আমাকেই রাখতে হয়, কি করে আসি বল ভাই। এতদিন পরে তিনি ভাল হ’য়ে উঠেছেন তাই আসতে পেরেছি ভাই।”

নিভাননী কহিল, “তা আমি শুনেছি ঠাকুরঝি, কিন্তু এবার যখন তোমাকে কাছে পেয়েছি, তখন আর শীগগির ছাড়ছি নি। পনের দিনের আগে তুমি কিছুতেই যেতে পাবে না, তা এখন থেকে বলে রাখছি ঠাকুরঝি।”

মনোরমা হাসিয়া কহিল, “পনের ঘণ্টা থাকতে পারলে হয় ভাই বৌদি, তাহা পনের দিন।”

নিভাননী বিষয় প্রকাশ করিয়া বলিল, “বল কি ঠাকুরঝি তুমি অবাক করলে ভাই। এত সাধাসাধনার পর এলে তো এক বছর বাদে, এসেই যাই যাই। আমুন ঠাকুর-জামাই তার পর বোঝা যাবে।”

মনোরমা কহিল বেশ তো ভাই বৌদি, আমার কি আর থাকতে অসম্ভব, তাঁকে বলে হুকুম করিয়ে নিও।”

সেদিন রাত্রে যামিনীর সেখানে নিমন্ত্রণ ছিল। যামিনী আসিতেই নিভা প্রথমেই মনোরমাকে এখানে কিছুদিন রাখিবার কথা পাড়িল—কহিল, ঠাকুরঝিকে এবার আমি কিন্তু এক মাসের আগে যেতে দিচ্ছি না।”

যামিনী হাসিয়া কহিল, “এক মাস কেন, আপনি ছ’মাস রাখুন না, কিন্তু আপনার ঠাকুরঝি না থাকলে যে বাবার একটা দিনও চলে না। মাঝে মাঝে আসবে যাবে তার আর কি।”

নিভা কহিল, “ঠাকুরঝি তা আসে কৈ। এই তো এক বছর পরে, আপনাদের ঘরের গাড়ী রয়েছে, যাওয়া-আসার তো কোন অসুবিধে নেই।”

যামিনী কহিল, “তার আর কি, বেশ তাই হবে।” তবে আর এক কাজ করুন না কেন? আপনার ঠাকুরঝির আসবার সময় যদি না হয়ে ওঠে আপনিই যাবেন। যে দিন যাবেন বলে পাঠাবেন, গাড়ী আসবে।”

নিভা কহিল, “আমি না হয় গেলুম, তাতে তো আর

ঠাকুরঝির বাপের বাড়ী থাকা হল না। আপনি তাকেও মাঝে মাঝে পাঠিয়ে দেবেন।”

যামিনী হাসিয়া কহিল, “বেশ তাই হ’বে।”

মনোরমা ও নিভাননী প্রায় সমবয়সী ছিল। সেইজন্ম হয় তো উভয়ের মধ্যে হৃদয়তাও বেশ জন্মিয়াছিল। তবে মনোরমা দরিদ্রের ঘরে পড়িত তাহা হইলে কি হইত তাহা ঠিক বলা যায় না,—বলা যায় না, এই কথাটা কিন্তু ভুল হইয়া গেল। বরং ইহা বলাই ঠিক হইবে, উভয়ের মধ্যে এ ভাবের প্রীতির সম্বন্ধ একেবারেই স্থাপিত হইত না। বোধ করি সংসারের ইহাই চিরন্তন নিয়ম—ব্যতিক্রম সব কিছুই আছে, এ নিয়মেরও থাকিতে পারে।

সপ্তাহে একদিন করিয়া সুরেশ ও নিভাননীর যামিনীর বাড়ী নিমন্ত্রণ থাকিত। মনোরমা প্রতিবারই সাধারণের অতিরিক্ত আয়োজন করিত,—সুরেশ এই আতিশয্যের জন্ম ভগিনীকে যুঁহু ভৎসনা করিত; নিভাননী রীতিমত ঝগড়া বাধাইয়া দিত। সে কলহের ভিতর কোন বিষ থাকিত না, কাজেই সকলে তাহা উপভোগ করিত। এই নিমন্ত্রণ ছাড়া আজ বড় একটা মাছ, কাল এক খালা ভাল সন্দেশ, এমনই ধরণের নানা দ্রব্য মনোরমা তাহার দাদা ও বৌদিদিকে পাঠাইয়া দিত। সুরেশও যে মাঝে মাঝে কিছু না পাঠাইত এমন নহে এবং মনোরমাকে তাহাদের গৃহে লইয়া রাখিবার জন্ম সুরেশ ও নিভাননী অত্যন্ত পীড়াপীড়ি করিত ছই, একদিন জোর করিয়াও তাহাকে লইয়া যাইত।

এমনই ভাবে দীর্ঘ আট বৎসর অতিবাহিত হইয়া গেল। যামিনীর পিতা হঠাৎ একদিন হৃদরোগে মরণের কোলে আশ্রয় লইলেন। এই আঘাত সামলাইয়া লইয়া যামিনী যেদিন প্রথম কার্যে যোগদান করিল, সেদিন কারবারের অবস্থা দেখিয়া সে একেবারে মাথায় হাত দিয়া বসিয়া পড়িল, লোকসানের পরিমাণ এত বেশী যে বাড়ীঘর সমস্ত বিক্রয় করিয়াও তাহা সামলান যাইবে না। স্ত্রী পুত্র-কন্যাদের হাত ধরিয়া তাহাকে পথে বসিতে হইতে হইবে! তাহা ছাড়া, আর কোন পথ নাই! বাজারের যে অবস্থা তাহাতে শীঘ্র যে সে মাথা তুলিয়া দাঁড়াইতে পারিবে, এমন আশাও তাহার নাই।

এক বৎসর পরের কথা, বাড়ী অপরে ক্রয় করিয়াছে, আজ তাহাদের গৃহ ছাড়িয়া যাইবার দিন। গৃহের মূল্যবান

দ্রব্যাদি সমস্তই বিক্রয় হইয়া গিয়াছে। সামান্য তৈজস-পত্র যাহা ছিল, তাহাই গুছাইয়া লইয়া মনোরমা হাসিমুখে তাহার স্বামীর পার্শ্বে আসিয়া দাঁড়াইল। কুড়ি টাকার দুইখানি একতলার ঘর ভাড়া করা হইয়াছে, সেইখানে তাহারা গিয়া আশ্রয় লইবে। যামিনীর চোখ দিয়া টপ্, টপ্, করিয়া জল পড়িতেছিল। মনোরমা তাড়াতাড়ি অগ্রদিকে মুখ ফিরাইয়া লইয়া অঞ্চলে চোখ মুছিয়া প্রাণপণ বলে নিজেকে সংযত করিয়া লইয়া স্বামীর দিকে ফিরিয়া সহজ শাস্তভাবে কহিল, “গাড়ী দাঁড়িয়ে রয়েছে চল।”

যামিনী হাত দিয়া চোখ মুছিয়া কহিল, “হাঁ চল, সে বাড়ীতে তোমরা কি করে থাকবে, তাই ভাবছি,—তোমার বাপের বাড়ী গিয়ে উঠলে হ’ত না?”

মনোরমা কহিল, “এখন না, যদি সে রকম অবস্থা হয় ওঠা যাবে। এখন যেখানে যাবার ঠিক করেছ, চল বেরিয়ে পড়ি। আমার গায়ের গয়না গুলো তো এখনও রয়েছে সে টাকা দিয়ে আবার তুমি কারবার করবে। ভগবান মুখ তুলে চান ভাল, না চান তখন যা হয় হ’বে। তার জন্ম ভেবে কি হ’বে।” এস, এই বলিয়া পুত্র কন্যাদের হাত ধরিয়া সে অগ্রসর হইল। যামিনী নিঃশব্দে তাহার অনুসরণ করিল।

মনোরমার-জেদে পড়িয়া যামিনী তাহার অলঙ্কার বিক্রয়-লক্ষ অর্থে চিনি কেনা-বেচা আরম্ভ করিল। কিন্তু গ্রহ যাহার প্রতি বিরূপ তাহার আর কোন উপায় থাকে না। একে একে মনোরমার সমস্ত অলঙ্কার বিক্রয় হইয়া গেল, কিন্তু অর্থাগম হইল না। বাড়ী ভাড়া বাকি পড়িতে লাগিল, সংসার চলাও অসম্ভব হইয়া উঠিল।

যামিনী কহিল, “মহু, আর তো কোন উপায় নেই?—ত্রিশটা টাকায় কোন রকমে খাওয়া চলতে পারে, কিন্তু বাড়ী ভাড়া দেওয়া চলে না। আর তো থাকতে দেবে না। এইবার তুমি—সে আর বলিতে পারিল না।

মনোরমা কহিল, “হাঁ তাই যাব।”

যামিনী কহিল, “সেখানে তোমাদের অশ্রু হবে না।”

মনোরমা তাহার কথার প্রতিধ্বনি করিয়া কহিল, “না কোন অশ্রু হ’বে না। বাড়ী ছেড়ে দেওয়ার ব্যবস্থা করে ফেল, আমরা কালই সেখানে চলে যাব।”

যামিনী কহিল, “আমি তিন দিনের সময় নিয়েছি—

মাইনের ত্রিশটে টাকা পরন্তু পাব, আর বাকি গোটা কুড়ি টাকা সেটা এক রকম করে জোগাড় করে দেব। দিন চারেক পরে আমরা যাব। হঠাৎ গিয়ে ওঠাটাও ভাল দেখাবে না,—তোমার দাদাকে আজ বলে রাখব 'খন।"

মনোরমা নিঃশব্দে কি যেন ভাবিল, তারপর কহিল, না "থাক, খবর দেবার দরকার নেই। আমরা একেবারে গিয়ে উঠব।"

কেন যে সে একথা বলিল, যামিনীর তাহা বুঝিতে বিলম্ব হইল না। সে আর কোন কথা বলিল না। কোনখানে আশ্রয় লইতে হইবে তো? স্ত্রী-পুত্রের হাত ধরিয়া পথে তো দাঁড়াইতে পারে না। শুধু একটু আশ্রয়—ত্রিশটা টাকায় দুমুঠা ভাতের সংস্থান তো হইবে, শ্রালকের গলগ্রহ তো হইতে হইবে না। সত্যই দুই সংসার সুরেশবাবু একাই বা চালাইবেন কি করিয়া?

মনোরমা বেশ সহজ ভাবে কহিল, "তুমি অত ভাবছ কেন বল দিকি? বাপের বাড়ী কি কেউ থাকে না। কত লোক এখন দুমাস ছমাসও থাকে। সেখানে যারগারও তো অভাব নেই, দাদাও আমার গরীব নয়। তা ছাড়া সে সব কথা ভেবেও তো লাভ নেই, থাকতেই যখন হবে।"

দিন চারেক পরে মনোরমা সংসার তুলিয়া দিয়া তাহার দাদার গৃহে গিয়া উঠিল। নিভাননী সমাদর করিয়া কহিল "এস ভাই ঠাকুরঝি! ঔঁকে রোজই বলি তোমায় নিয়ে আসতে, তা এমন কাজেব চাপ পড়েছে যে সময়ই করে উঠতে পারছেন না। তুমি আপনি এসেছ ভালই হয়েছে। ঠাকুর জামাই কোথায় বাইরে বুঝি। যাই ডেকে নিয়ে আসি।"

তাহাকে আর ডাকিতে বাইতে হইল না। যামিনী জিনিস-পত্র লইয়া সেখানে আসিয়া উপস্থিত হইল গৃহস্থলীর খুঁটীনাটী জব্যাদি দেখিয়া নিভাননী নির্ঝাক-বিশ্বয়ে সেইদিকে চাহিয়া রহিল।

মনোরমা হাসিয়া কহিল, "অমন করে কি দেখছ বৌদি! হাঁ, তোমায় এখনও বলা হয় নি, আমরা বাসা তুলে এখানে থাকতে এসেছি।"

নিভাননী কথাটা পরিহাস বলিয়া গ্রহণ করিল। তাহার মনটাও অনেকখানি হালকা হইয়া গেল। সেও হাসিয়া

কহিল, "সে তো ভাল কথাই ঠাকুরঝি,—কিন্তু তুমি কি তা থাকতে পারবে ভাই।"

মনোরমা কহিল, "এত আর পরের জায়গা নয়, কেন পারব না। আমার এ তো বাপের ভিটে,—থাকলে ঘোষ কি। তোমাদের তো ঘরের অভাবও নেই।"

নিভাননীর মুখখানি সহসা গভীর হইয়া গেল। সে হঠাৎ আর কিছু জিজ্ঞাসা করিতে পারিল না।

মনোরমা এইবার গাঢ়কণ্ঠে কহিল, "থাকতেই যে হ'বে বৌদি। বাড়ী ভাড়া দেবার মত অবস্থা যে আর নেই, ত্রিশটা টাকা মাইনে পান, বুঝতে পারছ, এতে কোন রকমে দুমুঠা খাওয়া চলে না। তোমার তো ঘর পড়ে রয়েছে বৌদি, একটায় আমরা থাকব,—তাই ঠিক করেই বাড়ী ছেড়ে দিয়ে এসেছি।"

নিভাননী চৌক গিলিয়া কহিল, "এখানে থাকতে পারবে, কষ্ট হ'বে না ঠাকুরঝি?"

মনোরমা মুহূ হাসিয়া কহিল, "বাপের বাড়ী কুড়ে ঘর হলেও সেখানে থাকতে কারুর কষ্ট হয় না বৌদি। এ তো রাজপ্রাসাদ। তা ছাড়া কষ্ট হবার দিন এখন চলে গেছে বৌদি। কষ্টই বা হ'তে যাবে কেন? তোমার আশ্রয়ে থাকব যখন কষ্ট কিসের?"

নিভাননী আর কিছু বলিল না। বলিবার মত কোন কথা হয় তো সে খুঁজিয়া পাইতেছিল না।

সে কিছু বলুক আর না বলুক, মনোরমা সেখানে রহিয়া গেল। পূর্বে যখন সে নিজে পিতৃগৃহে বেড়াইতে আসিত বা নিভা তাহাকে নিমন্ত্রণ করিয়া আনিত, তখন নিভারই সজ্জিত গৃহে তাহার বাসের জন্ত ছাড়িয়া দেওয়া হইত। কিন্তু এইবার তাহার বাসের জন্ত অপর একটী কক্ষ নির্দিষ্ট হইল। নিভা যদি একবার মুখ ফুটিয়া বলিত, "ঠাকুরঝি তোমরা আমার ঘরেই শুয়ো", তাহা হইলে মনোরমা তখনই বলিয়া দিত, "না বৌদি, ও ঘরে আমরা কেন শোব, দুদিনের জন্তে আসতাম সে আলাদা কথা ছিল, কিন্তু এখন আমরা এখানে থাকতে এসেছি—কতদিন থাকতে হবে তারও কোন স্থিরতা নেই—আমরা এমন একটা ঘরে থাকতে চাই, যে ঘরটার থাকলে তোমার বিশেষ কোন অসুবিধে না হয়।"

কিন্তু হয় নিভা মৌখিক আপ্যায়িতটুকুও করিল না! মনোরমা তাহার অপেক্ষাও করিল না, একটা ঘরে অদরকারী

কতকগুলো দ্রব্য থাকিত, সেইগুলি কক্ষের একপাশে সাজাইয়া রাখিয়া মনোরমা ধরতীকে বাসের উপযুক্ত করিয়া লইল। নিভা তাহা দূরে দাঁড়াইয়া দেখিল, কোন কথা বলিল না, তাহাকে সাহায্য করিবার জন্য অগ্রসর হইয়াও আসিল না।

রাত্রে যামিনী দীর্ঘনিঃশ্বাস ফেলিয়া কহিল, “এখানে তো এনে ফেললাম, কিন্তু থাকতে পারবে মনু?”

মনোরমা চোখ তুলিয়া একবার স্বামীর মুখের দিকে চাহিল, তারার গাঢ়কণ্ঠে কহিল, “পারাপারির কথা তো আর নেই, এখন যে থাকতেই হবে, এ আমার বাপের ভিটে, এখানে মান-অপমান আমার কিছু নেই, কিন্তু তুমি কি করে—” তাহার কণ্ঠ রুদ্ধ হইয়া গেল।

যামিনী গভীর স্নেহে তাহার পিঠের উপর হাত রাখিয়া কহিল, “তোমরা যদি পার মনু, আমিও পারব। দুদিন পরে না হয় একটা হোটেল দেখে নেওয়া যাবে।”

মনোরমা ব্যস্তভাবে বলিয়া উঠিল, “না না তা হবে না, তোমাকে এখন আমি কিছুতেই কাছ ছাড়া করতে পারব না। তুমি যদি না থাক, আমিও এখানে থাকব না। আর তুমি তো এমনই থাকছ না, মাসে মাসে খরচ দেবে।”

যামিনী চোখ বুজিয়া পড়িয়া রহিল।

দিন চলিতে লাগিল। পাচক বিদায় হইয়াছে, মনোরমা এখন রন্ধনশালার ভার লইয়াছে। অবশ্য এ ব্যবস্থা মনোরমা নিজেই করিয়াছে। দুই বেলা রাঁধে, বাড়ীর সব কাজকর্ম করে, নিভাকে একটা কুটা পর্যন্ত মাড়িতে দেয় না, নিভার ছেলে-মেয়েদের নাওয়ায়, খাওয়ার ধোয়ায় তাহাদের যাহা কিছু দরকার নিভা বলিবার পূর্বে তাহা সে করিয়া রাখে। কিন্তু সে নিভার মন পায় না। মাসে পঁচিশ টাকা করিয়া দিবে স্থির হইয়াছে, তবুও নিভা তাহাকে শুনাইয়া পাঁচজনকে এই রকমের কথা বলে, “এই দেখদিকি, আবার ঠাকুরঝির সংসার এসে পড়ল ঘাড়ে,— কি করে সামলাই তার ঠিক নেই। একা মানুষের রোজ-গার। এতই বা পারেন কোথেকে।” মনোরমা চুপ করিয়া শুনিয়া যায়। অতি কষ্টে দীর্ঘনিঃশ্বাস চাপিয়া ফেলে। বুকের ভিতরটা সজোরে আন্দোলিত হইয়া উঠে।

পরের মাসের তিন তারিখে মনোরমা যখন পঁচিশটা টাকা নিভার হাতে দিতে গেল, তখন নিভা হাত পাতিয়া

টাকা কয়টা লইল কিন্তু টিপ্তনী করিতেও ছাড়িল না, কহিল, “টাকা তো দিলে ঠাকুরঝি” কিন্তু এতে জাতও যাবে, টেও ভরবে না। না নিলে চলে না, তাই নেওয়া—তুমিই ছা’দিন পরে বলতে ছাড়বে না,—এমনই থাকতে কি দিয়েছিল, রীতিমত পয়সা দিয়ে তবে থেকেছি। পাঁচজনে মনে করবে এটা আমাদের ব্যবসা। ষাক, ও সব কথা বলেই বা এখন কি ফল। থাকতে যখন দিতেই হবে।”

মনোরমা মনের আঘাত চাপিয়া কহিল, “সে ঠিক কথা বৌদি, - আমাদের তো পথে বার করে দিতে পারবে না— থাকতেও দিতে হবে, দুটো খেতেও দিতে হবে। আগেও তো তোমার বাড়ী এসে কত খেয়ে গেছি বৌদি।”

নিভা মনে মনে খুসী হইয়া বলিল, “সে কথা তোমার মত ক’জনে স্বীকার করে ঠাকুরঝি।”

এমনই ভাবে মাস তিনেক কাটিয়া গেল। মনোরমা প্রকল্পমুখে সব সহ্য করিয়া যায়। নিভা প্রথম প্রথম দিন পাঁচ-সাত যামিনীর খাওয়ার সময় কাছে আসিয়া দাঁড়াইত, এখন আর দাঁড়ায় না, যামিনী কখন খায় তাহার সংবাদ পর্যন্ত রাখে না। আগে সে আর মনোরমা এক সঙ্গে খাইত, এখন সে আলাদা খাইয়া উপরে চলিয়া যায়, মনোরমা সমস্ত কাজ সারিয়া আহার করে। সুরেশ ও ভগিনী বা ভগিনীপতির কোন খোঁজ খবরই রাখে না। রাখিবার বোধ করি কোন আবশ্যকতাও বোধ করে না,— খাইতে-থাকিতে দিয়াছে ইহাই হয় তো সে যথেষ্ট মনে করে। এই ভগিনী এবং ভগিনীপতিকে কিছুদিন পূর্বেও কত সাধ্য-সাধনা করিয়া এই গৃহে নিমন্ত্রণ করিয়া আনিয়াছে, একদিনের বেশী দুই দিন রাখিতে পারে নাই বলিয়া কত দুঃখ করিয়াছে। আর আজ?

সেদিন নিভা মনোরমাকে কহিল, “আমার ছোট বোন আর ভগিনীপতি কাল বিদেশ থেকে আসছেন, এখানে এসেই উঠবেন। দিন দশ পনের থাকবেন, তাঁদের গোটা দুই ঘরের দরকার। ওপরে ত আর ঘর নেই, সে কদিন তোমায় নীচের ঘরেই থাকতে হবে ঠাকুরঝি। আজ খাওয়া-দাওয়ার পর তোমার জিনিস পত্তরগুলো সব নামিয়ে নিও।”

মনোরমার চোখ কাটিয়া জল আসিল। এ বাড়ী তো তাহারই পিতার। পিতা বাঁচিয়া থাকিলে এমন কথা কি

পরের মেয়ে মুখ ফুটিয়া বলিতে পারিত। কোন রকমে যন্ত্রণা চাপিয়া সে কহিল,—“তাই হ'বে বৌদি।”

নীচের ঘরটিতে আলো-বাতাসের বড় বেশী সম্পর্ক ছিল না। সেই ঘরেই মনোরমাকে থাকিতে হইল। উপায় যে নাই। মাথা গুঁজিবার মত স্থান যে তাহার আর কোথায় নাই।

যামিনীর রাত্রির আহার শেষ হইলে, মনোরমা বাস্প-রুদ্ধকর্থে কহিল, “আজ নীচের ঘরে আমাদের বিছানা হয়েছে।”

যামিনী কহিল, “ও আজ যে কুটুম এসেছে।”

মনোরমা হাসিয়া কহিল, “হাঁ বৌদির বোন আর ভগিনীপতি, দাদার নয়। যাও শোও গে, আমি যাচ্ছি।”

মনোরমার এই হাসি যামিনীর বুকে শেলের মত বিঁধিল। সে টলিতে টলিতে তাহার সম্মুখ হইতে চলিয়া গেল।

দিন ষোল পরে নিভার ভগিনী চলিয়া গেল। সঙ্গে সঙ্গে উপরের ঘরটায় চাবি পড়িল। মনোরমা তাহা দেখিল। কোন কথা বলিল না। নিভাই অবশেষে বলিল, “দেখ ঠাকুরকি, ও ঘরটা না হইলে আমাদের চলে না—নীচের ঘরে তো তোমার কোন অসুবিধে হচ্ছে না, এতদিন থেকে তো দেখলে খারাপ নয়। এমন ঘরেই বা কখনে থাকতে পায়।”

মনোরমা সারা দেহে যেন বৃশ্চিক দংশনের জ্বালা অনুভব করিল। তাহার ক্ষুর অস্তর আর্তনাদ করিয়া উঠিল। হা ভগবান! কিছুক্ষণ সে কোন কথা বলিতে পারিল না। তাহার একবার ইচ্ছা হইয়াছিল বলিয়া ফেলে, এ বাড়ী তোমার বাবার নয়, আমার বাবার। কিন্তু সে যে কত্না হইয়া জন্মিয়াছে এ কথা বলিবার অধিকার তাহার কোথায়? এত বড় কথা বলিলে, হয় তো তাহাকে আশ্রয়চ্যুত হইতে হইবে। থাক, নিজেকে কতকটা সংযত করিয়া লইয়া সে কহিল, “একটু আশ্রয় পেলেই হ'ল বৌদি আর কিছু আমরা চাই না। ওপর আর নীচে আমার পক্ষে এখন সবই সমান।”

নিভা ঝঙ্কার দিয়া বলিল, “তা রাগ করলে কি করব। ঠাকুরকি,—বার মাস ত ওপরের একটা ঘর ছেড়ে দিলে আমাদের চলে না এটা ত ভুমি বুঝতে পার।”

মনোরমা আর সহ করিতে পারিতেছিল না। কম্পিত-কর্থে কহিল, “খুব পারি বৌদি, খুব পারি। যাদের মাথা গোঁজবার ঠাই নেই, তাদের পক্ষে ঐ নীচের ঘরই প্রাসাদের তুল্য।” এই বলিয়া সে তাড়াতাড়ি তাহার সম্মুখ হইতে চলিয়া গেল।

ইহারই দিন পনের পরে হঠাৎ যামিনীর উপর ভাগ্য-দেবতা প্রসন্ন হইলেন। তাহার এক পিতৃবন্ধু দালালী কারবারের তাহাকে শূণ্য অংশীদার করিয়া লইলেন। এই শুভ সংবাদ যখন মনোরমা শুনিল, তখন সে একবার প্রাণ ভরিয়া কাঁদিয়া লইল। যেন সে এই কান্না দিয়া অন্তরের পুঞ্জীভূত যাতনা ধুইয়া মুছিয়া ফেলিতে চায়।

কান্না থামিলে মনোরমা কহিল, “তা হ'লে কবে বাড়ী ভাড়া করবে?”

যামিনী কহিল, “বাড়ী একটা ঠিক করেই এসেছি। দোতলা বাড়ী, পঞ্চাশ টাকা ভাড়া। বেশ খোলা। কালই উঠে যাব ঠিক করেছি। সংসারের খরচের জন্তু তিনি আমায় পাঁচশ টাকা দিয়েছেন। এই নাও সেই টাকা।”

মনোরমা কম্পিত হস্তে নোটগুলি ধরিল। সে আজ কতদিন, এতগুলো নোট একসঙ্গে হাতে করে নাই।

পরদিন প্রাতঃকালেই তাহারা নূতন বাড়ীতে গিয়া উঠিল।

দেখিতে দেখিতে বৎসর পাঁচ সাতের মধ্যে তাহারা পূর্ব সম্পদ আবার ফিরিয়া পাইল। বাড়ী গাড়ী কিছুই অভাব রহিল না। তাহা ছাড়া ব্যাঙ্কে নগদ টাকার পরিমাণও যথেষ্ট হইল। ভাগ্যদেবতা যখন প্রসন্ন হন, তখন চারিদিকে লক্ষ্মীশ্রী যেন উপচাইয়া পড়ে। যামিনীর জ্যেষ্ঠ পুত্র, এম-এসসি, পরীক্ষায় রসায়নে প্রথম বিভাগের প্রথম স্থান অধিকার করিল। সেই পুত্রের বিবাহের কথা লইয়া সুরেশ ও নিভাননীর মধ্যে আলোচনা চলিয়াছিল।

(৩)

পরদিন আপিস হইতে বাড়ী না গিয়া সুরেশ মনোরমার গৃহে গিয়া উপস্থিত হইল। যামিনী বাহিরের ঘরে বসিয়াছিল, তাহাকে সেইদিকে আসিতে দেখিয়া নিজে চেয়ার ছাড়িয়া উঠিয়া দাঁড়াইয়া তাহাকে মহা সমাদর করিয়া

নিজের চেয়ার খানিতে বসাইয়া কহিল, “বসুন দাদা বসুন।” তারপর ভৃত্যকে ডাকিয়া কহিল, “যারে তোর মা ঠাকুরকে বলে আয়, দাদাবাবু এসেছেন।”

এরূপ খাতির যত্ন করা যামিনীর নিত্যকার অভ্যাস। কাহ্নেই সুরেশ ইহাতে কোনরূপ অস্বস্তি বোধ করিল না। চেয়ারে বসিয়া জুতাটা খুলিয়া হাসিয়া কহিল, “তোমার কাছে দরবার করতে এসেছি হে যামিনী।”

যামিনী কুণ্ঠিতভাবে কহিল, “ও রকম কথা আপনি বলবেন না দাদা। কি করতে হ'বে বলুন।”

সুরেশ কহিল, “মহু আশুক, তারপর বলব।” রজনীর আর কোন সন্দেহ এল ?

যামিনী কহিল, “সন্দেহ তো রোজই আসছে সবই প্রায় বড় লোকের বাড়ীর, পঁচিশ ত্রিশ হাজার টাকার কম কেউ বলে না। দুইটা মেয়েও দেখে এসেছি বেশ ভাল মেয়ে।”

সুরেশ কহিল, “কাউকে কথা দিয়াছ না কি ?”

যামিনী কহিল, “না কথা এখনও কাউকে দিই নি।”

এমন সময়ে মনোরমা কক্ষমধ্যে আসিয়া প্রবেশ করিয়া সুরেশের পদধূলি গ্রহণ করিল। তারপর কহিল, “আগে মুখে হাতে জল দিয়ে নাও দাদা আমি ঠাকুরকে জলখাবার আনতে বলে এসেছি।”

সুরেশ কহিল, “যাচ্ছি, তার জন্তে এত তাড়া কিসের। আমি এসেছিলাম জানতে কি ঠিক করলে ? মেয়ে তো তোদের পছন্দ হয়েছে, আর মেয়ে সত্যই সুন্দরী। তারা তো কেবলই আমার বাড়ী হাঁটা-হাঁট করছে, যখন দেনা-পাওনার কথা নেই, তখন ঠিক করে ফেললেই তো হয়।”

মনোরমা কহিল, “দেনা-পাওনার কথা নেই, এটা ঠিক নয় দাদা। আমার একটা সর্ভ আছে, ঠাকুরকে তো তা বলে দিখেছি—তাতে রাজি হ'লে আমার আর কোন আপত্তি নেই; আরও তো অনেক সন্দেহ আছে কিন্তু তাঁদের কাছ থেকে একটা জবাব না পেলে ত কারুর সঙ্গে কথা বলতে পারি না। বৌদির সইয়ের মেয়ে। যাক্গে দাদা, সে সব কথা পরে হ'বে এখন। হাত মুখ ধুয়ে নাও লুচিঙলা সব জুড়িয়ে যাবে।”

সুরেশ আর কিছু না বলিয়া হাতমুখ ধুইবার জন্ত উঠিয়া গেল। জলযোগান্তে যামিনীকে কহিল, “মহু ও সব কি ছেলেমানুসী করছে,—যার ছেলে রয়েছে সে কি আন্দেক

বাড়ী মেয়েকে কখনও লিখে দেয়, না দিতে পারে ? এই তো আরও পঁচ জায়গা থেকে সন্দেহ আছে—ও কথা শুনে কেউ রাজি হ'বে না। এ আমি তোমায় বলছি।”

যামিনী কহিল, “আগাকে এ সন্দেহ কিছু বলা যথা। আপনার বোনের ইচ্ছার বিরুদ্ধে আমি কোন কথা বলতে পারব না। পান আনতে গেছে, এখনই আসবে, তাকে বুঝিয়ে বলুন। অন্যায় হ'লেও সে মেনে নেবে।”

মনোরমা পান লইয়া উপস্থিত হইয়া সুরেশের সম্মুখে পানের ডিবাটা রাখিয়া দিল।

একটা পান তুলিয়া লইয়া সুরেশ কহিল, “তোমার বৌদিদিকে ও সব কি বলেছিস ? এ কি কেউ কখনও করে,—আন্দেক বাড়ী কি কেউ লিখে দেয়।”

মনোরমা কহিল, “কেন দেবে না দাদা,—ছেলে মেয়েকে যে সমান চোখে দেখে সেই দেবে।”

সুরেশ কহিল, কহিল, “পৃথিবীতে যা চলে আসছে তাই চলবে, না তোর জন্তে সব উণ্টে যাবে।”

মনোরমা কহিল, “সইয়ের কথা আমি কি করে বলব দাদা—তবে আমার নিজের কথা আমি এই বলতে পারি, এই এক সর্ভ ছাড়া আমি ছেলের বিয়ে দেব না। বৌদিদি সইকে যদি বলে করে রাজী করাতে পারেন, তা হ'লে এই মাসেই বিয়ে দেব।”

সুরেশ গভীর হইয়া কহিল, “তার ছেলে রয়েছে, ও রকম সর্ভে সে কখনও রাজি হয়। না তাকে আমি অমন কথা বলতে পারি। যাহ'ক একটা মিথ্যে করে বলতে হবে।”

মনোরমা কহিল, “মিথ্যে করে বলতে যাবে কেন দাদা। আমি যা বলেছি তাই তাঁদের বল রাজি হবেন না। এমন তো কোন কথা নেই।”

সুরেশ কহিল, “যা তা কথা অমনই বললেই হ'ল। সে আমি পারব না। এই তো তোর মেয়েও বড় হয়েছে কেউ যদি এ বাড়ীর ভাগ চেয়ে বসে তুই দিতে রাজি হ'বি।”

মনোরমা কহিল, “নিশ্চয়ই হ'ব। তা ছাড়া চাইতে হ'বে না দাদা। পরের বাড়ী মেয়ে এসে যে আমার মেয়েকে এ বাড়ী থেকে দূর দূর করে তাড়িয়ে দেবে, তা আমি করতে দেব না। আর আমি যাকে বৌ করে আনব বাপের বাড়ীতে যাতে সে দলিলের জোরে থাকতে পারে তার ব্যবস্থা না করে আমি ছেলের বিয়ে দেব না। তুমি বৌদিকে এ কথাটা বুঝিয়ে বল দাদা।”

সুরেশ নিঃশব্দে নতমস্তকেসিয়া রহিল।

অঁখি-জলধি

[শ্রীসুকুমার সরকার]

ও অঁখি-জলধি-কালো তরঙ্গ

একি চঞ্চল লীলা ;

কভু মন-ভোলা স্ত্রীণ বিদ্বাৎ

কভু নিপ্রাণ শিলা !

হৃদয়ের তীর জানো না কি মোর

শারদাকাশের মত ;

দোষ শুধু তার সহজে সে ভোলে

সারল্যে অবনত !

বোঝেনা চোখের চকিত ছলনা

চরণের চারু চলা ;

কেমন পরশে কখন কি ক'রে

না-বলা কথাতে বলা !

ও সাগরে তব বিষ থাকে যদি

যদি বা অমৃত থাকে ;

একটীবারের চাহনিতে কেন

মথিয়া তোলোনা তাকে

নরক না হয় নন্দন-বন

যাহাই দাওনা কেন ;

মিনতি আমার দয়া ক'রে তারে

একবারে দিও যেন !



দমকা হাওয়া

(উপস্থাপন)

[শ্রীনরেন্দ্রনাথ চট্টোপাধ্যায়]

—সাত—

সন্ধ্যারতি শেষ করিয়া স্বামীজী তাঁহার আশ্রমে বসিয়া ধ্যানমগ্ন হইবার জন্য আসন গ্রহণ করিতেই আজিকার সকালের ঘটনা হঠাৎ তাঁহার চক্ষুর সম্মুখে প্রতিভাত হইয়া উঠিল। বীণার কথাগুলি কাণের মধ্যে ধ্বনিত হইতে লাগিল। তিনি আত্মভোলা হইয়া গেলেন।

সম্মুখে খোলা যায়গায় গোলাপ-গাছে ফুলগুলি সুগন্ধ বিস্তার করিয়া প্রাণ মাতাইয়া তুলিতেছিল, পশ্চাতে পুণ্যতোয়া সুরধুনী কুল কুল করিয়া ব্যাকুল প্রাণে ছুটিয়া চলিয়াছিল।

স্বামীজীর আশ্রমের এমন কিছু বৈশিষ্ট্য ছিল না। একখানি মাত্র মাটির র, ঝড়ের চালা, আশে-পাশে পাঁচ ছয় খানি গৃহ ভগ্নস্বূপে পরিণত হইয়া পূর্বপুরুষের স্মৃতি বুকে লইয়া পড়িয়া আছে। মাধব রায় যখন জীবিত ছিলেন তখন এই আশ্রমটিকে পাকা করিয়া দিবার জন্য অনেকবার প্রস্তাব করিয়াছিলেন ; কিন্তু এ কথায় স্বামীজী হাসিমুখে আশীর্বাদ করিতে করিতে উত্তরে বলিয়াছিলেন, আমার এই মাটির ঘরে যে ঐশ্বর্য লুকান আছে, মাধব ইমারত হ'লে সেটা মলিন হ'য়ে পড়বে। করালী মার মন্দিরে পূজারীর জাঁকজমকের কিছু প্রয়োজন নাই।

একবার পর মাধব আর এ বিষয়ের উল্লেখ করিতে সাহস পান নাই।

ইহার পর স্বামীজী একবার ফুটন্ত ফুলগুলির প্রতি একদৃষ্টে চাহিয়া পরক্ষণে ভাগীরথীর দিকে বাগ্রভাবে চাহিয়া দেখিলেন ; তার পর উর্দ্ধে পূর্ণ চন্দ্রের দিকে চাহিয়া দেখিলেন—দেখিলেন যেন তাহার ভিতর হইতে গলিত রৌপ্যের ধারা পৃথিবীর বুকের উপর, গাছের পাতায়, জলে স্থলে প্রতি ধূলিকণায় ঝরিয়া পড়িতেছে।

তিনি ভগ্ন হইয়া গেলেন।

কিন্তু এ ভগ্নতা তাঁহার অধিকক্ষণ স্থায়ী হইল না। প্রাতঃকালের ঘটনা তাঁহার ভগ্নতা ডাকিয়া দিয়া মনটাকে কেমন বিপর্যস্ত করিয়া দিল। সত্যই কি এই সব নবাগত প্রজাদের নির্ভয়ে বাস করিবার জন্য মার রাণ্যের কতকটা স্থান ছাড়িয়া দেওয়ার মানে অত্যাচারী শয়তানদের দল পুষ্ট করিবার সুযোগ দিতেছেন ?... মার রাজ্য কি দানবের লীলা-ক্ষেত্রে পরিণত হইল ?... না—না, তাও কি হয় ?

তখনই বীণার কথাটা মনের মধ্যে উঁকি মারিয়া দেখা দিল। হয় তো সেইটাই সম্ভব, তাহা না হইলে সকলেই সলিলকুমারের জমিদারী হইতে আসিবে কেন ?... তাহাই যদি হয়, তবে ষড়যন্ত্রকারী কে ? মহানন্দ না সলিলকুমার—না উভয়েই ?

সন্ধ্যার উদার প্রাণ আজ সন্দেহ-মসী-লিপ্ত হইল।

ষড়যন্ত্রকারীদের মধ্যে মহানন্দের নাম মনে হইতেই কেমন তিনি অস্বস্তি অনুভব করিতে লাগিলেন। যে মহানন্দকে তিনি প্রাণের অধিক ভালবাসেন, নিজের অবর্তমানে বাহাকে করালীমার পূজারীর আসন দিবেন বলিয়া স্থির করিয়া রাখিয়াছেন, তাহার সম্বন্ধে সন্দেহ করিতেও তাঁহার প্রাণের মধ্যে আলা দেখা দিল।

আর যদি সলিলকুমারেরই কোনও ষড়যন্ত্র হয় ? তাহার উদ্দেশ্যই বা কতখানি সফল হইবার সম্ভাবনা ?

হঠাৎ চালাঘরখানা হইতে গাভীটা ডাকিয়া উঠিল—
হাষা !

স্বামীজী দাবা হইতে বলিলেন,—কি মা ?

গাভীটা পুনরায় চীৎকার করিয়া উঠিল।

শিবানন্দ চালা-ঘরে উঠিয়া গেলেন। তাঁহার আশ্রমের ভিতর এই গাভীটা তাঁহার অত্যন্ত প্রিয়। ইহার চীৎকার তিনি অবহেলা করিতে না পারিয়া তাহার মুখে গায়ে হাত

বুলাইতে বুলাইতে ভাবিতে লাগিলেন, জমীদারির এই সমস্যার সমাধান তিনি কি করিয়া করিবেন।

একবার মহানন্দের সহিত এই বিষয়ের কথা কহিবার জন্য আকুল আকাজকা তাঁহার মনের মধ্যে উদয় হইল। কিন্তু সেটাকে কার্যে পরিণত করিতে পারিলেন না, কারণ আজ কয়েকদিন হইল মহানন্দ গুরুদেবের আশ্রমে গিয়াছে।

তাঁহার চিন্তাস্রোতে বাধা দিয়া পরাগ আসিয়া ডাকিল—
‘বাবাঠাকুর!’

চালাঘর হইতেই উত্তর দিলেন—‘কে, পরাগ?’

তাঁহার পদধূলি লইয়া পরাগ বলিল—‘মার সেবা হচ্ছে?’

সহাস্তকণ্ঠে শিবানন্দ বলিলেন—‘ছেলের জন্তে মনটা বোধ হয় কেমন করছিল, তাই মা আমার না ডেকে থাকতে পারলেন না, ছ’চার বার ডাক দিল। যা’ক এ সময় তুমি এসেছ ভালই হয়েছে; চল দেখি বাবা, অনেক কথা আছে তোমার সঙ্গে।’

উভয়েই পুনরায় দাবায় আসিয়া বসিলেন, ...সম্মুখে সেই জ্যোৎস্নান্নাত প্রস্ফুটিত গোলাপের হাসিমুখ।—পরাগ বলিল—‘কাল একবার গরীবের কঁুড়েতে যে পায়ের ধুলো দিতে হবে, বাবাঠাকুর।’

‘কেন পরাগ?’

‘বৌটার অসুখ করেছে, বড় ডাক্তার আনবার কথা অনেকবার বলছি কিন্তু কিছুতেই রাজী হচ্ছে না, ব’লে আপনি গিয়ে আশীর্বাদ ক’রে পায়ের ধুলো দিয়ে এলেই সেরে যাবে।’

শ্রিতহাস্তে স্বামীজী বলিলেন,—‘এতখানি বিশ্বাস যখন তাঁর তখন যেতেই হবে, বাবা—আমি কাল সকালেই যাব।’

উৎকুল প্রাণে পরাগ আর একবার তাঁহার পদধূলি লইল।

কিছুক্ষণ উভয়েই নীরব হইয়া রহিল। তার পর প্রথমে স্বামীজী নিস্তব্ধতা ভঙ্গ করিলেন। কি ভাবিয়া তিনি বলিলেন—‘এইবার কিছুদিনের জন্য তোমাদের ছেড়ে যেতে হ’বে পরাগ!’

ব্যগ্র-চঞ্চল কণ্ঠে পরাগ বলিল,—‘সে কি, বাবাঠাকুর?’

স্বামীজী বলিতে লাগিলেন,—‘জীবনের শেষ দিকটায় এসে পৌঁছেছি, অদৃশ্য হস্ত কখন যবনিকা টেনে দেবে। তাই মনে করছি তীর্থকটা ঘুরে আসি। মহানন্দ যখন তোমাদের কাছে রইল তখন অসুখী তোমরা কেউই হবে না।’

জড়িত কণ্ঠে উৎকণ্ঠিত পরাগ বলিয়া উঠিল,—‘তাও কি হয়, বাবাঠাকুর? তুমি আর তিনি স্বর্গ আর পাতাল তকাৎ। তবুও তোমার গুণ, তোমার যশ আমরা সবাই গেয়ে বেড়াই। আমাদের রাজা ছেড়ে যাবার সঙ্গে সঙ্গে মা দয়া করে তেনাকে এখানে দয়া ক’রে এনেছেন। রাজারই মত সকলকার সুখ-দুঃখের খোঁজ লওয়া, কারও অসুখের খবর পেলে তার শিয়রে ব’সে সেবা করা, এসব শুধু মায়ের দয়াতে ঘটেছে, বাবাঠাকুর। তেনার গুণের কথা শুনে আশ্চর্য্য হবেন, মধু যখন বৌটাকে ছেড়ে দিয়ে ঐ কালী জেলেনীর ঘরে ধরা দিচ্ছিল, তখন মধুর বৌ বাবাঠাকুরের পায়ে আছড়ে পড়ল। সেইখানে ব’সেই তিনি কি তুকতাক করলেন, আর সেই দিন রাত্তিরেই মধু যে বাড়ী কিরে এল সে আর বাড়ীর বার হয় না। দিকি খাটছে খুটছে। দুই ঘোয়ামৌছিরিঙে কেমন সুখে ঘর-কন্না করছে।’

আজ সকাল হইতে কয়েক মুহূর্ত্ত পূর্ব পর্যন্ত শিবানন্দের অন্তরের মধ্যে সন্দেহের যে কাল মেঘ উঠিয়াছিল, পরাগের এই কথায় সেটা একেবারে উড়িয়া গিয়া মেঘমুক্ত আকাশ আবার রবির কনক কিরণের সোনালি আভা বিকমিক করিয়া উঠিল,—মহানন্দও সন্ন্যাসী, সন্ন্যাসীর প্রাণ কলুষ কালিমায় ভরা হইবে কেন? বীণামার সন্দেহ হয় তো অমূলক, না হয় ইগার মধ্যে সলিলকুমারের হস্তই অলক্ষ্যে কার্য্য করিতেছে। পরাগকে জিজ্ঞাসা করিলেন,—‘আচ্ছা পরাগ, যেসব নুতন লোক তোমাদের মাঝে এসে বাস করছে তারা তোমাদের সঙ্গে কেমন ব্যবহার করে?’

পরাগ কহিল—‘এমন খারাপও কিছু দেখি নি বাবা, আর সে ব্যবহার করবার সুবিধেই বা পাবে কোথেকে?’

আপন মনেই শিবানন্দ বলিলেন, ‘তাও বটে।’

পরাগ বলিতে লাগিল—‘মহানন্দ ঠাকুর অনেক সময়ই তাদের কাছে থেকে এখানে লোকের সঙ্গে মিলেমিশে কি

ক'রে বাস করতে হয় তা শিখিয়ে দিচ্ছেন, মাঝে মাঝে এই সব লোকদের জড় ক'রে কাঁকা নিরাণা বায়গায় নিয়ে কত সব উপদেশ দিয়ে আসেন—'

কিসের একটা সন্দেহ পুনর্বার স্বামীজীর উদার প্রাণকে সমাচ্ছন্ন করিয়া ফেলিল, বলিলেন,—'কাঁকা বায়গায়—কেন ? একথা তো এতদিন শুনি নি ?'

একথার উত্তরে পরাণ কোনও কথা বলিল না বা বলিতে পারিল না ।

অনুচ্চ কণ্ঠে স্বামীজী আপনা-আপনি বলিয়া উঠিলেন,—'সকালের সেই সব আলোচনা. কাঁকা বায়গায় এই সব লোকদের পরামর্শ দান—'

একটু বিস্মিত ভাবে পরাণ জিজ্ঞাসা করিল,—'তাঁর সম্বন্ধে ? আজ আপনার কি হ'ল, বাবা ঠাকুর ?'

'একটু ভাবিয়ে তুলেছে পরাণ, আমি যতদূর তাকে বুঝেছি তা'তে এইটাই জানতে পেরেছি, সে সরল উদার মহাত্ম্যব । কিন্তু সংসারের বা সমাজের আর একটা যে চোখ আছে, সেই চোখ নিয়ে কেউ কেউ দেখছে তার এই সরলতা উদারতার ভেতর কি যেন লুকান আছে প্রথমটা বিশ্বাস করতে পারি নি ; কিন্তু তোমার কাছে কাঁকা বায়গায়—'

বাধা দিয়া পরাণ বলিয়া উঠিল,—'ও এই কথা ? তা' বাবাঠাকুর ; কাঁকা বায়গায় না হ'লে এই এতগুলোলোককে কোথা জড় করেন বলুন তো ?'

স্বস্থির ভাবে স্বামীজী বলিলেন—'হঁ, তাও বটে ।'

তারপর মুহূর্তকাল নিস্তব্ধ থাকিয়া শিবানন্দ বলিতে লাগিলেন—'আচ্ছা, পরাণ—'

'কি, বাবাঠাকুর ?'

পরাণ তাহার জিজ্ঞাসু দৃষ্টি শিবানন্দের মুখের উপর ফেলিতেই তিনি কি বলিতে যাইতেছিলেন ; কিন্তু তাঁহার আর বলা হইল না, দেখিলেন সম্মুখে এক যুবতী সারা অঙ্গে কাঁচা সোনার লাবণ্য মাখিয়া পরিপূর্ণ যৌবনের তরঙ্গ ভঙ্গে ভাসিতে ভাসিতে নতমুখে দাঁড়াইয়া রহিয়াছে । পরিধানে গৈরিক বর্ণের লাল কস্তাপাড় শাড়ী, ছই হাতের মণিবন্ধে ছইগাছি শাখা সীমন্তে ও ক্রমুগলের মাঝে সিন্দুরের কোটা ।

তাহাকে এইরূপ ভাবে নিস্তব্ধে দাঁড়াইয়া থাকিতে

দেখিয়া শিবানন্দ জিজ্ঞাসা করিলেন—'কে মা ?'

সরম-জড়িত কণ্ঠে তরুণী উত্তর দিল—'ভিখারিণী আশ্রয়প্রার্থিনী, একটু আশ্রয় দিলে মা আপনার মঙ্গল করবেন, বাবা !'

শিবানন্দ প্রথমটা কিছুই বলিতে পারিলেন না । সন্ধ্যার সময় এইভাবে এই যুবতীর আগমনে বিস্ময়ে তিনি অভিভূত হইয়া পড়িলেন । কিছুক্ষণ পরে স্বামীজী বলিলেন,—'কেন, মা ? তোমার কি কোনও আশ্রয়—'

বক্তব্যের অবশিষ্টটুকু বুলিতে পারিয়া যুবতী বলিল—'আশ্রয় থাকলে কি হবে, বাবা ? হৃদ্যন্ত জমীদার সলিল-কুমারের জমীদারিতে নারীত্ব বজায় রাখা—'

বলিতে বলিতে যুবতীর মুখখানা আরক্ত হইয়া উঠিল । মুহূর্ত নিস্তব্ধ থাকিয়া যুবতী পুনরায় বলিতে লাগিল—'অত্যাচারে জর্জরিত হ'য়ে যারা চ'লে আসছে শুনেছি আপনি তা'দিকে আশ্রয় দিয়ে নির্ভয়ে বাস করবার সুযোগ দিচ্ছেন ।'

সলিলকুমারের নাম শুনিয়া স্বামীজীর প্রাণের মধ্যে কেমন একটা চাঞ্চল্য দেখা দিল । সে অত্যাচারী হইলেও কি এতদূর অধঃপাতে গিয়াছে ? যুবতীকে আশ্রয় দিবার জন্য কর্তব্য হাতছানি দিয়া ডাকিলেও কিসের একটা সন্দেহ সে পথে বাধা দিল, একবার তাহার আপাদ মস্তক নিরীক্ষণ করিয়া বলিলেন,—'তার জমীদারির আর কাউকে আশ্রয় দিতে পারব না মা । আজ তুমি বীণামার নিকট আশ্রয় লও—তারপর যদি একান্তই এখানে থাকবার দরকার হয় তবে সলিলকুমারের জীর নিকট হ'তে চিঠি নিয়ে এস ।'

একটু সঙ্কচিত ভাবেই তদ্বী বলিল—'বাবার জয় হোক আশ্রয় একটু দিতেই হবে ।'

বিনীত ভাবেই শিবানন্দ বলিলেন, 'ত'ি যে আর পারি না মা । আজ রাত্রে মত বীণামার নিকট থাক, তাকেও এই কথাটা বল ।'

—'আশ্রয়প্রার্থীকে আশ্রয় দেবেন তাতে বীণাদিদির অনুমতি কিসের জন্য, বাবা ? দেবোত্তর সম্পত্তির সর্বময় কর্তা আপনি—তিনি নন, মায়ের রাজ্যে আপনি তাঁর

সবিস্ময়ে স্বামীজী চাহিয়া দেখিলেন—সম্মুখে মহানন্দ,

দেখিয়া আনন্দও তাঁহার যেমন হইল বক্তব্য শুনিয়া চম্বিত হইলেনও ততোধিক । বলিলেন—‘কখন এলে, মহানন্দ ?’

‘এই আসছি, বাবা । কিন্তু আশ্রয়প্রার্থীকে বিমুখ করা-’

‘বিমুখ তো করি নি, মহানন্দ । সলিলকুমারের জমীদারি হইতে আগত প্রজাদের এমন ভাবে স্থান দেওয়া আমাদের কোমমতেই সমীচীন হবে ব’লে মনে হয় না । সলিলকুমার অত্যাচারী হ’তে পারে কিন্তু যতদূর বুঝেছি, তা’তে এই-টাই জেনেছি—বেণুমা তার অত্যাচারের বিরুদ্ধে দাঁড়িয়েছে । এ অবস্থায় তার বিনা অনুমতিতে—

স্বামীজীর আজিকার এই নূতন ধরণের কথায়, মহানন্দের অন্তরের মধ্যে কিসের একটা মাতন সুরু হইল । সে বিন্মিত স্তম্ভিত হইয়া প্রস্তর-মূর্তির মত দাঁড়াইয়া রহিল ।...

তাহাকে এইরূপ ভাবে দাঁড়াইয়া থাকিতে দেখিয়া শিবানন্দ বলিলেন—‘নূতন ব্যবস্থা দেখে একটু আশ্চর্য হ’য়ে গিয়েছ, না ? এ ব্যবস্থাটা যে কোনও দিক দিয়েই অমঙ্গল-কর হবে সেটা মনে হয় না বরং এটা ভালই হয়েছে ।... ভূমি আমি কেউই নই, মহানন্দ । মায়ের রাজ্য, তাঁর ইচ্ছা পূর্ণ হ’বে, ভবিষ্যৎ অশান্তির গুরু আশঙ্কা মা যদি এম্মি ভাবেই কাটিয়ে দেন, মন্দ কি ?’

একটু তিরিক্ত কর্তেই মহানন্দ বলিল—‘আদেশ—মায়ের, না বীণাদিদির ?’

সহজ ভাবেই শিবানন্দ বলিলেন—‘যাঁরই হোক, কিন্তু তোমাকে এত উত্তেজিত দেখছি কেন, মহানন্দ ?’

‘উত্তেজিত নয় বাবা, আশ্চর্য হ’য়ে যাচ্ছি । যেদিক দিয়েই হোক জমীদারির আয় বাড়লেই হ’ল ।’

‘—মহানন্দ । সেও মারই ইচ্ছা, কিন্তু সন্ন্যাসী ভূমি, নিজেকে হারিয়ে ফেলা তো তোমার উচিত নয় । মনে রেখ মার সেবক ভূমি । তোমাকে আমি সেই সেবকরূপেই দেখতে চাই ।’ এখন যাও, তোমার সঙ্গে আমার অনেক কথা আছে ।’

—আট—

নিজের প্রভু জাহির করিতে যাইবার প্রথম মুখেই বাধা প্রাপ্ত হইয়া মহানন্দ সমস্ত রাত্রি কেমন করিয়া কি ভাবে অতিবাহিত করিতে লাগিল, তাহা সে নিজেই বুঝিতে পারিল না, ...আজ এমনটা কেন হইল ? এতদিন পর্যন্ত

সেইই তো প্রজার ‘দলকে লইয়া আসিয়াছে । ইহার পূর্ব-পর্যন্ত তো এ বিষয়ের কোনও কথাই ওঠে নাই । প্রার্থনা মাত্রেই তাহাদের আকাজকা পূর্ণ হইয়াছে, তবে আজ ?... একজন নারীর প্রার্থনা বাতাসের সঙ্গে মিশিয়া গেল কেন ? সংসারানভিজ শিবানন্দ প্রার্থীকে যে বিমুখ করিলেন, ইহার গূঢ় রহস্য কি ? সত্যি কি জমীদারি হইতে প্রজা আনাই ইহার প্রধান কারণ, না তাহার প্রতি সন্দেহ ?

প্রাণের মধ্যে কথাটা উঠিতেই তাহার হৃদয় তন্ত্রীতে কে যেন বিষম ঝা দিল । মহানন্দ ভারিল, তাহার কার্যের মধ্যে ইহারা এমন কি দেখিল, যাহাতে একজনেরও প্রাণে সন্দেহের ছায়াপাত হইতে পারে ? অশান্ত অন্তরে দ্বিতলের বারান্দায় বাহির হইয়া একবার অসীমের দিকে সে তাকাইয়া দেখিল । পাতলা মেঘ আকাশের গায়ে ছাইয়া গিয়া জ্যোৎস্নার হাসিকে অনেকটা ম্লান করিয়া দিয়াছে, অদূরে, পুষ্করিণীতে অসংখ্য কুমুদ প্রস্ফুটিত হইয়া বাতাসের বেগে এ উহার গায়ে চলিয়া পড়িতেছে, ... আনন্দের হিল্লোল তাহাদের গায়ে যেন খেলিয়া বেড়াইতেছে ।

ক্ষণিকের জন্য তাহার চিন্তার কথা ভুলিয়া গেল । সন্মুখে জমীদারের প্রাসাদ তুল্য অট্টালিকার দিকে তাহার অনুসন্ধিৎসু আঁধি ছুটি মুক্ত অপলক ভাবে স্থির হইয়া রহিল ।

জমীদার বাড়ীর পেটা বড়িতে বাজিয়া উঠিল টং-টং সকলকে জানাইয়া দিল রাত্রি এখন ছুইটা ।... আরও কিছুক্ষণ সেইদিকে চাহিয়া থাকিয়া সে গৃহ মধ্যে প্রবেশ করিল । তারপর সে এইটাই স্থির করিল—সন্দেহই যদি হইয়া থাকে, তবে সেটাকে যেমন করিয়াই হউক অপনোদনের চেষ্টা সে করিবে ।

কোনওরূপে রাত্রিটা কাটাইয়া দিয়া পরদিন প্রভুাবে সে পরাণের বাড়ী যাইবার জন্য স্থির করিল । ইহার সন্দেহে সে হয় তো কিছু জানিতে পারে । তাহার উপস্থিতির বহু পূর্ব হইতেই সে যখন সেখানে বসিয়াছিল, তখন তাহার সহিত এসবন্ধে হয় তো কোনও কথা হইয়া থাকিবে ।

সকল মত যখন সে পরাণের বাড়ীর নিকটে যাইয়া পৌঁছিল তখন পূর্ব আকাশ লালে লাল হইয়া উঠিয়াছে । চারি পাশের গাছগুলি নবকিশলয়ে তরিয়! গিয়া কেমন

নয়নাভিরাম হইয়া উঠিয়াছে...সম্মুখে ডোবার দশ বারটা হাঁস 'কোয়াক' 'কোয়াক' করিয়া পাক হইতে তাহাদের আহার্য খুঁজিয়া বেড়াইতেছে।

পরায় তাহার রুগ্না স্ত্রীর মাথায় হাত বুলাইতে বুলাইতে বলিতেছিল,—'আর একটু পরেই বাবাঠাকুর আসবেন, রাত্তিরে যা ছট-কট করেছিল, ডাক্তারবাবুকে না হয় ডাক দিই—'

পথে দাঁড়াইয়া উন্মুক্ত গবাকের মধ্য দিয়া পরায়ের কথা শুনিয়া মহানন্দ ডাকিল—'পরায় ?'

শব্দবাস্তে পরায় ষার খুলিয়া তাহাকে প্রণাম করিয়া একটু কাতরভাবেই বলিল—'এত সকালে এসেছেন বাবা-ঠাকুর ?—'

সহাস্তমুখে মহানন্দ বলিল,—'আসতেই-হল পরায়,... মায়ের আদেশ। ক'দিন তো এখানে ছিলাম না, তাই ধ্যানযোগে মায়ের কাছে সংবাদ নিতেই তিনি তোমাদের কথা ব'লে দিলেন—তোমার স্ত্রীর অসুখ, আদেশ দিলেন, তাঁর অর্থা নিয়ে সূর্য্যোদয়ের পূর্বেই তোমাদের এখানে আসতে।'

মহানন্দের কথা শুনিতে শুনিতে ভক্তিভরে পরায়ের চক্ষু দুইটা আর্দ্র হইয়া উঠিল। ভাবিতে লাগিল, মহানন্দ ঠাকুর এত বড় ! মার সঙ্গে কথা ক'ন !...তা' না হ'লে জানবেন কি ক'রে যে, বৌএর অসুখ ? তারপর ভক্তিগদগদ কণ্ঠে বলিল—'এই গরীব চাবার ওপর মার এতখানি দয়া ?'

মুহু হাসিয়া মহানন্দ বলিল—'তোমরা যে সাধককে আশ্রয় দিয়েছ, পরায়। যখনই তাঁর মুখে শুনলুম, তোমার স্ত্রীর অসুখ, তখনই তাঁর 'কাছ হ'তে ওসুখ চাইতেই তিনি যা ব'লে দিলেন, তাই নিয়েই এসেছি, আর দেবী ক'র না তুমি, চল দেখি শীগ'গীর, অর্থা-জল খাইয়ে দিই।'

পরায় আর বিলম্ব না করিয়া মহানন্দকে লইয়া ভিতরে চলিয়া গেল।

উভয়কে ভিতরে প্রবেশ করিতে দেখিয়া পরায়ের স্ত্রী মাথার অবগুণ্ঠন একটু বেশী করিয়া টানিয়া দিতেই উচ্ছ্বসিত আবেগে পরায় বলিয়া উঠিল—'লজ্জা 'করিস্নে বৌ, ছোট বাবাঠাকুর এয়েছেন মার অগ'গি নিয়ে।'

পরায়ের স্ত্রী তেমনই অবগুণ্ঠনে মুখ ঢাকিয়া তাহার পদখুলি লইবার জন্য উঠিবার চেষ্টা করিতেই মহানন্দ

বলিয়া উঠিল—'ওঠবার দরকার নেই, মা, আমি আশীর্বাদ করছি, আজই তুমি ভাল হ'য়ে উঠবে এই অর্থাটা লও, ধুয়ে সেই জলটা পান কর। মার নিজের হাতে দেওয়া এই জিনিস।'

পরায় বলিল—'ওর নাড়িটা একবার দেখুন না, বাবাঠাকুর।' সে আরও কি বলিতে যাইতেছিল কিন্তু তাহাকে বলিবার অংকাশ না দিয়া মহানন্দ বলিয়া উঠিল—'দেখব বৈ কি, পরায়। তুমি ত হ'লে পুকুর হ'তে একটু জল নিয়ে এস। সেই জলে অর্থা ধুয়ে পান করিয়ে দাও।'

পরায় চলিয়া গেলে পরায়ের স্ত্রীর নাড়ি দেখিতে দেখিতে মহানন্দ তাহার মুখের দিকে নির্নিমেষ নয়নে চাহিয়া রহিল—উজ্জ্বল না হোক, কি চমৎকার মুখ স্ত্রী তাহার অন্তরের মধ্যে একটা উত্তাল তরঙ্গ ছুটিলেও যথাসম্ভব সেটাকে গোপন করিয়া বলিয়া উঠিল—'তোমার বুক আর পেটটা একবার দেখতে হবে, মা।'

তাহার কম্পিত ওঠের উপর হাসির রেখা ফুটিয়া উঠিল।

পরায়ের স্ত্রী সসঙ্কোচে একটু সরিয়া বসিবার চেষ্টা করিতেই সে বলিয়া উঠিল,—'সাধকের কোনও কাজই দোষের নয়—তারা যা করে তা মারই আদেশে করে।'

জমীদারির সকলেই তাহাকে একজন সাধক বলিয়া জানিত, পরায়ের স্ত্রীও তাহাকে সেইরূপই জানিয়াছিল সুতরাং এ কথাই পর সে অধিকতর সঙ্কচিত হইয়া পড়িলেও সেটাকে দূরে সরাইয়া কেলিতে বাধ্য হইল।

দিনের আলো তখন ঘরখানার মধ্যে প্রবেশ করিয়া সব স্থানটুকুই বেশ পরিষ্কার করিয়া দিয়াছিল। মহানন্দ তাহার কম্পিত বুকখানার উপর হাত দিয়া তাহার মুখের উপর দৃষ্টি ফেলিয়া সাহাশ্রে জিজ্ঞাসা করিল—'মাকে মাকে বুকটা ধড় কড় করে কি ?'

সে বুক হাত দিয়া কয়েক মুহূর্ত মহাত্ম মুখে বসিয়া থাকিতেই পরায়ের স্ত্রীর যেন চমক ভাঙ্গিয়া গেল। একটু দূরে সরিয়া বসিয়া অগুচকণ্ঠে জিজ্ঞাসা করিল—'আপনি হাসছেন কেন ?'

পুনরায় তাহার মুখের দিকে তাকাইয়া গভীর ভাবেই মহানন্দ বলিল—'সদাহাস্তময়ীর সন্তান না হেসে কি থাকতে পারে, মা ? তার সন্দের মধ্যে ঐটুকুই যে সব। সেটুকু হারালে সে বাচবে কি ক'রে !'

তাহার এই বড় বড় কথা পরাণের স্ত্রী বুঝিতে না পারিলেও সে মাত্র এইটুকুই বুঝিয়াছিল, তাহার হাসির মধ্যে এতটুকু আবিষ্কার নাই। সে মুগ্ধানি নত করিয়া বসিয়া রহিল ;

—“মায়ের সন্তান যারা, তারা সকলেরই হাসি-মুখ দেখতে চায়, এইটাই তার ধর্ম। জগতে এসেছে সে হাসি বিলাতে আর সেই জন্তেই তাকে হাসতে হয় দিন-রাত ; এই হাসিটুকু তার যেদিন ফুরাবে জগতের কাজ তার সেই দিনই শেষ হ'য়ে যাবে।—”

পরাণের স্ত্রীর অন্তরে যে একটু সন্দেহের ছায়াপাত হইয়াছিল, মহানন্দের এতগুলো কথার পর সেটা কোথায় উবিয়া গিয়া পুনরায় ভক্তির পুতকল্প তাহার অন্তরের মধ্যে প্রবাহিত হইতে লাগিল। সে মহানন্দের পায়ে প্রণাম করিল।

মহানন্দ বলিল,—‘তোমার পেটটা যে একবার দেখতে হবে, মা!’

পরাণের স্ত্রী সন্মতা হইলে, মহানন্দ বলিয়া উঠিল—‘এঃ লিভার আর পিলে ছ'টো মিলে পেটটা যে জুড়ে বসেছে গো। ক্ষেতপাবড়া, গোলক, গোটাধনে,—গোলক নিম্নের হলেই ভাল হয়—ক'টা একসঙ্গে মিশিয়ে পাঁচ সের জল দিয়ে ফুটতে দেবে। যখন সেটা পাঁচ পোয় এসে দাঁড়াবে তখন নামিয়ে নেবে। রোজ সকালে বিকালে ছ'বার ক'রে খেয়ে নিও। দশ বার দিনের ভেতরই ঐগুলো সব সেরে যাবে।’

মহানন্দের মুখে পুনরায় সেই হাসি, বলিল—‘পরাণ গেল কোথা—সে কি পুকুর কেটে জল আনছে?’

‘এই যে এসেছি, বাবাঠাকুর!’ বলিয়া পরাণ জলের ঘটটা তাহার হাতে দিতেই, মহানন্দ বিষমত্ন ও ফুগ জলে ফেলিয়া বলিল—‘এইটার কতকটা খাইয়ে দাও আর কতকটা পেটে বুকে মাখায় দিয়ে দাও—মার অর্ঘ্য।’

মহানন্দ বাহিরের দাবায় আসিয়া বসিল। প্রাঙ্গণের একটা পার্শ্বে ছই ভিনটা রক্ত-জবার গাছ, সুলের গহনা পরিয়া দাঁড়াইয়া আছে। সে সেইদিকে চাহিয়া ভাবিতে লাগিল। কিছুক্ষণ পরে তাহার মনে পড়িয়া গেল আজ বেজন্ম সে এখানে আসিয়াছে, সেটার সম্বন্ধে পরাণের সহিত এখনও কোনও কথাই হয় নাই।

তাহার চিন্তা-শ্রোতে বাধা দিয়া পরাণ আসিয়া ব্যস্ত ভাবেই বলিয়া উঠিল—‘এখানে নিজ মনে ব'সে কি ভাবছ, বাবাঠাকুর?’

ভাড়াভাড়া একখানা পিড়ি আনিয়া পরাণ তাহাকে বলিতে দিতেই মহানন্দ বলিয়া উঠিল—‘ব্যস্ত হচ্ কেন, পরাণ? এই যুক্তিকাই আমাদের শয্যা, হাতই আমাদের বালিস, চাঁদ আমাদের প্রদীপ, নিরুত্তিই ভাষ্যা আর আকাশই আচ্ছাদন।’

নিরক্ষর পরাণ মহানন্দের কথা শুনিয়া বিস্ময়-বিস্ফারিত নয়নে তাহার মুখের দিকে চাহিয়া বলিল,—‘আপনাদের যা'হোক, আমাদের যে ভক্তি-শ্রদ্ধা কিছু নেই; কুঁড়ে ঘরে হাতী চুকেছে, তার যোগা—’

কথা কাড়িয়া লইয়া মহানন্দ বলিল—‘এতটাই যখন ঐকান্তিক আগ্রহ তখন দাও।’

পরাণের দেওয়া আসনে উপবেশন করিয়া মহানন্দ জিজ্ঞাসা করিল—‘আচ্ছা পরাণ?’

‘কেন, বাবাঠাকুর?’

‘—এই যে কাল রাত্তিরে—’

হঠাৎ শিবানন্দ আসিয়া ডাকিলেন—‘মা কৈ রে পরাণ?’

তাহাকে বসিবার আসন দিতে দিতে আনন্দ-গদগদ কণ্ঠে পরাণ ডাকিল—‘ও গো! শীগ্গীর এস আজ আমাদের কি সৈভাগ্য দেখমে—’

শিবানন্দ আসন গ্রহণ করিতেই পরাণের স্ত্রী আসিয়া তাহাকে প্রণাম করিলে আশীর্বাদ করিয়া শিবানন্দ, মহানন্দকে বলিলেন,—‘বীণামারী কাছে একবার যাও। মহানন্দ সেই মেয়েটার কি হ'ল একবার খবর নাও, তাঁর অন্যে মনটা বড় চঞ্চল হ'য়ে উঠেছে।’

হাসিয়া মহানন্দ বলিল—‘চাকল্যকে ডেকে নিয়ে এলে আর আসবে না?’

সে কথার কোনও উত্তর না দিয়া শিবানন্দ বলিলেন,—‘যাও, খবরটা নাও, বাবা!’

মহানন্দ মার পর্যন্ত অগ্রসর হইতেই শিবানন্দ ডাকিলেন—‘মহানন্দ!’

মহানন্দ কিরিয়া দাঁড়াইতেই তিনি বলিলেন—‘মার পূজা আজ তুমিই ক'র, কিরতে আমার ঘেরী হবে।’

সম্মতি জানাইয়া মহানন্দ প্রার্থন করিল বটে। কিন্তু তাহার অন্তর-আকাশে যে মেঘ বনীভূত হইয়াছিল তাহা কাটিবার অবসর পাইল না। পরাণের বাটীতে আসা ব্যর্থ হইয়া গেল। সন্দেহ দোলায় ছলিতে ছলিতে পথে মহানন্দ বাহির হইয়া পড়িল।

—নন্দ—

সন্দেহের বিষবীজ মানুষের মনে উদ্ভূত হইলে মহীরুহে পরিণত হইতে বিলম্ব লাগে না। সলিলকুমারের জমীদারি হইতে এতগুলি প্রজার চলিয়া আসিবার রহস্য নিজে নিজে ভেদ করিতে গিয়া বীণার প্রাণে যে সন্দেহের ছায়াপাত হইয়াছিল, সেটা আরও বাড়িয়া গেল। সে দিন যেদিন তরুণীটা তাহার নিকট আশ্রয়প্রার্থী, হইয়া আসিল, সে রাত্রির মত সে যদিও তাহাকে আশ্রয় দিল; কিন্তু জমীদারির মধ্যে বাস করিবার অনুমতি সে কিছুতেই দিতে পারিল না। যখনই সে শুনি, ইহার আগমনের সঙ্গে সঙ্গে মহানন্দের আবির্ভাব হইয়াছে, তখনই তাহার উপর সন্দেহ অতি মাত্রায় দেখা দিল। তাহার মনে এই কথাটাই জাগিয়া উঠিতে লাগিল—‘কে এই যুবতী? ইহার সঙ্গে মহানন্দের কি কোনও—’ কিন্তু সে তো অবিবাহিত সন্ন্যাসী, ...তবে? কে এই মহানন্দ একটা দমকা হাওয়ার মত এখানে আসিয়া সব ওলট-পালট করিয়া দিতেছে।

অথচ তাহার বিবন্ধে নিজের ধারণা সাধারণের নিকট প্রকাশ করিবার উপায় নাই। তাহার বাহিরের অমায়িক ব্যবহারে সাধারণকে সে বাস্তবিকই আকৃষ্ট করিয়া রাখিয়াছে। এমন যে পুরুত কাকা তাঁহার অন্তরে এতটুকু সন্দেহ আনিবার মত অবকাশ সে দেয় নাই। কি এমন মোহিনী মায়ী তার?

মহানন্দের সম্বন্ধে বীণা যতই চিন্তা করিতে লাগিল, ততই তাহার চিন্তা-স্রোত প্রবলবেগে বহিতে লাগিল। অবশেষে সে স্থির করিল, সত্যই যদি নির্যাতিত হইয়া এই সব প্রজা সলিলকুমারের জমীদারি হইতে চলিয়া আসে তবে বেণু সে সম্বন্ধে নিশ্চয়ই কিছু জানে। তাহাকে পত্র লিখিয়া এ সম্বন্ধে বধ্যাধ সংবাদ সে সংগ্রহ করিবে। সত্যই যদি অন্যায়ের তাড়নায় সবাই এখানে ছুটিয়া

আসে তবে তাহাদিগকে আশ্রয় দিয়া তাহার স্বর্গগত পিতার কর্ণের ধারা সে ঠিকই বজায় রাখিবে। আর যদি তাহা না হয় তবে? এই বড়বজ্রের জাল সে ছিন্ন করিবে কেমন করিয়া?

সে-সম্বন্ধে আর কোনও রূপ চিন্তা না করিয়া সে বেণুকে পত্র লিখিতে বসিল।

বীণার পত্র লইয়া ডাকপিয়ন যখন বেণুর বাড়ী উপস্থিত হইল, তখন সে হারমোনিয়মে সুর মিলাইয়া শিক্ষকের নিকট হইতে গান শিক্ষা করিতেছিল।

স্বামী তাহাকে গান শিখিবার অনুরোধ করিয়া এই ব্যবস্থা দিয়াছে। প্রথমটা সে অসম্মতা হইলেও পিতার মৃত্যু-শয্যায় সেই প্রতিশ্রুতি স্বামীর ইচ্ছানুসারে চলিতেই প্রবৃত্ত করিয়াছিল। এই ভাবে তাহার বাসনা চরিতার্থ করিতে করিতে কোনও দিন যদি তাহাকে তাহার মতে টানিয়া আনিতে পারে। আর কতকটা সে, যে বিষয়ে সকলকামও হইতেছিল।

পিয়নের নিকট হইতে পত্রখানা লইয়া হরলাল যখন বেণুর হাতে দিল, তখন তাহার গান অর্ধ-পথেই ধামিয়া গেল।

পত্রখানা পড়িতে পড়িতে তাহার মুখখানা কেমন এক-রূপ অস্বাভাবিক ভাব ধারণ করিল। শিক্ষককে বলিল, “আজ আর নয় মাষ্টারমশায়, আপনি যান, আমার কাজ আছে।”

শিক্ষক চলিয়া গেলে বেণু হরলাকে জিজ্ঞাসা করিল,— প্রজাদের ওপর আবার কি অত্যাচার শুরু হয়েছে, হর-কাকা, যার জন্তে দলে দলে লোক জমীদারি ছেড়ে চ’লে যাচ্ছে?”

অবাক হইয়া হরলাল বলিল, “কৈ তা’ত কিছু শুনি নি মা, তাহ’লে কি আমাদের কানে এসব কথার একটাও আসত না?”

বেণু বলিল—“দিদি লিখছেন, প্রায় তিন চার-শো প্রজা, অত্যাচারের জন্তে তাঁদের জমীদারিতে চ’লে গেছে, এখনও যাচ্ছে, এমন কি অসহায় জ্বীলোক পর্যন্ত।”

হরলালের বিশ্বয়ের সীমা আরও বাড়িয়া উঠিল, জিজ্ঞাসা করিল, “সে কি মা?”

বেণু কহিল—“হাঁ, তাই লিখেছে। তুমি এক কাজ কর তো, কাঁকা, ম্যানেজার-বাবুকে একবার ডেকে দাও।”

“বাচ্ছি মা, কিন্তু এসব কি? জমীদারির ভেতর এত কাণ্ড হ'লে বাচ্ছি অথচ আমরা কিছু জানছি না?”

বলিতে বলিতে হরলাল বাহির হইয়া গেল।

বেণু পুনরায় চিন্তিত হইয়া পড়িল—একি সত্য না আর কিছু?

তাহার চিন্তাশ্রোতে বাধা দিয়া একটা ভিখারী আসিয়া বলিল—“জয় রাধে কৃষ্ণ, ছুটি ভিক্ষা পাই, মা।”

অন্য দিন দাস-দাসীরাই ভিখারীকে ভিক্ষা দেয়, কিন্তু বেণুর মনের অবস্থা আজ তাহাকেই সেই পথে টানিয়া আনিয়া, যখন সে ভিখারীর নিকট পৌঁছিল, তখন সে গান ধরিয়াছে—“গৌর ভজ কৃষ্ণ ভজ

নিতাই ভজ মন রে—”

বেণুকে সম্মুখে দেখিতে পাইয়া, সে গান বন্ধ করিয়া বলিল—“রাগি-মা, ছুটি ভিক্ষা পাই, মা।”

বেণু জিজ্ঞাসা করিল,—“তোমার বাড়ী কোথা, বাচ্ছা? আমাদেরই জমীদারিতে?”

তাহার মুখের দিকে চাহিয়া ভিখারী বলিল—“হাঁ, মা।”

“তোমাদের ওপর জমীদারের কোনও রকম অত্যাচার হয়?”

“আমাদের ওপর? কেন রাগি মা, আমাদের কি আছে দয়ায়, যে জমীদারের অত্যাচার আমাদের ওপর হবে? সারাটা দিন এক যুঁটা ভিক্ষের জন্যে দোরে দোরে ঘুরে বেড়াই। সন্ধ্যার সময় কিছু নিয়ে ফিরলে তবে হাঁড়ি চড়ে কি আছে আমাদের?”

বাধা দিয়া বেণু জিজ্ঞাসা করিল—“বৌ কিরা মা-বোনেনা, সব নিরাপদ তো?”

হাসিয়া ভিখারী বলিল—“মা, নেংটার নাই বাটপাড়ের ভয়—”

ভিখারীর নিকট এই ধরণের উত্তর পাইয়া বেণুর মনটা যেন উদাসীনতায় ভরিয়া উঠিল। ভাবিয়াছিল, ইহার নিকট কতকটা সংবাদ পাইবে, তবুও একবার জিজ্ঞাসা করিল, “অন্য কারও ওপর কোনরূপ অত্যাচার হচ্ছে?”

পুনঃ পুনঃ একই প্রশ্নে ভিখারী

হইয়া পড়িতেছিল; বলিল,—“জমীদার কেন অত্যাচার করবে, মা? যদি করে তবে তার কর্মচারীরাই, নাম হয় জমীদারের।”

বেণু একটা মৃত্যু আলোর কীর্ণ রেখা দেখিতে পাইল। সে তাহাকে একটা টাকা দিয়া পুনরায় ঘরের মধ্যে আসিয়া কি চিন্তা করিতে করিতে ম্যানেজার-বাবুর আগমনের বন্য উৎসুকভাবে অপেক্ষা করিতে লাগিল।

দিন যাইবার সঙ্গে সঙ্গে এবং সলিলকুমারের ইচ্ছানুরূপ হইয়া উঠিয়া, বেণু, সম্পূর্ণভাবে না হউক কতকটা তাহার প্রতি প্রভাব বিস্তার করিতে সমর্থ হইয়াছিল, এবং জমীদারি কার্য সুশৃঙ্খলভাবে দালাইবার জন্য স্বামীর ছ একজন অন্তরঙ্গ প্রিয় পাত্রকে জবাব দিতেও বাধ্য হইয়াছিল। ইহাতেও সলিলকুমার কিছুমাত্র ক্ষুণ্ণ হইল না।

কিছুকাল পরে তাহার চিন্তাশ্রোতে বাধা দিয়া অনুপম বাবু ডাকিলেন,—“আমাকে ডেকেছেন কেন, মা?”

উৎবর্তার সবটুকু চিহ্ন মুখ হইতে সরাইয়া দিয়া বেণু জিজ্ঞাসা করিল—“এতখানি অত্যাচার হচ্ছে কেন, ম্যানেজার-বাবু?”

অনুপম বলিল,—“কি বলছেন, মা! অত্যাচার হ'বে কেন?”

গভীরভাষেই বেণু বলিল,—“হয় নি? প্রজারা সব জমীদারি ছেড়ে চলে যাচ্ছে কেন, ম্যানেজার-বাবু?”

অনুপম বলিল, “কৈ তা' তো জানি না।”

কঠোর কণ্ঠে বেণু বলিয়া উঠিল,—“যদি না জানেন বা এখানে কাজ ক'রেও জানবার প্রবৃত্তি যদি না হয়, তবে আপনার মত লোকের দরকার নেই। এক মাসের মাইনে আপনাকে দেবার ব্যবস্থা করছি, কাল হ'তে আর আপনি আসবেন না।”


কথাগুলো তীরের ফলার মত অনুপমের বুকে গিয়া বিদ্ধ করিল। ব্যগ্র কাতর কণ্ঠে বলিল,—“মা।”

তাহাকে কোনও কথা বলিবার অবকাশ না দিয়া বেণু বলিল,—“আপনার কোনও কথা শুনিতে চাই নি, ম্যানেজার-বাবু।”

নাকে
 বসিয়া দাঁড়াইতেই তিনি বলিলেন—“যার পূজা আজ তুমিই ক'র, কিরতে আমার ঘেরী হবে।”



महिषमर्दिनी



ଅର୍ପିତୁଜା



ନିର୍ମାଣ

পরশকণ্ঠে বেণু বলিয়া উঠিল,—“আপনার কোনও কথা আমি শুনতে চাই না ম্যানেজার-বাবু। তাঁর যথেষ্ট-চারিতার আশুনে ইচ্ছন জুগিয়ে আপনাদের স্বার্থসিদ্ধি হ’তে পারে, কিন্তু আমার স্বর্গবাসী স্বপ্নের অভিসম্পাত আমাদিগকেই মাথা পেতে নিতে হবে। পাপের স্রোত বেধানে ব’য়ে চলেছে বুঝতে পারছি, সেখানে আমাদের কর্তব্য আমাদিগকে করতেই হবে। এক-একখানা গ্রাম হ’তে চল্লিশ পঞ্চাশ জন ক’রে গ্রাম ছেড়ে চ’লে যাচ্ছে, তার প্রতিকার করা দূরে থাক, আপনারা এতদূর পর্যন্ত অকর্মণ্য যে, সেগুলার খোঁজ নেবার মত অবকাশ আপনার নেই। আপনাকেও আমাদের কোনও প্রয়োজন নেই। জান নিজের পথ দেখুন।”

বেণুর মুখে আজ এই ধরণের কথা শুধু অল্পমকে নয় হরলালকে পর্যন্ত আশ্চর্য্যান্বিত করিয়াছিল। অল্পমের কার্যের জন্য তাহার উপর সে হাড়ে হাড়ে চটিয়া থাকিলেও বেণুমায়ের আজিকার এই ব্যবহার মলিন-কুমার কি ভাবে দেখিবে সেইটাই চিন্তা করিয়া যুক্তকরে বলিল, “মা

বেণুর রক্ষে রক্ষে তখনও ক্রোধের হৃদয় ফুটিয়া বাহির হইতেছিল, তেমনই কাঁকাল সুরেই বলিল,—“কেন?”

সঙ্কোচ-অড়িতকণ্ঠে হরলাল বলিল, “বাবু না আসা পর্যন্ত—”:

তাহাকে আর বলিতে হইল না, রাগে গস গস করিতে করিতে বেণু বলিল, “আমার কাজের কৈফিয়ৎ দিতে তোমাদের কাউকে ডাকব না, হরকাকা। সেটা আমিই দেব। আপনি যান, ম্যানেজার-বাবু। হরকাকা, সোকারকে গাড়ী আনতে বল। আমি নিজে যাব জমীদারি দেখতে। আজ শ্রীপুর, জীবনপুর আর বলরামবাটা দেখে আসব। তোমাকেও সঙ্গে যেতে হবে।”

বেণুর এই ধরণের কাজ করিবার আকুল আকাঙ্ক্ষা দেখিয়া, এই কাজের ভবিষ্যৎ ফল একবার মানস-চক্ষুর সম্মুখে দেখিয়া লইয়াই শঙ্কাতুর কণ্ঠে বলিল—“মা।”

“ভয় পাচ্ছ, হরকাকা?”

বেণুর কথায় হরলাল চঞ্চল হইয়া উঠিল, বলিল—
“ও কথাটা হরলালকে বল না, মা। ভয় ব’লে কোন

জিনিস সে জানে না, আজ তোমাদের কাজ করছি, না হয় বাবু তাড়িয়ে দেবেন। এই হাত ছ’টা যতদিন কাজের আছে মা, পা ছ’টা যত দিন—”

“তা আমি জানি, কাকা”—বলিয়া বেণু পুনরায় বলিল, “তা হ’লে তুমি যাও, আমার কথা শোন—” বেণুর এই জেদ, স্বামী-স্ত্রীর মধ্যে কি ভীষণ হইয়া উঠিতে পারে তাহা চিন্তা করিতে করিতে সে উদ্বেলিত হৃদয়ে প্রস্থান করিল।

অল্পম ডাকিল—“মা!”

বেণু বলিল—“বিরক্ত করবেন না। আমার অনেক কাজ আছে—যান।”

অল্পমবাবু তাহাকে আর অধিক কথা না বলিয়া নিজের ভবিষ্যৎ সম্বন্ধেই চিন্তা করিতে করিতে প্রস্থানোত্তম হইতেই বেণু বলিল—“আপনার সহকারীকে আপনার কাজ বুঝিয়ে দিয়ে যাবেন—জানলেন?”

অল্পম একবার তাহার মুখের দিকে চাহিয়া যাইবার জন্ত তাহার ডান-পাখানা বাড়াইয়া দিতেই বেণু বলিল—
“শুধুন, হিসেব আমি নিজেই দেখব—সন্ধ্যার পর নিয়ে আসবেন।”

বেণুর আদেশে অল্পম বেশ একটু চিন্তিত হইয়া পড়িল। এতদিন ধরিয়া জমীদারের নিকট সে অপ্রতিহত প্রভাবে কাজ করিয়া আসিল। তাহার মনস্তটীর জন্ত সে না করিয়াছে এমন কাজ নাই, এবং নিজের একগুঁয়েমিতে প্রয়োজনের অতিরিক্ত কোন অত্যাচার করিলেও এমন ধরণের কৈফিয়ৎ চাওয়া ত দূরের কথা একটা দিনের জন্ত তিরস্কৃত পর্যন্ত হয় নাই।—আর আজ?

তখনই তাহার মেঘাচ্ছন্ন অন্তর-আকাশে আশার ক্ষীণ বিজলী-রেখা খেলিয়া গেল। কার্য হইতে তাহাকে অবসর দিবার ক্ষমতা একমাত্র জমীদারের—তাঁহার স্ত্রীর নয়। তিনি তাহাকে এতখানি অপমানিত করিলেও জমীদারবাবু হয় তো সে-কথাও কর্পণাত করিবেন না।

মনে হইতেই মুখখানা তার হর্ষোজ্জ্বল হইয়া উঠিল। জমীদারের সে যখন এতখানিই প্রিয়পাত্র, তখন তাহার আসন হইতে তাহাকে নামাইয়া দিবার ক্ষমতা কার? জমীদার-গৃহিণী—সামান্য কুলরমণী মাত্র, জমীদারির কার্যে হাত দিবার মত ক্ষমতা ও সাহস তাঁর কোথা?

মোটরের হর্ণের শব্দে তাহার চিন্তা কোথায় ভাসিয়া গেল। জমীদারের আগমন হইয়াছে মনে করিয়া আনন্দে ফুল-ফুলে পথের দিকে চাহিয়া দেখিতেই, দেখিতে পাইল—হরলালকে লইয়া বেণু মোটরে বাহির হইয়া গেল। তাহার মনে পড়িল শ্রীপুর প্রভৃতি গ্রাম তিনখানির কথা। সত্যই বেণু যদি সেখানে যায় আর সমস্ত সংবাদ জানিতে পারে।

ডান হাতখানা দিয়া অল্পমাত্র নিজের কপোল চাপিয়া ধরিল।

—দৃশ্য—

জমীদারি-পরিদর্শনে যাইবার প্রস্তাব হইবামাত্রই হরলালের অন্তরে ভবিষ্যৎ আশঙ্কার যে ভয়াল মূর্তি তাহার রক্তচক্ষু বাহির করিয়া দেখা দিতেছিল, সেটা যেন আরও ভয়ঙ্কর হইয়া দেখা দিল, যখন তাহার নিরাভরণ বেণু-মা একখানা অর্ধমলিন বস্ত্র পরিধান করিয়া বাহিরে আসিলেন। বেচারী ব্যথিতকণ্ঠে বলিল—“এই বেশে মা?”

উত্তরে সহাস্তমুখে বেণু বলিল—“গরীব ছেলেরের মা গরীবই হয়, কাকা।”

অনেক চেষ্টা করিয়া হরলাল ইহার উত্তর খুঁজিয়া বাহির করিতে পারিল না। কিছুক্ষণ নিস্তব্ধ ভাবে থাকিয়া বলিল—“বাবুর কাছে খবর শুনে বেরুলেই ভাল করতে মা, তাঁর অমতে—”

সম্মতমুখে বেণু বলিল—“মরবার সময় বাবা আমাকে বলে গিয়েছেন, প্রজাদের মার আসন দখল ক’রে তাদের ক্রান্তে প্রাণটাকে যদি আমি বলি দিতে পারি, তা’হ’লে তাঁর স্বর্গগত আত্মার আশীর্ব্বাদই পাব, তা’ছাড়া একটা কাজ নিজের জেদেই ক’রে দেখি না কি দাঁড়ায়।”

ইহার পর হরলাল আর একটা কথাও বলিল না। সশ্রদ্ধচিত্তে তাহার মুখের দিকে চাহিয়া বলিল—“সত্যিই মা, তুমি প্রজাদের মা!”

সহরতলী পার হইয়া গাড়ী যখন পল্লীগ্রামের মেঠো পথ দিয়া শ্রীপুর যাইবার বাঁধে আসিয়া পৌঁছিল, তখন বেণু একবার মুগ্ধ-দৃষ্টিতে চারিদিক্ চাহিয়া দেখিল। তাহার অস্বস্তি-ভরা প্রাণ এক অননুভূত আনন্দে পূর্ণ হইয়া উঠিল। বাঁধের দুই পাশে অক্ষরন্ত মাঠ, মাঠ ভরিয়া পাকা ধানের

হরিষ্য। বর্ণের শিষ বাতাসের ভরে যেন ঢেউ খেলিয়া যাইতেছে। দূরে—সম্মুখে নারিকেল ও তাল গাছেরশ্রেণী। আকাশের নীলিমা যেন ইহাদেরই পশ্চাৎ দিকে বিধিয়া গিয়াছে।

বেণুর চোখে-মুখে যেন আনন্দ ফুটিয়া বাহির হইতে লাগিল বলিল—“হরকাকা!”

সে কি বলিতে যাইতেছিল, হরলাল যেন তাহার বক্তব্যটুকু বুঝিতে পারিয়াছে এই ভাবে বলিয়া উঠিল—“ঐ যে মা, শ্রীপুর লি-লি করছে। আমরা প্রথমেই ঐ গ্রামে যাব।”

বেণুর যেন চমক ভাসিয়া গেল। বলিল—“তাই না কি? গাড়ী গ্রামের বাইরে রেখে দিও কাকা, ওখান হ’তে আমরা পায়ে হেঁটেই যাব।”

তাহাই হইল। গ্রামের প্রান্তভাগে গাড়ি থামাইয়া উভয়ে পদব্রজেই চলিল।

সূর্য্যদেব তখন মাঝ পথে চলিয়া আসিয়াছেন।

গ্রামে প্রবেশ করিয়াই এক ভাদা বাড়ীতে বালকের ক্রন্দন আর নারী-কণ্ঠের জড়না শুনিয়া বেণু বলিল—“আমি এই বাড়ীতে যাই, কাকা। এই গ্রামে কতগুলো ঘর লোকশূন্য হয়েছে সেটা দেখে এস, আর পার যদি কারণটা জানবারও চেষ্টা ক’র।”

হরলাল চলিয়া গেল। বেণু একবার চারিদিকে দৃষ্টি নিক্ষেপ করিয়া বাড়ীখানার ভিতর প্রবেশ করিতেই গৃহিণী জিজ্ঞাসা করিল—“কে বাছা তুমি?”

সে কথার কোনও উত্তর না দিয়া বেণু একবার বাড়ীখানার চারিদিক্ দেখিয়া লইল। অল্প গৃহের দাবায় একটা রোগজীর্ণ প্রৌঢ় ব্যক্তি ব্যাধির যন্ত্রণায় ছটফট করিতেছে, দেখিয়া সে তাহার অবগুণ্ঠনটা একটু টানিয়া দিল।

গৃহিণী পুনরায় বলিল—“কে তুমি বাছা, বল না।”

তাহার বক্তব্যটাকে চাপা দিয়া ছেলের কাঁদিতে কাঁদিতে বলিল—“ন্ধিধেয় আমি ম’রে যাচ্ছি—খেতে দে না, মা।”

বেণু ততক্ষণে সেই স্থানে আসিয়া পৌঁছিয়াছিল। নিম্ন-কণ্ঠেই বলিল—“এই পথ দিয়ে যাচ্ছিলুম মা, বড্ড ক্রিধে পেয়েছে, মনে করলুম, বামুন-বাড়ী হু’টা পেনাদ পেয়ে যাই।”

একটু বিরক্ত ভাবেই গৃহিণী বলিল—“ক্ষিধের আশায় ছেলেটা ছটকট করছে ; তাকে একমুঠো ভাত দিতে পারি নি, পয়সার জন্যে কাল হতে ডাক্তার ওষুধ দেয় নি, এই দেখ না কর্তা পড়ে ছটকট করছে, একটু সাণ্ড দেব, তা কেমনবারও মত পয়সা নেই।”

বেণু জিজ্ঞাসা করিল—“কেন, মা ?”

পীড়িত গৃহস্থানী ক্ষীণ-কণ্ঠে দাবা হইতে বলিল—“হুপুর বেলায় অতিথি কিরিও না, গিন্নি ও বাড়ীতে যদি মুড়ী পাও দেখ।”

স্বামীর কথা ততখানি আমলে না আনিয়া গৃহিণী বলিল—“জমীদারের দয়া বাছা, আর কেন ? ছ’টা টাকা ছিল ওষুধ আনবার জন্যে। এই অসুখ-বিসুখে এক সন ধাকনা দিতে পারি নি ব’লে গোমস্তা কাল তাগাদায় এসে যা মুখে এল তাই ব’লে গাল দিতে শুরু করলে। উনি টাকা ছ’টা কেলে দিলেন। তাতেও তার সন্তোষ হ’ল না। গোয়াল হ’তে একটা গরু পর্য্যন্ত টেনে নিয়ে গেল, এমন জমীদারকে—”

“জমীদারের সদরে একথা জানালে না কেন, মা ? শুনেছি সে না কি খুব ভাল লোক ?”

“সে ভাল কি মন্দ তা কি করে জানব, মা ? কিন্তু ম্যানেজারের কাছে কতবার কত কারণেই তো গেছেন, আমল পান মা, আর জমীদারই বা ক’দিন বাড়ীতে থাকেন ?”

বেণু বলিল—“শুনেছি জমীদারের স্ত্রীও খুব ভাল। সদরে বিচার না পেলে, তাঁর কাছেও ত যেতে পার, মা ?”

“হু—ভাল লোক। জমীদারই বড় দেখে, কথায় কথায় চৌধ, কথায় কথায় জোর-জুলুম।”

বেণু অন্তরের মধ্যে তীব্র আলা অসুভব করিল। জিজ্ঞাসা করিল—“কত টাকার জন্যে তোমার এসব জিনিস গিয়েছে, মা ?”

“ধাকনা পাঁচ টাকা—”

তাহাকে আর বেশী বলিতে না দিয়া ক্ষীণ-কণ্ঠে গৃহস্থানী পুরনায় বলিলেন—“কি করছ, গিন্নি ? জমীদারের বিরুদ্ধে কথা কোনও গতিকে গোমস্তার কাণে গেলে ভিটে-ছাড়া হ’তে হ’বে, দেখ ও-বাড়ীতে যদি ছ’টা মুড়ি

পাও,—হুপুর বেলায় অতিথি ক্ষিধে তেঁটায় কাতর এসব কথা শুঁকে কেন ?”

গৃহিণী উঠিবার উদ্যোগ করিতেই বেণু বলিল—“কারও বাড়ী যাবার দরকার নেই, মা। এই টাকা ক’টা নিয়ে যা যা দরকার আনিয়ে নাও।” বলিয়াই দশটা টাকা তাহার হাতে দিয়া ধূলিমাখা ছেলেটাকে কোলে লইয়া সপ্নেহে বলিল—“এখান হ’তে খাবারের দোকান কতটুকু বাবা, যেতে পারবে ?”

উৎসাহের সহিত বালকটি বলিয়া উঠিল—“ঐ যে ও-খানে ; খুব পারব—আমি ত একলাই যাই।”

বেণু তাহার হাতে একটি টাকা দিয়া বলিল—“খাবার আনতে, বাবা, বেশ ভাল দেখে এন। ছ’জনেই খাব, কেমন ?”

ছেলেটি ছুটিয়া বাহির হইয়া গেল।

তাহার মুখের দিকে বিস্মিত-দৃষ্টি ফেলিয়া গৃহিণী বলিল—“একি করছ মা, বাড়ীতে এসে জল খেতে এ-নব কি ?”

“এই ত খেলুম মা”, বলিয়া বেণু বলিল—“কর্তার ওষুধ-পথ্যের ব্যবস্থা কর। আর গোমস্তার অত্যাচারের কথা জমীদারবাবুর স্ত্রীর কাছে লোক পাঠিয়ে জানাতে না পার চিঠি লিখে জানিয়ে, সেখান হ’তেই সে ব্যবস্থা ক’রে দেবে। আর একটা কথা মা, আসবার সময় দেখে এলুম অনেক বাড়ীতে লোক নেই। সবাই কি গ্রাম ছেড়ে চ’লে যাচ্ছে না কি ?”

“হু, তবে যারা গেছে সবাই পাখী বদমায়েস, গোমস্তা তা’দিকে টাকা দিয়ে কে এক সন্ন্যাসীর সঙ্গে কোথায় পাঠিয়ে দিচ্ছে।”

বেণুর সারা দেহের ভিতর রি-রি করিয়া উঠিল। কোনও রূপে নিজেকে সংযত করিয়া বলিল—“তোমরা কি ক’রে জানলে ?”

“আমরা কেন বাছা, দেশের সব লোকেই জানে। গোমস্তা কারসাজি ক’রে সব পাঠাচ্ছে।”

একটা একটা করিয়া কথা বাহির করিয়া লইয়া বেণু কিছুক্ষণ সেইখানে থাকিয়া বাহির হইয়া পড়িল। আর তার কোথাও যাইবার প্রবৃত্তি রহিল না। যাহার জন্ম আসা তাহা যখন একরূপ শেষই হইয়া গেল, তখন আর বিলম্ব করিয়া কোনও লাভ নাই।

মোটরের নিকট আসিয়া দেখিল, হরলাল বহুক্ষণ পূর্বেই পৌঁছিয়া গিয়াছে, বলিল—“এখনও তোমার একটু কাজ বাকী আছে, কাকা। এই পঁচিশটা টাকা কর্তা বা গিন্নির হাতে দিয়ে বলে এস জমীদারের খাজনা মিটিয়ে দিতে আর কর্তার চিকিৎসার ব্যবস্থা করতে। মুখের দিকে কি দেখছ, কাকা? যাও, খাজনা দিতে পারে নি বলে গোমস্তা ওদের যা-কিছু সব কেড়ে নিয়ে গেছে।”

হরলাল চলিয়া গেল। চিন্তার মধ্যে বেণু নিজেকে ডুবাইয়া দিল। সন্ন্যাসী...গোমস্তা...যারা গিয়েছে তারা সব পাজী বদমায়েস...ভিতরের রহস্য স্বামী কি জানেন—কে জানে?

হরলাল কিরিয়া আসিতেই মোটর ছাড়িয়া দিল।

বেণু জিজ্ঞাসা করিল—“কিছু জানতে পারলে?”

হরলাল যাহা বলিল, বেণু যাহা শুনিয়াছিল তাহারই অল্পরূপ। পার্শ্বকোর মধ্যে এই, চলির জোড় পরা সন্ন্যাসী বা গোমস্তার ষড়যন্ত্রের কথা সে জানিতে পারে নাই। যতটুকু জানিতে পারিয়াছে, তাহাতে এই টুকুই বুঝিয়াছে, লোকগুলো খুবই দুর্দান্ত ছিল।

ঘরের কড়ি দিয়া গোমস্তা তাহাদিগকে বিদায় করিয়া গ্রামবাসীকে অনেকটা চিন্তামুক্ত করিয়াছে।

বেণু গভীর হইয়া গেল।

একটা নূতন সমস্তা বেণুর অন্তরের মধ্যে মাথা খাড়া করিয়া দাঁড়াইল। বীণার পত্রে সে জানিয়াছে, যাহারা চলিয়া যাইতেছে তাহারা সকলেই নির্ধ্যাতিত; অথচ এখানে সে যাহা জানিতে পারিল তাহা দিদির পত্রের সম্পূর্ণ বিপরীত। তবে কি সেই ভিখারীর কথাই ঠিক? জমীদারির মধ্যে যে অত্যাচারের শ্রোত বহিয়া যায় তাহা জমীদারের অজ্ঞাতসারে তাহার কর্মচারিগণ কর্তৃক অনুষ্ঠিত হয়—আর ইহাদের পাপের জন্য অভিসম্পাত কুড়ায় জমীদার?

তখনই আবার মহানন্দের কথা মনে পড়িয়া তাহার চিন্তার পুত্র ছিন্ন করিয়া দিল। কে সেই মহানন্দ?...সেই মহানন্দই কি এই সন্ন্যাসী?...চিন্তার পর চিন্তা আসিয়া তাহাকে ব্যতিব্যস্ত করিয়া তুলিল। সমস্তার, সে, কোনও দিক দিয়াই সমাধান করিতে পারিল না।

পাড়ী যখন তাহাদের বাটীর দ্বারে আসিয়া পৌঁছিল—

স্বর্ঘ্যদেব তখন আকাশের পশ্চিম গায়ে চলিয়া পড়িয়া সেদিকটা লালে লাল করিয়া তুলিয়াছে। বাড়ীতে প্রবেশ করিয়াই জানিল, বাবু তখনও পর্যন্ত বাড়ী কিরেন নাই।

কতকটা নিশ্চিত হইয়া, বিশ্রামান্তে সন্ধ্যার পর পুনরায় সে ম্যানেজারকে ডাকিতে পাঠাইল।

শঙ্কাকুলপ্রাণে ম্যানেজার সেই স্থলে উপস্থিত হইলে, বেণু বলিল—“কাগজপত্র সব ঠিক হয়েছে—কৈ দেখি?”

অল্পপম কিন্তু দেখাইতে পারিল না বা ইচ্ছা করিয়া দেখাইল না। কাতরকণ্ঠে বলিল, “এখনও সব তৈরী হয়ে ওঠে নি, মা, এবারটা ক্ষমা করুন গরীবের অন্ন—”

কথা কাড়িয়া লইয়া বেণু বলিল—“কিন্তু নিজেরা যখন গরীবের অন্ন কেড়ে খান, তখন ও কথাটা মনে থাকে না?”

যেন কিছু জানে না, এই ভাব দেখাইয়া অল্পপম বলিল, “সে কি মা?”

বেণু বলিল, “লুকুবেন না, ম্যানেজার বাবু। আমি আজ নিজের চোখে দেখে এসেছি, আপনাদের নির্মম অত্যাচারে শ্রীপুরের মোহিনী মুখুয্যের গোয়াল হ’তে—”

তাহাকে আর বলিতে হইল না, সাফাই গায়িবার জন্য অল্পপম বলিল, “আমি তো কিছু জানি নি, মা।”

তিরস্কারের সুরে বেণু বলিল, “জানা কি আপনার উচিত ছিল না, ম্যানেজার-বাবু? আপনার অজ্ঞাতসারে আপনার নিযুক্ত গোমস্তা যদি প্রজাদের উপর অত্যাচার করে, তবে সে দোষ আপনার। কেন আপনি তার খোঁজ রাখেন না বা তার ব্যবস্থা করেন না?”

তিরস্কারের সুর হইলেও সুরের উত্তাপ অনেকটা কম দেখিয়া অল্পপম বলিল, “এবারকার মত ক্ষমা করুন,—”

অল্পপম হাতছ’টা জোড় করিয়া দাঁড়াইল।

গভীরভাবে বেণু বলিল, “ক্ষমা আমি করতে পারি যদি আমার কাছে আপনি প্রতিজ্ঞা করেন, প্রজাসাধারণকে নিজের সম্মানের মত এবার হ’তে দেখবেন।”

আশায় উৎফুল্ল হইয়া অল্পপম বলিল, “নিশ্চয়ই দেখব, মা।”

“বেশ। শ্রীপুর হ’তে যে অতগুলো লোক চ’লে গেছে তা আপনি জানেন?”

“না, মা।”

“গোমস্তাকে ধবর পাঠান—কালই যেন সে দেখা করে।”

অনুপমের মুখখানা হঠাৎ কাল হইয়া উঠিল। কিন্তু মুহূর্তের মধ্যে নিজেকে সামলাইয়া বলিল—“যে আজ্ঞা, মা।”
“বেশ যান।”

বাহিরে বাইবার অল্প অনুপম পা বাড়াইতেই, বেণু বলিল, “আমি যে আজ শ্রীপুর গিয়েছিলুম তাঁর কাছে যেন সেটা প্রকাশ না পায়, পেলো কিন্তু কিছুতেই চাকরি রাখতে পারবেন না বুঝলেন?”

মাথা নাড়িয়া অনুপম বলিল—“আচ্ছা”

অনুপম চলিয়া গেল।

নানারূপ ছশ্চিন্তা আসিয়া আবার বেণুকে পীড়িত করিতে লাগিল।

—এগার—

হরলালের কাকুতি মিনতিতে বেণু নিজে আর জমীদারি পরিদর্শনে বাহির না হইলেও হরলাল নিজে অনুসন্ধান করিয়া যাহা বর্ণনা করিল; তাহা এইরূপ :—খাজনা আদায়ের অল্প প্রজাদের উপর একটু জুলুমই হয়, অল্প কোনও রকম অত্যাচার নাই, তবে ছ'চারখানা গ্রামে একটু অমানুষিক অত্যাচার হয়—সেটা গোমস্তারই দোষ, প্রায় সমস্ত তালুক হইতেই দশ বিশজন লোক চলিয়া গিয়াছে, ইহাদের মধ্যে কেহ কেহ বা গোমস্তার অত্যাচারে আর কতক স্বেচ্ছায় স্থানান্তরে নিরাপদে বাস করিবার অল্প চলিয়া গিয়াছে।

বেণু জিজ্ঞাসা করিল—“মহানন্দ বলে জীবটার কোনও সংবাদ পেলো কাকা?”

“—না মা, তবে কে একজন গেরুয়া-পরা সন্ন্যাসী, মাঝে মাঝে গোমস্তার সঙ্গে আর যে সব প্রজা উঠে গিয়েছে, তাদের সঙ্গে কথা বলত’।”

সমস্তা আরও বাড়িয়া উঠিল, প্রায় প্রত্যেক গ্রামেই গেরুয়াধারী সন্ন্যাসী আর গোমস্তা।

বেণু বলিল—“আমি একবার যেতে পারলে ভাল হ’ত কাকা।”

হরলাল ভৃত্য হইলেও বেণু কোনও দিনই তাহাকে সে-ভাবে দেখিতে পারিত না। এই নিঃসঙ্গ বাড়ীখানার মধ্যে তাহার মাত্র অবলম্বন ছিল এই হরলাল, তাহারই পরামর্শে

চলিয়া সে স্বামীকে অনেকটা বেশ আনিতে পারিয়াছিল, তাহার উপর অনেকটা প্রভাব বিস্তার করিতেও সমর্থ হইয়াছে।

বেণুর কথা শুনিয়া হরলাল বলিল—“ভূমি যাবে কেন মা? নিঃশেষটা যখন এখন বুকের ভেতর হ’তে বেরুচ্ছে—”

হরলালের কথাগুলো তাহার কর্ণে বোধ হয় প্রবেশ করে নাই, তাহার নিকট হইতে জমীদারির অবস্থার কথা শুনিয়া তাহারই চিন্তায় অন্তমনস্ক হইয়া গিয়াছিল, তাই তার কথার অর্ধপথেই বলিয়া উঠিল—“কোন্ কোন্ এলেকার গোমস্তা অত্যাচারী হয়ে পড়েছে বলছিলে কাকা?”

“—ধেঁজুরপুর, নারকেলডাঙ্গা, জামনগর—” বলিয়া হরলাল একটু খামিল তারপর বলিল—“লোকগুলোকে জবাব দিলেই ভাল হয় মা।”

বেণু বলিল,—“কি গ্রাম বললে—ধেঁজুরপুর, নারকেল-ডাঙ্গা, জামনগর, তার সঙ্গে শ্রীপুরটাকেও ধরে নাও।”

হরলাল বলিল—“এই লোকগুলোকে সরাতে না পারলে—”

স্মিতহাস্তে বেণু বলিল—“পারব’ তো?”

হরলাল উত্তর দিল, “একটু চেষ্টা করতে হবে মা,—আর পারব’ নাই বা কেন মা?”

আর কোনও কথা হইল না, হরলাল চলিয়া গেল।

বসিয়া বসিয়া বেণু চিন্তা করিতে লাগিল; বীণার পত্র হইতে আরম্ভ করিয়া শ্রীপুরে নিজের অনুসন্ধান, অস্ত্রাস্ত্র গ্রামগুলির সম্বন্ধে হরলালের মন্তব্য, এক একটা করিয়া বিশ্লেষণ করিতে করিতে সে যেন অস্থির হইয়া উঠিতে লাগিল, গোমস্তার সঙ্গে সন্ন্যাসীর বড়বন্দ, প্রজার অন্তর্দান এসব যে নিজেদেরই ভবিষ্যৎ বিপদের সূচনা করিয়া দিতেছে। এত বড় একটা শাণিত খড়স মাথার উপর ঝুলিতে থাকিলেও স্বামী কেমন তাহার চলা পথে ঘুরিয়া ফিরিয়া বেড়াইয়া এই সব লোকগুলার উপর নিশ্চিন্তভাবে নির্ভর করিয়া বসিয়া আছেন। অথচ ইহার আশু প্রতিকার না করিতে পারিলে ধ্বংস অনিবার্য। কিন্তু স্বামী যে প্রকৃতির লোক—তাহাকে কোন্ দিক দিয়া এসব বুঝাইয়া তাহাদের বিরুদ্ধে দাঁড় করাইবে?

তাহার বুকের মাঝে হাহাকার করিয়া উঠিল।

হঠাৎ তাহার মনে পড়িয়া গেল, শ্রীপুরের গোমস্তার কথা, এই সব প্রথা স্থানান্তরে বাইতেছে গোমস্তার কারসাজিতে, আর তাহার জন্য সরকারী খাজনাখানা হইতে অর্থ সাহায্য করা হইতেছে।

বতই সে চিন্তা করিতে লাগিল, জমীদারির দুর্ভাবনা ততই যেন তাহার চারিদিকে বেড়িয়া ধরিতে লাগিল; এই কঠিন সমস্যা তাহাকে এমনভাবে পাইয়া বলিল যে, সে কিছুতেই নিজেকে মুক্ত করিতে পারিল না, অস্থির হইয়া সে ছটকট করিতে লাগিল।

পাচিকা ঠাকরণ আসিয়া বলিল,—“আহার করবে এস না মা, মিছিমিছি রাত করবার দরকার কি?”

অনমনস্কভাবেই বেণু বলিল—“আর একটু দেখে, এখনও তাঁর আসবার সময় উতরে যায় নি।”

পাচিকা চলিয়া গেলে পুনরায় সে এই বিষয়ের চিন্তায় ডুবিয়া গেল। জমীদারির ভিতরে এই যে এত বড় বড় ঘটনা সংঘটিত হইতেছে, তাহা স্বামী জানেন কি না? তাহাকে জিজ্ঞাসা করিবারও উপায় নাই—আজ কয়দিন হইল তিনি বাহির হইয়াছেন। বাহিরই হউন আর দশবার দিন নাই আসুন, তাতে তো কিছু আসে যায় না, কিন্তু এত বড় একটা ঘটনা যে সময়ে জানবার দরকার সে সময়ে না আসলে সময় কি আবার কিরে আসবে?

চিন্তায় দুর্ভাবনায় সে কেমন একরূপ হইয়া উঠিল, চেয়ার হইতে উঠিয়া আলমারি খুলিয়া সাজান পুতুলগুলো নাড়িয়া চাড়িয়া রাখিতে রাখিতে মনে করিল—অনুসন্ধান করিয়া স্বামীকে না হয় ডাকাইয়া আনে।

মনে হইতেই সেই স্থান হইতেই ডাকিল—“হরু কাকা?”

“—তুমি যে এখনও গান গাও নি বেণু—মাষ্টার আসে নি?”

জড়িতকণ্ঠের কথা শুনিয়া বেণু পশ্চাৎ দিকে চাহিয়া দেখিল,—স্বামী স্বয়ং।

তাহার স্বলিত চরণ আর রক্তবর্ণ চক্ষুর দিকে একবার ডাকাইয়া বলিল—“এসেছিলেন, তাঁকে ছেড়ে দিয়েছি।”

জড়িতকণ্ঠেই সলিলকুমার বলিল—“কেন?”

স্বামীকে ধরিয়া চেয়ারে বসাইতে বসাইতে অভিমানের

সুরে বেণু বলিল,—“কার জন্যে শিখব, কে শুনবে গান? কড়ি বরগা ছাড়া ঘরে তো আর কেউ থাকে না।”

তাহার মুখের দিকে চাহিয়া সলিলকুমার বলিল—“কেন আমি।”

বেণু নীরবেই দাঁড়াইয়া রহিল।

সলিলকুমার সেইভাবেই বলিল—“দাঁড়িয়ে রইলে কেন বেণু—ব’স, একখানা গান শোনাও, তোমার গান শোনবার জন্যে—”

মুখ খানাকে ভার করিয়া বেণু বলিল—“আর কাজ নাই—যাও। যেচে মান আর কেঁদে সোহাগ দেখাতে চাই না।”

স্বলিত চরণে সলিলকুমার আলমারির নিকটে বাইতেই বেণু তাহার হাত ধরিয়া বলিল—“পা টুলছে আবার ধাবে?”

সহাস্ত্রে জড়িতকণ্ঠে সলিলকুমার বলিল—“ভয় নেই গো ভয় নেই, একটা পিপে যার পেটের ভেতর ধরে, হুঁচারটে বোতলে তার কিছু হবে না; টুলেই বা পা।”

আন্ধারের সুরে বেণু বলিল, “না, আমি তোমাকে কিছুতেই খেতে দিব না।”

বিহ্বল দৃষ্টি বেণুর গোলাপী মুখের উপর ফেলিয়া সলিলকুমার জড়িতকণ্ঠে বলিল, “খেতেও দেবে না, গানও শোনাবে না।”

ব্যগ্রভাবে বেণু বলিল, “না—না, তুমি বসবে চল, আমি তোমাকে গান শোনাব।”

তাহার হাত ধরিয়া তাহাকে শয্যার উপর বসাইয়া দিয়া বেণু হারমোনিয়মের সুরে সুর মিনাইয়া গান ধরিল।

গানের তন্ময়তায় নিজেকে ডুবাইয়া দিলেও কিছুকাল মধ্যেই সলিলকুমার আর নিজেকে স্থির রাখিতে পারিল না। শয্যা হইতে উঠিয়া সে নিজের আনন্দেই নৃত্য শুরু করিয়া দিল এবং সঙ্গীতের মধ্যপথেই বেণুকে সেই স্থান হইতে উঠাইয়া আনিয়া তাহাকে আলিঙ্গনে আবদ্ধ করিয়া পুনরায় নৃত্য শুরু করিয়া দিল।

তিরস্কারের সুরে বেণু বলিল, “এ কি হচ্ছে?”

সলিলকুমার বলিল, ‘মেম-সাহেবদের নাচ, ধ্যাৎ

তের গান বন্ধ হয়ে গেল, কিসের ভালে পা কেলে নাচি বল তো ?”

হতাশভাবে সলিলকুমার শব্দ্যার উপর বসিয়া পড়িল।

হাস্তের তরঙ্গ তুলিয়া বেণু বলিল, “কৈ নাচলে না ?”

সলিলকুমার কহিল, “নাঃ, তুমি গাও।”

বেণু পুনরায় গান ধরিল।

গান শেষ হইলে বেণু তাহার নিকট আসিয়া বসিতেই সলিলকুমার বলিল, “একটা পেগ দাও বেণু লক্ষ্মীটা, কিচ্ছু হবে না আমার।”

মুহূর্তের মধ্যে কি ভাবিয়া লইয়া বেণু বলিল, “না খেলেই কি ভাল হ’ত না।”

“—না; আর থাকতে পারছি না। আমায় একটু দাও নিজের হাতে—”

তাহার অনুরোধ পালন করিয়া বেণু বলিল, “বাইরে তুমি কিসের জন্ত যাও বল তো ? কিসের টান ?”

স্মিতহাস্তে সলিলকুমার উত্তর দিল, “একটু স্মৃতি।”

সজল চোখে বেণু বলিল, “সেটা কি বাড়ীতে পাও না ?”

“না—না তাও নয় তবে কি জান বেণু—একটু নাচ গান—”

বেণু বলিয়া উঠিল, “আমি যে গান শিখলুম, কার জন্তে ? নাচলুমও তোমার সঙ্গে।”

সলিলকুমার বলিল, “হাঁ—তা—”

“বেশ, তোমার জন্তে আরও নাচ শিখব” বলিয়া বেণু পুনরায় বলিল, “তুমি কিন্তু আর বাইরে যেতে পাবে না—”

সলিলকুমার একটু মুহূর্ত হাসিল, বলিল, “সত্যিই তুমি নাচ শিখবে ?”

বেণু বলিতে লাগিল, “বিশ্বাস করলে না ? ভেবে দেখ দেখি আমি কি ছিন্লাম, তোমার জন্তে নিজেকে কি রকম পরিবর্তনের পথে এনে ফেলেছি, তুমি যা চাও আমার কাছে তাই পাবে।”

সলিলকুমার বলিল, “তোমার হাতের সুখা বড় মিষ্টি লাগল’—আমাকে আর একটা পেগ দাও বেণু।”

বেণু বলিল, “আবার খাবে ?”

“হাঁ বেণু, তয় পেরোনা কিচ্ছু হ’বে না আমার।”

যে সমস্ত সারাদিন ধরিয়া বেণুর অন্তরে মাতামাতি করিতেছে, সেইটার সমাধানের জন্ত, স্বামীর মুখ দিয়া যদি একটা কথাও বাহির করিয়া লইতে পারে, সেইটা ভাবিয়া আর একটা পেগ স্বামীর মুখের কাছে ধরিল।

সেটাকে শেষ করিলে বেণু বলিল, “লক্ষ্মীটা, আর তোমার বাইরে পড়ে থাকা ভাল দেখায় না। নায়েব-গোমস্তাদের অভ্যাচার—”

তাহার মুখের দিকে দৃষ্টি ফেলিয়া সলিলকুমার বলিল, “কেম তুমি তো রয়েছ ?”

“—আমি ?—”

“হাঁ, তুমি—জমীদারি আমারও যেমন, তোমারও তেমনই।”

“আমার ব্যবস্থায় তুমি যদি অসন্তুষ্ট হও ?”

সলিলকুমার বলিল, “অসন্তুষ্ট হব কেন ? আমার চাই টাকা, আমার দরকার মত সেইটা দিয়ে তুমি যা ইচ্ছে করবে। আমার বলবার কিচ্ছু থাকবে না। জমীদারির ভাল’র জন্তে যা হয় তুমি করবে আমি তাতে বাধা দেব কেন ?”

সানন্দেই বেণু বলিল, “বেশ তোমার যা দরকার হ’বে তাই আমার কাছ হতে পাবে।”

সলিলকুমার বলিল, “বাস, তোমার যা ইচ্ছে করতে পার, আমার টাকা চাই টাকা—”

বেণু বলিল, “কিন্তু আমার ছকুম ম্যানেজার যদি তামিল না করে ?”

“আলবৎ করবে। সে আমারও যেমন চাকর তোমারও তেমনি—”

ক্রমশঃই সলিলকুমারের স্বর বিকৃত হইতেছে এবং মত্ততার ভাব উত্তোরোত্তর বাড়িয়া উঠিতেছে দেখিয়া তাহাকে আবেগভরে জড়াইয়া বেণু বলিল, “আজ্ঞা, মহানন্দকে চেন ?”

সলিলকুমার জিজ্ঞাসা করিল, “চিঠি দিয়েছে না কি ?”

বেণুর বুকের মাঝে একবার ধ্বক করিয়া উঠিল, উদ্বেলিত শব্দে আন্দারের সুরে বলিল, “কে সে ? বল না।”

মুহূর্ত নীরব থাকিয়া সলিলকুমার বলিল, “সে একজন সন্ন্যাসী। আমাকে এই পথ হ’তে কেঁরাবার জন্তে এক খানা

কবচ দেবে বলেছে। তৈরী হ'লে চিঠি দেবার কথা আছে কি না?...তার কি কোনও চিঠি এসেছে?"

হতাশায় বেণুর সারা অঙ্গ ছাইয়া গেল, সে প্রসঙ্গ বন্ধ করিয়া ভেমনই আন্ধারের সুরে বলিল, "তুমি একটু লিখে দাও না, ম্যানেজার যদি আমার কথা না শোনে, তোমার হুকুম দেখাব।"

সলিলকুমার বলিল—“নিয়ে এস কাগজ-দোয়াত-কলম, নাঃ, তুমিই লিখে নিয়ে এস আমি সই ক'রে দিচ্ছি।”

বেণু তাড়াতাড়ি লিখিয়া তাহার নাম সহি করিবার জন্ত তাহার নিকট আসিলে, দেখিল স্বামীর আর কোনও সাড়া শব্দ নাই। তিনি তখন সজ্জাহীনের মত পড়িয়া আছেন।

বেণুর সারাটা অঙ্গের ভিতর রি, রি, করিয়া উঠিল—
—কাজটা হাসিল হইবার মুখের বাধা পাইল। চোখের জলে বুক ভাসাইয়া সে বীণাকে পত্র লিখিতে বলিল।

—স্বপ্ন—

পরদিন সলিলকুমার বাহির হইয়া পড়িল। অন্যান্য সময় ছুই একদিন বাড়ীতে থাকিয়া তবে বাহির হইত, কিন্তু কি ভাবিয়া সে একটা দিনও আর বাটীতে থাকিল না।

বেণু ধরিয়া বলিল, “আজই তুমি কেন যাচ্ছ? পাঁচ ছয় দিন পরে কাল রাত্তিরে এসেছ, আবার আজই যাবে না—না—তা' হতে পারে না।”

তাহার অধর একটু টিপিয়া সলিলকুমার বলিল,—
“আজই আমি ফিরে আসব, যাচ্ছি একটু বিশেষ কাজে।”

সারা পথটা তাহার কেবল এই চিন্তাই জাগিতে লাগিল, শত্রুতা সাধনের জন্য যে জাল পাতা হইয়াছে, তাহাতে এখনও কেহ পা দিয়াছে কি না?...তাহার পর ভাবিতে লাগিল, হঠাৎ বেণু মহানন্দের নাম পাইল কোথা হইতে? সে কি তার স্বরূপ জানতে পেরেছে? তাহার পর আবার ভাবিতে লাগিল, কার্যোদ্ধারের জন্য মহানন্দ যাহা চাহিতেছে, তাহাই তো সে অকুণ্ঠিত চিন্তে তাহাকে দিয়া আসিতেছে বিনিময়ে কেবল সে চায় তাহার উপর যে অবিচার হইয়াছে তাহার প্রতিশোধ লইতে? সে চায় প্রতিশোধ দিবার জন্য সেখানে অধর্মের স্রোত বহাইয়া

দিতে, অত্যাচারের দাবানল প্রজ্বলিত করিতে। আর কিছু কিছু তো সে চায় না, কিন্তু সে সবকিছু তো মহানন্দের কোনও সংবাদ নাই, কি করিতেছে সে?

সলিলকুমার যেন একটু দমিয়া গেলেন, দুইটা বৎসরের মধ্যে যদি সে কার্যোদ্ধার করিতে না পারিল, তবে তাহার কার্যদক্ষতা কোথায়? সত্যই কি সে তাহার পক্ষ লইয়া কার্য করিতেছে? না, তাহার আপনার অতীষ্ট সিদ্ধ করিয়া আমাকে শোকবাক্যে ভুলাইয়া রাখিতেছে মাত্র।

চিন্তার খরস্রোতে ভাসিতে ভাসিতে সে সর্বরী ঠাকরুণের বাড়ীর সম্মুখে যখন আসিয়া পৌঁছিল, তখন বেলা অনেকটা হইয়া গিয়াছে।—

বাহির হইতে তাহাকে ডাকিতেই সর্বরী তাড়াতাড়ি ঘর খুলিয়া তাহাদের এই অতি বড় আশ্রয়কে সহাগ্র আদরে অভ্যর্থনা করিয়া বসিবার আসন প্রদান করিল।

সলিলকুমার আসন গ্রহণ করিয়া জিজ্ঞাসা করিল,
“মহানন্দের সংবাদ কি ঠাকরুণ?”

সর্বরী বলিল, “আমিও জে সেইটাই আপনাকে জিজ্ঞাসা করব মনে করছিলুম। মাস দুয়ের মধ্যে কোনও সংবাদই তো পাই নি।”

গম্ভীরভাবে সলিলকুমার বলিল—“দলে মিসে গেল না কি ঠাকরুণ?”

স্মিতহাস্তে সর্বরী বলিল, “তা কি হ'তে পারে? বোধ হয় কাজের ঝনঝাট খুবই বেড়ে গেছে।”

“হবেও বা,”—বলিয়া সলিলকুমার একটা গভীর দীর্ঘ নিঃশ্বাস ফেলিল।

সলিলকুমারের এই উদ্বেগ প্রশমিত করিবার জন্য সর্বরী বলিল—“মার প্রসাদী কারণবারি একটু দিই? কি বলুন?” বলিয়াই ঘরের একটা কোণ হইতে একটা বোতল ও কাঁচের গ্লাস তাহার সম্মুখে ধরিয়া দিল। উচ্ছ্বসিত আনন্দে সলিলকুমার বলিল, “প্রসাদি জিনিস একটু শ্রীমুখে দিয়ে প্রসাদ করে দাও ঠাকরুণ।”

জিহ্বার অগ্রভাগ একবার দাঁতের সঙ্গে চাপিয়া সর্বরী বলিল, “আমি কখনও ও জিনিস স্পর্শ করিনি আপনি পান করুন।”

সলিলকুমার বলিল,—“যখন খান না তখন দিন।”

সর্বরী বলিল, “আপনি ততক্ষণ পান করুন, আমি

ভাতের কেনটা ততক্ষণ গেলে আসি। হাঁ, আপনাকে কিন্তু আহারাদি এই ধানেই সেরে যেতে হবে।”

“না সেটা আর পারব না” বলিয়া সম্মিতমুখে সলিলকুমার বলিল, “অর্দ্ধাঙ্গীণীর কাছে প্রতিশ্রুতি দিয়ে এসেছি আজই ফিরব—বেচারি না খেয়ে না দেয়ে হা পিত্যেশ করে বসে আছে!”

এক পাত্র শেষ করিয়া সলিলকুমার পুনরায় বলিতে লাগিল, “মহানন্দের সঙ্গে দেখা হওয়াটা বিশেষ দরকার হয়ে পড়েছে?”

“—যখন খুব দরকার হয়েছে তখন নিশ্চয়ই দেখা হবে জমীদারবাবু। মনের আকুল বাসিনা মাতো কখনও অপূর্ণ রাখেন না।”

কথাটা শেষ হইতে না হইতে উভয়ে দেখিল—সহস্র মুখে দ্বারের নিকটে দাঁড়াইয়া মহানন্দ।

সলিলকুমার তাহাকে প্রণাম করিয়া দাঁড়াইতেই মহানন্দ বলিল, “দীর্ঘায়ুস্বস্ত।”

সলিলকুমার বলিল, “আর দীর্ঘায়ুতে কাজ নেই মহানন্দ, এখন সংবাদ কি, তাই বল।”

মহানন্দ বলিল, “জগদম্বার ইচ্ছে।”

একটু : অধীভাবে সলিলকুমার জিজ্ঞাসা করিল— “ইচ্ছেটা কি তাই বল না মহানন্দ, আমার বাসনা পূর্ণ হ’তে কত দেবী?”

মহানন্দ বলিল—“মার ইচ্ছা জমীদারবাবু, মার ইচ্ছা মাত্রে একটা প্রলয় হয়ে যায়—”

অতিষ্ঠভাবে সলিলকুমার বলিল—“আমি সেই প্রলয়টাই চাই। কতদিন—আর কতদিন অপেক্ষা করে থাকতে হবে মহানন্দ?”

“সেও সেই ইচ্ছাময়ী মার করুণা। প্রাণ ভ’রে তাঁকে ডাকুন আপনার বাঞ্ছিত ফল তিনিই দেবেন। ক্ষুদ্র জীব আমরা—আমাদের ক্ষমতা কতটুকু, যোগাযোগ সব তিনিই ক’রে রেখে দেন, উপলক্ষ্য হই মাত্র আমরা, তাও সেই জগন্ময়ীর করুণা।”

মহানন্দের হেঁয়ালিভরা কথার একটাও সলিলকুমারের ভাল লাগিতেছিল না, বলিল—“তোমার কথার খেই আমি ধরতে পারছি না, তোমার জগন্মাতার ইচ্ছা, যোগাযোগ

প্রভৃতি সব শিকের তুলে রেখে স্পষ্ট কথাটা খুলে বল। কাজ শেষ হতে দেবী কত?”

“শত্রু বিনাশিনী মার ইচ্ছে জমীদারবাবু।”

মহানন্দের কথার সলিলকুমার এবার রাগে গস্ গস্ করিতে করিতে তাহার হাত ধরিয়া নিজের কাছে বসাইয়া বলিল, “সর্ব্বরী ঠাকরুণ একবার বেরিয়ে যান তো—” সর্ব্বরী ঠাকরুণ চলিয়া গেলে বলিল,—“সব কথা খুলে বল মহানন্দ, তোমার আধ্যাত্মিকতা তুলে রাখ। সংসারে সরল লোক আমি, আমার বিশ্বাসের প্রতিদান এমন ভাবে দিলে তোমার রক্ষণ থাকবে না। জলের মত তোমাকে ঢাকা দিয়েছি—একদিনের জগুও না বলি নি—বা কি ভাবে কি করছ তাও জানতে চাই নি—জানতে চাই আমার আশা পূর্ণ হ’তে কত দেবী? আর যদি না পার তাও বল?”

হাস্ততরলকণ্ঠে মহানন্দ বলিতে লাগিল—“এতদিন সব কাজই শেষ হয়ে যেত জমীদারবাবু কিন্তু মাঝধানটার আপনার জোষ্ঠ শ্রালিকা বীণা...ওঃ কি ধড়িবাড় মেয়ে বাবা—”

সাগ্রহে সলিলকুমার জিজ্ঞাসা করিল—“তিনি আবার কি করলেন? দেখ এখনও মুখ সামলে কথা বল—সে দেবীর সম্বন্ধে কোন মিথ্যা কথা বলো না—আমি বতদূর অধঃপাতে যাই না কেন, এখনও তার যথোপযুক্ত সম্মান বজায় রাখব।”

মহানন্দ বলিল—“বলছি শুনুন না, প্রজাদের মধ্যে একতা নষ্ট করবার জন্তে যে নূতন প্রজা নিয়ে যাকছি, তার সংখ্যার আধিক্য দেখে তিনি যেরকম সন্দেহ করতে শুরু করলেন—”

ব্যগ্রাতুরকণ্ঠে সলিলকুমার জিজ্ঞাসা করিল,—“বুঝতে পেরেছেন না কি?”

হাসিয়া মহানন্দ বলিল—“সবই সেই মহামায়ার মায়া; ক’ড়ো মেঘ একখানা উঠেছিল দিন কতকের মধ্যেই কেটে গেছে। কিন্তু আর দেবী :করা নয় জমীদারবাবু, এইবার আপনার মনস্কামনা পূর্ণ হবে, আমি ধ্যানে বসে বুঝতে পেরেছি, আপনি নিশ্চিত হ’ন।”

আশার আলোকে সলিলকুমারের অন্তর উদ্ভাসিত হইয়া উঠিল, মদের বোতলটা শেষ করিয়া আনন্দোচ্ছ্বাসে বলিয়া উঠিল, “তা’হ’লে মহানন্দ—”

তাহাকে কিন্তু আর বলিতে হইল না। হঠাৎ চঞ্চলা রুদ্র

মূর্তিতে সেইস্থলে আসিয়া ঝা ল সুরে বলিয়া উঠিল—
“সৰ্ব্বরীৰ আঁচল ধরতে শিখে’ স রে মুখপোড়া, তাই তো
বলি ছ’মাসের মধ্যে দেখা নাই কন ?”

রণরদিনী মূর্তিতে হঠাৎ চঞ্চলার আবির্ভাবে সলিল-
কুমার হতভম্বের মত বলিল—“কি বলছ চঞ্চল ? একটা
কাজ—”

ভেজোদীপ্ত কণ্ঠে চঞ্চলা বলিল—“তোমার কাজের মাথার
মারি ঝাড়ু । ওঠ, বলছি চল ।”

হৃঃখিতের স্মায় সলিলকুমার বলিল—“চঞ্চল, তুমি
শ্রেমিকা, তোমাদের প্রেম নিয়ে আজ সাহিত্য-জগৎ
সমুদ্রাসিত, ছিঃ, অতখানি তরল হতে আছে ? তুমি যাও—
আমি সন্ধ্যার পর আসব ।”

হাত-পা ছুড়িয়া চঞ্চলা বলিল—“সন্ধ্যার পর কেন,
নীচে আসতে পেরেছ আর ওপরে যেতে পার নি ?”

তাহাদের মাঝে পড়িয়া মহানন্দ চঞ্চলাকে বলিয়া উঠিল
—“আ হা হা হা কর কি চঞ্চল জমীদার—”

তাহাকে আর বলিতে হইল না, বিকৃতকণ্ঠে চঞ্চল
বলিয়া উঠিল—“অমন হাজার হাজার জমীদার আমাদের
পায়ের কাছে গড়াগড়ি যায়—হাত্তোর জমীদার !”

চোখ দুইটাকে কপালে তুলিয়া মহানন্দ বলিল—
“আমার ঘরে ফের যদি ঠুকে অপমান করবে, আমি
অভিসম্পাত করব ।”

তাহার রক্ত চক্ষুকে ভয় না করিয়া, বাহা মুখে আসিল,
চঞ্চলা তাই বলিয়া গালি পাড়িতে পাড়িতে সলিলকুমারকে
লইয়া চলিয়া গেল ।

চঞ্চলা ও সলিলকুমার ঘরের বাহিরে যাইতেই মহানন্দ
বলিল—“দেখলে সৰ্ব্বরী মায়ার ব্যাপারখানা—আমি তো
মনে করেছিলুম আজ বুঝি আমার ভবলীলা সাক্ষ হ’ল ।
সলিলকুমারের ওরকম রক্ত চক্ষু এ কয় বছরে একদিনও
দেখি নি । পকেটে মাঝে মাঝে হাত ঢোকাচ্ছিল—মনে
হচ্ছিল পিণ্ডলটা বুঝি বার ক’রে ছুড়লে আর কি ? জগদম্ব
তোমার সব মায়ী মা—।”

হাস্তোজ্জ্বল দৃষ্টি মহানন্দের মুখের উপর ফেলিয়া সৰ্ব্বরী
বলিল, “দেখচি বৈ কি অনেকদিন আগে হতেই । বাল্যের
সীমারেখার বাইরে পা দিতেই,—মনে নেই ?”

“মনে আবার নেই সৰ্ব্বরী—” বলিয়া মহানন্দ বলিতে

লাগিল—“সেই ছুমি সেই আমি । গণেশপুর গ্রামের শ্রামল
বুকের ওপর যখন খেলা করতুম, কত ভাব, কত ভালবাসা,
এখনও মনের ভেতর জল্জলে হয়ে রয়েছে । তুমি হতে কনে
আমি হতুম বর ।...তার পর যখন ছ’জনেই যৌবনে পা
দিলুম, তোমার বিয়ের জন্তে তোমার বাপ মায়ের আকুল
চেষ্টা, মনে সবই আছে, সৰ্ব্বরী, যখন জোর করে তোমার
অমতে তারা তোমার বিয়ে দিলে তোমার চোখের এক
এক ফোঁটা জল আমার বুকের ভেতর এক একটা তীরের
ফলার মত বিঁধতে লাগল, তার পর যখন খণ্ডর বাড়ী হ’তে
বাপের বাড়ী এলে, এই বাপ-মা মরা একান্ত নিঃসহায়
লোকটির বিবর্ণ পাণ্ডুর মুখখানা দেখে তোমার বুকে যে
শেল বিঁধেছিল তাও তোমার কথাতেই বুকেছিলুম, যেদিন
তুমি বলেছিলে অধর্মের হাত হ’তে বাঁচাবার জন্তে তুমি
আমায় নিয়ে পালাও, ওগো নিয়ে চল !”

বাধা দিয়া সৰ্ব্বরী বলিল—“সে পুরান কান্দুনি ঘেঁটে
আর কাজ কি ? এখন মান ক’রে এস ।”

মহানন্দ হাসিতে হাসিতে বলিল, “তার সাথে তোমার
জন্তে মার প্রসাদী যা এনেছি ধর—” বলিয়া কোলার মধ্য
হইতে বার গাছা জড়োয়া চুক্তি, দুইটা হীরার টোপ ও
একছড়া হার বাহির করিতেই আশ্চর্যের সহিত সৰ্ব্বরী
বলিল—“এ সব কি—কোথা গেলো ?”

হাসিয়া মহানন্দ বলিল,—“এ সব মায়ের দান ।”

আশ্চর্য্যভাবেই সৰ্ব্বরী বলিল—“বুকেতে পারলুম না,
খুলে বল, কারও চুরি কর নি তো ?”

সেইরূপ ভাবেই মহানন্দ বলিল,—“না-না, চুরি করব
কেন ? এক ধনীর স্ত্রী, স্বামী নিয়ে ঘর করতে পায় না,
চঞ্চলার মত একজনের কাছে সে পড়ে থাকে । আমার
কাছে এসে কেঁদে পড়ল স্বামীকে তার ঘরবাসী করতে
হবে । তার গায়ে এই ক’খানা গহনা যে কি মানিয়েছিল
সৰ্ব্বরী তা আর কি বলব ? লোভ হ’ল এই রকম গহনা
তোমাকে পরাবার জন্ত, বললুম ‘মা তোমার অলঙ্কারের
মত অলঙ্কার যদি মাকে দিতে পার তবে তোমার গয়না
চিরদিন বজায় থাকবে, স্বামী তোমার আজই ঘরে ফিরবে ।’
স্বামীকে ফিরে পাবার আশায় রমণী এক কথায় তার দেহ
চ’তে সবগুলি খুলে দিলে, আমিও একটু সিঁছর-পড়া
তাকে দিলুম, আর তোমার জন্যে—”

বাধা দিয়া সৰ্ব্বরী সতয়ে বলিল, “তা, হাঁগা, এতে
কোনও ভয় নেই তো ?”

“ভয় কিসের সৰ্ব্বরী ?...এ তো চুরি নয়, এ যে
একজনের দান, এস পরিবে দিই । এই যে গেকুরা সৰ্ব্বরী,
এর অনেক গুণ ।”

ভারতের প্রাচীনতম স্থাপত্য ও ভাস্কর্য্য নিদর্শন

[ডাঃ গুরুদাস রায়]

একদিন ছিল যখন হিন্দু তাহার জ্ঞান ও বিজ্ঞানের ছয়ার খুলিয়া দিয়া জাতি-বর্ণ-নির্কিঁশেবে সকলকে আচ্ছান করিয়াছিল—শিল্পে, ভাস্কর্য্যে, স্থাপত্যে—যেখানে সেখানে তাহার প্রতিভার ও কলাকুশলতার অক্ষয় অমোঘ কীর্তি রচনা করিয়াছিল।

সেই সুপ্রাচীন বৌদ্ধযুগে কত মন্দির, মঠ, বিদ্যাপীঠ যে নির্মিত হইয়াছিল তাহার ইয়ত্তাই করা যায় না। আমি এইরূপই কতকগুলি অধুনা-অজ্ঞাত ভারতের প্রাচীনতম পার্কত-গুহার উল্লেখ করিব।

বিখ্যাত বৌদ্ধ-সম্রাট অশোকের সময় ভারতে কতক-গুলি প্রাচীনতম গুহা-মন্দির নির্মিত হইয়াছিল। সে যুগের আজ কেহ জীবিত নাই, কিন্তু “বরাবর” পাহাড়ের ও নাগার্জুনীর পাদমূলে যে সুপ্রশস্ত সুবৃহৎ গুহা-সম্প্রদায় খোদিত হইয়াছিল, তাহা এখনও পর্য্যন্ত বিশ্বাসীর নিকট বৌদ্ধ-গরিমার বার্তাই বিধোষিত করে।

পাটনা-গয়া রেল লাইনের “বেলা” ষ্টেশন হইতে ৮১০ মাইল দূরে এই “বরাবর” পাহাড় শ্রেণী অবস্থিত। বেলা হইতে দিগন্ত-বিতস্ত মাঠের মাঝখান দিয়া একটি মাটির উঁচু রাস্তা পাহাড়ের পাদদেশে আসিয়া শেষ হইয়াছে। কোন যান-বাহন পাওয়া যায় না—দস্যুভীতিও আছে—তাহার উপর স্থানে স্থানে ব্যাঘ্র ভল্লুক প্রভৃতি দুর্দান্ত হিংস্র জন্তুও উপদ্রব করে। আমরা তিনজন; সঙ্গে একটি বন্দুক, একটি ইলেকট্রিক্ বাতি, একটি ক্যামেরা ও কিছু খাবার। রাত্রি ১১টা হইতে ৪টা পর্য্যন্ত সেই অস্পষ্ট জ্যোৎস্নার আলোতে কত মাঠ, সেতু বালুভূমি পার হইয়া শেষে এক পাহাড়ের সান্নিধ্যে আসিয়া উপনীত হইলাম। তারপর সকাল হইতে অপরাহ্ন পর্য্যন্ত গ্রীষ্মকালের সেই ধরকরদীপ্ত উত্তপ্ত পার্কত-ভূমিতে ঘুরিয়া ঘুরিয়া যাহা কিছু সন্ধান করিয়াছি তাহার সংক্ষিপ্ত বিবরণ দিলাম। সেই মার্কট-তাপ-তপ্ত গিরি-প্রদেশের মধ্যে অসহায় অবস্থায় মরণের যন্ত্রণা যে কত

নির্ভয়, তাহা আমরা সেখানে বিপ্রহরের প্রতি মুহূর্ত্তী দিয়া অনুভব করিয়াছি—এমন কি সেই ছায়াহীন, আশ্রয়-হীন স্থানে নিঃসহায় নিরবলম্ব অবস্থায় মধ্যাহ্নের সৌর-করোজ্জ্বল পাহাড়ের উপর তিলে তিলে জীবনের আশা পর্য্যন্ত বিসর্জন দিয়াছিলাম—তারপর সৌভাগ্যক্রমে সেই সময় সেখানকার একজন অসভ্য পার্কত অধিবাসীর যত্নে প্রাণ পাই বলিলেও অত্যাশ্চর্য্য হয় না।

পাটনা জেলার আধুনিক রাজগীর বা প্রাচীন রাজধানী রাজগৃহকে পশ্চিমদিকের আক্রমণ হইতে রক্ষা করিবার জন্ত প্রায় তিন সহস্র বৎসর পূর্বে এই বরাবরে একটি পার্কত দুর্গ নির্মিত হইয়াছিল। মহাভারতেও আমরা বরাবরের উল্লেখ দেখিতে পাই। মগধের রাজা জরাসন্ধকে বধ করিবার জন্ত শ্রীকৃষ্ণ যখন ভীম-অর্জুনের সহিত রাজগৃহে আসিয়াছিলেন সেই সময় তাঁহারা সেখান হইতে এই বরাবরের তুঙ্গ শৃঙ্গ দেখিয়াছিলেন। রাজগৃহ যখন রাজধানী হইয়াছিল সেই সময় বরাবর বিহারের বিখ্যাত দুর্গ হইয়া উঠিয়াছিল। স্থানীয় শিলালিপিতে আমরা বরাবরের উল্লেখ পাই। খৃষ্টের জন্মাইবার দুই শত বৎসর পূর্বে উড়িষ্যার বিখ্যাত ক্ষমতাশালী রাজা কারাভেনা তাঁহার বিহার আক্রমণের সময় এই বরাবরেই মগধের রাজাকে পরাজিত করেন এবং ভুবনেশ্বরের দ্বারে খণ্ড-গিরি পাহাড়ে তাঁহার লিপির মধ্যে এইখানকার নাম ‘গোরাখাগিরি’ খোদিত করিয়া রাখিয়া যান। খৃষ্টীয় ষষ্ঠ শতাব্দীতে এই গোরাখাগিরি নাম পরিবর্তিত হয়—এবং তখনকার শিলালিপিতে ‘পারাতার’ পর্কত বলিয়া লেখা থাকে এবং তাহা হইতেই বর্তমান বরাবর নাম হয়।

বরাবরের আর একদিকে আছে ‘কউডল’ পাহাড়—অনেকখানি স্থান লইয়া সারি গাঁথিয়া মাথা তুলিয়া বেশ সগর্বে দাঁড়াইয়া আছে—তাহারই নিকট খানিকটা উল্লেখ্য প্রশস্ত প্রাস্তর পড়িয়া রহিয়াছে—এবং একটি প্রাচীন

যুগের বৌদ্ধ মূর্তিও আছে—সেখানে প্রাচীন পুষ্করিণী বা ভালাও এর চিত্রও দেখা গেল—এবং মূর্তিটা প্রাচীন কালের বৌদ্ধ-মূর্তির মধ্যে অল্পতম বলিয়াই মনে হয়। সেখানে যদি এখন খনন-কার্য আরম্ভ করা হয় তাহা হইলে বোধ হয় ভারতের আর একটি প্রাচীন সভ্যতার প্রমাণ পাওয়া যায়। সেইজন্য আমি সরকারী প্রত্নতত্ত্ব-বিভাগের দৃষ্টি আকর্ষণ করিতেছি। ওখান হইতে তিন মাইল দূরে বরাবর পাহাড়—বহুদূর পর্যন্ত শাখা-প্রশাখা লইয়া চারিদিকে ছড়াইয়া পড়িয়াছে—প্রতি সকালে ও সন্ধ্যায় ভগবান অংগমালী তাঁহার প্রথম ও শেষ কিরণ তাহাদের মাথার উপর ছোয়াইয়া শ্রদ্ধা নিবেদন করিয়া চলিয়া যাইতেছেন। প্রকৃতির সেই স্বচ্ছ উজ্জ্বল সৌন্দর্যের মাঝখানে চারিদিক শান্ত স্তব্ধ নিরুন্ম হইয়া সেখানকার নিখর গান্ধীর্যের পরিপূর্ণ পরিচয় প্রদান করিতেছে—পাথরের স্তূপ আশে পাশে জমা হইয়া পড়িয়া আছে। পাহাড়ের শীর্ষদেশে একটি মন্দির—এবং সেখানকার মূর্তিগুলি সবই বৌদ্ধ-মূর্তি—সংস্কার অভাবে জীর্ণ হইয়া পড়িয়াছে।

এইবার মৌর্য-রাজত্বকালের সাতবরা বা সাতটা গুহা। ইহাদের মধ্যে চারটা এই পাহাড়েই আছে—এবং বাকী তিনটা ইহার পার্শ্ববর্তী নাগার্জুনী পাহাড়ে। বরাবর পাহাড়ে চারটা গুহার মধ্যে তিনটাতে অশোকের লিপি আছে—এবং একটি অসমাপ্ত অবস্থায় পড়িয়া আছে। এমন কি গুহাগুলির নাম পর্যন্ত এই দুই সহস্র বৎসরের ব্যবধানে অনেকখানি পরিবর্তিত হইয়া গিয়াছে এবং গুহাগুলির আর একটি বিশেষত্ব হইতেছে এই যে, চিনা-ঘাটীর জিনিস অপেক্ষাও ইহা এত মন্থণ যে, ইহার গায়ে হাত দিলে হাত পিছলাইয়া পড়িবে। সর্বাপেক্ষা প্রাচীন গুহাটির নাম সুদামা—ইহাতে তখনকার খোদিত লিপিও আছে। এইটা এবং ইহার পার্শ্ববর্তী গুহাটা আজকাল বিশ্বকর্মা নামে কথিত হয় এবং সম্রাট অশোকের দ্বাদশ বৎসর রাজত্ব সময়ে আজীবক-সম্রদায়ের জন্ম ইহা নিশ্চিত হইয়াছিল।

বরাবর এবং নাগার্জুনীর পাহাড়ে সাতটা গুহার মধ্যে পাঁচটা আজীবক-সম্রদায়ের জন্মই নিশ্চিত হইয়াছিল—আজীবক-সম্রদায় ছিল বৌদ্ধ এবং জৈনদেরই মত একটি

সম্রদায়, তাহাদের প্রতিষ্ঠাতা গোশাল ছিলেন বুদ্ধ ও মহাবীর বর্দ্ধনেরই সমসাময়িক। খৃষ্টের জন্মাইবার প্রায় দুইশত বৎসর পূর্বে এই গুহাগুলি যে অ-বৌদ্ধ এক বিশিষ্ট সম্রদায়ের জন্য বিনির্মিত হইয়াছিল তাহা হইতে সেই বৌদ্ধ যুগও মৌর্য-রাজবংশের মধ্যে ধর্ম-সম্বন্ধের আর একটি নূতন প্রমাণই জ্ঞাপন করে। সুদামা এবং বিশ্বকর্মা নিশ্চিত হইবার সাত বৎসর পরে আর একটি গুহা নিশ্চিত হয়, লিপি হইতে তাহার নাম পাইয়া থাকি “সুপিয়া” বা প্রিয়, কিন্তু এখন তাহাকে “চৌপার” বলে। এই গুহা তিনটা পাশা-পাশি পাথর কাটিয়া মাঝখানের পাথরকে দেওয়াল করিয়া এক একটাতে ২০০।৩০০ লোকের স্থান হইতে পারে এইরূপ সুরহৎ ও সুমন্থণ কঙ্করূপেই নিশ্চিত হইয়াছিল। বাহিরের দিকে কোন কারুকার্যই নাই কিন্তু প্রতি প্রাতে ও অপরাহ্নে সূর্যের স্বর্ণরশ্মিচ্ছটা দিক্চক্রবালের কোল হইতে পথ করিয়া লইয়া যখন গুহার ভিতরে প্রবেশ করে, তখন সেই সুমন্থণ দেওয়ালের গায়ে লিপিগুলি পর্যন্ত জল্ জল্ করিয়া জ্বলিতে থাকে। ইহার দ্বারদেশে যে খিলানের মত স্থান আছে তাহা মিশরের কর্ণাক নগর ছাড়া ভারতের আর অন্য কোন মন্দির, গুহা বা প্রাসাদে দেখা যায় না।

আর একটি শ্রেণীতে লোমশ ঋষির গুহা আছে— তাহার বাহিরের দিক্চক্র কারুকার্য-সম্বিত—ইহাতে কোন লিপি নাই। এইখানে যে ভাবের কারুকার্য আছে এবং কাঠের খিলানের মত তৈয়ারী করা আছে ইহাই হইতেছে সর্বপ্রাচীন কারুকার্য, যাহার অনুকরণে কারলী, নাসিক, অজন্তা এবং এলোরায় সব প্রাসাদ ও গুহা নিশ্চিত হইয়াছিল।—এমন কি, মধ্যযুগের কতকগুলি হিন্দু মন্দিরও এইভাবে সুসজ্জিত ছিল।

ইহা ছাড়া এক মাইল দূরে নাগার্জুনী পর্বতে যে তিনটা গুহা নিশ্চিত হইয়াছিল, তাহার সমস্তগুলিই অশোকের এক প্রপৌত্র দশরথের অনুমতানুসারেই হইয়াছিল। লিপি হইতে জানিতে পারি যে, তাহাদের নাম বাহিরকা, গোপিকা এবং বদাতিকা। এই গুহাগুলিও বরাবরের মত মন্থণ ও কারুকার্য-বিহীন।

এই গুহাগুলিই ভারতের সর্বাপেক্ষা প্রাচীনতম গুহা। ষষ্ঠ শতাব্দীতে যখন বৌদ্ধ-ধর্মের প্রভাব হ্রাস হইয়া

যাইতে লাগিল তখন বরাবরের লোমশ ঋষির গুহাটি কুম্ভমূর্তির এবং নাগার্জুনের দুইটা গুহাতে শিব দুর্গা এবং দুর্গা-পার্বতীর পূজা হইয়াছিল। তবে ষষ্ঠ শতাব্দীতে অনন্ত বর্ষার যে লিপি পাওয়া গিয়াছে তাহাতে মূর্তি-বিশেষের কোন নামই পাওয়া যায় না।

বরাবর দেখিয়া আসার পর সেখান হইতে যে লিপির

অনুকরণ লইয়া আসিয়াছিলাম সেই লিপির উদ্ধার সাধন এবং অন্যান্য তথ্য অবগত হইবার জন্য আমি নানা পুস্তক ও পত্রিকার সাহায্য গ্রহণ করিয়াছি—এজন্য আমি তাহাদের নিকট বিশেষভাবে ঋণী। ভবিষ্যতে আরও কিছু সংকলন করিতে পারিব বলিয়া আশা করি।

ইসলামে নারীজাতি

[ডাঃ মোহাম্মদ আবুল কাসেম]

ইসলাম ধর্ম-জগতে প্রবর্তিত হইবার পূর্বকালীন অবস্থা লম্বাক্ রূপে অবগত না হইলে ইসলাম ধর্ম স্ত্রীজাতির সামাজিক ও গার্হস্থ্য জীবন কত উন্নত করিয়াছে তাহা জানা সহজসাধ্য নহে। খৃষ্টীয় সপ্তম শতাব্দীতে ভারতে শিশুহত্যা ও সতীদাহ প্রথা পূর্ণমাত্রায় প্রচলিত ছিল। স্বামিহীনা বিধবার পক্ষে মৃত্যুই বরণীয়া ছিল; কেন না পুত্র-কন্টার জননী না হইলে তাহাদের অবস্থা অত্যন্ত শোচনীয় ছিল। স্ত্রীজাতির বেদ অধ্যয়নে, পিতৃশ্রদ্ধে যোগদান ও দেবতা-চর্চায় কোন প্রকার অধিকার ছিল না। স্বামি-সেবাই তাহাদের একমাত্র ধর্ম এবং উহা সম্পাদন করিবার উপরই তাহাদের পারলৌকিক সুখ-স্বাচ্ছন্দ্য প্রভূত পরিমাণে নির্ভর করিত।

ইসলাম ধর্ম-প্রবর্তক হজরত মহম্মদ মোস্তফা যে সময়ে জন্মগ্রহণ করেন, তৎকালীন স্ত্রীজাতির অবস্থা এত শোচনীয় ছিল তাহা বলিবার নহে। প্রাচীন পারসীক জাতির স্ত্রীজাতির কোন প্রকার অধিকার স্বীকার করিতেন না। তাহাদের ইচ্ছাই সর্বদা নিয়ন্ত্রিত হইত। পুরুষগণ ইচ্ছানুযায়ী বিবাহোচ্ছেদ বা নিকট আত্মীয়কে বিবাহ করিতে পারিতেন। অবরোধ-প্রথা শুধু পারসীক জাতির মধ্যেই সীমাবদ্ধ ছিল না। গ্রীক জাতির মধ্যেও স্ত্রীদিগকে গৃহমধ্যে আবদ্ধ রাখা হইত, বাহিরে কখনও

যাইতে অনুমতি দেওয়া হইত না। গ্রীসের স্ত্রায় পারস্ত-দেশে গণিকা-ব্যবসা সমাজে প্রচলিত—অনুমোদিত ও ভগিনীগণের সহিত ভ্রাতার বিবাহ সামাজিক অনুমোদিত ছিল। প্রাচীনকালে সর্কাপেক্ষা সুসভা ও সুশিক্ষিত এথেনিয়ান জাতির মধ্যে স্ত্রীগণ সাধারণ বিক্রয়-সামগ্রী বলিয়া পরিগণিত হইত। সন্তান-প্রসব ও গৃহস্থালী পর্যবেক্ষণ করাই স্ত্রীদের একমাত্র কার্য বলিয়া গণ্য ছিল। রোমক জাতির মধ্যেও স্ত্রীগণের অবস্থা অত্যন্ত হেয় ছিল। পুরুষেরা ষতগুলি বিবাহ করিতে ইচ্ছা তাহাই করিতে পারিতেন। প্রথমা স্ত্রী ভিন্ন অন্যান্য বিবাহিতা স্ত্রীগণের কোন অধিকার স্বীকৃত হইত না এবং তাহাদের সন্তান-সম্পত্তি জারজ বলিয়া প্রতিপন্ন হইত।

ইহুদীজাতির মধ্যেও নারীজাতি অধিকতর উন্নত ছিল না। কুমারীদিগকে পিত্রালয়ে সাধারণ দাসদাসীর স্তায় জীবন যাপন করিতে হইত; ইহাদের পিতারা না বালিকা অবস্থায় ইহাদিগকে ইচ্ছামত ক্রয়-বিক্রয় করিতে পারিতেন। পিতার অবর্তমানে, পুত্রগণ ষদৃচ্ছা ব্যবহার করিতে পারিতেন। কন্টার পিতার কোন সম্পত্তির অধিকারিণী হইতে পারিতেন না। পুত্র না থাকিলে অবশ্য ইহার অন্যথা হইত।

যীশুখৃষ্ট বা তাঁহার ধর্ম নারীজাতির উন্নতির জন্য বিশেষ

কিছু চেষ্টা করেন নাই। পরন্তু তিনি নারীজাতির প্রতি তাঁহার জননীর নিকট বাহা বলিয়াছিলেন তাহাতেই প্রতীয়মান হয়,—“Woman, what have I to do with thee !” সেন্ট পল (St. Paul) বলেন,—“নারীগণ সর্বপ্রকার বিনীতভাবে শিক্ষা গ্রহণ করুক। তাহাদিগকে স্পর্শ করিতে বা তাহারা পুরুষের উপর প্রভুত্ব করুক ইহা আমি আদৌ ইচ্ছা করি না, কারণ, আদম (ADAM) প্রথমে ও হবা (EVE) পরে জগতে আসিয়া ছিলেন ; হবা শয়তান-কর্তৃক প্রবঞ্চিত হইয়াছিলেন, কিন্তু আদম হন নাই।” সেন্ট বার্নার্ড বলেন,—“নারী শয়তানের প্রসূতি।” সেন্ট এটনি বলেন,—“নারী শয়তানের জননী—তাহার স্বরসপের ফোসের সমান।”

মহাপুরুষ হজরত মহম্মদ যখন জন্মগ্রহণ করেন তখন আরব দেশে নারীর প্রতি যে অমানুষিক অত্যাচার হইত তাহার ভুলনা পাওয়া ছকর। কঠা-সন্তান জন্মগ্রহণ করিলেই তাহাকে কবরস্থ করা হইত। জনক সাধারণতঃ এই পাশবিক ও নৃশংস কার্য্য নিজেই সম্পাদন করিতেন। আরবদেশে নারীর কোনপ্রকার অধিকার ছিল না—তিনি কোন সম্পত্তির উত্তরাধিকারিণী হইতে পারিতেন না ; তাহার সম্পূর্ণ অসম্মতিতে তাহার বিবাহ হইত। এই লমস্ত কারণে বিমাতার সহিত পুত্রের ধর্ম্মানুমোদিত বিবাহ প্রায়শঃ সম্পন্ন হইত। যথেষ্টাচারে বহু বিবাহ সর্বত্র প্রচলিত ছিল। স্বামী ইচ্ছানুযায়ী স্ত্রী পরিত্যাগ করিতে বা গ্রহণ করিতে পারিতেন,—মোটকথা স্ত্রীর উপর স্বামীর অসাধারণ ও অশ্রায় ক্ষমতা পর্য্যাপ্ত পরিমাণে ছিল। হজরত মহম্মদের আবির্ভাবে সমাজের অবস্থা কিরূপ ক্লিষ্ট ছিল তাহা আমরা পূর্বে সম্যকরূপে বুঝাইতে চেষ্টা পাইয়াছি। হজরত মহম্মদ এই লমস্ত অশ্রায়-অবিচার বিদূরিত করিয়া সমাজে স্ত্রী-পুরুষের শ্রায্য অধিকার প্রতিষ্ঠা করিতে সমর্থ হইয়াছিলেন। তিনি সর্বসাধারণকে এই উপদেশ দিয়াছিলেন,—“হে মানবগণ ! তোমরা—যে দ্বয়াময় তোমাদিগকে সৃষ্টি করিয়াছেন তাঁহাকে ভয় করিও ; তিনি তোমাদের স্ত্রীপুরুষ উভয়কেই তাহা হইতে সৃষ্টি করিয়াছেন এবং এই প্রকারে বহু স্ত্রী পুরুষজাতির বিস্তার করিয়াছেন। তোমরা তোমাদের যে অধিকার একটীর পর

একটা পাইবার দাবী কর তাহাকে এবং যে মাতৃজাতি হইতে তোমাদের জন্ম তাহাদিগকে ভয় করিবে।” পবিত্র কোর-আনের এই মহতী বাণীতে স্ত্রীপুরুষের সমাজে সাম্যভাব আমরা স্পষ্ট ভাবে দেখিতে পাই। বস্তুতঃ যখন আমরা দেখি—জন্মের একত্ব ও সমতা থাকা সত্ত্বেও পুরুষ উপর আধিপত্য দাবী করে, তখন ঈদৃশ ব্যবহারকে আমরা জবাব ছাড়া আর কি বলিতে পারি ? কোর-আনের প্রথম শ্লোকেরই প্রথমংশে আমরা স্ত্রী পুরুষের সাম্যের কথা স্পষ্টরূপেই জানিতে পারি। দ্বিতীয়শ্লোকে এই ভাবটা অধিকতর পরিষ্কৃত হইয়াছে। “যিনি তোমাকে গর্ভধারণ করিয়াছেন তাঁহাকে সম্মান করিবে।”

কোর-আনের দ্বিতীয় শ্লোকে আমরা জানিতে পারি—স্বামীস্ত্রীর মধ্যে পরস্পর একটা প্রগাঢ় ভালবাসার সৃষ্টি হয় এবং তাহারা শান্তিতে জীবন যাপন করিতে পারেন দয়াময়েরও ইহা ঈঙ্গিত। ইহার অর্থ পুরুষ ও স্ত্রীর পরস্পর সুখস্বাচ্ছন্দ্য পরস্পরের উপরই নির্ভর করে। তাহারা যখন এক ঈশ্বরের অংশ হইতে জন্মগ্রহণ করিয়াছে এবং পরস্পরের সুখ-শান্তি যখন অস্ত্রের অপেক্ষা করে তখন পুরুষ যে স্ত্রীর অপেক্ষা শ্রেষ্ঠতর এই ভাব অস্ত্রে পোষণ করা সমীচীন নহে। মানব হিসাবে তাহারা প্রত্যেকেই পরস্পর সমান, সমাজ পঠনে প্রত্যেকেরই সমান প্রয়োজন প্রত্যেকেরই সাহায্য প্রত্যেকেরই আবশ্যিক ; পুরুষ যেমন স্ত্রীকে উপেক্ষা করিতে পারে না—স্ত্রী সত্ত্বেও সেই কথা প্রযোজ্য।

কোর-আনের বহুস্থানে স্ত্রী-পুরুষ সম্বন্ধীয় নামাধিকার বর্ণনা দেখিতে পাওয়া যায়। কোর-আন অনুযায়ী স্ত্রীগণ যেমন স্বামীর অজান্তরণ স্বরূপ, স্বামীও স্ত্রীদের তজ্রপ। এই সাদৃশ্য হইতে আমরা স্বামীস্ত্রীর প্রকৃত স্বরূপ জানিতে পারি। আভরণে মানুষের তিনটা কার্য্য সম্পাদিত হয়—বর্ষাতিশয্যে ইহা শরীর-রক্ষক, নগ্নতা-আচ্ছাদক এবং সৌন্দর্য্য ও কমনীয়তা-দায়ক। এই শ্লোকানুযায়ী স্বামী-স্ত্রী উভয়েই পরস্পরের সুখ-শান্তি-বর্ধক,—সৌন্দর্য্য ও কমনীয়তা উভয়েরই উপর নির্ভর করে। সৃষ্টিকর্তার অভিধে বিশ্বাসবান্ ব্যক্তি মাত্রেই তাঁহার সৃষ্টি রহস্তে সম্পূর্ণ আস্থা আছে। মানব ঈশ্বরেরই প্রতিবিম্ব মাত্র।

দয়াময়কে ভালবাসা ও তাহার স্বকীয় জীবনে ভগবৎ-
শুণাবলী প্রস্তুতি করিয়া তোলাই মানব জীবনের আদর্শ।
আধ্যাত্মিক ব্যাপারেও নারীকেই পুরুষের সমান অধিকার
প্রদত্ত হইয়াছে; তিনি পুরুষেরই জায় ইচ্ছা করিলে
আধ্যাত্মিক-জীবনে শীর্ষস্থান অধিকার করিতে পাবেন।

সেন্ট গ্রেগরী নারীকে নরকের দ্বার ও শয়তানের
অনুচর আখ্যা দিয়াছেন বটে, কিন্তু কোর-আনের
অনুশাসনে নারী জগৎপাতার দ্বার ও তাহারই শ্রেষ্ঠ
সৃষ্টি। The Holy Quoran says "Whosoever
does righteous deeds, be it a woman or a
man and he or she a believer—they are
sure to get paradise and will be dealt with
fairly and justly."

যিনিই ধর্ম ও জায়সঙ্গত কার্য করেন, তিনি স্ত্রী হউন
বা পুরুষই হউন, তিনি অস্ত্রিমে স্বর্গলাভ করিবেন এবং
জায়বিচার প্রাপ্ত হইবেন।

নারীজাতির সামাজিক অবস্থা-সম্পর্কীয় বিশদ বিবরণ
কোর-আনের প্রতি পৃষ্ঠায় দেখিতে পাওয়া যায়।

"For women there are equal rights
over men as for men over woman" অর্থাৎ
নারীর যেমন পুরুষের সহিত সমান অধিকার আছে পুরুষের
সেইরূপ নারীর সহিত সমান অধিকার।" ইসলাম ধর্মে
নারীর সামাজিক প্রতিপত্তি অতীব উচ্চে প্রতিষ্ঠিত।
পুরুষের নিছক খেয়ালে তাহা নিয়ন্ত্রিত হয় না। ইচ্ছা
মাত্রেই ধর্মপত্নীকে পুরাতন ও ছিন্ন আভরণের জায়
পরিত্যাগ করা যায় না। প্রয়োজন হইলে অবশ্য
সহধর্মিণীকে বিবাহোচ্ছেদের দ্বারা পরিত্যাগ করা যায়,
কিন্তু ইসলাম ধর্মে বিবাহোচ্ছেদ ইচ্ছা করিলেই করা
সহজ নহে—বিশেষ ও সঙ্গত কারণ ব্যতিরেকে উহা
একরূপ অসম্ভব বলিলেই চলে। জীবনের উদ্দেশ্য যখন
ব্যর্থ হইয়া দাঁড়ায়, যখন স্বামী-স্ত্রীর মধ্যে অচ্ছেদ
মনোমালিন্য বিরাজমান ও যখন স্ত্রীর বা স্বামীর সন্তান
জন্ম হওয়ার ক্ষমতা সম্পূর্ণ বিলোপ প্রাপ্ত হয়, তখনই
বিবাহোচ্ছেদ করা সহজসাধ্য, অন্যথা নহে। এমন কি এই
বিবাহোচ্ছেদেও স্বামী স্ত্রীর মধ্যে তুল্য অধিকার বিস্ত-
মান। যিনি প্রথমে বিবাহোচ্ছেদ করিতে ইচ্ছুক, তাহাকে

অর্ধগত ক্ষতি স্বীকার করতে হইবে। যদি কোন স্বামী
তাহার স্ত্রীকে পরিত্যাগ করিতে ইচ্ছা করে, তবে তাহাকে
বিবাহের সময়ে প্রতিশ্রুত সমস্ত অর্ধ স্ত্রীকে দিতে হইবে
এবং তাহার স্ত্রীকে বিবাহকালীন যে সম্পত্তি যৌতুক
দিয়াছে তাহা কেবল পাইতে অধিকারী হইবে না। নারী
বিবাহের পরই তাহার পৈতৃক উপাধি ত্যাগ করে না,—
তখনও তিনি পৈতৃক সম্পত্তির উত্তরাধিকারিণী। বত
প্রকার অন্যায় কাজ আছে—বিনা কারণে স্ত্রী-ত্যাগ
তন্মধ্যে অন্যতম।

অবশ্য আমরা ইহা বলি না যে, পুরুষের স্ত্রীর উপর
কোন প্রভুত্ব বা শ্রেষ্ঠত্ব নাই। নারী ক্ষুদ্র নহইয়াই
জন্মগ্রহণ করেন না ইহাই দেখান আমাদের মুখ্য
উদ্দেশ্য। গার্হস্থ্য-জীবনে স্বামী তাহার সহধর্মিণী অপেক্ষা
একটু শ্রেষ্ঠত্বের দাবী করিতে পারেন। গৃহ একটা ক্ষুদ্র
রাজ্য-বিশেষ। এই ক্ষুদ্র রাজ্যের কার্যাদি সুচারুরূপে
সম্পন্ন করিবার জন্য—সর্বোপরি কোন এক প্রধান
ব্যক্তির প্রয়োজন। এমন কি প্রত্যেক গণতান্ত্রিক দেশে
দেশশাসনভার কোন এক প্রধান ব্যক্তি বা কতিপয়
প্রধান ব্যক্তির উপর ন্যস্ত হইয়া থাকে। এই
ক্ষুদ্র গৃহের প্রত্যেক সভ্যের স্ব স্ব অধিকার অবশ্য
আছে। কিন্তু কোন এক ব্যক্তি বিশেষের উপর সম্পূর্ণ
ভার থাকা প্রয়োজন। পিতাই এই সংসারের কর্তা,
যাহাকে সন্তানসন্ততিগণ তাহাদের জনক ও সহধর্মিণী
স্বামী বলিয়া থাকেন। তাহাকে এইরূপ কর্তৃত্ব দিবার
কারণ তিনি সংসারের অন্তঃস্ব-সমগ্র সমাধান করিয়াও
সংসার রক্ষণাবেক্ষণের ভার গ্রহণ করিয়া থাকেন।
সংসারে অভাব-অভিযোগ, ঘাত-প্রতিঘাত সহ্য করিয়া,
তাহাকেই সংসারের সমগ্র দায়িত্ব গ্রহণ করিতে হয় বলিয়া
ইহা প্রকৃতই স্বাভাবিক যে সমস্ত ব্যাপারে তাহার একটা
কর্তৃত্ব থাকিবে। কিন্তু যেখানে নারী তাহার সংসারের
গৃহ-কর্তা সেখানে সংসারের সমগ্র কর্তৃত্ব তাহারই উপর ন্যস্ত
হইবে। পুরুষ সংসারের সমস্ত তত্ত্বাবধান করা সত্ত্বেও
পুরুষ যে নারী অপেক্ষা সমাজে অধিকতর উপকার
করিয়া থাকেন ইহা সর্বথা প্রযোজ্য নহে। পুরুষ যেমন
সন্তান-সন্ততি ভরণ-পোষণের জন্ত অর্ধোপার্জন করেন,
স্ত্রীও সেইরূপ তাহাদের লালন-পালনের ভার গ্রহণ করেন;

কাজেই উভয়ের কে যে সমাজের অধিকতর কল্যাণ করিয়া থাকেন তাহা বলা সুকঠিন। নারী-জাতির স্বার্থ সংরক্ষণের জন্ত ইসলাম প্রবর্তক মহামনীষী হজরত মহম্মদ যে সমস্ত সুন্দর নিয়মাবলী করিয়া গিয়াছেন তাহার জন্ত করুণানিধানের শুভ আশীর্বাদ নিরন্তর বর্ষিত হউক। নারীর সংসারে সভ্য হিসাবে তিনটি কার্য আছে, গুণবতী ভার্য্যা, কন্যা ও স্নেহময়ী জননী। “Treat your wives with kindness and live with them amicably and if you see in them that displeases you, bear it up, it may be, that you dislike a thing and God has kept for you a store of goodness in that everything. —Holy Quoran.” অর্থাৎ সহধর্মীণীদের উপর সদয় ব্যবহার করিবে এবং তাহাদের সহিত মিলিয়া মিশিয়া থাকিবে; যদি এমন কিছু করিতে দেখে যে, যাহা তোমাকে আঘাত বা অসন্তোষ উৎপাদন করে, তুমি তাহা সহ্য করিবে, তুমি যাহা অপছন্দ কর, হয়তো তাহারই মধ্যে মঙ্গল নিহিত আছে।”

উপদেশের আর প্রয়োজন কি, হজরত মহম্মদ মোস্তফা স্বয়ংই তাহার পুত্র জীবনে তাহা দেখাইয়া গিয়াছেন। তিনি ছিলেন প্রেমময় স্বামী। জীবন-প্রভাতে তিনি তদপেক্ষা পঞ্চদশবর্ষ বৈশী বয়স্কা মহিলাকে নিজের সহধর্মিণীরূপে গ্রহণ করিয়াছিলেন; তাহার সহিত তিনি পঞ্চবিংশতি বৎসর একত্র বাস করিয়াছিলেন—কিন্তু এই সুদীর্ঘ কালের মধ্যে তাহাদের ভিতর এক বিন্দু মনো-মালিণ্ডের সৃষ্টি কখন হয় নাই। মাতৃ-জাতির প্রত্যেককেই তিনি সম্মান প্রদর্শন করিতে উপদেশ দিয়াছেন, এমন কি তাঁহার নিজ কন্যা ফতিমা তাঁহার সম্মুখে আসিলে তাহাকে সম্মান প্রদর্শন করিবার জন্ত দণ্ডায়মান হইতেন।

মোট কথা ইসলাম ধর্ম নারী-জাতিকে সর্বত্র যে উচ্চ সম্মান দিয়াছেন, পূর্বতন সভ্যতার উত্তরাধিকারী হইয়াও জগতের মধ্যে সর্বশ্রেষ্ঠ সুসভ্য জাতি এখনও নারীজাতিকে সেইরূপ সম্মান দেয় নাই।

সমর্পণ

[শ্রীভবেশ দাশ গুপ্ত বি-এ]

যে কথা বলিতে সাহস হয় নি আজি তা' বলিতে সাধ,
হ'য়ো না বিরূপ রোষভরে সখি নিয়োনাক' অপরাধ!
নিরালায় ব'সে যো মালা গেঁথেছি মন-বাগানের ফুলে,
আজি তা' এনেছি সব লাজ ভুলে তব হাতে দিতে ভুলে!

কতদিন যারে ধামায়ে রেখেছি মাঝ পথে ভয়ে লাজে,
প্রয়াস পেয়েছি প্রকাশিতে যাহা নিত্য শতক কাজে—
লুকায়ে রেখেছি মনের ভিতর চিরকাল সেই আশা
আজিকে মিটাব তাহার দ্বন্দ্ব যত কিছু কাঁদা-হাসা!

যে গান বাজাতে ছিন্ন হয়েছে আমার বীণার তার
ব্যর্থ হ'য়েছে মেলাতে কণ্ঠ যে সুরে বারম্বার,
আজিকে বাজাব সে গান বীণায় মিলাব সে সুরে সুর
মুক্ত করিব রুদ্ধ আমার অন্ধ মানসপুর।

মনের কুঞ্জে নীমিল্ নয়নে নিরালায় নিশিদিন
 বাসনা-কমল বিষাদ-ব্যথায় ব্যাকুল ধৈর্যহীন—
 শঙ্কিত চিতে পরতে পরতে পাপড়ি মেলিয়া তার
 শতদলে আজ এনেছি তুলিয়া দিতে তোমা উপহার ।

জানিনাক তুমি লবে কি না লবে আমার হাতের মালা,
 দেবে কি না দেবে মোরে উপহার তোমার হাসির থালা,
 রাখিবে কি দুখী সুখা ঢালা অঁখি আমার অঁখির 'পরে
 কিস্বা চাবে না তুলিয়া নয়ন মুক অবহেলাভরে !

জানিনা আমার সুরটী তোমার কণ্ঠে পাবে কি স্থান,
 অলস ছুপূরে, শিথিল-শয়নে মোর সঙ্গীত-তান
 তুলিবে কি মনে গুঞ্জন তব, যবে একা আনমনা
 রচিবে নিজনে একেলা বসিয়া সুরের আলিম্পনা ?

মোর কাননের কুরুবকটীরে সোহাগে আদরে হেসে,
 পরিবে কি সখি ধীরে সযতনে তব কালো এলোকেশে ?
 দোলাবে কি বুকে মোর মালাখানি—লবে কি কমল হাতে,
 ছড়াবে শয়নে কুমুম-পরাগ নীরব নিশুতি রাতে ?

কুন্দ-কেতকী-কদম-কেশরে সুরভিত করি' চুল
 পরিবে কি কাণে আমার হাতের ঝুমকার দুটি ছুল
 চম্পা-রেণুতে রঙাবে অধর পলাশে চরণতল
 ছুলায়ে দেবে কি মেখলায় তব সিক্ত নীপের দল—

জানিনাক' শুধু আপন খেয়ালে তব তরে রচি' মালা,
 আমার মনের মাধুরী মিশায়ে সাজাই অর্ঘ্য-ডালা !
 বাধাহীন চিতে আপনার মনে গেয়ে যাই মোর গান—
 খুসী হয়, তুমি চেয়ো মোর পানে—তুলে নিয়ো মোর দান ।

না হয় হাসিয়ো তীব্র নিঠুর ভরিয়া ব্যঙ্গ-জ্বালা,
 অনাদরে দূরে দিয়ো ওগো ঠেলে আমার অর্ঘ্যখালা,
 তবু দেব মালা তবু গাব গান—সঁপে দেব প্রাণ পায়—
 ক'য়ে যাবো কথা অর্থবিহীন যাহা প্রাণ মোর চায় ।

রক্তকমল

(উপস্থাপন)

[রায় সাহেব শ্রীরাজেশ্বরলাল আচার্য্য, বি-এ]

(পূর্বানুবৃত্তি)

(১৫)

পরদিন বিকালে গরম বড় কোটটা জড়াইয়া, মাথার উপর সালের এক খানা কমাল ফেলিয়া লীলা যখন আলিকদল সেতুর উপর যাইয়া উঠিল তখন দেখিল সেতুর অপর পারে অরুণ দাঁড়াইয়া আছে। লীলাকে দেখিয়াই অরুণ দীপ্ত হইয়া উঠিল, কিন্তু পরক্ষণেই তাহার মুখ কালো হইয়া গেল।

অরুণের সেই ভাব লীলাকে স্পর্শ করিল।

অরুণ বিনীতকণ্ঠে বলিল, “কাল মনের আবেগে হঠাৎ আপনাকে ‘তুমি’ বলেছি, আমায় ক্ষমা করুন।”

কথাগুলি লীলাকে তীক্ষ্ণভাবে বিধিল।

লীলা বলিল, “কেন তাতে আর দোষ হয়েছে কি? আমিও ভেবেছি, আর ‘আপনি’ না বলে, ‘তুমি’ বলব।”

অরুণ তীব্র চক্ষে লীলার মুখের দিকে চাহিল।

লীলা বলিল—“তুমি আসতে বলেছিলে, আমি এসেছি। আমি ভাবলেম আসাটা নিতান্তই দরকার। যতটা ঘটেছে তার জন্য আমিও দায়ী। সে কথা আমি জানি।”

আরও দুই চারিটা কথার পর তীব্র অথচ অত্যন্ত গম্ভীরকণ্ঠে অরুণ বলিল—“তুমি তবে আগেই জানতে?”

লীলা অরুণের মুখের দিকে চাহিয়া রহিল। অরুণ বলিল,—“আমি যে তোমায় ভালবাসি, তা কি আগেই বুঝেছিলে?”

লীলার ওষ্ঠদ্বয় কাঁপিয়া উঠিল। সে ক্ষীণ কণ্ঠে কহিল—“হাঁ।”

কিছুক্ষণ গেল। অরুণও কিছু বলিল না, লীলাও বলিল না। উভয়ে সন্মুখের দিকে অগ্রসর হইল।

যাইতে যাইতে লীলা বলিল, “আমি বুঝতে পেরেছি, বড় স্বার্থপর হয়েছিলাম। তোমার মার্জিত বুদ্ধি, মার্জিত রুচি আর রূপের সাধনা আমার অন্তরে বধন দাগ কেটেছিল, তখন আমি নিজেই সামলাতে চেয়েও

সামলাতে পারি নি। মনে হয়েছিল, তোমায় বাদ দিলে আমার বলতে আমার আর কেউ থাকে না। আমার দিকে প্রবল বেগে তোমায় টেনে আনব’ বলে, আমি তাই চেষ্টাও করেছি। শুধু তাই নয়, টেনে এনে তোমায় ধরে রাখতেও চেষ্টার কম করি নি। এটা জেনো যে বুকে পাথর বেঁধে আমি সে-খেলা খেলি নি। তবুও কিন্তু সেটা একটা খেলা ভিন্ন আর কিছু নয়।”

অরুণ মাথা নাড়িয়া বুঝাইয়া দিল, সেটা যে শুধুই খেলা তাহা সে বুঝতে চায় না, বিশ্বাসও করে না।

লীলা বলিল, “হাঁ, ঠিকই বলছি, সে ছিল ভালবাসার অভিনয় মাত্র। অভিনয় করা আমার স্বভাব নয়—কিন্তু তবুও ক’রে ফেলেছিলাম। অভিনয়ের প্রথম সিঁড়িটা যে দিন পার হই, ধাপে ধাপে এগিয়ে যাবার জন্য একটা মারাত্মক কৌতূহলী সেই দিন থেকে আমায় পেয়ে বসেছে। শেষে তার টান বরদাস্ত করতে না পেরে আমিই চলেছি এগিয়ে। এটা আমি জানি যে সেই খেলার যুদ্ধে জিতে তুমি আমায় মুক্তি দেবার মূল্য চাইবে না। তুমি হয় তো এতটা বুঝতে পারনি। তোমার তাতে কোন দোষ নাই। অন্তর যাদের সরল ও মহৎ তারা এসব বোঝে না। কিন্তু আমি তো সবই জানি! আজ তোমার কাছে ক্ষমা চেয়ে বিদায় হ’ব বলে’ এসেছি।”

বিষাদ-মাথা কোমলতার সঙ্গে অরুণ লীলাকে বলিল যে, সে তাহাকে ভালবাসে। গোড়ায় তাহার ভালবাসাটাই তাহাকে আনন্দ দিত। তখন সে আর কিছু চাহে নাই—শুধু দেখা, আবার দেখা—আবার একবার দেখা। কিন্তু অল্প দিনের মধ্যেই তাহার মুক ধৈর্য চিরিয়া দিল, তাহাকে যে পাগল করিল—কে সে? সে কি লীলা নয়? শঙ্খ-কুটারের বাগানের সেই প্রাচীরের কাছে তাহার সকল আকাঙ্ক্ষা একদিন প্রবল বেগে বাধ

ভাবিয়া ছুটিল। আজ আর সে নীরবে কেমন করিয়া সেই তরঙ্গের বা সহিবে? সে তাই বাঁচিবার জন্ত আজ লীলারই শরণ লইতে চায়। আজ যখন অরুণ লীলাকে দেখিল, তখন সে জানিত না যে তাহাকে কি বলিবে। কিন্তু তাহার মন আজ আর কোন শাসনই মানিতেছে না—সে কেবলই প্রেম-নিবেদন করিবার জন্ত ব্যাকুল হইয়াছে। কেন যে এমন হইয়াছে, লীলা কি তাহা জানে?

লীলার কাছে লীলার কথা বলিবার জন্তই যে অরুণের আজ দারুণ তৃষ্ণা—লীলাই যে আজ অরুণের সর্বস্ব হইয়াছে—তাহার যে আর কেহই নাই, কিছুই নাই। অরুণ যে বাঁচিয়া আছে, সে শুধু লীলারই প্রাণের ভিতরে। লীলাকে তাই আজ গুণিতেই হইবে যে অরুণ লীলাকে ভালবাসে—লীলাকে আজ বুঝিতে হইবে যে অরুণ খেলে নি, সত্যই লীলাকে ভালবাসিয়াছে। সে ভালবাসা মৃদু নয়—দুঃখের নয় উহা আজ অগ্নির ত্রায় সর্বভুক—আজ উহা অতৃপ্ত তীব্র কামনার স্বেচ্ছাচারী নিষ্ঠুর সত্রাট!

অরুণের মন কি লীলা বুঝে? যে আনন্দ পাইলে বাঁচিয়া থাকিতে স্মৃথ—অরুণ জানে যে উভয়ের মিলন হইলেই তাহা মিলিবে। দুই জনে মিলিয়া তাহারা যে বাঁচিয়া থাকিবে, সে যেন বিধির গড়া সুন্দর একখানা শিল্প-সম্ভার। আজ হইতে সে একা আর কোন কিছুই ভাবিবে না—ভাবিবে তাহারা দুই জনে; সে একা আর কোনো কথাই বুঝিবে না—বুঝিবে তাহারা দুই জনে এক সঙ্গে। তাহার নিজের তো আর কোন অনুভূতিই নাই—দুই জনে মিলিলে তবে তাহারা নূতন একটা অনুভূতি পাইবে। তখন তাহাদের সম্মুখে যে নূতন জগৎ জাগিবে তাহা বিস্ময়কর—তাহা অলৌকিক। সেখানে আর কিছু থাকিবে না, শুধু নবীন কল্পনার নূতন ভাব, অভিনব জীবন।

অরুণ বলিল—শোন লীলা, আমার মিনতি রাখ। এসো আমরা জীবনকে—একটা মধুময় কুঞ্জবন করে' তুলি।”

লীলা বুঝাইতে চাহিল, মিলন না হইলেও তো মানুষের এই স্বপ্নকে সফল করিতে পারা যায়। সে বলিল, “তুমি তো বুঝেছ অরুণ, তোমার অন্তর আমাকে কেমন নিবিড়ভাবে

ঢেকে ফেলেছে। তোমার দেখা আর তোমার মুখের কথা শোনা—আমার কাছে প্রাণবায়ুর মতই আবশ্যক হয়েছে। তুমি নিশ্চয় জেন' আমি চিরদিন সে সধক স্থির রাখব'। তুমি আমার চিরদিনের বন্ধু।”

অরুণ বাধা দিয়া বলিল, “তোমার বন্ধুতা আমি চাই নে লীলা—চাই নে। আমি চাই তোমায় আমার করে' পেতে। যদি না পাই আর তোমার সামনে এসে দাঁড়াব না। কি যে তোমার মনে ছিল, তা' জানি নে। কিন্তু তুমিই তো আমার অন্তরে এই আগুন জ্বলেছ—তুমি খেলতে এসে সত্যিকার বাণ হেনেছ! আর আজ বলছ, আমায় 'বন্ধু' বলে' স্বরণ করবে! যদি তুমি আমায় সত্যই ভালবাসতে না পার, তবে ভালবাসার খেলায় আমার আর কাজ নাই। আমায় বিদায় দাও। কোথায় যে যাব তা' জানি নে। সেই দেশে যাব, যেখানে গেলে তোমায় ভুলতে পারব'। সেই দেশে যাব, যেখানে গেলে তোমায় স্বপ্নের চোখে দেখতে পারব'। লীলা—লীলা—আমি তোমায় ভালবাসি, প্রাণের চেয়েও বেশী ভালবাসি।”

অরুণের কথা লীলা বিশ্বাস করিল।

অরুণ যদি সত্যই চলিয়া যায়, এই ভয়ে লীলা আকুল হইয়া উঠিল। সে জানিত সে মুখে যাহাই বলুক, কিন্তু অরুণের সঙ্গ না পাইলে যে তাহার দুঃখের শেষ থাকিবে না! লীলা বলিল—“আমার প্রাণের মধ্যে আমি তোমায় পেয়েছি। তোমায় তো আমি হারাতে পারব না। কিছুতেই না।”

ভীকু অরুণকুমার—গাঢ় অমুরাগে আকুল অরুণকুমার—কি যেন বলিতে চাহিল, কিন্তু কথা কঠে বাধিয়া গেল। তখন দূর শৈলচূড়ায় ধীরে ধীরে অন্ধকার নামিতেছিল—সূর্য্যের বিদায়-রশ্মি তখন হিমালয়রাশিকে আরক্ত করিয়া বিদায় হইতেছিল। লীলা আবার বলিল—“আমার যে কত দুঃখ তা' যদি তুমি জানতে। তুমি যেদিন আমার সামনে এসেছিলে, তার আগে আমার জীবনটা যে কত ফাঁকা, কত অর্ধশূন্য ছিল, তা যদি একবার দেখতে—তা হ'লে তুমি বুঝতে বন্ধ, যে তুমি আমার কি। তা হ'লে আর আমার কাছে এমন করে' চির-বিদায় চাইতে না।”

লীলার আবেগ-স্বরহীন কণ্ঠ অরুণকে কাতর করিল না—রুট্ট করিয়া তুলিল। সে বলিল—“তোমার জ্ঞান-বুদ্ধি, তোমার দেওয়া উৎসাহ, তোমার অন্তরের ভাব-সম্পদ—তোমার মহিমার যা কিছু—ধূপের গন্ধের মতই তো আমি প্রতি নিঃশ্বাসে নিচ্ছি। তুমি যখন কথা বল, আমার মনে হয়, তোমার ঠোঁট ছ’খানির উপর তোমার অন্তরকেই আমি দেখতে পাই। আমি যে আমার ওষ্ঠে তার পরশ পাইনে এই ছুঁখেই আমি দণ্ডে দণ্ডে মরি। তোমার রূপের সকল গৌরব ফুটে আছে ওই তোমার অন্তরে। সেই আদিম কালের প্রথম মাতৃঘের প্রেম আমার হৃদয়ে এতদিন নিশ্চিন্তে ঘুমিয়ে ছিল। তুমিই তো তাকে সাধ করে’ জাগিয়ে তুলেছ লীলা। আদিম বর্ষের নগ্ন সরলতা দিয়ে আমি যে তোমার ভালবেসেছি—আমি তো তোমার সঙ্গে হার-জিতের খেলা খেলে নি? তোমার কাছে দিনের পর দিন হেরেই যে আমি সুখ পেয়েছি।”

লীলা বাক্যশূন্য হইয়া কোমল-নয়নে অরুণের দিকে চাহিয়া রহিল। সেই সময় কয়েকটা লোক মশাল হস্তে একটা মুসলমানের শবদেহ বহন করিয়া মসজিদের দিকে আসিতেছিল। অরুণ ও লীলা সরিয়া গিয়া পথ ছাড়িয়া দিল।

একটা দীর্ঘনিশ্বাস ফেলিয়া লীলা বলিল—“এই তো জীবন! একে ছুঁখ দিয়ে লাভ কি!”

লীলার কথা অরুণের কাণে গেল না। সে বলিতে লাগিল—“তোমার দেখার আগে আমার তো কোন ছুঁখই ছিল না লীলা। জীবনের উপর তখন আমার মমতা ছিল। সে যেত আমায় নিয়ে স্বপ্নরাজ্যে—সে আমায় পায়-পায় বিন্মিত করে’ তুলত’। শুধু বাহিরের মূর্তি দেখেই তখন ছিল আমার আনন্দ কত! সেই মূর্তির প্রাণই তখন আমায় সুখী করতে পারত’। ছুঁয়ায় সবই ছিল তখন আমার ভোগের জিনিস। আমি ছিলাম মুক্ত। ধরা-দেওয়ার সুখ আর ধরা-দেওয়ার ছুঁখ—এর কোনটাই আমার জানা ছিল না। আমার অপরিচূর্ণ বিশ্বয়ের রথে চড়ে’ তখন আমি দিগ্বিদিকে বিচরণ করেছি—ছুঁই চোখে দেখেছি বা,’ তাই যেন মনে হয়েছে মধুময়। কিন্তু কোথ-কিছুর উপরই তখন আমার

আকাঙ্ক্ষা ছিল না। এখন বুঝতে পারছি এই পাওয়ার আশাটাই আমাদের ছুঁখ দেয়।”

“অবসাদ কাকে বলে, আগে তা কখনও জানা ছিল না। কাজ নিয়েই সুখী ছিলাম আমি। আমার সম্পদ ছিল সামান্য বটে, কিন্তু সংসারে আমায় সুখী রাখতে তখন তার বেশী আর লাগে নি। সেদিন তো আর এখন নাই লীলা। আমার সুখ, জীবনের উপর মমতা-শিল্প-রচনায় আমার আগ্রহ, আমার মানসী-প্রতিমাকে মূর্তি দিয়ে তখন আমার যে বিপুল আনন্দ হত সে সবই তো তুমি চুরি করেছ লীলা, কিন্তু সে জনাত এক বিন্দু চোখের জলও ফেল নি!”

“আর তো আমি স্বাধীনতা চাই নে—মুক্তি চাই নে। আমি চাই ধরা দিতে। আমার গত জীবনের শান্তিতে আমার আর কাজ নাই। তোমায় দেখার আগে আমি যে মাতৃঘটা ছিলাম—তাকে আর আমি বলিনে—বেচে থাক! যখন তোমায় দেখে বুঝেছি, জীবনটা কি, তখন এমন দায়েই ঠেকলাম—তোমায় ছাড়তেও পারিনে, ধরতেও পারিনে। পথে আসতে আসতে পোলের কাছে যে ভিখারীর দল দেখলে, আমি আজ তাদের চেয়েও দীন। বিশ্বের বাতাসটুকু অন্ততঃ তাদের আছে, তারা প্রাণ ভরে’ তা’ নেয়। কিন্তু আমার যে আজ তাও নেই, লীলা। আমার প্রাণ-বায়ুও যে তুমি। কিন্তু তোমায় তো আমি পেলাম না।”

“হোক তা। তোমায় যে আমি চিনেছি, এতেই আমার আনন্দ। সেইটেই এখন আমার কাছে সব চেয়ে বড় কথা। এখনি বলছিলাম না যে আমি তোমায় স্বপ্না করি! কিন্তু ভুল ভুল—সেটা আমার মস্ত ভুল! তোমাকে যে আমি দেবীর মতই পূজা করি লীলা। আমায় যে ছুঁখ দিলে, তাই হোক তোমায় বর। তুমি যদি হাতে তুলে’ দাও, বিষকেও আমি অমৃত বলেই নেব।”

লীলা ও অরুণকুমার সেই অন্ধকারের মধ্যে সম্মুখের একখানা বেঞ্চের উপর গিয়া বসিল। চেনারের পাতা-গুলি ঝরিয়া ঝরিয়া তাহাদিগকে ঢাকিতে লাগিল। বিস্তার বাম তীরে তখন সেই বিস্তীর্ণ উপত্যকা অন্ধকারে সীমাহীন, দিশাহীন ও অস্পষ্ট দেখাইতেছিল। অরুণকে নীরব দেখিয়া লীলা মনে করিল, মনের কবার্ট

খুলিয়া দিয়া অরুণ এইবার শান্ত হইয়াছে। অরুণের আবেগ বুঝি ছিল তাহার কল্পনাতেই, কথার সঙ্গে সঙ্গেই বুঝি উহা উবিয়া গিয়াছে। অরুণ এতক্ষণ যে স্বপ্ন দেখিতেছিল, জাগরণের সঙ্গে সঙ্গেই তাহা ভাঙ্গিয়া চূর্ণ হইয়াছে! লীলা মনে করে নাই যে এত সহজে, এত অল্প আয়ানে, এত অল্প সময়ের মধ্যেই অরুণ আপন ভরিষ্ণুকে মানিয়া লইবে। লীলার মনে ভয় ছিল যে অরুণ বুঝি না-বুঝ হইয়া আজ বিশেষ একটা বিপদই ঘটাইবে! সেই কল্পিত বিপদ হইতে এমন সহজে ত্রাণ পাইয়া লীলা সুখী হইল না। মাছ বড়সীতে গাঁথিয়া খেলান'র যে আনন্দ, লীলা মনে করিত তাহার চেয়ে বড় আনন্দ কমই আছে। সুতা ছিঁড়িয়া গাঁথা মাছ পলাইবে ইহা লীলার সঙ্ক হইত না। মাছ তুলিয়া তাহার রক্তাক্ত মুখ হইতে বড়শী খুলিয়া সে যদি আপন হইতেই মুক্তি দিতে না পারিল তাহা হইলে তাহার আর গৌরব রহিল কোথায়!

লীলা তাই বলিল—“তবে এস অরুণ, আজ থেকে আমরা ছ'জনে বন্ধু। রাত হয়ে উঠল'। এখন বাড়ী ফিরতে হয়। অনন্তনাগ মন্দিরের কাছে আমার টাঙ্গা দাঁড়িয়ে আছে। আমায় এগিয়ে দেবে চল। আগেও আমি তোমার যেমন বন্ধু ছিলাম—চিরদিনই তেমন থাকব।”

অরুণ আবেগপূর্ণ কণ্ঠে কহিল—“না-না-তা হবে না। আমার মনের সব কথা না শুনে আজ তোমার যাওয়া হবে না। কিন্তু আমার মুখে যে ভাষা আসছে না লীলা। কেমন ক'রে আমি তোমায় সব কথা বোঝাব'। আমি তোমায় ভালবাসি। আমি তোমাকেই যে চাই লীলা, আর কিছু চাইনে। বল—বল—তুমি কি আমায় ভালবাস ? ওই একটা কথার উপরই যে আমার প্রাণ নির্ভর করছে। তোমার শপথ লীলা, সন্দেহের এই মহাশয়ানে দাঁড়িয়ে কিছুতেই আমি যে আর একটা দণ্ডও কাটাইতে পারিছিনে।”

লীলাকে বুকের কাছে টানিয়া আনিয়া সেই অন্ধকারেও অরুণ তাহার চোখের দিকে চাহিয়া রহিল। আবেগের সঙ্গে বলিল—“আমাকে তোমায় ভালবাসতেই হবে। 'না' বলে আমি শুনব না। আমিও তাই চাই—

তুমিও তাই চেয়েছিলে। বল—বল—তুমি আমার—”

ধীরে ধীরে অরুণের হাত ছাড়াইয়া সঙ্কুচিতা লীলা দুর্বল কণ্ঠে বলিল—“তা' আমি বলতে পারব না! কিছুতেই পারবনা। আমি তো তোমার কাছে কিছু গোপন করি নি। তুমি যা' চাও তা' হয় না অরুণ।”

সেই মুহূর্তেই ডাক্তার মিত্রের মূর্তি লীলার চোখের সম্মুখে ভাসিল। লীলা দেখিতে পাইল, কত আকুল হইয়া ডাক্তার তাহার পথ চাহিয়া আছে। লীলা বলিল—“না অরুণ—কিছুতেই তা হয় না।”

লীলার উপর বু'কিয়া পড়িয়া অরুণ দেখিল, তাহার নত নয়ন যেন সন্দেহের দোলায় দুলিতেছে। তীক্ষ্ণ দৃষ্টিতে চাহিয়া অরুণ বলিল—“কেন নয় ? তুমি যে আমায় ভালবাস, তুমি না বললেও তা' আমি প্রাণ দিয়ে বুঝেছি। কেন তবে আমার হ'তে চাওনা বল ?”

অরুণ আবার লীলাকে বুকের কাছে টানিয়া আনিয়া তাহাকে চুম্বন করিতে চাহিল।

এইবার লীলা তড়িৎবেগে নিজেকে-ছাড়াইয়া লইল এবং দৃঢ়স্বরে বলিল, “তা হবে না অরুণ। আর তুমি বল' না। কিছুতেই আমি তোমার হ'তে পারব না।”

অরুণের ওষ্ঠ দুইখানি থর থর করিয়া কাঁপিয়া উঠিল। মুখের মাংসপেশীগুলি কুঞ্চিত হইয়া গেল। অপেক্ষাকৃত উচ্চকণ্ঠে এবং অত্যন্ত তীব্র স্বরে সে বলিল—“বুঝেছি-বুঝেছি। তুমি আর—আর একজনকে ভালবাস! কেন আর আমায় ভা'ড়াও লীলা ?”

লীলা বলিল—“ধর্ম্ম সাক্ষী আমি তোমায় ভা'ড়াতে চাইনি। সংসারে যদি কখন কাউকে ভালবাসি, তবে জেন' সে তোমাকেই—সে তোমাকেই—”

অরুণ আর লীলার কথা শুনিল না।

সে আরও উচ্চকণ্ঠে কহিল—“যাও-যাও—এখান-থেকে—”

পরমুহূর্তেই অরুণ সেই সীমাহীন অন্ধকার উপত্যকার দিকে ছুটিল। বিতস্তা সেদিনের রূপিতে ফুলিয়া উঠিয়া পথ ডুবাইয়া সেই দিকে ছড়াইয়া পড়িয়াছিল। সেই বন্ধজলের বুকে অর্ধমেষাবৃত ক্ষীণ চন্দ্রের কর এক একবার কাঁপিয়া উঠিতেছিল। অরুণ সেই জল ভাঙ্গিয়া পাগলের মত ছুটিল।

লীলা ভয়ে অশ্রুট চীৎকার করিয়া উঠিল এবং উচ্চ কণ্ঠে ডাকিল—“অরুণ—অরুণ—!”

অরুণ কিরিয়াও চাহিল না। উন্মত্তের মত চলিতেই লাগিল। লীলা তাহার পশ্চাৎ পশ্চাৎ ছুটিল। পাথরে পা কাটিয়া গেল, শালের শাড়ীর অঞ্চল খসিয়া জলে লুটাইতে লাগিল।

লীলা গিয়া অরুণকে ধরিল এবং বলিল—“তুমি কোথায় যাচ্ছিলে?”

অরুণ বুঝিতে পারিল লীলার স্বরেই তাহার ভয় প্রকাশ করিতেছে। সে বলিল—“ভয় নাই। কোথায় যে যাচ্ছিলেম তা’ জানি নে। আমার কথা বিশ্বাস কর—আমি আত্মহত্যা ক’রব না। আশা ভঙ্গে আমি ভেঙ্গে চূর্ণ-হয়েছি বটে, কিন্তু অত বড় মহাপাপ ক’রব না। আমি শুধু তোমার কাছ থেকে পালাচ্ছিলেম। বলে’ ফেল্লেম বলে’ ক্ষমা কর। কিছুতেই আমি আর তোমার দিকে

চাইতে পারহিনে। মিনতি করি—ছাড়। তোমার বেখানে খুসি যাও—আমায় বিদায় দাও।”

লীলা বল হারাইল। ক্ষীণকণ্ঠে বলিল—“এস—”

অরুণ বিষণ্ণ বদনে নীরবে দাঁড়াইয়া রহিল।

লীলা তাহার হাত ধরিয়া বলিল—“এস—”

অরুণের দেহের বিদ্যুৎ গেলিল। সে বলিল—“বল, আমার হ’বে—?”

“এখনও কি তোমাকে নিরাশ করতে পারি?”

“তবে শপথ কর। আবার দেখা হ’বে।”

“তা’ করতেই হ’বে।”

অরুণ বলিল “তবে কাল—?”

আত্মরক্ষার জন্ত বাগ্র হইয়া লীলা বলিল—“না—না—কাল নয়।”

ব্যগ্রকণ্ঠে অরুণ বলিল—“তবে কবে?”

লীলা বলিল—“সাতদিন পর—শনিবারে।”

(ক্রমশঃ)

মধ্যযুগের ভারতীয় সাধক রামানন্দ

[অধ্যাপক শ্রীরাসমোহন চক্রবর্তী পি-এইচ-ডি,

পুরাণরত্ন, বিজ্ঞাবিনোদ]

মুসলমান কর্তৃক ভারত-বিজয় হিন্দু-ধর্ম-ইতিহাসের এক সঙ্কটপূর্ণ যুগুর্ভূত। এই সময় মুসলমান আক্রমণে আচার্য্য ও পুরোহিতগণ নানাদিকে বিতাড়িত, দেববিগ্রহ চূর্ণীকৃত ও বহু মন্দির বিধ্বস্ত হইয়া যায়। আপাত-দৃষ্টিতে এই আঘাত হিন্দুধর্মের বিলক্ষণ ক্ষতিকারক প্রতীত হইলেও পরিণামে ইহা হইতে যে প্রভূত কল্যাণ সাধিত হইয়াছিল একথা অস্বীকার করিবার জো নাই। তৎকালীন হিন্দু ধর্ম শুষ্ক জ্ঞানবাদে ও প্রাণহীন বাহ্য অনুষ্ঠানমাত্রে পর্যাবসিত হইয়াছিল এবং তাহাও উচ্চ বর্ণের ভিতর সীমাবদ্ধ ছিল। উচ্চ নীচের মধ্যে পার্থক্যের দুর্ভাব্য প্রাচীর উখিত হইয়া সমাজ-দেহকে নিতান্ত শক্তিহীন করিয়া দিয়াছিল। ঈশ্বরের প্রতি একান্ত আনুগত্যমূলক ও

মনুষ্যের ভিতর সাম্য-সংস্থাপক ইসলামের প্রবল প্রতিক্রিয়া-ফলে হিন্দুধর্ম ও সমাজে এক অভিনব জাগৃতির সঞ্চার হইল। এই জাগৃতি যে ধর্মোন্দোলনকে আশ্রয় করিয়া আত্মপ্রকাশ করিয়াছিল, তাহার নায়ক ছিলেন—রামানন্দ।

রামানন্দ-প্রবর্তিত এই ধর্মোন্দোলন উত্তর ও দক্ষিণ ভারতে কিরূপ প্রভাব বিস্তার করিয়াছিল মনীষী রাণাডে সে সম্বন্ধে আলোচনা করিতে গিয়া লিখিয়াছেন, এই ধর্মোন্দোলনের ফলে প্রচলিত ভাবায় একটা শক্তিশালী সাহিত্যের সৃষ্টি হয় এবং উহা জাতিভেদের কঠোরতাকে অনেকটা শিথিল করিয়া দেয়। এই আন্দোলনের প্রভাবে শূদ্রজাতি আধ্যাত্মিক সম্পদে ও সামাজিক

গৌরবে ব্রাহ্মণের প্রায় সমকক্ষতা লাভ করে। গৃহস্থা-
শ্রম গৌরবাবিত ও নারীজাতি সন্মানের পদবীতে অধিষ্ঠিত
হয়। এই আন্দোলনের ফলে দেশের ভিন্ন ভিন্ন সম্প্রদায়
পরস্পর মিলিয়া মিশিয়া থাকিবার মত উদার মনোবৃত্তি
লাভ করে। আচার-অনুষ্ঠান, তীর্থযাত্রা, উপবাস,
পাণ্ডিত্য ও ধ্যান-ধারণা ভক্তির নীচে স্থান পায় ও বহু
দেববাদের আভিষ্য অনেকটা সঙ্কুচিত হইয়া পড়ে।
বস্তুতঃ পক্ষে এই ধর্ম-আন্দোলন নানাপ্রকারে জাতিকে চিন্তা
ও কর্মের উচ্চস্তরে উন্নীত করিয়া দেয়।” *

রামানন্দের আবির্ভাবকাল ও গুরুপরম্পরা লইয়া
বিস্তর মতভেদ দেখা যায়। প্রচলিত মতানুসারে রামানন্দ
রামানুজ হইতে শিষ্য-শাখায় পঞ্চম (ক)। এক তালিকায়
দেখা যায় রামানুজ ও রামানন্দের ভিতরে ২১ পুরুষের
ব্যবধান। (খ) Sir R. G. Bhandarkar অনুমান
করেন রামানন্দ ১২৯৯ কিংবা ১৩০০ খৃষ্টাব্দে জন্মগ্রহণ
করেন। ডাক্তার গ্রিয়ারসনও এ মতের সমর্থন করেন।
তিনি বলেন, “রামানন্দের জন্মকাল (১২৯৯) কতকটা
সঠিক ভাবে নিরূপণ করিতে পারা গেলেও তাঁহার
মৃত্যুকাল বড়ই জটিলতায় আবৃত। এ বিষয়ে প্রচলিত
মত এই যে তিনি ১৪৬৭ সন্থতে (১৪১০ খৃঃ) দেহত্যাগ
করেন।” ভক্তমাল হইতেও জানা যায় রামানন্দ দীর্ঘকাল
জীবিত ছিলেন। সুতরাং আমরা রামানন্দের জীবিতকাল
১২৯৯-১৪১০ পর্য্যন্ত ধরিয়া লইতে পারি।

পবিত্র প্রয়াগক্ষেত্রে রামানন্দের জন্ম হয় +। তাঁহার

* cf. Mr. Justice M. G. Ranade, Rise of
the Marhatta Power. Cap. vii “The Saints and
Prophets of Maharashtra.

ক। ভক্তমালের গুরুপরম্পরা (১) রামানুজ (২) দেবানন্দ (৩)
হরিনন্দ (৪) রাঘবানন্দ (৫) রামানন্দ।

খ। ডাক্তার গ্রিয়ারসন সাহেবের নিকট শেখোক্ত গুরুপরম্পরার
এইরূপ তালিকা পাওয়া যায়—(১)রামানুজ (২)শঠকোপাচার্য (৩)কুরেশী-
চার্য (৪) লোকাচার্য (৫) পরাশরাচার্য (৬) বাকাচার্য (৭) লোকাধ-
লোকাচার্য (৮) দেবাধিপাচার্য (৯) শৈলেশাচার্য (১০) পুরুষোত্তমাচার্য
(১১) গঙ্গাধরানন্দ (১২) শ্রীরামেশ্বরানন্দ (১৩) শ্রীধরানন্দ (১৪) শ্রীদেবানন্দ
(১৫) শ্রীভ্রামানন্দ (১৬) শ্রীক্রতানন্দ (১৭) শ্রীনিত্যানন্দ (১৮) শ্রীপূর্ণানন্দ
(১৯) শ্রীহর্দ্যানন্দ (২০) শ্রীশ্যামানন্দ (২১) শ্রীরাঘবানন্দ (২২) শ্রীরামানন্দ।

Indian Antiquary XXII 1893 p. 266.

+ শ্রীরামানুজ সম্প্রদায়ের গ্রন্থে লিখিত আছে যে শ্রীশঠকো-

পিতা পুণ্যসদন কাণ্যকুশীর ব্রাহ্মণ, মাতার নাম
সুশীলা দেবী।

রামানন্দ বালাকাল হইতেই অসাধারণ প্রতিভার
পরিচয় দিয়াছিলেন। শিক্ষার সবিশেষ উৎকর্ষ লাভ
করিবার জন্য ছাদশ বৎসর বয়সে রামানন্দ বারাণসীধামে
প্রেরিত হন। তিনি সেখানে গভীর অভিনিবেশ সহকারে
ধর্ম ও দর্শন শাস্ত্র অধ্যয়ন করেন। ঐ সময়ে রাঘবানন্দ
শ্রী-সম্প্রদায়ের নেতা ছিলেন। রামানন্দ রাঘবানন্দের
নিকট দীক্ষিত হইয়া শ্রী-সম্প্রদায়ভুক্ত হইলেন।
কিয়ৎকাল গুরু শুশ্রূষার পর রামানন্দ তীর্থ ভ্রমণে
বহির্গত হন।

শ্রী সম্প্রদায়ের নেতৃত্ব ব্রাহ্মণদিগেরই একচেটিয়া ছিল।
তাঁহারা উচ্চশ্রেণীর হিন্দু ব্যতীত আর কাহাকেও দীক্ষাদান
করিতেন না। আহার বিষয়ে তাঁহারা অত্যন্ত খুঁটি-নাটি
মানিয়া চলিতেন। কোন ব্রাহ্মণ আহারে বসিলে
ব্রাহ্মণের অপর কেহ তাহাকে দেখিলে “দৃষ্টি দোষ”
ঘটিত এবং ঐ অবস্থায় আহার গ্রহণ নিষিদ্ধ ছিল।
রামানন্দ যখন তীর্থ ভ্রমণ হইতে ফিরিয়া আসিলেন তখন
রাঘবানন্দ তাঁহাকে প্রায়শ্চিত্ত ব্যতিরেকে সম্প্রদায়ে গ্রহণ
করিতে অস্বীকৃত হইলেন। কারণ—নানাস্থানে ভ্রমণ-
কালে রামানন্দ নিশ্চয়ই আহার-বিষয়ক নিয়ম-পদ্ধতি
মানিয়া চলিতে পারেন নাই। এই লইয়া রামানন্দ ও
রাঘবানন্দের মধ্যে খুব তর্ক-বিতর্ক চলিতে লাগিল।
অবশেষে রামানন্দ ঐ অঙ্গ সঙ্কীর্ণতার বিরুদ্ধে বিদ্রোহ
ঘোষণা করিয়া সম্প্রদায়িকতার ক্ষুদ্র গণ্ডী ত্যাগ করিয়া
প্রেমো উদার রাজবন্দে আসিয়া দাঁড়াইলেন। সেদিন

পাচার্য রামানুজের পূর্বেই আবির্ভূত হইয়াছিলেন কিন্তু এ তালিকায়
রামানুজের পরে দেখিতে পাওয়া যায়। এই ক্ষুদ্র এই তালিকা যে নির্ভুল
তাহাতে সন্দেহ হয়। Bhandarkar's Vaisnavism etc p. 66

Macaulifer মতে রামানন্দ দক্ষিণ ভারতে মৈলকোট (মহীশূর
রাজ্যের অন্তর্গত) নামক স্থানে জন্মগ্রহণ করেন। তাঁহার মতে
রামানন্দের আবির্ভাব কাল চতুর্দশ শতাব্দীর শেষ ও পঞ্চদশ শতাব্দীর
প্রথমার্ধের মধ্যভাগে। The sikh Religion p 100

Dr. Farqunhar বলেন রামানন্দ দক্ষিণ ভারত হইতে উত্তর
ভারতে আসিয়া ধর্মপ্রচার করেন। রামানন্দের প্রথম নাম ছিল রাম
দত্ত, দীক্ষা গ্রহণের পরে তাঁহার ঐরূপ নামকরণ হয়।

J. R. A. S. (1900 April) p. 187 ff.

হইতে ভারতবর্ষের ধর্ম-ইতিহাসে একটি নূতন অধ্যায়ের সূচনা হইল।

রামানন্দ প্রচার করিতে লাগিলেন, মানুষ যে এই জাতিতে জাতিতে ভেদের গণ্ডী টানিয়া একে অপরকে ঘৃণা করিতেছে তাহার ভিতরে কোন ধাত্মিকতা নাই। হরির চক্ষে সকলেই সমান। যে কেহ তাঁহার ভজনা করে সেই তাঁহার প্রসন্নতা লাভ করিতে পারে।*

রামানন্দ কাশীধামে আসিয়া পঞ্চ-গঙ্গাবাটে থাকিয়া আপন নামামুসারে বৈষ্ণব সম্প্রদায় প্রবর্তিত করিলেন। ক্রীসম্প্রদায়ের আচার্য্যেরা উচ্চ বর্ণ হইতেই শিষ্য গ্রহণ করিতেন, শূদ্রদের উচ্চ ধর্মতত্ত্বে কোন অধিকার ছিল না। রামানন্দ ধর্ম-রাজ্যের প্রবেশ-দ্বার জাতি বর্ণ ক্রী-পুরুষ নির্বিশেষে সকলের জন্য উন্মুক্ত করিয়া দিলেন। ধর্ম-ক্ষেত্রে তিনি যে সংস্কারের প্রবর্তন করিলেন তাহা উত্তরকালে তদীয় শিষ্য কবীরের প্রচারের ফলে (পঞ্চদশ শতাব্দী) আরও অনেক দূর পরিণতির পথে অগ্রসর হইয়াছিল।

রামানন্দের বার জন প্রধান শিষ্যের মধ্যে প্রায় সকলেই অন্ত্যজ। ৭২ জন অপ্রধান শিষ্যের মধ্যে প্রায় ৫৬ জন হীনজাতীয়। প্রচলিত নিয়মের বিরুদ্ধাচরণ করিয়া তিনি নারীদিগকেও মন্ত্র-দীক্ষিত করিয়াছিলেন। পদ্মাবতী ও সুরসরী + তাহার প্রমাণ স্থল। নাভাজী তাঁহার প্রসিদ্ধ ভক্তমাল গ্রন্থে রামানন্দের দ্বাদশ জন শিষ্যের কথা উল্লেখ করিয়াছেন;--(১) অনন্তানন্দ (২) সুখানন্দ (৩) সুরসুরানন্দ (৪) নরহরিআনন্দ (৫) পীপা (৬) কবীর (৭) ভবানন্দ (৮) সেন (৯) ধন (১০) রুইদাস (১১) পদ্মাবতী (১২) সুরসরী। ইহাদের মধ্যে অনন্তানন্দ ও সুখানন্দ ব্রাহ্মণ, পীপা ক্ষত্রিয়, কবীর মুসলমান জালা; সেন নাগিত; ধন জাঠ এবং রুইদাস ছিলেন চামার, নারী সাধিকার মধ্যে সুরসরী ছিলেন জাতিতে গোয়াল।

রামানন্দের প্রধান বার জন শিষ্যের মধ্যে কাহারও কাহারও রচনা অদ্যাপি বিদ্যমান আছে। তাঁহার

অন্ততম শিষ্য পীপা গগরৌন গড়ের (gagaraun garh) রাজা ছিলেন। রামানন্দের শিষ্যত্ব গ্রহণ করার পর তিনি রাজ্য পরিত্যাগ করিয়া সন্ন্যাসী হন। সেন বেওয়ার রাজ-দরবারে নাগিত ছিলেন। এই তিন জনের রচিত কয়েকটি ভজন আদিগ্রন্থে সংগৃহীত আছে। তাঁহার অপর শিষ্য ভবানন্দ “অমৃত-ধার” নামক গ্রন্থে চতুর্দশ অধ্যায়ে বেদান্ত দর্শনের ব্যাখ্যা করেন। রুইদাস জাতিতে চামার হইলেও ভক্তির সাধনায় অতি উচ্চস্তরে উঠিয়া ছিলেন। “আদিগ্রন্থে” তাঁহার রচিত ৩০টির অধিক ভজন সঙ্গীত সন্নিবিষ্ট আছে। কিন্তু তাঁহার শিষ্যদের মধ্যে কবীরই সর্বাধিক অধিক প্রসিদ্ধি লাভ করিয়াছেন। তিনি একদিকে যেমন অসামান্য কবিত্ব প্রতিভার অধিকারী ছিলেন, তেমনি আবার সাধনা রাজ্যের অতি উচ্চস্তরে আরোহণ করিয়াছিলেন।

রামানন্দের পূর্ববর্তী আচার্য্যগণ তাঁহাদের গ্রন্থ সমূহ সংস্কৃত ভাষায় রচনা করিতে তাহা জন-সাধারণের ভিতর প্রসার লাভ করিতে পারে নাই। রামানন্দ সাধারণের বোধগম্য হিন্দীভাষায় ধর্ম প্রচার করিতে লাগিলেন। ধর্ম-সংস্কারের (reformation) যুগে ইউরোপে যেমন বাইবেল বিভিন্ন দেশের মাতৃভাষায় অনূদিত হওয়াতে জন সাধারণের আভিগম্য হইয়াছিল তেমনি রামানন্দ ও তাঁহার অনুবর্তিগণ-কর্তৃক প্রচলিত ভাষার সাহায্যে ধর্মপ্রচারের ফলে উহা দেশের অন্তরে প্রবেশ লাভ করিতে পারিয়াছিল। রামানন্দকে হিন্দী সাহিত্যের ঠিক জন্মদাতা বলা না গেলেও তিনিই যে উহার ভিতর নূতন দ্যোতনার সঞ্চার করেন এবং তাঁহারই অনুপ্রেরণায় যে তদীয় শিষ্য-প্রশিষ্যগণ হিন্দী ভাষায় গ্রন্থ রচনা করিয়া হিন্দী সাহিত্যকে সুপুষ্ট করিয়া তুলিয়াছিলেন, তাহাতে কিছুমাত্র সন্দেহের অবকাশ নাই। ডাক্তার গ্রিয়ারসন বলেন, “প্রধানতঃ রামানন্দ ও তদীয় শিষ্যগণের প্রভাবেই হিন্দী সাহিত্যিক ভাষারূপে পরিণত হইয়াছিল। হিন্দী ভাষার উজ্জ্বল আলোক স্বরূপ তুলসীদাস রামানন্দের কেবল অকুরুক ভক্তমাত্র ছিলেন না, প্রভূত তাঁহার সমুদয় কবি-প্রতিভার উৎসই হইতেছে রামানন্দের প্রদত্ত উদার শিক্ষা। হিন্দী ভাষা রামানন্দের নিকট বিশেষ স্থানে আবদ্ধ।

* জাতি পাতি পুঁছে নহী কোঈ।

হরি কো ভজে সো হরকো হোঈ।

+ মতান্তরে “কেশবী”

রামানন্দ কোন গ্রন্থ লিখিয়াছিলেন কি না জানা যায় না। ৫ম-সাহস্বে তাঁহার রচিত একটীমাত্র ভজন সঙ্গিবিষ্ট আছে। মন্দিরে কীর্তন হইতেছিল; রামানন্দকে সেই কীর্তনে যোগ দিবার জন্ত নিমন্ত্রণ করা হইলে তিনি উত্তর করিলেন :—

“কোথায় আমি বাইব, নিজ ঘরেই সুখে আছি। আমার অন্তরও আমার সঙ্গে বাইবে না, ইহা যে খণ্ড হইয়া গিয়াছে, একদিন আমারও বাইবার সাধ ছিল। চন্দন ধূপ ধূনা লইয়া মন্দিরে পূজা করিতে বাইতেছিলাম, এমন সময় গুরু আমায় দেখাইয়া দিলেন যে, ঈশ্বর হৃদয়েই আছেন। যেখানেই আমি যাই সেখানেই আমি দেখি শুধু জল আর পাথর; কিন্তু তুমি, হে প্রভু, সর্বত্র সমভাবেই বিরাজ করিতেছ। বেদ ও পুরাণ সবই আমি দেখিয়াছি, সকলের ভিতরই তো অনুসন্ধান করিয়াছি। ঈশ্বর যদি এখানে না থাকেন তবে তুমি সেখানে যাও। হে সত্যগুরু তোমার নিকট আমি বলিস্বরূপ। তুমি আমার সকল সন্দেহ দূর করিয়া দিয়াছ। রামানন্দের প্রভু সর্বব্যাপী ভগবান্। গুরুবাক্যে কোটি কোটি পাপের ক্ষয় হয়।” *


রামানন্দী সম্প্রদায়ের উদাসীন সাধুদিগকে রামানন্দী বৈরাগী বা “অবধূত” বলা হয়। পান-ভোজন বিষয়ে এই সম্প্রদায়-ভুক্ত বৈরাগীদের বর্ণ বা জাতি বিচার নাই। বারাণসী অযোধ্যা প্রভৃতি স্থানে ইহাদের মঠ আছে। হিন্দুস্থানের গৃহস্থদিগের উপরও রামানন্দের বিশেষ প্রভাব লক্ষিত হয়। তবে তাহারা কোন বিশেষ সম্প্রদায় বা পন্থের অন্তর্ভুক্ত নহে। তাঁহার শিষ্যগণ দ্বারা প্রতিষ্ঠিত ছুই তিনটি ছোট-খাট সম্প্রদায়ের অস্তিত্ব এখনও অনু-

* cf. Macauliffe—The Sikh Religion Vol. IV.

সন্ধান করিলে বাহির করা যায় রামানন্দের প্রধান শিষ্যদিগের মধ্যে কবীর, সেনা ও রুইদাস স্ব স্ব “পন্থ” স্থাপন করেন। আগরা গুরুর মতবাদ প্রচার করিয়াই সন্তুষ্ট ছিলেন; নিজেরা কোন বিশেষ সম্প্রদায় প্রতিষ্ঠা করেন নাই। ডাক্তার গিয়ারসনের হিসাবে রামানন্দী সম্প্রদায়ের অনুবর্তীদের সংখ্যা ১৫ হইতে ২০ লক্ষের মধ্যে। বর্তমানে উত্তর-ভারতে রামানন্দীমতের বিশেষ প্রচার দেখিতে পাওয়া যায়। প্রয়াগের পশ্চিম গঙ্গা ও যমুনার তটবর্তী প্রদেশ প্রায় এই সম্প্রদায়ের অনুবর্তীদের দ্বারা পরিপূর্ণ। আগরা প্রদেশের উদাসীনদের মধ্যে শতকরা প্রায় ৭০ জন রামানন্দী সম্প্রদায়ভুক্ত।

রামানন্দ সম্প্রদায়িকেরা রামচন্দ্র, সীতা, লক্ষ্মণ ও হনুমানের উপাসনা করে। রামোপাসনার প্রাধান্য হেতু ইহারা “রামাৎ” নামে প্রসিদ্ধ। অপরাপর বৈষ্ণব-সম্প্রদায়ের ন্যায় তুলসী ও শালগ্রাম শিলাকেও ইহারা বিশেষ ভক্তি করে। ‘শ্রীরাম’ এই সম্প্রদায়ের বীজ মন্ত্র। “জয়রাম, জয় শ্রীরাম বা সীতারাম” ইহাদের অভিবাদন-বাক্য। তিলক-সেবা শ্রীসম্প্রদায়ীদের তুল্যরূপ; কিন্তু আপনাপন রুচি অনুসারে কেহ কেহ উর্দ্ধপুণ্ড্রের মধ্যবর্তী রেখা কিছু হ্রস্ব করিয়া অঙ্কিত করে।

রামানন্দী-সম্প্রদায়ের ভিতর অধ্যাত্ম রামায়ণের বিশেষ প্রভাব লক্ষিত হয়। তুলসীদাসের সুবিখ্যাত গ্রন্থ ‘রামচরিত-মানস’ অধ্যাত্ম-রামায়ণের দ্বারা প্রভাবিত। ইহাদের ভিতর প্রচলিত আর একখানি গ্রন্থের নাম “অগস্ত্য-স্মৃতিসংবাদ”। এতদ্ব্যতীত শ্রীরামপূর্বতাপ-নীম-উপনিষৎ, রামোত্তর-তাপনীয় উপনিষৎ, দামোদর মিশ্রের হনুমান নাটক, অবধূত রামায়ণ ও রামায়ণ এই সম্প্রদায়ের অপরাপর সাংপ্রদায়িক গ্রন্থ।



কবীরের গান

কথা ও সুর-সংগ্রহ—শ্রীক্ষিতিমোহন সেন শাস্ত্রী

স্বরলিপি—শ্রীহিমাংশুকুমার দত্ত

কোই কুচ্ছ কহৈ, কোই কুচ্ছ কহৈ
 হম অট্টকে হৈ জই অট্টকে হৈ ।
 সুরতঃকমল পর অমল কিয়া
 মহবুবকে প্রেমসে মটকে হৈ ॥
 সংসার বিচারকো ছোড় দিয়া
 হম ইসী বাত পৈ সটকে হৈ ।
 কবীর পিতমকে বুলনে মে
 জনম মরণ ছোড় লটকে হৈ ॥

স্বরলিপি

ভৈরোঁ মিশ্র—কাফী

স্বায়ী

+

সা ঝা	}	^১ মা -১ মা মা		^২ গমা -১ গা মা	}	[পা -দা
কোই	}	কু - চ্ছ ক		হৈ - - কো ই	}	
+		^১ পদা -সর্না দা]		^২ পদা -পমা মা গা	}	
গমা পদা	}	দা দা		হৈ - - হ ম	}	
কু - -	}	চ্ছ ক		হৈ - - হ ম	}	
+		^১ গমা - গা দা পদা		^২ - পমা -১ মা পা	}	^৩ গা - মা ঝা -১
অ - ট্	}	কে হৈ		- - - জ ই	}	অ ট্ কে -

+

^২সা - ১ (সা ঝা) } $\overline{\text{I}}$ - ১ - ১ $\overline{\text{I}}$ } ⁺[না] ^২সী সী - না সী |
 হৈ - কো ই } $\overline{\text{I}}$ - $\overline{\text{I}}$ } সু র ত ক |

^২সী - ১ সী - ১ $\overline{\text{I}}$ ⁺না সী - নসনা দা | ^২পা - ১ (- ১ - দা) } $\overline{\text{I}}$
 ম ল প র $\overline{\text{I}}$ অ ম - - ল, কি | যা - - - $\overline{\text{I}}$

^২গা মা $\overline{\text{I}}$ ⁺পা - ১ - ১ পা | ^২দা - ১ - ১ পমা $\overline{\text{I}}$
 ম হ $\overline{\text{I}}$ বু - , ব, কে | প্রে ম - সে - $\overline{\text{I}}$

⁺মা - ১ মা - ১ | ^২গমা - পমা - দপা - মা $\overline{\text{I}}$ ⁺মা - ১ মা - ১ |
 ম ট কে - | হৈ - - - - $\overline{\text{I}}$ ম ট কে - |

^২মমা - পমা - গা - ১ $\overline{\text{I}}$ ⁺গমা - গা ঝা - ১ |
 হৈ - - - - $\overline{\text{I}}$ ম - ট কে - |

^২সা - ১ সা ঝা $\overline{\text{I}}$
 হৈ - কো ই $\overline{\text{I}}$

অন্তরা

$\overline{\text{I}}$ { ⁺মা গদা - ১ দা | ^২দা - না না - সী $\overline{\text{I}}$
 সং সা র বি | চা র কো - $\overline{\text{I}}$

⁺নসী - ঝা - সী না | ^২সী - ১ - ১ - ১ $\overline{\text{I}}$ ⁺সী সর্গী গী গী |
 ছো - - ড় দি | যা - - - $\overline{\text{I}}$ হ - ম ই সী

^২সী - ১ সী - ১ $\overline{\text{I}}$ [⁺না - সী না - দা ^২পা - ১ - ১ - ১] $\overline{\text{I}}$
 বা ত পৈ - $\overline{\text{I}}$ স ট কে - | হৈ - - - - $\overline{\text{I}}$

+ স^১ পা খা^১ - স^১ স^১ | স^২ - খা^২ স^১ - ১ | না - স^১ - নস^১ ন দা |
ক বৌ র পি | ত ম্ কে - | ব্ - - - ল্ নে |

পা^১ - ১ - ১ - ১ | } [দা দা - ১ দা | পদা - পা পা মা^১ |
মে - - - } [জ ন ম্ ম | র ৭ ছো ড় |

+ মা^১ - ১ মা^১ - ১ | } গমা^২ - পমা^২ - দমা^২ - মা^১ |
ল ট কে - | হৈ - - - - - |

+ মা^১ - ১ মা^১ - ১ | } মমা^২ পমা^২ - গা^১ |
ল ট কে - | হৈ - - - - - |

+ গমা^১ - গা^১ খা^১ - ১ | } সা^২ - ১ সা^১ খা^১ | | |
ল - ট কে - | হৈ - কো ই | | |

প্রাত্যহিক

(গল্প)

[শ্রীশ্রুটবিহারী মুখোপাধ্যায় বি-এল]

(১)

“ওগো শুনছ, চেয়ে দেখ, চান করাতে লোমগুলার কেমন খোলতাই হ’ল।”

“আহা! খুব খোলতাই হ’য়েছে, যা ছু’ চোখে দেখতে পারি না তাই, বায়ুনের বাড়ী বত সব তোমার স্নেহমি কাণ্ড।”

“চট কেন? ঝাজটা দেখ দিকিন কি সুন্দর! ঠিক চামরের মত।”

“তবে আর কি, ব’সে ব’সে ঐ চামরের হাওয়া খাও আর আদালতে বাখার দরকারও নেই।”

যা’কে নিয়ে আজ সকালেই এই ছোট্ট একটুখানি অঙ্ক শেষ হ’ল, সেটা বংশীর মতে একটা খাঁটি বিলাতি

কুকুর। বংশীর অনেকদিনের মত একটা কুকুর পোষে, কিন্তু এককাল মনের মত একটীও মেলে নি, তাছাড়া স্ত্রী শৈলবালা কুকুর মোটেই পছন্দ করে না, কিন্তু আজই সকালে যখন শিয়ালদার হাতে গাছ কিনতে গিয়ে কুকুরটা নজরে পড়ল তখন না কিনে থাকতে পারলে না। অনেক ধস্তাধস্তির পর দাম ঠিক হ’ল, সাড়ে সতের টাকা। বিক্রেতা একজন আর্দালী।

বংশী ব’লে—“চোরাই মাল নয় তো হে, দরকার কি বাপু একটা রসিদ দাও।”

আর্দালীটা পকেট থেকে এক টুকরা সাদা কাগজ আর একটা ছোট্ট পেন্সিল বার করে রসিদ লিখতে লিখতে অল্প একটু হেসে বলে—“বা শেলেন বাবু, খুব। অল্প সময় হ’লে

সতের কেন, সতের টাকায় বেচতুম না।” রসিদ শেষ ক’রে আদালী হাত তুলে ব’লে—“সেলাম বাবু, ওতেই আমার নাম, ঠিকানা সবই রইল।”

বংশী মনের আনন্দে কাগজটাকে ছমড়ে পকেটে রেখে দিলে। হাট থেকে বেরিয়ে এসেই ‘বাসে’ উঠতে গেল। কন্ডাক্টার ‘হাঁ হাঁ’ ক’রে ছুটে এল—“হবে না মশাই, কুকুর নিয়ে ওঠবার নিয়ম নয়।”

“ধাক’গে, দশ মিনিটের পথ, এইটুকু হেঁটেই যাই” ব’লে চেনটাকে হাতে বেশ ক’রে জড়িয়ে নিয়ে বংশী সারকুলার রোড ধ’রে চলল। পথে একখানা ‘ডগ-সোপ’ কিনে নিলে। বাড়ীতে এসেই ঘড়ির দিকে চেয়ে দেখলে ষাটটা। নিজের মাথায় খানিকটা তেল ধ’রে চেনগুড় কুকুরটাকে কলের মুখে টেনে এনে চা’ন করিয়ে দিলে। কুকুরটাকে বাস্তবিকই দেখতে ভাল, বিশেষতঃ শ্রাজ্জটা।

বংশীর খাওয়া প্রায় শেষ হ’য়েছে। শৈল পাতের কাছে ছধের বাটিটা নামিয়ে দিয়ে ব’লে—“তোমার ঐ বিলিতি না কিরিজি কুকুর কি খাবেন ব্যবস্থা ক’রে যাও, আমি কিছু পারব না ব’লে রাখছি।”

বংশী ছধটুকু এক নিঃশ্বাসে শেষ ক’রে বলে—“মোয়লা, মোয়লা কোথায় গেল, ছপয়সার মাংসের ছাঁট এনে দিক, বুঝছ না বিলিতি কুকুর। ভাত ও’র’ সহবে না। আমার আর সময় নেই।”

শৈল ঝাঁঝের সুরে বলে—“সময় নেই ত আনলে কেন! মোয়লা না হয় আনলে। কিন্তু সেক্ষ করবে কে? ঠাকুর ও সব ছাঁট-টটি ছোঁবে না। তুমি মনে করেছ আমি করব; মরে গেলেও আমি পারব না।

প্রায় সাড়ে দশটা।—দেবী হ’য়ে গেছে। কোনও রকমে সূটটা প’রে টুপীটা তুলে নিয়ে বংশী ব’লে—“আমি তা হ’লে চলে যাই।” শৈল বংশীর জুতার ফিতে বাঁধছিল, মুখটা উঁচু করে অহুনের সুরে বলে—“সত্যি, কেন ঐ আপদটাকে আনলে! নিজের ছেলে পুলে তাই ভাল ক’রে দেখতে পারি না আবার এক জানোয়ারকে—”

শেষ দিকটায় শৈলর গলা ভারি হ’য়ে উঠল। বংশী টুপীটা রেখে দিয়ে শৈলকে হাত ধরে তুলে নিয়ে বলে, “কি আশ্চর্য! তুমি কি ছোট ছেলের মত কাঁদবে

না কি? আচ্ছা, একটা জানোয়ার, এক দিকে থাকবে, কি কতিটা শুনি।”

শৈলর চোখ দিয়ে সতাই ছ ফোটা জল গড়িয়ে পড়ল। বংশীর বুকে মুখ রেখে বলে—“কি জানি আমার কেমন ভয় হ’চ্ছে। বাবার কুকুরের জন্তে মা সাত বছর বাবার সঙ্গে ভাল ক’রে কথা বলেন নি। শেষ দিকটায় ছধনের বড় ছঃখে দিন কাটত। বাবার অত বড় অস্থখের সময় পায়ের কাছে কুকুর থাকত ব’লে মা ঘরে পর্যন্ত ঢুকতেন না।”

বংশী একটা নিঃশ্বাস ফেলে হেসে বলে—“ওঃ ঐ কথা। না গো না, তোমার বাবা যা করেছেন আমি তা করব’ না, তোমায় কিছু ভয় নেই, কুকুরের জন্তে তোমার আদর মোটেই কম করব’ না।” ব’লে মাথায় গালে হাত বুলিয়ে আদর ক’রে নির্ভাবনায় থাকতে উপদেশ দিয়ে বংশী টুপী নিয়ে বেরিয়ে পড়ল।

আজ বংশীর সব কাজেই বেশ স্মৃতি। ছ ছোটো মামলা আজ সে বিনা কারণেই হেরে গেল তবু তা’র ছঃখ নেই। তখনও পাঁচটা বাজে নি বংশী বার লাইব্রেরীতে শিষ দিতে দিতে চুকল। লাইব্রেরীর গায়েই উকীলদের বাথ রুম। মুখ হাত ধুয়ে বাড়ী যাবার জন্তে টুপীতে হাত দিতেই বামিনী চেঁচিয়ে উঠল—“কিহে বংশী, ব্যাপার কি? আজ এত শীগ’গির যে, বলি সজীক কোথাও যাবার বরাত আছে না কি; সিনেমা-টিনেমা? আমিও কাল গেছলুম—বড় সুন্দর বই, ‘হক্‌স্ আই’, যেম্নি ছবিগুলি ফুঠেছে তেম্নি অট্টিক্.....”

বংশী হেসে বলে—“না ভাই অস্ত্র একটু দরকার” বলে বেরিয়ে গেল। ট্রামে সমস্ত রাত্তা মনে মনে ঠিক করতে-লাগল—কুকুরটার কি নাম রাখবে। ইংরেজি নাম নিশ্চয়ই—পাপি, কিটি, নেলী, বুলী, রুবী—শেষ রুবী নামটাই পছন্দ হ’ল। বাড়ীর কম্পাউণ্ডে পা দিয়াই বংশী ডাকলে—রুবী রুবী রুবী।

(২)

ভাগ্যবানের বোঝা ভগবানে ব’সে। বইলে কি হ’ল শৈলর মনে স্মৃতি কই? ছপুর বেলা মোয়লা ছোট খুকীকে কোলে নিয়ে বাইরে ঘুম পাড়াতে গেল। ছোট

ছেলেদের কাগা ধামান বড় শক্ত। মোঘুলা আলমারী থেকে বই টেনে বার ক'রে ছবি দেখাতে ব'লল। একটু ধামে আবার ডুকরে কেঁদে ওঠে। সুইচ টিপে আলো জ্বলে দিলে, পাখা ঘুরিয়ে দিলে। তবু কাঁদে। ঘরের কোণে বেঞ্চর পায়াতে কুকুরটা বাঁধা। কিছু খায় নি। নতুন আয়গা বোধ হয় মন বসছে না। একটু চুপ ক'রে থাকে আবার ষেউ ষেউ ক'রে ওঠে, হয় তো মনিবকে মনে পড়েছে। মোঘুলা ডাকলে—“আয় আয় ডু ডু! খুকুর সঙ্গে খেলবি।” কুকুরটা একবার একটু ঝাঞ্জ নেড়ে আড় চোখে দেখে নিলে বোধ হয় সন্দেহ হ'ল—ডাকলে ষেউ। এবার খুকুর কাগা ধামে গেছে। মোঘুলা ঘরের সব দরজা বন্ধ ক'রে কুকুরের বকলোস থেকে চেনটা খুলে দিলে। কুকুরটা বসে ছিল সটান দাঁড়িয়ে উঠল, দেখে নিলে সত্যিই মুক্তি পেয়েছে কি না। মিনিট টাক চুপ করে দাঁড়িয়ে থেকে এক লাফে টেবিলের উপর। তার পর মোঘুলার পায়ের কাছে। মোঘুলা ভয়ে ভয়ে গায়ে হাত বুলালে, ছোট খুকীর হাতটা টেনে নিয়ে কুকুরের পিঠে বুলায়ে দিলে। মোঘুলা খুকুকে নিয়ে একটু আনমনা হ'তেই কুকুর একলাফে দরজা। বুদ্ধি আপনি জোগায়। পা দিয়ে দরজা টানতেই কাঁক হয়ে গেল। এক ছুট। বাবুর সখের কুকুর, যাত্রা আঁককের কেনা। মোঘুলার বুকের মধ্যে গুর গুর ক'রে উঠল। ধপ ক'রে খুকীকে বসিয়ে দিয়েই প্রাণপণে ছুট দিলে। রাস্তায় এক ধাঁধাঁধ পড়ল। কোন দিকে যাবে। ‘জয় সীতারাম’ বলে বাঁ দিক দিয়ে মোঘুলা ছুটল। একদম বৌবাজার। কিন্তু কুকুর কোথায়। হায়! হায়! মোঘুলা একবার ভাবলে বাড়ী আর ফিরবে না, কিন্তু না ফিরেই বা উপায় কি?

মোঘুলা যখন হতাশ হ'য়ে মুখটা শুকনো ক'রে বাড়ী ফিরল, তখন শৈল বৃকে উৎকর্ষা আর কোলে ছোট খুকীকে নিয়ে বাইরের ঘরে অপেক্ষা কচ্ছে। মোঘুলার মুখ দেখে শৈলর বুকতে একটু ও বাকি রইল না যে কুকুর পাওয়া যায় নি। ভাড়াভাড়ি জিজ্ঞাসা করলে—“মোঘুলা কি হ'ল রে পাওয়া গেল না।”

মোঘুলা একটা নিঃশ্বাস ফেলে ষাড় হেট করে বলে—
“না মা।”

—“যাঃ কি করলি বল দিকিনি, সর্বনাশ করলি, এখন

উপায়? যা, যা, বাবু আসবার আগে আর একবার খুঁবে আর, আর না পাওয়া যায় তো ধানার একটা ডাইরি লিখিয়ে আসিস।”

মোঘুলা চ'লে গেল।

শৈল ওপরে এসে খুকীকে খাটের ওপর বসিয়ে দিয়ে নিজের মনেই বলে—“হা জগবান্। যা চেয়েছিলুম তা হ'ল বটে, কিন্তু মনটার যে বড় অস্থিতি হ'চ্ছে। তাঁরও আবার আসবার সময় হয়ে এল। তাঁকে কি বলব?” বলে জানালার ধারে দাঁড়িয়ে রাস্তার দিকে চেয়ে রইল।

রুবির সাড়া না পেয়ে বংশী এঘর ওঘর-খুঁজতে লাগল। বেঞ্চের পায়ে শুধু চেনটা দেখে চমকে উঠল—কুকুর ত নেই। এ নিশ্চয়ই শৈলর কাজ। মনটা বিরক্তিতে ভরে উঠল। কোনও রকমে সিঁড়ি কটা উঠে এসে ঘরে ঢুকেই বলে—“হাগা, আমার কুকুর।”

শৈলর মুখের ভাব এমন হ'ল যেন শৈলই তাকে ছেড়ে দিয়েছে। ভয়ে ভয়ে বলে—“জামা কাপড় ছাড়, বলছি।”

—“ওসব বলাবলি শুনতে চাই না, কুকুর কোথায়—তাই বল।”

—“ও মেজাজ দেখ, যেন আমিই তাকে ছেড়ে দিয়েছি জানি না তোমার কুকুর।”

বংশী রাগে হুঃধে চুপ করে রইল। শৈল গলার স্বর একটু নরম করে ব'লে “এই তোমার পা ছুঁয়ে বলছি, আমি কুকুর জানি না। মোঘুলা ছুপুর বেলা দরজা বন্ধ করে কুকুর ছেড়ে দিয়ে ছোট খুকীর সঙ্গে খেলছিল। তারপর দরজার ফাঁক দিয়ে কি রকম ভাবে পালিয়েছে। মোঘুলা খুঁজতে গেছে এখনও ফেরে নি।”

বংশী জামা-কাপড় ছাড়তে ছাড়তে গজরাতে লাগল—
“আসুক রাস্কলটা, তাকে আজ চাবুকে বিদেহ করব। হতভাগা, ষ্টুপিড্, সবাই যেন বড়বন্ধ ক'রে আমার পেছনে লেগেছে।”

শৈল একটা কথা না ক'রে বংশীর জলখাবার আনতে নীচে চলে গেল।

বংশী ঘরের কোণে ইজি চেয়ারটা হেলান দিয়ে ছোখ বুজে পড়ে রইল। শৈল টেবিলের ওপর ধারারের রেকাব আর জলের গেলাসটা নামিয়ে রেখে আন্তে আন্তে পায়ের হাত বুলাতে বুলাতে বলে—“শুনছ, যাও খাবার দিয়েছি।”

বংশী ছু টুকরা পেঁপে আর একটা মিষ্টি মুখে দিয়ে ঢক্ ঢক্ ক'রে খানিকটা জল খেয়ে আবার চেয়ারে এসে বসল। শৈল ঠাকুরকে রান্নার জোগাড় করে দিতে নীচে নেমে গেল।

মোষুলা যে কত রাত্ৰিবে ফিরেছে তা শুধু সেই জানে। তার পরদিন আদালতে বেরুবার সময়ে বংশী ডাকলে—“মোষুলা”। মোষুলা ভয়ে ভয়ে কাছে এসে দাঁড়াতেই বংশী খিঁচিয়ে উঠল—“উল্লুক কাঁহাকা, আঙ্কারা পেয়ে দিন দিন মাথায় উঠছ’। কাল রাত্ৰিরে কোথায় ছিলি, খেতে আসবার পর্য্যন্ত সময় পাস নি। শীগ্গির চান করে খেয়ে নিগে যা।” একটু খেমে ব’ল্লে—“কাল ডাইরি করে দিয়েছিল ?”

মোষুলা আন্তে আন্তে ঘাড় নাড়লে “হাঁ

বংশী বেরিয়ে গেল, কি মনে হ’তে আবার তখুনি ফিরে এসে ডাকলে—“কোথা গো গুনছ।”

শৈল তাড়াতাড়ি গায়ে কাপড় দিতে দিতে তেতনার বারান্দায় এসে মুখ বাড়িয়ে বল্লে—“এই যে! কিছু বলছ না কি ?”

“—হাঁ, দেখ, আমার পাজ্জাবীর পকেটে একটা ছোট ভাঁজ করা কাগজ আছে ফেলে দাও তো।”

বংশী উঠান থেকে কাগজটা কুড়িয়ে নিয়ে বেরিয়ে গেল।

বেলা প্রায় তিনটা। কুকুরের জন্তে বংশীর মনটার স্বস্তি নেই। একটু আগে অনেক দিনের পুরাণ মক্কেল জাওলাপ্রসাদকে মিথো মিথো গোটাকতক কড়া কথা শুনিয়া দিয়েছে। লাইব্রেরীর এক কোণে মক্কেলদের জন্তে যে বেঞ্চটা পাতা, সেইটার ওপর ব’সে পড়ে বংশী পকেটে হাত দিলে রসিদের সন্ধান, ঠিকানা দেখে কুকুরটার যদি কিছু কিনারা করতে পারে। ছোট ভাঁজ করা কাগজ খামি খুলে অবাঙ্ক হয়ে গেল। এটাই কি সে সেদিন নিয়েছিল, এ কি ভাষায় লেখা। তার বেশ মনে হ’ল এইটাই রসিদ—সেদিন সে না দেখে পকেটে রেখে দিয়েছিল। তাড়াতাড়িতে খুলেও দেখে নি কি লেখা বা কি ভাষায় লেখা। ডাকলে—“দেবেন।”

দেবেন বংশীর ক্লার্ক। কাছে এসে দাঁড়াতেই বংশী বল্লে—“দেখ তো এটা পড়তে পার কি না ?”

দেবেন কাগজটা হাতে নিয়ে অবাঙ্ক। বাবু কি রসিকতা কচ্ছেন না কি ? মুখের চেহারা দেখে তা তো মনে হয় না! একটু চুপ ক’রে থেকে ব’ল্লে—“আজ্ঞে, না স্তব, এ আমি পড়তে জানি না।”

বংশী বল্লে—“আচ্ছা চেষ্টা দেখদিকিন যদি কারকে দিয়ে পড়িয়ে আনতে পার, যদি ছুচার পয়সা লাগে তাতে ক্ষতি নেই।”

দেবেন কাগজটা হাতে নিয়ে লাইব্রেরী থেকে বেরিয়ে এসে ভাবলে, কার কাছে সে যাবে। বেঞ্চ কোর্টে এক পার্শী কেরাণী আছে। দেবেন তারই কাছে গেল। সে ছুবার তিনবার ঘুরিয়ে ফিরিয়ে দেখে বল্লে—“না বাবু, এ আমি পড়তে পারলুম না।” দেবেনের হঠাৎ, মনে হইল এক নেপালী বেয়ারার কথা। তার কাছে যেতেই সে বল্লে—“হাঁ বাবু এ আমাদের ভাষা” ব’লে খাঁকী হাক প্যাণ্টের পকেট থেকে চশমা ব’র করে চোখে লাগিয়ে পড়লে—“সাড়ে সতের টাকা। আমার কুকুর।

দধিরায নেপালী

আর্দালী

গভর্নমেন্ট হাউস।

দেবেন তাড়াতাড়ি এক টুকরা কাগজ বার ক’রে ঠিক ঐ ঐ কথা লিখে নিয়ে বংশীর কাছে হাজির হতেই বংশী বল্লে—“কি হে, কিছু জানতে পারলে।”

দেবেন অল্প একটু হেসে ব’ল্লে—“আজ্ঞে হাঁ, নেপালী ভাষা। এই নিন” বলে দুখানা কাগজই বংশীর হাতে দিয়ে দিলে।

বংশী টুপীটা তুলে নিয়ে ব’ল্লে, “চল দিকিন আমার সঙ্গে। আজ একটু গোয়েন্দাগিরি করা বা’ক্, যদি কাজে সফল হই, তোমায় পাঁচটাকা বকশিষ।”

দেবেন হেসে বল্লে—“বকশিষ কেন স্তব, কি কাজটা বলুন না, আমি করে দিচ্ছি।”

বংশী কোর্টের পোষাক পরেই বেরিয়ে পড়ল। রাস্তায় যেতে যেতে কুকুর সঙ্ঘে সমস্ত কথাই দেবেনের কাছে খুলে বল্লে। গভর্নমেন্ট হাউসের কাছাকাছি এক পিয়নকে দেখে বংশী বল্লে—“ওহে দেবেন, ওকে জিজ্ঞাসা কর-দিকিন, আর্দালী দধি নেপালীকে চেমে কি না। ওজো

এই দিকে চিঠি বিলি করে হয়, তো সন্ধান দিতেও পারে।”

দেবেন জিজ্ঞাসা করতেই পিয়নটা বলে “না মশাই, দধি নেপালী চিনি না, তবে অনেক নেপালী আর্দালী ঐ সামনের লাল বাড়ীটায় থাকে। ওটা আর্দালীদের ব্যারাক্। জিজ্ঞাসা করে দেখুন হয় তো ওখানে থাকতেও পারে।”

অনেক অসুস্থদের পর ব্যারাকের একটা লোক বলে “উত, জানতা তেত্তলায়ে রয়তা।”

বংশী দেবেনকে বলে, “আমি এইখানে আছি, ভূমি ওর সঙ্গে যাও, লোকটাকে দেখে এস।”

একটু বাদে দেবেন ফিরে এসে বলে—“লোকটা বেরিয়েছে ঘরে নেই, ঘরে ভালো দেওয়া, পাশের ঘরে একটা লোক বলে—এখনই ফিরবে।”

বংশী বলে—“চল দিকিন, দেখি।”

ঘোরান সিঁড়ি ভেঙ্গে কত রকমের রাজ্যের মধ্যে দিয়ে বংশী যেখানে এসে দাঁড়াল সেটা কাঁকা জায়গা, ছপাশে লম্বা টিনের ছোট ছোট ঘর। ঘরের ভেতর থেকে অজ্ঞেয় ভাষায় ছোট ছেলেমেয়েদের গোলমাল। বংশী এদিকে ওদিকে তাকিয়ে বলে—“ওহে দেবেন, এখানে দাঁড়ান কি ঠিক হবে? মেয়েরা সব বাতায়ত কচ্ছে এষে একদম পঞ্চাশটা সংসারের অন্তঃপুর হে।”

দেবেন হঠাৎ চাপা গলায় বলে উঠল—“আচ্ছা স্তর, দেখুন তো কোণের ঘরটায় একটা কুকুর বাঁধা রয়েছে ঐটা না তো?”

বংশী তাড়াতাড়ি মুখ বাড়িয়ে দেখে নিয়েই বলে—“দেবেন, ওদিকে আর তাকিত্ত না, ঐ কুকুরই আমার। এরা বুঝতে পারলে সরিয়ে ফেলবে একটু সরে দাঁড়াই চল।” বলে নিজে আর একবার আড়-চোখে দেখে নিয়ে উল্টোদিকে মুখ করে একটু এগিয়ে দাঁড়াতেই একটা ভদ্রলোক—বোধ হয় অনেকক্ষণ কথা বলবার লোক না পেয়ে হাঁকিয়ে উঠেছিলেন বলেন—“এই যে বসুন না এখানে জায়গা রয়েছে।” বংশী ভদ্রলোকটির পাশে বসে পড়ে বলে—“থ্যাক্ স্” (ধন্যবাদ)। ভদ্রলোকটি বলেন—“থ্যাক্ আর কি মশাই, এখানে কি আর সখ করে কেউ বসতে আসে না বেড়াতে আসে। আপনি কি কোন

মক্লেসের ‘ইনট্রাক্ স্’ (অভিমত) নিতে এসেছেন বুঝি?”

বংশী বলে “না, অন্য একটু দরকার আছে—আপনি? ভদ্রলোকটি একটা নিঃশ্বাস ফেলে বলেন—“আর বলেন কেন মশাই পাপের ভোগ। আজ পাঁচ দিন হ’ল চৌরদৌর মোড়ে এক কুকুর কিনি—”

বংশী মুখের দিকে তাকিয়ে বলে—“কি কিনলেন?”

ভদ্রলোকটি অন্য একটু হেসে বলেন—“আপনি বুঝি কুকুর পছন্দ করেন না, তা অনেকে অপছন্দ করে বটে, আমার আপন মামারাই হাড়ে চট, কথাতেই আছে “ভিন্ন কচিহি”। কিন্তু আমার মশাই কুকুর পোষা বাতিক, থাক্গে কুকুরটা দেখতে বেশ ভাল মানুষটা, কিন্তু অতবড় শয়তান তা কে জানে। আর পরদিন একটা ভাল চেন পরাব বলে গলার সরু চেনটা যাই খুলিছি, চোখের পাতা ফেলতে দিলে না—ভেঁা দৌড়। ভাগিয়স্, সে বেটা ঠিকানা দিয়েছিল, আজ অনেক সন্ধান করে এসে হাজির হ’য়েছি। যা ভেবেছি ঠিক তাই, মহাপ্রভু এখানে এসে হাজির, সে বেটা কোথায় বেরিয়েছে কে জানে, যদিও আমার জিনিস, কিন্তু উপস্থিত যখন তা’র ঘরে বাঁধা নিয়ে যাওয়া কি ঠিক, আপনি তো উকীল মানুষ বলুন না?” বক্তা আপনার খেয়ালে বলে গেলেন এদিকে বংশীর মুখে যে অন্ধকার ক্রমশঃ জমাট হ’য়ে আসছে, সে দিকে লক্ষ্যই নেই। বংশীর দিকে হঠাৎ তাকিয়ে বলেন—“আশ্চর্য্য হচ্ছেন কি? বাস্তবিক পালিয়ে এসেছে, চলুন না আপনাকে দেখাই।”

নির্জীব পুতুলের মত বংশী লোকটির সঙ্গে গেল।

কুকুরের কাছ বরাবর যেতেই বংশী হঠাৎ চেঁচিয়ে উঠল—“ধবরদার! ওদিকে আর এক পা বাড়াবেন না।”

কিছু বুঝতে না পেরে লোকটি চমকে উঠে বলেন—“কেন ব্যাপার কি? আপনি অত যোজাজ গরম করছেন কেন? ওখানে মেয়েরা রয়েছে? তা’তে কি? আমাদের চেয়েও ওরা ঢের স্বাধীন তা জানেন?”

বংশী আবার হস্বার দিলে—“কুকুর আমার দেবেন! ইনি বলেন কি? ড্যান্ রোগ্ (পাণ্ডী-বদমাস্)।”

ভদ্রলোকটি এতক্ষণে ব্যাপারটা বুঝতে পেরে কথোঁ উঠে বলেন—“মনসেন। শুধু শুধু গালাগালি করেন কেন? কুকুর আপনার কি রকম? ওকালতী করবার

জায়গা এ নয়। ওসব কন্দিবাজি অপরের কাছে করবেন। এ ক্ষেত্রে ঘোষের কাছে ওকালতির ধাপ্তাবাজি চলবে না। বে-আইনী ক্ষেত্রে ঘোষ করে না” বলেই টুইল সার্টের পকেট থেকে একটুকরা কাগজ বা’র ক’রে বংশীর মুখের কাছে একবার ধরেই আবার চট করে টেনে নিয়ে বলল—“এই হচ্ছে রসিদ।”

বংশী চীৎকার ক’রে উঠল—“দেবেন. আমাদের রসিদটা বা’র কর তো?”

দেবেন বলল—“সে তো আপনার কাছেই।”

বংশী এ-পকেট ও-পকেট হাতড়ে কাগজটা বার ক’রে বলল—“এই দেখুন রসিদ, আসল নেপালী ভাষা, আপনার ওটা জোচ্চুরি, ডাষ্টবিনে (আস্তাকুঁড়ে) ফেলে দিন।”

ভদ্রলোকটি সার্টের হাত গুটিয়ে বললেন—“সাবধান।”

এতক্ষণে এদের দুজনকে ঘিরে ছোট্ট একটুখানি ভিড় জমে উঠেছে। ভিড়ে সর্বজাতিরই সমন্বয় ছিল। বেশীর ভাগই জ্বীলোক, এবং নেপালী জ্বীলোক। ভিড়ের দিকে চেয়ে বংশীর লজ্জা হ’ল।—ছিঃ সে এ কি কচ্ছে! হঠাৎ নরম সুরে বলল—“দরকার কি মশাই একটা ‘সিন’ ক্রিয়েট’ (দৃশ্যের অবতারণা) ক’রে। সে আসুক, সে যা ব’লে, বিবেচনা ক’রে যা হয় করা যাবে Either he is a cheat or yourself.” (হয় সে জুয়াচোর না হয় আপনি)

ভদ্রলোকটি বললেন—Or yourself (কিংবা আপনি)

দুজনেই চূপচাপ ব’সে রইল। কারুর মুখে একটুও কথা নেই। নিজেদের ব্যবহারে নিজেরাই একটু লজ্জিত হইয়াছে। এইভাবে কিছুক্ষণ কাটবার পর ভদ্রলোকটি দাঁড়িয়ে উঠে বললেন, “আমার ধারণা ছিল, আপনারা শুধু আদালতেই জোচ্চুরি করেন, কিন্তু তা নয় আদালতের বাইরেও করেন, সুবিধে পেলে নিজেদের বাড়ীতেও কর্তে পারেন। কুকুর আপনিই নিন, আমি চলুম—” বলেই তর তর ক’রে সিঁড়ি দিয়ে নেমে চলে গেলেন।

বংশী তাড়াতাড়ি পাঁচিলে মুখ বাড়িয়ে দেখলে— একদম একতলার সিঁড়ির কাছে, চেঁচিয়ে বলল—“ভেরী মেনি থ্যাক্‌স্” (বহুৎ বহুৎ ধন্যবাদ।)

বা’রা ভিড় ক’রে দাঁড়িয়েছিল তা’রা সকলেই যে ধার কাছে চলে গেল। আসল ব্যাপার কি না বুঝতে পারলেও এটা তারা বুঝেছিল যা হ’ল তা’ মারামারির পূর্ব লক্ষণ।

কিন্তু হঠাৎ থেমে যাওয়াতে তা’রা মনঃকুল হ’ল। তা’দেরই মধ্যে একজন লোক একটু সাহস সঞ্চয় ক’রে বংশীর কাছে এসে বলল—“কা ছয়া বাবুজী”। বংশী ধমকের সুরে বলল “কুছ নেই, তোম সেকেগা, তো তোমায় বলি।”

লোকটা বলল—“বলিয়ে তো”।

বংশী বলল—“ঐ কুকুরটা আমি দধিরামের কাছ থেকে কিনেছি, এই আমার রসিদ, আমি নিয়ে যেতে চাই।”

লোকটা যা বলল—হা বাংলা ভাষায় এই দাঁড়ায়—“ছজুর কিনেছেন যখন ও আপনারই, আপনি নিয়ে যান, আমি বলছি। কেউ বাধা দেবে না। লেकिन একটা লিখে দিয়ে যান, আমি দধিরামকে দেব।” বংশী মোটেই আশা করে নি যে কাজটা এত শীগগির হাসিল হ’বার সম্ভাবনা আছে। তাড়াতাড়ি এক টুকরা সাদা কাগজে লিখে দিলে—“—কাছ থেকে আমার পলাতক কুকুর আমি ফিরিয়া পাইলাম, ইতি বংশী চট্টোপাধ্যায়।”

বংশী কাছে যেতেই কুকুরটা চেঁচিয়ে উঠল—ঘেউ ঘেউ।

বংশী কোনও দিকে কর্ণপাত না ক’রে চেনটা খুলতে লাগল, কে জানে, হয় তো সে লোকটা ফিরতে পারে, না হয় দধিরামও এসে প’ড়ে’ একটা গোলমাল বাধাতে পারে। চেনটাকে হাতে বেশ ক’রে জড়িয়ে নিয়ে লোকটাকে সেলাম ব’লে সিঁড়ির দিকে যেতেই এক অদ্ভুত ব্যাপার ঘটল।

সিঁড়ির মুখেই দরজা। সিঁড়িও সরু দরজাও ছোট। দুটা কবার্টে দুটা হাত রেখে একটা ১৮১৯ বছরের নেপালী মেয়ে দাঁড়িয়ে। সূৰ্পগথার বংশ হ’লেও গাল দুটা লাল টুকটুকে যেন রক্ত জমে জমাট বেঁধে আছে। এখনই গড়িয়ে পড়বে, অল্প একটু আঘতের অপেক্ষা কচ্ছে। পরণে একটা মোটা ষাগরা। বংশী কাছে এসে হিন্দীতে বলল—“একটু সর তো আমি যাই।”

মেয়েটা হাউ হাউ ক’রে কেঁদে উঠল নিঃশব্দের মধ্যে দুটা গাল চোখের জলে ভিজে জবজবে হ’য়ে উঠল। কান্নার আওয়াজে দেখতে দেখতে অমেকগুলি নেপালী মেয়ে-ছেলে জড় হ’য়ে গেল।

বংশী হতভম্ব। দেবেনকে বলল—“ব্যাপায় কি? কি বলছে? ভাষাও তো বুঝি না, মিথ্যে ক’রে কিছু লাগাচ্ছে

না তো ? এ বেটাদের বিশ্বাস নেই, আবার এদের কাছে কুকুরীও থাকে । মেয়েটার কাছ থেকে একটু স'রে দাঁড়ান ভাল ।” নিজে স'রে' এল বটে, কিন্তু কুকুর নড়ে না । মেয়েটার বাধরা কামড়ে ধরে আছে ।

একজন জ্বীলোককে ডেকে বংশী বলে—“কি ব্যাপার ?”

জ্বীলোকটা যা ব'লে তার মর্মে এই—যে,—“মেয়েটার নাম দেবী, কুকুরটাকে সেই একরকম মানুষ ক'রেছে, আজ দু-দিন কুকুরটা না থাকতে, দেবী দু-দিন অন্নজল স্পর্শ করে নি ; সুতরাং কুকুরটা নিয়ে গেলে ও বাঁচবে না ।”

বংশী একবার কুকুরের দিকে আর একবার মেয়েটার দিকে তাকাতে লাগল । চোখের জলের কোঁটাগুলো সত্যিই মুক্তার মত গালের ওপর দিয়ে গড়িয়ে পড়ছে—একটার পর একটা, অজস্র...। গাল দুটা রক্ত জবার টাটকা পাতা, চোখের জল দাঁড়াতে পাচ্ছে না. পিছলে পড়ছে । ছোট ছোট ছুটি চোখ অল অল কচ্ছে । সাপের চোখে সম্মোহনী শক্তি আছে, এ মেয়েটার চোখেও আছে ।

মুঠা আলগা হ'য়ে এল, চেনটা পড়ে গেল । কে যেন বংশীকে সিঁড়ির দিকে টেনে নিয়ে গেল ।

চেন ছাড়তেই দরজার পথ খোলা । মেয়েটা কুকুরটাকে বুকে তুলে নিল । বংশী আর একবার মেয়েটার দিকে তাকিয়ে নিয়ে সিঁড়ি দিয়ে নেমে চলে গেল ।

সমস্ত রাস্তাটা বংশী নিস্তব্ধ. একটা কথা বললে না । তার চোখের উপর কেবলই মেয়েটার শিশিরভেজা জবার মত রাজা মুখখানি ভেসে উঠতে লাগল । বংশী মনে মনে বলতে লাগল—কি সুন্দর ! বংশী যখন লাইব্রেরীতে ফিরে এল তখন ৬টা । সকলেই প্রায় চলে গেছে, কেবল একদিকে যামিনী এবং আরও জনকতক উকীল ব'লে গল্প কচ্ছে । যামিনীর গলাই বংশী, বংশীর কাণে এল, যামিনী বলছে—“তা তোমারা যাই বল, মেয়েদের চোখের জল বড় ভয়ানক জ্বিনিস, বিশেষতঃ যদি অপরিচিতা রূপসী

যুবতীর চোখের জল হয় । চোখের জলের কাছে হার মানা একটা দুর্বলতা, আর এই দুর্বলতা আমার বিশ্বাস সকল পুরুষেরই প্রায় আছে অস্বতঃ আমার তো আছে । এই সে-দিন আমি তেইশটা টাকা জল দিয়ে এসেছি । দিন কুড়ি আগে জগুবাবুর বাজারের কাছে একটা লোকের কাছ থেকে ২৩ টাকা দাম দিয়ে একটা কুকুর কিনি—”

বংশী তাড়াতাড়ি এগিয়ে গেল ।—

“শালা কুকুর, তার পরদিনই চম্পট । বোঁজ করে লোকের বাড়ী হাজির হ'তেই কুকুর ফেরৎ দিলে কিন্তু একটা জ্বীলোক তাও ধাঁজা ভুটিয়া, কে জানে লোকটার কে হয় এম্মি কান্না জুড়লে আমার মত লোককে বোকা বানিয়ে দিলে—কুকুরটা আনতে পারলুম না ।”

বংশীর মুখ শুকিয়ে গেল । মেয়েটার ব্যবসাই ঐ তাকে বোকা বানিয়ে দিলে । বংশী তাড়াতাড়ি টুপী নিয়ে বাড়ী চলে গেল ।

শৈল খাবার দিয়ে বংশীর পিঠে হাত বুলাতে বুলাতে বলে—“হাঁগা, সে আর পাওয়া গেল না । হাজার হ'ক তোমার সখের কুকুর তুমি হয় তো আমায় ঠাট্টা কর্তে পার । কিন্তু আমার সত্যিই দুঃখ হ'চ্ছে ।”

বংশী শৈলর হাত দুটা স্নেহভরে নিজের মুঠায় ধরে গদগদভাবে বলে—“আচ্ছা শৈল তুমি কি আমায় এতই নিষ্ঠুর ভাব । তোমার মনে কষ্ট আমি কোনও কালে দিয়েছি, না কখনও দিতে পারব । গেছে, আপদ বিদেয় হ'য়েছে ; কুকুরটার সন্ধান তো পেলুম, লোকটা আমায় ফেরৎও দিতে চাইলে কিন্তু তোমার কথা ভেবে মনটা বড্ড কষ্ট হ'ল । কুকুর কি এমন জ্বিনিস যে তোমায় কষ্ট দিতে হ'বে ।” ব'লে বংশী শৈলর দুই গণ্ডে প্রণয়ের চিহ্ন অঙ্কিত করিয়া দিল ।

আনন্দে শৈলর চোখদুটা জলে ভারি হ'য়ে উঠল ।

অবহে পন্থাও

সুপ্রাচীন আৰ্য বা 'ইন্দো-ইরানীয়' জাতির দুইটি প্রশাখা - ভারতীয় ও ইরানীয়। এই উভয় জাতির রীতি-নীতি, আচার-ব্যবহার ও ধর্মমতের কতদূর সোসাদৃশ্য আছে, তাহার অল্প একটু আভাস আমার পূর্ববর্তী এক প্রবন্ধে দিয়াছি।* আর এই দুই মহাজাতির ধর্মের মূলতত্ত্ব যে প্রায় একরূপ—বর্তমান প্রবন্ধে সে সম্বন্ধেই যৎকিঞ্চিৎ আলোচনার চেষ্টা করিব।

ভারতীয় ও ইরানীয়—এই উভয় ধর্মের ভিত্তি 'ঋত' বা 'অশ্ব'র উত্তর সুপ্রতিষ্ঠিত। এই ঋত বা অশ্বের কল্পনা প্রথম কোন্ সত্যদ্রষ্টার মস্তিষ্কে উদ্ভূত হইয়াছিল, তাহা স্থির করিবার কোন উপায়ই বর্তমানে আমাদের জানা নাই; কিন্তু আশ্চর্যের বিষয় এই যে, পুরাতনতম বৈদিক ঋগ্বেদে অথবা অবেষ্টার প্রাচীনতম গাথা-সাহিত্যে—সর্বত্র এই মহীয়সী কল্পনার পূর্ণ বিকাশই দেখিতে পাওয়া যায়—ইহার উৎপত্তির কোন সন্ধানই মিলে না। সুবিদ্বান্ অধ্যাপক বার্থলমি (Professor Chr. Bartholomæ) শব্দতত্ত্বের বহুবিধ আলোচনা করিয়া দেখাইয়াছেন যে, বৈদিক 'ঋত' শব্দ ও ইরানীয় 'অশ্ব' শব্দের মূল একই। কিন্তু মাত্র এই তথ্যটুকু আমাদের সবচেয়ে বেশী প্রয়োজনীয় নহে।

শব্দতত্ত্বের সুনিপুণ আলোচনা ও সুস্মৃতিস্মরণ বিশ্লেষণে ব্যক্তিবিশেষের গভীর পাণ্ডিত্য প্রকটিত হইয়া থাকে, সন্দেহ নাই; কিন্তু দুইটি মহাজাতির ধর্মমত ও চিন্তাধারার মধ্যে যুগ-যুগান্তর ধরিয়া যে সাদৃশ্য রক্ষিত হইয়া আসিতেছিল, তাহা উপলব্ধি করিতে হইলে দার্শনিক অন্তর্দৃষ্টির প্রয়োজন। 'ঋত' ও 'অশ্ব' এই দুইটি শব্দের অন্তর্নিহিত শাস্ত্রতাব এত মহান্, এত অপার্থিব, এত অতীন্দ্রিয় যে, আমাদের মনে হয়, উহা কখনও পৌকষেয় হইতে পারে না। সকল চিরন্তন ভাবধারাই পরমেশ্বরের নিঃশ্বাসের মত প্রবাহরূপে নিত্য—কখনও উহা অধর্মের ছায়াপাতে মলিন, আবার কখনও বা ঈশ্বরানুগৃহীত সত্যদ্রষ্টার প্রচেষ্টায় আপনার তেজে আপনি

উজ্জ্বল। অলৌকিক দৃষ্টিসম্পন্ন মহাপুরুষগণ যখন কোন নূতন তত্ত্ব প্রথম লোক-সমাজে প্রচার করেন, তখন উহা দিগন্তবিস্তৃত নীলাশ্বরের মতই মহান্ ও উদার বলিয়া প্রতিভাত হয়। কিন্তু সাধারণের বুদ্ধিবৃত্তি স্বভাবতঃ সঙ্কোচ-ভাবাপন্ন। অসীম কল্পনা সে বুদ্ধিতে সসীম না হইলে প্রতিফলিত হইতে পারে না। আমাদেরই বুদ্ধিমান্য-বশতঃ সত্যের মর্যাদা হ্রাস পাইতে থাকে। ক্রমশঃ বনাচ্ছন্ন মিহিরের মত জ্ঞানবাশি অজ্ঞানান্ধকারে আবৃত হইয়া যায়। তখন পুনরায় উহার উদ্ধারের নিমিত্ত অবতারের জন্মগ্রহণ আবশ্যিক হইয়া পড়ে। জগতে যত সত্য প্রচারিত হইয়াছে—সকলের সম্বন্ধেই একথা প্রয়োজ্য, কারণ মূলতঃ সত্য এক ভিন্ন বহু নহে। কেবল দেশ-কালপাত্র অনুসারে উহা আপত্যতঃ ভিন্ন ভিন্ন রূপে প্রতীয়মান হইয়া থাকে। তাই অশ্ব ও ঋত এক বলিয়া আমাদের বিম্মিত হইবার বিশেষ কোন কারণ নাই।

কেহ কেহ 'অশ্ব' শব্দটির প্রতিবাক্যরূপে 'শুচিতা', 'পুণ্য', 'ধর্ম' প্রভৃতি শব্দের ব্যবহার করিয়া থাকেন। ইহাতে অবশ্য আপাততঃ ব্যাখ্যার কার্য চলিয়া যায় বটে, কিন্তু শব্দটির অন্তর্নিগূঢ় ভাবটুকু মোটেই ধরা পড়ে না। আসল জিনিসটুকু সবই ধোঁয়াটে থাকিয়া যায়। 'অবেস্তা'র অপেক্ষাকৃত আধুনিক (অর্ধপ্রাচীন) অংশে ও পল্লবিসাহিত্যে 'অশ্ব' শব্দটি 'ধর্ম' বা 'শুচিতা'র পর্যায়রূপে ব্যবহৃত হইলেও সুপ্রাচীন গাথা-সাহিত্যে উহার অর্থ সম্পূর্ণ অন্তরূপ ছিল। প্রাচীন-সাহিত্যের সে সুন্দর মহান্ ভাব আধুনিক-সাহিত্যে অনেকটা সঙ্কুচিত হইয়া পড়িয়াছে। কেন, তাহা পূর্বেই বলিয়াছি। গাথা-সাহিত্যে অশ্বের মাহাত্ম্য পাঠ করিতে করিতে মনে হয় যেন আমরা সেই মহাজ্ঞানী আচার্য্য জরথুশ্ত্রের পবিত্র সান্নিধ্যে উপনীত হইয়াছি। আচার্য্যের পবিত্র শাস্ত্র মহান্ উদার ভাব যেন চক্ষুর সমক্ষে মূর্ত্ত হইয়া উঠে। এ ভাব অবশ্য যে 'জরথুশ্ত্রেরই চিন্তা-প্রসূত তাহা আমরা বলিতে চাহি না। ইহা অনাদি ও চিরন্তন। আচার্য্য তাহার অন্ততম সংস্কর্তা মাত্র।

* পঞ্চপুল (চৈত্র, ১৩৩৬)—প্রাচীন ইরান।

যুগ-যুগান্তরের পুঞ্জীভূত মোহাকার জ্ঞানালোকসম্পাতে বিদূরিত করিয়া আৰ্য্য জরথুষ্ট্র ইরানবাসীকে যে পথ দেখাইয়াছিলেন, তাহা এই “অবহে পন্থাতো” বা “ঋতস্ত পন্থাঃ”।

সেই প্রাচীন ভাবধারা কালবশে বহু বিকৃত হইলেও ইরানীয়গণের বংশধর, বর্তমানে পারসীগণ, উহা একেবারে ভুলেন নাই। ‘অবহে’র নববিবর্তিত নাম হইয়াছে “অবোই”। শব্দটা বিশেষ পরিবর্তিত না হইলেও অর্থের পরিবর্তন হইয়াছে অনেক। ‘অবোই’ বলিতে ইদানীং বাস্তব বা পার্শ্বিক পবিত্রতার ভাবটিই মনে পড়ে। অবশ্য পার্শ্বিক শুচিতা বলিতে শুধু স্নান, বস্ত্রধাবন প্রভৃতি বাহ্য দৈহিক পবিত্রতাই বুঝায় না, আভ্যন্তরীণ বা মানসিক শুচিতার ভাবও প্রকাশ পাইয়া থাকে। তথাপি এ পবিত্রতা আমাদের এই জড় পার্শ্বিক জগতের সহিত সংবদ্ধ। উন্নত আধ্যাত্মিক পবিত্রতার ভাব ‘অবোই’ শব্দটা হইতে বুঝায় কি না বলা বড় কঠিন। ভারতেও ঠিক এই দশাই ঘটয়াছে বৈদিক ‘ঋত’ কলেবরও অর্থ উভয়ই পরিবর্তন করিতে করিতে অধুনা-প্রচলিত ‘ঋত’ রূপ পরিগ্রহ করিয়াছেন। আধুনিক যুগে “ধর্ম” বলিতে আনুষ্ঠানিক ক্রিয়াকলাপ মাত্র বুঝাইয়া থাকে। ‘ঋতের’ অধ্যাত্ম-গন্ধও ‘ধর্মের’ মধ্যে পাওয়া যায় না। মনুর যুগেও ‘ধর্ম’ বলিতে আধ্যাত্মিক ভাবের কিছু আভাস পাওয়া যাইত। বর্তমানে আর কিছুই নাই। খ্রীষ্টীয় ধর্মেও একপ ঘটনার উদাহরণ বিরল নহে। ‘Sermon on the Mount’ দিবস সময় যীসাস্ যে অর্থে ‘Righteousness’ শব্দের প্রয়োগ করিয়াছিলেন, এখন কি আর সেই ভাবপূত অর্থে শব্দটা কোন খ্রীষ্টধর্মাবলম্বী ব্যবহার করিয়া থাকেন? আচার্য্যগণ পবিত্র আধ্যাত্মিক ভাবে বিভোর হইয়া যেন গভীর অর্থে এই সকল শব্দের প্রয়োগ করিতেন, আমরা প্রমথঃ সেই পবিত্র চিন্তাস্রোত হইতে বিচ্যুত হইয়া পড়ায় সে সাম্প্রদায়িক অর্থ বিস্মৃত হইয়াছি। স্বর্লোক হইতে মর্ত্যে গঙ্গার অবতরণ ইহার অনুরূপ দৃষ্টান্ত বলা যাইতে পারে। বিষ্ণুপদোদ্ভূতা অলকানন্দা যখন পৃথিবীতে প্রথম পতিত হইলেন, তখন দেবাদিদেব মহাদেব ব্যতীত আর কাহারও পক্ষে তাঁহার পতনবেগ শিরে ধারণ করা সম্ভব হয় নাই। ঐশী প্রেরণার প্রবল বেগও সত দ্রষ্টা মহাপুরুষগণ • ব্যতীত

আর কেহই সহ করিতে পারেন নাই। আমাদের মত মরবৃন্দের সেই ঐশী প্রেরণাস্রোতে কেবল স্নান-পানের অধিকার আছে মাত্র—তাঁহাও অতি নিয়ন্ত্রণে, যথায় উহার প্রবলতা নাই বলিলেও চলে।

এখন পারসীদিগের মধ্যে ‘অবোই’ বলিতে পার্শ্বিক সন্দাচার (শুদ্ধদেহ ও ভদ্র ব্যবহার) মাত্র বুঝায়। আচার্য্য জরথুষ্ট্রের সময় উহাতে আরও গভীর অর্থ নিহিত ছিল। তাই আমরা দেখিতে পাই যে, যতই পিছু হটিয়া আচার্য্যের নিকট হইতে নিকটতর যুগে ফিরিয়া যাওয়া যায়, ‘অবহে’র কল্পনা ততই উজ্জ্বল হইতে উজ্জ্বলতর রূপে প্রতিভাত হইতে থাকে।

খ্রীষ্টের জন্মের প্রথম কয়েক শতাব্দীর মধ্যে যে-সকল জোরোয়াষ্ট্রীয় ধর্মযাজকগণ ধর্মগ্রন্থ রচনা করিয়াছিলেন, তাঁহাদিগের রচনায় অবহে যে কল্পনা দৃষ্ট হয় তাহা আধুনিক যুগের পারসীগণের কল্পনা হইতে অনেক অধিক উন্নত। সামান্য সাম্রাজ্যের “ঋতস্ত পন্থাঃ” (অদরবাদ্ মারস্পন্দ, অর্থাৎ বিশাঙ্ক, প্রভৃতি) অবহে যে বর্ণনা করিয়াছেন, সে কল্পনা নিশ্চয়ই তাঁহাদিগের সাধনালঙ্কার দিব্য অনুভূতির উপর প্রতিষ্ঠিত। সে ছিল সাধারণ যুগ। শাস্ত্রবচনের সার্থকতা সাধনার বলে নিজ নিজ জীবনে উপলব্ধি করিয়া শ্রেষ্ঠ সাধকগণ তাহা সাধারণের নিকট প্রচার করিতেন। তাই তখনকার অবহে কল্পনা ছিল এত মহান, এত উন্নত! এখন যে অর্থে ‘অবোই’ শব্দ ব্যবহৃত হয়, সে পার্শ্বিক পবিত্রতা বুঝাইবার জন্য আর একটি শব্দ ব্যবহৃত হইত—“অবনাদাতো”। ‘অব’ বলিতে তখন আধ্যাত্মিক শুচিতাই প্রকাশ পাইত। কিন্তু সামান্য যুগের শেষ ভাগ হইতেই আধ্যাত্মিক পবিত্রতার ভাবটুকু ধীরে ধীরে অস্তহিত হইতে লাগিল। এই ভাবে আধ্যাত্মিকতার হ্রাস, পুরোহিতগণের ধর্মাস্তরের প্রতি অসহিষ্ণুতা (ও উজ্জ্বলিত ‘মানি’ এবং ‘মজ্জদকে’র অনুচরগণের প্রতি অকথ্য অমানুষিক অত্যাচার) প্রভৃতিই জোরোয়াষ্ট্রীয় ধর্মের পতনের মূল কারণ। ইহারই কিছুদিন পরে ইসলাম ধর্মের নব অভ্যুত্থান আরম্ভ হইল। অন্তঃসার-শূন্য, আত্মশক্তিবহীন প্রাচীন ইরানীয় ধর্ম নবভেজো-

* দ্রষ্টব্য—প্রধান ধর্মযাজক, প্রধান পুরোহিত।

দীপ্ত ইসলামধর্মের সম্মুখে মান হইয়া আপনার স্বাতন্ত্র্য রক্ষা করিতে পারিল না। ইসলামের বিশ্বগ্রাসী ক্ষুধানলে ইরাণীয় ধর্ম পতনের মত খেঁচায় আত্মবিসর্জন দিল। প্রাচীন জোরোয়াস্ত্রীয় ধর্ম তখন আত্মত্যাগিক ক্রিয়াকলাপ ও বাহ্য সদাচারের বাহুল্যে এতদূর প্রপীড়িত হইয়াছিল যে, প্রকৃত ধর্মপ্রাণ ব্যক্তির পক্ষে উহার মধ্যে চিত্তশুদ্ধির কোন উপায়ই খুঁজিয়া পাওয়া কঠিন হইত। ক্রমশঃ দলে দলে ধর্মপ্রাণ ইরাণীয়গণ আত্মত্যাগের আশায় ইসলামধর্মে দীক্ষিত হইতে লাগিলেন। ধরাপৃষ্ঠ হইতে ইরাণীয়ধর্মের মহিমা একরূপ বিলুপ্ত হইয়া গেল

যাক—নে-সব ইতিহাসের কথা। অবেশ্তার নবীনতর অংশ (অর্থাৎ ‘যশত,’ ‘যন্ন’ ও বীসুপেরেদ) আলোচনা করিলে দেখা যায় যে, অষের আধ্যাত্মিক তাৎপর্য উহাতেও বেশ পরিস্ফুট রহিয়াছে। কথিত হইয়াছে যে, ‘অজত’গণ* অষপ্রভাবেই তাঁহাদের দৈব অধিকার লাভে সমর্থ হইয়াছিলেন। এ স্থলে অষ বলিতে অবশ্য আধ্যাত্মিকই বুঝাইতেছে। বস্তুতঃ এমন কথাও কোন কোন স্থলে দেখিতে পাওয়া যায় যে, স্বয়ং ‘অহুর’ ও তাঁহার সর্বোচ্চ অধিকার লাভের নিমিত্ত অষের নিকট

অবেস্তার এই সকল মন্ত্রকে নিতান্ত আধুনিক বলা যায় না। আর এ গুলির অধিকাংশই ক্রিয়াকলাপের অঙ্গরূপে ব্যবহৃত হইত বলিয়া মন্ত্রগুলির বিশেষ বিকৃতিও ঘটিতে পারে নাই। বিশেষতঃ ‘যন্নের’ মন্ত্রগুলি (বৈদিক মন্ত্রের মত) ঋত্বিপরাম্পরায় একরূপ অবিকৃত অবস্থাতেই বর্তমান যুগ পর্য্যন্ত চলিয়া আসিয়াছে।

এইবার দেখা যাউক; ‘গাথা’য় ‘অষ’ শব্দটি কিরূপ অর্থে ব্যবহৃত হইয়াছে। ‘গাথা’ অবেশ্তার প্রাচীনতম অংশ। পাঁচটি গাথাই স্বয়ং আচার্য্য জরথুষ্ট্রের মুখনিঃসৃত বলিয়া প্রসিদ্ধি আছে। ভাষাতত্ত্ব ও অস্ত্রান্ত্র আভ্যন্তরীণ প্রমাণের বলে পাশ্চাত্য পণ্ডিতগণ স্থিরনিশ্চয় হইয়াছেন যে, অবেশ্তার উপলভ্যমান অংশসমূহের মধ্যে গাথাই সর্বাপেক্ষা পুরাতন। স্বয়ং আচার্য্যরচিত যদি নাও হয়, তাহা হইলে এগুলি যে তাঁহার তিরোভাবের

অব্যবহিত পরবর্তী যুগে সঙ্কলিত হইয়াছিল সে সম্বন্ধে অণুমাত্র সন্দেহ থাকিতে পারে না। ইরাণীয় জাতিকে উপলক্ষ্যমাত্র করিয়া আচার্য্য সমগ্র মানবজাতির প্রতি যে উপদেশ প্রদান করিয়াছিলেন, তাহার সার মর্ম এই গাথাতেই সন্নিবিষ্ট হইয়াছে। আচার্য্য যেভাবে জীবন-সমস্যার সমাধান ও সংসার-রহস্যের মর্মোদ্ঘাটন করিয়া ছেন, তাহা যথাযথভাবে এই গাথাতেই সংগৃহীত হইয়াছে। আচার্য্যের মতবাদ বা দার্শনিকতা এই অষের উপরেই প্রতিষ্ঠিত। কোন কোন স্থলে অষক আকার বিশিষ্ট দেবতারূপেও খাড়া করা হইয়াছে (কিন্তু উহার বর্ণনা খুব অস্পষ্ট)। মুর্তিমান্ দেব অষ সর্বশক্তিমান্ পরমেশ্বরের অংশবিশেষ—শ্রেষ্ঠতার দিক হইতে অহুরের পরেই তাঁহার স্থান। অথচ অষ বলিতে বুঝায় জগৎ-পালনের হেতুভূত অধ্যাত্মতত্ত্ব। জগতে যাহা কিছু ঘটে, সবই অষের প্রভাবে, অষ না মানিয়া আমাদের একপদও চলিবার ক্ষমতা নাই, আর অন্তিমে এই অষই আমাদের পরমেশ্বরের সম্মুখে লইয়া যার। এইরূপ অষের মহিমা কীর্তনেই জরথুষ্ট্রের মতবাদ সমুজ্জ্বল হইয়া রহিয়াছে।

এখন দেখিতে হইবে এই অষ পদার্থটি কি ? পণ্ডিত-মণ্ডলী নানাভাবে উহার ভাষান্তর করিয়াছেন। কেহ বলেন—‘শৌচ’, কেহ—‘ধর্ম’, কেহ বা বলেন উহা ‘সত্য’। কিন্তু সাধারণতঃ আমরা শুচিতা, ধর্ম বা সত্য বলিতে যাহা বুঝি, অষের তাৎপর্য্য তদপেক্ষা অধিক নিগূঢ়। ইহা সেই ‘একমেবাদ্বিতীয়ম্’, সনাতন, শাস্ত সত্য—যাহা হইতে বিশ্ব বিবর্তিত হইয়াছে। বাক্য ইহার স্বরূপ বর্ণনায় অক্ষম, অসংযত-চিত্ত ইহার ধারণা করিতে অসমর্থ। ইহা অমৃত্যুর বস্তু। শুদ্ধ সংযত চিত্তের একাগ্র নিদিধ্যাসনে ইহার সাক্ষাৎকার লাভ সম্ভব। ইহারই উপর শ্রীভগবানের সিংহাসন প্রতিষ্ঠিত। ইহাই সেই ‘শাস্ত ধর্ম’, পরমেশ্বরের ঈশ্বা বা সিন্ধু—যাহারই ফলে এই চরাচর বিশ্বের উৎপত্তি। কবিবর টেনিসনের ভাষায় বলিতে গেলে—

“That God who always lives and loves,
One God, One Law, One Element,

* যশত—হির ‘দেব’ ঐষ্টানগণের আর্কেঞ্জেল—“The Adorable Ones”

And on: far-off divine Event,
To which the whole Creation moves ."
(In Memorium)

অর্থাৎ, সোজা কথায় অম্ব বলিতে বুঝায় ভগবানের নিয়ম (অথবা plan) যাহার দ্বারা এই বিশ্ব পরিচালিত হইতেছে। অম্বের প্রভাবেই আত্মা ও অনাত্মার ইতরো-ধ্যাস; আবার এই অম্বের প্রভাবেই আত্মা অনাত্মার কলুষ সংস্পর্শ ত্যাগ করিতে পারে—অন্ততঃ জরথুশ্ত্রের ইহাই অভিপ্রায়। অম্বের একটা দিক—সৎ ও অসতের বিরোধ। আর একটা দিক—কর্ম ও অকর্মের দ্বন্দ্ব, (—হিন্দুর নিকাম কর্মযোগ, জ্ঞানকর্মসমুচ্চয় প্রভৃতি ইহারই অন্তর্ভুক্ত)। জরথুশ্ত্র-দর্শনে এই দুইটা দিকই বেশ বিস্তৃতভাবেই আলোচিত হইয়াছে।

অম্বের এই মুখ্য অর্থ পূর্ণভাবে হৃদয়ঙ্গম করিতে হইলে সাধকের চিত্ত ক্রমশঃ উচ্চ হইতে উচ্চতর—উচ্চতম স্তরে পৌঁছান আবশ্যিক। চিত্ত যতই উন্নত হইতে থাকিবে সাধকও ততই উন্নত গতি লাভ করিতে থাকিবেন। এই উচ্চনীচ গতির কল্পনা হইতে ক্রমশঃ অম্বের গৌণ অর্থ দাঁড়াল—“ভগবৎ প্রাপ্তির পন্থা”। আর যেহেতু এই পন্থা অবলম্বন করিতে হইলে সাধককে কতগুলি সদাচার অবশ্যই প্রতিপালন করিতে হয়—ধর্মপথে থাকিতে হয়, সেই জন্ত অম্বের গৌণতর তৃতীয় অর্থ হইল “ধর্ম” বা “সদাচার”। যীশাস্ তাঁহার Right teousness শব্দটা মূলতঃ এই অর্থেই ব্যবহার করিয়াছিলেন।

বৈদিক “ঋত” শব্দটা অবন্তার “অম্ব” শব্দের পর্যায়ভুক্ত বলিলেও চলে। পুরাকালে “ধর্ম” শব্দটাও প্রায় এই অর্থেই ব্যবহৃত হইত। কিন্তু পরের যুগে উহার অধ্যাত্ম-ভাব অনেকাংশে বিলুপ্ত হইয়া যাওয়ায়, এখন ‘ধর্ম’ শব্দের অর্থ দাঁড়াইয়াছে—“ধর্মমতসম্পর্কীয় অনুষ্ঠানযোগ্য ক্রিয়াকলাপ”। ঋগ্বেদে বরুণকে বলা হইয়াছে—“ঋতপতি”; ‘ঋত’ের প্রভাবেই দেবগণ স্ব স্ব অধিকার রক্ষায় সমর্থ। ‘ঋষি’ শব্দটাও বোধ হয় একই মূল ধাতু হইতে নিস্পন্ন। অবন্তার ‘অম্ববন্’ শব্দের মত, ‘ঋষি’ শব্দের প্রাচীন অর্থ—“ঋত পথের অনুসরণকারী”—হওয়া খুবই স্বাভাবিক। অবন্তার “অম্ববন্” শব্দ হইতে দেব, দিব্য ঋষি, সত্যদ্রষ্টা ও সত্যালোক প্রদর্শক প্রভৃতি নানারূপ অর্থ বুঝাইয়া

থাকে। অবন্তায় ইহার অনুরূপ আর একটা শব্দ আছে—‘রতু’ (অধ্যাত্মতত্ত্বের উপদেশক)। এই ‘রতু’ শব্দটা সংস্কৃত ‘ঋষি’ শব্দের পর্যায়, ইহা তুলনামূলক ভাষাতত্ত্ব ও দর্শনের সাহায্যে প্রমাণিত হইয়াছে।

অবন্তায় কয়েকটা অতি সংক্ষিপ্ত মন্ত্র আছে। শুনা যায় যে, সেগুলি জরথুশ্ত্রেরও আবির্ভাবের পূর্বে গ্রন্থ মধ্যে সন্নিবিষ্ট হইয়াছিল। মন্ত্রগুলির আক্ষরিক অর্থ অতি সরল বৈশিষ্ট্যহীন হইলেও উহাদের আভ্যন্তরীণ আধ্যাত্মিক অর্থ অতি নিগূঢ়। এই মন্ত্রগুলিতেও (বিশেষতঃ ইরাণীয়গণের গায়ত্রী—“অহ্নন বইর্য্য”* অম্বের মাহাত্ম্য বিশেষভাবে কীর্তিত হইয়াছে। ইহা হইতে বেশ বুঝা যায় যে অম্বের এই কল্পনা শাস্ত্র ও সনাতন।

“হোমবান্” (উষ্ম) শব্দের শেষ ঋকৃতে অম্বের পথের কথা সুস্পষ্টভাবে বর্ণিত হইয়াছে—

“শ্রেষ্ঠ ও সর্বোচ্চ অম্বের সাহায্যে আমরা তোমায় (অহুরকে) দেখিতে পাই, তোমার নিকটে যাইতে পাই ও তোমার সহিত মিলিত হইতে পাই!”

অম্বই ভগবদর্শন, ভগবানের সমীপে গমন ও ভগবানের সহিত সম্মেলনের একমাত্র উপায়। গীতায়ও শ্রীভগবান্ ঠিক এই কথাই বলিয়াছেন—

“অনন্যা ভক্তি দ্বারাই আমি যগার্থতঃ জ্ঞাত, দৃষ্ট ও প্রবিষ্ট হইতে সমর্থ হই” (—গীতা—১১।৫৪)

গীতোক্ত ‘অনন্যা ভক্তি’ ও গাথোক্ত ‘অম্ব’—উভয়ই অভিন্ন। অধ্যাত্মতত্ত্বের যাহা চরম অর্থ—বৈদিক ‘ঋত’, স্মার্ত্ত ‘ভক্তি’ ও অবন্তার ‘অম্ব’ শব্দে তাহা সমুচ্ছলভাবে পরিস্ফুট রহিয়াছে।

তাই বেদ ও অবন্তা সমভাবেই অম্বের পথের (অম্বহে পন্থাতাও) = বৈদিক “ঋতশ্চ পন্থাঃ”) মহিমা-কীর্তন করিয়াছেন। তাই ‘অম্ব’ের পুস্পিকায় বলা হইয়াছে :—

“অএবো পন্থাতাও যো অম্বহে, বীস্পে অন্ত্রএবাম্ অপন্থাম্”—পথ মাত্র একটা, উহা অম্বের, অন্য পথগুলি অপথমাত্র।

আচার্য্য জরথুশ্ত্রের উপদেশের ইহাই সার মর্ম্ম।

* পঞ্চপুস্ত (চৈত্র, ১৩৩৩) “প্রাচীন ইরাণ” ও ভারতবর্ষে (জ্যৈষ্ঠ, ১৩৩৩) “পারসিকগণের গায়ত্রী” নামক মদীর প্রবন্ধ দ্রষ্টব্য।

সাহিত্য-প্রসঙ্গ

[শ্রীকালিদাস রায় কবিশেখর, বি-এ]

অনুকরণ ও অনুমরণ

যে কোন নূতন জিনিস আবিষ্কৃত বা প্রবর্তিত হইয়া প্রতিষ্ঠালাভ করিলেই চারিদিক্ হইতে তাহার অনুকরণ হয়। সাহিত্যক্ষেত্রে যে কোন ভাব, ভঙ্গি বা ছাঁদ নূতন বলিয়া সমাদরলাভ করিলেই তাহার অনুকরণ অনিবার্য। যে সাহিত্য অতুলনীয়, অনির্বাচনীয় ও অননুকরণীয় তাহারও অনুকরণ হয়—কিন্তু তাহার সহিত মূলের এত অধিক ব্যবধান থাকিয়া যায় যে, তাহাকে অনুকরণ বলিয়া ধরাই যায় না। আমাদের দেশের তথাকথিত সমালোচকগণ তাহাকে ব্যর্থ অনুকরণ বলেন—কেহ কেহ ইংরেজীর Aping কথাটার অনুসরণে হনুকরণ বলেন। এগুলি আর যাই হ'ক অনুকৃতের কোন অনিষ্ট করে না—নিজেরাই উপহাস হয়। এই শ্রেণীর অনুকরণ যুগৈখ্য-স্বরূপ সাহিত্যের চারিপাশে ভিড় করিয়া বা কোলাহল তুলিয়া তাহার স্বস্তিভঙ্গ করিতে পারে না।

যে সাহিত্য ঐ শ্রেণীর নয়—অথচ যাহার ভাবভঙ্গি কতকটা নূতন, তাহাকে অনুকরণই ক্রমে ধ্বংস করিয়া ফেলে—অনুকৃতি নিজেও মরে—অনুকৃতকে মারে। এই শ্রেণীর অনুকরণকে অনুমরণও বলা যাইতে পারে।

কথাটাকে আর একটু পরিষ্কার করিয়া বলা যাক। বঙ্গসাহিত্যে মাইকেলের মেঘনাদ বধ, বঙ্কিমের উপন্যাস, রবীন্দ্রনাথের কাব্যসম্পদ ও প্রবন্ধ, দ্বিজেন্দ্রনাথের হাসির গান ও শরৎচন্দ্রের কোন কোন উপন্যাস এতই উচ্চ শ্রেণীর যে, ইহাদের তথাকথিত অনুকৃতিগুলি ইহাদের কোন ক্ষতিই করিতে পারে নাই। ইহাদের প্রতিভা-লোকের দীপ্তির সহিত তাহার প্রতিকলিত বিষগুলির এতই তফাৎ যে ঐগুলি কাহারও চোখেই পড়ে না। ঐ সকল সৃষ্টির অনুকৃতিগুলি নিজেরাই মরিয়াছে—মূল সৃষ্টির কোন ক্ষতি করিতে পারে নাই।

যে সকল সাহিত্য-সৃষ্টির অনুকরণ চলে—অনুকরণের

দ্বারা যাহারা অতিক্রান্ত হইয়া যায়—এমন কি অনুকৃতি যাহাদের সমকক্ষ হইয়া উঠে—তাহাদের মৃত্যু হয় অনু-সৃষ্টির জনতাতেই। উদ্ভিদ রাজ্যের দিকে চাহিলেই ইহার উপমান পাওয়া যাইবে।

যে অনুকরণ মূল সৃষ্টিকে অতিক্রম করিধা উঠে তাহার বাঁচিবার কথা—কিন্তু তাহাও বাঁচে না—যাহাকে সে অতিক্রম করে তাহাকে সে গ্রাস করে—কিন্তু সে নিজেও কিছুক্ষণ স্থূলকায় দেখাইলেও, দীর্ঘজঠর হইয়া শেষে মারা যায়। অর্থাৎ মূল সৃষ্টিটা প্রতিষ্ঠা হারায় অনুকৃতির দ্বারা অতিক্রান্ত হইয়া; আর অনুকৃতি প্রতিষ্ঠা হারায় পরকীয় উপকরণে গঠিত বলিয়া। উপরক্ষক (পরগাছা) নিজেও বাড়ে না—মূল বৃক্ষকেও বাড়িতে দেয় না। এই কথা বহু লেখকের নিজের রচনার দ্বারাই প্রমাণিত হয়। অনুকরণ যেমন পরের হইতে পারে তেমনি নিজেরও হইতে পারে। রবীন্দ্রনাথ যদি উর্ধ্বশীর অনুকরণে—উর্ধ্বশীর ভাব, ভঙ্গি ও ছন্দে রম্ভা, তিলোত্তমা, স্বতাচী ইত্যাদি আরও কতকগুলি কবিতা লিখিতেন, তাহা হইলে রসস্বর্গের মন্দাকিনীর জলে রম্ভা, তিলোত্তমা ইত্যাদি স্বর্গবনিতাগণ উর্ধ্বশীকেও জড়াইয়া ধরিয়া ডুবিয়া মরিত। রবীন্দ্রনাথ এই সত্যটাকে যেমন বুঝেন তেমনি আর কেউ না। তাই রবীন্দ্রনাথ এক ভাবভঙ্গি ও ছাঁদের ছুইটা কবিতা লেখেন নাই। নব নব উন্মেষশালিনী বুদ্ধির সম্পূর্ণ সার্থকতা দেখিতে পাই রবীন্দ্রনাথে। অর্ধ শতাব্দী ধরিয়া মুহূর্মুহ নব নব ভাবভঙ্গি, ঢং ও ছাঁদের সৃষ্টি করিতে পারিয়াছেন বলিয়াই এবং অনুকারকগণ সেই গুলির কাছাকাছি আসিতে পারে নাই বলিয়াই রবীন্দ্রনাথ এত বড় কবি। আশ্চর্যের বিষয় রবীন্দ্রনাথের গল্প-উপন্যাস গুলির ছুইখানিও একশ্রেণীর নয়। রবীন্দ্রনাথ ছুইখানি 'গোরা' বা ছুইখানি 'চিরকুমার সত্য' লেখেন নাই। কেবল-মাত্র সঙ্গীত ও রূপক নাট্যে রবীন্দ্রনাথ নিজের অনুকরণ

নিজেই করিয়াছেন। বঙ্গসাহিত্যে রবি তাঁহার কোন আকাশেই হাজার তাঁ সৃষ্টি করিতে চাহেন নাই, তিনি চাহিয়াছেন তাঁহার সঙ্গল সৃষ্টিই হইবে—

Like a star when only one
Shining in the sky.

কোন একটা বিশিষ্ট ভাব-ভঙ্গির চারিদিকে অনুকরণ হইলে দেশের যে কোন লাভ হয় না তাহা বলা যায় না। অনুকরণের বাহুল্যকে অনেকটা Broadcasting বলা যাইতে পারে। Broadcastingএর যে সার্থকতা পাঠক-সমাজ তাহাই লাভ করে। কিন্তু কে যে সেই ভাব-ভঙ্গির তত্ত্ব-তথ্যের প্রবর্তক, সাহিত্যের ঐতিহাসিক ছাড়া অল্প কেহ ধোঁকও করে না—মনেও রাখে না। কাহার দান আগে কাহার দান পরে—এ বিচার কেহ করে না। এ বিষয়ে তাঁহাদের সৃষ্টির ক্রমটা পরম্পরা হারাইয়া এক সমতলে পাশাপাশি সমসীন হইয়া পড়ে। অনুকরণের যোগ্যতা বা অনুবর্তনীয়তার অপরাধেই সৃষ্টি তাহার স্রষ্টাকে ভুলাইয়া দেয়।

যে যুগের যিনি সর্বশ্রেষ্ঠ লেখক চারিদিক হইতে তাহার অনুকরণের প্রয়াস স্বাভাবিক ও অনিবার্য। আর কিছু না হউক ইহাতে তাঁহার সৃষ্টির গুণোপলব্ধি (appreciation) সূচিত হয়। কতকগুলি লেখক তাঁহার অনুকরণ করে—তাহাদের নূতন কিছু সৃষ্টি করিবার ক্ষমতা নাই বটে কিন্তু তাহারা রসজ্ঞ। আর কতকগুলি অক্ষম লেখক অনুকরণ করিতে না পারিয়া বিরক্ত বা কুপিত হইয়া ঐ যুগ-প্রবর্তক লেখকের সৃষ্টিকে অসার প্রমাণ করিবার চেষ্টা করে,—নূতন কিছু সৃষ্টি করিব বলিয়া শাসাতে থাকে। চারিদিক হইতে কোলাহল, চীৎকার ও গর্জন করিতে থাকে। তাহাদের কোলাহলে যুগ-প্রবর্তকের সৃষ্টির ধ্যানভঙ্গ হয় না। কারণ তাহাদের নূতন কিছু সৃষ্টি করিবার সংকল্প তর্জন-গর্জনেই পর্যাবসিত হয়। উপরন্তু প্রমাণিত হয় যে, তাহারা রসিক বা রসজ্ঞও নহে। যাহা অনুকরণের অতীত তাহাকে অনুকরণ করিতে না পারিলে যে বিরক্তি বা ক্রোধের কারণ নাই—এই সহজবুদ্ধিটুকুও তাহাদের নাই। তাহাদের চেয়ে যাহারা অনুকরণ করিবার ব্যর্থ প্রয়াস করে তাহারা বরং ভাল। তাহাদের রচনা সৃষ্টি হিসাবে বাঁচে না বটে কিন্তু শ্রেষ্ঠ সাহিত্যের গুণোপলব্ধি হিসাবে টিকিয়া যায়।

কোন কোন অনুকারক কাকি দিয়া অনুকৃতিকে বাঁচাইয়া রাখিবার চেষ্টা করিয়াছে। পাঠকের দৃষ্টি ও বুদ্ধিকে ভিন্ন পথে পরিচালিত করিবার জন্য প্রাণপণে অনুকৃতিকে বাঙ্গ করিয়াছে—যেন সে অনুকৃতের নিকট বিন্দুমাত্র ঋণী নহে। পাঠক-সমাজ এত নির্কোথ নয় যে তাহা ধরিয়া ফেলিতে পারিবে না। রবীন্দ্রনাথ তাহাদের লক্ষ্য করিয়া বলিয়াছেন—

ধ্বনিটিরে প্রতিধ্বনি সদা ব্যঙ্গ করে
ধ্বনি কাছে ঋণী সে যে পাছে ধরা পড়ে।

রস-সমালোচনা

“রথ চলেছে সমানোহে বাজছে শানাই ঢোল,
উড়ছে নিশান, হাজার লোকে তুলছে কলরোল,
হলু দিয়ে পুরাঙ্গনা লাঙ্গ বরিষে পথে
সবই আছে রথের ঠাকুর নেইক শুধু রথে।”

আমাদের সাহিত্যের কাব্যবিচারের দশাও তাই। ভাষার কথা উঠে,—তত্ত্বের কথা উঠে, ভঙ্গির কথা উঠে, ছন্দের কথা উঠে, চেরাপুঞ্জী-গোবিন্দসাহারা-মার্কী শাণিত পংক্তির কথা উঠে, কেবল উঠে না কাব্যের যাহা প্রাণস্বরূপ সেই রসের কথা।

রবীন্দ্রনাথের কথার দ্বয় পরিবর্তন করিয়া বলিতে হয় ;—

রস কথা হেথা কেহ ত বলে না
করে শুধু মিছে কোলাহল,
রস সাগরের তীরেতে বসিয়া
পান করে শুধু হলাহল ॥

ভঙ্গি, ছন্দ, ভাষা একটা অপূর্ব অসাধারণ রকমের না হইলেও—কোন একটা সমস্তা বা তত্ত্বের কথা না থাকিলেও, কবিতা যে রসসম্পদহিসাবে সার্থক হইতে পারে তাহা আঙ্গকালকার নবাস্থুরিত প্রতিভার সমালোচকরা তো ভুলিয়াও বলেন না।

রবীন্দ্রনাথের পর একদল কবি পদলালিত্য ও ছন্দো-বৈচিত্র্যকে প্রাধান্য দিয়া কবিতা লিখিলেন—Poetic Convention গুলিকে Permutation Combination করিয়া কিছু কিছু কারুচাতুর্য ও দেখাইলেন।



“शक्ति”

(उमर-इ-शैयाम)

তাঁহারা রসকেই কাব্যের প্রাণস্বরূপ মনে করিয়া সাধনা করিলেন না।

আবার একদল ইদানীং আসিয়াছেন—তাঁহারা সব conventionএর বিরুদ্ধে বিদ্রোহ ঘোষণা করিয়াছেন। ইঁহারা কাব্যের ভাষাকে গঢ়াঙ্গক করিয়া তুলিবার পক্ষ-পাতী; ইঁহারা কাব্যে একটা তত্ত্ব বা 'বাদ' ফুটিলেই বা কোন-একটা তথাকথিত সত্যের আভাস থাকিলেই, কাব্য সার্থক হইল মনে করেন—মাঝে মাঝে গোটাকতক শাণিত পংক্তি মাজিয়া ঘষিয়া কাব্যের মধ্যে পুরিয়া দেন। তাঁহাদের সগৌত্রীয় সমালোচকগণ বলেন, ঐ পংক্তিগুলির মধ্যেই কবির সর্বস্ব ভরা আছে। ইঁহারাও রসকে কাব্যের প্রাণস্বরূপ গ্রহণ করিতে পারেন' নাই।

উভয় দলই কাব্যের উপকরণ লইয়াই বাস্তব উপকরণ-গুলিকেই কাব্যের সর্বস্ব মনে করিয়া স্বন্দের সৃষ্টি করিয়া-ছেন। এই বৈতর্ক্যের সহজেই সামঞ্জস্য হইতে পারে—অবৈতর্ক্যবুদ্ধিতে রসকে কাব্যের প্রাণস্বরূপ বলিয়া গ্রহণ করায়। উপকরণকেই সৃষ্টির চরম লক্ষ্য মনে করিয়া তদগত থাকা সত্ত্বেও উভয় দলের কবিরা মাঝে মাঝে অসতর্ক হইয়া পড়িয়াছেন,—তাঁহাতে মাঝে মাঝে এক-আধটা রসধন প্রকৃত কবিতার জন্ম হইয়া গিয়াছে। মাঝে মাঝে ইঁহাদের তপোভঙ্গ ঘটিয়াছে, তাই ছোট ছোট শকুন্তলার জন্ম হইয়াছে। কবিরা এই ছোট ছোট শকুন্তলাগুলিকে অনাদর করিয়া চলিয়া গিয়াছেন—কিন্তু প্রকৃত রসজ্ঞ সমালোচকের কর্তব্য সেইগুলিকে প্রতিপালন করা।

চাই প্রকৃত সমালোচক—যে জানে রসই কাব্যের স্বস্ব। সে সমালোচক—একটা শাণিত পংক্তির আঘাতেই মুহূর্ত্তে যানেন না—সে সমালোচক ছন্দের জল-তরঙ্গ শুনিয়াই নিদ্রায় বিত্তোর হইবেন না—নির্লক্ষ্য কাম-লালসার মদিরতার স্বাদ পাইয়া নেশায় বিত্তোর হইবেন না—কোন একটা অর্ধ-দার্শনিক অর্ধ-বৈজ্ঞানিক চিত্র-পুরাতন তত্ত্বের প্রথম আশ্বাদ পাইয়াই স্তম্ভিত হইয়া যাইবেন না। তিনি কবিতায় খুঁজিবেন রস—কবির সমগ্র কাব্য-জীবনে খুঁজিবেন একটা ব্রত বা message.

সেই সমালোচকেই দেখাইয়া দিবেন, উভয় দলের আত্মবিস্মৃত কবিদের কোনগুলি তাঁহাদের অজ্ঞাতসারেও সত্যসত্যই কবিতা হইয়া গিয়াছে।

রসবোধের সূত্র

সাহিত্যের রসবোধ করিতে হইলে আমাদের মনটিকে যে কতদূর শাসন-সংযত, নিয়ন্ত্রিত ও একাগ্র করিতে হয়—তাঁহা কবিদের উপমা-প্রয়োগের কথা ভাবিয়া দেখিলেই বুঝা যাইবে।

অর্জুন যখন একটা পাখীর চক্ষু বিদ্ধ করিবার জন্ত আদিষ্ট হ'ন তখন তাঁহাকে জিজ্ঞাসা করা হইয়াছিল—তুমি কি দেখিতেছ? অর্জুন বলিয়াছিলেন—একটা পাখীর চোখ ছাড়া আর কিছুই দেখিতে পাইতেছি না। সত্যই সে-সময়ের জন্ত তাঁহার দৃষ্টি হইতে বিশ্বজগৎ অপসারিত হইয়াছে।

সাহিত্যের রসবোধ করিতে হইলে মনের বিবিধ বৃত্তিকে বিশ্লেষণ করিয়া কেবলমাত্র রসোপভোগিনী বৃত্তিকে উন্মুখ ও একাগ্র করিয়া তুলিতে হইবে—ক্ষণ-কালের জন্ত অন্যান্য বৃত্তির সহিত সঞ্চল লোপ করিতে হইবে। ইঁহারা ইহা করিতে পারিবেন না—তাঁহারা নাটক পাঠ কালে ইতিহাসের মর্যাদা রক্ষিত হইল না—লালিকা (প্যারডি) পাঠ কালে মহাকবির শ্রেষ্ঠ একটা রচনার অপমান হইল—উপন্যাস পাঠকালে সামাজিক পারিবারিক বা গার্হস্থ্যনীতি ক্ষুণ্ণ হইল—কবিতা পাঠকালে সনাতন ব্রাহ্মণ্যসমাজের অমর্যাদা হইল মনে করিয়া ব্যথা পান বা কষ্ট হন; সেই ব্যথা বা রোধের জন্ত তাঁহাদের ভাগ্যে সাহিত্য-রস-বোধের আনন্দ ঘটিয়া উঠে না। আবার সাহিত্য-পাঠকালে সাহিত্যের উপাদানের মধ্যে আপনার মনোমত সামাজিক, পারিবারিক, ধর্মগত আদর্শকে পাইয়া অথবা আপনার চিরপোষিত মতামত, সিদ্ধান্ত, মীমাংসা ইত্যাদিকে পাইয়া চিত্তকে এই সকল অবাস্তব ব্যাপারে উল্লসিত করিয়াই সন্তুষ্ট হ'ন—ব্রহ্মস্বাদ-সহোদর যে রস, তাঁহার উপভোগে যে আনন্দ তাঁহা তাঁহার ভাগ্যে ঘটে না। রঙ্গীন কাচ পাইয়াই সন্তুষ্ট—কাঞ্চনকে হেলায় ঠেলিয়া রাখেন।

রসবোধের জন্ত চিত্তকে কিরূপ ভাবে শাসন-সংযত ও নিয়ন্ত্রিত করিতে হয়—কবিদের উপমা-প্রয়োগের প্রকৃতি হইতেই বুঝান যাইতে পারে।

চন্দ্রবদন বলিলে তাঁদের এক কাস্তি ছাড়া কিছু ভাবিতে হইবে না—ইহা অতি সোজা ব্যাপার। কিন্তু 'সাপের মত

সুন্দরীর বেনী' বলিলে একমাত্র সাপের আকার, দোহুল্য-
ভাব ও চিকণতাটুকু লইতে হইবে—সাপের সমস্ত উপদ্রব,
সমস্ত বিষ, সরীসৃপের সমস্ত জঘন্যতা ভুলিতে হইবে।
ইহার চেয়েও ভীষণ আছে—গৃধ্রীর মত কাল। গৃধ্রীর
সমস্তই শকারজনক—কিন্তু সমস্ত ভুলিয়া তাহার আকার-
টুকু লইতে হইবে। করিশুণ্ড ও সিংহকটির উপমাতে
আবার সমগ্র হইতে অংশ বাছিয়া লইতে হইবে—
সেই অংশের আবার ক্রীণতা বা পীনতাটুকু আকারের
সঙ্গে ভাবিতে হইবে। সবচেয়ে বেশী সতর্কতার প্রয়োজন
'গজেন্দ্র-গমনে' সব বাদ দিয়া শুধু গতিটুকুকে নিতে
হইবে। একটু এধার-ওধার হইলেই বীভৎসতা। এই
সকল উপমার রসবোধে যে সতর্কতার প্রয়োজন—সকল
সাহিত্য-বিচারেই সেই সতর্কতার প্রয়োজন আছে—নতুবা
রসের বদলে ন্যাকারজনক বীভৎসতাই লভ্য হইবে।

একজন অধ্যাতনামা কবি বলিয়াছেন—

শিরঃ শার্কং স্বর্গাৎ পততি শিরসন্তু ক্রিতিধরঃ

মহীধ্রাহুস্তু জাদবনি মবনেশ্চাপি জলধিঃ।

অথো গঙ্গা সেয়ং পদমুপগতা স্তোকমথবা

বিবেকভ্রষ্টানাং ভবতি বিনিপাত শতমুখঃ।

গঙ্গা যেমন স্বর্গ হইতে মহাদেবের শিরোদেশে পড়িয়া
তথা হইতে গিরিশিখরে, গিরিশিখর হইতে ধরাতলে,
ধরাতল হইতে সমুদ্রে এইরূপ ক্রমাগত নিম্নগামিনী হয়,
বিবেক-ভ্রষ্টদের অধঃপতনও সেইরূপ শতমুখে ঘটিয়া থাকে।

কি সর্বনাশ! হরিপদোত্তরা গঙ্গার সঙ্গে বিবেক-
ভ্রষ্টের অধঃপাতের উপমা! গঙ্গা যে হরিপদ হইতে মোহনা
পর্যন্ত আগাগোড়া পতিতপাবনী এই ভাবটা মনকে সম্পূর্ণ
অধিকার করিতে দিলে রসাভাসই ঘটিবে। এখানে
গঙ্গার পতনের ক্রমটিকে শুধু ভাবিতে হইবে—অন্ত
কিছু না।

সাহিত্য-রসবোধ করিতে হইলে আপনার ব্যাকগত
বৃত্তি, প্রবৃত্তি ও সংস্কারের দ্বারা রচনা বিশেষকে পরীক্ষা
করিলে চলিবে না—কণকালের জন্ত মনকে সর্বসংস্কারের
উপরে তুলিয়া কবির মনের কামনাকে অনুসরণ করিতে
হইবে—কবির নিজের উদ্দেশ্যটিকে লক্ষ্য করিয়া কবির
ইচ্ছিতে ও পরিচালনায় কবিরই সৃষ্ট বা কল্পিত পথে চলিতে
হইবে।

লালিকার (প্যারডির) কথা—

কাহারও কাহারও বিশ্বাস কোন কবির কোন গানের
প্যারডি লাখলে—সেই কবিতা—সেই গানের অবমাননা
করা হয়। প্যারডি-রচনা-পদ্ধতি বাংলা ভাষায় ছিল না,
—পূর্বকালে চতুর্পাঠীর পণ্ডিত ও ছাত্রগণ রসিকতা করি-
বার জন্ত কোন কোন মহাকবি-রচিত শ্লোকের ভাষার দ্বয়
পরিবর্তন করিয়া কোতুকাকারে শ্লোক রচনা করিতেন—সে
সকল শ্লোক পণ্ডিতগণের মুখে মুখে প্রচারিত হইত—সেগুলি
উদ্ভট শ্লোকের পর্যায়ে পড়ে। সেগুলিকে ঠিক প্যারডি বলা
যায় না—তবে প্যারডির সগোত্র বটে। বাংলার লোক-
সাহিত্যের মধ্যে টুকরা টুকরা প্যারডির ছত্র পাওয়া যায়—
সেগুলি কোন্ শ্রেণীর তাহা বন্ধিমচন্দ্র তাঁহার “মুচিরাম
গুড়ে”র মধ্যে একস্থলে আভাস দিয়াছেন। একদিন যাত্রার
দলের ছোকরা মুচিরাম গাহিতেছে—একজন পিছন হইতে
বলিয়া দিতেছে—মুচিরামের গানের পদ মনে থাকে না।
মুচিরাম গাহিল—নীরদকুন্তলা—খামিল, আবার পিছন
হইতে বলিল—লোচনচঞ্চলা—মুচিরাম ভাবিয়া-চিন্তিয়া
গাহিল—লুচি চিনি ছোলা—পিছন হইতে বলিয়া দিল—
দধতি সুন্দর রূপং—মুচিরাম না বুঝিয়া গাহিল, দধিতে
সন্দেশ রূপং—লোচনচঞ্চল, দধতি সুন্দর রূপং—ইহার
প্যারডি দাঁড়াইল—

“লুচি চিনি ছোলা দধিতে সন্দেশ রূপং” এই ভাবে
“পার্কীতীশুভ লঘোদরে”র প্যারডি ‘পাক দিয়ে সূতো লম্বা
কর।’ ইত্যাদি। মোট কথা—আমরা প্যারডি বলিতে
আজকাল যাহা বুঝি—ঠিক সেই ধরণের সম্পূর্ণ কবিতা
আগে ছিল না।

ইহা বিলাত হইতে আমদানী। বিলাতের লোকেরা
যে ভাবে প্যারডির বিচার করেন, সেইভাবেই বাংলার
প্যারডিরও বিচার করা উচিত।

সাধারণতঃ দেশবিখ্যাত কবির সর্বজন-পরিচিত সর্ব-
শ্রেষ্ঠ সঙ্গীত বা কবিতারই প্যারডি রচিত হইয়া থাকে।
যে সঙ্গীতের প্যারডি করা হয়—সে সঙ্গীতটি সম্পূর্ণ স্মরণে
না থাকিলেও প্যারডি উপভোগ করা যায় না। সেজন্য
যে সঙ্গীতটি সকলেই জানেন তাহারি প্যারডি হইয়া থাকে
এবং সর্বজন-সমাদৃত সঙ্গীত, ভগবৎপ্রেম, দেশপ্রেম বা
নরনারীর পবিত্র প্রেমকে অবলম্বন করিয়াই সাধারণতঃ

রচিত। ভাষার ঈষৎ পরিবর্তন করিয়া ছন্দ সুর ও ধ্বনিকে অক্ষুণ্ণ রাখিয়া Sublime শব্দ সমূহকে যেমন করিয়া Ridiculous করিয়া তুলিয়া যায়, শাস্তিরসপেত রচনাকে কিরূপ কৌতুক-রচনায় পরিবর্তিত করা যায়, এই কলা-কৌশল দেখাইবার জন্যই প্যারডি।

কাজেই প্যারডি রচনার দ্বারা আদৌ স্মৃতিত হয় না যে, প্যারডিকারের মূল সঙ্গীতের প্রতি ভক্তি বা শ্রদ্ধা নাই— অথবা সঙ্গীতের পবিত্র বিষয় বস্তুকে অবমাননা করাই তাঁহার উদ্দেশ্য। বরং পক্ষান্তরে মহাকবির প্রতি প্যারডিকারের গভীর শ্রদ্ধাই স্মৃতিত হয়। সেইজন্যই সাহিত্যগুরু বঙ্কিমচন্দ্র হইতে আরম্ভ করিয়া আধুনিক কবি সতীশচন্দ্র ঘটক পর্যন্ত অনেকেই নিঃসঙ্কোচে ষুগপাবন শ্লোক বা সঙ্গীতের প্যারডি

লিখিয়াছেন। বিষয়কে চণ্ডীর শ্লোকের প্যারডি পড়িয়া কে বলিবে চণ্ডীর প্রতি বঙ্কিমচন্দ্রের ভক্তি ছিল না। কে না জানে গীতা ও চণ্ডী বঙ্কিমচন্দ্রের জীবনের প্রধান উপাশ্র ছিল? তাই সতীশচন্দ্র-রচিত—“আমার জন্মভূমি” গানের প্যারডি “আমার কর্মভূমি” ও ‘সোনার তরী’র প্যারডি “সোনার বড়ি” পড়িয়া ধিজেন্দ্রলাল ও রবীন্দ্রনাথ কতই উল্লাস প্রকাশ করিয়াছিলেন।

মোট কথা, প্যারডি এক শ্রেণীর কারুকলা। উহাকে শিল্প হিসাবেই বিচার করিতে হইবে—উহার ঈষদন্ন রস উপ-ভোগ করিতে হইলে অল্প কোন রসের পাত্রে অথবা কোন বিশিষ্ট সংস্কারের পিতল-কাঁসার পাত্রে ঢালিয়া সেবন করিলে চলিবে না।

লাঞ্জিতা

(গল্প)

[শ্রীমতী পূর্ণশশী দেবী]

এক

তাকে আমি দেখেছিলুম—শুধু দুঃখ লাঞ্ছনা ও নির্ঘাতনের মধ্যে এবং চোখের জলেই সে দেখার পরিসমাপ্তি।

তাই জীবনের উৎকলে এসে ও তার ব্যথা-মলিন স্মৃতিটুকু নির্মল শরতাকাশে এক ধুঁ হালকা মেঘের মত আমার অন্তরের নিরালা কোণটিতে ছায়া ফেলে এতটুকু ঝাপসা ক’রে রেখেছিল।

আজও সুদূর অতীতে হারিয়ে-যাওয়া দিনগুলির মধ্যে খোঁজ করলে সবে আগের মনে প’রে যায়, সেই স্মরণায় দিনটা, যেদিন তার সাথে আমার প্রথম দেখা।

সেদিন সকালবেলা রোগী দেখে ফিরছি, পথের ধারে একখানি ছোট্ট ঘেটে বাড়ী, কুঁড়ে বসেই হয়, তার সামনে দেখলুম জনকতক পুরুষ ও স্ত্রীলোক ভিড় ক’রে গোলমাল করছে।

এ শহর নয় পল্লীগ্রাম, সুতরাং জনতা সামান্য হ’লেও উপেক্ষা করা যায় না, ব্যাপার কি দেখবার জন্য আমি ভাড়াভাড়ি এগিয়ে গিয়ে দেখি—চমৎকার দৃশ্য! ঘরের দরজায় কপাটে ঠেস দিয়ে ব’সে একটা শীর্ণকায় দীনবেশা প্রৌঢ়া নারী; তা’র সারা অঙ্গে রোগের অবসাদ সুস্পষ্ট, কেবল কোটরগত চক্ষুহুঁটা ক্রোধ ও উত্তেজনায় যেন ধ্বক ধ্বক ক’রে জ্বলছিল। সেই জগন্ত দৃষ্টিতে সম্মুখবর্তিনী কিশোরীর পানে চেয়ে, তীব্র তর্জন-স্বরে সে বলছিল—
“গেলি না? এখনও দাঁড়িয়ে আছিস? আবাগী! সর্বনাশী! পোড়ার মুখ দেখাতে এতটুকু লজ্জা হ’ল না তো’র? যা—বেরিয়ে যা,—দূ’ হ’য়ে যা আমার সামনে থেকে—”

তিরস্কৃত মেয়েটি—তার বয়স চোদ্দ কি পনের’র বেশী হবে না—দাঁড়য়ার উপরকার একটা খুঁটা ধ’রে ম্লান আমত মুখে নীরবে দাঁড়িয়েছিল। হৃৎযোগ-ধ্বিতা বর্ষা-

প্রকৃতির মত তার অবস্থা। পরণে আধ-ময়লা ডুরে কাপড়-খানি ছিন্ন-ভিন্ন, রুক্ষ চুলের রাশি থলোমেলো ভাবে বুকে পিঠে ও মুখের উপর ছড়িয়ে পড়ে মুখখানি প্রায় দৃষ্টির অগোচর করে রেখেছিল; তথাপি জনতার জোড়া জোড়া চোখের উৎসুক দৃষ্টি সেই মুখের উপরই নিবদ্ধ।

শ্রোতার কঠোর তিরস্কারেও মেয়েটির নত মৌন মুখে একটা কথা ফুটল না। খুঁটীটা শব্দ করে চেপে, সে নিশ্চল-ভাবে দাঁড়িয়ে রইল। দেখে সমবেত স্ত্রীলোকদের মধ্যে একজন আধাবয়সী, গালে হাত রেখে, সবিস্ময়ে বল্লেন,— “শান্তি মেয়ে মা!—সেই অবধি কত ভৎসনা, কত গালমন্দ খাচ্ছে, তবু মুখে ‘তু’ শব্দটা নেই! যেন পাথরের পুতুলটা! যা না,—ঘরে গিয়ে মা মাগীর হাতে পায়ে ধর, তা’নয় কাঠ হ’য়ে দাঁড়িয়ে আছেন! এমন মেয়ে নইলে কি—”

তার মুখের কথা শেষ হ’তে না হ’তে পাশের পুরুষটা, যিনি এতক্ষণ ডাবডেবে চক্ষুহুঁটার তীব্র ক্ষুধিত দৃষ্টিতে মেয়েটিকে যেন গিলে খেতে চাইছিলেন, তিনি মাথা নেড়ে সবগে বলে উঠলেন—“ও মেয়েকে ঘরে ঢুকতে দেবে কে তা’ শুনি! হ’লই বা পেটের সন্তান—কাছ মাসীর কি এতটুকু ধর্ম-ভয়, সমাজ-ভয় নেই যে ওই মেয়েকে—”

একটা বর্ষীয়সী নারী ছুয়ারে উপবিষ্টা শ্রোতার পানে সদয় নেত্রে চেয়ে, শশব্যস্তে বল্লেন—“আহা! তা আর বল না, বাছা! আমাদের কাদম্বিনীকে সে অপবাদ দিতে আজ পর্যন্ত কেউ পারে নি—পারবেও না! তারক যখন মারা গেল—তখন ওর বয়স কতই বা? সেই অবধি ওই মেয়েটিকে কোলে নিয়ে গতর খাটিয়ে কত কষ্টে কত দুঃখেই না দিন গুজরান করেছে; কিন্তু ওর চাল-চলন নিয়ে একটা কথা কেউ কোনও দিন বলতে পেরেছে কি? এখনও; বুড়ো মাগী, মরতে বসেছে, তবু পথ চলতে এক গলা ঘোমটা দিয়ে মরে! তবে ভুল করেছে মেয়েকে আইবুড়ো খাড়ী করে রেখে,—বিপিন সরকার তখন অত সাধাসাধি করলে, সে সময় বিয়েটা দিয়ে ফেল্লই আজ কি এই খোয়ারটা হ’ত?—হলই বা তেজবরে! গয়লা নেই যখন—”

আমি গ্রামে নূতন এসেছি, অবশ্য খুব ছোট বেলায় কিছু দিন না কি এখানে ছিলাম, কিন্তু তখনকার কথা একটুও মনে ছিল না। গ্রামের অনেকের সঙ্গেই আমার

এখনও আলাপ-পরিচয় হয় নি। কাজেই এই মা ও মেয়েকে আমি চিনতে পারলুম না,। তবে শান্ত পন্নীতে আজ বিপ্লবের সৃষ্টি করেছে যে ওই কিশোরীই—তা বেশ বুঝতে পারলুম। কিসের জগৎ এ বিপ্লব! জানবার জগৎ বড় কৌতূহল হ’ল।

জনতার মধ্যে প্রবেশ করে আমি জিজ্ঞাসা করলুম,— “ব্যাপার কি? ও মেয়েটা কি করেছে যে—”

মেয়ের মা, আমার দিকে তাকিয়ে, কপালে করাঘাত করে আর্ত স্বরে বলে উঠলেন, “করতে আর বাকি কি রেখেছে, বাবা!—হতভাগী আমার পোড়া মুখ পুড়িয়ে দিয়েছে একেবারে!—এর চেয়ে যদি পুকুরে ডুবে মরত—তাই মরলি না কেন রে পোড়াকপালী!—কালামুখ নিয়ে আবার কেন এলি মড়ার ওপর ঝাঁড়ার ঘা দিতে?”—

আমার তখন বয়স অল্প, তাই স্ত্রীলোকটা যে কত দুঃখে কত বেদনায় সন্তানের মৃত্যু কামনা করছিলেন তা বুঝতে পারি নি। মনে হ’ল কি পাষণী মা!”

জনতার মধ্যে যাঁরা আমাকে চিনতেন, আমাকে দেখে তাঁরা শশব্যস্ত হ’য়ে বল্লেন, “এই যে ডাক্তারবাবু! আশ্রম আশ্রম!—বেচারী মালতীর মার ছুঁতোগের কথা শুনেছেন? অনাথা বিধবার ঐ তো একটা মেয়ে, তারও.....সংক্ষেপে শুনলুম—এই ভাগ্যহতা জননী ও ছুঁতোর দুঃখের কাহিনী। মালতীর মা কাদম্বিনীর স্বামি জমীদারী সেবেস্তায় কাজ করতেন, বেতন যৎকিঞ্চিৎ, তাই সঞ্চয় কিছু ছিল না। স্বামীর মৃত্যুর পর কাদম্বিনী নিতান্ত অভাবে পড়েও প্রকাশ্য ভাবে দাসীরূতি অবলম্বন করতে পারেন নি, কারণ তিনি কায়স্থ-কন্যা, গরীব হ’লেও বংশ-সম্মানে গ্রামের ভদ্র মহিলাদের চেয়ে কোন অংশেই হীন ছিলেন না।

কিন্তু যেখানে সঞ্চয় নেই, রোজগার নেই, সেখানে ছুঁটা প্রাণীর দিন চলে কি প্রকারে? সামান্ত অলঙ্কার ক’খানি এবং ঘরের তৈজস-পত্রগুলিও যখন একে একে নিঃশেষিত হ’য়ে গেল,—তখন মেয়েটার মুখ চেয়ে কাদম্বিনীকে অবশেষে জমীদার-গৃহিনীর শরণাপন্ন হ’তে হ’ল। জমীদার-গিন্নি বড় দয়ালবতী, তাঁর দয়ায় মা ও মেয়ের ছ’মুঠা অন্নের অভাব ঘুচে গেল, কিন্তু গরীব হ’লে কি হয়—মালতীর মার আশ্রমসম্মান-জ্ঞানটা ছিল বিলক্ষণ, তাই জমীদার-গিন্নির এই দয়ার দান সে দান বলে গ্রহণ করতে পারে নি, এই

উপকারটুকুর পরিবর্তে সে জমীদারের বৃহৎ সংসারে ছোট বড় অনেক কাজই ক'রে আসত। এমন কি, ইদানীং অরে ভুগে ভুগে শরীর ভেঙ্গে পড়লেও খাটুনির একদিনও বিরাম দেয় নি সে, অবশ্য মেয়েটা তার সকল কাজে সাহায্য করত।

কাল জরটা বড় বেশী রকম চেপে ধরেছিল ব'লে মালতীর মা কাজে যেতে পারেনি, ওদিকে কুটুম-সাক্ষেতের ঠেলায় জমীদার-বাড়ীতে কাজের বড় ভিড় পড়েছিল, তাই ছপুর-বেলা জমীদার-গিন্নি তাঁ'দের বুড়ো ঝিকে পাঠিয়ে মালতীকে নিয়ে যান, কথা ছিল বুড়ো ঝি সন্ধ্যাবেলা মেয়েকে আবার রেখে যাবে।

কিন্তু সন্ধ্যা উত্তীর্ণ হ'য়ে গেল, তখনও মেয়ে এল না, কাজেই মালতীর মা সেই জ্বর গায়েতেই কাঁপতে কাঁপতে গেলেন মেয়েকে ডাকতে, সেখানে গুলনেন মা'র অসুখ ব'লে মালতী না কি সন্ধ্যার আগেই ছুটি চেয়ে নিয়েছিল; বুড়ো ঝির তখন কাজে হাত-জোড়া, তাই মালতীকে একটু অপেক্ষা করতে বলে, কিন্তু মালতী—তখন মা'র জন্তু এতই ব্যস্ত, যে এইটুকু পথ সে একাই চ'লে যেতে পারবে ব'লে তাড়াতাড়ি চ'লে যায়।

মালতীর মার তখন যে অবস্থা হ'ল, তা বলবার নয়। শক্তিহীন অবসন্ন দেহ-মন নিয়ে হতভাগিনী খানিক পাগলের মত পথে পথে ঘুরে শেষে কোনমতে ঘরে ফিরে সেই যে শুয়ে পড়েছিল, একেবারে বেহুঁস বেঘোর। শেষ রাত্রে যখন তার জ্ঞান হ'ল, তখন দেখে মালতী তার পায়ের জলায় ব'সে কাঁদছে।”

জিজ্ঞাসা ক'রে জানা গেল, ছোটবারু না কি তাকে ফুসলে ডেকে নিয়ে গিয়ে আটক ক'রে রেখেছিল। রাগে ক্ষোভে আমার আপাদ-মস্তক রি রি ক'রে উঠল'।— উঃ। কি ভয়ানক!—এবে যে রক্ষক সেই ভক্ষক! গ্রামের হর্তা কর্তা জমীদার-পুত্রের এই কাজ! দুর্কালের প্রতি প্রবলের এই নৃশংস অত্যাচার—এর কি কোনও প্রতিবিধান নেই? যত লাঞ্ছনা—যত ধিকার ঐ কচি মেয়েটার উপর।

উত্তেজিত হ'য়ে বল্লম—“সব জেনেও আপনারা সব চূপ ক'রে আছেন? সেই পাখণ্ডকে ধ'রে আগাগোড়া চাব'কে দিতে পারেন নি? মেয়ের দোষ কি?—ছেলে মানুষ, ওর ফোস্ফানোতে ভুলে যদি—”

জনতার এক প্রান্ত থেকে চাপা বাম্বাকঠে শোনা গেল—“ম'রে যাই! মেকী কচি খুকী কি না!—ফোস্ফানোতে অমনি ভুলে গেলেন! বিয়ে হ'লে কবেই না ছেলের মা হ'ত।—”

“ও মা! তা আব হ'ত না? আমার খেঁদি ওরই বয়সী তো? কোলে মেটের এক বছরের খোকা, আবার পোয়াতী। হুঁ! ও সব ঠাকামীর কথা শোন কেন? মেয়ে-মানুষের কাছে আসকারা না পেলো ব্যাটাছেলের কি অতটা তরসা হয়?—ও তখুনি পালিয়ে এল না কেন? বেঁধে তো আর রাখে নি?”

দুই

মালতী তখনও তেমইন নিশ্চল নীরব হ'য়েই দাঁড়িয়ে ছিল। এই সব তীব্র আলোচনা ও যুক্তির বিকল্পে তার বলবার কি কিছুই নেই? মেকি বাস্তবিক অপরাধিনী কিংবা লজ্জার পীড়নে...

আমি আর চূপ ক'রে থাকতে না পেরে, তাকে জিজ্ঞাসা করলুম—“সে হতভাগটার কারসাজী যখন জানতে পারলে তুমি তখন জোর ক'রে চ'লে এলে না কেন? সে কি তোমাকে বন্ধ ক'রে—”

“হাঁ, তা না হ'লে আমি তখুনি পালিয়ে আসতুম না?” মেয়েটা এতক্ষণ পরে মুখ খুলে—চোখ মেলে তাকাল; ডাগর চোখ দুটি তা'র আরক্ত, ক্ষীত, দেখলেই বোকা যায়, বেচারী সারারাতই কেঁদে কাটিয়েছে। আর সেই বিষাদমাখা মুখখানির ব্যথাতরা করুণ-শ্রী দেখে আমার তরুণ চিত্তে বাস্তবিক অন্তর্কিতে একটা আঘাত লাগল, যেন বর্ষা-ভেজা অপরাধিতা ফুলটা!

তার কথা শুনে শশব্যস্তে বল্লম—“কি ভয়ানক কথা! তোমাকে বন্ধ ক'রে রেখে সে এই অত্যাচারটা করলে? সেখানে আর কেউ কি ছিল না?”

“না, সে ঘর ধানা যে বাগানের এক টেরে, সন্ধ্যাবেলা সেখানে কেউ থাকে না। তবু আমার চেঁচামেচি, আর কান্নাকাটিতে ভয় পেয়ে সে আমাকে গাল দিতে লাগতে, সেই চ'লে গেল, তখনই—”

“চ'লে গেল? তোমাকে একলাটী সেই ঘরে বন্ধ করে? তার পর?”

“আমিও ভাড়িতাড়ি সেই বন্ধ দরজার ভেতর থেকে ছড়কো ভুলে দিলুম, তাই আর চুকতে পারে নি। বাইরে থেকেই ক’বার শাসিয়ে চ’লে গেলে, তারপর নিশ্চিন্তি রাতে একটা জানলার ফাঁক দিয়ে গ’লে অতিকষ্টে আসি ...তাই দেখুন না, কি দশা হয়েছে—”

মালতী হাত ছুখানা তুলে দেখালে, জানলা গল্বে গিয়ে কত জায়গায় আঘাত লেগেছে; ডান হাতের কনুইয়ের কাছে খানিকটা ছ’ড়ে গিয়েছিল, তার রক্ত এখনও শুকায় নি।

আমি শিউরে উঠে বললুম—“ইঃ, তাই তো! সেই পাষাণটার নামে নালিশ আনা উচিত যে! আপনারা সবাই যদি সাহায্য করেন—”

“জমীদারের ছেলের নামে নালিশ কোজদারী করবে, কার ঘাড়ে, ছুটা মাথা আছে বাপু? আর, মেয়েটা যে সত্যি কথাই বলছে, তারই বা প্রমাণ কি?”

কথাটা বল্লেন এক প্রবীণ ব্যক্তি, যিনি এ গ্রামের একজন মোড়ল, স্তুরাং অস্তুর কাছে আর কি প্রত্যাশা করা যায়?

একজন প্রবীণা নিঃশ্বাস কেলে ফুক স্বরে বললেন—
“সত্যি হোক, মিথ্যে হোক, এখন নালিশ কোজদারী ক’রে কেলেকারীটা বাড়িয়ে আর কি হ’বে বল? মেয়ে মানুষের সুনাম যে কাঁচের চেয়েও চুনকো,—একবার ভাঙ্গলে আর তো জোড়া লাগে না, সাথে কি বলে—‘মরল’ মেয়ে উড়ল’ ছাই তবে মেয়ের গুণ গাই’ -আহা! মা মাগী মরছিল একে নিজের আলাদা, তার ওপর এই এক যন্ত্রণ হ’ল!—
এখন মায়া ক’রে ঐ মেয়ে যদি ধরে নেয়—তা’হ’লে সমাজ কি আর ওকে—”

মালতীর মা, দুর্বল শরীরে উত্তেজনার ফলে এতক্ষণ চূপ ক’রে ব’সে হাঁপাচ্ছিলেন, প্রবীণার শেষ কথা শুনে ব্যথাহতকণ্ঠে, উদাসস্বরে তিনি বল্লেন—“সমাজের ভয় আমি এতটুকু করি না, দিদি! কিসের জন্মেই বা ক’রব? সংসারে সব শুচিয়ে, সব খেয়েই ব’সে আছি, তাও বেশী দিন আর থাকতে হ’বে না; তারপর মরে গেলে মড়া কেবলতে কেউ যদি না-ই আসে, গ্রামে ডোম-মুক্কাফরাস আছে তো?—”

কথাগুলো মনে বড় লাগল আমার। আমি সহানুভূতির

সহিত বললুম—“সে তো ঠিক কথা। তবে আর মেয়েটাকে বৃথা কষ্ট দিচ্ছ কেন, বাছা! এই অপরাধের বোকা মাথায় চাপিয়ে তুমি মা চ,য়ে ওকে যদি ভাড়িয়ে দাও তাহ’লে ও বেচারী এখন দাঁড়াবে কোথায় বল?”

মালতী তা’র ব্যথাভরা করুণ আঁখিছটা তুলে আমার দিকে চাইল,—সে দৃষ্টিতে ক্লান্ততা উছলে পড়ছিল শত ধারে।

মালতীর মা একটা মর্মভেদী গম্ভীর নিঃশ্বাস কেলে আর্ন্তস্বরে বললেন—“কিন্তু, যাকে তুমি অপবাদ বলছ, তা যদি বাস্তবিক অপবাদ না হয়, যদি ও হতভাগী সত্যিই... না বাবা! ও মেয়েকে ধরে ঠাই দিয়ে ধর্ম্মে পণ্ডিত হ’তে আমি পারব না, পাপকে ভয় ক’রে এসেছি চিরদিন এখন এ মরণ কালে আর কেন—”

“তবে আমার কি হবে?—আমি কোথায় যাব, মা?”

অভাগিনী বালিকা, এবার উচ্ছ্বসিত বেদনায়—মুখে আঁচল চাপা দিয়ে কঁুপিয়ে কেঁদে উঠল’, কিন্তু মায়ের মন তাতেও টগল না,—আশ্চর্য্য!

সেই ধর্ম্ম-ভয়ে ভীতা, নিষ্ঠামতী বিধবা নারীর কোমল চিত্তবৃত্তিগুলি বুঝি কঠোর সংঘর্ষ ও নিষ্ঠার চাপে নিশ্চেষ্ট হ’য়ে অসাড় হ’য়ে গিয়েছিল! জননী-হৃদয়ের অকুরস্ত অপত্যস্নেহ-উৎস শুচিতার কঠিন আবরণের তলে চাপা প’ড়ে বুঝি নিঃশেষে শুকিয়ে গিয়েছিল, তাই রোরুণ্যমানা দুহিতার সেই আর্ন্ত আকুল প্রশ্নের উত্তরে দাঁতে দাঁতে চেপে নিশ্চয় কণ্ঠে তিনি বল্লেন—“কোথায় যাবি, কি করবি; তা আমি কি জানি রে রাঙ্কুসী? ইহকাল তো আমার খেয়েছি—আবার পরকালও খাবি না কি?”

“না না, ও কথা ব’ল না,—মাগো! তোমার ছুটা পায়ে পড়ি মা!—”

বিপর্য্যস্ত কেশ বেশ, লাহিত অবসন্ন দেহখানা কোন মতে টেনে নিয়ে মালতী মায়ের কাছে এগিয়ে গেল, পরক্ষণেই, ধর ধর ক’রে কাঁপতে কাঁপতে সে মূর্ছাহত হ’য়ে মায়ের চরণপ্রান্তে অসাদে লুটিয়ে পড়ল।

জনতা কোলাহল ক’রে উঠল’।

“আহা গো! মেয়েটা মূর্ছা গেল বুঝি?—তা আর হবে না,—কাল থেকে হয় তো পেটে জলরসিও পড়ে নি, তার ওপর এই প্রহার”—ব’লে কোন দয়ালু একটু সম-

বেদনা প্রকাশ করলেন, কেউ বা চোখ মুখ ঝুরিয়ে শুধু বললেন 'চং !!'

"ও মা ! মাগো ! তোর পাষাণী মাকে সত্যি সত্যি ছেড়ে চ'লে গেলি, মা !"

অমৃততা জননী এবার ধৈর্য্যাহারা হ'য়ে চোখের জলে ভাসতে ভাসতে এসে মুচ্ছাতুরা কণ্ঠকে বুকের মধ্যে জড়িয়ে ধরলেন। হায় রে মাতৃ-স্নেহ ! আমি আর নিশ্চেষ্ট হ'য়ে থাকতে পারলুম না,—কাছে গিয়ে শশবাস্তে বললুম—“করেন কি ? দেখছেন না ওর শুধু মুচ্ছা হয়েছে, মুখে চোখে জল দিন, বাতাস করুন, তাহ'লেই জ্ঞান হবে এখনি।”—

মুচ্ছাটা গভীর হয় নি, তাই জ্ঞান হ'তে দেরী হ'ল না। মেয়েটার জন্ম একটু গরম ছুধের ব্যবস্থা দিয়ে আমি মনে একটা অস্বস্তি ও ক্ষোভের গ্লানি বহন ক'রে বাড়ী চ'লে এলুম।

হায় ! এই আমাদের হিন্দু-সমাজ ! অসহায়া অবলার প্রতি নির্ভর নির্ঘাতন অত্যাচার অবিচার করতে যে সমাজ একটুও কুণ্ঠিত হয় না, নারীর পবিত্রতা, নারীর মহিমা পথের ধূলায় লুটিয়ে দিতে যে সমাজের প্রাণে এতটুকু বাজে না, তার আবার মঙ্গলের আশা কোথায় ?

তিন

পরদিন আবার কালকের সেই রোগীটাকে দেখতে খুব ভোরেই যেতে হ'ল। ষাবার সময় মালতীদের ঘরের ছয়ার বন্ধ দেপে গেছলুম, কিন্তু ফেরবার সময় দেখি সে পথের ধারে এসে দাঁড়িয়ে আছে, উদ্বিগ্ন মুখ, উৎকণ্ঠিত দৃষ্টি নিয়ে—আমি তাকে কুশল প্রশ্ন করবার আগেই সে তাড়াতাড়ি আমার কাছে এসে এসে জিজ্ঞাসা করলে—“আপনি ডাক্তার ?— না ?—”

“হাঁ, কেন বল দেখি ?”

“তা হ'লে দয়া ক'রে আপনি একবারটা যদি আমার—”

বলতে বলতে সে হঠাৎ খেমে গেল,—বোধ করি কথাটা বলতে তার কুণ্ঠা হ'চ্ছিল।

আমি জিজ্ঞাসা করলুম—“তুমি কি চাও বল না ? তোমার মা—কি—”

“মা কাল দিনের বেলা তো ভালই ছিলেন, কিন্তু সন্ধ্যার সময় আবার :ষাড়মুড় ভেসে অর এল। অরের ঘোরে সারারাত খালি বিভুল বকেছেন ; তারপর শেষ রাত্তিরে খুব ষাম হয়ে অরটা মগ্ন হয়েছে, এখন গা একে-বারে ঠাণ্ডা, কিন্তু কেমন যেন অঘোর হ'য়ে আছেন, ডাকলে সাড়া দেন না, চোখও খোলেন না, আমার বড্ড ভয় করছে, ডাক্তারবাবু ! মা যদি না বাঁচেন, তবে...”

উদ্বেলিত দুঃখাবেগে মালতীর যেন কণ্ঠরোধ হ'য়ে গেল। ব্যস্ত হ'য়ে বললাম—চল তো দেখি গিয়ে ব্যাপার কি ?”

কিন্তু দেখবার শোনবার আর বাকি কিছুই ছিল না তখন, সবই শেষ হয়ে গেছে। হতভাগিনী মালতীর মা, জগতের সকল দুঃখ-তাপ-জ্বালা-যন্ত্রণা হ'তে নিষ্কৃতি লাভ ক'রে চ'লে গিয়েছেন সেই চিরশান্তির রাজ্যে। আর ! এ তো মরণ নয় মুক্তি ! শান্তিছায়ায় চিরশান্তি লাভ ! এতে দুঃখ ক'রবার কিছু নেই ; কিন্তু মালতী—আহা ! মেয়েটার যে আর কেউ নেই এ জগতে—বেচারী !—

“কি রকম দেখছেন, ডাক্তার-বাবু ?—মা অমন অসাড় হ'য়ে গেছেন কেন ?”

মালতীর এই বাগ্ন ব্যাকুল প্রশ্নের উত্তরে যখন একটা নিঃশ্বাস ফেলে বললুম,—“কি আর বলব বল ? তোমার মা'র আজ সকল যন্ত্রণার অবসান হ'য়ে গেছে, মালতী !”

তখন মৃত্যু জননীর পায়ের তলায় আছড়ে প'ড়ে তার সে কি বুকফাটা কান্না—উঃ ! সে কান্নায় বুঝি পাষাণ গ'লে যায় !

ডাক্তার মানুষ, জীবনে কান্নাকাটি বিস্তর সহ করতে হয়। পাঠ্যাবস্থায়, যখন মনটা নিতান্ত কাঁচা ছিল, তখনও কত রোদনাকুলা জননীর ক্রোড় থেকে গতপ্রাণ পুত্র, শোকাতুরা স্ত্রীর বাগ্ন-ব্যাকুল বাহু-বেষ্টন থেকে স্বামীকে ছিনিয়ে নিয়ে যেতে দেখেছি, কিন্তু সেদিন সেই অসহায়া ব্যথিতা বালিকার কাতর ক্রন্দন আমার মর্মে অতখানি আঘাত করেছিল কেন, তা আজও বুঝতে পারি নি।

কথাটা শুনে পাঠক-পাঠিকা হয় তো মুচকে হাসছেন, বলবেন—এতে আর বোঝাবুঝির কথা কি আছে, বাপু ? তরুণ-তরুণীর মধ্যে চিরস্তন কাল থেকে যা-ঘটে আসছে এও তাই—

কিন্তু তা কি সম্ভব ? একজন শিক্ষাভিমानी যুবক উচ্চ

আদর্শ স্ত্রী হবার আশকার যে সাংসারিক সচ্ছলতা এবং আরাধন্য জননীর একান্ত আগ্রহ সঙ্গেও এ পর্যন্ত কোন নারীকে জীবনসঙ্গিনীরূপে গ্রহণ করতে পারে নি, সে কি মালতীর মত একজন অশিক্ষিতা গ্রামাঙ্গিনী পল্লীবালা, যার আকৃতি-প্রকৃতিতে এতটুকু বৈশিষ্ট্য; এতটুকু মাদকতা নেই, তার প্রতি আসক্ত হ'তে পারে ?

না, তা নয়,— এ শুধু করুণা, ভাগ্যহতা লাহিঙ্গা বালিকার প্রতি একটুখানি আন্তরিক দরদ ও সহানুভূতি মাত্র।

কিন্তু অন্তরে আঘাত পেলেও মেয়েটিকে মুখ ফুটে এতটুকু সাধনাও দিতে, সমবেদনা জানাতে পারলুম না। তাকে শাস্ত করলে, সাধনা দিতে সেখানে আর কেউ ছিল না। কাল যারা মেয়েটির লাঞ্ছনা দেখতে সাত-সকালে ছুটে এসেছিলেন তার বুকফাটা কান্না শুনতে পেয়েও তাঁরা কেউ আজ সাড়া দিলেন না।

কাজেই মৃত্যু জননীর পাশে মৃতপ্রাণী বালিকাকে রেখে আমাকে অমনই বেরতে হ'ল লোকের সন্ধানে।

ডোম-মুন্সিফরাস ডাকতে হ'ল না, কাদম্বিনীর স্মৃতি ভাল, তাই সমাজপতির দয়া ক'রে তার ভ্রষ্টা (?) কন্যাকে এক রাত্রিঃঘরে স্থান দেওয়ার অপরাধটুকু মার্জনা করলেন সংকার নির্বিঘ্নে হ'য়ে গেল। অবশ্য ধরচপত্রের তার আমিই নিয়েছিলুম।

মালতীর মা তো ম'রে বাঁচলেন, কিন্তু বিভ্রাট হ'ল মেয়েটিকে নিয়ে। মালতীর মত অল্পবয়সী মেয়ের পক্ষে পরের ঘরে দাসীবৃত্তি করা নিরাপদ নয়। তারপর এই ছুরপনের কলঙ্কের ছাপ নিয়ে বেচারী যে এ গ্রামের কোন গৃহস্থ সংসারে আশ্রয় পাবে, সে আশা একান্ত দুর্লভ। তবে এখন কি করা যায়? এক উপায় হতে পারে, মালতীর যদি আত্মীয়-কুটুম্ব কোথাও থাকেন, তা হ'লে তাঁদের কাছে মালতীকে পাঠিয়ে দেওয়া।

কথাটা ভিজ্ঞাসা করতে পরদিন মালতীদের বাড়ী গিয়ে দেখি,—মা'য়ের মৃতদেহ সেখানে পড়েছিল, মালতী সেই ধানচীতে নিঃসাড়ে প'ড়ে আছে। রাত্রে একজন প্রতিবাসিনী দয়া ক'রে তার কাছে ছিলেন, এখন সে একলা।

আমার সাজ পেয়ে ভুলুষ্ঠিত অবসন্ন দেহখানা কষ্টে ভুলে মালতী উঠে বসল। কি বিষয়, কি উদ্দেশ্য-করুণ

র-।

বাধিত হ'য়ে বললুম—“কাল থেকে বুঝি কিছুই মুখে দাও নি, মালতী! কি মুন্সিফ! ওদের এত ক'রে বলে গেলুম তোমাকে খাওয়ার কথা—”

মুখের উপর ছড়িয়ে-পড়া চুলগুলি সরাতে সরাতে মালতী বলে—“খাবার নিয়ে তো ক্যান্ড মাসী কতকণ সাধাসাধি করেছিলেন, কিন্তু পারলুম না খেতে কিছুতে—”

কিন্তু না খেয়ে কদিন থাকবে? এমন ক'রে উপোস দিয়ে প'ড়ে থাকলে তোমার মা তো আর কিরে আসবেন না, মালতী?”

মালতী কিছু না বলে—শূন্যদৃষ্টিতে অস্তদিকে চেয়ে রইল। আমি আর দেবী না ক'রে যে কথা বলতে এসেছিলুম, সেই কথা পাড়লুম।—“আচ্ছা, মালতী! তোমাদের আত্মীয়-স্বজন কোথাও এমন কেউ আছেন কি জান যার কাছে তুমি এখন আশ্রয় পেতে পার?”

মালতী তার ব্যথা-ভরা আঁখিছটা—আমার দিকে ফিরিয়ে ষাড় নেড়ে বলে,—“উহু—”

“তবেই তো মুন্সিফ! তুমি এখন কোথায় যে থাকবে— আচ্ছা, এ বাড়ী কি তোমাদের নিজবাড়ী?”

“কোন সময় তাই ছিল, কিন্তু এখন নয়। বাবা-মারা যাবার পর যারা এ বাড়ী নিয়েছিলেন তাঁরা দয়া ক'রে আমাদের থাকতে দিচ্ছেন মাত্র—”

“কিন্তু থাকতে দিলেও এখন তোমার একলাটি এ শূন্যবাড়ীতে থাকা তো নিরাপদ নহ্ন; তা ছাড়া জমীদার-গিন্নি আর যে তোমাকে—”

“না না, তাঁদের সাহায্য আমি চাই না, তার চেয়ে না খেয়ে শুকিয়ে মরি সেও ভাল।”

“তা হলে তুমি এখন কি করবে, মালতী? কোথায় যাবে?”

“মার কাছে, আমার যাবার জায়গা আর কোথায় আছে বলুন?—মা আমাকে এবার তাড়িয়ে দিতে পারবেন না বোধহয়!”—

মালতীর শুষ্ক অধর-কোণে বেদনার ম্লান হাসি চকিতে ফুটে উঠল, সেই হাসিটুকুর তলে চাপা ছিল—অসুরস্ব অশ্রু-উৎস। মুখখানা নামিয়ে নিয়ে মালতী আবার বলে, “যাবার আগে মা আমাকে বিশ্বাস ক'রে আশীর্ব্বাদ ক'রে গিয়েছেন, কি ভাগ্যি!—”

“তোমার মা যে কথা বিশ্বাস করে গেছেন, সে কথা একদিন সকলকেই বিশ্বাস করতে হবে মালতী! সত্য কথা তো অপ্রকাশ থাকে না, কিন্তু আপাততঃ তা’র তো কোনই সম্ভাবনা দেখছি না, যা চমৎকার লোকগুলি এখনকার! তাই ভাবছি—তোমার জন্তে এখন কি যে করি—”

“আমার জন্তে আপনি যা করেছেন, ঢের করেছেন ডাক্তারবাবু!—আর কিছু করতে হবে না আপনাকে, আমার ব্যবস্থা আমি নিজেই করব।—”

“কি করবে শুনি?”

“আত্মহত্যা?”

“ছিঃ মালতী! আত্মহত্যা মহাপাপ জানি না কি?”

মালতী নীরব, তার হতাশ-ক্লিষ্ট মুখখানি গভীর বেদনায় আচ্ছন্ন।

এক মুহূর্ত নীরবে চিন্তা করে আমি বললুম—
“মালতী!”

“কি বলছেন?”

“ও পাপ সংকল্প তুমি মনেও এন না, লক্ষ্মীটী! আমি মা’কে বলে তোমার জন্তে শীগগিরই একটা ব্যবস্থা করছি—”

“আপনার মা’কে?”—

“হাঁ, আমার মা’র যে একমুদ্রা শরীর, তাতে তোমার মত অসহায়—অনাথাকে আশ্রয় দিতে তিনি কুণ্ঠিত হবেন না, জানি—”

“আমার সমস্ত কথা জেনেও?”

অত্যন্ত সঙ্কোচের সহিত প্রশ্নটা করেই মালতী বিম্বিত-উৎসুক নেত্রে আমার পানে চেয়ে রইল।

আমি বললুম—“হাঁ সব জেনেও—আমার মা’র মনে অতটা উদারতা আছে। তিনি জীবনে অনেকের অনেক অপরাধই ক্ষমা করেছেন, তখন যে সত্যকার অপরাধী নয় তা’কে—”

“কিন্তু আমাকে আশ্রয় দিলে আপনাদের এ গ্রামে বাস করা সহজ হবে না, জানেন? হয় তো এর জন্তে শেষকালে আপশোষ—”

“না, মালতী! তোমার মত সর্বহারা নিরাশ্রয়াকে

আশ্রয় দিয়ে যদি আমাকে অসুবিধায় পড়তে হয় তার জন্তে আমার মনে আপশোষ কখনই হবে না জেন”

“কিন্তু আমি,—আমি যে...”

“তুমি আমাকে বিশ্বাস কর মালতী! সংসারে সব পুরুষই তো ছোটবাবু নয়! মনে কর আমি তোমার বড় ভাই।”

মালতী চকিতে উঠে আমার পায়ের ধূলা মাথায় তুলে নিলে—তারপর বাষ্পগদগদ কণ্ঠে বলল—

“অশৌচ গায়ে প্রণাম করতে নেই শুনেছি, তবু পারলুম না থাকতে আপনি মানুষ নয় দেবতা!”

আমার মনে তখন কিসের একটা উচ্ছাস ঠেলা-ঠেলি করছিল, সেটা সবলে দমন করে নিয়ে বললুম—“তা হ’লে আমি যাই এখন, মা’কে জিজ্ঞাসা করে পারি যদি কালই তোমাকে—”

“কিন্তু—”

“আবার কিন্তু কি?”

“আপনি জানেন না,—আপনার মত দেবতাকেও দুর্গাম দিতে ছাড়বে না এরা, এরি মধ্যে কত কথা উঠেছে, দুঃখিনী অনাথাকে দয়া করেছেন বলে—”

“ওঃ এই কথা! কিন্তু দুর্গামের ভয় করতে গেলে জীবনে কোন ভাল কাজই করা যায় না মালতী! ওসব আমি গ্রাহ্য করি না। আচ্ছা, এখন আসি তবে। হাঁ দেখ—তুমি খুব সাবধানে থেক বললে? অমন করে উপোস দিয়ে নিজেকে আর কষ্ট দিও না, আর তোমার খরচ-পত্র যা দরকার হয়—”

“কিছু দরকার নেই, কাল যা দিয়েছেন তাই এখন—”

“তবু বলে রাখলুম—আমার কাছে সঙ্কোচ করবার কারণ তোমার কিছু নেই—”

খানিক পথ গিয়ে কি মনে হল, -হঠাৎ ফিরে দেখলুম মালতী তখন দুয়ারে দাঁড়িয়ে আঁচলে চোখের জল মুছেছে—এ অশ্রুপাত কিসের, ব্যথার না কৃতজ্ঞতার?

পাঁচ

মাকে সেদিন মা’তীর সমস্ত কথাই বললুম।

করুণাময়ী মমতাময়ী জননী আমার! সেই নির্যাতিতা

অভাগিনী বালিকার লাঞ্চার কাহিনী শুনে তাঁর চোখ দুটোতে জল ভরে এল। একটা মুকুট নিঃশ্বাস ফেলে সমবেদনা-ভরে তিনি বল্লেন—“আহা গো! কি পোড়া কপাল নিয়েই মেয়েটা জন্মগ্রহণ করেছিল!”

সাহস পেয়ে বল্লুম—“তা আর বলতে? কিন্তু জন্ম-গ্রহণ যখন করেছে, তখন তার জীবন-ধারণের উপায় একটা কিছু দেখতে হবে যে মা! এ সময়ে মেয়েটা যদি কোনও ভদ্র-পরিবারে আশ্রয় না পায়—তা হ'লে সে দুর্গতির চরম সীমায় গিয়ে দাঁড়াবে যে!”

“এমন ভদ্র পরিবার এগ্রামে কে আছে অজিত! এসে পর্যাস্তই দেখছ তো—”

“খুব দেখছি!—দেখে দেখে এরি মধ্যে বিতৃষ্ণা ধরে গেছে। কেবল পরনিন্দা-পরচর্চা আর দলাদলি, ঘেঁষা-ঘেঁষি! সত্যি বলছি মা! এক এক সময় আমার মনে হয়—বড্ড ভুল করেছি আমি, ভাগলপুরে সে চাকরীটা—”

“না বাবা! ভুল নয়—তোমার উচিত কাজই করেছ তুমি। ভাল হোক, মন্দ হোক যেখানে তোমার বাপ-পিতামো জন্মগ্রহণ করেছেন—সেই খানেই তুমি—জান তো বাবা! উনি এই আশা মনে নিয়ে তোমাকে ডাক্তারী শিখতে—”

“জানি মা! বাবার চিরদিনের সেই ইচ্ছাটুকু পূর্ণ করতেই তো এই বনদেশে বাস করা! নইলে যে দেশের লোকেরা—মাচার লাউকুমড়া, পুঁইশাক দিয়ে ডাক্তার বিদায় করে, সে দেশে না কি—”

মা এবার হেসে উঠে বল্লেন—“তা বড় মিথ্যে নয়! কিন্তু ঈশ্বররূপায় তোমার তো কোন অভাব, কোন দায় নেই অজিত! তাই নেই, বোনি নেই, বিয়ে খাওয়াও কর নি যে একটা—হাঁ, ভাল কথা, সারদা ঠাকুরঝি আজ আবার এসেছিল,—যে মেয়ের কথা বলছে সে মেয়েটা না কি পরমাসুন্দরী, লেখা-পড়া, শিল্পকর্ম সকল দিকেই তৎপর, বাপ চন্দননগরের একজন নামী উকীল, তাই বলছিলুম—”

এই রে! আমি বাধা দিয়ে হাসতে হাসতে বল্লুম—“তোমায় এই পাড়াবেড়ানী ঠাকুরঝিদের বুকি আর খেয়ে দেয়ে কাজ নেই মা! যাক সে পরামর্শ পরে হ'বে, এখন

এই আতান্তরে পড়া মেয়েটার কি করা যায়, বল দেখি?”

মা'র মুখের হাসি মিলিয়ে গেল, চিন্তিত ভাবে তিনি বল্লেন, “তাই তো!”

“আচ্ছা, এক কাজ করলে হয় না মা! মালতীকে যদি তুমি নিজের কাছে রাখ—”

মা একথার উত্তর সহসা দিতে পারলেন না, চূপ করে কি ভাবতে লাগলেন।

আমি আবার মিনতি করে বল্লুম—“তাকে নিয়ে তোমার একটুও অসুবিধে হ'বে না মা! ভারি ঠাণ্ডা প্রকৃতির মেয়ে সে—এই তো ক'দিন ধরেই দেখছি, এত দুঃখ, এত কষ্টের মধ্যেও কি রকম—”

“সুবিধে-অসুবিধের কথা বলছি না অজিত! ও মেয়েকে কাছে এনে রাখলে গ্রামের লোকেরা কি আমাদের ছেড়ে কথা কইবে মনে কর? একে বউ-ঝি কেউ নেই ঘরে আইবুড় সোমস্ত ছেলে—”

“হ'লই বা? তোমার ছেলেকে তুমি যদি বিশ্বাস করতে পার মা, তা হ'লে যে যা বলে বলুক,—আমি গ্রাহ্য করব না। পারবে না মা তোমার ছেলেকে—”

“পাগল!” আমাকে কোলে টেনে নিয়ে মাথার উপর হাত বুলাতে বুলাতে মা পরম স্নেহভরে বল্লেন, “আমার ছেলেকে আমি তো ভাল করেই চিনি বাবা!”

“তবে আর অমত কর না মা! শুধু অসহায়া নিরাশ্রয়াকে আশ্রয় দেওয়াই নয়, একটা নিষ্পাপ জীবনকে দুর্গিবার পাপ থেকে রক্ষা করা, কত বড় পুণ্যের কাজ একবার ভেবে দেখ দেখি! মেয়েটা যে অবস্থায় পড়েছে, তাতে এখন আত্মহত্যা করাও তার পক্ষে অসম্ভব নয়।”

মা শিউরে উঠলেন—“ই: তা হ'লে আর ভেবে চিন্তে কাজ নেই, মেয়েটিকে আনিয়ে নি, তারপর দেখা যাবে।”

আহ্লাদে মা'র পায়ের উপর মাথা লুটিয়ে বল্লুম—“সাধে কি বলি আমার মা জগদ্ধাত্রী! তা হলে এখন—”

“তোকে আর কিছু করতে হবে না বাবা! এখন যা করবার আমিই করছি।”

“কিন্তু মা! মালতীর মায়ের শ্রাদ্ধশান্তির হাঙ্গামা চূকে না গেলে তো তাকে—”

“শ্রাদ্ধশান্তি তার করবে কে বাবা?”

“কেন ;—মেয়ে, তা হয় না না কি ?”

“হবে না কেন ? কিন্তু ঐ মেয়ে যদি শ্রদ্ধ করে, তা হলে সে কাজে গ্রামের লোক কি দাঁড়াবে মনে কর ? হরি বল ! পুরুত পাওয়াই ভার হবে যে ! যাক্ সে পরের কথা পরে দেখা যাবে, ওরা কায়স্থ, এক মাস না গেলে তো শুদ্ধ হবে না, এখনও চের সময় পড়ে আছে। আপাততঃ মেয়েটার একটা ব্যবস্থা না করলেই নয়।”

কিন্তু কোন ব্যবস্থাই করতে হ'ল না ; মা মালতীকে আনতে যখন লোক পাঠালেন, তখন মালতী নিরুদ্দেশ ! অন্ধকার নিশুতি রাতে সে যে ঘর ছেড়ে কোন্ সময় চুপি চুপি বেরিয়ে গেছে, তা কেউ জানে না।

মেয়েটার এই আকস্মিক তিরোধানে গ্রামে একটা হুলস্থূল পড়ে গেল। যত মুখ তত কথা।

“আহা গো ! মেয়েটা সত্যি সত্যি পুকুরে ডুবে মরল না তো ?”

“হাঁ, বয়েই গেছে ওর মরতে ! ও সব মেয়ে পুকুরে ডুবে মরে, তা হলে পৃথিবীতে পাপের ভরা পূর্ণ করবে বল ? এখন ও কত কীর্তি করবে আর, কত লোকের মাথা ধাবে রস ! এই তো সবে—”

“যা বলেছ দিদি ! আমি তো অজিত ডাক্তারের মাকে কালই বলেছিলুম ও মেয়ে ঘরে থাকবার নয়, কেন বৃথা বদনামের ভাগী হও, মাগীর ভাগিা ভাল, তাই আগে থাকতেই সে সটকে পড়ল।”

মেয়ে-মহলে এইরূপ এবং পুরুষ-মহলে—


“তাই তো ! মেয়েটা রাতারাতি যে কোথায় গুম্ব হয়ে গেল, তা কেউ জানতেও পারলে না ; এ যে বড় আশ্চর্য্য ব্যাপার দেখছি !—”

“এ ব্যাপারে আশ্চর্য্য হ'বার আর কি আছে ভায়া ? এ তো ধরা কথা ! সে ছোঁড়াটা, বুঝলে কি না ? (চকিত দৃষ্টিতে এদিক ওদিক দেখিয়া) একবার মুখের গ্রাস ফস্কে গিয়েছিল বলেই কি এমন সুবিধে ছেড়ে দেবে মনে করছ ?—হঃ !”

“বাস্তবিক তাই,—তবে বলি ? কাল মুখজ্যেদের বাড়ী তাস খেলে ফিরতে অনেক রাত হ'য়ে গেছিল। ঘুরঘুটি অন্ধকার, পথ জনমানবশূন্য, তাড়াতাড়ি লম্বা লম্বা পা ফেলে হন্ হন্ করে চলে আসছি,—এমন সময় দেখি না,—মালতীদের ঘরের পেছনে, দু জন লোক দাঁড়িয়ে ফিস্ ফিস্ করে কি পরামর্শ করছে। তার মধ্যে ছিপ্ ছিপে ঢাঙ্গা মত যে লোকটা সে আর কেউ নয়—সে-ই ! অন্ধকার হ'লেও আমি ঠিক চিনে ফেলেছিলুম।”

এই রকম সম্ভব-অসম্ভব আলোচনা উঠে দিনকতক গ্রাম খানিকে বেশ সরগরম করে তুললে ; তারপর সব চুপচাপ।

হত ভাগিনী মালতীর স্মৃতিটুকুও গ্রামবাসীদের মন থেকে হয় তো নিঃশেষে মুছে গেল !



পাঁচগাণির যক্ষ্মাশ্রমে

[শ্রীমতী উষা মিত্র]

রোগের হাত থেকে নিষ্কৃতি পাবার জন্মে ও তার সঙ্গে শেষ বোঝাপড়া ক'রে নেবার ইচ্ছায় আজ জব্বলপুর থেকে হাজার হাজার মাইল দূরে নষ্টস্বাস্থ্য পুনরুদ্ধারের জন্মে এ অনাস্থীয়—অচিন দেশের উদ্দেশ্যে অনির্দিষ্ট কালের জন্মে ধাওয়া করা যাচ্ছে। আশা, আবার যদি কার্যক্রম হ'য়ে সংসারের কোণটিতে জায়গা একটু ক'রে নিতে পারি। হয় তো এ বৃথা আশা—শুধুই কল্পনার সোনালী নেশা, তবুও এর মোহন চিত্রের আকর্ষণী শক্তি বড় তীব্র—বড় মিঠা, হয় তো—হয় তো—যাক সে কথা—। আস্থীয় পরিজন ছেড়ে আমার কিন্তু যেতে ভাল লাগছে না; বন্ধু-বান্ধব, স্নেহভাজনদের মুখগুলো চোখের সামনে ভেসে উঠে বড় কষ্ট দিচ্ছে। শুধু ইচ্ছে করছে চীৎকার করে বলি ওগো প্রভু—কত দিনে, আমার এ যাতনার শেষ হ'বে! দোটার মধ্য আর কত—কতদিন আমায় ফেলে রাখবে? তোমার ওজনের নিক্তির কাঁটা কত দিনে সমান হ'বে?

একটা মারাঠী মেয়ে, আমার সহযাত্রী ছিল।—সে জিজ্ঞাসা করলে, —'বহিন তোমার চোখে জল কেন?' উত্তরে বললুম,—'বহিন, তোমায় এ 'কেন'র উত্তর দিতে হ'লে আজ আমায় মস্তবড় 'পুখী খুলে বসতে হ'বে যে। আমি মরণ-পথের যাত্রী হ'লেও আমার সাধের সোণার সংসার ছেড়ে যেতে মন কিছুতেই চাচ্ছে না—যদি সেখানে আমার ভবলীলা সাক্ষ হ'য়, তা' হ'লে প্রাণের আত্মীর-স্বজনকে তো আর চোখের দেখাও দেখতে পাব' না।' রাত্রে কখন ঘুমিয়ে পড়েছিলুম জানি না। ভোরের ঠাণ্ডা হাওয়া গায়ে লাগতে চোখ খুলে গেল। বিশ্বয়-বিস্ফারিত চোখে বাইরের দিকে চেয়ে রইলুম। কি এ বিরাট সৌন্দর্য? মনের বিমর্ষতা কোথায় চলে গেল, খুসীতে সারা চিত্ত ভ'রে উঠল'। ছধারে সবুজ ঘাস ও ছোট ছোট গাছে-ঢাকা উচু-নীচু, পাহাড়। মধ্যো মধ্যো গিরিবন্ধ অতিক্রম করে লীলায়িত ভঙ্গীতে ট্রেণ সামনের দিকে ছুটে চলেছে






পাঁচগাণ

পাহাড়ের গায়ে খড়ে-ছাওয়া ক্ষুদ্র ক্ষুদ্র কুটারগুলি শাপ্ত-শ্রীমণ্ডিত হয়ে হরিতাত সূর্যমুখীর মত পাহাড়ের বৃকে যেন ফুটে রয়েছে। কোথাও বা পাহাড়ের গা বেয়ে জল পড়ছে। পাহাড় শেষ হ'বার পরই খানিকদূর পর্যন্ত গুন্ডাবৃত অসমান মাঠগুলার মধ্যে কাদের নিপুণ হাতের চষা চৌকো জমীগুলো দেখাচ্ছে—যেন কারুকার্যযুত শোভন সবুজ গালিচার মত।

আগের দিন রুষ্টি হয়ে গেছে—ঝির্ ঝির্ বাতাসের সঙ্গে ভিজামাটির গন্ধটুকু কিসের যেন ব্যথা ভাসিয়ে আনছে। সবুজ পাতায় ঢাকা ছ'ধারের উঁচু ভিজা গাছগুলো বিরহের বেদনা বৃকে নিয়ে—কার যেন আকুল প্রতীক্ষায় ধ্যানমগ্ন হ'য়ে রয়েছে। পাতার মর্ মর্ শব্দ উদাস সুর যেন ব'য়ে আনছে? কোন স্থানের পর্কতের উঁচু চূড়া পবিত্র মন্দিরের মত দেখাচ্ছে আর মনের ভিতর ঐ শান্তরসাম্পদ স্থান যেন মূর্তি ধ'রে দাঁড়িয়ে রয়েছে। আবার ওরই হাজার হাজার হাত নীচে—গুন্ডাবৃত খাদের মধ্য দিয়ে—সাপের মত এঁকে বঁকে জলের ধারা ছুটে চলেছে—কে জানে কোন দিকে? মাঝে মাঝে টেপনের ফোনাহল

যাত্রীদের স্বপনের নেশা ছুটিয়ে দিয়ে—পৃথিবীর নিত্যকার সুখ-দুঃখের মাঝে জোর ক'রে টেনে আনছে; সম্ভবতঃ তাদের রঙ্গীন স্বপ্নের গভীর আচ্ছন্নতার ওপর কোনরূপ দাগ কাটতে পারছে না। একরূপ দৃশ্যের মাঝখানে ভগবানের শ্রীহস্তের পরিচয় যেন স্পষ্ট দেখা যায়।

সবে মাত্র রোদ উঠেছে। ছ'ধারের শ্রামল পাহাড় অতিক্রম ক'রে ট্রেণ আবার তার অসমাপ্ত যাত্রা শুরু করে দিল। মেঘে-ঘেরা মিঠে রোদটুকু এক একবার ঝিলিক দিয়ে এক ধারের পাহাড়ের ওপর খানিক আবীর মাখিয়ে দিচ্ছে এবং অপর ধারে একটু সোনালী আভা ভেসে উঠছে। আকাশের নীচে খণ্ড খণ্ড সাদা-কালো মেঘগুলো আবীর নিয়ে যেন কৌতুক খেলা শুরু করে দিয়েছে। বাংলা দেশের ফাগুয়ার দিনের কথা মনে পড়ে গেল! আবীরে সর্বত্র যেন লালে লাল হ'য়ে উঠেছে। ছ' দিকে লাল ও সোনালীর অপূর্ব সমাবেশ—ছ' চোখে ব্যগ্র, ব্যাকুল, বিস্মিত দৃষ্টি মেলে উপভোগ করলুম। প্রায় ২টার সময় পুণা ষ্টেশনে ট্রেণ এসে দাঁড়াল। যদিও স্বপনের রাজহ ছেড়ে বাস্তবের দেশে



বিলমোরিয়া ব্লক অফিস

এসে পড়লুম, তবুও নয়ন-মনোমোহকর সুন্দর দৃশ্যগুলা বুকের মধ্যে ভুম্বল আন্দোলন শুরু করে দিল। প্রত্যেক শিরা-উপশিরার মধ্যে যেন তাদের অস্তিত্ব অনুভূত হতে লাগল। তারা বুকের মাঝে যে নিজেদের শাস্তরূপ এঁকে দিয়ে গেল, তা যেমনই শোভন, তেমনই বিরূপ। লাবণ্যভরা সে শোভা অবর্ণনীয় বল্লেও বেশী বলা হয় না। যাত্রীদের নামবার ছড়াছড়ি, কুন্দিদের জিনিস নামাবার বাস্ততা একটু কম্লে—নেমে পড়ে ষ্টেশনের কাছেই এক মহারাজীয় হোটেলে আশ্রয় নেওয়া গেল। একটু জিরিয়ে স্নানান্তে খেতে বসলুম। সুন্দর বন্দোবস্ত। সর্বোপরি ভাল লাগল—হোটেলের চাকর গুলার বিনীত নম্র ব্যবহার। খেতে দিল গরম গরম ভাত, ছ রকমের ডাল, চাটনী, ছোট্ট বাটীতে একটু

মাধমের ঘী, ঘী মাখান রুটী, শিম ও ছোলার ডাল দিয়ে একটা ও আলুর একটা তরকারী। আহালাদির পর ট্যাক্সির জন্তু খানিক অপেক্ষা করলুম। হোটেলের সামনেই ট্যাক্সি দাঁড়াবার স্থান। প্রায় ৪টার ময় ট্যাক্সি নিয়ে শ্রীমান্ কেটে ফিরে এল, তখন পাঁচগাণির উদ্দেশে যাত্রা করা গেল।

তারপর ছুদিকের গগনস্পর্শী উচ্চ পর্বতের মাঝ দিয়ে লাল টুকটুকে রাস্তা অতিক্রম করে ট্যাক্সি সামনের দিকে চলল। উচ্চ পাহাড়ে ওঠবার সময় তার গতি মন্থর হ'তে লাগল। আমাদের সহযাত্রী লক্ষপতি এক মাড়োয়ারী বুড়া ভদ্রলোক ছিলেন। বল্লেন,—বায়ু-পরিবর্তনের জন্তু

প্রায় দু'মাস আগে থেকে পাঁচগাণিতে বাঙলা ভাড়া নিয়েছেন—তাতে ওঁর বাড়ীর লোকেরা আছেন, আরও বল্লেন, আমরাও যদি তাঁর বাঙলায় গিয়ে উঠি, তা হ'লে খুব খুসী হ'বেন। শ্রীমান্ কেটে তখন আশ্রয় পাবার আশায় মনের আনন্দে বুড়ার সঙ্গে জোর আলাপ শুরু করে



কিমেল ওয়ার্ডে রোগীরা যন্ত্রের সাহায্যে ঔষধ-মিশ্রিত বিস্কুটবায়ু সেবন করিতেছেন

দিয়েছে—ঠিক সেই সময় একটা ধাক্কা লেগে 'টিফিনক্যারিয়ার' গেল উল্টে। হঠাৎ ভদ্রলোকের আর্ন্তকণ্ঠের চীৎকারে বিস্মিতভাবে তাঁর পানে ফিরে চাইলুম—কিন্তু তাঁর অদ্ভুত মুখভঙ্গিমা দেখে ভয়ানক রকমে অসভ্যতা করে ফেলুম। হাজার চেষ্টা ব্যর্থ করে বিশ্রীভাবে হাসিটুকু



পারক, ডবাল ইত্যাদি ব্লক

বেরিয়ে পড়ল'। যদিই বা কোন রকমে তাকে থামান গেল কিন্তু শ্রীমানের হাসি কিছুতে থামতে চাইল না। খানিক পরে তাঁর হঠাৎ বিরূপ হবার কারণ আবিষ্কার করা গেল। রাতে—নিজের খাবার জগ্ঠে শ্রীমান্ পুণ্ডার হোটেল থেকে কিছু মাংস আদি সংগ্রহ করে এনেছিল,—সে গুলা সব পড়ে গেছে দেখলুম। মাংস দেখে ঘৃণায় আর বুড়া আমাদের সঙ্গে কথা কইলেন না। মুখ ফিরিয়ে বসে রইলেন। টিফিন-ক্যারিয়ারের মুখ যদি ভাল ভাবে বন্ধ থাকত' তা হ'লে আর এ বিলাট ঘটত না। এমন আশ্রয়ও হারাতে হ'ত না। ভারি দুঃখ হ'ল, রাগও হ'ল। একে তিনি বয়সে পিতৃতুলা, তার পর হাসিমা বে অভদ্রতা করেছি তাঁর জগ্ঠে ক্ষমা চাইবার অবসর পাবার লোভে অগত্যা তার সঙ্গে পুনরায় আলাপ করবার জগ্ঠে ছ'চার বার বৃথা চেষ্টা করে অকৃতকার্য হ'লাম, সুতরাং তখন প্রকৃতির সৌন্দর্য্য পুরামাত্রায় উপভোগের জগ্ঠে মনোনিবেশ করলাম। প্রকৃত এখানে রাজ-রাজেশ্বরী, তার নিত্য নূতন রূপ ও ভাঙারের অফুরন্ত সৌন্দর্য্য উজাড় করে যেন ঢেলে দিয়েছে। লতা পাতা-ঘেরা পাঁচগাণি উপত্যকা যেন স্বর্গের শিল্পী বিশ্বকর্ষ্মার

হাতের আঁকা মনোরম ছবিখানির মত। মামব চিত্রকরের তুলিকা এ ছবি আঁকতে পারে না, এমন বর্ণসম্পাত করা কাহারও সাধ্য নয়। এই পাঁচগাণির মধ্যস্থিত ডালকেথ (Dalkeith) নামক স্থানে (T. B) টীউবরকুলেসেস রোগীদের (Sanitorium) জগ্ঠ হাঁসপাতাল—যক্ষ্মাশ্রম—তৈরী করা হয়েছে। প্রথমে এ হাঁসপাতাল পুনায় ছিল কিন্তু এখানকার জলবায়ু খুব ভাল ব'লে সার ডোরাবজী টাটা এস্থানটুকু যক্ষ্মারোগীদের সেনিটেরী-য়ামের জন্য টিবারকুলিসিসের বিখ্যাত চিকিৎসক ডাঃ বিলিমোরিয়াকে (Dr Billimoria) দান করেন—এবং এবং নর-নারীর প্রভূত উপকারেব জগ্ঠ ডাক্তার বিলিমোরিয়া এখানে হাঁসপাতাল তৈরী করেছেন। এ সেনিটেরীয়ামের পৃষ্ঠপোষক আছেন কতকগুলি পার্শী বড়লোক। তাঁরা এখানে নিয়মিতভাবে চাঁদা দিয়ে এই অকুষ্ঠানের কার্য্য সুচারুরূপে সম্পন্ন করেন। পার্শীদের দয়া, তাদের স্বজাতীয় প্রীতির বুকি তুলনা নেই। এদের কথা ভেবে দেখলে সত্যিই ভক্তিতে মাথা আপনি নত হ'য়ে পড়ে। কত গরীব অসহায় রোগী জীবনের শেষ সীমানায় এনে হতাশ



অপর কয়েকটা ব্লক

হ'য়ে পড়লেও স্বজাতিয়ের দয়ায় কার্য্যক্ষম হয়ে আবার ফিরে যাচ্ছে। এ'রা প্রত্যেক বছর ১৫টা পার্শী ক্ষয়রোগীর ব্যয়ভার বহন করে থাকেন—অবশ্য যারা অর্থ দিতে অক্ষম। এখাওর স্টেশন থেকে ৩০ মাইল, সমুদ্রের ধার থেকে ৪২০০ ফুট উঁচু।

পার্শীরা নিজ নিজ নাম দিয়ে কতকগুলি ব্লক (Block)

তৈরী করে দিয়েছে। সব শুদ্ধ ১০টা বড় ব্লক আছে। তা' ছাড়া ছুটা অতিথিশালা, অফিস, বিশ্রাম-ঘর (Recreation Hall) পাঠাগার ইত্যাদি অনেক আছে। এই হাসপাতাল বেশ একপানি ছোটখাট গ্রামের মত। ওপরে মেঘে ঢাকা আকাশ, नीচে লাল মাটি, পিছনে এক বহু দূরব্যাপী উপত্যকার কোলে উঁচু 'সিলভর ওক', পাইন, ইউক্লিপটস্‌আদি গাছে-ঢাকা ছোট-বড় ব্লক। গাছগুলো যেন সবুজ রংয়ের ওড়না গায়ে জড়িয়ে—আলতায় পা ডুবিয়ে দাঁড়িয়ে আছে। মাথার ওপর অবিরাম মেঘগুলো ছুটাছুটা, মাতামাতি করে বেড়ায়।

এই আশ্রমের পুরুষ ও মেয়েদের জন্য বিভিন্ন স্থান নির্দিষ্ট আছে। মেয়েদের মহলে মেয়েরা ও পুরুষদের মহলে পুরুষরা চিকিৎসিত হয়ে থাকেন। মেয়েদের মহলে ডাক্তার ছাড়া অল্প পুরুষদের গতাগতি নিষিদ্ধ।


এস্থানের মনোরম প্রাকৃতিক দৃশ্যের মধ্যে উপত্যকার ভিতর হ্রদটা বড়ই সুন্দর। এখানে রোগী ও রোগিণীরা নিয়মিত ভাবে স্নান করিয়া থাকেন দু'খানি ছবি দেওয়া গেল।

মেঘগুলো যখন জোর করে ঘরের মধ্যে ঢোকে, তখন তাদের স্পর্শ দেখলে সত্যিই অবাক হ'তে হয়। সকালে কুয়াসায় চারিদিকের গাছগুলো সাদা হয়ে থাকে, মিঠে বাতাসটুকু এক একবার তাদের মাঝে জাগরণের সাড়া দিয়ে ছুটে পালায়—তখন মনে হয় স্বপ্নাবেশে ওরা যেন শিউরে উঠছে।

ব্লকগুলোর দুপাশে ছুটা ক'রে দালান—মধ্যে এক মস্ত হল। চার কোণে চারখানা লোহার খাটিনা, শিয়রে একটা ক'রে মার্কেল টেবিল ওষুধ রাখবার জন্তে। ছোট্ট একটা ক'রে মার্কেল টিপয় থুথু ফেলবার,—টিনের ঢাকন দেওয়া বাসন রাখবার জন্তে দেয়ালের সঙ্গে লাগান কাঠের একটা ক'রে বাক্স—প্রসাধনের জিনিস রাখবার জন্তে। হলের মধ্যে খাবার জন্তে এক মার্কেল টেবিল, একটা আলমারী ও ড্রেসিং টেবিল, ছোট্ট চারটা আলনা ও চারখান চেয়ার।

বাইরে বসবার জন্তে সামনের বারান্দায় খানকতক চেয়ার, দুদিকে ছুটা গদী-পাতা হেলান-দেওয়া (Recliner) ছোট ছোট খাট। পিছনের বারান্দায় রোগীদের





উপত্যকার হৃদে স্নান-রত নর-নার

বাসন রাখবার জন্ত একটা কাঁচের আলমারী। ছুটা বাথরুম। সব পরিষ্কার, পরিচ্ছন্ন। প্রত্যহ ওষুধ-যুক্ত জলে ঘর মোছা হয় এবং সপ্তাহে একদিন টেবিল, চেয়ার-আদি জল দিয়ে প্রত্যেক জিনিস ধোয়া হয়। সব ব্লকগুলার একই প্রকারের ঘর নেই। বড় ব্লকে বেশী ঘর আছে।

এই সকল ঘরে থাকবার জন্ত ১৫০৭ টাকা থেকে ৭০০৭ টাকা পর্য্যন্ত মাসিক দেবার ব্যবস্থা আছে। ওই টাকায় খাওয়া, থাকা, ঔষধ-পণ্য ইত্যাদি সমস্ত খরচ সংকুলান হয়। যে ঘরের জন্ত মাসিক ১৫০৭ টাকা দিতে হয়, সেই ঘরে বার জন রোগীকে একসঙ্গে থাকতে দেওয়া হয়। ২৫০৭ টাকা থেকে ৭০০৭ পর্য্যন্ত দিলে স্বতন্ত্র ঘর পাওয়া যায়। রোগীদের খেতে দেয় সকাল ৭টায় ১ কাপ চা বা দুধ, দুটা কাঁচা ডিম, খানিক মাখন ও রুটির টোষ্ট।

৯টায়—এক কাপ দুধ। ১১টায়—ভাজা মাংস, মাংসের একটা ঝোল, তরকারী, ডাল, ভাত, একটুকরা পাউরুটি। ৩টায়—চা, কোকো বা দুধ, মাখন-রুটি বা কেক।

৬টায়—রুটির সহিত এক টুকরা মাংস, একটা কারী, একটা ভাজা, তরকারী বা পেটী—সুপ, ১টা করে কাঁচা ডিম। ৮টায়—পুডিং, দুধ বা চা। আটদিন অন্তর পোলাও ও মুরগীর ব্যবস্থা।


প্রত্যহ একই নরকম আহার্য এখানে দেওয়া হয় না। রোগীদের খেলবার জন্তে তাস, পিংপং ইত্যাদির ব্যবস্থা আছে; বাজাবার জন্তে হারমোনিয়াম, গান শুনিবার জন্তে গ্রামোফোন, রেডিও আছে। চিত্র বিনোদনের ব্যবস্থা এখানে বেশ ভাল রকমই আছে। মাঝে মাঝে রোগীদের ব্যায়াম (exercise) করিবার ব্যবস্থাও আছে। মাসে একবার করে সিনেমা দেখান হয়। বিশ্রাম-আগারে ফিল্ম গুলো রাখা হয়।

প্রত্যেক ব্লকের সামনে নানারকম ফুলের বাগান তারই মধ্যে খাট পেতে গরমের সময় রোগীরা শোয়। এই বাগান থেকে সুধাবর্ণী গন্ধ এসে রোগীদের মনকে উৎফুল্ল করে। বাগানের পরই মস্ত মস্ত গাছ—পরে পরিষ্কার লাল মাটির রাস্তা।

এখানে অতিরিক্ত বর্ষা বলে যে সব রোগীদের বেশী বর্ষা সহ্য হয়, না, তাহাদের জন্ত এঁদেরই এক ছোট জায়গা আছে সেখানে ইঁহারা মোটরকার রোগীদের পার্টিয়ে দেন। যাবার খরচ ইত্যাদি রোগীদের নিকট লওয়া হয় না। প্রত্যেক কাজ ইঁহারা নিঃশ্রমত করিয়া থাকে। সকাল ৬টায় বণ্টা বাজে তখনই ঐ এসে গরম জল নিয়ে দাঁড়ায়—মুখ হাত ধোবার জন্ত। তার পরই চায়ের বণ্টা! প্রত্যেক

বার খাবার দিবার ১৫ মিনিট আগে খণ্টা বাজে।

এখানে পুরুষনার্স ৩ জন এবং মেয়ে নার্স তিন জন আছে। ডাক্তার আছেন দু জন। দিনের মধ্যে চার বার



কতকগুলি রক একত্রে


তাপমান যন্ত্রে জ্বর এবং নাড়ী দেখে চার্টের মধ্যে লিখে রাখে। চার্টগুলো প্রত্যেকের মাথার দিকে টাঙ্গান থাকে। ডাক্তাররা নিয়মিত ভাবে দিনের মধ্যে পাঁচ বার দেখতে আসেন।

পুরাতন ম্যানেজারের বিদায় সংবর্ধনার চিত্র একপানা দিলাম।

ডাক্তারদের ভেতর যিনি বড়, ডাক্তার বিন্দিমোরিয়া, তিনি থাকেন বোম্বায়ে। মাসে একবার ক'রে দেখতে আসেন। এখানকার নিয়ম রাত ৯টা বাজলেই আলো নিবিয়ে দেওয়া। তখন আর কেগে থাকবার নিয়ম নেই।

এখানে একটা কথা বলি। কথাটার ভিতর যদিও আমার লজ্জিত হ'বার বিশেষ কারণ আছে, তা হ'লেও সত্যের খাতিরে বলতে চাই আমার মত মেয়েদের মন থেকে অসখা ভয়টাঘাতে দূর হয়—আর আমরাও যাতে ছেলে-মেয়ে, নাতি-নাতিনীদেব মনে ছেলে বেলা থেকে ভূত, জুজু প্রভৃতির মিথ্যা আতঙ্কের ছবি একে না দিই। আলো নেবার এক মজার গল্প বলি। আলো নিব'বার ১৫ মিনিট আগে তিনবার আলো নিবে আবার তখুণি জ্বলে ওঠে। এ হ'ল আলো একেবারে নিব'বার সঙ্কট। আমি ছিলাম একলা—মাত্র এক আয়া নিয়ে, উপত্যকার নীচেই যে রক সেই টায়। টেবিলে বসে লিখছিলাম। আয়াটো চুলতে চুলতে মেঝের পড়ে কখন যে ঘুমিয়ে পড়েছে আর আলো নিবে যাবার

সঙ্কট হয়ে গেছে এ সব কিছু লক্ষ্য করি নি। আমার এক বদ অভ্যাস আছে,—রাতে একলা যখন বাইরে অন্ধকারে যাই, তখন নিজের ভয়কে তাড়াবার জন্তে চীৎকার করে গান করে থাকি। মনে হয় একলা নাই—আমার ভেতরের কেউ সঙ্গীরূপে সাড়া দিয়ে চলেছে, একই সঙ্গে। পাঠক-পাঠিকারা আমার লেখা পড়ে খুবই হাসছেন নিশ্চয়; কিন্তু আমার বিশ্বাসটা আমি সরল ভাবে বলে যাচ্ছি। কিন্তু এতে সত্যিই আমি সাহস পাই। সেদিন সে সময়ে বাথরুমের দরজায় খিল দিয়ে কমোটে বসে মনের আনন্দে গান করছি। হটাৎ দেখি ঘর গেল আঁধার হয়ে—ঠিক সেই মুহূর্তে এক বিল্বী রকম ছুটাছুটীর শব্দ হ'ল বাথরুমের মধ্যে। বুঝতে পারলুম জলের ষটী নিয়ে কেউ ফুটবল খেলা শুরু করে দিয়েছে। বাইরে তখন ঝড় আর বৃষ্টি জোরে হচ্ছে। বাইরের হাওয়ার শব্দ এবং ভেতরের ছুটাছুটী এই ছটায় এক ভয়াবহ আওয়াজের সৃষ্টি করে তুললে। মুহূর্তের মধ্যে মনে হ'ল—দানো-দৈত্য-



কয়েক জন রোগী 'আলট্রা-ভারনেট রে' লইতেছেন

গুলা ঝড়-বৃষ্টির প্রচণ্ড বেগ সহিতে না পেরে বড় ছুটা খোলা জানালাও দিয়ে বরে ঢুকে তাণ্ডব নৃত্য শুরু করে দিয়েছে। আঁধারের যে এক রূপ আছে—তখন তারই মধ্যে বায়স্কোপের চিত্রের মত,—আমার চোখের সামনে—বড় বড় দৈত্যের মূর্তি ভেসে উঠতে লাগল। ছোট বেলার ঠাকুমার মুখে শোনা গল্প গুলাও সম্ভবতঃ সে সময়ে অনেক খানি সাহায্য করে ফেলেছিল। প্রথমটা ভয়ে অভিভূত হ'য়ে পড়েছিলাম মুহূর্ত পরেই যথাশক্তি



১৯২৯ সালের ফেব্রুয়ারি মাসে মহাবালেস্বর-যাত্রী কয়েকজন
রোগীর চা-পাটি

চীৎকার করেছিলাম। কিন্তু এ ভীষণ চীৎকারেও আয়ার ঘুমের কিছুমাত্র ব্যাধাত ঘটেনি। পাশেই ডাক্তারদের অফিস—তারা লঠন নিয়ে ছুটেছেন। টেঁচিয়ে যখন ক্লান্ত হয়ে পড়েছি তখন বাইরে থেকে তারা যত বনছেন—দরজা খোল, আমি তখন উদারা ছেড়ে দিয়ে উঠেছি একেবারে অতি তারায়।



চাইনা ব্লক

অগত্যা তাঁরা বাধ্য হয়ে বন্ধ দরজার ওপরের শাঙ্গী ভেঙ্গে হাত দিয়ে ভেতরের খিল খুলে ফেললেন। কিন্তু আমার চীৎকারের তখনও বিরাম ছিল না—যদিও

পরিষ্কার শব্দ বেরুচ্ছিল না। আগত ডাক্তারদের সমবেত কণ্ঠের উচ্চ হাসির শব্দে, লঠনের আলোয় চেয়ে দেখলুম, ম্যানেজারের পোষা কাল কাবুলী বেড়ালটি লেজ উচু করে দাঁড়িয়ে আছে কোণটিতে, আর তার বিষয় ব্যাকুল দৃষ্টি-টুকু আবদ্ধ করে রেখেছে আমারই যুখের ওপর। ভয়ানক রাগ হ'ল বেড়ালের ওপর। অত কাণ্ডের পরও তার অমন করে দাঁড়িয়ে থাকার কি এমন প্রয়োজন ছিল? আর ঐ লোকগুলো তাদেরই বা এত মাথা ব্যথা কেন? খানিক পরে হয় তো আমি নিজেই চুপ করে যেতুম। সব চেয়ে বেশী রাগ হ'ল আয়ার

ওপর। অমন অজ্ঞান হ'য়ে সে ঘুমাল কেন? পরের দিন সকালে সেই হাসির মাত্রা সীমাতিক্রম করতে যখন চলল তখন রাগ করে ওঁদের সঙ্গে কথা বন্ধ করে দিনুম। একজন মেয়ে ডাক্তার বল্লেন,—মিসেস মিত্রা—তোমাদের দেশে তোমার মত বীর নারী আর ক'জন আছেন? সব শেষে রাগ গিয়ে পড়ল ঠাকুমা,—দিদিমাদের ওপর। কেন ওঁরা ওই—সব দানা দৈত্য গুলার চিত্র ছেনে বেলা থেকে মনের ভেতর একে দেন, লেখা-পড়া শিখেও যার হাত থেকে রক্ষা পাবার উপায় নাই? সাথে কি বলে 'অভ্যাসো মূর্খনি বর্ততে—'অভ্যাস যায় মলে।' আবার মজার কথা হ'চ্ছে যে, আঘাটা মরাগী কথা



ডাক্তার ফুসফুস ও পাঞ্জরার মাঝে হাওয়া ভরে দিলেন



পুরাতন ম্যানেজারের বিদায় সংবর্ধনা (বাম দিক থেকে (১) কণ্ট্রোলার,
(২) মেডিকেল অফিসর কান্ডারগা, (৩) পুরাতন ম্যানেজার,
(৪) ডাঃ ভাণ্ডারগরী, (৫) নূতন ম্যানেজার আশুদীয়া)


ছাড়া কিছু বোঝে না। তাকে বললুম, 'খবরদার কাল থেকে আবার যদি তুই অমনি করে 'ঘুমাবি।' আশ্চর্য্য! পরের দিন আবার তেমনি অজ্ঞান হ'য়ে ঘুম লাগিয়েছে। ভারি বিরক্তি লাগল। রাতে ঘুম হয় না বলে ব্রোমাইড নিয়ে থাকি। তার হাঁ করা মুখে দিলুম খানিক ব্রোমাইড ঢেলে তবুও তেমনি নিশ্চিন্দ আরামে সে ঘুমাতে লাগল।



পাচগণি উপত্যকার বর্ধালামা

অগত্যা নিরুপায়ভাবে তার উদ্বেগহীন ঘুমাস্ত মুখের প্রতি লোভাতুর দৃষ্টি রেখে বসে রইলুম। আচ্ছা মানুষ— কেমন করে এমন গভীর, নিশ্চিন্দ আরামে, ঘুমিয়ে থাকে? আমার মনে হয়,—যাক্ সে কথা।

তারপর বর্ধা নামা যে এক আশ্চর্য্য দৃশ্য। ভাষায়



বর্ধানামার আর একখানি রিত্র

লিখে সে সৌন্দর্য্য ফুটান যায় না। চিত্রখানি দিলাম। পাঠক-পাঠিকারা হৃদয়ের স্বাদ বোলে মেটাবার মত এই ছবি খানি দেখে আসল রূপটা কল্পনায় একে নেবেন। উপর হ'তে পাহাড়ের গায়ে কাল মেঘের অবতরণ-দৃশ্য এমন-ভাবে আমাকে মুগ্ধ করেছিল যে আসন্ন-বৃষ্টি বুঝেও ফিরতে ইচ্ছে হয় নি—এমন ভয় হ'য়ে পড়েছিলাম যে ভুলে গেছিলাম যে আমি সবেমাত্র রোগমুক্ত হয়েছি। তারপর তাড়াতাড়ি ওয়ার্ডে ফিরে আসি।

এরপর একদিন পাহাড়ের পিছন দিকের যে মস্ত লম্বা-চৌড়া কুলা উপত্যকা আছে সেটার দৃশ্যও বেশ সুন্দর তারও একটা ফটো দিলাম। পাহাড়ের মাঝে!



কুলা উপত্যকা

মাঝে জল আছে। কত লোক সেখানে স্নান করতে যায়। আর Devils kitchen (সয়তানের রসুইঘর) বলে উপত্যকার যে আর এক দৃশ্যের চিত্র দিলুম সেটা

বড় বিস্ময়কর জিনিস। এখানে কি যে দেখলাম তাও বুঝিয়ে বলা যায় না। পাহাড়ের খানিকটা জায়গা কুচ-কুচে কাল, তার মধ্যে বেশ বড় রকমের একটা গর্ত আছে। কালোর মাঝে ধবধব সাদা জিনিসটা দেখে কি ভাব্তে



Devil's Kitchen—রাবণের চুল্লী

লাগলাম। প্রথম দৃষ্টিতে মনে হ'ল বুঝি বিদ্যুৎ এখানে এসে আশ্তানা গেড়েছে। রুষ্টির সহচর হ'য়ে বুঝি এখান থেকে আমাদেরিগকে ভীত-চকিত করবার জন্ত মাঝে মাঝে দর্শন দিয়ে থাকেন। সাহেবরা Devil's kitchen 'সয়তানের রসুইঘর' নাম কেন যে দিয়েছেন ঠিক বুঝতে পারলাম না? বোধ হয় কুপ-কুপে অন্ধকারে সয়তান বাস করে, ইংরাজদের এই বিশ্বাস; আর তার ভেতর একটু ক্ষীণ আলো দেখা যাচ্ছে বলে রসুই ঘরের আলোর সঙ্গে তুলনা করছে, কিন্তু আমার মনে হয়, 'রাবণের চুল্লী' বলাই অধিকতর সঙ্গত, কারণ দিনমানের সর্বক্ষণই ধব-ধব করে আলো দেখা যায়, আলোটা যেন জ্বল জ্বল করতে থাকে; কিন্তু প্রকৃতির বিমাদের সময় ঘনঅন্ধকারের ভেতর এটা ঠিক দেখা যায় কি না তা বলতে পারি না?

যাই হউক প্রকৃতির এই দৃশ্যটা অতীব মনোরম। ঘোর অন্ধকার যখন চোখটাকে পীড়া দেয়, তার মাঝে সাদা আলোটা একটা তৃপ্তি আনে। যাই হোক ভাল করে চেয়ে দেখলাম যে এই গর্তটা দিয়ে পেছন দিকটায় কতকটা দৃশ্য স্পষ্ট দেখা যাচ্ছে। মানুষের হাত যে এখানে কোনরূপ কাজে লেগেছে তা তো মনে হ'ল না। এত বড় গর্ত করতে কত ডিনামাইট ও কত লোক যে লাগত তাও কল্পনা করা যায় বটে, কিন্তু মানুষের

কাজের ভেতর একটা সৌন্দর্য্যবুদ্ধির পরিচয় যেমন পাওয়া যেত—একটা শৃঙ্খলার ভাব দেখা যেত, এখানে তার সম্পূর্ণ অভাব। এটা কোন নৈসর্গিক কারণে হ'তে পারে, কিংবা বিশ্বনিয়ন্ত্রার অপার করুণায় অন্ধকারের ভেতর আলোর রেখা চক্ষুর তৃপ্তি দেবার জন্ত সৃষ্ট হয়েছে। এই গুপ্তালতা ও কণ্টকসমচ্ছন্ন স্থানেও মানব কৌতূহলের বশবর্তী হয়ে উঠে, দেখবার চেষ্টা করে এটার স্বরূপ কি? এখানে আরও অনেক দেখবার জিনিস আছে। কিন্তু সত্য বলতে কি, প্রকৃতির এই সব নয়ন-তৃপ্তি-দায়ক জিনিস একা একা উপভোগ করে মনের বাসনা পূর্ণ হ'ত না। একখানা সুন্দর ছবিও যেমন একা একা দেখে সম্পূর্ণ রস উপভোগ করা যায় না, সুন্দর প্রাকৃতিক দৃশ্যও তেমনি একা একা উপভোগ করা যায় না। আমার বড়ই ইচ্ছা কর্ত জঙ্কলপুরের মাদিমা, পিসিমা, মা, দিদি, বৌদি, কাকিমা, ছোট-বোনদের—সকল আত্মীয় স্বজনকে—এনে এখানকার দৃশ্য দেখাই।

বাইশ দিন এখানে থেকে আশ্রমের চিকিৎসায় চিকিৎসিত হ'লে রোগমুক্ত হ'লাম। ওখান থেকে বেরিয়ে পড়বার জন্ত প্রাণটা আগেই উতলা হ'য়ে পড়েছিল। ভগবানকে প্রাণের ঐকান্তিক ভক্তি নিবেদন করে বেরিয়ে পড়লাম।

এখানকার চিকিৎসা সম্পূর্ণ বিজ্ঞান-সম্মত ও যাকে ইংরাজীতে বলে upto date, জগতের এ সম্বন্ধে যেখানে যা কিছু চিকিৎসা প্রণালী বেরুচ্ছে সবই এখানে পরীক্ষিত ও ব্যবহৃত হচ্ছে। আশা করি এই আশ্রমের অনুরূপ চিকিৎসালয় বাংলার খোলা মাঠে স্থাপিত হ'ক? এই বিষয় রোগ যে ভারতের ভয়ঙ্কর রকমে ক্ষতি করেছে, অধিবাসীদিগকে ধ্বংসের পথে তিলে তিলে নিয়ে যাচ্ছে, তা থেকে রক্ষা করবার জন্ত মুষ্টিমেয় পার্শী সম্প্রদায়ের প্রাণে প্রাণা এসেছিল, তাই এত বড় একটা জনহিতকর অনুষ্ঠান তারা করতে পেরেছেন, আর বাঙ্গালীরা কি এই রকমের একটা অনুষ্ঠান বাঙ্গালা দেশে প্রতিষ্ঠা করে নর-নারীর ধন্ব-বাদের ভাজন হ'তে পারেন না?

এখানকার ধারা কর্মী তাঁদের শত সহস্র ধন্ববাদ দিয়ে হৃদয়ের আন্তরিক কৃতজ্ঞতা জানিয়ে বিদায় নিলাম। এঁদেরই দয়ায় আর ভগবানের আশীর্বাদে এ-যাত্রা রক্ষা পেয়ে গেলাম। জীবনটাকে আবার কর্মক্ষেত্রে নিয়োজিত করতে পারব বলে আশা হয়েছে।

মাতা-পুত্র

[শিল্পাচার্য্য শ্রীঅর্কেন্দুকুমার গঙ্গোপাধ্যায়]

(রাহুল ও যশোধরা)

প্রাচীর-চিত্র, অজান্তা, গুহা নং ১৭, ষষ্ঠ শতাব্দী
বে ক্রয়ুগে ভারতের শ্রমণ-শিল্পিগণ অজন্তার গুহা-
মন্দির ও শ্রমণশালার প্রশস্ত ভিত্তিগাত্রে ভাবরসে উজ্জ্বল
বহু পট্টমালার অপূর্ব রঙ্গসত্ত্বারে সঞ্চিত করিয়া রাখিয়া
গিয়াছেন। গভীর অকপট ধর্ম্যভাব প্রকাশে, কল্পনার সমা-
রোহে ও ছন্দসঙ্গতিতে এবং মুক্তগতি ও বেগমান রেখা-
সম্বন্ধে সর্বোপরি সুমহান কল্পলোকের ভাব ব্যঞ্জনায়া এই
প্রাচীরচিত্রগুলি অপূর্ব হইয়া উঠিয়াছে। এই সমস্ত
বৈশিষ্ট্যে অজন্তার চিত্রাবলী পৃথিবীর যে কোন দেশের শ্রেষ্ঠ
চিত্রকলার সমকক্ষ হইতে পারে। ইতালী দেশের পেলব
সুযমায় শ্রেষ্ঠ চিত্রকলার জ্ঞান ও পূজা ইউরোপীয় সংস্কৃতি ও
সত্যতাধারায় অচ্ছেদ্য অঙ্গরূপে বিবাজ করিতেছে। এমিয়া
মহাদেশের চিত্রকলার নব-জাগরণে, অজন্তার প্রাচীর
চিত্রাবলীও ঠিক অমুরূপ দাবী করিবার অধিকারী।
ইংলণ্ডের স্কুলের অধিকাংশ ছাত্রই দা ভিক্কির Madonna
of the rocks অথবা বতিচেলীর Madonna of the
Pomegranate চিত্রের সহিত সুপরিচিত। কিন্তু জিজ্ঞাসা
করিতে পারি কি, আমাদের দেশের কয়জন স্কুলের
শিক্ষক বা কলেজের অধ্যাপক ভারতের বৌদ্ধ মাতৃকা
চিত্রের সহিত পরিচয়ের দাবী রাখেন, যে চিত্র
অজন্তার সপ্তদশ-সংখ্যক গুহার গাত্রে অঙ্কিত চিত্রা-
বলীর অপূর্ব অবশেষ-রূপে আজও দীপ্যমান রহিয়াছে
এই সকল বৌদ্ধ ভিত্তিচিত্রের শ্রমণ-শিল্পিগণ আমাদের
চিত্তকে যেন এক আধ্যাত্মিক স্বপ্নময় অভিনব জগতে
লইয়া যায়। সে আধ্যাত্মিক স্বপ্ন যেন মানবজীবনের
দুঃখ, হর্ষ ও বাসনা-প্রবৃত্তির সহিত এক গভীর ও ঘনিষ্ঠ
পরিচয়ের মধ্য দিয়া অভিব্যক্ত এবং যাহা, প্রকাশ-
ভঙ্গীর অপূর্ব কৌশলে শারীর-ভাব ও অধ্যাত্ম ভাবের
সন্মিলনে মনোহর শ্রী ধারণ করিয়াছে। আমি অজন্তার
পুত্র ও জননী অথবা রাহুল ও যশোধরার চিত্রের কথাই

বলিতেছি। এই চিত্রে বুদ্ধদেবের জীবনের একটা ঘটনা
অভিব্যক্ত হইয়াছে। রাজকুমার শাক্যসিংহ যে কপিলাবস্ত
ত্যাগ করিয়া গিয়াছিলেন, বুদ্ধত্ব লাভ করিয়া তিনি আবার
ভিক্ষুকের বেশে সেখানে ফিরিয়া আসিয়া দ্বারে দ্বারে ভিক্ষা
করিয়া বেড়াইতেছেন, এমন সময়ে পত্নী যশোধরা ও পুত্র
রাহুলের সহিত তাঁহার সাক্ষাৎ হইল। রাহুলকে কোলের
কাছে রাখিয়া যশোধরা তাঁহার মুখ উত্তোলন করিয়াছেন।
সেই মুখে প্রশান্ত কোমলতা ও স্নাতীক বেদনা প্রতিভাত
হইয়া উঠিয়াছে। এই কোমলতা ও বেদনার দীপ্তি ইতালীর
বহু ম্যাডোনা-চিত্রের কোমলতা ও বেদনার দীপ্তির
সমকক্ষ। যশোধরার দুইটা নয়ন অশ্রুধারায় প্রায় পরিপূর্ণ—
সে চক্ষু হইতে অনুনয় ও ভৎসনা দুইই বিচ্ছুরিত হইতেছে।
সে চক্ষু দুইটা যেন পরিত্যক্ত পত্নীর বিদগ্ধ হৃদয়ের প্রার্থনা
জ্ঞাপন করিতেছে। আবার ভিক্ষাভাণ্ড গ্রহণ ও সন্ন্যাসীর
বেশ-ধারণের জন্ত রাজপুত্রকে ভৎসনা করিতেছে। এই
চিত্রে যশোধরা বৌদ্ধ-চিত্রকলার অশ্রময়ী জননীর যথার্থ
Mater Dolorosa রূপে কল্পিত হইয়াছেন। এই চিত্রে
ধর্ম্যভাব বা অনুভূতির যে আকর্ষণ আছে তাহা ছাড়িয়া
দিলেও চিত্র-বস্তুর সৌন্দর্য্য ও রসমাধুর্য্য গুণে ইহা
পরিপূর্ণ ও চিরন্তন আনন্দের উৎস। যশোধরার মস্তকটা
বহন-ভঙ্গীর সামঞ্জস্যে অঙ্কিত, মস্তকের রেখাগুলি অপূর্ব
ললিত ও পেলব। জননীর মস্তকের ভঙ্গী শিশুর গ্রীবা-
ভঙ্গীর যথার্থ প্রতিধ্বনি। বৈজ্ঞানিকের অপকল্প শিল্পী
চিত্রেখার কৌশলে, তাহার পরিকল্পনা দ্বিগুণ পরিস্ফুট
করিয়া তুলিয়াছেন। কোমল স্নেহে সন্তানের দুই স্কন্ধে
বেষ্টিত বাহুর বক্ররেখা ললিত অথচ বেগমান এবং বাহু
হস্তের নিয়গামী রেখার কমণীয়তা, বালকের মূর্তির সীমা-
রেখার প্রায় নিমজ্জিত হইয়া গিয়াছে। এইরূপে দুইটা
মূর্তি অপূর্ব একে সুসঙ্গত হইয়া উঠিয়াছে। প্রকৃত পক্ষে
দুইটা মূর্তির সমস্ত ভঙ্গী ও মনোভাব পরস্পর এক সূক্ষ্ম ও
কোমল ও সামঞ্জস্যের সুরে বাধা। বক্তব্য বিষয়টা আলো-

ছায়া বা গড়নের সাহায্য ব্যতিরেকে, ললিত ও অস্বাভাবিক রেখা-সমন্বয়ে পরিব্যক্ত হইয়া উঠিয়াছে। চিত্রকলায় ভাব-প্রকাশের এই অসাধারণ সাফল্য ভারতীয় চিত্রশিল্পী ইতালীয় শিল্পীর বহু শতাব্দীর অগ্রণী।

বৌদ্ধ তারা মূর্তি


(সুবর্ণখচিত তাম্র প্রতিমা)

নেবারী ভাস্কর্যা, দ্বাদশ শতাব্দী

ভারতবর্ষে মহাযান বৌদ্ধধর্মের প্রসার ও পরিণতির ফলে, ভারত-শিল্পের ভাস্কর্যা-শালা নানা দীপ্তিময় প্রতিমা-মালায় উজ্জ্বল হয়ে উঠেছিল; এই মূর্তিমালায় নানা পরিকল্পনা—গভীর ভাব-সম্পদে অতুলনীয়,—রূপ-রেখার অবয়বে “চৈতন্যময়,” এবং নানা অঙ্গ-ভঙ্গী ও ভাব-ভঙ্গিমায় বহুল বিচিত্র। সম্মুখের প্রতিলিপির ‘স্থানক’ কল্পনার “তারা” মূর্তিটি মহাযানীদের আরাধ্য একটি প্রতিমা। মূর্তিটির রস-কল্পনা স্নিগ্ধ-সৌকুমার্যে সুমধুর, অখচ ভাবের গান্তীর্যে ভাস্বর ও শক্তিশালিনী। পূর্ণ যৌবনার;— ললিত দেহ-যষ্টি ঈষৎ চঞ্চল “আভঙ্গের” বক্রঠামে দণ্ডায়মান দুই পার্শ্বে অতীব কোমল ও সুষ্ঠু রেখায় কল্পিত বাহুযুগল, বাহু-প্রান্তে পেলব হস্তযুগল;—এক হস্তে ‘অভয়’ মুদ্রা, হস্তে ‘লোল’-মুদ্রায় কল্পিত। দুইটি হস্তের নিয়গামী রেখা-গুলি বিশ্রামের আশায় যেন দুই কটিতে আশ্রয় নিয়েছে;—এই বিশ্রাম ও বিরামের ভাবটি, সমগ্র মূর্তির শান্তরস ও স্নৈর্যের ভাবটি যেন নিবিড় করে ফুটিয়ে তুলেছে। এই সুস্থির গতিহীন ভাবটি—মুখ-মণ্ডলের অপূর্ব কল্পনায় সার্থক, শিখরযুত ও চূড়ান্ত হ’য়ে ফুটে উঠেছে, কেন না শিল্পী দেবীর মুগম গুল ‘আপনার মধ্যে আপনি নিমজ্জিত’ গভীর ও নিবিড় ধ্যান-যোগের অপকল্প রসে অভিব্যক্ত ও উজ্জ্বল করে লিখে রেখেছেন। বৌদ্ধধর্মের দেবী, “তারা” অর্থাৎ ত্রাণকর্তা সারা জগতের ‘জীবগণকে সর্বদুঃখ হইতে ত্রাণ করিবার গুরুভার সহাস্তে কাঁধে তুলে নিয়েছেন। দেবীর এই গুরু দায়িত্ব তাঁহার ভাবগন্তীর বদনে, ও শান্তিপূর্ণ আত্মস্থ সুস্থির ভঙ্গীতে বেশ স্পষ্ট প্রতি-ফলিত হয়েছে। এই মুখভাব অলস বা কর্মহীন নিরুৎসাহ ভাবাবেশ মাত্র নহে; জীবজগতের যে দুঃখ-সন্তার তিনি আপনার বলে বরণ করে নিয়েছেন, সেই দুঃখময়-

জগতের দুঃখ বিমোচনের জন্য গভীর সমবেদনাপূর্ণ প্রতিজ্ঞা ও অক্লান্ত কর্মচেষ্টার চিত্রটি দেবীর মুখে অনায়াসে পরিব্যক্ত করেছেন—নেপালের প্রতিমা-শিল্পী। এই গভীর ও গভীর ‘ধানী ভাব’ এক ক্ষীণ অখচ মধুর হাস্যরেখায় সরস ও ছাতিমান হ’য়ে উঠেছে। আপনার নহে,—সমস্ত জগতের দুঃখভারে এই ক্ষীণ হাসি-রেখাটি যেন জর্জরিত ও ক্ষণভঙ্গ হ’য়ে উঠেছে। দেবীর দেহ কল্পনার শিল্প-কৌশল ও রেখাচাতুরী, বেশ-ভূষা ও মূর্তি তত্ত্বের নানা খুঁটিনাটির পারিপাট্য এমন নিপুণভাবে সংযোজিত হয়েছে— যাগতে মূর্তিটির এই প্রশান্ত ভাব ও যোগ-তন্ময়তার রসটি উজ্জ্বল হয়ে ফুটে উঠেছে। বাম পদে দেহতার গ্রস্ত করিয়া পদ্মপীঠের উপর দণ্ডায়মান মূর্তির ভঙ্গীটি ভার-সামোর মধুর ছন্দে কল্পিত হয়েছে। এই মধুর ভার-সামোর ছন্দলীলা পরিস্ফুট হয়েছে হস্তযুগল, পরিচ্ছদ ও বিশেষ করিয়া উত্তরীয়ের নিয়গামী রেখাবলীর ভঙ্গীতে,—কেন না উত্তরীয়টি অতীব শোভন ছন্দময় তরঙ্গে বাম হস্ত হইতে লঙ্ঘিত হইয়া প্রান্তভাগে কমলপীঠ স্পর্শ করিয়া যেন ক্ষান্ত ও সুস্থির হইয়াছে। এই নিয়গামী রেখা রাশির বিরুদ্ধে মাত্র একটি উর্দ্ধগামী উদ্ধত ভঙ্গী লঙ্ঘিত হইতেছে ত্রি-চূড় মুকুটের তিনটি চূড়ায়। কিন্তু মস্তক বেষ্টিত “শিরশ্চক্র” বা জ্যোতির্বলয়ের বৃত্তাকার রেখায় এই উর্দ্ধগতির উদ্ধত্য যেন ব্যর্থ হইয়াছে।

কর্ণবল্লীর কুণ্ডলদ্বয় প্রলম্বিত হইয়া দুই স্কন্ধ স্পর্শ করিয়াছে;—তাহাদের বক্ররেখা সরল স্বাভাবিক গতিতে বাহুমূলের আভরণ কেয়ুরের যুগ পর্য্যন্ত নামিয়া আসিয়াছে; এই গতিলীলার সঙ্গতি লইয়া বাহুদ্বয়ের রেখার ছন্দগতি ললিত ভঙ্গিমায় নামিয়া আসিয়া হস্তদ্বয়ের নিয়রেখায় পর্য্যবসিত হইয়াছে। রেখারাজীর এই নিয়গতি পরিচ্ছদের রেখাশ্রেণীর উপর প্রবাহিত হইয়া কমলপীঠের আশ্রয় পাইয়া ক্ষান্ত হইয়াছে। পাছে এই নিয়গামী রেখারাজীর সুললিত প্রবাহের রস ভঙ্গ হয়, এইজন্য মূর্তিটির তির্ঘণ-রেখাগুলি অত্যন্ত কোমল ও দমিত লক্ষণে অতি ক্ষীণলঘু হস্তে চিত্রিত হইয়াছে। প্রতিমাটির “উপগ্রীব” (কণ্ঠহার) ও কটিবন্ধ অতিক্ষীণ রেখাপাতে সূচিত,—প্রায় অদৃশ্য, এবং বক্ষঃস্থলের উপরিস্থিত বস্ত্র, মাত্র দুইটি রেখায় সূচিত, চিহ্নিত হয় নাই বলিলেও চলে। উর্দ্ধ হইতে নিম্নে গতিশীল



মাতা ও পুত্র

(অজটীয়ায়ক শব্দক)

(১৯৩৩ সালে প্রকাশিত)

—শ্রীযুক্ত অরুণকুমার গঙ্গোপাধ্যায় মহাশয়ের সৌজনে

৩২৩/১০ চন্দ্রশেখর চৌধুরীস্বতন্ত্র চন্দ্রশেখর চৌধুরী—

স্বত্বেরেখা

[স্বর শ্রীদেবপ্রসাদ সর্বাধিকারী এম-এ, ডি-লিট]

পল্লী-চিত্ত-বিনোদনের আর এক উপকরণ ছিল; তাহাও এখন চলিয়া গিয়াছে। গ্রামে মাঝে মাঝে বহুরূপী আসিত। নিঃস্বার্থ কয়েকখানি গ্রাম লইয়া কয়েকদিন তাহার কৃতিত্ব প্রদর্শিত হইত। এক এক চরিত্রের ভূমিকা গ্রহণ করিয়া এক এক সাজে নবীন ছাঁচে বহুরূপী সাজিয়া বাড়ী বাড়ী ঘুরিয়া বেড়াইত—হাটে-বাজারেও দেখা দিত। সময় সময় তাহাদের কৃতিত্বে অবাক হইতে হইত; আবার সময় সময় ভীত ভ্রস্ত ও ব্যস্ত হইত। তাহাদের কৃতিত্ব প্রদর্শন শুধু পৌরাণিক চরিত্রেই আবদ্ধ থাকিত না। অনেক সামাজিক চরিত্রেরও অভিনয় হইত। গ্রামবাসিগণ তাহাদের বাসায় নিত্য সিধা পাঠাইত এবং কতিপয় দিনব্যাপী অভিনয় শেষে তাহাকে উপযুক্ত বস্ত্র ও পুরস্কার দিত। সময় সময় লোকের বিশ্বাসভাজন হইয়া বহুরূপীর দ্বারা অসংখ্য নন্দিত হইত না, এমন নহে। পল্লী-জীবনে এইরূপ আয়োজন-প্রয়োজনের যেমন আয়োজন ছিল, তাঁহা-হাতক তদনুপাতে কম নয়। ছিঁচকে চুরি-চামারী বেশী হইত না বটে,—পুকুর-ঘাটে রাত্রে বাসন ফেলিয়া রাখা হইত, তাহা প্রাঘ চুরি যাইত না। কিন্তু আশ-পাশের গাঁৱেরা দূর গ্রামে ডাকাতি করিয়া রাত-রাতি আশ্রয়দাতাদের গৃহ ঘিরিয়া নিজের সাক্ষাৎ পথ পরিষ্কার করিয়া রাখিত। আর এক আতঙ্ক ছিল ছেলে-ধরার দল। গ্রামের গ্রামে 'বেদেরা' আসিয়া 'টোল' ফেলিত; সে 'টোল' ঠিক ভট্টাচার্য্য মহাশয়ের টোলের অনুরূপ নয়! ছোট ছোট গোল তাঁবু—আশে-পাশে, ঘোড়া, গরু, কুরুর ও ছাগল লইয়া সে টোল পড়িত। দিনে হাত-দেখা, ওষুদ দেওয়া ও ছুরি কাঁচি বেচা প্রভৃতি যেমন চলিত, রাত্রে চুরি-চামারিও তেমনই চলিত—মধ্যে মধ্যে ছেলে চুরিও হইত। ধান পুলিশ বহু দূরে। গ্রামবাসীর সাহায্য লইয়া গ্রামের চৌকীদার অতি কষ্টে গ্রামের শান্তিরক্ষা করিতে পারিত।

'বেদিয়া'রা ধমক-ধামকে কতক বশ হইলেও গ্রামে মধ্যে মধ্যে আর এক সম্প্রদায় আসিয়া জুটিত। তাহারা সকল বিধি-নিয়মের অতীত। নাগা ফকীর বা ঝগুর দল বলিয়া তাহারা আখ্যাত। পুরুষোত্তম হইতে বারানসীর পথের ছই ধারের গ্রামবাসীকে তাহারা ব্যতিব্যস্ত করিয়া তুলিত। সঙ্গে ঘোড়া, উট, এমন কি হাতী পর্যন্ত থাকিত—তুরী, ভেরী, ভেপু, হুন্দুতির সাহায্যে পল্লী-প্রদেশ মুখরিত হইয়া উঠিত। বড় বড় লোহার চিমটা ও ত্রিশূল তাহাদের আভরণ ও প্রহরণ। কাহারও কাহারও সঙ্গে বর্শা, বলম, শড়কী ও তরবারিও থাকিত। গ্রামের বাহিরে তাঁবু ফেলিয়া ছই মণ ঘীউ, দশমণ আটা, দশসের গাঁজা, দশসের সিদ্ধি ইত্যাদির করমায়েশ তলব আসিত; আবার সঙ্গে সঙ্গে বিনয়-সহকারে "ভূখে অন্ন, পিয়াসে পানি, লাংটে বস্ত্র; দেলায় দে রাম," বচনও কপ্‌চান হইত। গ্রামবাসী বিশেষতঃ জমীদার যথাসাধ্য আতিথ্য করিয়া পাপ নিষ্কৃতির চেষ্টা করিতেন। ছাইমাথা মুখে "হর-হর-বোয়াম্" শব্দে ধর্ম-ভাবের উদয় হওয়া দূরে থাক, জাহি জাহি রবে গ্রামবাসী পলাইত। সৌভাগ্যের মধ্যে ছই এক দিনের বেশী এ বিভীষিকা কোনও গ্রামে থাকিত না। পিতামহর "তীর্থভ্রমণ" গ্রন্থের "হরিদ্বারের কুস্তমেলা"র চিত্রের এ সকল মহাপুরুষের দর্শন পাইয়াছি। কিন্তু এ চিত্রের আর একটা দিক ছিল, শাস্ত, সৌম্য, সাধু সন্ন্যাসীর দলও মধ্যে মধ্যে গ্রামে আসিয়া অধিষ্ঠান করিতেন এবং তাহাদের শিক্ষা, আদর্শ ও উপদেশে গ্রামবাসী আনন্দিত ও লাভ-বান হইত। ভক্তি-প্রদত্ত উপহার-সস্তা র হইতে তাহারা দরিদ্র গ্রামবাসীকে অন্নবস্ত্র দান করিতেন এবং রোগ-শোকাক্রান্ত গ্রামবাসীকে বহু আশীষ ও আশ্বাস প্রদান করিতেন। তাহাদের 'ধুনি'তে প্রস্তুত 'লেপ্টী'র স্বাদ কখনও ভুলিতে পারিব না। কোনও কোনও মন্দভাগ্য

সিদ্ধি ও গজিকার দীক্ষা পাইত, কেহ বা উচ্চতর দীক্ষা পাইয়া ধন্য হইতেন। তাঁহাদের 'আসন' 'আস্তানা' মাতুলালয়ে নয়, সংলগ্ন 'পঞ্চাননতলায়' হইত। প্রকাণ্ড অখণ্ড-বৃক্ষ-তলে 'পঞ্চাননের' অধিষ্ঠান। লিন্দুর-শোভিত সেই শিলা'র সম্মুখে সকলে আসিয়া মাথা খুঁড়িত। অনতিদূরে নিবিড় বাঁশবন, পঞ্চানন-তলার এক দিকের "পাড়" ব্যাপিয়া ছিল। পঞ্চানন-সহচরেরা কেহ কেহ সেখানে আশ্রয় লইত বলিয়া প্রসিদ্ধি, সেদিক কেহ বড় ঘেঁসিত না। ভবিষ্যৎ-সাহিত্যিকেরে করুনা-ক্ষেত্রে সে বন কখনও 'মৃগালিনী'তে উল্লিখিত "মহাবনের" কাজ করিত। কখনও সন্ধ্যায় নিবিড় অন্ধকারের মধ্যে সামান্ত গ্রাম্য পুকুর হইলেও "দেবীচৌধুরাণীর" "বজরা বাঁধিয়া দিতাম, কখনও বা সেইবন "শরৎ-সরোজিনী"তে উল্লিখিত তেঁতুল-তলার ঘাটের" কাজ করিত। পঞ্চাননতলার পুকুরের পূর্বদিকে শরৎ চক্রবর্তীর খোড়ো-বাড়ী, তাঁহাদের ঠাকুর প্রমাণ আকারের কাঠময় মহাপ্রভু ও নিত্যানন্দ-মূর্তি প্রতিষ্ঠিত ছিল। গ্রামটির নাম যদিও বামুনপাড়া, গ্রামে কিন্তু এই এক ঘর বামুনেরই বাস ছিল। একটু নেড়া-নেড়ী ভাবের প্রাদুর্ভাব ছিল বলিয়া মাতামহ আমাদিগকে ওদিকে যাওয়ার প্রস্তাব দিতেন না, কারণ পরম বৈষ্ণব হইলেও এসকল বিষয়ে তিনি ঘোর প্রতিবাদী। গ্রামের উত্তর প্রান্তে একটা বড় বৈষ্ণব পাড়া ছিল। সেই বৈষ্ণবেরা নিত্য মাতুলালয়ে সঙ্কীর্ণন করিতেন। সে বৈষ্ণবদিগের নেতা ছিলেন প্রিয়দর্শন ওষস্বী দীর্ঘবপু স্তায়ক নবীন বৈরাগী। তাঁহার মূর্তি ও গাম কখনও ভুলিতে পারিব না। কার্তিক মাসের নিয়ম সেবার পর মহোৎসবে নবীন বৈরাগীর সম্প্রদায়ই ছিল বিশিষ্ট অঙ্গ এবং সেই 'সম্প্রদায়ে' খেলের তালে তালে উঠানে গড়াগড়ি দিয়াছি আর সেই ধূলি-ধূসরিত দেহ কোলে করিয়া মাতামহ গাহিতেন "এই আমার গোরা এসেছে"। নবীন বৈরাগীর সম্প্রদায়ে নেড়া-নেড়ী ভাব ছিল না। তাঁহারা গৃহস্থ বৈষ্ণব। শিরোমণি মহাশয় ও মাতামহ নবীন বৈরাগীকে বিশেষ স্নেহ করিতেন। মহোৎসবের কথাটা অনেকে আজকাল ভুলিয়াছে বলিয়া পরে ইহার বিবরণ কিছু বলিব।

বৈষ্ণব পাড়া যখন আসিয়া পড়িয়াছে তখন গ্রামের এ অংশটা সংক্ষেপে সারিয়া যাই। বৈষ্ণবপাড়া গ্রামের

পাশেই মুসলমান পাড়া; ইহা বামুনপাড়া গ্রামের একটা অরণীয় বৈশিষ্ট্য। "বুড়া শালিকের ঘাড়ে রেঁ" -বর্ণিত মুসলমান পাড়ার সহিত ইহার কোনও সাদৃশ্য নাই। কোনও বাড়ীতে কিংবা পথে কোনও নোংরা বা অপরিষ্কার দেখা যাইত না। বরং হিন্দু পাড়ার চেয়ে অনেক বিষয়ে পরিষ্কার। অনেক মুসলমান মাংস খাইত না। কেহ কখনও গ্রামের বাহিরে পর্ব উপলক্ষে খাসি পাঁচা 'জবেহ' করিত। অনেকে মাছ পর্যন্ত খাইত না। পাড়ার বাহিরে মাঠের দিকে দাদা মহাশয় তাহাদের জন্য একটা ছোট পাকা মসজিদ তৈয়ারী করিয়া দিয়াছিলেন। পাশাপাশি বৈষ্ণব ও মুসলমান নির্ঝিবাদে বাস করিত। নিগ্রহ-বিগ্রহ সম্বন্ধে কাহার মনে স্থান পাইত না। রামেশ্বরপুর স্কুল হইতে আসিবার পথেই বৈষ্ণব পাড়া ও মুসলমান পাড়া নিত্য মাড়াইয়া আসিতে হইত। নির্ণিমেষ নয়নে নির্জনের সেই ক্ষুদ্র শুভ্র মসজিদটিতে নীরবে শ্রদ্ধানত শীর্ষে একান্ত তনয়তায় ভক্তি-পূর্ণ নামাজ পড়িতে দেখিয়া পুলকিত হইতাম। মন আশে-পাশে দূরে দূরান্তরে কাহাকে সাধিয়া ডাকিয়া সেই শান্ত মৌনতার বেদিকার সম্মুখে, নিকটে বসাইয়া কত কথাই বলিতে চাহিত—কত আদর করিতে আরতি করিতে ও আপ্যায়িত করিতে চাহিত। সকল পার্থক্য মিশিয়া যাইত, দূরত্ব নিকট হইত। আমি আশ্রয় হইয়া যাইতাম। যেমন নবীন বৈরাগীকে মনে পড়ে, তেমনই মনে পড়ে ইউরুক্ষ-মিয়াকে।

হজরত মহম্মদের পুণ্য জীবনকথা ও মর্চিয়া খানমের করুণ কাহিনী তদানীন্তন প্রচলিত মুসলমানী বাঙ্গালায় শ্রবণ করিয়া গদ্ গদ্ হইতাম। উত্তর কালে যখনই দেশে বড় বড় মক্বেরা মসজিদ ও ইমামবাড়া দেখিয়াছি; তখনই পল্লী প্রান্তে সেই ক্ষুদ্র মসজিদের কথা মনে পড়িয়াছে। ইদের দিন পথে ঘাটে ও কলিকাতার ময়দানে সহস্র সহস্র শ্বেতবস্ত্রপরিহিত মুসলমানকে এক তালে নামাজ পড়িতে দেখিয়া সে দৃশ্য মনে পড়িত; আর মনে পড়িত স্কুদুর আফ্রিকার কেপটাউন এ সেখানে এই বামুনপাড়ায় মুসলমানগণের বহুতর আত্মীয় প্রতিবেশী বন্ধু ও কুটুম্বগণ আমার দক্ষিণ আফ্রিকা (South Africa) অবস্থান-স্থলে নিতান্ত আত্মীয়ের স্যায় ব্যবহার করিয়াছিল। ব্যবসায় করিতে গিয়া তাহারা দক্ষিণ

আফ্রিকায় যে নানাভাবে নির্ধারিত হইয়াছে ও হইতেছে তাহারই প্রতিকার চেষ্টায় গিয়াছিল। দক্ষিণ আফ্রিকায় (South Africa) এবং তাহারই প্রতিকার চেষ্টায় এই জীবন-অপরাজে উৎসাহ ও শক্তি নিযুক্ত হইয়াছে। বুঝি না হিন্দু মুসলমানের এ দারুণ বাদ-বিসংবাদ কেন? রাজা রামমোহন রায় যখন প্রথম ব্রাহ্ম ধর্ম স্থাপনের চেষ্টা করেন, কোরাণ-প্রচলিত একেশ্বর বাদ তাঁহার কল্পিত ভিত্তির একাঙ্গীভূত ছিল। সে মসজিদের নামাজ পড়ার প্রণালী দেখিয়া মনে হইত যে, পাঁচ ওকৃত ওজু করিয়া যে নিত্য নামাজ পড়ে ও যথানিয়মে রোজা রাখে সে রোগ শোকের অতীত। নবীন বৈরাগীর খেলের তালে তাহাদের ধর্ম-চিন্তায় ব্যাঘাত হইত না।

‘বৈষ্ণবপাড়া’ ছাড়াইয়া ‘সদোপ পাড়া’। চাষা কথাকাটা পল্লীগ্রামে বাবহার ছিল না। চাষী শব্দ শুনিতাম। ‘সদোপ’ পাড়ার ‘মণ্ডল’ ঈশ্বর ঘোষ। পাড়ার বাহিরে তাঁহার একটা সুন্দর পুষ্করিণী ছিল। গ্রামের বহু লোক সে পুষ্করিণীর জল পান করিত। নাতিদীর্ঘদেহ, উজ্জ্বল-শ্রামবর্ণ ‘ঈশ্বর মায়া’ সকলের শ্রদ্ধা আকর্ষণ করিতেন। শুনিয়াছি, তাঁহার পুত্র সম্যক প্রতিষ্ঠা ও ধন অর্জন করিয়াছেন; তাহা হইবার কথা। শাস্ত-স্বভাব, ধর্মভীরু ঈশ্বর ঘোষ আদর্শ পল্লীবাসী ছিলেন এবং মাতামহেরও বিশেষ প্রিয় পাত্র ছিলেন। ‘পাড়ার’ ও গ্রামের ‘হাউড়’ ছিল ‘হুঃখী’ সদোপ—ঈশ্বর ঘোষের দূর আত্মীয়। সকলে তাহাকে লইয়া রঙ্গ করিত। সেও সে-সকল ব্যঞ্জে যোগ দিত। বাঁহাত বাঁপা পক্ষাঘাতে আড়ষ্ট, বিকৃত-মস্তিষ্ক ‘হুঃখীরাম’ সকলের স্নেহ ও রুপার পাত্র ছিল। সে বিজ্ঞা-দিগ্গজের ত্রায়ী সুকঠ ছিল। তাহার ছোট ভাইদের বিবাহ হইয়াছিল; তাহার হয় নাই। মধ্যে মধ্যে সে আর্ন্তনাদ করিত—

“বাবা দে, আমার বিয়ে।

বেলেঘাটায় দেখে এলাম নাককাটা মেয়ে ॥”

“যার নাই পুঞ্জি-পাটা, সেই যার বেলেঘাটা।” এই কথাই শুনিতাম, কিন্তু নাককাটা মেয়ের সন্ধান কেহ কখনও ‘বেলেঘাটা’ গিয়াছে, এমন কথা শুনি নাই। নাককাটা মেয়ে না জুটিলে এমন “রাজ-ঘোটক” হইবে কেন? এ উপলক্ষে “ফ্রান্কিন্‌ ষ্টাইন” এর (Frankin Styne) পাত্রী

অঘেষণ বোধ হয় কাহারও কাহারও মনে পড়িবে? ঈশ্বর ঘোষের পুষ্করিণী ছাড়াইয়া আসিয়া ‘বৈষ্ণব দস্তের’ খোড়ো বাড়ী বাঁশবনের লাগাও’—বড় স্নিগ্ধ রম্য স্থান। তিনি সেখানে একখানি ছোট মুদির দোকান রাখিতেন; গ্রামের লোকের সাধারণ অভাব তাহাতে মোচন হইত এবং গ্রাম্য পথিক সেই ছায়া-শীতল আশ্রয়ে বসিয়া শান্তি লাভ করিত। হাঁটু উঁচু করিয়া, হাঁটুর মাথায় কোমরের কাপড় ফের দিয়া বাঁধিয়া একটু হেলিয়া শ্রান্ত পথিক নিজের “আরাম চৌকি” তৈয়ারি করিয়া লইত এবং গামছা ঘুরাইয়া হাওয়া খাইতে খাইতে “টানা পাখা” ও ইলেক্ট্রিক ক্যান্কেও” লজ্জিত করিত। তার পর যখন দুই হাতের তেলো স্ক্রুশোলে অঞ্জলীবদ্ধ ভাবে জড়াইয়া ‘ককে’ ধরিয়া ‘দা’ কাটা তামাক এক ‘ছিলিম’ নিঃশেষ করিত তখন সেই বা কে, আর রাজাই বা কে? পল্লীগ্রামে ‘বড়ী-ঘণ্টার প্রচলন আধুনিক। মোটামুটি দিনমানের ভাগ ছিল—ভোরবেলা, সকালবেলা, জলপানের বেলা, নাওয়ার বেলা, খাওয়ার বেলা, দুপুরবেলা, বিকেল বেলা, সন্ধ্যার বেলা আর বুঁজাকা রাত’। সময়-বিভাগটা মোটের উপর মন্দ ছিল না। কোনও কোনও পণ্ডিতমন্ত্র লোক উঠানে গর্ত কিংবা দাগ কাটিয়া, ধতু পরিবর্তনভেদ সূর্যের ছায়ায় লক্ষ্য করিয়া সময় নির্ণয় করিতেন। তদপেক্ষা অভিজ্ঞ লোককে তাহাও করিত হইত না। কেবল সূর্যের প্রতি লক্ষ্য করিয়াই তাঁহারা সময় নির্ধারণ করিতেন। প্রচলিত কথা ও ছড়াতেও সময় নিরূপণের সঙ্কেত থাকিত। দৃষ্টান্ত স্বরূপ একটা গল্প শুনিয়াছি—একজন দ্বিপ্রহরে মৃত্যুকালে পুত্রদ্বিগকে বলিয়া গিয়াছিলেন, তাঁহার ধনসম্পত্তি আছে তালগাছের মাথায়। সেখানে কিছুই পাওয়া গেল না, কিন্তু ইঙ্গিতোক্ত সময়ে যখন তালগাছের ছায়া পড়িয়াছিল সেই ছায়ার শীর্ষ নির্দেশে ধনন করিতেই কথিত অর্ধ পাওয়া গেল। খনা লীলাবতীর বচন খুব চলিত হইয়া লোকের মুখে মুখে ফিরিত এবং আবহাওয়া-বিভাগে (Met- orological Department.) কৃষি বিভাগে (Agric- cultural Department) ও পূর্তবিভাগে (Engineer- ing Department) এর বহু সারতর্ক তাহার ভিতর নিহিত থাকিত।

“—অমোঘ পূর্ব বায়বঃ”—খনা বলে চাষি বাঁধ আল,

আজ না হয় তো হবে কাল” “দক্ষিণে ছেড়ে উত্তরে বেড়ে—যর করগে যা ভেড়ের ভেড়ে”, “ধান পাঁচ ছয় যর, ছোট ছোট :কর!” পূবে হাঁস, পশ্চিমে বাঁশ,—” ইত্যাদি গ্রাম্য কথা বহু সাধনার ধন।

কথা হইতে আবার অনেক দূরে আসিয়া পড়িলাম। বৈকুণ্ঠ মামার দোকানের সামনে “জলপানের” অনেক জন মজুর, কৃষাণ, চাষীকে বসাইয়া রাখিয়া আসিয়াছি। যাহারা গৃহস্থের বাটীতে কাজ করিত তাহারা মনিব-বাটী হইতে জলপান পাইয়াছে—খেসারি বা মুত্তর কলাই সিদ্ধ, গুড়, শশা, লঙ্কা ইত্যাদি; অপরে আসিয়া বৈকুণ্ঠ মামার আশ্রয় লইত। মুড়ী, মুড়কী, কলাইসিদ্ধ, লঙ্কাজা, ছোলা-পাটালি, ভিঁড়ে লাড়ু, খঁয়ে মোয়া, ঝাল মকুন্দ ও গুড় পকায়, অবস্থা-মত সংগ্রহ করিয়া যে যার জলপান করিত; কিন্তু বিশেষ ভাবে লক্ষ্য করিবার একটা বিষয় ছিল, তাহা সবিশেষ উল্লেখ করিতেছি। এক শ্রেণীর জন-মজুর খালি কাঁচা চাল মুখে দিয়া চিবাইয়া ঈশ্বর ঘোষের পুকুরে বা বামুনডাঙ্গার পুকুরে নামিয়া আঁজলায় আঁজলায় এক-পেট ‘জল’ পান করিত। ইহাতে খাবার বেলা পর্যন্ত তাহাদের পেটে জল থাকিত। “ভাইটামিন্” (Vitamin) তবুও তখনও আবিষ্কার হয় নাই এবং চাউল হইতে বেরীবেরী এ ছদ্মগ জাহির হয় নাই। ‘কমল-কর্ত্তভরণ’ মহাশয়ের প্রেস্ক্রিপশন’ (Prescription) ছিল কিনা জানি না। পরজীবনে জ্যেষ্ঠ সহোদর যখন অল্পরোগে ত হন, তখন প্রাতে চাল খাইয়া—জল খাওয়ার ব্যবস্থা তাহার প্রতি হইয়াছিল এবং তাহাতে আরোগ্যও হন। দেশী রাঙ্গি চালের মাহাত্ম্য তখনও লুপ্ত হয় নাই। পরে দেখিয়াছি, পল্লীগ্রামের লোকজন কলিকাতায় আসিলে তাহারা প্রাণান্তেও পরিষ্কার বালাম চালের ভাত খাইতে, পছন্দ করিত না, সেই লাল চালই খুঁজিত। এ সব বিষয়ে জ্ঞাতব্য অনেক তথ্য রহিয়াছে; কে তাহার নিরূপণ করিবে? “বেলগেছিয়া কারমারমাইকেল কলেজে” (Belgachia Carmichael College) এক বৎসরের প্রাথমিক সভার সভাপতিরূপে চিকিৎসা শাস্ত্রের উদীয়মান ছাত্রদিগকে অভিজ্ঞাষণে এই সকল গুরুতথ্য নিরূপণের অন্ত নিয়ন্ত্রণ করিয়াছিলাম; ফলে কিছু হইয়াছে বলিয়া শুনি নাই।

মাজু গ্রামে দাদামহাশয়ের এক বর্জিকু হাট ও বাজার ছিল। বলদের পিঠে ছালা দিয়া বৈকুণ্ঠমামা সেই হাট হইতে জিনিস-পত্র আনিয়া সংগ্রহ করিয়া রাখিতেন; পঞ্চানন-ভল্লার দক্ষিণ পাড়ে দেখিয়াছি, রামস্বরূপমামার (রামস্বরূপ উপাধ্যায়) বাসা ও ঠাকুর বাড়ী ও পটুয়ার বাসা। তাহারই সম্মুখে বিদেশী করাতিয়াদের করাতে মাচান ও বর্জমানের পাকী মিস্ত্রিদের বাসা। কলিকাতা হইতে গরুর গাড়ী করিয়া ‘বর্জার’ বড় বড় ‘বাহাছুরি’ ও ‘চকোর’ কাঠ যাইত। তাহা নানা আকারে চিরিয়া দশ বা বারখানা পাকী প্রস্তুত হইতেছিল এবং মাতামহের প্রকাণ্ড দ্বিতল বাসভবনের বাকী কাজ ও আসবাব শেষ হইতেছিল। এত পাকী কেন তৈয়ারী হইতেছিল পরে বলিব। এই সময় এই সকল সূত্রে নানা বিদেশী লোক স্থলপথে ও নৌকাপথে আসিয়া বামুন পাড়ায় বাস করিতেছিল। অবসর কালে রামস্বরূপমামার ঠাকুর বাড়ীর অতিথি হইয়া ও ওই সকল লোকের সহিত কথাবার্তা কহিয়াই দিন কাটিয়া যাইত। কল্পনায় তাহাদের বর্ণিত অজানা কত দেশে চলিয়া যাইতাম, কত স্বপ্নরাজ্যে বিচরণ করিতাম, তাহার বর্ণনা সুকঠিন। রাখানগরের নীচের নদীও কানা বামুনপাড়ার নীচের নদীও কানা; কিন্তু ছোট ছোট নৌকার অবাধ গতি তখন ছিল। দাঁড় টানিয়া, পাল উড়াইয়া সে সব নৌকা যখন ঘাটের নিকট দিয়া যাইত, তাহার আরোহী হইয়া দূর দূরন্তে—দিগ্দিগন্তে যাইবার কোনও বাধা হইত না। মনের গতি “রাশেলাস্” বা শাক্যসিংহের অপেক্ষা কিশোর বয়সে বোধহয় কাহারও কম থাকে না, আমারও ছিল না। কিসের ভিতর দিয়া কি শিক্ষা হয় বলা ছুঁর। করাতিয়া মামারা তেঁতুল তলায়—বড় বড় মাচান বাঁধিয়া প্রকাণ্ড ‘বাহাছুরি’ কাঠ চাপাইত; সূতায় খড়ি লাগাইয়া কাঠের উপর দাগ কেঁলিত; নির্ণয়ে নয়নে রামস্বরূপমামার দাওয়ায় বসিয়া তাহা দেখিতাম। আর দেখিতাম উচ্চ তেঁতুলের ডাল হইতে কাঁচা তেঁতুল খাইতে খাইতে রামস্বরূপমামার উপাস্ত মহাবীরের প্রতিকৃতি ‘পবন-নন্দন’। ভাবিতাম কাণ্ডের লোক—ডাগর কারি-করেরা এমন সূতা ও খড়ি লইয়া ছেলে খেলা করে কেন!—বহুকাল পরে যখন পড়িয়াছিলাম “নান্দন্তে সূত্রধরঃ” আর যখন জানিয়াছিলাম ছুতার মামার

জাতি স্মরণ, তখন ইহার অর্থ বুঝিয়াছি।

পঞ্চানন তলার পুকুরের তিন পাড় বেড়ান হইয়াছে, এখন পশ্চিম পাড়ে ফিরিয়া যাই। পাড়ের উপর 'ছটা' বড় বড় মরাই বা গোলা। মাতামহের চাষের বা ভাগের ধান, চাল এই ধানে জমা হইত। আপদে-বিপদে সে গোলা হইতে আত্মীয় ও প্রাণগণ সাহায্য পাইত ও বারমাসের সাংসারিক ব্যয় নির্বাহ হইত। 'মরাই'-শ্রেণীর সম্মুখে রাস্তা-পারে সেই পূর্বকথিত গোল বারান্দা। বারান্দার দুই পাশে পাকা মঞ্চ, মাঝখানে বাটার ভিতরে বাইবার পথ। দরবার বল, বৈঠক বল নিত্য প্রাতে সেই ধানে বসিত। এক দিকে ছোট সতরুকের উপর ছোট গালিচা পাতা। গালিচাখানি বাবা সিপাই-বিদ্রোহের (Mutiny) পর মৃজাপুর হইতে আনিয়া মাতামহকে বসিবার জায়গা দিয়াছিলেন। গালিচার পিছনে বড় তাকিয়া। ডাহার বামে দপ্তর—খাতা লইয়া গোমস্তা কারকুন, সম্মুখে স্বতন্ত্র আসনে ব্রাহ্মণ সদস্তগণ। অপর পার্শ্বের পৃথক-পৃথক আসনে কায়স্থ, সন্ন্যাস ও মুসলমান। মুসলমানদের জন্ত নির্দিষ্ট ছিল কবল আসন।

আজ কাল কথায় কথায় প্রতিনিধি-নির্বাচনের কথা শুনিতে পাই। ষাট বৎসর পূর্বেও নির্বাচন-প্রণালী প্রবর্তিত না হউক, এই ক্ষুদ্র পল্লী-সাম্রাজ্য পল্লী প্রতিনিধি-গণের পরামর্শ ও অনুজ্ঞা ব্যতীত গৃহস্থালী কিংবা সাধারণ কোনও কার্যই নিষ্পন্ন হইত না। এ বৈঠকে নবীন বৈরাগী, ইউসুফ মিক্কা, দীক্ষর ঘোষ, মহেশ চূড়াশনি, গণেশ চক্রবর্তী, মহেশমামা সকলেই উপস্থিত থাকিতেন। আরও থাকিতেন অন্ত পাড়ার ও অন্ত গ্রামের অনেক লোক। দেউড়ীর ভিতরে থাকিতেন মামারা ও বাড়ীর অন্যান্য লোকেরা। গোল বারান্দার বাহিরে বসিত জেলে, ছলে বাগ্দী ও অন্যান্য জাতির বিস্তর লোক। সকলেই ভিন্ন ভিন্ন বিষয়ে দরবার করিতে আসিত। যদিও গোল বারান্দার বাহিরে জায়গা খুব বিস্তৃত নয়, উত্তর কালে দেখিয়াছি সেই জমীরই প্রান্তভাগে 'মহেশ পুরের কশাই 'জয়ন্তিকে' মারিবার জন্ত মঞ্চের উপর বেত উঠাইতেছে আর অপর অংশের এক গাছের উপর হইতে "চন্দ্রচূড় ঠাকুর" বৃক্ষ-তলস্থ "শ্রী"কে "সীতারামের জাতা জানের কবর" হইতে উদ্ধার বৃত্তান্ত বর্ণনা করিতেছে। আবার দেখিয়াছি নদীর

ধারে চাগতা তলার নীচে "ঝোপে-ঝোপে কামান ঢাকিয়া "সীতারাম"নদী পরবর্তী শত্রুর উপর "তোপ দাগিতেছে।"

বৈকালের দরবারটা কিছু পাতলা রকম হইত। মাতামহ ও মামারা চেরা দিয়া স্বহস্তে 'পাট' ও 'শোন্' কাটিতেন; কোনও কোনও মামা জাল বুনিতেন। সন্ধ্যার সময় কুবাণ ও 'জন'-মাসুখের হিসাব চুক্তি হইত। পর দিনের 'চাল-বাসের' বন্দোবস্ত হইত; আদায়-উসুলের কথা হইত ও হাট বাজারে তোলা তুলিবার ব্যবস্থা হইত। ইদানীং প্রায়ই নানা অতি প্রয়োজনীয় বিষয় সম্বন্ধে রাউণ্ড টেবল কনফারেন্সের (Round Table Conference) ব্যবস্থা হয়। ইচ্ছা মত কেহ বা তাহা গ্রহণ করে, কেহ তাহা গ্রহণ করে না।

দক্ষিণ আফ্রিকায় ভারতীয় ঔপনিবেশিকগণের ভাগ্য-নির্ঘ্ন জন্ত যে রাউণ্ড টেবল কনফারেন্সের সম্বন্ধে সহায়তা করিবার সৌভাগ্য ও সুযোগ পাইয়া ধন্য হইয়াছিলাম, তাহার ভিত্তি বুঝি ষাট বৎসর পূর্বে এই গোল বারান্দায় 'রাউণ্ড টেবল কনফারেন্সে (Round Table Conference) স্থাপিত হইয়াছিল। আশ্চর্যের বিষয় এই যে 'ইউসুফ মিক্কা মামা'র বংশধর ও হাওড়া ও হুগলী জিলার বিখ্যাত 'চিক্কা' কাজের কারিকরেরা দক্ষিণ আফ্রিকায় রাউণ্ড টেবল কনফারেন্সে (Round Table Conference) উপকার লাভের অংশীদার হইয়াছিল।

গোল বারান্দার কথা বাহিরে বাহিরেই শেষ করিয়া দিলে চলিবে না। গোল বারান্দা হইতে সরাসরি লম্বা দরদালান ধরিয়া মাতামহের বৃহৎ আঙ্গিনায় পড়িতে হইত। তাহাকে উঠান বা প্রাঙ্গণ না বলিয়া আঙ্গিনা বলিলাম। উৎসবে, মহোৎসবে সেখানে অনেক বৈষ্ণবের পদধূলি পড়িত। পুলিনের রজ্জ মানিয়া অনেক বৈষ্ণব তাহাতে গড়াগড়ি দিত। একদিকে নানা কারুকার্যখচিত প্রকাণ্ড তিন-তুকুরে দালান, সেখানে 'পাঠ' 'কথা' 'ব্যাখ্যা' মহোৎসব আদি মহা সমারোহে হইত। বাকী তিন দিকে চকমিলান ঘর ও বারান্দা। একতলে বিদেশী অতিথির স্থান। অপর দিকে ভাণ্ডার প্রভৃতি ও ভাণ্ডারী দিগের স্থান। আর তৃতীয় দিকে পূর্বোক্ত দশ বারখানি পাকী রাধিবার জায়গা এবং পাশে চূণের গুদাম। অবাধ্য প্রকার সেখানে কখনও কখনও অতিথি সংকার হইত।

জমিদার যেমন প্রজাবৎসল, বহুবৎসল ও আত্মীয়বৎসল, আত্মতায়ী হইলেও তেমনই সিদ্ধ হস্ত। লোকে বলিত, 'রামকৃষ্ণ সরকারের প্রভাপে বাধে গরুতে একঘাটে জল খায়'।

দালানের পিছনে অন্দর বা অন্তঃপুর। তিন দিকে চওড়া বারান্দা এবং দ্বিতল বাসগৃহ। মাতামহী মাতুলানী-গণ সেই সকল বাসগৃহ ব্যবহার করিতেন। মাতৃদেবী মাতামহের নিত্য আদরের কণ্ঠা ছিলেন। যখন আমরা মাতুলালয়ে থাকিতাম, দ্বিতলে আমাদের বাসগৃহ নির্দিষ্ট হইত। দ্বিতলের সদর-অন্দরের মধ্যে দরদালানে পর্দার পিছন হইতে শুনিয়াছি, 'নগেন্দ্রনাথের' স্মৃচিকিৎসা হইতেছে না বলিয়া 'সুর্যামুখী' ডাক্তারকে তিরস্কার করিতেছেন। মাতামহের প্রাসাদভূম্য এই বিস্তীর্ণ বাসগৃহ আমি 'নগেন্দ্র দত্ত'কে খাসদখল দিয়া রাখিয়া-ছিলাম। সদর বাড়ী ও অন্দর বাড়ীর পিছনে উচ্চ প্রাচীর-ঘেরা বিস্তীর্ণ পুকুরিণী ও বাগান। সেই পুকুরিণীর বাধা ঘাটের উপর বসিয়া থাকিতেন,—'কুন্দনন্দিনী, আর চোরের মত পা টিপিয়া টিপিয়া যাইয়া তাঁহার পৃষ্ঠদেশ স্পর্শ করিতেন,—'নগেন্দ্রনাথ'। পুকুরের ধারে রসুইশালা, ঢেঁকীশালা, গোশালা ও পরিচারিকাগণের আবাস-স্থান এবং তাহাদের আক্ষালনের এই সকল মহল 'নগেন্দ্রনাথের' মহলের ঞায়ই মুখরিত থাকিত। প্রসন্ন বলিয়া এক কী ছিল, তাহাতে আমি 'হীরা'র সাদৃশ্য দেখিতাম। কালের প্রভাবে প্রাসাদভূম্য সেই ভবন এখন বিধ্বস্ত। মুন্সীর হাট ও কতালী হইতে যে সৌধ-শোভা দেখিয়া বাল্যের উৎসাহে প্রাণ নৃত্য করিত, সে শোভা এখন অস্তহিত। প্রাসাদের এক ক্ষুদ্র ভগ্নাংশে বাস করিতেছেন এক মাতুলের বংশধরগণ, অপরেরা অন্তত 'উঠিয়া' গিয়াছেন। এক মাতুলের বংশধরগণ তাহাদের নূতন বাটীতে এখনও কার্তিকমাসে মহোৎসবের কখনও কখনও অনুষ্ঠান করে। বুকি মাতুলদের বংশ ও বাটীর এই সনাতন নিয়ম।

বাটীর বর্ণনা যৎকিঞ্চিৎ করিলাম। আসবাব সম্বন্ধে বৈশিষ্ট্য ছিল বলিয়াই সে বিষয়ে ছুই একটা কথা বলা উচিত। ঝাড়, লঠন, দেওয়ালগিরি, বেল, মাইলবরণ, ডাবা আলো, টিনের সরপোষ দেওয়া সেজ প্রভৃতি ও

গালচে, হুলচে, সতরকি, জাজিম, তাকিয়া, সপ, পাটী, কখন, মাহুর, ঝেঁতলা, চেটাই, ভিন্ন ভিন্ন শ্রেণীর অতিথির জন্য আয়োজন থাকিত। বাহিরে যেমন ছিল বড় বড় মরাই ও গোলা, তেমনি ঢেঁকীশালা ও রসুইশালের মধ্যে ছিল বড় বড় চেটাইয়ের 'ডোল', মাটির লেপ দিয়া তাহার মধ্যে নিত্য খাবার জন্ত ও পাল-পার্কণের জন্ত সংগৃহীত থাকিত, খয়না খান। সুরহং 'ঠোকর' (ডোলের রূপান্তর) মধ্যে থাকিত, মুড়ি ও খই। প্রয়োজন মত সেই খই হইতে প্রস্তুত হইত, মুড়কী। আবাল্যপ্রচলিত একটা কথা মনে পড়িতেছে,—'নেই কাজ, খই ভাজ'। এ প্রবচনের অর্থ হয় তো অনেকেই জানেন না। উল, পশম, ক্রচেটের কাজের দৌরাখ্যা তখন এত তো ছিল না। কাজেই যখন কাহারও হাতে কাজ থাকিত না, তিনি অবসর-কাল ভাবী ব্যবহারের জন্য খই ভাজিয়া 'ঠোকর' পূর্ণ করিয়া রাখিতেন।

খয়না খান হইতে খই ভাজিয়া খই বাছা ও চালা সহজ কাজ ছিল না; অতএব তাহা অবসর সময়েরই কাজ ছিল। মুড়ি ভাজা, চাল ভাজা ও খুদ ভাজা অবসর-বিনোদনের উপায় ছিল। অন্তঃপুরশিল্পের অপ্রাচুর্য্য কিছু-মাত্র ছিল না। শোণ ও রেশম সাহায্যে ছোট বড় 'শিকা' প্রস্তুত হইত। বাড়ীর আলনা, দোলনা, বালস গৌজ ও শিকা প্রভৃতি প্রস্তুত এবং এই সুরম্য শিকায় রাখিবার উপযুক্ত সুরম্য চিত্রিত সখের-হাঁড়ি বিচিত্র চিত্রে চিত্রিত হইত। বুকি বা এই রম্য শিকার রম্য সখের-হাঁড়িতেই 'নন্দরাণী' নবনীত লুকাইয়া রাখিতেন এবং এরূপ সঞ্চয় সহিতে না পারিয়া সে হাঁড়ি ভাজিয়া 'নন্দনন্দন' 'বান্দরে খাওয়ান নবনী'। আর এক শ্রেণীর শিল্প ছিল, 'পুতির কাজ'। সুপারীর ও খয়েরের ফুল, কল, মালা ও 'বাগানের' কাজ;—নানা রংএর ও নানা চংএর ক্ষীরের মাছ, ক্ষীরের ছাঁচ, চন্দ্রপুলী ও ক্ষীরপুলি এবং নারি-কেলের চিঁড়া, ফল, মূল। ছোট বড় পিঁড়া নানা রঙে চিত্রিত হইয়া বিবাহাদির সময় ব্যবহৃত হইত। নিত্য, এবং ক্রিয়া কার্যে যে আলিপনা দেওয়া হইত, এখনকার শিল্প নৈপুণ্যে সিদ্ধহস্ত বিদুষী মহিলাগণের নিকট তাহা প্রত্যাশা করা বিড়ম্বনা মাত্র। বিবাহের সময় পিঁড়ায় আলিপনা দেওয়ার জন্য পাড়ায় লোক ঝুঁজিতে হয়, না

হয় 'পটুয়া' ডাকিতে হয়। শুনিয়াছি আর্ট স্কুলের কৃতবিদ্য কোনও কোনও ছাত্র পিঁড়ায় আলিপনা দিয়া ছ'পরমা রোজগার করেন। ভিজা খুদ শিলে গুড়াইয়া গাছ-গাছড়ার পত্র ও শিকড়ের রসে তাহা রং করিয়া ব্রত, পূজা-পার্বণের বিধানমত পাঁচরঙ্গা, সাতরঙ্গা পঞ্চগুড়ির বা সপ্তগুড়ির আসন তখনকার মেঘেরা যে অপূর্ব কৌশলে রচনা করিতেন ও বিবাহ, উপনয়ন, অন্নপ্রাশন আদি উৎসবের নাম্বী-কার্যের জন: যে শিল্পমুখী 'শ্রী' গঠন করিতেন, 'ওরিয়েন্টাল আর্টের' (Oriental Art) আদর্শ হিসাবে উহাদের একটা বিশিষ্ট স্থান নির্দিষ্ট হওয়া উচিত। ঐ 'আসন' ও 'শ্রী'র রং ও রচনার ধর্ম ও আচরণের ভাব ও রূপগত একটা স্পষ্ট অর্থপূর্ণ ধারা ছিল। এখন ইঙ্গিত ও অস্পষ্টতাই কলাবিচার কৃতিত্ব।

পিঁড়ি লেখা, ফুল তোলা, সাতাশকাটা করা, 'শ্রী' গড়া পঞ্চগুড়ি বা সপ্তগুড়ির আসন করা ও লক্ষ্মীর গাছ আঁকা প্রভৃতিতে তখনকার মা-লক্ষ্মীদের যে লক্ষ্মীশ্রীর নিদর্শন নির্ণীত হইত, আজ আর তাহার স্থানও নাই আর সেদিনও নাই। সর্ব-সাধারণের ভিতরও এই সকল উন্নত রুচি ও শিক্ষার উৎস অস্বীকার করিলে, আদি তাহার যেখানে প্রতীয়মান হয়, তাহাই জাতির প্রাণগত ভাবের পরিচায়ক।

এখন পুরোহিত-গৃহিণী কোনও মতে নিতান্ত বিচ্ছিন্ন রকমে 'ছিরি' গড়েন, আর পাড়ায় খোঁজ করিয়া পিঁড়ায় আলিপনা দিয়া আনিতে হয়। বাঙ্গালার সকল শ্রী অস্ত-হিত হইয়াছে, সঙ্গে সঙ্গে 'শ্রী'র এই নিদর্শনও অস্তহিত হইয়াছে। ভারতের মধ্যে বঙ্গে প্রদেশেই 'শ্রী'র প্রধান আসন; সেখানে এখনও এই 'শ্রী'র অপূর্ব নিদর্শন সম্পূর্ণভাবে জাজ্জল্যমান। 'দেওয়ালী' পর্ব ও অগ্ন্যস্ত-স্ত কর্মোপলক্ষে 'মহারাজ'-সম্প্রদায়ের রমণীগণ ঘরে ঘরে, ঘরের মেঝেতে এমন কি রাস্তার ধুলার উপর নানাবিধ গুড়া রঙ্গে যে অপূর্ব কারু-কার্যের সৃষ্টি করেন, তাহা দেখিয়া মুগ্ধ হইতে হয়। শূন্য ঘরের মেঝে ও রাস্তার উপর মালায় জল রাখিয়া জলের উপর এবং জলতলেও অপূর্ব সৃষ্টির উদ্ভব হয়। পৌরাণিক ও সাময়িক সকল বিষয় অঙ্কনে তাঁহারা সিদ্ধহস্ত। বোম্বাইএর অন্যান্য অনেক সম্প্রদায়ের ন্যায় মহারাজ-সম্প্রদায়ের মধ্যেও অবরোধ-প্রথার প্রচলন নাই। যখন দেশমান্য জয়াকর

প্রভৃতি সহদয় বন্ধুর কৃপায় এ চিত্র-সৃষ্টি-সভার দেখিবার অবাধ আনন্দ পাইয়াছিলাম, তখন সুদূর অতীতের সেই পল্লীশিল্পের কথা মনে পড়িয়াছিল। গত পূর্ব বৎসর এই নগণ্য লেখককে সম্মান ও আতিথ্য প্রদর্শন-ছলে ইন্ডিনিভারসিটীর (University) লাল গাউন ও হুড পরা বিশ্রী সৃষ্টি আঁকিয়া তাহাতেও কথঞ্চিৎ 'শ্রী' চিত্রের আবির্ভাব, নিপুণ ও সহদয় অঙ্গুলি চালনে সম্ভব হইয়াছিল। চোখের সামনে দেখিতে দেখিতে নিমেষের মধ্যে এই চিত্রকলা ফুটিয়া উঠিয়াছিল।

বামুনপাড়ায় অনেকবার যাতায়াত করিয়াছি। কোন্ বার মনে নাই, 'আকবস্তে'র হাকিম ডেপুটি কলেজের রামসুন্দরবাবু গ্রামের বাহিরে মুন্সীর হাটের কাছাকাছি, 'বেলে এঁঠে'র উপর তাঁবু ফেলিয়াছিলেন ও তাঁবুতে কাছারি করিতেন। এই 'বেলে এঁঠে' গ্রামের বাহিরে এক বিস্তীর্ণ প্রান্তর। চতুর্দিকে সুন্দর উর্বর ভূমির মাঝখানে 'বেলে এঁঠে' কোথা হইতে কবে কিরূপে আসিয়া, পল্লীবাসীর প্রয়োজনীয় বালীর সরবরাহ করিত, ভূতত্ত্ববিদ তাহা বলেন না। 'বেলে এঁঠে'টা নিতান্ত মরুভূমি ছিল না, বেশ ঘাস গছাইত, মেজন্ত গ্রামের তাহা গোচারণ-স্থান। ইচ্ছা করিলেও কেহ এই গোচারণ নষ্ট করিয়া চাষ করিতে পারিত না। আর এই 'বেলে এঁঠে' ছিল আমাদের খেলার মাঠ। কত গ্রামা-খেলা সেখানে খেলিয়াছি বলিতে পারি না, মায় 'ব্যাটম্ বল'। এখন ছেলেরা 'ব্যাটম্ বল' খেলেনা, খেলে বায়লাখ্য ক্রিকেট, ফুটবল, হকি, টেনিস ইত্যাদি। সেই নির্জ্বল খেলার মাঠে তাঁবু পড়াতে গ্রামবাসী জমীদার ও প্রজা, লোকজন স্ব স্ব স্বার্থ-রক্ষার জন্য ব্যস্ত হইয়া পড়িয়াছিলেন। সম্প্রতি মধুপুর সেটেলমেন্ট তাঁবুতে যে সব অত্যাচার অনাচারের কথা শুনিয়াছিলাম, তখনও প্রবলতর বেগে সেই সকল ব্যাপার প্রচলিত ছিল। 'স্বর্ণলতা'র ওয়ার্ডস ট্রেষ্টের হাকিম 'রাম সুন্দর' বাবুর কথা পড়িবার সময় বামুনপাড়া তাঁবুর রামসুন্দর বাবুর কথা মনে পড়িয়াছিল। অতএব মাতামহকে ঘন ঘন পরামর্শ সভা আহ্বান করিতে হইত। নদীতে বাঁধ কাটা লইয়া মাঝে মাঝে গ্রামে শান্তিতপ হইত। বাঁধ কাটিয়া জল ছাড়া ও মাছ ধরা সম্বন্ধেও হাকিমা হইত, মামলা মোকদ্দমাও চলিত। এইসব মামলা মোকদ্দমা সম্পর্কে উকীল বাবু শ্রীনাথ দাস, তারকনাথ সেন, চন্দ্র-মাধব ঘোষ প্রভৃতির নাম শুনিলাম। তাঁহারা সকলেই পিতার বন্ধু; অতএব মাতামহের সহায়ক। বাঁধ কাটিয়া বা পুকুরে টানাভাল দিয়া মাছ ধরিয়া, মাতামহ এই সকল সহায়কদিগের নিকট কলিকাতায় ভায়ে ভায়ে মাছ পাঠাইতেন। আমাদের বহুবারের বাসায়ও তাহার অংশ পৌঁছিত।

উইলবারফোর্সের প্রতি

[শ্রীকুমুদরঞ্জন মল্লিক বি-এ]

(মহানুভব উইলবারফোর্স ইংলণ্ডের গৌরব, এই
মহাপ্রাণ দাসপ্রথা উচ্ছেদ সাধন করেন। এই বিশ্ব-
প্রেমিক ইংলণ্ডকে জাতীয় আত্ম-ত্যাগ আত্ম বিসর্জন,
শিখাইলেন, অগৎ ইংলণ্ডের আত্মত্যাগে মুগ্ধ হইল।)

ইংলণ্ডে আবার তুমি এসো

এলো দেখ আবার তোমার কাজ,
বজ্রগর্ভ এসো হে বিদ্যুৎ
পদে পদে অভাব তোমার আজ।

ক্রীত দাসের অতি দারুণ প্রথা

উঠায়েছ ঢালি' নয়ন-জল,
নূতন বেশে আবার যে দেয় দেখা
এসো তাপস—এসো অচঞ্চল।

একটা জাতির অধীনতার ভার

সস্তানেরা বইবে চিরদিন,
চৌদ্দ পুরুষ শুধবে নিরস্তর
এক পুরুষের কাপুরুষের ঋণ।

বৃহস্তর দাস-প্রথা বই

ইহায়ে আর কি নাম দেয়া যায়,
তোমার জাতি ভাবছে না ত কই
মোহাচ্ছন্ন অহঙ্কারে হয়।

তুচ্ছ কথা—চাকরে-লোকের আইন

ভার মাঝে ও শরের ফলাটুক
নাচবে যখন দেশের ছেলের দল
তাদের ছেলে রইবে নত মুখ।

দেশের কাজে লাগবেনাক' তারা

বাবা তাদের খেটে বেতন পায়,
কে যে ভবে বেশী অধীন ছিল
দিবা-নিশি ভাবছি বসে হয়।

ব্রিটিশ জাতি দাসত্ব শৃঙ্খল

ঘুচায়েছে সকল লোকে জানে ;
একি নহে ব্যাপার বিপরীত
প্রাচীন শিকল রঙ করিয়া আনে।

জাগাও জাতির মর্যাদা-জ্ঞান পুন

সেই আদর্শ সামনে ধর তার,
এসো সাধক, কর্মী অনুপম,
তুমি এসো তোমারি দরকার।

কর বুকের অমৃত সিঞ্চন

পবিত্র হ'ক ব্রিটন পুনরায়,
পাঠাও তোমার প্রেমের নিমন্ত্রণ
ব্যথিত ধরা আবার তোমায় চায়।

“এপ্রিল ফুল্”

(গল্প)

[রায় শ্রীযতীন্দ্রমোহন সিংহ বাহাদুর, বি এ]

১
“কার্তিকবাবু যে, আসুন আসুন—”

এই বলিয়া হরিনারায়ণবাবু একটা গৌরবর্ণ যুবককে সমাদর করিয়া বসাইলেন। হরিনারায়ণবাবু সদরপুর জেলার সবজজ। তাঁহার বাসায় প্রত্যহ সন্ধ্যার পরে সেই জেলার ডেপুটী মুনসেফ, সবডেপুটী, ডাক্তার, প্রভৃতি উচ্চপদস্থ রাজকর্মচারিগণের এক মঞ্জলিস্ বসে। সকলে মিলিয়া গল্প-গুজব করেন, পান তামাক খান, কেহ কেহ বা ব্রিজ্ খেলেন। ললিতবাবু পোষ্টমাষ্টারও আসেন, তিনি খুব সুরসিক লোক, তিনি লোককে খুব হাসাইতে পারেন, তবে সময় সময় তাঁহার বিক্রপের কাঁজটা মাত্রা ছাড়াইয়া যায়।

আগন্তুক কার্তিকবাবু একজন ডেপুটী, তাঁহার বয়স প্রায় ৩০।৩২, খুব স্ফুর্তিবাজ লোক, সকলের সঙ্গে খুব মেলা-মেশা করেন, সকলে তাঁহাকে ভালও বাসেন।

তিনি একখানা চৌকীতে উপবেশন করিলে, হরিনারায়ণবাবু বলিলেন, “কোলকাতা থেকে কবে এলে? বদলীর কি হ’ল?”

কার্তিকবাবু একখানা পাখা নাড়িতে নাড়িতে বলিলেন, “আজ সকালে এসেছি। চিফ্ সেক্রেটারির সঙ্গে মোলাকাৎ ক’রে এলাম। বললুম—আমার এখানে তিন বৎসর হয়ে গিয়েছে, এখন বদলীর সময়, আমাকে একটা ভাল সবডিভিসনে যদি অনুগ্রহ ক’রে দেন, তবে ভাল হয়।”

তাঁহার কথা শুনিয়া অনন্তবাবু ডেপুটী বলিলেন, “বোধ হয় চিফ্ সেক্রেটারী বলিলেন—You are too Junior for a Sub Division. Babu” (তুমি সবডিভিসন পাবে কি ক’রে, তুমি যে অত্যন্ত জুনিয়ার)”

কার্তিকবাবু বলিলেন, “Too Junior” কিসে হলুম মশাই? আমার ছ’বছর সার্ভিস হয়েছে। সে কথা বললে আমি বলতুম—our Collector is also too

Junior, Sir (আমাদের কলেক্টারও তো নেহাৎ ছোকরা); তাঁরও তো কেবল ৫ বৎসরের সার্ভিস।”

চন্দ্রবাবু সিনিয়ার ডেপুটী বলিলেন, “আরে থামো, থামো, ছোকরা। বেশী চালাকি করনা। তোমার কত ধানি বুকের পাটা যে তুমি চিফ্ সেক্রেটারিকে একথা সাহস ক’রে বলবে?”

হরিনারায়ণবাবু বলিলেন, “আপনারা মন্তব্য না ক’রে আগে কার্তিকবাবুর কথাটাই শুনতে দিন। তার পর কি হ’ল, কার্তিকবাবু—চিফ্ সেক্রেটারি কি বললেন?”

কার্তিকবাবু বলিলেন, “বললেন সেই মামুলি কথা “I will consider your prayer Babu—” (আমি তোমার প্রার্থনা বিবেচনা করিয়া দেখিব।)

চন্দ্রবাবু বলিলেন, “তুমি কোন জায়গা-টায়গার নাম করলে না কেন? সবডিভিসন তো কতই আছে—যথা কক্স-বাজার, আলিপুর-দোয়ার প্রভৃতি।”

কার্তিকবাবু বলিলেন, “আমি আশুর সেক্রেটারিকে বলে এসেছি; কচুড়াঙ্গাই হ’লেই আমার খুব ভাল হয়—যেমন কোলকাতার কাছে—রেলের ধারে যেমন কাজকর্ম খুব কম; সেখানে অনেক রকম সুবিধা।”

পোষ্টমাষ্টার ললিতবাবু বলিলেন, “অর্থাৎ আপনার মতে এই কচুড়াঙ্গাই হচ্ছে ভুতলের একটা স্বর্গবিশেষ। কিন্তু আমি একটা কথা জিজ্ঞেস ক’রতে পারি কি? সবডিভিসনের জন্য আপনারা কেন এত লালায়িত হ’ন?”

অনন্তবাবু বলিলেন, “জান না, সবডিভিসনে গেলে আমাদের আর দুখানা হাত বেরোয়—অর্থাৎ আমরা চতুর্ভুজ মূর্তি ধারণ করি—”

হরিনারায়ণবাবু বলিলেন, “সবডিভিসনের অনেক রকম সুবিধা আছে বৈ কি—বিশেষতঃ কম মাহিনার জুনিয়ার অফিসারদের পক্ষে। বাড়ীভাড়া লাগে না

গবর্ণমেন্টের ফ্রি কোয়ার্টার আছে, T. A. (ভাতা) আছে,—”

ললিতবাবু বলিলেন, “আবার যারা নিতে চায় বা নিতে জানে তাদের জন্য কলাটা মূলোটা অর্থাৎ “ডালি”ও আছে—

এই কথায় সকলে হাসিয়া উঠিলেন। তখন হরিনারায়ণবাবু বলিলেন, “না হে—সকলে সে রকম নয়। তবে আরও একটা কথা আছে, সভাডিভিসনাল অফিসার হচ্ছে মহকুমার সর্কেসর্কী—এক রকম all in all—খাতির কত—”

চন্দ্রবাবু বলিলেন, “আর মুনসেফ্‌রা বুঝি কেউ না

ললিতবাবু বলিলেন, “হবে না কেন, ঐ কেউটে সাপ আর ঢোঁড়াসাপে যা তফাৎ—”

হরিনারায়ণবাবু বলিলেন, “একজন ডেপুটী বলতেন, মুনসেফ্‌ আবার হাকিম আরম্মলা আবার পাখী”

ললিতবাবু বলিলেন, “আমি জানি কোন কোন সবডিভিসনে ডেপুটী আর মুনসেফ্‌ তুমুল ঝগড়া বেধে যায়—সাধারণতঃ সুলের কর্তৃত্ব নিয়ে

হরিনারায়ণবাবু হাসিয়া বলিলেন, “ঠিক বলেছ ভায়া। আমারও সে অভিজ্ঞতা আছে। কার্তিকবাবু শুনলেন তো—সবডিভিসনে যাচ্ছেন, খুব সাবধান। আপনি কচুডাঙ্গা পেলে খুব খুসী হবেন? আমাদের খুব খাওয়াবেন তো?”

চন্দ্রবাবু বলিলেন, “কেন, তুমি কোন প্রকার ভৌতিক প্রক্রিয়া করবে নাকি? তুমি তো থিওসফির চর্চা কর, অনেক মহাত্মার সঙ্গেও মোলাকাত হয়—”

হরিনারায়ণবাবু হাসিয়া বলিলেন, “আমরা সকলে সমবেত হইয়া যদি একটা wrill force (ইচ্ছাশক্তি) প্রয়োগ করি, তবে অবশ্যই তার ফল হ’তে পারে।”

এই কথার পরে উপেনবাবু মুনসেফ্‌, বিপিন বাবু সব-ডেপুটী, সত্যাবাবু ডাক্তার চারুবাবু ডেপুটী—ইহার ব্রিঞ্জ-খেলা আরম্ভ করিলেন। কার্তিকবাবু ও অমরবাবু বিদায় হইলেন, তাঁহাদের বাসা একটু দূরে!

কাজ করিতেছিলেন, এই সময়ে তাঁহার বাসার চাকর একখানা হন্দের রঙের খামে আঁটা চিঠি আনিয়া দিয়া বলিল,—“

হুজুর, এই চিঠিটা একজন পিয়ন বাসায় দিয়ে গেল। যা বললেন, এটা টেলিগ্রাফ শীপ্‌গির দিয়ে আয়—তাই আমি ছুটে এসেছি।”

কার্তিকবাবু খুব ব্যস্ত সমস্ত হইয়া সেই হন্দের খাম খুলিয়া তাহার মধ্যে একখানা দ্বিষৎ লাল রঙের কাগজ পাইলেন। তাহাতে পেনসিলে একরূপ লেখা ছিল,—

To

Kartik Chandra Chatterjee

Deputy Magistrate, Sadarpur.

You are appointed to have charge of Kachudanga Subdivision Under, Bengal.

এই টেলিগ্রাফ পড়িয়া কার্তিকবাবু আহ্লাদে নাচিয়া উঠিলেন। তিনি অমনি সিনিয়ার ডেপুটী চন্দ্রবাবুর কাছে ছুটিলেন। চন্দ্রবাবু তখন ট্রেজারির মধ্যে কাজে ব্যস্ত ছিলেন; কার্তিকবাবুর মুখে কথাটা শুনিয়া বলিলেন—“এই দেখ আমাদের will force এর বল আছে কি না। আমরা সকলে মিলে সন্ধ্যাবেলা আসছি—মেঠাই-মোণ্ডার জোগাড় রেখো।”

কার্তিকবাবু কাছারিতে বন্ধু-বান্ধবদিগের মধ্যে যাহাকে যাহাকে পাইলেন, সকলকেই এই সুসমাচার জ্ঞাপন করিলেন। ম্যাজিষ্ট্রেট সাহেবের সঙ্গে দেখা করিতে যাইয়া দেখিলেন তিনি আপীল শুনিতেছেন। তখন গৃহিণীকে বলিবার জন্য তাড়াতাড়ি বাসায় ছুটিলেন।

সেদিন সন্ধ্যাবেলা সবজজবাবুর বাসার আজ্ঞাধারীগণ প্রায় সকলেই দল বাগিয়া কার্তিকবাবুর বাসায় উপস্থিত হইলেন, তাহাকে Congratulate (অভিনন্দন) করিবার জন্য—কেবল আসিলেন না সবজজবাবু ও সিনিয়ার ডেপুটী চন্দ্রবাবু। এই দুই বৃদ্ধ আসিলেন না, তাহার কারণ বোধ হয়, এই সকল নব্য-যুবকদিগকে তাঁহাদের ইচ্ছানুরূপ আমোদ আহ্লাদ করিবার সুযোগ দিবার জন্য। কার্তিকবাবুর স্ত্রী তাঁহাদিগকে মিষ্টিমুখ করাইবার জন্য প্রচুর আয়োজন করিয়াছিলেন।

সমাগত অতিথিবৃন্দ কার্তিকবাবুর ঘরের লম্বা বারান্দায় লম্বা মাদুরের উপর লম্বা হইয়া পড়িলেন। অনন্তবাবু বলিলেন—“কার্তিকবাবু, আপনি কালেক্টার সাহেবকে সেই টেলিগ্রামটা দেখান নাই?”

কার্তিকবাবু বলিলেন—“না আমি তাঁহাকে দেখাতে গিয়া খাস-কামরায় উকি মেরে দেখলুম তিনি আপীল শুনছেন।”

অনন্তবাবু বলিলেন—“তখন সাহেবের কাছে না গিয়ে ভালই করেছেন। এত তাড়াতাড়ির প্রয়োজন কি? ম্যাজিস্ট্রেটের আপীল শোনার এক গল্প আছে, আপনারা শুনবেন?”

শ্রোতৃবৃন্দ “বলুন বলুন” বলিয়া উঠিলেন।

অনন্তবাবু বলিলেন “এই সাহেবের আগে এক সাহেব ছিলেন, তাঁর নাম রেভিংটন (Mr. Ravington)—তিনি উকীলের argument (সওয়াল জবাব) শুনিয়া অর্ডারসিটের উপর এই সংক্ষিপ্ত হুকুম লিখিতেন— “Heard appellant's pleader. Appeal dismissed (আপীলান্টের উকীলের সওয়াল জবাব শুনিলাম, আপীল ডিসমিস হইল)—একদিন তাঁহার কুঠী হইতে পেষ্কার অনেকগুলি কাগজ-পত্রের সঙ্গে একটা আপীলের নথী পাইল—তাঁহাতেও ঐ রূপ হুকুম লেখা রহিয়াছে, অথচ সেই আপীল শুনানির জন্ত তাঁহার পরের দিন ধাৰ্য্য ছিল। অর্ডার সিটে তারিখ সেই পরের দিনই দেওয়া ছিল।

পরে একটা মোকদ্দমায় তাঁহার হুকুমের বিরুদ্ধে হাইকোর্টে মোসন হওয়ায় হাইকোর্ট তাঁহাকে খুব গালাগালি দিয়াছিল। তদবধি তিনি আপীল ডিসমিস করিলেও ছই চারি লাইন রায় লিখিতে আরম্ভ করেন।

“আমাদের এই হটপট (Mr. Hotpot) সাহেবের অব্যবহিত পূর্বেই ট্রেন্চ (Mr. Trench) ছিলেন, তাঁকে আপনারা অনেকেই দেখিয়াছেন। তাঁর মত অব্যবস্থিত-চিত্ত লোক আমি আর কখনও দেখি নাই। আমার হাতে General file, আমি মোকদ্দমার এজাহার লই ও অল্প বিচারকদিগকে মোকদ্দমা সোপর্দ করি। আপনারা জানেন, এখানে অনেকগুলি অনারারী ম্যাজিস্ট্রেট আছেন, তাঁদের কাহারও 2nd class power, কাহারও 3rd class power, তাঁহাদের আপীল সব ম্যাজিস্ট্রেট

সাহেবকে শুনতে হয়। কিন্তু ট্রেন্চ সাহেব ততটা পরিশ্রম করিতে নারাজ, আবার বাজলা না জানাতে, তিনি সাক্ষীর জবানবন্দীও পড়িতে পারিতেন না। তিনি একদিন আমাকে এক হুকুম দিলেন—এখানকার অনারারী ম্যাজিস্ট্রেটরা নিতান্ত অপদার্থ (“a worthless lot”), তাদের মোকদ্দমা দিবেন না। সেই অনুসারে আমি তাঁদের মোকদ্দমা দেওয়া একদম বন্ধ করিলাম। ইহাতে ছই তিনজন “অনারারী”র বিশেষ অসুবিধা হইল—অর্থাৎ যঁাহারা চাকুরী পাওয়ার দরখাস্ত দিয়াছিলেন—“হুকুম আমাকে অনারারী ম্যাজিস্ট্রেটের কার্য্য দিয়া প্রতিপালন করিতে আজ্ঞা হয়।” কিন্তু ভবতারণবাবুকে আপনারা অবশ্য চেনেন—তিনি সে দলের নহেন। তিনি একজন বড় জমীদার, সুশিক্ষিত, ভদ্র ব্যক্তি। তিনি ম্যাজিস্ট্রেটের এই হুকুমকে একটা insult (অপমানজনক) মনে করিলেন। তিনি তখন দার্জিলিং ছিলেন, সেখানে বড় বড় সাহেবদের সঙ্গে দেখা করিয়া এই কথা জানাইলেন, এবং Bengal Council এ একজন মেম্বর দ্বারা Interpellation করাইলেন। সেই Interpellation এর নকল রিপোর্ট দেওয়ার জন্ত যে দিন আমাদের সাহেবের কাছে আসিল, সাহেবের অমনি চক্ষুঃ স্থির। সাহেব আমাকে ডাকিয়া পাঠাইয়া বলিল—“well, Ananta Babu, I wish to inspect your criminal work today.” (আমি আপনার ফৌজদারী কার্য্য পরিদর্শন করিব)। আমি বলিলাম “All right, Sir” (বেশ তো, দেখুন)—আমি তখন পেষ্কারকে রেজেষ্টারী বই ও নথিপত্র লইয়া সাহেবের খাস কামরায় আসিতে বলিলাম। পেষ্কার ফৌজদারী মোকদ্দমার নথিপত্র আনিয়া সাহেবের সম্মুখে টেবিলের উপর সাজাইয়া দিতেই, সাহেব খুব গম্ভীর-ভাবে বলিলেন, “Well Ananta Babu, I see your file is now very heavy, you can now make over case to Honorary magistrates, Good morning,” (আপনার ফাইলে তো দেখছি এখন অনেক মোকদ্দমা—আপনি অনারারী ম্যাজিস্ট্রেটদের মোকদ্দমা দিবেন।) এই ত সাহেবের inspection—আমি যেন কিছুই বুঝিতে পারিলাম না আমি মনে মনে হাসিয়া বিদায় হইলাম।”

কৃষ্ণধনবাবু য়নসেক্ বলিলেন, “এ সাহেবটা তো দেখছি একটা আস্ত হাঁদারাম। ওর এতটুকু বুদ্ধি নেই—যে ওর এই চামবাজি সকলেই বুঝতে পারে?”

অনন্তবাবু বলিলেন—“বুদ্ধি খুবই আছে, তবে সে বদ-মাইসি বুদ্ধি। লোকটা নিতান্ত ভীতু উপরওয়ালার কাছে কোন বিষয়ে কৈফিয়ৎ দিতে হইলেই দিগ্-বিদিগ্-জ্ঞান থাকে না। যাক এ সব কথা। এখন তোমরা ভাই, কেউ একটা গান টান কর—আজ শুভদিনে আমরা কার্তিক-বাবুকে অভিনন্দন করতে এসেছি অবশ্য farewellটা এর পরে হবে।”

এই কথায় বিমলবাবু সব-ডেপুটী হার্মোনিয়ম লইয়া আরম্ভ করিলেন। রাত্রি প্রায় ১০টার সময় জলযোগান্তে তাঁহারা সকলে হাসিতে হাসিতে বিদায় হইলেন।

৩

পরদিন সকালে ৯টার সময় কার্তিকবাবু কালেক্টার সাহেবের কুঠীতে তাঁহার সঙ্গে দেখা করিতে যাইলেন। কালেক্টার হটপট্ট সাহেব তাঁহার কার্ড পাইয়াই তাঁহাকে ডাকিয়া পাঠাইলেন। কার্তিকবাবু তাঁহার আফিস কক্ষে যাইয়া তাঁহাকে সেলাম করিয়া বলিয়া বলিলেন,—

“Sir, I got this telegram yesterday afternoon from Government. I have been transferred to Kachudanga as S.D.O.” (আমি কাল বৈকালে গভর্ণমেন্টের নিকট হইতে এই টেলিগ্রাম পাইয়াছি, আমাকে কচুডাঙ্গা মহকুমার ভার্যাপণ করিয়া বদলী করা হইয়াছে)

সাহেব হাত বাড়াইয়া সেই টেলিগ্রামটা লইয়া বলিলেন,—
“I am glad to hear it Kartik Babu. But I have not yet got any order from Govt. How is it?” (আমি শুনে সুখী হইলাম, কিন্তু আমার কাছে তো এ পর্য্যন্ত কোন হুকুম আসে নাই ইহার কারণ কি?)

এই বলিয়া সাহেব মনোযোগের সহিত সেই টেলিগ্রামটা দেখিতে লাগিলেন। পরে বলিলেন—

“You see, Kartik Babu, the telegram does not bear any p.o. seal on it. It is very sus-

picious.” (কার্তিকবাবু আপনি দেখুন না, এই টেলিগ্রামে কোন পোষ্টাফিসের মোহর নাই, এটা বড়ই সন্দেহজনক)

কার্তিকবাবু কি বলিবেন, কিছু বুঝিতে না পারিয়া সাহেবের মুখের দিকে চাহিয়া রহিলেন। সাহেব হাসিতে হাসিতে আবার বলিলেন,—

“Now I have solved the mystery. Somebody must have played hoax upon you. You see 1st. April is written on the top of it. “Ho-ho-ho—” (আমি এখন এই রহস্য ভেদ করিতে পারিয়াছি। কোন ব্যক্তি আপনাকে তামাসা করিয়াছে। এই দেখুন না, টেলিগ্রামের উপরে-ই ১লা এপ্রিল লেখা রহিয়াছে।) এই বলিয়া সাহেব কার্তিকবাবুর মুখের দিকে চাহিয়া হাসিতে লাগিলেন। কার্তিকবাবুর মুখ চূর্ণ হইয়া গেল। এই সময়ে একজন চাপরাশি সদ্যঃ প্রাপ্ত ডাকের চিঠি-গুলি খুলিয়া তাহাতে তারিখের মোহর মারিয়া একটা বুড়িতে করিয়া সাহেবের সম্মুখে আনিয়া দিল। সাহেব সেগুলি নাড়িয়া চাড়িয়া দেখিলেন, এবং একখানা চিঠি হাতে করিয়া কার্তিকবাবুর দিকে চাহিয়া বলিলেন—

“Here you are. This is the Govt. order transferring you to the headquarters station of Dinajsahi.” (এই দেখুন—গবর্ণমেন্ট আপনাকে দিনাজসাহী জেলার সদরে বদলী করিয়াছেন)

কার্তিকবাবু চিঠিখানা হাতে লইয়া নিতান্ত কাঁদো-কাঁদো ভাবে তাহা পড়িতে লাগিলেন। সাহেব তাহা লক্ষ্য করিয়া বলিলেন—

“Don't be upset Kartik Babu. Dinajsahi is not a bad place. I was there as an Assistant Magistrate. You will get plenty of Hilsa fish and good mangoes. Of course it is not a subdivision. And I think you will get a Subdivision in due course. You have got a good record of service. Good morning.” (কার্তিকবাবু আপনি ষাবড়াবেন না। দিনাজসাহী জায়গা ধার্যাপ নয়, আমি সেখানে এজিষ্টার্ট

ম্যাজিষ্ট্রেট, ছিলাম। সেখানে গিয়ে খুব ইলিম মাছ ও ভাল ভাল আম খাবেন। তবে অবশ্য সেটা মহকুমা নয়, কিন্তু আপনার গবর্ণমেন্টে যেকোন কাছের সুখ্যাতি আছে, আপনি যথাসময়ে মহকুমার ভার পাবেন সে বিষয়ে সন্দেহ নাই। তবে এখন আসুন।)

কার্তিকবাবু সাহেবকে তাঁহার সহদয়তার অল্প ধন্যবাদ দিয়া চলিয়া আসিলেন। তিনি হাসিতে হাসিতে সাহেবের কাছে গিয়াছিলেন, এবার কাঁদিতে কাঁদিতে ফিরিলেন। তিনি কাছারিতে গিয়া আর কাহারও সঙ্গে মিশিলেন না। সন্ধ্যাবেলা সবজ্জবাবুর আড্ডায়ও

গেলেন না, কিন্তু সবজ্জবাবু স্বয়ং তাঁহার দলবল লইয়া তাঁহার বাসায় আসিয়া তাঁহাকে সকলে মিলিয়া সাস্বনা দিতে লাগিলেন। কার্তিকবাবু বুঝিলেন, কেউ মাষ্টার বাবুই যত নষ্টের গোড়া, নচেৎ টেলিগ্রামের খাম ও ফর্ম কোথায় পাওয়া যাইত? অবশ্য অগাধ ছোকরা বাবুরাও সেই যড়যন্ত্রের মধ্যে ছিলেন। যাহা হউক, কার্তিকবাবু যেদিন চার্জ দিয়া দিনাজসাগী যাত্রা করিলেন, তাহার পূর্বদিন এই সকল বাবু মিলিয়া সবজ্জবাবুর বাসায় তাঁহাকে এক মস্ত farewell dinner (বিদায় ভোজ) দিলেন। তাঁহার মনের মালিন্য কাটিয়া গেল।

গানের ফুল

[শ্রীকরণাময় বসু]

চোখের জলে ভাসিয়ে দিনু

গানের যত ফুল।

ভিড়বে গিয়ে কোন্ ঘাটেতে,

কোথায় পাবে কুল?

কোথায় যেতে কোন্ দেশেতে,

সীমাবিহীন উদ্দেশেতে,

অঁখির আলো অঁধারেতে

উঠছে শুধু ফুটে!

যাহার তরে কান্না আমার

নিরুদ্দেশে লুটে।



এ মোর নহে কথাই শুধু,

এ যে গানের ডালা।

দেখা হ'লেই তাহার গলে

জড়িয়ে দেব মালা।

সকাল থেকে সন্ধ্যা বেলা


গানের কুঁড়ির করছি মেলা ;

ভাসিয়ে দিছি একটি ক'রে

অসীম পারাবারে,—

রঙীন হ'য়ে তার চরণে

ফুটুক পরপারে।



হুর্গোৎসব

হুর্গোৎসব বাংলা দেশের পূর্ব, উত্তর-পশ্চিম প্রদেশে এর নাম গঙ্গা নাই; বোধ হয় রাজা কৃষ্ণচন্দ্রের আমল হতেই বাংলার হুর্গোৎসবের আঁহুর্ভাব বাড়ে। পূর্বে রাজা-রাজড়া ও বনেদী বড় মানুষদের বাড়ীতেই কেবল হুর্গোৎসব হতো, কিন্তু আঙ্গকাল অনেক পুটে তেলীকেও প্রতিমা আন্তে দেখা যায়; পূর্বেকার হুর্গোৎসব ও এখনকার হুর্গোৎসবে অনেক ভিন্ন।

ক্রমে হুর্গোৎসবের দিন সংক্ষেপ হয়ে পড়লো; কৃষ্ণনগরের কারিকরেরা কুমারটুলী ও সিদ্ধেশ্বরীতলা জুড়ে বসে গেল। আরগায় আরগায় রং করা পাটের চুল, তবলকীর মালা, টীন ও পেতলের অল্পরের ঢাল তলওয়ার, নানা রঙ্গের ছোবান প্রতিমের কাপড় ঝুলতে লাগলো; দজ্জিরা ছেলেদের টুপি, চাপকান ও পেটা নিয়ে দরোজায় দরোজায় বেড়াচ্ছে; 'মধুচাই!' 'শাকা নেবে গো।' বোলে কিরিওয়াল ডেকে ডেকে ঘুরচে। ঢাকাই ও শান্তিপুরে কাপুড়ে মহাজন, আতরওয়াল ও বাজার দালালেরা আহাির নিজ্জা পরিত্যাগ করেছে। কোনখানে কাঁসারীর দোকানে রানীকৃত মধুপকের বাটি, চুমকী ঘটি ও পেতলের থালা ওজন হচ্ছে, ধূপ-ধূনো, বেনে মসলা ও মাখাঘসার একটা দোকান বসে গেছে। কাপড়ের মহাজনেরা দোকানে ডবল পর্দা কেলেচে। দোকানঘর অঙ্ককার প্রায়, তারি ভিতরে বসে যথার্থ পাই-লাভে বউনি হচ্ছে। সিন্দুর চূপড়ী, মোম বাতী, পিঁড়ে ও কুশাসনেরা অবসর বুঝে দোকানের ভিতর থেকে বেরিয়ে এসে রাস্তার ধারে 'অ্যাকুডেক্টর' উপর বার দিয়ে বসেছে। বাজাল ও পাড়ার্নে চাকরেরা আর্সি, ঘুন্নি, গিষ্টির গহনা ও বিলাতী মুক্তা এক্চেটের কিনচেন; রবারের জুতো, কম্ফরটার, টিক্ ও স্ত্রাজওয়াল পাগড়ী অঙ্কি উঠ্চে, ঐ সঙ্গে বেলোরারি চুড়ী, আঙ্গিরা, বিলাতী সোনার শীল আংটি ও চুলের গার্ডচেনেরও অনঙ্গত খন্দেয়। এতদিন জুতোর দোকানে ধুলো ও মাকড়সার জালে পরিপূর্ণ ছিল, কিন্তু পূজোর মসম্বে, বিয়ের কনের মত কেপে উঠ্চে; দোকানের কপাটে কাই দ্বি়ে মানা রকম রঞ্জিণ কাগজ মারা হয়েছে, ভিতরে চেয়ার পাতা, তার নীচে এক টুকরো ছেড়া কার্পেট। সহরে সকল দোকানেরই, শীতকালের কাজের মত,

চেহাবা কিরেচে। যত দিন ঘুনিয় আস্চে, ততই বাজারে কেনা-বেচা বাড়্চে; কলকেতা বড় গরম হয়ে উঠ্ছে। পল্লীগ্রামের টুলো অধ্যাপকেরা বৃত্তি ও বাবিক সাধতে বেরিয়েচেন; রাস্তায় রকম রকম তরবেতর চেহারার ভিড় লেগে গেচে।

কোনখানে খুন, কোনখানে দাগা, কোথায় সিঁধ চুরী, কোনখানে ভট্টাচার্য মহাশয়ের কাছ থেকে হু'ভরি রূপো গাঁট কাটার কেটে নিয়েচে; কোথায় কোন মাগীর নাক থেকে নখ ছিড়ে নিয়েচে। পাহারাওয়াল শশব্যস্ত, পুলিশ বদমাইস পোরা "লাগে তাক্ না লাগে তুকা", "কিনি তো গণ্ডা'র, লুটি তো ভাণ্ডাব" চোরের পূজোর মসম্বে দেদার কার্কার ফালাও কচ্ছে। চুরী তাদের জপমন্ত্র হয়েচে। অনেকে পার্কেণের পূর্বে শ্রীঘরে ও রেজুণে বসতি কচ্ছে; কারো পূজার পাথরে পাঁচ কিল; কারো সর্ক্কাণ। ক্রমে চতুর্থা এসে পড়লো।

এবার অমুক ববু'র বাড়ীতে পূজোর ভারী ধুম। প্রতিপদাদি-কল্পের পর ব্রাহ্মণ-পণ্ডিতের বিদায় আরম্ভ হয়েচে, আজও চোকে নাই—ব্রাহ্মণ-পণ্ডিতে বাড়ী গিস্গিস্ কচ্ছে। বাবু দেড় ফিট উচ্ছে গদীর উপর তসর কাপড় পরে বার দিয়ে বসেচেন। দক্ষিণে দেওয়ান টাকা ও সিকি আধুলির তোড়া নিয়ে খাতা খুলে বসেচেন, বামে হবীখর স্ত্রায়ালকার স্তাপণ্ডিত অনবরত নস্ত নিচেন ও নাসা-নিঃসৃত রঞ্জিণ ককজল জাজিসে পুঁচেন। এদিকে জহরী জড়ওয়া গহনার পুঁটুলী ও ঢাকাই মহাজন ঢাকাই শাড়ীর গাঁট নিয়ে বসেচেন। মুন্সি মশাই জামাই ও ভাগনে বাবুরা কর্ম করচেন। সামনে কতক-গুলি প্রতিমে-কেলা দুর্গাদায়গ্রস্ত ব্রাহ্মণ, বাইয়ের দালাল, বাজার অধিকারী ও গাইরে ভিঙ্ক 'যে আজা' 'ধর্ম অবতার' প্রভৃতি প্রিয় বাক্যের উপহার দিচেন। বাবু মধ্যে মধ্যে কারেও এক আধটা আগমনী গাইবার করমাস্ কচেন। স্তাপণ্ডিত মহাশয় করপুটে পিরিলীর বাড়ীর বিধবাবিবাহের দলের এবং বিপক্ষ পক্ষের ব্রাহ্মণদের নাম কাট্চেন। অনেকে তাঁর পা ছুঁয়ে দিক্বি গাল্লেয় যে, তাঁরা পিরিলীর বাড়ী চেনেন না। বিধবা-বিয়ের স্তায় যাওয়া চুলোর যাক্, গত বৎসর শয্যাগত ছিলেন বলেই হয়। কিন্তু বাণের মুখে জেলে ডিগ্গীর মত তাঁদের কথা তল্ হয়ে যাচ্ছে, নাম-কাটীদের পরিবর্তে স্তাপণ্ডিত আপনার জামাই, ভাগনে, নাভজামাই, দোস্ত

ও খুড় ভুতো ভেয়েদের নাম হাসিল কচ্চেন ; এদিকে নাম-কাটার বাবু ও সভাপণ্ডিতকে বাপাস্ত করে পৈতা ছিঁড়ে গালে চড়িয়ে শাপ দিয়ে উঠে যাচ্চেন । অনেক উমেদারের অনারত হাজিরের পর বাবু কাকেও 'আজ যাও' 'কাল এসো' 'হবে না', 'এবার এই হলো' প্রভৃতি অনুজ্ঞার আপ্যায়িত কচ্চেন—হজুরী সরকারের হেকমত দেখে কে ! সকলেই শশব্যস্ত, পূজার ভারী ধুন ।

ক্রমে চতুর্থীর অবমান হলো, পঞ্চমী প্রভাত হলেন—ময়রার দুর্গেমণ্ডা বা আগাতোলা সন্দেশের ওজন দিতে আরম্ভ করলে । পাঠার রেজিমেন্টকে রেজিমেন্ট বাজারে প্যারেড কস্তে লাগলো, গন্ধবেণেরা মসলা ও মাথাঘসা বেঁধে বেঁধে ক্রান্ত হয়ে পড়লো । আজ সহরের বড় রাস্তায় চলা ভার, মুটেরা শ্রিমিয়মে মোট বইছে ; দোকানে খন্দের বস্বার স্থান নাই । পঞ্চমী এইরূপে কেটে গেলো, আজ ষষ্ঠী ; বাজারের শেষ কেনা-বেচা, মহাজনের শেষ তাগাদ আশার শেষ ভরসা । আমাদের বাবুর বাড়ীর ত অপূর্ব শোভা ; সব চাকর-বাকর নতুন তকমা উর্দী ও কাপড় পেরে ঘুরে বেড়াচ্ছে । দরজার দুই দিকে পূর্ণ কুম্ভ ও আত্মসার দেওয়া হয়েছে । তুলীরা মধ্যে মধ্যে রোশনচৌকী ও শানাইয়ের সঙ্গে সঙ্গে বাজাচ্ছে । জামাই ও ভাগনেবাবুরা নতুন জুতা ও নতুন কাপড় পোরে ফরুরা দিচ্চেন । বাড়ীর কোন বৈঠকখানায় আগমনী গাওয়া হচ্ছে । কোথাও নতুন তাম-জোড়াটা পরকানো হচ্ছে । সমবয়সী ও ভিক্ষুকের মেলা লেগেচে । আভরের উমেদারেরা বাবুদের কাছে শিশি হাতে করে রাতদিন ঘুরচে । কিন্তু বাবুদের এমনি অবকাশ যে, দুফোঁটা আভর দানের অবকাশ হচ্ছে না ।

এদিকে সহরের বাজারের মোড়ে ও চৌরাস্তায় তুলী ও বাগন্দারের ভিড়ে সঁধোনো ভার ! রাজপথ লোকোরণ্য ও মালীরা পথের ধারে পদ্ম, চাঁদমালা, বিল্লিপত্র ও কুচো ফুলের দোকান সাজিয়ে রেখেচে ; দইয়ের ভার, মণ্ডার খুলী ও লুচি ও কচুরীর গুড়ায় রাস্তা জুড়ে গেচে । রেয়ো ভাট ও আমাদের মত ফলারেরা মিমো করে নিচে— কোথা যায় ?

ষষ্ঠীর সন্ধ্যায় সহরে প্রতিমার অধিবাস হয়ে গেলো । কিছুক্ষণ পরে ঢোল-ঢাকের শব্দ ধামলো । পূজাবাড়ীতে ক্রমে 'আনরে' 'কর রে' 'এটা কি হলো' কস্তে কস্তে ষষ্ঠীর শর্করী অবসন্ন হলো ; সুখতারী মুছ পবন আশ্রয় করে উদয় হলেন, পাখীরা প্রভাত প্রত্যক্ষ করে ক্রমে ক্রমে বাসা পরিত্যাগ কর্তে আরম্ভ করলে ; সেই সঙ্গে সহরের চারিদিকে বাজনা বাদি বেজে উঠলো, নব পত্রিকায় স্নানের জন্ত কর্মকর্তারা শশব্যস্ত হলেন—ভাবুকের ভাবনায় বোধ হতে লাগলো যেন সপ্তমী কোরমাখান নতুন কাপড় পরিধান করে হাস্তে হাস্তে উপস্থিত হলেন । এদিকে সহরের সকল কলাবউয়েরা বাজনাবাদি করে স্নান কস্তে গেলেন, বাড়ীর ছেলেরা কাঁসর ও ঘড়া বাজাতে বাজাতে সঙ্গে সঙ্গে চললো । এদিকে বাবুর কলাবউয়েরও

স্নানের সরঞ্জাম বেকলো, আগে আগে কাড়া, নাগরা, ঢোল ও শানাই-দারর বাজাতে বাজাতে চললো, তার পেছনে নতুন কাপড় পরে আশাশোটা হাতে বাড়ীর দরওয়ানেরা ; তার পশ্চাৎ কলাবউ কোলে পুরোহিত, পুথি হাতে তন্ত্রধারক, বাড়ীর আচার্য্য বাসুন, গুরু ও সভাপণ্ডিত, তার পশ্চাৎ বাবু । বাবুর মস্তকে লাল সাটীনের রূপার রামদ্বাতা ধরেচে । আশে পাশে ভাগনে, ভাইপো ও জামাইয়েরা । পশ্চাৎ আমলা ফরলা ও ঘরজামাইয়েরা, ভগিনীপতেরা, মোসাহেব ও বাজে দল ; তার শেষে নৈবেদ্য লাটন ও পুষ্পপাত্র, শাখ ঘণ্টা ও কুশাসন প্রভৃতি পূজার সরঞ্জাম মাথায় মালীরা । এই প্রকার সরঞ্জামে এসন্নকুমার ঠাকুরবাবুর ঘাটে কলাবউ নাইতে চললেন ; ক্রমে ঘাটে পৌঁছিলে কলাবউয়ের পূজা ও স্নানের অবকাশে হজরত গঙ্গার পবিত্র জলে স্নান করে নিয়ে, শুব পাঠ কস্তে কস্তে অসুরূপ বাজনা-বাদির সঙ্গে বাড়ীমুখো হলেন ।

পাঠকবর্গ ! এ সহরে আজকাল দু চার এজুকেটেড ইয়ং বেঙ্গলও পৌত্তলিকতার দাস হয়ে পূজা আচ্ছা করে থাকেন ; ব্রাহ্মণ ভোজনের বদলে কতকগুলি দিলদোস্ত মদে ভাতে প্রসাদ পান ; আলাপি ফিমেল ফ্রেণ্ড রাও নিমন্ত্রিত হয়ে থাকেন ; পূজোরো কিছু রিকাইও কেতা । কারণ, অপর হিন্দুদের বাড়ী নিমন্ত্রিত প্রদত্ত প্রণামী টাকা পুরোহিত ব্রাহ্মণেরই প্রাপ্য ; কিন্তু এদের বাড়ীর প্রণামীর টাকা বাবুর অ্যাকাউন্টে ব্যাঙ্কে জমা হয় ; প্রতিমার সাম্নে বিলাতী চর্কির বাতী অলে ও পূজোর দালানে জুতো নিয়ে ওঠবার এলাওয়েল থাকে । বিলেত থেকে অর্ডার দিয়ে সাজ নিয়ে প্রতিমে সাজানো হয়—মা দুর্গা মুকুটের পরিবর্তে বনেট পয়েন, শ্রাওউইচের বোতল খান, আর কলাবউ গঙ্গাজলের পরিবর্তে কাংলী-করা গরম জলে স্নান করে থাকেন । শেষে সেই প্রসাদী গরমজলে কর্মকর্তার প্রাতরাশের টি ও কফি প্রস্তুত হয় ।

ক্রমে তাবৎ কলাবউয়েরা স্নান করে ঘরে ঢুকলেন । এদিকে পূজাও আরম্ভ হলো, চতুর্থীমণ্ডে বাবুকোসের উপর আগাতোলা মোণ্ডাওয়ানী নৈবেদ্য সাজানো হলো । সঙ্গতি বুকে সাড়ী, চিনীর খাল, ঘড়া, চুম্বকী ঘটা ও সোনার লোহা, নয়তো কোথাও সন্দেশের পরিবর্তে গুড় ও মধুপর্কের বাটীর পরিবর্তে খুরী ব্যবস্থা । ক্রমে পূজা শেষ হলো ; ভক্তেরা এতক্ষণ অনাহাবে থেকে পূজোর শেষে প্রতিমাকে পুষ্পাঞ্জলি দিলেন । বাড়ীর গিল্লিরা চণ্ডী গুনে জন খেতে গেলেন, কারো বা নবরাত্রি । আমাদের বাবুর বাড়ীর পূজাও শেষ হলো প্রায়, বলিদানের উদ্দেশ্যে হচ্ছে । বাবু মায় ষ্টাফ্ আদুড় গায়ে উঠানে দাঁড়িয়েচেন, কামার কোমর বেঁধে প্রতিমের কাছ থেকে পূজা ও প্রতিষ্ঠা করা খাঁড়া নিয়ে, কাণে আশীর্বাদী ফুল গুজে, হাঁড়-কাটের কাছে উপস্থিত হলো, পাশ থেকে একজন মোসাহেব 'খুটী ছাড়' । 'খুটী ছাড়' । বলে চৈচিয়ে উঠলেন, গঙ্গাজলের ছড়া দিয়ে পাঠাকে হাড়কাঠে পুরে খিল এঁটে দেওয়া হলো । একজন

পাঁঠার মুড়ি ও আর একজন খড়টা টেনে ধরে—অমনি কামার 'জয় মা! মাগো' বোলে কোপ তুলে। বাবুরাও সেই সঙ্গে 'জয় মা মাগো!' বলে প্রতিমের দিকে ফিরে চেঁচাতে লাগলেন—হুপ্ করে কোপ পড়ে গেলো—গীজা গীজা গীজা গীজা, নাক্ টুপ টুপ্ টুপ্, গীজা গীজা টুপ টুপ্ শব্দে ঢোল, কাড়ানাগরা ও ট্যামটেমী বেজে উঠলো; কামার সরাতে সমাংস করেছিল, পাঁঠার মুড়ির মুখ চেপে ধরে দালানে পাঠানো হলো। এদিকে একজন মোসাহেব সঙ্গপনে খর্পরের সরি আচ্ছাদিত করে প্রতিমের সম্মুখে উপস্থিত করলে। বাবুরা বাজনার তরঙ্গের মধ্যে হান্তালি দিতে দিতে, ধীরে ধীরে চণ্ডীমণ্ডপে উঠলেন। প্রতিমার সামনে দানের সামগ্রী ও শ্রীপঞ্জের দেওয়া হলো; আরতি আরম্ভ হলো। বাবু স্বহস্তে গঙ্গাজল ধবল চামর বাজন করতে লাগলেন, ধূপ-ধূনোর ধোয়ে বাড়ী অঙ্ককার হয়ে গেল। এইরূপে আধঘণ্টা আরতির পর শাখ বেজে উঠলো—সবাবু সকলে ভূমিষ্ঠ হয়ে প্রণাম করে বৈঠকখানায় গেলেন। এদিকে দালানে বামুনেরা নৈবিদ্ধ নিয়ে কাড়াকাড়ি করতে লাগলো; দেখতে দেখতে সপ্তমী পূজো ফুরালো। ক্রমে নৈবিদ্ধবিলি, কাল্পালী বিদায় ও জলপান বিলানোতেই সে দিনের অবশিষ্ট সময় অতিবাহিত হয়ে গেলো; বৈকালে চণ্ডীর গানওয়ালারা ধানিকঙ্কণ আসর জাগিয়ে বিদায় হলো। জগা স্তাকরা চণ্ডীর গানের প্রকৃত ওস্তাদ ছিল। সে মরে যাওয়ারতেই আর চণ্ডীর গানের তেমন গায়ক নাই; বিশেষতঃ একপে শ্রোতাও অতি দুর্লভ হয়েছে।

ক্রমে ছটা বাজলো, দালানের গ্যাসের ঝাড় ঝেলে দিয়ে প্রতিমার আরতি করে দেওয়া হলো এবং মা দুর্গার শেতলের জলপান ও অন্যান্য সরঞ্জামও সেই সময়ে দালানে সাজিয়ে দেওয়া হলো। মা দুর্গা যত খান বা না খান, লোকে দেখে প্রশংসা করলেই বাবুর দণ্ড টাকা ধরচের সার্থকতা হবে। এদিকে সন্ধ্যার সঙ্গে দর্শকের ভিড় বাড়তে লাগলো; বাঙ্গাল দোকানদার, * * * ক্ষুদ্রে ক্ষুদ্রে ছেলে ও আদবরসি ছোড়া সঙ্গে কাতারকাতার প্রতিমে দেখতে আসতে লাগলো। এদিকে নিমন্ত্রিত লোকে সেজেগুজ এসে বসনাং করে একটা টাকা ফেলে দিয়ে প্রণাম করলে। অমনি পুরুত একছড়া ফুলের মালা নেমস্তন্ত্রের গলার দিয়ে টাকাটা কুড়িয়ে ট্যাকে গুজলেন, নেমস্তন্ত্রেও হন্ হন্ করে চলে গেলেন। কলকতা সহরে এই একটা আজগুবি কেতা; অনেক স্থলে নিমন্ত্রিতে ও কর্তৃকর্তার চোরে কামারের মত সাক্ষাৎ হয় না, কোথাও পুরোহিত বলে দিন 'বাবুরা ওপরে'। 'ঐ সিড়ি মশাই যান না।' কিন্তু নিমন্ত্রিত যেন চির প্রচলিত রীতি অনুসারেই আঞ্জে না, আরো পাঁচ জায়গায় গেতে হবে, থাক্; বলেই টাকাটা দিয়ে অমনি গাড়ীতে উঠেন, কোথাও যদি কর্তৃকর্তার সহিত সাক্ষাৎ হয়, তবে গীরগিটের মত উভয়েই একবার ঘাড় নাড়ানো হইলে থাকে। সন্দেশ মেঠাই চুলোর

বাক্, :পান তামাক মাখার থাক, 'সর্বত্রই সাধর সন্তাষণেরও বিলক্ষণ অপ্রতুল। ছএক জায়গায় কর্তৃকর্তা জরির মহলক্ষ্য পেতে সামনে আতরদান, গোলাবপাশ সাজিয়ে, পরসার দোকানের পোদ্দারের মত বসে থাকেন। কোন বাড়ীর বৈঠকখানায় চোহেলের রৈ রৈ ও হৈ হৈয়ের ডুফানে নেমস্তন্ত্রদের সেহুতে ভরসা হয় না—পাছে কর্তৃকর্তা তোড়ে কামড়ান কোথায় দরজা বন্ধ, বৈঠকখানায় অঙ্ককার, হয় তো বাবু ঘুমুচ্ছেন, নয় বেরিয়ে গ্যাচেন, দালানে জনমানব নেই, নেমস্তন্ত্রে কার হুমুখে যে, প্রণামী টাকা ফেলবেন ও কি করবেন, তা ভেবে গির কোত্তে পারেন না। কর্তৃকর্তার ব্যাভার প্রতিমা পর্যন্ত অপ্রস্তুত হন। অথচ এরকম নেমস্তন্ত্র না করলেই নয়। এই দরুণ অনেক ভুললোক আর 'সামাজিক' নেমস্তন্ত্রে যান না, ভাগনে বা ছেলেপুলের দ্বারাতেই ক্রিয়েবাড়ীর পুরতের প্রাপ্য কিংবা বাবুদের ওৎকরা টাকাটা পাঠিয়ে দেন, কিন্তু আমাদের ছেলেপিলে না থাকায় স্বয়ং গমনে অসমর্থ হওয়ার স্থির করেছি, এবার সব প্রণামীর টাকায় পোষ্টেজ ষ্ট্যাম্প কিনে ডাকে পাঠিয়ে দেবো। তেমন তেমন আশ্রয় স্থলে (সেক অ্যারাইভ্যালের জন্ত) রেজেষ্ট্রী করে পাঠান যাবে। যে প্রকারেই হোক টাকাটি পৌছনো নয় বিষয়। অধ্যাপক ভায়ালা এ বিষয়ে অনেক সুবিদে করে দিয়েছেন। পূজো ফুরিয়ে গেলে তাঁরা প্রণামীর টাকাটি আদায় করতে স্বয়ং ক্রেশ নিয়ে থাকেন; নেমস্তন্ত্রের পূর্বে হতে পূজোর শেষে তাঁদের আশ্রয়তা আরও বৃদ্ধি হয়; অনেকে প্রণামী চাইতে আসাই পূজোর প্রক! !

মনে করুন, আমাদের বাবু বকলী বড় মানুষ; চাল স্বতন্ত্র। আরতির পর বেনারসী জোড় পরো স্তাসদ সঙ্গে নিয়ে দালানে বার দিলেন; অমনি তকমাপরা বাকা দরওয়ানেরা তলওয়ার খুলে পাহারা দিতে লাগলো; হরকরা : হকোবরদার, বিধির বাড়ীর বেহারি ও মোসাহেবরা জোড়হস্ত হয়ে দাঁড়ালো, কখন কি করমাস হয়। বাবুর সামনে অ্যাকটা সোনার আলুবোলা, ডাইনে অ্যাকটা পান্নাবসান ফুরসি, বায়ে অ্যাকটা হীরেবসান টোপদার গুড়গুড়ি ও পে নে অ্যাকটা মুস্তো বসান পেরুয়া পড়লো; বাবু আঁস্তা কুড়ের কুকুরের মত ইচ্ছা অনুসারে আশে পাশে মুখ দিচ্ছেন ও আড়ে আড়ে সামনে বায়ে লোকের ভিড়ের দিকে দেখছেন—লোকে কোনটার কারী-গরীর প্রশংসা কচ্ছে; যে রকমে হোক লোককে ছাখানো চাই রে বাবুর রূপো-সোনার জিনিস অটেল; অ্যামন কি বসবার স্থান থাকলে আরও দুটো ফুরসি ও গুড়গুড়ি ছাখানো যেতো। ক্রমে অনেক অনাহত ও নিমন্ত্রিত জড় হতে লাগলেন, বায়ে লোকে চণ্ডীমণ্ডপ পুরে গ্যাল। জুতো চোরেরা, সেই স্থযোগে তলোয়ারের পাহারার ভিতর থেকেও ছুড়ি জুতো সরিয়ে ফেলে। কচ্ছপ জলে থেকেও ডাঙ্গাহ ডিমের প্রতি যেমন মন রাখে, সেইরূপ অনেকে দালানে বাবুর সঙ্গে বসে কথাবার্তার মধ্যেও আপনার জুতোর

ওপোরও নগর রেখেছিলেন ; কিন্তু ওঠবার সময় দেখেন যে, জুতোয়াম কচ্ছপের ডিমের মত ফুটে মরেছেন, ভাঙ্গা ডিমের খোলার মত হয় তো এক পাঁচি ছেড়া চটা পড়ে আছে ।

এ দিকে দেখতে দেখতে গুড়ুম করে নটার তোপ পড়ে গ্যাল ; ছেলেরা 'বোমকালী কল্কেস্তাওয়ারী' বোলে চেঁচিয়ে উঠলো । বাবুর বাড়ি নাচ, হতরাং বাবু আর অধিকক্ষণ দালানে বোসতে পারেন না, বৈঠকখানার কাপড় ছাড়তে গ্যালেন ; এদিকে উঠানের সমস্ত গ্যাস জ্বলে দিয়ে মজলিসের উদ্‌যোগ হতে লাগলো, ভায়েরা ট্যাসল দেওয়া টুপি ও পেটা পোরে কপারদালালী কস্তে লাগলেন । এদিকে দুই অ্যাকজন নাচের মজলিসি নেনস্তুলে আসতে লাগলেন । মজলিসে তরকা নাবিয়ে দেওয়া হলো । বাবু জরি ও কালাবৎ এবং নানাবিধ জড়ওয়া গহনার ভূষিত হয়ে ঠিক একটি 'ইজিপসন মমী' সেজে মজলিসে বার দিলেন—বাই সন্ন্যাসের সঙ্গে গান করে সভাহ সমস্তকে মোহিত কস্তে লাগলেন ।

নেমস্তুলেরা নাচ দেখতে থাকুন, বাবু করুণা দিন ও লাল চোকে রাজা উজীর ম'কন—পাঠকবর্গ অ্যাকবার সহরটার শোভা দেখুন—প্রায় সকল বাড়িতেই নানা প্রকার রং তামাসা আরম্ভ হয়েছে ; লোকেরা খাতার খাতার বাড়ি বাড়ি পূজো দেখে ব্যাড়াচ্ছে । রাস্তার বেজায় ভীড় । রাড়ওয়ারি খোট্টার পাল, মাগির খাতা ও ইয়ারের দলে রাস্তা পুরে গ্যাচে । নেমস্তুলের হাত লাঠনওয়ারী, বড় বড় গাড়ীর সইসেরা প্রায় শব্দে পইস্ পইস্ কচ্ছে, অথচ গাড়ী চালাবার বড় বেগতিক । কোথায় সকের কবি হচ্ছে, ঢোলের চাটি ও গাওনার চীৎকারে নিত্ৰাদেবী সে পাড়া থেকে ছুটে পালিয়েছেন, গানের তানে যুমস্তো ছেলেরা মার কোলে কপে কপে চমকে উঠচে । কোথাও পাঁচালী আরম্ভ হয়েছে, বওয়ারটে পিলুইয়ার ছোকরার তরপুর নেশায় ভোঁ হয়ে ছড়া কাট্টছেন ও আপনা আপনি বাহোবা দিচ্ছেন ; রাস্তির শেষে আছ গড়াবে, অবশেষে পুলিশে দক্ষিণা দেবে । কোথাও বাজা হচ্ছে, মণিগোঁসাই সং এসেছে, ছেলেরা মণিগোঁসায়ের রসিকতার আছায়ে আটখানা হচ্ছে, আশে পাশে চিকের শ্রুতর মেয়েরা উকি মাচ্ছে, মজলিসে রামমঙ্গল জগচে, বাজে দর্শকদের বাতকর্ষ ও মসালের চর্গকে পূজোবাড়িতে ভিঠন ভার ! ধূপ ধূনোর গন্ধও হার মেনেচে । কোনখানে পূজোবাড়ির বাবুরাই খেদ মজলিস রেখেছেন—বৈঠকখানার পাঁচো ইয়ার জুটে নেউল নাচানো, ব্যাং লাগানো, খ্যাবটা ও বিদ্বাহন্দর আরম্ভ করেছেন ; অ্যাক অ্যাক বারের হাসির গররায় সিরাল ডাকে ও মদন আঙনের তানে—দলজানে ভগবতী ভরে কাঁপচেন, সিন্ধি চোরাকে কাষড়ান পরিত্যাপ করে ছাঙ্গ ওঠিয়ে পলাবার পথ দেখচে, লক্ষী সরস্বতী শশব্যস্ত । এ দিকে সহরের সকল রাস্তাতেই লোকের ভিড়, সকল বাড়িই কলসোমর ॥

এই প্রকারে সপ্তমী, অষ্টমী ও নবমীপূজো কেটে গ্যালো ; আজ

নবমী, আজ পূজোর শেষ দিন । এতদিন লোকের মনে যে আছাট্ট জোরায়ের জলের মত বাড়তেছিল, আজ সেইটির একেবারে মারভাটা ॥

আজ কোথাও জোড়া মোব, কোথাও নব্বইটা পাঁঠা, ওপারি, আক, কুমড়ো, মাগুরমাছ ও মরীচ বলিদান হয়েছে ; কর্ণকর্ভা পাত্র টেনে পাঁচোইয়ারে জুটে নবমী গাচ্ছেন ও কাদা মাটি কচ্ছেন, চুলীর ঢোলে সক্রত হচ্ছে, উঠানে লোকারণ্য ; উপর থেকে বাড়ির মেয়েরা উকী মেরে নবমী দেখচেন । কোথাও হোমের ধূমে বাড়ি অন্ধকার হয়ে গেছে ; কার সাধ্য প্রবেশ করে—কান্দালী, রোঙতাট ও ভিক্ষুকের পূজোবাড়ী ঢোকা ঘুরে থাকুক, দরজা হতে মশাগুলো পর্যন্ত ফিরে যাচ্ছে । ক্রমে দেখতে দেখতে দিনমণি অস্ত গ্যালেন, পূজোর আমোদ প্রায় সন্ধ্যাসরের মত ফুরালো । ভোরাত্ত ওস্তে ভররোঁ রাগিনীতে অনেক বাড়িতে বিজয়া গাওনা হলো ; ভক্তের চক্ষে ভগবতীর প্রতিমা পরদিন প্রাতে মলিন মলিন বোধ হতে লাগলো, শেষে বিসর্জনের সমারোহ শুরু হলো—আজ নিরঞ্জন ॥

ক্রমে দেখতে দেখতে দশটা বেজে গ্যাল, দুইকড়মা ভোগ দিয়ে প্রতিমার নিরঞ্জন করা হলো, আরতির পর বিসর্জনের বাজনা বেজে উঠলো, বাবুন বাড়ির প্রতিমার সকালেই জল সই হলেন । বড়মানুষ ও বাজে আতির প্রতিমা পুনিশের পাশ মত বাজনা-বাছির সঙ্গে বিসর্জন হবেন—এ দিকে একাজ সে কাজে গির্জার বাড়িতে টুং টাং টুং টাং করে ছপুর বেজে গ্যাল, সূর্যের বৃহ তপ্ত উত্তাপে সহর নিম্বকি রকম গরম হয়ে উঠলো ; এলোমেলো হাওয়ার রাস্তার ধুলো ও কাঁকর উড়ে অন্ধকার করে তুলে । বেকার কুকুরগুলো দোকানের পাটাতনের নীচে ও খানার ধারে শুয়ে জিব বাইব করো হাঁপাচ্ছে, বোজাই গাড়ির গরুগুলোর মুক্ স্তে ক্যানা পড়চে—গাড়োরান ভয়ানক চীৎকারে "শাগার গরু চলে না" বলে ল্যাঙ্ক মূলুচে ও পাঁচনবাড়ি মাচ্ছে ; কিন্তু গরুর চালবেগড়াচ্ছে না, বোজাইয়ের ভরে চাকাগুলি কোঁকোঁ শব্দে রাস্তা মাতিয়ে চলেচে । চড়াই ও কাকগুলো বারাম্বা, আলুসে ও নলের নীচে চক্ষু মুদে বসে আছে । ফিরিওয়ালারা ক্রমে ধরে ফিরে যাচ্ছে, রিপুকর্ষ ও পরামণিকরা অনেকক্ষণ হলো ফিরেচে ; আলু পটোল ! ঘি চাই ! ও তামাকওয়ারী কিছুক্ষণ হলো ফিরে গ্যাছে । ষোল চাই ! মাধম চাই ! ভরসা দই চাই । ও মালাই দইওয়ারীরা কড়ি ও পরসা শুস্তে শুস্তে ফিরে যাচ্ছে, অ্যাপন কেবল মধ্যে মধ্যে পাণিকল ! কাগোজ বদল ! পেয়াল পিরিচ ! ফিরিওয়ালদের ডাক শোনা যাচ্ছে—নৈবিন্দি মাধার পূজো বাড়ির লোক, পুজুরী বাবুন, প্যাটো ও বাজনার ভিন্ন রাস্তার বাজে লোক নাই ; শুপু করে একটার তোপ পড়ে গ্যাল । ক্রমে অনেক হলে ধুমধামে বিসর্জনের উদ্‌যোগ হতে লাগলো ।

হার ! পৌত্তলিকতা কি শুভদিনেই এ হানে পদার্পণ করেছিল ;

আতে। দেখে শুনে মনে হির জ্যেণ্ডে আমরা তারে পরিত্যাপ
কন্তে কত কষ্ট ও অসুবিধা বোধ কচ্ছি। ছেলেব্যালা বে পুতুল
নিরে খ্যালাখর পেতেছি, বৌ বৌ খেলেছি ও ছেলেমেয়ের বে
দিয়েচি, আর বড় হয়ে সেই পুতুলকে পরমেশ্বর বলে পূজা কচ্ছি ;—
তার পদার্পণে পুলকিত হচ্ছি ও তার বিসর্জনে শোকের সীমা থাকে
না—শুধু আমরা কেন কত কত কৃতবিদ্ধ বাজালী সংসারের ও
অগদীষরের সমস্ত তত্ত্ব অবগত থেকেও হয় ত সমাজ না হয় পরিবার-
পরিজনের অসুরোধে পুতুল পূজে আমোদ প্রকাশ করেন, বিসর্জনের
সময় কাঁদেন ও কাঁদারও মধ্যে কোলাহুলি করেন ; কিন্তু
নাস্তিকতার নাম লিখিয়ে বনে বসে থাকিও ভাল, তবু “অগদীষর
আক্‌মাড়” এটি জ্যেণ্ডে আবার পুতুলপূজার আমোদ প্রকাশ করা
উচিত নয়।

ক্রমে সহরের বড় রাস্তা চৌমাথা লোকারণ্য হয়ে উঠলো,
বেশ্যালয়ের বারান্দা আলাপিতে পুরে গ্যাল, ইংরাজি বাজনা, নিশেন,
ডুককসোরার ও সার্কান সঙ্গে প্রতিমার রাস্তার বাহার দিয়ে ব্যাড়াতে
লাগলেন—তখন ‘কারু প্রতিমা উত্তম’ ‘কারু সাজ ভাল’ ‘কারু
সরঞ্জাম সরেস’ প্রভৃতির প্রশংসারই প্রয়োজন হচ্ছে, কিন্তু হায়।
‘কারু তত্ত্ব সরেস’ কেউ এ বিষয়ের অনুসন্ধান করে না—কর্মকর্তীও
তার অস্ত্র বড় কেয়ার করেন না। এদিকে এসন্নকুমার বাবুর ঘাট
ভদ্রর লোক গোচের দর্শক, খুদে খুদে গোবাক করা ছেলে, এস্নে ও
ইন্সুলবয়ে ভরে গ্যাল। কর্মকর্তীরা কেউ কেউ প্রতিমে নিয়ে বাচ
খেলিয়ে ব্যাড়াতে লাগলেন—আমুদে মিন্বে ও ছোঁড়ার নৌকোর
উপর ঢোলের সঙ্গতে নাচতে লাগলো ; সৌধীন বাবুরা খ্যামটা ও
বাই সঙ্গে করে বোট, পিনেস ও বজরার ছাতে বার দিয়ে বসলেন—
মোসাহেব ও ওস্তাদ চাকরেরা কবির হুরে দু অ্যাকটা রংদার গান
গাইতে লাগলো।

“বিদায় হও মা ভগবতি এ সহরে এসো নাকো আর।

দিনে দিনে কলিকাতার মর্ষ দেখি চমৎকার।

জটসেরা ধর্ম অবতার, কারমনে কচেন সুবিচার।

এদিকে ধুলোর তরে রাজপথেতে টেচিয়ে চেয়ে চলা ভার।

পথে হাগা মোতা চলবে না, লহোরের জল ডুলতে মানা ;

লাইসেনসেটের মাখটচাঁদা, পাইখানার বাসি ময়লা রবে না।

হেলুথ অকিসর, সেতখানার মেজেষ্টর,

ইনুকমের আসেসর সাজে সবারে ,

আবার পতর্পরের গুরে হুটি স্থটিছাড়া ব্যবহার।

অসহ হতেছে মাপো। অশাধ্য বাস করা আর।

জীরন্তে এই ত আলা মাপো।—

মলেও শান্তি পাবে না ;

সুখাগির দকারকা কলেতে কর্কে সংকার।

হুতোমদাস তাই সহর ছেড়ে আস্মানে করেন বিহার।”

এদিকে দেখতে দেখতে দিনমনি যান সবেসরের পূজার
আমোদের সঙ্গে অস্ত গ্যালেন। সন্ধ্যাবধু বিচ্ছেদ-বসন পরিধান
করে ঘাথা দিলেন। কর্মকর্তীরা প্রতিমা নিরঞ্জন করে, নীলকণ্ঠ
শখটাল উড়িয়ে ‘দাদাগো’ ‘দিদিগো’ বাজনার সঙ্গে ঘট নিয়ে
ঘরমুকো হলেন। বাড়িতে পৌঁছে চণ্ডীমণ্ডপে পূর্ণ ঘটকে অণাম
করে শান্তিফল নিলেন ; পরে কাঁচা হলুদ ও ঘটফল খেয়ে পরম্পর
কোলাহুলি করলেন। অবশেষে কলাপাতে দুর্গানাম লিখে সিদ্ধি
খেয়ে বিজয়ার উপসংহার হলো। ক দিন মহাসমারোহের পর
আজ সহরটা খাঁ খাঁ কর্তে লাগলো—পৌত্তলিকের মন বড়ই
উদাস হলো ; কারণ লোকের যখন হুখের দিন থাকে, তখন
সেটির তত অসুভব কন্তে পারা যায় না, যত সেই হুখের মহিমা
হুঃখের দিনে বোঝা যায়।

—হতোম প্যাচার নঙ্গ!

শ্রীকালীপ্রসন্ন সিংহ

আমার দুর্গোৎসব

সপ্তমী পূজার দিন কে আমাকে এত আকিঙ্গ চড়াইতে বলিল।
আমি কেন আকিঙ্গ খাই-গাম। আমি কেন প্রতিমা দেখিতে
গেলাম। বাহা কখনও দেখিব না, তাহা কেন দেখিলাম। এ কুহক
কে দেখাইল।

দেখিলাম—অকস্মাৎ কালের স্রোত দিগন্ত বাপিরা প্রবলবেগে
ছুটিতেছে—আমি ভেলার চড়িয়া ভাসিয়া যাইতেছি। দেখিলাম—
অনন্ত, অকুল অন্ধকার, বাত্যাবিহীন তরঙ্গ-সঙ্কুল সেই স্রোত—
মধ্যে মধ্যে উচ্ছল নক্ষত্রগণ উদয় হইতেছে, নিবিত্তেছে আবার
উঠিতেছে। আমি নিতান্ত একা—একা বলিয়া ভয় করিতে
লাগিল—নিতান্ত একা—মাতৃহীন—‘মা ! মা !’ বলিয়া ডাকিতেছি।
আমি এই কালসমুদ্রে মাতৃসন্ধানে আসিয়াছি। কোথা মা ? কই
আমার মা ? কোথায় কমলাকান্ত-প্রসূতি বঙ্গভূমি ! এ ঘোর
কাল-সমুদ্রে কোথায় ভূমি ? সহসা শর্গীর বাজে কর্ণরফ পরিপূর্ণ
হইল—দিক্‌গুলো প্রভাতারণোদয়বৎ লোহিতোচ্ছল আলোক বিকীর্ণ
হইল—স্নিগ্ধ মন্দ পবন বহিল—সেই তরঙ্গসঙ্কুল জলরাশির উপরে
ঘুরপ্রান্তে দেখিলাম—স্বর্ণমণ্ডিতা এই সপ্তমীর শারদীয়া প্রতিমা।
জলে হাসিতেছে, ভাসিতেছে, আলোক বিকীর্ণ করিতেছে। এই
কি মা ? হাঁ, এই মা। চিনিলাম এই আমার জননী জন্মভূমি
—এই স্বয়ম্বী—সৃষ্টিকারপিণী—অনন্তরত্নভূমিতা এক্ষণে কালগর্ভে
নিহিতা। রত্নমণ্ডিত দশভুজ—দশ দিক্—দশ দিকে প্রসারিত,
ভাহাতে নানা আয়ুধরূপে নানা শক্তি শোভিত ; পদতলে শত্রু
বিসর্দিত—পদাশ্রিত বীরজনকেশরী শত্রু-নিপীড়নে নিবৃত্ত। এ সৃষ্টি
এখন দেখিব না—আজি দেখিব না—কাল দেখিব না—কালস্রোত
পার না হইলে দেখিব না—কিন্তু একদিন দেখিব—দিক্‌ভুজা নানা
প্রহরণ-প্রহারিণী, শত্রুসর্দিণী, বীরেন্দ্রপৃষ্ঠবিহারিণী—দক্ষিণে লক্ষ্মী

ভাগ্যরূপিনী, বামে বাণী বিজ্ঞা-বিজ্ঞান-মূর্তিময়ী, সঙ্গ্রে বলরূপী
কার্তিকের, কার্য-সিদ্ধিরূপী গণেশ, আমি সেই কালশ্রোত মধ্যে
দেখিলাম, এই সুবর্ণময়ী বজ্রপ্রতিমা।

কোথায় ফুল পাইলাম, বলিতে পারি না—কিন্তু সেই প্রতিমার
পদতলে পুষ্পাঞ্জলি দিলাম—ডাকিলাম, সর্বমঙ্গলমঙ্গল্যে শিবে, আমার
সর্বার্থসাধিকে। অসংখ্যসন্তান-কুলপালিকে। ধর্ম-অর্থ-সুখদুঃখ-
দায়িকে। আমার পুষ্পাঞ্জলি গ্রহণ কর। এই ভক্তি ক্রীতি বৃষ্টি শক্তি
করে লইয়া তোমার পদতলে পুষ্পাঞ্জলি দিতেছি; তুমি এই অনন্ত
জলমগ্ন ত্যাগ করিয়া এই বিশ্ববিমোহিনী মূর্তি একবার জগৎ-সমীপে
প্রকাশ কর। এসো মা! নব-রাগরত্নিণি, নব-বল-ধারিণি, নবদর্পে
দর্পিণি, নবস্বপ্নদর্শিণি!—এসো মা, গৃহে এসো—ছয় কোটি সন্তান
একত্রে, এককালে, দ্বাদশ কোটি কর জোড় করিয়া তোমার পাদপদ্ম
পূজা করিব। ছয় কোটি মুখে ডাকিব, মা প্রসূতি অধিকে। ধাত্রি
ধরিত্রি ধনধাত্রদায়িকে। নগাক্ষশোভিণি নগেন্দ্রবালিকে। শরৎ-
সুন্দরি চারুপূর্ণচন্দ্রভালিকে। ডাকিব,—সিন্ধু-সেবিত, সিন্ধু-পূজিত,
সিন্ধুমথনকারিণি। শত্রু বধে দশভুজে দশপ্রহরণধারিণি। অনন্তশ্রী
অনন্তকাল-স্থায়িণি। শক্তি দাতা সন্তানে, অনন্ত-শক্তি-প্রদায়িণি।
তোমায় কি বলিয়া ডাকিব, মা? এই ছয় কোটি মুণ্ড ঐ পদপ্রান্তে
লুপ্তিত করিব—এই ছয় কোটি কণ্ঠে ঐ নাম করিয়া হুকার করিব—
এই ছয় কোটি দেহ তোমার জন্ত পতন করিব—না পারি, এই দ্বাদশ
কোটি চক্ষু তোমার জন্ত কাঁদিব। এসো মা, গৃহে এস, ষাঁহার ছয়
কোটি সন্তান, তাঁহার ভাবনা কি?

দেখিতে দেখিতে আর দেখিলাম না—সেই অনন্ত-কাল-সমুদ্রে
সেই প্রতিমা ডুবিল। অন্ধকারে সেই তরঙ্গ-সঙ্কুল জলরাশি
ব্যাপিল, জলকল্লোলে বিশ্বসংসার পুরিল। তখন যুক্ত-করে সজল-
নয়নে ডাকিতে লাগিলাম, উঠ মা হিরণ্ময়ী বজ্রভূমি! উঠ মা!
এবার সুসন্তান হইব, সৎপথে চলিব—তোমার মুখ রাখিব। উঠ মা!
দেবি দেবাসুগৃহীতে। এবার আপনা তুলিব—জাতৃববৎসল হইব,
পরের মঙ্গল সাধিব, অধর্ম, আলস্য, ইন্দ্রিয়ভক্তি ত্যাগ করিব—উঠ
মা, এবার রোদন করিতেছি, কাঁদিতে কাঁদিতে চক্ষু পেল মা।
উঠ, উঠ মা, উঠ বজ্রজননী!

মা উঠিলেন না। উঠিবেন না কি?

এস ভাই সকল! আমরা এই অন্ধকার কালশ্রোতে ঝাঁপ
দিই। এস, আমরা দ্বাদশ কোটি ভুজে ঐ প্রতিমা তুলিয়া,
ছয় কোটি মাথায় বহিরা, ঘরে আনি। এস অন্ধকারে ভয়
কি? ঐ যে নক্ষত্র মধ্যে মধ্যে উঠিতেছে, নিবিতেছে। উহারা
পথ দেখাইবে—চল। চল। অসংখ্য বাহর প্রক্ষেপে, এই কাল-
সমুদ্র তাড়িত, মথিত, ব্যস্ত করিয়া আমরা সম্ভরণ করি,—সেই স্বর্ণ-
প্রতিমা মাথায় করিয়া আনি। ভয় কি? না ছয় ডুবিব, মাতৃ-
হীনের জীবনে কাজ কি? আইস, প্রতিমা তুলিয়া আনি, বড়

পূজার ধুম বাধিবে। কত ব্রাহ্মণ-পণ্ডিত লুচি-মণ্ডার লোভে বজ্র-
পূজার আসিয়া পাতড়া মারিবে—কত দেশ-বিদেশ হইতে শুভ্রাভ্র
মায়ের চরণে প্রণামী দিবে—কত দীন-দুঃখী প্রসাদ খাইয়া উদর
পুরিবে। কত নর্তকী নাচিবে, কত গায়কে মঙ্গল গায়িবে, কত
কোটি ভক্তে ডাকিবে—মা! মা! মা!

জয় জয় জয় জয়া জয়দাত্রি।
জয় জয় জয় বজ্রজগদ্ধাত্রি।
জয় জয় জয় সুখদে ভয়দে।
জয় জয় জয় বরদে শর্মদে।
জয় জয় জয় শুভে শুভকরি।
জয় জয় জয় শান্তি ক্ষেমকরি।
স্বেবক-দলনি, সন্তান-পালিনি।
জয় জয় দুর্গে দুর্গতিনাশিনি।
জয় জয় লক্ষ্মি বারীন্দ্রবালিকে।
জয় জয় কমলাকান্তপালিকে।
জয় জয় ভক্তি-শক্তি-দায়িকে।
পাপ-তাপ-ভয়-শোক-নাশিকে।
মুহুর-গভীর-ধীর-ভাবিকে।
জয় মা কালি করালি অধিকে।
জয় হিমালয়-নগবালিকে।
অতুলিত-পূর্ণচন্দ্র-ভালিকে।
শুভে শোভনে সর্বার্থ-সাধিকে।
জয় জয় শান্তি শক্তি কালিকে।
জয় মা কমলাকান্তপালিকে।
নমোহস্ত তে দেবি বরপ্রদে শুভে।
নমোহস্ত তে কামচরে সদা ধ্রুবে।
ব্রহ্মাণীত্রাণি ব্রহ্মাণি ভূতভব্যে বশধিনি।
ত্রাহি মাং সর্বদুঃখেভ্যা দানবানাং ভয়করি।
নমোহস্ত তে অগ্ন্যধে জনার্দিনি নমোহস্ত তে।
প্রিয়দাস্তে জগন্নাভঃ শৈলপুত্রি বহুকরে।
ত্রায়স্ব মাং বিশালাক্ষি ভক্তানামার্তিনাশিনি।
নমামি শিরসা দেবী বজ্রনৈস্ত বিমোচিতঃ। *

কাঙালিনী

আনন্দময়ীর আগমনে

আনন্দে গিয়েছে দেশ ছেয়ে।

হের ওই ধনীর দুয়ারে

দাঁড়াইয়া কাঙালিনী মেয়ে।

বাজিতেছে উৎসবের বাঁশি,
 কানে ভাই পশিতেছে আসি',
 স্নান চোখে ভাই ভাসিতেছে
 ছরাশার হৃৎকের স্বপন ।
 চারিদিকে প্রভাতের আলো
 নয়নে লেগেছে বড় ভালো,
 আকাশেতে মেঘের মাঝারে
 শরতের কনক-তপন ।
 কত কে যে আসে, কত যায়,
 কেহ হাসে, কেহ গান গায়,
 কত বরণের বেশ ভূষা—
 বলকিছে কাঞ্চন-রতন,—
 কত পরিজন দাস দাসী,
 পুস্প পাতা কত রাশি রাশি,
 চোখের উপরে পড়িতেছে
 মরীচিকা-হবির মতন ।
 হের ভাই রহিয়াছে চেয়ে
 শুভমনা কাঙালিনী মেয়ে ।
 গুনেছে সে, মা এসেছে ঘরে,
 ভাই বিশ্ব আনন্দে ভেসেছে,
 মা'র মারা পায় নি কখনো,
 মা কেমন দেখিতে এসেছে ।
 ভাই বুঝি আঁধি হলহল,
 বাঞ্ছা ঢাকা নয়নের তারা ।
 চেয়ে যেন মা'র মুখপানে
 বাজিকা কাতর অভিমানে
 বলে, "মাগো, এ কেমন ধারা ?
 এত বাঁশি এত হাসিরাশি,
 এত ভোর রতন ভূষণ ;
 তুই যদি আমার জননী,
 মোর কেন মলিন বসন ?"

ছোট ছোট হেলেনেয়েগুলি,
 ভাই বোন করি' পলায়লি,
 অজমেতে নাচিতেছে ওই !
 বাজিকা ছুরারে হাত দিয়ে,
 তাদের হেরিছে দাঁড়াইয়ে,
 ভাবিতেছে নিখাস ফেলিয়ে—
 "আমি তো ওদের কেহ নই !
 মেহ ক'রে জননী আমার
 পরায়ে তো দেয় নি বসন,
 প্রভাতে কোলেতে ক'রে নিয়ে
 মুছারে তো'দের নি নয়ন ।"
 আগনার ভাই নেই ব'লে
 ওরে কিরে ডাকিবে না কেহ ?
 আর কারো জননী আসিয়া
 ওরে কিরে করিবে না মেহ ?
 ও কি শুধু ছুরার ধরিয়া
 উৎসবের পানে র'বে চেয়ে,
 শুভমনা কাঙালিনী মেয়ে ?
 ওর আঁধ আঁধার কখন
 করণ গুন্সর বড় বাঁশি,
 ছুরারেতে সমল নয়ন
 এ বড় নিষ্ঠুর হাসিরাশি ।
 অনাথ হেলেরে কোলে নিবি
 জননীরা আয় তোলা সব,
 মাতৃহারা মা যদি না পায়
 তবে আজ কিসের উৎসব ?
 ঘারে যদি থাকে দাঁড়াইয়া
 স্নান মুখ বিবানে বিরস,—
 তবে মিছে সহকার-শাধা,
 তবে মিছে মজল-কলস !

ঐরবীন্দ্রনাথ ঠাকুর

মর্মর-সীতা

(গল্প)

[শ্রীনীলমণি চট্টোপাধ্যায়]

এক

সুন্দরসিং ভাস্করের কার্য্য করে। পাথর কাটিয়া তাহার দিনগুলি যেন কঠোর হইয়া যায়। আঘাতের পর নির্ভর আঘাত করিয়া সে পাথরের নিস্পন্দ বক্ষে তরুণীর চটল চাহনি—প্রবীণের সজল স্মৃতি ফুটাইয়া তোলে; তথাপি তাহার ভাবান্তর নাই। সে যে শ্রমিক, কেবল শ্রমের মূল্য পাইলেই সন্তুষ্ট।

একদিন এক প্রৌঢ় আসিল তাহারই দ্বারে,—সসজ্জমে সুন্দর তাহাকে ভিতরে আহ্বান করিল।

সম্বর্ষিত চরণে ভিতরে প্রবেশ করিয়া প্রৌঢ় বলিল, “শুনেছি তোমার গড়া মূর্ত্তি দেখে দর্শকও মূর্ত্তির মতই অচল হ'য়ে যায়। আমায় কয়েকটা মূর্ত্তি দেখাবে?” প্রৌঢ়ের জীর্ণবিলাস পরিচ্ছদ একটা হারাণ সম্পদের কথা জানাইয়া দেয়। তাহার ললাটে একটা কুঞ্চনও নাই, তথাপি যেন মনে হয় এই বয়সেই জীবনের চরম পাঠ সাক্ষ হইয়াছে

শিষ্ট-হাস্তে সুন্দরসিং বলিল, “এই ত অনেক মূর্ত্তিই রয়েছে, দেখুন,—এদের ঘনিষ্ঠ সম্পর্কে থেকেও আমি ত কই অচল হ'য়ে যাই নি।”

প্রৌঢ় একটা মূর্ত্তি নিরীক্ষণ করিয়া বলিল, “মূর্ত্তি গড়তে তুমি কত পারিশ্রমিক নাও?”

সুন্দরসিং বলিল, “সেটা মূর্ত্তির আকারের উপর নির্ভর করে, তবে ৫০০ টাকার কমে কাজ হয় না।”

“পাঁচ শ টাকা। তা এমন কি বেশী,—তার তুলনায় ওর চতুর্গুণও তুচ্ছ। আচ্ছা—আমায় একটা মূর্ত্তি গ'ড়ে দেবে?—কিন্তু কি করেই বা গড়বে তার মূর্ত্তি,—সে মানবীও নয়—দেবীও নয়!”

লোকটাকে উদ্ভ্রান্ত ভাবিয়া সুন্দরসিং বলিল, “ওরূপ অদ্ভুত মূর্ত্তিতে আমার ক্ষমতায় কুলবে না।”

“কি বললে—অদ্ভুত! ছিঃ ভাস্কর, এই প্রৌঢ়ের উপর যে তার কতখানি দাবি ছিল তা তুমি বুঝবে না। এই হতভাগার পক্ষে সে ছিল একটি পবিত্র আশীর্বাদের মত,—আমার শতছিন্ন সৌভাগ্যের মাঝে তার কোন বিকৃতিই ঘটে নি।—নাও ভাস্কর এই হীরের আঙাট নাও, দয়া ক'রে তার একটা মূর্ত্তি আমায় গড়ে দিও।—ওকি তুমি নীরব কেন? বল করবে কি না।”

সুন্দরসিং বলিল, “কাজের আপত্তির দিক দিয়ে আমি নিরুত্তর নই। কি দেখে হবে—একখানি ছবিও ত চাই।”

“তা নেই, তবে আমার মনের ছবি যদি দিই? তাতেই তার সবটাই গাঁথা আছে; কিন্তু দেখে নেওয়ার কাজটা যে তোমার, ভাই।”

কোন জটিলতাই যে অবসন্ন মস্তিষ্কের খাণ্ড নয়, তথাপি একটা কৌতূহলের বশে সুন্দরসিং তাহার পরিচয় চাহিয়া বলিল।

প্রৌঢ় বলিল, “পরিচয় যে দিতেই হবে, আমার পরিচয়ের সঙ্গে যে তার পরিচয় জড়িত রয়েছে।”

একটা গাঢ় দীর্ঘনিঃশ্বাস প্রৌঢ়ের ললাট হইতে রক্তিম আভা অপসারিত করিয়া ছু একটি করুণ রেখা ফুটাইল।

প্রৌঢ় আরম্ভ করিল, “আমার অষ্ট বলে কিছু নেই,—সবই দৃষ্টির পথ আগলে অযোগ্যতার মর্ম্বাভী সার্থকতা লুটে নিয়ে আমায় মনুষ্যত্বের দাবি বুঝিয়ে দিয়েছে। লোকে বলে আলো ও ছায়া। আমার সবটাই ছিল ছায়া—সেখায় কর্ম নেই—কেবল তার শৈথিল্যটুকুই আরামে লুটিয়ে পড়ে। এই ছায়াতেই নিজের বিতৃষ্ণায় নিজেই শিউরে উঠতুম। তাই কাউকে নিজের পরিচয় দিইনি না। লোকে যা জানত তা আমার পরিচয় নয়—আমার নামের একটা অর্ধহীন পরিচয় মাত্র।”

সুন্দরসিং একটি কেদারা দেখাইয়া বলিল, “কতক্ষণ দাঁড়িয়ে থাকবেন ?—বসুন।”

প্রৌঢ় আসন গ্রহণ করিয়া বলিল, “আমার জন্মস্থান সেই হিমালয়ের গায়ে। আমি রাজার বংশধর। আশ্চর্য্য বোধ কোরো না, বন্ধু। ২৫ খানি গ্রামের অধীশ্বর আমি,—আমার উপাধিও ছিল রাজা। রাজকীয় বলে আমার জুতারও ইচ্ছা আমার চেয়ে বেশী ছিল। এখন এই লগাটে সেই উপাধিগত রাজতীকার একটি ক্ষীণ রেখাও রাখি নি। রাজা—রাজা—আমি রাজা। রক্তের জোরে নয়—রক্তের সম্পর্কে, আর সেই অনর্থক সম্পর্কের সহায় হ’য়েছিল সেই উচ্ছিষ্ট উপাধিটা। আমার চেয়ে আমার ফটকের বিকলবন্দুকধারী সিপাহীরও একটি মূল্য আছে,—সেও তবু শাসনদণ্ডের একটি নিফল প্রতিধ্বনি করবার অধিকারী। আমিই কেবল দর্শনযোগ্য বিলাসপিণ্ড,—তবুও আমার আভিজাত্যের গৌরব। কিন্তু এ আভিজাত্যের জন্ত রাজা যে অপরাধী নয় তার রাজত্বটাই অপরাধী। আজ আভিজাত্য-বিদ্রোহীর এই শীর্ণ দেহ ও মলিম বসন তা ভাল করেই বুঝিয়ে দেবে। রাজহত্যের শুধু গর্ভটাকে তুচ্ছ করে বাইরে এসে দাঁড়ালেই রাজাও যে তোমাদেরই মত মানুষ। এই রকম আসনে বসে আমি যে শত-সহস্র নিয়মবদ্ধ অগ্নায়ের জন্ত দায়ী,—এ জন্মগত দায়িত্বের কে হিসাব নেবে?”

দুই

প্রৌঢ় জিজ্ঞাসা করিল, “আমার কথা তোমার ভাল লাগছে?”

সুন্দরসিং একটি কথায় উত্তর দিল, “বলুন।”

প্রৌঢ় বলিয়া চলিল, “চৈত্র মাসের শেষে দেশ মহামারীতে ভ’রে গেল। যে দিকে গুনি—কেবল যম-রাজারই জয়ধ্বনি। গ্রামে গ্রামে শিশুর ক্রন্দনও আড়ষ্ট হ’য়ে গেল। একদিন এক বৃদ্ধ এসে সসজ্জমে সম্মান জানিয়ে বললে, “তুমি রাজা—আমাদের মা-বাপ, তবে এমন হয় কেন? আমার একটি মাত্র ছেলে তার বুড়ী মায়ের কোলে মাথা রেখে শেষ নিঃশ্বাস ফেলতে চায়, কিন্তু রাজা, তোমার কর্মচারীরা এমন অবস্থা ক’রে দিয়েছে যে, তার পথ্য-পাত্রটি পর্যন্ত নেই।” বৃদ্ধ বালকের মত কেঁদে উঠল,

কিন্তু আমার শুধু ক’ল থেকে একটা সাধনার শব্দও বেরল না। সে পাগলের মত ব’লে উঠল, ‘রাজা!—রাজা! একটা প্রতিকার ভিক্ষা করি।’ আমার মুখ থেকে একটা রাজোচিত কপট উত্তর শুনে বৃদ্ধ আশ্বস্ত হ’য়ে ফিরে গেল।

“দেওয়ানকে জিজ্ঞাসা করলুম—উত্তর পেলাম ঠিক আমারই মত। প্রতিকারের ব্যবস্থায় সে বললে, ‘রাজা হয়ে প্রজা-শাসন কার্যে বাধা দেওয়া উচিত নয়।’ ঠিক বলেছে দেওয়ান,—রাজা আছি, রাজাই থাকব,—প্রজা-শাসনের কখনও অধিকার ছিল না, থাকবেও না। রাজত্ব থাকলেই প্রজাশাসন চলবে, তাতে রাজার অস্তিত্বের মূল্য নেই।

“কেবল এই এক বৃদ্ধের কথা নয়—কত সংবাদ কত দিক থেকে এসে কেবল আমাকেই দায়ী করে। বিরক্ত হ’য়ে প্রাসাদের বাইরে অনেক সময় কাটাতে হ’ত।

“এমনি একদিন প্রাসাদ থেকে কিছু দূরে এক গাছতলায় তাকে দেখলুম—সে কিশোরী। তখন সে রোগ-যন্ত্রণায় কাতর ছিল। প্রাসাদে নিয়ে এলুম—শুক্রবায় সে সেরে উঠল, কিন্তু পরিচয় দিতে পারল না। সে যে অশিক্ষিতা সে যে বোবা,—কেবল আচরণেই তার বংশ পরিচয়। তার নাম রাখা হল কমলা। তার উদ্যম প্রকৃতি সকলকেই বিরক্ত করে তুলত, কিন্তু আমার সামান্য ইচ্ছিতটা সে একদিনের জন্তও অমাগ্ন করে নি। লোকে বলত—ভিখারীর মেয়ে বুঝি রাজরাণী হবে। আমার মন বলত—কৃতি কি? চাঁদ থেকে রূপের ফাঁদ নিয়ে সে নেমে আসে নি,—তার মুখখানি ছিল জলে ভাসা পদ্ম-পাতাটির মত নির্মল আর তারই উপর তার চোখ দুটা শিশিরের মত টলমল করত। ষত বার আয়নায় মুখ দেখেছি, ততবারই মনে হয়েছে তার মুখের সঙ্গে আমার মুখের যেন কত জন্মের কত মিলই রয়েছে। এই মিলটাতেই সে যেন আমার দিন দিন বেঁধে ফেলছিল।

“একি! আমার গালে জল কিসের? চোখের বুঝি,—কেন এল? কঙ্কালে আবার করুণা কেন তা হবে না,” বলিয়া প্রৌঢ় সজোরে চক্ষু মুছিল।

“এমনি ক’রেই দিন কেটে যায়। একদিন একটা এল, তাতে বড় বড় কত অসংযত অভিশাপের পর

মন্তব্য,—আমি মনুষ্য নামেরও অযোগ্য। রাজকীয় রক্ত চক্ষুকে তারা মানল না—প্রজা ক্ষেপে উঠল,—রাজধর্মের বিপক্ষে নয়—আমার বিপক্ষে, যেন আমিই শিশুপালের মত শত অপরাধী। তাদেরই বা অপরাধ কি? পেষণের চোটে, তাদের ভিতর বাহির চুরমার হ'য়ে যাচ্ছে—আর তাদেরই অস্থিচূর্ণ দিয়ে রাজত্বের বর্ষ তৈরি হ'চ্ছে। অবজ্ঞার একটা স্বস্তিও তারা পায় না—কত সহিবে বল?”

“আমার অন্তরের অনেকখানি বিষাক্ত হয়ে গেল। মনে হ'ল যেন রাজত্বের বিশাল মর্শ্বটা সেই দেওয়ালে ইঁটের গাঁথনির সঙ্গে জমাট হয়ে গিয়েছে, আর প্রাসাদময় একটা কঙ্কালের নিশ্চয় আধিপত্য। কি ভয়ঙ্কর! আমারই গলার মুক্তামালা আমাকেই উপহাস করে! তাকে ছিঁড়ে টুকরো টুকরো করলুম। কিংখাপ মোড়া বিছানায় যেন অলস্ত অঙ্গার ছড়ান! লাফিয়ে নেমে পড়লুম। বহুমূল্য পোষাক রক্ত-শোষণের আশায় সারা অঙ্গে চেপে বসে যেন কঠরোধ করতে চায়! তাড়াতাড়ি সেটা খুলে ফেললুম। প্রজার কথাই সত্য হ'ল,—আমিই অরাজক! নিজের বিপক্ষে নিজেই বিদ্রোহী!”

চার

গভীর রাতে প্রাসাদ ত্যাগ করলুম পথও জনশূন্য, নিলজ্জ আত্ম-গোপনের উপযুক্ত সময়। নগ্নপদে সেই প্রথম মুক্তির নিঃশ্বাস। শৈশব যৌবনের কত স্মৃতি সেদিন গুম্বরে উঠল। জন্মস্থানের মায়া যেন মায়ের মত পিছন থেকে ডাকে,—ব্যথিত হয়ে ফিরে দাঁড়ালুম,—কিন্তু একটা করাল ছায়া এসে পথ-রোধ করে দাঁড়াল আর দুর্বল মনটাকে তীব্র কশাঘাতে কঠোর করে তুললে। আমারই মত চঞ্চল-চরণে কে যেন এগিয়ে এল। সে কমলা! কেন? সে কেন আমার দুর্ভাগোর দোসর হবে?—সেই দিন প্রথম সে আমার হাত ধরতে সাহস পেলে,—কোমল স্পর্শে আত্ম-নিবেদন জানাল যে তাকে তো পৃথক করা হয় নি—আমাতেই যে তার সার্থকতা। একটা ঘুমন্ত প্রবৃত্তি ভেগে উঠে শুরু হয়ে গেল। নিশার সাক্ষ্যে অন্ধকার পূজারী—ধীরে ধীরে তার হস্ত আমার চরণ স্পর্শ করল, তারপর দুজনে হাত ধরাধরি করে অগ্রসর হলুম।

“সোনার শিকল ছিড়ে গিয়েছে। একটা অবনাদের তৃপ্তিতে সমস্ত দেহটা ঢলে পড়তে চায়,—তবু অন্ধকার ভেদ করে চতুর্দিকের অস্তিত্বটা বেশী করে ফুটতে চায়। একটু ঝাপসা আলো, ক্রমেই সেটা পরিষ্কার হয়ে এল। দুজনেই ক্লান্ত হয়ে এক গাছতলায় বসলুম। কত পথ চলেছি তার হিসাব নেই। রৌদ্রের তাপ বেড়ে চলল। কমলাকে অনুন্নয় ক'রে ফিরে যেতে বললুম কিন্তু তার অসহায় করুণ দৃষ্টি পূর্ব রাত্রে কথা স্মরণ করিয়ে দিলে। আবার অগ্রসর হয়ে সেই বিশাল প্রান্তরের সীমানায় একটা ঝোপের ভিতর এসে পড়লুম। ঘণ্টায় ঘণ্টায় আবার গভীর রাত্রি এল। ক্ষুধায় তৃষ্ণায় সমস্ত শরীর নিরস হয়ে গিয়েছে। অল্পক্ষণ তন্দ্রার পর দেখি কমলার কোলে আমার মাথা—সে অঞ্চল দিয়ে মশা তাড়াচ্ছে। কিন্তু এই অল্প বিশ্রামের ফলে সমস্ত শরীরের রক্ত যেন জ্বলে উঠল। চক্ষুর সম্মুখে এই বিশাল পৃথিবী ছলে উঠল—এতটুকু তার মমতা নেই,—কেবল একটা ক্ষুদ্র হৃদয় যার মূল্য হয় তো দারিদ্র্যের কষ্ট-পাথরে ছ'একটা ক্ষীণ রেখাপাত করত—কেবল সে এই দিশাহারার দরদী।—কিন্তু কত কড় তৃপ্তি! সেই নীরব নিশীথে জনহীন প্রান্তরে একত্রে দুটি হৃদয় আবর্জনার মত আপন মর্যাদায় অসহ-যোগ করে বসে রইল।”

পাঁচ

“আবার সকাল হল। জল—জল—তৃষ্ণায় ছাতি ফেটে যায়! এই আঙুটি ছিল, কিন্তু এর লোভী কেউ ছিল না যে এর বিনিময়ে আমায় আকর্ষণ জল পান করাবে। তবে কাকে বলি? কমলা?—না, প্রাণ থাকতে শেষ অবলম্বনটুকুকে সেই নিরালায় বিলিয়ে দেওয়া যায় না। মাথা তুলে দেখলুম—কি হ'ল! কমলা কোথায় গেল! দূরে গাছের পাশের ছাকটায় সে ছুটে চলে গেল। আত্ম-হারার মত হাহাকার করে ডেকে উঠলুম,—গলায় ব্যথা লাগল। শুষ্ক কণ্ঠ ছিড়ে গেলেও একটা কথা বেরুবে না—চোখের জলও নেই যে ঠোঁট ভিজিয়ে দেবে। মনে হল দূরে যেন একটা ঝরণা,—সেটা যেন এগিয়ে এল! কিন্তু স্পষ্ট দেখা যায় না—কেবল তার পাথর থেকে পাথরে আছড়ে পড়া রূপার বলকে সোনার ঝিলিক লাগছে।

উঠতে চাইলুম, পারলুম না—যেন জমীর সঙ্গে আমার দেহটা বাধা। ঈশ্বরের নাম নিয়ে মুর্চ্ছিত হয়ে পড়লুম।

ঈশ্বর—ঈশ্বরের নাম! সৃষ্টির লীলায় একদিনও সে তার অস্তিত্ব স্বরণ করিয়ে দেয় নি। আঘাতের পর আঘাত দিয়ে সে তার পরিচয় দিচ্ছে! চক্ষু মেলে দেখি কমলা আমার পাতার ঠোঁড়ায় জল খাওয়াচ্ছে। কাতর কণ্ঠে জিজ্ঞাসা করলুম, 'কোথায় গিয়েছিলে কমলা?' উত্তরে সে যেন তার মুক-ভাষায় দৃঢ় অঙ্গুযোগ করলে, 'জলটুকু খাওয়া শেষ হয় নি।' মন্ত্রমুগ্ধের মতই তার অঙ্গুযোগ মেনে নিলুম। দৃষ্টি-বিনিময়ে দেখলুম দু'ফোটা অশ্রু তার গালে জমাট হয়ে রয়েছে আর তার লজ্জা-রক্তিম মুখখানি থেকে একটা হৃৎস্পন্দার রেখা কেটে যাচ্ছে।

কমলা—দরিদ্র ঘরের কমলা,—রাজাকে জল খাইয়ে বুঝি কৃতার্থ মনে করছিল! কিন্তু অভিজাত্যের যে স্থান-বিচার আছে। না—না—তা তো নয়, জন্ম-জন্মান্তরের কথা বুঝি তাই এ জন্মে থেকে যেচে প্রতিদান দিতে এসেছে! তার হাত দুটি ধরতে গিয়ে চম্কে উঠলুম, 'একি! তোমার ওড়নার রক্ত কেন? কমলা খিল খিল করে হেসে উঠে তার ওড়নার বাঁধা কয়েকটা ফল দেখাল,—তার ওড়নাটাও ছিড়ে গিয়েছে। কিছুক্ষণ আড়ষ্ট হয়ে থেকে বললুম, 'এ ঋণ কবে শোধ হ'বে কমলা, তোমার প্রাণের মায়ার চেয়ে কি আমার খাওয়াটাই বড় হল। এই সর্বনাশী খেয়ালের শেষ অভিশাপটা বইবার শক্তি যে আমার নেই।' ততক্ষণে সে ওড়না পেতে ফলগুলি সাজিয়ে ফেলেছিল; একটা ফল আমার হাতে দিয়ে বুঝিয়ে দিলে, 'খাও।' আমি বললুম, 'তুমি খাও।' সে অসম্মতি জানাল। তাকে জোর করে খাওয়াতে গেলুম,—সে তার ক্ষুদ্র ক্ষুদ্র হাত দুটি দিয়ে ঘোর আপত্তি বুঝিয়ে দিলে। আমি বিরক্ত হয়ে বললুম, 'আমার জন্তু নিজেই উৎসর্গ করে তোমার লাভ কি কমলা।' সে বুকে হাত রেখে সলজ্জ হাতে বুঝিয়ে দিলে 'নিজের জন্তু।' মধুর স্বার্থপরতায় তার উজ্জ্বল চোখ আরও উজ্জ্বল হ'য়ে উঠল। ফলগুলি আমায় ভোগ দিয়ে সে কেবল প্রসাদ-রূপ দুটি খেলে। সেই আমাদের প্রথম হৃদয় বিনিময়। মনে হ'ল আমার

হৃদয়ের মধ্যে তারই অনেকখানি,—আর এ যদি কখনও বিফল হয় তাহলে আমার অনন্ত হাহাকার, সুন্দর—সুন্দর, তাই বুঝি আজ হয়েছে!"

স্বপ্ন

"কিন্তু এ স্থান তো চির-বাসের জন্তু নয়। একটা লোকালয়ের পরিত্যক্ত সীমানাও তো চাই। দুর্বল দেখে উঠে দাঁড়াতেই পা টলে উঠল।' ক্রিপ্রতায় কমলা ধরে ফেললে,—তারপর তার নিজের কাঁধেই আমার হাতটা রেখে সে ধীরে ধীরে আমায় নিয়ে চলল।' রাজ্যে প্রজার পৌরুষ,—এখানে নারীর রক্ত—নারীর বল! এই বুঝি রাজ-শক্তি,—নইলে একটা ক্ষুদ্র মানুষকে অত বড় করে কতদিন বাঁচিয়ে রাখা যায়। স্বলিত শক্তি রাজা! একটা অপূর্ণ নারী-শক্তির উপর নির্ভর ক'রে পা-পা করে চলল। এমনি করেই সে জীবনের প্রথমে চলতে শিখেছিল—সেদিন তার নূতন জীবনে আবার নূতন করেই চলতে শিখল। মাটির নিচে দিয়ে যদি চলার পথ থাকত তা হ'লে এই পাশের হাওয়া ওই সামনের গাছটার বিজ্রপটাও অন্ততঃ সহিতে হ'ত না।

কমলার দিকে চেয়ে দেখি—তার ক্লিষ্ট মুখখানি অ-বিচলিত, বললুম,—'আর কত সহিবে কমলা?'—মুক উত্তরে সেই উচ্ছ্বল হাসি। গরিবের মেয়ে, তাই বুঝিয়ে দিলে সহ্য করাই তার অভ্যাস। তার মত গরমিল প্রাসাদে সহিবে কেন? সোণার তবক দেওয়া সৌখীন সম্মান সেখায় সাজে ভাল, কিন্তু বেহায়া বন ফুলের প্রণামী তো নেওয়া হয় না।

সন্ধ্যার পর একটা গ্রামে এসে উঠলুম—সেখা অল্প এক জমীদারের অধিকার। গ্রামের এক প্রান্তে পর্ণ-কুটির নির্মাণ করে সংসার পাতা হ'ল,—কমলা হ'ল সেই ঘরের ঘরনী। ভিক্ষাই আমাদের উপজীবিকা। চম্কে উঠ না বন্ধু! সত্যই ভিক্ষা,—নিজের সমস্ত অভিমানকে অঞ্জলি ভরে দিয়ে তার বিনিময়ে সেই অঞ্জলি ভরেই চাল নিয়েছি, আর স্বস্তির নিঃশ্বাসে নিজেই চম্কে উঠেছি। কমলা কতবার করষোড়ে ফিরে যাবার কথা বুঝিয়েছে, কিন্তু নূতন মোহটা যে দুর্জয়।'

সাত

“এক বৎসরের পরের ঘটনাটাই চরম। আমারই হাতে গড়া দীনতার মহাতীর্থে সে আমায় ফেলে গেল। শেষ নিঃশ্বাসের সঙ্গে কত অপূর্ণ সাধের আভাষ দিয়ে একটা মধুর মিলনের আশা রেখে গেল। বলতে পার ভাস্কর—সেটা কোন জন্মে সম্ভব হ’বে?”

“কুটীর চুরমার করে তাইতেই তাকে চাপা দিয়ে এলুম! এইবার বল সুন্দর—তুমি তার মূর্তি গড়তে পারবে কি না,—যদি পার তো এই আঙটা পারিশ্রমিক নাও।”

সজল চোখে সুন্দরসিং বলিল, “আপনি অস্থির হবেন না। আমি এ মূর্তি গড়ব। দেবীর অন্তরে পরিচয়ে তাঁর প্রতিমা গড়ব। এইতেই আমার জীবনের পরীক্ষা হোক। তারপর যদি সার্থক হয় তো পুরস্কার চাইব—পারিশ্রমিক নয়।”

“তা হলে তুমি স্বীকৃত হচ্ছ?”

“নিশ্চয়—তবে আপনি তিন দিন পরে আসবেন। তার আগে এসে যেন কাজে বাধা দেবেন না।”

“বেশ”—বলিয়া প্রোঢ় প্রস্থান করিল।

আট

তিন দিন পরের ঘটনা। সুন্দরসিংর শিল্পালয়ের সন্মুখে একটা ক্ষুদ্র জনতা। সকলেরই মুখে একই মন্তব্য—“সুন্দরের গড়া অনেক মূর্তি আমরা দেখেছি, কিন্তু এমনটা নয়। এ যেন জন্ম-হুঃখিনী সীতার প্রতিমা,—দেখতে দেখতে চোখ ছাপিয়ে আসে।”

হ’একজন ধনী আশাতিরিক্ত মূল্য দিতে প্রস্তুত, কিন্তু সুন্দরসিং তাহাদের নিবৃত্ত করিয়া বলিল, “এর জন্য একজন তাঁর মহামূল্য—অগ্রিম দিয়ে গেছেন।”


হঠাৎ জনতা ভেদ করিয়া সেই প্রোঢ় উন্মাদের মত ছুটিয়া আসিয়া বলিল, “সুন্দর—সুন্দর! তুমি ওকে কোথায় কেমন করে পেলে!”

সুন্দরসিং তাহার কম্পিত দেহ শ্রদ্ধাভরে আলিঙ্গন করিয়া ধীরে ধীরে মূর্তির নিকট লইয়া গেল।

প্রোঢ় উচ্ছ্বসিতকণ্ঠে বলিল, “কমলা—কমলা! একে বলে তোমার ভাষা নেই,—তোমার চোখে-মুখে আজ কত ভাষা ফুটে উঠেছে। কত জন্মের কত কথা আজ বাকুল হ’য়ে উঠেছে। চল জন্ম-হুঃখিনী—চল সীতা,—তোমায় নিয়ে রাজস্বয় করব’—রাজার মতে নয় প্রজার মতে! প্রজাপালন থেকে ভিক্ষা পর্য্যন্ত শিখে নিয়েছি, আর আমায় কেউ উপেক্ষা করতে পারবে না। এস রাণি! তোমার অপূর্ণ সাধ পূর্ণ করে আমাদের মধুর মিলন সফল করি।” প্রোঢ়ের মস্তক সেই মর্মর-মূর্তির অঙ্গে লুটাইয়া পড়িল।


সুন্দরসিং, আকুল-কণ্ঠে বলিল, “রাজা—আমার জন্ম-দেশের রাজা! বহুদিন সে দেশ ছেড়ে এসেছি তবুও পাহাড়ের গায়ে মায়ের সে কুটীর এখনও ভুলতে পারি নি। আজ রাজ-সেবার পরম পুরস্কার আশীর্বাদ ভিক্ষা করি।”

প্রোঢ়ের সংজ্ঞাহীন দেহ ঈষৎ কম্পিত হইল। জনতার কোন চক্ষুই শুক ছিল না।





বিশ্ব-জগৎ




রাসায়নিক পশম

সম্প্রতি British Research Association এক প্রকারের রাসায়নিক পশম প্রস্তুত করিয়াছেন। তাঁহারা বলিয়াছেন যে, পৃথিবীতে প্রতি বৎসর যে কোটি কোটি পাউণ্ড পশমের প্রয়োজন হয় তাহা আর ভবিষ্যতে ভেড়ার লোম হইতে কাটিয়া জোগাইতে হইবে না, রাসায়নিক উপায়ে যখন ইচ্ছা যত খুসী জোগান যাইবে। এই কৃত্রিম পশম ভেড়ার চামড়া হইতেই তৈয়ারী হয়। কিছুদিন হইল এ বিষয়ে এক পরীক্ষা হইয়াছে। প্রথমে ঐ পরীক্ষাগারের অধ্যক্ষ কয়েক খণ্ড ভেড়ার চামড়া লইয়া প্রকাণ্ড প্রকাণ্ড পাত্রে মধ্যে রাখিয়া দেন, তাহার পর ইহার উপর দিয়া নানারূপ রাসায়নিক প্রবাহ চালান। এইভাবে ইহা ছই চারি দিন রাখিয়া দেখা যায় যে, আপনা হইতেই ঐ মেঘচর্শ্বগুলির উপরে পশম গজাইয়া উঠিয়াছে। একবার এই চামড়াগুলির উপর হইতে পশম কাটিয়া লইলে যে আর ভবিষ্যতে ব্যবহার করা যায় না এমন নহে—পুনরায় উহাদের উপর রাসায়নিক দ্রব্যাদি ঢালিয়া দিলে পশম উৎপন্ন হয়।

উর্বরতাদায়ী বটিকা

বিজ্ঞান দিন দিন যে অসাধ্য সাধন করিতেছে তাহা ভাবিলে সত্যই বিস্মিত হইতে হয়! পূর্বে প্রকৃতির বিধান অনুযায়ী সকল দেশেই কিছু কিছু জমী অলুর্কর পড়িয়া থাকিত—তাহাতে কোন কিছুই চাষ হইতে পারিত না। ইহাতে অধিকাংশ দেশে বিশেষ করিয়া মধ্য-প্রদেশে ফসল উৎপাদন করা বিশেষ সুবিধাজনক ছিল না। এই কারণে বহু দেশ অপরাপর দেশের তুলনায় দরিদ্র ছিল। কয়েকজন ধীমান বৈজ্ঞানিক কয়েক বৎসর ধরিয়া এ বিষয়ের প্রতি-কারের জন্য গবেষণা করিতেছিলেন। সম্প্রতি California

বিশ্ব বিদ্যালয়ের একজন উদ্ভিদতত্ত্ববিদ Dr. W. F. Gericke এক প্রকার ("Plant-Pili") বটিকা আবিষ্কার করিয়াছেন।... যে সমস্ত স্থানে কখনও কোনরূপ ফসল উৎপন্ন হইত না সেই স্থানে এই বটিকা বীজের সহিত রোপণ করিয়া দিলে খুব কম সময়ের মধ্যে অঙ্কুরোদগম হয়।



Dr. Gericke কিছুদিন পূর্বে মরুভূমিতে তাঁহার এই বটিকার গুণ পরীক্ষা করিয়াছেন। কয়েকটা বীজের সহিত কতকগুলি বটিকা রোপণ করিয়া দিবার পর খুব অল্প দিনের মধ্যেই অঙ্কুর দেখা দিয়াছে। আমরা ইহার একখানি ছবি দিলাম। ছবিখানিতে পাঠক পাঠিকাগণ ভবিষ্যতে বালু বারিধির বুকে কিরূপ সবুজের তরঙ্গ বহিবে তাহারই খানিকটা কল্পনা করিয়া লইতে পারিবেন।

সাবাস্ রেডিও!

রেডিও আবিষ্কার হইবার পর যে সভ্যতালোকের কত পরিবর্তন হইয়াছে তাহা বলিয়া শেষ করা যায় না। গত মাসের কাগজে রেডিওতে সংবাদ পত্র পাঠাইবার খবর দিয়াছি; আবার আজ আর এক রেডিওর সম্বন্ধে অভিনব খবর দিতেছি।

আমেরিকার Radiogram খবর দিতেছেন যে, একপ্রকারের নূতন রেডিও যন্ত্রের আবিষ্কার হইতেছে যাহার সাহায্যে কোন দূরদেশ হইতে অপর দেশে যখন যাহা ইচ্ছা করা যাইবে। উদাহরণ স্বরূপ তাঁহারা বলিয়াছেন যে, যদি কাহার মোটার, গ্যারেজ হইতে বাহির করিয়া আনিবার দরকার হয় তাহা হইলে ঘরে বসিয়াই রেডিওর কল-কাটি নাড়িলে আপনিই তাহা গ্যারেজ হইতে বাহির হইয়া আসিবে, জলে জাহাজ চলিবার সময় কাপ্তেন ডাঙায় বসিয়া যে দিকে ইচ্ছা জাহাজ চালাইতে পারিবেন, আকাশে বিমানপোত চলিবে অথচ তাহার কোন পথ-নির্দেশক (pilot) থাকিবে না।

প্রাচীন যুগের বর্ণপরিচয়

ইংরেজী বর্ণ (Alphabet) প্রথম কোন্ দেশে প্রচলিত হয় সে সম্বন্ধে যথেষ্ট অনুসন্ধান হইতেছে। ঐতিহাসিকগণের মধ্যে কেহ কেহ বলিতেছেন গ্রীসে; আবার কেহ বলেন, আসেরিয়ায়, কেহ বা ফিনিসিয়ায়; কিন্তু প্রকৃত স্থানটির সঠিক পরিচয় আজও কেহ দিতে পারেন নাই। তবে মধ্য-এসিয়ার কোন স্থান হইতে যে ইহা প্রথম অদ্ভূত হইয়াছে, সে বিষয়ে কাহারও কোন সন্দেহ নাই।




কিছুদিন হইল Arabia র Written Valley নামক স্থানটিতে এক অনুসন্ধান হইয়াছে। ঐতিহাসিকগণ এই স্থানটির আশে পাশে পাথরের উপর খোদিত কয়েকটি লিপি পাইয়াছেন। এই খোদিত লিপিগুলির সহিত বর্তমান ইংরেজী বর্ণের যথেষ্ট সাদৃশ্য আছে। সেই কারণে বিশেষজ্ঞরা মনে করেন, এইস্থান হইতেই প্রথম ইংরেজী বর্ণের জন্ম।

আমরা এই প্রাপ্ত পাষণ খণ্ড গুলির মধ্যে একটির ছবি দিলাম। এই পাষণ-লিপি গুলির মধ্যে অতীতের কি ইতিহাস প্রচ্ছন্ন আছে কে জানে? ..

অভিনব হোটেল গৃহ

যে ছবিখানি দেওয়া হইল তাহা কি, বুঝিতে বোধ হয় পাঠক পাঠিকাগণের কিছু অসুবিধা হইবে। তাঁহাদের সুবিধার জন্ম বলিতেছি উহা আমেরিকার একটা হোটেল গৃহের মডেল।... বাড়ীটি এমন ভাবে তৈয়ারী করা হইবে যে, উপরের চক্রাকার অংশটি আস্তে আস্তে ঘুরিতে পারে। এইরূপ করিবার কারণ, যখন হোটেলের খরিদারগণ উপরে বসিয়া পানাহার করবেন, তখন উপরের সমস্ত flat টী আস্তে আস্তে ঘুরাইতে আরম্ভ করিলে তাঁহারা জাহাজ ট্রেন প্রভৃতির স্থায় কোন চলমান জিনিসের উপর বসিয়া থাকিবার আরাম পাইবেন। এই



হোটেলটীতে বসিয়া আহার করিবার সময় যাহাতে দূরের প্রাকৃতিক দৃশ্যসম্ভার সম্যক্রূপে উপভোগ করা যায় সেই কারণে ইহার উচ্চতাও পরিত প্রমাণ করা হইয়াছে। এই হোটেলটীর পরিকল্পনা করিয়াছেন আমেরিকার Bel Geddes নামক একজন শিল্পী।

নব-নির্মিত কামান

গত মহাযুদ্ধের সময় কত ভয়ানক অস্ত্রের আবিষ্কার হইয়াছিল তাহা বোধ হয় কেহই বিশ্বিত হন নাই। কিন্তু আজ বার বৎসর যুদ্ধ শেষ হইলেও নানারূপ প্রাণনাশক অস্ত্র আবিষ্কারের সখ এখনও ইউরোপের মেটে নাই। উদাহরণ স্বরূপ আজ আমরা একটি নূতন কামানের পরিচয় দিতেছি।

এই কামানটী তৈয়ারী করিয়াছেন Robert F. Hudson নামক এক অস্ত্র বিশেষজ্ঞ। এই কামানটীর বৈশিষ্ট্য হইতেছে এই যে, ইহা ইহাতে প্রতি মিনিটে আট শত করিয়াঃ গুলি নয় মাইল স্থানের মধ্যে ছোঁড়া যায়। তাহা ছাড়া শেলু প্রভৃতি মারাত্মক অস্ত্র ও যে কোন মুহূর্তে ইহারা মুখ দিয়া উদ্গীরণ করান যায়।

এই কামানটীর আবিষ্কারে বিজ্ঞান জগতে নূতন আলোকপাত হইল সন্দেহ নাই। কিন্তু ভবিষ্যতের কথা ভাবিলে সতাই কাঁপিয়া উঠিতে হয়। আমরা এই কামানটীর একখানি ছবি দিলাম।



দুঃসাহসী লারকিন্স

বিলাতের Westminister নামক গির্জার ঘড়ীটী পৃথিবীর মধ্যে সর্বাপেক্ষা বৃহৎ ঘড়ী। এই ঘড়ীটী মাটী


হইতে ১৮২ ফুট উচ্চে গির্জার গম্বুজের সহিত লাগান আছে। ঘড়ীটী প্রতিদিন প্রাতে পরিস্কার করা হয়। Larkins নামক এক ব্যক্তি এই কাজ করিয়া থাকে। সে গির্জার চূড়া হইতে একটি দড়ীর দোলনার মত বুলাইয়া তাহার উপর বসিয়া ঘড়ীটী পরিস্কার করে। এই কাজ যে কতদূর বিপজ্জনক তাহা সকলে বুঝিতে পারিতেছেন



ইহার যে ছবি দেওয়া হইল তাহা গির্জার মাথার উপর হইতে তোলা হইয়াছে। এই ছবিখানি হইতে লারকিন্সের কাজ কিরূপ বিপজ্জনক তাহা বেশ বোঝা যায়।

চন্দ্রলোকে সূর্যোদয়


আমাদের পৃথিবীতে যেমন নিত্য সূর্যোদয় হয় সেইরূপ চন্দ্র, মঙ্গল প্রভৃতি গ্রহেও হয়; একথা এতদিন ভূগোলের



পত্র মধ্যে বন্দী ছিল, চক্ষুচক্ষুতে দেখিবার সুযোগ আর হইয়া উঠে নাই। সম্প্রতি "Victor" নামে একপ্রকার ক্যামেরা তৈয়ারী হইয়াছে। এই ক্যামেরায় কোন্ গ্রহে কি হইতেছে তাহার ছবি তুলিতে পারা যায়। কিছুদিন হইল Princeton বিশ্ববিদ্যালয়ের একজন অধ্যাপক Dr, John Q. Stewart এই ক্যামেরা দিয়া চন্দ্রলোকে সূর্যগ্রহণের একখানি ছবি তুলিয়াছেন। ছবিখানি বেশ সুন্দর উঠিয়াছে। ছবিটির একখানি প্রতিলিপি দেওয়া হইল।

এলুমিনিয়মের গির্জা

এলুমিনিয়মের আবিষ্কারে সভ্য-জগতের যে অশেষ উপকার সাধিত হইয়াছে, তাহা নিঃসন্দেহে বলা যাইতে পারে। ইহা যে কেবল আমাদের বাসন তৈয়ারীর কাজেই লাগে তাহা নয়, বর্তমানে ইউরোপে এলুমিনিয়মের তৈয়ারী আশ্চর্যের প্রচলন হইয়াছে। কিছুদিন পূর্বে আমেরিকার একটা বাড়ী তৈয়ার করিবার সময় এলুমিনিয়মের পাত দিয়া



তৈয়ারী করা হইয়াছে এইরূপ শুনা গিয়াছিল। সম্প্রতি ঐ দেশ হইতে আর এক নূতন খবর আসিয়াছে। আমেরিকার কোন সহরের একটা গির্জা এলুমিনিয়মের পাত দিয়া তৈয়ারী হইয়াছে।... দূর হইতে দেখিলে গির্জাটিকে রূপার তৈয়ারী বলিয়া ভ্রম হয়। এইরূপ ধরণের গির্জা না কি ইহাই প্রথম।

গৃহস্থের সাক্ষা-বিশ্রাম

ইংরেজ জাতিটা যেমন খাটিতে জানে তেমনই আবার বিশ্রাম সময়টা পরিপূর্ণভাবে উপভোগ করিতেও ছাড়ে না। সমস্ত দিনের হাড়-ভাঙা খাটুনির পর সন্ধ্যার সময় সকলেই রেডিওর গান শুনিয়া অথবা রসাল আলোচনা করিয়া মনটাকে তাজা করিয়া তোলে।

কিছুদিন হইল সন্ধ্যার এই বিশ্রাম-গুরুত্ব গুলি কাটাইবার পদ্ধতির কিঞ্চিৎ পরিবর্তন ঘটয়াছে।... এটা চলচ্চিত্রের যুগ; তাই সন্ধ্যায় রেডিও উপভোগ করার স্থান চলচ্চিত্র অধিকার করিয়াছে। বর্তমানে আর কেহ রেডিও শুনিয়া সন্ধ্যা কাটায় না—ঘরে বসিয়াই চলচ্চিত্রের ছবি দেখে।



New York এর Eastern Kodak Co. ঘরে বসিয়া চলচ্চিত্র দেখিবার জন্ত গ্রামোফনের ঠায় এক প্রকার বায়োস্কোপ যন্ত্র আবিষ্কার করিয়াছেন। এই যন্ত্রটা মুড়িয়া রাখিলে সাধারণ গ্রামোফন বলিয়া ভ্রম হয়। এই যন্ত্রটির নিম্নভাগে সিঙ্কুরের মধ্যে ছবির 'রিল' রাখিবার খোপ

আছে তাহার মধ্যে চার শত ফুট দীর্ঘ ছাব্বিশটি 'রিল' রাখিবার স্থান সঙ্কুলান হয়। এই সম্বন্ধে ছবি দেখিবার জন্ত বোকান হইতে ছবি ভাড়া করিয়া আনা যায়, সেই কারণে প্রত্যহ নূতন নূতন ছবি দেখিবার সুবিধা ঘটে। আগরা দুইখানি ছবি দিলাম। একটীতে এক ইংরেজ পরিবার



কেমন সঙ্কায় বিশ্রাম সময়ে চলচ্চিত্রে ছবি দেখিয়া সময় কাটাইতেছে তাহা দেখা যাইবে; অপরটীতে এই নবাবিষ্কৃত চলচ্চিত্র যন্ত্রটি মুড়িয়া রাখিলে কিরূপ দেখায় তাহারা নিদর্শন পাওয়া যাইবে।

পরলোকগত লন্ চ্যানি

গত ২৬ আগষ্ট 'হাজার মুখের অভিনেতা' (An actor of thousand faces) স্বনামধন্য লন্ চ্যানি (Lon Chaney) হলিউডে তাঁহার শেষ নিঃশ্বাস ফেলিতেছেন।

বর্তমান সময়ের যে সমস্ত ছায়া-চিত্র-অভিনেতা হলিউডে অভিনয় করিয়া নাম করিগাছেন, তাঁহাদের মধ্যে লন্ চ্যানি যে শ্রেষ্ঠ ছিলেন একথা বোধ হয় সকলেই স্বীকার করিবেন। তাঁহার একটী বৈশিষ্ট্য ছিল যাহা সমস্ত পৃথিবীকে ভুলাইয়া রাখিয়াছিল, তাহা তাঁহার মুখভাব পরিবর্তন করিবার অদ্ভুত ক্ষমতা।

লন্ চ্যানি জাতিতে স্পেনদেশগামী ছিলেন। তাঁহার পিতামাতা দুইজনেই বিকলাঙ্গ ছিলেন। সেই কারণে তাঁহার প্রথম জীবন ভয়ানক কষ্টের মধ্য দিয়া কাটে। প্রথমে তিনি সাধারণ দর্শকের নিকট সার্কাসের ক্লাউনরূপে দেখা দেন, পরে তাঁহার এক বন্ধু তাঁহাকে ছায়া-লোকের বড় বড় শিল্পীদের সহিত পরিচয় করাইয়া দেন; তাঁহারা তাঁহার অদ্ভুত ক্ষমতা দেখিয়া তাঁহাকে চলচ্চিত্রে অভিনয় করিবার জন্ত আহ্বান করেন।

মৃত্যুকালে লন্ চ্যানির বয়স হইয়াছিল মাত্র ৪৭ বৎসর। তাঁহার আকস্মিক মৃত্যুতে পৃথিবী একজন শ্রেষ্ঠ কলাবিদকে হারাইল, সন্দেহ নাই। তাঁহার অভিনীত বইগুলির মধ্যে "The Hunch back of Notre Dame.", "London After midnight", "Mockery", "The Unknown" "Thunder" "Laugh Clown Laugh" "Phantom of the Opera" প্রভৃতি উল্লেখযোগ্য।

শ্রীঅমিয়কুমার ঘোষ

বন্ধুবিয়োগে •

[শ্রীযতীন্দ্রমোহন বাগচী, বি-এ]

আমারে চিনি নি আমি, তুমি মোরে চিনাইয়া দিলে,
মানের মালিকাখানি স্নেহ-ডোরে কণ্ঠে দুলাইলে ;
চির অবনত দীন ধুলায় লুপ্তিত দুর্বাঘাস
বিগ্রহের শিরে উঠি' লভিল সে আত্মার আভাষ !



বটুকু ঘোষ

কিন্তু তবু দীনই আমি-আরো দীন করিয়াছ মোরে
তোমার চিন্তের বিস্তে অযোগ্যের রিক্ত খালি ভরে' ;
বিন্দু শিশিরের বুকে বিস্তিত যে অনন্ত আকাশ,
কেমনে লুকাবে,, বন্ধু, সে বিন্দুর ক্ষুদ্র ইতিহাস ?

তবু তার বন্ধু ভরে উদারের সখ্য:পরশনে,
তবু তার চক্ষু জলে আনন্দের অনিন্দ্য কিরণে ;
তারি শ্যাম সমারোহ কোলে তার মেলে ঘনচ্ছায়া,
বিচ্ছুরিত বর্ণচ্ছটা প্রাণে আঁকে মর্ম্মস্পর্শী মায়া !

আজিকে নয়ন মেলি' সে আকাশ হেরি শূণ্য ফাঁকা,
বারবার ডানা মেলি' আজি শুধু স্মৃতির বলাকা
যেতে চায় পরপারে অতীতের আলোক-সন্ধানে ;
বন্ধ হ'য়ে আসে পাখা, অন্ধকারে পথ নাহি জানে !

• বন্ধুশ্রেষ্ঠ হুবিখ্যাত ব্যারিষ্টার বটুকু ঘোষের স্মৃতি উপলক্ষে

আজি তুমি কথাশেষ -কিন্তু সে যে রামায়ণী কথা,
কল্পকালে কভু যার ফুরায় না ব্যথার বারতা
বিঃক্ ভক্তের কাণে ; দিন যায়, যত দিন যায়,
পুঞ্জীভূত হাহাকার ঘনাইয়া উঠে বেদনায় !

জাি এ জগৎরীতি—যায় যায় সবি হেথাকার,
দীর্ঘ এ পথের প্রান্তে তপ্ত রক্তে করেছি সংকার
আত্মার আত্মীয়জনে—তবু মনে সেই প্রশ্ন জাগে,
সাক্ষত বাঞ্ছার ধন ভেসে গিয়ে কোন্ কূলে লাগে ?—

—কোন্ সাহারার বৃকে ? সে বক্ষ কি এমনি উষর
তপ্ত বালুকার বেলা—অগ্নিগর্ভ ধূধূ ধূসর—
বারিহীন তৃণহীন প্রাণীহীন অট্ট পরিহাস,
নির্ম্মম কঠোর রক্ষ প্রভুত্বের বর্ব্বর বিকাশ ?

তাই হোক, ভালোমন্দ মিথ্যা সব ! সবচেয়ে ভালো,
ধরণীর শ্রেষ্ঠ অর্ঘ্য—সৃষ্টি-পুষ্প অকালে শুকালো !
কি হ'বে কথায় মিছে ! প্রচণ্ডের বজ্র পদতল
অভিষেক-অশ্রুজলে কে করিবে পবিত্র উজ্জ্বল ?

তবু হা রে ! অশ্রু ঝরে ; অভিমান, সেও বুঝি যায়,
স্বায়ের বালুকা-বাঁধে প্রকৃতির বশ্বা রাখা দায় !
বাণবিন্দু শালবৃক্ষে ঝর্ঝরিত সর্জরস ঝরে—
ধূপগন্ধ ভরি' উঠে নিয়তির নিগ্রহের ঘরে !

জগতের জতুগৃহ জ্বলে উঠে কথায় কথায়,
প্রাণপণ ভালবাসা মুহূর্ত্তেকে ভস্ম হ'য়ে যায় !
প্রকৃতির বাজী পুড়ে, ফট্ ফট্ লক্ষ হিয়া ফাটে,
মহাকাল অট্টহাসে সৃষ্টিভাঙ তাণ্ডবের নাটে !

ভাষা-মঙ্গল

(এ যুগের গোড়ার কথা)

[শ্রীঅমরেন্দ্রনাথ রায়]

কেবল মাতৃভূমির মহিমা-কীর্তন নয়—মাতৃভাষার মহিমা-কীর্তনও আমরা ইংরেজের আমলে করিতে শিখিয়াছি। ঈশ্বর গুপ্তের পূর্বে যেমন দেশ-প্ৰীতিমূলক কোনও বাঙ্গালা রচনার সন্ধান পাওয়া যায় না, তেমনি রামনিধি গুপ্তের পূর্বে মাতৃভাষার প্রতি মমত্ববোধক কোনও বাঙ্গালা রচনারও অস্তিত্ব দেখা যায় না। নিধুবাবুই সর্বপ্রথম 'স্বদেশীয় ভাষার গুণ গান করিয়া স্বদেশবাসীকে গুনাইয়াছেন—

“নানান দেশে নানান ভাষা—

বিনে স্বদেশীয় ভাষা পূরে কি আশা !

কত নদী-সরোবর কিবা ফল চাতকীর

ধারা-জল বিনে কতু ঘুচে কি তৃষা !”

ঈশ্বর গুপ্তের 'মাতৃভাষা' সম্বন্ধে যে একটি কবিতা আছে, তাহার প্রশংসা-প্রসঙ্গে বন্ধিমবাবু বলেন—“মাতৃসম মাতৃভাষা, সৌভাগ্যক্রমে এখন অনেকে বুঝিতেছেন, কিন্তু ঈশ্বর গুপ্তের সময়ে কে সাহস করিয়া একথা বলে ? 'বাঙ্গালা বুঝিতে পারি'—এ কথা স্বীকার করিতে অনেকের লজ্জা হইত।”—কিন্তু ঈশ্বর গুপ্ত বয়সে নিধু গুপ্তের চেয়ে পঁয়ষটি বৎসরের ছোট। সুতরাং নিধুবাবুর সময়ে বঙ্গভাষার অবস্থা যে আরও শোচনীয় ছিল, এ কথা সহজেই অনুমেয়। গুণিতে পাওয়া যায়, 'হিন্দুস্থানি খেয়াল ও টপ্পা' শিপিবার সময় ও বন্ধুবর্গকে তাহা গুনাইবার সময় 'বিনে স্বদেশীয় ভাষা হৃদয়ের তৃষা যে ঘুচে' না, এ কথা নিধুবাবু মর্মে মর্মে অনুভব করিয়াছিলেন ; এবং সেই অনুভূতিরই ফলস্বরূপ বাঙ্গালা টপ্পা ও উপরি উক্ত গানটি তাঁহার নিকট হইতে আমরা গুণিতে পাইয়াছি। নিধুবাবু তাঁহার 'গীতরত্ন' নামক পুস্তকের 'ভূমিকা'য় নিজেও লিখিয়া গিয়াছেন,—“এই পুস্তকান্তর্গত গীত সকল আপ্ত-বন্ধুগণের এবং গানে আমোদিত ব্যক্তিদিগের তুষ্টির কারণ

রচনা করিয়াছিল।”—এই সব কথা উপর নির্ভর করিয়া যদি মনে করা যায়, নিধুবাবু যৌবনে না হউক, অন্ততঃ মধ্য বয়সেও মাতৃভাষা সম্বন্ধে ঐ মহিমামূলক গীত রচনা করিয়াছিলেন, তাহা হইলে বলিতে হইবে, ঈশ্বর গুপ্ত তখন জন্মেন নাই, রামমোহন তখন নিতান্ত নাবালক, এবং মৃত্যুঞ্জয়ও বোধ হয় সে সময়ে সাহিত্য-আসরে অবতীর্ণ হন নাই; কারণ, ইঁহারা সকলেই নিধুবাবুর চেয়ে বয়সে অনেক ছোট। তাঁহার জন্মের একুশ বৎসর পরে মৃত্যুঞ্জয় ও তেরিশ বৎসর পরে রামমোহন জন্মগ্রহণ করেন। ঈশ্বর গুপ্তের কথা পূর্বেই বলিয়াছি।

তবে এই স্থলে ইহাও বলিয়া রাখা প্রয়োজন যে, যদি কেহ মুদ্রিত পুস্তকের তারিখ দেখিয়া বঙ্গভাষা-প্ৰীতিমূলক রচনার প্রথম নিদর্শন খুঁজিতে যান, তাহা হইলে খুব সম্ভব নিধুবাবুর গানের পরিবর্তে মৃত্যুঞ্জয়ের লেখাই তাঁহার নজরে পড়িবে। 'গীতরত্ন' নামক যে গ্রন্থের ভিতর ঐ গান আমরা দেখিয়াছি, সে গ্রন্থ নিধুবাবু তাঁহার মৃত্যুর প্রায় এক বৎসর পূর্বে,—অর্থাৎ ১৮৩৭ খৃষ্টাব্দে নিজেই প্রকাশ করিয়াছিলেন। ইহার পূর্বে যদিও তাঁহার গানের বই কেহ কেহ ছাপিয়াছিলেন, কিন্তু সে সব বই আমরা কখনও দেখি নাই। সুতরাং সে পুস্তকগুলির মধ্যে কোন্খানি কবে মুদ্রিত হইয়াছিল এবং তাহার ভিতর নিধুবাবুর ঐ গান ছিল কিনা,

* নিধুবাবুর লিখিত 'ভূমিকা'য় আছে,—“এই গীত সকলের অল্প অল্প অংশ অশুদ্ধ করিয়া আমার অজ্ঞাতে প্রচার করিতে লাগিল, কিঞ্চিৎকাল পরে তাহা হইতেও অধিকাংশ ভূরি ভূরি বর্ণাশুদ্ধি এবং অশুদ্ধ পদে পরিপূরিত করিয়া প্রচার করিল, এই নিমিত্ত বিবেচনা করিলাম মৎকৃত সঙ্গীত সকল এক্ষণেও বদ্যপি বাস্তবিক এবং শুদ্ধরূপ প্রকাশিত না হই, তবে হানি আছে, এই আশঙ্কা-প্রযুক্ত প্রকাশ করিলাম।”

বলিতে পারি না। কিন্তু মৃত্যুঞ্জয় বিদ্যালয়বাদের “প্রবোধ-
চন্দ্রিকা” নিধুবাবুর ‘গীতরত্নে’র প্রায় চারি বৎসর পূর্বে
প্রকাশিত হয়। ‘প্রবোধচন্দ্রিকা’র ‘মুগবন্ধে’ আছে,—
“অস্পৃশ্য দেশীয় ভাষা হইতে গোড় দেশীয় ভাষা উদ্ভূত,—
সর্বোত্তমা সংস্কৃত ভাষা বাহুল্য হেতুক। যেমন দুই এক
পণ্ডিতাধিষ্ঠিত দেশ হইতে বহুতর পণ্ডিতাধিষ্ঠিত দেশ উদ্ভূত
ইত্যনুমানে সকল লৌকিক ভাষার মধ্যে উত্তম গোড়ীয়
ভাষাতে অভিনব যুবক সাহেব জাতের শিক্ষার্থে কোন
পণ্ডিত প্রবোধচন্দ্রিকা নামে গ্রন্থ রচিতেছেন।”—এই
কয় ছত্র অবশ্য নিধুবাবুর কয় ছত্রের তুলনায় অতি
অকিঞ্চিৎকর হইলেও উল্লেখযোগ্য। অক্ষয়চন্দ্র সরকার
মহাশয় বলেন,—“মৃত্যুঞ্জয় যে সময়ে অপোগণ্ড বঙ্গগণের
মানন-পালন ভার গ্রহণ করেন, তৎকালে সত্য সত্যই
ভাষা পিতৃ-মাতৃহীনা বালিকার মত অনাদৃত্য ধূল্য-
লুপ্তিতা, বিষয়ী ব্যক্তির অবহেলায় ত্রিমাণা, সংস্কৃত-পণ্ডিত-
মণ্ডলীর ঘৃণায় অবজ্ঞায় রোক্তমানা। সেই সময়ে মৃত্যুঞ্জয়ের
মত প্রতিভাশালী পণ্ডিত তুমি সমস্ত প্রাকৃত ভাষার মধ্যে
উৎকৃষ্ট ভাষা বলিয়া আদর করিয়া, গৌরব বাড়াইয়া, মুখ
চুষন করিয়া, কোলে না লইলে এবং ক্রমাগত শৈশবকাল
কোলে পিঠে করিয়া মানুষ না করিলে, আজি এই সাগর-
তরঙ্গের তেজধারিণী, অক্ষয়-ভূষণে-ভূষিতা, হেম-ভূষণে
জড়িতা, বন্ধিম ভঙ্গিমাশালিনী অপূর্ব দেবী মূর্তি দর্শন
করিয়া পবিত্র শ্রীচরণে ভক্তির পুষ্পাঞ্জলি প্রদান করিয়া
আপনাদিগকে কৃতার্থ করিতে পারিতাম না।”

সরকার মহাশয়ের কথাগুলি অনেকাংশে সত্য হইলেও
এই সন্দেহ আরও একটা কথা স্বীকার করা আমাদের
কর্তব্য। দেশীয় পণ্ডিতমণ্ডলীর মধ্যে মৃত্যুঞ্জয়ই যে সর্ব-
প্রথম “সকল লৌকিক ভাষার মধ্যে উত্তম গোড়ীয় ভাষা”
বলিয়াছিলেন, এ কথা সত্য। কিন্তু ঐ মন্তব্যের আদি
প্রচারক তিনি কি না, তাহা সন্দেহের বিষয়। ‘অভিনব
সাহেব জাতের শিক্ষার্থে’ তিনি ‘প্রবোধ-চন্দ্রিকা’ লিখিলেও
এ কথা ভুলিলে চলিবে না যে, তাঁহার বাঙ্গালা লেখার
প্রবৃত্তির মূলে যে কয়জন সাহেব উদ্যোগ ও উৎসাহের জল
সেচন করিয়াছিলেন, তাঁহাদের একজন ১৮১৮ খৃষ্টাব্দে
নিজের লিখিত—“A grammar of the Bengalee

language” নামক পুস্তকেস তৃতীয় সংস্করণের ভূমিকায়
লিখিয়াছিলেন,—“The Bengalee may be consi-
dered as more nearly allied to the Sungskrita
than any of the other languages of India ;
for though it contains many words of
Persian and Arabic origin, yet four fifths
of the words in the language are pure
Sungskrita. Words may be compounded
with such facility, and to so great an
extent in Bengalee, as to convey ideas
with the utmost precision, a circumstance
which adds much to its copiousness. On
these, and many other accounts, it may
be esteemed one of the most expressive and
elegant languages of the East.”—শুধু মুদ্রিত
পুস্তকের তারিখ দেখিয়া বিচার করিতে গেলে পাদ্রী কেরী
সাহেবের এই লেখাটিকেই বাঙ্গালা ভাষার প্রথম প্রশস্তি
বলিয়া গণ্য করিতে হয় এবং বলিতে হয়, মৃত্যুঞ্জয়
পাদ্রী কেরীর বাক্যেরই কতকটা প্রতিধ্বনি করিয়াছিলেন।
কেরী সাহেবও নবাবুর বাঙ্গালা গণের একজন প্রথম
পথ-প্রদর্শক। যে বৎসরে মৃত্যুঞ্জয়ের প্রথম রচনা “বত্রিশ
সিংহাসন” বাহির হইয়াছিল, সেই বৎসরেই—অর্থাৎ
১৮০১ খৃষ্টাব্দে কেরী সাহেবের উপরি-উক্ত বাঙ্গালা
ব্যাকরণ ও বাঙ্গালার নানারূপ কথিত ভাষার দৃষ্টান্ত-
সংবলিত “Colloquies” মুদ্রিত হইয়া পুস্তকাকারে দেখা
দেয়। ভারতীয় নানা ভাষায় তিনি সুপণ্ডিত ছিলেন ;
ফোর্ট উইলিয়ম কলেজে বাঙ্গালা ও সংস্কৃত ভাষার
অধ্যাপনা করিতেন। সুতরাং মৃত্যুঞ্জয় সন্দেহে অক্ষয়
সরকার মহাশয়ের যে স্ততিটুকু উপরে উদ্ধৃত হইয়াছে, তাহা
কেরীর প্রতি প্রয়োগ করিলেও কিছু অসঙ্গত হয়, মনে
করি না।

ইহাদের পরই রামমোহনের যুগ। রামমোহন কার্যতঃ
যদিও গোড়ীয় ভাষা-প্রীতির যথেষ্ট পরিচয় দিয়াছিলেন,
কিন্তু মাতৃ-ভাষার গুণ কীর্তন করিয়া বা শিক্ষা-কার্যে
তাহার উপযোগিতা বুঝাইয়া কখনও কিছু লিখিয়া গিয়াছেন
বলিয়া মনে পড়ে না। এ হিসাবে বরং তাঁহার প্রতিদ্বন্দী
গৌরীকান্ত ভট্টাচার্যের নাম কতকটা করিতে পারা যায়।

গৌরীকান্তের রচনা-মধ্যে মাতৃ-ভাষার প্রশংসামূলক বাক্য বিশেষ কিছু না থাকিলেও বাঙ্গালা-ভাষায় বাঙ্গালীর ছেলেকে শিক্ষা দেওয়া যে উচিত, এ কথা বাঙ্গালীর মধ্যে বোধ হয় তিনিই প্রথম বলিয়াছিলেন। তাঁহার “কর্মাঙ্গন” নামক গ্রন্থ ১৮৪৭ খৃষ্টাব্দে প্রকাশিত হয়। ইহার ৪১ পৃষ্ঠায় লিখিত আছে,—“বালকাদির স্বদেশীয় ভাষাতে উপদেশ করা ও কোশল দর্শান উচিত হয়, কেন না তাহাদিগের পৈতৃক ভাষা অনায়াসে বোধগম্য হইতে পারে। এবং যেমত যেমত বয়োরুদ্ধ হইতে থাকে তাহার মত নিজ ভাষার পারিপাট্যে অথচ শিক্ষিত বিষয় নৈপুণ্য হইতে পারে। * * * যতপি রাজার ভাষা ভাষা সকলের রাজা ও অর্থকরী বিদ্যা সর্বজনমাণ্ডা এবং তাহাতেই অমুরাগ অনেক হয়। তথাপি শিক্ষকের উচিত যে বালকাদির স্বদেশীয় বিদ্যা ও ধর্মের মূল প্রথমতঃ উপদেশ করিয়া তাহাতে অধিকার জন্মান, তদনন্তর অর্থকরী বিদ্যা যে কোন ভাষাতে হউক না কেন তাহার শিক্ষা ও আমূল তাহার পারিপাট্য অভ্যাস করান। নতুবা ইতোনষ্টস্ততোভ্রষ্টঃ প্রায় হইয়া থাকে।”—ইহা ভারত-গভর্নর লর্ড উইলিয়ম বেন্টিক-প্রবর্তিত শিক্ষা-পদ্ধতিরই কতকটা প্রতিবাদ ও প্রতিক্রিয়া। ১৮৩৫ খৃষ্টাব্দে বেন্টিক সাহেব এক বিজ্ঞাপন প্রচার দ্বারা এই নিয়ম করেন যে, এ দেশের সমস্ত শিক্ষা-কার্যই ইংরাজি ভাষায় সম্পাদিত হইবে। বলা বাহুল্য, ইহার ফলে বাঙ্গালা ভাষা উত্তরোত্তর উপেক্ষিত ও অনাদৃত হইতে থাকে। রাজনারায়ণ বসু মহাশয় বলেন যে, এই সময়ে “সাধারণ লোকে ইংরাজী শিক্ষা করিবার আগ্রহাতিশয় প্রকাশ করিতে লাগিল; এমন বোধ হইতে লাগিল যে দেশীয় ভাষা বা একেবারে উৎসেদ দশা প্রাপ্ত হয়।” * এইরূপ ভয় যে গৌরীকান্তও তখন পাইয়াছিলেন, তাহা তাঁহার রচিত “কর্মাঙ্গন” পড়িলেই বুঝিতে পারা যায়। অথচ মাতৃভাষার এই মঙ্গলকামী লেখকটির নাম বড় একটা কাহাকেও করিতে দেখি না। এমন কি, মহামহোপাধ্যায় হরপ্রসাদ শাস্ত্রীর শ্রায় অত বড় পণ্ডিতও তাঁহাকে ভুলক্রমে গৌরী-শঙ্কর ভট্টাচার্য্য বা গুড়ু গুড়ে ভট্টাচার্য্য বলিয়া অভিহিত করিয়াছেন। কিন্তু গৌরীকান্তকে ভুলিলে আমাদের কর্তব্য-জ্ঞানহীনতারই পরিচয় দেওয়া হইবে।

* তত্ত্ব-বোধিনী পত্রিকা, জ্যৈষ্ঠ—১৭৭৮ শক।

এইবার ঈশ্বর গুপ্তের কথা বলিব। ঈশ্বর গুপ্তের ‘প্রভাকর’ যেন সত্যই প্রভাকরের গায় আমাদের বঙ্গদেশে উদিত হইয়া বাঙ্গালীর মনকে এক অপূর্ব আনন্দে জাগ্রত করিয়াছিল। গৌরীকান্ত বাঙ্গালীর ছেলেকে বাঙ্গালা ভাষা পড়িবার জন্য পরামর্শ দিলেও তাঁহার ‘জ্ঞানাঙ্গন’ ও ‘কর্মাঙ্গন’, বৈকুণ্ঠ বন্দ্যোপাধ্যায়ের ‘বেদান্ত-চন্দ্রিকার উত্তর’ ও ‘ঈশ্বর সাকার’ প্রভৃতি নীরস ভাষায় লিখিত নীরস বিষয়ক গ্রন্থ সকল বাঙ্গালী পাঠকের মনে বোধ হয় বিভীষিকার সঞ্চারই করিয়াছিল। এমন সময় প্রভাকরকে অবলম্বন করিয়া একটি প্রবল প্রতিভা আমাদের মন হইতে মাতৃ-ভাষা-বিদ্বেষ দূর করিবার চেষ্টা না করিলে বঙ্কিম, দীনবন্ধু, দ্বারকানাথ ও রঙ্গলাল প্রভৃতি কলেজীয় ছাত্রকে বাঙ্গালা সাহিত্যের সাধনা-ক্ষেত্রে অবতীর্ণ হইতে দেখিতে পাইতাম কি না সন্দেহের বিষয়। বাঙ্গালা ভাষার দুর্দশা গুপ্ত-কবিকে কিরূপ ব্যথিত করিয়াছিল, তাহা তাঁহার লিখিত এই কয় ছত্র পড়িলেই বুঝা যায়—

“হায় হায় পরিতাপে পরিপূর্ণ দেশ।

দেশের ভাষার প্রতি সকলের দ্বেষ ॥

অগাধ দুঃখের জলে সদা ভাসে ভাষা।

কোনমতে নাহি তার জীবনের আশা ॥

নিশাযোগে নলিনী যেরূপ হয় ক্লীণা।

বঙ্গভাষা সেইরূপ দিন দিন দীনা ॥

অপমান অনাদর প্রতি ধরে ধরে।

কোনরূপে কেহ নাহি সমাদর করে ॥” ইত্যাদি—

শুধু পড়ে নয়, গড়েও বাঙ্গালীকে তিনি বুঝাইয়া বলেন, “সম্প্রতি স্বদেশীয় ভাষার উন্নতিকল্পে সর্বতোভাবে সম্পূর্ণ যত্ন করা অতি কর্তব্য হইয়াছে। এতদ্ব্যতীত দেশের উচ্চ গৌরব কোন মতেই রক্ষা হইতে পারে না। অধুনা আমরা অল্প কোন বিষয়ের অধিক আন্দোলন না করিয়া দেশীয় মহাশয়দিগের কেবল দেশের ভাষার প্রতি কিঞ্চিৎ দৃষ্টি রাখিতে অধিক অনুরোধ করিতেছি; কারণ ভাষাই সকল বিষয়ের মূলাধার, ভাষা ভিন্ন কিছুই হয় না, আমরা শুধু ভাষার পরিচয়েই পরস্পর পরিচিত হইতেছি, সাংসারিক তাবৎ কর্মই নির্বাহ করিতে শিক্ষিত হইয়াছি, পরমেশ্বরকে জানিতে পারিয়াছি, সুতরাং এমত মহোপকারিণী যে জাতীয় ভাষা তাহার প্রতি অশ্রদ্ধা করাতে কিরূপ

অকৃতজ্ঞতা প্রকাশ হইতেছে, তাহা কি কেহই বিবেচনা করেন না? * * * আমাদিগের ভাষা অতি সুশ্রাব্য ও সুকোমল এবং মাধুর্য্য-রসে পরিপূর্ণিত। এই ভাষায় বাক্য দ্বারা ও লেখনী দ্বারা উত্তমরূপে নানা কৌশলে ও সহজে মনের অভিপ্রায় সকল প্রকাশ করা যায়, অতএব ইহার প্রতি বাবুদিগের এত আন্তরিক ঘেব হইল কেন? কেবল আপনারা ঘেব করিলেও হানি ছিল না, যাঁহারা মনের সহিত অনুরাগ করেন, তাঁহাদিগকে মনুষ্য বলিয়াও জ্ঞান করেন না। হায় কি আক্ষেপ! নব্য বেঙ্গাল বাবুসাহেবেরা যে জাতির দৃষ্টান্ত দ্বারা সত্য বলিয়া অহঙ্কার করেন, তাঁহারা দেশের ভাষার প্রতি কিরূপ ঘত্র করেন, তাহা কি দেখিতে পান না? * * * কয়েকজন যুবা ব্যক্তি এ বৎসর টাউনহলে অতিশয় সৎকৃত্যপূর্ব্বক বড় বড় ইংরাজদিগকে হতগর্ভ করিয়াছেন, তাহাতে দেশের মুখ উজ্জ্বল হইয়াছে ইহা সর্ব্বতোভাবে স্বীকার্য্য বটে, কিন্তু বাবুসাহেবেরা যদি দেশস্থ জ্ঞানাক্ত ব্যক্তিবর্গের দুঃস্বপ্নবৃত্তির নিবৃত্তি নিমিত্ত বঙ্গ-ভাষায় এইরূপ সুবক্তৃত্য করিতে পারিতেন, তবে অস্মৎ পক্ষে কি এক আশ্চর্য্য সুখের ব্যাপার হইত। ফলে তাহার চেষ্টা নাই, বাঙ্গালা দুইটি কথা এক করিয়া কহিতে হইলে মাধায় অমনি আকাশ ভাঙ্গিয়া পড়ে। অতি সম্ভ্রান্ত কোন আত্মীয় ব্যক্তি যিনি ইংরাজী ভাষা জ্ঞাত নহেন, অথচ জাতীয় ভাষায় অতি নিপুণ, তাঁহার সহিত কোনও নবীন বেঙ্গলের সাক্ষাৎ হইলে কথোপকথনকালীন শুনিতে বড় কৌতুক হয়। যথা,—কেমন তাই, বাড়ীর সকল মঙ্গল তো,—মশয়. আসুন, লাষ্ট নাইটে বড় ডেঞ্জারে পড়েছি, আঙ্কেলের কলেরা হয়েছে, পলস্ বড় উইক হোয়েছিল, আজ মর্বিংয়ে ডাক্তার এসে অনেক রিকভার করেছে, এখন লাইফের হোপ হয়েছে।—সে ভাল মানুষ—বাবুজির উত্তর শুনিয়া ভাল-মন্দ কিছুই বুঝিতে পারে না। ভ্যা-ভ্যা রামের ঞায় অবাক হইয়া খাড়া থাকে। এইরূপ কত আছে, যাহা লিখিতে লেখনীর মুখে হান্ত আইসে।—

—মাতৃ ভাষার দুঃখে এমন মর্শ্বভেদী আক্ষেপ ঈশ্বর গুপ্তের পূর্ব্বে আর কেহ করেন নাই, পরেও যে ইহার চেয়ে বেশী কেহ কিছু বলিতে পারিয়াছেন, এমন মনে করি না। বলিতে লজ্জা হয়, প্রায় আশি বৎসর পূর্ব্বে, ঈশ্বর গুপ্ত তখনকার ‘নব্য বেঙ্গাল বাবু সাহেবদিগের’

কথোপকথনের ভাষার যে কৌতুক-জনক নমুনা দিয়াছেন, তাহার মাত্রা এই ঘোর স্বাদেশিকতার দিনেও প্রবলবেগে বাড়িয়াই চলিয়াছে! যাহা হউক, ঈশ্বরগুপ্ত শুধু জন্মভূমিকে ‘জননী’ বলিতে নয়, স্বদেশীয় ভাষাকেও ‘জননী’ মনে করিয়া তাঁহার সেবা করিতে বাঙ্গালীকে যে প্রথম শিখাইয়াছিলেন, এ কথা বাঙ্গালী আজ ভুলিয়া গেলেও বাঙ্গালী জাতির পক্ষে উহা সব-চেয়ে স্বাণযোগ্য বোধ করি। তাঁহার “মাতৃ-ভাষা” ইতিশীর্ষক কবিতার শেষ কয়টি ছত্র এই—

“যে ভাষায় হ’য়ে প্রীত, পরমেশ-গুণ গীত
বন্ধকালে গান কর সুখে।

মাতৃ-সম মাতৃ-ভাষা পুরালে তোমার আশা
তুমি তার সেবা কর সুখে ॥”

নিধু গুপ্তের “নানান্ দেশে নানান্ ভাষা—বিনে স্বদেশীয় ভাষা পুরে কি আশা” গানের পর ঈশ্বর গুপ্তের ঐ কবিতাকেই বঙ্গ-ভাষার প্রকৃত বন্দনা বলা যাইতে পারে। ‘মাতৃভাষা’ কথাটা ঈশ্বর গুপ্তের লেখাতেই আমরা প্রথম দেখিতে পাই। এবং মাতৃভাষা যে মাতৃসম গরীয়সী, এ কথাও তাঁহার নিকট আমরা প্রথম শিখিয়াছি।

মাতৃ ভাষার দুর্গতিতে ঈশ্বর গুপ্তের প্রাণে যে দুঃখানু-ভূতি জাগে এবং সেই দুঃখোপশান্তির চেষ্টায় তাঁহার মনে যে ভাবের উদ্বোধন হয়, তাহার পরিচয় ‘প্রভাকরে’ প্রকাশিত রচনার যে যে সামান্য অংশ আমরা উপরে উদ্ধৃত করিয়াছি, তাহাতেই যথেষ্ট পরিস্ফুট বলিয়া মনে করি। ইহার ফলও যে শীঘ্র ফলিতে আরম্ভ করিয়াছিল, তাহার প্রমাণ আমরা ‘তত্ত্ব-বোধিনী’তে দেখিতে পাই। ১৭৭০ শকাব্দের জ্যৈষ্ঠ মাসে ‘তত্ত্ব-বোধিনী’ লিখিয়াছিলেন,—

“এ দেশে পঞ্চবিংশতি বৎসরাবধি যে ইংরাজী ভাষার অনুশীলনা যত্নের সহিত আরম্ভ হইয়াছে, ইহাতে কি ফল লব্ধ হইল? * * * ইহা সত্য যে এতাবৎকাল পর্য্যন্ত ন্যূনাধিক দুই সহস্র ব্যক্তি ইংরাজী ভাষায় সুশিক্ষিত হইয়াছেন, এবং বিচার প্রভাবে তাঁহারদিগের সংস্কৃত চিত্ত অজ্ঞান ঘনানুদোপরি উখিত হইয়া অতি প্রসারিত নির্মল জ্ঞানাকাশে বিচরণ করিতেছে, কিন্তু তাহারদিগেরও মধ্যে কয় ব্যক্তি সে ভাষাতে বিনা সংশয়ে রচনা করিতে পারেন? আর সমস্ত দেশস্থ লোকের তুলনায় সেই দুই সহস্র

সংখ্যাই বা কত ? * * ব্যক্ত করিতে লজ্জা উপস্থিত হইতেছে যে আমারদিগের স্বদেশস্থ ইংলণ্ডীয় ভাষাভিজ্ঞ কতিপয় যুবা-পুরুষ অস্মান বদনে কহিয়া থাকেন যে,— “সেই বাঞ্ছিত কাল কোন্ দিন আগমন করিবে, যখন কেবল ইংরাজী ভাষা এই দেশের জাতীয় ভাষা হইবে। * * * * * যাহা হউক, এ সকল ব্যবহার জন্মভূমির প্রতি প্রেমের চিহ্ন নহে। যে স্থানে আমরা শৈশব-কালে স্নেহ-মিশ্রিত যত্ন দ্বারা লালিত হইয়াছি, যে স্থানে বাল্য-ক্রীড়া দ্বারা আত্মাদের সহিত বাল্যকাল যাপন করিয়াছি, যে স্থানে ঘোবনের প্রারম্ভাবধি সহযোগি মিত্রদিগের প্রীতি দ্বারা সতত আনন্দ প্রাপ্ত হইয়াছি, * * * * * সে স্থানের প্রতি বিশেষ স্নেহ হওয়া কি স্বভাবসিদ্ধ নহে ? * * * * * এখন বিবেচনা কর, যে স্থানের নদী-পর্বত-মূর্ত্তিকা পর্য্যন্ত আমারদিগের প্রীতি-পাত্র, সে স্থানের ভাষা, যে ভাষাতে আমরা মাতৃক্রোড়ে শয়ন করিয়া শৈশব-কালের অর্ধক্ষুট

মধুর বাক্য ভাষণে মাতা-পিতার হাশ্বানন করিয়াছিলাম, সে ভাষার প্রতি প্রীতি না হওয়া মনুষ্য-স্বভাবের যোগ্য নহে। জননীর স্তন্য দুগ্ধ যত্রপ অত্র সকল দুগ্ধ অপেক্ষা বল বৃদ্ধি করে, তত্রপ জন্ম-ভূমির ভাষা অত্র সকল ভাষা অপেক্ষা মনের বীৰ্যা প্রকাশ করে। * * * * * আমারদিগের দেশ-ভাষা যে এমত সুললিত হইবে, ইহা সম্যক্ সম্ভব, কারণ তাহার বর্ত্তমান আকর যে রত্নাকর সংস্কৃত, তাহার ত্রায় সুশোভন সর্ব্বার্থ প্রাপ্তিপাদক মহাভাষা এই ভূমণ্ডলে কদাপি আর বিরাজমান হয় নাই।”—ইহা খুব সম্ভব অক্ষয়কুমার দত্তের লেখা। দেশের লোকের মনে মাতৃ-ভাষার মতিমা-বোধ জাগাইবার উদ্দেশ্যেই উহা রচিত। ঈশ্বর গুপ্তের রচনার সহিত এই রচনার বেশ একটি ভাবগত যোগ দেখিতে পাওয়া যায়। পরবর্ত্তী সাহিত্যে এই ভাব-ধারারই কেমন বিকাশ ও বিস্তার ঘটিয়াছিল, বারাস্তরে তাহা দেখাইবার ইচ্ছা রহিল।

সরল চণ্ডী

[শ্রীযতীন্দ্রনাথ সেনগুপ্ত বি-ই]

পুরাকালে সুরপুরে বেধেছিল সুরাসুরে
রাজ্য লইয়া ঘোর ঘন্থ,
ভীষণ মহিষাসুর সুররাজে করি' দূর,
স্বর্গের গেট করে বন্ধ ।
রবি শশী যমরাজ ত্যজি' পুরাতন সাজ
শিরে ধরি' অমরারি পাকড়ি,
ঘর-বার রাখিবারে দৈত্যের দরবারে
নিরে নিল ভাল ভাল চাকরী ।
লভি' ইন্দ্রতম্ দৈত্য হ'য়ে গরম,
চালাইল চাবুক ও তয়ফা ;
দেবগণ মুক্তির করে যুক্তি স্থির,—
দাসত্ব কত কালই সয় বা ?
হোথা বীর সুরপতি ঘুরে দুঃখিত মতি,
অপ্সরী সুধা রতি পায় না,—
ত্রিভুবন হেঁটে হেঁটে অবশেষে কেঁদেকেটে
ভবাণী-চরণে ধরে বায়না :—



উদ্বোধন, ভাদ্র ১৩৩৭

পাশ্চাত্যে উপনিষদের প্রভাব—খ্রীসামোহন চক্রবর্তী
সম্রাট সাহজাহানের জ্যেষ্ঠ পুত্র দারাসেকো তাঁহার
ধর্মমতের উদারতার জন্ত ভারত ইতিহাসে প্রসিদ্ধ। তিনি
হিন্দু ও মুসলমান ধর্মের সমন্বয় সাধনে বিশেষ চেষ্টা করেন।
এবং সে উদ্দেশ্যে একখানি গ্রন্থও রচনা করিয়াছিলেন
১৬৪০ খৃষ্টাব্দে কাশ্মীরে অবস্থানকালে দারা প্রথমতঃ
উপনিষদের মহিমার কথা অবগত হন। তিনি বারাণসী
হইতে কয়েকজন পণ্ডিত আনাইয়া তাঁহাদের সাহায্যে ৫০
খানি উপনিষদের পারস্য ভাষায় অনুবাদ করেন। ১৬৫৭
খৃষ্টাব্দে এই অনুবাদ সমাপ্ত হয়। ইহার প্রায় ৩ বৎসর পর
১৬৫৯ খৃষ্টাব্দে দারাসেকো আওরঙ্গজেব কর্তৃক নিহত হন।

আকবরের রাজত্বকালেও উপনিষদের অনুবাদ কতকটা
হইয়াছিল (১৫৫৬ - ১৫৮৫)। কিন্তু আকবর কিংবা দারা
কর্তৃক সম্পাদিত এই সকল অনুবাদের প্রতি ১৭৭৫ খৃষ্টাব্দের
পূর্ব পর্যন্ত কোনও পাশ্চাত্য পণ্ডিতের দৃষ্টি আকৃষ্ট হয়
নাই। অযোধ্যার নবাব সাজাউদ্দৌলার রাজসভার ফরাসী
রেসিডেন্ট M. Gentil ১৭৭৫ খৃষ্টাব্দে বিখ্যাত পর্য্যটক ও
জেন্দ আবেস্তার আবিষ্কারক Anquetil Duperronকে
দারাসেকো সম্পাদিত উক্ত পারসিক অনুবাদের
একখানি পাণ্ডুলিপি প্রেরণ করেন। আর একখানি
পাণ্ডুলিপি সংগ্রহ করিয়া A. Duperron এই দুইখানি
মিলাইয়া ফরাসী ও লাতিন ভাষায় উক্ত পারসিক
অনুবাদের পুনরনুবাদ করেন। লাতিন অনুবাদট ১৮০১-২
খৃষ্টাব্দে ওপনেখত (Oupnekhat) নামে প্রকাশিত হয়।
ফরাসী অনুবাদটি মুদ্রিত হয় নাই।

জাৰ্মানীর সুপ্রসিদ্ধ দার্শনিক সোপেনহোর অশেষ
শ্রম স্বীকার পূর্বক উক্ত অনুবাদ অধ্যয়ন করিয়া মুক্তকণ্ঠে

স্বীকার করিলেন যে, “তাঁহার স্বকীয় দার্শনিক মতবাদ
উপনিষদের মূল তত্ত্বসমূহ দ্বারা বিশেষ ভাবে প্রভাবিত।”

• যে দেশে উপনিষদের গভীর সত্যসমূহ প্রচারিত হইয়া-
ছিল সে দেশে খৃষ্টধর্ম প্রচারের চেষ্টা যে ব্যর্থ হইবে এবং
অদূর ভবিষ্যতে ইউরোপীয় চিন্তাধারা যে উপনিষদের দ্বারা
সর্বতোভাবে প্রভাবিত হইয়া উঠিবে সে-সম্বন্ধে Schop-
enhouer এইরূপ উক্তি করিয়াছিলেন,—“ভারতবর্ষে
আমাদের ধর্ম কখনও শিকড় গাড়িবে না। মানবজাতির
“পুরানী প্রজ্ঞা” গ্যালিলিওর ঘটনাবলীর দ্বারা কখনো
নিরাকৃত হইবার নহে। পরন্তু ভারতীয় প্রজ্ঞার দ্বারা
ইউরোপে প্রবাহিত হইবে এবং আমাদের জ্ঞান ও চিন্তাতে
আমূল পরিবর্তন আনয়ন করিবে।”

স্বামী বিবেকানন্দের আমেরিকার শিষ্য Sarra Bull
তাঁহার লিখিত এক চিঠিতে বলিয়াছেন, জাৰ্মানীর দার্শ-
নিক সম্প্রদায়, ইংলণ্ডের প্রাচ্য পণ্ডিতগণ, এবং আমাদের
দেশীয় ইমার্সন ইঁহা সাক্ষ্য প্রদান করিতেছেন যে
পাশ্চাত্যের চিন্তা আজকাল সত্যসত্যই বেদান্তের দ্বারা
অনুপ্রাণিত।”

১৮৩৪ খৃষ্টাব্দে বার্লিনে Schellingএর উপনিষদ
সম্বন্ধীয় বক্তৃতাবলী শুনিয়া বিখ্যাত প্রাচ্য পণ্ডিত Max
Mullerএর মনোযোগ সংস্কৃত সাহিত্যের প্রতি প্রথম
আকৃষ্ট হয়। উপনিষদের আলোচনা করিতে যাইয়া তিনি
দেখিলেন, ইহার সম্যক মর্ম পরিগ্রহ করিতে হইলে তৎ
পূর্বে রচিত বেদের মন্ত্র ও ব্রাহ্মণ ভাগের আলোচনা
আবশ্যক। এই ভাবে উপনিষদই তাঁহাকে বেদচর্চার
প্ররোচনা দিয়াছিল। Schopenhauerএর পর বহু
পাশ্চাত্য মনীষী উপনিষদ আলোচনা করিয়া নানা ভাবে
ইহার মহিমা কীর্তন করিয়াছেন। কেহ কেহ উপনিষদকে
“মানব-চিন্তার সর্বশ্রেষ্ঠ অবদান” বলিয়া বর্ণনা করিয়াছেন।



গিরীন্দ্রমোহিনী দাসী

৬ই—সঙ্গীতবিশারদ রায় বাহাদুর বৈকুণ্ঠনাথ বসু মহাশয়ের জন্ম (১২৬০)। ইনি ক্রমান্বয়ে ১৮৭০ খৃঃ টাঁকশালের নায়েব দেওয়ান, ১৮৮১খৃঃ রাজা সৌরীন্দ্র-মোহন ঠাকুরের স্থাপিত “বেঙ্গল একাডেমী অব্ মিউজিক্” সভার অনারারি সেক্রেটারী, ১৮৮২ খৃঃ করেন্সি আফিসের ডেপুটী ট্রেজারার প্রভৃতি নিযুক্ত হন।

“সাধু নাগ মহাশয়” নামে পরিচিত সাধক দুর্গাচরণ নাগের নারারণগঞ্জের অদূরবর্তী দেওভোগ গ্রামে ১২৫৩ সালে জন্ম। ইনি রামকৃষ্ণ দেবের একজন শিষ্য এবং বঙ্গভাষার একজন লেখক।

৭ই—মহামহোপাধ্যায় যাদবেশ্বর তর্করত্ন মহাশয়ের মৃত্যু (১৩৩১)।

৮ই—বিখ্যাত সাহিত্য “সোমপ্রকাশ” সংবাদপত্র-সম্পাদক, বিবিধগ্রন্থ-রচয়িতা এবং নীতিসার, বিশেষরবিলাপ প্রভৃতি গ্রন্থপ্রণেতা দ্বারকানাথ বিদ্যভূষণ মহাশয়ের মৃত্যু (১২৯১)।

৯ই—চারুবর্তী, হিতবাদী ও উপাসনা সম্পাদক, পৌরাণিক ও ঐতিহাসিক গ্রন্থপ্রণেতা সুপ্রসিদ্ধ যজ্ঞেশ্বর বন্দ্যোপাধ্যায় মহাশয়ের জন্ম (১৮৫৯ খৃঃ) দ্বাদশ বৎসর বয়ঃক্রমকালে রচিত ‘সমরশেখর’ গ্রন্থে ইঁহার প্রতিভার পরিচয় বিশেষভাবে পাওয়া যায়।

১০ই—“সন্মিলনী”-সম্পাদক ব্রাহ্ম-ধর্মাবলম্বী বিখ্যাত কালীমোহন বসু মহাশয়ের ফরিদপুর জেলার অন্তঃপাতী রামনগর গ্রামে জন্মগ্রহণ (১২৮৪ সাল)।

১৫ই—প্রফুল্লচন্দ্র বন্দ্যোপাধ্যায় মহাশয়ের মৃত্যু (৩১.৮.১৯০০)।

স্বনামধন্য মহাপুরুষ শঙ্করদেবের তিরোভাব-তিথি।

১৬ই—সুপ্রসিদ্ধ ডেপুটী ম্যাজিষ্ট্রেট ও প্রবন্ধকার উমেশচন্দ্র বটব্যালের জন্ম। ইনি স্বদেশের প্রাচীন ইতিহাস

উদ্ধারের জন্তু বহু চেষ্টা করেন।

আনন্দকৃষ্ণ বসুর জন্ম (১৭৪৪ শকে । ১৮২২ খৃঃ)।—শোভাবাজারের রাজা রাধাকান্ত দেব ইঁহার মাতামহ। ইনি অনেকগুলি বিদেশী ভাষায় ব্যুৎপন্ন ছিলেন। প্রাতঃস্মরণীয় বিদ্যাসাগর মহাশয় ইঁহার নিকট ইংরাজী ভাষা অধ্যয়ন করেন।

১৭ই—হুগলি জেলার অন্তর্গত কৈকালী গ্রামে চন্দ্রনাথ বসুর জন্ম (১২৫১)। ইঁহার গ্রন্থ শকুন্তলা-তত্ত্ব, ত্রিধারা, পশুপতি-সংবাদ, বর্তমান বাঙ্গালা সাহিত্যের প্রকৃতি, ফুল ও ফল প্রভৃতি।

১৯৭—সারদাচরণ মিত্র মহাশয়ের মৃত্যু (৪ঠা সেপ্টেম্বর ১৯১৭খৃঃ) জন্ম-- ১৯৭ ডিসেম্বর, ১৮৪৮খৃষ্টাব্দ । ইনি বহু সংস্কৃত স্তোত্রাদির সমাবেশে “বঙ্গমালা” গ্রন্থ প্রকাশ করেন । এতদ্বিন্ন মহাভারত হইতে সঙ্কলন করিয়া “ভারতবঙ্গমালা” গদ্য অনুবাদ সহ “চারণকালোক” প্রভৃতি তাঁহার গ্রন্থ প্রকাশিত হয় । বঙ্গদর্শন, আর্ধ্যদর্শন, প্রবাসী, ভারতবর্ষ, প্রকৃতি-রঞ্জন Mukerjee's Magazine প্রভৃতি পত্রে ইনি উমিচাঁদ, উৎকলে শ্রীচৈতন্য ও পুরন্দর খাঁ এবং বিশ্ববিদ্যালয়, নারীশিক্ষা, প্রাথমিক শিক্ষা সম্বন্ধে বহু প্রবন্ধ লেখেন । ইনি হাওড়া হিতকারী ও ভারতবর্ষ মহামণ্ডলের সম্পাদক ছিলেন । ১৮৬৫ খৃষ্টাব্দে সারদাচরণ হেয়ার স্কুল হইতে এন্ট্রান্স পরীক্ষায় প্রথম স্থান অধিকার করেন । ১৮৬৭ খৃষ্টাব্দে এফ-এ পরীক্ষায় প্রথম এবং ১৮৭০ খৃষ্টাব্দে বি-এ পরীক্ষায় প্রথম হইয়া ‘ঈশান স্কলার’ পান । ১৮৭১ খৃষ্টাব্দে এম্-এ পাস করিয়া ইনি প্রেসিডেন্সী কলেজের অধ্যাপক হ’ন । অতঃপর ১৮৭২ খৃষ্টাব্দে ইনি বি-এল পাস করেন । ১৮৮৫ খৃষ্টাব্দে



আনন্দকুমার বহু

বিশ্ববিদ্যালয়ের সভ্য হ’ন । ১৯০১—৪ খৃষ্টাব্দে তিনি Faculty of Law President থাকেন ।

সারদাচরণ যেমন একজন প্রকৃত বাণী-দেবক এবং সাহিত্যিক ছিলেন, তেমনই অনেক জনহিতকর কার্যেও তিনি সংশ্লিষ্ট ছিলেন । ১৮৯৪ খৃষ্টাব্দে তিনি সারদাচরণ এরিয়ান ইন্সটিটিউশনের স্থাপনা করেন । ১৯১০ খৃষ্টাব্দে কো-অপারেটিভ সোসাইটিতে যোগদান করিয়া উহার বারো বহু সহায়তা করেন । ১৯১১ খৃষ্টাব্দে ২৯এ জাহ্নবারী তিনি উহার সভাপতি হন ।

মতিলাল ঘোষ মহাশয়ের মৃত্যু -- ১২৩৯ সালের ১৯শে ভাদ্র (ইং ১৯২২ ৫ই সেপ্টেম্বর) জন্ম-- ১২৫৪ সালের ১২ই কা্তিক (ইং ১৮৬৭ । ২৮শে অক্টোবর) ষশোহর জেলাসুগত ।

মহাত্মা শিশিরকুমার লিখিয়া গিয়াছেন যেমন কাদা দিয়া মূর্ত্তি গড়ে, তাঁহার দাদা বসন্তকুমার তাঁহাকে সেইভাবে গড়িয়াছিলেন । মতিবাবুও সেইরূপ শিশির বাবুর হাতে গড়া । শিশিরবাবুর প্রতিভা ছিল সর্বতোমুখী । মতিবাবু কতকগুলি বিষয়ে ঠিক শিশিরবাবুর অনুকরণ করিয়া-



মতিলাল ঘোষ



সারদচরণ মিত্র

ছিলেন। অমৃতবাজারের পাঠকদিগের মধ্যে অতি সামান্য লোকেই বুঝিতে পারিতেন কোন্টী শিশিরবাবুর ও কোন্টী মতিবাবুর লেখা। বাঙ্গালাও মতিবাবু বেশ লিখিতে পারিতেন। আনন্দবাজার পত্রিকার প্রথমাবস্থা হইতে তিনি ইহাতে বরাবর নিয়মিত লিখিতেন। শিশিরবাবুর ছায় তাঁহার লেখা বেশ সরস ছিল।


অমৃত্যচরণ বসু মহাশয়ের মৃত্যু (৪৯। ১৮৯৮)।

২১এ—মহারাজ যতীন্দ্রমোহন ঠাকুরের মাতুল পুত্র, সুবিখ্যাত অভিনেতা ও অভিনয়শিক্ষক অর্দৈনুশেখর মুক্তোক্ষী মহাশয়ের মৃত্যু (১৩১৫ সাল)।

২২এ—স্বনামধন্য মনীষী রাজনারায়ণ বসু মহাশয়ের কলিকাতার দক্ষিণ বোড়াল গ্রামে জন্মগ্রহণ (১৮২৬ খৃঃ, ৭ই সেপ্টেম্বর)। ইনি আশৈশব বিদ্যানুরাগী ছিলেন। নি পারশু ভাষায় বিশেষ ব্যুৎপত্তি লাভ করেন। ইনি ব্রাহ্মধর্মাবলম্বী। ইঁহার রচিত গ্রন্থ—খর্ষতত্ত্বদীপিকা ১ম ও ২য় ভাগ, ব্রহ্মসাধন, হিন্দুধর্মের শ্রেষ্ঠতা, ব্রাহ্মসমাজের বক্তৃতা ১ম ও ২য় ভাগ, সেকাল ও একাল প্রভৃতি। ইনি মাইকেল মধুসূদনের বন্ধু ছিলেন।

গিরিজাপ্রসন্ন রায় চৌধুরী মহাশয়ের মৃত্যু (১৩০৫)

২৫এ—গোবিন্দপ্রসাদ রায় মহাশয়ের জন্ম (১২৪৫)।



ভূপেন্দ্রনাথ বসু



অর্দৈন্দ্রশেখর মুস্তফা

২৭এ—ধাত্রীবিদ্যায় সবিশেষ পারদর্শী, ‘চিকিৎসা-দর্পণ’ ও ‘ইণ্ডিয়ান এম্পায়ার’ পত্রের প্রকাশক, ‘সরল জ্বরচিকিৎসার’ গ্রন্থকার প্রতিপত্তিশালী ডাক্তার যত্ননাথ মুখোপাধ্যায় মহাশয়ের জন্ম (১২৪৬ সাল)।

২৮এ—কান্তকবি রজনীকান্ত সেনের মৃত্যু (১৩১৭)।

সুকনি, সুরসিক, ও সুপণ্ডিত মহামহোপাধ্যায় রাখাল-দাস ঝাংরত্নের জন্ম (১২৩৬)। শোনা যায়, বিচার-সভায় ইঁহাকে দেখিলে অনেক জিগীষু পণ্ডিতের হৃৎকম্প উপস্থিত হইত।

২৯এ—বিখ্যাত সাহিত্যসেবী, ঐতিহাসিক গ্রন্থ-প্রণেতা বাগ্মী রজনীকান্ত গুপ্তের জন্ম (১২৫৬)।

৩০এ—মুছাযত্নের স্বাধীনতার ঘোষণা (১৫ই সেপ্টেম্বর, ১৮৩৫ খৃঃ)।

৩১এ—ইং ১৯০০ (১২৯৩ সাল) রাজনারায়ণ বসু মহাশয়ের মৃত্যু (১৯০০ খৃঃ, ১২৯৫ সাল)

বিখ্যাত বাবদারাজীব ও স্বদেশসেবক কর্ম্মী ভূপেন্দ্রনাথ বসুর মৃত্যু (১৩৩১)। ইনি ১৯১৪খৃঃ কংগ্রেসের সভাপতি, তিনবার ব্যবস্থাপক সভার সভ্য, ও ১৯১৭ অব্দে ভারত-সচিবের মন্ত্রণ-সভায় বেসরকারী সদস্য মনোনীত হন। ১৯২২ সালে ইনি ভারত গভর্নমেন্টের প্রতিনিধি নিৰ্ব্বাচিত হইয়া জেনেভার জাতিসভ্যের বৈঠকে গমন করেন।

মাসপঞ্জী

ভাদ্র

১লা—শ্রীযুক্ত নতীন সেনের এক বৎসর কারাদণ্ড। কলিকাতা কপোরেশনে শ্রীযুক্ত সুভাষ বসু অর্ডারম্যান মনোনীত। পেন্সন্যারে চাঞ্চল্য। বিহারের প্রথম বাঙ্গালী মহিলা শ্রীমতী মীরা দেবী গ্রেপ্তার। বঙ্গীয়-ব.বহু.পক সভায় সঠিন কমিশনের নিষ্পা।

২রা—সিদ্ধদেশে ভীষণ বন্যা। মহায়া গঙ্গীর পত্র বড়লাটের নিকট প্রেরিত ও সিমলা-বৈঠকে তৎসম্বন্ধে আলোচনা। মহাআজীর ‘নবজীবন’-প্রেস চিরতরে বাজেয়াপ্ত।

৩রা—উত্তর-পশ্চিম সীমান্ত প্রদেশের হাকামার বিসৃত

বিবরণ গবর্ণমেন্ট কর্তৃক প্রকাশিত। নিউ ইয়র্কে ভূতপূর্ব প্রেসিডেন্ট মিঃ কুলিঙ্গ কর্তৃক ভারতের স্বাধীনতা উত্তরাধিকারে আগতি।

৪৪—শ্রীযুক্ত সুভাষ বসু কলিকাতা কর্পোরেশনের মেয়র নির্বাচিত। পৃথিবীর সর্বাপেক্ষা বৃহৎ সেতু সিডনি হারবার ব্রিজের কার্য সমাপ্ত। কলিকাতার ইংরাজগণ কর্তৃক ইউরোপীয়ান এসোসিয়েশনে সাইমন বিল সম্বন্ধে অভিমত প্রকাশিত। কংগ্রেস-সভাপতি আবুল কালাম আজাদ গ্রেপ্তার।

৫ই—কলিকাতা বিশ্ববিদ্যালয়ের ভাইস চ্যান্সেলার ডঃ

সারওয়র্দি কর্তৃক “বিদ্যালয়-সমূহে রাজনীতি” সম্বন্ধে বক্তৃতা। ফরিদপুরের মুসলমান যুবক জমিদার লালমিয়া গ্রেপ্তার। সপ্ত ও জয়াকার সিমলায় উপস্থিত।

৬ই—দিল্লীর টিক কমিশনার কর্তৃক কংগ্রেস বেআইনী বলিয়া ঘোষিত। ডাঃ আনসারী, পণ্ডিত মালব্য, ডাঃ বিধানচন্দ্র রায় প্রভৃতি ১০ জন নেতা গ্রেপ্তার। স্যর নীলরতন সরকার কর্তৃক মতিলালের স্বাস্থ্য পরীক্ষা।

৭ই—মাদ্রাজ স্বদেশী-মেলায় স্বাজ সম্বন্ধে আচার্য্য প্রফুল্লচন্দ্রের বক্তৃতা। মেদিনীপুরে পুলিশের গুলি বর্ষণ। নেতৃবৃন্দ ধৃত ও কারাদণ্ডে দণ্ডিত।

৮ই—ডালহৌসী স্কোয়ারে পুলিশ কমিশনার স্যর চালস টেগার্টের প্রতি জোড়া বোমা নিক্ষেপ। ঢাকা হাঙ্গামার বিবরণ প্রকাশিত।



ডাঃ আনসারী



মীরা বেন

৯ই—কলিকাতা জোড়াবাগান কোর্টের নিকট আর একটি বোমা নিক্ষিপ্ত। ডালহৌসী স্কোয়ারে বোমা নিক্ষেপ সম্পর্কে ১৩জন বাঙ্গালী ভদ্রলোক ধৃত।

১০ই—কলিকাতা খিদিরপুরে আর একটি বোমা নিক্ষিপ্ত। মৌলানা আবুল

কালাম আজাদ ছয় মাস কাবাদণ্ডে দণ্ডিত। মেদিনীপুর হত্যাকাণ্ডের মামলা।

১১ই—গভর্নর কর্তৃক ঢাকায় পুলিশ প্যারেডে বক্তৃতা। ঢাকায় বঙ্গের ইন্স্পেক্টর জেনারেল মিঃ লোম্যান ও ঢাকার পুলিশ সুপারিন্টেন্ডেন্ট মিঃ হডসন গুলির আঘাতে আহত। আসাম বন্যা রিলিফ কমিটির রিপোর্ট প্রকাশিত।

১২ই—শ্রীমতী হংস মেহতা ধৃত। মিঃ লোম্যানের অবস্থা সঙ্কটাপন্ন ও মিঃ হডসনের অবস্থা কিঞ্চিৎ আশা প্রদ।

১৩ই—ইন্স্পেক্টর জেনারেল মিঃ লোম্যানের মৃত্যু। ভবানীপুর হাজাগার সম্পর্কে ৬জন শিখ ধৃত

১৫ই—বোম্বাইয়ে ৬০,০০০ মিলের শ্রমজীবীগণের

বেকার সমস্যা। কাবুলের ভূতপূর্ব রাজা আমানুল্লাহর কনষ্টাব্টিনোপলে উপস্থিতি।

১৬ই—চন্দননগরে একটি বাটিতে বোমা আবিষ্কারের ফলে পুলিশ কর্তৃক ১জন হত ও ৪জন আহত ও ধৃত। শ্রীমতী হংসমেহতার ৩ মাসের কারাদণ্ড।

১৭ই—মিঃ সক্র ও জয়াকারের শান্তি-স্থাপনের প্রয়াস বিফল। কলিকাতার হেলথ কমিটি কর্তৃক সহরে ম্যালেরিয়া বিস্তারের আশঙ্কা।

১৮ই—বোম্বাইয়ে ভারতীয় বঙ্গ-ব্যবসায়ীগণ-কর্তৃক বিলাতী বস্ত্র—বর্জনের দৃঢ় সংকল্প। কলিকাতা হাইকোর্টে মেছুয়া বাজার বোমার আপিল মামলার শুনানী।

১৯এ—লাহোর ষড়যন্ত্রের রিপোর্ট প্রকাশিত। কংগ্রেস-নেতৃগণের সহিত শান্তিস্থাপনপ্রয়াসীদিগের পত্র আদান-প্রদান। বাগবাজারে শ্রীযুক্ত গিরিজাভূষণ রায়ের

সভা-পতিত্বে কলিকাতা ১নং ওয়ার্ড কবি-রাজবৃন্দের সম্মেলন। ১নং পল্লী আয়ুর্বেদ পরিষদ নামে স্থায়ী সমিতি গঠন।

২০এ—নাগপুরে গণপতি শোভাযাত্রা উপলক্ষে হাজাগা ও ৬জন আহত। দার্জিলিং হিমালয়ান রেলের ট্রেন দুর্ঘটনার জন্য ট্রাফিক সুপারিন্টেন্ডেন্ট মিঃ ক্র্যাগস্ অভিযুক্ত। ১০০০ টাকা জরীমানার আদেশ।

২১এ—পণ্ডিত মতিলালের শারীরিক অবস্থা সঙ্কটাজনক। ঢাকা মেলে লাইনচ্যুত ৪জন হত এবং ৫৪ জন আহত।

২২এ—বোম্বাইয়ের অন্তর্গত দ্বারভীতে হিন্দু-মুসলমানে সংঘর্ষ। ৩জন হত ও ২৪জন আহত। রাণাঘাটের খানালুটের মামলার বিচার। ১৯ জন অপরাধী কারাদণ্ড।

২৩শে - পণ্ডিত মতিলাল নেহেরুর নাইনী জেল হইতে মুক্তি দান। কলিকাতায় বিষম কাণ্ড। শ্রীমতী মীরাবাই এর অভ্যর্থনাসূচক শোভাযাত্রায় পুলিশ কর্তৃক বাধাপ্রদান। হাওড়া পুলের নিকট ও আশুতোষ বিল্ডিংএর নিকট ও কলিকাতা ইউনিভার্সিটিতে গোলযোগ।

২৯এ—শ্রীমদ্ স্বামী সচ্চিদানন্দ সরস্বতীর জন্মোৎসব—কাশীধাম, আনন্দাশ্রমঅনুষ্ঠিত। উহাতে শ্রীযুক্তপ্রসাদ সর্বাধিকারী রচিত একখানি সুন্দর সঙ্গীত গীত হয়।



শ্রীমৎসচ্চিদানন্দ গোস্বামী



আলাপ-আলোচনা

বাঙ্গালী অধ্যাপকের কৃতিত্ব

কলিকাতা বিশ্ববিদ্যালয়ের নৃতত্ত্বের অগ্রতম অধ্যাপক শ্রীযুক্ত পঞ্চানন মিত্র এম-এ, মহাশয় বহুদেশ পর্যটন করিয়া সম্প্রতি দেশে ফিরিয়া আসিয়াছেন। তিনি আমাদের বিশ্ববিদ্যালয়ের একজন কৃতী ছাত্র, প্রেমচাঁদ রায়চাঁদ বৃত্তিভূক। ১৯২৯ সালে “পলিনেশীয় সভ্যতায় ভারতের দান”—সম্বন্ধে গবেষণা করিবার জন্ত হনুলুলু ব Bishop Museum এর কর্তৃপক্ষগণ তাঁহাকে নিমন্ত্রণ করিয়া লইয়া যান। সেখানে তাঁহার পাণ্ডিত্যের পরিচয় পাইয়া হাউই বিশ্ববিদ্যালয় তাঁহাকে “ভারতবর্ষ” সম্বন্ধে বক্তৃতা দিবার

Oahu-Kanaii, Samoa, Taviuni, Tahiti, ফিজি, নিউজিল্যান্ড প্রভৃতি প্রশান্ত মহাসাগরের দ্বীপপুঞ্জে ভ্রমণ করেন। তিনি এমন অনেক দ্বীপে গিয়াছিলেন যেখানে তাঁহার পূর্বে কোন ভারতবাসী পদার্পণ করেন নাই। ইহার পর তিনি আমেরিকার ইয়েল বিশ্ববিদ্যালয়ে প্রসিদ্ধ নৃতত্ত্ববিদ ডাক্তার ক্লার্কউইসলার সাহেবের নিকট “Historical investigations into the methods and research concepts on American Anthropology” বিষয়ে গবেষণা করিবার উক্ত বিশ্ববিদ্যালয়ে-সর্বোচ্চ উপাধি ডক্টর অব ফিলসফি (Ph. D.) পান।



অধ্যাপক শ্রীপঞ্চানন মিত্র

জন্ত নিমন্ত্রণ করেন। তাঁহার সারগর্ভ বক্তৃতায় তাঁহার অসাধারণ পাণ্ডিত্য, জ্ঞান-গরিমা ও প্রত্নতত্ত্বের প্রতি অকৃত্রিম অনুরাগের পরিচয় পাইয়া শ্রোতৃবৃন্দ মুগ্ধ হইয়া গিয়াছিল। এই সকল স্থানে তিনি ভারতের বিদগ্ধ-সমাজের মুখোমুখি করিয়া আসিয়াছেন। ইহার পর তিনি Hawaii

ইতিপূর্বে আমেরিকার বিশ্ববিদ্যালয়ে আমেরিকার নৃতত্ত্ব বিষয়ে কোন ভারতবাসী গবেষণা করেন নাই। ইহার পর তিনি “American School of Prehistory”র সদস্য হইয়া উহার অধ্যক্ষ ডাক্তার ম্যাককার্ডির সহিত ফ্রান্স ও স্পেনের Altamoa, Castillo, Nianx প্রভৃতি প্রসিদ্ধ

প্রাগৈতিহাসিক স্থানগুলি পরিদর্শন করেন, এবং স্পেনের পেণ্ডো নামক গুহায় খনন কার্যে স্বতঃপ্রবৃত্ত হইয়া সাহায্য করেন। তারপর তিনি ফ্রান্স ও ইংলণ্ডের প্রসিদ্ধ প্রত্নতাত্ত্বিকদের সহিত আলাপ-আলোচনা করিয়া ও বিশ্ববিদ্যালয়গুলির এ বিভাগের কার্য প্রণালী কি ভাবে অক্ষুণ্ণিত হয়, তাহা পর্যবেক্ষণ করিবার সুবিধা পাইয়াছেন। আশা করি শীঘ্রই আমরা তাঁহার নিকট নৃতত্ত্ব-সম্বন্ধে নূতন কথা শুনিতে পাইব।

* * * *

অভিনেতার সম্মান

প্রসিদ্ধ নট শ্রীযুক্ত শিশিরকুমার ভাট্টা এম.এ, গত ২০এ ভাদ্র আমেবিকা যাত্রা করিয়াছেন। তাঁহার দল-বল ২৫এ ভাদ্র তাঁহার ভ্রাতা শ্রীদিশনাথ ভাট্টার অধিনায়কত্বে গমন করিয়াছেন। সেখান হইতে নিমন্ত্রণ পাইয়া তিনি যাইতেছেন।

বাঙ্গালার একজন সম্মান যদি নাট্য-কলায় পৃথিবীতে যশোলাভ করেন তো বাঙ্গালী মাত্রেই গর্বের বিষয় হইবে। আমেরিকাবাসী তাঁহার অভিনয়-কলার যথোচিত পুরস্কার দিতে যে রূপণতা করিবেন না তাহা নিঃসন্দেহে বলিতে পারা যায়। শিশিরকুমারের যাত্রা সফল ও সার্থক হউক ইহাই আমাদের কামনা।

* * * *

বাঙ্গালী সাঁতারুর কৃতিত্ব

সম্প্রতি শ্রীমান্ প্রফুল্লকুমার ঘোষ একাদিক্রমে ৬৭ ঘণ্টা ১০ মিনিট হেড্রা পুষ্করিণীতে সম্ভরণ দিয়া সহনশীলতার যে অপূর্ব পরিচয় দিয়াছেন তাহা অনন্তসাধারণ। গত বৎসর পঞ্চপুষ্প সাঁতার সম্বন্ধে যে সকল সচিত্র প্রবন্ধ বাহির হইয়াছে তাহা হইতেই জানিতে পারা যায় যে, জগতের সাঁতারুদের ভিতর দু-এক জন ছাড়া কেহ এত অধিকক্ষণ সাঁতার দিতে পারেন নাই। এবিষয়ে জগতের ভিতর প্রধান স্থান অধিকার করিতে না পারিলেও শ্রীমান্ যাত্রা করিয়াছেন তাহা বাস্তবিকই গর্বের সামগ্রী, খেলা-ধুলার দিক হইতে শ্রীমান্ বাঙ্গালীর মুখ উজ্জ্বল করিয়াছেন। ২৮এ ভাদ্র কলিকাতা কর্পোরেশন তাঁহার এই কৃতিত্বে তাঁহাকে নাগরিকদের পক্ষ হইতে সম্বর্ধনা করিয়াছেন ও সুবর্ণের হাত-ঘড়ি পুরস্কার

দিয়াছেন। গত বৎসর মহম্মদ সূফী নামক জনৈক সাঁতারু যাহার সম্ভরণ-পটুতা প্রফুল্লকুমার অপেক্ষা অনেকাংশে কম, তাহাকে তাহার দেশবাসীরা ইংলিশ চ্যামেল উত্তীর্ণ হইবার জন্য বিলাত পাঠাইয়াছেন, আর বাঙ্গালীরা কি এই প্রসিদ্ধ সাঁতারুকে বিলাতে পাঠাইয়া প্রতিযোগিতায় দাঁড়াইবার অবকাশ দিবার সহায়তা করিবেন না?

* * * *

মোটর ইঞ্জিনিয়ারিংএ মাদ্রাজবাসীর কৃতিত্ব

মহামান্য মাদ্রাজ হাইকোর্টের জজ মিঃ আয়েঙ্গারেরপুত্র মিঃ বেণুস্বামী আয়েঙ্গার মোটর ইঞ্জিনিয়ারিংএ কৃতিত্ব দেখাইয়াই নিউইয়র্কে অটোমোবাইল ইঞ্জিনিয়ারদের সভার 'এসোসিয়েট সভ্য' নির্বাচিত হইয়াছেন। ইতিপূর্বে এই পদলাভের সৌভাগ্য কোন ভারতবাসীর ভাগো ঘটে নাই। এক্ষণে তিনি মাদ্রাসার গবর্নমেন্ট ইণ্ডাসট্রিয়েল ইনস্টিটিউটের সুপারিন্টেনডেন্ট।

* * * *

প্রথম ভারতীয় বাণিজ্যপোতের নাবিক

(Mercantile Marine)

এ বিষয়ে ভারতবাসীর লক্ষ্য বড় ছিল না। সম্প্রতি যে কয়জন ভারতবাসী ডাকরিণে বাণিজ্যপোতের নাবিক হইবার জন্য শিক্ষার্থীরূপে গিয়াছিলেন তাহাদের মধ্যে পার্শী যুবক বৈখোফ্র আর, এম, কাপ্তেন 'ক্যাডেট' এই সম্মানার্থ উপাধিতে ভূষিত হইয়া কৃতিত্বের পরিচয় দিয়াছেন। কাপ্তেন বহু পরিশ্রমে জাহাজ চালান কার্যে সম্যক পারদর্শিতা লাভ করিয়া বিগাতের পোয়েট লরিয়েট-প্রদত্ত সর্বোচ্চ পুরস্কার জেমস্ ম্যাক্সফিল্ড পারিতোষিক পাইয়াছেন। ডাকরিণে তিনি ক্যাডেট, কাপ্তেন উপাধির সহিত রোপ্যানিস্মিত 'কাপ' পাইয়াছেন। তাঁহার গুণগণনা ও কৃতিত্বের জন্য পরীক্ষকবৃন্দ (Board of Examiners) তাহাকে অতিরিক্ত সার্টিফিকেট প্রদান করিয়াছেন। এক্ষণে তিনি পি এণ্ড ও, এস, এন কোম্পানীর "খিদিরপুর" নামক চীনদেশ-গামী জাহাজে 'কেডেটে'র কার্য করিতেছেন। আমরা আশা করি ভারতবাসী যুবকেরা এই পার্শী যুবকের আচরিত মার্গে চলিয়া অনন্যস্থানের একটা নূতন পথ দেখিতে পাইবেন।

ভ্রম-সংশোধন

এ মাসের 'প্রাত্যহিক' গল্পের লেখক শ্রীযুক্ত মুটবিহারী মুখোপাধ্যায় বি-এল মহাশয় আষাঢ় মাসের পত্রে 'বিকৃত দস্তা নামে যে গল্পটি লিখিয়াছিলেন তাহা ভুলক্রমে তাঁহার নামের স্থলে শ্রী মুটবিহারী মজুমদারের নামে বাহির হইয়াছে। আমরা এই ভ্রুটির জন্য বাস্তবিকই দুঃখিত।

ভাদ্রসংখ্যা বঙ্গলক্ষ্মী সম্বন্ধে দুটা কথা

১৩৩৭ সালের ভাদ্র-সংখ্যা "বঙ্গলক্ষ্মীতে" 'বণিক' হইতে প্রাচীন ভারতের 'সূতা-কাটার স্ত্রী সহায়তা,' নামক একটি রচনা উদ্ধৃত হইয়াছে। তাহার একস্থলে আছে 'এখন বাঙলায় চরকা নাই' এবং অন্যত্র আছে, 'চরকা বাঙলার একটি সম্পদ ছিল, সে সম্পদলুপ্ত হইয়াছে। চরকায় যে সকল রমণী সূতা কাটিতেন, সূতা কাটা হয় না বলিয়া সেই সকল মহিলা সূচ-সূতার কাজ করেন'। পড়িয়া মনে হইল ঐ 'এখন' কখন? এ কোন্ বাঙলা দেশের কথা, যেখানের মেয়েরা চরকায় সূতা এখন আর কাটে না, যেখানে চরকা এখন লুপ্ত হইয়াছে। যিনি ঐ নিবন্ধের রচয়িতা তিনি কোন্ শতাব্দীর লোক, তাঁর রচনা কোন্ যুগের—তাঁর চোখের কোন অন্ধুখ নাই তো?

ঐ সংখ্যা বঙ্গলক্ষ্মীতে শ্রীযুক্ত গুরুসদয় দত্ত মহাশয়ের মৈমন সিংহে প্রদত্ত কোনও অভিভাষণও উদ্ধৃত হইয়াছে। তাহার একস্থানে আছে;—'হু একজন ছাড়া ষথার্থ সাহিত্যিক আজ কাল দেখা যায় না।' আই-সি-এস পাশ করা চোখে বাঙালার অনেক জিনিসই দেখা যায় না দেখিতেছি। বাঙালা দেশে আজকাল হু একজন ছাড়া সাহিত্যিকই নেই। যদি শুধু রবীন্দ্রনাথ ঠাকুর, প্রভাতকুমার ও শরৎচন্দ্র চট্টোপাধ্যায় এবং স্বর্ণকুমারী দেবী এবং কামিনী রায়ের নাম করি তাহা হইলেই সংখ্যা 'হু একজন' এর বেশী হইয়া যায়। 'বঙ্গলক্ষ্মী' কি আজকাল ব্যঙ্গ রচনার কারবার করিতেছেন?

"বিরাট গো গৃহ এণ্ড কার্টিং কোম্পানী

অত্যন্ত আশার কথা যে একটি নব-প্রতিষ্ঠিত সজ্ব দেশে স্বাস্থ্যযুক্ত ও বলিষ্ঠ গভী সৃষ্টি হারা দেশের ছফের অভাব ঘুগাইতে উত্তত হইয়াছেন। কোনও গো-বৎসর যাহাতে কসাইদের হাত হইতে উদ্ধার পায় সে ব্যবস্থাও ইহা হইতে হইবে। হুকাভাবে দেশের শিশুরা কুগ ও ভগ্নস্বাস্থ্য হইতেছে—এই প্রতিষ্ঠান কৃতকার্য হউক। এ প্রতিষ্ঠানের ঠিকানা ১০ এ কার্টিংক বসু ভেন, কলিকাতা।

মানময়া।

[শ্রীমতী সুরবালা বিশ্বাস]

কদমের মূলে নবীনা কিশোরী ভামের গুমরে গুমরি,
হেরিবনা আর কালরূপ বলি' নয়ন রেখেছে আবরি।'
বৃথা এ শাসন মানে কি নয়ন হেরিবারে চায় চকিতে,
যেথা কালাচাঁদ করুণা ভিখারী জানু পাতি' ব'সে মহীতে।

"হু আশুসার" কহিছে অধর,

"কর মধুপান,—শ্যাম মধুকর,"

বাহু কহে, "কেন বন্ধ-বাঁধনে এখনো বিরত তুধিতে?"



বন্ধ কহিছে, "এস হে দয়িত, বারি দান কর তুধিতে"।


শ্রবণ করিছে, “কত বিভাবরী মুরলীর রবুলাগিয়া,
ওই বুঝি বাজে, ওই বুঝি বাজে ছিনু এই আশে জাগিয়া,
আজি সে বাঁশরী, সে বাঁশরীধারী করুণা-ভিখারী অদূরে,
শোননাকি ধনি । সোহাগের বাণী বুকে তুলে লও বঁধুরে,
যে বাঁশীর তান জগতের প্রাণ,
আজি সে বাঁশরী ভূতল-শয়ান,
‘রাখ’ রাখ’ বলি চরণ-কমলে সে কাল মধুপ মাগিল,
মান-সরোবরে নীল পঙ্কজ ভাসিল আজিরে ভাসিল ।

কর কহে, “নাহি সহে বিলস, সাদরে উঠাও যতনে,
ধরণী ধন্য মানিল যে ধনে হেলা কেন সেই রতনে ?
রজনী যে যায়, কি হ’বে উপায় বৃথা অভিসার সাজে রে,
অযথা বেদনা দিওনা দিওনা নব নটবর রাজে, রে,
হৃদয় যাহারে করে আবাহন,
এস ব্রজরাজ, এস প্রাণধন !

তোমার বিরহ সহি অহরহ মিলন ক্ষণের লাগিয়া,
এ শুভ লগন কত সাধনার—ব্যর্থ রহিব জাগিয়া !

প্রভাহীন আজি গগনের চাঁদ, কালাচাঁদে হেরি কালিমা,
চাঁদিনী যামিনী ত্রিয়মান আজি হেরিয়া সেমুখ ম্লানিমা,
কানন-কুসুম হ’ল শোভাহীন, স্তবাস না বয় পবনে,
শারী শুক পিক গাহেনা হরিষে, নাচেনা ময়ূর সে বনে,
ষমুনার জল উজাননা বয়,
মুখর বাঁশরী নীরব যে রয়,
কহে সখীগণ, বৃথা কেন আর বেদনা দিতেছ ব্যথিতে,
ব্যর্থ হ’বে যে এই অভিসার রাখিলে ধূলি পতিতে ।





পল্লীর উন্নতি

সর্বপ্রথম প্রাণপণ চেষ্টা দ্বারা আধুনিক ও প্রাচীন নানা উপায়ে পল্লীকে স্বাস্থ্যের আবাস করিবার জন্য ম্যালেরিয়া ওলাউঠা প্রভৃতি ব্যাধিকে দূরীভূত করিতে হইবে। ইহাই প্রথম কথা। তার পর বহু শতাব্দীর দূষিত পল্লীর দীনভাবাপন্ন, বিকৃত পরশ্রীকাতর মন-গুলিকেও ব্যাধিমুক্ত করিতে হইবে। সকলই জানেন, পল্লী দলাদলির অধিষ্ঠানভূমি এবং পরশ্রীকাতরতা দলাদলির জন্ম দিয়া থাকে। শুধু বক্তৃতা দ্বারা পরশ্রীকাতরতা দূর হইবে না। কর্ম্মাগণের সুস্পষ্ট আদর্শ, নানা প্রকার কুটীরশিক্ষা, সমবায়, ব্যবসা, চাষবাসের উন্নতি সাধন দ্বারা পল্লীর অর্থনৈতিক উন্নতির ব্যবস্থা করিয়া বেকার সমস্যার সমাধান না করিলে, নিষ্কর্মা পাটোয়ারী দলকে দলাদলিগুরু করা সম্ভবপর নহে। ইউনিয়ন বোর্ড পরিচালন জন্য এক একটা ইউনিয়নে ৬ জন যোগ্য লোক পাওয়া পর্যাপ্ত দুর্ভাগ্য। কিন্তু পল্লীর দাসত্বপ্রবণতা শুধু রাজনৈতিক নহে। শত শত সামাজিক কুসংস্কার ও গতানুগতিকতার পায়ে পল্লীর জনসাধারণ এমন মর্মান্তিক ভাবে নিঃশেষ বিচারবুদ্ধি, মনুষ্যত্ব ও সুখস্বাচ্ছন্দ্য বিসর্জন দেয়, কোন বেদনা বোধ করে না, অভিযোগ পর্যাপ্ত করিতে জানে না—যে, তাহা ঘটকে না দেখিলে বিশ্বাস করা যায় না। এই পল্লীর শরীর ও মনকে সবল সুস্থ করিয়া তোলাই পল্লীসংস্কার-প্রয়াসীর সবচেয়ে অগেকার কাজ। তার পর সুস্থ সবল দেহ মনের অধিকারী পল্লীবাসীকে গণতন্ত্রের শিক্ষায় শিক্ষিত করিয়া তুলিবার প্রয়োজন অনুভূত হইবে। ইউনিয়ন বোর্ডের কর্তৃপক্ষগণ আপনাদিগকে সর্বকক্ষমতার অধিকারী মনে না করিয়া প্রত্যেক ব্যাপারে পল্লীর যতানুসারে আপনাদিগকে ও বোর্ডের সকলকে পরিচালিত করিলে ইহা চূঃসাধ্য হইবে না। প্রত্যেক ওয়ার্ডে বা গ্রামে লইয়া একটা করিয়া করদাতা সমিতি গঠন করা প্রয়োজন। উক্ত সমিতিগুলিতে ঘাটতে গ্রামবাসী যোগদান করেন, সেজন্য ইউনিয়ন বোর্ড সভ্যগণ প্রচার-চেষ্টা করিবেন। বজেটের খসড়া, বর্ধান্তে পরীক্ষিত আয়-ব্যয়ের হিসাব, নগদ টাকা-পয়সার ব্যবস্থা, জনহিতকর প্রত্যেক কার্যের পরিচালন, সর্বপ্রথম এই সব করদাতা সমিতিতে আলোচিত হওয়া প্রয়োজন। এবং যথাযথ তাহাদের নির্ধারণ অনুসারে সেই সব ব্যবস্থা করিতে হইবে। বৎসরে মোট কত টাকা ইউনিয়ন রেন্ট নির্ধারণ করা আবশ্যিক ও কানের কত টাকা টেন

হওয়া প্রয়োজন, এই সব সমিতিই নির্ধারণ করিয়া দিবেন। ইউনিয়ন বোর্ডের সভ্য ও সভাপতি এই সব করদাতাগণের সমীপে উপস্থিত হইয়া বোর্ডের পক্ষ হইতে তাহাদের বক্তব্য জ্ঞাপন করিবেন, এবং প্রতিবারের নির্বাচনে ভোটারের কর্তব্য ও দায়িত্বসমূহ তাহাদিগকে বুঝাইয়া দিয়া তবুযায়ী রাজনৈতিক শিক্ষা প্রদান করিবেন। তাহা হইলে বোর্ড যোগ্য ব্যক্তিদ্বারা গঠিত হইবে এবং বাংলার পল্লী ধীরে ধীরে গণতন্ত্রের পথে পদার্পণ করিতে শিখিবে। এইরূপ শুদ্ধ মন লইয়া পল্লীসংস্কার কার্যে ব্রতী হইতে পারিলে পল্লীর রাজনৈতিক সম্প্রসারণ, অভাব-অভিযোগের ও বাবতীয় বাদ-বিসম্বাদের মীমাংসা ও অর্থনৈতিক সমাধান দ্বারা যে সুস্থ সুন্দর পল্লী গঠিত হইয়া উঠিবে সেইগুলিকে সজ্জবদ্ধ করিয়া সমষ্টিগত নৃক্ষিসাধনার সঙ্গে সঙ্গে যে বিরাট সবল জাতীয়-জীবন বাংলায় গড়িয়া উঠিবে,— তাহার তুলনা নাই।

পল্লী-স্বরাজ

কৃষি কৌশল

কোন ক্ষেত্রে চূণের অভাব হইলে তাহার উর্বরতা-শক্তি কমিয়া যায়। ক্ষেত্রে চূণ আছে কিনা তাহা পরীক্ষার সহজ উপায় ক্ষেত্রের ২৪ স্থানের ২৪ কোদাল মাটি তুলিয়া তাহা শুক করিয়া খুব সুন্দর চূর্ণে পরিণত করিতে হইবে এবং সমস্ত পৃথক পৃথক স্থানের মাটি একত্র মিশাইয়া ২৪ আউন্স একটা লৌহের হাতায় লইয়া আগুনে চড়াইয়া গম্বীভূত করিয়া ফেলিতে হইবে। এই ভস্মগুলি যখন শীতল হইবে, তখন একটা কাঁচের গ্লাসে যথেষ্ট পরিমাণ জল দিয়া সেই চূর্ণগুলি ফেলিয়া দিয়া একটা কাটি দ্বারা বা কাঁচের দণ্ড দ্বারা নাড়িতে হইবে। এই যে আটারমত জব্যটি হইবে, ইহাকে ১ আউন্স হাইড্রোক্লোরিক অ্যাসিড বাহা মিটেটিক অ্যাসিড অথবা স্পিরিট অফ সল্ট নামে বিক্রয় হয় তাহাই মিশাইতে হইবে; এবং খুব ঘন ঘন নাড়িতে হইবে। যদি এই পদার্থটা ফুটিতে থাকে, তাহা হইলে বুঝিতে হইবে যে ক্ষেত্রে যথাযোগ্য চূণের অংশ বিদ্যমান আছে; আর যদি না ফুটিতে থাকে বা অতি সামান্য ফুটে, তাহা হইলে ইহার চূণ নাই বা চূণের অংশ অতি সামান্য আছে বুঝিতে হইবে। হুতরাং চূণ দেওয়া আবশ্যিক আছে।

হাজারী কাঁটাল

যে গাছে শত শত, হাজার হাজার কাঁটাল ফলে, সেই গাছেই

উক্ত নামে অভিহিত করা হইয়া থাকে। অনেকে ইচ্ছা করিলে বহু-ফলধারী কাঁটাল তৈয়ারী বৃক্ষ করিতে পারেন। তবে বিশেষ সাবধানত ও যত্ন না লইলে একরূপ গাছ প্রস্তুত করা কঠিন। প্রথমত বীজের জন্ত একটি কাঁটাল বাছাই করিতে হইবে। অনেকই বোধ হয় জানেন যে, যে কাঁটাল সরু ডালে ফলে, তাহার বীজের গাছ শীঘ্র ফলবান হইয়া থাকে। কথাটা নিতান্ত ভিত্তিহীন নহে। সেই কারণে হাজারী কাঁটালের গাছের জন্ত এমন একটি কাঁটাল সংগ্রহ করা চাই, যাহা গাছের সরুডালে ফলিয়াছে। সেই কাঁটালটি বেশ নিটোল এবং সুপক হইবে। সেই কাঁটালকে আন্ত মাটির নীচে উর্দ্ধাধঃভাবে অর্থাৎ বোঁটাটা উপর দিকে রাখিয়া ঠিক সোজাভাবে পুঁতিয়া ফেলিলে এবং বেশ করিয়া মাটি চাপা দিয়া কাঁটার বেড়া দিবে। নতুবা শিয়াল কুকুরে কাঁটালটা খাইয়া ফেলিতে পারে। কিছুদিন পরে কাঁটালের বোঁটাটা আলুগা হইলে টানিয়া বাহির করিয়া ফেলিয়া দিবে। বোঁটাটি তুলিয়া লইলে কাঁটালের ভিত্তর সরানরি একটা লম্বা ছিদ্র হইবে—সেই ছিদ্রটা আলুগা মাটি দিয়া ঢাকিয়া দিতে হইবে। যথাসময়ে এক গোছা চারা সেই ফোকর হইতে বাহির হইতে থাকিবে।

এখন এই চারাগুলি যতই বাড়িবে ততই খড় দিয়া জড়াইয়া একত্র করিয়া দরকার।

গাছের গুঁড়টা যত লম্বা রাখা প্রয়োজন ততদূর খড় দিয়া এইরূপ ভাবে চারাগুলিকে এক সঙ্গে বাঁধিয়া যাইতে হইবে। পরিণামে সমস্ত গাছগুলি একত্র সম্মিলিত হইয়া একটি গাছে পরিণত হইবে এবং সুন্দর শাখা-প্রশাখায় শোভিত হইয়া যথাকালে ফলিতে আরম্ভ করিবে। এইরূপে হাজারী কাঁটাল গাছ জন্মান হইয়া থাকে।

বারমাস লেবু ফলাইবার উপায়

যখন বসন্তকালে লেবুর ফুল ধরে তখন গাছের অর্ধেক বা বারমানা আশ্রয় ফুল নষ্ট করিয়া দিতে হয়। অথবা লেবু কচি অবস্থাতেই ভাঙ্গিয়া খাইতে হয়। এইরূপ করিলেই বারমাস লেবু ধরিতে আরম্ভ করে। এইরূপে আমের মুকুল ভাঙ্গিয়া দিয়া বারমাসে আমগাছও করা হয়।

—চুঁচুড়া বার্তাবহ

অর্থাগমের উপায়

আমাদের দেশের আনাচে-কানাচে জীবনধারণোপযোগী প্রকৃতি-দত্ত কত উপায়ই যে পড়িয়া রহিয়াছে, তাহার ইঙ্গিত করা যায় না। বিদেশীরা আমাদের চোখের সামনে সেই সমস্ত জিনিস লুণ্ঠন করিয়া ধনী হইতেছে।

হরীতকী গাছ আকারে আম কাঁটাল গাছ অপেক্ষাও বড় হইয়া থাকে। এই গাছ মাদ্রাজ, বোম্বাই, বাঙ্গালা, ছোট নাগপুর উদ্ভিঙ্গা প্রভৃতি স্থানে প্রচুর পরিমাণে জন্মিয়া থাকে।

হরীতকী গাছের কস, ছাল, পাতা, কাণ্ড সমস্তই আমাদের কাজে

লাগে। হরীতকী কাঠ খুব শক্ত এবং উহাতে উই ধরে না। কেহ কেহ বলেন যে, হরীতকী পাতা খাওয়াইলে গরুর দুধ খুব বৃদ্ধি হয়। কয়েক বৎসর হইতে প্রচুর পরিমাণে হরীতকী বিলাতে চালান হওয়ার ব্যবসা হিসাবে উহার কদর খুব বাড়িয়া গিয়াছে।

জামতাড়া, দুমকা অঞ্চলে গঙ্গা নামক এক শ্রেণীর বুনো লোক বাস করে। উহারা প্রচুর পরিমাণে হরীতকী সংগ্রহ করিয়া ঔষধ এবং রং তৈয়ারী করিবার জন্ত বাজারে বিক্রয় করে। জব্বলপুরের হরীতকীই সর্বোৎকৃষ্ট। ঐ সকল হরীতকী-বহুল স্থান হইতে হরীতকী সংগ্রহ করা বিশেষ কষ্টসাধ্য নহে। সর্বপ্রথম, বাগানগুলি এক বৎসরের জন্ত “বন্দোবস্ত” লইতে হয়। ফলগুলি পাকিলে লোক দ্বারা পাড়াইয়া কলিকাতা বড়বাজারে হরীতকীর আড়তে চালান করিতে পারিলে প্রচুর অর্থাগম হয়।

হরীতকী, চামড়া পরিষ্কার এবং সংশোধন করিবার জন্ত ব্যবহৃত হইয়া থাকে। হরীতকীর কষ কাপড় ছোপাইলে এক প্রকার ছাইয়ের রং পাওয়া যায়। হরীতকী-ভিজান জলে ফিটকিরী মিশাইলে উৎকৃষ্ট পীতবর্ণ পাওয়া যায়; কিন্তু কাল রং তৈরী করিতেই ইহার ব্যবহার বেশী, হরীতকীর কষের সহিত একটু গুড় কিংবা নীল মিশাইলে রংএর উজ্জ্বলতা সম্পাদিত হয়। পূর্ববঙ্গের কোন কোন স্থানে ইহার সহিত গাবের কষ মিশাইয়া লিখিবার কালী প্রস্তুত হয়। ছোট নাগপুরে হরীতকীর সহিত ‘কুম্ভ ফুল’ মিশাইয়া কাল রং করা হয়। চট্টগ্রামে হরীতকী দ্বারা যে কাল রং প্রস্তুত হয়, তাহা কাপড় ছোপাইবার পক্ষে উৎকৃষ্ট। হোঁরা কষ ও হরীতকীর কষ আধাআধি মিশাইলে খাকি রং পাওয়া যায়। মাদ্রাজ অঞ্চলে তুলা, চামড়া এবং পশমে খয়ের রং করিতে হরীতকী বহুল পরিমাণে ব্যবহৃত হইয়া থাকে। হরীতকীর কষ মিশ্রিত জলের সহিত তেঁতুল এবং নীল মিশাইয়া কাল ও সবুজ, নীল মিশাইয়া ঘন নীল এবং খরের মিশাইয়া পিঙ্গল রং পাওয়া যায়। কেহ কেহ হরীতকীর কাদা মিশাইয়া এক প্রকার উৎকৃষ্ট পুটিং প্রস্তুত করিয়া থাকে। হরীতকীর ছাল হইতেও কাল এবং খাকি রং পাওয়া যায়। মণিপুরে বাঁশের রং করিতে এবং আসামে তসর, কোরা, এতি, মুগা এবং পশমে রং করিতে হরীতকী ব্যবহৃত হইয়া থাকে। কিন্তু আমাদের দেশ হইতে যে সমস্ত হরীতকী বিদেশে রপ্তানী হয়, তাহা চামড়া পাকা করিবার জন্তই ব্যবহৃত হয় এবং বিদেশে শুধু এইজন্তই ইহার এত আদর।

ইংলণ্ড, অস্ট্রিয়া, বেলজিয়াম, চীন, জাপান, অস্ট্রেলিয়া, আমেরিকা ফ্রান্স, জার্মানি ইটালী, রুশিয়া এবং পৃথিবীর অন্যান্য বহু স্থানে প্রচুর পরিমাণে ইহার রপ্তানি হইতেছে এবং দিন দিন চাহিদা ও দর বাড়িয়া যাইতেছে। কলিকাতা হইতে রেলিভাদাস, গিলেতার প্রভৃতি বণিকগণ হরীতকী বিদেশে চালান দিয়া থাকেন। কলিকাতা বড়বাজারের পোস্তার ইহাদের আড়ত আছে।

বৎসরে আমাদের দেশ হইতে কত হরীতকী বিদেশে চালান

হইয়াছে এবং ঐ হরীতকী দ্বারা ব্যবসায়িগণ কত টাকা পাইয়াছেন নিম্নে তাহার ছোট একটু হিসাব দিলাম—

১৯২০—২১, ৩৯,৬৪৭ টন দাম ২৭১,৮৭০ পাঃ, ১৯২১—২২, ৬১, ৯৪৭ টন দাম ৩৯১,১০৬ পাঃ, ১৯২২—২৩, ৭২,০৬৮ টন দাম ৪৯৩৯৪৭ পাঃ, মাত্র তিন বৎসরে ১ কোটি ৭৩ লক্ষ টাকার হরীতকী আমাদের দেশ হইতে বিদেশে চালান হইয়াছে। তবু আমরা নিরন্ন!

(আর্থিক উন্নতি, জ্যৈষ্ঠ, ১৩৩৭)।

—রঙ্গপুর-দর্পণ

বঙ্গদেশের প্রাথমিক শিক্ষা

মহামতি গোখল ভারতের নিম্নশিক্ষা বাধ্যতামূলক করিবার জন্ত আন্দোলন উপস্থিত করেন। তখন হইতে সংবাদপত্রে, সভায়, ব্যবস্থাপরিষদে এই ব্যাপার লইয়া যথেষ্ট আলোচনা ও আন্দোলন চলিয়া আসিতেছে। সরকারপক্ষ অর্থাভাবে কৈফিয়ৎ প্রদান করিয়া এতকাল যাবৎ এই অবশ্যকরণীয় কার্যে উদাসীন প্রদর্শন করিয়া আসিতেছেন। গবর্ণমেন্ট প্রাথমিক শিক্ষার ব্যয়বহনে অস্বীকার করার জন্তই ব্যবস্থাপক সভায় এই অত্যাবশ্যক বিলটি পরিত্যক্ত হইয়া আসিতেছে।

এবার পুনরায় সেই বিল ব্যবস্থাপক সভায় উপস্থিত করা হইয়াছে। এই বিল দোষ-পরিশুদ্ধ হইয়াছে, এমন কথা কেহই বলিতে পারেন না এবং উহা সংশোধন করা হইবে না, তাহা বলাও সমীচীন হইবে না। যাহারা বিলের সমর্থক এবং যাহারা বিলের বর্তমান আকারের বিরোধী উভয়েই শেখলক্ষ্য বাধ্যকরী নিম্ন-শিক্ষার প্রবর্তন। তর্ক সেই লক্ষ্যের পছন্দ লইয়া মাত্র। এক পক্ষ বলেন, প্রজা ও জমিদারকে ট্যাক্স ধরিয়া এক কোটির বেশী টাকা পাওয়া যাইবে, তদ্বারা এই প্রতিষ্ঠান গড়িয়া উঠিবে। অপর পক্ষ বলেন, দেশের বেকর দুর্দিন, সাধারণ লোক ও জমিদার বিশেষ ভাবে বিপন্ন, এমত অবস্থায় তাহাদিগকে আর করত্বারে প্রপীড়িত করা চলে না। ঐ সকল লোক ঋণজালে জড়িত হইয়া জাহি জাহি করিতেছে। অতএব নিম্ন শিক্ষার ব্যয়ভার সরকার গ্রহণ করিয়া দেশের অজ্ঞানতা দূর করতঃ প্রজার মঙ্গলসাধন করুন। এই তর্ক হইতেই শিক্ষাবিল একদল সদস্ত সিলেক্ট কমিটিতে দিবার জন্ত অনুরোধ করিয়াছেন। মন্ত্রী বলেন, সিলেক্ট কমিটিতে গেলেই এই বিল পাথর-চাপা পড়িবে, ইহার প্রয়োগের আর সম্ভাবনা রহিবে না। অতএব এই বিলটি যে ভাবে গঠিত হইয়াছে, সেই ভাবেই গৃহীত হউক।

কথাটা লইয়া তর্ক উঠে। স্বায়ত্তশাসন-মন্ত্রী পদত্যাগ করেন এবং ৫০ জন হিন্দু সদস্য লইয়া তিনি সভাগৃহ পরিত্যাগ করেন।

এখন কথা হইতেছে কাজটা কিরূপ হইল। শিক্ষাবিল সরাসরি গ্রহণ করার বিরুদ্ধে মিঃ এ, কে ফজলুল হক ভীত বক্তৃতা প্রদান করিয়াছেন। অবস্থা-ক্রমে সাম্প্রদায়িক হইয়া পড়িয়াছে। এই

বিলের তর্ক সম্বন্ধে শিক্ষা-মন্ত্রী বলেন, পূর্ববঙ্গ জয়ণ করিয়া আমি বিলের পক্ষে প্রচুর সহায়ত্ব পাইয়াছি।

কথাটা এই যে, শিক্ষা বিলের আবশ্যকতা সন্দেহে বিষত নাই, কিন্তু দেশের অবস্থা দৃষ্টে সিলেক্ট কমিটির হাতে ইহাকে সমর্পণ না করিয়া কার্যকরী করার প্রস্তাব অনেকেই কিছুতেই সমর্থন করেন না। দেশের প্রজাসাধারণের উপর এক কোটি টাকার ট্যাক্স চাপাইবার সময় এখন নহে। ইহাই তাহাদের অজুহাত।

—ঢাকাপ্রকাশ

ভেজাল খদ্দর

আচার্য্য শ্রীযুক্ত প্রফুল্লচন্দ্র রায় লিখিয়াছেন—স্বদেশীর অমুপ্রেরণায় ঝাঞ্জালীর শিক্ষিত সম্প্রদায় আজ খদ্দরের দিকে বুঁকিয়া পড়িয়াছেন। তাহারা ধীরে ধীরে বুঝিতে শুরু করিয়াছেন যে, বস্ত্রে স্বাবলম্বী হওয়া খদ্দর ভিন্ন সম্ভবপর নহে। খদ্দর স্বদেশীর সর্বপ্রধান উপাধান। মূল্যের মহার্ঘতা সত্ত্বেও তাই আজ অনেকে খদ্দর কিনিতেও দ্বিধা করিতেছেন না।

কিন্তু এই চাহিদার বৃদ্ধিই খদ্দরের ব্যবসারে একটা হীন প্রতারণা এবং দেশদ্রোহিতার একটা সুযোগ আনিয়া দিয়াছে। স্বার্থই যাহাদের কাছে সর্বপেক্ষা বড় জিনিষ, এমনি ধরণের এক দল স্বার্থপর ব্যবসায়ী খদ্দরের ক্ষেত্রেও আসিয়া দাঁড়াইয়াছে এবং নিজেদের ব্যক্তিগত লাভালাভের জন্ত খদ্দরের ভিতরেও ব্যবসাদারীর অতি নিকৃষ্টতম পন্থাসমূহ অবলম্বন করিতে আরম্ভ করিয়াছে। ফলে আজ অসম্ভব মাত্রায় ভেজাল খাদি তৈয়ারী হইতেছে এবং খাদির পরিচয়ে তাহা বাজারেও বিক্রয়ার্থ হাজির হইতেছে।

এই ভেজাল খাদিটা যে কি জিনিষ, তাহা জানা দরকার। ভেজাল খাদি সামান্য কিছু চরকার সূতা এবং বেশীর ভাগই মিলের সূতার দ্বারা তৈরী হয়। যে মিলের সূতা তাহার ভিতর থাকে, অধিকাংশ ক্ষেত্রে তাহাও আবার জাপানী বা ল্যান্কাশায়ারে কলে তৈয়ারী। সূতরাং তাহাকে খাদি ত বলাই যায় না, দেশী জিনিষও বলা যায় না। দেশের নবজাগ্রত ভাবাবেগের সুযোগ লইয়াই এই অপবিত্র জিনিষটা দ্বারা অসাধু ব্যবসায়ীরা আমাদের পক্ষে ঠকাইতেছে—কেবল দেশান্ত্রবোধের দিক দিয়া নহে—অর্থনীতির দিক দিয়াও। কারণ, চরকার কাটা সূতার তৈয়ারী বলিয়াই বেশী দাম দিয়াও মানুষ উহা ক্রয় করে; নতুবা বিদেশী সূতা উহার ভিতর আছে জানিলেও জিনিষটা কোন লোক মিলের বস্ত্রের দামেও কিনিত না।

কিন্তু কেবলমাত্র ইহাই নহে। একটা সস্ত-প্রতিষ্ঠিত প্রকাণ্ড গৃহশিল্পের বনিয়াদকেও ভেজাল খাদি আলুগা করিয়া দিতেছে। ফেণী প্রভৃতি অকলে যে সমস্ত স্থানে এত দিনের চেটার জনসাধারণকে সূতা কাটার অভ্যস্ত করিয়া তোলা হইয়াছে, ভেজাল খাদির ব্যবসায়ীরা সেই সব স্থানে গিয়াও চড়া মূল্যে সব

হুতা কিনিয়া লইতেছেন। চড়া মূল্য দেওয়া তাঁহাদের পক্ষে কঠিন নহে। কারণ, তাঁহারা যে বস্ত্র তৈয়ারী করেন, তাহাতে চরকার হুতা সামান্যই থাকে, বেশী থাকে বিদেশী মিলের মোটা হুতা—তুলনার যাহার দাম অতি অল্প। কিন্তু ইহার কন কি হইতেছে? যে-সব প্রতিষ্ঠান শুদ্ধ ধন্দর লইয়া কারবার করেন, তাঁহারা প্রতিযোগিতায় পিছাইয়া পড়িতেছে। এইরূপে ইহাদের দ্বারা খাদি আন্দোলনটাই ব্যর্থ হওয়ার একটা আশঙ্কা দেখা দিয়াছে।

এক দিকে যেমন ইহার দ্বারা খাদি প্রতিষ্ঠানগুলির ধ্বংস হওয়ার সম্ভাবনা আছে, অল্প দিকে আবার তেমনি যাহারা হুতা কাটিতেছেন, তাঁহাদেরও বিপদের আশঙ্কা কন নহে। অজ্ঞ অস্থায় প্রতিযোগিতায় দুই পয়সা হয় ত তাঁহাদের বেশী আসিতেছে, কিন্তু খাদি প্রতিষ্ঠানগুলি যদি কৰ্মক্ষেত্র গুটাইয়া লন, তাঁহাদের উপার্জনের পথও চিরদিনের জন্য বন্ধ হইয়া যাইবে। দেশের লোক চিরদিন কখনো এরূপ নিৰ্বোধ থাকিবে না যে, ঐ ভেজাল জিনিষটিকে উহার যথার্থ মূল্য অপেক্ষা বিগুণ বেশী দাম দিয়া কিনিয়া লইবে। তাঁহাদের কাছে দুই দিন আগেই হোক আর পরেই হোক এ চাতুরী ধরা পড়িবেই। তখন ঐ ভেজাল খাদির ব্যবসাটী অকস্মাৎ

একদিন যেমন পজাইয়া উঠিয়াছিল, তেমনি একদিন আবার অকস্মাৎই ধসিয়া পড়িবে। কিন্তু তাহার আগে যদি প্রতিষ্ঠানগুলি নষ্ট হয় তবে দরিদ্র কাটুনী—যাহারা হুতা কাটিয়া দিনান্তে দুমুঠা আয়ের সংস্থান করিতেছে—তাঁহাদের আর দিন গুজরানেরও উপায় থাকিবে না।

যাহারা খাদি কেনেন তাঁহাদিগকে বুঝিতে হইবে, ভেজাল খাদি খাদি নহে, ও জিনিষটা সৰ্ব্বথা বর্জনীয়। খাদি যদি কিনিতে হয় তবে যাচাই করিয়া শুদ্ধ ধন্দর ক্রয় করিতে হইবে, এবং যাহারা হুতা কাটেন তাঁহাদিগকে বুঝিতে হইবে, ভেজাল খাদির ব্যবসায়ীদের কাছে চরকার হুতা বিক্রয় করা মহাপাপ, তাহা ত তাঁহাদের স্বার্থের অনুকুল নহে বরং তাঁহাদের পক্ষে আত্মহত্যারই নামান্তর মাত্র।

কেবল দেশান্ত্রবোধের দ্বারাই দেশ স্বাধীন হয় না। তাহার জন্য এই দেশান্ত্রবোধকে যথাযথভাবে কাজে লাগান দরকার। তাহার জন্য প্রয়োজন—গভীর অনুসন্ধিৎসা ও বিচারবুদ্ধির দ্বারা পথ যাচাই করিয়া লইয়া সেই পথে নিভুল ভাবে চলিবার শক্তি অর্জন করা।

ঢাকা প্রকাশ

সমালোচনা

বঙ্গের চৈতন্যপরবর্তী সহজিয়া ধর্ম (Post-Chaitanya Sahajya Cult of Bengal)। অধ্যাপক শ্রীমণীন্দ্রমোহন বসু, এম.-এ-লিখিত, এবং কলিকাতা বিশ্ববিদ্যালয় কর্তৃক প্রকাশিত। পৃ: ১৮+৩২০। মূল্য ৪।০ টাকা।

গ্রন্থকার তাঁহার ভূমিকায় লিখিয়াছেন যে নয় বৎসর বিশেষ গবেষণার ফলে তিনি এই পুস্তক রচনা করিয়াছেন। তাঁহার পরিশ্রম যে সার্থক হইয়াছে তাহাতে অনুমান সন্দেহ নাই। সহজিয়া ধর্ম-বিষয়ক যে সকল অদ্ভুত কথা সাধারণে প্রচলিত আছে, তাহাতে ইহার সম্বন্ধে একটা সঙ্গীর্ণ ধারণা অনেকেই পোষণ করিয়া থাকেন, এবং ইহাও সত্য যে এই ধর্মের প্রকৃত তত্ত্ব জানিবার একটা প্রবল আকাঙ্ক্ষাও অনেকের মনেই জাগরিত হইয়াছে। আলোচ্য গ্রন্থখানিতে মণীন্দ্রবাবু সহজ ধর্মের স্বরূপ ও ইতিহাস সম্বন্ধে যেভাবে আলোচনা করিয়াছেন তাহাতে তাঁহাদের সেই আকাঙ্ক্ষার নিবৃত্তি হইবে বলিয়া আমরা বিশ্বাস করি।

এক-একটি ধর্ম জগতে নানাভাবে গড়িয়া উঠিয়াছে; ইহাকে বুঝিতে হইলে বিভিন্ন দিক দিয়া অগ্রসর হইতে হয়। হিন্দুধর্মের দিককার ব্রহ্মের উপাসনা হইতে আরম্ভ করিয়া বুদ্ধতলে রক্ষিত

শিলাখণ্ডের পূজাও প্রচলিত আছে। ইহার দার্শনিক তত্ত্বের নিবৃত্তির জন্য বিভিন্ন দর্শনের সৃষ্টি হইয়াছে, তাহা হইতে দ্বৈতবাদ, অদ্বৈতবাদ, বিশিষ্টাদ্বৈতবাদ, জ্ঞানযোগ, ভক্তিয়োগ, কৰ্মযোগ প্রভৃতি বিবিধ তত্ত্বের সম্মান পাওয়া যায়। সহজিয়া ধর্মেরও এইরূপ বিভিন্ন প্রকার বিশিষ্টতা দৃষ্ট হইয়া থাকে। যে ধর্ম এদেশে ছোট বড় বহু লোকে অবলম্বন করিয়াছেন, পরকীয়া রমণী লইয়া সাধনাই যে তাহার একমাত্র বিশিষ্টতা নহে, ইহা নিতান্ত সাধারণ বুদ্ধিতেই ধরা পড়ে। মণীন্দ্রবাবু তাঁহার গ্রন্থে সহজিয়া ধর্মের বিভিন্ন প্রকার বিশিষ্টতা অতি সুন্দরভাবে প্রদর্শন করিয়াছেন। এই হিসাবেও তাঁহার এই গ্রন্থখানি অতিশয় উপাদেয় হইয়াছে।

গ্রন্থের প্রথম অধ্যায়ে বৈধী ও রাগানুগা সাধনা সম্বন্ধে বিস্তৃত আলোচনার পরে গ্রন্থকার দেখাইয়াছেন যে সহজিয়ারাও বৈকবদের স্থায় রাগানুগার শ্রেষ্ঠতাই স্বীকার করিয়াছেন। দ্বিতীয় অধ্যায়ে স্বকীয়া ও পরকীয়াবাদ লইয়া আলোচনা করা হইয়াছে। বৈকবদর্শনে পরকীয়ার শ্রেষ্ঠত্ব স্বীকৃত হইয়াছে, সহজিয়ারাও সেই মতাবলম্বী। স্বকীয়া হইতে পরকীয়া শ্রেষ্ঠ কেন, এবং পরকীয়া অবলম্বন করিবার দার্শনিক কারণ কি, ইত্যাদি বিষয় মণীন্দ্রবাবু

এমন সুন্দরভাবে আলোচনা করিয়াছেন যে পড়িলেই মুগ্ধ হইতে হয়। তারপর রমণী লইয়া সাধনার কথা। ইহার বিস্তৃত বিবরণ এই গ্রন্থে যাহা আছে, ইতিপূর্বে অল্প কোন পুস্তকে তাহা প্রকাশিত হয় নাই। অবশেষে পরকীয়ার দার্শনিক ব্যাখ্যা—ইহাতে অনেক নূতন তত্ত্বের সন্ধান দেওয়া হইয়াছে। পরকীয়া অর্থে পরধর্ম, নিকামধর্ম বা পরমাত্মার সাধনা—ইহাই সহজিয়া ধর্মের জ্ঞানকাণ্ডের বিশেষত্ব।

পরকীয়া রমণী লইয়া যে সাধনা তাহা তান্ত্রিক মতের, ইহা এক ভিন্ন স্তরের জিনিস, যেমন হিন্দু বৌদ্ধ প্রভৃতি বহু ধর্মেই আছে। কিন্তু ঐ সকল ধর্মও যেমন প্রধানতঃ দার্শনিক তত্ত্বের উপর প্রতিষ্ঠিত, সহজিয়া ধর্মের একটা দিকও সেইরূপ জ্ঞানের ভিত্তির উপর দাঁড়াইয়া আছে। গ্রন্থকার বিস্তৃতভাবে ইহা প্রদর্শন করিয়াছেন।


তৃতীয় অধ্যায়ে সহজিয়া ধর্মের ইতিহাস লইয়া আলোচনা করা হইয়াছে। রমণী লইয়া সাধনার প্রথা ভারতবর্ষে অতি প্রাচীনকালেও প্রচলিত ছিল। লেখক বেদ, উপনিষদ এবং বৌদ্ধ গ্রন্থ হইতে সঙ্কলন করিয়া ইহা প্রদর্শন করিয়াছেন। এইরূপ সাধনার দ্বারা যে আধ্যাত্মিক উন্নতি লাভ করা যায় তাহার দার্শনিক তত্ত্ব ধ্রুটোর বহিতেও রহিয়াছে। লেখক "বেঙ্কোরেট" নামক বহি হইতে সঙ্কলন করিয়া বর্তমান সহজিয়া মতের সহিত তাহার সাদৃশ্য প্রদর্শন করিয়াছেন। হিন্দু তন্ত্র ও বৌদ্ধ সহজিয়া মতেও স্ত্রীলোক লইয়া সাধনার ব্যবস্থা রহিয়াছে। এই উভয় ধর্মের নিকট বর্তমান সহজিয়ারা যে অনেক বিষয়ে ঋণী, তাহা বিস্তৃতভাবে অতি নিপুণতার সহিত আলোচিত হইয়াছে। চৈতন্য-পূর্ববর্তী যুগেও বৈষ্ণব ধর্মে বিশুদ্ধ সহজিয়া মতের প্রভাব পরিলক্ষিত হয়। বিবিধ ধর্মগ্রন্থ ও দানপত্রাদি হইতে সঙ্কলন করিয়া লেখক ইহা প্রদর্শন করিয়াছেন। এই, সকল মাল-মসলা হইতে বর্তমান সহজিয়া ধর্মের উপকরণ সংগৃহীত হইলেও ইহার প্রাণ-প্রতিষ্ঠা হইরাছিল চৈতন্যদেব-প্রচারিত বৈষ্ণব ধর্ম হইতে। উক্ত ধর্মের বিশেষত্ব কি, এবং কিভাবে তাহা হইতে বর্তমান সহজিয়া ধর্মের উদ্ভব হইয়াছে তাহা অতি সুন্দরভাবে লেখক প্রদর্শন করিয়াছেন। প্রেম মার্গীয় ধর্মের প্রবর্তন বৈষ্ণবগণ করিয়াছিলেন, তাহা হইতে প্রেমের সাধনা সহজিয়ারা অবলম্বন করিয়াছেন। যুক্তিপূর্ণ প্রমাণ প্রমাণের দ্বারা এই সকল বিষয় এমনভাবে ইতিপূর্বে আলোচিত হয় নাই।

চতুর্থ অধ্যায়ে সহজিয়া ধর্মের গুণতত্ত্ব সম্বন্ধে আলোচনা হইয়াছে। ভগবান সৎ, চিত্ত ও আনন্দময়। আনন্দের প্রকৃত অভিব্যক্তি প্রেমে, অতএব 'ভগবান প্রেমময়' এই ধারণাই সহজিয়ারা অবলম্বন করিয়াছেন। প্রকৃতি-পুরুষ নিত্য প্রেমে আবদ্ধ, জগতের সর্বত্রই এই প্রেমলীলা প্রকটিত রহিয়াছে। যে প্রেম-বলে সমগ্র জগতকে আপনার করিয়া লইতে পারে সেই সিদ্ধ পুরুষ। প্রকৃত সহজিয়া ধর্মের ইহাই মূল সূত্র। মনীন্দ্রবাবু এই দার্শনিক তত্ত্বগুলি অতি প্রাঞ্জলভাবে বুঝাইয়া দিয়াছেন।

পঞ্চম অধ্যায়ে সহজিয়া সাহিত্য লইয়া আলোচনা হইয়াছে। সাধারণের একটা বিশ্বাস আছে যে বর্তমান সহজিয়া ধর্ম বৌদ্ধ সহজিয়া ধর্ম হইতে উৎপন্ন। কিন্তু আশ্চর্যের বিষয় এই যে এক খানা সহজিয়া বহিতেও বৌদ্ধধর্ম কি কোন বৌদ্ধ গ্রন্থ সম্বন্ধে কিছু উল্লেখ নাই। অথচ এমন কোন সহজিয়া গ্রন্থ নাই যাহাতে চৈতন্য-চরিতামৃত গ্রন্থের কথা উল্লিখিত হয় নাই। সহজিয়ারা বিশ্বাস করেন যে চরিতামৃতে প্রচ্ছন্ন সহজিয়া মত প্রচারিত হইয়াছিল। অতএব তাঁহারা কথার কথায় উক্ত গ্রন্থের উল্লেখ করিয়াছেন। চরিতামৃত সহজিয়া ধর্মের ব্রহ্মসূত্র। আর একটা অতি জটিল বিষয়ের সমাধান মনীন্দ্রবাবু করিয়াছেন। রূপ, রঘুনাথ, জীব, কৃষ্ণদাস প্রভৃতি বৈষ্ণব মহাজনের নামে প্রচলিত অনেক সহজিয়া গ্রন্থ আছে। এই সকল বৈষ্ণবগণ যে সহজিয়া গ্রন্থ লেখেন নাই, এমন একটা সন্দেহ অনেকের মনেই জাগিয়াছে, কিন্তু কি প্রকারে এই সমস্তার সমাধান হইতে পারে, তাহার কোনই পন্থা এ পর্যন্ত আবিষ্কৃত হয় নাই। মনীন্দ্রবাবু যুক্তিপূর্ণ আলোচনার দ্বারা কতকগুলি সূত্র বাহির করিয়াছেন, যাহার সাহায্যে অনেক গ্রন্থের প্রকৃত রচয়িতার সন্ধান পাওয়া যাইতেছে। গ্রন্থশেষে প্রায় ২৫০ খানা চৈতন্য-পরবর্তী বৈষ্ণব গ্রন্থের নাম দেওয়া আছে, তাহার অধিকাংশই সহজিয়া মতের গ্রন্থ। এই সকল গ্রন্থের নাম অনেকেই শুনিয়াছেন, কিন্তু তাহা কোথায় পাওয়া যায়, তাহার সন্ধানও অনেকে জানেন না। মনীন্দ্রবাবু দেখাইয়াছেন যে এই সকল গ্রন্থ বিশ্ববিদ্যালয়ের পুথিখালার রক্ষিত আছে, এবং প্রত্যেক পুথির ক্রমিক নম্বরও তিনি প্রদান করিয়াছেন। সাহিত্যসেবী-মাত্রেই ইহাতে উপকৃত হইবেন তাহাতে অনুমানও সন্দেহ নাই।

সর্বশেষে আমাদের বক্তব্য এই যে এই সহজিয়া গ্রন্থখানি পাঠ করিয়া আমরা অতিশয় আনন্দিত হইয়াছি। সহজ-ধর্মের এমন গ্রন্থ ইতিপূর্বে প্রকাশিত হয় নাই।

Printed by Sarat Chandra Bhar at the Manasi Press, 77 Hari Ghosh Street and
Published by the same from the Panchapushpa Office, 28B, Telipara Lane, Calcutta.





তৃতীয় বর্ষ } আশ্বিন, ১৩৩৭ { ষষ্ঠ সংখ্যা

বিসর্জনে

[শ্রীযতীন্দ্রমোহন বাগচী, বি.এ]

এসে চ'লে গেছ-খবর পেয়েছি
 আজই বিদায়ের বাঁশীতে ;
 নানা ভক্তের সেবায় এবারে
 এঘরে পারনি আসিতে !
 আপনারে নিয়ে হেথা আমি হারা,
 যে কাজ দিয়েছ, তাই নিয়ে সারা,
 তব আগমনী চোখেই পড়েনি
 আকুল অশ্রুশিখিতে ।

এসে চলে' গেছ—হে দেবী আমার,
 বছরের দেখা হ'ল না—
 তোমারি আদেশে পাইনি সময়,
 আজিকে সে কথা ভুল না !
 যে পূজা সেথায় তারকায় জ্বলে,
 তাই মেঘ হ'য়ে ঝরিছে ভূতলে,
 কেহ না জানুক তুমি তো জানিছ
 তোমারি কাজের তুলনা ।

নয়নের আলো নিবিয়া আসিছে,
 ছায়া হ'য়ে আসে এ ভুবন ;
 এবারের মত সন্ধ্যা আগত
 বন্ধ বা চির-দর্শন !
 তাই যদি হয়, হে দেবী আমার,
 কোনো নিবেদন নাহি তবে আর,
 বেদনার মাঝে শেষের আরতি,
 চরণে করিনু সমাপন ।

সত্ত্ব বিধবা বিজয়া দশমী
সাজিল সন্ধ্যা গেরুয়ায় ;
আসে একাদশী অঙ্গনে বসি'
শৃঙ্গ নয়নে ফিরে' চায় !
পূর্ণ ঘণ্টের জলভরা বুক
সহকার-শাখা শুকার সমুখে,
স্মৃতির মতন আলিপনাগুলি
চারিধারে চাহে নিরুপায় ।

আদিশূর

[প্রাচ্যবিজ্ঞানমহার্ণব শ্রীনগেন্দ্রনাথ বসু]

গৌড়-বঙ্গের জাতীয় ইতিহাসে আদিশূরের নাম চির-প্রসিদ্ধ। কি ব্রাহ্মণ-সমাজ, কি কায়স্থ-সমাজ, কি বৈষ্ণব-সমাজ, সমাজ-পত্তন বা সমাজ-সংস্কারের কথা উঠিলেই কি কুলজ কি কুলাচার্য্য সকলেই আদিশূরের দোহাই দিয়া থাকেন। বলিতে কি আদিশূরের নাম শোমেন নাই বা জানেন না, সামাজিকগণের মধ্যে এমন লোক দেখি নাই। কিন্তু নিতান্ত আশ্চর্য্যের বিষয়—এই নামটি যেমন সর্বজন-পরিচিত, ইহার প্রকৃত ইতিহাস সেইরূপ তিমিরাচ্ছন্ন। রাঢ়ীয় ও বারেন্দ্র ব্রাহ্মণ-সমাজ যে আদিশূরকে তাঁহাদের বীজপুরুষগণের আনয়নকারী ও সম্মানদাতা বলিয়া কীর্ত্তন করিয়া থাকেন, সেই আদিশূরের সহিত কায়স্থগণের প্রতিষ্ঠাতা আদিশূর অভিন্ন বলিয়া মনে হয় না। আবার বিভিন্ন ব্রাহ্মণ-কুলগ্রন্থে যে আদিশূরের নাম পাইতেছি তাঁহাকে উপরোক্ত আদিশূর হইতে পৃথক্ মনে করি।

বুদ্ধদেব ও শেষ তীর্থঙ্কর মহাবীর স্বামীর সময় হইতে গুপ্তবংশের প্রভাব-বিস্তারকাল পর্য্যন্ত গৌড়মণ্ডলে বৌদ্ধ ও জৈনপ্রভাব অক্ষুণ্ণ ছিল। গৌড়মণ্ডলে গুপ্তপ্রভাব প্রসারের সহিত এখানে ধীরে ধীরে বেদপাঠক ব্রাহ্মণ-সংস্পর্শে ব্রাহ্মণ প্রাধান্যের চেষ্টা হয়। কুমারগুপ্ত, বৃষ্ণগুপ্ত, ভাস্ক-গুপ্ত প্রভৃতি গুপ্ত সম্রাটগণের অধিকার-কালে এখানে

সত্র, চক্র ও বলি কর্ণের জন্য বহু বেদপাঠী ব্রাহ্মণ-স্থাপনের সংবাদ পাওয়া যায়। খৃষ্টীয় ষষ্ঠ শতকে গুপ্তবংশের প্রভাব ক্রমশঃ ক্ষয় হইতে থাকে, তাঁহাদের আধিপত্য-কালে যঁাহারা সামন্ত নৃপতিরূপে রাজ্য শাসন করিতে ছিলেন, গুপ্ত-বংশের প্রভাব থর্ব্ব হইলে সেই সকল সামন্তবংশ স্বাধীনতা ঘোষণা করিয়া পরম ভট্টারক মহারাজা-ধিরাজ উপাধি গ্রহণ করেন, এইরূপে খৃষ্টীয় ষষ্ঠ শতকে রাঢ়দেশে জয়নাগ ও বারকমণ্ডল বা বারেন্দ্রে ধর্মাাদিত্যদেব, গোপচন্দ্র দেব ও সমাচার দেবের সন্ধান পাইতেছি। উক্ত নৃপতিগণের অধীন সামন্তগণ রাঢ়দেশের অন্তর্গত ঔদ্বৈতিক বিষয় (বর্তমান বর্ধমান বিভাগে) এবং বারকমণ্ডলের অন্তর্গত (অধুনা ঢাকা ও ফরিদপুর জেলায়) বেদপাঠী ব্রাহ্মণ প্রতিষ্ঠায় উদ্যোগী ছিলেন, তাহা সমসাময়িক পাঁচখানি তাম্রশাসন হইতে জানা গিয়াছে। কিন্তু ঐ সকল নৃপতি পুরুষপরম্পরায় বহু পুরুষ রাজত্ব করিয়াছিলেন কি না তাহার সন্ধান পাওয়া যায় নাই।

যে দ্বিবিজয়ী নৃপতি পুরুষ-পরম্পরায় গৌড় বঙ্গে আধিপত্য ও সমাজ-সংস্কারে মনোযোগী ছিলেন, তিনিই কুল-গ্রন্থে 'আদিশূর' বলিয়া সম্মানিত হইয়াছেন। এখন কথা হইতেছে কোন্ দ্বিবিজয়ী নৃপতিকে আমরা কুলগ্রন্থ বর্ণিত

প্রথম আদিশুর বলিয়া গ্রহণ করিতে পারি ?

প্রায় তিন শত বর্ষের হস্তলিখিত একখানি সংক্ষিপ্ত কুলগ্রন্থের পুথি পাইয়াছি। এক সময় গৌড়-বঙ্গের সকল সমাজে—কেবল ব্রাহ্মণ কায়স্থ বলিয়া নহে, নবশাখাদিগের মধ্যেও প্রমোত্তরমূলক সংক্ষিপ্ত কুলপরিচয় প্রচলিত ছিল, তাহা 'জিজ্ঞাসা' নামে পরিচিত হইত। পূর্বেও প্রাচীন হস্তলিখিত পুথিখানিকে এইরূপ 'জিজ্ঞাসা' বলিয়া ধরা যাইতে পারে। এই 'জিজ্ঞাসায়' আদিশুর সম্বন্ধে লিখিত আছে—

“সোন সবে একমনে বচন মধুর ।
যে কালেতে যজ্ঞ কৈল রাজা আদিশুর ॥
পঞ্চ বিপ্র আনাইল যজ্ঞের কারণ ।
সৌকালিন ভরদ্বাজ গৌতম ব্রাহ্মণ ॥
আলিম্যান বাৎস্ত আদি এই পঞ্চজন ।
তাহার দিগের সঙ্গে আইল কায়স্থ দশজন ॥

* * * *

সোন সতে এক মনে বচন মধুর ।
ছোট বড় ভেদ কৈলেন রাজা আদিশুর ॥
যার শিষ্য যে করিলা সেই গোত্র পায় ।
সবারে সম্ভাষণ করি করিলেন বিদায় ॥”

ঐ দশ জনের উক্ত সম্বন্ধে উক্ত কুলগ্রন্থে লিখিত আছে—

“মোর এক নিবেদন সোন মহাসএ ।
রাঢ়েতে আছিলেন যখন বিচিত্র উদএ ॥
পদ্মিনীর ছই কন্যা বিবাহ করিল ।
ছই ঘরে দশ পুত্র তাহার জন্মিল ॥
তাহারে দেখিয়া ব্রহ্ম সম্ভাস হইআ ।
রাখিল সভার নাম পদ্ধতি করিআ ॥
সর্বজ্যোষ্ঠ নারায়ণ দত্ত মহাসএ ।
মহানাদ ষোষ বসু মিত্র মৃত্যুঞ্জএ ॥
এ চাইর পুত্র হইল, পদ্মিনীর ঘরে ।
আর ছয় পুত্র হইল সম্ভবার উদরে ॥
চন্দ্র সেন বড় জন দেও মহাসয় ।
হরিপুরী দাস সিংহ মহাভৈরবময় ॥

তাহার অমুখ নাহি আর কেহ ।

সকলের কনিষ্ঠ হইল চন্দ্রভান গুহ ॥”

উক্ত পরিচয় হইতে পাইতেছি—রাঢ়দেশে বিচিত্রের বংশে দত্ত, ষোষ, বসু, মিত্র, চন্দ্র, সেন, দেব, দাস, সিংহ ও গুহ এই দশ পদ্ধতির কায়স্থ বাস করিতেন। যে সময় সৌকালিন, ভরদ্বাজ, গৌতম, আলম্যান ও বাৎস্ত এই পঞ্চ গোত্র আদিশুরের সভায় উপস্থিত হন, তৎকালে দত্ত, ষোষাদি দশঘরের দশজনও তথায় উপস্থিত হইয়াছিলেন। উক্ত ১০ জনের মধ্যে সর্বজ্যোষ্ঠ বা সর্বশ্রেষ্ঠ হইতেছেন নারায়ণ দত্ত, ষোষ বংশে মহানাদ ষোষ ও মিত্র বংশে মৃত্যুঞ্জয় মিত্র এই তিন জনের নাম পাইতেছি। উত্তর-রাঢ়ীয়, দক্ষিণরাঢ়ীয় ও বঙ্গ কায়স্থকারিকায় দত্ত বংশের বীজী পুরুষোত্তম দত্ত, ষোষ বংশের বীজী সোম ষোষ (তৎপৌত্র মকরন্দ ষোষ) এবং মিত্রবংশে সুদর্শন মিত্র (তাহার প্রপৌত্র কালিদাস মিত্র) হইতেছেন। সুতরাং উপরোক্ত দত্ত, ষোষ ও মিত্র বংশের বীজপুরুষের সহিত শেখোক্ত বীজপুরুষগণের নামের মিল হইতেছে না। উক্ত 'জিজ্ঞাসা'র পুথিতে আরও পাইতেছি—

“আকনাতে গেল ষোষ মাহিনাতে বসু ।
বরিসা রহিল মিত্র দুঃখ রহে কিছু ॥
বালীতে রহিল দত্ত প্রতাপ প্রচুর ।
ব্রহ্মগ্রামে গেল সেন দেও চিত্রপুর ॥
সিংহপুরে রয় সিংহ হারপুরে দাস ।
পানিহাটী গত চন্দ্র গুহ বঙ্গবাস ॥”

উপরে ষোষ বসু মিত্রাদির যে কয়টি সমাজস্থান নির্দিষ্ট হইয়াছে, ঐ সকল স্থান দক্ষিণ-রাঢ়ের মধ্যে পড়িতেছে। অথচ দক্ষিণ-রাঢ়ীয় কায়স্থ কুলপঞ্জিকার সহিত মূল বা বীজপুরুষের নাম সম্বন্ধে আদৌ মিল হইতেছে না।

উক্ত 'জিজ্ঞাসা'র পুথিতে ব্রাহ্মণের যে পঞ্চ গোত্র বর্ণিত হইয়াছে, তাহার সহিতও রাঢ়ীয় ও বারেন্দ্র ব্রাহ্মণদিগের পঞ্চ গোত্রের মিল নাই।

রাঢ়ীয় ও বারেন্দ্র ব্রাহ্মণদিগের মধ্যে শাণ্ডিল্য, কাশ্যপ, বাৎস্ত, ভরদ্বাজ ও সার্বর্ণ এই পঞ্চ গোত্রের ব্রাহ্মণ দেখা যায়, কিন্তু সৌকালিন, গৌতম ও আলম্যান এই তিন গোত্র নাই বা কোন কালে ছিল না; এছাড়া পরবর্তী কালে যে সকল বৈদিক ব্রাহ্মণ এদেশে আগমন করেন,

ঐহাদের মধ্যেও আমরা সৌকালিন বা আলিমান গোত্র খুঁজিয়া পাই না। এ অবস্থায় স্বীকার করিতে হয় রাঢ়ীয় ও বৈদিক ব্রাহ্মণগণের পঞ্চ বীজপুরুষের আগমনের পূর্বে রাঢ়দেশে সৌকালিন, ভরদ্বাজ, গৌতম, আলিমান ও বাৎস গোত্র ব্রাহ্মণ বিদ্যমান ছিলেন। এখন কথা হইতেছে রাঢ় দেশে ঠিক কোন্ সময়ে ঐ সকল গোত্রের ব্রাহ্মণ উপস্থিত ছিলেন? বঙ্গের জাতীয় ইতিহাস ব্রাহ্মণকাণ্ডে রাঢ়ীয় ও বারেন্দ্র শ্রেণীর ব্রাহ্মণগণের পঞ্চ গোত্রীয় পঞ্চ বীজপুরুষগণের আগমন-প্রসঙ্গে এবং রাজত্বকাণ্ডে শূরবংশ বিবরণ প্রসঙ্গে বিশেষ ভাবে দেখাইয়াছি যে ৬৫৪ শকে বা ৭৩২ খৃষ্টাব্দে রাঢ়ীয় ও বারেন্দ্র ব্রাহ্মণগণের বীজপুরুষ আনয়নকারী আদিশূর বিদ্যমান ছিলেন। রাজত্বকাণ্ডে শূরবংশ বিবরণ মধ্যে জয়ন্তশূর প্রসঙ্গে এই আদিশূরের পরিচয় লিপিবদ্ধ হইয়াছে। শূরবংশের মধ্যে ইনি পঞ্চ গোড়ের অধীশ্বর হইয়া ‘আদিশূর’ নামে পরিচিত হইয়াছিলেন। ইহাকেই আমরা ১ম আদিশূর মনে করিতাম এবং ইহারই সভায় শাণ্ডিলা, কাশ্যপ, বাৎস, ভরদ্বাজ ও সার্বণ এই পঞ্চ গোত্র উপস্থিত হইয়াছিলেন। এখন দেখিতেছি, সৌকালিন, গৌতম ও আলিমান গোত্র যখন এই আদিশূরের সভায় আগমন করেন নাই, তখন সৌকালিনাদি পঞ্চ গোত্র ও দশজন কায়স্থ বাহার সভায় উপস্থিত হইয়াছিলেন, তিনি ভিন্ন আদিশূর হইতেছেন।

রাঢ়ীয় কায়স্থ সমাজের ‘জিজ্ঞাসা’ গ্রন্থে যেমন দশজন (বিভিন্ন গোত্রের) কায়স্থের রাঢ়ে উপস্থিতির কথা পাইতেছি, সেইরূপ রাঢ়ীয় শাকল-দীপিকা নামক রাঢ়ীয় শাকদ্বীপী ব্রাহ্মণগণের কুলগ্রন্থে মহারাজ শশাঙ্কের সময় রাঢ়দেশে কাশ্যপ, কৌশিক বা সূতকৌশিক, বাৎস, শাণ্ডিলা, মৌগল্য, পরাশর, গৌতম, ভরদ্বাজ, জমদগ্নি ও আলিমান এই দশ গোত্র ব্রাহ্মণ আগমন করেন।*

নদীয়া-বঙ্গ সমাজের কুলপঞ্জিকায় লিখিত আছে, গোড়পতি শশাঙ্ক গ্রন্থবৈষ্ণব্যবশতঃ পীড়িত হইয়া অতিশয় ক্লেশ ভোগ করেন। কিন্তু বৈষ্ণবগণের চিকিৎসায় রোগসঙ্কট দূর না হওয়ায় তিনি গ্রন্থশাস্তি করাইবার জন্ত সরযুতীর

* বঙ্গের জাতীয় ইতিহাস ব্রাহ্মণকাণ্ড ৪র্থ অংশ শাকদ্বীপী ব্রাহ্মণ বিবরণ, ৮৬ পৃষ্ঠা।

হইতে দ্বাদশ গোত্র ব্রাহ্মণ আনাইয়াছিলেন। রাঢ়ীয় শাকলদীপিকায় যে দশগোত্রের উল্লেখ আছে, ঐ দশটি গোত্র ছাড়া মৌজায়ন ও গর্গ এই দুইটি অতিরিক্ত গোত্র ধরিয়া দ্বাদশ হইতেছে।†

উক্ত দশ বা দ্বাদশ গোত্রের মধ্যে সৌকালিন গোত্র নাই। অপর চারি গোত্রের সন্ধান পাইতেছি। বলা বাহুল্য, মহারাজ শশাঙ্কদেব একজন দারুণ বৌদ্ধবিদ্বেষী ব্রাহ্মণভক্ত শৈব ও প্রাচ্য ভারতের অর্থাৎ এক সময়ে মগধ, গোড়, অঙ্গ, বঙ্গ ও কলিঙ্গ এই পঞ্চ জনপদের অধীশ্বর হইয়াছিলেন। রোগযুক্ত হইয়া তিনি দশ গোত্র বা দ্বাদশ গোত্র ব্রাহ্মণকে সম্মানিত করিয়াছিলেন। রাঢ়ীয় ব্রাহ্মণ-প্রভাবের কলে সেই পূর্বস্মৃতি পরবর্তী কুলগ্রন্থ হইতে উৎক্ষিপ্ত বা বিলুপ্ত হইলেও শাকদ্বীপী ব্রাহ্মণের আদি পরিচয় গ্রন্থ হইতে এককালে সম্পূর্ণ স্মৃতি বিলুপ্ত হয় নাই। দশগোত্র বা দ্বাদশ গোত্র-ব্রাহ্মণানয়নকারী শশাঙ্কদেবও এক ‘আদিশূর’ রূপে পরিচিত হওয়া বিচিত্র নহে।

রাঢ় দেশে কর্ণসুবর্ণে মহারাজ শশাঙ্কদেবের রাজধানী ছিল। সম্রাট হর্ষবর্দ্ধন ও প্রাগ্জ্যোতিষপতি ভাস্করবর্মা উভয়ে মিলিত হইয়া মহারাজ শশাঙ্কদেবকে পরাজয় করেন। শশাঙ্কদেবের পরাজয়ের পর মহারাজ ভাস্করবর্মা ঐ কর্ণসুবর্ণে কিছু দিন আধিপত্য করিয়াছিলেন। এই কর্ণসুবর্ণে অধিষ্ঠান কালে সুদূর উত্তর গোড় বা প্রাগ্জ্যোতিষ হইতে বহুসংখ্যক ব্রাহ্মণ ভাস্করবর্মার সভায় উপস্থিত হইয়াছিলেন। এই কর্ণসুবর্ণ রাজধানী হইতে ভাস্করবর্মার যে সুরহৎ তান্ত্র শাসন প্রদত্ত হইয়াছে, তাহাতে ৩১ গোত্র ও ২০ ধর স্বামিপাদের উল্লেখ আছে, অস্ততঃ ২০৫ ছইশত পঁচজন ব্যক্তি উক্ত শাসনের জমি পাইয়াছিলেন? এই তান্ত্রশাসনের সম্পূর্ণ অংশ এখনও পাওয়া যায় নাই। যতটা পাওয়া গিয়াছে, পণ্ডিতবর পদ্মনাথ ভট্টাচার্য্য বিদ্যাবিনোদ মহাশয় তাহার পাঠোদ্ধার করিয়াছেন। তিনি ২০ ধর স্বামিপাদগণের অকারাদিক্রমে এইরূপ পদ্ধতি দিয়াছেন—

† বঙ্গের জাতীয় ইতিহাস, ব্রাহ্মণকাণ্ড, ৪র্থ অংশ, ৮৭ পৃষ্ঠা।

যথা অগ্নিবিশ্ব, আদ্রিরস, আলম্বায়ন বা আলম্বান, আল্লায়ন, কবেস্তর, কাত্যায়ন, কাশ্যপ (কশ্যপ), কুম্ভাক্রেয়, কোটীলা, কোণ্ডিন, কোৎস, কোশিক, গার্গ্য, গৌতম, গৌরাক্রেয়, জাতকর্ণ, পাঙ্কল্য, পারাশর্য, পৌত্তিমাষ্য, পৌর্ণ, প্রাচেতস, ভারদ্বাজ, (ভরদ্বাজ), ভার্গব, মাণ্ডব্য, মৌদগল্য, যাস্ক, বাৎশ, বারাহ, বাইস্পতা, বাসিষ্ঠ, বৈষ্ণব, শাকটায়ন, শাণ্ডিল্য, শালক্যায়ন, শৌনক, সাক্ষাত্যায়ন ও সাবর্ণিক।

এই সকল গোত্র মধ্যে সৌকালিনের উল্লেখ নাই। তবে উক্ত তান্ত্রশাসনের এখনও সম্পূর্ণ অংশ পাওয়া যায় নাই। অপ্রাপ্ত অংশে সৌকালিন গোত্রের উল্লেখ থাকিতে পারে। অথবা এই গোত্র পবে আসিয়া মিলিত হইতে পারেন।

এখন কথা হইতেছে—মহারাজ শশাঙ্কদেবের সময় যে ১০ গোত্র বা ১২ গোত্রের ব্রাহ্মণ রাঢ়ে আগমন করিয়াছিলেন, তাঁহাদের অধিকাংশ গোত্রের সহিত পূর্বোক্ত দশ ঘর কায়স্থের গোত্র মিল হইলেও পদ্ধতি বা পদবীর আদৌ মিল নাই, কিন্তু ভাস্করবর্ষার তান্ত্রশাসনে কেবল গোত্র বলিয়া নহে, পদ্ধতি বা পদবীর মিলও পাইতেছি।

‘জিজ্ঞাসা’র পুথিতে আছে—

“সোন সবে এক মনে বচন মধুর ।
ছোট বড় ভেদ কৈলেন রাজা আদিশূর ॥
যার শিষ্য যে হইলা সেই গোত্র পায় ।
সবারে সম্বোধ করি করিলেন বিদায় ॥
বিদায় পাইয়া সবে রাঢ়েতে চলিল ।
দশজন দশ গ্রামে বসতি করিল ॥”

উক্ত পরিচয় হইতে মনে হয় গুরুপুরোহিতের গোত্র অনুসারে উক্ত দশ ঘরের গোত্র হইয়াছিল।* পূর্বেই লিখিয়াছি—ভাস্করবর্ষার তান্ত্রশাসনে বসু, ঘোষ, মিত্র,

* দক্ষিণরাষ্ট্রীয় ও বঙ্গ কুলপঞ্জিকায় লিখিত আছে, “এতে সপ্তাঙ্গীপদ্ধতিঃ সিদ্ধাঃ দ্বাদশসংস্কৃতাঃ । সর্বেষ্ব নবাধিকনবতিঃ পদ্ধতিঃ । এতেষাং পুরোহিতগোত্রপ্রবরা গোত্রপ্রবরং ।” (কুলপঞ্জিকা) অর্থাৎ দক্ষিণ রাষ্ট্রীয় ও বঙ্গ কায়স্থদিগের মধ্যে মোট ১১টি পদ্ধতি হইতেছে, তন্মধ্যে দ্বাদশ ঘর সিদ্ধ এবং ৮৭ঘর মৌলিক হইতেছেন। পুরোহিতের গোত্রপ্রবর অনুসারে তাঁহাদের গোত্রপ্রবর।

দত্ত, দাস, দেব, সেন, সিংহ প্রভৃতি পদ্ধতিযুক্ত স্বামিপাদের উল্লেখ আছে। কামরূপপতি ভাস্করবর্ষা যে সময়ে রাঢ়ের রাজধানী কর্ণসুবর্ণে বিজয়োৎসবে অতিবাহিত করিতেছিলেন, সেই সময় চন্দ্রপুরি বিষয়ে ময়ূরশাক্ত অগ্রহার হইতে স্বামিপাদগণ আসিয়া কামরূপপতিকে জানাইয়াছিলেন যে, তাঁহার বৃদ্ধপ্রপিতামহ মহারাজ ভূতিবর্ষা তাঁহাদের পূর্বপুরুষগণকে তান্ত্রশাসন দ্বারা যে সকল ভূমিদান করিয়াছিলেন, সেই তান্ত্রপট নষ্ট হওয়ায় রাজপুরুষেরা কর ধার্য্য করিতে উত্তম হইয়াছেন, এক্ষণে তাঁহার পূর্বপুরুষের কীর্তি এবং তাঁহাদের অধিকার যাহাতে বজায় থাকে, তজ্জন পুনরায় একখানি তান্ত্রশাসন দিতে আজ্ঞা হউক। তাঁহাদের প্রার্থনানুসারে মহারাজ ভাস্করবর্ষা তাঁহাদের সকলের জমি পৃথক পৃথক অংশ নির্দেশ করিয়া লিখিয়া দিয়াছিলেন। যে সকল জমির উল্লেখ আছে, তাহা যখন ভাস্করবর্ষার বৃদ্ধপ্রপিতামহ ভূতিবর্ষার সময়ে প্রদত্ত, তখন উক্ত ভূমিগৃহীতাগণের ৪৫ পুরুষ অধস্তন বংশধরগণ রাঢ়দেশে কর্ণসুবর্ণে উপস্থিত হইয়াছিলেন, তাহা উক্ত তান্ত্রশাসন হইতেই প্রতিপন্ন হইতেছে। সুতরাং তান্ত্রশাসনের উক্তি অনুসারে ঘোষ, বসু, মিত্র, দত্ত প্রভৃতি উপাধিধারী স্বামিপাদগণ খৃষ্টীয় ৫ম শতকে চন্দ্রপুরি বিষয়ে উক্ত ময়ূরশাক্ত অগ্রহারে বিরাজ করিতেন। তান্ত্রশাসন উদ্ধারকারী পণ্ডিতবর পদ্মনাথ বিদ্যাবিনোদ মহাশয় লিখিয়াছেন, “চন্দ্রপুরি বিষয়ের অন্তর্গত যে ভূমি শাসনের বিষয়ীভূত হইয়াছে, তাহার সীমা-বর্ণনায় ‘গজিনিকা’ শব্দটি রহিয়াছে। কামরূপের অপর কোনও শাসনে এ যাবৎ এই শব্দটি পাওয়া যায় নাই। গজিনিকা শব্দ এখনও গজিনী নামে বরেন্দ্রমণ্ডলে প্রচলিত আছে। মরা নদীর পুরাতন খাত এই নামে কথিত হইয়া থাকে। বলা বাহুল্য যে বর্তমানে কামরূপে মরা নদীর খাত থাকিলেও এই নাম সম্পূর্ণ অপরিচিত। অপিচ খালিমপুরের শাসনে ‘মাটা শাক্তালী’ নামক গ্রামের উল্লেখ আছে।† ইহাও কতকটা ‘ময়ূরশাক্তালীর সদৃশ। নামসাদৃশ্যও সন্নিবন্ধিত বটে। ঐ শাসন কামরূপ-সংলগ্ন করতোয়ার পশ্চিমে অবস্থিত পুণ্ড বর্ধন ভূমির কোম গ্রাম সম্বন্ধে ছিল তাই চন্দ্রপুরি

† সৌভাগ্যিণী ধর্মপালের খালিমপুর তান্ত্রশাসন ব্রহ্মণ্য।

বিষয় যে পুণ্ড্রবর্ধনের অতি সন্নিকটে তাহাই সূচিত হইতেছে।”‡

এক্কে ভাস্করবর্নার উক্ত তাম্রশাসন হইতে জানিতে পারিতেছি যে, তাহার বৃদ্ধপ্রপিতামহ ভূতিবর্নার সময়ে খৃষ্টীয় ৫ম শতকে পুণ্ড্রবর্ধনের নিকট বসু, ঘোষ, মিত্র প্রভৃতি উপাধিগারী স্বামিপাদগণ বাস করিতেন এবং দামোদরপুর হইতে আবিষ্কৃত গুপ্তসম্রাটগণের সময়ে উৎকীর্ণ ৪ খানি তাম্রশাসন হইতে জানিতে পারিয়াছি যে খৃষ্টীয় ৫ম ও ৬ষ্ঠ শতকে পুণ্ড্রবর্ধনভুক্তির অন্তর্গত কোটিবর্ষ বিষয়ে দত্ত, মিত্র, দাস, দেব, নন্দী, পাল, ভদ্র প্রভৃতি পদ্ধতিযুক্ত কায়স্থ রাজপুরুষ অবস্থান করিতেন। ইহারা কেহই স্বামিপাদ বলিয়া চিহ্নিত হন নাই। এক্ষণে স্থলে মনে হয় যে গোড় বা পুণ্ড্রবর্ধনে দেড় হাজার বর্ষ পূর্বে বসু, ঘোষাদি পদ্ধতিযুক্ত ব্রাহ্মণ ও কায়স্থ বাস করিতেন। ভাস্কর-বর্নার শাসন ও উক্ত জিজ্ঞাসার পুথি হইতে মনে হয় ঘোষ, বসু, মিত্রাদি বহু পদ্ধতিযুক্ত ব্রাহ্মণ ও কায়স্থ উভয়ে রাজ-সভায় উপস্থিত হইয়া রাজসন্মান লাভ করিয়াছিলেন, তন্মধ্যে দশ গোত্র ও পদ্ধতিযুক্ত দশজন ব্রাহ্মণ ও সেই সেই গোত্র পদ্ধতিযুক্ত কায়স্থ রাজদেশে প্রতিষ্ঠিত হইয়া-ছিলেন। মহারাজ ভাস্করবর্নার বংশে এক শাখা এই রাজদেশে আর এক শাখা কামরূপে রাজত্ব করিতেন। রাজের শাখা ‘ভৌমায়’ ও ‘গোড় উদ্ভ-কলিক কোশলপতি’। বলিয়া শিলাসিপি ও তাম্রশাসনে পরিচিত হইয়াছেন। এই রাজে বা গোড়ে মহারাজ ভাস্করবর্না ভৌমবংশীয় আদি বা প্রথম নৃপতি মহাশুর বীর ছিলেন বলিয়া “আদিশূর” নামে পরবর্তী কালে পরিচিত হওয়া কিছু বিচিত্র নহে। প্রকৃত প্রস্তাবে ইনিই প্রথম আদিশূর। ত্রীহট্টের বৈদিকানয়ন কারীর নামও আদিশূরপা হইতেছেন।

পূর্বেই লিখিয়াছি—৬১৪ শকে বা খৃষ্টীয় ৮ম শতকে রাজীয় ও বারেন্দ্র ব্রাহ্মণবীজ পুরুষ-আনয়নকারী আদিশূরের অভ্যুদয়। ইহার প্রকৃত নাম জয়ন্তশূর। যদিও পরবর্তী কুলাচার্যগণ রাজীয় ও বারেন্দ্র ব্রাহ্মণবীজ পঞ্চ সাগ্নিক ব্রাহ্মণের সহিত কায়স্থগণের আগমন কীর্তন করিয়াছেন।

‡ রঙ্গপুর সাহিত্য-পরিষৎ পত্রিকা, সন ১৩৩৪, ১ম—৪র্থ সংখ্যা সভাপতির অভিভাষণ, ৮ পৃষ্ঠা দ্রষ্টব্য।

কিন্তু তাহাদের গোত্রের সহিত, যখন উক্ত কায়স্থগণের গোত্রের মিল নাই, তখন কেমন করিয়া বলিব, উক্ত পঞ্চ সাগ্নিকের সহিত কায়স্থগণের ষটিয়াছিল? জয়ন্তশূর গোড়ের রাজধানী পৌণ্ড্রবর্ধনে (বর্তমান বগুড়া জেলায় মহাস্থানগড়ের নিকট) রাজত্ব করিতেন। এক্ষণে স্থলে রাজীয় ও বারেন্দ্র ব্রাহ্মণগণের বীজপুরুষ পঞ্চ সাগ্নিক ব্রাহ্মণ পৌণ্ড্রবর্ধনেই আসিয়া ছিলেন। কিন্তু বসুঘোষাদি দশজন কায়স্থ জিজ্ঞাসাবর্তিত আদিশূরের নিকট সম্মানিত হইয়া দক্ষিণরাঢ়ের অন্তর্গত দশগ্রামে বাস করিয়াছিলেন। এ সম্বন্ধে উক্ত প্রাচীন কুলপরিচয় গ্রন্থে লিখিত আছে—

“আকনাতে গেল ঘোষ মাহিনাতে বসু।
বরিসা রহিলা মিত্র হুঃখ রহে কিছু ॥
বালীতে রহিল দত্ত প্রতাপ প্রচুর।
ব্রহ্মগ্রামে গেল সেন দেও চিত্রপুর ॥
সিংহপুরে রয় সিংহ হরিপুরে দাস।
পানিহাটা গত চন্দ্র গুহ বঙ্গবাস ॥”

এক্কে স্থলে বলিতে হইবে যে পৌণ্ড্রবর্ধন বা পূর্ব বারেন্দ্রবাসী পঞ্চ সাগ্নিক ব্রাহ্মণের সহিত দক্ষিণরাঢ়বাসী কায়স্থগণের কোন সম্বন্ধই ছিল না।

আদিশূর নামে পরিচিত জয়ন্তশূরের রাজ্যনাশ ষটিলে বৌদ্ধ পাল-বংশের অভ্যুদয়ে জয়ন্তের বংশধর রাজদেশে আসিয়া সাতশতাব্দীর সাহায্যে নূতন সমাজ পত্তন করেন। তাহারই সময়ে রাজী, বারেন্দ্র ও সাতশতী এই শ্রেণিভেদ ষটে। রাজবাসী পূর্বতন ব্রাহ্মণ সম্ভানগণ এ সময়ে সাতশত বর থাকায় তাহারা সাতশতী নামে পরিচিত হইয়াছিলেন। কোন কোন কুলগ্রন্থে দেখা যায় রাজা আদিশূরই উক্ত শ্রেণিভেদ করিয়াছিলেন, স্থলে এক্ষণে রাজে শূরবংশীয় ১ম-নৃপতি ভূশূরও একজন ‘আদিশূর’ মধ্যে গণ্য হইতেছেন।

ভূশূরের পুত্র ক্ষিতিশূরের সময় গোড়াধিপ দেবপাল উত্তররাঢ় অধিকার করেন। এই সময় শূররাজবংশ দক্ষিণরাঢ়ে সরিয়া আসেন এবং এখানেই কিছুকাল রাজত্ব করেন। গোড়াধিপ ১ম বিগ্রহপালের সময় রাষ্ট্র-কুটপতি ২য় কৃষ্ণ এবং অপর দিকে হৈহয়রাজ গুণাস্তোষিদের গোড় আক্রমণ করেন।

পালনৃপতি নিজ রাজ্যরক্ষায় ব্যস্ত হইয়া পড়েন। এই

সুযোগে রাজা ক্ষিতিশূরের পৌত্র ধরনীশূর উত্তররাঢ় অধিকার করিয়া 'আদিত্যশূর' উপাধি ধারণপূর্বক সিংহেশ্বরে ৮০৪শকে (৮৮২খৃষ্টাব্দে) অধিষ্ঠিত হইয়াছিলেন। কোন কোন আধুনিক উত্তররাঢ়ীয় কুলগ্রন্থে ইনিও 'আদিশূর' নামে চিহ্নিত হইয়াছেন এবং ইঁহার সভায় ক্ষিতীশাদি পঞ্চ সায়িক ব্রাহ্মণ আগমনের কথা বর্ণিত হইয়াছে। বাস্তবিক ইঁহার সভাতেই উত্তররাঢ়ীয় কায়স্থ সমাজের পঞ্চবীজপুরুষ ও সুনীল, মাধবাদি পঞ্চ যাজিক উপস্থিত হইয়াছিলেন। এই সময়ে কান্তকূলের সিংহাসনে যে আদিধরাহ নামে নৃপতি বিরাজ করিতেছিলেন, তিনিও উত্তররাঢ়ীয় কুলগ্রন্থে 'আদিশূর' নামে পরিচিত হইয়াছিলেন।*

দ্বিজ বাচস্পতির 'বঙ্গকুলজীমারসংগ্রহে' লিখিত আছে—

“নয়শত চোরানই শক পরিমাণে।

আইলেন দ্বিজগণ রাজ-সন্নিধানে ॥

পঞ্চ কায়স্থ সঙ্গে আরোহণ গোয়ানে।

সম্মানপূর্বক ভূপ রাখিলা সর্বজনে ॥”

অর্থাৎ ৯৯৪শকে দ্বিজগণ রাজার নিকট আসিয়াছিলেন, পঞ্চকায়স্থও তাঁহাদের সঙ্গে ছিলেন। রাজা সকলকেই সম্মানিত করিয়াছিলেন। ভাটের কথায় ও যত্নন্দনের বারেন্দ্র ঢাকুরগ্রন্থেও আমরা সেই স্মরণীয় ৯৯৪শক পাইতেছি। এদিকে 'সারাবলী' নামক বঙ্গকুলগ্রন্থে লিখিত আছে, ৯৯৪ শকে বিরাটগুহ আদিশূরের সঙ্গে উপস্থিত হইয়াছিলেন। এখন কথা হইতেছে—ঐ শকে কে রাজা হইয়াছিলেন? এবং কোন্ কোন্ ব্রাহ্মণ যজ্ঞ করিবার জন্ম আসিয়াছিলেন?

পাশ্চাত্য-বৈদিককুলপঞ্জিকা হইতে জানা যায়, 'মহারাজ সামলবর্মা ৯৯৪ শকে (১০৭২ খৃষ্টাব্দে) নিজ বাহুবলে শত্রুগণকে পরাভূত করিয়া স্বয়ং গোড়ে রাজা হইয়াছিলেন' এবং তাঁহার সভায় পাশ্চাত্য বৈদিকগণের পূর্বপুরুষ পঞ্চ গোত্র আগমন করেন।

রাজা সামলবর্মা একজন সামান্ত ব্যক্তি ছিলেন না। তিনি দিগ্বিজয়ী চেদিসম্রাট কর্ণদেবের দৌহিত্র, মালবপতি

উদয়াদিত্যের পুত্র, মহাবীর জগদ্বিজয়মল্ল বা জগদেও পরমারের জামাতা, দিগ্বিজয়ী জাতবর্মার পুত্র। উদয়াদিত্যের জ্যেষ্ঠপুত্র লক্ষ্মণদেবের নাগপুরপ্রশস্তি পাঠে জানা যায় যে, উদয়াদিত্যের পুত্রগণ অঙ্গ, বঙ্গ, কলিঙ্গ, আক্রমণ করিয়া ছিলেন ও গোড়েশ্বর ভীত চকিত হইয়াছিলেন। এদিকে চেদিসম্রাট কর্ণদেবের গোড় আক্রমণকালে তাঁহার জামাতা জাতবর্মা তাঁহার প্রধান সহায় ছিলেন। এরূপ স্থলে সামলবর্মা পিতৃকুল, মাতৃকুল ও স্বশুরকুলের সাহায্যে ও নিজের শক্তিতে একজন অসাধারণ প্রভাবশালী হইয়া রাজ্যলাভে সমর্থ হইয়াছিলেন, সন্দেহ নাই। তিনি নিষ্ঠাবান্ হিন্দু ছিলেন, এবং তিনিও বেদজ্ঞ ব্রাহ্মণ প্রতিষ্ঠায় যত্নবান্ ছিলেন, তাহা কুলগ্রন্থেই প্রকাশ।

এই সামলবর্মার সভায় ব্রাহ্মণ কায়স্থ উভয়েই সমবেত হইয়াছিলেন। এ অবস্থায় পরবর্তীকালে এই রাজার নাম ভুলিয়া তাঁহার স্থানে আদিশূরের নাম দিয়া তৎসাময়িক ঘটনার আরোপ কিছু বিচিত্র নহে। তাঁহার মাতৃকুল ও স্বশুরকুল এদেশ ত্যাগ করিয়া গেলে মহারাজ বিজয়সেন সামলবর্মার অধিকার গ্রাস করেন, সামলবর্মা পূর্ববঙ্গে আসিয়া দেনবংশের করদ নৃপতিরূপে রাজ্যশাসন করিতে থাকেন। তিনি এখানে আসিয়া ১০০১শকে শাকুনসত্র সম্পন্ন ও বৈদিক ব্রাহ্মণ প্রতিষ্ঠা করিয়া প্রতিষ্ঠিত হইয়াছেন।

সেনবংশের ইতিহাস আলোচনা করিলে প্রতিপন্ন হইবে যে সময়ে সামলবর্মা পূর্ববঙ্গে বিক্রমপুরে যে সময় শাকুনসত্র অনুষ্ঠানে ব্যাপ্ত ছিলেন, ঠিক ঐ সময়ে ১০০১শকে বা ১০৭২খৃষ্টাব্দে মহারাজ বিজয়সেন দক্ষিণ গোড় ও সমগ্র রাঢ় অধিকার করিয়া পশ্চিম বঙ্গে বিক্রমপুরে অধিষ্ঠিত হইয়াছিলেন। তাঁহার শিলালিপি পাঠে জানা যায় যে, তিনি বেদজ্ঞ ব্রাহ্মণ আনাইয়া অঙ্গস্র দক্ষিণাদানে সম্মানিত করিয়াছিলেন। দত্ত প্রভৃতি দক্ষিণরাঢ়ীয় কায়স্থগণের কুলকারিকায় পাওয়া যায় যে, এই 'শ্রীবিজয় মহারাজ' নৃপতির সভায় বহু কায়স্থ আসিয়া সমবেত ও সম্মানিত হইয়াছিলেন। কোন কোন কুলগ্রন্থে ইনিও 'আদিশূর' নামে পরিচিত হইয়াছেন। ইঁহাকেই আমরা শেষ 'আদিশূর' বলিয়া মনে করি।

বঙ্গসাহিত্যে “নক্সা”

(অধ্যাপক শ্রীযতীন্দ্রমোহন ঘোষ, এম-এ)

(ক)

“ছতোম পাঁচার নক্সা”র আমল হইতে আজকালকার দিন পর্য্যন্ত বাঙ্গালা সাহিত্যে নক্সার অভাব নাই। দীনবন্ধু, বঙ্কিমচন্দ্র, গিরিশচন্দ্র, অমৃতলাল, ইন্দ্রনাথ, প্রভৃতি কেহই “নক্সা” রচনা করিতে ছাড়েন নাই। রবীন্দ্রনাথের কোনও কোন রচনায়ও নক্সার ছাপ আছে। বাঙ্গালার জন-হাওয়া নক্সার অরূপযোগী হয় নাই, বরং ইহার পুষ্টিসাধনের পক্ষে সহায়তা করিয়াছে। বাঙ্গালার নিজস্ব হান্তরস নক্সার ভিতর দিয়া বহুক্ষেত্রে যথেষ্ট পরিমাণে আত্মপ্রকাশ করিয়াছে; আবার সময় সময় নক্সার মধ্যে আত্মগোপন করিয়া শিখণ্ডীর ত্রায় অলক্ষ্যে স্বকার্য সাধন করিয়াছে। আজ পর্য্যন্ত এ শ্রেণীর সাহিত্য বাঙ্গালায় বিরল হয় নাই। তাই দেখি আজও শ্রীযুক্ত দেবেন্দ্রনাথ বসু, শ্রীযুক্ত সুরেন্দ্র নাথ মজুমদার, শ্রীযুক্ত কেদারনাথ বন্দ্যোপাধ্যায় শ্রীযুক্ত সৌরেন্দ্রমোহন মুখোপাধ্যায়, শ্রীযুক্ত ভূপেন্দ্রনাথ বন্দ্যোপাধ্যায় প্রভৃতি শক্তিশালী লেখকগণ নক্সা রচনা করিতে কার্পণ্য করিতেছেন না। আবার, ছদ্ম নামেও কত লেখক কত নক্সা রচনা করিতেছেন ও কত নক্সা মাসিক পত্রের কুক্ষিগত হইয়া ক্রমশঃ লোকচক্ষুর অন্তরালে রহিয়া যাইতেছে। এই শ্রেণীর সাহিত্যের গতি ও প্রকৃতি, ইহার অতীত, বর্তমান ও ভবিষ্যৎ, ইহার প্রকৃত মূল্য-নির্ধারণ প্রভৃতি বিষয়ে এপর্য্যন্ত কেহই বিশদ আলোচনা করেন নাই, অন্ততঃ আমার জানা নাই। তাই বর্তমান প্রবন্ধে এসম্বন্ধে একটু আলোচনা করিব।

এখন নক্সা বলিতে আমরা ঠিক কি বুঝি? এ প্রশ্নের যথার্থ উত্তর দেওয়া সহজ নহে। “নক্সা” বলিতে সকলে এক জিনিস বুঝেন না এবং কখনও বুঝিবেনও না। “কাব্য,” “সাহিত্য” প্রভৃতির সংজ্ঞা দেওয়া যেমন সহজ নহে, এসব বিষয়ে যেমন মার্কাতার আমল হইতে আজ পর্য্যন্ত মতান্তর রহিয়া গিয়াছে, নক্সা সম্বন্ধেও ঠিক তাহা সত্য। তবে, তথাপি এই যে প্রাচ্য ও প্রতীচ্য অনেক বড় বড় কবি,

পণ্ডিত ও রসজ্ঞ সমালোচক কাব্য সাহিত্য প্রভৃতির এক একটা নির্দিষ্ট সংজ্ঞা দিতে চেষ্টা করিয়াছেন কিন্তু নক্সার ভাণ্ডে এরূপ চেষ্টা বোধ হয় কোন বড় সাহিত্যিক বা সমালোচকের দ্বারা এপর্য্যন্ত হয় নাই। তবে ইহা নিশ্চয়ই সত্য যে, সাহিত্যমোদী মাঝেই নক্সা বলিতে একটা কিছু বুঝেন এবং অপর এক জন সাহিত্যমোদীর সহিত এই বিষয় লইয়া তাঁহার মতটাই মতান্তর থাকুক না কেন, কিছু সাদৃশ্যও থাকিবেই। নক্সা বলিতে কেহ রামায়ণ, মহাভারত, রঘুবংশ, শকুন্তলা, বিষ্ণু-বৃক্ষ, মৌকা ডুবি প্রভৃতি শ্রেণীর রচনা নিশ্চয়ই বুঝিবেন না। আবার ৬ কালী প্রসন্ন ঘোষের নিভৃত চিন্তা বা ৬ অক্ষয় কুমার দত্তের প্রবন্ধাবলিকেও নিশ্চয় কেহ নক্সা বলিয়া ভুল করিবেন না। মাইকেলের প্রহসন ছুইখামি নক্সা কিনা, দ্বিজেন্দ্রনাথের “কঙ্কি অবতার” নক্সা কিনা, বঙ্কিমচন্দ্রের “মুচিরাম গুড়” নক্সা কিনা, এসম্বন্ধে মতান্তর থাকিতে পারে, কিন্তু বঙ্কিমচন্দ্রের “কৃষ্ণ-চরিত্র” বা রবীন্দ্রনাথের “প্রাচীন সাহিত্য” বা শরৎচন্দ্রের “নারীর মূল্য” যে নক্সা নহে একথা সকলেই স্বীকার করিবেন। এই প্রকারের নেতি নেতি প্রশংসী অবলম্বন করিলে অনেক শ্রেণীর রচনাই যে নক্সা নহে ইহা বুঝা যায়, কিন্তু এমন অনেক রচনা আছে যে গুলিকে তাহাদের স্রষ্টার নক্সা নামে অভিহিত না করিলেও তাহাদিগকে নক্সা বলা চলে,—যথা, বঙ্কিমচন্দ্রের “মুচিরাম গুড়”, ত্রৈলোক্যনাথ মুখোপাধ্যায়ের “ডমরু চরিত”, পরশুরামের “সিদ্ধেশ্বরী লিমিটেড” ও “কচি সংসদ”, সুরেন্দ্রবাবুর (মজুমদার) “ছ’কা বন্ধ”। এমন চের প্রহসন, পঞ্চরং, ব্যঙ্গ চিত্র এবং হাসির গল্প আছে যাহাকে “নক্সা” বলিতে অনেকেই প্রস্তুত হইবেন,—যথা, গিরিশ চন্দ্রের অনেকগুলি পঞ্চ রং, অমৃতলালের “অবতার”, দেবেন্দ্রবাবুর “পিণ্টুগোপাল”। এখন, কি কি উপাদান থাকিলে একটা রচনাকে “নক্সা” বলা যাইতে পারে? ইহার উত্তরে বলা যাইতে পারে যে,—

(১) প্রথমতঃ, “নক্সার” ভিতর যথেষ্ট পরিমাণে হাস্য-রসের উপাদান থাকিবে। পাঠককে একটু হাসান, একটু নিন্দোঁষ (?) ব্যঙ্গ-তামাসার অবতারণা করিয়া কিছুক্ষণের জন্য তাঁহার চিন্তাবিনোদন করা, একটা নিছক হাসির চিত্র তাঁহার সম্মুখে ধরিয়া তাঁহার কর্ণক্লাস্ত মনকে একটু তৃপ্তি দেওয়া—যে নক্সার একটা প্রধান উদ্দেশ্য তাহার সন্দেহ নাই। ইংরেজিতে যাহাকে ‘sense of the ludicrous’ বলা যায় তাহা নক্সার প্রধান উপাদান, অর্থাৎ কোন চরিত্রমূলক বা ঘটনামূলক অত্যন্ত বৈচিত্র্য, অসঙ্গতি, অসামঞ্জস্য লইয়া ব্যঙ্গ করা ইহার প্রধান কার্য। ইহা হইতেই নক্সার রসোৎপত্তি।

(২) দ্বিতীয়তঃ, সমাজ, শিক্ষাপদ্ধতি, সাহিত্য প্রভৃতির ভিতর কোন গলদের প্রতি একটা কটাক্ষ অথবা কোন ব্যক্তি বিশেষের ভণ্ডামি, জুয়াচুরি, ধাঙ্গাবাজি, এককথায় তাহার কোন ক্রটি লক্ষ করিয়া একটু বিদ্রূপের ইঙ্গিত নক্সায় থাকিবেই। শ্লেষ-বিদ্রূপ থাকিবে না, আক্রমণের ছল থাকিবে না, এরূপ হাস্য-রচনাকে বোধ হয়, নক্সা বলা চলে না। “হিউমার” বলিতে অধিকাংশ ইংরেজসমালোচকগণ যাহা বুঝেন তাহা হইতে “নক্সার” এই-খানেই প্রভেদ। “হিউমারে” আক্রান্ত ব্যক্তি, সম্প্রদায় বা সমাজের প্রতি একটা করুণা বা সহানুভূতির ভাব থাকিবে, নক্সাতে তাহা না থাকাই সাধারণ নিয়ম। শুধু একটা Broad laughter (অবহাস) থাকিবে, গ্রন্থকারের তরফ হইতে একটা খোঁচা বা কটাক্ষ থাকিবে না—এরূপ রচনাকে ঠিক নক্সা বলা সম্ভব হইবে না। পঞ্চাস্তরে শ্রদ্ধেয় শ্রীযুক্ত দেবেন্দ্রনাথ বসু মহাশয়ের কয়েকটা নক্সায় এরূপ খোঁচা প্রায় নাই বলিলেই হয়

(৩) তৃতীয়তঃ, নক্সার আর একটা উপাদান হইতেছে শিক্ষাদানের চেষ্টা। আক্রান্ত ব্যক্তি বা সমাজের চোখে আঙ্গুল দিয়া তাহার দুর্বলতা বা ভুল দেখাইয়া দেওয়া এবং তাহা যে সংশোধন করিতে হইবে ইহা বুঝাইয়া দেওয়া নক্সাকারের একটা প্রধান কার্য। নক্সা অনেকটা “moral agent” অথবা “social scavenger” এর কার্য করে। ব্যাধিবিদ্রূপের খোঁচায় লোককে স্বেচ্ছায়, সমাজের উন্নতি সাধন করা, “প্রকাণ্ডে বেলেমো-

গিরি, বদমাইসী, বজ্জাতি” যাহাতে লাভব হয় তাহা করা—নক্সার একটা প্রধান অত্যাঙ্কি বা উদ্দেশ্য।

(৪) চতুর্থতঃ, নক্সায় অতিরঞ্জন থাকিবেই। অত্যাঙ্কি, আত্যাঙ্কিতা বা অতিরঞ্জন নক্সার প্রাণ, ইহা বলিলে অত্যাঙ্কি হইবে না। অবশ্য এখানে অতিরঞ্জন কথার মানে বর্ণনা-বাহুল্য নহে; যে ব্যক্তিচার বা ব্যতিক্রম লইয়া ব্যঙ্গ করা হইতেছে তাহার অতিরঞ্জিত চিত্র, এই অর্থে অতিরঞ্জন শব্দ ব্যবহার করিতেছি। “এনোফেলিস্” জাতীয় মশক কি প্রকারে ম্যালেরিয়ার বীজ বহন করিয়া আনে, ইহা বুঝাইতে গেলে উক্ত শ্রেণীর মশকের যেমন বর্ধিতায়তন ছবি দেখাইতে হইবে, সেইরূপ কোন সামাজিক বা প্রচলিত প্রথা সম্বন্ধীয় ক্রটি, অসঙ্গতি, দুর্বলতা বা গলদের প্রতি পাঠক ও আক্রান্ত ব্যক্তির দৃষ্টি আকর্ষণ করিবার নিমিত্ত নক্সাকারকে ঐ ক্রটি বা গলদের এক অতিরঞ্জিত চিত্র আঁকিতে হইবে, তিলকে তাল করিয়া লোকচক্ষুর সম্মুখে ধরিতে হইবে। যথা, কোন এক “হটাৎ অবতারের” ভণ্ডামি দেখাইতে গেলে তাহা অতিরঞ্জিত করিয়া দেখাইতে হইবে; ব্রাহ্মণ পণ্ডিতগণের ও সমাজের দলপতিদিগের “মদ খাওয়া যে বড় দায়”, তাহা দেখাইতে গেলে সমাজের গোস্বামী, বাচস্পতিদের জোর করিয়া সভায় আনিয়া হাজির করিতে হইবে; অতিরিক্ত স্ত্রী-স্বাধীনতার-কুঙ্কল দেখাইতে গেলে এরূপ “তাজব ব্যাপারের’ বর্ধিতায়তন চিত্র দিতে হইবে। নক্সাকারের কিন্তু সর্বদা মনে রাখিতে হইবে যে, অনর্থক বর্ণনা-বাহুল্য দ্বারা নক্সার উদ্দেশ্য সিদ্ধ হয় না। অতিরিক্ত ডালপালা জুড়িয়া দিলে নক্সা অনেকস্থলেই প্রহসনে দাঁড়াইয়া যায়।

(৫) পঞ্চমতঃ, নক্সার ভাষা লঘু, সহজে এবং কৌতুক-মূলক হওয়া চাই। যে ভাষায় কার্ণাইল করাসী বিপ্লবের ইতিহাস রচনা করিয়াছেন বা অক্ষয়কুমার দত্ত চারুপাঠ তৃতীয় ভাগ লিখিয়াছেন তাহা নক্সার পক্ষে নিতান্ত অসুপ-যোগী। অবশ্য, ক্রীড়াচ্ছলে নক্সাকার সময় সময় গুরুগভীর ভাষা ব্যবহার করিবেন ও serio comic হাস্য গভীর ভাষা ব্যবহার করিমা রসসৃষ্টি করিবেন, কিন্তু, সাধারণতঃ, তাঁহার ভাষা লঘু ও কৌতুকমূলক হইবে। সংস্কৃতশব্দ-বহুল সাধুভাষা অপেক্ষা প্রবাদবাক্য ও চলিত কথা ব্যবহার করিলে নক্সার উদ্দেশ্য বেশী সিদ্ধ হয়। কিন্তু তাই বলিয়া

নক্সা সীমতা ও সুরচির গভী অতিক্রম করিবে না। অতিরিক্ত গ্রাম্যতা-দোষে ছষ্ট বা অসীলতাছষ্ট ভাষা নক্সাতেও অচল।

(৬) আবার, নক্সায় নীতিমূলক বক্তৃতা অথবা সুদীর্ঘ বর্ণনা অপেক্ষা ইঙ্গিতের ভাগ বেশী থাকিবে। অবশ্য ৬কালীপ্রসন্ন সিংহ “হতোম প্যাচার নক্সা”য় উপদেশমূলে অনেক স্থলে বক্তৃতা করিতে ছাড়েন নাই, কিন্তু আজ-কালকার জনপ্রিয় নক্সাগুলিতে ‘সারসমনের’ ভাগ কম ও গল্প এবং ইঙ্গিতের ভাগই বেশী। “সাত পেয়ে গরু” নামক (সাড়ে তিন লাইনে সমাপ্ত) একটি ক্ষুদ্র নক্সায় কালীপ্রসন্ন সিংহ মহাশয় যতটা ইঙ্গিত করিতে পারিয়াছেন তাহা তাঁহার সুদীর্ঘ, বর্ণনা-বহুল “কলিকাতায় বারোইয়ারী পূজা”য় পারিয়াছেন কি না সন্দেহ। “পাঁচু ঠাকুরের” অন্তর্গত কয়েকটি ছোট চিত্রে ইন্দ্রনাথ যে ইঙ্গিত করিয়াছেন তাহা, বোধ হয়, “কল্পতরু”, “ক্ষুদিরান” প্রভৃতি রচনায় পারেন নাই। নক্সাকার সর্বদা স্মরণ রাখিবেন যে নক্সার কার্য কোদলে হয় না, আঁশ-বঁটিতে ফোড়া অস্ত্র করা চলে না।

(৭) সপ্তমতঃ, নক্সা আকারে যথাসম্ভব ক্ষুদ্র হইবে। ‘Brevity is the soul of wit’ ও ‘restraint is the soul of art’ ইহা নক্সাকার সর্বদা মনে রাখিবেন। অবশ্য, অমৃতলাল লিখিত কয়েকটি “সামাজিক নক্সা” আকারে বড় ছোট নহে, কিন্তু সাধারণতঃ নক্সা বলিতে খুব বড় রচনা বুঝাইবে না। অমৃতলালের সামাজিক নক্সাগুলি অনেক স্থলেই প্রহসনে পরিণত হইয়াছে; সেগুলিকে নক্সা না বলিয়া প্রহসন বলিবেই ভাল হয়। বিক্রম, শ্লেষ ও সমাজ-সংস্কারের চেষ্টা থাকিলেই নক্সা হইবে না, তাহা হইলে “সধবার একাদশী” ও “খাসদখল”কে নক্সা বলা যাইত। নক্সা প্রবন্ধের আকারে (যেমন “হতোম প্যাচার নক্সার” অন্তর্গত অনেকগুলি নক্সা, “পাঁচুঠাকুর” গ্রন্থের অন্তর্গত কয়েকটি নক্সা), ব্যঙ্গচিত্রের আকারে (যেমন গিরিশ-চন্দ্রের “নক্সা”, ত্রৈলোক্যনাথের “ডমরু চরিত” দেবেন্দ্র বাবুর “ঘণ্টা মারো”, “কাঠে কাঠে”, “ডেভিল ম্যারেজ”) ক্ষুদ্রায়তন নাটিকা বা প্রহসনের আকারে (যেমন গিরিশ চন্দ্রের ‘বেল্লিক বাজার’, অতুলকৃষ্ণ ‘বকেখর’, অমৃতলালের ‘বোঁসা’, দেবেন্দ্রবাবুর ‘পিটুগোপাল’, অথবা গত বৎসর

আশ্বিন মাসের বসুমতী পত্রিকায় প্রকাশিত, “ত্রিবিষ্ণুশর্মা” লিখিত ‘প্রমত্ত মর্ত্যালোক’), ব্যঙ্গ কবিতার আকারে (যেমন, হেমচন্দ্রের ‘বাঙ্গালীর মেয়ে’, দ্বিজেন্দ্রনাথের ‘নন্দলাল’), কিংবা ছোটগল্পের আকারে (যেমন, ত্রৈলোক্যনাথের “মুক্তামালা”র অন্তর্গত কয়েকটি গল্প ও দেবেন্দ্রবাবু, পরশুরাম, সুরেন্দ্রবাবু, কেদারবাবু প্রভৃতির কয়েকটি ছোট গল্প) লেখা যাইতে পারে কিন্তু তাহা আকারে খুব বড় হইবে না। পঞ্চাশনাটক বা বড় উপন্যাসকে কিছুতেই নক্সা বলা চলে না। এক কথায়, উপদেশ-বহুল, চিত্র-বহুল, চরিত্র-বহুল বড় রচনাকে নক্সা নামে অভিহিত করা যাইতে পারে না।

(৮)

“নক্সা”-সাহিত্য যে বাঙ্গালা ভাষায় নূতন নহে ইহা পূর্বেই বলিয়াছি। আমরা বাঙ্গালা সাহিত্য বলিতে সাধারণতঃ যাহা বুঝি তাহার পশ্চিম খৃষ্টীয় ঊনবিংশ শতকের মধ্যভাগ হইতে ধরিলে দোষের হইবে না। বিদ্যাপতি, চণ্ডিদাস প্রভৃতি বৈষ্ণব কবিগণ ও ভারতচন্দ্রকে বাদ দিলে ইহার পূর্বে বাঙ্গালা সাহিত্যে উল্লেখযোগ্য রচনা খুব কম। পাঠক সাধারণ তাহার সহিত বিশেষ পরিচিত ও নহেন। “ভদ্রার্জুন”, “কুলীন-কুল-সর্কস্ব”, “সুবর্ণ শৃঙ্খল”, মাইকেল-প্রণীত “পশ্চিষ্ঠা”, “বুড়োশালিক”, “একেই কি বলে সত্যতা”, এবং দীনবন্ধু-প্রণীত “নীলদর্পণ” লইয়াই আমাদের নাট্য-সাহিত্যের জন্ম বলিলে ভুল হইবে না। আবার, “আলালের ঘরের দুলাল” বাঙ্গালায় লিখিত প্রথম উপন্যাস ইহাও মোটামুটি ভাবে সত্য। যদিও একথা মানিতে পারা যায় না যে, “কুলীন-কুল-সর্কস্ব” নাটক এবং মাইকেলের প্রহসন দুখানি ভাষা ও ভাবের দিক দিয়া অত্যন্ত সেকেলে ধরণের জিনিস কিংবা টেকচাঁদ ছাড়া তখনকার দিনে কেহই চলিত ভাষায় সাহিত্য রচনা করেন নাই, তথাপি মোটামুটি হিসাবে ধরিলে সংস্কৃত-বহুল শব্দ অনেক পরিমাণে বর্জন করিয়া চলিত ভাষায় উপন্যাস রচনা ও সাহিত্য সৃষ্টি করিতে বাঁহারা অগ্রসর হইয়াছিলেন টেকচাঁদ যে তাঁহাদের অগ্রণী, ইহা মানিয়া লইলে হানি নাই। টেকচাঁদের পরেই খুব সহজ ও চলিত ভাষায় সাহিত্য রচনায় প্রয়াসী হইয়াছিলেন মহাত্মারতের অনুবাদক মহাত্মা কালী-প্রসন্ন সিংহ। এ প্রয়াসের প্রকৃষ্ট নিদর্শন হইতেছে “হতোম

প্যাচার নক্সা"। যে হস্তে ভারতের সর্বশ্রেষ্ঠ নীতি-প্রধান ইতিহাস সুসংস্কৃত বাঙ্গালা গদ্যে অনূদিত হইয়াছিল, সে হস্তে যে তথাকথিত সাধুভাষা যথাসাধ্য বর্জন করিয়া চলিত ভাষায় ছতোমের নক্সা বাহির হইতে পারে ইহা বাস্তবিকই বিশ্বয়কর। এই নক্সা খানি বাহির হইবার পূর্বে বাঙ্গালায় নক্সা-সাহিত্য ছিল কি না তাহা প্রত্নতত্ত্ব-বিদগণ অনুসন্ধান করিবেন। সে সংবাদ আমাদেরও জানা নাই, ছতোমের সৃষ্টিকর্তারও জানা ছিল না। গ্রন্থকার এই নক্সায়—“ভূমিকা উপলক্ষে একটা কথা” বলিতে গিয়া পাঠকগণকে স্পষ্টই জানাইয়াছেন যে নক্সা লইয়া ভাঁড়ামো করার চেষ্টা বাঙ্গালা ভাষায় এক নূতন জিনিষ। এই নক্সাটী পাঠকদের উপহার দিয়ে ‘এই এক নূতন’ বলে তিনি তিরস্কার বা পুরস্কার লইতে দাঁড়াইয়াছেন। তাঁহার ভাষায়, “কি অভিপ্রায় এই নক্সা প্রচারিত হল, নক্সা খানির দুপাত দেখলেই সহৃদয় মাত্রেই তা অনুভব কতে সমর্থ হবেন; কারণ, এই নক্সায় একটা কথা অলীক বা অমূলক ব্যবহার করা হয় নাই। সত্য বটে, অনেকে নক্সাখানিতে আপনারে আপনি দেখতে পেলেও পেতে পারেন, কিন্তু বাস্তবিক সেটী যে তিনি নন, তা বলা বাহুল্য। তবে কেবল এই মাত্র বলতে পারি যে, আমি কারেও লক্ষ্য করি নাই, অথচ সকলেরেই লক্ষ্য করেছি। এমন কি স্বয়ং নক্সার মধ্যে থাকতে ভুলি নাই।” *

নক্সা-সাহিত্যের ইতিহাস আলোচনা করিতে হইলে ছতোমকে সর্বাগ্রে রাখিয়া কথা বলিতে হইবে এজন্যও বটে এবং এই নক্সা খানি অধুনা দুপ্রাপ্য হইয়াছে ও আজ-কালকার পাঠক-সাধারণের নিকট এক প্রকার অপরিচিত বলিয়াও বটে, এ সম্বন্ধে এত কথা বলিলাম ও বলিতেছি। (১৭৮৪ শকাব্দায় প্রকাশিত ও দুই খণ্ডে সমাপ্ত) এই নক্সা-খানিতে তদানীন্তন কলিকাতার বাবু মহলের একখানি জীবন্ত (হয়তো স্থলে স্থলে কতকটা অতিরঞ্জিত) চিত্র পাওয়া যাইবে। এ হিসাবে “আগালের ঘরের ছালাল” গ্রন্থের স্থায় এ গ্রন্থখানি অমূল্য। প্রায় ৭০ বৎসর পূর্বেকার কলিকাতার চড়কপার্কিং,বারোইয়ারী পূজা, রথ, দুর্গোৎসব ও রামলীলা বর্ণনা উপলক্ষে, মাহেশের স্নানযাত্রা বর্ণনা উপলক্ষে, মহাত্মা রামমোহন রায়ের পুত্র রমাপ্রসাদ রায়ের মাতৃশ্রদ্ধ উপলক্ষে—নক্সাকার তখনকার কলিকাতা সমাজের যে চিত্র দিয়াছেন, কলিকাতার বড় মানুষদের নৈতিক উচ্ছৃঙ্খলতা, “গুরুপূজা” প্রকৃতি প্রথার কদর্যতা, ব্রাহ্মণ-পণ্ডিত(?)গণের শিক্ষাহীনতা, ভট্টাচার্য্যগণের কথায়

* বর্তমান যুগের একজন প্রবীন সাহিত্যিক ও প্রসিদ্ধ নক্সাকার তাঁহার একই নক্সা উপলক্ষ্য করিয়া আমার বলিয়াছেন যে, ইহার ভিতর তিনি নিজেও আছেন। তাঁহার অনেকগুলি নক্সার ভিতর autobiographical element আছে ইহাও তিনি স্বীকার করিয়াছেন।

ও কার্য্যে প্রভেদ, এক কথায় সমাজিক অধঃপতনের যে চিত্র তিনি আঁকিয়াছেন তাহা না পড়িলে বুঝা যায় না। আবার এই গ্রন্থে তখনকার দিনের “ক্রিস্চানি হুজুক” “বুজুকি”, “ভূত নাবানো” প্রভৃতির যে বর্ণনা আছে এবং “রসরাজ” ও “যেমন কর্ম্ম তেমনি ফল” প্রভৃতি কাগজ-ওয়ালাদের খেঁউড় লড়াই লইয়া যে সব মন্তব্য আছে, তাহাতে বোধ হয় নক্সাকার যেন চোখে আঙুল দিয়া তখনকার সমাজের চিত্র পাঠককে দেখাইয়া দিতেছেন। সত্য বটে, ব্যক্তিগত আক্রমণের জন্য এই নক্সা খানি অনেকস্থলে দূষিত হইয়াছে, সত্য বটে নক্সা আঁকিতে গিয়া গ্রন্থকার বহুস্থলে লম্বা লম্বা বক্তৃতা করিয়া নক্সা খানির সৌন্দর্য্য হ্রাস করিয়াছেন, সত্য বটে তাঁহার ভাষা অনেক স্থলে গ্রাম্যতা-দোষে দূষিত হইয়াছে—কিন্তু তাই বলিয়া বাঙ্গালার এই সর্ব প্রথম নক্সাখানি অবজ্ঞা ও অনাদরের সামগ্রী নহে। ইহা তে হিউমার'না থাকিলেও প্লেব-বিজ্রপ যথেষ্ট পরিমাণে আছে, ইহার ভাষা * তখনকার দিনের কলিকাতা অঞ্চলের চলিত ভাষা হইলেও শ্রুতি-কঠোর বা বিরক্তিকর হয় নাই। মোট কথা, অধুনিক যুগের ইঞ্জিত-মূলক ও আখ্যানিক-প্রধান নক্সা গুলির শিল্প-চাতুর্য্য ইহাতে বেশী না থাকিলেও নক্সার যাহা প্রধান উদ্দেশ্য তাহা একেত্রে নিষ্ফল হয় নাই। ইহার প্রমাণ গ্রন্থকার নিজেই দিয়াছেন। দ্বিতীয়বারের ‘গৌর চন্দ্রিকা’য় গ্রন্থকার বলিয়াছেন যে, এই নক্সাখানি (“কেউ লুকিয়ে কেউ প্রকাশে”) প’ড়ে “অনেকে শুধরেছেন, সমাজের উন্নতি হয়েছে, প্রকাশ্য বেলেলাগিরি, বদমায়েসী বজ্রাতি অনেক লাঘব হয়েছে।”

(ক্রমশঃ)

* এই নক্সার ভাষার নমুনা স্বরূপ দুই একটি উদাহরণ উদ্ধৃত করিয়া দিতেছি :—

(১) “ভট্টাচার্য্য মশাইদের ছেলে বেলা যে কদিন আসল সরস্বতীর সঙ্গে সাক্ষাৎ, তার পর একত্রে আর তাঁর সঙ্গে সাক্ষাৎ হয় না; কেবল সংবচর অন্তর একদিন মেটে সরস্বতীর সঙ্গে সাক্ষাৎ। সেও কেবল কিকিৎ কাঞ্চন মূল্যের জন্ত।”

(২) “এক এক জন কলারমুখে বামুনকে ক্রিয়া বাড়ীতে চুকতে দেখলে হটাৎ বোধ হয়, যেন গুরুমশাই পাঠশালা ভুলে চলেচেন। কিন্তু বেরোবার সময়ে বোধ হয় এক একটা সর্দার খোপা;—মুচিমণ্ডার মোটটী একটা গাধার বইতে পারে না।”

(৩) ইংরেজি পড়লে পাছে খানা খেয়ে কৃচ্ছান হয়ে যায়, এই ভয়ে তিনি (“হটাৎ অবতার” মহাশয়) ছেলেগুলিকে ইংরেজি পড়ান না, অথচ বিদ্যাসাগরের উপর ভরানক বিষেব নিবন্ধনে সংস্কৃত পড়ানও হয়ে উঠে নাই, বিশেষতঃ শূদ্রের সংস্কৃতে অধিকার নাই এটীও তাঁর জানা আছে।”

বন্দে মাতরম্

(গল্প)

[শ্রীম্ভবোধচন্দ্র বন্দ্যোপাধ্যায়, বি.এ]

১

শৈলেন প্রথম শ্রেণীর ছাত্র। ছেলেবেলা হইতেই সে খুব স্বদেশাত্মরাগী—তাহার প্রতিজ্ঞা এই সে কখনই চাকরী বা কাহারও দাস হইবে না। সে দিন সোমবার স্কুলে আসিয়া সে দেখিল দরজায় একখানা কাগজে লেখা আছে “আজ মায়ের আহ্বান, স্বরাজের জন্য স্কুল ছাড়িয়া টাউন হল-সভায় যোগদান করিবেন।”

শৈলেন ডাবিল এতদিন ছাত্রদের কেহ ‘আপনি’ বলে নাই, ‘তুই’, বড় জোর ‘তুমি’ তাহাদের প্রতি প্রয়োগ করা হয়। আজ এই বিজ্ঞাপনটির শেষ শব্দ তাহাকে জামাইয়া দিল সেও সজ্ঞাস্ত। পিতা, মাতা, শিক্ষক প্রভৃতির কাছে সঙ্গম দূরের কথা। পিতা বলিতেন “মূর্খ,” মাতা বলেন “ছেলের কাঁথায় আগুন!” আর শিক্ষকের কাছে সে “রাসকেল ছেলে!” এই বিজ্ঞাপনের ভাষা তাহাকে বুকাইয়া দিল—বাড়ী ও স্কুলের বাহিরে তাহার ডাক পড়িয়াছে।

সেদিন সে স্কুলে গেল না। একেবারে টাউন হলের দিকে অগ্রসর হইল।

পথে কয়েকটি সহপাঠীর সঙ্গে দেখা হইল। তাহারা স্কুলে যায় নাই। শৈলেন বলিল, “তোমরা কি টাউন হলে বাবে?”

একজন বলিল, “সে আবার বলতে?”

নরেন বলিল, “তুইও টাউন হলে থাকিস্ তো? আজ অনিমেঘবাবুর ইংরেজী বক্তৃতা—বুঝতে পারবি?”

সন্তোষ একটু হাসিল। শৈলেনের মনে হইল এই হাসিটার সহিত উপহাসের কোন প্রভেদই নাই। সে জানিত সন্তোষ ক্লাশের শ্রেষ্ঠ বালক।

টাউন হলে আসিয়া সে দেখিল সভাস্থলে লোকারণ্য, দাঁড়াইয়া দেখিবার স্থানও প্রায় শেষ হইয়াছে। সহপাঠীরা

কে কোথায় ভিড়ের মধ্যে মিশাইয়া গিয়াছে তাহা সে ঠিক রাখিতে পারিল না।

অনিমেঘবাবু বলিতেছিলেন, “হে উরুণ সজ্ববন্ধ হও, দেশমাতার আহ্বান আসিয়াছে, তোমরা স্কুল কলেজ ছাড়িয়া দাও। এস, সকলে তোমরা কাল বেলা দুইটার মধ্যে ‘শক্তি-সজ্জ’ আকিসে জড় হয়ে বেয়া পার কাজ ঠিক করে নাও।”

আরও অনেক কথা হইল। অনিমেঘবাবুর নাকে চশমা, পরিধানে খদ্দর, মাথায় গান্ধী ক্যাপ। তাহার ওজস্বিনী বক্তৃতায় সকলেই মুগ্ধ হইল। ঘন ঘন হাততালি পড়িতে লাগিল।

বক্তৃতার পর সভা ভঙ্গ হইল। চারিদিকে সকলে সম্বরে চীৎকার করিল, “বন্দে মাতরম্।”

২

পথে চলিতে চলিতে শৈলেন ডাবিল ‘বন্দে মাতরম্’ কথাটার অর্থ কি? সে স্থির করিল সারা দেশটাকে জননীর মত দেখিতে হইবে; বুঝিতে হইবে এই দেশই তাহাকে প্রসব করিয়াছে—এই দেশকেই মায়ের মত বহু করিতে হইবে, সঙ্গম করিতে হইবে—তবেই স্বরাজ সম্ভব।

সে ভূগোলে পড়িয়াছিল বাঙ্গালা সামান্ত দেশ নয়। মানা জেলা, নগর, গ্রাম ইহার মধ্যে স্থান পাইয়াছে। তার পর বাঙ্গালার মত কত প্রদেশ লইয়া এই ভারতবর্ষ। শৈলেন ডাবিল—হিমালয় হইতে কুমারিকা পর্যন্ত এই বিপুল ভূমি কত নদনদী, পর্বৎ, অরণ্য, কত কীটপতঙ্গ, নরনারীকে কোন্ অতীত যুগ হইতে আজ পর্যন্ত পোষণ করিয়া আসিতেছে। ইহারই বুকে আমাব পূর্ব পুরুষ পালিত হইয়াছেন, আমিও বিংশতাব্দীর কয়েকটা বৎসর কাটাইয়ে আসিয়াছি। এই ভ্রামলা ভূমি সত্যই আমার জননী, তাহার সেবা আমার পরম ধর্ম। এ কথা অতি

সামান্য ইহার জন্য সভাসমিতি কেন, এত মন্ততার প্রয়োজন কি ?

সে ধীরে ধীরে আপনার কুটারে আনিয়া উপস্থিত হইল। আজ তিন বৎসর তাহার পিতা ইহলোক ত্যাগ করিয়াছেন। দারিদ্র্য হইতে আত্মরক্ষার জন্য মা নিকটস্থ এক ধনীর সংসারে রাখুনির কাজ করন।

দেশের চিন্তা ছাড়িয়া সে এইবার নিজের অবস্থায় কথা

। মা বলিলেন, “শৈলেন, কবে তুই পাস দিয়ে চাকরি করবি ! আমি আর পারি না।”

শৈলেন চীৎকার করিল, “মা, ধিদে পেয়েছে।”

মা সামান্য একটা পাত্রে কতকগুলি মুড়ি আনিয়া পুরকে খাইতে দিলেন। তখন পথ দিয়া অনিমেষবাবুর মোটর শৃঙ্গনিদ্রা করিতে করিতে ধীরগতিতে চলিতেছিল ছেলেরা মন্তের মত চীৎকার করিতেছিল, “বন্দে মাতরম্।”

পরদিন শৈলেন বেলা দুইটার মধ্যে শক্তিসভ্য আফিসে উপস্থিত হইয়া দেখিল প্রায় চল্লিশ জন ছাত্র জড় হইয়াছে, ইহাদের দুই চারিজন তাহারই সহপাঠী।

অনিমেষবাবু বলিতেছিলেন, “আজ আমাদের স্বৈচ্ছাসেবকের সংখ্যা হ্রশো হয়ে উঠল। তোমরা সবাই আমার ভাই, এস ভাই তরুণ, আমরা মাতৃষজ্ঞে আত্মাহুতি দিই। তোমরাই দেশের ভরসা—সব বাধন তোমরা ছিঁড়ে কেল—স্কুল-কলেজ বা সংসার কিছুতেই যেন তোমাদের বেঁধে রাখতে না পারে। তোমরা মুক্তির দূত হয়ে দেশকে পথ দেখাও। সকল দেশে তোমরাই নেতার কাজ করে এসেছ ; এ দেশকেও কালোপযোগী করে নেওয়া তোমাদেরই কাজ।”

শৈলেনও স্বৈচ্ছাসেবকদের দলে যোগ দিল ; একজনকে জিজ্ঞাসা করিল, “ভাই আমাদের কি করতে হবে ?”

সে বলিল, “কি করতে হবে তা জান না ? দেশের অবস্থা কি সেটা তোমার জানা নেই কি ? এমন অন্ধ জগতে নেই—”

সকলে একে একে চলিয়া গেল। কেবল শৈলেন নড়িল না। সন্ধ্যার সময় অনিমেষবাবু বাহির হইবার উপক্রম করিতেছেন, এমন সময় সে নিকটে আসিয়া তাঁহাকে জিজ্ঞাসা করিল, “আমাদের কি করতে হবে ?”

অনিমেষবাবু বিস্মিত হইয়া বলিলেন, “কেন, সে

কথা তো আমি বলে দিয়েছি, তোমরাই নেতা, তোমাদের পথ দেখাতে হবে।”

“কাকে ?”

“দেশবাসীকে।”

“কিসের পথ ?”

“শক্তির পথ। তুমি কিছুই শোন নি দেখতে পাচ্ছি।”

শৈলেন বলিল, “আজ্ঞে হাঁ, আমার বুঝতে ইচ্ছা করে, কিন্তু এখনও বুঝি নি।”

অনিমেষবাবু বলিলেন, “দেখ, আমরা চাই শক্তি, আমরা শুধু দেশের মধ্যে একতা আনতে চাই। মহাত্মা গান্ধী ছেলেদের স্কুল কলেজ ছেড়ে দেশের কাজ করতে বলেছিলেন, কিন্তু কোন কাজ তাদের হাতে দিতে পারেন নি। তাঁর ভুল তিনি নিজেই স্বীকার করেছেন—আমি কিন্তু সে ভুল করি নি—এই জেলায় আমি ছাত্র-সমাজের কর্মধ্যক্ষ মাত্র--ছাত্রেরাই এখানে নেতা, তাদেরই ইচ্ছা হয়েছে তারা স্কুল-কলেজ ছেড়ে দেশের সেবা করবে। আমি তাদের মতেই চলেছি।”

শৈলেন বলিল, “সবাই আপনারই কথামত কাজ করছে, এই তো আমার মনে হয়।”

“ঐটা তোমার প্রকাণ্ড একটা ভুল ; কিছুদিন পরে সব ভুল ভেঙ্গে যাবে।”

পরদিন খাতাপত্র হাতে করিয়া শৈলেন স্কুলে আসিতেছে এমন সময় মোহিত বলিল, “কাল তুই গলাটিয়ার হলি, আজ আবার স্কুলে যাচ্ছিস্, তোর লজ্জা করছে না ?”

শৈলেন বলিল, “কি করি ভাই, মা বললে।”

মোহিত বলিল, “দেশের কাজে বাপ-মা, ভাই-বোনের পরামর্শ নেওয়া চলে না। বাপ-মা তোমার, তাঁরা দেশের কেউ নন—দেশের কাজ করতে গেলে তাঁদের অগ্রাহ্য করতে হবে।”

শৈলেন চুপ করিয়া দাঁড়াইয়া রহিল, বলিল, “তা হলে একবার মাষ্টার মশাইকে বলে আসি।”

মোহিত বলিল, “মনে থাকে যেন মাষ্টার মশাই গোলাম খানার—দেশের কথায় তাঁরা বড় একটা থাকতে চান না।”

“বাই হোক একবার জিজ্ঞাসা করি না।”

“তা হ’লে পুলিশে বেতে হ’বে।”

“সে ভয় আমার নেই” বলিয়া শৈলেন স্কুলে চলিয়া গেল। সে একেবারে প্রধান শিক্ষকের নিকট গিয়া এক মাসের ছুটি প্রার্থনা করিল। প্রধান শিক্ষক তাহার সকল কথা শুনিয়া বলিলেন, “পড়াশুনা ছেড়ে দিয়ে দেশের কাজ করবার সময় আমার মতে এখনও আসে নি। কাজেই স্কুল ছাড়ার উপদেশ আমি তোমাকে দিতে পারি না।”

“তা হ’লে শুধু আজ ছুটি দিন।”

“কেন? তোমার অভিভাবক কি তোমাকে ছুটি দিতে বলেছেন?”

“না।”

“তা হ’লে আজও আমি তোমাকে ছুটি দিতে পারি না। আমার আদেশ যদি না মানতে চাও—বল—আমি তোমাকে ছেড়ে দেব।”

শৈলেন বলিল, “আপনার আদেশ মানব না এ কথা আমি কখনও বলি নি।”

শৈলেন ক্লাসে চলিয়া গেল। ছুটির পর বাড়ীতে কিরিবার পথে আবার মোহিতের সঙ্গে দেখা হইল। মোহিত বলিল, “দেখ্‌লি আমি তো বলেছিলুম মাষ্টার মশাইরা কখন দেশের কাজ করতে দেন না।”

শৈলেন বলিল, “কই, মাষ্টার মশাই তো আমাকে জোর ক’রে স্কুলে বন্দী করেন নি।”

মোহিত বলিল, “আমরা সে জোর যে ঘুচিয়েছি, এখন আর জোর করে কিছু করবার ঘো নেই।”

শৈলেন কিছুক্ষণ চুপ করিয়া দাঁড়াইয়া রহিল।

সে এইবার প্রকাশ্যে বলিল, “দেখ মোহিত, জোর ঘুচিয়েছ কার? যারা জোর করেন না অর্থাৎ বাপ-মা, মাষ্টার মশাই তাদের? এতে কি কোন বীরত্ব আছে? আমি তো তা’ স্বাধীনতার অপব্যবহার মনে করি।”

মোহিত হাসিয়া বলিল, “তুই দাস, বরাবর দাসত্ব করেছিস, সারাজীবন ঐ দাসত্বই করতে হবে।”

৪

তিন বৎসর পূর্বে অনিমেসবাবু এই জেলার একজন উকিল হইয়া আসেন। আদালতে তাঁহার প্রাপ্তপত্তি কিরূপ ছিল তাহা আমরা জানি না, তবে মহাত্মা গান্ধীর অসহযোগ

আন্দোলনের সময় তিনিই প্রথমে ওকালতি ছাড়িয়া দেন। ইহাতেই তাঁহার বশ চারিদিকে ছড়াইয়া পড়ে। বক্তৃতায় তিনি শ্রোতাদের মুগ্ধ করিতে পারিতেন। এই অল্প ছাত্রের দল তাঁহার বশবর্তী হইয়া পড়িয়াছিল, অনিমেসবাবুকে তাহারা দেবতার মত সন্মান করিত। স্থানীয় সকল ছাত্রই তাঁহার “শক্তিসম্ভেব” সত্য হইয়াছিল।

প্রতি বৎসর ভাদ্রমাসের প্রথম সাতদিন “শক্তিসম্ভেব”র বিশেষ অধিবেশন হয়। আজ তিন দিন কাটিয়াছে। এই সাত দিন অনিমেসবাবুর মতে ছাত্রকে বিদ্যালয়ে না গিয়া কিসে দেশের উন্নতি হয় তাহা চিন্তা করিতে হইবে। চতুর্থ দিনে জেলা স্কুলের নিকটবর্তী মাঠে এক বিপুল সভা হইল। অনিমেসবাবু বলিলেন, “আমি তিন মাসের মধ্যে তোমাদের স্বরাজ আনিয়া দিব—মহাত্মা জী যাহা পারেন নাই—আমি তাহাই করিব; তোমরা শীঘ্রই দেখিতে পাইবে আমার এসব কথা পাগলের প্রলাপ নয়, কেবল আমি যাহা বলিব তাহা তোমরা মানিয়া চল।”

ছাত্রদল “বন্দে মাতরম্” বলিয়া গর্জন করিয়া উঠিল।

সভাস্থলে ক্রমশঃ পুলিশের আবির্ভাব হইল। শ্রোতার নানা দিকে পলাইয়া গেল। কেহ কেহ লাঠির আঘাত সহ করিল। অনিমেসবাবু চীৎকার করিয়া বলিলেন, “সাবধান, কেহ আঘাত করিও না—অহিংসাই আমাদের নীতি।”

পরদিন খবরের কাগজে অনিমেসবাবুর বীরত্ব ও ছয় মাস সশ্রম কারাদণ্ডের কথা প্রকাশিত হইল।

৫

শৈলেন জিলাস্কুলে বিনা বেতনে পড়িত। ছাত্রদের ধর্মঘটে সে এক দিন যোগ দিয়াছিল বলিয়া স্কুলের কর্তৃপক্ষ রেজেন্টারী হইতে তাহার নাম কাটিয়া দিলেন।

মা তাহাকে ডাকিয়া বলিলেন, “দেখ্‌ শৈলেন, তুই অভাগীর ছেলে, অনেক কষ্টে তোকে লেখাপড়া শেখাচ্ছিলুম এমন সর্বনাশ কেন করলি বল্‌ তো?”

শৈলেন চুপ করিয়া কিছুক্ষণ দাঁড়াইয়া রহিল, তারপর বলিল, “মা, দেশের সেবা করতে গেলে নিজের ক্ষতি আপনা হ’তেই হ’য়ে থাকে।”

মাতাপুত্রের আর বেশী কথাবার্তা হইল না।

মা রাঁধুনির কাজ করিতে চলিয়া গেলেন, ছেলে বাড়ীর

বাহিরে আসিয়া দেখিল—স্থলের ছেলেরা চারিদিকে গোলমাল আরম্ভ করিয়াছে। অনিমেসবাবুর জেল হইয়াছে বলিয়া সেদিন তাহারা কেহই স্থলে যায় নাই।

বড়দীঘির দক্ষিণে প্রকাণ্ড একটা বটগাছের নীচে চারিজন বালক ভাল খেলিতেছে। রাত্তায় একটা পাগল খুলাকাটা মাথিয়া বালকগণকে তাড়া করিয়াছে, আর দশ বারটা বালক এক একটা গাছের ডাল ভাঙ্গিয়া “বন্দে মাতরম্” বলিয়া চীৎকার করিতে করিতে তাহার পিছনে ছুটিয়াছে। অদূরে অপর দুইটা বালক কি একটা সামান্য কারণে ক্রুদ্ধ হইয়া মারামারি আরম্ভ করিয়াছে।

শৈলেন নিকটে আসিতে না আসিতে আরও কয়েকটা বালক সেই মারামারিতে যোগদান করিল। ক্রমশঃ প্রতি দলে দশবার জন বালক জমিয়া একটা দাঙ্গার আয়োজন করিল।

এমন সময় শৈলেন নিকটে আসিয়া বলিল, “ভাই, তোমরা দেশের কাজ করবে বলে স্থূল ছেড়েছ; কিন্তু যে কাজ করতে যাচ্ছ সেটা ভ্রাতৃ-বিরোধ।”

“কি হে ভাল ছেলে, ভারি যে শুদ্ধ শুদ্ধ কথা বলছ।” বলিয়া একটা বালক তাহার দিকে অগ্রসর হইল।

শৈলেন বলিল “মারবে না কি? মনে পড়ে সেদিন প্রতিজ্ঞা করেছ দেশের সেবা করবে, আর আজ কি হচ্ছে? ভায়ের গলায় ছুরি বসাবে? এই কি অনিমেসবাবু বলেছেন?”

বালকটা খতমত খাইয়া চলিয়া গেল। কিন্তু আর একজন আসিয়া “রাধুনীর ছেলে তোর এত স্পর্ধা?” বলিয়া তাহার কপালে এক বা ঘুসি মারিল। শৈলেন মাথায় হাত দিয়া নীরবে দাঁড়াইয়া রহিল।

এই ব্যাপারের পর বালকেরা সে স্থান ছাড়িয়া চলিয়া গেল। পল্লীর মধ্যাহ্ন তাহার স্বাভাবিক শুক্ণতা ধারণ করিল। শৈলেন যখন তাহার অচল অবস্থা হইতে আপনাকে মুক্ত করিল তখন সম্মুখে সেই শূক্ণদৃষ্টি প্রহার-জর্জরিত পাগলটা ছাড়া আর কাহাকেও দেখিতে পাইল না।

সে ধীরে ধীরে বাড়ীতে চলিয়া আসিল। সামান্য এক খানি কুটীর। গত বর্ষার জলে তাহা জীর্ণ হইয়া পড়িয়াছে।

নিশ্চয় কক্ষ সে অনেকক্ষণ চুপ করিয়া বসিয়া রহিল। ক্রমশঃ সন্ধ্যার মেঘাঙ্ককার একটা নিবিড় মর্ষ বেদনার মত ঘনাইয়া আসিল। রাত্রি দশটার সময় মা ঘরে ফিরিলেন। তাঁহার শরীর তখন জ্বরে অবসন্ন।

৬

প্রভাতে শৈলেন দেখিল মা জ্বরে প্রায় অচেতন। পুত্রকে নিকটে ডাকিয়া একবার বহুকষ্টে তিনি বলিলেন, “শৈলেন উঠতে পারছি না, তুই একবার চৌধুরীদের বাড়ীতে বলে আয় আগ্র আর আমি রাখতে যেতে পারব না।”

শৈলেন বলিল, “বলতে হ’বে না মা, তারা বুঝে নেবে—অত দাসত্ব করা যায় না।”

মা একটু হাসিয়া বলিলেন, “দাস হ’য়ে যদি দাসের কাজে অবহেলা কর তাহলে দাসেরও অধম হতে হ’য়। আমার দাসত্ব তো ঘোচাতে পারলি না, লেখা-পড়া ছেড়ে দিলি এখন করবি কি বল তো?”

“আমি ব্যবসা করব।”

“কি ব্যবসা করবি?”

“বিড়ির দোকান খুলব। আমাকে গোটা কুড়ি টাকা দাও।”

“যা এখন, আমার কথা শোন।”

“টাকা কখন দেবে?”

“তুই ফিরে এলেই দেব?”

পনেরো মিনিটের মধ্যে শৈলেন ফিরিয়া আসিয়া বলিল, “কই মা টাকা দাও।”

মা বলিলেন, “দেখ চাকুরি কর—সামান্য টাকা নিয়ে ব্যবসা করে লাভ করতে পারবি না।”

আমি চৌধুরীদের বললেই তারা তোকে একটা চাকুরি দেবে। সব কথা ঠিক করে রেখেছি। এখন তোর ইচ্ছা হলেই হয়।”

“আমি চাকুরি করব না।”

“তুই চাকুরি করবি না, আর আমাকে দিয়ে চাকুরি করাবি।”

“না মা আমি ব্যবসা করে তোমারও দাসত্ব ঘোচাব।”

মা টাকা দিলেন। শৈলেন বিড়ির দোকান খুলিল। প্রতিদিন কিছু লাভ হইতে লাগিল। সে প্রায়ই মাকে

বলত, “আর এক মাস পরে মা আর তোমাকে রাখিনিগিরি করতে হবে না।

এমন সময় একদিন “বন্দেমাতরম্” শব্দে পাড়া কাঁপিয়া উঠিল। অনিমেষবাবু সেদিন জেল হইতে মুক্ত হইয়া শক্তিসভ্যের আফিসে পুষ্পমাল্যে সজ্জিত হইয়া প্রবেশ করিলেন।

সেদিন অনিমেষবাবু বলিলেন, “আমরা বিদেশী জিনিস বর্জন করিব। হে শক্তিসভ্যের তরুণ সভাগণ তোমরা এই কার্যে সহায়তা কর।”

যে সব দোকানে বিলাতী জব্য পাওয়া যায় ছেলেরা সেখানে দলে দলে ছুটিয়া গেল। বলিল “বিদেশী জিনিস সব কেলে দাও।”

যাহারা অস্বীকার করিল তাহাদের দোকানে ক্রেতারা আর আসে না—দূর হইতে ছেলেরা তাহাদের ভয় দেখাইয়া কিরাইয়া দেয়। ক্রমশঃ সেখানে লাল পাগড়ীর যাতায়াত শুরু হইল। অধিবাসীরা ভ্রম হইয়া উঠিল।

৭

শৈলেন দোকানে বিড়ির সঙ্গে বিদেশী সিগারেটও বেচিতে আরম্ভ করিয়াছে; এমন সময় একদল স্কুলের ছেলে নিকটে আসিয়া চীৎকার করিল বন্দেমাতরম্ ও বলিল ‘বিদেশী’ জিনিস সব পুড়িয়ে ফেল।”

শৈলেন বলিল, “তা হ’লে আমার বড়ই ক্ষতি হ’বে।”

একটা ছেলে বলিল, “দেশের কাজ করতে গেলে নিজের সুবিধা-অসুবিধা অত দেখলে চলে না।”

শৈলেন বলিল, “দেখ আমি এ সম্বন্ধে অনিমেষবাবুর সঙ্গে দু-চারটা কথা কইতে চাই।”

ছেলেরা বলিল, “আমরা অপেক্ষা করতে পারব না। এখন বিদেশী জিনিসের শ্রদ্ধা কর।”

শৈলেন বলিল, “ছকুমটা কার?”

একজন বলিল, “আমার।” শৈলেনের সহিত তাহার সম্বাব ছিল না।

অপর জন বলিল, “দেশের।”

আর একজন বলিল “লজ্জা করে মা, আজকালকার দিনে এসব কথা বলতে।”

একজন চশমাধারী বালক বলিল, “ইনি দেশদ্রোহী।”

শৈলেন দোকান বন্ধ করিয়া একেবারে শক্তিসভ্যের

আফিসে আসিয়া অনিমেষবাবুকে বলিল, “আপনি কি বিদেশী জিনিস বিক্রী করতে নিষেধ করেছেন? অনিমেষবাবু গভীরভাবে বলিলেন, “বিদেশী বর্জন আমাদের সভ্যের একটা ব্রত।”

জামেন আপনি—“আমার একটা দোকান আছে—লোকে চেয়েছে বলেই আমি সেখানে বিদেশী মাল এনেছি, লোকে না চায় আমি সে জিনিস আর আনব না। আমি জানি এখনও গরীব লোকেরা অল্প মূল্যে বিদেশী মাল কিনতে চায়। আমাকে বিদেশী মাল না কেনতে বলে তাহাদের শেখান যেন তারা বিদেশী মাল না কেনে।”

অনিমেষবাবু কিছুক্ষণ চুপ করিয়া বলিলেন, “তাই তো শেখান হচ্ছে।”

“দোকানদারদের ওপর জুলুম করে?”

“এও একটা উপায়।”

“এতে কি অনেকের স্বাধীনতা ধরু করা হচ্ছে না?”

অনিমেষবাবু হাসিয়া বলিলেন, “দেশের উন্নতির জন্য ক’জনের স্বাধীনতা বা অন্ন নষ্ট করা ‘শক্তিসভ্য’ অন্ডায় মনে করে না।”

শৈলেন নমস্কার করিয়া চলিয়া যাইবার উপক্রম করিলে অনিমেষবাবু বলিলেন, “দেখ শৈলেন, তুমি শক্তিসভ্যের সভ্য—তোমাকে আমি কয়েক দিন সময় দিলুম—বিদেশী মাল সব বিক্রয় করে ফেল, আর কিন্তু এ জিনিসের আমদানি কোর না।”

শৈলেন বলিল “আর আমি শক্তিসভ্যের সভ্য থাকব না? এই কথা বলিয়া সে ধীরপদে আফিসের বাহিরে চলিয়া গেল।

৮

শৈলেন দোকানের নিকট উপস্থিত হইল। সেদিন হাট বসিয়াছে। নানা দিক হইতে লোক কেনা-বেচার জন্য জড় হইয়াছে। ছেলেরাও সেখানে আসিয়া ভিড় করিয়াছে। দোকানদারকে বিদেশী জিনিস বিক্রয় করিতে ও ক্রেতাকে তাহা কিনিতে না দেওয়াই তাহাদের অভিপ্রায়। কেহ ক্রেতাকে নিষেধ করিতেছে; কেহ বা দোকানদারকে গালাগালি দিতেছে। তাহাদের কলরবে দেশের লোকও বিব্রত হইয়া পড়িয়াছে।

শৈলেনের বিড়ি সিগারেটের দোকানে এখন বিদেশী

সিগারেটই অধিক, কেন না লোকে এখন সিগারেটই বেশী পছন্দ করে। তুমি চারিজন ধরিকার সেখানে জড় হইতে না হইতেই ছেলেরা সেদিকে ছুটিয়া আসিল। একজন বলিল, “শৈলেন তোর সব সিগারেট গুলি আঙনে পুড়িয়ে ফ্যাল—সিগারেট বিক্রী করে আর দেশের সর্বনাশ করিস্ নি।”

শৈলেন বলিল, “দেখ ভাই, অনিমেঘবাবু আমাকে বিদেশী জিনিস বিক্রী করতে অনুমতি দিয়েছেন।”

ছেলেটি বলিল “সত্যি না কি ?”

শৈলেন বলিল, “যাও জিজ্ঞাসা করে এস, যদি আমার কথা মিথ্যা হয়, তুমি আমায় দোকানে আঙন লাগিয়ে দিও।”

“কেন এ হুকুম দিলেন ?”

আমি শক্তিসজ্জ্বর সত্য বলে অনিমেঘবাবু আমার প্রতি দয়া দেখিয়েছেন।”

ছেলেটি চলিয়া গেল। কিছুক্ষণ পরে ফিরিয়া আসিয়া বলিল, “হাঁ ভাই তোমার কথাই ঠিক।”

শৈলেন বলিল “তা হলে আর তোমরা আমায় বিরক্ত করবে না ?”

“না।”

“তা হ’লে আমি বিদেশী জিনিস বিক্রী করি ?”

“অনিমেঘবাবু যখন বলেছেন কর।”

“অনিমেঘবাবু কি ঠিক কথা বলেছেন ?”

“অত বড় বক্তা, অত বড় কর্মী, কি বেঠিক কথা বলতে পারেন ?”

“আমি কিন্তু ভাই তাঁর কথা মানতে পারলুম না। এই কথা বলিয়া সে দোকান হইতে সব সিগারেটগুলি বাহির করিয়া তাহাতে অগ্নিসংযোগ করিল।

ছেলেরা চীৎকার করিয়া উঠিল, “বন্দে মাতরম্।”

শৈলেন বাড়ী ফিরিবার মুখে একবার শক্তিসজ্জ্বর অফিসে প্রবেশ করিল। দেখিল সেখানে কেহ নাই।

শক্তিসজ্জ্বর অফিসের গায়েই দুই খানি ঘর। এই তিন খানি ঘর অনিমেঘবাবু ভাড়া করিয়াছিলেন। ইহারই একখানিতে তিনি বাস করিতেন। শক্তিসজ্জ্বর চাঁদা হইতে তিন খানি ঘরেরই ভাড়া দেওয়া হইত।

একজন চাকর ছিল। শৈলেন তাহাকে বলিল, “বাবু বাড়ীতে আছেন ?”

চাকর বলিল, “আছেন, কিন্তু এখন কারও সঙ্গে তিনি দেখা করেন না।”

“আমি শৈলেন একবার তাঁর সঙ্গে এখন দেখা করতে চাই।”

চাকর ভিতরে গেল। শৈলেন বাহির হইতে অনিমেঘবাবুর অস্বাভাবিক কঠোর গুলি “বলে দাও আমার সময় নেই।”

শৈলেন ভিতরে প্রবেশ করিল, দেখিল টেবিলের উপর বাতি জলিতেছে—তাহার পার্শ্বেই দুই বোতল ও একটা গেলাস। একখানি চেয়ারে অনিমেঘবাবু বসিয়া আছেন—তিনি মত্ত।

শৈলেন বলিল, “আমার নামটা সত্যের তালিকা থেকে কেটে দিয়েছেন ?”

“না—আমি তোমাকে সত্য রাখতে চাই।”

“আপনার দাস হয়ে থাকবার জন্ত ?”

“তা কেন ? তা কেন ? আজ তুমি যাও, কাল সকালে তোমার সঙ্গে কথা কইব। দেখ আজ দেশের লোকেরা আমাকে কিছু টাকা দিয়েছেন, তাই নিয়ে কাল আমি একটা এমন মতলব ঠিক করব, যাতে দেশের উন্নতি অবশ্যস্বাভাবী ; আজ তুমি যাও ?”

শৈলেন বাহিরে আসিল। তখন কতকগুলি নারিকেল বৃক্ষের উপর চাঁদ উঠিয়াছে। শরৎ কাল। নীল আকাশের জ্যোৎস্নার তরঙ্গ—এক অভিনব-মাধুর্যের সৃষ্টি করিয়াছে। চারিদিকের প্রসন্নতা আজ তাহার স্বয়ংকে প্রসন্ন করিতে পারিল না।

বাড়ী ফিরিয়া শৈলেন মাকে বলিল, “মা, আমার ব্যঙ্গা আজ শেষ হোল ?”

“কেন বাবা ?”

“দেশের কাজ করতে গেলে অনেককে অনেক ক্ষতি স্বীকার করতে হয় ?”

“আমি তো বাবা অনেক দিন থেকে তোকে চাকরী করতে বলছি। যদি ইচ্ছে করিস এখনি আমি তোকে কাজে লাগিয়ে দিতে পারি।”

শৈলেন কোন কথা কহিল না।

৯

রাতে তাহার নিদ্রা হইল না। মাথাটা দপ, দপ, করিতে গাঙ্গিল।

যা রাত্রি প্রায় এগারটার সময় ঘরে আসিয়া শয়ন করিলেন। সে দিন একাদশী। তিনি আসিয়াই একখানা তক্তাপোষের উপর শুইয়া পড়িলেন? অপর তক্তাপোষে শৈলেন তখন চিন্তায় বা তন্দ্রায় আচ্ছন্ন?

কিছুক্ষণ পরে সে উঠিয়া শিয়রের জানালাটা খুলিয়া দিল। মাথার ভিতরে যে আগুন জলিয়া উঠিয়াছিল তাহা বাতাসে কতকটা প্রশমিত হইল।

জানালা দিয়া সে দেখিল নীল আকাশ ক্রমশঃ প্রসারিত হইয়া জ্যোৎস্নাধোত বৃক্ষের পত্র-পুঞ্জ আপনাকে মুকাইয়া ফেলিয়াছে—গভীর সীমাহীন শূণ্ডে অগ্নান অবাধ চন্দ্রালোকে পরমা শান্তির রাজ্য বিস্তৃত হইয়াছে? সেখানে বিধা নাই, ঘন নাই,—স্বাধীনতার গর্ভ, বা পরাধীনতার লাঞ্ছনা নাই। স্বার্থের সংঘাত, অর্থ ও যশের কলরব, বলীর দর্প দুর্কলের ক্রন্দন সে রাজ্য হইতে বহু দূরে সরিয়া গিয়াছে। শৈলেন তন্দ্রায় হইয়া জানালার দিকে চাহিয়া রহিল।

তারপর তাহার দৃষ্টি পড়িল মায়ের দিকে। সে দেখিল যা নিদ্রায় অচেতন। বিশ্বসংসারে তিনি ছাড়া আর তাহাকে দেখিবার কেহ নাই। তাহার মুখের দিকে চাহিয়া শৈলেন দেখিতে পাইল, অসংখ্য ছুঃখের রেখা তাহাতে অঙ্কিত আছে। এই সব ছুঃখ শুধু তাহাকে বাঁচাইবার জন্য, তাহারই ভবিষ্যৎ উন্নতির জন্য। সে উঠিল—নিদ্রাভিত্ত জ্বলন্ত পা-ছটি নিজের মস্তকে রাখিয়া তাহাকে মনে মনে বাহিরের সেই শান্তিময় রাজ্যে প্রতিষ্ঠিত করিয়া বলিল “বন্দে মাতরম্।”

তারপর বাহিরে হঠাৎ একটা গোলযোগ শোনা গেল। একজন বাহিরে চীৎকার করিয়া বলিল, “শৈলেন, বাহিরে আর, অনিমেবাবুর ঘরে পুলিশ এসেছে।”

শৈলেন জাগিল একেবারে অনিমেবাবুর বাসার নিকটে আসিয়া দেখিল পুলিশ তাহাকে বাঁধিয়াছে।

নিকটে আসিয়া শৈলেন শুনিল অনিমেবাবুর প্রকৃত নাম হারাধন মিত্র, ঢাকা জিলায় তাহার বাড়ী, সেখানে প্রায় দশ হাজার টাকা একটা ব্যাঙ্ক হইতে চুরি করিয়া

তিনি এদেশে আসেন। তাহার নামে ওয়ারেন্ট ছিল; এতদিন পরে পুলিশ তাহার লড়াই পাইয়াছে।

অনিমেবাবুকে লইয়া আজ পুলিশ অগ্রসর হইল। অমেক লোক তাহার পিছনে চলিল বটে, কেহই কিছু আজ আর ‘বন্দে মাতরম্’ বলিয়া চীৎকার করিল না।

১০

নীল আকাশে সূর্যের আলোক উজ্জ্বল হইয়া উঠিয়াছে। পুরুরিণী কাণায় কাণায় ভরিয়া আছে। মাঠে শ্রামল শব্দের হিল্লোল। অপর দিকে কাশের বন। যতদূর দৃষ্টি চলে ততদূর পর্যন্ত একটা বিরাট পরিপূর্ণতার ছবি প্রাণ মন মাতাইয়া তোলে।

শৈলেন চলিল। শরতের আলোকস্পর্শে তাহার প্রাণ নির্মল ও সতেজ হইয়া উঠিয়াছে। উর্ধ্বে অন্তহীন আকাশ, নিম্নে স্নিগ্ধগাম ধরণীর কমলীয় শারদঙ্গী তাহাকে উদ্বাস করিয়া তুলিল। আজ তাহার হৃদয় তাহাকে জানাইয়া দিল সে কোন একটা বিশিষ্ট দেশের গভীর ভিতর বন্ধ নয়, তাহার আতি ভ্রাই, কুল নাই, সমাজ নাই। পথে একটা বট গাছের নীচে একজন কৃষক মাথা হইতে একটা প্রকাণ্ড মোট নামাইয়া বিশ্রাম করিতেছিল। শৈলেন তাহার নিকটে গিয়া বলিল, “আমি তোমারি মোটটা বয়ে নিয়ে যাব, তোমার বড় কষ্ট হয়েছে দেখতে পাচ্ছি।”

কৃষক বলিল, “তুমি তোমার কাজ করগে যাও—আমি আমার কাজ সেরে নেব।”

শৈলেন ভাবিল আমার কাজ কি। কৃষক তাহার কাজ বাছিয়া লইয়াছে—আমি এখনও জানিতে পারি নাই আমার কি কাজ করিতে হইবে?

বাতাস বহিতেছে—চিন্তা নাই, বাধা নাই—যদি কোন বাধা আসিয়া পড়ে তাহা সে খুব সহজভাবেই অতিক্রম করিয়া যায়। প্রজাপতির এদিকে সেদিকে সানন্দে ঘুরিয়া বেড়াইতেছে। ছ-চারিটা পক্ষী অদূরে কিছুক্ষণ স্থিরিয়া ফিরিয়া একটা কলরবের সৃষ্টি করিয়া উড়িয়া গেল। তাহার স্বাধীন—এই স্বাধীনতার জন্য তাহাদের সংগ্রাম করিতে হয় না। ইহা তাহারা সহজেই পাইয়াছে এবং সহজেই চিরদিন উপভোগ করিবে।

কুণ্ডারে প্রবেশ করিয়া শৈলেন কেশিল, মা রাঁধিতে
 ঘাইতেছেন। সে তাহার পদখুলি গ্রহণ করিল, খুব
 সহজভাবেই বলিল, “মা, আমি চাকরী করব। তোমার
 আর কাজ করতে দেব না।”

উপবাসশীর্ণ মুখে মা বলিলেন, “দাসত্ব করবি ?” তাহার
 চক্ষু উজ্জল হইয়া উঠিল।
 শৈলেন বলিল, “তোমার সেবায় আমার দাসত্বও
 যুক্তি হ’য়ে উঠবে।”

হেমন্তিকা

[শ্রীপ্রণব রায়]

দূরপথ’পরে হেমন্ত রাতি

রচেছে মায়া,—

ভীকু চন্দ্রের আধো ইঙ্গিত,

আধেক ছায়া !

চলিছে দূরের অপরূপ রূপলোকে ;

কেবলি কুহেলি ভাসে এ ক্লাস্ত চোখে,—

নাহিক’ কায়া !

নিমিষে নিভিলো ছায়া-নিশিথের

চন্দ্রা-মায়া ।

কুহেলি আড়ালে খুঁজে নাহি পাই

ছায়াজিনি !

অপরূপা, তব অরূপ রূপেরে

আজোনা চিনি !

কাছে যবে আসি, হ’য়ে যাও তুমি দূর

গীতি-শতদল তবু তোমা লাগি’ সুর

সৌরভিনী ।

মিলনেও তাই সৃষ্টির বিরহ

ছায়াজিনি !

মোহনীয়া মোর মনো-ভুবনের

হেমন্তিকা !

তোমারো লোচনে-হেরেছিঁশু আমি

যে চন্দ্রিকা,

মিলায়েছে কবে সেই আলো-সমারোহ,

সেখা ভাসে শুধু পাণ্ডু মৃত্যু-মোহ ;

কুঙ্কটিকা

তোমারে আজি আড়াল করেছে

হেমন্তিকা !

উপনিষদে আশ্রম-চতুষ্টয়

[শ্রীহীরেশ্বরনাথ দত্ত এম-এ, বি-এল, বেদাস্তরত্ন]

(২)

গত মাসের 'পঞ্চপুণ্ডে' ব্রহ্মচর্য্য, গার্হস্থ্য, বানপ্রস্থ ও সন্ন্যাস—এই আশ্রম-চতুষ্টয়ের কিরূপ বিবরণ উপনিষদে প্রাপ্ত হওয়া যায়, তাহার আলোচনায় প্রবৃত্ত হইয়াছিলাম। আমরা দেখিয়াছিলাম, সে যুগে আর্ষ্য-মানবের জীবন চারিটা নির্দিষ্ট পর্যায়ে বিভক্ত ছিল—ব্রহ্মচর্য্যঃ সন্ন্যাস্য গৃহী ভবেৎ, গৃহী ভূত্বা বনৌ ভবেৎ, বনৌ ভূত্বা প্রব্রজেৎ—তিনি প্রথমতঃ ব্রহ্মচারী হইতেন—তদনন্তর পর পর গৃহস্থ ও আরণ্যক হইয়া চরমে প্রব্রজ্যা করিয়া সন্ন্যাসী হইতেন। গত মাসে আমরা প্রথম দুই আশ্রমের যথাসাধ্য আলোচনা করিয়াছি। আমরা ইহাও দেখিয়াছি যে, জীবনের শেষ দিন অবধি কৰ্ম্মব্যাসঙ্গ—পাশ্চাত্যেরা যাহাকে ব্লুগা কামড়িয়া মৃত্যু (Die in harness)—বলেন, উপনিষদের আদর্শ এরূপ ছিল না। গৃহী জীবনের অপরাঙ্কে সংসার ছাড়িয়া অরণ্যে বানপ্রস্থ অবলম্বন করিতেন। যাহার চিত্তে বৈরাগ্য বদ্ধমূল হইত, তিনি গৃহাশ্রম ত্যাগ করিয়া প্রব্রজিত হইয়া একবারে সন্ন্যাসী হইতেন।

যদ্ অহরেব বিরজেৎ, তদ্ অহরেব প্রব্রজেৎ। যদি বা ইতরথা ব্রহ্মচর্য্যাদেব প্রব্রজেৎ গৃহাদ্ বা বনাদ্ বা—
আবাল, ৪

এ মতে ব্রহ্মচারী, গৃহস্থ বা আরণ্যক—যাহারই চিত্তে বৈরাগ্য প্রবল হইবে, তিনিই সন্ন্যাস করিতে পারেন। কঠকল্পের সিধান কিঞ্চিৎ বিভিন্ন। কঠকল্প বলেন, প্রথম ব্রহ্মচারী হইয়া বেদাধ্যয়ন করিতে হইবে; তাহার পর দারপরিগ্রহ করিয়া পুত্রোৎপাদন ও যজ্ঞানুষ্ঠান করিতে হইবে। তদনন্তর গুরুজনের ও বান্ধবগণের অনুমতি লইয়া যথাবিধি সন্ন্যাস গ্রহণ কর্তব্য।

ব্রহ্মচারী বেদমধীত্য বেদোক্তাচারিতব্রহ্মচর্য্যঃ দারান্ আদ্যতা পুত্রান্ উৎপাদ্য X X ইষ্টৌ চ শক্তিতো যজ্ঞেঃ। তস্ম সন্ন্যাসো গুরুভিঃ অহুজাতস্ত বান্ধবৈশ্চ

বর্তমান প্রবন্ধে শেষ দুই আশ্রম—বানপ্রস্থ ও সন্ন্যাসের বিষয় আলোচিত হইবে।

পাণিনি সূত্র করিয়াছেন—অরণ্যং মনুষ্যে—অর্থাৎ অরণ্যবাসী মনুষ্যকে 'আরণ্যক' বলে। গৃহ ছাড়িয়া যিনি বনে প্রস্থান করিয়াছেন, সেই আরণ্যকের অবলম্বিত আশ্রমের নাম বানপ্রস্থ। যেমন ব্রহ্মচারীর ধর্ম্ম ছিল স্বাধ্যায় (বেদাধ্যয়ন), গৃহস্থের 'ইষ্টাপূর্ত', সেইরূপ আরণ্যকের ধর্ম্ম ছিল—'তপঃ' এবং সন্ন্যাসীর 'ভ্রাস'। তমেতৎ বেদাত্মবচনেন ব্রাহ্মণা বিবিদিশস্তি, যজ্ঞেন দানেন, তপসা অনাশকেন। এতমেব বিদিত্বা মুনির্ভগতি।

—বৃহ, ৪।৪।২২

এই বচনে আমরা জানিলাম, প্রথম তিন আশ্রমী যাহাকে জানিতে ইচ্ছা করেন,—ব্রহ্মচারী বেদাভ্যাস দ্বারা, গৃহস্থ যজ্ঞ-দান দ্বারা, বানপ্রস্থ তপঃ ও অনাশক (fasting) দ্বারা—চতুর্থশ্রমী (ভ্রাস দ্বারা) সেই পরম পুরুষকে জানিয়া 'মুনি' হইবেন। মুনির কথা আমরা পরে আলোচনা করিব। সম্প্রতি আমাদের লক্ষ্যের বিষয় বানপ্রস্থ। তাহার সম্বন্ধে বিশেষ করিয়া বলা হইয়াছে—
তপঃই তাঁহার ধর্ম্ম।

তপ এব দ্বিতীয়ঃ (বানপ্রস্থ)—ছান্দোগ্য ২।২৩

যে চ ইমে অরণ্যে শ্রদ্ধাতপ ইতি উপাসতে—ছান্দোগ্য,
৫।১০।১

যে চামী অরণ্যে শ্রদ্ধাং সত্যম্ উপাসতে—বৃহ, ৬।২।১৫
যুগ্মক উপনিষদ্ ইহার প্রতিধ্বনি করিয়া বলিতেছেন—
—তপঃ শ্রদ্ধে যে হি উপবসন্ত্যরণ্যে (১।২।১১)

প্রশ্ন-উপনিষদের নিরোক্ত বচনে এই আরণ্যকেই লক্ষ্য করা হইয়াছে:—অথ উত্তরেন তপসা ব্রহ্মচর্য্যেণ শ্রদ্ধয়া বিদ্যা আত্মানম্ অধিষ্ঠ আদিত্যম্ অভিজয়ন্তে—১।১০

এখানেও 'তপঃ'কেই মুখ্য বলা হইয়াছে। অন্তত প্রশ্ন উপনিষদ্ বলিতেছেন—

তেষামেব এব ব্রহ্মলোকো যেষাং তপো ব্রহ্মচর্য্যং যেষু সত্যং প্রতিষ্ঠিতম্ (১।১৫)

যাহাদের তপঃ ও ব্রহ্মচর্য্য আছে, যাহাদিগে সত্য প্রতিষ্ঠিত, তাহারাই ব্রহ্মলোকের অধিকারী।

কেন-উপনিষদ্ও তপের মহিমা ব্যাপন করিয়াছেন:—

তন্মৈ তপো দমঃ কৰ্মেতি প্রতিষ্ঠা—এই বে ব্রাহ্মী উপনিষদে ইহার প্রতিষ্ঠা তপঃ, দম ও কর্ম। এখানেও তপেরই প্রথম গণনা।

মহানারায়ণ উপনিষদে এই সমস্ত কথার সারোচ্চার করিয়া বলিয়াছেন—

ঋতং তপঃ, সত্যং তপঃ, ঋতং তপঃ, শাস্তং তপঃ, দানং তপঃ, যজ্ঞং তপঃ।—অষ্টম অনুবাক্

ঋষেদের বহু স্থলে তপের মহিমা কীর্তিত হইয়াছে—

সপ্ত ঋষয় স্তপসে যে নিবেদুঃ—ঋষেদ, ১০।১০৯ ৪

(তপশ্চরণায় নিষঙ্গা বভূবুঃ—সায়ণ)

অর্থাৎ সপ্তর্ষিগণ তপশ্চরণে নিযুক্ত হইয়াছিলেন।

সাধক উৎকট তপশ্চরণের ফলে সাধনোচিত ধামে উপনীত হইলে, তাঁহার অভিনন্দন জন্য ঋষেদের ঋষি নিয়োক্ত মন্ত্র রচনা করিয়াছিলেন—

তপসা যে অনাধুগ্যা স্তপসা যে স্বর্ষযুঃ।

তপো যে চক্রিরে মহঃতান্ চিদেবাপি গচ্ছতাৎ ॥

১০।১৫০।৪

(অনাধুগ্য = Invincible ; মহঃ = মহৎ)

সহস্রনীয়াঃ কবয়ো যে গোপায়ন্তি সূর্য্যং ।

ঋষীন্ তপস্বতো যম তপোজান্ অপি গচ্ছতাৎ ॥

—১৫৪:৬

(সহস্রনীয়াঃ = সহস্রনয়নাঃ । তপোজান্ তপসঃ সকাশাদ্ এষ উৎপন্নান্ তান্ ঋষীন্ হে যম ত্বমপি গচ্ছ—সায়ণ)

অর্থাৎ “তপস্চার দ্বারা যাহারা অধুগ্য হইয়াছেন, যাহারা মহৎ তপশ্চরণ করিয়াছেন, তপস্চার দ্বারা যাহারা জ্যোতির্ময় লোক লাভ করিয়াছেন (হে সাধক) তাঁহাদের ধামে প্রবেশ কর। যাহারা কবি, যাহারা সহস্রনয়ন, যাহারা সূর্য্যকে ধারণ করেন, তপোজ তপস্বী সেই সকল ঋষির ধামে প্রবেশ কর।”

তপস্চার এতই মহিমা যে, তপঃ তপিয়া তবে ব্রহ্মাকে সৃষ্টি করিতে হইয়াছিল।

স তপস্তপ্ত্ব। স সর্কমিদম্ অসৃজত ।

ঋতং চ সত্যংচাতীজ্যং তপসোহধাভ্যায়ত ।

— ঋষেদ ১০ ১৯০।১

অতীজ্যং = অতিক্রান্ত ব্রহ্মণা পুরা সৃষ্টার্থং কৃতাত্তপসঃ

—সায়ণ।

‘ঋত ও সত্য ব্রহ্মার সুদীপ্ত তপস্যা হইতে উৎপন্ন হইয়াছিল।’ *

যে তপস্যার এত মহিমা, সেই তপ আরণ্যকের ধর্ম ছিল, কারণ,

নাতপস্বস্য আশ্রমজ্ঞানে অধিগমঃ—

তপস্বী না হইলে আশ্রমজ্ঞান অধিগত হয় না।

গৃহস্থ গ্রামে বসতি করিতেন—গ্রামে ইষ্টাপূর্ত্তঃ দত্তমিতি উপাসতে (তখনও নগরের আধিক্য হয় নাই)--আর বানপ্রস্থের আশ্রম ছিল অরণ্যে—অরণ্যে শ্রদ্ধা তপ ইতি উপাসতে। সেই জন্যই তাঁহার নাম ‘আরণ্যক।’

আরণ্যকের ধর্ম ছিল তপঃ—তপসা অনাধুগেন। শঙ্করাচার্য্য বলেন তপঃ অর্থে কৃচ্ছ চাক্ষায়ণাদি।—কৃচ্ছ কঠোর দ্বারা শরীর শোধন। যাজ্ঞবল্ক্যের কথা পাঠকের স্মরণ হইবে। অথহ যাজ্ঞবল্ক্যঃ অন্তদুবৃত্তমুপাকরিষ্যন্ মৈত্রেয়ি ইতি হোবাচ যজ্ঞাবল্ক্যঃ প্রব্রজিষ্যন্ বা অরে অহম্ অস্মাৎ স্থানাদ্ অগ্নি—বৃহ ৪।৫।১ +

‘যাজ্ঞবল্ক্য গৃহস্থশ্রম হইতে অন্ত বৃত্তি অবলম্বন করিতে ইচ্ছা করিয়া ভার্য্যা মৈত্রেয়ীকে বলিলেন আমি এ স্থান হইতে প্রব্রজিত হইব।’ এ প্রসঙ্গে মৈত্রী উপনিষদে রাজা বৃহদ্রথের বিবরণ লক্ষ্য করিবার বিষয়।

বৃহদ্রথো বৈ নাম রাজা বিরাজ্যে (অর্থাৎ সার্কভৌম আধিপত্যে) পুত্রং নিধাপয়িত্বা ইদম্ অশান্তং যজ্ঞমানঃ বৈরাগ্যমুপেতো অরণ্যং নিজগাম। স তত্র পরমং তপ আস্থায় আদিত্যমুদীক্ষমান উর্দ্ধবাহুস্তিষ্ঠতি। অস্তে সহস্রা-হস্য যুনে রস্তিকমাজগাম অগ্নিরিবাধুমক • • ভগবান্ শাকায়ণ্য—১।২

স তন্মৈ মমঃ কৃচ্ছা উবাচ—‘ভগবন্ নাহম্ আশ্রবিৎ। ত্বং তত্ত্ববিৎ শুশ্রমো বয়ং স ত্বং নো ব্রহ্মি—১।২

‘রাজা বৃহদ্রথ পুত্রকে সাম্রাজ্যে অভিষিক্ত করিয়া জগতের অনিত্যতাবোধে বৈরাগ্যযুক্ত হইয়া অরণ্যে প্রস্থান করিলেন। তিনি তথায় পরম তপঃ অনুষ্ঠান করিয়া উর্দ্ধবাহু হইয়া সূর্য্যের প্রতি দৃষ্টি নিবদ্ধ করিয়া দণ্ডায়মান রহিলেন। এইরূপে এক সহস্র দিবস বিগত হইলে নিধুম

* এই প্রসঙ্গে অথর্ববেদ ১০।৭।৩৩, ৩৭ ও ১১।৫ দ্রষ্টব্য।

+ অন্তঃ বৃত্তম্ উপাকরিষ্যন্ পূর্ব্বস্মাৎ গার্হস্থ্যলক্ষণং বৃত্তাৎ অন্তঃ প্রারিত্যায়লক্ষণং বৃত্তম্ উপাচিকীর্ষুঃ—শঙ্করঃ।

অগ্নির জ্বালায় ভেদ্য শাকারণ্য ঋষি বৃহস্পতির নিকট উপনীত হইলেন। বৃহস্পতি তাঁহাকে প্রশ্ন করিয়া বলিলেন, 'ভগবন্! তপস্যা করিলাম বটে, কিন্তু আত্মজ্ঞান লাভ করিতে পারি নাই—কিন্তু আপনি তত্ত্ববিৎ, আমাকে উপদেশ করুন।'

বলা বাহুল্য বনবাসী আরণ্যকের পক্ষে দ্রব্য-সস্তার সহকারে গৃহস্থের জ্বালায় ঋগ-যজ্ঞের অনুষ্ঠান করা সম্ভব হইত না। তাঁহার পক্ষে বিধান ছিল—

বিজ্ঞানং যজ্ঞং তদ্ব্যুতং কৰ্ম্মাণি তদ্ব্যুতংপি চ

—তৈত্তিরি ২।৫

তাঁহার পক্ষে জ্ঞান-সহকৃত 'উপাসনা'ই যজ্ঞ ও কৰ্ম্মের প্রয়োজন সিদ্ধ করিত। তিনি যজ্ঞাদিতে রূপক ভাবনা ও 'প্রতীক' উপাসনা দ্বারা যজ্ঞানুষ্ঠানের কল-লাভ করিতেন।* বানপ্রস্থের আলোচনা গ্রন্থ আরণ্যকে † এবং তাহার উত্তর ভাগ উপনিষদে ঐরূপ ভাবনা ও উপাসনার বহুবিধ উপদেশ আছে। ছান্দোগ্য বলিতেছেন—

এষ বৈ যজ্ঞো যোয়ং পবতে * * তন্ত মনশ্চ বাক্ চ বস্বনী। তয়োারণ্যতরাং মনশ্চ সংস্করোতি ব্রহ্মা, বাচা হোতা—অধ্যবুর্ভূগাতা অন্যতরাম্। ছা ৪।১৬।২

'পবনে যজ্ঞ ভাবনা করিবে। তাহার দুই বস্ব—বাক্য ও মনঃ। তন্মধ্যে ব্রহ্মা মনের দ্বারা এবং হোতা, অধ্যবুর্ভূ ও উদ্গাতা বাক্যের দ্বারা সংস্কার করেন'। [যজ্ঞাভিজ্ঞ

* আরণ্যকের নাম আরণ্যক হইল কেন? ইহার উত্তরে শঙ্করাচার্য্য বলিয়াছেন—অরণ্যে অনুচামানদ্বাৎ আরণ্যকম্—বৃহদারণ্যক-ভূমিকা। যেমন ঐতরের আরণ্যক, তৈত্তিরীয় আরণ্যক, বৃহদারণ্যক ইত্যাদি।

† India more than any other country is the land of symbols. As early as the period of the Brahmanas, the separate acts of the ritual were frequently regarded as symbols, whose allegorical meaning embraced a wider range. But the Aranyakas were the peculiar arena of these allegorical expositions. In harmony with their prevailing purpose to offer to the Vanaprastha an equivalent for the sacrificial observances, for the most part no longer practicable, they indulge in mystical interpretations of these, which are then followed up in the oldest Upanishads.—Deussen's Philosophy of the Upanishads, p. 110.

পাঠক অবশ্যই জ্ঞাত আছেন—যজ্ঞে চারি জন ঋষিকের প্রয়োজন হইত, ঋগ্বেদের ব্রহ্মা, যজুর্বেদের অধ্যবুর্ভূ, সামবেদের উদ্গাতা এবং হবনকারী হোতা। ইনি কি অধ্যবুর্ভূ বেদজ্ঞ?]

বৃহদারণ্যক ইহার বিস্তার করিয়াছেন। 'কেন যজ্ঞমানো যুতোরাপ্তিম্ অতিযুচ্যতে? ইহার উত্তরে যাজ্ঞবল্ক্য বলিতেছেন—

হোতা ঋষিঃ অগ্নিনাবাচা X X

অধ্যবুর্ভূনা ঋষিঃ চক্ষুবা আদিত্যেন X X উদ্গাতা ঋষিঃ বায়ুনা প্রাণেন X X ব্রহ্মাণা ঋষিঃ মনসা চন্দ্রেণ।

—বৃহ ৩।১

ইহার ফলে কি হয়? স মুক্তিঃ সা অতিমুক্তি। ইহার ভাষ্যে শঙ্করাচার্য্য বলিতেছেন—

যজ্ঞমানস্ত অধ্যায় পরিচ্ছেদরূপ-যুতামতিক্রম্য ফল-ভূতান্যাদিভাবাপত্তিরূপাভিমুক্তি সাধনম্ *

এখানে দেখিতে পাইতেছি, গৃহস্থের সম্পাদিত যজ্ঞের অঙ্গ চারিজন ঋষিক্, (হোতা, অধ্যবুর্ভূ, উদ্গাতা ও ব্রহ্মার) স্থলে, আরণ্যক আধ্যাত্মিক ইন্দ্রিয়-চতুষ্টয় (বাক্, চক্ষু, প্রাণ ও মন) এবং আধিষ্টৈবিক দেবতা-চতুষ্টয় (অগ্নি, আদিত্য, বায়ু ও চন্দ্রমার) ভাবনা করিতেছেন। †

এই প্রতীক-উপাসনার চরম দৃষ্টান্ত প্রাণাগ্নিহোত্র ব্যাপারে। সকলেই জানেন, সাগ্নিক গৃহস্থকে প্রত্যহ প্রাতঃকালে ও সায়াংকালে অগ্নিতে এক একটি আহুতি দিতে হইত। ইহার নাম ছিল অগ্নিহোত্র। এইরূপ আহুতি দান অগ্নিহোত্রীর নিত্যকৰ্ম্ম ছিল। আরণ্যক কিরূপে এই বিধি পালন করিতেন?

দ্বিজাতির অগ্নিশালায় যেমন ভৌতিক অগ্নি, প্রত্যেক ঋতুকের দেহের মধ্যে সেইরূপ আধ্যাত্মিক প্রাণাগ্নি প্রতিরূপ প্রজ্বলিত আছে—এবং ঐ অগ্নিতে অহোরাত্র নিঃশ্বাস ও প্রশ্বাসরূপ আহুতির অর্পিত হইতেছে।

* Union with the Atman as realised in the Universe.—Deussen.

† Yet more frequently, conditions of the Atman as embodied in the world of nature or of man, were substituted for the ceremonies of the ritual—Deussen.

বদ্ উচ্চাস-নিঃখাসৌ এব আহতী সমং নয়তি ইতি
সমানঃ—প্রশ্ন ৪।৪

নিঃখাসে কি হয় ? বাচং তদা-প্রাণে জুহ্বতি । আর
প্রাণসে ? প্রাণং তদা বাচি জুহ্বতি । আরণ্যকের এই-
রূপ ভাবনাকে কোষীতকী-উপনিষদ 'আন্তর অগ্নিহোত্র'
বলিয়াছেন ।

অথাভঃ সাংযমনং প্রাতর্দনম্ আন্তরম্ অগ্নিহোত্র
মাচকতে—২।৪

'সাংযমন' কি ? নিঃখাস-প্রাণাস । এই উপাসনার
প্রবর্তক দিবোদাসপুত্র প্রতর্দন, সেই অগ্নি ইহা তাঁহার
নামাঙ্কিত (প্রাতর্দনম্) । কোষীতকী ইহার প্রশংসা
করিয়া বলিতেছেন—“এই নিঃখাস-প্রাণাস-রূপ যুগ্ম আহুতি
অস্তুহীন অমৃতাহুতি—কি জাগতে, কি নিদ্রায় সত্ত
অবিরত চলিতেছে । অগ্নি আহুতি অস্তবৎ, ইহা অনস্ত ।
সেই অগ্নি পূর্বতন মনীষিগণ এই আন্তর অগ্নিহোত্রের
অনুষ্ঠান করিতেন, বাহু অগ্নিহোত্রের আহুতি দিতেন না ।

এতে অনন্তে অমৃতাহুতী জাগ্রচ্চ স্বপশ্চ সততম্
অব্যবচ্ছিন্নং জুহোতি । অথা যা অগ্না আহুতয়ঃ অন্তবত্যস্তা
কর্ম্মমযো হি ভবন্তি । এতদ্ হ বৈ পূর্বে বিদ্বাংসোহগ্নি-
হোত্রং ন জুহ্বাৎচক্রুঃ ।

এই যে দেহ-শালাস্থিত প্রাণাগ্নি, ইহার ইষ্টক কি ?
মৈত্রী-উপনিষদ বলেন—প্রাণ, অপান উদান, সমান,
ব্যান ।

প্রাণোগ্নি স্তম্ভ ইমা ইষ্টকাঃ যঃ প্রাণোব্যানোহপানঃ
সমান উদানঃ—৬।৩৪

অতএব—প্রাণায় স্বাহা অপানায় স্বাহা ব্যানায় স্বাহা
সমানায় স্বাহা উদানায় স্বাহা ইতি পঞ্চভিরভিজুহোতি
—৬।২

এইরূপ আহুতি দিবার সময় আরণ্যক নিম্নোক্ত মন্ত্র
উচ্চারণ করিয়া আত্মার ভাবনা করিবেন যে,—প্রাণরূপে
দেহ মধ্যে সঙ্কুচিত অগ্নি পরমাত্মারই প্রকাশ মাত্র ।

প্রাণোগ্নিঃ পরমাত্মা বৈ পঞ্চবায়ু-সমষ্টিতঃ ।

স প্রীতঃ প্রীণাতু বিশ্বং বিশ্বভূক্ ॥

বিশ্বাসি বৈশ্বানরোসি বিশ্বং

ত্বয়া ধার্য্যতে জায়মানম্ ।

বিশন্ত স্বাম্ আহুতয়শ্চ সর্বাঃ

প্রাণাগ্নে তত্র বিশ্বাত্তোহসি

—মৈত্রী ৬।২

'প্রাণাগ্নিহোত্র'-উপনিষদ এই রূপক-ভাবনার সম্ভ-
সারণ করিয়াছেন । এই প্রাণাগ্নিহোত্র 'অন্নমূত্রঃ শারীরং
যজম্' । এ যজ্ঞের কে যজমান ? কে পত্নী ? কে হোতা ?
কে অধ্বরু্য ? কে উদগাতা ? কে ব্রহ্মা ? এ যজ্ঞের
যজমান আত্মা, পত্নী বুদ্ধি, বেদাঃ মহা-ঋষিগঃ, অধ্বরু্য
অধ্বরু্য, চিত্ত হোতা, প্রাণ ব্রহ্মা, উদান উদগাতা ইত্যাদি ।
ভূমিতে অন্ন নিক্ষেপ করিয়া ঋতরাগ্নির স্তবের পর, অগ্নির
বিগুহ্বি বিধানানন্তর অপানাদি একর্ষিতে হবন করিতে
হইবে । তাহার পর 'প্রাণোগ্নি পরমাত্মা বৈ' ইত্যাদি মন্ত্র
অপ করিয়া 'ধ্যায়ত অগ্নিঃহোত্রং জুহোমি'—ধ্যান করিবে
যে, অগ্নিহোত্র হোম করিতেছি । ইহাই আরণ্যকের অনুর্তেষ
প্রাণাগ্নিহোত্র—আন্তরম্ অগ্নিহোত্রম্ ।

এইরূপে তৃতীয়াশ্রমী বানপ্রস্থে সৃষ্টিত হইয়া বিবিধ
'উপাসনা' ও তপস্যার অনুষ্ঠান করিতেন । ক্রমশঃ তাঁহার
চিত্তে নির্বেদ উপস্থিত হইত ।

নির্বেদমায়াৎ নাস্ত্যাকৃতঃ কুতেন—মুণ্ডক, ১।২।২

তিনি উপলব্ধি করিতেন, এই যে কৈশোর অবধি অমু-
ষ্ঠিত ব্রহ্মচর্যা, যজ্ঞ, তপঃ—ইহাদিগের অনুষ্ঠান দ্বারা

আশার ছলনে ভুলি কি ফল লভিহু হার

ভাবি তাই মনে ।

—এ সকল তো উপায় মাত্র, উপেষ্য নহে—সাধন মাত্র,
সিদ্ধি নহে, গতি মাত্র, গম্য (goal) নহে । আমি অমৃতের
পুত্র—অমৃতত্ব আমার লক্ষ্য, আমি ব্রহ্মকণ, সেই সচ্চিদা-
নন্দের অংশকলা—ব্রহ্মস্বভূত্বাই আমার নিয়তি ; আমি নিত্য-
মুক্ত মহামহিম—অনীশ্বর্য শোচতি মুহমানঃ । মোহের বশে
পাশবদ্ধ রহিয়াছে—এই পাশাপহানি (মোহে, মুক্তিতেই)
আমার সার্বকতা—আমি কি বিষয় আত্ম-বিশ্বত ! জীবনের
কি ভীষণ ব্যর্থতা সম্পাদন করিতেছি ! তখন উপনিষদের
অমোঘ বাণী তাঁহার কর্ণে ধ্বনিত হয়—ন কর্ম্মণা ন প্রজয়া
ধনেন, ত্যাগেইনৈকেন অমৃতত্ব মানন্তঃ—কৈবলা, ২ ।
তিনি বুঝিতে পারেন,—

যো বা এতদ্ অক্ষরং গার্গি ! অবিদিত্বা অগ্নিন্ লোকে
জুহোতি যজতে তপস্তপ্যতে বহুনি বর্ষসহস্রাণি অস্তবৎ
এবাস্ত ভবতি ।

যো বা এতদ্ অক্ষরং গার্গি। অবিদিত্বা অস্মাৎ
লোকাৎ প্রৈতি ন কৃপণঃ। অথ য এতদ্ অক্ষরং গার্গি।
বিদিত্বা অস্মাৎ লোকাৎ প্রৈতি ন ব্রাহ্মণঃ।—বৃহ ৩।৮।১০

‘সেই অক্ষর ব্রহ্মের বিজ্ঞান ব্যতীত যদি না বহু সহস্র
বর্ষ হবন, যজ্ঞ, তপস্কার অনুষ্ঠান করা হয়, তথাপি তাহার
কল ভঙ্গুর। যদি তাঁহার বিজ্ঞান ব্যতীত প্রয়াণ করা হয়,
তবে তাহা দৈন্ত মাত্র। কিন্তু যিনি ব্রহ্মবিদ হইয়া তবে
দেহত্যাগ করেন, তিনিই ‘ব্রাহ্মণ’।

বস্তুতঃ, জ্ঞানী দেবৎ সর্ষপাশাপহানিঃ খেত ১।১১
‘পাশমুক্তির একমাত্র উপায় ব্রহ্মজ্ঞান।’

তমেব বিদিত্বা অতি মৃত্যুমেতি

নাত্তঃ পশ্বা বিত্ততে অয়নায় খেত, ৩।৮

‘তাঁহাকে জানিলে তবেই মোক্ষ হয়—শুভা গতির অণু
পশ্বা নাই।’

কারণ,

যদা চর্ষবদ্ আকাশং বেষ্টয়িষ্যন্তি মানবাঃ।

তদা দেবমবিজ্ঞায় সংসারান্তো ভবিষ্যতি ॥—খেত ৩।২০

‘বহু অনন্ত আকাশকে মুষ্টির মধ্যে বেষ্টন করা সম্ভব,
কিন্তু সেই পরম দেবতাকে না জানিয়া মোক্ষলাভ অসম্ভব।’
সেই অণু ব্রহ্মচারী স্বাধ্যায় দ্বারা, গৃহস্থ যজ্ঞ দান দ্বারা,
বানপ্রস্থ তপঃ দ্বারা তাঁহাকে জানিবার প্রয়াস করিয়া-
ছিলেন (বিবিদ্যস্তি), আজ আরণ্যক তাঁহাকেই জানিবার
অন্ত ‘শ্রাস’ গ্রহণ করিয়া প্রব্রজ্যা করিবেন।

তমেতৎ বেদানুবচনেন ব্রাহ্মণা বিবিদ্যিষন্তি যজ্ঞেন
দানেন তপসা অনাশকেন * * এতমেব প্রব্রাজিনো লোক-
মিচ্ছন্ত প্রব্রজন্তি—বৃহ ৪।৪।২২

নারায়ণ-উপনিষদের ৭৮ অনুবাকের ভাষ্যে এই সন্ন্যাসের
প্রসঙ্গ উত্থাপন করিয়া ভাষ্যকার বলিতেছেন—অধে-
দানৌঃ; সর্ষকর্মময়-সংসার-বীজদাহার্থং সন্ন্যাস-প্রকরণম্
‘আরভ্যন্তে।’ নারায়ণ উপনিষদের ঋষি প্রথমতঃ একে একে
১১টা গৌণ মোক্ষসাধন নির্দেশ করিলেন—সত্য, তপঃ,
দম, শম, দান, ধর্ম, প্রজ্ঞন (অপত্যোৎপাদন), অগ্নি, অগ্নি-
হোত, যজ্ঞ ও মানস (মনোনিশ্চায় উপাসনা)। এই সকল
সাধনই উৎকৃষ্ট বটে, কিন্তু শ্রাসই সর্বোত্তম।

জানি বা এতাসি অররাপি পরাংসিঃ শ্রাস এব অত্য-

* উপাংসি ইহাই বোধ হয় শুদ্ধ পাঠ।

রেসরৎ অর্থাৎ উত্তমবেদন ভারতমঃ তত্র বিশ্রান্তম্। পরিশেষে
উপনিষদ্ এই বলিয়া বক্তব্য শেষ করিতেছেন—তস্মাৎ
শ্রাসং সর্ষেবাং তপসাম্ অতিরিক্ত মাহঃ।

সেই অণু চতুর্থাশ্রমের নাম ‘সন্ন্যাস’। সন্ন্যাসী
আরণ্যকের নির্দিষ্ট বাসস্থান ত্যাগ করিয়া প্রব্রজ্যা করেন।
প্রব্রজয়িত্বান্ অবে অহম্ অস্মাৎ স্থানাৎ—বৃহ ৪।৫।২
এতমেব প্রব্রাজিনো লোকমিচ্ছন্তঃ প্রব্রজন্তি

—বৃহ ৪।৪।২২

যেহেতু চতুর্থাশ্রমী ‘অনিকেতা’, সেই অণু তাঁহার নাম
পরিব্রাজ্ বা পরিব্রাজক। যেহেতু তিনি সঞ্চলহীন, সমস্তই
‘সংন্যাস’ করিয়াছেন, সেই অণু তিনি ‘সন্ন্যাসী’। যেহেতু
তিনি ভিক্ষার দ্বারা পিণ্ডপোষণ (দেহধারণ) করেন সেই অণু
তিনি ‘ভিক্ষু’।

পুন্ড্রেশণায়শ্চ বিষ্টেশণায়শ্চ লোকৈশণায়শ্চ ব্যাঙ্গায়
ভিক্ষাচর্য্যং চরন্তি—বৃহ, ৩।৫।১

চতুর্থাশ্রমীর আর একটি সার্থক নাম ‘মুনি’।

এতমেব বিদিত্বা মুনি উবতি বৃহ ৪।৪।২২

মুনি কি? মননশীল, যোগী। (মুনির্মননশীলো যোগী
ভবতি ইতি যাবৎ—নিত্যানন্দ-বিরচিত বৃহদারণ্যক
মিতাকর)

বাল্যক পাণ্ডিত্যক নিবিদ্যাত মুনিঃ—বৃহ, ৩।৫।১

শঙ্করাচার্য্য বলেন বাল্য অর্থে বলভাব-বালভাব
নহে—অনাশ্রুদৃষ্টি-তিরঙ্করণ-সামর্থ্য। অর্থাৎ বিদ্যাবত্তা ও
বলবত্তাতে নির্বিকল্প হইয়া ‘মুনি’ হইবেন। এই মুনির একটি
মনোজ্ঞ চিত্র আমরা ঋগ্বেদের দশম মণ্ডলে প্রাপ্ত হই।

মুনেস্মো বাতরশনাঃ পিসঙ্গা বসতে মলা।

বাতস্তানু ধ্রাজিঃ যন্তি যদ্ দেবাসো অবিকৃত ॥

১০।১৩৬।২

(পিসঙ্গানি কপিলবর্গানি মলা মলিনানি বহুলরূপানি
বাসাংসি বসতে। বাতস্ত ধ্রাজিঃ গতিম্ অনুযন্তি। অবিকৃত
—প্রাবিশন্ দেবতা স্বরূপং।—সারণ)

উনুমদিত্তা মৌনয়েন বাতা আ তস্থিমা বয়ং।

শরীরেদ্ অস্মাকং যুয়ং মর্ত্যাসো অতি পশুথ ॥ ৩

(মৌনয়েন = মুনিভাবেন; আতস্থিমা = আহুতবস্তঃ—সারণ)

অন্তরিক্ষেণ পততি বিশ্বরূপাবচাশকৎ।

মুনিং দেবস্ত দেবস্ত সৌকৃদায় সখা হিতঃ ॥ ৪

(পততি—গচ্ছতি। বিশ্বরূপা—বিধানি রূপাণি, অব-
চাশকং—অভিগচ্ছত্ব—সায়ণ)

বাত্তস্তাশ্বো বায়োঃ সখা অথ দেবেবিতো মুনিঃ।

উভৌ সমুদ্রাবা ক্লেতি বশ্চ পূর্বস্তুধাপবঃ ॥ ৫

(অথঃ = অশিতা। দেবেন বেধিতঃ প্রাপ্তঃ। আক্লেতি
—অভিগচ্ছতি—সায়ণ)

“মুনিগণ,—(বায়ু বাঁহাদিগের মেখলা, বাঁহারা পিঙ্গলবর্ণ
মলিন বহুল ধারণ করিয়া, (কেনী) জটাধারী হইয়া বায়ুর
বিজয় গতির অনুগমন করেন—সাধারণ মানুষ বাঁহাদিগের
মুগ্ধদেহ মাত্র দেখিতে পায়, কিন্তু বাঁহারা মুনিভাবে উন্নত
হইয়া বায়ুর সহিত একত্বলাভ করেন, অন্তরিক্ষে উৎপত্তি
হন, সমস্ত রূপ দর্শন করেন, বাতাহারী হইয়া বায়ুর সখা
হন এবং পূর্ব ও পশ্চিম সমুদ্রে যুগপৎ অবগাহন করেন।”*

এইরূপ অলৌকিক শক্তিশালী মুনির উদ্ভি-সিদ্ধির
বিষয় বর্তমানে আমাদের আলোচ্য নহে। অতএব সে
প্রসঙ্গ উত্থাপন না করিয়া চতুর্থাশ্রমীর জীবন-যাত্রার প্রতি
লক্ষ্য করিব। বৃহদারণ্যক প্রভৃতি প্রাচীন উপনিষদে এ
সম্বন্ধে ইঙ্গিত আছে, কিন্তু সন্ন্যাসীর সম্পূর্ণ চিত্র দেখিতে
হইলে, বাঁহাদিগকে ‘সন্ন্যাস’-উপনিষদ্ বলে সেই সকল
উপনিষদের প্রতি দৃষ্টিপাত করিতে হয়।

Another hymn of the Rigveda portrays the
inspired muni as with long hair, in dirty yellow
robes, girt only with the wind, he roams on the
desert paths. Mortals behold only his body. But
he himself, endowed with supernatural power,
flies through the air, drinks with the storm-god
from the bowl of both the oceans of the universe,
on the track of the wind is raised aloft to the
gods, transcends all forms, and as companion of
the gods co-operates with them for the salvation
of mankind.

‘সন্ন্যাস’ উপনিষদের প্রধান— জাবাল, ব্রহ্ম, আকর্ণেয়,
সন্ন্যাস, পরমহংস, কঠরুদ্র ও শাঠ্যায়ণী। এই সকল উপ-
নিষদে সন্ন্যাসীর সম্পর্কে কিরূপ বিধিনিষেধ আছে ?

* অধ্যাপক উরসন এই মন্ত্রের মন্তব্য অনুবাদ করিয়াছেন নিম্নে
গাথাঃ উদ্ধৃত হইল :—

বানপ্রস্থ যখন নিজকে সংস্কারের অধিকারী মনে
করিবেন—বহিঃ বা আশ্রমপারং গচ্ছেরম্ ইতি—তখন
তিনি—

অরণ্যে গতা অমাবস্তায়াঃ প্রাতরেব অগ্নীন্ উপসমাধায়
পিতৃভাঃ শ্রাদ্ধতর্পণং কৃত্বা ব্রহ্মোষ্টিং নিবপেৎ—সন্ন্যাস, ১।
‘অমাবস্তা তিথিতে প্রাতঃকালে অরণ্যে অগ্নি প্রজ্বলিত
করিয়া পিতৃতর্পণ করিয়া ব্রহ্ম-ইষ্টি নিম্পন্ন করিবেন।’
এই তাঁহার শেষ তর্পণ, শেষ যজ্ঞ। অতঃপর তিনি ন
নমস্কারো ন স্বধাকারো ন নিম্মান স্তুতিঃ যাদৃচ্ছিকো
ভবেৎ—পরমহংস, ৪।

অতঃপর তিনি পূর্বাশ্রমের শেষ চিত্র শিখা ও সূত্র ত্যাগ
করিবেন—সশিখান্ কেশান্ নিষ্কৃষ্য বিসৃজ্য যজ্ঞোপবী-
তম্—কঠরুদ্র

শিখাসূত্র ত্যাগ করিয়া তিনি মুণ্ডী হইবেন। তৎসহ
সমস্ত আত্মীয় স্বজন এবং সঙ্গে সঙ্গে চতুর্দশ ভূবনও
বিসর্জন করিবেন।

পুলান্ ভ্রাতৃনু বন্ধাদীন শিখাং যজ্ঞোপবীতং চ যাগং চ
সূত্রং চ স্বাধ্যায়ং চ ভূলোক-ভুবলোক-স্বলোক-মহলোক
জনলোক-তপোলোক সত্যলোকং চ। অতল-পাতাল-বিতল-
সুতল-রসাতল-তলাতল মহাতল ব্রহ্মাণ্ডং চ বিসর্জয়েৎ।
দণ্ডমাচ্ছাদনং চ পরিগ্রহেৎ শেষং বিসৃজেৎ শেষং বিসৃজেৎ
—আকর্ণেয়ী, ১

পরমহংস উপনিষদ্ এই বাবস্থার অনুমোদন করিয়া
বলিতেছেন—

অসৌ স্বপুল মিত্র কলত্রবন্ধাদীন শিখা-যজ্ঞোপবীতে
স্বাধ্যায়ং চ সর্ষকর্মাণি সংস্কারায়ং ব্রহ্মাণ্ডং চ হিত্বা
কৌপীনং দণ্ডমাচ্ছাদনং চ স্বশরীরোপভোগার্থায় চ লোক-
স্ফোপকারার্থায় চ পরিগ্রহেৎ।

এই যে শিখা-সূত্র ত্যাগ, ব্রহ্মোপনিষদ্ ইহার প্রতি
লক্ষ্য করিয়া বলিতেছেন—

সশিখং বপনং কৃত্বা বহিঃসূত্রং ত্যজেদ্ বৃধঃ।

যদক্ষরং পরং ব্রহ্ম তৎ সূত্রমিতি ধারয়েৎ ॥

শিখা জ্ঞানময়ী যন্ত উপবীতং চ তন্নয়ম্।

ব্রাহ্মণাং সকলং তন্ত ইতি ব্রহ্মবিদো বিদ্বঃ ॥

‘বৃধ শিখার সহিত যজ্ঞসূত্র ত্যাগ করিবেন। অক্ষর পর-
ব্রহ্ম বাঁহার সূত্র, বহিঃসূত্রে তাঁহার প্রয়োজন কি ? বাঁহার

জানমরী শিখা, ইহার জানময় উপবীত, ব্রহ্মবেত্তারা বলেন, তাঁহার ব্রাহ্মণ্য সম্পূর্ণ।

‘দণ্ডমাচ্ছাদনং চ পরিগৃহেৎ’। আচ্ছাদন অর্থে কোপীন। শঙ্করাচার্য্য যতিপঞ্চকে বলিয়াছেন—কোপীন বস্ত্রঃ খলু ভাগ্যবস্ত্রঃ। সন্ন্যাস পরিষ্ক হইলে যতি কোপীন ভ্যাগ করিয়া আশাধর বা দিগধর হইতে পারেন।

আশাধরো ন নমস্কারো ন স্বধাকারঃ—পরমহংস দণ্ড ধারণ করেন বলিয়া সংন্যাসীর নাম দণ্ডী—দণ্ড, সংযম ও জ্ঞানের প্রতীক।

জানদণ্ডো ধৃতো যেন একদণ্ডী স উচ্যতে।

—পরমহংস, ৩

দক্ষসংহিতায় আছে—

বাগ্‌দণ্ডে মৌনমাতিষ্ঠেৎ কৰ্মদণ্ডে হনীহতাম্।

মানসস্ত তু দণ্ডস্ত প্রাণাধামো বিধীয়তে ॥

সন্ন্যাস-উপনিষদ্ এ সম্পর্কে নিয়ম-রজ্জু কিঞ্চিৎ গ্রথ করিয়া বিধান করিয়াছেন—

কুণ্ডিকাং চমসং শিক্যং ত্রিবিষ্টপমুপানহম্।

শীতোপঘাতিনীং কহ্মাং কোপীনাচ্ছাদনং তথা ॥

পবিত্রং স্নানশাটীং চোত্তরাসঙ্গ ত্রিদণ্ডঃ।

অতোহতিরিক্তং যৎ কিঞ্চিৎ সর্বং তদ্বর্জয়েদ্ যতিঃ ॥

‘ভিক্ষাপাত্র, পানপাত্র, শিক্য (flask), ত্রিবিষ্টপ (কাষ্ঠত্রয়), পাত্ৰকা, শীতনিবারক কহ্মা, কোপীন, জলশোধক বস্ত্র, স্নান-শাটী, উত্তরীয় ও ত্রিদণ্ড ব্যতীত অপর সমস্ত পরিত্যাগ করিবেন।’ জাবাল-উপনিষদ্ ইহার অঙ্গমোদন করেন না।

জাবাল বলেন, ত্রিদণ্ড, কণ্ডলু, পাত্র, শিক্য, জল, পবিত্র, শিখা, উপবীত, এ সমস্তই ‘ভূঃ স্বাহা’ এই মন্ত্র উচ্চারণ পূর্বক মলিলে পরিত্যাগ করিয়া আশ্রম অন্বেষণ করিবে।

ত্রিদণ্ডং কণ্ডলুং পাত্রং শিক্যং জলপবিত্রং শিখাং যজ্ঞোপবীতং চ ইত্যেতৎ সর্বং ভূঃ স্বাহা ইত্যপ্‌স্ত পরিত্যজ্য আশ্রানম্‌ অধিচ্ছেৎ।

কঠকল্প-উপনিষদের মত জাবালের অঙ্গুল এবং সন্ন্যাস-উপনিষদের প্রতিকূল।

তদপি শ্লোকো ভবন্তি

কুণ্ডিকাং চমসং শিক্যং ত্রিবিষ্টপমুপানহো।

শীতোপঘাতিনীং কহ্মাং কোপীনাচ্ছাদনং তথা।

পবিত্রং স্নানশাটীং চ উত্তরাসঙ্গম্‌ চ।

যজ্ঞোপবীতং বেদাংশ্চ সর্বং তদ্বর্জয়েদ্ যতিঃ ॥

সন্ন্যাস-উপনিষদ্ সন্ন্যাস-প্রবেশের অভিমুখে অগ্নি-বর্জনের পর “মন্থ্যঃ জায়ামা” ইত্যাদি মন্ত্র উচ্চারণ পূর্বক একটা দীকার ব্যবস্থা করিয়াছেন—ওহাং প্রবেষ্টুমিচ্ছামি পরং পদম্ অনাময়ম্ ইতি সংতপ্ত অগ্নিং পুনরাবর্তনং যৎ মন্থ্যঃ জায়াবহৎ ইতি অধ্যাত্মমন্ত্রান্ অপেৎ, দীকার উপেষৎ ॥

এইরূপে বানপ্রস্থ চতুর্থ আশ্রমে : প্রবেশ করিয়া সংন্যাসী হইতেন। উপনিষদে দেখা যায়, সন্ন্যাসের চারিটা স্তর ছিল—নিম্ন স্তর অতিক্রম করিয়া উচ্চ, উচ্চতর, উচ্চতম স্তরে উঠিতে হইত। প্রথম স্তরের সন্ন্যাসীর নাম কুটীচক, দ্বিতীয়ের নাম বহুদক, তৃতীয়ের নাম হংস এবং চতুর্থের নাম পরমহংস। পরবর্তী কালে বৌদ্ধেরা যে স্রোতাপন্ন, সক্রদাগামী, অনাগামী ও অর্হৎ—ভিক্ষুর এই চারি শ্রেণীর নির্দেশ করিয়াছেন, তাহা ইহারই অঙ্গরূপ।

অথ খলু সৌম্য! কুটীচকো বহুদকো হংসঃ পরমহংস ইত্যেতৎ পরিব্রাজকশ্চতুর্বিধা ভবন্তি। সর্ব এতে বিষ্ণু-লিঙ্গিনঃ শিখিনোপবীতিনঃ শুদ্ধচিত্তা আশ্রানমাশ্রনা ব্রহ্ম ভাবয়ন্তঃ শুদ্ধচিত্তক্রপোপাসনপরিতা উপায়বস্তো নিয়মবস্তঃ স্মৃশীলিনঃ পুণ্যশ্লোকো ভবন্তি। অদেতদ্‌চাত্ত্যক্তম্। কুটীচকো বহুদকশ্চাপি হংসঃ পরমহংস ইতি।

শাঠ্যায়নীয়োপ নবৎ ; ১১

অর্থাৎ ‘হে সৌম্য, কুটীচক, বহুদক, হংস এবং পরম-হংস এই চারি প্রকারের পরিব্রাজক আছেন। ইহার! সকলেই বিষ্ণুলিঙ্গ, শিখা ও উপবীতধারী। এই পুণ্য-শ্লোক, শাস্ত্রস্বভাব, জপ-যম-নিয়মাত্ম্যাসী পরিব্রাজকগণ, আপনাকে ব্রহ্ম জ্ঞান করিয়া শুদ্ধচিত্তে পরমাশ্রম কেবল মাত্র চিন্ময় সত্তারই উপাসনা করিয়া থাকেন। ঋক্‌ মন্ত্রেও একথা বলা হইয়াছে—কুটীচক, বহুদক, হংস এবং পরম-হংস এই চারি প্রকারের পরিব্রাজক।’

কোন কোন সংন্যাস-উপনিষদে ইহাদের বৃত্তিভেদ লইয়া অনেক খুঁটিনাটি আছে—সে জটিল অরণ্যে আমরা প্রবেশ করিব না। তবে এই মাত্র লক্ষ্য করিব যে, সন্ন্যাসী যেমন যেমন সাধনার উচ্চঃর গ্রামে আরোহণ করিবেন, তাঁহার স্নান ও সংযমের পরিমাণ তাহার অঙ্গুপাতে বৃদ্ধ প্রাপ্ত হইবে। অবশেষে পরমহংসপদাঙ্গু হইলে—

ন দণ্ডং ন শিখাং ন যজ্ঞোপবীতং নাচ্ছাদনং চরতি
পরমহংসঃ। ন শীতং ন চোক্ষং ন সুখং ন হৃৎখং ন
মানাপমানে চ বড়ুর্নিবর্জঃ নিন্দাগর্ভমৎসরদন্তদর্পেচ্ছাদেব
সুখ-হৃৎখ-কাম-ক্রোধ-লোভ-মোহ-হর্ষ-অসূয়া-অহংকারাদীংশ্চ
হিষা স্বপুং কুণপমিব দৃশ্যতে—পরমহংস, ২

‘পরমহংসের দণ্ড নাই, শিখা নাই, উপবীত নাই,
কোপীন নাই। তিনি শীত উষ্ণ, সুখহৃৎখ, মান-অপমান
প্রভৃতি ঘনের অতীত। কুৎসিপাসা, শোক মোহ ও
অরায়তুরূপ সংসার-সমুদ্রের ছয়টি উর্নি তাঁহাকে স্পর্শ
করে না। তিনি নিন্দাগর্ভ হিংসাদন্ত দর্প ইচ্ছাদেব সুখ-
হৃৎখ কাম ক্রোধ লোভ মোহ হর্ষ অসূয়া অহংকারাদি
বর্জন করিয়া, (দেহাঅবুদ্ধি অতিক্রম পূর্বক) নিজ শরীরকে
শবদেহ জ্ঞান করেন।’

বলা বাহুল্য ইহা সাধনার খুব উচ্চ অবস্থা—যে অবস্থায়
সন্ন্যাসী পরমপদের সন্মুখীন হন। ইহা যোগের পরিপক
দশা—এ অবস্থায় ‘অভিতো ব্রহ্ম নির্কারণম্।’ আমাদের
আলোচ্য সন্ন্যাস-আশ্রমের স্থূল বিষয়। সন্ন্যাস গ্রহণের
পর সন্ন্যাসীর অশন, বসন, শয়ন, বর্জন কিরূপ—এক কথায়
সংন্যাসীর আচরণ বা জীবনযাপন কি প্রণালীতে নিম্পন্ন
হয়।

সংন্যাসীর ভিক্ষাই বৃত্তি—

“যতয়ে দীক্ষার্থং গ্রামং প্রবিশস্তি পানিণাত্রম্ উদর-
পাত্রং বা—আরুণেয়

ভিক্ষাশনং দধ্যাৎ—সন্ন্যাস

অযাচিতং যাচিতং বোত ভক্ষ্যম্—শাঠ্যায়নী ১২

তাঁহার ভোজন উদর-পূর্তির জন্য নহে—শরীর-ধারণ
নিমিত্ত।

ঔষধবদ্ অশনম্ আচরেৎ।

প্রাণ সংধারণার্থং যথোক্তকালে বিমুক্তো তৈক্ষমাচরন্
উদরপাত্রেণ—জাবাল ৬

সেই জন্ত তাঁহার নাম ভিক্ষু।

তিনি সুধু ভিক্ষু নন, পরিব্রাজক—অনিকেত-স্থিতিরেব
ভিক্ষুঃ—পরমহংস, ৪

তিনি ‘অনিকেত’—আবাস স্থিতিহীন।

নদীপুলিনশায়ী স্তাদ্বেবাগারেণ বাহুতঃ।—সন্ন্যাস ৪

শূন্যাগার-দেবগৃহ-ভূগ-কুট-বক্ষীক-বৃক্ষ-মূল-কুলানশালা-

অগ্নিহোত্র-নদীপুলিন-গিরি-কুহর-কন্দর-কোটর নিব্বাধ-
স্থিতিশূন্য অনিকেতবাসী জাবাল, ৬

শাঠ্যায়নী উপনিষদ্ ইহার সংক্ষেপ করিয়া বলিতে-
ছেন—

দেবাগ্ন্যাগারে তরুমূলে গুহায়াং বসেদসম্পোহলক্ষিত-
শীলবৃত্তঃ। ১১

‘দেবমন্দির-অগ্নিশালা-তরুমূল কিংবা গুহাতে একাকী
অলক্ষিত-শীলবৃত্ত বাস করিবেন।’ শ্রীশঙ্করাচার্য্য ইহার
প্রতিধ্বনি করিয়াছেন :—

সুরমন্দির তরুমূল-নিবাসঃ।

শয্যা ভূতলম্ অজিনং বাসঃ ॥

তাঁহার পরিধান অজিন (অষড়ঙ্গক যুগচর্ম্ম) কিংবা
বকল অথবা গৈরিক বস্ত্র—কাষায়বাসাঃ—সন্ন্যাস ৩

পরিব্রাট্ বিবর্ণবাসঃ যুগুঃ অপরিগ্রহঃ শুচিরদ্রোহী
ভৈক্ষ্যাণো ব্রহ্মভূয়ায় ভবতি—জাবাল

অর্থাৎ বিবর্ণবাসধারী, যুগিতমস্তক, ভিক্ষাবৃত্তি, শুচি,
অদ্রোহী, ত্যক্ত-পরিগ্রহ পরিব্রাজক ব্রহ্মলাভের যোগ্য হন।
সন্ন্যাস পরিপক হইলে যতি, দণ্ড অজিন মেখলা উপবীত
প্রভৃতি সমস্তই ত্যাগ করিয়া দিগম্বর (আশাধরঃ—পরম-
হংস, ৪) হন এবং ‘যথাজাত-রূপধরঃ’ (naked as he
was born) (জাবাল, ৬) হইয়া প্রারম্ভ কৰ্ম্মক্ষয়ের
প্রতীক্ষা করেন।

সংন্যাসীর পক্ষে স্বাধ্যায় (বেদাভ্যাস) নিম্পয়োজন—
অত উক্ৰম্ অমন্ত্রবদ্ আচরেৎ (আরুণেয়ী ১)

স্বাধ্যায়ঞ্চ সর্বকর্মাণি সংনশ্চ—পরমহংস ১

তাঁহার আলোচ্য গ্রন্থ আরণ্যক ও উপনিষদ্—যাহা বেদের
অন্ত বা প্রপূর্তি।

সর্বেষু বেদেষু আরণ্যকম্ আবর্তয়েৎ উপনিষদম্
আবর্তয়েৎ—আরুণেয়ী, ২

সন্ন্যাসীর ইহাই স্বাধ্যায়।

নানোপনিষদভ্যাসঃ স্বাধ্যায়ো ব্জ্ঞ জরিতঃ

—শাঠ্যায়নী ১৫

সন্ন্যাসী কি ভাবে জীবন যাপন করিবেন? ইহার
উত্তরে আরুণেয়ী-উপনিষদ্ বলিতেছেন :—

ব্রহ্মচর্য্যম্ অহিংসা চ অপরিগ্রহং চ সত্যং চ যমেন হে
রক্ষত হে রক্ষত হে রক্ষত—৩

‘হে সন্ন্যাসী ! তোমরা ব্রহ্মচর্য অহিংসা অপরিগ্রহ ও সত্য সযত্নে রক্ষা কর, রক্ষা কর, রক্ষা কর ।’

সদে সদে কাম ক্রোধ লোভ মোহ দম্ব দর্প হিংসা মমতা অহংকার অসত্য সর্কধা বর্জন কর ।

কাম ক্রোধ লোভ মোহ দম্ব দর্পানুগা মমত্বাহংকারানুতা-
দীন্ অপি ভায়েৎ—আরুণেয়ী, ৪

সন্ন্যাসী কিরূপ আচরণ করিবেন ?

হৃৎথে নোদ্বিগ্নঃ স্মৃথে ন স্পৃহা ত্যাগো রাগে, সর্কত্র
শুভাশুভয়োঃ অনভিস্নেহঃ ন ঘেষ্টি ন মোদতে—পরমহংস, ৪

‘হৃৎথে উদ্বিগ্নহীন, স্মৃথে স্পৃহাহীন, কাম্যবস্ততে কামনা-
হীন, সর্কত্র শুভাশুভে স্নেহহীন—সন্ন্যাসী ঘেষরাগ-বর্জিত ।’

তিনি নিন্দা স্তুতির অতীত—

সুখমানো ভুঞ্চেত নিন্দিতো ন শপেৎ পরান্—সন্ন্যাস ৪

তাঁহার সম্পর্কে শাঠ্যায়নী উপনিষদ্ বলিতেছেন :—

কাম ক্রোধ লোভ মোহ দম্ব দর্পানুগা মমত্বাহংকারা-
দীন্ বিতর্ক্যা মানাপমানো নিন্দা স্তুতী চ বর্জয়িত্বা বৃক্ষ ইব
ত্রিষ্ঠাসেৎ । ছিগ্মমানো ন ক্রয়াৎ । তদৈবং বিদ্বাংস
ইহৈব অমৃত্য ভবন্তি—১৮

সন্ন্যাসী ‘কাম ক্রোধ লোভ মোহ দম্ব দর্প দর্পা মমতা
অহংকার প্রভৃতি নিঃশেষে ত্যাগ করিয়া মান-অপমান
নিন্দা স্তুতি বর্জন করিয়া তরুর মত (সহিষ্ণু হইয়া)
অবস্থান করিবেন । কাটিয়া কেলিলেও কথা কহিবেন না ।
এইরূপ বিদ্বান্ ব্যক্তি এখানেই অমৃতত্ব লাভ করেন ।’

ইহাই প্রকৃত সন্ন্যাস । এই ভাবে লক্ষ্য করিয়া
আরুণেয়ী উপনিষদ্ বলিতেছেন :—

বিদ্বান্ ব এবং বেদ ‘সন্ন্যাস্তং ময়া সন্ন্যাস্তং ময়া
সন্ন্যাস্তং ময়া’ ইতি ত্রিঃকৃৎ অভয়ং সর্কভূতেভ্যঃ মন্তঃ সর্কং
প্রকর্ততে—

অর্থাৎ যিনি বিদ্বান্ তিনি তিনবার ‘সন্ন্যাস্তং ময়া’ ইহা
উচ্চারণ করিবেন—যাঁহার সর্কভূতে ঐক্যবুদ্ধি—তাঁহার
সর্কত্র অভয় ।

সন্ন্যাসীর লক্ষণে উপনিষদ্ মৌন, সমাধি ও যোগের
ব্যবস্থা করিয়াছেন—

মৌনী বসেদ্ আশ্রমে বজ্র ভত্র—শাঠা ৬

সচ্চিৎ সমাধৌ আশ্রমি আচরেৎ—আরুণেয়ী ২

(সচ্চিৎ = পরমাত্মনা সচ্চানন্ অভেদন্ আচরেৎ—নারায়ণ)

অজরমরমকরমব্যয়ঃ প্রপশ্যতে তদ্ব্যাসেন প্রাণাপানৌ
সংযমা—সন্ন্যাস ৪

‘প্রাণাপানের গতিরোধ দ্বারা প্রাণায়ামাদি অভ্যাস
করিয়া যোগী সেই অজর, অমর অক্ষর অব্যয় তবকে
প্রাপ্ত হন ।’

ইহার কলে কি হয় ? বৃহদারণ্যক বলিতেছেন :—

তস্মাদ্ এবংবিৎ শাস্তো দাস্ত উপরতঃ তিতিক্ষুঃ
সমাহিতো ভূত্বা আশ্রয়েব আশ্রানং পশুতি সর্কমাত্মানং
পশুতি—৪।৪।২৩

‘শম, দম, উপরতি, তিতিক্ষা, সমাধান প্রভৃতি সম্পত্তিতে
সম্পন্ন হইয়া তব-বিৎ (পরমহংস) আশ্রাতে আশ্রাকে দর্শন
করেন, সর্কত্র আশ্রাকে দর্শন করেন ।’

ইহা গীতার সেই অমোঘ কথা—বাসুদেবঃ সর্কমিতি
স মহাত্মা সূহর্কভঃ । পরমহংস উপনিষদ্ ইহার প্রতি
ধ্বনি করিয়া বলিতেছেন :—সর্কে কামা মনোগতা ব্যাব-
র্ত্তন্তে । সর্কেষাম্ ইন্দ্রিয়াণাং শ্চুতিঃ উপরমতে য আশ্রমি
এব অবস্থীয়তে যৎ পূর্ণানন্দৈকবোধঃ তদ্ ব্রহ্মাহমস্মি ইতি
কৃতকৃত্যো ভবতি কৃতকৃত্যো ভবতি ।

‘মনঃস্থিত সমস্ত কামনা ব্যাহৃত হয় । সমস্ত ইন্দ্রিয়ের
গতি উপরত হয় । যিনি আশ্রাতে অবস্থিত হন, তিনি সেই
চিদানন্দধন ব্রহ্মের সহিত ঐক্য উপলব্ধি করিয়া সোহং ভাব
প্রত্যক্ষ করতঃ কৃতকৃত্য হন—কৃতকৃত্য হন ।’

এখন তাঁহার জীবনের প্রয়োজন অবসিত হইয়াছে—
প্রারক্কায় হইয়াছে গম্য অধিগত হইয়াছে । এইবার তিনি—

উর্কং সম্পত্ততে দেহাৎ তিৎবা মূর্কানগব্যয়ন্—সন্ন্যাস ৫

কঠকল্প সাধনার উচ্চ চূড়ায় স্থিত সন্ন্যাসীর লক্ষণে
বলিয়াছেন :—

অত উর্কম্ অনশনং অপাং প্রবেশন্ অগ্নিপ্রবেশং বীরা-
ধ্বানং মহাপ্রস্থানং বৃদ্ধাশ্রমং বা গচ্ছেৎ—কঠকল্প ১

‘ইহার পর তিনি অনশন, জলপ্রবেশ, অগ্নিপ্রবেশ, বৃদ্ধবৃত্তা,
মহাপ্রস্থান বা বৃদ্ধাশ্রম আশ্রয় করিবেন ।’

অন্নং পরিব্রাজকানাং বিধিঃ । বীরাধ্বানে ধানালকে
বাহপাং প্রবেশে বাগ্নি প্রবেশে বা মহাপ্রস্থানে বা—জাবান, ৫

‘পরিব্রাজক রণমুখে, অনশনে, সলিল বা অগ্নি-প্রবেশনে
কিংবা মহাপ্রস্থানে-মহাযাত্রা সম্পন্ন করেন ।’ আদিত্যপুরাণ
ইহার প্রতিধ্বনি করিয়া ব্যবস্থা করিয়াছেন :—

সৌন্দর্যবিনাশকালে প্রাপ্তে মহাশক্তিঃ ।
 প্রবিশেৎ অলমং দীপ্তং করোত্যানশনং তথা ।
 অগাধং তোয়রাশিং বা ভৃগোঃ পশুনমেব বা ॥
 গজ্জেৎ মহাপথং বাপি ভূবারগ্নিরিমাদরাৎ ।
 প্রয়াগ বটশাখাগ্রাৎ দেহত্যাগং করোতি বা ॥

বলা বাহুল্য ইহা আশ্রম-চতুষ্টয়ের প্রয়োজন
 দেহের বিলম্বন । অগ্নি-প্রবেশ, অনশন, ভূপতন, সমুদ্র-
 মজ্জন, মহা প্রস্থান, শাখাশাতন প্রভৃতিকে উপলক্ষ্য করিয়া
 চরমপন্থী পরিব্রাজক এইবার পরম ধামে তীর্থযাত্রা
 করেন । তাঁহার জন্ম 'বৈতরণী'র ঘাটে ওঁকার নোকা
 পূর্ব হইতেই প্রস্তুত ছিল, (ওঁকার-প্লেবেন-অন্তর্হৃদয়াকাশস্থ
 পারং তীর্থা -মৈত্রী ৩।২৮), তিনি ঐ তীরে আরোহণ
 করিয়া অনায়াসে ভবপারে চলিয়া যান—অথবা

ওঁকাররথমাকুহু বিষ্ণুঃকৃত্বাথ সারথিম্ ।

ব্রহ্মলোকপদাশ্বেষী রুদ্রাধারণতৎপরঃ ॥

—অমৃতনাদ, ২

—ব্রহ্মপদাশ্বেষে ভগবান্কে সারথি করিয়া প্রণব-রথে
 আরুঢ় হইয়া পরমধামে প্রস্থান করেন এবং অসৎ হইতে
 সতে, তমঃ হইতে জ্যোতিতে এবং মৃত্যু হইতে অমৃত
 উপনীত হন । অসতো মা সঙ্গময় তমসো মা জ্যোতির্গময়
 মৃত্যোর্মামৃতং গময়—বৃহ ১।৩।২৮

উপনিষদ-গ্রন্থে আমরা আশ্রম-চতুষ্টয়ের যেরূপ বিবরণ
 প্রাপ্ত হই, তাহা যথাসাধ্য বিবৃত করিলাম । আমাদের
 আশ্রম-প্রতিষ্ঠাতাদের জীবন কিরূপ সুবিচিত্র ছিল, পাঠক
 তাঁহার কিছু পরিচয় প্রাপ্ত হইলেন । বর্তমান যুগে কি
 সেই জীবনের পুনঃ প্রতিষ্ঠা করা যায় না ?

সন্ন্যাস উপনিষদ্ ব্রহ্মচর্য্য, গার্হ্য, বানপ্রস্থ ও
 সন্ন্যাস—এই আশ্রম-চতুষ্টয়ের সংক্ষিপ্ত সারস্বত নিম্নোক্ত
 শ্লোক উদ্ধৃত করিয়াছেন :—

ব্রহ্মচর্য্যাশ্রমে ধিম্নো গুরুশুক্রাধনে রতঃ ।

বেদানধীত্যানুজাত উচাতে গুরুশ্রমী ॥

দারমাহৃত্য সদৃশম্ অগ্নিমাধায় শক্তিতঃ ।

ব্রাহ্মীমিষ্টিং যজ্ঞেং তাসাম্ অহোরাত্রেণ নিবপেৎ ॥

সংবিত্তজানুতান্ অথৈগ্রামান্ কামান্বিসৃজ্য চ ।

চরেত বনমার্গেণ শুচৌ দেশে পরিভ্রমন্ ॥

* * *

তন্মাৎ কলবিগুহ্বাসী সংন্যাসং সহতেহচ্চিমান্ ।

ত্যক্ত্বা কামান্ সংন্যসতি ভয়ং কিমনুপশ্রুতি ।

‘মানব প্রথমতঃ ব্রহ্মচর্য্যা-আশ্রমে প্রবেশ করিয়া গুরু-
 শুক্রাধায় রত থাকিয়া বেদাধ্যয়ন করিবেন । পরে গুরুর
 অনুমতি লইয়া দারপরিগ্রহ করিয়া গৃহস্থ হইয়া অগ্ন্যাধান
 পূর্বক যথাশক্তি যাগ-যজ্ঞের অনুষ্ঠান করিবেন । (জীবনের
 অপরাহ্নে) পুত্রদিগের মধ্যে বিভূ বণ্টন করিয়া গ্রাম্য সুখ
 পরিত্যাগ করিয়া আরণ্যক হইয়া শুচি প্রদেশে অবস্থান
 করিবেন । তাহার পর কলাকঙ্ক সন্ন্যাস করিয়া দ্ব্যতিমান্
 সন্ন্যাসী হইয়া সর্বত্র অভ্র দর্শন করিবেন এবং দেহপাতের
 পর পরম গতি লাভ করিবেন ।

যে প্রাপ্য পরমাং গতিং ভুয়ঃ তে ন নিবর্তন্তে ।

ইহাই মনুষ্য জীবনের চরম -ম নব-নিবর্তির প্রাপ্তি—
 পরম পদপ্রাপ্তি ।

ভৎ বিষ্ণোঃ পরমং পদং সদা পশুস্তি সুরয়ঃ ॥

গ্রাম্য দেবতা

জয়দুর্গা

[অধ্যাপক ঐচিহ্নাহরণ চক্রবর্তী এম-এ]

বর্তমান যুগে বঙ্গদেশে দুর্গা অন্ততম প্রধান দেবতা। দুর্গাপূজা বঙ্গদেশের প্রধানতম উৎসব। মনে হয় দুর্গাদেবীর এই প্রাধান্যের জন্ম কালক্রমে ইহার নানা রূপভেদ কল্পিত হইয়াছিল। এইরূপ ভেদের মধ্যে বনদুর্গা ও জয়দুর্গা—পূর্ববঙ্গে সুপরিচিত। ইহাদের মধ্যে বনদুর্গার পূজাই অধিক প্রচলিত সত্য। তবে জয়দুর্গার পূজা তত প্রচলিত না হইলেও ইহার পূজার পদ্ধতির মধ্যে এমন কতগুলি বৈশিষ্ট্য ও অতি প্রাচীন আচারের আভাস রহিয়াছে যাহা সচরাচর অন্তর্দেখে দেখিতে পাওয়া যায় না। এইজন্য আমরা জয়দুর্গা পূজার কথা প্রথমেই বলিতেছি।

এই জয়দুর্গা পূজা কোথায় কোথায় প্রচলিত আছে বা ছিল তাহা ঠিক বলিতে পারি না। তবে করিমপুর জেলার অনেক স্থানে পূর্বে এই পূজা অতি সমারোহের সহিত অনুষ্ঠিত হইত। বর্তমানে ইহার প্রচলন খুবই কম। কালক্রমে যে ইহা সম্পূর্ণ বিলুপ্ত হইয়া যাইবে তাহাতে সন্দেহ নাই। করিমপুরের অন্তর্গত কোটালিপাড়ায় সম্প্রতি এই পূজা বিশেষ আড়ম্বরের সহিত সম্পাদিত হইয়াছিল। পূজা কোটালিপাড়ায় গত ৩০।৪০ বৎসরের মধ্যে আর হয় নাই।

বনদুর্গা ও জয়দুর্গার প্রতিমা প্রস্তুত করার প্রথা নাই। কোনও বৃক্ষভালে বা 'খোলায়'† ঘটের উপর দেবীর পূজা করা হয়। জয়দুর্গাপূজার পূর্ণ নাম পত্রাবলী জয়দুর্গা পূজা। পূজার পূর্বে দেবীর আবাহন-প্রসঙ্গে পত্রাবলীর সং বা ছুড়িয়া উলঙ্গভাবে নৃত্য করিয়া দেবীকে আবাহন করে—না আলিলে দেবীকে নামাক্রম লাঞ্ছনা করিবে ভয় দেখায়।

*। জয়দুর্গা-পূজার পদ্ধতি গ্রহে দেবীমূর্তির প্রাণপ্রতিষ্ঠার বিধান আছে। হস্তমুখে পূর্বে প্রতিমা প্রস্তুত করা হইত বলিয়া মনে হয়।

†। খোলা শব্দের অর্থ দেবস্থান। সাধারণতঃ জনপরিভ্রম্য স্থান-বিশেষে এক এক দেবতার খোলা নির্দিষ্ট হইয়া থাকে।

কোনও পূজা প্রসঙ্গে এইরূপ উল্লিখিত নির্বাধ নৃত্য-গীতাদির প্রথা অন্তর্দেখে দেখিতে পাওয়া যায়। Augustus Soverville তাঁহার Crimes and Religious Beliefs in India নামক পুস্তকে (পৃ: ১৬৫-১) ছদ্ম দেব নামক বৃষ্টিদেবের পূজোপলক্ষে রাজবংশীদিগের ভিতর প্রচলিত এইরূপ নৃত্যগীতের বিস্তৃত বিবরণ প্রদান করিয়াছেন। বর্ষণ না করার অপরাধে এই সময় দেবতাকে অতি কুৎসিত ভাষায় গালি দেওয়া হয় এবং দেবমূর্তির উপর থুথু ফেলিয়া উহাকে পদদলিত করা হয়। বিজয়া দশমীর দিন কালিকা পুরাণে শাবরোৎসব নামে যে উৎসবের উল্লেখ করা হইয়াছে তাহাও অনেকটা এইরূপ। ইহা ছাড়া অন্যান্য উৎসবেও এইরূপ নৃত্যগীতের প্রচলন ছিল, তাহারও প্রমাণ আছে। ফলতঃ এইরূপ উৎসবগুলি ছিল সর্বত্রই প্রাক্তন ধর্মের একটা অপরিহার্য অঙ্গ।

এইবার প্রারম্ভিক উৎসবের কথা ছাড়িয়া দিয়া আমরা আসল পূজার কথা আরম্ভ করিব। পূজার সঙ্কল্পে চতুর্ভুজ ফলপ্রাপ্তির কামনা করা হয় এবং দক্ষ মন্ত্ররূপ উপচার প্রদান ও গায়ন-বাণ-নৃত্য নাটক রূপ পত্রাবল্যাখ্য মহোৎসব কল্প করা হইবে তাহার উল্লেখ করা হয়। দেবীর পূজার সঙ্গে ক্ষেত্রপালাদি দানব পূজা করিতে হয়। সূতরাং সঙ্কল্পে তাহারও উল্লেখ থাকে। প্রথমেই সন্ধ্যার পূজা। ধ্যান যথা—

সন্ধ্যাং ধূম্রবর্ণাং পটুবজ্রপরীধানাং

ত্রিনেত্রাং চতুর্ভুজাম্।

স্বরাধিষ্ঠিতাং নৈঋতদিগবস্থিতাং

অঙ্কুরধূপাদিভিঃ স্নানাসিতাং শ্রৌতবয়স্কাম্ ॥

তার পরেই ক্ষেত্রপালের পূজা। তাঁহার ধ্যান—

ব্রাহ্মচন্দ্রমুখাধরঃ ত্রিনয়নঃ শীলাঙ্গনাদ্রিপ্রভঃ

দৌর্দণ্ডোত্তমদাকপালধরুণাং স্রগ্বজ্রযুগ্মোদ্ভলম্।

যষ্ঠামেখলস্বর্ধরাদিবিধুতং বকারভীমঃ বিভুঃ
বন্দে সঃহিতসর্পস্বর্ধকুণ্ডলধরং ত্রীক্ষেত্রপালং সদা ॥

ক্ষেত্রপালকে দধি, মাষ ও অন্ন দিবার সময় এইরূপ
প্রার্থনা করা হয়—

এছেহি বিধিষ বিধিষ তরুং ভঞ্জয় ভঞ্জয় ভজ্জয় ভজ্জয়
বিষ্মভৈরব ক্ষেত্রপাল বলিং গৃহু গৃহু স্বাহা ।

ইহার পর কোকিলাক্ষনামক দেবের পূজা । ধ্যান—

কোকিলাক্ষং মহাভাগং ব্যাভ্রস্ৰোপরি সংস্থিতম্ ।

ভক্তভীতিহরং দেবং কোকিলাখ্যমহং ভজে ॥

এই কোকিলাখ্য যমের ঞ্চায় দক্ষিণ দিকের অধিপতি
ঠাহার প্রণাম মন্ত্র হইতে এইরূপ জানিতে পারা যায় ।
জয়দুর্গার বর্ণ কৃষ্ণ মেঘের মত—হস্তে শঙ্খ, চক্র, খড়্গ এবং
ত্রিশূল । দেবী সিংহারুড়া এবং চতুর্ভুজা^১ ।

পরিবার দেবতার মধ্যে দক্ষিণেশ্বরী^২, মগধেশ্বরী^৩ ও
দানবমাতার নাম উল্লেখ-যোগ্য । পরিবারদেবতার পূজার
পর দানবপূজা । দানবদিগের নামগুলি কোতুকপ্রদ যথা—
ছোটেশ্বর, কৃষ্ণকুমার, অগ্নিমুখ, পুষ্পকুমার, জলকুমার
লৌহজজ্ব, ধবলাক্ষ, কোকিলাক্ষ, শূকরশিরাঃ, বিড়ালাক্ষ,
ষাদশ ভ্রাতা^৪, একজজ্ব, একপাদ, তালকেতু, হস্তিমুখ, রক্ত-
নয়ন, শালকুমার, আকুলকুমার, বকুলকুমার, দীর্ঘকুমার, দীর্ঘ
কর্ণ, উর্দ্ধপাদ, দীর্ঘজজ্ব, ভ্রামর, ময়ূরমোদ, কালকেতু, শিশু-

কুমার, আকুল, সুকুল, বিমুখ, বেতাল, তালকবন্ধ,
সবিতাক্ষ, সনৎকুমার, বলিকুমার, অঙ্কুর, যক্ষাধিরুড়,
মার্জ্জনীসান্ধ্যা, কালাক্ষ, বংশকুমার, মুকুট, উষ্ণকুমার,
চূর্ণমুখ, গোশূক্কাধিরুড়, শুকাক্ষ, ভূত, প্রেত খেচর, ভূচর,
ধনেশ, চাটকুমার, চাটেশ্বর, শাখোটীরুড়, রণকুমার,
ছলকুমার, অঙ্কশূর, ঘটকুমার, যুগকুমার, রণপণ্ডিত^৫,
রক্তমুখ, ক্রোধমুখ, শুকা, শূক, অজ্ঞা, দন্ত, মাগিকা, সপ্ত,
বিহ্বাৎসঙ্ঘার, চৌরাখ্য, হট্টাধিপ, রস্তাধিপ, বহ্মাধিপ,
হরিপাগল, কর্ণচাপ, সূচিমুখ, মোচ্‌রাসিংহ, গাভুরডলন,
সৌভট্ট, নিশার্চৌর, আকাশকুমার, স্থলকুমার, সুরমর্দন, জল
মর্দন, কালাসুর, কালমেঘ, ছলেশ্বর, হেমন্তকুমার, রণকুমার,
লুঠ, অগ্নি^৬, নারায়ণ^৭, অঘোর, আয়ুধ, ভৈরব, একদন্ত^৮
ও অষ্টগণ^৯ ।

তারপর রাত্রিশেষে নির্জনে স্থানে চতুষ্কোণ মণ্ডল করিয়া
গোপাল হাজরার পূজা করিতে হয় । গোপাল হাজরার
ধ্যান—

ধূম্রবর্ণং মহাকায়ং সর্বদা প্রাণিহিংসকম্ ।

কৃষ্ণাধরধরং ক্রুরং ব্যাভ্রচর্ম্মোত্তরীয়কম্ ॥

দ্বিভুজং দ্বিমুখং ঘোরং পাশমুগ্ধরধারিণম্ ।

গোপালহাজরাং বন্দে সর্ষভীতিহরং পরম্ ॥

গোপাল হাজরার প্রীতির জন্তু ভুবনেশ্বরী বিহার পূজা
এবং হংস বলি দিতে হয় । জয়দুর্গার প্রীতির জন্তু দক্ষ-
মীনাদি সহিত সিদ্ধান্ত ক্ষেত্রপালকে দিবার বিধান আছে ।
এস্থলে লক্ষ্য করিবার বিষয় এই যে, যে সমস্ত জিনিষ অশুভ
এবং অপবিত্র বলিয়া সাধারণতঃ ধারণা, এস্থলে তাহাদের
সাহায্যেই দেবতার প্রীতিসম্পাদনের চেষ্টা করা হয় ।

১। রণপণ্ডিতের ধ্যান—

তপ্তকাকনবর্ণাভং নীলবস্ত্রপৃথুদরম্ ।

দ্বিভুজং খড়্গহস্তকং বালযজ্ঞোপবীতিনম্ ।

বরদং শুভ্রবংশান্তং ভজেৎ ত্রিভুবনেশ্বরম্ ॥

প্রণামমন্ত্র—রণপণ্ডিত মহাসম্ব বৈরিবারণকেশরী ।

ব্যাভ্রাধিপশুভীতেভ্যো রক্ষ মাং কুরু সর্ষভঃ

২। ইহার কল্পে দানবদিগের অন্তর্ভুক্ত হইলেন তাহা বুঝিতে
পারা যায় না ।

৩। সাধারণতঃ একদন্ত শব্দে গণেশকে বুঝাও ।

৪। অষ্টগণ কি তাহা বুঝা যায় না ।

১। দক্ষিণাধিপতিবীর শরীরহিতকারক ।

শাদূলবাহনো দেব কোকিলাক্ষ নমো নমঃ ॥

২। কালাত্রাতাং কটাকৈররিকুলভয়নাং সৌলিবন্ধেন্দুরেখাঃ
শখং চক্রং কুপাণং ত্রিশিখমণিকরৈরুদ্বহস্তীং ত্রিনেত্রীম্ ।

সিংহক্কাধিরুড়াং ত্রিভুবনমণ্ডিলং তেজসা পুরমন্তীং
ধ্যায়েন্দুর্গাং জয়াখ্যাং ত্রিদশপরিবৃত্তাং পূজিতাং সিদ্ধমঠৈঃ ॥

৩। রামকৃষ্ণ পরমহংসদেবের আরাধ্যা ও রাণী রাসমণির প্রতিষ্ঠিত
দক্ষিণেশ্বরী কালিকা ও এই দক্ষিণেশ্বরী অভিন্না হইতে পারেন ।

৪। চট্টগ্রামে মগধেশ্বরীর পূজা খুব প্রচলিত । এই পূজার নানা
বৈচিত্র্যও উল্লেখযোগ্য ।

৫। পূর্ববঙ্গে ষাদশভ্রাতা ষাদশ দানব, দানবমাতা বনদুর্গা ও
দানবভয়ী রণবক্ষীর পূজার বহুল প্রচলন আছে । এই প্রসঙ্গে উল্লিখিত
দানবদিগের কেহ কেহ (যথা, মোচ্‌রাসিংহ, গাভুরডলন পুষ্পকুমার,
নিশার্চৌর, হরিপাগল) ষাদশভ্রাতার অন্তর্গত । এ সম্বন্ধে বিস্তৃত বিবরণ
মল্লিখিত The Cult of Baro Bhaiya of Eastern Bengal
এবন্ধে আলোচিত হইয়াছে ।

পরদিন পূজাতে চাউলের ভাঁড়া বারা ২০টা মঞ্জল
 আঁকিয়া তাহার উপর কলার পাতা রাখিতে হইবে এক
 হলের বারা ঐ কলাপাতা ধুইরা তাহার উপর ২০ ভাগ
 পোড়া মাছ ও লিঙ্গ চাউলের ভাতের ভোগ জরুর্গীকে
 দিতে হইবে। প্রচুর চাউল এবং বহু মৎস্য দ্বারা এই ভোগ
 দেওয়া হয়। তবে দেবীর প্রসাদ কেহ গ্রহণ করে না।

ইহার পর পূজার এক প্রসঙ্গ।

১। অম্বীগী পূজার একখানি বিড় ও হুঁসিবিড় পড়াতির দ্বারা
 কোটালিগাড়ার শ্রীকৃষ্ণ নন্দুৎসব গ্রামে বসানোর বিকট হইতে পাইয়াছি
 একত তাহার নিকট আন্তরিক কৃতজ্ঞতা প্রকাশ করিতেছি। তবে
 এমাতীর প্রায় সমস্ত পুথির ভাষা এখনিক অজ্ঞানতায়। ক্যানের মধ্যে
 অনেক বসে অপ্রতীকার্য ছন্দোদেব রহিয়াছে।

শরৎ কমল

[শ্রীকালিদাস রায়, বি-এ, কবিশেখর ।

পূব গগনের ছয়ার খুলে
 মেঘের' পরে দাঁড়িয়ে ছিল
 উষা সতী ঘোমটা তুলে ।
 পাখীর গলায় কি কাকুতি,
 কুঞ্জসভার কি আকৃতি ।
 আমন্ত্রণী বহি পবন
 দোলা দিল হিরণ চুলে ।
 হায়—ধরার ধূলায় নাম্‌ল উষা
 কণিক তুলে ।

কোথায় গেল উষারাগী ?
 কোথায় গেল কুঞ্জ শোভা
 কোথায় পাখীর ব্যাকুল বাণী ?
 মিলাইল স্বপ্ন কোথায়
 দিবাদাহের তপ্ত বাধায় ?
 দাগ রেখেছে পাতায় পাতায়
 কারা ব্যথার অক্ষ হানি ?
 শুধু—তড়াগবুকে চিহ্ন রেখে
 গেছে উষার পা-তু'খানি ।

দমকা-হাওয়া

(উপভাস)

[শ্রীনরেন্দ্রনাথ চট্টোপাধ্যায়]

—ভের—

মহানন্দের উপর সন্দেহ বীণার মনে দৃঢ়ভাবে মুদ্রিত হইয়া গেল, কিন্তু প্রমাণ করিবার কোনও প্রকার উপকরণ হাতের কাছে না পাইলেও সেটাকে কিছুতেই সে দূর করিতে পারিল না। অন্য লোক তাহার নিকট হইতে সেরূপ ধরণের কোনও আভাস না পাইলেও তাহার সহিত কথা কহিবার সময় মহানন্দের চাহনির ভিতর দিয়া এমন একটা কিছু সে দেখিতে পায়, যাহাতে তাহার সারা দেহের ভিতর রি রি করিয়া উঠে, যুগায় অন্তর ভরিয়া যায়,—তাহার মুখদর্শন করিলেও বীণার মনে হয়, যেন সে নবক দর্শন করিতেছে ; তাই সে, যে করালীমার পূজা ও সন্ধ্যারতির সময় না গিয়া একদিনও থাকিতে পারিত না, সেই মন্দিরে যাওয়া একেবারেই বন্ধ করিয়া দিয়াছে।

আজকাল মহানন্দই করালীমার পূজারতি করে।

এই সময়ে বীণাকে দেখিতে না পাইয়া মহানন্দের বুক-খানা নিকটসাহে যেমনই ভরিয়া ওঠে শিবানন্দের প্রাপটা তেমনই হৃৎকের ভারে তাহাকে পীড়া দিতে থাকে।

তাঁহার মনে হয় বীণা-মার অল্পপস্থিতিতে, করালী-মা কোনও কিছুই যে গ্রহণ করিতেছেন না। যুগ্মীয় মূর্তির মধ্য দিয়া চিন্ময়ী মূর্তির আবির্ভাব দেখিয়া এত দিন পর্য্যন্ত তিনি যে আনন্দে আত্মহারা হইয়া উঠিতেন, আজ সেটা দেখিতে না পাইয়া তাঁহার বৃকের ভিতর হাহা করিয়া উঠিত, আপন মনে বলিয়া উঠিতেন—মা—মা—মাগো!

চক্ষুর ধারায় তাঁহার বুক ভাসিয়া যাইত, কিন্তু মায়ের সাড়া কিছুতেই পাইতেন না।

হাণাকারে হৃদয় পূর্ণ করিয়া তিনি বীণার কাছে এক-দিন ছুটিয়া গেলেন, ডাকিলেন—“বীণা-মা?”

তাঁহার কণ্ঠস্বরের গাঢ়তা লক্ষ্য করিয়া তাড়াতাড়ি তাঁহাকে প্রণাম করিয়া বীণা বলিল, “কেন কাকা?”

“মন্দিরে তুই বাস নি কেন, মা?”

বীণা, মাথা হেঁট করিয়া নিরুত্তরেই দাঁড়াইয়া রছিল।

আবেগাপ্ত কণ্ঠে শিবানন্দ বলিলেন,—“আজ হ'তে তুই চল মা, তুই না গেলে, মা যে, নৈবেদ্যের একটুও গ্রহণ করে না মা, মায়ের অংশ তুই মা, মন্দিরে যাওয়া ছেড়ে দিতে আছে? ছিঃ, চল আজ হ'তে।”

জলের ভারে বীণার চোখ দু'টা যেন চক্ চক্ করিয়া উঠিল।

আবেগজড়িত কণ্ঠে শিবানন্দ বলিতে লাগিলেন, “এত-দিন মায়ের ঐ মাটির চেহারার ভেতর দিখে যা দেখেছিলাম, যে দিন হ'তে তুই নিজের হাতে ধূপ ধূনা দেওয়া বন্ধ করেছিল সেই দিন হতে আর তা যে দেখতে পাই নি মা, দেখছি শুধু একটা প্রাণহীন মাটির তৈরী মূর্তি।”

বীণার বৃকের মাঝে কে যেন একটা ধাক্কা মারিয়া দিল, একবার মনে করিল বলে, কাকা, কাকা, মার পূজা তুমি নিজে কর; শুধু ফুল আর বেলপাতা চাপালে তিনি দর্শন দেবেন না কাকা, অর্ধোর সঙ্গে ঐকান্তিক ভক্তি চাই, চক্ষের জল চাই, উন্মত্ত, আবেগ চাই ...

কিন্তু হঠাৎ সে কথাটা রলিতে পারিল না; চক্ষুব কোল দিয়া অশ্রুব বন্যা তাহার গণ্ডদেশ প্লাবিত করিয়া দিল।

শিবানন্দ গদগদভাবেই বলিতে লাগিলেন—“বেটাকে এমি ভাবে ছেড়ে দিলে তো চলবে না বীণা, তাঁকে যে ধরে রাখতেই হ'বে, সেই বাড়-মনের অগোচর মা-ই যে তাঁর আমার প্রজাদের সব। সে আছে ব'লেই শ্মশানে পদ্ম-ফুল ফোটে, প্রজারা ছ'বেলা পেট পুরে খায়, না গিয়ে তুই যদি তাঁকে তাড়িয়ে দিস, অদৃশ্যলোক হ'তে মাধবের সাধের জমিদারীর মধ্যে প্রেতের খেলা শুরু হবে—আমাদের অমঙ্গল হ'বে।”

অশ্রুপূর্ণ কণ্ঠে বীণা বলিল—“যাব, কাকা।”

কান্নার সঙ্গে হাসি মিশাইয়া শিবানন্দ বলিতে লাগিলেন—“যাবি বৈ কি মা, না গেলে কি চলে? সেই জগন্মধীর

অংশ তুই, তুই না গেলে সে আসবে কেন? আজই যাস, তুইই আজ ধূপ-ধূনা দিবি, দেখি বেটা কেমন না এসে থাকতে পারে?”

আনন্দের আতিশয্যে শিবানন্দ যেন দেখিতে পাইলেন, চারিদিক আলো করিয়া মা করালীমার মন্দির মধ্যে প্রবেশ করিতেছেন। আনন্দোচ্ছ্বসিত কণ্ঠে বীণাকে বলিলেন, “দেখ, দেখ, তোর যাবার কথা শুনে মা কেমন হেসে উঠেছে, দেখ, মা দেখ, ঐ অসীমের কোলে গ্রহ-উপগ্রহের মতো। ঐযে ঐ ঐ—”

বীণার ভাষা লোপ পাইয়া গেল; শিবানন্দের পায়ের তলায় আছাড় খাইয়া বলিল—“কাকা কাকা,—”

শিবানন্দ বলিলেন,—“করছিস কি মা? সত্যি ঐ চেয়ে দেখ, আমি যাচ্ছি মা, মহানন্দকে বলি গিয়ে। সাধক সে, যেন প্রাণ দিয়ে আরতি করে।”

বীণাকে আশীর্বাদ করিয়া শিবানন্দ চলিয়া গেলেন।

বীণার হৃদয়ে বীণার সব তন্ত্রীগুলাই এক সঙ্গে ধ্বনিয়া উঠিল—সে আপন মনে বলিয়া ফেলিল—কাকা, কাকা, সে সাধুবেশী ভণ্ডকে পূজার আসন ছেড়ে দিও না। যে নারীর মধ্যে মাতৃ-মূর্তি না দেখে তার সম্বন্ধে আঘাত দিয়ে হীন কটাক্ষপাত করে, তার পূজায় মা আসবে না, আসে না, সত্যে সবে যায় লক্ষ যোজন দূরে। তাকে আসন দিয়ে করালীমার অপমান কর না।”

সে মাথা তুলিয়া দেখিল, শিবানন্দ নাই। তাহার বক্ষ-পঞ্জর ভেদ করিয়া একটা দীর্ঘ নিঃশ্বাস বাহির হইয়া আসিল। আজ সন্ধ্যার সময় মন্দিরে যাইতে হইবে, সেই অধার্মিকের মুখখানা দেখিতে হইবে।...

চিন্তার তন্ময়তায়, সে এমি ভাবে ডুবিয়া গেল যে, সারা অপরাহ্নটা কোথা দিয়া কেমন করিয়া কাটিয়া গেল তাহা সে বুঝিতে পারিল না। যখন তাহার জ্ঞান ফিরিয়া আসিল তখন ধরার বুকে কালো রংএর একটা পর্দা পড়িয়া গিয়াছে।

বজ্রাদি পরিবর্তন করিয়া সে তাড়াতাড়ি যখন করালীমার মন্দিরে গিয়া উপস্থিত হইল, মহানন্দ তখন আরতির উদ্যোগ করিতেছিল, শিবানন্দ তখনও আসিয়া উপস্থিত হন নাই। তাহাকে দেখিয়াই মহানন্দের মুখখানা হর্ষোজ্জ্বল হইয়া উঠিল,—এত দিন এই মুখখানি দেখিবার জন্মই

তাহার ব্যগ্র দৃষ্টি চারিদিকে ঘুরিয়া বেড়াইতেছিল, হাসো-জ্বলমুখে বলিল “কে—দিদি?”

তাহাকে প্রণাম করিয়া বীণা বলিল, “হাঁ, আপনি সরুন, আমি সব আয়োজন করে দিচ্ছি।”

বীণার মুখের দিকে চাহিয়া হাসিতে হাসিতে মহানন্দ সরিয়া বসিল।

তাহার এই হাসি দেখিয়া বীণার মুখখানা অস্বাভাবিক রূপে গম্ভীর হইয়া গেল। মনে করিল দুইটা কথা বেশ কড়া করিয়া সে শুনাইয়া দেয়, কিন্তু কি ভাবিয়া অন্তরের ক্রোধ অন্তরের মধ্যে চাপিয়া সে আরতির উদ্যোগেই ব্যস্ত হইয়া পড়িল। করালীমার মুখের দিকে চাহিয়া দেখিল পুরুত-কাকার কথাই বর্ণে বর্ণে সত্য। মার সেই হাসি মরা মুখ ভে নাই। গম্ভীর ভাবেই বলিল, “সন্ন্যাসী ঠাকুর, মা কৈ?”

ঈষৎসো মহানন্দ বলিল, “শক্তি না এলে কি শক্তির আকর্ষণ হয়, দিদি?”

বীণার মুখখানা ঘূর্ণায় ভরিয়া উঠিল। সে আর কোনও কথা না বলিয়া কন্ঠের মধ্যেই সম্পূর্ণরূপে আপনাকে নিষুক্ত রাখিল।

কিছু দূরে বসিয়া মহানন্দ তাহার ক্ষুধিত চক্ষু দুইটা লইয়া বীণার প্রতি অঙ্গ-সঞ্চালনের দিকে কাতর দৃষ্টিতে চাহিয়া রহিল।

শিবানন্দের কণ্ঠস্বর শুনিয়া তাহার এই ভাব কাটিয়া গেল। “তিনি ভিজ্জাসা করিলেন, “বীণা এসেছে, মহানন্দ?”

এক মুখ হাসিয়া মহানন্দ বলিল,—“হাঁ, বাবা।”

ভিতরে প্রবেশ করিয়া শিবানন্দ বলিলেন, “এসেছিস, মা? এই যে মাও কেমন হাসছেন, মায়ের মুখের এই হাসি—”

বাধা দিয়া বীণা বলিল, “হাসি কৈ?—মার চোখে যে জল।”

“জল?” বলিয়া শিবানন্দ করালীমার মূর্তির প্রতি এক দৃষ্টে চাহিয়া রহিলেন, তাহার সমস্ত উৎসাহ উদ্দীপনা যেন এক লহমায় শুক হইয়া গেল।

আরতির আয়োজন বীণা তখন শেষ করিয়া ফেলিয়া ছিল। বাহিরে নাট-মন্দিরে তখন জনতা জমিয়া, গিয়াছে

তাহারই মধ্য হইতে একজন ভক্ত করুণ রাগিণীতে নিম্নলিখিত সঙ্গীতের মধ্য দিয়া হৃদয়ের ভক্তি-অর্থ্য মায়ের পায়ে নিবেদন করিতেছে।

অনুপম শ্রামরূপ হের রে মন নয়নে ।
স্থির সৌদামিনী বামা বেষ্টিত সেই নবধনে ॥
সে শোভা হেরি নয়নে, রবি শশী ছইজনে,
নবধন তারা সনে, মিলিত মায়ের চরণে ।
কিবা অপরূপ শ্রামা রূপের সীমা নাই,
(এরূপ তুলনা দিতে ত্রিঙ্গগতে নাই,)
কিবা রূপেরি মাধুরী, কোটি চন্দ্র নখোপরি,
বেণী হেরি বিষধরী বিবরে লুকায় দধনে ।
এরূপে মা ত্রিনয়নে, নীলকণ্ঠের হৃদয় পদ্মবনে,
নাচ মা আনন্দ মনে, সদানন্দ বরাঙ্গনে ।

গান শেষ হইলে শিবানন্দ বলিলেন, “এইবার তুমি আসনে যাও, মহানন্দ ।”

মহানন্দ তাঁহার আজ্ঞা পালন করিল।

নিজের আসনে বসিয়া শিবানন্দ ভক্তি-গদগদ কণ্ঠে বলিতে লাগিলেন :—

করালবদনাং ঘোরাং মুক্তকেশীং চতুর্ভুজাং ।
কালিকাং দক্ষিণাং দিব্যাং মুণ্ডমালাবিভূষিতাং ।
সম্মুখশিরঃ-খড়্গ-বামাধোজ্বকরাশুভ্রাং ।
অভয়ংবরদক্ষৈব দক্ষিণোদ্ধাধ-পাণিকাং ।
মহামেঘপ্রভাং শ্রামাং তথা চৈব দিগম্বরীং ।
কণ্ঠাবসক্ত মুণ্ডালী-গলদ্রধিরচর্চিতাং ।
কর্ণাবতঃসতানীত-শবযুগ্ম-ভয়ানকং ।
ঘোরদ্রষ্টাং করালাস্ত্রাং পীনোন্নত-পয়োধরাং ।
শবানাং করসংঘাটৈঃ কৃতকাঞ্চীং হসনুখীং ।
স্বকৃৎস্ন-গলদ্রক্ত-ধারা-বিস্কুরিতাননাং ।
ঘোররাবাং মহারৌদ্রীং শ্মশানালয়বাসিনীং ।
বালাক-মণ্ডলাকার লোচনত্রিতয়াস্বিতাং ।
দম্বরীং দক্ষিণব্যাপি-লক্ষ্মণান-কচোচ্চয়াং ।
শবরূপ-মহাদেব-হৃদয়োপরি-সংস্থিতাং ।
শিবাভির্ঘোর-রাবাভি-শচতুর্দিকু-সমস্থিতাং ।
মহাকালেন চ সমং বিপরীত-রতাতুরাং ।

সুখপ্রসন্নবদনাং স্মেরানন-সরোরুহাং ।

এবং সঙ্কিতয়েৎ কালীং ধর্মকাম-সমৃদ্ধিদাং ।

একপার্শ্বে বীণা প্রকাণ্ড ধূনাচিতে অগ্নির উপর ধূনা দিতেছিল। সমস্ত ঘরখানার মধ্যে একটা অস্বাভাবিক গাভীরো ভরিয়া উঠিয়া ধূপ-ধূনার গন্ধে সকলেরই মনের মধ্যে আনন্দের আবেশ জাগাইয়া তুলিতেছিল।

পঞ্চ প্রদীপ জালিয়া মহানন্দ আরতির জন্ত নিজেকে নিযুক্ত করিলেও তাহার চক্ষু ছইটাকে গার মূর্তির সম্মুখে ঠিক ভাবে ধরিয়া রাখিতে পারিল না, মাঝে মাঝে বীণার মুখের উপর সঞ্চালিত করিতে লাগিল।

পূজার এই ভাগ, বীণা আর কোনও দিক দিয়াই সম্বন্ধ করিতে পারিল না। দীপ্তকণ্ঠে বলিয়া উঠিল, “আমার মুখের দিকে চেয়ে কি দেখছ, সন্ন্যাসী ঠাকুর? আরতি করছ মায়ের—আমার নয়।”

শিবানন্দের স্তবগান বন্ধ হইয়া গেল। মহানন্দ কাঠের মত দাঁড়াইয়া রহিল। বুকের মধ্যে তখন তাহার আশঙ্কার ঝড় উঠিয়াছে।

শিবানন্দ জিজ্ঞাসা করিলেন, “ব্যাপার কি, মহানন্দ?”

নিজেকে কতকটা সংবরণ করিয়া মহানন্দ বলিল, “দিদির মুখের দিকে চেয়ে দেখছি তার রূপ আর ভাবছি যিনি ঐ রূপের সৃষ্টি করেছেন—তাঁর রূপ কতখানি, কবে কতদিন পরে সেই রূপের দর্শন পাব?”

এক লহমায় তাহার মুখের দিকে চাহিয়া শিবানন্দ বলিলেন, “আরতি কর।”

পুনরায় আরতি শুরু হইল, শিবানন্দ স্তবপাঠ আরম্ভ করিলেন, কিন্তু কোনটাই যেন জীবন্ত নয়।

আরতি শেষ হইলে আর্দ্রকণ্ঠে শিবানন্দ বলিলেন, “বীণা—মা, আজও যে মূর্তির ভেতর—”

উদ্বেলিত হৃদয়ে, কাতরকণ্ঠে বীণা বলিল, “ঐ আসনে আপনি না বসলে তিনি আসবেন না কাকা, কাল হ’তে আপনি বসবেন।”

তাহার মুখের দিকে চাহিয়া শিবানন্দ বলিলেন, “তোমার মুখ দিয়ে মা যে আদেশ করছেন তাই আমি পালন করব। মহানন্দ কাল হ’তে আমিই আসনে বসব।”

মহানন্দের পৃষ্ঠদেশে কে যেন সপাং করিয়া এ কথা বেত মারিয়া দিল। সে হতভম্বের মত দাঁড়াইয়া রহিল, ভাবিতে

লাগিল আর কতদিন অপেক্ষা করা তাহার পক্ষে উচিত ?

* * * বীণার কথা কয়টা শিবানন্দের প্রাণের মধ্যে আজ তুমুল ঝড় তুলিয়া তাঁহাকে চঞ্চল করিয়া তুলিতে লাগিল।...এই মহানন্দ, যে আপনাকে সন্ন্যাসী বলিয়া পরিচয় দেয়, তাহার এই কলুষিত ভাব ?...না-না একি সত্য হইতে পারে ? সন্ন্যাসীর পবিত্র বেশকে গ্রহণ করিয়া সে আমা অপেক্ষাও যে উচ্চ...সন্দেহের দোলায় তাঁহার মন ছলিতে লাগিল, ক্রমশঃ মনের মধ্যে তাঁহার বেদনার পাষণ্ড-ভার চাপিয়া বসিল।

আকাশের গায়ে তখন মেঘখানা গাঢ় হইয়া চন্দ্র তারা সবগুলোকেই ঢাকিয়া দিয়াছিল। সন্মুখে মহানন্দকে দেখিতে পাইয়া শিবানন্দ বলিয়া উঠিলেন,—“কে—মহানন্দ ? ঝড়-বৃষ্টি শুরু হ'ল ব'লে,—এ সময় কিসের জন্তে এলি, বাবা ?”

বিনীতভাবে রুদ্ধকণ্ঠে মহানন্দ বলিল,—“আপনাকে প্রণাম করতে এসেছি বাবা, আজ প্রত্যাষেই আমি চ'লে যাব।”

স্নেহপ্রবণ শিবানন্দের প্রাণে ব্যথা জাগিয়া উঠিল, বলিলেন—“সে কি—কেন, মহানন্দ ?”

বিমর্ষভাবে মহানন্দ বলিতে লাগিল,—“তখন হ'তেই আমি ভাবছি বাবা, এতখানি কলঙ্কের বোঝা মাথায় নিয়ে কোনও দিক দিয়েই আর আমার এখানে থাকা উচিত নয়।”

শিবানন্দ কেবল তাহার মুখের দিকে চাহিয়া রহিলেন।

মহানন্দ বলিতে লাগিল—“রাজ-অট্টালিকা, রাজ-ভোগ, গাছের তলা বা ফলাহার সন্ন্যাসীর পক্ষে সবই সমান। একদিন নিজের আশ্রমটুকু ছিল, সেটুকু যখন গেল, তখনও মনের মধ্যে যেমন শান্ত স্নিগ্ধ ভাব, সেটা যাওয়ার সঙ্গে সঙ্গে যখন রাজ-অট্টালিকায় বাস ক'রে আপনার বুকের স্নেহটুকু আদায় ক'রে নিলুম, তখনও ঠিক সেই ভাব। এখন যে যাবার জন্তে পা বাড়িয়েছি এখনও সেই ভাব,... আমায় বিদায় দিন, বাবা”—

শিবানন্দের ভাব-ধারার সবই ওলটপালট হইয়া গেল, বলিলেন—“আজ তুমি যাও মহানন্দ, জল এল ব'লে, ও-সব পাগলামী ছেড়ে দাও।”

“—আজ আপনার কাছেই থাকতে চাই বাবা আপনার একটু পদসেবা করবার জন্তে। নিরুদ্দেশ পথের যাত্রী, আপনার পদসেবা করতে করতে আপনার মুখে ছুটা উপদেশ শুনতে চাই,—

“—শোবার অমুবিধা যদি না হয়, তবে রাত্রিটা এই খানেই থাক। বৃষ্টি নেমেছে, ভিজ্জে যদি একটা অমুখ করে!”

আকাশের কোণে ভীষণ বজ্রের শব্দে স্থাবর-জঙ্গম, বিশ্বচরাচর কাঁপিয়া উঠিল, শিবানন্দ বলিলেন—“যেয়ে আর কাজ নেই মহানন্দ, ভয়ানক দুর্ঘ্যোগ শুরু হয়েছে।”

হাসিমুখে মহানন্দ বলিয়া উঠিল,—“এই দুর্ঘ্যোগই, বাবা, আমার মনে হয়, মার আশীর্বাদ, তাঁর এই আশীর্বাদ না পেলে, অগত্যা মানুষ যে তাঁর ঈশ্বরিত ফল না পেয়ে হা হতাশ ক'রে মরে।”

ভাবের আবেগে শিবানন্দ বলিলেন,—“সাধক তুমি, মায়ের খেলা তুমিই বোঝ ভাল, রাত্রি হ'য়ে গেছে শোও।”

শয়নের জন্ত মহানন্দ এতটুকুও আগ্রহ দেখাইল না, শিবানন্দের পা দুইটায় হাত বুলাইতে লাগিল।

কিছুক্ষণের মধ্যে শিবানন্দ গাঢ় নিদ্রায় অভিভূত হইয়া পড়িলেন।

নিশীথ নিরুন্ম রাত। তাহার উপর দুর্ঘ্যোগের তাণ্ডব মাতন। মহানন্দের হৃদয়ে যেমন অননুভূত আনন্দের সৃষ্টি করিয়া তুলিতেছিল, তেমনই লক্ষণ অধিক উদ্বেগ ও উত্তেজনা দেখা দিতেছিল। উদ্বেলিত হৃদয়ে বাহিরের দাবায় আসিয়া দাঁড়াইতেই জল ও ঝড়ের সম্মিলিত অঘাত আসিয়া তাহার সর্বশরীরে লাগিতে লাগিল, কিন্তু সেটাকে গ্রাহ্যের মধ্যে না আনিয়া সে সেইখানেই দাঁড়াইয়া রহিল। কিছুক্ষণ দাঁড়াইবার পর দেখিতে পাইল কতকগুলি লোক কৃষ্ণবর্ণের আচ্ছাদনে সারাদেহ আবৃত করিয়া তাহার সন্মুখে আসিয়া দাঁড়াইল।

ইঙ্গিতে তাহাদিগকে ভিতরে বাইবার কথা-বলিয়া মহানন্দ অগ্রে গমন করিল।

শিবানন্দ তখন নিশ্চিন্ত নিদ্রায় অভিভূত।

মহানন্দ কহিল—“আর দেবী নয়।”

সঙ্গে সঙ্গে একজনের হাতের ছোঁয়া শিবানন্দের ক্রম-ক্রমে মধ্যে আমূল বসিয়া গেল।

শিবানন্দ চীৎকার করিয়া উঠিলেন—“মা—মা”—মা।

মহানন্দ হাঃ হাঃ করিয়া হাসিয়া বলিল,—“আর একটা কুসফুসে।”

আজ্ঞা প্রতিপালিত হইল।

শিবানন্দের মুখ দিয়া কেবল এই কথাটাই বাহির হইল—“তোমার নির্যাস সস্তানকে ক্ষমা করিস, মা।”

— চৌন্দ—

মন্দিরের মধ্যে মহানন্দের কলঙ্ক-কালিমা বীণার দেহ-মনে শত-বৃশ্চিক-দংশনের মত জ্বালা আনিয়া দিল। শিবানন্দের ব্যবহার তাহার কতকটা কমাইয়া দিলেও তাহার হাত হইতে একেবারে সে নিষ্কৃতি লাভ করিতে পারিল না। তাহার সম্বন্ধে ভবিষ্যতে কি করা উচিত ভাবিতে ভাবিতে বাঁটা ফিরিয়া দেখিল, তাহার টেবিলের উপর বেণুর হাতের শিরোনামা লেগা একখানা খাম।

আনন্দে-উৎসাহে সেখানা খুলিয়া পাঠ করিতে করিতে সেই ভাব কোথায় অন্তর্হিত হইয়া হতাশায় আচ্ছন্ন হইয়া পড়িল। ইহার মধ্য হইতে এমন কিছু সে পাইল না যাহাতে মহানন্দকেই মহাপরাধীর যুপকার্ঠে ফেলিয়া বলি দিতে পারে।

তবুও দুই তিনবার পড়িবার পর এইটাই তাহার মনে হইল যে, ইহার মধ্য হইতে যতটুকু উপাদান সে পাইয়াছে তাহাই হয় তো তাহার পক্ষে যথেষ্ট হইবে। ইহারই সাহায্যে, সে সকলকেই মহানন্দের স্বরূপ দেখাইয়া দিবার সুযোগ পাইবে।

কথাটা মনে হইতেই তাহার সমস্ত প্রাণ আনন্দে উৎফুল্ল হইয়া উঠিল। তাহার মনে হইতে লাগিল, এইবার সে সকলকে বুঝাইয়া দিবে মহানন্দের চক্রান্ত ধরিয়া দিবার মত ক্ষমতা মার জমিদারীতে একজন সামান্ত স্ত্রীলোকের আছে। আর তার ধমনিতে যতক্ষণ এতটুকুও রক্ত বহিবে, ততক্ষণ সে তাহার একটা কাজও সাফল্যমণ্ডিত হইতে দিবে না।

আর একবার বীণা উঠিয়া দাঁড়াইল,—নীলাধরবাবুকে ডাকিতে পাঠাইবার জন্য, দুই এক পদ অগ্রসর হইয়া সে দাঁড়াইল। এই এতখানি রাত্রি পর্য্যন্ত হয় তো তিনি নাই, সে পুনরায় নিজের আসনে আসিয়া বসিল। এমন সময়ে বাহির হইতে শব্দ আসিল—“মা”।

উচ্ছ্বসিত আনন্দে বীণা বলিল—“কে কাকা ?

আসুন না।”

নীলাধরবাবু ও তাঁহার সঙ্গে হরলাল সেখানে প্রবেশ করিতেই বীণা বলিয়া উঠিল,—“হরকাকা যে ?—এমন সময় ? ব্যাপার কি, হরকাকা ?”

হরলাল তাহার পদধূলি লইয়া বলিল,—“মা একবার আপনাদের কাছে পাঠিয়ে দিলেন—”

“কে—বেণু ? কেন কাকা ? ভাল আছে তো সে ? সলিলকুমার কেমন আছে ?”

সহাস্রমুখে হরলাল বলিল—“সবাই ভাল আছে মা, তিনি আপনার কাছে পাঠিয়েছেন, যদি ম্যানেজার বাবুর সন্ধানে কোন উপযুক্ত লোক থাকে, তবে আমাদের ওখানে পাঠিয়ে দিতে, এখনকার ম্যানেজারকে শিনি জবাব দিতে চান।”

বীণা ও নীলাধর আশ্চর্য্যভাবে হরলালের মুখের দিকে চাহিয়া বহিল, তার পর বীণা বলিল,—“সলিলকুমার দিতে দেবে ?”

একমুখ হাসিয়া হরলাল বলিল—“দেবে বৈ কি মা, তা'না হ'লে—”

আনন্দাপ্লুতকণ্ঠে বীণা বলিল—“সলিলকুমারের স্মৃতি হয়েছে ?”

“—হতেই যে হ'বে মা, জমিদারীর সঙ্গে সম্পর্ক তো কেবল টাকার। প্রজার ওপর অত্যাচার হোক দেখবার তাঁর দরকার নেই, প্রজারা অনাহারে মরুক তাতেও তাঁর কিছু আসে যায় না, কর্মচারী তাঁর অভাব মিটিয়ে বাকী টাকায় নিজেরা জমিদারী কিনুক, কুচপরোয়া নেই,—তাঁর বাপের আমলের চাকর কি করে এগুলো চেয়ে দেখি ? তাই মাকে ধ'রে বসলুম, বাবু তোমাকে যেমনটা দেখতে চান তেমনিটা হও মা,—মা আমার তাই হ'য়েছেন, তাঁর মনের মত হ'য়ে, তাঁকে এখন অনেকটা মুঠার মধ্যে এনেছেন কি না ? তাই এখন স্থির হ'য়েছে, মা, তাঁকে তাঁর দরকার মত টাকা দেবেন, আর জমিদারী দেখবেন মা নিজে।”

এতক্ষণ পরে নীলাধরবাবু আবেগাপ্লুতকণ্ঠে বলিয়া উঠিলেন,—“এটাও একটা মস্ত বড় সুখবর হরলাল, মা যে আমার এতদিন পরে সুখী হয়েছে—”

বীণা বলিয়া উঠিল—“বাবা যদি এটা দেখে যেতে পারতেন।”

নীলাধরবাবু কহিলেন—“মাকে ব’লে হরলাল, হ’ এক দিনের ভেতরই আমি একজন ভাল লোকই পাঠিয়ে দেব।”

তাঁহার পায়ে গড় করিয়া হরলাল বলিল—“আর একটা কথা, মা আপনাদের প্রণাম জানিয়ে বলেছেন যে, যে-সব লোক তাঁর জমিদারী হ’তে চ’লে এসেছে, তাদের ওপর কোমল ও অত্যাচারই হয় নি, তাঁদের আসার সম্বন্ধেও তাঁরা কিছুই জানেন না, সুতরাং তা’দি’কে যেন—আবার তাঁর জমিদারীতে পাঠিয়ে দেওয়া হয়।”

এই বিনীত অনুরোধের মধ্য দিয়া বেণু যে কঠোর আদেশ করিয়াছে তাহা বুঝিতে পারিয়া নীলাধরবাবু বলিলেন,—“বেণু যে এইখানেই একটা মস্ত সমস্তার মধ্যে এনে ফেলে হরলাল, তার সব এখানে বসবাস শুরু করেছে, তা’দি’কে কি ক’রে উঠে যেতে বলব?”

বীণা বলিল—“আমি তো এই রকম আশঙ্কাই অনেক দিন হ’তেই করছিলুম কাকা, বেণু আমাকে একখানা চিঠি দিয়েছে এই দেখুন।”

পত্রখানা তাঁহার হাতে দিয়া হরলালকে বলিল,—“তুমি এখন খাওয়া-দাওয়া কর গিয়ে কাকা. তার অনুরোধ রাখবার জন্তে আমরা চেষ্টা করব।”

হরলাল চলিয়া গেলে, নীলাধরবাবু বলিলেন,—“এও এক সমস্তা মা, তবে একথাও অস্বীকার করতে পারি না, যে, সেখানকার সেই সন্ন্যাসীই এই মহানন্দ।”

বীণা কহিল—“অনেক দিন হ’তেই তার কাজগুণা আমাকে আকুল ক’রে তুলেছে।”

স্মিতহাস্তে নীলাধরবাবু বলিলেন—“আকুল হ’বার কোনও কারণ নেই মা, একটা দমকা হাওয়ার মত এসে জুটেছে আবার তেজি ভাবেই চ’লে যেতে হ’বে, এত দিনের মধ্যে তাকে যদি এতটুকুও বুঝতে পারতুম, তা’হ’লে কি তার অস্তিত্ব এর ত্রিসীমানার মধ্যে এতদিন থাকত?”

চিন্তিতভাবে বীণা বলিল,—“এখন একটু কষ্টসাধ্য হ’বে কাকা, প্রজাদের অন্তরের মধ্যে সে যে-রকম শিকড় গেড়ে বসেছে—”

“—কিছু ভেব না মা, যতক্ষণ আমি আছি—”

মলিন হাস্তে বীণা কহিল—“ভুলে যাচ্ছেন কেন, কাকা, জমিদারী আর আপনাদেরও নয় আমারও নয়, মার প্রজাদের—

তাদের অমতে কোনও কাজই তো আমরা করতে পারব না।”

সহজভাবেই নীলাধরবাবু বলিলেন—“তুমিই বা ভুলে যাচ্ছ কেন মা, শিবানন্দ ঠাকুর এখনও মার পূজারী।”

“—ঐটুকুই যা ভরসা কাকা”—বলিয়া বীণা পুনরায় বলিতে লাগিল—“কাল সকালে আমি পুরুত-কাকার কাছে এই চিঠি নিয়ে যাব। প্রজাদের মুখের দিকে চেয়ে তাকে আর একদিনও এই জমিদারীর ভেতর থাকতে দেওয়া উচিত নয়।”

বাহিরের দিকে চাহিয়াই বীণা বলিল, “ওঃ বড্ড মেষ করেছে, কাকা, আর দেবী করবেন না—যান। আপনিও এ বিষয়টা ভাবুন, পুরুতকাকাও কি বলেন শোনা যাক। তারপর তিন জনে মিলে যা হয় একটা ঠিক করা যাবে, কি বলেন?”

“তোমায় কিছু ভাবতে হ’বে না, মা, যা করবার আমিই করে যাব। তা’ হ’লে আজ আমি চলুম, মা, সত্যিই মেঘটা বড্ড হয়েছে?”

নীলাধরবাবু প্রস্থান করিলেন।

বীণা পুনরায় চিন্তিত হইয়া পড়িল।

সমস্ত রাত্রি ব্যাপিয়া তাহার একই চিন্তা, এই মহানন্দই সেখানকার সেই সন্ন্যাসী। যেমন করিয়া হ’উক ইহাকে তাড়াইতে হইবে।

পরদিন প্রাতঃকালে সূর্যোদয়ের সঙ্গে সঙ্গে বীণা স্নানাদি শেষ করিয়া পুরুতকাকার সহিত সাক্ষাৎ করিবার জন্ত বাহির হইবার উদ্যোগ করিতেই হরলাল বলিল, “কোথা যাচ্ছ, মা?”

গম্ভব্য স্থানের নাম শুনিয়া হরলাল তাহাকে অনুনয়ের স্বরে বলিল, “আমাকেও নিয়ে চল না মা, বাবাঠাকুরের পায়ে একটা গড় ক’রে আসি। এখানে আসবার যখন সৌভাগ্য হয়েছে—”

বীণা বলিল, “বেশ তো!”

হরলালও তাহার সহিত চলিল। গত রাত্রের বৃষ্টিতে পথের ধোয়া বাহির হইয়া পড়িয়াছে, স্থানে স্থানে জল জমিয়া গিয়াছে, ঝড়ের দাপটে বড় বড় গাছের ডাল ভাঙ্গিয়া পথের মাঝে পড়িয়া পথিকের চলার বিষম ষটাইতেছিল।

শিবানন্দের আশ্রমে আসিয়া অন্তান্ত দিনের মত বীণা

ঠাহাকে দাবায় দেখিতে পাইল না, গাভীটাকেও বাহিরে আনা হয় নাই। গোশালার ভিতর হইতে প্রাতঃকালীন আহারের জন্ত সে ঘন ঘন চীৎকার করিতেছিল। গাছের ফুলগুলি যেন ছুঃখের ভাবে ছমড়াইয়া পড়িয়াছিল।

চারিদিক একবার দেখিয়া লইয়া বীণা ডাকিল, “পুরুতকাকা!”

পুরুতকাকার কিন্তু কোনও উত্তরই পাওয়া গেল না।

হুই তিনবার ডাকিবার পরও যখন কোনও উত্তর পাইলেন না, তখন নিতান্ত অসহায়ের মতই বীণা বলিল, “পুরুতকাকা হয় তো বাইরে গিয়েছেন, হরকাকা, একটু অপেক্ষাই করা যাক, কি বল? তুমি একবার গরুটাকে দেখবে? নডড চোঁচাচ্ছে!”

উত্তরের অপেক্ষা না করিয়াই সে দাবার উপর উঠিয়া গেল। শয়ন-কক্ষের উন্মুক্ত দ্বারপথের সম্মুখে আসিয়া বীণা সরোদনে বলিয়া উঠিল, “সর্বনাশ হয়েছে গো—কাকাকে কে খুন করেছে!”

বীণা বসিয়া পড়িয়া বলিল, “মাণেজারবাবুকে একবার খবর দাও, কাকা।”

হতভঙ্গের মত হরলাল বাহিরে যাইবার উদ্যোগ করিতেই মহানন্দের চীৎকার শোনা গেল, “বাবা বাবা, নীলাধরবাবুকে কে খুন করেছে।”

যখন সে প্রাক্‌গে আসিয়া পৌঁছিল মুখখানা তখন তাহার পাংশু বর্ণ হইয়া গিয়াছে।

বীণা বলিয়া উঠিল, “কাকাকেও যে—”

অঝোর-ঝরে কাঁদিতে কাঁদিতে মহানন্দ বলিল, “বাবাকেও।”

সে আর একটা কথাও বলিতে পারিল না, সর্বহারার মতই বসিয়া পড়িল।

—পনের—

একই রাত্রে জমীদারির স্তম্ভ দুইটি এইরূপ পৈশাচিক ভাবে নিহত হওয়ায় সকলেই যেন কিংকর্তব্যবিমূঢ় হইয়া পড়িল। পুলিশের অগ্নুসন্ধানও হইল যথেষ্ট, কিন্তু কিছুতেই কিছু হইল না। বীণার জবানবন্দিতে গত নিশার আরতির সময়ের ঘটনা এমন কি বেণুব পত্রখানার ভিতর হইতে তাহাকে সন্দেহ করিবার যথেষ্ট কিছু থাকিলেও এবং প্রথমটা তাহাকে লইয়া খুব হৈ-চৈ

করিলেও কোন বাহুমন্ত্রে যে এমন একটা ঘটনা চাপা পড়িয়া গেল, তাহা কেহই বুঝিতে পারিল না।

মহানন্দ প্রচার করিল, মার নির্দোষী ছেলেকে তিনি ঠাহার অভয় বাহু বিস্তার করিয়া রক্ষা করিয়াছেন; সম্পূর্ণ নিরপরাধ সে, তাহার বিরুদ্ধে মিথ্যা দিয়া গড়া ষড়যন্ত্র আর প্রবল বজ্রার বিরুদ্ধে বালির বাঁধ দেওয়া সমানই কথা। এখনও চন্দ্র-সূর্য আকাশের গায়ে ঘুরিয়া বেড়াইতেছেন, ধার্মিকের বিপদ হইবে কেন—হইতেই কি পারে? সঙ্গে সঙ্গে শিবানন্দের শোকে এতটা মুহমান হইয়া উঠিতে লাগিল। যে লোকে পিতৃ-হারা হইয়া ততটা হয় কি না সন্দেহ।

প্রজা সাধারণের প্রথমে মহানন্দের উপর একটু সন্দেহ থাকিলেও, শিবানন্দর প্রতি ঠাহার অকৃত্রিম ভক্তিপ্রদা দেখিয়া সে সন্দেহ দূর হইয়া গেল।

বীণা কিন্তু এই অতি-ভক্তি দেখিয়া হাড়ে হাড়ে জ্বলিতে লাগিল—তাহার ইচ্ছা হইতেছিল, মহানন্দের টুটি টিপিয়া এখনই দেশ হইতে বাহির করিয়া দেয়, কিন্তু পারিতেছিল না। জমীদারি এখন তাহাদের নয়, নিজের কর্তৃত্ব থাকিলেও নিজের হাতে-গড়া আইন-কানুন নিজেই ধ্বংস করিয়া যাহা ইচ্ছা একটা কিছু করিবে কেমন করিয়া? প্রজাদের প্রতিনিধি মাত্র সে, প্রজাদের অভিমতে সে কার্য্য করিতে পারে।

অবস্থার গুরুত্ব বুঝিয়া সে তাহার জমীদারির প্রত্যেক গ্রামের প্রতিনিধিকে ডাকাইয়া করালীমার নাটমন্দিরে বর্তমানে তাহাদের কর্তব্য কি তাহারই আলোচনা করিতে লাগিল। বীণা বলিতে লাগিল,—“যখনই দেশের ভিতর কোনও একটা গুরু সমস্যা এসে দেখা দেয় তখনই আপনাদিকে আমি ডাকাইতে বাধ্য হই। তার জন্মে যেমন আমি খুবই আনন্দিত, ছুঃখিতও বড় কম হই না, কেন না আমার নিঃশ্রম রাখবার জন্মে আপনাদের অনেকের হয় তো অনেক কাজের ক্ষতি স্বীকার করতে হয়; কিন্তু উপায় নেই, কারণ সমস্যা যে কেবল আমার তা নয়, আপনাদেরও বটে।”

একজন বলিল,—“তা’ তো বটেই, কিন্তু এতে আমাদের কোনও কষ্টই নাই বরং এতে আমরা গর্বানুভব করি এই বলে যে, আপনি, দয়া করে আমাদের

পরামর্শ মেন—এতকাল আমাদের কথা কোন ভুল্লোক শুন্তে বা শোনবার উপযুক্ত ব'লে মনে করত না।”

বাবার উইলের আদেশ অনুযায়ী আপনাদের প্রতিনিধিত্বের দাবী নিয়ে হয় তো আমি নিজেই সে সমস্তার মীমাংসা করতে পারতুম, কিন্তু তাঁহার মৃত্যু শয্যায় আমাকে যে শপথ করিয়ে নিয়েছেন, সেটা অরণ ক'রে আপনাদিগকে ডাকতে আমি বাধ্য হ'য়েছি। জমীদারি করালীমার। আপনারাও যেমন তাঁর সম্মান, আমিও তেমনই তাঁর একজন কণ্ঠা মাত্র। সেইজন্টেই তাঁর জমীদারির কোনও একটা কাজ করতে হ'লেও প্রতিনিধিত্বের দাবীর কথা ছেড়ে ভাই-বোনে পরামর্শ ক'রে কাজ করাই ভাল।”

অপর একজন বলিল—“এ আপনার মহত্ব, জমিদারী করালীমার হ'লেও প্রকৃত পক্ষে আপন'রই—তবুও মাঝে মাঝে যে আপনাদিগকে এমন ভাবে অরণ করেন সেটা আপনার একান্তই দয়া—স্বর্গীয় মহাত্মা কর্তাবাবুর যোগ্য কণ্ঠারই যোগ্য কথা।”

বীণা বলিতে লাগিল—“যাক্, এখন পুরুতকাকার বিভীষিকাময় মৃত্যুর পর মার মন্দিরের পূজার আসন যে শূন্য হ'য়ে রয়েছে—”

তাঁহার বক্তব্যের মধ্য পথে বাধা দিয়া কয়েকজন বলিয়া উঠিল—“কেন ? সে ত মা নিজেই ঠিক ক'রে রেখেছেন।”

বীণা বলিতে লাগিল—“মহানন্দের কথা বলছেন ? পুরুতকাকার নির্দেশ মত যদিও সে এখনও সেই আসনে ব'সে রয়েছে তবুও আপনাদের মতামত না নিয়ে এতখানি দায়িত্বপূর্ণ আসনে তাকে স্থায়ী ভাবে বসতে দিতে পারি না। সে আসনের উত্তরাধিকারী যে হ'বে তাকে সম্পূর্ণ ভাবে ব্রহ্মচারীই হ'তে হ'বে। তাঁর চরিত্রে বা কাজে এত-টুকুও সন্দেহ করবার অবকাশ থাকবে না, আপনাদের কাছে আমার বিশেষ অনুরোধ—”

অন্য একজন বলিয়া উঠিল—“তাঁর সম্বন্ধে তেমন একটা মন্দ ধারণা আনবার কোনও কারণই তো খুঁজে পাই নে মা; সন্ন্যাসী তিনি, অনিষ্টকারীও কারুর নন, তাঁকে দেখলেই—”

তাঁহার বক্তব্যের মধ্য পথেই বাধা দিয়া তাহাকেই আর একজন বলিয়া উঠিল—“আ হা হা, মা যখন বলছেন শচীন-বাবু...”

হই তিন জন সম্মুখে বলিয়া উঠিল—“ঠিকই তো, ঠিকই তো।”

আর একজন বলিয়া উঠিল—“যাকে এতদিন ধ'রে দেখছি, তাঁর একটা কাজের মধ্যেও কোনও খুঁৎ ধরবার কিছু খুঁজে পাই নি, তাঁর সম্বন্ধে নতুন ক'রে খোঁজ নেবার কিছু আছে ব'লে আমরা বুঝতে পারছি না, আপনারা তাঁর চরিত্র সম্বন্ধে কি—”

সকলেই বলিয়া উঠিল—“না না, তাঁকে আমরা স্বর্গীয় পূজারীর উপযুক্ত স্থলাভিষিক্ত ব'লেই মনে করি।”

বীণা জিজ্ঞাসা করিল—“সকলেরই কি ঐ মত ?”

সকলেই নীরব হইয়া রহিল। কাহারও মুখে চোখে সন্দেহের চিহ্ন মাত্রও দেখা গেল না।

এই নীরবতাই তাহারের পক্ষে সম্মতির কারণ মনে করিয়া বীণা বলিল—“আমার কিন্তু তাঁর সম্বন্ধে ধারণা অন্যরূপ। জমীদারির মঙ্গলাকাঙ্ক্ষী দুইটা লোকের এক-সঙ্গে নির্মম হত্যাকাণ্ডের ভিতর মহানন্দের হস্তের স্পষ্ট ইঙ্গিত দেখতে পাচ্ছি। আর একটা লজ্জার কথা আপনাদের সামনে যথাযথভাবে প্রকাশ করতে না পারলেও এই-টুকু বললেই বোধ হয় যথেষ্ট হইবে যে, অজাতশত্রু পুরুতকাকার হত্যার দিন, আরাতির সময় এমন একটা ঘটনা ঘটেছিল যা দেখে তিনি মহানন্দকে বলতে বাধ্য হয়েছিলেন, —‘কাল হ'তে ঐ আসনে আমিই পুনরায় বসব, মহানন্দ !’ তাঁকে কিন্তু আর বসতে হ'ল না, গুপ্ত ষাতকের হাতে তাঁর সব শেষ হ'য়ে গেল।... তাঁর আদেশের সঙ্গে-সঙ্গেই এই যে পৈশাচিক খুন—অবশ্য তাও ব'লে রাখি এ-কথা এখন আর প্রমাণ করবার আমার কোন সাক্ষী নাই।”

একটু উত্তেজিতভাবে একজন বলিয়া উঠিল—“বলেন কি, মা ? সত্যই যদি ঘটনা এই রকমই হয়, আর তাঁর জন্যে তাঁকে সন্দেহ করবার যথেষ্ট কারণই আপনার হাতে থাকে, তবে আপনাদিগকে না ডেকেই আপনি তাঁর ব্যবস্থা করতে পারতেন ? আমরা প্রজা, জমিদারী করালীমার হ'লেও আপন'রই—”

বীণা কহিল—“সন্দেহ করবার যথেষ্ট কারণ না থাকলে আপনাদিকে এতখানি কষ্ট দিতুম না।”

এই পর্য্যন্ত বলিয়াই বেণুর পত্রখানা একজনের হাতে দিয়া বলিল, “দয়া ক'রে চিঠিখানা প'ড়ে সকলকেই শোনান।”

সে পড়িতে লাগিল—

“পূজনীয়া দিদি !

অসংখ্য প্রণাম জেনো । তোমার পত্র অনুযায়ী বিশেষ ভাবে অনুসন্ধান করে জানুলুম, আমার প্রজাদের উপর এমন কোনও অত্যাচার হয় নি যাতে তারা জমিদারি ছেড়ে চলে যেতে বাধ্য হয়েছে, ...অনেকে গেছে বটে, কিন্তু তারা সব গ্রামের অনিষ্টকারী বদমায়েস, তারা যাওয়াতে গ্রামের লোক যেন নিঃশ্বাস ফেলে বেঁচেছে । তুমি যে মহানন্দের কথা লিখেছ, সে কে তা জানি না, তবে এইসব লোক-গুলাকে নিয়ে যাবার মূলে যে একজন সন্ন্যাসী আছে, এটা বিশেষ ভাবেই জানতে পেরেছি । আরও জানতে পেরেছি, কোনও কোনও ষায়গায় গোমস্তাদের সঙ্গে তার বড়যন্ত্র ছিল, ...তাদিকে আমি ডেকে পাঠিয়েছি । পরের কথা পরে জানাব, তোমার আশীর্ব্বাদে এখন তাঁর —”

বীণা বলিল—“আর পড়বেন না, বাকীটুকু নিজের ঘব-সংসারের কথা । এখন এই চিঠি পড়ে আপনাদের কি মনে হয় ?”

যে লোকটি প্রথমেই মহানন্দের ওপর গভীর শ্রদ্ধা ও ভক্তির ভাব প্রকাশ করিয়াছিল সে বলিয়া উঠিল—“সেই সন্ন্যাসীই যে এই মহানন্দ তাব ভে কোনও প্রমাণ নেই ; সুতরাং এ সম্বন্ধে আরও বিশেষ রূপ অনুসন্ধান না হওয়া পর্য্যন্ত ইহার সম্বন্ধে একটা কিছু করা চলে না । বিশেষতঃ যখন আপনি, আমি, প্রত্যেকেই জানি যে, আমাদের স্বর্গীয় পুরোহিত মহাশয় ইহাকেই পূজারীর গদী ছেড়ে দেবার প্রতিশ্রুতি দিয়েছিলেন । এ অবস্থায় তাকে যদি সে আসনে বসতে না দেওয়া হয়, তবে তাঁর স্বর্গীয় আত্মা অসন্তুষ্ট হয়ে উঠবে ।”

আর একজন বলিয়া উঠিল—“কিন্তু এই জটিল সমস্যা ভেদ করতে, আমি এতক্ষণ পর্য্যন্ত চেষ্টা করে যা বুঝে ছি, তাতে আমার মনে হয় তিনি আমাদের ওপর যতখানিই সহানুভূতি-সম্পন্ন হ'ল না কেন তাঁর বিরুদ্ধে মা যতগুলি কথা বললেন, সেই সবগুলি চিন্তা করলে, তার মত লোককে একদণ্ডও এখানে রাখা উচিত নয়, ...আমরা চাই ত্যাগী সন্ন্যাসী, তার মত সেই বেশধারী প্রকক নয় ।”

কিছুক্ষণের জন্য সকলেই অস্বাভাবিক রকমের গভীর

হইয়া উঠিল, কাহারও মুখ দিয়া একটা কথাও বাহির হইল না ।

বীণা জিজ্ঞাসা করিল—“হইটী পরস্পর-বিরোধী মতের সমর্থক যারা আছেন তাঁরা নিশ্চক্চিত্তে তা প্রকাশ করুন । মনে রাখবেন, আপনাদের আজিকার মীমাংসা, আমার ধারণায়, একদিকে আপনাদের আত্মপ্রতিষ্ঠা—আর একদিকে সর্বনাশ—বেচে নিন যেটা আপনাদের মনের মত হয় ।”

তাহার কথার কোনও উত্তর না দিয়া সকলেই যেন নিজেকে বিষম চিন্তার মাঝা ডুবাইয়া দিল, বীণা বলিল, — “আপনাদের বিবেচনার উপর সবটাই যখন নির্ভর করছে—”

তাহাকে আর কিছু বলিতে হইল না—মহানন্দ সেই স্থানে দেখা দিয়া বলিতে লাগিল—“আমি তোমাদের কাছে বিদায় নিতে এসেছি, বাপ সকল! যাবার সময় তোমাদের আশীর্ব্বাদ করছি, আমাকে বিদায় দাও ।”

ইঠাৎ মহানন্দকে দেখিয়া সকলেই তাহাকে প্রণাম করিয়া দাঁড়াইল ।

সে বলিতে লাগিল—“জগন্নাথার আদেশে কবলীমার মন্দিরের লোভনীয় আসন ত্যাগ করে হিমালয়ে গ্রাহ্মান করার জন্যে আমি সেইদনই শিবানন্দ বাবার পদধূলি নিতে গিয়ে'ছিলুম । তা'পর ঘটনা-স্রোত আমার যাত্রার পথকে কণ্টকাকার্য করে তুলেছিল । এখন যখন সেটা অপসারিত হয়ে গেছে তখন আমাকে বিদায় দাও, জগন্নাথ হাতছানি দিয়ে আমাকে ডাকছেন—যেতেই হবে ।”

সকলেই যেন একটু চঞ্চল হইয়া উঠিল, একজন বলিয়া উঠিল, “সেকি বাবাঠাকুর ? তা হবে না, আপনার অবর্তমানে—”

মহানন্দ বলিয়া উঠিল—“জগতের মধ্যে আকর্ষণ যার মার পাছ'খানি, পৃথিবীর যা কিছু সৌন্দর্য্যের মধ্য দিয়ে যে মায়ের রূপ দেখবার জন্যে লালায়িত হয়ে ওঠে, তার যাগ্য এখানে নয় বাপ । এতদিন ছিলাম কেবল স্বর্গীয় বাবার পদসেবা করে, সেই মহাত্মার ত্রীমূখের দুটা উপদেশ-বাণী শুনেতে । কিন্তু ভাগ্য যখন আমাকে তা'হাতে বঞ্চিতই করল তখন আর কেন ভোগের মধ্যে নিজেকে ডুবিয়ে রেখে আমার আকাজিক পথের বিষয় ঘটাই ?

আমাকে ছেড়ে দাও, ঐ দেখ মায়ের হাতছানি, ... মা-মা-মা।”

এই ‘মা’ শব্দ তাহার মুখ দিয়া এমন ভাব-বিহ্বল ভাবে বাহির হইল, যাহাতে তাহার বিরুদ্ধে আর কেহই মত পোষণ করিতে পারিল না। সকলেই সম্মুখে বলিয়া উঠিল—“না, না, বাবা, কিছুতেই আপনার যাওয়া হ’তে পারে না। দয়া ক’রে মা যদিই আপনাকে টেনে এনেছেন, ছাড়ব না আপনাকে।”

বীণার মুখখানা যুগপৎ ঘৃণা ও বিষয়ে ভরিয়া উঠিল। কিছুক্ষণ নির্ঝাঁক বিষয়ে জনতার দিকে চাহিয়া সে বলিয়া রহিল।

মহানন্দ বলিয়া উঠিল,—“আর কেন আমাকে ধ’রে রাখ বাপ, ছেলের প্রাণ যখন মায়ের কাছে যাবার জগ্গে আকুল হ’য়ে উঠেছে—”

তাহার বক্তব্যের মাঝখানেই বাধা দিয়া সকলেই বলিয়া উঠিল,—“আপনার ওসব কোনও কথা শুনতে চাই না, চাই কেবল আপনাকে আমাদের মাঝে দেখতে। অভিমান যদি হ’য়ে থাকে ক্ষমা করুন।”

ঠাৎ মহানন্দের চক্ষু দিয়া জল ঝরিয়া পড়িল, কম্পিত-কণ্ঠে বলিয়া উঠিল—“মা-মা-মা, এ আবার তোর কোন্ খেলা মা? যে জিনিস স্বৈচ্ছায় ত্যাগ ক’রে যেতে চাচ্ছি সেইটাতেই তুই এমিভাবে আমাকে জড়িয়ে রাখবি? এদের অনুরোধের ভিতর দিয়ে কেন তুই এমন কঠোর আদেশ করছিস মা? আদেশ অমান্য করবার ক্ষমতা সে আমার নেই, এদের সব স্মৃতি দে—আমাকে ছেড়ে দিক।”

সকলেই বলিয়া উঠিল—“যাওয়া কিছুতেই হ’বে না, বাবা।”

অশ্রুনিরুদ্ধকণ্ঠে মহানন্দ বলিতে লাগিল—“সন্তানের পক্ষে তোর আদেশ অমান্য করবার ক্ষমতা নেই, মা। আদেশ আমাকে পালন করতেই হ’বে। যে আদেশ এদের মুখ দিয়ে তুই আমাকে করলি তা আমি মাথা পেতে নিতে বাধ্য।”

রাগে গর গর করিতে করিতে বীণা বলিয়া উঠিল,—“বাঃ মহানন্দ! বাঃ! তোমার বুদ্ধির তারিফ করছি। স্বীকার করছি, বাহাদুরী আছে তোমার, সাধুতার আবরণে—”

তাহার কথায় বাধা দিয়া সমবেত প্রতিনিধিরা বলিয়া উঠিল—“আমাদের ভিক্ষা মা—”

কথার মাঝখানে “বেশ”—বলিয়া বীণা নীরব হইল। তাহার মনে হইতে লাগিল, আকাশের কোল হইতে বজ্র আসিয়া আজ যে পিতার জমীদারীর ভিতর পড়িল, তাহাতেই সকলে জলিয়া পুড়িয়া মরিবে, ... তাহাদের ভবিষ্যৎ হুঃখ বুদ্ধিতে পারিয়া বুকিবা বাতাস পর্যন্ত হাহাকার করিয়া উঠিল।

—শোন—

নিজের সম্পূর্ণ অনিচ্ছাসত্ত্বেও প্রতিনিধিগণের নির্বন্ধা-তিশয্যে মহানন্দ যখন করালী মার পুরোহিতের আসন দখল করিয়া বসিল, তখন ভবিষ্যৎ বিপদের ঘোরতর আশঙ্কায় বীণার মন ভরিয়া উঠিল। তাহার দিক দিয়া করিবার আর কিছুই নাই। সর্বনাশকে যদি তারা স্বৈচ্ছায় বরণ করিয়া লয়, তবে সে আর কি করিতে পারে? ... হুঃখে অভিমানে ঘৃণায় সে আর কোনও সংবাদই রাখিত না। ম্যানেজার কাকার স্থানে মহানন্দের নিযুক্ত কর্মচারীই কাজ করিতেছে। পুরোহিত কাকার স্থানে মহানন্দ স্বয়ং। ... তাহার আর করিবার কি আছে?

তবুও এক একবার তাহার মনে হইত, এ কি করিতেছে সে? জমীদারি করালীমার হইলেও এ যে তার পিতৃপিতামহের কীর্তি। কেন সে চোরের উপর অভিমান করিয়া ভূমিতে ভাত খাইবে? প্রতিনিধিদিগের দ্বারা জমীদারির শাসন-কার্য্য চালাইবার নিয়ম সে নিজের হাতে গড়িলেও পিতার উইল অনুসারে তাহাদেরই প্রতিনিধিদের দাবী লইয়া, যেটা তাহার ভাল বলিয়া মনে হইবে, সেইটাই সে যখন করিতে পারে, তখন তাহারই ক্ষমতায়, সে, মহানন্দ-রূপ দেশের অভিসম্পাতটাকে দূর করিয়া দিয়া নিজেই অস্ত্র ব্যবস্থা করিতে পারিবে।

কথাটা মনে হইতেই তাহার অন্তরের মধ্যে একটা নূতন আলো জলিয়া উঠিল। কিন্তু তখনই আবার মনে হইল, মহানন্দ যদি না ছাড়ে? ... কাহার সাহায্য লইয়া সে এই লোকটাকে দূর করিয়া দিবে? তাহার নিজের নিযুক্ত ম্যানেজার এখন জমীদারির কাজ চালাইতেছে। প্রজাদের সকলেই তো তার পায়ে মাথা মুয়াইয়াছে—তবে?

অন্তরের মধ্যে অবসাদ আসিয়া দেখা দিল।

শান্তিহারা প্রাণে সে ঘরের ভিতর কেবল এধার-ওধার ঘুরিয়া বেড়াইতে লাগিল। প্রজাদের সুখ-দুঃখের কথাই তাহার মনে প্রথমে জাগিতেছিল। হঠাৎ বীণা চমকাইয়া উঠিল। প্রজাদের চিন্তা অজ্ঞান হইয়া নিজের ভবিষ্যৎ চিন্তাই বড় হইয়া দেখা দিল।...ভাবিতে লাগিল, এখানে বাস করা তাহার পক্ষে কি নিরাপদ হইবে ?

তাহাকে কিন্তু নিজের বিষয় অধিকক্ষণ চিন্তা করিবার অবকাশ না দিয়া মহানন্দ আসিয়া ডাকিল—“দিদি ?”

বীণা চমকাইয়া উঠিল। মহানন্দের ডাকের সাড়া সে কিছুতেই দিতে পারিল না।

মহানন্দ পুনরায় ডাকিল—“দিদি।”

রোদ্দ তখন কাঁ কাঁ করিতেছে। নিদাঘের দ্বিপ্রহর, চারিদিক নিরুন্ম নিস্তরু। মাঝে মাঝে কেবল বায়স-কুলের কা কা শব্দ।

স্বগিত দৃষ্টি মহানন্দের মুখের উপর ফেলিয়া বীণা বলিল—“কি দরকার, মহানন্দ ?”

মুহূর্তমাত্র কিংকর্তব্যবিমূঢ়ের মত থাকিয়া মহানন্দ বলিল, “আমি তোমার কাছে বিদায় নিতে এসেছি, দিদি। হাসি মুখে বিদায় দাও, আমি চ’লে যাই।”

সহজ সরল ভাবেই বীণা বলিল—“বিদায় দেবার আমি কেউ নই, মহানন্দ। যারা তোমাকে নিযুক্ত করেছে, তারাই বিদায় দিতে পারে, তাদের কাছে—”

কি একটা ভাবের আতিশয্যে মহানন্দ বলিয়া উঠিল—“তারা দেবে না।”

“তবে আমিই দিতে পারি কোন্ অধিকারে ?”

মহানন্দ বলিয়া উঠিল—“তাদের সম্পূর্ণ অজ্ঞাতসারে আমি তোমার নিকট বিদায় নিয়ে চ’লে যেতে চাই, কেউ দেখবে না, কেউ জানবে না। তারা যখন দেখবে পূজারীর আসন শূন্য তখন কয়েক দিন একটু হা-ছত্যাশ করলেও আবার নূতন লোক নিযুক্ত করবে, আর তোমার ইচ্ছা বিনা বাধায় পূর্ণ হ’য়ে যাবে, দিদি। দিদি ছাড়া—মন্দিরে পূজা করতে ব’সে কোনও দিনই আমি তৃপ্তি পাই নি—পারিও না।”

মহানন্দের স্বর কাণায় যেন ভরা।

সংযমশীলা বীণা এতক্ষণ তাহার ক্রোধ গোপন করিয়া রাখিয়াছিল। এক্ষণে কিন্তু এ কথার পর আর সে কিছুতেই

ক্রোধ চাপিয়া রাখতে পারিল না। রাগত স্বরেই বলিল, “তোমার বুদ্ধির তারিক করি, মহানন্দ কিন্তু যাবার অনুমতিটা তোমায় আমার কাছে নিতে হ’বে না—তোমার এই অধিকার থেকে আমিই যত শীগ্গির পারি বিদায় নেব।”

সহসা বজ্রপাত হইলে মহানন্দ যতটা বিস্মিত না হইত, তাহার অধিক বিস্মিত হইয়া দাঁড়াইয়া রহিল।

বীণা বলিতে লাগিল,—“তোমার মত, প্রজাদের মঙ্গল-কামী যখন একজন জমীদারীর মধো পাওয়া গেছে মহানন্দ, তখন এখানকার কাজ আমার শেষ হ’য়ে গেছে—আমি তীর্থ বাস করতে চাই।”

মহানন্দ বলিল,—“তোমার অভিমানের সম্পূর্ণ কারণ যে, সে যখন নিজে হ’তেই তোমার কাছে বিদায় নিতে এসেছে দিদি, তখনও তোমার দুঃখ বা অভিমান কিছু থাকতে পারে না। একটা ছুঁই গ্রহের মত এসে, তোমাদের চিত্তকোভের কারণই যখন হয়েছে, তখন হাসিমুখে আমায় বিদায় দাও ?”

মহানন্দের চক্ষু দিয়া জল গড়াইয়া পড়িল। উচ্ছ্বসিত কণ্ঠে বীণার পাছইটী জড়াইয়া পুনরায় বলিল,—“তোমার পায়ে পড়ি, দিদি।”

কতকটা পশ্চাৎ দিকে সরিয়া বীণা বলিয়া উঠিল,—“কি কর মহানন্দ ?”

“আর যে নিজেকে কিছুতেই ধ’রে রাখতে পারছি না, দিদি, একজনেরও সন্দেহের কারণ হ’য়ে এখানে থাকার চেয়ে হয় আমাকে বিদায় দাও, আর না হ’লে স্বর্গীয় বাবাকে ভূমি যে চোখে দেখতে আমাকেও সেই চোখে দেখে ভূমি মন্দিরে চল।”

এতক্ষণ ধরিয়া প্রতियুহুর্ন্তে বীণার মনে হইতেছিল, দ্বারবানকে আহ্বান করিয়া এই ভণ্ডলোকটার গলাধাক্কা দিয়া বাটা হইতে দূর করিয়া দেয়, কিন্তু মহানন্দের হঠাৎ এই ব্যবহার তাহার নারীহৃদয়কেও বিচলিত করিয়া দিল, নিস্তরু ভাবে দাঁড়াইয়া সে যেন অনন্ত চিন্তার মধ্যে নিজেকে ছাড়িয়া দিল।

মহানন্দ ব্যাকুল স্বরে বলিল,—“একটা কথাও বলো না দিদি, এখনও যদি সন্দেহের এতটুকু কালিমা তোমার বুকে থাকে তবে করলীমার নামে শপথ ক’রে বলছি—আমি নিষ্পাপ, ... বিশ্বাস কর আমাকে।”

পুনরায় সে বীণার পায়ে আছাড় খাইয়া পড়িল।

বাহিন বারান্দায় ময়না পাখীটা ডাকিয়া উঠিল—
“কালী তরাও — কালী তরাও।”

চিন্তার সমস্ত খেই হারাইয়া বীণা বলিল,—“ব'স
মহানন্দ।”

পরিপূর্ণ তৃপ্তিতে মহানন্দের অন্তর ভরিয়া উঠিল,
চোখে জল, মুখে হাসি।...সে একটা তাহার অপূর্ণ সৃষ্টি।

বীণা জিজ্ঞাসা করিল,—“পুরুতকাকা আমাকে যে
চোখে দেখতেন, তুমি কি আমাকে সে চোখে দেখতে
পারবে?”

মুহূর্ত্ত মাত্র তাহার মুখের দিকে তাকাইয়া মহানন্দ
বলিল, “তিনি তোমাকে দেখতেন পিতার স্নেহ নিয়ে কিন্তু
এখানে এসে পর্য্যন্ত তোমাকে ‘দিদি ব'লে ডাকি, দাদার
স্নেহ বুঝে এতদিন যে ভাবে তোমাকে দেখে আসছি
সেই ভাবেই দেখব।”

অবিশ্বাসের হাসি হাসিয়া বীণা বলিল,—“তা যদি
দেখতে, মহানন্দ।”

মহানন্দ বলিয়া উঠিল—“এ সন্দেহটা কোথা হ'তে
আসছে, দিদি?”

“সেটার অবকাশ যে সব দিক দিয়েই দিয়েছ মহানন্দ”
বলিয়া বীণা পুনরায় বলিতে লাগিল—“আচ্ছা,—”

ব্যগ্রকণ্ঠ মহানন্দ বলিল—“কি, দিদি?”

“নীলাম্বা বাবুর স্থানে যে নূতন ম্যানেজার নিযুক্ত
করলে, তাঁর সম্বন্ধে আমার মত কি নিয়েছিলে একবারও ?
তাঁর ছেলে যখন রয়েছে, তাঁর পদে তাকে বসিয়ে অল্প
লোক বসাবার কারণ কি?”

বীণার প্রশ্নে, মহানন্দ প্রথমটা হতভম্ব হইয়া পড়িলেও
নিজের প্রত্যাশমতিকে বলিয়া উঠিল,—“ম্যানেজারের
দায়িত্বপূর্ণ কাজে যে বয়সের প্রয়োজন দিদি, তাঁর পুত্র তো
এখনও সে বয়স পায় নি।”

বীণা বলিয়া উঠিল—“এই জমীদারির কাজে যে লোক
তাঁর শেষ নিঃশ্বাস ফেলে গিয়েছেন তাঁর উত্তরাধিকারীকে
বঞ্চিত করে অল্প লোক নিযুক্ত করা কোনও দিক দিয়েই
মঙ্গলকর নয়।”

কিন্তু ভাবেই মহানন্দ বলিল,—“তোমাকেও সে কথা
বলেছি দিদি, ভাগ বিবেচনা কর তাকে জবাব দাও, কিন্তু

তাদের সংসারকে আমি বঞ্চিত করি নি কোনও দিক;
দিয়েই তাঁর বিধবাকে আমি পঞ্চাশ টাকা বৃত্তি দেবার
ব্যবস্থা করেছি, যতদিন তিনি বাচবেন এই টাকাটা তিনি
পাবেন।”

কয়েক মুহূর্ত্তের জন্ত বীণার মুখ বন্ধ হইয়া গেল। তার
পর একটা নিঃশ্বাস ফেলিয়া বলিল,—“আবার আমি তোমার
বুদ্ধির প্রশংসা করছি মহানন্দ, কিন্তু কার অনুমতি নিয়ে
তুমি এ সব করেছ বলতে পার? আমাকে না জানিয়ে
এসব ব্যবস্থা করার তোমার কতটুকু অধিকার আছে?”

মহানন্দ বলিল,—“অন্যায়ই যদি একটা ক'রে থাকি
তবে আমাকে ক্ষমা কর, ম্যানেজারকে জবাব দিয়ে অল্প
লোক ব্যবস্থা কর, তবে পরামর্শ না দেবার যে দোষটা
আমার ওপর চাপালে, সত্যি কথা বলতে কি, আমার ওপর
যতশনি ক্রোধ তোমার ছিল বা অপবাদ দিয়ে দূর্ব' করে
দেবার চেষ্টা করেছিলে তা'তে তোমার সঙ্গে দেখা করতে
কেমন একটা লজ্জা হচ্ছিল; বাড়ীর দ্বারে এসে ঘুরে ঘুরে
ফিরে গিয়েছি—তবুও সেই লজ্জায় দেখা করতে পারি নি—
আমাকে ক্ষমা কর, দিদি।”

কিছুক্ষণ কি ভাবিয়া বীণা বলিল,—“না থাক, জবাব
কাকেও দেবার দরকার নেই।”

উপযুক্ত অবসর বুঝিয়া মহানন্দ বলিল—“আর একটা
কথা।”

বীণা বলিল,—“কি?”

মহানন্দ বলিল,—“তু'একজন আমার শিষ্যত্ব গ্রহণ কর-
বার জন্তে এসেছে।”

এই পর্য্যন্ত শুনিয়াই বীণা বলিল,—“এ সম্বন্ধে আমার
মতামতের কোনও দরকারই নেই।”

“একটু আছে দিদি—” বলিয়া মহানন্দ বলিল—
“ব্রহ্মচারী তারা, আমার অবর্ত্তমানে করালীয়ার পূজার
ব্যঘাত ঘাতে না ঘটে সেটা তো তোমার আমার
প্রত্যেকেরই দেখা উচিত।”

বীণা আপত্তি করিল না।

মহানন্দ মহানন্দ বলিয়া উঠিল,—“তা'হলে এখন
আমি উঠি দিদি, কিন্তু আরতির সময় তোমার যাওয়া
চাই।”

এ কথায় বীণা কোনও উত্তর দিল না।

মহানন্দ বলিল,—“জমিদারীর কাজ দেখবার মত প্রবৃত্তি আমার নেই, সেটা তুমি যেমন দেখছিলে তেমনই দেখো—”

মহানন্দ চলিয়া গেল।

বীণা পুনরায় চিন্তার অতল ভলে ডুব দিল। এই মহানন্দ ? এত দিন ধরিয়া ইহার সম্বন্ধে যে ধারণা সে হৃদয়ের মধ্যে পোষণ করিতেছিল সেইটাই সত্য—না ভ্রান্ত ? মহানন্দের আজিকার সরল শিশুর মত ব্যবহার কি তাহার নূতন কোন স্বার্থসাধনো একটা নূতন চাল মাত্র ?

—সতের—

এতদিন পর্য্যন্ত মহানন্দের উপর বীণার সন্দেহ করিবার যতটুকু অবকাশ ছিল, এই ঘটনার পর সেটাকে অপসারিত করিয়া দিবার জন্ম সে তাহার কর্মের দ্বারা একেবারেই বদলাইয়া ফেলিল।

নবনিযুক্ত ম্যানেজার জমিদারীর প্রত্যেক কাজই করে তাহার পরামর্শ লইয়া। মহানন্দ নিজে কোনও কিছু করিবার পূর্বে তাহার অনুমতি লয়।

বীণা, পুনরায় করালীয়ার মন্দিরে সন্ধ্যারতির সময় হৃদয়ের ভক্তি-অর্বাণলইয়া প্রতাহই যায়। মহানন্দের আনন্দের সীমা থাকে না, বলে, “দেখ দেখি দিদি, তুমি না এলে কি পূজা সুশৃঙ্খলে হয়—না মা গ্রহণ করেন ?”

শিষ্যদের উপর মহানন্দ মন্দিরের ভার দিয়া মাঝে মাঝে প্রজাদের সুখ দুঃখের সংবাদ লইতে বাহির হয়।

সফলতার হেমযুকুট শিরে ধারণ করিয়া মহানন্দ একদিন সর্বরীর নিকট আসিয়া উপস্থিত হইল।

তখন সন্ধ্যা আগত প্রায়।

মহানন্দকে দেখিয়া সর্বরীর সমস্ত দেহের মধ্যে পুলক খেলিয়া গেল, বলিল—“সেদিন সলিলবাবু এসেছিলেন, সেখানকার খবর শুনে কি যে আনন্দ তাঁর, তা আর কি বলব ?”

হাসিয়া মহানন্দ বলিল,—“তাকে উপলক্ষ ক’রে তোমার আমার হতচ্ছাড়া জীবনটা যে এমনভাবে দূর হ’য়ে যাবে, কিছুদিন পূর্বেও তা বুঝতে পারি নি সর্বরী ; এত বড় জমীদারির সর্বসর্বকা, প্রজার দল হাতের মুঠায়, এ সৌভাগ্য সহ করতে পারব তো ?”

তাহাকে কঠালিঙ্গনে আবদ্ধ করিয়া সর্বরী বলিল,

“পারবে বৈ কি, নাই যদি পারবে তবে ও সব হাতে আসবে কেন ?...কিন্তু ভুলে যেও না যেন আমাকে।”

তাহার অধরপ্রান্তে সোহাগের চিহ্ন আঁকিয়া দিয়া মহানন্দ বলিল,—“তা’ যদি ভুলব, তবে সে রাজসুখ ছেড়ে ছুটে আসব কেন ?”

তেম্নি ভাবেই সর্বরী বলিল,—“এবার কিন্তু আমি তোমার সঙ্গে যাব। এমন ক’রে এতদিন ধ’রে তোমাকে ছেড়ে থাকতে পারব না।”

তাহার কথায় বাধা দিয়া মহানন্দ বলিল,—“ছিঃ—তা কি কখনও হয় ?”

“—কেন—নিয়ে যাবে না ?—”

হাসিয়া মহানন্দ বলিল,—“সেখানে যে আমি সন্ন্যাসী ব্রহ্মচারী।”

সর্বরী জিজ্ঞাসা করিল,—“তবে সেখানকার পূজা কার হাতে তুলে দিয়ে তুমি কেমন ক’রে আস ?”

মহানন্দ হোঃ হোঃ করিয়া হাসিয়া উঠিয়া বলিল,—“চেনা জুটেছে সর্বরী, চেনা জুটেছে,...এখন আমি কি কেউকেটা ?...তোমার কাছে কি আসি আমি সর্বরী, আমি আসি শ্রীগুরু চরণ দর্শন করতে—বুঝলে ?”

হাসিয়া সর্বরী বলিল,—“শ্রীগুরু ?”—

তেম্নি ভাবেই মহানন্দ বলিল—“নয় ?...তুমি কি আমার যে সে গা ? তুমিই আমার প্রেমের গুরু” বলিয়া মহানন্দ তাহাকে আলিঙ্গনাবদ্ধ করিয়া অধরসুধা পান করিল।

উপরের ঘরগুলিতে তখন হল্লা চলিতেছে।

তাহার আলিঙ্গন হইতে নিজেকে মুক্ত করিয়া সর্বরী বলিল,—“পূজার আসন ক’রে দিই।”

“—এখন আর ওসব দরকার নেই, সর্বরী, সিদ্ধিকে বরণ করেছি—এখন আমি বিধি-নিষেধের বাহিরে।”

ক্ষীত হাস্যে সর্বরী বলিল,—“বেশ।”

উপরের ঘরগুলো হইতে হল্লা তখন বেশ বাড়িয়া উঠিতেছিল। মহানন্দ বলিল,—“ঝোলা হ’তে বোতলটা বার কর না সর্বরী, মাকে নিবেদন ক’রে প্রসাদ পাই।”

সর্বরী বোতল বাহির করিয়া দিলে মহানন্দ দুই চার গ্লাস পান করিয়া বলিতে লাগিল,—“খাসা এই পোষাক সর্বরী ? কি ছিলুম, তোমায় নিয়ে কি অবস্থাতেই না পড়েছিলুম, কোনও দিন খেতে পাই, কোনও দিন পাই

না, মনে আছে সে-সব ? তারপর এই গেরুয়ার আবিষ্কার । এরই মাহাত্ম্যে তখন আহারটা কোনও গতিকে জুটত, ক্রমে ক্রমে ছোটখাট আয়ের জমিদারি, ...এই পোষাকের সঙ্গে যদি একটু বুদ্ধি থাকে, বুঝলে, যদি লোকের মনের ইচ্ছা বুঝে কাজ করতে পারা যায়, তা হ'লে এই ধর্মভীরু জাতটার গলা টিপে অনেক পয়সা ধরে আনা যায়, তারপর যদি আবার তত্ত্ব মন্ত্র ছোটো জানা থাকে, বুঝলে—”

সর্বরী আর বুদ্ধিতে চাহিল না, বলিল,—“সব তো চোখেই দেখছি, কিন্তু এখানে আমি কিছুতেই থাকব না ।”

বিশ্বয়ের সহিত মহানন্দ বলিল - “এখানে থাকবে কি, সর্বরী ? ...লক্ষ টাকা আয়ের সন্ন্যাসীর ঘরনী ভূমি, আরও কি এখানে প'ড়ে থাকবে ? কালই একখানা বাড়ী দেখব, তারপর এবার যখন আসব তোমাকে একখানা কিনেই দেব, সর্বতাগী সন্ন্যাসী আমি, আমার ব'লে কিছু থাকতে নেই ।”

মহানন্দ পুনরায় তাকে আলিঙ্গনে বদ্ধ করিল ।

তাহার আজ এতখানি আনন্দ দেখিয়া সর্বরী বলিল,— “ধাওয়া-দাওয়া সবই কি বন্ধ ক'রে বসলে ? করছ কি ?”

হঠাৎ বাহির হইতে সলিলকুমার ডাকিল, “সর্বরী ঠাকরুণ !”

মহানন্দের সারা দেহ অলিয়া উঠিলেও সর্বরীকে দ্বার উন্মুক্ত করিবার জন্ত ইঙ্গিত করিয়া নিজে একখানা আসন পাতিয়া মুদিতচক্ষে বসিয়া রহিল ।

সর্বরী দ্বার উন্মুক্ত করিতেই সলিলকুমার যুক্তকর কপালে ঠেকাইয়া বলিল,—“প্রণাম হই ঠাকরুণ ।”

ঈষৎহাস্তে সর্বরী বলিল,—“আমুন ।”

সলিলকুমার একাকী ছিল না । চঞ্চলাও তাহার সঙ্গে ছাড়ে নাই, সে বলিল—“পেন্নাম হইগো ভৈরবী মা, খবর সব ভাল তো ?”

সলিলকুমার জিজ্ঞাসা করিল,—“মহানন্দের কোন সংবাদ পেয়েছ ঠাকরুণ ?”

“—এসেছেন আজ ; এখন তিনি জপে বসেছেন, আমুন না—বসুন ।—”

আনন্দের আতিশয্যে সলিলকুমার মহানন্দের গা ঠেলিয়া তাহার ধ্যানভঙ্গ করিবার উদ্যোগ করিতেই সর্বরী বলিল,—“বাধা দেবেন না, ঐটুকুই আমাদের সুপ-

শান্তি ঐশ্বর্য্য । ..আপনি একটু অপেক্ষা করুন, ঠুঁর ঠুঁঠবার সময় হ'য়ে এল ।”

নিজের উচ্ছৃঙ্খল ব্যবহারে মহানন্দের ধ্যান ভঙ্গ করিতে যাইবার পথে সর্বরীর বাধায় সলিলকুমার লেজিত হইয়া পড়িল, সেই ভাবেই বলিল,—“সত্যিই আমি অন্য় করছি । ধরার মানুষ আমরা ও আনন্দ কি তাতো জানি না । আনন্দ যেটুকু পেয়েছি তাতেই আত্মহার হয়েছিলুম আর কি ?”

দুইজনকেই বসিবার জন্ত সর্বরী আসন প্রদান করিল ।

কিছুক্ষণ নিস্ততার মধ্য দিয়া এই কল্পিত প্রাণীর সময় একটু একটু করিয়া কাটিয়া যাইতে লাগিল । হঠাৎ মহানন্দ তাহার উদাত্ত কণ্ঠে চাঁৎকার করিয়া উঠিল,—“মা—মা,” তারপর ইহাদের প্রতি দৃষ্টি ফেলিয়া হাসিভরা মুখে বলিল,—“এই যে এসেছেন আপনারা,—আপনারা যে আসবেন এ কথা আমি সন্ধ্যার সময়ই সর্বরীকে বলেছিলুম, ...তারপর—সব কুশল তো ?”

তাহাকে প্রণাম করিয়া সলিলকুমার বলিল, “সর্বরী, এতদিনে বুঝলুম মহানন্দ, ভূমিই মায়ের প্রকৃত ভক্ত, তোমার অকল্যাণ দূর করবার জন্তেই মা বুদ্ধি খড়গ-ধারিণী ।

হাস্ত-তরল-কণ্ঠে মহানন্দ বলিল,—“সবই মায়ের খেলা, জমিদার, বাবু, তা'না হ'লে আমরা কে-কতটুকু ক্ষমতা আমাদের ? ...তবে দয়া ক'রে মা আমাদের সঙ্গে কথা কন কোনও কিছু করবার আগে তাঁকে জিজ্ঞাসা ক'রে নিয়ে তবে সে কাজে হাত দেই । তা না হ'লে ঐষে বললুম কতটুকু ক্ষমতা আমাদের ? নিজেকে ধ'রে রাখবার ক্ষমতা যাদের নেই—”

তাহার বলিবার পথে বাধা দিয়া সলিলকুমার বলিল,—“বাধাগুলোকে তো সব সরিয়ে কেলেছ, মহানন্দ । এইবার জমিদারিটা আমাকে দখল দিয়ে দাও, লাখটাকা ধোক আর মাসে হাজার টাকা বৃত্তি ।”

কিছুক্ষণ গম্ভীর ভাবে থাকিয়া মহানন্দ বলিল,—“মায়ের দয়ায় অনেক উকিল ব্যারিষ্টার আমার শিষ্য । তাদিগকে জিজ্ঞাসা করেছিলুম ও কথা ।”

“কি বলে তারা ?”

বার দুই ঘাড় নাড়িয়া মহানন্দ বলিল,—“কোনও উপায় নেই; দু’তিন বছর কেটে গিয়েছে। আদালতে আপত্তি দেওয়া হয় নি উইলের সঙ্গে সঙ্গে যদি আপত্তিটা দিতে পারতেন—”

সলিলকুমার বলিল,—“তবু আমি আদালতে মার্ক মহানন্দ, এখন যখন তুমিই সেখানকার সর্বময় কর্তা তখন আমার জন্তে চেষ্টা তুমি নিশ্চয়ই করবে।”

মহাস্ত মুখে মহানন্দ বলিল,—“নিশ্চয়ই, তবে কি, জানেন?”

ব্যগ্রভাবেই সলিলকুমার জিজ্ঞাসা করিল,—“কি মহানন্দ?”

—“মাকেও আমি সেই দিন ঐ কথাই জিজ্ঞাসা করেছিলুম, তিনি বলেন,—তাকে নিষেধ ক’রে দিও তার অপমানের যোগ্য প্রতিশোধ আমি দিয়েছি; কিন্তু আমার জমীদারির ওপর যদি সে হাত দিতে আসে তা হ’লে তার বংশের সর্বনাশ করব, তার জমীদারির সর্বনাশ ক’রে তার নাম জগতের বুক হ’তে মুছে দেব। এর পরও জমিদার-বাবু আপনার যদি ইচ্ছা হয়, তবে সেখানে যেয়ে আপনি সব ব্যবস্থা করুন, আমি হাসতে হাসতে সেখান হতে চ’লে যাচ্ছি। মার আদেশ অমান্য করবার ক্ষমতা আমার নেই।”

সলিলকুমার মহাচিন্তিত ভাবেই বলিল,—“হু, সব খেই হারিয়ে গেল মহানন্দ, মার একটু প্রসাদ দাও।”

সর্বস্বী বোতল ও গ্লাস তাহার সম্মুখে রাখিলে, সে পান করিতে করিতে বলিল,—“হু, তাই তো মহানন্দ, এর ভেতর মায়ের আদেশও পেয়ে গিয়েছ?”

চঞ্চলা এতক্ষণ নীরবেই বসিয়াছিল, সে সলিলকুমারের নিকট হইতে কতকটা কারণবারি পান করিয়া বলিল,—“আচ্ছা সন্ন্যাসী ঠাকুর, তোমার মাকে জিজ্ঞাসা কর তো কর্তাদিন ইনি আমার এই আঁচল ধ’রে থাকবেন?”

মহানন্দ বলিল,—“তামাসা করছ, চঞ্চল-দি? এ সব তামাসার চেয়ে মার নাম যদি একখানা শোনান।”

“ওরে বাবাঃ” বলিয়া চঞ্চলা বলিল—“ও নাম কি আমাদের জিত দিয়ে বেরুবে ঠাকুর?”

মহানন্দ বলিল,—“একটা গাও, অনেকক্ষণ বৈষয়িক ব্যাপারে কেটে গেল।”

সলিলকুমার কহিল,—“জমীদারি আমার চাই, মহানন্দ, যেমন ক’রে হ’ক।”

চঞ্চলভাবেই মহানন্দ বলিল,—“সংসারের কীট! একটু মার নাম শুনব এতেও তুমি বাধা দেবে? তোমার কথার সময় কি পালিয়ে যাচ্ছে?”

হঠাৎ মহানন্দের এই ভাবান্তরে সলিলকুমার যেন হত-বুদ্ধি হইয়া গেল। চঞ্চলকে বলিল,—“একটা নামই শোনাও।”

হাস্ততরল কর্তে চঞ্চলা বলিল,—“দূর মুচু পাড়া!”

বলিল বটে, কিন্তু গাহিতেই হইল তাহাকে।

গানের মাঝে মাঝে মহানন্দ অঙ্গ সঞ্চালন করিয়া ঘাড় নাড়িতে লাগিল। করতালি দিয়া ‘মা’ ‘মা’ বলিয়া চীৎকার করিতে লাগিল। চঞ্চলের দুই কোল দিয়া ধারা নাড়িতে লাগিল।

মন্ত্রমুগ্ধের মত সলিলকুমার সেইস্থানে বসিয়া রহিল। গান শেষ হইলে বলিল, “শোন, মহানন্দঃ জমীদারি চাই, যেমন ক’রে হোক, তাতে বীণাদিদির সর্বনাশ করে—”

মহানন্দ চক্ষু দুইটাকে উদ্ধে তুলিয়া চীৎকার করিয়া উঠিল—“মা—মা।”

সলিলকুমার সেইদিন আর কোনও কথা তাহার নিকট হইতে আদায় করিতে পারিল না। যেই কোনও একটা কথা বলতে যায় আর সে চঞ্চলের জলে বুক ভাসাইয়া বলিয়া ওঠে,—“মা—মা—মা।”

বিরক্ত হইলেও সলিলকুমার আর কোনও কথা বলিল না, উঠিয়া পড়িল।

তাহারা চলিয়া গেলে সর্বস্বী বলিল,—“শুধু গেরুয়ায় কোনও কাজ হয় না, সর্বস্বী, বুদ্ধিগাও বড় কম দরকার নয়। এখন এক কাজ কর দেখি, ঐ ঝোলায় ভেতর শ’খানেক গিনি, দু’খানা বেনারসী সাড়ি আর গোটাচার ব্লাউজ আছে, বার করে নাও।

সর্বস্বী জিজ্ঞাসা করিল,—“কোথা পেলো?”

করালীমার মহাস্ত যে, তার আবার অভাব? মা নিজের হাতেই এ সব যুগিয়ে দেন বরলে না?” বলিয়া মহানন্দ হো হো করিয়া হাসিয়া উঠিল।

পরিহাসের পরিণাম।

(৭৪)

[অষ্টম অধ্যায়]

অশোক তার ঘরে বসে সবে একটি কবিতা লেখার উপক্রম করছে, এমন সময় তার বৌদিদি এসে ঘরে ঢুকল।

অশোক সহাস্রমুখে তার খাতা-পত্রে সরিয়ে বেখে বললে, “সে বৌদিদি।”

শোভনা পাশের একপানি চেয়ারে বসে পড়ে বললে, “কি হচ্ছিল ঠাকুরপো, কবিতা লেখা না কি?”

অশোক বললে, “লিখি নি, তবে লিখতে বসবার চেষ্টা করছিলুম মাত্র।”

“আচ্ছা ঠাকুরপো, তোমার কবিতা পড়ে, বা তোমার কথা-বার্তা শুনে তুমি যে একজন নারী-বিদ্রোহী তা তো মনে হয় না।”

অশোক হেসে বললে, “আমি যে নারী-বিদ্রোহী, হঠাৎ এটা আবিষ্কার করলে কোণা থেকে বৌদিদি?”

“তবে মামিমা এত বের ভুলে বলছেন, করতে চাইছ না কেন? বললে ও সব ভুল জড়িয়ে কি হবে মা?”

“সেটা ভুল বৌদিদি, আমি নারী-বিদ্রোহী মোটেই নই, নরং তাদের আমি শ্রদ্ধাই করে থাকি। তবে মা রোজ-রোজ নানা রকমের মেবে আমদানী করে বাড়ী এনে দেগিয়ে বলেন, এই মেয়েটা বেশ বাবা, এইটাকে বিয়ে কর। শাইতটাকে বিয়ে করবো না। বলই ঠেকিয়ে রাখি, নইলে আমি মনের মত মেয়ে পেলে বিয়ে করবো না। এমন কথা কখনও বলি নি। নিজেকে এলুম ব্যারিষ্টার হয়ে বিলেত যুরে। তার আমার স্ত্রী হবে কথামালা-পড়া মেয়ে, এ আমার খাতে সইবে না। তাই বিয়ে কস্তে নারাজ।”

“বেশ তা হলে আমি ঘটকালি করে তোমার উপযুক্ত মেয়ের সঙ্গেই সঙ্কর করে দেব। আমার ঘটক-বিদ্রোহী কোর ভাল করে।”

“তুমি কুমি ঘটকালি করবার জন্যেই সেই পার্টনা থেকে এখানে এসেছ?”

“এসেছিই তো, মামিমা লিখলেন বৌমা, অশোক

হাসান হ'ল বিলেত থেকে ফিরেছে, প্রাকৃটিসও করছে, কিন্তু কিছুতেই বিয়ে করতে চায় না। শোভনা রইলে বিদেশে, আমি একসাতী কি করে দিন কাটাই।” আমি উত্তরে লিখলুম “মামিমা কিছু ভাবেন না, আমি গিয়েই আপনার ছেলের ধনুকভাঙ্গা পণ ভেঙ্গে দিচ্ছি। তারপর ইনি ছুট নিয়ে এলেন, এখন আমার হাতুশণ।”

অশোক হেসে বললে, “বেশ, তুমি ঘটকালিতে উঠে পড়ে লাগো আমিও ততদিন নিশ্চিন্ত হ'য়ে কবিতা লিখি।”

“না গো মশাই, আজ আর কবিতা লিখতে পারছ না, আজ আমার সঙ্গে করে বায়োস্কোপে নিয়ে যেতে হ'বে, তোমার দাদা তো মক্কেল নিয়েই অস্থির, পার্টনারও তাই, এখানে ছুটতে এসেও তাই। কোন মক্কেলের বাড়ীতে গেছেন, সদাই বাস্ত। একস তুমি যদি নিয়ে যাও তবেই যাওয়া হয়।”

“যো হকুম বৌদিদি, আমি প্রস্তুতই আছি।”

“বেশ বেশ বেঁচে থাক তাই, তোমার মত লক্ষণ দেওর থাকতে আমার ভাবনা কি? একটু আগে বেরুতে হ'বে, কারণ আমার এম বন্ধু শুভাকে তার বাড়ী থেকে ভুলে নিতে হ'বে। তাকে বলে পাঠিয়েছি।”

“এ বন্ধুটী কে বৌদিদি?”

“আমার বিশেষ বন্ধু, এক সঙ্গে বললে প'ড়তুম, তার পর আই-এ, পাশ করতে না করতেই আমার বিয়ে হয়ে গেল, আর সে বেশ মজায় বিয়ে না করে, আই-এ, বি-এ, পাশ করে এম-এ, পড়ছে। তার বাপ-মা নেই, বুড়া ঠাকুর-দাদা আনন্দমোহনবাবু হাইকোর্টের বড় উকিল ছিলেন, এখন ওকালতি ছেড়ে দিয়ে দিবা ব'স আছেন। তাঁর অগাধ পয়সা, আর ওই শুভাই তাঁর একমাত্র উত্তরাধিকারিণী। কলের ছেড়ে আসতে সব বন্ধুরাই এক একে ভুলে গেছে। একমাত্র শুভাই তার শোভনা দ্বিধিকে ভোলে নি, চিঠি-পত্র নিয়মিত লেখে, খোঁজ-খবর করে। যেমন তার

রূপ, ভেমনি তার গুণ, একবার দেখলে আর ভোলা যায় না।”

“বৌদিদি কি তাহলে ঘটকালি আজ থেকেই শুরু করলে না কি?”

শোভনা হেসে উত্তর দিলে “হুজু তো ভাই, কিন্তু মস্ত বাধা যে শুভা বিয়ে করতে চায় না বলে বিয়ে সে করবেই না। যদি আমার দেওনটিকে দেখিয়ে তার পণ ভাঙতে পারি তাহলে একেবারে রাজযোটক হয়। তুমি প্রস্তুত থেকে, সওয়া পাঁচটায় বেরুব। আমি কাজ সেরে নি গে। ওই খোকা বাবুও উঠেছেন দেখছি” বলেই শোভনা চলে গেল।

অল্প বয়সে শোভনার স্বামী অরিন্দম বসু তাঁর বাপ-মাকেহারান। তাঁর মামা-মাসী তাঁকে নিজের ছেলের মত মানুষ করে তুলে শোভনার সঙ্গে বিয়ে দিয়েছিলেন, বিয়ে আজ ৩৭ বছর হয়েছে। অরিন্দম এখন পাটনায় ওকালতী করেন, অরিন্দমের মামা বছর তিনেক হ'ল মারা গেছেন, অশোক তাঁর একমাত্র সন্তান। অশোক আজ ছমাস হ'ল ব্যারিষ্টার হয়ে এসে হাইকোর্টে প্র্যাকটিস করেছে।

বিয়ে হয়ে এ বাড়ীতে আসা অবধি শোভনা অশোককে নিজের ভাইয়ের মতই স্নেহ-মম্ব করে এসেছে, সেও ভেমনি বৌ-দিদির খুব অমুগত ছিল। তারপর মাঝে ক'বছর দেখাই সাক্ষাৎ ছিল না, অশোক বিলেত থেকে ফিরেও একবার পাটনায় ঘুরে এসেছিল।

সুসজ্জিতা শুভা তায় বাবার ঘরে বসে একখানি মাসিকপত্র পড়াছিল, কিন্তু বইয়েতে তার মন ছিল না, সে কেবলি ঘন ঘন ঘড়ির দিকে চেয়ে দেখছিল, আর মোটরের হর্ণ শুনেই উঠে জানলার কাছে যাচ্ছিল, শেষে সে বিরক্ত হয়ে মোটরের হর্ণ শুনেও আর শুন্ছিল না। সহসা কে এসে পিছন থেকে দুহাতে চোখ তার টিপে ধরলে।

সে তাড়াতাড়ি উঠে দাঁড়িয়ে চোখ ছাড়িয়ে নিয়ে হেসে বললে “এইধে শোভনাদি এসেছ, এত দেবী হ'ল যে?”

শোভনা মুছ হেসে বললে “বেরছি এমন সময় ইনি বাড়ী ফিরলেন, ভাই দেবী হয়ে গেল। চলুন এখনও দেবী আছে বায়োফোপ, আরও হ'তে।”

“আমি তো প্রস্তুত হয়েই আছি।” “তবে চল।” বলেই শোভনা শুভার হাত ধরে ঘর থেকে বেরিয়ে এল। অশোক তাদের দেখেই মোটরের দরজা খুলে দাঁড়াল।

শুভা চুপি চুপি বললে “উনি কে ভাই?”

শোভনা বললে “আমার মামাতো দেওন, সম্প্রতি বিলেত থেকে ব্যারিষ্টার হ'য়ে ফি র'চ আর কবিতাও লেখে বেশ, পড়েছি বোধ হয়, নাম অশোক রায়।”

“হাঁ হাঁ পড়েছি বৈ কি, বেশ লেখেন, ও'র কবিতা আমার ভারি মিষ্টি লাগে।”

শোভনা মুহূর্তে বললে “ঠাকুরপো শুনেলে খুসী হ'বে যে তার লেখা তোর খুব মিষ্টি লাগে। চল চল দেবী হয়ে যাবে” বলে শোভনা শুভার হাত ধরে তাড়াতাড়ি এগিয়ে গিয়ে গাড়ীতে উঠে বসল।

অশোক শোকালের জায়গায় বসে মোটর চালিয়ে দিলে। পরক্ষণেই তারা পিকচার প্যালেসের সামনে এসে দাঁড়াল। অশোক নেমে তিন খানি কার্ট ক্লাসের টিকিট কিনলে, আর তিনজনে পাশাপাশি তিনখানি চেয়ারে বসল; ছবি আরম্ভ হতে তখনও দশ মিনিট বাকি ছিল।

শোভনা এই অবসরে দুজনের সঙ্গে দুজনের পরিচয় করিয়ে দিলে, বললে “ইনি আমার বন্ধু, শুভা আর ইনি আমার ঠাকুরপো অশোক রায় যশস্বী কবি, তাঁর কবিতা তোমার খুব মিষ্টি লাগে বলছিলেন শুভা, ইনিই তিনি।”

দুজনেই দুজনকে নমস্কার করলে। অশোক খুব মিষ্টি। সে দু মিনিটেই বেশ আলাপ জমিয়ে নিলে, মুছ হেসে বললে, “আমার কবিতা আপনার সত্যিই ভাল লেগেছে না কি? আপনাদের ভাল লাগলেই আমাদের লেখা সার্থক।”

শুভা মুছ হয়ে বললে আপনার লেখা চমৎকার, সবারি ভাল লাগবে। তা ছাড়া আপনার লেখার একটা নিজস্ব বৈশিষ্ট্য আছে।”

অশোক জিজ্ঞাসা করলে “আমিও লাগে থাকেন বুঝি?”

শুভা নতমুখে হাসলে। শোভা বললে “হাঁ ঠাকুরপো শুভাও লেখে, সে কথা বলতে ভুলে গেছি। পড়েছ বোধ হয়, শুভা দেবী নামে অনেক কাগজেই লেখা লেখায় ও'র।”

অশোক বলে উঠলো “হাঁ হাঁ বৌদিদি, পড়েছি বৈ কি,

ওঁর লেখা আমি ভারি পছন্দ করি, বেশ তরতরে করবো
লেখা, সরল ও অল্প কথায় মনের ভাবটা বেশ শুছিয়ে বলবার
ক্ষমতা ওঁর খুব চমৎকার। আর শুভাদেবী নামে যে সব
ছবি মাসিকে বেরোয় সেও আপনা আঁকা নাকি ?”
শোভা হেসে বললে “ওসব বাজে ছবি।”

“মোটাই বাজে নয়, ভারি সুন্দর ছবি আঁকেন আপনি,
আপনি যে দেখেছি সকল বিষয়েই সিদ্ধহস্ত” আপনার সঙ্গে
আজ আলাপ হওয়ায় নিজেকে সৌভাগ্যবান মনে করেছি।”

শুভা সহাস্ত সরমে মুখ নীচু করলে। তার শুভ্র সুন্দর
মুখখানি ক্ষণেকের ভরে আরক্ত হয়ে উঠলো।

এমনি সময়ে বায়োস্কোপ আরম্ভ হয়ে গেল।

বায়োস্কোপের শেষে শুভাকে বাড়ীতে পৌঁছে দিয়ে,
অশোক শোভনাকে নিয়ে বাড়ী ফিরলো। পথে শোভনা
জিজ্ঞাসা করলে “ঠাকুরপো কেমন দেখলে শুভাকে ?”

“ভারি সুন্দর মেয়েটা বৌদিদি, অত রূপ গুণ, অত
বিভা, বড় লোকের ঘরের মেয়ে, কিন্তু এত টুকু অহংকার
মেই, কেমন মুহু স্বভাব, যেমন নম্র, তেমনি বিনয়ী। দেখলে
মনে হয় না যে অত লেখা-পড়া শিখেছে।

শোভনা বললে “তাহলে শুভাকে তোমার খুব মনে
ধরেছে বল ? একবার চেষ্টা করে দেখব না কি যদি
শুভার পণ ভাঙে।”

অশোক হেসে বলে উঠল “তোমার ঝে ভাবনায় আর
ঘুম হচ্ছে না বৌদিদি।”

শোভনা মিত হান্তে বললে “কারণ যে ঘুম হচ্ছে না
তা বাড়ী গেলেই টের পাওয়া যাবে, ওঁর ঘেন কিছু ভাবনা
হচ্ছে না ; তবু যদি না লক্ষ্য করতুম যে বতরুণ বায়োস্কোপ
দেখেছ, তার বেশীর ভাগ সময় তুমি শুভার সুন্দর মুখখানির
দিকে চেয়ে চেয়ে দেখেছ ?”

“সেটিও আবার লক্ষ্য করে দেখা হয়েছে। সুন্দর
কিছু দেখলেই মানুষ তা বার বার দেখে থাকে। এই যে
বাড়ী এসে পড়েছে।” বলে অশোক নেমে দাঁড়াল,
শোভনাও নেমে পড়লো।

ক্রমে শোভনার চেষ্টায় অশোকের সঙ্গে শুভার পরিচয়
ঘনিষ্ঠ হতে ঘনিষ্ঠতর হয়ে উঠল, শোভনা শুভাকে ছবার
নিমন্ত্রণ করে নিজের বাড়ীতে নিয়ে গেল, অশোকও
শোভনার সঙ্গে শুভার বাড়ী গিয়ে ছদিনেই শুভার

ঠাকুরদাদার খুব প্রিয়পাত্র হয়ে উঠল। তিনি শুভার বহু
বলে শোভনাকে খুব ভালবাসতেন। একদিন শোভনাকে
ডেকে বললেন “দেখোনা দিদি, একবার চেষ্টা যদি তোমার
দেওরটির সঙ্গে শুভার বিয়ে দিতে পার। শুভার যে ধনুক
ভাঙ্গা পণ ও বিয়ে করবে না।”

শোভনা বললে “আচ্ছা শুভাকে বলুব।”

তারপর সে একদিন শুভাকে মিথুতে বললে “তাই
ঠাকুরপোর বড় ইচ্ছে তোকে বিয়ে করেন, ঠাকুরদাদারও
ইচ্ছে এ বিয়ে হয়। তোর কি মত বল।”

শুভা মুখ নীচু করে বললে “আমি বিয়ে করব না সে
তো বলেই রেখেছি শোভনাদি।”

“ও সব বাজে কথা ছাড় ; আমার ঠাকুরপোকে কি
তোর অনুপযুক্ত মনে করিস শুভা ?”

“না না, তা কেন মনে করব শোভনাদি, বৎ আমাকেই
তোর অনুপযুক্ত বলে মনে করি।”

“আচ্ছা গো, আচ্ছা ; তুই তাকে বিয়ে করতে রাজি হ’
তাই, না হ’লে সে বড় দুঃখ পাবে, তারও বিয়ে না করার
পণ তোকে দেখেই ভেঙেছে। যদি তুই তাকে বিয়ে না
করিস তবে সে বোধ হয় আর বিয়েই করবে না।

“তাই শোভনাদি, আমার যদি একটা কঠিন পণ না
ধাক্ত তবে আমার বরমালাখানি ওরই গলায় পরিয়ে
দিতুম।”

“তোর কি কঠিন পণ খুলে বল ; তাতে যদি সে রাজি
হয়, তাহ’লে তোর বিয়ে করতে আপত্তি নেই তো ?”

“না তা নেই।”

শোভনা হেসে শুভার গাল টিপে বললে “তবে তোরও
দেখছি ঠাকুরপোকে দেখে, তার মত ধনুক-ভাঙ্গা পণ
ভেঙেছে।”

শুভা লজ্জিত হ’য়ে বললে, “তা ভেঙেছে, কিন্তু আমল
পণটা যে এখনও বাকি।”

“তা নিয়ে তুই ঠাকুরপোর সঙ্গে বোঝাপড়া করিস
পিয়ে তাকে পাঠিয়ে দিচ্ছি।” বলে শোভনা চলে
গেল।

তারপর অশোক এসে একদিন শুভার হাত চুঁচু ধরে বললে
“বল শুভা তোমার কি কঠিন পণ। সে পণ রেখে তোমায়

লাভ করতে পারলে নিজেকে খুব ভাগ্যবান বলেই মনে করবো ?”

শুভা নতমুখে বললে, “আমার কঠিন পণ অই যে বিয়ের পর ত্রিরাত্রি ছাড়া আমি এবাড়ী ছেড়ে আর কোথাও গিয়ে একরাত্রিও বাস করবো না। একি কঠিন নয় ? কে এ পণ রক্ষা করতে চাইবে, বলুন। আপনি কি রক্ষা করতে পারবেন ?”

অশোক বিস্মিত হয়ে শুভার মুখের দিকে চাইলে, দেখলে সে সরল সুন্দর মুখে অহঙ্কারের লেশ মাত্র নাই।”

অশোক বললে “আচ্ছা আমি তোমার এ পণ যদি রাখি তবে তোমার আমায় বিয়ে করতে কোন আপত্তি নেই তো ?”

শুভা বিনম্রভাবে বললে, “না।”

অশোক চেয়ে দেখলে শুভার মুখখানিতে ভালবাসা যেন ঢল ঢল করছে ?

“বেশ আমি মার মত প্রেমে, বৌদিদিকে দিয়ে ধবর পাঠাব” বলে অশোক সেদিনের মত শুভার কাছ থেকে বিদায় নিয়ে চলে গেল।

অশোক চলে যেতে শুভা সেখানে বসে ভাবতে লাগল, হায়! হায়! না বুঝে কঠিন পণ করে, শেষকালে এমন দেব-হুঁহুঁ আমি পাবার সৌভাগ্য থেকে বঞ্চিত হ’তে হ’বে। হয় হ’বে, তা বলে থাকে ভালবাসি তার গুম্বল করতে পারবো না।”

শোভনার কাছে অশোকের মা সব শুনে বললেন, “অশোকের যখন শুভাকে বিয়ে করতে ইচ্ছে হয়েছে করুক। নৈলে ও মোটেই বিয়ে করবে না আর। বৌ নিয়ে ঘর করা আমার ভাগ্যে থাকে, হ’বে।

শোভনা বললে, “শুভার আশ্চর্য পণ, ঠাকুরদাদাও ওকে টলাতে পারেন না। সেই অশুভেই ও এতদিন বিয়ে করতে চায় নি, এর ভিতরে কি একটা রহস্য আছে শুভা বলতে চায় না। বাই হোক ঠাকুরপোকে তা’হলে বলি আপনার মত আছে।”

“হা, বল।”

তারপর একদিন শুভদিনে অশোকের সঙ্গে শুভার বিয়ে হয়ে গেল। শুভা বিয়ের পর তিনদিন মাত্র খণ্ডর বাড়ী থেকে চলে এল।

শুভা প্রায়ই খণ্ডর বাড়ী যেত, খাণ্ডীর অসুখ বিস্ময় হ’লে সেবা শুশ্রূষা করতো, কিন্তু কোনদিন রাত্রি কাটাত না।

অশোক ও শুভা দুজনেই দুজনের মনের মত হওয়ায় দুজনেই খুব সুখী ছিল। কিন্তু একটু অসুবিধা হ’ল এই যে, অশোককে বেশীর ভাগ খণ্ডর বাড়ীতেই থাকতে হ’ত। তার বন্ধুরাতাকে ঠাট্টা করত ‘কি ভাই বৌ ঘর করতে এলনা, শেষ তোমাকেই ঘর-জামাই হ’য়ে ঘর করতে যেতে হ’ল।’ অশোক প্রথম প্রথম ঠাট্টা করে উড়িয়ে দিত। ক্রমে ক্রমে ছ’বছর এমনি গেল। বন্ধুদের কথা শুনে শুনে অশোকের রোজ রোজ বিরক্তি বোধ হ’ল, সে শুভাকে বললে “তোমার পণ এবার ভাঙতে হ’বে, নৈলে বন্ধুদের কাছে বড়ই লজ্জা পেতে হয়।”

শুভা চুপ করে বসে রইল তার চোখ দিয়ে জল ঝরে পড়তে লাগল তবুও সে অচল অটল। অশোক বললে, “এ পণ কি তোমার ভাঙবে না, চিরজীবনই থাকবে ?”

শুভা বললে “যতদিন ঠাকুরদাদা বেঁচে থাকবেন ততদিন অবধিই আমার এ পণ, তারপর আর নয়।”

অশোক রেগে বললে, “তোমার এ পণ ভাঙতেই হবে, শুধু কঁাদলেই হবে না।

শুভা মৃদুস্বরে বললে, ‘পণ তা আমি ভাঙতে পারব না ?’

“তবে আমার চেয়ে তোমার ঠাকুরদাদার ভালবাসাই বেশী হ’ল, বেশ তাই হোক। আমি চললুম।”

শুভা কেঁদে অশোকের পা দুটা জড়িয়ে ধরে বললে, “ওগো ভুল বুঝে, রাগ করে চলে যেও না।”

“ভুল তাহ’লে আগে ভেঙ্গে দাও।”

“এখন আমি তা পারব না।”

“তবে তোমায় আমার সঙ্কের এই শেষ জেন’,” বলে অশোক দ্রুতপদে বেরিয়ে চলে গেল।

শুভা হুহাতে মুখ ঢেকে কঁাদতে লাগল, তার চোখ মুখ ফুলে উঠল।

তারপর অশোক তার মাকে নিয়ে পাটনায় অরিন্দমের বাসায় চলে গেল এবং সেখানের কোটে বেরুতে লাগল। কলকাতায় তার বেশ পসার হয়েছিল, সে সব ছেড়েছড়ে

চলে গেল। শুভা কেঁদে কেঁদে সারা হ'ল। ভাবতে লাগল 'আমার মত অভাগিনীকে বিয়ে করে তাঁর সব গেল, ওই ভগ্নেই তো বিয়ে করতে চাইনি।'

ক্রমে শুভা ভাবনায় চিন্তায় শুকিয়ে যেতে লাগল। তার ঠাকুরদাদা ডাক্তার দেখান, শুভাকে কত বোঝান, বলেন "চলু দিদি তোকে পাটনায় নিয়ে যাই। উত্তরে সে বলে, "না - তা হ'বে না।"

এমনি ভাবে চার পাঁচ মাস কেটে গেল, শুভা শুভদিনে একটি পুত্র-সন্তান প্রসব করলে। একটু সুস্থ হয়ে উঠে স্বামীকে পুত্রের জন্ম-সংবাদ দিয়ে চিঠি লিখলে। অশোক জবাব দিলে না। শোভনা লিখলে, "শুভা তোর পণ ছেড়ে দে ভাই, ঠাকুরপো তোর অ'ন্ত মনমরা হয়ে আছে।"

শুভা লিগলে "দিদি শরীর বড় ধারাপ, বোধ হয় এবাড়া দেখা আর হ'ল না।"

এর ক'দিন পরেই শুভার ঠাকু-দাদা কঠিন রোগে শয্যাশায়ী হয়ে পড়লেন, ডাক্তারেরা জবাব দিয়ে গেল। এমন সময়ে অশোক একখানি চিঠি পেলে শুভার ঠাকুর-দাদার কাছ থেকে। তিনি লিখেছেন :—

ভাই অশোক,

আমি আজ মৃত্যু-শয্যায়; তুমি শীগগিরই এস, নইলে আর দেখা হবে না।

শুভার পণ ভঙ্গ হ'তে আর দেরী নেই। তার এ কঠিন পণের একটি কাহিনী আছে, সেটা তোমায় না জানিয়ে সুস্থ হ'তে পারছি না। সে যখন ১৩১৪ বছরের তখন একদিন আমি ঠাট্টা করে বলি, 'দিদি তুমি তো একবারও আমায় চোখের অন্তরাল কর না, কিন্তু এবার তো তোমার বিয়ে দেব, তখন আমায় ছেড়ে যেতে হ'বে।' সে বলে বিয়ে সে করবে না। আমি হেসে বললুম 'তাকি হয় রে বোকা মেয়ে, বিয়ে তোমায় করতেই হ'বে।' সে বললে, 'তা হ'লেও তোমায় ছেড়ে যাব না।'

'যে বিয়ে করবে, সে তোমায় রাখবে কেন দিদি? সে জোর করে নিয়ে যাবে যে।'

আমাব এ কথা উত্তরে সে রাগ করে ব'লে ফেললে, চবে বিয়ের পর জিরাজি ছাড়া, আমি তোমায় ছেড়ে আর' একরাজিও কোথায় থাকব না, এ আমি আমার সেই হবু স্বামীর নামে দিব্যি করেই বলছি দাদা।'

আমি বলে উঠলুম, 'ওকি বলছিস রে বোকা মেয়ে। সেও চূপ হ'য়ে গেল। তারপর সে আর কিছুতেই বিয়ে করতে চাইলে না। এতদিন পরে তোমায় দেখে তার সে পণ ভঙ্গ হ'ল, কিন্তু এ পণ সে ভাঙ্গলে না। সে বললে 'প্রাণ থাকতে এ পণ ভঙ্গ ক'রে সে তোমার অমঙ্গল করবে না। পাছে তোমায় বললে তুমি জোর করে পণ ভঙ্গ কর, তাই সে তোমায় বলে নি। তোমার সাধ্বী স্ত্রী তোমার অমঙ্গল আশঙ্কায় এ পণ রক্ষা করে অনেক দুঃখে দিন কাটাচ্ছে। সে যে তোমায় কত ভালবাসে, তা একমাত্র আমিই জানি। আমার একটি পরিহাসের পরিণাম যে এমন দাঁড়াবে তা কে জানত বল? এখন আমি তো বললুম, তুমি এখন তোমার স্ত্রী-পুত্রের ভার গ্রহণ কর। আশীর্বাদ নাও।

ইতি—আ:

তোমাদের ঠাকুরদাদা।

ঠাকুরদাদার চিঠি পড়তে পড়তে অশোকের চোখ হুটী 'সজল হয়ে উঠল।' শুভার ভালবাসার পরিচয় পেয়ে, তার বুক আনন্দে ভরে উঠল, আবার দুঃখও হ'ল যে এমন অমুরক্ত সাধ্বী পত্নী মনে সে কষ্ট দিয়েছে, একখানা চিঠিও তাকে লেখেনি।

যাই হোক, পরদিনই অশোক যাকে নিয়ে কলকাতায় রওনা হল।

অশোকের ও শুভার নয়নজলে ছ'জনের মিলম সাধিত হ'ল।

অশোক যাবার ২৪ দিন পরে শুভার ঠাকুরদাদা অশোকের হাতে শুভাকে সঁপে দিয়ে আর তাঁর সমস্ত বিষয়-সম্পত্তি তাদের ছ'জনকে দিয়ে চিরদিনের অ'ন্ত চক্ষু মুদিত করলেন।

উঁহারা: অগ্রগণ্য করিয়াছিলেন। কাহারও ছুঃখ কষ্ট দেখিলে, কিংবা কাহারও ছুরবছার কথা শুনিলে, তাঁহারা স্থির থাকিতে পারিতেন না, তাঁহাদের স্বয়ং কাঁদিয়া উঠিত। কখনই তাঁহারা কয়েকটা ভাই বোন একত্রিত হইতেন তখন তাঁহারা বাজে কথায় সময় কাটাই-কেন না,—কিসে গ্রামবাসীর ও দেশবাসীর ছুঃখ দূর হইবে তাহাই হইত তাঁহাদের আলোচনার একমাত্র বিষয়।

তাঁহারা বুঝিয়াছিলেন, লোকের অবস্থার উন্নতি করিতে না পারিলে তাদের ছুঃখ হৃদশা কিছুতেই ঘুচিবে না, আর অবস্থার উন্নতি করিতে হইলে শিক্ষা বিস্তারের বিশেষ প্রয়োজন। এই জন্য বিশেষ চেষ্টা ও অক্লান্ত পরিশ্রম করিয়া তাঁহারা নিজগ্রামে উচ্চশ্রেণীর ইংরাজি বিদ্যালয়, শিল্প-কুশি ও মৈশ বিদ্যালয়, নারী-শিক্ষা-মন্দির, দান্তব্য চিকিৎসালয়, ডাকঘর, সেবা-সমিতি, ব্যায়ামাগার, দরিদ্র ভাণ্ডার, হাটবাজার ইত্যাদি প্রয়োজনীয় প্রতিষ্ঠানগুলি স্থাপিত এবং গ্রাম্য রাস্তাঘাট, জননিকাশের পথ প্রভৃতি প্রস্তুত করিয়া নিজ ও পার্শ্ববর্তী গ্রাম সমূহের বিশেষ উন্নতি সাধন করিতে সক্ষম হইয়াছিলেন।

এই সময় বসন্তকুমার ও তাঁহার ভ্রাতারা বুঝিয়াছিলেন, যেভাবে তাঁহারা ২৪খানি গ্রামের উন্নতি সাধন করিতে পারিয়াছেন, সেভাবে সমগ্র দেশের মঙ্গল সাধিত হইতে পারে না। সমগ্র দেশবাসীকে উন্নত করিতে হইলে সম্ভবতঃ সংবাদপত্রের মধ্য দিয়াই তাহা করিতে পারা যাইবে। কিন্তু এই ধারণা তখনও তাঁহাদের মনে তেমন বদ্ধমূল হয় নাই। বিশেষতঃ সামান্য পল্লীগ্রাম হইতে সংবাদপত্র প্রকাশিত করিবার মত অর্থ ও সামর্থ্য তাঁহাদের ছিল না বলিয়া এ বিষয় তাঁহারা অগ্রসর হইতে চেষ্টাও করেন নাই।

তাঁহারা আরও বুঝিয়াছিলেন, জনসাধারণের মধ্যে শিক্ষা বিস্তারের বেরূপ প্রয়োজন, সেইরূপ তাহাদের প্রকৃত অবস্থা এবং তাহাদের ছুঃখ হৃদশার প্রকৃত কারণ ও প্রতিকারের উপায় তাহাদিগকে জ্ঞাত করা তদ্ব্যপেক্ষা কম প্রয়োজনীয় নহে। একমাত্র প্রচারের দ্বারা ইহা সুসিদ্ধ হইতে পারে, আর এই প্রচার কার্য সংবাদপত্রের সাহায্যে করিতে পারিলে অল্প আয়াসেই সুসম্পন্ন হওয়া সম্ভব। কিন্তু একটা বিশেষ কারণে তাঁহারা বুঝিতে

পারিলেন না যে, তাঁহাদের এই ধারণা ঠিক কি না। তাঁহারা দেখিলেন দেশীয়দিগের দ্বারা পরিচালিত যে কয়েক খানি সংবাদপত্র সে সময় চলিতেছিল তাহার অধিকাংশ পত্রেরই কলেবর ধর্ম, সমাজ, হাস্তকৌতুক বা সাহিত্য ইতিহাস প্রভৃতি পূর্ণ থাকিত,—দেশের ও দেশবাসীর কিসে মঙ্গল হইবে এবং তাহাদিগের প্রকৃত অভাব অভিযোগ কি, তৎসম্বন্ধে কোন কথা বা আলোচনা তাহাতে থাকিত না।

তাঁহারা দেখিলেন, ইংরেজি-শিক্ষিত ব্যক্তির সংখ্যা অতি কম, এবং পল্লীবাসীদিগের সম্বন্ধে কোন খোঁজ খবরই রাখেন না, রাধিবীর আবশ্যকও বোধ করেন না। অপর দিকে, ইংরেজি শিক্ষার সঙ্গে সঙ্গে তাঁহারা শিখিয়াছিলেন যে, ইংরাজেরা কখনও অস্তায় কার্য করেন না। আর তাঁহারা এ দেশে যে কার্যই করুন ভারতবাসীর মঙ্গল সাধনাই তাহার মুখ্য উদ্দেশ্য। রাজা প্রজার মধ্যে যে কোন সম্বন্ধ আছে কি প্রজার প্রতি রাজার কোন কর্তব্য আছে, তাহা লইয়া আলোচনা করিবার প্রয়োজন নাই তাহারা কখনই উপগন্ধি করিতেন না। সুতরাং সংবাদপত্রগুলিও সেইভাবে পরিচালিত হইত যে দেশের লোকদিগের নতিগতি এইরূপ, সে দেশের সংবাদ পত্র দ্বারা প্রকৃত কোন মঙ্গল সাধিত হইতে পারে ইহা বসন্তকুমার তাঁহাদের ভ্রাতাদিগের ধারণার মধ্যেই আসিল না। কাজেই তাঁহারা কতকটা হতাশ হইয়া পড়িলেন।

যাহা হউক, এই সময় এরূপ একটা ঘটনা ঘটিল যাহা দ্বারা সংবাদপত্রের সাহায্যে দেশের লোককে সুশিক্ষা দেওয়া সম্বন্ধে তাঁহাদের বিশেষ অভিজ্ঞতা লাভ হইল। ইং ১৮৫৮ সালে নীলকরদিগের অত্যাচারে যশোহর ও তন্নিকটস্থ জেলাসমূহের কৃষককুল বিশেষ ব্যতিব্যস্ত হইয়া পড়িয়াছিল। এই সময় যশোহর শহরের নিকটবর্তী চৌগাছা নামক গ্রামের বিশ্বাসেরা প্রজাদিগের সাহায্যার্থে বিশেষ চেষ্টা করিতেছিলেন। তাঁহারা বহু অর্থব্যয় করিয়া প্রজাদিগের দ্বারা নীলকরদিগের বিরুদ্ধে যশোহর আদালতে অনেকগুলি মোকদ্দমা রুজু করেন, কিন্তু ইহাতে কৃষকেরা কোন সুফল পায় নাই।

শিশিরকুমার তখন যশোহর জেলা জুড়ে শিক্ষকতা করিতেছিলেন। নীলকর-ঘটিত মোকদ্দমা লইয়া শহরে


বেশ একটু আন্দোলন আলোচনা চলিতেছিল। অষ্টাদশ-বর্ষীয় যুবক শিশিরকুমারও ইহাতে যোগদান করিয়াছিলেন। তিনি অনেকসময় আদালতে উপস্থিত হইয়া মকদ্দমার বিবরণ শুনিতে। প্রজাদিগের দারুণ দুঃখ-দুর্দশার কথা শুনিয়া তাঁহার হৃদয় বিগলিত হইত। কি করিয়া কৃষকদিগকে নীলকরদিগের কবল হইতে উদ্ধার করা যায় এই চিন্তায় তিনি বিভোর হইয়া থাকিতেন। শেষে আর স্থির থাকিতে পারিলেন না, দাদাদের সহিত পরামর্শ করিয়া শিক্ষকের কার্য ছাড়িয়া দিলেন, এবং কৃষককুলের উপকারার্থে মনপ্রাণ নিয়োগ করিলেন।

শিশিরকুমার সামান্য বেশ-ভূষায় সজ্জিত হইয়া কেবলমাত্র একগাছি বংশধও সঞ্চল করিয়া নীলকর-প্রপীড়িত কৃষককুলের সাহায্যার্থে বাটীর বাহির হইলেন এবং আপন বিপদ গ্রাহ না করিয়া গ্রামে গ্রামে ঘুরিয়া প্রজাদিগের সুখ-দুঃখের ভাগী হইয়া তাহাদিগের সহিত বসবাস করিয়া তাহাদিগের শ্রদ্ধা ও ভালবাসা অর্জন করিতে লাগিলেন। তাহারা এতদিন সহায়সম্পত্তি বিহীন হইয়া একরূপ অকূলে ভাসিতেছিল। এক্ষণে শিশির কুমারের অভয়বানী শুনিয়া, তাঁহার নিকট হইতে সহায়ভূতি পাইয়া তাহারা অনেকটা আশ্বস্ত হইল।

তিনি কৃষকদিগকে বুঝাইলেন যে, নীলকরেরা প্রবল প্রতাপাধিত, তাহাদের অর্থ ও সামর্থ্যের অভাব নাই। বিশেষতঃ ইংরেজ রাজকর্মচারীদিগের সহায়ভূতি তাহাদের দিকে। একরূপ অবস্থায় নীলকরদিগের সহিত প্রতিদ্বন্দ্বিতা বা মকদ্দমা করিয়া সুফলের আশা নাই। তাহাদের সহিত লড়িতে হইলে একমাত্র অহিংস-অসহ-যোগের সহায়তা লইতে হইবে। কিন্তু ইহাও সহজসাধ্য নহে; ইহাতেও অনেক বাধাবিলম্ব আছে, অনেক অত্যাচার, অনেক আপদ-বিপদ সহ্য করিতে হইবে। তবে কষ্টসহিষ্ণু হইয়া এই পথে অগ্রসর হইতে পারিলে, পরিণামে সুফল নিশ্চয় লাভ হইবে। ইহা করিতে হইলে “সজ্জবদ্ধ” হওয়া সর্বপ্রথমে প্রয়োজন, সজ্জবদ্ধ হওয়া ভিন্ন উদ্ধারের আর উপায় নাই। দৃঢ়প্রতিজ্ঞ হইয়া সজ্জ বদ্ধ হইতে হইবে; যেন কিছুতেই, শত সহস্র অত্যাচারেও ইহা ভাঙিয়া না যায়। তখন ঈশ্বরের নাম লইয়া প্রতিজ্ঞা করিতে হইবে যে, নীলের চাব আর কখনও—প্রাণ গেলেও করিব না।

এইরূপে নীলবোনা বন্ধ করিতে পারিলে, নীলের ব্যবসায় ক্রমে বন্ধ হইয়া আসিবে, এবং তখনই নীলকরদিগকে পাওতাড়ি গুটাইয়া এস্থান পরিত্যাগ করিতে হইবে এবং তখনই কৃষকদিগের দুঃখ-দুর্দশা দূর হইবে।

শিশিরকুমারের এই যুক্তি—এই অভয়বানী—কৃষকেরা পরিষ্কারভাবে বুঝিতে পারিল। বিশেষতঃ নীলকরদিগের চক্রান্তে মকদ্দমাগুলি যে ভাবে মীমাংসিত হইল তাহাতে প্রজাদের চক্ষু খুলিয়া গেল, তাহারা হাড়ে হাড়ে বুঝিল ‘সিন্নিবাবুর’ (২) সুপরামর্শমত না চলিলে তাহাদের উদ্ধারের আর উপায় নাই। তখনই ঈশ্বরের নামে তাহারা প্রতিজ্ঞা করিল—“এই হাতে আর নীল বুনিব না।” যেমন



মহাত্মা শিশিরকুমার ঘোষ

কথা তেমনি কাজ। দেখিতে দেখিতে নীলের চাব বন্ধ হইয়া আসিল এবং ক্রমে প্রজাদিগের অভীষ্ট সিদ্ধ হইল।

এই সময় নীলকর-প্রপীড়িত প্রজাদিগের হৃদয়বাহার হৃদয়বিদারক কাহিনী “হিন্দু পেট্রিয়ট” কাগজে প্রকাশিত হইত। অষ্টাদশবর্ষীয় যুবক শিশিরকুমার এই সকল লিখিয়া পাঠাইতেন এবং “হিন্দুপেট্রিয়টের” তৎকালীন

(২) কৃষকেরা শিশিরবাবুকে “সিন্নিবাবু” বলিয়া ডাকিত।

কর্ণধার প্রাতঃস্মরণীয় হরিশচন্দ্র যুখোপাধ্যায় মহাশয় এই গুলি যত্ন সহকারে আপনার কাগজে প্রকাশ করিতেন এবং নিজেও সম্পাদকীয় স্তম্ভে এই সম্বন্ধে তীব্রভাষায় লেখনী চালনা করিতেন।

ক্রমে শিক্ষিত ভদ্রমণ্ডলীর দৃষ্টি এই দিকে পড়িতে লাগিল। তাঁহারা এই সকল কাহিনী পাঠ করিয়া বিচলিত হইলেন এবং এই সম্বন্ধে বিশেষ আন্দোলন উত্থাপিত করিলেন। জনকয়েক সদাশয় ইংরেজও এই আন্দোলনে যোগদান করিলেন। তাহাৰ ফলে পার্লিয়ামেন্টে পর্য্যন্ত এই বিষয়ে আলোচনা হইল।

বসন্তকুমার ও তাঁহার ভ্রাতারা “হিন্দুপেট্রিয়ট” মনো-যোগের সাহিত পাঠ করিতেন। এই সময় তাঁহাদের পূর্বের ভুল ধারণা দূর হইল, — সংবাদপত্রের সাহায্যে দেশের ও দেশের মঙ্গল প্রকৃষ্টই যে সাধিত হইতে পারে তাহা তখন



হেমন্তকুমার ঘোষ

তাঁহারা সম্যকরূপে উপলব্ধি করিতে পারিলেন। সংবাদপত্র প্রকাশ করিবার ইচ্ছা এতদিন তাঁহাদের মনোমধ্যে যাপ্য

ছিল, এখন ইহা প্রবলবেগে তাঁহাদের সমস্ত মনপ্রাণ অধিকার করিয়া বসিল। তখন তাঁহারা সংবাদপত্র প্রকাশের জন্য প্রস্তুত হইতে লাগিলেন।

[সে সময়ে আর্থিক অবস্থার অসচ্ছলতার জন্য তাঁহারা কোনপ্রকারে কিছু টাকা জোগাড় করিলেন। সমস্ত সাজ-সরঞ্জাম সহ একটি প্রেস ক্রয় করার পক্ষে এই টাকা যথেষ্ট নহে জানিয়াও শিশিরকুমার ইহাই লইয়া কলিকাতায় রওয়ানা হইলেন। সৌভাগ্যক্রমে সেখানে গিয়া কয়েক-দিনের চেষ্টায় একটি কাঠনির্মিত প্রেস সরঞ্জামসহ অতি সস্তায় হস্তগত করিলেন। (৩)

প্রেস তো জোগাড় হইল, এখন ইহা চালাইবার ব্যবস্থা কি করা যাইবে, তাহাই হইল শিশিরকুমারের বিশেষ চিন্তার বিষয়। কারণ কলিকাতা হইতে প্রেসের লোকজন লইয়া যাওয়া বিশেষ ব্যয়সাধ্য। শেষে তিনি স্থির করিলেন, আর কিছুদিন কলিকাতায় থাকিয়া প্রেস সংক্রান্ত সমস্ত কার্য নিজে শিখবেন এবং গ্রামে গিয়া লোক শিপাইয়া লইবেন। তখন একটি ছাপাখানার মালিকের সহিত বন্দোবস্ত করিয়া সেই ছাপাখানায় দিবারাত্র বিশেষ পরিশ্রম করিয়া অল্প সময়ের মধ্যে অক্ষর সাজান হইতে কৰ্ম ছাপান পর্য্যন্ত সমস্ত কার্য মোটামুটি শিক্ষা করিলেন। (৪) তাহার পর ছাপাখানার সরঞ্জামসহ শিশিরকুমার নৌদ্বারা গঙ্গা পারিতো আসিলেন।

বসন্তকুমারের বহুদিনের কামনা পূর্ণ হইল। তিনি

(৩) The Amrita Bazar Patrika cost its founders only Rs 240 when they ushered it into existence. This is how the 'Patrika' first made its appearance, Some body had purchased printing materials at Ahiritola, Calcutta, but he failed and dying soon after, his widow wanted to dispose of them. These materials were purchased and carried to Amrita Bazar, an ordinary village in the district of Jessore. The most valuable of these materials was the printing press, a wooden one, called Balion press, which cost Rs—32. B. P. 4. 1. 04.

(৪) Those who did all this had, however, to learn the business of printing before leaving Calcutta.—Ibid.

কিরূপ আনন্দিত হইয়াছিলেন তাহা তাঁহার ভগিনী গোলোকগতা স্থিরসৌদামিনী দেবী নিজ করচায় এইরূপে বিবৃত করিয়াছেন :-

“দাদার (বসন্তকুমারের) চিরজীবনের সাধ এদেশে একটা ছাপাখানা করিয়া একখানি সংবাদপত্র বাহির করিবেন। এইজন্য কলিকাতা হইতে কাঠের একটা মুদ্রাযন্ত্র ক্রয় করিয়া বাটীতে আনা হয়। আমি তখন শুল্ক-লায়ে। মুদ্রাযন্ত্র পাইয়া তিনি আমাকে একখানি পত্র লেখেন। পত্রখানি পাঠ করিলে বোঝা যাইবে তিনি কিরূপ আনন্দিত হইয়াছিলেন। ইহা ঠিক যেন কোন সরল বালকের লেখা বলিয়া ধারণা হইবে। বহুকাল হইয়া গেলেও এই পত্রের কথা এখনও আমার পরিষ্কার স্মরণ আছে। তিনি লিখিয়াছিলেন :-

‘ভগিনী, আমি একটা জিনিস পাইয়াছি, তাহাতে আমার এত আনন্দ হইয়াছে যে, তোমাকে তাহা লিখিয়া উঠিতে পারিতেছি না। তুমি মনে ভাবিবে আমার একটা খুব বড় চাকুরী হইয়াছে, কিন্তু চাকুরী ইহার কাছে অতি তুচ্ছ। হয় তো তুমি ভাবিবে আমার একটা পুত্র-সন্তান হইয়াছে! ইহার তুলনায় তাহাও অতি সামান্য বলিয়া বোধ করি। তোমরা মনে কর দাদা বড় পুণ্যমান। কিন্তু সর্কান্তর্যামী জানেন আমি কত বড় পাপী। তবুও এই হতভাগার উপর তাঁহার কত করুণা! আমি কলিকাতা হইতে একটা মুদ্রাযন্ত্র আনাইয়াছি। আজ আমার সমস্ত বাসনা পূর্ণ হইল!’

[প্রথমে গ্রাম্য সূত্রধরের সাহায্যে কাঠের প্রেসটা মেরামত করিয়া খাটান হইল (৫)। তাহার পর শিশিরকুমার কয়েকটা যুবককে অক্ষর সাজান হইতে কাগজ ছাপা পর্য্যন্ত সমস্ত কার্যগুলি শিখাইতে লাগিলেন। ছাপাখানার কার্যগুলি মোটামুটি ঠিক হইয়া গেলে, প্রথমেই সাহিত্য, বিজ্ঞান, শিল্প, কৃষি বিষয়ক একখানি পাক্ষিক পত্রিকা প্রকাশিত হইল। ইহার নাম দিলেন “অমৃত-প্রবাহিনী পত্রিকা”, আর সম্পাদকীয় ভার লইলেন বসন্তকুমার নিজে। ইচ্ছা থাকিল ক্রমে রাজনীতি সম্বন্ধে একখানি সাপ্তাহিক পত্রিকা বাহির করিবেন।

(৫) It was set up with the help of the village carpenter H. B. P. 4. 10. 4.

কিছুকাল “অমৃত-প্রবাহিনী” নিয়মমত বাহির হইবার পর বসন্তকুমার অত্যন্ত পীড়িত হইয়া পড়িলেন। তাঁহাকে লইয়া সফলে বিশেষ বাস্তব থাকায় কাগজ বন্ধ রাখিতে হইল। চিকিৎসাও সেবা-শুশ্রূষার কোন ক্রটি হইল না, কিন্তু পীড়া উত্তরোত্তর বৃদ্ধি পাইতে লাগিল। শেষে একদিন বসন্তকুমারের অন্তিম কাল উপস্থিত হইল। সেই সময় তিনি বলিলেন, “বড় সাধ ছিল দেশের কিছু কাজ করব, তা' তো হ'য়ে উঠলো না। তোমরা আমার সেই সাধ পূর্ণ ক'রে আমাকে সুখী করো!” ১২৭৩ সালের ১২ই চৈত্র বসন্তকুমার পরলোকগত হইলেন।]



মতিলাল ঘোষ

অগ্রজের মৃত্যুতে তিন ভাই মুহমান হইলেও তাঁহার শেষ কথাগুলি লইয়া প্রায়ই তাঁহারা আলোচনা করিতেন। ক্রমে তাঁহারা অনেকটা প্রকৃতিস্থ হইলেন। জ্যেষ্ঠভ্রাতার ইঙ্গিতানুসারে দেশের ও দেশের দুঃখ-দুর্দশার কথা আলোচনা করিবার জন্য একখানি সাপ্তাহিক সংবাদপত্র সত্তর বাহির করিতে কৃতসংকল্প হইলেন।

কিন্তু একটা বিশেষ অন্তরায় উপস্থিত হইল। তাঁহারা দেখিলেন, স্বাধীনভাবে সংবাদপত্র পরিচালনা করিতে না

পারিলে সকল কথা খুলিয়া বলা ও গবর্ণমেন্টের কার্যকলাপ সরলভাবে সমালোচনা করা সম্ভবপর হইবে না। আর স্বাধীনভাবে সকল বিষয়ের আলোচনা না করিলেও দেশের প্রকৃত মঙ্গল সাধিত হওয়া অসম্ভব।

এই সময় তাঁহাদের পিতার হঠাৎ মৃত্যু হওয়ায় এই বৃহৎ পরিবারের ভার তাঁহাদের উপর পড়িল। সংসার চালাইবার জন্ত বসন্তকুমারের প্রথম তিন ভ্রাতাকে চাকুরী গ্রহণ করিতে হইল। [বসন্তকুমারের মৃত্যুর কিছুকাল পূর্বে তৎকালীন যশোহরের ম্যাজিষ্ট্রেট মিঃ মনুরো ও তাঁহার সহযোগী মিঃ ওকিনালী (যিনি পরে হাইকোর্টের জজ হইয়াছিলেন) সাহেবদ্বয়ের দ্বারা অনুরুদ্ধ হইয়া হেমন্তকুমার ও শিশিরকুমার ইনকমট্যাক্সের এসেসরের কার্য গ্রহণ করেন। সংবাদপত্র স্বাধীনভাবে পরিচালনা করিতে হইলে চাকুরী ছাড়িতে হইবে, ইহা তাঁহারা বেশ বুঝিতে পারিলেন। তখন জননীর অমুমতি লইবার জন্ত তাঁহাকে সকল কথা খুলিয়া বলিলেন। তিনি অতিশয় বুদ্ধিমতী ছিলেন, ছেলের মনের ভাব বুঝিতে পারিয়া বলিলেন, “বাবা, জীবের মঙ্গলের জন্তই শ্রীভগবান তোমাদিগকে এরূপ মতিগতি দিয়াছেন। জীবের দুঃখ দূর করার মত মহৎ কার্য আর কি আছে? ছোটো শাক-ভাত খাইয়াও আমরা জীবনধারণ করিতে পারিব। সুতরাং আমাদের জন্ত তোমরা ভাবিবে কেন? জীবের মঙ্গলার্থে যখন তোমাদের মন ব্যাকুল হইয়াছে, তখন তোমরা কোনরূপ বাধা-বিঘ্ন গ্রাহ্য না করিয়া সেই মঙ্গলময়ের মঙ্গলকার্যে মন-প্রাণ ঢালিয়া দাও। শ্রীভগবান তোমাদের সহায় হইবেন। এই কার্যের দ্বারা তোমাদের পিতৃদেবকে এবং আমার বসন্তকে তোমরা স্মৃতি করিতে পারিবে।”

জননীর আশীর্ব্বাদ ও অমুমতি পাইয়া পুত্রদিগের হৃদয়ের গুরুভার বেশ নাশিধা গেল। তাঁহারা সোৎসাহে কার্যে অগ্রসর হইলেন। শিশিরকুমার ও হেমন্তকুমার প্রথমে মনুরো ও ওকিনালী সাহেবের সহিত সাক্ষাৎ করিলেন। তাঁহারা সমস্ত কথা শুনিয়া নানা প্রকারে তাঁহাদিগকে নিরস্ত করিতে বিশেষ চেষ্টা করিলেন। কিন্তু যখন দেখিলেন তাঁহারা অটল-অটল ও দৃঢ়প্রতিজ্ঞ, তখন তাঁহাদের ইচ্ছাপত্র গ্রহণ করিলেন এবং বলিলেন, “এই কার্যে আমাদের যথেষ্ট সাহায্য পাইবে।” পরে

তাঁহারা নানাপ্রকারে বিজ্ঞাপন দিয়া ও গ্রাহক সংগ্রহ করিয়া দিয়া সাহায্যও করিয়াছিলেন। সাহেবেরা তখন ভাবিয়া-ছিলেন এই সংবাদ পত্রের দ্বারা তাঁহারা নিজ অতীষ্ট সিদ্ধ করিয়া লইবেন। কিন্তু পরে তাঁহাদের সে ভুল ভাবিয়া গিয়াছিল।

ষোড়শ ভ্রাতারা তখন ছাপাখানাটি গোছাইয়া লইবেন। সংবাদপত্র বাহির করিবার মত সাজসরঞ্জামাদি কলিকাতা হইতে আনীত হইল। যে সকল দ্রব্যাদি সর্ব্বদা আবশ্যক হইতে পারে তাহা বাটীতে প্রস্তুত হইতে লাগিল। কার্যের সুবিধা হইবে বুঝিয়া, শিশিরকুমার ছাপার কালি প্রস্তুত করিলেন, কালি ভালই হইল, সুতরাং কলিকাতা হইতে কালি আনিবার আর প্রয়োজন হইল না। কাগজের অভাব দূর করিবারও চেষ্টা করিয়াছিলেন। শ্রীরামপুরে গিয়া কাগজ প্রস্তুত-প্রণালী শিখিয়া আসিলেন, কিন্তু আবশ্যক মত কাগজ তৈয়ার হইল না। অক্ষরাদিরও অনেক সময় অভাব হইবে বুঝিয়া অক্ষরঞ্জালা যন্ত্র ও অক্ষরের ছাঁচ আনিলেন, ইহাতে কার্যের বিশেষ সুবিধা হইল। কখনও কখনও এরূপ অক্ষরের আবশ্যক হইত যাহার ছাঁচ আনা হয় নাই। সেই ছাঁচ বাটীতেই প্রস্তুত করিয়া লইতেন, এবং তদ্বারা মোটামুটি কাজ চলিয়া যাইত; আবার কোন অক্ষরের বিশেষ অভাব হইলে এবং তাহা প্রস্তুত করিতে না পারিলে প্রবন্ধ হইতে সেই অক্ষরটি বাদ দিবার জন্ত উহা অন্তরূপ করিয়া লিখিয়া লইতেন। অক্ষর-যোজনা করা কাগজ ছাপা, কালির রোলার ঢালা, শিশিরকুমার পূর্বেই শিখিয়াছিলেন এবং গ্রামস্থ কয়েকজনকে শিখাইয়াও লইয়া-ছিলেন। (৬)

সমস্ত বন্দোবস্ত শেষ করিয়া, বসন্তকুমারের মৃত্যুর একবৎসর পরে অর্থাৎ ১২৭৪ সালের ফাল্গুন মাসে ডিমাই চপূঠা একখানি বাঙ্গলা সাপ্তাহিক সংবাদপত্র অমৃতবাজারের

(৬) Besides holding composing sticks and pulling the press for printing their sheets they had to cast rollers and types, prepare matrices, manufacture ink, as also paper. In paper making they failed, but they manufactured fine ink. The matrices and types which they cast were also very poor products, though they were utilized in times of urgent needs.

অমৃত-প্রবাহিনী বন্ধ হইতে প্রথম প্রকাশিত হইল। ইহার অক্ষর-মোজনা হইতে কাগজ ছাপা পর্যন্ত সমস্ত কার্য কনিষ্ঠভ্রাতা ও অন্যান্য কয়েকজনকে লইয়া শিশিরকুমারকেই করিতে হইল। এই ধরনের কার্য পরবর্তী সময়েও তাঁহাকে মধ্যে মধ্যে করিতে হইত। কারণ ডিমাই ৮পৃষ্ঠা একখানি খবরের কাগজ নিয়ম মত প্রতি সপ্তাহে বাহির করিবার মত লোকজনের ব্যবস্থা তখনও করিতে পারেন নাই। তাহার পর কেহ অনুপস্থিত থাকিলে কিংবা কার্যের চাপ বেশী পড়িলে শিশিরকুমারকে দিবারাত্র খাটিতে হইত।

কাগজের নাম রাখা হইল “অমৃতবাজার পত্রিকা।” জননী অমৃতময়ীর নাম চিরস্মরণীয় করিবার জন্তই ঘোষ ভ্রাতারা পূর্বেই নিজ গ্রাম, বিদ্যালয়, চিকিৎসালয় ও ডাকঘরের নাম করণ “অমৃতবাজার” বলিয়াই করিয়াছিলেন। এইবার সংবাদপত্রের নামের সহিত মাতা অমৃতময়ীর নাম বিজড়িত করিয়া ইহা জগদ্ব্যাপী করিলেন।

অমৃতবাজার পত্রিকার মটো (motto) হইল :—

“অধীনতা-কালকূটে—মরি হায় ! হায় !

করেছে কি আৰ্য্যস্বতে !! চেনা নাহি যায়।”

এইভাবে ইহার পূর্বে ভারতবাসীদের মধ্যে আর কেহও বোধ হয় এরূপ পরিষ্কাররূপে প্রকাশ করেন নাই। পত্রিকার উদ্দেশ্য সম্বন্ধে একটি প্রস্তাবনা শিশিরকুমার স্বয়ং লিখিয়াছিলেন। লিখিয়াছিলেন বলা ঠিক হয় না, কারণ

তিনি ইহা কাগজে লিপিবদ্ধ করেন নাই, অক্ষরাধারের সম্মুখে উপবেশন করিয়া অক্ষর সাজাইবার ষ্টিক (Stick) হাতে লইয়া, মনে মনে প্রবন্ধ রচনা করিয়া, একেবারে সাজাইয়া লইয়াছিলেন। ইহাতে সময়েরও অনেকটা সাশ্রয় হইয়াছিল। এইরূপ ভাবে কোনও কোনও প্রবন্ধ তিনি একেবারে অক্ষরে অক্ষরে সাজাইয়া লইতেন।

শিশিরকুমার পূর্বে নীলকরদিগের অত্যাচার-কাহিনী ও অন্যান্য বিষয় সম্বন্ধে ইংরেজীতে “হিন্দুপেট্রিয়ার্ট” কাগজে প্রবন্ধ লিখিতেন। ইহা পাঠ করিয়া অনেকে মুগ্ধ হইতেন। কিন্তু তিনি যে এমন সুন্দর ও হৃদয়গ্রাহী বাঙ্গালা লিখিতে পারেন তাহা কেহই জানিতেন না। Mottoর ভাবটী তিনি তাঁহার প্রবন্ধে এরূপ জীবন্ত ভাষায় মনোমোহকর রূপে ফুটাইয়া তুলিয়াছিলেন যে, তাহা পাঠ করিয়া অনেকে নূতন একটি আলোক পাইলেন। এই ভাব ক্রমে আরও প্রস্ফুটিত করিয়া তিনি এ দেশীয়দিগকে তাহাদের অবস্থার কথা পরিষ্কার ভাবে বুঝাইয়াছিলেন। তাহার ফলে এদেশীয় অনেকেই অমৃতবাজার পত্রিকাকে প্রাণের সহিত ভালবাসিতেন ও তাহার কর্ণধারকে শ্রদ্ধাভক্তি করিতেন। এই সকল কথা এবং অমৃতবাজার পত্রিকা এই ৬২ বৎসর নানারূপ বিপদ-আপদ বাধা-বিঘ্নের মধ্য দিয়া আপন পদমর্যাদা বজায় রাখিয়া, কি ভাবে দেশের ও দেশের অশেষ মঙ্গল সাধন করিয়া আসিতেছেন, তাহা বারাস্তরে বিবৃত করিবার ইচ্ছা রহিল।

শীতকালে লণ্ডন

[শ্রীশ্রীশচন্দ্র চক্রবর্তী, এম-এ, বি-এল]

প্ৰতি শীতকালে লণ্ডনে ছিলাম। দারুণ শীত। বাংলা দেশের সহিত শীতের তুলনা করা যায় না। বাঁহারা পাহাড়ে বা সুদূর পশ্চিম প্রদেশের শীত ভোগ করিয়াছেন, তাঁহারা এ শীতের গুরুত্ব বুঝিতে পারিবেন। তবে শুকনা শীত এখানকার মত শ্রান্তসেতে নয়। ভাল রকম পোষাক পরিয়া শীতে চল-ফেরা করিয়া বেড়াইলে সর্দি কাশিতে যে ভুগিতে হইবে তাহা নয়। ইহার উপর যে-দিন বরফ পড়ে, সে-দিন শীত বড়ই বৃদ্ধি পায়। বরফও কয়েক-দিন মাত্র পাইয়াছিলাম। তবে প্রকৃতির এমনই নিয়ম যে, বরফ পড়বার পর চারিদিক সূর্য্যকিরণে হাসিয়া উঠে। বোধ হয় তাহা না হইলে মানুষ সহ্য করিতে পারিত না।

অন্ধকার যে ছই হাত দূরের জিনিস কিছুই দেখা যায় না— রাস্তাঘাট চলা অত্যন্ত দুঃস্বপ্ন ও সর্বদা বিপদমতুল হইয়া উঠে। পাহারাওয়ালারা টর্চ আলিয়া চারিদিকে নরনারী-গণকে বিপদ হইতে রক্ষা করিবার চেষ্টা করিতে থাকে। 'ফগ' হইলে কাজকর্ম প্রায় বন্ধ থাকে। প্রকৃতির আর একটি নিয়ম এই যে, 'ফগ' বেশী সময় থাকে না। এইরূপ প্রকৃতির সহিত যুদ্ধ করিয়াও লণ্ডনবাসী বেশ সুখ-স্বাচ্ছন্দ্য বান করে, আমোদ-প্রমোদ করিয়া বেড়াই ; তাহার প্রধান কারণ আবহাওয়া খুব ভাল। অত্যন্ত বড় কলকারখানায় শহর ধোয়ায় ভর্তি তথাপি আমাদের যে কোন শহর অপেক্ষা আবহাওয়া ভাল বলিয়াই বোধ হয়।




ব্যাঙ্ক অফ ইংলণ্ড

লণ্ডনের আর একটি বৈশিষ্ট্য—লণ্ডন 'ফগ' বা আঁধি। লণ্ডন 'ফগ'—বাঁহারা সুদূর পশ্চিম-ভারতের আঁধি দেখিয়াছেন তাঁহারা কতকটা অনুভব করিতে পারিবেন। এতই

লণ্ডনে দেখিবার স্থানসকল লণ্ডনে অনেকগুলি দেখিবার জিনিস আছে। আমি যেখানেই যাইতাম সেইখানেই অনেক লোকসমাগম

দেখিতে পাইতাম- শীত বলিয়া লন্ডনবাসিগণ চূপ করিয়া সর্বদাই ভিড়। কলিকাতায় ডানহাউসি স্কোয়ার কিংবা
বসিয়া থাকে না। রাস্তায়, ট্রামে, ট্যাক্সিতে, বাসে পথিকে এসপ্লানেডে যেক্রপ ভিড় দেখেন তাহার অপেক্ষা বহুগুণ




বাকিংহাম প্যালেস




লন্ডন ব্রিজ

বেশী ভিড় লগনে দেখা যায়। অনেক সময় প্রাণ হাতে প্রতিদিন প্রায় ৫০০ পাঁচশত ছুঁড়না লগনে ঘটিয়া থাকে।
করিয়া রাস্তায় পার হইতে হয়। রাস্তায় ছুঁড়নাও বহু ঘটে। তাহার মধ্যে কয়েক জন করিয়া প্রতিদিন মৃত্যুগুণে পতিত




ওয়েস্টমিনিস্টার ব্রিজ ও পার্লামেন্ট



রয়েল এক্সচেঞ্জ, হোয়াইট হল

হয়। সেই জন্ম খুব ভিড়ের জায়গাগুলি পার হইবার নিমিত্ত কোন কোন স্থানে মাটির নীচে দিয়া রাস্তা ('সবওয়ে') আছে। কন্স উপলক্ষ্যে ব্যাক অফ ইংলণ্ড অনেককেই যাইতে হয়, এখানেও খুব ভিড়; তবে ইহার অপেক্ষা অধিকতর ভিড়ের জায়গা আরও অনেক আছে। আর

বেলা ১০।০ টার সময় প্রহরী বদল হয়। প্রহরীদের উদ্দির রং এবং তাহাদের সাজসজ্জা ও বদল হয়। আর একটি দেখিবার স্থান লণ্ডন ব্রিজ। এইটা অন্য 'উপরে জাহাজ চলে নীচে চলে নর' নহে। ইহার 'উপরে জাহাজ চলে নীচে চলে রেল—মাটির নীচের স্টেশন (টিউব স্টেশন)



ট্রাফালগার স্কোয়ার


একটি দেখিবার স্থান বারিংহাম প্যালেস—সম্রাটের শহরের বাসস্থান। সাধারণকে এই প্রাসাদের ভিতর ঢুকিয়া দেখিতে দেওয়া হয় না। যখন সম্রাট এই প্রাসাদে থাকেন প্রাসাদের উপর রাজপতাকা উড়িতে থাকে এবং

বাহীত কার্য করা কঠিন, কারণ প্রায় সর্ব সময়েই মেঘাচ্ছন্ন থাকে। বেলা ১০টা হইতে সাড়ে তিনটা পর্যন্ত হাউজ অফ লর্ডস নরম্যান টর্চ দিয়া ঢুকিতে হয়। তবে পার্লামেন্টের মেম্বরগণ যে কোন দিন

ওয়াটালুর নিকট। মাটির নীচের রেলগুলি যাতায়াতের পক্ষে বড়ই সুবিধাজনক। খুব তাড়াতাড়ি চলে—অথচ ভাড়া বেশী নহে—একটাই শ্রেণী। কোনও স্থান হইতে কোন স্থান লণ্ডনে যাইতে হইলে টিউব রেল দিয়া যাওয়াই সর্বাপেক্ষা সুবিধাজনক প্রথমে লণ্ডনে পৌঁছিয়া চলন্ত সিঁড়িতে একেবারে পাতালপুরী নামিয়া বৈদ্যুতিক আলোকমালায় শোভিত ইন্দ্রভূবন টিউব স্টেশনগুলি দেখিয়া হকচকিয়া যাইতে হয়। পৌঁছিবার ২৩ মিনিট মধ্যে টিউব রেল পাওয়া যায়। গাড়ী পৌঁছিয়া—মাত্র কলে গাড়ীর দরজাগুলি খুলিয়া যায়। যাত্রীগণ উঠিবারাত্র দরজাগুলি আবার কলে বন্ধ হইয়া যায়। তবে একবার দরজা বন্ধ হইতে আরম্ভ হইলে যত বড়লোক হউন না কেন বা যত প্রয়োজন থাকুক না কেন, উঠিতে পারিবেন না। লণ্ডনে ৩য়েষ্টমিনিষ্টার ব্রিজ এবং পার্লামেন্ট আর একটি বিশেষ দ্রষ্টব্যস্থান। দর্শকগণ প্রতি শনিবার বেলা সাড়ে তিনটার পূর্বে যদি পার্লামেন্ট না বসে তাহা হইলে সিনা দর্শনীতে দেখিতে পারেন। আরও কয়েকটি ছুটির দিন ঐরূপ দেখিতে দেওয়া হয়। বেলা সাড়ে তিনটার অর্ধ বেলা সাড়ে তিনটার সময় শীতকালে সন্ধ্যা হয়। আর বেলা ৮টার সূর্যালোক দেখিতে পাওয়া যায়। তবে দিনের বেলায় ও বৈদ্যুতিক আলোক

দর্শকগণকে লইয়া যাইতে পারেন এবং যে সকল স্থান সাধারণতঃ দর্শকগণকে দেখিতে দেওয়া হয় না—তাঁহাও দেখাইতে পারেন। রবিবার ব্যতীত যে কোন দিন যদি পার্লামেন্ট না বসে ৬ঃ৫৫ মিনিটের হল দর্শকগণ বেলা ১০টা হইতে ৪টা পর্য্যন্ত দেখিতে পারেন। যখন পার্লামেন্ট বসে তখন বেলা ১০টা হইতে ২টা পর্য্যন্ত দেখিতে পারেন। হাউজ অফ কমন্সের বন্ধতা শুনিতে হইলে রবিবার ব্যতীত যে কোন দিন বেলা ৪টা ১৫ মিনিটের পর, কিন্তু শুক্রবার বেলা ১১টা ১৫মিনিটের সময় টিকিটের

সব দিন যাইলে অনেককণ ধরিয়া অপেক্ষা করিতে হয়। অপেক্ষা করিবার জন্য দর্শকগণের ওয়েটিং রুম আছে। একজন লর্ড আদেশ দিলে হাউজ অফ লর্ডসের বৈঠক দেখিতে পাওয়া যায়। হাউজ অফ লর্ডসের বৈঠক প্রায় বেলা ৪টা ১৫ মিনিটের সময় শুরু হয়। যখন হাউজ অফ লর্ডসে আপীল মোকদ্দমার শুনানি হয় সেই সময় সাধারণে মোকদ্দমার শুনানি স্থানে হাজির থাকিতে পারেন। পার্লামেন্টের সল্লিকটে হোয়াইট হল। এই খানেই সম সরকারী বড় বড় আফিস। রাজকীয় অধারোহী



লন্ডন, ন্যাশনাল গ্যালারি (চিত্র-প্রদর্শনী)

জন সেন্ট পিট্রেনস হলে দরখাস্ত করিলে টিকিট পাওয়া যায়। হাউজ অফ কমন্সের বৈঠক শুক্রবার ব্যতীত অন্তর্দিন বেলা পৌনে তিনটার সময় বসিয়া সাধারণতঃ রাত্রি ৯টা হইতে ১১টার মধ্যে শেষ হয়। তবে কখন কখন বছরান্তি পর্য্যন্ত বৈঠক বসে। শুক্রবার বেলা ১১টায় বসিয়া বেলা সাড়ে চারিটার সময় সাধারণতঃ বৈঠক শেষ হইয়া থাকে। শনিবার ও রবিবার পার্লামেন্টের বৈঠক বসে না। প্রধান প্রধান বিষয় সমাধানের জন্য পার্লামেন্টে উপস্থিত হইলে দর্শকগণের স্থান পাওয়া কঠিন হয়। সেই

প্রহরীরা এখানে পাহারা দিতেছে রয়েল হর্স গার্ড চিত্রে দেখিতে পাইবেন। ট্রাফালগার স্কোয়ার আর একটা দেখিবার স্থান। এই ট্রাফালগার স্কোয়ারের সম্মুখেই ন্যাশনাল চিত্র-প্রদর্শনী। এই চিত্রশালার বৈশিষ্ট্য এই যে, ইহাতে ইতালীয়, ইংরেজেরও ডাচদিগের চিত্রগুলি বিশেষভাবে সজ্জিত আছে। ইতালীর এবং ফ্রান্সের চিত্র দেখিবার স্থান ইতালী ব্যতীত এই স্থান একমাত্র বলিলেও অস্বাস্তি হয় না। রবিবার এবং ব্যাঙ্ক ছুটির দিন ব্যতীত প্রতিদিন বেলা ১০টা হইতে সন্ধ্যা পর্য্যন্ত খোলা

থাকে। রবিবার বেলা ২টা হইতে সন্ধ্যা পর্যন্ত খোলা থাকে। বৃহস্পতিবার এবং শুক্রবার দর্শনী ছয় পেনি এবং অন্যান্য দিন বিনা দর্শনীতে ঢুকিতে দেয়। বৃহস্পতিবার চিত্র সম্বন্ধে বক্তৃতা হইয়া থাকে।



কিংসওয়ে থিয়েটারে অভিনীত

The School for Scandalএর একটি দৃশ্য

লগুনের মিউজিয়াম ও প্রদর্শনী অনেকগুলি দেখিবার আছে। সেই গুলি ভবিষ্যতে বর্ণনা করিবার ইচ্ছা রহিল। অতঃ সেইগুলি বাদ নিয়া নাট্য-জগৎ সম্বন্ধে কিছু বলিয়া আমার এবারকার বক্তব্য শেষ করিব।



ডিউক অফ ইয়র্ক থিয়েটারে অভিনীত

Jew Sussএ Naemirর দৃশ্য-দৃশ্য

লগুনে থিয়েটার।

লগুনে বহু থিয়েটার এবং বায়োস্কোপ আছে। ইহাদের ভিতর যে কোনটিতেই গিয়াছি সেখানেই প্রেক্ষাগৃহ জনতায় পরিপূর্ণ। এত লোক থিয়েটার-বায়োস্কোপ দেখিতে যায়, তাহা আমরা ভারতবর্ষে শরণ করিতে পাবি না। আমাদের অপেক্ষা বহু লোকাকীর্ণ থিয়েটার ও বায়োস্কোপ গুলি হইলেও ভারতবর্ষের মতন টিকিট কিনিবার হর্ভোগ ভোগ করিতে হয় না। সব থিয়েটার এবং বায়োস্কোপের এজেন্ট আছে তাহাদের নিকট টিকিট পাওয়া যায় এবং বসিবার স্থান নির্দিষ্ট (Reserve) থাকে। আর রঙ্গমঞ্চ টিকিট কিনিতে বহুলোক একত্র জমিলেই 'কিউ' করিয়া টিকিট কিনিয়া থাকে। লগুনে কোন প্রকার ভিড়ের ভয় কোথাও প্রবেশলাভ কর্ণজনক নহে। প্রত্যেকেই 'কিউ' করিবার পক্ষে উদ্যোগী হইয়া রাস্তা স্মৃগম করিয়া ফেলে।

লগুনে প্রায় ৪৫টা থিয়েটার আছে। ইহার মধ্যে তিনটা "Talkie"তে পরিণত হইয়াছে—তিনটা আমি যে সময়ে ছিলাম সে সময় বন্ধ ছিল—১৩টা থিয়েটার পুরাতন নাটকগুলি অভিনয় করিতেছিল, বাকী ২৬টা নিত্যানূতন নাটকে লগুনবাসীকে আমোদ প্রদান করিতেছিল। রঙ্গ-মঞ্চ চালান বিলাতে বহু খরচ সাপেক্ষ। অভিনেতা ও অভিনেত্রীদের বেতন অত্যন্ত বেশী—বাটীর ভাড়া আশুন এবং গ্রন্থকারকে লভ্যাংশও যথেষ্ট দিতে হয়। তাহার উপর মার্কিং দেশ হইতে Talkieর ছদ্মক আসিয়া থিয়েটার গুলিকে কোন ঠেসা করিয়া ফেলিয়াছে। মার্কিং দেশ হইতে ভ্রমণকারী Talkie কোম্পানীতে দেশ ছাইয়া ফেলিয়াছে। আমি যে সময়ে ছিলাম সেই সময় Kings Way থিয়েটারে পুরাতন নাটক "The School for Scandal" "অভিনীত হইতেছিল—Criteriaএ "The Private Secretary—Everyman এ "The passing of the Third floor Back"—Comedyতে "The Ghost Train" অভিনীত হইতেছিল। দৃশ্যপটগুলি অতি মনোরম—Stage খুব বড়—অভিনেতাদের অভিনয় খুব স্বাভাবিক। এগানকার এবং সেখানকার থিয়েটারের মস্ত একটা তফাৎ দেখলাম—এখানে যেন বড় দোঁ কবের করে অভিনয় করে—সেখানে খুব তাড়াতাড়ি। এখানে যেন

অভিনেতা-অভিনেত্রীরা নড়িতেই চায় না—সেখানে অভিনেতা-অভিনেত্রীরা দর্শকগণের সহিষ্ণুতা অতিক্রম করে না। আমি ২।১টী দৃশ্য দেখাইয়া থিয়েটার বিষয়ের বক্তব্য শেষ করিব।

Duke of York Theatreএ “Jew Suss” অভিনীত হইতেছিল—Naemi এর মৃত্যু দৃশ্যটী আমার মনের উপর আঁকিয়া বহিয়াছে।

লণ্ডনের Cinema

অত্যন্ত শীতেও সমস্ত লণ্ডন আমোদ-প্রমোদে মাতিয়া থাকে। এত লোক থিয়েটার দেখে যে থিয়েটারের টিকিট অগ্রিম না কিনিলে স্থান পাওয়া যায় না। কিন্তু Cinema গুলিতে যাইলেই প্রায় স্থান পাওয়া যায়। এখন Rio Rita এখানে আসিয়াছে। আমি সে সময় ছিলাম সে সময় Tivoliতে Rio Rita দেখান হইতেছিল। Londonএ Cinema গুলিতে একটানা দেখান হয়। অর্থাৎ একটা সময় ধরুন বেলা ১২টার সময় Cinema আরম্ভ হইল—একবার শেষ হইল বেলা ২টায়; অমনি সঙ্গে সঙ্গে বেলা ২টায়, আবার আরম্ভ হইল—আবার শেষ হইল—বেলা ৪টায় আবার ৪টায় আরম্ভ হইল এইরূপ রাত্রি অনেকক্ষণ পর্যন্ত Continuous performance চলিতেছে। দর্শক যখন খুঁস কিংবা যখন তাহার ছুটি তখন গিয়া বসিল—আবার ঘুরিয়া যখন যে দৃশ্য হইতে দেখিতে আরম্ভ করিয়াছে সেই দৃশ্যে পৌঁছাইবে অমন উঠিয়া যাইবে। এইরূপ Continuous performanceর প্রথা হয় নাই। Rio Rita সম্বন্ধে বলিতেছিলাম—Rio Rita—উনিইয়র্কের একটা থিয়েটারের নাটক। থিয়েটারের দৃশ্যগুলি ছায়াচিত্রে পরিণত করিয়া দেখান হইয়াছে। ইহার অণুই Rio Rita

অত্যন্ত হৃদয়গ্রাহী এবং মাধুর্যময় হইয়াছে। সে সময় “New Galleryতে “Sunny side up” দেখান হইতেছিল। The Regalএ “Gold Diggers”—Capitolএ “Splentius, Alhambraতে “Atlantic” দেখান হইতেছিল।

এক্ষণে মধুরেণ সমাপয়েৎ করিতে চাহি। একটা সুন্দরী নর্তকীর চিত্র দিয়া আমার অণুকার বিষয় শেষ করিব। কিংসওয়ে থিয়েটারের খ্যাতিনামা অভিনেত্রী Angela Baddeleyর ছায়া চিত্র দিয়া আমি আণ্ডিকার মত বিদায় লইলাম।



খ্যাতিনামা অভিনেত্রী Angela Baddeley

নৈহাটীর নন্দকুমার ন্যায়চূড়

ও

নবদ্বীপের শ্রীরাম শিরোমণি

(জায়শান্ত্রে বিচার)

[কবিভূষণ শ্রীপূর্ণচন্দ্র দে, কাব্যরত্ন উদ্ভটসাগর বি-এ]



যশোহর জেলার অন্তর্গত নড়ালের রায়-বংশ অতি প্রাচীন, প্রসিদ্ধ ও সম্ভ্রান্ত। কালীশঙ্কর রায় মহাশয় এই বংশের প্রতিষ্ঠাতা। কালীশঙ্করের একটি মাত্র পুত্র ছিলেন, — ইহাঁর নাম রামনারায়ণ। রামনারায়ণের তিন পুত্র, — রামরতন, হরনাথ ও রাধাচরণ। যখন বৃদ্ধ কালীশঙ্কর কাশীধামে বাস করিতেছিলেন, তখন তাঁহার একমাত্র পুত্র রামনারায়ণের মৃত্যু হয়। রামনারায়ণের তিনটি কুতী পুত্রের মধ্যে রামরতনের নাম সর্কাপেক্ষা প্রসিদ্ধ। লোকে অজ্ঞাবধি তাঁহাকে “রতন রায়” বলিয়া থাকে। তিনি যেকোন প্রবল-প্রতাপ, সেইরূপ অতুল-ঐশ্বর্যশালী জমীদার হইয়া উঠিয়াছিলেন। তিনি ঘোর নিষ্ঠাবান্ হিন্দু এবং হিন্দুর ক্রিয়া কলাপে মুক্তহস্ত পুরুষ ছিলেন। বাটীতে বিবাহের বা শ্রাদ্ধের সভায় তিনি বাঙ্গালা-দেশের যাবতীয় প্রধান প্রধান সংস্কৃত অধ্যাপককে মহাসমাদরে নিমন্ত্রণ করিয়া আনিতেন, এবং তাঁহাদিগের বিচারের ফল দেখিয়ামুক্তহস্তে তাঁহা দিগকে বিদায় প্রদান করিতেন। রতনবাবু নড়াল-নিবাসী হইলেও চিৎপুরের উত্তর-দিগ্‌বর্তী কাশীপুরে তিনি বহুৎ অট্টালিকা নির্মাণ করাইয়া সেই স্থানেই অধিকাংশ সময় বাস করিতেন।

১২৬০ বঙ্গাব্দে, ৬ ফাল্গুন, বৃহস্পতিবার (১৮৫৪ খৃষ্টাব্দে, ১৬ ফেব্রুয়ারী) দিবসে রতন বাবু কাশীপুরে গঙ্গাতীরে মৃত পিতা রামনারায়ণের একোদ্দিষ্ট শ্রাদ্ধ করেন। শ্রাদ্ধ-সভায় বাঙ্গালা-দেশের বড় বড় অধ্যাপক উপস্থিত হন। সেই সভায় নবদ্বীপনিবাসী শ্রীরাম শিরোমণি ও তাঁহার পরম-প্রিয় বুদ্ধিমান্ ছাত্র গোলকচন্দ্র জায়রত্ন, এবং নৈহাটী-নিবাসী প্রসিদ্ধ নৈয়ায়িক রামকমল জায়রত্ন মহাশয়ের ছোটপুত্র নন্দকুমার ন্যায়চূড় মহাশয়ও উপস্থিত ছিলেন। এই নন্দকুমার, পরম-পুণ্ডরীক সুবিখ্যাত

প্রত্নতত্ত্ববিৎ পণ্ডিত মহামহোপাধ্যায় শ্রীযুক্ত হরপ্রসাদ শাস্ত্রী মহাশয়ের ছোট সহোদর। তখন নন্দকুমারের বয়স ১৯ বৎসর মাত্র, এবং শ্রীরাম শিরোমণি প্রৌঢ়বয়স্ক পুরুষ। নন্দকুমার, “কেবলাশ্রমি”-গ্রন্থে গদাধর ভট্টাচার্যের টিপ্পনীর উপর দোষারোপ করিয়া পূর্বপক্ষ করেন। শ্রীরাম শিরোমণিকে উক্ত পক্ষ গ্রহণ করিতে হইল। বারাসত-নিবাসী সুপ্রসিদ্ধ নৈয়ায়িক শিবচন্দ্র সার্কভৌম মহাশয় মধ্যস্থ হইলেন। শোভাবাজারের রাজা রাধাকান্ত দেব বাহাদুর সভাপতির আসন গ্রহণ করিলেন। এতদ্ভিন্ন কলিকাতা ও অন্যান্য স্থানের সম্ভ্রান্ত লোকগণও সভায় উপস্থিত রহিলেন। ঘোর ন্যায়যুদ্ধ উপস্থিত হইল। বালক নন্দকুমার, প্রৌঢ় শ্রীরাম শিরোমণিকে এই তুমুল যুদ্ধে পরাস্ত করিয়া দিলেন। তখন সভাস্থ লোক সকল বালক নন্দকুমারের ভয়সী প্রশংসা করিতে লাগিলেন। “সংবাদ-ভাস্কর”-সম্পাদক গৌরীশঙ্কর তর্কবাগীশ (গুড়গুড় ভট্টাচার্য) মহাশয় এই সভায় উপস্থিত ছিলেন। তিনি স্বীয় সংবাদ-পত্রে যাহা লিখিয়া গিয়াছেন তাহা নিয়ে অবিকল উদ্ধৃত হইল। ৭৬ বৎসর পূর্বে, বাঙ্গালা ভাষার কিরূপ অবস্থা ও গঠন ছিল, তাহা এই উদ্ধৃত অংশ দেখিলে বিলক্ষণ বুঝিতে পারা যায় :—

সংবাদ-ভাস্কর

১৩১ সংখ্যা। ১৫ ফাল্গুন। ১৮ ফেব্রুয়ারী, ১৮৫৪।

৬ ফাল্গুন, ১২৬০, শনিবার।

শ্রীযুক্ত বাবু রামরত্ন রায়।

“জিলা যশোহর নড়াল নিবাসি কলিকাতার উত্তর কাশীপুর প্রবাসি ধর্মরামি মধুভাবি পুণ্যকার বাবু রামরত্ন রায় মহাশয় গত বৃহস্পতিবারে (১২৬০ বঙ্গাব্দে, ৬ ফাল্গুন) পঞ্চাঙ্গীত কাশী-পুরের তাঁহার পিতাঠাকুরের একোদ্দিষ্ট শ্রাদ্ধ করিয়াছেন, শ্রাদ্ধ-সভায় নবদ্বীপনিবাসী নানা সম্ভ্রান্ত নানাধিক পাণ্ডিত্যবান্

উপস্থিত ছিলেন, তাঁহারা । স্তায় বেদান্ত ও ধর্মশাস্ত্রাদি নানা গ্রন্থের বিচার করিলেন, বিশেষত নৈহাটী-নিবাসি প্রসিদ্ধ অধ্যাপক শ্রীযুক্ত রামকমল ন্যায়রত্ন ভট্টাচার্য্য মহাশয়ের স্ত্যপাত্র পুত্র শ্রীমান্ নন্দকুমার ভট্টাচার্য্য স্ত্যায়শাস্ত্রের “কেবলাধরি” নামক গ্রন্থের গদাধর ভট্টাচার্য্যের টিপ্পনীর উপর এক আপত্তি করিয়াছিলেন। নবদ্বীপের প্রধান অধ্যাপক শ্রীযুক্ত শ্রীরাম শিরোমণি প্রভৃতি কেহ তাহার উত্তর করিতে পারেন নাই, এইক্ষেণে শাস্ত্রীয় বিচারের আমোদ কেবল রাম-রত্ন বাবুর সভাতে দেখিতে পাই, আর কোন সভায় শাস্ত্রীয় বিচার হয় না, ধনি লোকেরাও বিচার প্রবণে আমোদ করেন না অতএব শাস্ত্র-লোপ হইবার এই এক প্রধান কারণ হইয়াছে।

শ্রীকৃষ্ণসভায় মাস্ত্রলোকদিগের মধ্যে বিদ্যাবুদ্ধিপ্রসিদ্ধ শ্রীযুক্ত রাজা রাধাকান্ত বাহাদুর সভাপতি হইয়াছিলেন, শ্রীযুক্ত বাবু অভয়া-চরণ বন্দ্যোপাধ্যায়, শ্রীযুক্ত বাবু নীলমণি মতিলাল এবং যশোহর কলিকাতাদি নিবাসি আর ২ মাস্ত্রবরণ ও রত্নপুর মহনা ভূম্যাধিকারি শ্রীযুক্ত বাবু ভৈরবেন্দ্রনারায়ণ চৌধুরীত্যাদি আর দুইশত প্রধান মনুস্ত পূর্বোক্ত রাজাবাহাদুরের আবরণরূপে সভা শোভা করিয়াছেন, ব্রাহ্মণভোজন সময়ে রাজাবাহাদুর সাবরণ পাত্ৰোপখান পূর্বক বারান্দায় দণ্ডায়মান হইয়া রামরত্নবাবুর ব্রাহ্মণ-ভোজনের পারিপাট্য দর্শনে আত্মাদ জ্ঞাপন করিয়া রামরত্নবাবুর নিকট বিদায় লইলেন এবং অন্তান্ত মাস্ত্র লোকেরাও বাবুর সহিত আমোদ প্রমোদ করিয়া গৃহস্থ হইলেন তৎপরে কার্যভোজনান্ত হইল, রামরত্নবাবুর বাটীতে যত কার্য নিমন্ত্রণ ভোজন করিতে আইসেন একোদ্দিষ্ট শাস্ত্রে এত কার্যভোজনের কাণ্ড অন্তত দেখি নাই, বাবু রামরত্ন রায় যেমন বিবরণ কর্ণে শক্ত, দৈব পৈত্রিক কর্ণেতেও তেমনি ভক্ত, রাত্রি দুই প্রহর পর্যন্ত কামহাদি ভোজনে তুল্যরূপ শ্রদ্ধা ভক্তি প্রকাশ করিয়াছেন।”

৬ ফাল্গুন, বৃহস্পতিবারের সভায় পরাস্ত হইয়া শ্রীরাম শিরোমণি, রাজা রাধাকান্ত দেব বাহাদুর ও রতনবাবুর নিকট প্রার্থনা করেন যে, আগামী ৯ ফাল্গুন, রবিবার দিবসে পুনর্বার বিচারের জন্ত সভা করা হউক। তাহাতে উভয়েই শ্রীরাম শিরোমণি মহাশয়ের প্রার্থনা পূর্ণ করিলেন। রবিবার উপস্থিত হইলে প্রাতঃকাল হইতেই বিচার চলিতে লাগিল।

নন্দকুমার বাদী, শ্রীরাম শিরোমণির সর্ষপ্রধান ও বুদ্ধিমান ছাত্র গোলোকচন্দ্র স্ত্যায়রত্ন প্রতিবাদী, শিবচন্দ্র সার্কভৌম মধ্যস্থ এবং রাজা রাধাকান্ত দেব বাহাদুর সভাপতি হইলেন। সিংহ ও ব্যাঘ্রের যুদ্ধ আরম্ভ হইল। সপ্তম দিন ধরিয়া বিচারের পরে গোলোক স্ত্যায়রত্ন পরাস্ত হইলেন। বালক নন্দকুমারের জয়লাভ হইল। সভায়

ছলকুল পড়িয়া গেল। সকলেই একবাক্যে বালক নন্দ-কুমারের জয়ধ্বনি করিতে লাগিলেন। শুড়শুড়ে ভট্টাচার্য্য সভায় বসিয়া বিচার শুনিয়া স্বীয় “সংবাদ-ভাস্করে” যথাযথ-ভাবে একটি প্রবন্ধ লিখিয়া দিলেন। ইহাতে শ্রীরাম শিরোমণি নিতান্ত ক্রুদ্ধ হইয়া তাঁহাকে প্রহার করিবার ভয় দেখাইয়াছিলেন। তখন শুড়শুড়ে ঠাকুর নিজমুষ্টি ধরিয়া স্বীয় সংবাদ-পত্রে যাহা লিখিয়া ছিলেন, তাহাও নিয়ে অবিকল উদ্ধৃত হইল :—

সংবাদ-ভাস্কর

১৩৩ সংখ্যা। ১৫ বাসম। ১৮৫৪ খৃঃ, ২৩ ফেব্রুয়ারি, বৃহস্পতিবার। ১২৬০ বঙ্গাব্দ, ১৩ ফাল্গুন। ৫৩ পৃষ্ঠা।

শ্রীযুক্ত বাবু রামরত্ন রায় মহাশয়ের পিতাঠাকুরের একোদ্দিষ্ট শ্রদ্ধে কানীপুরের বাটীতে ব্রাহ্মণ পণ্ডিতগণের মহা সভা হইয়া ছিল তাহাতে রামকমল স্ত্যায়রত্ন ভট্টাচার্য্য মহাশয়ের পুত্র নন্দকুমার ভট্টাচার্য্য স্ত্যায়শাস্ত্রের কেবলাধরি গ্রন্থে গদাধরী টীকার উপর এক পূর্বপক্ষ করেন, তদুপলক্ষে আমরা লিখিয়াছিলাম নবদ্বীপ সমাজস্থ শ্রীরাম শিরোমণি প্রভৃতি কেহ তাহার উত্তর করিতে পারেন নাই। সভা-ভঙ্গের পর নূনাধিক দশ জন অধ্যাপক আমারদিগের নিকট এই বিষয়ের সাক্ষ্য দিয়াছেন, তাহাতেই যথার্থ বিবরণ লেখা হইয়াছিল, তথাপি শ্রীরাম শিরোমণি মহাশয় গাজদাহে আমারদিগের প্রতি বৎ-পরোনাস্তি কটুক্তি করিয়াছেন এবং শুনিলাম দ্বিতীয় সভায় বাবুর সাক্ষাতেও নানাবিধ স্বেবাক্য বলিয়াছেন। শ্রীযুক্ত বাবু রামরত্ন রায় মহাশয় এমতক্ণে জয়গ্রহণ করেন নাই অসঙ্গত বিবরণের উত্তর না করিয়া ক্ষমা করেন, তবে যে শ্রীরাম শিরোমণির অসঙ্গত বাক্যে মৌনী ছিলেন ইহাতে বোধ হয় স্বেহ প্রকাশ করিয়াছেন কেন না তিনি নবদ্বীপের অধ্যাপকগণকে পোস্তপুত্রের স্ত্যায় দেখেন, বাহা হউক, আমরা যাহা লিখিয়াছিলাম শ্রীযুক্তের সাক্ষাতে দ্বিতীয় সভায় তাহা সপ্রমাণ হইয়া গিয়াছে। গত রবিবারে রায় বাবুর বাটীতে নবদ্বীপের অধ্যাপকগণের প্রার্থনামুসারে দ্বিতীয় সভা হয়, তাহাতে শিবচন্দ্র সার্কভৌম মহাশয় মধ্যস্থ ছিলেন, গোলোকচন্দ্র স্ত্যায়রত্ন মহাশয় উত্তরপক্ষ পূর্বপক্ষ বাদী নন্দকুমার ভট্টাচার্য্য, আপত্তি সেই বাহা শ্রীকৃষ্ণসভায় হইয়াছিল এবং শ্রীরাম শিরোমণি প্রভৃতি সকলে ঐ সভায় যে উত্তর করিয়াছিলেন গোলোক স্ত্যায়রত্ন সেই উত্তর করিলেন, ইহাতে মধ্যস্থ মহাশয় কহিলেন এ উত্তর উত্তর যাত্র। কিন্তু নন্দকুমার ইহার উপর যে দোষ বিয়াছেন তাহা অকাটা, মধ্যস্থ মহাশয় যখন এ কথা কহিয়াছেন তখন আমারদিগের লিখন সপ্রমাণ হইয়াছে, অতএব শিরোমণি মহাশয়কে অসুরোধ করি নবদ্বীপের প্রধানাভিমানী হইয়া অকারণ আমারদিগকে দুর্বাক্য বলিয়াছেন তাহার প্রারম্ভিত করন। প্রারম্ভিত করণে তাহার ভয়

নাই, আমারদিগের এই লেখনী তাঁহাকে তিন বার পোষয় ভক্ষণ করাইরাছে, এক কাণকাটা গ্রামের বাহির দিয়া বার, দুই কাণকাটা গ্রামের ভিতর প্রবেশ করে, শিরোমণি মহাশয়ের তিনবার প্রায়শ্চিত্তে দুই কাণ এবং নাকটা পর্যন্ত কাটা গিয়াছে তবে কেন প্রায়শ্চিত্ত করিবেন না।

শিরোমণি ভট্টাচার্যের আশ্রয়ও সামান্ত নহে, সভা-ভঙ্গের পরে বাহিরে আসিয়া অনেকের সাক্ষাতে বলিয়াছেন আমারদিগকে মারিবেন বরং কলিকাতায় আসিবেন না তখাচ দেখিবেন, আমা-দিগকে মারিবেন, এ কথায় চিরকাল হাসিব, আর দেখিবেন যাহা বলিয়াছেন তাহাতে জিজ্ঞাসা করি আমরা বালক নহি ক্রোড়ে করিয়া নগ্ন দেখিয়া চূষ দিবেন, তবে আর কি দেখিবেন? পণ্ডিত-গণের এই স্বভাব তাহাকে যাহা বলিতে হয়, তাহার সাক্ষাতেই তাহা বলেন, আমারদিগের সাক্ষাতে দুর্কাক্য কহিলে আমরা তাঁহাকে পণ্ডিত বলিয়া প্রশংসা করিতাম, তাঁহার সে সাধ্য নাই, শ্রীমতী রাণী কাত্যায়নীর বেলেড়ের বাড়ীর সভায় আমারদিগের সাক্ষাতে দুই একটি কথা বলিয়াছিলেন তাহাতে অশ্রুপাতে গাত্রবস্ত্র আর্জ করিতে হইয়াছিল, শত শত প্রধান লোকে তাহা দেখিয়াছেন এবং তাঁহার যে পুত্রকে শিখণ্ডের স্মার সম্মুখে রাখেন, তিনি ও ব্রজনাথ বিদ্যারত্ন ভট্টাচার্য্য, প্রভাকর ভট্টাচার্য্যাদি মাস্ত্র লোকেরা তাহাতে তাঁহাকে অবিলম্ব বলিয়া আমারদিগের নিকট পরিহার প্রার্থনা করিয়াছিলেন, সভায় শ্রীযুক্ত রাজা শ্রীযুক্ত প্রতাপচন্দ্র সিংহ, রাজা শ্রীযুক্ত ইন্দ্রচন্দ্র সিংহ, শ্রীযুক্ত বাবু রাজেন্দ্র দত্ত ইত্যাদি মাস্ত্র লোকেরা শ্রী রাম শিরোমণির অশ্রুপতন নিবারণ করিয়াছেন।

শ্রী রাম শিরোমণি মহাশয় বিদ্যাবুদ্ধি দ্বারা নবদ্বীপের প্রধান হন নাই। অমৃত পুত্ররূপে প্রধান বিদ্যায় পাইতেছেন, তিনি পাত্ৰকা অর্থাৎ পাতড়া বিদ্যায় ভাল, রাজ্যের পাতড়া উদরস্থ করিয়া রাখিয়াছেন, এ প্রকার পাতড়া মারা যোড়া অধ্যাপক আর দৃষ্টিগোচর হইবেন না, কিন্তু কোন গ্রন্থের একটি নূতন কথা হইলে শ্রী রাম শিরোমণি নস্ত্রের উপর নির্ভর করেন, আমরা বহু কাল স্মারশাস্ত্রে অব্যবসারী হইরাছি তথাপি প্রতিজ্ঞা করিতে পারি শ্রী রাম শিরোমণিকে ঠেকাইতে আমারদিগের বহলাঙ্গান হইবেক না, শিরোমণি মহাশয় কি ভুলিয়া গিয়াছেন, ৮মধুদন শাস্ত্রাল মহাশয়ের পিতার একোদ্বিষ্ট শ্রীক্ষে ব্যাপ্তানুগম মথুরাটীকার কি তিনি ঠেকেন নাই এবং মৃত উমাচরণ বন্দ্যোপাধ্যায় মহাশয়ের গরাণহাটীর বাড়ীতে যখন সপ্তাহব্যাপক বিচার হয়, তখন কি ব্যতিকরণ ধর্মাবলম্বিত্যে গ্রন্থের ভট্টাচার্য্য টীকার তিন দিবস পরাজয় মানেন নাই, বহুনাথ বাবুর ধর্মপুরের বাগানে স্মাপূজার নিমন্ত্রণে তাঁহাকে পরামর্শ গ্রন্থের জগদীশ টীকার পরিহার স্বীকার করিতে হইয়াছিল, ৮প্রাপ্ত রাধাচরণ স্মার পঞ্চানন, কাশীনাথ স্মার-বাচস্পতি, নীলমণি স্মারপঞ্চানন, দেবনাথ তর্কসিদ্ধান্তাদি মধ্যস্থ ছিলেন, শিরোমণি মহাশয় আমারদিগকে মারিবেন কি আমরা

পঠদশার তাঁহাকে মারিয়া রাখিয়াছি আমারদিগের অসাক্ষাতে দুর্কচন বলিয়াছেন আমরা সহ্য করিতে পারিব না, হয় যাহা বলিয়াছেন আমারদিগকে মারিবেন তাহাই করুন, না হয় দাঁতে কুটা করিয়া বলুন, কুর্কর্ম করিয়াছি, দেবল ব্রাহ্মণেরাও আমারদিগকে ভয় দেখান কি ঘণার বিষয়।”

নন্দকুমার স্মারচুঞ্চু

খুলনা-জেলার অন্তর্গত “কুমীরা”-নামক গ্রামে ১৭০৭ খৃষ্টাব্দে মাণিক্যচন্দ্র ভট্টাচার্য্য (তর্কভূষণ) মহাশয় জন্মগ্রহণ করেন। অষ্টাদশ শতাব্দীর মধ্যভাগে তিনি নৈহাটী-গ্রামে আসিয়া বসতি করিবার কিছু পরেই একটি চতুষ্পাঠী খুলেন। তিনি ন্যায়শাস্ত্র তিন্ন অন্য কোন শাস্ত্রের অধ্যাপনা করিতেন না। ন্যায়শাস্ত্রে তাঁহার অগাধ পাণ্ডিত্য ছিল। ১৮০৬ খৃষ্টাব্দে তাঁহার মৃত্যু হয়। তাঁহার মৃত্যুর পরে তাঁহার চতুর্থ পুত্র নীলমণি ন্যায়পঞ্চানন টোল-রক্ষা করেন। মাণিক্য-চন্দ্রের দ্বিতীয় পুত্রের নাম শ্রীনাথ তর্কালঙ্কার বর্দ্ধমানের রাজবাটী হইতে বিদায় লইয়া আসিবার সময় সিজ-ডুমুরদহের ডাকাতেরা তাঁহার প্রাণনাশ করে। তৎকালে তাঁহার বয়ঃক্রম ২৭ বৎসর মাত্র। এই অল্প বয়সেই তিনি পিতার ন্যায় প্রবল নৈয়ায়িক হইয়া উঠিয়াছিলেন। শ্রীনাথের মৃত্যুর পরে নীলমণি ন্যায়পঞ্চানন টোল রাখিয়া দিলেন। তাঁহার মৃত্যুর পরে শ্রীনাথের পুত্র রামকমল ন্যায়রত্ন মহাশয় চতুষ্পাঠী রক্ষা করেন। রামকমল ও গৌরীশঙ্কর তর্কবাগীশ (গুড়গুড় ভট্টাচার্য্য) নীলমণির প্রিয় ছাত্র ছিলেন। ১৮০২ খৃষ্টাব্দে রামকমলের জন্ম ও ১৮৬১ খৃষ্টাব্দে তাঁহার মৃত্যু হইয়াছিল। রামকমলের ৬টা পুত্র ও ১টা কন্যা। পুত্রগুলির নাম,—নন্দকুমার, রঘুনাথ, বহুনাথ, হেমনাথ, হরপ্রসাদ ও মেঘনাদ। নন্দকুমার নিঃসন্তান থাকিয়া ১৮৬২ খৃষ্টাব্দে প্রাণত্যাগ করেন। রঘুনাথ গড়োয়া-লের রাজমন্ত্রী ছিলেন। তাঁহার দুই পুত্র,—পুলিনবিহারী ও শিবনাথ। পুলিনবাবু লক্ষ্মী-স্কুলে শিক্ষকতা করিতেছেন। শিবনাথ বাবু মেডিক্যাল-কলেজ হইতে এম-বি পরীক্ষায় গৌরব-সহকারে উত্তীর্ণ হইয়াছেন। তাঁহার যশঃ-সৌরভ চতুর্দিকে পরিব্যাপ্ত হইয়াছে। এক্ষণে তিনি শ্রামবাজারে চিকিৎসা করিতেছেন। বহুনাথ ও হেমনাথ অল্প বয়সেই প্রাণত্যাগ করিয়াছেন। হরপ্রসাদ অন্য কেহই নন,—ইনি

আমাদের বর্তমান মহামহোপাধ্যায় পণ্ডিত শ্রীযুক্ত হরপ্রসাদ শাস্ত্রী মহাশয়। যেমনাদবাবু জয়পুর কলেজের ভাইস-প্রিন্সিপ্যাল ছিলেন। তাঁহার কনিষ্ঠ পুত্র গঙ্গুগোপাল বাবু এখন কলিকাতা প্রেসিডেন্সী কলেজের অধ্যাপক।

রামমাণিক্য বিদ্যালয়কার মহাশয় ষোল নৈরায়িক ছিলেন। রতন রায় মহাশয় তাঁহার অগাধ পাণ্ডিত্য দেখিয়া তাঁহাকে বরাহনগর-আলমবাড়ীতে তাঁহার বসতি-বাটী ও চতুষ্পাঠী করিয়া দিয়াছিলেন। কিন্তু বোর্নিও কোম্পানী সেই বাটী ও ভূমি অধিকার করিয়া লইলে রতন-বাবু তাঁহাকে কাশীপুরস্থ নিজ বাটীর পশ্চিম দিকে তাঁহার বাটী নির্মাণ করাইয়া দেন। কালক্রমে রতনবাবুর সহিত তাঁহার কিঞ্চিৎ মনোমালিন্য হইলে তিনি ১৮৪৫ খৃষ্টাব্দে কলিকাতা সংস্কৃত-কলেজে “এসিষ্ট্যান্ট-সেক্রেটারী” হন। ১০ মাস কর্ম করিয়া তিনি প্রাণত্যাগ করিলে ঈশ্বরচন্দ্র বিদ্যাসাগর মহাশয় সেই পদ গ্রহণ করেন। ১৮৪৬ খৃষ্টাব্দে রামমাণিক্যের মৃত্যু হয়। নন্দকুমার স্বীয় মাতামহ রামমাণিক্যের নিকটেই ন্যায়শাস্ত্র অধ্যয়ন করিয়াছিলেন। বাল্যকাল হইতেই তাঁহার অসাধারণ প্রতিভা দেখা গিয়াছিল। তাঁহার মত বিচার-মন্ত ছাত্র তৎকালে দেখা যাইত না। ১৮৩৫ খৃষ্টাব্দে তাঁহার জন্ম এবং ১৮৬২ খৃষ্টাব্দে তাঁহার মৃত্যু হইয়াছিল।

শ্রীরাম শিরোমণি

“শব্দ-শক্তি-প্রকাশিকা”—গ্রন্থকার সুবিখ্যাত জগদীশ তর্কালঙ্কারের শেখাবস্থায় গদাধর ভট্টাচার্য্যের আবির্ভাব। ইনি বারেন্দ্র-শ্রেণীয় ব্রাহ্মণ ছিলেন। ইঁহার পিতার নাম জীবীচাৰ্য্য বা জীবদেব ভট্টাচার্য্য। পাবনা-জেলার অন্তর্গত “লক্ষীচাপড়”-নামক ক্ষুদ্র পল্লী তাঁহার আদি নিবাস স্থল। তিনি সপুত্র নবদ্বীপে আসিয়া বসতি করেন। গদাধর বহুকষ্টে বিদ্যাশিক্ষা করিয়া তবে চতুষ্পাঠী খুলিতে পারিয়াছিলেন। তিনি ৬৪ খানি ন্যায়শাস্ত্রের গ্রন্থ রচনা করেন। এই সকল গ্রন্থ বর্তমান সময়ের নৈরায়িকগণ এখনও পাঠ করিয়া থাকেন। নবদ্বীপে এখনও লোকে বলিয়া থাকে

হরের গদা, গদার জয়।

জয়ার বিত্ত, লোকে কয় ॥

ইঁহার অর্ধে এই যে, হরিরামের ছাত্র গদাধর ভট্টাচার্য্য,

গদাধরের ছাত্র জয়রাম এবং জয়রামের ছাত্র বিশ্বনাথ প্রধান।

গদাধরের বংশধর গণ এখনও নবদ্বীপে বাস করিতেছেন। তাঁহাদের নাম যথাক্রমে এই :—গদাধর ভট্টাচার্য্য, কৃষ্ণদেব তর্কভূষণ, হরদেব ন্যায়ভূষণ, কৃষ্ণকান্ত বিদ্যালয়কার, শ্রীরাম শিরোমণি, ভুবনমোহন বিদ্যারত্ন, নগেন্দ্রনাথ কাব্য-ব্যাকরণ-তীর্থ।

এই সময়ে নবদ্বীপে শ্রীরাম শিরোমণি ও মাধব তর্ক-সিদ্ধান্ত, এই দুই জন প্রধান নৈরায়িক ছিলেন। মাধব তৎকালে নলডাঙ্গার রাজসভার সভাপতি থাকিয়া সেইস্থানে অধ্যাপনা করিতেন। তিনি বিচার-সভায় নির্দিষ্ট সময়ে উপস্থিত হইতে না পারায়, শ্রীরাম শিরোমণিই প্রাধান্য লাভ করেন। আলোকনাথ ও গোলোকনাথ তাঁহার প্রধান ছাত্র ছিলেন। বেনারস-কলেজে শাস্ত্র-শাস্ত্রের সর্ব-প্রধান অধ্যাপক স্বর্গত পূজনীয় মহামহোপাধ্যায় কৈলাসচন্দ্র শিরোমণি মহাশয় এই গোলোকনাথের প্রিয় ছাত্র ছিলেন। শিরোমণি মহাশয়ের মুখে শুনিয়াছি, গোলোকনাথের মত প্রতিভাবান্ ছাত্র তৎকালে নবদ্বীপে কেহই ছিলেন না। শ্রীরাম শিরোমণির পুত্র তাঁহার পুত্র ভুবনমোহন বিদ্যারত্ন মহাশয় পিতার টোল রক্ষা করিয়াছিলেন। ভুবনমোহনই গদাধর ভট্টাচার্য্যের নাম রাখিয়া দেহত্যাগ করিয়াছেন। এজন্য নৈরায়িক-গণ এখনও বলেন “ভুবনমোহন গদাধরঃ।” ভুবনমোহনের পুত্র বহুবর সুপণ্ডিত শ্রীযুক্ত নগেন্দ্রনাথ ভট্টাচার্য্য কাব্য-ব্যাকরণতীর্থ মহাশয় এখন সেন্টপল্‌স্-স্কুলে সুযোগ্য ও প্রধান সংস্কৃত-অধ্যাপক।

রতনবাবুর বাটীতে বিচার করিয়া শ্রীরাম শিরোমণি রোগে আক্রান্ত হন। এ সময়ে শুড় শুড়ে ভট্টাচার্য্য লিখিয়াছেন :—

সংবাদ ভাস্কর

১৮ মার্চ, ১৮৫৪ চৈত্র, ১২৩০. শনিবার।

সাধারণ হুঃখজনক পক্ষাঘাত।

“আমরা অত্যন্ত পরিতাপিত হইয়া লিখিতেছি নিদারুণ পক্ষাঘাত নবদ্বীপের প্রধানাধ্যাপক শ্রীযুক্ত শ্রীরাম শিরোমণি ভট্টাচার্য্য মহাশয়কে অকস্মাৎ কৃষ্ণগত করিয়াছে। ভট্টাচার্য্য মহাশয় শ্রীযুক্ত বাবু রামরত্ন রায় মহাশয়ের পিতাঠাকুরের একোন্দিষ্ট সভায় শাস্ত্র-বিচারে কোত প্রাপ্ত হইয়াছিলেন সেই কোতনিবারনার্থে বাবু কাশীপুরের উপবেশনার্থে যাত্রা করেন, তাহাতেও পরাজিত

হইয়া খাশ্ত জন্ত মহিষাদলে বান, তথা হইতে আসিয়া পক্ষাঘাতের কবলগত হইয়াছেন, আমরা কোম্পানি-বাহাদুরের চিকিৎসালয়ের উপযুক্ত ডাক্তার শ্রীযুক্ত নেলার সাহেবের প্রমুখ্য এই অমঙ্গল সমাচার শ্রবণ করিয়া পরিতাপিত হইয়াছি, শিরোমণি মহাশয় প্রতিজ্ঞা করিয়াছিলেন বরং কলিকাতার আসিবেন না তথাচ আমারদিগকে নির্ধাত গ্রহণ করিবেন এবং কটুকাটব্য বৃত্ত বলিয়াছেন আমরা তাহা লিখিতে লজ্জাজ্ঞান করি, কিন্তু আমারদিগের সাক্ষাতে বলিতে পারেন নাই এজন্য আমরা আক্ষেপ করিয়াছিলাম এবং বাসনা ছিল পুনর্বার কোন সভায় যদি শ্রীরামের দর্শন পাই তবে তাঁহাকে মিষ্টবাক্যে কষ্ট দিব, কিন্তু ভট্টাচার্য্য মহাশয়ের দাস্তিকতা ও কটুভাবিতার পরে ত্রিগন্ধও গেল না ইহার মধ্যেই পক্ষাঘাতে আঘাতী হইলেন। হে পরমেশ্বর, শ্রীরাম শিরোমণি ভট্টাচার্য্য মহাশয়কে রক্ষা কর, নবদ্বীপ সমাজের নাম থাকুক, শ্রীরাম শিরোমণির পরে নবদ্বীপের নাম রাখিতে পারেন এমন মনুষ্য কে আছেন? লক্ষ্মীকান্তের লক্ষ্মী সরিয়াছেন,

ব্রজনাথ পক্ষপাত করেন, মাথবে বিচার-মধু দেখিতে গাই না, তবে আর কে আছেন? লোকেরা গোলোকে নির্ভর করুন।”

রতন বাবুর অর্থব্যয়ে ও নেলার-সাহেবের চিকিৎসায় শ্রীরাম শিরোমণি হুহু হন। এসম্বন্ধে গুড়গুড়ে ভট্টাচার্য্য লিখিয়াছেন :—

সংবাদ ভাস্কর

১১ এপ্রিল, ১৮৫৪। ৩০ চৈত্র, মঙ্গলবার, ১২৩০।

“নবদ্বীপের প্রধানাধ্যাপক শ্রীরাম শিরোমণি ভট্টাচার্য্য মহাশয় পক্ষাঘাত রোগের কুক্ষিগত হইয়াছিলেন। শ্রীযুক্ত বাবু রামরত্ন রায় মহাশয় বহুব্যয়ে তাঁহাকে এষাত্মীয় রক্ষা করিলেন। উপযুক্ত ডাক্তার শ্রীযুক্ত নেলার সাহেবের হুচিকিৎসায় ভট্টাচার্য্য মহাশয়ের হস্তপদাদি বহিরিল্লির সকল স বল হইয়াছে, উদরাময় নিরাময় হইলেই নবদ্বীপের বাটতে যাইয়া যাবজ্জীবন রামরত্ন বাবুকে আশীর্বাদ ও ডাক্তার সাহেবকে ধন্যবাদ দিবেন।”

সাগরিকা

(গল্প)

[শ্রী প্রফুল্লকুমার সরকার, বি-এ]

এক

প্রশান্ত কলিকাতার কোন বেসরকারী কলেজের অধ্যাপক। বয়স ৩০।৩২ বৎসর, কিন্তু এখনও অবিবাহিত। যে সমাজে বিবাহ করাটাই সাধারণ নিয়ম, সেখানে প্রশান্তের এই কোমার্যের নিগূঢ় রহস্য আবিষ্কারের জন্ত যে নানা বিচিত্র গবেষণার সৃষ্টি হইবে, তাহাতে আর আশ্চর্য্য কি!

বলা বাহুল্য, এই গবেষণালব্ধ ফল সকলের একরকম ছিল না। প্রশান্তের সমবয়স্ক বন্ধু-বান্ধবেরা বলিত, ‘ম্যাল-থাসের ‘খিওরি’ পড়িয়া তাহাতে মাথা বিগড়াইয়া গিয়াছে, তাই সে বিবাহ করিতে নারাজ। প্রশান্তের অপরাধ, সে ম্যালথাসের মতবাদ সম্বন্ধে কিছুকাল পূর্বে কোন সভায় একটি বক্তৃতা করিয়াছিল। প্রবীণেরা কিন্তু এ কথায় কাণ দিতেন না। প্রশান্তের গৃহে স্বামী জ্ঞানানন্দ নামক একজন সন্ন্যাসী কোন এক সেবাশ্রমের চাঁদা আদায়ের জন্ত মাঝে মাঝে আসিতেন। প্রবীণেরা এই ঘটনা হইতে দৃঢ় সিদ্ধান্ত করিয়া বলিয়াছিলেন যে, প্রশান্ত স্বামীজীর শিষ্য হইয়াছে এবং লোটা কখন লইয়া কবে অকস্মাৎ হরিদ্বার যাত্রা করিবে, তাহার ঠিকানা নাই। এইরূপ আশঙ্কা ব্যক্ত করিয়া প্রশান্তের বৃদ্ধ পিতৃব্য, প্রতিবেশীদের কাছে, গোপনে ছ’ এক ফোঁটা চোখের জলও ফেলিয়াছিলেন, শোনা যায়।

প্রশান্তের তরুণ ছাত্রেরা কিন্তু বলিত, ও সব বাজে

কথা। তাহারা পাকা খবর জানে, মাষ্টার মশায় একজন বি-এ পাশ করা দেশী খৃষ্টান মেয়ের গ্রেমে পড়িয়া গিয়াছেন এবং তাহারই ফলে এই বিপত্তি। প্রশান্ত খৃষ্টান হইতে চাহেন না, মেয়েটীও হিন্দু হইতে নারাজ। সুতরাং দুইজনেই চক্রাক মিথুনের চার নদীর দুই পাশে বসিয়া হা-হতাশ করিতেছেন। খৃষ্টান মেয়েটির অসাদারণ রূপ গুণ সম্বন্ধেও ইতিমধ্যেই ছাত্রমহলে নানা কোতূহলপূর্ণ সংবাদ রটিয়া গিয়াছিল, - যদিও ঐ মেয়েটীকে স্বচক্ষে দেখিয়াছে, এমন কথা কেহই হলপ করিয়া বলিতে পারিত না।

এ সব অদ্ভুত গবেষণা যে প্রশান্তের কাণে না আসিত, এমন নয়। কিন্তু সে কখন কোন প্রতিবাদ করিত না, একটু হাসিত মাত্র। বৃদ্ধা পিসীমা বিবাহের কথা উঠাইয়া পীড়াপীড়ি করিলে, প্রশান্ত কহিত, —“বিয়ে করে এনে খেতে দেব কি, পিসীমা?” পিসীমা গালে হাত দিয়া বলিতেন,—“শোন একবার হেলের কথা, আমরা সকলে যেন না ধেয়েই আছে!”

কারণ যাহাই হউক, প্রশান্ত লোকটী একটু গস্তীর, অল্প-মনস্ক প্রকৃতির ছিল। সে কাহারও সঙ্গে বড় একটা মিশিত না; হাসি গল্পগুজব করিতে তাহাকে কচিং দেখা যাইত, — কোনরূপ আমোদ-প্রমোদ-উৎসব পাটী প্রভৃতিতেও সে কখনও যোগ দিত না। কলেজে পড়াইবার জন্ত তাহাকে একবার যাইতে হইত, তা ছাড়া সে বড় একটা বাড়ীর

বাহির হইত না, অধ্যয়নেই ডুবিয়া থাকত ;—প্রায়ই গভীর রাত্রি পর্যন্ত তাহার পড়ার ঘরে আলো জ্বলিতে দেখা যাইত। সংসারে কি হইত না হইত, তাহারও কোন সংবাদ সে রাখিত না, বৃদ্ধ পিতৃবা এবং বৃদ্ধা পিসীমার উপরেই ও-ভার দিয়া সে নিশ্চিত ছিল।

কেবল একটা বিষয়ে প্রশান্তের খুব উৎসাহ ছিল। কলেজের ছুটি হইলে আর এক মূহুর্ত্ত প্রশান্ত কলিকাতায় থাকিত না, বাঙ্গালার বাহিরে কোনস্থানে ভ্রমণে বহির্গত হইত। এইরূপে উত্তর, পশ্চিম ও দক্ষিণ ভারতের অনেক স্থানেই সে ভ্রমণ করিয়াছিল। তাহা মনে যে অন্তর্গত বেদনা ছিল, এই 'ভবঘুরে রক্তিতে' তাহার কিছু শান্তি হইত কি না কে জানে!

এবার গরমের ছুটিতে প্রশান্ত পুরীতে বেড়াইতে বাহির হইল। চক্রতীরের উপরেই তাহার কোন বন্ধুর একখানি বাড়ী খালি ছিল, সেইটাই সে দখল করিয়া বসিল।

কলিকাতা হইতে আসিবার সময় বন্ধু প্রশান্তের কাণে কাণে বলিয়াছিলেন,—“কোন বাঙ্গালিনীকে তো পছন্দ হ'ল না, এবার না হয় কোন উৎকল-সুন্দরীর চরণেই আত্মসমর্পণ কর।” এই পরিহাসেও প্রশান্ত তাহার অভ্যাস-মত মুহু হাস্য করিয়াছিল মাত্র, কোন উত্তর দেয় নাই।

বাড়ীখানি সমুদ্রের খুব নিকটেই। সম্মুখেই কিছুদূর পর্যন্ত বালিয়াড়ী, তাহার পরই বিস্তীর্ণ জলরাশি। প্রশান্তের মন এই দৃশ্য দেখিয়া নাচিয়া উঠিল। কিন্তু পরক্ষণেই একটা তীব্র নৈরাশ্রের হাহাকার তাহার অন্তরে ধ্বনিত হইয়া উঠিল। পাঁচ বৎসর পূর্বে আর একবার সে পুরীতে আসিয়াছিল। কিন্তু সে দিন আর এ দিনে কত প্রভেদ! সে দিন প্রশান্তের জীবন উৎসবের রাগিণীতে পূর্ণ ছিল, আকাশ-বাতাস সবই তাহার কাছে মধুময় বোধ হইত। আর আজ?—প্রশান্ত একটা মর্মান্তিক গভীর দীর্ঘনিঃশ্বাস ফেলিল।

কলিকাতায় সব সময়ে যেমন সে গৃহকোণে আবদ্ধ হইয়া থাকিত, পুরীতে আসিয়া কিন্তু ঠিক তাহার বিপরীত হইল। গৃহে আর প্রশান্তের মন বসিত না, অধিকাংশ সময় সমুদ্রের ধারেই সে কাটাইয়া দিত। প্রত্যুষে উঠিয়াই সে সমুদ্রতীরে যাইত এবং সূর্যোদয়ের পূর্বে সমুদ্রের শান্ত মুক্তি উপভোগ করিত। তারপর সমুদ্র-গর্ভ হইতে ধীরে ধীরে সূর্যের আবির্ভাব—সে অপূর্ব দৃশ্য যে না দেখিয়াছে, সে কখনও কল্পনা করিতে পারবে না। বেলা হইলে বহুক্ষণ ধরিয়া সমুদ্রস্নান করিয়া প্রশান্ত বাড়ী ফিরিত।

যেকালে রোদের তেজ কমিলেই আবার সে বাহির হইয়া পড়িত। সন্ধ্যার আধারে সমুদ্রের গভীর শোভা তাহার বড় ভাল লাগিত। বালির উপর শুইয়া তরঙ্গ-মালায় অশ্রদ্ধ কলরোল, মাঝে মাঝে হকার ও গর্জন

শ্রুতিতে শ্রুতিতে সে নিজের হৃদয়ের হাহাকার কিছুক্ষণের জন্য বিম্বত হইত।

সমুদ্রের ধারে বহু লোকই বেড়াইত, কিন্তু তাহাদের কাহাকেও প্রশান্তের পরিচিত বোধ হইত না। কাহারও সঙ্গে যাচিয়া আলাপ করিবার মত মনের উৎসাহও তাহার ছিল না। সকাল-সন্ধ্যায় অনেক বাঙ্গালা মহিলাও সমুদ্রের ধারে বেড়াইতেন। বাঁগার পর্দানশীন কুলবধু, তাঁহারাই এই সমুদ্রতীরে আসিয়া কেমন “অকুণ্ঠিতা অনব-শুষ্ঠিতা” হইয়া উঠেন, তাহা লক্ষ্য করিয়া প্রশান্ত বেশ কৌতুক অনুভব করিত।

সঙ্গে সঙ্গে কিন্তু মনে ভাসিয়া উঠিত আর একজনের ছবি,—পাঁচ বৎসর পূর্বে এই সমুদ্রের ধারেই তো তাহাকে সে প্রথম দেখিয়াছিল। তখন সবেমাত্র প্রভাত হইয়াছে, সূর্যোদয় সমুদ্রগর্ভ হইতে তখনও সম্পূর্ণরূপে প্রকাশ পান নাই। কেবলমাত্র অরুণ রাগরেখা-সাগর বারির উপরে পড়িয়া মুহূর্ত্ত-বিক্ষেপে আন্দোলিত হইতেছে। ভ্রমণ-কারীর দল তখনও সমুদ্র-তীরে আসিয়া পৌঁছায় নাই। প্রশান্ত অন্তমনস্কভাবে বারিরাশির দিকে চাহিয়া ধীরে ধীরে চলিতেছিল। সহসা কানে আসিল সঙ্গীতেরই মত অপূর্ব মধুর কলহাস্তধ্বনি! চাহিয়া দেখিল, একটা ১৬১৭ বৎসরের কিশোরী, বালির উপরে চঞ্চলা হরিণীর মতই ছুটাছুটি করিয়া কিছুকুড়াইয়া বেড়াইতেছে। অদূরে একজন শ্রোত্র বস্ত্র ভুল্লোক দাঁড়াইয়া কিশোরীর দিকে চাহিয়া মুহু মুহু হাসিতেছেন।

যেঘেটা আবদারের সুরে বলিতেছিল,—“এদিকে এস না, বাবা! কত বড় একটা কিছুক পেয়েছি দেখ,— এই কিছুকেই নিশ্চয়ই মুক্তা হয়—”

পিতা কৃত্রিম রোষ প্রকাশ করিয়া বলিলেন,—“রাজ্যের কিছুক নিয়ে করবে কি,—যর যে একেবারে বোঝাই হ'য়ে গেছে! শেষকালে তোর কিছুক বইবার অল্পই একটা মালগাড়ী ভাড়া করতে হবে দেখছি!” কিশোরী মুখখানি গভীর করিয়া বলিল,—“বেশ, তবে কাজ নেই—” বালির সংগৃহীত কিছুকগুলি সজোরে সমুদ্রের তলে ফেলিয়া দিল।

“অমনি রাগ হ'ল মে:য়ব?” বলিতে বলিতে শ্রোত্র সন্মিত মুখে কস্তার নিকটে আসিয়া দাঁড়াইলেন।

প্রশান্তের গাভশক্তি রুদ্ধ হইয়া গিয়াছিল, সে মুখ নয়নে চাহিয়া পিতাপুত্রীর আদর-অভিমানের পালা দেখিতেছিল। তাহার চক্ষুর্দ্বয় বাহিরের অল্প সমস্ত দৃশ্য হইতে প্রত্যাবৃত্ত হইয়া ঐ লীলাময়ী চঞ্চলা কিশোরীর উপরেই নিবদ্ধ হইয়াছিল।

কাব্যে উপস্থানে তো বহু সুন্দরীর বর্ণনাই সে পড়িয়াছে। বন্ধিমের কপালকুণ্ডলা, কালদাসের ভবাগ্রামা বিরাহণী বন্ধপন্নীর স্নপও মাঝে মাঝে সে কল্পনার ধ্যান

করিয়াকে। কিন্তু এমন সৌন্দর্য্য তো সে কখনও দেখে
নাই। কল্পনাও করে নাই!

হঠাৎ কিশোরীর দৃষ্টি পড়িল ভাব-বিহ্বল প্রশান্তের
উপর। একজন অপরিচিত যুবককে এইভাবে দাঁড়াইয়া
ধাকিতে দেখিয়া সে একটু লজ্জিত অপ্রস্তুত হইল। নিম্ন-
পিতাকে বলিল,—“বাবা, গল যাই, ওই দেখ, কে এক-
জন ওখানে ‘হাঁ’ ক’রে চেয়ে আছে!”

প্রোঢ় ভদ্রলোকটি প্রশান্তের দিকে চাহিয়া ঈষৎ
হাসিলেন। তারপর নিজেই একটু অগ্রসর হইয়া
বলিলেন,—“সূর্য্যোদয়ের শোভা দেখতে বেরিয়েছেন বুঝি!
আমারও এই সময়টা বড় ভাল লাগে।”

প্রশান্ত তখন পর্য্যন্ত আশ্চর্য হইতে পারে নাই। একটু
ধতমত খাইয়া বলিল,—“আজ হ্যাঁ—রোজই আসি—”

প্রোঢ় কহিলেন,—“কবে পুরী এসেছেন? আপনাকে
তো এর আগে সমুদ্রের ধারে দেখি নাই।”

প্রশান্ত বিনীতভাবে উত্তর দিল—“এই তিন চার দিন
হ’ল—”

“ও, তাই বলুন! কতদিন থাকিবেন ঠিক করে-
ছেন—?”

প্রশান্ত কুণ্ঠিতভাবে বলিল,—“এখনও কিছু ঠিক করি
নাই।”

এই কথা-বার্তার সময়ে কিশোরী নীরবে পিতার
পার্শ্বে দাঁড়াইয়াছিল এবং মাঝে মাঝে অপাঙ্গে প্রশান্তকে
দেখিয়া লইতেছিল। প্রশান্ত একবার সেদিকে চাঙিতেই
ছুইজনের চোখাচোখি হইয়া গেল। প্রশান্ত চকিতে চক্ষু
ফিরাইয়া লইল, তাহার কপাল ঝামিয়া উঠিল।

পিতার কাণে কাণে কিশোরী কি যেন বলিল। যুহু
হাসিয়া প্রোঢ় কহিলেন,—“এরই মধ্যে বাড়ী ফেরবার
জন্ত ব্যস্ত হ’য়ে উঠেছিস? অতদিন তো সাধাসাধি করলেও
যেতে চাস্ নে—!”

তারপর কি ভাবিয়া প্রশান্তের দিকে চাহিয়া বলিলেন,
—“এটা আমার মেয়ে সুনীলা। বড় লাজুক!”

সম্মেহ হাশ্বে প্রোঢ়ের মুখ কোমল হইয়া উঠিল।

সে দিন সমুদ্র-তীর হইতে প্রশান্ত যে মনের অবস্থা লইয়া
কিরিল, তাহা কোন যুবকের পক্ষেই নিরাপদ বলা যায় না।
প্রশান্তের কেবলই মনে পড়িতে লাগিল, সেই হরিণীর মত
লীলা-চঞ্চলা কিশোরীর কথা, তাহার সেই হাস্তোজ্জ্বল
মুখ, সঙ্গীতের মত মধুর কলহাস্ত, অপূর্ব কণ্ঠস্বর,—আবার
পিতার উপর অভিমানে বিষম গভীর বদন! না,—ওই
প্রোঢ় ভদ্রলোকটিরও বড় অগায়! অমন কলের মত
কোমল স্বদয়ে তিনি আঘাত করিলেন কোন প্রাণে?
গোটাকয়েক বেশী ঝিঝুকাই না হয় কুড়াইয়াছিল ও,—তার
জন্ত এমন তিরস্কার! আছা ওর মুখখানি তখন কেমন

মান-বিষম হইয়া গিয়াছিল, চোখ দুটা ছল ছল করিতেছিল!
অতি কষ্ট করিয়া কুড়ান ঝিঝুকাইলা কত দুঃখেই ও জলে
ছুঁড়িয়া ফেলিয়াছিল! প্রশান্ত হইলে কখনও ওকে এমন
তিরস্কার করিতে পারিত না, হাজার অপরাধ করিলেও নয়!
এই বুড়ার দল নিজেদের হিসাবী বলিয়া জাঁক করেন বটে,
কিন্তু অনেক সময় ওদের কাণ্ডজ্ঞান থাকে না। যাক,—
প্রশান্ত আজই বৈকালে সমুদ্র-তীরে যাইয়া অনেক ঝিঝুকা
সংগ্রহ করিবে, এবং কাল সকালে মেয়েটাকে দিবে।
তাহা হইলেই বোধ হয় ওর মনের দুঃখ যুচিবে!...

সে দিন বৈকালে সমুদ্রের ধারে যাইয়া প্রশান্ত সত্য
সত্যি রাশীকৃত ঝিঝুকা কুড়াইল। কিন্তু পরদিন সে যখন
প্রত্যাষে বেড়াইতে বাহির হইল, তখন সেওলা সঙ্গে লইয়া
যাইতে কেমন একটা সঙ্কোচ হইতে লাগিল। হয় তো মেয়েটি
একটু অবজ্ঞার হাশ্ব করিবে—প্রোঢ় ভদ্রলোকটিই বা
তাহার এই ছেলেমানুষী দেখিয়া কি মনে করিবেন! যাক,
সামান্ত পরিচয়ে এতটা বাড়াবাড়ি করা ঠিক নয়!...

সে দিন সমুদ্রের ধারে বসিয়া আবার পিতা-পুত্রীর সঙ্গে
দেখা হইল। আবার প্রশান্তের সঙ্গে প্রোঢ় ভদ্রলোকটির
আলাপ জমিল। এইরূপে ক্রমেই উভয় পক্ষে পরিচয় ঘনিষ্ঠ
হইতে লাগিল। অবশেষে “লাজুক” সুনীলারও লজ্জার বাধ
ভাঙিয়া গেল।

তরুণ তরুণীর বন্ধুত্ব যে কোন্ পথে, কি আশ্চর্য্য উপায়ে
অগ্রসর হইতে থাকে, তাহা পাকা মনস্তত্ত্ববিদেরাও বলিতে
পারেন না। তর্কশাস্ত্রের যুক্তি, স্মার-অন্তায়ের উচিত,
লাভ লোকসানের হিসাব—সংস্কারের সকল বাধা
অতিক্রম করিয়া পার্শ্বতা মনীর মতই উদাস গতিতে ছুটে।
গতিরোধ করিলে আরও তীব্র, আরও বেগবান হইয়া
দাঁড়ায়। প্রশান্ত ও সুনীলার বন্ধুত্বও এইরূপে সকল
বাধা অগ্রাহ্য করিয়া ক্রমে নিবিড় প্রেমে পরিণত হইল।

প্রোঢ় ভোলানাথবাবু যখন ব্যাপারটা বুঝিতে
পারিলেন, তখন তাঁহার মুখ অন্ধকার হইয়া উঠিল।
প্রশান্তকে একান্তে ডাকিয়া গভীরস্বরে বলিলেন,—“দেখ
বাপু, তুমি ব্রাহ্মণ, আমরা কায়স্থ; স্তত্রাং সুনীলার
সঙ্গে তোমার আর বেশী মেশামেশি না করাই ভাল!”
এবং পাকা বিষয়ীর মত সেইদিন রাত্রেই ভোলানাথবাবু
কণ্ঠসহ পুরী ত্যাগ করিলেন।

সন্ধ্যাকালে বিছাৎ-বিকাশের মত ক্ষণকালের জন্য
সুনীলা একবার প্রশান্তের নিকট বিদায় লইতে আসিয়া-
ছিল। সেই মুহূর্ত্তে প্রশান্ত বা সুনীলা কেহই একটা
কথাও বলিতে পারেন নাই। কেবল চিত্ত-পীড়িতবৎ পরস্পরের
মুখের দিকে একদৃষ্টে চাহিয়া রহিল অবশেষে প্রশান্ত
অর্ধস্মৃষ্ট স্বরে ডাকিল,—“সুনীলা!”

সুনীলা অস্তমান সূর্য্যরশ্মির মত স্নান হইয়া বলিল,
“বিদায়! আর হয় তো দেখা হ’বে না। কিন্তু এ জীবনে
আর কাউকে ভালবাস পারবো তুমি নিশ্চয়
জেনো -!”

প্রশান্তের মাথ ঘুরিতে লাগিল, দুই চক্ষু বাষ্পাচ্ছন্ন
হইল। পুনর্বার সে যখন মুখ তুলিয়া চাহিল, তখন
সুনীলা অদৃশ হইয়াছে। তাহার পরদিন প্রশান্তও
একেবারে কলিকাতায় ফিরিয়া আসিল, সমুদ্র তাহার
মনকে আর এক মুহূর্ত্তও আকর্ষণ করিয়া রাখিতে
পারিল না।

তিনমাস পরে প্রশান্ত একখানি হিন্দু রঙের নিমন্ত্রণ-
পত্র পাইল, ভোলানাথবাবু ছাপার অক্ষরে বন্ধুবান্ধবকে
জানাইয়াছেন যে, জগন্নাথগঞ্জের ধনী জমিদার পুত্রের সঙ্গে
তাহার একমাত্র কন্যা সুনীলার বিবাহ হইবে। প্রশান্ত
পত্রখানা জানালা গলাইয়া বাহিরে ছুঁড়িয়া ফেলিয়া দিল।...

অতীতের এই সব কথা ভাবিতে ভাবিতে
প্রশান্তের চিন্তা ও কল্পনা সংযমের বাধ ভাঙ্গিয়া সম্ভব-
অসম্ভবের সীমা ছাড়াইয়া কোথায় ভাসিয়া যাইত! কখন
কখন সহসা তাহার মনে হইত, কোন এক আশ্চর্য্য উপায়ে
সুনীলা আবার সেই সমুদ্রের ধারে ফিরিয়া আসিয়া কিছুক
কুড়াইতেছে! এমন কি সময় সময় মুহূর্ত্তের জন্য সুনীলার
মুহূ নিঃশ্বাসের স্পর্শ, কেশের সৌরভ সে যেন অতি নিকটে
অনুভব করিয়া, কখনও বা, শেষ বিদায়ের সময়কার তাহার
সেই বিষাদ-স্নান দৃষ্টি মনে ভাসিয়া উঠিত। কিন্তু সে
মুহূর্ত্তের জন্যই, পরক্ষণেই - স্বপ্ন দেখিয়া যাইত, প্রশান্ত এক
মর্ম্মভেদী দীর্ঘ নিঃশ্বাস ফেলিয়া বাণির উপরে হতাশ ভাবে
বসিয়া পড়িত।

দুই

কয়েক দিন পরে প্রশান্ত লক্ষ্য করিল সন্ধ্যার পর
অধিকাংশ লোক চলিয়া গেল, সে এম নহে, আর একটা
মেয়েও সমুদ্রের ধারে অনেকক্ষণ পর্য্যন্ত বসিয়া থাকে।
শুভ্রবসনে তাহার সর্বাঙ্গ আচ্ছাদিত, মুখের অর্ধাংশ
অবশুষ্ঠনে আবৃত। ধ্যান-মগ্না ষোগিনীর মতই সে নিশ্চল
ভাবে সমুদ্রের তরঙ্গমালার দিকে একদৃষ্টে চাহিয়া থাকে।
সন্ধ্যার অন্ধকারে তাহার আকৃতি স্পষ্ট দেখা যায় না, কিন্তু
অবয়বের রেখা দেখিয়া সে যে তরুণী তাহার অনুমান করা
কঠিন নহে।

কে এই তরুণী,—কেন সে এমনভাবে একাকিনী সমুদ্র-
তীরে বসিয়া থাকে? তরঙ্গমালার দিকে চাহিয়া কি
ভাবে? সে কি কোন প্রিয়-বিরহ-বিধুয়া? অথবা কোন
সংসার-ত্যাগিনী তরুণ-তপস্বিনী?

প্রশান্ত যতই দেখে, ততই তাহার নিকট সেই তরুণীকে
রহস্যময়ী বসিয়া বোধ হয়। যেয়েগীর যেন কোন দিকেই

ক্রক্ষেপ নাই, প্রশান্ত যে অদূবেই বসিয়া থাকে, বোধ হয়
কোন দিনও সে তাহা লক্ষ্যই করে নাই! সমুদ্রতীর
একটু নির্জন হইলে, প্রতাহ তাহার নিদ্দিষ্ট স্থানটিতে
আসিয়া বসে এবং প্রশান্তের উঠবার পূর্বেই চালয়া যায়।
ধীর-মধুর তাহার গতি, যেন কোন চাঞ্চল্য নাই, ব্যস্ততা
নাই! দেখিতে দেখিতে অন্ধকারের মধ্যে সহসা কোথায়
সে অন্তর্হিত হইয়া যায়। সময় সময় প্রশান্তের মনে হয়,
এ যেন কোন শরীরী মানবী নহে, কোন অদৃশলোক-
বাসিনী ছায়ামূর্ত্তি, অন্ধকারের বুক হইতেই আবিভূতা হয়,
আবার অন্ধকারেই মিশিয়া যায়! কিন্তু পরদিনই প্রশান্ত
আবার যখন সেই শুব্রবসনা মূর্ত্তি দেখে, তাহার ধীর-মধুর
গতি লক্ষ্য করে, তখন তাহার মন হইতে অশরীরী ছায়া-
মূর্ত্তির কল্পনা তিরোহিত হয়।

প্রশান্তের কৌতূহল ক্রমেই বাড়িতে লাগিল। প্রতিদিন
তাহারই অদূরে একটা তরুণী বসিয়া থাকে, অথচ সে
তাহার সম্বন্ধে কিছুই জানে না, তাহার মূর্ত্তিখানি পর্য্যন্ত
দেখিতে পায় না, এ চিন্তা তাহার মনকে কি জানি কেন
একটু পীড়া দিতে লাগিল। এক-একবার তাহার ইচ্ছা
হইত, মেয়েটির সঙ্গে নিজেই যোগিয়া আলাপ করে। কিন্তু
যে সমাজে পুরুষ ও নারীর মধ্যে এমন দুর্লভ্য ব্যবধান, সে
সমাজের লোক হইয়া একটা অপরিচিতা তরুণী মহিলার
সঙ্গে আলাপ করিতে যাওয়া,—এ যে তাহার পক্ষে অসম্ভব
ধৃষ্টতা! আচ্ছা এই মেয়েটির মনেও কি কোন কৌতূহল
জাগে না,—প্রশান্তের অস্তিত্বটুকু পর্য্যন্ত কোন দিনই সে
অনুভব করে নাই, প্রশান্তের সঙ্গে কথা বলিতে তাহার কি
একবারও ইচ্ছা হয় না! অথবা হইলেও, কঠিন সংস্কারের
বন্ধনকে অতিক্রম করিতে সেও তাহারই মত অক্ষম!
দুইটা নর-নারী এমনই ভাবে প্রতিদিন পরস্পরের অদূরে
বসিয়া থাকে,—অথচ তাহাদের মধ্যে অজ্ঞাত রহস্যের
কি দুর্লভ্য ব্যবধান!

কিন্তু একদিন অত্যন্ত অপ্রত্যাশিত ভাবেই এই রহস্যের
দ্বার উন্মুক্ত হইল। পুরাতন বর্ষের অবসানে বৈশাখ মাস
সবেমাত্র কালের রক্তভূমিতে পদক্ষেপ করিয়াছে। কিন্তু সে
দিন এমন অকস্মাৎ, সে যে কালবৈশাখীর রুদ্ধসীমা দেখাইবে
তাহা প্রশান্ত বা অপরিচিতা তরুণী কেহই বোধ হয় ভাবে
নাই। সমুদ্রতীরের কালবৈশাখী,—সে একটা ছোটখাট
প্রলয়কাণ্ড! সাগরের জল গঞ্জিয়া ফুলিয়া উঠিতেছে,
তরঙ্গের পর তরঙ্গ আসিয়া উত্তেজিত মত তাহার উপরে
আছড়াইয়া পড়িতেছে, সমস্ত আকাশ বোর কালো মেঘে
আচ্ছন্ন। অকস্মাৎ একটা ঘূর্ণিঝড় সমুদ্রতীরের বাণি
উড়াইয়া দিক্ আচ্ছন্ন করিয়া ফেলিল। তাহার পর
আসিল, পদাতিক সৈন্যের মত মূবনধারে বৃষ্টি! প্রথম ঝড়
উঠিতেই প্রশান্ত পলাইতে চেষ্টা করিল, কিন্তু বাণির

ঝাপটায় তাহার চোখ অন্ধকার হওয়াতে সে পলাইতে পারিল না। একটু পরে, চোখ চাহিতে সক্ষম হইলে, সে সত্যে দেখিল, অদূরে সেই তরুণী ঘূর্ণিবাত্যার বেগে মাটিতে পড়িয়া গিয়াছে। প্রশান্তের এতক্ষণ মেয়েটির কথা মনেই হয় নাই। মনে মনে এজন্ত সে নিজেকে সহস্রবার ধিক্কার দিল। এখনই যাইয়া এ বিপদে যে মেয়েটিকে সাহায্য করা উচিত, তাহাতে কোন সন্দেহই থাকিতে পারে না। কিন্তু প্রশান্ত এক বিষম বিধায় পড়িল। সে কি উপযাচক হইয়া একজন অপরিচিতা তরুণীকে সাহায্য করবার জন্ত অগ্রসর হইবে? তাহার এই ‘অযাচিত সহায়তা’ তরুণী যদি সন্দেহের চোখে দেখে, যদি সে তাহার সাহায্য অবজ্ঞাভরে প্রত্যাখ্যান করে? কি অদ্ভুত তাহাদের এই সমাজের বিধান! মানুষের বিপদের সময়েও সাহায্য করিবার জো নাই,—চারিদিকেই বিধি-নিষেধের কাঁটার বেড়া! প্রশান্ত ক্ষণকাল কিংকর্তব্যবিমূঢ় হইয়া দাঁড়াইয়া রহিল। এমন সময়ে ঝড়ের সঙ্গে আরও প্রবল বেগে বৃষ্টি নামিল। প্রশান্ত আর কোন বিধা না করিয়া প্রাণপণ বেগে তরুণীর দিকে ছুটিল। তরুণী তখনও মাটি হইতে উঠিতে চেষ্টা করিতেছে কিন্তু পারিতেছে না। প্রশান্ত মুহূর্তকাল ভাবিল, তার মনের সমস্ত সঙ্কোচ কাটাইয়া অপরিচিতা তরুণীকে হাত ধরিয়া মাটি হইতে তুলিল!

“চোটটা আপনার খুব লেগেছে কি?”

তরুণী নির্ঝাঁক—যেন পাথরের মূর্তি। মুখের অবগুষ্ঠন যেন আরও দুর্ভেদ্য রহস্যময় হইয়া উঠিল।

প্রশান্ত মিনতিব্যাকুল স্বরে বলিল—“এই ঝড়বৃষ্টির মধ্যে একা তো যেতে পারবেন না! যদি অনুমতি করেন, বাড়ীতে রেখে আসি—”

অবগুষ্ঠিতা প্রবলবেগে মাথা নাড়িয়া জানাইল,—“না!”—সঙ্গে সঙ্গে গৃহে ফিরিবার জন্ত উদ্ভত হইল। এমন সময় ঘূর্ণিবায়ুর একটা প্রবল ঝাপটা আসিয়া তরুণীর মুখের অবগুষ্ঠন খুলিয়া ফেলিয়া দিল।

প্রশান্ত মুহূর্তকাল সেই দিকে চাহিয়াই, দুই হাত পিছাইয়া গিয়া সবিস্ময়ে চীৎকার করিয়া উঠিল,—“এ কি ভূমি—ভূমি সুনীলা—একি সত্যি!”

তরুণী স্থির দৃষ্টিতে ক্ষণকাল প্রশান্তের মুখের দিকে চাহিয়া রহিল। তারপর কম্পিতকণ্ঠে বলিল,—“হাঁ আমি সুনীলা,—কিন্তু ভূমি যাকে জানতে সে নয়—!” বলিয়াই আস কোন উত্তরের অপেক্ষা না করিয়া তরুণী দ্রুতপদে ঝড়বৃষ্টি ঠোলায়া সেই বালির চর অতিক্রম করিয়া চলিল। প্রশান্ত অবসন্নভাবে সেইখানেই বসিয়া পড়িল। তাহার মাথার উপর দিয়া যে প্রলয়ঝঞ্ঝা বহিয়া গেল, তাহা সে গ্রহণও করিল না।...

এই কি সেই সুনীলা? পাঁচ বৎসর পূর্বে যে আনন্দ-

রূপিনী তাহার জীবনে বিধাতার প্রথম আশীর্ষাদের মতই আবির্ভূত হইয়াছিল,—যে লীলাচঞ্চলা কিশোরী তাহার প্রাণমন মধুময় করিয়া তুলিয়াছিল,—একি সেই? এষে সাক্ষাৎ বিষাদের প্রতিমা! কত যুগযুগান্তের দুঃখভার যেন ইহার মুখের উপর আপনার হিশীতল স্পর্শ রাখিয়া গিয়াছে। সুনীলার পরিধানে বিধবার শুভ্রবসন,—চুল-গুলি রুক্ষ—অযত্নবিচ্যুত, একটা উদাস বৈরাগ্যের ছায়া তাহার সমস্ত অবয়বে পরিব্যাপ্ত! প্রশান্ত তাহাকে সুনীলা বলিয়া চিনিতেই পারিত না;—কেবল তাহার জ্যোতির্ময় বিশাল চোখ দুইটাই মুহূর্তের জন্ত বিদ্বাদোপ্তির মত তাহাকে প্রকাশ করিয়া দিয়াছিল।

প্রশান্ত যে ঐ চোখ দুইটা খুবই চিনে, ইহা যে তাহার মর্ষের অন্তরতম কোষে চিরদিনের জন্ত অঙ্কিত হইয়া রহিয়াছে!

প্রশান্ত দীর্ঘকালের সাধনায় মনকে একটু সংযত করিয়াছিল। কিন্তু কোন নির্ভুর নিয়তি তাহার হৃদয় লইয়া আবার এই নূতন খেলায় প্রবৃত্ত হইল? না—না, প্রশান্তকে পুরী ছাড়িয়া পলায়ন করিতে হইবে। সুনীলাও যে আর তাহার সঙ্গে কোনরূপ পরিচয় রাখিতে চায় না, ইহা তো তাহার আচরণেই বুঝা গেল। ধনী জমিদারের বিধবা পত্নী সে;—তাহার মান-সম্ময় সুনাম—অতি সাবধানে রক্ষা করিতে হইবে!

যাই যাই করিয়াও কিন্তু প্রশান্ত কয়েক দিনের মধ্যে পুরী ছাড়িতে পারিল না, কোন এক অজ্ঞাত শক্তি তাহার ইচ্ছার বিরুদ্ধেই যেন তাহাকে জোর করিয়া ফেলিয়া রাখিল। তবে প্রশান্ত আর সমুদ্রের ধারে যাইতে সাহস করিল না। যদি সুনীলার সঙ্গে তাহার আবার দেখা হয়, যদি সে আত্ম-সংযম করিতে না পারিয়া—হঠাৎ কোন বিহ্বলতা প্রকাশ করিয়া ফেলে। একথা কল্পনা করিতেই প্রশান্তের সমস্ত দেহমন সঙ্কুচিত হইয়া উঠিল।

তিন

সুদীর্ঘ বিনোদ রজনীর অবসানে একদিন অতি প্রত্যাষে উঠিয়া প্রশান্ত ভাবিল, এত সকালে সুনীলা নিশ্চয়ই সমুদ্রের ধারে আসিবে না, অতএব রোদ উঠিবার পূর্বেই প্রশান্ত শেষ একবার সমুদ্রের ধারে বেড়াইয়া আসিবে। সেইদিনই রাত্রে গাড়ীতে পুরী ত্যাগ করিবে, ইহাও সে মনে মনে সঙ্কল্প করিল।

সমুদ্রতীর জনমানবশূন্য। তখনও ভাল করিয়া অন্ধকার দূর হয় নাই,—অল্পদূরের বস্তুও স্পষ্ট দেখা যায় না। চিত্তামগ্নভাবে চিন্তিতে চলতে সন্ধ্যা প্রশান্ত দেখিল সমুদ্রে সেই শুভ্রবসনা নারীমূর্তি—ধ্যানমগ্না যোগিনী। মত তেমনই ভাবে সমুদ্রের দিকে একদৃষ্টে চাহিয়া আছে। অকস্মাৎ

সম্মুখে কাল ফণিনী দেখিলেও বুঝি লোকে এত ভীত সন্ত্রস্ত হয় না। প্রশান্ত স্তম্ভিত স্মৃতিবৎ দাঁড়াইয়া রহিল, ধ্যান-সঙ্গার অজ্ঞাতসারে সেন্থান ত্যাগ করিয়া সে পলাইতে পারিল না।

এমন সময় সুনীলার চমক ভাঙ্গিল। প্রশান্তকে সম্মুখে দেখিয়াই তাহার মুখ পাংশুবর্ণ হইয়া গেল।—সেও কি প্রশান্তকে এই সময়ে দেখিবার আশা করে নাই? কিন্তু পর মুহূর্ত্তেই সে নিজেকে সংযত করিয়া লইল। প্রশান্তের দিকে চাহিয়া মূহু হালিয়া ধীর শাস্ত স্বরেই সে বলিল,—
“এই যে, প্রশান্তবাবু! ক’দিন না দেখে ভেবেছিলাম, পুরী থেকে চ’লেই গেলেন বুঝি। অসুখ বিষুখ করে নি তো?”

প্রশান্তের বিমূঢ়ভাব বিশ্বয়ে পরিণত হইল। অদ্ভুত এই নারী—কেমন সহজ স্বাভাবিক ভাবে তাহাকে প্রশ্ন করিতেছে! ওর মনে কি কিছুমাত্র চাঞ্চল্য হয় নাই—হৃদয়ে একটুও দাগ পড়ে নাই? পাঁচ বৎসরে অতীতের সমস্ত স্মৃতিই কি জলের রেখার মত নিশ্চিহ্ন হইয়া মুছিয়া গিয়াছে?

প্রশান্তকে নিরুত্তর দেখিয়া সুনীলা কহিল,—“চূপ ক’রে দাঁড়িয়ে রইলেন যে! বড় বড় পণ্ডিতদের এই বুঝি শিষ্টাচারের রীতি? এই বালির উপরেই না হয় একটু বসুন!” সেই ভীক্স শ্লেষ—সেই কৌতুকপ্রিয়তা! তবু, অতীত ও বর্তমানের কি গভীর পার্থক্য! এই শ্লেষ, এই কৌতুকের মধ্যে যেন কোথায় একটু তার বেসুরা বাজিতেছে! অথবা এ প্রশান্তেরই মনের কল্পনা মাত্র?

এইরূপে ভাবিতে ভাবিতে প্রশান্ত অত্যন্ত সঙ্কচিতভাবে সুনীলার অদূরে বালির উপরে বসিয়া পড়িল।

কিছুক্ষণ উভয়েই নীরব। অবশেষে অসহ্য নীরবতার হস্ত হইতে পরিভ্রাণ পাইবার জন্তই যেন প্রশান্ত শুকস্বরে বলিল,—“তুমি বেশ ভাল আছ, সুনীলা-?”

সমুদ্রের অশান্ত তরঙ্গমালার দিকে চাহিয়া উদাসকণ্ঠে সুনীলা উত্তর দিল,—“হাঁ ভাল আছি বৈ কি! রাণীর ঐশ্বর্যা, প্রভাব-প্রতিপত্তি, মানসম্বল—লোকে যা কামনা করে, কিছুই তো আমার অভাব নেই!” বলিতে বলিতে সুনীলার মুখ এক রহস্যময় হাসিতে ভরিয়া উঠিল।

“কিন্তু—আপনি—আপনি কেমন আছেন? মুখের

চেহারা দেখে তো মনে হচ্ছে, কতকালের রোগশয্যা থেকে উঠে এসেছেন—”

তারপর গলার স্বর একটু নাড়াইয়া কম্পিতকণ্ঠে বলিল—
“আপনার গৃহিণী বুঝি তেমন শক্ত নন, আপনাকে কড়া শাসনে রাখতে পারেন না?”

প্রশান্ত কয়েক মুহূর্ত্ত বিস্মিতভাবে সুনীলার মুখের দিকে চাহিয়া থাকিয়া ধীরে ধীরে বলিল,—

“—গৃহিণী—না, গৃহিণী তো কেউ নাই?”

“—ওঃ এখনও বিয়ে করেন নি বুঝি? তাই বলুন!”

সুনীলার মুখে অকস্মাৎ কে যেন কালি ঢালিয়া দিল। অন্তরের অন্তঃস্থলে একটা প্রবল আঘাত সে যেন অতি কষ্টে সামলাইয়া লইল। একটু পরে হাসিতে হাসিতে সে বলিল,—

“যারা ঘোর কুপণ, তারাই নারী-জাতিকে ভয় করে! আপনিও বুঝি সেই দলের?”

তখন পূর্বাংশে উষার রক্তরাগ কেবল ফুটিয়া উঠিতেছে, লুলিয়ারা তাহাঙ্গর ডিঙ্গী নৌকা লইয়া সমুদ্র-জলে মাছ ধরিতে আরম্ভ করিয়াছে। সেই দিকে চাহিয়া, যেন সুনীলার কথার উত্তর এড়াইবার জন্য প্রশান্ত বলিল,—

“—এ লুলীয়ারা কি অসৌম্য সাংসী! মরণের ভয় ওদের মোটেই নেই! ওঃ কতবড় পাহাড়ের মত টেউ আসছে—এই বুঝি ওরা ডুবে গেল!—”

কিন্তু শীঘ্রই সমুদ্রতরঙ্গ ভেদ করিয়া লুলিয়ার ডিঙ্গী আবার উপরে ভাসিয়া উঠিল। প্রশান্ত রক্তনিঃশ্বাস ছাড়িয়া বলিল,—“আঃ বাঁচা গেল—”

কিছুক্ষণ কি ভাবিয়া একটা দীর্ঘ নিঃশ্বাস ফেলিয়া বলিল,—“তোমার বোধ হয় মনে নাই, সুনীলা,—একদিন তুমি আর আমি দুজনে লুলিয়ারদের ডিঙ্গীতে চড়ে সমুদ্রের মধ্যে গিয়েছিলাম। সে দিনও সমুদ্রে খুব টেউ ছিল। ডিঙ্গী যখন বিবস হুসুতে লাগল, তুমি ভয়ে আমাকে জড়িয়ে ধরলে—!”

সুনীলার মুখ সহসা মড়ার মত সাদা হইয়া গেল। তাড়াতাড়ি উঠিয়া পড়িয়া সে বলিল—“বাই এখন—!”

কিছুদূর গিয়া ফিরিয়া দাঁড়াইয়া পুনরায় বলিল,—
“আমাকে না জানিয়ে পুরী থেকে পালাবেন না কিন্তু—”

সুনীলার অজুরোধ রক্ষা করিবার জন্যই হউক বা অন্য যে কারণেই হউক, প্রশান্ত কিছুতেই পুরী ত্যাগ করিতে পারিল না। তাহার মনে বার বার এই প্রশ্নই উঠিতে লাগিল, সুনীলা তাহাকে থাকিতে বলিল কেন? এই রহস্যময়ী নারী তাহাকে কি বলিতে চায়? কিন্তু কয়েক বৎসরের মধ্যে সুনীলার সঙ্গে আর তাহার দেখাই হইল না। হঠাৎ একদিন সমুদ্রতীর হইতে বাড়ী ফিরিয়া প্রশান্ত দেখিল তাহার নামে একখানি পত্র আসিয়াছে। মেয়েলী হস্তাক্ষর যেন খুবই পরিচিত। কম্পিত হস্তে পত্র খুলিয়া প্রশান্ত পড়িল—

পুরী—সিদ্ধু-নিবাস

কাল দুপুরে আমার বাড়ীতে 'ব্রাহ্মণ-ভোজনের' নিমন্ত্রণ। আসতেই হবে।--সুনীলা।

পত্রখানি হাতে লইয়া প্রশান্ত কিছুক্ষণ গুম হইয়া বসিয়া রহিল। সুনীলার নিমন্ত্রণ সে গ্রহণ করিবে কি? সুনীলা পূর্ব-কথা ভুলিতে চায়। প্রশান্তই বা তাহা তাহার মনে জাগ্রত করিয়া রাখিতে সহায়তা করিবে কেন? আর এই 'ব্রাহ্মণ-ভোজনের' নিমন্ত্রণ? এ কি তাহার ন্যায় দরিদ্রের প্রতি ধনী জমিদার-পত্নীর বিক্রম? একদিন যাহার নিকট হইতে সে সর্বস্ব দাবী করিয়াছিল, নিজে যাহাকে সর্বস্ব দিতে চাহিয়াছিল, তাহারই বাড়ীতে আজ ভিক্ষকের মত নিমন্ত্রণ গ্রহণ করিতে হইবে? না প্রশান্ত সুনীলার নিমন্ত্রণে যাইবে না—!

প্রশান্তের মনের ভিতর কিন্তু যে মন, সে এই সিদ্ধান্ত আছে কিছুতেই প্রসন্নভাবে মানিয়া লইতে পারিল না। সমস্ত রাত্রি প্রশান্ত বিষম চিন্তা ও উদ্বেগে কাটাইল। পরদিন যতই দ্বিপ্রহর নিকটবর্তী হইতে লাগিল, ততই প্রশান্তের দৃঢ় সঙ্কল্প শিথিল হইয়া আসিতে লাগিল। অবশেষে নির্দিষ্ট সময়ে কে যেন তাহাকে জোর করিয়া সিদ্ধু-নিবাসের দিকে টানিয়া লইয়া চলিল।

ধনীর গৃহ, আড়ম্বরের অভাব ছিল না। ফটকে তকমা-খাঁটা দরওয়ান, লোকজনও ছুটাছুটি করিতেছে, তবু বাড়ীর সর্বত্র যেন একটা শান্ত নীরবতার ছায়া। প্রশান্ত ফটকের নিকট পৌঁছিতেই এক জন ভূতা তাহাকে লইয়া সসম্মানে বাহিরের বৈঠকখানায় বসাইল। পাঁচ মিনিট পরেই একটা দাসী আসিয়া তাহাকে একেবারে অন্তরে

লইয়া গেল। প্রশান্ত কতকটা বিস্ময়ের সঙ্গে লক্ষ্য করিল কোনরূপ উৎসব বা অনুষ্ঠানের চিহ্ন বাড়ীতে নাই। ভিতরের একটা কক্ষের দরজার নিকটে থাকিয়া দাসী বলিল, "রাণীমা এই ঘরে আছেন, আপনি যান—" বলিয়াই দাসী চলিয়া গেল। প্রশান্ত দ্বিধাতন্ত্রভাবে কিছুক্ষণ দাঁড়াইয়া কি ভাবিয়া অবশেষে ধীরে ধীরে কক্ষ-মধ্যে প্রবেশ করিল।

গৃহমধ্যে প্রবেশ করিয়াই প্রশান্ত যে দৃশ্য দেখিল, তাহাতে সে বিস্ময়ে, ততোধিক সজ্জমে অভিভূত হইল। সম্মুখের দেয়ালে টাঙ্গান একটা প্রকাণ্ড তৈলচিত্র—একটা রূপবান যুবকের। প্রচুর মাল্যদামে সেই চিত্র ভূষিত,—ছবির নীচে সার্থীক্বে প্রণতা সুনীলা। সাদা গরদের কাপড়ে তাহার দেহ আবৃত। গলায় রক্তাক্ষর মালা রুক্ষ কেশজাল পিঠের উপরে ছড়াইয়া পড়িয়াছে। প্রশান্ত তন্ময় হইয়া সেই দৃশ্য দেখিতে লাগিল।

প্রণাম করিয়া উঠিয়াই সম্মুখে প্রশান্তকে দেখিতে পাইয়া সুনীলা বিস্মিতমুখে বলিল—“এসেছেন! ভয় হাঁচ্ছল, বুঝি আমার নিমন্ত্রণ গ্রহণ কোরবেন না।”

প্রশান্তের একবার বলিতে ইচ্ছা হইল, যে, সে সস্তাবনা যথেষ্টই ছিল এবং শেষ পর্যন্ত কেমন করিয়া যে সে আসিল, তাহা নিজেই ঠিক জানে না! কিন্তু সেই পূজারিণী মূর্তির দিকে চাহিয়া কিছুই সে বলিতে পারিল না।

প্রশান্ত দেয়ালের তৈলচিত্রের দিকে মাঝে মাঝে কৌতূহলপূর্ণ দৃষ্টি নিক্ষেপ করিতেছে দেখিয়া সুনীলা বলিল—“আমার স্বামীর ছবি। আজ ঔরই বাৎসরিক স্মৃতি-পূজায় আপনাকে নিমন্ত্রণ করিয়াছি। তিন বৎসর পূর্বে এই দিনে সমুদ্রে স্নান করিতে গিয়ে উনি ডুবে যান—” বলিয়া সুনীলা একটা দীর্ঘ নিঃশ্বাস ফেলিল।

প্রশান্ত একটা কথাও বলিতে পারিল না, তাহার সর্ব্বাঙ্গে যেন হিম অবশ হইয়া আসিল সুনীলা কি তাহাকে শাস্তি দিবার জন্যই আজ তাহাকে নিমন্ত্রণ করিয়াছে?

প্রশান্তের মনের ভাব সুনীলা কিছু অনুমান করিতে পারিয়াছে কি? শাস্ত স্নিগ্ধস্বরে সে বলিল,—“পূজা শেষ হ'য়েছে, এইবার আপনি খেতে চলুন—আর কাউকে নিমন্ত্রণ করি নি—” বলিয়া সুনীলা নিজ হাতে একখানি বহুমূল্য আসন পাতিয়া দিল। প্রশান্ত দ্বিরুক্তি না করিয়া খাইতে বসিল।

সুনীলা সম্মুখে বসিয়া ৫ম যত্নে তাহাকে খাওয়াইতে লাগিল। অন্যমনস্কভাবে খাইতে খাইতে প্রশান্ত সহসা বলিল,—

“তোমার সঙ্গে দেখা না হ’লেই ভাল হ’ত সুনীলা? আমি ভাবতাম, তুমি ঐশ্বর্যবান্ স্বামীর গৃহে বেশ সুখে আছ। তোমাকে যে এ ভাবে দেখবো তা কল্পনা করি নি—!”

সুনীলা কিছুক্ষণ চুপ করিয়া থাকিয়া বলিল,— “পতিব্রতা স্ত্রীর আর দুঃখ কিসের? স্বামীর ধ্যান করেই তো সে চিরজীবন কাটিয়ে দিতে পারে। কিন্তু আপনাকে একটা কথা আমি জিজ্ঞাসা করিতে চাই। কার জন্য আপনি এই জাল ব্রহ্মচর্য্য অবলম্বন করেছেন? অন্যের ধর্ম্মপত্নীকে মনে মনে চিন্তা করাটা কি পাপ নয়? আমি আপনাকে পরামর্শ দিই, একটা শিক্ষিতা সুন্দরী মেয়েকে শীগ্গীর বিয়ে করে ফেলুন। বলেন তো আমিই ঘটকালি করি।—”

সুনীলা রহস্যপূর্ণভাবে হাসিল। সুনীলার কথাগুলি শুনে প্রশান্তের বুকে অলস শেলের মত যাইয়া বিদ্ধ হইল। তাই তো, তাহার ব্রহ্মচর্য্য কি সত্যই একটা ভণ্ডামি? অন্যের স্ত্রীকে মনে মনে চিন্তা করিয়া সে কি মহাপাপ করিতেছে?...

“এ কি কিছুই খেলেন না যে,—এ আপনার ভারি

অন্যায়। না না, সে হ’বে না, এগুলি আপনাকে খেতেই হবে—!”

আহারান্তে ব্রাহ্মণ-বিদায়ের সময় আসিল। সুনীলা গলবস্ত্র হইয়া প্রশান্তকে প্রণাম করিয়া বলিল,—“তোমাকে দক্ষিণা দেবার মত কিছুই আমার নাই! সমস্ত ঐশ্বর্য্য সঙ্গেও আমি আজ একান্ত নিঃস্ব-সর্ব্বগারা—”

সুনীলার চক্ষু অশ্রুভারাক্রান্ত স্বর গাঢ়।...


প্রশান্তের মুখ বিবর্ণ হইয়া গেল, তাহার ধৈর্যের বাঁধ বুঝি ভাঙিয়া যায়। না—না, এত দুর্বল হইলে তাহার চলিবে না। নিজেকে আরও শক্ত করিতে হইবে।...

সুনীলা স্নান হাসিয়া পুনরায় বলিল,—“আমার শেষ অনুরোধ এক অকৃতজ্ঞ হৃদয়হীনীর জন্য তোমার সমস্ত জীবন ব্যর্থ করো না,—তার স্মৃতি মন থেকে মুছে ফেল।—তা’ হ’লে সেও হয় তো সুখী হবে।”

প্রশান্ত কিছুক্ষণ নীরবে দাঁড়াইয়া রহিল। তারপর ব্যথিতকণ্ঠে বলিল—“মানুষ ইচ্ছা করলেই কি অতীতকে মন থেকে মুছে ফেলতে পারে, সুনীলা?...আমি স্বীকার করছি, আমি দুর্বল—পাপী!...কিন্তু তোমার সঙ্গে এই আমার শেষ দেখা, আমাকে ক্ষমা কোরো—!” বলিয়া প্রশান্ত দ্রুতপদে আঙ্গিনা পার হইয়া বাহির হইয়া গেল, একবারও পশ্চাতে ফিরিয়া চাহিল না।

সুনীলা নিশ্চল প্রস্তর মূর্তির মত সেইখানেই দাঁড়াইয়া রহিল!

স্মৃতি-রেখা



[সার শ্রীদেবপ্রসাদ সর্বাধিকারী এম-এ, ডি-লিট্]

কাটা বাঁপের স্রোতের মুখে বড় বড় 'ঘুলী' 'মুগরী' 'হালুক' 'পাং' 'ঝোঁপো' প্রভৃতি দুই পাশে 'বাড়' গাড়িয়া রাখা হইত, তাহার দুই পাশে জাল 'আড়া' থাকিত। মাছ ধরার আর এক প্রকরণ ছিল,—মাথা-ঘুরনী জাল, গাঁতি জাল, চাবি জাল, চাটুনী জাল ও ছিপ, টাঙ্গা, সটকা, প্রভৃতিতে নিত্য ধোরাকের মৎস্য সংগ্রহ হইত। এইজন্য পাট কাটা, শোণ কাটা, জাল বোনা সকল গৃহস্থেরই অভ্যাস ছিল। আর 'চরকা', 'কাটনা' মেয়েদের অভ্যাস ছিল। পুরুষেরা টেকো সাহায্যে সূতা কাটিতেন। এখন টেকোর নাম হইয়াছে 'টাকুগী' কিন্তু সেই অপূর্ণ ক্ষিপ্ততা ও তেমন মিহি সূতার উদ্ভব আর হয় নাই। উল, পশমের রেওয়াজ তখনও পল্লীগ্রামে পৌঁছে নাই। সকলেই নিজ চেষ্টায় দড়ি সূতা প্রভৃতি সংগ্রহ করিত। প্রবীণেরা জানালার 'গরাদে'তে পাট বা শোণ বাঁধিয়া ঢেরা দিয়া পাট কাটিতেন। বোধ হয় ঐ 'X' ঢেরার অনুকরণে ঢেরা সহির প্রচলন হইয়াছে। ইংরাজি X (cross mark) ঢেরা সহির অনুকরণ কিংবা 'সমান্তরাল' ইহা প্রত্নতাত্ত্বিকের বিবেচ্য। কাছির বেটে, গরুর দড়ির বেটে, ঘুণির বেটে, স্নতলী বেটে, 'চাটুনী চাবি' ও কাতলা গাঁতির বেটে ও 'চিকু' বোনা বেটে ইত্যাদি এমন চোঙ ও চিকণ করিয়া কাটা হইত ও এত তৎপরতার সহিত সম্পন্ন হইত যে আজকালের 'হাত-কাছি কল' বন্ধকারিরা যার। যেদিন টানা জাল দিয়া পুকুরে কিংবা বাঁধকাটা স্রোতের মুখে নদোতে মাছ ধরার ব্যবস্থা হইত, সেদিন গ্রামে একটা রীতিমত মাড়া পড়িয়া যাইত। ইস্কুল, পাঠশালা আটুটা হইতেই বন্ধ হইয়া যাইত। ছেলে, বুড়া, স্ত্রী, পুরুষ, সকলেই মাছ ধরার কাছে জড় হইতেন। 'দিও কিঞ্চিৎ, না ক'র বঞ্চিত' এই সে দিনকার মন্ত্র। মালিকেরা যে যার অংশ বণ্টন করিয়া উপস্থিত, অনুপস্থিত, আত্মীয়-অনাত্মীয় সকলেরই সম্মান

রক্ষা করিতেন; দূরস্থ আত্মীয় স্বজনের মর্যাদা রক্ষা করিতেন; অতিথি অভ্যাগতের আশু ব্যবহার জন্ত পুষ্করিণীতে জীবিত মৎস্য 'গাঁং' দিয়া রাখিতেন এবং ছোট ছোট চালা মাছ বাড়িবার জন্ত স্বতন্ত্র পুষ্করিণীতে ফেলিয়া দিতেন। সীমোদরের 'পোণা' আনিয়াও পুকুরে ফেলা হইত। এ সব মাছের কোনও অংশই হাট বাজারে বিক্রয় জন্ত যাইত না। জেলে, মালা, দুলে, নিকিরীরা যে সকল পুকুর জমা করিয়া লইত, তাহারই মাছ বাজারে বিক্রয় হইত। এই মাছ ধরা ধেমন একটা পল্লী-উৎসবের মধ্যে গণ্য ছিল, তেমনই আর এক মহোৎসব ছিল, গ্রামপ্রান্তে 'আকের শাল' বসা। সকলের চাষের আঁক আসিয়া পর্যায়ক্রমে শালে জমা হইত এবং 'গাঁতা' করিয়া মাড়া হইত। ধোয়া বা মাড়া আঁক বা আকের শুকনা পাতাই জালানীর কাজ করিত। হিসাব স্বতন্ত্র থাকিত। গুড় তৈয়ারী হইলে 'শাল খরচ', জালুই 'বাড়ুই', 'কল-খরচ' বাদে অংশমত যে যাহার হিসাব করিয়া লইয়া যাইত। যে কয়দিন 'শাল' চলিত, গ্রামের লোক ইচ্ছামত আঁক খাইতে পাইত, আকের রস পাইত; মুড়ি দিয়া খাইবার জন্ত 'তাতরসি' পাইত, গুড় প্রস্তুত হইলে তাহারও যথাসম্ভব অংশ পাইত, ভিঁড়ে লাড়ু এবং 'রশচাল' করিয়া লইয়া যাইত, কেহ বঞ্চিতও হইত না। যৌথ কারবার বল, কো-অপারেটিভ সোসাইটি (Co-operative Society) বল, তাহার সম্পূর্ণ বেসরকারী ব্যবস্থা এই আঁকশালে দেখিতে পাওয়া যাইত। আর দেখিতে পাওয়া যাইত গ্রামের 'খামারে'। যাহাদের বেশী চাষ তাহাদের নিজ নিজ 'খামার' ও গোলা ছিল। যাহাদের অল্প চাষ তাহারা স্থানে স্থানে একটা কো-অপারেটিভ 'খামার' স্থাপন করিয়া ধান বাড়িয়া 'গোলা' 'কড়ই', 'মরাই' কিংবা 'ডোলে' তুলিত। সাধারণ লোকের ধারণা ও প্রবাদ ছিল যে 'মা লক্ষী খড়ে বড়ই ভাল

থাকেন'। পাকা গোলার রেওয়াজ আমি ও প্রদেশে দেখিরাছি বলিরা মনে হয় না।

ধান তোলার শেষে 'পৌষ বাড়ান' বা 'লক্ষ্মী তেলা' একটা ক্ষুদ্র ও সম্পূর্ণ পল্লী-কৃষি-উৎসব ছিল। কৃষকের ভবিষ্যৎ আশা, বংশের যোগ্যতন উত্তরাধিকারী বা দ্ব্যেষ্ঠ সম্ভাবনবৎ আদৃত, কৃষিকার্যের ভৃত্য, ধান তোলার শেষ দিন, শেষ জমীর মাঝের ও গোছ ধান কৃষিমন্ত্রে পূজা করিরা কাঁসর, ঘণ্টা, শাঁক বাজাইতে বাজাইতে সমূল উপড়াইয়া, ক্ষুদ্র লাল চেলী জড়াইয়া জলের ধারা দিতে দিতে মহানন্দে শেষ দিনের সকল কৃষাণসহ বাটাতে পৌছিয়া ঐ 'পৌষ বীড়' 'সরাই' বা 'গোলা'র তুলিয়া রাখিত ও সকল কৃষাণ শ্রমিক বন্ধু আশ্রয় মিলিরা পিঠা পায়স খাইত। ইহা ঘটিত প্রায়ই পৌষ পার্বণের পিঠাপিঠি। 'পৌষ বীড়া' উৎসব অমুষ্ঠানের পর পৌষ সংক্রান্তিতে 'পৌষ আগলা' আর একটা উৎসব। পৌষ আগলান কৃষিপল্লীর সাধারণ উৎসব। লক্ষ্মীশ্রী বাঙ্গালা মা লক্ষ্মীকে পাইরা আগলাইয়া রাখিতে চাহিত। তাই এই সংক্রান্তির ভোরে কুললক্ষ্মীগণ পূজার আসনে পৌষবীড়কে স্থাপিত করিরা পাণ্ড অর্ঘ্যাদি দিয়া সম্বন্ধিত করিতেন ও শঙ্খ-ধ্বনি সহকারে বড় আদর করিরা ডাকিরা বলিতেন, "এস পৌষ যেয়ো না, জন্ম জন্ম ছেড়ে না।" "এস লক্ষ্মী যেয়ো না, জন্ম জন্ম ছেড়ে না।" মা লক্ষ্মী ও তাই আসিতেন, বসিতেন, আপনার হইয়া থাকিতেন। তেমন আদর করিরা এখন আর কেউ ডাকে না, তাই বাঙ্গালার চির-আদরিণীও আজ পর হইয়া গিয়াছেন।

যেমন ধান উঠিত, তেমন ছোট চাষীদের চাল তৈয়ারীও কো-অপারেটিভ বা সমবার প্রণালীতেই হইত। কোনও নোড়লের বাড়ীতে সকলে মিলিয়া ধান সিদ্ধ করিত, শুখাইত ও ভানার ব্যবস্থা করিত। ঠিক 'ধর্মগোলা' সর্বত্র স্থাপিত না হউক, ধর্মগোলা প্রচলিত আদর্শে দরিদ্রগৃহস্থ অনেক সাহায্য পাইত। গ্রামের আর একটা কো-অপারেটিভ ব্যবস্থা ছিল, কাঁচা আমের সময় 'কামুন্দী', পাঁচ বাড়ীর মেয়ে একত্র না হইলে তাহা হইত না। 'কামুন্দী' প্রস্তুতের সময় সকল বাড়ীর মেয়েরা কোনও এক বা একাধিক নির্দিষ্ট গৃহস্থের অন্তঃপুরে প্রাতে পূত স্নাত হইয়া উপস্থিত

হইতেন। যে বাহার নিজের আম, মসলা, তেল, হাঁড়ি, সরি, ও বটী লইয়া উপস্থিত হইতেন। একত্রে কামুন্দী প্রস্তুত করিরা যে বাহার হাঁড়িতে তুলিতেন এবং তাহার পর যে কয়দিন প্রয়োজন ধারাবাহিকভাবে কামুন্দী নাড়িতেন ও 'ভোগা' দিতেন। পাকা আমের সময় আমসত্ত্ব ও বড়ী দিবার সময় বড়ী দেওয়া, এই প্রণালী ব্যতীত কোনও প্রকারে সম্ভব হইত না। বড়ী দেওয়ার একটা মরসুম ছিল সেটা অগ্রহারণ-মাসের শেষা-শেষি। নূতন কার্তিকী বিরী হাত বাছা করিরা ভিজা-ইয়া ও পরে বাটিয়া ও শুধু কলাইবাট', আদা, লক্ষা, মরিচ, মৌরী, হিঙ্গ, কালোজিরা ইত্যাদি মসলা দিয়া ও সেই সঙ্গে ছাঁচি-কুমড়া-কোরা মাখিরা ছোট ও বড় নানাবিধ বড়ী, ঝিলাপী বড়ী, পাপর বড়ী, খাস্তাদার বড়ী, অহলের মিঠা বড়ী, পোস্ত বড়ী ও ব্যাসন বড়ী প্রভৃতি বহুবিধ বড়ী, পাঁচগাড়ীর গিল্লীরা মিলিয়া দিতে বসিতেন। রীতিমত আনন্দ হলাহলির মধ্যে বুড়াবুড়ির বিয়ে দেওয়ার প্রথাটা বেশ লাগিত। বড়ী এখন বাজারে কিনিতে হয়, তাও পয়সায় বারোটা (১২)। খাস্তাবড়ী ও পাপর বড়ী লুচিতে ও জামাই কুটুম ও লম্বাস্ত অতিথি অভ্যাগতকে দেওয়া চইত। এখন পাপরেই চলে, অত ঝঞ্জাট করে কে? পোস্তবড়ী ভাজা যাহা আজকাল দেখা যায়, তাহার বাসও তেমন নয় আর মুচমুচেও তেমন হয় না। উপাদেয় ও মূল্য তরকারির এই একটা শ্রেষ্ঠ অঙ্গ প্রায় লোপ পাইতে বসিয়াছে। এই সকল জিনিস সময়মত সংগ্রহ করিরা না রাখিলে বর্ষাকালে যখন পথবাট একাকার, হাট-বাজারে যাওয়া অসাধ্য, তখন গৃহস্থের প্রাণধারণও অসাধ্য হইত। কামুন্দী ঠিক হইল কি না চাকিরা বলিবার জন্ত মাঝে মাঝে ছেলেদের তলব হইত। সে চাকিবার প্রণালীর একটু বৈশিষ্ট্য ছিল, হাতের চেটোর উন্টা দিকে কামুন্দী লইয়া চাকিতে হইত। কুচরিয়া স্ত্রীলোকের কামুন্দী তৈয়ার ব্যাপারে কিছুমাত্র অধিকার বা স্থান ছিল না। তাই বা ইহার নাম আচার? বিবাহের 'স্বী'-আচারেও এই সব আচার-হীনার স্থান ছিল না বা নাই।

পিঠা পার্বণের কথাও বলিরাছি এবং আমের কথাও তুলিরাছি। আন যখন কাঁচা থাকিত, ছুরী ও লবণ

সংগ্রহ করিয়া 'বড়'দের সাজাচর্যে বাগানে বাগানে ঘুরিয়া বেড়ান দ্বিপ্রহরের নিত্যক্রিয়া ছিল। 'কাগামিঠা'র সন্ধান পাইলে লবণের প্রয়োজন হইত না। আম পাকিলে সকলে আদর করিয়া খাওয়াইতেন। আমের চোষা ঝাঁঠি দাড়ি পর্যন্ত না পৌঁছিলে আম খাওয়াই গল্প হইত না। পিঠার সময় সেইরূপ আদরেই বাটা-বাটা ছেলেদের খাওয়ান হইত। সে সব পিঠার নাম স্মরণ করিলেও এখন অজীর্ণ দোষ আসিয়া পৌঁছে। এখনকার সৌধীন ছানার পিঠার ছাল ছাড়াইয়া খাওয়া তখনকার অনুমোদিত ছিল না। তখন খাইতাম,—আমকে পিঠে, পুর পিঠে বা সিদ্ধ পিঠে, সরু চাকলি, মুগ সামলী, আলুর ভাজা পিঠে, গুড়পিঠে, ফুলুরী, মূলাবড়া, কাস্তিপিঠে, পাটিসাপটা, পুলিপিঠে, হুনবড়া, রসবড়া, ইত্যাদি; ইহার উপর সমাবেশ হইত, পায়সাম,—চালের পায়স, চিঁড়ার পায়স, শ্রামাচালের পায়স, লাউ, পেঁপে ও আলুর পায়স, ইত্যাদি। এই পায়সের জন্ত স্বতন্ত্র চাল ছিল, পরমান শাল। প্রত্যেক গৃহস্থেরই পায়সের পরমানশাল চাল, খইয়ের আমাই লাড়ধান, চাষ কিংবা সংগ্রহ থাকিত। সম্পন্ন গৃহস্থের অন্নসঞ্চালতাও যেমন ছিল, অন্ন-পারিপাট্যও ছিল তেমনই। 'পাকালের' শালী আউয়ল জমীগুলিতে ক্রিয়া কর্তব্য জামাই-কুটুম পাল-পার্কীগাদির জন্ত 'জীরেশাল' 'পালক-মাল', 'দাউদঘানি', 'নবাবভোগ', 'সীতাশাল', 'কাটারী-ভোগ', 'বামামতি', 'ধাকতুলনী', 'মুগীবালাম', 'রাধুনী-পাগল' প্রভৃতি উত্তম মিহী ও মুগন্ধি ধানের চাষ হইত। ভাতরান্নার তদ্বির ও তারিফ যথেষ্ট ছিল। ভাতবাড়ার পারিপাট্যে রুচিজ্ঞতা ও আদরভরা থাকিত। সে ভাতও নাই, ভাতের সে আদরও নাই! এখন 'হা অন্ন'ই সার হইয়াছে,—চাষ নাই, 'পাণ' হইয়াছে,—খাওয়াও হইয়াছে 'ছাই পাণ'! এত ক্যালসিয়মেও (Calcium) 'ক্যালসিয়ম ডিফিসিয়েন্সী' (Calcium Difficiency) ব্যাধি বাড়িয়াই চলিয়াছে। সাধের ভোগ ভুগিতেই হইবে। নিত্য মুক্তের সন্তান আলো ও হাওয়ার মুক্ত আদিনার পূর্বের আলোর ফিরিয়া না দাঁড়াইলে ভদ্রতা নাই।

গৃহস্থের ভাণ্ডারের কথা কিছু ইঙ্গিত করিলাম। এই প্রসঙ্গে আরও দুই একটা কথা সারিয়া লই। ভাল গৃহস্থের

বাটাতে পুরাতন চাউল, পুরাতন ঘৃত, পুরাতন তেঁতুল, পুরাতন গুড় প্রভৃতি সংগ্রহ থাকিত। আত্মীয়, কুটুম, দীনহুঁখী প্রতিবেশী সকলেই তাহা চিকিৎসার্থে প্রয়োজন মত অংশ পাইত। প্রতি বৎসর যেমন ধরত হইত, সঙ্গে সঙ্গে ভাণ্ডারে সেইরূপ যোজনাও হইত, কখনও অভাব হইত না।

'পটো'র কথা পূর্বে উল্লেখ করিয়াছি, আর এক বিষয়ে 'পটো'র কথা উল্লেখ করিতেছি। তাহার কারণ এ শ্রেণীর শিল্প সম্পূর্ণ অন্তর্হিত না হউক, অবনতির পথে দ্রুত চলিয়াছে। বামুন পাড়ার সংলগ্ন যাদববাটা নামক একখানি ক্ষুদ্রগ্রাম, নদীর ধারে নদীর ঠিক বাঁকের মাথায় ছিল। সমুদ্র তেলি, তামলি, গ্রামের অধিবাসী। মাজুর বাজার ও মুসীহাটে এবং নিকটবর্তী হাটে তাহাদের কারবার। কেনারাম সরকার নামে একঘর সমুদ্র কাগজের মেখানে বাস ছিল। তাঁহার বাটাতে দুর্গোৎসব হইত। প্রতিমার খড়, কাঠাম হইতে প্রতিমা গঠন, রং ফলান, সাজান পর্যন্ত প্রতিদিন প্রাতঃকাল হইতে সন্ধ্যা পর্যন্ত দেখিয়াও তৃপ্তি হইত না। মধ্যাহ্নে অতি অল্প সময়ের জন্ত খড়পাকড়ের চোটে বাটাতে আহার করিতে যাইতাম; আর বাকী সময় ছুতার, কুমার ও 'পটো'র কাজ যথাযথ সময়ে যেরূপ অধ্যবসায়ের সহিত দেখিতাম, তাহা কার্যান্তরে প্রয়োগ করিলে কত ফল ফলিত তাহা বলিতে পারি না। কিন্তু বর্তমান ক্ষেত্রে অধ্যবসায় প্রয়োগও নিতান্ত নিরর্থক হইয়াছিল বলিয়া মনে হয় না। হিন্দুল, হরিতাল, হাঁসের ডিম এবং গর্জন বা ঘাগ তৈলের সাহায্যে রং ফলানর বাহাদুরী ও চালচিত্রের পারিপাট্য দেখে কে? সে পারিপাট্যের সমূহ বর্ণনার চেষ্টা আমার অসাধ্য। বঙ্কিমবাবু দেবী চৌধুরাণীর 'বঙ্গবীর'র দরবার ঘরের ছাদে নিখুঁতভাবে যে চিত্র আঁকিয়াছেন। শঙ্কু-নিশঙ্কুর যুদ্ধ; মহিষাসুরের যুদ্ধ, দশ অবতার, অষ্টনাটিকা, সপ্তমাতৃকা, দশ মহাবিद्या, কৈলাস, বৃন্দাবন, লঙ্কা, ইন্দ্রালয়, নবনারীকুঞ্জর, বঙ্গহরণ সকলই চিত্রিত। চালচিত্রের চলতি নাম 'মেড়', 'ছটা' ইত্যাদি। মহেশ্বরীর স্বরূপকে কেন্দ্র করিয়া এভাবে পরিবর্তন এক বিশিষ্ট শিক্ষা ও সাধনার পরিচয়। তদানীন্তন পল্লীশিল্পের অগুতম উজ্জ্বল দৃষ্টান্ত গ্রামা মালাকারের সমৃদ্ধ ধারণা ও অভ্যস্ত হস্তের অনায়াস-নির্মাণ-মূলত মূল্যের

তারকুসীর মুকুট ও ডাকের অলঙ্কার। রূপালী তারের পোচের ফাঁকে চুমকীর টিপ ও ঝুটা জরীর কারচুপী অতি চমৎকার, সাজ ও বস্ত্রাদি প্রতিমার সৌন্দর্য্য শতগুণ বৃদ্ধি করিত। আজকাল কুমারটুলীর গড়া করমাসী প্রতিমার সে কৃতিত্বের শতাংশের একাংশও দেখিতে পাই নাই। কুমারটুলীর কারিকর ও কৃষ্ণনগরের কারিকরের কারিগরি উত্তরকালে অনেক দেখিয়াছি। কিন্তু 'খেলের' কারিকরের সেই মলিত কম অঙ্গ-নির্মাণ;—সেই পায়ের আগে কুঁড়ির মত ফুটিয়া উঠা অঙ্গুলী, সেই দেহ-যন্ত্রির তেজোভঙ্গিমা, সেই আকর্ষণবিশ্রান্ত কমলদলনেত্র্যে করুণাগলিত সংহারদৃষ্টির অপূর্ব প্রয়োজন ও ভাগবিত্তাস এক অসাধারণ সৃষ্টি। অমন কোপ-প্রেম-গর্ব-সৌভাগ্যমণ্ডিত মুখচ্ছবি, মাতৃমূর্তির অমন বর্থাৎ ব্যঞ্জনা, ওই পল্লীস্বাপ্নিকের যুগ-যুগের তপোলব্ধ ধন। এই সব অতীত স্মৃতির স্মৃশান হইতে আজ তাত্ত্বিকের চিন্তা ধোরাক পাইতেছে। সাহিত্য গড়িয়া উঠিতেছে, কিন্তু সাধনা ডুবিতেছে। এতদু আর মরণ-নিদ্রায় কেহ দেখিতেছে না। দশপ্রহরণধারিণী জননীর এই পালিনী রূপ, আত্মবিস্মৃত সন্তানকে চিরমৃত্যু হইতে অমৃতবক্ষে লইবার এই স্নেহবিজড়িত শাসনের অতুলনীয় সুন্দর পরিকল্পনা ও পরিপূর্ণ রূপজ্ঞতা 'খেলের' কারিকরের 'দৈবীকৃপা' বলিয়াই প্রসিদ্ধি। তেমনটী আর দেখি নাই। পূজককে শিল্পীস্বত্রধরের নিকট পূজারস্ত্রে 'চন্দ্রদান' প্রার্থনা করিয়া লইতে হইত, এখনও হয়। যে চক্ষু দিয়া শিল্পী প্রতিমা নির্মাণ করিয়াছে, যে তুলি দিয়া মাটির চক্ষে সজল কৃষ্ণ-তারকা চিত্রিত করিয়া উদার মাধুরীতে প্রাণবন্ত করিয়াছে, পূজকের মস্ত তথায় পৌঁছিতে পারে না; সে যে তিলে তিলে আত্মদানের স্বর্গীয় অবদান! এই পরিণত বয়সে সেই মাতৃমূর্তির মাধুর্য্য স্মরণ করিলে আমার পুত্রস্ব আজও নবীভূত আনন্দে উথলিয়া উঠে। আধুনিক প্রত্নতাত্ত্বিক 'বাজপুরের' প্রস্তরময়ী মাতৃকা মূর্তির সমালোচনা করিতে গিয়া বলিয়া বসিয়াছেন যে স্কুমার মাতৃমূর্তির করুণ মাধুর্য্যের মধ্যে কঠোর বীরতাব শিল্পী কি করিয়া আনিয়াছিল বলা যায় না। 'খেলের' কারিকরের প্রতিমা-গঠন-চাতুর্য্য দেখিবার সৌভাগ্য বোধ হয় তাঁহাদের ঘটে নাই। বামুনপাড়া মাতুলালয়ের নিকটবর্তী গ্রাম 'খেল', হাওড়া জিলার তথা পশ্চিম ঝাড়ের গৌরব-পরিচয়।

প্রতিমা গঠন শেষ হইলে বোধন, কলাবৌএর স্নান, জল সওয়া, নবপত্রী সাহায্যে শক্তি-সঞ্চার, শাস্ত্রোক্ত নানা রত্নের গুঁড়ি দিয়া দেবতাবিশেষের পূজার প্রয়োজনীয় আধ্যাত্মিক চিত্র ও বর্ণ, বিশেষরূপ ও ভাবব্যঞ্জক এবং নির্দিষ্ট ব্যাস বা পরিধির আঁকা আসনের উপর বস্তুস্থাপন প্রভৃতির পর গুরু-গভীরস্বরে পল্লীপূজকের 'পূজা' ও 'চণ্ডী'-পাঠের প্রাণগলা মাধুরী এ জীবনে কখনও ভুলিব না। উত্তরকালে একাসনে নিত্য সপ্তসতী পাঠের শক্তি ও প্রবৃত্তি বোধ হয় এই সময় এই সকল পারিপার্শ্বিকতা হইতেই অর্জিত হইয়াছিল। তিন দিনের মহোৎসব, পূজা, হোম ও ভূরিভোজন ব্যবস্থার পল্লী মুখরিত থাকিত। সর্বস্বরব্যাপী এমন সার্বজনীন আনন্দোৎসব সারাবর্ষের এই প্রথম, তাই জ্যেষ্ঠ বড় পূজা, শরতের শ্রেষ্ঠ দান শারদীয়া, বাঙ্গালার বাঞ্ছিত পরব। পশুবলির ব্যবস্থা ছিল না বলিয়া উদার বৈষ্ণব মাতামহ আমার নিত্য এ মহোৎসবে যোগদানে কোনও আপত্তি করিতেন না।

পূজাস্ত্রে বিসর্জনের পালা, সে কি করুণ দৃশ্য! বাণীতে বায়ুতে ও বাত্মে বিসর্জনের সুর! পূজক ঘট নাড়িয়া কজ্জলি ছিঁড়িয়া অশ্রুধ্বংস কর্তে যখন বলেন 'সংঘৎসর-ব্যতীতেতু পুনরাগমনায় চ—'; যখন স্নানকুন্তের দর্পণ লইয়া এবং থালার হলুদজল রাখিয়া স্থলে, জলে ও আকাশে পাদপদ্মের প্রতিবিম্ব দর্শন করাইয়া ইষ্টার্ঘ্য প্রদান করেন, তখন সে পূজা অভিনয় শেষ হইয়া, মহীয়সী দেবী শক্তির পুনরাবির্ভাব হয়। ইহা বাঙ্গালার বিশেষতঃ বাঙ্গালা পল্লীর নিজস্বধন,—পল্লী-পুরস্কী সাশ্রনয়নে বাস্পগদগদ ভাষায় বরণ করিয়া মাঝে যখন বিনায় দিলেন, তখন মহামায়া মহাশক্তির কথা যেন কাহারও মনে রহিল না,—পল্লী-বালিকাকে খশুরালয়ে পাঠাইবার করুণ অভিনয় হইয়া গেল। কনকাজলির পর মুখে পান সন্দেশ দিয়া, হলুদ জলে পা ধোয়াইয়া, অঞ্চলে পা মুছাইয়া যখন কত্রী প্রতিমার চিবুকের চুমা খাইতে খাইতে সজল নয়নে স্নেহভরে বলিলেন, 'মা! আবার এস' 'মা! আবার এস', 'মা! আবার এস', মন তখন আর মানিল না, সবাই বলিল 'মা! আবার এস' আবার এস, আবার এস'। তাই আজিও আসিতেছেন, ডাকার মত ডাকিলে কি মা না আসিয়া থাকিতে পারেন?

এ মোহজাল ভাঙিল, পুরোহিতের বারবেলা, কালোলা প্রভৃতির তাড়নার। কণ্ঠবিদ্যায়ের সময়ের মোহও এইরূপেই কাটে। মহাসমারোহে সবদ্বা, সালঙ্কতা প্রতিমা নদীজলে নিমজ্জিত হইল। তাহার পর নিজয়ার মহোৎসব। অপরাহিতার ডুরি বাধা, শান্তি নেওয়া, প্রণাম, আশীর্বাদ, আবাহান ও শক্র-মিত্র-নির্কিশেষে কোলাকুলি। নিজ হাতে গড়িয়া, নিজ হাতে সাজাইয়া, অর্চনা, নিজ হাতে ভাসাইয়া, সৃষ্টি-স্থিতি-লয়ের এ অভিনয়কে পৌত্তলিকতা বলিতে হয় বল, কিন্তু শৈশবের কোমল মনের উপর ইহার যে ছাপ পড়ে, তাহা মুছিবার নয়। যখন এ ছাপ পড়িয়াছিল তখন কমলাকান্তের দুর্গোৎসবের আয়োজন হয় নাই বা তখন বন্দেমাতরম-শ্রুতি ঋষির অপূর্ব ভাব-বিজ্ঞানের অধিকারী হই নাই—এবং গীতাসভার সভাপতির আসনে বসিয়া পণ্ডিতপ্রবর খগেন্দ্রনাথ শাস্ত্রীরও মহামহোপাধ্যায় সিতিকণ্ঠ বাচস্পতির অপূর্ব ব্যাখ্যা তখনও শুনি নাই। এইরূপ বহু পল্লী-উৎসবের মাঝে সে ছাপ দৃঢ়তর হইল।

‘বার মাসে তের পার্কণ’ কথাই কথার কথা; তেইশ কি তেত্রিশ কত যে পার্কণ পল্লী-সমাজে ছিল তাহার ইয়ত্তা করিতে পারি না। সব কথা বলিতে গেলে পুঁথি বাড়িয়া যায়। চৈত্র-পার্কণের কথাটা বলি। চৈত্রপার্কণের সে সকল দৃশ্য তিরোহিতপ্রায়। কলিকাতায় ছাতু বাবু-লাটুবাবুর মাঠে এবং কোনও কোনও বস্তীর ভিতর হয় তো কেহ কেহ ইহার কিয়দংশ দেখিয়া থাকিতে পারিবেন; কিন্তু পল্লীতেই ইহার পূর্ণবিকাশ ছিল। গাজন-তলায় প্রকাণ্ড এবং বহু উচ্চ মাচা বাধা হইত। সমস্ত চৈত্রমাস ধরিয়া সন্ন্যাসীর দল প্রস্তুত হইয়াছে, জাতি-বর্ণ-নির্কিশেষে সকল সন্ন্যাসী গ্রামবাসি-মাত্রেরই নমস্কার এবং সেবাধিকারী। সন্ন্যাসীদের ফিকা গৈরিক বস্ত্র, গলার উত্তরী—মোটো এলো সূতার গুচ্ছ, মাঝে কুশাজুরী; হস্তে দণ্ড, মাথায় বিনান বেত্রগুচ্ছ; রুক আনন্দ-নির্ভরতার-মুষ্টি, অতি চমৎকার! চৈত্রের ‘গজকা’বাধা ঢাকের চঞ্চল গম্ভীর শব্দের লয়ে লয় মিলাইয়া ‘সেবাখাটা’ ‘স্বরগ বাণী’ এবং ‘ফুল কাড়ানো’ ‘ঝাঁপভাড়া’, ‘কাটাকাটা’, ‘লীলাবতীর বিবাহ’, ‘সালে ভয়’,

‘হৈদোলা’, ‘কাগকে পাতাড়ির নৃত্য’ এই সকল ব্যাপারের মধ্যে এক অদ্ভুত শক্তিমত্তা, গাভীর্ঘ্য ও অকপট ভগবৎ স্রীতির সম্মিলন-দৃশ্য দেখিতে পাইতাম। ফুল কাড়ানো মাহাত্ম্য, নবোদগত ত্রিদল বিজয়ত্রয় ঘন-চন্দন-চর্চিত হইয়া গ্রামের ভাবী মঙ্গল কাহনার মঙ্গলময় দেবাদিদেব চন্দ্র-চূড়শীর্ষে অর্গা স্থাপিত হইত। তেমন ঘন-চন্দন-চর্চিত বিশ্বদলও সুরিত হইয়া প্রার্গিত অঞ্জলি মধ্যে আসিত; ‘ভর’-প্রাপ্ত সন্ন্যাসীর কাণে ‘চিতেন’ বাজনা বাজান হইত। গ্রামবাসী উপনাসী, উৎকণ্ঠিত, করুণাগী, গলবাসে দণ্ডায়মান। বৈজ্ঞানিক প্রমাণের যুগে ইহা প্রকাশিত হইবার মত ভাষা আড়িও বাহির হয় নাই। ‘ঝাঁপভাড়া’,—সু-উচ্চ মঞ্চ হইতে উপবাসী সন্ন্যাসীর বহুনিম্নে ঝুটি, কাঁটা, কাটারী, তলোয়ার, আশুন, এমন কি সাপ ইত্যাদির উপর বুক দিয়া ঝাঁপাইয়া পড়ার প্রথা ছিল। যেন সন্ন্যাস-শক্তি-বলে সন্ন্যাসী-শ্রেষ্ঠের কুপায় জীবনের সকল বিষয়-বাধা-বিপত্তির মধ্যে অকুতোভয়ে ঝাঁপ দিয়া অক্ষত শরীরে অভীষ্টকর্মোদ্ধারের চেষ্টার অভিনয় হইত। আবার দেখিতাম তীক্ষ্ণ লোহার ঝড়শী দিয়া পিঠের চামড়া ও মাংস-পেশী ভেদ করিয়া উচ্চ ‘চড়ক’ কাঁধে ‘দে পাক—দে পাক’ চৌৎকারের মধ্যে সন্ন্যাসীকে ঘোরান। নৃশংস বলিয়া যখন আইন এ প্রথা প্রতিষেধ করে, তখন পিঠে কাপড় বাধিয়া এ ঘোরান চলিত। বুঝাইবার বোধ হয় চেষ্টা এবং উদ্দেশ্য যে জীবন-চক্রের ঘূর্ণিপাক কিছুতেই বন্ধ হইবার নয়—তাহাতে পিঠের চামড়া ও মাংস ছিঁড়িয়া যায়, যাউক!

শিবের গাজনের স্থায় গ্রামপ্রান্তে ‘ধর্মের গাজন’ ও হইত। আর এক গাজন হইত, উহা ‘আকল গাজন’।—কিন্তু পুঁথি বাড়িয়া যাইতেছে।

যাদববাণী গ্রামের কথা উল্লেখ করিয়াছি। সে গ্রামের ভিতর দিয়া অদূরে নদীর পরপারে মাতামহের নীলকুঠী। প্রকাণ্ড স্বচ্ছ সরোবরের উপর বাধাঘাট, ধাপের উপর ধাপ, আরও ধাপ, তাহার উপর বৃহৎ পাকা ‘হোজ’ বা চৌবাচ্চা। বর্ষার নদীর জল বাড়িয়া গিয়াছে, গ্রাম-গ্রামান্তর হইতে ডোঙ্গা, নৌকা, সালতী নোকাই হইয়া নীল আসিয়া লোহার শিকলের বেটনে পাম হইয়া ‘হোজ’ বোঝাই হইতেছে। হোজের এ পার

হইতে ও পার পর্যন্ত বড় বড় বাহাদুরী কাঠের কড়ি ও তক্তা সাহায্যে নীলের গাছের উপর জাঁক দিয়া বড় দূর সম্ভব চাপান দেওয়া হইতেছে। সেই উচ্চ ধাপের উপর ধাপের দুইদিকে দাঁড়াইয়া বহুসংখ্যক মজুর বড় বড় 'সিউনি'তে দড়ি বাধিয়া চৌবাচ্চা হইতে চৌবাচ্চার জল তুলিয়া সেই জলে 'হোজ' পূর্ণ করিতেছে। হোজের গায়ে উচ্ছে, নীচে বহুসংখ্যক ছোট বড় গর্ত। নীল পচিলে পচাজল পাকা নালীতে পড়িতেছে। নালী দিয়া নীচের অল্প হোজে জল পৌছিলে, কাঠের হাতা দিয়া অসংখ্য মজুরের নীল গাঁজিবার পালা। তারপর গাঁজা জল খিতাইলে বাহির করিয়া দেওয়া হইল। তার পর নানা হোজের ভিতর দিয়া নানা নালী পার হইয়া, নানা প্রক্রিয়ার পর নীল জলের কাদানী সংগ্রহ করিয়া নীলের বড়ী প্রস্তুত হইল। স্বতন্ত্র ঘরে সরু বাথারীর নাচার উপর সে বড়ী শুখাইলে বাস্তবন্দী হইত। তাহার পর গোষানে কলিকাতা নীলের হাটে চালান দেওয়া হইত। নীল বোনা হইতে নীল চালান দেওয়া পর্যন্ত একটা দীর্ঘকালব্যাপী পল্লী-উৎসবের ন্যায় ছিল।

কুবক ও মজুর হায্য পাওনা গণ্ডা পাইত, আনন্দের সহিত কার্য্য করিত এবং মাতামহেরও যথেষ্ট অর্থাগম হইত। উহার ভিতর কণামাত্র অত্যাচার, নির্ধ্যাতন বা অসদ্ ব্যবহারের চিহ্ন মাত্রও ছিল না। বহু বৎসর পরে 'নীলদর্পণে' বিধধর নীলকরের বীতৎস বর্ণনা পড়িয়া বুঝিতে পারিতাম না যে, নীলকরের হাতে মাতামহ-প্রচলিত নিয়মের বীতৎস ব্যভিচার কোন হইত। ব্যবসাদার নীলকর যে পাপের প্রবর্তন করিয়াছিল, তাহার পূর্ণ প্রায়শ্চিত্ত হইয়াছে। তাহাদের নীলের লাভজনক ব্যবসা উঠিয়া গিয়া এখন সম্ভা অকর্ম্মণ্য Synthetic Dye এর উপর নির্ভর করিতে হইতেছে। যে ব্যবসায়ের বা কর্ম্ম লোকের উপর অমাহুষ অত্যাচার হইয়া পাপ প্রস্রব পার, তাহারই এই দশা অবশ্যস্তাবী।

কার্ত্তিক মাসে নিয়ম-সেবার কথা পূর্বে সংক্ষেপে উল্লেখ করিয়াছি। বিশিষ্ট বৈষ্ণব বংশেও এপ্রথা ক্রমশঃ অস্তহিত হইতেছে। সেজন্য আরও একটু বিস্তৃত উল্লেখ বোধ হয় অপ্রাসঙ্গিক হইবে না। সমস্ত কার্ত্তিক মাস পরিবারস্থ সকলে ও পল্লীবাসিগণ সংবৎসিদ্ধে ভগবৎ-সেবা ও অর্চনার

একমনে ব্যাপৃত থাকিতেন। প্রাতে ত্রীমভাগবৎ পাঠ, অপরাহ্নে ব্যাখ্যা ও সন্ধ্যার পর সুমধুর চরিত্র-সংকীর্তন, ব্রাহ্মণ বৈষ্ণব ও দরিদ্র নারায়ণের সেবা, এই সেবার অঙ্গ ছিল এবং গাসাবধি সেবা নিয়মিতভাবে সম্পন্ন হইত বলিয়া তাহার নাম নিয়মসেবা। ভোরে 'টহলিয়া'গণ গ্রামে সকল বাটীতেই হরিনামের 'টহল' দিয়া বেড়াইতেন এবং তাহা শুনিয়া গ্রামবাসী নরনারী পুত, স্নাত ও শুদ্ধ হইয়া মাতামহের ঠাকুরদালানে ও প্রাঙ্গণে সমবেত হইতেন। মাসান্তে মহোৎসব, তাহা অপূর্ব বিরাট ব্যাপার। তাহার পূর্বেই মাসকালব্যাপী পাঠ ও ব্যাখ্যা শেষ হইয়াছে। প্রাতঃকালে ভিন্ন ভিন্ন গ্রাম হইতে সমাগত কীর্ত্তনীয় ও গ্রামিক দল, নগর সঙ্কীর্তনে বাহির হইয়া আনন্দে গ্রাম প্রদক্ষিণ করিতেন। সঙ্গে তুরী, ভেরী, ধ্বজ, পতাকা, খুস্তা ও পাঞ্জা, কারুকার্য্যখচিত রেশমের ছাতার তলে স্বয়ং গোশ্বামী মহাশয় কীর্ত্তন-দলের শেষে চলিয়াছেন, কার্ত্তিকের শেষেও তাহার সেবার্থ দুই আড়ানী পাখা চলিয়াছে। পথে যথা তথা গৃহস্থ 'হরিরলুট' দিতেছে। সে কি আনন্দদৃশ্য! মধ্যাহ্নে আনন্দবিভোর নগরকীর্ত্তন করিয়া আসিয়া বিস্তীর্ণ প্রাঙ্গণে উন্মাদ-নর্ত্তন আরম্ভ করিল; কাহারও বা দশা-প্রাপ্তি হইল। কাহারও বা মুচ্ছা, কাহারও বা তাণ্ডব নৃত্যের সহিত হহঙ্কার, তারপর উঠানে কলসী কলসী হনুদজল ঢালিয়া তালঠাণ্ডা হইল; সে পঙ্কচর্চিত হইয়া ভক্ত ধস্ত হইলেন।

ইতোমধ্যে ভিতর দালানে মহোৎসব বা মোচ্ছবের আয়োজন হইয়া গিয়াছে। অসংখ্য বড় বড় মালসা সারি সারি সাজান হইয়াছে। পাশে মাটির গামলা তাহা মহাবীরের ভোগে নিযুক্ত। মহাবীরের না কি সর্দি কাশির আশঙ্কা আছে? সেজন্য তাহার সহিত জল-স্পর্শের ব্যবস্থা ছিল না। তাহার চিঁড়া মুড়কীর ভোগ হুধে মাখা হইত। মালসাগুলির ভোগ জলে মাধিয়া দধিসংযোগ হইত। তাহার উপর নানাবিধ ফল ও বৈষ্ণবের চিরপ্রিয় 'মালপো' ভোগ। ষাটশ গোপাল, ছয় গোশ্বামী, গোঁষটি মহাশয়ের স্বতন্ত্র মালসা; বকুলপাতার কিংবা আম্রপাতার তাহাদের স্বতন্ত্র নাম লিখিয়া স্বতন্ত্র মালসার টিকিটের কার্য্য করিত। ভিতর ও বাহির দালানের,

দালানের খামের মাঝের ফোকরে ফোকরে মোটা নীল রঙের পর্দা। ভোগের সময় ভিতর দালান হইতে সকলকে বাহির করিয়া দিয়া গোস্বামী মহাশয় ভোগ নিবেদন করিলেন। ভোগ নিবেদনাঙ্গে পর্দা খুলিয়া দেওয়া হইল; সকলে সাষ্টাঙ্গে প্রণিপাত করিয়া নুষ্ঠিত হইলেন; টাকা, আধুলী, সিকি, ছয়ানী, পয়সা বাহার যেমন সাধ্য প্রণামী দিলেন। 'টপুয়া', 'ছাদাম', 'দামড়ি' এমন কি 'কড়ি'রও অভাব হইল না, এসকল তখন পল্লী প্রচলিত মুদ্রা-রূপে ব্যবহৃত হইত।

তাহার পর ভোগবন্টন ও বিতরণ। গ্রামের সকলকেই ভোগের অংশ প্রেরিত হইল, কোথাও পুরা, কোথাও অর্ধেক মালসা, কোথাও কম। তারপর অবশিষ্ট অংশ উপস্থিত ব্রাহ্মণ সজ্জন, বৈষ্ণব ও দরিদ্র নারায়ণ সেবায় প্রাপ্তের তিন দিকে বিস্তীর্ণ দালানে ব্যবহৃত হইত। বহুপরে পুরীক্ষেত্রে জগন্নাথ দেবের অন্নশালা দেখিয়াছি, এ দৃশ্য তাহার নিতান্ত বিসদৃশ নহে। মধ্যে প্রসাদ-ভোজী বৈষ্ণবগণের 'সাধু সাধন' উচ্চারণসহিত ছন্দার। প্রসাদবিতরণের পূর্বে গৃহস্থ হলদে ছোপান গামছা অথবা নামাবলী যাহা বিতরণ করিয়াছেন, তাহা বৈষ্ণবের মাথায় বাধা। এ দৃশ্য কি কখনও ভুলিতে পারিব? সময়ে সময়ে তাহার পুনরভিনয়ের ক্ষীণ ব্যর্থ চেষ্টা-সময়ে সে দৃশ্য বহুবার মনে পড়িয়াছে।

বৈষ্ণব-পরিবার-প্রচলিত আর একটি প্রথার উল্লেখ করিয়া এ প্রসঙ্গ শেষ করিব—তাহা অষ্টপ্রহর বা চব্বিশ প্রহরগ্যাপী হরিনাম। তুলসীমঞ্চ বা শালগ্রামশিলা বেড়িয়া দলে দলে বৈষ্ণব-সম্প্রদায় পালা করিয়া অধিবাসের পর নামকীর্তন করিতেন এবং তাহার শেষে ক্ষুদ্রাকারে মহোৎসবের পালা হইত।

এরূপ কত পল্লী-উৎসবের উল্লেখ করিব প্রচলিত তখন একটি ছড়া শুনিতাম, 'আগ্নিবে অম্বিকা পূজা ইত্যাদি'। তখনকার পল্লী-সমাজ ক্ষুদ্র বা বৃহৎ আকারে এ সকল উৎসবেরই আনন্দ উপভোগ করিত, তাহাতেই সমাজ সজীব থাকিত। ম্যালেরিয়ার নানগন্ধ ছিল না। পরম্পরের প্রতি পরম্পরের সহায়ত্ব শুধু মুখের নয়—বর্ধার্থ অন্তরের সহায়ত্ব। এক বৎসর অজন্মা হইলেও অন্নকষ্ট ছিল না, বিলাসিতা ও আড়ম্বর তিলাঙ্ক ছিল

না। এখন চারিদিকে নানা প্রকারের হাহাকার! কাজেই সে সকল উৎসব-ভাব তিরোহিত হইয়াছে। মানুষের জ্ঞান, ধর্মের জ্ঞান, উৎসবেরও নানমাত্র আছে, সব কঙ্কালসার। সে সব উৎসবের স্মৃতিতেও আনন্দ; তাই যত্ন করিয়া মেয়েদের নিকট বিস্মৃতি-ভুলে নিমগ্ন সেই ছড়া সংগ্রহ করিয়াছি। এ তালিকা বর্ণে বর্ণে সত্য।

রাধানগরে থাকিবার সময় আমার জ্যেষ্ঠতৃতো ভগিনীর ধুমধামে বিবাহের কথা উল্লেখ করিয়াছি। বামুনপাড়াতেও আর এক ধুমধামের বিবাহ দেখিয়াছিলাম। আটপুরের মিত্রদের বাটীতে আমার ছোট মামার বিবাহ হয়। বর্ধমানের কারিকরেরা কয়েকখানা পাকী তৈয়ার করিতেছিল, একথা পূর্বে বলিয়াছি। সে সকল পাকী এই বরের শোভাযাত্রার জন্য প্রস্তুত হইতেছিল। বরের পাকীখানা বড় বিশেষ কারিকুরির সহিত তৈয়ার হইয়াছিল। তাহার রং চং, রেশমের ঝালর, বিছানা ও বালিস এবং পাকীর বাঁটের মুখে রূপার কাজ, পাকীর শোভা ও স্মৃদ্ধি যথেষ্ট বাড়াইয়াছিল। তৈয়ারীর সময় এবং পরে গ্রাম গ্রামান্তরের লোক তাহা দেখিতে আসিত। বোলজন বেহারা না হইলে সে পাকী চলিত না। কি অধিকারে জানি না; শোভাযাত্রার সময় বরের সহিত সে পাকীতে আমি স্থান পাইয়াছিলাম। পাকীর আগে, পিছে, পাশে ২৫০।৩০০ পাইক, বরকন্দাজ ও লাঠিমান লাল পাগড়ী ঝাধিয়া দীর্ঘ লাঠি হাতে দৌড়াইতেছিল। কাহারও কাহারও হাতে রূপার বালা, সর্দারদিগের গলার সোণার ডুমরো মালা। পিছনে পাকীতে এবং পদব্রজে বিস্তর বরযাত্রী। আগে নানাবিধ বাগুড়াও,—ঢাক, ঢোল, ঢোলশানি, গরুর গাড়ীতে নহবৎ ও রসুনচৌকী, কাড়া, নাগড়া, জগবম্প ইত্যাদি। সঙ্গে সঙ্গে পুতুলনাচ ও শোলা ও কাগজের নানারূপ জীবজন্তু ও মানুষের মূর্তি, সঙ্গে পিছনে অনেক খাসগেলাস, ফুলের ছড়ি, সিঁড়ি, মই ইত্যাদি। আটপুর গ্রাম দূরে বলিয়া আলো জালা দেখার সৌভাগ্য ঘটে নাই; কারণ কিয়দূর গিয়াই আমাকে অল্প পাকীতে বাড়ীতে কিরিয়া আসিতে হইল। অতদূর যাওয়া-আসা ও রাত্রি আগরণে মাতামহ বিশেষ আপত্তি করিলেন।

কাজেই আটপুরে আলোজালা, আতসবাজী ও অন্যান্য সমারোহ দেখিবার সুযোগ ঘটে নাই।

আটপুরের মিত্ররা প্রসিদ্ধ কায়স্থবংশ; বারিষ্ঠার রাজনারায়ণ মিত্র, * ইঞ্জিনিয়ার আত্মনাথ মিত্র' সেই বংশের বংশধর। বরপক্ষের শোভাযাত্রার যেরূপ সমারোহ শুনিয়াছি, কল্যাণে আতিথ্যেরও সেইরূপ প্রাচুর্য। পরদিন বর আসিবার সময় 'হাটতলা' পর্যন্ত প্রত্যাদ্গমন করিতে গিয়াছিলাম। কল্যাণের বহুতর লাঠিয়ালও সঙ্গে আসিয়াছিল। হাটতলার উল্লর পক্ষের লাঠিয়ালগণের রণাভিনয় দেখিবার সুস্বিত হইয়াছিলাম, সময় সময় স্তীতও হইতেছিলাম। লাঠিয়ালদের হাতে শুধু লাঠি ছিল না, অনেকের হাতে ঢাল তলোয়ার। সেজন্য সে রণাভিনয় বিশেষ ধরতর হইয়া উঠিয়াছিল। লাঠিয়ালের সহিত লাঠিয়াল, ঢালীর সহিত ঢালী সড়কীওয়ালার সহিত সড়কীওয়ালার সম্মান তেজে ও উৎসাহে লড়িতেছিল। সময় সময় উত্তেজনা বাহুল্যে অভিনয় ভুলিয়া রক্তপাতের সম্ভাবনা যখন হইল তখন সর্দারেরা খেলা থামাইয়া দিল। খেলার গোড়ার দম্ব রাখার বাহাহুরী দেখাইবার জন্য একজন লাঠিয়ালকে লম্বা গর্ভে উপুড় করিয়া পুতিয়া ফেলা হইল। পুতিবার সময় সে কেবল হাতের কতুই ছুঁ মাটিতে রাখিয়া, একটু মাথা উঁচু করিয়া শুইয়াছিল। এ 'জীতাজানে কবর' এর কি ফল হয় জানিবার জন্য সমস্ত সময়টা আমার যে ভয় ও উৎসুক্যে কাটিয়াছিল, তাহা বর্ণনা করিতে পারি না। আশে-পাশে কেহ চুলে বাধিয়া বা দাঁতে ধরিয়া টেকী ঘুরাইতে ছিল; কেহ দীর্ঘ 'রায়-বাশ' চালাইতেছিল; কেহ skate-এর মত দীর্ঘ লম্বা বাশের সাহায্যে ভীষণ লক্ষ দিয়া বর্ণনাভীত দ্রুত বেগে অভিনয়-ক্ষেত্রের চতুর্দিকে দৌড়িতেছিল; কি করিয়া ক্রোশের পর ক্রোশ অতি অল্প কালে অভিক্রম করিতে পারা যায় ও উচ্চ প্রাচীর ডিঙান যায়, তাহার কৌশল দেখাইতেছিল। মহরমের সময় যে আঙনের খেলা হয় তদপেক্ষা বহুতর কৌশল ও নৈপুণ্যের পরিচায়ক আঙনের খেলাও কেহ কেহ দেখাইয়াছিল। এই সব

খেলা সাক হইতে হইতে শোভাযাত্রা পুনরারম্ভের সময় আসিল। বারবেলা নয়—এমনি একটা কি ছিল বলিয়া "বর-কনে" বাড়ী পৌঁছিবার সময় পিছাইয়া দিতে হইয়াছিল। সেইজন্য এই সময়টা এইরূপ খেলার কাটান হইল। যাহা দেখিলাম তাহা পরে আর কখনও দেখি নাই, আর কখনও দেখিব না। সে অল্প-কৌশল তিরোহিত হইয়াছে, সে সব কৌশলী লোকও তিরোহিত হইয়াছে। আর যে পারিপার্শ্বিক অবস্থার মধ্যে সে কৌশল সৃষ্টি হইয়াছিল ও প্রদর্শন পাইয়াছিল তাহাও লুপ্তপ্রায়।

আলো, আতসবাজি, বাতোগম ও বিজয়ী সেনার প্রত্যাবর্তন অভিনয়সজ্জার শোভাযাত্রা চলিল। বিবাহ শোভাযাত্রাটা অধম বাদ্যলাতেও রণাভিনয় সজ্জার অনুরূপ ছিল, সুদূর পশ্চিমে প্রয়োজনমত বীরকেশরী শিবাজী বিবাহ শোভাযাত্রার অনুসরণে রণসজ্জা করিতেন। যাহারা পল্লীগ্ৰামে বৈবাহিক ব্যয়-তালিকার মধ্যে 'ঢেলা' মারুণী বাবু লক্ষ্য করিয়াছেন, তাঁহারা জানেন যে শোভাযাত্রা গ্রামপ্রান্তে পৌঁছিলে কল্যাণদল প্রচণ্ড বেগে 'ঢেলা' বর্ণন করিতেন এবং উপযুক্ত দক্ষিণা বা মর্যাদা পাইলে তবে শোভাযাত্রা অগ্রসর হইতে দিতেন। বিবাহের পরদিন কল্যাণকে লইয়া প্রত্যাবর্তন-যাত্রা অন্য পথে করিতে হইত এবং বোধহয় পূর্ক দিনের সংঘর্ষ স্মরণ করিয়া এ সতর্কতার সৃষ্টি হইয়াছিল। এখন পুলিশরক্ষিত সহরে ও ম্যালেরিয়া পীড়িত পল্লী-গ্রামে পূর্ককার মত হাতাহাতি মারামারি হয় ন'; হয় কথার কাটাকাটি, তাহাও উঠিয়া যাইতেছে, কারণ সুসভ্য কল্যাণাত্মী কেবল বিশদ-দর্শন প্রদর্শন করিয়া ও শারীরিক মানির অজুহাত দেখাইয়া বিবাহের নিয়ন্ত্রণ রক্ষা করেন। আলাপ-পরিচয়, কথাবার্তা আহালাদির মর্যাদা উঠিয়া গিয়াছে, আছে বাকী কেবল দস্তবিকাশ। "ঢেলা মারুণী" ও উঠিয়া গিয়াছে আছে বাকী "দোর ধরুণী" "শয্যা তুলুণী" "নন্দ কেরী" "মাতৃগ বাবহার" ও "গ্রামভাটা"। মৃতন গজাইয়াছে লাইব্রেরী (Library)—ক্লাব (Club) জিম্নেসিয়াম (Gymnasium) আর আমার সাধের "রিফি-

* ইনি ইঞ্জিনিয়ার ছিলেন না, গবর্নমেন্ট একাউন্টেন্ট ছিলেন, অল্পের লেখক মহাশয়ের মাতুল পরমারাধ্য অশ্বত্থকুমার সরকারের কন্যা কন্যা যমোমোহিনীকে ইনি বিবাহ করিয়াছিলেন। পঃ পুঃ সঃ

উজ' (Refuge)। কাঙ্গালি-বিদায় উঠিয়াছে—ব্রাহ্মণ-বিদায় উঠিয়াছে। বিপুল বাছোড়মের সহিত বর-কনের অভ্যর্থনা হইল। সদর দরজায় জীবন্ত মৎস্য দেখান হইল। স্বশুর বংশের শ্রীবৃদ্ধি কাননায় দুধ খেলান দেখান হইল। ধেড়ে মেয়ের চলন তখনও হয় নাই, কোনও বর্ষিয়সী পুরস্কী অক্লেশে কনেকে কোলে লইয়া সদর দরজার চৌকাঠ পার হইলেন। শুক্রাঙ্ক:পুর আবাসোপযোগী করিবার অভিপ্রায়ই বোধ হয় কনের এই চৌকাঠ ডিঙ্গান বারণ। উদ্বাহ উত্তমরূপ বহন করা—সার্থক-নামা হইল। তারপর ভিতর বাটীতে যে আচার ব্যবহার ও কাব্যকলাপ সমাধা হইল তাহার বর্ণনা নিম্নয়োজন, সকলেই জানে। মেয়ের অলঙ্কারাদি খোলা হইয়া পিতৃলের ছোট ছোট 'গুলম্যাক মারা' ছোট ছোট কাঠের বাক্সে রাখা হইল। কাপড় চোপড় আসিয়াছিল নবপ্রচলিত চামড়া মোড়া মাঝারি 'গুলম্যাক-মারা' তোরঙ্গে, ত হাও দেখিতে সুন্দর। সে বাক্স, তোরঙ্গ তুলিয়া রাখিবার জায়গায় ইঙ্গিত করিব বলিয়া এ কথার প্রস্তাবনা। আমাদেরও অজানা এক চোর-কুঠারির ভিতর তাহার স্থান হইল। কত আঁকা বাঁকা গলিপথ ও সুড়ঙ্গের ভিতর দিয়া সে চোরা কুঠরিতে পৌঁছিতে হইত তাহা বর্ণনাতীত। যে দিকে সে কুঠরী অবস্থিত সে মহলে উঠিবার সিঁড়ীর মাঝামাঝি হেলান প্রকাণ্ড একজোড়া লোহার গুলম্যাক মারা কপাট সিঁড়ি বন্ধ করিয়া পড়ি গ। দেওয়ালের ভিতর বহুদূর যাইতে পারে এমন মোটা 'তসলায়' তাহা বন্ধ হইত। কফিকল ও কাছির সাহায্যে সে কপাট খুলিতে হইত। দুর্গ পরিখার উপর কাঠের পোল সে কালে যেরূপ উঠান হইত, ইহা সেই ভাব। সে কপাটে ছিদ্রও থাকিত, প্রয়োজনমত তীর চালান যাইত। চোর ডাকাতির পর সকল সন্ত্রাস্ত গৃহস্থের বাটীতেই এই সকল আয়োজন ছিল। বাহিরের সদর দরজাও এইরূপ তসলার সাহায্যে কাজ হইত। সর্বদা টাকা গহনা রাখিবার জন্ত এক অদ্ভুত উপায় ছিল; এখনও কোনও কোনও দোকানে ক্ষুদ্রাকারে তাহা দেখা যায়। প্রকাণ্ড তক্তপোষের তক্তা পাড়নের নীচে 'চোরা বাক্স' আঁটা থাকিত। আলমারী, দেওয়াল, লোহার সিন্দুকের রেওয়াজ তখনও হয় নাই।

তদানীন্তন বিবাহ-ব্যাপারে 'দান' 'পণের' বাড়াবাড়ি এবং বিবাহের পূর্বে এবং পরে 'তত্ত্ব তাবাসের' প্রাচুর্য ছিল না। কৌলীন্য, আভিজাত্য, বংশ-মর্যাদা এবং সামাজিক প্রতিষ্ঠার আদর ছিল এবং আদর ছিল চরিত্রের, কৃতিত্বের এবং বিচার। পল্লীগ্রামের গৃহস্থ পরিবারের মধ্যে 'দেওয়া খোওয়া'র বাড়াবাড়ি ছিল না, কিন্তু 'তত্ত্ব তাবাসের' মধ্যে মহিলা-শিল্পের ও কারুকার্যের প্রচুর নমুনা পাওয়া যাইত। সে নমুনার মধ্যে নানাবিধ 'পুঁতির অলঙ্কারে সালঙ্করা 'পুতুল' ও তাহাদের পুরাতন, পরিষ্কার রত্নিন 'শাকড়া'র 'তর বেতর' সাজ পোষাক; আসন গালিচা-তুল্য আস্তরণ ও নানাবিধ সজ্জা দেখিয়াছি। পুঁতির পাখা, 'পুঁতির ছড়ি, 'পুঁতির গঁজে (Money Purse), 'পুঁতির সিকে, 'পুঁতির মশারির ও বালিশ-অড়ের ঝালর; 'পুঁতির জাঁতি, পাকী, কাজললতা, কলম-খাপ, কুর্সি, চৌকি ইত্যাদির শিশু-সংস্করণ, আয়না টাকা ও বাটা-পোষ প্রভৃতি। কড়ির আলনা, কড়ির তেথরি, চৌথরি, সাতথরি, ও ন'থরি সাদা ও ঝালর-কাটা "তেকাটা" বালিশ গঁজ ও ঐ প্রকার বহুবিধ কড়ির সজ্জা; এসকলও তত্ত্ব পাঠানর মত সামগ্রী ছিল। সে সকলের যথাযথ সন্নিবেশে সে দিনের গৃহগুলির রূপ সে দিনের রুচিতে ভালই লাগিত। সে সকল সাজে সাজান, 'নিকান পোছান' মাটির ঘরগুলি পর্যন্ত দেখিলে ছোট ছোট ঠাকুর ঘরগুলিরই মত মনে হইত। খাবার বাক্স, খাবার বাসন, চালের হার, মিহি কাটা সুপারি, ঐ সুপারির 'দারকো' টাকা, জানালার চিকের ঝালর ও চাকা কাটা সুপারির গড়েমালা তদানীন্তন মহিলা-শিল্পের অসদৃশ ও বিশিষ্ট অবদান আজিও কেহ দেখিলে তাহার সম্মান করিবে। সুলভ উপাদানে প্রস্তুত সে সকল সুশ্রী শিল্প তখনকার তত্ত্বের বিশেষ গৌরবের নিদর্শন ছিল।

শহরে যখন সোণার বেনে হইতে কাষস্থ, কাষস্থ হইতে ব্রাহ্মণ, ব্রাহ্মণ হইতে অগাণ্ড জাতির মধ্যে বিবাহে দান, পণের বাড়াবাড়ি হইয়া সমাজকে দুর্বল করিতেছিল সেই সময়ে তদনুপাতে 'তত্ত্ব তাবাসের' বাড়াবাড়িও হইয়াছিল। কারণে অকারণে, সময়ে অসময়ে, অভাবে ও অভাবের অভাবে কিছুদিন এই 'তত্ত্ব'-প্রণালী দুঃস্থ গৃহস্থকে ব্যতিব্যস্ত করিয়াছিল। একবার কোনও বড় মাহুষের বাড়ী হইতে

গ্রীষ্মকালে আমি 'পাখার তত্ত্ব' যাইতে দেখিয়াছিলাম। রং বেরংএর নানা টাএর রাশি রাশি পাখা তাহার কেন্দ্র ; টানা পাখা, হাত পাখা, এড়ানি পাখা, চন্দন কাঠের পাখা, কুঁচিকাঠির পাখা, খসখসের পাখা, ময়ূর পুচ্ছের পাখা, কাপড় ছাকড়ার পাখা, উলের পাখা, মেমেদের পাখা, কাগজের পাখা, তলতা বাঁশের হাত ঘুরান পাখা, তারকেশ্বর কালীঘাটের চিত্রিত পাখা, ঘাসের পাখা, এমনই কত কি পাখার বিকট সম্ভার দেখিয়াছিলাম তাহা বর্ণনা করিতে পারি না। তখনও বিজলী পাখার প্রচলন হয় নাই যে গৃহস্থের বাড়ীতে এ তত্ত্ব যাইতেছিল তাহারা এই পাখার 'তাড়সে' গল্প ঘষ্ম হইয়া উঠিবে তাহা কাহারও মনে একবারও হয় নাই। পাখার সঙ্গে ছিল অবশ্য দাতব্য বস্ত্র পাড়ুকাদি, আহারীরাদি এবং আরও ছিল বেশ-বিজ্ঞানাদির উপকরণ এবং অন্যান্য উপকরণ। যিনি তত্ত্ব পাঠাইতেছিলেন তাঁহাকে আমি ভাল জানিতাম, জিজ্ঞাসা করিলাম ব্যাপার কি? তিনি হাসিয়া বলিলেন একটা নূতন কিছু করিলাম। দ্বিজেন্দ্র লাল রায়ের 'নূতন কিছু কর' গানটা তখনও প্রচলিত হয় নাই।

আমি বলিলাম, আমি আরও একটা নূতন কিছু করিতে বলিতে পারি; একটা "কাঁটা"র তত্ত্ব ব্যবস্থা করুন—দাতার মুখ মেঘাচ্ছন্ন হইল। এখন এসকল বাতীক অনেক কাটিয়াছে। আবার পল্লী আদর্শে কাজ চলিতেছে, তত্ত্ব ও সন্দেশের বৈয়াকরণ অর্থ আবার লোকের মনে পড়িতেছে। 'কোটা কুটনো' 'বাটা বাটনা' 'রাঁধা তরকারি' পাঠাইয়াও বড়মানুষের আত্মীয়তা সম্ভব একথা লোকে বুঝিতেছে।

এই বিবাহে যদিও 'দীর্ঘতাং ভূজ্যতাং', এর অভাব ছিল না, লাঠী, শড়কী খেলা, আত্ম বাজী ও সামাজিক প্রথা-প্রচলিত বস্ত্রালঙ্কার, কারুকার্য প্রভৃতির অভাব ছিল না, কিন্তু অকার্য অপব্যয় কিছুমাত্র উৎসাহ পায় নাই। বিবাহের আনুষ্ঠানিক আয়োজনরূপে 'গোবিন্দ অধিকারীর কৃষ্ণযাত্রা' 'সোলা পোটোর পাঁচালি' এবং কি জানি কার মনে নাই শঙ্কু নিশঙ্কুর যাত্রা হইয়াছিল। সাধারণ লোকের মনোরঞ্জনের জন্য বাহিরে 'তরঙ্গা' ও 'কবির লড়াই'ও হইয়াছিল। অর্ধাচীন সমাজ সংস্কারক বলিবেন, এগুলি যদি অপব্যয় না হয় তবে অপব্যয় কি, আমি জোর

গলার উত্তর দিতে প্রস্তুত যে যদি সুরুচির সীমা অতিক্রম না করে তাহা হইলে সৃষ্টিস্থের ব্যয়ে এসকল আয়োজন-প্রমোদে সাধারণ পল্লীবাসীর স্বাভাবিক অধিকার আছে। তাহাদের কর্কশ, বন্ধুর এবং ঘনাকারাজ্জর সুখশান্তি ও উৎসাহহীন জীবনে এই সকল কৃণিক জ্যোতির আবির্ভাবে তাঁহারা বাঁচিয়া যান, সমাজ বাঁচিয়া যান। এ সকলের অভাবে সমাজ দিন দিন নির্ভীক হইয়া পড়িতেছে। ইহার সজ্জশক্তি ও বল সঙ্করের পরিমাণ নিতান্ত নূন নগণ্য নহে। গোবিন্দ অধিকারীর মূতন পরিচয়ের প্রয়োজন নাই। তাঁহার রচনা ও সঙ্গীত-শক্তির পরিচয় প্রত্যক্ষভাবে পাইবার সৌভাগ্য যাহারা পাইয়াছিলেন তাঁহাদিগকে ধন্য বলিতে হয়। যাত্রার সাহায্যে কৃষ্ণকথার ভূমি-প্রচার তাঁহার স্বভাবসিদ্ধ ছিল।

মাতামহের নূতন কুটুমবাড়ী আটপুরের পাশে তাঁহার বাস; একারণে ও নিজগুণে তিনি সমাদৃত অতিথি। গোবিন্দ অধিকারীই "গোবিন্দ অধিকারীর যাত্রা"। তিনি দূতীর ভূমিকা গ্রহণ করিতেন, একাই একশো; যাহাকে যা' বলাইতে হয় বলিতেন, যাহাকে যা' গাওয়াইতে হয় গাওয়াইতেন, সঙ্গে সঙ্গে অপূর্ব নৈপুণ্যের সহিত 'বেহালা' বাজাইতেন এবং সেই 'বেহালা'র ছড়ির অপর রূপ সাহায্যে 'ছোকরা' দিগকে 'দোরস্ত' রাখিতেন। পোষাকটা অমেকটা আমার উত্তরকালে লক "এবার্ডিন ইন্ডিনিভার-সিটির" (Aberdeen University) 'গাউনের (Gown) স্ময়, বুকের দুই ধারে পরতে পরতে বড় বড় ভাঁজে পড়িয়া থাকিত। গান সব মনে নাই, একটা গানের দুইটা ছত্র মাত্র মনে আছে। প্রভাসতীর্থে বৈষ্ণব-ছিন্ন-শোভিত দ্বারিগণের হস্তে নিদারুণ প্রহার খাইতে খাইতে "যশোমতী" গানিতেছেন—

"পারে ধরি, ওরে ধারী !

আর প্রহার করিসনে তোরা ;

আমি, সেই মা যশোদা,

নীলমণি যার নয়নতারা !"

গোবিন্দ অধিকারীর পদাবলী—পদাবলী বলিতে আমার কিছুমাত্র বিধা নাই—সাধারণ লোক-প্রচলিত। অতএব তাহার বহুল পুনরাবৃত্তি নিশ্চয়োজন। দুই একটা গান ভুলিলে বোধ হইত অস্তায় হইবে না।

যেমন কৃষ্ণ কীর্তন হইল তেমনই কালা কীর্তনেরও আয়োজন হইল। গোড়ায় বলিয়াছি মাতামহ গোড়া বৈষ্ণব ছিলেন না, তিনি উদার-হৃদয়। শঙ্কু-নিশঙ্কু-বধের পালা হইল। ষাট্রাটা কার তা' মনে নাই, বড় ভাল জমিল না। গানের অভাব রং তামাসায় সারিয়া লইল। ধুম্রলোচন আসরে আসিলে গান উঠিল—

“মা মা ধুম্রলোচন !
তুমি রণে মহাবীর,
তোমার প্রকাণ্ড শরীর।”

* * * *

সুগ্রীব রণস্থলে বাইবার পূর্বে— রামায়ণের সুগ্রীব নম—
গাইলেন—

“কাল সকালে রাজা হব,
একটা কাঁঠাল খাব।
এক ধামা মুড়ী খাব।”

* * * *

গ্রাম্য বীরের এই স্বাভাবিক উচ্চ আশার কথা মনে পড়াতে মনে হইতেছে, ‘দল’টাও ‘বুলি বটমের’ (Bulli Bottom) দলের তায় নিতান্ত গ্রাম্য ‘দল’। “শ্রীমন্তের মশান” পালায় চাঁটগেরে নাবিককে গাহিতে শুনিয়াছি—

“তিনটা টকা লইবো বাবু,
সিংহলে যাইতে,
আর কিছু লইবো পিয়ার,
পথেতে খাইতে।

* * * *

স্থান, কাল, পাত্র ও ভূমিকা ভেদে ‘কুশী-লবের’ আভ্যন্তরীণ আশা ও আশয় এইরূপ স্বাভাবিক ভাবেই প্রকাশিত হইত। সময় সময় ইহারও সীমা অতিক্রম করিত। সাধারণ লোকের জন্ত যে বাহিরে ‘তরঙ্গা’ ও ‘কবির’ ব্যবস্থা হইয়াছিল, তাহার সীমা আরও বহু দূরে; সেজন্য আমরাও থাকিতাম সে আসর হইতে বহু দূরে কিন্তু দূরত্ব সে ‘ঢোল’ ও ‘কাশিত’ মঙ্গত কখনও ভুলিতে পারিব না।

জমিট গান—গানের মত গান করিয়াছিলেন “সোনা পোটে”। ‘দাশরথির পাঁচালী’র পর আর তেমন ‘পাঁচালী’ শোনা যায় নাই; ‘বাজুখাই গলা’ ও ঢোলক-মন্দিরার মঙ্গত কাণে এখনও বাজিতেছে, আর মনে পড়িতেছে একটা গানের কয়টা ছত্র—

মন-মানসে সদা ভজ !
দ্বিজ-চরণ-পঙ্কজ ;
দ্বিজরাজ করিলে দয়া,
বামনে ধরে দ্বিজরূপ।
কি রোগ হইল বিধী,
বৈষ্ণোতে না দেন বিধী,
এ রোগের মহৌষধি,
(শুধু) ব্রাহ্মণের পদরজঃ।

পূর্বে বলিয়াছি ‘সোনা পোটে’ আমাদের স্বগ্রামের নিকটস্থ গ্রামের অধিবাসী ও ‘দাশরথির প্রিয় শিষ্য।

সকল আমোদ, আহ্লাদ, আপ্যায়নের শেষ আছে, এ ক্ষেত্রেও তাহা হইল, তাহার পরে দীর্ঘ অবসাদ। মাতামহের বিষম ইপানি রোগ ছিল। শেষ সময় উপস্থিত বুঝিয়া তিনি সজ্ঞানে ‘তীরস্থ’ হওয়ার স্মৃতি অভিনায় প্রকাশ করিলেন, পিতৃদেবের উদ্যোগে তাহা কার্যে পরিণত হইল। কোন্ তেঁতুল গাছ কাটিয়া জালানি কাঠ হইবে, কোন্ বেল গাছ হইতে, “বৃষকাষ্ঠ” খোদাই হইবে, তাহার যথাযথ উপদেশ দিয়া তাঁহার বড় সন্দের বর্দ্ধমানের কারিকরের তৈয়ারী পাকিতে শেষবার তিনি চড়িলেন; দশ ক্রোশ পথ আসিয়া আমাদের “হাওড়া বাসুন্দের” নূতন বাটীতে কিছুক্ষণ বিশ্রাম করিলেন; তারপর গঙ্গাতীরে “রামকৃষ্ণপুরে” ‘তীরস্থ’ হইলেন। আবার সমারোহে দান-সাগর শ্রাদ্ধ — তারপর সনাতন প্রথা-প্রচলিত মনোবাদ—তারপর ধীরে ধীরে অবশ্যস্তাবী শেষ। পল্লী-আনন্দের সে অপূর্ব কেন্দ্র ক্রমশঃ ঋণানে পরিণত হইল। ১৮৭৭ খৃঃ অঃ এণ্ট্রান্স পরীক্ষা (Entrance Examination) দিবার পূর্বে, শেষবার মাতুলান্তয় গিয়াছিলাম; তারপর অনেকবার নিকটস্থ গ্রামে, বিদ্যালয়ে পারিতোষিক বিতরণ প্রভৃতি উপলক্ষে গিয়াছি, কিন্তু “ডেসাটে’ড, ভিলেজ

“এর (Deserted Village) সম্মুখীন হইবার শক্তি আর কুলায় নাই। নাহ-যজ্ঞের আকর্ষণে আর একবার জন্মস্থান দর্শনের সৌভাগ্য ঘটিবে কিনা জানিনা; অনেক অংশে বামুন পাড়ার মাটি ভাল, এখনও সাধু সম্মাসীর জন্ম হইতেছে। আমার এক বাল্য-সহচরের পিতৃব্য-পুত্র সমস্ত বিষয় সম্পত্তি দোবোত্তর করিয়া দিয়া দণ্ড কমণ্ডলু লইয়া নিরুদ্দেশ হইয়াছেন। পাকা দেব-মন্দিরে ষড়্ভুজ গৌরান্ধমূর্তি স্থাপন করিয়াছেন এবং সেবার সুবন্দোবস্ত করিয়াছেন।

মাতামহের শ্রাদ্ধের পর কলিকাতা আসিবার সময় একটা ঘটনা ঘটিয়াছিল তাহা বলিয়া এ অধ্যায় শেষ করিতেছি। বামুন পাড়া হইতে পাইতেনের ভিতর দিয়া, বড়গেছের গীর্জা অর্থাৎ “ট্রিগনোমেট্রিক্যাল সার্ভের” (Trigonometrical Survey) সহায়ক, “মন্ডুমেন্ট” (Monument) তুল্য অত্যুচ্চ ও অতি প্রকাণ্ড স্তম্ভের পাশ দিয়া যে সরকারি রাস্তায় উঠিতে হইত তাহা তখন অনেকটা ভাঙ্গিয়া ধুইয়া অস্তহিত হইয়াছে। সালতীর উপর পাকী—সালতীর বাদা-জলা পার হইয়া, ‘লগি’ ঠেলিতে ঠেলিতে অপরাহ্নে ‘ঝাপড়দা’, ‘মাকড়দা’র নিকট ‘চটি’তে পৌছিয়া দেখা গেল যে হাওড়া হইতে যে গাড়ী যাইবার কথা ছিল তাহা যায় নাই; অতএব সে রাত্রি ‘চটি’তেই কাটাইতে হইল। তখন বিলক্ষণ দস্যভয়। উত্তরকালে “ডান্‌কুনীর” ‘ড্রেনেজ’ (Drainage) খালের সাহায্যে সে বাদা-জলা প্রায় অস্তহিত হইয়াছে, রাস্তায় মাটিন্ কোম্পানির (Martin coy.) ‘ট্রেন’ (Train) চলিতেছে, দস্যভয় আর তত নাই।

সঙ্গে ছিল ‘ভূপাল সিং’ পূর্ববীরা দারোয়ান— আকার দীর্ঘ—লাঠী দীর্ঘ—কথাও তদনুপাতে দীর্ঘ। পিতার নিতান্ত অনুরাগ ও ভক্ত ভৃত্য! :৮১৭।৫৮ সালের সিপাই বিদ্রোহের সময়—ভূপাল সিং তাহাকে ‘গঙ্কর’ বলিত—সে ছিল পিতার অনুরাগ; পিতাকে অনেক বিপদে রক্ষা করিয়াছিল। নিজে সে পুরাতন বিদ্রোহী—জগদীশপুরের বিদ্রোহী-নারক ‘কুমার সিংহের’ দলভুক্ত, সদর্পে পায়ে ‘ডিমের’ গুলীর চিহ্ন দেখাইত, নাম জিজ্ঞাসা করিলে বলিত বাবু ভূপাল সিং।

বিদ্রোহী দলের দশা হইতে পিতা তাহাকে মুক্ত করেন, তদবধি সে পিতার কেনা গোলাম; প্রাণ দিয়া তাঁহার কার্য উদ্ধার করিত। ‘চটি’তে পৌছিবার অব্যবহিত পরে, তাহার মনে সন্দেহ হওয়াতে, চারিদিক আলো ও লাঠী লইয়া ঘুরিয়া আসিল। সংবাদ আনিল যে আমরা ‘বাদার’ নিকট যে সাঁকো পার হইয়াছি তাঁর নীচে, ডাকাইতের দল অপেক্ষা করিতেছে, পাকী পৌছিবার ও গাড়ী না পৌছিবার সংবাদ তাহারা পাইয়াছে, সুবিধা পাইলেই রাত্রে ‘চটি’ আক্রমণ করিবে। সম্ভবতঃ ‘চটিওয়ালার’ তাহাদের সহায়ক। ভূপাল সিং তখনই হুকুম জারী করিল যে পাকী-বেহারাদিগকে সে রাত্রে ফিরিতে দেওয়া হইবে না। বাহকদিগকে ও সঙ্গের অন্যান্য লোককে লাঠী সংগ্রহ করিয়া দিয়া ‘চটি’র আশে পাশে রাখিল। ‘চটিওয়ালার’কেও ‘নজরবন্দি’তে রাখিল। সমস্ত রাত্রি স্বয়ং ‘চটি’র চারিদিকে বাহকদিগের সর্দারকে লইয়া লাঠী খেলিতে লাগিল— উদ্দেশ্য লাঠী ঠোকাঠুকীর শব্দে অদূরস্থ ডাকাতেরা বুঝিতে পারে যে ‘দলে’ শুধু ‘গোলা লোক’ নই পাকা খেলোয়াড়ও আছেন। রাত্রে কাঁহারও নিদ্রা হইল না; ভীত ভ্রম মনে অথচ নির্নিমেষ নয়নে ভূপাল সিংহের বীরত্ব ও ব্যূহ-রচনা-নৈপুণ্য দেখিতে লাগিলাম। ভূপাল সিংহের নিকট অনেক গল্প শুনিলাম কারণ সে মাঝে মাঝে চটির ভিতর আসিয়া মাতৃদেবীকে আশ্বস্ত করিতেছিল।

শুনিলাম পিতৃদেব যখন গাজীপুরে সিপাহী-পন্টনের ডাক্তার ছিলেন বিশ্বস্ত বালকভৃত্য “কুঞ্জ-পাঁড়ের” মুখেই তিনি “চাপাটী” পৌছান এবং মধ্যরাত্রে বিদ্রোহ-সূচনার সংবাদ প্রথম পাইয়াছিলেন। সংবাদ তিনি পানোয়ার্ড অফিসার (Officer) বা পন্টনের কর্মচারিগণের নিকট বলিতে গিয়া অপ্রতিভ হইয়া ফিরিয়া আসেন। তাহারা তাঁহাকে নিশ্চয়ই নিদ্রা যাইবার উপদেশ দিয়া বিদায় করে। সে উপদেশ পিতৃদেব গ্রহণ করেন নাই। যে ‘হাসপাতাল’ (Hospital) তাঁহার জিম্মায় ছিল সেখানে রোগিগণকে রক্ষা করিবার উপায় শীঘ্র করিয়া ফেলিলেন। ‘হাসপাতাল’ (Hospital) বাটীর তিনদিকে ছিল ধরতোতা গঙ্গার প্রবাহ, রাস্তায় দিকে ছিল একটা

খাদ্, খাদের উপর ছিল একটা সেতু। স্থিরবুদ্ধি হাঁসপাতালের ডাক্তার যতদূর সম্ভব ইট, পাটকেল, পাথর প্রাচীরের ভিতরে সংগ্রহ করিলেন। যতগুলি খলে পাওয়া গেল গঙ্গার মাটি পুরিয়া তাহা প্রাচীরের উপর রক্ষা করিলেন, মাঝে মাঝে 'বন্দুক' চালাইবার পথ রাখিলেন, নিকটস্থ বাজারের সমস্ত আহারীয় ও ঔষধ ক্রয় করিয়া হাঁসপাতাল বোঝাই করিলেন এবং নিঃশঙ্কচিত্তে বিপদের প্রতীক্ষায় রহিলেন। রাত্রি বারটা বাজিল, তখনও কর্মচারিগণ বাকুনি সেবা কিরিতেছেন। বারটায় তোপের সঙ্গে সঙ্গে তাহাদের আবাসগৃহ দাউ-দাউ করিয়া জ্বলিয়া উঠিল।

গাজীপুরের "গন্ধর" আরম্ভ হইল! কর্মচারীর দল অস্ত্র শস্ত লইয়া স্ত্রী-পুত্র লইয়া যে যে ভাবে ছিল হাঁসপাতালে (Hospital) দৌড়িয়া আসিল—ডাক্তার সর্কাধিকারীর অপূর্ব রণ-সজ্জায় আশ্চর্য্য হইল, আয়োজনের বাহা বাকী ছিল করিয়া লইল। বিদ্রোহীর দল আটদিন ডাক্তার সর্কাধিকারীর হাঁসপাতাল (Hospital) অবরোধ করিয়াছিল। ক্রমাগত যুদ্ধ চলিয়াছিল। তাহার দূরদশিতার গুণে 'রসদ' ও ঔষধের অভাব হয় নাই। ইংরাজসৈনিক ও অন্তঃস্থ কর্মচারিগণ সঙ্গীক আটদিন এই আশ্রয়ে রহিলেন। আটদিন পরে কাশী হইতে নৌকাযোগে সৈন্যদল আসিয়া তাহাদের উদ্ধার করিল। এই কর্মচারিগণের মধ্যে ছিলেন গাজীপুরের 'অ্যাসিস্ট্যান্ট কলেक्टर' (Assistant Collector) বেলী সাহেব—পরে সার ষ্টুয়ার্ট বেলী ; (Sir Sturart Baelly) গাজীপুর হইতে 'জেনারল নীল' (General Nill) ও জেনারল হাভলকের (General Havelock) সহিত লক্ষ্ণৌ (Lucknow) উদ্ধারের জন্ত যাত্রাকালে পিতৃদেব 'ব্রিগেড্ সার্জেন' (Brigade Surgeon) পদে উন্নীত হ'ন। তখন কোনও ভারতবাসীর এ সম্মান ঘটে নাই। এখানে সে সকল বিস্তারিত বিবরণ অপ্রাসঙ্গিক। সুবলচন্দ্র মিত্রের অভিধানে ও জ্ঞানেন্দ্রনাথ দাসের 'বাঙ্গালার বাহিরে বাঙ্গালী' পুস্তকে এসকল ঘটনার সংক্ষিপ্ত বিবরণ দ্রষ্টব্য। ভূপাল সিং সহজ সরল অথচ তেজোব্যঙ্গক ভাষায় এই সকল কথা বিবৃত করিতে লাগিল আমরা শুক হইয়া শুনিতে লাগিলাম।

কথা হইতে কথা উঠে—কাহিনী হইতে কাহিনী জন্ম। বেহারার দলের মধ্যে ছিল এক পুরাতন খেলোয়াড়; অনেক ডাকাত ও 'ঠেঙ্গাড়ে'র গল্প করিয়া আমাদিগকে যুগপৎ ভীত ও আশ্বাসিত করিল। এইরূপ একটা গল্পের কথা পরেও শুনিয়াছি বলিয়া উল্লেখ করিতেছি। বেহারার রাধানগরের দিকে সর্বদা যাতায়াত করিত, তাহার সে অঞ্চলে এ গল্প সংগ্রহ করিয়াছিল। রাধানগরের উত্তর পশ্চিম দিকে "সাপোথ" ও "পাতুলের" মধ্যস্থলে মাঠের মাঝে একটা পুকুরের পাড়ে একটা খুব বড় বটগাছ আছে সেখানটাকে লোকে "যত্নন্দন" বলে। সে স্থান হইতে চারিদিকে এক রশির বেশী দূর পর্যন্ত লোকালয় নাই :—সাপোথ প্রায় চার রশি পশ্চিম, পাতুল এক রশির উপর, পূর্বে ও উত্তর দক্ষিণে উভয় গ্রামেরই পাড়া তাহাও প্রায় ঐরূপ দূরবর্তী।

দক্ষিণের পাড়ায় 'যত্ন' বলিয়া এক 'ঠেঙ্গাড়ে' ছিল। সংসারে তাহার স্ত্রী ও একমাত্র পুত্র। পুত্রের নূতন বিবাহ হইয়াছে। খসুরবাড়ী সন্নিকটস্থ ভিন্ন গ্রাম। 'ঠেঙ্গাড়ে 'যত্ন' রাহাজানি করিয়া সোনা, রূপা ও নগদ ট'কা অনেক রকমই পাইত। চেনহার, আংটি, কবচ প্রভৃতি সোনার দ্রব্যও পাইয়াছিল ও একটীমাত্র ছেলে বলিয়া তাহাকেই দিয়াছিল। সেই সকল পরিমা অন্ধকার রাত্রে একদিন একা সে সেইপথে খসুরবাড়ী যাইতেছিল। তাহাই তাহার পথ। এক জায়গায় তামাক খাইতে একটু দেয়ী হইয়াছিল। নূতন খসুরবাড়ী যাওয়ার আনন্দে সাহসী পল্লীযুবা বিভোর হইয়া চলিয়াছে ;—যেস্থানটাকে "যত্নন্দন" বলে সেখানটা প্রায় পার হইয়াছে এমন সময় ভৈরব হুঙ্কারে আদেশ হইল, "কে যার দাঁড়া," প্রথমটা চমকিত পরে সকল বুঝিয়া পুত্র বলিল 'বাবা আমি গো', — 'এমন সময় সবাই বাবা বলে' এই প্রত্যুত্তরের সঙ্গে সঙ্গেই, মস্তকে বজ্র কঠোর প্রচণ্ড লাঠির আঘাত পাইয়া পুত্র হতচেতন এবং গতায়ু। পিতা অন্ধকারে, মৃত পুত্রের পি-হিত বস্ত্রালঙ্কার খুলিয়া লইয়া, প্রচুর লাভের আনন্দে বাড়ী ফিরিয়া পত্নীকে সে সকল দেওয়ামাত্র পত্নী আতঙ্কে শিহরিয়া উঠিয়া "ওগো কি কর্লে গো,—মনি যে আমার এই সব পরেই খসুরবাড়ী গেছলো গো",—বলিয়া বুক-ফাটা ব্যথায় আর্জ্বনরে কাঁদিয়া উঠিল। পিতা শুক-শোক

নিমুচ-অশুশোচনার উন্মাদ। আপনার ক্ষিপ্ত হিংসার বিব-
দংশনের অসহ্য আলায় আত্মহত্যার রুতসঙ্কর। “বাহা
হইবার হইয়াছে, পাপের ভরা ডুবিয়াছে, পুত্র শোকাতুরা
বহু জননীরা ক্ষুর আত্মা উথলিয়া উঠিয়াছে, রুত কৰ্মের
উপযুক্ত ফল ফলিয়াছে, এখন আর পাপ না বাড়াইয়া
চির অমৃত্যুতাপের তুষানলই প্রারম্ভিক-বিধি।” অনন্তসহায়
পত্নী এই বলিয়া বহু সাধ্য-সাধনার ও নানা সাধনা বাক্যে
স্বামীকে আত্মহত্যা হইতে বহু কষ্টে নিবৃত্ত করিলেন।
তদবধি ‘ষড়্’ কঠিন দিলাসা করিয়া এ নৃশংস কার্য ত্যাগ
করিয়াছিল, কিন্তু সেস্থানের প্রতি পরমাণুতে এই নিষ্ঠুরতার
শোণিত-নিশাব যে মিশিয়া গিয়াছিল তাহা আজো
তেমনই জীবন্ত হইয়া রহিয়াছে! আজিও লোকের একলা
অসময়ে সেখান দিয়া যাইতে গায়ে কাটা দিয়া উঠে,
আজিও সেই মৃতপ্রায় সরসীর পঙ্কিল-ঘন জলোচ্ছ্বাসে
নিবিড় ঘন বটবৃক্ষের পত্র-মর্মরে, শূন্যে বিলীন বায়ুর হা
হা রবে, ত্রাসিত-সজাগ পক্ষিকর্ণে বড় করুণস্বরেই যেন
ধ্বনিত হয়, বাবা আমি গো!—বাবা আমি গো!!—
এইরূপ গল্প গাছায় রজনী প্রভাতোন্মুখ, দূর হইতে
ডাকাইতের দল ভোজপুরী ছাতুখোরকে “বড় বেঁচে গেলি”
বলিয়া গালি দিতে দিতে চলিয়া গেল।

ততক্ষণে হাওড়া হইতে গাড়ী পৌছিয়াছে। অতি অল্প
সময় মধ্যে গঙ্গাতীরে হাওড়ার ঘাটে আসিয়া পৌছান
হইল; তখন হাওড়ার পোল হয় নাই। পানশিতে
গঙ্গা পার হইয়া বহু বাজারের বাসা পৌছিয়া তরুণ
জীবনের নূতন অধ্যায় খুলিয়া গেল।

স্কুল ও কলেজ স্মৃতি।

এ স্মৃতিও বড় মধুর! এজীবন পুনশ্চ করিয়া অতি-
বাহন করিতে আবার ইচ্ছা হয়। পল্লীগ্রামের মুক্ত
হাওয়ার বহুদিন ছুটাছুটির পর, সহরের অলিগলি এমন
কি বড় রাস্তা মাঠ ময়দানও, কেমন ধরাবাঁধার মধ্যে
বাধিয়া ফেলিল। বাড়ীর সিঁড়ীর দেওয়াল, ঘরের দেওয়াল
পর্যন্ত যেন দুই দিক হইতে গায়ে ঠেঁকিতে লাগিল।
আশ্রয়ের মধ্যে ভেতলার খোলা ছাত ও রাস্তার ধারের
কারাগা! ঠিকা গাড়ীর পিছনের টিকিটের পরের পর
নম্বর, পেন্সিল দিয়া দেওয়ালে লেখা, নবীন ময়রার

কচুরি ও গরম জিলাপী সংগ্রহ, বুদ্ধ কোচেরান ও
আকবর সহিসকে সন্তুষ্ট করিয়া, পিছনের গলিতে ঘোড়ার
চাপা; ঘোড়ার বালাঞ্চি লইয়া হার বিনান ও ঠাকুরা
হাতের উপাদেশ মূলা, ভেটকী, মুগের ডাল, পুঁইশাক
চচ্চড়ী, তেঁতুলের অম্বল ও মাছের ঝোলার নিত্য
সদ্যবহার; মধ্যে মধ্যে ঝাঁ ঝাঁ পাতের স্নায় পাতলা
সরুচাকলি ও পুলি পিঠার প্রাক্ক করা প্রভৃতি খাণ্ড
কর্তব্য কৰ্মে, কয়েকদিন জীবন পরমানন্দেই কাটিল।
কিন্তু সুখের দিন চিরদিন সমান বহে না। বাড়ীর
সামনে, রাস্তার ওপারে “দুগো ঘোড়েল” তাহার বাড়ীর
দোতলার এক স্থল ফাঁদিয়াছিল; সেই ফাঁদে ধরা
পড়িলাম এবং তথা হইতে শীঘ্র বহু বাজারের পাশে
বহুবাজার “অ্যাংলো ভারনাকুলার” বিদ্যালয়ে উন্নীত
হইলাম। ইচ্ছা ছিল সেখানে তদানীন্তন প্রচলিত ছাত্র-
বৃত্তি পরীক্ষা দেওয়া হয়। হেড্ মাষ্টার গিরীশ বাবু
ও নিম্ন শ্রেণীর শিক্ষক রাজকুমার বাবু এবং পরজীবনের
সহিত বিশেষ সংশ্লিষ্ট নবগোপাল ভট্টাচার্য্য মহাশয় যথেষ্ট
যত্ন করিতেন। অল্প বিস্তর বাঙ্গালা চর্চাও হইল তাহাতে
পরজীবনে কিছু উপকারও হইয়াছে। ক্লাসে ওঠা নামার
সম্বন্ধে ‘ইন্স্পেক্টর অফিসে’ রচিত শৃঙ্খলের তখনও সৃষ্টি
হয় নাই। বৎসরের মধ্যে, ‘পড়া পারিলে’ই দুই তিন
বার ক্লাসে ওঠা হইত। দেখিতে দেখিতে বিদ্যালয়
মহাশয়ের ‘বাঙ্গালার ইতিহাস’ শশিভূষণ চট্টোপাধ্যায়ের
‘রামের রাজ্যাভিষেক’; রাজকুমার বন্দোপাধ্যায়ের ‘টেলিমে-
কাশ’, অক্ষয়কুমার দত্তের ‘চাক্রপাঠ’ ও বাঙ্গালার রচিত
কতক কতক ভূগোল, পাটীগণিত এমন কি জ্যামিতিও
‘সারা’ হইয়া গেল; অল্প বিস্তর রচনাও বাকি গেল না,
তাহার ভিত্তি ‘লোহারামের ব্যাকরণ’।

পুস্তকগুলির বিস্তারিত উল্লেখ করিবার বিশেষ উদ্দেশ্য
আছে। তাহা এই যে শিক্ষক ও গুরুজনের উৎসাহ
ও প্ররোচনার সকল সময় ক্লাস ক্রটনের বাধ্য না হইলে
এবং দৃঢ়চিত্তে অগ্রসর হইবার ইচ্ছা থাকিলে লেখা
পড়ার কাজ দ্রুতগতিতে অগ্রসর হয়। ‘বিজয়-বসন্ত’
বিদ্যালয় মহাশয়ের বাঙ্গালা ‘শকুন্তলা’, ‘ভ্রান্তি-বিলাস’
‘বেতাল পঞ্চবিংশতি’ ও আর্ডট বইয়ের মধ্যে গণ্য হইয়া
বিশেষ আনন্দ ও সুখ প্রদান করিল। কিছু ছাত্রবৃত্তি

বিদ্যালয়ে ইংরাজি পড়া কম বলিয়া, পিতৃদেবের আশঙ্কা ও আক্ষেপের কারণ হইয়াছিল, সেইজন্য ছাত্রবৃত্তি বিদ্যালয়-লীলা দুই এক বৎসরে সমরণ করিয়া, পাক্কী চড়িয়া সরাসরি, মোটা ঘাস ও বড় উঠানযুক্ত পটলডাঙ্গা গোল দিঘৌব ধারে, সংস্কৃত কলেজে উপস্থিত হইলাম।

সাক্ষাৎভাবে বাঙ্গালা সাহিত্যের সহিত পরিচয় আপাততঃ এইখানেই শেষ হইল। বিদ্যাসাগর মহাশয়ের নবপ্রণীত ও অপেক্ষাকৃত বহুল প্রচারিত বাঙ্গলা পুস্তকাবলীও সংস্কৃতজ্ঞানের ভাষার প্রতি অনাদর তখনও কমাইতে পারে নাই। পূর্বে বাঙ্গলা না জানিলে যেমন ইংরাজি নাটকের পসার বাড়িত, আবার সংস্কৃত কলেজে অবস্থান কালেও 'ভাষা' অর্থাৎ প্রচলিত বাঙ্গলা না জানিলে, সংস্কৃতজ্ঞেরও সেইরূপ আদর বাড়িত। বাঙ্গালা লিখিতে গিয়া বর্ণাঙ্কি অনেক পণ্ডিতের গর্কের কারণ ছিল। অবশ্য এ নিয়মের যথেষ্ট ব্যত্যয়ও ঘটিতেছিল।

পণ্ডিত হারকানাথ বিদ্যাভূষণের 'সোমপ্রকাশের' ওজস্বী ভাষা 'পণ্ডিত' মণ্ডলীকেও দলে আনিতেন। পণ্ডিত হরিনাথ বিদ্যারত্ন মহাশয়ের 'রচনাবলী' ও 'বিরাটপর্ষ' এবং তারাক্ষরের 'কাদম্বরী' দ্রুত গতিতে শিক্ষাজগতে উচ্চ স্থান অধিকার করিতেছিল, নাটকের রামনারায়ণের নাটকাবলী, পণ্ডিত মহাশয়গণকে একটা নূতন যুগের আলোক দেখাইতেছিল; এবং শ্রীযুক্ত প্রসন্ন কুমার সর্কাদিকারীর পাটীগণিত ও বীজগণিত প্রমাণ করিতেছিল যে, বাঙ্গলা ভাষার সাহায্যে বৈজ্ঞানিক রচনা-গুচ্ছ ফলবতী নয়, কার্যকরীও হইতে পারে। অপর পক্ষে যখন বিধবা-বিবাহ প্রচলন ও বহু-বিবাহ-নিবারণ আন্দোলন বিদ্যাসাগর মহাশয় উপস্থিত করিলেন এবং পণ্ডিত জগন্মোহন তর্কালঙ্কার বেনামায় সমর্থন করিতে লাগিলেন, তাহাদের প্রতিপক্ষ মহাপণ্ডিত এবং সংস্কৃত রচনার বিশেষ পারদর্শী তারানাথ তর্কবাচস্পতি মহাশয় বাঙ্গালার উত্তর দিতে পারিলেন না! তাঁহার পুত্র জীবানন্দ বি, এ, বিদ্যাসাগর অতি নিস্তেজ বাঙ্গালা ভাষার উত্তর দিলেন। উপযুক্ত 'ভাইপোস্ত' প্রণেতা জগন্মোহন তর্কালঙ্কার মহাশয় 'বি, এ, বিদ্যাসাগরকে নিরস্ত ও অপত্তিত করিলেন।

যদিও আমাদের সময় সংস্কৃত কলেজে বাঙ্গালা পাঠনার প্রাচুর্য ছিল না, সংস্কৃত কলেজের শিক্ষক ও অধ্যাপকগণের দ্বারা বাঙ্গালা ভাষা ও সাহিত্যের যথেষ্ট পরিপুষ্টি হইতেছিল দেখাইয়াছি। যে মনীষিগণের পদাঙ্কানুসরণ করিয়া এই সাহিত্য-সম্পদ বাড়িতেছিল তাহার মধ্যে বিশেষভাবে উল্লেখযোগ্য শ্রীযুক্ত রামকমল ভট্টাচার্য্য, কৃষ্ণকমল ভট্টাচার্য্য, তারাকুমার কবিরত্ন, শিবনাথ শাস্ত্রী, নৃসিংহচন্দ্র মুখোপাধ্যায়, নীলমণি মুখোপাধ্যায়, যোগেন্দ্রনাথ বিদ্যাভূষণ, হরপ্রসাদ শাস্ত্রী, রজনীকান্ত গুপ্ত ও ক্ষেত্রমোহন গুপ্ত। শ্রীযুক্ত নীলমণি মুখোপাধ্যায় বাঙ্গালা ভাষায় ইংরাজি 'গ্রামার'ও এ সম্পর্কে বিশেষ উল্লেখযোগ্য, কারণ তাহার সাহায্যে দুর্দান্ত ইংরাজি ব্যাকরণ সহজে আয়ত্ত হইয়াছিল। যে সকল বিশিষ্ট গ্রন্থকারের নাম করিলাম ইহার সকলেই জ্যাঠা মহাশয়ের বিশেষ প্রিয় ছাত্র এবং তাঁহাকে দেবতার স্তায় ভক্তিপ্রদা করিতেন। তিনি অনেকের শিক্ষার ব্যয়ভার বহন করিয়াছিলেন এবং অন্ন-সংস্থান করিয়া দিয়াছিলেন। এ স্থলে সে সকল বিষয়ের ও তাঁহাদের গ্রন্থাদির বিবরণ নিম্নয়োজন। আর এক শ্রেণীর বাঙ্গালা সাহিত্যের সৃষ্টি হইতেছিল; ইংরাজি ও সংস্কৃত সাহিত্য হইতে বাঙ্গালা সাহিত্যের পুষ্টির উপাদান সংগ্রহ-চেষ্টা—বিদ্যানাগর মহাশয় ধারাবাহিকরূপে প্রথম চেষ্টা করেন, কিন্তু অনুবাদ তাঁহার সে চেষ্টার অঙ্গীভূত নহে। তিনি ভাবের ছায়া লইয়া ভাষার পুষ্টিসাধন করিতেন। কালী প্রসন্ন সিংহ মহাশয়ের মহাভারতের অনুবাদ তখন আরম্ভ বোধ হয় যেন শেষ হইয়া গিয়াছে। বিদ্যাসাগর মহাশয় স্বয়ং তাহার তত্ত্বাবধান করিতেন এবং যে অদ্ভুত অক্ষুক্রমিকা লিখিয়াছিলেন তাহা বাঙ্গালা সাহিত্যে স্থায়ী স্থান অধিকার করিয়াছে। মহাভারতের আদর্শে আরও নানা শাস্ত্র গ্রন্থের আধুনিক বাঙ্গালা ভাষায় অনুবাদ এই সময় আরম্ভ হইল। পণ্ডিত জগন্মোহন তর্কালঙ্কার, সত্যরত্ন সামশ্রমী, কালীবর বেদান্তবাগীশ প্রভৃতি এই প্রচেষ্টার নেতা জ্যাঠামহাশয় ইহার বিশিষ্ট সাহায্যক ও পৃষ্ঠ পোষক ছিলেন। প্রায় এই সকল গ্রন্থেই তাঁহার নাম পৃষ্ঠপোষকরূপে উল্লিখিত হইয়াছিল। শ্রীযুক্ত কালীবর বেদান্তবাগীশ মহাশয়ের সংশোধিত

মহাভারতের আদি পর্কের টাইটেল পেজে লিখিত আমার নগণ্য নাম ভারত সহিত সংশ্লিষ্ট হইবার আছে—“Published under the patronage of অধিকার পাইয়াছে। এই বিষয়ে জ্যেষ্ঠতাত মহাশয়ের Babu Prsanna Kumar Sarvadhikary, Principal পদাঙ্কানুসরণ করিবার সৌভাগ্য আমার অসাধারণ। Government Sanskrit College, Calcutta”। সিদ্ধান্তবাগীশ মহাশয়ের মহাভারতে নীলকণ্ঠের টীকা উত্তর কালে, শ্রীযুক্ত হরিদাস সিদ্ধান্তবাগীশ মহাশয় আছে এবং সিদ্ধান্তবাগীশ মহাশয় স্বরচিত ভারত-কৌতুকী মহাভারতের বৃহত্তর সংস্করণ প্রকাশিত হইবার সময়, নামে টীকা আছে ও স্থূললিত বাঙ্গালা অনুবাদ আছে।


বিজয়া-গীতি

[শ্রীদেবেন্দ্রনাথ বসু]

গাল বাজিয়ে আস্ছে ভোলা
বুঝিয়ে তোরা বল গো হরে।
নিরে না যায় প্রাণের উমা
পাষণ-পুরী শ্মশান করে।

ভয়মাথা, বলদ চাপা,
ধরে একটা ঞাংটা ক্যাপা,
রাজাকে ধিক্! সোনার চাপা
দেছে শ্মশানবাসীর করে ॥

চিতের ধোঁয়ার গোরী আমার
কালী-বরণ হয়েছে সার
মায়ের বাথা সব কত আর
মড়ার মাথা গলায় পরে!



প্রতীক

[শ্রীমহেশ্বনাথ দত্ত]

প্রতীক বা চিত্র বুঝিতে হইলে ভিন্ন ভিন্ন জাতি বিভিন্ন সময়ে কিভাবে উঠিয়াছিল এবং সেই সেই জাতিগত ভাব কি করিয়া প্রকাশিত হইয়াছিল তাহা বিশেষভাবে জানা আবশ্যিক। বর্তমানকালে যদিও নানা জাতির চিত্র ও প্রস্তর-মূর্ত্তি আমরা পরিদর্শন করিয়া থাকি এবং নানারূপ দোষ-গুণের ব্যাখ্যা করি, কিন্তু সেই সকল জাতির অন্তর্নিহিত মৌলিকভাব যতক্ষণ না উপলব্ধি করিতে পারি, ততক্ষণ তাহাদের জাতীয় মাধুর্য ও উৎকর্ষ সম্যক অবগত হইতে পারি না।

ভারতীয়রা বহুকাল হইতেই এই বিষয় চিন্তা করিয়া-ছিলেন। তাঁহাদিগের “চিত্র” শব্দে এই বুঝায় যে ‘চিত্’ বা ব্রহ্মের অব্যক্ত অবস্থা হইতে ব্যক্ত অবস্থায় পরিণতি, চিদ্রূপ আকাশ হইতে চিত্তাকাশে অথবা চিদাকাশ হইতে চিদাভাসে পরিণত করিয়া সাধারণের বোধগম্য হয় এরূপ প্রত্যক্ষরূপই প্রতীক বা চিত্র। এইজন্ত প্রত্যেক বিগ্রহ বা মূর্ত্তিগঠনের ভিতরে তার বিশেষ ধ্যান বর্তমান, সেই ধ্যান অনুযায়ী বিগ্রহ-নির্মাণই শিল্পীর কৃতিত্ব। কোন মহাপুরুষ ধ্যানমগ্নাবস্থায় চিদাকাশ হইতে চিত্তাকাশে কোন ধ্যেয় বস্তু উপলব্ধি করিয়াছিলেন, তিনি তাহাতে বিভোর হইয়া আনন্দ উপভোগ করেন এবং অস্তেবাসীদিগকেও সেই ধ্যেয় বস্তুর অনির্করণীয় আনন্দ উপভোগ করাইবার জন্ত নির্দিষ্ট ধ্যানে নিয়োজিত করেন। এইরূপে শিষ্য-পরম্পরায় শুধু উপলব্ধির ভিতর দিয়াই ধ্যেয় বস্তুর আনন্দান্বাদন চলিতে থাকে; কিন্তু পরবর্ত্তিকালে সাধারণ লোকের বোধগম্যের জন্ত সেই ধ্যেয় (Conceived Concept) বস্তুকে কোন স্থায়ী পদার্থ যেমন মূর্ত্তিকা, কাষ্ঠ বা প্রস্তরের উপর প্রতিবিম্বিত করিয়া পার্থিব রূপ দেওয়া হয়।

এইজন্ত বিগ্রহ দুই শ্রেণীতে বিভাগ করা যাইতে পারে;

প্রথম শ্রেণী যথা—অব্যক্ত হইতে ব্যক্ত অবস্থায় পরিণতি অর্থাৎ নিষ্করণ হইতে সঙ্গুণ অবস্থা কিরূপ ধীরে ধীরে আসে তাহা দেখানই প্রথম বিভাগের লক্ষ্য। দ্বিতীয় বিভাগের লক্ষ্য হইল মনকে সঙ্গুণ হইতে নিষ্করণ অবস্থায় পরিবর্ত্তিত করা অর্থাৎ মন সঙ্গুণের স্থূল অবস্থা হইতে ক্রমশঃ সূক্ষ্ম গতিশীল হইয়া কিরূপে নিষ্করণ বা চিদাকাশের দিকে যায় তাহা দেখান। এই দুই বিভাগের ভিতরে সকল প্রকার প্রতীককেই আনয়ন করা যাইতে পারে।

ভারতীয় প্রতীকে একটা দেবতাব, একটা অতীব পবিত্রভাব পরিলক্ষিত হয়। বামাচারী-সম্প্রদায়ে রুচি-বিগর্হিত অনেক প্রকার প্রতীক দৃষ্ট হয়, কিন্তু সেই সকল সাধন-সহায়ক যন্ত্র বা মূর্ত্তা বিশেষ। সেই বিশিষ্ট সম্প্রদায়ের ধর্মান্দর্শ অনুযায়ী সেই সকল যন্ত্র বা উপাসনা প্রণালীরূপে নির্মিত হইয়াছিল। অপর অপর সম্প্রদায়ের চক্ষে সেই সব প্রতীক অতি বীভৎস বলিয়া প্রতীয়মান হইতে পারে, কিন্তু তদুপাসক সম্প্রদায়ের নিকট এই সকল যন্ত্র উপাসনার পবিত্র প্রণালী মাত্র। এইজন্ত তাঁহারা ইহাদের ভিতর দেবতাব বা মহা পবিত্র ভাব ধারণা করেন। ভারতীয় যুগল মূর্ত্তির তাৎপর্য এই যে লীলা নিত্যকে অনুসরণ করিতেছে এবং নিত্য লীলার নিকটে প্রতিভাত হইতেছে, অর্থাৎ একজন আশ্রয় পাইয়া পূর্ণ আর অপর আশ্রয় দিয়া পরিতৃপ্ত বা পরিপূর্ণ। স্ত্রীপুরুষ-মিলনসম্বৃত পাশ্চাত্য ভাব এস্থলে মোটেই নয়।

সহজ কথায় ভারতীয় সমস্ত প্রতীককে দুই শ্রেণীর বলা যায়। এক শিবের ধ্যানী ভাব অর্থাৎ সমাধি অবস্থা হইতে মন দেহেতে কিরূপে আসিতেছে এবং অপর দুর্গার সজ্জিব্যভাব অর্থাৎ সাধারণ অবস্থা হইতে মন সমাধির দিকে কিরূপে যাইতেছে। ভারতীয় সব প্রতীকেই এই দুই ভাবের কোন না কোনও আভাস পাওয়া যায়।

রোমক বা ইজিপ্তিয়ান জাতির চিত্রের আদর্শ

অসুর (Assyrian) জাতির

চিত্রের আদর্শ

অসুর (Assyrian) জাতির আদর্শ অষ্ট প্রকার ছিল। ইয়া (Ea) এবং অনু (Anu) তাহাদের এই দুই উপাশ্র দেবমূর্তি। ইয়া বলিতে পৃথিবী (Earth) বুঝায় এবং অনু বলিতে ব্যোম (Firmament) বুঝায়

পরে তাহারা নগ্নকার স্ত্রী ও পুরুষের আকারে পরিবর্তিত হয়। উহাদিগের দর্শনশাস্ত্র ও যাবতীয় কলা-বিদ্যা এই দুই ভাবের উপর প্রতিষ্ঠিত। প্রথম অবস্থায় অর্থাৎ কয়েক শতাব্দী অস্তে তাহারা প্রতীকে দেবত্ব পরিস্ফুট করিবার জন্ত দুইটি করিয়া পক্ষ সংযোজনা করিয়াছিল। পৃথিবী হইতে স্বর্গ এবং স্বর্গ হইতে পৃথিবী দেবতাদের অনায়াসগম্য করিবার জন্ত তাহারা প্রতীক-পৃষ্ঠে দুই দুইটা পাখা সংযোগ করে। ঐসময়কার সমস্ত মূর্তি যথা—পক্ষ-বিশিষ্ট অশ্ব, সিংহ এবং দীর্ঘচঞ্চু ও পক্ষ-বিশিষ্ট মানুষ দেখিলে স্বতঃই মনে হয় যে, তখন জাতির ভিতরে একটা নূতন ভাব উদ্ভূত হইয়াছিল। মৎস্যপুরী (Ninevah) হইতে ইব্রাহিমকে যখন অপসারিত করা হয়, তখন জাতীয় দেবতাদের বিপর্যস্ত ভাব ঘটিল। নগ্নকার ইয়া ও অনু—আদম (Adam) ও ইভ (Eve) নামে পরি-গণিত হইল এবং চঞ্চু ও পক্ষ-বিশিষ্ট নৃমূর্তিটা স্বর্গীয় দূত (Angel) নামে অভিহিত হইল; এবং উহাই পরিশেষে আরবদিগের হুর (Hour) ও পারশুজাতির পরী (পবু—পক্ষ) রূপে পরিগণিত হইল। ইহার আর কোন নিদর্শন পাওয়া যায় না। ভারতীয়রা যোগবলে স্বর্গ বা ইন্দ্রপুরী যাতায়াত করিতেন—এই ছিল তাহাদের যথার্থ জাতীয় ভাব; কিন্তু অসুর (Semitic) দিগের যোগবলের কোন প্রকার ধারণাই ছিল না। এইজন্য তাহারা সাধারণ জীবের জায় পাখার আশ্রয় গ্রহণ করিয়া স্বর্গারোহণের উপায় উদ্ভাবন করে। ভারতীয় প্রতীকের সহিত অসুরদের প্রতীকের অসীম পার্থক্য। সেমিটিকদের এই পক্ষ-সংযোগের ভাব ভারতীয়, গ্রীক বা রোমান কোন চিত্রের আদর্শেই দৃষ্ট হয় না।

রোমকজাতি অতি প্রাচীনকাল হইতেই সভ্যতা লাভ করিয়াছিল এবং চিত্রকলা, দর্শনশাস্ত্র ও বহু বিদ্যায় উৎকর্ষতা লাভ করিয়াছিল। তাহাদের উপাশ্র ছিল গৃধরাজ (Horus), ব্যোম বা আকাশকে তাহারা পক্ষী বলিয়া বলনা করিত, গুরুপক্ষ—কৃষ্ণপক্ষ উহার দুই ডানা, তারকা-মণ্ডলী তার পালক বিশেষ এবং সেই গৃধরাজ গুরু ও কৃষ্ণপক্ষকে যথাক্রমে গ্রাম ও উদগার করিতেছে। এই ভাব লইয়া তাহাদের প্রতীকের উৎপত্তি, এইজন্য দীর্ঘ চঞ্চু ও দীর্ঘ নাসিকা তাহাদের সকল বিগ্রহে দেবভাব-ব্যঞ্জক! অসুর জাতির ভিতরে দুই পক্ষ যেমন দেবভাবের পরিচায়ক, রোমক জাতির ভিতরে দীর্ঘ চঞ্চু তেমন দেবভাবের পরিচায়ক। এস্থলে বলা আবশ্যিক যে ভারতীয় প্রতীকে প্রাচীনকালে বাহুর বাহুল্য ছিল না। সাধারণতঃ দুই হাত দুই পা থাকিত; কিন্তু পরবর্তী কালে অর্থাৎ খৃষ্টীয় ছয় বা সাত শতাব্দী হইতে বেশ দেখা যায় যে ভারতীয়রা দেবত্ব জ্ঞাপন করিবার জন্ত হস্তের সংখ্যা বাড়াইতে লাগিলেন। প্রথমে চতুর্ভুজ হইল, তৎপর ষড়ভুজ, অষ্টভুজ, দশভুজ এবং পরিশেষে হয় তো বহুভুজও হইতে পারে। ইহা নিতান্ত আধুনিক ভাব, পুরাতন ভাবের সহিত কোনই সম্পর্ক নাই, বোধ হয় জাতীয় মস্তিষ্ক যখন দুর্বল হইয়া পড়িল, চিন্তাশক্তি যখন ক্ষীণ হইয়া গেল, তেজোময় জলন্ত ভাব ধারণা করিবার সামর্থ্য যখন আর রহিল না, তখন হইতেই বাহুর বাহুল্য সন্নিবিষ্ট হইল। রোমকজাতির ভাব স্বতন্ত্র, তাহাদের প্রতীক আলোচনা করিতে হইলেও তাহাদের দর্শনশাস্ত্র এবং জাতীয় ভাবধারা সম্যক অবগত হওয়া দরকার।

গ্রীকজাতির চিত্রের আদর্শ

গ্রীকজাতি সভ্যতা হিসাবে খুবই উন্নতি লাভ করিয়া-ছিল। তাহাদের প্রতীকের ভিতরেও জাতীয় জাগরণের ইতিহাস এবং জাতীয় ভাবধারা সন্নিহিত। অল্পসংখ্যক গ্রীক এক পার্শ্বত প্রদেশে বাস করিতে গেল, তথায় অসভ্য বর্বরজাতি উহাদের উপনিবেশকে অবরোধ করিয়া

রাখিল। সর্বদা দ্বন্দ্ব, আক্রমণ ও লুণ্ঠন করিয়া গ্রীকদিগকে ব্যতিব্যস্ত করিয়া তুলিল। দেশবাসীদের মধ্যে বিশেষতঃ যুবকদের মধ্যে শক্তিসঞ্চয় না করিলে আত্মরক্ষা হয় না ; দেহ সম্যক্রূপে পরিপুষ্ট দৃঢ় ও স্মৃঠাম না হইলে অস্ত্র-সঞ্চালন সম্পূর্ণরূপে প্রদর্শন করা যায় না, এইজন্য জাতির যুবকমণ্ডলীর ভিতর বিশেষভাবে দৈহিক বল বৃদ্ধির জন্য হারকিউলিস্ (Hercules) নামে এক দেবতার আবির্ভাব হইল এবং সেই দেবতার বীরত্ব-ব্যাঞ্জক মূর্তিই গ্রীকযুবকদের শক্তি-চর্চার আদর্শ হইল। গ্রীক প্রতীকে আমরা স্পষ্ট দেখিতে পাই দ্রুতি, বলিষ্ঠ, স্মৃঠাম ও পূর্ণাঙ্গ শারীরিক শক্তি যেন পরিস্ফুট হইতেছে। যুদ্ধ ও দ্বন্দ্ব করিতে যেন সর্বদাই প্রস্তুত ; কিন্তু উচ্চাঙ্গের মনোভাব তাহাদের ভিতর বিশেষ কিছু পরিলক্ষিত হয় না। ভারতীয় প্রতীকের বৈশিষ্ট্য হইতেছে উচ্চাঙ্গের মনোভাব নানা প্রকারে ব্যক্ত করা,—সেই ভাব বা আদর্শের অনুযায়ী দৈহিক ভঙ্গীর পরিবর্তন দেখান হইয়া থাকে। মন উর্দ্ধতন স্তরে উঠিলে দেহ কিরূপ স্নান, কুশ বা অন্ত্র ভাবের হয় তাহাই দেখান হইয়া থাকে ; ধ্যানের স্রায় উচ্চস্তরের কোন আভাস নাই, কেবলমাত্র শারীরিক বলবীৰ্য্য প্রদর্শন করাই তাহাদের উদ্দেশ্য ছিল। এইজন্য দৃঢ় অবয়ব ও অঙ্গসৌষ্ঠব তাহাদের প্রতীকে পরিলক্ষিত হয়, ভারতীয় প্রতীকের সহিত এ আদর্শের কোনই সামঞ্জস্য নাই। এক জাতির আদর্শ দিয়া অপরজাতিকে বিচার করা অসঙ্গত। গ্রীকজাতির পক্ষ সমর্থকগণ ভারতীয় প্রতীককে যেরূপ হীনচক্ষে দেখিয়া থাকে ও কুৎসা করিয়া থাকে, ভারতের পক্ষসমর্থকগণ ও গ্রীক প্রতীককে সেইরূপ বালকোচিত বা উচ্চভাববিহীন বলিয়া উপহাস করিয়া থাকে। জড়বাদীদের শিল্পনৈপুণ্য মাত্র, দেবভাবের কোনই লক্ষণ নাই বলিয়া থাকে। উভয় জাতির মধ্যেই নিরন্তর এই দ্বন্দ্ব চলিতেছে। প্রত্যেক জাতীয় ভাবের বৈশিষ্ট্য না জানিলে শিল্পনৈপুণ্যের মাধুর্য্য উপলব্ধি হয় না।

রোমান্ (Roman) জাতির শিল্পাদর্শ

রোমান্ জাতি অতিশয় চঞ্চল প্রকৃতির লোক ছিল। স্বাধীনতা ও রাজনীতির অনুশীলন করা তাহাদের জাতীয়

লক্ষ্য ছিল। গণসমূহকে কিরূপ সম্ভাষণ করিতে হইবে, গণসভা (Senate) কে কিরূপ যুক্তি-তর্ক দিয়া আহ্বান করিলে নিজমত সমর্থিত হইতে পারে?—এই সবই ছিল তাহাদের বিশেষ শিক্ষণীয়। রোমান্ প্রতীকে আমরা দেখিতে পাই যে, বক্তা বামহস্ত উত্তোলন করিয়া সম্ভাষণ করিতেছে, বামদিকে মুখ ফিরাইয়া ক্ষিপ্ৰবেগে আপন মনোভাব প্রকাশ করিয়া কথা বলিতেছে। বামদিকে মুখ ফিরাইয়া কথা বলিলে যুক্তিতর্কের দৃঢ়তা জন্মে। বক্তার আজিও উত্তেজিত হইয়া গণবন্দকে যখন সম্ভাষণ করেন, তখন সর্বদাই বামহস্ত সঞ্চালন করিয়া থাকেন এবং বামপার্শ্বে বক্তৃত্তাবে হেলিয়া সম্বোধন ও অভিভাষণ করেন। কিন্তু স্বাভাবিক অবস্থায় ডানদিকে ফিরাইয়া কথা বলিলে বক্তার সেরূপ উত্তেজনা দেখা যায় না। রোমান্-দিগের পক্ষে এইটাই বিশেষ লক্ষ্যের বিষয়, বাকী অনেকাংশ তাহারা গ্রীকদের নিকট হইতে শিক্ষা লাভ করে এবং গ্রীক শিল্পীদের দ্বারাই সব আলেখ্য ও নির্মিত হইয়াছিল। ভারতীয় ভাব হইতে স্বতন্ত্র উদ্দেশ্যে তাহাদের উৎপত্তি হয় এবং গতিও ভিন্নমার্গে হইয়াছিল। ক্ষিপ্ৰ মনোভাব, চিত্তের দৃঢ়তা ও অপরের উপর প্রবল আধিপত্য বিস্তার—এই সকল ভাবই রোমান্ প্রতীকে স্পষ্টভাবে পরিস্ফুট ; কারণ রোমান্‌রা সর্ববিজয়ী ও অর্ধ-পৃথিবীর শাসনকর্তা ছিল। ভারতীয়দিগের নমন্য ভাব তাহাদের প্রতীকে দৃষ্ট হয় না। যে যে জাতি যে যে প্রতীকের নির্মাতা, সেই সেই জাতীয় ভাবই তত্তৎ প্রতীকে অম্বনিহিত থাকিয়া দর্শকের নিকট নির্দিষ্ট পরিচয় ঘোষণা করে।

মাংসপেশী-বিকাশক শিল্পী-সম্প্রদায় (Anatomical School of Art)

খৃষ্টীয় বিগত শতাব্দীর মধ্যভাগে এক নব পন্থীর আলেখ্য উদ্ভূত হয়, ইহাকে Anatomical School of art বলা হইত ; শরীরের মাংসপেশীর নানারূপ স্ফীত, বক্র ও বিকৃত অবস্থা বিশ্লেষণ করাই এই পন্থীদের উদ্দেশ্য ছিল। যীশুকে ক্রুসে বিদ্ধ করিয়া মারা হইতেছে এই চিত্র আঁকিতে গিয়া তাহারা দেখাইয়াছে যে যন্ত্রণার যেন তাহার মাংসপেশীসমূহ স্ফীত, বক্র ও বিকৃত হইয়াছে। কিন্তু যীশুর অন্তিম সময়ে শান্ত,

ধীর ও নির্ভরতা-পূর্ণ ভাব যাহা আমরা Michael Angelo অঙ্কিত Contortion of Jesus নামক অলেখ্যে দেখিতে পাই তার কোনই লক্ষণ নাই। এই Anatomical School কতকগুলি কুস্তীর পালোরান ও গুণ্ডার চিত্র অঙ্কিত করিয়াছিল, বহু চিত্রের আমদানি হইয়াছিল কিন্তু রুচিবিগর্হিত বলিয়া অল্পদিনের ভিতরেই তিরোহিত হয়। দর্শকের তৃপ্তিসম্পাদন না হওয়াতে ঐ প্রকার চিত্র এত অল্প দিনের ভিতর বিলুপ্ত হইয়াছে।

পাক্কার চিত্রশালা

কয়েক বৎসর যাবৎ এক রব উঠিয়াছে যে আলেক-জান্ডারের পারস্ত বিজয়ের বাক্-(Bullhk) রা গ্রীকো-ব্যাক্ট্রিয়াতে বসতি করে এবং পরে তাহার শালুকসের সময় এক রাজ্য স্থাপন করে ও তৎদেশীয় লোক বলিয়া পরিগণিত হয়। 'মিলিনোপাখ্যান' নামক গ্রন্থে পাওয়া যায় যে, রাজা মিলিন্দ (Menander) নামে কোন গ্রীক কাবুলে রাজত্ব করিত। ঐ সব কাহিনী উল্লেখ করিয়া এক খ্রৈণীর লোক এরূপ সিদ্ধান্ত করিয়া থাকেন যে, গ্রীকদেশ হইতে শিল্পীরা আসিয়া গান্ধারদেশে আপন কর্মনৈপুণ্য দেখাইয়াছিল এবং ভারতীয় প্রতীকবিষয়ে নূতন ধারা ও ভাব পরিবর্তন করিয়া দিয়াছিল। নিজেদের উৎকর্ষ ও প্রাধান্য সম্বন্ধে রাখিয়া ভারতীয় শিল্পী-দিগকে নিয়ন্ত্রণের লোক বলিয়া অবজ্ঞা প্রদর্শন করিয়া শিল্প বা ভূত্যরূপে কিছু শিক্ষা দিয়াছিল,—এইজন্য গ্রীকদেশীয় উৎকর্ষ অচ্যপি গান্ধার দেশে বিদ্যমান। সমস্ত প্রতীক বিশেষভাবে পর্যবেক্ষণ করিলে গ্রীকদিগের প্রভাব তত অল্পভূত হয় না। সাধারণতঃ ভারতে যেরূপ প্রতীক হইয়া থাকে, গান্ধারদেশীয় প্রতীকও সেইরূপ; তবে এইমাত্র বৃথা যাইতেছে যে, এক এক প্রদেশে বা রাষ্ট্রে তৎস্থানীয় লোকদের মনোবৃত্তি, শরীরের গঠন, দৈর্ঘ্য ও কৃশত্ব, আয়তন ও ভাবব্যঞ্জক দেহসঞ্চালনের ভঙ্গী—ইত্যাদি অঙ্গুণারে অল্প-বিস্তর পৃথক হইয়া থাকে। ইহাকে প্রাদেশিক প্রভাব (Provincial influence) বলা যায়। গান্ধার-দেশীয় প্রতীকেও তাহাই ঘটিয়াছে, আসলে সমস্তই ভারতীয় শিল্পী-সম্প্রদায়ের। উদাহরণস্বরূপ একলে বলা যাইতে পারে

যে, বাংলাদেশের স্বতন্ত্র একটা মত আছে, তাহা বাংলার বাহিরে দৃষ্ট হয় না; আবার বাংলার ভিতরেই পূর্ববঙ্গ ও পশ্চিমবঙ্গে অলেখ্য ও প্রতীক গঠনে অনেক পার্থক্য রহিয়াছে, যথা—বিক্রমপুরে প্রাচীন বৌদ্ধদের যে সমস্ত প্রস্তরময় প্রতীক পাওয়া যাইতেছে এবং ভাগ্যকুলের কয়েক মাইল দূরে ৬বাসুদেবের যে মূর্তি আছে তাহা নিজস্ব একশ্রেণীর গঠন, পশ্চিম-বঙ্গের শিল্প-প্রণালীর সহিত সম্পূর্ণ পৃথক! এইরূপ বাংলা ও বিহারে, বিহার ও হিন্দুস্থানে, হিন্দুস্থান ও পাক্কাবে এবং পাক্কাব ও আফগান বা গান্ধার প্রদেশের আদর্শ ও শিল্পনৈপুণ্যে অনেক পার্থক্য বিদ্যমান। এক গণেশের মূর্তিই বাংলাদেশে এক প্রকার, উড়িষ্যার ভুবনেশ্বরে অন্যপ্রকার এবং বোম্বাই প্রদেশে সম্পূর্ণ স্বতন্ত্র প্রকার দৃষ্ট হয়। স্থানীয় প্রভাব একই বস্তুকে যে আকাশ-পাতাল প্রভেদ করিয়া দেয় তাহা অস্বীকার করিবার উপায় নাই।

পাক্কাবের লোকেরা দীর্ঘকায় ও বলিষ্ঠ এবং তাহাদের মাথা বড়। তাহাদের প্রাচীন প্রতীক যাহা পাওয়া যাইতেছে তাহা নিজেদের দেহের অমুরূপ শিল্পকলাই প্রদর্শন করিতেছে। আফগানিস্থানের অধিবাসীরা যেরূপ দীর্ঘাকৃতি, বলিষ্ঠ ও স্থূলমস্তকবিশিষ্ট—তাহাদের আদর্শ ও প্রতীক তদ্রূপই হইয়াছে। জল-বায়ুর প্রভাব পার্শ্বত-দেশের আবর্তন এবং শুষ্ক মরুসম স্থানে বসতি-নিবন্ধন তাহাদের মনোবৃত্তি যেরূপ প্রতীকও ঠিক সেইরূপই হইয়াছে। নদীমাতৃক জলো বাংলাদেশের অধিবাসীদিগের মনোবৃত্তি যেমন একপ্রকার ;—শুষ্ক পার্শ্বতদেশবাসী আফগানদিগের মনোবৃত্তি তেমনই অন্যপ্রকার। এইজন্য বাংলার প্রতীকের সহিত গান্ধার দেশীয় প্রতীকের বিশেষ সোসাদৃশ্য নাই কিন্তু সমগ্ৰভাবে দেখিলে সবই এক হিন্দুশিল্পকলার অন্তর্গত। হিন্দু শিল্পকলার যে নিয়ম, লক্ষণ ও পদ্ধতি আছে তাহা বাংলা ও গান্ধার উভয় দেশীয় প্রতীকেই বিকাশ পাইয়াছে। পূর্বে বলা হইয়াছে যে গ্রীকদেশের আদর্শ ও ভারতবর্ষের আদর্শ সম্পূর্ণ বিভিন্ন! উভয় দেশের আদর্শে পার্থক্য থাকার শিল্পনৈপুণ্যও পৃথক হইয়াছে। গান্ধার চিত্রশালায় যে গ্রীকদিগের প্রভাব আছে ইহা

কোনক্রমেই অনুমিত হইতে পারে না এরূপ অনুমান আমাদের ধারণাতীত! লেখক স্বয়ং যতদূর পর্যবেক্ষণ করিয়াছেন তাহাতে গান্ধার শিল্পকলা ভারতীয় শিল্পকসারই ভিন্ন শাখা বলিয়া বিশ্বাস করেন। কোন এক ইউরোপীয়ান আদিয়া গান্ধার চিত্রশালা (Gandhar School of art) বলিয়া যেই রব তুলিয়া দিল অমনি শত শত লোক বিনা বিচারে এবং স্বয়ং কিছুই পর্যবেক্ষণ না করিয়া সেই রবের প্রতিধ্বনি করিতে লাগিল। কি কি কারণে ও লক্ষণে যে গান্ধার চিত্রশালা গ্রীকভাবাপন্ন হইবে তাহা লক্ষ্য না করিয়াই অপর এক ব্যক্তির মত অনুযায়ী সকলেই “তারশ্বরেণ ফুংকর্তু-মারেভে”।

বিভিন্নদেশের আদর্শ ও ভাব অনুযায়ী প্রতীক নিকরূপ বিভিন্ন হয় তাহা আলোচনা করা হইয়াছে।

ভারতবাসী, অপর জাতি, রোমকজাতি গ্রীক জাতি, রোমান জাতি ইত্যাদির প্রতীক ও আলেখ্যের প্রধান প্রধান কয়েকটি লক্ষণ উল্লেখ করা হইল। চীন জাতি ভারতীয় ভাবাপন্ন সেক্ষত্র তাহাদের আদর্শ ও ভাব মিশ্র, কাজেই ইহাদের শিল্পকলা সম্বন্ধে পৃথক আলোচনা নিশ্চয়োজন। গান্ধার চিত্রশালা সম্বন্ধে অভিনব ধারণাটি যে সম্পূর্ণ ভ্রমাত্মক তাহাতে সন্দেহ মাত্র নাই, আমরা এই ভ্রান্ত ধারণা সম্পূর্ণরূপে পরিহার করিবার পক্ষপাতী। ভারতীয় চিত্রকলা সম্বন্ধে যিনি যত অনুধাবন করিবেন তিনি তত স্পষ্টভাবে এই আধুনিক গান্ধার মতবাদের অযৌক্তিকতা বুঝিতে পারিবেন। শিল্পবিষয়ে অনুরাগী ব্যক্তি মাত্রেই দৃষ্টি আমরা এ বিষয়ে আকর্ষণ করিতেছি।

ফলিত বেদান্ত

[শ্রীনিবাস শর্মা]

এবার পেয়েছি সত্য গভীর তত্ত্ব,

জনান্দ্রিনে ভজিয়ে ;

শুধু নিচ্ছে এতদিন হয়ে উদাসীন

গেল--দাড়ি গৌড় জটা গজিয়ে।

যখন হয় না কিছুই কেবলি পিছুই

দেখি ছুনিয়াটা সব মিছে,

হাস, যশ মান ধন হয় না আপন

তখন কামড়ায় যেন বিছে।

বলি,—“কেনো এত যত্ন সকলি স্বপ্ন—

দেখছো যা এ সবই,—

সবই অসত্য দারা, সুর, ভূতা

গীতায় কয়েছেন কেশবই।

“তবে আসে যদি আলপো কীর, ছানা, মালপো
খেতে নাই কারুর বাধা,
পেলে আরো দশখানা নাই কোনো মানা,
এবং আরো কিছু শোনো দাদা—

“অনিত্য বলবে স্বপ্ন ও বলবে
কিছু টাকাটা জমাবে ব্যাঙ্কে,
আর, যদি এক পরমা চুরি করে মরশা
ভেঙে দেবে তার ঠ্যাংকে।—

“চালের খুদটা টাকার স্তদটা,
রেখো—দুরেতেই সমান দৃষ্টি ;
তারপর যদি বল, ‘সবাই যদি’
দেখো—লাগবে কতই গিষ্টি !

নাটাটা কুলোটা নের যদি ভুলোটা,
দেবে নম্বর ঠুকে ;
‘স্বপ্নের সংসার কেইবা কাহার’ ?
বলতে ভুলোনা মুখে।—

“করবে তরু ‘কিবা সম্পর্ক
দুনিয়ার সঙ্গে আমার ?’
দেখিবে তাহাতে পরমা বাচাতে
পারিলে,—ভরিতে ধামার।

“অন্তে, কামড়ালে বিছে বলিবে ‘মিছে,
যাতনাটা সেরেফ্ স্বপ্ন’ ;
অন্তের ক্ষতিতে কহিবে ঝটিতে
‘অনিত্যের কি আর যত্ন’ !

ধানাটা তরারে বেড়াটা সরারে
জমিটে বাড়ারে লবে ;
“স্বপ্ন কেবলি জমি জমা সকলি—
কাহারো কিছু নয়—ক’বে।

এই যে দেহটা আমার কে ওটা ?
 দেখ নাই কেন বিচারি—
 অপরে কহিবে আপনি রহিবে
 ফেলিয়ে কিন্তু মশারি।—

“খেতে আশ্বাদন কোরোনা গ্রহণ,—
 ভালো-মন্দ আবার কি ?
 নিজের ভোজন দুধ চিনি মাখন
 আর আধপোটাকু গাওয়া ঘি।

—স্বপ্ন জানিবে কিছু না রাখিবে
 বলিবে শিথিতে ‘ত্যাগ’ ;
 কিন্তু, নিজের স্বার্থে সমূহ বাচাতে
 টিপে থাকিবে ‘ননিব্যাগ’।

“বিষয়ের বিৎস্বৎ ত্যজিতে সহস্বৎ
 দিবে সবে উপদেশ ;
 নিজে, পোড় শির বাড়ীটা বন্ধুর গাড়ীটা
 নিলানে তুলে, নেবে শেষ।

বলিবে’ এই যে সৃষ্টি এতো মোর দৃষ্টি
 চক্ষু মুদিলেই নাই,—
 এটা শুধু মায়া অলীকের ছায়া,
 আমি আছি—আছে তাই।

‘দয়া আর ভক্তি দুর্কলের উক্তি,—
 দানেরেই ভানে সে ধর্ম ;
 জানীর লক্ষণ এ নহে কদাচন,—
 কোরোনাক’ এমন কর্ম।—

“বুদ্ধি যার পাথর, পর দুঃখ কাতর
 সেই সে মুখই হয় ;
 বিচারে খুঁজিলে স্বপ্ন বুঝিলে
 দেখিবে—কিছু না রয়—

“তাই সে দৃঢ়তার অনেকেই অবতার,
 বিষয়টাই তাঁর রক্ত
 “কি পাপ কি পুণ্য সকলি শূন্য
 বুঝিয়ে,—হয়েছেন শক্ত !

উদ্ভিদ-জীবনে বিহঙ্গের সাহচর্য

[শ্রীঅশেষচন্দ্র বসু বি-এ]

পক্ষীরা ফলভোজন করিতে আসিয়া বৃক্ষের যে কত উপকার করে তাহা এক কথায় বলা যায় না। অবশ্য, এ বিষয়ে আমাদেরকে কতিস্বীকার করিতে হয় বলিয়া আমরা বিহঙ্গের এই ফলভোজনকে বিরক্তির চক্ষেই দেখিয়া থাকি এবং বৃক্ষের কল্যাণের দিকে না চাহিয়া বাগানের ফলবান্ বৃক্ষ সমূহকে জাল দিয়া ঢাকিয়া রাখি। কিন্তু উদ্ভিদ জীবনে বিহঙ্গের এই যথেষ্ট ফলভোজনের প্রয়োজনীয়তা যে কত অধিক তাহা একটা ক্ষুদ্র প্রবন্ধে লিখিয়া শেষ করা যায় না। একথা স্মরণ রাখা উচিত যে বিহঙ্গদিগকে প্রলুব্ধ করিয়া আনিবার নিমিত্তই বৃক্ষেরা নানারূপ সুস্বাদু ফল প্রসব করিয়া থাকে। এই ফল প্রজননকে আমরা আমাদের রসনা-তৃষ্ণির হেতুভূত বলিয়াই অনুমান করি তাহা হইলে বৃক্ষের নিগূঢ় উদ্দেশ্য অনেকটা ব্যর্থ হইয়া যায়। উদ্ভিদেবো স্ব স্ব বংশবিস্তারের সাহায্য লাভের জন্য বিহঙ্গকুলকে সুমিষ্ট ফল উৎকোচ স্বরূপ দিয়া থাকে। বিহঙ্গেরা কি প্রকারে বৃক্ষের বংশ বিস্তারের সাহায্য করিয়া প্রকৃতির নিগূঢ় উদ্দেশ্য সিদ্ধ করিয়া দেয় তাহাই এক্ষণে আলোচনা করা যাইতেছে।

পুষ্পের বর্ণ ও গন্ধ বিষয়ক প্রবন্ধেই আমি কুমুমের পরাগসম্মিলনে কীটপতঙ্গের সাহায্যের বিষয় বিবৃত করিয়াছি। এই কীটপতঙ্গ ব্যতীত কতকগুলি পুষ্পকে বিহঙ্গের সাহায্য লইতে হয়। অনেক তরু-লতার যখন কুমুমের উদ্গম হয় তখন পুংকেশর হইতে গর্ভকেশরে পরাগ-চালনার নিমিত্ত কুমুম মৌনভাবে বিহঙ্গ সমাগমের প্রতীক্ষা করে এবং বিহঙ্গেরা পরিমলের লোভে পুষ্প হইতে পুষ্পান্তরে পরিভ্রমণ করিয়া এবং কুমুমাস্তরে পরাগ চালনা করিয়া প্রস্থানের গোপন উদ্দেশ্য পূর্ণ করিয়া দেয়। মধ্য আমেরিকার, যুক্তরাষ্ট্রের ফ্লোরিডা, ক্যালিফোর্নিয়া প্রভৃতি প্রদেশে, ব্রাজিলের বনভূত্যাগে এদেশের ভ্রমর প্রজাতির মত ক্ষুদ্র হামিংবার্ডেরা পরাগসম্মিলনের

কার্যে যথেষ্ট সাহায্যতা করে। সে দেশের বহু কুমুমকে পরাগ চালনার নিমিত্ত একমাত্র হামিংবার্ডের উপরেই নির্ভর করিতে হয়। এই কারণে ঐ সকল দেশের কুমুমের বর্ণ ও গঠন হামিংবার্ডের যথেষ্ট বিহারের অক্ষুণ্ণ হইয়া থাকে। হামিংবার্ডেরা ঘোর রক্তবর্ণ পৃষ্ঠ করে বলিয়া ঐ সকল স্থানের অধিক পুষ্পের বর্ণ ঘোর লোহিত হইয়া থাকে এবং হামিংবার্ডেরা যাহাতে তাহাদের সরু চঞ্চু অনায়াসে প্রবেশ করাইতে পারে তজ্জন্য কুমুমের গঠনও তদনুরূপ হইয়া থাকে। এই সকল হামিংবার্ডের ক্ষেত্রে এত ক্ষুদ্র যে মধুপানের সময় ইহাদের দেহের অধিক খানিকও কখন কখন পুষ্পের মধ্যে প্রবিষ্ট হইয়া পড়ে।

আমাদের এদেশে আমেরিকার হামিংবার্ডের মত ক্ষুদ্র মধুচোরা (হনি সাকাস) পক্ষীরাও মধুপান করিতে আসিয়া কতকগুলি ফুলের রেণু চালনা করিয়া থাকে। বাল্যে আমি আমাদেরই উঠানে একটা বিলাতি ফুলের গাছে শীতের প্রভাতে এই মধুচোরদের মধুপান লক্ষ্য করিয়া ছিলাম। মধুচোরেরা ফুলের গুচ্ছ তাহাদের সরুপদ দ্বারা আঁকড়াইয়া ধরিয়া ঝুলিয়া পড়িত এবং ফুলের মধ্যে তাহাদের লম্বা, সরু ও বক্র চঞ্চু প্রবেশ করাইয়া মধু শোষণ করিয়া ভক্ষণ করিত। দক্ষিণ আফ্রিকার সান্ বার্ডারা বহু কুমুমের পরাগসম্মিলন ঘটাইয়া থাকে। ১৯২৮ সালের ৫ই ফেব্রুয়ারী তারিখের "ফ্লোরিডা" পত্রিকার কদলী-সম্বন্ধীয় প্রবন্ধে (Medicinal uses of banana) আমি প্রসঙ্গক্রমে সানবার্ডের পরাগ-চালনার কথা উল্লেখ করিয়াছিলাম। দক্ষিণ আফ্রিকার অন্তঃপাতী নেটাল প্রদেশের কদলীত্যাগে ও ম্যাডাগাস্কার দ্বীপের পাহাড়প সমূহের পুষ্পগুণ্ডকে মধুপান করিতে গিয়া এই ক্ষুদ্র সানবার্ডেরা পরাগ-চালনা করিয়া থাকে। Scott-Elliot সাহেব দক্ষিণ আফ্রিকার বহু আয়াস

স্বীকার করিয়া এইসকল ক্ষুদ্র বিহঙ্গের কর্মপদ্ধতি লক্ষ্য করিয়াছিলেন। তাঁহার পর্যবেক্ষণের ফলে আজ Ornithophilens পক্ষী প্রয়াদী প্রস্থনের বিষয় বিশদ ভাবে জানা গিয়াছে। একবার খিদিরপুরের একটী বাগানে আমি একটী ক্ষুদ্র মধুচোরাকে কদলী কুসুমের (নোচার) মধ্যে প্রবেশ করিয়া মধুপান করিতে দেখিয়াছিলাম। প্রভাত ব্যতীত মধুচোরাদের বড় একটা দেখা যায় না। বোধ হয় কাকের ভয়েই ইহারা প্রাতঃকালের পরেই নিভৃত আয়োগোপন করিয়া ফেলে। নিউজিল্যান্ডের কতিপয় কুসুমে তদ্দেশীয় বিহঙ্গেরা পরাগ-চালনা করিয়া থাকে।

হামিংবার্ড, হনিসার্কাস ও সানবার্ড ব্যতীত কাক, ময়না প্রভৃতিরও পরাগ চালনার দ্বারা বৃক্ষের বহু উপকার সাধন করে। প্রথমে কাকের কথাই বলিব। কাকের বিষয় আমি পূর্বে ১৯২৭ সালের ২০শে আগষ্ট তারিখের “নবমুগে” ‘কাকচরিত্র শির্ষক’ প্রবন্ধে বিবৃত করিয়াছিলাম। কাকের স্বভাব এত চঞ্চল যে কাককে অনেক সময়েই অনঙ্গিকারচর্চা করিতে দেখা যায়। শীতের সময় শিমুলের ফুল ফুটিতে আরম্ভ করিলেই শিমুলের ডালে কাকের দৌরাখ্যা বাড়িয়া যায়। কাক সারা দিন শিমুলের বড় বড় ফুলগুলিকে চঞ্চুদ্বারা উৎপাটন করিয়া ফেলিতে চেষ্টা করে। ফুলগুলিকে ঠোকরাইয়া ফেলিবার প্রচেষ্টায় বায়ুস পুংকেশরের পরাগ গর্ভকেশরে চাপিত করিয়া থাকে। শীতকালে শিমুলগাছ প্রপর্ণ হইয়া যাওয়ার রক্তকেননের মত হইয়া পুষ্পগুলি বেশ সুস্পষ্ট হইয়া দূর হইতে বায়ুকুলকে আকর্ষিত করিয়া আনেন। কুমুড়ার ফুল ফুটিতে আরম্ভ করিলে কাকেরা সেখানেও এইরূপ উৎপাত করিয়া পরাগ-চালনা করিয়া থাকে। শালিক, ময়না প্রভৃতিরও এইরূপে অনেক কুসুমের পরাগ-মিলন ঘটাইয়া দেয়। সাধারণতঃ যে সকল কুসুম পরাগ-সম্মিলনের নিমিত্ত বিহঙ্গ-সমাগমের প্রতীক্ষা করে তাহাদের গঠনের যে তারতম্য ঘটিয়া থাকে তাহা পূর্বেই বলিয়াছি। এই সকল বিহঙ্গ-প্রত্যাশী কুসুমের বর্ণ উজ্জ্বল লোহিত হয়, পুষ্পের পাপড়ীসকল কঠিন ও আকারে বড় হয় এবং প্রায়শই পুষ্প-কেশর-গুলি বুরুশের রোমের মত কঠিন হয় এবং তাহাদের বর্ণও বেশ উজ্জ্বল লোহিত থাকে।

এইবার বীজবিস্তারের কথা। বীজবিস্তারে বিহঙ্গের প্রভাব এতই অধিক যে, বিহঙ্গকে এ বিষয়ে “বৃক্ষবন্ধু” বা “তরুসখা” বলিলেও অত্যুক্তি হয় না। কাননে পক্ষীসমাগম না থাকিলে এত শীঘ্র উদ্ভিদের বংশ-বিস্তারের সুযোগ ঘটিত না। আজ যে বৃক্ষের চারিদিকে সুদূর পাহাড়ে-পর্বতে, উষর মরুর মাঝে, ওয়েসিসের বক্ষ, দূর সমুদ্রের মাঝে, নির্জন দ্বীপে, নির্জন উপত্যকা, অধিত্যকা ও প্রান্তরে এত সুস্বাদু ফলের গাছ দেখিতে পাওয়া যায় তাহার বিস্তারের মূলে এই বিহঙ্গ। বীজবিস্তার-প্রদক্ষে আমাদের চির-পরিচিত কাকের কথাই প্রথমে উল্লেখ করিব।

কাক যে কত গাছের ফল ভক্ষণ করে, তাহা তাহার বিষ্ঠা পরীক্ষা করিলেই বুঝিতে পারা যায়। নানাস্থানে ভ্রমণ করিয়া কাক নানাপ্রকার ফল উদরস্থ করে। এই সকল ফলের সহিত অনেক বীজও বায়ুসের অন্তর্গত প্রবিষ্ট হইয়া পড়ে। সেই কারণে ইহাদের পুরীষে প্রায় সকল সময়েই একাধিক বৃক্ষের বীজ থাকিতে দেখা যায়। এই সকল বীজের মধ্যে অশ্বখ ও বটের বীজই প্রধান। এই অশ্বখ ও বটবীজসকল পাকস্থলীর পাচকরসে নষ্ট না হইয়া বরং গুণগরিষ্ঠ হইয়া উঠে এবং কাকের বিষ্ঠার সহিত নির্গত হওয়ার ঐ সকল বীজের শক্তি আরও প্রবর্তিত হইয়া উঠে। তবে যে সকল বীজের আবরণ-ক্ষু অতি পাতলা তাহারা যে পাচকরসে নষ্ট হয় না একথা বলা যায় না। এ বিষয়ে কোনও কোনও উদ্ভিদতত্ত্ববিদের মতভেদ লক্ষিত হইয়া থাকে। তাঁহারা বলেন, পক্ষীর বিষ্ঠার সহিত যে বীজ নির্গত হয় নাই তাহা যথাকালে উপযুক্তক্ষেত্রে উপস্থ হইলে বিষ্ঠানির্গত বীজের মত একই সময়ের মধ্যে অঙ্কুরিত হইয়া থাকে। যাহা হউক কাক বীজ সমেত অশ্বখ ও বট ফল ভক্ষণ করিয়া পল্লীমধ্যে বা সহরে গৃহস্থের বাটীতে উড়িয়া চলিয়া যায় এবং ছাদের আলিসায়, প্রাচীরের উপর, পাইখানার ছাদ প্রভৃতিতে বিষ্ঠা ত্যাগ করে। এই বিষ্ঠার সহিত দূরস্থিত অশ্বখ বটের বীজ গৃহস্থের বাটীতে পড়িয়া এবং যথাকালে আলিসা প্রভৃতির উপর অশ্বখ বটাদির প্ররোহ প্রকাশ পাইয়া থাকে।

যেসকল বীজ কাক গলাদঃকরণ করিতে পারে না

সেগুলি চকুপুটে লইয়া গৃহস্থের বাটিতে উড়িয়া যায় এবং ছাদের আলিসায়, প্রাচীরের মাথায় বা চালের মধ্যে লুকাইয়া রাখে। এইরূপে নিম, জাম, পাকুড়, খেজুর, কুল, লিচু, আঁশফল, কাঁটাল, আমড়া, এমন কি ছোট আমের আঁঠি পর্য্যন্তও কাক কর্তৃক স্থানান্তরিত হইয়া থাকে। প্রত্যেক বাটির ছাদ ও আলিসা পর্য্যবেক্ষণ করিলে কাক-সঞ্চিত এইরূপ দুই চারিটা বীজ লক্ষিত হইবে এবং আলিসার উপরে দুই চারিটা অশ্বখ, নিম্ব ও বটের চারাও দেখিতে পাওয়া যাইবে। পল্লীগ্রামে বৃহৎ বৃহৎ প্রাচীন মন্দিরের উপর, এমন কি তাল ও খজুর বৃক্ষের মাথায় ও গায়ে যে সকল অশ্বখ, নিম্ব ও বটের আবির্ভাব দেখা যায় তাহাদের চালক হইতেছে এই বাঘস।

বাঘসের মত কোকিলও বহু ফল ভক্ষণ করে। সেওড়া, রিঞ্চি, বিম্ব, জান, বট, অশ্বখ প্রভৃতির ফল পর্য্যাপ্তপরিমাণে ভক্ষণ করিয়া কোকিলেরা বাঘসের মতই বীজ-নিষ্কারে সহায়তা করিয়া থাকে। বনের মাঝে, বাগানের আশে-পাশে যে এত তেলাকুচা গাছ দেখিতে পাওয়া যায় তাহার উৎপত্তির মূলে এই কোকিলেরই কৃতিত্ব। তেলাকুচার ফল কোকিলের অত্যন্ত প্রিয়। পক্ক বিষফল দেখিতে পাইলে পিক আর কিছুই চাহে না। নিদাঘের মধ্যাহ্নে যে কোনও ছায়া-শীতল উপ-বনের আশে-পাশে লুকাইয়া থাকিলে পিকদিগের ফল-ভোজনের উৎকট লালসা ও ফল-ভোজন-সম্বৃত্ত প্রাণ-ঘাতী কলহ ও কলহ-সম্বৃত্ত স্নরের দৃশ্য লক্ষ্য করিতে পারা যাইবে। আমি একবার প্রবল গ্রীষ্মের সময় ষ্টিপ্রহর কালে একটা ভগ্ন মন্দিরের গাত্র-জাত নাতিদীর্ঘ শাখোট বৃক্ষে এইরূপ বহু কোকিলের বথেচ্ছ ফল-ভোজন ও ভোজনকালের ভীষণ কলহ স্নন্দরভাবে নিরীক্ষণ করিয়াছিলাম। তৎকালে কোকিলেরা এতই উত্তেজিত হইয়া উঠিয়াছিল যে, আমি ধীরে ধীরে বৃক্ষ-তলে উপস্থিত হইয়া তাহাদের নয়ন-পথবর্তী হইলেও তাহারা যথেষ্ট ভয় দিয়া পলায়ন করে নাই। শালিক, ময়না প্রভৃতিরও এইরূপে ক্ষুদ্র ক্ষুদ্র সুপক্কফল বীজসহ ভক্ষণ করে এবং কাক ও কোকিলের স্তায় তাহারা বীজ বিস্তার করিয়া থাকে। টিরা ও শুকজাতীয় পক্ষীরাও সুপক্ক ধাত্ত ও তৃণাদির বীজ কর্তন করিয়া স্থানান্তরে লইয়া যায়।

বীজবিস্তার প্রসঙ্গে বাহুড়ের নামোল্লেখ করিলে বোধ হয় অশোভন হইবে না। যদিও বাহুড়েরা বিহগ শ্রেণীর অন্তর্ভুক্ত নহে, তথাপি পক্ষীদিগের সহিত একত্রে ইহাদের কৰ্মপদ্ধতির অনেক মিল থাকায় ইহাদের বিষয়ে দুই এক কথা এখানে অপ্ৰাসঙ্গিক হইবে না। আমি পূর্বে ১৩৩৩ সালের ৮ই আশ্বিন তারিখের “বিজলী” পত্রিকায় বাহুড়ের বিস্তৃত জীবনী বিষয় লিখিয়াছিলাম। এই বাহুড়েরা বাগান-বাগিচার পরিভ্রমণ করিয়া বহু ফল ভক্ষণ করিয়া থাকে। আমার বোধ হয় সারা দিবসে কাক কোকিলে বাগানের যে-পরিমাণ ফল নষ্ট করে, এক রাত্রে বাহুড়েরা তাহার অষ্টগুণ বা ততোধিক ফল ধ্বংস করিয়া দেয়। পক্ক ফল-পাকড়ে যে ক্ষতচিহ্ন দেখিতে পাওয়া যায় তাহার অধিকাংশই বাহুড়ের কীর্তি বলিয়া বুঝিতে হইবে। বাহুড়েরা ফল ভোজনাগ্রে আবান-তরুতে প্রত্যাগমন করিবার কালে মুখে করিয়া বহু ফল লইয়া আসে। যে সকল তরুতে বাহুড়ের বাস তাহাদের তলে প্রভাতে বাদাম, পেয়ারা, জাম, জামরুল, শুপারি প্রভৃতি বহু ফল অর্ধভুক্ত অবস্থায় পড়িয়া থাকিতে দেখা যায়। ইহারা ফলের সন্ধানে বহু ক্রোশ পরিমিত স্থান ভ্রমণ করে এবং পূর্বেক্ত প্রকারে ফলের বীজ বহু দূরে চালনা করিয়া থাকে।

কাক ও কোকিলের প্রসঙ্গে আমি পরগাছার বিষয় বিবৃত করিতে বিস্মৃত হইয়াছি। পল্লীগ্রামের বন-বাদাড়ে আমগাছের ডালে বহু পরগাছা দেখিতে পাওয়া যায়। আমি যশোহরের স্থানে স্থানে বহু পরগাছাকে চূতশাখায় জন্মাইয়া থাকিতে দেখিয়াছি। এক একটা আশ্রয়ের শাখা পরগাছায় একেবারে ভরিয়া গিয়াছিল এবং তাহাতে বৃক্ষের অবস্থাও শোচনীয় হইয়া উঠিয়াছিল। টালিগঞ্জের আমবাগানেও বহু পরগাছা দেখিতে পাওয়া যায়। এখন কথা হইতেছে, আমের শাখায় পরগাছা জন্মায় কিরূপে? কাক, কোকিল প্রভৃতি পক্ষীরাই পর-গাছার পক্ক ফল ভোজন করিয়া থাকে এবং তাহারা যখন আমের শাখায় মলত্যাগ করে তখন তাহাদের পুরীষের সহিত পরগাছার বীজ শাখায় উপর পতিত হয়। পরগাছার ফলগুলির মধ্যে আটার মত চটচটে পদার্থ থাকে বলিয়া এবং আশ্রশাখার উপরের ৩ ফাটা ফাটা বলিয়া পরগাছার

বীজ পক্ষীবিষ্ঠার সহিত ভূমিতে পড়িয়া যাইতে পারে না। কখনও বা ফলগুলি আঠার সাহায্যে কাক-কোকিলের পায়ে লিপ্ত হইয়া স্থানান্তরিত হইয়া পড়ে। অনেক স্থলে দেখা যায়, পরগাছাগুলি ডালের ঠিক উপরেই না জন্মাইয়া ডালের পাশের দিক হইতেই জন্মাইয়া থাকে। পক্ষীর মল ডালের উপর পড়িয়া পাশের দিকে গড়াইয়া যায় বলিয়াই পরগাছার এইরূপ উৎপত্তি হইয়া থাকে। এখানকার আমগাছের মত ইউরোপে কাল পপুলার বৃক্ষেও নানাপ্রকার পরগাছা দেখিতে পাওয়া যায়। সেখানে পুস, ব্ল্যাকবার্ড প্রভৃতি উৎকৃষ্ট গায়ক পক্ষীরাই এখানকার কোকিলের মত পরগাছার বীজ মলের সহিত বৃক্ষশাখায় পাতিত করে। বিলাতের ক্ষুদ্র রবিন বহুসংখ্যক হর্ধের ফল ও ষ্ট্রেরি প্রভৃতি ভক্ষণ করিয়া মলের সহিত তাহাদের বীজ স্থানান্তরে চালিত করে।

আজকাল যে কচুরিপানা সারা বাঙ্গলার খাল, বিল, নদী, পুষ্করিণী জন্মাইয়া দিতেছে, সেই কচুরিপানার বংশ বিস্তৃতির মূলে পক্ষীর সাহচর্য লক্ষিত হইয়া থাকে। কিছুকাল পূর্বে এদেশে কচুরিপানার এত প্রসার হয় নাই। বৎসর কয়েকের মধ্যেই ইহা দেশের সর্বত্র ছড়াইয়া পড়িয়াছে। ইহা প্রাণীদের খাদ্য নয়; কেহ ইহাদিগকে মধু করিয়া লইয়া যায় না এবং ইহাদের বীজ কার্পাস-বীজের মত বাতাসে ছড়াইয়া পড়ে না। অথচ ইহাদের স্বাভাবিক বিস্তৃতি দেখিলে আশ্চর্যান্বিত হইতে হয়। ইহাদের বিস্তৃতির কারণ বোধ হয় অনেকই অবগত নন। বক, কাদাখোঁচা, পানকোটা, ডাহক, নানা জাতীয় হংস প্রভৃতি জলচর পক্ষীরাই মৎস্য ও কীটের সন্ধানে এক জলাশয় হইতে অপর জলাশয়ে গমন করিবার সময় তাহাদের পদলিপ্ত পঙ্কের সহিত ইহাদের বীজ বা অঙ্কুরাদি বহন করিয়া লইয়া যায়। পুষ্করিণী প্রভৃতির পানা ও নানা প্রকার জলজ লতার বীজ ও অঙ্কুরাদি জলচর পক্ষীরাই এইভাবে দূরতর স্থানে চালনা করিয়া থাকে।

পুষ্করিণীর পক্ষে যে কতপ্রকার উদ্ভিদের বীজ থাকিতে পারে তাহা ডাবুউইন্ প্রগাঢ় অনুশীলন সহকারে-পরীক্ষা করিয়াছিলেন। একবার তিনি একটি ক্ষুদ্র জলাশয় হইতে তিন চামচ কর্দম উঠাইয়া তাঁহার পরীক্ষাগারে একটি পাত্রে মধ্য রাখিয়া দেন। ছয় মাসের মধ্যে ঐ সামান্য

পরিমাণ কর্দম হইতে একে একে প্রায় ৫৩৭টি বিভিন্ন প্রকার উদ্ভিদের অঙ্কুরোদ্গম হইয়াছিল। ডাবুউইন্ আর একবার একটি বগা কুক্কুটের পদলিপ্ত মাত্র নয় গ্রেণ মৃত্তিকার মধ্যে একটি আগাছার বীজ থাকিতে দেখিয়াছিলেন। আর একবার তিনি একটি আহত তিম্বিরের পদলিপ্ত প্রায় সাড়ে ছয় আউন্স মৃত্তিকা লইয়া পূর্বোক্ত প্রকারে পরীক্ষা করিয়াছিলেন। ঐ মৃত্তিকা হইতে একে একে বিভিন্ন প্রকারের ৮২টি উদ্ভিদ অঙ্কুরিত হইয়াছিল। আমাদের দেশের সাধারণ পাতিহাঁসেরাও এক পুষ্করিণী হইতে অল্প পুষ্করিণীতে গমন করিবার কালে তাহাদের চরণলিপ্ত পঙ্কের সহিত নানা জলজ উদ্ভিদের বীজ ও অঙ্কুর চালনা করিয়া থাকে। পক্ষীর দলবদ্ধ হইয়া দেশ-ভ্রমণ করিবার কালে নানাপ্রকার গাছের বীজ নানা প্রকারে বহন করিয়া লইয়া যায়। কতক গাছের বীজ তাহাদের পালপে আটকাইয়া থাকে এবং কতক বীজ তাহাদের পদলিপ্ত পঙ্কের সহিত চালিত হইয়া পড়ে। এতদ্ব্যতীত যথেষ্ট ফল-ভোজন নিমিত্ত বহু বৃক্ষের বীজ তাহাদের অস্থমধ্যে রহিয়া যায়।

অ্যালব্যাক্সিস, সি-গল প্রেটেল প্রভৃতি সামুদ্রিক পক্ষীর স্থলভাগ হইতে সমুদ্রের মধ্যবর্তী দ্বীপপুঞ্জ বহু তরুলতার বীজ বহন করিয়া লইয়া যায় এবং এক দ্বীপের গাছ-পালার বীজ অপর দ্বীপে চালিত করিয়া থাকে। পক্ষীর ঝাঁক দেশ-ভ্রমণ করিবার কালে কখন কখন গমন-পথের মধ্যবর্তী দ্বীপমধ্যে অবতরণ করিয়া বিভিন্ন দেশের বীজ চালিত করে। এতদ্ব্যতীত প্রবল বাতায় নানা বৃক্ষের পক্ষযুক্ত ক্ষুদ্র ক্ষুদ্র বীজ এবং সমুদ্রশ্রোতে নারিকেল, গুণাক, বাদাম প্রভৃতির অনুরূপ পুরু ডফ বা কঠিন আবরণযুক্ত ফলও ভাসিতে ভাসিতে দ্বীপে আসিয়া উপস্থিত হয়। সমুদ্রের লবণাক্ত জলে বহুকাল নিমজ্জিত থাকিলেও ঐ সকল ফলের প্রজনন-শক্তির অপলাপ ঘটে না।

এ বিষয়ে অ্যাজোরস্ (Azores) দ্বীপের উদ্ভিদশ্রেণী বিশেষ উল্লেখযোগ্য। অ্যাজোরস্-দ্বীপপুঞ্জ ইউরোপ হইতে বহুদূরে অবস্থিত হইলেও উক্ত দ্বীপের গাছপালা ইউরোপের দক্ষিণ-পশ্চিম ভাগের অনুরূপ। ইউরোপের বৃহৎ বৃহৎ বৃক্ষ এবং যে সকল বৃক্ষ বৃহৎ বৃহৎ ফল

প্রসব করে সে সকল পাদপ এখানে পূর্বে দৃষ্টিগোচর হয় নাই। ঘোপের সর্বত্রই ক্ষুদ্র ক্ষুদ্র ফলের গাছ ও গুল্ম দেখিতে পাওয়া যায়। বোধহয় অধিকাংশ বৃক্ষের বীজই ইউরোপের দক্ষিণ-পশ্চিম ভাগ হইতে সর্বপ্রথমে পূর্বোক্ত প্রকারে পক্ষী, বাত্যা বা সমুদ্রস্রোতে চালিত হইয়া এই দ্বীপপুঞ্জ আসিয়া পড়িয়াছিল। বৃক্ষের স্থান-বিশেষে যে তাহাদের বংশরক্ষার প্রচেষ্টা করে তাহা এই দ্বীপের তরুণতার মধ্যে বিশেষভাবে পরিলক্ষিত হইয়া থাকে। এ দ্বীপের বৃক্ষাবগীর বীজ হয় পক্ষযুক্ত ও আকারে ক্ষুদ্র, আর না হয় সমুদ্রস্রোতে বাহিত হইবার উপযোগী হইতে দেখা যায় এবং অবশিষ্ট বীজ স্তমিষ্ট ফলের মধ্যে জন্মিয়া পক্ষীদ্বারা সাগ্রহে গৃহীত হইয়া থাকে; সুতরাং মানুষের সাহায্য ব্যতিরেকেও এখানে প্রাকৃতিক শক্তির সাহায্যে বৃক্ষেরা স্ব স্ব বীজ বিস্তার করিয়া থাকে।

আমেরিকার পশ্চিম উপকূল হইতে প্রায় দুই হাজার মাইল দূরবর্তী প্রশান্ত মহাসাগরের মধ্যস্থিত হাওয়াই

দ্বীপপুঞ্জের তরুণতাদির বিস্তারেও পক্ষীর অনেক সহায়তা লক্ষিত হইয়া থাকে। সমুদ্রের মধ্যে যখন নূতন নূতন দ্বীপের আবির্ভাব হয় তখন সামুদ্রিক পক্ষীরাই সর্বাগ্রে তাহার মধ্যে অবতরণ করিয়া বীজ চালনা করিয়া থাকে।

পক্ষীরা কখন কখন বীজের বর্ণে আকৃষ্ট হইয়া উহার বিস্তার-কার্য সম্পাদন করিয়া থাকে। এ দেশের রক্তকঁচ, রক্তকম্বল, মাখমশীমের বীজ প্রভৃতি এই শ্রেণীর বীজের অন্তর্গত। লাউ, কুমড়া প্রভৃতি গাছে যে লাল রংএর পোকা দেখা যায় উহাদের সহিত পূর্বোক্ত দুই বীজের অনেকটা সাদৃশ্য আছে। এই সকল বীজের উপরে দুই একটি কাল দাগ বা ডোরা এমন ভাবে অঙ্কিত থাকে যে, দূর হইতে উহাদিগকে কোনও পোকা-মাকড় বলিয়া বোধ হয়। এই ভ্রমেই পতঙ্গভুক পক্ষীরা অনেকসময়ে উহাদিগকে চঞ্চুপুটে গ্রহণ করিয়া লইয়া যায় এবং পরোক্ষভাবে বীজের বিস্তারকার্যও সম্পাদিত হইয়া থাকে।

ভক্ত

[ক্রীহিমাংশুভূষণ সেনগুপ্ত]

আরাধ্য দেবতা মম, আসিয়াছি আর্দ্রসম
তোমারে পূজিতে দূর হ'তে ।
জীবন সর্বস্ব ধন, দিতে মম কামদন
হ'ব না বিমুখ কোন মতে ॥

কুপা তব লভিবারে লয়ে মম পাপভারে
আসিয়াছি জুড়াবার তরে ।
ক'রোনা বিমুখ দাসে, আসিয়াছি বড় আশে,
মঙ্গল করহ শুভকরে ॥

সাধিবারে তব কাজ যার প্রাণ যাক আজ,
নাহি ক্ষোভ কিছু মাত্র তাহে ।
তুমি না চাহিলে মোরে বাঁচি আমি কার তরে,
এ ছার জীবন বা কে চাহে ॥

সাহিত্যের স্বরূপ

[শ্রীবিষ্ণুপতি চৌধুরী, এম-এ]

ব্যাপকভাবে গ্রহণ করলে বিজ্ঞানকে এবং দর্শনকে সাহিত্যের মধ্যে ধরে নিতে পারা যায়; কিন্তু সাহিত্য কোন দিনই বিজ্ঞান বা দর্শন নয়। সাহিত্যের কারবার সুন্দরকে নিয়ে, আর মৌন্দর্য্য মানেই পরিপূর্ণতা, অভাব-রিক্ততা, সামঞ্জস্য।

বিজ্ঞানের মূলে আছে কৌতূহল, কিন্তু সাহিত্যের মূলে আছে আনন্দ। মানুষের কৌতূহল জন্মে সন্দেহ থেকে। মানুষ যখন তার নিজের জানাকে সম্পূর্ণরূপে বিশ্বাস করতে পারে না, পলে পলে এই বিশ্বাসীতার অনন্ত রহস্যের বিচিত্রতার নিকট নিজেকে অশস্য ছোট বলে মনে করে,—তখন তার সন্দেহ জন্মে—যা এককাল ধরে জেনে এসেছে এবং আজও জানে, হয় তো বা তাঁটিক নয়। এমনি করে নিজের জানাকে যতই সে ছোট করে দেখতে থাকে, বড় জানার কৌতূহল ততই তার মধ্যে প্রবল হয়ে ওঠে। তখন সে বলে ওঠে—“এই যে দেখছি শুনিছি এসব যে ঠিক তা কে বলতে পারে?” দার্শনিক তখন বিচার করতে বসে গেলেন—আনাদের দেখা-শোনার যন্ত্রগুলো, অর্থাৎ ইন্দ্রিয়গ্রাম যা দেখাচ্ছে এবং শোনাচ্ছে তা বিশ্বাসযোগ্য কি না;—তারা যে আমাদের ঠকাচ্ছে না কে তা হলক করে বলতে পারে? এমনি করে জ্ঞানের অভাব-বোধ থেকে কৌতূহল এবং কৌতূহল থেকে দর্শনের সৃষ্টি। বিজ্ঞানের ব্যাপারটাও ঠিক তাই। বিজ্ঞানও চোখ-কানকে বিশ্বাস করতে পারলে না,—সে বলে, কাছ থেকে যে পৃথিবীটাকে সমতল বলে মনে হয়, দূর থেকে তাই আবার গোলাকার হয়ে চোখে ঠেকে; সুতরাং আমাদের চোখ ছুঁটাকে বিশ্বাস করি কেমন করে? এখানেও সেই জ্ঞানের অভাববোধ থেকে কৌতূহল এবং কৌতূহল থেকে বিজ্ঞানের জন্ম।

সাহিত্যের মধ্যে এই কৌতূহলটুকু নেই। পূর্বেই বলেছি—সাহিত্যের কারবার সুন্দরকে নিয়ে। সুন্দরকে

জানা যায় না—ভোগ করা যায়। সুন্দর হচ্ছে পরিপূর্ণ সার্থকতা,—কৌতূহল অপূর্ণতাকে নিয়ে। আমরা মাকে সুন্দর করে দেখি, তাকে সমগ্রভাবে দেখি। সুন্দরকে দেখা মানেই সমগ্রকে দেখা—তা সে মত ছোটই হোক না কেন। তাই সুন্দরের মধ্যে কোথাও অসম্পূর্ণতা নেই এবং সেইজন্মেই তার মধ্যে কৌতূহলের অবকাশও এত অল্প। যাকে পাওয়া মানেই সম্পূর্ণরূপে পাওয়া—তার সমগ্রকে কৌতূহলের অবকাশ কোথায়? সাহিত্যিকের দৃষ্টি হচ্ছে বিশ্বাসের দৃষ্টি। কোথাও সন্দেহ নেই, -- কোথাও অবিশ্বাসের ছিটা-কোঁটা মাত্র নেই। একটা মাত্র জোছনা-রজনীর রূপ-ব্যাঞ্জনার শেষ কোথায়? সে যে তখন অনন্তকালের চেয়েও অসীম, পরিপূর্ণ। তাকে পাওয়া মানেই যে পরিপূর্ণ করে পাওয়া—বুকের মধ্যে ঘন আলিঙ্গনের নিবিড়তার মধ্যে পাওয়া। এত নিকটের জিনিসকে ভোগ করা যায়—অনুভব করা যায়, কিন্তু তার সমগ্রকে কৌতূহল পোষণ করা যায় না। তাই আটের মধ্যে কোথাও কৌতূহল নেই, কোথাও জানবার ইচ্ছা নেই, শেখবার ইচ্ছা নেই, আছে কেবল আনন্দের প্রেরণা।

অনেকে বলেন, আট হচ্ছে সত্য-শিব-সুন্দরের একত্র সমাবেশ। আমার মনে হয় আট হচ্ছে, সুন্দরের বিকাশ। সত্য এবং শিব আটের জীনে আকস্মিক বা আগন্তুক ব্যাপার মাত্র। সব জিনিসেরই একটা উদ্দেশ্য আছে। আটেরও নিশ্চয়ই একটা উদ্দেশ্য আছে—সেটা হচ্ছে রস-সৃষ্টি।

প্রত্যেক শ্রেষ্ঠ শিল্পসৃষ্টি রসসন্ধানী। নদী যেমন সমুদ্রে মিশতে চায় শিল্পসৃষ্টি তেমনি রঙ্গের সন্ধানে ছুটেছে। গঙ্গা নদী ছুটেছে সমুদ্রের সন্ধানে। তার মোহানার মাথায় দরমার ঘরখানির মধ্যে বসে বসে যে টোল-বাবুটি দিবারাজ নৌকা গুনে গুনে টোল সংগ্রহ করছেন, তাঁকে জিজ্ঞাসা করুন দেখি—“দা নদীর এই

‘অবিশ্রাম প্রবাহ কিসের জন্ত?’ সে ঠিক বলবে—‘তার কাছা-বাছাগুলির মুখে ছ’বেলা ছ’মুঠো অন্ন ভুলে দেবার জন্ত।’ বণিককে জিজ্ঞাসা করুন;—সে বলবে, ‘তা না হ’লে মালপত্র নিয়ে যাবার কত অস্ববিধাই হতো।’ দুই তীরে যে-সকল শস্ত-ক্ষেত্র সোনার ধানে স্তরে উঠেছে—তাদেরি মালিক ঐ কৃষকগুলিকে জিজ্ঞাসা করুন—তারা বলবে, ‘তাদের জমীকে উর্বর ক’রে তোলবার জন্তেই গঙ্গা নদীর এই অবিশ্রাম প্রবাহ।’ আবার ঐ যে পুণ্যলোভাতুরা বিধবাটি ভোর না হ’তে গঙ্গা-স্নানে চলেছেন তাঁকে জিজ্ঞাসা করুন, তিনি বলবেন, ‘তাঁদের মত অভাগিনীদের ইহজন্মের সমস্ত পাপ তাপ ধুয়ে মুছে নেবার জন্তেই মা ভাগীরথী ব্রহ্মার কমণ্ডলু থেকে ধরায় নেমে এসেছেন।’ কিন্তু আসলে গঙ্গা নদী চলেছে সমুদ্রে মেশবার জন্তে। কেন না টোল-বাবু ব’লে কোন জীব পৃথিবীতে যখন ছিলেন না, বাণিজ্য-পোত ব’লে কোন পদার্থ বিশেষ যখন কেউ কল্পনাতেও সৃষ্টি করতে পারে নি, মানব-সভ্যতা যখন কৃষিকার্যের প্রয়োজনীয়তা পর্যন্ত অনুভব করে নি—তখনও গঙ্গা নদী বহিত, যেমন আজও বয়ে থাকে। গঙ্গা নদী যে কৃষকের জমিকে উর্বর করে না, টোল-বাবুটির কাছা-বাছাগুলির মুখে ছ’বেলা ছ’মুঠো অন্ন যোগায় না, বণিকের বাণিজ্যপোত বুকে ক’রে বয়ে নিয়ে যায় না, বা পুণ্যলোভাতুরা বিধবার পাপ মোচন করে না, একথা বলা আমার উদ্দেশ্য নয়,—আমার বলবার উদ্দেশ্য এই যে, এগুলো হচ্ছে আকস্মিক বা আগন্তুক ঘটনা মাত্র। আসল কথা—গঙ্গা নদী চলেছে সমুদ্রের সন্ধানে।

সাহিত্যকেও মানুষ তার আকস্মিক বা আগন্তুক ঘটনাগুলার সঙ্গে জড়িয়ে ফেলে তার উদ্দেশ্য সম্বন্ধে—অনেক গণ্ডগোলের সৃষ্টি ক’রে বাসেছে। জগতের শ্রেষ্ঠ সাহিত্য মাত্রেরই সমাজের উপকার সাধন করেছে, তা থেকে ধর্ম এবং নীতিরও অনেক প্রয়োজন সিদ্ধ হয়েছে—সে-কথা অস্বীকার করবার উপায় নেই; কেন না ইতিহাস তার প্রচুর সাক্ষ্য দেবে। সমাজ-সংস্কারক ফৌস ক’রে উঠলেন—‘সাহিত্যের উদ্দেশ্য সমাজকে গ’ড়ে তোলা।’ ধর্ম-স্বাক্ষক ফৌস ক’রে উঠলেন—‘সাহিত্য হ’চ্ছে ধর্মের বাহন,—তার কাজ হ’চ্ছে জনসাধারণের মধ্যে

ধর্ম-পরিবেশণ।’ এ টোল-বাবু, বণিক, চাষা, এবং পুণ্যলোভাতুরা বিধবার গঙ্গা নদীর প্রয়োজনীয়তা সম্বন্ধে মনগড়া সঙ্কীর্ণ ধারণার মতই একটা হাশ্বাস্পদ ব্যাপার। নদী বাণিজ্য-সত্তার বুকে ক’রে নিয়ে যায় একথা সত্য, কিন্তু তাই ব’লে একথা সত্য নয় যে, নদীর সৃষ্টি বাণিজ্য-পোতগুলোকে বয়ে নিয়ে যাবার জন্তেই। তেমনি, সাহিত্য লোকহিত করে একথা সত্য, কিন্তু তাই ব’লে লোকহিতের জন্ত সাহিত্য নয়।

সাহিত্যের মধ্যে এই যে শিবের অংশ এটা হ’চ্ছে তার অজ্ঞাত-দান। আমার এক ধনী বন্ধু তাঁর দেশের বাড়ীটির চারিদিকের বাগানটা সুন্দর ক’রে সাজিয়ে-ছিলেন;—সে যেন একটা নন্দন-কানন। একটা বরা পাতা কোথাও প’ড়ে থাকবার যো ছিল না,—এমনি পরিষ্কার-পরিচ্ছন্ন লোকটা। তার পর এক বছর দেশে ভ্রমণক ম্যালেরিয়ার প্রাদুর্ভাব হ’ল। কোম্পানির ডাক্তার বন্ধুবরকে বললেন—‘আপনার বাগান-বাড়ীটা ত প’ড়েই রয়েছে,—কিছুদিনের জন্তে হাঁসপাতাল হিসাবে ব্যবহার করতে দেন তো বড়ই উপকার হয়,—কেন না অমন পরিষ্কার-পরিচ্ছন্ন স্বাস্থ্যকর স্থান এ অঞ্চলেই নেই—রোগীদের পক্ষে বায়ুপরিবর্তনের কাজ করবে—ইত্যাদি।’ বন্ধুবর রাজি হ’লেন। দেশশুদ্ধ লোক চেষ্টায় উঠল—‘লোকটা কি পরোপকারী,—এত পরামা ধরচ ক’রে, এত পরিশ্রম ক’রে রোগীদের জন্তে কি বাগানটাই বানিয়েছেন তিনি।’ আসলে কিন্তু তিনি সখের জন্ত বাগানটাকে মনের মতন ক’রে বানিয়েছিলেন—পরোপকারের জন্তে নয়, এবং বাগানটাকে সুন্দর করতে গিয়েই তিনি স্বাস্থ্যকর ক’রে তুলেছিলেন। ঠিক এমনি ক’রেই কবি চিরকাল লোকহিত ক’রে এসেছেন। তিনি সুন্দরকে সৃষ্টি করেছেন, আর সেই সুন্দর আপনা হ’তেই লোকহিতের উপলক্ষ্য হ’য়ে উঠেছে।

সাহিত্য-জগতে সত্য কথাটার সংজ্ঞা অপেক্ষাকৃত ব্যাপক। যা দেখছি বা শুনিছি তাই কেবল সত্য, আর সব মিথ্যা—ঠিক এ অর্থে শিল্পজগতে ‘সত্য’ কথাটা ব্যবহৃত হয় না। আমরা প্রতিদিন যা দেখছি, যা শুনিছি তা প্রত্যক্ষ সত্য—সাহিত্যিক সত্য নয়। যা ঘটছে বা প্রতিদিন ঘটে, তাই কেবল সাহিত্যিক

সত্য নয়, যা ঘটতে পারে এবং যা ঘটলে সৃষ্টিলালা আরও সুন্দররূপে অভিব্যক্ত হ'য়ে ওঠে তাই হ'চ্ছে সাহিত্যিক সত্য।

সাহিত্য হচ্ছে ভোগলিপা—কৌতুহল নয়। তাই সাহিত্যিক সত্য হচ্ছে, জানার কৌতুহল নয়—ভোগের আনন্দ। সাহিত্য সত্যকে আবিষ্কার করে না—সত্যকে সে সৃষ্টি করে। মাটির তলায় কয়লায় খনি আছে—এ হ'চ্ছে প্রত্যক্ষ সত্য—এ হ'চ্ছে আবিষ্কারের সত্য, মাটির তলায় বাগুণী আছে এ হ'চ্ছে সৃষ্টি। সাধারণ মানুষ সত্যকে আবিষ্কার করে—কবি সত্য সৃষ্টি করে। আসল কথা, শিল্প-জগতে সত্যের স্বতন্ত্র অস্তিত্ব নেই। যা সুন্দর এবং যা আনন্দ দেয়, তাই হ'চ্ছে শিল্পীর সত্য। এখানেও সেই সুন্দরকেই আমরা ঘুরে ফিরে পাচ্ছি। কেন না, যা আমরা দেখছি তা শিল্পীর সত্য নয়—যা আমরা দেখতে চাই তাই শিল্পীর সত্য। যা আমরা শুনছি তা শিল্পীর সত্য নয়—যা আমরা শুনতে চাই তাই শিল্পীর সত্য। আমরা প্রতিদিন যা দেখছি যা শুনছি তা স্নান, তা বিচ্ছিন্ন; কবির কিন্তু 'নাগ্নে সুখনস্তি' - অগ্নে সুখ নাই—খণ্ডে সুখ নাই। তাই এই খণ্ডকালের মধ্যে, এই খণ্ড স্থানের মধ্যে তাঁকে অখণ্ডকে সৃষ্টি করতে হয় এবং এই অখণ্ড সৃষ্টিই হচ্ছে কবির সত্য। নোট কথা, সুন্দরকে, সম্পূর্ণকে, আনন্দকে ব্যক্ত করবার জন্তে যে বিময়বস্তুর বা আধারকে আশ্রয় করতে হয় তাই হচ্ছে শিল্পীর সত্য। তা সব সময়ে যে প্রত্যক্ষ সত্যের সঙ্গে মিলবে এমন কোন কথা নেই।

এইখানে প্রশ্ন উঠতে পারে, সৃষ্টি মানে কি তবে সৃষ্টি-ছাড়া একটা কিছু? প্রত্যক্ষ-জগতে যা দেখছি, যা শুনছি তাকে কি বাদ দিয়ে একটা অদ্ভুত কিছু খাড়া ক'রে তুলতে হ'বে? এবং তা না করতে পারলে তাকে কি সৃষ্টি বলব না? না তা নয়! সৃষ্টি-ছাড়া কিছু করাটাই সৃষ্টি নয়। সৃষ্টি করা মানে চিরকালের এই প্রত্যক্ষ জগতের অতি বড় পুরাতন ঘটনাগুলোকেই নূতন চোখে দেখা—নূতন ক'রে রূপ দেওয়া। কথাটা আর একটু পরিষ্কার ক'রে বোঝাবার চেষ্টা করা যাক।

শিল্পী যখন একটা পরিপূর্ণ শিল্প-সৃষ্টি খাড়া ক'রে

তোলেন, তখন সেটা নিজেই একটা স্বতন্ত্র জগৎ হ'য়ে দাঁড়ায়, এবং তার ভিতরকার মানুষগুলো চরিত্রগুলো তার মধ্যে এমনি খাপ খেয়ে যায় যে, তারা তখন আমাদের এই প্রত্যক্ষ-জগতের মানুষের সঙ্গে কাটার কাটার ঠিক মিলন কি না তা নিয়ে আমাদের মনে প্রশ্নই ওঠে না। বিচার ক'রে, তর্ক ক'রে চরিত্রগুলোকে যতই অস্বাভাবিক বোধ হোক না কেন, পড়বার সময় তা মনে হয় না। এই যে এমন ধারাটা হয় এর কারণ এই যে, পড়বার সময় তার চারিদিকের আবহাওয়াকে বাদ দিয়ে পড়ি না, কিন্তু বিচার করি যখন, তখন চরিত্রগুলির চারিপাশের আবহাওয়া থেকে তাদের সরিয়ে নিয়ে দেখি। এমনি আমরা চেষ্টা করে উঠি—“এ কেমন ক'রে হ'বে—এ যে অনাসৃষ্টি ছাড়া কিছুই নয়!”

সাহিত্যের মধ্যে যদি অসত্য ব'লে কোন বালাই থাকে, যা তাকে অবাস্তব ক'রে ফেলে সে হচ্ছে সঙ্গতির অভাব—সামঞ্জস্যের অভাব। রাজলক্ষ্মীর মত বাইজী ভূ-ভারতে আছে কি না এবং সাবিত্রীর মত বি কোন মেসে আজ পর্যন্ত চাকরী করেছে কি না সে নিয়ে রাজলক্ষ্মী বা সাবিত্রী চরিত্রের বাস্তবতার বিচার হ'বে না, দেখতে হ'বে শরৎবাবু তাদের চারিপাশে যে আবহাওয়া, যে ঘটনা-পরম্পরার সৃষ্টি করেছেন তার মধ্যে ঐরকম চরিত্র গজিয়ে ওঠা স্বাভাবিক কি না এবং এই দিক থেকেই ঐ সকল চরিত্রের বাস্তবতা-অবাস্তবতার বিচার করতে হ'বে।

এই সম্পর্কে চিত্রকলার প্রসঙ্গ তুলে সেই দিক থেকে জিনিসটাকে দেখবার চেষ্টা করলে ব্যাপারটা নেহাত অপ্রাসঙ্গিক হ'বে না, অথচ তাতে ক'রে আমাদের বক্তব্য হয় তো কিঞ্চিৎ সরল হ'য়ে উঠতে পারে।


আজকালকার খুব শিক্ষিত লোকদেরও বলতে শুনেছি—অবনীবাবুর অমুক ছবিটার অমুক স্ফীতি একেবারেই অবাস্তব। জিজ্ঞাসা করুন—“তার মানে কি?” তাঁরা উত্তর দিয়ে বসবেন—“স্বীলোকের হাত অত সরু আর অত লম্বা কোনকালেই হ'তে পারে না, এবং তার গায়ের রংও অমনধারা হওয়া সম্ভব নয়।” নয়-ই তো! কিন্তু সম্ভব নয় কোন স্বীলোকের পক্ষে? না, যে-স্বীলোক আমাদের এই প্রত্যক্ষ জগৎটার চারিদিককার রং এবং রেখার গভীর মধ্যে বাস করছে—তাদের পক্ষে। কিন্তু

অবনীবাণী তো ই দালোক... গাধিক রং বদলায় —
বা তার হাত-পায়ের রেখাগুলিকেই শুধু অপূর্ণ করে
তোলে ; তার চারিপাশের গাছপালা, ঝড়ীঘর,
নদনদী, পথ-বাট সবই যে তিনি রেখায় এবং রংএ এমনি
অপূর্ণ করে তুলেছেন, যার মধ্যে ঐ স্ত্রীলোকটাই হচ্ছে
একমাত্র বাস্তব এবং আমাদের প্রতিদিনকার চোখে রেখা
স্ত্রীলোকটী একেবারেই অবাস্তব।

চিত্রকলার মূল বিষয়বস্তু হচ্ছে রূপ এবং রূপ ফুটিয়ে
তোলাবার ছুটীমাত্র যন্ত্র শিল্পীর হাতে আছে—একটা
হ'চ্ছে রেখা আর এফটি হ'চ্ছে রং। এই যে প্রত্যক্ষ
জগতে আমরা প্রতিদিন নানান রূপ দেখছি এগুলিকে
বিশ্লেষণ করলে দেখতে পাওয়া যাবে, সেগুলি হ'চ্ছে
গোটাকতক রেখা এবং রংএর সমাবেশের ফল মাত্র।
গাছের রং সবুজ, জলের রং নীল, মাটির রং ধূসর,
এ কথা সকলেই জানেন—শিল্পী কিন্তু তার চেয়ে কিছু
বেশী জানেন,—তিনি জানেন গাছের রংকে যদি সবুজ
না করে বেগুনী করা যায় তা হ'লে সেই অল্পপাতে
জলের রংও বদলে যেতে পারে এবং তার কাছে যে
মানুষটী দাঁড়িয়ে আছে তার রংও সেই হিসাবে নূতন
বর্ণসঙ্গতি (Tone) নেবে। এগুলো শিল্পীর কাছে
আপেক্ষিক সত্য মাত্র। মানুষের রূপ যদি রেখা এবং
রংএর সমষ্টি হয় এবং এই রং ও রেখাগুলির মধ্যে যদি
কোন ছন্দ সঙ্গতি থাকে তা হ'লে এই রং এবং রেখাগুলির
যে-কোনটাকে আমরা বাড়াতে পারি, কমাতে পারি,
গাঢ় করতে পারি, ফিকে করতে পারি বা একটা রংএর
পরিবর্তে আর-একটা নূতন রংও জুড়ে দিতে পারি
—তাতে ক'রে ছবিটা আদর্শেই অবাস্তব হ'য়ে উঠবে না
—যদি বাস্তব-জগতের প্রাকৃতিক বস্তুনিচয়ের রং ও
রেখার মধ্যে যে বর্ণ-সঙ্গতি-সম্বন্ধ (Tonic relation)
আছে চিত্রটির রং এবং রেখার মধ্যে তার ওজনটাকে
অব্যাহত রাখতে পারি। গাছের পাতা সবুজ যে-
জগতে, সে-জগতে জলের রং নীল, কিন্তু গাছের পাতা
বেগুনী যে-জগতে জলের রং হবে সেই Tonic rela-

tionটা বর্ণ-সঙ্গতি সম্বন্ধটা—যেটা সবুজ এবং নীলের
ন. বই না। বাস্তব জগতের সঙ্গে ছবির
বাইরের রং মিলল না বটে, কিন্তু নীল এবং সবুজের
ভিতরকার যে আপেক্ষিক রংএর ওজন তা অব্যাহত
রইল। চিত্রকলার মধ্যে যদি বাস্তবতা ব'লে কোন
জিনিস থাকে, তবে সে এই ভাবেই আছে। এ কথা শুধু
Indian artএর (ভারতীয় চিত্রাঙ্কন পদ্ধতির) বেলায়ই
যে খাটে তা নয়—জগতের প্রত্যেক জাতির চিত্রকলার
ভিতরকার কথাই এই।

উপস্থানের নায়ক-নায়িকাও ঠিক এমনি ক'রেই
বদলায়। তাদের মনের রং এবং জীবনের ঘটনাবলীর
রেখাগুলি কথাশিল্পীর হাতে প'ড়ে প্রতিনিয়তই বদলাচ্ছে,
প্রত্যক্ষ জগতের নরনারীর মনের রংএর সঙ্গে হয় তো
কাঁটার কাঁটার মিলছে না, কিন্তু আমরা লক্ষ্য করি না
তার চারিপাশে অস্তিত্ব যে মানসিক রংগুলি ফোটান
হয়েছে তাদের সঙ্গে এই চরিত্রটির যে মানসিক রংএর
ওজন তা সাধারণ নরনারীর পরস্পরের মধ্যকার রংএর
ওজনকে অব্যাহত রেখে চলেছে। শিল্প-জগতের বাস্তবতা
এইখানে। আমরা যে অনর্থক হাঁক-পাক ক'রে
মরি, আমাদের সঙ্গে মিলছে না, আমাদের প্রতিদিন-
কার দেখা নরনারীর সঙ্গে মিলছে না—অতএব ওটা
অবাস্তব—সে কেবল শিল্পকলার স্বরূপ জানি না ব'লেই।
চিত্রকলার রং এবং রেখার মধ্যে সত্য ব'লে যদি কোন
জিনিস থাকে, তো সে হ'চ্ছে এই রং এবং রেখাগুলির
পরস্পরের সহিত পরস্পরের আপেক্ষিক ওজন এবং
পরিমাণ। এই ওজন এবং পরিমাণ অব্যাহত রেখে আমি
বাই করি না কেন, তাকে আর অবাস্তব বলবার উপায়
নেই। উপস্থানের চরিত্রগুলির মনের রং ও জীবনের
ঘটনাবলীর অসংখ্য রেখার মধ্যে সত্য ব'লে যদি কিছু
থাকে তো সে তাদের ভিতরকার আপেক্ষিক ওজন এবং
পরিমাণ, আর কিছুই নয়। এই ওজন এবং পরিমাণ
যতক্ষণ অব্যাহত থাকবে, ততক্ষণ তা সে প্রত্যক্ষ জগতের
অসংখ্য নরনারীর চরিত্রের সঙ্গে মিলুক চাই নাই মিলুক।



স্মৃতি-পূজা

শিল্পী—শ্রীহরপদ্মনাথ ভট্টাচার্য্য,

গাথা ধরি ?

[শ্রীবিনয়তোষ ভট্টাচার্য, এম-এ, পি-এইচ-ডি]

বোকা বলিতে অনভিজ্ঞ বুঝায়, অর্থাৎ যাহার ব্যবহার-চাতুর্য্য নাই, যে সংসারযাত্রা নির্বাহ করিতে গেলে পদে পদে ঠকিয়া থাকে, অর্থাৎ যে মুগ্ধ, যাহার সকল জিনিস বোধগন্য হয় না। বোকা সকল দেশেই ছিল, আমাদের দেশেও ছিল; এখনও অন্তর্দেশে আছে, আনাদের দেশেও আছে। সভ্যতার পরিবর্তনে বোকায় সংখ্যা বাড়ে এবং কমে, কিন্তু এখন কি জানি কেন, বোধ হয় বিলাতী শিক্ষার ফলে মূর্খের সংখ্যা ভারতবর্ষে অত্যন্ত বাড়িয়া গিয়াছে, বিশেষ বাঙ্গালাদেশে। শিক্ষিত, অশিক্ষিত, অর্ধশিক্ষিত বাঙ্গালীর দল যতই দিন যাইতেছে ততই আপনাকে সর্বাপেক্ষা বুদ্ধিমান মনে করিতেছে এবং গর্বে ফুলিয়া উঠিতেছে। ফলে, বাঙ্গালায় বোকা ও গাথার সংখ্যা উত্তরোত্তর বৃদ্ধি পাইতেছে। সেইজন্য গাথা কি করিয়া ধরিতে হয়, কত রকম গাথা আছে, ইত্যাদি সংস্কৃত শাস্ত্রের মধ্য দিয়া দেখাইবার প্রয়োজন হইয়াছে।

সংস্কৃত-সাহিত্যে সকল বিষয়েই একটা শাস্ত্র আছে, সেইরূপ মূর্খেরও একটা শাস্ত্র আছে, তাহার নাম মূর্খশতক। এই পুস্তকখানি ছাপা হইয়াছে। গুজরাতের লোক ব্যবহার-চতুর বলিয়া এই পুস্তকের গুজরাতী তর্জমা পর্যন্ত হইয়া গিয়াছে। ইহার সম্বন্ধে বাঙ্গালায় কে কি লিখিয়াছে আমার জানা নাই। বইখানির পশ্চিম-ভাগে বেশ সম্মান আছে। কে যে এইরূপ অপরূপ গ্রন্থ লিখিয়াছিলেন, তাঁহার নাম জানা যায় না, কিন্তু বহুকাল হইতে, সম্ভবতঃ খৃষ্টীয় দ্বাদশ শতাব্দী হইতে, বইখানি চলিয়া আসিতেছে।

বইখানি অত্যন্ত ছোট, মাত্র ২৫টি শ্লোক, কিন্তু ভারি দরকারী। এক-একটি শ্লোকে চারি প্রকারের মূর্খের লক্ষণ দেওয়া আছে; তাহা ছাড়া গোড়ায় একটি আর শেষে একটি শ্লোক উপক্রমণিকা ও উপসংহার হিসাবে দেওয়া আছে। পুস্তকখানি হইতে বুঝা যায়, সেকালেও অনেকরকম মূর্খ ছিল এবং মোটামুটি মূর্খদের একশত

ভাগে ভাগ করা হইত। মূর্খলোক যাহাতে মূর্খ করিয়া ব্যবহারচতুর হইতে পারে এবং অবিদিত সংসারযাত্রা নির্বাহ করিতে পারে, তাহারই জন্য গ্রন্থখানি বিরচিত হইয়াছিল। তাই মূর্খের সংখ্যা একালের চেয়ে ঢের কম ছিল মূর্খদের ব্যবহারচতুর করিবার জন্য কোন ব্যবস্থা দেখিতে পাই না। বরং যেকোন হাওয়া বহিতেছে সে যেকোন অদ্ভুত শিক্ষাপ্রচার হইতেছে তাহাতে মূর্খের সংখ্যা যে অতি শীঘ্রই বিস্তৃত হইবে তাহার আশঙ্কা নাই।

অনেকে বলেন, সংস্কৃত মূর্খশতক কখন বাঙ্গালী ভাষায় লিখিত করা যায়? এই মূর্খশতক কে লিখিয়াছেন? যে সম্পূর্ণ ভ্রান্ত সে-কথা বেশ মূর্খশতকের প্রত্যেক শ্লোকের মূর্খদের উপদেশ নিহিত আছে, তাহা মূর্খদের কার্যোপযোগী হইতে পারে। বইখানি ছাপাইয়া এই পুস্তকের মূর্খশতক টাইপাইয়া রাখা উচিত এবং প্রত্যেক ছেলেকে মুখস্থ করাইয়া রাখা উচিত। যদি এইরূপ করা যায় তাহা হইলে দেখিতে দেখিতে দেশে বোকায় সংখ্যা কমিয়া যাইবে এবং তাহাতে মূর্খদের উপকার হইবে। কারণ, আপনাকে মূর্খ বলিয়া ধরা যাক, কেহই চাহে না।

নিম্নে একশত রকম মূর্খের লক্ষণাবলী বিবৃত হইল। পাঠকবর্গ, কে কি রকম মূর্খ সংসারক্ষেত্রে বিচরণ করিতেছে তাহাদের চিনিয়া লইবেন এবং তাহাদের সহিত যথোচিত ব্যবহার করিবেন। শিক্ষকের ভিতর যদি কোনরূপ লক্ষণাবলীর প্রবেশ হয়, তাহা হইলে সেগুলি সহজেই বইখানি পড়িয়া ত্যাগ করা যাইতে পারে। এখন প্রত্যেক রকম মূর্খের লক্ষণ এবং তাহার বাঙ্গালা টীকা নিম্নে দেওয়া হইল।

১। সামর্থ্য বিগতোচ্চোগঃ

যাহার সামর্থ্য বা ক্ষমতা সত্ত্বেও উৎসাহ নাই। পরমা যোজ্যকার করিবার ক্ষমতা সত্ত্বেও যে-সব লোক আলস্যে কাল কাটায় এবং নির্ধন থাকে ; পাঠাদি করিবার ক্ষমতা, বুদ্ধিবৃত্তি থাকা সত্ত্বেও যাহারা পড়াশুনা না করিয়া হেলায় আপনাদের ভবিষ্যৎ নষ্ট করে, তাহারা প্রথম প্রকারের মূর্খ। কোন বিষয়ে ক্ষমতা থাকা সত্ত্বেও আলস্যহেতু বা উত্তমের অভাবে যদি তাহা নষ্ট হয় তাহা বোকার লক্ষণ ছাড়া আর কিছুই নহে।

২। স্বপ্নাঘী প্রাজ্ঞপর্ষদি

অর্থাৎ যে ব্যক্তি পণ্ডিতগণের সভায় বসিয়া নিজের জ্ঞান প্রদর্শন করিয়া থাকে, এমন ব্যক্তি যত বড়ই শাস্ত্রজ্ঞ হউন না কেন তিনি মূর্খ হইবেনই।

৩। বেষ্ট্যাবচসি বিশ্বাসী

অর্থাৎ বেষ্ট্যাব কথায় যিনি বিশ্বাস করেন এবং তাহাদের প্রেমে মুগ্ধ হন এবং সংসার ছাড়েথারে দেন তিনি মূর্খ। এ বিষয়ে বেশী বলা নিম্প্রয়োজন।

৪। প্রত্যয়ী দস্ত্যুডম্বরে

অর্থাৎ যিনি দস্ত্যু ও আড়ম্বর দেখিয়া আসল জিনিসের কথা ভুলিয়া যান। একরূপ মূর্খ যে কত আছে তাহার আর ইয়ত্তা নাই। কলিকাতায় নিমন্ত্রণ রক্ষা করিবার জন্ত যদি কেহ সোণার ঘড়ি-ঘড়ির-চেন লাগাইয়া বা মোটর চড়িয়া না যান, তিনি যতই সম্ভ্রান্ত হউন না কেন, তাঁহার কোন খাতিরই নাই। আবার চালচলন নাই এমন লোক কোন আশ্রয়ের বা বন্ধুগন্ধবের মোটর ধার লইয়া নিমন্ত্রণ রক্ষা করিতে যাইয়া প্রভূত সম্মান লাভ করিয়া থাকেন। অনেক যৌথকারবারের ম্যানেজিং ডিরেক্টরও ঠিক এই ভাবের আড়ম্বর করিয়া থাকেন এবং তাহা দেখিয়া অনেকে তাঁহাকে মূর্খ বলিয়া থাকেন। যাহারা চালক তাহারা ঠকার, আর যাহারা বোকা তাহার ঠকে।

৫। দ্যুতাদি চিত্তবন্ধাশঃ

দ্যুত বা জুয়াতে নিশ্চয় টাকা পাইবার আশায় যিনি বসিয়া থাকেন তিনি একজন মূর্খ। একরূপ মূর্খের অভাব নাই। শনিবার ঘোড়দৌড়ের দিন যিনি ১টা ১১০ টার সময় আফিসের কেরাণীবাবুদের খিদিরপুরের ট্রাম ধরা দেখিয়াছেন, তিনিই বুঝিবেন এইরূপ মূর্খের সংখ্যা কিরূপ বাড়িয়া গিয়াছে। বহুৎ পরমা পাইবার আশায় নিজের কষ্টজিত বা অপরের নিকট ধার করা অর্থ উড়াইয়া মনস্তাপ পাইতেছেন এইরূপ মূর্খ ঘরে ঘরে দেখিতে পাওয়া যায়।

৬। কৃষ্যাভ্যায়েষু সংশয়ী

অর্থাৎ যিনি কৃষিকর্ম হইতে লাভ হইবে কি না সংশয় করিয়া সে কার্য হইতে বিরত থাকেন। কৃষিকার্য মন দিয়া করিলে লাভ হইবেই, এবং আর্থিক অবস্থার উন্নতি হইবেই, এবং যতই লোকে কৃষিকর্ম করে ততই দেশের মঙ্গল। যাহার একরূপ মঙ্গলজনক কার্যে লাভা-লাভ খতানর দরুণ সংশয় হয়, পণ্ডিতরা তাঁহাকে মূর্খ বলিয়া বিবেচনা করেন।

৭। নিবুদ্ধিঃ প্রৌঢ়কার্যার্থী

অর্থাৎ বুদ্ধিহীন হইয়াও যে বড় বড় কার্য করিতে যায় সে একটি মূর্খ। যেমন আজকালকার গ্রাজুয়েটদের ব্যবসা করিয়া পরমা উড়ান; পূর্বে কিছু না জানা থাকার বুদ্ধিবৃত্তির বিকাশ না হওয়ার, ব্যবসাক্ষেত্রে প্রবেশ করিয়া হঠাৎ বড়নাশ হইতে গেলে ঠকা ছাড়া আর কোন উপায় নাই।

৮। বিবিক্তরসিকো বণিক্

অর্থাৎ যে ব্যবসাদার হইয়াও অরসিক সে একজন মূর্খ। অরসিক হইলে খরিদার চটিয়া যায়, পরে আর তাহার নিকট যায় না, কাজেই ব্যবসার ক্ষতি হয়। বণিক্ যদি অরসিক হয় তাহার ব্যবসা না করাই উচিত।

৯। ঋণেন স্থাবরক্রোতা

অর্থাৎ ধার করিয়া স্থাবর সম্পত্তি বে ক্রয় করে সে একজন মূর্খ। ধার করিলেই ক্ষতি দিতে হয়। স্থাবর

সম্পত্তিতে লাভ নাই বলিলেই চলে; তাহার আয় হইতে স্নদের টাকা দেওয়া যায় না। তাই সেরূপ লোক মূর্খ বলিয়া পরিগণিত হয়। এরূপ মূর্খের সংখ্যা বড় কম নয় তাঁহাদের অবস্থা সাপের ছুঁচোগেলা গোছ হইয়া দাঁড়ায় এবং বড়ই মনঃকষ্টে তাঁহারা দিন যাপন করিয়া থাকেন।

১০। স্থবিরঃ কণ্ঠকাবরঃ

অর্থাৎ যে বৃদ্ধ, তরুণী বিবাহ করিয়া ঘরে আনে সে একটি মূর্খদিগের সেরা। এরূপ ক্ষেত্রে বৃদ্ধকে বড়ই মনঃকষ্টে দিন কাটাইতে হয়। অধিক এ বিষয়ে বলা বাহুল্যমাত্র।

১১। ব্যাখাতা চাশ্রুতে গ্রন্থে

অর্থাৎ যে অজানা শাস্ত্রের ব্যাখ্যা করিবার চেষ্টা করে সে একটি মূর্খ, কারণ যাহা নিজেই জানে না তাহা অপরকে বুঝাইবে কি? বুঝাইতে গেলেই হাঙ্গাম্পদ হয় এবং আপনাকে বোকা বলিয়া ধরা দেয়। যেমন আজকালকার স্কুল-কলেজের ছেলেদের রাজনীতিচর্চা আর রেলের যাত্রীদের আঠার পেন্স রেশিও (Ratio) বুঝান।

১২। প্রত্যহক্ষার্থোঃ প্যাপহুবী

অর্থাৎ যিনি কোন ঘটনা প্রত্যক্ষ দেখিয়াও তাহা বিশ্বাস করিতে চাহেন না তিনি একটি মূর্খ। যেমন অনেক বাপ আছেন, ছেলের দোষ হাজার থাকিলেও তাহাকে সকলের কাছে অতি সুশীল ও সচ্চরিত্র বলিয়া পরিচয় দেন, যেমন অনেক বিশ্ববিদ্যালয়ের উপাধিধারী আপনাদের অজ্ঞান বলিয়া মনে মনে জানিয়াও বাহিরে মহাপণ্ডিত বলিয়া পরিচয় দিয়া আপনাদের মূর্খশ্রেণীভুক্ত করেন।

১৩। চপলাপতিরীর্ষ্যালুঃ

অর্থাৎ কুলটা বিবাহ করিয়াও যিনি স্বীর প্রতি ঘেম করেন তিনি একটি মহামূর্খ। কুলটা বিবাহ করিলে

সেরূপ স্ত্রীলোক যে অল্পে আসক্ত হইবে ইহা গভাব-সিদ্ধ। স্বামী যদি তাহাতে দ্বেষভাব হৃদয়ে পোষণ করেন তাহা হইলে জনসমাজে তিনি একটি অজ-মূর্খ বলিয়া পরিচিত হইয়া থাকেন।

১৪। শত্রুশত্রুরশক্তিঃ

অর্থাৎ প্রবল শত্রু থাকা সত্ত্বেও যিনি নিঃশঙ্কচিত্তে কাল যাপন করিয়া থাকেন তিনি একজন মূর্খ। কারণ এ অবস্থায় সতর্ক না থাকিলে শত্রু প্রবল বলিয়া সহজেই তাঁহাকে বিপদে ফেলিতে পারে।

১৫। দত্তা দনাত্মশয়ী

অর্থাৎ টাকা দান করিয়া যিনি পরে অনুশোচনা করিয়া থাকেন তিনি একটি মূর্খ। টাকা দান করিবার ইচ্ছা ও সাহায্য থাকিলে তাহা দান করা উচিত এবং সেজন্য অনুশোচনা করা কর্তব্য নহে। আর যেহেতু অনুশোচনা করিলেও সে টাকা ফেরে না, কাজেই যিনি এরূপ করেন তিনি মূর্খ বলিয়া পরিগণিত হন।

১৬। কবিনা হঠপাঠকঃ

অর্থাৎ যিনি নিজে অপছন্দিত হইয়াও পণ্ডিতের সহিত হঠকার করিয়া তাকে প্রবৃত্ত হন। এইরূপ করিলে অতি শীঘ্র মূর্খত্ব প্রকাশ হইয়া পড়ে বলিয়া যিনি এরূপ করেন তিনি মূর্খ হন।

১৭। অপ্ৰস্তাবে পটুবক্তা

অর্থাৎ কোন প্রসঙ্গ বা কারণ ব্যতিরেকে যিনি বক্তৃতা করিয়া প্রচুর বক্তিত্তে থাকেন, তিনি একটি উজ্জ্বল। ছোটরা যদি এরূপ করে তাহাদের "জ্যাঠা" বলা হয় আর বড়রা যদি এরূপ করে তাহাদের বক্তার (Garrulous old man) বলা যায়। উভয়ই বোকার লক্ষণ।

১৮। প্রস্তাবে মৌনকারক

অর্থাৎ যখন প্রসঙ্গ বা কারণ উপস্থিত হয় তখন কথা-বার্তা না কহিয়া যিনি মৌনাবলম্বী হন, তিনি মূর্খ বলিয়া পরিগণিত হন।

১৯। লাভকালে কলহকৃৎ

অর্থাৎ লাভের সময় উপস্থিত হইলে যিনি লাভদাতার সহিত কলহ করিয়া লাভের পথ বন্ধ করেন তিনি একটি মূর্খ।

২০। মন্যমান ভোজনক্ষণে

অর্থাৎ ভোজন করিবার সময় যিনি রাগিয়া আশ্বিন হইয়া যান তিনি একটি হস্তিমূর্খ। ভোজন করিবার সময় ঠাণ্ডা মেজাজে এবং পরিচুপ্তির সহিত ভোজন না করিলে তাহা সহজে হজম হয় না। যিনি সামান্য কারণে রন্ধনকৃত দ্রব্যাদি ভাল নয় বলিয়া বা অন্য কোন প্রকারে রাগিয়া যান, তাঁহার ভুক্তদ্রব্য হজম হয় না বলিয়া একরূপ লোক মূর্খের সহিত সমশ্রেণীভুক্ত হইয়া থাকেন। একরূপ শ্রেণীর মূর্খ বাঙ্গালাদেশে বহুৎ।

২১। কীর্ত্তার্থঃ সুললাভেন

অর্থাৎ সামান্য লাভের জন্য যিনি অজস্র অর্থব্যয় করিয়া থাকেন তাঁহাকে মূর্খ বলা হইয়া থাকে। অনেকসময় দেখা যায়, কেহ মানরক্ষা করিতে গিয়া অজস্র পয়সা খরচ করিয়া ফেলিলেন। বিবাহাদিতে জাঁকজমক দেখাইতে গিয়া জলের মত অর্থব্যয় করিয়া ফেলিলেন। আপনাকে বাড়লোক বলিয়া পরিস্রয় দিবার জন্য পয়সা না থাকিতেও একটা মস্ত টাকা চাঁদা দিয়া ফেলিলেন। সামান্য চাকুরীতে সম্মান রাখিবার জন্য মোটর কিনিয়া ফেলিলেন। এইরূপ কার্য মূর্খ না হইলে কেহ করে না।

২২। লোকোক্তৌ ক্লিষ্টসংবৃতঃ

অর্থাৎ লোকের উক্তিতে যিনি ব্যথিত হইয়া থাকেন তিনি একজন মূর্খ। লোকের কথার কিছু ঠিক নাই, আজ যাহার প্রশংসা করিতেছে, কালই তাহার নিন্দা করিতেছে। যিনি লোকনিন্দা শ্রবণে ব্যথিত হইয়া কোন ভালকার্য্য করিতে বিরত হন তিনি মূর্খ হইয়া যান।

২৩। পুত্রাধীনে ধনে দীনঃ

অর্থাৎ পুত্রের হাতে যথাসর্বস্ব সমর্পণ করিয়া যিনি শেষে কষ্ট পাইয়া থাকেন, তিনি মূর্খ বলিয়া গণ্য হন। অর্থসম্পত্তি বড় খারাপ জিনিস; পিতা তাহা পুত্রের হাতে সমর্পণ করিলে পুত্র যে কর্তব্যপরবশ হইয়া তাহা দ্বারা পিতার সেবাশ্রম করিবে, তাহার কোন মানে নাই। অতএব বৃদ্ধ হইলে পিতার উচিত নহে পুত্রের হস্তে সমস্ত সম্পত্তি ত্যক্ত করা; যদিই বা নিতান্ত অসুবিধায় পড়িয়া তাহা করিতে হয়, তাহা হইলেও একেবারে নিঃসম্বল হইতে নাই। সমস্ত সম্পত্তি পুত্রের হস্তে সমর্পণ করিলে পুত্র শীঘ্রই বাপের প্রতি খড়্গহস্ত হইয়া উঠে। অতএব সেরূপ পিতা মূর্খ ছাড়া আর কি?

২৪। পন্থায়ত্কার্থমাচকঃ

অর্থাৎ পন্থীর নিকট একবার কোন জিনিস বা অর্গ দিয়া আবার তাহার নিকট হইতে যে চাহে সে মূর্খ বলিয়া গণ্য হয়। পন্থীকে ভবিষ্যৎ বিপদ-আপদ হইতে রক্ষা করিবার জন্য স্বামী তাহার হস্তে অর্থ প্রদান করিয়া থাকেন। তাহা যদি চাহিয়া লওয়া হয়, তাহা হইলে পুনরায় তাহার সম্বল করিয়া যায়। অথবা স্থীলোক একবার অর্গ পাইলে তাহা গোপন করিয়া ফেলে বলিয়া, চাহিলেও পাওয়া যায় না, সেইজন্য যে চাহে সে বোকা হয়।

২৫। ভার্য্যাত্বেদাং কৃতোদাহো

অর্থাৎ এক ভার্য্যায় বিরক্ত হইয়া দ্বিতীয়বার সুখের আশায় দারপরিগ্রহ যিনি করিয়া থাকেন, তিনি মূর্খ-শ্রেণীভুক্ত হন। দাম্পত্য-জীবন সংসারিক কর্তব্য-পালনের জন্য, সুখের জন্য নহে। সেইজন্য যিনি মনে করেন প্রথম স্ত্রী হইতে কোন সুখই পাওয়া গেল না, কেবল কষ্ট এবং সুখের আশায় আবার বিবাহ করেন, তাঁহার ক্ষেত্র একটির স্থলে দুইটি আরোহণ করে এবং তাঁহার সকল সুখের আশা মহর্ষের ভিতর বিলীন হয়। নিতান্ত হস্তিমূর্খ না হইলে একরূপ কার্য্য কেহ করে না।

২৬। পুত্রকোপাৎ তদন্তকঃ

অর্থাৎ যিনি পুত্রের উপর রাগ করিয়া তাহার প্রাণনাশ করিয়া থাকেন, তিনি মূর্খ বলিয়া গণ্য হন। পুত্র অন্টার করিলে দণ্ডবিধান করা প্রয়োজন; কিন্তু তাহার প্রাণনাশ করিয়া বংশলোপ করা কোনক্রমেই সম্ভব নহে। একরূপ লোক একশ'বার মূর্খ।

২৭। কামুকম্পর্দয়া দাতা

অর্থাৎ যে-ব্যক্তি কামীলোকের সহিত রেমারেসি করিয়া বেশ্যা-আদিকে ধনপ্রদান করিয়া থাকে সে মূর্খ শ্রেণীভুক্ত হইয়া থাকে।

২৮। গর্ববান্ মার্গণোক্তিভিঃ

অর্থাৎ সে ব্যক্তি কৃপাকাজীর চাটুবাক্যে আপনাকে গর্বিত বোধ করিয়া থাকে তাহাকে মূর্খ বলা হইয়া থাকে। কার্যসিদ্ধির জন্ত যচক নানারূপ তোমামোদ করিবেই, তাহার কোন অর্থই নাই, কিন্তু তাহাতে তাহার লেজ মোটা হইয়া যায়, সে মূর্খ ছাড়া আর কি?

২৯। নি তিতশ্রোতা

অর্থাৎ আপনাকে বুদ্ধিমান বলিয়া মনে করিয়া দর্পে যিনি তিতবাক্য শ্রবণ না করিয়া বিপদে পড়েন, তিনি মূর্খপদবাচ্য হইয়া থাকেন। অনেকে আছেন নিজেকে অতিরিক্ত বুদ্ধিমান মনে করিয়া অপরের বাক্যে অবহেলা প্রদর্শন করিয়া থাকেন। হঠকারিতার জন্ত একরূপ লোক সংসারে পদে পদে বিপদে পড়িয়া থাকেন; এবং বিপদে পড়াই তাঁহাদের স্বভাবসিদ্ধ বলিয়া এই শ্রেণীর লোকদের মূর্খ বলা হইয়াছে।

৩০। কুলোৎসেকাদসেবকঃ

অর্থাৎ কুলগর্বে গর্বিত হইয়া প্রয়োজন হইলেও যিনি চাকুরি করিতে খুণা বোধ করেন এবং দৈন্তে দিন-

যাপন করেন, তিনি মূর্খপদবাচ্য হইয়া থাকেন। গভ-বৈভব জমিদারদিগের ছেলেদের মধ্যেই এই শ্রেণীর মূর্খ প্রচুর দেখিতে পাওয়া যায়। ছোট চাকুরি করিতে তাঁহারা অপমানজনক মনে করেন, এদিকে অর্থাভাব। তাঁহারা যে বিরূপ মনঃকষ্ট ভোগ করিয়া থাকেন, তাহা সহজেই অন্মেয়। একরূপ লোকই এই শ্রেণীর মূর্খের সংখ্যা বাড়াইয়া থাকেন।

৩১। দহ্মার্থান্ তুল্যভান্ কামা

অর্থাৎ যে কামীপুরুষ তুল্য সামগ্রী দিয়া আপনার কামচরিতার্থ করে সে একটি গোমূর্খ। অনেক বেশ্যাসক্ত বড়লোকের ছেলেদের এইরূপ বংশপরম্পরায় রক্ষিত মূল্যবান রত্নপ্রভৃতি সামান্য বেশ্যা-আদিকে দিতে শুনা যায়। তাহারাই এই শ্রেণীর মূর্খের দলবৃদ্ধি করিয়া থাকে।

৩২। দহ্মা শুক্লমনার্গগঃ

অর্থাৎ সে ব্যবসায়ী মালের উপর সরকারী শুল্ক দিয়া ও গুপ্তমার্গ দিয়া মাল লইয়া গিয়া অনর্থের সৃষ্টি করিয়া থাকে তাহাকে মূর্খ বলিয়া গণ্য করা হয়।

৩৩। লুকে ভুভুজি লাভার্থী

অর্থাৎ যে রাজাকে অত্যন্ত লোভী জানিয়াও তাহার নিকট হইতে কোনরূপ লাভের আশা করিয়া থাকে, সে একটি মহামূর্খ। কারণ লোভী রাজা সকলকে শোষণ করিতে ব্যস্ত, সে কখনও নিজের লাভের অংশ কাহাকেও ছাড়িয়া দিতে পারে? একরূপ স্থলে আশা পরিপূর্ণ কখনই হইতে পারে না বলিয়া যিনি বা তাঁহারা আশা করেন, তিনি, বা তাঁহারা সকলেই মূর্খ-পদবাচ্য হইয়া থাকেন। এখনকার মত সংস্কৃতদিনেও এইরূপ মূর্খের সংখ্যা ভারতে বড় বিরল নহে।

৩৪। ত্য়ায়ার্থী ছুষ্ঠশাস্তরি

অর্থাৎ যেখানে শাসক দুষ্ট ও অত্যাচারী তাঁহার নিকট হইতে যে ত্য়ায়বিচার আশা করিয়া থাকে সে

একটি আশ্ব মূর্খ। রাজা তাম্রণরায়ণ হইলে তবেই তাঁহার নিকট ক্ষায়ের আশা করা যায়, রাজা যদি দৃষ্ট ও অত্যাচারী হয় তাহার নিকট হায়-বিচারের আশা করা বৃথা। তাহা সত্ত্বেও যাহারা ঐরূপ দুঃশা হৃদয়ে পোষণ করিয়া থাকেন তাঁহারা বোকার সরদার।

৩৫। কায়স্থে স্নেহবন্ধাশঃ

এস্থলে কায়স্থ বলিতে রাজকর্মচারী বুঝায়, বিশেষতঃ যাহারা খাজনা আদায় করিয়া থাকে। ইহারা প্রজাদের উপর অতিরিক্ত উৎপীড়ন করিত এবং বিশেষ অত্যাচারী ছিল। অতএব যিনি কায়স্থের স্নেহের উপর নির্ভর করিয়া কোন আশা হৃদয়ে পোষণ করিয়া থাকেন, তিনি মূর্খ বলিয়া গণ্য হন। কারণ কায়স্থদের দয়া, মায়া, স্নেহ, গনতা বলিয়া কোন জিনিস জানা নাই। তাহারা জানে, অত্যাচার করিয়া সরকারের এবং নিজের পাওনা টাকা আদায় করিতে। ঐরূপ নির্মম, নিষ্ঠুর লোকের উপর যে-ব্যক্তি কোন লাভের আশা রাখে সে খুব বোকা।

৩৬। ক্রুরে মন্ত্রিণি নির্ভয়ঃ

অর্থাৎ রাজ্যের মন্ত্রী ক্রুর প্রকৃতির হওয়া সত্ত্বেও যে লোক নির্ভয়ে বিচরণ করে সে মূর্খ; কারণ মন্ত্রীর হাতে রাজ্যের সমস্ত ক্ষমতা বস্তু থাকে, তিনি ক্রুর হইলে যখন-তখনই যাহার তাহার উপর সামান্য কারণে অসীম অত্যাচার করিতে পারেন। অতএব সকলেরই সে-সময় সতর্কভাবে অবস্থান করা প্রয়োজনীয়। যাহারা অসতর্ক থাকিয়া ঐরূপ মন্ত্রীর কোপে পড়ে তাহারা মূর্খের অগণ্য।

৩৭। কৃত্বেন্নে প্রতিকার্যার্থী

অর্থাৎ যে ব্যক্তি কৃত্বের জন্ত উপকার করিতে ব্যগ্র হয়, সে একটি আসল হাঁদা। উপকার পাইয়া যে প্রত্যক্ষ নিমকহারামী করে তাহাকেই কৃত্ব বলি। যে একবার ঐরূপ পরিচয় দিয়াছে, তাহার প্রতি আর সহানুভূতি থাকা উচিত নহে, এমন কি সম্পর্ক রাখাও উচিত নহে। সম্বন্ধ রাখিলে ভবিষ্যতে বিপদাপন্ন হইতে হয়। পুনরায়

যদি নিমকহারামের জন্ত উপকার করিতে কেহ চেষ্টা করে, সে একটি নির্জলা হাঁদা বলিয়া গণ্য হয়।

৩৮। নীরসে গুণবিক্রয়ী

অর্থাৎ যে-ব্যক্তি রসগ্রহণ করিতে জানে না, তাহার নিকট নিজের গুণের পরিচয় দেওয়া মূর্খের কার্য্য বলিয়া গণ্য হইয়া থাকে। যে ব্যক্তি গুণের মর্যাদা জানে, তাহারই নিকট স্বগুণের পরিচয় দিলে ফলদায়ক হইয়া থাকে, অন্যথায় নিফল হয়।

৩৯। স্বাস্থ্যে বৈজ্ঞানিক্রিয়াশেষী

অর্থাৎ যে মূর্খ অবস্থায়ও নানারূপ ঔষধাদি সেবন করিয়া শরীরস্থ মন্ত্রাদির বিকার ঘটাইয়া থাকে, তাহাকে মূর্খ বলা হয়। দুঃখের বিষয়, এই শ্রেণীর মূর্খ শিক্ষিত-সমাজের ভিতর প্রচুর বাড়িয়া যাইতেছে। বাড়িয়া যাইবার প্রধান কারণ অতি সুন্দর সুন্দর বিলাতী ঔষধের বিজ্ঞাপন ও ডাক্তারদের অবহেলা। অমেক ডাক্তারও এই শ্রেণীভুক্ত! সদাসর্বদা এগিমা লওন, জোলাপ খাওয়া, টনিক সেবন করা প্রায় ডাক্তারদের লাগিয়াই আছে। তাঁহাদের ছোঁয়াচ লাগিয়া এই ব্যাধি সংক্রামকরূপে দেশ ব্যাপিয়া গিয়াছে। ঔষধের একটা ক্রিয়া আছে, রোগের সময় সেই ক্রিয়া দ্বারাই রোগ আরোগ্য হয়, অল্প সময় তীব্রবীৰ্য্য ঔষধাদি সেবন করিলে তাহার বিষাক্ত ক্রিয়া শরীরে অল্পদিনেই হটুক বেশী দিনেই হটুক প্রকাশ পাইবেই। কাজেই যাহারা ঐরূপ বিষাক্ত দ্রব্যাদি খাইয়া হেলার স্বাস্থ্য নষ্ট করিয়া থাকেন তাহারা নিতান্ত আশঙ্কক ছাড়া আর কি?

৪০। রোগী পথ্যপরাডমুখঃ

অর্থাৎ যে রোগী রোগের ভোগকালে পথ্য যদি না করিয়া নিজের ইচ্ছামত খাওয়া-দাওয়া করিয়া বিপদ আনয়ন করে সে মূর্খশ্রেণীভুক্ত হয়। অধিক বলা নিম্প্রয়োজন, কারণ সকল ঘরেই এই শ্রেণীর লোক দেখিতে পাওয়া যায়।

৪১। লোভেন স্বজনত্যাগী

অর্থাৎ লোভের বশবর্তী হইয়া যে আপনার আত্মীয়-স্বজনকে ত্যাগ করে সে মুর্থ; কারণ সংসারে আত্মীয়-স্বজনের প্রভাব কেহই অতিক্রম করিতে পারে না, বিপদাদিতে সাহায্য করিতে আত্মীয় ছাড়া কেহই আসে না, আর এই বিপদসঙ্কুল সংসারে বিপদ লাগিয়াই আছে। এ সকল জানিয়াও লোভবশবর্তী হইয়া যে আত্মীয়গণকে পরিত্যাগ করে তাহার মত গণ্ডমূর্খ আর দ্বিতীয় দেখিতে পাওয়া যায় না।

৪২। বাচা মিত্রবিরাগকৃৎ

অর্থাৎ পরুষবাক্য প্রয়োগে যিনি বন্ধুর সহিত মনো-মালিন্ত করিয়া থাকেন, তাঁহাকে মুর্থ নামে অভিহিত করা হইয়া থাকে। বন্ধু যদি সত্যসত্যই অকৃত্রিম হন, তিনি জীবনের সম্পদরূপে পরিগণিত হন। সেরূপ বন্ধু যদি কোন অশ্রাব্য করে তাহাও সহিতে হয়। তাহা না করিয়া যদি তাহার সহিত পরুষবাক্য প্রয়োগে মনোমালিন্ত করা হয়, তাহা হইলে অতি মুর্থের স্তায় কার্য্য করা হয়।

৪৩। লাভকালে কৃতালস্যঃ

অর্থাৎ লাভের সময় আগত দেখিয়াও যিনি আলস্য-বশতঃ লাভ নষ্ট করিয়া থাকেন, তাঁহাকে মুর্থ বলা হইয়া থাকে। অর্থাৎ একটু চেষ্টা করিলেই যেখানে বেশ একটা লাভ হইতে পারে, সেই সময়ে যদি কেহ চেষ্টা করিতে বিরত হয়, তাহাকে মুর্থ নামে অভিহিত করা হয়।

৪৪। মহর্দ্ধিঃ কলহপ্রিয়ঃ

অর্থাৎ অশেষ ধংশালী হইয়াও যিনি সামান্য অর্থ লইয়া হেঁচড়াহেঁচড়ি করিয়া থাকেন তাঁহাকে মুর্থ বলা হইয়া থাকে। যেমন রাজা হইয়া যদি তিনি চাকরের মাহিনা লইয়া নানারূপ দর-কষাকষি করেন, সেটা ভাল দেখায় না এবং তাহাতে নিন্দা হয় বলিয়া একরূপ লোককেও মুর্থ বলা হইয়া থাকে।

৪৫। রাজ্যার্থী গণকস্মোক্তেঃ

অর্থাৎ; গণক 'রাজ্যোগ আছে' বলিয়াছে বলিয়া যিনি তাহার কথায় নির্ভর করিয়া রাজ্যপ্রাপ্তির আশায় বসিয়া থাকেন তিনি গণ্ডমূর্খ বলিয়া পরিগণিত হন। এইরূপ ধনদৌলত, বাড়ীঘর, দামদামী ইত্যাদির ভরসা সকল গণকেই দিয়া থাকে, তাহার কোন মূল্য নাই, সকলেরই জানা উচিত। গণকের কথার উপর পূর্ণ আস্থা স্থাপন করিয়া যে ব্যক্তি আলস্যে কালযাপন করে এবং মনে মনে নিতান্ত দুর্ভাগ্যমকল পোষণ করে তাহার মুর্থের রাজা।

৪৬। মূর্গমন্ত্রে কৃতাদরঃ

অর্থাৎ যিনি মুর্থের বা অনভিজ্ঞ লোকের পরামর্শ অন্তসারে কার্য্য করিয়া বিপদে পড়েন তাঁহাকে মুর্থ-শ্রেণীভুক্ত করিতে হয়। অনভিজ্ঞলোকের পরামর্শ লওয়াই উচিত নহে। যদিই বা লওয়া হয় তাহা কার্য্যে পরিণত করা নিতান্ত নিবৃদ্ধিতার কার্য্য এবং তাহাতে বিপদের সম্ভাবনা। কাজেই, যাহারা মুর্থের পরামর্শে নিতান্ত আদর প্রকাশ করিয়া থাকেন তাঁহারা সহজেই মূর্খপদবাচ্য হইয়া থাকেন।

৪৭। শূরো দুর্বলবাধয়ে

অর্থাৎ যিনি দুর্বলের উপর অত্যাচার করিয়া আপনাকে বীর বলিয়া পরিচয় দিয়া থাকেন, তাঁহাকে মুর্থ-শ্রেণীভুক্ত করা হইয়া থাকে। দুর্বলের উপর অত্যাচার করিলে লোক হাশাস্পদ হইয়া থাকে, কাজেই যাহার বীরত্ব প্রবলের উপর প্রযুক্ত না হইয়া দুর্বলের উপরই প্রযুক্ত হয় তিনি লোকসমাজে মুর্থ বলিয়া পরিচিত হন। একরূপ মুর্থ একটু বুদ্ধি খরচ করিলে সকল বিভাগেই প্রচুর দেখিতে পাওয়া যায়।

৪৮। দৃষ্টদোষস্ফনারতঃ

অর্থাৎ যে স্ত্রীলোকের চরিত্রদোষ একবার দেখা গিয়াছে তাহার সহিত যিনি তাহা সত্ত্বে আসক্ত

থাকেন তাঁহাকে মুখ বলিয়া অভিহিত করা হয়। যদি দেখা যায় কোন স্ত্রীলোকের চরিত্র নষ্ট হইয়াছে তখন বৃথিতে হয়—স্বামীর প্রতি তাহার আসক্তি নাই—সেইরূপ স্ত্রীলোকের সহিত বাস করা সর্বথা বিপজ্জনক।

৪৯। ক্ষণরাগী গুণাভ্যাসে

অর্থাৎ ভাল কার্যে বা গুণের অভ্যাসে যাহার আসক্তি অল্পকালের মধ্যেই বিলীন হইয়া যায়, তিনি একটি মুখ। গুণের অভ্যাস করিতে হইলে, আপনাকে উন্নত করিতে হইলে তাহা অল্পকালের জ্ঞান করা উচিত নহে, সারাজীবনই গুণের অভ্যাস করা উচিত।

৫০। সঞ্চয়েহৈঃ কৃতব্যয়ঃ

অর্থাৎ বাপদাদার সঞ্চিত অর্থসম্পত্তি যিনি উড়াইয়া দেন তাঁহাকে মুখ বলা হইয়া থাকে। ছেলে ছরকম হয় একজন কেনারাম আর একজন বেচারাম। এই বেচারান শ্রেণীর ছেলেই এই দফার বিষয়ীভূত। বাঙ্গালাদেশে এই শ্রেণীর মুখ ঘরে ঘরে পাওয়া যায়। অতএব এবিসয়ে বেশী বলা বাহুল্য।

৫১। নৃপালুকায়ী মানেন

অর্থাৎ সকলে সম্মান করে বলিয়া গর্বে রাজার বেশভূষাদি বাঁহারা অনুকরণ করিয়া থাকেন, তাঁহারা মুখ। কারণ রাজার চালচলন, বেশভূষা ইত্যাদি যদি কেহ অনুকরণ করে, রাজা জানিতে পারিলে তাঁহার উপর হাড়ে হাড়ে চটিয়া যান, ফলে রাজার কোপে পড়িয়া সেইরূপ লোকবিশেষ বিপদগ্রস্ত হয়, এবং কাজেই যিনি এইরূপ অনুকরণ করেন তিনি সমাজে মুখ বলিয়া পরিচিত হন।

৫২। জনে রাজাদিনিন্দকঃ

অর্থাৎ যে ব্যক্তি প্রকাশে রাজা, রাজমন্ত্রী ইত্যাদির নিন্দা করে সে মুখ। পূর্বেরই জায় রাজা বা রাজমন্ত্রীর যদি কেহ কুৎসা করে তাহাদের কর্ণগোচর শীঘ্রই হইয়া থাকে এবং তাঁহাদের হস্তে প্রভূত ক্ষমতা থাকার কুৎসাকারীকে বিপদাপন্ন হইতে হয়। এইরূপে বিনা-কারণে যে বিপদ ডাকিয়া আনে পণ্ডিতেরা তাহাকে মুখ বলিয়া থাকেন।

৫৩। দুঃখে দর্শিতদৈন্যার্তিঃ

অর্থাৎ দুঃখে বা দারিদ্র্যে পড়িয়া যে দারিদ্র্যদুঃখ সকলের নিকট ব্যক্ত করে, তাহাকে মুখ বলা হয়। আপনার দারিদ্র্যজাত দুঃখকষ্ট প্রকাশ করিলে কোন লাভ নাই, কেবল লোকে ছোট মনে করে, হেয়-জ্ঞান করে এবং বাজারে যাহা একটু সুনাম আছে তাহা নষ্ট হয়, এবং তাহাতে বিশেষ অসুবিধা হইয়া থাকে। অকৃত্রিম আত্মীয়-বান্ধব ছাড়া দারিদ্র্যে কেহ সাহায্য করিবে না, কাজেই সেইরূপ কষ্ট ব্যক্ত করিলে লাভ হো হইবেই না, উন্টাইয়া লোকমান। কাজেই যিনি এইরূপ করেন তাঁহাকে পোকা ছাড়া আর কিছু বলা যায় না।

৫৪। সুখে বিশ্বতদুর্গতিঃ

অর্থাৎ সুখের সময় আগত হইলে যিনি পূর্বের কষ্টের কথা বিশ্বত হন তিনি একজন মুখ; কারণ, পূর্বদুর্গতির কথা ভুলিয়া গেলে মানুষের সতর্কতা থাকে না এবং অসতর্ক হইলে পুনরায় দুর্গতি আসিয়া পড়ে, কাজেই তাহা সদাসর্বদা মনে রাখা উচিত।

৫৫। বহুব্যয়োহল্পরক্ষার্থম্

অর্থাৎ সামান্য জিনিস রক্ষা করিতে গিয়া প্রচুর ব্যয় করিয়া ফেলা একটি মুখের লক্ষণ।

৫৬। পরীক্ষায়ৈ বিযাশনঃ

অর্থাৎ বিষ খাইলে শরীরে কি হয় পরীক্ষা করিবার জ্ঞান যে ব্যক্তি কৌতূহলপরবশ হইয়া বিষ ভক্ষণ করে এবং করিয়া বিপদাপন্ন হয় তাহাকে পণ্ডিতেরা মুখনামে অভিহিত করিয়া থাকেন।

৫৭। দক্ষার্থো ধাতুবাদেন

অর্থাৎ নিকট ধাতু হইতে সোনা বাহির করিবার চেষ্টায় যিনি আপন অর্থাৎ ভগ্নীভূত করিয়া ফেলেন তাঁহাকে পণ্ডিতেরা মুখ-শ্রেণীভুক্ত করেন।

৫৮। রসায়নৈ রসক্ষয়ী

অর্থাৎ রসায়নাদি তীব্রবীর্ঘ্য কবিরাজী ঔষধাদি সেবন করিয়া যিনি শরীরস্থ রসাদির ধ্বংস সাধন করিয়া থাকেন তাঁহাকে পণ্ডিতেরা মূর্খ নামে অভিহিত করিয়া থাকেন।

৫৯। আত্মসম্ভাবনাস্করঃ

অর্থাৎ নিজেকে একজন মস্ত বড়লোক বা পণ্ডিত মনে করিয়া যিনি সর্বদাই ফুলিয়া থাকেন, তাঁহাকে লোকে মূর্খ বলিয়া থাকে।

৬০। ক্রোধাদাত্মবদোত্ততঃ

অর্থাৎ ক্রোধবশতঃ যিনি আত্মধাতী হইতে যান, তিনি মূর্খ বলিয়া পরিচিত হন।

৬১। নিত্যং নিষ্ফলসঞ্চারী

অর্থাৎ যিনি নিত্যই কোন কার্য না থাকা সত্ত্বেও কেবলই ভবঘুরের ছায় টো টো করিয়া ঘুরিয়া বেড়ান তাঁহাকে মূর্খ নামে অভিহিত করা হইয়া থাকে।

৬২। যুদ্ধাপ্রেক্ষী শরাসতঃ

অর্থাৎ যুদ্ধ করিতে গিয়া শরের আঘাত খাইয়াও যিনি যুদ্ধ দেখিতে থাকেন তাঁহাকে মূর্খ বলা হয়।

৬৩। শয়ী শক্তিবিরোধেন

অর্থাৎ প্রবল শক্তির সহিত বিরোধ করিয়াও যিনি নিশ্চিন্তমনে নিদ্রা বাইয়া থাকেন তাঁহাকে পণ্ডিতেরা মূর্খ বলিয়া অভিহিত করেন। এক্ষণ অবস্থায় নিশ্চিন্ত থাকা কোন প্রকারে যুক্তিসঙ্গত নহে, সর্বদাই প্রতিকারের চেষ্টায় সমস্ত শক্তি নিয়োগ করা কৰ্তব্য।

৬৪। স্বল্পার্থঃফীতডম্বরঃ

অর্থাৎ অতি অল্প আয় থাকা সত্ত্বেও যিনি অত্যন্ত আড়ম্বর ও চাকচিক্য বাহিরে দেখাইয়া থাকেন তাঁহাকে

লোকে মূর্খ বলিয়া থাকে। আজকাল এই শ্রেণীর বহুত মেকী সাঁচ্চা বলিয়া চলিতেছে। তাঁহাদের ধরিয়া ফেলা দরকার।

৬৫। পণ্ডিতোহস্মীতি বাচালঃ

আপনাকে পণ্ডিত মনে করিয়া যিনি সদা সর্বদা বাচালতা করিয়া থাকেন, তিনি পণ্ডিত হইলেও মূর্খ বলিয়া পরিগণিত হন।

৬৬। স্তম্ভটোহস্মীতি নির্ভয়ঃ

অর্থাৎ যিনি আপনাকে ভাল বোকা মনে করিয়া নির্ভয়ে বিচরণ করিয়া থাকেন তাঁহাকে মূর্খ-শ্রেণীভুক্ত করা হয়।

৬৭। প্রফুল্লিতোহতিস্তুতিভিঃ

অর্থাৎ তিনি চাটুকারের ভোষামোদবাক্যে অত্যন্ত হর্ষপ্রাপ্ত হন তাঁহাকে বোকা বলা হয়।

৬৮। মর্শ্বেদী স্মিতোক্তিভিঃ

অর্থাৎ কেহ উপহাস করিয়া কথা বলিলে তাহার মর্শ্বেদী উত্তর যে দেয় তাহাকে অজমূর্খ বলিতে পারা যায়। আজকাল কাহারও সহিত ঠাট্টা করাও মুদ্বিল হইয়া পড়িয়াছে। খুব কম লোকে ঠাট্টা বুঝেন, অনেকেই ন বুঝিয়া রোমান্বিত হইয়া থাকেন। তাই আজকাল এই শ্রেণীর মূর্খ খুব বাড়িয়া গিয়াছে।

৬৯। দরিদ্রহস্তগ্ৰস্তার্থঃ

অর্থাৎ যে ব্যক্তি অত্যন্ত দরিদ্রের হস্তে অর্থসম্পত্তি গচ্ছিত রাখে তাহাকে লোকে মূর্খ বলিয়া চিনিতে পারে।

৭০। সন্ধিক্ষেহর্থে কৃতব্যয়ঃ

অর্থাৎ বাহার কৃতকার্যতা বিষয়ে বিশেষ সন্দেহ আছে এক্ষণ বিষয়ে অর্থ ব্যয় করা মূর্খের লক্ষণ।

অনেক সেনারহোল্ডাররা এই জাতীয় মূৰ্ত্তার পরিচয়
দিয়া থাকেন।

৭১। স্বব্যয়ে লেখ্যকালশ্চা

অর্থাৎ যিনি আপনার জমাধরচাদি লিখিতে আলস্য
করিয়া থাকেন তাঁহাকে মূৰ্ত্তনামে অভিহিত করা যায়।
কারণ শুধু লিখিলেই চাকর-বাকর সায়ন্তা থাকে,
চুরিচাগারি কম করে, এবং বাজে খরচ করিবার প্রবৃত্তি
কমিয়া যায়; কাজেই এইরূপ অতিপ্রয়োজনীয় বিষয়ে
যিনি আলস্য বোধ করেন তিনি একটা আহাম্মুক।

৭২। দৈববশাৎ ত্যক্তপৌরুষঃ

অর্থাৎ দৈবের উপর নির্ভর করিয়া যিনি পুরুষকারকে
বিদায় দেন তিনি একজন মূৰ্ত্ত। 'যখন হবে তখন হবে
কিংবা ভগবান যখন দিবেন তখন পাইব' এই আশা লইয়া
দরঙ্গায় খিল লাগাইয়া বসিয়া থাকিলে কিছুই হয় না
তাই এ শ্রেণীর লোক মূৰ্ত্ত বলিয়া পরিচিত।

৭৩। গোষ্ঠীরতিদ'রিদ্রশ্চ

অর্থাৎ যে দরিদ্র হইয়াও বড় বড় লোকের সহিত,
বড় বড় সমাজে মেলামেশা করে তাহাকে পণ্ডিতেরা
মূৰ্ত্ত বলিয়া থাকেন। কেহ কেহ এই জাতীয় রোগকে
গরীবের ঘোড়ারোগ কহিয়া থাকেন।

৭৪। দৈন্ত্যে বিশ্বতভোজনঃ

অর্থাৎ শোক বা তাপ পাইয়া যিনি আহারের কথা
বিশ্বত হন তাঁহাকেও মূৰ্ত্ত বলিতে পারা যায়।

৭৫। গুণহীনঃ কুলশ্লাঘী

অর্থাৎ নিগুণ হইয়াও যে-ব্যক্তি আপনার কুলের
শ্লাঘা করিয়া থাকে সে একটি নিরেট মূৰ্ত্ত। কারণ
লোকে মনে করিবে যে সমস্ত বংশই বুঝি এইরূপ
অকালকুমাণ্ডে ডরা।

৭৬। গীতগায়ী খরস্বরঃ

অর্থাৎ গাধার মত গলা লইয়া যিনি অনবরত গর্দভ-
রাগিনী ভাঁজিতে থাকেন তাঁহাকে মূৰ্ত্ত বলিয়া অভিহিত
করা হয়।

৭৭। ভাষ্যাভয়ান্নিষিদ্ধার্থী

অর্থাৎ স্ত্রীর ভয়ে যে টাকাকড়ি গোপনে রাখিয়া
দেয়, বা টাকাকড়ির কথা গোপন রাখে তাহাকে মূৰ্ত্ত
বলা হইয়া থাকে।

৭৮। কার্পণ্যেনাপ্তদুর্ঘণঃ

অর্থাৎ অতিরিক্ত কার্পণ্যবশতঃ যিনি চতুর্দিকে দুর্গাম
কিনিয়া থাকেন তাঁহাকে মূৰ্ত্ত বলা হয়। সংসারে বাস
করিতে গেলে অতিরিক্ত কার্পণ্য দেখান অনভিজ্ঞতার
পরিচায়ক। কাজেই যাহার কৃপণ বলিয়া খ্যাতি দেশ-
বিদেশে ছড়াইয়া পড়ে তাহাকে মূৰ্ত্ত বলাই উচিত।

৭৯। ব্যক্তদোষজনশ্লাঘী

অর্থাৎ যে ব্যক্তির দোষ জনসমূহে ব্যক্ত হইয়াছে,
এইরূপ লোকের স্মৃতি যিনি করিয়া থাকেন তিনি
একটি আস্ত বোকা বলিয়া লোকসমাজে পরিচিত হইয়া
থাকেন।

৮০। সভামধ্যাধ'র্নগতঃ

অর্থাৎ সভাতে বসিয়া সভাশেষ হইবার পূর্বে যিনি
সকলের সমক্ষে বহির্গত হইয়া যান তাঁহাকে অসভা
বলিয়া লোকে মূৰ্ত্ত-শ্রেণীভুক্ত করিয়া থাকে।

৮১। দূতো বিশ্বতসন্দেশঃ

অর্থাৎ যে দূত নির্দিষ্টস্থানে আসিয়া কি খবর দিতে
আসিয়াছে তাহা ভুলিয়া যায় তাহাকে মূৰ্ত্ত বলা হয়।

৮২। কাসবাংশেচৌরিকারতঃ

অর্থাৎ কাসীর ব্যারাম থাকা সত্ত্বেও যে রাত্রে ঘরে সিঁদ দিয়া চুরি করিতে যায়, সে একটি খাজামূর্খ, কারণ তাহাকে ব্যারামের জন্তু কাসিতে হইবে এবং কাসিলেই গৃহস্থ জাগিয়া উঠিয়া তাহাকে ধরিয়া ফেলিবে।

৮৩। ভূরিভোজ্যব্যয়ঃ কীর্ত্তেঃ

অর্থাৎ যিনি শুধু নাম হইবে বলিয়া বাড়ীতে খুব খাওয়ান-দাওয়ান করেন, তিনি একটি মূর্খ; কারণ শুধু নামের জন্তু বহু অর্থব্যয় করিয়া ভোজ দেওয়াতে অপব্যয় হয় এবং যে এরূপ করে লোকে তাহাকে বোকা বলিয়া থাকে।

৮৪। শ্লাঘাট্যৈ স্বল্পভোজনঃ

অর্থাৎ নিজের খ্যাতি ও গৌরব বিস্তৃত হইবে বলিয়া যিনি অত্যল্প পরিমাণ আহার করিয়া থাকেন তিনি একটি অজমূর্খ। ক্ষুধানিবৃত্তি করিবার জন্তু যে পরিমাণ খাওয়া দরকার তাহা খাওয়াই উচিত। লোকে ভাল বলিবে বলিয়া ক্ষুধা থাকা সত্ত্বেও যিনি যৎকিঞ্চিৎ আহার করেন তিনি একটি মূর্খ ছাড়া আর কি? বাঙ্গালাদেশের অনেক বাড়ীর জামাই এই শ্রেণীভুক্ত।

৮৫। স্বল্পে ভোজ্যোতিহতিরসিকঃ

অর্থাৎ যে তরকারি অতি অল্প রান্না হইয়াছে তাহাই বার বার যিনি চাহিয়া থাকেন তিনি একটি মূর্খ। কোন নূতন জিনিস বাজারে উঠিলে তাহা অগ্নিমূলে বিক্রয় হয়, কাজেই বাড়ীতে তাহা সামান্য আনাইয়া রন্ধন করিতে হয়। যাহার সেইরূপ খাওয়া অতিমাত্রায় পাইতে রসনা ব্যগ্র হয় তিনি সত্যসমাজে মূর্খ বলিয়া পরিচিত হন। সকল বাড়ীতেই এরূপ এক-আধটি অদ্ভুত জীব দেখিতে পাওয়া যায়।

৮৬। বিক্ষিপ্তশ্চন্দ্রাচাটুভিঃ

অর্থাৎ লুক্কায়িত চাটুবাক্যে যিনি বিক্ষিপ্তচিত্ত হইয়া

আপনার কর্তব্য হুলিয়া গিয়া ঠকিয়া থাকেন তাহাকে মূর্খ নামে অভিহিত করা হয়।

৮৭। বেষ্টাযাপারকলহী

অর্থাৎ বেষ্টাঘটিত ব্যাপার লইয়া যাহারা আপনা-আপনি ভিতর প্রকাশে কলহ করিয়া থাকেন তাহারা নিতান্ত অজমূর্খ বলিয়া গণ্য হয়। এ বিষয়ে অধিক বলা নিস্পয়োজন।

৮৮। দয়োর্মস্তু তৃতীয়কঃ

অর্থাৎ দুইজনে মেখানে গোপনে পরামর্শ করিতেছেন সেইখানে বাইরা হাজির হওয়া একটি মূর্খের কার্য; কারণ তাহাতে প্রথম দুইজনের কাঁধে ব্যাঘাত করা হয়, এবং তৃতীয় ব্যক্তির সহিত তাহাদিগকে বাধ্য হইয়া বাজে কথা বলিতে হয়। এবং তাহারা তৃতীয় ব্যক্তিকে নিতান্ত আহান্নক মনে করিয়া থাকে।

৮৯। রাজপ্রসাদে স্থিরধীঃ

অর্থাৎ রাজা কোনরূপ অমুগ্রহ প্রকাশ করিলে যিনি কৃতজ্ঞতা প্রকাশ না করিয়া অচঞ্চল চিত্তে বসিয়া থাকেন তাহাকে মূর্খ বলা হইয়া থাকে। ইহাতে রাজা তাহাকে অসত্য মনে করিয়া ভবিষ্যতে কোনরূপ অমুগ্রহ প্রকাশে বিরত থাকেন।

৯০। অন্ত্যায়েন বিবন্ধিষুঃ

অর্থাৎ কোনরূপ অন্ত্যায় কাব্য করিয়া যিনি উন্নতির আশা করিয়া থাকেন তাহাকে মূর্খ বলিয়া অভিহিত করা হয়। চুরি করিয়া বড়মানুষ হইব, বেশ খেলিয়া গাড়ীঘোড়া চড়িয়া রাজার হালে থাকিব, অল্প লোকের প্রবন্ধ বা বই নিজের নামে ছাপিয়া সুনাম করিব, ইত্যাদি আশা যাহারা পোষণ করিয়া থাকেন, তাহাদের শেষজীবন প্রায়ই রাজার অতিথি হইয়া যাপন করিতে হয়। এই শ্রেণীর লোককে সাধারণ মূর্খ না বলিয়া হস্তীমূর্খ নামে অভিহিত করিতে হয়।

৯১। অর্থহীনহার্থকার্যার্থী ~

অর্থাৎ অর্থহীন হইয়াও যিনি ব্যয়বহুল কার্যে নিযুক্ত হন তাঁহাকে মূর্থ বলা হয়। কারণ ব্যয় বেশী হইলে নিজের অর্থে তাহা সাংগলান যায় না, কাজেই অত্যধিক ঋণগ্রস্ত হইয়া শেষে সিবিলাজেলে বাস করিতে হয় বলিয়া এই শ্রেণীর মূর্থ অজমূর্থ বলিয়া পরিগণিত হয়।

৯২। জনৈক গুহ্যপ্রকাশকঃ

অর্থাৎ যিনি গোপন কথা প্রকাশে প্রচার করিয়া নিজেকে ও আত্মীয়-স্বজনকে বিপদে ফেলিয়া থাকেন তাঁহাকে প্রাজমূর্থ বলা যাইতে পারে। প্রকাশে বলা হয় না বলিয়াই গোপন, গোপন। তাহা যিনি বাহিরে বলেন, তিনি একটা প্রাজ।

৯৩। অজ্ঞাতপ্রতিভুঃ কীর্ত্ত্য

অর্থাৎ শুধু কীর্ত্তি বা নাম হইবে বলিয়া যিনি অজ্ঞাত লোকের হইয়া জামিন হন তিনি একটা মূর্থ। অজ্ঞাত লোকের জন্ম জামিন হওয়া উচিত নহে, কারণ সে পলাইয়া গেলে তাহাকে ধরা যায় না এবং থামকা বিপদ বা লোকসানগ্রস্ত হইতে হয়। টাকার জামিন হইলে টাকাটা নষ্ট হয়। এই সকল বিপদ আছে বলিয়া যিনি এইরূপ নামকে ওয়াস্তে জামিন দাঁড়ান তিনি সমাজে মূর্থ বলিয়া পরিচিত হন।

৯৪। হিতবাদিনি মৎসরী

অর্থাৎ হিত উপদেশ দিতে আসিলে যিনি উপদেশকের প্রতি রুষ্ট হইয়া থাকেন, তিনি একটা মূর্থ।

৯৫। সর্বত্র বিশ্বস্তমনাঃ

অর্থাৎ যিনি সদাই সকলকে বিশ্বাসের চক্ষে দেখেন, যিনি অত্যন্ত সরলপ্রকৃতি, ভাল ও খারাপ লোকের তফাৎ বুঝিতে পারেন না, ভাল ও মন্দ কার্যের পার্থক্য উপলব্ধি করিতে পারেন না, তাঁহাকে মূর্থ বলা

হয়। কারণ এরূপ লোককে পদে পদে ঠকিতে হয় এবং বহুকাল বাদে তাহার জ্ঞান লাভ হইয়া থাকে বলিয়া, কেন যে ইহাদের মূর্থ বলা হয় তাহা সহজেই বোধগম্য।

৯৬। ন লোকব্যবহারবিৎ

অর্থাৎ যিনি লোক-নাবচার জানেন না তাঁহাকে মূর্থ বলা হয়। যাহার সংসার-সম্বন্ধে কোন অভিজ্ঞতা নাই, কাহার সহিত কিরূপ ব্যবহার করিতে হয় জানেন না, তাঁহাকে মূর্থ ছাড়া আর কিছুই বলা যায় না। সে-সন লোকের সম্মান লইয়া বনে বাস করা উচিত।

৯৭। ভিক্ষুকশ্চাঞ্চলভাজী চ

অর্থাৎ যে ভিক্ষুক হইয়াও সর্বদা উষ্ণভোজন করিতে চাহে, তাহাকে মূর্থ বলা হয়। ভিক্ষুকের উচিত যাহা যখন পাইবে তখন তাহা আহার করা। ভিক্ষালব্ধ জিনিস ভাল কি মন্দ, গরম কি ঠাণ্ডা, বিচার করা তাহার শোভা পায় না। ভিক্ষুক যদি গরম খাবারের জন্ম লাভাশ্রিত হয়, লোকসমাজে তাহাকে হান্ধাষ্পদ হইতে হয় বলিয়া এরূপ শ্রেণীর লোককে অজমূর্থ বলা হইয়া থাকে।

৯৮। ~ গুরুশ্চ শিথিলক্রিয়ঃ

অর্থাৎ যে গুরু গুরুগিরি করিতে থাকিলেও ক্রিয়া-কলাপ ও সদাচার বর্জন করিয়া থাকেন তাঁহাকে মূর্থ বলা হয়। কারণ গুরুর আচার-ব্যবহার আদর্শস্বরূপ বলিয়া সকলেই তাহা বিশেষরূপে লক্ষ্য করিয়া থাকে। গুরু আচারভ্রষ্ট হইলে তাহার অতি শীঘ্র হুর্ণ্যম হয়, এবং অচিরে শিষ্যবৃন্দ মেরূপ গুরুকে পরিত্যাগ করে।

৯৯। ✓ কুকর্মণ্যপি নিল্লজ্জঃ

অর্থাৎ কুকর্ম করিয়া যিনি অপ্রস্তুত হন না, এবং নিল্লজ্জের মত কুকর্মের সম্মান করিয়া থাকেন, তিনি একটা গাধা। যাহারা কুকর্ম করিয়া লজ্জিত হয় না,

বুঝিতে হইবে কুকর্ম তাহাদের হাড়ে হাড়ে বসিয়া গিয়া খাতুগত হইয়া গিয়াছে। তাহাদের সংশোধন করা অসম্ভব, কাজেই পণ্ডিতেরা মূর্খ আখ্যা দিয়াই ক্ষান্ত হইয়া থাকেন। এই শ্রেণীর মূর্খ বড়ই ভয়াবহ।

১০০। সাম্মুর্খশচ সহাসগীঃ

অর্থাৎ যিনি আফ্রিকাদে গোপালের মত অনবরতই হ্যা হ্যা করিয়া হাসিয়া কথা কহিয়া থাকেন তিনি সম্ভ্রামাণ্ডে একটি গণ্ডমূর্খ বলিয়া পরিচিত হন। এ শ্রেণীর বোকা শহর অপেক্ষা পাড়াগাঁয়ে বেশী দেখিতে পাওয়া যায়।

উপরে একশত প্রকারের গাথা ধরিবার সংকল্প বিবৃত হইল। জনসাধারণের বিশেষতঃ শিক্ষিত সমাজের কল্যাণকর হইবে বিবেচনা করিয়া আমার অতি আদরের সামগ্রী এই মূর্খশতক পাঠকবর্গের হস্তে সমর্পিত হইল। এই প্রসঙ্গ আর-একটা কথা বলিয়া রাখা দরকার।

উপদেশক্ষেত্রে আমি বিজ্ঞের জায় কোন কথা এই প্রবন্ধে বলিতে সাহস করি নাই। এই সংসারে মূর্খের সংখ্যা কমান্বিতর হ্রাশা কেহই করিতে পারেন না, আনারও সে হ্রাশা নাই। আমি কেবল সংস্কৃত শাস্ত্র হইতে কতক গুলি লোকহিতকর কথা পাঠকবর্গের নিকট উপস্থাপন করিয়াছি মাত্র। মূর্খশতকের প্রথম সন্ধান আমার পরমাবাদ্য পিতৃদেব মহামহোপাধ্যায় শ্রীহরপ্রসাদ শাস্ত্রী মহাশয়ের নিকট পাঠি, তাহার পর টোপা পড়িয়া অসংখ্য আকৃষ্ট হই। অনেক বিপদ হইতে এই পুস্তকখানি আমাকে বাঁচাইয়াছে, বোধ হয় পরে আরও বাঁচাইবে।

সংসার অতি কঠিন স্থান। সংসারযাত্রার পথে অসংখ্য একশতটি খানার কথা মূর্খশতকে বিবৃত হইয়াছে। যাত্রা করিবার সময় যাত্রাতে সকলে এই একশতটি খানা এড়াইয়া চলিতে পারেন, সেই আশায় এই প্রবন্ধটি বিরচিত হইয়াছে। অলমতিবিস্তরেণ।

খুড়োর দায়মুক্তি

(চিত্র)

শ্রীকালীকুমার দত্ত, এম্-এস-সি, বি-এল্

সহসা আবির্ভাবের শেষ লগ্নে একদিন দ্বিপ্রহরে রালির বাড়ীর কাশঘরে নিতান্ত বাস্তবসমস্ত হইয়া আমাদের সার্বজনীন খুড়ো উদ্ভূত—বড়বাবু প্রভৃতি আমাদের চারিজনকে গোপনে তাঁহার কন্যার বিবাহের নিমন্ত্রণ করিয়া ফেলিল। আমরা স্তম্ভিত; বড়বাবু বলিলেন, “আচ্ছা খুড়ো! তোমার মেয়ে?—তার বিয়ে?” তাহাকে টান দিয়া পুনরায় বলিলেন, “আচ্ছা খুড়ো, গত উনিশ বছর তো তোমাকে কখনও দেশমুখো হইতে কেউ দেখে নি—কি বল, হে রাখাল? কেমন তাই না?”

খুড়ো গালভরা হাসি হাসিয়া উত্তর করিল, “তোমাদের কেমন সব তাতেই ঠাট্টা আর ইয়ারকি—আর যাই বল,

খুড়ী তোমার কারও দিকে মূখ তুলে চায় না। এখন সে কথা যাক। মেয়েটা বড় হয়েছে—পাত্র যখন একটা মিলেছে, কোনও রকমে দায়মুক্ত যাত্রে হই—বুঝলে কি না, বাবা! আমি এই ১-৩৭এর গাড়িতে ফিরছি, তোমরা চারজনে ৬-১৭র ট্রেনে চাংড়িপোতার টিকিট করে যাবে—আমি ষ্টেশনে গাড়ি নিয়ে থাকব—যাওয়া চাই, না গেলে গরীব ব্রাহ্মণ বড়ই মনঃস্কুপ হ'ব। না গেলে—বেশী আর কি বলব বল—এ পর্যন্ত বলতে পারি, তোমাদের কোনও কষ্ট হ'বে না—পাড়াগাঁর একটা আইডিয়া তো হ'বে!”

“পাত্রটি কি করে?”

“বিশেষ কিছু করে না, ম্যাট্রিক পাশ সম্বন্ধ—বাপ

উল্বেড়িয়ার এসিষ্ট্যান্ট ষ্টেশন-মাষ্টার—হুই ছেলে—পাত্র ছোট, একেবারে ব'সে খাবার সংস্থান না থাকলেও সংসার-ধর্ম একরকমে চ'লে যায়। পাত্রটির একটা চাকরী তোমাদের বাবা ক'রে দিতে হবে—যাক সে পরের কথা পরে হ'বে।” কথা শেষ না হইতে খুড়ো ঝড়ের মত চলিয়া গেল।

খুড়োর পরিচয় জানার আবশ্যক করে না—আমার দিদির বাড়ীর বাহিরের ঘর তাহার খামদখলে। তবে কিংবদন্তী আছে যে খুড়োর একটা দেশ আছে—পুল, কল্যা, মাতা, পিসি, বিধবা ভগিনী ও স্ত্রী—খুড়োর সকলই বর্তমান, কিন্তু খুড়ো সে-সবের ধার ধারে না। খুড়ো সুগী লোক, সংসারের জালা-যন্ত্রণা, দাস্তিদ্ব, মায়ামমতার অতীত যেন কলির জনক ঋষি—গৃহী অগচ সম্যাদী।

খুড়ো অস্তুহিত হইলে আমাদের ক'নেকে কি দেওয়া যায় সে-বিষয়ে একটা পরামর্শ করিয়া স্থির করিলাম যে, নগদ ৫০ টাকা দেওয়াই যুক্তিসঙ্গত, বড়বাবু তাহার অর্ধেক দিবার ভার লইলেন। খুড়ো আমাদের প্রিয়পাত্র, বিক্রপ বা পরিহাসের লক্ষ্যস্থল তো বটেই, আবার গোবধে কর্ত্তা, বেগার দিতে বোনাপাটি; তাহার মত অক্লান্তদেহে বিনা বাক্যব্যয়ে বেগার খাটিতে কাহাকেও দেখা যায় না। রোগীর সেবায়, কর্ম্মবাড়ীর পরিবেষণে, ভোটের ঘোঁটে খুড়ো অধিতীয়। অনেকের মা-খুড়ী, মাদী-পিসী-দাদা-দাদীর কাঁধকাঠ, পাড়ার মুকুবি, তীর্থ-যাত্রার সঙ্গী, মোকদ্দমার মিথ্যা সাক্ষী, এমেচার পার্টির ডুপ্লিকেট, আহিরীটোলা অবৈতনিক কনসার্ট পার্টির অন্ততম করতালীবাদক এ হেন খুড়োর কল্যাদায়; কাজেই আমরা নিমন্ত্রণ রক্ষা করিব মনস্থ করিয়া ফেলিলাম। বলিতে ভুলিরাছি, খুড়ো আমার ভগিনীপতি রাখালবাবুর একদা সহপাঠী ছিলেন—আমার বড় ভাগিনের প্রথমে খুড়োর নামকরণ করে; তদনধি দিদির খন্ডর থেকে সকলেই তাহাকে খুড়ো নামে অভিহিত করে। খুড়োর আসল নাম ছোট ডয়ানির মত দুস্প্রাপ্য হইয়া গিয়াছে।

খুড়ো তামাক-বিড়ি-সিগার-দোক্তা ছাড়া হামেশা আর কোনও নেশা করে না। বড়বাবুর বাগানে গিয়া একবার আকর্ষ তালরস পানে এতই আনন্দ করিয়াছিল যে, পালপাড়ার ফাঁড়িতে ধরা পড়িয়া চারি টাকা অর্পদও দেয়।

রালির বাড়ীতে খবর দিয়া তবে দায়মুক্ত হইয়াছিল। সে কথা উত্থাপন করিলে খুড়ো একগাল হাসিয়া বলিত, “সেই বিলাতীর দরই পড়িয়া গেল।” খুব গোপনে খুড়ো সোমরস পানে কাহাকেও বিমুখ করিত না, কারণ খুড়োর অনুরোধ-রক্ষা সকলের জীবনের ব্রত ছিল।

রাত্রি আট ঘটিকায় আমরা চাংড়িপোতা ষ্টেশনে পঁহুছিলাম। ট্রেন থেকে নামিতে প্লাটফর্মে খুড়ো গাম্ছা কাঁধে আবাদিগের দিকে গালভরা হাসিমুখে অগ্রসর হইয়া বলিল, “চল চল—গাড়ি ঠিক আছে—উঠে পড়বে চল—সবেধন নীলমণি—এই ট্রেনেই বর বোধ করি এসেছে—আর গাড়ি নেই, এই গাড়ি ছেড়ে দিলে তবে আবার বর নিয়ে আসবে—শীঘ্র এস, বেটাদের সঙ্গে আবার দেখা হ'য়ে না যায়।” ইত্যাদি শুনিয়া আমরা হতভম্ব হইয়া গেলাম। আমরা আপত্তি করিলাম; কিন্তু খুড়োর টানাটানিতে অগত্যা গাড়িস্থ হইলাম। খুড়ো গাড়ির চালে—বড়বাবু গাড়ির নাড়া পাইয়া একবার আর্ন্তনাদ করিয়া উঠিলেন; মনে হইল তাঁহার প্রাণপাখী দেহ-পিঞ্জর ত্যাগ করিবার জন্ত শশব্যস্ত হইয়া উঠিয়াছে। আমি হাঁটিয়া ষাইবার জন্ত গাড়ি থামাইতে বলিলাম—কিন্তু খুড়ো গাড়োয়ানকে সে কথায় কর্ণপাত করিতে দিল না। রাত্রি সাড়ে নয়টার খুড়োর বাড়ীর গলির মুখে বোসেদের বাগান-বাড়ীর সম্মুখে গাড়ি থামিল। ফিরিবার ট্রেন রাত্রি সওয়া তিনটার, ভেজিটেবল ট্রেনে প্রত্যুষে বেলিয়াঘাটার নামাইয়া দিবে। আমরা বোসেদের বৈঠকখানার, গ্রাম্য ভাষায় চণ্ডীমণ্ডপের, আশ্রয় লইলাম। বড়বাবু নিবিষ্টচিত্তে অস্থিগুলি অটুট আছে কি না পরীক্ষা করিয়া লইলেন।

ইতিমধ্যে খুড়ো কোথায় অস্তুহিত হইয়াছিল, কেহ তাহা লক্ষ্য করে নাই। চারি বাটি চা ও মিষ্টান্ন লইয়া খুড়ো সেই ঘরে প্রবেশ করিয়া আবাদিগকে জলযোগ করিতে অনুরোধ করিল এবং সত্বর মুখহাত প্রক্ষালন সারিয়া জলযোগ-কার্য সমাপন করিয়া না লইলে খুড়ো সেখানে বরের আশ্রয় করিতে পারিবে না—তাহাও জানাইয়া দিল। আমরা যন্ত্র-চালিতের মত খুড়োর ইচ্ছিতমত জলযোগ সারিলাম এবং সম্মুখস্থ সদর পুষ্করিণীর সোপানশ্রেণীর আশ্রয় লইলাম। “তামাক ইচ্ছা করুন” বলিয়া আবাদিগকে প্রতিবেশী পরেশ ও তিনকড়ি সমাদর করিল। বড়বাবু

কতকটা তাম্বকুট সেবনে ধাতস্থ হইয়া বর আনিতে গাড়ি ষ্টেশনে গিয়াছে কি না খবরদারি করিতে, খুড়ো তাহার বাঞ্ছিত স্থপটান নিম্নে সমাপন করিয়া প্রথের উত্তর দিবার উপক্রম করিতেছিল, এমন সময় শকট-ধ্বনি ও সঙ্গে সঙ্গে শব্দরব ও উলুধ্বনিতে জানাইয়া দিল যে, বর আসিয়াছে। আমরা বর দেখিয়া আসিলাম, বরটী বেশ সুস্থ, সুশ্রী ও সৌম্যমুর্তি।

পুষ্করিণীর ঘাটে ফিরিয়া আসিয়া আমরা দেখিলাম, খুড়ো একমনে ফুৎকার সহযোগে নৃতন ছিলিমের ব্যবস্থা করিতেছে। দেখিয়া বড়বাবু ধমক দিয়া বলিলেন, “আচ্ছা লোক যা হোক, দিব্য তামাকে ফুঁ দিচ্ছ—যার বিষে তার মনে নাই আর পাড়াপড়শীর ধুম নাই।” খুড়ো একগাল হাসিয়া বড়বাবুর গড়গড়ায় কলিকাটী স্থাপন পূর্বক নিঃশব্দে চলিয়া গেল। অল্পক্ষণ পরে প্রত্যাবৃত্ত হইয়া আমাদের কাছে তাহার বাটীতে লইয়া যাইবার প্রস্তাব করিল এবং অচিরে তাহার কথামত কার্যে অগ্রসর না হইলে তাহার যে কত অন্তর্বিধা হইবে তাহাও জানাইয়া দিল। গিয়া দেখি, আমাদের চারিজনের আহ্বারের আয়োজনে কোনও ক্রটি হয় নাই। রাখালবাবু বিরক্তি জানাইলেন। খুড়ো বলিল, “এই ফাঁকে তোমরা আহ্বারটা সেরে নিলে আমি সম্প্রদানে বসিব, পরে আর এদিকে মন দিতে পারিব না।” বড়বাবুকে অগম্য হইতে দেখিয়া আমরা আর প্রতিবাদ করিবার সাহস করিলাম না। আহ্বারান্তে বোম্বের চণ্ডীমণ্ডপে গিয়া, দেখি বর-যাত্রীরা সাড়ে তিন মাইল কদমময় পথ হটন-যোগে অন্ধকারে আসিয়া খুড়োর বৈবাহিকের উপর খড়্গহস্ত হইয়া “ন ভূত ন ভবিষ্যতি” গালিবর্ষণ করিতেছে। বৈবাহিক মহাশয় খুড়োর অনুমতি করিতেছেন এমন সময়ে ব্যস্ত-মনস্ত হইয়া মস্তকে তৈলমর্দন করিতে করিতে খুড়ো আসরে আসিয়াই কৃতাজলিপুটে জানাইল যে, সারাদিন হাট-বাজার ও স্বর্ণকারের বাড়ী যাতায়াত করিতে বর পাচেক সে কলিকাতায় গিয়াছে, স্নান পর্যন্ত করিবার সময় পায় নাই। আর হরিনাভির ঝুলনে সব গাড়ি সেই দিকে যাওয়ায় কোনমতে কাহাকেও বরযাত্রী আনিতে সম্মত করিতে পারা যায় নাই—ছোটলোক কি না! স্বস্তির গামছাখানিকে গলবাস করিয়া জোড়হস্তে খুড়ো মার্জনা ভিক্ষা করিয়া ঘাটে পাদ প্রক্ষালনাদির

জন্ত তাহাদিগের কয়েকজনকে লইয়া চলিয়া গেল। দল ভাঙ্গিয়া যাওয়ায় তাহাদের ক্রোধ কিরূপ পরিমাণে উপশান্ত হইল। স্নানাদি সমাপন করিয়া পাত্ৰস্থ করিবার জন্ত অনুমতি লইয়া বরের হাত ধরিয়া খুড়ো বাড়ীর দিকে চলিয়া গেল। আমরা, বরকর্তা ও পুরোহিত মহাশয় তাহাদের অনুসরণ করিলাম।

কতটা সম্প্রদান হইয়া গিয়াছে। বড়বাবু প্রায় দুই ছিলিম তামাক ভয়সং করিয়াছেন এবং মধ্যে মধ্যে বরযাত্রীদের পাতের কতদূর কি হইল এতপ্রকার ফাঁকা আওয়াজ করিতেছেন। এহেন সময়ে সহসা ফোলাহল শ্রুতিগোচর হইল, সঙ্গে সঙ্গে মারপিটের শব্দ ও বরযাত্রীগণের আর্তনাদ শোনা গেল। খুড়ো আমার কর্ণে গোপনে বলিল, “শুধু বগড়া বাপাইবারই তো কথা ছিল, এ আবার মারপিট করিয়া বসিল দেখিতেছি—না, যদিও না দেখিব সেই দিকেই গোলমাল।” বলিয়াই খুড়ো বেগে মে-স্থান ত্যাগ করিল। আমরাও খুড়োর অনুসরণ করিলাম। বোম্বের চণ্ডীমণ্ডপ পর্যন্ত যাইতে হইল না। পাত হইয়াছিল। খান দুই তিন লুচি, পটলভাজা ও ডাল দিবার পর পরিবেষণকারীদের সহিত বরযাত্রীদের কথাটি কাটাকাটির স্থানা হয়, তাহা হইতে গালি-গালাজ এবং সঙ্গে সঙ্গে বরযাত্রীদের উপর আকস্মিক আক্রমণ, প্রহার ও তাহাদের আর্তনাদ করিতে করিতে জুতা-ছাতা আদি ফেলিয়া পলায়নতৎপরতা দেখিয়া আমরা একেবারে স্তম্ভিত ও নির্বাক হইয়া গেলাম। খুড়ো কিন্তু উচ্চৈঃস্বরে হায় হায় শব্দে কপালে মজোরে করাঘাত করিতে করিতে বৈবাহিকের দিকে ও ২১ জন প্রবীণের পাদমূলে পড়িয়া জানাইল “এই দেইজী বেটারা আক্রোশ করিয়া আমাকে এইরূপ অপদস্থ করিল আমার, দেশে আসিয়া একাধা করাই ভুল হইয়াছে, ইত্যাদি।” আরও কত কি বলিয়া অবশেষে পুনরায় পাত, করিবার অনুমতি যাক্স করিল। খুড়োকে মন্থুখে পাইয়া তাহাদের ক্রোধবশি বিকটাকার ধারণ করিল। বর ফিরাইয়া লইবার জন্ত বন্দোবস্ত করিয়া যখন জানিতে পারিল যে, বিবাহকার্য সমাধা হইয়া গিয়াছে, তখন বরকর্তার সাহায্যে খুড়ো পুনরায় তাহাদিগকে আসন পরিগ্রহ করিবার অনুরোধ করিল। কেহ সে কথায় কর্ণপাত করিল না। একে পল্লীগ্রামের অন্ধকার—বর্ষাকাল, সাড়ে

তিন মাইল পথ পদব্রজে একপাত লুচির আশায় অতিক্রম করিয়াছে তাহার স্থলে কি না কেবল লাঞ্ছনা, অপমান ও প্রহার, সকলে ক্ষিপ্তপ্রায় হইয়া পড়িল। সঙ্গে সঙ্গে এই ক্ষুধাতৃষ্ণাতুর প্রহারক্লিষ্ট দেহে গভীর অন্ধকার ভেদ করিয়া পুনরায় পদব্রজে ষ্টেশনের দিকে প্রত্যাবৃত্ত হইতে হইবে এই চিন্তায় তাহাদের মনকে যথেষ্ট সংযত করিয়া দিল, কিন্তু অপমান ভুলিতে না পারিয়া আত্ম-সম্মানের বশে অন্ধকারেই তাহারা সদলবলে ষ্টেশনের দিকে দ্রুত পদক্ষেপে ধাবিত হইল। বরের জ্যেষ্ঠ ভ্রাতা তাহাদের অনুসরণ করিল। খুড়ো বরের পিতাকে কতকটা শাস্ত করিয়া তাহাদের আর্জীরাতি সমাধান করাইয়া তাহাকে ও পুরোহিত মহাশয়কে লইয়া নোসেদের বৈঠকখানায় উপস্থিত হইলে আমাদিগের নিদ্রার প্রতি মনোযোগ করিতে হইল।

আমরা প্রায় তন্দ্রাগত। খুড়ো, ষ্টেশনে আমাদিগকে লইয়া বাসিন্দার গাড়ি আসিয়াছে জানাইল। আমরা বৈবাহিকের নিকট বিদায়গ্রহণ করিবার সময় খুড়ো স্বর্ণকারের নিকট হইতে অলঙ্কার আনিতে পুনরায় কলিকাতায় যাইতে হইতেছে জানাইয়া আমাদের গাড়িতে তুলিয়া দিয়া নিজে গাড়ীর চালে এক চেঙারি খাবার লইয়া জাঁকিয়া বসিল। ভেজিটেবল ট্রেনে প্রত্যাগে বেলিরাঘাটার পহুছিলাম।

রাখালবাবু আপিসে আসিয়া বলিলেন যে, টেবিলের উপর খাবার স্তম্ভ করিয়া খুড়োকে অগাধ নিদ্রার মগ্ন অবস্থায় তিনি দেখিয়া আসিয়াছেন। স্বর্ণকারের নিকট অলঙ্কারাদির কথা বৈবাহিককে স্তোক দিয়া খুড়ো বোধ হয় সরিয়া পড়িয়াছে। পরেশ ও তিনকড়ি গত দুই তিন দিন খুড়োকে যথেষ্ট তাগিদ দিয়াছে। খুড়ো তাহাদের নিকট

জানিতে পারিয়াছে সন্ধ্যা অবধি অপেক্ষা করিয়া বন্ধ-বধু লইয়া বৈবাহিক রওনা হইয়াছে। খুড়ী না কি আমাদিগের প্রদত্ত ৫০ টাকা বৈবাহিককে দিয়া হাতে পারে ধরিয়া বিদায় দিয়াছেন, এ কথাও পরে আমরা জানিতে পারিয়াছি।


রবিবার পরামর্শক্রমে আমরা সকলে রাখালবাবুর বাড়ীতে মিলিত হইলাম। বড়বাবু কোনও বিশেষ কারণে আসিতে পারেন নাই। খুড়োকে আমরা বিশেষ করিয়া বলিলাম, খুড়ো এক গাল হাসিয়া উত্তর করিল যে, সে তাহার সাধ্যমত যথাসম্ভব কত্তব্য করিয়াছে। এখন পাত্রটীর যদি একটা চাকুরী বড়বাবু করিয়া দেন, তাহা হইলে সে সব দিক রক্ষা করিতে পারে। দেখিলাম, খুড়ো কিছুতে দমে না।

বড়বাবু সাহেবকে ধরিয়া অগত্যা খুড়োর জামাতার ৪০ টাকা বেতনে চাকুরী করিয়া দিলেন। খুড়ো উল্বেড়িয়ার সংবাদ দিয়া আসিল। আমরা সকলেই বুঝিলাম যে, খুড়ো কি একটা বন্দোবস্ত করিয়াছে। বহুদিন পরে জানা গেল যে, বাবাজী প্রতি মাস তাহার বেতন হইতে পিতাকে খুড়োর তরফ হইতে বরপণ ও অলঙ্কারাদি বাবদ দেনা শোধ করিবার জন্য ২৫ টাকা হিসাবে দিতে আরম্ভ করিয়াছে। বর্তমান ১৫ টাকা বেতনে এপ্রেন্টিস ভাবে কার্য চলিবে। আর দুইমাস পরে তাহার বেতন বৃদ্ধি হইবে। বাবাজী খুড়োর হাত-খরচের জন্য মাসিক ৫ টাকা হিসাবে তখন দিতে স্বীকার করিয়াছে। খুড়ো একগাল হাসিয়া সে কথা আমাদিগকে জানাইতে ক্রটি করিল না। এইরূপে খুড়ো তাহার দায় হস্তে মুক্তি লাভ করিল।





বিশ্ব-জগৎ



অভিনব ফোনোগ্রাফ-রেকর্ড

নৃতনের পূজারী পশ্চিমের কৃপায় আমরা নিত্য কত জিনিষের মধ্যে যে নৃতনের আভাস পাইতেছি তাহা বলিয়া শেষ করা যায় না। সামান্য জিনিষের মধ্যেও একটা নৃতন কিছু করিবার চেষ্টা তাহাদের উন্নতির পথ আরও প্রশস্ত করিয়া দেয়।

সামান্য গ্রামোফোন-রেকর্ড যাহা আমরা চিরকালই এক রকমের দেখিয়া আসিতেছিলাম তাহার মধ্যেও কিছু পরিবর্তন ঘটয়াছে।

বাংলার একজন কুশলী বৈজ্ঞানিক এক প্রকারের গ্রামোফোন-রেকর্ড আবিষ্কার করিয়াছেন; এই রেকর্ডগুলির বৈশিষ্ট্য হইতেছে যে, ইহার উপর সাধারণ



নৃতন ফোনোগ্রাফ-রেকর্ড

রেকর্ডের স্থায়ী সূক্ষ্ম রেখা টানা থাকে না; তাহার পরিবর্তে যে গায়ক সেই রেকর্ডখানিতে গান গায়িয়াছেন তাহার ছবি দেওয়া থাকে। রেকর্ডটা ঘুরিতে আরম্ভ করিলে

কলের সূচ (needle) ছবির বহিঃ-রেখা (outline) গুলির পাশে পাশে ঘুরিতে থাকে এবং গান আরম্ভ হয়।

আমরা পাঠক-পাঠিকাগণের সুবিধার জগৎ ইহার একখানি ছবি দিলাম। ইহা হইতে তাঁহারা এই অভিনব রেকর্ডখানির সম্বন্ধে বেশ একটা স্পষ্ট ধারণা করিতে পারিবেন। বলা বাহুল্য, এইরূপ নৃতন-কিছুর সৃষ্টি করা সর্বদেশেই সর্ব সময়ে প্রার্থনীয়।

রহস্যময়ী রমণী

সম্প্রতি জনৈক 'রহস্যময়ী রমণী'র সংবাদ বিদেশের সংবাদ-পত্র হইতে যে ভাবে পাওয়া গিয়াছে তাহা পড়িলে সত্যই স্তম্ভিত হইতে হয়।

বিলাতে একজন ভদ্রমহিলা আছেন যিনি যে কোন গৃহে যখনই পদার্পণ করেন তখনই সেই বাড়ীর ঘরগুলি অশ্চর্য্যভাবে বন্ধ হইয়া যায়। প্রথমে লোকে তাহার কথা বিশ্বাস করে নাই, কিন্তু তিনি বহুস্থানে তাহার এই অদ্ভুত ক্ষমতার পরিচয় দিয়া সকলকে বিস্মিত করিয়াছেন। তিনি বলিয়াছেন যে তিনি একটা গাড়ি ছাড়া পৃথিবীর মধ্যে প্রায় সমস্ত ঘড়ির উপরেই তাহার ক্ষমতা খাটাইতে পারেন। যে ঘড়ির উপর তাহার ভারি-জুরি খাটে না, সেটা তাহার পিতামহের ঘড়ি।

একজন ডাক্তার এ বিষয়ের কোন সম্ভাষণজনক সমাধানের চেষ্টায় কয়েকদিন বহু পুথিপত্র ঘাটিয়া বলিয়াছেন যে, কোন কোন লোকবিশেষের গায়ের চামড়া ধাতু-বিশেষের উপর রাসায়নিক প্রভাব বিস্তার করিয়া থাকে এবং বোধ হয় ঐরূপ কোন কারণ থাকায় এই মহিলাটি ঘড়ি বন্ধ করিতে পারেন। এরূপ উত্তরের পর জানিবার ইচ্ছা স্বতঃই মনে জাগিয়া ওঠে, তাহার পিতামহের

ঘড়ির ধাতু কি অন্ত্যান্ত ঘড়ি হইতে পৃথক ছিল? আর যদি তাহা না হয়, তাহা হইলে ডাক্তারের মতের (খিণ্ডির) মূল্য কিছুই থাকে না।

অভিনব গাছ

ছবিখানির ভিতরের গাছগুলিকে দেখিয়া খুব সাধারণ গাছ বলিয়া ধারণা হইলেও, মোটেই উহা সেরূপ নয়।



অভিনব গাছের ছবি

এই গাছগুলি দক্ষিণ আমেরিকার কোন জাতিতে পাওয়া গিয়াছে। ইহাদের বৈশিষ্ট্য হইতেছে যে, যদি কেহ মদ খাইয়া এই গাছগুলির তলায় আসিয়া দাঁড়ায়, তাহা হইলে সে আপনা হইতেই সেইখানে মোহমুগ্ধের স্থায় দাঁড়াইয়া রত্নীয় স্বপ্ন দেখিবে—পৃথিবীর সমস্ত দুঃখ-কষ্ট কণিকের জন্ত ভুলিয়া যাইবে। কিন্তু এমনি মজা যে আবার যদি কেহ এই গাছের-ই রস পান করে, তাহা হইলে সে পাগলের মত হইয়া উঠে—নেশার ঘোরে বহু বীভৎস কার্য্য করিতেও পশ্চাৎপদ হয় না।

সত্যই চির-বৈচিত্র্যময়ী প্রকৃতির লীলা বুঝিয়া ওঠা ভার!

নবাবিষ্কৃত পিস্তল

খুব তাড়াতাড়ি ছবি তুলিবার জন্ত এক প্রকারের Flash-light পিস্তল আবিষ্কৃত হইয়াছে। এই পিস্তলগুলি আকৃতিতে সাধারণ পিস্তলের স্থায়—সাধারণতঃ পিস্তলে নল, ঘোড়া প্রভৃতি যা কিছু থাকে সে সবই ইহার মধ্যে আছে। কেবল মধ্যে বারুদের গুলি না পুরিয়া Flash-light powder পুরিয়া দেওয়া হয়; তাহাতে ঘোড়া টিপিলেই পিস্তলের মুখ হইতে Flash-light বাহির হয়। এবং চারিদিক আলোয় উদ্ভাসিত করিয়া দেয়। অন্ধকারে যখন কোন ছবি তুলিবার দরকার হয় তখন পিস্তলটির ঘোড়া ক্যামেরার Shutter এর সহিত একটা তার দিয়া সংযুক্ত করিয়া দেওয়া হয়। তখন পিস্তলটির মুখ হইতে আলোক বিকীর্ণ হইবার সঙ্গে সঙ্গেই ক্যামেরায় ছবি উঠিয়া যায়। বিলাতে আক্ষকাল অন্ধকারে ছবি তুলিবার জন্ত এইরূপ Flash-light পিস্তল যথেষ্ট ব্যবহৃত হইতেছে। কেবল তাহাই নহে ওদেশের পুলিশ-বিভাগ এইরূপ ধরণের কতকগুলি পিস্তল কিনিয়াছেন; কারণ রাত্ৰিকালে ডাকাত প্রভৃতি দুর্কৃতদের ছবি তুলিবার ক্ষমতা ইহার মত আর কোন যন্ত্রেরই নাই।



Flash-light পিস্তলের দ্বারা ছবি তোলা হইতেছে

আমরা একখানি ছবি দিলাম। ইহাতে রাতিকালে একজন ডিটেক্টিভ্ কেমন একটা ঘোরের ছবি তুলিয়া লইতেছেন দেখা যাইবে।...

বৈদ্যুতিক উপায়ে উদ্ভিদের প্রাণরক্ষা

গত কয়েক বৎসর ধরিয়া বৈজ্ঞানিকেরা বৈদ্যুতিক উপায়ে কিরূপে উদ্ভিদের জীবনী-শক্তি বর্দ্ধিত করা যায় তাহা লইয়া গবেষণা করিতেছিলেন। এ বিষয়ে আমরা আমাদের 'বিশ্ব-জগতে' পূর্বেও কিছু আভাস দিয়াছি। সম্প্রতি জর্নৈক বার্লিনবাসী ঠাঁহার বাগানের গাছগুলির সহিত শক্তিশালী বৈদ্যুতিক বাতি বসাইয়া দিয়াছেন। এই বাতিগুলি বসাইবার অল্প কয়েকদিনের মধ্যেই আশ্চর্য্য রকম ফল পাওয়া গিয়াছে। যে সমস্ত গাছ নানা প্রক্রিয়া অবলম্বন করা সত্ত্বেও দিন দিন মুসড়াইয়া যাইতেছিল, সেগুলি এখন দিন-দিন আশাতিরিক্ত ভাবে পরিপুষ্ট হইয়া উঠিতেছে। এই বাগানের মালিক মহোদয় বলিয়াছেন যে মাঝে মাঝে গাছগুলিতে কিছু কিছু বৈদ্যুতিক আলোর উত্তাপ দিবারও প্রয়োজন আছে।




বৈজ্ঞানিক উপায়ে রক্ষিত বাগান

আমরা পাঠক-পাঠিকাগণের সুবিধার জন্ত এ বাগানটির একখানি ছবি দিলাম।

বৃহত্তম দিগ্-নির্ণয়-যন্ত্র

এই জটিল যন্ত্রটি যে কি তাহা সহজে বুঝিতে পারা যায় না। ঐ যন্ত্রটি একটা দিগ্-নির্ণয়-যন্ত্র ও Stabiliser এর সংমিশ্রন এবং আরতনে ইহাই নাকি পৃথিবীর



বৃহত্তম আশ্চর্য্য দিগ্-নির্ণয়-যন্ত্র

মধ্যে সর্ক্যাপেক্ষা বৃহৎ। এই যন্ত্রটির গুণ হইতেছে এই যে, সমুদ্রপথে ঝড় উঠিলে উগা জাহাজকে সোজা করিয়া রাখিবার ঠিক পথে চালাইতে পারে—ইহাতে ঝড়ের সময় দিগ্-ভুল হইবার কোন আশঙ্কা নাই।

কেবল তাহাই নয়! এ যন্ত্রটির আরও একটা বিশেষ গুণ হইতেছে যে ইহা শাস্ত্র মিশ্র বারিদির বৃকে যে কোন মহার্ঘ্বে তুলান তুলিয়া প্রলয় ঘটাইতে পারে।

এই বিচিত্র যন্ত্রটি আবিষ্কার করিয়াছেন—Dr. Elmer Sperry নামক জর্নৈক বৈজ্ঞানিক।

ক্ষুদ্রতম মোটর

চিত্রের ছোট মোটর গাড়ীখানিকে দেখিয়া উহা কোন গাড়ীর 'মডেল' বলিয়া ভ্রম হইতে পারে; কিন্তু মোটেই তাহা নয়। Philadelphiaর একজন দ্বাদশ বৎসরের বালক ঐ মোটরটি তৈয়ারী করিয়াছে।




সুদ্রুতম মোটরে আবিষ্কারক বালক

উহার মধ্যে এঞ্জিন প্রভৃতি সমস্তই আছে—যখন খুসী চালাইতে পারা যায়। শুনা যায় নাকি ঐ গাড়ীখানি তৈয়ারী করিতে বালকের মাত্র এক ডলার খরচ পড়িয়াছে এবং পৃথিবীর মধ্যে আর কেহ আজ পর্যন্ত এত অল্প ব্যয়ে মোটর তৈয়ারী করিতে পারে নাই।

বালকটির নাম Robert Dodge এবং তাহার পিতা Mr. Keru Dodge, American Society of Mechanical Engineer এর সভাপতি। এই বালকের ভবিষ্যৎ উজ্জ্বল সন্দেহ নাই।

অক্সিজেন গ্যাসচালিত মোটর




অক্সিজেন গ্যাসচালিত মোটর

পূর্বে রেসে (Race) দৌড়াইবার 'রকেট' (Rocket) গাড়ীগুলি সাধারণ পেট্রোলে চালান হইত, কিন্তু ইহাতে আশাজনক ফল না পাওয়ায় কিছুদিন হইল, গাড়ীতে পেট্রোলের পরিবর্তে অক্সিজেন গ্যাস (Oxygen Gas) দেওয়া হইতেছে।

ইহাতে সুবিধা এই যে, পূর্বে পেট্রোল-চালিত 'রকেট' গাড়ীতে দৌড়াইবার সময়ে খুব সামান্য কারণেই আগুন লাগিয়া যাইত, কিন্তু ইহাতে তাহা হয় না; কারণ গ্যাসের সহিত অল্প আর একটা রাসায়নিক দ্রব্য দেওয়া থাকে, তাহাতে হঠাৎ আগুন লাগিতে পারে না।

চন্দ্রে সংবাদ-প্রেরণ

ছ'একনাম পূর্বের "বিশ্বজগতে" মঙ্গল গ্রহে সংবাদ প্রেরণের কথা সকলেই পড়িয়াছেন। সম্প্রতি আমেরিকায় Naval Research Laboratoryর অধ্যক্ষ Dr. A. Hoyt Taylor চন্দ্রগ্রহে সংবাদ প্রেরণ করিবার চেষ্টা করিতেছেন। এই সংবাদ-প্রেরণের জন্ত তিনি একটি প্রকাণ্ড যন্ত্র তৈয়ার করিয়াছেন। এই যন্ত্রটির নির্মাণ-কার্য নাকি যন্ত্র-বিদ্যার (Mechanism) দিক দিয়া চরম



চন্দ্রে সংবাদ প্রেরণ যন্ত্র

হইয়াছে, দেখা যাক Mr. Taylorএর প্রচেষ্টা কতদূর ফলবতী হয়!

আমেরিকান ব্যাঙ্ক

আমেরিকা প্রভৃতি পাশ্চাত্য দেশ সভ্যতার শীর্ষস্থান অধিকার করিয়াছে সত্য, কিন্তু সঙ্গে সঙ্গে সভ্য চোর-

ডাকাতের এতই উৎপাত হইয়াছে যে ওদেশের অধিবাসীরা ভয়ানক উত্ত্যক্ত হইয়া উঠিয়াছে।

ব্যাঙ্কের টাকা লইয়া যেসিয়ারের বসিবার গো নাই, যখন-তখন ডাকাত আসিয়া পিস্তল দেখাইয়া সমস্ত লুঠ-পাট করিয়া লইয়া যাইবে। এই সমস্ত দেখিয়া আজকাল ওদেশের ব্যাঙ্কের কর্তারা এক খাঁচার মত স্থানে বসিয়া টাকা দেন। আমরা যে ছবি দিলাম তাহার মধ্যে স্পষ্টে যে প্রকাণ্ড কঁচখানি দেখা যাইতেছে উহা এমন ভাবে তৈয়ারী যে কোন গুলি লাগিলে



ব্যাঙ্কে টাকা লইবার স্থান

ভাঙ্গিয়া যাইবে না। ছবির মধ্যে বা ধারের জানালার তলার যে কাল স্থানটি দেখা যাইতেছে সেই স্থানটিতে সর্বদা টোটা ভরা হুইটী পিস্তল থাকে। কতপক্ষ ইচ্ছা করিলেই নিজে না আহত হইয়া যতইচ্ছা গুলি চালাইতে পারেন। কেবল তাহাই নয়, টাকা দিবার সময় তাঁহারা মোটেই হাত বাহির করেন না—Shot এর সাহায্যেই তাহা চলে।

—শ্রীঅমিয়কুমার ঘোষ



(আখ্যিন)

২রা...কীরোদ রায়চৌধুরী মহাশয়ের জন্ম (১২৫৭)।
৩রা...ভূঁইলাসের রাজবংশের প্রতিষ্ঠাতা মহারাজ
জয়নারায়ণ গোস্বাল বাহাদুরের জন্ম (১১৫৯)। ১৫ বৎসর
বয়সে ইংরাজী, বাঙ্গালা, সংস্কৃত, হিন্দী ও পারসী ভাষায় ইনি
ব্যুৎপন্ন হন। ১১৭২ সালে ইনি মুরসিদাবাদে নবাবের
অধীনে কর্ম করেন। কালীঘাটের কালীর চারণানি
রৌপ্যহস্ত নির্মাণ, বারানসীতে 'করণানিধান' নামক রাধা-
কৃষ্ণের মূর্তি, গুরুপ্রতিমা, গুরুকুণ্ড প্রভৃতি হইতে তাঁহার
ধর্মভাবের পরিচয় পাওয়া যায়। ইহার সাহিত্যমেবার
নির্দেশ—(সংস্কৃত) শঙ্করীমঙ্গীত, ব্রাহ্মণার্চন-চন্দ্রিকা,
কল্পক্রম, ও (বাঙ্গালা) কাশীখণ্ডের পত্নানুবাদ ও করুণা-
নিধানবিলাস গ্রন্থরাজি।

৪ঠা...লালমোহন ঘোষ মহাশয়ের মৃত্যু
(১৩১৬)। ইনি একজন নির্ভীক বক্তা। ভারতের
অভাব-অভিযোগের কথা ইনি ওজস্বিনী ভাষায় বিলাতে
প্রচারিত করেন। সংবাদপত্র-বিষয়ক আইন ও ইলবার্ট
বিল পাশ হইলে ইনি ইহার বক্তৃতায় যে নির্ভীকতা
ও দেশ-হিতৈষিতার পরিচয় দিয়াছেন, তাহা চির-
স্মরণীয়।

পারীমোহন কবিরত্ন মহাশয়ের জন্ম (১২৯১)।
ইনি একজন সঙ্গীতজ্ঞ ও সুগায়ক। ইহার রচিত বহু
গীত যাত্রাওয়ালী ও তিথারিদের মুখে শোনা বাইত।
বর্দ্ধনানাধিপতি মহারাজ মহতাব চাঁদ ইহাকে
“কবিরত্ন” উপাধিতে ভূষিত করেন।



লালমোহন ঘোষ



গিরিশচন্দ্র ঘোষ

গিরিশচন্দ্র ঘোষ মহাশয়ের মৃত্যু (১২৭৬)। ২০ বৎসর বয়সে বেঙ্গল রেকর্ডার নামক সাপ্তাহিক পত্রপ্রতিষ্ঠা করেন। ১৮৫৩ খৃঃ ইহার 'হিন্দু পেট্রিয়ার্ট' নামকরণ হয়, তখনও ইনি ইহাতে লিখিতেন। ১৮৬১ খৃঃ ইনি "বেঙ্গলী" পত্রের সম্পাদক হন। ১৮৬৮ খৃঃ ইনি বিখ্যাত ধনকুবের রামচন্দ্রলালের জীবন-চরিত রচনা করেন।

৫ই...জগদানন্দ সরকার ঠাকুর মহাশয়ের মৃত্যু (১৭৮২ খৃঃ। ১৭০৪ শক)।

তারকনাথ ঐতিহাসিক মহাশয়ের জন্ম (১২২৩)।

ইনি একজন প্রসিদ্ধ দাতা ও প্রাতঃস্মরণীয় ব্যক্তি। সংযম, সহিষ্ণুতা, দেবদ্বিজ্ঞে ভক্তি ও ধর্মাত্মরাগ ইহার কয়েকটি উল্লেখযোগ্য গুণ। ইনি সর্বদাই বিলাসিতা বর্জন করিয়া চলিতেন। দীনদরিদ্র ও নিরাশ্রিতের ইনি আশ্রয়দাতা ও প্রতিপালক ছিলেন। বহু ছাত্রের শিক্ষা-লাভের ব্যয়ভার ইনি প্রতি মাসে বহন করিতেন। শিক্ষার প্রতি ইহার বেশ উৎসাহ ছিল।

৬ই...তারকনাথ গঙ্গোপাধ্যায় মহাশয়ের মৃত্যু

(১২৯৮)। প্রসিদ্ধ উপন্যাস 'ইহারই' স্বর্ণলতা রচিত।



রাজা রামমোহন রায়

১০ই...কালীবর বেদান্তবাগীশ মহাশয়ের মৃত্যু (১৩১৮)।
শঙ্করভাষ্যের বঙ্গানুবাদসহ 'বেদান্তদর্শন',
'সাংখ্যদর্শন', 'চরিত্রাত্মগান-বিদ্যা' প্রভৃতি ইহার গ্রন্থ।

১১ই...আধুনিক ব্রাহ্মধর্মের প্রবর্তক প্যানামা
রাজা রামমোহন রায়ের ইংলণ্ডের ব্রিষ্টল নগরে মৃত্যু
(১৮৩৩)। ইনিই প্রথম মার্জিত বাঙ্গালা গল্প-লেখক।

১২ই...প্রাতঃস্মরণীয় পণ্ডিতবর ঈশ্বরচন্দ্র বিদ্যাসাগর
মহাশয়ের জন্ম (১২২)।

প্রফুল্লচন্দ্র বন্দ্যোপাধ্যায় মহাশয়ের জন্ম (১২৫৬)।



প্যারীচরণ সরকার

১৫ই...প্যারীচরণ সরকার মহাশয়ের মৃত্যু
(১২৮২)। প্রসিদ্ধ শিশুপাঠ্য ইংরেজী গ্রন্থপ্রণেতা।
"স্বরাপান নিবারণী সজা" ও "ওয়েল উইশার" এবং
"হিতসাধক" পত্রিকার প্রতিষ্ঠাতা। ইনি প্রেসিডেন্সী
কলেজের অধ্যাপক ছিলেন। ইহার শিক্ষকতার গুণে ইনি
"Arnold of the East" উপাধিভূষিত হন।

১৬ই...দেওয়ান কার্তিকেশ্বরচন্দ্র রায় মহাশয়ের
মৃত্যু (১৮৮৫)। ইহার সঙ্গীতবিদ্যায় বিপুল পারদর্শিতা
ছিল। "কিতীশ-বংশাবলী-চরিত" ও "গীতমঞ্জরী" ইহার



দেওয়ান কার্তিকেশ্বরচন্দ্র রায়

বঙ্গসাহিত্যে এক শ্রেষ্ঠ দান। কবিদের দ্বিজেন্দ্রলাল রায়
ইহার অন্ততম পুত্র।



অক্ষয়চন্দ্র সরকার

বিখ্যাত সাহিত্যিক অক্ষয়চন্দ্র সরকার মহাশয়ের মৃত্যু (১৩২৪)। ইহার রচিত গ্রন্থ—পিতাপুত্র, সনাতনী, কবি হেমচন্দ্র, সাহিত্য-সাধনা, রূপক ও রহস্য প্রভৃতি। ইনি সাধারণী, বঙ্গদর্শন ও নব-জীবনের সম্পাদক ছিলেন।

তারকনাথ পালিত মহাশয়ের মৃত্যু (১৩২১)। কলিকাতা হাইকোর্টের স্বনামধন্য ব্যারিষ্টার। ইনি বিজ্ঞানালোচনার উদ্দেশ্যে কলিকাতা বিশ্ববিদ্যালয়ের হস্তে পনের লক্ষ টাকা দান করেন।

২০এ...নবীনচন্দ্র দত্ত মহাশয়ের জন্ম (১২৪৩)।

২১এ...মহর্ষি দেবেন্দ্রনাথ ঠাকুর কর্তৃক “তত্ত্ব-বোধিনী” সভার প্রতিষ্ঠা (১৭৬১ শক। ১৮৩৯ খৃঃ)। অক্ষয়কুমার দত্ত ইহার প্রথম সম্পাদক।


২৩এ...কৃষ্ণদাস কবিরাজের মৃত্যুত্থি। চৈতন্যচরিতামৃত ইহার প্রসিদ্ধ রচনা। ইনি জাতিতে বৈষ্ণব ধর্ম বৈষ্ণব।

২৪...রামগতি জায়রত্ন মহাশয়ের মৃত্যু (১৩০১)। ইহার গল্পরাজির মধ্যে ‘বাল্লা ভাষা’ ও ‘বাল্লা সাহিত্য বিষয়ক প্রস্তাব’ উল্লেখযোগ্য।

২৬এ...কালীময় ঘটক মহাশয়ের জন্ম (১২৪৭) ইহার রচিত গ্রন্থ—মিত্রবিলাপ, চরিতাষ্টক, ছিন্নমস্তা, কৃষিশিক্ষা প্রভৃতি।

২৭এ...কবিরাজ কৃষ্ণদাস সেন মহাশয়ের মৃত্যু (১৩১৩ খৃঃ)।

দীনেশচন্দ্র বসু মহাশয়ের মৃত্যু (১৩০৫)।



মনোমোহন ঘোষ

৩১এ...প্রসিদ্ধ বাগ্মী ও দেশতত্ত্ব মনোমোহন ঘোষ মহাশয়ের মৃত্যু (১৩০২)। ইনি দেশের অভাব-অভিযোগ ইংলেণ্ডে গিয়া বিবৃত করেন। ইনি জাতীয় সমিতির অগ্রতম পৃষ্ঠপোষক ও একজন নির্ভীকচিত্ত পুরুষ ছিলেন। দেশ-প্রেমিক লালমোহন ঘোষের ইনিই জ্ঞাত।

অষ্টাদশ শতাব্দীর কয়েকজন চিত্রশিল্পী

[শ্রীশ্যামসুন্দরকুমার ঘোষ]

মানুষ চিরকালই সৌন্দর্যের উপাসক। অসভ্য অথবা হইতেই মানুষ বৃক্ষ-শাখায়, গিরি-শুভায়, প্রাণেরথণ্ডের উপর বিচিত্রভাবে বিচিত্র-কৌশলে চিত্র অঙ্কিত করিয়া আপনার সৌন্দর্য-পিপাসা ব্যক্ত করিত। সৌন্দর্য-বোধ যখন প্রথম মানুষের মনে জাগিয়া উঠিত তখন সে বৃক্ষশাখায় ও হাড়ের উপর পশু পক্ষীদিগের রেখা-চিত্র অঙ্কন করিতে আরম্ভ করিত। এই সমস্ত অঙ্কনকার্য অতি বিচক্ষণতার ও বুদ্ধিমত্তার পরিচয় দান করিত। ইহার পরবর্তী যুগে, অর্থাৎ প্রায় পঞ্চাশ হাজার বৎসর পূর্বে, মানুষ পাহাড়-পর্বতে ও গুহাগাত্রে পশু-পক্ষীর মূর্তি খোদিত করিত। এই সমস্ত অঙ্কন ও খোদন-কার্য অতি যত্নের সহিত সম্পন্ন হইত এবং চিত্রটি বাহাতে আসল জিনিসের অনুরূপ হয় তাহার তাহার জন্ত যথেষ্ট চেষ্টা ও পরিশ্রম করিত।

ইহার পর আমরা ঐতিহাসিক যুগে দেখিতে পাই— প্রথমতঃ মানুষ প্রাকৃতিক সৌন্দর্য উপলব্ধি করে, পরে চিত্রগুলিকে রঞ্জিত করিয়া নানারূপে বিচিত্রিত ও পরিবর্তিত করে। Spain ও প্রাচীন Egyptএ এই সকল চিত্রের খুব প্রচলন ছিল। Egypt ও Assyriaতে এই সময়ে ভাস্কর্য্য আরম্ভ হয়। খৃঃ পূঃ ৪০০ বৎসর পূর্বে গ্রীসবাসিগণ মানুষের প্রত্যেক অঙ্গ-প্রত্যঙ্গ নিখুঁতভাবে ভাস্কর্য্যে পরিষ্ফুট করে। ইহাদের পরই চিত্র-জগতে স্পেন, ডচ, ফরাসী ও ইংরেজের অভ্যুত্থান। পূর্বে ইংরেজ মিশনারিগণের নাকি মত ছিল—“Cursed be all who paint pictures”। এখন দেখা যায় সে মত সম্পূর্ণরূপে পরিবর্তিত হইয়াছে। ইংরেজ চিত্রকরগণের মধ্যে আমরা William Hogarthকে ইংরেজী চিত্রের অষ্টা বলিয়া জানি। কারণ, তিনিই প্রথমে ইংরেজী চিত্রশিল্পে

স্বজাতীয় ভাব প্রবেশ করান। তিনি প্রথমে চিত্রশিল্পকে চিত্রতোম দানে সক্ষম হ'ন এবং তিনিই প্রথম নিজের চিত্রগুলি খোদিত করিয়া জীবন্ত করিয়া তোলেন। এই বিশ্ব-বিশ্রুত চিত্রশিল্পীর জন্মস্থান—Bartholomew Close, Smithfieldএ। ১৬৯৭ খৃঃ অঃ ১০ই নভেম্বর তারিখে তিনি জন্মগ্রহণ করেন। তিনি এক শিক্ষকের পুত্র। যৌবন কালে তিনি Leicester fieldsএ (একুণে Leicester Square) একজন রোপ্য-ব্যবসায়ীর নিকট রূপার উপর ক্ষোদন-কার্য শিক্ষা করিতেন। ১৭১৯ খৃষ্টাব্দে তাঁহার পিতার মৃত্যুর দুই বৎসর পরে তিনি একজন ক্ষোদক (Engraver) রূপে প্রসিদ্ধি লাভ করেন। ইত্যবসরে তিনি Sir James Thornhillএর (ইনি একজন Portrait painter এবং Decorative artist বলিয়া পরিচিত ছিলেন) শিক্ষা-মন্দিরে চিত্র-অঙ্কন-বিদ্যা শিখিতে আরম্ভ করেন।

Hogarth, Thornhillএর শিক্ষা-প্রণালীতে বেশী দিন আস্থা স্থাপন করিতে পারেন নাই। কারণ তাঁহার শিক্ষা-প্রণালী ছিল কেবলমাত্র নকল করা। ইহা তাঁহার আদৌ ভাল লাগে নাই। তিনি প্রায়ই তাঁহার বৃদ্ধামুঠের নখরের উপর ক্ষুদ্র আকারে চিত্র অঙ্কিত করিতেন ও পরে কাগজের উপর তাহা বড় করিয়া আঁকিতেন। এইরূপে তিনি তাঁহার স্মরণশক্তি প্রথর করিয়াছিলেন। তিনি যাহা দেখিতেন তাহা নিজের মনের মধ্যে অঙ্কিত করিয়া রাখিতেন। এই বিশিষ্ট মনোভাব সত্ত্বেও তিনি Sir Thornhillএর বিদ্যালয়ে অনেকদিন পর্য্যন্ত শিক্ষা করিয়া-ছিলেন এবং Thornhillএর বিনা অনুমতিতে তাঁহার কুমারী কন্যা Miss Jane Thornhillকে বিবাহ করেন।

ইহার চারি বৎসর পরে Mr. Gay 'The Beggar's Opera' নাম দিয়া একটা থিয়েটার খোলেন। Hogarth এই থিয়েটারের কয়েকটা সুন্দর দৃশ্য আঁকিয়া দেন। ইহাতেই তিনি জনসাধারণের নিকট পরিচিত হ'ন এবং এই সময়ে তিনি কয়েকখানি মূর্তিচিত্র আঁকেন। এইগুলি চিত্র-জগতে নূতন ভাব আনয়ন করিয়াছিল। তিনি সম্রাট সম্প্রদায়কে তত ভালবাসিতেন না বলিয়াই সম্রাট পরিবারের চিত্র অঙ্কন করেন নাই। তিনি তাঁহার আত্মীয়দিগের, অভিনেতা ও অভিনেত্রীদিগের এবং

তাঁহার অমুচরবর্গের চিত্র অঙ্কন করিতেন। তিনি যে সমস্ত মূর্তিচিত্র আঁকিতেন তাহা অর্থের জন্ত নয়, কেবলমাত্র আনন্দের জন্ত। ক্ষোদনকার্য ও অপরাধের চিত্রের দ্বারা তিনি জীবিকানির্ভর করিতেন এবং ইহার জন্তই তিনি গৃহে গৃহে পরিচিত ছিলেন। নাট্যচিত্রের দ্বারা তিনি বহু অর্থ ও সম্মান লাভ করিয়াছেন দেখিয়া Sir James Thornhill তাঁহার উপর প্রীত হইয়াছিলেন।

ইতালিয়ান চিত্রকর Giotto প্রভৃতি Bible হইতে নীতিযুক্ত চিত্র অঙ্কিত করিতেন। Hogarthও এই সময়



Hogarth অঙ্কিত একখানি সাধারণ চিত্র দেওয়া গেল। চিত্রখানির নাম "The Shrimp girl"। চিত্রখানি দেখিলে মনে হয় ইহার জীবনের সকল আশা-আকাঙ্ক্ষা বেন লোপ পাইয়াছে।

নূতনভাবে দেশের প্রচলিত প্রবাদ ও আয়োজনক গল্পগুলিকে চিত্রের দ্বারা প্রকাশ করিয়া জনসাধারণের আনন্দবর্ধন করিতেন।

প্রভূত যশ ও অতুল ঐশ্বর্যের অধিকারী হইয়াও তিনি

বিলাসে কখনও মগ্ন হন নাই। তিনি অতি সাধারণভাবে ও সরল মনে কালযাপন করিতেন। ১৭৬৪ খৃঃ অব্দে তিনি পরলোকে যাত্রা করেন।

William Hogarthএর সমসাময়িক দুইজন চিত্রশিল্পী ছিলেন। একজন ছিলেন Richard Wilson এবং অপরজন Sir Joshua Reynolds। Richard Wilson যদিও প্রভূত ধন লাভ করিয়াছিলেন, কিন্তু অর্থলাভ তাঁহার ভাগ্যে ঘটে নাই। শেষ বয়সে তাঁহাকে দারিদ্র্যের সহিত যুদ্ধ করিতে হইয়াছিল। Richard Wilson ১৭১৪ খৃঃ অঃ ১লা আগষ্ট Montgomeryshire এর অন্তর্গত Penegoesএ জন্মগ্রহণ করেন। ঐদিনই Queen Anne মৃত্যুমুখে পতিত হ'ন এবং George I সিংহাসনে আরোহণ করেন। তাঁহার পিতা একজন সামান্ত ধর্ম্মবাক্যক এবং মাতা একজন সম্ভ্রান্তবংশীয়া রমণী ছিলেন। তাঁহার মাতার

একজন আশ্রয় তাঁহাকে লণ্ডনে অঙ্কন-বিজ্ঞা শিক্ষা করিবার জন্য পাঠাইয়াছিলেন।

Hogarthএর জ্ঞান ইনিও স্বাধীন গতিতে অঙ্কন কার্য্য করিতেন। ইঁহার মূর্ত্তিচিত্র আঁকিবার অদ্ভুত ক্ষমতা ছিল। ১৭৪৮ খৃঃ অঃ ইনি Prince of Wales এবং Duke of Yorkও তাঁহাদের শিক্ষকের মূর্ত্তিচিত্র আঁকেন এবং যে অর্থ ইঁহাতে প্রাপ্ত হইলেন সেই অর্থ দ্বারা তিনি ইতালী ভ্রমণ করিয়া আসেন। তিনি ইতালী গিয়া নানাভাবে প্রাকৃতিক দৃশ্য (Landscape painting) আঁকিতে থাকেন এবং Romeএর মধ্যে একজন প্রধান দৃশ্য-চিত্রকররূপে পরিচিত হ'ন। ইনিই প্রথম দেশ-বাসীকে তাঁহার দেশের প্রাকৃতিক দৃশ্য অঙ্কন করিয়া



ইতালীর একটা প্রাকৃতিক দৃশ্য

দেখান। তাঁহার অঙ্কিত ইতালীর প্রাকৃতিক দৃশ্যগুলি অতি উচ্চদরে বিক্রীত হইয়াছিল, সেইগুলি দেখিতে এত মনোরম হইয়াছিল যে, the Earl of Pembroke, the Earl of Thanet, the Earl of Essex, Lord of Bolingbroke, Lord Dartmouth প্রভৃতি বড় বড় ইংরেজ ব্যক্তিগণ অতি উচ্চদরে

ছবিগুলি ক্রয় করেন। ১৭৫৬ খৃঃ অঃ যখন তিনি ইংলণ্ডে ফিরিলেন তখন পর্য্যাপ্ত তিনি বেশ সম্মান পাইয়াছিলেন, কিন্তু দুঃখের বিষয় সেই সময় অর্থাৎ অষ্টাদশ শতাব্দীতে চিত্রশিল্প-শিল্পীদের কৃতি পরিবর্তিত হইয়াছিল; সেইহেতু Englandএ তিনি সমাদৃত হ'ন নাই।

সাহা হউক কয়েকজন বন্ধুর অর্থ সাহায্যে তিনি জীবিকা-নির্বাহ করিতে থাকেন। এইরূপে কয়েক বৎসর কাটিয়া গেল। ১৭৬৩ খৃঃ অঃ যখন Royal Academy স্থাপিত হইল, George III. Richard Wilsonকে এই Academyর একজন প্রবর্তক বলিয়া ঘোষণা করেন। Academy প্রদর্শনীতে তিনি একখানি অত্যাৎকষ্ট ছবি পাঠান। সেই ছবি George III ক্রয় করিতে ইচ্ছা করিয়া Lord Bruteকে পাঠান।

Lord Bute তাহাকে দাম জিজ্ঞাসা করিলে তিনি বলিয়াছিলেন—৬০ গিনি। Lord Bute বলিলেন—দাম বড় বেশী। তাহার উত্তরে Richard Wilson

বলিয়াছিলেন রাজাকে বলিবেন যেন তিনি Instalmentএ কিনেন। এই ঠাট্টা হইতে রাজা বুঝিতে পারিতেন ; কিন্তু Lord Bute তাহা বুঝিতে না পারিয়া অপমান বোধ করিয়াছিলেন। পরে অপমানের প্রতিশোধ স্বরূপ তাঁহাকে সর্বস্বান্ত করেন। সেই সময়ে তিনি Royal Academyর পুস্তকালয় (Librarian) হইলেন এবং অতিকষ্টে জীবিকা-নির্বাহ করিতে লাগিলেন। ইহার পর ছই তিনি বৎসর পরে তিনি লণ্ডন পরিত্যাগ করিয়া নিজের গৃহে ফিরিয়া আসেন এবং ১৭৮২ খৃঃ অঃ মৃত্যুমুখে পতিত হন।

Sir Joshua Reynolds Rev. Samuel



শিবুর প্রার্থনা

Reynolds এর পুত্র, ১৭২৩ খৃঃ অঃ ১৬ই জুলাই ইনি জন্মগ্রহণ করেন। তাঁহার জীবন সুখেই কাটিয়াছিল। তিনি বালাকাল হইতেই মেধাশক্তির পরিচয় দিয়াছিলেন। যৌবনকালে ইনি সৌভাগ্যক্রমে Commodore Kepple এর সহিত পরিচিত হন। Commodore Kepple তাঁহাকে সঙ্গ করিয়া ভূমধ্যসাগর ও রোম প্রভৃতি ভ্রমণ করেন। রোম হইতে তিনি স্কোরেন্স ও ভেনিস ও ইতালীর অন্যান্য দেশে ভ্রমণ করিয়া ইংলণ্ডে ফিরিয়া আসেন। ইনি কখনও বিবাহ করেন নাই। ভেনিস ও রোম প্রভৃতি দেশের উচ্চতর চিত্রবিজ্ঞা শিক্ষা করিয়া ইনি ইংলণ্ডের মধ্যে বখেট প্রতিষ্ঠা লাভ করেন। যখন

Royal Academy স্থাপিত হয় তখন ইহাকে সর্বসম্মতিক্রমে সভাপতি করা হয়।

Reynolds কেবলমাত্র একজন চিত্রকর ছিলেন না, তিনি জ্ঞানী, বুদ্ধিমান ও বিচক্ষণ ব্যক্তি ছিলেন। রাজা তাঁহাকে Knight উপাধি দ্বারা বিভূষিত করিয়াছিলেন।

যদিও Reynolds বিবাহ করেন নাই, তথাপি তাঁহার গার্হস্থ্য-জীবন বড় সুখময় ছিল। ছোট ছোট ছেলে-মেয়ে লইয়াই তাঁহার আমোদে দিন কাটিয়া যাইত। তাহাদিগের নানারূপ ছবি তঁাকিয়া তিনি বেশ আমোদ উপভোগ করিতেন। এই সময়ই "শিশুর প্রার্থনা" "মাতা-পুত্র" "বালাকাল" প্রভৃতি অনেকগুলি চিত্র অঙ্কিত করেন।



মাতা-পুত্র

বাল্যজীবন কত মধুর তাহা তাঁহার ছবিতেই বেশ পরিস্ফুট
হইয়াছে। শিশুর প্রার্থনা যে কত সরল, মায়ের ভালবাসা
কত মধুর, তাহা ছবি দুইখানিতে বেশ বোঝা যায়।

৬৬ বৎসর বয়সে তাঁহার বাগ চক্ষু নষ্ট হইয়া যায় এবং
এই সময়ে তাঁহার পরিবারবর্গের মধ্যে কেয়েকজন মৃত্যুমুখে

পতিত হয়—এই শোকে এবং তিন বৎসর অশুখে ভূগিবার
পর ১৮৯২ খৃঃ অঃ ২৩এ ফেব্রুয়ারীতে মৃত্যুমুখে পতিত হ'ন।
তাঁহার মৃত্যুর পর Dr. Johnson বলিয়াছিলেন—

"I know of no man who has passed through
life with more observation than Reynolds."

কালোপরী

[শ্রী প্রবোধনারায়ণ বন্দ্যোপাধ্যায় এম-এ, বি-এল]

নীল লাল আর সাদা পরীর বাসার ঠিকানাটি,
বড় বড় কবির কুপায় জেনেছি ত খাঁসী,
ওসব পরী গরীবের নয়, আমরা খোঁজ করি
কোন দেশেতে কোন বেশেতে আছেন কালোপরী,
আষাঢ় স্র প্রথম দিনে আকাশটাকা মেঘে
কালোপরীর কাজলমাখা মূর্তি ওঠে জেগে,
অন্ত যদি দেরী না নয়—এই জৈষ্ঠ মাসে
তালশাসে নয় কালো জামেই কালোপরীই হাসে,
কালো দাবির কালোজলে পন্ন যেথায় ফোটে
ভ্রমরী নয় কালোপরীই পন্ন-মধু লোটে,
যদি বল পন্নটা ত কালো নয় ক সাদা
আচ্ছা তবে পুকুর-পাড়ে নাই বা গেল দাদা,
উঠান-কোণে চেয়ে দেখ কয়লা ঢালা আছে
কালোপরী আলো করি নিতাই সেথায় নাচে,
দাতে দেবার শিশি আছে, আছে কালার শিশি,
অমাবস্যার শিশি আছে গদানরের পিসী,
কালোর দেশে কালোপরীর আস্তানা টের আছে,
সবার সেবা সস্তা ডেরা আছে হাতের কাছে,
প্রিয়ার গায়ের রঙের কথা কে এখন ভাই তোলে,
বিদায়-বেলায় কাজ নাই আর ওসব গঙগোলে,
প্রিয়ার ভ্রমর-কালো চোখে, চামর-কালো কেশে
অমর হ'য়ে বাস করে প্রেম কালোপরীর বেশে।

গাছের গোড়ার মাটির মধ্যে এক প্রকার কীট লুকাইয়া থাকে তাহারা অত্যন্ত অনিষ্ট করে। ইহা-দিগকে খুঁজিয়া বাহির করিয়া নারিয়া ফেলা উচিত। এক রকম পরগাছা তামাক-ক্ষেতে জন্মে; উহার নাম ভুলকি (Orobanch)। ইহা অত্যন্ত অনিষ্ট করে; ইহাদিগকে সমূলে উৎপাটন করিয়া পোড়াইয়া ফেলা উচিত।

দেশী তামাক—মাঘ-ফাল্গুন মাসে নীচের পাতাগুলি পুরট হইতে শুরু করে। তখন এইগুলি মোটা এবং আটাযুক্ত হয় এবং উহাদের উপরে তামাতে রংএর দাগ কুটিতে থাকে। পুরট পাতাগুলি বাছিয়া গাছ হইতে একখানা বাকালুরি দিয়া কাটিয়া লইবে। চানী এই সময় প্রত্যহ সকালে ক্ষেত্রের মধ্যে বাইয়া এইরূপ পাকা পাতা সংগ্রহ করে ও ঘরে লইয়া আসে; পরে চারিটি করিয়া পাতার মোটা একদিকে বাঁদিয়া বাহিরে একটা দাঁশের মাচানে ঝুলাইয়া দেয়। পাতাগুলি যখন প্রায় শুকাইয়া যায় তখন ঘরের ভিতর লইয়া সেইগুলিকে দেওয়ালের গায়ে কিংবা মাচানে ঝুলাইয়া রাখে। এইরূপে দুইমাস শুকাইলে পাতা বিক্রয়ের উপযোগী হয়।

মতিহারী তামাকের ব্যবস্থা একটু অনুরূপ, কাটার পরে পাতাগুলি দিনভোর মাঠেই ফেলিয়া শুকাইতে হয়।

সন্ধ্যায় সেগুলিকে ঘরে আনা হয় এবং পরদিন সকালে দেশী তামাকের মত ৪টি পাতার ঝুঁকি বাঁধা হয় এবং এইগুলি একটি মইএর উপর ৬"১৯" পুরু করিয়া এমন ভাবে সাজান হইয়া থাকে যে পাতার ডাঁটাগুলি সমস্তই বাহিরে থাকে। এই মইটি প্রত্যহ সকালে রৌদ্রে দেওয়া হয় এবং সন্ধ্যায় ঘরে তোলা হয়। ৮১০ দিন পর পুনর্বার সাজাইয়া দিতে হয়, যেন পাতা চাপা লাগিয়া না পড়ে।

নিকটস্থ জাতের মতিহারী তামাকের গাছ খুব ঘন করিয়া ক্ষেত্রে রোপণ করা হয়। এ কারণে গাছগুলি ছোট হয়। উহাদের গোড়া কাটিয়া মাঠেই রৌদ্রে শুকান হয়। এইগুলির স্বাদ ভাল হয় না, এজন্য নিকটস্থ গুরুক তামাকে ব্যবহৃত হয়।

দেশী তামাকের চাষ-আবাদ সম্বন্ধে এই পত্রিকার উল্লিখিত বিবরণ ব্যতীত অন্য কোন বিষয়ে কিছু জানিতে হইলে Superintendent of Agriculture-in-charge, Tobaccoর কাছ আবেদন করিতে হইবে। তাঁহার ঠিকানা—ঢাকা ফার্ম; পোষ্ট রমনা, জেল ঢাকা।

আলোচনা

“উর্ধ্বশী”

[অধ্যাপক—শ্রীপ্রিয়রঞ্জন সেন এম-এ]

“পঞ্চপুষ্পের” গত আষাঢ়সংখ্যায় “উর্ধ্বশী” নাটক সম্বন্ধে অধ্যাপক যোগেন্দ্রনাথ গুপ্ত মহাশয়ের লিখিত বিবরণ পড়িয়া সুখী হইলাম।

উত্তরপাড়ায় অবস্থান-কালে সেখানকার প্রাচীন পুস্তকাগারে “উর্ধ্বশী” নাটক পড়িতে পাই। তখনকার দেখা সংক্ষিপ্ত গল্পব্য হইতে দেখিলাম, মুদ্রারাক্ষস প্রভৃতির রচয়িতা শ্রীযুক্ত তরিনাথ ঞায়রত্ন মহাশয় পুস্তকখানি আগাগোড়া সংশোধন করিয়া দেন। অধ্যাপক যোগেন্দ্রবাবুর প্রবন্ধে “হরিলাল” নামটী কি তবে মুদ্রাকর-প্রমাদ? আমার ত তাহাই মনে হইতেছে। ঞায়রত্ন মহাশয়ের কৃত অন্তর্বাদ স্মবিদিত এবং সেকালে ছাত্রবৃত্তি ও প্রবেশিকা পরীক্ষার জন্ম পাঠ্য নিদিষ্ট ছিল। দ্বিজ-তনয়া তাঁহারই কোনও আশীয়া কি?

“উর্ধ্বশী”তে আর একটা বিষয় বঙ্গা করিনার আছে।

যদিও উহা চাবি বন্ধে সমাপ্ত, এবং দৃশ্য-বিভাগ বলিয়া বস্তু নাই, তথাপি চতুর্থ দৃশ্যে হাঙ্গনাপুর হইতে অম্বাবাওরীতে দৃশ্য পরিবর্তন করিতে হইয়াছে। উত্তরার নামে না হইলেও কার্যতঃ অঙ্কের সংখ্যা পাঁচ হইয়া দীকার করিতে হইবে অথবা বলিতে হইবে যে “দ্বিজতনয়া” দৃশ্যবিভাগ প্রবর্তন করিতে বাধ্য হইয়াছেন।

অধ্যাপক গুপ্ত মহাশয় উপসংহারে বলিতেছেন—
“নাটকখানি গীতবহুল এবং গণ্ড ও পয়ার ছন্দে বিরচিত।” নাটকে গণ্ড থাকা সাধারণতঃ আশা করা যাইতে পারে, হন্দের কথা উল্লেখ করিলে কিন্তু ত্রিপদী কথ্য ও বলা প্রয়োজন, কারণ “উর্ধ্বশী”তে পয়ার ও ত্রিপদী, উভয়েই ছড়াছড়ি আছে।

“দ্বিজ-তনয়া” কে ছিলেন ও হার বহুস্ত রহিতরা গেল।

প্রাচীন ভারতে বৃষ্টিমাপক যন্ত্র

[শ্রীবিমলাচরণ দেব এম-এ, বি-এস্]

প্রতি বৎসর নূতন পঞ্জিকায় লেখে—এ বৎসর সমুদ্রে এত আটক জল, পর্বতে এত আটক জল। এ কথাটির গর্ভ বোধহয় অনেকে বুঝেন না। এ বিষয়ে অনুসন্ধান করিলে একটা সুন্দর তথ্য জানা যায়।

অনেকেই জানেন যে, বর্তমান সভ্য-জগতে অনেক স্থানে Raingauge বা বৃষ্টিমাপক যন্ত্র রাখা হয়। তাহার দ্বারা কোন স্থানে কোন সময়ে কি পরিমাণ বৃষ্টি হইল মাপিয়া দেখা হয়। যথা—অমুক দিন এত

বর্ষটার এত ইঞ্চি বৃষ্টি হইল বা বৎসরের প্রথম দিন হইতে অর্ধ দিন পর্যন্ত অর্ধ স্থানে এত ইঞ্চি বৃষ্টি হইল। এই সমস্ত আঃ-বিভাগের রিপোর্টে দেখিতে পাওয়া যায়।

প্রাচীন ভারতেও বৃষ্টিমাপক যন্ত্রের ব্যবহার ছিল। বরাহমিহিরের বৃহৎসংহিতা, ২৩ অধ্যায়, ২ শ্লোকে পাই :—

“হস্তবিশালং কুস্তকমধিকৃত্যামুপ্রমাণনির্দেশঃ।

পঞ্চাশঃপঞ্চাটকামনেন মিত্ত্বসাজ্জলং পতিতম্ ॥”

অর্থাৎ বর্ষের প্রমাণ নির্দেশ করিলে এক হস্ত ব্যাসের কুস্তক-সাহায্যে। অর্থাৎ এক হস্ত ব্যাসের একটি কুস্তক বর্ষের সমস্ত বাহিরে রাখিলে তাহাতে যে জল জমিবে, তাহা মাপিবে—যদি ৫০ পল হয়, তাহা হইলে এক আঁক বৃষ্টি হইয়াছে জানিবে। ৪ আঁকে এক হোণ।

বৃহৎসংহিতা, ২১ অধ্যায়, ৩২ শ্লোকের ভট্টোৎপলের টীকার পরাশর হইতে উদ্ধৃত আছে :—

“সমে বিংশানুসানাংহে দ্বিত্বকানুলোচ্ছিতে।

ভাণ্ডে বর্ষতি সম্পূর্ণে স্ত্রেয়মাটকবর্ষণম্ ॥”

অর্থাৎ ৮ অঙ্গুলি উচ্চ ও ২০ অঙ্গুলি ব্যাস একটি ভাণ্ডে যে বর্ষণ দ্বারা পূর্ণ হইবে, সে বর্ষণে ১ আঁক বৃষ্টি হইয়াছে জানিতে হইবে।

এখানে দেখিতেছি—বরাহমিহির-মতে এক হস্ত (অর্থাৎ ২৪ অঙ্গুলি) ব্যাসভাণ্ড। পরাশর-মতে ২০ অঙ্গুলি ব্যাসভাণ্ড। বরাহমিহিরকথিত ভাণ্ডের উচ্চতা নির্দিষ্ট নাই, আবশ্যিকও নাই, কারণ বতটুকু জল জমিবে তাহা মাপিয়া দেখিতে হইবে। পরাশরকথিত ভাণ্ডের উচ্চতা নির্দিষ্ট আছে, কাজেই তাহার ধন পরিমাণ জানা। জল আর মাপিবার প্রয়োজন নাই। ভাণ্ডপূর্ণ হইলেই এক আঁক বর্ষণ হইয়াছে জানিতে হইবে।

এখানে আর একটি কথা মনে রাখা আবশ্যিক। মাপিয়া দেখিবার প্রথা দুইটী ছিল—কালিজ মান ও মাগধ মান। এখানে মাপিতে হইবে মাগধ মাপে।

চরকসংহিতা, ৭-১২-৭৪ শ্লোকেও আছে :—

“মানং তু দ্বিবিধং প্রাচঃ কালিজং মাগধং তথা।

কালিজান্নাগধং শ্রেষ্ঠমেনং মানবিদো বিদ্বঃ ॥”

মাসপঞ্জী

আশ্বিন

১লা—কলিকাতার কমিশনার সার চার্লস টেগার্টের উপর বোম্বা-নিক্ষেপের অপরাধে ধৃত শ্রীযুক্ত দীনেশচন্দ্র মজুমদারের আত্মজীবন দেশান্তরের দণ্ড। জালিয়ানাবাগে পুষ্টিপের হানা। পার্লামেন্টের সভ্য মিঃ ওয়েলকের নিকট মহাত্মাজীর প্রত্যুত্তর।

২রা—দমদমা জেলে খাদ্য সংকটে চাকল্যা। কলিকাতার নানাস্থানে খাদ্য-তরীস—বাগবাজার তরুণ-সমিতির

সম্পাদক শ্রীযুক্ত সমরেন্দ্রনাথ বসু এবং অজ্ঞান কয়েকজন সভ্য ধৃত। মহাত্মা গান্ধীর বাৎসরিক জন্মদিন পালন।

৩রা—লণ্ডনে ভীষণ ঝড়ের প্রকোপ—বহু নিহত, আহত এবং গৃহাহারা।

৪ঠা—শিবসাগরে বন্যার প্রাচুর্য্য।

৫ই—বোম্বাই ওয়ার কাউন্সিলের অষ্টম সভাপতি মিঃ স্ রমাভাই কামদার তিনমাস কারাদণ্ডে দণ্ডিত।

৬ই—শ্রীযুক্ত সেনগুপ্ত ও শ্রীযুক্ত সুভাষচন্দ্র বসুর মুক্তি। নাগপুরে গোলটেবিল বৈঠকের ডেলিগেটদের মিছিল। কান্দিতে বোমা-বিস্ফোরণ—একজন মহিলা আহত। বড়বাজার কংগ্রেস-কমিটির সম্পাদক শ্রীযুক্ত পুরুষোত্তম রায় হত।

৭ই—কলিকাতা কর্পোরেশনে সুভাষচন্দ্রের সম্বন্ধনা।

৮ই—দাসপুরে ১২ জনের দেশান্তর ও ২১ জনের কারাদণ্ড।

৯ই—চট্টগ্রামে এ, বি, রেলওয়ের গাড়ী লাই-ব্রেক—ড্রাইভার ও ফায়ারম্যান আহত। বোম্বাইয়ে পুলিশের সহিত স্ক্রল-আইন-ভঙ্গকারী সত্যাগ্রহীদের সংঘর্ষ—১৫ জন নিহত এবং ৫০ জন আহত। বোম্বাইয়ে কংগ্রেস-সভায় চাঞ্চল্য।

১০ই—মহাত্মাজীর স্বাস্থ্য পূর্নাপেক্ষা উত্তম বলিয়া প্রচার। কাররায় পাঞ্জাব আদালতের উপর গভর্নমেন্টের নজর। কলিকাতায় বহু রাজদর্শীর মুক্তি।

১১ই—লাহোরে এশিয়ার নারী-সম্মেলনের বৈঠকের উদ্বোধন। বোম্বাইয়ে গোল-টেবিল-বৈঠকের প্রতিবাদ।

১২ই—বোম্বাইয়ে ৬ঃ বৎসর বয়স্কা মুসলমান মহিলা মিসেস লখমানির কারাদণ্ড ভুল বলিয়া স্থিরীকৃত এবং উহার অপরাধ সামাজিক কার্য বলিয়া ঘোষিত।

১৩ই—লণ্ডনে লর্ড বার্কেনহেডের মৃত্যু। মেদিনীপুরে পুলিশের গুলিবর্ষণ—একজন নিহত।

১৪ই—বোম্বাইয়ে গোলটেবিল-বৈঠকের প্রতিবাদ।

১৫ই—লণ্ডনে ভারতীয়দের দ্বারা মহাত্মা গান্ধীর সম্মোৎসব পালন। বিলাসপুরে রেল-দুর্ঘটনা—একজন

নিহত। মুন্সীগঞ্জ পদ্মার প্রকোপ—বিহারক সত্যগ্রাম আশঙ্কা—বহুগ্রাম জলমগ্ন।

১৬ই—শ্রীযুক্ত বিঠলভাই প্যাটেল অসুস্থ।

১৭ই—গোলটেবিল-বৈঠকের প্রতিনিধি আলোরের মহারাজা স্যর তেজবাহাদুর, শ্রীযুক্ত জয়াকর, মিঃ গিলা প্রভৃতি ২২ জনের ইংলণ্ড উদ্দেশে ভারত পরিত্যাগ। কলসুকে সংঘর্ষ—পাঁচজন আহত। কংগ্রেস ওয়াকিং কমিটির সভা স্থগিত।


১৮ই—মুসলিম ইনষ্টিটিউট হলে বাঙ্গালার মুসলমান প্রতিনিধি এ, কে, ফজলুল হক ও এ, এচ, গাজনতীকে সম্মান প্রদর্শন। বিউড্রেসে 'আর-১০১' আকাশ-যান-দুর্ঘটনা, বহু প্রধান প্রধান অফিসার নিহত এবং আহত।

১৯ই—'আর-১০১' আকাশ-যানের দুর্ঘটনার ৪৭ জনের মৃতদেহ আবিষ্কার।

২০ই—লাহোর ষড়যন্ত্রের মামলার রায়ে-প্রকাশ। শ্রীযুক্ত ভগৎসিং, শ্রীযুক্ত সুগদেব ও শ্রীযুক্ত হাজিগুফর প্রাণদণ্ড এবং কিশোরীপাল, মহাবীর সিং, বিজয়কুমার সিংহ, শিব বর্মা, গয়া প্রসাদ, জয়দেব ও কগলনাথ তেওয়ারীর আজীবন দেশান্তর এবং কুমললাল ও প্রেম দত্তের ৭ বৎসর ও ৫ বৎসর কারাদণ্ড।

২১ই—গাম্ভাবাদের মহারাজের অসুস্থতার জন্ত গোল-টেবিল-বৈঠকে গমন স্থগিত। লাহোর ষড়যন্ত্রের মামলার রায়ে লাহোর ও বোম্বাইয়ে চাঞ্চল্য। বোম্বাইয়ে শ্রীযুক্ত সেনগুপ্ত ও শ্রীযুক্ত নরীমান সম্বন্ধিত।

২২ই—লাহোর ষড়যন্ত্রের রায়ে প্রতিবাদে কলিকাতায় ৭ ভারতের নানাস্থানে হরতাল পালন।





আলোচনা-আলোচনা

বিজয়ার সম্ভাষণ

আমরা আমাদের পাঠক-পাঠিকা, গ্রাহক-অনুগ্রাহক বন্ধু-বান্ধবদিগকে বিজয়ার শ্রীতি-অভিবাদন ও বথায়োগ্য প্রণাম ও নমস্কার জানাইয়া আবার কার্যক্ষেত্রে অগ্রসর হইলাম। যে পরিপাশ্বিক অবস্থার ভিত্তর এবার মায়ের আগমন হইয়াছিল, সে অবস্থা অত্যন্ত শোচনীয়। দেশের এই দুর্দিনে ভারতবাসী দুঃখ-যন্ত্রণা ভুগিয়া জননীর অভয়-সুতির দিকে সোৎসাহে চাহিয়া প্রার্থের আগ্রহে শাস্তি ভিক্ষা করিয়াছে। বিজয়ার দিন আত্মার মিলন-উৎসব। জগজ্জননীর চরণে আমাদের এই কামনা যেন এই মিলন উৎসবের ফলে মিলন-বন্ধন চির-অক্ষুণ্ণ থাকে।

রক্ষা নাই। ঠিক সংবাদ পাঠি নাই এই বৃণির ভিত্তর পড়িয়াই ডাঃ গৌরানন্দনাথ সপরিবারে প্রাণত্যাগ করিয়াছেন কি না? সংবাদ পত্র হইতে যতদূর জানিতে পারা গিয়াছে তাহা হইতে বলিতে পারা যায় প্রবল তরঙ্গে বিপর্যাস্ত হইয়া নৌকাখানি পাহাড়ের পাদমূলে আসিয়া ডুবিয়া যায়। মায়ি ও পাচক কোন গতিকে প্রাণ রক্ষা পাঠিয়াছে। বান্ধবার যে কৃতবিত্ত সম্মান আজ উমানন্দের পাদমূলে সলিল-শয়নে চিরনিদ্রায় শায়িত রহিল, তাহার শোকমগ্ন পরিবারবর্গকে বলিবার ভাষা আমাদের নাই। মৃত্যুকালে ডাঃ গৌরানন্দনাথের বয়স হইয়াছিল মাত্র ৪১ বৎসর।

উমানন্দের পাদমূলে সলিল-শয়নে

আসামের ভিত্তর কামাখ্যা একটা পীঠস্থান। এখানে মাতার যোনি পতিত হইয়াছিল, ভারতের নরনারী আকুল প্রাণে এখানে ছুটিয়া আসে। দেবী-দর্শনের পূর্বে ভৈরব উমানন্দকে দেখিতে সকলে ছুটিয়া থাকে। এ স্থানে প্রাকৃতিক দৃশ্য অত্যন্ত মনোরম। ব্রহ্মপুত্র নদের গর্ভে একটা ছোট দ্বীপ আছে। সেই দ্বীপের উপর পর্বতের মাথায় উমানন্দ বিরাজ করেন, ইংরাজেরা এই পর্বতের নাম দিয়াছেন Peacock Hill নয়র-পাহাড়। এখানে অসংখ্য নয়র-নয়রীকে নৃত্য করিতে দেখা যায়। গোহাটা হইতে এ স্থানের দূরত্ব খুবই অল্প। পারাপারের বাহন আমাদের দেশের শালতী বা ডোঙ্গার স্থায় ছোট নৌকা। পূজার ছুটিতে এবার কলিকাতা বিশ্ব-বিদ্যালয়ের পোষ্ট গ্রাজুয়েট বিভাগের সম্পাদক ডাঃ গৌরানন্দনাথ বন্দ্যোপাধ্যায় এম-এ, পিএইচ-ডি সপরিবারে তীর্থযাত্রা করিতে গিয়াছিলেন। পরিবারের ভিত্তর ছিল তাঁহার পত্নী, ৬ বৎসর বয়সের পুত্র ও এক বৃদ্ধা বি এবং একজন পাচক। এই দলের পথি-প্রদর্শক হ'ন কটন কলেজের প্রথম বার্ষিক শ্রেণীর ছাত্র গিরীশচন্দ্র বড়ুয়া। এইখানে একটা বৃণি আছে ও কয়েকটা ছোট ছোট পাহাড় আছে। এই বৃণির ভিত্তর পড়িলে আর

এইখানে ১৯০৮ সালে যখন আমরা পাঁচজন বন্ধু মিলিয়া দেবী দর্শনে গিয়াছিলাম, সে সময়ে ধূলা-পায়ে প্রথমেই উমানন্দ দেখিতে যাই, সঙ্গে ছিল আমাদের শ্রদ্ধের ব্রজপতি বন্দ্যোপাধ্যায় মহাশয়ের পুত্র সোদরপোম রঘুপতি (এক্ষণে Capt R. Bannerjee কলিকাতার এক্স-রে-বিশারদ ডাক্তার) তখন দ্বিতীয় বার্ষিক শ্রেণীর ছাত্র। অপরাধে বড়-ঝাপটা কিছুই ছিল না। একজন মায়ি আমাদের দিগকে লইয়া চলিল। বেচারার অসীম সাহস দেখিয়া আমরা বিস্মিত হইয়াছিলাম। প্রথমে সে আমাদের দিকে গর্ষ করিয়া বলিয়াছিল, 'আমরা জলের মানুষ—জলকে আমরা ভয় করি না।' অবশ্য সে নিজের অসমীয়া ভাষায় কথা বলিয়াছিল। তার পর হঠাৎ যখন একটা বড় জাহাজের তরঙ্গ আসিয়া আমাদের ছোট দ্বিষ্টিকে বিপর্যাস্ত করিয়া বৃণির ভিত্তর ফেলিয়া দিল, তখনও তাহার বীরত্বের কিছুমান হ্রাস দেখি নাই—প্রাণপণে সে চেঁচা করিতে লাগিল—একঘণ্টা চেঁচার পর সে হতাশ হইয়া বলিয়া উঠিল, "বাবু নারেন্দ্র"—আর পারলাম না। আমি বন্ধুদের বয়োজ্যেষ্ঠ। তাহাদের মুখ দেখিয়া দেবদেবীর নাম স্মরণ করিতে লাগিলাম। তাহারা বলিতে লাগিল, 'দাদা, পাড়াটা বে অন্ধকার হ'য়ে যাবে।' আমি আশ্বাস দিলাম ভগবানের ইচ্ছাই পূর্ণ হ'বে তাই ভয় কি? তাঁকে ডাক। দেবদেবীর অনুগ্রহে জানি না কেমন

করিয়া সেই বিপদসঙ্কল পথ হইতে নোকা পাদমূলে আসিয়া
রক্ষা পাইল।

* * *

তাই বলিতেছি এই স্থানে যখন মাঝে-মাঝে এই-
রূপ নোকাডুবি হয়, তখন গবর্নমেন্টের কর্তব্য একটা
তীক্ষ্ণ তৈয়ারী করা, যাহাতে উমানন্দকে দেখিতে
সকলেই অনায়াসে যাইতে পারে। এ-নকার পাওরা ও
সমগ্র হিন্দু-সমাজ যথাযোগ্য ব্যয়ভার বহন করিতে কোন
দিনই পশ্চাদ্গত হইবে না বলিয়াই আমাদের বিশ্বাস।

* * *

জার্মানীতে ভারতীয় ছাত্রের কৃতিত্ব

জার্মানীর মিউনিক শহরে 'ইণ্ডিয়ান ইন্সটিটিউট অব ডাইপ্লিউশ্
একাডেমী' বলিয়া যে শিক্ষা-প্রতিষ্ঠান আছে, তাহার
কর্মকর্তারা সম্প্রতি কলিকাতার ডাক্তার ক্ষীরোদচন্দ্র
চৌধুরী এম-বি কে টুবিজেন মেডিকেল কলেজে গবেষণার
অনু বৃত্তি দিয়াছেন। তিনি সেখানে শিশু-চিকিৎসা
সম্বন্ধে গবেষণা করিবেন।

* * *

বন্ধু-বিয়োগ

গভীর দুঃখের সহিত জানাইতেছি যে, মহানবীর দিন
আমাদের প্রিয় বন্ধু 'পুষ্পপাত্র'র অন্ততম সম্পাদক
সতীশচন্দ্র মিত্র পরলোকে গমন করিয়াছেন। তিনি
লক্ষ্মীবিলাস প্রেসের জনৈক স্বত্বাধিকারী ছিলেন।
সাহিত্য ও কলা-বিষয়ে তাঁহার অকুত্রিম অনুরাগ ছিল।
সাহিত্যের নন্দিরে তিনি বহুবার বহু অর্থ্য লইয়া উপস্থিত
হ'ল। প্রথম ভাবনে প্রিয় সাহিত্যিক স্বীরেন্দ্রনাথ
পাল মহাশয়ের সম্পাদকতার সচিত্র 'বন্ধু' পত্রিকা বাহির
করেন। দ্বিতীয় বর্ষ হইতে তিনি ঐ পত্রিকার সম্পাদন
কার স্বয়ং গ্রহণ করেন। তারপর প্রথম শ্রেণীর সচিত্র
সাহিত্যিক সাপ্তাহিক পত্র বাহির করিবার জন্ত তিনি
'স্বনামিকা', 'বাসন্তী' প্রভৃতি কয়েকখানি পত্রিক প্রকাশ
করেন। তারপর প্রিয় ককিরচন্দ্র চট্টোপাধ্যায়ের
সম্পাদকতার প্রথমে গল্পের কাগজ 'পুষ্পপাত্র' বাহির
করেন। তাঁহার স্মরণ অসাময়িক বন্ধুবৎসল মিত্রবিয়োগে
আমরা মস্তপ্ত।

সম্মরণে সহনশীলতা

একাদিক্রমে সম্মরণে সহনশীলতার সর্বাপেক্ষা অধিক-
কণ্ঠস্বায়ী পরিচর্য দিবার জন্ত আমাদের কল্যাণভাজন
শ্রীমান প্রফুল্লকুমার ঘোষ তেহরী পুস্তকশিল্পে সে-দিন
৬৭ ব'টা ১৮ মিঃ কাল সম্মরণ করেন। এই রেকর্ডকে

অতিক্রম করিবার জন্ত গত ২০শে সেপ্টেম্বর তারিখে
মন্টার আর্থার রিজ্জা সম্মরণ দিতে আরম্ভ করেন
ও ৬৮ ব'টা ১১ মিঃ ৬ সেকেন্ড সম্মরণ দিয়া
প্রফুল্লকুমারের সম্মরণে অতিক্রম করেন। ইহার সম্মরণের
সময় কিছুক্ষণের জন্ত মন্টার গবর্নর সদলবলে উপস্থিত
ছিলেন।

১৬ই অক্টোবর তারিখে বিলাতের ওয়াশিং বাথে জগতের
মধ্যে এ সম্বন্ধে রেকর্ড স্থাপন করিবার জন্ত হাইদাবাদের
সম্মরণবিদ সাফি অহম্মদ নাগিয়াছেন।

এলাহাবাদের রবীন চাটুজ্জ ও শীতাই কলিকাতার
আসিয়া আর একবার চেষ্টা করিবেন।

* * *

ত্রিশ মাইল সম্মরণ-প্রতিযোগিতায়

আহিরীটোলা স্পোর্টিং ক্লাবের উদ্যোগে অনুষ্ঠিত
অখিল-ভারত প্রথম সম্মরণ-প্রতিযোগিতায় এখার
শ্রীমানের স্পোর্টিং এর শ্রীমান নলিনচন্দ্র মালিক
প্রথম স্থান অধিকার করিয়াছে। গত বৎসরও শ্রীমান
প্রথম হইয়াছিল। এই ত্রিশ মাইল সে ৫ ঘণ্টা
২ মিঃ সময়ে আসিয়াছে। গতবৎসর সে ইহার
অপেক্ষা অল্প সময়ের মধ্যে আসিয়াছিল। মেণ্টাল
শুইনিং এর শ্রীমান কালীপ্রসাদ রক্ষিত ২য় স্থান ও আহিরী-
টোলা-স্পোর্টিং এর সুধীরকুমার ঘোষ ৩য় স্থান অধিকার
করে। ইহাদের যথাক্রমে ৫ ঘণ্টা ২৮ মিঃ ৩০ সেঃ ও ৫ ঘণ্টা
৩১ মিঃ ৩০ সেঃ লাগিয়াছিল।

এই প্রতিযোগিতায় ১৭ জনের ভিতর ১৩ জন গম্ভব্য
স্থানে আসিতে পারিয়াছিল। এবারে বেলুড়ের কাছে
প্রতিযোগীদের তুর্যোগের ভিতর দিখা আসিতে হইয়াছিল।

* * *

বাল্মীকী সঙ্গীতে কুমারী বীণা আচোর দক্ষতা

কুমারী বীণা আচোর বাড়ী কলিকাতায় ইটালী
অঞ্চলে। ছুই বৎসর পূর্বে তিনি বিলাতে সঙ্গীতশিক্ষা
করিতে যান এবং সেখানে বিলাতী সঙ্গীতশাস্ত্রে কৃতিত্ব
অর্জন করিয়া বশোমাল্যে গণিত হইয়াছেন। তিনি
যে কেবল বিলাতী বাজসংযোগে গান করিতে পারেন
তাহা নহে, গোবিন্দ দাস স্বীরেন্দ্রনাথ ও স্বিজেন্দ্রলালের
বাল্মীকী গানে ইংরাজ শ্রোতৃবর্গকে মোহিত করিয়া
শুশ্রুণ ও অর্জন করিয়াছেন। আমরা কুমারীর
এই সাহসিক আন্তরিক আনন্দ প্রকাশ করিতেছি।

* * *

আগা খাঁর পুরস্কার

ডিক্ হাউনেস থা যে কোন ভারতবাসী একাকী

উড়ো জাহাজে করিয়া ভারতবর্ষ হইতে দক্ষিণ-আফ্রিকার কেপটাউন পর্যন্ত যাইবেন তাঁহাকে ৫০০ পাউণ্ড পুরস্কার দিবেন প্রতিশ্রুতি দিয়াছেন। এই পুরস্কারের জন্য কলিকাতার জনৈক মুসলমান যুবক মিঃ এ, এম, মোরাদ নোয়াই শহরে উড়ো-জাহাজ ও সরঞ্জামাদি কিনিতে গিয়াছেন ও একটা Gipsy Moth খরিদ করিয়াছেন। শীঘ্রই তিনি পুরস্কারের জন্য কলিকাতা হইতে যাত্রা করিবেন।

মোরাদের বয়স মাত্র ১৯ বৎসর। ফ্রাইং ক্লাবের প্রধান শিক্ষক মিঃ ডাব্লিও, এক ওয়র্গানের শিক্ষাধীনে থাকিয়া ইনি ১ম শ্রেণীর পাইলটের লাইসেন্স পাইয়াছেন, যাহার বলে ইনি ব্রিটিশ সাম্রাজ্যের সর্বত্র গমনাগমনের আধিকারী হইয়াছেন। অবশ্য ইহাও বড় কম কৃতিত্বের কথা নয়।

আমরা তাহার সাফল্য সর্ভাস্বঃকরণে কামনা করি।

“ডমরু” ও “নাগপাশ” পুস্তক বাজেয়াপ্ত

অধ্যাপক নৃসেননাথ বন্দ্যোপাধ্যায়ের পুত্র শ্রীযুক্ত বিমান বন্দ্যোপাধ্যায় ‘ডমরু’ নামক একখানি পুস্তক রচনা করিয়াছেন। ‘নাগপাশ’ নামে অপর একখানি পুস্তকও বাহির হইয়াছে। সম্রাতি সরকার বাহাদুর এক ইত্যাহার জারি করিয়াছেন যে ঐ ঐ পুস্তক যেখানে পাওয়া যাইবে সেইখানে উহা সরকার-কর্তৃক বাজেয়াপ্ত হইবে।

শুর জগদীশচন্দ্র

শুর জগদীশ যুরোপের বৈজ্ঞানিক-মণ্ডলীর নিকট তাঁহার নবাবিকৃত পরীক্ষা দ্বারা দেখাইয়া আসিয়াছেন যে, প্রাণী ও উদ্ভিদের মাংসতন্তুর (tissue) উপর কার্যকারিতায় আশ্চর্যরূপ ক্ষমতা আছে। এই আবিষ্কারের উপর মিলানের Serum-Therapeutic Institute এ পরীক্ষা দ্বারা শুর জগদীশের বাকী—সর্বত্র জীবন-ধারণ সমতা—প্রমাণিত হইয়াছে।

প্রসিদ্ধ নট শিশিরকুমারের সম্মান

গত ১০ই অক্টোবর তারিখে প্রসিদ্ধ নট-শিশিরকুমার ভাটুড়া সদলবলে নিউইয়র্ক শহরে উপস্থিত হইয়াছেন। সমগ্র শহরের পক্ষ হইতে City Hall এ তাঁহাকে অভিনন্দিত

করা হইয়াছে। আশা করি শীঘ্রই নিউইয়র্ক-বাসীরা তাঁহার অপূর্ব অভিনয়ের পরিচয় পাইবেন।

উর-আবিষ্কার

সম্রাতি মেসোপোটেমিয়া হইতে Mr. Lenard Woolley বিলাতে ফিরিয়া আসিয়াছেন। উর-খনন কার্য হইতে বে সমস্ত দ্রব্যাদি পাওয়া গিয়াছে তাহা হইতে নোয়ার বস্তুর ঠিক পরবর্তী কালের সভ্যতার পরিচয় তিনি পাইয়াছেন। আমরা সংক্ষেপে তাঁহার বক্তব্য পাঠকদিগের অবগতির জন্য লিপিবদ্ধ করিব। এই সকল কার্য ব্রিটিশ মিউজিয়াম ও পেন্সিলভেনিয়া বিশ্ব-বিদ্যালয়-কর্তৃক এক-যোগে অমুষ্ঠিত হইয়াছিল। এখানে একটা মনুষ্যের কঙ্কাল (skeleton) পাওয়া গিয়াছে। মেসোপোটেমিয়ার যত-গুলি মানবের কঙ্কাল পাওয়া গিয়াছে ইহা তাহাদের মধ্যে প্রাচীনতম। ইহা বস্তুর যুগের অব্যবহিত পরের সময়ের এবং নোয়ার পরবর্তী কালের সমসাময়িক বলিয়া অমুদিত হয়। মাটির ভাঙে ইহা কতকটা চেপ্টা হইয়া গিয়াছে সত্য; কিন্তু দৃশ্যপাটী বেশ সুন্দর স্বরক্ষিতভাবেই আছে।

মেসোপোটেমিয়ার প্রস্তর-যুগ বলিয়া কোন সময় ছিল না। এ স্থান প্রথমে জলময় অবস্থায় ছিল। সত্য মানব আসিয়া এখানে প্রথমে বসবাস করিতে আরম্ভ করে। ধাতু-নির্মিত অস্ত্র ইহার ব্যবহার করিতে জানিত। এখনকার আধিবাসী অপেক্ষা দৃঢ়তর কক্ষি ও শর (Reeds) দ্বারা গৃহাদি নির্মাণ করিত। সমগ্রটা ঠিকমত ধরিতে না পারিলেও খৃঃ পূঃ ৩৫০০ বছরের আগে যে তাহারা এরূপ করিয়াছিল, তাহাতে সন্দেহ করিবার কোন কারণই নাই। ইহার পরবর্তী কালের গৃহাদি নির্মাণের ছয়টা বিভিন্ন স্তর পাওয়া যায় ও তাহার ৮ ফুট নিম্নে কুস্তকারদের পরিত্যক্ত মৃত্তিকার অবশিষ্ট অংশ পাওয়া গিয়াছে। এইখানে বস্তুর চিহ্ন বিদ্যমান। এখানে ইষ্টকের বাড়ী-ঘরের নমুনাও পাওয়া যায় কিন্তু অধিকাংশ গৃহই কক্ষি, শর মৃত্তিকা প্রভৃতি দ্বারাই নির্মিত। অনেকগুলি শর একত্র করিয়া গৃহের স্তম্ভ গঠিত হইত।

শস্ত্র ভাঙ্গিবার খাঁতাও পাওয়া গিয়াছে। রক্ষন করা হাড় হইতে বুঝিতে পারা যায় যে এখানকার আধিবাসীরা রক্ষন কার্য জানিত; গো, ভেড়া ও ছাগলের হাড় প্রচুর পরিমাণে এখানে পাওয়া গিয়াছে।

বহু জল-পাত্রের ভিতর একটীতে গাছ-গাছড়ার রস-বশিষ্ট পাওয়া গিয়াছে। মিঃ উলি বিবেচন করেন ইহাতে পানীয় দ্রব্য ছিল।

নব পরিচয়

[রায় শ্রীখগেন্দ্রনাথ মিত্র বাহাদুর]

চণ্ডীদাসে কয়

নব পরিচয়

কালিয়া বঁধুর মনে।

সমস্ত বৈষ্ণব সাহিত্য জুড়িয়া এই কালিয়া বঁধুর সঙ্গে 'নব পরিচয়ের' চিরনবীন কাহিনী। শ্রামসুন্দর চিরনবীন কিশোর, শ্রীরাধা চিরনবীনা কিশোরী। নব কিশোর বয়সে রূপেরও যেমন ছটা, প্রেমেরও তেমন মাধুর্য। জীবনে এমন সময় আর আসে না। যখন কিশোর-কিশোরী বরবধু প্রেমের প্রথম স্পন্দনে চমকিত হয়, তখন সে এক আনন্দ! সেই প্রথম শুভ-দৃষ্টি! সেই নব পরিচয়।

যাহার হৃদয়ে প্রেম আছে, সেই রসিক। "পিরীতি রসের সার।" সকল রসের সেরা শ্রীতি। শৃঙ্গার রসই আদি এবং শ্রেষ্ঠ রস। প্রেম চিরদিনই নূতন। প্রেম কখনও প্রবীণ হয় না। প্রেম যখন প্রবীণ হয়, যখন পরিপাক প্রাপ্ত হয়, তখন বুলিতে হইবে তাহার পরমাণু ফুরাইয়া আসিয়াছে। যতদিন প্রেমের সবুজ আভা হৃদয়ে খেলে, ততদিনই মানুষ কিশোর থাকে। তাই প্রেমের কথা বলিতে গেলেই সেই চিরকিশোর কিশোরীর কথা মনে পড়ে। তেমন পিরীতির আদর্শ আর কোথায় পাইব?

চণ্ডীদাস কয়

ঐছন পিরীতি

জগতে কি আর হয়?

এমন পিরীতি

না দেখি কখন

ইহা না কহিলে নয়।

কিশোরী যুগ্মা নায়িকা। সংসারের অভিজ্ঞতা তাহার সরলতাকে পরাভূত করিতে পারে নাই। কখনও তাহাকে বালিকা বলিয়া ভ্রম হয়, কখনও যুবতী বলিয়া মনে হয়।

বিদ্যাপতি কহ শুন বরকান।

তরুণিম নৈশব চিহ্নই না জান ॥

হে সুন্দর কানাই, সে তরুণ (যুবতী) বা শিশু তাহা চেনা যায় না। জীবনের এই সময় বড় মধুময়। এই যে 'কো কহ বালা কো কহ তরুণী' এই শুভ সন্ধিক্ষণই

কৈশোর। এ সেই বয়স যখন প্রথম নয়ন-কোণে চকিত চাহনি খেলে, আবার তার পরক্ষণেই বসন ধূলি-লুপ্তিত হয়।

ক্ষণে সরলবীক্ষণে ক্ষণমপাঙ্গ স'বীক্ষণে

ক্ষণে রজসি খেলনং.....

কেহ কোনও ঠাট্টা করিলে বা কিছু বলিলে

কাঁদন মাগি হাসি দেয় গারি।—বিদ্যাপতি

হাসি-কান্নায় মিশাইয়া গলি দেয়। কি সুন্দর সেই কাঁদনমাথা হাসিপূর্ণ গালি, তাহা যাহারা দেখিয়াছে তাহারাই জানে। তখন—

আধ আঁচর খসি

আধ বদনে হাসি

আধি নয়ান-তরঙ্গ।

আধ উরজ হেরি

আধ আঁচর ভরি

তব ধরি দগধে অনঙ্গ ॥—বিদ্যাপতি

দেখিলাম আপ আঁচল খসিয়া পড়িতেছে, ঈষৎ হাসি অধর-কোণে মিলাইতেছে, নয়নের চটুণ চাহনিও ঈষৎ চেটে খেলিয়া গেল, বক্ষ আধ উন্মুক্ত হইল আবার তখনই আধ আবৃত হইল—এই সেই প্রণয়-বিহ্বলা নবান্না কিশোরী!

শ্রীকৃষ্ণও 'সামর সুন্দর' না কিশোর।

'শ্রাম নব-কিশোর বয়সে মণিকাঞ্চন—অভরণ'

চূড়া চিকণ বনান। জ্ঞানদাস

তাহার কিশোর বয়স, অঙ্গে নানা মণিকাঞ্চনের অলঙ্কার আর মোহনচূড়া অতি সুচিকণভাবে নিশ্চিত। শ্রীমতী বলিতেছেন—

তরুতলে ভেটল তরুণ কানাই।

নয়ন-তরঙ্গে জনি গেলিছ সিনাই।—বিদ্যাপতি

নীপ তরুণে কিশোর কৃষ্ণকে দেখিলাম, তাহার দৃষ্টি অমিয়-হিলোলে যেন আমাকে স্নান করাইয়া দিল।

আমি তখন দৃষ্টি ফিরাইতে পারিলাম না। দৃষ্টি ফিরাইবে কে? মন? মনও আমার দৃষ্টির সঙ্গে চলিয়া গেল। তখন কি করি? খাণ্ডা ননদিনী সঙ্গে। তখন আমি

গলার মুক্তার মালা ছিঁড়িয়া ফেলিলাম। আমার খাণ্ডী-
ননদিনী মুক্তা কুড়াইতে কুড়াইতে সেই কঁাকে আমি একটু
দেখিয়া লইলাম।

সেই দেখাই আমার কাল হইল। আমি নয়ন-কোণে
ঈষৎমাত্র সেই রূপ দেখিয়া আসিলাম, কিন্তু তাহাতেই
কোটা কুসুম-শরে আমার অর্জরিত করিয়াছে, এখন আমার
প্রাণ লইয়া টানাটানি।

আধক আধ আধ দিষ্টি অঞ্চলে

যব ধরি পেখলু কান।

কত শত কোটা কুসুম-শরে ভারত

রহত কি বাত পরাণ ॥—গোবিন্দদাস

সখি, আমি ভাল করিয়া দেখিতে পাই নাই। নয়ন-
কোণে একবার মাত্র দেখিলাম—কিন্তু সে কি দেখা?
দৃষ্টি-কোণের অর্ধেকের অর্ধেক তাহার অর্ধেক (আধক
আধ আধ) দিয়া যে অবধি (যব ধরি) কানাইকে দেখিলাম,
সেই হইতে আমাকে কত শত কোটা মদন-বাণে অর্জরিত
করিতেছে, এখন আমার প্রাণ থাকে কি ধর, তাহাই
সংশয়-স্থল হইয়া দাঁড়াইয়াছে।

আধ নয়ন কিয়ে তাকর আধ।

কত বা সহব মনসিঙ্গ অপরাধ ॥—বিদ্যাপতি

অর্ধেক নয়নে—তাহাও নয়,—তাহারও অর্ধেক দৃষ্টিতে
তাহাকে দেখিলাম। আমি মদনের অত্যাচার আর কত
সহ করিব?

মনে করি, সেই শ্রামল স্তম্ভর রূপ একবার ভাল করিয়া
দেখিয়া লই। কিন্তু কেমন করিয়া দেখিব! অল্পমাত্র
দেখিয়াই আমার এই অবস্থা, ভাল করিয়া দেখা বুঝি আমার
ভাগ্যে নাই।

ছহঁ লোচন ভনি

যো হরি হেরই

তহু পায়ের মঝু পরণাম।

যে সৌভাগ্যবতী ছ'নয়নে ভরিয়া শ্রামরূপ দেখিতে
পারেন, তাহার পায়ের আমার শত শত প্রণাম! আমার
ধারণাতেও আসে না, যে সে মোহন রূপ কেমন করিয়া
নয়ন ভরিয়া দেখা যায়। সেই রূপ নয়ন ভরিয়া দেখিলে
বাঁচিয়া থাকি যায় কি?

শ্রামরূপ দেখিয়া অবধি শ্রীরাধিকার ভাব-বৈপরীত্য

ঘটিয়াছে। এখন আর সে বালিকা-সুলভ চঞ্চলতা নাই।
এখন—

সদাই খেয়ানে

চাহে মেঘপানে

না চলে নয়নের তারা।

বিরতি আহারে

রাজা বাস পরে

বেমতি যোগিনী পাণা ॥—চণ্ডীদাস

তাহার মুখে হাসি নাই। ধ্যান-ধরা যোগীর মত মেঘের
দিকে তাকাইয়া থাকে। যোগিনীর মত গেরুয়া বসন
পরিধান করে। আবার কখনও কখনও নীল শাড়ী পরিয়া
শ্রামা সখীর কোলে গড়াইয়া পড়ে।

লোচনে শ্রামর

বচনাই শ্রামর

শ্রামর চাকু নিচোল।

শ্রামর হার

হৃদয়ে মণি শ্রামর

শ্রামর সখি করু কোর ॥—গোবিন্দদাস

শ্রীরাধার এই তনয়তা প্রেমের পরাকাষ্ঠা। তাহার
চক্ষু সর্বদা শ্রাম-রূপে পরিপূর্ণ—রূপে ভরল দিষ্টি।

যদি নয়ন যুদে থাকি,

অন্তরে গোবিন্দ দেখি

নয়ন মেলিয়া দেখি শ্রাম ॥—বহনন্দন

তাঁহার কর্ণযুগল সর্বদাই তাঁহার বাঁশীর গানে ভরপুর—
'মোহন যুরলী রবে শ্রুতি পরিপূরিত'। অল্প শব্দ সেখানে
প্রবেশ করে না। নাসিকা শ্রাম-অঙ্কের পরিমলে উন্মত্ত।
তিনি নিজে বলিতেছেন—সখি,

খাইতে শুইতে রৈতে

আন নাহি লয় চিতে

বঁধু বিনা আর নাহি ভায়।

বঁধু ভিন্ন আমার আর কিছুই মনে পড়ে না। আমি
এখন কি উপায় করি, তাই বল। পদকর্তা বলিতেছেন,
এমন পিরীতির বালাই বাই! এমন প্রেম যাহার হয়,
সে নিজে ধন্য হয় এবং অগতঃকেও ধন্য করে।

মুরারি গুপতে কহে

পিরীতি এমন হৈলে

ভার গুণ তিনলোকে গায়।

রাধার ব্যথায় সখীরা সকলেই ব্যথিত। তাহাদের
মত ব্যথার ব্যথিত কে আছে? বৈষ্ণব কবিতা এদিকে
রাধার ব্যথা যেন নিপুণ তুলিকার আঁকিয়াছেন, সখী-
দিগকেও তেমনি অপূর্ণ সমবেদনায় সূচাইয়া তুলিয়াছেন।
শ্রীমতী কাদিয়া কাদিয়া সারা হইলেন। সারারাত্রি তিনি
রোদন করিয়াই কাটান।

জাগিয়া জাগিয়া হইল ধীন ।

অসিত চান্দ্রের উদয় দিন ॥—জ্ঞানদাস

জাগিয়া জাগিয়া তাহার তনু ক্ষীণ হইয়াছে, যেন দিনের
বেলায় কৃষ্ণপক্ষের চাঁদ উঠিয়াছে—শোভাহীন, মলিন ও
ক্ষীণ ।

সখীরা দেখিলেন রাধার প্রেম বিরহের আঙুনে
শোড় খাইয়া বিষুদ্ধ স্বর্ণের গায় উজ্জ্বল হইয়া উঠিতেছে ।
কিন্তু তাঁহার জীবন-রক্ষা হওয়া কঠিন হইল ।

তখন সখীরা যুক্তি করিয়া মাধবের নিকট গিয়া সে
কথা বলিলেন । কিন্তু সূচত্বর-শিরোমণি তাহা উড়াইয়া
দিতে চাহিলেন ।

রাইক রাগ কহনি বহু মোয় ।

কৈছনে ঐছন সাহস হোয় ॥—রাধামোহন

রাইয়ের অনুরাগ-সম্বন্ধে অনেক কথা আমায় বলিলে,
কিন্তু আমার এরূপ সাহস হইবে কেমন করিয়া ? পরনারী
গ্রহণের মত পাপ নাই, জাপ্রাণ অবস্থা দূরে থাক, স্বপ্নেও
আমি এসব কথা কখনও ভাবিতে পারি না ।

সখি হে পরিহর বচন-বিলাসম্ ।

গোপ শিশুনাং বিদিত মিদং মম

জনয়তি গুরু পরিহাসম্ ॥—রায় রামানন্দ

সখি, এসকল বাক-চাতুর্য্য পরিত্যাগ কর । আর
কখনও এরূপ বলিও না । ছি-ছি ! গোপ-বালকেরা
ইহা শুনিলে আমাকে অত্যন্ত পরিহাসাম্পদ হইতে হইবে ।

সখী ছলছল নেত্রে ফিরিয়া আসিলেন । আসিবার
কালে চোখের জলে তিনি পথ দেখিতে পান না, এমন
অবস্থা । ‘লোরে পছ না হেরি ।’

শ্রীমতী তাহার নিকট সমস্ত কথা শুনিয়া মরিবার জন্ত
কৃতসংকল্প হইলেন । বলিলেন, তোমরা আমার যাহা জন্ত

করিয়াছ, তাহা বধেট । তোমাদের আর কোনও দোষ
দি না । তোমরা কাঁদিতেছ কেন ?

মঝু লাগি যতন করলি হুঃখ পায়লি

দৈবহি যদি নহ কাজ ।

তুহুঁ কাছে বিরস বদনে ঘন রোয়লি

ফিরে পুন করলি অকাজ ॥

—রাধামোহন

তোমরা আর কাঁদিও না । বরং আমার এই একটা
উপকার করিও । আমি এই বৃন্দাবনে যখন দেহত্যাগ
করিব, তখন আমার স্মৃত তনু তমালের শাখায় বাঁধিয়া
রাখিও, বৃন্দাবন-ছাড়া করিও না । কেন না, মরিলেও তাহার
অঙ্গ-পরিমলে আমার শান্তি হইবে ।

কবহুঁ শ্রাম তনু

পরিমল পায়ব

তবহুঁ মনোরথ পূর ।

—রাধামোহন

প্রেমের শেষ দশা মৃত্যু । সত্য যাহার প্রেম হয়, সে
ক্রিয়তমের বিরহে বাঁচিয়া থাকে না । আবার প্রেমের
অন্ত যে মরিতে পারে, তাহার প্রেম কখনও নিফল হয় না ।

শ্রীকৃষ্ণ বুঝিলেন রাধার প্রেম গঙ্গাজলের ন্যায় পবিত্র ।

অকৈতব কৃষ্ণ-প্রেম

যেন জাম্বুনদ হেম

সেই প্রেম নুলোকে না হয় ।

যদি তার হয় রোগ

না হয় তার বিয়োগ

বিয়োগ হইলে না জীয়য় ॥

—চৈতন্য-চরিতামৃত

বিষুদ্ধ স্বর্ণের মত তাহা চিরদিন অমলিন, তাহার ।
তখন তিনি রাধার কথা সর্বদা ভাবিতে লাগিলেন ।

রাধামাধায় হৃদয়ে ততাজ ব্রজসুন্দরী :—জয়দেব

তখন শ্রীকৃষ্ণ শ্রীরাধাকে হৃদয়ে স্থাপন করিয়া অন্য

ব্রজসুন্দরীগণকে পরিত্যাগ করিলেন ।

কোজাগরী পূর্ণিমা

[শ্রীতারাপ্রসন্ন ভট্টাচার্য্য]

কোজাগরী আছে আজ এই নিশীথে? প্রদোষে মাতৃপূজায় উদ্বুদ্ধ হইয়া—মাতৃচরণে পূর্ণাঞ্জলি প্রদানে শক্তিশাল্য করিয়া—হরিণীর অপূর্ব জ্যোতির্দর্শনে তম ও রজ্য বিদূরিত করিয়া কোন্ সন্তান আজ এই নিশীথে অক্ষক্রীড়াপরায়ণ হইয়া জাগিয়া আছে? কোন্ সন্তান মাকে দেখিবার জন্য আজ উন্মুখ হইয়া আছে? যে জাগিয়া আছে—মাতৃদর্শনের জন্য উন্মুখ হইয়া আছে, মা আজ তাহারই নিকট বরদারূপে আবির্ভূতা হইবেন—তাহাকেই আজ বিত্তপ্রদানে সমৃদ্ধিশালী করিবেন। ইহাই কমলা মায়ের অমৃতগাণী। প্রতি বর্ষেই লোকমাতা কমলা তাঁহার প্রত্যেক সন্তানের নিকটে এইরূপে নিশীথে আসিয়া থাকেন। কিন্তু অচেতন-নিদ্রায় অভিভূত আমরা মাকে দেখিতে পাই না—তাঁহার আবির্ভাব লক্ষ্য করিতে পারি না। তাই ঋষি আমাদের জাগাইবার জন্য বলিয়া গিয়াছেন,—

নিশীথে বরদা দেবী কো জাগর্তীতিভাষিণী ।

তস্মৈ বিত্তং প্রযচ্ছামি অকৈঃ ক্রীড়াং করোতি যঃ ॥

কিন্তু এ জাগরণ কোন্ জাগরণ—এ অক্ষক্রীড়াই বা কিরূপ অক্ষক্রীড়া? এই তো কমলার শত শত সন্তান প্রদোষে মাতৃপূজা সম্পন্ন করিয়া—শঙ্খ-নির্ঘোষে দিগ্‌মণ্ডল সুপবিত্র করিয়া—সমস্ত রজনী অক্ষক্রীড়ায়—তাস, পাশা, দাবা খেলায় জাগিয়া কাটায়। ঠিক, তাহাদের নিকট তো বরদারূপিণী কমলার আবির্ভাব হয় না—কি পার্থিব, কি শ্রদ্ধানিষ্ঠাদি অপার্বিণী, কোন বিত্তই তো মা তাহাদিগকে প্রদান করেন না। উত্তর বিত্ত হইতেই তো আমরা ক্রমশঃ বঞ্চিত হইয়া পড়িতেছি। ইহা একমাত্র কারণ, মাতৃপূজাদি কোন অনুষ্ঠানই আমাদের সত্য প্রতিষ্ঠিত নহে। ঋষি বলিয়াছেন,—সত্যমেব জয়তে, সত্যই জয়যুক্ত হয়, মিথ্যা কখন বিরয়শ্চীক আনিবন করিতে পারে না, ক্রিয়ার সফলতা সত্যপ্রতিষ্ঠার উপরই নির্ভা করে—সত্যপ্রতিষ্ঠার

ক্রিয়াকলাশ্রয়ত্বম্। স্মৃতিস্মরণ লোকসকল হইতে দেবশক্তি অথবা মাতৃশক্তিকে এই স্থূল লোকে আবির্ভূত করাইয়া মানবের ঈশ্বর কামনা পূর্ণ করিতে—মনুষ্যকে কৃতার্থ করিতে একমাত্র সত্যই সমর্থ। কিন্তু আমরা এই সত্য হইতে বহুদূরে রহিয়াছি বলিয়া মাতৃপূজা করিয়াও তাহার ফল হইতে আমরা বঞ্চিত—মা আমাদের দ্বারে আসিয়াও প্রত্যাখ্যাত।

সত্য ও মিথ্যা এ দুইটাই মায়ের রূপ—উপনিষৎ ইহা বলিয়াছেন। তন্মধ্যে দেবরূপ সত্যপরায়ণ; তাই তাঁরা অমৃতসেবী—অমর; মনুষ্য অনুতপরায়ণ—তাই মৃত্যুই তাহার পরিণাম। কিন্তু মনুষ্য তো দেবতারই স্তায় মায়েরই—অমৃতেরই সন্তান। স্মরণঃ অমৃতনাভে তাহারও অধিকার আছে এবং সেইজন্যই তাহার মাতৃপূজার এ আয়োজন। মনুষ্যের মাতৃপূজা—মিথ্যা হইতে সত্য পৌছিবার জন্য, অসৎ হইতে সতে গমনের জন্য, মৃত্যু হইতে অমৃতত্ব প্রাপ্তির জন্য। আর দেবতার পূজা আত্মরমণের জন্য। উভয়েই পূজা করে—ফল উভয়েরই পৃথক্। কিন্তু যে সন্তান আজ মাতৃদর্শনে অভিলাষী—যে মিথ্যাকে মায়েরই রূপ-সত্যেরই প্রকাশ বলিয়া, ঋষিবাক্যানুসারে দর্শন করিতে শিখিয়াছে, সে তো চতুর্দিকে আজ মায়েরই রূপ দেখিবে, মায়েরই কর্তব্যর শুনিবে, মায়েরই স্নেহকোমল স্পর্শ অনুভব করিবে। সত্যকর্ত্তে—সত্যমন্ত্রে সে আজ মাকে আহ্বান করিবে। তাহার সে অগ্নিসম সত্যআহ্বানে দহরের মিথ্যা আচরণ ভস্মীভূত হইয়া, সত্য-হরিণীর হিরণ্ময় মন্দিরের জ্যোতিতে তাহার মোহনিদ্রা ভাঙ্গিবে। সে জ্যোতিঃ-স্নাত হইয়া মাতৃপূজায় উদ্বুদ্ধ হইবে—সে জাগিবে, সে ক্রীড়াপরায়ণ হইবে, সে মায়ের বিত্ত—মায়ের বিত্তই লাভ করিবে।

অচেতন জগতে এই যে আমাদের জাগরণ ও দিবা, সত্য দৃষ্টিতে ইহারই তো নাম নিদ্রা ও রাত্রি—ইহা মাতৃপূজার পরিপন্থী। আর জীব-দৃষ্টিতে যাহা রাত্রি ও নিদ্রা, সত্য

দৃষ্টিতে তাহাই তো দিবা ও জাগরণ। এই দিবা ও জাগরণই মাতৃপূজার প্রথম মণ্ডপ।

যা নিশা সর্বভূতানাং তস্তাং জাগতি সংযমী।

যস্যং আগ্রতি ভূতানি সা নিশা পশ্যতো যুনেঃ

সংযমী যেখানে জাগেন, ভ্রষ্টা মুনি যেখানে স্বসম্পন্ন হন, তাহাই প্রকৃত জাগরণের ক্ষেত্র—প্রকৃত অক্ষক্রীড়ার ভূমি অচেতন জগতে অক্ষের—ইন্দ্রিয়ের ক্রীড়া কখন সম্ভব হইতে পারে না। এখানে ইন্দ্রিয় অবয়ববদ্ধ—প্রণালীবদ্ধ অচেতন প্রাচীরে তাহার গতি রুদ্ধ। ইন্দ্রিয় তো ইন্দ্র আত্মারই প্রকাশ—“ইন্দ্রস্য আত্মনো লিঙ্গাং ইন্দ্রিয়ম্।” আত্মাই তো কথা কহিয়া বাক্য, দেখিয়া চক্ষু, শুনিয়া শ্রোত্র, মনন করিয়া মন হইয়াছেন—“বদন্ বাক্, পশ্যান্ চক্ষু, শৃণ্বন্ শ্রোত্রং, মন্বানো মনঃ।” কিন্তু এখানে সে শক্তি রুদ্ধ আর ঐ ক্ষেত্রে—ঐ জাগরণের ভূমিতে ইন্দ্রিয় নিরবয়ব মায়েই শক্তি এবং সম্ভান ওখানে চেতনাত্মক। সেখানে মায়ে ও সম্ভানে ক্রীড়া, অচেতন নাই, দ্বিতীয় নাই—কোন বাধা নাই, কেবল মাতৃক্রীড়া, আত্মক্রীড়া—এবং সেই ক্রীড়ারই ফলরূপে অনন্ত বিস্ত—অনন্ত বিভূতির

প্রকাশ—চন্দ্র-সূর্য্য, গ্রহ-নক্ষত্র, হ্য—ভূঃ—অনন্ত জগতের উদ্ভব। পূর্ণ বোড়শ কলা চিহ্নিন্দুর উদয়।

আজ এই কোজাগরী পূর্ণিমায় সাধক! তোমায় ঐ ভূমিতেই জাগিতে হইবে—ঐখানেই অক্ষক্রীড়া করিতে হইবে। তবেই তুমি মাতৃ-স্তে—আত্ম বিভূতিতে সম্পন্ন হইতে পারিবে। আজ তোমায় অসত্যদর্শী হইলে চলিবে না। তোমায় দেখিতে হইবে মায়ের রূপ, শুনিতে হইবে মায়ের কণ্ঠস্বর, স্পর্শ করিতে হইবে মায়ের স্নেহকোমল হস্তস্পর্শ। এই পরিদৃশ্যমান পৃথিবী, জল, অগ্নি, বায়ু, আকাশ, ঐ চন্দ্র-সূর্য্য, গ্রহ-নক্ষত্র—এ সমস্ত কমলার রূপ বলিয়াই তোমায় দেখিতে হইবে। তারপর তোমার ইন্দ্রিয়, অন্তঃকরণবর্গ—ইহাদিগকেও মাতৃপ্রকাশ বলিয়া অনুভব করিতে হইবে। প্রতিবোধ-বিদিত অমৃতত্ব তোমায় লাভ করিতে হইবে। তবেই তুমি আত্মবীর্য্যে বীর্য্যমান হইতে পারিবে। আত্মবীর্য্যে বীর্য্যমান হইলেই তোমার দহর খুলিবে—হরিণী আসিবে এবং তখনই তুমি বলিতে পারিবে—

হিরণ্যবর্ণাং হরিণীং হিরণ্যরজতস্রজাং।

চন্দ্রাং হিরণ্যায়ীং লক্ষ্মীং জীতেবেদো মমাবহ ॥

সমালোচনা

শতনরী

“কবিত্বং হুলভং লোকে শক্তিস্তত্র সুহুলভা”

কবি করণানিধানের কাব্য-চরনিকা “শতনরী” প্রকাশিত হইল। বাণী মন্দিরের ধ্যানী সাধক কবি ভাব-সমূহে আপনাকে ডবাইয়া দিয়া যে সকল রত্ন সঞ্চয় করিয়াছিলেন, তাহার সঞ্চে আরও কয়েকটি নূতন মহার্ঘ্য রত্ন মিলাইয়া নিপুন শিল্পীর মত শতনরী পড়িয়া মহামূল্য হার রত্ন বঙ্গবাণীর কমকণ্ঠে পরাইয়া দিয়া বাংলার আজ আগমনীর আনন্দময় শুভমূহূর্ত্তক আরও আনন্দময় ও চির’ হৃন্দর করিয়া তুলিয়াছেন।

আমরা মুক্তকণ্ঠে বলি কবির শতনরী পাখা সার্থক হইয়াছে। বাহাদের রঙ্গ-বেরঙ্গের সারঙ বীণার সুর-লহরী অতীরের মহা-প্রহানকে মুগ্ধ করিয়া রাখিয়াছে, বর্ত্তমানে বাহাদের সম্পদ-সম্ভারে বাণীমন্দির গৌরবময়, উজ্জ্বলময়। বঙ্গবাণী মন্দিরের বিগ্নর-কেতন তুলিয়া দুই ভবিষ্যতের যাত্রী বাহারা আসিবেন, কবি করণানিধান তাহাদেরই অন্ততম। কবির শতনরী অমূল্য গ্রন্থময়। দশবিধ

খুজিয়াও ইহার বিনিময় এখন কিছু পাওয়া যায় না তবু নিরহঙ্কার কবি দশবিধের স্রষ্ট ইহার বিনিময় নির্বেদ করিয়াছেন দশখানি দিকি। আরুর্ষে:নঃ পবিত্রাণা মনে পড়ে, “বজ্রাভাবে বরাটিকা—” “হীরার বদলে কড়িভঙ্গ।”

কবির যথা-সম্মিবেশ রত্ননিচয়ের গাঁথুনিতে বেশ কৌশল দৃষ্ট হয়। মহামূল্য রত্ন যখন কাহাকেও দান করিতে হয় তখন তাহার বন্ধুদের আহ্বান করিয়া প্রথমে “কানে কানে” গোপনে বলিয়া দান করে। দানের পর তাহা আর গোপন থাকে না। তখন সে দান দ্বিপ্রহরের উজ্জ্বল আলোকের মত প্রকাশমান। কবি তাহার “কানে কানে” কবিতাজীতে “শুভ্র নীরবতা” মাঝে মাঝে লইয়া প্রকৃতির গোপন নির্ব্যবারতা গুণিতে উদ্ভোগী হইয়াছেন,

“হের, সখি, আঁধি ভরি’ শুভ্র নীরবতা,

পাহাড়ের দুটি পাখ, জ্যোৎস্না আর মসী।

নিখর নিশার কঠে কি দিবা বারতা,—

কান পেতে শোন' হেথা বালুতটে বসি ।"

জ্যোৎস্নাতা বামিনী, সমুখে পাহাড়, নীল নিশার নদী-সৈকতে বসিয়া সন্ধ্যার সঙ্গে প্রকৃতির দিব্য গোপন বারতা শুনিতে কবি উন্মত্ত হইরাছেন। ইহা কবিরই সম্ভবে, হাজার হাজার বছরের প্রকৃতির লুকান কথা কবিই ধরাইয়া দিতে পারেন, আর পারে বৈজ্ঞানিক। বৈজ্ঞানিকের বিশ্লেষণ বড়ই মূর্খি দেখির কবি আশ্রয়হারা। বৈজ্ঞানিক তাহাকে মরুময়, জলবায়ুহীন দক্ষ পাহাড় বলিয়াছেন। বৈজ্ঞানিকের উক্তি যতই সত্য হউক না কেন, সৌন্দর্যের চির-উপাসক মানব চন্দ্রগোকে আশ্রয়হারা হয়, তাই সেদিন বাংলার একজন বুদ্ধ কবি জেনেরে সহিত বলিয়াছেন,

"বিজ্ঞানের সুত্তিবুদ্ধ বর্ধাৰ্ঘ বচন

কবি করনার কাছে না পার সন্মান ।

অতীত যুগের কবিসম্রাট চন্দ্রের কলকে মুগ্ধ হইয়া বলিয়াছেন মলিনমপি হিমালয়শোলম্ব লক্ষ্মীং তনোতি"

বার্দ্ধক্যের প্রথম যাত্রী কবির 'মানসী' "বাসন" কবিতা পল্লী-শিশুর সরলতার, যুবকের উদ্ভমে ও বৃদ্ধের ধর্মপ্রবণতার গড়িয়া উঠিয়া কেমন একটা মিশ্র নূতন সৃষ্টির বৈচিত্র্য ফুটিয়া উঠিয়াছে, সাবল্যে,—

"ছুটব আসি সরল প্রাণে

পর্কুটির হ'তে,

ধান-সচোন মাঠের হাওয়ার

ছুটব আলি-পথে ।

বনের মাথার আঁধার ফুঁড়ে,

শুক তারাটি আগবে ছুরে,

কান জুড়াবে পাখীর গানে

হরের মিঠে শ্রোতে ।"

উদ্ভমে,

"এলিয়ে দেব নগ্ন বাছ

গাঙ্গের রাজা জলে,

ঝাণিয়ে গড়ে' উজান বা'ব

চেউয়ের টলমলে ;

ভুজ্ব ক'রে জোয়ার-ভাটা

এপার ওপার সাতার কাটা,

নাচবে আলো জলের বুকে,

শীল আকাশের ডলে ।

ধর্মপ্রবণতার—

"সুমনতে বাব ভারত কথা,

সামান্যের গান,

সীতার হুখে চোখের জলে

গলবে মন প্রাণ ;

বনবাসের করুণ কথা,

শুনতে বুকে বাজবে ব্যথা,

কিন্তু বয়ে হুঃখ ভরে

সুখ ত্রিরমাণ ।

আজ এই জীবনের অপরাহ্নে কবির 'অতীত' কবিতাটি মনের সঙ্গে একেবারে হর মিলাইয়া বক্তার দিয়া উঠিয়াছে। মনোবিজ্ঞানে একটা দিক কবিতা ছন্দে ফুটাইয়া তোলার ক্ষমতা কবির পক্ষে সম্ভব। আমরা উহা হইতে কিছু কিছু উদ্ধৃত করিবার লোভ সংযরণ করিতে পারিলাম না—

"নাই সে সরল

কিশোর বয়স

সাজ হুখের খেলা

আত্মবনে সখার সনে

প্রাণের কথা বলা,—

মিলিত কত খেলার সাথী

সাঁকেব বেলাটিতে,

আসছে ভাসি' জাঁদের হাসি

স্বভির তটিনীতে,—

প্রৌঢ়ের শেষ প্রান্তে আসিয়া কবির প্রাণে অতীতের কথা নূতন করিয়া বক্ত হইয়াছে। এমন এক দিন ছিল যখন আগমনীর আগমনে প্রাণ মাতিয়া উঠিত ।

"হল-কমলে করুত আলো

দস্ত-নীষি'র তীর,

'চাল চিহ্নির করত 'পোটে

সিংহ বাহিনীর—

আগমনীর মলিত বরে

ঘরের ছেলে 'করত ঘরে,

বহর পরে কোলাকুলি

ভাসন রজনীর ।

কবি করুণানিধানের কবিতাগুলির তৎ তৎ ভাবানুধারী ছন্দে একটা বৈশিষ্ট্য আছে, বাহা বাংলার অনেক কবির কবিতার সচরাচর দৃষ্ট হয় না। আমরা এবাবৎ অল্প প্রসঙ্গে যে দু-চারটি কবিতা উদ্ধৃত করিয়াছি, তাহাতেও এ নিয়মের অস্তথা হয় নাই। তবুও দৃষ্টান্তস্বরূপ একটা কবিতা উদ্ধৃত করিয়া এ বিষয়ে প্রতিনিবৃত্ত হইব। কবিতাটি 'বসন্ত বিলাস', যে সময় প্রকৃতির পুলক নৃত্য, তখন হৃদয় সর্বনশীল ।

"আজি কান্তন-বন-পল্লব-হার কোন কোন রঙ ফুলে ?

কেন কিংকক ফুল চীমবাস গার চকল হয়ে উঠিল ?

পিক পকম গায়

বর দক্ষিণ বায়

নাচে ফুল হিন্দোল, ছন্দের হোল, ঘোমটার জের টুটল।

কাব্যের আন্দোলন “বাক্য, রসায়নকং ; কাব্য” রসের বিকাশেও এই কবিতা গ্রন্থখানি বেশ উৎকর্ষ লাভ করিয়াছে। নিপুণ কবি করণ করে যে স্থানে রসের বিকাশ করিয়াছেন, বাস্তবিকই সে স্থানে অশ্রুসংবরণ কর! সম্ভবপর হয় না। “উদ্দেশ্যে” কবিতায় যেখানে বিরোগ-বিধুর কবি গায়িতেছেন—

“গেছে বসন্ত গোরি আমার

নিছিয়া মুছিয়া সকল সাধ,

শোন' কাণ পেতে কলিঙ্গা ভরিয়া

শুধরে গোপন আর্তনাদ।

অরি চারুতমে চির সখি মোর,

বারণ মানে না মন-কীদন,

ধরের ভিতর সহি পরবাস,

জনতাব মাঝে নির্ঝাঁসন।”

দুব অতীতে শুনিয়াছি কবিসম্রাট কালিদাসের বিরোগিনী ছন্দে পত্নীবিলাস আর শুনিলাম বাংলার বিরোগিনী ছন্দে পতিবিলাস, মূর্ত্ত করণ রসের উৎস।

ভক্ত কবি যেন জয়দেবের সঙ্গে সঙ্গে ধ্যানমগ্ন হইয়া কবিতাকে প্রথম রসের ভাবধারায় সিক্ত করিয়া তুলিয়াছেন,—

রক্ত তারবহিনেত্র, মৃত্যু মুক্ত অনন্ত জীবন—

হরিল বেদীর পরে অন্তরঙ্গ পূর্ণ সনাতন,

নির্ঝিকার, নির্ঝিকল্প, সর্বরূপ, সর্বরূপোত্তম,

নীলমাধবের কান্তি উজালছে স্থাবর জঙ্গম।—

কিশোর সেদিন হ'তে রহিল সে দেবপুরী মাঝে

ভুবন-পাবনী বীণা সদা তার হৃদয়কণ্ঠে বাজে।

অলঙ্কারের সমাবেশেও এই গ্রন্থখানি ভরপুর। বিশেষতঃ স্নেহপ্রাণের নিবেশে ভাবার মাধুরী বাড়িয়া গিয়াছে। দৃষ্টান্তস্বরূপ একটি আন্তিম অলঙ্কারের উদাহরণ দিতেছি। বাক্য ভাবার এইরূপ আন্তিম অলঙ্কারের সমাবেশ বড় বেশী দেখিয়াছি বলিয়া মনে পড়ে না। ‘মর্গর স্বপ্ন’ (ভাঙ্গমহাল) ইহার শিল্প চাতুর্য্য জগতে বিখ্যাত। মণি দিয়া গড়া পদ্মকিশলয়, মণিনির্মিত লত দেখিয়া অমরগুলি যুরিমা কিরিয়া তাহাদেরই উপর আহড়াইয়া পড়িতেছে।

“মণি কিশলয়ে কল্প-লীলার

ফুটেছে লতিকা বিলাস-শিলার

পড়ে চলি চলি

প্রভারিত অলি

ভুলি' গুল্লর তান।

কবির প্রতিভোৎসাহিত এই অলঙ্কারের সমাবেশে শিল্পীর কলা-চাতুর্য্য যেন উৎকর্ষ লাভ করিয়াছে। শতনরীর প্রত্যেক কবিতাটা মধুময়। কোনটাকে বাদ দিয়া কোনটার সমালোচনা করিব বুঝিতে না পারিয়া দিশাহারা হইয়াছি। কবি তুমি মালা গাঁথিতে যে বন্দনা গীতি গায়িয়াছ তাহা সার্থক হইয়াছে, তোমার কণ্ঠে কণ্ঠ মিলাইয়া আমরাও বলি—

‘তব আরতির পূজা-উপচার

সাজায়ে আজি

অঞ্জলি ভরি' এনেছি জননি

কুহুম রাজি ;

জ্যোৎস্না-রেণুর ঝিকিঝিকি রচি'—

আঁচল-ভাজে,

দাঁড়াও আসিয়া আমার মানস-

সরসী মাঝে।”

শ্রীযামিনীরঞ্জন সেন

জানবার কথা

কায়স্থ-সমাজ, শ্রাবণ ১৩৩৭

আর্ঘ্য-মহিলার সীমস্ত এবং সিন্দূর—শ্রীঅখিলচন্দ্র ভারতীভূষণ। বাম হাতের প্রকোষ্ঠে লোহার একগাছিকঙ্কণ সিঁধির উপরে সিঁহুরের রেখা অনেকদিন হইতেই বাঙ্গালা-দেশের মহিলাদের সৌভাগ্যের—প্রধান চিহ্ন বলিয়া গণ্য হইতেছে।

ভট্ট ভবদেব খৃষ্টীয় একাদশ শতকে এবং ভূপতি পণ্ডিত

পশুপতি খৃষ্টীয় দ্বাদশ শতকে বাঙ্গালা-দেশের ব্রাহ্মণদিগের দশবিধ সংস্কারের পদ্ধতি লিখিয়া গিয়াছেন। তাঁহাদের সেই পদ্ধতি অবলম্বন করিয়াই বাঙ্গালার সামবেদীয় ও যজুর্বেদীয় ব্রাহ্মণদিগের গৃহ সংস্কারগুলি আজিও সুসম্পন্ন করা হইতেছে। তাঁহারা উভয়েই বর কর্তৃক বধুর সীমস্তে সিঁহুর দানের উপদেশ দিয়াছেন। এই প্রমাণ হইতে দেখা বাইতেছে যে, সহস্র বৎসর বা তাহারও

অধিক কাল হইতে এ দেশের শিষ্ট-সমাজে বিবাহিতা নারীর সীমস্তে সিন্দুর পরিবার সঙ্গাচার চলিয়া আসিতেছে।

তাত্ত্বিক দেবদেবীদিগের পূজার্চনার ব্যাপারে ঘটস্থাপন এবং অন্যান্য কার্যে সিন্দুরের ব্যবহার প্রচুর দেখিতে পাওয়া যায়, পক্ষান্তরে, বৈদিক কোনও আচার বা অনুষ্ঠানে উহার ব্যবহার আদৌ খুঁজিয়া পাওয়া যায় না। বিবাহ বৈদিক সংস্কার,—এই সংস্কারের অনুষ্ঠানগুলির ভিন্ন ভিন্ন বেদান্তগত গৃহসূত্রের ব্যবস্থা দ্বারা সম্পাদিত হইয়া থাকে। গৃহসূত্রাবলীর স্তায় স্মৃতি সংহিতা এবং পুরাণ শাস্ত্রেও গৃহস্থের অবশ্য কর্তব্য সংস্কারগুলির অস্বাধিক পরিচয় প্রদত্ত হইয়াছে। গৃহসূত্র, স্মৃতি এবং পুরাণশাস্ত্রে বিবাহ সংস্কারের অঙ্গস্বরূপ বরকর্তৃক “বধুর সীমস্তে সিন্দুর-দানের” কোন ব্যবস্থা আমরা খুঁজিয়া পাই নাই।

ক্ষেত্র বিশেষের অভ্যাস, আচার এবং সংস্কারের ফলে, নারীর মাথার কেশরাশিকে দুই ভাগে বিভক্ত করিয়া পথ বা রেখা প্রস্তুত করিয়া তাহার “সীমস্তা” রচনা করিয়া দেওয়া হয়। সেই সময় হইতেই তিনি “সীমস্তিনী” আখ্যা লাভ করিয়া থাকেন।

বিবাহিতা তরুণীর প্রথম গর্ভ যখন ছয় মাসের (কিংবা কিছু অধিক দিনের—বাহার যেমন কুলাচার, তেমন সময়ে) হয়, সেই সময়ে এক নির্দিষ্ট দিনে স্বামী স্বয়ং বেদমন্ত্র পাঠের সহিত বেশ ঘট করিয়া সেই নুগ্ন গর্ভিনী পত্নীর সিঁথিটিকে অতি যত্নের সহিত প্রথম তুলিয়া দেন বা “সীমস্ত”কে “উন্নয়ন” করিয়া দেন। ইহার নাম “সীমস্তোন্নয়ন সংস্কার” অর্থাৎ নারীর মাথার চুলে প্রথম সিঁথি পাড়ার উৎসব। কুমারী কন্ডার কেশে “সীমস্ত” থাকা দূরে থাকুক, প্রথম গর্ভ হওয়ার আগে—গর্ভের বয়স অন্ততঃ ছয় মাস হইবার আগে, কোন নবপরিণীতা যুবতীর মাথার চুলের কোথায়ও কোন কেশবর্ষ বা সিঁথির অস্তিত্বই থাকিত না। সেই “সীমস্ত উন্নয়ন সংস্কারের” অর্থাৎ “সিঁথিটি তুলিয়া দিবার উৎসবের আগে বিবাহিতা তরুণীর মাথার চুল সম্মুখ হইতে একত্র স্ফটিককে টানিয়া সংযত করিয়া বেণী বা কবরী রচনার রীতি ছিল।

সিন্দুর কি এবং কোথা হইতে এরূপ অপ্রতিদ্বন্দ্বী সন্ধান লাভ করিয়া বলিল? নারীগণের প্রসাধনের অঙ্গস্বরূপে ব্যবহৃত হয় বলিয়া “শূদার” সীমস্ত হইতে উহার উৎপত্তি

জন্ত “নাগসস্তব” সীমস্ত হইতে উৎপন্ন অথচ লোহিত হেতু “নাগরক্ত” (Redlead), চীন দেশ হইতে আনা হয় সেই কারণে ইহাকে “চীনপিষ্ট”—নামে সংস্কৃত ভাষা কোষে সিন্দুর পরিচিত হইয়াছে। সীমস্ত হইতে উৎপন্ন এবং চীনদেশ হইতে আনীত (Red lead বা চীনা সিন্দুর) সিন্দুরের বর্ণ প্রকৃতই উজ্জ্বল লোহিত শোণিত সূক্ষ্ম। তৎপরে পরকর্তীয় অরণ্যপ্রদেশসমূহে অরণ্যভীত কাল হইতে নিষাদ, শবর, কোল বা কোল এবং ভীল বা ভীল প্রভৃতি নানা অসভ্য জাতির (যুরোপীয় পণ্ডিতেরা যাহা দিগকে “আদিম জাতির লোক” বলেন) লোক বসতি করিয়া আসিতেছে। শ্রীমহামহারাজের বর্ণিত আট রব বিবাহ প্রথার উল্লেখ আছে। উহার। সেই অরণ্যভীত কাল হইতে নিজের স্ত্রী “গোষ্ঠ” বা “দল” বা নিকটবাসী সভ্যসভ্য যে কোন জাতি বা হইতে ছলে বলে বা কৌশলে বিবাহযোগ্য কন্ত হরণ করিয়া আনিত এবং পশ্চিমধ্যে কিংবা নি অধিকারে আনিয়া যদি হরণকারী যুবক নিজের এ আঙ্গুল কাটিয়া সেই রক্তের দ্বারা সেই অপহৃত কন্ত ললাটে একটা ছাপ বা ফোটা দিতে পারিত, তাহা হইতে অনার্য জাতির অনিধিত কিন্তু চিরাগত আইন অনুসারে সেই কন্ডার উপরে তাহার স্বত্ব-স্বামিত্ব নিয়তিবন্ধনের অটুট ও চিরস্থায়ী বলিয়া গণ্য হইত। শক্তি অথবা স্মা থাকিলেও এরূপ শোণিত মুদ্রায় মুদ্রিত বা লাঙ্ঘিত কন্ডার তাহার পিতৃমাতৃকুলের কোন আত্মীয়-স্বজন কিরাইয়া লইতে পারিত না; আর ষতদিন সেই শোণিত-মুদ্রার কথা স্মৃতি থাকিত, ততদিন পর্যন্ত স্বজাতীয় অথবা বিজাতীয় কে পুরুষই তাহাকে অহিংস উপায়ে লাভ করতে সমর্থ হইত না। তবে যদি কোন অধিকতর শৌর্য এবং সাহস সম্পন্ন বীরপুরুষ ধন্যযুদ্ধে অথবা সংগ্রামে পূর্ব স্বামীকে নিহত করিবার পর সেই নারীকে নিজের আয়ত্তে আনিয়া আপন। আঙ্গুল কাটিয়া সন্তুষ্কতমিঃস্মৃত শোণিতের দ্বারা তাহার ললাটে একটা ছাপ বা ফোটা দিতে সমর্থ হইত, তাহা হইত সন্তুষ্কতমিঃস্মৃত সেই নারীর উপর হইতে পূর্ব স্বামীর স্বামি অপগত এবং নূতন ধর্ষণকারীর স্বত্বাধিকার সূত্র হইত। আরও এরূপ জাতির কোন অনূঢ় যুবকযুবক পরস্পরের প্রেমের আকর্ষণে আকৃষ্ট হইয়া খেচ্ছাক্রমে পিতৃ গৃহ পরিত্যাগ করিয়া যখন পলায়ন করিত, তাহার। তখন দুই জনেই নিজের আঙ্গুল কাটিয়া উভয়ের দেহনিঃসৃত শোণিত একত্র মিশাইয়া লইয়া যুবক সেই রক্তের দ্বারা তরুণীর ললাট রঞ্জিত করিয়া উভয়ের মধ্যে মিলনের প্রতিজ্ঞাকে অপরিবর্তনীয়—চিরস্থায়ী করিয়া দিত।

